

59


6
10
23

109
4
c/c

SCS #1424

T. F. Torrey .

SCS #1424



ALTARE DAMASCENUM.

S E U

ECCLESIAE ANGLICANÆ

Bought at a public Auction by
POLITIA,

Pat Grant 7/77
Ecclesiæ Scoticanæ obtrusa, à Formalista quodam delineata,

ILLUSTRATA ET EXAMINATA,


Sub nomine olim EDWARDI DIDOCLAVII, studio & opera.

DAVIDIS CALDERWOOD.

*Cui locis suis interserta Confutatio Paræneseos Tileni ad Scotos;
Genevensis ut ait Disciplina zelotas.*

Et adjecta Epistola **HIERONYMI PHILADELPHI** de
REGIMINE ECCLESIAE SCOTICANÆ,
ejusque **VINDICIÆ** contra Calumnias Johannis
Spotsvodi Fani Andreæ Pseudo-Archi-
Episcopi, per Anonymum.

Editio priori longe elegantior & emendatior.



LUGDUNI BATAVORUM,

Apud **CORNELIUM BOUTESTEYN,** 1708.

2. REG. XVI.

10. *Profectus autem Rex Achaz obviam Tiglath-Pelesero Regi Assyriae Damascum, quum vidisset Altare quod erat Damasci, misit Rex ad Urijam sacerdotem similitudinem illius Altaris, & structuram ejus secundum totum artificium ejus.*
11. *Et extruxit Urija sacerdos Altare: omnino prout miserat Rex Achaz Damasco, ita fecit Urija sacerdos, dum rediret Rex Achaz Damasco.*

P R Æ F A T I O A U T O R I S.

LECTORIBUS BENEVOLIS.



Aria hostium genera fucere ab initio infesta Ecclesiæ Christianæ; Infideles, Hæretici, & aperti Apostata; occultos tamen Atheos aut Apostatas hostes non noverant nascentis aut adolescentis Ecclesiæ tempora. Hæc hora tentationis gravissimæ, quæ novissimis hisce temporibus premit Ecclesias Reformatas, detexit Desertores, seu potius prævaricatores & perfidos Proditores. Hæc quoque dura fors Ecclesiæ, quod non solum tigres, leopardi, & leones, magni animis Principes, sed etiam cervi & lepores, pusilli animis, qui nihil præclarum aut laude dignum unquam gesserunt, quos nec castra juvant, nec lituo tubæ permistus sonitus, audeant tamen fideles omni injuria lacerare, ubi nec à sicario nec à milite metuunt. Miraris, fat scio, Lector Benevole, quod in tantis angustiis non ferat opem, quantum potest, Ecclesiis Reformatis *Defensor Fidei Jacobus Rex Magna Britannia*. Titulus iste cothurnus est, & cuilibet pedi, cuilibet fidei aptari potest, non minus Papæ qui dedit, quàm vestræ. At Defensorem vultis ejus religionis, cujus in Scotia professor, quam sacramento & chirographo bis consignavit Annis 1580. & 1590. Mirarer potius, si accurreret in auxilium Ecclesiis exteris, cum in Ecclesiam Scotticam, in qua natus, educatus, qua adnitente ad Regnum in cunis evehctus est, tanto furore impetum facit. Dices, tantum expurgare Catharos seu Puritanos. Refert *Tertullianus*, in hominibus innocuis non crimen sed nomen ipsum innocuum Christiani odio fuisse. Bonus quidem vir Cajus Sejus, sed malus tantum, quia Christianus. *Catharorum & Puritanorum* odiosa sunt, non innocua, nomina. Si cum *Catharis* nec Veniam Lapsis nec Secundas Nuptias negamus, cur Cathari vocamur? Si nos impuros profiteamur, & omnium peccatorum primos nostrarum infirmitatum nobis ipsis conscii agnoscimus, cur Puritani indigitamur? Audite hostem nobis infestissimum Regem Britanniae. In Proœmio Opusculi, quod inscripsit *Basilicon Doron*, hæc habet verba. *Ad nomen ipsum Puritanorum quod attinet, non diffiteor, tituli jure, infami Anabaptistarum secta deberi, qua Familia Amoris vocatur. Hi enim se puros arbitrantur, & quodammodo vacuos peccato; se esse veram Ecclesiam, solosque dignos sacramentis; ceteros verò mortales execrabiles esse, & Deo invisos. Cum tamen nulli essent in Ecclesia Scotticana Anabaptistæ aut Familistæ, explicat, quos velit Puritanorum nomine insigniri. Veruntamen, inquit, eos quoque hoc titulo insignimus, qui quum illius secta nomen respuant, eorum tamen moribus & erroribus affines sunt, quales sunt malesani & vertiginosi Concionatores eorum discipuli, qui Magistratus contemptum & somniorum suorum & revelationum credulitate communem Anabaptistarum regulam sequuntur, propriam verò Familie disciplinam in multis aliis emulantur. Nam Prophanos æstimant quotquot in eorum verba non sunt jurati: & de minimis Politia Ecclesiastica quaestiunculis tantum excitant turbam, ac si de Sacro-*

*sancta Trinitate ageretur; conscientia sua Scripturam accomodant, non Scriptura conscientiam; quisquis minimum alicujus nugamenti apicem negaverit, statim audit Ethnicus & Publicanus, ipso Spiritu, nedum Sacramentorum communione indignus; satius esse Regem, legem, gregem pedibus conculcari, quam horum quicquam attingi, & bellum sacrum ex ejusmodi causis excitatum impia paci esse preferendum: quin Christianis Principibus non modo resistendum, sed pro illis ne orandum quidem esse. Orationem enim ex fide esse, ac eorum conscientis jam esse revelatum, ejusmodi preces Deo cura non esse. Pro Principibus Christianis non orandum, nullus inter nostros unquam asseruit. Pro Principe Apostata non orandum, docet Apostolus. Ordines in ordinem cogere Tyrannum posse, ei resistere, & è furiosi manibus gladium extorquere, verisimile est aliquos censuisse. Nam id sentiunt Viri Docti, qui *Anabaptistarum* moribus aut erroribus nihil habent affine. Alia Ordinum, alia Privatorum ratio. Scripturam actionum nostrarum regulam & normam, non somnia, non revelationes sequimur, & ad illam normam Principum etiam Edicta examinamus; Conscientiam Scripturæ accommodandam profitemur, non Conscientiæ Scripturam. Ob nugamenta & minimas de Politia quæstiunculas turbas non excitamus, nec bellum sacrum ex his causis excitatum paci præferendum judicamus: sed ea nos nugamenta non esse existimamus, quæ hostes & adversarii nugamenta esse clamitant. Non est tutum ab hoste duci & doceri. Prophanos non æstimamus, quotquot in verba nostra non sunt jurati, sed qui juramenti ludunt sicut pueri astragalus, quibus Disciplinam & Politiam Ecclesiæ optimè stabilitam, & in quam jurati sunt, oppugnare religio non est. Quinam sint isti Concionatores vertiginosi, divinare nequeo, si non illi, qui Comitum Papanorum cum Hispano in perniciem & Reipubl. & Ecclesiæ conjuratorum restitutioni & reconciliationi obstiterunt, qui jus suffragii in Comitibus regni, oblatum Ministris eodem tempore magna cum importunitate, improbarunt, partim quia ab officio Ministerialienum esse judicabant, partim quia mysterium iniquitatis Episcopalis tyrannidis & subversionis disciplinæ in eo latere perspiciebant. Qui obtestantibus nullum invehi Episcopatum, sive Romanensem sive Anglicanum, fidem non adhibuerunt. Jactitat Spotsvodus in Libello suo famoso, Regem Episcoporum gubernationem introduxisse, non confestim & momento, sed pedetentim & per intervalla, ne res agi videretur. Impudenter profitetur, dolo introductam Episcoporum dominationem. Verum, cum res ista ageretur per intervalla, obtestati sæpius disciplinam & politeiam Ecclesiæ non mutandam, ne res agi videretur. Tamen sagaciores præviderunt, & quantum poterant, ipsis malorum initiis oblectati sunt. Cumque imprudentiores in Regionum sententiam cessissent, & suffragiorum numero vicissent, animos tamen non despondent, conditionibus & legibus tanquam cancellis arctant & concludunt Ministerium, qui cum jure Suffragii federet in Comitibus, ne jura & libertates Ecclesiæ invaderet. Hæc sunt nugamenta, hæc quæstiunculæ de Politia Ecclesiæ, ob quas excitatæ turbæ. An Ministri debeant federe inter Ordines in Comitibus cum jure Suffragii? an cum jure perpetuo, vel an ad arbitrium Conventus Generalis singulis annis eligendi? Nam scripta sunt ista, cum agitarentur hæc quæstiones in Ecclesia nostra. His*

sterne,

sternebant viam ad Episcopatum. Et eorum conatus retardarunt nostri, qui sagaciores. Hi sunt illi vertiginosi, qui male sani, quia non laborabant ea capitis vertigine, qua alii. *Video, inquit Iohannes Davidsonus, catus & constans Cato sui temporis, nebulonem caput mitratum exerentem.* In ipso Opere horum mores sic describit, cum hortatur filium, ut ex Ecclesia & Republica eos egerat. *Puritanos, inquam, eos, quos nec beneficiis devincias, nec jure jurando fidos facias, nec promissis constringas, sine modo ambitiosos, sine causa maledicos, nec quicquam spirantes, nisi seditiones & calumnias, quibus una conscientia regula est, non Divini verbi auctoritas, sed commentorum suorum vanitas. Testor illum magnum Deum, (nec testamentum condenti fas est mentiri,) nunquam inter montanos aut limitaneos nostros latrones maiorem ingratiitudinem aut perfidiam reperiri posse, quam inter hos fanaticos nebulones, nec patere, si pacatè vivere decreveris, ut hi eadem tecum patria fruantur.* Hæc opprobria in fidos Dei servos conjecta, & typis evulgata, cum ferveret animorum contentio & optimorum oppositio, sufflaminantium, quem studebat invehere, Pseudo Episcopatum. Læsa tot annos patientia justam apologiam silentio æterno premere nos non finit. Ambitiosi scilicet, qui Episcopatus & honores non ambiebant, nec ut oblatos amplecterentur flecti potuerunt. An sine causa maledici, qui de conjuratis Ecclesiæ & Reip. hostibus postliminio restituendis exoptularunt? qui clamante Nobilium sanguine ad cælum & vindictam poscente deplorabant tempora & mores? Nullo jurejurando fidos faciam, qui jurati in Confessionem fidei & Disciplinam receptam ab ea dimoveri non potuerunt, quibus in summis angustiiis Rex ipse maxime fidit. Si ulli perfidi & fanatici nebulones inter Concionatores, in eos inprimis sæviendum fuit, non in viros optimè de Ecclesia meritos, nec evertenda Polia Ecclesiæ. Sed in eos sævitum, qui à disciplina steterant, nec alios novimus vertiginosos & fanaticos. Robertus Brucius, vir genere & virtute nobilis, majestate vultus venerabilis, qui plura animarum millia Christo lucrificet, cujus anima, si ullius mortalium, absit verbo invidia, sedet in cœlestibus, ex Ecclesia Edinburgena 23. abhinc anno extrusus, & in hunc usque diem terris jactatus & undis. Anima mea cum anima tua, Bruci, si ex aliena fide esset pendendum! Andreas Melvinus, qui fere octogenarius diem supremum clausit in exilio, vir undiquaque doctus, pius, candidus, & strenuus Christi miles. Iacobus, Andreæ ex fratre nepos, quo in rebus gerundis, & Ecclesiæ negotiis publicis administrandis, non prudentior alius in Ecclesia nostra, & vultu & ingenio mansuetus, exul Bervici mortuus. Iacobum Balsurium, Iohannem Welshium, Carolum Fermium, & alios etiam adhuc superstites, qui se animosè opposuerant principiis malorum, cum ista Rex scriberet, & duriora post passi sunt, credamne ego perfidos aut fanaticos, quos novi viros optimos? Si iis moribus affines fuissent, nunquam viris bonis tam grati fuissent, ut salem insipidum conculcassent. Episcopos, quos evexit, ambitiosos perfidos & in matrem Ecclesiam ingratos non modo dicimus, sed etiam probamus, & luculenter probat Vindex Epistolæ Philadelphi, qui tamen æquo parciùs scribit, & ea solùm quæ sufficere videbantur, plura procul dubio dicturus, si ad duplicatas Vindicias fuisset provocatus. Sed fuerint quidam ver-

tiginosi & fanatici Concionatores, qui Puritanorum titulo insigniri jure possint, non diffitetur in Proœmio, virorum bonorum frequentiam fuisse in Ecclesia nostra, quos omnes Ecclesiæ Anglicanæ ritibus adversari in confessio esse concedit. Et ibidem dicit; *Quod ad ceteros Concionatores attinet, aliosve etiam, quibus simplex illa Ecclesiæ nostræ Politia Anglicana ceremoniis præfertur, quibus Episcopalis dignitas Papalem fastum redolet, & pileus quadratus, & superpelliceum, & id genus alia Papatus insignia videntur, hos, testor honorem meum, nunquam intellexi. Imo vero tantum abest, ut de talibus rebus, quas semper adiaphoras aestimarim, rixandum putem, ut utriusque partis eruditos & graves assertores pari honore & amore prosequar.* At jam omnes vertiginosi, & fanatici, omnes Puritanorum odioso nomine insigniuntur, qui adversantur ritibus Anglicanis, qui fastidiunt fastum Papalem dignitatis Episcopalis. Sit cætera probus, hoc solo nomine *Puritanus* indigitatur, exagitur, & durissima quæque patitur. Anno secundo post adventum Regis in Angliam 300 Ministri, vel libertate concionandi mulctati, vel beneficio privati, vel Excommunicationis fulmine icti, vel in carcerem conjecti, vel solum vertere coacti; & restauratæ Papatus reliquiæ, quarum usus plerisque locis ante obitum Felicissimæ Elizabethæ obsoleverat. Superiorum temporum Annales replicanti reperire non est graviolem sub ullo Principe fidem orthodoxam profitente persecutionem. Cœpit anno sequenti eadem in Scotia grassari, & in hunc usque diem durat. Episcopi vi & virtute Jurisdictionis à Rege delegatæ, seu Celsæ Commissionis, Ordinariam occuparunt, eamque suffulciunt, optimos quosque ejiciunt, disciplinam & politiam Ecclesiæ optimè stabilitam, in quam Rex ipse & ipsi jurati sunt, mutant & evertunt, & afflicto piis & orthodoxis *Puritanorum* nomine per eorum latera puritas religionis & cultus divini impetitur. Hoc Dolmanni Iesuitæ olim consilium, subigendos *Puritanos*, dum Catholici viribus & numero non modo ad æquilibrium crevisset, sed etiam in lance adversa præponderarint. Habes hîc, Lector, majusculis literis delineatam à Formalista, nescio quo, Politiam Ecclesiæ Anglicanæ. Deerant multa quæ suppleo. Leviter omnia perstrinxissem, ut Capite Primo, quia errorem detexissem idem videbatur mihi ac refutasse. Mutato consilio fusiore Dissertatione, sed raptim, urgentibus Operis, quæ sequuntur, tractavi, præsertim ubi confutanda occurrebat Parænesis Tileni, Sectariorum mendaciis & calumniis ad finem operis rejectis. Habes hîc etiam Hieronymi Philadelphi Epistolam de Regimine Ecclesiæ Scoticanæ, ejusque Vindicias contra calumnias Spotsvodi, per Anonymum quendam, unde discas, quis sit rerum nostrarum status. Vale.

LECTORI TYPOGRAPHUS S.



*Q*uod heic tibi nunc à me traditur Opus, impressum fuit *A. MDCXXIII.* editumque sub nomine *EDWARDI DIDOCLAVII.* Ita per literarum transpositionem lubuit tunc *Autori*, ob rationes quas habuit iustas, nomen suum rectius exprimere. Fuit enim ipse *DAVID CALDERWOOD*, Vir, & quisquam, dignissimus posterorum memoria, ob eruditionem, pietatem, & zelum pro Dei gloria & Ecclesia bono. Qui ex Scotia ortus, in Ecclesia Craillingana prope Jedburgum haud procul ab Anglia finibus Sacro Ministerio Evangelii fidelissime functus est circa *A. MDCVIII.* sed, cum Innovationes plurimas in Ecclesia patria probare non posset, ab Ecclesia Gente & Terra sua expulsus, patienter satis duram hanc sortem sustinuit, donec circa *A. MDCXXXVII.* per rerum Ecclesiasticarum factam tunc latiore mutationem patriæ suæ redditus, *Pencailandicam* prope *Edinburgum* Ecclesiam curandam accepit Divinâ gratiâ. Quemadmodum verò probavit præsens Gregibus suis & Conventibus Ecclesiasticis fidem, pietatem, industriam, zelum, & prudentiam plane singularem; ita & abesse ab iis coactus per longissimum tot annorum spatium, otio molli se ipsum neutiquam tradidit, sed Ecclesiam & Orbem Eruditum illustravit scriptis plurimis, non minus utilibus quam piis & vere doctis, decusque Scoticanæ gentis multum augmentibus. Inter quæ maxime excellit; tum proluxa & accurata Historia Ecclesiæ Scoticanæ ab initio Reformationis usque ad finem Regni Jacobi Sexti, vernaculo sermone ex Conventus Generalis jussu & cum hujus quoque approbatione edita, in qua & facta & facta sua plane intacta ipse prætermittere non potuit; tum hoc præsens Opus, de quo in prioris illius Præfatione hoc memorabile narratur. Jacobum Regem scilicet lecto hoc Libro aliquandiu sollicitarum cogitationum manifestum consedis: quumque ab Episcopo quodam Anglicano sollicitudinis causam rogaretur, respondisse, se recentem ab hujus Libri lectione esse. Cui Episcopus; ne id animum tuum angat, ô Rex; ego brevi consutatum dabo. Rex autem, quid tu respondebis bone vir? Nihil hic præter Scripturam, Rationem, & Patres. Enimvero esse hoc opus tale, ut commendari omnibus magnopere mereatur, tam à Doctrina solida & multiplice, Theologica, Philologica, Historica, Canonica, quam à rerum delectu, & tractationis elegantia, ab omni hominum Literatorum genere dudum accepi, & ex pretio quo venit ipse colligere potui. Nec potuit Viri adversarius Joh. Spotsvodus in Appendice Hist. Eccl. Scotic. dissimulare ejus summam Eruditionem, in hoc etiam Opere conspicuam, atque tributam illi ab aliis Fratribus nimiam moderationem animi, ob quam ab his magis quam decebat fuerit neglectus; dum modum dictionis ille tantum admordet, nec de moderatione ejus vel in Scripto hoc vel in aliis ejus prioribus Gestis idem ipse sentit. Cum autem animadverterem, Opus hoc in nostro æque quam in Britannico Orbe multum desiderari, optime facturum me credidi, si illud ab innumeris mendis purgatum, haud paulo nitidioribus etiam typis, denuo in lucem publicam emitterem. Quo magis à Theologis Belgis intelligebam, illud non tantum in Doctrina Capitibus necessariis facere pro communi Reformatorum fide contra Pontificios solidè stabilienda & ornanda; sed etiam feliciter versari in asserenda illa Ecclesiæ Disciplina, quæ apud nos est publica autoritate recepta, tanquam Divino verbo & Christianismi principiis maximè conformis; nec nisi in quibusdam minutioribus à sententia & praxi Belgarum recedere, qui dissentienti in illis *Autori* non magis irascuntur quam

Scoti-

Scotiana Ecclesia sua invident placita & statuta. Hanc vero operam meam in recudendo veteri Opere tam prastanti, uti persuasus sum satis placituram Britannis qui ab Anglicana Ecclesia Disciplina & Ritibus dissentiunt, ita velim non nimium displicere Prasulibus Anglicanis; hoc potissimum tempore, quo ipsi publicis etiam scriptis ita suos tuentur mores, ut alienos se velle tamen ferre ipso opere testentur plurimi, in commune Ecclesia & Regni bonum, quod Deus stabile faciat & augeat! Quod si interim quidquam reppererint illi aut alii ulli in hoc Opere durius dictum, seu ad rem seu ad Viros dudum hac vita defunctos spectans, id sciant mei non fuisse arbitrii ut deleri vel mutari curarem; quin & id indulgentiam haud difficilem merebitur apud eos, qui nec omnia ab altera parte olim facta poterunt probare, nec reprimere se semper posse animi graviter pressi & afflicti prorumpentes impetus debebunt experientia edocti agnoscere. Quo loco an alio haberi debeat etiam sequens A. Melvini in Anglicos Ritus. Epigramma, aliis judicandum relinquens, finio.

Cur stant clausi Anglis Libri Duo Regia in Ara?
 Lumina cæca Duo? Pollubra sicca Duo?
 Num sensum cultumque Dei tenet Anglia clausum?
 Lumine cæca suo, sorde sepulta sua?
 Romano & ritu dum Regalem instruit Aram,
 Purpuream pingit relligiosa Lupam.

Indiculus Capitum.

CAP. I. De Primatu Regio, & Regiorum Commissariorum Jurisdictione in Causis Ecclesiasticis.	pag. 1
II. De Episcoporum Gradibus.	27
III. De Archi-Episcoporum in Anglia Dignitate & Potestate.	36
IV. De Episcopo & Presbytero Ejusdem Gradus.	83
V. De Episcoporum in Ecclesia Anglicana Dignitate & Potestate.	222
VI. De Vicariis Generalibus, Officialibus, & Archi-Diaconis.	338
VII. De Suffraganeis & Decanis Ruralibus.	348
VIII. De Ecclesiis & Decanis Cathedralibus.	354
IX. De rebus Adiaphoris & Ceremoniis.	366
X. De Vocatione & Functione Presbyterorum Ecclesiæ Anglica- ne.	420
XI. De Diaconorum Vocatione & Functione.	666
XII. De Laicis Administratoribus in Ecclesia Anglicana.	673
XIII. De Possessionibus.	696
XIV. De Constitutionibus.	698
XV. De Tileni Conviciis & Calumniis.	700

ALTA-



ALTARE DAMASCENUM.

CAPUT I.

*De primatu Regio & Regionum Commissariorum jurisdictione
in causis Ecclesiasticis.*



IN πολιτεία Ecclesiastica Angliæ generaliter consideranda veniunt 1. Personæ, & earum adjacentia. 2. Possessiones. 3. Constitutiones circa utrasque. Personæ, vel habentes administrationem, vel nullam habentes administrationem. Personæ administrationem habentes, vel Supremam, magisque absolutam, quæ dicitur Primatus Regius, vel minus amplam.

Primatus Regius considerandus, vel Generaliter, vel Particulariter. Generaliter, quâ, autoritate, tanquam supremus secundum Deum Gubernator, potest, in causis Ecclesiasticis suorum Dominiorum, Princeps statuere, quicquid Divino verbo non repugnaverit.

Causarum ratione, habet Majestas Regia in personas, etiam Ecclesiasticas, autoritatem supremam Sed quia autoritas in personas, & causas Ecclesiasticas varia est, & multiplex, prius præmittenda est hujus autoritatis partitio in varia genera, prout distribuit eam Mucketus. *Autoritas circa personas Ecclesiasticas De politiâ versatur, aut in illis eligendis, & nominandis, ad dignitates, & beneficia Ecclesiastica; Ecclesiæ aut manuum impositione sacrandis; aut in pœnis statuendis & infligendis. Deinde, hæc Angl. cap. 3:*

A

punien-

puniendi potestas, vel castigas eos pœnis civilibus, ut carcere, multis pecuniariis, morte; vel pœnis Ecclesiasticis, quales sunt excommunicatio, Anathematisms. Denique auctoritas pœnis civilibus coercens, aut congregat personas Ecclesiasticas ad Nationalia, & Provincialia Concilia, aut eas, in pacem Regni & Regiam dignitatem delinquentes, coram iudice Civili sistit, & condemnat. Et similiter, auctoritas in causis Ecclesiasticis, secundum illarum varietatem, varia est. Amplissima est dictionis Causa significatio, ut eam jus Cæsareum pro Re posuerit. Res autem Ecclesiasticæ sunt, vel contentiosæ, & judiciales: vel non contentiosæ & extrajudiciales. Res contentiosæ & judiciales sunt, quæ per litis contestationem inter Actorem, & Reum, veniunt in disceptationem, & testium, instrumentorum, indiciorum adminiculis à legitimo iudice definiuntur: cujusmodi sunt Lites de decimis, oblationibus, dissolvendo matrimonio propter præcontractum, de intentatis criminibus Simonie, blasphemie, hæresis, idololatriæ, adulterii, incestus, &c. Res Ecclesiasticæ non contentiosæ & extrajudiciales, etsi deliberativum, tamen proprie juridicum examen nunquam subeunt. Et hæ non sunt unius ordinis: sunt enim primæ, vel primarum appendices. Res Ecclesiasticæ primæ sunt, quas Deus in verbo suo, tanquam necessariis ad interiorum animi nostri sanctificationem, docet & præcipit, ut fidei dogmata, quorum efficaci notitia, & sacramenta, quorum fideli usu, salutem adipiscimur. Horum appendices sunt externi ritus, ac ceremonie ordinis & decori causa, qualia sunt statuta ad verbum audiendum loca, statæ horæ, genuflexio in precibus apud Deum effundendis, & Eucharistia percipienda, &c. Genuflexionem in percipienda Eucharistia, ritibus ordinis & decori, non annumerandam esse postea docebimus. Auctoritatem multiplicem, in causas, seu Res Ecclesiasticas, ad hæc capita redigit. Circa res Ecclesiasticas non contentiosas, & extrajudiciales, est auctoritas; aut eas, si fidei dogmata sunt, publice pro concione docendi, & hominum conscientias per exhortationes & redargutiones applicandi, si sacramenta, administrandi; aut potestas de iis, si fidei sint dogmata, vel ritus & ceremonie, deliberandi, earumque veritatem & æquitatem scrutandi juxta verbi Divini normam; denique auctoritas est, per publicas leges & edicta, illas promulgandi & stabilendi, ut has populus fidelis religiose observet & amplectatur. Sic & circa Ecclesiasticas res contentiosas & judiciales, est auctoritas; vel illas, quando per plures subordinatas appellationes ad supremum iudicium delatæ fuerint, definiendi; vel absque omni appellationum medio, determinandi; & reos aliosque immorizeros, qui huic tribunali se sistere tenentur, carcere, & multa pecuniaria castigandi. Amplitudo potestatis Regiæ in personas & causas Ecclesiasticas, supremi Gubernatoris titulo comprehenditur. Gubernatoris vero vocabulo, non intelligitur, princeps esse tantummodo custos & vindex utriusque tabulæ, sed etiam iudex, & jurisdictionem aliis demandans. Quamvis enim Metaphoricum Capituli titulum, quem primus sibi assumpsit Henricus 8. expunxerunt, ne offendiculum pareret; & supremi Gubernatoris, substituerunt, idem tamen manet sensus. Henricus Salcolbrigiensis sic reddit verba statuti 1. Elizab. nisi quod quæ includuntur parenthesi, prudens an imprudens nescio, prætermiserit. Ea Ecclesiastica jurisdictio, quæ potestate aliqua spiritali vel Ecclesiastica antea exercebatur, vel legitime exerceri poterat, ad visitandum statum, & ordinem Ecclesiasticum, item ad reformandum, in ordinem redigendum & corrigendum homines Ecclesiasticos, omnimodos errores, hæreses, schismata, abusus, offensas, & enormitates, intra hoc Regnum, imperiali huius regni diademati in perpetuum unita & annexa est: quæ Rex Angliæ possit assignare, & auctoritate munire (quando, quotiescunque & quamdiu libitum fuerit) e nativis subditis, eos quos idoneos existimavit ad exequendum & exerceendum sub sua celsitudine omnimodam jurisdictionem spirituales vel Ecclesiasticas, intra hoc regnum, ad visitandum, reformandum, componendum, corrigendum, & emendandum omnes ejusmodi errores, hæreses, schismata, abusus, offensas, contemptus, & enormi-

enormitates quasunque, quæ ulla spiritali potestate, vel Ecclesiastica potestate, auctoritate, aut jurisdictione legitime reformari, componi, corrigi, coerceri, vel emendari possunt, ad omnipotentis Dei beneplacitum, virtutis incrementum & pacis unitatisque hujus regni conservationem. Hisce verbis statuti immediate subjicitur formula juramenti, quæ in Apologia pro juramento fidelitatis sic redditur. Ego A. B. palam testor, & ex conscientia mea declaro, quod Majestas Regia unicus est supremus gubernator hujus Regni omniumque aliorum suæ majestatis Dominiorum, ac territoriorum, tam in omnibus spiritalibus, sive Ecclesiasticis rebus aut causis, quam in temporalibus; & quod nullus extraneus princeps, persona, prælatus, Status, aut potentatus, habet aut habere debet ullam jurisdictionem, potestatem, superioritatem, præeminentiam, vel auctoritatem Ecclesiasticam sive spiritalem intra hoc regnum: & promde renuntio penitus, & rejicio omnes extraneas jurisdictiones, potestates, superioritates & auctoritates: & promitto me deinceps fidem, & veram obedientiam Regiæ Majestati, ejusque Heredibus, ac legitimis successoribus præstiturum; & pro virili mea adiuturum, ac propugnaturum omnes jurisdictiones, privilegia, præeminentias, & auctoritates, Regiæ Majestati, Heredibus suis, ac successoribus concessas, vel debitas, sive Imperiali hujus Regni Coronæ unitas, & annexas. Ita me Deus adjuvet, & per hujus libri contenta. Hæc verba in fine addita sunt, quia tactis Evangeliiis, præstatur juramentum quod vocant corporale. Istud juramentum primatus, aliud est a juramento fidelitatis, quo premuntur pontificii. Sunt igitur verba præcedentia in statuto, authentica explanatio verborum juramenti. In interdictis seu injunctionibus, Elizabetha Regina profiteretur administrationem Divinorum in Ecclesia à se alienam esse, neque ultra quicquam sibi vindicare, quàm quod Henricus 8. & Edward. 6. vindicarunt, & exercuerunt. Administrationem sacrorum, ne quidem ipse Henricus 8. usurpavit. Immo puto Reges & pueret, & pigeret sacra peragere in Ecclesia. Sed præter sacrorum administrationem, varia est & multiplex potestas in rebus Ecclesiasticis, ut supra vidimus. Verba statuti de jurisdictione, non de simplici functionum sacrarum administratione intelligenda esse, quis dubitat? Præterea Henricus 8. anno 1534. consensu ordinum in Comitibus, adeptus est titulum Supremi Capitis Ecclesiæ Anglicanæ, honores, dignitates, præeminentias, jurisdictiones, auctoritates, immunitates omnes, item emolumenta & privilegia ad eundem titulum ullo modo spectantia, idque ut imperiali Diademati unita & annexa; item potestatem corrigendi, & reformandi abusus, enormitates, offensas, aliaque, quæ jurisdictione ulla Ecclesiastica coerceri vel reformari antea solebant, ut narrat Foxus in Martyrum monumentis. Quid ad hæc Calvinus in Amosi septimum? Qui tantopere extulerunt Henricum Regem Angliæ, certe fuerunt homines inconsiderati. Dederunt enim illi summam rerum omnium potestatem; & hoc me graviter semper vulneravit. Erant enim blasphemi, cum vocarent eum summum caput Ecclesiæ sub Christo. Sanderus assert Edward. 6. rescriptum tale. Edwardus Dei Gratia Angliæ, Franciæ, & Hiberniæ Rex, supremum in terris, Ecclesiæ Anglicanæ & Hibernicæ, tam in causis spiritalibus, quam temporalibus, caput, Reverendo Thomæ Cantuariensi Archiepiscopo salutem. Quandoquidem omnis juris dicendi auctoritas, atque etiam jurisdictio omnimoda, tam illa quæ Ecclesiastica dicitur, quam secularis à Regia potestate velut à supremo capite manat, &c. Ad ordinandum igitur quoscunque intra Diocesin tuam Cantuariensem, & ad omnes etiam sacros & Presbyteratus ordines promovendum, per presentes ad beneplacitum nostrum duraturas tibi damus potestatem. Anno 1. ejusdem Edwardi statutum est, ut Episcopi in exercenda jurisdictione, non suo nomine, sed Regio, literarum citatoriarum aliarumque auctoritatem munirent, & solo diplomate Regio, absque consensu Decani, & Capituli,

Pag. 66.

Pag. 1029.
edit. anno
1576.De schisma-
te Anglicano
l. 2. pag. 227.

Hoc caput alterum est juris illius quod in Gallia jus Regaliæ vocant. Istud jus ortum est ex veteri clientelarum & feudorum jure, eaque affinitate quam prædia & possessiones prælatorum, cum militaribus & profanis feudis habent. Nam sicut militaria beneficia caduca sunt ultimi clientis obitu, sic sede vacante, sive per obitum, sive translationem Episcopi, sive aliis modis, constituunt Reges Oeconomos, quorum ministerio proventus caducarios vacantis Episcopatus percipiunt.

3 Facultatem Episcopi eligendi concedere. 4. Nominare Capitulo idoneum ad Episcopatum, quem eligant. 5. Electo Regium assensum adhibere.

Facultas eligendi pastores tradita est Ecclesiæ; si facultas, etiam facultatis exercitium, quod absolute non penderet à principum arbitrio; Alioquin frustra data esset facultas, quam absque alia insuper facultate in actum nunquam producere posset. Sic enim à principum arbitrio penderet, prædicandum sit, necne Evangelium, Primis 300. annis, cum summi Cæsares erant Christianæ fidei hostes infensissimi, Ecclesiæ elegerunt suos pastores. Dicent forte palpones aulici, quod alia sit ratio Ethnicis, alia Christiani Magistratûs. Sed quid si Magistratus nomine Christianus, facultatem concedere renuerit? Idem juris est de eo quod non est, & quod non apparet. Rectè eruditus & Magnus Junius in Ecclesiaste suo. *Tertium mutationis genus memoria nostra inolevit, dum ii, qui eversa Papæ, ut vocant, tyrannide, procurant Ecclesiarum instaurationem, jus illud Ecclesiasticum institutionis, & ordinationis, restitui non curarunt Ecclesiæ, sed omnia committunt fidei Magistratûs, & ab eo in rebus Ecclesiæ utramque paginam faciendam putant, idque hoc nomine, quod Christianus Magistratus.* Præterea facultas ista non manat à principe quatenus est Christianus. Nam dicitur ista potestas Coronæ Regiæ de jure debita. Sive igitur sit Ethnicus, sive Christianus, sive mas, sive foemina, sive vir, sive puer, eadem est potestas, dum modo sit Coronæ possessor.

Praxis in episcopali. in proemio.

In Levit. hom. 6.

Vide Piacensium in praxi episcopali. p. 3.

Facultate eligendi concessa per diploma Regium, unà cum diplomate mittitur Epistola ad Decanum & Capitulum, inscripto nomine eligendi, quem secundum statuta ante diem vicesimum eligere tenentur, alioquin ad Metropolitanum electio devolvitur. De imaginaria ista electione, & Regia nominatione sic Piacensius. *Reges & Principes, jure patronatus prætenso, nominant pro libitu eligendum, & capitulum super hujusmodi persona nominata, fingit electionis suæ processum, libera electione vix alicubi reliqua.* Electio pastorum non ligata, sed libera esse debet, non positiva, sed comparativa: Is eligendus in sacerdotium, ait Origenes, qui præstantior est ex omni populo, qui doctior, qui sanctior, qui in omni virtute eminentior. Gregorius in Bulla 1591. Mai. 1. *Si in quibusvis Ecclesiæ gradibus & ministris curandum est tales eligi, qui religione, & sanctitate fideles ædificent, multo certe magis elaborandum est, ne in ejus electione erretur, qui supra omnes gradus constituitur, cui tanquam seruo fidei & prudenti, totius familie cura traditur, qui ad omnem virtutem, & mandatorum Dei observantiam, aliorum forma esse debet, cum certum sit gregis salutem magnopere pendere ex boni pastoris præstanti vita, & doctrina.* In Ecclesia prima primitiva, id est Apostolica, electio tum pastorum tum aliorum ministrorum Ecclesiæ, erat penes Ecclesiam Act. 1. 23. Act. 6. 5. Act. 14. 23. Et collectis viris suffragiis electi erant legati ad eleemosynas perferendas ad exterarum Ecclesiarum, nedum illi qui ad graviora & sacratiora munera destinabantur, 2. Cor. 8. 19. In Ecclesia ætatem Apostolorum subsequuta, electio erat penes clerum & populum. Cyprianus.

Ipsa

Ipsa plebs maxime potestatem habet, vel eligendi dignos sacerdotes, vel indignos recusandi. Lib. 1. Epist. Leo pontifex Romanus. Teneatur subscriptio clericorum, honoratorum testimonium, 4. epist. 89. ordinis consensus, & plebis. Qui præsutus est omnibus ab omnibus eligatur Carolus magnus, & Ludovicus filius, in suis capitularibus, hanc fuisse primitivam electionum formam testantur Sacrorum Canonum non ignari, ut in Dei nomine, sancta Diff. 63. c. Ecclesia suo liberius potiretur honore, assensum Ordini Ecclesiastico præbimus, ut scilicet 34. sacrorum Episcopi per electionem Cleri, & populi, secundum statuta Canonum, de propria D. acesi, canonum. remota personarum, & munerum acceptione, ob vitæ meritum, & sapientiæ donum, eligantur, ut exemplo & verbis, sibi subjectis usquequaque prodesse valeant. Verba habent De rep. eccle. tur in Gratiani Decreto. De suffragiis, electione, rejectione, decreto, & consensu. l. 3. c. 23. sensu plebis, qui Canonum, & exemplorum congeriem desiderat, adeat Spalatensem. Agnoscit Bilsonus, sed simul asserit merito mutatam esse, istam electionem De gubern. nis formam, opponitque populo imperito unius principis peritiam. Quem quæso eccles. cap. 17. dabunt nobis principem, qui peritior sit omnibus civibus civitatis in discernendis donis pastorum? Aut quis ille, qui omnibus honoratis, & primariis Dioceseos civibus, ex nobilium, vel equestri ordine, iudicibus, magistratibus, jurisperitis, aliisque viris eruditis eruditior, aut in discernendo spiritus, sagacior sit? Nam unius civitatis cives hoc negotium curare soli non debent, sed Diocesani omnes per se, aut perlegatos suos. Quod omnes tangit ab omnibus curari debet. Deinde, quæro, num principes peritior sit etiam clero civitatis. Nam & clero erant suæ partes, & quidem præcipuæ in electionibus. Quid dico, clero civitatis? dicerem totius Dioceseos. Non enim definivit jus divinum, ut hi potius quam illi, ex clericis eligerent, inquit Bellarminus. Tertio quæro, an princeps sit peritior, omnibus Episcopis comprovincialibus, nam illi etiam intererant electionibus Episcoporum. Denique potestas ista unita est Coronæ Regiæ, & principi etiam Ethnico hac ratione debita. Objicit deinde Bilsonus, tumultus populares, & schismata à populo sæpius concitata fuisse in electionibus, & propterea jus populi ad principem meritò translatum fuisse. Sic argumentanti nulla erit libera Magistratum electio in civitatibus, quia in iis eligendis cædes, & turbæ populares sæpius ortæ sunt. Pii principis est coercere tumultus, non tollere libertates; curare, ut omnia fiant ordine & decenter, non obtrudere pastores invito gregi. Nullus ordo De clericis tam prudens & commodus inter homines instituitur, quin adnascantur brevi incommoda cap. 7. not. Secundo de incommodis prudenter curandis, non de re sancta mutanda temere, sapientes 23. videre oportuit, inquit Junius. Possunt Pastores plebem dirigere, ad pacem placidis monitis revocare: & Magistratus potest in ordinem cogere. Potest illa vice plebs libertate sua mulctari, devolvendo electionem ad majorem conventum Ecclesiasticum. Possunt & alia media in hujus mali remedium excogitari. Sed quod libertas, quam Christus sponsus Ecclesiæ sponsæ suæ tradidit, omnino tolleretur, sacrilegium est, rapina est. Præterea, non populus, sed Episcopi ipsi, factiones, & schismata ista concitarunt Nazianzenus indicat perpetuam proedriam & phylarchiam Episcoporum, schismatum, & barbarum occasionem fuisse. Propter 1. Orat. post hanc, inquit, res omnes nostræ jactantur & concutiuntur, propter hanc fines orbis terræ reditum in versantur in suspitione & bello, eoque furdo, & ne nomen quidem habente: propter hanc urbem periculum est, ne magnum illud & novum nomen amittamus. Utinam neque esset præsentia, neque loci prælatio, neque violenta præeminentia, ut ex sola virtute agnoscerentur. Nunc autem dextrum hoc latus & sinistrum, & sublimior & inferior sedes, & illa præeundi, vel eodem gradu incedendi, invicta consuetudo, multas nobis clades, nequicquam intulerunt? Ammianus Marcellinus idipsum observavit Damasus & Ursatius Lib. 22. supra modum ad rapiendum Episcopalem sedem ardentes, scissis studiis, acerrime consi-

De cleric.
cap. 7 n. 28.
De rep. eccle-
siast. l. 3.
cap. 3. n. 53.

Stabantur, ad usque mortis vulnerumque discrimina adiumentis utriusque progressis. Ne-
que ego abnuo, ostentationem rerum considerans urbanarum, hujus rei cupidos, ob impe-
trandum quod appetunt, omni contentione laterum jurgari debere, cum id adepti, futuri
sint ita securi, ut dicuntur oblationibus matronarum, procedantque vehiculis insidentes,
circumspecte vestiti, epulas errantes profusas, adeo ut eorum convivia regales superent men-
sas, &c. Qua fide igitur obsecro, inquit Junius, in miseram plebem homines incen-
diarii crimen incendii perfidieque suæ intorqueant? Verum quidem est, (inquit Spa-
latensis) plebem esse bestiam multorum capitum, & ad seditiones paratissimam: sed hoc
vitium circa electiones hasce plebi fideli innatum non est, quæ non minus nunc quam olim
moderatione gravis esset in electionibus, ac publicæ utilitatis studiosissima, si Episcopi essent
qui olim in pura Ecclesia fuerunt, & Episcopatus omnis esset non honor, neque occasio
superbiendi, ac superciliosus fastus esset ab Episcopis nostris, ut olim, remotissimus Sic
enim sæpe fortasse, vi etiam adhibita, à plebe essent idonei ad Episcopatum, vel invitari,
ut olim trahendi & cogendi. Postquam vero res inversa est, & Episcopatus capit ple-
risque in locis, ac præsertim in nostris Ecclesiis, esse mundanus fastus, certatimque poten-
tes, ambitione stimulante, ad illum, animum adjecerunt, malis artibus plebem corruperunt,
& ad seditiones incenderunt. Reducatur Episcopatus ad suum verum statum, & mode-
ratissimam, ut prius, in suis electionibus, plebem experiemur. Si Patriarchæ & Metro-
politani, magnitudine urbium despecta, ad imitationem quorundam Antistitum
provincialium vixissent, ut loquitur Marcellinus, pastoribus populum docentibus
& ducentibus, raro, ac ne vix quidem, ulla orta essent schismata. Laudat Bil-
sonus Ecclesiæ Dei eximiam prudentiam in eo, quod populi consensum in Epis-
coporum suorum electionibus non admiserit solum, sed etiam rogaverit. Tot &
tanta ejus commoda (inquit) in historiis Ecclesiasticis testata invenio. Inde enim evenit,
ut populus voti sui compos, pastores suos placatè exciperet, libenter sustentaret, diligenter
audiret, & ex animo diligeret, imò vitam fortunæque omnes periculo potius exponeret,
quàm illi in discrimen venirent. An non ista, quæ enumerantur, commoda, sunt
æquitatis perpetuæ? Cur igitur Ecclesiis obtruduntur qui principatum potius ge-
rant, quam ministerium obeant. Postquam desit libera electio, deserunt sacer-
dotes aurei; & pseudo-Episcopi, vel Papismus, vel Epicureismus invexerunt.
Unde tot fungi, asini, stipites, tot aleones, tot porci, imò apri sylvestres, emissi
in vineam Domini, nisi ex aulis Regum & Pontificum Romanorum. Quid dixi
à Regum arbitrio pendere Episcoporum electionem? veriùs dixissem ab aulicorum.
Qui primarium aliquem aulicum muneribus corruperint, blanditiis, obsequiis, &
officiorum omnium assentationibus, alios superaverint; his in isto ambitu certa-
mine palma braviumque decerni solet; Hi belli duces & castrorum præfecti de-
signandi sunt. Sed quid immoror in ista nominatione Regia, & imaginaria Ca-
pituli electione, cum absque ulla vel umbratili electione, potest Princeps per se
Episcopum nominare, & eligere, ut supra diximus in statuto Edward 6 redinte-
grato Jacobi primo, & efficiet, quando libitum fuerit. Ubi ille Canon, inquit At-
hanasius, ut à palatio mittatur is qui futurus est Episcopus?

Epistol. ad
Solitariam
vitam agen-
tes.

Quòd ad ratihabitionem electionis, si necessaria eodem recidit, quò, antece-
dens electionem facultas eligendi. Quid si opportunè, & importunè rogatus, sit
tamen inexorabilis, an irrita semper erit electio. Videtur certè mihi multò de-
terior Ecclesiarum in eligendis pastoribus, quam civitatum in eligendis Magistra-
tibus conditio: & cur in pari causa impar esset jus, non video. Imperatores quan-
doque Patriarcharum electionibus se immiscuerunt, & contra Canones, electionis
legitimam formam, reluctantibus multis, quandoque immutarunt; non tamen
Episcoporum inferiorum electiones, aut ad Episcopatus præsentationes sibi obnoxias
reddi

reddiderunt, donec omnia in deterius vergerent; Magistratus quidem minores, ut civitatum, in electionibus unà cum populo interfuisse & concedimus & laudamus. Quid Carolus & Ludovicus ejus filius statuerint, supra vidimus. Cum Episcopi, Regum feudatarii & vasalli evaserunt, libertatem electionis venderunt. Sicut feudo vacanti Ligius dominus, à quo pendet, Vasallum pro animi sui arbitrio ac electione sufficit, non secus quam Domini famulos sibi deligere solent, inquit Gentiletus. Exam. Con-
cil. Trident.
p. 125.

6. Jusjurandum homagii ab Episcopo recipere.

Istud jusjurandum ex feudorum jure etiam ortum est, quorum ratione Episcopi, instar aliorum feudatiorum, Imperatorem ut Dominum recognoscebant, cui se sacramento fidelitatis & homagii, vel (ut concinniore vocabulo utar) hominii obstrinxerunt. Fridericus primus ad Papam Adrianum sic scribit. *Ab Episcopis, inquit, qui Regalia nostra tenent, cur homagium & regalia sacramenta non exigamus? Aut igitur regalia nostra nobis dimittant, aut quæ Dei Deo, quæ Cesaris Cesari persolvant.* Idem Imperator Episcopos Bremensem & Halberstatensem feudis exuit, quòd ipsum in Italiam proficiscentem comitati non essent. Ut igitur prædia, & possessiones, ac Regalia, civitates, & oppida cum jurisdictione temporali sibi compararent Ecclesiastici, sæcularibus negotiis se implicarunt. *Effecit Clericorum avaritia, inquit Gentiletus, ut maluerint divitiis augeri, addicentes se obsequio, & servituti; quam mediocres fortunas possidendo, & electionum Ecclesiasticarum libertatem, & à clientelari servitute immunitatem retinere.* Videmus igitur Episcopos, non tam inservire Ecclesiæ ut ministros, quam regibus ut clientes & vasallos, regum servos, Ecclesiarum Dominos, utrosque ex pacto sacra munera prophanantes, & Ecclesiarum libertatem tollentes. Gratianus in Decreto, ait quosdam Episcopos Levitica tantum portione contentos, de primitiis & decimis vivere, temporalia penitus abjicere, ne earum occasione, sæcularis militiæ occupatione, aliisque obsequiis obnoxii tenerentur. Porro alii sunt, inquit, qui non contenti decimis & primitiis, prædia & villas & castella & civitates possident. Glossa in hunc locum. *Dicit, quod Episcopi qui feudum non habent à principibus, sed vivunt tantum de primitiis decimis & oblationibus, sæculari militia occupari non debent: alii vero, qui à principibus feuda retinent, principibus servire tenentur, nisi ab illis, à quibus feudatenent, super hujusmodi promeruerint immunitatem.* Ex isto Gratiani loco ostendit Spalatenfis, Prælatos Ecclesiasticos ratione Regalium teneri & militare pro Rege, & ei tributa solvere. Debet igitur in medio Ecclesiæ prædicare Evangelium, & aliâ tubâ bellum indicare militibus. De oneribus feudorum realibus nihil dicimus; sed oneribus personalibus, præsertim armatæ militiæ, obstringere se non debet Episcopus, magis quam presbyter, & regalia dimittere potius tenetur, quam mancipare se obsequiis, quæ à muneris Pastoralis exercitio avocarent. Neque est in principibus pietas, sed prophanitas, temporalia & regalia hac lege donare Ecclesiæ, vel donata in hunc usum convertere, ut sic Ecclesiæ libertatem in electionibus tollant, & pastores vasallos constituent. Interim generale juramentum fidelitatis quod omnes subditi præstare debent, non damnamus. Sed istud jusjurandum, non ut cives Regni Regi, sed ut vasalli seu clientes Domino Ligio præstant Prælati. Non alia debet esse conditio beneficii majoris, quam minoris. Ratione Regalium & possessionum temporalium ortæ sunt investituræ per baculum, seu ferulam, & anulum, quibus Imperatores declarabant assensum suum, & electo temporalia consignabant. Sed hæc omnia posterioribus sæculis nata sunt. Exam.
p. 125.
Caus. 23.
quest. 8.
De repub.
Eccles. lib. 6.
c. 7. num. 90.

7 Personas Ecclesiasticas quolibet, ob maleficia, contra pacem regni & dignitatem Regiam, perpetrata, coram iudice civili sistere, & condemnare. 8. Ecclesiasticis iudicibus mandare, ut supersedeant civilis fori negotia coram se agitare.

Non usitata, nisi tum demum postquam Papalis usurpata autoritas ab Anglici Imperii finibus prorsus exterminata fuerat. Eaque vel concernunt 1. Appellationes. 2. Canones. 3. Beneficia.

1. Concernunt Appellationes ad instantiam alicujus partis interpositas, eò quod, ultima appellatio sit ad principem, & non ultra regnum. 2. Dat iudices delegatos per Cancellarium Angliæ sub Magno sigillo, qui de causa statuunt.

Si de causa aliqua lis inchoata fuerit coram Archidiacono, aut ejus Officiali, appellatio fit ad Episcopum Dioeceseos: si coram Episcopo, ejusve Commissario, ad Archiepiscopum: si coram Archiepiscopi Archidiacono, ad curiam, quam vocant, de Arcubus (ubi Decanus de Arcubus ad omnium in provincia appellationes rescribit) & à curia ista deferitur causa ad Archiepiscopum (per statutum 24. Henrici 8.) ab Archiepiscopo ad Curiam Cancellariæ (per statutum 25. Henr. 8.) Delatâ ad curiam Cancellariæ causâ, sub magno sigillo constituuntur iudices delegati, qui litem & causam definiant, a quibus Commissariis non licebit ulterius provocare. Causæ, quæ per subordinatas appellationes deferri possunt, sunt omnes omnino causæ Ecclesiasticæ, non modo abusive sic dictæ, ut matrimoniales, aut testamentariæ, sed etiam propriè dictæ: non modo, insultatio in altare, poculi mystici confractio, mensæ sacræ everasio, manus demortuæ usus ad præstigias, & similia quæ Mucketus enumerat; sed etiam hæresis, simonia, idololatria, error in articulis religionis, omnes denique causæ & lites, in quibus olim appellatio ad Papam, deferuntur per appellationem ad principem, & non ultra. Appellationes, ad instantiam alicujus partis interpositæ, deferuntur ad principem, qui dat iudices delegatos per cancellarium. Per commissarios tamen suos princeps de omnibus causis judicare potest, etiam ubi non interponuntur Appellationes ad partis alicujus instantiam. Et ubi in locis exemptis immediate deferrebat olim appellatio ad Papam, deferitur immediate ad principem in curia Cancellariæ, per idem statutum 25. Henr. 8. 1. Elizab. Non licet igitur provocare ad Concilium Oecumenicum, vel generale Ecclesiarum reformatarum, nam ultra regnum provocare non licet. Neque ulla hic datur intermedia appellatio ad Synodum Dioecesanam, aut Concilium Provinciale, sed & progressus semper fit ab unico ad unicum.

2 Concernunt Canones, sive leges Ecclesiasticas, vel ferendas, vel administrandas, vel relaxandas. Ferendas eo quod.

1. Princeps novas leges condere potest circa cœremonias & ritus, cum consilio in ea parte, vel Commissariorum suorum in causis Ecclesiasticis, vel Metropolitanis.

Reg

Rex Propheticus David non nisi per spiritum informatus, & à manu Jehovæ ipsi incumbente instructus, structuram templi, distributiones Sacerdotum & Levitarum Schelomoni tradidit. 1. Chron. 24. 12. *Restituit autem (Jechizkijah) Levitas in domo Jehovæ cum cymbalis, cum nablis, & cum citharis, ex præcepto, & Davidis, & Gadis videntis Regii, & Nathanis prophetæ: Nam à Jehova præceptum illud erat per prophetas, 2. Chron. 29. 25.* Non instituit Rex Ezekias, sed solum restituit, quod David, & Rex & Prophetæ, instituit. Nec instituit David, quamvis Prophetæ aliquid novi, nisi præcipiente Jehova per Prophetas. Non habemus Reges Davidicos, nec Metropolitanos videntes. Utinam cæci non essent, vel avaritia, ambitione, & splendore aulico non occæcarentur. Ad ordinarios Ecclesiæ conventus igitur recurramus, & sacram scripturam, à cujus exemplari ætatum quidem unguem recedere liceat, non vel in loramentis aulæorum, aut paxillis, aut ansulis æreis fabricandis. Sunt in sacris tabulis leges generales Ecclesiæ traditæ, quarum normâ, ipsa Ecclesia dirigitur ad res natura sua adiaphoræ, pro circumstantiarum varietate, ad usum conformandas, ut omnia fiant ordine, & decenter, & ad Dei gloriam Ecclesiæque ædificationem. Nam quæ sunt natura sua adiaphora, nisi commode ad usum applicentur, remoram injiciunt ædificationi, ordinem divinum conturbant, ac fiunt illicita. Adiaphora ut sic, id est, salvâ & manente indifferentiâ, sunt inutilia & otiosa: ad usum aliquem accommodata, fiunt utilia, vel inutilia. Oportet prius præcedere quæstionem, an sint adiaphora, necne, de quibus feruntur leges, prius quam de ipsorum usu disceptetur. Deinde usus secundum Canonum generalium sacræ scripturæ normam dirigendus est. De usu politico judicent politici, de Ecclesiastico Ecclesiastici in conventibus Ecclesiasticis. Præterea non sunt omnes ritus & ceremoniæ, res natura sua adiaphoræ, & possunt leges ferri de ritibus & ceremoniis nullatenus adiaphoris. Cum examinaretur Barrous, dixerunt Episcopi Anglicani Regiam Majestatem posse comminisci & instituere, quamlibet politicæ Ecclesiasticæ formam, vi sui Primatus in causis Ecclesiasticis, teste autore Petitionis ad Reginam. Denique quo tandem jure, inquit Beza epist. ad Grindallum Episcopum Londinensem, *sive Dei verbum, sive vetères omnes Canones spectes, civili Magistratui per se liceat, constitutis jam Ecclesiis, novos aliquos ritus superinducere, aut veteres abrogare, vel Episcopis absque presbyterii sui judicio & voluntate, quicquam novi ordinare, fas sit, ego quidem nondum didici.* Quoniam autem has duas pestes, Episcoporum videlicet superiorum turpes & ambitiosas adulationes, suorum principum partim virtutibus abutentium, partim etiam vitiis servientium, Ecclesiam Christianam perdidisse video, donec eò redacta res est, ut Metropolitanorum Occidentis potentissimus, iusto Dei judicio & Magistratus & Episcopos punientis, divina humanaque ad se raperet; fateor metuum cohortescere, quoties de istis cogito, & easdem, aut etiam acerbiores pœnas plerisque populis, initio evangelium amplexis, à quo nunc sensim deficiunt, imminere prospicio. Potest igitur princeps cum perpauca Commissariis, sive Metropolitano, superstitiosos & ridiculos ritus invehere, & externum Dei cultum, externamque politicæ Ecclesiasticæ faciem deturpare.

Pag. 76.

2 Synodus Provincialis vel Nationalis convocari non debet absque principis rescripto ad Metropolitanos directo.

Principem posse Synodos convocare, absit ut negemus. Habet etiam & Ecclesia eandem potestatem *Si duo ex vobis consenserint, item, ubi duo vel tres coacti fuerint in nomine meo, inquit Christus, ibi ero in medio ipsorum, Matth. 18. 19. 20.*

Ex his verbis colligunt etiam Hierarchici Synodorum auctoritatē, arguendo à minori ad majus. At convocari & convenire in unum cœtum dicit aliquis esse actum humanum. Convenire in unum cœtum est actus humanus, si ad civilia, politicus, si ad pia exercitia & in nomine Christi, est humanus, sed Ecclesiasticus & sanctus; & proinde cœtus piorum sæpius in veteri testamento dicitur, *Convocatio sancta*. Commissio potestatis est à Christo, permissio à Principe. Collatio potestatis a Christo tradita non tollitur accessione Magistratus Christiani. Non quidem temere tentandum est exercitium potestatis collatæ inconsulto Magistratu, vel absque legum auctoritate. Sed si grassantur hæreses, multiplicentur lites, populum Christianum schismata & factiones discindunt, Ecclesia schismatum, errorum, scelerum fluctibus prope obruta videtur, & pertinaciter negaverit assensum, non cunctandum est, non cessandum ab officio nostro, & cum periculo periclitandum est remedium per Synodum. Non hæc illa ratio fuit, quâ Constantinus Ecclesias fovebat olim, sed quâ Licinius & alii easdem evertere studebant. Non debet deterior esse Ecclesiæ conditio sub Christiano Magistratu, quam sub Ethnico, nec minui, sed augeri libertas Ecclesiastica. Quod confertur Ecclesiæ, non transfertur in Principem Christianum, sed tantum corroboratur. Potestas Principis est *Cumulativa*, non *privativa*. Potest igitur ipse convocare, potest potestatem collatam Ecclesiæ approbare, sed potestate collata, ejusve exercitio privare non potest. Sunt igitur diversæ potestates, non tamen divisæ, nisi quando Magistratus se diviserit ab Ecclesia. D. Fildus, Hierarchicorum eruditissimus, asserit in Ecclesia esse potestatem cogendi Concilia, & deliberandi de iis quæ ad Ecclesiæ commodum & salutem spectant, etsi non favent Principes Mundani, neque auxiliatricem dextram porrigant: item Episcopos, Primates & Metropolitanos habere auctoritatem cogendi synodos, eamque non adeò pendentem à principum potestate, quin eandem exercere possint absque eorum consensu & conscientia, cum sunt hostes fidei. At in tabulis, hæc potestas dicitur unita Coronæ Regiæ, & proinde pendere à principe, quamvis sit Ethnicus. Præterea non absolute & simpliciter pendere à Christiano magistratu ostendimus. Tertio, si Primates, & Metropolitani potestatem non habent convocandi nationalia & provincialia concilia, nisi pendentem absolute à Christiano Magistratu, præcipuam muneris sui partem pendentem habent, & proinde non est opera eorum necessaria in Ecclesia, ut postea suo loco ostendemus. Potest enim Princeps concilium convocaturus ad alium quam Metropolitanum rescriptum dirigere. *Non defendimus*, inquit Spalatensis, *ita hoc jus convocandi concilia ad Principes pertinere, ut nullo modo possint Prælati Ecclesiastici, vel mutuo consensu in unum convenire, vel Metropolitanis, Primatibus, aut Patriarchæ auctoritate, convocari.* Quod addit, ex causa suspicionis posse impedire, ne coeant ipsis inconsultis, admittimus. Consulantur suspicionem solliciti, metu suspensi, expurgentur omnes suspicionis latebræ, mittantur legati, aut Corycæi. Alioquin facillimum semper erit causas fingere. *Certe ratio ipsa suadet*, inquit ibidem Spalatensis, *indistinctionem & convolutionem nihil aut addere, aut demere auctoritatis ipsis conciliis, quia etiam si casu convenirent in unum multi Episcopi, seu occasione aliqua absque intentione Concilii, quid prohibet, quò minus res etiam Ecclesiasticas tractare possent, & definire? Ubiunque enim duo vel tres fuerint in nomine Christi congregati (non dicit convocati) in medio eorum est ipse Christus. In nomine vero Christi dicuntur congregati, qui ad ea quæ sunt Christi tractanda convenerunt.*

3 Nec tractari nec determinari aliquid possit in Synodo, nisi consulto prius, & assentiente principe.

Quid si rogatus, præfactus tamen maneat, & animum obfirmaverit, an in casu necessitatis cessabunt? Data est Ecclesiæ potestas non modò convocandi, sed etiam definiendi & determinandi, quâ potestate privari non potest. Eadem rationes hic militant quæ in precedenti articulo. Et ista potestas dicitur etiam unita Coronæ Regiæ, ac proinde competere etiam Principi Ethnico, absque cujus venia, & assensu, nihil decerni potest.

4 Nihil habet vim legis, priusquam Regius assensus fuerit adhibitus iis, quæ Synodus decernenda censuerit.

Si iste sit sensus, quod subditi ad obedientiam cogi non possunt poenis temporalibus absque legum civilium sanctione, amplectimur. Sin vero iste sit sensus, quod nihil habebit vim canonis absque principis assensu, nec posse Ecclesiam in delinquentes exercere jurisdictionem spirituales per censuras Ecclesiasticas, nulla æquitate subsistere videtur. Et contra hunc sensum militant dictæ rationes. Hic tamen videtur esse Hierarchicorum sensus. *Quis enim est, inquit Bilsenus, qui De Guberni Eccles. cap. 16. p. 459.* Synodorum frequentiam coarctat & refrænat, aut potestatem iis canones & causas Ecclesiasticas definiendi adimit? Metropolitanus, an Princeps? Ibidem. Alioquin nullam ex se, in regno ubi Christianis rerum potitur, decreta ferendi potestatem habent, nempe Synodi, nec jus audiendi componendique controversas in Ecclesia, nolente, aut non permittente principe, sibi vindicare possunt.

2 Concernunt Canones sive leges Ecclesiasticas administrandas & exequendas, eo quod princeps potest.

1 Visitare statum Ecclesiasticum, & eorum personas.

2 Reformare, & in ordinem redigere, & animadvertere in eos, nec non in cujusvis generis Hæreses, schismata, errores, abusus, maleficia, contemptus, enormitates quorumcunque.

3 Assignare, nominare, & auctoritatem dare, quandocunque & quamdiu sibi placuerit, huiusmodi indigenis subditis, quos idoneos censuerit, Ad exercendum & exequendum jurisdictiones, privilegia, præeminentias quaslibet concernentes jurisdictionem Ecclesiasticam, Ad visitandum, Ad reformandum, corrigendum & emendandum quosunque excessus vel defectus, qui quavis potestate, auctoritate, jurisdictione Ecclesiastica potuerunt reformari, in ordinem redigi, emendari, reprimi.

Potestas Principis in visitando statum Ecclesiasticum, & hæreses, errores, & abusus reformando & corrigendo, maxima ex parte relucet in potestate delegata ad visitandum, reformandum, & corrigendum. Possunt delegati iudices judicare in causa hæreseos, & spirituales censuras decernere. Potest igitur & Princeps eandem per se potestatem exercere. *Auctoritas est ipse Regis, exercitium demandanda-*

tur aliis, inquit Mucketus. Princeps constituit delegatos iudices per Cancellarium, non solum ad dirimendas lites ab inferioribus Curiis ad supremum ejus iudicium delatas per appellationem, sed etiam absque omni appellationum interstitio, imò & nullâ inchoatâ lite in Curiis Ecclesiasticis constituit iudices ad exercendum omnimodam jurisdictionem, ad corrigendum, reformandum & emendandum errores, schismata, & abusus. Delegati vocantur *Regis Commissarii Ecclesiastici*, eorumque potestas, *Commissio jurisdictionis in causis Ecclesiasticis*.

Detectio
p. 252.

Solet Princeps constituere plures Commissarios, partim sæculares, partim Ecclesiasticos, ut Archiepiscopos, & alios quos deligit Episcopos, Decanos, Archidiaconos, Doctores juris, Secretioris Senatus Senatores, summos iudices, magistros supplicum libellorum, quandoque Senatores Londinenses, præfectum turris, præfectum Angarorum, & similes. Non necesse est tamen, ut omnes Commissarii è variis patriæ locis delecti, & Catalogo Diplomatis Regii inscripti, numero forte quadraginta aut quinquaginta, intersint, & constituent plenarium consessum. Nam unus Archiepiscopus unâ cum duobus aut tribus aliis, sive sæcularibus, sive Ecclesiasticis, sive partim sæcularibus, partim Ecclesiasticis, in quavis causa decernere potest, cæteris ne quidem præmonitis, aut citatis. Si adulter, aut maleficus aliquis alius, plectendus, qui facile castigari poterat in Curiis inferioribus, monentur forte Senatores, aut alii viri graves, ut intersint: Sed si pii, & probi, cæremonias & reliquias papatus fastidientes, examinandi & ad conformitatem cogendi, non monentur, ne forte commoveantur piorum querelis, & mysteria regni Episcopalis perspiciant, ut refert Barrous. Potest Princeps hujus auctoritatis exercitium uni tantum demandare, modò sit indigena, sive sit sæcularis, sive Ecclesiasticus; ut testantur gravamina exhibita in Comitibus ordinum anno 1610. & ex statuto colligi potest. Potest igitur, virtute statuti, pontificium aliquem aut aulicum constituere iudicem in omnibus causis Ecclesiasticis.

Possunt dicti tres Commissarii (quorum Archiepiscopus semper unus, & sine quo cæteri nihil possunt, nisi libitum fuerit principi novo Diplomate eandem potestatem transferre in alium) inquirere in hæreses, errores, enormitates, schismata, quæ Ecclesiasticis legibus legitime reformari poterant, secundum statutum 1. Elizab. cap. 1. & in omnes omnino offensas contra statuta 1. Elizab. cap. 2. & 5. Elizab. cap. 1. & 13. Elizab. cap. 12. & 35. Elizabethæ cap. 1. & 1. Jacob. Item in libellos famosos, conciliabula, libros editos contra tyrannidem Episcoporum.

Possunt isti tres, nempe Archiepiscopus, & forte præfectus Capitolinus, & præfectus Angarorum, quemvis ebrium Apparitorem auctoritate munire ad effringendum Musæola, scrinia, arculas, conclavia cujuslibet civis regni; & ad perscrutandum an clam apud se habeant libros Cartwrighti, Fenneri, Udalli, Traversi, Parkeri, aliorumque de disciplina & reformatione Ecclesiæ, aut scripta edita, aut edenda contra tetram Episcoporum dominationem, prælatorum excessus, aut defectus, aliasve corruptelas Ecclesiæ Anglicanæ, ac si esset inquisitio in crimen læsæ majestatis; & ad diripiendum pro libitu.

Possunt dicti tres, si vel levissima orta fuerit suspicio, vel ipsi causas finxerint, quemvis quovis munere fungentem sacro aut civili, quovis anni tempore, etiam arationis & messis, ex quavis regni regione etiam remotissima, per apparitorem citare ob levissimam quamvis offensionculam, ut omissam crucem in baptismo, aut geniculationem in percipienda Eucharistia, aut quòd clanculum quædam effugerit in Ecclesiasticorum Simoniam, Luxum, aut alias enormitates.

Possunt dicti tres Commissarii comparentem adigere ad præstandum juramentum

tum

tum illud superstitiosum, quod corporale vocant, manu, aut tribus digitis tactis Evangeliiis, (quod de tribus digitis dixi, dicunt obsolevisse) per Deum & ea quæ in Evangeliiis comprehenduntur, se veraciter responsurum ad ipsorum interrogata, accusatore, aut accusationis articulis nondum proditis, idque non solum in causis matrimonialibus & testamentariis, sed etiam in pœnalibus, quorum pœna est bonorum publicatio, aut gravior animadversio. Et quidem quandoque, cum testibus vel indiciis certis reus revinci potest. Trajanus, etsi Christianæ fidei hostis, sic tamen rescribit Plinio secundo *Sine authore certo propositi libelli, nulla crimina locum habere debent. Nam & pessimi exempli, nec nostri sæculi, est.* Dixit Dominus adulteræ, Johan. 8. 10. *Mulier, ubi sunt tui accusatores?* Jus naturale docet neminem teneri prodere seipsum. Nam natura est sui ipsius conservatrix. Lege Mosaica, *Ex sermone duorum aut trium testium stata res omnis*, Deut. 19. 15. Alexander 2. Raynoldo Episcopo Cumano de Guilando Presbytero nece Episcopi 2. *quest. 8. 5.* gravato, sic scribit. *Si certi accusatores defuerint, tunc distante iustitia, sine omni cap. 11.* controversia, presbyter quæcunque ob hæc injuste amisit, & sacerdotium accipiat, & integra beneficia. Concilium Bracarense 2. sic statuit. *Si quis aliquem Clericorum in accusatione fornicationis impetit, secundum præceptum Pauli, duo vel tria testimonia requirantur ab illo. Quod si non potuerit, datis testimoniis, probare quod dixit, excommunicationem accusati accusator accipiat.* Accusatorem requirit Justinianus, ut accusatus referre possit juramentum. *Non enim debet respuere in persona propria, quod placuit in persona adversarii.* Qua ratione nemo cogitur contra se testes producere, eadem ne cogendus contra se testimonium præbere. Juramentum istud quod vocant ex officio (inofficiosum potius appellandum) introductum in Ecclesiam Anglicanam sub Henrico 4. postulantibus Prælatiis, ad detegendos quos illa ætas Hæreticos censebat, ac præsertim, quos Lollardos vocabant, quam legem sanguinariam appellat Foxus in Martyrum monumentis. Et certe, est lex Draconis & Bestiæ, non Agni. Eadem tamen lege Præfules hodierni oppugnant purioris disciplinæ & cultus assertores, quâ Pontificii Lollardos, quamvis jurisconsulti complures contendant antiquatam fuisse anno 25. Henric. 8. & commissarios vi commissionis neminem cogere posse ad præstandum juramentum ex officio, Fullerus in causa clientum argumentis pluribus evicit. Viri graves & eruditi, Cartwighus, Fennerus, Snappius, & alii coniecti in carcerem, quod renuerent præstare istud inofficiosum juramentum. Quos, postquam aliquandiu in carcere asservati essent, ne immerentes carceris pœnâ castigasse viderentur, in Camera Stellata accusandos curarunt ab advocato Reginæ, quorum tamen integritas à testibus ipsorum etiam opera productis dilucide demonstrata est. Udallus vir pius & doctus pastor Ecclesiæ ad Novum Castrum, quia se authorem libri, qui inscribitur *Demonstratio Disciplinæ* prodere noluit, in carcerem coniectus, ubi piam animam unâ cum sanguinis profluvio exhalavit.

*Cod. lib. 4.
tit. 1. leg. 9.
Cod. lib. 4.
tit. 20. leg. 6.*

Possunt dicti tres Commissarii Vicecomitibus, Prætoribus urbanis, Proprætoribus, aliisque legum ministris imperare, ut non comparentem apprehendant, in vincula conijciant, vel vadimonio obstringant, vel vi in iudicium trahant. Possunt etiam ob contumaciam, se non sponte sistenti, multam pecuniariam irrogare.

Possunt dicti tres Commissarii non modo inquirere, sed etiam judicare in omnibus causis Ecclesiasticis, & proinde in causa hæreseos, idololatriæ, & similium. Fateor in statuto 1. Elizab. cap. 1. cautum esse, ne quid damnarent nomine hæreseos & erroris, nisi prius præcesserit determinatio in scriptis Canonicis, aut Conciliis generalibus. Sed gratis additur ista limitatio. Nam omnes hæreses & errores determinantur in Scripturis Canonicis: & proinde in omnibus causis fidei,

& do-

& doctrinæ judicare possunt dicti tres Commissarii, nedum ipse Princeps. Imo potest per statutum hanc potestatem uni cuivis demandare, modò sit indigena.

Epist. 47.
De Potestate
Pontif. quæst.
1. c. 7.
in Mat. 26.

Possunt dicti tres Commissarii, quem suis calculis damnarint, multa pecunia-
ria castigare, aut in carcerem conjicere: & ipsis mandantibus, Commentarienses
& Ergastularii in omnibus provinciis reum recipere, & asservare tenentur, quan-
diu Archiepiscopo, ejusque adfessoribus libitum fuerit. Gravamina exhibita in
Comitiis innuunt, eadem ratione posse commissarios instrui per Diploma Regium
potestate vitæ & necis ob levissimam offensam Ecclesiasticæ jurisdictioni subjacen-
tem, quâ possunt ejusdem diplomatis autoritate multas dicere, & in carcerem
mittere, quod ordines in statuto statuere nunquam in animum induxerunt. Sed
quid jure divino possunt, videant Episcopi. *Non sunt ista sacerdotum arma spiri-
tualia, sed carnalia quæ superioribus sæculis Reges terræ tradiderunt Bestiæ.* Hæc non est virga
discipulorum Christi, quæ virga dilectionis est, sed virga ferrea, quâ conteruntur
vasa Domini. *Anne aliquam sibi à palatio dignitatem sumpserunt Apostoli? Terret ex-
ilium, & carceribus Ecclesia, credique sibi cogit, quæ exilium, & carceribus credita est?*
inquit Hilarius contra Auxentium. *Gladus Regis censura Curie, gladius sacerdotalis
Ecclesiasticæ rigor disciplinæ,* inquit Hildebertus Cenomanensis. *Dominativum modum
regendi à potestatibus sæculi observandum Apostolis interdixit,* inquit Occamus. *Sicut
non convenit Regibus, quod ad stolam pertinet; sic nec Episcopi, quæ Regis sunt, exer-
cere debent,* inquit Anselmus. Quod quandoque assumpsit sibi socios Archiepisco-
pus delegatos sæculares, cum exercet vim coactivam in bona vel corpora reorum,
nihil juvat. Nam idem est, sive solus, sive cum sæcularibus, sive solis Ecclesia-
sticis, poenas temporales infligat, cum Pastoribus simpliciter interdicta sit pote-
stas gladii, sique extra sphaeram jurisdictionis Ecclesiasticæ. Præterea non tene-
tur assumere sibi socios sæculares. Potest easdem poenas unâ cum Decano aut
Archidiacono, si sint Commissarii Regii, irrogare. Et si solum sæculares, nihil
tamen possunt decernere absque Archiepiscopo.

Possunt dicti tres Commissarii poenas & censuras spirituales decernere excom-
municationis, depositionis, suspensionis. Possunt decernere reum excommunican-
dum, & vel excommunicationis sententiam ipsi denuntiare, vel, ut in Scotia, im-
perare cuivis presbytero, aut Curioni, ut sententiam denunciaret. Si quis dixerit,
hoc posteriori casu, presbyterum, non Commissarios illos, excommunicare, idem
est, ac si quis diceret subductarium aut carnificem esse judicem. Commissarii ci-
tant, causam cognoscunt, decernunt, & sententiam excommunicationis in scrip-
tis presbytero tradunt denunciandam. Utrum igitur commissarii an presbyteri
sunt judices? Imo nullatenus licere presbyteris in foro exteriori judicare, & cen-
suras decernere, nisi delegata ab Episcopo potestate, tueri conantur adversarii.
Hic vero nec ordinariam nec delegati judicis potestatem exercet, cognoscendo,
judicando, decernendo, sed purus putus præco est, & servus merus, cui necesse
est depositionis vel carceris metu parere. Si quis dixerit Archiepiscopum decer-
nere ut judicem, responsio in promptu est, Archiepiscopum decernere non pote-
state Episcopali, & jurisdictione ordinaria, sed delegata a Rege, & proinde Re-
gia. Cujus vel illud certissimum est indicium, quod Archiepiscopus potest hac
delegata potestate censuram excommunicationis decernere in quemvis Reum, etiam
extra provinciam Suffraganeorum, in quavis Angliæ aut Hiberniæ parœcia do-
micilio utentem. Quatenus Episcopus, secundum Hierarchy principia, non
potest exercere actum jurisdictionis exterioris in aliena Diœcesi. Si baptizaverit,
sacram cœnam celebraverit in aliena Diœcesi, etiam absque venia Episcopi Diœ-
cesani, eoque interdiciente, quamvis peccaret contra Canones, manent tamen

Quatenus
Archiepif.
copus in pro-
vincia non
omnimodam
extra pro-
vinciam
nullam ha-
bet jurisdi-
ctionem.

vera

vera sacramenta, quia hi actus manant à potestate ordinis. Sed si excommunicationis, aut absolutionis actus exercuerit, actus illi, à potestate jurisdictionis manantes, sunt nulli & irriti, teste Fildo. Præterea eandem potestatem potest per statutum princeps demandare cuivis indigenæ. Non exercet igitur potestatem ordinariam, quatenus Archiepiscopus, sed delegatam & derivatam à corona Regia. In assertione Christianæ politiæ habemus exemplum sententiæ excommunicationis à Commissariis latæ in quendam ob contumaciam his verbis. *In Dei nomine, Amen. Nos I. W. sacre Theologiæ Doctor, &c. Cancellarius Ecclesiæ, &c. Commissarii ritè & legitime procedentes, I. E. de B. L. Diæceseos, ad dictum diem & locum legitime, & peremptoriè citatum, & præcognizatum, diuque expectatum, & nullo modo comparentem, pronunciamus contumacem, & in pœnam contumaciæ suæ hujusmodi, eum excommunicamus in iis scriptis. Concordat cum Reg. T. Non decernunt ferendam sententiam, sed revera ferunt decernendo. Quod possunt Commissarii Regii, potest ipse Princeps. Nemo enim plus juris in alium transferre potest, quàm quod in se habet. Asserunt Hierarchici Principem posse leges ferre sub pœna ferendæ sententiæ excommunicationis, deprivationis, &c. Quædam leges Anglicanæ feruntur sub pœna non modo ferendæ, sed etiam latæ sententiæ deprivationis, id est, pœna deprivationis ipso facto. Quamvis de jure contra asserit Fildus, Ferre legem, inquit, est præscribere sub pœna, quam infligere potest is, qui præscribit. Unde colligit, Principes leges posse ferre, non Canones condere, quales Episcopi, qui edicunt aut interdiciunt sub pœna excommunicationis. Si igitur Princeps potest, ut legislator, pœnam excommunicationis infligere per legem, aut ut Judex, infligere per decretum, eandemque judicariam potestatem, ut supremus Gubernator, aliis demandare, modo sint indigenæ, potestne etiam sententiam latam denunciare, si esset necesse, & decori ratio sineret? Nam etiam Episcopi rarò aut nunquam denunciant, sed hanc provinciam aliis demandant. Dicitur in statuto, Omnimoda jurisdictio spiritualis seu Ecclesiastica, quæ antea solebat exerceri in Ecclesia, esse unita Coronæ Regiæ, eamque exercendam aliis demandare posse Principem. Non igitur negabo Reges Anglicanos habere potestatem censurarum & jurisdictionis in foro exteriori, quod quidam Hierarchicorum facere conantur. Depositionis pœnam reo infligere etiam possunt. Si commissarii possunt, etiam Princeps potest. Potest, inquit Mucketus, eos deponere, sicut Salomon Abiatharem, non Canonica aliqua degradatione eos ipsa sacerdotali potestate, quam iis minime donavit, quasi privando, sed tantùm externum hujus potestatis in suos subditos intra suas ditiones exercitium inhibendo. Quod ad degradationem canonicam, quæ realis depositio dicitur, ea nunquam usitata fuit, nisi cum quis ob graviora crimina traderetur Curiæ sæculari plectendus. Quòd quis exutus vestibus sacerdotalibus, aut instrumentis sacris, traderetur sæcularibus, sicut in exauctoratione militis insignia militaria detrahuntur, non erat de essentia depositionis, sed de solennitate canonice degradationis. Quòd dicit Principem non privare eos potestate sacerdotali, sed exercitio, idem est, ac si cum Pontificiis diceret, per pœnam depositionis licitum exercitium potestatis sacerdotalis tantum tolli, non ipsam potestatem & indelebilem, quem vocant, characterem. Spottisvodium Andreapolitanus cum tulit in Ministrum quendam sententiam depositionis ut Regis Commissarius, aperto ore dixit, De characterè indelebili idem cum Pontificiis sentio. Quòd addit tertio, privare tantum exercitio potestatis in suos, fucus est: Nam probè norunt Episcopi se non posse cohibere exercitium hujus potestatis apud exterarum Ecclesiarum. Præterea privare exercitio potestatis tum ordinis, tum jurisdictionis in Ecclesia, cui addictus erat Pastor legitimus, est pœna spiritualis, quam primario*

De Ecclef.
lib. 5. c. 27.

pag. 335.

De Ecclef.
lib. 5. c. 53.

pag. 302.

infigere non potest Princeps. Salomon Abiatharem amovit à sacerdotiò, relegando Anathorhas, quia reus læsæ Majestatis. Privatio exercitiî sacerdotalis erat consequens relegationis. Deposuit igitur secundariò, non primariò. Fildus asserit nullos, nisi duces spirituales & pastores, posse instar judicum amovere à gradu aut ordine Ecclesiastico quemvis legitime vocatum. At cum irrogatur a Commissariis Regiis pœna depositionis, non ut consequens alicujus pœnæ temporalis, sed sola, vel ut primaria, primario sententiam ferunt depositionis: vel, ut illud etiam largiamur, privationis exercitiî muneris pastoralis intra ditiones Principis, quæ est pœna spiritualis, & quidem ob delicta, quæ vocant Canonica & levissimam offensam in re Ecclesiastica, ut omissam crucem in baptismo, aut geniculationem in percipienda Eucharistia. *Non est nescius Bellarminus, inquit Junius, id juris communis esse, ut reus ex malefacto fortiaur judicem. Si in re sacra peccavisset Abiathar, ad sacerdotes pertinisset cognitio illius: sed quia in rempub. peccaverat majestatemque regiam, civiliter ac non Ecclesiastice agi cum eo oportuit. Salomon ergo & alii ut principes judicaverunt civiliter, judiciumque exercuerunt legitime, non autem administrationem Ecclesiasticam obiverunt.* Tertio, qui possunt irrogare censuram suspensionis, possunt & depositionis pœnam infligere: Nam censura suspensionis est in ordine ad pœnam depositionis, nempe si reus non recefferit à contumacia. Dicti commissarii hanc suspensionis censuram, quæ est spiritualis, irrogare possunt: ergo depositionis, quæ sequitur ob contumaciam, pœna est spiritualis. Quarto, possunt Commissarii excommunicare: excommunicatio autem est censura spiritualis: depositionis igitur pœnam spiritualem revera infligunt. Denique in statuto, omnimoda jurisdictio, quæ prius exercebatur in Ecclesia Papana, dicitur Commissariis demandata esse. Pœna igitur depositionis quæ inferitur à Commissariis, est pœna spiritualis & Ecclesiastica, eademque cum illa quam Pontificiorum Episcopi infligebant sub Papatu, & cum illa que in Curiis inferioribus Episcoporum irrogatur. Archiepiscopus tamen non potestate ordinaria has pœnas unà cum adfessoribus Commissariis infligit, sed delegatâ quam exercere potest in quovis pastores sive Anglicanos, sive Hibernicos; ut supra de excommunicationis censura diximus. *Non quatenus Episcopi exercent istam potestatem, sed quatenus sunt Regis Commissarii in causis Ecclesiasticis, inquit Downamus, nam alii qui non sunt Episcopi, habent eandem potestatem, nempe præfectus Capitolinus, præfectus Angarorum, Londinenses cives.* Possunt igitur ipsi Principes secundum leges Anglicanas depositionis pœnam spiritualem primario inferre, & *Judicialiter*, ut loquitur Fildus. Per statutum verò possunt eandem potestatem cuivis indigenæ demandare.

*De Concil. l.
1. cap. 20.
not. 8.*

*Defens. lib.
1. pag. 8.*

Possunt igitur dicti tres Commissarii duplici gladio animadvertere, spirituali & temporali, & in uno eodemque decreto, acie utriusque gladii uno quasi ictu ferire reum unius tantum culpæ, & forte levissimæ, ut privare officio, & in carcerem trudere; vel excommunicationis censurâ, simul & carceris pœnâ potius quam custodia percellere. Idem delictum possunt in uno castigare multa pecuniaria, in alio carceris pœna, in tertio excommunicationis censura, prout ipsis æquum videbitur. Nam pœnæ & censuræ omnes hîc sunt arbitrariæ, commissariorum libidine, non legum definitiõibus metiendæ, à quibus non licebit reo provocare ad iudices ordinarios. Hac duplici vindicta armati Episcopi Anglicani dominantur in pastores, & alios purioris cultus & politiæ vindices: Pompamque & Hierarchiam suam suffulciunt. In hac Curia, quam ad terrorem, *Celsæ Commissionis* indigitant, tanquam arce munitissima, securi in utramque aurem dormiunt, piorumque gemitus & querelas susque deque habent. Sed ne absque ratione insani-
re videantur, adducunt exemplum Jehoschaphati, ut duplicem istam jurisdictio-

nem

nem statuminent, 2. Chron. 19. Synedria illa videntur distincta locis, personis, causis, praesidiis. Nam etsi confundi videntur vers. 8. distinguuntur causis, & praesidiis, vers. 11. sicut & Deut. 17. qui iudices confundi videntur, vers. 9. distinguuntur vers. 12. In conjunctis igitur vers. 8. respective ut loquuntur Jurisconsulti, interpretari verba, versum collatione, oportet, & cum partitione accommodata. Sed detur unicum fuisse Synedrium majus, & Sacerdotes ac Levitas etiam interfuisse, tum de jure respondentes, tum de facto suffragia ferentes, erat tamen ordinarium & statum. Non erat confessus trium delegatorum à Rege Regiam jurisdictionem in causis Ecclesiasticis exercentium, sed Domus judicii septuaginta judicum, sicut Hebraei vocant, quæ ante Reges constitutos regebat populum Israeliticum. Non instituit Jehosaphatus, sed, collapsum Reipublicæ & Ecclesiæ statum recognoscendo, restituit & instauravit. Non judicabat de litibus privatis, nisi partium provocatione, aut judicum consultatione delatis, sed de causis publicis totius regni, de tribu, de pseudopropheta, de bello, de pace. Habebat potestatem vitæ & necis, & judicare poterat de causis capitalibus. Non mirum, si in populo Dei Synedrium illud fuerit mixtum personis & causis, cum pleræque leges judiciales fuerint etiam ceremoniales, & omnes in sacra codice descriptæ, erantque Levitæ Judæorum Jurisconsulti. A Judæorum politia necessariam non posse trahi consequentiam fatetur Bilsenus. *Jurisprudentia Judæorum De Gubern. Moisaicis libris comprehensa Rei publicæ gerendæ normam continebat. Quamobrem magna* cap. 2. ratione Sacerdotes & Levitæ tanquam illius scientiæ peritissimi, quippe quorum studium in meditatione legis præcipue viguit, in iisdem cum iudicibus subsellus sunt collocati. Aliter se habent Respublicæ Christianorum; Nullius enim civilis administrationis formam in Evangeliiis expressam legimus, utpote quæ Christianorum Magistratum prudentiæ legibusque Municipalibus est permessa, dummodo nihil statuatur quod cum pietatis ac charitatis regula pugnet, aut æquo & bono adversetur. Ministros igitur verbi Dei tanquam civilis juris arbitros ac disceptatores in iudiciis sedere nihil est opus, nec eundem sibi locum possunt vindicare, quem veteres sub Mose Sacerdotes tenuerunt. Addo nec eadem ratione in poenis temporalibus eundem locum sibi vindicare posse. *Disciplina Moisaica civilis fuit & politica, quæ gladii coercionem habebat, in ea re diversa, ab ea quam dominus & Apostoli in Ecclesia constituerunt, inquit Saravia. Et ibidem, censuram Ecclesiæ suæ* De Gradib. Dominus diversam constituit ab ea quæ fuit tempore legis. Nihil enim eam habere voluit, cap. 11. sect. 16. quod esset civilis imperii, ne ejus prætextu leges juraque gentium civilesque administrationes, Apostoli Ecclesiarumque pastores sibi adsumerent. Gelasius Pontifex Romanus in Anastasium Imperatorem invehens, testatur distinctas esse potestates, postquam ad verum ventum est, quamvis ante adventum Christi quidam, figuraliter adhuc in carnalibus actionibus constituti, utramque potestatem exercuerunt, Attamen Christus, inquit, memor fragilitatis humanæ, quod suorum saluti congrueret, dispensatione magnifica temperans, sic actionibus propriis, & dignitatibus distinctis, officia potestatis utriusque discrevit, suos volens medicinali humilitate salvare, non humana superbia rursus intercipi, ut & Christiani Imperatores pontificibus indigerent, & pontifices pro temporalium cursu rerum, Imperialibus dispositionibus uterentur; quatenus spiritualis actio à carnalibus distaret incurfibus, & ideo militans Deo minime se negotiis secularibus implicaret, ac vicissim non ille rebus divinis præesse videretur qui esset negotiis secularibus implicatus, ut & modestia utriusque ordinis curaretur, ne extolleretur utroque suffultus: & competens qualitatibus actionum specialiter professio aptaretur. Eadem fere Nicolaus primus. Dicent forte, se non ut Episcopos, sed ut delegatos Principis iudices, gladio temporali reos ferire. At Christus simpliciter interdixit dominativum regendi modum & vim coactivam per poenas temporales Math. 20. Luc. 22.

Vos autem non sic, Non ait Christus, *quatenus Apostoli*, sed omnino *vos*, nempe qui estis Apostoli mei, *non sic*. Non modò in eodem officio, sed etiam in eodem subiecto, incompatibiles esse voluit has potestates Christus. *Apostolis interdicitur dominatus*. I ergo tu, & tibi usurpare aude, aut Dominans Apostolatum aut Apostolicus Dominatum. Forma Apostolica hæc est: interdicitur dominatio, indicitur ministratio. Sic Bernardus. Non aliam merentur replicam sic distinguentes, quam scomma cujusdam Rustici Colonienſis, quod in Collectaneis suis refert Fulgosius. Si unicum erat Synedrium, & potestatem vitæ & necis habebat ordinariam, cur non arrogant sibi, ex officio Bonifaciani Prælati, potestatem etiam ordinariam vitæ & necis, sicut Sacerdotes & Levitæ in unico illo, ut ipsi volunt, Synedrio? Alioquin non quadrabit ad ipsorum gladium temporalem exemplum Synedrii Judaici. Quòd ad censuras spirituales attinet, potuitne Jehosaphatus earum potestatem sæcularibus, aut cuivis indigenæ demandare, idque vi omnimodæ jurisdictionis Ecclesiasticæ, annexæ & unitæ regio diademati? Si igitur nec Episcopi sint capaces potestatis gladii temporalis, nec sæculares spiritualis, in Curia celsæ Commissionis, nullam habet legitimam potestatem utriusque gladii Commissariorum etiam plenarius, nedum trium aut quatuor, confessus.

Possunt dicti tres Commissarii Canones unà cum Principe condere, ut supra vidimus. Imperarunt presbytero cuidam, ut panem Eucharisticum præberet uni, qui non nisi ore sumere volebat, teste auctore assertionis politiæ Christianæ. Solenne illis est imperare maritis, ut uxoribus immorigeris, quarum cohabitatio ipsis cordi non est, tantum ad victum suppedient, quantum ipsi præscripserint.

Possunt reis præscribere salaria advocatis, scribis, apparitoribus, aliisque Curie ministris solvenda.

Possunt constituere alios Commissarios inferiores & minores, à quibus, ut subdelegatis, ad ipsos fiat provocatio, ut refert Barrous.

Potest Princeps per statutum constituere Commissarios in quavis Diœcesi, imò in quaque Paræcia, à quibus nulla fiat provocatio, atque ita Curiarum omnium Ecclesiasticarum jurisdictionem ordinariam evertere. Wolfæus Cardinalis & Pontificis à latere Legatus, ipsius Archiepiscopi Cantuariensis Legari nati potentiam subruebat, Curiam erexit, quam Legatinam nuncupavit, ad quam omnes fere causas Ecclesiasticas pertraxit, apud alia solitas tractari tribunalia, quorum iudices, registrarios, ceterosque ministros otiosos jam sedere oportuit, & Wolſeianis emolumenta solita munus suorum concedere, ut refert Godwinus in Commentario de præfulibus Angliæ. Ita & hîc non una sed plures Curie Legatinæ Commissariorum Regionum erigi possunt, quæ Curias omnes ordinarias subruant.

Fingit Mucketus Commissariis potestatem utriusque gladii demandatam ad suppleendam, & corroborandam, ubi deficit, ordinariam Episcoporum & Archidiaconorum jurisdictionem. Quandoque enim fit, inquit, ut propter inferiorum iudicum Ecclesiasticorum negligentiam & conniventiam, aut impiam delinquentium tervecitiam in contemnendis Ecclesiæ censuris, propter illorum fugam ab una Episcopali Diœcesi in aliam, & potentiam in Comitatu ubi degunt, aut criminum atrocitatem, multi ordinaria Archidiaconorum & Episcoporum jurisdictione vel non omnino vel non pro meritis plestantur, qui hac Regionum Commissariorum potestate per universum Angliæ & Hiberniæ regnum protensa, & non modo censuris Ecclesiasticis, sed etiam pœnis temporalibus munitâ, multò ocys in ordinem rediguntur, & acrius puniuntur. Agnoscit igitur Episcoporum & Archidiaconorum negligentiam, conniventiam, & imbecillitatem, sed an seriò? Nequaquam: verum, ut hac fallaciâ majorem tyrannidem introducant. In constitutione:

De Considerat, lib. 2.

Pag. 193.

Pag. 304.

ratione edita per Simonem Mephram in Concilio suo provinciali celebrato anno 1323. habemus ista, quæ sequuntur. *Districte hoc approbante Concilio provinciali præcipimus, ut omnes iudices ordinarii nostræ Cantuariensis provinciæ se invicem sine aliqua difficultate juvent in citationibus & executionibus faciendis, ac quibuscunque mandatis licitis exequendis* Quò fugeret reus, si iudices ordinarii se invicem juverint? Si contumax excommunicationis fulmine ictus fuerit, potest Episcopus, per Breve regium *De excommunicato capiendo*, Vicecomitis operâ in carcerem tradendum curare. In Brevi quodam Regio. *de excommunicato capiendo* dicitur, quod *potestas Regia sacrosanctæ Ecclesiæ in suis querelis deesse non debet*, teste Apologia processuum in Curiis Ecclesiasticis. Si igitur iudices ordinarii habent & mutuum, & brachiū sæcularis auxillium, quod de fuga dicit subterfugium est. Si supplenda Episcoporum negligentia & Archidiaconorum, si corroboranda jurisdictio judicum ordinariorum, restituantur presbyteri in suum locum, & unâ cum Episcopo, ut in veteri Ecclesia, communi consilio & auxilio Ecclesiam gubernent. Convocentur bis singulis annis Synodi Provinciales. Frequentes coeant in conciliis nationalibus. Si quid ad hæc desideratur, imploretur brachiū sæcularis auxilium vel vindicta, prout æquum videbitur. Non est cælum terræ miscendum, divina & humana jura confundenda, gladii temporales & spirituales in unum conflandi & conferruminandi, præsertim in Ecclesia, ut ipsi prædicant, bene constituta & florentissima. *In favorem Ecclesiæ nihil injustum statui debet*, inquit Occamns. Possunt Commissarii litem inchoatam coram iudice ordinario, ad se advocare, ubi nulla apprehenditur negligentia aut conniventia. Possunt etiam iudices ordinarios antevertere, quod sæpius faciunt, & ubi possunt ordinariam jurisdictionem in suis Curiis, malunt extraordinariam istam & delegatam exercere in Curia illa augusta, majori terrore, maximè cum quis ad conformitatem cogendus, vel ob scriptum aliquod contra crucem aut superpelliceum castigandus. Non igitur ad supplendam negligentiam aut conniventiam judicum ordinariorum (nam ipsi sunt aut esse debent illi iudices ordinarii) constituti sunt Commissarii, nisi semet ipsos negligentia, & conniventia insimulare vellent Episcopi. Ad corroborandam quidem Episcoporum & Archidiaconorum jurisdictionem ordinariam, id est ordinariam tyrannidem, extraordinariam Jurisdictionem, id est, tyrannidem extraordinariam exerce- re Episcopos commissarios non diffitebor. Tribunal inquisitionis Hispanicæ corroborat jurisdictionem ordinariam Episcoporum & Archidiaconorum in Hispania, cujus in his Commissariis effigiem esse vivam faciliè concederem. Quod de quorundam potentia causatur, ludibrium est. Columbarum non corvorum, non procerum & magnatum, sed tenuium & plebeiorum tortura est ista jurisdictio.

Ad Anglicani tribunalis exemplar formatum est anno 1610. aliud in Scotia, cujus autoritate & potestate altaris Anglicani eclypon efformandum erat. Quidam ministri Episcopalem jurisdictionem & tyrannidem in Ecclesiam affectantes, armati sunt potestate utriusque gladii, quò facilius dominationem Episcopalem invaderent, idque solo diplomate Regio, absque ullo statuto vel specie minima consensûs procerum & ordinum Regni, ut in Anglia. Delegata Commissariorum jurisdictione freti Ecclesiam nostram in hunc usque diem vi subigunt, & miserum in modum opprimunt Sportifvodus Andreapolitanus, Laws Glascuensis, Lindesius Rossiensis, Bannatinus Dumblanensis, Douglassius Moraviensis, Lindesius Brechinnensis, Lindesius Caledonius, Forbosius Abredonensis, Boidius Argatheliæ, Lambius Casæ Candidæ seu Gallovidiæ, Abrenethius Catanesiæ. Græmus Orcadum, Cnoxius insulanorum Episcopi: eorumque decessores aliquot, Gladstonus Andreapolitanus, Hamiltonus & Couperus Gallouidiani, Forbosius Catanesiæ, & alii.

*Lindwood
in Provinc.
lib. 2. de ju-
diciis. fol. 65.*

Pag. 8:

*De Potest.
Pont. quæst.
3. cap. 2.*

3. Concernunt canones vel leges relaxandes. 1. in perpetuum, cum prorsus abrogantur à Principe. 2. in tempus tantum, ut cum princeps abolitionem criminis vel violati Canonis alicui concedit. 3. in præteritum, & in futurum etiam, ut cum & aboletur infamia, & violator in integrum restituitur. 4. Cum gratia fit Canonis in futurum tempus certæ alicui personæ, ex speciali occasione, causa cognita, quam Dispensationem vocant, quæ plerumque fit, cum sub magno sigillo Angliæ confirmantur facultates ejusmodi concessæ per Archiepiscopum Cantuariensem, cui hoc munus ex statuto incumbit, vel si ipse absque justa causa renuat, tum Cancellarius Angliæ eas primariò concedit juxta statutum in ea parte editum.

Si potest prorsus abrogare Canones absque Ecclesiasticorum & Synodorum assensu, frustra conditi Canones. Ordo postulat, ut per quas causas res aliqua nascitur, per easdem intereat; ut Canones à Conciliis conditi à Conciliis abrogentur.

Si etiam absque consensu Ecclesiæ potest abolere crimen & infamiam violati Canonis, frustra muniuntur Canones pœnis & censuris. Quod si per fictas causas acciderit, ut nonnulli ejusmodi gratias extorqueant, per quas pœnæ inflicte ab Ecclesia aut remittuntur aut minuantur, Tridentini Patres decreverunt in hunc modum. *Episcopus apud Ecclesiam suam residens, de surreptione & obreptione Gratiæ, quæ super absolutione alicujus publici criminis vel delicti, de quo ipse inquirere cœperat, aut remissione pœnæ, ad quam criminosus per eum condemnatus fuerat, falsis precibus impetratur, per seipsum, tanquam Sedis Apostolicæ delegatus etiam summarie cognoscat, ipsamque Gratiam, postquam per falsi narrationem aut veri taciturnitatem obtentam esse legitime constiterit, non admittat.* An non licebit de Codicillis venialibus Principis inquirere, quibus artibus extorqueantur, quod de Papæ codicillis in Ecclesia Papana licet? Conferat dignitates mundanas pro arbitrio, sed infamibus dignitatum Ecclesiasticarum portæ ne pateant.

Potest princeps autoritate legum Anglicanarum dispensare in omnibus causis Ecclesiasticis, in quibus dispensationes prius solitæ impetrari in Curia Romana, quarum dispensationum thesaurum erogat in Curia Archiepiscopi Cantuariensis, quam Curiam facultatum vocant, vel, ipso renuente, in Curia Cancellariæ. Potest autem Papa dispensare in omni lege humana Canonica. De dispensationum erogatione capite tertio opportunior erit dicendi locus.

3. Non usitata, quæ concernunt Beneficia Ecclesiastica, & Diœceses, eo quod potest Princeps.

1. Mandare Archiepiscopo, ut confirmet electionem: necnon cum duobus aliis Episcopis, ut confirmet electum in Episcopatum.

Sext. Decretal. lib. 2. c. 47.

Canonibus cautum fuit, ne fieret confirmatio, nisi prævia inquisitione & examinatione accurata, explorando electum, electionisque ordinem. Si ritè omnia confecta

fecta viderat Archiepiscopus, tunc confirmationis munus impendebat. Quòd si electus non fuerat repertus idoneus, iteranda erat electio. Hic vero omnia geruntur potius pro imperio. Archiepiscopus non à Patriarcha; sed altero Archiepiscopo & duobus Episcopis, vel à quatuor Episcopis confirmandus est.

*Decretal.
lib. 1.
tit. 6. c. 3.
& 25.*

2. Unire sive consolidare, vel separare antea unita, beneficia minora & Episcopatus.

Potest quidem accidere, utilitate vel necessitate suadente, ne quid Ecclesia detrimenti, aut cultus divinus decrementi patiatur ob inopiam & tenuitatem, ut minora beneficia colligationem postulent Ecclesiolarum: quòd in Episcopatibus, raro aut fere nunquam accidit, nisi quod Ecclesiasticorum avaritia insatiabilis & ambitio importunius idipsum effagitarunt. Episcopatum & beneficiorum conjunctio, fit, vel in unum corpus consando, vel unum alteri subjiciendo, vel utroque suum gradum & titulum retinente, unum principale, alterum inferius constituyendo. Sed annon hæc omnia sunt Ecclesiarum, quarum interest, aliorumque Ecclesiasticorum consensu & judicio prius probanda, ne unio pariat divisionem, & ne Episcoporum & pastorum greges dissipentur; Nihilne refert sintne Episcoporum vires gregibus suis pascendis impares? Episcopatum unionem quis, nisi qui lanam & lac ovium, potius quam commodum, sitiet, eximia laude ornabit? De provinciarum & dioecesium civilium unione & jure Metropolitico civitatibus in usum civilem conferendo nihil dicimus.

3. Fiduciario titulo, quem Commendam vocant, concedere vacantem Episcopatum, aut beneficium minus.

Priscis temporibus solebat Ecclesia vacans probo alicui viro commendari, donec præciceretur pastor idoneus, & Commendatarius tanquam tutor quispiam, aut procurator bonæ fidei, actus sui rationem reddebat. Verùm (inquit Duarenius) res ad consulendum Ecclesiis vacantibus excogitata, tandem in ipsarum perniciem pessemque mirabiliter conversa est, & sic immutata, atque deleta, ut priscæ illius fiduciæ vix imago quedam umbræ superfit, & mores ubique recepti faciunt, ut non simplex Depositarius curatorve, sed Dominus quodammodo habeatur Commendatarius. Fiduciarios istos dispensatores rectius fucatos dissipatores vocandos censet. Non videbatur duarum Ecclesiarum esse pastor, qui esset unius pastor, alterius tantum custos & commendatarius. Atque ita fiduciariis custodiis, vel potius mancipationibus, in fraudem canonum, Episcopi & alii beneficiarii minores, & postea etiam magnates, plura possidere beneficia cœperunt. Quæ pestis nostrò sæculo ita grassatur, inquit Renatus Choppinus, ut maxima sacerdotiorum portio à Satrapis teneatur sub aliena vilium sacrificulorum fiducia, tacitoque fideicommissio. p. 59. Inde manat etiam sacrorum munerum nefanda hereditas, vel oppignatio, vel turpis nundinatio, certissima Ecclesiasticorum bonorum labe, & ruina. Fiduciæ sunt, tam perpetuæ quam temporariæ: fiduciæ perpetuæ, sicut depositum vel mandatum simplex, revocari non possunt. Videmus igitur quanta impendeant mala ex fiduciarum seu commendarum potestate.

*De Minister.
& Benef.
l. 5. cap. 2.*

*De Sacra
Polit. lib. 1.*

4. Episcopos ab uno in alium Episcopatum transferre.

Quàm odiosa sit Canonibus alieni Episcopatus affectatio & Episcoporum translatio, videat lector Conc. Nicen. c. 15. Sardicens. Can. 1. Antioch. Can. 21. Chalced.

ced. Can. 5. Carthag. 3. Ca. 38. Potest quidem accidere, ut translationem suadeat Ecclesiæ utilitas aut necessitas, sed de utilitate & necessitate judicare debet Ecclesia, absque cujus consensu transferri non debent. Alioquin non præcideretur Episcoporum avaritia & ambitio, suæ civitatis mediocritatem fastidientium, & celebrioris loci administrationem ambientium, sed foveretur, si unius principis libidini permittenda esset ista potestas, sicut unius Papæ arbitrio olim permissa fuit. Primum quidem non nisi probatâ apud Synodum Provinciæ causâ, & interposito Episcoporum decreto, poterat Episcopus ab una Ecclesia in aliam transferri. Postea non licebat inconsulto Pontifice Romano transire ad aliam dioecesin, ejusque autoritate intercedente, etsi Legatus à latere id concederet. Nunc inconsultis Synodis & Ecclesiis transferuntur ab una sede in aliam.

5 E duobus nominatis unum in Suffraganeum Episcopum eligere.

Suffraganeorum Episcoporum sedes 25 in Episcoporum Dioecesibus constitutæ 26. Henric. 8. cap. 14. Facultas permissa Episcopo, duorum nomina in scriptis sub sigillo, Regiæ Majestati exhibendi, & rogandi, ut eorum unum nomine, titulo, & dignitate Episcopi Suffraganei civitatis N. ornaret. Regio diplomate monitus Archiepiscopus Episcopum Suffraganeum benedictionibus, & ceremoniis requisitis, unâ cum duobus aliis Episcopis aut Suffraganeis, inauguraturus est. Episcopi comprovinciales Archiepiscopi Suffraganei dicuntur: Sed isti sunt Episcoporum comprovincialium Suffraganei. De quibus plura suo loco. De Episcoporum electione in genere supra diximus.

6 Fines & terminos cujuslibet Dioeceseos extendere vel contrahere.

*De Polit.
cap. 1.*

In universo Angliæ regno unâ cum Walliæ principatu sunt comitatus quinquaginta & duo, quorum minimus in circuitu habet milliaria plus minus quinquaginta, maximus plus quàm ducenta, teste ipso Mucketo: & tamen Episcopales Dioeceses sunt tantum viginti sex, quarum aliquot per duos, nonnullæ per plures istorum Comitatum extenduntur; quod principatum magis quàm Episcopatum nobis exhibet. Fines & terminos cujuslibet Dioeceseos extendere licet Principi in usum politicum, sed Episcopi potestatem eousque extendere, quò Diocesium limites, posse pernegamus. Potest enim Princeps ad provinciæ amplitudinem dioecsin extendere. Extensiva Episcoporum potestas in integras Dioeceses nulla æquitate subsistit, ut postea docebimus.

Episcoporum translatio, Episcopaliū sedium mutatio, aut constitutio, Episcopatum unio, separatio, extensio, contractio hîc Principi reservata, numerabantur olim inter Reservata Papæ, quæ solus per se, aut speciali mandato, expedire poterat.

Si Princeps potest dispensare in omnibus causis, in quibus olim Papa dispensabat; presbytero jus Parochi conferre; novas leges de ritibus & ceremoniis ferre; Synodorum canones irritos & nullos reddere; dioeceses Episcopales unire, separare, contrahere, extendere; in omnibus causis Ecclesiasticis, etiam hæresis, simoniæ, idololatriæ & similium, appellationes recipere: sequitur *Supremi Gubernatoris* titulo, non intelligendum Principem esse solum vindicem jure gladii, ut sæpius inculcat Bilsonus in libro de obedientia, sed etiam esse legislatorem & judicem in omnibus causis Ecclesiasticis. In Comitibus Ordinum regni Scotici anno 1606. (ubi Proceres & Magnates quidam Regiæ Majestati gratificantes, pseudo-

pseudo-Episcopos ad tertium Ordinem Parliamenti restituerunt, ut Abbacias in feudo perpetuo retinere possent) declaratum, Regem esse supremum Monarcham, absolutum Principem, iudicem & gubernatorem in omnibus causis, tam temporalibus quàm spiritualibus. Si Princeps potest in omnibus causis Ecclesiasticis tum vindicare gladio temporali, tum censuris & pœnis spiritualibus castigare, & reformare omnes errores, schismata, hæreses, & enormitates, eamque potestatem aliis demandare; sequitur, potestatem Principis esse non objective tantum, & materialiter Ecclesiasticam & spiritualement, sed etiam proprie & formaliter, & Primatum Regium esse proprie & formaliter spiritualement, non Primatum quoad spiritualia tantum. Nam quatenus custos & vindex utriusque tabulæ habet potestatem vis coactivæ in causis Ecclesiasticis, & proinde objective Ecclesiasticam. Sed virtute Primatus Regii habet omnimodam jurisdictionem Ecclesiasticam & spiritualement, & proinde censurarum & pœnarum spiritualium potestatem in omnibus causis Ecclesiasticis, eamque demandare potest quibus libet indigens, & reipsâ Commissariis suis mandat. Potestas pœnarum & censurarum spiritualium in Principe, & Commissariis, non est alia, atque alia: alia in Committente, alia in Commissariis: sed eadem. Utraque igitur est, vel formaliter politica, quod absurdum; vel omnimoda jurisdictio Ecclesiastica, quæ antè exercebatur in Ecclesia Papana, non est unita Coronæ Regiæ, nec demandata Commissariis Regiis, quod falsum. Observandum non modò extraordinariam Commissariorum, sed etiam Archidiaconorum & Episcoporum jurisdictionem ordinariam, in foro exteriori à Principe tanquam supremo Capite manare, ut disertè dicitur in rescripto Edwardi 6. quod suprà memoravimus. Per statutum ejusdem Edwardi redintegratum Jacob. 1. tenentur Episcopi, literas citatorias, edicta, & decreta, non suo, sed Regio nomine munire, & processus formare, sigillisque suis non sua insignia, sed Principis, incidere, eaque Bullis suis apponere aut appendere. Quod quamvis in quotidiana praxi non observant, non tamen arguit eos autoritate Regiæ, & potestate à Principe derivata non exercere jurisdictionem ordinariam. Farrarius Menevensis sub Edwardo 6. inculpatus, quòd Cancellarium constituisset omisso Regis titulo & autoritate in tabulis mandata jurisdictionis; & in collationibus & institutionibus suum nomen auctoritatemque, non Regis, usurpasset, Primatusque non meminisset. Ad prius respondit, utcumque peccàrit in forma, auctoritatem tamen Regiam satis elucere in tabulis illis; ad posterius, se collationes & institutiones confecisse, si non nomine, saltem auctoritate Regiæ, Primatumque memoravisse, Whitgiftus Cantuariensis istud non diffidet. *Agnosceimus, Replica* inquit, *omnem jurisdictionem, quam habet aut exercet ulla Curia in Anglia, sive civilis sit, sive Ecclesiastica, exerceri nomine & auctoritate Majestatis Regiæ, ab eaque, ut suprema Gubernatrice, descendere.* Episcopi Pontificii, licet Papam ut Christi Vicarium recognoscant, cum excommunicationis sententiam ferunt, non tamen dicunt in nomine vel virtute Papæ, inquit Suarez, sed sua utuntur ordinaria potestate; vel dicere possunt in virtute Christi, vel per potestatem à Christo concessam; quia Christus est author Principalis, Papa tantum Christi vicarius. Non tamen negat posse ministrum, vel Legatum Pontificis dicere, se id facere potestate à Pontifice accepta, quia non attribuitur effectus Pontifici, ut principali causæ simpliciter, sed tantum in genere ministri seu vicarii communicantis jurisdictionem suam; quod secus fortasse esset, si diceretur in nomine aut virtute Petri, aut Papæ, quia hæc verba significare videntur auctoritatem Principalis Domini; Et quamvis dicere possunt auctoritate a Papa concessa, non est tamen hic aut similis loquendi modus, *Necessarius atque usitatus ab ordinariis Pastoribus, ut sunt* Episcopi,

Episcopi, qui post acceptam potestatem, ad modum causæ proximæ, suo jure utuntur. Ut Episcopi Pontificii mediante Papa habent jurisdictionem in foro exteriori, quamvis non usurpent nomen Papæ in exercitio jurisdictionis; ita & hic non sequitur, jurisdictionem in foro exteriori non manare à Principe, ut supremo capite Ecclesiæ Anglicanæ, quamvis Episcopi & Archidiaconi non usurpent nomen Principis in exercitio jurisdictionis exterioris. Est tantum peccatum in forma, & contra statutum, quod nomen Principis, & titulum supremi Capitis prætereunt, rem ipsam tenent. Observat Molinæus, excommunicandi potestatem in Ecclesia Papana manare, non a potestate ordinis Presbyteratus, nec Episcopatus naturâ, sed ab autoritate & jurisdictione quam habent à Papa, apud quem est scaturigo Ecclesiasticæ jurisdictionis omnimodæ. Episcopos descendere à Pontifice, tanquam à Capite, nihil aliud apud nos est, inquit Becanus, quam accipere jurisdictionem fori exterioris à Pontifice. Fugata igitur Pontificis Romani autoritate, alium oportebat Caput sufficere, & ex ejus scaturigine jurisdictionis omnimodæ potestatem haurire: nam absque Capite subsistere non possunt Episcopi & Archiepiscopi. Detrahebant olim veteres statuis capita, & alia imponebant. Hermas Pentelicus (id est statuas ex marmore Pentelico) cum capitibus æneis, ad se quamprimum mittat Pomponius Atticus, petit Cicero. Whitgiftus asserit Principem exercere supremi regiminis in omnibus causis; ut partem unam per Cancellarium, ita & alteram per Archiepiscopos. A Principe igitur fluit jurisdictio omnimoda, etiam Ecclesiastica in foro exteriori, & per appellationes ad eundem refluit. Quod ad potestatem ordinis & jurisdictionis in foro interiori seu conscientiarum, non derivatur à Principe, ab eo tamen pender ipsius exercitium. Alia autem est ratio jurisdictionis in foro exteriori, ut diximus. Notandum etiam, Principem posse hæc omnia jura particularia Primatus Regii exercere, quâ talis est simpliciter, & non quatenus Christianus: Nam sunt in perpetuum unita Coronæ Regiæ. Sive igitur sit Ethnicus sive Christianus, dummodò Coronæ possessor, eandem semper retinet autoritatem. Et certè quantamcunque de jure habet potestatem Princeps in causis Ecclesiasticis, habet quatenus Princeps simpliciter, & non quatenus Princeps Christianus. Spalatensis asserit Principis potestatem in externis Ecclesiæ, jure divino, & naturali & positivo, cum potestate Regia ita necessariò connexam esse, ut infidelis etiam Princeps tali, si velit & sciat, legitimè uti possit potestate. Et Turcicos ego, inquit, Magistratus in mea Diœcesi Spalatenfi, quæ maxima ex parte Turcis subest, expertus sum invigilantes super Christianos subditos, ac præsertim Ecclesiasticos ministros, ut leges proprias servarent. Nihil igitur novi juris accedit Principi ex Christianismo: tantum scientiæ lumine, & voluntatis inclinatione redditur magis idoneus & promptus ad dextrè & commodè exercendum suam potestatem. Quod si eodem vitio laboraverit, quo Ethnicus, vel coecæ mentis vel depravatæ voluntatis, non cessaret ab officio suo Ecclesiæ, ubi opus fuerit, nec sibi aut membris suis in casu necessitatis deesse debet: siquidem potestas Principis sive Ethnici, sive Christiani Cumulativa est, ut supra diximus, non privativa. Salus Ecclesiæ suprema lex esto. Regia prærogativa complectitur amplissima privilegia, Regiam Majestatem ab usitatâ juris normâ eximentia, quæ aliquibus cancellis circumscribere est difficile, inquit Muckerus. Sic circumscribit tamen Renatus Choppinus in præfatione Operis de sacra politia. Regiam numerum autoritatem Ecclesiæ solum metimur commodis; tantumque ipsi tribuimus, ut sacro Cœtui quæ adjumento esse debet, offendiculo non sit, neve cujus adjutrix ornande illa quondam fuit, Ecclesiasticam opprimat libertatem. Haud secus ac Horatiani equi auxiliator in cervum, cujus implorata ope, francoque recepto, victor quidem equus discessit ab hoste, at non

equitens:

*De Vocat. l.
1. p. 138.*

*Examen
Concord.
Angli. p. 113*

*Ad Atticum
l. 1. epist. 8.*

*Repl. p.
381.*

*Offensio
Errorum
Suarezii.
cap. 3. num.
23.*

*De Tolis.
cap. 2. p.
399.*

equitem dorso, non frænum depulit ore. Quamvis Principum opem imploravimus, ad Papam oppugnandum & debellandum, cavendum tamen ne, excusso Papæ jugo, Magistratibus tribuamus novum Papatum: alioquin non Papatum, sed Papam solummodo mutabimus, & Papisimum Papatûs comitem nunquam penitûs profigabimus. Extrema semper vitanda, & mediâ incedendum est viâ. Spalatensis in eodem Regno duo corpora Reipublicæ & Ecclesiæ formaliter diversa esse ait, quamvis materialiter sint unum corpus. *Eadem multitudo, ut civilis, constituit Lib. 6. cap. unum genus Reipublicæ, cujus caput solus sit Rex, & cujus membra sint omnes homines 3. num. 17.* quatenus pars sunt Reipublicæ civilis: neque membrum ullum est quod non subdatur Capiti. Et rursus eadem multitudo, ut fidelis & Christiana, aliud, toto genere diversum à priori, constituit Reipublicæ genus, quod est Ecclesia, cui præest Sacerdos, & non Rex: qui Rex, respectu hujus secundi generis Reipublicæ membrum est, & non Caput; sicut prioris Reipublicæ, Pontifex membrum est & ipse, non caput: Ideoque in priori Reipublica Pontifex subjicitur Regi, in posteriori vero Rex subjicitur Pontifici. Ipsam potestatem Regiam illi non subjici antè dixerat. Et paulo suprâ, *Potestas spiritualis & temporalis, cum sint inter se diversissimi ordinis, nullo modo possunt invicem commisceri. N. m. r. 11.* Hoc puto velle Spalatensem, Principem esse formaliter caput reipublicæ in regno, & tribuum & singulorum civium; sed non Ecclesiæ in regno, nec formaliter exercere potestatem Ecclesiasticam posse, eamve aliis demandare, quod est officium capitis.

Qui Primatûs Regii jura discere voluerit ex Hierarchicorum contra Pontificios scriptis Polemicis, nihil certi reperiet. Nam vel Andabatarum more inter se dimicant, vel de facto potiùs exempla quorundam Imperatorum à recta norma sapius deflectentium congerunt, quam de jure argumenta proferunt. Ex statutis regni, Commissariornm jurisdictione in causis Ecclesiasticis, & tabulis Hierarchiæ, faciliùs & certius omnia Primatûs Regii jura edoceri possumus.

CAPUT II.

De Episcoporum Gradibus.

Nulla est jure divino graduum imparitas inter Ecclesiæ pastores. Differentia inter Episcopum & Presbyterum introducta in Ecclesiam, erat tenue illud initium unde orta est Monarchia Papæ: & gradus Episcoporum erant gradus, quibus sceleratus ille & exlex Antichristus Romanus ascendit ad fastigium dignitatis & tyrannidis. *Antichristus, inquit Wicleffus, habet sub specie Cleri, Procuratores duodecim contra Ecclesiam Christi machinantes; cujusmodi communiter ponuntur Papæ, & Cardinales, Patriarchæ, Archipræsules, Episcopi, Archidiaconi, Officiales, Decani, Monachi, & Canonici bifurcati, Pseudo fratres introducti jam ultimò, & Quæstores. Omnes autem isti duodecim, & specialiter Prælati Cæsares, & fratres infundabiliter introducti, sunt manifesti discipuli Antichristi; quia libertatem Christi tollunt, ac onerant sanctam Ecclesiam, ac impediunt ne currat lex Evangelii libere sicut olim. Idem asserit, quod superbia Cæsarea hos gradus & ordines adinvenit. Similiter dico, inquit, quòd tempore Pauli, fuit idem Presbyter atque Episcopus, ut patet 1. Tim. 3. & ad Titum 1. & idem testatur ille profundus Theologus Hieron. ut patet 87. Dist. cap. Vm. Tunc enim adinventa non fuit distinctio Papæ & Cardinalium, Patriarcharum &*

Dialog. 1. 4. cap. 26.

Archiepiscoporum, Episcoporum & Archidiaconorum, Officialium & Decanorum, cum cæteris officariis & privatis religionibus, quorum non est numerus neque ordo. Presbyteros, quamvis ordine suo abutentes, non numerat inter Antichristi discipulos & gradus superbiâ Cæsareâ invec̃tos in Ecclesiam, sicut Episcopos. Sed quia de Episcopi & Presbyteri discrimine paulò fusiùs capite quarto, dicturi sumus, tantisper largiamur adversariis nostris, Episcopos Presbyteris esse potestatis gradu de jure divino superiores & majores, graduum tamen differentias inter ipsos Episcopos eodem jure constitutas fuisse pernegamus. Sunt qui Timotheum Asiæ propriâ dictæ, & Titum Cretæ, Archiepiscopos propriè dictos fuisse volunt. Episcopos Dioecesanos fuisse, datum sit, non concessum, Archiepiscopali etiam gradu aliis Episcopis superiores fuisse non evincunt. Nullos legimus eis subordinatos Episcopos Dioecesanos in Asia aut Creta. Mandat Paulus Tito, ut constituat oppidatim Presbyteros. Et ne fortè putent sub voce Presbyteri latere Episcopum, antonomasticè postea sic dictum, quia vocabula tunc erant communia, observandum est Apostolum non dicere, κατὰ πόλιν πρεσβύτερον, nec κατὰ πόλεις πρεσβύτερους, sed κατὰ πόλιν πρεσβύτερος; sicut & Act. 14. 23. Paulus & Barnabas κατ' ἐκκλησίαν πρεσβύτερος constituisse, refert Lucas. Constituit igitur Presbyteria, non Dioecesanum Episcopum in singulis oppidis aut civitatibus Titus. Mandat Timotheo Paulus, ut adversus Presbyterum, accusationem non recipiat; de accusatione adversus Episcopum Dioecesanum recipienda nihil dicit. De Presbyteris, Diaconis, & Viduis præcepta tradit; De Episcopis Dioecesanis, nec sub Episcopi, nec Presbyteri nomine, nullis mandatis instruit. Ad Archiepiscopos vel Metropolitanos scilicet scriberet Apostolus tres integras Epistolas, & inter tot & tam varia mandata, ne vel unum, quod Archiepiscopo vel Metropolitanò proprium, interfereret? Nihil de convocandis Episcoporum Synodis, de Episcoporum consecrationibus, de corrigendis excessibus & defectibus Prælatorum, de recipiendis appellationibus in Episcoporum consistoriis interpositis, monet Apostolus; quamvis hæc sunt præcipua Archiepiscoporum munera, ut volunt Hierarchici. Ephesus quidem posterioribus sæculis constituta est sedes Metropolitana, sicut & Gortyna Cretæ. Utrum verò hanc prærogativam, loci præstantiâ, an successionè à Timotheo, adepta fuerit, nihil certi & definiti affirmare audent Bilsonus. Jacobum Apostolum fingunt Episcopum, & affigunt Hierosolymis. At sedes Hierosolymitana non fuit Metropolitana, sed posteribus sæculis subdita Episcopo Cæsareæ. Magna erat illius Ecclesiæ præcellentia, & ob Evangelii primam propagationem, Christi passionem, & veteris civitatis præstantiam, ob quas causas ad Patriarchatûs dignitatem tandem evecta est. Si, Cathedram tenente Jacobo, fuisset sedes Metropolitana, eâdem dignitate postea diminuta, non fuisset Cæsareensi subjecta. Jacobus Apostolus igitur erit solummodo Episcopus Dioecesanus, Timotheus vero & Titus Evangelistæ erunt Archiepiscopi. Siccine Apostolos in Episcopos, Evangelistas verò in Archiepiscopos transformabunt? Inter Angelos septem Ecclesiarum Asiaticarum eratne unus Archangelus? Annon omnes inter se pares, & tanquam rami æquales ex eodem Candelabri aurei scapo prodeuntes? Quid singulare laudat vel vituperat Christus in Angelo Ephesino, quod in cæteros Angelos Archiepiscopalem jurisdictionem redolet, quamvis quidam ipsorum in Asia minori etiam sedes habebant? Præterea Timotheus & Titus Pastorale munus exercere poterant ex officio in qualibet præfecturæ suæ parte, Titus in quovis oppido Cretæ, Timotheus in quavis civitate Asiæ, si modò Asiatica

In 1. Tim. 5. gens fere tota credita fuit Timotheo, ut vult Cysrystomus. At Archiepiscopus non debet Pastoris officio fungi in qualibet Dioecesi provinciæ suæ. Non igitur erant.

De Gubern.
s. 16. p. 439

erant Archiepiscopi, sed vel Episcopi, vel Evangelistæ. Obiter notandum, Diœceses Episcopales non protensas fuisse ad Provinciarum, Insularum, aut Regionum amplitudinem: Ergo nec quatenus Episcopi evangelizare tenebantur in tota sua præfectura, sed quatenus Evangelistæ. Principium istud mihi certissimum, nullum Ministerium ordinarium ab Apostolis præfectum fuisse pluribus Ecclesiis, ut, exempli causa, Ephesinæ & Pergamensi, Pergamensi & Laodicensi, sed uni tantum: At unam Ecclesiam Provinciam nullam legimus, sed in plurali numero plures unius sive Provinciæ, sive Regionis, Ecclesias. Denique, si præcipuè muneris Archiepiscopalis partes, Metropolitanis non nisi post Apostolicum sæculum attributæ fuerint, ab Apostolis non sunt instituti: At prius verum. Episcoporum consecratio, Synodorum convocatio, electionum confirmatio, appellationum definitio, Provinciæ visitatio, in Consiliis præsentia, sunt præcipuæ partes muneris Archiepiscopalis: At hæc omnes post Apostolorum ætatem translatæ sunt in Metropolitanos, ut paulò infrà ostendemus. Whitgiftus Cantuariensis, Archiepiscoporum usum in Ecclesia, quandoque necessarium, quandoque inutilem esse, asserit, & ad Principum arbitrium esse mutabilem: Non sunt igitur divinæ institutionis. Nam quod Christus instituit, Principes tollere non possunt, & ordinaria Ecclesiæ ministeria, quæ sunt institutionis divinæ, fluxum & refluxum, Eurypi instar, non patiuntur. Downamus cum actu constitutos ab Apostolis Archiepiscopos docere non posset, ad arcanas Apostolorum intentiones se recipit, & Apostolos intendisse, diversis Ecclesiis in Provincia constitutis, Metropolitanum omnibus præficiendum; quod tamen nullis certis indiciis demonstrare potest. Ex præsumptis intentionibus etiam Episcopum Oecumenicum, & Patriarchas majores excudere possunt Hierarchici, si tantopere illis talia figmenta arrideant. Prædicarunt Evangelium, ut plurimum, in civitatibus celeberrimis, ut inde ad oppida minora ocylus & facilius evulgaretur. Non sequitur tamen, illarum civitatum Ecclesiis, jurisdictionem in conversas tributam fuisse. Sic enim Hierosolymitana, matrix fidei & religionis Christianæ, non modò Cæsarensi, cui postea subdita, sed etiam Romanæ, & Alexandrinæ, totius denique Orbis Ecclesiis, præficienda erat. Præterea quamvis Apostoli, ut prudentes operarii, miserunt falcem in ampliorem messem, & paululum fermenti indiderunt in magnam massam, quo citius totam fermentarent, non tamen minores neglectim præterierunt. Spargebant semen Evangelii non temerè, sed prout à spiritu sancto erant ducti, sive ad civitates, sive ad oppida & villas & Pagos. Obibat ipse Dominus urbes omnes ac Vicos Mat. 9. 35. & sic suo exemplo præmonstravit, quid facturi essent Apostoli emittendi in universum orbem. Non deerat Apostolis opportunitas constituendi Archiepiscopos suæ etiam ætate, ut in Ecclesiis Asiaticis, nullos tamen actu constituisse legimus. Si Episcopos non solum conversis, sed etiam convertendis, actu præfecerunt in singulis Diœcesibus Apostoli, ut vult Downamus; cur non etiam Provinciis convertendis, etsi actu nondum conversis, Provinciam actu Episcopum itidem constituerunt? Eat igitur intentionalis iste Archiepiscopus, Apostolorum ætate nondum natus, & quærat sibi spurius alios patres, quàm Apostolos. Patres Nicæni Metropolitanorum originem, non ad institutionem Apostolicam, sed ad τὰ ἀρχαῖα ἱερὰ referunt. Non tam de sedibus, Romanâ, Alexandrinâ, Antiochenâ, quam de gradibus ipsis Metropolitanorum loqui, patet ex adjectione *cæterarum Provinciarum*, nullâ sedium particularium expressâ. Præterea nullos legimus perpetuos Episcoporum consecratores & moderatores, Metropolitanis priores, in Provincia Romana, Romano, in Antiochenâ, Antiocheno, in Alexandrina, Alexandri-

Replie. pag.

310 311

316.

De Gubern.
p. 487. 488.

Orat in
laudem Ba-
silii.

De Gradib.
cap. 20.

Can. Isagog.
l. 3. p. 301.
302.

Paran. p.
19.

L. 4. Epist. 2.
De Simplic.
Prelat.

De Rep. Ec.

no, &c. Ostendant nobis vel unicum exemplum perpetui præsidis Metropolitano prioris, cæteris compvincialibus consecrandis, convocandis, moderandis præpositi. Quod erat illi nomen? Metropolitanus indigitari non potuit, qui Metropolitanæ Ecclesiæ Episcopus non fuit. Fastuosum Archiepiscopi vocabulum nondum erat in Ecclesia usurpatum. Sed non mirum est Anonymum fuisse, qui nullus fuit. Conjectura igitur Bilsoni inanis est. Cum verò miranda illa spiritus sancti dona ab hominibus defecerunt, quæ prima forsân Ecclesia spectavit in eligendo præcipuos quosdam cæterorum Episcoporum moderatores; ætates proximæ subsequentes, ut viros celeberrimos præfecerunt, ita Ecclesiarum illarum Episcopos τὰ πρεσβεία prerogativam inter fratres habere voluerunt. Ut mittam, quod Nazianzenus non digniorum, sed potentiorum, Episcopales thronos fuisse queritur, addam & portentorum. Qui erant illi mirandis donis præditi, ab Apostolis, aut Evangelistis alii? Quod eorum munus? & quo ornatum nomine? Frivolum etiam est, quod profert Saravia ex Apostolorum Canonibus: *Episcopos singularum gentium scire oportet, quis inter eos primus sit, qui habeatur veluti Caput, præter cuius sententiam nihil, quod majoris momenti sit, agant.* Comminiscitur inde hanc provinciam aliis, quam Metropolitanis commissam fuisse; quia Metropolitani non meminit Canon Apostolicus. At Canon ille desumptus est, paulum mutatis verbis, ex Concilio Antiocheno, ubi & Metropolitanus dicitur, & causa redditur, cur ad Metropolitanum potius quam alium, controversiæ Ecclesiasticæ deferendæ sint. Canones falsò dictos Apostolicos Antiocheno Concilio recentiores esse, vel unicum evincit, quòd Canones illi qui nomine Clementis Græcè editi, præcipiunt Natalem Domini celebrari 25. Decembris, quod prorsus ignotum erat in Ecclesia Orientali ante Epiphaniæ & Chrysostomi ætatem, & horum Canonum tamen meminerunt Canones Apostolici. Quum hi Canones v. tuslatem suam tueri non possunt, inquit Scaliger, quantum minus & illi nomine Apostolorum, qui illorum meminerunt, & quædam dicunt in illis esse reprehensioni opportuna? Tilenus tamen Saraviæ affecit, his recentioribus Canonibus tueretur Metropolitanarum vetustatem. Sed detur Canones Apostolicos Antiocheno Concilio fuisse vetustiores, non tamen Metropolitanorum autoritate antiquiores fuisse sequitur, & proinde Antiochenus Canon erit tantum Apostolici exegeticus. Ex ipsorum audaci conjectura, vanitatis etiam arguitur Downami delirium de Apostolorum intentione. Si enim Apostoli intendissent Metropolitanos compvincialibus præficiendos, cur alii quam Metropolitani constituti sunt compvincialium inspectores à Patribus? Vel arcanas illas intentiones ipsis nondum innotuisse sequitur, vel Apostolorum instituta despexisse. Patres igitur Niceni ad vetustum morem referunt gradum Metropolitani, non sedem tantum. Vox ἀρχαία in Canone Nicæno multas rétro annorum centurias necessariò non innuit. In Concilio Carthag. 3. can. 54. secundum Zonaram ὁ ἀρχαῖος τῷ πρῶτῳ dicitur antiqua forma, quæ ante annos septuaginta in Concilio Nicæno instituta fuerat. Petrus Actor. 15. 7. dicit Deum elegisse se ἀφ' ἡμερῶν ἀρχαίων jampridem (ad verbum à diebus antiquis) ut per os ejus audirent gentes sermonem Evangelii. Quod non nostra ætate, sed avorum extitit, ab antiquo fuisse dicimus, quamvis proavorum aut abavorum tempora non attigerit. Sed ipsius rei vetustatem & initia videamus. Justinus Martyr & Irenæus de Episcoporum gradibus nihil differunt, sed altum est apud illius ævi scriptores de eis silentium. Silent & ineunte Centuria Tertia, Tertullianus, Clemens Alexandrinus, Origenes. Mediâ Centuriâ Tertiâ Cyprianus Episcopus inter se æquales esse scribit. *Episcopatus unus est, Episcoporum multorum concordia numero sitate diffusus.* Item; *Episcopatus unus est, cuius à singulis in solidum pars tenetur.* In verba Cypriani hæc commentatur Spalatenfis. *Ipsos vero omnes Episcopos non re-*
ducit

ducit Cyprianus ad ullam unitatem per subjectiones & Prælationes usque ad unum ^{supre- cles. Lib. 3. c.} num, quæ est unitas subordinationis, sed omnes in solidum illam totam Ecclesiam ^{num. 14.} gubernant. Si in solidum omnes & simul, certe inter ipsos neque est Prælatio neque subjectionis. Et unus omnium, inquit, Episcoporum est Episcopatus, hoc est omnes Episcopi simul sumpti & in solidum unum tenent Episcopatum, & omnium est unum, & idem officium & munus, inter multos tamen diffusum. In Concilio Carthagenensi idem Cyprianus hæc habet verba; Neque enim quisquam nostrum, Episcopum Episcoporum se constituit, aut tyrannico terrore ad obsequendi necessitatem collegas suos adigit, quando habeat omnis Episcopus pro licentia libertatis & potestatis suæ arbitrium proprium, tanquam judicari ab alio non possit, cum nec ipse possit alterum judicare. Quod si quis dixisset, sic impunè posse Episcopos quidvis agere, responderet alibi; Idcirco, frater ^{L. 3. Epist. 13.} charissime, copiosum est corpus sacerdotum, concordie mutue glutine, atque unitatis vinculo copulatum, ut si quis ex collegio nostro hæresin facere, & gregem Christi lacerare & vastare tentaverit, subveniant cæteri, quasi pastores utiles & misericordes, oves Dominicas & gregem colligant. Hos multos Episcopos ut redigat in unum, inquit Spalatensis, glutine eos concordie facit simul inter se coherentes. Coherentia hæc paritatem ^{De Eccles. Rep. l. 3. c.} supponit, neque admittit subordinationem unius ad unum: admittit subordinationem unius ad plures, vel ad collegium, seu Corpus sacerdotum, ut loquitur Cyprianus. Hieronymus, Epistola ad Euagrium, Episcopos inter se pares esse ex eo colligit, quod omnes Apostolorum successores sint. Ubiunque, inquit, fuerit Episcopus, sive Romæ, sive Constantinopoli, sive Rhegii, sive Alexandria, sive Tanis, ejusdem est meriti, ejusdem est sacerdotii. Potentia divitiarum, & paupertatis humilitas, vel subliorem vel inferiorem Episcopum non facit. Cæterum omnes Apostolorum successores sunt. Whigiftus Cantuariensis ait, Episcopos & Archiepiscopos esse pares quoad ministerium, non quoad jurisdictionem, & esse ejusdem ordinis, non ejusdem gradus. Non ne- ^{Repl. p. 386. Defens. l. 3. p. 127.} go, inquit Downamus, Metropolitanos esse Episcopos comprovincialibus superiores potestate jurisdictionis, quamvis omnes omnino Episcopi potestate ordinis sint æquales. Hæc ^{De Pontif. l. 2. c. 16.} eadem Bellarminus. Illud autem quod Hieronymus dicit, Episcopos esse ejusdem meriti & sacerdotii, verum est; sed intelligi debet de Episcopatu ratione ordinis, non jurisdictionis. Nec enim negare voluit Hieronymus, majorem esse ditionem Episcopi Alexandrini, quam Tanensis, cum constet illum tribus magnis provinciis, istum uni tantum civitatule, præfuisse. At Whitakerus responderet; Illud non esse exponere Hieronymum, ^{De Pontif. Quest. 1. c. 3. n. 27.} sed illudere. Illud Sacerdotii ordinem significat, de quo respondent: sane meriti quid aliud esse potest quam dignitatis, potestatis, auctoritatis, jurisdictionis? Quasi dicat Hieronymus, Episcopi omnes non tantum sacerdotio atque ordine, sed etiam merito, & potestate & honore & auctoritate æquales sunt. Et id valere nomen meriti ostendit ex verbis Hieronymi, nam prius dixit, si auctoritas quaeritur, tum subicit, omnes sunt ejusdem meriti & sacerdotii. Possunt esse ditiores aut tenuiores, sed tamen hæc inæqualis potentiae aut paupertatis conditio non tollit dignitatis atque auctoritatis æqualitatem. Quod ad objectionem de majore ditione Episcopi Alexandrini quam Fanensis, vel ut alii Tanensis, responderet; Hieronymum de jure, non de humana consuetudine aut constitutione loquutum esse. Æqualitas ordinis à Deo est, inquit Junius, inæqualitas verò illius, quam hic Bellarminus dicit, jurisdictionis à politico & humano jure. Eadem toridem fere verbis Tilæus. Nesciunt, inquit Spalatensis, distinguere Hieronymus ab ordine jurisdictionem? Ignoravit Episcopos jurisdictione esse æquales, quos pares ordine faciebat? scilicet, sub titulo Sacerdotii inclusit quicquid ^{De Rep. Eccl. l. 1. c. 6. num. 6.} & ordinis & potestatis haberet Episcopus, & pro unica vrefragabili hujus æqualitatis ratione posuit Apostolorum successionem. Episcopus & Presbyter sunt ejusdem ordinis, quamvis secundum Hierarchicorum sententiam jurisdictione sint impares. An igitur

tur ut Episcopus ad Presbyterum, ita se habet Archiepiscopus ad Episcopum? Cypriani testimonia de jurisdictionis potestate pari intelligenda esse, quis adeo vecors est, qui non sentiat? Metropolitanorum potestatem non institutione Apostolica, sed constitutione humana subnixam arguunt Synodorum convocatio & in

Hist. Lib. 5. Cap. 14. iis Præsentia in Secunda annorum Centuria. Prope finem Centuriæ Secundæ refert Eusebius fideles sæpius convenisse, doctrinam Montani examinasse, hæresimque ejus reprobasse, & ex Ecclesia exterminasse. A Metropolitanis Synodos

Lib. 5. c. 21. illas convocatas fuisse non refert. Eodem libro narrat convocatas fuisse varias Synodos ob controversiam de Paschate; & Synodo in Palestina præfuisse Theophilum Cæsareensem, & Narcissum Hierosolymitanum: Non præfuit igitur unus jure Metropolitanico Synodo Episcoporum Ponti Palmas præpositus *ὡς ἀρχαιότατος* ut vetustissimus: non ergo ut Metropolitanus præsidebat; nec in Palmam hanc prærogativam ob senectutem contulissent, si Metropolitanis, vel jure divino, vel lege aliqua Ecclesiastica, vel consuetudine, debita fuisset. Si Metropolitanus non præfuit, nec convocasse censendum est. Qui nec ex officio præsidebant in Synodicis Episcoporum conventibus, neque eosdem convocabant, Episcopos consecrasse, Provincias visitasse, appellationes recepisse, comprovincialium excessus & defectus correxisse, quis compos mentis affirmare audebit? Hieronymus, Epistolâ ad Euagrium, neque ab Episcopis, neque à Metropolitanis ordinatos Episcopos in Ecclesia Alexandrina, sed à Presbyteris solum electos & in celsiori gradu collocatos memorat. Nam & Alexandriæ, inquit, à Marco Evangelista usque ad Heraclum & Dionysium Episcopos, Presbyteri unum ex se electum in celsiori gradu collocatum Episcopum nominabant. Consecrationis vox in Episcoporum Ordinationibus nondum nata, imò nec Ordinationis. Nam Episcopi & Presbyteri una erat & eadem ordinatio. Erat igitur ista evescio ad Episcopatum, nulla tantum electio & in prostasia perpetua collocatio. In Centuria Tertia legimus convocata fuisse in Africa Concilia quædam, quibus tamen non præfuerunt Episcopi Carthaginenses; ut Lambestanum, in quo damnatus Privatus à 90. Episcopis, & Capsense convocatum ad Episcopi Capsensis ordinationem. Prope finem Centuriæ Tertiæ convocata Synodus Antiochena non à Samosateno Antiocheno, sed contra Samosatenum. Mutuo consensu, missis invicem literis, Episcopi coiere in Synodis prope tres annorum centurias; nec uni ex officio, cura convocandi, & præsidendi prærogativa perpetua, in omnibus provinciis alligata fuit. Cyprianum Archiepiscopum, vel Provincialem Episcopum non fuisse comprovincialibus superiorem, ipsius testimonia à nobis citata superius abundè testantur, ex quibus colligit etiam Musculus de Metropolitanis & Patriarchis non cogitasse quidem Cyprianum. Scribit quidem Cyprianus in hunc modum. *Sed quoniam latius fusa est nostra provincia, habet etiam Numidiam & Mauritaniæ duas sibi cohærentes.*

Loc. com. de Ministr. Po. & stat. Sed scribit nomine Collegarum, ut indicant verba præcedentia; *Sed cum statuissemus collegæ complures, qui in unum conveneramus.* Non erat fusior illa provincia unius Cypriani, sed omnium Episcoporum comprovincialium ex æquo communis. Nazianzenus de Cypriani quædam præfectura hæc habet verba; *Neque Carthaginensi tantum Ecclesiæ, nec Africæ præficitur, verum etiam occiduis omnibus regionibus ac prope etiam ipsi Orienti, necnon Australi & Septentrionali oræ.* Satisne sanus est, qui Cypriani jurisdictionem in has tam latè fusas provincias ex his verbis eliceret, & Pontificem Oecumenicum aliquem fuisse assereret? Quod igitur ubivis laboranti Ecclesiæ opem ferret scriptis aut consilio, & doctrinæ luce in Ecclesia tanquam majoris magnitudinis stella inter minora sidera coruscaret, & cura universalis Ecclesiæ, quæ in communi omnibus Episcopis incumberebat, ipsum magis

magis sollicitum redderet, ideo Rhetoricè potius quam Dialecticè Nazianzenus præficiendi verbo utitur. Eadem enim fere cura emicuit in Cypriano, quæ in ipsis Provinciarum illarum Præfectis, quibus tamen non præesse, sed prodesse volebat. Quod de Cypriano Nazianzenus scribit, personale fuit, & Carthaginensibus Episcopis nequitiam accommodandum. Si fortè alicubi occurrant de aliis illius Centuriæ Episcopis similes phrasæ, personarum elogia, non sedis aut dignitatis præfectura, inde colligenda sunt; nisi cæteris ejusdem sedis Episcopis eandem congruere, ex illius ævi scriptoribus probare possint; quod non posse confido.

Natura suadente, Apostolica Ecclesia exemplo suo præeunte, & necessitate flagitante, coierunt vicini Episcopi ejusdem Provinciæ, Regionis, aut Præfecturæ civilis, ut canones conderent, hæreses & suppullulantes errores suppresserent, aliaque communia Ecclesiarum suarum negotia curarent. Non erat penes unum convocandi, aut præsidendi prærogativa: sed ex condicto, & communi consensu, vel Synodi decreto & indictione, Synodos Provinciales indixerunt; & Præsidem elegerunt, vel qui ætatis, ut in Synodo Ponti Palmas, vel qui donorum ratione maxime idoneus, sive is esset Metropolis Episcopus, sive alius aliquis. Postea alligata est, tum convocandi, tum præsidendi prærogativa Metropolitanis, sed absque Jurisdictione: eratque mera proflasia, quamvis perpetua: verum quia perpetua etiam periculosa, & in jurisdictionis potestatem postea facillime mutata. Pessimo consilio sedibus & locis prærogativas alligarunt, ac si Spiritus Sanctus ipsis etiam sedibus alligatus esset; cum deterrimi quique persæpe sunt primi, qui in administrando æque insolentes esse solent, inquit Bilsonus, ac in assidue impudentes fuerunt. Ex throni prærogativâ orta est violenta & tyrannica dominatio. Hinc illæ lachrymæ, & votum Nazianzeni. Utinam, inquit, μήδε προεδρία, μήδε τις τόση προτιμυρία ἢ τυραννικὴ προνομία ἐσθὲν, ut ex sola virtute cognosceremur. Proedria igitur & loci prærogativa, tyrannicæ & violentæ dominationi viam complanarunt. Imprudentes quidem veteres, nescii quis vel qualis futurus esset Antichristus, mysterium iniquitatis, quod Apostolorum temporibus peragebatur, sedulo promovebant, prudentes tamen & de industria Politiam Ecclesiæ ad Romani Imperii typum & formam conformabant. Tres celeberrimi Metropolitanis aliis Episcopis in suarum sedium civilibus præfecturis præpositi sunt primùm consuetudine, deinde lege & decreto Synodi Nicænæ. Romæ sedem habebat Præfectus urbi, cujus jurisdictio ad centesimum ab urbe lapidem procurabat, & quatuor regiones, Latium vetus & novum, partem Tusciæ & Piceni, ejus Præfectura complectebatur. Eadem præfectura erat Metropolitanæ Romani provincie. Ruffinus qui scripsit non multo post Synodum Nicænam sic reddit verba Canonis sexti; *Ut apud Alexandriam, & in urbe Roma, vetusta consuetudo conservetur, ut vel ille Ægypti, vel hic suburbicariarum Ecclesiarum sollicitudinem gerat* Ecclesias suburbicarias intelligit Ecclesias in regionibus urbicariis seu suburbicariis, quæ ad centesimum ab urbe lapidem protensæ erant, ut eruditè demonstrat Conjector Anonymus in Dissertatione de Romæ Regionibus & Ecclesiis suburbicariis, ejusque Vindiciis. Metropolitanus Alexandrinus eandem habebat Præfecturam quam Præfectus Alexandrinus, (qui & Præfectus Ægypti, & Præfectus Augustalis dicebatur,) id est Ægyptum, Lybiam, & Pentapolin. Antiochiæ sedem habebat Comes Orientis; & Antiochenus Metropolitanus, quandoque Orientis Episcopus dictus, ejus præfecturæ Metropolitanus fuit. Quamvis Alexandrini & Antiocheni Provinciæ latius fusæ erant, quàm Romani; Romanus tamen Metropolitanus, ob urbis & præfecti dignitatem, dignior habebatur: in alios vero Me-

De Gubern.
c. 16. p. 478.

Metropolitanos potestatem nullam habebat. Non erant plures Episcoporum gradus. tempore Nicæni Concilii quàm duo, nempe Episcopus & Metropolitanus. Halucinatur, qui Patriarchas à Patribus Nicænis constitutos arbitrantur. Nondum vel Archiepiscoporum vel Patriarcharum nomina audita in Ecclesia, nec ulla erat Metropolitanorum ad Archiepiscopos majores aut Patriarchas subordinatio, etiam in celebrioribus illis Provinciis & Præfecturis, Alexandrina, Antiochena & Romana. Latè quidem patebant Alexandrini & Antiocheni, fortè etiam aliorum quorundam, præfecturæ ante Concilium Nicænum, cum tamen nulli suberant ipsi Metropolitanis. Proferant vel unicum exemplum ullius Metropolitanis sub Antiocheno aut Alexandrino, tempore Concilii, quamvis eorum Præfecturæ erant amplissimæ. Non terrarum latifundia, sed Metropolitanorum subordinatio & relatio, Patriarcham constituunt. Et in Canone Nicæno Metropolitanæ, non aliud, nomen usurpatur. Veteres in his gradibus gradum non sistant, sed gradum celsiorem post Concilium Nicænum, mutatâ civilis Politicæ ratione, fabricati sunt. Scriptor ille Anonymus in Vindiciis hunc in modum disserit. *Posteaquam Imperatoribus, Constantino nominatim, administrationes & Magistratus multiplicandi libido incescit, sive minuendæ Magistratuum potentie, sive quod plures ad Republicæ munia admitterentur, sive aliâ quacunque tandem ratione, ex una & simplici administratione sive Provincia Diocesis tandem una facta fuit: Hac quidem ratione, ut singulis Provinciis singuli imponerentur Magistratus, summa tamen sermo omnium, atque adeo totius Dioceseos administratio pristino Magistratui relinqueretur; ut ecce, Ægyptus, quæ præfectum Augustalem agnoscebat, una fuerat initio Provincia seu administratio, in tres postea divisa illa, atque adeo ex Provincia Diocesis facta fuit. Simili exemplo, una primum centesimi miliarii administratio fuit, ea postea in plures, Suburbanas videlicet, subdivisa Provincias, Præfecti urbis Diocesis facta fuit, singularum nihilominus ferme per hanc Diocesein Provinciarum cura singulis Rectoribus commissa.*

Pag. 8.

Subdivisis igitur Præfecturis amplioribus, vel ut Spalatensis loquitur, patentissimis, sub veteribus Metropolitanis constituti sunt alii Metropolitanis, & illi veteres in celsiorem gradum evecti sunt. Graduum Hierarchicorum scalam illustrat locus illustris Scaligeri in Notitia Galliæ. Postea, inquit, Constantinus Magnus, instituit quatuor Præfectis Prætorio, duobus in Oriente, totidem in Occidente, alterum Occidentis in urbe Roma, alterum in urbe Trevirense collocavit, qui Præfectus Prætorio Galliarum vocatus fuit. Et quia per occupationes imperii in illis urbibus hæere perpetuo non licebat, Vicarii aliquot eis attributi sunt, qui eadem potestate provinciis jus dicerent. Præfecto igitur Prætorio Galliarum tres Vicarii dati; primo sedes data Treveris, secundo Lugduni, tertio Viennæ. Itaque ut horum Vicariorum magna erat autoritas, ita urbium quoque in quibus sedem habebant, maxima claritas. Treverensi Vicario parebant primæ & secundæ Germania, & Belgica, & Britannia, &c. Totum hoc, quod unus Vicarij jurisdictioni subiacebat, Latini quomodo designarint nescio, sed Græci ἐπαρχίας, διοίκησιν, πατρίαν vocant. Regnorum vices, inquit, muta in hac divisione mutant, sed status Ecclesiasticus tam in Oriente quàm Occidente ejus integra vestigia hætenus retinuit. Nam civitates quæ in Provinciis nomina fecerunt Μητροπόλεις vocant, & si in eis sedes Vicarii fuerit, quem ἐπαρχον dicebant, eas non solum Μητροπόλεις, sed & ἐπαρχίας, & πατριαρχίας nominant, & Præsules earum ἐπίσκοπος, & πατριάρχας, reliquos Μητροπολίτας, & Ἀρχιεπισκόπους, qui sub se ἐπισκόπους tantum habent. Nam οἱ ἐπαρχοὶ sub se præter ἐπισκόπους etiam Μητροπολίτας habent: Μητροπολίται vero tantum ἐπισκόπους. In Ecclesia Latina Archiepiscoporum & nomen & jus manet & jurisdictio in suffraganeos Canonica, sed ἐπαρχον nulla vestigia exstant, nisi forte quædam umbra ejus fuerit, quod Metropolita sive Archiepiscopus Viennensis Primatem sese appellat. Vides igitur tertium gradum.

Pag. 73.

gradum introductum ad imitationem statûs civilis, nempe Patriarcharum, qui *ἐξάρχοντες* dicebantur & Metropolitanis superiores erant, sedesque easdem cum Vicario Præfecti Prætorio habebant. Sic ubi esset sedes etiam Imperii, & Præfecti Prætorio, cæteris digniores censebantur; & duo illi Patriarchæ, Romanus, & Constantinopolitanus, inter se sæpius dimicarunt, donec tandem superior evaserat Romanus. Auc̃tâ Provinciæ aut Civitatis dignitate, Episcoporum pariter in eadem Civitate aut Provincia augebatur autoritas & dignitas; eadẽm concidente, & Episcopopalium sedium dignitas concidit. Si quæ vero civitas, decreverunt Chalcedonenses, *imperatoria autoritate innovata est, vel deinceps innovata fuerit τοῖς πολιτικοῖς καὶ Δουκτικοῖς τύποις, καὶ τῇ ἐκκλησιαστικῇ ἢ τάξει ἀκολουθεῖται*, id est *civiles & publicas formas Ecclesiasticas quoque ordo consequatur*. Cæteris dignior habebatur Episcopus Romanus διὰ τὸ βασιλεῦν τὴν πόλιν ἐκείνην, quod urbs illa regnaret, vel cæteris imperaret, ut dicitur in eodem Concilio. Constantinopolitanus, quamvis post Alexandrinum & Antiochenum ortus, eis tamen prælatus, quod Constantinopolis esset quasi nova Roma Senatû & imperio cohonestata, & æqualibus cum vetere Roma privilegiis frueretur. Translatâ sede Præfecti Prætorio Illyrici è Syrmio Thessalonicam, translata etiam dignitas Ecclesiastica illius sedis, & tum ipsam præfecturam Sacerdotalis honos consecutus est, ut ait Justinianus, qui Thessalonicensem Episcopum *sub umbra Præfecturæ, non suo merito, aliquam prærogativam meruisse dicit*. Divisâ Cappadociâ, Anthymus Tyanensis Ecclesiastica unâ cum civilibus dividi oportere contendebat, & Basilio Cæsareensi in eo certamine superior evasit. Videmus igitur non modo in sedibus constituendis, typum civilis imperii politicæ Ecclesiasticæ formam, æmulatione ambitiosa & periculosa, composuisse Veteres. Delirium Flaminum & Archiflaminum ipsi rejiciunt. Myræus, in Epistola præfixa Notitiæ Patriarchatuum, agnoscit hanc æmulationem Imperii. Huic, nempe Romano Pontifici, inquit, *proximi olim Patriarchæ quatuor Sarav. Cap. Primarii, sed longo proximi intervallo. Sequuntur Metropolitanis, sive Archiepiscopi, & longa serie Episcopi. Singulis suæ diœceses & Provinciæ sunt attributæ & commissæ. Divisionis hujus typus & formas Ecclesia à Republica Romana magna ex parte est mutuata, adeo quidem, ut & veteres Provinciæ Ecclesiasticæ cum civilibus fere conveniant*. Quamvis ad amussim in omnibus Ecclesiastica civilibus respondere non poterant, vel ob gentes nondum conversas, vel alia impedimenta, tamen maxima ex parte inter se cohærebant, & ut plane responderent conabantur veteres. Sat si dicamus, inquit Filescus, *priscos illos nascentis Ecclesiæ Patres, è Republica, non solum pro urbium dignitate qualis tunc temporis exis̃tebat, quin potius Provinciarum partitione quæ eo sæculo cernebatur, supremarum in Ecclesiâ dignitatum institutionem, imitatione aliqua derivasse*. Sed urbium etiam dignitatem respexisse supra ostendimus. In Concilio Taurin. lis inter Arelatensem & Viennensem de Primatu sic dirempta est, ut qui civitatem suam Metropolim in temporalibus probaverit, is totius Provinciæ Primatus, & Ordinationum haberet potestatem. Sic sub Bonifacio Quarto Toletanæ Ecclesiæ jus Metropolitanum defenditur, inquit Spalatensis, à Rege Gundemaro, quia Imperii solio erat Toletana civitas sublimata, & unica erat in temporalibus Provincia cujus Metropolis erat Toletum. Ibidem; *Totam vero hanc Hierarchicam subordinationem inter Episcopos Catholicæ Ecclesiæ, suo jure humano Ecclesiastico esse institutam, inde vel maximè patet, quod in Conciliis omnes controversiæ circa illam, non nisi ex statutis Ecclesiasticis terminantur, & ex civitatum typis secularibus*. Agnoscit etiam Downamus Ecclesiam à Republica politicæ formam mutuata esse. Vera origo, inquit, *superioritatis Metropolitanorum & Patriarcharum in suis ditionibus erat Politicæ civilis*

De Tripl.
Episcop.
p. 57.

exemplar in Imperio Romano. Sed oggerit nobis Saravia, & ista omnia nullius momenti esse distat. *Populare quidem vel potius puerile est, inquit, quod de Metropolitani & Diœcesibus & Parœciis adfertur, cum æque Persicum, Babylonicum, Turcicum vel Abyssinum referat, ac Romanum Imperium.* Verum quidem est referre etiam alia Imperia, & quomodo Turcicum referat elegantissime depinxit Peucerus, in libro de Divinationum Generibus. Sunt quædam communia Imperiis & Politis, ut Leoni, & Leopardo, & Tigri. Veteres tamen non proponebant sibi exemplar Imperii Persici, Turcici, aut Babylonici, sed Romani in formanda Politia Ecclesiastica. Formabant bestiam ad imaginem illius bestię, & pro incremento, inclinatione, aut mutationibus in Imperio, tum in gradibus tum in sedibus, æmulati sunt politiam Romanæ reipublicę. Et quamvis Patres Nicæni qui Metropolitano, & Constantinopolitani, qui partitis Provinciis, Patriarchas, teste Socrate, stabiliverunt, prudentes, ut supra dixi, Antichristum non introducebant, imprudentes tamen id agebant, & dignitatum gradus, non tam prudentiâ humanâ, quàm aut spiritu ambitionis ducti, aut in naturâ Christianę politię dignoscenda hallucinantes, constituerunt. Cyprianus queritur; *in sinu sacerdotum ambitionem dormivisse, ibi sub umbra recubasse, ibi in secreto thalami se fraudulentè occultasse.* Irenæus; *Dominici patrimonii æmna concurritis, dum soli vultis in Ecclesia potentari.* Eusebius persecutionem Diocletiani procuratam à vitiis Ecclesiasticorum refert. Præfides Ecclesiarum & Pastores, repudiata pietatis regulâ, dissidio & contentione inter se exardescabant, & tyrannorum more Principatum obtinere studebant. Libellos illos in Concilio Nicæno oblatos Constantino, de limitibus Provinciarum aut Dioceseon contentiosas lites fuisse auguror. Doctrinam Dæmoniorum introduxissent, nisi unus obstitisset Paphnutius. Quia tam proclives ad lapsum & errorem in aliis rebus, in disciplina scilicet & politia Ecclesię constituenda hallucinari non poterant? cum non nisi corruptâ Ecclesię politiâ, ad solum suum ascendere poterat Antichristus, & iniquitas ista peragebatur in mysterio, tum in ortu, tum in incremento.

Lib. 5. Cap. 8

Serm de
Fejunio &
Tentat.
Advers. Hæ-
res. l. 4. c.
44.
Hist. Lib. 8
c. 1. & 2.

C A P U T III.

De Archiepiscoporum in Anglia Dignitate & Potestate.

Hactenus de Personis Supremam Administrationem habentibus. Sequuntur Personę,

Minus Amplam habentes Administrationem, eamque vel Judicalem, vel Minime Judicalem. Judicalem, eamque vel Lege Constitutam vel Lege Minime introductam. Lege Constitutam, ut ordinariorum judicum. Hi autem sub Principe eam exercent, vel nomine proprio, vel nomine alieno. Nominè Proprio, ut Episcopi sic dicti cum additione ista, *ut Archiepiscopi, vel Episcopi simpliciter.*

Archiep.

Archiepiscopi, quorum in Anglia duo, Cantuariensis, & Eboracensis, considerantur; vel respectu peculiarium suarum Diocesium, prorsus ut alii Episcopi: vel respectu totius Provinciae, secundum locum quem tenent in statu Ecclesiastico, vel in statu Civili. In statu Ecclesiastico, vel juxta locum quem tenent utrique Archiepiscopo communem vel peculiarium Cantuariensi. Utrique Archiepiscopo communem, vel in ordinatione ipsa, vel post ordinationem.

In Ordinatione ipsa, ut si non fuerint ante Episcopi, consecrentur à quatuor Episcopis. Si fuerint, eorum electio confirmetur à quatuor Episcopis.

Episcopus, etsi antè Presbyter, de novo consecratur: Archiepiscopus, etsi antè Episcopus, de novo non consecratur. Non sunt igitur Episcopus & Presbyter, Hierarchicorum praxi, ejusdem ordinis. Nam si essent ejusdem ordinis, ut Episcopus & Archiepiscopus, non consecraretur Episcopus qui antè Presbyter, magis quàm Archiepiscopus qui antè Episcopus. Archiepiscopi Electio secundum veteres Canones facta per omnes comprovinciales Episcopos, Clerum, & Plebem, eratque moraliter una actio, electio, confirmatio, ordinatio seu consecratio. Qui eligebant Episcopi comprovinciales etiam confirmabant, non tres aut quatuor solummodo, & qui confirmabant etiam consecrabant. *Et certum est, inquit Spalarenfis, Episcopos consecratores fuisse quoque ordinarios electionum electorumque confirmatores, & approbatores, & consequenter examinatores & indagatores. Anicetus ad Episcopos Galliæ; Illud autem, quod de Archiepiscopi consecratione prædictum est atque præceptum, id est, ut omnes Suffraganei eum ordinent, nullatenus debet immutari, quia qui alius præest ab omnibus quibus præest debet constitui, sin aliter præsumptum fuerit, viribus carere non dubium est, quia irrita secus erit ejus acta ordinatio. Idem statuit Gelasius; Et vicissim si Metropolitanus humane conditionis sorte decesserit, à comprovincialibus Episcopis, sicut forma transmisit, sacrari modis omnibus censeatis: nec quemquam sibi quod vobis antiqua dispositione concessum est, patiamini vendicare. Sic Leo primus; Metropolitano defuncto, cum in loco ejus alius fuerit surrogandus, provinciales Episcopi ad civitatem Metropolim convenire debent, ut omnium Clericorum atque civium voluntate discussa, ex Presbyteris ejusdem Ecclesie Diaconus optimus ordinetur. Sic leguntur extrema verba in Editione Gregorii 13. Concilium Aurelianense etiam præcipit Metropolitanum à comprovincialibus Episcopis eligi cum consensu cleri & civium; Quia æquum est, ut qui præponendus est omnibus, ab omnibus eligatur. Balsamo in Concilii Constantinopolitani Cap. 2. Nota ergo, inquit, ex hoc Canone quod olim omnes Provinciarum Metropolitani erant ἀρχιεπίσκοποι, & à propriis Synodis ordinabantur, Confirmationem Episcopi per Patriarcham, quamvis Pontificem Romanum ut Occidentis Patriarcham agnoscant, non urgemus, sed vetustiore Ecclesie morem eligendi, confirmandi, & ordinandi in Episcoporum Synodis, obsoletum, ab Anglicanis non restitutum, ipsos non veteri, sed recentiori humanæ politiæ forma uti indicare dicimus. Archiepiscoporum & Episcoporum Consecrationis ritus iidem, de quibus infra.*

Post Ordinationem, vel quatenus sunt Metropolitani, vel Archiepiscopi, vel Primates sive Patriarchæ minores.

Mucketus in hanc titulorum varietatem sic commentatur. *Verum est, nostri hodie Archiepiscopi & Primates in Anglia solum Episcopos habent sibi subditos, tamen insinuantur tum Archiepiscoporum & Primatum titulis, tum horum ac Metropolitanorum officii funguntur.* Qui fucatum Ordinis Hierarchici splendorem tantopere nobis commendatum volunt, viden, ut eundem ipsi labefactent. Miram Veterum solertiam & prudentiam canunt Hierarchici in fabricanda graduum Hierarchicorum scala, cum tamen facto stultitiam & imprudentiam ipsis objectent. Quid enim opus erat tot gradibus, si unius Metropolitanus in sua provincia, absque ulteriori graduum subordinatione, tribus fungi officiis poterat, vel potius virtute unius omnia peragere munia, quæ tribus distincti gradibus Episcopi exercere tenebantur? Litem inter Juris Cæsarei, & Canonici consultos, an Metropolitanus & Archiepiscopus sint ejusdem gradus, sic componit Matthias Stephani Quosdam Archiepiscopos, ait, eosdem esse cum Metropolitanis, ut Mediolanensem, Ravenatensem, &c. Alios verò esse Archiepiscopos, quibus subjiciuntur non modo Episcopi, sed etiam Metropolitani, ut Pisanum, Aquileiensem, Gradensem, & similes. Downamus ait, Archiepiscopum tenere medium locum inter Metropolitanum & Patriarcham. Rectius Anglorum eruditissimus Johannes Raynoldus, in Collatione cum Harto, ex Novellis probat Archiepiscopum fuisse olim eundem cum Patriarcha *Διοκλήσεως*. Suprà vidimus in Scaligeri Notitia, *Ἐξαρχον τῆς διοκλήσεως* dictum etiam Patriarcham. Diœcesis autem vox non usitata apud nos notione, sed pro plurium provinciarum administratione sumenda est. Patriarchæ igitur, & exarchi harum majorum Diœcesum primùm dicti sunt Archiepiscopi, non autem Metropolitani eis subjecti. Usurpata Archiepiscopi vox in Concilio Chalcedonenfi, sed in denotandis tantummodo celeberrimis Patriarchis, non autem inferiorum subfelliorum Metropolitanis, à quibus ad Patriarchas illos appellare, ut etiam ad Exarchum Diœcesews majoris, à Synodo concessum fuit. Potest vox *ἐξάρχων* in compositione significare principatum inter cæteros, non in cæteros ejusdem ordinis. Sed quibus, & qua ratione imponuntur nomina, spectandum; non quod sit etymon, & quæ propria vocis significatio. Cum igitur in compositione significat etiam Principatum in alios, & non principatum solum inter alios ad denotandum primum ordine vel præcipuum inter cæteros ejusdem ordinis; & priori sensu attribuitur Patriarchis, qui in alios Episcopos, & Metropolitanos, principatum obtinebant, a quibus per Canones & Leges ad ipsos provocare licebat, fastuosum esse vocabulum dicimus, & tantum sæculi typhum spirare, adeo ut ipsi impositores primi Metropolitanis communicare non dignati sunt. Exarchi nomen in se modestissimum, inceptorem communium deliberationum significans, respue- runt tamen Patres Africani in Concilio Carthaginensi. *Primæ sedis Episcopus non appelletur Ἐξαρχὸς ἢ ἱερίων*, Princeps sacerdotum, vel summus sacerdos, aut aliquid hujusmodi, sed tantum *Primæ sedis Episcopus*; addit Gratianus, *universalis autem nec etiam Romanus Pontifex appelletur*, ne forte quis putet præcedentia de Romano Pontifice intelligenda esse. Dicit Saravia Longinum in Italiam attulisse novum regiminis nomen Graiæ superbix plenum, ut exarchus diceretur. Fatetur etiam verisimile esse patres metuisse, ne simul cum nomine parem potestatem Romani Episcopi in Collegas adsumerent. Sed de Episcopis Romanis non intelligenda Canonis verba ex Gratiano ostendimus. Archiepiscopi nomen communicatum est Metropolitanis, sed seriùs. *Video*, inquit Filescus Theologus Parisiensis, in Oc-

cidente

De Polit.
Eccles.
Angl. Cap.
4.

De Jurisdic.
l. 3. Part. 1.
Cap. 7.

Defens l. 2.
Cap 1. p. 17.

Dist. 99.
Cap. 3. pri-
ma.

De Gradib.
Cap. 25.
Sect. 14.

cidente Archiepiscopi appellationem nonnisi serò receptam fuisse. Ibidem; Archiepiscopi De Sacra nomen primum usurpatum in his partibus Concilio Matifconensi primo, Canone Sexto, à Episco Aut. qua voce diu abstinerunt nostri, & rard ea usi sunt. Ubi in præfatione Concilii Moguntini sub Carolo Magno Hildebaldus memoratur Sacri Palatii Archiepiscopus, Episco Aut. bor. Cap. 9. Sect. 19.
Archi-Capellanus legendum esse contendit, & sibi adstipulantem adducit Nicolaum Fabrum. Ambrosii opus de Dignitate Sacerdotum, vel suppositum vel interpolatum esse, alii observarunt. Quando coeptum est appellari ab Episcopis & Clericis ad Metropolitanum, & qui ordine tantum prior in conventibus, coeperat esse etiam gradu potestatis & jurisdictione superior, absorpta & in eum translata Synodi potestate, tunc passim Archiepiscopi augustiore nomine insignitus Metropolitanus. Vides igitur appellationum rationem semper fere sequutam hanc vocem. Appellationum autem transmarinarum causa dixerunt Patres Africani Pontificem Romanum fumosum sæculi typhum in Ecclesiam introducere voluisse. Tilenus inflato spiritu inflatos Archiepiscoporum & Patriarcharum titulos propugnat. Quasi vero, inquit, in signis & vocabulis sit fastus, ac tum demum optime Parænes. habitura sit Ecclesia cum Pastores, abjectis Episcoporum, Archiepiscoporum, & Primate. Cap. 8. tum titulis, Fraterculorum illorum, qui Minores & minimi dici gaudent, nomina assumpservint. Nempe non solus Diogenes Platonis, sed vestri quoque Ministri, Episcoporum fastum alio calcant fastu. In signis & vocabulis posse inesse fastum quis nisi cerebrosus aliquis negabit? & in Archiepiscopi, Exarchi, & Patriarchæ nominibus revera inesse ostendimus, nec nisi Patriarchis celeberrimis, & Exarchis Vicariorum sedes possidentibus primum imposita. Et ægè principatum in alios inferiores etiam ipsos Metropolitanos innuere docuimus, nec Metropolitanis ubique communicatum, donec in gradum potestatis & jurisdictionis superioris evecti essent. Episcopi, Presbyteri, Πρεσβύτεροι nomina retinemus, & eo sensu retinemus, quem docuit nos spiritus sanctus. Fastum in titulis & nomenclaturis scripturæ inesse si quis dixerit, impius esset. In personis fastum damnamus Diogenicum, si ubi deprehenderimus. Sed quis tu es qui judicas alienum servum, & Diogenicum fastum in animo latentem perspicis? Ex proprio ingenio viros pietate & vera modestia conspicuos te metiri, qui Tilenum norunt, omnes norunt. Hypocriticas Minorum & Minimorum appellationes & nomenclaturas etiam vitamus. Episcopi nonnunquam se Servos Servorum dictitarunt, ut adductis exemplis ostendit Filefacus. Paulus Aquilegiensis Episcopus se Servorum Domini ultimum servum appellat. Didericus Episcopus Metensis, Bonifacius Moguntinensis, Maurus Episcopus Ravennas, & alii Episcopi in Epistolis ad Bonifacium aut alios missis, se De Episcoporum Autbor. Cap. 9. Sect. 5. servos servorum Dei aut famulos famulorum Dei inscribunt. Et Græci, inquit, Episcopi cum de seipsis loquuntur persimili demissionis forma τὸν ἑαυτοῦ πρεσβύτερον, nostrum modestitatem dicunt. Alii etiam peccatoris nomine subscribebant, ut Pretextatus Rhomagensis, Germanus Parisiensis, & alii in Concilio I. Turonensi. Observat & Meursius in Glossario, hanc vocem ὑποτάκτων in sermone & Epistolis ad Patriarchas & Episcopos usurpasse, & Patriarcham Metropolitanos & Archiepiscopos in literis ἱερωτάτους simpliciter appellasse, ipsos autem sese τῶν ὑποτάκτων. Habet igitur Fraterculorum Minorum & Minimorum fastum Diogenicum in Episcopis & Archiepiscopis suis Tilenus. Primates regulariter sunt, ut vult Zecchius, qui De Repub. Eccles. præfunt tribus Metropolitanis, ut Reges qui tribus Ducibus. Johannes B. lethus similiter; Primates qui tribus Archiepiscopis præfunt, vel præesse possunt, Regem expriment, De Divinis cuius potestas se extendit ad tres Ducatus. Metropolitanis sive Archiepiscopis comparantur Officiis. Ducibus, qui pluribus præfunt Comitibus. Nam & Archiepiscopi pluribus Episcopis præesse dicuntur. Episcopi habent similitudinem Comitum. Aucta Metropolitanorum potestate,

*De Juris-
dict. l. 3.
Part. 1.
Cap. 8.*

testate, hoc etiam Archiepiscopi titulo aucti sunt. Secundum usum hodiernum Patriarchæ dicuntur quatuor illi celeberrimi, Antiochenus, Romanus, Alexandrinus, Constantinopolitanus, & quintus honorarius Hierosolymitanus. Sex præterea minorum gentium numerantur Patriarchæ, hoc titulo ex privilegio & consuetudine insigniti, Aquileiensis, Gradenfis, Bituricensis, Toletanus, Pisanus, Cantuariensis, quibus addunt quidam Magdeburgensem. Patriarchæ tamen nomen Metropolitanis etiam communicari posse asserit Matthias Stephani. *Pos-
sunt, inquit, & Metropolitan quodammodo Patriarchæ appellari, licet non sint verè
Patriarchæ, item Primates, licet certum sit ab his ad illos appellari posse.* Proprie igitur Primates & Patriarchæ sunt, ad quos à Metropolitanis appellare licet. Sed de vocabulis fortè plus satis.

Quatenus Metropolitan.

1 In confirmandis Episcoporum suæ provinciæ electionibus.

2 In consecrandis hujusmodi Episcopis unà cum duobus aliis Episcopis.

*De Ministr.
& Benef.
l. 5. c. 1.
Dist. 62. c.
nulla.*

*Decret.
Lib. 1. Titul.
11. c. 6.*

*L. 3. Cap. 5.
num. 9.*

Can. 19.

*Dist. 64 c. 2.
& 7. L. 5.
c. 9.*

Quod de Archiepiscoporum electione, confirmatione, & consecratione, supra diximus, de Episcoporum etiam electione, confirmatione, & consecratione verum est. Nam præsentibus tam Metropolitanò quàm cæteris Episcopis com-provincialibus eligebatur Episcopus, quamvis hodie post electionem adire solent Metropolitanum, inquit Duarenus, & Canonem Nicænum de confirmatione apud nos usitata non intelligendum esse asserit. *Nulla ratio finit, ut inter Episcopos habeantur, qui nec à Clericis sunt electi, nec à plebe sunt expetiti, nec à comprovincia-
libus Episcopis cum Metropolitanis iudicio consecrati, inquit Leo.* Si commodè convenire poterant omnes Provinciæ Episcopi, electioni & ordinationi interesse tenebantur per Can. 4. Concil. Nicæn. & cæterorum qui aberant consensus per literas requirebatur. *Sed melius est, inquit Lucius Papa, si ipse, nempe Metropolita-
nus, cum omnibus, eum qui dignus est, elegerit, & cuncti pariter Pontificem consecra-
verint.* Sed semper difficile, nunquam melius, Archiepiscopo Anglicano convocare Synodum Provinciale Episcoporum, & unà eademque operâ, electionem, confirmationem & consecrationem conficere: certe quia Pontificiorum Metropolitanis parilis mos est, quos studiosè imitantur, & non veteres illos Metropolitanos. Quamvis tempore Synodi Nicænæ Provinciæ erant paucæ, & patentissimæ, ut loquitur Spalarenfis, tamen statuit Synodus Nicæna, ut omnes Provinciæ Episcopi adessent. Quod si quis commodè non poterat, consensum missis literis significaret. Omnes tamen præmonere tenebatur Metropolitanus, quamvis provinciæ erant amplissimæ. Post Concilium Nicænum multiplicatis Provinciis, cum jam facilius poterant convenire, multiplicati etiam sunt Canones de Synodorum conventibus & Synodica electione & consecratione Episcoporum. Antiochenum Concilium; *Episcopus præter Synodum & præsentiam Metropolitanis, nullatenus ordinetur.* Hoc autem modis omnibus coram posito melius quidem est, ut omnes simul adsint ejusdem Provinciæ Sacerdotes quos Metropolitanus *Episcopus per literas convocabit.* Vide etiam Anaclerum, & Martinum Papam in Gratiani Decreto, item Librum Synodicum Constantinopolitanorum in Theodoretii Historia Ecclesiastica, ubi Nicænorum patrum sanctionem semper valuisse memoratur. Sed Episcopi Anglicani vel in aula vel in palatiis Episcopalibus molliter otari malunt, quam collapsam veterum disciplinam instaurare, nedum primæ

primariam & Apostolicam. Ad Metropolitanos jure divino Episcoporum consecratio, non magis referenda est, quam ad alios Episcopos Spalatenfis Lib 3 Cap. 5. num. 1. asserit, jure divino quemcumque Episcopum posse à quocunque Episcopo ordinari & consecrari, sed jure humano Ecclesiastico ad confusiones vitandas non esse permissum. Sed divise sum, inquit, Provinciae, juxta seculares, & munitas, Chorographicaeque divisiones, ut Episcopi unuscujusque provinciae suos ejusdem Provinciae Episcopos ordinarent. Atque haec cura potissimum in Metropolitanum provinciae confecta est, cujus prima & potissima institutio propter jam dictas ordinationes Presbyteros unum ex suorum numero elegisse, & in celsiori gradu constitutum Episcopum nuncupasse, supra ex Hieronymo ostendimus. In Primativa Ecclesia Centuria Secunda rariores erant Synodi. Nondum igitur erant Episcopi ab Episcopis aliis, nedum Metropolitanis, consecrati. Posse alios Episcopos permisso Metropolitanis Episcopum consecrare, patet ex Decretalium Libro Primo: imò consecratos absque Metropolitanis consensu & conscientia esse tamen legitimos Episcopos, patet ex Hilarii Papae Rescripto ad Episcopos Tarraconenses, dispensantis in Ordinatione Episcopi absque notitia & consensu Metropolitanis. At nec Metropolitanis hanc provinciam aliis demandare vel permittere, aut Papa dispensare posset, si jure Divino Metropolitanis ordinandi potestas competere. Sylvester Giraldu in Topographia Hiberniae; Archiepiscopi vero in Hibernia nulli fuerant, sed tantum se Episcopi invicem consecrabant. Donce Johannes Papyrio Romanae Sedis Legatus non multis retro annis advenit. Hic quatuor Pallia in Hiberniam portavit. Vide Filefacum Ex Beda Anglo-Saxone etiam constat, quandoque Presbyteros Episcopos consecrasse in insula S. Columbanii. Habere autem solet ipsa insula, inquit Beda, Rectorem semper Abbatem Presbyterum, cujus juri & omnis provincia, & ipsi etiam Episcopi ordine inusitato debeant esse subiecti, juxta exemplum primi Doctoris illius, qui non Episcopus, sed Presbyter exiit & Monachus. Et ibidem; Ab hac ergo insula, ab horum collegio Monachorum ad Provinciam Anglorum instituendam in Christo missus est Aidanus accepto gradu Episcopatus, quo tempore eidem monasterio Segenius Abbas & Presbyter praefuit. Non opus esse praesentia Metropolitanis in Episcoporum Consecratione, colligit Filefacus ex Concilio Aurelianensi Quarto, & Carthaginensi Quarto, & satis esse si ejus consensu fiat. Hentius Episcopus Norwicensis consecratus est ab Archidiacono Norwicensi, ut ex Nevillo refert Godwinus Landavensis, Gulielmus de Eboraco consecratus est Wiltoniae Episcopus Sarisburiensis à Fulcone Episcopo Londinensi anno 1247. Per Leges Anglicanas, renuente Archiepiscopo, potest vel Archiepiscopus alter, vel alius quivis Episcopus, ab aliis Episcopis consecrari. Canisius in Summa Juris Canonici; Consecratur vero Episcopus à tribus ut minimum ejusdem provinciae Episcopis, jussu Metropolitanis, ceterisque Episcopis absentibus assensum suum accommodantibus: quamvis melius foret, si ipse Archiepiscopus unà cum Suffraganeis hoc munus consecrationis obiret. Si igitur primaria & potissima institutio Metropolitanis sit propter Episcoporum ordinationes, ut dixit Spalatenfis, & tamen ab aliis eadem peragi possunt, sequitur Metropolitanorum ordinem nec Juris Divini, neque necessarium esse.

Quod ad Ritus Consecrationis attinet, sic se habent in Libro Ordinationum, quem Latina civitate donavit Mucketus. Evangelio & Symbolo finitis, inquit, electus per duos alios Episcopos illius provinciae Archiepiscopo praesentabitur, vel alicui Episcopo ex ipsius consensu vices suas gerenti (vides non necessario requiri ipsius Archiepiscopi praesentiam) sub hac concepta verborum formula; Reverendissime in Christo pater, praesentamus tibi hunc pium & doctum virum, ut in Episcopum consecratur. Tunc Archiepiscopus mandatum Regium de illius consecratione produci & publice recitari

Titul. 11 c. 5.
Cap. 10.
Causa 1.
Quest. 7.
Cap. Quoniam.

De Episcoporum Auctoritate. Cap. 9. Sect. 14. Beda Hist. Lib. 3. Cap. 4. Cap. 5.

Commentariolus. Praesentat. lib. Anglia. p. 492.

curabit. Deinde Juramentum de Suprema Regis Potestate agnoscenda electis ministrabitur. Postremo juramentum suscipiat de obedientia debita Archiepiscopo præstanda, eo modo quo sequitur. In Dei nomine, Amen. Ego I. N. Ecclesiæ atque sedis N. electus Episcopus profiteor atque polliceor omnem reverentiam atque obedientiam debitam Archiepiscopo, & Ecclesiæ Metropolitice N. & successoribus suis, sicut me Deus adjuvet per Jesum Christum. Mox Archiepiscopus cæterum præsentem ad auxilium Divinum implorandum hortatus, sic eos alloquitur. Scriptum est fratres in Evangelio S. Lucæ, Christum Servatorem nostrum totam noctem precatione insumpsisse antequam Apostolos sibi elegerat, &c. Deinde, sicut in Ordinatione Diaconi, Litaniam decantatur. Post hæc verba [ut Episcopos, Pastores, & Ministros Ecclesiæ, &c.] additur brevis petituncula cum responsorio. Litaniam verò hac oratione concluditur. Omnipotens Deus largitor bonorum omnium, qui per Sanctum tuum Spiritum diversos Ministrorum ordines in Ecclesia tua constituisti &c. Tunc Archiepiscopus in Cathedra sedens, quærit ab eo, qui consecrandus adstet, qua ratione munus hoc suscepturus esset, & quam fideliter eo functurus est. Hic psallitur vel recitatur, Veni Creator, &c. Deinde precatur: finita precatuncula, Archiepiscopus & Episcopi præsentibus manus suas imponunt super caput Episcopi electi, sic dicente Archiepiscopo; Accipe Spiritum Sanctum, & excuare memineris gratiam Dei quæ in te est per manuum impositionem. Dedit enim nobis Deus Spiritum non timoris, sed potestatis, charitatis, & sobrietatis. Porro Archiepiscopus S. Codicem accipiens eique tradens, hæc dicit verba; Attendas lectioni, exhortationi, atque doctrinæ. Archiepiscopus hic se accingit ad S. Cœnam quæ cum recens consecratus Episcopus aliique communicabunt. Insuper ultimæ Collectæ immediate ante benedictionem, concludit cum hac precatuncula; Clementissime pater, Oramus te supplices, &c. Collectas, Litanias, Lectiones, Quæstiones, Orationes ipsas, brevitatis studio prætermisi. Idem fere ordo observatur, qui in Papatu secundum præscriptum Pontificalis Romani. Juxta Pontificale Romanum; Nemo consecrari debet, nisi prius constet consecratori de commissione consecrandi, sive per litteras Apostolicas, si sit extra Curiam, sive per mandatum à Camera Apostolica emanatum in ipsa Curia, sive per Commissionem vivæ vocis oraculo à summo Pontifice consecratori factam, si consecrator ipse sit Cardinalis. Consecratio Episcopi debet fieri Dominico vel festivo die; quod observant etiam Anglicani. Paratur in loco congruo Credentia, id est mensa competentis longitudinis, latitudinis, & altitudinis cum vasis. Parantur item paramenta Pontificalia tempori & officio Missæ convenientia. Item faldistorium & tria scabella, missale & Pontificale. Hic etiam habent & suam mentam & paramenta pro Cœna, suum Missale, librum communionis seu communium precum, & paramenta Pontificalia. Ibi adsunt duo ad minus Episcopi assistentes, qui induuntur superpelliceo, si non induuntur rochetto. Et hic adsunt duo induti superpelliceo vel rochetto. Sedet consecrator: electus vero medius inter assistentes Episcopos mitratos cum suo birero & pluviali ducitur ante consecratorem. Ita hic ducitur medius inter duos assistentes. Ibi Senior assistentium versus ad consecratorem dicit, Reverende pater, &c. Ita & hic Ibi legitur mandatum Apostolicum, quod Notarius consecratoris accipiens de manu Episcopi, legit à capite ad calcem. Ita & hic. Ibi juramentum fidelitatis coram consecratore electus genuflectens præstat tactis Evangeliiis: ita & hic. Ibi consecrator stans cum mitra, ponit librum Evangeliorum super cervicem & spatulas electi, capellano ipsum sustentante, quousque in manus electi tradendus sit. Refert & Petirio ad Reginam, consecratorem debere ponere Codicem Evangeliorum super cervicem electi. Ibi consecrator & assistentes Episcopi ambabûs manibus caput consecrandi tangunt, dicentes, Accipe spiritum sanctum. Ita & hic. Ibi consecrator dat pacem consecrato, & ille suis assistentibus; Ita & hic.

& hic, unâ Cœnam Dominicam celebrant. Lectiones, litanîæ, hymni, collectæ, Evangelia, examen, eadem, aut fere eadem. Ibi consecrator cum mitra sedens imponit chirothecas manibus consecrati. Hic consecrati distribuunt chirothecas amicis suis paranympsis. Nam consummatum jam est matrimonium Episcopi cum sponsa Ecclesia. Stando, sedendo, genuflectendo, easdem fere vices servant, quas Pontificii. Vides lector consecrandum præstare Juramentum Canonice Obedientiæ, quod puto non irrepsisse in Ecclesiam, priusquam erant Papæ jurati clientes. Emittebant quidem Episcopi consecrandi professionem fidei Catholicæ & orthodoxæ, ut inde constaret se ab aliis Episcopis non dissentire, eamque juramento firmarunt, quod postea ad juramentum obedientiæ detorserunt Pontifices & Metropolitanî. Vides etiam ut Metropolitanus impositis manibus donat Spiritum Sanctum, ad imitationem Christi, qui post resurrectionem stans in medio discipulorum, afflavit eos, & dixit, Accipite Spiritum Sanctum. De quo plura in ordinatione Presbyteri dicturi sumus.

3 In convocandis Provincialibus Synodis juxta rescriptum Regium.

4 In moderandis Synodis, & ultimo suffragio ferendo.

Provinciam convocandi Synodos in Metropolitanum voluntaria Episcoporum cessione translatam fuisse, non Divino jure competere, supra docuimus. Nec translata potestate, liberum erat Metropolitano convocare, vel non convocare. Decretum ut singulis annis bis celebrarentur Synodi Provinciales; erantque iis præstituta anni tempora per Canonem V Conc. Nicæni. Diem mensis & locum indicebat Metropolitanus, & præter ordinarias, alias etiam extra ordinem convocabat, sive ad Episcoporum ordinationes, sive ob alias causas. Etsi enim in Concilio Antiocheno, Metropolitano delata est ista prærogativa, addita hac ratione, *propterea quod ad Metropolim omnes undique, qui videntur negotia habere, concurrunt*, Turonens. ex Concilio Turonensi tamen & Tolerano Tertio patet delectum fuisse locum. *Cap. 1.* Non opus esse ullo Metropolitano ad convocandas Synodos Provinciales, docet *Toletan. Cap. 28.* experientia Ecclesiarum Reformatarum. In Ecclesia Scoticana, ubi nulli erant Episcopi aut Metropolitanî, plura Concilia Nationalia à prima Reformatione celebrata sunt, quàm hos annos 300 in Anglia Provincialia, ubi Archiepiscoporum longam & non interruptam seriem præstitant. Quid prohibet, quin Rescriptum Principis ad alium quàm Metropolitanum dirigi possit? Tantum abest ut ad convocanda Concilia Provincialia opus sit Archiepiscopo, ut nisi eo sublato hanc libertatem Ecclesia recuperare non posse videatur. Non habent vera & legitima Concilia Hierarchici Anglicani; Synodos Hierarchicas Episcoporum, Decanorum, Archidiaconorum, & id genus hominum, etiam rarissimè. Rejicit *Cap. 16. p. 459.* Bilsonus culpam in principem, quandoque in ipsius rei difficultatem, quia longo diffusi intervallo sunt inter se Episcopi. Sed quæro, an serio unquam rogarunt Principem, ut Rescripto facultatem convocandi concederet, ut Diœceses divideret, & extensivam suam potestatem in plures comitatus minueret, quò commodius coire in Synodis possint. Gregorius Augustino Anglorum Episcopo; *Frater. Dil. 80.* *Cap. 6.* *nitatem tuam ita volumus Episcopos ordinare, ut ipsi sibi Episcopi longo intervallo minime disjungantur; quatenus nulla sit necessitas ut in ordinatione alicujus Episcopi convenire non possint. Sed fimbrias suas, quas tam latè extenderunt, contrahere illis cordi non est.*

Oppugnat Bellarminus Aristocraticum Regimen Episcoporum hoc argumento.

*Spal. de
Rep. Eccles.
l. 1. c. 12.
n. 45.*

*De Eccles.
l. c. 30.*

*Gerson.
Epist. Pacis.
Part. 2.*

*Lindwood.
Lib. 5. Titul.
de Pœnis.
Cap. 1.*

Si Ecclesiæ Regimen esset Aristocraticum, Ecclesia fere semper careret Rectoribus, nec esset ullus cui commune bonum sit curæ: omnes enim Prælati inter se pares ponuntur, & commune bonum curare non possunt, nisi vel congregentur, vel communi consensu Magistratum aliquem eligant, qui hoc præstet. Congregatio vero Conciliorum fit rarissimè, & cum maximo incommodo. Respondet Spalatensis; Neque ullo Magistratu opus est, ubi in solidum omnes laborant ad unum finem: neque ipsorum congregatio generalis adeo frequens est necessaria, nisi in gravissimis causis totius Ecclesiæ. Synodi tamen Provinciales, sicut debent, ita possunt facile esse frequentissimæ: ex dum singule provinciæ bono regimine gubernantur, tota Ecclesia universalis egregie remanet gubernata. Idem fere Fildus. Dicit enim coacta fuisse olim Concilia Provincialia bis singulis annis, item ob Episcoporum ordinationes, Metropolitanumque ad convocandum Synodos Canonibus obstrictum fuisse. At nisi in perpetuum obstringatur, & Ecclesia Provincialibus Synodis Episcoporum regatur ordinariè, non erit Episcoporum regimen Aristocraticum regimen illud quod commendarunt Ecclesiis Apostoli: & proinde non solvitur Bellarmini argumentum, si non sint stata Concilia Provincialia, sicut olim fuerunt, quod respondit Fildus. Queritur Gerson, & querit, ubi sunt Synodi Provinciales secundum Patrum constitutiones semel vel bis in anno celebrandæ. Respondebant Archiepiscopi Anglicani, non opus esse Synodis; nos & umbras nostras, Archidiaconos, Cancellarios, Officiales, hæcenus Canones conditos executioni mandatueros: non est opus Episcopis Presbyterorum Senatu, nec nobis Synodico Episcoporum confes-
fu; Monarchæ sumus.

Conciliorum Provincialium prostaſiam olim fuiſſe mutabilem, patet, ex Synodis Centuriæ Secundæ, ubi Præsides, non perpetuos, sed electitios fuiſſe monſtravimus. Præſidentiam mutabilem & temporariam poſtulat Regiminis Ariſtocratici ratio, ſi æqualitatem illam ſartam tectam ſalvari volumus, quæ inter optimates poteſtate pares eſſe debet. Proſtaſia perpetua anſam præbet ambitioſis certaminum & litium, ambulatoria autem tollit. A perpetua proſtaſia ordinis ad primatum poteſtatis facilis eſt tranſitus. Præterea, qui præeſt in Concilio libero, cæteris gradu poteſtatis ſuperior eſſe non debet. Nam tametſi in Synodo ſileat exercitium poteſtatis ſuperioris, metu tamen cæteri non liberantur. Archiepiſcopus, ut Metropolitanus, eſt tantum Præſes ordinis, ſed ſenſu diviſo, & quatenus Archiepiſcopus eſt, poteſtate juridiſctionis ſuperior quovis Epifcopo comprovinciali, quam, quando libitum fuerit, exercere poteſt. Præcipuum Metropolitanum munus eſt, ut dictent Hierarchici, præeſſe Synodis. At abſque Metropolitanis poſſunt Concilia gubernari. Non modo Primitivæ Eccleſiæ ſed etiam Eccleſiarum Reſormatarum, ut dixi, experientia docet, non opus eſſe Præſide Metropolitano. Imo & Hierarchicorum exemplis idipſum docemur. In Synodo Provinciali celebrata Londini anno 1603. pro Præſide ſe geſſit Bancroftius Londinenſis. Vacabat quidem tunc temporis Sedes Cantuarienſis: ſed ſat eſt, quod ſede vacante alius iſto munere fungi poterat; & ut in æternum vacet, per melicebit. Obiter obſervandum, Londinenſem potius quàm quemvis alium præſuiſſe ex officio, ut Decanum in Epifcoporum Collegio. Habet enim, inquit Lindvodius, Archiepiſcopus Cantuarienſis in Collegio Epifcoporum, Epifcopos; Londinenſem Decanum, Wintonienſem Cancellarium, Lincolnienſem Vice-cancellarium, Sarisburienſem Præcentorem, Wigornienſem Capellannum, Roſſenſem Cruciferarium. Et in libello Septuaginta Archiepiſcoporum, Londinenſis Epifcopus ad Synodos convocandas designatur: ut Decanus. In Synodo, quæ convocatio Cleri dicitur, & cum ordinem Regni Comitia celebrantur habetur, Præſes, qui Prolocutor dicitur, eſt electitius.

Whit;

Whitgiftus respondet; *Archiepiscopum nihilominus suam auctoritatem retinere, quam Reipublicam quam Clero inferiori permissum sit sibi eligere Præsidentem, sicut rex aut Dominus Custos Tract. 2. suam auctoritatem retinet, etsi permissum sit in Domo Inferiori eligere suum Præsidentem. Cap. 3.*

Viden' ut Principibus, & Officiariis Regni æquiparat Archiepiscopum. Sat est, quod Archiepiscopo absente alius hoc munere fungi potest; & proinde, si Metropolitano non sit opus, vel ad ordinationes Episcoporum, vel Concilia convocanda aut regenda, ob quas causas præcipue institutum volunt, non est omnino necessarius, inulto minus divinæ institutionis.

Quatenus Archiepiscopi.

1. In recipiendis Appellationibus, & rescribendo ad appellationes interpositas ab Episcopis suis suffraganeis.

Suffraganeos dictos fuisse comprovinciales Episcopos persuasum nobis vult Dow-*Defens. l. 2. namus, à ferendis suffragiis in Metropolitanorum electione & in Synodis Provincialibus à Metropolitanis celebratis, unà cum ipsis Metropolitanis. Fallacia est in suffragii significatione, quam detegit ingenuè Lindvodius; Suffraganeis sic Lib. 1. Tit. dictus, quia Archiepiscopo suffragari, & assistere tenentur. Vocati enim sunt in partem de Constitut. sollicitudinis Archiepiscopi, non in plenitudinem potestatis. A suffragiis ferendis in tionib. Cap. Synodis provincialibus unà cum Metropolitanis, Suffraganei dici non poterant, Alii.* cum jam Provincialia Concilia in desuetudinem abiissent, aut à suffragiis ferendis in Episcoporum electionibus, cum jam electio ad Canonicos solos, aut ad Principem & Canonicos defereretur. Cum proflasia ordinis in gradum imperii & potestatis murata fuit, & Episcopi Metropolitano subijci coeperunt, tum Suffraganei dicti sunt. Videmus quàm plena periculi res sit, ferre perpetuam Proflasiam in Aristocratico Ecclesiæ regimine. Appellare igitur licet ab Episcopo ad Archiepiscopum secundum leges Anglicanas. At nihil olim potuit Metropolitanus in aliena Diocesi absque comprovincialium sententia. Anicetus ad Episcopos Galliæ; Si autem aliquis Metropolitanorum inflatus fuerit, & si-*Caus. 9. ne omnium comprovincialium præsentia, vel consilio Episcoporum, aut eorum, aut alias Quest. 3. c. 6. causas (nisi eas tantum, quæ ad propriam suam parochiam pertinent) agere, aut eos gravare voluerit, ab omnibus districtè corrigatur, ne talia deinceps præsumere audeat.* Higinus Papæ; Salvo in omnibus Romanæ Ecclesiæ privilegio, nullus Metropolitanus-*Caus. 9. Que absque ceterorum comprovincialium Episcoporum instantia, aliquorum audiat causas, 3. c. 4. quia irritæ erunt aliter actæ, quàm in conspectu eorum omnium ventilatæ, & ipse, si fecerit, coërceatur à fratribus. Concilium Antiochenum; Visum est bis in anno per Can. 19. singulas provincias Episcoporum Concilium fieri, in quo & Presbyteros & Diaconos præfentes esse oportet, & omnes quotquot se lesos existimant, & Synodicam expectare sententiam. Ab Episcopo ad Synodum Episcoporum, non ad Metropolitanum; gravatus appellabat. Concilium Sardicense sic quidem statuit. Qui ejus est, nem-*Sard. Cap. 1. pe Presbyter, aut Diaconus per Episcopum, habeat potestatem confugiendi ad Me- tropolitanum Episcopum illius provincie. Sed Canones istos meritò habemus pro suspectis, inquit Surlivius Hierarchicorum, etsi non eruditissimus, tamen virulentissimus. De Pontif. Et Spalarenis; Sardicenses enim Canones ab Ecclesia universali nunquam fuerunt ad-*l. 3. c. 13. missi, unde & in Corpore antiquo Canonum universalis Ecclesiæ, quo Oriens semper usus pag. 256. est, nullus Sardicenses Canon locum habuit. Justinianus quidem legem tulit; Quòd si Spal. de Rep. à Clero aut alio quocunque aditio contra Episcopum fiat, propter quamlibet causam, apud. c. 8. n. 34. Metropolitanum ejus causa judicetur, secundum sacras regulas & leges nostras. Et si quis Novella. judicatis contradixerit, ad Archiepiscopum & Patriarcham Diocesanos illius causa refera-*123. c. 22. tur, qui secundum Canones & leges causam judicet. Sed leges Justiniani nobis nullius mo-****

menti sunt, quatenus à verbo Dei discrepant. Concilio Constantinopolitano Primo decretum, ut latus ab Episcopo, primum apud omnes illius Provincie Episcopos accusationem institueret: quod si non sint idonei ad correctionem eorum criminum quæ in Episcopum conferuntur, tunc eos accedere jubet ad majus Concilium illius Dioceseos Episcoporum. Hic à minore ad majus Concilium conceditur provocatio. At postea in Chalcedonensi Concilio, quod incidit circiter annum Christi 455. cum sensim omnia vergerent in deterius, decretum, ut, si Clericus cum proprio vel etiam alio Episcopo negotium aut litem habet, à Provincie Synodo judicetur. Si autem cum ipsius provincie Metropolitanus Episcopus vel Clericus controversiam habeat, Diocesis Exarchum adeat, vel Imperatorie urbis Constantinopolis thronum, & apud eum litiget. Hic ad Exarchum aut Patriarcham concessa provocatio, non ramen ad Metropolitanum seorsum à Synodo Provinciali. Sed perinde esset, sive à Patribus in Concilio aliquo Oecumenico, sive à Justiniano inuenta sit ad evehendum Metropolitanum ista subordinatio appellationum ab Episcopo ad Metropolitanum, à Metropolitanò ad Exarchum aut Patriarcham: cum perniciosam invexerit mutationem regimini Ecclesiastici. Mutationem istam meritò introductam in Ecclesiam, nec molestè ferendam asserit Bilsonus. Videbant, inquit, intolerandos sumptus & molestias, quibus provincie cujusque Episcopi pene exhausti erant, dum apud Synodos manerent tamdiu, quoad privatas omnes contentiones & querelas in quaque provincia exorientes componerent: nec quicquam cause perspiciebant, cur totius orbis Episcopis bis quotannis negotium circa multiplices quorundam controversias facerent, magis autem illa ratione eventurum animadvertabant, ut lites aut longam procrastinationem, aut levem examinationem, & præproperam sententiam acciperent Et paulò infra; Quàm iniquum & intolerandum foret, ut omnes hujus regni Episcopi in unum convenirent, & non laborem solum sed sumptum in audiendis, examinandis, judicandisque tot controversiis, injuriis, & contentionibus insumerent, quot hodiè in omnibus Angliæ Consistoriis versantur. Etiam post Justiniani tempora sunt celebrata quotannis Concilia Provincialia, nedum ætate Justiniani quando lex illa lata. Nondum causabantur veteres labores aut sumptus, ut fingit Bilsonus. Et quando decretum, ut semel tantum quotannis celebrarent Synodum, alias ponunt causas, quàm sumptus & labores Concilium in Trullo præcipit, ut quoniam propter Barbarorum incurssiones, ac alias ob causas quæ incidunt, Ecclesie Præsides non possunt bis in anno Synodos celebrare, ut omnino semel singulis annis in unaquaque Provincia Synodus fiat. Postea quidem laborarunt Episcopi inertia & desidia, & itinerum longitudinem obtendebant, ut in Nicæna Synodo. II. Propter vexationem, & quod itineri perficiendo minus sufficerent qui cogebantur, statuit, ut semel in anno hoc fiat, & si Metropolitanus id fieri non curaverit, ut Canonici panis subjiciatur. Non tamen, ut vides, omnino sustulerunt ipsi supersticiosi Patres Nicæni stata Concilia Provincialia, ut Episcopi Anglicani vel Pontificii. Honorem & dignitatem Episcopatus ambiunt, onus & operam defugiunt. In Aula aut Palatiis suis delictis resoluti & resupini, pompis oriantur pigri, & causantur leonem esse in semita. Sumptus suppetunt ad pompam & nihil deest, sed cum ad laborem & Ecclesie negotia vocantur, nil tum est tamen. Provincia Cantuariensis æque late protenditur fere ac ipsum Regnum. Sed Episcoporum Dioceses contrahendæ essent, & Metropolitanorum Provincie Synodorum commoditati accommodandæ & commensurandæ, si non suæ dignitati amplificandæ sed Ecclesie saluti consulere vellent. Præterea non necesse esset, ut laborem & sumptum in audiendis, examinandis & judicandis tot controversiis & causis insumerent, quot versantur In omnibus Angliæ Consistoriis, si de civilibus causis immiscere nollent. Forstæ decimarum, testamentorum, legato-

rum

Constant. 1.
Can. 6.Chalced.
Can. 9.De Gubern.
Cap. 16. p.
462. 463.

Can. 3.

rum, sponsalium, nuptiarum, & similium causarum judicia à Synodis removeretis, inquit Bilsonus, atque ea solum admitteretis, quæ ad delicta coercenda pertinent. *De Gubern. cap. 16.* Quidam removeremus, cum in criminibus & delictis, non in possessionibus aut rebus civilibus, sit potestas nostra, ut loquitur Bernardus? Strepitus causarum civilium ab Ecclesia abarcendus est. *p. 463.* Quid vero secundum jura servandum sit in appellationibus, quomodo inhibendum, quid sit circa attentata agendum, & de similibus *Spalat Lib. 3. Cap. 8.* tritis innumeris digladiantur inter se Juristæ. Nos scimus quia *1. Cor. 11. contentiones faciendi Ecclesia Dei consuetudinem non habet, nisi postquam facta est pene tota temporalis, & ad Papatum pervenerint iniqui, & Theologiæ expertes Juristæ.* Præterea non cognoscit ipse Archiepiscopus causas illas delatas ad Curiam illam quam vocant Curiam de Arcubus, sed Curia Arcuatæ præest Decanus, qui ad omnium in Provincia Cantuariensi Appellationibus rescribit, qui Decanus de Arcubus nuncupatur. *Advocati in hac Curia sunt sedecim aut plures pro Archiepiscopi arbitrio, omnes legum Doctores, Scriba duo. Procuratores decem, ut refert Camdenus in Britannia sua, ubi de Tribunalibus Angliæ.* Par est, inquit Bilsonus, ut aliquos adiutores habeant, nisi placeat vobis, plus eos temporis in humanis legibus addiscendis, quam in sacris Scripturis recognoscendis infumere, eoque ineptè facere mihi videmini qui tam acriter in Curiam de Arcubus, aliæque Ecclesiasticæ Jurisdictionis consistoria invehimini. *Pag. 461.* Ineptias certè fundit, qui causas Ecclesiasticas committit, ad quas cognoscendas & tractandas prorsus ineptuli sunt, & quarum cognitionem in alios rejicere oportet, vel ob imperitiam, vel ob negotiorum magnam molem, ut Papa ad suos Auditores. Par est, ut missis Canonistis vestris, & relegatis causis civilibus ad judices competentes, Ecclesiastici Ecclesiastica, & ordine Ecclesiastico, solum tractent. Obiter monendum, istius Curia Præsidem Decanum appellari, quia jurisdictionem exercet in 13. Paroecias civitatis Londini exemptas ab Episcopi Londinensis jurisdictione: & Decanus de Arcubus, quia turris templi Paroeciæ primariæ Arcuato opere ædificatur. Admittimus igitur Consistoria merè Ecclesiastica & non alia. At, inquit Bilsonus, ipsa tamen experientia docet, quanto tempore causæ, tam multitudinis, quam magnitudinis ratione, pendant in maximis Curis Ecclesiasticæ jurisdictionis, licet judices bene multototo anno legitimis, ut vocant, diebus, juri dicendo vacare soleant. Annon opus perquam laude dignum foret, vestra causa efficere, ut pastores per cunctam provinciam constituti in uno loco perpetuo consisterent, & appellationibus tantum inservirent, quæ ab omni parte frequentius interponerentur. Habet Anglia Comitatus 39. unicum tamen Prætorium Westmonasteriense, in quo fora judiciaria constituuntur, tum Juris tum æqui, & statis temporibus, quæ dies legitimos juridicos, sive fastos vocamus, causas cognoscant: & hæc quatuor anni tempora vix trimestre conficiunt. Non tamen iustitii interstitiis quid detrimenti caput respublica. Sunt in Comitatibus Vicecomites, & Barones, qui in suis Curis causas minores cognoscunt, & in civitatibus & oppidis majoribus judices, ubi lis est etiam de majore pecuniæ summa, salva tamen libertate provocationis ad suprema tribunalia. Si restituerentur Paroeciis Consistoria, Decanatibus Classica Presbyteria, Comitatibus Synodi, Omnibus in commune Nationalia Concilia, ablegarentur Cancellarii, Officiales, Archidiaconi, & cætera illa colluvies, tractarent Ecclesiastici causas tantum Ecclesiasticas & ordine Ecclesiastico, raro interpellarentur appellationibus stata Concilia, & Synodi Provinciales bis singulis annis celebratæ. Hoc experti in Ecclesia nostra novimus, ubi à Consistoriis Paroecianis, & Classicis conventibus, qui singulis hebdomadis habebantur, rariùs provocatum est ad Synodum Comitatus, à Synodo ad Concilium Nationale, quod singulis annis semel celebrabatur, rarissimè id ipsum

De Repub.
Eccles. l. 3.
c. 8. Num. 1.

De Triplici
Episcopatu
pag. 91.
Conc. Chal.
Can. 19.
Antioch.
Cap. 20.
Nicæn. 1.
c. 5.
Nicæn. 2.
c. 6.

ipsum experienciâ edoctæ sunt & aliæ Reformatæ Ecclesiæ, ubi rariora sunt Concilia Nationalia, Non mirum est ab Officialibus, Cancellariis & Archidiaconis vestris, appellationes sæpius interponi. Sed ab Episcopo uno ad alium jurisdictione superiorem judicem singularem provocandum neutiquam æquum censemus, multo minus à Classico conventu ad Episcopum aut Archiepiscopum. Ineptum esset arbitrari Deum negare velle Spiritum suum pluribus, & unum solum inspirare velle, ut in Appellationum causa scripserunt Patres Africani ad Cælestinum Papam. Civilium causarum potissimum, non delictorum ratione, multiplicatas appellationes agnoscit Spalatensis. Atque ita causæ subditorum Suffraganeorum ante omnia ad Metropolitanos devolvuntur, postquam præsertim & judicia forensia & modus procedendi secularis est introductus in Ecclesiam. Quid opus est facessere negotium Synodis, dicit Bilsonus, cum minore labore possunt causæ expediri per Archiepiscopum. Opus erat Synodis olim ad constitutiones condendas, conditis jam Canonibus non opus est statis Synodis. Synodi multis de causis in Ecclesia sunt necessariæ, inquit Beza, tum ad retinendum consensum, tum ad remedia communibus occurrentibus malis communi consilio querenda, tum etiam ut iis consulatur, qui particularium illorum presbyteriorum judicio non acquiescunt & sibi injuriam factam putant. Non tam iniquus Saravia, quàm Bilsonus. De necessitate Synodorum facile, inquit, cum D. Beza sentio. Convocatæ sunt olim Synodi, non solum ut Canones conderent, fed etiam, ut singula emergentia corrigerent, ut dicitur in Concilio Chalcedonensi; propter Ecclesiasticas causas, & quæ existunt controversias dissolvendas, & ut omnes quotquot se læsos existimant, Synodicam expectent sententiam, dixerunt Patres Antiocheni; ut omnes quæstiones communiter examinentur, dixerunt priores Patres Nicæni; ut Canonicæ inquisitiones fiant per Episcoporum congregationes, dixerunt posteriores Nicæni. Potestas non modo dirigendi per Canones, sed etiam regendi secundum Canones uni permittenda non est. Alioquin Aristocraticum quod hæcenus posuimus, & probavimus, Ecclesiarum provinciæ regimen in Monarchicum mutabimus. Nam Monarchæ etiam secundum latas leges regunt subditos, & tamen Monarchæ sunt. Potest Archiepiscopus non minus abripi affectibus, & tyrannidem exercere in Canonum executione, quàm constitutione. Metropolitanum Anglicanum solum unà cum Principe posse etiam διατάσσας & διοικῶνς Agendarum Formulas, & Capitula de disciplina & ordine Ecclesiastico formare, Capite Primo monstravimus. Mirum certe Bilsoni artificium in fabricandis Metropolitanis & Archiepiscopis suis obfervare, ludus & jocus est. Initio Capitis 16. pluribus differit de Synodorum Utilitate, & Necessitate, ut Metropolitanum suum utilem & necessarium esse ostenderet, sed statim retexit telam, quam texebat, & Synodorum utilitatem & necessitatem tollit, imò multa incommoda & difficultatem obtendit, ut Archiepiscopum introducat, qui absque Synodo lites definiat, & provinciales regat: id est Metropolitanum deprimit, ut Archiepiscopum evehat, & Archiepiscopum Metropolitani animam intercludere jubet. Nam initio Capitis parem Metropolitanorum & Synodorum necessitatem statuit. Amphora cœpit institui, currente rota cur urceus exit?

2 In Visitandâ secundum leges & consuetudines tota Provincia.

Replita.
pag. 439.

Archiepiscopus Anglicanus quamvis rarè per alios, aut per se vix unquam, visitat, ut judex ordinarius Ecclesias provinciæ suæ visitare tamen potest, etiam causa correctionis. Whitgiftus Cantuar. dicit Archiepiscopum, cum visitat, non posse ferre novas leges, neque præscribere novos ritus, nisi imperatum illi fuerit à potestate superiori

periori, tantummodo inquit, an observentur leges & constitutiones, quibus Episcopi & alii parere tenentur, neque absque illis quicquam decernere, nisi quod ipsorum consensu, legum & principis autoritate concessum, aut quicquam in ipsorum diocesibus agere, quàm quod ipsi præstare tenentur. Consensum Episcoporum intelligit voluntariam ipsorum cessionem, vel approbationem in Comitibus regni, cum legibus sanciretur Archiepiscoporum potestas. Nam invito & inconsulto Episcopo posse visitare provinciam, & immiscere se causis ad Suffraganeos suos propriè spectantibus, satis constat. Ad leges Regni & principis Edicta auctoritatemve se recipiunt, cum aliter se tueri non possunt. Sic nodos Gordios secare gladio, non argumentis solvere, illis solenne est. Leges humanas legi divinæ adversantes antiquari postulamus: nec quid de facto sed de jure possent Principes, quærimus. Si Episcopale regimen sit Divinum institutum, ut ipsi volunt, & nos adhuc ponimus, Archiepiscopum tamen cum potestate visitandi provinciam, & corrigendi excessus & defectus Prælatorum Suffraganeorum, nec jure Divino; nec veteri Ecclesiæ politia subniti unquam demonstrabunt. Anicetum & Higinum supra audivimus; audiamus etiam Calixtum. Nullus Primas vel Metropolitanus Diœcesani Ecclesiam, vel parochiam, aut aliquem de ejus parochia præsumat excommunicare, vel judicare, & aliquid agere absque ejus consilio vel judicio. Sed hoc observetur, quod ab Apostolis, & Patribus, & prædecessoribus nostris est statutum, & à nobis confirmatum, id est; Si quis Metropolitanus Episcopus (nisi quod ad suam solummodò propriam pertinet parochiam) sine consilio & voluntate omnium comprovincialium extra aliquid agere tentaverit, gradus sui periculo subjacebit, & quod egerit irritum habeatur & vacuum. Sed quicquid de provincialium Coepiscoporum causis, eorumque Ecclesiarum, & clericorum atque secularium necessitatibus agere aut disponere necesse fuerit, hoc communi consensu comprovincialium agatur Pontificum, nec aliquo dominationis fastu, sed humillima atque concordis administratione. In Concilio Tridentino decretum in hunc modum; A Metropolitanis verò, etiam post plene visitatam Diœcesin, non visitentur Cathedralis Ecclesiæ, neque Diœceses suarum Provinciarum, nisi causa cognita & probata in Concilio Provinciali. Saniores sunt igitur in minuenda Metropolitanani potestate Tridentini, quàm Anglicani. Dicunt etiam adversarii, durante Archiepiscopi visitatione jurisdictionem Ordinarii suspensi, & non aliam posse illum exercere jurisdictionem, quàm quæ derivatur ab Archiepiscopo, & quam exercet ut ipsius delegatus. Archiepiscopus non modò inquirere, sed etiam corrigere potest, cum visitat; imò ipsum Episcopum suffraganeum officio privare, & gradu movere, ut testatur Cartwrightus. Respondet Whitgiftus; Non posse vel Metropolitanum, vel omnes simul Episcopos Episcopum exautorare absque Principis consensu. Sat est, quod, annuente Principe, solus absque aliis Episcopis Coepiscopum privare officio potest. Nam apud Pontificios Archiepiscopus cognoscere potest de crimine Episcopi, inquit Sylvester, licet non possit procedere ad ejus depositionem, quæ soli Papæ reservatur. In Concilio Antiocheno decretum; Si quis Episcopus de certis criminibus judicetur, & contingat de eo comprovinciales Episcopos dissidere, cum judicatus ab aliis innocens existimatur, reus ab aliis, pro tota componenda controversia visum est sanctæ Synodo, ut Metropolitanus ex propinqua provincia alios evocet judicatuos, ut per eos simul & comprovinciales Episcopos, quod justum visum fuerit, approbetur. Vides non potuisse Metropolitanum suo suffragio dissidium componere, & de Episcopo decernere, sed necesse erat finitimos Episcopos accersere. Sic in Synodo Constantiopolitana celebrata sub Honorio & Arcadio; Non oportere reum judicatum (Episcopum) nec à tribus nec à duobus deponi, sed sententia majoris Concilii, & eorum qui sunt ejusdem provincie. Fildus fatetur Veterum Canones poscere ad Episcopi deprivationem & degradationem, duodecim ad minimum Episcoporum consensum.

Canf. 9.

Quest. 3. c. 7.

Sess. 34.

Ca. 3.

Downam.

Lib. 2. Cap. 6.

P. 112. 113.

Repl. p. 440.

Voce Archi-

epif.

Antiochen.

Ca. 14.

De Ecclef.

Lib. 5. c. 30.

Non modò in visitatione, sed etiam extra visitationem, habet jurisdictionem in totam provinciam. Whitgiftus in casibus solummodo exemptis, Metropolitanum posse exercere jurisdictionem asserit. Sed, quod non potest ut Archiepiscopus potestate ordinaria, potest ut Commissarius Regis potestate extraordinaria. Spalatenfis, qui nimius est in Papa minore Archiepiscopo suo evehendo, illud etiam de casibus exemptis rejicit. *Ut propterea, inquit, vana sit exceptio Juristarum, qui restringunt hanc Metropolitanam potestatem, ad ea sola negotia quæ juribus expressa habentur.* Vult enim Metropolitanum, tanquam Canonum custodem & pravarum consuetudinum vindicem universalem, boni communis totius provinciae promotorem, suffraganeorum correctorem & judicem ordinarium, ubicunque & quodocunque delicta occurrunt, in delinquentem comprovincialium nomine insurgere, & quicquid potest Ecclesia tota in Episcopos suos id posse in suffraganeos suos Metropolitanum. Episcopos omnes jure divino pares pluribus argumentis ipse probavit; & purioribus sæculis nihil potuisse Metropolitanum absque comprovincialibus supra ostendimus. Quod vel Metropolitanorum arrogantia, aut comprovincialium desidia vel ignavia, post multas annorum centurias translata est in Metropolitanam potestatem appellationum, visitationum, & correctionis in certis casibus, & Synodi provinciales tandem abiissent in desuetudinem, Episcopis otio indulgentibus in amplis suis Dioecesium & latis latifundiis, erat veteris disciplinæ labefactorio, deploranda potius, quam imitanda. Qui minutulum nobis Antichristum obtrudunt, cur non etiam Episcopum Romanum majorem Antichristum amplectuntur, si non ut universalem Episcopum, saltem ut Patriarcham Occidentis, cum eadem potestate in Archiepiscopos quam tribuunt Archiepiscopis in Suffraganeos, & ut vindicem & custodem Canonum Conciliorum generalium? Quod si impar sit regimini Ecclesiæ universæ, ut Episcopus universalis, non tamen impar erit regimini Ecclesiarum Occidentis, ut Patriarcha. In Concilio Chalcedonensi concessa provocatio à Metropolitano ad Exarchum majoris Dioeceseos, vel Patriarcham Constantinopolitanum. At Constantinopolitanus dignitate secundus erat à Patriarcha Romano. Zypæus Archiepiscoporum Jurisdictionem, quatenus erant judices ordinarii Episcoporum, à Concilio Tridentino mutatam dicit, ut nunc eorum judices sint in gravibus causis criminalibus Papa, in minoribus Concilium Provinciale. *Et in illis forte recessum est à jure antiquo, ut à pluribus Episcopis junctim serid magis examinaretur, tum insuper quod aliquando contingere potest, ut ob appellationes & similia aliquando inter Archiepiscopos & Episcopos sint aliquæ difficultates, ob quas affectui forte nonnihil darent. Utut sit, imminuta est hæc Archiepiscoporum auctoritas, uti etiam in capite tertio, ut Archiepiscopi, etiam visitata tota sua Dioecesi, non visitent suffraganeorum, nisi causâ in provinciali Concilio cognita; quæ tamen Archiepiscopi visitatio in usu esse desierat ante Concilium.* Vides quid ex Decretis reformationis Sess. 13. & 14. Concilii Tridentini colligit Zypæus. Quod accrescit Papæ ex potestatis Metropolitanæ diminutione, non probamus, sed quantum Concilio Provinciali restituitur, in tantum restitutam veterem disciplinam agnoscimus, & Tridentinos Anglicanis æquiores esse judicamus. Sancta congregatio Cardinalium interpretum Canonum & Decretorum Concilii Tridentini in Declarationibus suis sic interpretatur decretum quoddam Sess. 13. *Archiepiscopus non debet se ingerere in prima instantia causarum quæ agitantur coram ejus Suffraganeo.* Archiepiscopus Anglicanus potest ingerere se in quamcunque causam, vel agitatam, vel nondum agitatam coram suffraganeo, potestate ordinaria, aut delegata extraordinaria, & omnimodam jurisdictionem Ecclesiasticam exercere tum in suffraganeos, tum in Suffraganeorum subditos, & proinde viribus & malignitate superat quemvis Archiepiscopus.

Fus Pontif. i. i. Tit de Officio Ordinarii. p. 71. 72.

In Sess. 13. Cap. 1. lit. 1.

chiepiscopum Pontificium, sive veterem sive novum Tridentinum, Pontificis Romani exuviis ditatus, & utriusque gladii potestate in Curia Legatina armatus.

Quatenus Primates sive Patriarchæ minores. 1. De Jure, ut Appellationes admittere ab inferioribus judiciis, etiam omisso medio, 2. Ex consuetudine præscripta, ut vacante quavis provinciæ suæ sede Episcopali custodiam Ecclesiasticæ Jurisdictionis habere.

Primates Anglicani duo, Cantuariensis & Eboracensis, non solum potestate, dignitate, & officio, sed etiam Suffraganeorum numero pares erant, usque ad tempora regis Guilielmi, ut ex Studbesio refert Godwinus in Eboracensibus: qui etiam narrat ex decreto Regis & procerum, Pontifice Romano permittente, separatam Humbro flumine Eboracensem provinciam à Cantuariensi, & perexiguas finibus conclusam. Varia erant inter duos Archiepiscopos certamina de Primatu, donec tandem decerneretur, ut Eboracensis Primas Angliæ, Cantuariensis Primas totius Angliæ nuncuparetur, quibus titulis cum insulsa & ridicula ista differentia in hunc usque diem gaudent. Ad Primates istos etiam omisso medio appellare possunt. Quod Spalatenfis de immediata ad Papam appellatione scribit, huc referri potest. Nunc vero, inquit, Leguleii nostri axioma fecerunt, licere, omisso medio, immediatè ad sedem Apostolicam convolare, nempe omisso Metropolitano. Ita & hic omisso medio licet appellare illos ut ad Primates. Sic enim distinguunt, ut liquet ex tabulis. Matthias Stephani Appellationum Immediatarum institutum ad avaritiam expendam excogitatum dicit. Quod autem jure Canonico, omisso quocunque medio, appellari potest ad solum Papam, id ideo constituerunt, ut omnes quæstiones in suum currum traherent, & suam avaritiam satiarent, quia Clericorum animus est enixus præ cæteris in pecuniis cumulandis, contra honestatem communem & fidem Deo promissam. Sic Papæ minores, Primates, qui hinc Patriarchæ minores dicuntur, ad suas Curias lites & causas ventilatas in inferioribus Curiis devolvendas curant pluribus mediis, nempe vel mediate vel omisso medio. Appellationes ab Archidiaconis aliisque inferioribus Prælati, eorumque Officialibus ad Archiepiscopum, omiſſis Suffraganeis, non probat ipse Innocentius 4. in Sexto Decret. tit. de Appellationibus. Quæ de appellationibus supra diximus, in immediatas maximè intorqueri possunt. Quod sede vacante Primas custodiam habeat spiritualis jurisdictionis in Dioecesi qualibet suæ provinciæ, Capituli jura, nedum Ecclesiarum in Dioecesi auctoritatem, minuit. Nam Capitulum jure ordinario succedit Episcopo. Propterea statim atque mortuus est Episcopus, interim dum alius substituatur, ordinarie regimen illius Ecclesiæ totum, plenum, & integrum, excepta ordinatione & aliis ordinis Pontificalis propriis, est penes totum Collegium Presbyterorum, sive Capitulum Canonikorum, sed Presbyterorum, dicit Spalatenfis. Et Papam nihil amplius de re posse in suæ provinciæ Ecclesiis vacantibus, quarum administrationem Capitulo eripere, & alii committere non potest, nisi in casu negligentia, idem asserit Libro Tertio. Quod addit, de casu negligentia, non Veterum institutum, sed depravationis disciplinæ sub Antichristo additamentum erat. De ipsius Capituli potestate suo loco dicturi sumus.

Juxta locum quem tenent Archiepiscopi in statu Ecclesiastico peculiarem Cantuariensi. 1. Quilibet Episcopus suæ provinciæ ab ipso confirmatus exhibeat unum Capellanum, donec

sufficiens aliquod beneficium prospexerit. 2. Quatenus totius Angliæ Primas, literas tuitorias concedere possit, quibus, absque molestia interea exhibenda ei qui appellaverit, appellationem suam prosequi liceat.

Amplissima est dignitas Archiepiscopi Cantuariensis in Hierarchia Anglicana in qua cæteris Episcopis antecellit, & non minus nunc quam olim ab Urbano II. alterius orbis Patriarcha, vel verius Papa, dici potest. Quamvis deposito Legati nati titulo quem à Pontifice acceperat, tantum Primatis & Metropolitanis Angliæ cognomento gaudet, non minor tamen est ejus dignitas & potestas, quam fuit superioribus sæculis. In Curia Legatina principis aliam legatinam jurisdictionem exercere potest cum utriusque gladii vindicta, ut diximus. Dux hic solummodo peculiare ejus prærogativæ enumerantur. Quod Capellanos habeat, hoc ei commune est cum aliis Episcopis. sed quod Suffraganeus ab ipso confirmatus exhibeat unum Capellanum, donec beneficium aliquod ei prospexerit, ipsi peculiare est. *Altaria non nisi in Ecclesiis passi sunt Christiani*, inquit Bleynianus, donec Principibus Oratoria domi cum altaribus & sacrificiis, singulari privilegio fuere permessa, ac tandem ea permissio etiam ad privatos quosque, interveniente dummodo Episcopi autoritate fuit extensa. Ex omnibus satis liquet, inquit Filescus, quam male sibi, & anime suæ consulant, qui vel nescio quo fastu vel fastidio, aut denique supina negligentia publicum illum Paræcialis Missæ conventum aspernantur. Sunt qui efflagitam, & ut verius loquar, inique extortam Episcopalem indulgentiam seu dispensationem prætexunt, qua in privatis Oratoriis sacrum audire sibi fas esse contendunt. Hanc corruptelam merito damnarunt plurimi Gallie Episcopi suis Synodis Diocesanis. Decretum quoddam Diæcesanum Guilielmi Episcopi Andegavensis anni 1315 ibidem subjungit. Quod de Missa dicunt, de vero Dei cultu rectè affirmatur. Si Nobiles sunt membra Ecclesiæ Paræciane, debent una cum cæteris membris ad publicum cultum coire. Sed quod Episcopi Sacellanorum etiam turbam haberent, qui in Capellis suis vel alibi pro ipsorum arbitrio concionentur, arguit ipsos non modo aliorum, sed suo etiam fastui & otio nimium indulgere, & cum Magnatibus omnibus modis contendere, ne quid ad pompam deesse videatur. Capellani Episcoporum & Magnatum, aut Beneficiarii sunt, aut Beneficium nullum habent, sed ambiunt. Nam in hunc finem maximè se addicunt Episcopo, aut Nobili, ut eorum opera Beneficium acquirere possint. Nec comparato sibi Beneficio cum cura animarum curant gregem, sed in Nobilium aulis versantur, & non est qui esurientibus in Parœcia interim panem frangat. Hujus criminis tam reus est Episcopus, quam quivis alius. Sacellanorum turba inde orta videtur, quod, cum rigido jure Canonum, qui beneficium curatum possideret, residere tenebantur, nec erat qui domestica sacra curaret, excogitatum est ut plures haberent Capellanos, qui per vices annuas, semestres, aut trimestres, in Procerum & Nobilium Capellis & Oratoriis ministrarent: greges suo se succo alere interea oportebat. Non tamen vices istæ semper observatæ sunt, sed ad apertam perpetuam Non-residentiam professionem res rediit. De Capellanorum Non-residentia & beneficiorum pluralitate statim plura dicturi sumus. Alterum peculiare Cantuariensi, de Literis Tuitoriis appellanti concedendis improbandum non esset, si ipsi peculiare non esset, & ipsæ appellationes sive mediatae sive immediatæ ad Archiepiscopum legitime introductæ fuissent. Quamvis enim malitia appellantis coercenda est, ad præsidium tamen innocentiae legitime appellantem tueri adversus inferiorum insolentiam oportebat.

Juxta

Bleyn. In-
troduc. p.
327.

De Parœcia-
rum Orig-
ine, Cap. 7.

Juxta locum quem tenent in Statu Civili, vel utrique Communem, vel alterutri Peculiarem. Utrique Communem, vel de jure communi Municipali, vel concessione Principum. De jure communi Municipali vel in rebus Ecclesiasticis, vel Civilibus:

In rebus Ecclesiasticis, in quibus hanc habent prærogativam, ut approbent & insinuent testamenta, & concedant administrationem bonorum ab intestato succedentibus quorumlibet mortis suæ tempore bona notabilia habentium in diversis Diocesisibus aut jurisdictionibus suæ provinciæ.

Bona notabilia definiuntur in nuperis Canonibus Concilii Provincialis anni 1603. summâ quinque Librarum Anglicanarum. Habet Archiepiscopus forum, *Can. 93.* quod Curiam Prærogativæ vocant; in qua, inquit Camdenus, *Commissarius de hæreditatibus ab intestato seu testamento delatis, jus dicit.* Si defunctus nulla habuit bona notabilia extra Diocesis in qua obiit, testamenti probatio, id est, probationum per testes aut instrumenta receptio, approbatio, id est, decreti de testamenti validitate probatio, insinuatio, id est, apud acta judicis publicatio & transumptio, item commissio administrationis bonorum intestati, & cautio de fideliter administrando, ad Episcopi Diocesisani Cancellarium, Commissarium, aut Officalem; non ad Archiepiscopum pertinent. Si vero habeat in diversis Diocesisibus bona notabilia, Cancellarius, Commissarius, Officialis aut quicunque alius jurisdictionem Ecclesiasticam exercens, singulos ad curiam suam super testamenti probatione, vel administrationis bonorum negotio citatos, aut etiam ultro advenientes, præstito prius juramento, dimittit, & hoc negotium ad prærogativam Archiepiscopalem ejusdem provinciæ spectare, aperte diserteque profitebitur; quin etiam partem ipsum monebit, & hortabitur, ut apud judicem diocesis Prærogativæ testamentum illud probet, vel administrationem talium bonorum petat, & coram ipso ejusmodi probationem sive administrationem, sigillo Curie prærogativarum munitam, infra quadraginta dies continuos exhibeat. Registrarius etiam cujusque judicis inferioris Apparitorem Curie prærogativæ (semel duataxat singulis mensibus ad se venientem) sine omni difficultate certiore reddet, quos executores vel administrationem petentes judex suus infra mensem proximè præcedentem, (ob incompetentiam suæ in hac parte jurisdictionis) ad Curiam prærogativæ dimiserit. Hæc sunt verba constitutionis 93. secundum ipsorum versionem, ex quibus lector dignoscere potest Curiam Prærogativæ non esse proprie Ecclesiasticam, sed Civilem. Tituli de Testamentis, Legatis, Fideicommissis, Successionibus, &c. in jure civili ostendunt Imperatores Præfectis & Præsidibus suis definiendas olim demandasse has causas, fuisseque mere civiles. Lindvodius *Lib. 3. Titul. 1.* de insinuatione testamentorum dicit, quod insinuatio sive publicatio testamentorum de Testa-
prohibetur Clericis de jure, & ratio redditur in juribus allegatis, quia opprobrium est *ment. Cap. 1.* Clericis, si velint se peritos ostendere negotiorum forensium. Ibidem; hæc autem publi-
catio de consuetudine Angliæ pertinet ad judices Ecclesiasticos, secus tamen est de jure *locorum.* communi. Item, libertas quoad approbationem hujusmodi fundatur super consensu Regis, *Cap. sequ.* & suorum Procerum ab antiquo concessio. Non possunt scilicet judices sæculares discutere, sitne testamentum prius posteriori vitiatum; sitne irritum, ruptum, nullum; sitne legatum perpetuum, an in diem; purum, an conditionatum ut vo-

cant; sine conditio honesta, an possibilis; decesseritne defunctus intestabilis, vel intestatus, pñbes an impubes? Qui de immobilibus judicant, de mobilibus judicare non possunt; Qui de lymphaticis, lunaticis, & furiosis, in aliis causis discernere possunt; num furiosus, num mente captus fuerat in extremis defunctus, explorare non possunt? Per indicia & testes exquirere non possunt, num surdus? Quid item prohibet Legatarium per Breve è Cancellaria persequi legata, magis quam creditorem qui fideicommissarium seu testamentarium executorem per Breve è Cancellaria testatoris vel defuncti nomine persequitur? Si ad Episcopalem audientiam delatæ sunt causæ testamentariæ ob Episcoporum pietatem, hac ratione omnes causæ, tum Civiles, tum Criminales ipsis committendæ sunt, & ipsi negotiis sæcularibus sunt implicandi. Præterea si eligitur pietas & virtus personæ, cur constituunt Judices Vicarios, & in alios hoc onus rejiciunt? An pietatem & probitatem Officialibus, Commissariis, & Cancellariis, communicare possunt? Denique non semper pii, qui officio tenus sancti: & quis nequior Clerico degenerare, & extra propriam sphaeram evagante?

In Civilibus rebus, ut

1 Titulum habere Clementiæ, quem Anglicè *Grace* vocamus.

Archiepiscopus uterque Clementiæ, *My Lords Grace*, Episcopus Domini, *My Lord*, titulo ornatur. Titulus Clementiæ, *Grace*, in Anglia Ducibus solummodo communicatur, non aliis in inferiori gradu Nobilium constitutis, non Comitibus aut Marchionibus. Nec appellatione Domini, *My Lord*, indignant alios, quam Nobiles aut sæculari aliqua dignitate fulgentes: aliamque apud eos notionem habet, quàm in mutuis salutationibus & compellationibus voce latina inter doctos. Et qua ratione insigniuntur his titulis, Ducum, Marchionum, Comitum, & Vicecomitum titulis etiam cohonestari possunt. Quandoquidem non sunt istæ Magistratuum ut olim, sed dignitatum, nomenclaturæ. Et quidem Dunelmensis Episcopus censeretur Comes Palatinus, teste Camdeno, qui refert a Guilielmi Normanni temporibus Episcopatum ejus Comitatum Palatinum judicatum fuisse, & sua jura Regalia habuisse Episcopum, adeo ut proscriptorum bona illi, non Regi, cederent. Et nuper, inquit, *Jacobus Pilkintonus Episcopus Divam Elizabetham de bonis Caroli Nevilli Comitæ Westmorlandiæ, & aliorum in hoc agro proscriptorum, qui in Patriam bellum nefarium moverant, in jus vocavit; causamque persequutus esset, nisi auctoritas Parliamentaria intercessisset, & pro eo tempore, sic se habent verba, Regine adjudicasset, quod impensis suis maximis cum Episcopum, tum Episcopatum è seditionum faucibus eripuisset.* Alius nobilissimi & aurati equestris ordinis Episcopus appellatur, ut refert Traversus. Societatem nobilissimam Equitum Auratorum conscripsit Edwardus 3. ut militarem virtutem honoribus, præmiis, & splendore decoraret, quos ob Periscelidem suam in prælii, quod foeliciter cessit, tesseram datam, Garteri sive Periscelidis equites nominavit, qui cærulea Periscelide aureis literis inscripta sinistram tibiam substringunt, ut refert Camdenus. In hanc societatem cooptrati sunt potentissimi orbis Christiani Principes, & in hunc ordinem nostro ævo adscripti sunt quidam Episcopi Anglicani. Huic Prælato Garteri, sive Periscelidis, magna incumbit cura in festis Georgianis cum ante equites gestantur Biblia loco Crucis, ut dicitur ab authoribus Commonitorii ad Comitæ Parliamentaria. Quod de sedibus & gradibus in Imperio civili supra diximus, verum etiam est de Dignitatum titulis. Nam Magistratuum in Imperio Romano,

alii

*In Britan.
Edit. Fran-
cofurt. 16. 16
p. 600.
601.*

*De Discipli-
na Eccles.
fol. 59.*

alii Illustris, ut Præfectus Prætorio, Præfectus Urbi, Comes Sacrarum Largitionum &c; alii Spectabilis, ut Proconsul, Comes Orientis, Præfectus Augustalis; alii Clarissimi titulis, ut Prætor & alii, decorabantur. Episcopi eadem Clement. de Epitheta vel captarunt, vel avidè exceperunt, coeperuntque Illustres inscribi &c. Elect. c. in saluari, ut primi ordinis Senatores; & Serenissimos dicendos ex Clementinis collatione. plerisque. ligit Chassanæus in Catalogo Gloriæ Mundi Parte 4. Consideratione 25. Etiam antehac in Epistolis suis sic inscribebant, τῷ τιμιωτάτῳ κυρίῳ Domino honoratissimo, τῷ κυρίῳ μακαριωτάτῳ Domino beatissimo, τῷ ἀδελφωτάτῳ ἀδελφῷ Fratri reverendissimo. Socrates hunc morem carpit in Proœmio Libri Sexti. Qui personas Ecclesiasticas in summo habent honore nobis crimini dabunt, quod Episcopos non vocamus θεοφιλετάς, ἀγαπητάς Deo charissimos aut sanctissimos aut alius id genus nominibus. Alii qui sunt paulo curiosiores interdum vertent vitio, quod Imperatores non Divinissimos, aut Dominos, aut alius titulis, quos homines illis tribuere solent, appellamus. Verùm quoniam veterum scriptorum testimoniis perspicuè probare ostendereque possum, servum in eorum libris Dominum suum proprio nomine compellasse, ego quo rerum veritati ut debeo inserviam istos Dignitatum titulos penitus contemniam. Christus interdixit discipulis suis, Luc. 22. 25. dignitatum mundanarum titulis, dicens, Reges Gentium dominantur eis, & qui auctoritatem habent in eas ἐξουσίαι Benefici vocantur. Non vult Apostolos magnificis titulis ornari, quibus Reges & Dynastæ gentium & Regnorum ornantur. Nec interdicit Christus unico titulo Evergetarum, quo honestabantur duo Reges Ægypti, sed synedochice omnibus id genus titulis, quibus Reges, qui dominantur, & Magistratus alii inferiores, qui potestatem habent in gentes, utuntur. Titulus Clementiæ, Grace, qui nonnisi Principibus & Ducibus convenit, cum Evergetarum titulo de magnificentia certat. Ille Munificentiam, hic Clementiam & Grati- am ostentat. Ridiculum igitur est, quòd quidam Beneficos, non Gratosos & Clementes, salutandos & appellandos Dominum interdixisse volunt. Dicit Bilsonus, Christum De Gubern. prohibere, ne honorem aliqui illis debitum aut ambitiosè affectent, aut cupide excipiant, Cap. 6 p. 98. At prius dixit Christum præcepisse, ut splendidos Principum titulos, qui Prophetarum & Apostolorum vocationi minime conveniunt, nec capient, nec expectent discipuli sui, sed tam verborum quàm rerum magnificentiam hujus sæculi potestatibus relinquunt. Cum adhuc premimus, si Benefici titulus, in quo non est tantus fastus, Apostolis negatur, quanto magis istæ, quæ gravius animos inflant, ampullæ Gratosi seu Clementis Domini; responderet, Nomen Benefici nec Sacerdoti nec è populo cuiquam negari debet, si modo reipsa liberalis in Rempublicam, aut in homines privatos extiterit. Ut autem Benefici nomen quis ambiat, cum à Beneficentiæ ac Benignitatis laude quamplurimum absit, id, quoniam redolet inanis gloriæ cupiditatem, æque Principibus, ac Pastoribus est illicitum. Stare loco nescit, tam pugnantia loquitur. Christus ipsos titulos usurpare prohibet, quibus Reges & Principes Gentium utuntur, sive reipsa præstiterint, sive non, quod titulis innuitur. Alioquin Serenissimi titulus negandus erit Principibus, qui nihil minus quam Sereni sunt: & nullus Archiepiscopus Gratosi seu Clementis cognomento cohonestandus, qui immitis est & crudelis tyrannus, ut sunt Archiepiscopi Anglicani, cum tamen omnes excipiant Clementiæ titulum. Cuilibet è populo aut ordine Ecclesiastico non licet hos titulos as- sumere, aut delatos excipere, etsi reipsa munificus fuerit, aut gratosus. Prin- cipes munifici & benefici appellantur, ut qui reipsa hanc munificentiam exercere possint in alios, unde & ab Hebræis Principes Nedibim, id est Munificorum & Liberalium cognomento antonomastice decorantur, ut fateatur Whitgiftus, cui titulus Evergetarum respondet. Non semper deferuntur tituli personis ratione vir- tutum, sed ratione dignitatis & gradus sæcularis. Virtutum cognomenta sæ- pius

Replica. p. 63.

pius quidem usurpantur, ubi nulla subest vera virtus, & aptiores sunt tituli potentiam & Majestatem ostendentes, quam moralium virtutum denominationes. Christus tamen cum dominatum & potestatem interdixit, omnes titulos hoc unico Evergetæ damnavit, quos ad principatum illum & potestatem ostendam assument sibi ipse sive injuria Principes. De titulo Domini, *My Lord*, similiter judicandum est. Nam quod objicitur de Elia 1. Reg. 18. & Elizeo 2. Reg. 2. nihil juvat. Rebecca servum Abrahami Gen. 24. 18. Sara maritum Gen. 18. 12. Græci Philippum Johan. 12. 21. Magdalena quem putabat esse hortulanum, Joh. 20. 15. Dominum appellant. Vox Hebræa *Adonai* & Græca *κύριος* apud Orientales non erant tituli dignitatum sæcularium, sed honorificæ appellationes, quibus civiliter sibi invicem tenuioris fortunæ quilibet honorem præbebant. Hinc & in Orientalium Episcoporum Epistolis *κύρις* vox sæpius usurpata fuit, additis, pro more Orientalium, Honoratissimi, Reverendissimi, &c. aliquando etiam sed infulsè, Beatissimi & Sanctissimi, honorificis Epithetis: Ut etiam hac ætate viri Docti inscribunt Epistolis suis Domini appellationem. Adeo pervulgata erat ejus usurpatio, ut Episcopi etiam Presbyteros Dominos nuncuparint. Alexander Alexandrinus Episcopus Epist. ad Athanasium dum erat Presbyter sic inscribit, Athanasio Domino & dilecto filio. Sed quod Illustris titulo, quo primi ordinis Senatores decorabantur & à Spectabilibus ac Clarissimis distinguebantur, postea illustrari voluerunt, prorsus aliud erat, & idipsum quod Apostolis Dominus interdixerat. Vox Domini irrepsit in Ecclesiam Occidentalem, sed eodem sensu primum quo vox Græca & Hebræa apud Orientales, ut in Concilio Arelatensi 3. Aurelianensi 5. Turonensi 1. Toletano 3. & Epist. Ambros. 81. ubi Aper Presbyter subscribit Epistolæ Synodicæ ex jussu Domini Episcopi Geminiani. In Concilio Emeritensi Paræchus Presbyter Dominus dicitur. *Hi etiam, nempe Clerici, vic-tum & vestitum dispensatione Presbyteri merebuntur, & Domino & Presbytero suo at-que utilitati Ecclesiæ fideles esse debent. Filescus Domini vocem Paræcho attributam dicit, non ad auctoritatem erga Clericos explicandam sed venerationis tantum causa.* Domini titulus idiomate Anglicano non tam vulgaris est, ut Pastoribus communetur, sed augustioris est significationis, & non nisi Nobilium aut Magistratuum eminentiorum titulus. Qua ratione appellentur Domini, *My Lords*, quærendum est. Downamus asserit, sic appellari ratione jurisdictionis & auctoritatis, & quamvis communis cum nobilibus & politicis Magistratibus sit titulus, Episcopos tamen non esse civiles Dominos, quod probat per vulgatam spiritualium & temporalium Dominorum distinctionem. Si ratione jurisdictionis Ecclesiasticæ appellantur Domini, ut vult Downamus, tunc Episcopi sunt Domini in Ecclesia: At in Ecclesia unus est solummodo Dominus, Dominus Christus, neque ministris & famulis competit Domini titulus. Dicit relationem ad Ecclesiam esse in voce subintellecta Episcopi, cum appellatur Dominus Rossensis, Bathoniensis & Wellensis, ac si diceretur Dominus Episcopus Rossensis, &c. Quàm frivola sunt istæ argutæ? Si enim hoc titulo ornatur quatenus Episcopus, ergo ratione Ecclesiastici regiminis; quod in Pastores Ecclesiæ non congruere diximus. At Angelorum titulo, qui est magnificentior, ab ipso Christo decorantur. Primum nego, Angeli quam Domini spiritualis titulum esse magnificentiorem. Ille ministerium, hic Dominium significat. Deinde non sequitur ab impropriis & allegoricis prophetarum visionum appellationibus ad quotidianas & ordinarias ductum argumentum. Magistratus Dii dicuntur: Ineptiret tamen, imo in Deum impius censeretur, qui Regem, Deum Angliæ indigiteret. Præterea, omnes ministri Angelorum etiam titulo insigniuntur, & tamen dignitatum sæcularium titulis

nom

Cap. 18.

De Paræcia.
Orig. p. 609.Defens. l. 3.
c. 6 p. 150.

P. 153.

non ornantur. In tabulis dicuntur Episcopi Dominorum titulo decorari ratione Baroniarum Episcopatibus suis annexarum. Idem dicit Mucketus. Frustra igitur ^{De Polit.} allata sunt Eliæ & Elizæi exempla. Nam non possederunt Baronias & lata latifundia, quorum ratione Domini salutarentur. ^{P. 313.} Distinctio igitur Dominorum temporalium & Spiritualium non à dominatûs diversitate sumitur, sed à personarum qualitate, quod hi sint Ecclesiastici, illi Sæculares; vel si à diversitate Dominatûs, tunc necesse est dicere, Episcopos Spirituales Dominos dici, quia præterquàm quòd sint Barones & ea ratione Domini sicut alii sæculares qui Baronias possident, habent etiam dominatum in causis spiritualibus, & Ecclesiasticis, ut qui sint mixtum genus, Prolesque Biformis. Sed cum omnino interdican- tur histulis Apostoli, sicut ipsis protestatibus & dignitatibus civilibus quarum cognomen- ta sunt, nec divisa nec conjuncta ratione *Dominorum Episcopi*, aut *Clementæ* titulo Archiepiscopi sunt orandi In Concilio Arelatensi Tertio qui subscribit Presbyter, non scribit Desiderius Presbyter directus à Domino meo Honoratissi- mo Domino N. hujus vel illius sedis, sed à Domino meo Johanne Episcopo. Sic Aper, ex jussu Domini Episcopi Geminiani, id est, ex jussu Domini mei Ge- miniani, qui est Episcopus N. Nominibus præponebatur appellatio Domini ho- noris causa, non sedibus, ut in Anglia, dignitatis ostentandæ gratia.

2. Præcedentiam supra omnes Duces Regni.

Episcopi etiam, inquit Mucketus, habent *præcedentiam præ aliis Regni Baroni-* ^{De Polit.} *bus, non modo in privatis congressibus, sed etiam in supremo Regni Concilio, Parlamento;* ^{P. 157.} *ubi quia sunt Domini Barones huc ordine habent suas sessiones. Post reverendissimos Ar-* ^{P. 173.} *chiepiscopos Cantuariensem & Eboracensem, primo loco sedet Episcopus Londinensis, dein-* ^{P. 157.} *de Dunelmensis, proxime Wintoniensis, reliqui Episcopi ut consecratione priores, nisi* ^{Pag. 173.} *quòd post Episcopum Dunelmensem primum locum teneant qui Regi fuerint à Secretariis* *Consiliis. Johannes Stratfordius, Archiepiscopus Cantuariensis sub Edwardo* *3. ad Cameram Parlamentalem accedens, cum à Ministris Regiis à foribus arce-* *retur, dixit adstantibus; Rex me ad hoc Parlamentum scripto suo vocavit, & ego, tan-* *quam major Par regni, post Regem suffragium primum in Parlamento habere debeo, jura* *Ecclesiæ meæ vendico, & ingressum in Parlamentum peto. Sic refert ex Berchintono* *Godw in Coment. de Præsul. Idem ex Registro Archiepiscopi Guilielmi Court-* *nei transcripsit istam protestationem. Cum de jure & consuetudine regni Angliæ ad* *Archiepiscopum Cantuariensem, necnon ceteros suos Suffraganeos, Coepiscopos, Abbates,* *&c. per Baroniam de Rege tenentes, pertineat in Parlamentis Regis quibuscunque, ut* *Pares Regni prædicti, cum cæteris Regni Paribus personaliter interesse, consulere, trac-* *tare, cernere, &c. de jure interessendi, &c. cum cæteris Paribus protestantur. Ve-* *rùm propterea quòd in hoc Parlamento agatur de nonnullis rebus, in quibus non liceat* *illis per sacrorum Canonum instituta interesse, protestantur porro se abituros, jure Pari-* *tatis cujuslibet eorum semper nihilominus salvo. Mater filiorum Zebedæi petiit à* *Christo ut federent duo ipsius filii, unus ad dextram, alter ad sinistram Christi in* *regno ejus, Matth. 20. 21. quod mundanum fore somniabant. Christus, ut deli-* *rium curaret, ad meditandum coeleste regnum subvehebat. Nostri tamen Prælati, viri* *Patritii, honorariam sessionem & præcedentiam inter Pares regni sibi vendicant,* *à dextris Principum sedere ambiunt, & hoc morbo levare renuunt. Cantuariensis* *ut Primus Par Regni præ omnibus Regni Officiariis præcedentiâ utitur; Eborac-* *ensis præ omnibus præter Dominum Cancellarium; Episcopi præ aliis Regni* *Baronibus In Comitibus Parliamentariis Scotiæ anno 1606. Episcopi ad ordinem* *tertium restituti, iis ipsis Comitibus de loci & suffragii prærogativa cum Nobilibus*

contenderunt. In Concilio generali Octavo Constantinopolitano anno 871. decretum ut Episcopi dignitatem suam tueantur. Si quis vero Episcopus post hanc sanctionem suam dehoneſtaverit dignitatem cadens ab honore sibi debito per Canones, vixeritque abjectè secundum veterem & agrestem consuetudinem, amoveatur per annum, & Princeps qui in causa fuerit, excommunicetur per biennium. Prohibet iste Canon, ne Episcopi Principibus vel viris militari dignitate præditis obviam longissimè procedant, ne eorum Ecclesiis: nec à mulis equisque descendant in occurſu, aut timidè abjectèque ante genua procidant quasi adoraturi. Synodus Tridentina, audiens Episcopos aliquos sui status obliſos Pontificiam dignitatem non levitè dehoneſtare, qui cum Regum, ministris, Regulis, & Baronibus, in Ecclesia & extra, indecenti quadam demissione se gerunt, & veluti inferiores ministri altaris, minus indigne non solum loco cedant, sed etiam personaliter illis inferunt, mandavit, ut tam in Ecclesia quam foris suum Gradum & Ordinem præ oculis habentes, ubique se patres & pastores esse meminerint. Quid ad hæc Gentiletus? Non diffitemur, pastorem de tuenda amplificandaque sua existimatione sollicitum esse debere, & operam dare ne ministerium suum contemptibile reddat; at non contendendo de sede, aut primo loco inter Proceres vendicando, aut se iis minime officiosum præbendo, verum recte verbum Dei docendo, omnesque etiam Proceres suorum vitiorum arguendo. Non ista tumida gravitate veteres Episcopi sese venerandos & spectabiles exhibebant, sed sincera munerum suorum functione, & veris pietatis exercitiis. Diderunt à Patribus Tridentinis & Curia Romanâ Patres nostri Reverendi & Reverendissimi ambire Prærogativam honorariam, Præcedentiæ in publicis congressibus, & Loci in Confessibus Procerum. Si istam diataxin laudamus, cur non etiam in laude ponimus ordinem confidendi Regum & Cardinalium in publicis confessibus secundum regulas Curia Papalis? vel saltem Patriarchas celebriores Principibus æquiparamus, & ordinem probemus, qui observatur in Aula Imperatoris, in majoribus Germanici Imperii Comitibus, ubi sedendi jus est Trevirorum Antistiti è Regione Romani Principis, (seu Bullæ Aureæ verbis) ex adverso, lineari directione versus Imperatoris faciem, ut, refert Choppinus? Quanto dignior est Patriarcha Occidentis Episcopus Romanus, quàm Anglus minorum gentium Patriarcharum unus; tanto digniorem sibi locum vendicare potest. Controversias inter Prælatos de Præcedentia quid memorem? cum inter inferiores etiam in processionibus, in tumulandis defunctorum corporibus, in deferenda umbella, & similibus sæpius ortæ sint, testibus ipsis Tridentinis Decret. 13. Sess. 25.

Notandum, Ordinem veterem in diataxi Anglicanâ immutatum esse. Nam Concilio Milevitano, Africano, Carthaginensi Græco, Bracarenſi Primo, Africa. c. 53. Toletano Quarto, decretum ut ordo consecrationis observaretur, salva Metropolitani dignitate. Ex serie subscribentium Episcoporum in Conciliis constat, non sedibus sed ætati delatam prærogativam, ut qui plures annos egisset in Episcopatu priorem sibi locum vendicaret. Ut in Concilio Aquilejensi ante Genuensem ponitur Brixianus, in Mediolanensi præponitur Genuensis Episcopus. Vide Baronium. Tana religioſè observatus hic ordo, ut Presbyteri ab Episcopis missi ad Concilia ipsorum vice, in subscribendo suorum Episcoporum ordinem retinerent ante alios Episcopos illis ordinationis tempore posteriores, ut in Concilio Cabilonenſi, Aurelianensi Secundo, Epaunenſi, Florentino. Hic Londinenſis, Darnelmenſis, & Wintonienſis prærogativâ sedis, non tempore consecrationis suæ, nituntur.

Sunt & alia, quæ Prælatorum pompam mortalium oculis ostentant, præter Dignitatum cognomenta, Præcedentiâ, & Loci Prærogativâ. Præſules Anglicani

Att. 9.
c. 14.

Sess. 25.
Decret. 17.

Exam.
p. 284.

De Polit.
l. 2. p. 335.

Milevit.
c. 13.

Africa. c. 53.
Cartha

c. 89.
Bracarenſ.

c. 24.
Toleta. c. 3.
Ann. 451.

glicani non incedunt absque numerosa & incondita turba 20. 30. 40. aut 60. famulorum præeuntium, aut à tergo sequentium, quorum maxima pars nullo alio fungitur ministerio, quàm educere & reducere Dominum Episcopum, aut Archiepiscopi Clementiam, male frugi homines. Testis mihi vir eximius Episcopomastix ille Thomas Cartwrightus. Alios habet Statores, Calatores alios; alios equifones, aut coquos, aut à caliculis, aut à cubiculis, aut à sacris, aut discophoros, aut symmatophoros, quos etiam à cauda indigitare licet. Hi sunt qui Archiepiscopi Symma plurium ulnarum à tergo manibus sublevant. Haber & alios pedissequos mense affeclas, quos enumerare piger. Cum transit Archiepiscopus per Basilicam S. Pauli, quæ est Londinì, expectant ipsius Clementiam, My Lords Grace, Doctores Juris Coccinati, ut refert testis oculatus Author libri qui inscribitur *Abstractum*. Non vidit in Episcopo Landavensi celebris illa Synodus Dordracena pompam Præfulis Anglicani. Godwinus Landavensis in Commentario de Præfulibus, refert, *Episcopatum Landavensem totius Angliæ Walliæque esse longe tenuissimum: adeo ut sacerdotia non pauca Diocesis hæc habeat, quæ fructus longe uberiores incumben- tibus reddant, quàm suo Episcopo hæc sedes. Videte quem delegerunt Legatum ad Synodum. Quibus artibus tenuiores Episcopatus refarciunt, in Commendarum dispensatione dicemus. Si quis in patria sua Episcopum aut Archiepiscopum incedentem spectaret, annon Episcopos olim uno aut altero Acolyto comitatos, absque solenni aliquo apparatu, non clientelis stipatos & magna pedissequorum & affeclarum comitante caterva, incesse statim diceret? Neque de hoc dicemus, quomodo in superbiam elatus (Paulus Samosatenus) mundanas dignitates usurpaverit, ac Ducenarius magis quàm Episcopus vocari voluerit, perque forum incedens, & Epistolas legens, simulque publicè ingrediendo diæans, numerosam catervam satellitum, partim præcedentium, partim subsequen- tium, circa se habuerit, ita ut & fides nostra invidiæ & odio propter fastum & superbiam cordis illius facta sit obnoxia. Hunc Paulum Samosatenum, non Tarsensem, imitantur Præfules Anglicani. In Synodo Carthaginen- si, quamvis suppositiâ, decretum; Ut Episcopus non longè ab Ecclesia hospitium, vilem, suppellectilem, & mensam, & victum pauperem habeat, & dignitatis suæ auctoritatem, fide & vitæ meritis quærat; & ut Clericus professionem suam & habitu & incessu probet, & ideo nec vestibus nec calceamentis decorem quærat. Item ut Episcopus quolibet in loco sedens Presbyterum stare non patiat; ut rebus Ecclesiæ tanquam commendatis, non tanquam propriis, utatur. Quæ omnia fere inserta sunt decreto Gratiani. Augustinus mensa usus est frugali & parca, ut refert Possidonius, quæ quidem inter olera & legumina, etiam carnes aliquando propter hospites vel quosque infirmiores continebat. Cochlearibus tantum argenteis utens, cetera vasa quibus mense inferebantur cibi, vel testacea, vel lignea, vel marmorea erant. Item; Testamentum nullum fecit, quia unde faceret pauper Christi non habuit. Cum interminatus esset Basilio Magno bonorum publicationem Imperatoris Præfectus, respondit; Horum nihil me cruciare potest. Equidem opes non habeo, præterquam laceram vestem & paucos libros. Præfules Anglicani palatia inhabitant, quorum conclavia fulgent auraturâ, & vasaria onerantur toreumatis, ut refert Cartwrightus. Cum Grandefonus Episcopus Exoniensis ædes magnificas extruxisset Tantonæ, & suppellectile abunde instruxisset, dixit se parasse locum illum, ut haberent successores, ubi caput suum reclinarent, si forte in manum Regis eorum temporalia caperentur; ut narrat Godwinus in Commentario, & Camdenus in Britannia. Quantam pecuniæ vim in ædium Episcopaliū in- fanis substructionibus, eisque reficiendis, erogarunt Prælati Anglicani, videat lector in Commentario Godwini. Has ædes magnificas possident hodierni Præfules, hîc reclinant caput suum, & vulpes foveas habent. Eorum quotidiana pran-*

In 1. Repl. p. 97.

P. 229.

T. 619.

Euseb. Hist. l. 7. c. 29.

Can. 15. 31. 34. 45.

Dist. 95. l. 41.

In vita Augustini.

Sozom. Lib. 6. Cap. 16.

Repl. p. 97.

T. 469. Camden. in Dammonis.

In Cantic.
Serm. 77.

Ad Nepo-
tianum de
Vita Clori-
corum.

Comment.
de Præsulib.
p. 284.

dia, inquit Cartwrightus, sunt convivia; tantâ ferculorum varietate instruuntur ipsorum mensæ. Eorum cœnæ Cœnas Saliaræ nobis referunt. Tota eorum familia cultu splendidiore enitescit. Bernardus in hunc luxum & pompam invehens, sic scribit; Unde hanc illis exuberare existimas rerum affluentiam, vestium splendorem, mensarum luxuriam, congeriem vasorum argenteorum & aureorum, nisi de bonis sponsæ? Inde est, quod illa pauper, & inops, & nuda relinquitur, facie miseranda, inculta, hispidâ, exangui. Non est hoc ornare sponsam, sed spoliare: non est custodire, sed prodere: non est defendere, sed exponere: non est instituere, sed prostituere: non est pascere gregem, sed mactare, & devorare. Hieronymus similiter; Turpe est ante fores sacerdotis Christi crucifixi & pauperis, & qui cibo quoque vesceretur alieno, liâtores Consulum & milites excubare, judicemque provinciæ melius apud te prandere, quàm in pallatio. Quid si obtenderis te facere hæc, ut roges pro miseris atque subjectis; judex sæculi plus deferret Clerico continenti, quàm diviti, & magis sanctitatem tuam venerabitur, quàm opes. Aut si talis est, qui non audiat Clericos pro quibuslibet tribulantibus, nisi inter phylas, libenter carebo hujusmodi beneficio: & Christum rogabo pro iudice, qui magis & citius subvenire potest, quàm iudex. Ut boves in præsepibus, sic illi in Episcopatibus suis saginantur: Sicut olim allusit ipse Edendonus Wintoniensis, dicens, Cantuariæ cratem Papalarem alioquem quidem, sed Wintoniæ præsepe opimius, innuens opibus & redditibus tunc affluentior fuisse Wintoniensem, quàmvis dignitate Cantuariensi inferiore, ut interpretatur Godwinus in Wintoniensibus.

Qui de altari parcè olim vivebant, & ex fidelium erogationibus alimentorum subsidia sibi & familiæ necessaria comparabant, nunc de altari superbiunt & luxuriantur, & in agrum non tanquam villici, sed tanquam Domini exeunt, quibus non crucifixus, sed infixus est mundus. Pollicitus est in prima editione Consilii Protectionis suæ Spalatensis in Nono Libro de Republica Ecclesiastica se disfertaturum, quàm parca debeat esse ministrorum Ecclesiæ sustentatio. Sed in versione Anglicana, & postea in secunda editione Consilii præfixa Libris de Ecclesiast. Republ. expunctis verbis, quàm parca, habemus, qualis debeat esse ministrorum Ecclesiæ sustentatio. Non magis sollicitus est Pontifex Romanus de sua triplici corona, quàm Præfules Anglicani & Scotiani de sua tyrannide & pompa tuenda. Si chalcographo, qui primus illi in Germania occurrebat, imprimendum consignasset Opus suum, ut statuit in eodem Consilio protectionis, non opus fuisset, ut tantum metueremus in ipsius opere ab Episcoporum Anglicanorum consilio & providentia. Sed & illud in Germania expungendum qui curarunt, reipsa suadent, ut Opus illud ex officina Episcoporum excipiamus.

Concessione Principum, ut Immunitates, Libertates, &c. in propriis latifundiis.

In Comment.
pag. 346.

Britan. p.
391.

Non solum Archiepiscopi, sed etiam Episcopi suis, in suis latifundiis, concessione Principum, immunitatibus, libertatibus, & privilegiis gaudent. Hugo Lincolniensis anno 1186. Regi dedit mille marcas, ut receptam redimeret consuetudinem in singulis festis Circumcisionis pelles quasdam pretiosas, quas Sablas nuncupamus, ipsi quotannis exhibendi; ut refert Godwinus. Hervæus jam Episcopus nihil prius habuit, inquit Camdenus, quàm suæ Ecclesiæ dignitatem augere: ut esset ubique à telonio libera (Eliensis libri verbis utar) impetravit, de iugo servitutis, & custodia quam castello Norwici debebat, liberavit. De Dunelmensi Episcopatu ex eodem Camdeno supra quædam retulimus. Sed quibus Præsentationum diplomata oculis lustrare datum, plures harum libertatum & immunitatum species enumerare possunt.

Alteru;

Alterutri Peculiarem, videlicet Eboracensi, ut habere Præcedentiam supra omnes Officiarios Regni præter Dominum Cancellarium. Cantuariensi de jure communi Municipali, ut

1. Præcedentiâ uti præ omnibus Regni Officiariis, unde dicitur Primus Par Regni.
2. Inaugurare Regem in Coronatione.

Si inauguratio Regum esset Pastoralis muneris pars, ad Presbyterum non minus quam Episcopum, nec ad Metropolitanum magis, quàm alium Episcopum, spectaret. Ivo Carnotensis contra Remensem Episcopum, qui sibi soli jus inaugurandi Regem arrogabat, sic scribit. *Cum ergo hæc eadem potestas sit cujusque Metropolitanus in Metropoli sua, mirum videtur, quare unus in proprium jus ambiat vendicare quod multorum constat esse commune. Nisi forte quis dicere audeat, majorem vim Sacramentorum esse apud alios quàm apud alios, quod schismaticum esset, & unitatem Ecclesiæ divideret. Regum Unctionem Sacramentalem fuisse arbitrabantur actionem, & eam vim habere, ut Spiritus Sancti munera conferat, augerique interiùs quod exteriùs unctio præsignabat, ut ex Hostiensi colligit Mathias Stephani. Ungebantur Reges & Principes oleo Catechumenorum in brachiis & humeris. Et si quidem alii Reges, Hierosolymitanus nempe, Anglorum, & Siculorum, sacra unctione uncti consueverint, non tamen ex oleo divinitus demisso ac miraculi in speciem, uti Rex Christianissimus, inquit Choppinus. Præter ceremoniam istam Judaicam, miraculo nobis commendatam, describuntur & alii ritus in Pontificali Romano. Postquam Metropolitanus unxit Regis brachium & spatulas cum oleo Catechumenorum, Rex a suis ducitur sub Papilione, ubi cum bombyce extergitur unctura olei, & induitur vestibus Regalibus. Metropolitanus tradit in manum Regis gladium evaginatam. Ensis à ministris in vaginam reponitur. Metropolitanus postea accingit Regem gladio. Rex accinctus surgit, & eximit ensen de vagina, illumque viriliter vibrat, deinde super brachium sinistrum tergit, & reponit in vaginam. Tunc ei corona imponitur, quàm omnes Prælati, qui adsunt, de altari per Metropolitanum desumptam manibus tenent, ipso Metropolitano illam regente, & capiti Regis geniculantis imponente: deinde tradit illi sceptrum. Regi surgenti discingitur ensis, & in vagina datur alicui, qui eum ante Regem immediatè gestet. Metropolitanus & alius Prælati deducunt Regem medium ad solium, sceptrum in manu, & coronam in capite ferentem, & collocat eum in throno Metropolitanus. Suntne hæc, quæso, munera Pastoralia?*

*De Jurisd.
dict. l. 2.
Par. 1. Cap.
1.
Chopp. de
Sacra Polit.
l. 2. p. 245.
Pontif. Rom.
fol. 87.*

3. Reditus Fundorum, qui jure homagii de se tenentur, recipere, dum hæres minor est 21 annis, etiamsi alios fundos in capite de corona teneat hæres.

Narrat Camdenus in editione Anglicana Britanniæ suæ, Guilielmum primum primùm instituisse, ut Episcopi & Abbates, qui Baronias suas in pura & perpetua eleemosyna tenebant, in posterum à Rege clientelari lege & in servitio militari tenerent, & unicuique præscripsisse, quot militum numerum ad bella conscriberent. Episcopi similiter, qui agros & prædia sua colonis elocare, aut in Emphyteusim pro canone emphyteutico, seu annuo censu, emphyteutis, quos feud-

In Britan.
edit Franco-
furt. 1616.
p. 246.

pag. 587.

firmarios vocamus, dare debebant, vassallos feudi militaris acquisiverunt, qui ipsis ad servitia militaria aliaque obsequia adstricti essent; adeo ut Nobiles etiam prædia & fundos ab Archiepiscopis & Episcopis tenerent in servitio militari, & ad obsequia adstringerentur. Manerum de Tunbrige, inquit Camdenus, Glocestriæ Comites Clientelari jure ab Archiepiscopis Cantuariensibus ea lege tenuerunt, ut Archiepiscopis in inthronisatione Senescalli, & eorum liberi ipsis in tutela, essent. Refert & Godwinus, in profusis illis epulis, quas ad inthronisationem suam apparavit Georgius Nevillus Archiepiscopus Eboracensis anno 1466 Comitem Warwicensem Senescallum Archiepiscopi ministrasse. Narrat etiam Camdenus; Barones de Meinel nonnulla prædia de Archiepiscopis Cantuariensibus tenuisse, & pro iisdem Coignieros & Strangwaïos, & alios qui ab ipsis prognati sunt, ad obsequia & servitia militaria adstrictos esse. Cumque ex prærogativa Rex Angliæ (prærogativæ verbis utor, inquit) habeat custodiam omnium terrarum eorum, qui de ipso tenent in capite per servitium militare, de quibus ipsi tenentes fuerint seisciti in dominico suo, ut de feodo, die quo obierunt, (de quocunque tenuerint per hujusmodi servitium, dum tamen ipsi tenuerint de rege aliquod tenementum ab antiquo de Corona) usque ad legitimam ætatem hæredis. Excipiuntur tamen hæc feoda, & alia Archiepiscoporum, inquit Camdenus, ita ut habeant hujusmodi terrarum custodiam, licet alibi tenuerint de Rege. Sed quid Ecclesiasticis cum jure Homagii, servitio militari, obsequiis clientelaribus, feudorum custodiâ, quam Wardam realem, aut hæredum tutelâ, quam personalem Wardam vocant? Quid cum Nobilium aut aliorum clientelâ iis, qui curæ animarum & divino cultui marcipati sunt?

4. Propriis canibus Venari in quovis vivario ferarum intra suam provinciam.

Camdenus
in Coritanis.

Distinct. 33.

Lib. 9. c. 44.

Synes. Epist.
105.

Decret.
Lib. 3.
Tit. 39.
Cap. 3.

Habent Episcopi etiam vivaria sua, & theriotrophia, & ichtyotrophia, ad divitiarum & deliciarum cumulum. Camdenus refert, Archiepiscopos Eboracenses in Suthwell palatium peramplum, & tria adjuncta vivaria feris referta, habere. Godwinus scribit, Simonem Islip Archiepiscopum Cantuariensem anno 1349 Comiti Arundeliæ vendidisse jus 26. damarum, annuatim ipsi successoribus reddendarum: & Henr. Burwash Lincolnensem, qui ut amplum haberet vivarium, cum prædiis sui juris, latifundia quorundam pauperum inclusisset, post mortem apparuisse cuidam Nobili, brevi tunica indutum, eaque viridi, arcum, pharetram & sagittas manibus gestantem, & cornu venatorium ad cervicem pendulum, tanquam vivarii illius custodem. Nicolaus Papa mandat Albino Archiepiscopo, ut Synodale cum Episcopis & suffraganeis suis Concilium convocaret, & Landfredo Episcopo Pastoralis authoritate præciperet, ut ab omni bestiarum vel volucrum venatione penitus alienus existat, atque ab immoderata filæ suæ familiaritate semet omnino coerceat. Ibidem; Nam, ut beatus Hieronymus dicit, Venatorem nunquam legimus sanctum. Crantzius in Metropoli, Episcoporum inertiam & luxum carpens; Nunc, si Deus placet, inquit, erubescimus divinum in Ecclesia ministerium, & sacramus canes in nemore, aut adoramus seculares principes in aula. Synesius, quamvis ante susceptum Episcopatum venatione delectabatur, post susceptum tamen sibi necesse esse scribit ab eo instituto desistere. Archiepiscopus Cantuariensis potest venari non modo in suis vivariis, sed in quolibet vivario intra suam provinciam. In Concilio Lateranensi decretum, quod Archiepiscopi paræcias visitantes, pro diversitate provinciarum & facultatibus Ecclesiarum, 40. vel 50. evestionum numerum, Episcopi autem 20. vel 30. Cardinales 25. nunquam excedant; Archidiaconi vero 5. vel 7. Decani constituti

stituti sub Episcopis duobus equis contenti existant. Nec cum canibus venatoriis & avibus proficiantur, sed ita procedant, ut non quæ sua sunt, sed quæ Jesu Christi, quærere videantur. Qui plura de hoc argumento desiderat, videat titulum De Clerico Venatore Lib. 5. Decretal. Tit. 24.

Per Statutum, ut Gratiam facere Canonum, aliarumque Legum Ecclesiasticarum, per omnia Imperii Anglici Domina, quas vocant Facultates.

Inter Archiepiscopi Cantuariensis Curias numeratur Curia Facultatum, quam sic describit Camdenus: Curia facultatum, in qua Præfatus constituitur qui desideria cognoscit eorum, qui Ecclesiastici juris, quandoque rigidi atque stricti, relaxationem petunt, & Registrarius qui concessas Dispensationes in scripta refert. Postremo, inquit Mucketus, ex Regni statutis, necessitatis aut majoris utilitatis causa, summaria hujus cum illius cognitione prius habita, gratiam facit Canonum, aliarumque legum Ecclesiasticarum per universum Angliæ Regnum, nempe Archiepiscopus Cantuariensis. Lege lata 25. Henr. 8. data illi potestas, sub sigillo Archiepiscopali per se, aut per commissarium ad facultates, concedendi facultates, dispensationes, rescripta, in quacunque causa concedere solebat Pontifex Romanus: Quod si taxa facultatis aut dispensationis in Cancellaria Romana excederat summam quatuor librarum Anglicanarum, ut confirmetur magno sigillo, & conscribatur in Cancellaria Regia per Clericum, quem ad Facultates vocat Camdenus, in hunc finem constituendum. Merito igitur, dicit Cartwrightus, profligata Papæ auctoritate, Archiepiscopus in Pontificis Romani locum surrogatum, salvo solummodo jure principis: & foedam ac non ferendam nundinationem exercere ipsum asserit. Hinc nempe, è Jure Canonico, inquit Traversus, forum illud Romanum, in quo turpissimus dispensationum, ut appellant, nefariorum mercatus, & omnis quæstuosæ perdendæ Ecclesiæ rationum, exercebatur. Authores Commonitorii ad Parlamentum referunt, omnia hæc fere venalia esse, sicut olim in Curia Romana, cujus nundinationes nec modum, nec fundum, nec finem, nec pudorem habent. Dispensant non modo in legibus humanis, sed etiam Divinis, ut Non-residentiâ, Beneficiorum Curatorum & Ecclesiarum Pluralitate, Simoniâ, &c.

In legibus Divinis abundè satis in omnes casus prospexit Deus legislator. In humanis, si quid deficit ratione determinationis particularium circumstantiarum, stricti juris relaxatio, necessitatis aut majoris utilitatis causâ, deneganda non est. Sed quid hæc ad Pontificem Romanum, aut Papam Anglicanum? Rectè Spalatensis; Leges omnes Ecclesiasticas esse sub Imperio & potestate ipsarummet Ecclesiarum, ita ut unaquæque Ecclesia, ubi necessitas aut opportunitas ita postulat, possit in legibus universalibus, per se ex gravissima causâ dispensare, imo etiam mutare, moderari, & penitus abrogare, præsertim in Synodis; & quo majores erunt Synodi, eo majorem etiam habent potestatem. In legibus igitur humanis, merè Ecclesiasticis, & pro temporum & locorum ratione mutabilibus, expensa necessitate & utilitate, summum jus relaxandum esse à Senatu Ecclesiastico, non adeo morosi sumus ut negemus. Judices enim Ecclesiastici tum juris tum æqui judices sunt. Si necessitas aut major utilitas relaxationem stricti juris postulat, dispensatio debetur ex justitia, non ex gratia: nec à Papæ ullius majoris aut minoris arbitrio penderet, ut nonnisi soluto ipsis pretio impetretur. Ex gratia, necessitate aut utilitate non perpensâ, concedi non debent dispensationes: nam id genus dispensationes legum verè vulnera sunt. Et tales

tales tamen sunt fere omnes Dispensationes Romanæ, & Anglico Romanæ. In Taxa Cancellar. Apostol. dicitur; *Nota diligenter, quod hujusmodi gratiæ & dispensationes non conceduntur pauperibus, quia non sunt, & ideo non possunt consolari.* In Cancellaria Anglico Romana, id est, Curia facultatum, idipsum religiosissimè observatur.

Facultates considerantur, vel Particulariter, vel Generaliter. Particulariter, quæ sæpiusculè conceduntur, habita priùs Causæ summaria cognitione, ut

1. Designare public ; Notarios.

*Sess. 22. de
Refor. cap.
10.*

Designare Notarios qui Tabellionatûs officium in Curiis Ecclesiasticis exercent, quamvis Archiepiscopo daremus; ad causas tamen civiles publicos designare Notarios ab Ecclesiasticis alienum esse dicimus. Cum ex Notariorum imperitia, ut dicitur in Concilio Tridentino, adde etiam nequitia, tot damna & lites oriantur, & licet singulares, hoc nomine sunt in testimonio perhibendo instar duorum testium; non unius Archiepiscopi arbitrio & libidini Notariorum designatio permittenda est. Notarios ad causas civiles designare Archiepiscopos non affirmo, nisi eas quæ abusivè dicuntur Ecclesiasticæ seu spirituales; Num ad alias, nescio.

2. Vesci Carnibus diebus quibusdam vetitis ob Politicas solùm rationes, valetudinariis, puerperis, senio confectis, ægrotis.

Si solùm valetudinariis, puerperis, senio confectis, ægrotis, cur non omnibus valetudinariis, puerperis, &c? an quia non omnium crumenæ pariunt nummos? Et cur non solis? si isti solummodo à vinculo legis eximuntur. Si interdictum sit vesci carnibus diebus quibusdam vetitis, ob politicas solùm rationes, cur non à politicis vescendi facultas conceditur? Eosdem observant dies, cum in quadragesima, tum extra quadragesimam, quos Pontificii, & eandem jejunii formam; nempe à carniū, non piscium, esu sese & alios cohibentes: & diebus dominicis tempore divinorum, festos, uigilias, dies carnispriviales in sequentem septimanam incidentes populo denunciare tenentur Parœci. Religionis ergo, vel superstitionis potius, intuitu, vetitum vesci carnibus certis diebus: de qua suo loco dicturi sumus.

3. Matrimonium celebrandi, licet trinundina denunciatio, quam Bannas vocant, non præcesserit.

*Provincial.
Lindwood,
tit. de Spons.
cap. 1.
Canisius tit.
de Clam
Contrahen-
tibus.*

In libro publicæ Liturgiæ, de Bannis, sive Edictis tribus vicibus promulgandis sic statuitur. *Primum Banna edenda, sive promulganda sunt tribus diebus Dominicis, vel festivis, Divinorum Officiorum tempore, populo præsentem, juxta antiquum morem.* Walterus Raynoldus evectus ad Episcopatum Cantuariensem anno 1313. in Synodo Provinciali decrevit in hunc modum. *In matrimonio quoque contrahendo sentit de Spons. per tribus diebus Dominicis, vel festivis, à se distantibus, quasi tribus edictis, perquirant Sacerdotes à populo de immunitate Sponsi & Sponsæ.* Denuntiationes, & celebrationem Matrimonii coram Ecclesia de solennitate, non de matrimonii essentia esse, asserit Canisius in summa Juris Canonici. Non tamen temerè relaxandus est trium præconiorum ordo, ne clanculariis & clandestinis nuptiis ineundis occasio præbeatur.

tur. In nuperis Constitutionibus anni 1603. videntur Præsules Anglicani abundè cavisse, ne ordo iste temeraretur. Nulla in posterum facultas vel indulgentia pro matrimonio absque trina Bannorum denuntiatione juxta librum publicæ Liturgiæ inter quoslibet celebrando per quamvis personam jurisdictionem Ecclesiasticam exercentem, vel privilegia ulla Ecclesiæ suæ nomine sibi vendicantem, nisi tantum per eos, qui Episcopalem auctoritatem obtinent, vel per Commissarium ad facultates, vel sede plenâ per Archiepiscopi & Episcoporum Vicarios Generales, aut sede vacante per Custodes spiritualitatis, vel Ordinarios Episcopalem jurisdictionem de jure exercentes, & non per alios, concedetur: idque duntaxat illustribus & claræ conditionis hominibus, suæ respectivè jurisdictioni subditis, interpositâ etiam idoneâ & sufficienti cautione. Cautionis interponendæ capita sequenti Canone perscripta sunt, nempe; Quod nullum existit impedimentum ratione præcontractus, consanguinitatis, affinitatis, vel alterius causæ cujuscunque de jure prohibet, quod dicto matrimonio occurrere, aut obstare possit. 2. Quod nulla controversia, lis, aut querela mota sit, vel pendeat in aliqua Curia, coram ullo judice Ecclesiastico, super aliquo contractu, vel matrimonio alterutrius dictarum partium, cum alia quavis persona. 3. Quod Parentum, modo sint in vivis, vel alias, Tutorum sive Gubernatorum suorum expressum consensum in hac parte obtinuerint. 4. Quod dictum Matrimonium in Ecclesia Parochiali, vel Capella, ubi contrahentium alter commoratur, & non aliâs, idque publice in facie Ecclesiæ inter horas octavam & duodecimam curabunt solemnizari. Has cautionis leges non improbamus, sed cur ea facultas illustribus per Canonem concederetur & non obscurioribus, qui eandem cautionem interponere parati sint, primùm querimus. Fortè munera eorum non sunt illustria. Nonnisi pensitato ære hanc facultatem etiam illustribus licet interpositâ cautione concedunt, & munera potius quam causas relaxandæ legis & leges interpositæ cautionis pensitant. Si nuptiarum candidati, qui gratiosam dispensationem petunt, munere potentes sint, Illustrium numero cooptabuntur. Non obstante præcedenti Canone gratiæ trinundinæ denuntiationis tot pariunt abusus & enormitates, quot vigeant ante Canonem conditum. Parentes fraudantur liberis, etiam hæredibus, præcontractibus matrimonii illuditur, clandestina matrimonia celebrantur, & connubio junguntur infcio pastore aut Ecclesia cujus membra sunt; ut referunt P. 116; auctores defensionis petitionis ad Regem. De ipsius Matrimonii celebratione, & Causis matrimonialibus, suis locis dicturi sumus.

4. De causis Beneficialibus, ut,

1. Ad Abolendum Irregularitatem absque dolo malo contractam.

Irregularitas definitur à Canonistis & Theologis, Impedimentum Canonicum quo quis prohibetur Ordinem Ecclesiasticum suscipere, aut in suscepto ministrare. Sunt alia impedimenta jure divino aut naturali subnixa, ut foemineus sexus, defectus baptismi, defectus membrorum & organorum necessariorum ad exercitium muneris ad ordinem sacrum spectantis. Qui istis impedimentis detinentur ne ad ordines sacros promoveri possint, non irregulares, sed incapaces dicuntur; suntque ista impedimenta veluti negationes quædam & impotentia. Irregularitas autem præsupponit capacitatem in subiecto, illudque privat exercitio seu usu talis capacitatis. Delicta omnia gravia etiam impediunt, si sequatur infamia, ut volunt Canonistæ. At Irregularitas est tale impedimentum, ut etiam post poenitentiam impediatur, donec dispensatione tollatur. Quædam irregularitas fundatur in sola indecentia, alia in indecentia includente culpam. Nam indecentia est adæquata irregularitatis causa apud Canonistas; ut si quis habeat defectus alioquin

inculpabiles, si ministerii vel ordinum decentiam minuunt, irregularis est. Quædam irregularitas contrahitur per actum hominis proprium, alia sine ipsius actu. Quæ per solam passionem sine actu morali contrahitur culpâ vacat, impedimentum tamen Canonico jure introductum est, ut defectus natalium. Irregularitas autem per proprium actum contrahitur, quandoque cum culpa, quandoque sine culpâ. Magistratus qui gladii & vindictæ potestatem habet, si gladio aut securi percusserit maleficum, irregularis est, sed absque culpa. Homicida, qui voluntarium homicidium committit, irregularis est cum culpa. In contrahenda irregularitate lata culpa æquiparatur dolo. Nam studiosa negligentia dolo comparatur, & inducit irregularitatem, quia videtur affectare delictum ex tanta negligentia. Hinc tot regulæ irregularitatum discernentes dolum & pravam voluntatem à negligentia. Irregularitates pleræque ex cacozelia legis Mosaicæ ortæ sunt; ut ex Levit. 21. ubi enumerantur quædam irregularitates legales; & cæcus, & claudus, curtus, prælongus membra, vir in quo est fractura pedis, vel fractura manus, aut gibbosus, aut gracilis, aut cujus in oculo est suffusio, aut in quo est pfora, aut saniosa scabies, aut thlibias teste, prohibentur appropinquare ad offerendum Jehovah. Sic ob vitia quædam corporis per Canones recentiores inducta est irregularitas, quamvis hoc malo se non affecerit, nec efficiendum curaverit, sed violentiâ aut natura ipsi contigerit. Ammonius monachus dextram autem sibi amputavit, ne ad Episcopatum promoveretur, quam irregularitatem nostri Prælati, sat scio, nunquam contrahent, qui Episcopatus tam avide ambiunt, & invitâ Ecclesiâ invadunt. Si quis etiam sine culpa sua oculo careat, sive dextro, sive sinistro, excluditur à sacro ministerio. Nam illi, cui erutus est oculus, non possunt secundum Canones Sacerdotii jura concedi. Neque enim aliquid ei prodest, quod oculum inuitus amisit, cum nec volens quisquam oculum amisisse credendus est, nec sacratissimos Canones aliquem casum in amissione oculi, qui ad sacerdotium adipiscendum non impediret, suis excepisse regulis invenimus, sed hoc tantummodo ad prohibitionem suffecisse videmus Patribus, ut qui careat oculo, Sacerdotii officium adipisci non possit; ut scribit Gelasius Rufino Episcopo. Irregularitas oritur ex macula in oculo. Tibi quod in oculo maculam habeas, & filius Canonici fueris, obiectum. Unde Cantuariensi Archiepiscopo dedimus in mandatis, ut pro eo, quod Canonici filius diceris, in promotione tua ex multa dispensatione procedat. De macula vero Archiepiscopo prædicto mandavimus, ut cum consilio suffraganeorum suorum, quod exinde visum fuerit, exequatur, in quo tibi ex maxima dispensatione curavimus providere; inquit Alexander III. Vides, oculi maculam magnam inducere irregularitatem, & non committi, nisi ex dispensatione Papæ. Qui caret virtute videndi in oculo dextro, quamvis nec oculo careat, nec exterius appareat deformitas, non est irregularis. Si tamen virtute visiva careat in oculo sinistro, est irregularis. Quia licet non reddat faciem absolute deformem, facit tamen, ut ipse actus celebrandi seu legendi Canonem cum deformitate quadam fiat. Propterea oculus sinister oculus Canonis vocari solet Romano stilo, dicit Suarez. Qui pollice impotens est ad hostiam frangendam, irregularis est, ut colligitur ex Capite Ultimo Tituli 20. Lib. 1. Decretal. Ex imitatione legis Deuter. 23. 2. Spurius ne venito in congregationem Jehovah, etiam decima ejus generatio ne venito in congregationem Jehovah, id est, publicum munus in populo Dei ne gerito, ut interpretatur Junius, aliam induxerunt irregularitatem ex defectu natalium. Legem illam latam de Mamzere, id est, eo qui ex prostibulo natus est, incerto patre, certâ infamiâ, isti extenderunt in quosvis ex illegitimo quovis coitu prognatos, cujusmodi sunt nothi, & quos naturales appellamus, & constituerunt, neminem beneficium aut ordinem consequi posse, qui ex justo matrimonio editus non est, metum.

Abbas in
Capit. Quæ-
situm, de
Pœnit. &
Remiss.

Dist. 55.
Cap. 13. Si
Euangelica.

Decret. Lib.
1. Tit. 20.
Cap. 2. Cum
de tua.

De Censuris
Disput. 51.
Sect. 2.
Num. 15.

metum incontinentiæ paternæ, & crimen parentum in filiis vindicandum obtin-
dentes. Sed undecunque homines nascentur; si parentum vitia non sectentur, & Deum
recte colant, honesti & salvi erunt; dicit Augustinus. *Jephthe inter viros sanctos Apo-*
stoli voce numeratus, meretricis est filius; dicit Hieronymus ad Pammachium. *Nasci*
de adulterio, non est ejus culpa qui nascitur, sed illius qui generat; ibidem scribit
idem Hieronymus. *Satus perversum, & contra Ecclesiasticam probatur esse censuram,*
ut frustra pro quorundam voluntatibus quis privetur, quem sua culpa vel facinus ab of-
ficii, quo fungitur, gradu non dejicit; inquit Gregorius Epistol. ad Columbam
Episcopum Numidiæ, ut habet Gratianus in Decreto. Jure igitur decrevit Sy-
nodus Middelburgensis anno 1581. *Quando spurii & illegitimi habent divina necessa-*
ria dona, non est ratio, nec causa cur ad officia Diaconatus, Senioratus, Ministri ver-
bi, non debeant aut possint admitti; ut refert Scultingius. Non solum Digamus, qui
successive & diversis temporibus duas uxores, sic enim digamiam extendunt Pon-
tificii, sed etiam qui viduam uxorem duxit, ipsis irregularis est. Quippe lege Mo-
saica præceptum fuit, ut Pontifex virginem tantum uxorem ducere posset, Levit.
21. Irregularitatem homicidii deducunt ex illo loco, 1. Chron. 22. *Non es ædifi-*
caturus domum nomine meo, quia sanguinem multum effundis in terram, id est, non
erit tibi tantum otii à rebus bellicis, ut eam ædificare possis. Effusio sanguinis
non fuit irregularitas in ipsis sacerdotibus Veteris Testamenti, & ministris tem-
pli, ut vult Aquinas. Non igitur potuit dimanare à testamento veteri ad mini-
stros Novi Testamenti. Imo ait Moses Levitis ob cædem trium millium, *conse-*
crate ministerium vestrum hodie Jehovæ, Exod. 32. 29. Si quid hic mysterii est, Sa-
lomonem Christum Regem pacificum adumbrare voluit Dominus. Lasciunt ta-
men in hujus generis irregularitatibus Pontificii. Accusans vel deferens aliquem
ob crimen, pro quo debetur pœna capitis, vel truncatio membri, est irregula-
ris. Judex, actor, vel procurator, notarius sive dictator, vel promulgator, si in
membris secuta est mutilatio, irregularis est. Advocatus qui tractavit causam
sanguinis, licet nec mors nec sanguinis effusio fuerit subsequuta: exercens artem
Chirurgiæ, si propter imperitiam & negligentiam ejus sit mors subsequuta ab in-
cisione, adustione, aut porione, quam dedit infirmo: extrahens sagittam vel tel-
lum, vel gladium infixum corpori alicujus, si vulneratus propterea citius mori-
tur, irregularis est. Qui plura exempla desiderat, adeat Tractatum Sacerdotalem
Nicolai de Plove. Qui prudens sciens rebaptizatus est, est etiam irregularis. Ex
illicita & indebita Ordinum susceptione, & usurpatione, & administratione, va-
riæ oriuntur irregularitates. Ex Hæresis & Apostasiæ delicto, non ex adulterio
& incestu, nisi sequatur infamia, oritur irregularitas. Quod si sequatur ex adul-
terio aut aliis delictis, tunc non ex delicto, sed alio capite, nempe infamiæ, nas-
citur irregularitas. Digamus est irregularis, adulter, nisi ex adulterio generetur infamia,
non est irregularis. Tam belle dividunt & distinguunt delicta & irregularitates Cano-
nistæ. Canonistas Anglicanos non alias ponere irregularitates, quam Pontificios, cer-
tum est: sed an omnes, dubitatur. Itaque tandem jus Ecclesiasticum Anglicanæ Ec-
clesiæ, inquit Mucketus, comprehendit omnes Canones in vasto juris Canonici corpore, *polit. Eccles.*
à jure civili, ubi deficiunt, adjutos, per Canonum doctores explicatos, omnesque consti-
tutiones, ac decreta Nationalia ac Provincialia in Ecclesiasticis nostris Curii olim usita-
ta, quæ nec statutis, aut juribus municipalibus Regni, nec nuperis Ecclesiasticis consti-
tutionibus statutorum autoritate conditis repugnant, neque privilegiis Regiis incommodant.
Ex his verbis colligo, omnes fere irregularitates juris Canonici manere in Eccle-
sia Anglicana, quia nullæ aut perpaucæ tolluntur statutis Regni, aut nuperis
constitutionibus Ecclesiasticis. Cæteras vel observant, vel observare possunt. Dixi

Distinct, 15.

*Scultingii
Anacrisis.
l. 9. p. 12.*

*In 4. Sen-
tent. Dist. 25.
Quæst. 2.
Art. 3.*

*polit. Eccles.
Anglica, c.
2. p. 299.*

- vel observare possunt, quia quasdam irregularitates majoris momenti, & quæ divina sunt, potius quam Canonica impedimenta, negligunt, quas maxime observare oportebat. Apostasiæ irregularitas inter gravissimas numeratur. Presbyterorum tamen Anglicanorum plurimi, qui sub Edwardo VI. Papatui abrenunciarunt, & Marianis temporibus sacrificulorum munere functi sunt, regnante Elizabethâ, gradum suum aut retinuerunt, aut facile recuperarunt, ut referunt auctores*
- 1. Repl. p. 26. Commonitorii ad Comitiam Parliamentaria, & Cartwrightus. Temporibus Joschijæ, sacerdotes qui adoleverant in excelsis Jehudæ, abdicati sunt ipsi, & ipsorum posterii à ministerio suo, nec permissum est ipsis offerre in altari Jehovæ Jeruschalaimis, 2. Reg. 23. 8. 9. De Levitis, qui longe recesserunt a Domino, & sequenti Deos stercoreos, quum errarent Israelitæ, dicit Dominus; Non accessuros ad me, ut sacerdotio fungantur mihi, & accedant ad ullas res sanctas meas, ad res sanctas sanctarum, sed reportaturos ignominiam, & abominaciones suas, quas fecerunt. Ezechiel 44. 10. 13. Quamvis ex Aaronis genere essent, & non aliunde, quam ex Levitica tribu deligeret sibi sacerdotes, loco tamen moveret; quia peregrino culto sese polluerunt. Multo magis in Ecclesia Christiana, ubi nulla tribuum differentia, sed undique delectus haberi potest, gradu submovendi sunt, nedum in integrum restituendi, aut retinendi. Cyprianus ad Epictetum, & plebem Assuritanorum de Fortunatiano quondam eorum Episcopo, sic scribit. Graviter & dolenter motus sum, fratres charissimi, quod cognoverim Fortunatianum quondam apud vos Episcopum, post gravem lapsum ruinæ suæ, pro integro nunc agere velle, & Episcopatum sibi vendicare cepisse. Et paulo infra; miser audeat sibi adhuc sacerdotium, quod prodidit, vindicare, quasi post aras Diaboli accedere ad altare Dei fas sit. Et inferius; Qui gravia in se delicta adduxerunt, id est; qui idolis sacrificando sacrilega sacrificia fecerunt, sacerdotium Dei sibi vindicare non possunt. Idem Libro Primo Epistolarum de Basilide & Martiali libellis idololatriæ commaculatis, & nefandorum facinorum*
- Lib. 1. Ep. 7. conscientia convictis, sic scribit, Frustra tales Episcopatum sibi usurpare conantur, cum manifestum sit ejusmodi homines, nec Ecclesiæ Christi posse præesse, nec Deo sacrificia offerre debere. Maxime cum jampridem nobiscum, & cum omnibus omnino Episcopis in toto mundo constitutis, etiam Cornelius collega noster, sacerdos pacificus & justus, decreverit hujusmodi homines ad Pœnitentiam quidem agendam posse admitti, ab Ordinatione autem, atque Sacerdotali honore prohiberi.*
- Can. 1. In Concilio Ancyrano decretum, ut Presbyteri, qui tormenta ad finem perferre non potuerunt, sed victi fidem abnegarunt, & idolis sacrificarunt, si postea ferid reluctati fuerint, & cum pura confessione pœnitentiam egerint, ad solum honorem & Cathedram recipiantur, neque offerant, neque sermonem conferant, id est, ne doceant, neque aliquid aliud sacerdotale exequantur. Hic est sensus Canonis ex mente Balsamonis. Contra igitur, qui antequam torquerentur, cesserunt, aut simulatè tormenta obtendebant, nec honore nec cathedra digni habebantur. Tales fuisse refert Cartwrightus, apostatas illos, qui à lapsu Petri, quem*
- 1. Repl. Part. 1. pag. 178. allegavit Whitgiftus, illorum Apostasiam sic distinguit. Petrus una hora negavit Christum; illi plures annos: Petrus retinuit corde, quem negavit ore; illi & ore & manu veritati abrenuntiarunt, apostasiam suam chirographo subsignantes: Petrus metuebat vitæ; illi honoribus & beneficiis Ecclesiasticis, imo quidam, inquit, cesserunt, ut compararent sibi plura beneficia: Petrus in angulo, illi in foro publico seu Curia: Petrus solummodo negavit se novisse Christum, aut fuisse unum ex numero discipulorum, non laceravit famam ipsius, aut in doctrinam ipsius debacchatus est; illi probra & opprobria jactarunt in Evangelium, & Evangelicos: Petrus lapsus est, uno quasi ictu ex improvviso percussus; illi post obla-*

tam deliberandi facultatem: Petrus non militavit in castris Scribarum & Phariseorum hostium Christi; illi ministrarunt, & militarunt sub Antichristo. Lapsus Petri non juvat, quia Petrus immediatè, & extra ordinem à Christo ad Apostolatam vocatus, à Christo, qui potestatem habet in legibus suis dispensandi, restitutus in gradum suum, vel potius de novo confirmatus erat. Aaron vituli aurei idolatria contaminatus, non tamen amotus à sacerdotio; quia immediatè à Deo vocatus erat; & orante pro eo Mose Deuteron. 9. 20. probabile est Deum, & culpam condonasse, & in functione sacerdotali confirmasse. Sed ex 2. Reg. 23. & Ezech. 44. quid lege ordinaria debeat facere Ecclesia, discendum nobis est. Quod igitur de Fortunatiano & ejus affeclis dixit Cyprianus, in sacrificulos illos apostatas torqueri potest. *Stipes, & oblationes, & lucra desiderant, quibus prius insatiabiles incubabant; & cœnis, atque epulis, etiam nunc inhiant, quarum crapulam nuper superstitie indies cruditate rustabant, nunc manifestissime comprobantes, nec ante se religioni, sed ventri potius, & quæstui profana cupiditate servasse.* Asserit Whitgiftus, apostatas sacrificulos posse, vel restitui in gradum suum, vel retineri, dummodo resipiscant, & poenitiâ purgetur ipsorum Apostasia. De interna illorum resipiscentia judicet Dominus: de externa & publica coram Ecclesia poenitentia nihil legimus. Præterea irregularitas non tollitur poenitentia, sed dispensatione. Nam etiam post peractam poenitentiam manet irregularitas impedimentum Canonicum. Et ideo quantumcumque hominem poeniteat sui delicti, non potest ex vi alicujus sententiæ liberari à tali onere. In irregularitatem non cadit absolutio, sed dispensatio. Apostasiæ irregularitas à nemine infra summum Pontificem, qui divina & humana sibi vendicat, dispensari potest secundum Canonistas. Peractâ poenitiâ, & sanato vulnere, manet cicatrix. Levitæ & Sacerdotes, de quibus supra, resipiscences, non tamen restituti sunt in gradum suum. Irregularitas Apostasiæ non tam in poenam delicti imposita, quam ob scandalum vitandum, & ad majorem cautelam, Ecclesiæque securitatem, ne in fide inconstantes ad ministerium promoveantur. Qui fidei & virtutis duces fratribus suis esse non potuerunt, perfidiæ & temeritatis magistri extiterunt, ut loquitur Cyprianus, alios fortiter in prælio stare docebunt? Januam divinæ misericordiæ nemini occludimus, & Apostatas in gremium Ecclesiæ recipiendos non negamus: sed ad sacrum etiam ministerium provehendos esse, non sequitur. Qui Ecclesiæ Anglicanæ statum probè norunt, Curiones & Sacerdotes ipsorum, scenâ mutatâ, non ægre ad Pontificiorum castra etiam nunc retrahi posse judicant. Tanta est conformitas inter cultum Pontificium & Anglicanum, cui se conformarunt Formalistæ. Si quis irregularitates omnes percurreret, quantam irregularium turbam deprehenderet.

Lib. 1. Ep. 7.

Pag. 144.
145.

2. Ad abolendum similiter quodocunque Simoniacum ambitum.

Simoniam definitur à Canonistis, studiosa voluntas emendi vel vendendi aliquid spirituale, vel spirituali annexum. Beneficia sunt spiritualibus annexa, ideo in Beneficiis etiam Simoniam committi potest. Simoniam Ecclesiæ Anglicanæ, ut lepram totum corpus Ecclesiasticorum pervagantem, transcribam ex Brightmanni commentario in Apocalypsin. *Sed imprimis flagitandi mendicitas insignis est. Percurrite enim oculis, & animis, totum Clerum. Vultis exordiamur ab infimis. Curiones quos vocant, tum ipsa re, tum omnium judicio mendici sunt. In quibus videre licet, quod denunciatus fuerat familiæ Eli, homines incurvantes se pro nummo argenteo, & buccella panis, uniusque sacerdotiorum adiungi postulantes, ut frustulum panis comedant.*

Brightman.
in Apoc.
Cap. 3. v. 17.

1. Sam. 2. 36. In reliquis, qui præ majori affluentia subnixiùs ambulant, quæ cursatio? quæ largitio? quàm importuna flagitatio? quantæ blanditiæ totius obsequii, omniumque officiorum assentationes, ut Ecclesiastica sibi munera comparent? Complures ad regiam aulam advolant, vel ad ædes nobilissimi viri Domini Custodis Magni Sigilli. Hæc enim loca sunt instar speciosæ portæ templi Salomonis: frequentes hæc homines ingrediuntur, & magna spes est auferendi stipem, Aët. 3. Alii Magnates, & Proceres sectantur, quibus vel domestici Capellani fiunt, vel ut ita dicam, Clientelares. Quam quæso ob causam? Uti quam primum Beneficium aliquod, ut vocant, vacuum contigerit, eodem ipsi suorum Dominorum munere fruuntur. Atque hæc honesta videtur esse ratio consequendæ Ecclesiasticæ provinciæ.---Reliqua turba ruri vulgus patronorum colit, quorum quidam incubat vestibulis, blanditur uxoribus, adulatur liberis, famulos captat, ac miseram ubivis mendicorum speciem præbet. Quidam astutiùs, quemadmodum qui in bivis, & viis publicis confident, decorticas virgas viatoribus offerunt, ut nummum impetrent. Sic isti vel largitione præsentium pecuniarum, vel pactione certi redditus aditum sibi faciunt. Sed ut pergamus, ubi res emendicata est à Patrono, quantum negotii restat indoctiori turbæ, ut impetretur ab Episcopo institutio? Hic non solum supplicandum est summo Domino, sed Examinatoribus rubiculariis, Notariis, Promis Condīs, & infimo cuique. Non quod inscitia ab ingressu arcebit, sed quod majori lucro famulis esse solet, cui opus est plus gratiæ. Nulla arx tam munita, quam asinus onustus auro non expugnat: nec quisquam fere tam ineptus, qui repulsam fert; quibus vero machinis adhibitis, ipsi viderint. Eadem est ratio Præbendariorum, Archidiaconorum, Decanorum. An ipsi Episcopi hac sorte carent? Quid ergo vult illa frequens Aulæ & Magnatum affectatio? Quare non expectant, dum accersantur? Cur non inviti rapiuntur à Musæis? Ino si quis eorum conscientias appellaret, utrum opima illa prædia Episcopatum suorum locata sunt sponte desideratis redemptoribus, an pactione sunt largitiones adiutoribus dignitatis? Sed nunquid in ambiendo solum mendici sunt? Eo sane mendicitatis quidam processerunt, ut si mutanda sit sedes, primitias non solvant, nisi eleemosynam pauperibus Rectoribus benevolentia nomine turpiter corraferint. Mendicus es igitur Angele Anglicane. Ac ideo apud te usque venit, ut prætereantur optimi, alique minus digni potiori loco sint. Nam ut cæcis, claudis, & ulcerosis, aliquid erogamus, obthuramus contra eos aures, quos habitiore corpore, habituque honestiore esse videmus; sic homines cæcæ mentis, deformis & mutilatæ doctrinae & ingenii, stipēs satis multas colligunt, cum illi qui plus eruditione valent & iudicio, vel quia tam fortiter vociferari nequeant, vel quia mendicare magis pudet, vel quia minus eorum homines miseret, esurire sinantur, & fame perire, &c. Possē etiam Cartwrightum, & alios testes adducere in Simoniacum ambitum Episcoporum & ministrorum gradus inferioris, sed tam luculentum est Brightmanni testimonium, ut aliis non sit opus. Cum Simonia pretium sit munus, vel à manu vel à lingua, vel ab obsequio, non solum pecunia numerata aut numeranda, intercessione, precibus, assentatione, sed etiam obsequio temporali vel spiritali, ordines, & beneficia sibi comparant. Nam non solum Capellani Episcoporum, sed etiam ipsorum famuli attrienses ad sacros ordines & beneficia promoventur. Testis mihi author Petitionis ad Reginam, Episcopos Anglicanos, attrienses, aliosque viliores & inertes famulos, in sacro ministrorum ordine constituere. Et quamvis non præcesserit expressa pactio, tamen hac spe adducunt se tum Capellani, tum alii, Episcopis, & obsequia præstant. Non solum Simonia committitur à dante & accipiente, sed etiam dispensante, & ipsa dispensatio ambitus Simoniaci non fit absque Simonia. Sic & cæteræ dispensationes in irregularitate, impedimentis matrimonii, non residentia, pluralitate beneficiorum, vescendis carnibus, &c. Nam in dispensationibus servanda est æquitas iustitiæ distributiæ, & pro ratione causæ neganda

2. Replica
p. 227.

Petit. 70.

neganda vel concedenda est dispensatio, qua æquitate sublata corrumpitur & enervatur Ecclesiastica disciplina. Nam dispensatio vel petitur ex causa legitima, & tunc debetur ex iustitia, nec jure postulari potest pretium; vel causa non est legitima, & tunc turpiter venditur. Si dixerint, dispensationes odiosas esse, & propterea petentibus onerosas reddendas, ne nimia detur licentia importunius dispensationes petendi; respondemus, si ex iusta causa & legitima petantur, odiosæ non sunt; si non ex iusta causa, merito odiosæ sunt, & propterea negandæ sunt, non concedendæ cum onere petentis, & lucro dispensantis. De Officialium stipendiis, sigillo, charta, rescriptis & testimoniis, & sumptibus pro iis expendendis, nihil hic dicimus, sed de lucro quod cedit in utilitatem dispensantis. Nihil igitur reliquum est quod prætexant, quàm quod Pontifices Romani, nempe exigi aliquid ad sustinenda onera dignitatis dispensantis. Sic venales esse possunt conciones, & sacramentorum ministrations, & quicquid sacratissimum est in Ecclesia sub specie stipendii, non nomine pretii; cum certum sit stipendium datum esse ratione personæ, quia operarius est dignus mercede sua, & si quid ultra petierit pro singulis actibus sui muneris, sive actibus ordinis, sive jurisdictionis, Simoniam committere. Onera dignitatis sustineri debent ab omnibus, non à singulis in singulis actibus. Sed ut redeamus ad primum de ambitu Simoniaci, tum in ordine, tum in beneficio; dicitur hic per Archiepiscopum auferri & aboleri posse, & quoad omnes pœnas ipsum dispensare, excommunicationem majorem, suspensionem, depositionem, irregularitatem mediante infamia. Si igitur duriores & rigidiores fuerint Canones, & constitutiones Ecclesiasticæ, asperitatem emolliendi hic habent remedium paratissimum Simoniaci, quo suæ tristitiæ emederi possint. De turpi lucro in elocanda jurisdictione Ecclesiastica Officialibus & Cancellariis postea dicemus, item de feodis, ut vocant, pro literis Ordinum; addo tantum præclaram Imperatoris Anthemii constitutionem. Si quinquam vel in hac urbe regia, vel in cæteris provinciis, quæ toto orbe diffusæ sunt, ad Episcopatus gradum provehi, Deo auctore, contigerit: puris hominum mentibus, nuda electionis conscientia, sincero omnium iudicio proferatur. Nemo gradum sacerdotii venalitate pretii mercetur; quantum quisque meretur, non quantum dare sufficit, æstimetur. Profectò enim quis locus tutus, & quæ causa poterit esse excusata, si veneranda Dei templa pecuniis expugnentur? quem murum integritatis, aut vallum fidei providebimus, si auri sacra fumes penetralia veneranda proserpat? Denique quid cautum poterit esse, aut securum, si sanctitas incorrupta corrumpatur? cesset altaribus imminere profanus ardor avaritiæ, & à sacris adytis repellatur piaculare flagitium. Ita castus & humilis nostris temporibus eligatur Episcopus, ut quocunque locorum pervenerit, omnia vitæ propriæ integritate purificet. Non pretio, sed precibus ordinetur Antistes. Tantum ab ambitu debet esse sepositus, ut quærat cogendus, rogatus recedat, invitatus effugiat: sola illi suffragetur necessitas excusandi. Profectò enim indignus est sacerdotio, nisi ordinatus fuerit invitatus. Cum sane, si quis hanc sanctam & venerandam Antistitis sedem pecuniæ interventu subiisse, aut si quis, ut alterum ordinaret, vel eligeret, aliquid accepisse detegitur: instar publici criminis, & læsæ majestatis accusatione proposita, à gradu sacerdotii retrahatur. Nec hoc solum deinceps honorari privari, sed perpetuæ quoque infamiæ damnari decernimus; ut eos quos par facinus coinquinat & æquat, utrosque similis pœna comitemur.

Cod. Tit. de
Episco. &
Cleric.

3. Beneficium Vacans fiduciario titulo (quem Commendam vocant) concedere ad tempus, vel durante vita.

Cum

Cum alicui cura, & administratio Ecclesiæ commendatur, & ob hanc curam fructus beneficii, vel saltem pars assignatur, non ipsum beneficium in titulum confertur, Commenda dicitur. Commendatarius autem non est Prælat, vel proprius Ecclesiæ Rector, sed tantum quasi procurator, vel gubernator. Commendæ initio introductæ sunt in favorem Ecclesiæ vacantis, ne destituta Rectore proprio, omni interim regimine destitueretur. Sed temporariæ tantum erant, & sex mensium spatium concludebantur, ut haberetur in Sexto Decretalium. Nemo deinceps paræcialem Ecclesiam, alicui non constituto in ætate legitima, & sacerdotio, commendare præsumat: nec tali etiam nisi unam: & evidenti necessitate, vel utilitate ipsius Ecclesiæ suadente, hujusmodi autem Commendam, ut præmittitur, rite factam declaramus ultra semestris temporis spatium non durare. Statuentes, quicquid secus de Commendis Ecclesiarum paræcialium actum fuerit, esse irritum ipso jure. Sed jam dantur potius in favorem Commendatarii ad plures annos vel in perpetuum, non solum Ecclesiæ paræcianiæ & beneficia minora, sed etiam beneficia majora & Episcopatus, qua ratione, ut facere quidam dixit, non commendæ, sed comedendæ appellari debent. Richardus Cheynæus consecratus Aprilis 19. 1562. præfuit, & Ecclesiæ Glocestrensi simul ac Bristolensi, quam rexit, Commendatarius per Reginæ dispensationem annos plus sedecim; ut testatur Godwinus. Sic & Johannes Bullingham Glocestrensis quoque Episcopus, Bristolensem Ecclesiam similiter per dispensationem administravit ad annum 1589. quando Reginæ visum Bristolensibus proprium dare Antistitem; teste eodem Godwino. In Concilio Chalcedonenſi statutum, Clericum in duarum Ecclesiarum civitatum eodem tempore conscribi non oportere. Verum quidem est addere Gratianum; Sed contra, nonnunquam Episcopus civitatis unius efficitur Archiepiscopus alterius civitatis, nec tamen priorem Ecclesiam deserit: sed prior Ecclesia quasi commendata relinquitur, secunda quasi titulata habetur. Corruptum glossema. Idem enim est, ac si dixisset, quamvis non liceat uni habere duas uxores, potest tamen unam uxoris aliam pellicis titulo habere. Hæc una est artium illarum, qua Episcopatus suos, si forte tenuiores sunt, amplificare & ditare possunt, quamvis conceduntur Commendæ etiam ubi non sunt tenues redditus Episcopatus, ut de Glocestrensi & Bristolensi diximus. Altera est beneficiorum minorum fiducia & commendæ. Tertia est, unio aliorum beneficiorum ad mensam Episcopalem. Novimus & in Ecclesia nostra Episcopos à beneficio minori ad majus evectos una secum beneficium minus tulisse, & Episcopatu univisse, quò redditus beneficii majoris augerent, idque autoritate Regia absque Ecclesiæ consensu, ut alia fere omnia faciunt. Tridentini tamen saniores, qui decreverunt prius judicandum in Synodo de Episcopatus tenuitate. Quoniam pleræque Cathedrales Ecclesiæ tam tenues redditus sunt & angustæ, ut Episcopali dignitati nullo modo respondeant, neque Ecclesiarum necessitati sufficiant, examinet Concilium provinciale, vocatis iis quorum interest & diligenter expendat, quas propter angustias, tenuitatemque, invicem unire, vel novis proventibus augere expediat: confectaue de præmissis instrumenta ad summum Romanum Pontificem mittat; quibus instructus summus Pontifex ex prudentia sua expedire judicaverit, aut tenues invicem uniat, aut aliqua accessione ex fructibus augeat. Nolo, ut ex dictis quis colligat Episcopatus Anglicanos esse redditibus tenuiores. Nam Episcopi, Nobiles, & Magnates, plerique plerosque, annuis proventibus superant. Si forte duo vel tres, ut Landauensis & Carleolensis, habent redditus tenuiores ab Episcopatu proprie provenientes, non reipsa sed insatiabili Episcoporum avaritia id æstimandum est, qui ne amplissimis quidem opibus saturari unquam possint. Nihil nimium est ad dignitatem istam Episcopalem cum pompa & splendore mundano suffulciendam. Præterea Episcopatus redditus Ecclesiarum minorum spoliis

Lib. 1. Tit. 6.
Cap. 15.

In Commendario de Præf. pag. 591. 697.

Caus. 21.
Qu. 1. c.
Clericum.

Concil. Trid.
Sess. 24. De
cret. Reform.
13.

spoliis locupletant, atque ita tenuitati medentur. De Commendis plura diximus Capite Primo.

4. Ut Filius beneficio Patris possit immediate succedere.

Constitutio Johannis Peccham Archiepiscopi Cantuariensis extat apud Lindvodium his verbis. *Cum jure sit inhibendum, ne absque dispensatione Apostolica præficiantur filii Rectorum aut Presbyterorum in Ecclesiis, in quibus patres eorum immediate seu proximo ministrarunt, & constet ipsa beneficia vacare: Si contrarium de facto fuerit attentatum, præcipimus ut Prælati de Ecclesiis sic vacantibus diligenter inquirent & juxta juris exigentiam de eis non differant ordinare: cautius præcaventes de cætero, ne tales ad hujusmodi beneficia ullo titulo admittant: ne contra justitiam hæreditati crucifxi per surreptionem locus successioni pateat. Dicitur immediate, id est, nulla persona intermedia ibi ministrante. Nam persona media purgaret vitium, inquit ibidem Lindvodus; & colligit ex rescripto Papæ ad Archiepiscopum Cantuariensem. Ex transmissa conquestione G. clericis percepimus, quod ad Abbatis de castris præsentationem in quodam beneficio Ecclesiæ de N. eum in præsentem recipere distulisti, eo quod pater ejus in præfata Ecclesiâ ministravit: quo defuncto media intercessit persona, cui prædictum beneficium est collatum. Ideoque mandamus, quatenus si est ita, prænominatum Guilielmum ad præfatum beneficium admittere non postponas, non ideo minus observato Apostolici rescripti decreto, quod successionem in Ecclesiâ Dei hæreditariam detestatur. Presbyteri Filius vel ex damnato & illegitimo concubitu natus est, vel ex legitimo, id est secundum Canonistas, ex uxore legitima ante Ordinum susceptionem. Qui ex damnato concubitu natus, duplici impedimento Canonico detinebatur, ne ad beneficium patris promoveretur, 1. quod illegitimus, 2. quod filius sacerdotis. De priori casu supra diximus, ubi de irregularitate egimus. Quod ad secundum attinet, prospiciendum quidem est, ne quis paternum beneficium tanquam hæditarium vendicare audeat, aut eo nomine quod pater illud, sive immediate sive mediate, possideat; sed quod pure & simpliciter promoveri non possit, Ecclesiâ eligente & rogante, aut Patrono, ut ipsi volunt, præsentante, nullo alio obvian- te impedimento Canonico, iniquum censemus, & proinde nulla hîc dispensatione opus esse, sive nati sint ante, sive post susceptos Ordines.*

*Provincial.
Lib. 1. Titul.
de Filiis
Presbytero-
rum.*

*D. cretal.
Lib. 1. Tit.
17.*

5. Ut ad aliquod tempus (ob graviolem aliquam causam) Beneficiarius non residere teneatur: sed per alium idoneum deservire.

Beneficiarios non residentium numerus in Ecclesiâ Anglicâ quantus sit, si quis recenseret, forte exteri fidem non haberent. Soli Capellani Regis, Principis, Nobilium, Episcoporum, aliorumque, magnam conficerent turbam. Hi vestuntur mollibus, & in aulis Regum, Principum, Procerum, & Episcoporum, molliter vivunt ex proventibus beneficii parœciani Ecclesiæ; interim fraudantur parœciæ spiritali pabulo. Hooperus in concione habito coram Edwardo VI. Oportet majestatem vestram incipere à sacello & sacellanis tuis, & cogere, ut inserviant animabus illis, quæ pro ipsorum victu sudant; quod si non fecerit majestas vestra, versatur in periculo anima tua. Et Leverius coram eodem Edwardo. Domini mei, tum laici tum ex clero, Dei nomine moneo, ut observetis, quod Dominus Dominorum quando viderit gregem suum dissipatum & perditum, si sanguinem investigaverit, deprehen-

det in aula ista & domibus vestris fures illos, qui mactant & perdunt gregem Christi, quos vos fovetis. Aula igitur Principis, & Procerum, & Episcoporum, speluncæ sunt istorum latronum. Sic & Academiæ, Oxoniensis & Cantabrigienfis, latibula, sunt latronum Nonresidentium. Ibi qui in Collegiis Theologicis dicuntur Socii, fruuntur beneficiis parœciarum, parœciis interim neglectis. Sunt & Ecclesiæ Cathedrales cessatorum longurionum speluncæ, ut referunt authores Commonitorii ad Comititia Parliamentaria, Quibusdam non satis idoneis ad Ministerium, etiam post susceptos Ordines, & collatum beneficium aliquod, conceditur, ut per triennium in Academia commorentur, & miseræ Ecclesiæ interim totos tres annos in medio mari sine gubernatore fluctuantur, ut refert Traversus. Cur autem hic serô sapiunt, inquit, & non ante ad Academiam ad discendum mittunt, quam ad docendum admittunt? Aut quæ est ista Epimethei ingenii perversitas, ut ad docendum eum constituant, cui in cathedra discendum sit? Pudet ipsos Pontificios hujus corruptelæ, Multo etiam strietior est nunc Paræcorum residentia, inquit Zypæus, quam ante Concilium Tridentinum. Quippe studiorum causa poterant per septennium abesse, facultate Ordinarii. Hodie Ordinarii talem licentiam dare non possunt, nec Parochi absentes fructus percipere. Quippe cum conferantur hodie per concursum, præsupponitur, quod, qui ut magis idoneus erit electus, satis sit literatus. Sunt & alii non residentes, stellæ erraticæ provincias peragantes, quibus per Archiepiscopum ista non residendi facultas conceditur. Archiepiscopus audent quod ipsi Archangeli non audent, qui prærogativas non residendi non tam dat, quam vendit. Obtinuit illud semper, ne qui sacris operarentur à loco sacerdotii discederent. Quosdam exilia uno loco tenent, quosdam sacerdotia, inquit Seneca de Tranquill. Vita. Inde est quod curavit Schelomo domicilia ædificari circa templum 1. Reg. 6. & Apostolus 1. Cor. 9. 13. dicit, qui altari assident cum altari participare. Verbo *προσέδρευεν* significatur, hoc munus perpetuam assiduamque curam postulasse, ut Sacerdotes quærendo alia ratione victui vacare non potuerint, ut annotat Beza. Pastores vigiles sunt, Ecclesia civitas obsessa. Nulla pax, nullæ induciæ. Fideles sunt oves gregis Domini, Minister est pastor ovium, ducit ad læta pascua, & quod in se est, indicat lupum, instigat canes. Væ pastori, qui adipem comedit, & lanam induit, quod optimum est mactat, gregem autem non pascit, morbo affectam non confirmat, ægotam non curat, confractam non obligat, depulsam non reducit, peremptam non requirit, Ezechiel 34. 6. Christus pastoribus omnibus in persona Petri dixit, *pasce, pasce, pasce*, ut assiduitatem ipsis commendaret. Aut oportuit te gregem Dominicum minime servandum suscipere, aut susceptum nequaquam relinquere, inquit Bernardus. Cum peteret Papa Innocentius, ut ad se veniret, respondit se plane parvulus lactare, & propterea sine ipsorum periculo non posse. Paulus valledicens Presbyteris Ephesinis Act. 20. 28. hortatur, ut attendant sibi ipsis, & gregi, in quo Spiritus Sanctus illos constituit Episcopos ad pascendum Ecclesiam Dei: & alio dicendi genere idem monet Petrus 1. Epist. Cap. 1. *Pascite Dei gregem, qui penes vos est*, (vel, qui à vobis pendet) *illius inspectioni vacantes*, *ἀναίτια πᾶντος*, ut ostendat non inane esse nomen Episcopi, operis & laboris, non ignaviæ & desidii nomen esse. Si quis omnia Pastoris munia percurreret, verbi prædicationem, sacramentorum administrationem, admonitiones publicas & privatas, consolationem anxiorum, casuum conscientia paratissimam enodationem, vitam exemplarem, fatebitur Pastorem non posse gregem absque periculo derelinquere. Nam quis dubitat, ut inquit ille, quod janitor ad januam, villicus ad villam, gubernator navis ad gubernaculum, præceptor ad scholam, & alii ad sua munera sedere debeant, ut dicitur in Concilio Bononiensi anno 1586. Pastor omnibus istis muniis in unico munere suo fungi debet, janitoris, villici:

De Discipl.
Eccl. fol.
77. 78.

Zypæ. Fus
Pontif. Lib.
3. Titul de
Clericis non
resid. num.
24.

Bern. Epist.
22. Epi. 153.

villici, gubernatoris, præceptoris: residere ergo debet. Paulus præcipit ut ministerium suum impleant. Implere autem illud se nequaquam posse sciant, si greges sibi commissos mercenariorum more deserant, atque ovium suarum, quarum sanguis de eorum est manibus à supremo iudice requirendus, custodiæ minime incumbant, cum certissimum sit, non admitti pastoris excusationem, si lupus oves comedit, & pastor nescit; dixerunt ipsi patres Tridentini. Debet esse regula & exemplar aliis, morum probitatè, & pietate. Sed si longius remota fuerit regula à regulato, quomodo adaptabunt mores suos ad ejus exemplar. Cajetanus, ut demonstret Episcoporum residentiam esse Juris Divini, sic argumentatur. Ad illud tenetur Episcopus sub præcepto divino, quod necessarium est ad finem Episcopi, qui est cura animarum: Sed residentia Episcopi est necessaria ad curam animarum: Ergo Episcopus tenetur sub Divino Præcepto ad personaliter residendum in suo Episcopatu. Major est per se nota, & patet inductivè. Nam qui tenetur simpliciter ad aliquid agendum, tenetur ad medium necessarium ad illam actionem. Famulus tenetur sequi Dominum, non simpliciter, sed ex suppositione, si de equo ipsi prospexerit. Miles tenetur ad pugnandum ex suppositione, si ministrata fuerint ipsi arma. Sed Episcopus non ex suppositione, sed absolute & simpliciter, tenetur ad curam animarum, & propterea tenetur ad medium sibi possibile necessarium ad curam animarum. Nec solum tenetur, sed eadem necessitate qua tenetur ad finem, tenetur ad medium, ex quo medium est ita necessarium, quod sine illo non potest finem consequi. Minor probatur. Episcopus tenetur ad curam animarum mediantibus his actibus personalibus, scilicet doctrinâ, ministracione sacramentorum, consecrationibus, visitacione, custodiâ, ac diligentia. Ergo residentia personalis Episcopi est necessaria ad curam animarum. Unde colligit, quod non consuetudo, sed abusus est tot Episcoporum non residentium, & sequentium curias. Cum agitata est ista quæstio in Concilio Tridentino Pauli III. temporibus. An Pontifici liceret Episcopos à Residentia solvere. Plerique Theologi negarunt licere, residentiam enim juris esse divini, atque adeo nemini fas esse ab eo quenquam solvere, idque constare ex Levit. 18. ubi Levitis Dominus ita præcipit. Die nocteque manebitis in tabernaculo, observantes custodias Domini, ne moriamini. Quam disceptationem cum ex literis Legatorum intellexisset, mox eis mandavit, ut quæstionis definitionem in aliud tempus rejicerent. Interea validam manum quadraginta Episcoporum in auxilium misit, ut suffragiorum numero in illius quæstionis definitione potestatem à residentia solvendi retineret, quod & accidit, ut refert Gentiletus. *Adversus Gen. Exam. communissimam & verissimam sententiam insurrexit, inquit Spalatensis, Ambrosius Sess. 23. Decret. 1. Catharinus, & pro solita sua audacia, scriptis opusculis residendi obligationem ad solum Spulat. l. 2. jus reduxit Ecclesiasticum positivum. Quod de Episcoporum residentia dictum est, ad c. 6. Num. Parochorum residentiam accommodandum est. Nuperis Canonibus anni 1603. 14. decretum in hunc modum. Quilibet Decanus, Præfatus, Guardianus, vel Rector Can. 42. primarius cujusvis Ecclesiæ cathedralis, vel collegiatæ, 90 dies ad minus in singulis annis conjunctim vel divisim in dicta cathedrali vel collegiata Ecclesia residebit, nisi aliâs gravibus & urgentibus causis, iisque per Episcopum diocesannum approbandis, detentus fuerit, vel legitima aliâque ratione dispensatus. Satis igitur erit, si 90 dies adfuerit; & cum decretum legitimæ occupationis exceptionem habet, non deerit prætextus, Episcopo approbante, aut Archiepiscopo dispensante, etiam in trimestri illo spatio, ad vim Decreti eludendam. Item nullius Ecclesiæ cathedralis, aut collegiatæ, Can. 44. Præbendarius vel Canonicus, qui unum vel plura beneficia curata obtinet, (nec in sua Ecclesia Cathedrali aut Collegiata residentiarius existit,) à beneficiis suis curatis, prætextu Præbendæ suæ, ultra tempus unius mensis aliquo anno aberit, nisi ex urgente causa, &*

Diff. 36.
Cap. 3. Si
quis vult.

pro certo tempore per Episcopum Diœcesanum approbandis: Præbendarii & Canonici Residentiarii post exactum residentie sue terminum, per statuta localia, aut consuetudinem Ecclesie sue definitum, ad beneficia sua, vel unum ex iis, aut saltem ad aliam aliquam curam in qua ipsorum presentia lege requiritur, quamprimum conuolabunt, ut debitis illis officiis perfungantur. Durante igitur residentie tempore in cathedrali aut collegiata Ecclesia præcianos famelicos quis pascet? & cum liberatur à residentia, tamen plurium Ecclesiarum cura distrahendus est si plura habet beneficia. Quod ad mensuras vel trimestres Non-residentium conciones, Non residentie crimen non purgant. Dicit Hieronymus, Episcopos debere esse indefinenter in tabernaculo Domini, ut aut à Deo aliquid discant, aut ipsi populum doceant, legendi Scripturas divinas & sæpius meditando. Babinton. in 10 Præcepta fatetur, canem mutum esse, qui non singulis Sabbathis concionatur. Præceptum de residentia dicent esse affirmativum, præcepta autem affirmativa, licet semper obligant, non tamen ad semper, ut loquuntur Scholastici, sed pro loco & tempore. De loco non est dubium ad propriam Paroeciam vel Ecclesiam obligari Pastorem. De tempore judicandum est ex actibus & muniis pastoralibus. Quidam habent determinatum, & certum tempus, ut dies Dominicos & stata tempora concionandi, & coenam celebrandi; quidam indeterminatum, sed frequentius occurrens, ita ut nulla sit temporis exceptio, ut est actus pascendi gregem Christi. Oportet enim pastoralibus actibus ita assiduam pastorem esse, ut quasi continuè pascat oves, inquit, Cajetanus. A pastore quoque exiguntur, inquit, illi actus supra dicti in Ezechiele, quos aut continuum aut frequens valde tempus exigere constat. Et ratione eorum tenetur Episcopus continuè in Episcopatu residere, quantum tanta temporis frequentia continuam exigit residentiam, cum ex frequentia exercitii actuum huiusmodi, tum ex præparatione ad istos actus. Nam licet omne tempus non occupetur in exercitatione actus pastoralis, nullum tamen tempus est exemptum, in quo non oporteat Episcopum esse paratum ad exercitationem actus pastoralis. Ideo, per se loquendo, Episcopus tenetur sub præcepto ad continuam residentiam in suo Episcopatu, ita quod hoc præceptum affirmativum ex natura rei præceptæ, sicut habet locum determinatum scilicet propriam diœcesin, ita habet tempus determinatum, scilicet, assiduè. Et sic, licet præcepta affirmativa formaliter obligent semper, sed non ad semper, sed pro loco & tempore quo oportet, & in hoc differant formaliter à negativis; hoc tamen præceptum gratia materie obligat ad semper, seu assiduè quod est quasi semper, & ad certum locum. Obtendunt præterea Vicariorum operam. Canone 46. earundem Constitutionum anni 1603. Beneficiarius ad concionandum non admissus concionem singulis mensibus unam ad minus in Ecclesia sibi credita per concionatorem legitime approbatum haberi procurabit; si tamen beneficii valor Ordinarii iudicio id ferre posse videbitur: omni autem die Dominico, tum in ipsius Ecclesia deficiet concio, dictus Beneficiarius aliquam ex Homiliis publica auctoritate præscriptis, aut præscribendis, per se vel certè per Curatum suum recitabit. Hic conceditur ei, qui ad concionandum non est idoneus, frui beneficio, & mercenarii Concionatoris operam ad mensuram concionem conducere: & sic probe satis scilicet consultum est gregi. Et sequenti Canone. Quilibet Beneficatus, cui propter necessitatem officii aliis incumbentis dispensatio de non residendo in beneficio suo per huius regni leges est indulta, per Curatum, qui concionator est idoneus, & sufficienti auctoritate approbatus, Curæ suæ prospiciet, modo beneficii valor non repugnet. Repugnabit, si inter Episcopum & Beneficiarium bene convenerit, & sic ne conductitio quidem mercenario paroecia gaudebit. Sed de vicaria conductitorum opera eleganter scripsit Damasus. Videntur mihi, inquit, esse meretricibus similes, quæ statim ut pariunt, infantes suos aliis nutricibus tradunt educandos ut suas.

Epist. 5.

suam citius libidinem explere possint. Sic & isti infantes suos, id est, populos sibi commissos alius educandos tradunt, ut suas libidines expleant. Non taliter Dominus docuit, nec Apostoli instituerunt, sed ipsi qui curam suscipiunt ipsi peragant, & ipsi proprios manipulos Domino representent. Nam ipse ovem perditam diligenter quasivit, ipse invenit, ipse propriis humeris reportavit, nosque idipsum facere perdocuit. Quam suis humeris portarent Arcam Domini imponunt plaustrum, & vaccis trahunt. Imò maxima pars ne plaustrum quidem & vaccas conducit, ut refert Cartwrightus. Qui vi-
 caria quorundam opera in obeundo munere suo utuntur, ab Innocentio III. dam-
 nantur his verbis. *Præcipimus etiam ne conductitiis Presbyteris Ecclesiæ committantur,*
 & unaquæque Ecclesia, cui facultas suppetit, proprium habeat Sacerdotem. Et in De-
 cretaliu Libro Tertio statuitur, ut qui non residet in beneficio, etiam modicæ
 æstimationis, illo privetur. Non dissimilis est Clericus Ecclesiam suam deserens
 militiæ desertori: quare & cingulum honoris sui eum amittere & pro ea deser-
 tione castigari debere constitutum est, inquit Duarenus. In ordinatione Episcopi
 dicitur, *vade, & prædica populo Dei;* non dicitur, *mitte ad prædicandum.* Petro
 dictum est, *pasce,* non, *pasce per alium.* Recte Cajetanus. In debitis personalibus
 non absolvitur debitor, si per alium facit. Et cum dicitur, *salus animarum potest pro-*
curari absque personali Episcopi cura, ergo non necessitat ipsum ad personalem curam. Re-
 spondetur, quod in moralibus non attenditur possibile secundum potentiam logicam, hoc
 est quod non implicat contradictoria, sed secundum potentiam moralem officiorum. Con-
 stat autem ex Domini sententia, quod mercenarii officium non se extendit ad id quod præ-
 cipuum est in pastore, scilicet amorem ovium suarum, non alienarum. Et propterea dici-
 tur, quod, per se loquendo, salus animarum ita necessitat pastorem ad personalem curam,
 quod regulariter non potest sine ipsius personali cura Episcopi haberi, quamvis per accidens
 contingere hoc forte possit. Sed quod est per accidens, non variat naturam moralium
 vinculorum. Et propterea non excusatur Episcopus à personali residentia, ex hoc quod
 per optimum vicarium providet Ecclesiæ. Mercenarius leviter & perfunctorie obit par-
 tes muneris, præscriptus à beneficiario, non quasi devinctus ex amore. Curat gre-
 gem alienum, non suum; & pro lucello vili. Quæritur, an in nullo casu licet
 tantisper à grege abesse, non valetudinis curandæ, aut rei familiaris causa. Id
 quod continuum dicitur interpellationem patitur, inquit Lindvodium Stulicidium enim
 non semper cadens habet causam continuam. Testis qui deponit se vidisse Titium decem
 annis continue possidere, bene probat. Nam non oportet, quod omni momento eum vide-
 rit, sed sufficit quod eum viderit omni anno colligere fructus. Verba civili modo
 sunt intelligenda. A vinculo continuæ residentia absolvunt necessitas impeditenti,
 & qualitas negotii. Impedimentum provenit ab intrinseco, vel extrinseco. Per-
 secutio extrinseca quandoque postulat fugam pastoris; sed ex Ecclesiæ bono su-
 menda est ratio absentia vel presentia etiam cum periculo. Impedimentum in-
 trinsecum, ut infirmitas corporis, quandoque cogit valetudinarium ad recuperan-
 dam sanitatem abesse à grege. Qualitas negotii perpendenda est. Quandoque
 negotium, quod ad tempus subtrahit pastorem presentiam, tendit in commodum
 gregis sui, & est pars muneris pastoralis. Quandoque negotium spectat ad utili-
 tatem Ecclesiarum consociatarum: nam bonum partis ordinatur ad bonum totius, ut
 finem, inquit Cajetanus. Sed oportet ut negotium commune sit necessarium. In
 casu, quo totius bonum periclitatur, partes etiam perdendo naturales suos status ordina-
 tur ad bonum totius. Secluso autem, inquit, necessitatis casu, seu periculo totius, na-
 tura totius non requirit defectum in parte aliqua, sed nititur singulas partes salvare in
 suis naturalibus statibus. Sic qualibet particularis ordinatur ad universalis Ecclesiæ bonum
 & servitium, absolute quidem, salva cujusque Ecclesiæ perfectione; in casu autem ne-
 cessitatis

cessitatis ordinatur ad bonum universalis Ecclesiæ, etiam cum sui detrimenta. Approbat igitur, ut quis mittatur Legatus ad Synodum; sed ut quis sit Episcopus, & interrim Romæ resideat, ut Secretarius sedis Apostolicæ, vel auditor Rotæ, prorsus reprobatur; quia servitia quæ Romæ exhibentur in huiusmodi officiis, nulla necessitate communiter exigunt quod Episcopi incumbant talibus officiis, sed sunt tales in Ecclesia Dei velut monstra in natura. Cum igitur Episcopi Anglicani sunt frequentes in aula, aut præsideant in secretiori senatu, aut sunt iudices in causis sæcularibus, aut Regi ab eleemosynis, non funguntur munere necessario ad salutem totius Ecclesiæ. Sed de Episcoporum iurisdictione civili postea dicturi sumus. Proventuum subtractione redire ad Ecclesias suas coacti erant olim Nonresidentes; quod si adhuc cunctarentur iactura beneficii multabantur. Quinto certum est, Episcopos, & alios habentes curam animarum, si absque legitima causa absint a suis Ecclesiis, debere pro rata absentie fructus restituere. Et ratio est, quoniam, ut est in regula juris, Beneficium datur propter officium: Quare si quis non præstet debitum officium, inique fructus percipit. Quod si dicas posse fieri satis populo per ministros vicarios, ac proinde non debere illum in tali casu involuntarie contribuere fructus. Contra est, quod populus non quomodocunque contribuit fructus, ut sibi satisfiat spirituali ministerio, sed ut sibi satisfiat per officium veri pastoris & proprii, quando legitima causa aliud non postulat. Nam spectat ea in re populus id quod sibi est optimum & utilissimum. Ratio autem optima, & per se accommodatissima ad bonum spirituale subditorum promovendum est, ut à proprio Pastore curentur; inquit Gregorius de Valentia. In re manifesta diutius immorari non lubet. Nam Oratore potius quam Dialectico hic opus est qui in animicidas istos inronet, in Capellanos, in Socios illos, qui tanquam testudines, ut dixit quidam, in Collegiis suis liquefunt, & confenesunt, in Præbendarios beneficiarios, aliofque omnes non residentes. Triturantibus os obligatur, in carcerem truduntur fidi Pastores, interim aut asini, aut fuci aluntur.

6. Ut Laicus Musis operam navans Præbendam possit retinere, nec tamen ad Ministerium ineundum adigatur.

Præbendas in quemvis alium licitum usum concedi posse, libenter damus, potius quam in Canonicorum, aut Subcanonicorum aliorumque id genus hominum. Non igitur anxie inquiram, an præbendæ illæ sint Canonicatibus annexæ, necne.

7. Ut sacris initiatus & alias juxta leges idoneus Duo Ecclesiastica Beneficia possit retinere, Curata quidem intra certam distantiam, Non-Curata absque ratione distantie.

Curam animarum, largè intelligendo, habet, inquit Linduodius, qui eam habet, sive in foro pænientiali, sive aliàs, & sive sit Ecclesia Cathedralis, parochialis, vel capella, habens parochianorum curam de jure, vel de facto, dummodo parochiam habeat, in qua jus parochiale exerceat, & sive sit dignitas, vel officium, sive Ecclesia, sicut sunt multi Archipresbyteri, Archidiaconi, & Decani, qui nullam habent Ecclesiam cui præsunt, habent tamen iurisdictionem super multas Ecclesias. Canisius in Summa juris Canonici; Beneficia Curata dicuntur, quæ animarum curam annexam habent, idque duplici ratione, vel quia Beneficatus certis personis, puta Parochia sue, Sacramenta Ecclesiastica administrat, & verbum Dei denunciatur, vel quia exercet ea, quæ sunt iurisdictionis spiritualis, veluti sunt visitare, inquirere, suspendere, excommunicare, ab-

solve-

Tom. 3.
Disput. 10.
Quest. 3.
Puncto. 5.

Lib. 3. Titul.
de Præben-
dis Cap.
Andistis.

p. 244.

*solvere: Nam hæc animarum curam concernunt. Non-Curata quidem Beneficia sunt, quibus nulla hujusmodi cura annexa est. Mucketus dicit, dispensari in beneficiis Curatis intra certam distantiam, quod commodius in utrisque suum munus obeat. Au-
thor Petitionis ad Reginam narrat, vetitum Canonibus Anglicanis ne quis possideret plura quam duo beneficia, eaque ad summum non ultra 26. milliaria Anglicana à se invicem distantia, plurimos tamen tria aut quatuor ad centum usque milliaria possidere. Cartwrightus refert, quendam possidere Collegii Præfecturam seu Magisterium in uno regni angulo; Decanatum in alio, Præbendam in tertio. Per Statutum 21. Henr. VIII. licet Archiepiscoporum Capellanorum singulis sex, item Ducis, possidere duo beneficia Curata; Marchionis & Comitis 5. Capellanorum singulis, duo; item singulis duorum Capellanorum qui sunt Ducum, Marchionum, Comitum, & Baronum viduis à sacris, duo; Secretarii Regis, Thesaurarii, Prætoris Comitatus; Chartophylacis seu illius qui ab Archivis, Decani sacelli Regii, Regis Eleemosynarii, duorum Capellanorum singulis, duo: Ecclesiastici seu, ut vocant Spirituales, qui sunt Regi à Consiliis possunt tria beneficia cum cura animarum possidere. Capellani Regis, Reginæ, Principis utriusque; aut cujusvis librorum Regis, aut fratrum, aut sororum, patruorum, avunculorum, amitarum & materitarum Regis possunt singuli duo possidere beneficia. Imo in gravaminibus exhibitis in Comitibus Ordinum anno 1610. dicitur, Capellanos Regis posse possidere tot quot liber beneficia, alios quatuor simul in diversis Comitibus, quosdam duo, & tamen in nullo eorum sunt Sacellani, quod quidem non ferendum est in republica Christiana, ut ibidem dicitur. Assertor Petitionis pro Reformatione refert, innumeram esse turbam beneficiariorum, qui duo beneficia Curata possident, & quidam præterea 2. 3. aut 4. Dignitates Ecclesiasticas. Quod igitur antea Constitutionibus anni 1604. statuerunt, non serio, sed ut illuderent specie aliqua reformationis, id egerunt. Nemini in postremum facultas si-
ve dispensatio concedetur de pluribus beneficiis Curatis simul retinendis, nisi tali duntaxat, qui pro eruditione sui dignior, & ad officium suum plenius præstandum habilis & idoneus censebitur, nimirum qui ad gradum Magisterii ad minus in altera nostratium Academicarum promotus fuerit, publicusque ac idoneus concionator, idemque legitime approbatus extiterit. Proviso semper ut sufficienti cautione obstrictus teneatur de personali sua residentia in singulis beneficiis per bonam anni cuiusque partem facienda, & ut ejusmodi beneficia non amplius 30. milliarium spatio ab invicem distent, & denique ut in eo beneficio in quo non residebit, Concionatorem rite approbatum retineat qui populum docere utiliter, & informare possit. Audiamus Brightmani censuram in similem Canonem conditum anno 1597. Quid de te malè meriti sunt Magistri Artium, ut istos primos tanto scelere obstrictos esse volueris? Fateris pluralitatem esse rem malam & coercendam, istis tamen hanc pestem indulges. Insigne scilicet privilegium sui gradus, quo primis licet esse malis. Sed tibi forsitan satis est tantum titulo cohibendæ pluralitatis homines fallere. Tot sunt, Deo gratia, magistri artium, quot si omnes nulla alia religione impediti libertate constitutionis tue uterentur, plures credò paræciæ residentibus secum pastoribus carerent quam hodie carint. Sic tu prudenter amplificando malum cohibes. Interim vides lector, quænam sit illa distantia inter duo beneficia curata, quæ per ipsorum Canones legitima est, nempe 30. milliarium. Longior est intercapedo inter nos & Solem, quam inter nos & Lunam, æque tamen impossibile est manibus Lunam, ac Solem tangere. Nemo potest duobus Dominis servire. De conductitia Vicariorum opera ante diximus. Si mercenarii illi sint ad ministerium idonei, cur non ipsi præficiuntur pastores gregibus illis? Si non sunt idonei, cur conducunt ipsorum operam? sed multi ne conductitios quidem habent mercenarios. Author Libelli*

1. Repl. p. 46.

Tag. 10.

pag. 1327

Can. 41.

In Apocal. Cap. 3.

de

pag. 114.

De Sacris
Eccles. Mi-
nist. Lib. 8.
Cap. 4.
Instit. l. 4.
Cap. 5. §. 7.

Beneficium
in quarto.

Gratianus
dist. 89. c. 1.

Caus. 16. q. 7.
c. per laicos.

Caus. 21. qu.
1. c. 1. Cier.

Titul. 4. c. 3.
Quia.

Tit. 5. c. 5.
Quia.

De Institut.
& Collat.
Ca. 1.

de Vera & Genuina Religione refert, apud Pluralistas, nec in numero, nec in situ modum esse, nec in quantitate. In numero, inquit, non est modus, quia non solum duas quasi Rectorias personales, vel tres possident, sed his adjungunt unam, & alteram Præbendam in pluribus Cathedralibus Ecclesiis. Imo qui Decanus est in una Cathedrali, non designatur in alterius Cathedralis choro ut Canonicus & Præbendarius sedere. Hæc sunt, & aguntur in Romana Ecclesia, cui Ecclesiæ nostræ infeliciter similes. Tantam Ecclesiæ deformationem esse ex hac pluralitate exortam asserit Duarenus ut nulla vis humani ingenii ad eam exprimendam sufficiat. Prodigiosa sane res est, inquit, in Ecclesia hæc beneficiorum cumulatio, quæ sine delectu passim recipitur: nec minus mihi monstrosi videntur, qui tot personas in Ecclesia sustinent, quam Briareus ille qui manus centum habuit, ut est in fabulis, aut Geryon, quem trium fuisse corporum perhibent. Idem fere Calvinus; Sed dico utrumque esse prodigiosum flagitium, quod Deo, naturæ, & Ecclesiastico regimini prorsus adversetur, ut unus prædo pluribus simul Ecclesiis incubet: ut pastor nominetur qui gregi suo adesse, etiam si velit, nequeat. Quod de Præbendarum pluralitate dicit Aquinas, fortiori ratione de Beneficiorum Curatorum & proprie dictorum affirmari potest. Dicit ille Præbendarum pluralitatem in se continere plurimas deordinationes: Utpote quia non est possibile aliquem in pluribus Ecclesiis deservire, in quibus est præbendatus, cum præbendæ videantur esse stipendia ibidem ministrantium Deo. Sequitur etiam divini cultus diminutio, dum unus loco plurim instituitur. Sequitur etiam in aliquibus defraudatio voluntatum testatorum, qui hæc bona Ecclesiis contulerunt, ut ibi esset certus numerus servientium Deo. Sequitur etiam inæqualitas, dum unus pluribus beneficiis abundat, & alius nec unum habere potest. Sequuntur etiam multa alia hujusmodi. Hæc ex Aquinate Sylvester in Summa. Gregorius magnus scribit Episcopis in hunc modum; Singula Ecclesiastici juris officia singulis quibusque personis committi jubemus. Item: Neque uni quantumlibet exercitata personæ uno tempore duorum rerum officia committenda sunt: quia si totum corpus est oculus, ubi auditus. Item; sicut indecorum est, ut in corpore humano alterum membrum alterius fungatur officio, ita nimirum noxium simulque turpissimum, si singula rerum ministeria personis totidem non fuerint distributa. Alexander 2. Papa; Nullus Presbyter duas habeat Ecclesias. In duabus Ecclesiis aliquem connumerari posse Septima Synodus prohibet, dicens c. 15. Clericus ab instanti tempore non connumeretur in duabus Ecclesiis. Negotiationis enim hoc est, & turpis lucri proprium, & ab Ecclesiastica consuetudine penitus alienum. In Concilio Lateranensi decretum est, ne uni plures Dignitates, vel Ecclesiæ conferantur. Sic se habent verba Libro Tertio Decretalium. Quia nonnulli modum avaritiæ non ponentes, dignitates diversas Ecclesiasticas, & plures Ecclesias paræciales, contra sacrorum Canonum instituta nituntur accipere, ut cum unum officium vix implere sufficiant, stipendia sibi vendicent plurimorum: ne id de cætero fiat, districtius inhibemus. Cum igitur Ecclesia, vel Ecclesiasticum ministerium committi debuerit, talis ad hoc persona quærat, quæ residere in loco, & curam ejus per seipsam valeat exercere. Quodsi aliter actum fuerit, & qui receperit, quodd contra sacros canones accipit, amittat: & qui dederit, largiendi potestate privetur. In sequenti titulo habetur etiam Decretum aliud Alexandri 3. in Concil. Lateran. Quia in tantum quorundam processit ambitio, ut non duas vel tres, sed plures Ecclesias perhibeantur habere, cum nec duabus possint debitam provisionem impendere, per fratres & coepiscopos nostros hoc emendari præcipimus, & de multitudine præbendarum canonibus inimica, quæ dissolutionis materiam & evagationis inducit, certumque continet periculum animarum, eorum qui Ecclesiis deservire valeant indigentiam volumus sublevari. Othobonus Pontificis Legatus in Angliam missus in Constitutionibus suis Legatinis sic scribit. Christianæ religionis veritas ita plerosque in suorum cordium elatione reliquit,

ut cum animæ suæ curæ vix unusquisque sufficiat, ipsi se mendaci statera pensantes, non solum unius beneficii, sed multorum intrepide curam suscipiunt. In Concilio Chalcedonensi decretum, ne Clericus in duabus simul Ecclesiis conferberetur, & qui aliter fecerit, de proprio excidat gradu. Quoniam Ecclesiasticus ordo perversitur, & avaritiæ fomentum præbetur, cum unus plurimum sinitur occupare officia Clericorum, salubriter post complures sacro-sanctos Canones à Synodo Tridentina cautum fuit, ut unicuique singulis ministris conferatur beneficium, inquit Molanus. Post exortam beneficiorum pluralitatem semper optimi quique adversati sunt, & fuerunt, qui conscientias ad Ecclesiarum polygamiâ prostituere noluerunt. Non tamen pudet Anglicanos fovere Dualistas suos, Trialistas, Pluralistas, (barbara vocabula barbaris moribus adaptare licet,) & inculpatæ vitæ pastores unico suo beneficio aut stipendio privare. Quot habent Pluralistas & Torquotistas, tot habent Episcopatus & cæterarum Papatûs reliquiarum acerrimos propugnatores. Observant nonnulli, Episcoporum Anglicanorum neminem esse qui non ante susceptum Episcopatum plura possederit beneficia, & beneficiorum minorum proventibus aditum sibi patefecerit ad majora, seu Episcopatus.

Chalced.
Ca. 10.

Theol. Præf.
Traët. 5.
c. 13.

8. Addit Mucketus; *Ut præparatus ad sacros ordines queat ordinem Diaconatûs & Presbyteratûs simul & tempore non statuto suscipere.*

De Politi.
p. 309.

Nuperis Constitutionibus anni 1604. statutum est in hunc modum. Cum ex prætorum antiquorum sententia, & primitivæ Ecclesiæ praxi, Diaconi officium ad ministerii dignitatem gradus quidam sit constitutus, statuimus & ordinamus ut nullus deinceps Episcopus aliquem cujuscvis conditionis personam (quibuscunque tandem animi dotibus commendatum) uno & eodem die Diaconum & Presbyterum constituat, quin ut ritus in ea parte præscriptus in libro de Episcopis, Presbyteris, & Diaconis ordinandis, & inaugurandis strictè observetur, non quod Diaconos omnes Presbyterii aditu per annum integrum prohibeamus, (cum tamen Episcopus justam ejus admittendi causam alioquin invenerit,) verum ut cum quatuor tempora Diaconorum & Presbyterorum ordinationi in singulos annos sint decreta, aliquid saltem spatii detur ad periculum de singulis faciendum, quales in officio Diaconi se exhibuerint, priusquam in ordinem Presbyterorum suscipiantur. Bene est, quod non tuerent Canonem suum jure divino. Non instituerunt Apostoli, ut ad Presbyterii gradum nemo promoveretur, nisi prius in Diaconatu tyrocinium faceret. Sunt diversæ functiones & ministrationses, earumque dona sunt diversa, quarum neutra alteram includit. Diaconus est mensarum & viduarum minister, Pastor est sermonis & verbi minister. Potest quis instrui donis ad obeundum Diaconatum, qui ad Verbi Ministerium nunquam erit idoneus. Cum igitur Apostolus Diaconum dicit sibi gradum bonum acquirere, non intelligit gradum ad Ministerium seu Episcopatum, sed decus & dignitatem. Cum præcipit Apostolus, ut per oppida & civitates Titus constitueret Presbyteros, an prius erant Diaconi in illis Ecclesiis nondum constitutis, qui ad Presbyterorum gradus promovebantur? Presbyteri Ephesini & Hierosolymitani omnes, an prius erant Diaconi? Testantur historię, Laicos ad Episcopatum, nedum ad Presbyterorum gradum, evectos Ambrosius heri Catechumenus, hodie Episcopus. Severus à Lanificio ad Archiepiscopatum vocatus. Quod si omisso Presbyteratu potest quis ex Diacono fieri Episcopus (quem morem fuisse in quibusdam Ecclesiis Orientalibus narrat Photius, teste Spalatense)

Can. 32.

De Rep. l. 2.
c. 4. n. 23.

L

magis

magis potest quis fieri Presbyter? Sed an non merum ludibrium est, quod, dum pro gravi scelere habetur immediate, & per saltum ex Laico Presbyterum creare omisso Diaconatu, Diaconum prius constituunt, qui vel per trimestre spatium Diaconi titulo potius quam ministerio fungatur, vel per dispensationem utrumque simul suscipere potest non observatis temporum interstitiis, cumque se in inferiori ministerio nondum exercuerit? Sic in Papatu ad pompam & speciem potius quam veritatem inferiorum Ordinum titulos assumunt, quorum actus & officia nunquam exercent, qui ad majores ordines ascensuri sunt. Has umbras & larvas Papatus sectantur Anglicani Præsules. De tempore ordinationibus præstituto infra dicturi sumus.

9. Generaliter, unde poterit Archiepiscopus dispensare in omnibus causis verbo Dei non repugnantibus, modo aut solitæ fuerint in Curia Romana obtineri, vel, si non solitæ sint obtineri, Princeps ipse, vel qui sunt à Secretioribus Consiliis permiserint.

Quibus in causis Papa dispensare solebat, notum est; si in iisdem Archiepiscopus Canonum gratiam facere potest, in usuris, perjurio, & gradibus consanguinitatis, & affinitatis & similibus dispensare potest, imo in pluribus causis quam solebat Pontifex Romanus, dummodo Princeps vel qui sunt à Secretioribus Consiliis permiserint. Quod additur, *verbo Dei non repugnantibus*, parum juvat. Non adeo frontem perfricit Pontifex Romanus, ut sibi licere palam asserat dispensare in causis verbo Dei repugnantibus. Quamvis impudentes quidam Canonistæ dicunt Papam dispensare posse in jure divino, saniores tamen Theologi id negant, & in solo jure Canonico positivo Papam dispensare posse contendunt, Divinum autem jus tantum declarare & interpretari. Sub specie declarationis & interpretationis juris Divini, revera dispensat in causis verbo Dei repugnantibus. Sic potest Anglicanus Primas dispensationes suas declarationum & interpretationum velamento obtegere. At non dispensat Primas ille Anglicanus in causis verbo Dei repugnantibus, qui in non-residentia, simonia, beneficiorum pluralitate, commendis, irregularitatibus juris Divini, dispensare potest? Eat igitur, & in usuris, perjuriis, gradibus prohibitis, eandem sibi libertatem vendicet. Sed quæro quis Pontificem Romanum, aut Primatem Anglicanum dispensatorem constituit? Non Ecclesiæ Dei. Legitimi igitur dispensatores non sunt. Leges omnes Ecclesiasticæ, quæ sunt humani juris, sub ipsarummet Ecclesiarum potestate & imperio sunt, quas mutare aut abrogare & in quibus omnibus dispensare ex gravissimis causis possunt, *præsertim in Synodis*, inquit Spalatensis, *ex quo majores erunt Synodi, eo majorem etiam ad hoc habent potestatem*. Ab anius Pontificis Romani aut Anglicani nutu & arbitrio tanta rerum Ecclesiasticarum moles pendere non debet.

Vides lector, Archiepiscopum Cantuariensem profligato Papæ imperio in Angliā, ejus spoliis ditatum atque locupletatum esse. Nam curia ista facultatum & dispensationum non nisi post exterminatam papæ auctoritatem constituta est, quam merito autores Admonitionis ad Comitia Parliamentaria vocarunt *abominatum impuram voraginem, & venenatam lacum*. Nam in ista lacuna, Simonia, non-residentia, pluralitatis beneficiorum sordes abluuntur, & gratiosis Archiepiscopi dispensationibus exit reus nive candidior, relictis à tergo sordibus in Curia facultatum.

Præ-

Præter Curiam Prærogativæ, Curiam Audientiæ, Curiam de Arcubus, Curiam Facultatum, habet etiam Cantuariensis aliam, quæ Curia Peculiarium dicitur, quæ, ad quasdam Parochias ab Episcopali jurisdictione in nonnullis Diocesisibus separatas & Archiepiscopo Cantuariensi peculiares, spectat; ut scribit Camdenus. Quot sub Papatu parœcias in aliorum Episcoporum diocesisibus possidebat, easdem retiner. Si Diœceses divisæ ob commoditatem regiminis Ecclesiastici, cur quæso exemptæ sunt quædam parœciæ à Diœcesani jurisdictione, & immediatè aliis subji-ciuntur extra Diœcesin? Quis neget istam parœciarum exemptionem non ordinis causa, sed Archiepiscopalis imperii amplificandi causa introductam?

In Constitutionibus anni 1604. sunt quidam casus absolutionis reservati Archiepiscopo. Canone 2. statutum, ut qui regalem Principis Primatum in causis Ecclesiasticis ullatenus ledere aut extenuare præsumiserit, excommunicetur ipso facto, nec nisi per Archiepiscopum restituendus. Canone 5. statutum, ut qui ullos ex 39. articulis de doctrina editos anno 1562. ulla ex parte supersticiosos aut erroneos existere, vel omnino ejusmodi &c. excommunicetur ipso facto, nec nisi per Archiepiscopum restituendus. Vides, augeri indies Archiepiscopi auctoritatem, non minui, ut in Papatu. Minor Papa est orbis minoris, vel secundum Bancroftum, Propapa, Synodorum provincialium & Pontificis Romani exuviis ditatus, & temporali etiam vindicta in Commissariis Regiorum Curia armatus, & proinde potestate intensiva potentior quam unquam fuit sub Papatu. Quam etiam extendet ad imperii Britannici fines, si duo regna iisdem legibus, sicut jam unius regis imperio, unita fuerint.

C A P U T IV.

Episcopus & Presbyter sunt Ejusdem Gradus.

Presbyter venerabilis Theodorus Beza Tractatum edidit de Triplici Episcopatu, Divino, Humano, & Satanico. Divinum dicit esse munus illorum, qui alio peculiari nomine vocantur pastores; nam omnes pastores in sacris scripturis Episcopi etiam vocantur. Episcopatum Humanum, id est, ex sola prudentia humana introductum in Ecclesiam præter expressum Dei verbum, definit, potestatem quandam uni cuidam pastori supra suos collegas attributam, canonibus tamen certis ceu repagulis adversus tyrannidem comparatis definitam, qua potestate quiungebantur dicti sunt Episcopi suorum Sympresbyterorum totiusque Cleri respectu, quasi Clero impositi inspectores. Satanicum ex humano propagatum describit, eorum qui à Presbyteriis prorsus sese segregarunt, adeo ut nihil habeant cum Presbyteris commune, aut Presbyteria prorsus aboleverunt, & totam administrationem Ecclesiasticam, ac imprimis electionem, depositionem, jura Ecclesis erepta, sibi & nescio quibus officialibus vendicarunt, ut jam non tantum superiores, sed tanquam soli clero dominantur, temporalia dominia invaserunt, reipublicæ negotiis non modo interesse, sed etiam præesse voluerunt, usibus sacris dicata in luxu & pompa contra conscientiam & pudorem omnem consumpserunt. Tilenus in petulantissima sua Parænesi: istam viri venerabilis divisionem carpit. *Cap. 7.* Quasi, inquit, quot Episcoporum totidem Episcopatuum sint formæ ac differentia, aut non aliter inter se differant Episcopi Christianæ Ecclesiæ, quam differrebant Aaronis posterii à sacerdotibus Jeroboamicis, utrique à Balaamitis. Discrimi-

mina hîc sunt, inquit, non solum Sacerdotum, sed & Sacerdotiorum. In Christiana vero Ecclesia non nisi unus est Episcopatus divinitus institutus, licet humanarum traditionum fermento, vel etiam Satanicarum superstitionum veneno variè possit inquinari, quemadmodum & Leviticum Sacerdotium per filios Heli, alioque permultos, itemque per altaria in excelsis passum exstructa, fuit contaminatum.

De 3. Episcopat. p. 2.

Ista sunt tela, quæ ex Saravia pharetra depromptit Tilenus. In Ecclesia Christiana Unum solummodo Episcopatum divinitus institutum obtinere debere agnoscimus, sed de facto varias Episcopatum species in Ecclesiam introductas fuisse superioribus sæculis asserimus, & totidem Episcopatum genera, quot erant Episcoporum, quatenus erant Episcopi. Regiminis Episcopalis species non personarum moribus, pietate aut impietate, pura aut depravata fide, sincero aut contaminato cultu, sed intrinsicis regiminis differentiis & formis distinguimus. Quis enim nescit aliam esse regiminis formam, cum pastores omnes Episcopi divinitus instituti communi consilio & auxilio Ecclesiam gubernant: aliam, cum unus anonomasticè dictus Episcopus nonnullam in collegas potestatem habet canonibus ceu repagulis circumseptam, ne in tyrannidem erumpat: aliam, cum solus in gregem & Presbyteros dominatur. Qui Aristocraticum regimen à Monarchico temperato aut imo distinguere non novit, opus est illi collyrio ad persanandum scotoma quo laborat. Dant igitur nobis ἀντιβαλλόμενα, quid pro quo, Saravia ejusque affecla Tilenus, sicut quandoque solent pharnacopolæ. Pius Episcopus ab impio specie nihil differt. Malus prætor aut malus consul non cessat propter improbitatem esse prætor aut consul, quamdiu præturam aut consulatum non evertunt. Apostolatus Judæ proditoris non fuit diversus ab eo quo fungebatur Petrus. Sacerdotio eodem functus est Cajaphas quo Aaron. Aberrationes, quæ sunt humanarum traditionum, essentiam unius ministerii non tollunt, sed contaminant. Luddat in isto campo Saravia, adversarium tamen non impetit. Si Consul principatum perpetuum aut perpetuam dictaturam sibi vindicaverit, an non alius erit ab eo qui prius fuit? Episcopus ab Episcopo differt non solum ut consul aut prætor probus ab improbo prætore aut Consule, sed etiam ut Consul à Principe aut Dictatore perpetuo. Quæ igitur superstruit Tilenus, per se corrunt. Quod Episcopatum humanum, Satanicum non nuncupaverit D. Beza, ipsius modestiæ ascribendum est, qui mitius egerat cum veteribus, qui zelo quidem sed absque scientia Episcopatum illum invexerant, ordinis, ut illi putabant, tutius conferendi causa. Licet igitur Episcopatus humanus, prudentiæ humanæ foetus, Satanicus etiam quadam ratione dici posset, quia in ipsius institutione peragebatur mysterium iniquitatis, eratque venenatum illud ovum ex quo prognatus Antichristus; tamen quia imprudentes id agebant, humanum vocat. Nam errare, decipi, aut labi, humanum est. Sed quòd unus singulari potestate, & seclusis Presbyteris in Sympresbyteros dominaretur, quis zelum aut prudentiam humanam obtenderet? Quis non ab homine ordinis tuendi, sed à Dæmone quodam ordinis evertendi, causa ortum non diceret? Varia igitur Episcopatum genera in Ecclesia Christiana de facto fuisse non dubium, nisi quod in humano Episcopatu discernendo, & à Saranico distinguendo, perspicuitate opus est. Episcopus potestatem suam exercet vel consultis vel inconsultis Presbyteris. Si inconsultis, singularem exercere potestatem palam est. Si consultis, suffragia ipsorum vel sunt decisiva, vel consultiva. Si decisiva, tunc Episcopus est solum Præses, & Sympresbyterorum sententiis ceu repagulis coercetur. Si solum deliberativa seu consultiva, non adstringitur numerandis sententiis, sed ab ipsius arbitrio pendet, num majorem

aut.

aut minorem, saniozem aut infaniorẽ partẽ sequi velit: & suffragio suo affirmativo aut negativo ipsorum suffragia affirmativa aut negativa tenues vanescere in auras jubebit, quotiescunq; libitum fuerit. Iste quamvis non segregaverit à se Presbyterium, à potestate tamen sua & jurisdictione omni segregat. *Nun magis detrahit Episcoporum dignitati, inquit Dounamus, uti prudentium & eruditorum consilio, quam Majestati Regum consulere prudentes & fidos viros, qui sunt eis à consiliis.* *Defens. l. 7. p. 161.* Item; *Ambrosius*, inquit, loquitur de parastasia Presbyterorum ad consulendum & dirigendum, qualis est consiliatio consiliariorum principi: illi de parastasia ad regendum numero suffragiorum, ut in Senatu Romano, Episcopo suo ne suffragium quidem negativum concedentes. Nulla est hic differentia potestatis Episcopalis, quando adhibet Sympresbyterorum consilia & suffragia deliberativa, vel quando illis inconsultis suam exercet jurisdictionem. Nam utrobique est solus judex & princeps. Dicit *Defens. l. 3. Cap. 5. p. 111.* idem Dounamus, auctoritatem Episcopi non minorem esse, cum Presbyterorum consilium adhibet, quàm cum non adhibet, sicut Principis auctoritas non minuitur, cum consulit eos qui à Consiliis. Tria igitur Episcopatum genera sic distinguimus. Unus est Episcopus Pastor divinitus institutus. Nam omnes pastores dicuntur Episcopi in Scripturis, nec unquam reperitur vox ista relata ad Presbyterum, sed ad gregem, quem pascunt. Alius est Episcopus Præses, quem humanum vocare possumus, qui perpetuam habet proxtasiam in Presbyterium, & antonomasticè dictus est Episcopus, qui tantummodo moderatur actiones Ecclesiasticas in sacro cœtu, rogat sententias, earumque majori numero, sicut alii Sympresbyteri, obnoxius est. Tertius est Episcopus Princeps, & judex, qui solus habet potestatem in Presbyteros & gregem, qui Presbyteros consulere vel non consulere potest, eorumque consilia vel amplecti vel repudiare. Hunc Episcopatum Satanicum esse dicerem, à Sarana ad evertendum omnem Ecclesiæ politiam excoGITATUM. De secundo & tertio Episcopatu litem nobis movent adversarii: præsertim de tertio, cum controversitur, an Episcopus & Presbyter sint ejusdem ordinis, necne. Nullus enim unquam dubitavit, Præsidem licet perpetuum & alios Sympresbyteros esse ejusdem ordinis. Decanum aut Archipresbyterum, non Episcopum, esse volunt istum Præsidem. Episcopus princeps est etiam Episcopus præses, sed Episcopus præses non est è converso Episcopus princeps. Idcirco argumenta quæ promunt adversarii pro Episcopo Præside nihil juvant Episcopum principem. Sunt diversæ regiminis species, & proinde argumenta non sunt communia. Nos igitur separatim de utroque dissertaturi sumus, & primum de Episcopo Principe & judice, quem solum agnoscunt adversarii. Nam unicum tantum Episcopatum nempe tertium agnoscunt, eumque divinitus institutum esse asserunt. In Episcopo Hierarchico distinguenda est Potestas Intensiva ab Extensiva. Nam potestate sua superior potest esse pastoribus unius Paroeciæ, vel totius Dioeceseos. Ponatur enim in una Congregatione seu Paroecia, plures esse Pastores & Presbyteros, quod in Ecclesiis quibusdam reformatis, & in primitiva Ecclesia sæpius usu venit; si unus pastor Presbyteris & Pastoribus cæteris superior sit regiminis præcellentia & majoritate, iste Episcopus non minus erit, quam qui in Presbyteros totius Dioeceseos eandem habet potestatem. Rex Salem non minùs Rex est, quam Rex Judææ. Aliud igitur est Episcopum absolutè & simpliciter considerare, aliud quatenus est Dioecesanus, extendens & exercens potestatem suam in plures Ecclesias. Potest igitur esse vel Paroecianus, vel Dioecesanus.

De Intensiva Principis Episcopi Potestate.

Donamus cavet sibi à vocibus *sola & singularis*, dum attribuit Episcopo Majoritatem Potestatis. Sed dum neminem in consortium potestatis admittit, nec majoritas illa refertur ad minoritatem aliquam regiminis Presbyterorum in foro externo, majoritas illa potestatis nihil aliud est quam singularitas potestatis, qua solus potestatis eminentia superior est Sympresbyteris, qui majoritatem illam minuere & comprimere suffragiorum numero aut censuris non possunt. Potestas Ecclesiastica duplex est, Ordinationis & Jurisdictionis. Utraque est Episcopi, ut volunt. Potestate jurisdictionis Presbyteri sunt Episcopo subjecti ut Rectori, ut Judici. Ut Rectori; per quem ducendi sunt & dirigendi in exercitio potestatis ordinis. Nam actus ordinis sui exercere non possunt, aut quid majoris momenti, absque ejus venia & conscientia. Ille enim solus propriè Pastor in Ecclesia, cæteri tantum sunt subsidiarii assumpti in partem sollicitudinis, non in plenitudinem potestatis. Ut Judici; per quem corripiendi & corrigendi sunt censuris & pœnis Ecclesiasticis Suspensionis, Excommunicationis, Depositionis. Episcopus igitur princeps est ille qui habet potestatem ordinationis, & majoritatem singularem, vel singularitatem potestatis directivæ & correctivæ in Presbyteros & gregem. Episcopum istum Rectorem & Judicem contendunt esse Divinum, quod ex consequenti probant, quia nempe est Apostolicæ institutionis. Sunt qui à Christo ipso institutam hanc differentiam volunt inter Episcopum & Presbyterum, sed sic una sententia alteram jugularet. Nam si à Christo immediate instituta hæc differentia, non est Apostolicæ, sed Dominicæ institutionis. Si Apostolicæ institutionis, non est Dominicæ, id est, à Domino ipso in terris versante instituta. Si tamen Apostolicæ, Divinum esse institutum non negabimus. Ducebat enim & dirigebat Spiritus Sanctus Apostolos, ut in doctrina tradenda, ita & in Politia Ecclesiæ formanda. Apostolicam esse institutionem tribus argumentis, ascendendo per gradus, probant.

Don. Def. l.
2. c. 4. p. 67.
Field l. 5.
Cap. 27.
pag. 131.
136.

De Baptism.
contra Don.
l. 4. c. 24.

Paræu. c. 7.

Primum Argumentum. Illud regimen, quod ubique & semper in omnibus Ecclesiis obtinuit annos 300. à Christo & Apostolis, nec in Conciliis generalibus institutum fuit, absque omni dubio Apostolicæ institutionis erat. *Quod universa tenet Ecclesia*, inquit Augustinus, *nec Conciliis institutum, sed semper retentum est, nisi Apostolica autoritate traditum rectissime creditur.* At Regimen Episcoporum, directivum & correctivum in Presbyteros & gregem, ubique & perpetuo 300 annos post Christum & ejus Apostolos in omnibus Ecclesiis obtinuit, nec in Conciliis Generalibus institutum fuit. Sic necessario assumere oportet, ut negatum concludant. *Si non unius Episcopi Autoritate, sed communi Presbyterorum Consilio Ecclesias regi voluit Christus*, inquit Tilenus, *præcentoribus & præceptoribus suis novis succinens, si non sine tyrannica usurpatione plures Ecclesiæ & Pastores uni unius sive Diæceseos sive provincie Pastori vel Præsuli, possunt subjici: unde obsecro tantus ac tam repentinus omnium, quotquot per totum orbem terrarum ab Apostolis collectæ ac constitutæ fuerunt, Ecclesiarum atque ipsorum etiam Presbyterorum, in tyrannicum hoc regimen consensus?* Propositionem non concedimus ut necessariam & certam, siquidem in propositione dicitur *absque omni dubio*. Possunt enim omnes Ecclesiæ visibiles & particulares errare. Concilia particularia & generalia errare possunt. Doctores & Patres errare possunt. Praxis perpetua & universalis Ecclesiæ post Apostolorum tempora non est certum indicium traditionis Apostolicæ. Pontificii suas Traditiones, Jejunium

qua.

quadagesimale, septem Ordines, observationem Paschatis &c. hac regula tuerentur. Ad legem igitur & testimonium in sacris Scripturis, ubi consignatas reperiemus traditiones Apostolicas, eamus, & non ad mortuos: Unde ista traditio? inquit Cyprianus de Baptismo hæreticorum. *Utrumne de Dominica & Evangelica auctoritate descendens, an de Apostolorum mandatis atque Epistolis veniens?* Item; Si ergo aut Evangelio præcipitur, aut in Apostolorum Epistolis aut Actibus continetur, ut à quacunque hæresi venientes non baptizentur, sed tantum manus illis imponantur in pœnitentiam, observetur Divina hæc & sancta traditio. Socrates de festo Paschatis licet antiquissimo, & de multis aliis rebus, sic scribit. *Mihi quidem certe videtur, sicut res aliæ multæ in locis quibusque ex more quodam introductæ fuerunt, ita festum Paschatis ex quadam consuetudine apud singulos populos observationem privatam habuisse, propterea quod nemo ex Apostolis Legem de eo, ut dixi, alicui tradidit.* Tertullianus de consuetudine sic scribit. *Consuetudo fere initium ex ignorantia vel simplicitate sortita, in usum per successionem corroboratur, & ita adversus veritatem vindicatur.* Præterea unde certò docebimur, universalem & perpetuam praxin 300. annorum post Apostolos. Nam multi patres nihil scripserunt, multa scripta perierunt, nonnulli nonnulla tradiderunt quæ fatentibus adversariis non sunt Apostolica, à quibus reliquos dissensisse non possunt ostendere, inquit Whitakerus. Plurima etiam sunt suppositia & adulterina scripta Patrum nomine inscripta. Qua de causa Vincentius Lirinensis ait, veritatem asserendam aut hæresin impugnandam non semper esse testimoniis humanis. *Sed neque semper, neque omnes hæreses hoc modo impugnandæ sunt, sed novitiæ recentisque tantummodo, cum primum scilicet exoriuntur, antequam infalsaverint vetustæ fidei regulas: ipsius temporis vetentur angustiis, ac priusquam manante latius veneno majorum volumina vitare coentur. Ceterum, si dilatatæ & inveteratæ hæreses, nequaquam hac via aggrediendæ sunt, ed quod prolixo temporum tractu longa iis furandæ veritatis patuerit occasio. Atque ideo quascunque illas antiquiores vel schismatum vel hæresin prophanitates nullo modo nos oportet, nisi aut sola, si opus est, Scripturarum auctoritate convincere, aut certe tam antiquitus universalibus Sacerdotum Catholicorum Conciliis convictas damnatasque vitare.* Cum igitur inveterata sit Episcoporum auctoritas, nec nostro sæculo exorta, Veterum scriptis fidendum non est. Dicunt, Antichristum vitiasse Patrum scripta, ut Primatum suum statuminaret. Necesse erat etiam pro Episcopatu tuendo falsarium agere, siquidem sublato Episcopatu ruet Primatus Pontificis Romani. Veteres, qui Patres suppositos, Dionysium Areopagitam, Clementem Romanum, Ignatium, Dorotheum, Canones Apostolorum nomine falso inscriptos, nobis procuderunt, nihil fere nisi Episcopatum & Hierarchiam spirantes, genuinos etiam Patres vitiasse, præsertim post Aërii intentatam litem contra Episcoporum gradus, non injuria metuimus. Nam quibus religio non est fictitios Patres & scripta supposita in lucem edere, nec aliorum genuina scripta interpolare scelus erat. Quod ad Augustini regulam attinet, ut hanc admittamus, inquit Whitakerus, opus est duplici cautione; prima, si ita retentum quid fuerit, ut similis semper ratio fuerit observandi, hoc est, si similiter semper observatum fuerit; secunda, si ut necessarium servatum fuerit. Tilenus in Regula Augustini complectitur Apostolorum tempora. Placet hæc Regula: nam quod in universa Ecclesia omnibus retro temporibus servatum, id utique ab ipsis etiam Apostolis, reliquisque sanctis hominibus, universæ Ecclesiæ membris, servatum fuit: quod vel à Christo in terris prædicantibus acceptum, discipulis suis & viris Apostolicis tradiderunt: vel deinde Spiritus Sancti afflatu instituerunt. Deinde negamus Assumptionem ut falsam. Non conspirarunt in tyrannicam unius Pastoris in plures Parœciæ, Diocœseos, aut Provinciæ, dominationem. Non obtinuit regimen unius cum potestate directiva &

Epist. 74. ad
Pompejanum.

Hist. l. 5.
c. 22.

De Veland.
Virginib.

Controv. 2.
Qu. 6. c. 4.

Controv. 2.
Quest. 6.
c. 4.

Contra Bell.
Controv. 1.
l. 4 c. 9.
not. 11.

Euseb. Lib.
3. c. 28.

Hist. Pap.
p. 7.

Proœmium
hist. Eccl.

L. 1. c. 14.
Dist. 15.
c. 3. Sancta
Romana.

L. 4 c. 1.
Nugn. 21.

correctiva in alios Sympresbyteros in omnibus Ecclesiis primos 300. annos. Igitur ad ea usque tempora virgo pura & incorrupta mansit Ecclesia, iis, qui sanum salutis prædicationis canonem corrumpere conati sunt, si tum aliqui fuerunt, in obscura quadam caligine ad id usque temporis delitescantibus. Postquam autem sacer Apostolorum chorus differentem sortitus est finem, & generatio illa præterit, quæ divinam sapientiam auribus audire meruerat, tunc impii erroris conspiratio per seductionem eorum, qui alienam doctrinam tradebant, initium cepit, qui etiam, quoniam nemo amplius erat superstes ex Apostolis, jam nudo vertice contra veritatis prædicationem falsi nominis scientiam ex adverso prædicare conati sunt; inquit Hegesippus. Si ereptis Apostolis hæretici exerere caput ausi sunt, Diotraphen etiam primatum ambientem Apostolorum ætate, eundem post ipsorum obitum ambiisse impudentius, non est quod miremur. Mysterium iniquitatis Pauli temporibus operabatur. Non veretur Morneus dicere, post Apostolorum decessum non diu oriatam esse ambitionem, quin primis vestigiis insisteret. Dicimus igitur quosdam imprudentia lapsos, quosdam ambitione tumidos, mutationem aliquam in quibusdam Ecclesiis tentasse, sed omnes Ecclesias in singularem majoritatem Episcopi Reſtoris & iudicis conspirasse etiam imprudentes, nedum Apostolicam disciplinam proterve conculcasse, nusquam dicimus.

Ad firmandam Assumptionem argumentum ducunt à continua Episcoporum successionem in omnibus celeberrimis Ecclesiis deducta ab Apostolis usque ad Concilium Nicænum: & non interruptam ac perpetuam successionem probant ex catalogo Episcoporum Ecclesiæ, Alexandrinæ, Hierosolymitanæ, Romanæ, &c. quem contexit Eusebius. Eusebii testimonium pluribus de cuius infirmum est. Verum res ipsa hoc jam in ipso exordio expetit, inquit, ut mihi ignoscatur; Confitor namque majus esse viribus nostris, absolutumque & incomprehensibile, quod pollicemur ac profitemur. Nam & primi nos argumentum hoc jam aggressi, velut desertam quandam & inusitam viam, ingredi conamur. Et quamvis Deum nobis viæ ducem, & cooperatricem Christi potentiam adesse oramus, nusquam tamen nobis nuda eorum hominum vestigiaprehendere licet, qui eandem hanc ante nos viam ingressi sunt nisi σπυρεὶς προφῆταις exiguas dumtaxat occasiones, quibus alius aliter suis quibusque temporibus, particulares nobis narratiunculas, quasi faculas quasdam reliquerunt. Successio Episcoporum ex scriptoribus cujusque sæculi, non ex authoribus qui post 300. annos incertæ famæ aut narratiunculis de manu in manum traditis nitebantur, probanda est. Præterea, non satis attente & cum delectu legit, quæ ante ipsius tempora extabant scripta veterum, nec perpendit fabulosas traditiunculas, quas à majoribus accepit. Epistolam Christi ad Abgarum, quæ extat apud Eusebium, Gelasius Papa in Concilio Romano 70. Episcoporum, ut Apocrypham rejicit, licet Eusebius referat ex Archivis desumptam, & è Syrorum lingua translata. Quæ Philo Judæus scripsit de Essenis Judæorum, dicit Eusebius scripsisse de Monachis Christianis, quod falsum esse ostendit ex ipso Philone Scaliger in Elencho Trihæresi. Historiam Petri Romæ crucifixi probat tumulo Petri, ac si certum esset Petrum Romæ mortuum fuisse. In describendis miraculis quàm fabulosus? In temporum notatione quot hallucinationes & anachronismos observat in Animadversionibus in ipsius Chronicon Josephus Scaliger. Imo ipsas Scripturas oscitanter legit. Ait, Cepham à Paulo reprehensum Antiochiæ non fuisse Petrum Apostolum, sed ejusdem nominis alium è numero 70. discipulorum. Eusebii Historiam, non autem Socratis, aut Sozomeni, rejecit inter Apocrypha Gelasius. In Chronico, inquit Spalatenſis, alii alios, nec leves, inveniunt errores, & temporum falsissimam assignationem. Præfuit Conciliabulo Tyrio contra Athanasium, & à partibus Arrianorum stetit.

Testi-

Testimonia Veterum de Eusebii erroribus, & Arrianismo, recenset Josephus *Animadv.*
 Scaliger in Thesauro Temporum. Quidam narrant resipuisse, alii in perfidia Ar- *P. 268.*
 riana mortuum esse. Dum texeret historiam, Arrianus erat. Sed sit ipse testis
 omni exceptione major, interpolatam tamen historiam Eusebii ab imperito ali-
 quo impostore non dubium est. Sozomeni enim meminit, qui 100. post annos na-
 tus est. Denique catalogus Eusebii Episcoporum seriem quidem nobis exhibet,
 non tamen Episcoporum judicum & principum, qui singularem habent potesta-
 tem, seu majoritatem potestatis directivæ & correctivæ in Presbyteros & gregem,
 quod erat probandum. Episcopi vocabulum audio, sed officium & potestatem
 directivam & correctivam non audio. *Æquivocatio est in nomine Episcopi.* De-
 tur igitur fuisse Episcopos omnes quos recenset Eusebius, particulariter & anto-
 nomastice sic dictos fuisse non sequitur. Detur etiam antonomastice & peculiari-
 ter sic dictos fuisse, non tamen sequitur Episcopos judices fuisse, cum & præsi-
 des etiam antonomastice & peculiariter dicti sunt Episcopi. Sed quia Catalogum
 istum nobis reponunt ut crambem bis coctam in secundo argumento, progredia-
 mur ad secundum gradum, ipsa nempe Apostolorum tempora.

Secundum argumentum. Illud Regimen, quod ipsis Apostolorum temporibus
 in Ecclesiis Apostolicis usurpatum, nec ab Apostolis reprehensum fuit, absque
 dubio Apostolicæ institutionis est. At regimen Episcoporum cum potestate di-
 rectivæ & correctivæ in Presbyteros & gregem ipsis Apostolorum temporibus in
 Ecclesiis Apostolicis usurpatum fuit, nec ab ipsis reprehensum. Ergo &c. Si pro-
 banda esset propositio, oporteret isto uti medio. Quæcunque usurpata sunt ipsis
 Apostolorum temporibus in Ecclesiis Apostolicis, nec ab ipsis reprehensa sunt,
 absque dubio sunt Apostolicæ institutionis. At multa adiaphora usurpata sunt in
 Ecclesiis Apostolicis. Præterea non sat est, non reprehendi quæ usurpantur, ut
 sint Divinæ institutionis, sed oportet etiam approbari. Possunt enim multa usur-
 pari in Ecclesiis nesciis Apostolis & in remoris, ut ajunt, agentibus. Denique
 quæ Apostolis viventibus videntibus & approbantibus usurpata fuerunt, licita
 fuisse non dubium est. Non tamen quæ approbant, semper instituunt. Apostolo-
 rum institutio non accedit commento humano, sed præcedit. Docet & dirigit
 Spiritus Apostolos, & illi ducunt alios, cum quid instituunt quod in Ecclesia
 Christiana permansurum sit. Dounamus Presbyterorum regimen commune com-
 parat argento, Episcopi majoritatem auro. Si igitur Presbyterorum regimen u-
 surpatum fuisset Apostolorum temporibus, quod frustra negant adversarii, an re-
 prehendissent Apostoli, si quidem erat argenteum? Sed transeat Propositio, &
 transeamus ad Assumptionem. Magno, inquit, consensu testantur, auctores
 Apostolorum ætate non solum Episcopos fuisse sed etiam Episcoporum Successi-
 onem in Ecclesia Romana, Alexandrina, Hierosolymitana, Antiochena. De-
 nuo proferunt Eusebium, qui catalogum suum orsus est ab ipso Apostolorum sæ-
 culo. Romæ, Linus, Anacletus, Clemens; Hierosolymis, Jacobus, Justus, &
 Simeon filius Cleophæ; Antiochiæ, Euodius & Ignatius; Alexandriæ, Marcus,
 Anianus, Abilius, Cerdo, fuere Episcopi, Apostolis videntibus & approban-
 tibus. Nos illud si non ab ipso Christo immediatè institutum, inquit Tilenus, ac sal- *Parænes.*
 tem sub Apostolis & ab Apostolis factum fuisse demonstravimus antequam illi rebus huma- *c. 10.*
 nis eximerentur; Alexandrinæ Ecclesiæ Episcopatum gessit Marcus, octavo Neronis anno
 mortuus, cui successit Anianus, huic Abilius, qui omnes, superstitie Johanne Apostolo,
 Ecclesiæ illi præfuerunt Euseb. l. 2. Cap. 24. & l. 3. c. 13. 21. Euodius Antiochiæ, &
 post Jacobum fratrem Domini, Simeon Hierosolymus sedit, Polycarpus Smyrnæ, viven-
 te & vidente illo, quem dixi, Apostolo. Hic iterum prodit Eusebius, qui post an-

*Histor. l. 3
Cap. 4.
Prolegomen.
in Chronic.
Eusebii.*

nos 300. testetur, quid actum fuerit Apostolorum ætate, qui qua fide dignus sit, ante diximus. Historiam aggressus testatur se inusitatam & desertam viam ingressum, quod in ipso limine præteritum ei accessisse fatendum est. Quàm vero multum & quinam ex illis sinceri imitatores Ecclesias à Apostolis fundatas, pascere potuisse probati sunt, non poterit facile dici, nisi ætatenus quis eos ex Pauli verbis collegerit; inquit ipse Eusebius. Intervallum illud à Ultimo Capite Actorum Apostolicorum ad medium Trajani Imperium, quo trajecta Quadratus & Ignatius florebant, plane cum Varrone ἀδελον vocari potest, in quo nihil certi de rebus Christianorum ad nos pervenit, præter admodum pauca, quæ hostes pietatis obiter delibant, Suetonius, Cornelius Tacitus, Plinius Cæcilianus, quem hiatum ut expleret Eusebius ἐκ τῶν ὑπολόγων Clementis nescio cuius (non est enim ille eruditus Alexandrinus ὁ γεωμετρικὸς) & ἐκ τῆς περὶ βίβλου Hegesippi non melioris scriptoris, sine delectu ea deprompsit, ut observavit Josephus Scaliger.

*Contr. 3.
l. 2. Cap. 2.
Not. 39.
Cap. 3.
Not. 6.*

Tilenus hanc observationem Scaligeri nomine suppresso transtulit in suas animadversiones. Illorum temporum historia, inquit, magnos habet hiatus & lacunas, quas spurii Clementes, alique ejusdem fursuris scriptores, depromptis ex cerebro suo fabellis, & hiberis neniis expleverunt. Item; Supra monumentum in Ecclesiastica Historie inuitis magnas esse lacunas. Etenim à fine Actorum Apostolicorum usque ad Trajanæ tempora vix aliquid certi exstat. Hinc quidlibet audendi & confingendi arretita occasio à malè feriatīs hominibus, quibus ne Apostolica quidem tempora caruerunt Pudeat igitur Dounamum hujus effati. Historia, inquit Actorum desit 40. annos ante obitum Joannis, reliqua Apostolorum acta à Clemente & Hegesippo memoria consecrata sunt. Quid in Historia Ecclesiastica magis decantatum, quam de Petro hærente Romæ annos 25, Velenus tamen pluribus argumentis refellit. Josephus Scaliger in Notis in Novum Testamentum annotat. religionis & cultus Judæorum Metropolin unam fuisse Hierosolyma: Politicæ autem tres, Hierosolyma, Babylonem, Alexandriam; Dispersiones duas, Asianam ad quam scribit Petrus, Europæam cujus mentio Johannis 7. 35. Asianæ caput erat Babylon, Europææ Alexandria. Ad Judæos Dispersionis Asianæ scribit Petrus ex ipsa Metropoli Babylone. Quum igitur, inquit, Petrus ad περὶ τοῦν missus esset, videtur in διασπορὰν Asianam pervisse, si conjecturæ locus est. Nam de ejus Romam adventu, sedē 25. annorum, & supremo capitis supplicio ibidem, nemo, qui paulo humanior fuerit, credere possit.

*Contro. 3.
l. 2. Cap. 5.
Not. 3.*

Tilenus Scaligeri vestigiis insistens idem scribit. De Petri Romam adventu, & morte quicquid affirmatur, non nisi hominum testimoniis adstruitur: imo, si verum fateri volumus, unius tantum hominis, quem alii nimia credulitas ἀπαγωγῆς, sequuti; Papiæ inquam, quem & perexigui judicii & peregrinarum fabellarum captatorem ac disseminatorem fuisse agnoverunt etiam ii, qui in hoc negotio ei fidem habuerunt. Si Papias primus disseminator hujus fabellæ, nubes illa testium quos producant adversarii, unum tantummodo testem nobis exhibet. Nam quod ab unico teste traditum ad alios dimanavit, non nisi unici & singularis testimonii auctoritatem obtinet, etiamsi illud idem ab

*Cap. 4.
Not. 2.
Cap. 2.
Not. 32.
Cap. 7
Not. 10. 12.*

innumeris aliis παραπνευσταῖς deinde affirmetur. Apostoli non esse certo loco affixum sedere, sed per orbem terrarum discurrere & omnes gentes docere, asserit idem Tilenus, inprimis autem Petri partes fuisse Circumcisionis ministerium apud Judæos dispersionis implere: non ad arcem Romani imperii, sed ad Circumcisionis ministerium destinatum fuisse, Petri propriam messem fuisse Judæos dispersionis, in illis regionibus prædicasse, quibus propterea etiam priorem suam Epistolam inscripsit, ordinariè Judæis extra ordinem quandoque gentibus, Paulum contra gentibus ordinariè, extra ordinem Judæis. Proinde nihil tam consentaneum, quam de

*L. 2. Cap. 2.
Not. 2.*

Chaldæorum Metropoli accipere illam appellationem, (nempe Babylonis ad finem prioris Epistolæ Petri) in qua Petrus, quippe Circumcisionis Apostolatus sortitus, Epistolam illam scripserit: ibi potissimum subsistens, ubi ob maximam Judæorum frequentiam

copiosissimam exercendi ministerii sui messem cernebat. Quia Babylon in Apocalypsi figuraliter Romam significat, forte Papiam & alios veteres in errorem induxit, hic non propriè sed figuraliter esse accipiendam. Si igitur Veteres Papiam sequuti errarunt in Petri adventu Romam, & sede tot annorum, quid de cæteris judicandum est? Quod de priscis Græcorum historiis Thucydides, de veteribus affirmari potest, Eusebio, Irenæo, Hieronymo, &c. *Quæ à majoribus acceperant posteræ, ea ἀβασανίστως, securi examinis suis, item posteris tradiderunt, sicut ex Thucydide reddit Tilenus. De Lino, Cleto, Anacleto, Clemente, qui in Catalogis Romanorum Episcoporum post Petrum numerantur, tanta est sententiarum varietas, quis, cui, & quo ordine successerit, ut conciliari nullo modo possit. Cleti nusquam neque Irenæus neque Eusebius meminerunt. De conturbato Ordine Successionis, & tantam scriptorum diversitate eruditè differit Franciscus Junius. Errori causam præbuit, inquit, quod Episcopus non unus primum in Ecclesia erat, sed multi simul præerant, qui Episcopi sive Presbyteri ab Apostolis dicti sunt. Horum autem natales, id est dies exsiliis, sive martyrii, & mortis, in Ecclesiæ Diptychis consignabantur, fiebatque eorum ad exemplum & institutionem publicam commemoratio sollemnis. Itaque Linus, Clemens, Cletus, Anacletus, alii, simul Episcopi seu Presbyteri fuerunt Romæ, etiam quo tempore Petrus & Paulus in urbe dicuntur fuisse, quorum excessum Linus post menses quatuor sequutus est, post Cletus, deinde Anacletus, ac postremo Clemens, ut ex Tertulliano, Martyrio, Damaso, & Breviario ipso ostendimus. Sed falsa est eorum supputatio, qui Anacletum dant Clementi successorem: quam rem Damaso in mentem non venisse, evincit apertissime annorum per Fastos Consulares notatio, quibus fuerunt martyrio coronati. Idem vitium Augustino & Optato oblatum eadem ex causa. Quod verò Cletum Ignatius, Irenæus, Eusebius, & alii ne nominant quidem, ab eodem est argumento; quia nihil attinuit celebres quosque Presbyteros sive Episcopos Romanæ Ecclesiæ nominari, modo ratio successionis & temporum constare posset: prout nominato Anacleto factum, qui inde à morte Lini, teste Damaso, in Ecclesia Romana ministravit ad illud ferme tempus usque, quo Clemens ex Græcia reversus est. Apage infelices illas correctionum spongas, qui omnes auctorum narrationes conturbare malunt, quam huic dicto ex veritate cedere, quod plures fuerunt in Ecclesia Romana Episcopi, id est, Presbyteri, antequam schismatum orientium occasio distinctionem Episcoporum à Presbyteris peperisset. Linus, Cletus, Anacletus, igitur erant Ecclesiæ Romanæ tantum Presbyteri sive Episcopi Pastores, non perpetui præfides, nedum iudices & principes Episcopi, qui simul Ecclesiam regebant cum pluribus aliis, quorum nomina non memorantur in historiis. Spondet vir clarissimus Gersomus Bucerus in nervosa & erudita sua dissertatione, se manus daturum, si tanti dissidii conciliatio aliqua inveniri posset, quæ liquidò doceat quemlibet eorum Pontificum toto Episcopatus sui, quem fingunt, tempore solum instar Episcopi διευθυντῶς appellati Ecclesiæ Romanæ præfuisse. Tria igitur observanda sunt in Veterum scriptis de Episcoporum successione. 1. A majoribus absque delectu & examine multa acceperunt & posteris tradiderunt, quæ nec cum Scriptura, nec inter se conciliari possunt. Propter Papiæ auctoritatem vel antiquitatem multi putarunt Petrum Romæ fuisse. Hic De Pontif. author multarum fabularum primus scripsit Romæ Petrum fuisse, hunc Hegeßippus, Irenæus, & alii propter antiquitatem secuti sunt & sic opinio invaluit; inquit Whitakerus. Irenæus apud Eusebium ait, Johannis auditorem & Polycarpi socium Papiam, at Eusebius dicit illum nequaquam fuisse sanctorum Apolorum auditorem, aut eosdem oculis suis aspexisse. Præterea ait fuisse exigui judicii, peregrinas quasdam parabolas, & quædam fabulis similiora quàm veris historiis tradidisse. Si Papias, vetustissimus scriptor, ipsius Eusebii iudicio fabularum author sit, non sunt*

Contro. 3.
l. 2. c. 5.
Not. 18.

Hic De Pontif.
Quæ. 3. Cap.
2. Euseb.
Lib. 3. c. 39.

sunt Veterum testimonia absque examine & iudicio accipienda. 2. Ut tabulas Successionum ab ipsis Apostolorum temporibus deducerent, & retrosiora sæcula ad sua confirmareat, cum plures erant Episcopi seu Presbyteri in celeberrimis Ecclesiis, unum quendam doctrina, authoritate, annorum gravitate, experientia, zelo, pietate, fama, cæteris celebriorem selegerunt, quem catalogo inscripserunt. 3. Quem selegerunt & catalogo inscripserunt peculiariter & antonomasticè secundum morem sui sæculi Episcopum nominarunt, qui ætate sua qua florèbat absque discrimine Episcopus vel Presbyter, sicut & alii Sympresbyteri, dicebatur. Imò suo etiam sæculo Irenæus indistinctè Presbyteros vel Episcopos vocat, cum de Apostolorum successoribus scribit; nisi malleus Irenæum de vera & communi Presbyterorum omnium successione interpretari, potius quàm de peculiari ista ad temporum notationem in historia designandam excogitata, vel ad hæreticorum ora obstruendum, qui Doctorem celebrium seriem nullam ab Apostolis deducere potuerunt hæreses & errores tradentium posteris, sicut poterant Orthodoxi sincerioris doctrinæ successionem personali quorundam Doctorem successionem monstrare, qui in Ecclesiis quibusdam inclaruerunt. Oportet, inquit Irenæus, adherere eis, qui Apostolorum sicut prædiximus doctrinam custodiunt, & cum Presbyterii ordine sermonem suum, conversationem præstant. Item; Quapropter & eis, qui in Ecclesia sunt Presbyteris obedire oportet, his qui successionem habent ab Apostolis, sicut ostendimus, qui cum Episcopatus successionis charisma veritatis certum secundum placitum Patris acceperunt. Item; Quum autem ad eam iterum traditionem, quæ est ab Apostolis, quæ per successionem Presbyterorum in Ecclesiis custoditur, provocamus eos, qui adversantur traditioni dicent se, non solum Presbyteris, sed etiam Apostolis existentes sapientiores sinceram invenisse veritatem. Quæ de Episcoporum Catalogo dicta sunt in genere, Episcopis Ecclesiæ Alexandrinæ & Hierosolymitanæ etiam accommodari possunt. Quærit Josephus Scaliger, quum Episcoporum Ecclesiæ Hierosolymitanæ nomina certa & continua successio hætenus memoriæ prodita sint, ubi fuerit Ecclesia Hierosolymitana. Nam certum est Hierosolymis eam consistere non potuisse. Funditus delata civitas est, adeo ut ne vestigium quidem urbis appareret. Aratrum illi impressum à Mufonio Tyrreno Præfecto munitionum, adeo ut non solum urbs esse desierit, sed & in posterum nemini licuerit illi solo vel casam superstruere post aratrum inductum. Et tamen Eusebius Episcopos numerat usque ad everisionem quam ab Hadriano perpeffa est. Ne quis putaret nullam successionem Cathedræ Hierosolymitanæ fuisse, Veteres finxerunt non totam prius dirutam; sed Domini varicinio & ipsius Josephi historia refelluntur, inquit Scaliger. In Ecclesiæ Antiochenæ Episcoporum serie eadem fere diversitas sententiarum cum illa, quæ in Romanæ Ecclesiæ Episcopis. Alii Euodius, alii Ignatium referunt primum Episcopum. Erant tantum Ecclesiæ Antiochenæ Presbyteri, & collegæ. Verùm quia ambo fama cæteris Sympresbyteris nobiliores erant, posterius catalogum contextentes utrumque successive, sed non eodem ordine, in catalogum suum retulerunt. Quid de Ignatio magis pervulgatum, quàm ex Syria Romam perductum fuisse bestiis objiciendum. Quærit tamen Scaliger, qui fieri id potuit, siquidem provincialis magistratus de Christianis supplicium sumebat. Si quis dixerit fuisse civem Romanum, responderet, civem Romanum bestiis objicere non licebat. De Alexandrinæ Ecclesia dicit quidem Hieronymus; A Marco Evangelista usque ad Heraclum & Dionysium Episcopos Presbyteri semper unum ex se electum in celsiori gradu collocatum Episcopum nominabant. At Marcus martyrio coronatus octavo Neronis anno secundum eundem Hieronymum, & proinde ante Martyrium Petri & Pauli. Sequitur igitur, viventibus Apostolis Episcopatum obtinuisse in quibusdam Ecclesiis. Hieronymum Eusebi-

L. 4. c. 44.
c. 43.

L. 3. c. 2.

2140.

2123.

Ad Eusebium
211.

um sequutum in historicis, Eusebianis etiam multa inferuisse, anachronismi laborare, & pugnantia loqui, observavit Josephus Scaliger. Irenæus ait, *post horum* (nempe Petri & Pauli) *excessum Marcus discipulus & interpret Petri, & ipse quæ* L. 3. c. 11 *annunciata erant à Petro per scripta nobis tradidit.* Non igitur viventibus Petro & Paulo Episcopatus ille Alexandrinus ortus est, nedum videntibus, & approbantibus. Apostolorum pauci à Neronis 14 anno superstites erant; pauciores à Marci martyrio. Nam, ut vides, Irenæus refert scriptum esse Evangelium post excessum Petri & Pauli, id est, post ultimum Neronis annum, ut volunt omnes Pontificii. Hieronymus & alii asserunt scripsisse Evangelium Romæ. Oportebat igitur aliquot adhuc annos agere Alexandriæ, & in Ægypto. Unde Dorotheus & alii producant annos Marci ad imperium Trajani. *Sub Trajani verò regno, inquit Dorotheus in Synopsi, in Alexandria, rudenti collo injecta, à loco qui Bucolus dicitur, usque ad eum qui Angelorum (seu nunciorum) dicitur, tractus, ibique igni ab insanis simulachrorum cultoribus mense Aprili combustus, & in Bucolo sepultus est.* Secundum Dorotheum & alios igitur, ne Johanne quidem superstitite hoc accidit, quod refert Hieronymus. Quid si vivente Johanne, si tamen non vidente, ut qui longè aberat Alexandria, Episcopatus iste ordinis Alexandriæ à Presbyteris institutus esset? Multa fiebant in Ecclesiis, quæ latebant Apostolos, nec nisi ex aliorum relationibus scire poterant. Potuit igitur tale quid fieri in uno aliquo orbis angulo, & unum latere Apostolum. Cum intelligeret Johannes Diotrephen primatum ambuisse & fratres ex Ecclesia ejecisse, minatur, cum venerit, se renovaturum memoriam facinorum ipsius Epist. 3. 9. 10. Sicubi Apostoli perspexissent semina malorum, non erat dubium, quin reprehendissent. Mysterium iniquitatis ipsorum ætate operabatur. Non mirum igitur, si alicubi primatus Antichristi fundamentum, ipsis insciis, jaceretur. Præterea celsior ille gradus nil aliud erat quam perpetua Ordinis Prostatia. Nos jam de Primatu Potestatis, de Episcopo non solum præside sed etiam principe disputamus, & quidem dato, non concessio nec in re ipsa nec in temporis assignatione hallucinatum fuisse Hieronymum. Hallucinatum fuisse in aliis quæ de Ecclesia Alexandrina retulit sequutus Eusebium, satis constat. Scribit Hieronymus Philonem Judæum, cum Essenos describit, Christianorum Alexandrinorum, quale sub Marco vitæ institutum agerent, significare voluisse. *Ex quo (inquit) apparet, talem primam in Christo credentium fuisse Ecclesiam,* De Scripto-
quales nunc monachi esse nituntur & cupiunt, ut nihil illis proprium sit, nullus inter eos rib. Eccles.
dives, nullus pauper, patrimonia egentibus divi dantur, orationi vacetur & Psalmis, do- in Marco &
trina quoque & continentia: quales & Lucas refert primum Hierosolymis fuisse creden- Philone.
tes. Qui Monachos in Ecclesia Alexandrina sub Cajo Imperatore, id est, Philo-
nis ætate, fuisse refert, non mirum, si Episcopos etiam ibidem fuisse asserat. Scri-
bit Philo, inquit Eusebius, quo pacto præsideant inter eos, in quibus Ecclesiastica com-
missa sunt ministeria, Diaconatus etiam, & quæ supra cunctos eminent Episcopatus Præ-
fidentia. De Essenis Judæis, non de Christianis, intelligendum esse Philonem, de- L. 2. c. 17.
monstrat Josephus Scaliger in Elencho Trihæresi. Hieronymus dicit, Presby-
teros unum ex se electum in celsiori gradu collocasse usque à Marco Evangelista.
Oportet igitur etiam Anianum in illo gradu celsiori collocasse. At ex Fragmento
cujusdam vetusti codicis refert Gersomus Bucerus, ab ipso Marco Pentapolin P. 449
profecturo Anianum ordinatum fuisse. Sunt qui dubitant de ipso Marco, num
unquam Alexandriæ fuerit, quia Papias primus, qui Romæ, unde Alexandriam
missum à Petro dicunt, Petrum fuisse retulit. *Vides igitur quàm in dubio sit,* inquit
Parkerus, *quod dixit Hieronymus, Episcopos à Marco Alexandriæ fuisse, cum ipsum Mar-* De Politic.
cum Alexandriæ fuisse omnino, adhuc non satis constet. Syriacam Testamenti versionem L. 2. c. 26.
ut.

ut probat ex Boderiano Feyldus, ab Assyriis & Persis accepimus: illi vero eam sibi à Marco Evangelista traditam dicunt. Hoc si verum sit, Marcum in Syria potius, quàm in Egypto vixisse probabile est. De Marco, Simeone, Lino, Euodio, & Jacobo, in tertio argumento plura dicturi sumus. Episcopos in Ecclesiis potestate ordinationis & jurisdictionis superiores Apostolorum sæculo fuisse, quibus testimoniis & testibus, & qua fide dignis, probant, hæcenus videmus. Videamus etiam quos in Sacra Scriptura dant nobis Episcopos sub Apostolis in Presbyteros & Ecclesias potestate directivam & correctivam exercentes.

Theodor. in
1. Tim. 3.

Epaphroditus, dicit Dounamus, Apostolus erat & Episcopus Philippensium, Philip. 2. 25. Qui succedebant Apostolis in regimine particuliarium Ecclesiarum, dicti sunt, inquit, Apostoli, ut qui eandem cum Apostolis, & Apostolicis viris potestatem maxima ex parte habebant. Eosdem olim vocabant Presbyteros & Episcopos, eos autem qui nunc vocantur Episcopi, nominabant Apostolos. Procedente autem tempore nomen quidem Apostolatus relinquerunt iis, qui olim appellabantur Apostoli. Ira Philippensium Apostolus erat Epaphroditus, Cretensium Titus, & Asianorum Timotheus; inquit Theodoretus. Theodoretus, cum perciperet Episcopi vocabulum commune fuisse omnibus Pastoribus, ut Episcopos ipsius ætate Presbyteris superiores augustiore aliquo ornaret titulo, Apostolos Apostolico sæculo dictos autumat, vel fingit, quia Presbyteris, qui etiam Episcopi dicti, Apostoli gradu superiores Episcopos suos, ut ipse putabat, referebant, vel Episcopi gradum Apostolico similitimum occupabant. Nullis enim Scripturæ testimoniis assertio Theodoreti firmari potest. Ambrosius in Ephes. 4. & 1. Cor. 12. 28. per Apostolos intelligit Episcopos: Apostoli, inquit, Episcopi sunt. Prophetæ verò explanatores Scripturarum,

In Ephes. 4.

quavis inter ipsa primordia fuerint Prophetæ sicut Agabus, &c. Nunc autem interpretes Prophetæ dicuntur, Evangelistæ Diaconi, sicut fuit Philippus. Quam propriè & genuinè ista ad Ecclesiæ sui temporis statum applicet, videat Lector; à sensu Apostoli aliena esse quis ambiget? Apostoli nomen in Sacra Scriptura vel communi significatione pro quovis legato sumitur, vel augustiore, pro duodecim illis primariis Christi discipulis, & Matthia, Paulo & Barnaba in Apostolorum chorum post Christi Ascensionem cooptatis. In communi Græcorum usu *ἀπόστολοι* dicebantur, inquit Casaubonus, certi homines, qui negotii gerendi gratia, magis quam deferendi nuntii, aliquid mittebantur. Sic accipitur Iohannis 13. 16. Ibidem; Sic & Epaphroditum vocat Paulus, scribens ad Philippenses, illorum *ἀπόστολον* Philip. 2. 25. tanquam ad se missum ab illis, qui ipsi ministraret. Ibidem; Certum est appellationem Apostolorum nemini præter illos, quos dixi (nempe duodecim, Matthiam, Paulum & Barnabam) posse tribui, nisi fortasse (nempe apud Patres) figuratè & æquivocè. In Actis Cap. 1. 20. Petrus Apostolatam vocat *ἐπισκοπὴν*, sed in eadem oratione

Exerc. 14.
pag. 313.

P. 315.

In Rabbinis
duobus c. 32.
P. 311.

Apostolatam dicitur etiam *διακονία*, an propterea Diaconi Apostoli dicti sunt. Observat Serrarius ex Epiphanio Hæres. 30. fuisse apud Judæos Tiberiadenses, qui ab ipsorum Patriarcha secundas tenebant, eique à Consiliis erant, & huc atque illuc in provincias ablegabantur, ut decimas, primitias, aliaque similia colligerent, & quæ depravata viderentur corrigerent, atque Apostolos dictos. Syriacam vocem *Schelichin* variis ministris in Judaicorum rituum descriptione tributam ostendit Casaubonus. Cum itaque Paulus Epaphroditum Philippensium Apostolum vocat, nihil aliud vult quam Philippensium legatum, ut indicant verba, quæ sequuntur, *quique mihi subministravit, quibus mihi opus erat*, quasi in hunc finem missus esset Romam à Philippensibus, ut ipsi necessaria ministraret.

Illustrat hunc locum, quod 2. Cor. 8. 23. de Legatis Ecclesiarum dicitur. Titus & alii duo ad Corinthios missi erant, ut eorum munera collata in subsidium Eccle-

Ecclesiæ Hierosolymitanæ colligerent. Hi duo collegæ Titi dicuntur Legati Ecclesiarum, Græcè *Apostoli Ecclesiarum*. Si quis permutatis vocabulis diceret *Episcopi Ecclesiarum*, an genuinum sensum verborum exprimeret? Dicti igitur sunt Legati Ecclesiarum, quia ab Ecclesiis delegati singulariter, ut oblationem eorum acciperent ^{Junius contr. Bel. Cont. 5. l. 1. c. 15. Not. 1.} apponentque. Delectos fuisse ab Ecclesiis ad colligendam Ecclesiarum Achaïæ beneficentiam patet ex vers. 19. ubi de collegarum uno dicitur, quod suffragiis delectus esset ab Ecclesiis socius peregrinationis Pauli cum beneficentia quæ administranda erat: & vers. 24. ubi dicit Apostolus, *itaque demonstrationem charitatis vestræ & nostræ de vobis gloriationis edite in eos, in conspectu Ecclesiarum*, nempe à quibus missi fuerunt. Quasi diceret, *testes hujus vestræ pietatis habiuri estis omnes Ecclesias in quarum conspectu versamini, quum Legatos cernitis earum suffragiis delectos*. Epaphroditum delectum & delegatum à Philippensibus ad perferendum ipsorum beneficentiam ad Paulum, similiter patet ex Cap. 2. 25. *quique mihi subministravit, quibus mihi opus erat, & Cap. 4. 19. omnia accepi & abundo, expletus sum, acceptis ab Epaphrodito, quæ à vobis missa sunt, odorem bonæ fragrantiae, hostiam Deo acceptam ac placentem*. Delegatum ad perferendum ipsum benevolentiam farentur, sed hujus particularis & unius legationis ratione ipsum Apostolum dici negant, nec verisimile esse nomenclaturam tam augustam, ad sacram Apostolorum functionem denotandum usurpatam, tam obscuro ministerio, aut ab hominibus delegatis imponendam, ipsis videtur. Ministerium illud non erat vile & obscurum, siquidem Corinthiorum munera & beneficentiam *Gratiam*, Philippensium odorem bonæ fragrantiae appellat Apostolus. Et Legati hominum communi Græcorum & Syrorum usu *ἀπόστολοι* & *Schelichin* dicebantur, ut supra ostendimus etiam ex ipsis Scripturis Johān. 13. 16. Sic Angelorum nomine designantur beati & coelestes illi spiritus; Græcorum tamen usu communi quivis nuncius aut legatus Angelus dicitur, ut Jacob. 2. 25. ubi memoratur Rahab accepisse *τὸς ἀγγέλους* nuncios illos, & alia via emisisse. Græcorum igitur usum in Græcis vocabulis, non Latinorum intueri oportet. Latini legatos & nuncios quotidiano sermone Angelos vel Apostolos non vocant: Græcis tamen familiare illud erat. Non tamen negamus, tum Epaphroditum, tum duos illos Titi collegas aliud præterea ministerium in Ecclesiis obivisse. Collegas Titi Paulus vocat gloriam Christi, id est tales, per quos Christi gloria illustratur, & unius eorum fratrum laudem esse in Evangelio per omnes Ecclesias. His nominibus eos commendat Corinthiis, partim ne de ipsorum fide in re pecuniaria dubitarent, partim, ut uberior esset ipsorum collatio, quod major eorum esset auctoritas. Sic Epaphroditum ipsius cooperarium & commilitonem dicit, aliisque nominibus commendat, ut solebat quos ad Ecclesias mittebat. Legati tamen Ecclesiarum dicuntur hujus particularis legationis respectu de qua diximus. An probabile est Ecclesias voluisse ablegare Episcopos suos Romam aut Hierosolymam cum oblationibus suis? Quis pro Rectore & iudice interim se gereret? siquidem nullum erat Episcoporum Presbyterorum regimen in foro externo, ut ipsi volunt. Quid opus est multis? Ipsi Anglicani in ultima translatione utrobique 2. Cor. 8. 23 & Philip. 2. 25. Græcam Apostoli vocem *Legatum* reddunt. Apostoli igitur nulli dicuntur nisi primarii illi de quibus diximus vel communi notione quivis legatus. Sed & istud largiamur, alios quàm primarios Ecclesiæ Architectos Apostolos vocari, non tamen sequitur Episcopos sæculo Apostolico Apostolorum titulo ornatos. Imo non absque periculo ordinariis Ecclesiarum pastoribus communicaretur extraordinariorum & præsertim summorum augustissimus & maxime peculiaris titulus; nam communio nominum rerum confusionem pareret. Apostolis potius ereptis Episcopi Apostoli dicendi erant, si, ut ipsi

ipsi volunt, ipsis in regimine externo successerunt: non autem Episcopi, siquidem vocabulum illud Presbyteris commune erat. Si Epaphroditus Philippensium Episcopus fuisset, non dixisset Apostolus, *necessarium duxi Epaphroditum ad vos mittere*. Dixisset potius, *remittere*; si erat ipsorum Episcopus. Nam postquam obiit legationem, & subministravit ea, quibus Paulo opus erat, ratione officii tenebatur reverti ad Philippenses, si Episcopus illius Ecclesiæ fuisset. Non tamen reversurus videtur, nisi Apostolus eum mittere necessarium duxisset. Ratio, cur Epaphroditum miserat, quia *expetebat vos omnes, & gravissime angebatur, propterea quod audisset ipsum infirmum esse*, id est, ut reddit Syrus interpres, *Cupidus erat videndi vos omnes, & anxius erat, quia cognoverat quod audisset quod infirmatus fuisset*. Ipsorum sollicitudo de Epaphrodito, postquam audiverunt de ipsius infirma valetudine, acuit Epaphrodito desiderium, ut visat Philippenses de se tam sollicitos, alioquin non statim reversuro. Dicit præterea Apostolus, se missurum Timotheum, *postquam*, inquit, *videro rerum mearum statum* 2. 23. item v. 24. *confido in Domino me quoque cito venturum ad vos* v. 25. sed necessarium duxi Epaphroditum, &c. Adversativa particula ostendit, Epaphroditum missum ex occasione quadam, nempe quia nondum potuit mittere Timotheum. Qualis igitur Timotheus, talis Epaphroditus, nempe Pauli cooperarius, huc atque illuc, prout opus erat, missus, & proinde Evangelista, non Episcopus Rector & iudex Episcoporum Pastorum Ecclesiæ Philippensis de quibus Cap. 1. 1. Legati Ecclesiarum de quibus 2. Cor. 8. non erant Episcopi Ecclesiarum. Non enim commodè, ut dixi, poterant Ecclesiæ ordinariis suis rectoribus tam diu privari. Præterea duos Episcopos (nam de duobus, tantum loquitur Apostolus) Ecclesiarum Apostolos appellare, inepta esset locutio. Non duo sed plures Episcopi Ecclesiarum Episcopi dicendi sunt. Apostolus non de duabus, sed pluribus Ecclesiis loquitur. Si igitur Apostoli dicendi erant, non ratione legationis ad colligendam Corinthiorum beneficentiam, sed ratione augustioris alicujus functionis & ministerii, tum dicendi sunt Apostoli Ecclesiarum, quia ad Ecclesias has atque illas missi, prout ferebat occasio, non autem quia Episcopi Ecclesiarum. Nam Episcopus est unius non plurimarum Ecclesiarum Episcopus; & duo Episcopi Ecclesiarum Episcopi dici non possunt, præsertim cum vel de pluribus, vel indefinite loquimur. Non mirum, si Evangelistæ dicti sint Apostoli, quia vel cum Apostolis peragrabant regiones, vel ab Apostolis Apostolorum instar huc atque illuc missi sunt ad Ecclesias constituendas & confirmandas. Episcopi autem uni Ecclesiæ particulari addicti sunt, quam deferere non debent. Patres hoc sensu Epaphroditum Apostolum, nempe quia Evangelista, intellexisse videntur. Chrysostomus, *Apostolum vestrum*, inquit, *vel qui vos docuit, vobis mittimus*. Hieronymus; quia & ipse in ius acceperat *Apostolatus officium*. Ambrosius; *Erat enim Apostolus ab Apostolo factus, dum illum ad exhortationem eorum mittebat*. Ista omnia Epaphroditum perpetuum & ordinarium Philippensium Pastorem & Rectorem fuisse non probant, sed contrarium potius subindicant. Isti tamen sunt Patres, quos Tilenus nominat. Sed, ut redeamus eò unde coepimus, dico Epaphroditum & Titi collegas, licet Evangelistæ fuerint, non tamen hac ratione Apostolos dictos. Si enim collegæ Titi Apostoli dicti sunt Ecclesiarum ratione functionis, qua peculiari nomenclatura designati sunt Apostoli primarii? Nam & ipsi Ecclesiarum Apostoli erant, id est, ad Ecclesias missi. Qui Ecclesiarum Apostoli dicti sunt, Apostoli etiam simpliciter appellari poterunt. Si quis dixerit primarios Apostolos dictos esse Apostolos Christi, Evangelistæ autem Apostolos Ecclesiarum vel Apostolorum, respondebit Casaubonus. *Quid dicemus de Barono, qui unius Romani Papæ proprium jus esse dicit Apostolos cre-*

Baronell.
c. 5.

Exercit.
217.

andi,

audi, quod à Domini Apostolis nunquam factum fuisse legimus. Sicut igitur dicti sunt Ecclesi-
arum Apostoli ad quas missi sunt, ita etiam Christi mittentis Apostolos dici oportuit.
Dicti sunt igitur Apostoli Ecclesiarum notione communi, id est legati Ecclesiarum,
nempe illarum particulariter, quæ ipsos delegerunt ad beneficentiam Ecclesiarum
Achaïæ colligendam, & Hierosolyma perferendam, ut supra ostendimus. Idem de
Epaphrodito sentiendum qui à Philippenfibus missus, ut Paulo ministraret ea quibus
egebat. Utcunque est, Episcopi nunquam dicti sunt Apostoli, Apostolorum temporibus.
An unquam, putas, tam augustam appellationem renuissent, & ad vulgarem Episcopi
titulum se demississent, si Apostolico sæculo Apostolorum titulo ornati fuissent?

Sub Apostolis Episcopos principes & iudices ex Angelis Ecclesiarum Asiaticarum
etiam procuderunt, quorum argumentum sic nectit Tilenus. *Ex Epistolis, Paraphr.*
quas ad septem Ecclesiarum Asiaticarum Angelos *ἑπταβύτων*, scripsit Johannes, firmis- *Cap. 10.*
simum nectitur argumentum quo gradum illum Apostolicis temporibus institutum fuisse evin-
cimus. Quorsum enim singuli Ecclesiarum illarum Angeli sive Pastores soli compellantur,
laudantur, objurgantur, officii admonentur, si quæ in qualibet Ecclesia rectè vel secus
facta, non ipsorum magis, quam communi Presbyterorum, vel diligentia, vel solertia,
evenerunt? Quid iniquius, quam toto peccante Collegio, ex æqualibus inter se Presby-
teris constituto, unum ex iis cujus exors supra ceteros auctoritas prorsus nulla, communem
omnium culpam præstare, & reprehensionem sustinere solum? Item; Cujus ad Smyrnen-
sem Angelum, quem ne vestri quidem Polycarpum fuisse negant, extat Epistola Apo-
calyp. 2. 9. in quo uno nihil cum carpat, nihil desideret Johannes, ex vestra tamen
sententia hoc saltem reprehensione dignum erat, quod Ecclesiæ illius regimen usurpasset
singulariter; non singulari laude aliqui ornandus, si in illo regimine omnia illi cum colle-
gis & Sympresbyteris erant communia. Quemadmodum quod in militia à militibus &
centurionibus inferioribusque ordinum auctoribus peccatur, non immeritò tribunis & supe-
rioribus præfectis imputatur: ita quidquid in Asiaticis illis Ecclesiis, non modo greges,
sed etiam Presbyteri, qui Episcopi respectu pars sunt gregis, deliquerunt, nulla ratione
uni Angelo sive præfidi exprobraretur, nisi ejus in coercendis utrisque, & exors quædam
fuiisset potestas. Dounamus similiter; Annon Scriptura hoc passim testatur, quando Ec-
clesiæ Ephesinæ Angelus commendatur, quod exploraverit, nec tulerit eos, qui se dice-
bant Apostolos esse, & non erant? Et contra Angelus Thyatirensis reprehenditur, quod
tulerit Doctores hæreseos Nicolaitarum, qui comparantur interdum Balaamo, nonnun-
quam Iezabel, eò quod fornicationem & idololatriam persuaderent. Sunt, fateor,
nostrorum quidam, qui Angeli appellationem non *συνδουλός*, sed *ιδιωτικός* su-
munt, ut Raynoldus Anglorum eruditissimus, Theodorus Beza, & alii. Sed
Angelum præsidem solummodo seu *πρεσβύτερον* interpretantur, non Episcopum ju-
dicem & principem. Raynoldus in Collatione cum Harro dicit, Presbyteros in *Cap. 4. Di-*
singulis Ecclesiis constitutos Episcopos à Spiritu Sancto ad attendendum gregi, *visione 3. ad*
eumque pascendum: idque ut facilius communi consilio & consensu effectum da- *finem.*
rent, sæpius coire in unum cœtum solitos: & unum elegisse præsidem conventus,
actionumque moderatorem, quem Christus Apocalyp. 2. 1. Angelum Ecclesiæ
appellat, ad quem scribit ea quæ per ipsum cæteris significare volebat. Atque hic In Apoc.
est ille, inquit, quem postea in Primitiva Ecclesia Patres Episcopum nominarunt. Theo. 2. 1.
dorus Beza similiter dicit. Angelo, id est, *πρεσβύτερον*, quem oportuit nimirum inprimis
de his rebus admoneri, ac per eum ceteros collegas, totamque adeo Ecclesiam. Sed
hinc statui Episcopalis ille gradus, postea humanitus in Ecclesiam Dei introitus, certe nec
potest, nec debet. Imo ne perpetuum quidem illud *πρεσβύτερον* munus esse necessariò opor-
tuisse, sicut exorta inde illa tyrannis Oligarchica (cujus apex est Antichristiana bestia)
certissima cum totius, non Ecclesiæ modò, sed etiam orbis pernicie, nunc tandem declarat.

Cap. 31.

Serrarius in Rabbinis de Archisynagogo sic scribit; *Postea cepit à Judæis dici Scheliach tsibbur, id est, princeps cætus, ἀρχὴλ vel ἀρχὴσολ τῆς συναγωγῆς, seu congregationis. Ad hunc Angelum alludere Christum quidam arbitrantur. Sed Casaubonus Apostolum, non Angelum Synagogæ, interpretatur Scheliach tsibbur; Invenitur etiam in illorum ritibus, qui Scheliach tsibbur ἀρχὴσολ τῆς συναγωγῆς nominatur, quasi dicas legatum Synagogæ. Habent, inquit, & hodiernæ Synagogæ suos Schelichim, quos volunt esse cantores, qui pro universo cætu preces ad Deum mutant. Qualecunque ipsius officium fuerit, Præfectum Synagogæ fuisse non apparet. Fuerunt enim plures in una Synagoga Archisynagogi, seu Synagogæ præfecti, ut patet ex Marci 5. 22. & Act. 13. 15. Nostorum alii collectivè vel indefinitè de pluribus Angelum interpretantur, ut Foxus, Perkinsus, Brightmannus & alii.*

Exerc. 14.
p. 311.Brightman.
in Apoc. 2.1

Nec uni alicui Angelo mittuntur, sed toti, ut ita dic mi, Collegio Pastorum, qui omnes hac communi voce comprehenduntur. Non enim unus erat Angelus Ephesi, sed plures, nec inter istos aliquis Princeps, ut manifestum est ex Paulo qui Miletum accersivit. Presbyteros seu Episcopos Ephesi Act. 20. 17. 28. Multitudini perpercisset, si præfuisset unus aliquis. autoritate reliquis: vel saltem inter reliqua monita unum verbum fecisset de obsequio erga primum Episcopum. Sed hujusmodi principatus nondum natus erat. Tunc primum cæpit, postquam adempti erant rebus humanis Apostoli, nisi quod Diotrephes aliquid ejus specimen dedit. Horum ut accedam sententiæ & interpretationi, quæ sequuntur argumenta, inducunt. 1. Appellatio Angeli tribuitur omnibus Pastoribus, item Sacerdotibus & Prophetis in Veteri & Novo Testamento, Judic. 2. 1. Chaggai 1. 23. Malach. 2. 7. 1. Cor. 11. 10. ut nonnulli interpretantur hunc locum, inter quos Hieronymus, qui Angelos 1. Corinth. 11. interpretatur de iis qui præfident Ecclesiis. Rabbi David Camius, teste Drusio, duo statuit Angelorum genera, unum eorum, qui in superis locis domicilium habent, alterum eorum qui hic in inferioribus. Et tales sunt, inquit, Prophetæ aut Sacerdotes. Neque tribuitur ista appellatio ratione jurisdictionis, sed legationis, ut qui sint nuncii & interpretes voluntatis Dei: Pastores autem omnes tales sunt interpretes. Si rectorem aut judicem certum designare volebat, rectoris, judicis, aut præsidis titulo compellere facile poterat Christus. Nam qui aliis præsumt, appellatione aliqua ipsorum potestatem significantem nuncupari solent, non autem ea, quæ officium cum aliis commune solummodò denotat. 2. Christus aperiens mysteria candelabrorum & stellarum dicit, Candelabra septem sunt septem Ecclesiæ, non autem septem stellæ sunt septem Angeli septem Ecclesiarum, sed 7. stellæ sunt angeli 7. Ecclesiarum Apoc. 1. 20. Non abs re numerus Angelorum omittitur, ne unum forte in singulis septem Ecclesiarum angelum intelligeremus. Singulæ stellæ significant plures angelos seu pastores. Unus aries bicornis Daniel. 8. 3. 20. non unum sed plures reges Medorum & Persarum significabat. Quatuor cornua Zach. 1. 18. non 4. sed omnes Jehudam & Israellem infestantes adversarios, & singula cornua plures hostes adumbrabant. Quinque virgines prudentes sponsum expectantes, non quinque, sed omnes pios parabolicè representabant, & eodem Capite Matth. 25. tres servi quibus talenta tradita, non tres, sed plures significabant. Nihil usitatus, quam in parabolis, typis, visionibus Propheticiis, unum & individuum quid in signo plura in re signata representare. Imo quamvis in interpretatione mysterii numerum septenarium etiam Angelis apposuisset, non sequeretur tamen unicum tantum fuisse Angelum in singulis Ecclesiis. Dicitur cap. 8. 2. septem illos Angelos (nempe quorum antè meminit) stare coram Domino. Sed nomine 7. Angelorum, quos ibi spiritus ministratorios intelligit, Raynoldus dicit significari non septem propriè, sed per synecdochen universos angelos. Nam nulli

Drusii Præ.
ter. in Apoc.
1. 20.

funt.

sunt præcisè 7 Angeli, qui soli adstant coram Deo, ut patet ex Danielis Cap. 7. utur de 7. Angelis coram throno Dei stantibus garriant Magi & Cabbalistsæ. Nam articulus 7. adjunctus, inquit, indicat mentionem facere rei notæ, & de qua prius sermo habitus est; item, adjunctum illud qui adstant, de quibus loquitur, satis ostendit. Jam Capite 7. mentio facta omnium Angelorum & dicuntur stare in circuitu throni, & Capite 5. dicit esse millies centena millia. *Quare, inquit, cum commune sit omnibus electis Angelis Dei stare coram throno, videtur nomine septem Angelorum significari universos Angelos Dei.* Item; Ita numero septenario sæpe significari omnes, numerum saltem infinitum numero finito, docent 7 columnæ Prov. 9. septem pastores Mich. 5. septem oculi Zachar. 3. sed in primis in istis mysteriis Apocalypseos, 7 candelabra, 7 lampades, 7 phalæ, 7 plagæ, Apoc. 4. 5. 15. Si quis ex Mich. 5. 5. *Quum venerit Assyrius in terram nostram, & quum calcaverit palatia nostra, constituemus super eum septem pastores, præcisè tantum septem constitutos colligeret, non ex mente Prophetæ id faceret.* Duo testes à Domino excitati Apocalyps. 11. 3. ut prophetarent, non erant præcisè duo. Vides igitur, etiam appposito numero numerante, non semper præcisè secundum numerum rem numeratam sumendam esse. 3. Ubique est mutatio numeri singularis in pluralem, de pluribus, non de uno sermonem haberi certum est. *Servabuntur tamen, nempe mulier, liberos gignendo, si manserint in fide & charitate, 1. Tim. 2. 15. Verbum numero multitudinis est positum summo omnium codicum consensu, inquit Theodorus Beza. Multi impostores ingressi sunt in mundum, qui non profitentur Jesum Christum venisse in carne. Hic est ille impostor & Antichristus, 2. Joh. 7. Sic in Epistolis ad 7 Ecclesias dirigitur sermo ad plures, ut Cap. 2. 24. vobis autem dico, & reliquis Thyatirensibus. Vobis, nempe angelis Ecclesiæ Thyatirensis: nam de aliis, quam de Angelo, nulla ante mentio in illa Epistola; & distinguuntur isti à reliquis Thyatirensibus. Cum igitur initio Epistolæ Angelo dicitur, indefinitè intelligendum, cuivis illius Ecclesiæ Angelo, vel collectivè. Estque hæc usitata Synecdoche in Scripturis, etiam ubi apponitur articulus. Vir autem ille qui commiserit superbè, ut non auscultet Sacerdoti constanter ministranti ibi Jehovæ Deo tuo, aut summo iudic, &c. Deut. 17. 12. Non unicum Sacerdotem, aut iudicem, sed plures synecdochicè intelligere hoc loco oportet, ut patet ex vers. 9. Et adibis ad sacerdotes Leviticos, vel ad summum iudicem, qui erit diebus illis. Math. 9. 18. dicitur venisse ad Jesum Synagogæ Præfectus, & Act. 18. 8. dicitur Crispus Præfectus Synagogæ, & v. 17. Sosthenes Præfectus Synagogæ, cum tamen fuerint plures Synagogæ Præfecti. ὁ σπίνθων, ὁ θεριζων Joh. 4. 37. ὁ κλέπτης Joh. 10. 10. ὁ ποίμνη ὁ καλὸς geminato articulo Joh. 10. 11. & similia multa passim occurrunt, ubi non de certo individuo, sed indefinite de pluribus sermonem fieri satis constat. Et in hac ipsa Angeli voce, ut cœlestes Spiritus significat, Synecdochica loquutio occurrit Psal. 34. &c. castra metatur Angelus. Act. 4. 1. loquentibus ipsis ad populum supervenerunt sacerdotes, & Præfectus templo. Erant tamen plures Præfecti, ut patet ex Luc. 22. 4. Abiens colloquutus est cum primariis sacerdotibus, & Præfectis templo. 4. In visionibus Apocalypsicis sæpius per unum Angelum intelliguntur plures concionatores Euangelium prædicantes. Septem Angelos cum 7 tubis non septenos sed plurimos concionatores significare, ex communi interpretum mente, Haymonis, Richardi de Sancto Victore, Ambrosii Ansberti, & aliorum, testatur Blasius in Apocal. Cap. 8. sect. 8. & primum Angelum Apostolos, secundum pastores 2 Centuriæ &c. Atque ita unus Angelus mille, vel millies mille significabit. Ut igitur collectivè sumitur nomen Angeli in cæteris visionibus, sive concionatores verbi sive ministratorios spiritus interpretis, ita & initio libri, ubi in singulari numero de singulis seorsim loquutus est, ut à capite ad calcem libri omnia inter se congruerent. Syllepticè interpretari*

Censura Lib.
Apocryph.
Prælection.
64.

Homil. in
Apoc.

Lib. 34. Mo-
ral. in Job.
c. 4.

Contra 3.
l. i. c. 12.

De Romani-
Pontif. Infr.
tit. Cap. 4.

Ibid. Cap. 4

sunt Angelos Ecclesiarum ipsi veteres. Augustinus, si author homiliarum in Apocalypsin quæ ejus nomine inscribuntur. *Quod autem dicit Angelo Thyatiræ, habeo adversum te pauca, dicit præpositis Ecclesiarum, qui luxuriose fornicantibus & aliud quodlibet malè agentibus severitatem disciplinæ Ecclesiasticæ non imponunt.* Gregorius Magnus: *Sæpe sacram scripturam prædicatores Ecclesiæ, pro eò quod Patris gloriam annunciant, Angelorum nomine solere designare: & hinc esse, quod Johannes in Apocalypsi septem Ecclesiis scribens, Angelis Ecclesiarum loquitur, id est, prædicatoribus populorum.* Quod de Onesimo, quem Ephesinæ, & Polycarpo quem Smyrnenfis Ecclesiæ Episcopum fuisse referunt, nullius momenti est. Nam licet ad salvandam Historicorum fidem respondere possem, Episcopos fuisse illarum Ecclesiarum, sed non singulares, verum unà cum aliis; tamen, ut verum fatear, non flocci-facio pugnantes inter se Veterum relationes, cum etiam de consentientium fide non immeritò dubitatur, ut supra dixi de Petri Pontificatu Romano. Alii narrant, Timotheum tunc temporis, cum scripta Apocalypsis, fuisse Ephesinæ Ecclesiæ Episcopum, quos sequuntur Ribera, Lyranus, Pererius. Blasius relinquit in medio, & incertum dicit, quis fuit ille Angelus. Ignatii Epistolæ sunt suppositiæ. De Polycarpo testatur Eusebius, martyrio coronatum sub Antonino Vero: Martyrologium Romanum, sub Decio Persecutione Septima. Apocalypsis autem, ut volunt, 14. Domitiani scripta est. Angelos igitur & stellas intelligimus omnes Pastores. Si stellæ significant ministros, etiam Angeli, nam stellæ septem sunt Angeli Ecclesiarum. At stellæ in Apocalypsi significant omnes Pastores, non Episcopos solos, nisi quis dixerit, caudam draconis solos Episcopos cælo detraxisse. Non solum in Apocalypsi sed etiam Danielis 12. stellarum elogio concionatores ornantur. Si quis in istam sententiam de Angelis collectivè vel indefinitè fumendis trahi non potest, suo sensu abundet; summæ controversiæ nihil tamen detrahitur, licet interpretum illorum sententiam sequatur, qui de singulari & individua persona accipiunt, sed præside tantum & moderatore. Hanc igitur etiam tueamur sententiam. Cur dirigitur sermo, inquit, ad unum, si plures erant collegæ? Dicunt Pontificii, cum Christus dixit Petro, *Tibi dabo claves*, Petro promissas esse claves. Respondet Tilenus: *Christus claves regni cælorum Petro quidem, at non soli, sed tum ipsi, cum sociis communiter promittit.* Cum Bellarminus duas repræsentandi species posuisset, historicam & parabolicam, addit tertiam Tilenus. *Tertius igitur modus repræsentandi aliquid est, inquit, cum quis non tantum alieno, sed etiam nomine suo, negotium agit, tanquam membrum illius corporis ac tælymatos, cujus personam gerit.* Non pluribus nec majoribus circumstantiis describuntur & nominantur à Notariis personæ hæredes, aut legatariæ, quam persona Petri hoc textu, inquit Cajetanus; & tamen Tilenus non uni Petro, sed omnibus sociis communiter fuisse promissas respondet. Hoc loco ne nomine quidem designatur certa aliqua persona. Respondemus igitur, quod uni Præsidi dictum, omnibus collegis dictum. *Petrus non gerebat personam communem ex officio, ex eo patet, quod nondum erat constitutus Pastor eorum; neque erat propriè caput eorum, nisi sicut primus inter Canonicos potest dici caput Canonicorum,* inquit idem Cajetanus. Addo nullum habuisse primatum ordinis ex officio, & tamen quod Petro promissum omnibus Apostolis promissum intelligitur. Multò magis igitur, ubi sermo de negotio & officio communi dirigitur ad præsidem, ad collegas etiam dirigi intelligendum est. Præterea ex ipso Epistolarum contextu patet ad plures dirigi, plures laudem, plures etiam ubi peccabatur, vituperium ferre. Quid aliud sibi volunt istæ comminationes, vituperia, laudes, promissiones? *Veniam adversum te, & movebo candelabrum tuum à loco suo: Ecce futurum est ut conjiciat Diabolus aliquos ex vobis in*

carce-

carcerem: Vobis autem dico, & reliquis Thyatirensibus, quicumque non tenetis doctrinam hanc, & qui non approbastis profunditates Sathanae, &c. At cum in singulari numero dicitur, propter nomen meum laborasti: non negasti fidem meam: neque frigidus neque calidus es; an unicus, quem voluit, Episcopus laudatur aut vituperatur, non autem alii? Cur igitur alii plectendi, aut præmiis ornandi, propter unicum Episcopum? veniam adversum te, & movebo candelabrum tuum: veniant adversum te & pugnabo cum illis gladio oris mei: non imponam vobis aliud onus. Si igitur singulari numero dicta, laborasti, non negasti, resistisse, observasti nomen meum, non tamen ad singularem personam & individuum dirigi intelligenda sunt, cur non etiam & ista, quod non possis ferre malos, & exploraris eos qui se dicunt Apostolos esse, & non sunt, & comperisti eos esse mendaces: permittis mulierem Jezabel, quæ se dicit Prophetissam, docere, & similia quæ videntur potestatem quandam innuere? cum eodem contextu cum antecedentibus legantur. Revera tamen ex his verbis non potest necessario elici potestas in foro externo. An Pseudapostolos compellavit, vel ad consistorium suum citavit Angelus Ephesinus, & majoritate potestatis suæ excommunicavit: Certe aliud illa verba subindicant, onere pressus fuisti, & toleras. Non sustinere malos, explorare eos qui se dicunt Apostolos, permittere mulierem Jezabel docere, etiam privatis Christianis competunt, qui judicio discretivo pollent, spiritus probare, & lupos adversari debent, etsi non sit eorum judicare judicio jurisdictionis. De privata & communi omnium potestate intelligenda esse ista verba ostendunt sequentia: odisti falsa Nicolaitarum; habes istic qui tenent doctrinam Balaam; habes etiam qui tenent doctrinam hanc; qui non approbastis profunditates Sathanae. Vide igitur, quid sit sustinere, explorare, permittere. Sed & istud largiamur, de foro externo intelligenda esse; an in isto foro solus Episcopus regnabat? Vobis autem dico, & reliquis Thyatirensibus, qui non tenetis doctrinam hanc & non approbastis. Cap. 2. 24. Vobis, id est tibi, qui præsidis officio fungeris, & collegis tuis dico. Nam qui alii sunt à reliquo grege secernendi. Quamvis dixisset vobis autem reliquis Thyatirensibus, non opponeretur unus Angelus omnibus reliquis Thyatirensibus, quasi ipse solus peccasset. Opponerentur Thyatirensium alii qui permiserunt Jezabelem docere, aliis qui non tenebant doctrinam hanc, nec cognoverunt profunditates Satanae. Ergo permittere Jezabelem docere non erat unius Angeli, sed aliorum etiam Thyatirensium. Si per modum jurisdictionis voluntariæ, tum plures collegæ permiserunt. Si approbando tantum & auscultando, tum alii etiam ex populo. Sed cum dicit, vobis autem, & reliquis Thyatirensibus, opponit collegas collegis & gregis partem saniores parti morbidæ. Nam ex hoc versu patet non solum ex grege, sed etiam ex Presbyterio aliquos in sana doctrina non perstitisse. Si Angelus Thyatirensis fuerat tantum præsides, Ephesinus & alii etiam similiter. Ex argumento igitur Epistolarum liquet, non unum compellari, objurgari, moneri, laudari, vituperari, sed plures, tum ex grege tum ex Presbyterio. Non ad unum, sed ad plures dirigi Epistolas patet, tum ex Epistolarum argumento, tum ex subjecto. Epiphonemate, qui habet aures audiat quid spiritus dicat Ecclesiis, & ex Cap. 1. 11: scribe & mitte 7 Ecclesiis quæ sunt in Asia. Hinc est, quod quidam Angelum Ecclesiam interpretantur, quod non probo, quia sic stellas & candelabra in unum conflarent. Sat est, ut Angelum statuamus tantummodò Præsidentem, quod ad Ecclesias mittuntur Epistolæ; quod in unum non conjicitur culpa; unus non cumulat laudibus, unus omnium communem culpam non præstat, aut reprehensionem sustinet solus, unus non permittit Jezabelem docere, unus non explorat eos qui se dicunt esse Apostolos, & non sunt. Nihil igitur lucrantur, quamvis Angeli appellationem nostrorum quidam exornant *ἱερατικῶς*. Quoniam, quæ de

Archippo, Onesimo, & aliis Apostolicis, ut volunt, Episcopis, afferunt, non sunt tanti, ut in iis confutandis immorer; Pergemus ad tertium gradum.

Tertium Argumentum. Ipsi Apostoli Episcopos potestate ordinationis & jurisdictionis Presbyteris majores ordinarunt, & Ecclesias ipsis commiserunt. Ergo functio Episcopalis est absque controversia Apostolica institutionis. Nos negamus Antecedens; & nullos Præsides perpetuos, nedum Episcopos principes potestate ordinationis & jurisdictionis directivæ aut correctivæ Presbyteris superiores ab Apostolis constitutos fuisse, asserimus. Episcopos ab Apostolis ordinatos, probant partim ex traditione, partim ex Scripturis. Ex historiis & veterum monumentis producant Euodium Antiochiæ, Linum Romæ, à Petro & Paulo ordinatos Episcopos, Marcum Alexandriæ, si non ordinatum, saltem designatum à Petro, Smyrnæ Polycarpum à Johanne Apostolo ordinatum, Jacobum Justum Hierosolymæ à Petro Jacobo & Johanne, vel ut alii, ab Apostolis omnibus, ante dispersionem statim post passionem Domini constitutum Episcopum, & post Jacobum Justum interfectum Simeonem Cleophæ filium, ab Apostolis, discipulis, & consanguineis Domini, qui adhuc erant superstites, undique convenientibus electum, ut Jacobo in Episcopatu succederet. Veterum vetustissima monumenta, quibus probant eorum Episcopatus, sunt lacunæ illæ Clementis, & Hegesippi non melioris scriptoris, Papiæ fabularum authoris ipsius Eusebii judicio, de quibus supra diximus. Ignatius Epistolâ ad Antiochenos dicit, Euodium primum post Apostolos ejus Ecclesiæ gubernacula fortitum esse. Sed isti Pseudo Ignatio contradicit ejusdem Antiochenæ Ecclesiæ Presbyter Chrysostomus, & apertè profitetur, primum omnium à Petro eidem sedi fuisse præfectum Ignatium. Idem asserit Theodoretus, & Fœlix Papa in Epistola ad Zenonem Imperatorem. Alii dicunt Euodio subrogatum Ignatium. Clemens in Constitutionibus refert, simul creatos Episcopos Euodium à Petro, Ignatium à Paulo. Præterea narrant Euodium constitutum Episcopum Antiochiæ anno 45 Christi. At post annum 45 nulla ejus fit mentio, Act. 13. 1. 2. 3. ubi legimus Paulum & Barnabam segregatos ad opus ad quod ipsos vocaverat Spiritus Sanctus, etsi nominatim ibi recensentur præcipui Prophetæ & Doctores. Cum reversi sunt Antiochiam Paulus & Barnabas, congregarunt Ecclesiam, & retulerunt quanta per ipsos Deus effecisset Act. 14. 37. Non retulerunt Euodio Episcopo. Cum missi sunt quidam Hierosolymam Act. 15. 2. Euodium aut quemvis alium Episcopum ab Antiochena Ecclesia missum non legimus. Sic Act. 15. 22. 23. 30. 31. 32. nihil de Euodio aut Ignatio memoratur, licet oblata sit occasio. Romæ post Petrum quidam Linum, quidam Linum simul & Clerum, quidam Clementem, primum Episcopatum suscepisse referunt. Quidam narrant Linum ante, alii post, martyrium Petri & Pauli, constitutum Episcopum. Bellarminus ait, Petrum, passione sua imminente, Clementi sedem Episcopalem reliquisse; Petro autem mortuo, Clementem in sede Apostolica sedere noluisse donec vixerunt Linus & Clerus, qui ipsius Beati Petri adjutores fuerant in Episcopali officio. Quocirca primus à Petro Pontifex non Clemens sed Linus fuit. *Contumaciæ & rebellionis exemplum in primo Petri successore. Quo jure, quâ fronte munus Apostolica autoritate sibi demandatum, detestare potuit iste Clemens? nonne demens si ipso Petro se sapientiores existimaverit?* inquit Tilenus. A Marco Evangelista usque ad Heraclam & Dionysium, dicit Hieronymus ad Enagrium, Presbyteros unum ex se electum in excelsiori gradu collocasse, & Episcopum nominasse. Voces A Marco intelligendas esse exclusive patet. Non enim ex se elegerunt aut ordinarunt Presbyteri Marcum, quem ipsi dicunt à Petro missum, vel ordinatum. At idem Hieronymus Aliibi Marcum Ecclesiæ Alexandrinæ primum

*Chrysost. de
Translat.
S. Ignatii.
Theodor. de
Immut.
Dial. 1.*

*Contr. 3. l. 2.
Cap. 5. Hot.
12.*

*Proem. 12
Matth.*

num Episcopum fuisse scribit. Verum, sed improprie, sicut ipsum Petrum Ecclesie Romanæ Episcopum primum fuisse dixere veteres, quem tamen Dounamus fatetur Apostolum, non Episcopum fuisse. Eusebius in Chronico, non Marcum quem Evangelistam & Pauli interpretem vocat, sed Anianum in serie Episcoporum Alexandriæ primum collocat. *Primus post Marcum Apostolum & Evangelistam, Anianus Alexandrinæ patriarchæ administrationem suscepit, vir pius & per omnia celebris.* Euangelistam & Apostolum, id est, Euangelistam proprie dictum, vocat Marcus Eusebius. Et Evangelistæ opus peregrisse testantur historiæ, quæ referunt ipsum Ægyptum, Libyam, & Pentapolin aliasque regiones peragrassæ. Fabulæ igitur sunt, quæ de Petro ordinante vel Alexandrinæ Ecclesie Episcopum designante referuntur. *De Ecclesia Alexandrinæ primordus nihil ex Scriptura, imò nec ex Patribus quidem qui ante Synodum Nicænam floruerunt, quicquam certi demonstrari potest, inquit Tilenus.* Initium erroris, ut videtur, ex male intellectis Petri verbis; *Salutat vos ea quæ est in Babylonæ Ecclesia vobiscum electa, & Marcus filius meus, 1. Pet. 5. 13.* Obiter observandum est Hieronymum dicere, à Marco Presbyterum à Presbyteris electum & in celsiori gradu collocatum Episcopum nominatum. Non igitur Apostolorum sæculo Episcopi Apostoli dicti sunt, ut somniavit Theodoretus. De testimonio Hieronymi, ejusque Prochronismo supra diximus. Addo Clementem Romanum in Constitutionibus dicere; *Anianum Alexandriæ Episcopum, quem primum Marcus Evangelista ordinavit, huic successisse Abilum à Luca Evangelista ordinatum.* Non dicit Presbyteros in celsiori gradu collocasse, quem nominarunt Episcopum, Pergit Clemens; *Aristonem primum Episcopum Smyrnæ; hujus post mortem successorem fuisse Strateam Loidis filium, cui successit tertius Episcopus alter Ariston.* Suidas Bucolum primum, Polycarpum secundum Ecclesie Smyrnenfis Episcopum dicit. Adde, quæ supra diximus de intervallo inter scriptam Apocalypsin & Polycarpi Martyrium. Vetustissima Veterum monumenta nihil certi tradere possint de iis quæ ab Apostolis gesta sunt, quia vel fabulosa sunt, vel supposita, vel interpolata. Baronius id ipsum fatetur in Annalibus. *Cum Apostolorum nomine tam facta quam scripta reperiantur esse supposita; nec si quid de illis à veris sincerisque scriptoribus narratum sit, integrum & incorruptum omnino remanserit: in desperationem plane quandam animum dejiciunt, posse unquam assequi quod verum certumque sit.* Præterea non fat est, Euodium, Polycarpum, Linum, Veterum testimoniis ab Apostolis constitutos Episcopos probasse, nisi etiam singulari potestate ordinationis & jurisdictionis Presbyteris & collegis suis superiores fuisse demonstraverint. Sed pergamus ad Jacobum minorem. Hieronymus, inquit, in Catalogo Scriptorum testatur, Jacobum fuisse ordinatum Episcopum ab Apostolis. *Jacobus statim post passionem Domini ab Apostolis Hierosolymorum Episcopus ordinatur.* Et Clemens Alexandrinus Hypotyposeon Sexto refert, Petrum Jacobum & Johannem, post assumptionem Salvatoris nostri, Jacobum Justum Hierosolymorum Episcopum elegisse. Eusebius etiam ex Hegesippo refert sedem Episcopatus Jacobo fratri Domini ab Apostolis delatam fuisse. Respondeo primum testes illos recentiores esse, quàm ut de Apostolorum actis fidem mereantur. Catalogus ille scriptorum non est Hieronymi, judice ipso Bellarmino in Scriptoribus Ecclesiasticis. *Numerat enim Hilarium Pontificem, qui sancto Leoni successit, qui diu post mortem Hieronymi clarere cepit.* Junius conjicit sic legendum; *Cujus Johannes in libro suo meminit post passionem Domini statim, ab Apostolis Hierosolymorum Episcopus ordinatus est.* Conjecturam non levem probat ex ipsius Hieronymi verbis Hegesippi verba referentis; *Suscepit Ecclesiam Hierosolymæ post Apostolos frater Domini cognomento Justus.* Sensus igitur est, quod non statim à passione Domini, sed post Apostolos, id est postquam Apostoli

Hieros.

Hierosolymis cesserunt in orbem terrarum profecturi ad prædicationem Euangelii, ut interpretatur ibidem Junius. Apostolos Hierosolymis post passionem Christi plures annos substituisse, liquet ex Actis Apostolorum. De tempore non multum laboramus, sed de re ipsa. Eusebius & Hieronymus Hegesippum Clemente Romano non meliorem scriptorem, ut dicit Scaliger, hujus historię primum auctorem citant. Tota Hegesippi narratio fabulosa est. Dicit enim, Jacobum ex utero matris sanctum fuisse, vinum & siceram non bibisse, novaculam in caput ejus non ascendisse, huic soli licitum fuisse in sancta ingredi, neque enim lanea veste, sed sindone utebatur, & alia multa quæ observavit in Animadversionibus suis Josephus Scaliger, Patres, inquit Whitakerus, cum Jacobum Episcopum vocant, aut etiam Petrum, non propriè sumunt Episcopum nomen, sed vocant eos Episcopos illarum Ecclesiarum, in quibus aliquandiu commorati sunt. Ibidem; & si propriè de Episcopo loquatur, inquit, absurdum est Apostolos fuisse Episcopos. Nam qui propriè Episcopus est, is Apostolus non potest esse, quia Episcopus est unius tantum Ecclesiæ. At Apostoli plurimum Ecclesiarum fundatores & inspectores erant. Item; Sed illi certè omnino insaniunt. Hoc enim non multum distat ab insania, dicere Petrum fuisse propriè Episcopum, aut reliquos Apostolos. Summam enim ministerii auctoritatem habuerunt: munus Episcopi nihil est ad munus Apostolicum. Item; Apostoli omnibus Episcopis majores fuerunt. Non potest utrumque munus in unam & eandem personam cadere. Episcopus enim unum tantum gregem habet, quem pascat ut suum. At Apostoli nullam certam habuerunt provinciam, neque illas certas Ecclesias, quibus alligati sunt. Non enim cuiquam Apostolorum commisit Christus certam aliquam Ecclesiam, quod certè fecisset, si fuissent Episcopi, sed omnibus dixit, ite in universum mundum: & illi memores suæ legationis, ita fecerunt. Fieri quidem potuit, ut diuturniorem fecerint moram in uno loco, quàm in alio. At non ut Episcopi, quia tunc desissent esse Apostoli, quales à Christo facti sunt. Quì scirent sibi Spiritus Sancti ductum semper sequendum esse, quoque eos ipse vocaret eò continuè proficiscendum, si sedes suas certis quibusdam locis affixas habuissent? Petrum unius loci aut urbis Episcopum facere, est, inquit Tilenus, Apostolicam dignitatem ei detrahere. Quod de Petro affirmatur, de cæteris Apostolis affirmari potest. Junius æquivocationem in voce Episcopi expedit. Episcopus absolute aut relate dicitur vel (ut melius d'camus) communiter & singulariter. Absolute communiterve dicimus Episcopum, qui dono & vocatione Dei instructus est, & habet τὸ ἀξίωμα τῆς ἡγεμονίας citra contemplationem particularis loci: relate verò singulariterve Episcopum qui loco & Ecclesiæ destinatus certæ. Omnes autem Apostoli communiter fuerunt Episcopi, ex quo vocati sunt: postea vero ordinis & commoditatis Ecclesiarum causa tractus quidam & quasi sortes regionatim quadam conventionione inter ipsos fuerunt distributæ. Dounamus dicit, Jacobum differre à Petro & aliis Apostolis in eo, quod Petrus & alii peragrarunt varias regiones, & quamvis cum provecti ætate essent commorari coeperunt in una aliqua civitate, in qua operam suam navarunt, atque ideò a Veteribus habiti sunt illius loci Episcopi, licet fortè quidam eorum non erant propriè Episcopi; & Patriarchalem potius potestatem in locis illis, ubi fundarunt & constituerunt Ecclesias, exercuisse arbitratur, ut Johannem Ephesi, & alibi alios: at Jacobum ab initio ante dispersionem assignatam habuisse Ecclesiam Hierosolymitanam, nec ab una regione in aliam profectum. Sed mora vel trium vel 30 annorum in una civitate non imminuit Apostolarum. Semper mansisset Apostolus, licet 100 annos mansisset Hierosolymis. Poterant Apostoli facere, imò faciebant ut Apostoli, inquit Whitakerus, quæcunque Episcopi facere possunt, aut debent, & aliquid amplius. Præterea non mora, sed obligatio ad morandum perpetuò in uno loco facit Episcopum. At Apostolos oportebat sequi ductum Spiritus Sancti, & obligari non poterant ad commorandum semper in

2073

Whitak de
Pontif. Qu.
2. c. 15. j. 2.Quest. 3.
Cap. 3. Sect.
9.De Pontif.
1. 2. c. 4. Not.
6.Contro. 3. 1
1. c. 23. Not.
3.Dofens. 1. 4.
Cap. 3. f. 7.De Pontif.
Quest. 6.
Cap. 15. Sect.
2.
De Pontif
1. 1. Cap. 25.
Not. 7.

in uno loco. Neque enim Apostolus ullus uni civitati tanquam glebæ ascriptus fuit, quod gregarii est Episcopi, non Apostoli, inquit Tilenus. Denique Jacobus non unius Ecclesiæ Hierosolymitanæ curam suscepit, sed omnium in Judæa. Nam plures erant Ecclesiæ Judææ, ut liquet ex Galat. 1. 22. *Eram ignotus facie Ecclesiis Judææ, quæ erant in Christo.* Et 1. Thess. 2. 14. *Vos enim fratres imitatores estis Ecclesiæ Dei quæ sunt in Judæa.* Dounamus ipse dicit, Jacobo Judæam assignatam Non ergo unius Ecclesiæ Episcopus erat Jacobus, sed plurium, id est, Apostolatu suo functus est in pluribus Ecclesiis Judææ. Episcopus propriè dictus unius Ecclesiæ Episcopus est. Inauditum est in Ecclesia, Episcopum dici plurium Ecclesiarum Episcopum. Episcopus & grex, non Episcopus & greges sunt relata. Jacobus Galat. 2. 19 dicitur Apostolus; *Alium autem ex Apostolis non vidi ququam, nisi Jacobum fratrem Domini.* Et Cap. 2. 9. Jacobus Cephas & Johannes dextras societatis dederunt Paulo & Barnabæ, ut hi apud Gentes, illi apud incircumcisos Apostolatu fungerentur. Qualis igitur Petrus & Johannes, talis Jacobus frater Domini, nempe Apostolus circumcisionis, non unius Ecclesiæ Hierosolymitanæ Episcopus. Judæi ita distinguebantur; Hebræi Palæstinæ, dispersio Babylonis, Dispersio Hellenistarum. Hellenistarum principes erant Judæi Alexandrini. Hellenistæ dicti quia Biblia Græca in Synagogis legebant. Babylonenses erant caput dispersionis Asiaticæ. Hebræorum Palæstinorum, Hierosolyma. Vide Scaligerum in Libro Tertio Canonum Isagogicorum, & quæ supra citavimus ex ejus Notis in Novum Testamentum. Videtur igitur, quod Petrus, ut Apostolus Circumcisionis, præcipue Ecclesiæ dispersionis Asiaticæ, post dispersionem Apostolorum, Jacobus vero Hebræorum Palæstinorum Ecclesiæ curabat. Hac Judæorum distinctione à Scaligero sumpta, Tilenus eandem superstruit divisionem provinciarum & regionum. *Reliqui Apostoli in Provincias discedentibus, æquum fuit, unum ex illo collegio Hierosolymis manere, Judæorum saluti invigilaturum: sic igitur Jacobus Spartam suam inter Judæos* *ἱεροσολίμους* Hierosolymis ornavit, suam Marcus inter Hellenistas Alexandriæ, sicut Petrus in Orientali *ἰερουσαλὴμ*, Babylone. Sed horum Episcopatus, quemadmodum fuit immediate vocationis, & singularium charismatum fulgore coruscavit: ita nihil est causæ, cur eorum *ἐκτετακται* ad subsequitos Episcopos ab hominibus vocatos pertinere existimetur. Si Apostoli ordinarunt Jacobum Episcopum Hierosolymitanæ Ecclesiæ; an contulerunt in illum novam potestatem, quam antea non habebat quatenus Apostolus? Respondet Dounamus, habuisse prius potestatem ordinis, sicut habent Episcopi qui sunt sine titulo: sed potestatem jurisdictionis tunc accepisse, cum designatus erat Episcopus Hierosolymitanus, & assignata esset ei particulariter Ecclesia Judææ; diceret, assignatæ essent Ecclesiæ Judææ. Reliqui igitur Apostoli habebant, Dounami sententia, potestatem tantum ordinis, non autem jurisdictionis. Nam non erant ordinati Episcopi particularium Ecclesiarum, ut ipse fatetur. At potestas jurisdictionis collata est Apostolis omnibus in generali illa legatione. *Sicut misit me pater, ita & ego mitto vos*, Matt. 28. 18. & Matt. 18. 18. *quæcunque ligaveritis in terra, &c.* & Johan. 20. 23. postquam affavit eos, dixit, *Accipite Spiritum Sanctum. Si quorum remiseritis peccata remittuntur eis, &c.* His locis videmus, Jacobum, & omnes Apostolos accepisse potestatem jurisdictionis & ordinis. Paulus nullibi constitutus Episcopus alicujus particularis Ecclesiæ, ubi vix tamen potestatem habebat jurisdictionis. Si Apostoli reliqui non habebant potestatem jurisdictionis, quomodo possunt Episcopi succedere Apostolis in regimine externo Ecclesiæ? siquidem regiminis externi pars, quam ut præcipuam & maximè propriam sibi vendicant Episcopi, est potestas jurisdictionis. Glossator in Distinct. 66. c. Porro; de consecratione Jacobi in hunc modum differit. *An non omnes Apostoli Episcopi? Ad hoc dicunt qui-*

De Pontif.
L. 1. c. 23.

L. 4. c. 6 n. 5

Ibid. n. 17.

L. 2. c. 1.

L. 3. c. 11.

dam, quod omnes Apostoli erant simplices sacerdotes, & tamen consecrare poterant. Nam Moses simplex sacerdos erat, & tamen consecravit Aaron, ut 21 dist. nec tunc erat differentia inter Episcopum & sacerdotem, ut 95 dist. Olim. Vel dic, quod tantum visibili unctione hi tres consecraverunt eum, sed prius erat invisibiliter unctus à Domino. Vel dic, quod non ordinarunt eum, sed tantum formam ordinandi aliis ostenderunt. Vel dic, quod non Episcopum, sed Archiepiscopum eum ordinarunt. Vel dic, quod ordinarunt, id est inthronizaverunt, eum ad administrationem certi loci: prius enim erat Episcopus sine titulo. Vides in quas & quot angustias coguntur, qui Iacobum propriè dictum Episcopum volunt: & unde sumpsit Dounamus absurdam illam distinctionem, nempe Apostolum prius Episcopum sine titulo. Si daretur, manus impositas fuisse Iacobo, non sequeretur tamen Episcopum fuisse, magis quàm Paulum & Barnabam fuisse ordinatos Episcopos Act. 13. ut vult Bellarminus. Ex dicta Iunii distinctione respondet Bellarmino Tilenus. Ordinatio ad Episcopatum Apostolicum bifariam consideratur, absolute vel relatè: priori sensu omnes Apostoli ordinati sunt Episcopi immediate à Deo ad obeundum universum orbem terrarum, ad prædicandum omnibus gentibus: posteriore spectatur cum *ἐξέτα* & relatione ad provincias quas ad commoditatem functionis, inter se sortiti ac pariti sunt Apostoli. Hoc pacto Paulus Apostolico illo suo Episcopatu absolute considerato jam diu functus, certos fines, intra quos versaretur, sibi attributos accepit: quæ assignatio improprie appellatur ordinatio. Sic enim non ad officium, sed ad locum, in quo obiret officium, ordinatus fuit. Non igitur propriè ordinatus fuit Iacobus Episcopus, sed assignata illi, sicut & cæteris Apostolis, sua provincia, in qua Apostolatu fungeretur. Nam unius Ecclesiæ Hierosolymitanæ curam suscepisse, ipsi non audent asserere. Fatetur Dounamus, totius Iudææ, ergo Ecclesiarum Iudææ. Et quandoquidem Hierosolyma erat Metropolis omnium Hebræorum Palæstinorum, omnium Ecclesiarum Palæstinæ curam suscepisse consentaneum est. Erat enim Apostolus circumcisionis sicut Petrus. Non Ecclesiæ particularis causa mansit, si verum quod manserit, Hierosolymis, sed omnium Iudæorum undique Hierosolymam confluentium, durante politia Mosaica, & Levitico templi cultu. *Vides frater quot sunt milia Iudæorum qui crediderunt.* Act. 21. 26. Sed quod de assignatione dicitur, cautè accipiendum est, ne ductum Spiritus Sancti tollamus, quem Apostolos sequi oportebat. *Apostolus nullus, multo minus Petrus, ulli unquam se loco certo fixè alligavit, aut usque ad mortem alligare debuit,* inquit Spalatensis. Quod mortuus sit Romæ, dicit esse merum accidens, & si martyrio ibi non coronatus fuisset, aut vinculis & carcere impeditus, aliud profectus esset vel proficisci potuit. Mors nihil tribuit illi sedi, inquit, ut fatetur Bellarminus, ut dicatur propria sedes Petri. De inthronificatione quod dicitur fabulosum est. Thronorum Episcopaliū & Archiepiscopaliū fastuosa vocabula nondum nata, nec nota Ecclesiis. Eusebius ergo cum Iacobum Episcopum nominat & thronum ei tribuit, secundum morem sui sæculi loquitur. Non erant solliciti Apostoli de thronis & inthronificationibus, ut fingit Glossator. De Simeone filio Cleophae refert Eusebius, post vastatam Hierosolymam Apostolos & Discipulos Domini qui adhuc supererant in unum undique, unà cum cognatis Domini secundum carnem, esse congregatos, & una eademque sententia iudicasse dignum, qui succederet Iacobo in sede parociae Hierosolymitanæ. Rumor est, inquit, Eusebius. An ex rumoribus successionum Episcoporum rabulas conficere debuit? Quandoquidem de ejus Episcopatu in sacris tabulis ne *γὲν* quidem legimus, rumores mittamus, ne bonas horas malè collocemus in istiusmodi nugamentis confutandis. Num fuerit Evangelista necne, non moveor, cum de re ipsa ut dubitem, tam multa sunt quæ moveant. Si Iacobus statim à passione Domini ordinatus Episcopus, 30 an-

nos præfuit, & Simeon non successerit ante everfionem Hierofolymorum, vacabat fedes annos decem Tantine erat, Episcopum Hierofolymitan m eligere, ut oporteret & Apostolos undique ex remotissimis regionibus convenire Hierofolymis? Viventibus Apostolis alium quam Apostolum in Apostoli locum subrogarent? Carni & sanguini scilicet detulerunt in donandis Episcopatibus, & Domini consilium obliquè carpservunt, qui Simeonem Apostolum non elegerat. Atque hæc de Episcopis, quos ex Veterum monumentis probant ab Apostolis constitutos; pergamus ad Timotheum & Titum, quos ex Sacra Scriptura Episcopos ab Apostolis ordinatos esse contendunt.

Timothei & Titi Episcopatum, ut didicit à Saravia, sic probat ex Scriptu-
ris Tilenus. *Perſepxi Soſthenem, Sivanum, Timotheum, Titum, Tychicum, Creſcentem, Lucam, Johannem Marcum, & ſi qui præterea tales, à Paulo ad Eccleſiæ miniſterium proximè vocatos, ac tum gregibus, tum pluribus gregum paſtoribus præpoſitos, eumſe, quem ex germana illa antiquitate retinuerunt Angli, Episcopatum geſſiſſe, acceptamque à Paulo poteſtatem non tantum ad tempus uſurpaſſe, ſed ad poſteros quoque transmiſſiſſe, aded ut quàm neceſſarium eſt Eccleſiæ Verbi & Sacramentorum miniſterium, tam ſit in hoc miniſterio per petuum juſ illud ac poteſtas inſtituendi Miniſtros, non minus gradibus quàm dotibus inter ſe diverſos: ita ut gradu ſuperiores, pluri uſque Eccleſiæ Præfeſti judicent de inferioribus, unum duntaxat gregem paſcentibus; inſtitutaſque contra hos accuſationes vel admittant vel repellant; legitime conviſtos palam arguant; nemini citò manus imponant; nihil partium ſtudio aut κατὰ πρόκλησιν, omnia χάρις προοριζόμενοι ſancte ac religioſe adminiſtrent* 4. Timoth. 5. 19. 20. 21. 22. Temporarias in Ecclesia has functiones eſſe qui ſtatuit, ipſam Eccleſiam temporum vicibus tandem evertendam, ac peſſundandam, putat. Idem Capite Quinto Paraneſeos; Proinde ſi à Lyſtricæ Eccleſiæ Presbyteris ordinatus fuit Timotheus, uti autumat Beza, & pluribus Aſiæ Eccleſiis Præpoſitus fuit, quibus ſingulis ſingulos dedit Paſtores; quemadmodum Titus Cretenſibus, uti præceperat Paulus; dubitamusne adhuc, paſtorem unum idoneis dotibus inſtructum, pluribus non modogregibus, ſed etiam paſtoribus legitime præponi? Pergemusne ſponte cæcutire in pervidenda illa hypotheſi Eccleſiaſtica gubernationis, prout eam ipſe Paulus penicillo ſuo nobis delineavit, exemploque expreſſit? Num extraordinarii nobis erunt ac temporarii Canones illi in Epistoſis ad Timotheum & Titum perſcriptis? Cur igitur noſtrorum Patrum ordinationes ad hanc normam exigimus? Sed fortiùs premit argumentum Dounatus. Ex Epistoſis Pauli ad Timotheum & Titum apparet, inquit, eum ordinariſſe Timotheum Epheſi Episcopum, & Titum Cretæ, quum ipſæ Epistoſe ſint functionis Episcopalis vera exemplaria & πρότυπα. Quemadmodum enim Apoſtolus Episcopalem auctoritatem, reſpectu tum ordinationis, tum juřiſdictionis, ipſis commiſerat, quod in Epistoſis præſupponitur: ſic his Epistoſis eos inſtruit, atque in iis omnes Episcopos, qua ratione functionem ſuam exercerent. Primo reſpectu Ordinationis, ut Tit. 1. 5. Reliqui te in Creta, ut conſtituas oppidatim Presbyteros, ſicut ego tibi mandavi: 1. Tim. 5. 22. Manus citò ne cui imponito, neque communicato peccatis alienis. Atque in hunc finem deſcribit, quales Presbyteri, & Diaconi, quos ordinarent, eſſe deberent 1. Timoth. 3. 2. & 8. Tit. 1. 6. 7. 8. 9. Secundo reſpectu Juřiſdictionis, non ſolum in plebem, ſed etiam in Presbyteros; injungens ipſis, ut ſimul duces cenſoresque doctrine ipſorum eſſent, (ut 1. Timoth. 1. precatus ſum te, ut permaneres Epheſi ut denuncies quibusdam, ne diverſam doctrinam doceant, nec attendant fabulis &c. 2. Timoth. 2. profanos de rebus inanibus clamores cohibe Tit. 1. Multi ſunt deceptores &c. δει τῷ ἰσοκρίτην, quibus oportet os obthurare, qui totas domos ſubvertunt, docentes quæ non oportet, turpis lucri gratia, quam ob cauſam eos redarguiſſe præciſe, ut ſani ſint in fide, & Tit. 3. ſtultas quæſtiones, & genealogias, & contentiones, ac pugnas legales cohibe,) ſimulque judices & perſonarum & converſationis

Paraneſc. 4.

In Concione.

eorum, ut 1. Tim. 5. Adversus Presbyterum accusationem ne recipito, nisi sub duobus aut tribus testibus. Eos qui peccant coram omnibus argue, ut & reliqui metuant. Obtestor in conspectu Dei & Domini Jesu Christi, & electorum Angelorum, ut hæc observes sine præjudicio, nihil faciens in alteram partem inclinando. Tit. 3. Hæreticum hominem post unam & alteram admonitionem repelle. Tria sunt hic nobis discutienda. 1. An omnia, quæ hic enumerantur, præcepta potestatem judicis seu jurisdictionis necessariò innuant. 2. An solis Timotheo & Tito mandata est exequutio. 3. Utrum ut Evangelistis, an ut Episcopis. Quòd ad primum attinet. Imponere manus, & constituere Presbyteros, ad potestatem ordinationis spectare non dubium est. Denunciare quibusdam, ne diversam doctrinam doceant, tam extra consistorium quàm in Consistorio peragi potest, sicut denunciare iis, qui divites sunt in hoc sæculò, ne efferantur animo, 1. Timothi. 6. 17. Præterea, ut observavit Theod. Beza, τὸ παραγγέλλειν propriè de eo mandatorum genere dicitur, quod per manus traditur & accipitur, ut auctor quiaem ipse mandati dicitur διαγγέλλειν, id est, per alium significare; qui vero nomine alterius aliquid denunciatur, quasi per manum acceptum, παραγγέλλειν, adeò ut hæc denunciatio non tam ipsius Timothei, quam mittentis Apostoli sit. Vel, ut denuntiares, id est, ex parte Dei nuntius esses, ut interpretatur Anselmus Cantuariensis in hunc locum. Et quid aliud est denunciare, ne diversam doctrinam doceant, quàm illud, quod idem Paulus mandat Timotheo, 2. Timothi. 2. 14. Hæc suggere, obtestans in conspectu Domini. ne de verbis pugnent, quod nullam adfert utilitatem; obtestans, id est, Domino etiam ut teste, aut potius iudice, advocato. Profanos de rebus inanibus clamores cohibere, ad verbum circumfistere, nihil aliud est, quam observare & obsidere, ne in Ecclesiam irrepant, ut Beza interpretatur. Et quid illud est nisi vigilare, quod omnibus Presbyteris Ephesinæ Ecclesiæ mandat Apostolus Act. 20. 28. 29. Si verò græcam vocem reddideris *Deorta*, adhuc minus significabit. Obthurare ora deceptoribus Tit. 1. 11. nihil aliud est, quàm redarguere, & ratione Scripturarum superare, & silentium illis imponere pondere testimoniorum, inquit Anselmus. Dixerat enim priùs vers. 9. à Pastore requiri, ut possit contradicentes convincere. Atqui hoc præstare potest quivis pastor, etiam extra consistorium. Et vers. 13. idem mandatum aliis verbis repetens, dicit, *quanti ob causam redarguito eos præcisè, ut sani sint in fide*, redarguito præcisè, id est, expresse ac sine ullis ambagibus, ut nulla pateant ad effugiendum diverticula. Eos qui peccant coram omnibus arguere, palam pro concione fieri potest. Adversus Presbyterum accusationem non admittere nisi sub duobus aut tribus testibus; & hæreticum post unam aut alteram admonitionem rejicere, judicalem processum innuere quidem videntur. Sed concedatur, Consistorialia esse omnia quæ ad jurisdictionem spectare dixit Dounamus, tamen in Timothei & Titi solius potestate fuisse non sequitur. Falluntur, qui putant vel Timotheum Ephesi, vel Titum in Creta, regnum exercuisse, ut suo uterque arbitrio omnia disponeret. Præfuerunt tantum, ut bonis & salutaribus consiliis populo prærent in constituendis ministris, non ut soli, exclusis aliis omnibus, agerent quod placeret, inquit Calvinus. Quod Apostoli ipsi non fecerunt, Timotheum & Titum fecisse non est verisimile. Apostoli soli non excommunicarunt, ubi erat Ecclesia constituta. Paulus sibi soli excommunicationem incestuosi non vindicavit; solus non imponit manus Timotheo, sed unà cum Presbyterio. Et cum Paulus mandat Timotheo, ne cui citò manus imponat, monet, ut seipsum purum servet, & ne alienis peccatis communicet. *Videri potest*, inquit Piscator, *contineri his verbis alteram præcepti partem, qua prohibet Apostolus Timotheo, ne consentiat aliis Presbyteris eligentibus aliquem ad ministerium Ecclesiæ qui non sit dignus*. An mandatum de viduis sustentandis ad

Annot. in 1
Thess. 4. 2.

institut. l. 4
c. 3. Sect. 15.

ad solum Timotheum restringendum est, quia Apostolus dicit, Honora viduas. Ipsi Apostoli Act 6. sibi solis hanc potestatem non arrogarunt, *Accusationem ad- Contr. 4. mittere est crimen ad Ecclesiam deferre, reum in iudicium adducere, palam reprehende- Qu 1. c. 2. re, inquit Whitakerus, quod non modo superiores possunt, sed aequales, etiam ac inferio- s. 16. res. In Romana Republica Equites non de populo tantum sed etiam Senatoribus & Patri- bus judicabant. Et certè non videtur Timotheus tale consistorium aut forum habuisse, quale post Episcopis in Ecclesia constitutum fuit. Item; qualis hæc authoritas fuerit, ex eo quod sequetur, intelligi potest. Eos qui peccant coram omnibus ἐλεγε, quod aequales quoque possunt. Eliensis in Tortura Torti fatetur, jurisdictionem fori exterioris institui Matt. 18. his verbis, Dic Ecclesiæ &c. Ad dicere uni Præfuli, non est dicere Ecclesiæ. Quæ igitur scripta sunt Timotheo & Titò, non ideo scripta sunt, ut soli exercerent jurisdictionem fori exterioris, sed ut salvo jure Ecclesiarum suas partes agant. Quæ hic mandantur Timotheo & Tito, Presbyteris alibi etiam mandata esse postea ostendemus. Dices, cur ergo ad Timotheum & Titum inscribuntur Epistolæ. Dixi supra, ex Epistolarum inscriptionibus non rectè colligi posse singularem eorum potestatem, quibus inscribuntur. Sat est, si sint Præfides ac moderatores actionum Ecclesiasticarum ad quosdiriguntur Epistolæ, quòd ipsi nominatim compellentur. Nempe sic Romani Historici non raro loquuntur, in- Inst. l. 4. quit Calvinus, Consulem, qui comitia habuerit creasse novos Magistratus, non aliam ob c. 3. f. 155. causam, nisi quia suffragia receperit, & populum moderatus sit in eligendo. Non est certè credibile Paulum plus concessisse Timotheo, & Tito, quàm sibi ipse sumpsisset. Videmus autem ipsum ex populi suffragiis Episcopos creare solitum. Sic ergo intelligendi sunt superiores loci, ne quid de communi Ecclesiæ jure & libertate inminuant. Timotheum & Titum proflariam retinuisse quamdiu ibi substiterunt, non negamus. Sunt præterea in Timotheo & Tito consideranda, præter vulgarem ordinis proflariam, quædam peculiaria. Primum, gradus eminentioris functio. Præfides vulgares sunt ejusdem cum collegis functionis: Timotheus & Titus superioris & altioris. Deinde erant Apostolorum cooperarii ab Apostolis ad Ecclesias illas missi cum mandatis Apostolicis, quæ curarent perfici ab Ecclesiis eodem ordine quo ipse eadem si adesset perfecisset. Non abs re est quod Apostolus 2. Timoth. 4. 22. scripserit, Gratia sit vobiscum, & Tit. 2. 15. Gratia Dei sit cum omnibus vobis. Tertio, non erant omnes Ecclesiæ in Asia & Creta constitutæ. Alia est ratio Ecclesiarum constituendarum, alia constitutarum. Non mirum si oppidatim constitueret Presbyteros Titus solus, ubi nulli erant Presbyteri, aut Timotheus in Asia. Nam non Ephesiorum solum, sed Asianorum etiam Episcopum referunt Timotheum. Sed in Ecclesiis constitutis non ipsos quidem Apostolos ordinariam jurisdictionem solos exercuisse, postea videbimus.*

Quod ad tertium attinet; Adversarii Timotheum & Titum Episcopos, nostri Evangelistas fuisse asserunt, & proinde non ad ordinaria munera trahendum esse, quicquid Timotheo & Tito licitum aut mandatum fuit. Evangelistas fuisse, testantur ipsorum peregrinationes & per varias regiones cum Paulo & extra Pauli comitatum peragrationes. Respondent, verum Evangelistas fuisse, & varias regiones peragrasse, tandem tamen certis Ecclesiis assignatos & potestate Episcopali instructos. Nam Paulus voluit Timotheum προσηύειν, id est, perpetuo morari; aut continenter manere Ephesi & Titum reliquit Cretæ, non ut res corrigeret ad momentum, sed ut amissa restauraret & semper custodiret Ecclesiam illam quasi reparandam, ut ostendit vis verbi επιδιωρῶσαι, 1. Timoth. 1. 3. Tit. 1. 5. At contra verbum, προσηύειν non ex se significat perpetuam commorationem, sed quandoque tridui moram, ut Matth. 15. 32. Jam triduum permanent apud me, & non

L. 2. CONT.
Tarm.

habent quo vescantur, & Marci 8. 2. quandoque indefinitum tempus, & breve, non perpetuum, ut Act. 18. 18. Paulus verò cum adhuc permanisset multos dies, nempe Corinthi. *ἡσυχάειν* significat etiam expectare alicujus adventum, quod cum verbis Apostoli 1. Tim. 4. 13. *Donec venero attende lectioni*, bellè congruit: & sic Augustinus reddidit, *Rogavi te ut iustineres me Ephesi*. Paulus commoratus est, *ἐξέλειτο* Corinthi annum & menses sex Act. 18. 11. quod verbum, inquit Theodorus Beza, veteres Episcopi suum fecerunt; non tamen inde colligendum, Paulum fuisse Episcopum Corinthi. Cum dicit, *Donec venero attende lectioni* 1. Timoth. 4. 13. innuit se non proposuisse, ut ibi perpetuo maneret, tanquam Episcopus illius Ecclesiæ. Si constitutus fuisset Episcopus, non dixisset Apostolus, *Rogavi te, ut permaneres Ephesi vel expectares me Ephesi*. Nam si fuit Episcopus Ephesinus, quare rogandus erat, ut Ephesi subsisteret? Annon officii & muneris Episcopalis ratio hoc poscebat, ut sibi ipsi & gregi attenderet, super quem eum constituit Spiritus Sanctus? Deinde comparatè, non absolute, capiendum est verbum, *permanere*. Nam Timothei commoratio Ephesi opponitur itineri Pauli; nolebat Timotheum comitem, quia tunc temporis oportebat ipsum ipsius vices supplere in Ecclesia Ephesina. Idè Anselmus sic interpretatur verba. *Ut remaneres Ephesi, id est, ut vice mea præsens ageres & ordinares Ecclesiam Ephesi, quam ego absens non poteram sufficienter gubernare*. Sed quod *remanere* vertit, ut Editio Vulgata, *græcæ* voci non respondet. In itinere potius Macedoniam proficiscens rogavit Timotheum, ut Ephesi subsisteret. Unde aliud suppeditatur argumentum. Nam qui ordinati erant Pastores, Ecclesiis præsentibus & annuentibus constituti sunt, Apostolorum temporibus. Denique ipsius Timothei peregrinationes post scriptam priorem Epistolam evincunt, non prius fuisse constitutum Episcopum Ecclesiæ Ephesinæ. Scripta enim prior Epistola, cum adhuc juvenis esset Timotheus, ut liquet ex his verbis; *Nemo tuam juventutem contemnat*, 1. Timoth. 4. 12. id est ita te gerito, ut nemini oblata sit occasio despiciendi juventutem tuam. Parum refert, utrum protectione Pauli suscepta ex Asia in Macedoniam Act. 19. an illà suscepta ex Græcia ut Judæorum insidias vitaret, rogatus sit, ut ad tempus subsisteret Ephesi. Nam ante Pauli vincula & captivitatem scriptam esse Epistolam Priorem patet ex Epistola Posteriore, quam constat captivum Romæ scripsisse Paulum, & quidem initio biennii illius, cujus meminit Lucas Act. 28. 30. quod sic docet Baronius. Non inultò post adventum suum Romam, nimirum statim post primam suam coram Nerone defensionem scripsit, & de iis quæ proximè ei accidissent, deque diverso suorum statu, & quinam eum deseruissent, certiore reddidit. Cum verò præter hæc, multa quæ ab eodem Timotheo præstari cuperet, eum admonuisset, multaque de his quæ obventura essent mala prænuntiasset, demum, quod vehementer optabat, rogavit semel atque iterum, ut Romam venire festinaret ante hiemem, ac secum afferret penulam, quam anno superiore ipse Paulus reliquerat Troade, necnon libros, maxime autem membranas. Sic in Epitomen redegit verba Baronii Spondanus. Pedibus iter fecerat Paulus Troade Assum usque Act. 20. 13. ideo fortè reliquit penulam, libros, & membranas, cum proficisceretur in Syriam. Meminit etiam Paulus Alexandri fabri ærarii 2. Timoth. 4. 14. qui ut videtur Act. 19. Demetrium argentarium in concitando tumultu adversus Paulum adjuverat. Trophimum, inquit 2. Timoth. 4. 20. reliqui infirmum Mileti, nempe cum præterveheretur litus Asiæ Act. 27. Nam Trophimus ascenderat Hierosolymam cum Paulo Act. 21. 19. Cum igitur memorat Apostolus quæ recentiora erant, non est verisimile post plurimum annorum curriculum scripsisse Epistolam Posteriolem. Præterea mandat Timotheo, ut Marcum secum adducat, 2. Tim. 4. *Est enim, inquit, perutilis mihi ad ministrandum*.

An. 59.

rium. Ex Epistola ad Philemonem Roma etiam missa, adduxisse Marcum, liquet, Philem. 24. Unde satis evidenter constat, Epistolam Secundam ad Timotheum scriptam esse ante illas ad Philemonem, Philippenfes, & Colossenses, quas omnes certum est missas esse post Timothei adventum, quandoquidem in illis singulis una cum Paulo in titulo inscribitur Timotheus, inquit Baronius. Quidam arbitrantur, omnium novissimam Secundam ad Timotheum, quod Paulus dicat, 2. Timoth. 4. 6. *Nam ego jam labor & tempus præstitutum meæ dimissionis instat*, quasi Spiritu Prophetico prævideret appropinquans suum martyrium. Sed non cohæret hæc interpretatio de instanti martyrio cum versu 17. *Dominus mihi adfuit & corroboravit me, & ereptus fui ex ore leonis & eripiet me Deus ab omni opere malo*, &c. Cur jubet Baronius adducere Marcum quia utilis illi ad ministerium, & afferre libros & membranas, si instaret Martyrium? In posterioribus vinculis referunt Paulum detrusum fuisse in carcerem, ibique novem menses ad mortem usque asservatum. Non igitur potuit commodè scribere aut mittere Epistolas, sicut prius cum biennium mansit in proprio conducto. Frustra etiam ad Timotheum scripsisset ut Romam veniret, penulam, libros, & membranas secum afferret, & Marcum adduceret quia perutilis illi ad ministerium; nec diceret se ereptum ex ore Leonis. Et certe verisimile non est, Neronem tam humanum Paulo fuisse in posterioribus, ut in prioribus vinculis. Si ergo Timotheus erat Episcopus Ephesinus, ut volunt, cum Paulus scriberet Epistolam Posteriolem, cur avocat à grege? cur etiam post ejus adventum Romam missurum se dicit ad Philippenfes, simulatque viderit rerum suarum statum Philip. 2. 19? & interim mittit Epaphroditum. Legimus etiam alicubi vincitum Timotheum & vinculis solum ad Hebræos mittendum, Heb. 13. 23. Constat igitur, Timotheum Ephesi non constitutum Episcopum, nec verbum *προσμύνην* fixam & perpetuam commorationem aut residentiam significare, & Timotheum ut prius, postquam ad tempus substituit Ephesi, varias regiones peragrassè. Multò minùs ex voce *ἐπιδικεῖν*, Titi residentiam Episcopalem colligere possunt. Nihil enim aliud vult Apostolus, quàm ut Titus perficiat ædificium, quod ipse inchoaverat, ut *τὰ λείπα ἔτι*, ea quæ desunt, aut reliqua sunt, corrigat & suppleat. Quid autem deerat, indicat, cum dicit, ut *constituas oppidatum Presbyteros*, sicut ego tibi ordinavi, Tit. 1. 5. Non ut conservaret Ecclesias fartas tectas, & prospiceret in futuros eventus & casus omnes de novo in posterum emergentes, dereliquit illum in Creta, sed ut ad fastigium perduceret & attolleret ædificium cujus fundamenta jecerat Apostolus. Reliquit discipulum, inquit Anselmus Cantuar. ut rudimenta nascentis Ecclesiæ confirmaret, & si quid videretur dèesse corigeret. Ibidem; *In Epist. ad Titum. Cap. 3.* omne quod corrigitur imperfectum est. Ut ea, inquit, quæ desunt corrigas, id est, ut Titum. Cap. 3. ea quæ à me correctæ sunt, & necdum ad plenam veri lineam sunt redacta, à te corrigantur, & normam æqualitatis recipiant. Titi etiam peregrinationes ostendunt, Evangelistam, non Episcopum, fuisse. Ascendit Hierosolimam unà cum Paulo & Barnaba Galat. 2. 1. Corintho venit in Macedoniam 2. Cor. 7. 5. At Corinthios iterum ablegatus 2. Corinth. 8. 6. 23, relictus à Paulo in Creta Tit. 1. 5. & ad tempus tantum, nam mandat ut Titus veniat Nicopolin Tit. 3. Profectus est Roma in Dalmatiam 2. Timoth. 4. 10. cum Paulus erat Romæ in vinculis Scripta est autem Epistola ad Titum ante vincula Pauli. Cum peregrasset Macedoniam, Apostolus venit in Græciam Act. 20. Verùm non pedestri itinere, ut conjicit Baronius: sed per Ægeum Mare Cycladas adnavigans prius pervenit Cretam, ubi reliquit Titum, & anno sequenti scripsit Epistolam in qua mandat ut ad se veniat Nicopolin. Sed largiamur & istud, Timotheum & Titum permanisse, hunc in Creta, illum Ephesi, non sequeretur tamen fuisse Ordinarios Pastores & Episcopos.

nisi

nisi probaverint ita affixos sedibus suis ratione officii & muneris ordinarii, & Evangelistam ad Pastoris ordinarii gradum inferiore deici posse. Apostolum Jacobum, non obitante fixa statione Hierosolymitana, Apostolatam retinuisse, supra diximus. Idem de Timotheo & Tito Evangelistis dicimus. Imo disertè jubet Apostolus, cum scriberet è vinculis, Timotheum peragere opus Evangelistæ, sive Ephesi, sive alibi fuerat, 2. Timoth. 4. 5. Et qui hanc Epistolam scriptam volunt à Paulo in posterioribus vinculis magis firmant argumentum nostrum, nempe quod etiam assignati certis Ecclesiis, non tamen Episcopi creati, sed Evangelistarum munere functi sunt in regionibus seu provinciis sibi assignatis. Videamus, ut istud argumentum eludit Tilenus. *Cæterum, quod mihi à Genevensibus Magistris persuaso visum, id vobis quoque in eodem ludo edoctis videre, non miror. Hæriolati sunt illi Timotheum & Tuum, & reliquos illos Pauli συνεργῆς Evangelistas fuisse. Ruenti hæriolationi adhibetur futura ex loco 2. Timoth. 4. 5. Timotheus peragere jubetur opus Evangelistæ. Poterat non absurdè suffragatione etiam in Apostolorum collegium cooptari Timotheus, ex loco 1. Cor. 16. 10. Ubi ille dicitur opus Domini operari, sicut Paulus Apostolus. In ludo Genevensi edoctos fuisse nos non pœnitet. Genevensium hæriolationibus captum se fatetur, propterea non miratur nos etiam capros. Ac si mirum esset, si quis non in eundem lapidem impingeret, in quem Lynceus oculis & perspicacissimus scilicet Tilenus impegerat. Sed missa Sectarii arrogantia, ad rem ipsam veniamus. Opus Domini operabatur sicut Paulus, quia ipsius cooperarius & focus germanus erat in opere Domini, sicut alium cooperarium Philip. 4. 3. hoc elogio commendat, quasi sub eodem iugo in agro Domini trahentem. Juvenis erat Timotheus, ut igitur conciliaret illi auctoritatem apud Corinthios, hortatur ne pro nihilo illum habeant, id est, ut alibi, ne juventutem ejus despectui habeant, & operari opus domini dicit, ut & ego. Præterea non dicit, ut ego, sed ut & ego, αὐτὸς καὶ ἐγώ, quæ longe diversa sunt. Ambo operati sunt opus Domini; sed non opus Apostoli. Timotheus operatus est opus Domini, sicut & Apostolus, sed non sicut Apostolus. Esto, dixerit Apostolus, operatur opus Domini sicut ego, non sequeretur, vi & virtute ejusdem & paris functionis operatum fuisse. Paulus ad Galatas dicit, neque respicis, sed me ut Angelum Domini, ut Christum Jesum excepis, Galat. 4. 14. non tamen par erat Angelo Domini, aut Christo Domino Apostolus Galatarum iudicio. Non ergo paritas aut æqualitas inter Timotheum & Paulum, sed similitudo, notatur, nempe quòd in uno tertio convenirent, in opere Domini. Sed peragere opus Evangelistæ, non est operari opus Domini sicut & Evangelista operatur, sed sicut Evangelista operatur, imò Evangelistam seriò agere. Quid est opus Evangelistæ peragere, inquit Dounamus, nisi Evangelizare, hoc est Evangelium prædicare? quòd quivis concionator & minister Evangelii potest. Sed aliud est Evangelizare sensu largiore, aliud opus peragere Evangelistæ. Istud enim est, ut Evangelistam Evangelizare: alioquin non erit proprium opus Evangelistæ. Apostolus urget Timotheum, ut perpendat dignitatem functionis ad quam vocatus, quò animosius pergeret cum jam amissurus esset præceptorem fidelem: quod observatum est à piæ & foelicis memoriæ Magistro Genevensi Reverendo Calvino. Sit igitur Evangelizare omnibus commune, qui docendi & prædicandi potestate præditi erant: Evangelistarum tamen appellatio nullibi in Scripturis tribuitur, nisi iis qui erant Evangelistæ propriè dicti, qui Evangelium prædicarunt non in una sed pluribus Ecclesiis. Si nullibi in ampliore significatione sumitur ista appellatio, & nihil cogitur ut hoc loco discedamus ab eadem significatione, perperam ab Evangelizationis opere communi ratiocinantur contra Evangelistæ appellationem subsidiariis Apostolorum ministris peculiarem.*

Nam

Defens. l. 4
c. 4. S. 12.

Nam sic etiam Diaconos tollere possunt, quia verbum ministrare ipsis Apostolis & Evangelistis tribuitur. Fatetur præterea Dounamus, Timotheum fuisse Evangelistam; nihil igitur impedit quò minus Evangelista dicatur, qui reipsa fuit Evangelista. Evangelistas propriè & strictè dictos Timotheum & Titum non fuisse sic probat Tilenus in Saravia ludo edoctus. Evangelistas propriè ac strictè acceptos constat, ex authenticis Novi Testamenti tabulis, à Christo non minus immediatè vocatos fuisse, quàm ipsi fuerunt Apostoli. Timotheum verò, discipulum cum esset, fratrum, qui Lystris & Iconiis erant, testimonio ornatum, & à Paulo ad ministerium verbi adscitum fuisse, legimus exerte, Act. 16. 2. 3. Presbyterium de quo 1. Timoth. 4. 14. sive cœtum ac collegium Presbyterorum significet, ut vult Beza, sive munus à Paulo per manuum impositionem demandatum Timotheo, ut vult Calvinus, cui ego assentior, nihil ad Evangelistam propriè dictum; neque enim quod extraordinarium duntaxat & temporarium est munus, ab ordinariis Ecclesiæ ministris cuiquam potest mandari; neque Presbyter qui ordinatur, idem Evangelista, quales fuerunt illi lxx. dici potest. Hi enim ab ipso Domino vocati & instituti, hominis ipsius institutionem & præcepta, qualia Timotheus non pauca accepit, minime desiderant. Primum ait, à Christo non minus immediatè vocatos Evangelistas, quàm Apostolos. Septuaginta discipulos intelligit, quos dicit ab ipso Domino vocatos & institutos Evangelistas. Utrumque falsum. Nulli erant Domino in terris versante instituti Evangelistæ. Septuaginta Discipulos è numerosa discipulorum turba Dominus selegit, quos, apparitorum instar, misit binos ante faciem suam in omnem civitatem & locum quò ipse venturus erat, Luc. 10. Ut nimirum hi non tam prædicarent Evangelium, quod nondum erat impletum, quàm ut præpararent quodammodo populos per generalem annunciationem jam advenisse Messiam, & appropinquare regnum Dei, inquit Spalatensis. Neque hic instituitur solennis quedam prædicatio Evangelii, qualis fuit à discipulis usurpata, quum jam Ecclesias constituerent; sed mittuntur isti tanquam Christi apparitores, qui eum significarent adventare Hierosolimam, & verum & ultimum jubileum promulgarent, nempe ut Christus supremarum suarum concionum & passionis, item ac resurrectionis, plurimos testes haberet, inquit Theodorus Beza. Vides, ut convenit inter Spalatensem & Magistrum Genevensem. Hæc autem gesta fuisse in ultima Christi professione existimat, cum dirigeret faciem suam ad eundem Hierosolimam. Imperfectam & limitatam istam promulgationem vocat Spalatensis. Temporaria etiam fuit ista legatio, quam una tantum vice obire mandatum; & proinde nondum ad munus aliquod stabile & fixum vocati sunt. Duo decim Apostolos, jam propriè sic nominatos, firma & constanti electione ordinarios suos ministros dum viverent esse voluit. Hos 70 discipulos ad certum & stabile aliquod talis numeri corpus non redegit, sed suos præcursores esse voluit. Peracto hoc primo munere non legimus eos amplius missos à Christo in ministerium verbi, neque novam illis replicatam commissionem cum extensione, sicut duodecim Apostolos scimus denuo accepisse à Christo post resurrectionem mandatum & commissionem generalem sui Apostolatus perpetui & universalis in orbem terrarum, & de illis septuaginta nullam amplius habemus mentionem in sacris literis sub hoc præfixo numero, nisi sub communissimo discipulorum nomine. Nomina 70 discipulorum, qui a Domino fuerunt electi, dum singula exprimere conati sunt aliqui; omnes ferè, quorum meminit Paulus in Epistolis, nullo judicio confarcinantes, inter discipulos Domini adnumerarunt: cujus rei primus post Hippolytum auctor fuit Dorotheus, inquit Baronius. Eusebius cum in iis hinc inde perquirendis, haud parum laboris insumpsisse videatur, fatetur nuspiam inveniri eorum catalogum. Discipuli, qui Johann. 4. 2. dicuntur baptizasse, non erant ex numero 70 discipulorum. Imò nondum omnes Apostoli ad discipulatum, nedum ad Apostolatam, vocati erant. Erant adhuc rudes & ignari, verè discipuli,

Paræn. Cap. 5.

L. 1. c. 2.
Num. 3.

Annot. in
Luc. 10. 7.

Spalat. l. 2.
Cap. 3. Num. 3.

Ann. 34.

Hist. Lib. 1.
c. 12.

non magistri: & proinde ipsorum baptizare, nil aliud erat quàm ad mandatum Christi presentis & Euangelizantis tingere. Et ideo Johann. 3. 22. dicitur Jesum baptizasse, quia ipsius mandato administrarunt externam tingendi actionem. Septuaginta discipulos à Christo denuo confirmatos ante ascensum in coelos nusquam legimus. Augustinus & Ambrosius, teste Spalatensi, sentiunt à Christo defecisse, quia Christus conversus ad duodecim dixit, *nunquid & vos vultis abire Johan. 6. 67.* Epiphanius defecisse, sed rediisse saltem quosdam, arbitratur. Christus quidem dixit iis, *Gaudete verò potius, quòd nomina vestra scripta sint in cælis Luc. 10. 20.* Sed ad munus & vocationem rediisse non putabat Epiphanius, qui septem Diaconos ex horum numero selectos sentiebat, quod tamen probabile non est. Nam propter murmur inter Hellenistas & Hebræos Act. 6. verisimile est Diaconos omnes Hebræos non fuisse. Videmus tamen non modò Genevenses Magistros, sed etiam Patres, 70 discipulorum vocationem immediatam ad Euangelistarum munera denuò à Christo confirmatam negare. Non sequitur ergo, Timotheum & Titum non fuisse propriè & strictè dictos Euangelistas, quia à Christo non sunt *ἐπιστάς* vocati; quia neminem à Christo ante ipsius ascensionem ad munus illud vocatum legimus. Extraordinariam tamen Euangelistarum vocationem fuisse agnoscimus. Nam extraordinaria vocatio fit, non modo immediatè à Deo aut Christo sua voce compellante, ut vocatus est Moses, Samuel, & alii in Veteri Testamento; & Apostoli à Christo; sed etiam mediante hominum ministerio, & internuntiis adhibitis, non qui jus conferant, sed qui Dei voluntatem & mandatum denuncient. Omnis Immediata Vocatio Extraordinaria est, non contra. Nam extraordinaria est vel mediata vel immediata. Immediata est quæ citra hominum ministerium fit, aut voce compellante, aut Spiritu inspirante. Euangelistæ vocati sunt, aut immediatè Spiritus afflatu intrinseco, aut mediante hominum ministerio. Spiritus afflatu intrinseco vocatus est Philippus Euangelista, ut videtur. Nam cum ante dispersionem esset tantummodo Diaconus, post dispersionem in scis Apostolis profectus est in Samariam, ut prædicaret Euangelium, & Euangelista postea dictus est. Alii etiam qui primi ex eadem dispersione in Phœnicia & Cypro Euangelizarunt, & inconsultis Apostolis Ecclesiæ Antiochenæ fundamenta jecerunt Act. 11. 19. eodem modo vocati videntur. Mediante hominum ministerio vocatus est extra ordinem Timotheus. Ne negligas donum quod est in te, quod datum est tibi per Prophetiam, 1. Timoth. 4. 14. *Per Prophetiam quomodo? quia scilicet Spiritus Sanctus oraculo Timotheum destinaverat, ut in ordinem pastorum cooptaretur. Neque enim delectus tantum fuerat hominum iudicio, ut fieri solet, sed præcesserat Spiritus nuncupatio; inquit Calvinus in hunc locum. Et ne quis forte putet Calvinum sensisse, Timotheum non fuisse Euangelistam, sed ordinarium pastorem, sciatur illum pluribus argumentis probare Timotheum fuisse Euangelistam, in Commentariis & Concionibus in eundem locum, & Institutionum Libro Quarto, ubi dicit; Per Euangelistas, eos intelligo, qui, quum dignitate essent Apostolis minores, officio tamen proximi erant, adeoque vices eorum gerebant. Quales fuerunt Lucas, Timotheus, Titus, & reliqui similes. Extra ordinem vocatum Timotheum ex 1. Timoth. 4. 14. alii etiam colligunt. Non humano suffragio Episcopus factus fuisse, sed Prophetiâ, hoc est, divina revelatione, inquit Theodoretus; Spiritu Sancto iubente, Theophylactus; Spiritus mandato, interpretatur Oecumenius. Quid est ex Prophetia? inquit Chrysostomus. Ex Spiritu Sancto. Quippe munus est Prophetiæ, non modo futura prædicere, verum & præsentia dicere: quoniam & Saul prophetia ostensus est, qui inter vasa latebat. Deus enim revelat. iustus: Prophetia itidem fuit, cum dicit Spiritus Sanctus, separate mihi Paulum & Barnabam: ita & Timotheus electus est. Prophetias autem plurimas dicit.*

Eor.

Fortassis & illam, per quam ipsum acciperat, quando eum & circumcidit atque ordinavit, quemadmodum & ipse scribit, noli negligere gratiam quæ est in te. Igitur ut illum excitaret, sobriumque ac vigilantem faceret, admonet eum, quis illum elegerit atque ordinaverit; ac si apertius dicat, Deus ipse te elegit, ipse tibi Ecclesiam credidit, non te iudicium promovit humanum: Noli igitur sententiam Dei probro afficere. Si Prophetarum nuncupatione designatus fuisset Episcopus Ephesus, quid opus erat, ut rogaret eum Paulus, ut subsisteret Ephesi. Non est verisimile, Timotheum non obsequuturum divinæ revelationi absque ullo rogatu aut precibus Pauli. De prima igitur assumptione ad Evangelistæ officium hæc Spiritus nuncupatio intelligenda est. An Timotheus donis non instructus donec subsisteret Ephesi, quum tot annos antè prædicasset Evangelium in Ecclesiis celeberrimis? Pergamus ad alios Anselmus Cantuariensis; *Videtur Apostolus Prophetiam vocare inspirationem Sancti Spiritus, per quam sciebat, quid de hoc & de cæteris esset acturus.* Per prophetiam, inquit Piscator, id est, per singularem vocationem testatam ab aliquo propheta ex revelatione Spiritus Sancti, qualis describitur vocatio Pauli & Barnabæ ad prædicandum Evangelium in Græcia Act. 13. 2. 3. 4. Mibi etiam probabile videtur per prophetiam intelliꝑi divinam revelationem; ait Spalarensis. Videmus igitur non solos Genevenses, sed & veteres & recentiores agnoscere Vocationem Extraordinariam in Timotheo, licet mediatam, jubente per os prophetarum Spiritu Sancto. Agnoscunt & ipsi Hierarchici. Dounamus in Concione ad finem, & Bilsonus de Gu-
bernatione Ecclesiæ. Sic enim ait. Triplicem eligendi in Novo Testamento rationem inveno, per Spiritum, per sortes, per suffragia. Per sortes Matthias deligebatur: per suffragia Diaconi: per Spiritus vocem emissam Paulus & Barnabas ad Gentes docendas ablegati sunt: per Spiritum in Prophetis loquentem Timotheus designabatur, 1. Timoth. 4. 1. Timoth. 1. Et eodem Capite; Timotheum igitur testimonio Prophetarum approbatum & commendatum Paulus in comitatum assumpsit, & secum proficisci voluit, & per impositionem manuum suarum, eum Spiritu Sancto locupletavit. Ubi etiam vides de prima assumptione Prophetarum prædictiones intelligere Bilsonum. Et certè absurdum esset, existimare Timotheum Episcopi munus non nisi prægressis prophetiis suscepisse, non autem Evangelistæ. Addit Bilsonus Prophetarum prædictionibus alium etiam modum extra ordinem vocandi Pastores in primitiva Ecclesia, nempe afflatum intrinsecum Spiritus in ipsis Apostolis. Spiritus Sanctus, inquit, Apostolos in Pastorum delectu, voce, prophetia, vel afflatu dirigebat, in quos manus imponebant, quosque ipse cælestibus suis donis ac ministerio dignis adornaret, Act. 19. Item; Quos ipse Spiritus, vel instinctu, vel voce, vel per Prophetas nominaverit, in eos Apostoli manus imposuere. Item; Spiritus Petrum & Johannem Samariæ dirigebat, in quos manus suas imponebant. Pari modo Paulum afflavit, ut duodecim illis Ephesus ad Ecclesiam ibi plantandam multiformes Spiritus dotes impertiret. Eusebius etiam refert, Johannem Apostolum ex insula Pathmo Ephesum reversum nonnullos Clerum elegisse, quos Spiritus Sanctus significabat. Si igitur in Pastoribus designandis Apostoli afflatu intrinseco & instinctu Spiritus dirigebantur, multo magis in assumendis cooperariis & commilitonibus suis, qui non uni Ecclesiæ, sed pluribus per plures provincias Evangelium promulgaturi erant. Dirigebat Spiritus Sanctus Apostolos in peregrinationibus suis, & in comitibus deligendis deferret? Ne quis fortè miretur tot & tam variis modis Evangelistas extra ordinem vulgarem vocatos, nempe prophetarum testimonio, afflatu intrinseco, ipsius Evangelistæ vocati, vel vocantis Apostoli, similem, velim, observer, varietatem in eligendis Apostolis. Quosdam viva voce Christi in terris, alios voce Christi cælitus compellante, Matthiam interveniente hominum ministerio & per sortes,

L. 2. Cap. 4
Num. 20.

Cap. 7. pag. 129.

Pag. 128.

Cap. 9. pag. 161.

Cap. 7. pag. 125.

Cap. 7. pag. 129.

Hist. 1. 3.
Cap. 23.

ad Apostolatam vocatos perspicier. Barnabas quo modo vocatus fuerit, non constat. Extra ordinem tamen in Apostolorum numerum coopatus est. Nam Apostolum fuisse ejusdem gradus cum Paulo, apparet ex multis indiciis. Absque ulla restrictione & ἀπλῶς Apostolus appellatur, Act. 14. 4. 14. Et pari auctoritate cum Paulo prædictus emittitur ad gentes Act. 13. Alii erant in ipsorum comitatu, tamen Barnabas ut par, non inter suppare, nominatur. Lystrenses Barnabam Jovem existimabant Act. 14. 12. Paulum vero Mercurium: & sæpius prius nominatur Barnabas, quàm Paulus. Semper distinguitur ab aliis comitibus Pauli, & in illa peregrinatione per gentes, & cum ascenderent ad consilium Hierosolymitanum. Exacerbatio inter Paulum & Barnabam orta ut alter ab altero abscesserit, Act. 45. 39. & potestas assumendi cooperarium Johannem cognomento Marcum, Apostolum, non Euangelistam, fuisse ostendunt. Silas erat Euangelista propriè & strictè dictus ut Barnabas, dicit Saravia Sed imaginariam suam distinctionem Euangelistarum demonstrare non potest. Hoc ipso loco Act. 15. 40. Paulus Sila allecto abiit commendatus gratiæ Dei à fratribus: Barnabas assumpto Marco navigavit in Cyprum. Videtur Silam non parem fuisse Barnabæ, nec assumpsisse cooperarium, sed à Paulo assumptum Act. 11. 22. videtur Barnabas in eundem finem missus Antiochiam, in quem Petrus & Johannes Samaritiam. Casaubonus Barnabam in Apostolorum numerum coopatum fuisse dicit. Baronius Paulum & Barnabam super Duodenarium numerum fuisse allectos scribit, sicut senatores qui supra numerum per gratiam in Senatum allegebantur, quos Senatores abortivos appellari solitos scribit Suetonius. Calvinus ait; *Nisi forte, quia Paulo additus erat collega Barnabas utrumque in pari officii gradu statumus: ita Apostoli titulus verè in ipsum competet.* Ipse Dounamus dicit, Apostoli appellationem κατ' ἐξοχὴν tributam Paulo & Barnabæ Act. 14. 14. His, (nempe Duodecim Apostolis,) inquit Tilenus, accessit Paulus peculiariter gentibus destinatus Act. 9. 15. Galat. 2. 7. forsitan & Barna as. Rhemistæ Paulum & Barnabam Apostolos etiam vocant Act. 15. 2. Plurium testimonia cumulare possem, sed redeundum est eò unde digressus sum. Euangelistas à Christo viva voce vocatos fuisse negamus, quia scriptum non legimus: extraordinariè tamen vocatos, & ab Apostolis assumptos, dicimus. Nec etiam diffitemur è numero 70. discipulorum quosdam ad id muneris postea allectos, ut ex aliis Christi discipulis. Quòd omnes vel quidam allecti fuerint ab Apostolis, quia prius ad id munus vocati à Christo, negamus. Sed ad secundum caput progrediamur. Esto, inquit, vocati fuerint extra ordinem; non tamen ad Euangelistæ, sed Presbyteri, munus vocatus est Timotheus; *Ne negligito donum quod est in te quod datum est tibi per prophetiam cum impositione manuum Presbyteri,* id est, ut interpretantur, ad officium Presbyterii sive Presbyteratus. At nullibi in Novo Testamento usurpatur vox ista Presbyterium pro officio, sed collectivè pro cœtu & confesso Presbyterorum. Calvinus utrumque sensum non malè quadrare dicit; hunc sensum tamen non rejicit. Presbyterium, inquit, qui hîc nomen collectivum putant pro Presbyterorum collegio positum, rectè sentiunt meo iudicio. Sed certè syntaxis & series verborum sensum illum de officio Presbyterii ferre non potest. Quis enim esset sensus, si quis sic redderet verba, *ne negligito donum quod est in te, quod datum est tibi per impositionem manuum Presbyteratus?* iadde similia, per impositionem manuum Episcopatus, Diaconatus, &c. Nec in Scripturis, nec apud probatos auctores, reperies impositionem manuum cum officio ad quod quis vocatus, sed cum personis imponentibus constructam. Si Presbyterii vocem referes ad donum, non modò erit hyperbaton inelegans, ne negligas donum (quod est in te, quod datum est tibi per prophetiam cum impositione manuum) Presbyterii;

Cap. 2. & 4.

Ann. 44.

Act. 14. 4.

Defens. l. 4.

Ca. 3. Sect.

14.

Synagoga

p. 196.

Comment. in

1. Timoth. 4.

14.

terii; sed & ipsa phrasis (donum Presbyterii vel Presbyteratus, quod est in te) durior erit. Apostolus alibi illustrat sensum hujus loci. *Quam ob causam suggero tibi, ut exsuscites donum Dei, quod est in te per impositionem manuum mearum, 2. Timoth. 1. 6.* Impositio manuum, personæ est tibi, non officii. Ipsa etiam res & historia rei gestæ istum sensum respuit. Vel Evangelistam vel Episcopum oportet fuisse Timotheum. Nam Timotheum Presbyterum simplicem non fuisse constat, inquit Bellarminus. *Quis vero dubitet, ait Spalatensis, primos plures Episcopos ab Apostolis Episcopatum habuisse totum immediate absque prævio Presbyteratu: qualis fuit Timotheus, Titus, & Barnabas, Silas, Barsabas, & similes. Sed cum alibi Timotheum Episcopum generalem nulli certæ sedis alligatum à Paulo vocari adjutorem suum dicit, nil aliud sequetur quàm Evangelistam fuisse, & ad munus immediate, id est, absque prævio Presbyteratu, vocatum fuisse. Nam quem ille generalem Episcopum, nos, secundum Scripturæ phrasin, Evangelistam vocamus. Sic Oecumenius; Juxta Spiritus revelationem Timotheus & à Paulo in discipulum electus, & circumcissus, & Episcopus ordinatus est. At cum à Paulo assumptus Evangelista, non Episcopus proprie fuit. Sive igitur Presbyteratus, sive Episcopatus propriè dictus, Presbyterii voce hic intelligi non potest, quia nec historia rei gestæ, neque verborum syntaxis, nec ipsius vocis usitata significatio in Scripturis, hunc sensum ferre potest. Nobis verior videtur Græcorum expositio, dicit Bellarminus, qui nomine Presbyterii intelligunt chorum sive cætum Presbyterorum, id est, Episcoporum qui non uno Episcopo manus imponunt; sic enim exponunt Chrysostomus, Theodoretus, Theophylactus, & Oecumenius, Licet de Episcoporum cœtu interpretentur, rationi temporum sensum suam interpretatorem accommodantes, ut ait Junius; de cœtu & confesso tamen, non de officio, Græci interpretes Græcam vocem interpretati sunt. Episcoporum cœtum non intelligere hac voce Apostolum patet vel ex eo, quod tunc temporis non erat collegium Episcoporum Lystræ, ubi assumptus Timotheus. Antonius de Rosellis ait, propter inopiam Episcoporum Paulus Timotheum & Titum solus Episcopos consecravit. Johannes Major idem dicit, Paulus non quæsit duos pro ordinatione Titum & Timothei. Aquinas ait, nondum editum Canonem Apostolicum, ne Episcopus absque tribus Episcopis ordinaretur. Armachanus cum quemvis Presbyterum legitimum confirmationis ministrum probare vellet, hunc locum de Presbyterorum cœtu exponit, in Libro Undecimo Quæstionum Armenicarum, teste Bellarmino. At, inquiunt, munus extraordinarium & temporarium ab ordinariis Ecclesiæ ministris cuiquam mandari non potest. Neque enim fas erat, inquit Ambrosius, neque decebat, ut inferior superiorem ordinaret. Nemo enim tribuit, quod non accepit. At sine ulla controversia, ait Apostolus, id quod minus est, ab eo quod majus est, benedicitur, & non è contrario. Respondeo primum, non Presbyteros solos imposuisse manus Timotheo, sed etiam Apostolum Paulum, ut patet ex 2. Timoth. 1. 6. ut exsuscites donum, quod est in te per impositionem manuum mearum. Apostolus major est Evangelista, etsi uterque extraordinario fungatur munere. Dounamus dicit, Presbyterium istud posse significare cœtum Apostolorum, aut Apostolicorum virorum, id est, si non Episcoporum, saltem plus quàm Episcoporum. Eos Presbyterium vocat, inquit Theodoretus in illum locum, qui Apostolicam acceperant gratiam. Si non unus Apostolus, sed plures Apostoli, ut viri Apostolici plus quàm Episcopi, iniliarunt Timotheum impositione manuum, in Evangelistæ munere, tum extraordinarii extraordinarium iniliarunt. Sed Apostolos plures, aut Apostolicos viros, sive Episcopos sive plus quam Episcopos fuisse Lystræ aut Ephesi, quum imponerentur manus Timotheo, qui justam Presbyterorum Senatuum constituerent, probare, non absque Scripturis divinare, debuit. Presbyterii*

De Cleric. l.

1. Cap. 15.

L. 2. c. 4.

Num. 28.

L. 2. C. ap. 5.

Num. 60.

In 1. Tim. 1.

De Clericis

1. Cap. 15.

Monarch.

Part. 2. Ca. 7.

in 4. Sent.

tent. Dist.

27. Qu. 3.

In 1 Tim. 4.

De confirm.

Cap. 12.

Defens. l. 3.

Ca. 4. f. 10.

*Beilarm. de
Ecclef. Lib.
4. Cap. 3.*

*L. 2. Cap. 2.
Num. 10.*

*Ibidem
Num. 13.*

vox ordinarium & statum confessum Presbyterorum alicujus loci significat, non autem numerum pro re nata coeuntium, aut sibi obviam occurrentium Presbyterorum, sive simplices sint Presbyteri sive plus quam Presbyteri. Missis igitur divinationibus & inanibus conjecturis, dicimus Presbyterium, id est, cœtum Presbyterorum certæ alicujus Ecclesiæ imposuisse manus Timotheo; sed Paulum Apostolum, qui Euangelistâ dignitate & gradu superior est, manus etiam imposuisse; & proinde à superiori, non inferiori, initiatum fuisse. Inferiores etiam superiorem ordinare & inaugurare posse, in ipsa Romana Ecclesia satis constat. Episcopi Archiepiscopum, Archiepiscopi Papam, inaugurare possunt. Imò, inquit Anastasius in vita Pelagii, *cum non essent, qui eum ordinarent, inventi sunt duo Episcopi, Johannes de Perusio, & Bonus de Ferentino, & Andreas Presbyter de Ostia, & eum ordinauerunt Episcopum.* Presbyteri Ecclesiæ Alexandrinæ, qui unum ex se in celsiori gradu collocarunt ut præsidem, postea mutata illa prosthafia in gradum potestatis absque dubio in initio etiam consecrarunt. Duo Abbates mitrati, & unus Episcopus, ex Papæ dispensatione in Ecclesia Romana consecrare possunt Episcopum: at Abbates illi Presbyteri sunt. Imò unum Abbatem Episcopos consecrasse, ex Beda supra ostendimus. Consecrans consecrando superior esse potest, etsi non consecrato peracta consecratione superior sit. Presbyterium est majus Episcopo etiam consecrato, nedum consecrando; Episcoporum Synodus Archiepiscopo, etsi singuli Presbyteri seorsim non sint majores Episcopo, aut Episcopi Archiepiscopo. Ananias Paulo imposuit manus, non modo ut curaret cæcitatem, sed etiam ut acciperet Spiritum Sanctum. Prophetæ & Doctores imposuerunt manus Paulo & Barnabæ Act. 13. 3. quamvis Paulo & Barnabæ inferiores, & separati essent illi ad opus ad quod vocaverat eos Spiritus Sanctus, ab ipso Spiritu Sancto. *Nullus tunc aderat ex duodecim Apostolis,* inquit Spalatensis. Litigunt inter se Pontificii, utrum impositio ista manuum fuerit ordinativa, & ad Episcopatum relata, an tantum precatoria: nos tenemus precatoriam fuisse & commendatoriam, (nam commendarunt eos gratiæ Dei, ut dicitur Capite 14. 26.) tamen ut ordinare non potuerunt, & ad ministerium vocare Apostolos, qui erant extra ordinem vocati; ita nec ad opus certum, vel locum. Nam Spiritus Sanctus dirigebat Apostolos in suis peregrinationibus, & hic deserte dicitur quod emissi sunt à Spiritu Sancto, & tamen imposuerunt illis manus. *Destinavit eos Spiritus Sanctus,* inquit Spalatensis, *ad majores adhuc labores, & ad novas amplioresque provincias Christi fide imbuendas. Ad hoc verò quoniam egebant plurimum gratia Spiritus Sancti, qui illos regeret, foveret, confirmaret, & tueretur, idcirco ipsissimè, ut par est credere, ita exposcentibus, & rogantibus, Ecclesia tota illa, in qua erant, Antiochena, jejunii & orationibus tam grande opus conversionis gentilium Domino commendabat, & gratiam Spiritus Sancti pro his duobus implorat, & per impositionem manuum impetrabat.* Exponit postrema verba in sequentibus, cum dicit impositionem manuum fuisse ceremoniam piam, & tunc consuetam uti partem quandam efficacis orationis. Sed rectius diceret, fuisse ritum & gestum orantis, indicantis personam cui gratiam implorabant, quàm partem efficacem orationis. Cum assumendi erant Levitæ è medio filiorum Israël ut purificarentur, jubet Dominus ut admoveantur coram Jehova, & nitantur filii Israël manibus suis super ipsos Levitas, Num. 8. 9. 10. Etsi Dominus jusserat Levitas consecrare in ministerium, tamen jubet etiam Israelitas imponere manus Levitis, tanquam si ultro suo nomine eos eederent ad ministerium, ut appositè interpretetur Franciscus Junius in Analyfi. Videmus ergo; quàm ineptum sit ab impositione manuum argumentum ducere contra vocationem extraordinariam, & inde colligere Timotheum non fuisse Euangelistam propriè dictum, quia manus ei impositæ à Paulo & Presbyterio. Impositionem

sitionem manuum existimant sacramentale signum esse, vim sacramentalem habere, & gratiam conferre; & proinde inferiores non posse majoribus, & ordinarios extraordinariis imponere manus, quia per impositionem manuum gratiam conferre non possunt. At error est principium illud cui innituntur, qui jamdiu in scholis inolevit. *Impositio manuum ordinaria gratiam non confert, sed tantum indicat personam cui impetranda est gratia, & in vocatione extraordinaria signum est approbationis, & quasi obsignatio & testificatio extraordinariæ vocationis.* Cum igitur Timotheus initiandus erat in munere extraordinario, expediebat testimonium habere cujusdam Ecclesiæ de vocationis modo & ordine testantis, & præterea commendari gratiæ Dei ab Ecclesia illa precibus suis, quarum in personalibus actionibus ceremonia consueta erat manuum impositio. Nam multi & magni labores erant Timotheo exantlandi, & magna illi militia militanda erat. Notandum etiam, magnum discrimen esse inter impositionem manuum Presbyterii, & Pauli. Nam per impositionem manuum Apostolorum Deus conferebat charismata, non autem per impositionem manuum Presbyterorum. Ideo de sua impositione sic loquitur, *Donum quod est in te per impositionem manuum mearum: de impositione autem manuum Presbyterii non ait, per impositionem manuum Presbyterii, sed cum impositione manuum Presbyterii; non δῶ, sed μὲν.* Quod ad regulam illam captiosam, *nemo potest dare quod non habet*, respondeo; non dedisse Presbyterium Timotheo vel dona vel potestatem Evangelistæ, sed, ut dixi, suo judicio & testimonio obsignasse, & Deo precibus suis commendasse. Præterea fallit etiam in ordinariis hæc regula. Nam concedatur Timotheum fuisse Episcopum, dare tamen poterant Presbyteri Lystrenses Episcopatum Timotheo, ut Alexandrini Alexandrino: Nam *Episcopatus non est donum aliquod reale, sed functio, quæ quidem dari potest, ab iis qui ea uti non possunt*, inquit Whitakerus. *Sic populus in quibusdam locis Regem creat, sic olim milites Imperatorem; & tamen non penes hos imperii administratio fuit, nec penes populum regni.* Deinde, inquit, *Ecclesia potest facere Episcopum; Ecclesiæ data potestas est suos Episcopos & Pastores nominandi & creandi. Et quamquam tota non potest fungi hoc munere, potest tamen eligere & ordinare qui eo fungantur, ut si nullus esset in orbe Episcopus, tamen Ecclesia posset Episcopos creare.* Guilielmus Altisiodorensis in Summa sua Lib. 4. ait. *Si essent in mundo tantum tres sacerdotes, oporteret quod aliquis illorum consecraret alium in Archiepiscopum; simplices sacerdotes non tamen sunt Episcopi.* Vide Saraviam. *Dare, inquit Whitakerus, aliquod donum reale propriè dicimur, quod habemus; quod cum dedimus, non habemus.* At Episcopatus non est donum reale, ut supra dixit, sed functio; certè nec Evangelistæ functio est donum reale. Reliquum est adhuc tertium Tileni dictum; Evangelistas propriè dictos ab ipso Domino vocatos & institutos, hominis ψιλῶ institutionem & præcepta, qualia Timotheus à Paulo non pauca accepit, minime desiderare dicit, & proinde innuit Timotheum non fuisse Evangelistam propriè dictum. Evangelistarum propriè dictorum, qui nulla mandata ab Apostolis acceperant, neminem nomine designat, ut discrimen fuisse inter illos & Timotheum offendat. Saravia Silam & Barnabam Evangelistas prioris generis existimat. At Tilenus supra annumeravit Silvanum (qui etiam Silas nominabatur, ut patet ex Act. 17. 15. & 18. 5. 1. Thess. 1. 1. & 1. Thess. 3. 6) posterioris generis Evangelistis. De Barnaba supra diximus. Dounamus unicum Philippum Evangelistam nominat, quem ex numero 70 vel 72 discipulorum & à Christo immediate vocatum fuisse asserit; Barnabam, ut supra ostendimus, Apostolo Paulo associat. At Philippus erat 7 Diaconorum unus, priusquam ad Evangelistæ munus vocatus. Non ergo à Christo in carne vel post resurrectionem vocatus ad Evangelistæ officium.

Controvers.
4 Qu. 2.
Cap. 15.

Sarav. Traß.
Cap. 2.

Defens. l. 4.
Cap. 4. Sect.

Syntagm.
Disput. Part.
2. Disput.
21. Sect. 24

Defens. 2.

cium. Nam ministerium mensarum & viduarum à ministerio verbi separarunt Apostoli. Euangelistæ erant ministri verbi, & ministerii illius exercitium intermisisse, vel utrumque ministerium simul exercuisse, non est credendum, cum decreto Apostolorum separata essent ista munia. Immediate tamen vocatum per afflatum intrinsecum Spiritus non negamus, Vel, si ex Diacono Euangelista factus est extra ordinem, aut à Deo per Angelum vocatus, quod innuere videtur singularis illa revelatio Act. 8. 26. aut priusquam Hierosolymis discederet ab Apostolis ad hunc ministerii gradum promotus, ut vult Tilenus, non reluctabimur, & sic mediante hominum ministerio vocatum non ægre dabimus, cum Philippum, tum alios, qui primi post dispersionem in Phœnicia & Cypro euangelizarunt, Act. 11. 19. Sed nulla accepisse mandata ab Apostolis Philippum, qui ab Apostolis, ut ait ille missus est, an credibile est? An verisimile est, absque mandatis emissum ab Apostolis, aut Cæsareæ mansisse & nulla à Jacobo aut aliis Apostolis mandata accepisse, Act. 21. Non sunt pugnantia, vocari extra ordinem, etiam immediatè, & tamen mandata ab Apostolis accipere. Non enim omnes qui extra ordinem vocantur, aut immediatè, sunt Apostolis donorum mensuræ æquales, & extra omnem erroris aleam constituti, ut illi. Ponatur, Philippum à Christo viva voce vocatum, Philippum & alios interfuisse cœtui Apostolorum, & descendisse super eos Spiritum Sanctum die Pentecostes Act. 2. an propterea tot & tanta charismata in illos, quot in Apostolos effusa? Num omnes Apostoli? Ut Apostolis major data potestas; ita etiam in eis major relucebat gratia, inquit Saravia. Si omnia non sunt illis revelata sicut Apostolis, quod ab Apostolis mandata acceperint, credere par est. Saravia Silam propriè dictum Euangelistam vult; & tamen Lucas refert, Paulum assumpsisse eum sibi comitem & ejus opera subsidiaria, sicut & Timothei, usum. An cooperarum habuit, qui mandata nulla ab ipso acceperat. Præterea multa mandata accepit à Paulo Timotheus, non tam sui, quàm Ecclesiarum, ubi substitit ad tempus, causa. Multa enim mandata Timotheo Paulus dedit quorum ignarus non erat, ut qui in Pauli comitatu eorundem praxim in aliis Ecclesiis observaverat. Ecclesiarum igitur ad quas ablegatus, vel ubi substitit, causa præcipue mandata Timotheo data sunt. Apostoli non poterant Ecclesiis omnibus, quas plantarunt, præsentem operam suam addicere, nec viva voce informare. Et Apostolorum scripta aut nulla aut pauciora in Ecclesiis primordiis extabant. Oportebat ergo mandata & mandatarios mittere, qui vel mandata in scriptis acceperant, vel ex ipsorum ore exceperant, ut per mandata & mandatarios, quoad poterant, absentiam suam supplerent. Mandata autem dederunt plerumque; vel ut ædificium, quod inchoaverant, & adversariorum importunitate coacti, aut alias ob causas, relinquerant, exædificarent; aut Neophytos trementes ob persecutiones recens excitatas confirmarent; aut Pseudo Apostolis & impostoribus occurrerent; aut dogmata de doctrina plenius traderent; aut de politia formanda præceptis Apostolicis informarent. Et in hisce Euangelistas illos imaginarios prioris generis, Apostolis nullam operam accomodasse censebimus? Subsidiarios vocant Apostolos, & tamen nullum subsidium Apostolis tulisse sequitur, si nulla ab Apostolis mandata acceperant. Apostolos oportet fuisse, potius quàm Euangelistas, qui sua autoritate omnia absque Apostolis peragebant. At nullos agnovit Ecclesia summos Architectos, nisi primarios Apostolos. Oportebat semper Ecclesias certiores reddi, quicquid de fide vel politia necessaria & perpetua tradebatur, ab Apostolis fluxisse; vel super Apostolorum fundamenta ædificatum esse. Et quibus mediis externis certiores reddi poterant, nondum absoluto Canone Scripturarum, quam missis aliis, qui ex ipsorum ore ut ex fonte omnia hauserant, & ipsorum

vias

vias in Christo noverant? Propterea nisi vobis Timotheum, qui est filius meus dilectus, & fidelis in Domino, qui vobis in memoriam revocabit quæ sint viæ meæ in Christo, sicut ubique in omnibus Ecclesiis doceo, 1. Corinth. 4. 17. id est, quam viam & regulam sequor passim in docendis Ecclesiis, ait Beza in Annot. Vias meas, id est, dispensationes, pericula, mores, leges, sortes, regulas Apostolicas, & alia item omnia, inquit in 1 Cor. c. 4. Chrysostomus. Et tu quæ audisti ex me inter multos testes, commute fides hominibus, qui sunt idonei ad alios quoque docendos, 2. Timoth. 2. 2. Tu vero assequutus es doctrinam meam, vitæ meæ rationem, propositum, fidem, 2. Timoth. 3. 10. Rectè igitur Geromus Bucerus in sua Dissertatione sentit, qui quod ab Evangelistis manavit merè humanum non fuisse deputandum asserit. Nihil enim aliud, inquit, Ecclesiis tradebant, quàm quod à Domino & Apostolis acceperant, & auctore Dei Spiritu, cujus impulsu ac jussione subsidariam operam Apostolis præstabant, in usum Ecclesiæ destinata esse certò persuasi erant. Nam quæ Titus Cretensibus, Timotheus Ephesius, cum voce tum institutione sua ex Apostoli præscripto tradiderunt, verè Apostolica esse, tanquam ab Apostolis immediatè profecta, nemo unquam inficias ivit. Ex dictis patet, Evangelistas omnes mandata ab Apostolis, ut ipsorum cooperarios & quasi Apostolos subsidarios, accepisse, idque non minuisse Evangelistarum auctoritatem, sed potius amplificasse. Sunt ergo in Timotheo, Tito, & aliis Evangelistas extraordinaria, ista quæ sequuntur. 1. Quòd extra ordinem vocati. 2. Quòd non uni Ecclesiæ, sed pluribus per plures provincias & regiones, operam suam accomodarunt. 3. Quòd Apostolorum cooperarii & comites cum essent, ab Apostolis ablegati ad Ecclesias constituendas confirmandas & informandas doctrinam & mandata Apostolorum perferebant, & proinde majori auctoritate præditi erant, & in doctrina tradenda, & disciplina dirigenda, quam alii Pastores, qui particularibus Ecclesiis operam suam addixerunt. 4. Majora habuerunt dona, non industria modò acquisita, sed etiam extra ordinem, & proinde extraordinaria. Charismata Spiritus Sancti effusa sunt in Evangelistas majori mensura quàm in alios. Nam cum secundi essent ab Apostolis & auctoritate & onere, donis etiam Spiritus supra alios in Ecclesia inferiores ministros ornari par erat. Barlaam Episcopus Rossensis fatetur, donorum Spiritus ratione multum differre Episcopos nostros à Timotheo & Tito. Tanta est, inquit, differentia, quanta inter hæc duo λόγος σοφίας, & λόγος γνώσεως, 1. Cor. 12. 8. Illorum cognitio maxima ex parte infusa erat per specialem revelationem, nostra autem magno labore & industria acquisita est. Bilsionus Gubernatione Ecclesiæ in Anglicana editione hæc habet verba. Illa duo dona, occulta resciscendi 1 Cor. 14. 25. & Spiritus discernendi, 1 Cor. 12. 10. quibus præditi erant Prophetæ & Evangelistæ, licet longè minori mensura quam Apostoli, huic maximè usui inserviebant, ut idoneos ad ministerium Ecclesiæ à non idoneis internoscere possent. In Latina editione illa verba, quibus præditi Evangelistæ & Prophetæ, expuncta sunt, quia causæ suæ officere perspexerunt. In Latina tamen editione ista habet. Charismata Spiritus in Timotheum collata. Annon Pauli sufficiebant manus, & ad gratiam prophetiæ dandam, & alia Spiritus charismata tribuenda, quibus homines eo tempore instruebantur ad sacrum ministerium obeundum? Ex quo sequitur, Paulum sine plebis & Presbyterii consensu vel consilio (quippe quibus ea conferendi spiritum sanctum facultas non erat concessa) sola manuum suarum impositione Timotheum tantis Spiritus Sancti donis cumulare potuisse, ut divinitus in Pastorem, Prophetam, aut Evangelistam, delectus censeretur. Quòd argumentum est, Pauli manus satis habuisse virium ad creandos Evangelistas, Prophetas, Pastores, in Ecclesia Christi, tametsi Presbyterium nullum operam suam aut potestatem adjuveret. Timotheum testimonio Prophetarum approbatum & commendatum Paulus in comitatu assumpsit, & secum proficisci voluit, & per impositionem manuum suarum eum Spiritu Sancto

Sancto locupletavit. Quod de Presbyterio asserit, assentimur. Et supra diximus impositionem manuum Pauli diversam fuisse, ab impositione manuum Presbyterii. Paulum impositione manuum suarum contulisse charismata Spiritus; Presbyteros simul orasse, Timotheum dedidisse, vocationem testimonio suo comprobasse, & gratiæ Dei commendasse. Pauli impositio manuum erat miraculosa, Presbyterorum ordinaria. Sed redeamus. Apostolus Corinthios monet, quoties conveniunt, ut omnia ad ædificationem fiant, *quisquis canticum habet, doctrinam habet, linguam habet, revelationem habet, interpretationem habet,* 1. Corinth. 14. 26. In una Ecclesia Corinthiaca erant plures qui κατ' ἀποκάλυψιν docebant; & id Timotheo, qui ad Corinthios confirmandos in fide ab Apostolo missus erat, negabimus? In Ecclesia una particulari in plures, ubi nullus erat usus, nisi propter ornamentum Ecclesiæ & doctrinæ confirmationem, donum linguarum effusum erat; & Evangelistas, qui plures provincias & regiones lustrarunt, dono linguarum præditos fuisse dubitabimus? Tam egregiis elogiis ab Apostolo exornantur, ut insignibus etiam supra alios donis insignitos esse oportuerit. Utrum vero omnes Evangelistæ per impositionem manuum Apostolicarum charismata acceperint, necne, dubium est: Quia Act. 2. 1. vox ἀπαλίσ, dubium est, utrum referatur ad proximè præcedentia verba, *undecim Apostolis*, an ad remota, nempe *turbam capitum quasi* 120 Cap. 1. 15. Usitatus est ut referatur vox aliqua ad proximè præcedentia, & in duobus vetustis codicibus additum est, *οἱ ἀπέσταλοι*, ut refert Beza. Petrus decitur sterisse una cum undecim, ut apologiam ederet, & ut videtur solummodò pro se & undecim collegis. Præcepta dedit Apostolis, quum sursum receptus est, Christus Act. 1. 2. Eis mandavit, ne abscederent Hierosolymis, sed ut expectarent promissionem Patris, Act. 1. 4. Videtur igitur, quòd Apostolorum manibus & ministerio aliis communicata fuerint charismata. Utcunque est, siue dona effusa sunt absque impositione manuum Apostolicarum die Pentecostes in quosdam Evangelistas, siue non, omnium par potestas & autoritas erat in Ecclesia. Petrus in quem effusa die pentecostes dona spiritus, non major erat Paulo qui per manus Ananix accepit Spiritum Sanctum. Et si qui alii acceperant dona die Pentecostes, siue ex numero 70 discipulorum fuerint, vel ex promiscua discipulorum turba, nondum tamen ad Evangelistarum munera vocati sunt, nisi donorum mensuram dignoscentibus Apostolis, & quos idoneos ad id muneris censebant allegentibus, aut intrinseco afflatu Spiritus postea impulsis, ut supra diximus. In iis, si qui fortè tales, dona antecesserunt vocationem; in aliis, qui Apostolorum ministerio dona acceperant, conjuncta dona & vocatio. Si quis dixerit, non verisimile esse Timotheum & Titum charismata extra ordinem accepisse, quia Raulus hortatur Timotheum, ut attendat lectioni, exhortationi, & doctrinæ, 1. Timoth. 4. 13. sciat primùm, lectionem publicam Scripturarum ibi non minus posse intelligi unde exhortationis & doctrinæ argumenta sumebant concionanturi, quàm privatam. Deinde non negligenda erat lectio privata, etiam ab iis qui per apocalypsin quandoque docebant. Ignis cœlitus demissus oleo tamen in templo alendus erat. Paulus libros & membranas habuit, quibus, dum orium esset, incumberebat, non semper per apocalypsin loquutus est in Ecclesia 1. Cor. 14. 6. Quandoque lectio privata stimulabat ad petendum apocalypsin. Daniel considerans ex libris numerum annorum, quibus fuerat verbum Jehovæ ad Jirmejam prophetam, *completas fore vastitates Jerusalem, septuagesimum esse*, Dan. 9. 2. oravit, & declarationem illam prophetica 70 Septimanarum impetravit. Non modo Jirmejæ prophetias, sed etiam historias, legisse videtur. Exercitissimi & illuminatissimi igitur Scripturarum privata lectione se exercere potuerunt. Præ-

terea donum loquendi per apocalypsin non eadem mensura datum Euangelistis, quâ Apostolis. Ideo erant Apostolorum comites, ut, quod nec sua industria assequi poterant, nec prophetico lumine ipsis revelatum fuerat, ab iis haurirent. *Lumen Propheticum non inest intellectui Prophetæ per modum formæ permanentis, aliàs 2. 2. Quæst. 171. Art. 2. oporteret, quod Prophetæ semper adesset facultas prophetandi, inquit Aquinas, sed per modum cuiusdam passionis, vel impressionis transeuntis. Et sicut aër semper indiget nova illuminatione, ita etiam mens Prophetæ semper indiget nova revelatione. Si quid sedenti ἀποκαλύψῃ revelatum fuerit, ait Apostolus 1 Cor. 14. Ergo non omnia omnibus revelata erant. Alioquin non opus fuisset misisse Timotheum ad Corinthios. Cum igitur Divina revelatione vocatus fuerit Timotheus, & charismata Spiritus Sancti extraordinaria acceperit, doctrinam ex ipso fonte Apostolico ore hauserit, & quasi rivulos ad Ecclesias ab ipso fonte duxerit, & non uni Ecclesiæ addictus, sed ad varias & per varias regiones & provincias ablegatus fuerit, & Euangelistæ opus, non Episcopi opus, peragere monetur, virum Apostolicum, plus quam Episcopum, & Euangelistam propriè dictum, eumque eximium, fuisse, abfit ut dubitemus. Euangelistam fuisse non negant, sed cum substitit Ephesi tunc ordinatum volunt Episcopum. Quæro an novam & ampliorem potestatem illâ, *Defens. l. 4. 94.* quam somniant, ordinatione acceperat, quam habuerat prius cum esset Euangelista. Ita; respondet Dounamus. Cum erat Euangelista erat tantummodo Presbyter, & potestatem ordinationis & jurisdictionis non habebat; ordinatus Episcopus utraque potestate instructus erat. Philippus etsi Euangelista Samaritanis conversis manus non imposuit, sed oportebat Petrum & Johannem mitti Samariam ut manus imponerent, *Act. 8* Adversarii hunc locum adducere solent, ut Episcopos solos Confirmationis Sacramentalis ministros probent. Jam adducunt, ut Ordinationis potestatem Episcopis propriam fuisse evincant. Sed de neutra hoc loco agitur, nec de impositione manuum consecratoria, nec confirmatoria; vel si de consecratoria, non de ordinaria, quam sibi vendicant Episcopi, sed extraordinaria illa & miraculosa, qua Apostoli miranda Spiritus Sancti dona contulerunt. *Nam cum primum Ecclesiæ plantarentur, etiam illi, qui credebant, in divinis Scripturis & mysteriis adeo tyrones fuerunt, & rudes, ut ad populum docendum & regendum nulli fuerint idonei, nisi quos Apostoli per manuum suarum impositionem variis Spiritus Sancti donis instruerent, & ad illud munus exequendum aptos efficerent, inquit Bilsonus. In Samaria recens ad fidem conversa prorsus ad Evangelii prædicationem & Ecclesiæ gubernationem inermes & inepti fuerunt, donec Petrus & Johannes eorum aliquos Spiritus Sancti virtute per manuum impositionem donantes, alios Prophetas, alios Pastores, alios Doctores mirabiliter effecerant: quemque donis ad functionem necessariis adornantes. Philippus licet Euangelista propriè dictus & primi generis, ut volunt, hac potestate præditus non erat; non sequitur, ab omni ordinaria manuum impositione Philippum cohibitum fuisse. Præterea Durandus, qui hic de Sacramento Confirmationis agi putat, dicit; Ex illo textu non est clarum, an Apostoli confirmaverint tanquam Episcopi vel tanquam Sacerdotes: sacri etiam Canones hoc clare non determinant. Augustinus, vel qui author est Quæstionum Veteris & Novi Testamenti, dicit imposuisse manus, ut Presbyteros. Videant ista adversarii. Nos neutrum concedimus, nec ut Episcopos, nec ut Presbyteros, sed ut Apostolos manus imposuisse. Utrum verò dona illa collata per impositionem manuum Apostolorum talia fuerint, quæ aptos ad ministerium reddebant, conjicere, probare non, possunt. Audiamus ipsum Saraviam. Ut Samaritanis manus imponerent, & Spiritum Sanctum acciperent, missi leguntur Apostoli, ut sic eos in recepta fide confirmarent. Quod ad Ecclesiæ constitutionem, fieri cæpta est, & perfici poterat, etiamsi nullus missus**

Cap. 7. pag. 123. 124.

Pag. 125.

In l. 4. Diss. 7 Quæst. 3.

Quæst. 101.

Defens. c. 31. Sect. 2.

ad eos fuisset Apostolus. Item; per universum orbem plurimæ fuerunt constitutæ Ecclesiæ, antequam ad eas pervenire potuerint Apostoli, & ad quas accedere omnino non potuerunt. Vides, Saraviam agnoscere, Philippum habuisse potestatem ordinationis, & impositionis manuum ordinariæ. Nam quomodo constituere potuit Ecclesiam, si manus imponere non potuit. Ex Eusebio Libro 3. Cap. 31. adducit hæc verba; *Etenim perique omnes discipuli, qui eo tempore vixerunt, ardentiore sapientiæ cælestis studio amoreque incensi, & præ quodam divini verbi desiderio animis percussi, præceptum Servatoris antea traditum exquisitè executi sunt: & his qui ope indigebant, facultates suas libenter impertierunt. Deinde à domiciliis suis peregre profecti, munus obierunt Evangelistarum, atque us, qui ne adhuc quidem omnino verbum fidei audivissent, Christum prædicare & Scripturas Sanctorum Evangeliorum tradere omni cura & cogitatione studuerunt. Qui cum in locis quibusdam peregrinis fidei duntaxat jecissent fundamenta, Pastoresque alios constituissent, illisque curam eorum, qui ad fidem nuper erant adducti, doctrina Christi sedulo excolendorum commississent, ipsi ad alias regiones gentesque cum gratia & virtute divina se contulerunt. Vides, Evangelistas Apostolorum discipulos post Apostolorum obitum Ecclesias & Pastores constituisse; & cooperarios Apostolorum Evangelistas ab Apostolis ipsis huc vel illuc, prout expediebat, missos idem potuisse negabimus? Apostoli non potuerunt soli per universum orbem Ecclesias constituere. Quod ipsi perficere non potuerunt, per cooperarios suos peragere oportuit. Ipse Dounamus fatetur, veteres Græcos, Chrysostomum, Theophylactum, Oecumenium, interpretari vocem Presbyterii i. Timoth. 4. collectivè, sed intelligunt, inquit, Senatum seu cæterum Apostolorum aut Apostolicorum virorum, id est, Episcoporum, aut plusquam Episcoporum, de quo commento supra diximus. Sed quinam quæso erant illi viri Apostolici plus quam Episcopi? Num alii quam Apostolorum comites & cooperarii? Ipse Apostolicos viros alibi dicit Evangelistas fuisse. Si Evangelistæ imponere manus Timotheo potuerunt; Timotheus, dum erat Evangelista, aliis, scilicet, imponere manus non potuit? Supra audivimus ex Bellarmino, absurdum esse dicere Timotheum fuisse simplicem Presbyterum, & ex Spalatensi, generalem quandam Episcopatum accepisse. Idem alibi in hunc modum scribit; *Initio quidem nascentis Ecclesiæ Episcopi sine certa Ecclesia creabantur, & Ecclesiæ universali cœu in communi deputabantur, ut ipsi & Ecclesias fundarent particulares, & eas vel sibi retinerent, vel alius traderent.* Evangelistas intelligit, quos Episcopos quosdam generales esse vult, id est Episcopos, sed improprie dictos, ut nos volumus. Vides igitur, Timotheum, Titum, Philippum, Silvanum, & alios Evangelistas potestatem ordinationis & impositionis manuum habuisse, etiam antequam affixi erant certis locis. Proinde quærimus, quàm novam potestatem, nova quam fingunt ordinatione, acceperit? Derur, substituisse Ephesi usque ad obitum, non tamen desit esse Evangelista, sicut Jacobus non desit esse Apostolus, postquam assignatus est Ecclesiæ Hierosolymitanæ. Philippus Act. 8. dicitur evangelizasse in omnibus civitatibus usque dum veniret Azoto Cæsaream, & Act. 21. 8. Paulus & qui cum eo erant dicuntur venisse Cæsaream, & mansisse domo Philippi Evangelistæ. Philippus mansit Cæsareæ & Evangelista nihilominus vocatur. Timotheus manet Ephesi, & opus Evangelistæ peragere nihilominus hortatur Paulus. Jacobus mansit Hierosolymis, & Apostolus nihilominus vocatur, Galat. 1. 19 Evangelista igitur non desit esse Timotheus, licet Ephesi commoratum fuisse concesserimus. Si Evangelista, ergo plus quam Episcopus, ut ipse Dounamus viros Apostolicos interpretatus est. Apostolus Ephes. 4. Evangelistas collocat in gradu celsiori supra Pastores & Doctores; *Pastores & Doctores, quo uno verbo significavit* (inquit Bellarminus) *confusè totam Hierarchiam ministrorum Ecclesiæ.**

Tractat de
Gradib. c. 19.

Defens. *

Libro 9. Ca.

4. f. 10 Lib.

4. Ca. 3.

Sec. 16.

Lib. 2. Cap

7. Hum. 26.

De Potif.

l. 1. c. 9.

Ecclesiæ. Evangelistæ igitur superiores sunt confusa Hierarchia. Evangelistas interpretatur, eos qui Evangelia scripserunt, & Dounamus 4 Evangelistas & forte inquit 72 discipulos. Non audet certò affirmare, ne forte Episcopis suis Diœcesanis superiores viderentur. Bellarmini interpretatio est insulsa. Agit enim Apostolus de officiis & functionibus à Deo institutis ad opus ministerii. Scribere Evangelia non est functio instituta ad opus ministerii, magis quam scribere Acta Apostolorum, aut Epistolas hoc accidentarium erat & commune tam Apostolis, quam Evangelistis, scribere Evangelia, quod una etiam vice præstiterunt. Hic autem distinguuntur alii ab aliis speciali aliqua & peculiari functione. Quod ad Dounamum, hæsitanter loquitur, & commentum illud de 72. Discipulis ad Evangelistarum munus à Christo vocatis nulla niti Scripturæ autoritate supra ostendimus. Sed detur, verum esse; cur tamen alios excludit Evangelistas, quos & Evangelistas fuisse fatetur, eorumque functionem extraordinariam? An extraordinaria munera cum ordinariis miscebit? Multò magis igitur fatendum est, Evangelistas illos hoc loco indicari, cum nulli alii sunt nisi unius generis Evangelistæ, quamvis modo vocationis differant, nempe quod Apostolorum assatu intrinseco, aut per Prophetas Spiritu jubente vocati fuerint, priusquam missi, aut assumpti ab Apostolis. Et dictis liquet, Timotheum Evangelistam fuisse, virum Apostolicum, & plus quam Episcopum, & proinde ad Episcopi gregarii ordinem absque injuria non redigendum. Salmeron in 1. Timoth, *Videtur ergo quod fuerat plusquam Episcopus, etiam si ad tempus in ea civitate ut Pastor prædicaverit, & ad sacros ordines promoverit, unde quidam vocant eum Episcopum.* Episcopum ad Presbyteri gradum reducere, sacrilegium esse dixerunt olim quidam Chalcedonenses: sed Evangelistas suo loco movere, & ad Episcoporum gradum dejicere grandius sacrilegium est. Sed dicent, fuisse simul Evangelistas & Episcopos, nec propterea capite diminutos, quia Episcopatum gesserint. Imo, *Evangelistas potius, & Episcopos,* inquit Bilsenus. *Quamprimum enim certis affixi sedibus cum potestate & autoritate, quam dixi, Apostolorum comites esse desierant; quia alud, quam Episcopi esse poterant? Apostolis præsentibus quidem assiscebant, absentium vero vices supplebant, Ecclesiasque ab ipsis relictas in eodem statu conservabant. Jam verò, si Apostoli potestatis istius ratione, cum in alienis locis permanerent, Episcopi essent, multò magis Evangelistæ.* Respondeo, diversa esse hæc duo munera, Evangelistarum, & Pastorum sub quibus comprehendunt Episcopos suos Hierarchicos. *Alios,* inquit, *dedit Evangelistas, alios Pastores* & proinde, ut illi volunt, Episcopos. Extraordinarium opponitur Ordinario. Non potest unus & idem simul & semel in eadem materia fungi officio ordinario & extraordinario, sed alterutrum exercitium suspendi oportet. Uti ordinarius pastor alligatur uni certæ Ecclesiæ ex officio, quam deferere non potest; ita extraordinarius non uni Ecclesiæ alligatur ex officio, licet commoratus fortè ad obitum ibi fuerit, sed tenetur aliis Ecclesiis operam suam accommodare, & semper paratus esse ductum Spiritus Sancti, aut Apostolorum mandatum, si Evangelista, sequi. Dixit supra Whitakerus, quicquid egerat Jacobus, ut Apostolum, non ut Episcopum, egisse; sic dico, Evangelistam omnia ut Evangelistam egisse, non ut Episcopum, etiam cum substitit plures annos in aliqua certa Ecclesia. Jacobus subsistens Hierosolymis vocatur Apostolus; Philippus Cæsareæ, Timotheus Ephesi, commorantes, non Episcopi, sed Evangelistæ, nuncupantur. Evangelistæ & Apostoli nominibus designatur functio quam exercebant, nempe quod non ordinaria fuerat sed extraordinaria. Alia præterea & majori autoritate prædicabant Evangelistæ, quam Pastores ordinarii, nempe legatione sua fungentes, ut legati extraordinarii donis extraordinariis præditi, & Apostolorum mandatarii, quod

L. 4. Cap. 4.

Pag. 105.

De Gubernat.
Cap. 12. p.
279. 280.

quod non poterant ordinarii pastores. Si Episcopi & Evangelistæ functio formaliter non sit eadem, nec actus Episcopi & Evangelistæ formaliter idem, inquit, vir limatissimi ingenii Banesius Anglus Perkinsi successor in Codice quodam Manuscripto. Quod quidam obijciunt, inferiores functiones in superioribus contineri, responder, si intelligunt virtute & eminenter, nempe quod Apostoli & Evangelistæ potuerunt exercere actus omnium inferiorum functionum, eo sensu quo volunt Hierarchici Episcopatum suum defendere, nusquam vocantur. Si Apostolus & Evangelista continet in se Episcopum ut inferiorem, oportet primum extra Apostolum & Evangelistam dare instantiam de Episcopo, ut damus de Presbytero. Nam ut Apostolus vel Evangelista continebat sub se Presbyterum, ita reipsa habuit Ecclesia Presbyteros alios ab Apostolis & Evangelistis. Similiter, ut Apostolus vel Evangelista contineat in se Episcopum Hierarchicum, tanquam inferiorem, oportet ostendere in Ecclesiis Apostolicis Episcopos Hierarchicos alios ab Apostolis & Evangelistis, ut verba Apostoli ipsorum sententiæ sic quadrare possint. Alios dedit Apostolos, alios Evangelistas, alios Episcopos Hierarchicos, alios Presbyteros. Oportet monstrare non unum & eundem simul Apostolum & Episcopum, Evangelistam atque Episcopum, sed alium atque alium. Apostolos non Evangelistas, Evangelistas non Apostolos, Presbyteros nec Apostolos nec Evangelistas passim monstrabimus. Episcopum Presbytero gradu potestatis directivæ & correctivæ superiorem ab Apostolo vel Evangelista alium, nunquam nusquam ex Scripturis monstrabimus. Est ergo petitio principii, cum dicunt Timotheum ut Evangelistam continere sub se Episcopum, quia nullus erat ille Episcopus in rerum natura alius ab Evangelista, qui sub eo contineretur. Præterea non opus fuisset nova ordinatione, ut Episcopatum susciperet Ephesinum, si ut Evangelista contineret sub se Episcopum. Detur igitur Apostolum & Evangelistam continere sub se Presbyterum, non modo eminenter, sed etiam formaliter, quicquid possunt agere & operari ultra Presbyterum, agunt & operantur, non ut Episcopus Hierarchicus Presbytero superior, qui nullus erat, sed ut Apostoli & Evangelistæ in celsiori gradu extra ordinem & ad tempus a Domino collocati. Sed replicat Dounamus. *Auctoritas, quæ ipsis commissæ fuerat, perpetuo est necessaria, absque qua neque gubernari potest Ecclesia, ut absque jurisdictione, neque in posterum conservari, ut absque ordinatione; ideoque non peculiaris extraordinariis personis, sed ordinaria derivatione continuanda in iis qui Timothei ac Titii successores sunt. Item; Ac ne putemus hæc illis dicta fuisse, tanquam extraordinariis personis, quarum auctoritas cum ipsis interitura esset, sed ipsis, eorumque successoribus usque ad mundi finem: severe injungit Timotheo, ut mandata præceptaque, quæ ipsi tradiderat, inviolata servarentur usque ad adventum Domini nostri Jesu Christi 1. Timoth. 6. 23. 14. ac proinde à talibus qui æqualem auctoritatem habituri essent in finem usque. Communem omnium cantilenam sic canit Tilenus. Num extraordinarii nobis erant ac temporarii Canones illi in Epistolis ad Timotheum & Titum perscripti? Cur igitur nostrorum Patrum Ordinationes ad hanc normam exigimus? Alia quoque occurrit in Genevensibus placitis hallucinatio, quod ex-*

In Concione.

tra.

extraordinarium cum temporario confundunt, quasi extraordinarium quod est, idem temporarium esse necesse sit, perpetuum esse non possit. Atqui ut inauguratio Aaronis ad Sacerdotium, licet extraordinaria, non tamen propterea Aaronis morte fuit finita, sed principium fuit & fons successionis ordinariæ; sic etiamsi extra ordinem, & ab ipso Christo immediatè vocati fuissent Timotheus & Titus, quod falsissimum esse modò ostendimus: non tamen hinc efficeretur, plurium Ecclesiarum præfecturam ipsis solis commissam, non item aliis, quibus ipsi acceptam à Paulo, vel etiam à Christo, lampada tradidissent, vel quos Ecclesia in demortuorum locum suffecisset, committi potuisse. Et alibi; Acceptam à Paulo potestatem non tantum ad tempus usurpasset, sed ad posteros quoque transmississet; adeo ut quam necessarium est Ecclesiæ verbi & sacramentorum ministerium, tam sit in hoc ministerio perpetuum jus illud ac potestas instituendi ministros, non minus gradibus, quam dotibus inter se diversi. Temporarias has in Ecclesia functiones esse qui statuit, ipsam Ecclesiam temporum vicibus tandem evertendam, ac pessundandam putat. Bellarminus probat, oportere aliquem Petro succedere in Pontificatu Ecclesiæ universæ ex fine Pontificatus. Nam certum est, inquit, Pontificem esse propter Ecclesiam, non Ecclesiam propter Pontificem. Respondet Tilenus. Etiam Apostolatus, & Prophetia, & Evangelistarum munus fuit propter Ecclesiam, Ephes. 4. 11. De Pontif. 1. 2. Cap. 12. An ergo semper in Ecclesia Prophetæ, Apostoli, & Evangelistæ? Dicit Bellarminus, non minus, imò magis nunc egere Ecclesiam uno Pastore quam tempore Apostolorum. Respondet Tilenus; Hinc sequeretur etiam pluribus eam nunc egere Apostolis, & Prophetis. Negamus vero eadem prorsus requiri in jaciendis fundamentis, & in erigendis parietibus, ex ædificandoque toto corpore: alia ratio rei in generatione, alia in constitutione. Dato igitur, non concessio, Petrum totius Ecclesiæ Pastorem fuisse tempore Apostolorum, non tamen concedit Tilenus ejus Pontificatum ad unicum perpetuo successorem derivandum, quia alia est ratio rei in generatione, alia in constitutione. Nec sequeretur denique egere nunc ex eo quod tunc egerit, si hoc concederemus, inquit Junius, nam fieret posset, ut tunc egerit novella, quæ nunc non egeat radicata. Whitakerus ait; Vultne quicquid Apostolorum tempore fuit, id esse perpetuum? At multa tum extraordinaria fuerunt. Et aliam fuisse formam regiminis tempore Apostolorum, aliam nunc, Stapletonus ipse fatetur. Nam tum per Apostolos, Evangelistas, Prophetas, Ecclesia gubernata fuit, at nunc, per solos Pastores & Doctores regitur: reliqui enim sublati sunt. Non solum dona dicit fuisse extraordinaria, sed etiam aliam regiminis formam Apostolorum temporibus, quam postea sub Pastoribus ordinariis. Sicut, domo ex ædificata, non opus est Architectis ad fundamenta jacienda, neque aliis operariis ad parietes erigendos, ut in extruenda: ita nec Apostolis eorumque cooperariis opus est, Ecclesia jam constituta, sicut initio nascentis Ecclesiæ. Temporaria functio non ex modo vocationis solummodò, quia scilicet vocatur quis ad eam extra ordinem, sed etiam ex ipsius natura, dignoscenda est. Aaronis & Posterorum Sacerdotium ordinarium erat, ex Dei institutione, licet Aaronis vocatio fuerat extraordinaria. Extraordinarium erat ortu, licet in progressu ordinarium ejus & posterorum munus. Non modò sunt à Christo *ἀποστόλοι* vocati Apostoli, sed etiam donis extraordinariis præditi, & functione temporaria & extraordinaria instructi ad peragrandum orbem, & prædicandum Evangelium cum autoritate divina potius quam humana, & Ecclesiam Christi in terris fundandam. Cum Apostolus ait Ephes. 4. alios dedit Apostolos, alios Evangelistas, alios Prophetas, alios Pastores & Doctores, utrum enumerat dona solummodò, an etiam functiones? Non de donis in abstracto solum agit, sed de functionibus, & qui eas legitime administrant De Pontif. instructis, respondet Tilenus. Non de donis illic agit Apostolus de quibus ante egerat; l. 1. c. 9. sed de vocationibus & administrationibus in Ecclesia institutis pro demenso donationum Not. 82. ejus.

ejus, respondet Junius. Episcopos suos & totam Hierarchiam dicunt in horum verborum *Pastores & Doctores* involucris latere. Si *Apostoli & Evangelistæ* nomina functiones significant, oportet diversas esse ab omnibus Hierarchiæ functionibus, quæ ordinariæ sunt. Non ergo solummodo vocatio & dona Apostolorum & Evangelistarum sunt extraordinaria, sed & ipsæ functiones. An Apostolus nil aliud significat, quam dona personalia Apostolorum, non autem officium? Similiter Evangelista? Aaron & posteri successores nec autoritate nec potestate aut functione distinguebantur, ut Apostoli & Evangelistæ ab omnibus ordinariis functionibus in Ecclesia, neque habebat functionem aliam, quæ includebat & in se continebat sacerdotium illud quo functi sunt ejus successores. Sed pergo Dounamus, ne Episcopatum, quem Apostolicæ institutionis & divini juris esse asseruit, perpetuò & immutabiliter ad esse Ecclesiæ necessarium statuere cogatur ex loco illo supra citato 1. Timoth. 6. 23. excogitavit istam distinctionem. *In omni regimine, inquit, distinguenda sunt, potestas, ordo, forma vel modus, titulus sive applicatio potestatis ad personam & usus* Ipsa potestas exercenda, & ordo, quibus inferiores superioribus subjiciuntur & subordinantur, sunt essentialia & immutabilia in omni regimine; sed forma vel modus, id est utrum Monarchicè, Aristocraticè, an Democraticè exercenda potestas, titulus, utrum rectores successione an electione jus acceperint in potestatem, & usus quomodo exerceant, sunt mutabilia. Si ista sunt distinguenda in regimine ordinario, quod asserunt esse Apostolicæ institutionis, multo magis in extraordinariis Ecclesiæ rectoribus distinguenda sunt. Apostolorum igitur & Evangelistarum functio extraordinaria à potestate jurisdictionis & ordinationis distinguenda est. Evangelistarum functio non est perpetuò necessaria, quippe quæ extraordinaria & temporaria tantummodo erat, sed potestas ordinationis & jurisdictionis, quam exercebant, est perpetuo necessaria usque ad illustrem adventum Domini nostri Jesu Christi. Christi mandatum de prædicando Evangelium omnibus gentibus, baptizando, & mortem Christi annuntiando in Eucharistia celebranda, usque ad ipsius reditum, Apostoli per se præstare non poterant, sed per ipsorum successores perficiendum & implendum erat. Non tamen oportebat successores Apostolos esse. Sic Evangelistæ & Apostoli potestatem ordinationis & jurisdictionis exercebant in Ecclesia, non tamen oportebat Apostolos & Evangelistas in Ecclesia durare usque ad finem sæculi. Moses & ejus successor Josua duxerunt populum Dei per desertum, & introduxerunt in terram Canaan. An propterea cum introductus Dei populus in terram Canaan oportebat eligere successores, qui in eodem gradu succederent Mosi & Josuæ? Apostoli & Evangelistæ duxerunt fideles per desertum Paganismi, & plantarunt Ecclesias. An idcirco oportebat alios eligere, qui Apostolis & Evangelistis in eodem autoritatis gradu succederent? Ordinarium regimen reipublicæ Moses instituit, licet ipse extra ordinem à Deo excitatus, & penes summum Syndrion summam potestatem ordinariam ex Dei instituto reliquit. Ita & Apostoli ac Evangelistæ reipublicæ Christianæ regimen ordinarium, quod permanens decreverunt, non apud sui similes, sed apud Presbyterium seu Presbyterorum Senatum deposuerunt. *Nunquam instituit Christus, ut Apostolis secundum gradum in Ecclesia succederetur*, inquit Junius: *quæ res, si fuisset, jam Apostolatus functio ordinaria dicenda esset. Hoc autem veritati & rationi adversatur. Omnes Dei servi in doctrinam Apostolorum successerunt, in gradum eorum neminem adoptavit Deus. Successio, ait Banefius, est vel in gradum eundem, vel in caput. In gradum eundem, ut cum frater fratri succedit in jure hæreditatis. In caput, cum quis non eadem linea sed ex alia legaliter succedit. Sic in gradum Apostolorum & Evangelistarum, quia*

extra-

extraordinarius & temporarius, nemo successit. In caput, Presbyteri & pastores ordinarii, quasi ex alia linea, quia ordinarii, successerunt. Leges à Mose de Politia late non erant temporariae & extraordinariae, sed durante Israelis republica servandae, licet non perpetuò à successoribus qui in gradum Moysi succederent. Sic Canones in Epistolis ad Timotheum & Titum perscripti sunt, non ut apud ejusdem gradus & functionis successores perpetuo maneret regimen Ecclesiae. Ecclesiastica potestas, ait Gerson, tribus modis consideranda est, formaliter seu absolute, materialiter seu respective, prout huic vel illi applicatur, & executive. Et si absolute dureret potestas eadem, tamen applicative variata est, & quae erat in Apostolis & Evangelistis, non semper apud Apostolos & Evangelistas mansit. Sicut de jure in Apostolorum vel Evangelistarum gradum nemo succedere potuit, ita nec de facto aliquis successit. Tito Ecclesiarum totius insulae cura demandata est. Non successit unus aliquis, cui ex æquo omnes Ecclesiae totius insulae commendatae sunt. Philippus Episcopus Gortinensis est primus, quem post Apostolorum tempora proferunt Titi successorem. At ille non erat Episcopus Ecclesiarum omnium in Creta. Nam Episcopus est unius tantum Ecclesiae Episcopus, licet jam ponamus Ecclesiam illam esse amplam & Dioecesanam. Plures erant in Creta Dioeceses. Unius earum Episcopus memoratur Philippus. At Titus non unius, sed omnium curam ad tempus suscepit. Dices igitur Archiepiscopum fuisse. Hoc etiam falsum. Nam Archiepiscopus nullus est, qui non habet sibi subordinatos Episcopos Dioecesanos. At Titus nullos Episcopos Dioecesanos, sed Presbyteros oppidatim constituit in Ecclesiis, & nullos habebat tales Episcopos sibi subordinatos. Præterea Archiepiscopus non est plurium Ecclesiarum Episcopus, sed unius tantummodo, licet plurium in eadem provincia Episcoporum in Synodis praeses. Episcopum Ecclesiae alicujus audivimus, sed Episcopum Ecclesiarum aut Archiepiscopum Ecclesiarum aliquem dici insolens est. Archiepiscopum Alexandriae, non autem Archiepiscopum Aegypti dicimus. Archiepiscopo non sunt ex æquo traditae omnes suae Provinciae Dioeceses. At Titus non curabat unam Dioecesanam in Creta ut Episcopus, & alias ut Archiepiscopus. Si nec Episcopus nec Archiepiscopus, an non Evangelistam fuisse necessariò oportet? etiam tum cum in Creta ab Apostolo derelictus, imò etiam si inde nunquam migrasset, nec alias regiones postea ut Evangelista peragrasset, sed ibi diem supremum obiisset. Si Titus Archiepiscopus fuisset, sequeretur etiam Archiepiscopos esse Apostolicæ institutionis, & priores Episcoporum institutione. At prius falsum, nec id apertè profiteri ipsi audent, & posterius absurdum est. Si Titus nec Episcopus, nec Archiepiscopus, sed Evangelista fuit; an Timotheum Episcopum vel Archiepiscopum fuisse judicabimus? Timotheum Ephesi substituisse, non unius Ecclesiae Ephesinae, sed aliarum quæ in Asia propriè dicta & vicinis locis erant, valde probabile est. Nam verisimile est ob eundem finem ibi mansisse, ob quem prius Apostolus triennium. Ita ut omnes, qui habitabant in Asia, tum Judæi tum Græci, audirent sermonem Domini Jesu Act. 19. 10. Ibi ostium magnum apertum 1. Cor. 16. 9. & illuc ventitabat omnis Asia minor, inquit Lorinus in Act. 19. vel religionis causa ad Dianæ templum, vel negotiorum ad metropolin & urbem Proconsularem, vel studio Philosophiæ: nam inde fluxit Philosophia Ionica. Judæi etiam dictæ civitatis municipes erant ejusque privilegiis potiebantur. Tilenus noster dicit, Timotheum non solum Ecclesiam quæ erat Ephesi, sed & in locis finitimis curasse. Chrysostomus ait; *Queri merito potest, quomodo Timotheum ad se vocet, cui Ecclesiae gentisque totius crediderat gubernacula.* Theodoretus in 1. Timoth. 3. Asianorum Episcopum vocat, quod propriè dici non potest. Nam, ut dixi,

De Potestate
Eccles. Consi-
derat. 6.

Contro. 3.
l. 1. c. 9.
Not. 42.

In 2. Timoth.
Homil. 10.

R

Episco-

Episcopus est unius Ecclesiæ Episcopus. At in Asia plures erant Ecclesiæ. Si nulli Tito & Timotheo in tam ampla jurisdictione successerunt, indicium est, Evangelistas fuisse, non ordinarios Pastores, & eorum functionem non fuisse ad successores sui similes derivandam. Quod igitur dicunt, Paulum præscribere in Epistolis ad Timotheum & Titum, quomodo se gerant Episcopi in suo munere, falsum est. Nam quomodo præscriberet Canones & regulas iis, qui nulli erant, vel re & instituto, vel proposito Apostoli. Episcopi verum postea occuparunt locum affinem gradui Evangelistarum, & propterea Canones præscriptos Timotheo & Tito exequi potuerunt, sed non sequitur ex ipsorum facto vel jure humano, esse legitimos successores Titi & Timothei. Quæ scripsit Apostolus, tum Timotheo & Tito ut Evangelistis, tum legitimis successoribus in tabulis testamenti designatis, nempe Pastoribus ordinariis præscripsit. Ipse Dounamus fateretur, Canonibus hisce informari non solum Episcopos, sed etiam, ubi desunt Episcopi, Presbyteros. Apostoli ipsi non erant Episcopi, & tamen hos Canones observarunt. Cum in Scripturis nullibi pedem figere possunt, ad subscriptiones Epistolarum, & testimonia Patrum, confugiunt. Nam subscriptiones annexas ad finem Epistolarum non esse Canonicæ Scripturæ partem ullam, satis constat. Tanta varietas est harum subscriptionum in Codicibus Manuscriptis, ut nullo pacto conciliari possit. Ipsi Pontificii, Baronius, Serrarius, Rhemistæ, & alii, falsi arguunt plurimas. Ex Epistolarum argumento earum falsitatem evincit Beza. Cum scriberet Paulus ad Corinthios Epistolam Priorem, an certum illi fuit se scripturum aliam? Cur igitur subscriberet Paulus, *Prior ad Corinthios*? similiter ad Thessalonicenses, & ad Timotheum. In Prioris Epistolæ ad Timotheum subscriptione dicitur, scriptam esse ex Laodicea. Beza, Baronius, & Serrarius, conjiciunt scriptam fuisse in Macedonia. Laodicea Phrygiæ Pacatianæ Metropolis dicitur *At nusquam hoc epistheton apud illius ætatis scriptores legitur*, ut observavit Beza, *sed apud recentiores illos, qui Romani Imperii jam inclinantis provincias describerunt. adeo ut ex hoc etiam loco constare possit, multo post has scriptas Epistolas tempore istiusmodi Subscriptiones additas fuisse, ab aliquibus plerumque vel indoctis, vel certè non satis attentis.* Codex Claromontanus nullius loci meminit. Ad finem Posterioris Epistolæ dicitur Roma esse scripta ad Timotheum, qui primus Ephesi ordinatus fuit Episcopus. At hoc membrum deest in quibusdam vetustis Codicibus, in veteri Vulgata editione, & apud Syrum interpreterem. Paulus ita scripsisset, *ad Timotheum Episcopum Ephesi vel Ephesinæ Ecclesiæ*, non autem, *ad primum*, cum nondum certum, an succederet secundus; nec *ad primum Episcopum qui ordinatus fuit*, sed potius *ordinatus est*. Postremum membrum non extat apud Syrum. Paulus ita scripsisset, *cum ego iterum sisterer Cæsari Neroni*; non autem, *cum Paulus iterum sisteretur Cæsari Neroni*. Præterea ex verbis Apostoli, 2. Timoth. 4. 16. *in prima mea defensione nemo mihi adfuit*; colligunt quidam liberationem è prioribus vinculis, & post decennium fere posteriora vincula, in quibus iterum sisteretur Neroni. De re ipsa non multum laboro, sed ex versu illo tale quid posse colligi pernego: Quasi verò post 9. aut 10. annos scriberet, quid accidisset illi in prima defensione, præsertim Timotheo, quem post priora vincula convenisse, & Ephesi Episcopum constituisse, referunt. Epistolam istam scriptam fuisse in prioribus vinculis, supra pluribus argumentis probavimus, & proinde hoc postremum subscriptionis membrum non est ab Apostolo additum aut annexum Epistolæ. Si igitur post priora vincula, è quibus scripta est ista Epistola, Timotheus fuit constitutus Episcopus; quod hic dicitur, *scriptum esse Romæ ad Timotheum, qui primus Ephesi ordinatus fuit Episcopus*, assumendum scriptoris alicujus imperiti esse oportet. Nam nondum erat ordinatus Episcopus.

pus nisi post priora vincula, ut ipsi volunt. Interim meminisse oportet, Theodoretum regulam falsam esse, aut Paulo sic scribendum erat, ad *Timotheum Apostolum Ecclesiae Ephesinae*. Subscriptionem annexa ad finem Epistolae ad Titum dicitur ex Nicopoli Macedoniae scripta. At non ibi fuit cum scripta est ista Epistola. *Quum misero Artemam ad te, aut Tychicum, stude venire ad me Nicopolin, nam illic decrevi hyemare.* Non dicit *hic*, ac si ibi esset dum scriberet, sed *illic* quò nondum in isto itinere pervenerat. Præterea ordinatus primus Episcopus Ecclesiae Cretensium, & quis quæso erat secundus Episcopus Cretensium, imò an unquam ullus? Episcopum Dioecesanæ alicujus Ecclesiae, sed non omnium Cretensium, legimus. Deinde dixisset Episcopum Ecclesiarum Cretensium, non Ecclesiae Cretensium. Nam gentis aut nationis alicujus Ecclesias Christianas semper in plurali numero *Ecclesias*, nunquam in singulari numero *Ecclesiam*, appellant Lucas in Actis, & Paulus in Epistolis. Denique Claromontanus Codex, teste Beza, non aliud habet quàm, *finita est Epistola ad Titum. Syrus finitur Epistola ad Titum quæ scripta fuit à Nicopoli.* Vulgata vetus editio nihil habet de Titi Episcopatu. Quod ad Veterum testimonia attinet, nulla proferunt eorum qui primis 300. annis floruerunt, nisi Pseudo-Dionysii, qui patribus annos ferme 600. ignotus fuit. Aliorum scripta sunt vel supposititia, ut Catalogus Scriptorum, qui Hieronymo, Liber de Vita & Mor- te Sanctorum, qui Isidoro tribuitur, aut fabulosa & inter se pignantia, ut Nicephori, Dorothei, Antonini. Dorotheus ait, *Euangelium Christi exorsus Ephesi Illyricum usque, & in universa Hellade prædicavit, ubi & mortuus & honorifice sepultus est.* Si persuasum unquam fuisset isti Dorotheo, Timotheum fuisse à Paulo Ephesi constitutum Episcopum, hæc nunquam scripsisset. Nam Evangelistam potius quàm Episcopum nobis his verbis depingit. Magister Historiæ Scholasticæ refert illum fuisse Episcopum Lystrensem. Aut sunt recentiora veterum illorum testimonia, ut Theophylacti, Primasii, & similia. Aut secundum morem sui sæculi scripserunt, cum Episcopi gradum sublimiorem, Evangelistarum gradui affinem & similem, occupabant, non autem propriè locuti sunt. Quot Veteres citat Bel-larminus, qui Petrum Episcopum appellant? Petrum tamen non fuisse Episcopum angusta significatione, asserunt etiam Hierarchici, ut Sutlivius contra Bel-larminum de Pontifice, & Doanamus; & impropriè locutos fuisse Veteres illos, qui Petrum Episcopum vocarunt. Annon etiam impropriè, qui Evangelistam Episcopum appellarunt? Eusebius refert, in prima post Apostolos successione plu- L. 3. c. 31.
rimos fuisse Evangelistas. Cum igitur opus adhuc esset Evangelistis, quamdiu su-
pererant Apostolorum aliqui, cur cessarent à functione sua Evangelistica Timo-
theus & Titus? *Quia ergo post fundamentum aliarum Ecclesiarum necessarius erat Ti- In Tit. 2.*
tus qui ædificum superstrueret, scribit ei, ut cum Artemam aut Tychicum, unum scili-
cet de duobus qui secum fuerant, in Cretam misisset, imp'eturos locum ejus, ipse Nico-
polin veniret. Eundem Tychicum Ephesum Roma misit, cum Timotheum ad
se venire jubet. Johannem historiæ tradunt in provinciarum divisione sortitum
esse Asiam, & Ephesi commoratum maxima ex parte usque ad relegationem in
Pathmum, & postea etiam rediisse Ephesum. Quomodo igitur fuit Timotheus
Episcopus? Nam usque ad Johannis relegationem ibidem Episcopum constituunt.
Si Timotheum Episcopum volunt constitutum, priusquam Ephesum venerat Jo-
hannes, cum tamen Timothei annos producant ad annum Christi 90. alii ad 108:
unà Episcopatum gessisse oportuit. At Apostolos fatentur Episcopos constituisse
non in iis locis, ubi ipsi ad tempus commorati sunt, sed in aliis, cum aliò mi-
grarent. Nam ubi aderant Apostoli, potestatem omnem Episcopalem sibi ipsis
reservasse dicunt. Maneat igitur firmum, Evangelistas semper fuisse, non Epis-

copos Hierarchicos, Timotheum & Titum, ut & plerosque alios, qui tanquam Planetæ in suis sphaeris pererrabant, dum ordinarii Pastores suis locis hærent, ut stellæ in firmamento fixæ. Si daremus Episcopos fuisse Titum & Timotheum, non tamen sequitur eumpse, ut ait Tilenus, Episcopatum gessisse, quem Angli. Nam Anglus singulari sua potestate solus dominatur in Ecclesias, per se, aut per Cancellarium suum, Officialem, aut Commissarium; non ita Titus aut Timotheus. Imo nos, qui Euangelistas fuisse asserimus, in Ecclesiis constitutis singularem potestatem exercuisse negamus. Quæ scripta sunt Timotheo, in triplici sunt differentia, sicut ea quæ dicta sunt Petro. Quædam ei scripta sunt pro se tantum, quædam pro se & omnibus Christianis, quædam pro se & omnibus aliis Episcopis Ecclesiæ Ephesinæ de quibus Act. 20. prout ex diversa ratione colligi possunt. Quicquid enim juris communis est, rectè de unoquoque singulariter dicitur *κατ' ἰδίαν*, & de aliis intelligitur *κατὰ συνειδήσιν*. Atque hæc de Timotheo & Tito, quos ex Scripturis probare conantur constitutos fuisse ab Apostolis Episcopos. Si responsio nostra de Evangelistica ipsorum functione satis habet ponderis, fateatur Bilsonus Episcopalis muneris & potestatis everfionem & ruinam inde sequi.

De Gubern. Plane enim, inquit, hoc si defecerit, Episcopis suam autoritatem Ecclesiæ consuetudine c. 6. p. 347. vindicare liceat, Divino aliquo Jure aut scripturarum testimonio non licebit.

Defens. l. 4. Ex consequenti quomodo probaverit Dounamus, Episcopos esse Apostolicæ institutionis, hætenus vidimus. Videamus & eorum argumentum, qui immediatè
Cap. 3. à Christo ipso institutos esse volunt. Quamvis Dounamus ulterius non progreditur,
Secl. 1. quam ad institutionem Apostolicam, tamen ait plurimos Patrum asserere Christum in Apostolis & Septuaginta discipulis duos ministrorum gradus instituisse, Episcoporum & Presbyterorum. Et qui dicunt Episcopos Apostolis successisse, ex consequenti etiam dicere, Christum, cum instituit Apostolos, Episcopos instituisse. Septuaginta Discipulos ad stabile & perpetuum munus à Christo, dum

L. 2. Cap. 3.
Num. 6.

esset in carne, vocatos non fuisse, sed ad temporariam quandam & generalem annunciationem adventus Messie, supra ostendimus. Itaque non propterea quod defecerint 70 negabo illis directam successionem per nostros Presbyteros, sed quod illos non tanquam stabile aliquod corpus illius numeri Christus instituerit, sicut stabile duodecim Apostolorum collegium fecerat. Unde & in locum Judæ, antequam illi aggrederentur munus Apostolicum post resurrectionem illis commissum, substituendus fuerat Matthias. Act. 1. profectò ipsius Christi inspiratione, & in sortibus illis concursu. Et quoad quisque eorum vixit, Apostolicum munus expressè sibi cum mandato generali commissum exercuit. Quam confirmationem, quodque mandatum & generalem missionem à Christo factam 70 discipulis non invenio; neque possum affirmare, in ipsis fuisse directè, proximè, & immediatè, institutum ordinem Presbyteralem, sicut in 12 Apostolis directè & immediatè institutus est ordo Episcopalis; ait Spalatensis. Postea in Euangelistarum aut Presbyterorum ordinariam vel extraordinariam functionem omnes, aut aliquot ipsorum traductos fuisse, non negamus. Imò ante omnia, ne penitus irrita esset illa Christi actio, qua 72

Lib. 2. Cap.
3. Num. 8.

elegit, Apostoli sancti illos eosdem 70 discipulos, ut verè perpetuos Christi asseclas, etiam post peractam primam missionem, denuo univerunt post Christi ascensionem, dicit Spalatensis; quod fieri potuisse non inviti dabimus; illud etiam, quod dicit ex illis 70 discipulis plures ab Apostolis factos similiter Apostolos generales, hoc est, ut nos secundum Scripturam loquimur, Euangelistas. Sed ad ordinem Presbyteralem fuisse vocatos negat. Apostolos fatetur Saravia non accepisse potestatem ligandi & solvendi, nisi post mortem Christi. Nam Apostolatus, inquit, sua initia & progressus habuit & nonnihil à se diversus fuit post acceptum Spiritum Sanctum. Præterea claves regni cælorum potestatemque ligandi se daturum promisit, quam ante mortem suam non dedit.

Defens. Ca.
3. Secl. 3.

Aedit, quippe quæ adhuc conjuncta erat cum Aaronico sacerdotio, non prius finem acceptura, quam sacrificio corporis sui Leviticæ hostias aboleret, sacerdotiumque & quicquid cum eo conjunctum erat, in seipsum transulisset. Et hinc stante Vetere Ecclesia novam fundare non poterant. Si ante Christi mortem ligandi & solvendi potestatem non habuerunt, Episcopi nondum erant. Quid si nec Presbyteri? Nam illa missio in civitates Judææ communis illis cum 70 discipulis, non fuit ad munus stabile & fixum prædicandi Evangelium, sed ad generalem illam annunciationem & proclamationem de qua supra diximus, cum de 70 discipulis egimus. Negat etiam Th. Beza baptizandi potestatem. Nec verum esse arbitror quod ais, inquit, baptizandi quoque potestatem tunc illis fuisse commissam, cum nulla, ne tenuissima quidem, fiat ejus apud Evangelistas mentio. Miratur Saravia, D. Bezam qui Annotationibus doctissimis novum Testamentum illustravit, ter quaterve ad incudem revocavit, iterum atque iterum legit & relegit, tam absurde scribere; Cum diserte apud Johannem legatur Dominum non baptizasse, sed ipsius discipulos Joh. 4. 2 & 3. 22. Hic lapsus, inquit, D. Bezam admonere debet ipsum labi potuisse, nec oraculum esse quicquid ab ipso proficiscitur, &c. Sic impudenter pergit, ac si per triumphum captivum duceret virum illum eruditissimum, audax & insolens. Discipulorum baptizare nihil aliud erat quam tingere Christo Evangelizante, ut supra diximus. Ille quidem docebat & evangelizabat (quomodo enim suum baptismum Christus daret sine evangelizatione) discipuli vero hi tunc primum adhuc rudes & nondum satis ad evangelizandum instructi, verè adhuc discipuli, nondum magistri, suum ministerium solummodo in baptizando ita jubente Christo exercebant. Nondum enim illos suos duodecim collegerat, neque ullum ex discipulis ad evangelizandum adhuc miserat, sed quos habebat discipulos eos tantum apud se ut discerent & testes oculati esse possent vitæ & actionum ipsius detinebat, eosque ad baptizandum interdum adhibens, mox ad evangelizandum & baptizandum tanquam magistros emissurus erat. Si nondum ad Discipulatum omnes Apostoli, ad Apostolatatum ulli vocati sunt, quomodo quæso ut Presbyteri baptizare poterant? Baptizasse, id est tinxisse tantum, Christo ipso Evangelizante & mandante, sequitur. Hæc enim gesta esse ante Johannem conjectum in carcerem, satis constat. Quod seorsim & per se baptismum ministraverint, docentes & tingentes, ne tenuissima sit apud Evangelistas mentio. Quomodo baptizare potuerunt discipuli priusquam ad Apostolatatum vocati, non capio, nisi illorum baptizare fuerit solummodo tingere. Vocationem, & rectè quidem, à missione prima & secunda distinguit Saravia, & vocationem interdum præcedere, non semper cum missione conjunctam esse, asserit. Est enim non rarò post vocationem opportunitas missionis expectanda, ut in Mose & Davide ostendit. Et proinde missio illa 12 Apostolorum Matth. 10. non est necesse ut propriè & peculiariter Apostolica appelletur, ad quam tum implendam prorsus inepti fuissent Apostoli, sed fuit duntaxat quoddam ejus præludium & rudimentum, ut omnes ac pene singuli ad audiendum ipsum Christum accederent. Sed esto: potestatem baptizandi habuerint, potestatem tamen ligandi non habuerunt ante Christi resurrectionem, ait Saravia. Unde ergo colligunt, Apostolos 70 discipulis potestate superiores fuisse? Dignitate inferiores fuisse 70 discipulos Apostolis non negamus; sed Apostolos ullam habuisse in 70 discipulos potestatem, negat ipse Saravia. Subiectos autem fuisse Apostolis ego nusquam aio, quod sciam, sed uno gradu inferiores. Utrosque fuisse primos sub Domini directione, dum in terris vixit, Evangelii præcones. In quem finem igitur Apostolorum & 70 discipulorum distinctionem adducunt, ut Episcopi potestatem directivam & correctivam in Presbyteros probent. Patres, qui post annos amplius 300 scripserunt, Episcopos suos Apostolis, Presbyteros septuaginta Discipulis succedere dixerunt. Nunquam dixerunt,

*Ibidem.**L. 2. Cap. 31.**Num. 2.**Beza de Grad. Cap. 3.**Defens. c. 21.*

ex instituto Christi succederè, quia nunquam instituit Christus, ut Apostolis *secundum gradum in Ecclesia succederetur*, inquit Junius. *Quomodo ergo, inquires, dixerunt hos illis succedere? nempe humana, ac non divina institutione, analogica ratione quadam, non autem propria, imitatione communi quadam, non singulari necessitate Ecclesie. Succedere igitur ex simili, non autem ex pari, hos illis dixerunt Patres, quia gradus in Ecclesia non pares, sed similes, non plene, sed quodammodo, observari putabant alii posse, alii oportere. Si quæ autem similitudo est, tantum secundum quid & remotissima, tamen similitudo est, si verè vera, si imaginariè imaginaria. Hæc verò secundum quid, remota, & imaginaria similitudo est, ex qua, si qui absolute concludunt, absolute fallunt. Bellarminus. Eo modo succedunt Episcopi Apostolis, quo Presbyteri discipulis 72. At constat Presbyteros non succedere propriè discipulis, sed solum per similitudinem. Nam discipuli illi 72 non fuerunt Presbyteri, nec ullum ordinem aut jurisdictionem à Christo susceperunt. Vides ut convenit inter Bezam, Bellarminum, Spalatensem, de munero 70 discipulorum. Sed quid propriè adumbrarunt? Apostolos & eorum cooperarios, qui in orbem terrarum mittendi erant. Sed pergamus ad potestatem plenam Apostolatus, quam acceperunt post resurrectionem, cum datæ sunt illis claves, quas ante promiserat Christus, & misit eos sicut ipsum Pater miserat, effuditque in eos dona Spiritus Sancti. An non tum constituit Apostolos Episcopos? Respondeo, non constituisse Episcopos propriè, sed Apostolos. Nam Episcopum volunt adversarii esse Pastorem Ordinarium qui habet in alios pastores potestatem. Talem potestatem non habuit Apostolus ullus, ac si Episcopatum haberet ordinarium inclusum in Apostolica functione, & ab ea diversum. Omnem quam habebant potestatem Apostoli in Presbyteros, ut Apostoli exercebant, non ut Episcopi gregarii. Si etymon vocis respicias, Apostolica illa potestas, Episcopalis dici potest, & Apostolatus Episcopatus, ut Judæ Apostolatus Episcopatus dicitur, Act. 1. Ad illud de Juda respondeo, in Psalmo 108 vocari Episcopatum, ait Bellarminus, non id quod propriè nunc vocamus Episcopatum, sed præfecturam quancunque. Est enim in Hebræo Pekudah, quod visitationem seu præfecturam significat. Et credibile est Petrum Hebraicè allegasse hunc Psalmum, & nomen illud præfecturæ ad Apostolatum Judæ accommodasse: Lucas autem hæc referens Græcè sequutus est 70 interpretes, qui vertunt τῆν ἐπισκοπὴν, qua voce 70 interpretes non potuerunt intelligere nisi præfecturam in genere, cum non esset ipsorum tempore Episcopatus propriè dictus adhuc institutus. Adde quod etiam Cicero Lib. 7. Epist. ad Atticum hoc nomine utitur, cum dicit se à Pompejo totius Campaniæ Episcopum constitutum. Adde ex Junio, prophetam scripsisse propriè in Doegum aut alium improbum, & ad Judæ historiam minimè respexisse, licet Petrus accommodet verba Apostolatu Judæ. Observat etiam Chemnitius eadem in Examine. In Pandectis sunt Episcopi præfeti rebus venalibus. Et illa vocabula eo libentius accomodarunt ad ministerium Ecclesiasticum, quia ex Græca Veteris Testamenti versione nota tunc & vulgata erant. Pakod pekudah pekudim, quæ significant visitationem, inspectionem, munus, curam, administrationem commissam, officium demandatum, Græci reddiderunt ἐπισκοπῆν, ἐπισκοπήν, & ἐπισκόπος, Num. 13. Episcopi exercitus, Judic 9 Abimelech habet Episcopum Zebul, 4 Reg. 11. Episcopi qui sunt super exercitum: Ibidem, Custodiæ positæ super domum Domini ita exponuntur à Græcis, constituit Episcopos super domum domini, 2. Paralip 34. Inspectores operantium vocantur Episcopi Num. 4. Munus seu officium Eleazar in tabernaculo Domini vocatur ἐπισκοπή, ita Psal. 106. functio Judæ vocatur ἐπισκοπή. Hoc postremum de Judæ functione aliter in parallelis interpretatur Junius, nempe de Juda non prophetasse hoc loco Davidem, sed tantum accomodata esse verba prophetæ ad Judæ Apostolatum accommoda-tionis genere ætiologico. Utcunque est, videmus græco vocabulo significari in*

vete-

veteri testamento, unde citatus locus, non id quod nunc propriè vocamus Episcopatum, sed Præfecturam quancunque. Præfecturam habuisse Apostolos, tantum adest ut negemus, ut summam in Ecclesia præfecturam sub Christo eis tribuamus, & præfecturam illam Apostolicam extraordinariam & temporariam fuisse dicimus omni dignitate & potestate ordinaria sublimiorem. *Quarta* Aposto. *Exercit. 14. p. 314.*
latus nota, inquit Cafaubonus, est potestas longè major & angustior, quam ulli unquam alii functioni spirituali fuerit attributa. Solis enim Apostolis dictum est, sicut misit me Pater, ita & ego mitto vos, Johannis 20. 21, quod etiam significat Apostolus 1 Cor. 12. 29. B. vero Chrysostomus eum locum tractans, ea quam dixi homiliâ, ut magnitudinem muneris Apostoli exprimeret, comparationem spiritualium dignitatum (ipse ἀρχὰς nominat) cum civilibus, quas ἀρχὸντας appellat, instituit, & ait Apostolatium inter spirituales esse ὑπεράνω πνευματικῶν, id est, supra omnes alias functiones spirituales sic eminere, ut supra omnes civiles magistratus eminet potestas Consularis. Itaque, inquit, Apostolatium nominat potestatem omnium maxime spiritualementem, item potestatem potestatum, & præterea potestatum spiritualium caput, radicem, & originem siue fundamentum; quoniam Apostolatu continentur omnes inferiores potestates, quas eo loco Paulus enumerat. Quis nescit, inquit Augustinus, illum Apostolatus principatum cuiuslibet Episcopatus præferendum. Sed quidam ista regerit Tilenus discipulus, vel potius Saravia *L. 2. de Baptismo Cap. 1.*
Magister. Verum excipitis extraordinarias functiones ac temporarias cum ordinariis ac perpetuis perperam à me misceri, ac confundi. Apostolum igitur audite docentem, quorsum ista munia ac gradus à Christo instituti, in quem finem referendi, quando retinendi, quando desituri; sic ille, Ad instaurationem sanctorum, ad opus ministerii, ad edificationem corporis Christi, donec evadamus omnes in unitatem fidei, & agnitionis filii Dei, in virum perfectum, ad mensuram stature adulti Christi, &c. Ephes. 4. 12. 13.
14. In altero demum seculo id futurum testatur ipsemet Beza, disciplina vestrae, si non conditor, saltem instaurator & assertor acerrimus. Quantsper igitur in hoc seculo versatur Ecclesia, sicuti Sanctorum κατὰ τὴν ἐκκλησίαν, operi ministerii, ædificationi corporis mystici; ita & muneribus illis, diversisque munerum gradibus, locus est. Item; Num igitur dicetis, superstitēs adhuc, aut ex ἀδελφῶν reduces habemus Apostolos, Prophetas, aut Evangelistas? An Episcopi etiam τῶν τοῦ λόγου ordinatio vel consecratio, ejusdem proventus notæ Legatos ac Tribunos Christi nobis exhibebit, quos non nisi ab ipso militia hujus Imperatore Christo ἀποσταλῶς, ut vocari, necessariisque donis instrui, sic & copiis suis præfici, posse persuasum habemus? Sic igitur habetote: In functionibus, quas extraordinarias ac temporarias fuisse pertenditis, nos quidem multa extraordinaria dona ac temporaria vobiscum agnoscimus: ipsas autem functiones ἀποστολικὰς acceptas, non nisi ad brevissimum illud tempus quo Apostoli in carne vixerunt institutis fuisse, falsissimum est. Fuerunt sanè illi à Christo immediatè vocati missique, testes ejus ἀποστόλοι, nullis certis finibus circumscripti, sed ad universum terrarum orbem obeundum præconique sui luce collustrandum destinati, à Spiritu Sancto ita eruditi ac gubernati, ut in excitando spirituali Ecclesie edificio nihil nisi purum putum aurum, vel in fundamento ponerent, vel in parietibus ac tecto superstruerent. Fuerunt hæc in Ecclesie primordiis inchoando operi, & tum convertendis infidelibus tum confirmandis fidelibus gliscente hostium Evangelii rabie & immanitate, planè necessaria charismata, quibus acceperunt & alia, miraculorum, sanationum, linguarum, rerum occultissimarum intelligentia, futurarum prædictio &c. sed hæc alius quoque concessa Apostolorum non fuerunt propria. Postea vero constitutis Ecclesiis, circumlatoque per orbem Evangelismo, dona illa continuari ac perennare necesse non fuit, cum & tabulæ fidei præsto essent, ad doctrinæ, ipsiusque etiam Christo probatæ disciplinæ declarationem, & miraculis olim editis, utraque etiam hodie obfignetur: ipsas autem Apostolici muneris partes essentielles, quæ in verbi prædicatione, Sacramentorum administratione, & disciplinæ

pluræ gubernatione spectantur, non magis quam ipsam Christi Ecclesiam evanescere, aut aboleri oportuit. Ne vos quidem fratres Scoti graduum inæqualitatem inter Pastores in verbo laborantes & Presbyteros morum præfectos, inter hos & Diaconos pauperum curam gerentes, negare sustinetis; hoc unum ferre non potestis, ut Pastor Pastori, Presbyter Presbytero præstet, aut præsit. Quasi cum Paulus Timotheo (Petrus *οὐκ ἐπιτιμῶν* per se vocans) alius Presbyteris mandata dedit: ille Pastor, iste, Presbyter, esse desuisset: aut quod præcis Ecclesiæ temporibus, aureoque illo Apostolorum ævo Divini fuit instituti, hodie pro humano aut etiam Satanico habendum esset commentum. Hæc summa Dissertationis Saravianæ, quæ habetur Cap. 16. 17. 18. Tractatus de Gradibus; quam alibi etiam aliis verbis attingit, ut supra diximus, ubi extraordinarium cum temporario confundendum non esse dicit, & Timotheum & Titum successisse in eo, quod ordinarium habebat Apostolatus. *Quocirca tam illi, quam alii plures ejusdem notæ ab Apostolis adsciti οὐκ ἐγγὺς, in eo quod ordinarium, essentiale, ac perpetuum habet Apostolatus, jure merito eorum collegæ dicuntur; ac propterea Paulus in quibusdam Epistolis modò Sophenis, modò Sylvani, modò Timothei, nomen cum suo conjunctum præscribit.* De extraordinaria vocatione, & munere temporario & extraordinario, supra egimus, & utrum Apostoli & Euangelistæ fuerint Episcopi propriè dicti, necne, & utrum eorum functiones erant in Ecclesia permanentes. Sed quia reponit Tilenus eadem pluribus verbis, plura etiam & nos addemus. Apostolus Ephes. 4. non vult, singula illa munera, quæ ibi numerantur, durare, quantisper in hoc sæculo versatur Ecclesia, sed singula inservire operi ædificationis Ecclesiæ usque dum absoluta fuerit tota illa cœlestis civitas; quod quidem opus erit in perpetuo motu usque dum omnes fideles evaserint in unitatem fidei & agnitionis filii Dei, in virum perfectum. In ædificationis autem istius opere alii fundatores, alii superstructores. Non est necesse, ut fundatores sint superstructores, sed jactis semel fundamentis defuncti sunt officio suo, & durat, etsi non actu, virtute tamen in opere ipsorum opera. *Et murus urbis habebat fundamenta duodecim, in quibus erant duodecim nomina Apostolorum Agni, Apoc. 21. 14. Et fundamenta muri urbis omni lapide pretioso ornata vers. 19. Apostoli dicuntur fundamenta Ecclesiæ triplici ratione, ait Fildus. 1. Quia ipsi primas plantarunt & fundarunt Ecclesias, ac infideles ad Christianismum converterunt. 2. Quia ipsorum doctrina immediatè à Deo accepta, est regula fidei omnibus posteris, & fundamentum immobile, cui innititur fides Ecclesiæ usque ad finem. 3. Quia erant capita, rectores, & pastores universalis Ecclesiæ, penes quos erat non modo supremum, sed etiam primum & originale regimen Ecclesiæ, è quorum larga & ampla legatione omnis potestas & autoritas Ecclesiastica, licet inferiore gradu & modo, ad successores erat derivanda. Vides igitur, quomodo Apostoli inservierint ædificationi corporis Christi, nempe ut inceptores operis, fundamenta ædificii jacentes, quibus superstruxerunt Euangelistæ, & superstruunt pastores ordinarii, usque dum absolutum fuerit ædificium. Cum quærimus, num superstites adhuc, aut ex inferis reductes, habemus Apostolos, Prophetas, aut Euangelistas, respondet Tilenus, functiones ipsas *ἐκκλησιαστικὰς* acceptas durare, licet multa fuerint in functionibus extraordinaria & temporaria: item ipsas muneris Apostolici partes essentielles manere, nec magis quam ipsam Christi Ecclesiam evanescere aut aboleri oportet. At functionis Apostolicæ partes essentielles non erant omnes ordinariæ & perpetuæ, sed aliæ extraordinariæ, aliæ ordinariæ. Nec extraordinaria vocatio nec dona extraordinaria sunt partes functionis & ministerii Apostolici. Functionem extraordinariam & aliam à Pastoribus & Doctoribus ordinariis *ἐκκλησιαστικὰς* differentem habebant Apostoli. Apostoli & Pastores seu Episcopi propriè dicti ita distinguuntur, ut aliud plane*

plane fit Apostolus, aliud Pastor sive Episcopus. Et ipse, inquit Apostolus, dedit quosdam quidem Apostolos, quosdam Prophetas, alios verò Euangelistas, alios autem Pastores & Doctores, Ephes. 4. Quid disertius dici potuit? quosdam dedit Apostolos, alios autem Pastores & Doctores. Hæc Sutlivius Hierarchicorum unus, cum probaturus est Petrum non fuisse Episcopum. Si aliud planè Apostolus, quam Pastor aut Episcopus, non habent omnes muneris partes essentielles communes, & certè illud esset miscere & conturbare omnia, si functiones, quæ sunt planè aliæ ab aliis, partibus omnibus essentialibus convenire statuerimus. Tilenus alibi sic scribit. Petri autem sicut & reliquorum Apostolorum munus fuit extraordinarium, ideoque temporarium, non perpetuum. Non dicit vocationem, & quædam dona, sed munus ipsum fuisse extraordinarium & temporarium. Item; Petro succeditur, vel ut Apostolo, vel ut Monarchæ & totius Ecclesiæ Rectori, vel ut ministro Evangelii. Apostolatus strictè sumptus functio est extraordinaria, in qua locum non habet successio. Monarchia extra Christum est commentitia, ab ipso Petro aliena, nedum successori cuiquam conveniens. Ministerium verbi, sicuti ordinaria est in Ecclesia functio, ita hoc respectu omnium Pastorum est communis ista Petri successio. Hæc ex Junii Nota 18 transsumsit Tilenus. Vides Apostolatam strictè sumptum & à Pastoris munere diversum, esse per se functionem, eamque extraordinariam. Mirum certè, si sit per se functio, essentielle tamen nihil habeat à Pastoris munere diversum. Nam quid ingreditur essentielle in definitionem functionis Apostolicæ, si omnes partes muneris essentielles sint communes? Vel fallit vel fallitur Tilenus, cum partes essentielles muneris Apostolici enumerat, Verbi prædicationem, Sacramentorum administrationem, Disciplinæ gubernationem. Si per disciplinæ gubernationem intelligit tantummodo gubernare Ecclesiam & disciplina regere, erat pars quidem essentialis muneris Apostolici, sed communis Presbyteris. Si per gubernationem disciplinæ intelligit summam illam potestatem & præfecturam quam habebant in universali Ecclesia, supra omnes Pastores & Doctores ordinarios, tantum abest ut negemus esse partem essentialem functionis Apostolicæ, ut inter præcipuas muneris Apostolici partes numeremus. In hac præcipue parte latet fallacia. Nam ista præfectura & summa potestas in Ecclesia universali extraordinaria erat, & temporaria, neutiquam ad successores aliquos transmittenda. In extraordinariis enim locum non habet successio. Nam successio est ordinis & perpetuitatis. At non potest idem esse ordinarium & extraordinarium. Cum dixisset Bellarminus, Episcopos succedere Apostolis non propriè, quomodo unus Episcopus alteri, & unus Rex alteri, sed per quandam similitudinem, & proportionem, quia nimirum sicut Christo in terris vivente primi erant sub Christo Apostoli duodecim, deinde 72. Discipuli; ita nunc primi sub Romano Pontifice sunt Episcopi, post eos Presbyteri, inde Diaconi, &c. Nam nullam, inquit, habent partem veræ Apostolicæ autoritatis. Nam Apostoli poterant in toto terrarum orbe prædicare, & fundare Ecclesias, scribere libros Canonicos, habuerunt donum linguarum & miraculorum, & in totam Ecclesiam habuerunt jurisdictionem: hæc autem non habent Episcopi. Quid respondit Tilenus? Si apud se fuisset cum ista scriberet, utique cogitasset, ad Apostolicam autoritatem pertinuisse etiam ista quæ in ordinario Ecclesiæ ministerio locum habent & usque ad consummationem sæculi sunt permansura, puta verbum Dei prædicare, Sacramenta ministrare, disciplinam curare, & si quæ sunt ejusmodi, ut toti Ecclesiæ perpetuo necessaria, ita & omnibus Ecclesiæ Pastoribus, tam extraordinariis, quam ordinariis, communia. Propria Apostolorum prærogative sunt hæc. 1. Immediata à Christo vocatio. 2. Immediata ab eodem institutio. 3. Αὐτοκρατορία in doctrina, sive scripto, sive viva voce ab ipsis tradita. 4. Πρεσβυτερία seu præfectura, & autoritas in Ecclesiam universam,

De Pontif.
Lib. Cap. 12.
Not. 13.
Nota 20.

De Pontif.
Lib. 4. Cap.
25. Not. 3.

versam, utcunque deinde ad functionis commoditatem provincias inter se dividerint. Vides ut inter propria Apostolorum *γραφισματα* numeret præfecturam & auctoritatem in Ecclesiam universam, & distinguat à cura disciplinæ, quam, hic in Parænesi, disciplinæ gubernationem vocat, & utrobique communem facit pastoribus, tum ordinariis, tum extraordinariis. Præfectura ista, & auctoritas in Ecclesiam universam, est pars stentialis muneris Apostolici, & *ἐπισκοπή* quædam extraordinaria. Omnes Apostoli propter muneris sui dignitatem atque amplitudinem mundo omni præfuerunt, ut possis verissimè dicere, Apostolos fuisse Episcopos totius mundi, mundumque totum fuisse Apostolorum *διοίκησιν*, inquit Whitakerus. Ex eadem mente Junius; Episcopatus Petri, ut Apostolorum omnium, fuit Catholicus, non Romanus, aut glebæ Romanæ aut rupi Tarpeïæ adscriptus. Episcopatus iste Catholicus erat extraordinarius, temporarius, & de essentia Apostolatus. Est enim Apostolatus proprie nihil aliud, inquit Junius, quam Episcopatus immediatè à Deo institutus, *ῥυτὴ διοίκησις*, & communis, id est, sine certi loci assernatione. Episcopatum istum & auctoritatem Apostolicam inter temporaria numerat etiam Bellarminus, nisi quod in uno Petro Apostolatam quendam fingit & Episcopatum universalem, qui ad successores Petri transit. Fuit, inquit, in illis Ecclesiæ primordiis necessarium ad fidem toto terrarum orbe celeriter disseminandam, ut primus prædicatoribus & Ecclesiarum fundatoribus summa potestas, & libertas concederetur. Mortuis autem Apostolis Apostolica autoritas in solo Petri successore permansit. Saravia & ejus discipuli omnem pudorem exuerunt, qui in Episcopis Hierarchicis Apostolicam auctoritatem durare dicunt. Qui succedit proprie parem auctoritatem habet, cum eo cui succedit. Sic Rex Regi succedens eandem auctoritatem habet: sic Proconsul Proconsuli. Sed in is quæ Apostoli extraordinariè habuerunt non successerunt illis Episcopi, hoc est, in illa potestate quæ verè & proprie Apostolica est. Nam Bellarminus ipse fatetur Episcopos non habere auctoritatem prædicandi in toto orbe, & Ecclesias fundandi: unde intelligi potest quàm inconsideratè quidam Theologaster affirmet, Apostolicam auctoritatem adhuc in Ecclesia remanere, inquit Whitakerus. Saraviam absque dubio ejusque discipulos Theologastros intelligit. Et quid Tilenus nisi Theologaster Whitakero? Summa igitur illa præfectura non tantum extensive, sed etiam intensive, extraordinaria fuit, & temporaria, id est, non tantum, quia universalis, & ubique gentium fundare Ecclesias, & omnibus Pastoribus præesse auctoritate Apostolica poterant, sed etiam intensive. Nam non alia erat natura potestatis Apostolicæ in particularibus stationibus, ubi commorati sunt, ab ea quæ inerat in universali. Ex dictis colligo. 1. Præfecturam istam, & summam potestatem in Ecclesiam universam, & in singulas ejus partes prout ferebat occasio, *ἐπισκοπή* quidem, si vocis etymon respicias, sed extraordinariam & temporariam, Apostolatus partem essentialem &c. proinde ad successores non transmittendam. 2. Apostolatus non includit Episcopatum propriè dictum, & ordinarium, ut includit in se Presbyteratum. Nam præfectura Apostolica & summa potestas in Ecclesiam universam non potest esse simul ordinaria & extraordinaria. Dicunt, Petrum ordinasse reliquos Apostolos Episcopos, sed absurdè & insulsè. Quorsum enim qui omnem in Apostolatu acceperunt Episcopalem jurisdictionem ordinarentur Episcopi? Num Rex creari solet Quæstor, aut summo Magistratui inferior potestas concedi solet? inquit Sutclivius. Jacobus manens Hierosolymis nec novam potestatem ab Apostolica & summa potestate diversam accepit, ut fieret Episcopus, sed determinationem tantum summæ præfecturæ ratione particularis loci, etsi concederetur assignatam illi Ecclesiam illam particularem, non autem Palæstinæ & Judæorum Hebræorum Provinciam. Inter præfecturam Apostolicam, & potestatem Presbyteralem, nulla est media potestas, sed quicquid

potest-

potuerunt Apostoli plus quam Presbyteri, id egerunt ut Apostoli. Etiam ipse Presbyteratus qui in Apostolatu includitur non ita fuit in Presbyteris, sicut in Apostolis, sed in his altiori ratione & eminenter, ut supra dixit Baynesius. & dicit etiam Fildus de Ecclesia Libro Quinto. Prædicabant verbum non ut ordinarii Presbyteri, sed ut Apostoli, ut legati extraordinarii & *ἀποστολικοί* Summa huc redit, Apostolos habuisse *ἐπίσκοπὴν* quandam, id est, præfecturam quandam & potestatem in Ecclesia universali & qualibet ejus parte, sed ea erat Apostolica propriè, & de ipsius Apostolatus strictè & præcisè sumpti essentia, & proinde extraordinaria & temporaria, quam non transmiserunt ad ullos successores. Erat enim personalis & instructa donis extraordinariis, & ad tempus necessaria, ad Ecclesiam in terris fundandam, & inchoandum ædificium cœlestis Hierosolymæ. Qui ergo argumentantur à gradu Apostolico & ipsorum præfectura, ad gradum Episcopalem & Episcoporum in Presbyteros præfecturam stabilendum, absque ratione insanire mihi videntur. Pudet certe Dounamum ab Apostolorum Episcopatu in genere argumentum ducere; tantum adducit Jacobum, quem ordinatum ab Apostolis Episcopum dicit, quod etiam falsum esse & impossibile supra ostendimus. Oportet igitur ostendere, extra Apostolos, Episcopos quibus commiserunt præfecturam in Presbyteros; alioquin quomodo constabit præfecturam illam fuisse ordinariam? Dicit Tilenus, Timotheum & Titum successisse in eo quod erat essentiale & perpetuum in Apostolatu. Dicimus nos Pastores omnes ita successisse. Præterea in Timotheo & Tito erat etiam præfectura extraordinaria, licet non summa, ut Apostolica, eaque gradu minor. Oportet extra præfecturas extraordinarias, tum Apostolorum tum Evangelistarum, exemplum unius præfecturæ ordinariæ in Pastores & gregem in Scripturis monstrare, si Episcopos suos majoritate potestatis directivæ & correctivæ Presbyteris superiores divino instituto evincere vellent, alioquin operam ludunt. Quid sibi postea vel vindicarunt ex humano instituto vel usurparunt, ad jus divinum non spectat. An satis sanus igitur Tilenus, qui absque hac præfectura Apostolica Ecclesiam oportere evanescere dixit? Nam vel hanc præfecturam intellexit cum supra de perpetuis & ordinariis Apostolici muneris partibus egit, vel extra oleas vagatus est. Hierarchici certè fatentur, Episcopale regimen non esse ita necessarium Ecclesiæ, ut absque eo aboleri oporteat Ecclesiam. Videte igitur quò provectus est iste Sectarius.

Progrediuntur alii, & Episcopos potestate ordinis & jurisdictionis Presbyteros Cap 14. superiores esse jure divino, probant ex figura Testamenti Veteris, ut Bellarminus Libro de Clericis. Nam erat unus Summus Sacerdos, Aaron, & qui ei succedebant; erant præterea Minores Sacerdotes, omnes videlicet filii Aaronis & qui ab illis descendebant; ac denique erant Levitæ cæteri, qui à Levi originem ducebant, sed non per Aaronem. At Episcopi, inquit, id sunt in Ecclesia, quod erant Pontifices in Testamento Veteri; id Presbyteri apud nos, quod illic minores Sacerdotes; ut etiam id Diaconi nostri, quod illorum Levitæ, ut docent Damascus Epist. 3. de Chorepiscopis, Hieronymus Epistol. ad Eulagrium 85. Leo Epistol. ad Episcopos Germaniæ, & alii. Tilenus & alii Hierarchici sæpius inculcant politiam Veteris Testamenti, in qua sub Legis Parænes. c. 2. Oeconomia distinctio Ministrorum fuit instituta. Illic, inquit Tilenus, sub uno eodemque sacerdotio dispares & inæquales Sacerdotum & Levitarum gradus constitutos videmus. Illic non modo Sacerdotes supra Levitas eminebant, sed inter ipsos quodque Sacerdotes varii erant gradus & ordines. In summo sacerdote seu Pontifice, non typi solum, sed *ἰσχυρὰ*, quoque ratio conspicua. Neque enim ille typum gessit Christi respectu Regiæ & Judiciariæ potestatis, quam habet Christus, qui alioqui tam secundum

ordinem Aaronis, quam secundum ordinem Melchisedeci, Regis & Sacerdotis dignitatem habuisset. Præterea qui in Veteri Testamento Patres & Capita Sacerdotum, in novo ægypteis, Sacerdotum principes appellantur, in 24 τάσφαια à Davide distributi (Machlekoth, Mismaroth, Pekudoth, vocant Hebræi, Græci διαίσεις, ἐπισυνήσεις, κληρὸς, ἐφημέριος,) ut videlicet singulæ familiæ certis hebdomadum vicibus ministerium obirent. Hi omnes non solum orant, sed etiam potestate, inferioribus sacerdotibus erant superiores.

De Pontific.
Lib. 1. Cap. 9

Bellarminus à typis & figuris argumentatur, cum probare vellet jure divino politiam Judæorum introductam in Ecclesiam Christianam. Nam & Ecclesiam Veteris Testamenti figuram fuisse Ecclesiæ Christianæ dicit, & Sacerdotium Veteris Testamenti figuram Sacerdotii Novi Testamenti. Intelligit autem sacerdotes suos sacrificulos. Si vera esset Bellarmini affirmatio de typo proprio & destinato, speciem aliquam haberet juris divini ipsius argumentum. Sed negatur. Nam nec Ecclesia Veteris Testamenti figura fuit Ecclesiæ Christianæ, si propriè loqui volumus. Etenim *figura non est idem cum re figurata*: Synagoga autem non minus fuit Ecclesia, quam hodie est cætus Christianorum, qui & ipse appellatur Synagoga Jacob. 2. 2. Abundavit quidem typus ac figuris priscæ Ecclesiæ, at non propterea nihil ipsa nisi typus aut figura Ecclesiæ Christianæ Neque Sacerdotes Veteris Testamenti erant typi sacrificulorum seu sacerdotum majorum & minorum Novi Testamenti. Sic enim summus Pontifex Oecumenicum aliquem Pontificem adumbrasset, sicut & Ecclesia Veteris Testamenti Ecclesiam universam visibilem. At quod ad summum Pontificem; Agnoscamus, inquit Tilenus,

Tilen. de
Pont. l. 1.
Cap. 9.
Not. 13.

hunc fuisse proprium ac destinatum typum Christi, quo exhibito ejusmodi umbris ac typis locum esse negamus. Sed ex figura communi sive exemplo nihil concludi necessario potest: ex figura autem propria optimè concluditur, inquit Junius, id revera esse aut fore, quod figuratum est. In hunc autem modum summus ille Pontifex olim fuit typus & figura propria venturi Christi, vel umbra legis fuit, cujus corpus est in Christo. Idem alibi; Ex typo singulari personæ Christi non potest auci argumentatio ad rationem ministerii nostri ordinarii, ex singulari seu personali universale confici, ex legali ceremonia observatio perpetua. Hierarchici nostri non à typo destinato & proprio, sed à figura communi & exemplo ratiocinantur. Nam figura una communis est, quam vocamus exemplum, altera vero propria sive destinata, quam umbram vel typum dicimus. In Summo Sacerdote consideranda est, inquit, non solummodo ratio typi, sed etiam ordinis & politix. Neque enim ille typum gessit Christi respectu Regiæ & Judiciarix potestatis, quam habet Christus, qui, alioqui tam secundum ordinem Aaronis, quam secundum ordinem Melchisedeci Regis & Sacerdotis dignitatem habuisset. Sed cum sancti omnes sint Deo Sacerdotes, annon illa ipsa eminentia summi sacerdotis, in qua illi ponunt ordinem & eutaxiam, typica fuit, & super eminentem summi Pontificis nostri supra omnes alios sacerdotes dignitatem adumbrabat, cujus sacerdotium in omnes fideles influit, & ethicos, licet non politicos in externo, regimine sacerdotes & Pastores facit? Non siquitur tamen, Christum sic fore sacerdotem tam secundum ordinem Aaronici Pontificis quam Melchisedeci. Non enim erat potestas summi sacerdotis Regia, ut fuit Melchisedeci, & proinde non poterat summus Pontifex regale Christi sacerdotium adumbrare. Habuit Pontifex summus dignitatem quandam & eminentiam supra alios, etiam ut Sacerdos, licet non Regiam. Sed detur separata ratio politix & ordinis in his gradibus ab omni typo proprio diversa, non tamen ex figura communi seu exemplo concluditur necessario eandem politiam eisdemque gradus in Ecclesiam Christianam introduci oportere, imo nec probabiliter. A diversis gradibus Sacerdotum & Levitarum sub lege Moïsis nullam posse trahi necessariam consequentiam, facetur ipse Bilsenus. Nam tribus Levitica, inquit, neque alterius tribus regimini

Tilen. de
Pontif. l. 2.
c. 9. Not. 15
Jun. de Pont.
Lib. 2. Cap.
12. Not. 14
Jun. de Pont.
rif. Lib. 2.
Cap. 12.
Not. 16.

Jun. de Pont.
tif. l. 1.
Cap. 6.
Not. 14.

De Gubern.
Cap. 2.

fuit.

fuit subiecta, neque sine manifesta etatiz omni gubernatione carere potuit. Quamobrem ut ceteræ omnes, ita hæc quoque suos proprios Magistratus habuit, videlicet Principem, Seniores, Judices, Præfectos, Chiliarchas, Centuriones, qui mos illius reipublicæ fuit. Addit, quod Jurisprudencia Judæorum Mosaicis libris comprehensa reipublicæ gerendæ formam continebat, & propterea Sacerdotes & Levitæ tanquam illius scientiæ peritissimi in iisdem cum iudiciis subselliis sunt collocati: quod hæc illis tributa est dignitas in suis familiis hæreditario jure & primogenituræ respectu: quod ministeria sanctuarii & sacrificiorum ritus ac ceremoniæ, à quibus reliquæ tribus præter Leviticam omnes arcebantur, non unius generis erant, ut mirum videri non possit, diversos ministrantium gradus pro diversitate officiorum ac ministeriorum distingui, quamvis vel in postremis Domino inferuire semper honorificum fuerit. Ast in Ecclesia Christi verbum & sacramenta Pastoribus omnibus nullo discrimine concedita, ut uniusmodi sunt, nec ullam habent administrationis celebrationisve differentiam, ita nec discrepantes Ministrorum gradus postulant. Familix 24. hebdomadam integram operabantur in templo, & vocantur stationes hebdomadicæ, à Luca ἰσχυρίαι, ab Hebræis *pag. 297.* *mishmaroth*, id est, *φυλακαί*, & Talmudistis stationes, utraque voce à militia desumpta, ut observavit Josephus Scaleger in Canonibus Isagogicis. Comparatur & Levitarum ministrantium in tabernaculo ambulatorio ministerium militiæ Numer. 4. propter ordinem quasi militarem, quem Sacerdotes cum Levitis in externo ministerio observabant. Ubi erat unicum templum commune, commune sacerdotii ministerium, millia ministrantium in quaque familia, non mirum si in tali sacerdotio & ministerio fuerit graduum subordinatio. Mutato sacerdotio, mutata lex est & politia illius Ecclesiæ statui congrua. Dico etiam, nec probabiliter trahi posse consequentiam à diversis gradibus in Veteri Testamento. Dicit Bilsonus, licet necessaria consequentia trahi non potest, Dei tamen sapientiam in politia Levitica relucentem non esse repudiandam aut parvi ducendam. Idem & nos dicimus, addimus & adorandam, non tamen imitandam, ubi non subest eadem ratio. Primum, quia nec talem tribuum distinctionem, nec commune templum & commune ministerium in uno templo pro universali vel Nationali aliqua Ecclesia, habemus. Secundo, quia umbras & typos, ut illi, non habemus, à quibus penderet ista diversitas. Nam licet daremus diversam rationem politiæ à typo, à typo tamen maxima ex parte pendebat illa diversitas. Quia erat unus, qui præ aliis magis vivam expresserat Christi imaginem, an non ob illam causam etiam in politia sacra dignitate summus erat? Tertio, non est liberum, quamlibet politicæ formam in Ecclesiam Christianam introducere, licet per se aut ratione quarundam circumstantiarum alibi laudabilem. Istud enim argueret, Christum non tam bene prospexisse Ecclesiæ Christianæ, quam veteri prospectum fuit, cum tamen Christus *fidelis fuerit ei qui ipsum constituit, ut & Moses fidelis fuit in tota domo ipsius*, Hebr. 4: 3. 5. Non reliquit Christus Ecclesiam tanquam tabulam rasam, cui inscriberentur ad hominum arbitrium leges de gradibus ministrorum ipsi ministrantium in Ecclesia sua. Atque hæc de argumenti consequentia. In ipsa etiam graduum collatione qualis sit analogia videndum. Id sunt Episcopi, inquit, in Ecclesia, quod erant Pontifices in Veteri Testamento; id Presbyteri apud nos, quod illic minores Sacerdotes, ut etiam id Diaconi nostri, quod illorum Levitæ. At *Diaconix usus non fuit in Veteri Testamento, quia rebus pauperum & afflictorum alia via Lex Dei prospexerat; non ergo possunt Diaconi nostri simpliciter id esse, quod Levitæ erant, sed tantum respectu quodam sive ut loquuntur secundum quid, nempe quâ dativum est & accessionale ministerium ipsorum, prout Levitarum ministerium ad opus Sacerdotum fuit accessorium auctoritate Domini, & quâ ministrant mensis.* Præterea, fuit inter sacerdotes par consortium *Not. 14.* honoris *Not. 11.*

honoris & potestatis, sed ordine impari, qua familiarum, qua temporis respectu. Penes confessum Sacerdotum ex lege fuit ordinaria jurisdictio Ecclesiastica, non penes unum summum Pontificem. At Episcopo Hierarchici tribuunt majoritatem potestatis directivæ & correctivæ, quam non habuit solus Pontifex summus in inferiores familiarum principes, aut illi in inferiores sacerdotes. Imperfecta est igitur ista analogia, & proinde non concludit negatum, licet daremus necessariam posse trahi consequentiam à gradibus sub Veteri Testamento

Sunt, qui Monarchiam esse optimam reipublicæ formam, & proinde in Ecclesia erigendam, contendunt. Sed Sutlivius asserit, politicorum sententia Monarchiæ alias formas præferendas esse, præsertim Aristocratiam. Hoc autem fecisse videntur, primum quia hoc genus imperii antiquissimum fuisse videtur, & ordini naturæ maxime consentaneum: deinde quia populus Dei illud primum probavit: tertio quia Deus non regnum, sed optimum regimen populo Israelitico præscripsit: quarto, quia ratio hanc formam optimam esse suadet: postremo quia Divina & humana testimonia illam omnibus anteponendam esse docent. Qui ab apibus, gruibus, armentis, argumentantur, non plus sapere dicit quam pecora campi: solum hominem secundum Aristotelem esse animal politicum: animalia rationis expertia non certa lege sociari: multa etiam animantium genera reperiri, quæ absque duce liberè vagantur. *Animalia pleraque nullius prorsus regiminis inter se sunt ducta, ut leones, lupi, fere pleraque omnes, aves item ac pisces. Exterrestribus quod maximum est, puta elephas, itemque quod minimum, formica videlicet, ad Democratiam quam ad Monarchiam propius accedere videntur. Quæ vero Monarchiæ aliquam speciem referunt, & ab uno regi solent, ut boves, oves, asini, &c. nullum agnoscunt ducem congenerem, ac imperant, sed hominis ductu & imperio reguntur, ait Tilenus. Homerus unius imperium multorum imperio utilius esse cum dicit, de rerum bellicarum administratione Agamemnonem loquentem introducit, quæ ob repentinum casum & incerta belli unius imperio tutissimè committitur, inquit Tilenus. Sed missis Politicorum disputationibus, dicimus non alibi querendum regiminis Ecclesiæ typum, quam qui expressus est in Scripturis Novi Testamenti. Alioquin argueremus, Christum non præscripsisse Ecclesiæ formam politiæ. Querimus qualem reipublicam Christus in facto institueret perpetuo retinendam, non qualis instituenda per humanam sapientiam, quæ in rebus divinis potius insipientia est, videretur; ait Spalatensis.*

Argumenta nostra contra Episcopi principis potestatem intensivam sequuntur. Intensivam istam potestatem supra posuimus in singulari potestate Ordinationis & Jurisdictionis directivæ & correctivæ in Presbyteros & ipsorum greges. Quod posunt uti consilio Presbyterorum, non minuit ipsorum principatum magis quam Senatus aut Consilium regium Regis Monarchiam. Certè enim Salomon 3. Regum 12. Seniorum cætum habebat à consilio, & Assuerus Ester 1. Sapientum consilio in rebus omnibus utebatur, nec tamen ideo non erant Reges, inquit Bellarminus. Et alibi etiam dicit; quod Episcoporum auctoritas non sit in cætu Presbyterorum quasi Consulibus in Senatu, sed ut Principis in Consilio Consiliariorum sibi subditorum. Eandem esse sententiam Hierarchicorum nostrorum, supra ostendimus. Cum igitur penes unum Episcopum sit τὸ κερτοῦ καὶ τὸ νῦν, de singulari potestate nihil minuitur, etsi aliorum consilio utitur. Nam majorem sententiarum numerum sequi, ut ipsi volunt, non tenetur. Præterea quod Episcopi veteres sine Presbyterorum consilio nihil agerent, utile ac salutare, non tamen necessarium fuisse, asserit Bellarminus. Asserunt id ipsum Hierarchici, quod & praxi sua ostendunt. Non enim consulunt Episcopi Senatum Presbyterorum, ut olim in veteri Ecclesia, imo nec opus esse post jam conditos tot Conones Conciliorum dicitant, Senatum Presbyterorum nolunt

Sutlivius de
Pontif. l. 1.
Cap. 1.

Tilenus de
Pontif. Lib.
1 Cap. 2.
Not. 7.

Not. 2.

Lib. 1. Ca.
12. Num 12.

Bellar. de
Pontif. Lib.
1. Cap. 8.
De Clericis
Cap. 14.

De pontif.
Lib. 1. Cap.
8.

nolunt esse institutum divinum, ut sit Episcopo à consiliis, tanquam Consuli, nedum ut dirigat & regat Episcopum; & proinde utrumque Senatus usum rejiciunt. Nonne igitur jure divino Episcopum principem esse genuinum illum Episcopum, de quo controversitur, contendunt? Perinde igitur est, sive sponte, sive Canonibus adactus utatur Presbyterio, cum de jure Divino disputamus. Nam jure Divino se non teneri asserunt. Jus Canonum est tantum jus humanum mutabile, quod etiam ipsi antiquatum esse dicunt, saltem abiisse in desuetudinem. Cum igitur jus humanum mutabile sit, & pro ipsorum arbitrio mutatum fuit, nos autem jus immutabile & perpetuum quærimus. Episcopum principem, quem singulari potestate ordinationis & jurisdictionis correctivæ & directivæ Divino jure præditum volunt, his argumentis impugnamus.

Primum Argumentum, Nullibi in Scripturis reperimus Episcopum alium quam Pastorem ordinarium, non Episcopum Præsidentem, nedum Principem. Ergo jure Divino nullus habet singularem potestatem ordinationis directivæ & correctivæ in alios. Antecedens probatur exemplorum & testimoniorum inductione. Archipus, Epaphroditus, Timotheus, Titus, & sic de cæteris, non fuerunt tales Episcopi, sed vel erant Evangelistæ, vel Presbyteri seu Pastores ordinarii absque tali jurisdictione. Et Apostolus Rom. 12. 1. Cor. 12. Ephes. 4. enumerans dona & Officia Ecclesiæ data, non meminit hujus Episcopi, & sic de aliis locis. Consequentia argumenti est necessaria; nam alioquin sequeretur, præcipuum Ecclesiæ Rectorem a quo penderet cujusque particularis Ecclesiæ regimen omissum esse à Christo legislatore, quod absurdum. Cum igitur jure Divino instituti non sint, humano introductos esse necesse est. Nam quod de cælo non est ex hominibus est, Matth. 21. 25. 26.

Secundum Argumentum sumitur à mandato Christi Matth. 18. *Dic Ecclesiæ.* Non dicit Christus, quod si non audiverit te aut duos illos fratres. quos tecum assumpxisti, *dic Episcopo*, sed *dic Ecclesiæ.* Vult Christus offensam deferri ad plures, non ad unum, ut ostendit gradatio. Progreditur enim Christus ab uno ad duos, à duobus ad plures. Eadem habentur, inquit Drusius, in Libro Musæ 221. quamquam paulo aliter. *Qui arguit socium suum, debet primum hoc facere placide inter se & ipsum solum verbis mollibus, ita ut non pudefaciat eum. Si respiciet Novum Test. bene est; sin, debet eum acriter arguere, & pudefacere inter se & ipsum. Si non respicit, debet adhibere socios, ipsumque coram illis pudore afficere. Si nec hoc modo quicquam proficit, debet eum pudefacere coram multis, ejusque actum publicare.* Videmus igitur, progrediendum ab uno ad duos, à duobus ad plures, non regrediendum ad unum. Dicunt, Ecclesiam posse unum aliquem significare (nempe personam publicam) qui virtualiter sit multitudo & cœtus, ejusque auctoritatem habeat. Sed, præterquam quod nullibi in Scripturis monstrare possunt hanc vocis Ecclesiæ usurpationem, repugnat non modo gradatio de qua dictum, sed etiam promissio rati habitationis sententiæ; dicit enim in plurali numero, *quæcunque ligaveritis*, non in singulari, *quæcunque ligaverit.* Illud, *Dic Ecclesiæ*, dicit Bellarminus, significare, *deferri ad publicum Ecclesiæ judicium*, id est, ad eos, qui publicam personam in Ecclesia gerunt. Ita enim Chrysostomus exponit. *Dic Ecclesiæ*, id est, Præsulibus. Responder Tilenus noster; *Multitudinis numero utitur Chrysostomus, πρὸς τοὺς ἐπίσκοποις.* Imo, inquit Junius, dicit Chrysostomus Præsulibus scilicet ac Præsidentibus, πρὸς τοὺς ἐπίσκοποις καὶ πρὸς τοὺς πρεσβυτέρους, id est, Synedrio Ecclesiastico, sive collegio ex Presbyteris & Senioribus constituto. Per Ecclesiam, ait Sutlivius, non unus aliquis (nam hoc verbi ratio prohibet) sed plures Ecclesiæ Præsidentes intelliguntur. Ut autem unus tantum summus Ecclesiæ Monarcha designetur per nomen Ecclesiæ, fieri non potest. Repugnat enim primo

De Pont. l. 2.
Cap. 6.

Nota 5.

Nota 19.

Sutl. de Pont.
l. 1. c. 5.

et no-

et nomen et natura Ecclesie, quæ est congregatio ex pluribus, et in uno consistere, si propriè loquamur, non potest. Repugnat deinde et Patrum interpretatio, qui una voce non unum Pontificem, sed Episcopos et Præsidentes Ecclesie, seu ut patres Synodi Basilienfis loquuntur, Ecclesie Præsidentium Consilium designari volunt. Chrysost. in Math. 18. Aeneas Syl. in Act. Concil. Basil. Agit ibi de summo tribunali in Ecclesia universali; rationes tamen militant etiam pro Ecclesia particulari, nempe quod nomen & natura Ecclesie, quæ est congregatio ex pluribus & in uno, si propriè loquamur, consistere non potest, prohibent unum intelligi per Ecclesiam; alioquin poterat replicare Bellarminus, si Ecclesie vocabulo intelligitur unus in Ecclesia particulari, quid impedit, quin & eodem Monarcha summus designetur, qui præsistat cum potestate Ecclesie Oecumenicæ? Præterea hic locus propriè & primariò de Ecclesiis particularibus intelligendus est, non de oecumenica sive essentiali sive repræsentativa. Nam deferre offensa ad Ecclesiam oecumenicam essentialem, impossibile est. Concilium oecumenicum raro convocatur, & est conventus extraordinarius. Christus amandat fideles ad conventum ordinarium & remedium paratissimum. In Veteri Testamento vox Kahal item Gnedah, & versione Græca vox Ecclesia significat totam congregationem populi sive Civilem seu Ecclesiasticam, aut congregationem seu cœtum Seniorum & Rectorum populi, aut Prophetarum. Deus adstat in cœtu fortium et inter Magistratus judicat, Psal. 82. 1. Ut non moriatur, qui occidit, tantisper dum stat coram cœtu in iudicium. Num. 35. 12. Tunc jus dicent cœtus inter ipsum percussorem et vindicem sanguinis illius secundum iudicia ista vers. 24. Tunc mittentes Seniores civitatis illius, accipient eum inde, et tradent in manum vindicis illius sanguinis, ut moriatur Deut. 19. 11. Seniores uno loco vocantur, qui altero cœtus. Sic Jos. 20. 4. & 6. Vidit Lakath hanebim congregationem prophetantium, Lakath per metathesin pro Kehillath, græcè Ecclesiam prophetantium, 1. Sam. 19. 20. Easdem voces Hebræas Septuaginta reddunt per Synedrium, ut Prov. 26. 26. Revelabitur malitia ejus in congregatione, Septuaginta, in Synedrio. Et vice versa græcam Synedrii vocem, Matth. 5. 22. Syrus reddit per vocem Kenushta, quæ alibi significat Cœtum & Synagogam. Cum igitur vox Ecclesia & ei correspondentes voces Gnedah & Kehillah nunquam unum singulariter sed unum collective seu plures in unum cœtum collectos significant, patet Christum amandasse fratrem offensum non ad unum singulariter, sed ad plures in unum collectos.

Sutl. de Pontif. l. 2. 7. Tertium Argumentum sumitur ab interdicto Christi, Luc. 22. Christus discessit a Apostolis, omnem in fratres dominationem, et præcipuè monarchiam, interdixit. Nam cum contentio inter eos esset de dignitate, dixit eis, Reges gentium dominantur in eos, et qui potestatem habent super eos benefici vocantur; Vos autem non sic. Bellarminus, Pontificis Romani monarchiam propugnans, respondet, Dominum non removisse Monarchiam ab Ecclesia, sed potius eam instituisse, atque admonuisse tantum diversam esse à Monarcha civili gentium; & velle Vicarium suum præesse, sed absque libidine dominandi qualis est in regibus gentium qui tyranni sunt plerumque, imperantque subjectis ut servis, & omnia referunt ad suum commodum & gloriam. Respondet Whitakerus; Christus illis Ethnicorum Regum exemplum proponit, non quo ambitionem modo fugiant, sed ut potestatem regiam à se prorsus alienam esse intelligant. Id ex verbis non obscure colligi potest. Quanquam enim κατακυριεύειν et καταξοιάζειν, quibus verbis Matthæus utitur, imperium immoderatum interdum significant, Lucas tamen præpositionem, omisit in utroque verbo. Atqui κυριεύειν et ξοιάζειν de iis dicuntur, qui potestatem et dominationem obtinent, non qui insolenter aut tyrannice imperant, &c. Non enim omnes, qui principatum adepti sunt inter gentes, crudeliter et injustè

injustè imperarunt, imò multorum & justitia & clementia laudatur. Nec illud *κατὰ* malum aut præposterum aliquid semper arguit. Ibidem; Si igitur non debet esse in Ec-
clesia tale aliquid, quale est civilis Monarchia, quod ipse concedit Bellarminus, tum unus
 in alios omnes dominatus non modo à Christo, sed ab ipso etiam Bellarmino tollitur. Sed
 quid ista ad Episcopum? inquires. Certe si contra Papæ Monarchiam in Eccle-
 siam hæc ratio militat, militat etiam contra inferiores, sive Metropolitanum,
 sive Episcopum. Non somniabant discipuli de summa auctoritate, sed subordi-
 nata sub Christo, & Christo non Imperatorum, sed Regum, Luc. 22. 25. Prin-
 cipum & Magnatum, Matth. 20. 25. exemplum eis proponit. Ipse Calixtus Papa
 in Epistola ad Episcopos Galliæ citat hunc locum contra factum Metropolitanorum,
 qui sine Episcoporum consensu vel præsentia judicabant de comprovincialium sub-
 ditis. Quicquid de provincialium Coepiscoporum causis, eorumque Ecclesiarum, & Cle-
 ricorum atque Sæcularium necessitatibus agere aut disponere necesse fuerit, hoc communi
 consensu comprovincialium agatur Pontificum, nec aliquo dominationis fastu, sed humillima
 atque concordæ administratione, sicut Dominus ait, Non veni ministrari, sed ministrare,
 & alibi, Qui major erit vestrum, erit minister vester. Si Metropolitanus excommu-
 nicare, judicare, vel aliquid agere præsumens, ut ibi dicitur, contra aliquem
 in Diœcesani parœcia aut diœcesi absque ejus consilio & consensu, dominatur ut
 solent Principes & Magnates; an non Episcopus etiam, quem dicunt jure Divino
 non teneri consensu & concordæ administratione Presbyterorum, dominatur instar
 Magnatum qui potestatem exercent inter gentes? Calixtus desiderat non modo
 humilem sed etiam concordem administrationem. Bernardus ad Eugenium scri-
 bens hunc locum in eundem finem citat. Nec tibi dare Petrus potuit, quod non habuit, De Consid.
 quod habuit hoc dedit, sollicitudinem super Ecclesias. Nunquid dominatum? Audi ipsum:
 Non dominantes, ait, in Clero, sed forma facti gregis. Et ne dictum sola humilitate
 putes, non veritate, vox Domini est, Reges Gentium dominantur eis, vos autem non sic.
 Planum est Apostolis interdicitur dominatus, &c. Et tandem concludit; Forma Apo-
 stolica hæc est, dominatio interdicitur, indicitur ministratio. Ita Bernardus aperte do-
 cet, inquit Whitakerus, non requiri in dominatione humilitatem, sed ipsam dominatio-
 nem prohiberi. At Bellarminus permittit dominari, si humiles & modesti & mites in do-
 minatione fuerint. Christus dere dixit, inquit Junius, dominantur, non autem de modo
 dixit, hoc vel illo modo dominantur. Illi dominantur, inquit, vos autem non sic, id
 est, non dominabimini. Simplex negatio est rei propositæ. Tilenus similiter; Non solum
 τὸ ὡσιόν, sed etiam τὸ ὄν prohibet Christus, & rem & rei modum removeret. Objicit Bel-
 larminus; Qui autem dicit, tu non sic præeris ut ille, id significat, præeris quidem, sed
 aliter quam ille. Deinde nonne clarè hoc loco subjungitur? Qui inter vos major est,
 fiat sicut minor, & præcessor, Græce ἡγούμενος, id est dux & princeps, fiat sicut mini-
 strator. Unus igitur erat à Domino dux designatus. Respondet Tilenus; Non ergo re-
 sinxit, sed inflammavit ambiciosum illum affectum Dominus in suis, illudque quod de
 Orbone Tacitus Histor. l. 1. omnia serviliter pro dominatione, discipulis sive præceptum
 sive consilium instillavit. Quod si vel cogitatu inipium, omnino dicendum, Christum
 ad mentes & cogitationes illorum respexisse quas illi φιλονεικεύοντες, secum volebant. At-
 que ita interpretatur Matthæus, ita mentem Christi enuntians, Quisquis volat magnus
 esse, non quisquis ex meo instituto erit magnus, sed ex pravo suo desiderio. Cogitationes
 quæ in discipulorum animos subreperunt, non de tyrannide, sed superioritate &
 majoritate potestatis erant. Videmus igitur non modo nostros, sed etiam Hierar-
 chicos hunc locum adducere ad impugnandam Papæ dominationem in rebus &
 causis Ecclesiasticis, & nos contra usurpatam Episcoporum dominationem, ne
 dicam tyrannidem, eodem jure adducimus. Siquidem Episcopi etiam dominantur
 soli

L. I. Cap. II.
Num. 3.

soli in suis dioecesebus, & jure Divino nullum habent gradu potestatis superiorem, non Papam, non Archiepiscopum. Quod si jure humano & Canonico se subjecerint Archiepiscopo, eodem jure ejus jugum excutere possunt; at Divino jure Monarchæ sunt, nisi Archiepiscopos etiam jure Divino institutos esse docuerint, aut Synodos Provinciales jure Divino statas & ordinarias esse debere, ad quas quotiescunque læsi Presbyteri provocare possint, & agnoverint, & restituerint. Concludam verbis Spalatensis. Promittit eis thronos in gloria, & de throno Ecclesiæ ne verbum quidem facit. Debut quidem animos eorum à temporalibus dignitatibus abducere quas etiam sibi somniabant, non tamen debuit tacere de vero & proprio throno Ecclesiastico, si quem sub ratione throni & principatus relinquebat. Neque debuit solam ignorantiam prave dispositionis auferre, quia sibi temporalem dominatum affingebant; sed etiam vermittere non debebat eos ignorantia puræ negationis ulterius laborare: sed instruendi fuissent quaminam majoritatem inter ipsos essent habituri, & tunc præsertim quando in ipso fere momento ipsius in cælum elevationis, &c

Quartum Argumentum à Praxi Ecclesiarum Apostolicarum, ut Corinthiæ, Thessalonicensis, & Asiaticarum. In Ecclesia Corinthiaca non unus sed plures disciplinam exercuerunt. Penes plures, non penes unum, erat potestas excommunicandi incestuosum. Dicunt Hierarchici, Apostolum solum excommunicasse, quia dicit *ἐξέγραψα*. At verbo *ἐξέγραψα* hic non significatur decretum seu sententia judicis decernentis in foro exteriori, prout debet fieri in Excommunicatione, sed tantum Pauli judicium, & approbatio de utilitate & necessitate excommunicandi tam sceleratum. Nondum erat lata sententia cum scripsit Epistolam Paulus, sed tantum ostendit dignum esse ut feratur ab ipsis Corinthiis. Præterea non excluduntur alii verbo *ἐξέγραψα* magis quam Act. 15. 17. cum Jacobus Apostolus dicit, *ἐγὼ ἐξέγραψα*. Hic diserte dicitur, *vobis & meo Spiritu in nomine Domini congregatis*. At dices, Pauli mandatum & sententiam rescindere non poterant Corinthii, incumbere illis necessitas parendi. Nam in hunc finem etiam scripsi, ut cognoscerem probationem vestri, id est an ad omnia obedientes sitis, 2 Cor. 2. 9. Hoc fit ex accidenti, quod tenebantur excommunicare, nempe præmonstrata à Paulo necessitate & utilitate, & propter judicium Apostolicum quod certum erat. Liberum erat tamen Corinthiis non excommunicare, si de libertate absoluta loquamur, & excommunicatus non fuisset, non obstante Pauli *ἐξέγραψα*, si reipsa à Corinthiis non fuisset excommunicatus. Peccassent quidem sic Corinthii non parentes monitis Apostoli in re etiam tam perspicua, penes ipsos tamen potestas erat non excommunicandi. Præterea mandatum Pauli non tollit ipsorum potestatem, sed exsuscitat. Qui mandantibus & monentibus aliis præsertim in superiori gradu positis officio suo fungitur, non eo ipso potestate sua privatur. Objiunt deinde, Tradere Satanæ hîc nihil aliud esse, quam corpus Satanæ affligendum morbo aut cruciatibus tradere, ut quidam Patrum interpretantur: & illud poterat solus Apostolus. At ista interpretatio est tantum conjectura. Nam non verisimile est, Paulum absentem & solo spiritu præsentem potuisse tradere Satanæ excrucians in incestuosum. Præterea ista interpretatio tribuit Paulo, non singularem potestatem excommunicandi, sed tantum partes illas extraordinarias, quibus pollebat Apostolus, quas *ἀνεγνώματα δυνάμειων* alibi appellat, 1 Cor. 12. 9. ut quum Petrus Ananiam & Saphiram verbo occideret. Nam excommunicatum simul Satanæ traditum isto sensu fatentur. Sed sunt alia, quæ communem pluribus fuisse ordinariam excommunicandi potestatem arguunt. Accusat ipsorum conniventiam, & ignaviam, quod sceleratum istum tam diu suo coetu ferrent. *Et vos inflati estis, & non potius luxistis, ut tolleretur è medio vestri, qui hoc facinus patravit.* 1 Cor. 5. 2. Non accusat, inquit,

inquit, Chrysostomus, quod non ei significarunt, sed quod non deplorarant, ut tolleretur: ostendens quod etiam sine monitore id fieri oportu t propter peccati evidentiam. Ne quis putet Paulum de judicio aliquo extraordinario intelligendum, ac si Corinthios perstringeret quod non orarint ut vindicta aliqua divina tolleretur, versu ultimo dicit, Tollite igitur istum improbum ex vobis ipsis. In ipsorum igitur potestate positum erat, tollere sceleratum ex Ecclesia, etiam non monente Apostolo Cum tamen deessent officio suo, acriter objurgat, & monet, ut tandem exerceant potestatem sibi traditam. Idem mandatum aliis verbis repetit cum dicit; Expurgate vetus fermentum, id est ut interpretatur Theophylactus, adulterum hunc è medio tollite, & alios facinorosos propellite. Tertio, indicat se ante scripsisse, ne commisserentur cum scortatoribus; addit, ne edant quidem cum fratre scortatore, idololatra, ebrioso, aut rapace vers. 9. 10. 11. Potuerunt igitur, quod in genere scripserat Apostolus, effectum dare in particularibus, & legitimo judicio convictum jubere facessere ab Ecclesia, & in posterum etiam possunt omnes ebriosos, rapaces, & scortatores ejicere. Quare, argumentum ducit non solum ab ipsius Epistola ante ad ipsos scripta, sed etiam ab ordinaria ipsorum potestate. Nonne de iis qui intus sunt vos judicatis, v. 12. Utitur verbo κρίνετε, quod judiciale in foro externo sententiam hoc loco significat, ut ostendunt antecedentia & consequentia. Antecedentia, dum ait; Quid enim mea interest de extraneis judicare. Cum in una significatione judex dicitur de omni discernente seu cognoscente, maxime secundum habitum aliquem speculativum aut operativum, ut Geometra judex est & judicat de figuris & ipsorum accidentibus, Medicus de sanis & ægris, Prudens de agendis & fugiendis, hoc modo judicare potest quilibet, etiam de extraneis. Cum de fratre scortatore, idololatra &c. vel iis qui intus sunt, loquitur, id est, de membris Ecclesiæ, potestatem judicandi ordinariam agnoscit, non modo communem illam iudicii discretivi potestatem, sed amplio rem & magis propriam indicat. Sequentia etiam hanc judiciariam potestatem confirmant, cum dicit, de extraneis verò Deus judicat, & subjicit, tollite igitur istum improbum Quasi diceret, de extraneis scortatoribus judicabit Dominus, vel ut Heb. 13. 4. scortatores & adulteros damnabit Dominus; de iis qui intus sunt nonne vos judicatis? Tollite igitur scelera tum illum ex vobis ipsis. Tollere sceleratum est effectus judiciariæ potestatis externæ. Consequenter causam reddit (inquit in hunc locum Oecumenius) cur non prohibet conversari cum Græcis scortatoribus, aut avaris, ac cæteris. Quia iudicium de illis, inquit, Deo permutendum est: nos autem fratres corrigimus. Quinto, ἐπιτιμίαν seu censuram Ecclesiasticam à pluribus non ab uno irrogatam, patet ex 2. Cor. 2. 6. Sufficit istiusmodi homini ista increpatio à pluribus illis profecta, ὑπὸ τῶν πλειόνων, Non fuisse excommunicatum apparet. Nam Paulus dicit, istam ἐπιτιμίαν sufficere. Si Satanæ tradidissent, sustulissent, expurgassent, nihil amplius restaret. Si ne verò ista ἐπιτιμία idem quod ἐπιτίμησις, increpatio, an præterea publica aliqua animadversio, perinde est. Nam utcumque capiatur, à pluribus peracta est, & gra-

Marfil.
Pata. De-
sens. Pacis
Diff. 1.
Cap. 2.

Def Cap. 3.
Sect. 10.

Exercit. c. 16
p. 5. 3.

At illud prius erat penes plures, 2. Cor. 2. 7. Ergo & posterius. In Ecclesia Thessalonicensi similiter penes plures erat exercitium disciplinæ. Dicit enim Apostolus, 2. Theff. 3, 14. *Si quis non auscultat nostro per Epistolam sermone, hunc notate, & ne commercium habetote cum eo, ut eum pudeat, neque ut inimicum ducite, sed admonete ut fratrem.* Alii sic legunt, *si quis sermoni nostro non auscultat, hunc per Epistolam notate*; ac si iste esset sensus, si quis sermoni nostro non auscultaverit, indicate mihi per Epistolam. At Græci interpretes, Oecumenius, Theophylactus, Basilii, & Syrus, priorem lectionem amplectuntur. Nec dicit Apostolus, σημειώτε, significate, vel indicate, sed σημειώθε: id est, notate publico iudicio, & ne commercium cum eo habetote. Nec dicit indefinite, δι' ἐπιστολῆς, sed διὰ τῆς ἐπιστολῆς, per hanc Epistolam; quasi diceret, si quis sermoni nostro per hanc Epistolam, id est nostræ huic Epistolæ, non auscultet, & posthac perget inordinate ambulare, contra quam præcepimus in hac Epistola, τῷτον σημειώθε, id est, Ecclesiastico iudicio notate, & ne commercium cum eo habetote. Ab ejus commercio cavere non poterant, nisi prius convictus & damnatus esset. Si tantum per Epistolam delatus esset Paulo, ut inordinate ambulans, non protinus ab ejus commercio abstinuissent. Illustratur hæc interpretatio aliis Scripturæ locis, 1. Cor. 1. 2. *Laudo vos, quod sicut tradidi vobis traditiones retinetis. Scitis quæ præcepta dederim vobis, 1. Theff. 4. 2.* Item *Qui hæc spernit, non hominem spernit, sed Deum, qui Spiritum suum sanctum dedit, 1. Theff. 4. 8.* Testatur est autem Apostolus, inquit Whittakerus, in eodem Capite, quod præscripsit, id se à Domino accepisse: nunc si quis repugnet, monet eum esse primo notandum, secundo excommunicandum, tertio fugiendum ut pudeat. De Ecclesiis Asiaticis supra diximus, ubi de Angelis 7 Ecclesiarum egimus.

Contr. 4.
Quæst. 7. c. 2.
Sect. 1.

Contr. 3. Lib.
4. Cap. 16.

Not. 63.

De Concil. 2.
Cap. 16.
Not. 6.
De Pont.
Lib. 4. p. 16.
Not. 62.

Quinto, Apostoli ipsi non exercuerunt singularem potestatem ordinationis & jurisdictionis. Non imposuerunt manus soli, ut patet 1. Tim. 4. ubi Paulus una cum Presbyterio imposuit manus Timotheo. Nec Apostoli plures convocati in Concilio Hierosolymitano definierunt controversias, sed unà cum Presbyteris. Neque solus Paulus excommunicavit iacestuosum. At opponunt illud Apostoli, *Quid vultis, cum virga veniam ad vos, an in spiritu mansuetudinis?* 1. Cor. 4. & 2. Cor. 13. 10. hæc absens scribo, ne præsens præfusa severitate. utar ex auctoritate, quam dedit mihi Dominus, &c. Virga & potestas sunt idem, & potestatem sibi datam affirmat Paulus; inquit Bellarminus. Præterea, inquit, Paulus solus tradidit Satanæ, id est, excommunicavit & vexandum Diabolo permisit Alexandrum & Hymenæum, ut ipse dicit, 2. Tim. 1. Responder Junius, Virgam esse aut ministerio Ecclesiastico communem atque ordinariam, aut singularem Apostolorum extraque ordinem. Communem atque ordinariam fuisse unius hominis, quâ Apostolus Christi, singulari auctoritate & testimonio & virtute Spiritus instructus: sed hanc in exemplum ab ullo trahi merito non posse. Alibi etiam potestatem illam extraordinariam ad tempus nascenti Ecclesiæ Euangelicæ datam, quam habuerunt quâ Apostoli supra Ecclesiam totam, ab illa quam communem cum Presbyteris habuerunt distinguendam dicit. Secundum illam communem Petrus fuit συμπρεσβύτερος sympresbyter, 1. Pet. 5. 1. Secundum hanc singularem Ananiam & Saphiram perdidit, Act. 5. Illa communi Paulus dicit, 1. Co. 5. 4. vobis & spiritu meo in nomine Domini nostri Jesu Christi congregatis: hæc vero singulari dicit, quid vultis cum virga veniam ad vos? &c. 1. Cor. 4. 20. Hanc duplicem Ecclesiastici ministerii Virgam transcripsit in Notam 62. Tilenus. Alii per Virgam intelligunt etiam objurgationes, reprehensiones, comminationes severas, quia opponitur lenitati & mansuetudini. Hymenæus & Alexander non certo constat an ullius Ecclesiæ plenè constitutæ membra fuerint.

fuerint. In Ecclesiis imperfectis vel nondum constitutis non mirum Apostolos solos singulari potestate usos. Si tradere Satanæ sit Diabolo vexandum tradere, adhuc minus mirum est solum Paulum eos Satanæ tradidisse, quia hæc potestas singularis erat & extraordinaria. Si nihil extraordinarium aut corporale significat illa phrasis, non tamen sequitur Paulum solum excommunicasse Hymenæum & Alexandrum, magis quam solum manus imposuisse Timotheo quia dicit 2. Tim. 1. 16. per impositionem manuum mearum. Nam alibi dicit, per impositionem manuum Presbyterii, 1. Tim. 4. 14. Si fuerunt membra Ecclesiæ Ephesinæ post constitutum ibi Presbyterium, non est verisimile eum præsentem fecisse quod absens à Corinthiaca Ecclesia facere noluit. Curabat excommunicandos, dirigebat iudicium Ecclesiasticum cui præerat, & sententiam publicè promulgavit in publico Ecclesiæ cœtu, & propterea dicitur tradidisse eos Satanæ. Duobus igitur casibus Apostoli singulari sunt usi potestate; vel cum necesse erat infligere supplicia corporalia vi virtutis illius miraculosæ quam communicavit eis Dominus, ut cum Petrus Ananiam & Saphiram verbo occidit, & Paulus solus Elymam excommunicavit; vel in Ecclesiis nondum plene constitutis. Saravia agnoscit discrimen Ecclesiæ constitutarum à non constitutis. *Apostolos & Evangelistas rebus & Ecclesiis* Def. Cap. 20. *Sec. 4.* *jam constitutis & in parochias Episcopis distributis nihil quod ad communem Ecclesiæ statum pertinisset fuisse futuros, inconsultis & invito locorum Pastoribus & Episcopis, me firmiter credere.* Addit & tertium casum, cum dicit, cum Pastoribus & Presbyteris Ecclesiarum communicarunt consilia, de rebus de quibus à Domino nullum habebant præceptum, sed in eorum positæ erant dispositione. Si Apostoli in constitutis Ecclesiis omnia quæ erant ordinaria & ad communem Ecclesiæ statum spectabant, communi consensu & consilio Presbyterorum & Pastorum administrarunt, proprio arbitrato & pro imperio nihil gesserunt quamvis extraordinariis donis & summa præfectura in Ecclesia præditi; quanto magis Prælati ex communi Presbyterorum sententia res Ecclesiasticas tractare debent?

Sextò, nullum est discrimen jure Divino inter Episcopum & Presbyterum. Non ergo institutus est unus, qui singulari potestate ordinationis & jurisdictionis in alios Presbyteros seu Pastores instructus erat: Superioribus argumentis tollitur singularis Episcopi principis potestas, sed non differentia graduum. Nam Apostoli erant Presbyteris gradu superiores, licet communi Presbyterorum consilio & consensu res Ecclesiæ tractarent. Et in Consistoriis nostris omnia communi consilio geruntur, licet Pastor Senioribus gradu superior sit. Sed sublata etiam graduum inter ministros verbi differentia, quod jam conamur, per se corrumpit etiam Episcopi principis potestas. Probatur Episcopi & Presbyteri nullam esse differentiam his argumentis

I. Nullibi in Scripturis reperitur ista graduum differentia: Ergo non est de jure Divino. Pastorem ordinarium aliis Evangelii ordinariis ministris gradu superiorem, sicut minister verbi Presbytero gubernante aut Diacono superior est licet non exerceat singularem potestatem jurisdictionis, ostendant si possunt.

II. In aliis functionibus Ecclesiasticis nulla fuit instituta graduum imparitas. Non igitur credibile est, inter Pastores istam imparitatem graduum institutam. Nullus Apostolus Coapostolis gradu superior, nec Evangelista Evangelistis. In ordinariis functionibus similiter, nullus Senior cæteris Senioribus, nullus Diaconus Diaconis gradu superior erat ex instituto Divino. Si nec in extraordinariis nec ordinariis, nec superioribus nec inferioribus functionibus, ulla graduum imparitas reperiri potest, in hac unica graduum inæqualitatem institutam fuisse, quis crederet?

III. In Scripturis nulla propria & peculiari appellatione designatur iste Episcopus gradu Presbyteris superior, sed semper confunduntur nomina. A communione nominum Episcopus & Presbyter, eosdem fuisse Episcopos & Presbyteros, colligit Hieronymus in Epistola ad Euagrium. Legimus in Esaia, inquit, fatuus fatua loquitur. Audio quendam in tantam erupisse vecoraiam, ut Diaconos Presbyteris, id est, Episcopis anteferreret. Nam cum Apostolus perspicue doceat, eosdem esse Presbyteros quos Episcopos, quid patitur mensarum & viduarum minister, ut supra eos se timidus efferat ad quorum preces Christi corpus sanguisque conficitur? Quæris auctoritatem. Audi testimonium: Paulus & Timotheus servi Christi Jesu omnibus sanctis qui sunt Philippis cum Episcopis & Diaconis. Vis & aliud? In Actibus Apostolorum ad unius Ecclesiæ Sacerdotes ita Paulus loquitur, Act. 20. Attendite vobis, & cuncto gregi in quo vos Spiritus Sanctus posuit Episcopos ut regeretis Ecclesiam Domini quam acquisivit sanguine suo. Ac ne quis contentiose in una Ecclesia plures Episcopos fuisse contendat, audi & aliud testimonium, in quo manifestissime comprobatur, eundem esse Episcopum atque Presbyterum. Propter hoc reliqui te in Creta; ut quæ deerant corrigeres, & constitueres Presbyteros per civitates, sicut & ego tibi mandavi. Si quis est sine crimine, unius uxoris vir, filios habens fideles, non in accusatione luxuriæ. Oportet enim Episcopum sine crimine esse, quasi Dei Difensatorem. Et ad Timotheum; Noli negligere gratiam quæ in te est, quæ data est tibi per impositionem manuum Presbyterii. Sed & Petrus in Prima Epistola, Presbyteros, inquit, in vobis precor Compresbyter & testis passionum Christi, & futuræ gloriæ quæ revelanda est particeps, regere gregem Christi & inspicere, non ex necessitate sed voluntariè juxta Deum; quod quidem græcè significantius dicitur ἐπισκοπῶντες id est, superintendentes, unde & nomen Episcopi tractum est. Respondet Dou-namus, Hieronymum solummodo probare, nomina fuisse communia & confusa, eosdemque dictos Presbyteros & Episcopos, donec unus è Presbyteris eligeretur qui cæteris præponeretur; quod obtigisse ibidem asserit Hieronymus Alexandriæ a Marco Evangelista & proinde Apostolorum temporibus; antea qui nunc Episcopi dicuntur Apostolos nominatos, quia non erant è Presbyteris electi, sed Apostolorum comites & viri Apostolici. De Theodoreti commento, quod Episcopi dicti sunt Apostoli Apostolorum temporibus, supra diximus. Non arridet ipsi Bellarmino, qui faciliorem centet Chrysostomi & aliorum multorum commentarium in Philip. 1. nempe Apostolorum tempore nomina illa, Episcopus & Presbyter, communia fuisse omnibus Sacerdotibus tam majoribus, quos nunc Episcopos dicimus, quàm minoribus, quos Presbyteros appellamus, licet resip-sæ & potestates distinctæ essent. Et quamvis nunc nomen Episcopi tantum principali analogato, id est, Summo Sacerdoti, tribui soleat, tamen convenit suo modo nomen Episcopi minoribus etiam Sacerdotibus, nam & illi superintendunt & regunt populum, saltem in foro conscientiæ. & ex delegatione Episcopi. De istis majoribus minoribusque Sacerdotibus nihil Sacra Scriptura tradit. Chrysostomus majores minoresque secundum rationem suo tempore observatam pronunciat. Præstitisset autem eos priores & posteriores dici; inquit Junius. Theodoreti figmentum tamen merito rejicit Bellarminus. Nam hoc tantum novi Theodoretus assert, quod primum Episcopum sive Presbyterum tradit Apostolum διακονῶν, dictum fuisse, quia in re unius & alterius Scripturæ loci falsa interpretatione deceptus est. Hieronymum nomina solum communia fuisse non probare, vel ex eo liquet quod conatur tueri Presbyterorum dignitatem adversus arrogantiam & usurpationem Diaconorum, quam ostendit eandem fuisse cum Episcopali. Si nomina tantum erant olim communia, nullius ponderis fuisset Hieronymi argumentum. De conjectura Hieronymi, quod Alexandriæ primum à Marco Evangelista Episcopus cœperat διακονῶν dici Primus Pres-

Defens. l. 4.
c. 5. Sect. 6.

De Clericis.
Cap. 15.
Net 2.
Nota 31.

Presbyter, supra diximus. Hieronymum idem sensisse cum Aërio, infra ostendimus. Nunc satis est monstrasse, ex communione nominum rerum communionem colligisse. Epiphanius ad locum illum Philip. 1. 1. aliter responderet. *Har. 75.*
 lum ita scribere solitum, quod eo tempore ob ministrorum penuriam multis in locis non essent Presbyteri ulli sed Episcopi soli cum Diaconis; possunt enim Episcopi etiam Presbyterorum officio fungi. At hæc Epiphanius explicatio tum haberet locum, inquit ipse Bellarminus, si Paulus diceret, cum Episcopo & Diaconis, aut si non ad unam civitatem sed ad multas simul scriberet. Sed cum ipse ad unam urbem Philippensem scribat, & dicat se scribere ad Episcopos & Diaconos, quomodo quæso illa explicatio locum habere potest? Si enim in una urbe multi Episcopi esse poterant, quanto facilius unus Episcopus & aliquot Presbyteri? Theodoretus fatetur per Episcopos, Philip. 1. 1. intelligi Presbyteros. Nec fieri quidem poterat, inquit, ut multi Episcopi essent unius civitatis pastores, quo fit ut essent scilicet Presbyteri quos nominavit Episcopos. Oecumenius in Philip. 1. Non quod in una civitate multi essent Episcopi, sed Episcopos vocat Presbyteros; tunc enim nominibus adhuc communicabant. Chrysost. Homil. 1. ad Philip. Quid hoc? an unius civitatis multi erant Episcopi? Nequaquam: sed Presbyteros isto nomine appellavit. Tum enim nomina adhuc erant communia, atque etiam ipse Episcopus vocabatur Diaconus. Procedente vero tempore proprium cuique distributum est nomen, ut hic quidem Episcopus, ille vero Presbyter, appellaretur. Presbyteri igitur erant qui dicti sunt Episcopi Philip. 1. 1. sic Act. 20. Tit. 1. 1. Pet. 5. ut ex ipsis locis pater. Fatentur nomina fuisse communia, sed non sequi fuisse communionem rerum. Petrus se Sympresbyterum vocat, 1. Pet. 5. Nunquid igitur Apostolorum & Presbyterorum idem officium? Apostolatus item *διακονία*, an propterea Diaconi Apostoli? Comites nonnulli ut Flandriæ & Palatinus Rheni Domini sunt aliorum Comitum. Gandavi qui Consul is personam inter Scabinos sustinet nullo discreto à Collegis vocabulo discernitur, sed tantum Primus Scabinus nuncupatur. Respondeo; Apostolus, Presbyter, & Diaconus, non sunt vocabula *ἀντιστοιχα* Apostoli Presbyteri aut Diaconi dici potuerunt, propter vocis *ετυμον* & latioris significationem, sed Diaconi & Presbyteri nunquam dicti sunt Apostoli. At sunt ex Dei verbo *ἀντιστοιχα* Episcopus & Presbyter, inquit Junius. In dignitatibus & functionibus distinguendis, vel propriis appellationibus, vel addito adjuncto aliquo, aut descriptione utimur. Comes Eccles. 1. 4. Palatinus, ab inferioribuseo ipso discernitur quod Comes Palatinus, & Consul inter Scabinos Gandavenses, quod, licet ordine tantum præsit in Senatu, Primus Scabinus dicitur. At Episcopus Hierarchicus nullibi aut propria appellatione, aut addito adjuncto, aut descriptione, discernitur à Presbytero in Scripturis. Communio nominum in Scripturis usurpata & ab adversariis quoque agnita, etiam rerum communionem designat. Neque enim Presbyter vere dici potest Episcopus, nisi vere sit Episcopus, præsertim cum à nomine ad rei, id est, officii, descriptionem transeat, Act. 20. 28. Tit. 1. 7. 1. Pet. 5. 1. 2. inquit Tilenus. Nos verò contra sic arguimur, ait Junius, cum nomina eo tempore fuerint communia, nomenclaturæ autem communio, quum vere dicitur, communionem rerum importet, quæ nomine communi sunt designatæ, ex eò probari necessaria consequentia, ergo ut nomina sic res communes esse nominibus designatas: Episcopos & Presbyteros id esse communiter, quod communiter dicuntur esse. Eorum autem quæ sunt idem, profecto, quæ idem sunt, eadem est operatio. Syrus interpres adeo confundit Episcopi & Presbyteri nomina, ut retineat etiam Presbyteri nomen ubi in græco est Episcopi, ut 1. Tim. 3. 2. Tit. 1. 7. Subjiciam Lorini observationem de communionis nominum. Sidonius Apollinaris nominat Antistitem ordine in secundo Claudianum, qui tamen Episcopalem gradum non habebat Epist. 25. Profert quoque Sa-

De Cleric. Cap. 25.

*De Conc. 6.
Eccles. 1. 4.
Cap. 8.
Not. 13.*

*De Ministr. Ord. Disput.
De Cleric. Cap. 15.
Not. 4.*

*In Act. 20.
17. 28.*

denii.

donii Scholiasfes Johannes Savaro exempla Episcopalis appellationis, aliis quam sacris Episcopis attributæ, ita ut rite ordinati ad Episcopale munus dicerentur cum additione Summi Episcopi vel Sacerdotes: alii inferiores ministri nonnunquam vocarentur Episcopi, Lib. 3. Cap. 14. In Act. 20. 21. Id quoque notatu dignum, aliquando nomen Episcopi dici de Non-Episcopo, sed simplici Sacerdote, qui munia quædam potiora Ecclesiastica obeat. Docet exemplis Ecclesiæ Viennensis & Aruernicæ Johannes Savaro Scholiasfes Sidonii Apollinaris. Vides post investam graduum inæqualitatem, ubi commune erat Episcopi nomen, additione tamen distinguebantur, & potiora eis munia permittebantur. Argumentum igitur à communionem nominum & descriptionum sic se habet. Quibus nulla propria appellatio, sive simpliciter, sive cum adjuncto, nulla peculiaris descriptio convenit, sed tantum communis quæ omnibus ex æquo competit, ii habent rerum communionem, & proinde sunt inter se pares. At nulli Pastori ordinario tribuitur propria appellatio aut descriptio, sed ea quæ communis est omnibus Pastoribus. Ergo. Sic argumentamur non solum à communionem nominum Episcopus & Presbyter, sed etiam aliorum omnium

IV. Ab inductione rerum ipsarum argumentum sic ducimus. Quibus res omnes communes, munia & potestates, ii sunt inter se gradu potestatis æquales. At Episcopo Paulino & Presbytero res omnes sunt communes. Ergo. Communionem rerum complectimur potestatem ordinis & jurisdictionis, secundum vulgatam Scholasticorum distinctionem.

Defens. l. 3.

Cap. 4. Sect.

24. 25.

De Sacram.

Ordinis Cap.

5.

De Clericis

Cap. 13.

Defens. l. 3.

Ca. 2. f. 11.

Ad potestatem ordinis refert Dounamus potestatem prædicandi, sacramenta ministrandi, peccata remittendi & retinendi, ordinandi ministros. Presbyteros habere potestatem prædicandi, sacramenta ministrandi, peccata remittendi & retinendi in foro conscientiarum; non negant. Quia tamen hanc potestatem vario modo participant Presbyteri & Episcopi, inquit Bellarminus, inde duæ sunt species Sacerdotum. Presbyteri in consecranda Eucharistia, saltem quoad usum, pendent ab Episcopis, qui possunt eis interdicare ne consecrent vel suspendere ad tempus, vel præcipere ut tali loco, tali modo, tali tempore celebrent, & præterea Presbyteri non ita habent hanc potestatem ut eam alii communicare possint. Et alibi; Est tamen observandum hæc omnia, & præcipue officium prædicandi propria Episcoporum esse, ita ut ne Presbyteris quidem prædicare liceat nisi ex Episcopi mandato aut consensu. Idem docent Hierarchici, Episcopos nempe esse majores Presbyteris exercitio potestatis ordinis, potestate ordinationis & jurisdictionis. Dounamus duplici distinctione suam sententiam explicat. Quamvis, inquit, quisvis minister quatenus est Presbyter habet potestatem ordinis, non tamen sequitur posse eum pro suo arbitrio eam potestatem exercere. Quisque minister habet potestatem ordinis quatenus simpliciter est Presbyter, sed potestatem jurisdictionis quatenus est Prælati aut Pastor. Quarum priorem habet ipsi traditam in ordinatione sua, posteriorem in institutione. Per priorem autoritate instruitur ad prædicandum & sacramenta ministrandum, & alias actiones spirituales ordinis sui peragere, quas alius, qui non est ejusdem ordinis, non potest, ne quidem concessa licentia, exequi. Non potest tamen ea munia, quæ ad ipsius ordinem spectant, administrare in ulla congregatione ut pastor illius, nisi grex illi assignatus & commendatus fuerit ab Episcopo, cui incumbit cura totius diæceseos. Presbyter igitur licet potestatem ordinis habeat, non potest Pastoris munus fungi in ulla congregatione, quæ pars est Episcopalis provincie, nisi autoritate ab ipso Episcopo in hunc usum muniatur à quo accipit potestatem jurisdictionis curamque animarum & regimen Ecclesiæ Parochialis in institutione. Distingueret etiam oportet inter potestatem ipsam & ipsius exercitium. Nam licet quilibet minister eandem habet potestatem ordinis, quæ ei communis cum Episcopis, ratione prædicandi verbum & sacramentum Baptismi & Cene Domini administrandi; exercitium tamen potestatis est & semper fuit

fuit obnoxium authoritati Episcopi, qui illud permutabat, dirigebat, aut suspendebat. Idem alibi Episcopum in diœcesi sua propriè pastorem esse vult, Presbyteros & *Defens. li. 2. c. 4. pa. 67.* Paræcos solummodo coadjutores & subsidiarios operarios. Eadem habet Fildus de potestate ordinis & jurisdictionis, & Episcopo propriè pastore parœciarum suarum *Fild de Eccl. l. 5. c. 27.* diœcefeos. Episcopus, inquit Saravia, in Parœcia, quæ ad ipsius curam pertinet, in- *Sarav. de Trip. Epis. p. 87.* stituere pastorem non valet, quod tamen in sua diœcesi potest, nimirum qui verus omnium parœciarum suarum diœcefeos sit pastor, & communicet alteri quod ipse habet. Spalatensis *Spalat. l. 2. c. 9. Num. 15* etiam ait, ab hoc uno ita pendere universam suarum diœcefeos curam animarum, ut ipse sit proprius & ordinarius pastor, qui tamen possit & debeat ad curam alios Presbyteros assumere; & potest Parochi officia ipse plene, quoties voluerit, exercere; ab ipsius directione, institutione, destitutione, parochos pendere: usum potestatis Presbyteralis, quam in ordinatione acceperunt, permitti, dum sunt parochi, potestatem ipsam non concedi, quæ tota integra & perfecta Presbyteralis in ordinatione eis tribuitur; Ecclesiastica tamen prohibitionem ligatur. Dum verò ad curam mittuntur animarum, tunc ligamentum prohibitionis solvitur, ut jam possint in actum producere suam sacri ordinis Presbyteralis potestatem. Summa sua ut referunt Hierarchici vidimus, sed nulla testimonia ex Sacris Scripturis proferunt. Presbyteros potestatem ordinis non legimus accepisse, nisi quando eam in actum producturi essent in particulari aliqua Ecclesia. Nam cum ordinatio duplex sit, communis, qua quis absolutè mancipatur & dicatur ministerio Ecclesiæ citra certi gregis aut particularis Ecclesiæ assignationem, & singularis, qua particularibus & certis Ecclesiis *ἰδικῶς* obstringuntur; priori modo extraordinarii illi pastores emittuntur, nempe Evangelistæ, posteriore Presbyteri seu pastores ordinarii. Qui ordinati erant *ἀπολειψένοι*, potestatem quam habebant statim exercere poterant, ubicunque locorum subsisterent, qui etsi non certum gregem curabant, gregem tamen aliquem indefinitè semper curabant. Sic non otiosa & iners erat potestas ipsis collata. Presbyteros autem ordinatos fuisse, communi & absoluta ordinatione, qui per diœcesin aut provinciam errarent otiosi, ut individua vaga, ligati vinculo prohibitionis Apostolicæ, nedum Episcopi, ne potestatem in ordinatione collatam exercerent, ne vel unico exemplo demonstrare possunt. Appositè Baynesius; Non creat Dominus ministros, ut Academici Doctores Medicinæ, quibus nullos assignant valetudinarios curandos, aut Magistros Artium absque discipulis. Quos ad ministerium vocat, ad exercitium ejusdem eadem opera mittit, dicens, ite, prædicate; & semper cum relatione ad gregem, vel indefinitum, ut Apostolos & Evangelistas, aut definitum, ut Pastores ordinarios. Mandat Paulus Tito, ut constituat oppidatim Presbyteros, non ut ordinet vagabundos, vel inertes. Præterea Presbyteri & Episcopi nomina ipsi fatentur fuisse confusa in Primitiva Ecclesia. At Presbyter dictus Episcopus respectu gregis, quasi aliis superintendens. Sed forte in primitiva Ecclesia, inquit Durandus, non fa- *L. 4. Dist. 25. Quest. 5.* ciebant tantam vim in differentia nominum sicut modo, propter quod omnem habentem curam vocabant Episcopum. Si igitur Presbyter idem sit nomine tenus, qui Episcopus, & Episcopus omnis habebat curam animarum, sequitur non fuisse alios Presbyteros ordinatos ad ministerium verbi & sacramentorum absque cura animarum, qui simpliciter dicerentur Presbyteri, non Episcopi, & alios cum cura animarum, qui simpliciter dicerentur Episcopi; sed omnes Presbyteri ad ministerium vocati indifferenter Episcopi dicti sunt, quia omnes ad curam animarum vocati sunt. Non solet Paterfamilias oconomos constituere, nisi cum ejus opera opus sit in familia: sic fit in Ecclesia. Non vocat Dominus, nisi ad locum vaguum, ut sint actu, non potentia tantum, pastores. Sed de absoluta ista ordina-

tione, damnata à Concilio Chalcedonensi, infra suo loco plura dicemus. Dicunt non solum ut Presbyterum, sed etiam ut pastorem & prælatum cum cura animarum, pendere quoad exercitium potestatis ab Episcopo, Episcopum esse propriè pastorem, parocos esse solum coadjutores, & parastatas seu assistentes. Quia prima Ecclesiæ ab Apostolis instituta adeo latè erant fusa, ut plures postularent verbi & sacramentorum ministros, & tamen unius Ecclesiæ unus tantum pastor esse debuit, ideo statum Ecclesiarum ita composuerunt, inquit Fildus, ut plures in eadem Presbyteros instituerent, sic tamen, ut unum tantum constituerent, qui esset loci illius Pastor præcipuus, reliqui autem assisterent. Quod in quaque Ecclesia unus tantum esse debeat pastor propriè dictus, non solum absque Scriptura, sed etiam ratione, asseritur. Imo non desunt exempla quibus monstrare possumus, duos fuisse Episcopos, & ex consequenti duos Pastores propriè dictos in una Ecclesia. Sic ab uno pastore argumentum ducunt Pontificii pro universali Episcopatu Romani Pontificis. Ille est Pastor ovilis Domini, Rector domus Dei, Custos vineæ, Sponsus Ecclesiæ, Episcopus universalis. Sic Episcopus est Pastor, Rector, Custos, Sponsus Ecclesiæ Diocesanæ. Nam non pudet eos asserere, Episcopi matrimonium cum Ecclesia in electione inchoatum, in consecratione consummatum esse, De Presbyteris Saravia ait; *Qui tantum in partem sollicitudinis pastoralis adsumpti sunt ab Episcopis, ulterius quam ipsis mandatum est progredi non possunt.* Ex dicto Leonis Epist. 88 ad Episcopum Thessalonicensem, decantato in scholis Scholasticorum & Canonistarum, (*Vices nostras ita tuæ concedimus charitati, ut in partem sis vocatus sollicitudinis, non in plenitudinem potestatis*) orta est, ait Spalatensis, illa immensa plenitudo potestatis ac fere omnipotentia, ut illi soli, nempe Pontifices Romani, Ecclesiasticam habeant plenissimam jurisdictionem in tota Ecclesia universali, Episcopi vero non nisi in partem sollicitudinis sint vocati, hoc est meri adjuutores Papæ, & consequenter non nisi ejus vicarii & administri. Sollicitudinem omnium Ecclesiarum ad se vult Papa noster pertinere. Hujus vero sollicitudinis ipsius partem se ait Episcopis commendare, ut, ubi ipse non potest, illi pro eo suppleant. Quod est profecto Episcopos facere solius Papæ coadjutores, qui non proprium sed Papæ officium & munus ipsius Papæ nomine exerceant. Siquidem sollicitudinem Episcopalem faciunt partem sollicitudinis Papalis, quæ sit tota in Papa, tanquam in proprio & adequato subiecto. Si Episcopus ex Hierarchicorum sententia est pastor totius Ecclesiæ diocesanæ, seu ovilis Domini particularis per totam dioccesin, Presbyteri sunt tantum in partem sollicitudinis vocati, hoc est meri adjuutores Episcopi & consequenter non nisi ejus vicarii & administri, ut ubi ipse non potest, partem sollicitudinis ipsius illi pro eo suppleant, quod est profecto Presbyteros solos Episcopi adjuutores facere, qui non proprium sed Episcopi munus & officium ipsius Episcopi nomine exerceant. At istud est absurdum & contra Scripturam. Nam Presbyteri sunt Legati Christi & ipsius nomine legatione funguntur, sunt pastores constituti à Spiritu Sancto super gregem, ποιμαίνειν, ad pascendum Ecclesiam Dei Act. 20. 28. Sunt œconomi seu dispensatores mysteriorum Dei, œconomi autem à patrefamilias constituuntur super familiam; Dominus messis extrudit operarios in messem suam. Ille sponsus, pastores sunt à sponso constituti ut ministrent sponzæ. Non derivant Presbyteri ab Episcopo potestatem ordinis magis quàm Episcopi à Papa Romano, sed à Christo. Ordinatio & institutio non magis evincunt Presbyteri potestatem ab Episcopo derivatam esse, quàm Episcopi ab Archiepiscopo consecrante. Nam licet in ordinaria vocatione ad ministerium, interveniat ministerium humanum, Christus tamen confert potestatem; quod apra similitudine illustrat Baynesius. Ut in Collegiis, inquit, Socii aliquem admittunt, quem fundatoris Statuta describunt, sic Ecclesia hunc vel illum

lum eligit & admittit ad ministerium, quem Leges Christi à Spiritu Sancto perscriptæ in sacris tabulis quasi intento digito monstrant. Si non ab Episcopo sed à Christo derivant suam potestatem, non sunt legati, ministri, vicarii Episcopi, nec pendet exercitium ministerii ab Episcopo, sed à Christo, cui rationem redduntur sunt pro grege, quem ipsis commendavit Dominus. Imo etiam si daretur subordinatio graduum, non tamen sequeretur Presbyteros esse vicarios & legatos Episcopi, magis quam Evangelistas Apostolorum, Sacerdotes & Levitas inferiores Superiorum. Designata erant ab ipso Domino sacerdotum inferiorum munia & ministeria, quæ obirent, æque ac superiorum. Sic & Evangelistæ ita erant inferiores Apostolis, ut tamen à Christo suam derivarent potestatem quia alios dedit Apostolos, alios Evangelistas, non ab Apostolis. Non poterant Apostoli eos postquam vocati fuerant cohibere ab exercitio muneris, aut partis ejusdem, sic ut Episcopus parocos suos quos libet, à munere prædicationis Evangelii reprimet. Evangelistæ ita serviebant in ministerio, ut non Apostolis eorumque personis, sed Domino ejusque operi operam navarent. *Operatur opus Domini, ut & ego, dicit Paulus de Timotheo. Eorum servitus, inquit Baynesius, non erat personalis sed realis.* Christus cum emisit 70 discipulos, non subjecit ipsorum ministerium potestati Apostolorum. *Christus autem omnes Apostolos atque Discipulos, qui De Eccles. & Episcopalem & Presbyteralem ordinem referebant, immediatè, individue, & collectivè Politica Potestatis, sicut ipse à Patre suo, id est, cum justa & spirituali auctoritate ad Ecclesiam regendam necessaria, missus fuerat; consurgit, totum ordinem hierarchicum, Episcopali & Sacerdotali ordine constantem, immediatè, proportionatè tamen atque subordinatè, suam potestatem & jurisdictionem, hoc est facultatem regendi Ecclesiam, à Christo derivare, quemadmodum in Gallis inferiores judices ac magistratus, quamquam subditi Parliamentis, æque tamen immediate auctoritatem suam à rege Christianissimo mutuuntur, quàm ipsa Parliamentaria. Sic Parisienses.* Si igitur daretur Presbyteros esse Episcopis inferiores, non tamen sequitur à Christo æque immediate non derivatam esse ipsorum ac Episcoporum potestatem. Sed dicent, se agnoscere ordinariam in Presbyteris potestatem non delegatam. Dicit enim Spalatenfis; *Cum itaque jure Divino & ipsi suam habeant potestatem, errant quicunque Presbyteros parochos meros faciunt ministros Episcoporum, qui tamen propriam ac ordinariam, & non delegatam, ut constat, habent potestatem.* Hic videtur damnare Hierarchicos, qui Presbyteros Episcoporum merè ministros faciunt, cum tamen subicit, *(ita tamen ordinariam, ut in actum eam reducere non possint, jure Ecclesiastico humano, nisi ubi ab Episcopo applicentur sive fixè sive vagè, prout Episcopo placuerit in tota sua Diœcesi,)* re ipsa idem dicit. Quod statim dicit, ubi tamen applicantur ibi propriam & ordinariam non vicariam aut delegatam exercent potestatem, ut immediati Christi ministri, nihil est. Nam potestas illa applicativa est tota in potestate Episcopi, nec potest se in actum exerere potestas Presbyteri, nisi pro ejus arbitrio. Papalini Episcopos verbo tenus principes absolutos & non Papæ ministros aut vicarios faciunt, ait Spalatenfis. *Assumuntur, inquit Bellarminus de Romano Pontifice Lib. 4. Cap. 25. Episcopi à Pontifice ad suum ipsius onus sustentandum. Onus ergo Episcoporum non est onus ipsorum proprium, sed est onus Papæ: & Episcopi illud, non ut proprium, sed ut Papæ, tanquam meri coadjutores & administri sustentant. Alii non habent jurisdictionem nisi ex sola communicatione & participatione cum Papa, quantum ipse concesserit. Nam vocat ipse Episcopos in partem suæ sollicitudinis. Ubique ergo Papa vult suam sollicitudinem ipsi exercere, coadjutor non potest impedire, quia coadjutor non proprium, sed Papæ onus, in parte illa sollicitudinis Papalis sustentat. Sic Presbyteros verbo tenus ordinariam non delegatam potestatem habere dicunt, & non esse Episcopi ministros & vicarios.*

rios. Cum tamen Episcopus assumere presbyteros dicitur ad partem oneris sustentandam, quod solus in Ecclesia diocesana, quam dicunt esse Episcopi Ecclesiam, sustinere non potest; onus Presbyterorum non est ipsorum onus proprium, sed onus Episcopi; & Presbyteri illud non ut proprium, sed ut Episcopale tanquam meri coadjutores & administri sustentant: & ubicunque Episcopus vult suam sollicitudinem ipsemet exercere, Presbyter coadjutor non potest impedire, quia coadjutor non proprium sed Episcopi onus in parte illa sollicitudinis Episcopalis sustentat, & sic si plures annos in aliqua Parœcia manserit Episcopus, & suam sollicitudinem exercere voluerit, bene valeat Parœcus. Sed commentum istud de plenitudine potestatis & parte sollicitudinis merum figmentum est. Deus nulli ampliorem & plenior potestatem contulit, quam per se quis exercere poterit, sicut hoc argumento demonstrat Baynesius. Deus nemini mandare potest, ut majorem provinciam suscipiat, quam cui viribus propriis par sit, nisi simul etiam concesserit facultatem assumendi alios, quibus partem sollicitudinis & oneris communicet. Nam qui vult finem, vult etiam media ad finem. Si voluisset constituere pastorem œcumenicum & universalem omnium Ecclesiarum, necessario etiam oportebat ipsi concedere facultatem substituendi alios, & derivandi ad eos potestatem docendi & regendi particulares Ecclesias. Si quis uni committeret oves suas, quæ in pluribus pascuis pascere, nonne etiam concedit potestatem assumendi alios opiliones inferiores, qui subserviant. Sic, si Episcopo commisit totam Ecclesiam diocesanam & particulares in ea parœcias cum plenitudine curæ & regiminis pastoralis, oportet etiam constituisse illum caput à quo manaret potestas docendi & regendi ad alios, quos necesse erat assumere ad partem oneris & sollicitudinis sustentandam, & sic ex officio Episcopi redderent rationem malè vel benè gestæ rei Domino, non Presbyteri: ut inferiores illi opiliones ei cui commissæ sunt oves, non Domino & possessori.

Si dixerint Dominum constituisse Episcopum Pastorem ea lege, ut alios habeat in parœciis inferiores ministros & coadjutores, si tamen Episcopo permisit quos vellet assumere, eodem res recidet, nempe Episcopi, non Domini, ministros esse. Si tales voluit eum assumere, quales ipse suis legibus designavit, tunc sequitur non ampliorem Episcopo potestatem contulisse, quam per se exercere potest, aliis non minus autoritate à Christo instructis quam Episcopis, ut proportionatè suo fungantur munere. Cum Christus dixit Petro, *pasce oves meas*, idem est, inquit Bellarminus, ac si dixisset, *pasce omnes oves meas*; quod cum per se non poterat præstare, ex plenitudine potestatis necessaria potuit per alios pascere. Respondet Whitakerus; Christum non commendasse Petro has aut illas aut simul omnes oves, sed indefinitè, & una cum aliis. Dixit, *ite & docete omnes gentes*. Petrus pascebat per se, non per alios, quia hoc demum illud est, quod amorem nostrum erga Christum testatur. Apostoli in pascendis ovibus nulli præterquam

Whit. Cont. Christo operam suam impenderunt. *Vicaria pascendi ratio numquam fuit à Christo instituta. Non plus Christus in pascendo requirit à quoquam, quam quantum præstare ipse possit, & quantum quisque possit, tantum ipse requirit.* Si à Petro non requirit, certe nec ab Episcopo, nec Episcopum unquam constituit pastorem totius diœceseos, quam per se pascere non potest, atque ita, quem illi volunt propriè & præcipuum ac universalem diœceseos pastorem, non erit propriè pastor, sed parochi qui per se pascunt greges sibi commendatos. Cum in Concilio Tridentino dimicarent Patres & Theologi de Episcoporum potestate, sitne jure Divino necne, dixit Lamezius Jesuitarum Generalis, Petrum solum & unicum pastorem fuisse Ecclesiæ; quod in uno Pastore collocata sit potestas indivisa, qui eam comministris.

Petri Sacer.
Hist. Conc.

stris suis, prout res postulat, impertit & communicat; in sola sede Apostolica essentialiter esse jurisdictionem, in aliis per derivationem & participacionem: Papam tollere non posse ordinem universalem Episcopos in Ecclesia constituendi, quoniam à Deo est, quemlibet tamen particularem, cum sit de jure Canonico, Pontificia autoritate tolli posse. Oratio Lainezii quamvis à Papalini laudata, ab adversa parte adulatoria, à quibusdam hæretica existimabatur. Episcopus Parisiensis valetudinarius apud omnes profitebatur, se quamprimum haberetur Congregatio, liberè sententiam dicturum contra eam doctrinam prioribus sæculis inauditam, ante annos quinquaginta à Cajetano primum excogitam, ut Pileum Cardinalitium mereret: eam à Theologis Sorbonensibus eo ipso tempore ignominiose notatam, quæ Ecclesiam spoliaret titulo sponsæ Christi, & eam, veluti servam, unius hominis libidini prostituat. *Vult Lainezius, scilicet unum tantum Episcopum à Christo constitutum, cæteris nullam esse potestatem nisi ab illo pendentem, quod perinde est ac si diceret, unum solum esse Episcopum, cæteros ejus vicarios ad nutum amovendos.* Simon Florentinus dixit, successorem Petri esse de jure Divino Episcopum; de cætero Episcopatum esse de jure Divino, ita ut ne in ipsius Papæ potestate sit efficere, ut non sint Episcopi in Ecclesia: at singulos quosque Episcopos esse de jure Pontificio, unde fit, ut ipse eos possit creare, transferre, ipsorumque Diœceses restringere, aut extendere, majorem aut minorem ipsis auctoritatem conferre, suspendere etiam aut deprivare; quam potestatem in eo quod est de jure Divino, non habet. Siquidem non potest Sacerdote auferre auctoritatem consecrandi, propterea quod eam habet à Christo, at ab Episcopo omnem jurisdictionem potest auferre, haud aliam ob causam quam quia eam ab ipsomet habet. Quæ pro Episcopis falso allata sunt, Presbyteris recte accomodari possunt contra Episcopum Papam minorem, nempe si pendeat ipsorum potestas ab Episcopis perinde esse ac si ille solus esset Pastor, ipsi vicarii tantum ad ejus nutum amovendi, & si possit ipsorum auctoritatem eorumque parœcias restringere aut extendere, suspendere aut auferre, sequetur non esse Presbyteros de jure Divino. Antonius de Grosseto Dominicanus ex verbis Pauli ad Ephesios, cum essent Mileti, hortantis ut attenderent gregi cujus regimini à Sancta Pater, 673. Spiritu præpositi essent, observavit, Episcopos officii sui functionem ab hominibus non habere, nam si ita res esset mercenarios fore, quorum oves non sunt propriæ, tum ubi ei, à quo hæc cura demandata, satisfactum fuerit, nihil ipsis ultra cogitandum: Paulum demonstrare obligationem regendi populum Christianum esse Divinam, & à Spiritu Sancto impostam, ut constare possit eos inde vilius humanæ dispensationis excusari posse: nullam fieri mentionem ordinatoris, sed totum Spiritui Sancto tribui, qui non solum auctoritatem dederit regendi, verum etiam partem gregis diviserit, ipsisque pascendam attribuerit: dicendumque cum S. Paulo Spiritum Sanctum gregi pascendo præponere: nunquam opus ascribi instrumento, aut ministro, sed semper agenti principali, & ex Ephes. 4. Christum post ascensum in cælos pastores dare. Quæ ex his locis observavit pro Episcoporum independenti potestate, Presbyteris accommodanda sunt, non Episcopis. Nam Presbyteros Ephesinos, qui dicti sunt Episcopi, alloquitur Paulus, non Episcopos antinomasticè sic dictos, & de loco Eph. 4. supra diximus. Adeo strenuè certarunt pro dignitate sua & auctoritate Papæ minores seu Episcopi contra Papam majorem Pontificem maximum, ut conquesti sunt Sacerdotes, Episcoporum auctoritatem nimio opere auctam, Clerum vero in servitudinem graviores adductum. Id enim sese habent patres, ut tot essent Papæ, quot Episcopi. Episcoporum unicus erat scopus administrationem habere liberiores, hoc se consecuturos sperabant tribus provisionibus factis, primo si parochi ab ipsis pendeant. Dum non alio respicerent, nisi ad

Pa. 549.

authoritatis suæ incrementum, imprudentes argumenta fabricati sunt, quæ pro Parochis fortius militabant quam Episcopis, licet Parochos servum pecus negligebant. Quod cum observaret Paulus Jovius, totus Papalinus, dum urgerent residentiam Cleri esse de jure Divino, *ius hoc instillatum cupere quicquid in eo genere operantur id Parochis usui futurum, ad ipsos Episcoporum imperio eximendos. Nam si articulus obtineat, confestim disturos, Episcopum nec posse ipsos Ecclesia dimovere, nec potestatem ipsorum reservationibus restringere, & tanquam pastores immediatè à Deo datos plus juris in grege, quàm ipsi Episcopis concedant, vindicatuos: neque esse quod iis respondeatur.* Atque hæc de derivatione, dependentia, & exercitio, potestatis prædicandi, sacramenta ministrandi. Interim vides lector, cujus Ecclesiæ membrum sit Episcopus, nempe quod non alicujus parœciani Ecclesiæ sed Dioecesi- næ tantum ex pluribus parœcianis constatæ, cujus ex æquo, & non alicujus parœciani in parte, venditat se pastorem. Nam etsi resideat in una parte diutius quam in alia, tamen est æque pastor illius parœciæ, quam nunquam vidit, atque illius in qua residet. Verum est quod idem Jovius dixit, (licet in alium finem & animo iniquo in Præfulum residentiam,) omnino regni cujusque metropolin, in quibus fere præfules Sedes suas figunt, esse præ aliis deformitate notabilem: & contra, miseris aliquot urbes, quæ à centum annis Episcopum suum non aspexerunt, vitiorum sordibus minus esse corruptas; in ipsis montibus ubi nunquam visus Episcopus, Ecclesias reperi, quæ civitatibus Episcopalibus exemplo præire possunt. O infœlicem pastorem, quo absente grex est foelicior! Sed ab ista digressiuncula redeamus.

Pag. 548.

Lib. 3. Ca.
4. pag. 101.

Ordinationem ad Ordinis potestatem referant adversarii, & hunc actum potestatis Ordinis Episcopis maxime proprium & peculiarem esse contendunt; cum alia pleraque reservata sunt Episcopis potius ad honorem sacerdotii, quàm ad legis necessitatem, ut Ecclesiarum dedicatio, poenitentium reconciliatio, & similia. Volunt autem, ordinatoriam manuum impositionem esse sacramentum, & proinde à proprio Ministro administrandum, proprium autem ejus ministrum esse Episcopum, non Presbyterum. Dounamus, definiendo potestatem Ordinis Episcopalis, dicit; *Potestas ordinis Episcopalis est præter illam, quæ ipsi cum Presbyteris communis est, potestas per impositionem manuum gratiam conferendi, ut ordinarium Spiritus Sancti instrumentum, vel baptizatis ad eorum confirmationem, vel poenitentibus ad eorum reconciliationem, vel designatis ad ministerium ad eorum ordinationem 1. Tim. 4. 14. 2. Tim. 1. 6.* Ex qua definitione sequitur, non modo impositionem manuum ordinatoriam, sed etiam reconciliatoriam, & confirmatoriam esse sacramenta. Sunt enim istæ impositiones manuum actiones sacræ spiritualis efficacæ ipsius judicio, & gratiam conferunt baptizatis, & poenitentibus: & sic habemus tria sacramenta addita Baptismo & Cœnæ Dominicæ Impositionem manuum ordinatoriam in specie sic definit; *Est actio sacræ spiritualis efficacæ, hominem cultus Divini ministerio consecrans, in eum conferens potestatem ordinis illius, in quo constitutus est, quæ id operatur ut ordinatus possit facere actus sacros spiritualis & supernaturalis efficacæ.* Scholastici & Pontificii duplicem tribuunt effectum Impositioni Manuum ordinatoriæ, gratiam gratum facientem, & potestatem istam spiritualem ministrandi, quam characterem vocant. Dounamus dicit, conferri gra-

Pag. 106.

De Gubern. Eccl. Cap. 9. pag. 156.

De Eccles.
l. 5. c. 27.

tiam & potestatem. Bilsonus apertius; *Impositis manibus Ministros creare non hoc solum continet, ut potestas illis fiat verbum & sacramenta dispensandi, sed etiam ut impartiat Spiritus Sancti gratia, quæ utramque partem muneris sanctam faciat & fructuosam.* Primum, largiemus esse Sacramentum, non tamen sequetur, ejus ministrum proprium esse Episcopum. Fatetur Fildus, Scholasticorum eruditissimos in hac fuisse sententia, Episcopos potestate consecrationis vel ordinis majores Presbyteris

byteris non fuisse, sed solum ejus exercitio In Scripturis non legimus, distinctum fuisse ministerium Baptismi & Coenæ ab aliorum sacramentorum ministro: nec verisimile est, ullam consecrationem majorem fuisse ex ordinatione Divina consecratione Eucharistiæ. Distinguendum est de potestate, inquit Durandus, quia In 4. Sent. quedam est jurisdictionis, & quedam consecrationis. Potestas jurisdictionis est ad regendum populum, potestas autem consecrationis est ad consecrationem & administrationem sacramentorum. Quæst. 5. Harum duarum potestatum, si quælibet præcise comparatur, & consecratur una alteri, dignior est secunda quam prima, ordinatur enim prima ad secundam. Hac ratione & consecratio Eucharistiæ est dignior consecratione Ordinatoria: ordinatur enim ista ad illam. Cui igitur consecratio dignior & nobilior convenit, eum ab inferiore excludere iniquum est. Hinc inter Veteres sic argumentari sunt: Baptizare potest, Corpus Dominicum conficere, ergo & manus imponere, & sacramenta omnia adimplere. Audiamus Hieronymum, vel quisquis fuerit author Epistolæ ad Rusticum Narbonensem, quæ inserta est Gratiani Decreto; Sed quia scriptum est, Presbyteri duplici honore honorentur, maxime, qui laborant in verbo Domini, prædicare eos decet, utile est benedicere, congruum confirmare, convenit reddere communionem, necesse est visitare infirmos, orare pro invalidis, atque omnia Dei sacramenta complere. Ita pungit Bilsonum Epistola ista, ut temperare sibi nequeat à convitiis in authorem istum, quem personarum Hieronymum vocat. Bellarminus tamen in Libro de Scriptoribus Ecclesiasticis hanc Epistolam ex genuinarum numero non expunxit. Sed esto, non sit Hieronymi, est tamen Criticorum judicio authoris Eruditi Epistola. Obijciunt etiam illud Hieronymi; Quid facit excepta ordinatione Episcopus, quod non facit Presbyter? Ergo, inquit, saltem Ordinatio erat peculiare Episcopi. Hieronymus ea Epistola contendit pluribus argumentis, eundem esse Episcopum & Presbyterum jure Divino, cujus vestigia etiam sua ætate mansisse asserit, nempe quod ipsius sæculo nihil faceret Episcopus, quod non faceret Presbyter, excepta Ordinatione: Nam jurisdictio erat communis Episcopo & Senatui Presbyterorum: sed Ordinatio, vel potius ordinationis ritus, nempe *χρεια* erat solius Episcopi propria, licet actus ipse Ordinationis erat etiam communis: nec erat administratio ritus semper & ubique reservata soli Episcopo, ut postea docebimus. De consuetudine loquitur temporum illorum: ne tum quidem, cum consuetudine Ecclesiæ major Presbytero Episcopus esset, ulla tamen in re præterquam in Ordinatione plus Episcopum quam Presbyterum potuisse. Imo alibi & ipsum ordinationem Presbyteris Hieronymus tribuit, inquit Whitakerus. Et Junius Nempe, quo tempore hæc scribebat Hieronymus ex posteriori instituto: sed tempora confundit Bellarminus, ut imperitiores fallat elenchi ignoracione. Et alibi; Actum ordinationis communem habet Episcopus cum toto Presbyterio 1. Tim. 4 sed ritus ordinandi per impositionem manuum ad Episcopum solum pertinebat, id est, ad eum qui præerat Presbyterio, sive perpetua institutione præesset (ut post factum est Episcopis) sive temporaria, annua, mensua, hebdomadaria &c. De hoc ritu agebat Hieronymus, quem *οὐνοδοχικὸς* Ordinationem vocat. Hieronymus, postquam testimoniis ex Scriptura depromptis probasset eundem fuisse Episcopum & Presbyterum, subjicit; Quod autem postea unus electus est, qui cæteris præponeretur, &c. Deinde subjungit; Quid enim facit excepta Ordinatione Episcopus quod non facit Presbyter? Ex qua serie verborum patet, Hieronymum intelligendum de suo sæculo: & post sæculum illud quo postea unus electus, postea, nempe post omnia testimonia allata è Scriptura, adducit autem & ex Epistolis Johannis, qui ad Trajanum tempora vixit. Sed si de Hieronymi, postea plura dicemus. Obijcitur Chrysostomus etiam ad eundem sensum in Commentario suo Cap. 3. prioris ad Timotheum. Inter Episcopum atque Pres-

Dist. 95.
Cap. Eccl.

Epist. ad
Euseb.

Whit. de
Pontif.
Quæst. 1. c. 3.
J. 29.
De Cleric.
Cap. 15.
Not. 22.

Pres-

Presbyterum interest ferme nihil, quippe & Presbyteris Ecclesie cura permessa est, & quæ de Episcopis dixit, ea etiam Presbyteris congruunt. Sola quippe ordinatione illi superiores sunt, atque hoc tantum plus quam Presbyteri habere videntur. Sic cum interprete Latino Bellarminus, Bilsonius, Dounamus, & alii. Sed verba postrema, τὴν γὰρ χειροτονίαν μένιν αὐτῶν ἀναβεβήκασι, καὶ τὰ τοῦ μόνου δοκῶσι πλεονεκτεῖν τὰς προ-
 c. 3. prioris
 ad Tim. Hom. 11.
 De Cleric.
 Cap. 7.
 No. 61.
 boriges, doctiores interpretes sic vertunt; Sola enim suffragatione horum ascenderunt, atque hoc solo videntur Presbyteris injuriam facere. Sic Junius; χειροτονία (hic) Presbyterorum, non Episcoporum, dicitur; quod si χειροτονία est Ordinatio, ergo Presbyterorum est ord natio. Tum quis ita verbum πλεονεκτεῖν interpretatur cum accusandi casu? Suidam appello dicentem, πλεονεκτῶ, τὸ πλεονεχῶ, γενικῇ, καὶ τῶν θεκυδίδε λόγων πλεονεκτεῖ. πλεονεκτῶ δὲ, τὸ ἀδικῶ, αἰτιατικῇ ὡς τὸ πλεονεκτεῖ ἡμεῖς ὁ Διέσφολ. Differentiam igitur non statuit Chrysostomus, in eo, quod jus ordinandi habent Episcopi ac non Presbyteri: sed in eo, quod ascendunt supra Presbyteros in gradum Ἐπισκοπῆς, etsi quia ascendunt Presbyteri suffragiis, injuriam Presbyteris videntur facere, quum potestatem ullam assumunt sibi qui ordinis causa, non potestatis, præfati sunt de suffragiis illorum. Ibidem; Medium, inquit Chrysostomus, inter Episcopos & Diaconos, si quod est, perparvum est, cum Episcopi & Presbyteri æquales sint munere, officio, unum denique re & ratione sunt: sola vero ordinatione humana differant, quatenus à collegarum suffragiis habent Episcopi, quod præfunt Presbyterio ordine, quo solo præeuntes, injuriam Presbyteris videntur facere, quum potestatem præfunt, minuumque potestatem Presbyterii. Χειροτονία etiam apud Scriptores Ecclesiasticos non sumitur semper pro ordinatione, sed quandoque pro electione per suffragia ut observant Balsamo & Zonaras in
 De Triplici Apost. Can. 1. Theophylactus etiam sic interpretatur Chrysostomum. Is in hunc
 Epis. pag. 37. locum, fatente Saravia, idem quod Chrysostomus, paulum mutatis verbis habet. Est enim Theophylactus Ep. tomus Chrysostomi. Ipsius hæc verba sunt. Quæ de Episcopis dixit, ea Presbyteris etiam conveniunt. Nam & ipsis docendi munus, & Præfectura Ecclesie commissa est, sola electione inferiores. Sed concedatur, Chrysostomum per χειροτονίαν ordinationem activè sumptam intellexisse, & barbarè nec non solœcificantem loquutum fuisse, non sequitur tamen actum ordinationis fuisse proprium Episcopo. Verum amen esto; activè accipiatur nomen ordinationis, inquit Junius, ut Bellarminus accipit, adhuc tamen manet equivocatio, quod solus quidem Episcopus ordinabat signo & sermone sacram institutionem ejus qui ordinabatur enuncians, ac non solus tamen ordinatione veritatis, quam representabat signum. Sed addo, si ordinationem activè sumpsisse dixerint Chrysostomum, non rectè commentatum esse in locum Pauli. Dicit Apostolum transfiliisse ab Episcopis ad Diaconos omisso Presbyterorum ordine, quia medium quod intervenit inter Episcopum & Presbyterum perparvum est. Sed nihil ibi Apostolus de Episcopis qui postea antonomasticè dicti sunt, sed de Presbyteris qui etiam Episcopi dicti sunt, ut pater ex collatione loci prorsus similis Tit. 1. 5. 6. 7. 8. Chrysostomus igitur si ita intellexit Apostolum, ut ipsi volunt, ob inveteratam & receptam inter Episcopum & Presbyterum differentiam tanquam nebulam interpositam, perspicere verum non potuit & res duas vice unius concepit. Erant ἑποδοτικοὶ Episcopus & Presbyter, nec opus est fingere Apostolum transilientem, & Presbyterorum τάγμα seu ordinem prætereuntem. Redeamus ad Hieronymum. Hieronymum sensisse nullam potestatem ordinis vel consecrationis sacerdotali majorem esse, ex ejus dictis colligit Durandus. Hieronymus, inquit, videtur consensisse quod summa potestas, consecrationis sive ordinis, erat potestas sacerdotalis, ita quod omnis sacerdos, quantum est de potestate sacerdotali, potest omnia sacramenta ministrare, confirmationem, omnes ordines, omnes benedictiones, & omnes consecrationes facere, sed propter pericu-
 lums

iam schismatis fuit ordinatum, ut sacerdotes unum ex se ipsis eligerent, qui diceretur Episcopus, quasi super illos intendens, cui obedirent, & cui reservatum est ordinis facere: hoc non faciunt nisi soli Episcopi. Episcopus ergo major est sacerdote, quantum ad potestatem jurisdictionis, sed non quoad potestatem ordinis vel consecrationis, sed sunt pares, quamvis ex ordinatione Ecclesie aliqua sunt reservata Episcopis, & prohibita Presbyteris. Et quod ita sit, probatur ex dictis Hieronymi, multipliciter ostendendo quod Scriptura &c. Et infra; Sic ergo dicit Hieronymus, quod Episcopus & Presbyter olim fuerant nomina synonyma, & etiam administrationes, quia communi consilio Sacerdotum regebantur Ecclesie: sed in remedium schismatis, ne unusquisque ad se trahens Ecclesiam rumperet eam, ordinatum est, ut unus praeesset, & quoad nomen, ut ille solus Episcopus diceretur, & quoad administrationem aliquorum sacramentorum & sacramentalium ipsi reservarentur de consuetudine Ecclesie. Et infra; Consuetudo autem & institutio Ecclesie potest dare jurisdictionem, sed non potestatem ordinis vel consecrationis. Non dicit Durandus, Hieronymum sensisse hanc mutationem ab Apostolis schismatis vitandi causa introductam, ut illi affingit Fildus. Sensit igitur Hieronymus, ut ibidem dicit Durandus, potestatem ordinis vel consecrationis majorem fuisse in Episcopo, quam simplici sacerdote, ex ordinatione Ecclesie, non ex natura ordinis & consecrationis secundum Divinam institutionem. Dicit quidem Panormitanus, Apostolos limitasse exercitium hujus potestatis in Presbyteris. Immediatè, In Decret. l. inquit, post mortem Christi omnes Presbyteri in communi regebant Ecclesiam, nec sic erant inter eos Episcopi, sed idem Presbyter, quod Episcopus, & pariter conferebant omnia sacramenta, ut in c. Olim 95. Dist. &c. Legimus 93. Dist. postmodum ad schismata sedenda fecerunt seu ordinaverunt Apostoli, ut crearentur Episcopi, & certa sacramenta eis reservarent, illa interdicens simplicibus Presbyteris. Quod dat accipimus, in initio Presbyteros omnia contulisse Sacramenta; quod addit de reservatione ab Apostolis instituta, negamus, & nullo id firmat Scripturae testimonio. Durandus loco supra dicto refert non modo sententiam Hieronymi, sed etiam aliorum Doctorum. Dicunt etiam aliqui, inquit, quod tunc omnibus, qui praeferbantur plebibus, conferebatur utraque potestas, ut plebes in promptu haberent Principem Ecclesiasticum, qui posset omnia sacramenta ministrare, & ministris instituire. Hæc autem ratio est æquitatis perpetuæ, nempe ut plebes in promptu semper habeant, qui sacramenta omnia ministrare possint. Quod de sublato potestatis exercitio per Apostolorum institutum fabulantur, duobus modis intelligendum est. Vel ita sublatum volunt potestatis exercitium, ut illicita tantum sit omnis Presbyteri per Presbyterum ordinatio: vel ut non modo sit illicita, sed etiam irrita & nulla. Id est, ut non modo peccet ordinando Presbyterum, sed etiam quod nihil efficiat, & factum non sit validum. Illustremus exemplo. Presbyter dum Baptizat, aut Cœnam celebrat in aliena parochia absque venia, peccat, licet quoad genus facti vera sint, quæ ministravit, sacramenta, quia hi sunt, inquit, actus potestatis ordinis Presbyteralis. Exercitium potestatis consecrationis ita sublatum volunt ab Apostolis, ut si quid in ordinatione per se Presbyteri tentaverint, nihil efficere sentiunt. Sic dicit loco dicto Panormitanus; Item nota, quod ritus Apostolorum circa sacramenta habent impedire characteris impressionem. Item; Et vides hic, quod talis ordinatio (id est, institutum Apostolorum de quo paulo ante,) habet impedire etiam impressionem characteris, quia, si Presbyteri illa de facto conferunt, nihil conferunt. Adversarii etiam nullam per Presbyteros ordinationem validam nisi in casu necessitatis, id est, quando defunt omnino Episcopi, aut deficiunt à fide, sentiunt, utcumque verbis aliud simulant. Nam ut refert Joannes nonus in Priore Tractatu de Ministerio Ecclesie Anglicanæ: Sacerdotibus Pontificiis ordinatis regnante Ma-

De Eccles.
Lib. 5. Cap.
27.

In Decret. l.
1. Titul. de
Consuetud.
Cap. Quam
to.

pag. 96.

ria, five in Anglia, five Romæ, five Rhemis, aut alibi, non opus erat nova ordinatione: sed Mariani Sacerdotes retenti in hunc usque diem, Titellus, Titherus, Nicolaus, & alii qui Romæ vel Rhemis creati Sacerdotes, absque ulla ordinatione nova per Prælatos in beneficia inducti. Contra, qui erant legitimi in Ecclesiis transmarinis ministri, non sunt capaces beneficiorum, donec prius creati fuerint Diaconi & Presbyteri per Prælatos, ut ostendit exemplis Whitingami, Traversi, & Wrighti qui cum ante Minister fuerat in Belgio, non tamen prius institutus & inductus in Beneficium, quàm à Scamlero Norwicensi creatus esset Presbyter. Videtur mihi non modo absurdum, sed etiam impium, asserere Apostolos irritum & nullum statuisse actum potestatis consecrationis, quam habent Presbyteri vi ordinis ex institutione Christi, & idem esse, ac quis diceret, Apostolos potuisse statuere, ut Cœna à Presbytero celebrata non esset verum sacramentum.

Præterea absurdum est, dicere potestatem consecrationis manere, & actum potestatis tamen non modo esse irregularem & peccare contra Canonem Apostolicum, sed etiam nullum esse: hoc enim esset non modo exercitium, sed ipsam potestatem tollere, Quod si ab Apostolis sublatum sit exercitium eatenus tantum, ut peccent Presbyteri Presbyteros ordinantes, manet tamen potestas ipsa, & actus potestatis illius sunt validi. Sed & istud absurdum Apostolis non tenere affingendum est. Nam quod de sacramento Confirmationis affirmat Suarezius, de sacramento Ordinationis similiter affirmari potest. Sic ille. Si Presbyteri ex vi suæ ordinationis habent sufficientem potestatem ordinis ad hoc sacramentum ministrandum, si-
ne causa in universum prohiberentur illud conferre, dicerenturque, si hoc sacramentum dare tentent, excedere modum suum & quæ Episcopalis fastigium sunt propria usurpare, ut loquitur Gelasius. Sic si Presbyteri ex vi suæ ordinationis habent sufficientem potestatem ordinis ad hoc ordinationis sacramentum ministrandum, sine causa in universum prohiberentur illud conferre, dicerenturque si hoc sacramentum ordinis dare tentent, excedere modum suum, & quæ Episcopis sunt propria usurpare. In universum prohibentur, cum non sunt ministri ordinarii, vel si nulla & omnino irrita sit ipsorum ordinatio: sic phrasin illam, in universum prohibentur, in sacramento Confirmationis intelligit Suarezius. Apostolos igitur in universum prohibuisse Presbyteris exercitium potestatis ordinis sui, quam habebant ex vi ordinationis suæ, non est verisimile. Sive igitur priori, five posteriori modo, sublatum dixerint exercitium potestatis ordinandi ab Apostolis, Canonem monstrasse oportuit.

Presbyterum esse jure Divino ordinarium hujus sacramenti ministrum, probatur. Qui sunt unius & ejusdem ordinis, eadem possunt ministrare sacramenta. Qui sunt unius & ejusdem ordinis, eadem possunt ministrare sacramenta. Lombardus; Cumque omnes, nempe ordines, sunt spirituales & sacri, excellenter tamen Canones duos tantum sacros Ordines appellari censent, Diaconatus scilicet & Presbyteratus, quia hos solos Primitiva Ecclesia legitur habuisse, & de his solis præceptum Apostoli habemus. Scholastici cum septem tantum numerent ordines, Episcopatum & Presbyteratum pro uno habent. Petrus Soto in Concilio Tridentino dixit; Canonistas extra terminos suæ professionis egressos duos alios adjunxisse, primam Tonsuram & Episcopatum, quorum opinio multos alios errores capit illos possit inducere. Sed Saravia dicit, parum referre sint unius ordinis, necne. Unde sunt qui non tantum gradu superiorem Episcopum Presbyteris esse contendunt, sed etiam ordine. Quod parum referre arbitror, modo cum Antiquitate hæc actio propria concedatur esse Episcopo. Dounamus dicit, Scholasticos statuisse Episcopum & Presbyterum unius esse

Quæst. 72.

Disp. 36.

Seç. 1. in 3.

Tom.

Lib. 4. Dist.
24.

Petri Saraviæ
Historia

Conc. Trid.
7. p. 659

editi
Francof.

Sar. Defens.
de Grad.

esse ordinis ex relatione ad Eucharistiam, & idolum Missæ, quia quilibet Sacerdos tantum potest in consecratione Eucharistiæ, quantum ipse Papa. Sed Veteres, inquit, constituunt tres gradus, Episcoporum, Presbyterorum, & Diaconorum, & consequenter Ordinum ministerii. Nam quid est ordo, inquit, nisi gradus ille, quem quis vel quid inter personas aut res subordinatas alias aliis, aliis superioribus, aliis inferioribus existentibus, obtinuit. Sed cum ordo tripliciter accipitur, ut dicit Durandus, uno modo pro relatione vel habitudine ordinatorum, & sic loquitur de ipso Augustinus, quod ordo est, parium dispariumque sua loca cuique tribuens dispositio. Alio modo accipitur pro gradu, qui ordinem primo modo acceptum facit. Tercio modo accipitur ordo, pro eo, quod exterius sensibilibiter geritur circa aliquem, ut in gradu aliquo constituatur: & hoc magis proprie vocari deberet ordinatio, quam ordo. Secundo modo acceptus est spiritualis potestas vel deputatio ad dispensationem sacramentorum. Ab ordine tertio modo accepto, id est Ordinatione, probro Episcopum & Presbyterum esse unius & ejusdem ordinis secundo modo accepti, id est, unius & ejusdem gradus, ut ipsi loquuntur, nempe respectu potestatis dispensandi sacramenta. Ordinem illum & gradum potestatis, quem habet Episcopus ad confirmandum & conferendum ordines, habet per ordinationem & modum sacramentalem, ut illi dicunt: *At Presbyteri & Episcopi una est & eadem ordinatio*, ait Ambrosius. Presbyteri & Episcopi cum sit una & eadem ordinatio; ergo una eademque potestas collata Episcopo & Presbytero ad dispensanda sacramenta. Ubi una eademque conferitur potestas, unus idemque erit gradus potestatis dispensandi sacramenta. Imo ordinationem Episcopalem esse verè Sacramentum negatur à veteribus Scholasticis, fatente Bellarmino, quod de Presbyterali tamen concedunt. Bonaventura dicit, in Episcopatu non imprimi novum characterem, nec novam potestatem. Signum & res sensibilis utriusque ordinationis, Episcopalis & Presbyteralis, est impositio manum. Quod ad baculi collationem, non est signum seu res sensibilis hujus sacramenti, sicut nec inunctio. *Unde sicut collatio palii non dat novum ordinem Archiepiscopo ultra Episcopum; sic nec collatio baculi, aut annuli, aut mitræ, aut alicuius consimilis Episcopo ultra sacerdotem, talia enim potius sunt sacramentalia, quam sacramenta*, inquit Bonaventura. Et ibidem; *Unde sicut non accipit alias claves, talia nec alium ordinem*. Inungitur Episcopus, non ad necessitatem, sed ad solennitatem. Sicut ampliatur vocabulum & significatio ordinis, ita & verbum, cum dicitur iste ordinatur in Episcopum. Unde non ita propriè dicitur aliquis ordinari, cum promovetur in Episcopum, sicut cum promovetur in Sacerdotem, sed magis propriè dicitur consecrari. Si ordinatio Episcopalis non sit sacramentum, sequeretur Episcopos non habere potestatem ordinandi sibi collatam per ordinationem Episcopalem, sed per Presbyteralem, & proinde quæ Presbyteros non quæ Episcopos consecrare. Nam sacramentalia, ut collatio baculi, annuli, inunctio, non possunt conferre Episcopo, vel gratiam gratum facientem, vel characterem novum, aut characterem Presbyteralem ampliare aut extendere. Non novum characterem, ut illi Scholastici fatentur; nec Presbyteralem extendere; Nam eadem, inquit Bellarminus, efficacia requiritur ad characterem reipsa extendendum, & ad imprimendum novum. Durandus dicit quidem, Episcopatum seu ordinationem Episcopalem esse verè sacramentum, non tamen præcisè distinctum à sacerdotio simplici, sed est unum sacramentum cum ipso, inquit, sicut perfectum & imperfectum: cum perfectum sit, quod potest facere sibi simile, id est illud sacerdotium non est completum, per quod sacerdos non recipit potestatem ordinandi alium sacerdotem, & tale est sacerdotium simplex. Sacerdotium autem summum, id est, Episcopatus, est perfectum sacerdotium, quia per ipsum recipitur potestas ordinandi alium in sacerdotem summum vel simplicem, & sic ordinatio simplicis Sacerdotis & ordinatio

Cap. 24 in
Appen.
p. 288.
Def. l. 3.
Cap. 4.
Sect. 23.
In 4. Sent.

De Inest. 24.
Quest. 1.

In 1. Tim. 3.

De Sacr.
Ord. Cap. 5.

In 4. Sent.
Distinct. 25.

Quest. P.

De Sacr.
Ord. Cap. 6.
In 4. Sent.
Distinct. 24.
Quest. 5.

Episco-

De Sacram.
Ordinis.

Cap. 12.

Episcopalis constituunt unum sacramentum. Ridicula sunt ista. Instituitne Christus sacramenta imperfecta & incompleta, quæ conferrent potestatem imperfectam & incompletam? Opera Christi omnia opera perfecta. Bellarminus dicit, Ordinationem Episcopalem esse novum sacramentum à Presbyteratu distinctum, & imprimere novum characterem, quia Episcopus potest duo sacramenta conferre, nempe Confirmationem & ordines sacros, quæ non possunt ulli alii inferiores ordines: & si tentent id facere, nihil prorsus efficiunt. At idem Bellarminus in sacramento Confirmationis dicit; *Confirmare esse actum ordinis, & eum ordinem esse etiam in Presbytero, saltem inchoatum & imperfectum.* Et characterem Episcopalem, siue sit alius à Presbyterali, siue idem extensor & major, dicit, esse potestatem absolutam & perfectam & independentem conferendi sacramenta Confirmationis & Ordinis: Characterem autem Presbyteralem esse quidem potestatem absolutam, perfectam, & independentem quoad sacramentum Baptismi & Eucharistiæ, esse autem potestatem inchoatam, imperfectam, & dependentem à voluntate Superioris, quoad sacramentum Confirmationis; addidisset & Ordinationis ut cohæreant subsequencia cum antecedentibus. Annon hîc idem sentire videtur cum Durando, & in eadem commenta de Sacramentis Incompletis & Imperfectis incidit? Et quod Ordinatio Episcopalis non sit sacramentum distinctum à Presbyteratu, ut is hîc in sacramento Ordinis probare conatur, patet primum ex eo, quòd nemo potest in Episcopum consecrari, qui vel ante non esset Presbyter, vel non tunc simul accipiat utramque ordinationem. Si esset distinctum & novum sacramentum, potest etiam dividi à Presbyteratu, & sic Episcopus posset ordinare, qui tamen non posset consecrare Eucharistiæ, quod absurdum. Potest quis ordinari Presbyter, qui antea non fuit Diaconus. Respondent, Presbyteratus non includit Diaconatum essentialiter, sicut Episcopatus Presbyteratum. At hæc ipsa ratio probat, Episcopatum & Presbyteratum non esse duo sacramenta, sed ordinationem Episcopalem includere Presbyteralem, ut intellectivum includit sensitivum, vel simul conferendo utramque potestatem, nempe ordinis Presbyteralis & Episcopalis, & sic erit unum propriè sacramentum, vel supponendo ordinationem Presbyteralem & potestatem inchoatam, & sic etiam erit unum, sicut perfectum & imperfectum, inchoatum & completum, quo tamen modo unum dicere absurdum est. Præterea eadem est res sensibilis utriusque, Presbyteralis Ordinationis, & Episcopalis Consecrationis. Imo Johannes Parisiensis Doctor Sorbonicus, in Libro de Potestate Regia & Papali à Facultate Theologica probato, probat Episcopos esse Presbyteris æquales, quantum ad dignitatem essentialē ministerii, quod eorum ordinatio constat iisdem verbis, quibus & Episcoporum & Apostolorum, nempe accipite Spiritum Sanctum, & quodcunque ligaveritis in terra, erit ligatum in cælo. Vide Plessium de Eccles. & Eucharistia. Si sit idem ritus necessarius & essentialis, nempe impositio manuum, (nam baculos, annulos, mitras, & inunctiones non moramur,) & eadem verba, cur non idem etiam sacramentum? Causa quæ movet Bellarminum, ut tueatur esse duo distincta sacramenta, est, quòd aliter tueri non potest Episcopos esse Presbyteris majores ordinatione & jurisdictione. Secundo, inquit, quia si Episcopatus sit sacramentum à Presbyteratu distinctum, facile erit defendere Episcopum jure divino majorem esse Presbytero tam ordine quàm Jurisdictione, quod hoc tempore omnes hæretici negant: alioqui ægre id defendi poterit. At Episcopalem ordinationem Scholasticorum alii ne sacramentum quidem esse volunt, alii à Presbyteratu non præcisè distinctum, sed idem cum Presbyteratu sacramentum, nos prorsus idem esse ex aliis probavimus; ergo sequitur defendi non posse, Episcopum majorem esse Presbytero ordine & jurisdictione ex jure Divino. Inextricabiles & insolubiles emer-

De Eccl. 1.1
de Euch. 1.2.
c. 8.

De Sacram.
Ord. Cap. 5.

Spalat. 1.2
c. 4. Num. 24.

gant

gunt difficultates, si & ordo ponatur verum sacramentum (quod faciunt Hierarchici, Romanenses, & Anglicani,) & Episcopatus ac Presbyteratus duo diversi ordines asserantur, alter superior, alter inferior. Canonistæ fere omnes in Cap. Cleros distinct. 21. & in Cap. Perleſt's Dist. 25. ac cum ipsis non pauci ex antiquioribus Scholasticis, atque ultimo loco Bellarminus, novum & distinctum à Presbyteratu faciunt Episcopatum. Ac certe posito, quod ordo sit propriè sacramentum, cum sacramentalis operatio consistat in indivisibili, ad hoc omnino coguntur, siquidem ipsi quoque constanter asserunt jure Divino Episcopos esse Presbyteris superiores: alioquin si ordinatio etiam distincta non sit, defendere illud nulla ratione possunt, quod expresse fatetur Bellarminus. Cum veteres numerant tres gradus, nempe Episcoporum, Presbyterorum, & Diaconorum, numerant gradus suis sæculis obtinentes in Ecclesia. Nec sæculis omnibus post Apostolorum tempora eadem erat distantia inter duos priores. Episcoporum gradus primò erat tantum prioritatis & honoris. Deinde erat gradus potestatis quoad jurisdictionem externam, qui pro temporum latitudine minor aut major erat. Sed quod ad gradum potestatis dispensandi omnia sacramenta, Episcopus & Presbyter semper erant, etiam corruptioribus sæculis, ejusdem gradus. Et hic gradus potestatis & ordo idem sunt. Nam ordo in secundo significato, ut sumitur pro gradu potestatis, dicitur a Durando, esse spiritualis potestas vel deputatio ad dispensationem sacramentorum. Non dicit ad consecrationem Eucharistiæ, sed in universum ad ministratorum sacramentorum. Cum autem hic gradus potestatis sit potestas ordinis seu dispensandi sacramenta: & potestas ordinis confertur per ordinationem sacramentalem: & Episcopi & Presbyteri sit una eademque ordinatio, idemque sacramentum, necessario sequitur esse unius ejusdemque ordinis seu gradus, prout gradus sumitur pro gradu potestatis dispensandi sacramenta, nam de potestate jurisdictionis postea agemus. Nos ex iisdem locis, ex quibus ipsi colligunt impositionem manuum ordinatoriam esse sacramentum, ex iisdem colligimus ejus ministros ordinarios fuisse Presbyteros, 1. Tim. 4. 14. Dicit enim Apostolus, Presbyterium id est Senatum Presbyterorum imposuisse manus Timotheo. Si cum Paulo ministro extraordinario in promovenda functione extraordinaria simul imposuit manus Presbyterorum Senatus; sublatis ministris & functionibus extraordinariis & temporariis, ordinarias ministrorum ordinariorum ordinationes Presbyteris, ut ordinariis ministris, ab Apostolis demandatas fuisse, haud dubium est. Per Presbyterii vocem, Senatum Presbyterorum intelligi, supra probavimus. In hunc locum respexisse videntur consarcinatores commentitii illius Concilii 14. Carthag. cum statuerent in hunc modum; *Presbyter cum ordinatur, Episcopo eum benedicente, Can. 3. & manum super caput ejus tenente, etiam omnes Presbyteri qui presentes sunt, manus suas juxta manus Episcopi super caput illius teneant.* Utcunque de autoritate illius Concilii sentiamus, tamen morem illum vetustum fuisse, satis liquet ex Pontificali Romano, & Ordine Romano. Bonaventura hunc morem jus vocat. Ad illud, In 4. Sentent. inquit, quod dicitur de impositione manuum Presbyteri, dicendum, quod Presbyter ibi vocatur Senior, & Apostolus intelligebat seipsum per impositionem manus Presbyteri: glossa Quest. 1. Presbyterum vocat Episcopum: vel Presbyteri, id est, Presbyterorum, quia sicut dicit jus, saltem tres sacerdotes debent manus imponere. Vides, ut impositionem manuum Presbyterorum jus vocat, & præterea in loco Pauli interpretatur Presbyteri synecdochice coetum Presbyterorum; quid si legisset Presbyterii, unica simplici interpretatione dixisset, Presbyterii, id est, coetus vel Senatus Presbyterorum. Addit tamen ibidem Bonaventura; Sed tamen ipsi non imponunt, ut dantes potestatem vel ordinem, qui ab uno solo dari potest & debet, unde ipsi non benedicunt sed solus Episcopus. Distinct. 24. p. 1. sed hoc est in signum consecrationis sue. Idem alibi; Dicendum quod illa manus Quest. 11. im-

De Guber.
Eccles. Cap.
13 p. 297.
De Grad.
Defens.
Cap. 24.
In Appen-
dice p. 289
Cō Tripl.
Episc. p. 30.
De Eccles.
l. 5. Cap.
56.

Cap. 12.

De Cleric.
Cap. 15.
Nat. 29.

impositio non est ad ordinationis collationem, sed ad significationem. Significatur enim gratia communionis, quæ in ordine sacerdotali confertur, & per sacerdotem debet administrari. Ideo non imponunt sacerdotes manus Diacono, sed solus Episcopus, in cujus impositione manuum non tantum est significatio, sed etiam potestatis collatio. Falsa & ficta distinctio excogitata, post restitutum illum morem de quo diximus, à posteris ad palliandam Episcoporum usurpationem, qui suis sæculis ut jus peculiare hanc potestatem sibi vendicarunt, quam distinctionem arripuerunt etiam Hierarchici nostri. Hanc manuum impositionem ad consensum potius quam ad consecrationem referre oportebit, inquit Bilsonus. Item; Tum verò Presbyteri qui præsentem sunt veluti ordinationi consentientes manus suas juxta manum Episcopi tenent. Saravia similiter; Nullum Concilium facit potestatem Presbyteris Presbyterum creandi, sed tantum manus suas consecrantis Episcopi manibus apponere jubentur, consensus & voluntatis testificandæ gratia, ut simul bene precarentur ei, qui in ipsorum adsumebatur ordinem. Idem alibi; Presbyteri imponunt tantum consensus gratia. In Presbyteris impositio manuum est bene precantium signum, quod est in Episcopo ordinantis. At dicit Fildus, quòd, ubi in ordinatione Diaconi secundum IV. Concil. Carthag. sufficeret Episcopum solum imposuisse manus capiti ordinandi, ed quiddam non sanctificatus erat ad dignitatem sacerdotalem, sed ad ministerium Ecclesiæ: ad ordinationem tamen ministrorum verbi, & sacramentorum, alii concurrere debeant ministri, æque ac Episcopus, ut qui sunt illi æquales potestate ordinis & ministerii. Hæc igitur impositio manuum manat à potestate ordinis, & vi ordinis sui habent potestatem imponendi manus. Si tantum significandi gratia, nempe Presbyterum electum & coopratum esse in ordinem & numerum Presbyterorum, imposuissent manus, nihil impediēbat quin & Diaconi unà cum Episcopo manus etiam ordinandis Diaconis imponere potuissent, ad significandum consensum, & cooperationem in eundem ordinem; & quid opuserat impositione manuum, cum manus associationis suffecisset ad significandum consensum, ut fit in Ecclesiis Gallicanis post impositionem manuum? Quod Presbyteri non unà cum Episcopo manus imponunt Diacono ordinando sicut Presbytero, vide quid sentiat Amalarius Libro Secundo de Ecclesiasticis Officiis; sic scribit. Est libellus quidam apud nos de Sacris Ordinibus, nescio cuius auctoris, qui dicit solum Episcopum debere manus imponere super Diaconum, quia non ad sacerdotem consecratur, sed ad ministerium. Nunquid scriptor libelli doctior atque sanctior Apostolis, qui posuerunt plures manus super Diaconos, quando consecrabantur, & propterea solus Episcopus ponat manum super Diaconum, ac si solus possit precari virtutem gratiarum, quam plures Apostoli precabantur? An forte ideo non imponit sacerdos manum super eum qui ad Diaconatus officium consecratur, ut non fiat quod ipse est, id est sacerdos? Si ita est, nec Episcopum oportet ei manum imponere, ut non fiat Episcopus. Quod si propterea oportet ei Episcopum manum imponere, quia ipse orat pro eo, non solus ille orat, sed omnes qui præintendunt verbis Episcopi, ac mente retinent. Recte carpit Amalarius ridiculam illam differentiam in ordinandis Presbyteris & Diaconis, cum alioqui sive plures imponant manus, sive unus, idem est sive in ordinatione Diaconi sive Presbyteri, dummodo ille unus plurium Presbyterorum nomine imponat, & sibi hunc ritum non vendicat, ac si ipsum actum, id est ordinationem, ut sibi proprium invadat. Non poterant quidem plures enunciare benedictionem absque confusione & indecoro, sicut poterant plures imponere manus. Dum obtinebat Episcopatus, præsentem Episcopo ipse solus prorulit benedictionis & consecrationis verba, non tamen penes Episcopum solum erat ipsa potestas ordinandi. Solus quidem Episcopus ordinabat signo & sermone, (inquit Junius) sacram institutionem ejus qui ordinabatur enuncians, at non solus tamen ordinatione veritatis, quam representabat signum. Quam & sacerdotes alii cum Episcopo manus ini-

tiando

tiando imponebant, ut cautum legimus apud Gratianum *Dist. 23. c. Presbyter.* Signum igitur impositionis manuum erat commune Episcopo & Presbyteris, & in eundem finem, nempe ut dicit Amalarius, ad precandum gratiarum virtutem, & ut ait Saravia, erat Presbyterorum bene peccantium signum, & ut Bilsenus, *U. sacram hanc atque publicam actionem communibus votis precibusque promoverent* Sed an etiam ad ordinandum? Imo ad ordinandum, & inducendum in possessionem muneris, ad quod ante ab eligentibus designatus erat, ut infra docebimus. Verba consecrationis erant ad vitandam, ut dixi, ataxiam, ab uno prolata, sive ab Episcopo, sive à Presbytero, Episcopo vel absente vel aliàs impedito Nec tunc erant nullius valoris verba consecrationis ex ore Presbyteri prolata. Gratianus hæc habet in Prima Parte Decreti ex Concilio Toletano. *Quorundam Clerico. Dist. 23. Cap. Quorundam.* rum, dum unus ad Presbyterium, duo ad Levitarum ministerium sacrarentur, Episcopus oculorum dolore detentus fertur manum suam super eos imposuisse tantum, & Presbyter quidam illis contra Ecclesiasticum ordinem benedictionem dedisse. Sed quia jam ille examini divino relictus humano iudicio accusari non potest, ut qui supersunt gradum sacerdotii vel Levitici ordinis, quem perversè adepti sunt, amittant. Privatio præsupponit habitum. Non poterant moveri gradu, quem omnino non consecuti sunt; proferente igitur Presbytero verba consecrationis, adepti sunt illi gradum suum, licet egerit, contra ordinem illum, qui in Ecclesia tunc temporis invalescebat. Declarasset Concilium potius irritam & nullam fuisse ordinationem illam, in qua Presbyter protulit verba consecrationis, quam ordinatos gradu deturbasset, si nullius pretii erant verba consecrationis enunciata per Presbyterum. Sed quomodo hunc nodum solvit Spalatensis? Missionem potestativam distinguens à precibus, dicit; Propterea igitur idem Concilium supponit illos accepisse gradum ordinis, De Rep. Eccl. quibus Episcopus lippus manus imposuerat, Presbyter vero preces recitavit. Deponendos *cl. l. 2.* enim censuit, quia videlicet Episcopus etiam sine verbis, sola illa manuum impositione, *Cap. 3.* illos sufficienter ordinaverat: preces vero illæ ad externam Ceremoniam decorumque pertinebant, & ad eas fundendas lege Ecclesiastica Episcopi tenentur, sed ordini sacro omni *Num. 54.* ex parte & absolute loquendo essentialis non sunt. Videntur ut à verbis consecrationis rursus relabuntur ad impositionem manuum, quam missionis potestativæ signum facit Spalatensis. At signum istud est commune omnibus Presbyteris de Jure, licet ipsius administratio sit quandoque de facto unius. Sed quando de facto est unius ritus impositionis manuum, actus tamen ordinationis, & ut loquitur Spalatensis, missionis potestativæ non est unius, sed totius Presbyterii. Nec erat ritus iste ita peculiaris Episcopo, quin & alii, etiam absente Episcopo, administrare poterant. Quod si hoc divini esset juris ut solus Episcopus ordinet, quo tandem De Cleric. jure Presbyteri in Ægypto ordinassent? hoc enim Ambrosius & Augustinus sua adhuc memoria narrant factum. Idem alibi; Consignare dicit Ambrosius, non confirmare: *Cap. 15.* Augustinus interpres idoneus exponit consecrare, id est ordinare; vel quisquis Auctor *Not. 29.* Quæstionum est ex utroque Testamento *Cap. 17.* Quæst. 101 dicens, ubi de ordinatione agitur; Nam *Not. 5.* in Alexandria, & per totam Ægyptum, si desit Episcopus, consecrat Presbyter. Imò Criticorum iudicio idem auctor, quisquis est, est sui interpres; Postremo acceat, *Bell. de Scrip. p. 145.* quod idem videtur esse auctor horum Commentariorum, (nempe qui circumferuntur nomine Ambrosii in Epistolas) & Quæstionum Veteris & Novi Testamenti, quæ extant inter libros S. Augustini: doctrina enim horum Commentariorum & illarum Quæstionum simillima est, ut notaverunt Censores Lovanienses in Notis ad Augustinum. Stilus videtur etiam esse idem, & ætas mirifice consentit. Hoc idem de Lovaniensium Censura observavit Reynoldus in Collatione cum Harro, & colligit ex Quæst. 44. *Cap. 8. Di. 1. vis. 6 p. 567.* editas fuisse Quæstiones illas 300. à Christo annis. De consecratione Eucharistiæ *in ed. An. absente glie.*

Cap. 13.

De Rep.
Ecl. 2. c. 3.
Num. 53.

Num. 53.

De Gub. Cap.
14. p. 356.Def. l. 1.
Cap. 8. p.
189.

Def. l. 3.

Cap. 4. p. 106
Def. Cap. 24.
p. 288.

absente Episcopo per Presbyterum non modo in Alexandria & per totam Egyptum, sed etiam per totum orbem Christianum, nemo dubitabat; de alia igitur consecratione loqui intelligendus est Auctor ille. Sed ad alia exempla magis perspicua veniamus. In Concilio Ancyrano decretum est in hunc modum: *Chorepiscopus non licet Presbyteros aut Diaconos ordinare, sed nec Presbyteris civitatis, sine praecepto Episcopi vel literis, in unaquaque Parochia.* Licet Fildus dicat Chorepiscopos fuisse Presbyteros, non tamen inde argumentum aucupabimur. Nam Chorepiscopos fuisse primum veros Episcopos docebimus. Ex hoc tamen Canone duo elicimus. Primum, Presbyteros civitatis ordinasse Presbyteros & Diaconos in eundem modum ac faciebant Chorepiscopi, idque absque ulla permissione aut literis Episcopi; & valida erat eorum ordinatio, licet ordinaverant in aliena parœcia, multo magis igitur valida erat ordinatio, si celebrata in propria parœcia. Respondet Spalatenfis; *Non esse insolitum in natura corrupta, ut aliqui, qui jam gradum aliquem in Ecclesiastico ministerio obtinent, non modo ambiant superiorem, sed interdum etiam officia aliqua gradus superioris de facto invadant.* Hic ergo Canon ante omnia cavet, ne quis ad tales perveniat usurpationes. Sed cur dicto Canone in posterum cohibendi Presbyteri civitatis, & non in universum omnes Presbyteri Dioeceseos, nisi quod Presbyteri civitatis idem fecerant, quod Chorepiscopi. Chorepiscopos autem ordinasse Presbyteros & Diaconos ante conditum contra Canonem fatis notum est. Si gradus Presbyteri erat incitamentum ad usurpationem ordinationis, omnes omnino presbyteri erant reprimendi, & non civitatis solummodo Presbyteri, qui etiam hoc Canone id tentare in aliena tantummodo parœcia prohibentur. Secundo, ex hoc Canone patet, permissione & venia Episcopi posse etiam in aliena parœcia Presbyteros civitatis ordinare Presbyteros & Diaconos, & proinde non necessariam esse impositionem manuum Episcopi, sed sufficere impositionem manuum Presbyterorum, cujus potestatem habent vi ordinis sui. Respondet Spalatenfis. *Quod autem ex delegatione & commissione Episcopi, videtur concedere Episcopis, ut possint ordinare Presbyteros & Diaconos, non est facile admittendum. Illa enim Gentiani versio videtur mutila & imperfecta. Alia clarius sic habet. Chorepiscopus non licere Presbyteros aut Diaconos ordinare: sed nec Presbyteris civitatis sine praecepto Episcopi, vel literis, in unaquaque parochia aliquid imperare: nec sine auctoritate literarum ejus in unaquaque parochia aliquid agere.* Clara ista versio omnino lutulenta & foeda est. Conferat Lector cum Canone Græco; *χωρεπισκόπος μὴ ἐξείναι πρεσβυτέρους ἢ διακόνους χειροτονεῖν, ἀλλὰ μόνον πρεσβυτέρους πόλεως, χάρις τῇ ἐπιτροπῇ αὐτοῦ ὑπὸ τῷ ἐπισκόπῳ μετὰ γραμμάτων, ἐν ἐτέρᾳ παροικίᾳ.* Ita habetur apud Balsamonem. Bilsonus sic reddit; *Chorepiscopus non licere Presbyteros vel Diaconos ordinare, sed nec Presbyteris civitatis, nisi permittantur ab Episcopo, idque cum literis, in alterius parœcia.* Hæc longe diversa sunt ab imperare, aut aliquid agere in unaquaque parochia. Dounamus similiter intelligit prohibitum Presbyteris civitatis hoc Canone ordinare Presbyteros & Diaconos. Patet igitur etiam post conditum hunc Canonem potuisse Presbyteros in aliena parœcia ordinare Presbyteros & Diaconos permittente Episcopo. Nondum ergo obtinuit axioma illud jam diu usurpatum apud Hierarchichos; *Episcopus potest delegare ea quæ sunt jurisdictionis, non autem ea quæ sunt ordinis.* Dounamus dicit; *non posse Episcopum communicare istam potestatem alius, ut potest jurisdictionem.* Saravia in Appendice Capitis 24. ait; *Episcopus verò, quæ sunt jurisdictionis Ecclesiasticæ in censura morum, & cæteris quæ sunt hujus generis, potestatem facere potest Presbyteris, ut quæ sunt Episcopi judicio reservata decident; sed actiones conjunctas cum Episcopali gradu non potest, ut est impositio manuum Presbyteri & ordinatio.* Vera essent ista omnia, si Episcopus esset unicus & proprius

prius minister hujus sacramenti. Nam Minister proprius alicujus sacramenti non potest permittere, aut delegare alium qui non est minister illius sacramenti, ad ministrandum. Si potest permittere Presbyterum ordinare, indubitatum signum est, Presbyterum vi ordinis sui eandem habere potestatem, & cohibitum fuisse ipsius exercitium solummodo Canone Ecclesiastico, non sublatum jure Divino. Dounamus, oblitus fortè triti illius axiomatis, vel potius vi veritatis victus, alibi fatetur, Episcopos in primitiva Ecclesia hanc potestatem ordinationis communicasse aliis, idque satis luculentè ex dicto Canone Concilii Ancyrani evicimus; ubi etiam observavimus, ante conditum Canonem subindicari Presbyteros civitatis ordinasse Presbyteros absque literis & permissione Episcopi, & non prohiberi ordinare Presbyteros in sua parœcia absque literarum Episcopaliū auctoritate etiam condito jam Canone. Quæ de ministro Confirmationis asserit Durandus, de Ordinationis etiam ministro multò magis affirmari possunt. *Supposito* quod confirmatio, vel ordinatio, sit sacramentum verum à Christo institutum, & ex institutione Christi Episcopus solus sit minister Confirmationis vel Ordinationis, nullo modo simplex sacerdos ex commissione Papæ potest (multò minus inferioris Episcopi) conferre hoc sacramentum. 1. Ratio; De materia cujuslibet sacramenti sunt materia, forma, & minister. Sed Papa, vel Episcopus, nihil potest mutare circa formam sacramentorum, vel circa materiam: ergo nec circa ministrum. Igitur aut simplex sacerdos ex Divina institutione est minister confirmationis, (ordinationis,) & tunc absque commissione Papæ, vel Episcopi, potest eam conferre, aut non est minister, sed solus Episcopus, & tunc ex quacunque commissione nihil potest. Quod minister se habet extrinsece ad sacramentum, materia & forma intrinsece, nihil impedit; quia sicut minister conferens se habet extrinsece ad sacramentum, ita & suscipiens ipsum, sed ubi suscipiens aliquod sacramentum est determinatus, ut in ordine masculus, per Papam, aut Episcopum, non potest mutari, & si fiat, nullum est sacramentum, ut si mulier ordinetur. Ergo circa ministrum nihil omnino mutari potest absque evacuatione sacramenti, quamvis extrinsece se habeat ad sacramentum. 2. Dispensare sacramenta, quorum actus respiciunt corpus mysticum, aut convenit Papæ & Episcopis ratione jurisdictionis, aut ratione consecrationis. Non ratione jurisdictionis, quia cum Papa electus & Episcopus confirmatus habeant plenam jurisdictionem, antequam sint consecrati, possent tunc hoc sacramentum dispensare, seu conferre, quod falsum est. Ergo non convenit eis ratione jurisdictionis, sed consecrationis. Sed ea quæ consecrationem recipiunt, non consecrato committi non possunt. Ergo papa vel Episcopus non possunt committere non Episcopo, quod possit talia sacramenta conferre. Quando competit alicui sacramenta ministrare vel etiam sacramentalia ratione ordinis, nullus potest dispensare quod alius non sic ordinatus possit ea ministrare, nisi institutor prædictorum sacramentorum vel sacramentalium. Et quia solus Christus instituit sacramenta, Ecclesia autem instituit multa sacramentalia, ideo etiam in ministro instituto per Christum pro administratione talis vel talis sacramenti, Ecclesia vel Papa non potest variare aliquid, vel in aliquo dispensare, quin totum frustretur. In sacramentalibus per Ecclesiam institutis Papa potest dispensare circa ministrum, sed minor Papa, puta quicumque alius Episcopus, non potest, nisi sibi specialiter esset per Papam indultum. 3. Papa non habet majorem potestatem in collatione confirmationis vel ordinis, quam quicumque Episcopus, licet habeat majorem potestatem in foro causarum. Si ergo ex commissione Papæ simplex sacerdos potest confirmationem vel minores ordines conferre, idem poterit quilibet Sacerdos ex commissione proprii Episcopi, quod à nullo conceditur: nempe sæculo Durandi, cum jam obtineret axioma illud de quo paulò ante diximus, Nam antiquitus aliter se res habebat, ut probavimus ex Concilio Ancyrano, & Dounamus etiam fassus est. Præterea in casu necessitatis potuisse Presbyteros ordinare, concedebatur etiam

De Lib. 3.
Cap. 4. pag.
90.

In 4. Sent.
tent. Dist. 7.
Qu. 4.

corruptissimis sæculis. Valet tamen argumentum Durandi ex suppositione, quod Episcopus sit ex institutione Christi proprius minister sacramenti confirmationis vel ordinationis, Papa non potest dispensare, vel committere Presbytero ministerium confirmationis, aut ordinationis. 4. Sicut in baptismo confertur potestas suscipiendi sacramenta, sic in ordine confertur potestas dispensandi ea: sed Papa, vel Episcopus minor Papa, non potest facere, quod non baptizatus suscipiat verum sacramentum. Ergo non potest facere, quod non ordinatus illa ordinatione, qua quis accipit potestatem dispensativam confirmationis vel ordinis, possit hoc sacramentum conferre. Mirum enim esset, si aliquis posset in actum, respectu cuius non habet potentiam. Characterem autem ordinis vel baptismi nullus habere potest ex commissione Papæ, vel Episcopi, sed requiritur susceptio sacramentorum. Ergo non habenti characterem ordinis per susceptionem sacramenti, non potest per quemcunque comitti actus illius ordinis. Ex his ergo videtur, quod ex commissione cuiuscunque nullus posset conferre sacramentum, quod non posset conferre ex se. Cum igitur permissione Episcoporum Presbyteri olim ordinem Presbyteratus conferre potuerunt, & Papæ commissione adhuc possint, patet veram esse alteram suppositionem Durandi, nempe quod minister sacramenti confirmationis, ordinationis, sit omnis sacerdos quantum est ex institutione Christi, licet ex prohibitione Ecclesiæ reservata sit ejus, scilicet ordinationis, collatio solum Episcopis, nec necessaria est commissio, nisi forte propter prohibitionem Ecclesiæ ad vitandum culpam inobedientiæ. Tunc facilius est dicere quod ex commissione Papæ simplex sacerdos possit confirmare, vel etiam ordinare. Testis Alexander de Hales, referens quorundam Doctorum sententiam, qui dicunt, quod ex demandatione Papæ ordinatus potest conferre ordinem, quem habet. Ergo ex demandatione Papæ Presbyter Presbyterum ordinare potest. Ad istam objectionem: Non potest Papa committere non Presbytero ut conficiat corpus Christi, quia Christus hoc commisit soli Presbyteris; ut ibi, ita videtur dicendum in proposito, nempe collatione ordinum, ut sicut in consecratione Eucharistiæ non disponit contra institutionem Christi, ita nec in ordinatione ministrorum ipsius sacramenti. Respondet Panoimitanus; Ego potius putarem, ut sacerdoti hoc possit delegare indistincte, id est sive in majorum sive in minorum ordinum collatione, quia licet de sacramento Eucharistiæ sit dispositum institutione Dominica, qui habeant illud administrare, hoc tamen non est dispositum in collatione ordinum. Nam olim Presbyteri in communi regebant Ecclesiam, & ordinabant sacerdotes. Unde quemadmodum olim poterant, ita videtur quod Papa posset hoc concedere sacerdoti, maxime delegando. Si ex demandatione vel concessione Papæ concessum fuerat pessimis sæculis Presbyterum posse ordinare Presbyterum, pariter Presbyterum quicunque institutione Dominica esse ministrum huius sacramenti ordinationis, & tantum Ecclesiastico Canone id eis inhiberi. Idem Leo I. Papa Presbyterorum consecrationes numerat inter ea, quæ Canonibus & regulis Ecclesiasticis, non autem jure Divino sunt reservata Episcopis. Quamvis Chorepiscopus & Presbyteris plurima cum Episcopis ministeriorum communis sit dispositio, quædam tamen auctoritate veteris legis, quædam novellis & Ecclesiasticis regulis, sibi prohibita noverint; sicut est Presbyterorum & Diaconorum, aut virginum consecratio, sicut constitutio altaris ac benedictio vel uestitio. Exant verba in Decreto Gratiani. Et paulò infra; Quæ omnia soli debent summi Pontificibus auctoritate Canonum tractari, ut per hoc & discretio graduum, & dignitas summum Pontificis demonstratur, id est, ut loquitur Hieronymus, ad honorem potius Sacerdotii, quam ad legis necessitatem. Seclusa igitur prohibitione Ecclesiæ & Canonum, potuerunt Presbyteri ordinare Presbyteros. Quod autem irrita erat ordinatio per Presbyteros, non evenit inde, quod vi ordinis & jure divino non erat valida Presbyterorum per Presbyteros ordinatio, sed ex rigore Canonum, ut & multæ aliæ ordi-

Panorm. in
Decretal. tit.
De consuet.
Cap. Gratian.
to.

Epist. 86. ad
Episcopos
Gallie

Dist. 86.
Cap. Quam
vis.

ordinationes. Quod obijciatur, inquit Fildus, ex Patribus, ordinationes per Presbyteros administratas fuisse irritas, intelligendum est secundum rigorem Canonum, qui ipsorum etate in usu erant, non absolute ex natura rei ipsius, quod patet ex eo, quod similiter ordinati nes sine titulo erant irritæ Conc. Chalced. Can. 6. Ordinationes Episcoporum per pauciores tribus Episcopis & metropolitano, ordinationes Presbyterorum per Episcopos extra suas Ecclesias absque venia, cum ceritò sciam tamen Romanenses nolle ullam earum irruam pronunciare, licet qui faciant ista omni culpa non vacent. Deinde ipsorum dicta sunt intelligenda regulariter, non absque omni exceptione casuum particularium, qui emergere possunt. Ut igitur ordinationes Presbyterorum sine titulo etiam per Episcopos Chalcedonensium Patrum ævo irritæ declaratæ sunt, cum tamen posterioribus hisce sæculis nihil usitatus, tum in Romanensi, tum in Anglicana Ecclesia: ita contra, ordinationes per Presbyteros olim validæ erant, ut supra docuimus, licet novellis & Ecclesiasticis regulis, ut Leo loquitur, præciperetur ut irritæ essent. Quod quidem sæculis corruptioribus non sine lumina injuria introductum est. In casu tamen necessitatis concesserunt Seniores Scholastici, Presbyteros posse conferre etiam majores ordines. Videtur, inquit Armachanus, quid si omnes Episcopi essent defuncti sacerdotes minores possent Episcopos ordinare. Si possint ordinare Episcopos, multò magis Presbyteros. Istud testimonium Armachani citat Fildus. Apud Saraviam habetur tale testimonium ex summa Guilielmi Altisiodorensis. Si essent in mundo tantum tres simplices sacerdotes, oportet quid aliquis illorum consecraret alium in Episcopum, alium in Archiepiscopum. Presbyteri, sicut & Episcopi, in sua ordinatione, claves regni cælorum accipiunt, sunt enim etiam Apostolorum successores. Perpende rationem. Presbyteri possunt consecrare Episcopum, quia in sua ordinatione acceperunt claves regni cælorum, & sunt successores Apostolorum. Ipse Saravia. Quamvis ordinationes ministrorum Ecclesiæ propriè ad Episcopos pertinere judicem: necessitas tamen facit, ut ubi illi desunt, nec haberi possunt, orthodoxi Presbyteri possint necessitate ordinare Presbyterum; quæ res, tametsi præter ordinem fiat receptum ab ipsis Apostolorum temporibus, necessitate tamen excusatur: quæ facit ut in tali rerum statu Presbyter sit Episcopus. Proinde quamvis factum sit extraordinarium, vocatio extraordinaria non est censenda. Ibidem; Atque hoc etiam verum est, quod in tali Ecclesiæ perturbatione, quando omnes Episcopi à vero Dei cultu deficiunt ad idolatriam, sine ulla gubernationis Ecclesiæ violatione, ad pios Presbyteros & Orthodoxos tota Episcopalis gubernationis Ecclesiasticæ autoritas devolvitur, ut Presbyter liquidò ordinare possit Presbyteros. Et paulò infra dicit, amotis quolibet modo superioribus ordinibus tota clavium Ecclesiæ potestas reſcietur apud eos, qui ex infimo ordine remanent. Item; ubi Episcopi omnes facti sunt impii hæretici, ab illorum jurisdictione orthodoxi Presbyteri liberantur: & potestatem clavium, quam in sua ordinatione acceperunt, sibi vindicare debent. Dounamus similiter: Ubi nego, vel Episcopos ipsos aut potuisse Presbyterorum parastasia, in utrarumque; (nempe ordinationis & jurisdictionis) alterutra, vel Episcoporum defectu utrumque posse peragi per Presbyteros; Quod ad prius, cum dicunt Presbyteros imponere manus non ad consecrationem vel ordinationem, sed tantum significandi consensus gratia, non dicunt impositionem manuum ordinatoriam esse solius Episcopi, licet 100 Presbyteri apponerent manus suas juxta manus Episcoporum. Sed redeamus. Sed redeamus. Concedit Dounamus, in Episcoporum defectu Presbyteros posse ordinare. Cum ex Pontificiorum scriptis Summa Angelica, voce Ordo, docuisset eos sentire Papam posse Presbyteris concedere potestatem ordinandi, sic infert; Si Pontificis permisso Presbyter potest ordinare Presbyteros, multò magis Senatus Presbyterorum, ad quem in defectu Episcopi cura Ecclesiæ devolvitur, instrui potest ea autoritate cogente necessitate, quæ nullam habet legem. Videmus igitur, Ut.

De Tripl.
Episc. p. 88.

Def. l. 3.
c. 4. Sect.
Ult.

Dissert. de
Gub. Eccl.
p. 159.

Pag. 363.

Hierarchicorum sententia Presbyteros in casu necessitatis posse ordinare Presbyteros. Sed quem dicunt illi esse casum necessitatis. *Extrema necessitas*, inquit Saravia, dat Episcopalem potestatem Presbytero. Extremam voco, quando aut Episcopus nullus est, aut eorum qui sunt, impius est usus. Noti juris est, vacante sede, ad Presbyterium Episcopi, hoc est ad Presbyteros, devolvi, quod erat ante solius Episcopi. Et quæ ratio, quod Dei verbum ordinationem ministrorum excipit, quando Episcopum habere non datur. Si vacante sede ad Presbyterium Episcopi devolvitur, quod ante erat solius Episcopi, tunc sequitur, quod superstitibus alibi etiam orthodoxis Episcopis, Capitulum jure devoluto possit ordinare Presbyteros; alioquin non devolveretur ad Presbyterium Episcopi, sed ad alios Episcopos, jus, quod ante solius Episcopi. Videant igitur quomodo cohereant extrema necessitas, & devolutio juris Episcopi vacante sede ad Capitulum. Nam eadem etiam habet Dounamus in testimonio paulò supra citato. Imò apertius adhuc Dounamus; Eadem videtur ratio impositionis manuum in confirmatione baptizatorum, reconciliatione publicè pœnitentium, quæ in ordinatione ministrorum. Sed licet duæ priores reservatæ sunt Episcopis æquæ ac tertia, extra ordinem tamen, in casu necessitatis, & in defectu vel absentia Episcopi, vetus Ecclesia sensit licitum fuisse ministris imponere manus, vel ad baptizatorum confirmationem, vel pœnitentium reconciliationem. Prius testantur Ambrosius in Ephes. 4. & August. Quæst. ex Vet. & Novo Test. mixtim q. 101. posteriùs Cyprianus l. 3. Ep. 17. & Concilia, Carthag. Græc. C. 43. Carth. 2. C. 4. Conc. Arausic. C. 2. Infero. Ergo non modo defectu Episcopi vel sede vacante, sed etiam Episcopo absente, possunt Presbyteri Presbyteros ordinare. Nam non modo vacante sede, sed etiam Episcopo solummodò absente, dixit Dounamus, Presbyteros potuisse imponere manus in confirmatione, & reconciliatione pœnitentium. Ex quo sequitur, Episcopum non esse proprium & unicum Sacramenti ordinationis ministrum, sed etiam Presbyterum posse ordinare, idque vi potestatis ordinis sui & consecrationis, quam æqualem habet ex institutione Divina cum Episcopo. Nam ut vacante sede vel absente Episcopo, in Egypto, Presbyteri consignabant, id est confirmabant, ut interpretatur Ambrosium Dounamus, (licet Junius & alii interpretentur vi ordinis sui ordinabant ut supra ostendimus) & in Africa reconciliabant, sic vacante sede vel absente Episcopo ordinare possunt Presbyteri vi ordinis. Quod igitur Patres officia Episcopi, si præsens non esset, Presbyteris permiserunt, idè factum, quod ea quæ humanitus propter ordinem & dissidiorum excludendorum causâ excogitata essent, in Ecclesiæ detrimentum verti nollent, ac proinde in necessitatis casu Presbyteris jus suum remitti maluerint, quàm nimis stricta humani instituti observatione Ecclesiam fraudari, ut observatum est a Gersomo Bucero. Et aliud ab eodem Viro Clarissimo alibi notatu dignum observatur. Quare absentia Episcopi, quando vel ipse tandem, vel alius hujus loco obtineri potest, non est immutabilis necessitas. Quod nihilominus Presbyteris in eo potestas ordinandi facta fuit, quis non hinc produisse videat, quod Patribus certò constaret, distinctionem illam Episcoporum & Presbyterorum tantum humanæ institutionis esse? Alioquin talis necessitatis casus, quem declinare potuerunt, nulli in purgandi facti sui rationem ipsis reliquam fecisset. Cur devoluta fuit ista potestas ad Presbyteros magis quàm Diaconos? nisi quod Presbyteri hanc haberent potestatem vi ordinis non autem Diaconi. Sive casus necessitatis sit ineluctabilis, sive non, non possunt Presbyteri ordinare, si non essent Divina institutione instituti hujus sacramenti ministri. Nam cum ordinatoria manuum impositio, ut ipsi definiunt, sit actio spiritualis efficaciter conferens ordinando potestatem ordinis, in quo constitutus est, quomodo potest non Episcopus, qui hanc potestatem ordinandi non accipit in ordinatione sua, aliis conferre gratiam & potestatem ordinis? Nam ipsa

ipsa potestas ordinandi non confertur nisi per modum sacramentalem, ut ipsi dicunt, & nos adhuc ponimus. Oportet igitur in ordinatione sua Presbyterum accepisse potestatem ordinandi, alioquin nulla necessitas eum hac potestate indueret. Nam minister est de integritate sacramenti, ut supra audivimus ex Durando. Quod de Baptismo objicit Dounamus, in casu necessitatis, ubi Ministri obtineri non possunt, posse Laicos baptizare, omnino negamus. Non est tanta necessitas Baptismi, ut propter eam oporteat Laicum baptizare, ubi vel quando Presbyteri obtineri non possunt. Nam in ordinatione Presbyteri confertur potestas vel deputatio, per quam ordinatus potest aliquid facere quod non poterat prius, inquit Durandus: v. g. potest ordinatus in Sacerdotem conficere corpus Domini quod prius non poterat. Potest quis non ordinatus celebrare actionem exteriorem pronuntiando verba institutionis, & ritus administrando, nihil tamen efficit. Sic dico ego, potest quis non ordinatus celebrare Baptismum quoad genus facti exterioris, nihil tamen efficit nisi sit ordinatus. Quod Baptismum exceperint Scholastici & Pontificii, ex alio erroris, nempe summæ necessitatis hujus sacramenti, ortum est. Idem dico de Ordinatione, quod si desint & deficiant cum Episcopatum Presbyteri, non posse Laicum ordinare, si ordinatio sit sacramentum, ut adhuc ponimus. Proinde falsum est, quod dicit Dounamus, *potestatem ordinationis & jurisdictionis devolvi etiam ad corpus Ecclesiæ in casu necessitatis, id est, sui Cleri successionis, & aliorum auxilio deficiente*. Falsum dico, hoc posito quod tuerentur Hierarchici, nempe Ordinationem esse sacramentum: non enim potest corpus Ecclesiæ conferre per modum sacramentalem, gratiam sacramenti aut potestatem ordinis. Quod dicit Dounamus, verissimum tamen est, hoc posito quod ordinatio non sit sacramentum, ex eoque non esse sacramentum ostendimus. Dounamus enim sic prospexit Ecclesiæ suæ, quod si nullibi reperirentur sacramentorum ministri, Ecclesiæ tamen contulit potestatem eos absque sacramentali consecratione instituendi ministros & collapsum ordinem restaurandi. Denique, ut in pauca superiorem dissertationem contraham, concessio etiam quod sit sacramentum impositio manuum ordinatoria, ejus potestatem esse penes quemvis Presbyterum ex ordinatione Divina patet ex Scripturis, farentibus etiam adversariis, ejusque exercitium ab Apostolis nunquam sublatum, nec ab Ecclesia statim post Apostolos, sed validas fuisse ordinationes etiam per Presbyteros celebratas: nec quando irritæ sunt habitæ, id provenisse absolute ex natura rei, sed ex rigore Canonum, ut factum in aliis ordinationibus, quæ sæculis hisce novissimis in Ecclesia Romanensi & Anglicana non modo validæ sunt, sed etiam usitatæ: & ut patet etiam ex concessa potestate Pontifici hanc potestatem delegandi Presbyteris, etiam sæculis corruptissimis: & ex jure devoluto ad Presbyteros in casu necessitatis, cum eluctabilis tum ineluctabilis, consecrandi non modo Presbyteros, sed etiam Episcopos. Abbates extra casum necessitatis ineluctabilis etiam Episcopos consecrasse, supra ex Bedæ historia ostendimus; & quod in casu necessitatis ineluctabilis possint, testantur Alfiodorensis & Doctores illi de quibus supra Alexander de Hales. Non tamen dissimulandum est, summam fuisse injuriam in Divinam institutionem quæ illata est Presbyteris sæculis corruptioribus, irritas statuendo ordinationes per Presbyteros. Nam quod dicit Durandus, *Ecclesia potest arctare ministerium suo statuto, sed non potest irritare sacramentum, concurrentibus his quæ sunt de necessitate sacramenti, priore parte partim verum est: potest potestas regulari & dirigi, dummodo non tollatur ordinarium ejus exercitium, ut omnia fiant ordine & decenter ad Ecclesiæ ædificationem*. Ex posteriore parte verum est, non potest Ecclesiæ irritum & nullum decernere sacramentum Eucharistiæ celebratum à legitimo & vero Presbyteri

Distinct.

145. Quæst.

Def lib. 4.

Cap. 4. Sect.

13. pag. 99.

L. 4. Dist. 7.

Qu. 4.

Prope finem.

bytero, qui hanc potestatem habet ex institutione Divina. Et sic de aliis Sacramentis, & consequenter de Ordinatione si sit sacramentum, quod adhuc concessimus. Sequitur jam probandum, Ordinationem non esse Sacramentum, & proinde multo magis Presbyteros posse imponere manus, & consecrare ordinandos. Nam nulla consecratio major est sacramentali: si ergo potest Presbyter consecrare in sacramento, potest etiam extra sacramento. Ordinationem non esse sacramentum probatur. Si ordinatio sit Sacramentum conferens gratiam gratum facientem, & potestatem ministrandi sacramenta, tunc sequitur à Christo institutam fuisse, & de materia, & forma constare. Si quidpiam tale fuit à Christo institutum, adeone obscure & latenter id fecisset, ut adhuc post mille & sexcentos annos in Ecclesia nostra incertum sit quæ sit propria hujus sacramenti materia sive res sensibilis, quæ in Scholis appellatur elementum? num ipsa manuum impositio? num traditio calicis & patinæ? de quibus certant Scholastici, sicut & circa formam ac verba, quibus prolati impleatur sacramentum. Nam in Presbytero ordinando formam aliqui volunt esse, Accipe potestatem remittendi peccata &c. alii vero, Accipe potestatem offerendi sacrificium. Itane facimus unum Sacramentum à Christo institutum, de cujus tota substantia adhuc sumus incerti? An Christus ludit & illudit suam Ecclesiam? Et ubi nam quæso in verbo Dei mandatum habemus datum Episcopis, ut ordinantes dicant, Accipe hanc vel illam potestatem. Gratiam gratum facientem probant ex 1. Tim. 4. 14. At respondet Salmeron, Tomo Quarto ubi de Sacramento Ordinis, ibi esse non χάρις sed χάρισμα, quod gratiam gratis facientem seu donum significat, non gratiam sanctificantem. Apostoli conferebant dona ordinatis per impositionem manuum, ut supra diximus, quod non erat ordinarium & perpetuū duraturum. Imò nunc dona supponuntur ante impositionem manuum, non conferuntur simul ac imponuntur manus, nedum per impositionem manuum. Quomodo igitur potest impositio manuum esse sacramentum, cum sacramentum sit signum visibile invisibilis gratiæ, ut ipsi definiunt; & quidem gratiæ sanctificantis personam, ut rite & dignè possit tanto fungi ministerio. Nam ut recte Spalatensis Nu. 43. *Orao non est ed institutus ut digne quis possit ministrare, sed absolute ut possit ministrare, nec à dignitate morali ministri pendet virtus & efficacia Sacramentorum* Quod ad officium & potestatem ipsam ministrandi, valde abusive dicitur gratia ordinis vel officii. Dona autem officio annexa propriè sunt χάρισματα, præsertim si extraordinario modo collata. Sed Sacramenta non sunt instituta ad conferendas gratias gratis datas, ut loquuntur, seu dona, nec officia vel potestatem ministrandi in officio, quibus dona sunt annexa. Conferre potestatem ministrandi in cultu divino per modum sacramentalis, est commentum Scholasticorum, qui de charactere ordinis variè nugantur, & inter se dimicant.

Præterea si Impositio Manuum ordinatoria esset Sacramentum, non poterit quis ordinari absque impositione manuum. Nam signum sacramentale debet esse ceremonia religionis statuta & perpetua. At, ut dixit supra Spalatensis, controvertitur, an impositio manuum sit materia, seu res sensibilis hujus sacramenti. Et multi Theologi eam non habent pro necessaria, quicquid alii aliter sentiant. Etiam celebres Canonistas, Hostiensem, Johannem Andream, Abbatem, & alios affirmare, Papam solo verbo Presbyterum ordinare posse, dicendo, *Esse sacerdos*, quodque pluris est, Innocentium omnium Canonistarum parentem universè asserere, nisi formulæ illæ recens adinventæ obsisterent, alunde futurum, si ita diceret Ordinator, *Esse sacerdos*, aut verbis tantundem valentibus uteretur; nam formulas quæ observantur ab Ecclesia post constitutas. Sic Melchior Cornelius Lusitanus in Concilio Tridentino. Vide Petri Suavis Historiam. Spalatensis simile assert; *Mirandum verò, inquit, quod Ecclesia Romana*

Spalatensis de
Rep. Eccles.
Lib. 2. Cap. 4
Num. 25.

Pet. Suavis.
Hist. Conc.
Trid. l. 7. p.
667. Edit.
Francofurt.

De Rep. Ec.
cles. l. 2.
Cap. 4.
Num. 19.

mana Canonistarum quoddam dictum adeo approbat, ut ne nutre quidem contra ipsum quisquam ex Catholicis audeat, nimirum Gygas cum DD. ab eo citatis, q. 8. de Præf. n. 3. & Rebuffus de Benif. Imut. Summum Pontificem solo verbo posse facere & Sacerdotem & Episcopum, si dicat alicui duntaxat, *Eslo sacerdos, vel Eslo Episcopus*. Subjicit; Pugnancia sunt ista, Ordinem esse verum & proprium Sacramentum, quod sine certa, & constanti ceremonia esse non potest: & solo verbo Papæ posse hominem jacris initiari. Cum tamen satis appareat, & melius sim adhuc mox rem confirmaturus, ordinationem in sola, legitima tamen & potestativa, deputatione consistere; facile etiam ipse Canonistis consenserim, posse non modò Papam, sed quemcunque Episcopum solo verbo Presbyterum & Episcopum facere, nimirum ut factum teneat. Quamvis contra præceptum Eccle. 2. Part. Synt. Resp. 58. si omitantur ceremoniæ, sit, qui hoc fecerit, peccaturus. Quid Tilenus noster? Ritus impositionis manuum, inquit, qui in ordinatione Ministrorum adhibetur, etsi non possit improbari: tamen cum exemplo potius, & Veteris Ecclesiæ praxi, quàm Christi institutione & præcepto nitatur, neque sacramentalis strictè & proprie dici potest; cum non eadem quæ sacramenta propriè dicta, beneficia vel præbeat, vel obfignet: neque ad ordinationem ministrorum simpliciter est necessarius. Præterea singula quæque sacramenta sua peculiaria propria & analogia cum re sua significata signa habent. At impositio manuum est ceremonia communis, ut ipsi fatentur, pluribus alijs religionis actibus. Inde dicunt Impositionem manuum aliam fuisse Curatoriam, aliam Consecratoriam, aliam Confirmatoriam, aliam Reconciliatoriam. Et in Veteri Testamento, unde hic ritus desumptus est, non modo in sacris sed etiam civilibus hanc ceremoniam usurparunt. Jacob benedicens filiis Josephi imposuit manus, Gen. 48. Moses Josuæ successori, Num. 27. 23. in dedicandis Levitis nitebantur filii Israelis manibus suis super Levitas ipsos, Num. 8. 10. & quisque filiorum Israel super caput holocausti sui, Levit. 1. 4. Impositæ manus iis qui electi erant in numerum Senatorum Synedrii Magni. Ei qui promovebatur ad Magisterium imponebant manus à Rabino aliquo. Manus impositio vocata est *Semuch*; qui manum imponebat *Somech*; qui gradu Magisterii auctus & cui impositæ manūs, *Sannuch*. Verborum formula verustissima huic ritui adjuncta erat. *Ego tibi impono manum, & manus imposita tibi esto*, hoc est, & Magister esto, vel sic, *אני סימך אוחד ת יהיה סמוך* id est, ego tibi manum impono, tu esto is cui manus imposita sit, aut *Ego te Magistrum creo, tu creatus esto*, aut *te Magistrum facio, esto Magister*. Vide Scaligerum in Elencho Trihæresi, & Nicolaum Serrarium in Rabbinis. Cum igitur fuerat ceremonia adhibita in tot heterogeneis actionibus, & inaugurandis etiam Doctoribus, Ducibus, & Senatoribus, in Pastoribus inaugurandis, Sacramenti signum seu rem sensibilem esse, non censendum est. Si Ordinatio esset Sacramentum, non potest irrita reddi ordinatio per Episcopum celebrata, licet suscipiens sit Simoniacus aut aliis vitiis contaminatus, modo donis ad exercendum officium sit instructus. Nam si Eucharistiam aut Baptismum idem acceperit, non impediunt vitia in suscipiente, quin vera sacramenta susceperit. At multæ ordinationes etiam per Episcopos irritæ habebantur à L. 2. c. 4. Patribus, ob vitia & indignitatem suscipientium, ut probat Spalatenus ex Cypriano, Hieronymo, Augustino, & alii. Denique, si Ordinatio Presbyteri per Impositionem manuum sit Sacramentum, cur non etiam Diaconi, nam & iis imponuntur manus. In Diaconatu, Nulla potestas vel Deputatio confertur ordinato per quem possit aliquid facere interius vel exterius, quod non poterat prius, sed solum quod non licebat prius; quicquid enim potest facere Diaconus ordinatus, tuta legere Evangelium, ministrare Sacerdoti, id totum poterat prius facere, sed non licebat ei; sic Durandus. Diaconus est tantum mensarum & viduarum ministrus. Sed demus quodcumque volumus officium & ministerium Diaconis, sive temporale, sive etiam spirituale, cum Num. 45.

2. Part. Synt.
Resp. 58.

Scalig.

Elerch.

Trihæresi:

Cap. 5.

Serrarii

Rabbini Lib.

1. Cap. 21.

L. 2. c. 4.

Num. 3. 4. 5.

6. 7.

In 4. Dist.

24. Quest. 2.

Spal de Rep.

Eccle. 1. 2. c. 4.

Spal. de Rep.
Eccles. l. 2. c. 4.
Num. 30.

cum ipsorum institutio sit ab Apostolis, quis jam audeat ordinationem Diaconi inter Sacramenta Christi Domini numerare? dicit Spalatenfis. Diaconi ordinatio igitur est tantum mera officii injunctio, & libera deputatio, ut idem dicit. Presbyteri ordinatio ergo non ideo est Sacramentum, quia ibi est externus ritus impositionis manuum. Impositio manuum non potest dici esse ceremonia à Christo instituta, ut in ea consistat Ordinis Sacramentum: quia de tali institutione nihil habemus: & in tanta re non est divinandum: neque ex humanis solis conjecturis, quæ vix probabilitatem contineant, sunt sacramenta stabilienda; inquit Spalatenfis. Quid ergo? Constat verò manuum impositionem ab Apostolis adhiberi solitam, tanquam partem efficacis orationis, ubi preces pro particulari aliqua persona funderentur, ut factum est in nova Apostolica Diaconorum institutione Act. 6. quam non fuisse sacramentalem pauld post probabo: & in Pauli ac Barnabæ segregatione Act. 13. quam similiter sacramentalem non fuisse, est à me demonstratum. Quia igitur ministri Christi plurimum indigent Divina gratia ad ritè sua munera o'cunda, in ipsorum deputatione preces efficaces adhibendas esse duxerunt Apostoli, per manuum impositionem. Quod se fecisse cum Timoth. 1. Tim. 4. & 2. Tim. 1. affirmat Paulus. Ita etiam cum nuper Baptizatis faciebant Apostoli, ut per manuum impositionem invocarent super eos Spiritum Sanctum, Act. 8. Hujusmodi vero manuum impositiones non fuisse sacramentales satis explicat Augustinus, dum de ipsis in unversum illud proferat, De Bapt. cont. Donatist. Lib. 3. Cap. 16. Manus autem impositio non sicut baptismus, repeti non potest: quid enim est aliud, nisi oratio super hominem? Impositio manuum rectius dicitur gestus orantis, quam pars orationis, ut à Spalatense, aut oratio ipsa, ut ab Augustino; & gestus iste ac ritus est quidem signum, sed non sacramentale significans aut exhibens gratiam, sed indicans & demonstrans personam quæ deputatur ad officium Ecclesiasticum, & commendatur gratiæ Dei per orationem. Si igitur sit gestus orantis, benedicens, & dedicantis Deo personam certam & particularem, quid impedit Presbyterum imponere manus, cum orare possit, & benedicere, æque ac Episcopus? Etenim abnueanti mihi ista, sic dicam: qui non vult Presbyteros facere, quæ jubentur à Deo, dicat quis major est Christo? aut quid corpori ejus & sanguini poterit anteponi? Si Presbyter Christum consecrat, cum in Altari Dei sacramenta benedicit, benedicere populo non debet, qui Christum etiam meruit consecrare? Benedicit in altari, ergo potest benedicere populo, ergo & ordinato. Concesso jam quod ordinatio non sit sacramentum, quàm bellè congruunt omnia, quæ alioqui videntur asystata? Cur fuerunt irritæ ordinationes per Episcopos & Presbyteros pluribus de causis, ut ostendit Spalatenfis? quia ordinatio non est sacramentum. Cur potuit Papa demandare potestatem Presbytero ordinandi? quia non est sacramentum. Cur potest Papa solo verbo Presbyterum ordinare? quia non est sacramentum. Cur deficientibus Episcopis & Presbyteris devolvitur ordinatio ad Ecclesiam? Quia non est sacramentum. Cur in casu necessitatis devolvitur ad Presbyteros? quia non est sacramentum institutum à Christo cum proprio ministro. Cur non est ritus necessarius impositio manuum? quia non est sacramentum. Utrum unus an plures imponant manus ordinando, adiaphoron est, modo ille unus sibi soli actum & potestatem non vendicer, ut supra diximus. Baronius ex Rabbi Nathane dicit, quum quis ad docendos alios promovetur, collecto Seniorum Concilio, eo prius examinato, idoneoque reperto, omnes qui aderant, manus imposuisse. Esto quod unus, ut de uno videntur loqui Scaliger & Serrarius, qui dictus Somech, ὁ χειροτότης, qui unà cum manuum impositione utebatur concepta verborum formula; vel unus signo & sermone sed nomine aliorum. Sic in Ecclesia. Distinguenda sunt tempora, inquit Junius. Primo enim tempore dicebantur Episcopi, quicumque ministrabant Ecclesiæ salutis verbum, Act. 20. & hujus Presbyterii erat

Epist. de 7.
Gradib.
Eccles. ad
Rusticum.
Marbonens.

Ann. 44.
Num. 35.

De Cleric.
Cap. 3.
Not. 10.

erat impositio manuum, 1. Tim. 4. Postea quum Episcopi humano ordine Presbyteriis præfuerunt, ordinationis institutum fuit penes totum Presbyterium; signum vero fuit penes Episcopum, id est, impositio manuum fiebat ab Episcopo, solum nomine totius Presbyterii, ut in corporibus & collegiis partes ejusmodi solent us qui primi sunt ordine de-
mandari. Idem alibi; Atque hi omnes instituto Dei erant Episcopi sive Presbyteri: or-
dini verò communi ex instituto Ecclesiæ unus de numero ipsorum præerat, qui Episco-
pus ἐπίσκοπος dicebatur. Ex quo profectum est, ut alius in Ecclesiis Episcopus solus con-
signaret ordinaretque manuum impositione, velut totius Presbyterii nomine: in alius verò
Presbyteri aut cum Episcopo aut etiam absente Episcopo ordinarent, ut suo tempore Am-
brosius & Augustinus Alexandriæ testantur observatum. Fildus tamen licet Hierar-
chicus verba illa Concilii Hispalensis, Episcopus solus honorem dare potest, solus au-
ferre non potest, dicit non capienda, ac si Episcopus solus absque Presbyteris possit ordi-
nare Presbyteros, sed quod absque aliorum Episcoporum concursu, ordinem Presbyteralem
potest conferre, quem absque eisdem auferre non potest. Nam alioqui cavet Concil. Carth.
4. Can. 3. quidd in ordinatione Presbyteri Episcopo manum super caput ejus tenente, &
benedicente, Presbyteri qui præsentibus sunt &c. Et alibi; requirebatur consensus 6. Epi-
scoporum ad deprivationem Presbyteri. Bilsonus etiam ex Concil. Hispal. 2. Can. 6. Cap. 30. p. 218.
& Africano Can. 20. probat, Episcopum Presbyteros sacro ordine privare non
potuisse absque aliorum Episcoporum adminiculo. Ergo cum patres Hispalenses
dixerunt, Solus honorem dare potest, non intelligunt, seclusis Presbyteris, sed Epif-
copis. Nam ita intelligunt vocem, Solus, in altero membro; Solus, nempe seclusis
Episcopis, auferre non potest. Sed perinde est sive solus sive unà cum aliis impo-
suerit manus, siquidem nomine Presbyterii imposuerit, & ille solus honorem non
dedit, licet solus administravit ritum & signum impositionis manuum. Actuserat
communis totius Presbyterii. Imo non solum nomine Presbyterii, sed etiam Ec-
clesiæ, inducebat ordinandum in possessionem muneris. Fuit ergo Ecclesiæ, fuit
Presbyterii ordinare: sed postea fuit Episcopi initiare ordinationis ritu, quum Presbye-
rium ei partis illas, ut Ecclesia Presbyterio suas contulisset ex institutione Ecclesiastica,
non autem Divina, ut Tertullianus & Hieronymus, & Ambrosius docent. Quod dici-
tur à Beza de Tripl. Episc. p. 28. 29. Episcopum imposuisse manus nomine Pres-
byterii, miratur Saravia, multo magis quod nomine Ecclesiæ. Quamvis enim
omnes cujusvis gradus pastores sunt Ecclesiarum ministri, omnia tamen quæ ab ipsis in
Ecclesia fiunt nomine & autoritate Domini nostri Jesu Christi, non Ecclesiæ neque
Presbyterii faciunt. Ut cum docent, sacramenta ministrant, solvunt & ligant,
addit tamen quomodo autem Ordinatio manuumque impositio autoritate fiat Presbyterii,
opus habet majore disquisitione. Spalatensis similiter dicit; Plebem nullam partem ha-
bere in traditione potestatis Ecclesiasticæ. Item potestas ordinandi, inquit ministros non
est in communitate Ecclesiæ, quæ constat ex Clericis & Laicis, sed est in Episcopis, qui
soli in hac mittendi & ordinandi autoritate Apostolis successerunt. Sic Episcopus
Sponsæ, non ministros, sed dominos faciunt. Cum dicimus Episcopum initiatio-
nis ritus administrasse, & manus imposuisse nomine Presbyterii & Ecclesiæ, non
excludimus Dei autoritatem, sed opponimus autoritatem Presbyterii & Ec-
clesiæ singulari potestati Episcoporum, seu illius, qui imponit manus. Id enim po-
nendum est autoritate utraque Dei & Ecclesiæ pastores à pastoribus ordinari: Dei qui-
dem & Christi, ut Mediatoris, Domini, & Sponsi: Ecclesiæ verò, ut Sponsæ illius.
Hic communis est Sponsi sponseque auctoritas, cujus sunt communes administrari à Christo
& Ecclesia instituti, quos Episcopos, Presbyteros, sive pastores appellamus. Sic totum
in solidum ordinationis potestatem habet Christus, quam cum Ecclesia sua communicat,
uterque vero pro suo jure. Sponsus inquam & Sponsa Presbyterio tradit Divino jure. Post-
modum

De Conc. &
Eccles. l. 4.
Cap. 2. Not.
23.

De Eccles.
l. 5. c. 56.

Cap. 30. p. 218.
219.

Junius de
Cl. r. Cap. 3.

Not. 10.

De Rep. Ec-
cles. l. 2. Cap.
2. Num. 52.
Lib. 5 c. 12.
Num. 3.

Junius de
Cleric. Cap.
3. Not. 16.

modum vero humano jure Presbyterium contulit eam potestatem in Episcopos speciatim dictos, unde sequuta est usurpatio, per vetus illa quidem, at non propterea iustior, in qua tyrannis sese obfirmavit jam diu. Cum nemo debeat ordinari ad ministerium ἀποστολικόν, sed singulariter ad hujus aut illius Ecclesiæ ministerium, æquum est ut in ministerio idem particularis Ecclesiæ per ipsam ordinetur communi Ecclesiæ illius nomine. In ordinatione sunt varii actus & ritus, benedictiones & preces, dedicatio & mancipatio ad ministerium, missio potestativa ut vocat Spalatensis, seu potius inductio in possessionem muneris, & confirmatio electionis præcedentis, item impositio manuum, sive ut gestus orantis & benedicientis, sive etiam ordinantis & inducentis in possessionem muneris, ut in promovendis ad Magisterium in scholis Rabbiorum. Hæc omnia sunt autoritate Dei & Ecclesiæ. Et dum unus orat & imponit manus, id facit nomine Ecclesiæ & Presbyterii. Sic ordinat Deus per Ecclesiam, ordinat Ecclesia per Presbyterium; ordinat Presbyterium per Episcopos & Pastores suos: singuli conferunt quæ sua sunt. Deficientibus Episcopis & Presbyteris docentibus posse Seniores imponere manus, eorumque unum orare benedicere & quasi repræsentare ordinandum Deo Ecclesiæ nomine, fatentur ipsi Hierarchici. Adde & deficientibus Senioribus posse Ecclesiam constituere ex suorum numero qui imponat manus & inducat in possessionem muneris ad quod per electionem designatus est, nomine Ecclesiæ. Nam non est impositio manuum, ut diximus, Sacramentum, quod requirat proprium suum ministrum ex institutione Divina. Et si Dounamus hoc jus ordinandi concessit corpori Ecclesiæ; etiam hoc posito, quod sit Sacramentum Ordinatio, ut supra ex Dounamo ostendimus, quantum magis id concedendum, si non sit sacramentum? Et sic nunquam peritura est Ecclesia, quia in casu necessitatis pii & fideles congregati in nomine Christi possunt eligere & electum inducere in ministerium. Nullus fidelium cœtus adeo parvus, invexa fide consociatus, qui in illa extrema necessitate si constituatur, non habeat tantum potestatem in rebus Ecclesiasticis, quantum Theologi disputant à Domino universali Ecclesiæ, ad sui ædificationem, tam in doctrina fidei, quam disciplina morum, esse datum & relictum Theologorum communis sententia est, Clavium nomine omnem significari potestatem Ecclesiasticam, & eas datas non tantum personis, sed etiam universæ Ecclesiæ, inquit Saravia. Nonne idem dicit quod aliis verbis Bucerus? Deus non simpliciter singularibus personis, sed Ecclesiæ ordinandi potestatem tradidit, & ordinari per illam ministros sibi consecrat. Radicaliter igitur & originaliter est potestas ordinandi in Ecclesia & semper, etiam extra casum necessitatis, ordinarium instrumentum Ecclesiæ ad administrandum ritus initiationis est Pastor, qui pro hominibus constituitur in iis quæ apud Deum agenda sunt: extra ordinem & in Ecclesia constituenda aut penitus collapsa restauranda, instrumentum est si desit Pastor quem piorum cœtus elegerit ad actum illum ordinationis ipsius nomine celebrandum. Ex dictis patet, Presbyterum non minus quam Episcopum nomine Ecclesiæ initiare posse ordinationis ritibus, quippe qui jure Divino sit constitutus pro hominibus in iis quæ apud Deum agenda sunt: & cum Episcopus, qui jure humano tantum præest & Presbyterio & Ecclesiæ, & ipsum, ordinationis actum sibi soli totum vendicet, debere Presbyteros possessionem ordinariam sui juris repetere & recuperare. Nam jura positiva cum primum incipiunt corrumpere viam suam, ut loquitur Panormitanus, antiquanda sunt. Atque hæc de potestate ordinationis quam referunt ad potestatem ordinis, quia putabant Ordinationem esse Sacramentum: sed cum non sit sacramentum, & præter benedictiones & preces, quas Spalatensis dicit non esse absolute essentielles ordini sacro, sit missio potestatis, ut loquitur ille, vel inductio in possessionem muneris.

Junius de
Cleric. Cap.
3. Not. 5.

Sar. de
Trip. Episc.
p. 90.

De Gubern.
Eccles. p. 360

De Rep.
Ecl. l. 2. c. 3.
Num. 54.

neris ad quod ante per electionem designatus erat ordinandus, referenda est potius ea ratione ad potestatem jurisdictionis. Nam promovere ordinandum ad officium aut munus aliquod, electionemque antegressam confirmare, est jurisdictionis, ut & ipsa electio quæ confirmatur. Distinguenda igitur consecratio & sanctificatio hominis ad ministerium à traditione potestatis vel confirmatione electionis, etsi simul tempore peragantur.

Sequitur potestas altera, nempe jurisdictionis. Jurisdictionem dividit Dounamus in internam & externam. Jurisdictionis internæ seu spiritualis potestatem concedit Presbyteris Parochis, & illam dicit esse potestatem gubernandi modo privato & quasi in foro conscientiæ. Hac potestate regunt non solum in publico ministerio, sed etiam privata cura. Quod ad publicum ministerium, sunt duces inquit & directores populi in cultu publico, prædicant verbum admonentes, increpantes, consolantes, & sacramenta administrant. Presbyterum etiam non Parochum potestate ordinis sui posse non modo baptizare, liturgiam celebrare & concionari, quæ sunt communia Presbyteris cum Diaconis, (authoritate ab Episcopo instructis,) sed etiam ministrare sacram Cœnam, & remittere & retinere peccata. Hæc potestas, inquit, remittendi & retinendi peccata appellatur clavis ordinis, & secundum doctrinam Pontificiorum refertur ad collationem Sacramenti Pœnitentiæ. Vides hinc Dounamum constituere duos tantum actus ordinis Presbyteralis, nempe celebrationem Eucharistiæ, & potestatem remittendi & retinendi peccata seorsim à prædicatione verbi & ministracione sacramentorum, idque in foro interiori, de quo statim dicemus. Et sic Pontificii duas in Presbytero dicunt esse potestates, unam consecrandi corpus & sanguinem Christi, alteram remittendi peccata. Baptismum ministrandi jus, & prædicandi, ut ille, tribuunt etiam Diaconis. Hanc potestatem remittendi peccata refert ad potestatem Ordinis Presbyteralis, quia, inquit, eam in ordinatione accipit Presbyter, eique competit simpliciter quatenus est Presbyter absque jurisdictione seu relatione ad gregem aut curam animarum. Potestas Jurisdictionis externæ est non modo in ligandis & solvendis peccatis sed etiam in Ministris vocandis, controversiis doctrinæ discutiendis & dijudicandis, tum legibus de politia externâ ferendis. De Vocatione ministrorum, electione puta, ordinatione, & missione, supra diximus. Super sunt potestas δογματική, quæ versatur in dijudicandis controversiis, διατακτική, quæ versatur in constituenda politia externa per Canones & regulas in rebus externis & adiaphoris ad conservandum τὸ πρέπον & ἐνταξίαν, & potestas κριτική seu Judiciaria, quæ versatur in offendiculorum coercitione. Quod potestas δογματική Presbyteris competat, patet ex Act. 15. congregati sunt igitur Apostoli & Presbyteri ut dispicerent super hac re, vers. 6. nempe observatione Legis, & Cap. 16. 4. ubi decreta ejus Concilii vocantur δόγματα, instituta vel placita Apostolorum & Presbyterorum, τὰ δόγματα τὰ κεκριμένα ὑπὸ τῶν Ἀποστόλων καὶ πρεσβυτέρων. Si Placita sunt decreta ab Apostolis & Presbyteris, falsum est quod dicit Bellarminus, in isto Concilio interfuisse Apostolos tanquam judices ad definiendum, Presbyteros autem ad consultandum. Nec mirum, Presbyteros unâ cum Apostolis habuisse suffragium decisivum. Nam licet singulari ratione fuerant supra Ecclesiam reliquam Apostoli, ordinaria tamen & communi cum aliis ordinariis communicabant. Ordinaria verò usi sunt, ubi jam Ecclesiæ erant constitutæ, nisi res ejusmodi esset, quæ Divina extra ordinem revelatione dici deberet, aut motu divino geri. Communicatio, inquit Junius, in revelatione extraordinaria non habet locum. Hic autem Apostoli dicuntur usi communicatione. Et quamvis Apostoli satis instructi ut per se possent decernere, noluerunt tamen absque Presbyteris placitum edere, ut sic ostenderent Presbyteris primum esse locum in Conciliis, ut qui

Defens. Lib.
1. Cap. 2. f.
10. p. 42.

Defens. Lib.
3. Cap. 4.
Sect. 24.
pag. 105.

De Concil.
Lib. 1. Cap.
16

Junius de
Concil Lib 1
Cap. 16.
Not. 1.

extra ordinem tunc primi erant successoribus. Si in Synodis & conventibus extraordinariis tulerunt iussuaria, in dijudicandis controversiis, etiam presentibus Apostolis, multo magis id possunt in Presbyterio. Paulus hortatur Presbyteros Ephesinos, ut attendant animum in gregem & observent eos qui loquuntur perversa ut post se discipulos abstrahant, Act. 20. 28. 29. Et idem Apostolus dicit 1. Cor. 14. 32. *Spiritus prophetarum prophetis subjiciuntur*. Presbyteros tales vult constitui Paulus Tit. 1. 9. qui possunt *τὸς ἀντιλέγοντες ἐλέγχειν*. Si contradicentes argumentis convincere debeat Presbyter, in dijudicandis controversiis suffragium decisivum ferre quid prohibet? Potestas *διατακτικὴ* Presbyteris etiam competit, ut patet ex dicto Capite Act. 15. ubi decretum ab Apostolis & Presbyteris, ut gentes conversæ abstinerent ab iis quæ immolata sunt simulachris & sanguine & suffocato, Act. 15. 29. Et Act. 21. 25. Nos (Jacobus & Presbyteri qui aderant, aderant autem omnes vers. 18.) *scripsimus & decrevimus ne quid hujusmodi observent, nisi ut caveant ab iis quæ sunt immolata simulachris & à sanguine & rebus suffocatis ac scortatione*. Consultit etiam Presbyterium Hierosolymitanum Paulo, ut assumeret sibi socios viros quatuor qui voto obstricti erant, & cum eis sanctificaretur, ut fratribus infirmis & paci Ecclesiæ confuleret, Act. 20. 21. 22. 24. Cum Paulus mandat Corinthiis, ut omnia decenter & *καλῶ τῷ ἔξῃ* fiant 1. Cor. 14. 40. nonne agnoscit potestatem constituendi eorum in sua particulari Ecclesia? Potestas *κριτικὴ* communis, cui subsunt omnia Ecclesiæ membra, nempe ligandi in foro exterioriori, ut & solvendi, competit Presbyteris. Censura duplex est, inquit Episcopus Ciceriensi, *publicani & ethnici, minor & major*. Minor à sacramentis excludit modo. De majore vero altera, quæ arcet Ecclesia ipsa, quæ perinde reddit ut ethnicos; quibus nec fas templum ingredi quod tamen licet publicanis. De illa vix quisquam est quin fateatur institutam eam à Christo Mat. 18. per verba *Dic Ecclesiæ &c.* De exteriori foro ibi agitur: exterioris fori jurisdictio illo nec alio loco fundata est. Bellarminus fatetur hic tractari de foro exteriori; Et quamvis hic tractari videatur præcipue de potestate jurisditionis qua peccatores excommunicantur, tamen Patres jam nominati locum hunc de utraque potestate ordinis videlicet & jurisditionis exponunt. Dicit, Apostolis non datas sed promissas fuisse claves ordinis & jurisditionis, datas autem fuisse Johannis 20. 21. Clavem ordinis cum dixit, *accipite Spiritum Sanctum, quorum remiseritis peccata: jurisditionis eum dixit, sicut misit me pater & ego mitto vos*. At in his posterioribus verbis nulla mentio Clavium, sed in prioribus, ubi actus clavium remittere & retinere peccata id est ligare & solvere, ut dixit Mat. 18. exprimuntur. His ergo verbis eadem traduntur Claves quæ promittuntur, Mat. 16. & 18. & consequenter claves jurisditionis externæ, cujus actus nobilissimus est major illa Excommunicatio de qua supra. Cui conceduntur actus clavium, datur & potestas ipsa à qua tales actus dependent. At Presbyteris conceduntur actus clavium, nempe remittere & retinere, id est, loquendo proprie, aperire & claudere cœlum. Nam in Ordinatione Presbyteri dicit Episcopus, *Accipe Spiritum Sanctum; quorum remiseris peccata &c.* Dicunt Pontificii, his verbis significari tantum claves ordinis, id est actus ligandi & solvendi in privato foro poenitentiae. Dounamus, ut supra vidimus, licet videatur repudiare Sacramentum Poenitentiae, videtur tamen amplecti forum poenitentiale secretum & privatum confitentis & Confessarii. Nam concedit Presbytero potestatem remittendi & retinendi peccata extra prædicationem Verbi & Sacramentorum celebrationem: & concedit tantum in foro privato. Sed cum eadem sunt claves quæ promittuntur Mat. 16. & 18. & traduntur his verbis, claves jurisditionis externæ in foro publico traduntur: & proinde cum Presbyteris traditur potestas remittendi & retinendi peccata, traditur Potestas Excommunicandi.

Portura Tor.
ti pag. 70.
edition. Ha
novæ in 8.

De Pontif.
l. 1. Cap. 12.

candi. Futile est commentum, dari potestatem ordinis ad remittenda & retinenda peccata in foro pœnitentiæ, & tantum dari Presbytero jurisdictionem in foro interno. Nam sic confunduntur potestas ordinis & jurisdictionis. Imo nullum erat forum pœnitentiale privatum sæculis purioribus. *Lib. 5. Cap. 7. Num. 37.* Externa Ecclesiastica Pœnitentia initio fuit semper publica, non modo ubi quis ad pœnitentiam redigebatur accusatus & convictus pro crimine publico & famoso; sed etiam ubi sponte quis pro occultis quoque delictis vellet habere Ecclesiasticam solutionem. Publicè enim sua crimina particularia fatebatur, & sic ligabatur ac excommunicabatur excommunicatione pœnitentiali & inter pœnitentes publicos reponebatur deinde peracta pœnitentia reconciliabatur, ait Spalatensis. Quando peccata gravia sunt manifesta & scandalum pariunt, merito ligatur peccator per claves donec resipuerit, & in publico profiteatur resipiscentiam. Sed cum injungeret satisfactiones & opera pœnalia peccantibus, tunc superstitiosi putabant interna resipiscentia se non satis tutos, nec dignè posse Eucharistiam percipere, nisi priùs sponte confessi essent occulta crimina, ut sic primum ligarentur deinde solverentur: & scrupulum illum auxerunt Patres, hortando ad eternam pœnitentiam pro gravioribus criminibus etiam occultis. *Lib. 5. Cap. 7. Num. 26.* Et quia similiter certa & infallibilis est eadem Christi promissio, ut data per Ecclesiam solutione vinculi Ecclesiastici, clave non errante, statim certò, & infallibiliter in cœlis quoque vinculum, quo se peccator coram Deo ligavit, & cui Ecclesia suum excommunicationis addiderat vinculum, per certam & infallibilem peccati illius remissionem dissolvatur, hinc sicut Patres vehementer semper hortati sunt fideles peccatores post lavacrum Baptismi criminibus contaminatos, ut tutioris cautele ergo non contenti sibi remedium ex interna pœnitentia sola, licet de se sufficienti, adhibuisse, voluntariè per propriam peccati gravis etiam occulti, coram Ministro saltem Ecclesiæ confessionem, ligari se Ecclesiastica illa pœnitentia Excommunicatione curent, ut inde obtenta ab hoc ligamine per reconciliationem solutionem; omnino certi sint in cœlis quoque sibi peccatum illud esse remissum; sic Spalatensis. Pœnitentia igitur Externa erat primum publica pro manifestis criminibus, deinde publica etiam pro occultis, ubi publica erat peccati manifestatio, & peccator beneficio clavium frui volebat. *Num. 37.* Postea vero ita quidem publicè pœnitentia hæc & assumebatur & peragebatur, ut tamen peccatum grave quod de se non esset publicum & notorium secretò in Ecclesia Episcopo vel Sacerdote Pœnitentiario aperiretur, & pro qualitate delicti pœnitens quantitatem subibat pœnitentiæ, quam tamen publicè perageret & à sacris absteret, & cum publicè pœnitentibus peculiari loco ad hoc in Ecclesia destinato maneret & actus humilitatis exerceret ac tandem reconciliationem & consequenter solutionem in terra & in cœlo obtineret. Et ex Sozomeno rationem mutationis indicat. *Lib. 7. c. 16.* Odiosum, ut credibile est, sacerdotibus ab initio visum fuit, tanquam in theatro audiente Ecclesiæ multitudine, delicta pronunciare. Presbyterum itaque aliquem vitæ integritate quam maximè spectabilem, secretorum etiam tenacem ac sapientem huic officio præfecerunt, eum accedentes, qui peccarant, ad ea vitæ suæ confitebantur. Ille verò pro cuiusque delicto quid aut facere singulos aut luere oportebat interminatus, absolvebat, ut a se ipsi commissorum pœnas exigerent. Exautorato Sacerdote Pœnitentiario temporibus Spalat. *Lib. 5. Cap. 7. Num. 40.* Theodosii Senioris, sublatam dicit publicam Pœnitentiam. Postea factum est ut publica pœnitentia tota ad secretam reduceretur, non modo quoad peccati manifestationem, sed etiam quoad ipsius pœnitentiæ peractionem, ut peccator seipsum Ministro Ecclesiæ ad hoc deputato accusans, secreto de secretis ab eo ligaretur, & Excommunicatione Pœnitentia à sola nimirum Eucharistiæ participatione plecteretur, & ad externam sibi injunctam Ecclesiasticam pœnitentiam secreto peragendam obligeretur, ea vero rite peracta reconciliaretur, & ad sacræ Cænæ communionem admitteretur. *Num. 41.* Hæc itaque, inquit Spalatensis, est tota introductio secretæ pœnitentiæ occultorum, quæ illa est ipsissima, & non

Num. 48.

alia, publica pœnitentia, ad secretam duntaxat reducta modo explicato, ut videlicet qui criminibus secretis, & non publicis ac notoriis gravarentur, cuperentque clavium beneficio remissionem obtinere, secretum peccatum propria confessione ministro Ecclesiæ secreto aperirent, & ita pœnitentiæ Ecclesiasticæ, sed secreto peragenda, subicerentur & ligarentur, ac demum per ministrum virtute Clavium reconciliarentur & solverentur. Et alibi; Initio quidem ut diximus, etiam publice omnibus audientibus confitebantur, postea secreta fiebat confessio, sed pœnitentia etiam publicè: ac demum & confessio & pœnitentia secreta fuerunt. Et profecto pœnitentia ipsa Ecclesiastica semper una & eadem est penitus in se, in sua virtute & efficacia & in peragenda tota pœnitentia à principio ad finem: solum variata fuit penes publicum & secretum. Sed in se etiam secretissima pœnitentia eadem penitus est, quæ erat illa maximè publica, quam nostri moderni solennem vocant. Ex dictis colligo quandoquidem seriùs introductum est forum istud privatum secretæ pœnitentiæ, ineprè & pueriliter fingi claves ordinis tradi cum dixerat Christus Joh. 20. quorum remisistis &c. non autem jurisdictionis in foro exteriori. Nam remittere & retinere peccata & ligare ac solvere eadem sunt, & claves hic traditæ eadem sunt quæ ante à Christo promissæ. Promisit autem potestatem ligandi etiam refractarium & qui non vult audire Ecclesiam. Hoc fit in foro exteriori. In interiori illo pœnitentiæ foro ligabit sacerdos tantum volentem & ultro consentientem. Patet igitur ex dictis, posse Presbyteros ligare & solvere in foro exteriori, quia possunt remittere ac retinere peccata, ut ipsi farentur, ac in foro publico, ut ipsi loquuntur, quia de publico agit Christus Mat. 18. ubi de potestate ligandi & solvendi tractatur; & secretum illud Pœnitentiæ seriùs invecum est in Ecclesiam. Proprium & adæquatum effectum dicit Spalatensis esse tantum ligare & solvere peccata, sic & Cicestriensis in Tortura Torti. At Fildus etiam ligare per leges ponit inter actus clavium. Presbyteros in Conciliis posse condere Canones, ipsi adversarii non negant. Pergamus ergo ad praxin alterius actus. In Ecclesia Corinthiaca Presbyterorum primæ erant partes in excommunicando. Potuerunt excommunicare incestuosum inconsulto Apostolo, ut supra probavimus. Possunt multò magis inconsulto Episcopo. Necdum erat constitutus Episcopus Corinthi Cap. 8. Saravia negat etiam Presbyteros fuisse tunc temporis in Ecclesia Corinthiaca. Qui quæso administrarunt sacram Cœnam statim & ordinariis temporibus, nisi Presbyteri? An intermissa est celebratio Cœnæ, donec Apostolus aut Evangelista aliquis visitaret Ecclesiam illam, quod erat fortuitum? Loquitur Apostolus de Cœna conjuncta cum Agapis ac de re ordinaria. Dicit Bilsonus, quod per sortes, per Prophetas cælesti numine concitatos, Apostoli pastores designabant, imò potius per impositionem manuum suarum, prout Spiritus ducebat, omnibus rebus ad Pastorum munus necessarius eos instruebant, quos imparatos & im-politos offenderant. Idem, quod erat plane divinum opus & Spiritu Sancto dignum, cum homines indicare Paulo in quos manus imponeret, tum eos admirandis gratiæ suæ subsidii augere ut Prophetas & Pastores ad Ecclesiæ commodum utiles & opportunos eos efficeret. Apostolum tanta Spiritus abundantia donatum neminem rebus necessariis ad Presbyteri munus instruxisse, an vero simile est? Celebris erat Ecclesia illa propter dona prophetiæ & linguarum, & tamen ne unum inventum etiam rudem & im-politum quem donis ornaret Apostolus ut ad gubernacula federet, quis credit? Epiphanius quem citat ibidem Saravia, licet conjiciat Episcopos non statim in primordiis cujusque Ecclesiæ constitutos, Presbyteris tamen, inquit, & Diaconis opus erat. Per hos enim duos Ecclesiastica compleri possunt. Sed quid immoror in refutanda tam absurda sententia? cum fateantur ipsi Hierarchici, fuisse tum Corinthi Presbyteros, Barlous in Concione habita anno 1606. Bilsonus, quanquam in posteriori Epistola Paulus de eodem homine verba faciens

Pag. 100.
edit. Hanov.
Fild. de Ec-
clesi. l. 5. c. 22.

Cap. 7. p. 139

Pag. 130.

Id. ref. 72.

faciens Præpositos ac Doctores alioqui videatur 2. Cor. 1. sufficit istiusmodi homini ista ob- De Gubernat. Cap. 9. p. 173. De Rep. Eccles. Lib. 2 Cap. 3 Num. 34. Pag. 329.

jurgatio à pluribus profecta; alibi dicit, unamquamque Ecclesiam multis Presbyteris abundasse & inter alias Corinthiacam. Spalatenfis; Ad 4. respondet Ambrosius in 1. Cor. cap. 11. nondum tunc datum fuisse Corinthiis unum Episcopum, qui supra Presbyteros illos emineret, cui ipse quoque assentior. Sed missa hac digressiuncula pergo, Quod de Presbyteris Ecclesiæ Corinthiæ, idem de Thessalonicensis Ecclesiæ Presbyteris dici potest, ut patet ex collatione Cap. 5. vers. 12. prioris Epistolæ & Cap. 3. vers. 14. posterioris Epistolæ κεκλην, propria nempe in Ecclesiasticos usque ad καθαίρειν depositionem, Presbyteris etiam competit. Monet Apostolus Presbyteros Ephesinos ut vigilant, quia exoritura erant lupi graves & qui loquerentur perversa. In quem finem vigilarent, nisi ut lupos arceant. De Regimine hunc textum interpretantur ipsi Hierarchici; sed in eo fallere cupiunt, quod Presbyterorum nomine suos Episcopos intelligant, quia επισκοπος, eisdem vocat. At unius Ecclesiæ non erant multi Episcopi, secundum ipsorum principia: & Bilsonus numerat Ecclesiam Ephesinam inter Ecclesias quæ multis Presbyteris verbo laborantibus abundabant. Illi autem quos alloquebatur eo sermone. Paulus erant Presbyteri Ecclesiæ Ephesinæ, quos ad se Miletum vocaverat Act. 20. 17. non autem unus aliquis ut volunt Episcopus. De Presbyterorum regimine externo in genere loquitur Petrus, cum prohibet dominari in cleros, id est greges seu sortes hæreditarias Domini. Tanquam si dixisset, cur dicam Ecclesiis dominari vos non oportere? Si forte quæritis, hæc certissima est ratio, quia singule Ecclesiæ sunt κληροι sortes sive hereditates Domini, quibus solum Dominum dominari æquum est, non ejus administratos. Ecclesia appellatur κληρο, i. hereditas respectu Domini, grex vero seu ovile dicitur respectu pastorum & administratorum illius. Presbyteros non subjicit Episcopis, sed jubet ipsos Presbyteros επισκοπεῖν, id est, esse Episcopos sive inspectores gregis, & pascere, verum non ὡς κατακυριεύοντας ut dominantes & potestate regiminis externi abutentes. Nam si nullum regimen externi fori habebant, id in dominationem mutare non poterant. Vel nullum erat Regimen publici fori in Ecclesiis Ponticis, & reliquis dispersionis illius, vel Presbyteri regebant in foro publico. Per Cleros intelligi greges & particulares Ecclesias, fatetur Bilsonus. In plebem, inquit, quam Petrus clerum gregemque Domini prius & posterius appellavit. Et Fildus; Hæ portiones Ecclesiæ Dei sic divisæ, & singulorum Presbyterorum curæ commendatæ appellatæ sunt Tituli, quia titulum in eas Dominus habuit, atque sibi vendicavit tantamquam sortem hereditatis suæ. Et per Presbyteros intelligi simplices Presbyteros, agnoscit Bilsonus: cum dicit; Distingue tempora & reconciliabis Scripturas. Fuit teste Hieronymo tempus quum Ecclesiæ communi Presbyterorum consilio gubernarentur. Illo tempore Paulus hanc ad Presbyteros Ephesinos orationem habuit. Illo Petrus ad Presbyteros Judæorum Epistolam scripsit. Fatetur ibi, nullos fuisse tunc Episcopos in Ecclesia Ephesina, aut inter dispersos Judæos, nisi qui Presbyteri essent iique in una Ecclesia sæpenumero multi. Denique Presbyterorum Præfecturam in regimine externo & publico indicant elogia & variæ appellationes, quibus ratione officii & præfecturæ suæ ornantur. Pastores dicuntur, ipsorumque opus & labor pascere dicitur Act. 20. 1. Pet. 5. At ποιμαίνειν significat amplius quam βόσκειν. βόσκειν, ut Theophylactus observat, curam mitiorem significat, ποιμαίνειν acriter imperii videtur habere significationem. Rectè etiam Bellarminus, quod ædus pastoralis non est tantum præbere cibum, sed etiam ducere, reducere, tueri, præesse, regere, castigare. Hinc Reges pastores dicuntur metaphorice, & regere pascere, ut Mat. 2. 6. Apoc. 2. 27 & 12. 5. & 19. 15. Agnoscit Saravia, tam apud prophanos quàm sacros scriptores quòd pascere significat regere. Dounamus concedit, per pascere significari

Cap. 14.
Not. 25.

De Gubern.
Cap. 12. pag. 270.

Casaub. Ex.
rc 16. pag. 714.
De Pontif.
l. 1. Cap 15.

Defens. c. 9
Sect. 4.
Def. l. 1.
pag. 113.

ficari regere, cum Pastoribus Civilibus id est regibus & Magistratibus tribuitur, at cum spiritualibus, tantum præbere pabulum. Sic sua autoritate minuit in Metaphora vim propriæ significationis. Nam in Metaphora tota vis propriæ significationis transfertur. Et licet non eodem modo regant civiles & spirituales Pastores, utrique tamen suo modo, ut his aut illis congruit Metaphoræ analogia Pastores Ecclesiæ non regunt more Imperatorio aut Regio, non virga ferrea, sed baculo & pædo benigni Pastoris. Non aubium est quin per pascere officium Pastoris intelligatur. Et quia hoc de Ministris metaphorice dicitur debent hos pastorales actus præstare: cibum comparare, ducere, reducere, præire voce & vita, tueri à iis cæterisque feris, præesse in rebus spiritualibus, regere non tanquam Domini, sed ut tutores, non imperio sed ut τοιοῖς gregis: castigare reprehensionibus, monitionibus, excommunicationibus & disciplina reliqua, inquit Whitakerus. Chrysostomus non semel officium Pastoris προσαιτων vocat. Pastoris est non solum fistula cætere, sed etiam pædo Ecclesiasticæ disciplinæ regere, & lupos abigere. Episcopi vendicant sibi solis pædum, & Presbyteris unicum relinquunt fistulam, & ne hanc quidem, nisi prout ipsis libitum fuerit.

Contr. 1
2. Cap. 7. l. 2.
Chrys. 2.
de Sacerdot.

De Gubern
c. 10. p. 181.

Dicuntur & προϊσμενοι & προϊσῶτες, 1. Thess. 5. 12. 1. Tim. 5. 17. Bilsonus; Cur notum aut inauditum cuiquam videatur, si Ministros verbi non κοινῶτας solum, hoc est, gnaros & sedulos ad docendum, sed καλῶς προϊσῶτας ad gubernandum inspiciendumque pervigiles esse debere contendamus, quum Apostolus utrumque in Pastoribus iis quos volumus conjungat 1. Thess. 5. Ubi quidam doctissimus hujus discipline Patronus ita scribit. Notandum est quibus titulis Pastores designet. Primo dicit eos laborare, simul Præfeturæ nomine eos ornat. Calvin. in Thess. 5. De Senioribus, quos vocant Laicos, negat Bilsonus intelligendum loqui Apostolum, de docentibus tamen Presbyteris concedit. Cum Apostolus Presbyterum Episcopum vult 1. Tim. 3. 4. 5. καλῶς προϊῆναι, bene præesse, domi suæ, alioqui non dignum censer, qui Ecclesiam Dei curet, ostendit regimen Ecclesiæ Presbyteris committendum fuisse. Vecantur & ἡγούμενοι Hebr. 13. 17. id est ductores seu rectores, Syrus, gubernatores. ἡγούμενος vox castrensium & politica est quæ idem significat quod ἡγεμόνως εἶναι: & de publica persona dicitur, quæ aut in civitate, aut in castris præest, & respondet Hebraicæ voci Nagid, id est, princeps, dux, præsul, antistes; inquit Saravia. Et Bilsonus, Paulus ad Hebræos ministros verbi τὰς ἡγούμενους appellat. Inter προϊσῶτας autem quod antestare significat, & ἡγεῖσθαι quod ducum more præire, quid vobis discriminis videtur? Audite igitur eum, cujus eruditionem non debetis, Judicium in hac parte non soletis contemnere; Idem valet τὸ προϊσῶσαι, quod ἡγεῖσθαι quia nimirum Pastores gregi præeant. Concedit Presbyteros docentes vocari; ἡγούμενους, & esse vocabulum augustius, magnæque autoritatis, concessit Saravia. De Presbyteris hunc locum

Saravia
Defens. Cap.
9. Sect. 19.
De Gubern.
Cap. 10.
p. 18.

In Tit. 1.
Defens. Cap.
25. Sect. 1.
Tract. de
Grad. Cap. 9.

interpretatur etiam Hieronymus, inter quos Ecclesiæ cura æqualiter dividebatur. Ipsum Presbyteri vocabulum honorificum semper & non nisi Principibus & Magistratibus reip. datum apud Hebræos, teste Saravia. Presbyter Græca vox est, quæ Hebraicæ Zaken respondet, & non solum ætate seniore qui propter ætatem venerandus est, significat; sed etiam eum qui in Republica dignitate & autoritate præstat: estque honoris vocabulum quo honoratiores & Magistratus in Veteri Testamento nuncupantur: & inde translatus est ut Rectores Ecclesiarum Christi in Novo Testamento significet. Idem quod Episcopi nomen tunc, id est Apostolorum ævo, erat laboris officii, Senioris erat honoris & dignitatis. Presbyteri igitur vox imposita Pastoribus, fatente Saravia, non tam ætatis ratione quam honoris, dignitatis & autoritatis: nam ea ratione tribuitur rectoribus in Veteri Testamento. Episcopi vox quidcunque significet, laborem, officium, inspectionem, regimen, Presbyteris etiam tribuitur in Novo Testamento. Et certe Episcopi nomen Censuram indicat, est enim ἐπισκοπὴ vox deducta.

Filesatius de
Episcopop.
Auth. p. 13

ab ἐπισκοπῇ, quæ non modo visitationem, sed & animadversionem designat, quodd in Sacris Literis occurrit nonnunquam, ut Ecclesiast, Cap. 18. ὡς ἐπισκοπῆς hora visitationis seu castigationis dicitur, ita apud Hesychium ἐπισκοπῇ exponitur ἐκδίκησις ultio, & Synesio ἐπισκοπῇ δεῖς Dei animadversio in malos. Quomodo usurpatur vox Episcopi in Veteri Testamento apud 73. Interpretes & scriptores prophanos, supra ostendimus. Cum Presbyteri tories in Scriptura vocentur Episcopi, regimen etiam & præfectura eodem nomine designata illis competit Quodcumque & qualecunque fuit regimen Ecclesiasticum, omne, privatum, publicum elogiis ante dictis ornatur. Patet igitur, penes Presbyteros in Ecclesia Apostolica fuisse jurisdictionis potestatem ordinariam.

Gratianus in Decreto, citans Hieronymum in Epistolam ad Titum, habet hæc verba. *Olim idem erat Presbyter, qui & Episcopus. Et antequam Diaboli instinctu studia in religione ferent, & diceretur in populis, ego Apollo, ego autem Cephæ, communi Presbyterorum consilio Ecclesiæ gubernabantur. Postquam vero unusquisque eos, quos baptizaverat, suos putabat esse, non Christi, toto orbe decretum est, ut unus de Presbyteris electus superponeretur cæteris, ad quem omnis Ecclesiæ cura pertineret, & schismatum semina tollerentur. Et pauld post. Sicut ergo Presbyteri sciunt se ex Ecclesiæ consuetudine ei, qui sibi præpositus fuerit, esse subiectos, ita Episcopi noverint se magis consuetudine, quam dispensationis Dominicæ veritate, Presbyteris esse majores, & in commune debere Ecclesiam regere. Similia habet Hieronymus in Epistola ad Eua-* Disf. 95.
Cap. Olim.

grium, quæ supra citata videat Lector. Tria distinguit tempora Hieronymus. *Primum, quo Ecclesiæ communi Presbyterorum consilio gubernabantur. Secundum, quo studia in religione facta sunt, ac dictum est in populis, ac non Corinthi solum &c. Nam quum primum illa Corinthi dicerentur, adhuc communi Presbyterorum consilio Ecclesiæ gubernabantur, ut patet ex 1. Cor. 5. & 2. Cor. 1. Tertium demum, quo unus de Presbyteris electus cæteris fuit superpositus. Atque hæc singula tempora suam, ut cum vulgo loquar, latitudinem habuerunt. Quod ad tempus primum, tria dicit Dounamus; primò Hieronymi sententiam falsam esse respectu Hierosolymitanæ Ecclesiæ, & probat ex ipso Hieronymo, qui dicit in Catalogo Scriptorum, Jacobum statim post passionem Domini ab Apostolis Hierosolymorum Episcopum fuisse ordinatum. At Catalogus ille Scriptorum non est Hieronymi, iudice ipso Bellarmino, & ut supra observavimus, sed recentioris cujusdam: De testimonio ipso & Jacobi Episcopatu, vide quæ suprà à nobis allata sunt: Jam de Hieronymi mente & testimonio agimus. Dicit secundò, Presbyteros ad tempus gubernasse Ecclesias, modo privato iis in commune attendendo, easque regendo quasi in foro conscientiæ, & pascendo sacramentis & verbi divini pabulo. At regimen istud neuti-* Junius de
Cleris Cap.
15. Nota
16.

quam fuit mutatum, nam potestatem hanc regendi in foro interno in hunc usque diem retinent. Hieronymus loquitur de ea regiminis forma quod postea mutatum est, id est de jurisdictione exteriore fori. Dicit tertio, Presbyteros ad tempus gubernasse Ecclesias communi consilio, sed quasi sub Apostolis, qui sibi reservarunt Episcopalem potestatem ordinationis, nempe & jurisdictionis externæ & publicæ. Nomen Episcopi cum Presbytero confusum fuisse, officia Episcopi & Presbyteri non fuisse confusa, sed officium & autoritatem Episcopi adhuc in Apostolis fuisse, Presbyteris sub Apostolis tunc talibus existentibus, quales postea fuerunt sub Episcopis. Item Presbyteros nunquam habuisse potestatem ordinationis & jurisdictionis publicæ. Sub Episcopis tantum consiliarios, non iudices, fuisse passim dicit, nec adstrictos ipsorum consilio Episcopos. Sententiam suam sic illustrat. Ponatur, inquit, rempublicam Judæorum provinciam sub Imperatore Romano gubernatam fuisse per Synedrion ad tempus, aut communi consilio Seniorum, do-

Def. Cap.
23. Sect. 7.
De Gub. pag.
14. 172. 173.
Parænes.
Cap. 9.

nec præficeret ipsis Imperator Regem, sicut præfecit Herodem; potest dici rempublicam illam gubernatam fuisse ad tempus communi Senorum consilio, sed quasi sub Imperatore, qui in sua potestate retinuit auctoritatem regalem. Hinc colligi non potest, officia Senatorum & Regis fuisse confusa. Nam summa auctoritas fuit in Imperatore, & Senatores tales erant sub Rege, quales prius sub Imperatore. Presbyteri Hieronymiani, inquit Saravia, omnia officia præstabant in Christi Ecclesia, quæ Episcopi, sola jurisdictionis potestate & ordinatione excepta. Bilsonus similia passim habet. Tilenus; Quod vero ex eodem Hieronymo objicitur, nullos fuisse Apostolorum tempore qui jure suo Ecclesiarum Presbyterius præessent, sed unamquamque communi Presbyterorum consilio gubernari consuevisse, id nos quidem haud gravatè concedimus, de illis scilicet temporibus, quibus superstities Apostoli, nullis dum constitutis vicariis aut successoribus, Ecclesias ipsi subinde invisebant, tanquam generales & Catholici omnium & singularum Episcopi. Respondeo primò, si Presbyterorum consilio usi sunt Apostoli in externo regimine, non regebant tantum modo privato & quasi in foro conscientiæ. Nam si tales erant Presbyteri sub Apostolis quales Seniores Synedrii sub Imperatore nondum constituto rege, non gubernabant solùm quasi in foro conscientiæ, sed etiam in foro publico, licet superiores essent Apostoli. Et contra si excipias ordinationem & publicam jurisdictionem, quid restabit nisi singularis illa & privata cujusque pastoris cura & inspectio? & qualenam, quæso, regimen fingendum, quo Presbyteri quasi sub Apostolis communi consilio Ecclesias gubernabant? Hieronymus dicit, id regimen fuisse Presbyterorum absque Episcopo, cujus cura & sollicitudo postea delata est Episcopo. At regiminis externi & fori publici, ordinationis & jurisdictionis publicæ, post delata est sollicitudo & cura Episcopo. Ergo ante præpositum Episcopum sentit Hieronymus Presbyteros per se communi consilio gubernasse Ecclesiam, & ratione ordinationis & jurisdictionis publicæ. Non distinguit Hieronymus, sed universum regimen Ecclesiasticum complectitur suis verbis cum dicit, Ecclesie communi Presbyterorum consilio gubernabatur: ac si dixisset, omne regimen Ecclesiæ in initio erat penes Presbyteros. De regimine publico loqui, patet etiam ex locis Scripturæ Act. 20. Hebr. 13. ex quibus ostendit ibidem apud veteres eosdem fuisse Presbyteros & Episcopos. Bellarminus, licet de ordinatione neget, de jurisdictione tamen fatetur Hieronymum ita sensisse. Videtur B. Hieronymus in eo sententia fuisse, ut existimaret Episcopos, si de jurisdictione agatur, esse quidem Presbyteris majores, sed jure Ecclesiastico, non divino, quæ sententia falsa est. Veram esse sententiam Hieronymi ante probavimus, nunc agitur tantum de sensu verborum Hieronymi. De jurisdictione fatetur, ordinationem alibi excipit, quia Hieronymus in Epistola ad Euagrium sic ait; Quid facit excepta ordinatione Episcopus quod non facit Presbyter? At de sua ætate, ut supra diximus, loquitur Hieronymus. Propius igitur accedunt alii. Joan. Antoni Delphinus Lib. 2. de Ecclesia docet ex Hieronymi sententia, initio nascentis Ecclesiæ omnes Presbyteros fuisse Episcopos. Non quod idem sit Episcopatus & Presbyteratus, sed quod utraque dignitas omnibus sacerdotibus primo illo tempore daretur. Deinde autem ad schismata evitanda cæpisse aliquos solum Presbyteros ordinare, & hoc modo ex Ecclesiæ consuetudine factum esse, ut Episcopi majores Presbyteris essent. Dicunt aliqui, inquit Durandus, quod tunc omnibus qui præferebantur plebibus conferebatur utraque potestas, ut plebes in promptu haberent principem Ecclesiasticum, qui posset omnia sacramenta ministrare, & ministros instituere. Saniores isti Hierarchicis Anglicanis. At hæc solutio non plene satisfacit Bellarmino, Si enim Hieronymus tueri conatur Presbyterorum dignitatem, qualis erat suo tempore adversus insolentiam Diaconorum, ut patet ex Epistola ad Euagrium. Inde autem demonstrare nititur dignitatem Presbyterorum esse maximam, quod eadem sit cum

Episco-

Episcopali. Nihil autem ad hoc probandum afferret, si solum doceret primos Presbyteros ideo fuisse Episcopis pares, quod haberent etiam Episcopalem potestatem, nec essent simplices Presbyteri. Deinde, si ideo primi Presbyteri fuissent pares Episcopis, quod essent etiam ipsi veri Episcopi, distinctio, quæ ex Hieronymi sententia postea exorta est, inde accidisset quod aliqui simplicem Presbyteratum in ordinatione postea accipissent. At S. Hieronymus contrarium significat, docet enim Episcopatum esse novum, & ex Ecclesiæ consuetudine, non simplicem Presbyteratum: sic enim ipse ait, communi Presbyterorum consilio Ecclesiæ gubernabantur. Postquam vero unusquisque erat &c. Genuinus igitur sensus verborum Hieronymi est, Presbyteratum fuisse Episcopatum, unum idemque officium, & non duo diversa officia in uno subiecto compatibilia; & Presbyteros eadem potuisse facere vi sui ordinis & clavium sibi traditarum, quæ postea sunt reservata Episcopo. Magis autem mirandum, inquit Durandus, quod Hieronymus per verba sua, quæ ponit in fine illius capituli Olim; videtur equare Presbyteros Episcopis, non solum quoad consecrationem, sed etiam quantum ad regimen Ecclesiæ, quod pertinet ad potestatem jurisdictionis. Multa possum hinc accumulare testimonia interpretantur Hieronymi sententiam de uno eodemque officio, sed brevitati studeo. Non pudet Hierarchicos nostros dicere, Hieronymum intelligendum respectu nominum differere Episcopum & Presbyterum eundem esse, quorum novus & imbellis hyperaspistes Tilenus noster non minori vel ignorantia vel impudentia sic scribit. Qui animadvertunt parum presidii repositum esse in promiscuo vocabulorum Episcopi & Presbyteri usu, quem in Scriptura cernimus, ubi Apostoli quoque Diaconi nomina quandoque ponuntur adiunctis: in qua tamen nominum communione nemo ministeriorum equalitatem aut graduum confusionem rursus est; ii Hieronymi patrociniū advocant. Ait ille in Epist. ad Tit. Episcopos magis consuetudine quam Dominicæ dispositionis veritate Presbyteris esse majores. Sed quid si indidem, id est ex eadem nominum communione, etiam Hieronymo errandi occasio fuerit objecta? Non errasse Hieronymum, pluribus testimoniis probando eundem fuisse & re & nomine Episcopum supra docuimus: jam sat est quod aperte non negat, Hieronymum sensisse, eundem fuisse Episcopum & Presbyterum, quandoquidem jam de sententia Hieronymi agitur. S. Hieronymi verba aliqui pie interpretari conantur, ut S. Thomas qui in De Cler. 2. 2. q. 184. Art. 6. scribit, Hieronymum loqui solum de nominibus Episcopi & Presbyteri, non de ipsare. At certe verba illa citata, Communi presbyterorum consilio Ecclesiæ gubernabantur, & illa, Magis consuetudine quam dispositionis dominicæ veritate Presbyteris esse majores, &c. aliud significant quam solam communitatem vocabulorum; inquit Bellarminus. Hieronymus conatur tueri Presbyterorum dignitatem adversus insolentiam Diaconorum in Epistola ad Euagriū. Pueriliter & inepte disputasset Hieronymus, si solum argumentum à communione nominum duxisset, & non officii; Potuerunt enim Diaconi regere, quod in Scriptura Apostoli quoque & Diaconi nomina ponuntur adiunctis, ut supra dixit Tilenus. Dicit unum reliquis præpositum in schismatis remedium, & in celsiori gradu collocatum, & Episcopum nominatum. Si post excogitata erat simul cum nominum distinctione graduum distinctio, sequitur prius cum communione nominum fuisse etiam graduum communionem, id est, unum eundemque fuisse munere & officio Episcopum & Presbyterum. Si sola distinctio nominum non fuit excogitata in remedium schismatis, sed etiam graduum, sola communio nominum non erat causa schismatum. Quæ Episcopis in remedium schismatis delata sunt, ostendunt ante remedium communia fuisse Presbyteris. Dicuntur majores Presbyteris, præpositi Presbyteris; ante remedium ergo non erant majores, nec præpositi. Præterea dicit Hieronymus, non modo Presbyteros ante schismata, & schismatum remedia, communi consilio gubernasse Ecclesias absque Episcopo, sed etiam adhuc debere

*Junius de
Clericis
c. 15. Not.
16.*

*De Pontific.
Lib. 1. Cap.
8. Not. 24.*

*Junius de
Clericis c.*

15. Not. 17.

*Whitak de
Pontific.*

1. Cap. 3.

Secl. 29.

Ecclesiam regere, licet Ecclesiæ consuetudine Presbyteris majores sint. Secundum tempus, de quo Hieronymus, est tempus Schismatum; Cum diceretur in populis, ego sum Pauli, &c. At hoc accidisse suo tempore testatur Paulus 1 Cor. 1. dicunt Hierarchici, & ab eo tempore sensisse Hieronymum natum esse Episcoporum principatum. Hieronymus non tam Corinthiacam Ecclesiam, quam alias complures respexit, & ideo non dixit Corinthi, sed in populis, & postquam unusquisque quos baptizaverat &c. Malum non Corinthi solum, sed Ecclesiarum malum in populis natum, atque prædicatum gloriose narrans, antequam ad illud consilium in toto orbe veniretur. Negat ipse Paulus, qui malum quidem Corinthiæ Ecclesiæ reprehendit, sed de Episcopo superponendo nullum verbum in ea Epistola, nullum in secunda facit. Quod Paulus dicit, id de Ecclesia dicit Corinthiorum solum; at longe aliter Hieronymus, cum diceretur in populis, inquit. Item, in toto orbe decretum est. Diversa igitur est temporum ratio: licet ad malum singulare, quod in Corinthiis reprehendit Paulus, Hieronymus de malo ubique diffuso dicens alluserit. Istud tempus, quo conjicit Hieronymus schismata viguisse, suam habuit latitudinem. Non uno eodemque anno dictum in populis, ego sum Pauli &c. Grassabatur hoc malum per populos, & non in una aliqua particulari Ecclesia, priusquam in toto orbe decretum ut unus superponeretur. Nimis enim iniquum fuisset propter schismata unius Ecclesiæ in omnibus aliis mutasse ordinem divinitus institutum. Tertia periodus temporis sequitur, cum præpositus erat Episcopus. Non enim dicit Hieronymus, cæpisse ab eo tempus, quo dictum in populis, sed post illud tempus. Postquam verò unusquisque quos baptizaverat suos esse, non Christi, putabat, in toto orbe decretum est ut unus de Presbyteris electus cæteris superponeretur. Num hoc ab Apostolis factum decretum est? Hieronymus ipse respondeat: Sicut Presbyteri, inquit, sciunt se ex Ecclesiæ consuetudine Episcopo sibi præposito esse subiectos. Ex Ecclesiæ consuetudine, ait Hieronymus, non Apostolorum decreto. Tum subnectit, ita Episcopi noverint se Presbyteris majores consuetudine magis quam Dominicæ dispositionis veritate. At si illum ordinem mutassent Apostoli & Presbyteris Episcopos præfecissent, & communi Presbyterorum consilio Ecclesias regi vetuissent, ea sane Dominica dispositio fuisset, utpote à Christi Apostolis profecta, nisi forte quæ Apostoli decreverunt, ea consuetudini, non dispositioni Dominicæ ascribenda sunt. Sed vivis Apostolis nihil est in illo ordine mutatum. Nam illa ad Corinthios scripta Epistola est, cum Paulus in Macedonia ageret: at post hoc tempus in Creta Titum reliquit, ut Presbyteros oppidatum constitueret. Si mutandum ordinem Apostolis putasset, non præcepisset constitui in singulis oppidis Presbyteros: nec Hieronymus ex Paulo, ex Petro, ex Actis, ex Johanne, testimonia attulisset, quibus Presbyterum eundem esse cum Episcopo demonstraret. Paulus Epistolas suas ad Philippenses, ad Timotheum, ad Titum, & Petrus suas, & Johannes suas, post scripserunt quam illud Corinthi natum schisma est: & Lucas etiam Presbyteros Ephesinos post illud schisma à Paulo Miletum accersitos esse scribit. Cum Hieronymus h's potissimum locis Philip. 1. 1. 1 Tim. 3. 2. Tit. 1. 5. 7. 1. Pet. 5. 1 Act. 20. 17. contendat Presbyterum parem esse Episcopo per omnia, non potuit tam esse immemor sui ut putaret ab Apostolis eam rationem mutatam esse. Sic alibi, cum Scripturæ testimonia adduxisset quibus Episcopum & Presbyterum non differre evinceret, subjecit, postea unum electum qui cæteris præponeretur. Si postea electus unus est, qui Presbyteris suæ erior esset, non ergo Apostoli, sed Ecclesiastica quædam consuetudo aut constitutio differentiam illam introduxit. Imo in fine Epistolæ indicat, hanc esse traditionem Apostolicam, ut iidem sint. Non ergo Apostoli contrarium decreverunt. Sed ipsa verba, toto orbe decretum, non innuunt decretum alicujus Concilii, sive Apostolorum, sive post Apostolorum tempora. Nullum tale Concilium viventibus Apostolis legimus celebratum vel in Scripturis vel extra Scripturas: & post Apostolorum tempora nullum, quod.

quod totius orbis Concilium dici potest, ante Concilium Nicænum. Nec eadem sunt, *decretum toto orbe*, & *decretum Concilio totius orbis*. Nam decretum Concilii totius orbis non recte dicitur decretum toto orbe. Sensus igitur verborum est, quum diceretur in populis, toto orbe, id est in populis decretum est, hoc est in particularibus Ecclesiis, aut Conciliis provincialibus. *Toto orbe* distributive, id est totius orbis partibus, non repræsentative in Concilio œcumenico totius orbis. Qui enim non videt hæc verba, *toto orbe decretum*, idem sonare, ac *decretum per totum orbem*, quod distributive est capiendum? Præterea decretum Concilii generalis & repræsentativi totius orbis fit simul & semel, at Hieronymus ait, *Paulatim ad unum omnem sollicitudinem esse delatam*, & *ex consuetudine Ecclesiæ* præpositum Episcopum Presbyteris: quæ verba non congruunt decreto Concilii Generalis, sed decretis particularium Ecclesiarum, aut partium orbis, Ecclesiis aliis aliarum exempla sequutis, & idem, quod aliarum, decernentibus. Unde infert Hieronymus, Episcopos Presbyteris majores esse consuetudine Ecclesiæ magis quam Dominicæ dispositionis veritate, id est magis consuetudine quæ irrepsit in Ecclesiam, quam autoritate Scripturarum, aut Domini per se aut per Apostolos institutione. Nam ante dixerat Hieronymus, *putat aliquis nostram esse, non Scripturarum sententiam, Episcopum & Presbyterum unum esse*. Deinde adducit testimonia Scripturæ; tandem infert magis consuetudine Ecclesiæ quam dispositionis Dominicæ veritate, id est quàm, ut supra dixit, *Scripturarum sententia*. Nec dicit Scripturarum sententia Episcopum & Presbyterum unum fuisse, utpote in primordiis, sed unum esse, ac si dixisset Scripturarum sententia semper unum fuisse. Qui igitur fingunt, Hieronymum per consuetudinem Ecclesiæ intellexisse institutum Apostolorum, & dispositionem Dominicam ipsius Christi institutionem; præterquam quod ineptè loquutum fingunt Hieronymum vocando institutum Apostolorum consuetudinem Ecclesiæ, assingunt ipsi etiam multa absurda. Nam mutatis mutandis secundum istorum interpretationem sic capienda Hieronymi verba; *Ut ergo Presbyteri sciant se Apostolorum decreto Episcopo sibi præposito subjectos esse*; ita Episcopi noverint se Apostolorum decreto magis quam Dominicæ dispositionis veritate Presbyteris esse majores, & in communi debere Ecclesiam regere. Ac si sub Apostolis schismata nata essent, & ipsi Apostoli vitandi schismatis causa mutassent Dominicam dispositionem. *Quod Tractat. de perabsurdum mihi videtur dicere*, inquit Saravia. Dominus noster qui est Dei sapientia, Grad. Cap. longe melius norat, quid utile & necessarium esset præcavendis schismatibus quàm Apostoli. 23.

Quorum ut non fuit plus sapere in hac re velle videri, ita non fuit ipsorum ob unius Ecclesiæ peccatum mutare Domini institutionem. Item; Institutionem Dominicam Paulum mutasse, & ut id voluisset, potuisse, non est probabile. Ceteri Apostoli, qui erant per varias nationes dispersi, ignorabant quid ageretur Corinthi, ut decreto Pauli addidisse credantur suum calculum. Sed ut demus Schisma illud Corinthiacum ad eorum pervenisse notitiam, & ex diversa & maxime remotis orbis partibus miraculo aliquo simul convenisse, cui probabitur, vitandi schismatis causa in mutationem Dominicæ institutionis consensisse? Et alibi, Absit ut tam leves Apostolos fuisse censeamus, ut divinitus institutam regiminis formam mutaverint, aut aliam ipsi observaverint, aliam observandam tradiderint. Def. Cap. 13. Sect. 14.

Rectè elicit absurda ista ex interpretatione illa; sed quod putat eam fuisse Hieronymi mentem, fallitur. Apostoli, ut supra ostendimus, nec sustulerunt nec tollere potuerunt potestatem Ordinis Presbyteralis, sic nec jurisdictionis quæ manat ab ordine & exercetur etiam in publico foro. Maneat igitur recta interpretatio verborum Hieronymi, nempe dispositionis Dominicæ veritate, id est Scripturarum De Gubern. Cap. 12. autoritate Episcopi non sunt majores Presbyteris. Veritas enim, inquit Bilsonus, apud antiquos patres pro veritate scripta non raro accipitur. Vide Tertullianum de Corona p. 284.

Par. enes.
cap. 9.

De Repub. li.
2. Cap. 5.
Num. 46.

Syntag. Par.
1. Disput.
20.

militis, Cyprian. contra Stephan. Concil. Carthag. de Baptizand. Hæretic. Veritatem istam supra Hieronymus vocavit sententiam Scripturarum. Aliam igitur excogitant interpretationem, sed à mente Hieronymi satis alienam, quam Tilenus sic exprimit. Ille vero non erravit, nempe Hieronymus, si hoc tantum sibi voluit, nempe quod quæ ex Dominicæ dispositionis veritate utrisque communia erant nomina, ex Ecclesiastica demum consuetudine fuerunt distincta. Sciendum vero ea tempestate, quæ id scripsit Hieronymus, Presbytero neque concionari neque baptizare aut cœnam Domini administrare licuisse, præsentem Episcopo sine ipsius vena & permissu, ut testatur Tertullian. de Baptismo, atque ipse Hieronymus adversus Lucifer. & Possidon. in Vita Augustini, qui mos sola Ecclesiæ consuetudine, nullo Christi mandato, nitebatur. Non voluisse tantum nomina communia dispositionis Dominicæ veritate, postea Ecclesiæ consuetudine fuisse distincta, ex verborum scopo & contextu evicimus. Et quod ad subjectionem illam temporis decursu introductam, verum est non esse secundum Dominicæ dispositionis veritatem; sed omnem omnino subjectionem Presbyterorum consuetudini Ecclesiæ tribuit, & paritatem Dominicæ dispositioni, ut patet ex argumentis quibus probat ex Scripturarum sententia Episcopum & Presbyterum unum eundemque esse, & nondum ullo modo vel in re minima Episcopum præpositum fuisse Presbytero. Tandem quia videat nulla interpretatione depravata posse extorqueri alium sensum, dicunt Hieronymum non sibi constare & alibi contradicere, ut cum Jacobum dicit constitutum Episcopum Hierosolymorum ab Apostolis, & Marcum Alexandriæ in Catalogo, item traditionem esse Apostolicam ut Episcopi præponantur Presbyteris. De Jacobo, Marco, & traditione Apostolica supra egimus, & Bellarminum negare catalogum illum esse Hieronymi. Rectè Hieronymus in Cap. 23. Matth. Quod de Scripturis auctoritatem non habet, eadem facilitate contemnitur, quæ probatur. Et in Cap. 1. Aggæi; quæ absque auctoritate & testimoniis Scripturarum, quasi traditione Apostolica, sponte reperiunt atque confingunt, percutit gladius Dei. Concludo verbis Spalatensis. Sunt qui Hieronymum in re etiam sententiam vel invitum velint trahere. Ille tamen dum consuetudini soli Ecclesiasticæ, Ecclesiæque humano decreto tribuit, id quod ab Apostolis jure Divino (falsum) est factitatum, aliquantulum certe deflexit, & exorbitavit: neque in hoc aut excusari satis potest, aut in alium contrarium sensum trahi: verba illius neque aliam sententiam, neque defensionem, neque excusationem admittentia sunt hæc in Epist. ad Titum. In toto orbe decretum &c. Et ipsius Tileni; Quod ex horum Pastorum seu Presbyterorum collegio unus reliquis est præpositus, & Episcopi cognomento ornatus singulariter, ab humano ortum instituto, non à Divino præcepto, existamus, non solum cum Hieronymo, verum etiam cum Lombardo, Gratiano, Card. Cusano, & aliis, Hieronym. in c. 1. Tit. & ad Euagr. Lombard. l. 4. Dist. 24. Grat. Dist. 93. c. Legimus & Dist. 95. c. Olim &c. seq. Cusanus de Concord. Catholica c. 13. Et in Speculo Antichristi ortum & incrementa aperiens citat Hieron. in c. 1. ad Tit. Aphor. 87. Et Aphor. 88. ait; Episcopos & Presbyteros re & munere eosdem fuisse, non Hieronymus solum in 1 Tim. 3. sed etiam Scriptura perspicue docet Tit. 1. Act. 20. Phil. 1. ac promde humani instituti sive positivi ut vocant juris est illa sub diversis nominibus munerum distinctio. Atque hæc de sententia Hieronymi.

Quod ad rem ipsam attinet, cum dicunt in ipsis primordiis non fuisse Episcopos, nec opus fuisse, quia Apostoli ipsi invisebant Ecclesias; sed post institutos ab Apostolis, & migrantes Apostolos reliquisse substitutos, obeunt designasse successores, utraque parte falsissimum est. Nam Apostolorum generalis cura & inspectio non fuit necessitatem ordinationis & jurisdictionis exercendæ in quaque Ecclesia particulari. Quasi verò Presbyteri dispersionis nullam exercere poterant

Jurif.

jurisdictionem, priusquam Petrus Babylone literas aut legatum misisset, aut ipse advenisset. Corinthios reprehendit Apostolus, quod tam segnes fuissent in ejicendo incestuoso, & agnoscit eos potestatem habere judicandi de iis qui intus sunt. Non opus est repetere, quæ supra attulimus argumenta, quibus probavimus penes Presbyteros fuisse potestatem ordinationis & jurisdictionis. Nec minus falsum est, absentes vicarios, decedentes verò aut vita defunctos successores, designasse; neque ulla exempla proferunt, nisi Timothei Titi & similium, qui non pastores ordinarii seu Episcopi fuerunt, sed Evangelistæ, de quibus apud Bilsenum sic Chrysost. *Serm. 11. in Ephes. 4. Pastores & Doctores eos vocat, quorum fidei totus populus erat creditus; & inferiores iis erant, qui Evangelizantes omnes obibant regiones, quia erant in uno loco occupati.* Præterea in Ecclesiis constituendis constituerunt Presbyteros, non Episcopos, & constitutas abeuntes commendarunt Presbyteris, ut Paulus *Act. 20.* cum jam putaret se non amplius visurum faciem ipsorum, & in confinio mortis positum, ut patet ex Epistola ad Philippenses. Presbyteri in constituendis primi instituti ab Apostolis, & in constitutis postremi relictæ sunt; & proinde instituto divino genuini Apostolorum successores, non autem Episcopi qui Ecclesiæ consuetudine & instituto humano Presbyteris præpositi sunt. Sit certa Hieronymi conjectura, tum non dubitamus asserere, non fuisse consilium Spiritus Sancti ad tollenda schismata, sed Satanæ ad jacienda Antichristianismi fundamenta, & schismatum materiam. Antidotum versum fuisse in venenum, & remedium ipso morbo nocentius probavit eventus.

Non est existimandum, statim post Apostolorum decessum introductum fuisse hunc de quo differimus Episcopatum. Aristocratia non est statim mutata in Monarchiam. Primi, qui post Apostolorum tempora Episcopi, erant solummodo Præsides perpetui in Presbyteriis, non Principes. At, inquit Bilsenus; *Hæc De Gubern. germana quidem est descriptio Majoris & Senatorum civitatis, aut Præsidi & Decurio- Eccles. cap. 12. pag. 286.* num oppiduli cujusdam apud nos: Episcopi verò qualem habuit aut habere debuit Christi Ecclesia minime. Et Dounamus; *Sub veterum Episcoporum nomine describunt nobis De- Def. Lib. 3. pag. 9.* canos, qui Archipresbyteri quandoque dicti sunt, quandoque *πρωτοπρεσβύτεροι*. Calvinus dicit. *Neque tamen sic honore & dignitate superior erat Episcopus, ut dominum in collegas haberet: sed quas partes habet Consul in Senatu, ut referat de negotiis, sententias roget, consulendo, monendo, hortando aliis præeat, authoritate sua totam actionem regat, & quod decretum fuerit communi consilio id exequatur, id muneris sustinebat Episcopus in Presbyterorum cætu.* Sed ista repudiant. Non est Episcopus iste, sed Decanus. Quid ergo Episcopos veteres in Presbyteriis nolunt fuisse ut Consules in Senatu, sed ut Reges inter consiliarios, quorum consilio non ex necessitate sed libera voluntate usi sunt. Vide quæ supra citavimus. Si nulli sunt Episcopi nisi tales, primi illi Episcopi erant nomine tenus tantum Episcopi, revera tantum perpetui Præsides & *πρωτοπρεσβύτεροι*. Nonne Author Commentariorum, qui circumferuntur nomine Ambrosii, dicit? Episcopatum nihil aliud fuisse, quam primum Presbyterum. Quid significat, quæso, *primus Presbyter* aliud quàm *πρωτοπρεσβύτερος*. Primi Presbyteri appellabantur Episcopi, ut recedente eo sequens ei succederet, inquit Author ille: Et Hic enim est Episcopus, qui inter Presbyteros primus est. Et idem Author in Quæstionibus Veteris & Novi Testamenti, (nam eundem fuisse Authorem supra ex Bellarmino & aliis ostendimus.) Quid est Episcopus, inquit, nisi primus presbyter, hoc est summus sacerdos. Paulò infra. Et turpe est judicem dicere primicerium. Nam in Alexandria, & per totam Egyptum, si desit Episcopus, consecrat Presbyter. Sic scripsit Author ille Ambrosii coætaneus, vel potius, ut volunt alii, paulò vetustior. Ex altera parte de Presbyteris Pseudo-Ignatius in Epistola ad Trallianos dicit, quod

Cap. 12.
pag. 260.

Def. Lib. 3.
pag. 9.
Instit. l. 4.
Cap. 4. Sect. 2.

Ad Ephes.
Cap. 4.
1. Tim. 3.
Quæst. 101.

Ignatius

- quod sunt ὡς συνέδριον τῆς δεξιᾶς, καὶ συνέδριον ὡς Ἀποστόλων χειρὶς tanquam senatus Dei, & colligatio (vel coetus) Apostolorum Christi. Item; Quid vero Presbyterium, quàm sacer coetus, σύστημα, consilium συνέδριον, & assessores Episcopi συνεδριῶται. Et in Epistola ad Ephesios tale desiderat Presbyterium Episcopo adunatum quomodo chordas in cithara colligatas cernimus. Irenæo Presbyteri dicuntur, Principes. In Epistola. quæ de 7. Ecclesiæ Ordinibus inscribitur, & erat inter opera Hieronymi, dicuntur Presbyteri iudices. Inde ab initio negotiorum iudices esse mandati sunt Presbyteri, & interesse Sacerdotum Conciliis, quoniam & ipsi Presbyteri ut legimus Episcopi nominantur, secundum quod scriptum est ad Titum &c. Augustino Patroni & Rectores terræ. Origeni Libro Tertio adversus Celsum Ecclesiæ βασιλεῖς, Sedebat Episcopus in throno, sedebat etiam & Presbyter, dixit Aërius, & non negavit Epiphanius. Nazianzenus narrat, quomodo providentia Divina Basilium τοῖς ἱερεῖς τῆς πρεσβυτερίας θρόνους sacris presbyterii sedibus admoveri, dicit à Lectorum munere ad Presbyterorum, exeunde ad Episcopi thronum pervenisse. Presbyteri, inquit Bilonius, Carthaginensis Ecclesiæ à Clericorum erant ordine, qui unà cum Episcopo sedebant, & commune consilium de Ecclesiæ negotiis capiebant. Adducit Cyprianum; Numidicus presbyter ascribatur presbyterorum Carthaginensium numero, & nobiscum sedeat in Clero. Irenæus invehitur in Presbyteros principalis confessionis tumore elatos. Chrysostomus sollicite præsidere inter Presbyterorum Cap. 25. in quinque talenta numerat; & parum interesse inter Presbyterum & Episcopum idem dicit, καὶ γὰρ αὐτοὶ διδασκαλῶν ἐστὶν ἀναδιδρυμένοι καὶ πρεσβυτέρων τῆς ἐκκλησίας. Etenim & illi docendi munus susceperunt & præsidendi Ecclesiæ, & quæ de Episcopis dixit eadem & de Presbyteris convenit dici. Origenes, dicens, & si videor tibi manus dextra esse, & Presbyter nominor, innuit Presbyteros pro manu Ecclesiæ dextra habitos fuisse, interprete ipso Bilonio. Censuræ non erant penes unicum Episcopum. Cogimur ad literarum Divinarum commemorationem, inquit Tertullianus, ubi fidem sanctis vocibus pascimus, spem erigimus, fiduciam figimus, disciplinam præceptorum nihilominus inculcationibus densamus. Ibidem etiam exhortationes, castigationes, & censura Divina. Nam & iudicatur magno cum pondere, ut apud certos de Dei conspectu; summumque futuri iudicii præiudicium est, si quis ita deliquerit, ut à communicatione orationis, & conventus, & omnis sancti commercii, relegetur. Præsentem probati quique. Seniores honorem istum non pretio sed testimonio adepti. Esto, nihil juvet Seniores quos vocant Laicos locus iste, Seniores docentes tamen docet præfuisse in castigationibus & censuris Divinis, in Excommunicatione etiam majori, ut vocant. Particularem Ecclesiam describit & tamen plures Seniores seu Presbyteros præfuisse dicit. Irenæus; Presbyteris iis in Ecclesia obedire oportet, qui successionem ab Apostolis habent, & unà cum ordine Presbyterii sanam doctrinam præbent ad informationem & correctionem aliorum. Tales Presbyteros nutrit Ecclesia. De Presbyteris Pastoribus intelligendum locum, fatetur Bilonius; de correctione judiciali intelligendum ostendit contextus loci, ubi damnantur Presbyteri iniusti, qui damnant innocentes, & laudantur probi. Hieronymus; Apud Deum non sententia Sacerdotum, sed reorum vita quæritur; quomodo erga ibi, id est in Lege, Leprosus Sacerdos mundum vel immundum facit, sic & hic alligat vel solvit Episcopus & Presbyter. Idem; Mihi ante Presbyterum sedere non licet; illi, si peccavero, licet me tradere Satanæ ad interitum carnis, ut salvus sit spiritus. Siricius Episcopus Romæ Epistola ad Ambrosium narrat, Jovinianum, Auxentium &c. Presbyterii sui examine & totius Cleri consensu hæreseos damnatos fuisse. Accusatus Chrysostomus ὅτι ἀνεὺ Chryf. iur. συνείδεις καὶ παρὰ γνώμην τῆς κλήρης ποιεῖ τὰς χειροτονίας. Gregorius; Si quid de quocunque Clerico ad aures tuas provenerit quod te iuste posset offendere facile non credas, nec ad vindi-

vindictam te res accendat incognita, sed presentibus Senioribus Ecclesie tue diligenter est Lib. 11.
 veritas perscrutanda, & tunc si qualitas rei poposcerit, canonica distinctio culpam feriat Epist. 49.
 delinquentis. Alibi Presbyterium damnat negligentiam, quod in Hilarium quendam
 non animadvertitur. ~~Non illud ad vinctum~~ ~~castam creditis esse idoneum, quod~~
 vobis quasi judicare volentibus frater & Coepiscopus noster ~~cap. 11. f. e~~ dicitur distulisse.
 Nam si zelus in vobis reformationis viguisset, facilius uni à multis rationum
 quam multi ab uno poterant differri. In Concilio Carthagenensi Quarto decretum. Can. 28.
 Ut Episcopus sine consilio clericorum suorum clericos non ordinet, ita ut civium assensum
 & conventum & testimonium querat. Ut Episcopus nullius causam audiat absque præ- Can. 23.
 sentia clericorum suorum, alioquin irrita erit sententia Episcopi, nisi clericorum præsen-
 tia confirmetur. Canones hujus Concilii Baronius vocat Ecclesiasticæ promptua-
 rium disciplinæ, ab antiquioribus usu receptæ, & ad pristinam consuetudinem re-
 vocatæ. Cyprianus; Presbyteris & Diaconis non desuit Sacerdotii vigor, ut quidam Epist. 5.
 minus disciplinæ memores, & temeraria festinatione præcibites, qui cum labis communi-
 care jam caperant, comprimerentur Clemens, ut in fratrum controversiis, non apud Ep. 1 ad
 iudices sæculares, sed apud Presbyteros Ecclesie quicquid illud est dirimatur. Con-
 ciliium Hispalense; Sacerdotius ac ministris solus, id est absque aliorum Episcopo-
 rum adminiculo, non autem absque Synedrio & Clero suo, ut dictum, honorem
 dare potest; solus, id est absque aliis Episcopis, auferre non potest. Tales enim neque
 ab uno damnari, nec uno judicante poterant honoris sui privilegium exui, sed presentari Syn-
 nodali iudicio, & quod Canon de illis præciperet, oportet definire Concilium Cartha-
 genense Tertium Si autem Presbyteri vel Diaconi fuerint accusati, adjuncto sibi ex vi-
 cinis locis proprius Episcopus legitimo numero collegarum, quos ab eodem accusati peti-
 runt, id est, una secum in Presbyteri nomine sex in Diaconi nomine tres, ipsorum cau-
 sas discutit, eadem iterum & dilatorum, & à communione remotionum, & discussio-
 ne personarum, inter accusatores, & eos qui accusantur, forma servata. Reliquorum autem
 Clericorum causas etiam solus Episcopus loci agnoscit, & finiat. Extat hic Canon inde Caus. 15.
 creto Gratiani. Additur nota. Solus autem ad exclusionem aliorum Episcoporum, non Quæst. 7.
 suorum Clericorum dicitur, sine quorum presentia sententia ejus erit irrita. Sicut cum Cap. 5.
 dicitur Solus honorem dare posse, intelligitur, absque Episcopo non tamen abs-
 que Synedrio & Clero, ob quod accusatus Chrysostomus, & de quo cautum in
 Concilio Carthagenensi Quarto, ut jamjam vidimus. Sic solus auferre non potest,
 nempe exclusis vicinis Episcopis Presbyteros igitur & Diaconos Episcopus gra-
 du deicere non poterat absque Coepiscopis secundum decretum Concilii Cartha-
 genensis In ceteros, nempe Clericos, inquit Bilsonus, Episcopus solus iudicium exer-
 cere poterat absque aliorum Episcoporum adminiculo, non tamen sine Cleri sui Senioribus, De Gubern.
 ut recte Gregorius monet, & in Concilio Africano Can. 20. sciunt est. Sic etiam supra Eccles. c. 11.
 Fildus. Concilio Turonensi Secundo decretum; Quem, nempe Archipresbyterum, pag. 219.
 rum aut Abbatem, negligentia ejicit, cum omnium Presbyterorum consilio refutatur.
 Quid opus est ut immerer in particularibus, cum in genere omnia communi Pres-
 byterorum & Episcopi consilio & calculo gerebantur? Presbyteri ac seniores isti Bilsonus
 σύμβουλοι & συνδριπταὶ consilarii & assessores Episcopi erant, ut memorat Ignatius; com-
 muni consilio Ecclesiam regebant, ut refert Hieronymus; eorum sine consilio nihil ageba-
 tur in Ecclesia, ut asserit Ambrosius; nec desuit iis Sacerdotibus vigor, ut testis est no-
 bis Cyprianus. A primordio Episcopatus sui statuerat Cyprianus nihil sine Pres-
 byterorum consilio sua privatim sententia gerere, idcirco ait; Omni actu ad me per-
 lato placuit Presbyterium contrahi. Et alibi; negotium, quod ad totius Presbyte-
 rii consilium ac sententiam spectabat, præjudicare se, & solum sibi rem commu-
 nem vindicare ausum non fuisse. Se non pro arbitrio tantum sed ex debito & of-
 ficii

Lib. 3. Ep. 10. *Sed cum ad vos per Dei gratiam venero, tunc de us quæ velgesta sunt vel gerenda, sicut
 D. Gubern. Cap. 12. mutui honor postulat, in commune tractabimus. Mutuus honor postulat, ut in com-
 265 22. mune tractent negotia quæ ad omnium consilium & sententiam spectant. Et Dil-
 sonus dicit, hunc tunc germanum sentum verborum Hieronymi, quod Episcopi
 debent in communi cum Presbyteris regere Ecclesiam secundum Dominicæ dispo-
 sitionis veritatem; Episcoporum autem præfecturam exclusis Presbyteris non Chri-
 sti aut Apostolorum institutione aliqua, sed temporis decursu introductam, &
 paulatim invaluisse. Ambiebant quidem ætate Hieronymi hanc singularem pote-
 statem Episcopi quidam, sed nondum tamen eam Lege aliqua adepti sunt. Eccle-
 sia habet Senatum cætum Presbyterorum, sine quorum consilio nihil Monachis agere licet.
 Roboam filius Salomonis ideo perdidit regnum, quia noluit audire presbyteros suos. Sena-
 tum quoque Romani habent, cuius consilio cuncta agebant: & nos habemus Senatum
 nostrum cætum Presbyterorum, inquit Hieronymus: Vide Græcianum. Hieronymus
 dicit, Episcopos debere in commune regere Ecclesiam cum Presbyteris, quia ini-
 tio omnia communi Presbyterorum consilio gubernabantur, antequam præpositus
 fuit Episcopus. Inde est quod Cyprianus sibi soli rem omnem vindicare non au-
 debat, quæ ad omnium consilium & sententiam spectabat, non quod sponte se
 obstrinxerat, cum Episcopatum susceperet, ut fingit Bellarminus. Si præter offi-
 cium hoc fecit, sponte peccavit, & quidem tanto gravius, quanto maiore noxa & peri-
 lo Ecclesiæ & Prælatorum, quàm Reipublicæ & Principum jura imminui clamitant
 Pontificii, inquit Tilenus. Ex dictis elicimus, omnes causas & lites communi
 Presbyterorum & Episcopi consilio definitas, nec in controversiis aut censuris de-
 terminasse aut decrevisse Episcopos, absque Presbyterio. Canones, verum, prohib-
 bent Presbyteros etiam quid tentare sine Episcopo, nempe in iis quæ ad commu-
 ne omnium consilium & sententiam spectabant, sicut Episcopi comprovinciales
 prohibiti absque Metropolitano agere quicquam in iis rebus quæ ad provinciam
 spectarent. Sicut igitur Metropolitani Coepiscopis ordine solum superior, non
 jurisdictione fuit purioribus sæculis, sic Episcopus Presbyteris. Et sicut constituto
 semel Metropolitano præside Concilii Provincialis non poterant Episcopi in unum
 coire neglecto & contempto Metropolitano, nisi prius sublato ipso ordine & grã-
 du Metropolitanorum: sic constituto semel perpetuo Præside Presbyterii qui no-
 minatur Episcopus, eo neglecto & contempto non poterant Presbyteri aliquid
 tentare in iis quæ ad communem sollicitudinem & curam spectabant, nisi prius
 sublata ipsa perpetua prosterasia. Illud est quod in Presbyteris suis culpans Cyprianus
 ait, quod aliqui de Presbyteris, nec loci sui memores, nec præpositum sibi Episcopum
 cogitantes, cum contumelia & contemptu Præpositi totum sibi vendicent. Cum igitur
 dicti Presbyteri nihil egisse sine Episcopo, non intelligendum, ac si Episcopus ha-
 buisset vocem, ut vocant, negativam in Senatu Ecclesiastico quæ irrita redderet
 majoris partis Presbyterorum suffragia; sicut non ita intelligendum, cum Episco-
 pi dicti nihil potuisse in communibus negotiis absque Metropolitano, nam Metro-
 politanus plurium suffragiis adstrictus erat. Presbyteros fuisse iudices negotiorum
 & causarum, non simplices consiliarios, patet ex testimoniis supra citatis, quæ
 singula percurrere potest lector. Cum Bellarminus Episcopum Regi, Presbyte-
 rium Senatui & Consilio Regio comparasset, respondet Tilenus noster, Longe di-
 versa ratio ac comparatio Regis cum Consiliariis & Episcopi cum Presbyteris: ille verè
 ac proprie est Dominus consiliariorum suorum: iste tamen Conseruus est ac συνάρχων
 presbyterorum. Ex altera parte inquit Fildus; non volumus potestatem Episcoporum
 inslar potestatis Principum fuisse, ut vult Bellarminus, sed paternam. Sed certe si præ-
 sider*

Caus. 16.

Qu. 1. Cap. 7. Ecclesia

De Pontif.

Lib. 1. c. 6.

Not. 8. &

c. 8. Not. 19.

Lib. 3. Ep.

14.

De Pontif.

Lib. 1.

Cap. 8.

De Eccles.

Lib. c. 27.

p. 137.

fider ut Rex in consilio, prostantia ejus est regia, & non paterna. Episcopus & Presbyteri sunt collegæ; Presbyteri Episcoporum collegæ vocantur in Concilio Carthaginensi Quarto. Et Augustinus, in Episcopum electus, Presbyteros suos Collegas vocat. Archiepiscopus Granatenfis in Concilio Tridentino, ex eo quod Pontifex appelleretur Episcoporum Collega in Epistolis veterum, argumentatur; *Epist. 137. & 110.* contra Collegii naturam, ut constet è diversi generis personis. Id sane naturam Collegii admittere, ut in eo caput sit, atque ita de Episcopali evenire cujus Papa caput est: nempe ad edificationem duxtaxat, & quod dici solet, in beneficentem causam. Sic si Presbyteri Episcoporum Collegæ & fratres sunt, non sunt solum Consiliarii. Cum igitur dixit Hieronymus de Presbyteris Alexandrinis, quod unum ex se electum in celsiori gradu collocarunt, non de diverso ordine ministerii loquutus, (nam illud instituere non est penes Ecclesiam ullam,) sed de gradu ordinis & honoris, quem quilibet Præses habet in quocunque collegio. Alii ipsum locum in quo sedebat Episcopus Præses interpretantur fuisse gradum illum de quo Hieronymus, quod locus esset celsior & sublimior, unde totum confessum Presbyterorum moderabatur. Huc alludit Canon 35 Concilii Carthaginensis Quarti; Episcopus in Ecclesia & in confesso Presbyterorum sublimior sedeat, intra domum verò collegam se Presbyterorum esse cognoscat. Sedebant etiam & Presbyteri, nam ejusdem Concilii Can. 24. decretum, ut Episcopus in quolibet loco sedens stare Presbyterum non patiatur. Utcunque est, sive de gradu loci sive de gradu ordinis sive utriusque intelligendus Hieronymus, de gradu potestatis, præterquam quæ Præsidi cuivis est necessaria, non est loquutus. Reservata sunt etiam Episcopo Præsidi quædam peculiaria ob Sacerdotii honorem, non ob legis necessitatem; ut Pœnitentium reconciliatio, Baptizatorum Confirmatio, Ecclesiarum Dedicatio, Virginum Consecratio, ritualis Presbyterorum & Diaconorum Ordinatio, Chrismatismis confectio: item quod si præsens esset, ipse prædicaret, baptizaret, Eucharistiam consecraret. Sed hæc postrema non passim obtinuerunt, sicut testatur author quidam vetus. Nemo hinc Episcoporum diabolica tentationis invidia inflatus irascatur in templo, si Presbyteri interdum exhortentur plebem, si in Ecclesiis prædicent, si plebibus, ut scriptum est, benedicant. Etenim abnunti mihi ista sic dicam &c. quoniam & ipsi Presbyteri, ut legimus, Episcopi nominantur secundum quod scriptum est &c. Sed oderunt hoc Sacerdotes superbi in Presbyteris nomen, qui nolunt esse quod Christus, qui discipulorum pedes lavit &c. Propterea hæc scribo, ut si præteriti temporis error non potest jam revocari, vel ad præsens in Ecclesiis servetur humilitas, ut Presbyteri hoc in Ecclesiis suis faciant quod Romæ, sive quod in Oriente, quod in Italia, quod in Creta, quod in Cypro, quod in Africa, quod in Illyrico, quod in Hispania, quod in Britannia, quod etiam ex parte per Gallias, quod in omnibus locis, ubi humilitas perseverat. Hieronymus; Pessimæ consuetudinis est in quibusdam Ecclesiis tacere Presbyteros, & præsentibus Episcopis non loqui. Ait, in quibusdam Ecclesiis, non in omnibus, vel passim & ubique. Pessima ista consuetudo, quæ ætate Hieronymi in quibusdam Ecclesiis obtinebat, & reservationes istæ præteriti temporis errores, ut ad unius sacerdotis Episcopi nempe præsidis honorem multum adferebant, Presbyterorum, qui sunt genuini Episcopi, authoritati & dignitati multum detraxerunt. Sed missa faciamus ista quæ spectant ad actus ordinis, cum jam de jurisdictione agitur. Dico igitur, veteres Episcopos in exercitio jurisdictionis exterioris & publicæ, sive in controversiis definiendis, sive in legibus ferendis, sive censuris & pœnis irrogandis, omnia communi Presbyterorum non modo consilio, sed etiam auxilio, judicio, & concilio, peregrisse. Proinde cum legimus, Episcopum aliquem excommunicasse aut gradu movisse, semper intelligendum est unâ cum Presbyterio & Senatu Ecclesiastico. Imò cum additur vox (Solus,) alios

Epist. 137.

& 110.

Petri Suavis

Histor. Con-

cilii Trident.

l. 7. p. 679.

edit. Francof

Ad Rustic.

Narbon. de

7 Gradib.

Dist. 95. Cap.

6. Gratia.

Epist. 2. ad

Nepot.,

Can. 9.

Coëpiscopos, non Presbyteros aut Clerum, excludi fatentur ipsi Hierarchici ut supra ostendimus in explicatione Can. Concilii Hispalensis. Episcopi canonica sententia, ut Synodus Carthaginensis græca vocat *κατοικὸν ψήφον*, non erant absque Concilio aut Presbyterio, licet tyrannicam quidam & contra Canones potestatem arrogabant. Unde in Concilio Hispalensi sic decretum.

Conc. Hisp.

2. Can. 6.

Juxta antiquorum Patrum decretum statuimus, ut nullus nostrum sine Concilio examine quemlibet Presbyterum & Diaconum deicere audeat. Nam multi sunt, qui indiscussos, potestate tyrannica, non autoritate Canonica, damnant. Concilium tamen istud recentius est.

De Eccles.

Lib. 5. Cap.

Synodis,

inquit Fildus,

Presbyteri tulerunt suffragia,

& subscripserunt eodem pacto quo

49. pag. 374. Episcopi,

sive ad Canones disciplinæ condendos congregati fuerant, sive ad causas cogno-

scendas, sive ad controversias in doctrina definendas. Interfuisse Concilii Provincia-

libus, probat ex Concilio Antiodor. Can. 7. Tarraconens. Can. 13. Tol. q. c. 3.

Toletan. 1 & Gregorii Lib. 4. Ep. c. 88. & suffragium tulisse decisivum ex sub-

scriptionibus Conc. Elibertini & Synodi sub Gregorio. Licet Pontificii quidam

solis Episcopis suffragia in Conciliis esse contendunt, exempla tamen ab ultima

antiquitatis memoria deesse non dicit Bilsonus, quibus contrarium doceatur. In

Euseb. Lib. 6. Synodo Romana à Cornelio anno Christi 255. adversus Novatum indicta, Sexaginta Epi-

scopi & plures Presbyteri atque Diaconi interfuerunt, ut refert Eusebius. A Synodo

Lib. 7. Cap. Antiochena, quæ Paulum-Samofatenum Episcopatu dejecit anno domini 270. non Episcopi

solum, sed Presbyteri & Diaconi, ut ex ipsorum literis constat, scripserunt. In Concilio

Elbertino prope tempus Primi Concilii Nicæni, præter Episcopos, 36. Presbyteri memoran-

tur. In Arelateni Secundo eodem fere tempore 12. Presbyteri cum Diaconis aliisque Cle-

ricis subscripserunt. Idem videre est in Concilio Romæ habitis sub Hilario & sub Gregorio,

ubi post 22. Episcopos, Presbyteri 34. & in primo sub Symmacho ubi post 72. Episcopos

Presbyteri 67. subscripserunt. Similiter in. 3. 5. & 6. sub eodem Symmacho. His addatur

Concilium sub Felice Romano. 43. Episcoporum & 74. Presbyterorum. Adducit etiam ad

firmandam suam sententiam Concil. Antiodorens. Can. 7. Tarracon. Can. 13.

Toletan. 4. In Synodis Provincialibus condiderunt Canones & lèges Ecclesiasticas. Qui provinciales condere poterant, statuta in Presbyteriis, scilicet, con-

dere non poterant? Et qui leges constituere potuerunt in provincialibus & nation-

alibus Conciliis, in legum earundem transgressores censuras exercere unà cum

Episcopis in Consistoriis non potuisse, an verisimile est? Hoc addi potest, inquit

Dounamus, diætæ ministrorum auctoritati, quod in ferendis legibus Ecclesiasticis ipsi

suffragium habeant, vel per se, si missi fuerint ad Synodum, vel per eos quos ipsi elige-

bant. Item; Maxima Ecclesiasticorum auctoritas exercetur in Synodis, Synodorum au-

tem maxima auctoritas est in ferendis legibus Ecclesiasticis. Quibus maxima auctoritas

conceditur in Synodis, an minor neganda in Presbyteriis? Præterea in Synodis

non modò definierunt controversias de doctrina, & damnarunt hæreticos, sed etiam

Synodali sententia dejecerunt Episcopos, Presbyteros, Diaconos. Dicit Fildus,

in Synodis Provincialibus tractatum de Episcoporum ordinationibus, depositio-

nibus, & libris ac causis quæ per appellationem à particularibus Ecclesiis de-

latae erant ad Concilia Provincialia. Qui jurisdictionem exercebant in ipsos Epi-

scopos in Synodis, & de causis per appellationem delatis judicare poterant, in

Presbyteriis etiam judicasse existimandum est. Episcopi & Presbyteri in Concilio

Antiocheno Samofatenum ejecerunt. In Concilio Sinuessano, Presbyteri unà cum

Episcopis damnarunt Marcellinum.

Ex

Ex dictis igitur patet, Episcopos veteres fuisse solummodo Præsides in Senatu Ecclesiastico, & Presbyteros fuisse judices unâ cum Episcopo. Et ideo secundum veritatem, & intentionem Hieronymi, non aliud Episcopus quam Archipresbyter, ut ait Marcellinus Paravinus. Et quid facit, excepta ordinatione, Episcopus, quod non facit Presbyter? dixit Hieronymus. Idem secundum ipsorum interpretationem dixit Chrysostomus, nempe quod sola ordinatione Presbyteri superiores fuissent. Jurisdictio igitur communis erat, quod vidit Bilsonus, cum ista scriberet; Quæ Episcopis peculiaris & non committenda Presbyteris erant, hujusmodi sunt succedendi privilegium, & ordinandi prerogativa. Et in Præfatione ait, ordinationem esse prope unicam Episcopi & Presbyteri distinctionem. Sed de ordinatione supra diximus, & nullam hic quidem jure divino esse differentiam inter Episcopum & Presbyterum evicimus.

Presbyteri, qui erant in puriore Ecclesia negotiorum & causarum judices, tandem exclusi sunt à communi regimine & rerum gerendarum administratione, & paulatim Episcopus Præsides mutatus est in Principem, imò principe omni deteriorum dominum. Nam cum principes aliorum consiliis in republica administranda uti teneantur, Episcopi non tenentur uti consilio Senatus Ecclesiastici; imò ne vel ipsius præsentia necessariū requiritur, ut volunt Hierarchici. Sic qui olim erant judices, jam ne vel spectatores vel consiliarii sunt. Bilsonus dicit, non esse necessariam Presbyterii assistentiam, vel ad consilium, ut olim. Nondum enim aliam dirigendi se rationem habebant, præterquam Presbyteria sua. Postea crescente & florente Evangelio, cum Synodi cæperunt frequentius convocari, & multarum Ecclesiarum pastores, tum literas utroque citroque mittendo, tum conventus celebrando, de ordine & disciplina in Ecclesiis suis constituenda deliberarent, plus otii & vocationis à majoribus Ecclesiæ negotiis particularium locorum Presbyteris datum est; eo quod, quæ antea Presbyterorum curam requirere solebant, Provincialia Concilia sibi asciscerent. Item; Principio nec erant Concilia, quæ Canones præscriberent, nec Christiani Principes, qui leges ferrent, sed unusquisque locus propriæ ipsius in dirigendo prudentiæ & consilio relictus erat. Itaque ne sola Episcopi voluntas rerum omnium in Ecclesia gerendarum esset regula, administratio Ecclesiastica in initio dispensata fuit, ut nec Presbyteris absque Episcopo suo quicquam agere, nec Episcopo sine Presbyterio suo majora negotia conficere, liceret. Similia habet Dounatus, qui dicit primis 300 à Christo annis maximè necessarium fuisse Episcopo uti consilio Presbyterorum, cum Christiani nec haberent frequentes Synodos ad definiendas controversias, nec constitutiones Synodicas ad dirigendum Episcopos, nec auctoritatem Magistratus ad reformandum enormitates in regimine Ecclesiæ; alioquin pro lege sterisset Episcopi voluntas, ejusque regimen expositum fuisset errori in seipso, injuriæ immedicabili in clerum & populum, obloquio & scandalo multorum: sed cum frequentius convocarentur Synodi Provinciales, ad definiendas controversias, injurias recognoscendas, canones condendos quot viderentur sufficere dirigendis Episcopis, & accederet auxilium Christiani Magistratus, consilium & assistentia Presbyterii non erant tantæ necessitatis. Presbyteris otium & scholasticam vacationem desiderantibus, Episcopis singulare regimen affectantibus. Sic interpretatur Ambrosii verba, vel Authoris illius qui paulo verustior erat Ambrosio. Ambrosius de Senioribus, quos ipsi vocant Laicos, loquitur, ut suo loco ostendemus, non de Presbyteris tum docentibus tum regentibus. Nam non exolevisse usum Senatus Ecclesiastici diu post tempora illius Authoris, pater ex testimoniis quæ supra attulimus ex Hieronymo, Gregorio, & aliis. Præterea Presbyteria sunt ordinarii conventus Ecclesiæ, Synodi sunt extraordinarii. Extraordinarii conventus non debent tollere ordinarios. Etiam ante annum 300 frequentiora erant Concilia Provincialia, non tamen sublata erant Presbyteria. Nec erat

iste unicus Presbyteriorum usus, ut quoties dubium aliquod incideret, consilium præberent, sed etiam ut sua autoritate & potestate sibi tradita uteretur in corrigendis vitiis; ideo, ut dixi, erant iudices causarum. Præterea semper occurrunt dubia, & emergunt novi casus, quibus præsentī remedio opus est; præsertim hisce temporibus, cum non celebrantur Synodi Provinciales bis quotannis, ut apud Veteres. Imò sæpius de jure controversitur, & de interpretatione Canonum antè conditorum in Conciliis Provincialibus & Nationalibus. Præter Canones Conciliorum opus est etiam statutis particularibus, prout poscit Ecclesiarum particularium in quaque civitate commoditas. Denique Canonum exequutio non minus necessaria est ad salutem Ecclesiæ, quàm Canonum præscriptio. At, inquit Bilsonus, cum revera Conciliorum Canones & Christianorum Principum constitutiones moderando ac terminando eas omnes controversias & quæstiones, quæ in Presbyteriis antè tractari solebant, effecerint, ut nec tanta eorum utilitas esset, nec tantus eis honos haberetur. Proinde soli Episcopo, nec consensu nê consultis Presbyteris, legum omnium executionem mandarunt, majoribus Curis minorum Decuriarum judiciis decreta sua submittere nolentibus. De Canonibus conditis ad informandum Episcopum jam diximus, & de Canonum exequutione quod erat etiam penes Presbyterum. Frivolum igitur est quòd dicit Bilsonus, majores Curias decreta sua minorum decuriarum judiciis submittere noluisse. Non hoc volumus, sed minores decurias decreta majorum curiarum exequutas, id est Presbyteria Provincialium Synodorum Canones administrasse non minus quàm Episcopum; alioquin sententia Episcopi non erat Canonica. Potest Episcopus abripi affectibus, tam in exequutione Canonum, quàm eorundem præscriptione. Monet Hieronymus, etiam post conditos jam multos Canones in Conciliis tum generalibus tum provincialibus, in commune cum Episcopo debere Presbyteros regere Ecclesiam. Nam si antequam orirentur dissidia communi consilio regebant Ecclesiam, priùsquàm ullus præponeretur Episcopus, non est præripienda ipsis omnis potestas regiminis ullo decreto aut consuetudine Ecclesiæ, sed propter honorem dispositionis Dominicæ, qua per se regebant Ecclesiam, in honore eos habere debent, & unà cum iis regere. An Apostoli, ubi aderant in constitutis Ecclesiis, usi sunt Presbyterorum consilio ad informationem, quia nondum conditi Canones, an auxilio potius & confortio potestatis in administratione clavium? Largiamur jam Episcopos præpositos Presbyteris Apostolorum decreto; vel ita præpositi erant ut in communi Ecclesiam regerent, vel ut liberum esset Episcopo uti vel non uti ipsorum opera & auxilio. Si prius, ergo Apostolicæ institutionis est ut in commune regant. Si posterius, ergo Apostoli instituerunt Episcopum Monarcham & Principem cum singulari regimine & potestate. At etiam post Apostolorum tempora Presbyteri erant iudices tum in Conciliis tum in Presbyteriis. Præterea quomodo consistant ista quæ sequuntur non video: Bilsonus docens, qua occasione Presbyteriorum potestas primum decrevit, dicit; Non quod Episcopi jura eorum usurpaverint, aut dominium in eos arripuerint, sed quæ antè in singulis Presbyteriis tractari solebant, tum demum in Synodis & magnis Episcoporum & Pastorum totius regni & provinciæ Conciliis agitari cæperunt. Alibi tamen; Non reprehendit, nempe Ambrosius, quod Laicos Seniores à regimine Ecclesiæ depulissent, sed quia fratres & conservos, quibus assessoribus & consiliariis in omnibus cum doctrinæ tum disciplinæ causis uti solebant, nimia sapientiæ affectatione, à sacris consiliis removissent. Et Douhainus dicit, id evenisse Doctorum, id est Episcoporum, arrogantia & superbia, dum soli volebant aliquid videri. Si non opus erat Presbyterorum consilio & parastasia, quia conditi tot Canones, non erant superbiæ & arrogantiæ damnandi Episcopi. Sed fallum etiam illud, omnia

Cap. 14. pag.
359.

De Gub.
Cap. 14.
pag. 358.

Cap. 11.
pag. 210.

Def. l. 1.
Cap. 8. pag.
192.

nia agitata fuisse in Conciliis, quæ antea in singulis Presbyteriis tractari solebant. Erat istud impossibile. Et, si verum, quid quæso relictum Episcopo, magis quam Presbyterio? Dices executionem Canonum. At Canonum procuratio tractabatur etiam in Presbyterio. Vel agitabatur exequutio Canonum particulariter in Conciliis, vel non agitabatur. Si prius, non opus erat Episcopo, magis quam Presbyterio. Nam ibi non minus erat legum procuratio, quam Canonum præscriptio. Si posterius, tum non omnia agitata in Presbyteriis tractata sunt in Conciliis: & non minus Presbyterio quam Episcopo opus est in Canonum exequutione, ut legum exequutionem procurent, propter Episcoporum negligentiam, aut arrogantiam, aliosque pravos affectus. *Verum tamen*, inquit Bilsonus, *quod gubernationis eorum modum quendam & rationem præscriberent, ut Patriæ potestati similis, cujusmodi ab initio semper in Domo Dei fuerit, non Regiæ par esset, metu dominandi in hereditatem Domini; Ecclesia Christi nihil Episcopo in quibusdam majoris momenti negotiis abque Synodo aut Presbyterorum suorum consensu aggredi permittit.* Citat Conc. Carth. 4. c. 23. 32. Concil. Hispal. 2. Can. 6. Deinde infert; *Plura sunt hujusmodi, in quibus Episcopo sine Presbyterio suo, aut Synodo, minime se interponere licebat, quorum alia legi usque mutata sunt, alia in præsentia obtinent.* Dixit supra ex Ambrosio, quod nihil absque eorum consilio agebatur; & ex Hieronymo, quod omnia communi consilio gerebantur: jam dicit cautum esse de rebus majoris momenti. Sed cur saltem res omnes magni momenti non tractantur communi consilio & consensu Presbyterii? An bonorum Ecclesiasticorum alienatio est res unica magni momenti? idem certe obvenit Presbyteriis quod Synodis. Metropolitanus Synodorum jura, ut supra ostendimus, sustulit, sic Presbyteriorum Episcopus: & jam progressus sit non à Presbyterio ad Synodum, sed ab Episcopo ad Metropolitanum, à Metropolitano ad Regis delegatos. Vestigia quidem non modo communis Consilii sed etiam regiminis manserunt, quod absque Capitulo bona Ecclesiæ distrahere non potuit Episcopus, & quod sede vacante custodia Episcopatus & jurium Episcopatum quodammodo refertur ad Capitulum, ut fatetur Dounamus; & quod non penitus sublata sit potestas clavium à Presbyteris. *Ad nos quod attinet*, inquit Bilsonus, *et si clavium potestatem omnibus Pastoralem animarum curam habentibus communem esse suo quodam gradu existemus; ad evitandas tamen infinitas Excommunicationum procellas, quæ in omnes Ecclesias paræciasque alioqui irruerent ac redundarent, & intolerandes inde lites atque pugnas necessario consecuturas, si cuius Presbytero pro arbitrio suo excommunicare liceret, Ecclesiæ Dei prudentiam in eo maxime laudamus, quod nemini inferioris alicuius loci excommunicandi facultatem, nisi de consensu & autoritate Episcopi, tribuerit.* Nos nulli Presbytero singularem excommunicandi potestatem tribuimus, nec Episcopi consensum & autoritatem sufficere, sed Presbyterii totius autoritate & consensu excommunicasse & in Ecclesia Apostolica, & purioribus quæ sequuta sunt sæculis, Presbyteros diximus. Unde proveniunt tot bruta excommunicationum fulmina nisi ex Episcoporum consistoriis, quæ ejaculantur ipsorum Cancellarii & Officiales, etiam ob rem pecuniariam & alias res levissimas? Dicit idem Bilsonus; *Non tamen omnem clavium potestatem Presbyteris ita prorsus abjudicamus, quin reis consentientibus præscribere possint, ut abstineant ad tempus à mensa Dominica; publicam verd earum administrationem, quæ in excludendo præfrastos & oblinatos peccatores ab omni fidelium communione tam sacra quam civili versatur, nullo modo illis permittimus, quia hanc Ecclesia Christi semper ac solis concessit Episcopis.* Quid metuit nuper Bilsonus, si Presbyteri habeant potestatem minoris solummodo excommunicationis, & non majoris? Nam si non possunt excommunicare excommunicatione majori, non poterant tot excommunicatio-

De Gub.
Cap. 14.
pag. 362.

Cap. 11. pag.

224.

Def. Lib. 1.
Cap. 8. pag.
190.
De Gub. Cap.
14. p. 369.

Cap. 14. pag.
366.

num

num procellæ in Ecclesias irruere. Sed ut Panicus erat terror ille, ita nec istud cuivis Presbytero concedimus, excludere à sacra Cœna pro arbitrio, sed autoritate & consensu Presbyterii. Excommunicationem majorem fuisse penes Presbyterium & Senatum Ecclesiasticum, non modo ex Scriptura, sed etiam è Patribus, ut Tertulliano & aliis, supra probavimus. Adde & Theophylactum; *τοτε*, inquit, *ἐπὶ τῶν τῆς ἐκκλησίας προέδρων δημοκρίτων τὸ πλάσμα*. Uni Ecclesiæ plures tribuit Antistites seu Prælatos, coram quibus divulgandum peccatum, & qui ligandi & solvendi potestatem habebant. Dounamus dicit, non omnem Clavium potestatem ademptam esse Presbyteris, sed tantam exercent clavium potestatem per verbum & sacramenta, quantum de jure eis competit, tum ligando manifestò scandalosos & impenitentes, contra eos denunciando judicia Dei in verbi prædicatione, & repellendo à sacramentis, tum solvendo fideles resipiscentes applicando gratuitas Evangelii promissiones, & addendo Sacramenta ut sigilla. Hic tantum minorem Excommunicationem, & quodam casu, concedit Presbyteris, non autem majorem in Consistorio. An Christus aliis tradidit potestatem Excommunicationis majoris, aliis minoris, aliis in peccata manifesta, aliis in peccata non manifesta? Sed quid si & in minori Excommunicatione fallat nos Dounamus? Extat quiaem in Rubrica Leiturgie Anglicanæ Canon quidam, quo pastori permittitur notorios arcere, nempe à Cœna Dominica, sed in deterius jam praxis Ecclesiæ nostræ prolapsa est, & eluditur hic Canon interpretamento Canonistarum, qui nullos pro notoriis à pastore habendos dicunt, nisi qui antea in foro Cathedralis Ecclesiæ pro notoriis condemnati sunt: quod coincidit cum hac sententia Whitgiftiana, omnes, quamquam notoriè cognitos, in Ecclesia esse, si ad Sacramenta accedere velint, donec Excommunicatione separentur. Bene est tamen quod illud minutulum concedunt Presbyteris ore tenus, nam vestigium est autoritatis & potestatis Clavium, quam integram habuerunt. In aliis, inquit Durandus, non est nisi derivata & limitata potestas, prout Papæ placet: inter quos gradum infimum tenent simplices Sacerdotes, quibus de jure, cujus Papa est conditor, aut nulla jurisdictio competit aut minima, ut excommunicare pro furtis notoriis: & huiusmodi in locis, ubi hoc de consuetudine obtinent. Qui excommunicare possunt pro furtis notoriis, & pro aliis criminibus excommunicare possunt. Non enim distinxerunt veteres inter furti & alia peccata, multò minus Apostoli, aut Christus cum tradidit Claves, qui dixit, quæcunque ligaveritis, non quæ furta ligaveritis. Et istud, quod dicit Durandus, vestigium est protestatis Clavium, quæ erat olim penes Presbyteros. Alexander III. Florentino Episcopo. Cum ab Ecclesiarum prælatis Ecclesiastica sententia in malefactores aliquos promulgatur, rata debet & firma consistere, & usque ad dignam satisfactionem inviolabiliter observari. Quapropter mandamus, quatenus si quando Plebanus sancti P. in Clericos vel Laicos paræcios suos interdicti vel excommunicationis sententiam rationaliter tulerit, ipsam facias inviolabiliter observari, & eam sine congrua satisfactione atque ejusdem plebani conscientia non relaxes. Hic videmus Parochos & Plebanos in Laicos & Clericos Parochianos interdicti excommunicationisque sententiam ferre posse. Filescus in Commentario in Titulum istum; Glossa in Caput hoc nos docet, Prælatos, quo nomine etiam Parochi censentur, ex omnium consensu excommunicare posse. Idem Alexander 3. Lingon. Episcopo sic scribit de eo qui furtivè Ordinem Diaconatus suscepit; Si non fuit à te, vel ab aliquo Archidiacono aut Prælatorum tuorum, sub Anathematis interminatione prohibitus &c. Inde colligit Filescus; Parochi sub anathematis interminatione prohibere possunt eum qui furtive ordinem suscepit, ne in suscepto ordine ministret. In Capitulis Caroli Magni & Ludovici Imp. sic statuitur, Placuit, ut fideles ne parvipendant excommunicationem sacerdotum illorum: quoniam si hoc fecerint, jussu segregabuntur à cætu Christianorum.

File-

Filefacus; hic apertius etiam Sacerdotes inferioris ordinis sub ipsis Episcopis, quos Parochos dicimus, excommunicandi facultatem habere significatur. In iisdem Capitulis statutum; Ut excommunicatus à Sacerdote, quamdiu est in ipsa excommunicatione, majores natu vel Episcopos accusare non presumat. Quod si præsumperit, non recipiatur, sed aut majori excommunicationi subiacet.

Filefacus: Non dubium est ex his per his Sacerdotes indicari alios ab Episcopis, & illos non alios existere. In Concilio Nannetensi statutum, ut Episcopi in omnibus conventibus, Sacerdotes in Ecclesiis, incestuosa contrahi matrimonia publicè prohiberent, eos quoque excommunicationi subicerent, quicumque post præsentis Synodi actionem inirent incestuum foedera nuptiarum, ut memorat Hildebertus Turonensis Archiepiscopus.

Filefacus; Nemo sanus negaverit reliquos illos Sacerdotes, quos nominat, Paræcos intelligendos. Odo Parisiensis Episcopus, inquit idem Filefacus, in Synodis constitutionibus ante annos 400. Capitulo de matrimonio, adnotans Paræcos, habet. Prohibeant (Paræci) firmiter laicis per excommunicationem sacrilegia fieri. Prohibeat Sacerdos in Ecclesia, publicè sub excommunicatione, ne alter conjugum transeat ad religionem, aut recipiatur, nisi per Episcopum. Capitulo de communibus præceptis Synodalibus.

Numero 37. prohibeant Sacerdotes per excommunicationem & maxime tempore vigiliarum singulis diebus dominicis, ne aliquis Christianus retineat apud se marchum vendemiarum, quem Judæi calcant aliquo modo propter illam horribilem immunditiam, quam in contemptum sacramenti Altaris faciunt, & si remanserit, detur porcis vel expendant ad opus pro fmo. Numero 30. prohibeant per excommunicationem sæpe, ne Carnifices permittant Judæos laniare carnes suas, nistorum detineant Judæi. Numero 41. Sacerdotes sub pœna excommunicationis inhi-beant Parochianos suos, ne ignotos concionatores audiant, propter pericula heresum & errorum, quos seminant. Item; Et quidem si ex sententia B. Thomæ à jure Parochis concessum est, ob furtum, rapinam, & similes casus, Ex-

communicationem proferre, non sine causæ cognitione id fiet. Qui excommunicationem non nisi à iudicibus ferri dicunt, quidni Parochos etiam Judices existere credent? Nam Titulus, quem nos interpretandum suscepimus, De officio Judicis Ordinarii, cum Parochos complectatur, ut omnes concedunt, etiam juridicam potestatem inuit. Objectioni, quod excommunicatio propriè Prælatorum est, & ad jurisdictionem spectat, Parochis nec Prælatorum nomen nec jurisdictio competit, respondet. Parochos ipsos Prælatos appellare tam vulgare est, & toties repetitum in jure Canonico, ut nulla ratione hæc impropria appellatio censi debeat. Capite isto id manifestum, ubi diserte Prælati vocantur ipsi Parochi, & in eam rem Parochi seu Plebani S. Pancratii mentio fit. Et apud Bernardum Papiensem inscriptio est, de Officio & Prælati & judicis ordinarii. Et

Lib. 5. Decretal. Tit. 30. de eo qui furtivè ord. susc. Cap. 1. ex Epistola Alexandri Tertii ad Lingonensem Episcopum, memorat Prælatos & ipsi Episcopo subiectos, qui nulli alii sunt nisi Abbates, Parochi, & similes, & textus id demonstrat facile. Eodem Libro sequitur, Tit. 31. de Excessibus Prælatorum, quo nomine etiam Parochos comprehendi nemo etiam sanus negabit, & postrema capita satis indicant, ac Cap. 7. quod repetitur ex Concil. Lateranens. sub Alexandro 2. Part. 1. Cap. 4. & Lateranensi sub Innocentio 3. c. 33. ubi Decani rusticari, dum legitimum visitandarum Ecclesiarum sibi commissarum modum accipiunt, Prælatorum numero habentur. At ii Parochi. Lib. 3. Decret. tit. 6. de Clerico ægrotante c. 4. prælationis officium nominatur, onus regendæ paræciæ. Glossa locis per-

mutis, seu hoc ipso Capite seu Titul. de Excessibus Prælat seu 1. quæst. 5. Nemo, verbo. Excommunicet, & alis supra. Quod ad jurisdictionem attinet, addunt & causæ cognitionem, quæ cum illa conjuncta est. Glossa in illo verbo, excommunicet, de qua nunc dictum, & de Excessibus Prælat. c. 2. Jurisdictionem Parochis ipsis attribuit, & causæ cognitionem, non tamen talem qualem habet Episcopus. Causæ cognitionem colligit ex

dicto

C c

Pag. 116.

dicto loco Aquinatis in Additione 3. Partis q. 22. Artic. 1. Videmus igitur sæculis recentioribus, & sub Antichristo regnante, Parochos excommunicare potuisse, licet non illo solenni ritu de quo 11. q. 3. c. Debent, & Burchardus lib. 11. copiose. Sed si ad puriora ascenderimus sæcula, deprehendemus ex ante dictis, excommunicationem maxime solennem prælatam non illa auctoritate & consensu Presbyterii. Sed cum solennitates nihil addunt aut mutant essentialia, sat erat quod Parochis etiam corruptissimis sæculis essentialia excommunicationis permittebantur. Imminium erat quod ipsis permissum, nempe ut absque ullius Presbyterii aut Senatus Ecclesiastici auctoritate & consensu excommunicare poterant: quod nos nec in Episcopo nec Parocho, nec Prælato majori nec minori, ferre possumus. Vidimus supra Spalatensem asserentem, potestatem excommunicandi non esse diversam eâ quæ per claves exercetur in foro pœnitentia, & pœnitentiam secretissimam eandem esse penitus, quæ erat illa maxime publica, quam nostri moderni solennem vocant. Atque hanc secretam nunquam negarunt Presbyteris. Denique Presbyteros potuisse reconciliare publice pœniterentes ipse Dounamus non negat, ut supra ostendimus. Atque hæc de Potestate Jurisdictionis.

Lib. 5. Cap.

2. Num. 2.

Lib. 5. Cap.

2. Num. 48.

Cum itaque Presbytero competat utraque potestas, & ordinis & jurisdictionis, non sunt Episcopus & Presbyter diversi ordinis & gradus ministerii. Spalatensis ad potestatem ordinis reducit actus, qui licet externi sint & visibiles, internum tamen effectum & qui pertingat in animam molibuntur. Potestatem jurisdictionis ponit in illis actibus Ecclesiasticis externis, in quibus Ecclesia externum etiam principaliter & directè intendit effectum. Potestas vera & propria essentialis Ecclesiastica est tota spiritualis, & spirituales solum ac internum effectum operatur; quam ego propriè voco potestatem ordinis seu ministerialem. Huic vero accessoria est potestas circa externa Ecclesiæ, ut circa ritus divini cultus, circa errantium correptiones & exclusiones, circa temporalium rectam administrationem, circa ministrorum electiones ac deputaciones, & similia, quæ per se & directè pacem Ecclesiæ, decorum, purgationem, debitumque in ea ordinem respiciunt, omnia tamen ad finem spirituales, ut Deus rite colatur &c. Dicit, utramque potestatem, sive ordinis & jurisdictionis, directè & immediatè fluere ab ipso ordine, & dato ordine dari simul cum ordine sacro omnem sacram & Ecclesiasticam potestatem, quæ sit Ecclesiæ propria, sive illam voces ordinis sive jurisdictionis, ineptèque separari potestatem jurisdictionis quamcunque velis intelligere, modo sit propriè Ecclesiastica, hoc est spiritualis sive ad spiritualia per se & essentialiter dicta. Recedit à recepta explicatione Scholasticorum in distinguenda potestate ordinis & jurisdictionis. Sed annon cui potestas essentialis verè & propriè Ecclesiastica convenit, convenit etiam accessoria? Nonne absurdum est existimare, Presbyteros idoneos esse ad actus spirituales & sacros, ad actus autem regiminis merè externi omnino ineptos esse? Si regimen externum gubernativum & ministrorum ordinationem excipias, possunt vi sui ordinis Presbyteralis quicquid possunt Episcopi, etiam circa rerum & personarum benedictiones & consecrationes, & hoc sane jure divino, & ut dixi ex vi sui ordinis, lege tamen Ecclesiastica sunt Episcopis aliqua reservata; inquit Spalatensis. Ordinationem etiam esse reservatam lege Ecclesiastica, non jure divina, ostendimus, & cum potestatem jurisdictionis manare dicat à potestate ordinis, cur externum regimen gubernativum negat iis, quibus quod principale est concessit? Nam accessorium debet sequi principale. Dicit idem, quod claves omnibus æque Apostolis sunt datæ, & non soli Petro: & ab Apostolis ad omnes Episcopos & Presbyteros ex æquo transferunt. Et an alio atque alio modo transferunt, alio ad Episcopos, alio ad Presbyteros, vel alio ad Presbyteros, quam quo Apostolis traditæ sunt? Non tamen tam iniquus

Lib. 5. Cap.

3. Num. 10.

Lib. 5. Cap.

12. Num.

28.

quus est Spalatensis in commune regimen. Nam fatetur, non decere Episcopos sine suis Presbyteris suas Ecclesias præfertim in gravioribus negotiis gubernare, & quandoquidem jure divino sunt in ministeriis essentialibus Episcopi collegæ & focii, adhuc communi consilio & labore in res Ecclesiasticas debere incumbere. Quid? an adhuc? etiam post tot Canonum & Constitutionum congestam farraginem? Facessant igitur alii Hierarchici cum Canonum suorum prætextu.

Ecquis nescit, inquit Tilenus, Aërium disermen hoc abolere conantem inter Hæreti-
cos ab Augustino relatum esse? Addat & Epiphanium, quem sequuti sunt Augusti-
nus & Philaster. Sed non erat hæreticus Aërius, licet ita judicaverit vel Augu-
stinus vel Epiphanius. Argumenta Aërii, quem Theodorus Bibliander dicit fuisse
virum doctissimum, plura fortè erant, quàm quæ refellenda selegit sibi Epipha-
nus. Aëreæ certe contra Aërium Epiphaniæ responsiones, quas singulas suis locis
supra examinavimus. Epiphanius omnium primus, qui Aërium inter Hæreti-
cos retulit, sua autoritate privata, & nulla Synodo damnatum. Epiphaniæ in-
genium dignosci potest ex ipsius concertationibus cum Chrysostomo, & usurpata
Diaconorum ordinatione in aliena Diœcesi, & altercatione cum Eudoxia Augusta
pro & contra Monachos Origenistas. Adeat lector Socratem & Sozomenum.
Nec tanti faciendum eorum judicium, qui Aërium etiam Hæreticorum albo in-
scripserunt, quia mortuos non invocandos, pro mortuis non offerendum vel oran-
dum, certos jejuniorum dies non statuendos esse, contendebat. Et si secessionem
fecit, ut dicitur; ob has & multas alias corruptelas in Ecclesiam irreperentes &
invalescentem Episcoporum arrogantiam, jura Presbyterorum & Ecclesiæ usurpan-
tium, & dominationem affectantium plerisque in locis, id fecisse probabile est.
Quod Arrianus fuerat, verisimile non est. Quis enim infensor hostis Aërio, quàm
Eustathius ipsius Episcopus Arrianus? Solus Epiphanius Aërio Arrianismum im-
pingit, & qui post idem ex Epiphania desumpserunt. Theodoretus, Socrates,
Euagrius, Sozomenus nihil tale memorant. Sensit sane cum Aërio Hieronymus, quo
minus curandum est toties nobis obijci Aërium ab insulis hominibus. Si fuit in hac re
hæreticus Aërius, socium hereseus Hieronymum habuit, nec illum modo sed alios etiam
veteres Patres Græcos pariter & Latinos, quemadmodum Medina confitetur. Non dif-
ferre jure atque autoritate divina Presbyterum ab Episcopo Aërius sensit; hoc ipsum
Hieronymus contendit, iisdemque Scripturarum testimoniis defendit quibus Aërius. Quàm
autem de illis testimoniis inepte ac pueriliter Epiphanius responderit, omnes videre possunt.
Saravia Hieronymi opinionem cum Aërio consentaneam fuisse fatetur. Quod Epi-
phanus inter Hæreses hanc Episcoporum defectionem annumerasset, erat privati hominis
sententia, nec mala: Nam etiam Augustinus ei subscripsit: non tamen erat publica Eccle-
siæ definitio. Et sane Hieronymus recentissimum Epiphaniæ adhuc viventis librum de Hæ-
resibus legebat, in hac tamen Episcoporum & Presbyterorum paritate ab Epiphania dam-
nata dissentiebat, & Epiphanium immerito inter hæreses eam paritatem posuisse putabat;
ait Spalatensis. Michael Medina, inquit Bellarminus, in Lib. 1. de Sacrorum Ho-
minum Origine & Continentia Cap. 5. affirmat. S. Hieronymum idem omnino cum Aeria-
nis sensisse, neque solum Hieronymum in ea hæresi fuisse, sed etiam Ambrosium, Augusti-
num, Sedulium, Primasium, Chrysostomum, Theodoretum, Oecumenium, & Theophy-
lactum. Atque ita, inquit Medina, isti viri alicui sanctissimi, & sanctarum scriptura-
rum consultissimi, quorum tamen sententiam prius in Aërio, deinde in Waldensibus, po-
stremo in Johanne Wiclefo, damnavit Ecclesia. Et infra; Ergo in Hieronymo, & Gra-
cis illis patribus, olim propter eorum honorem & reverentiam hæc sententia aut dissimul-
labatur aut tolerabatur in illis: contra in Hæreticis, quod in aliis quoque multis ab Ec-
clesia declinarent, tanquam hæretica semper est damnata. Refert Petrus Suavis in Hi-

Tarenæ.

Cap. 10.

In Chrono-
graph.

Socrat. Lib.

6. Cap. 11.

Sozom. Lib.

8. Cap. 15.

Whitak.

Con 4. Qu. 1.

Cap. 3. Sect.

30.

De Gradib.

Cap. 23.

Spal. Lib. 2.

Cap. 3. Num.

47.

De Cleric.

Cap. 15.

Pag. 664.
Edit. Fran-
cofurt.

Cont. 5. Lib
1. Cap. 15

istoria Concilii Tridentini, cum adductus esset celebris locus Hieronymi & authoritas Augustini, agnoscentium Episcopatum esse Ecclesiasticam constitutionem, quod Michael Medina responderit, *non esse mirandum, si Hieronymus, Augustinus, & si quis alius à Patribus in eam hæresin incurrisset, re non satis usquequaque clara. Commovit haud parum auditores ejus disti audacia, quod Hieronymus & Augustinus hæreticè sensissent. Verum doctor ille opinionis suæ hoc ipso retinentior, pro virili eam sustentabat.* Possem & alios plures citare, qui Hieronymum & alios Patres cum Aërio consensisse contendunt. Cum Richardus Bancroftus, qui tandem ad Archiepiscopatum Cantuariensem evectus est, pro concione habita Londini ad Crucem quam Pauli vocant anno 1588. 9. Februarii, dum celebrarentur Comitia Ordinum regni, dixisset Aërium damnatum fuisse hæreseos universæ Ecclesiæ consensu, quod asseruisset jure divino nullam esse differentiam inter Episcopum & Presbyterum, & Puritanos in Aërio ab Ecclesia damnatos fuisse; rogatus per literas Vir Clarissimus Johannes Raynoldus à Viro Illustrissimo Francisco Knollo, qui erat Reginae à Consiliis, ut de Bancrofti assertionem sententiam ederet, rescripsit. Bellarminum Jesuitam agnoscentem infirmitatem responsionis Epiphani ad argumentum Aerii producit. Probat ex Hieronymo aliisque scriptoribus, qui Epiphani contemporanei, aut post Epiphanium floruerunt, Augustinum existimasse, assertionem istam, Presbyterum ab Episcopo nulla differentia debere discerni, fuisse hæreticam, tantum ut reperit relatum ab Epiphanio, cum ipse nesciret quousque hæreseos nomen extendendum esset, ut testatur in Praefatione de Hæresibus ad Quod vult deum. Sed quod jure divino nulla sit inter Episcopum & Presbyterum differentia, ipsum Augustinum reipsa dicere Epist. 19. Iucllum etiam contra Hardingum, idem quod Bancroftus asserentem, citat, allegantem Chrysostomum, Augustinum, Hieronymum, Ambrosium. Addit ex Michaeli Medina, Theodoretum, Primasium, Sedulium, Theophylactum. Addit ipse Oecumenium in 1 Tim. 3. Anselmum Cantuariensem Archiepiscopum in Epist. ad Titum & alium Anselmum Collect. Can. Lib. 7. Cap. 87. & 127. Gregorium P. & Gratianum Dist. 39. & 95. & Glossam in Distinctiones illas. *Quibus addi potest, inquit, quod qui hos annos 500 navarunt operam in reformanda Ecclesia, docuerunt, quod omnes pastores, sive Episcopi sive Presbyteri disti, parem habent ex verbo Dei authoritatem & potestatem.* Primo Waldenses, Æneas Sylvius Hist. Bohem. Cap. 35. & Pighius Hierarch. Eccles. Lib. 2. Cap. 15. deinde Marsilius Patavinus, (Defens. Pac. Part. 2. Cap. 15.) Wiclefus & ejus discipuli, Thomas Waldensis Doct. Fidei Tom. 1. Lib. 2. Cap. 60. & Tom. 2. Cap. 7. Postea Hussus & Hussitæ, Æneas Sylvius loco citato, Lutherus, adversus falsò nominat. ordin. Epist. & adversus Papam Rom. Calvinus (in Epist. ad Philip. 1. & Tit. 1.) Brentius (Apologia Confessionis Wittenberg. Cap. 21.) Bullingerus Decad. 5. serm. 3. Musculus loc. com. titul. de Minister. & alii qui majore numero recenseri possunt apud nos tum Episcopi, Iucllus loco citato & Pilkingtonus in Tractatu de Incendio Paulinæ Basilicæ, tum Professores Regii in Academiis nostris, D. Humfredus in Campianum & Duræum Jesuitas Par. 2. Ratio 3. & D. Whitakerus ad rat. Campiani Rat. 6. & confutatio Duræi Jesuitæ Lib. 6. aliquæ viri docti, Bradfordus, Lambertus, & alii de quibus Foxus in Actis & Monument. D. Fulco contra Bristoi motivo 40. & contra Rhemistas Tit. 1. 5. in eo consentiunt, & apud exterarum nationes, omnes quos legi, qui illud tractant argumentum, & absque dubio plures alii, quos nondum legi. Et infra subjicit communem sententiam Reformatarum Ecclesiarum, in Helvetia, Sabaudia, Gallia, Germania, Belgio, Hungaria, Polonia. Puto ego, Aërium hæc tria asseruisse. Primum, nullam esse jure divino differentiam inter Episcopum & Presbyterum,

byterum; quamobrem adduxit argumentum è scripturis Philip. 1. 2. Presbyterum ab Episcopo nulla differentia discerni debere, nempe jure Ecclesiastico, id est Ecclesiam non posse constituere ullam essentialem differentiam inter Episcopum & Presbyterum 3. Nullam de facto hætenus ipsius ætate introducendam differentiam essentialem. Quod ad primum, idem sensit Augustinus ipse cum scriberet ista; *Quamquam secundum honorum vocabula quæ jam Ecclesiæ usus obtinuit, Episcopatus Presbyterio major sit; tamen in multis rebus Augustinus Hieronymo minor est.* Dicit, Episcopatum esse honorem majorem Presbyteratu, & vocabulum honoris majoris quàm Presbyteratus ex usu Ecclesiæ. Non dicit se nudo Episcopi vocabulo Hieronymo majorem esse, Ecclesiæ consuetudine. Nam hoc leve esset ad captandam Hieronymi benevolentiam. Dicit ergo, etsi quatenus Episcopus sit adeptus majorem honorem ex usu jam obtinente in Ecclesia quàm Hieronymus quatenus est Presbyter, tamen in multis rebus Augustinus Hieronymo minor est & inferior. Secundum retulit inter hæreses, quia ab Epiphanio ita relatum interpretatur, non quod ipse determinaret esse hæresin. Nam fatetur se nescire quousque extendenda sit definitio hæreseos. Enumerat hæreses quas ab aliis scriptoribus notatas reperit, quibus tamen singulis definitionem hæreseos non applicat. Et certè si jure divino inter Episcopum & Presbyterum nulla sit differentia, non est hæresis asserere nullam debere esse inter Episcopum & Presbyterum differentiam essentialem. Non enim jure potest Ecclesia mutare illud quod est de jure divino, imò ne Apostoli ipsi, ut supra diximus. Quod ad tertium, id etiam tuebatur Aërius, ut patet ex argumentis quæ ducit à re præsentis & facti Ecclesiæ. *Imponit manus Episcopus, imponit & Presbyter. Sedet Episcopus in throno, sedet & Presbyter;* inquit Aërius, & hæc negare non potuit Epiphanius. Et proculdubio si exstarent scripta Aërii, plenior accipissemus enumerationem eorum quæ communia erant sua ætate Episcopis & Presbyteris etiam jure Ecclesiastico, & quæ protulit contra Episcopos majorem affectantes potestatem quam quæ ipsis jure divino vel Ecclesiastico competebar, inter quos ipsius Episcopus Eustathius Sebastiensis Monachorum in Armenia auctor, Aërii hostis infensus, non minùs quàm Epiphanius ex Monacho creatus Episcopus.

De Waldensibus & Albigenis, eorumque propagine Pauperibus de Lugduno, Rainerius Pisanus qui annum circa 1250 scripsit in hunc modum. *Inter omnes sectas, quæ sunt vel fuerunt, non est perniciosior, quam Pauperum de Lugduno, tribus de causis. Prima, quia duratior: quidam dicunt quod duraverit à tempore Sylvestri: alii dicunt quòd à tempore Apostolorum. Secunda, quia est generalior, fere enim nulla est terra in qua hæc secta non serpat. Tertia, quòd omnes aliæ cum immanitate blasphemiarum in Deum horrorem inducant, hæc Leonistarum magnam habens speciem pietatis, eò quod coram hominibus juste vivunt, & bene omnia de Deo credant, & omnes Articulos qui in Symbolo continentur, solam Romanam Ecclesiam blasphemant, & oderant.* Jacobus De Riberia in suis de Tolosa Collectaneis ait, fuisse doctrina & eruditione præcellentissimos, & Sacerdotes Waldensibus ingenio pares non fuisse. Vidit & audivit rusticum idiotam Rainerius, qui recitaret Jobum de verbo ad verbum, & plures alios qui Novum Testamentum sciverunt perfecte. Waldenses isti eorumque soboles docuerunt unum eundemque esse Presbyterum & Episcopum, ut supra audivimus ex Thoma Waldensi: & gradus Ministrorum esse imaginem bestię quæ describitur in Apocalypsi, ut refert Usserius; & tamen Rainerius dicit, Sectam istam, (sic loquitur adversarius) latè & per omnes fere regiones diffusam perduisse à temporibus Apostolorum, ut voluit quidam. Michael Cesennas Minoritarum generalis, qui ante annos 230 floruit, & à Papa Johanne 22 damnatus, &

Epist. 19.

Catal. Test. Verit.

Pag. 1509.

Mornet Hist.

Papat. in 8.

Pag. 731.

Pag. 732.

Pag. 733.

Quæst. Cap.

8. pag. 237.

Catal. Test.

Verit. Lib.

18. pag.

Tom. I.

Consul. Art.
14.

propria Bulla est excommunicatus, *asseruit, sacerdotes omnes cujuscunque gradus existunt, esse æqualis autoritatis, potestatis, & jurisdictionis, ex institutione Christi, ut refert Antoninus Florentinus in Summa Parte Quarta. Idem tutatus est Petrus de Corbarría. Johannes de Vefalia Wormatiensis, omnes Episcopos & Presbyteros pares esse dixit. Vide Goldastum in monarchia Imperii. Videmus igitur in ipsis tenebris Cimmeriis & sub adulto Antichristo affulisse hanc lucem non paucis. Recentiorum testimonia quid memorem, cum cuivis obvia sint pene innumera. Convenit inter omnes, inquit Cassander, olim Apostolorum ætate inter Episcopos & Presbyteros discrimen nullum fuisse. Et post Apostolorum tempora Episcopum jure Ecclesiastico docuimus fuisse tantum Archipresbyterum, dum communi Presbyterorum & Episcopi consilio, auxilio, & consensu, gerebantur omnia, licet quidam affectabant singularem potestatem. Excluso Senatu Ecclesiæ à communi regimine mansisse tamen vestigia communis regiminis in Capitulo, & potestatis clavium in Parochiis seu Prælatiis minoribus etiam in Ecclesia corrupta. Inter purioris autem doctrinæ & reformationis vindices semper agnitam Presbyterorum plenam & legitimam potestatem etiam sæculis corruptissimis.*

De Episcopi Potestate Extensiva.

Sublata Episcopi Principis Potestate Intensiva, tollitur Extensiva. Non enim Spote est extendere potestatem in plures Ecclesias, qui non habet in unam. De Extensiva tamen Episcopi Potestate pauca pro ratione instituti hujus operis dicturus sum. Ecclesiæ vox in Sacra Scriptura nunquam usurpatur ad denotandum Nationis, Provinciæ, aut Dioceseos, fideles & Christianos, ut jam usurpatur, cum dicimus, Ecclesia Gallicana, Anglicana, Scoticana. Non est ista phrasis dictata à Spiritu Sancto in Scripturis. Possumus quidem ita dicere, sive aut simili sensu, quo Ecclesiam Universalem & Catholicam dicimus. Sed cum de Ecclesia Particulari & propriè visibili loquimur, non pro numero fidelium Nationis, Provinciæ aut Dioceseos, usurpatur, sed pro numero fidelium in cultu divino & disciplina communicantium. Legimus quidem Act. 7. 38 Ecclesiam Judæorum numero singulari, sed loquitur ibi Stephanus de natione Judæorum quæ erat in deserto, & tunc temporis una congregati erant, & castrametabantur circa Arcam. Imò cum pervernerunt in terram Canaan, communicarunt simul in cultu divino tribus præcipue festis, quibus tenebantur ascendere ad templum locum communem cultus publici. Et extra illa statuta tempora, Sacerdotes & Levitæ ministrabant in templo, non pro civitate Hierosolymorum solummodò, sed etiam pro tota gente; ascenderuntque pii ad sacrificia & cultum divinum, prout vel lege tenebantur, vel devotione impellebantur. Habuit civitas illa plures Synagogas, sed Templum commune erat omnibus regionem incolentibus. Non ita vult coli Christus in Ecclesia Christiana; aut in ulla Natione, Provincia, aut Diocesi, erigi locum communem publici cultus, in quo communicent fideles. Cum de ipsis Judæis Christianis loquitur Paulus, non dicit Ecclesia Judæorum, vel Judaica, sed in plurali numero, Ecclesiæ Judææ Galat. 1. 22 Ecclesiæ per Judæam Act. 9. 31. Sic de aliis Scriptura, ut Ecclesiæ Galatiæ Galat. 1. 2. 1 Cor. 16. 1. Ecclesiæ Asiæ 1 Cor. 16. 19. Ecclesiæ Macedonum 2 Cor. 8. 1. Ecclesiæ Syriæ & Ciliciæ Act. 15. 41. Ecclesiæ per Galilæam & Samariam Act. 9. 31. Et cum de Ecclesia Particulari loquitur Scriptura, sæpius etiam utitur præpositione *in*, ad denotandum locum illum particularem, ubi communicarunt membra unius Ecclesiæ, qui locus nec Provincia nec

nec Dioecesis fuit; ut Ecclesia ἐν ἱεροσολύμοις Act. 8. 1 Act. 11. 22. ἐν κορίνθῳ, 1 Cor. 1. 2. 2 Cor. 1. 1. ἐν Ἀντιοχείᾳ Act. 13. 1. ἐν περγάμῳ Apocal. 2. 12. ἐν θυνάτειροις Apoc. 2. 18. ἐν σάρδεσσιν Apoc. 3. 1. ἐν φιλαδελφείᾳ Apoc. 3. 7. Non igitur porrigebantur Ecclesiæ per integras Dioeceses, aut Provincias, Apostolorum sæculo. Ineptam enim fuisset locutio, si Ecclesiæ erant Dioecesanæ. Quis enim diceret, Dioecesanam Ecclesiam esse in aliqua civitate, ut Antiochiæ, Londini, Eboraci? Quidni? inquit Dounanus, ut anima dicitur habitare in capite, licet sit in toto corpore. Anima potest dici esse in capite, licet sit in reliquo corpore, quia est quidam indivisibile & tota est in qualibet parte. Non est quid quantitativum, cujus pars una extra aliam. Non possunt fideles totius Dioeceseos esse in civitate. Si fideles non possunt, Ecclesia Dioeceseos dici non potest esse in civitate. Nam quid est Ecclesia nisi quid aggregativum multorum fidelium? Si Ecclesia est anima, civitas caput, quodnam erit corpus diversum ab anima. Cum igitur Scriptura dicit, Ecclesiam fuisse in civitate Hierosolymitana, Antiochena, Thyatirensi, Corinthiaca &c. perspicuum est, Ecclesias particulares jurisdictione ordinaria & disciplinæ potestate instructas non fuisse Dioecesanæ aut Provinciales. Tam exiguus erat in primis initiis fidelium numerus Ecclesiarum particularium etiam in amplis civitatibus, ut faciliè & commodè potuerint ἐπὶ τὸ αὐτὸ & in unum cœtum coire & in divino cultu communicare, Act. 2. 44. 46, Act. 5. 12. Act. 21. 22, 1 Cor. 5. 4, 1 Cor. 11. 17. 18. 20. 23 &c. Nec certis indiciis demonstrari posse puto, Apostolorum ævo adeo crevisse fidelium numerum, ut non potuerint in unum locum & ἐπὶ τὸ αὐτὸ congregari. Sed largiamur, propter numerum auctiorem pluribus in locis convenisse, nec potuisse in unum cœtum coire, tamen fatentur adversarii, non fuisse distinctos cœtus aut, ut nos vulgari significato dicimus, Paroecias Apostolorum sæculo, sed promiscuè in variis conventibus coisse, & Presbyteros in promiscuo ministrasse & docuisse. Quamdiu tamen numerus fidelium in quaque civitate non divisus erat in fixas, certas, & statas congregationes, licet indistinctè plures agerent in una civitate conventus, numerus ille Ecclesiæ, non Ecclesiarum, nomine indigitatur. Ut Amstelodamensem Ecclesiam, non Ecclesias, dicimus; quia promiscuè concionantur Pastores, & promiscuè in isto vel illo templo fideles cœunt. Sic dum scriberetur Apocalypsis, Ecclesiæ particulares; Ephesina, Thyatirensis, Laodicensis, non dicuntur Ecclesiæ in plurali, sed Ecclesia in singulari, licet ipsi conjiciant plures sed promiscuos fuisse in illis civitatibus conventus, dum scriberet Johannes. Nam ut appositè Baynesius, aliud est cum pascunt oves in communi pascuo, licet non idem individuum gramen depascunt, aliud cum in diversis & distinctis pascuis. Præterea non solum promiscuè docebant Presbyteri, sed etiam in commune regebant Ecclesiam quæ ipsorum curæ commendata erat, ut dixit Hieronymus, & proinde in commune Ecclesiam regere debent. Dicit Dounamus, non sequi; Presbyteros in commune toti gregi attentiores operam dedisse, priusquam Ecclesiæ conventus promiscui in statas congregationes digererentur & Presbyteri separatis paroeciis affixi, sed postquam suis titulis assignati essent singuli singulis, Episcopum & Presbyteros quos apud se retinuit, quorumque consilio utebatur, regimen & curam omnium in se suscepisse. Sed quo jure? Num Apostolico? At ipse Dounamus fatetur, Apostolorum ævo non divisam fuisse Ecclesiam unius civitatis in plures & distinctas congregationes seu Paroecias. Excipit alicubi Ecclesiam Alexandrinam, quia dicit Eusebius, Marcum Alexandriæ constituisse Ecclesias. Non dicit sibi certò constare Eusebius; tantum, *ajunt*, inquit, Marcum primum in Ægyptum missum, primumque Ecclesias Alexandriæ constituisse. Præterea firmat suam conjecturam erronea Philo-

Def. 12.
Cap. 3. pag. 55.

In Conc.
prope finem.

Def. Lib. 2.
pag. 124.
Hist. Lib. 2.
Cap. 16.

Def. Lib. 2
pag. 35.
Nicer. l. 5.
Orthot. Fid.
Cap. 1.
De Origine
Paraciar.
pag. 599
Niceph. Lib.
8. Cap. 11
De Sacris
Eccles. Mi-
nist. Lib.
1. Cap. 7.
Hist. Lib. 1.
Cap. 14. lat.
edit. Basil.
1587.

Platina in
Euaristo
Bellar. de
Scriptor
pag. 136.

Def. Lib. 2.
pag. 96.
Pag. 100.

nis interpretatione, qui de Essenis, non Christianis loquitur: quam Eusebii hallucinationem observavit Josephus Scaliger in Elencho Trihæresi, ut supra diximus. Videat etiam lector, quæ supra notavimus de Eusebio & Marco Præterea cum de distinctis in Ecclesia Alexandrina Parœciis citat Epiphanium Hæres. 69. Dounamus dicit, ante Constantini ætatem divisas fuisse. Nicetas Choniates, distinctas Parœcias Alexandriæ memorans, non ad Marcum aut Apostolorum tempora ascendit; & quæ refert, ex Epiphanio desumpsisse, ait Filescus. Nicephorus dicit tantum ex consuetudine antiqua unum præesse omnibus Presbyteris in Alexandrina Ecclesia Episcopum, Presbyteros autem ipsos suas regere Ecclesias & populum in eis congregatum docere, ut observat idem Filescus. Duarenus dicit, in singulis civitatibus fuisse Presbyterorum Collegium quoddam, cui præerat Episcopus, in quorum locum successisse videntur Canonici. *Nondum enim Presbyteri separatas habebant Ecclesias, in quibus docerent & sacramenta administrarent. Quid vel Sozomenus demonstrat, cum ait consuetudinem fuisse in Alexandria tempore suo, ut uno existente super omnes Episcopo, Presbyteri seorsim Ecclesias obtinerent, & populus in eis collectas solenniter celebraret, Tripart. Hist. Lib. 1. Cap. 19.* Ipsius Sozomeni verba sunt ista; *Arius mittit legatos ad Paulinum Episcopum Cyri, & Eusebium cognomento Pamphilum Ecclesiam Cæsareæ Palestinæ gubernantem, & Patrophilum Episcopum Scythopolis, petitque ut potestas sibi, utpote gradum Presbyteri antè adepto, una cum suis permittatur populum sibi faventem ad conventus vocandi. Nam consuetudinem fuisse Alexandriæ, sicut nunc est, ut licet unus omnibus præesset Episcopus, Presbyteri tamen separatim Ecclesias retinerent, populumque sibi commissum ad conventus cogerent. Ait consuetudinem fuisse Alexandriæ, non Marci institutum. Cum igitur nulla sit ista exceptio Dounami, manet firmum quod sæpius alibi dicit, non fuisse Ecclesias civitatum Apostolorum ævo divisas in distinctas Parœcias, easque uni matriçi & Cathedrali subordinatas. Dicunt quidam, Euaristum anno Christi Centesimo Titulos id est Parœcias in urbe Roma Presbyteris divisisse. Onuphrius Panvinus Libello de Episcopatibus, Titulis, & Diaconiis Cardinalium; Porro autem, ne Presbyterorum administratio in promiscuo esset, idem Euaristus, qui tertius post Beatum Petrum Apostolum Romanus Pontifex fuit, circa annum à Christo nato centesimum, Titulos, vel, ut nunc dicimus, Parœcias in urbe Roma ipsis Presbyteris divisit, ut singuli à se invicem secreti in sua urbis regione, Titulo vel Parœcia, confusionis tollendæ causa, divina mysteria populum erudientes, sacramenta Dei omnibus ad se venientibus exhiberet, singulosque Presbyteros in unoquoque titulo posuit. Sufficere enim tum visus est is numerus propter credentium paucitatem. Sed Eremita iste non facillè persuadebit vera esse quæ refert Idem, fateor, Platina memorat, sed personatum Damasum sequutus, ut ait Damasus, inquit. Sed liber iste, nempe de Viris Pontificum, qui Damaso tribuitur, est Anastasi Bibliothecarii, non Damasi, ut notum est, ait Bellarminus. At Anastasius Bibliothecarius Abbas Romanus floruit circa annum 858: Quid si ipse Damasus dixisset, an fides illi habenda? qui recentior est & prope finem Centuriæ Quartæ Pontifex. Personatus Platinæ Damasus, & tamen, ut Damasus ait, inquit. Ipse pro certo affirmare non audet. Præterea, Tituli, inquit Onuphrius, erant Temples, vel ut nunc dicitur, Ecclesiæ, sive loca sacra in sanctorum honorem aut memoriam erecta, & per urbis regiones à Romanis Pontificibus antiquitus distincta, in quibus animarum cura à Presbyteris in eis commorantibus habebatur. Dounamus; Tituli, nempe quos assignavit Presbyteris Euaristus, erant ædes sacræ, vel loca conventuum: item, Euaristus divisit singulis Presbyteris Titulos id est, statâ conventuum loca, quæ nos Ecclesias Parœcias vocamus, quibus ipsi intitulati erant, & isti hujus aut illius Tituli aut Parœciæ Presbyteri. An verisimile est, imperante Trajano*

Trajano, qui persecutionem movit in Ecclesiam, & à persecutione immani tandem cessans atque inquirendis Christianis, oblatos tamen puniri iussit, in urbe Roma tot ædes sacras constructas fuisse? Nec quod de Hygino dicit idem Onuphrius probabile est, nempe quod non longè post, fidelium quotidie crescentium multitudinem permotus Hyginus Romanus Pontifex, quum tot credentibus non sufficerent hi, plures in unoquoque Titulo quum Clericos tum Presbyteros esse voluit. Hinc autem Presbyterorum Cardinalium nomen manasse crediderim, ut is videlicet esset Presbyter Cardinalis, id est principalis, qui cæteris Presbyteris ejusdem Tituli præesset. Scribit Onuphrius de Cardinalibus ad Cardinalem Diaconum Alexandrum Farnesium; idcirco ab antiquissimis quàm potest temporibus earum originem repetit. Sed Bellarminus Onuphrii crediderim de Cardinalium nomine errorem esse ostendit. Nec Onuphrio in cæteris ego crediderim. Platina dicit, Hyginum Clerum prudenter in ordinem redigisse & distribuisse, sed ut alia, nempe instituisse, ne templa sine celebratione decerentur, neve auferentur diminuerenturve sine arbitratu Metropolitanis vel Episcopi, ne ligna reliquave materies ad ædificanda templa congesta in prophanos usus converteretur, posse tamen ad structuram alterius Templi vel Cœnobii concedente Episcopo transferri. Quid? an tempore Hygini structa Cœnobîa & Templa, & Hyginus post Petrum, ut dicunt illi, Nonus Pontifex erat Patriarcha, qui haberet sibi subditos Metropolitanos, quibus etiam leges præscriberet? Alii Dionysium quem 25. post Petrum numerant, anno 290. primum divisisse Parœcias, quia Epistola 2. ad Severum sic scribit; *Ecclesias singulis Presbyteris dedimus. Parœchias & Cœmeteria eis divisimus.* Sed adhuc de fide Epistolarum, quæ tribuuntur Pontificibus Romanis illius & superioris ætatis, controversatur, & dubitant doctiores inter ipsos Pontificios. Ut cunque est, sive Evaristus, sive Hyginus, sive Dionysius, sive Marcellus Parœcias singulas singulis Presbyteris in urbe Roma dividerit, tamen exacto Apostolorum sæculo id factum est, idque in urbe amplissima, non tamen statim in omnibus civitatibus. Præterea non damnamus divisionem majorum & ampliorum Ecclesiarum in minores: sed ita dividere ut Ecclesiæ illæ distinctæ suo proprio spoliarentur Presbyterio & exercitio disciplinæ, saltē ita dividi ut particularium Ecclesiarum Presbyteri excludantur à communi regimine distinctarum Parœciarum. Nam ita vult Dounamus divisas fuisse, ut Presbyteri qui ante divisionem in commune regebant Ecclesiam, facta divisione suam solummodo parœciam regerent quasi in foro conscientiæ, relicta Episcopo & paucis quibusdam Presbyteris ipsius Consiliariis in Cathedrali & matrice Ecclesia in distinctæ Parœcias communi jurisdictione in foro exteriore. Sed quæritur, quò jure possunt ita Parœciis distinctis affigi Presbyteri, ut à communi regimine distinctarum abstineant, & consequenter à suæ Parœciæ regimine externo & in foro causarum. Nam secundum veritatem dispositionis Dominicæ, Presbyteri, ut supra probavimus, Ecclesiam in commune regebant. Jus humanum Divinum tollere non potest. Ut Presbyteri sunt omnes inter se pares, eorumque nullus à communi Ecclesiæ regimine excludendus; sic & Parœciæ distinctæ sunt inter se potestate pares, & una alteri non subordinatur. Dicit Dounamus, Apostolos constituisse per civitates Presbyteros, ut eorum ministerio fermentaretur tota civitas. Dum massa tota jam fermentata non divisa erat in plures panes, concedit Presbyteros communi consilio gubernasse; at divisa jam massa in plures panes, præpositos suis singulis singulos Presbyteros fuisse, & Episcopum cum paucis consiliariis in Cathedrali sua Ecclesia jurisdictionem in omnes exercuisse. Sed illud est de quo quæritur, cur una pars massæ divisæ imperaret in alios. An pars illa prius fermentata quàm aliæ, id est separata illa pars prius conversa & convertit alias? Non est verisimile, unam civitatis plateam ant re-

Defens. Pa-
cis 2. Part.
Cap. 18.
pag. 296.

De Rep.
Eccl. Lib. 3.
Cap. 1.
Num. 10.

gionem urbis conversam ante alias, sed promiscue per varias civitatis regiones & partes conversos fuisse fideles, qui in unum aggregati cœtum, paulatim alios simili modo converterunt promiscue per civitatis partes, & sic tota massa fermentata, non poterat in divisione seligi una quæ alias fermentasset, sed necessario fideles qui in primum cœtum coiere, divisa integra massa, divisi etiam & ipsi, & suis titulis ac distinctis Parœciis ascripti sicut ipsi Presbyteri. Præterea non sequeretur, una pars prius fermentata fermentavit aliam; ergo debent aliæ illi subordinari & subijci. Conversa convertentem ut in Christo priorem & ob conversionis beneficium in honore habere potest. Sed Christus tantum potestatis concessit conversis Ecclesiis quam convertentibus. Nam si hæc ratio esset ullius momenti, Hierosolymitana Ecclesia omnibus aliis imperitasset, Antiochenæ, Romanæ, Alexandrinæ &c. Suscepit à Græcis Romanus populus gratiæ non coactæ leges quasdam vocatas decem tabularum, à quibus tanquam ab origine leges reliquæ Romani populi processerunt. Et tamen constat, Romanum populum Græcis nulla jurisdictione vel autoritate subiectum; inquit Marsilius Patavinus. Et an hereditaria etiam ista potestas? Quid si convertens mater fiat meretrix vel defecerit à fide, & filia conversa in fide permanferit? Quid si pia mater exuerit materiam affectum, & satis pro imperio se gesserit? Sed redeamus. Una pars massæ non est alia superior & autoritate major. Pistor massam integram dividit in pares panes. Sed utcumque pistor dividerit massam suam, ita vult Christus dividi Ecclesias ampliores, quando jam non possunt commodè in unam coalescere Ecclesiam, sed mole sua laborant. Dicit Spalatensis, universam Christianam multitudinem, quotquot per universum orbem sparsi inveniuntur, unum efficere magnum cœtum, unicamque rempublicam spirituales. Et hæc unitas est unius totius integralis in re quantitativa, homogenea, quæ habet partes, non duntaxat integrantes, sed homogeneas; sicut, si divideres unum magnum lapidem in plures partes, & particulas, ita lignum, aurum, terram, aquam &c. Ecclesia hæc una est, unicus magnus grex, cujus partes & particule non subiectivæ, non morales aut metaphysicæ, sed merè & pure integrantes; homogeneæ tamen & ejusdem rationis sunt particulares Ecclesie majores & minores. Unitas itaque Ecclesie universalis militantis non est unitas generis, quod multiplicetur per species usque ad specialissimam; neque unitas per essentialiam subordinationem: quia inter partes hujus magnæ Ecclesie integrantes duntaxat nulla est essentialis subordinatio, nulla dependentia, & consequenter nulla subiectio, nulla prælatio; hæc de particularibus Ecclesiis æquè affirmari possunt. Massa divisa in plures est sicut magnus lapis divisus in plures particulas. Massa ante divisionem totum integrale; parœciæ distinctæ partes integrantes sed homogeneæ: nulla hic essentialis subordinatio, nulla dependentia, nulla subiectio, nulla prælatio. In ratione formali Ecclesie, per quam Ecclesia est Ecclesia, nempe fide & religione, universa Ecclesia est una, inquit, & ex hac unitate tota est homogenea, nam ejusdem sunt rationis partes cujus est totum, sicut aquæ partes divise sunt aqua; & multæ partes aquæ conjunctæ simul nihil aliud faciunt, nisi magnam aquam: sic multæ Ecclesie per orbem positæ partiales constituunt unicam Ecclesiam totalem magnam. Sic & partiales hujus massæ Ecclesie sunt unius fidei & religionis participes: cur non ergo & communis regiminis? Fallitur, inquit, Bellarminus, dum corpus Ecclesie facit unum heterogeneum, sicut una arbor est ex ramis & radice. Falluntur certè vel fallere potius volunt Hierarchici, dum corpus Ecclesie ut Civitatis aut Dioceseos faciunt unum Heterogeneum; acsi Cathedralis mater esset; cæteræ partiales, filie; vel potius illa domina, illæ ancillæ, &, ut lepide quidam dixit, ut campanaria turris Ecclesie Cathedralis devoraret turricillas Parœcianarum. Supereminet illa iuter alias tantum, quan-

quantum lenta solent inter viburna cupressi, ad ostendendam reginæ Majestatem. Sed non tam de immani turrium structura, quam de Domini Episcopi turrita potestate jam dissero. Olim dictum, filia devoravit matrem, jam vice versa dici potest, mater devoravit multas filias. Cum igitur sunt Ecclesiæ partiales sorores consanguineæ, ut utar verbis Bedæ, eodem semine incorrupto genitæ, in eadem familia Catholica educatæ, membra ejusdem capituli, palmites ejusdem vitis, coheredes ejusdem hereditatis, filie domine Sæcæ, non autem ancille Agar, & in tot privilegiis pares, an potestate regiminis impares esse debent? Ecclesiæ ergo pares, earumque Presbyteri pares, & nulli sunt à communi partialium unius massæ Ecclesiarum regimine excludendi. Ante divisionem pari consortio præditi erant honoris & potestatis. In Concilio Hierosolymitano interfuerunt Presbyteri Ecclesiæ, & Act. 21. 18. cum introit Paulus ad Jacobum adfuerunt omnes Presbyteri. Post divisam massam quo jure sunt secludendi? Certè si tale institutum obtinisset in Ecclesiis sive Secunda annorum Centuria sive Tertia, imprudenter, ne gravius dicam, violatum ordinem divinum dicerem, & post tot annorum centurias in Ecclesiis Reformatis jure restitutum, in alijs summa cum Ecclesiarum injuria non instauratum. Sed negamus, id factum esse primis illis sæculis. Non erant alii Presbyteri Romanæ Ecclesiæ alijs prælati per multa sæcula, vel ipso Bellarmino teste. Nam cum sunt tria Cardinalium Presbyterorum officia, unum commune cum omnibus alijs Presbyteris, ut consecrare Eucharistiam, remittere & retinere peccata in foro poenitentiae; duo reliqua ipsis propria sunt, officium eligendi summum Pontificem, & eidem perpetuo assistendi, eumque in regenda universa Ecclesia consilio & industria adjuvandi. Sed non esse adeo antiquum, ut soli Cardinales duobus officiis posterioribus fungantur, dicit Bellarminus. Nam à tempore Apostolorum per multos annos, immò etiam per aliquot sæcula, quia pauci erant Presbyteri, & Diaconi omnes simul ad electionem Episcopi, & ad Concilia vocabantur, neque opus erat tunc distinguere à Cardinalibus non Cardinales, sicut etiam in alijs Ecclesijs non distinguebantur Canonici à non Canonicijs. Quare Cyprianus, cum aliquoties scribat ad Romanum Clerum, non scribit ad solos Cardinales, sed ad omnes Presbyteros & Diaconos Ecclesiæ Romanæ. Et similiter illi cum Cypriano respondent, Presbyteri & Diaconi omnes respondent. Vide Lib. 2. Epist. 7 & Lib. 3. Epist. 5. & 21. Cum crevisset multitudo Cleri, dicit vocatos quidem omnes ad Electionem sed non ad Concilia, sed aliquos principales, qui Romæ & alijs quibusdam in locis Cardinales dicebantur. Sed nulla hujus mutationis monumenta profert ante tempora Gregorii. Id constat, inquit, ex Synodo Gregorii Lib. 4. Registri c. 88. Nam solum Concilio interfuerunt ex Presbyteris 34. & si titulares omnes, id est, Cardinales. Certum autem est tunc Romæ fuisse multo plures Presbyteros, quam 34. Nam si tempore S. Cornelii circa annum Domini 250 in medio persecutionum, regnantibus Idololatrijs, tamen erant Romæ 46 Presbyteri, ut ex Epistola ejusdem Cornelii refert Eusebius Lib. 6. Histor. Cap. 33: certè multo plures erant tempore Gregorii circa annum Domini 600, quando nullus in urbe erat Paganus. D. Fildus licet Hierarchicus eadem dicit, absque ullò discrimine Presbyteros omnes electioni & consultationibus Episcoporum interfuisse. Num omnes interfuerint consultationibus Gregorii ætate, dubitat; electioni tamen Episcopi omnes interfuisse certò constare ait. Denique postremis quingentis annis, inquit Bellarminus, neque ad Concilia neque ad electionem admissi sunt omnes Cleri, quod nimis multi essent, sed soli Cardinales. Vera causa erat studium amplificandi dignitatem quorundam, ad conciliandam Romanæ sedis ampliorem majestatem. Nunquam tam multi, quin possent in unum coire consistorium: & quo jure postremis annis quingenti magis excludendi ab electione, quam mille annis præcedentibus. Non enim jus divinum definit, ut hi potius quam illi

De Jure Re-
gum pag.
67.

De Clericis
Cap. 16.

De Ecclesia
Lib. 3. Cap.
28. pag.
142. 143.

De Clericis.
Cap. 8.

Epist. 80.
Cyp. Lib. 3.
Epist. 11.

Libro de
Origine Pa-
rochiarum.
Lib. 5. p.
141.

De Ponis
Operib. in
par. l. 2.
cap. 22.

illi ex Clericis eligant, ut fateatur ipse Bellarminus. Et à communibus consultatio-
bus cur excluderentur temporibus Gregorii, (si verum, sed testimonia ex ipso Gre-
gorio in contrarium supra attulimus,) magis quam tot annorum centuriis ante
ipsius ætatem? Si in Romana igitur Ecclesia per aliquot sæcula, ut dicit Bellar-
minus, non distinguebantur Cardinales Presbyteri à Non-Cardinalibus, distribu-
tio in Titulos seu Paroecias non sustulit Presbyterorum commune regimen. Si de
Romana Ecclesia id verum, multò magis de aliis. Nam, ut ait Bellarminus,
etiam in aliis Ecclesiis per aliquot sæcula non distinguebantur Canonici à Non-
Canonicis: immò. divisionem Paroeciàrum in aliarum civitatum Ecclesiis statim
ab Apostolorum temporibus introductam, quis pro certo affirmare audeat? Sicut
Siricius Episcopus Romanus Epistola ad Ambrosium dixit, *facto Presbyterio*; ita
Cyprianus, *placuit contrahi Presbyterium*. Cyprianum, qui statuit ab initio Episco-
patus sui nihil inconсульта plebe agere, Presbyteros aliquos exclusisse an verisimile
est? Episcopus non solum regebat in commune cum Presbyteris, sed etiam doce-
bat promiscuè, ut alii Presbyteri, ante divisam massam in particulares Ecclesias,
& post divisionem in sua separata Ecclesia, licet ut Præsides Presbyterii habuerit.
inspectionem in cæteras distinctas paroecias. Nam pro arbitrio in hac vel illa ci-
vitatis paroecia ministrasse verbum & sacramenta Episcopum pro suo arbitratu,
& tanquam communem omnium Pastorem, non legimus. At ita fieri debuit, si
Episcopus sit universalis omnium distinctarum Paroeciàrum, non inspector solum,
sed etiam Pastor. Non debet in una parte hære, si omnium sit Pastor. Nam
si singulis Presbyteris singulæ assignatæ sunt Paroeciæ, & partes gregis Domini-
ci, vel separatam habet partem gregis ut Presbyteri, cui & ipse addictus est, vel nul-
lam. Si nullam, vel est Pastor absque grege, vel totum gregem ex æquo pa-
scere debet; una pars non charior illi esset quam alia. Templum Cathedrale si
non sit illius Paroeciæ in quo situm est peculiare, sed commune omnibus, idolum
est. Nam si Paroeciani singuli suis intersint Paroeciis, ut per Canones tenentur,
sicut pluribus probat Filescus, ex Cathedra Episcopus concionabitur tanquam
aërem cædens & parietes verberans. Profert ex Onuphrio Fildus, in singulis
Titulis fuisse Ecclesias quasdam principales, in quibus ministrabatur Baptis-
mus, quæ propterea dictæ sunt Baptismales; in his Ecclesiis Episcopum concio-
natum pro arbitratu, & secum duxisse catervam numerosam, & conventus istos
Stationes dictos, quia stabant inter orandum, & inde dictas Ecclesias istas Sta-
tionales vel Stationum. Sed cum probandum esset exemplis, nulla proferunt ante
Gregorii ætatem, qui dicitur in Ecclesiis hisce concionatus esse. Statio, inquit Bel-
larminus, nihil aliud erat, nisi vigilia d'urna tempore solennis jejunii: Cum enim pu-
blice & sollemniter jejunabatur, vigilabant in orationibus, & ejusmodi vigilæ & quasi
excubiæ orantium & jejunantium Stationes dicebantur vocabulo desumpto ex militia. Item;
Porro S. Gregorius stationibus certa loca attribuit in urbe Roma, & ipse ad ea loca ve-
niens tempore stationum viginti Homilias in variis Ecclesiis declamavit. Non modo Gre-
gorius ipse, sed & alii Presbyteri ad stationum loca venerunt, nec solus Episcopus
concionatus dicitur illis locis: alioquin cur diceret Johannes Diaconus in Vita
Gregorii Lib. 2. Cap. 18. Gregorium declamasse viginti Homilias in illis Eccle-
siis? cum potius dicendum erat, Gregorium ex officio in iis locis, quæ Stationi-
bus attribuit, Homilias habuisse. Convenerunt ad Panegyricos illos conventus
non modo populus sed etiam Presbyteri: & cum Basilica ad quam Statio indicta,
tantam populi multitudinem capere non possêt, & omnes tamen Stationis parti-
cipes esse cuperent, consuetudo introducta est, ut nunc isti, nunc illi locum Sta-
tionis adirent, & sic à summo mane usque ad vesperam nunquam deessent, qui in
Eccle-

Ecclesia Deum precarentur, & laudarent. Et Episcopus solus, scilicet, à summo mane ad vesperam in divino cultu conventibus hisce præfuit? Ut Parœciæ distinctæ temporibus hisce solennioribus coierunt in unum, sic & Presbyteri earum & in commune pascebant & dirigebant ut ante divisam massam Ecclesiæ totalis.

Concedatur Episcopum non modo Inspectorem, sed etiam Pastorem distinctarum Parœciarum in civitate fuisse, & ex officio esse; an etiam in regione termina & adjacente, nunc videndum. Vox διοικήσις, ut refertur ad Episcopum, ignota Eusebio & superioribus sæculis. In Concilio Africano eo sensu capitur. In Chalcedonensi & Constantinopolitano ditionem aut circuitum jurisdictionis Archiepiscopi majoris seu Patriarchæ, de quo Capite Secundo diximus, significat. Eusebius utitur voce παροιίας, & quidem variè. παροιία Eusebio significat Ecclesiam quæ civitatem & suburbia civitatis incolebat, quando relata est ista vox ad Episcopum, vel ubi non distincta erat in partiales Ecclesias, etiam ad Presbyterum: non autem Ecclesias illas quæ erant in regione. Utitur enim sæpius eadem phrasi qua Scriptura, ut cum dicit Episcopus Parœciæ in hac vel illa civi-

Def. Lib. 2.

tate. Quomodo quæso Ecclesiæ, *ἐν ταῖς χώραις* possunt dici esse *ἐν τῇ πόλει*? Dicit Dounamus Eusebium uti quandoque etiam propositione *κατὰ*, ut cum de Dionysio lo-

Cap. 7 p.

125. pag.

105.

quitur, *τῆς πρεσβυτερίας, τῶν κατ' Ἀλεξάνδρειαν ἐκκλησιῶν τὴν ἐπισκοπὴν ὑπολαμβάνει*, Histor. Lib. 7. Cap. 35. At cum ipse interpretetur *κατὰ* in vel circa Alexandriam, & eodem sensu dicit Eusebium quandoque usum *κατὰ* quo *ἐν*, nihil aliud vult Eusebius, quam Dionysium suscepisse Episcopatum *πρεσβυτερίας* Ecclesiarum, quæ erant in civitate Alexandria & suburbiis circa civitatem. Et quod dicit *Ecclesiarum*, non *Ecclesiæ*, inde ortum, quòd Ecclesia Alexandrina erat divisa in distinctas Parœcias & Ecclesias, ut supra ex Sozomeno didicimus, licet divisio ista ad Marci institutum, aut Apostolorum tempora, non sit referenda Idem ait Dounamus sentire Eusebium, cum dicit Episcopus *παροιίας* vel *παροικιῶν, ἐκκλησίας* vel *ἐκκλησιῶν*. Assumo. At Eusebius ait, Demetrium fuisse Episcopum *τῆς αὐτοῦ παροιίας*.

Lib. 2.

Lib. 6. Cap. 8. Cum igitur dicit Lib. 6. Cap. 1. Demetrium eundem suscepisse

Pag. 111.

τῶν δὲ αὐτοῦ παροικιῶν τὴν ἐπισκοπὴν, nihil aliud vult quàm Parœciarum distinctarum, quæ erant in Parœcia magna Ecclesiæ Alexandrinæ, non autem Parœciarum per agros & regionem adjacentem, ut Episcopum Diœcesanum, vel Parœciarum Episcopatum per totam Ægyptum, ut Metropolitanum. *Αὐτόθι* illic, in, vel intra, non extra, aut circa, significat. Sic phrasæ istæ, *ἐν Παροιίᾳ, & αὐτοῦ παροιίας*, Parœciam illam civitate & suburbiis comprehensam fuisse indicant. Sic Apostolus utitur *κατὰ* Rom. 16. 5. *Salute Priscillam & Aquilam καὶ τὴν κατ' οἶκον αὐτῶν ἐκκλησίαν, Ecclesiam quæ domi eorum*. Eusebius etiam alia phrasi utitur quæ idem exprimit, ut cum dicit Lib. 6. Cap. 26. Demetrium *τῆς Ἀλεξανδρείαν ἐκκλησίας ἐπισκοπον* Episcopum Ecclesiæ Alexandrinorum. Ineptè quis loqueretur, puto, si Diœcesanam Ecclesiam Episcopi Londinensis vocaret Ecclesiam Londinensem. Non enim sunt rurales Parœciæ in Diœcesi Londinensem civium, sed Episcopi Londinensis. Utitur Parœciæ & Ecclesiæ vocibus in singulari numero, cum scribit de Episcopis Alexandrinis etiam post Demetrium & Dionysium. Ipsa etiam vox *παροιία* proprie significat accolatum eorum, qui ædes contiguas vel non longe à se invicem distitas incolunt. Quod de civitate unà cum regione Diœcesana ineptè dicitur. Tandem vox ista Parœcia & corruptè Parochia impropria loquutione imposita est integræ Diœcesi, sed post Eusebii ætatem.

Sed extenderint alàs suas ultra civitatem & suburbia Episcopi civitatum ante Eusebii ætatem, & alia phrasi designatæ sint ipforum Ecclesiæ in agris, ut *ἐν ταῖς χώραις*, vel *κατὰ χώραν*. Respondeo primum, non sic fuisse ab initio. Nam *ἐν ταῖς*

χώραις.

χωραιο, fuisse alios à civitatum Episcopis, quos Chorepiscopos vocabant, omnibus notum est. At replicant, Chorepiscopos fuisse Episcoporum tantum suffraganeos, eorumque vices supplevisse, & hac ratione dictos Chorepiscopos. At oppositio usitata inter *ἐπίσκοποι καὶ χωραιο* ostendit, alia ratione dictos Chorepiscopos, nempe quod *ἐν ταῖς χωραῖς* Episcopi essent; quod fateatur Dounamus. Cum decretum fuerit in Concilio Antiocheno Can. 10. ut Chorepiscopi ordinentur in posterum ab uno Episcopo sicut Presbyteri, non autem ut ante à Metropolitanis & tribus Episcopis ut Episcopi civitatum, sicut Balsamo interpretatur & ipse Dounamus; pater, Chorepiscopos Episcopis civitatum subiectos non fuisse, sed potestate pares, ut qui Episcopalem manuum impositionem accepissent à Metropolitanis sicut ipse Episcopus civitatis, & suo jure ordinasse Presbyteros & Diaconos, quod etiam hac Synodo verum in futurum, nisi permittente Episcopo. Unde colligit Bellarminus, Chorepiscopos illos fuisse veros Episcopos, cum etiam non nisi permittente Episcopo civitatis poterant ordinare Presbyteros & Diaconos, quia ritu Pontificum sunt consecrati. Alios fuisse Chorepiscopos dicit, quod consecrationem Episcopalem acceperant, sed Chorepiscopi dicti sunt, quod non haberent propriam Ecclesiam, sed in aliena Diocesi ministrarent, quales sunt hoc tempore Episcopi quidam Titulares, qui & Suffraganei dici solent. Alios vero Chorepiscopos fuisse, qui nihil aliud nisi Presbyteri essent, sed in pagis ac villis seu etiam oppidulis Episcopum aliquo modo repræsentarent, quibus ne Subdiaconos quidem ordinare licuisse, Damasus Epist. 3. affirmat. Verum quidem est, Legem statuisse Concilium Antiochenum, ut deinceps Chorepiscopus ordinetur ab uno Episcopo, & proinde Presbyter sit non Episcopus: & de omnibus omnino Chorepiscopis hoc statuit. Nam vult Canon ille, ut nulli omnino Chorepiscopi ordinentur, ut antea ordinati sunt à Metropolitanis & aliis Episcopis, quia ordinatio illa erat signum paritatis, quam inter Episcopos civitatum & Chorepiscopos sublatam volebant. Nam spiritu superbiæ affati jam & antè, non ferre poterant rivales Chorepiscopos, vel dignitatem suam vilescere, quod futurum putabant, si dignitas Episcopi communicaretur etiam ruralibus. Chorepiscopi omnes suas habuerunt Ecclesias & ditiones, ut Episcopus civitatis; non erant titulares aut suffraganei. Nam cur ordinati ut Episcopus civitatis à Metropolitanis, & non ab Episcopo, quorum dicuntur suffraganei fuisse? cur subscripserunt Concilio Nicæno, ut Episcopi civitatum? cur ordinarunt Presbyteros & Diaconos, donec Canone interdictum fuit? Damasus, verus an suppositus parum refert, vult Epist. 4. fuisse solummodo Presbyteros, & ne Subdiaconos quidem ordinare potuisse. Sed de fide Decretalis illius Epistolæ dubitat ipse Dounamus. Ex Epistola tamen illa colligi potest, Chorepiscopos Episcopalis autoritatis munia præstitisse, licet Damasus iste illos propterea arrogantis & ambitionis insimulet. Cur non irritæ eorum ordinationes, si non habuerint potestatem ordinandi? Concilio Ancyrano interdictum tantum, ne id facerent in aliena Parœcia, ut supra ostendimus. Jam cœperant deprimi Chorepiscopi. Nam in Concilio Neocæsarensi, cui interfuerunt complures ex iis qui subscripserunt Ancyrano, dicuntur esse ad instar 70 discipulorum. Sed Canon Antiochenus, de quo supra, ostendit Concilio illius Provincialis Canonem (si genuinus) nihil movisse Chorepiscopos: sed sanctos fuisse nihilominus officio eodem quo Episcopi civitatum, donec cohibiti erant per Canones. Imo ex Damasi Epist. 4. & Leonis Epist. 86. constat graves rixas extitisse inter Episcopos civitatum & Chorepiscopos. Si Episcoporum solummodo Suffraganei fuissent ex primo instituto, non autem Episcopi ejusdem juris & potestatis, non sustinissent tam diu certamina cum Episcopis urbanis. Sed tandem

Def. Lib. 2.
pag. 27.

Lib. 2. Pag.
29.

De Clericis
Cap. 17.

Lib. 2. pag.
29. 30.

Can. 13.

dē gradū & dignitate cedere coacti sunt, & ipso Chōrēpiscopi nomine. Ipso-
rum ditiones Dounamus dicit fuisse instar Decanatum ruralium in Anglia. Et
Mucketus; *Decani rurales veteris Ecclesie Chōrēpiscopi & Archipresbyteris Regiona-*
riis haud absimiles. Quod ad potestatem, prorsus absimiles fuisse, suo loco osten-
demus. Quod ad ditionis circuitum, idem dicit cum Dounamo.

Quam angusti fuerint fines Dioceseou Episcopaliū inde liquet, quod celebra-
verint Concilia Provincialia Episcoporum quotannis; quōd jam non posse propter
Dioceseon & provinciarum latitudinem causantur Anglicani. Item ex eo, quōd
ad examinandam causam Presbyteri accusati sex Episcopi ex vicinis locis, ad
causam Diaconi tres, adjungerentur Episcopo, Conc. African. Can. 20. Tam
prope habitabant, ut in unum coire satis commodē potuerint. Narrat Cyprianus;
Privatum veterem hereticum, in Lambesitana colonia, ante multos fere annos, ob mul-
ta & gravia delicta nonaginta Episcoporum sententia condemnatum. Vides in una Syn-
odo Lambesitana 90. Episcopos multos ferē annos ante scriptam a Cypriano
Epistolam istam. In Synodo Carthaginensi, celebrata adversus Novatum de Pace
lapis Pœnitentibus danda, interfuerunt 84. Episcopi, ut Auctor Synodici Cap.
22. refert. Carthagine celebratum est circa annum 308. Concilium Donatistarum
Episcoporum 270. cujus meminit Augustinus Epist. 48. Concilium Carthaginense
Sextum celebratum est ab Episcopis 217. Si tot interfuerant in Conciliis; quot
erant per universam Africanam? Augustinus contra Gaudentium innumerabiles in
Africa fuisse Episcopos orthodoxos memorat, Victor Uticensis in persecutione
Vandalica 660 Episcopos fuga sibi consuluisse refert. In quibusdam Ecclesiis erat
tantum duo Presbyteri vel unus, aliquando nullus, ut probat ipse Bilsonus ex
Ambrosio in 1. Tim. Cap. 3. Concilio Carth. 3. Can. 45. & Africano Can. 56. *De Gubern.*
Ubi tam pauci Presbyteri, non lata Diocesis. Cum eligeretur Episcopus, ple-
be præsente & universa fraternitate electus est, ut de Sabino refert Cyprianus, *pag. 301.*
Quod & apud vos factum videmus in Sabini collegæ nostri ordinatione, ut de universa
fraternitatis suffragio & de Episcoporum, qui in præsentia conveniant quique de eo ad
vos literas fecerant, judicio, Episcopatus ei deferretur, & manus ei in locum Basilidis
imponeretur. Ibidem ait, de traditione divina & Apostolica observatione descen-
dere, ut electio fiat plebe præsente. Non adeo numerosa plebs erat, quin ad eli-
gendum Episcopum in unum convenire posset. Hæc & similia ostendunt, Episco-
porum ditiones non adeo latè fuisse, ut nunc sunt, & Episcopos non modo
in civitatibus, sed etiam oppidis pagis ac villis per agros & regionem constitutos
fuisse. Et disertè apud scriptores dicitur, Episcopos in oppidis & villis Episco-
patus gessisse, Gregorius autem Nazianzi urbis Cappadociæ perexignæ (in qua pater
ejus ante rexerat Ecclesiam) Episcopus creatus, *πόλεως ἐπιτελής*, ut ait Socrates.
Alexander quidam qui se Carbonarium finxit à Gregorio Thaumaturgo vico Co-
mano præpositus est Episcopus, vide Baronium Anno 233. Num. 10. villam fuisse
patet ex Eusebio l. 5. c. 16. ubi dicit *ζωτικὸν ἀπὸ κομάνης καὶ κομῆς* Zoticum à vico Co-
mano fuisse. Theodoritus refert, quendam, qui nominatur Maris, ab Eusebio præ-
ponendum Dolichæ, quæ *πολίχνη* parvum oppidum ibi dicitur. Gennadius de Viris
Illustribus dicit, Aesclepium vici nongrandis Episcopum fuisse. Spiridion Trimi-
thantis oppidi Episcopus, ut refert Sozomenus, quem in Episcopatu positum
etiam opilionem fuisse tradunt. Observat Cartwrightus, non extare in tabulis
Geographicis nomina 4, aut 5 oppidorum, quorum Episcopi memorantur inter-
fuisse Concilio Carthaginensi Cypriani ætate celebrato. Hieronymus Epistola ad
Euagrium confert frigida quædam oppidula cum Roma & Alexandria, ubi tamen
Episcopi erant. Oppidum Triumtabernarum Vilitris vicinum fuit, habuit tamen
suum

Lib. 2. p. 27.
Cap. 9. pag.
339.

Lib. 1.
Epist. 3.

pag. 19.

De Gubern.
Cap. 13.

pag. 301.

302.
Lib. 1. Ep. 4.

Lib. 4. c. 26.

Lib. 5. Cap.

4.

Lib. 1. c. 10.

Repl. 1.
Part. png.

Lib. 2. Ep. 35. suum Episcopum, licet postea Gregorius Papa reliquias vastatæ illius Ecclesiæ Episcopo Veliterno subjecit. Sic & plurium aliarum vicinis suis aggregavit & univit. Castrum Cumanum suum habuit Episcopum. Gregorius Benanato Episcopo; *Et temporis qualitas & vicinitas nos locorum inuitat, ut Cumanam atque Misenam unire debeamus Ecclesias; quoniam nec longo itineris spatio à se sejunctæ sunt, nec (peccatis facientibus) tanta populi multitudo est, ut singulos, sicut olim habere debeant sacerdotes. Quia igitur Cumani Castri sacerdos cursum vitæ hujus explevit, utraq; nos Ecclesias præsentis auctoritatis pagina unisse, tibique commississe cognosce, propriumque utrarumque Ecclesiarum scito te esse Pontificem. Olim igitur, antequam hostilis impietas, ut idem dicit Epist. 35. desolasset Ecclesias illas Cumanam atque Misenam, suos habuerunt Pontifices, licet non longo itineris spatio à se sejunctæ essent. Remigius apud Laudunum Clavatum, quod erat castrum suæ Diæceseos, constituit Episcopum: addit Hincmarus, dum hæc refert, B. Remigium & Canonum Africanorum & Apostolica auctoritate fultum id peregrisse; inquit Filescus in Commentario de Episcoporum auctoritate. Apud alias verd nationes reperias ubi & pagis Episcopi ordinantur, sicut apud Arabes ac Cypros ego comperi, & apud Novatianos ac Montanistas eos qui degunt in Phrygia; ait Sozomenus. Esto, quod non ubique in pagis & villis ac oppidis per agros constituti sunt Episcopi, sed quod Episcopi civitatum Parœcias illas rurales gubernarint in locis compluribus, tamen non sequitur praxin Ecclesiæ fuisse interpretem intentionis Apostolorum, ut vult Dounamus. Nam vult Dounamus, Apostolos intendisse ut Episcopi civitatum regerent regionem adjacentem, & intentionem probat praxi Ecclesiarum post Apostolorum tempora. At post Apostolorum tempora varia erat praxis, ut jam ostendimus, concedendo quod statim in quibusdam provinciis constitutæ erant Ecclesiæ Diocesanae. Præterea negamus statim post Apostolorum tempora id factum, sed seriùs, & Episcoporum aut incuria aut ambitione dilatatos fines Ecclesiarum suarum, qui Presbyteros in villis & oppidis constituerunt, quos sibi & Presbyteriis suis in civitate obnoxios fecerunt, non autem Presbyteria erigi aut Episcopos constitui curarunt. Nam cum ipsi eorumque Presbyteri & Christiani Ecclesiæ civitatis lucrifecissent primi eos qui etiam erant in agris, priusquam aliunde accederent alii qui eam operam navarent, non dederunt operam, ut Presbyteria & Episcopatus crescente fidelium numero per agros constituerentur: sed ut paulatim conversi sunt, paulatim sub suam ditionem redegerunt. Quod cum aliarum civitatum Episcopi percepissent, ut dignitate aliarum civitatum Episcopis pares essent, Chorepiscopos & Episcopos oppidorum & villarum deprimere cœperunt paulatim, donec tandem penitus subacti essent & ipsum nomen expungeretur. Hinc Canones sequentes conditi. Non debere in villis Episcopos ordinari, sed visitatores, id est, qui circummeante, constitui; hos autem, qui antehac ordinati sunt nihil agere censemus sine conscientia Episcopi civitatis. Balsamo in hunc Canonem; Alii quidem Canones ἐν ταῖς κώμαις καὶ ἐν τοῖς χωρίοις χορεπίσκοποις in vicis & pagis Chorepiscopos & Presbyteros constituendos definierunt. Præsens autem Canon jubet fieri ἐπιθεωρητὰς & non Episcopos, ne dignitas Episcopalis vilis & contempta evadat, utpote cum non habeat pagus, in quo ordinatus est Episcopus, hominum multitudinem ad Dei & Episcopatus honorem. Si qui autem ante Canonem, inquit, sunt in his locis constituti Episcopi, ne ejiciantur, sed omnia exerceant cum scientia Metropolitanæ, qui eos ordinavit. Ex hoc Canone & Balsamonis interpretatione patet in Oriente Episcopos in vicis & pagis constitutos fuisse, non in civitatibus tantum: & qui hætenus constituti erant ante hunc Canonem omnia egisse absque conscientia Episcopi civitatis. Sed quinam sunt isti Περιθεωρητὰς visitatores, seu ut alii circumcursatores, aut circuitores? Sunt au-*

Gene. Laod. Cap. 57. Vide Græc. Dist. 30.

tem periodentæ, ait Balsamo, qui hodie ab Episcopis promoventur Exarchi. Hi enim circuncursant, & delicta animæ observant, & fideles perficiunt. Periodentæ, inquit Zonaras in eundem Canonem, ex eo dicti, quod nullibi propriam sedem Cathedramque habentes huc illuc fidelibus in officio continendis vagentur. Filescus; Si in eo jus Cano- De Origin. nicum Latinorum sequi vellemus, Periodentas non alios significare, quam Archipresbyter- Paræcium ros seu Decanos rusticanos diceremus. Justellus in hunc Canonem; Sunt igitur περιόδον- pag. 570. ται in Ecclesia circuitores sive visitatores, qui veluti Episcoporum vicarii regiones civitatibus subiectas visitant ac circumveunt nullamque propriam sedem habent, ut ait Zonaras. Hoc est, quod de Chorepiscopis falso supra dixit Dounamus, eos nullam propriam habuisse Ecclesiam. Nam Chorepiscopi à Periodentis distinguuntur hic apud Balsamonem & apud Justinianum C. de Episcop. & Cleric. Lib. 41. ubi post Chorepiscopum ponit περιόδον. Gennadius Patriarcha Constantinopolitanus Epistola encyclica ad S. Leonem Magnum P. R. in enumerandis Ecclesiasticis dignitatibus & officiis, post Chorepiscopum recenset περιόδον seu circuitorem, seu visitatorem dicas. Et sub finem rogat Pontificem, ut hujus Epistolæ exemplaria transmittat Episcopis Occidentis & περιόδον, iis nimirum quorum munus Ecclesias circuire & visitare. Vide Filescum. In pag. 571. quibusdam codicibus ἡ περιόδον, in aliis ἀνα. Photius in Nomocanone Canon. Ta. 1. Cap. nem Laodicenum sic interpretatur; Ne sit omnino Episcopus ἐν πόλει αρχιεραὶ ἡ καὶ μη, 19. in parva civitate vel vico. Balsamo ex hujus legis æquitate, dixisset iniquitate, colligit pari ratione, quod multò magis non est ad Dei honorem, si Antistes propter paupertatem eat pedes, & privetur necessariis. Quocirca in Ecclesiis Orientalibus, in quibus non admodum multi inveniuntur Christiani, Episcopos eligi tutum non est. Vergit ad Episcopatus dedecus, scilicet, si exiguo populo præsit, si pedes incedat. Celebratum est Concilium istud Provinciale Laodicæ circa annum 364. Anacletus; Episcopi non in Castellis, aut modicis civitatibus debent constitui; & infra, non ad modicam civitatem, ne vilescat nomen Episcopi, sed ad honorabilem urbem titulandus & denominandus est. Adulterinam esse Epistolam illam Decretalem, qui tribuitur Anacleto, lippis & tonsoribus notum est. In Concilio Sardicensi decretum, non li- Can. 6. cere simpliciter Episcopum constituere in aliquo pago vel parva urbe, cui vel unus Presbyter sufficit. Non necesse est enim illic Episcopum constitui, ne Episcopi nomen & auctoritas vilipendatur. Sed provincie Episcopi debent in iis urbibus Episcopos constituere, ubi etiam prius Episcopi fuerint. Si autem inveniatur urbs aliqua tam populosa, ut ipsa Episcopatu digna judicetur, accipiat. Balsamo in hunc Canonem; Quia autem vilibus electis Episcopis in parvis vilibusque Parochiis, in quibus sæpe ne erant quidem Episcopi, qui & pedibus incedebant, & erant alioqui contempti, Episcopalis dignitas contemptui habebatur, statuerunt Patres, ne constituatur Episcopus in vico, sive in pago, vel in exiguo oppidulo, in quod vel unus sacerdos sufficit, ne Episcopalis dignitas vilipendatur, sed in illis urbibus constituantur Episcopi, quæ hominibus abundant & quæ jam olim habent Episcopos. Tanquam autem dixisset quispiam, iniquum esse urbem populo frequentem non habere antistitem, eo quod jam olim Episcopus in ea non constituatur, adjecerunt Patres in hujusmodi civitate etiam de novo constitui posse Episcopum. Ipse Sutilivius Canones De Pontifice, quosdam hujus Concilii pro suspectis habet. Bene est tamen, quod concedunt populi frequentiam requirere Episcopum. Ubique igitur est populi frequentia sive in urbe, sive in vicinis pagis & vicis, debet erigi Presbyterium. Nam Episcopus constitui alicubi absque Presbyterio, non volebant Patres illi. Grego- Qu. 1. c. 53. rius Junio scribit Bonifacio Episcopo Epist. 1. in hunc modum; Præcipimus ut juxta sacrorum statuta, ubi multitudo excrevit fidelium, ex vigore Apostolicæ sedis debeat ordinare Episcopos. Pia tamen contemplatione, ut non vilescat dignitas Episcopatus. Zacharias Papa ad Bonifacium Episcopum; Meminerimus, quod in sacris Canonibus Tom. 2. Con. præci- Epist. Ult.

præcipimur observare, ut minime in villulas vel in modicas civitates Episcopos ordinemus, ne vilescat nomen Episcopi. Eidem tamen permisit, ut in castello quod dicebatur Marsburg Episcopalem Cathedralam constitueret. Leo Papa ad Episcopos Africæ Epist. 85. c. 2. Illud sanè quod ad sacerdotalem pertinet dignitatem, inter omnia volumus Canonum statuta servari, ut non in quibuscumque locis, neque quibuscumque castellis, & ubi ante non fuerunt, Episcopi consecrentur. Infra; ne quod sanctorum Patrum divinitus inspirata decreta veterunt, viculis & possessionibus vel obscuris & solitariis municipiis tribuatur sacerdotale fastigium. Hæc Patrum decreta in Concilio Laodiceno & Sardicensi non divinitus inspirata, sed à spiritu ambitionis. Nullam enim causam reddunt decreti vel Patres illi vel Pontifices Romani, qui auctoritate sua decreti executionem promovebant, quam ne nomen & auctoritas Episcopi vilesceret. Non Ecclesiæ ædificationem & commodam gubernationem, sed splendorem & magnificentiam Episcopi sæcularem respexerunt. Eiusdem est meriti & sacerdotii Episcopus, ubicumque fuerit. Potentia divitiarum & paupertatis humilitas vel sublimiorem vel inferiorem Episcopum non facit; ut ait Hieronymus. Sol lucet in pagis & oppidis ruralibus æquè ac civitatibus, nec eo obscurior. Potuerunt hac ratione pagis & villis negasse Presbyteros, quos Apostolus duplici honore dignos ait, ne turba, aut locus ignobilis contemptibiles redderet. Vir honesta locum, non locus virum. Sed Satan his mediis promovebat mysterium iniquitatis, & quia Episcopos minores volebat esse Principes, aliorum spoliis caput unius exaltandum omnibus modis curavit, ut rectè observavit Vir ille Clarissimus Thomas Cartwrightus. Ex vicis & pagis non tantum suppetebat quantum sufficeret ad pompam quam affectabant. Tandem Concilio Toletano 12. Can. 4. ut ex Burchardo citat Dounamus, denunciatum anathema in eum qui curaverit Episcopum constituendum, ubi non ante erat Episcopus. Africanos ipsos eadem cupido amplificandæ dignitatis suæ, & extendendæ Dioceseos, tandem incessit. Nam & isti decreverunt, ut Dioceses quæ nunquam habuerunt Episcopum non habeant, & illa Diocesis quæ aliquando habuit habeat proprium. Et si accedente tempore, crescente fide, Dei populus multiplicatus desideraverit proprium habere rectorem, ejus videlicet voluntate in cuius potestate est constituta, habeat Episcopum. Viden' ut mutuo muli scabunt. Idem Decretum Concilio Africano Can. 20. ut extat apud Gratianum. Tantum aberat, ut permetteret erigi novos Episcopatus illi in quorum potestate erat, ut populus etiam vicinorum Dioceseos invadere conati sunt. Hinc certamina inter Episcopos de dilatatis Diocesibus, ut patet ex Concilio Africano Can. 84. 85. 86. Hæc tamen omnia demonstrant consuetudinem Ecclesiæ veterem fuisse constituendi Episcopos & Presbyteria per agros & regionem in oppidis, vicis, pagis, castellis, municipiis, æque & in civitatibus amplioribus: & cum diu oblectatum fuisset, invalescente Poliepiscoporum ambitione, potentia, & auctoritate, tandem Monopolis istis cessisse integras regiones. Sic qui unius Paroeciæ in civitate Episcopus fuit, tandem etiam regionis totius: & ipsum Paroeciæ nomen, quod à τῆς πόλεως distinctum, utriusque & Paroeciæ civitatis & τῆς ἐκ τῆς πόλεως ἡμέρας impositum est, easque una notione complexum est. Quantum negotii credimus esse, inquit Erasmus, cum præter vicos & pagos, viginti frequentes & amplæ civitates uni parent Antistiti? Item; Multorum Prasulum ditio tam latè patet, ut, si quàm maximè forent expediti omnibus mundanis negotiis, non possent tamen in omnibus oppidis concionari, quum hodie una civitas complures requirat Ecclesiastas, Musculus; Viderint Episcopi, qui, quum ne uni quidem Ecclesiæ legitime ministrent, Episcopatus sui potestatem non ad pauculas aliquot Ecclesias, sed ad integras etiam Provincias extendunt. Bernardus; Quum præstant, inquit, urbibus valde populosis, & totas, ut ita dicam, patrias propriæ Diocesis.

2. Repl.
Part. 1.
pag. 525

Lib. 2. p. 26.

Can. 2.
Ca. 5.

Caus. 16.
Qu. 1. Cap.
Si Multis.

Ecclesiast.
Lib. 1.

Loc. Com-
mun. de Mi-
nist. Verb.
Epist. 82.

ceffis ambitu circumcludant, occasione inventa ex quocunque veteri privilegio, satis agunt ut & vicinas sibi subdant civitates, quatenus duæ, quibus vix duo Præsules sufficiebant, sub uno redigantur Antistite. Tanta est Episcoporum impudentia, ut patentissimo rictu multas devorent civitates. Atque certe, si jam vigeret antiquus ille erga populum amor, agnoscerent ipsi plus in una civitate negotii esse, quam quod facile ab optimis expectari possit. Satis norunt primitivam Ecclesiam nullos hujusmodi Episcopos habuisse ante tempora Sylvestri primi; dixit Hooperus Episcopus. Dixit ibidem, Episcopos & Presbyteros mutuo scabere. Episcopi Presbyteris permittunt plura beneficia, alioquin potuissent regere Presbyteri Episcopis, quod Episcopus unius civitatis Episcopus esse debet. Atque ita fieri debet: & dum Magistratus in hunc ordinem redegerint, tam impossibile erit Episcopo pie & sobrie in omni re religionis scripturam transvadare, quam Camelum adigi per foramen acus. Epiphanius Hæresi 68. scribens de Alexandrina Ecclesia innuere videtur, hunc morem illa ætate fuisse in multis Ecclesiis, ut grad. cap. 24. negat ut duos simul haberet Episcopos, & γὰρ ποτὲ ἡ Ἀλεξανδρεὺ δύο ἐπισκόπους ἔσχεν, ὡς αἱ ἀλλὰ πόλεις. Non intendisse Apostolos ut Parœcia civitatis dominaretur in παροικίας ἀγροικὰς seu ἐγχωρί'ας, ut vocantur in Concilio Chalced. Ca. 17. patet primum, ex eo quod regimen cujusque Ecclesiæ particularis tale instituerint à quo nulli Presbyteri illius Ecclesiæ excluderentur, sed communi consilio & auxilio eandem regeret exercitio disciplinæ ordinario. At Presbyteri universæ Dioeceseos non possunt coire in unum ad regimen ordinarium & continuum disciplinæ exercitium. Conventus Dioecesani sunt extraordinarii, & rarius occurrunt. Nos jam agimus de foro ordinario. Nam, ut ante dixi, Ecclesiæ Dioecesanae partes omnes sunt homogeneæ, tum in civitate tum extra civitatem, & Ecclesiæ rurales æque sunt Ecclesiæ atque Ecclesiæ civitatis; quid dixi, Ecclesiæ civitatis? Episcopus ac Canonici Cathedralis Basilicæ nullam volunt separatam Parœciam, sed Templum commune. At Presbyteri distinctarum Parœciarum sunt ejusdem meriti & sacerdotii cum Canonicis, & per multa sæcula non erat differentia inter Canonicos & non Canonicos, ut supra audivimus ex Bellarmino. Non est igitur Ecclesia totalis in Dioecesi constituenda major aut amplior, quam quæ in tot tantum dividatur partiales, ut commodè earum Presbyteri in unum frequentius coire possint ad ordinarium disciplinæ exercitium. Nam quod Episcopus unus cum uno Presbyterio exerceret jurisdictionem in regionem adjacentem, & excluderet Ecclesias alias eorumque Presbyteros à communi regimine est contra institutum & intentionem Apostolorum. Nec ea lege Parœciis Presbyteri κατ' ἰδίαν ἰωπιταγμένοι, ut loquitur Epiphanius Hæresi 69. de Presbyteris Alexandrinis, ut communi regimine secluderentur, cujus participes erant antedivisam massam. Præterea regimen Ecclesiarum particularium ex Apostolorum instituto fuit non merè Aristocraticum, sed Democratia temperatum, pro jure plebis in Electionibus & Excommunicationibus. At populus latæ Dioeceseos non potest suis partibus frui in communi regimine. Imò apud Hierarchicos nullæ sunt populi partes vel in communi regimine totalis vel proprio suæ partialis Ecclesiæ. Apostolorum intentio etiam manifesta ex eo, quod Ecclesiam particularem in portu Corinthiaco Cenchreis constituerint, licet vicina esset Corinthiæ, nec Corinthiæ subiectam, ideo & postea suum habuit Episcopum nomine Lucium, si vera refert Clemens Constitut. Apostol. l. 7. c. 48. Non igitur ea mens Apostolorum ut Ecclesia civitatis sicut domina exerceret jurisdictionem in alias ut ancillas. Parœciæ distinctæ quasi coronamento unitæ sub communi Presbyterio habent commune regimen, sed in Hierarchicis Dioecesebus nec uniuntur pari jure communi Presbyterio, nec uni-

ri possunt, nedum Democraticam suam potestatem exercere. Si salvandum regimen Aristocraticum per Presbyteros; tunc tot haberemus Episcopos quot Decanatus urbanos & rurales seu classica Presbyteria: si Democraticum, tunc pro uno in una Diœcesi Episcopo centum, ducentos, aut trecentos. Sed lata Episcoporum Diœceses non modo spoliaverunt particulares Ecclesias Consistoriis, Decanatus Classibus, sed etiam Provincias Conciliis Provincialibus. Singulæ unius provincie Diœceses tam latè protenduntur, ut non possint singulis annis bis celebrari Concilia Provincialia, sicut olim. Imò nunquam in Anglia celebrantur stata, vel singulis trienniis, Concilia, sed rarò, extra ordinem, & more Hierarchico, forte semel 20 annorum spatium, si viderunt Episcopi necesse esse novos condere Canones ad fulciendum dominationem suam in Ecclesiam. Si illud non viderint, non celebrant, vel more suo, Concilia Provincialia. Sic dominantur soli Episcopi & Archiepiscopi, & appellationes fiunt ab Episcopis eorumque consistoriis ad Archiepiscopum. Gropperus in Concilio Tridentino, cum cuperet restitui iudicia Synodalia, sic diserebat. *Sicuti iudicia primitus solus Episcopus non constituebat, sed Episcopus de concilio Sacerdotum: Sic olim non ad unum aliquem, sed ad aliam congregationem universam appellatum. Verum Episcopis visum, sublatis Synodis, more iudicum secularium forum & officiales instituere. Neque in hoc vestigio malum pedem fixisse, sed ad abusus magis majores quàm in foro seculari gradum non cunctanter fecisse. Illi enim provocationem non fieri nisi ad iudicem immediatè superiorem, tantum abesse, fas ut sit ad supremum primo salu tendere. Neque licere in articulis cause provocare à Decretis iudicis, quæ vocantur interlocutoria, sed cause finem & decreta liti decisoria necessariò esse expectanda. At contra in iudiciis Ecclesiasticis & appellari à singulis actis iudicis, unde & causarum immensitas nascitur, & mediatè ad supremum. Et infra. Atque ut ius majori fide ac sinceritate dicatur, restituenda iudicia Synodalia tot tantisque corruptelis non aded obnoxia, profligandos cum suo foro Officiales, per quos in orbem tantum scandali est invehitum, ut Germania eos diutius perferre non possit. Castellus Bononiensis Papalinus dicebat, veterem regendæ Ecclesiæ formam conducibilem non fore, nisi Ecclesiæ quoque status antiquum obtineat. Ecclesias olim fuisse parvas, Ethnics circumseptas, & quia hosti vicinas, hoc inter se magis unitas: at nunc & amplas, & sine adversario, qui in via officii contineat. Sed cur quæso ampliores jam quam olim? an ut sublatis Presbyteriis & Synodis solus regnet Episcopus? Præfules Itali iudiciorum Synodaliū restitutionem prope omnes avversabantur, quod Episcopalem dignitatem imminutum irret, & popolare quiddam saperet. Cum autem ventum est ad iudicium contra ipsas personas Episcoporum, nemo unus facilem summet iudicio coercendi rationem expediebat, nemo de iudiciis in Synodo provinciali, cuius olim erant propria, restituendis verba faciebat. Quis inter Pontificios aut Anglicanos Episcopos petet, ut Diœceses dividi aut contrahi, Provincialia Concilia restitui possint? Certe nullus. Præterea non potest fungi Pastoris munere per distinctas omnes Diœceseos suæ Parœcias, quarum omnium tamen se Pastorem primarium, universalem, & propriè dictum, venditat. Non est par huic oneri ferendo in Parœciis unius civitatis, multo magis impar erit, si per centum, 200, aut 300 Parœcias Diœceseos eo munere fungendum sit. Sed statuerunt apud se, se non præstituros officium illud pastorale quod sibi vendicant. In Concilio Triburiensi quod celebratum est anno 895. relata est coram Sancta Synodo querimonia plebium, eo quod sunt quidam Episcopi nolentes ad prædicandum vel confirmandum suas per annum Parœcias circuire. Si iusta querimonia, totus orbis Christianus meritò querimoniis personare potest. Sed respondissent Anglicani, qui esuriunt aut sitiunt accurrant ad Tempia Cathedralia, & si non nos, Præbendarium unum aut alterum audient. Si dixerint se Parœcias omnes pascere, licet non per se, tamen per*

Petri Suardi Hist. Conc. Trid. Lib. 4. p. 373. 374. edit. Francof.

Pag. 374.

Pag. 375.

Filescus de Orig. Parœc. pag. 537.

per Presbyteros parocos, respondimus supra, Pastoris munus esse officium personale, quo per se fungi oportet pastorem, non per alium. Nec alium agnoscit Scriptura Pastorem. Atque hæc absurditates & injuriæ, hæc, & pleraque alia, incommoda Extensivæ Potestatis Episcoporum.

De Episcopo Præside.

Cum omnia communi Presbyterorum consilio gerebantur aureo illo Apostolorum sæculo, ordinis tamen causa aliquis semper præfuit, qui nullam in collegas potestatem habebat, eo uno excepto quod in cœtu primus erat actionum moderator, qui res proponeret, suffragia colligeret, & alia perageret, quæ ad quemvis cujusvis collegii præsidem necessario pertinent. Exacto Apostolorum ævo proptasia ista, quæ fuit prius temporaria, mutabilis, & ambulatoria, mutata est in *perpetuam*, seu perpetuam. Initium perpetua proptasia habuit in Alexandrina Ecclesia, si vera, quæ tetulit Hieronymus. Ibi Presbyteri unum ex se electum in celsiori gradu collocarunt & Episcopum nominarunt. In Africa semper nascitur aliquid novi, monstrum aliquod. Non tamen ubique institutum Alexandrinorum statim obtinuit, sed pedetentim & paulatim, ut alia quæ non lege sed consuetudine introducta sunt. Non prævidebant mala inde oritura, ideo procliviores erant in hunc ordinem Veteres. In omni regimine Aristocratico periculosa est perpetua Præsidis proptasia, & metuendum semper ne primatus ordinis sensim mutetur in primatum potestatis. Nam præsidencia omnis etiam temporaria potestatem aliquam necessario annexam habet, ut conventus indicendi extra ordinem, & in conventibus omnibus tum statim tum extra ordinem indictis de negotiis referendi, sententias rogandi, suffragia colligendi, sententiam ferendi, & Presbyterii nomine & auctoritate multa alia administrandi, & procurandi. Non expedit igitur ut perpetua sit & fixa proptasia ista. Eventus docuit, ex perpetua proptasia ortum Episcopatum potestatis, Archiepiscopos, Patriarchas, & ipsum Antichristum, Pontificem Babylonium, Episcopum Oecumenicum. Docti superiorum sæculorum experientia possumus cum Venerabili Beza asserere; *scdum illum ri- De Gradib. vum ex humano Episcopatu paulatim corrupto deductum, vix aliter penitus arceri posse, Cap. 23. quam semel obstructo gradus illius Episcopalis fonte, vix minus ambitiosis futuris plerisque Sect. 35. qui ordinabuntur, quam qui sunt superioribus sæculis ordinati, Dicit alibi etiam ingenuè Vir Clarissimus; Nisi sic illa Hieronymi verba accipiantur, sat mihi est dicere nulla cum Patrum injuria, paulatim sic, quamvis iis nihil minus cogitantibus, illi gradui Sect. 31. Episcopali aditum humanitus apertum, per quem mox ingressa ambitio gradum istum initio quidem in Oligarchiam, ac tandem in horrendam illam Antichristianam Tyrannidem Oecumenicam evexit, haud satis scio an unquam abolendam, nisi semel, sublati quibus eo ascendit gradibus, in ordinem divinæ institutionis redigatur. In Antichristo designando errarunt Patres, quia nondum agnitus & revelatus, ideo disciplinam imprudentes adulterarunt, & viam muoverunt ejus tyrannidi. Ex parvo semine sæpe oritur arbor procera. Si non adulterata fuisset disciplina æquè ac doctrina, nunquam vidisset Ecclesia magnum illum Antichristum. Hæreses & errores in doctrina fidei illum nunquam introduxissent, nisi etiam in regimine turpiter errassent Patres. Nam impia Antichristi Monarchia est pars regiminis Ecclesiastici, sed corruptæ, & fastigium Hierarchiæ cujus illi fundamenta jecerunt. Nec est quod quis objiciat nobis auctoritatem Ecclesiæ primitivæ. Nullam enim aliam agnoscimus purè primitivam nisi Apostolorum ætate. Tam diu virgo mansit, post eorum*

In Concil.
Tridentino.
Petrus Sua-
vis Historia
Concilii Tri-
dent. pa. 201.

exitum mysterium iniquitatis, quod ipsorum sæculo peragebatur, altius caput suum exerere cœpit. Liber Apocalypseos signatus erat 7. sigillis. Dixit Hieronymus Lombardellus Franciscanus; *Non minorem esse Ecclesiæ hujusce temporis auctoritatem quàm fuerat primitivæ.* Quod verum est, si intelligatur, excepta illa prima quæ propter collegium Apostolorum majoris erat gratiæ & auctoritatis, ut loquitur Driedo de Variis Dogmatibus Lib. 4. Cap. 4. Si detestamur igitur Antichristum jam revelatum, detestemur & ovum ex quo ipse prognatus est. Quod veteres illi & primi Episcopi tantum fuerant præfides & reipsa Archipresbyteri, licet nomine Episcopi, supra ostendimus.

De Episcopo Presbytero.

IN Scriptura idem est Episcopus, qui Presbyter, ut supra probavimus.

Excrevit præter expectationem ultra justam Capitis mensuram, ut vides Lector, ista de Episcopatu dissertatio. Non tamen omnia quæ de isto argumento dicere paratus sum huc congesta sunt, nec erat illud institutum operis hujus. Pergamus ad Episcopatum Anglicanum.

C A P U T V.

De Episcoporum in Ecclesia Anglicana Dignitate & Potestate.

Parænes.
Cap. 6.

Parænes.
Cap. 6.

Dicit Tilenus, Sosthenem, Sylvanum, Timotheum, Titum, Tychicum, Crescentem, Lucam, Iohannem Marcum, & si qui præterea tales, eumpse, quem ex germana illa antiquitate retinuerunt Angli, Episcopatum gessisse. Præterea non minus infestus erat Pontifici Romano Lutherus, quàm Beza: ille tamen quamvis nulum non lapidem moveret in disturbanda Babylonis turre, de gradu, quem legitimi, quales Anglia habet, Episcopi obtinent, litem movit nemini; compertumque habens sine Ecclesiæ perniciæ abrogari non posse, quod unum potuit, nomen sustulit, inductoque & expuncto puriore vocabulo Græco parum Latinum supposuit, pro Episcopis Superintendentes, pro Archiepiscopis Superintendentes Generales appellans; quæ nomina ne illi quidem aspernantur, qui per Germaniam, Sarmatiam, finitimasque regiones excussò Pontificis jugo non omnia Lutheri dogmata probant. Timotheum, Titum, & qui præterea tales, Evangelistas fuisse, non Pastores Ordinarios, superiori Capite probavimus. Ne Apostoli quidem ipsi, nedum Evangelistæ talem gesserunt Episcopatum, qualem Præsules Anglicani. Ubi constitutæ erant Ecclesiæ, unà cum Presbyteris regebant Ecclesias. Tradiderunt auctoritate Apostolica Ecclesiis soli, quæ Spiritus revelavit, sed non judicarunt soli in foro exteriori. Sicut Sacerdos summus per Urim & Thummim revelatam renunciavit solus Dei voluntatem, non tamen judicabat in foro exteriori solus, sed in & una cum Synedrio. Et apud Veteres post Apostolorum tempora Episcopi non soli præsidebant Ecclesiis, sed probati quique Seniores: & quæque Ecclesia Senatum habebat Presbyterorum, sine quorum consilio nihil agebatur, ut superiori Capite ostendimus, nec negare possunt ipsi Hierarchy.

rarchici. At Episcopus Anglicanus; seclusis Presbyteris, & spreto Senatus Ecclesiastici consilio, auxilio, & consortio, electionem, depositionem, excommunicationem, beneficiorum collationem, visitationem, & alia omnia Ecclesiæ jura sibi & suis Cancellariis, Officialibus, Archidiaconis, qui Episcopo adhærent ut umbra corpori, vindicavit: ut solus singulari potestate dominetur in hæreditatem Domini, & evagando extra spheram jurisdictionis Ecclesiasticæ immiscet se negotiis reipublicæ & regni. Non igitur eumpse gerit Episcopatum, quem veteres illi Episcopi, nedum quem Ministri illi extraordinarii Ecclesiæ verè primitivæ, Apostoli & Evangelistæ, (nam non alium agnovit Episcopatum ætas illa aurea quam indefinitum & extraordinarium Apostolorum & Evangelistarum, si Episcopatus dicendus sit, aut definitum & ordinarium Præbyterorum) sed eumpse quem postremis quingentis annis gesserunt sub Antichristo. Si quis peragraverit Italiam, Galliam, Hispaniam, non aliam regiminis Episcopalis formam inveniet, quàm quæ in Anglia, præterquàm quod respectu subordinationis ad Ponticem Romanum apud illos, in Anglicana Ecclesia novum erexerunt Papatum Romani Pontificis exuviis locupletatum, cui subordinantur Episcopi. Qua etiam subordinatione potentiores evaserunt quàm unquam sub Papa Romana fuerunt. Excepta illa subordinatione, per omnia similes Episcopis Italis, Gallis, Hispanis, eadem regiminis forma, Consistoria & fora exteriora eadem, lites & causæ eadem, judiciorum strepitusidem, iidem Præfecti angariis, Cancellarii, Officialès, Archidiaconi, Vicarii generales. & tota foeda illa colluvies eadem quæ in Pontificiorum Curiis. Episcopatus ergo Anglicanus nec est Divinus, quem Apostoli instituerunt, nec humanus, quem veteres invexerunt, sed Satanicus, quem Antichristus adultus, filius perditionis, Satanæ organon nequissimum, & Antichristi affectu evexerunt in perniciem Ecclesiæ & ad vastationem vineæ Dominicæ. Lutherus Episcopum & Presbyterum jure Divino eundem fuisse non dubitavit. Recitata alicubi Hieronymi sententia hæc habet verba. *Hieronymus non modo Episcopos æquat inter se, sed & Presbyteros Episcopis comparat, alterum ætatis æqualitatem officii nomen esse pronuntians. Item; Apostolus Paulus Episcopos definiit Act. 20. per attendere gregi & regere Ecclesiam Dei. Attendite, inquit, vobis & universo gregi, in quo posuit vos Spiritus Sanctus Episcopos &c. quum tamen ad Presbyteros loqueretur, ut ex textu colligit apertè Beatus Hieronymus. Et in 1 Pet. 5. Episcopos non alios fuisse quàm Presbyteros. Audiamus & alios Germanicarum Ecclesiarum Theologos. In Articulis Smalcaldicis de Primatu & Potestate Papæ, & de Potestate & Jurisdictione Episcoporum, exhibitis Principibus in Conventu Smalcaldicæ celebrato, idem Hieronymus introducit, & ex eo colligitur distinctos gradus Episcoporum & Presbyterorum sive Pastorum tantum humana auctoritate constitutos* *Commentar. esse, idque res ipsa loquitur, quia officium & mandatum plane idem est, & sola ordinatio postea in Psal. 2. discrimen inter Episcopos & Pastores fecit. Sic enim postea institutum fuit, ut unus Episcopus ordinaret Ministros Verbi in pluribus Ecclesiis. Quia autem jure divino nullum est discrimen inter Episcopum & Pastorem, non est dubium, ordinationem idoneorum ministrorum à Pastore in Ecclesia sua factam jure divino ratam & probatam esse &c. Hætenus de ordinatione diximus, quæ una, ut Hieronymus ait, discernebat Episcopos à Presbyteris. Itaque nulla disputatione opus est de cæteris Episcoporum officiis, nisi fortasse de Confirmatione, Campanarum Baptizatione, & similibus præstigiis, dicendum esset, quæ propomodum sola Episcopi retinuerunt. Sed de Jurisdictione aliquid dicendum restat. Constat, jurisdictionem illam communem excommunicandi reos manifestorum criminum pertinere ad omnes Pastores, & eam Episcopos tyrannicè ad se solos ad quæstum suum turpiter explendum attraxisse. Officiales enim licentiam suam intolerabilem exercuerunt, &*

*Resolut. in
Disput. Lips.*

ex avaritia vel aliis cupiditatibus homines affligerunt nimium, & sine legitima & justa cognitione excommunicarunt. Quæ autem ista tyrannis est, qua Officialis in civitate aliqua potestatem habet pro suo affectu pravo sine justa cognitione dammandi, vexandi, cogendi, & excommunicandi homines? Cum igitur hanc jurisdictionem Episcopi tyrannicè ad se solos transfulerint, eaque turpiter abusi sint, & propterea sufficientes causæ sint, cur ipsis non obediat; certe licet hanc furto & vi ablatam jurisdictionem rursus ipsis adimere, & pastoribus ad quos ea de mandato Christi pertinet restituere, & curare, ut legitimè exerceatur ad vitæ emendationem & ad illustrationem gloriæ Dei. Reliqua est jurisdictio in iis causis quæ Pontificio seu Canonico jure ad forum Ecclesiasticum pertinet, ut imprimis sunt causæ matrimoniales. Hanc jurisdictionem Episcopi etiam humano tantum jure arripuerunt, & quidem non admodum veteri, ut ex Codice & Novellis Justiniani apparet, causus matrimoniales à Magistratu politico dijudicandos fuisse, qui certe debet illis dijudicare, præsertim si Episcopi injuste pronunciant aut negligentes sunt, id quod & Canones testantur. Hic singulis verbis pingunt suis coloribus, & pungunt Episcopum Anglicanum. Nam talis est Episcopatus Anglicanus, qualem illi damnant in Germanicis Pontificiis. Approbarunt Articulos hosce Johannes Bugenhagenius, Urbanus Regius, Georgius Spalatinus, Andreas Osiander, Martinus Bucerus, Philippus Melancthon, Paulus Fagius, Johannes Æpinus, Johannes Fontanus, Johannes Brentius, Antonius Corvinus, Dionysius Melander, & alii quorum nomina lector videre potest in Centuria 16. Osiandri Possem aliorum Germanorum testimonia quàm plurima citare in eandem sententiam, sed sunt cuiusvis obvia. At Germanicæ Ecclesiæ retenta re mutarunt nomina, & pro Episcopis creaverunt Superintendentes, & pro Archiepiscopis Generales aut Provinciales Superintendentes, quasi de nominibus, non autem de ipsa re, esset controversia; ait Saravia in Prologo ante Tractatum de Gradibus, & Tilenus, ut modo audivimus, qui nihil potest in hoc argumento sapere supra Saraviam. Non desunt ergo, dices, in Ecclesiis Germanicis reipsa Episcopi & Archiepiscopi, quos, mutatis bonis Græcis nominibus in male Latina, vocant Superintendentes & Generales Superintendentes. Mirarer certè, si sic desiperent, ut tantum Græcas voces Latinis commutarent, rem ipsam tamen illibatam & intactam retinerent. Verum quidem est quod scribit Augustinus, Episcopatum esse nomen operis non honoris. Græcum est enim atque inde ductum vocabulum, quod ille qui præficitur, eis quibus præficitur, superintendit, curam eorum scilicet gerens, ἐπὶ quippe super, & ἐπὶ verò intentio est. Ergo ἐπισκοπῆν, si velimus, Latine superintendere possumus dicere. Quæ verba Decreto Gratiani inserta sunt. Si respicias vocum significationem primariam, verum est Superintendentes posse appellari Episcopos. Sic Paroeci omnes, qui habent curam animarum, Episcopi appellari possunt, ut & in Scriptura sic appellantur. Sic Ædiles Cereales, qui prærant pani & cæteris rebus venalibus, quæ civitatum populis quotidianum victum suggerunt, dicti Episcopi. Homerus Hectorem vocat Episcopum civitatis. Apud Athenienses adolescentes ab anno decimo-octavo usque ad vigesimum cogeantur oculis lustrare vicinas regiones, ut cum ingrueret necessitas, essent regionum, viarum, & locorum periti, & dicti sunt ἐπισκοπῶν τῆς χώρας regionis inspectores. Cicero Lib. 7. Epistolar. ad Atticum dicit, se à Pompejo totius Campaniæ Episcopum constitutum. Ezechiel, qui Cap. 33. dicitur Tisophe Speculator, dici potest Episcopos. Vide plura supra. Omnes qui quovis modo præsunt, ἐπισκοπῶν, ἐφογοί, superintendentes, inspectores, inspectatores, dici possunt. Rectè igitur Everardus ait, non esse firmum argumentum ductum à vocis etymo quando est excessus verbi, ut cum significatio excedit rem significatam, & potest aliis rebus communicari,

De Civit
 Dei Lib. 19.
 cap. 19.
 Caus. 8. q. 1.
 Cap. Qui
 Episcopa-
 rum.

operis non honoris. Græcum est enim atque inde ductum vocabulum, quod ille qui præficitur, eis quibus præficitur, superintendit, curam eorum scilicet gerens, ἐπὶ quippe super, & ἐπὶ verò intentio est. Ergo ἐπισκοπῆν, si velimus, Latine superintendere possumus dicere. Quæ verba Decreto Gratiani inserta sunt. Si respicias vocum significationem primariam, verum est Superintendentes posse appellari Episcopos. Sic Paroeci omnes, qui habent curam animarum, Episcopi appellari possunt, ut & in Scriptura sic appellantur. Sic Ædiles Cereales, qui prærant pani & cæteris rebus venalibus, quæ civitatum populis quotidianum victum suggerunt, dicti Episcopi. Homerus Hectorem vocat Episcopum civitatis. Apud Athenienses adolescentes ab anno decimo-octavo usque ad vigesimum cogeantur oculis lustrare vicinas regiones, ut cum ingrueret necessitas, essent regionum, viarum, & locorum periti, & dicti sunt ἐπισκοπῶν τῆς χώρας regionis inspectores. Cicero Lib. 7. Epistolar. ad Atticum dicit, se à Pompejo totius Campaniæ Episcopum constitutum. Ezechiel, qui Cap. 33. dicitur Tisophe Speculator, dici potest Episcopos. Vide plura supra. Omnes qui quovis modo præsunt, ἐπισκοπῶν, ἐφογοί, superintendentes, inspectores, inspectatores, dici possunt. Rectè igitur Everardus ait, non esse firmum argumentum ductum à vocis etymo quando est excessus verbi, ut cum significatio excedit rem significatam, & potest aliis rebus communicari,

ni Episcopi, inquit, disti sunt quasi Superintendentes, sed sunt & alii Superintendentes. Legal. Loc. 4.
 Quod ad res ipsas attinet, officia Archiepiscoporum, Episcoporum Anglicano-
 rum, & Superintendentium Ecclesiarum Germanicarum, non sunt eadem. Inter
 eos qui approbarunt Articulos Smalcaldicos, de quibus supra, erant quidam
 Superintendentes, Urbanus Regius Ecclesiarum in Ducatu Luneburgensi Superin-
 tendens, Epinus Hamburgensis, Fontanus inferioris Hassiæ Superintendens. Sara-
 via fatetur, Superintendentes differre ab Episcopis Anglicanis. *Forma autem regi-* Cap. 24.
minis Ecclesiastici Anglicanæ Ecclesiæ in aliquibus ab illis (nempe Germanicis) discrepat. pag. 298.
 Dixisset in multis, & longe aliam esse formam regiminis. Schultingius in Ana-
 crisi Hierarchica ait; *Tametsi Lutherani omnes & Calviniani etiam quidam, ut Zepper* Lib. 5. pag.
rus Pastor Herbornensis in suæ Politicæ libris, & alii, Superintendentes constituent, tamen 14.
isti aded inter se dissident, ut nemo alteri velit cedere, nemo alterius sententiam sequi,
ideoque nullum etiam generale caput ferre possunt, sed quilibet in suo loco, gallus in suo
gallinæo, & Episcopus & Pontifex esse cupit. Cupiunt esse Episcopi, non igitur
existimat esse verè Episcopos. A nulla officii pastoralis parte Episcopi vel Inspectores Ec-
clesiarum (quos etiam Decanos & Superintendentes vocat Zepperus initio Capituli) Do Polit. l. 2.
exempti aut immunes sunt. Gradum, non potestatis, sed ordinis, sistent, eumque tempo- c. 14. p. 519.
rarium & definitum. Communi disciplinæ & censuris Ecclesiasticis subjacent. Nulli ipsi
pro suo arbitrio leges condunt. Propria autoritate nihil agunt, sed communi omnia Syn- pag. 522.
odi fratrum & pii Magistratus consensu & decreto. Item; Quemadmodum Senatus
Consulem requirit, qui primariam reipublicæ curam gerat; oculatissimè, ne quid detri-
menti ea capiat, observet; Senatum convocet; de proponendis cogitet; vota colligat;
autoritate sua totam actionem gubernet; contentiosos & exorbitantes compescat; consu-
lendo, monendo, hortando aliis præeat; communi consilio decreta exequatur: ita mini-
strorum etiam collegium talem quempiam desiderat, quem reliqui revereantur & observent
in iis de quibus, secundum communia conventus ipsorum & pii Magistratus decreta at-
que sententiam, ipsos monent & exhortentur. Item; Ut ergo summam hactenus dictorum pag. 524.
colligam, certis Ecclesiis, & ministrorum collegio Præsidentem & Inspectorem præfici opor-
tet, ordinis, politicæ, & pacis conservandæ gratia, qui sic dignitate alios antecedit,
aliisque præpositus sit, ut à nullis tamen omnium ministrorum officii partibus immunis ipse
fit: & sic alios observet, ut ipse tamen in verbi divini obedientia, & disciplinæ ratione, pag. 529.
aliis etiam reciproca quadam obligatione & lege subiectus sit. Et quòd, sicut ab omni-
bus simul Ecclesiarum ministris quibus præest eligitur, sic convocatis omnium si-
mul Ecclesiarum quibus præest inferioribus & ministris destituatur, secundum form-
am Ecclesiæ peregrinorum Londini in Anglia per Eduardum Sextum institutæ
anno 50, approbat. Superintendens Zepperi gradum ordinis, non potestatis, ob-
tinet, eumque temporarium & definitum; ut Consul in Senatu præest, & reci-
proca obligatione iis quibus ordinis causa præest, subiectus. Si talis sit etiam
Superintendens Lutheranus, vel si paulò majorem habet potestatem, & sit Præses
perpetuus in Synodis, Classibus, vel Consistoriis, multum tamen differt ab Epi-
scopo Anglicano. Episcopus Anglicanus mandante Rege eligitur à Capitulo &
denuò consecratur, quia Episcopatum à Presbyteratu ordine diversum proficitur.
Ecclesiarum omnium suæ Dioeceseos, non modo Inspector, sed etiam Pastor est,
non ullius particularis Ecclesiæ seu parœciæ, & solus singulari potestate jurisdi-
ctionem exercet in omnes illas Ecclesias earumque Pastores per se aut per Cancel-
larios, Officiales, Commissarios, & Archidiaconos suos, nec ulla obligatione
reciproca subijcitur omnibus, fortè 300 aut 500, ministris Ecclesiarum quibus præ-
est. Mitto pompam, luxum, dignitatem sæcularem, Baronias, & familia quæ
sunt accessoria ad Episcopatum Anglicanum. An talis est Superintendens Luth-
ranus?

ranus? Nequaquam. Archiepiscopus Anglicanus absque Synodo & Episcopis ex-
 auctorare Coepiscopos potest, appellationes ab Episcopis suffraganeis recipere,
 eorumque Consistoriis, & quatenus Primates, etiam omisso medio, leges etiam
 de Pollicita Ecclesiastica condere unâ cum Principe, & pleraque alia de quibus su-
 pra Cap. 3. & Cantuariensis habet Curias Facultatum & Dispensationum, Curi-
 am Prærogativæ, Curiam Audientiæ, Curiam de Arcubus, Curiam Peculiari-
 um; habent Archiepiscopi Præcedentiam supra omnes Duces regni, & ornantur
 titulo Clementiæ. An tales Germanici Superintendentes Generales aut Provin-
 ciales? Nullibi nisi in Romana Ecclesia habent Pares Patres Anglicani. Non ta-
 men dissimulandum est Superintendentium proflatiam præsertim ubi perpetua, &
 qualemunque, quam habent, potestatem, non esse probandam. Gualterus Epi-
 stola ad Th. Bezam dicit, Superintendentes Lutheranos in Germania nimia po-
 testate armatos, adeo ut nihil non licere sibi putent. Extat Epistola in Erasti
 Confirmatione Thesium de Excommunicatione. Et alibi acrius invehitur; *At non
 inter Pontifices modò & Episcopos, dispensatores illi nequam inveniuntur, sed apud eos
 etiam, prohi dolor, qui Evangelii doctrinam puriorem profitentur. Quam procul enim
 ab istorum moribus absunt Superintendentes quidam, qui in multas Ecclesias jus sibi su-
 munt, & non solum illis contra Christi præceptum, verum etiam earum ministris superbè
 dominantur? Et cum multorum corruptos mores faciliè ferant, eos tamen ferre nequeunt,
 qui vetus illud Papisticæ doctrinæ fermentum improbant, & simpliciter veteris Ecclesiæ
 sententiam tradunt. Quam primum enim istis verbulum aliquod excidit quo crassa ipso-
 rum opinio perstringitur, mox, ceu Carones quidam è Cælo delapsi, eos ad suum quasi tri-
 bunal citant, nec rationem doctrinæ ab eis exigunt, sed ut nondum convicti errorem &
 culpam agnoscant, petunt, & in hominum quorundam verba jurare cogunt, quorum au-
 thoritatem ipsi supra omnes primitivæ Ecclesiæ doctores atque Martyres emnere volunt.
 Quod si obedire detractent, ad amicum colloquium aut disputationem sese offerant, &
 ut rationes ipsorum audiantur possulent; tunc novi isti omnium doctrinarum censors ma-
 jori rabie accensi apud Principes eos accusant, & odiosis Sacramentariorum & Suerme-
 rorum nominibus gravatos ab Ecclesiarum ministerio deturbant, & cum uxoribus atque
 dulcissimis liberis in exilium ejiciunt. Annon hoc est conservos & ancillas in domo Dei
 percutere? Adde his, quod iidem illi amplissimis stipendiis datati cum ebriosis aulicis co-
 messantur & ludunt, fame interim tantum non pereuntibus multis verbi ministris, qui
 tenuissimo salario tanquam pecudum pastores conducti in diem visitant. Superintendentis
 Lutheranî tyrannide describenda depingit certè mores Episcoporum Britannico-
 rum. Similes sunt moribus, licet potestate impares sint. Si Pumiliones Germa-
 nici tantum sæviunt, quid censendum, putas, lector, de Gigantibus Britannicis?
 Nam illi ad istos sunt, ut Pumiliones ad Gigantes. Britanici etiam eo insolenti-
 ores, quod potestatem suam se ex jure divino habere jactitant, Germanici tan-
 tum jure humano & libera Pastorum cessione suam niti profitentur.*

In Episcopatu Anglicano sunt hæc quatuor præcipuè observanda. 1. Derivatio
 potestatis ipsius. 2. Singulare illius exercitium. 3. Deputatio aliorum, ad ejusdem
 exercitium. 4. Extensiva potestas

Quod ad primum attinet, jurisdictionem suam derivant à Rege immediatè ut à
 capite, & fonte, sicut Pontificii à Summo Pontifice. Potestas jurisdictionis apud
 illos est tota in uno Pontifice ut in suo fonte, in inferioribus non nisi derivata &
 limitata. Sic & apud Anglos potestas jurisdictionis omnimoda est unita coronæ
 Regiæ, & à corona Regia manat ad Commissarios celsæ commissionis, ad Epi-
 scopos, aliosque Ordinarios. Vir illustis Eduardus Cocus, assertor strenuus liber-
 tatum Patriæ, Legum Anglicanarum peritissimus, in Relationum Parte Quinta,
 nempe

Tag. 379.

In Lucam
 Homil. 132.
 folio 344.

nempe de Jure Regis Ecclesiastico, hæc habet verba, editione latina folio 8. *Quæ omnia (nempe membra corporis politici) lex bifariam in Clericos & Laicos dividit, qui utrique proximè & immediatè sub Deo suo capiti (nempe Regi de quo paulo ante) subiciuntur & obsequuntur. Regium etiam politici hujus corporis caput plenaria & integra potestate, prærogativa & jurisdictione, ad suum cuique hujus corporis membro distribuendum cujuscunque loci ac ordinis, in omnibus causis Ecclesiasticis vel secularibus, instructum est & armatum, aliàs totius corporis caput non esset. Et perinde ac in secularibus Rex in foris judicialibus causas temporales judicat & determinat juxta leges Angliæ temporales: ita in causis Ecclesiasticis & spiritualibus, scilicet Blasphemia Apostasia, Hæresibus, Schismatibus, Ordinibus conferendis, Clericorum admissionibus & institutionibus, rerum divinarum celebratione, ritibus Matrimonialibus, Divortiis, Bastardiis generalibus, Decimarum jure & earundem subtractionibus, oblationibus, obventionibus, dilapidationibus, Ecclesiarum reparationibus, Testamentorum probationibus, administrationibus, Simonibus, incestibus, fornicationibus, adulteriis, castitatis oppugnationibus, pensionibus, procurationibus, appellationibus Ecclesiasticis, pœnitentiæ commutatione, & aliis (quorum cognitio ad communes leges Angliæ non spectat) à judicibus Ecclesiasticis determinandæ & decidendæ sunt juxta hujus regni regias leges Ecclesiasticas. Quemadmodum leges, quas Athenis Romani transtulerunt, cum ab ipsis comprobata & confirmata fuissent, eas nihilominus jus civile Romanorum nominarunt; ut etiam Normanni plerasque ipsorum leges ex Anglia mutuo acceptas nomine legum vel consuetudinum Normanniæ insignerunt. Sic licet Angliæ Reges Ecclesiasticas, quas habent, leges ab aliis deduxerunt, ex illis tamen, quotquot hic generationum consensu approbatæ fuerunt, appositæ & rectè Angliæ leges Regiæ Ecclesiasticæ appellantur. Quod quicumque negaverit, idem denegat Regem plenarium habere potestatem, justitiam in omnibus causis suis subditis administrandi, vel crimina & delicta infra hoc regnum puniendi. Quia, ut jam liquido constat, determinatio tot & tanti momenti causarum in cognitionem legum communium non cadit, & consequenter Rex non est absolutus Monarcha, nec caput totius integri corporis hujus regni. Sensus est, ut Rex in foris judicialibus causas temporales judicat & determinat juxta leges Angliæ temporales: ita in foris Ecclesiasticis causas Ecclesiasticas & Spirituales judicat & determinat juxta leges Angliæ Ecclesiasticas. Non disputat Vir Illustris, an jure divino ita fiat, tantum refert leges & infert quæ supra dixit. In eundem sensum Whitgiftus Episcopus Cantuariensis scribit. Agnoscimus Repl. p. omnem jurisdictionem, quam habet aut exercet ulla Curia in Anglia, siue Civilis sit siue Ecclesiastica, exerceri nomine & autoritate Majestatis Regiæ & ab ipsa ut suprema gubernatrice descendere. Item; Regnam exercere supremum suum regimen in omnibus causis, in Civilibus per Cancellarium, in Ecclesiasticis per Archiepiscopos. Quamvis autem procedendi formulæ, & processus in Curis Ecclesiasticis, inquit Vir Illustris, sint sub Episcoporum &c. nominibus, non sequitur Curias illas non esse Regis, vel legem juxta quam procedunt non esse Regis legem. Sit hoc exemplum instar multorum. Quilibet Visus Franc. Pleg. à subdito in nomine Domini sui tenetur, & tamen Regis est Curia, & omnes in ea processus ad Regis leges diriguntur, subditique quamplurimi Curias ex Recordis, & alias in Anglia tenent, juxta tamen Regis leges & Regni consuetudines in eis procedunt. Relationum Part. 5. fol. 39. Videat plura lector supra. Actus igitur jurisdictionis Ecclesiasticæ exercentur autoritate derivata à Rege. Si autoritatem illam Civilem appellare liber, tum actus spiritualis naturæ, ut sunt excommunicare, officio destituere &c. civili autoritate peraguntur, quod absurdum est. Sed cum impossibile sit, ut eleveretur supra naturam suam autoritas civilis ut fiat spiritualis, sequitur spirituales potestatem coronæ Regiæ unitam esse, & ab ista derivari Episcoporum jurisdictionem ordinariam. Potest etiam Rex Episcopos creare*

Monarch.
Eccl. Lib. 2.
pag. 402.

absque Capitulo, quando libitum fuerit. Annosus Verementanus ex eo inter alia, quod Pontifex Episcopos à plebe & Clero non electos Ecclesis præficiat, aut præficere possit, colligit, Episcopalem potestatem in Romano Pontifice velut in fonte contineri & ad Episcopos derivari. *Libenter enim in Romanum Pontificem, quod Episcopos à plebe & clero non electos Ecclesis præficiat, velut in divini juris violatorem involares. Sed modum non invenis, hoc quo præstare possis, quum eadem opera in Regem Serenissimum Magnæ Britanniæ irruas. Is enim in regis suis tanquam supremus Pontifex Ecclesiastica gubernat, quos placuerit Episcopos Ecclesis præficit, nec eos Clero, nedum populo, eligendos permittit.* Hæc dicta in Spalatensem à scriptore illo, quisquis est. De Episcoporum creatione, nominatione imaginaria Capituli, electione, & potestate regia creandi Episcopos absque imaginaria illa Capituli electione, diximus supra Capite primo, ut & de derivatione potestatis Episcoporum ab autoritate regia.

In 8. pag.
107.

Quod ad secundum attinet, audiamus censuram Francisci Baconi, qui post creatus Cancellarius Angliæ. *Dux sunt, inquit, circumstantiæ in Episcoporum administratione in quibus nunquam mihi satis fuisse factum confiteor. Una est, singulare exercitium autoritatis; altera ejusdem deputatio. Quod ad primam, Episcopus confert ordines solus, excommunicat solus, judicat solus. Hoc videtur esse absque omni fere in regimine exemplo, & proinde verisimile est irrepsisse degenerantibus & corruptioribus seculis. Videmus summos Reges & Monarchas suum habere Consiliarium Senatum. Nulla est Curia temporalis altioris naturæ ullibi, ubi autoritas in unius persona residet. Bancus regius, Bancus Communium placitorum, & Scaccarium (utar Juridicorum stilo forensi in translatione, sicut Camdenus in Britannia,) sunt Banci, vel fora, plurimum definito numero judicum. Cancellarius Angliæ habet parastasiam duodecim Magistrorum Cancellariæ. Magister Generalis Curie Wardorum habet Curie suæ Senatum, sic & Cancellarius Ducatus. In Scaccario Dominus Thesaurarius cum Cancellario & Baronibus conjunguntur. Magistri Requestrarum semper uno plures. Assissarum Justitiarum semper duo. Dominus Præses in limitanea regione & plaga Septentrionali habet Senatum. Camera Stellata est cætus consiliarium Regis, Dominis spiritualibus & temporalibus aspersus. Ita ut in omnibus Curiis, qui præcipuus, semper habet Collegas aut Assessores. Simile reperiri potest in aliis ritibus administratis apud externos regnis, ubi jurisdictio adhuc magis distribuitur, ut in Curiis Parliamentorum Galliæ & aliis locis, Nemo negabit actus, qui exercentur per jurisditionem Episcopi, non minoris esse momenti, quam qui in civilibus curiis. Nam hominum animæ majoris pretii sunt quam corpora, sic etiam existimatio. Habent suas infirmitates Episcopi, nec exempti sunt à communi illa maledictione in omnes viventes denunciata. Væ soli, nam si ceciderit &c. Imò autoritas causarum spiritualium primum concessa, pluribus commendatur; Dic Ecclesiæ, quod non fit in temporalibus. Et in causis communibus Ecclesiastici regiminis, habentur totius Cleri conventus in Conciliis, æque ac Ordinum in Comitibus. Unde igitur singulare istud jurisditionis exercitium? Certe judico, & non absque ratione, ut arbitror, quod ab initio non fuit ita, & quod Decanus & Capitula erant Concilia juxta Episcoporum sedes & Cathedras, erantque illis Presbyteria & Consistoria, & immiscuisse se non modo redituum & bonorum administrationi, sed etiam & multo magis jurisditioni Ecclesiasticæ. Sed illud probabile est, Decanum & Capitulum, in rebus quæ lucrum & mundum spectabant, pertinacius adhæsisse Episcopo, nec suum jus amittere voluisse. Sed quod ad jurisditionem, quia æstimabant rem laboris & assidue inspectionis plenam, permisissent Episcopo irreptare, & usurpare, idcirco durat ævum, interit alterum. Et videmus Pontificem Romanum, (fas est ab hoste doceri, & absque dubio prima illius Ecclesiæ instituta erant præstantissima,) omnem Ecclesiasticam jurisditionem exercere quasi in Consistorio. Et ex quibus consistit istud illius Consistorium?*

nonne.

nonne Presbyteris Paræcianis Romæ, qui se Cardinales indignant, à Cardinalibus mundi, quia vendit se universalem totius orbis Episcopum? Atque iterum quasdam ejus umbras durare videmus, in quantum Decanus & Capitulum pro forma eligunt Episcopum, quod in jurisdictione summum est, & quod, quando Episcopus confert ordines, si qui fortuito adsunt Presbyteri, advocat, ut una cum ipso manus imponant, & quædam alia particularia sunt. Idcirco id videtur mihi pium & æquum, & primæ institutioni consentaneum, ut Episcopi in causis gravioribus, & quæ spirituales postulant adjudicationem, ut ordinatione, suspensione, deprivatione ministrorum, excommunicatione ad genuinum & proprium usum restituta, ut post indicabitur, sententia ferenda in validitate matrimonii & legitimisationibus, judicio causarum criminalium, ut Simonie, incestus, blasphemie, & similibus, non debet solus & absque assistentia procedere. Qui articulus reformationis talis est, ut institui possit sine strepitu, & res illius naturæ, quæ addet robur Episcopis, gratiam conciliabit inferiorum graduum Prælati, & feliciorem processum & determinationem causarum quæ agitantur. Et ut optarem robur illud addi Episcopis tuis in Senatu, ita non indignum est Majestatis vestræ Regiæ pensulatione, num convenire judicaverit corroborandum generale Cleri Concilium domum Convocationis, cujus potestas tunc cum pars Regni suspecta erat ob hominum non multos abhinc annos præstitum Pontifici Romano, cohibita fuit, qui ordo nulli jam cedit in fide & obsequio erga Majestatem vestram. Ubi hic dicitur, Decanum & Capitulum primitus fuisse Episcopo à Consiliis, intelligendum est cum primum constituerentur Decanus & Capitulum, non cum primum instituerentur Episcopatus, multò minus cum communi omnia Presbyterorum consilio gerebantur absque Episcopo. Presbyteri erant ante Episcopum, & cum primum Episcopi Presbyteris præpositi sunt, simplices erant Præsides, & quasi Decani. Non erat aliud à Præside Episcopo Decanus, nec differentia erat inter Presbyteros Cardinales & non Cardinales, Canonicos & non Canonicos per multa sæcula, ut illi, non isti, essent Episcopo à consiliis, ut ostendimus ex ipso Bellarmino Capite superiori, & ex Fildio Hierarchico: sed omnium totius civitatis Presbyterorum consilio omnia gerebantur, ut si jam Londini omnes Ministri Paræciani constituerent unà cum Episcopo Senatum Ecclesiasticum, eumque pro totali civitatis paræcia, non pro Chorepiscoporum ditionibus. Tantum abest, ut instituta Romanæ Ecclesiæ prima fuerint præstantissima, licet respectu Monarchiæ Pontificiæ valde speciosa, ut ille delectus quorundam alios Pastores legitimos regimine suarum Ecclesiarum, qui ipsis præ aliis chariores erant, spoliaret, à communi etiam regimine extruderet, & Cardinalium dignitatem amplificaret. Ex Babylone illa mystica sede Antichristi præstantissima regiminis instituta non expectanda, nec petenda sunt. Cardinales illi tamen erant Presbyteri Paræciani, & Diaconi civitatis Romæ, non ita Canonici seu Præbendarii nostri in civitatibus Episcoporum sedibus. Sed & Capituli istud commune regimen tandem etiam exolevit. Quàm periculosum igitur est recedere ab ea regiminis forma, quæ præscripta est in divinis tabulis, & peregrinas alias comminisci regiminis species? Quod dat Politicus, accipimus, & cujus pudeat Episcopos Anglicanos, quod Pontifex Romanus omnia administret quasi in Consistorio, quod habeat Senatum Cardinalium quorum consilio utitur: illi nulum Senatus usum habent nisi cum agitur de distrahendis Ecclesiæ bonis, requiritur Capituli consensus. Et qualis quæso illa regiminis forma quæ ne in republica bene constituta probatur? *Pænæ, suspensiones, excommunicationes, in consistorio Episcopi Assertio procedunt ab autoritate & judicio unius Episcopi, si adsit; vel à sententia & potestate Christiani Vicarii Generalis, aut unius Commissarii, si absit. Imò nonne omnes ejusmodi censuræ Politici in Archidiaconi consistorio procedunt ab unius Archidiaconi autoritate, vel si absuerit,* 367. 368.

Def. Lib. 3.
pag. 143.

à singulari Officialis ipsius auctoritate? Sed simile reperiri non potest in republica, ubi administratur iustitia in causis criminalibus alicujus unius subditi ministerio. In foro juris quod Bancum Regium vocant, quòd Rex in eo præsidere solebat, Capitalis Justitiarius Angliæ solus absque tribus vel quatuor assessoribus Justitiariis legem aut statutum interpretari non potest, ubi oritur controversia de interpretatione legis aut statuti; sed possunt alii tres, si in aliam cesserint sententiam, forum trahere in suam interpretationem, nec potest solus in reum poenam decernere, nisi prius consentientem, aut duodecim virorum, quos juratores vocant, inquisitione examinatum. In foro, quod Bancum Commune vocant, quia communia placita inter subditos, ex jure quod commune dicitur, in eo agitantur, Capitalis Justitiarius similiter habet justitiarios assessores tres vel quatuor. Et nonne satis constat, inquit ipse Dounamus, quòd *judices in Banco Regio aut Communium Placitorum, qui sunt Justitiariorum Capitalium Parastatæ, eorum cuilibet conjuncti sunt, ut ad auxiliandum in recte administrando judicium, ita etiam ad reprimendum, ne pro arbitratu solus judicet.* In Curia Wardorum seu Pupillorum præter Magistrum Generalem habent Supervisorem liberationum, Receptorem generalem, Attornatum seu Advocatum generalem, & alios. Sic in æquitatis foris, ut in Cancellaria & Curia Requestarum, ubi pauperum & regionum famulorum causæ cognoscuntur, sunt plures. Percurrit singula juris & æqui fora usque ad infima in regno Anglicano Assessor Politicæ Christianæ, & ostendit jus administrari in singulis per plures, non per unum. Aliunde igitur, Babylone nempe, advenit singulare Episcopi aut ejus Cancellarii, Archidiaconi ejusve Officialis, regimen. Nam non congruit cum regimine reipublicæ Anglicanæ. Non hæc dico, quòd regimen Ecclesiæ vellem conforme Civili, sed quod puderet Ecclesiasticos ea regiminis forma uti, quam bene constitutæ Respublicæ, quantum potest fieri, repudiant.

Quantum ad tertium, nempe Deputationem, attinet, Episcopus Anglicanus spoliatis Consistoriis & Decanatuum Classicis Presbyteriis sua potestate, etiam Capitulo, quod istius Senatum & Presbyterium vocant Hierarchici, omnem ipsorum potestatem sibi soli vendicavit, quam tamen solus exercere non potest. Sed quia oneri impar est, necesse habet potestatem aliis communicare. Nec remittit ad Presbyteria & Ecclesias jura sua, sed transfert in novitiam quandam prolem purioribus sæculis ignotam, Vicarios, Cancellarios, Archidiaconos, Officiales, & Commissarios, Decretalium Romani Pontificis excrementa. Pedum Pastorale à propriis pastoribus abstulit, & tradidit in manus extraneorum, quibus ovium nulla cura. Sed pergat. Politicus in Censura sua. Quod ad secundam circumstantiam, nempe deputationem auctoritatis ipsorum, attinet, neque illius certum & firmum fundamentum video, ut quæ ab exemplis & regulis recti regiminis aliquantulum discreper. Episcopus exercet jurisdictionem suam per Cancellarium, Commissarium, Officiales etc. Vidimus in omnibus per orbem legibus munera quæ requirunt peritiam & fidem non transferri aut exerceri per Deputatum, nisi expresse contineatur in Originali & eo casu habetur legitimum. Nullus unquam judex in ullo foro constituit Vicarium. Episcopus est judex, & quidem naturæ sublimioris. Unde igitur provenit, quod alium surrogat, cum fiducia omnis, ut dictum, sit personalis & inherens, nec in alium transferri possit? Certè quod ad istud etiam, Abinitio non fuit ita. Sed probabile est, cum Episcopi nimium se addicerent pompæ hujus sæculi, & evaderent Magnates in Regnis, Principum Consiliarii, delegasse jurisdictiones quæ magis propriæ erant, ut res conditionis longe inferioris quam quæ amplitudinem suam illustrarent, & tunc instar Regum & Comitum Palatinorum volebant habere Cancellarios & Judices. Sed exemplis Regum & Magnatum se tueri jure non possunt. Nam duæ sunt rationes, ob quas Reges administrant jus per judices suos, licet ipsi sint

sunt summi iudices. Prima est, quia officia Regum sunt maxima ex parte hereditaria. Et est regula juris, quod officia hereditaria sunt res quæ magis interesse quam fiduciam sonent, quippe quæ mulieribus, infantibus, lunaticis, idiotis, aliisque, qui inepti sunt ad jurisdictionem per semetipsos exercendam, deferri possint, & proinde secundum omnes leges talia per delegatos administrari possunt. Secunda ratio est propter jurisdictionis suæ amplitudinem, quæ tanta est, quantam vel Natalium à majoribus aut à Deo gladii jus effecerit. Idcirco Moyses, qui gubernator erat populi non adeo numerosi ejusque congregati unà in castra non per provincias & civitates dispersi, & ipse Spiritu extra ordinem instructus, non tamen par erat solus regendo per se populo, & iudicium ministrando; sed consilio soceri sui Jethronis à Deo probato substituit Seniores & iudices: multò magis id possunt alii Reges & Principes. Est & alia tertia ratio à præsentis instituti non valde aliena, nempe quod Reges, vel Rerumpubl. suarum respectu, vel patrimoniorum suorum amplitudinis ratione, sunt plerumque in causis partes, & tunc iudices stant mediū inter eos eorumque subditos. Sed in Episcopo nihil horum firmum est. Nam primum, munus est electivum & ad vitam, non patrimoniale nec hereditarium munus, peritiam, fœcundiam, & donis idoneis dignum. Quod ad secundam rationem, verum est, jurisdictionem ipsorum esse latam & amplam, & quod horæ ipsis dividendæ sunt secundum operam navandam tam in verbo & doctrina, quam in jurisdictione & regimine: Non tamen capio, posito quod iudicia in Curia administrantur sincere & absque artibus obliquis excogitatis ad multiplicandas causas ob feodorum seu salariorum questum, quin tamen Episcopus in causis majoris momenti per se iudiciali munere fungi possit. Nam oculis nostris cernimus Cancellarium Angliæ expedire causas æquitatis totius regni, quod non provenit à præstantia personæ honoratissimæ illius, qui nunc locum illum possidet, sed semper ita fuit, quamvis magis aut minus onerosum litiganti, quò magis vel minus valebat ille causas expediendi facultate. Si, quod ante dictum, oportere Episcopum laborando in sermone & doctrina horas, ut plurimum, collocare, retorqueatur; rehero, & Cancellarium negotiis Regni maximæ ex parte otium suppeditasse, quippe qui plerumque tales erant, ut in ipsorum consilia Reges nostri maxime recumberent. At Episcopus, cujus ditio non tam ampla nec lites adeo multiplices, ubi referendi beneficium & certiorum reddendi per libellos ultro citroque missos inter viros delectos & idoneos ad actionum processus maturandos, aliaque adjuncta, quæ ordinariè occurrunt in jurisdictione, obvia sunt, ipse munus suum obire potest. Est & aliud adminiculum. Causæ ad eum delatæ sunt de decimis, legatis, bonorum administratione, aliisque rebus testamentariis, item matrimonialibus, ministrorum accusationibus ad suspensionem, deprivationem, aut degradationem tendentibus, Simonia, incontinentia, hæresi, prophanatione Sabbati, & id genus alius, quæ aliis offendiculo sunt. Harum duæ primæ, meo iudicio, cæteris absimiles sunt, nempe de decimis, & testamentariis. Sunt enim res natura sua temporales & emolumentum offerunt, licet temporalium iudicum benignitate & venia permissum fuerit Curis Ecclesiasticis iis se immiscere. Prioribus, ut Clerici possent contendere coram iudiciis suis pro eo quod ad sublevandæ vitæ subsidium datum erat Posterioribus, quia defunctorum Testamenta executioni mandanda curare opus primum habebatur. Sed quod ad illas duas attinet, potest Episcopus absque graviore ullo periculo deonerare in iudices ipsius ordinarios. Existimo etiam sic futurum ut lites illæ majorem numerum conficerent. Quod cæteras attinet, quæ peritiam & dijudicationem spirituales desiderant, ratione naturæ ipsarum, aut offendiculi quod ex eis oritur, æquum est, meo iudicio, ut Audientia (sic Canonistæ de iudicio Episcopali loquuntur) non nisi per Episcopum ipsum concedatur, adhibitis, ut ante subindicatum, Parastatis. Necessarium etiam esset, ut Cancellarius, aut alius qui simili sub Episcopo fungitur munere, juris civilis peritus, ipsi vacaret ad eum erudiendum in formulis juris & praxi forensi Curie; quod si fieret, minus necessaria esset Officialis Curia, de qua tot jam excitantur que-

querela. Si causa illius generis ante dicta ad Episcopalem Audientiam deferrentur, nugatoria lites reprimerentur, & causa competentes majori gravitate & sinceritate disceptarentur. Politicus iste absque dubio plura dixisset in Deputationem istam, si non cavendum sibi potius duxisset, ne nimia libertate sibi crearet periculum. Dixisset dividendas & contrahendas esse Dioeceses, ut Episcopi facilius per se munere fungi possint una cum aliis ut in Senatu. Dioeceses ampliores sunt quam ut eas brachiis suis circumplecti possint: pertinaciter tamen retinent, ne quid desit ad luxum & pompam. Dicit Duarenus, *Sed nec ea jurisdictio ab Episcopis ipsis nunc exercetur, quod olim non solum magna cum gravitate & decore, sed etiam lenitate ac simplicitate fiebat, sed à vicariis quibusdam juridicis, qui officiales vulgo dicuntur. Quorum auditoria calumniis, imposturis, ac strophis forensibus, quaecunque regia ac prophana tribunalia longè superant.* Non dubito tamen, quin, si Episcopi ipsi in consistoriis suis exercerent jurisdictionem sub larvata gravitate gravior grassaretur tyrannis.

De Ministr.
& Benefic.
lib. 1. ca. 4.

Adversus
falso nomi-
naturam Or-
dinem Epi-
scopi Tom. 2.
310.

De Gubern.
Cap. 14. pag.
364 365.

In 2. 2. Qu.
85. Art. 3.

Episcopi Pontificii & nunc & superioribus sæculis personata gravitate Anglicanis nostris non inferiores, & tamen crudeles tyranni, de quibus Lutherus; *Perinde habet in Episcopis malis & impiis, ac si Satanas ipse mitratus & annulatus in Cathedra sedens populo miseraret.* Possunt igitur Episcopi Anglicani majori cum gravitate sedere in Consistoriis & Curii suis quam ipsorum Cancellarii aut Vicarii, quia majori cum pompa & habitu Pharisæico, sed non minori tyrannide, quod, quando & ubi ipsi exercent jurisdictionem, ostendunt, nec majori sinceritate, quia fortè denarius Cancellarii non competit dignitati Episcopi. Major & magis genuina gravitas, majorque sinceritas esset, si præsideret Senatus Ecclesiasticus. Quod item consulit Politicus, ut Episcopus utatur consultore Cancellario aut Officiali juris civilis perito ad erudiendum Episcopum, & ut ita fiat, necessarium esse asserit, idem est quod Bilsonus olim respondit. *Quæ hæc dementia est, inquit, Presbyterus vestrus earum legum administrationem tribuere quas nunquam possunt vel legere? Primum eos scholis edocendos tradite, deinde, cum legendi eas scientiam nacti fuerint, ad Academias deducite, postremo ubi tantum studio profecerint ut jus secundum eas dicere possint, postulationem pro iis interponite ut civilis curiæ loco in qualibet Paroecia subsistantur.* Fingit replicantem: *Quasi vero Episcopi vestri tantam juris scientiam haberent.* Respondet; *Eo magis Cancellariis aliisque jurisperitis opus habent.* Regero; *Eo magis Presbyteria Cancellariis aliisque jurisperitis opus habent.* Nam eodem jure possunt Presbyteria uti Cancellario consultore quo Episcopus. Imo Episcopus non modo utitur eo ut consultore sed etiam judice. Nam etiam absente Episcopo judicat Cancellarius, absente Archidiacono Officialis. Præterea non instituitur comparatio solum inter consistorium Episcopi & consistorium Paroecianum, sed etiam inter consistorium Episcopi & classica Presbyteria, inter consistorium Episcopi & totius dioeceseos commune Presbyterium, quod Concilium potius vocandum. An non ista uti possunt consultore Cancellario aut alio jurisperito? Sed nugatur Bilsonus. Removeantur à foro Ecclesiastico Decimarum, Testamentorum, Legatorum, & similium causarum judicia, & tunc non opus erit Presbyteriis vel Paroecianis vel Classicis jurisperitorum consilio. Canones de Ordine Ecclesiastico, & præsertim de offendiculis removendis & purganda Ecclesia, pauci sunt, quorum periti Pastores omnes, etiam Seniores, facile esse possunt. Quales quæso sunt Canones regiminis Ecclesiastici, quorum ipsi Episcopi ignari sunt, qui sibi solis vendicant gubernationem Ecclesiæ & proinde quibus opus est consultoribus jurisperitis? In eodem articulo occurrit dubium, inquit Cajetanus, *an Episcopus debeat esse doctus & Doctor Theologiæ an Juris Canonici.* Ad hoc quidam dicunt, quod licet præcis Episcopis magis scientia Theologica conveniebat, quam scientia Juris, quid

quia opus erat contra Hæreticos Theologiæ gladio percutere, hodie tamen quia magis acci-
dunt quæstiones spectantes ad jus quam ad fidem, convenit magis, quod Episcopi sint in
jure periti. Sed hi longe aberrant, tum quia officium Episcoporum, quod eis in conse-
cratione imponitur, est prædicare; materia autem prædicationis non est jus. Sed Euange-
lium, dicente Domino, prædicate Evangelium, sub quo Sacra Scriptura comprehenditur,
que est verè & propria scientia Theologiæ. Nec minus tenentur hodie quam olim Epi-
scopi ad prædicandum, quia non minus hodie quam olim hoc imponitur: quamvis hodie
tanta est abusio, quod non sit qui faciat fere usque ad unum. Tum quia magis tenetur Episco-
pus ad docendum populum servare ea que ad bonos mores spectant, que Jæsus-Christus
mandavit servari, quam docere homines Canones sacros, quos non ipse Dominus sed ho-
mines ediderunt. Et infra; Et propterea, dato quod hodie cessarent quæstiones fidei, ma-
xima tamen necessitas est doctrinæ morum. Sed cum Episcopi sint Rectores, & sedent
ad gubernacula Ecclesiæ, expedit ut non modo Theologiæ sed etiam Juris Eccle-
siastici periti sint, (jus Hæreticorum, Decretalium ablegamus Romanum,) ut pedo
Pastorali possint regere oves ipsis commendatos. Alioquin cur auferretur pedum
aliis Pastoribus & traderetur Episcopo, qui eo uti nescit nisi adhibitis consultori-
bus juris Canonici aut civilis peritis? Non est Episcopatus regnum hæreditarium,
ut propterea non sit necessaria illi Juris Ecclesiastici peritia; sicut in regnis hære-
ditariis imperat quandoque mas, quandoque foemina, quandoque puer, & ideo
juris peritia non requiritur necessario: sed in eligendo Episcopo eligitur personæ
industria & peritia. Raro concionantur Episcopi Anglicani, & quidem ab hoc Part. 1. pag.
opere destiterunt, quia nullam aut minimam sui muneris partem existimant, ut refert
Replicator in Secunda Replica contra Dounamum. Redeamus eo unde digressi
sumus. Episcopi Anglicani non modo utantur Cancellariis & Jurisperitis ut con-
sultoribus, sed etiam surrogant ut judices. Atque hæc de Deputatione Juris-
dictionis.

Quod ad quartum attinet, Extensivam nempe Episcoporum Potestatem, Dio-
ceses Anglicanæ larius fuxæ sunt, quam ut in iis conservari possit vel legitimum
& Ordinarium particularis ullius Ecclesiæ regimen, (nam omnes Parochias Dio-
ceseseos unam constituere Ecclesiam particularem dicunt Hierarchici) per commune
Presbyterium, vel Extraordinarium totius provinciæ per Concilia Provincialia.
Constat hinc, inquit Parkerus, ne ipsas quidem Provincias veterum Metropolitanorum, De Politia
que multos tamen sub sese Episcopatus habuerunt, adeo latas fuisse, ut nunc Episcoporum Eccl. Lib. 3.
Anglicanorum Diæceses sunt. Quis enim non molestum putaret vel totam Diæcesin An- Cap. 19 Sect.
glicanam bis in anno convocari? Item; Quorum, nempe Archiepiscoporum & Epi- 26 pag 293.
scoporum Anglicanorum, circuitus immoderatus est, ut qui ad 40 plus Anglicana 287.
millaria nonnunquam porrigitur. De Eboracensi hæc refert Camdenus. Jam inde Ec- Camd. Brit.
clesiastica dignitas in hac urbe convalluit, palloque ab Honorio P. P. misso facta est civi- edit. Francof.
tas Metropolitana, que præter duodecim in Anglia Episcopatus, in omnes Scotia Episco- in 8. pa. 570.
pos Primatis jureungeretur: sed ante quingentos annos defecit à sua Metropoli Scotiæ, &
ipsa Metropolis alios vicinos Episcopatus, tenues illos quidem & fere umbratiles, ita de-
voravit ut jam 4 solum in sua Diæcesi habeat. Dunelmensem scilicet, Cestrensem, Car-
liolensem, & Mannensem sive Sodorensensem in Mannia insula. Unus igitur Episco-
patus Eboracensis devoravit alios 7 tenues quidem, si conferantur cum Episco-
patibus qui jam sunt in Anglia, non tamen tenues, si respicias regimen Eccle-
siæ. Feliciores essent humane, si omnia regna essent parva & concordie vicinitate le- De Civit.
tantia, ait Augustinus. Sic & Ecclesiæ res foeliciores essent, si divideretur unus Dei Lib. 4.
Episcopatus in plures. Apostoli non alias particulares Ecclesias instituerunt quam Cap. 15.
parvas, angustis sinibus conclusas, & concordie vicinitate lætantes. De Lincol-

Britann.
pag. 430.

Provinciale
Lyndemode
l. 1. Titulo de
Sacra Unif.
Cap. Cum
sacri verb.
vel quanto
citius.

Dist. 80.
cap. 6.

Pag. 100.

necesse Diocēsi sic scribit Camdenus; *Horum Diocēsis non contenta angustis illis finibus, quibus in primitiva Saxonum Ecclesia contenti erant Episcopi Siduacēstrenses, qui huic agro præsuerunt. tot regiones complexa est ut sua magnitudine laborarit. Et licet Henricus Secundus Elnem Provinciam & Henricus 8 Petroburgensem detraxerit, jurisdictione tamen & comitatum numero, totius Angliæ longè maxima etiamnum censetur, & Parochiales Ecclesias 1247 in sua Diocēsi habet. Et Lindvodius; Ubi enim conficitur Chrisma in Ecclesia Cathedrali quæ distat à loco Baptismi forsitan per centum milliaria vel amplius, ut est, ponere exemplum, in Diocēsi Lincolnensi, non est imputandum Presbytero siue Curato, si in ipso Sabbato sancto non habeat novum chrisma, cum esset impossibile & ad impossibile nemo obligatur. Vides non posse observari statutum Johannis Peccham, quod Presbyteri per se aut per Diaconos aut Subdiaconos à locorum Episcopis annis singulis ante Paschæ solennitatem vel citius fieri poterit, sacrum chrisma singulis Ecclesiis petere teneantur, propter Diocēseon quarundam amplitudinem. An etiam instituta Christi & Apostolorum, quibus omnes Presbyteri communis regiminis participes esse debent, violanda sunt potius, quàm ditiones Episcoporum minuendæ. Gregorius Augustino Anglorum Episcopo, Responso Octavo; Fratritatem tuam ita volumus in Anglia Episcopos ordinare, ut ipsi sibi Episcopi longo intervallo non disjurgantur: quatenus nulla sit necessitas, ut in ordinatione alicujus Episcopi convenire non possint. Nam Episcoporum ordinatio sine aggregatis tribus vel quatuor Episcopis geri non debet. Addendum erat, & ut veteres alii Ecclesiæ Canones, si non Apostolorum instituta, conservari possint. Duas habet Anglia Provincias, Archiepiscopatus item duos, Cantuariensem, nimirum, totius Angliæ Primatem & Metropolitanum, & Eboracensem, quibus subsunt 25 Episcopi, Cantuariensi 22, Eboracensi tres reliqui; sic Camdenus in Britannia. Episcopatum Anglicanorum plerique plures comitatus obtinent, Lincolnensem omnium maximum sex terminant Comitatus. Franciscus Godwinus Episcopus Landavensis in Commentario suo de Præsulibus Angliæ, in Indice Episcopatum veterum numerat 523. modernorum 26. Vide etiam lector quæ ex Mucketo attulimus supra Cap. 1. De incommodis & injuriis Extensivæ Potestatis egimus Capite superiori.*

Sunt & alia præter quatuor ista observanda in Episcopatu Anglicano, ut pompa & dignitas, aliaque quæ in sequentibus nobis occurrunt. Hactenus de Archiepiscopis, qui sic dicti cum additione. Sequuntur.

Episcopi simpliciter. Quorum in Anglia 24. Quorum considerandus status in Republica, in Ecclesia. In Republica, quod Titulum habent Dominorum, ratione Baronix Episcopatui annexæ; Præcedentiam coram aliis Baronibus in Conventu trium Ordinum, cæterisque Congressibus.

De titulo Dominorum, My Lords, diximus supra. Hic dicitur, Episcopos isto titulo ornatos ratione Baronix Episcopatui annexæ. Prædiorum Domini non sunt Episcopi, sed solummodo usufructuarii. Non enim potest vendere, alienare, donare, permutare pro suo arbitrio. Quæcunque olim donabantur Ecclesiæ ad pium usum donabantur. Prædia & possessiones vendebant Domini, & pretia posuerunt ante pedes Apostolorum. Postquam retinere cepit Ecclesia hujusmodi possessiones, nega-
Lib. 9. Cap. 1. *non possunt Ecclesia Dominum, quorum Dominum verum transferri video donantium*
6. Num. 10. *voluntate in ipsam Ecclesiam. Et dum dico in Ecclesiam, intelligo cum Augustino, non*
Episco-

Episcopos, non Prælatos alios, non Sacerdotum Collegia, non Ecclesiasticos solos, sed totum cætum fidelium: primum quidem & immediatè particularium Ecclesiarum. At præfetto à dominis donantibus dominium in totam Ecclesiam aliquam particularem, hoc est in ipsum totum fidelium cætum illius Ecclesiæ transferri planum est, quia intentio eorum omnium est, ut bona hæc usui communissimo Ecclesiastico inserviant: & in Ecclesiasticis hominibus Ecclesia ipsa nunquam cognovit aliam potestatem, quàm meræ & simplicis administrationis; ait Spalatensis. Bonâ itaque Ecclesiastica sunt bona communitatis, & dominium ipsorum est penes totam communitatem illam particularem, quatenus est communitas spiritualis & Ecclesiastica, non temporalis, quæ tota communitas est prima & immediata Domina suorum bonorum, & licet totus fidelium cætus sit horum bonorum Dominus quoad possessionem, quoad usum tamen illa pars sola hujus cætus his bonis fruitur, quæ indiget & ex Evangelio vivere debet, ut pauperes & ministri, quorum unus est Episcopus. Nec est absolutum, ipsius Ecclesiæ dominium in illa bona, sed aliqua ex parte conditionatum, ut loquitur idem Spalatensis: nam non potest Ecclesia hæc bona distrahare extra usum pium & Ecclesiasticum, quia intentio Domini quando Ecclesiæ donavit fuit transferre in Ecclesiam dominium conditionatum ad pios solum usus. Dominium itaque plenum (non tamen ad prophana) rerum omnium Ecclesiasticarum sive immobilium, sive etiam mobilium, subsistentium, & quarum subsistentia perseverat, usuque statim non consumuntur, secundum Spalatensem, est penes Ecclesiam, & in tota fidelium communitate. Commendata quidem fuit bonorum Ecclesiæ administratio quibusdam præsertim Ecclesiasticis, sed non administranda arbitrio solius Episcopi, ut ministrantur & dividantur pro ejus arbitrio per Diaconos vel œconomos, licet paulatim sibi singularem hanc potestatem arrogarit. Et si communitas fidelium viderit Ecclesiasticos administratores malè dividere aut administrare bona illa, potest administrationem illam corrigere ex jure divino. Sed facta bonorum divisione mobilium & immobilium & assignata cuique sua portione & inter alios Episcopo sed majore quàm par erat, invalescente jam avaritia & ambitione, non tamen erant Episcopi Domini prædiorum ipsis assignatorum, sed administratores vel usufructuarii solummodo. At non ea ratione qua sunt usufructuarii Prædiorum, ornantur titulo Dominorum, *my Lords*, Episcopi Anglicani. Nam sic omnes alii usufructuarii, quia sunt Domini fructuum, eodem titulo idiomate Anglicano ornandi essent, Imò, ait Spalatensis, & Nobiles sive Theologi sive Canonistæ Episcopos faciunt usufructuarios, & non propriè usufructuarios, quia neque de fructibus ipsis, solo excepto usu pio, possunt pro lubitu suæ voluntatis disponere. Utcunque est, fundi Dominus non est: Præterea non quicumque Dominus est fundi aut prædii alicujus, eo ipso ornatur apud Anglos Domini, *my Lord*, titulo. Est tamen vitium sæculorum recentiorum ut & temporalia Episcopatus prædia Baronis nomine, & Episcopi ipsi Baronum titulo, & consequenter Dominorum, ornentur. Barones autem in Anglia ultimum locum inter Nobiles Majores obtinent, ait Camdenus. Et Smithius in Republica Anglicana dicit, titulum istum, *my Lord*, nemini Baronis ordine inferiori competere, nisi iis qui muneris alicujus ratione eo cohonestantur. Christus interdixit Apostolis suis non modo jurisdictionem, & imperium civile, sed etiam splendidos titulos, quibus Magnates, Principes, & in dignitatibus sæcularibus positi, condecorantur. Et corpus & umbram, dignitates mundanas, earumque titulos, omnemque strepitum gloriæ mundi, ab Ecclesia sua facessere jussit. Sed de *Jus Regni* hæc supra satis dictum. Tantum addam Johannis Bedæ sententiam. Unde colligitur *pag. 45.* re est, quanta sit malitia atque afoina imperitia eorum, qui Episcopum dicunt Dominum Parisiensem, Dominum Carnutensem, &c. Solus enim Rex illorum locorum Dominus est.

Num. 24.

Lib. 9. Cap. 7. Num. 46.

Brit. Edit. Franc. p. 104. pag. 29.

Verum quidem est, in aliquibus Provinciis Episcopos territorii dominos esse, qualis est Episcopus Romanus, & aliquot Episcopi in Germania, quibus adversatur dictum Papæ Nicolai Epistola 8. dicentis eos, qui sub Evangelio Reges sunt & Sacerdotes esse membra Diaboli. Quicquid ergo prætexant Ecclesiastici, certum est eos neque territorium, neque jurisdictionem habere ulla juris autoritate, neque partem ullam imperii meri aut mixti, quale est iurisdiclio.

Eadem est Præcedentiæ quæ Titulorum ratio. Eodem interdicto Christi prohibentur. Nam sedere à dextris & sinistris Christi, quem somniabant discipuli fore Monarcham, ejusdem est generis cum Præcedentia ante alios. De Ordine Confi-
dendi in publicis conventibus & præcedentia egimus supra.

Non solum ab imperio, jurisdictione, dignitatibus, titulis, & præcedentia discipulos suos cavere voluit Christus: sed etiam ab omni alia Pompæ & Luxus ostentatione, in vestitu, famulatio, victu, gradum magnificentia, & similibus, in quibus peccant etiam Episcopi Anglicani ut dictum supra. Spalatensis, Germanonem istam pompam & luxum improbantem in Tractatu de Temperantia in cibis, potu, & vestibus Prælatorum adducens, ait. Deinde disputationem reducit ad tria capita. Vel enim inquit, pompam in vestibus, in ferculis, in servitoribus querunt Ecclesiastici ad placendum Deo, vel ut proficiant proximo, vel ad Ecclesiæ honestatem & auctoritatem. Non primum, inquit, quia ex Hieronymo non tenera vestis, sed munditia mentis facit ornamentum Clericorum. Et quia plus placent Deo opera pietatis, in quibus possent expendi ea quæ Italica pompa requirit. Non secundum, quia, inquit, plus scandalizat Laicos pompa hæc Clericorum quàm ædificet; plus ad indignationem, & murmur, & invidiam eos excitat, quam ad amorem: & plus auget in eis avaritiam & superbiam quam extinguat: neque potest sacerdos pompaticus verbo & exemplo humilitatem, frugalitatem, & sobrietatem aliis persuadere. Et infra; Dum obijciunt, inquit, isti pompatici Sacerdotes, non ad superbiam, non ad excellentiam hoc facimus, sed ut Ecclesia per hoc cum suis servitoribus honoretur, & sic honorata crescat in sua auctoritate. Respondet; Honor debet dari in testimonium virtutis, non propter exteriores divitias vel ornatum. Sicque populum inducunt in errorem, dum ille ab eis discit honorare Ecclesiam propter temporalia ista & non propter bona futura & spiritualia. Alioquin Christus & ejus Apostoli non suffieienter ornassent Ecclesiam & honorassent, quando talia in se contemserunt & aliis spernenda suaserunt. Ipse Spalatensis cum multa in Episcoporum pompam & luxam protulisset, tandem ait. Atque ut ego aliquid mihi indulgeam, non sum adeo rigidus ut Episcopum velim instar meri servi aut vilis mercenarii mendici plane vitam agere. Volo itaque Episcopum tantum sumere & seponere, ut ipse præter victum circa crapulam, vestimenta habeat honesta, non pomposa, neque nimium pretiosa, juxta temporum varietatem commoda & opportuna. Famulos necessarios tantum, non ad pompam & nudam clientelam, sed qui hospitibus recipiendis & bene tractandis sint. oportuni. Et alibi; Reverentia, quam nobis populus exhibet ob solum splendorem externum, est reverentia etiam externa, popularis, plausibilis, tota vana & spiritui nihil proficua: & splendor hic, ut dicebat Bernardus, admirationem, non devotionem, excitat. Si itaque collapsa jam reverentia spiritualis, quæ ad spirituales populi profectum plurimum valet, dum mihi bona prædicanti credit, meque cum reverentia & devotione libenter audit: quid ad spiritum, quem solum Ecclesia respicit, si populus me tanquam divitem & in mundo potentem ac honoratum mundano solo honore revereatur? Pereat & hæc reverentia, ne ex illa & per illam populus etiam in errorem inducatur, ut ex carnali etiam carnalior fiat, Ammianus Marcellinus, cujus verba vide supra, licet ethnicus, beatos prædicat non Episcopos Romanos, sed Provinciales quosdam, quos tenuitas edendi potandique parcissime, indumentorum vilitas, & supercilium humum.

De Rep. Lib.

9. Cap. 5.

Num. 44.

De Rep. l. 9.

Cap. 7. Num.

68.

Lib. 9. Cap. 5.

Num. 39.

humum spectantia, perpetuo numini, verisque ejus cultoribus, ut puros commendat & venerandos. Non externo splendore, rerum urbanarum ostentatione, epulis profusis, numerofo famulatio, ædium magnificentia, concilianda est Pastori reverentia, sed ornamentis virtutum. Quique splendorem huic eximium in Prælati & Eccl. Spalat. Lib. 9. Cap. 5. Num. 40. clesiis necessarium, aut saltem utilem & expedientem arbitrantur, falluntur plurimum; & id docentes nihil aliud efficiunt, nisi pallia quedam proferunt, quibus nos miseri turpitudinem nostram quoquo modo obtegamus. Qui nobis Prælati, inquit Spalatensis, nimum applaudunt & nostras cupiunt fovere pompas, avaritiam nutrire, ambitioni arridere, & luxum obducta larva cujusdam decentiæ & honestatis obumbrare. Marcellus Secundus Pontifex Romanus, cum reformationem instituendam diceret, & metum illum extenuandæ auctoritatis Pontificiæ, quem decessores ipsius objiciebant, inanem fuisse. Ea enim, nempe reformatione, solidum nil tolli, sed vana tantum speciosa, imo quæ sumptuosa & gravia, Præsulum luxum & pompam, & comitatus frequentiam, sumptus immodicos & supervacaneos, aliaque quibus Pontificis Trid. l. 5. d. dignitas vilescit potius, quam majorem parit venerationem. Hæc ineptiis amputatis hand dubiè veram auctoritatem, potentiam, exsultationem, auctum iri apud omnes. Meritò Lutherus falsò nominatum ordinem Episcoporum vocat equestre & heroicum genus sacerdotum, quod se principes Ecclesiarum nominare audet. Cum probasset ex Act. 20. omnes Presbyteros, & qui nostra ætate Parochi & Concionatores, communi nomenclatura vocari Episcopos, & jure possidere titulum & nomen Episcopi, ait. Sed Paulus forsàn Papistarum libellos & apologias illas miserè consutas non legit. Qui nam aliàs ausus fuisset uni urbi plures præficere Episcopos & omnes Presbyteros unius urbis appellare Episcopos, cum non fuerint omnes principes, neque satellitium, neque caballos aluerint, sed vix plebei quidam & infimæ sortis homines? Nam ignoravit forsàn Paulus (quod nostro sæculo inolevit) neminem vere magnum Episcopum esse posse, qui non centum equos (ut ille inquit) alat in præsepibus altis, cujus domus non regali splendida luxu persrepat, qui non regis titulis dominationem præfulgeat. Gratianus ex Concilio Triburienfi hæc habet; Vasa in quibus sacrosancta consueverunt mysteria calices sunt & De Conser. patenæ, de quibus Bonifacius Martyr & Episcopus interrogatus, si liceret in vasculis ligneis sacramenta conficere, respondit; quondam Sacerdotes aurei ligneis calicibus utebantur, Vasa. nunc è contrario lignei sacerdotes aureis utuntur calicibus. Ferrerius Orator Gallus in Concilio Tridentino dixit Episcopis; Si prius se in Ambrosios, Augustinos, & Chrysostomos formaverint, & Ecclesiam purgaverint, effecturos, ut Principes etiam evadant Theodosii, Honorii, Arcadii, Valentimiani, & Gratiani. Non opus est ut immeror in re tam perspicua. Interrogetur experientia, & magna voce clamabit. Ita est: Nihil verius est. Nam unde fuit tanta Principum & Sæcularium devotio apud antiquos Ecclesiasticos pauperes & pannosos? Unde tantus honos? tantus cultus? Utique quia pompas tales nihili pendebant. Idcirco tanquam apud bonos & fideles dispensatores copiosissimæ eis ministrabantur divitiæ. Sed postquam inolescere & eis abuti cæperunt, in contraria versa est prior largitio, inquit Gerson in Tractatu de Tèmpèrantia in cibis potu & vestibus Prælatorum. Res ipsa loquitur immensam quorundam Principum, utcumque pius esset affeclibus eorum, tantum virum in Ecclesiam sparsisse, ut ex Pixide illa Pandore à Poëtis decantata non plus malorum inter homines & calamitatum exsiliisse videatur; ait Duardus l. 2. c. 4. remus.

In Ecclesia, ratione Vocationis aut Functionis. Ratione Vocationis externæ ad Episcopatum; in qua quædam respiciunt Principem, quædam Episcopos. Principem, idque An-

238 CAP.V. DE EPISCOPORUM IN ECCLESIA ANGLICANA
 te electionem ; Nominare, Facultatem Eligendi concedere:
 Post electionem ; Regium assensum adhibere, Mandare Ar-
 chiepiscopo ut confirmet, Ipsi duobusque aliis consecrare,
 Homagii jusjurandum ab Episcopo novo exigere, possessiones
 Episcopatus restituere. Episcopos, Archiepiscopum qui con-
 firmet electionem, Ipsum duosque alios qui consecrent ad præ-
 scriptum Libri Ordinationum.

De Polit.
 Pag. 313.

Pag. 274.
 275.

Petri Suarvis
 Hiftor. Conc.
 Trid. pag.
 277. edit.
 Francofurt.

Pag. 790.

Pag. 447.

Mucketus sic ; *Postquam Regis licentia & mandato Episcopi in Anglia à Decano & Capitulo Cathedralium Ecclesiarum infra Diœceses quibus præficiendi sunt eliguntur, illius assensu electi comprobantur, confirmati consecrantur, & tum consecrati homagii juramentum Regi præstiterint, Rex illis vicissim suorum Episcopatum possessiones restituit. Assertor Politicæ Ecclesiasticæ veræ & Christianæ sic describit ordinem procedendi. Cum vacat Ecclesia aliqua, ut Cantariensis, Wintoniensis &c. Decanus & Capitulum significant Regi se orbatos esse Episcopo, & supplices rogant Regiam Majestatem, ut concedat ipsis facultatem eligendi alium. Rex Diplomate suo ob- signato concedit facultatem, monens, ut talem eligant in Episcopum & Pastorem, qui Deo devotus, & Ecclesiæ suæ necessarius, nobisque & regno nostro utilis & fidelis existat. Sed una cum diplomate mittit literas commendatitias, quibus nominatur Episcopus eligendus. Peracta electione iterum rogant, ut assensum Regium adhibeat Domino electo, *to the Lord elected*. Deinde mittit aliud diploma ad Archiepiscopum, vel alium quem delegerit Episcopum, ut comprobatum suo assensu confirmet & consecret secundum ordinem præscriptum. Peracta confirmatione & consecratione, & præstito homagio ac juramento fidelitatis; Breve Regium mittitur è Cancellaria ad eum qui refert bona publicata ad Scaccarium seu Fiscum Principis, mandans, ut illi restituantur temporalia Episcopatus. Potest etiam Episcopus, si libitum fuerit, aliud Breve à Cancellaria obtinere præciens cli- entibus & villicis, ut eum agnoscant suum Dominum. Imaginaria ista electionis forma Ecclesiæ ipsius libertatem in eligendo omnino sustulit. Nihil hîc de consen- su, nedum suffragiis populi & honoratorum civium, aut Presbyterorum Diœce- seos. Cum in Concilio Tridentino ageretur de Episcoporum qualitatibus, nulla erat controversia, omnibus in vitia & enormitates Præfulum, atque Ordinis Ec- clesiastici, uno ore declamitantibus. Verum Johannes Salazar Episcopus Lanci- anensis culpam omnem in Aulam Romanam tanquam mali fontem conjecit, quæ in Episcopatum distributione, non personarum promerita sed operam sibi præ- stitam contemplatur. *Quem Episcopus Bitontinus excubiens prudenter admodum re- spondit, immeritò in Curiam Romanam crimen illud conferri, quod aliò sit transferen- dum: Cum in Germania Episcopatus per electionem, in Gallia, Hispania, Hungaria, per nominationem Reziarum, deferantur; in Italia plerique sint de jure Patronatus, & in his qui sunt liberi deferentis, Principum commendationibus, quorum preces sunt armatæ, plurimum sit tribuendum, qui cum excusationem non admittant, Pontifici eorum pro me- rito conferendorum libertatem adimunt. Cardinalis Lotharingus de Episcoporum electione in aliâ illius Concilii congregatione sententiam dicturus; Concordata pa- lam damnavit, dicens. inter Papam Leonem & Regem Franciscum collationem beneficio- rum Regni distributam fuisse, quæ Capitulorum esse debebat: & parum absuit ut diceret, sicuti præda dividi solet inter venatores. Paulus 4. dicebat, decretum sibi, ubi aulam suam ab hoc fermento, nempe Simonie, perpurgavit in eum modum ut ei nemo objecta-**

re possit illud, Medice cura te ipsum, & Principibus ipsis ostendere Simoniam malum in ipsorum aulis grassari vehementius, & ejusdem auferendi non deesse studium sibi, qui Principibus æque ac Præsulibus antister. De hoc malo Simonie in promovendis Episcopis Anglicanis vide quæ supra transcripsi ex Brightmanno. Galli in suis Synodis vertunt se ad planctum & preces. In Synodo Rhotomagensi 1581. dicunt; Optamus omnes à Deo, atque à Christianissimo nostro Rege supplices precamur, electiones restitui cum veteri & sincera eligendi forma. Sed quoniam impetrandi spes nondum ostenditur, eum contigerit sedem vacare, preces & solennes supplicationes ad Deum ut gregi pastorem det idoneum, fieri mandamus. Item in Concil. Bitur. 1584. decretum, ut vacante sede Episcopali fiant preces publicæ, & supplicationes Capitulis indicantur. Optant autem jus electionum restitui Clero, ut patet ex Concilio Rhemensi 1583. Feliciores quidem essent res Ecclesiæ, si Clero permetteretur libera electio, quàm cum eam totam aut integram sibi arrogant Principes, aut nominationem & comprobationem, solummodo relicta Capitulo umbratili quadam nominati electione, quæ propriè electio dicenda non est. Nam electio omnis propriè comparativa est, quæ à pluribus unus eligitur maxime idoneus. Neque est ista electio per Capitulum probanda, licet integra esset, nec est adeo antiqua. Supra vidimus ex Bellarmino & Fildo, per multa sæcula non agnitam fuisse differentiam inter Canonicos & non Canonicos, Cardinales & non Cardinales Presbyteros, & ætate Gregorii omnes Clericos interfuisse electioni. Sed postremis 500. annis, neque ad Concilia, neque ad electionem admissi sunt omnes Clerici, inquit Bellarminus, quod nimis multi essent, sed soli Cardinales. Et tamen ætate Gregorii erant multi Presbyteri in Romana Ecclesia. Nam si tempore Cornelii circa annum 250. in medio persecutorum regnantibus Idololatriæ erant 46. Presbyteri Roma, multò plures erant tempore Gregorii, quando nullus erat in urbe paganus; sic conjicit ibidem ipse Bellarminus. Nec est numerosa Presbyterorum turba justa excludendi aliquem à jure electionis causa. Nam eadem ratione pauci Episcopi evocandi erant ad Concilia Generalia: & Ordinum Comitia minori quam par est consistent numero. Debent igitur omnes Ministri Londinenses convocari ad eligendum Episcopum, & non illi soli qui sunt membra Capituli. Ista electionis forma, licet esset integra in Anglia, nempe per Capitulum, est recentior & nonnisi post invecam istam Canonicorum & Capituli institutionem. Ad Canonicos solos, inquit Calvinus, integra potestas, nempe eligendi Episcopos, translata est. Illi in quem volunt conferunt Episcopatum, eum mox in conspectum plebis producunt, non examinandum sed adorandum. In Germania Episcopi à sex tantum aut octo interdum hominibus eliguntur, faciente Bellarmino. Cum dico omnes Presbyteros habere jus electionis, intelligo non civitatis solummodo, sed totius etiam Dioceseos. Nam si ante divisam massam totius particularis Ecclesiæ Diocesane in partiales seu parœcias, Presbyteri omnes eligeant; non est æquum, ut facta massæ distributione, ita affigerentur suis particularibus parœciis, ut à communibus negotiis excludantur, nec ut una Ecclesiæ pars sit potior jure electionis quàm alia. Sed est & alia electionis forma antiquior, nempe per Clerum & Populum. De Cornelio Episcopo Ecclesiæ Romanæ sic Cyprianus. Factus est autem Cornelius Episcopus de Dei & Christi ejus judicio, de Clericorum pene omnium testimonio, de plebis, quæ tunc affuit, suffragio, & de sacerdotum antiquorum & bonorum virorum collegio, quidam codices, consensu. De quo etiam narrat; quod Episcopatum ipsum nec voluit, nec ut ceteri, quos arrogantia & superbiæ tumor inflat, invasit; sed quietus & modestus, & quales esse consueverunt qui ad hunc locum divinitus eliguntur, pro pudore virginalis conscientiæ suæ, & pro humilitate ingeniæ sibi & custodiæ verecundiæ, non ut quidam vim fecit ut Episcopus

Beckellus in
Decretis Ec-
cles. Gallie.
pag. 772.

De Clericis
Cap. 16.

Integra Institut Lib.
4. Cap. 1.
Sess. 2.
De Cler.
cap. 2.

Lib. 4. Ep. 2.

- scopus fieret, sed ipse vim passus est, ut Episcopatum coactus susceperet. Nullam vim patiuntur Britannici ut Episcopatum suscipiant, sed pluribus artibus ambiunt.
- Lib. 1 Ep 2. Et de Sabino etiam narrat Cyprianus, quod de universa fraternitatis suffragio, & Euseb. Lib. 6 Episcoporum qui aderant iudicio Episcopatus ei delatus erat. Cum eligendus erat Cap. 29. successor Anteri, refert Eusebius, fratres omnes in Ecclesia congregatos, & cum multi de compluribus illustribus viris eligendis cogitarent, populum Fabianum Episcopatu dignum proclamasse. In Epistola Concilii Nicæni ad Hist. l. 1. c. 9. Alexandrinos & fratres qui in Ægypto, Lybia, & Pentapoli, quæ extat apud Theodoritum, decretum, ut quia à Meleto creati fuissent, sacratio-ri ordinatione confirmarentur. Quod si quis forte Ecclesiæ Præsul obdormierit, jus esto paulò antè receptis succedere in locum demortui εὐχαιοι παύοντο, ἢ ἐκ λαοῦ αἰροῖτο modò digni viderentur & populus eos eligeret. Mortuo Auxentio Ariano contendunt Sozomenus Lib 6 c. 24 Mediolanenses, propterea quod non unum omnes ad Episcopatum Mediolanensis Ecclesiæ capeffendum deligebant, & τὸν αὐτὸν αἰρῶμενοι, tandem communibus suffra- Lib 8. Cap 2 giis ad Ambrosium Episcopatum deferunt, ut refert Sozomenus. Refert etiam, Chrysostomum successisse Nectario, ψηφισαμένων δὲ τούτο τῷ λαῷ καὶ τῷ κλήρῳ, post- Th. Lib. 5. c. 9 quam in hoc Clerus & populus suffragia sua contulissent. Et ipsum Nectarium electum narrat Theodoritus, πάντες τὸ κλῆρος καὶ πάντες ἐκ ψηφισομένης τῆς πόλεως, cum omni- Soc l 4 c. 14 um clericorum & totius civitatis approbatione. Mortuo Eudoxio Constantinopoli- tano, Ariani in locum ejus Demophilum sufficiunt: sed qui fidei Consubstantialis faveant, se tempus opportunum nactus arbitrati, Euagrium quendam ipsorum fidei fautorem προεβάλ- Soc. l 6 c. 13. λοντο designabant, ait Socrates; Sozomenus, Euagrium quendam ψηφίζοντο suffragiis Soc. Lib. 2. suis eligunt. Homoufiani Paulum quendam ad Episcopatum Constantinopolitanum c. 6. προεπιτίθενται deligunt, ait Socrates. Post abdicatum Nestorium multi Constan- Soc l 7. c. 35. tinopolitani Philippum, plures etiam Proclum ἐπιτίθεντο elegerunt. Itaque in prima Bulson. de Ecclesia populus proponebat, nominabat, eligebat, atque decernebat, perinde ac Clerus: & Gubernat. licet Presbyteri in discernendo plus iudicio pollebant, in eligendo tamen Pastores suos popu- Cap. 15. lus facultatem habebat, adeo ut si major pars eorum consentiret etiam contra Clerum vota p. 434. plurium obtinerent, dummodo electi ii essent, quos Canones paterentur, nec ordinantes justam improbandi causam haberent. Augustinus astante & Clero & frequenti populo dixit, Presbyterum Eradium mihi successorem volo. Et cum populum probare ipsius nominationem perspiceret; Rogo ut dignemini gestis subscribere quotquot potestis. Et cum sileret populus, urget, hic mihi vestra assensione opus est, de hac assensione aliquid acclamate. A populo ad clamatum est, fiat, fiat, dictum vices quinquies.
- Lib. de Divi- Albinus Flaccus Alcuinus; Cum Episcopus civitatis fuerit defunctus, eligitur ali- nis Officiis. us à Clero seu populo, fitque decretum ab illis, & veniunt ad Apostolicum cum suo electo, deferentes secum suggestionem id est rogatorias literas, ut eis consecret Episco- pum. Plura accumulare testimonia quid opus est? cum adversarii id ipsum fateantur. Hic modus, inquit Bellarminus, ut eligeret Clerus & populus civitatis, fuit De Cleric. in usu tempore Chrysostomi, Augustini, Leonis, Gregori. Sed non tam candidè Pa- Cap. 9. melius. Non negamus itaque, inquit, veterem electionis Episcoporum ritum, quo plebe In Cyprian. Ep. 68. Not. 16. presente, imò & suffragiis plebis eligi solent, verum plebi sola suffragia concessa, non Leo Epist. 87 electionem, quæ per subscriptionem fieri solet. Quum Leo distinguit officia singulorum in electione, & civibus vota, populis testimonia, honoratis arbitrium, Clericis electionem, vel sic, Clericis subscriptionem, honoratis testimonium, ordini & plebi consensum tribuit; rhetorice potius more suo loquitur, quàm dialecticè di- stinguit. Nam testimonium modò populis, modò honoratis tribuit. Præterea de more sui fortè sæculi loquitur. Nam ex supra allatis testimoniis patet populum proposuisse, nominasse, elegisse, decrevisse, designasse. Ipsam προβαλὼν primam nomi-

nominationem fuisse penes populum, supra audivimus. Siquando aliqui ad Episcopatum capeſſendum designati eſſent vel à Clero vel à Concilio, tamen populi ſuffragiis vel aſſenſu unus erat electus. Si nominatio erat aliorum, electio erat populi, & contra, ſi nominatio erat populi, conſenſus & electio erat aliorum. Utrum acclamatione, manuum elevatione, an ſubſcriptione aſſenſum ſuum teſtati fuerint, perinde eſt, populus conjunctis paſſibus cum Clero incedebat, ut loquitur Biſſonus. Hoc enim tunc poſſimum agebatur, inquit Pamelius, ut invitæ plebi non daretur Episcopos, non tamen ſic ut cogerentur Episcopos admittere quemcunque plebs poſtulaſſet, uti patet ex Can. 1. & 2. Græcarum Syno. à Martino Bracarenſi collectarum, & ex dicta Celeftini Epist. & Stephan. Papæ Decreto 63. Diſt. 2. c. noſſe. Sed ſi quem petiſſet contra ſtatuta Canonum denuo & ſæpius convocari ſolitos Clerum & plebem donec concordarent in quempiam idoneum, colligere licet ex Epistol. Gelafii Papæ ad Philippum & Gerontium citata à Gratiano Diſt. 63. c. Plebs. Si qua autem contradictio quorundam oboriretur, diſcutiebantur primò perſonæ contradicentes, & tum demum, ſi vera non eſſent quæ objicerentur, ordinabatur Episcopos ut conſtat ex Can. 40. Concilii Carthag. 5. Nec coactus eſt populus recipere quemcunque Clerus aut alii Episcopos nominaveſſent. Nec Clerus nec populus potuerunt cogere alios præter Canones. Qui Proclum elegerunt deſtiterunt, cum docuiſſent quidam Canonibus vetitum Episcopum alicujus civitatis nominatum ad aliam civitatem transferri. Sat eſt quod concedit Pamelius, invitæ plebi non datum Episcopum, & abſque populi ſuffragiis inutilis erat iſta ſubſcriptio quam memorat Leo. Et iſte modus eligendi, nempe cum teſtimonio & conſenſu populi, duravit ſatis diu, ait Bellarminus. Pamelius fatetur, ad Gregorium uſque, imo ad tempora Caroli & Ludovici Imperatorum duraviſſe. Baronius uſurpatam à Caroli prædeceſſoribus electionem Episcoporum in priſtinam libertatem reſtitutam reſert, ſancita lege unà cum Ludovico Imperii conſorte, quæ extat inter Capitula ſive Leges Eccleſiaſticas & Civiles Caroli & Ludovici Lib. 1. Cap. 84. & inferitur Decreto Gratiani Diſt. 63. Cap. 34. At eo Capitulo tribuitur electio & Clero & populo & ſecundum ſtatuta ſacrorum Canonum. Habes lector verba Capituli ſupra. p. 7. Populi electionem à divina authoritate deſcendere, dicit Cyprianus. Propter quod plebs, obſequens præceptis Dominici & Deum metuens, à peccatore præpoſito ſeparare ſe debet, nec ſe ad ſacrilegi ſacerdotis ſacrificia miſcere, quando ipſa maxime habeat poteſtatem vel eligendi dignos ſacerdotes vel indignos reſuſcendi. Quod & ipſum videmus de divina authoritate deſcendere ut ſacerdos plebe præſente ſub omnium oculis deligatur, & dignus atque idoneus publico judicio ac teſtimonio comprobetur. Hic plebs poteſtatem habet eligendi dignos, & reſuſcendi indignos. Atque hæc Epistola non eſt unius Cypriani, ſed Synodi Africanæ, & complurium Episcoporum. Exempla afferunt ab electione Matthiæ Act. 1. 23. & Diaconorum Act. 6. 5. ubi multitudini fidelium diſpiciendi viros idoneos & eligendi partes tribuuntur. Quibus addi poteſt aliud ex Act. 14. 23. ubi Paulus & Barnabas dicuntur per ſuffragia creaviſſe Presbyteros in ſingulis Eccleſiis. Nam χειροτονία ſignificat propriè manum porrigere, aut protendo, aut attollo, quaſi τὴν χεῖρα τενῶ, quod fiebat in ferendis ſuffragiis, & proinde ſignificat, non modò manum protendere in ferendo ſuffragio, ſed etiam per ſuffragia creare Magiſtratum, cum conſtituitur cum accuſativo. Ut apud Athenienſes rogante in foro præcone civis ſuffragium per manus elevationem ſignificabant, ita in Eccleſia fideles rogante Præfide actionis. Sed manus imponere ordinando aut inaugurando nunquam ſignificat, vel apud prophanos ſcriptores, vel alibi in Scripturis. Nam 2 Cor. 8. 19. proprie ſumitur pro ſuffragiis electo, aliis locis metaphorice pro decernere aut designare quovis modo, ut Act. 14. nam Deus non delegit Apoſtolos ulla manus porrectio-

De Gubern.
c. 15. p. 434.

Socrates Lib. 3.
7. Cap. 35.

De Cler. c. 2.

Ann. 813.
Num. 7.

Lib. 1. Ep. 4.

ne nec imponendo manus ordinavit. Septuaginta interpretes impositionem manuum inauguralem exprimunt alia voce, nempe ἐπιθεσις τῶν χειρῶν. Lucas ab usitatis 70 interpretum vocibus & phrasibus quoad fieri potest non recedit: usurpatæ enim erant Septuaginta interpretum phrasæ inter Hellenistas. Nec novam affinxisse significationem. Quia autem cum Græci authores nunquam usi sunt, credendum est. Et quidem significationem, quam ipse mos ferendi suffragia per manus porrectionem repudiat. Elevabant enim manus, dum significarent suffragium. Præco enim dicebat, cui hoc vel illud non placet ἀγέτω χεῖρα. Quis enim aptè manuum impositionem, & proinde depositionem super caput ordinandi, manuum elevationem diceret. Abusi tamen sunt istius vocis genuina significatione Patres, & ipsam manus impositionem in ordinatione χειροτονίαν appellarunt. Interdum tamen propriam retinent significationem, ut Pseudo Ignatius in Epist. ad Philadelphienſes. Sic Concilium Laodicenum, interprete Balsamone. Canon est; Non oportere τὰς χειροτονίας fieri in præsentia audientium. Χειροτονίας, inquit, hic nominat τὰς ψήφους, id est suffragia vel electionem. Quia in electionibus dicuntur nonnulla indigna de iis qui eliguntur, audientes Synodus non vult interesse, sic ille. Eandem interpretationem sequitur Zonaras, & in Can. 1 Apostol. hæc habet; Nunc quidem χειροτονία vocatur perfectio precum, & Sancti Spiritus invocatio, dum sacerdotio quis initiatur, & consecrationem sortitur. Ex eo dicta, quod Pontifex manum extendat, benedicens homini ad sacra deligendo. (At illa manus extensio non est ritus consecrationis à quo ordinatio denominanda, sed antecedit tantum, & præterea & illa extensio non fit porrigendo in altum, ut solebat fieri in ferendis suffragiis.) Sed quondam αὐτὴ ἡ ψήφος χειροτονία αἰνέωσα ipsum suffragium nominatum est Chirotonia. Nam quum populis civitatum liceret eligere sacrorum præfatos, conveniebat populus, & alii quidem hunc, alii vero deligebant illum. Quatenus autem plurium suffragium vinceret, eligentes ferunt solitos extendere manus. Et per manus ita porrectas numerabantur, qui vel hunc vel illum delegissent. Plurium vero calculis electum summo sacerdotio præfecerunt. Chirotoniæ nomen hinc desumptum, quo sic etiam Synodorum Patres inveniuntur usi, suffragium ψήφον nominantes Chirotoniam. Potestas in eligendis ad alia munia, Ecclesiam in Pastoribus eligendis jus habuisse indicat. Socius peregrinationis Pauli χειροτονήσας ὑπὸ τῶν ἐκκλησιῶν suffragiis electus ab Ecclesiis ad munera collata in subsidium Ecclesiæ Hierosolymitanæ perferenda 2 Cor. 8. 19. Et Act. 15. 22. Tunc visum est Apostolis & Presbyteris cum tota Ecclesia mittere Antiochiam cum Paulo & Barnabā ἐκλεξαμένους ἀνδρας ἐξ

De Rep. Lib. 1. c. 22. Num. 10. Cap. 3. De Rep. Eccl. l. 3. c. 3. n. 12

αὐτῶν electos ex sese viros, Judam & Silam cum Epistola Synodi. In electionibus vero ministrorum, etiam Apostolorum tempore & ipsorum instituto, plebem & totam multitudinem magnam habuisse partem, qui est primus & fortasse præcipuus Democratiæ effectus, ut ipsa multitudo eligat sibi Magistratus & gubernatores, ait Spalatensis. Ibidem; Habet Ecclesia suo modo in se nonnihil formæ democraticæ: non in eo tantum, quod etiam ex infima plebe assumi possint & soleant homines ad Ecclesiastica officia, & ministeria, etiam Episcopatus si sint idonei: quod tamen vix redolet minimum quid Democratiæ: & hoc in plebe est aliquid passivum duntaxat, ipsa vero hinc nihil habet potestatis & auctoritatis. Active igitur & executive suo modo concurrere ait ad excommunicandum, & in electionibus activum quid habuisse ex instituto Apostolorum asserit, & pluribus docet Libro Tertio, & probat multis exemplis fuisse morem veteris Ecclesiæ, eumque morem durasse ad nostra pene tempora. Jam vero post Concilium Nicænum in electionibus eundem prorsus veterem morem perpetuo Ecclesiam ad nostra pene tempora servasse, ut à Clero & populo fieret, ex Patribus, ac rebus gestis, & Conciliis, & iuribus, ex Romanorum Pontificum attestationibus, & Decretis, jam sumo comprobandum. Populi partes fuisse non modò testimonium reddere de vita & moribus eligen-

eligendi, sed etiam decernere, eligere, proponere, postulare, & quandoque postulato assensum adhibere, supra exemplis Eradii, Ambrosii, Flaviani, Nestarii, Euagrii, Procli; & Alcuini testimonio, probavimus. Si plebs aliquem indignum, aut contra Canones posceret, docendam, non privandam jure suo, docuit Coelestinus Epist. ad Episcopos Calabriae & Apuliae. Atque hunc, non alium, esse sensum Canonis Concilii Laodicensis asserit Spalatensis, nempe *non esse permittendum, ut plebs absolute suam expleat voluntatem circa personarum electiones, ubi videlicet contra Canones personas etiam inhabiles eligit. In quo sensu Canonem hunc intellexit Martinus Bratarensis. In sua enim collectione c. 1. hoc pacto eum ponit* *Diff. 63. Non licet. Non licet populo electionem facere eorum, qui ad sacerdotium promoveantur: sed in iudicio Episcoporum sit, ut ipsi eum probent si in sermone & fide & spirituali vita edoctus sit. Per electionem itaque intelligit etiam approbationem. Simplex itaque electio relinquitur jure communissimo plebi, dummodo electi approbatio vel reprobatio non spectet ad plebem sed ad Episcopos ordinatorum. Praxis Ecclesiae ante & post conditum Canonem illum ostendit quis sit genuinus sensus. Clerum multitudinem sequi aut ejus erroribus abripi debere, nullus adeo desipit, ut suadeat. Invitis autem Ecclesiis Episcopum non obtrudendum communis sensus docet, ne plebs invita Episcopum non optatum aut contemnat aut oderit, & fiat minus religiosa quam convenit, cui non licuerit habere quem voluerit. In Concilio Parisiensi quod celebratum anno 559. decretum in hunc modum. Et quia in aliquibus rebus consuetudo prisca negligitur, ac decreta Canonum violantur, placuit, juxta antiquam consuetudinem Canonum decreta serventur. Nullus civibus invitis ordinetur Episcopus, nisi quem populi & Clericorum electio plenissima quaesierit voluntate, non Principis imperio, neque per quamlibet conditionem contra Metropolis voluntatem, Episcoporum comprovincialium ingeratur. Jam coeperant Principes paulatim invadere jura Ecclesiae, cum viderent Episcopos evasisse rerum potentes in saeculo, & Magnatum aemulos plerisque in locis. Primo consentientium tantum numero haberi volebant, & electionem jam factam ratam habentium, & initio ne hoc quidem: sed tandem arrogarunt sibi omnem potestatem, relicta quibusdam in locis Capitulo umbratili quadam nominati electione vel potius approbatione. Si quis dixerit translatam esse in Regem populi potestatem consensu populi; nam in Comitibus Ordinum cives omnes regni per legatos suos consentiunt in legem latam de isto modo eligendi; Sic respondet Whitgiftus Cantuariensis. Sed replicat Cartwrightus. Hoc illud est de quo quaeritur, num jure hoc fecerint. Num ovum istud electionis Papisticae amiserit naturam suam venenosam, quod incubuerit ipsi Parliamentum. Consensus civium in Comitibus semel, nempe cum fertur Lex, praebetur: at quoties eligendus Pastor, requiritur particularis consensus. Conventus Ordinum in Comitibus non est conventus Ecclesiae. Conventus nationalis Ecclesiae, id est legitimum & liberum Concilium Nationale, praesertim ubi est Reformata Ecclesia, debet definire hunc electionis modum esse legitimum, prius quam quid de eo statuatur in Comitibus Ordinum, id est, sanciri potest in Comitibus haec forma electionis, si prius instituta à Concilio Ecclesiae, ubi representatio habetur Ecclesiae, quatenus est communitas Ecclesiastica & spiritualis, & non in Comitibus Ordinum. Hoc, inquam, posito, quod particulares Ecclesiae possint cedere jure suo, non nisi praesente, decreto Synodi generalis id possint. Sed non possunt transferre jus illud, & praesertim jus perpetuum & quasi haereditarium electionis in Concilium Nationale, multò minus in Principem. Est enim, ut ait Cartwrightus, jus electionis libertatum illarum pars, quam Christus acquisivit sanguine suo, quamque in alium transferre non licet, aut alienare, magis quam haereditatem regni coelorum, cui annexa est. Nam de*

Laod. Conc. Can. 13

Spalat. de Rep. l. 3. c. 3.

Num. 50.

2 Repl. 1. Part. p. 226.

omnibus mediis salutis sollicita esse debet Ecclesia. Debet ergo eligere Pastorem unum ex mille, ut loquitur Jobus, præstantissimum, sanctissimum, eruditissimum, & quem potest, vigilantissimum: non ab aliarum pendere arbitrio, præsertim Principum aut potius Aulicorum. Dimicant inter se Canonistæ & Imperialistæ, illi pro Pontifice, isti pro Imperatore. Utrunque adulatio. Pauci pro Ecclesia. Non quia Pontifices hac libertate spoliarent Ecclesias, eam sibi vindicare debuerunt Imperatores & Principes, sed ut nutritii & advocati Ecclesiæ, siquidem his elogiis gaudent, Ecclesiis restituere. Tributa exigant, Regalia aut Jurisdictiones alias civiles temporalibus Episcopatum annexas etiam infimarum Curiarum recipiant: electionem pastorum, libertatem Ecclesiæ non minimam & ex qua salus Ecclesiæ pendet, Ecclesiis relinquunt, alioquin majoris sacrilegii postulabuntur, quam si mille Episcopatum prædia diriperent. Experientia ipsa elata voce clamat: magis aut minus florentes esse Ecclesias, prout magis aut minus libera electio; & florentissimas illas, ubi docente & ducente Presbyterio, honorati cives, & inferioris ordinis plebei fideles una postulant, eligunt, aut dignos recipiendi, & indignos recusandi, ut loquitur Cyprianus, potestatem habent. Sed cum dormientibus & invitis, gementibus, sed hiscere non audentibus, præponitur Episcopus quem aula vel Pontificis vel Principis emisit, hinc Epicureismus, illinc Papatum, vel etiam hinc Papatum & illinc Epicureismum invehi in Ecclesiam, cæcus est, qui non perspicit. De Episcoporum electione videat plura lector supra p. 5. 6. 7. 8.

De Assensu Regio diximus antea p. 17. Non damnamus simpliciter Assensum Regium. Non enim ignoramus, Imperatores & Principes electioni liberæ Cleri & populi assensum suum quandoque adhibuisse. Sed ita pendere ab assensu principis electionem, ut denegato assensu vel omnis electio irrita redderetur, vel illa sola vim habeat, quam assensu suo roboravit, pernegamus. Nam prius tribuit Principi potestatem privativam in iis quæ Christus concessit Ecclesiæ primario & immediatè, & sic nullos haberet Ecclesia Pastores, si ita Principi placuerit. At Princeps habet tantum potestatem cumulativam in libertatibus, quas Christus tradidit Ecclesiæ, non privativam. Posterius etiam, si non omnem, liberam saltem electionem tollit, & perinde erit, siue antecederet elegerit, siue consequenter assensum adhibuerit, nam in idem recidunt. Si populus aliquem postulasset vel elegisset contra Canones, sæpius convocari solitos Clerum & plebem, donec consentirent in idoneum quempiam, dixit supra Pamelius. Sed si canonicè quis electus à Clero & populo, inutilem tamen reddi posse electionem per Principem promero ipsius arbitrio iniquum esset. Non ita pendet à summi Magistratus arbitrio Magistratum in civitatibus electio. Præterea quid opus est particulari assensu Principis in qualibet electione? ubi legum autoritate, id est Principis & Ordinum in Comitibus consensu, legitima electionis forma ab Ecclesia prius recepta sanciri potest.

De Episcoporum Confirmatione per Metropolitanum egimus supra p. 40.

In Episcoporum Consecrationibus tria sunt expendenda. 1. Consecratio ipsa. 2. Consecrator. 3. Ritus Consecrationis. Quod ad primum attinet, ostendimus Episcopi & Presbyteri unam eademque esse ordinationem, nec ullam hactenus differentiam essentialem introductam in Ecclesiam, ne quidem sub ipso Papatu. Eiusdem ordinis Episcopum & Presbyterum esse probavimus, & proinde non opus est Episcopo nova ordinatione, seu ut vocant, consecratione. Bonaventura; Non ita: proprie dicitur aliquis ordinari, cum promovetur in Episcopum, sicut cum promovetur in sacerdotem, sed magis proprie consecrari, quia ut paulo ante dixit, sicut non recipit alias claves, ita nec alium ordinem; & infra, Sacerdos non inungitur ad ordinis necessitatem, sed magis ad sollemnitatem, ut digne possit corpus Christi sacratis-

In Lib. 4.
Dist. 25.
Qu. 3.

num consecrare. Item; Unde sicut collatio pallii non dat novum ordinem Archiepiscopo ultra Episcopum, sic nec collatio baculi, annuli, aut mitræ, aut alicujus consimilis, ultra sacerdotem. Talia enim sunt sacramentalia potius quam sacramenta. Non enim sacramentalia tantum præcedunt sacramentum, sed etiam sequi possunt. Accipit igitur Episcopus sacramentum Ordinis, vel Ordinationis, cum erat ordinatus Presbyter; quid jam ultra accipit, nisi Iudicra quædam sacramentalia, non à Christo, sed ab Ecclesia instituta. Nulla erat primo post Apostolorum ætatem sæculo alia ad Episcopatum promotio quam per electionem, idque etiam colligit Willetus ex Ambrosii & Hieronymi testimoniis: Ambrosii, cum dicit *Episcopi & Presbyteri una est & eadem ordinatio*, Synop. pag. 241. & Hieronymi, cum ait, *Alexandriæ Presbyteri unum ex se electum in celsiori gradu collocatum Episcopum nominarunt*. Albinus Flaccus Alcuinus iisdem Hieronymi verbis colligit, non aliam fuisse Episcopi consecrationem, quam electionem. Qualis autem esset antiquitus Consecratio Episcoporum, ostendit Hieronymus in Epistola ad Euagrium, Alexandriæ, inquit, à Marco Euangelista usque ad Heraclam & Dionysium Episcopos, Presbyteri semper unum ex se electum in excelsiori gradu constitutum vel collocatum Episcopum nominabant, quomodo si exercitus Imperatorem faciat, & Diaconi eligant de se, quem inditrium noverint & Archidiaconum vocent. Archidiaconus eandem consecrationem habet, quam ceteri Diaconi, sed electione fratrum præponitur. Item Hieronymus super Epistolam ad Titum. Antequam schismata in religione fierent & diceretur in populis &c. in toto orbe decretum est, ut unus de Presbyteris electus superponeretur ceteris. Ut ergo Archidiaconus eandem quam ceteri Diaconi consecrationem habens electione fratrum præponitur, sic Episcopus eandem consecrationem habens quam ceteri Episcopi id est Presbyteri quos Scriptura Episcopos nominat, electione fratrum præpositus fuit. Floruit Albinus Alcuinus Bedæ discipulus, circa annum 780. Quod ad secundum, nempe Ordinatorem seu Consecratorem attinet, dato fide non concessio quod nova fieri debeat consecratio; tum dicemus quemcunque Episcopum à quocunque Episcopo posse consecrari nec Metropolitano proprium esse, idque probavimus supra p. 4. imò & Presbyteros consecrasse Episcopos ex Beda ibidem ostendimus. Et certe, si largiendum esset Hierarchicis, Timotheum fuisse ordinarium Episcopum, tunc locus ille 2. Tim. 4. probaret etiam Presbyteros imposuisse manus ordinandis Episcopis. Nam per Presbyterium intelligi coetum Presbyterorum Capite Superiori docuimus. Fatentur etiam Rhemistæ, ex hoc Pauli loco deductum Canonem illum Concilii Carth. 4. quo Presbyteris in ordinatione Presbyteri permittitur apponere manus juxta manus Episcopi. Quod igitur ajunt, minus à majori benedicendum, nullius momenti est. Et quomodo consecrat Episcopus Episcopum, imo & Archiepiscopum, & Hostiensis Papam, Respondeat Bonaventura; Episcopus benedicit Episcopum, dicendum quod hoc nullum est inconveniens, quia non benedicitur nisi in quantum caret ordine sive dignitate Episcopali. Presbyteri consecrantes sunt majores Presbytero In 4. Sentent. Dist. 25. q. 1. consecrando in Episcopum. Et Altifiodorensis in Summa Lib. 4. ait; Si essent in mundo tantum tres simplices Sacerdotes oporteret quod aliquis illorum consecraret alium in Episcopum, alium in Archiepiscopum. Presbyteri sicut & Archiepiscopi in sua ordinatione claves regni cælorum accipiunt, sunt enim etiam Apostolorum successores. At nullo casu id facere possunt Presbyteri, nisi eam consecrationis potestatem haberent vi ordinis sui Presbyteralis: sed de hisce satis dictum superiori Capite. Quod ad numerum Episcoporum consecrantium, hæc trium requiritur. Sed non ita apud Veteres. In Conciliis etiam Episcoporum ordinationes & depositiones faciendas esse dixerunt. Si quid autem horum alibi factum esset, hoc illi pro nullo habuerunt. De traditione divina, inquit Cyprianus, & Apostolica ordinatione servandum est & tenendum, Sutlivius de Pontific. Lib. 1. Cap. 5. quod pag. 62.

quod apud nos quoque, & ferè per universas provincias tenetur, ut ad ordinationes ritè celebrandas ad eam plebem cui præpositus ordinatur, Episcopi ejusdem Provinciæ proximi quique convenient. Ejusdem etiam moris vestigia in multarum Synodorum actis apparent, inquit Sutlivius. Cum autem, inquit, consuetudo illa paulatim antiquari cœpisset, mansit tamen mos iste, ut Episcopi singuli non ab uno Episcopo Romano sed à duobus aut tribus Episcopis ordinarentur; & hoc Canones Apostolorum servandum præceperunt. Canones illos supposititios esse, lippis & ronsoribus notum. Canone quidem Concilii Nicæni Quarto decretum, ut si omnes Episcopi Provinciæ convenire non possint propter urgentem necessitatem vel viæ longitudinem, à tribus ordinandum, absentibus tamen suffragium ferentibus, scriptisque assentientibus. Balsamo electionem intelligit in hoc Canone per χειροτονίαν, non autem καθιέγειν consecrationem. Utcunque est, sive ad electionem, sive ad ordinationem, præmonendi erant omnes ut convenirent, & qui non poterant, consensum suum literis significabant, electionemque & consecrationem una eademque actione conficiebant. Sed Episcoporum Anglicanorum latæ Diœceses impediunt, quo minus in Episcoporum com-provincialium Synodo ordinationes fieri possint, de quo supra diximus, p. 41. 42.

Lincol. Epi-
tome p. 102

Petit. p. 66.

Petitio p. 5.

Contra Rhe-
mist. in 1.
Tim. 3. sect. 7
Lib. de Divi-
nis officiis p.
62. 63.

De Eccle-
siast. Offic.
Lib. 2. Cap.
14. Durand.
in Rational
Lib. 2. c. 11.
q. 8.

Ration. Lib.
3. c. 15.
Num. 14.

Deritibus etiam consecrationis diximus pag. 42. In priori editione Libri Ordinationum, cui subscribere oportet, ut 36 Articulum interpretantur ministri Lincolnienses, imperatur, ut in consecratione & ordinatione utantur Alba, capa, superpelliceo, & baculo pastoralis; Author Petitionis ad Reginam refert, eos uti quidem superpelliceo, rarius capa, nunquam baculo Pastoralis: Lincolnienses tamen dicunt fieri posse quod quidam his omnibus utantur. Utcunque est, libro illo Ordinationum omnibus uti præcipitur. Item ut codex Euangeliorum ponatur super caput consecrandi, & baculus Pastoralis: tradatur in manum ejus, ut refert idem Author Petitionis, licet jam tradant in manum consecrati Biblia: & tamen regit pedo magis quàm pascit pabulo, & baculo non abigit canes & lupos, sed percutit conservos Pastores, & extrudit. Verum quidem est, Concilium Carthaginense 4. Can. 2. habere, ut cum Episcopus ordinatur, duo Episcopi ponant & teneant Euangeliorum codicem super caput & cervicem ejus, & uno super eum fundente benedictionem, reliqui omnes Episcopi qui adsunt manibus suis caput ejus tangant. Sed Concilium illud est supposititium, ut sæpius diximus. Fulco dicit, Canones illos ex Pontificum Romanorum decretis confarcinatos esse. Illud vero, inquit Albinus Alcuinus, quod duo Episcopi teneant codicem Euangeliorum super caput ejus, & uno fundente super eum benedictionem, reliqui qui adsunt Episcopi manibus suis super caput ejus tangunt, non reperitur in auctoritate veteri neque nova, sed neque in Romana traditione. Videat igitur lector, quid judicandum sit de 4. Carthag. Extat quidem in Ordine Romano pag. 72. sed vel conscriptum vel interpolatum post Alcuini tempora, ex dictis patet. Amalarius Fortunatus Episcopus Treverensis hæc habet; Dicit libellus secundum cujus ordinem celebratur ordinatio apud quosdam, ut duo Episcopi teneant Evangelium super caput ejus, quod neque vetus auctoritas intimat neque Apostolica traditio, neque Canonica auctoritas. Dicit Durandus hoc ritu moneri Episcopum, quod Pondus Evangelicæ prædicationis circumquaque ferre pigere eum non debeat. Baculi benedictionem & videat lector in eodem Ordine Romano. Quando datur baculus, dicitur in Ordine Romano; Accipe baculum pastoralis officii, potestatem ligandi atque solvendi, & sis in corrigendis vitiis perseverans, judicium sine ira tenens, in fovendis virtutibus auditorum animos demulcens, in tranquillitate severitatis censuram non deferens. Pontifex tamen Romanus Pastoralis virga non utitur, tum propter historiam, ait Durandus, si credere fas est, tum propter rationem, sed ridiculam. Videat lector. Nam piget transcribere. Baculi sicut & annuli collationem inter consecrationis ritas

ritus irrepressisse puto, cum mos ille investendi Episcopos & quasi inducendi in possessionem temporalium per baculum & anulum introductus, quem investitura ritum unà cum feudorum jure à Longobardis ortum quidam existimant. In consecratione Episcoporum est signum sacramentale. Sed de sacramentalibus & symbolicis signis in cultu divino (nam Consecrationem Sacramentum esse volunt, nos actionem religiosam,) post suo loco tractabitur, & de litanis, collectis, lectionibus & id genus aliis. De Vestibus etiam Sacerdotalibus in genere dicemus loco magis opportuno. Observandum est obiter, quod Albinus Alcuinus inter alia refert, electum Dalmatica indutum introduci ab Archidiacono, tum Pontificem dicere. *Clerus univ[er]sus & plebs consentiens civitatis cum adjacentiis suis elegerunt sibi illum Presbyterum vel Diaconum Episcopum sibi consecrari.* Ait cum adjacentiis, & proinde non solius civitatis consensum, sed etiam adjacentis regionis, saltem suburbanæ, consensum adhibitum fuisse in electione.

De Jurejurando Homagii, five Hominii dictum supra. p. 9.

Ratione functionis, in rebus spectantibus, vel Ordini Episcopali, vel Jurisdictioni. Ordini Episcopali, ut

1 Ordinare Diaconos & Ministros ad præscriptum Libri Ordinationum.

Potestatem ordinationis non esse peculiare Episcoporum jus, sed commune cum Presbyteris, Capite superiori probavimus. De præscripta Formula ordinandi Presbyteros & Diaconos, & an Diaconatus sit Ordo, infra suis locis differemus. Unicum hic observandum, ejusdem esse juris & instituti, nempe humani, hæc omnia quæ hic recensentur, nempe quod Episcoporum sit Ordines conferre, Ecclesias dedicare, pueros confirmare, & quod magis ob Honorem Sacerdotii quàm ob Legis necessitatem reservata sunt Episcopo. Concilium Aquisgranense, quod celebratum sub Ludovico Imperatore Ann. 816. Ordinationem reservatam Episcopo solum propter auctoritatem dicit. *Presbyteri autem interpretantur Seniores: quia Seniores etate* Cap. 8. *Græci Presbyteros vocant. His enim sicut Episcopis dispensatio mysteriorum Dei commissæ est. Præsent enim Ecclesiæ Christi, & in consecratione Dominici corporis & sanguinis consortes sunt cum Episcopis: similiter & in doctrina populorum, & in officio prædicandi: ac solum propter auctoritatem summo Sacerdoti Clericorum ordinatio & consecratio reservata est.* Eadem habentur apud Isidorum Libro Secundo de Ecclesiasticis Officiis. Cap. 7. *Sciendum est præterea post hanc Ecclesiarum partitionem & distributionem, inquit Duanus, Episcopi in magna Diœcesi sua & Presbyterorum in suis Ecclesiis parem non fuisse potestatem atque auctoritatem: cum ordinatio Presbyterorum, cæterorumque ministrorum Ecclesiæ, basilicarum consecratio, & quedam alia Episcopo tantum permessa sint, non etiam Presbyteris inferioribus.* Ac si dixisset, ante Parœciarum distributionem & divisionem hæc munia erant Episcopo & Presbyteris communia. Distributionis parœciarum per civitates & pagos authorem accipit Dionysium Romanum ex relatione Epistolæ Secundæ Dionysii Papæ ad Severinum Episcopum. *Sed & hoc ipsum, quod ex Dionysio Papa profertur, confictum est multis temporibus post Dionysium.* Epistola enim illa Apocrypha est & nullius auctoritatis; ait Spalatenis. Cum Romani Pontifices Ecclesias singulas singulis Presbyteris designassent, & Parochias eis divisissent, Honorius Archiepiscopus Cantuariensis circa annum à salute reparata 636. Angliam primus in Parochias, ut legitur in Historia Cantuariensi, distribuere cœpit, ut refert Camdenus. *De Benef. & Ministr. l. 1. c. 7. Num. 34. L. 9. c. 7. Brit. p. 105. Edit. Præ-nus. c. 5.*

nus. Utcunque est, five ante five post divisionem, Ordinationem eodem modo & jure reservatam dicit Episcopo Duarenus, quo Basilicarum consecrationem; & citat verba Isidori, quæ extant apud Gratianum, Dist. 25. Cap. Perlectus. Sic Leo, ut supra vidimus pag. 170. Ordinationem & Basilicarum Consecrationem Canonibus & regulis ecclesiasticis reservatam Episcopis dixit.

2 Ecclesias, & loca Sepulturæ dedicare.

De polit. ca.
5 p 319.

Euseb Hist.
l. 8. Cap. 1.

L. 10. Cap.
3.

De Polit.
lib. 5.
Sect. 12.

Prax Episc.
Part. 1. c. 5.

Mucketus sic, *Verbo & gratiarum actione Ecclesias, & Sepulturæ loca sacris usibus dedicare: quod, inquit, teste Eusebio Libro 10. cap. 3. in templis à Constantino magnifice extructis veteres Episcopi magna cum solemnitate præstiterunt.* Et cur quæso ante Constantinum non proferunt Dedicationum exemplar. Nam etiam ante Constantinum habuerunt Christiani sua, ut vocat Isidorus Pelusiota l. 2. Epist. 247. ἐκκλησιαστήρια, seu loca ecclesiæ congregandæ destinata; quæ & ὑπηγεία & προσευκτήρια, id est, oratoria vocabant. Ante persecutionem sub Diocletiano motam refert Eusebius tam numerosas fuisse aggregationes, & insignes concursus ad oratoria, ut priscis ædificiis non contenti in singulis civitatibus ampliores & spatiosas ex ipsis fundamentis extruxerint Ecclesias. De Ecclesiarum Dedicatione ante Constantini ætatem quidem legimus in supposititiis Clementis, Euaristi, aut similium Epistolis, quorum sæculo Christiani nulla habuerunt templa, nedum consecrata, sed in privatis ædibus; quandoque in speluncis & cryptis subterraneis, sæviente nimirum persecutione, conveniebant. Constantinus, unà cum luxu & magnificentia Templorum, & basilicarum Dedicationes invenit. Ædificia impiorum tyrannorum machinis destructa & solo æquata, rediviva constructione clariora, & celsiora consurgere sub Constantino cœpere. *Optatum ea tempestate, & desideratum nobis spectaculum exhibetur, celebrationes videlicet encæniorum per civitates, & oratoriorum recens structorum consecrationes;* inquit Eusebius. Levìa primùm & humilia ædificia struebantur, & quamdiu levìa & humilia, nulla dignati sunt ea consecratione. Sed cum aulas regias, splendore, magnitudine, & ornatu superarent, tunc dedicare cœperunt. Ac si religio esset in illis ratione ornatus & splendoris. Ritus tamen Dedicationis & Consecrationis Histrionici illi, nempe, qui extant in Pontificali & Ordine Romano, ætate Constantini non sunt introducti in Ecclesiam. Quibus ritibus Anglicani dedicant Ecclesias, nondum mihi liquet. Habent haud dubia formam præscriptam & officium consecrationis. Nam licet Mucketus dicat, verbo & gratiarum actione dedicari apud eos Ecclesias & Cœmiteria, non tamen absque peculiari officio id fieri arbitror, præscriptis nimirum lectionum, precum, litaniarum, canticorum numero & forma, atque aliis ceremoniis. Quod si Consecrationis officium ullibi descriptum reperissem, multa haud dubio deprehendissem Pontificali Romano consentanea. Hookerus negat, positionem primarii lapidis per Episcopum usurpari inter ritus Dedicationis Anglicanæ. Nec opus est. Nam ut Piacensis observat ex Gloss. in Cap. Nemo Ecclesiam Dist. 1. in Consecration. *Hunc actum nempe positionem primarii lapidis potest alteri subdelegare.* Alios ritus Dedicationis silentio tegit Hookerus. *Esto: nec pingantur Cruces in parietibus, nec accendantur Lampades ante cruces, nec pulsetur ostium & aperiarur, nec baculo pastoralis describatur Alphabetum in pavimento, nec aspergatur templum mixtura ex aqua, vino, sale, & cineribus, nec inungatur Chrismate; supersunt tamen multæ aliæ ineptiæ & ritus superstitiosi.* Sed missis particularibus, quia nullibi, ut dixi, descriptum inveni Officium Dedicationis Anglicanæ, videamus, quid sibi velit ista Ecclesiarum & Cœmiteriorum per verbum & gratiarum actionem dedicatio & consecratio. Nullum habemus præceptum in Novo Te-

Testamento, vel determinandi statum & certum locum in unaquaque parochia pro conventibus Ecclesiasticis, vel erigendi ædificia. Licitum est fidelibus coire in unum ad publicum cultum, ubicunque commodè possunt, & sub dio etiam celebrare conventus, si libitum fuerit. Sed ob commoditatem tamen expediebat, ut statum frequentarent locum, ne loca conventuum aut absque ulla necessitate multiplicarentur, aut incerta redderentur iis qui extra Ecclesiam & allucendi sunt in gremium Ecclesiæ. Et licet interdum sub dio conventus celebrari possunt, non tamen semper id fieri commodè potest, ideo ædificia extrui ad depellendas aëris & coeli injurias expediebat. Necessitate igitur flagitante, & commoditate suadente, erecta & erigenda sunt ædificia in usum civilem, nempe ad propulsandas coeli injurias à cœtu, & ministrandas sedes commodas, non ad colendum Deum templis & ædificiis. Suarez dicit, locum sacrum dupliciter spectari posse; vel sub ratione loci dicati ad continendum Dei populum ad divinum cultum congregatum, & sic peculiarem habere rationem sanctitatis; vel quatenus est res quadam consecrata & destinata ad cultum divinum, sub qua habet convenientiam cum aliis rebus sacris, ut vasis & vestibus. Ratione priore nullam, posteriore superstitionem habet sanctitatem: & si hoc sensu fabricæ illæ dictæ à veteribus *κρηναὶ*, non probarem. Templum Hierosolymitanum erat pars cultus divini, non ita Tempa in Ecclesia Christiana. Alioqui instituisset templa exstruenda in eum finem. Nam nullum alium vult cultum, quam quem nobis præscribit. Ædificia Ecclesiastica sunt annexa spiritualibus, nempe prædicationi verbi, sacramentorum celebrationi, orationi, & aliis publicis pietatis exercitiis, sicut & alia Bona Ecclesiastica. Annexa autem sunt spiritualibus materialia ædificia ad protegendum cœtum fidelium ab aëris injuria, & ut commodè possint vacare cultui divino & spiritualibus exercitiis. Nec arctius est connexionis vinculum inter ædificia illa & cultum Divinum, quam inter bona alia Ecclesiastica, & eundem cultum. Nam separari possunt ædificia ista à publico cultu, imo Christiani sæpe deseruerunt splendida illa ædificia, ut purum retinerent cultum publicum, cum tamen difficulter possit sustentari cultus Divinus absque aliis Bonis Ecclesiasticis. Ubicunque coierit in unum cœtus piorum, Christus pollicetur præsentiam suam, sive in æde consecrata, sive in solitudine, sive in monte. *Primo & per se promittit nobis præsentiam suam, ut templis suis in omni loco; locis vero, in quæ convenimus, sive areis sive templis, promittit per accidens & secundariò propter nos: imò verò non promittit eis, sed nobis in eis.* Et certè nescio, an locus ullus dicendus sanctus etiam præsentie Ecclesiæ. Nam Templum Hierosolymitanum sanctum erat propter typum, propter aspectabilem Dei præsentiam, & quia dicatum ipsi deo immediate; & propterea sanctum erat etiam extra tempus Divini cultus: non ita Synagoga Judæorum, nec Tempa nostra materialia. Utcunque est, cur, quæso, dedicantur verbo & precibus? Mitto jam nugas alias, & ritus histrionicos. Annon, ut separentur ab omni usu profano, & dicarentur actionibus solummodo sacris? Nam Benedictio duplex est, inquit Suarez, alia constitutiva rei sacræ, nempe quæ permanentem producit effectum & constituit rem permanentem sacram, ut Consecratio Ecclesiæ, aut calicis, Benedictio aquæ aut vestimenti; res autem sacras quæ per benedictionem constituuntur appellari sacramentalia permanentia. Alia Benedictio est invocativa, sive privata, ut benedictio mensæ, benedictio paterna, & quam senex dat juveni. *Aliæ vero sunt, inquit, benedictiones, quæ licet rem propriè non conferant, nec separent illam à communibus & prophanis usibus, nihilominus sunt speciali ritu à Ministris Ecclesiæ, & ex speciali ejus institutione, ut habeant specialem effectum, saltem per modum impetrationis in nomine totius Ecclesiæ, & ideo*

*De Relig.
Tom. 1. Lib.*

*Fun. de Cult.
tu Sanct.
Cap. 4. Not.
35.*

*Suarez de
Virtute &
Statu Reli-
gionis Tom.
1. Lib. 4.
Cap. 14.
Sect. 1. 23*

merito inter sacramentalia numerantur. Et tales sunt benedictiones nuptiarum, item benedictio navis vel domus aut aliquorum ciborum, prout in Missali vel Pontificali habentur. Et has Benedictiones vocat Sacramentalia Transeuntia. Benedictio in consecratione Ecclesie est benedictio constitutiva rei sacre, sicut in consecratione altaris, calicis, patinae, & similium. Non jam distinguo more Pontificio Benedictionem, sive verbalem, sive cum aqua benedicta à consecratione per unctionem; siquidem eadem vis est benedictionis simplicis secundum adversarios, etiam absque illa mixtura aquæ, signo crucis, & unctione Chrismatis, quæ cum illis, nempe constituere in esse sacro. Et qua ratione sic consecrant Ecclesias, consecrare etiam debent poculum Eucharisticum, mensam Eucharisticam, & similia. Christus certe cum celebravit Coenam, consecravit panem & vinum, non materialem mensam, mappas, calices, catinos, parietes: imo nec panem & vinum consecravit, ut permanerent res sacre extra usum, sed in usum præsentem. Dicunt, se sacrare templa verbo & precibus; sed ubi oratio fidei? ubi promissio Christi? ubi verbum institutionis? unde ergo autoritas constituendi res sacras & sacramentalia permanentia, templa, altaria, calices, patinas, & similia? Addicere bona mobilia & immobilia Ecclesie pium & laudabile est: sed sacrare ea, adeo ut nefas sit eis uti, cum non utitur Ecclesia, etiam ad res licitas sed prophanas, ac si eis pollueretur Ecclesia, vel mensa, vel calix, & similia, execranda est superstitio. Et certe hæc est Benedictionis & Consecrationis eorum vis, nempe ut constituent res illas in esse sacro, quam vim non promisit Dominus precibus & orationibus nostris, nisi in consecrandis iis, quæ ipse consecranda instituit, ut pane & vino in Eucharistia, aqua in Baptismo. Parietes, calices, patinas, mensas consecrari non instituit. Possunt & muscarius, id est flabellis ad eventilandas muscas à vino in poculo comparatis, eadem ratione eandem operam impendere. Ordinantur enim, ut vides, ad abigendas muscas à vino. Tantam tamen inesse putant vim suis Consecrationibus, ut si quis de re prophana, licet licita, in sacra æde transaverit, rem sanctam & sacram prophanasse existiment. Ecclesie vox 1 Cor. 11. propriè & simpliciter cœtum notat, locum vero illius connotat, qui forte fuit in privatis ædibus. In Constitutionibus Ecclesiasticis provinciæ Cantuariensis anno 1604. Canone de Ecclesiarum Religione prophanis usibus non polluenda, statuerunt, ut Ecclesiarum Oeconomi & inquisitores non patiantur, Curias seculares, Visus Franci plegii Leets, juratus laicos Layjuries, lustrationes militum, prophanum ullum usum sive ritum, in Ecclesiis, Capellis, aut Cœmeteriis suis fieri, aut celebrari, ac si templa & cœmeteria hisce curiis & aliis rebus licitis polluerentur. Tanta est Ecclesiarum religio & reverentia, ut nedum illicita in Ecclesiis prohibeantur, verum etiam quæcumque prophana, etsi alibi legitime exerceantur, inquit Durantus. Quare judicis & arbitria in Ecclesiis exerceri vetitum est in Concilio Lugdunensi. Abutuntur verbis Christi, Domus mea domus orationis, quæ de Hierosolymitano templo dicta sunt. Non sinebat Christus, ut vas deportaret quisquam per templum Marc. 11. 16. quod etiam fieri audio in Anglia præsertim per Cathedrales Basilicas. Sed à Templo Hierosolymitano argumentum duci non potest ad tuendam Basilicarum nostrarum dedicationem, religionem, & immunitatem, ut supra diximus. Non polluitur Ecclesia Curiis aut Arbitriis. Unum idemque ædificium indifferens esse potest, & ad cultum Divinum, & ad Curias seculares, modò non impediatur exercitium cultus Divini, ob quem primariò additus est locus Ecclesie. Unum idemque poculum indifferens esse potest ad communem & sacram potationem, non tamen polluitur, nec opus est execratione ulla, ut loquuntur, ut licitè ad fieri possit. Non sunt enim vasa Ecclesie sacra, ut fuerunt vasa templi Hierosolym-

Can. 28.

De Ritibus
Ecclesie Ca-
thol. l. 1. cap.
26. Num. 7.

Hierosolymitani, quæ deportata Babylonem, & prophanata in convivio Belschatzariis. Nam ut Templum illud sanctum, sic sancta erat & ejus Vasa. Qui Templi Hierosolymitani exemplo suas consecrationes & immunitates tuentur, etiam sacramenta extra Ecclesias celebrata damnare debent. Nam sacrificia nullibi oblata, nisi in templo voluit Dominus. Inutilis est consecratio templi, si extra templum consecratum consecrare quis potest panem Eucharisticum; sicut inutilis fuisset consecratio templi Hierosolymitani, si extra illud templum ubique licitum fuisset offerre sacrificia. An sanctior Eucharistia quæ celebratur in æde consecrata, quàm quæ extra, quàm quæ à Christo celebrata, quàm quæ administrata ab Athanasio in Ecclesia nondum dedicata Apolog. 2. ad Constantinum. Hookerus Anglus tamen dicit, quodammodo *videri Ecclesias consecratas lugere, quasi suo jure fraudatas, De Polit. Lib. 5. Sect. 16.* cum præferuntur eis alia loca non consecrata ad exercitium cultus publici absque ulla necessitate: cultum Divinum non eam gratiæ & decoris perfectionem habere, quàm haberet, si concurreret dignitas loci quam desiderat: majestatem & sanctitatem loci esse ratione nostri magnæ virtutis & efficacæ, inservire ut admimiculum sensibile ad excitandam devotionem, eaque ratione præstantiores efficere actiones nostras etiam sanctissimas & præstantissimas. Nonne eadem dicit quæ Pontificii? In Ecclesia sunt omnia accomodata ad excitandam devotionem, quæ orationi maxime necessaria est. Nam altaria, cruces, imagines, reliquæ, ipsi etiam parietes Deo dicati, movent ad pietatem: quæ certe alibi non inveniuntur, inquit Bellarminus. Unde infert, Ecclesiæ Christianorum rectè ad orandum, oratione etiam privata, instituuntur. Idem certè sequitur ex dictis Hookeri verbis. Et sic frequentanda erunt Tempia privatæ orationis causa, quia majestas & sanctitas loci excitant devotionem, & ipsi parietes Deo dicati movent ad pietatem. In cœtibz Ecclesiasticis, verum, omnia fieri debent ordine & decenter. Sed annon ordine & decenter possunt sacramenta ministrari, verbum prædicari extra locum consecratum, in aliis locis æquè commodis, ubi nihil deest nisi parietum consecratio? Parietes consecrati movere fortè possunt supersticiosum; veram devotionem excitare non possunt: nam parietum & locorum consecrationem non mandavit Dominus, & figmentis cerebri nostri non benedicit, nec ut mediis utitur ad devotionem excitandam vel augendam. *Quid supplicaturus Deo locum sanctum requiris? volens in templo orare in te ora, & ita age semper, ut Dei templum sis, ibi enim Deus exaudit, ubi habitat; ait Augustinus.* Non est sacrator & commendator nobis Dei præsentia in templis quam alibi: & Christus monet ut oraturus intret eis τὸ ταμιεῖον in conclave & oret ἐν τῷ κρυπτῷ in occulto, quando orationes privatas concipit; non ablegat ad consecratos parietes. Et in publicis cœtibz major erat fervor cum nullas habuerunt consecratas Ecclesias. Dedicationem, id est deputationem loci in usum Ecclesiæ per tabulas donationis aut aliis modis, quibus rerum dominia transferuntur vel sunt juris publici, probamus. Suarez dicit, oratorum per simplicem voluntatem ad sacra ministeria destinari posse, Tom. 3. Disput. 87. Sect. 2. Cur non etiam Ecclesia? Ex Ecclesiarum consecratione nate sunt earum immunitates & libertates, excreationes, reconciliationes, reconsecrationes, aliaque absurda, quæ omnia per se corruunt, sublato isto consecrationum principio.

Sublata Ecclesiarum Consecratione, Coemiteriorum tollitur etiam Benedictio & Dedicatio. Nam si Tempia non sunt consecranda, multo minus Coemiteria. Usus sepulchrorum est usus civilis ad excipiendâ defunctorum corpora. Judæi in suis prædiis sepulchra habebant, Judic. Cap. 29. Josu. Cap. 24. 30. 32. Gen. 23. 19. Si quis locum sepulchrorum sanctum dixerit eo sensu, quo leges & jura magistratum, muros & portas civitatum, valla propugnaculorum & arcium, specu-

las excubitorum, & legatos sanctos & sacrosanctos dicimus, nempe quia res hæ non violandæ sunt, & ab injuria, Magistratus autoritate, legis sanctione, & poenæ irrogatione, muniuntur & defenduntur, non contradicimus. Sed nulla hic opus erit Benedictione constitutiva terræ sanctæ, ac si sanctior esset terra illa ad excipienda defunctorum corpora, quàm alia. Nam naturaliter videretur ad mortuum pertinere locus in quem ipse infertur; *locus in quo sepelitur corpus efficitur religiosus*, Cod. Lib. 3. Tit. 43. l. 2. Cadaveris igitur ipsius præsentia efficit locum dicto sensu sacrosanctum & religiosum, absque ulla benedictione Pontificali. Et propterea qui sepulchrum violat vel diruit, vel inhabitat, cadavera mortuorum sine permisso in alium locum transfert, saxa, marmor, aliaque ornamenta aufert, defunctorum reliquias contrectat, puniatur. Sed armilustria, curias, sæculares, juratos laicos, non pati in Cœmeteriis, ut supra vidimus in Canone Anglicano, ac si iis locus aliquis sanctus pollueretur & prophanaretur, est superstitionis pollutio non levis. Quiescunt cadavera in locis subterraneis in orbe illo invisibili, nec polluuntur negotiationibus, judiciis, arbitriis, magis quàm deambulationibus. Descenderunt ad inferiora terræ, relicta superiora viventibus in usus licitos. Mynfingerus in Justiniani Institutiones, in locum, *Religiosum locum unusquisque sua voluntate facit, dum mortuum insert in locum suum*, sic commentatur; *Ex hoc igitur textu notandum est, religiosum locum eum dici, in quem illatum est hominis mortui corpus, vel totum, vel quod in eo principale est, id est, caput. Tametsi enim sacrum, ut ædes sacra, nonnisi publica autoritate constituebatur: religiosum tamen locum cuilibet privata autoritate olim facere permissum erat, hodie vero secus est propter jus Pontificium de cœmeteriis consecrandis proditum, quo non fit locus religiosus, nisi per Pontificis consecrationem.*

Lib. 2. Tit.
v. Sect. 4. Re-
ligiosum.

Vides igitur sepulchrorum Dedicationem à jure solummodo Pontificio introductam, cum tamen ædium sacrarum consecratio partim κατεξουσία Judaismi & de-dicationis Templi illius unici & typici nempe Hierosolymitani, partim Paganismi imitatione introducta sit, Nam fiebat olim Consecratio ejusmodi à Consule jussu populi, translatò verò in Principem Imperio per Cæsarem ipsum, aut illius autoritate per Pontifices, qui, concione advocata & ritu quodam singulari adhibito, capite velati foculum accendebant, in quo carmen præfabantur, & iibicine præeunte, concepta quadam verba nunciabant: idque ritè & usque adeo religiosè, ut ne quidem verbo aut syllaba caderent. Hodie verò apud nos per solos religionis nostræ Antistites & Episcopos fit rerum locorumve sacrarum Consecratio, certis tamen & solennibus præfatis verbis, ac ritu quodam singulari, quos Pontificia lex præscripsit. Distinguit Justinianus res sacras à religiosis & sanctis, prout lege civili distinguebantur, & sepulchrorum locum propriè religiosum dicit. Sed nulla est propriè loci illius religio alia quàm rerum aliarum, quod inviolabilis sit, ut supra diximus de rebus, quæ in Jure Civili sanctæ dicuntur. Pater autem ex Ciceronis 2. de Legibus, ea loca, in quæ mortuus illatus erat, neque arari neque coli jus fuisse, unde religio à relinquendo dicta putatur à Ser. Sulpitio & Mass. Sabino. Nam in arando locus ille sepulture relinquebatur. Itaque si Pontifices purum esse locum aliquem decernebant, exarari jubebant. Purus locus erat, qui nec sacer, nec sanctus, nec religiosus habebatur. Exarari Cœmeteria, aut violari sepulchra, inhumanum ducimus, sed immunitates à Curias sæcularibus Cœmeteriis tribuere, imò & Templis, est ex præceptorum Pseudoapostolicorum genere, quæ damnat Paulus, Coloss. 2. 21. *Ne ederis, neque gustaris, neque attigeris.* Templorum Consecratio nonnihil augebat vicini Cœmeterii religionem: adeo ut extra cœmeterium sepeliri habebatur non leve periculum animæ. Inde etiam est, quod alii in Templo potius quàm in Cœmeterio, alii in Cancellò potius quàm Navi

Calvin in
Lexico, voce
Religiosus.

Tem-

Templi sepulchri locum eligerent, & quo propius Altare primum eo beatio-
res sese judicabant. Utilius tamen fuisset Cœmeteria à Templis seuiuncta fuisse, ad
superstitionis omnis ansam tollendam, & extra civitates & urbes in agris designa-
ta & deputata in hunc usum loca certa, si commodè fieri potuit, ad evitandum aë-
ris insalubrioris periculum. *Lege autem decemvirali non licuit aliter, quàm extra ci-
vitatem sepelire mortuum. Nam in urbe locove publico sepulchrum facere duodecim tabu-
lis aliisque legibus vetitum est, & statuta est D. Adriani rescripto in contemptores quadra-
ginta solidorum pœna, inquit Mynsingerus ubi supra. Ut autem appropinquavit Chri-
stus portæ civitatis quæ vocabatur Nain, tum ecce defunctus efferebatur, Luc. 7. 12.*
Chrysostomus Sermone de Lege & Fide ait: omnem civitatem & omne castel-
lum ante ingressum habere sepulchra. Refert Plutarchus, Lycurgum legem tulisse
ut sepelirentur mortuorum cadavera in civitatibus & circa templa. A Lycurgo
fortè mos iste manavit in Ecclesiam. De Cœmeteriorum Dedicatione & Bene-
dictione habemus multa in Pontificali Romano. Cœmeterii Benedictionem Pon-
tificale Romanum necessariam esse non asserit, sed tantum non supervacaneam.
*Quamquam plerique asserant Cœmeterii benedictionem necessariam non esse, dicentes cir-
cutus extra Ecclesiam, & Cœmeterii aspersiones quæ sunt, quando Ecclesia dedicatur,
sufficere: supervacaneum tamen non est Benedictionem hujusmodi fieri. Quibus ritibus
utuntur Pontificii in Benedictione Cœmeterii, potest Lector ex eodem Pontifica-
li discere.*

De Ministro consecrationis seu Dedicationis Ecclesiarum & Cœmeteriorum
nulla est fere inter uos & adversarios controversia. Nam ipsi fatentur hanc con-
secrationem Episcopo reservatam solummodo instituto Ecclesiæ, & ad honorem
Sacerdotii magis quàm ob legis necessitatem. Et certè, si admittendæ istæ Con-
secrationes essent, Presbyter non minus consecrare potest, quàm Episcopus. Nam
qui panem & vinum in Eucharistia consecrare potest, vasa & templa consecrare
potest vi ordinis Presbyteralis. Ex Leone, Isidoro, Duareno, supra audivimus
regulis Ecclesiasticis & instituto Ecclesiæ reservatam Episcopo hanc consecratio-
nem. Azorius etiam ait, quod *Pontificis Romani autoritate potest committi simplici*
Sacerdoti Ecclesiæ consecratio. Non opus est pluribus in re tam perspicua & nullius in-
momenti. Si quis quæsierit, quis repræsentabit Ecclesiam, cum transfertur do-
minium aræ & ædificii solenni juris formula, aliud est; & respondeo, quemvis
posse, quem elegerit in hunc finem coetus fidelium, sive Episcopus, sive Presby-
ter, sive Diaconus, sive ex Plebe aliquis, sive Consistorium. Nam communitas
fidelium est domina ædificii & adjacentis cœmeterii, non autem dominus Episco-
pus aut Presbyter ullus.

Pergerem ad sequentia, si non Templorum etiam Ornatum sumptuosum, &
Formam Judaicam probarent adversarii. Ornatum templorum exemplo Templi
Hierosolymitani tuetur Hookerus. Sic Bellarminus & alii Pontificii a magnifi-
centissima ædificatione templi & tabernaculi insanas istas templorum substructio-
nes opera ex suo genere pia esse colligunt. Sed ad utrumque fuit mandatum Dei: ad
magnificentiam Tabernaculi, mandatum legale & extraordinarium; ad magnificentiam
Templi, mandatum singulare ex analogia legis, & extraordinarium per Prophetas ejus.
Hæc autem magnificentia fuit legalis, & figurativæ, sive typicæ institutionis, qua exter-
nus ornatus in Testamento Veteri Tabernaculi & Templi internam gloriam Dei & Christi
in Ecclesia, & Ecclesiæ in Christo figurabat. Inconsequens igitur est ex dispari argumen-
tatio. Synagogarum fabricæ non certarunt cum Templo de magnificentia. Addu-
cit deinde Hookerus exempla Veterum, qui concessa pace Ecclesiæ magnifica ex-
tuxerunt templa. Non probanda quæcunque Veterum κακοζηλία. Non probarunt
Ii 3 prudens

prudenter inter ipsos Veteres. Munditiem, ornatum simplicem & modestum, amplitudinem cœtui cuique convenientem non damnamus, sed ornatus excessum & redundantiam. Non conciliat ornatus iste majestatem, prout supra voluit

Causa 12. Hookerus, Divino cultui. *Aurum sacramenta non quarunt, neque auro placent, quæ auro non emuntur*, ait Ambrosius. Vide Gratianum. Persus licet Ethnicus; *Dicite*

70. Pontifices in sancto quid facit aurum? *Domum Dei decet sanctitudo*, ait Bernardus, *quæ non tam politis marmoribus, quam ornatis moribus delectatur, & puras magis diligit mentes, quam superauratos parietes.* Idem Apologia ad Guilielmum Abb. Omitto

Cap. 5. Oratoriorum immensas altitudines, immoderatas longitudines, supervacuas latitudines, sumptuosas depolitiones, curiosas depictiones, quæ dum orantium in se retorquent aspectum, impediunt & affectum, & mihi quodam modo representant antiquum ritum Judæorum. Multi, ait Hieronymus, ædificant parietes, & columnas Ecclesiæ substruunt, marmora nitent, auro splendent laquearia, gemmis altare distinguitur, & ministrorum Christi nulla electio est. Neque mihi aliquis opponat dives in Judæa templum, mensam, lucernas, thuribula, patellas, scyphos, mortariola, & cætera ex auro fabrefacta. Tunc hæc probabantur à Domino, quando Sacerdotes hostias immolabant, & sanguis pecudum erat redemptio peccatorum. Nunc vero cum paupertatem domus suæ pauper Dominus dedicavit, cogitemus crucem ejus, & divitiis lutum putabimus. Male vos parietum amor cepit, inquit Hilarius, male Ecclesiam Dei in testis ædificiisque veneramini, male sub his pacis nomen ingeritis. Anne ambiguum est in his Antichristum esse sessurum? Montes mihi & sylvæ, & lacus, & carceres, & voragine sunt tutiores. In his enim propheta aut manentes, aut demersi Spiritu Dei prophetabant. Olim erant aurei sacerdotes, cum calices erant lignei: nunc contra lignei sacerdotes, cum calices aurei sunt. Dicit Bellarminus: templa magnifica esse magno splendori civitatibus. Esto: at ista magnificentia nec convenit Ecclesiæ, nec utilis: Ornatum istum sacramenta, ut dictum, non quarunt. Præterea non sunt fraudandi pauperes, qui sunt templa viva & egent non modo ornatu sed etiam necessariis, & pauperes semper habebimus. O vanitas vanitatum! sed non vanior quam insanior: fulget Ecclesia in parietibus & in pauperibus eget, suos lapides induit auro, & suos filios nudos deserit. Palatia, prætoria, & alia loca publica magnificentia & ornatu splendori civitatibus esse possunt; & propter infirmitatem humanam opus est, ad tuendam dignitatem potestatum sæcularium & civitatum, externis hisce mediis. Quod ad Ecclesiam attinet, ornatus simplex & modestus ædificiorum, sustentatio ministrorum sacerdotum aureorum, suppeditatio rerum necessariarum ad cultum Divinum promovendum, & ornatus pauperum sunt ornamento & splendori Ecclesiæ, non templorum insanæ substructiones.

Contra Auentium.

Bern. Apol. ad Guilielm. Abbat.

Bellarm. de Cult. Sanct. Cap. 3.

De Polit. l. 5. Sect. 14.

Quod ad formam attinet, tribus partibus constare dicunt Ecclesias Pontificii, & ad similitudinem Templi Salomonis, in quo erat atrium, sancta, & sancta sanctorum. Prima pars est porticus ante ingressum in templum, secunda navis, tertia sacrarium sive sanctuarium, pars interior templi, ubi erat altare, quæque divisa erat a reliquo templo gradibus, cancellis, & velis sive aulæis, neque eo penetrabant alii quam Sacerdotes cum suis ministris Clericis. Hookerus respondet. Esto: & cur non possunt Ecclesiæ extrui ad similitudinem templi Salomonis, sicut palatia regum possunt ad similitudinem palatii Salomonis? Respondeo: non par ratio, non eadem libertas in Ecclesiasticis quæ in civilibus. Partitiones templi Hierosolymitani erant exemplaria & typi rerum cœlestium. Duo sunt vitanda in Ecclesiarum materialium forma: unum superstitio, ne umbra umbrarum Veteris Testamenti adhuc manere videatur: alterum, ne impedimento sit ædificationi populi; ut sit per partitiones istas in Pontificiorum Ecclesiis, ubi populus auri,

auribus percipere verba Sacerdotis è sanctuario prolata vix potest, quod etiam evenit in Anglicanis dum dant operam Liturgicis, ut infra ostendemus. Bellarminus ait Ecclesias Christianorum ut plurimum ad Orientem conversas fuisse, quia Judæi orabant & orent ad occidentem, ut significemus eorum esse literam occidentem, nostrum autem Spiritum vivificantem. At contra Ethnici orabant ad Orientem: & Judæi ubicunque locorum erant prospectabant versus templum, five orientem five occidentem versus. Nec idololatrarum more convertendi fumus inter orandum versus orientem, Ezechiel. 8. 17. nec Judæorum versus occidentem, seu potius versus templum aut templi locum, sed ut ait Augustinus, cum quis querit orationem, collocet membra, sicut ei occurrit. Sed detur, eo solummodo intuitu orasse orientem versus (quod falsum, nam alias affert rationes Bellarminus) sequitur nec Judaizandum in forma & partitionibus templi. Nolebant Veteres celebrare Pascha 14 lunæ, sed die Dominica proxima lunæ quartæ decimæ post æquinoctium vernum, ne viderentur Judaizare, & qui contra faciebant Quartodecimanos vocabant. Refert Epiphanius, Judæum quendam Pseudopphetam scelestissimum nomine El Xai (vel ut rectius Scaliger in Elencho Trihæresi Cap. 27. Essenus quidam qui addito articulo El Arabicè *الخ* *إِسْخَائِي* ita vocatus fuit) prohibuisse Orare ad orientem, asserentem non oportere sic intendere, verum faciem Hierosolymam convertere ex omnibus partibus, ita ut hi qui in oriente sunt in occasum Hierosolymis intendunt. Vide Baronii Annales. Id damnat Epiphanius. Omnes omnino formas probamus, quæ ex contingente decora ad ædificationem populi aptæ sunt. Partitiones nullas, quæ sunt impedimento ædificationi populi, probamus, omnium minimè illas quæ fiunt de industria & studio imitandi Templum Salomonis, sicut faciunt Pontificii, qui Tempia præcipuè propter sacrificium Missæ extructa docent, sicut templum Salomonis propter sacrificia Deo oblata, & ideo oportet Sacrificulum in loco sacratione & separato sacrificare.

3. Pueros confirmare.

Mucketus sic; Confirmare precibus & manuum impositione pueros Catechismus edo-
 ctos. Tilenus; De baptizatorum Confirmatione miror institutam à vestris vitiligationem, p. 319.
 cum ipse Calvinus ritum illum non modo puriori Antiquitati probatum fuisse fateatur, sed
 etiam probet ipse, ac restitutum velit, Institutionum Lib. 4. c. 19. Sect. 4. Sed optat
 potius quàm sperat simplicem usum impositionis manuum restituendum. Rem ip-
 sam, nempe erudiendos pueros in doctrina catechetica, priusquam admittantur
 ad Cœnæ participationem, proque iis orandum probamus, quod & singulis vici-
 bus cum examinantur facimus. Sed ritum Impositionis Manuum natura sua in-
 differentem censemus; quid enim est, nisi gestus orantis, ut postea audiemus. Et
 quandoquidem degeneravit ritus iste in spurium Confirmationis sacramentum, meri-
 to omiserunt Ecclesiæ Reformatæ. Nos verò ejusdem restitutioni obstitimus, par-
 tim ad asserendam libertatem Christianam in ritibus adiaphoris, partim ad amo-
 liendum ab Ecclesia nostra Confirmationis Anglicanæ sacramentum.

Impositio manuum est ritus simplicissimus, communis Ecclesiæ sub Veteri & Novo Testamento, gestus nempe orantis vel benedictis, quo manu imposita indicatur persona pro qua preces & benedictiones funduntur. Jacob benedicens filiis Josephi manus imposuit Gen. 48. Moses Josuæ Num. 27. Impositæ etiam manus iis, qui cooptati erant in numerum Senatorum Synedrii Magni, & qui ad Magisterium promovebantur à Rabbiniis. Usus itaque istius ritus erat vulgaris, & in sacris & civilibus, Patriarcharum benedictionibus, Senatorum, Doctorum, Ducum inaugurationibus. In Novo Testamento legimus, Christum, cum oblatis essent

De Cultu
Sanct. c. 3.

Ad Simpli-
cianum Lib.
1. Quest. 4.

Epiph. hæ-
res. Lib. 2.

Anno 1056.
Num. 3.

De Poliz.
p. 319.
Paranes.
Cap. 151.

ci,

Suarez in
3. Part.
Sum. Disput.
32. Sect. 2.

Commentar.
in Loca Dif-
ficiliora
tentateuchi.
pag. 370.

ei pueruli, ut manus eis imponeret, & precaretur, imposuisse eis manus Mat. 19. 13. 15. Ipsi Pontificii fatentur, Christum hîc non instituisse sacramentum Confirmationis. Ibi enim nulla promissio, nullum præceptum, nulla materiæ aut formæ designatio legitur, sine quibus sacramenti institutio esse non potest: item verisimile non est, Christum pueros illos confirmasse, quia ut diximus cum D. Thoma, decessit hoc sacramentum ante Christi glorificationem non ministrari: & alioqui, illi pueri nondum erant baptizati, neque ad hunc finem Christo offerebantur, sed ut ab eo benedicerentur, ut Hieronymus dicit: vel ut curarentur, ut significat Anselmus. In Ministrorum Ordinationibus manus impositæ 1 Tim. 4. 14. Paulo item & Barnabæ emissis ab Ecclesia Antiochena Act. 13. 3. Paulo cum curaretur ipsius cæcitas, & impleretur Spiritu Sancto Act. 9. 17. Item in curandis ægrotis & infirmis impositæ manus March. 4. 18. Marc. 5. 23. Marc. 16. 18. Act. 28. 8. In conferendis etiam donis extraordinariis Spiritus Sancti Apostoli imposuerunt manus dum orabant Act. 8. 15. 17. Erat igitur gestus apud Judæos familiaris manuum impositio, quoties solennis erat præcatio aliqua aut benedictio, præsertim ubi persona singularis erat, cui benedicendum erat. Nam si numerosior esset cœtus, tum attollebantur manus Tum attol-
lens Aaron manus suas versus populum benedixit eis Lev. 9. 22. Et Christus sublatiis manibus suis benedixit discipulis Luc. 24. 50. Observat Drusus, Sacerdotes cum populo benedicerent, si in urbe essent, levasse manus suas versus scapulas. Veteres etiam in Ecclesia Christiana variè hoc gestu usi sunt, in Ministris ordinandis, in Catechumenis admittendis, in conversis Hæreticis amplectendis, in Lapsis reconciliandis, ut supra diximus pag. 175. Cum tam variè usurpatus hic ritus sit tam in Veteri quàm in Novo Testamento, & apud Veteres, & nihil aliud sit quàm gestus orantis indicans personam pro qua orat quis nomine Ecclesiæ ut impetretur gratia, non significans multo minus obsignans & exhibens gratiam quam petit orans vel benedicens, Sacramentum dici propriè non potest. Nulla est analogia inter gestum istum & gratiam quam petit Ecclesia, vel baptizato, vel reconciliando, vel ordinando, vel ad Eucharistiæ sacramentum admittendo adulto. Et si analogiam quandam comminisci possimus, tamen deerit Christi institutum & promissio, nihil obsignabit. Nam Christi solius est, qui potestatem habet excellentiæ, instituere Sacramenta. Sed, ut dixi, usurpatus hic ritus ad indicandam personam illam singularem pro qua gratiam perimus, non ad significandam gratiam ipsam eamque obsignandam.

Suarez
Tom. 3.
Disput. 33.
Sect. 4.

Pontificii excogitarunt materiam sensibilem hujus Sacramenti, Chrisma ex oleo olivarum & balsamo compositum, tanquam materiam remotam, & Unctionem ex chrismate factam in figura seu signo Crucis, tanquam materiam proximam: nec aliam manuum impositionem agnoscunt Pontificii essentialem huic Confirmationis Sacramento, quàm quæ includitur intrinsecè in ipsa Unctione. Dicendum est, inquit Suarez, nullam manus impositionem distinctam ab unctione Chrismatismat manu Episcopi facta, esse de essentia hujus Sacramenti; ipsam verò Unctionem esse essentialem, & utrumque satis constare ex dictis, & ex usu Ecclesiæ: neque huic veritati obstare Apostolicum factum, nempe Act. 8. quia illud non fuit juxta legem & institutionem sacramentorum, sed præter illam ex speciali omissione vel dispensatione; & consequenter signum illud simplicis impositionis manus non fuisse verum sacramentum Confirmationis quoad substantiam, fuisse vero quoad effectum. Item; Simplicem manuum impositionem, qua usi sunt Apostoli Act. 8. & 9. revera non fuisse sacramentum Confirmationis quod nunc habemus, quia in ritu sensibili valde differebat, imo nec simpliciter sacramentum fuisse, quia non erat ceremonia firma & stabili lege instituta. Bellarminus, etsi Capite Secundo de Confirmatione dicat non rejectam esse manus impositionem; Bis enim Episcopus

Scopus manus imponit confirmandis, ut ex Pontificali Romano intelligi potest, semel cum super eos manus extendit atque orat, & rursum cum signat in fronte atque ungit: ipsa enim unctio & signatio cum manu fiat manus impositio rectissime dicitur. Capite tamen Nono, idem esse unctionem Chrismatis & manus Impositionem, qui enim ungit manus imponit: & idcirco utrumque significari, etiamsi alterum tantum exprimi videatur. Nam constat Apostolos in Confirmatione usos esse Chrismate. Ad primum locum Bellarmini sic Spalatenfis. Atqui illa extensio manuum valde improprie dicitur impositio; & si fit impositio, non est tamen sacramentalis sed pure deprecatoria: neque in ea quisquam nostrum posuit vim sacramenti: non ergo illa Extensio aut Impositio est materia proxima sacramenti. Pollice vero duntaxat frontem tangere esse manum imponere nimis coactum est, nimisque violentum; cum manus imposita semper intelligatur expansa, & desuper applicata. Pontifex autem tantummodo tangit uno digito adversam frontem hominis confirmandi, idque non ut ei manum imponat, sed ut crucem imprimat. Ad posteriorem sic; Mira certe Sacra Scripturae declaratio an detorsio? Manus imponebant, hoc est, unguento ungebant. Quæro ex duabus actionibus ad unum effectum concurrentibus, ut sunt adhibitio manus & unctio tali adhibitione per manum facta, quæ sit præcipua & Sacramentalis proprie? Certe si manus adhibetur non sui gratia sed gratia unguendi, tunc manus adhibitio erit instrumentalis, unctio vero erit actio principalis, & principaliter intenta. Ineptè scilicet Lucas, ubi debuit exprimere actionem principalem cui effectus deberetur, nempe Unctionem, solam posuit instrumentalem, & sanè generalem, incertam, ac indefinitam; quia manu multa fieri possunt circa hominem, potest ille aliena manu lavari, potest ungi, potest percuti, potest pingi &c. Cum igitur solam manus impositionem, eam profecto ut principalem actionem & per se intentam, non ut instrumentalem, expressit. Ex Cypriano & Tertulliano patet propriam manus impositionem adhibitam fuisse præter eam manus actionem, quæ includitur in unctione Chrismatis. Caro ungitur, Tertullianus, ut anima consecretur, caro signatur ut anima muniat, caro manus impositione adumbratur, ut anima Spiritu illuminetur. Et Libro de Baptismo; Egressi de lavacro perungimur benedicta unctione; & paulo post, dehinc manus imponitur per benedictionem advocans & invitans Spiritum Sanctum. Cyprianus Epistola ad Jubajanum de Baptizandis Hæreticis; Quod nunc quoque apud nos geritur, ut qui in Ecclesia baptizantur per præpositos, (sic Bellarminus legit Cap. 6. de Confirmatione, non præpositis) Ecclesie offerantur, & per nostram orationem & manus impositionem Spiritum Sanctum consequantur, & in signaculo Dominico consummentur. Similia passim reperiuntur apud Patres de manuum impositione: unde à quibusdam manus impositio, ab Eusebio Emiseno, vel quicumque fuit auctor, Sacramentum Impositionis manuum dicitur, in Sermone de Pentecoste. Unctio Chrismatis baptismo haud aliter ferè atque Calix sanguinis Domini corporis Domini sacramento conjungebatur, ait Cassander in Liturgicis. Et quemadmodum baptizati, Chrismate ab Episcopo confirmari; ita quoque qui corpus Domini acceperant, ab Episcopo, Presbytero, vel Diacono, Calice sanguinis Domini confirmari dicebantur. Probat ex Libro Romani Ordinis. Itaque verbum confirmandi utrique actioni, id est unctioni Chrismatis, & dispensationi sanguinis, commune erat. Quamquam confirmationis nomen huic actioni, qua baptizati Chrismate inunguntur, hodie tantum accommodatur. Spalatenfis docet, in Veteri Ecclesia per plura sæcula ceremoniam confirmandi seu consignandi fuisse ceremonialem ritum Baptismi, non peculiare per se sacramentum, idque patere ex dictis Clementis in Constitutionibus, Dionysii Areopagitæ, Tertulliani, Cypriani, Concilii Elibertini, Opatii Milevitani, Authoris Quæstionum apud Justinum, Hieronymi, Ambrosii, Augustini, Theodoret, Severi Patriarchæ Alexandrini, Damasceni, Alcuini, Rabani, demonstrat. Ex quibus colligit ista, ex Melchiade & Fabiano,

K k

Confir-

De Repub.
Lib. 5. Cap.
5. n. 29.

Num. 30.

Lib. de Re-
surrect. Car-
nis.

Pag. 218.

De Repub.
Lib. 5. Cap. 5.
Num. 10.
& sequ. ad
26.

Confirmatio ergo non est nomen absolutum unum per se sacramentum significans, sed relativum, ut unctio Chrismatis sit baptismi confirmatio, hoc est ultima ceremonia ultimusque ritus, quo totus Baptismi ritus absolvitur & consummatur. Ex Tertulliano; Igitur ad ipsam Baptismi religionem spectarunt & unctiones & manuum impositiones ad Spiritum Sanctum invocandum. Ex Cypriano, Manuum impositionem fuisse in vero Ecclesiastico Baptismo partem ceremoniam, & ultimum ritum, quo Baptismi sacramentum consummaretur, ultimumque acciperet complementum. Ex Hieronymo adversus Luciferianos; Ulterius innuit imò & explicat Hieronymus, Confirmationem per manus Episcopalis impositionem esse quidem ceremoniam ad Baptismum pertinentem, ita tamen, ut neque necessaria sit, neque quicquam illa per se spiritualiter efficiat; sed quod ei à quibusdam tribui solet, ut det Spiritum Sanctum, id totum perfectissime haberi in solo Baptismo: lege tamen Ecclesiastica eam adhiberi propter solum honorem quendam externum Episcopalis dignitatis. Ex Augustino, Confirmationem esse partem Ceremonialem & Ecclesiasticam baptismi, quia baptizatos ungit Ecclesia. Ex Alcuino; Non est igitur hæc consignatio Sacramentum confirmationis, sed est confirmatio sacramenti nempe Baptismi, & consequenter etiam secundum Alcuinum ad Baptismum spectat. Deinde in genere; Atque ex his omnibus testimonius confirmatum maneat primum argumentum, quo ego Confirmationem à numero propriè sumptorum sacramentorum excludebam, quia à Christo non erat instituta, sed ab Ecclesia ad ritus baptismales complendos. Supra audivimus ex Tertulliano, statim egressos ex lavacro perunctos fuisse, dehinc manus impositas. Unctio igitur & manus impositio clauderent Baptismi ministracionem. Non erant duæ unctiones post Baptismum, una in vertice per Presbyterum, alia in fronte per Episcopum, sed una, usque ad tempora Sylvestri. Ante Sylvestri tempora facile poterant baptizatos Chrismate signare Episcopi, quandiu non habebant latè fusas Dioceses, sed angustis finibus conclusas, & duraret mos ille celebrandi Baptismum statim temporibus Paschæ & Pentecostes, & in uno eodemque loco nempe civitate. Sed cum latius tenderentur Dioceses, & obsolescere cœperat mos ille, & non uno in loco ut, puta, civitate baptizarentur infantes, nec potuit Episcopus, qui in honorem sacerdotii non ob legis necessitatem istam ungendi chrismate & imponendi manus prærogativam jam acquisiverat, ad singulos baptizatos in pagis & villis excurrere; ne tamen omnino chrismate destituti essent baptizati & ex hac vita migrarent ante adventum Episcopi, institutum est ut Chrisma quo baptizati in vertice à Presbytero inunguntur, in omni ordinario Baptismo adhiberetur: reservata nihilominus Episcopo unctione Chrismatis in fronte, quam tamen non distulit ad septennium aut decennium ætatis baptizati, ut nunc apud Pontificios, sed statim data occasione opportuna. Augustinus ait; Quando imposuimus manus istis infantibus, attendit unusquisque vestrum, utrum linguis loquerentur. Et alibi dicit, quando parvuli confirmantur, eos qui illos offerunt pro ipsis respondere sicut in Baptismo. Vides non expectasse Episcopum, donec per se Phittacorum instar recitare possent pauca quædam capita brevis Catechismi. Hoc autem institutum, ut baptizati Chrismate à Presbytero in vertice linirentur, Sylvestro attribunt; inquit Casander. Beda, cum duarum unctionum meminisset, unius ante Baptismum, alterius quæ statim fit post Baptismum, ait; Sciendum autem, quod illa unctio, quæ fit per manuum impositionem ab Episcopis quasi alia à duabus prædictis & vulgo Confirmatio dicitur, eadem est cum secunda, propter arrogantiam tamen non concessa est singulis Sacerdotibus, sicut & multa alia. Unica igitur unctio post baptismum erat olim, neque separatæ chrismatio in vertice & Chrismatio in fronte, ait Spalatensis, sed propter arrogantiam Episcopi qui antè solebat ungere, & prærogativam illam sibi de latam amittere non voluit, & ne omnino tamen baptizati decederent ex hac vita absque

Num. 25.

Tractat. 6.
in: Canonica
Johann.
De Eccles.
Dogmat. cap.
12.

Tom. 8. in
Psalm. 26.

Lib. 5. Cap.
1. Num. 31.

absque Chrismate, excogitata est duplex Chrismatis unctio post Baptismum; quarum hæc altera propter arrogantiam reservata est Episcopo, ut & multa alia propter arrogantiam reservata sunt, inquit Beda. *Ante tempora Tertulliani nullam Chrismationum memoriam authenticam invenio, & scriptores Ecclesiastici ante Tertullianum de Unctione Confirmationis nihil dixerunt, Justinus præsertim Apol. 2. in fine, qui ex-acte recenset totos ritus Baptismi & Eucharistiæ, de Consecratione ne verbum quidem.* Spalat. Num. 31. Justinus nec unctionis nec impositionis manuum meminit, tum tamen profitetur nihil omisurum, ne, inquit, *maligne quicquam, & dissimulanter agere in hac narratione videamur.* Hic igitur videtur fuisse ortus & origo Confirmationis. Concludentes Baptismi ministrationem orabant pro baptizato; sicut nos in Ecclesiis Reformatis statim post ipsam aspersionem concipimus brevem precatiunculam pro baptizato, nempe ut eum Dominus tueatur, ut gratia illa quæ ob-signatur in Baptismo se exerat cum ad adultiorem pervenerit ætatem, & indies crescat ad extremum halitum, & similia. Dum ita orabant concludentes Baptismum imponebant manus, additum Chrisma & signum Crucis. Nos rem ipsam tenemus nempe precatiunculam pro baptizato, ut dictum; ritum autem impositionis manuum non usurpamus, nec quæ addita sunt Chrisma & signum Crucis, quia inde error natus est Spiritum Sanctum non datum in ipso Baptismo, nisi ad remissionem peccatorum. Si nuda mansisset Impositio manuum absque Chrismate & signo Crucis, dum clauderent Baptismi celebrationem, ut simplex gestus orantis & benedictis baptizato, (sicut variè usurpatus erat in personalibus benedictionis gestus ille in Veteri & Nova Lege, & ad alias etiam personales benedictiones adhiberetur, ut cum recipiuntur conversi, aut reconciliantur poenitentes) tolerabilis esset mos ille. Hic & non alius est locus Impositionis manuum, si servandus sit mos veterum; licet postea divulsa fuerat una cum unctione frontis à Baptismo, & tandem dilata in septennium aut decennium, sicut jam fit in Anglia, ubi rejecto Chrismate signum Crucis reliquerunt in clausula Baptismi, & Impositionem manuum distulerunt ad septimum vel octavum annum.

Ecclesia Anglicana non observat morem Veterum imponendi manus infantibus baptizatis, vel priorem in Baptismi clausula, vel posteriorem statim è Baptismo data prima occasione. Sed quid si Ecclesiæ primitivæ Apostolicæ exemplum se imitari potius dicant? Impositio illa manuum de qua Hebr. 6. erat adhibita adultioribus, qui statim ad sacram Coenam admittendi erant, qui in Ecclesiam adultorum recipiendi erant, qui recipiebant se disciplinæ Ecclesiasticæ sese subiecturos. Interpretantur quidam locum illum de Impositione manuum extraordinaria, qua Apostoli conferebant dona illa extraordinaria. Alii de impositione ordinaria seu consecratoria, qua inaugurantur Ministri ad munus ministerii obeundum. Alii de Catechumenorum admissione in Ecclesiam adultorum, vel liberorum fidelium adultorum qui hætenus erant in Ecclesia fœderatorum, vel conversorum à Paganismo aut Hæresi, qui utrique probè tenebant capita doctrinæ catechetiæ, ut de fide in Deum, respicientia ab operibus mortuis, resurrectione mortuorum, & judicio æterno. Admitto jam interpretationem istam tertiam, & tamen dico, non favere Pontificiæ aut Anglicanæ Confirmationi, sed potius Ecclesiis Reformatis illis quæ ad rem ipsam propius accedunt, nempe neminem admittentes extraneum in gremium Ecclesiæ, aut ad sacram Coenam, absque fidelis professione solenni, examinatione, fœderis pactione, & precibus Ecclesiæ, & ubi quid desideratur, restitui optamus, licet ritum adiaphorum impositionis manuum sua natura liberum, est enim tantum gestus orantis, & tam fœdè conspurcatum superioribus & hisce sæculis, tum à Pontificiis, tum ab Anglicis, ut statim vide-

bimus, non usurpent. Si usurparetur, non tamen propterea confirmatoriam diceremus ratione Spiritus Sancti confirmantis, sed Ecclesiæ approbantis & confirmantis sua approbatione examinatum & ad verum illud ac geminum Confirmationis sacramentum admittentis. Propriè quidem & primariò esset gestus orantis tempore precum, ex consequenti autem Ecclesiæ confirmantis & approbantis Et sic quod personatus Clemeus Apostolicar. Constitut. Lib. 3. Cap. 17. tribuit unguento suo, nempe quod sit βαβαίωσις τῆς ὁμολογίας confirmatio confessionis scilicet fidei, impositionis ritui, prout est signum Ecclesiæ confirmantis & approbantis confessionem Catechumeni, tribueremus, non vim sacramentalem confirmandi. Sed quia, ut dixi, ritus ipse est indifferens & foedè conspurcatus, meritò ommissus in Ecclesiis Reformatis, tum in clausula Baptismi, ubi eam Veteres usurpabant temporibus Cypriani & Tertulliani, tum in admissione Catechumenorum in Ecclesiis adulorum cum jam sunt futuri participes Sacræ Cœnæ, & Disciplinæ Ecclesiasticæ subjiçendi. Angli, sicut Pontificii, nec in clausula Baptismi imponunt manus, nec expectant tempus maturum, quo Catechumeni catechetica doctrinam probè edocti ad sacram Cœnam admitti possunt: sed sat erit, si exegerint annum septimum vel octavum, & memoria teneant symbolum, Orationem Dominicam, & paucula quædam capita Catechismi. Quid ergo sibi vult, inquit Parkerus, quodd in privatis ædibus administretur? quod sæpe tenelli confirmantur, priusquam ad perfectam ætatem per Canonem Aurelianensem debitam pervenerint? quod confirmantur quicumque Catechesin Anglicanam verbotenus recitare possunt, quam vel triennialis quisque discere poterit, & Martini Buceri judicio imperfectior est? quod & si lege Anglicana, ni fallor, capax Cœnæ Dominicæ sit qui confirmatur; confirmantur tamen, qui modò Catechesin recitare possunt, qui sese examinare non possunt, vel rite sese ad mensam Domini præparare, ad quam etiam non nisi multos post annos accedere solent? Martinus Bucerus in Censura sua in librum Sacrorum Ecclesiæ Anglicanæ, ait; Quibus conferri pueris debeat Confirmatio, desinuntur in libro esse ii, qui possint recitare Articulos fidei, precem Dominicam, & decem Præcepta, & hinc commodè respondere ad quæstiones brevioris Catechismi. Istud autem diligentem profectò postulat ponderationem. Aut enim id queritur; ut ad confirmationem pueri faciant seriam fidei suæ confessionem, & ejusmodi confessionem, quam Ecclesia meritò ratam habeat iis quibus baptisma impertit in ætate adulta: aut satis existimatur, si verba modò ejus confessionis recitent. Non sat ait esse recitare verba Catechismi, sed requirenda est ejusmodi fidei confessio quæ indicari possit non esse nata in ore aut ex humana tantum parata doctrina: sed ea quoque signa habeat in vita & moribus, ut recipi debeat ab Ecclesiis tanquam profecta ex corde. Evangelio verè credente & doctrinæ Spiritus Sancti. Unde olim ii qui petebant baptizari adulti, quos Competentes vocabant, explorabantur multo tempore, qui ex fructibus fidei scilicet qui in vita & moribus credentium proferuntur, cognoscerentur. Et infra; In quibus itaque hæc novi hominis veræque in Christum fidei signa necessaria non appareant, horum nescio qua bona conscientia possit recipi fidei confessio illa maximè publica & solennis in Ecclesiis, sunt enim hæc columnæ & firmamenta veritatis. Et constat, non paucos pueros hujusmodi facere confessionem, haud majore fidei sensu, quam psittacus aliquis suum effert x̄æge. Et capite 18. At quis dubitat Catechismo opus esse juvenibus, donec scientiam religionis plenam fuerint consequuti? Jam confirmari debent, qui verba modo catechismi recitare possunt. Tollendum igitur obtarim parenthesin (which are not confirmed) qui nondum sunt confirmati, & pro eo adjici huc præcepto, ut adfint Catechismo adolescentes ac juvenes omnes mares & fæminæ, usque dum eò in doctrina Christi profecerint, ut à pastore ipso remissionem hujus præcepti accipiant. Nec ea paucula tantum verba tradenda & exigenda sunt pro toto Christi Catechismo quæ in libro sunt præscripta: sed debent

De Polit.
Lib. 3. c. 16.
Sect. 11.

Cap. 17.

debent catechumeni in classes distribui, omniaque Christi mysteria, eaque ratione diligentia atque copia explicari & elucidari, commendari & insigi, qua & citius & plenius quisque poterit proficere. Est quidem aliquantulum prolixior Catechismus, quem pueri ad confirmationem adducendi memoriter edicerent, quam fuit, dum ista scriberet Bucerus, sed ut Parkerus dicit, quam vel triennis quisque tamen discere potest. Dicitur in Libro Precum seu Sacrorum, se Confirmationem puerorum administrare, cum ad maturiorem ætatem pervenerint, quod non alienum sit à consuetudine primitivæ Ecclesiæ, qua præceptum erat, ut Confirmatio adhiberetur illis, qui ad ætatem maturiorem pervenissent, ut ipsi jam in religione Christiana instituti suam ipsorum fidem publice profiterentur, & promitterent se Divinæ voluntati & mandatis ejus obtemperaturos. Quam vera sunt ista, ex jam dictis patet.

Dicitur ibidem, quòd Confirmatio administratur cum ad maturiorem ætatem pervenerint. Quoniam Confirmatio illis adhibetur qui jam baptizati sunt, ut, per impositionem manuum & orationem, vires & defensionem accipiant contra omnes insultus peccati, mundi, & Diaboli; commodissime administratur cum pueri eam ætatem attigerint, qua, tum per suam carnis infirmitatem, cum per varios hujus mundi & Diaboli insultus, maximo periculo constituuntur, ne in gravissima peccata prolabantur. Hackwillus in Concione habita de Confirmatione dixit administrari, ut tum præsertim, cum illucescente usu rationis incipiunt labi in peccata varia, & nonnulli sunt virum habent ad resistendum defectu experientiæ, per Impositionem manuum & Preces accipiant vires & defensionem contra tentationes mundi, carnis, & Diaboli. Sic Suarez; Magis expedit non confirmari infantes ante usum rationis. Quamquam rationis usu illucescente etiam expediat non admodum illam differre, sed prævenire infantem innocentem prius quam gra-
Muckel. p. 245.
Tom. 3. Disput. 35. Sect. 2.
Bucer, Cent. Jura Cap. 17.

uter peccare incipiat. At Aquinas, Bonoventura, & alii plerique Theologi censent, expedire magis infantis tempore, quia ætas infantilis non est capax fictionis, qua effectus Sacramenti impediatur. & huic sententiæ favet antiquus usus Ecclesiæ, ait ibidem Suarez. Sed interim quomodo congruant ista duo, non video; nempe quod expectanda ætas maturior ob publicam professionem fidei secundum consuetudinem Ecclesiæ Primitivæ, & tamen statim confirmandos illucescente usu rationis. Nam non erat consuetudo Ecclesiæ Primitivæ, exigere à pueris 7. aut 8. annos natis professionem publicam fidei, sed ab adultis. Non consistunt ista duo tempora, illucescentis usus rationis, & publicæ professionis fidei. Imo vix norunt pueruli confirmandi, quid sit profiteri fidem, licet norunt recitare verba Catechismi. At publicam facere fidei confessionem in Ecclesia Christi illam qua jam à scientibus & volentibus fœdus salutis cum Deo constabiliendum sit, ut in libro est propositum, & eam confessionem ratam haberi publice in Christi Ecclesiis; id certe non video quomodo liceat, quamdiu adeo nullo probabili argumento datur credere esse confessionem fidei quæ insit consentienti, sitque cognitionis veræ Evangelii, & non vana quedam verborum imitatio, quæ verba pueri tandem ediderunt, ut ea modo memoriter recitarent, etiamsi nihil eorum animis sentiant. Constabiliendum fœdus hac professione puerorum colligit Bucerus ex his verbis Libri Sacrorum. Quia cum pueri ad maturiorem ætatem pervenerint, & didicerint quæ & quanta susceptores ipsorum nomine in Baptismo promiserint, ipsi proprio ore, proprio consensu, publicè in conspectu Ecclesiæ eadem cognoscant & confirmant, prostenturque se Divina gratia adjuvante conaturos ea omnia fideliter observare, quibus jam suis verbis, sua confessione assenserint. Septennies scilicet apti sunt ad constabiliendum fœdus: Observandum etiam, non necessariò differendam esse Confirmationem ad septennium aut decennium ætatis, sed ut confirmatio majore cum puerorum ædificatione administraretur, sicut dicitur in Libro Sacrorum. Rata igitur erit confirmatio infantium licet minore cum puerorum ædifica-

Tom. 3.
Disp. 35.
Sect. 1.

tionem administraretur. Sic Suarez; ob aliquam gravem causam conveniens esse posse interdum prævenire, & infantem ante usum rationis confirmare, ut si diuturna absentia Episcopi timeretur, aut si infans esset in periculo mortis. Quin potius addo, non videri in hoc tantam esse tamque urgentem Ecclesiæ consuetudinem, ut præceptum inducat. Unde si Episcopus ex sola benevolentia vel alia simili causa infantem confirmaret ante usum rationis absque scandalo, nempe ob violatam Ecclesiæ consuetudinem jam obtinentem, non admodum peccaret. Vel Confirmatio est administranda baptizatis jure Divino statim à Baptismo, vel jus Divinum aliud determinavit tempus. Si prius, ut fuit praxis Veterum; tum non differenda ad septennium; tum non instituta ob Catechismum; tum non expectanda ætasmaturior prætextu majoris ædificationis: alioquin eadem ratione possunt differre Baptismum, ut majori cum fructu & reverentia percipiat ab adultis. Si aliud determinavit tempus jus Divinum; quod quæso? an septennium aut decennium à Baptismo? an potius adultiorem ætatem, illam scilicet qua Ethnici conversi admissi ad Baptismum & sacram Coenam? nam ad utramque simul admissi fuerunt. Et hoc tempore cum baptizantur adulti, eodem die datur Baptismus, Confirmatio, & Eucharistia, ut Veteres faciebant, ait Bellarminus.

De Confirm.
Cap. 7.

Non erant admissi septennes Catechumeni. Duo fuerunt Catechumenorum genera, unum eorum qui audiebant conciones & volebant fieri Christianos, sed nondum petierunt Baptismum, & ii dicti sunt Auditores seu Audientes: alii petebant Baptismum & dicti sunt Competentes, seu Electi. Distinguit Suarez Catechismum adutorum in Substantialem & Ceremonialem. Substantialem vocat eum, qui per se & ex natura rei, supposita institutione & fine Baptismi, necessarius erat ad convenientem usum Baptismi, & consistebat in sufficiente instructione & doctrina rerum fidei ac morum. Atque ita semper in Ecclesia servatum est ut ante Baptismum sufficiens Catechismus præcederet. Alterum Ceremonialem vocat, qui ad priorem ordinabatur, & illum includebat, solumque addebatur specialem quandam modum & ordinem ab Ecclesia institutum & observatum in Catechumenorum instructione & præparatione ad Baptismum. Post petitum Baptismum à Competentibus inchoabatur iste Catechismus. In quo Catechismo fiebat scrutinium; quo nomine significatur, inquit Bellarminus, propriè examen & exploratio quedam, an competentes firmiter crederent. Et ut certius exploraretur an vera esset catechumenorum conversio ad fidem, fiebant ab Ecclesia septem scrutinia intra illos 25 dies à die quo dabant nomina usque ad diem Baptismatis. Substantialem Catechismum reliquerunt Ecclesiis Reformatis, Ceremonialem retinuerunt, non adutorum illum, de quo modo dixi cum scrutinio, sed psittacorum puerorum qui ad foedus inritum in Baptismo constabiliendum omnino inepti sunt. Recitando memoriter catechismum scilicet confirmant foedus. Hic habemus duas Confirmationes, unam confessionis fidei confirmantis foedus, alteram Spiritus Sancti collati per Impositionem manuum & preces ad confirmandum & corroborandum puerum in gratia. Ab ista posteriori denominatur iste ritus Confirmatio apud Anglos, quicquid dicant de priori ad fallendum. Est etiam hic obiter notandum; dici in Libro Sacrorum, ut supra audimus, pueros cum ad maturiorem ætatem pervenerint publicè & in conspectu Ecclesiæ confirmare ea quæ susceptores ipsorum nomine in Baptismo promiserunt.

De Baptism.
Cap. 25.

De Polit.
l. 3. Cap.
16. Sect. 11.

Quòd quàm verum sit, discere ex Parkero possumus. Sæpe non in publico loco exercetur, sed in privatis Episcopi ædibus: & quando publicè administratur, administratur tamen in eo loco, qui multis miliaribus ab Ecclesia distat de cujus membro agitur: & si quando in eadem Ecclesia, ea tamen non consultata quidem, vel ad consensum requisita.

In Catechismo jam aucto post tempora Bucerii dicitur, Christum duo tantum insti-

instituisse Sacramenta in genere ad salutem necessaria, Baptismum scilicet & sacram Cœnam. Quid? sunt igitur alia Sacramenta quæ non sunt generalia & omnibus communia, ut sacramentum Ordinationis; alia generalia sed non ad salutem necessaria, ut sacramentum Confirmationis? Ipsi Pontificii non asserunt esse necessarium ad salutem. *Esti nulla alia suppeteret hujus rei probatio, sola Ecclesiæ universalis consuetudo satis magnam vim ad probandum habet, utpote quæ baptizatis, seu parvulis seu adultis, in mortis necessitate constitutis, nec adhuc confirmatis, sacramentum hoc adhibere non curat; ait Estius.* *In Lib. 4. Dist. 7. Sect. 18.*

Gratiam quæ confertur in Confirmatione Liber Sacrorum vocat vires & defensionem contra omnes insultus peccati, mundi, & Diaboli. Illud est quod Pontificii dicunt, in Baptismo accipi gratiam in remissionem peccatorum, in Confirmatione ad animam corroborandam & viribus instruendam ad spirituales pugnam, præcipuè ad confitendum fidem tempore persecutionis. Hookerus ait, in Baptismo infantes admitti in Dei familiam ut ibi vivant, sed in Confirmatione efficiuntur apti ad militandum in exercitu Dei & proferendum fructus Spiritus Sancti. Hackwillus ait, in Baptismo nos credere remissionem peccatorum ad justificationem; in Confirmatione animari nos ad profitendum fidem istam ad salutem. Pontificii dicunt, Paracletum, quem promissit Christus, accipi in sacramento Confirmationis & septiformem gratiam Spiritus Sancti. Idcirco sic orant ante Confirmationem: *Emitte in eum Spiritum Sanctum septiformis gratiæ tuæ paracletum de cælis, spiritum sapientiæ & intellectus, spiritum consilii & fortitudinis, spiritum scientiæ & pietatis, adimple eum spiritu timoris Domini, & configna eum signo crucis, in vitam propitiatus æternam.* Angli dicunt; *Omnipotens æterne Deus, qui hos servos tuos per aquam & Spiritum Sanctum regenerare dignatus es, omniaque iis peccata condonare; confirma eos, quæsumus Domine, Spiritu paraceto, muneraque Divinæ gratiæ in illis auge, spiritum sapientiæ & intellectus, spiritum consilii & fortitudinis, spiritum scientiæ & veræ pietatis. Denique spiritu sancti timoris tui animos eorum reple. Per Dominum nostrum Jesum Christum. Amen.* Hæc verba, *Configno cum signo crucis*, omittunt quia signant signo Crucis claudentes ministerium Baptismi. *Sacerdos cum ungit Neophytum ait, Deus omnipotens Pater Domini nostri Jesu Christi, qui te regeneravit ex aqua & Spiritu Sancto, quique dedit tibi remissionem omnium peccatorum, ipse linit te Chrismate salutis in vitam æternam.* Episcopus verd transilivit verba, *Ipse te linit Chrismate salutis, quasi ditior non solum ut salvare possit, sed etiam ditare, ideo dicit: Emitte in eum septiformem Spiritum Sanctum tuum, &c.* Hackwillus ait, gratiam Spiritus in Baptismo inchoatam confirmari & perfici in Confirmatione. Dicuntne idem Pontificii? non esse perfectum & plenè Christianum qui non est confirmatus, unctionem confirmatoriam esse unctionem perficientem, Novatum non fuisse plenè Christianum quia non Confirmatus. Derogantne ista omnia veris Sacramentis? In Baptismo accipimus gratiam Spiritus ad vitam & sanctificationem, cujus tantum pars est robur & fortitudo ad resistendum insultibus carnis, mundi, & Diaboli, & ad profitendum fidem. Dona quæ conferuntur post Baptismum promittuntur in Baptismo, & promissio assistentiæ & auxilii divini obsignatur nobis per sacramentum Baptismi, atque indies præstat fideliter Dominus promissa sua suppeditando robur & vires ad militandum contra Diabolum, mundum, & carnem, quibus nos ex parte nostra polliciti sumus nos abrenuntiaturus. In Baptismo induimus Christum, & arma spiritualia quibus armamur ad pugnam. Concilium Milevitanum; *Qui dicit Baptismum in remissionem peccatorum dari tantum, non etiam in adiutorium gratiæ, anathema sit.*

Signum sensibile, constans ex rebus & verbis quibus applicatur promissio gratiæ

De Confir-
mat. Cap. 2

in hoc sacramento, fuit manus impositio cum oratione, inquit Bellarminus. In Libro Sacrorum Ecclesiæ Anglicanæ dicitur; Confirmatio illis adhibetur, qui jam baptizati sunt, ut, per impositionem manuum & orationem, vires & defensionem accipiant contra omnes insultus peccati. Et in precatiuncula post impositas manus ait Episcopus;

Defens. Lib.
3. Cap. 4.
Sect. 6.

Supplices tibi preces fundimus pro his pueris super quos ad exemplum Apostolorum tuorum manus imposuimus, ut certiores eos hoc signo redderemus tuæ in ipsos benignæ voluntatis. Dounamus ait; ad potestatem ordinis Episcopalis pertinere per impositionem manuum conferre gratiam ut ordinarium Spiritus Sancti instrumentum, vel baptizatis ad confirmationem, vel pœnitentibus ad reconciliationem, vel designatis ad ministerium ad ordinationem. Precatio vim præcipuam habet, inquit Hurtonus teste Parkero, manus impositio minus præcipuam, aliquam tamen; alioqui Petrus & Johannes minimè opus habuissent tantum laborem sumere, ut ab Hierosolymis ad Samariam itinerarentur. Nam precari

De Polit.
Lib. 3. Cap.
16. Sect. 12.

adeque Hierosolymis potuerint De Petro & Johanne statim dicemus. Interim vides lector, impositionem manuum esse Anglis signum benignæ voluntatis divinæ ob- signatorium, esse instrumentum per quod gratia confertur, & inesse ipsi vim & efficaciam. Est igitur Confirmatio Anglicana Sacramentum, & Impositio manu pars signi sensibilis necessaria sine qua non confertur Spiritus Sancti gratia ad robur & fortitudinem, sine qua non confirmatur baptizatus, sine qua non per- ficitur gratia Baptismi. Impositio illi manuum Apostolicarum non erat nisi temporaria

Spalat. Lib.
5. Cap. 5.
Num. 33.

& ad effectum sensibilem, & quæ erat cessatura: non erat Sacramentum Ecclesiæ statum & perpetuum: nec illa impositio manuum erat propriè sacramentalis. Imò licet per impositionem manuum Apostolorum ad Apostolatam autoritate condecorandum, ut per instrumentum, Dominus dona illa extraordinaria, ut linguarum & Prophetiæ, contulerit; non sequitur hanc prærogativam dedisse aliis ad conferendum per impositionem manuum gratiam Spiritus Sancti ordinariam. Quàm variè adhibita fuerat tum in Veteri tum in Novo Testamento manuum impositio, supra ostendimus. Fuit ritus & gestus orantis & indicantis personam pro qua impetrat Ecclesiæ gratiam, non autem symbolum significans, multa minùs obsignans gratiam ipsam. Ideo Augustinus dixi repeti posse. Manus autem impositio non sicut baptismus

Lib. 3. de
Baptis. Cap.
16.

De Rep. Ec-
cles. l. 5. c. 5.
Num. 42.

repeti non potest, quid enim est aliud nisi oratio super hominem, inquit Augustinus. Cum itaque ex Augustino constet, Spiritum Sanctum non datum per manus impositionem tanquam per sacramentum ex opere operato, sed tanquam per preces & ordinationem Ecclesiæ; quis jam in tali manus impositione agnoscat rem sacramentalem, vel sacramentum? ait Spalatensis. Schismatici & Hæretici, qui ab Arianis conversi ad Ecclesiæ, per Impositionem manuum recipiebantur, etsi per impositionem manuum confir- mabantur in sua secta. Sed Ecclesiæ Anglicanæ nullam fidei professionem exigit à Pa-

Parkerus de
pol. Lib. 3.
Cap. 16.
Sect. 10.

pistis, quando ad Ecclesiæ redeunt. Confirmationem Pontificiam existimant esse verum Confirmationis sacramentum, eoque accipi Spiritum Sanctum, ideoque conversis Pontificiis manus non imponunt. Nec puto utuntur manuum impositione in pœnitentium reconciliatione. Utcunque est; impositionem manuum confirma- toriam nunquam repetunt, licet nova egeant confirmatione, præsertim cum in- gruit persecutio aliqua in fideles. Hocne etiam ex veteri illo errore ortum, Con- firmationem imprimere Characterem indelebilem? In Articulis Doctrinæ Chri- stianæ Ecclesiæ Anglicanæ hæc habentur verba. Sacramenta à Christo instituta non

Articul. 25.

tantum sunt notæ professionis Christianorum, sed certa quadam potius testimonia & effica- cia signa gratiæ atque bonæ in nos voluntatis Dei, per quæ invisibiliter in nobis operatur, nostramque fidem in se non solum excitat, sed etiam confirmat. Quinque illa vulgò no- minata sacramenta, scilicet Confirmatio, Pœnitentia, Ordo, Matrimonium, & extrema Unctio, pro Sacramentis Evangelicis habenda non sunt, ut quæ partim à prava Apostolo-

rum

rum imitatione proflexerint, partim vitæ status sunt in Scripturis quidem probati, sed sacramentorum eandem cum Baptismo & Cæna Domini rationem non habentes, ut quæ signum aliquod sensibile seu ceremoniam à Deo institutam non habeant. Articuli hi approbati erant ab Episcopis & Archiepiscopis in Convocatione habita Londini anno 1562. Non erant sui memores, cum in Articulum istum consentirent. Nam in Libro Sacrorum quid sentiant jam vidimus. Nonne Articulus hic 25 omni omnem ad corroborandum impositioni manuum denegat, non solum ex opere operato (quod nec signis ipsis Sacramentalibus Anglicana tribuit Ecclesia) sed etiam ex opere operantis? Certè teipso fatente, doctissimus ille Johannes Raynoldus secunda die Hamptoniensis Colloquii rusticam liturgiæ per quam ministratur Confirmatio ad corroborandum manifestam huic Articulo contradictionem continere, affirmavit. Sed nec articulum illum explanari, neque verba in Libro Sacrorum emendari, in Colloquio passi sunt.

Parkerus de
Positio Lib.
3. Ca. 16,
f. 12.

Habent etiam Susceptores in Confirmatione pueri sicut in Baptismo, per quos ad Episcopum confirmandi adducuntur, ut in Libro sacrorum dicitur, & hoc etiam more Pontificio. Rationem bellam commentus est Aquinas. Sicut aliquis de novo natus indiget instructore in his quæ pertinent ad consecrationem vitæ, ita illi qui assumuntur ad pugnam indigent eruditoribus, à quibus instruuntur de his quæ pertineant ad modum certaminis. Et ideo in bellis materialibus constituuntur Duces & Centuriones per quos alii gubernentur. Et propter hoc etiam ille, qui accipit hoc Sacramentum, ab alio tenetur quasi per alium in pugna spiritali erudiendus. Sed annon obligatus est Susceptor, Patrinus, seu Sponsor in Baptismo, ad hanc operam præstandam? Quid igitur jam opus novo & alio Susceptore in Confirmatione. Hic monendum superest, nullam penitus spirituales Cognationem ex hac Confirmationis ceremonia resultare. Cum enim Sacramentum illa non sit, sed Baptismi complementum, neque novam inducere potest cognationem. Nam neque novus indiget susceptoribus, si illa, ut nunc sit, à Baptismo separatur. Inde enim Susceptores in Confirmatione prodierunt, quod olim chrismatio esset ceremonia Baptismum complens, & illi idem susceptores, qui baptizandum offerebant, offerebant etiam chrismandum, & sic unicam, non duas spirituales cognationes & compaternitates, contrahebant; ait Spalatensis. De Patrinis Baptismi dicitur suo loco.

De Rep. Ecc.
l. 5. c. 5.
Num. 53.

Ministram Confirmationis volunt esse solum Episcopum, non quemlibet Presbyterum. Id nempe vos urit quod negotium hoc curet Episcopus, inquit Tilenus; Illi Pastori ex vestra sententia mandandum, qui confirmandos antea baptizavit & instituit, & quod non alius eorum ordinarius sit pastor. At enim vero qui Episcoporum ordinem Divina institutione niti didicerunt, idem Episcopum uniuscujusque Ecclesie ad suam diocesis pertinentis pastorem ordinarium iñgros dicendum norunt. Potest nugator ex supra dictis perspicere, esse alia quæ reformatione indigent in confirmatione Anglicana, propter quæ adeo exosa nobis est. Sed nostrarum rerum ignarus iste ut cæcus & quasi mentis impos præ adulandi libidine in viros bonos inani strepitu verborum irruit. Episcopum non esse ordinarium pastorem omnium parœciarum dioceseos ex Divina institutione, Capite superiori ostendimus. Et proinde quæ inferit, falsa sunt; ejus partes esse universum ovile suum lustrare, atque etiam singulas oves quoad ejus fieri potest noscere & explorare; vicissim ipse noscendus omnique honore ac reverentia prosequendus est ab istis. Proinde hoc confirmandi officium nemini alii rectius & convenientius tribui potest; siquidem is hoc pacto non modo ovium suarum in fidei doctrina captum & profectum cognoscat, verum etiam pastorum particularibus illis gregibus præpositorum in illis pasendis sedulitatem & industriam perspicit, ut si quis non ea quæ par est fide ac studio versatur, eo remoto succenturietur alius Spartam hanc diligentius ornaturus. Hæc Pastoribus singulis Parœciæ rectius tribuuntur, qui etiam facilius agnoscere

Parænes. c. 5.

vultum gregis sui possunt, quàm Episcopus, qui centena millia animarum plerumque habet in Diœcesi, quarum se Pastorem ordinarium jactitat Pastor stultus. Et hocne est Pastorem agere, pascere per alium, instruere in doctrina catechetica per Presbyteros, sicut etiam ipsos pascit verbo nempe per Presbyteros concionando, cum Pastoris munus sit personale, ut Medici & Doctoris? Imo magis obligatur per se pascere, quàm Medicus curare per se. Et ovium suarum captum & profectum in doctrina fidei cognoscit, scilicet, Episcopus, qui pueros psittacorum more catechismum recitantes audierit, & numquam reviset quid agant. Imo ipse Episcopus non tenetur proponere Quæstiones Catecheseos, quas ante absque ipsius opera edocti sunt, sed alius quicumque pro ipsius arbitrio, ut dicitur in Libro Sacrorum. *Ne hoc quidem negari potest, inquit, hanc in obeundo toto oculi curam à superioris ordinis ac gradus pastore susceptam illis qui examini se sistendos norunt, quibus Episcopus bene precatur, impositisque manibus fidei & aliorum charismatum incrementa & in gratioso Dei fœdere perseverantiam conceptis precibus expetit, non leve calcar ut promissum Deo in Baptismo per susceptores ac cœteris obsequium se ratum ac gratum habere alacrius testentur, perdidiscendisque catecheticis fidei rudimentis incumbant studiosius.* Ceremonialem catechismum ediscunt, quem ore tenus adventante Episcopo tenent, & statim dediscunt quem non intellexerunt. Lustra oculis Ecclesias omnes. Ubi major regnat ignorantia quàm ubi viget Confirmationis istius ritus? & contra in Ecclesiis reformatis, ubi catechismus substantialis, plenior inter ipsos plebeios cognitio, ubi gradum non sistunt in principiis sed ad altiora perducuntur. Quod orandum sit pro incremento fidei & aliorum charismatum & perseverantia in fœdere, nullus dubitat, & semper ista precibus expetit in conventibus suis quæque Ecclesia pro omnibus & singulis membris tam pueris quàm adultis in publicis precibus. Sed quod una vice & solus Episcopus impositis manibus ista expetit, imo per modum sacramenti impertit baptizatis, acsi Paracletum dare, ipsius, non Presbyteri esset, acsi Spiritus Sancti gratiam ad resistendum insultibus peccati in Baptismo non accepissent, ferre non possumus. Quod additur, baptizatos sic se ratum ac gratum habere promissum Deo obsequium in Baptismo per susceptores, testari; quomodo fiat & quomodo fieri debeat paulo ante diximus. Et hoc absque Episcopo commodè fieri non potest? Presbyter aliquis aut quicumque alius pro arbitrio Episcopi proposuit quæstiones catecheseos forte in ædibus Episcopi aut in Ecclesia aliena non confirmandorum propria. O præclarum testimonium, præclara fœderis confirmatio? Episcopus fide implicita examinatos ab aliis confirmat. Post acceptum Spiritum per impositionem manuum Episcopi tanquam instrumentum ordinarium jam ingreditur actu in prælium spirituale, ac si nunquam ingressus, nec ingressurus esset ante adventum Episcopi. *Ceterum postquam omnia quæ vestri demagogi, audite nebulonem, hac in parte arroderet consueverunt mecum perpendi, non aliam ob causam eos obstrigilare animadverto, quàm quoddam Episcopatus gradus, quem vos quantovis pretio sublatum cuperetis, etiam hac in parte suam ex germana antiquitate originem demonstrat: semper enim illa has partes Episcopo, nunquam Presbytero, nisi de consensu Episcopi, mandavit.* Quis adhibet tibi fidem os impudens, non alias potuisse multa perpendenti causas occurrere, quàm odium germanæ antiquitatis? Homines sumus, errare possumus, humani nihil à nobis alienum putamus: sed mero antiquitatis odio, & non aliam ob causam, Episcoporum hac ex parte gradum damnare, esset diabolicum, non humanum. Sed dic mihi, quenam sit germana antiquitas. An illa quæ ad honorem Sacerdotii detulit hanc prærogativam Episcopo? Annon illa eadem chrismatis unctionem etiam addidit? Euchāristiam infantibus baptizatis dedit, cujus jam pudet ipsos Pontificios?

cios? Ante Chrismatis unctionem inuestam demonstra, si potes, reservatam Episcopo istam prerogativam. Nobis ne liberum est, ut respuere chrisma & ineptias alias antiquitatis, sic & tollere reservationem istam, & tamen absque odio antiquitatis? Miseret nos antiquitatis ridiculos ritus introducentis: non tamen antiquitatis nomine, sed errorum, eos omnes damnamus. Nullam agnoscere debet Ecclesia Christiana germanam antiquitatem post Apostolorum sæculum. Possem hic excurrere in latum campum, sed digrediendum non est in rem tam perspicuam. Amici veteres, sed magis amica veritas. Etiam post institutam istam reservationem potuerunt Presbyteri confirmare absque consensu Episcopi, si modo tantum abesset. Nam, ut refert author ille Commentariorum in Epistolas qui circumferuntur nomine Ambrosii, in Ægypto, absente Episcopo, consignabat Presbyter, & idem forte Author in Quæstionibus ex Veteri & Novo Testamento mixtim ait; *Nam in Alexandria & per totam Ægyptum, si desit Episcopus, consignat Presbyter.* Ex his duobus locis, absente Episcopo, Presbyteros confirmasse colligit Dounamus. Si vel absente Episcopo & illo inconsulto poterant Confirmare Presbyteri, non tam superstitiosè mansit hic ritus penes Episcopos, quin Presbyteri etiam consignare possent. Quod si alii illis consultis vel conscientibus confirmare possint, ut fatetur Tilenus, quomodo cognoscit ipse captum & profectum ovium suarum in doctrina fidei, sicut hac ratione modò voluit Tilenus hoc officium nemini alii tribui nisi Episcopo, quomodo cognoscet ipse vultum gregis suis? Quàm bellè congruant ista, quis non videt? De Ministro Sacramenti Confirmationis alibi tamen sic scribit Tilenus. *Ac ne quis dubitet hunc esse characterem Antichristi supra Christum & omne numen sese efferentis. Cum Baptismus à gregariis Sacerdotibus ac Diaconis imò etiam a mulierculis rite dari existimetur, hoc unguentum non nisi ab Episcopis tractari fas est. Nempe ut tanto præstantius habeatur Antichristi excrementum Christi Sacramento, quanto Episcopus Sacerdote & quovis Laico, Pontifex ipso Christo major esse conatur. Hoc postremum non obscure innuit Bellarminus, ubi hanc rationem adfert, cur non nisi ab Episcopo legitime dari possit Confirmatio: quia cum ea sit complementum & perfectio Baptismi, ultima hæc forma non nisi à primo agente imprimi possit, & quia adscribere ad militiam non nisi Ducum & Imperatorum sit: quorum majestatem cum Episcopis asserat, non obscurum est quasnam Christo in Ecclesiastica militia partes relinquat. Ibidem; Quasi verò qui in Baptismo Christum induunt, non etiam robur ab eo accipiant ad retundendos Diaboli impetus, nec militiæ Christi adscribantur qui in fœdus & familiam ejus asciscuntur. Omnes ministri parœciani sunt duces in Christiano exercitu, omnes sunt ovium sibi commendatarum pastores, easque consignare possunt, si consignandæ essent. Fatetur igitur Bonaventura, quod in talibus, nempe rationibus & convenientiis quas excogitarunt Scholastici, magis locum habet congruitas, quàm necessitas, quia institutio necessitatem facit præcipuè. Imò nec ulla est in iis congruitas, quia nituntur falso principio, nempe Episcopum esse Presbytero superiorem; deinde multa inde oriuntur incommoda. Nam si Confirmationis Sacramentum utile & commodum esset, pastores omnes illud ministrare deberent: alioqui lugendi qui in viculis & pagis à Presbyteris baptizati ante moriuntur quàm ab Episcopis invisantur. Ubi non conservatur fructus & utilitas, nulla est vera congruitas. Hic vides, Tilene, aliam subesse causam, ob quam Episcopos hujus sacramenti ministros proprios esse nolumus, quàm odium antiquitatis. Sed redeamus. Congruitatem & necessitatem in sola institutione querimus. Ubi est institutio? Conantur tamen se tueri exemplo Apostolorum Act. 8. ubi Petrus & Johannes mittuntur Samariam ad imponendum manus baptizatis, ut acciperent Spiritum Sanctum. Si Philippus potuit idem præstare, non opus fuisset mitti Petrum.*

Quæst. 102.

Def. Lib. 3.
Cap. 4. p. 102.Syntagm.
Part. 2. Diff.
p. 58.In l. 4. Diff.
7. Num. 57.

& Johannem Apostoli soli manus imposuerunt & imponendo Spiritus Sancti gratiam contulerunt. Episcopi autem Apostolorum successores sunt. Largiamur jam, Episcopos esse Apostolorum successores; negari tamen non potest Presbyteros esse etiam eorum successores, ut Capite superiori ostendimus. Deinde non succedunt vel Episcopi vel Presbyteri Apostolis in extraordinaria eorum auctoritate. Quod impositis manibus poterant Apostoli conferre dona prophetiæ & linguarum; erat extraordinarium quod solis fere datum Apostolis. Legimus etiam Ananiam Act. 9. imposuisse manus Paulo, ut impleretur Spiritu Sancto. Hanc potestatem extraordinariam non habuit Philippus licet Euangelista: & Episcopi scilicet vendicabunt, quod Euangelista non potuit? Ordinariam Spiritus Sancti gratiam collatam in Baptismo fuisse non dubitat Hieronymus. Nisi forte Eunuchus à Philippo Diacono sine Spiritu Sancto baptizatus fuisse credendus est. Diaconum tantum fuisse putat, & tamen sine Spiritu Sancto baptizasse non credit. Sed ponatur fuisse ordinariam illam manus impositionem. Durandus tamen ait; Ex illo textu non est clarum an Apostoli confirmarint, tanquam Episcopi, vel tanquam Sacerdotes: sacri etiam Canones hoc clare non determinant. Author Quæstionum Veteris & Novi Testamenti ait; eos confirmasse ut Sacerdotes. Sed nos nullam ibi Confirmationem Sacramentalem fuisse dicimus, sed extraordinariam doctrinæ confirmationem, de qua Apostolus, Hebr. 2. 3. 4. Nam effectus impositionis manuum erant visibiles & dona illa, quæ Scholastici vocant gratias gratis datas, ad ædificationem Ecclesiæ. Nec solum ad dona illa conferenda missi sunt, sed etiam ad constituendam Ecclesiam. Hæc igitur sit prima ratio. 1. Nempè quod & institutione & exemplo sint destituti. 2. Ratio sic, Episcopus & Presbyter sunt ejusdem ordinis. Cum igitur confirmare sit actus Ordinis secundum adversariorum doctrinam, sequitur Presbyteros vi sui ordinis confirmare posse. Si dixerint differre tamen exercitio potestatis ordinis, respondendum erit, Christo aut Spiritui Sancto tantam imprudentiam non ascribendam, ut concederet potestatem cujus exercitium nunquam permetteret. Si Presbyteri ex vi suæ ordinationis haberent sufficientem potestatem ordinis ad sacramentum ministrandum, sine causa in universum prohiberentur illud conferre; ait Suarez. 2. Ratio sic, Episcopus & Presbyter habent sufficientem potestatem ordinis ad hoc sacramentum conferendum. Ergo sine causa in universum prohibentur illud conferre. Tilenus cum Presbyteros ordinare posse probasset, veterem morem exercitium potestatis illius supprimentem improbat. Quod Deus instituit, nulla Ecclesia id prohibere potest. At Deus instituit ut presbyterio Ecclesiæ jus fasque sit alios vocare & ordinare. Ergo nulla Ecclesia id prohibere potest, ac multo minus Papa. Eadem de confirmatione dici possunt. Si ex vi ordinis presbyterialis Presbyteri confirmare non possunt, ex dispensatione Papæ vel licentia Episcopi id etiam non possent, & si quid tentarent nihil efficerent. Sicut si Episcopus vel Papa darent licentiam Laico Eucharistiam consecrandi, & in Presbyterum illum non ordinarent. Concedere autem licentiam alicui ut aliquid faciat, supponit illum habere jam remotam & quiescentem potestatem illud faciendi, sed aliquo præcepto ligatam ne exeat in actum. Si tamen exit in actum, factum tenet; ait Spalatensis. Quam iniquum sit præceptum quo ligatur potestas, jam dictum. Presbyteros dispensatione Papæ posse confirmare, concedunt Pontificii, præsertim Canonistæ. Gregorius Lib. 3. Epist. 29. Januario Episcopo Carolitano sic scribit. Pervenit quoque ad nos, quoddam scandalizatos fuisse, quod Presbyteros chrismate tangere in fronte eos qui baptizati sunt prohibuimus. Et nos quidem secundum usum veterem Ecclesiæ nostræ fecimus. Sed si omnino hac de re aliqui contristantur, ubi Episcopi desunt, ut Presbyteri etiam in frontibus baptizatos chrismate tangere debeant, concedimus. Prius interdixisse dicit, non quia

In l. 4. Dist.

7. Quæst. 3.

Quæst. 101.

In Aquinat
3. Part. Qu.
27.Syntag.
Part. 2.
Disput. 25.De Rep.
Ecc. l. 5. c.
12. Num. 23.Vide Gratia-
num Dist. 95.
Cap. 1.

quia institutum Divinum, nec quia mos universalis Ecclesiæ, sed quia mos vetus Ecclesiæ Romanæ; posterius permittere, quia contristabantur aliqui: & certe si tanta sit virtus Episcopalis Confirmationis, meritò contristantur qui ea fraudantur. Tilenus; Græca Ecclesia perpetuo servavit & servat, indifferenter ut tam Presbyteri Spalat. de quàm Episcopi chrismate confirment, qua in re Photius Patriarcha Constantinopolitanus Repub. 5. apud Baronium Tom. 10. Ann. 863. Num. 41. acriter Romanam Ecclesiam perstringit, c. 12. Num. 22. & ostendit privilegium hoc Episcoporum, neque ex scripturis, neque ex divina institutione usquam haberi, imò vix humana. Atque idem jus fuisse Presbyterorum etiam in Latina Ecclesia, satis colligitur ex eo quod Gregorius l. 3. Indic. 12. Ep. 9. data nova inhibitione, ne Presbyteri chrismate in fronte tangerent baptizatos, multos scandalizatos ait fuisse, dicitque l. 4. Ind. 13. Epist. 33 id se ex veteri usu Ecclesiæ, Romanæ verum, fecisse. Ex Decretali Innocentii Tertii patet, simplices Sacerdotes Constantinopoli ex consuetudine confirmasse. In Concilio Arausicano sub Leone Primo Papa sic statutum. Nullus ministrorum qui baptizandi recipit officium sine chrismate unquam debet progredi, quia inter nos placuit semel in baptismo chrismari. De eo autem, qui in baptismo quacunque necessitate faciente chrismatus non fuerit, in Confirmatione sacerdos commonebitur. Nam inter nos chrismatis ipsius non nisi una benedictio est. Testimonia pro Ministro Chrismatis valent etiam pro ministro impositionis manuum. Abbates ex privilegio confirmare potuerunt, qui tamen erant Presbyteri. 3. Ratio; qui possunt imponere manus in conferendis Ordinibus; possunt etiam in Confirmatione. Sic argumentatur Armachanus Lib. 11. Armenicarum Quæstionum Cap. 4. ex 1. Timoth. 4. teste Bellarmino Libro de Sacramento Confirmationis Cap. 12. Probat inde Episcopis & Presbyteris commune fuisse munus confirmandi. 4. Ratio est authoris Epistolæ ad Rusticum Narbonensem de Septem Gradibus Ecclesiæ. Sed quia scriptum est, Presbyteri duplici honore honorentur, maxime qui laborant in verbo Domini, prædicare eos decet, utile est benedicere, congruum confirmare, convenit reddere communionem, necesse est visitare infirmos, orare pro invalidis, atque omnia Dei sacramenta complere &c. A consecratione Eucharistica infert etiam benedicere populo posse. Imo non modo congruum est; ut Presbyter confirmet, sed etiam utile, si tanta utilitas sit hujus Sacramenti, quantam illi prædicant. Hieronymus adversus Luciferianos ait, si ad Episcopi tantum imprecationem Spiritus Sanctus defluit, lugendi sunt, qui in viculis aut castellis aut remotioribus locis per Presbyteros aut Diaconos baptizati ante dormierunt, quàm ab Episcopis inviserentur. Multis locis id factitatum esse reperit, nempe ut per manus Episcopi accipiant Spiritum Sanctum, ad honorem potius Sacerdotii, quàm ob legis necessitatem. Ait multis in locis, non ubique, & ad honorem Sacerdotii, non ob legis necessitatem. Beda apertius in Psalm. 26. arrogantia id tribuit, ut supra audivimus. Verum ut taceam, abunde se ipsi refellunt, inquit Calvinus. Quotam enim populi sui partem post Baptismum perungunt? Cur igitur patiuntur in suo grege tales Semi-Christianos, quorum imperfectioni mederi facile erat? cur tam supina negligentia omittere eos sinunt, quod omitti sine gravi piaculo non licebat? cur non sævius exigunt rem adeo necessariam, & sine qua salus obtineri non potest? nisi forte quis subita morte præpeditus fuerit. Scilicet dum ita licenter contemni patiuntur, tacite fatentur, non tanti esse quanti venditant. Spalatenis; Cur etiam Episcopi tam rigidi sunt, ut suis parochis facultatem confirmandi non permittant, quando præsertim ad eas parochias visitandas non nisi admodum raro ipsi accedant. Et sane Episcopi illi, qui amplas habent in Turcia ditione Christianorum Dioceses, ut meus habet Archiepiscopus Spalatenfis, ad quas ipsis Episcopis accessus non datur tuus, deberent, si ceremonia hæc magni momenti existimetur, suis parochis inibi degentibus facultatem confirmandi liberam concedere. Imo negantibus etiam id

Decretalium
Lib. 1. Tit. 1.
4. Cap. 4.
Can. 1.

Gratian
Dist. 95.
Cap. 6.

Instit. l. 4.
c. 19. Sect. 9.

De Rep.
Ecc. l. 5. c.
12. Num.
24.

Episcopis possunt & debent illi Parochi hanc ceremoniam propria autoritate exercere. Ego tamen me potuisse, sed noluisse meis Presbyteris inter Turcas cum Christianis suis degentibus facultatem hanc concedere; quia nullam videbam hujus ceremonie nunc necessitatem, quam Sacramenti nomine insigniri æquum non erat. Et jam illa quoque apud nostros ad lucrum & avaritiam est conversa. Honestius ergo omittitur quam exercetur. Et dictis patet, quam vera sit Tileni observatio. Prima mali labe, inquit, ac peccatorum Catharorum est Episcoporum subiectio. Episcopum qui saluum vult, de Confirmationis ritu item ei non movebit, nec vanos horrebit strepitus, quos hic excitatis, quasi periculum sit, ne in Papanum transeat sacramentum. Non migrabit sede sua hic ritus, quantisper sana ac salva manebit fidei doctrina. Ineptè nobis tribuis, Arminiane, Catharorum nomen, cum Cathari suos habuerint Episcopos, quos non omnes sublato ex omnibus Ecclesiis optamus. Episcopum salvum voluerunt Photius, Armachanus, Spalatenfis, Episcopi; qui tamen ritum volebant communem Episcopo & Presbytero. Esse revera Papanum Sacramentum, licet Chrismate non utantur loco impositionis manuum, sed ipsa impositione manuum in Anglicana Ecclesia, supra ostendimus, & corruptam esse doctrinam Confirmationis, ut plerunque fieri solet, ubi ritus externi sunt corrupti. Nec vanos horremus strepitus, qui certò novimus Anglicana nobis indies obrudi.

De Polit.
Cap. 5. p.
115.

Can. 24.

Contra Træ-
fas p. 26.

De Pont. l. 1.
c. 15.

Ibidem.

Tag 152.

Ad Potestatem Ordinis spectant duo alia quæ hic omissa sunt, annumeravit tamen Mucketus. Diligenter docere Evangelium, non tantum in Cathedralibus Ecclesiis, quibus præsent, sed etiam passim per omnes Ecclesias suæ dioceseos, ubi maximè putabunt expediti. In iisdem Cathedralibus Ecclesiis festis solennibus Capa decenti amictos sacramentam administrare; addendum erat, si adesset, ut dicitur in Constitutionibus anni 1634. Per Cathedrales omnes & Collegiatas Ecclesias sacram Cœnam in Festis solennibus administrari volumus, nonnunquam per Episcopum, siquidem præsens extiterit, nonnunquam verò Decanum, quandoque etiam per Canonicum vel Præbendarium (Ministrum ibidem maximè eminentem) eundemque decente Capa amictum, ac adjutum ab Evangelii & Epistole Lectoribus. De diebus Festis & Vestibus sacris dicemus suis locis. Diligentia & sinceritas in prædicando desideratur in Episcopis Anglicanis. Nam quidam raro concionantur, alii omnino cessant, ac si esset muneris ipsarum pars minima, ut refert Replicator contra Douwnam. Latimerus in Concionibus invehitur in Prælatos non docentes, Episcopos Dominos, Episcopos desides, quorum conciones rariores, ut fragilia semel singulis annis redeunt. Munus docendi est præcipuum munus Episcopi. Tametsi plerique eorum, nempe Pontificum Romanorum, inquit Bellarminus, non concionantur, tamen alios multos exercent actus pastorales, dum ligant, solvunt, dispensant, controversias judicant, Episcopos creant. Sic probe defunctos se putant præcipua muneris sui parte Anglicani, licet istorum pleraque aliis etiam commendent. De Pontificibus Romanis sic Tilenus; Ligant sanè, sed potius tanquam liatores & tortores, non ut doctores. Concionandi munus tanquam suo fastigio indignum in sordidissimorum monachorum mendicabula rejiciunt, non lingue vitio aut senio impediti, sed fastu fastidioque verbis Divini correpti ac corrupti. De Anglicanis in genere & gradu suo hæc eadem dici possunt. Tindallus Martyr in Libro de Obedientia de Episcopis hæc habet; Postquam deserunt Episcopi prædicare verbum, commenti sunt mutam istam confirmationis ceremoniam, ut aliquid saltem retinerent, quod in Diocesin suam potestatis signum esset. Reservarunt sibi etiam campanarum baptismationem, Ecclesiarum, cæmisteriorum, & altarium dedicationem & conjurationem, calicis consecrationes, quas confirmationes ut & alias conjurationes nunc commiserunt Suffraganeis, quia talibus ministrandis ipsi vacare non datur? partim quia libidine, delitiis, & rerum omnium affluentia, partim quia Regis & Regni negotiis impediti sunt. Unus est custos Privati, alius Magni, Sigilli; alius

est Confessarius, id est privatus proditor, aut occultus Iudas: Ille præses Senatus sanctioris, alius est Legatus, remissus est Regi à Consiliis. Væ regnis illis ubi illi à consiliis. Equè utiles sunt illi regna consilio suo, ac ovibus lupi vel anseribus vulpeculæ.

Ratione Functionis in rebus spectantibus ad Jurisdictionum;
 eaque est vel Delegata vel Ordinaria lege tributa. Delegata ei nonnunquam à Principe, non quatenus Episcopus, sed civis & subditus, ut si constituatur Eirenarcha, si à secretiori consilio Principis, si Legatus mittatur ad externum aliquem Principem. Vel quodvis aliud honestum Civile Munus demandatum habeat.

Quatenus Eirenarchæ Episcopi possunt in carcerem & vincula conjicere, quem furti, rapinæ, homicidii reum suspicantur, aut pacis & otii communis violatorem, & asservandum curare, donec convenerint cæteri Eirenarchæ. Inter Eirenarchas, qui in quoque Comitatu sunt numero triginta aut quadraginta, quidam sunt Primarii, Iustitarii Quorum dicti, quibus præcipuè in hac cura innititur Princeps. Inter primarios hosce sæpius cooptantur Episcopi. Habent Eirenarchæ Conventus Trimestres, in quibus inquiritur in suspectos & reos. Deinde denuò inquiritur & animadvertitur in foro Assisarum. *Assisæ quas dicimus, inquit Camdenus, in quolibet Comitatu bis anno habentur, in quibus duo Assisarum Iustitarii ad hoc deputati cum Eirenarchis sive pacis Iustitiariis comitati, & de civilibus & criminalibus cognoscunt.* Atque ita Episcopi quatenus Eirenarchæ cum aliis Eirenarchis seu pacis Iustitiariis debent celebrare sex Conventus; Concilia tamen ipsorum Diocesana sunt rariora. Sunt & quidam Episcopi à Secretiori Consilio Principis. Non solum Eirenarchæ, Consiliarii, & Legati munere fungi possunt, sed etiam quodvis aliud honestum Munus Civile exequi, ut hîc dicitur & à Mucketo p. 314. Supra audivimus Archiepiscopos & Episcopos in conventu trium Ordinum, cæterisque congressibus, præcedentiam habere. Constituunt in Comitibus majoribus, seu conventu trium Ordinum, Ordinem unum. Suprema & absoluta potestas regni, ut ait Smithius in Republica, residet in Comitibus majoribus seu Parlamento. *Parliamentum, ait Smithius, abrogat leges antiquas, fert novas, jura & possessiones privatorum, pondera & mensuras mutat, præscribit modum succedendi in regno, tributa, vectigalia, & capitationes: controversias, ubi non antè lata lex, dijudicat; famæ & ordini restituit, damnat aut absolvit quem Princeps ipsorum examini & judicio subijcit; denique, quicquid fieri potuit à Populo Romano in Comitibus Centuriatis aut Tributis, id à Parlamento Anglicano fieri potest, quod repræsentat, & potestatem habet totius Regni, tum Capitis tum Corporis.* Judices, ait idem Smithius, sunt Princeps, Domini temporales & Spirituales, Legati Comitatum & Civitatum. Quid possunt Episcopi quatenus Domini Parlamentarii, ex dictis pater. Sunt autem omnes Episcopi Anglicani Domini Parlamentarii & membra Senatus Superioris, sicut Nobiles & Barones alii qui ejusdem Senatus membra sunt. Legati autem Comitatum & Civitatum numero 300. aut 400. constituunt Senatum Inferiorem Parliamenti.

Supra etiam audivimus ex Cancellario Francisco Baccone, Cameram Stellatam consistere Personis tum Ecclesiasticis tum Sæcularibus, ut loquuntur. *In Camera verò Stellata tractantur criminalia, perjuriam, imposturæ, dolus malus, &c. ait edit. Franco-Camdenus. Iudices sunt Dominus Cancellarius Angliæ, D. Præses Consilii Privati, D. Just.*

Custos

Custos Privati Sigilli, D. Senescallus Hospitii, Secretarius Regius, Capitalis Justitiarius Angliæ, Magister Rotulorum, Magister Justitiarius communis Banci, & omnes Consiliarii status, tam Ecclesiastici quàm Laici, & ex Parlamento Baronibus illi quos Princeps advocabit. Causæ hujus fori numerantur à Smithio, raptus, imposturæ, aut crimen falsi, libelli famosi, conventicula illicita & similia. Pœnæ sunt carcer, multa, collistrigium. Denique quodcunque munus publicum Civile, quo Ecclesiastici fungebantur sub Papatu, hîc nomine honesti Muneris Civilis intelligitur, eodemque fungi nunc possunt Episcopi Anglicani. Functi sunt autem munere D. Cancellarii, D. Thesaurarii, Secretarii, Custodis Privati Sigilli, Capitalis Justitiarum, Custodis Magni Sigilli, & similibus. Johannes Mortonus Episcopus Eliensis, Warhamus Cantuariensis, Nevilius Cicestrensis, Burnellus Bathonensis & Wellensis, Edendonus Wintoniensis, Edmundus Stafford Exoniensis, Johannes Salmon Norwicensis erant Angliæ Cancellarii. Johannes Hotham, aliis Hothum, Episcopus Eliensis, Academiæ Oxoniensis, Fiscus Regii, & Angliæ Cancellarius, triplici Cancellariatu functus est, ut refert Godwinus in Commentario de Præsulibus Angliæ. Hubertum Walterum Archiepiscopum Cantuariensem Cancellarium creavit Richardus 1. & summum Angliæ Iudicem sive Justitiarium, omniumque ditionum tam in Angliâ quàm alibi se absente Præsidematque Gubernatorem, ac, præter alia multa, nobilium Pupillorum Regni (munus quæstiosissimum) illius fidei commisit. Petrus de Rupibus Episcopus Wintoniensis Anno 1214 factus est Angliæ summus Iudex sive Capitalis Justitiarius. Johannes de Kirkby Eliensis, Angliæ Thesaurarius, à tempore, inquit Osneiensis, quo nactus est Præsulatus celsitudinem, continuè usque ad finem vitæ fallibilis, officio Thesaurariæ Scaccarii D. Regis non segniter incumbebat; adeo ut de animarum sibi commissarum cura penitus non curaret. Quin etiam pretextu officii sui ultra modum prædecessorum suorum se extulit supra se, ut nomen Thesaurarii nomen Pontificis totaliter adumbraret. Nicolaus Bubwich Episcopus Londinensis fuit Angliæ Thesaurarius. Thomas Brentingham Episcopus Exoniensis anno 2. Richardi 2. Thesaurarius Angliæ constitutus est. Richardus Sampson Episcopus Coventriensis & Lichfeldensis Walliæ factus est Præses, eoque functus est munere ad secundum Edwardi Sexti. Johannes Whitgift Episcopus Wigorniensis Walliæ Propræses designatus eam rexit provinciam mensibus 30. quandiu nimirum Sidneus Proræx Hiberniæ præfuit. Ite Johannes Whitgift ætate nostra ad Episcopatum Cantuariensem evectus est. Decani & Archidiaconi etiam hisce publicis muneribus gaudebant olim in Papatu. Johannes Stafford, Henrico Quinto satagente, factus est Decanus Wellensis, Præbendarius Sarisburiensis, & Sigilli Privati Custos, ac dein Angliæ Thesaurarius. Tho. Beketus a Theobaldo Cantuariensi donatus Archidiaconatu Cantuariensi à Rege ad honoratissimum summum Angliæ Cancellarii munus provectus est; quatuor aut quinque annos Cancellariatus munere functus est antequam Theobaldo in Archiepiscopatu succederet. Johannes de Chishul Ecclesiæ D. Pauli Decanus, & Londinensis quandoque Archidiaconus, postquam magni Sigilli Custos fuisset, ac deinde Angliæ Thesaurarius, in Episcopum Londinensem consecratus est. Rogerus Waldenus ex summa pauperie tenuissimaque fortuna parvo temporis spatio Decanus evasit Eboracensis, & urbis Caletensis Thesaurarius, tum Secretarius Regius, ac inde summus Angliæ Thesaurarius. Wolsæus, postea Cardinalis, antè vero Eleemosynarius Regius, Lincolnienis Decanus. Lincelotus Andrews, cum Cicestrensis esset Episcopus & Iacobo Regi ab Eleemosynis, hîc, nempe ad Episcopatum Eliensem, translatus est. Hic est Auctor ille Torturæ Torti. Videmus jam, quænam alia sunt honesta illa Munera Civilia, quæ Episcopis Anglicanis demandari possunt a Principe, nempe Cancellarii, Secretarii, Capitalis Justitiarum, Custodis magni & privati Sigilli, Præsidis & Propræsidis Walliæ; Eleemo-

Pag. 119.

Pag. 274.

Pag. 316.

Pag. 223.

P. 182.

P. 242.

P. 246.

P. 193.

P. 335.

Eleemosynarii, & similibus. Unde & nonnulli (inquit Vir pius & eruditus Guilielmus Traversus in Tractatu de Disciplina Ecclesiastica Ruppellæ excuso Anno 1574.) Eboracensis provincie Præfecturam & similibus munerum auctoritatem, quibus ^{Fol. 593} non ita pridem fungebantur, viris politicis omni dignitate præstantibus delatam esse, tanquam de illata injuria conqueruntur. Et certe qui Legati, Eirenarchæ, Consiliarii, Domini Parlamentarii, Judicis in Camera Stellata, Propriædis Walliæ, Custodis magni Sigilli, (quo munere jam fungitur Episcopus Lincolnensis,) Eleemosynarii Regii, personam sustinere possunt, Cancellarii, etiam Thesaurarii, Secretarii, Capitalis Justitarii munera avidè amplecterentur, si oblata essent; & a politicis ea sibi præripi haud dubiò indignantur. Habent etiam Episcopatus suis annexas Baronias & Baroniarum ratione Curias quas Baronis Curias vocant, in quibus Beneficiarii jurati Juratam constituunt, qui statuta sibi peculiaria condunt, quorum multa in Domini usum cedit. Anglicanorum feuda annexam habent etiam Clientelam Militarem. Saravia ait, quòd Feuda in Anglia quæ dantur Episcopis aliisque Ecclesiasticis nullam plerumque exigunt militiam, sed dantur in puram, ut nunc Præfules vocant, Eleemosynam: nihilominus tamen veteres omnes Episcopatus plurimos fundos, &c. Clientibus suis in feudo militari tenendos concesserunt, qui hac ratione militaria, aliaque obsequia debita, vice Episcoporum Regibus Angliæ præstant, ab eisque Episcopos sic immunes reddunt. Camdenus in Britannia editione Anglicana refert, ^{Pag. 276} Guilielmum primum instituisse, ut Episcopatus & Abbatia, quæ Baronias tenebant in pura & perpetua Eleemosyna, & hætenus libera erant ab omni obsequio sæculari, in posterum subjicerentur servitio militari, & præscripsisse quot quisque Episcopatus & Abbatia quæque ipsi & successoribus milites tempore militiae suppeditaret. Hoc igitur sensu annexa habent feuda Episcoporum Clientelam Militarem, nempe, ut si non ipsi, saltem alii ipsorum vice militarem operam præbeant. In Confessu Parlamentario dixit Thomas Arundellus Cantuariensis; ^{Godwinus in} quamquam ipsi non militarent, ^{Commenta-} clientes tamen & famulos ipsorum Regi nunquam ita defuisse, quin auxilia tulerint in omnibus bellis pro rata portione laicis multo copiosiora. Rex Guilielmus ^{rio de Præf.} reversus ab expeditione Wallica exposulare cepit cum illo, nempe Anselmo Cantuariensi, de militibus ab eo ad id bellum missis, ut & paucis & inertibus, & tamen non ^{2. libus p. 178.} optimè instructis. Prima Feudorum causa, ut observat Saravia, fuit Militia Equestris, ut Princeps equitatum & capitaneos semper haberet paratos ad reipublice defensionem: & feuda nihil aliud fuerunt in principio, quàm militiae stipendia, non hæreditaria, sed annuis pensionibus similia. Leges Clericum non idoneum tunc censebant, qui feudum teneat, nempe militare, sed pari ratione mulieres & impuberes excluderent aliosque omnes ad militandum ineptos; hodie tamen admittuntur, quia possunt debitum militiae obsequium, si quod debeatur, æquè ac mulieres & impuberes, per alium præstare. Sed quod datur Ecclesiæ & accipitur purè simpliciterque dandum & accipiendum est, non cum conditione talis obsequii. Nam Ecclesiasticorum non est milites ad bellum mittere, licet per se non militent. Vide de isto argumento plura supra pag. 9. An sint verò qui inter Episcopos Anglicanos per se militare teneantur, nondum mihi constat. Certum est Spencerum Norwicensem fuisse virum bellicosum, qui, ut ait Walsinghamus, erat anti-Godwinus ^{pag. 494.} siles belliger, velut aper frendens dentibus nec sibi nec hostibus parcens. Sed ex animi libidine potius quàm pro obsequio se bello immiscuit. Dunelmensem tamen Comitum Palatinum, cui libertates & jura omnia regnante Maria restituta fuisse refert Camdenus, Sancti Cuthberti vexillum in acie sua, ut arbitror, contra Scotos ^{Britann. pag. 601 edit.} ferendum curare tenetur. Utcunque est, arma viri bellumque gerant quis arma ferenda. ^{Francos.} Habent & Episcopi jurisdictionem ordinariam ratione officii in civilibus, utpote

causis de decimis & rebus testamentariis, quæ abusiue Ecclesiastica dicuntur. Sed missa Jurisdictione Ordinaria quam habent ratione officii, de qua postea, nos de Delegata Jurisdictione Civili solummodo nunc disserimus.

Ante legem latam utramque Jurisdictionem Ecclesiasticam & Politicam ab uno eodemque administrari potuisse, patet exemplo Melchisedeci, Jobi, & aliorum. Unde & conjunctionis harum jurisdictionum monumentum est vox *Cohen*, quæ quandoque Sacerdotem quandoque Principem & Præsidem politicum significat. Sed quum rempub. Israëliticam in eaque rite ordinatam Ecclesiam constituturus erat Dominus, potestates natura sua diversas diversis administratoribus committi voluit: nec postea ordinariè & regulariter in una coaluere persona. Ordinariè dico, quia extra ordinem quandoque collapsio respub. & Ecclesiæ statu Dominus excitavit Sacerdotes & Levitas, ut eundem instaurarent. Sic Heli & summus Pontifex & Judex politicus fuit; Samuel Levita, Propheta & Judex. Si corporis naturalis membrum aliquod adeo debile fuerit, ut officio suo fungi non possit, aliud opem feret. Ut si quis pedibus incedere non potest, manibus ambulabit; & manibus truncus, dentibus cibum accipiet. Ubi non sunt milites mercenarii, ipsi cives

De Potest.
Pont. Qu. 8.
Cap. 5;

possunt & debent armis civitatem defendere. Sic Clerici, non nisi deficientibus laicis, se debent secularibus negotiis immiscere, inquit Oecamus. Fortuitus casus non everit regulam. Dico etiam, regulariter, quia quæ contra legem veniunt, in exemplum non sunt trahenda; ut confusio illa investa Levitarum & Sacerdotum ambitione & avaritia post victorias partas per Maccabæos. Ut ista separatio satis perspicua erat in singularibus personis, sic etiam in Synedriis, tum majoribus, tum minoribus. Synedrium majus Civile distinctum erat ab Ecclesiastico, causis seu rebus, personis, & pœnis ac censuris. Summus Judex judicabat de sanguine, id est cæde & causis capitalibus, & de lite, id est causis civilibus rerum ad vitæ commoda pertinentium. Sacerdotes de plaga, id est, lepra & morbis sive incommodis, quæ ratione Ecclesiastica & Cereemoniali secundum legem distingui oportet, ut optimè interpretatur Franc. Junius in Deut. 17. Nam respectivè verba esse intelligenda diximus supra pag. 18. Amarias Sacerdos primarius præerat in Synedrio Ecclesiastico in omni negotio Jehovæ, id est causis sacris: Zebadias filius Iismaelis antecessor in domo Jehudæ id est in regno, in omni negotio regio, id est in politicis regni causis 2. Chron. 19. 11. In Talmudico tractatu de Synedrio, & in ultimo libro Iad Mosi Aegyptii, qui est de eodem argumento, legimus de ferri solum Principis in Synedrio locum, sapientissimo è septuaginta Synedris. Auctor illum appellat Rosh

Casaub.
Exercit. 13.
Ann. 31.
Num. 10.
p. 243, 244.

Hajeschiba, caput synedrii. Nam Jeshiba hoc loco idem est ac Beth Din, domus judicii, Curia aut confessus Judicum. Addit vero Maimonides, hunc præsidem illius confessus, qui Mosi personam referebat, à Sapientibus appellatum fuisse Nasi, principem: habuisse illum quasi vicarium, ad dexteram ipsi adsidentem, qui diceretur Ab Beth Din, Pater domus judicii. Quod autem hic Nasi fuerit Pontifex Maximus dictus, neque ullo testimonio probari potest, & ratio certa consutat. Summus Pontifex erat Præses ordinarius Synedrii Ecclesiastici, non autem Politici. Distinctorum Synedriorum exemplum habemus Jerem. 26. 8. 9. & seqq. Synedria similiter inferiora & minora alia erant Ecclesiastica, quæ in Synagogis exercebant Censuras Ecclesiasticas, alia Politica, quorum confessus habebatur in portis civitatum. Postquam verò Sacerdotes, qui Maccabæos sequuti sunt, potestatem politicam sibi arrogassent, actionum confu-

In Deut. 17. sio totam Ecclesiam & Rempublicam Judæorum occupavit. Etsi autem illius administrationis maxima sunt posterioribus illis temporibus corruptio, tamen vestigia non obscura & quasi rudera colligi ex Novo Testamento possunt, ex quibus fuisse adhuc per illud tempus distincta Consilia, quamvis retusa auctoritate ipsorum, demonstramus, inquit Junius

Junius; vide locum. At dices, etiam si distincta fuerint Synedria, cum majora tum minora, in Politicis tamen interfuisse etiam Levitas & Sacerdotes. Respon-
 deo; ut de jure responsa darent. *Judiciales Judæorum leges ab ipso Deo late sunt; & Defens. de
 jus Civile Judaicum pars Theologiæ fuit: unde factum est, ut in populo Dei idem fue- Gradib,
 rint Theologi & Jurisconsulti, ait Saravia. Si, ut de facto etiam suffragia ferrent, Ca. 11,
 respondendum, incorrupta manente administratione in Ecclesia & Politia non eos-
 dem Levitas & Sacerdotes utriusque Synedrii membra & judices fuisse. Cum enim
 numerosa esset tribus Levitica, & tot millia distributa in classes quot sufficerent
 cultui divino, supernumerarii constituti sunt Judices, moderatores, *schoterim*, ba-
 culiferi, id est apparitores, qui res judicatas exequabantur & baculo ac loro po-
 pulum ad præcepta observanda cogeant. Præterea à Judæorum politia necessa-
 riam non posse trahi consequentiam, faretur Bilsenus, cujus verba videat supra
 lector pag. 19. Et concessio unico Synedrio, illius exemplum non imitandum
 ostendimus pag. 19. 20. nam sequeretur ordinariam potestatem vitæ & necis pos-
 se habere Ecclesiasticos ex Dei instituto absque ulla Principis delegatione. Nec
 mirum, si talis fuisset administratio populi Israëliti: nam leges eorum judicia-
 les fere omnes erant mixtæ, & partim ceremoniales. Nam ceremoniales obser-
 vantias habebant in cibis, vestibus, aratione, agrorum redemptione. Imò ipsa
 terra erat typica. Omnia, ut ait Apostolus 1. Cor. 10. *contingebant illis in figura: 1.2 Qu. 104;
 & totus status illius populi, ut ait Aquinas, figuralis erat. Denique spiritualia tem- Art. 2.
 poralibus adumbrabantur. Auctoritas Pontificalis in nova lege spiritualior est, & ma- De Pot. Pontif. Qu.
 gis à terrenis negotiis elongata, quam fuerat auctoritas Pontificalis in Veteri Lege; quæ- Pontif. Qu.
 admodum lex nova est magis spiritualis quam vetus, inquit Occamus. Bellarminus, 1. Cap. 12.
 Regem sacerdotis officium invadere in Veteri Testamento non potuisse cum pro- De Pontif.
 basset, ait munera Sacerdotum in Novo Testamento esse longè augustiora quam Lib. 1. Cap. 3.
 fuerant in Veteri. Nicolaus Papa in Epistola ad Michaellem Imperatorem, quæ
 incipit, *Præposueramus*, ait; *Fuerunt hæc ante adventum Christi, ut quidam typicè re-
 ges simul & sacerdotes existerent, quod sanctum Melchisedech fuisse sancta producit historia,
 quodque in membris suis diabolus imitatus (utpote qui semper, quæ divino cultui conve-
 niunt sibi met tyrannico spiritu vindicare contendit) ut Pagani Imperatores idem & ma-
 ximi Pontifices. Sed cum ad verum ventum est eundem Regem, dicerentur atque Pontifi-
 cem ultra sibi nec Imperator jura Pontificatus arripuit, nec Pontifex nomen Imperatori-
 um usurpavit: quoniam idem Mediator Dei & hominum, homo Christus Jesus, sic acti-
 bus propriis & dignitatibus distinctis officia potestatis utriusque discrevit, propria volens
 medicinali humilitate sursum efferrî, non humana superbia rursus in infernum demergi, ut
 & Christiani Imperatores pro æterna vita Pontificibus indigerent, & Pontifices pro cursu
 temporalium tantummodo rerum Imperialibus legibus uterentur, quatenus spiritualis actio
 carnalibus distaret incurfibus, & ideo militans Deo minimè se negotiis secularibus imple-
 caret, ac vicissim non ille rebus divinis præsidere videretur qui esset negotiis secularibus
 implicatus. Quæramus igitur veritatem in veritate Novi, non in umbra Veteris
 Testamenti. Christus exemplo suo docuit, quid facere debeant Ministri Euange-
 lii; fuit enim ipse minister Euangelii: hereditatis tamen heriscundæ potestatem
 recusavit, ut à munere suo alienam Luc. 12. 24. Bellarminus ipse ait, *Dominum in
 hoc mundo suscepisse personam Pontificis, non Principis temporalis, & illis verbis monus-
 se simplices Pontifices, ne se misceant alienis negotiis. Nec judex dignatur esse litum,
 nec arbiter facultatum, inquit Ambrosius. Johannis 8. in adulteram ferre sententiam
 renuit, & Joh. 6. 15. cum nosset venturos, & se abrepturos, ut facerent se regem, se-
 cessit rursus in montem solus ipse. Inde Bellarminus observat quod sequitur; Apparet
 ergo cum noluisse acceptare electionem suam in Regem. Nec invasit politica, nec obla-****

Videm.

ta arripuit. Regnum Christi non erat ex hoc mundo Joh. 18. Venit in hunc mundum absque armorum strepitu, observatione & pompa, & ut ros. caeli descendens in vellus Gedeonis. Ejecit è templo eementes boves & oves Johan. 2. sed sciendum Christum non eiecisse illos homines ex templo, quasi Pontificia vel Regia potestate, sed more prophetarum, zelo quodam divino, quo Principes occidit scortatores & Helias prophetas Baal, ait Bellarminus. Imo extraordinario modo exeruit vim Divinæ potestatis. Sicut exemplo suo pramonstravit, quid Apostoli & omnes deinceps Pastores facerent, sic etiam verbis docuit. Non permittit discipulo quem vocabat ad annuntiandum Euangelium, ut prius sepeliret patrem, sed statim sequi jubet. Sine ut mortui sepeliant mortuos suos: tu vero profectus annuncia regnum Dei Luc. 9. 60. Noluit illum retardari officio pietatis in parentes, quod jure naturæ debetur; de muneribus civilibus quid igitur sentiendum? Non tulit leges Civiles secundum quas judicaret Ecclesia, nec commisit Apostolis pœnarum temporalium sed spirituum censurarum potestatem. Censuram Ecclesiæ suæ diversam constituit ab ea quæ fuit

Defens. c. 12.
Scet. 16.

tempore legis sub Mose: nihil enim eam habere voluit, quod esset Civilis Imperii, ne ejus prætextu leges juraque gentium civilesque administrationes Apostoli alique Ecclesiarum pastores perturbarent, aut sibi adsumerent, ait Saravia. Claves, non gladios, commisit Apostolis eorumque successoribus. Clavigeros, non ensiferos, eos constituit

An Mat. 27.

Dominus. Turba adversus Dominum gladiis armata processerat, & ipse recondi gladium præcepit, significans, quia eos non humano, sed oris sui gladio esset perempturus; inquit

De Considerat. l. 4.

Anselmus. Quid tu usurpare gladium tentas, quem Petrus jussus ponere in vaginam? ait Bernardus. Membrum Christi Rex, Membrum Christi Sacerdos, gladius Regis Censura

Epist. 40.

Curie, gladius Sacerdotalis Ecclesiasticæ rigor Disciplinæ; inquit Hildebertus. Quibus nec leges civiles, nec potestatem coactivam tradidit; Politicos Dominos non

De Considerat. l. 2.

constituit. Apostolis interdicitur Dominatus: i ergo tu, & tibi usurpare aude, aut dominans Apostolatum, aut Apostolicus dominatum. Forma Apostolica hæc est; interdicitur dominatio, indicitur ministratio; inquit Bernardus. Filii Zebedæi secundum opinionem, quæ jamdiu infederat animis Judæorum, somniabant regnum Christi fore terrenum, & Christum Monarcham potentissimum, ambiebant propterea locum à dextra & sinistra Christi, id est secundas partes in Imperio. Christus docet illos fore Ministros, non Dominos & Principes. Reges gentium dominantur in eas, & qui auctoritatem habent in eas, benefici vocantur, Vos autem non ita, Luc. 22. 25. 26. Et ne quis Regiam solummodo potestatem interdictam putet, Matthæus ait, οἱ ἀρχόντες τῶν ἐθνῶν principes gentium, & οἱ μεγάλοι Magnates. Dicunt, non prohiberi illis verbis Episcopis Dominatum, qualis esse potest Regum & Principum piorum, sed qualis est Regum ignorantium Deum, qui tyranni sunt potius quam Reges: & probant ex verborum proprietate. Nam Matthæus ait, καὶ αὐτοὶ ἐπὶ αὐτοὺς, id est violenter dominantur. Sed κατὰ in compositione non solum significat contrà, ut in κατὰ χεῖρας, κατὰ γυνάμιν, aut de, ut in κατὰ πόλιν, aut deorsum, ut in κατὰ φέρον, κατὰ βῆμα, & similibus, sed etiam intendit duntaxat significationem, ut in κατὰ φάρον, κατὰ νότον, &c. ita est verbum καὶ αὐτοὶ ἐπὶ αὐτοὺς, ut Gen. 1. 28. & Psal. 72. 8. & similia multa. Quapropter hic

Junius de Pontif. Lib. 5. Ca. 10.
Not. 6.

disputator & lingua Græca, & locis Scripturæ injuriam facit. Postremo confutat Lucas 22. 25. qui eadem verba repetens Christi, interpretatur secus. Reges, inquit, gentium dominantur eis, & qui habent eas in potestate vocantur benefici. Viderisne Christum simpliciter de dominatu agere, non de violento solum? Lucas utitur verbo simplici κυριεύειν. Sicut κυρῖν & καὶ αὐτοὶ ἐπὶ αὐτοὺς idem significant Græcis; ita & κυριεύειν, & κατὰ χεῖρας, sive usum speles sive analogiam; ait Tilenus noster. Vel cum Spalatenfi dicamus, includi verbo Græco violentiam, sed non injustam ut puta tyrannidem; sed legitimam, propter vim coactivam, quam habent principes omnes etiam justī &

Ibidem.

legi-

legitimi in suos subditos, qui ita dominantur, ut eis etiam invitis dominantur. Lib. 5. Cap. 2. Num. 6. Non erant adeo impudentes discipuli ut peterent tyrannidem sub Christo, nec tam rudes ut tyrannos illos constitutum crederent Christum. Denique Reges gentium plerique gubernarunt gentes majori cum laude quàm plerique Reges Judæorum & Israelitarum. Regia potestas etiam inter gentes & ethnicos est à Deo ordinata. *Dominativum igitur modum regendi, & potestativum sæculi observandum, Apostolis interdixit, ut ait Occamus. Et præceptorie & consultorie inhibuit, ait idem.* Aliud effugium querunt, & dicunt Christum interdixisse, ne potestatem & dominativum regendi modum sibi vendicarent ratione muneris proprii Apostolatus, non autem ne oblatam potestatem amplecterentur; sic Episcopos non quatenus sunt Episcopi. vi & virtute muneris Episcopalis posse sibi vendicare dominium publicum, tamen quatenus sunt cives regni seu Reipublicæ posse munera civilia obire, ut Eirenarchæ, Consiliarii, Cancellarii, & similia. At non ita limitat verba Christus, *vos autem quatenus Apostoli non sic*, sed simpliciter ait, *Vos autem non sic*. Remover omne dominium civile non modo à natura Apostolatus, sed etiam à personis Apostolorum, & vult incompatibiles, ut loquuntur, esse has duas potestates in uno eodemque subiecto. Alioquin facile potuissent regerere discipuli; Non quatenus pastores & doctores cupimus dominatum ullum politicum, sed quatenus cives regni & membra primaria seu principes imperii, quod arbitramur fore potentissimum & patentissimum. Sic hodie Episcopi Germaniæ qui sub Imperatore sunt etiam Principes Imperii; & sic tuetur Pontificum Principatum Bellarminus. *Sicut iisdem ovibus, ut sunt cives Reipublicæ dominantur. Princeps politicus, ita iisdem potest dominari eadem ratione Pontifex, si sit eorum Princeps politicus.* Sed revocant nostri ad interdictum Christi. Interdicitur dominatio, indicitur ministerium. Petro Jacobo & Johanni indicitur ministerium, & interdicitur dominatio, non solum quæ erant Apostoli, sed quia erant Apostoli. Dux sunt autem causæ, cur dominationem & principatum politicum interdixit Christus. Una est, quia ipsorum officium erat nudum & merum ministerium: nihil eos ideo voluit habere meri aut mixti imperii, aut ex jure Apostolico aut aliunde collatum; ne potentia Evangelii armis carnalibus potius quàm spiritualibus & virtute Spiritus inniti videretur. Nunc autem dux virgæ sunt, altera Regum gentium, alia discipulorum Christi: virga Regum gentium virga dominationis; virga discipulorum Christi virga directionis, virga pastoralis officii supra curam animarum sollicitè vigilantis: illa virga, quæ dominationis est, non est concessa ministris Evangelii pacis, ait Rupertus Abbas Tuitiensis. In criminibus, non in possessionibus, est potestas vestra, quoniam propter illa, & non propter has accepistis claves regni cælorum, prævaricatores exclusuri, non possessores. Quenam tibi major videtur potestas, peccata remittendi, an prædia dividendi? Habent hæc terrena & infima judices suos, Reges & Principes terræ: quid fines alienos invaditis? quid falcem vestram in alienam messem extenditis? Cur major vis esse domino, qui interpellatus à quodam dicente, Dic fratri meo, ut dividat mecum hereditatem, respondit, Quis me constituit judicem inter vos; inquit Bernardus. Alia autem ratio fuit, ne distraherentur à munere suo, cui totos vacare oportebat. Idcirco Paulus Apostolus dicit, se esse ἀφωρισμένοις εἰς εὐαγγέλιον θεῷ Rom. 1. 1. Quod præcepit Christus, Apostoli observarunt diligentissimè. Elymæ excæcatio, Ananiæ & Sapphiræ exanimatio, erant res extraordinariæ & miraculosæ, non à temporali Magistratum potestate, sed temporaria illa Apostolorum quæ δυνάμεις dicitur procedentes. Dum adhuc commorarentur unà Hierosolymis Apostoli, licet donis extraordinariis instructi, sentiebant tamen, se non pares fuisse utrique oneri, & ministrandi mensis, & prædicandi verbum; propterea Diaconos instituerunt. Non est

De Potestate
Pontif. Qu.
1. c. 7.

De Pont.
Lib. 5. Cap.
12.

In Mat. c. 10.

De Confid.
l. 1. 6.

Ad. Anxentium.

æquum nos derelicto sermone Dei ministrare mensis. Erant utraque hæc munia Ecclesiastica, utraque simul tamen obire reuerunt Apostoli. Episcopis tamen Anglicanis derelicto grege aulam sectari, & Regi ab eleemosynis esse, satis æquum videtur. De Wintoniensi sic olim Gualterus Mapezius in Libello, qui inscribitur *Plauctus super Episcopis*, hæc habet. *Wintoniensis Armiger, Præfides ad scaccarium, Ad computandum impiger, Piger ad Euangelium, Regis revolvens rotulum, Sic lucrum Lucam superat, Marco marcam præponderat, Et libræ librum subijci.* Ad aliud menfarum ministerium se recepit Wintoniensis, nempe ad tabulam illam quadrangularem Scaccarii Regii, ubi causæ quæ ad fiscum pertinent audiuntur. Gregorius, cujus verba extant in Gratiani Decreto, sic scribit: *Singula Ecclesiastici juris officia singulis quibusque personis singulatim committi jubemus. Sicut enim in uno corpore multa membra habemus, omnia autem membra non eundem actum habent; ita in Ecclesiæ corpore secundum veridicam Pauli sententiam in uno eodemque spiritu alii conferendum est hoc officium, alii committendum est illud: neque uni quantumlibet exercitæ personæ uno tempore duarum officia committenda sunt: quia si totum corpus est oculus, ubi auditus? Sicut enim varietas membrorum per diversa officia & robur corporis servat, & pulchritudinem repræsentat: ita varietas personarum per diversa nihilominus officia distributa & fortitudinem & venustatem sanctæ Dei Ecclesiæ manifestat. Et sicut indecorum est, ut in corpore humano alterum membrum alterius fungatur officio; ita nimirum noxium simulque turpissimum est, si singula rerum ministeria personis totidem non fuerint distributa.* Ex loco Apostoli ad Romanos Cap. 12. 6. 7. 8. argumentum promittit Gregorius, quo probat duo Officia Ecclesiastica uni non committenda esse, sicut jam vidimus in Diaconatu & Apostolatu. Si duo Ecclesiastica Officia non sunt uni committenda, multo minus Ecclesiasticum & Civile. Quod enim ad alia officia confertur, hoc religionis cultui atque huic nostro officio decerpitur; ait Ambrosius. Natura ipsa ἐν πρῶτῳ εἷν ἓν unum instrumentum unius rei usui aptavit: nec in corpore politico probandum est ὁ βελτιστολόχριον, aut δορυδρέπαινον, multo minus in Ecclesia. Nam spirituale debet esse ordinatius quam temporale. Nemo qui militat implicatur hujus vitæ negotiis, ut ei placeat à quo delectus est miles, 2. Tim. 2. 4. Ad clangorem tubæ & sonitum tympanæ semper paratus est miles, relicta uxore & familia, sequi ducem & imperatorem, quocunque vocarit. Nolunt regimen politicum hic vocari negotia sæculi seu hujus vitæ, Bellarminus, & alii adversarii, sed curam parandi victus, & proinde negotiationes, mercimonias, & similia. Sed negatur distinctio: nam id universe simpliciterque dicitur. Deinde si minus impedimentum vetatur; annon majus? est autem majus impedimentum Principis & Regiminis Politici, si quis bene desungi volet. Apostolus Act. 18. 3. mansit apud Aquilam & Priscillam, & operabatur, quia ejusdem erat artificii; erat autem ars illorum conficere tabernacula. Alibi ait; Laboramus operantes propriis manibus, 1. Cor. 4. 12. Item nocte ac die operando, ne cui vestrum oneri essemus, prædicavimus apud eos euangelium, 1. Theff. 2. 9. sic 2. Theff. 3. 8. Licet igitur parare victum artificio aliquo, si aliunde non suppetit unde vivamus. Rectè, nolunt compedibus ferreis, aureis tamen libenter implicari volunt Episcopi; licet gravius onerent aurei quam ferrei. Ubi jam illa limitatio per quatenus? Annon Episcopus implicatur negotiis hujus vitæ, quando ut civis regiminis politici cura distrahitur. Ridicula est igitur illa distinctio, & indigna alia refutatione quàm bubulci illius, qui Archiepiscopo Coloniensi eodemque Duce per pagum quandam incedente, eumque prosequente caterva militum, à risu temperare sibi non potuit. Interrogatus quæ causa risus, respondit valde sibi ridiculum videri, quod Petrus Apostolus sacerdotalis ordinis Princeps in tanta inopia vitam egisset, ut ejus successores adeo locupletarentur, & Regibus Sarrapisque

Dis. 89.
Cap. Sin-
gu. 3.

De Fuga Se-
culi c. 2.

Fun. de
Sont. l. 5. c.
10. Not. 15

pisque pares fierent. Objiciente Archiepiscopo, personam se duplicem sustinere, Ducis scilicet & Episcopi, majorem multo cachinnum sustulit; velim, inquit, hoc unum abs te doceri, cum hunc ducem, cujus personam geris, jam fato functum cacodæmones ad inferos rapient, quonam iturum Episcopum existimas. Vide Duarenum de Beneficiis & Ministris. l. 1. Cap. 4. ubi hæc refert ex Libro 6 Collectaneorum Fulgosii. Sed redeamus. Quemadmodum sæculi militibus non concedebatur procurationem alienorum negotiorum suscipere, & possessiones conducere, ne a signis suis avocentur milites, C. de Locato: sic & Clericis id non indulgetur, ut infra videbimus. Cautum erat lege civili in hunc modum; *Militem nec pro patre, vel matre, vel etiam uxore, nec ex sacro rescripto procuratorio nomine experiri oportet, cum neque defensionem alienam suscipere, vel redimere negotia, vel quasi suffragatorem accedere utilitate publica permittatur.* Milites cœlestis militiæ sunt semper quasi in procinctu vel in expeditione, multo magis igitur non sunt negotiis hujus vitæ implicandi. Sacrum munus ministerii assimilatur militiæ, Num. 4. 3. & 8. 24. 25. 1. Cor. 9. 7. Philip. 2. 25. Hieronymus hunc locum Pauli explicans ait; *Multo magis nos liberos esse à negotiis sæcularibus ut Christo placeamus.* Ambrosius; *Ecclesiasticus autem idcirco se Deo probet, ut huic devotus officium impleat quod spondit, in Dei rebus sollicitus, à sæculari negotio alienus. Non enim convenit unum duplicem habere professionem.* Apostolus 1. Cor. 6. cum fratres à fratribus in jus vocari, eorumque lites disceptari coram Magistratu infideli, cerneret; atque ita Christianismum exponi judicum profanorum ludibrio: ad arbitros & cognitores domesticos membra Ecclesiæ retrahit. Nec tamen constituit Pastores judices aut arbitros harum disceptationum, qui suis functionibus occupati erant, sed ait; *Itane non est inter vos sapiens, ne unus quidem, qui possit decernere inter fratres suos?* 1. Cor. 6. 5. Imò potius quàm judicio experiri coram injustis oporteat, *Si judicia habetis de iis quæ ad hujus vitæ usum pertinent κριτήρια βιωτικὰ, eos qui nullo loco habentur in ecclesia τὰς ἐξουθενμένους ἐν τῇ ἐκκλησίᾳ* eos subsellius collocate, 1. Cor. 6. 4. Lattimerus Episcopus Wigorniensis de Episcopis qui erant in Anglia regnante Edwardo 6. in Concione de Aratro hæc habet verba; *Ocupati sunt quidam in negotiis Regis, quidam sunt Legati, quidam Principi à Secretiori Consilio, quidam in Aula, alii Domini Parlamentarii, alii Præsides, & officinæ monetariæ Præpositi. Bene, Bene! Hoccine munus vestrum? Si Apostoli volebant derelicto sermone Dei fieri Diaconi, an debet quis propter curam officinæ monetariæ derelinquere? Audi, patria mea Anglia, quid dicat Apostolus, 1. Cor. 6. Itane non est inter vos sapiens, ne unus quidem, qui possit inter fratres suos decernere? Ad erubescentiam vestram dico, &c. Sic Anglia ad pudorem tibi incutiendum dico. Estne nobilis apud vos, qui Præsidis munus obeat, sed oportet Prælatum eo fungi? Estne quis sapiens in regno, qui præponatur monetariæ officinæ? Ad incutiendum vobis pudorem loquor, atque iterum, ad incutiendum vobis pudorem loquor. Si non sit inter vos sapiens, ne unus quidem, constituite lixam seu aquæ bajulum, sartorem ærarium, sutorem veteramentarium, municipium, pedisequum, præfectum monetarii. Præsidem create generosum fortune tenuioris, aliquem cubicularium, ingenuum vel stilo forensi legalem hominem, mendicum. Item; Est opprobrium nobilibus, ac si prudentiæ & eruditionis expertes omnino inepti essent ad talia munera, & omni religione soluti. Apostolus vocat judicia de disceptationibus istis ἐλάχιστα κριτήρια, id est de rebus minimi pretii, cujusmodi sunt τὰ βιωτικὰ: & proinde indigna quibus distrahantur Pastores, sed committenda potius iis, qui nullo loco habentur in Ecclesia. Oculum, qui prævidendis summus præminet, cura pulveris non obscuret, ait Gregorius. Quibus datum est judicium in majora, quidni contemnat judicare de terrenis possessionibus hominum, qui in cœlestibus & angelos judicabunt, ait Bernardus. Clemens*

De Cura

Pastorali.

De Confide-

Epist. rat. l. 1.

Epist. 1. ad Jacobum fratrem Domini. Neque enim iudicem aut cognitorem *secularium* negotiorum hodie te ordinare vult Christus: ne *præfocatus* præsentibus hominum curis non possis verbo Dei *vacare*, & secundum veritatis regulam *secernere* bonos à malis. *Ista*

Caus. 11. Qu. 1 c. 29. namque opera, quæ tibi minùs congruere superius exposuimus, exhibeant sibi invicem *vacantes* Laici: & te nemo occupet ab his studiis, per quæ salus omnibus datur. Vide Te quidem.

Distinct. 88. Cap. Perlatum. Gregorius Romano defensori; Perlatum est ad nos, reverendissimum fratrem nostrum Basilium Episcopum, velut unum de laicis in causis secularibus occupari, & prætoris mutuliter deferre. Quæ res quoniam & ipsum vilem reddit & reverentiam sacerdotalet annihilat, statim ut reverentia tua hoc præceptum suscepit. &c. Extant

Epist. ad Hemmonem. viri inter Ecclesiasticos, qui, relicto prædicandi officio & spiritali jurisdictione, eo se magis agnoscunt, si terrenis negotiis præponantur, & disceptationibus secularium sæpe interfint, ita ut in eorum conventibus quasi arbitri sedeant, & eorum consilium iudices fiant

Bezae Annot. in 1 Cor. 6. 1. Testimonia hæc omnia illustrant dictum locum 1. Cor. 6. Hæc illa est igitur Apostolica doctrina, ipsius Christi & mandato & exemplo plurimis locis confirmata, nedum ut utrumque gladium seu Petro seu aliis à Petro ulla Pastores concesserit. Quod si attente, ut oportuit, à veteribus illis Episcopis, ab ambicione fateor quæ mox illos sequuta est procul remotis, sed tamen ab Apostolica regula deficientibus, fuisset consideratum; neque seipsos tot laboribus fatigassent, de quibus alicubi conqueritur Augustinus, & Gregorius quoque Romanus, neque posteris invadenda Magistratuum potestati aditum, certo cum humani generis exitio tandem sequuturo, patefecissent.

Doctrinæ Christi & Apostolorum subijciam è Veterum scriptis paucula quædam in eandem sententiam. Canonum, qui Apostolorum inscribuntur, unus sic habet; Episcopus vel Presbyter vel Diaconus κοινὰς φροντίδας *seculares* curas non suscipiat; alioqui deponatur. Can. 81. diximus non oportere Episcopum vel Presbyterum seipsum eis δημοτικαῖς διακρίσεως ad publicas administrationes demittere, ἀλλὰ προσηκούναι ταῖς ἐκκλησιαστικαῖς χρείαις, sed in Ecclesiasticis negotiis versari. Can. 83. Episcopus vel Presbyter vel Diaconus exercitui vacans, & utraque obtinere volens ἐπαρκούν ἀρχὴν καὶ ἰσχυρίαν διακρίσιν Romanum scilicet Magistratum & sacerdotalem administrationem, deponatur. Cyprianus Presbyteris & Diaconis & plebi Furnis consistentibus, de Victore, qui Faustinum Presbyterum tutorem nominavit; Cum jampridem in Concilio Episcoporum statutum sit, ne quis de Clericis & Dei ministris tutorem vel curatorem testamenti suo constituat, quando singuli divino sacerdotio honorati, & in Clerico ministerio constituti, non nisi altari & sacrificiis deferre, & precibus atque orationibus vacare debeant. Scriptum est enim nemo militans Deo obligat se molestiis secularibus, ut possit placere ei cui se probavit. Quod cum de omnibus dictum sit, quanto magis molestiis & laqueis secularibus obligari non debent, qui divinis rebus & spiritalibus occupati ab Ecclesia recedere & ad terrenos & ad *seculares* actus vacare non possunt? Pamelius in hunc locum. Hoc autem Concilii statutum, ne quis Clericum tutorem vel Curatorem testamenti constituat, denuo renovatum est per Concilium Chalcedonenf. Can. 3. exceptis tutelis miserabilium personarum, & legitimis tutelis, ad quas per leges compelli poterant, sed & his legibus postea liberati sum Episcopi, Presbyteri, Diaconi, Subdiaconi, Monachi, Constitut. Justin. Imperato L. Generaliter. Cod. de Episcopis & Clericis quam Leoni Augusto perperam Gratianus ascribit 16. Quæst. 1. Generaliter. Hodie itaque nemo illorum ad legitimas tutelas tenetur, multo minus ad testamentarias aut dativas. Si tam rigiderant Africani in opera pietatis, quid putas de aliis negotiis magis alienis sentiebant? Synesius; Memeripsum sciens vix ad alterum pertinere posse, admiror eos, qui utraque possunt; mihi vires non sunt ut possim duobus dominis servire. Si qui verd sunt qui rerum diversarum aggressione non leduntur, illi possunt simul & sacerdotio fungi & civilibus præ-

Can. 6.

Lib. 1. Ep. 9.

Epist. 57.

præesse. Gregorius, Dei causam relinquimus, & ad terrena negotia festinamus; locum *Hom. 17.* sanctitatis accipimus, & terrenis actibus implicamur. Item, Dum nobis competentia relinquimus, & nobis non competentia cogitamus, peccata nostra barbaricis viribus sociamus. Hilarius ad Auxentium; Quibusnam suffragiis ad prædicandum Euangelium Apostoli usi sunt, quibus adjuti potestatibus Christum prædicarunt, gentesque omnes fere ex Idolis ad Deum transfulerunt? Anne aliquam sibi ab palatio dignitatem sumpserunt, hymnum Deo in carcere inter catenas & post flagella cantantes? At nunc proh dolor divinam fidem suffragia terrena commendant, inopsque virtutis suæ Christus, dum ambitio nomini suo conciliatur, arguitur. Bernardus de Consideratione ad Eugenium lib. 2. Non monstrabunt, puto, qui hoc dicunt ubi aliquando quispiam Apostolorum iudex sederit hominum aut divisor terminorum aut distributor terrarum. Sretisse denique lego Apostolos judicandos, sedisse judicantes non lego. Idem; Perspiciunt in palatio leges, sed Justiniani, non Domini. Qua mente obsecro sustines coram te semper silere istas, garrire illas. Extat titulus in Decretalibus Lib. 1. de Obligatis ad ratiocinia. Est autem illa obligatio vinculum quoddam reddens hominem impeditum ad Ecclesiastica ministeria, propter administrationes publicas forenses & privatas pupillorum. Duobus modis obligantur, primo ad tales actiones seu ministeria peragenda ad quæ obligantur ratione talis muneris, deinde ad reddendam rationem peracti muneris. Durante priore obligatione, Irregulares erant ad ordines suscipiendos Procuratores, Actores, Executores seu Curatores pupillorum seu Tutores. Qua ratione Curiales qui actu sunt membra Curie inepti sunt, ut ad clericatum assumantur; sic è converso qui jam actu ad ordinem ministerii promoti sunt, non debent iisdem administrationibus forensibus se immiscere aut aliorum sæcularium aut temporalium, quæ irregularitatem inducunt. Gratianus in Decreto. Generaliter sancimus, omnes viros re- *16. Qu. 1. Ca. 49.* verendissimos, Episcopos, necnon Presbyteros, sive Diaconos & Subdiaconos, & præcipue Monachos, licet non sint Clerici, immanitatem ipso jure omnis habere tutelæ, sive testamentariæ, sive dativæ, sive legitimæ; & non tutelæ solum eos expertes, sed etiam curæ: non solum pupillorum & adulatorum sed & furiosi & surdi & muti, & aliarum personarum, quibus tutores vel curatores à veteribus legibus dantur. Eos tamen Clericos & Monachos hujusmodi habere beneficium sancimus, qui apud sacrosanctas Ecclesias vel monasteria permanent, non divagantes neque circa divina ministeria desides: cum propter hoc ipsum beneficium eis indulgemus ut aliis omnibus derelictis Dei omnipotentis ministeriis inhereant. In Decretalium Libro Tertio titulus habetur, Ne Clerici vel Monachi sæcularibus negotiis se immisceant, ubi Capite primo prohibentur esse conductores sæcularium rerum, aut procuratores. Capite 2. ne ministri laicorum fiant, nec in rebus eorum procuratores existant: & Cap. 4. Sed nec procuraciones villarum aut jurisdictiones etiam sæculares sub aliquibus principibus & sæcularibus viris, ut justitarius eorum fiat, clericorum quisquam exercere præsumat. Si quis autem adversus hæc venire tentaverit, quia contra doctrinam Apostoli dicentis, Nemo militans Deo implicet se secularibus negotiis, sæculariter agit, ab Ecclesiastico fiat ministerio alienus: pro eo quod officio clericali neglecto, fluctibus sæculi, ut potestatibus placeat, se immergit. Episcopi tamen Anglicani, cum sunt pacis justitarii, aut judices in camera stellata, aliave munera obeunt quæ jurisdictionis sæcularis exercitium postulant, fluctibus sæculi, ut potestatibus vel sibi porius placeant, se immerguunt. Capite 8. Innocentius tertius; Fraternalitati tuæ mandamus, quatenus clericis in sacris ordinibus constitutis tabellionatus officium per beneficiorum subtractionem appellatione postposita interdicat. Capite 6. Alexander III. Londinensi Episcopo; Secundum instituta prædecessorum nostrorum sub interminatione anathematis prohibemus, ne monachi vel clerici lucricausa negotientur. Idem Alexander III. Cantuariensi Archiepiscopo Capite 5. Clericis

ricis in sacris ordinibus constitutis ex Concilio Toletano iudicium sanguinis agitare non licet. Unde prohibemus, ne aut per se truncationes membrorum faciant aut iudicent inferendas. Quod si quis tale quid fecerit, honore privetur & loco. Jubemus etiam sub interminatione anathematis, ne quis Sacerdos officium habeat Vicecomitis aut Præpositi secularis. Si qui autem contra hoc venire præsumpserit, & communitus emendare noluerit, excommunicationi subiaceat. Guilielmus Courtnejus Episcopus Cantuariensis, cum proceres nonnullos qui seditionis inter Regem & Optimates auctores ferebantur ad supplicium poposcissent; priusquam ea de re quicquam decerneretur, Archiepiscopus quem Canones prohibebant adesse, cum de sanguine ageretur, abductis secum suffraganeis suis à Parlamento discessit protestatione prius facta, quam vide supra pag. 57. Capite. Nono ejusdem tituli ab Innocentio tertio statutum, ut sententiam sanguinis nullus clericus dicat aut proferat, sed nec sanguinis vindictam exerceat, aut ubi exerceatur intersit, nec quisquam clericus literas dicat, aut scribat pro vindicta sanguinis destinandas. Nullus quoque Clericus ruptariis vel balistariis aut hujusmodi viris sanguinum præponatur. Non solum iudices in causis sanguinis, sed etiam curiales seu ministri justitiæ, ut tabelliones, procuratores, sollicitatores, & inferiores etiam ministri qui vel denuntiant vel scribunt sententiam, vel aliquod simile munus exhibent, aut quomodocunque ad causas sanguinis cooperantes, per Canones erant irregulares. Sed ridiculum est, quod Bonifacius VIII. in Sexto Decretalium decrevit. Episcopus, inquit, seu quicumque alius prælatus, vel clericus jurisdictionem obtinens temporalem, si, homicidio aut alio maleficio ab aliquibus in jurisdictione situ commissio, Ballivo suo aut alii cuicunque injungat, ut super hoc veritatem inquirens justitiæ debitum exequatur, irregularis conferri non debet; quamvis ipse ballivus vel alius contra malefactores ad pœnam sanguinis processerit justitia mediante. Nam licet clericis causas sanguinis agitare non liceat, eas tamen cum jurisdictionem obtinent temporalem debent & possunt metu irregularitatis cessante aliis delegare. Bozius ad istam objectionem, Papa & Episcopi qui habent præpositos sanguinis videntur occidere, Respondet verbis Alensis, Est auctoritas jubendi, est & auctoritas innuendi: gladium exerci non ad iussum sed ad nutum sacerdotis. Quàm frivola sunt ista? nam si ad ejus nutum præpositus sanguinis vel ballivus ad pœnam sanguinis processerit, nonne ad causam sanguinis efficacius & potentius cooperatur in causa sanguinis, quàm tabelliones aut alii curiales. Præterea an non idem est ad iussum & ad nutum occidere? quomodo possunt, quæso, iussum à nutu distinguere? nisi nutum mutum finxerint. Denique an non derivatur potestas præpositi vel ballivi ab Episcopo, qui habet temporalem jurisdictionem? Duces & Comites, qui habent temporalem jurisdictionem & regalia, non per se, sed per alios præpositos sanguinis procedunt ad pœnam sanguinis; communicata nimirum potestate gladii quam habent, inferioribus iudicibus. Non igitur pudeat Episcopos, qui talem habent potestatem, insignia sua cum baculo pastoralium tum gladio decorare, sicut fecit Luderus Monasteriensis. Dignum notatu est quod de Burggraviis habetur in Chronico Carionis. Designabantur Burggravii iudicio & arbitrio Imperatorum. Munus eorum erat, ut essent ceu custodes pacis publicæ, constituerent & gubernarent judicia publica, & omnem universim exercerent potestatem politicam loco Imperatorum, & eorundem auctoritate, in certis ac destinatis terris & regionibus, quæ attributa erant Ecclesiæ & Episcopis, concessione & beneficio Imperatorum. Episcopis enim (quibus sola rerum sacrarum administratio, & Ecclesiasticæ disciplinæ procuratio incumberebat, quæ verbo peragitur, & his commendata est divinitus) aut occupari sollicitudine curandarum & conficiendarum opum, aut versari & conspici in foro, aut jus gladii usurpare, nefas erat. Sed, Vetera Burggraviorum jura multis in locis paulatim fregerunt Episcopi, cum impatientia ali-

De temporali
li Monach.
lib. 3. ca. 7.

Lib. 5. p.
715.

Tag. 715.

alieni imperii potestatem politicā gubernationis rapuerunt, usi occasionebus superstitionis, qua fascinata tenebantur mentes omnium ordinum. Postea Episcoporum exemplo, idem fecerunt alii, donec attenuatis publicis Imperii viribus opibus & possessionibus, parem Comitibus Palatinis & Burgravibus in suis ditionibus singuli Principes & Episcopi consensu Imperatorum potestatem usurpare ceperunt.

Obiiciunt, Imperatores & Principes, qui donaverunt Episcopis Principatus temporales, fuisse viros pios; & plerisque eorum, qui ejusmodi opes & principatus receperunt. Sed non sequitur, pii fecerunt, ergo piæ. Nam & pii quoque non infrequenter zelo sine scientia traducuntur. In omnibus autem hisce Donationibus tria videnda sunt; zelus pietatis, quem in illis agnoscimus; scientia veritatis; & prudentia administrationis. Hæc duo desideramus plurimum. Nam etsi res suas alienare poterunt, tamen nec veri judicii nec prudentis fuit civilem administrationem in Ecclesiasticos transmutare. Petrus Ferrariensis non dubitavit Veteres Imperatores vocare stultos Cæsares, propter tales donationes. De Episcopis Simon Schardius; Diabolica superbia atque dominandi cupiditate elatos contra divinum præceptum secularibus negotiis sese implicare, falcem proterviam in messem non suam temere porrigere, utramque personam gerere. De origine & progressu hujus corruptelæ pauca dicenda sunt. Petrus Suavis in Historia Concilii Tridentini sic habet; Constantinus Imperator explorato hujus judicii, nempe Ecclesiastici, in controversiis terminandis fructu, quantumque posset vis religionis captivis ac fraudibus actionum detegendis, quas judices deprehendere non poterant; legem sanxit, ut à sententiis Episcoporum provocatio non esset, easque judices exequerentur. Quinimo, lite coram judice seculari pendente, quicumque esset causæ status, si alterutra pars, altera licet obluctante, Episcopum sibi judicem deposceret, illico ad ejus cognitionem lis uti referretur. Exinde judicium Episcopi cepit esse forense, & cum Magistratum haberet sententiæ exequutorem Jurisdictionis Episcopalis, item Audientiæ Episcopalis, & simulium Titulorum nomina sibi vendicare. Etiam Valens Imperator forum illud ampliandum censuit anno 365. inspectione in pretia rerum promercalium ei attributa. Quæ forensis negotiatio bonis moderatisque Antistitibus parum placebat. Refert enim Possidonius, Augustinum huic cognitioni interdum ad usque prandii horam, nonnunquam usque ad vespeream vacantem, solitum eam Angariam dicere, quæ animum à rebus ad se propriè spectantibus avocabat, perque eam res utiles omitti, ut perplexis ac tumultuosis incumberetur. Neque D. Paulum id sibi muneris sumpsisse, quod Prædicatori minus conveniebat, sed ad alios ablegasse. Episcoporum verò non nemine, autoritate per Constantini Legem concessa abutente, eadem Lex 70 post annis ab Arcadio & Honorio revocata; statutumque ut religionis modò causæ dijudicarent: civiles autem non aliter, nisi de partium voluntate & consensu, simul declaratum, nullum illis forum deberi. Quæ quidem lex, cum Romæ propter summam Episcopi potestatem parum attenderetur, Valentinianus anno 452. in ea ipsa urbe degens legem restauravit, & executioni curavit mandandam. Verum à Principibus insequentibus potestatis antea ademptæ bona pars reddita; Justiniano etiam forum stabiliente & Audientiam, iisque unà cum causis religionis delicta Clericorum Ecclesiastica & in Laicos varias jurisdictiones spontaneas assignante. Videtur confundere Ecclesiasticum Consistorium, ubi unà cum Senatu Presbyterorum judicabat Episcopus de Ecclesiasticis, cum cognitione rerum civilium ipsi absque Senatu permessa. Et quod de foro dicit, negant alii. Audiamus igitur jurisperitos. Constantinus Magnus legem sanxit, qua permittebat alteri parti litigantium, sive actori sive defensori, quicumque esset causæ status, in quacunque causa, sive antè sive post contestationem causæ, & quidem instante judicio, evocare causam ad Episcopum, etiam adversa parte obluctante, & ab eo sententiam judicii accipere sine appellatione. Lex inserta est Decretis Gratiani

Causa 11. Quæst. 1. Can. 35. Quicumque, & Can. 38. Omnes. Ratio redditur: Illud est enim veritatis auctoritate firmatum, illud incorruptum, quod à sacrosancto homine conscientia mentis illibate protulerit. Videndum itaque an unquam fuerat observata. Negatur, & non potuisse observari sine totius ordinis judiciarii corruptione dicitur. Nam quum judicia redduntur in invitum, & potestas illa sive facultas judicandi, quam nos jurisdictionem dicimus, consistat in eo potissimum, ut vi legum & auctoritate Magistratus quisque in officio retineatur; quam porro vim habuisset lex, quam potestatem Magistratus, si liberum cuique fuisset aut eum judicem admittere, aut ejus jurisdictionem pro arbitrio declinare? Quare lex illa interpretanda est de bono & salutari consilio, quod pius ille Imperator dabat ei, qui ab Episcopo evocabatur, ne judicium ipsius recusaret, tanquam prudentis arbitri; & sic Paulus Corinthios arguebat, quod judicio experirentur sub judicibus infidelibus: neque tamen vel Paulo vel Imperatori propositum fuit necessitatem imponere, qua judiciorum ordo everteretur. Probetur, eam legem unquam observatam fuisse, ut nimirum laica persona de re merè prophana unquam fuerit ad Episcopum evocata, nisi forte juramenti prætextus fuerit, aut similis alicujus facti spiritualis, & manus dabo; ait Benignus Milletotus in Divionensi Curia Consiliarius in Tractatu de Delicto Communi & Casu Privilegiato. Nec alio sensu intelligendam probat ex lege Arcadii & Honorii. Si qui ex consensu apud sacræ legis antistitem litigare voluerint, non vetabuntur: sed experientur illius in civili duntaxat negotio, more arbitri sponte residenti, judicium, Codic. Lib. 1. Titulo de Episcopali Audentia Lege 7. Hic tres notabiles observat adstrictiones Milletotus. 1. Ut adsit consensus partium. 2. Ut in civili duntaxat negotio, non in causis criminalibus. 3. More arbitri sponte residenti. Deinde lex illa bene intellecta magis tendebat in favorem laicorum, quibus permittebatur Episcoporum jurisdictionem subire, quam Ecclesiasticorum ad jurisdictionem amplandam. Nam ut jubebantur omnes hujus vitæ occupationes abjicere ne in ulla prorsus occupatione invenirentur mundani negotii occasione, ne præfocati præsentibus hominum curis non possent verbo Dei vacare, 11. Quæst. 1. Canon, Te quidem; meritò etiam dubitari possit, an liceret ipsis sedere arbitris ad componendas Christianorum lites: quod ipsis quidem istæ leges permittunt, sed nunquam imponere tamen necessitatem voluerunt ad eos confuziendi. Imperatores, Valens, Gratianus, & Valentinianus, statuerunt, ut causæ civiles Ecclesiasticorum tractarentur in Synodis Diœcesanis more controversiarum de rebus Ecclesiasticis, l. 23. Qui mos est C. Theod. de Episc. Eccl. & Cler. Imperatores, Valentinianus 2, Theodosius, & Arcadius, pro Synodis Episcopos constituerunt, sed nullam aliam cognitionem illis tribuerunt, quàm rerum Ecclesiasticarum l. 3. Graviter quæ est ult. C. Theodosii. de Episc. Judi. Ex hac lege extractus Canon ille, Continua 11. Quæst. 1. sed adeo truncatus ut legislatorum intentio prorsus evertatur. Eandem legem confirmarunt Arcadius & Honorius Leg. 1. Cod. Theod. de Relig. Quoties de religione agitur, Episcopos convenit agitare: cæteras verd causas, quæ ad ordinarios cognitores, vel ad usum publici juris pertinent, legibus oportet audiri. Et magis perspicuè Valentinianus Tertius Lib. Novel. Valent. 3. Tit. 12. de Episc. Judic. & Divin. Negot. De Episcopali judicio diversorum sæpe causatio est; ne ulterius querela procedat, necesse est præsentì lege sanciri. Itaque, quum inter Clericos jurgium vertitur, & ipsis litigatoribus convenit, habeat Episcopus licentiam judicandi, præeunte tamen vinculo Compromissi; quod & de Laicis, si consentiant, autoritas nostra permittit: aliter eos judices esse non patimur, nisi voluntas jurgantium interposita, sicut dictum est, conditione præcedat: quoniam constat Episcopos & Presbyteros forum legibus non habere, nec de aliis causis secundum Arcadii & Honorii divalia constituta, quæ Theodosianum corpus ostendit, præter religionem posse cognoscere. Si ambo ejusdem officii litigatores nolint, vel alteruter, agant publicis legibus & jure communi. Unde colligit

Milletotus, iis temporibus jus commune attribuisse iudicibus sæcularibus cognitionem omnium causarum, etiam Ecclesiasticorum, exceptis rebus spiritualibus, & ad religionem pertinentibus; ac per consequens jurisdictionem iudicum sæcularium in Ecclesiasticos fundamentum habuisse jus commune. Martianus Imperator l. 25. Cum. Cler. G. de Episc. & Cler. & l. 14. Decernimus C. de Episc. Audientia, istas constitutiones confirmans, addidit; si pro rebus prophanis actor laicus nollit coram Episcopo litigare adversus Ecclesiasticum defensorem, cognitio deferretur pro Clericis, qui suberant Archiepiscopo Constantinopolitano, ad Præfectum Prætorio. Leo & Anthemius ad alias etiam ditiones & provincias istam legem extenderunt, statueruntque, non admittentibus partibus iudicium Episcoporum sponte sua, ut iudices ordinari iudicarent; *apud suos iudices ordinarios, id est Provinciarum retores, omnium contra se agentium excipiant actiones l. 32. Omnes qui ubique & leg. 36. Subemus Sæc. Ult. C. de Episc. & Cleric.* Sic videmus, ad Justiniani usque tempora non potuisse Ecclesiasticos de aliis causis quàm spiritualibus cognoscere, & de aliis tantum ex Compromisso & more sedentis arbitri. Soli Imperatores Honorius & Theodosius videbantur multum auxisse potestatem Episcoporum, *leg. 41. Clericos C. Theod. de Episc. Eccl. & Cler.* sed explicata fuit & restricta per Valentiniani 3. Martiani, Leonis, & Anthemii, constitutiones, ut dictum. De delictis porro & criminibus, etiam Ecclesiasticorum, non concernentibus spiritualia, nunquam reperias temporibus dictorum Imperatorum ad Justinianum usque Episcopos cognovisse; inquit Milletotus. Authentica, *Ut Clerici apud proprios Episcopos primum conveniantur, & post hoc apud civiles iudices, pro civilibus causis, in quibus defensores erant Ecclesiastici, statuit; ut coram Episcopo tractentur, modo sit compendiaria disceptatio, & de plano, & ex non scripto examinetur negotium sine damnis, & accipiat formam etiam scriptam, si hoc partes quoque voluerint & poposcerint, & liberentur alterutro certamine. Si verò aut propter causæ naturam, id est, si controversia non pertinet ad Episcopi cognitionem, aut quandam forte difficultatem, id est si non vacet decidere negotium quod ad suam cognitionem pertinet, ut interpretatur Milletotus, non fuerit possibile Deo amabili Episcopo decidere negotium, tunc licentiam esse ad iudices civiles pergere.* In Criminalibus distinguens inter crimina Civilia & Ecclesiastica ait; *Si Ecclesiasticum sit delictum egens castigatione Ecclesiastica & multa, Deo amabilis Episcopus hoc discernat nihil communicantibus charissimis provinciæ iudicibus. In criminibus autem civilibus Provinciarum Præsides sint iudices. Crimina Ecclesiastica appellat commissa in Disciplinam Ecclesiasticam; alia Civilia quæ etiam communia dici possunt, quia jure communi vel legibus publicis vindicantur.* In Ecclesiasticis castigationem & multam Ecclesiasticam tantum concedit. Repetit & confirmat Novella 123, eandem distinctionem, quam fecerat Novella 83. adjiciens se permittere, ei qui actionem criminis habet adversus Ecclesiasticum pro Delicto Civili aut communi coram Episcopo agere si volet. Non descendam ad corruptiora sæcula & impuros Canones. Nam Canones extant in Decretis, quibus edicitur ut non modo inter Clericos, sed quælibet inter Christianos ortæ controversiæ deferantur Ecclesiæ iudicio, & ab Ecclesiasticis decendantur. Caus. 11. Quæst. 1. Canon, Quæcunque, & Canon, Si qui ex fratribus. Nihilominus tamen certum est, ait Milletotus p. 26. *quo tempore Ecclesia sine controversia fuit maximè pura, nihil tam severè prohibitum fuisse Ecclesiasticis, quàm temporalibus negotiis se immiscere, quæ interdictio verbis Apostoli nititur; Nemo militans, &c. Cujus insequutus vestigia S. Clemens discipulus & successor S. Petri inter Canones Apostolicos ab ipso collectos hunc recenset, Episcopus aut Diaconus, sæculares curas ne suscipito, alioqui deponatur. Quod ipsum Concilii Carthag. 1. & 4. Chalcedonensi, Moguntino, & aliis*

Pag. 79.

Pag. 85.

confirmatur & ratum habetur. At sane tunc temporis nullam contentiosam jurisdictionem habebant, nullum forum legibus, sed audientiam & notionem duntaxat. Neque tamen in omnes personas neque indifferenter in omnibus casibus, sed in Ecclesiasticas tantum personas. In reliquis omnibus contentiosa omnis jurisdictio & omnis mundana negotiatio tam serio illis prohibita, ut Justinus Imperator in quadam constitutione, nempe Leg. 40. Cod. l. 1. Tit. 3. de Episcopis & Clericis, dicat absurdum esse, imo etiam opprobriosum, si peritos se disceptationum forensium velint ostendere; eisque multam imposuerit quinquaginta librarum auri, si Testamentorum resignationi & publicationi se immiscerent; Lege 23. consulta divalia Cod. lib. 6. tit. 23. de Testamentis. Cujus prohibitionis origo potest ad Concilium Carthaginense 4. referri, in quo Canon extat his verbis, Episcopus Testamentorum tuitionem non suscipiat. Johannes Bedæus Advocatus in Parlamento Parisiensi in Tractatu de Jure Regum hæc habet. Unde colligere promptum est, quanta sit malitia atque asinina imperitia eorum, qui Episcopum dicunt Dominum Parisiensem, Dominum Carnutensem, &c. Solus enim Rex locorum illorum Dominus est. Verum quidem est, in aliquibus provinciis Episcopos territorii Dominos esse, qualis est Episcopus Romanus, & aliquot Episcopi in Germania, quibus adversatur dictum Papæ Nicolai Epistola 8. dicentis, eos qui sub Evangelio reges sunt & sacerdotes esse membra Diaboli. Quicquid ergo prætexant Ecclesiastici, certum est, eos neque jurisdictionem habere ulla juris authoritate, neque partem ullam imperii meri aut mixti, quale est jurisdictio, vel titulo teste De Episcopali Audientia, qui differt à titulo de Jurisdictione omnium judicum, in quem scribens doctus Cujacius, sic ait, Episcopi jurisdictionem non habent, nec forum, nec apparitionem, nec executionem.

Pag. 45.

Utcunque ab Imperatoribus acceperint Episcopi potestatem & jurisdictionem temporalem, sive delegatam, sive Episcopatibus annexam, ut fuit sæculis hæc posterioribus & post Feudorum leges introductas, graviter peccatum est. Nec ea prohibita emicuit in Ecclesiasticorum judiciis, quam expectabant Imperatores & Principes. Nec mirum: nam quibus religio non est suum munus negligere, & ἀποπροσηγορία esse; in alieno munere se nequitè gerere scelus non est. Id utinam saltem illi veteres tam probe cognovissent & tam prudenter cavissent, quam Sylvanus ille Troados tunc Episcopus, quum jam in immensum Tyrannis Episcopalis sub Arcadio & Theodosio juniore excrevisset, de quo libet exscribere quæ Nicephorus recitat Lib. 14. Cap. 39. Quoniam, inquit, is vir optimus erat, quum ii qui sub eo erant Clerici in causis, ut nugis undecunque inter eos qui judicio contenderent provenientius, veluti nundinationem instituerent; ne quis ex clero posthac causam judicaret, constituit; sed supplicantium libellos acceptos (en gradus Episcopalis fructum) uni ex fidelibus laicis, quem præcipue justè & æqui studiosum esse sciebat, accito dedit; eique judicio causarum commisso, de jure contententium nugamenta ad eum rejecit. An saniores ipsi Episcopi? nihil minus. Episcoporum non nemine authoritate per Constantini legem concessa abutente, eadem Lex 70. post annis ab Arcadio & Honorio revocata; supra dixit Petrus Suavis, & Pontificem Romanum parum attendisse ad legem Arcadii & Honorii, propterea à Valentiniano restauratam. De Episcopis Romanis & Alexandrinis sic Socrates. Verum gravis tum invidiæ flamma contra eos, nempe Novatianos, incensa fuit, cum Episcopatus Romanus non aliter atque Alexandrinus, quasi extra sacerdotii fines egressus, ad sæcularem principatum erat jam ante delapsus. Cum Episcopus Romanus Solis instar fulgeret, oportebat Episcopos coruscare ut minora sidera; alioquin fuisset instar ululæ ululantis in deserto absque grege concolorum avium. Ut igitur ipse Princeps erat in patrimonio Petri, curavit ut alii Episcopi crearentur Duces, Comites, Palatini, Barones, Cancellarii, Secretarii, Thesaurarii, Eirenarchæ, id est, ἀποπροσηγορία & παντοκράτωρ, adeo ut Antimus Trapezuntii Episcopus diceret,

Bez. a Annot.
in 1 Cor. 6.
1.

L. 7. c. 11.

ceret, Magnitudinem & dignitatem Sacerdoti non spirituales esse animarum curam, sed quandam Civilem Principatum, Constant. 5. Aët. 1. Pius 4. Pontifex cogitabat de constitutione sancienda, ne Episcopi Romæ & in Statu Ecclesiastico functionis secularis procuracionem suscipiant. Sed ab Legato Simoneta alisque suis Prælati monitus est, id magno Ecclesiasticorum præjudicio cessurum in Gallia, Polonia, & aliis regnis, in quibus Regibus sunt à Consiliis, & alia regni munera amplissima sustinent, quæ facile fuerit eis abrogare. Principibus exemplum sanctitatis suæ imitantibus & nobilitate seculari utilitatem propriarum aspectu ad id procurandum excitata. Quocirca si ita constitutum haberet exequi quæ destinasset, rebus id ipsis faceret, non lege scripta; ne Ordini Ecclesiastico aliis in regnis tam grave præjudicium afferret. Cum Johannes Baptista de Bernardis Episcopus Adiacensis, de Episcoporum absentia causa tollenda differens, dixisset in Concilio Tridentino. Absentia non aliam esse causam, nisi quod Episcopi in aulis Principum secularibus negotiis administrandis impliciti tenerentur, Judicum, Cancellariorum, Secretariorum, Consiliariorum, & Quæstorum munia obeuntes: adeo ut vix fere munus aliquod publicum reperiri, in quod Episcopus aliquis adlectus non sit. Hunc alieni muneris usurpationem prohibuit à D. Paulo necessarium ducente, ut qui Ecclesiæ militat secularibus abstineat negotiis. In summa urgebat, uti Synodi declaratione innotesceret cunctis, neque Episcopis neque aliis, quibus animarum cura incumbit, fas esse,ulare aliquod munus aut officium exercere. Sed Episcopus Quinqueecclesiensis Orator Cæsaris refragatus est, asserens; sic Ecclesiam universam & Principes omnes ab anno octingentesimo ad hunc usque diem damnandos, eo nomine quod jurisdictiones temporales donarint Episcopis, Episcopos quod acceperint: Ecclesiæ amplitudinem & singularem qua apud omnes est existimationem non aliunde magis provenire, quam quod dignitates Ecclesiasticæ viris illustribus & sanguinis nobilitate conspicuis deferantur, & amplissima in administratione publica munia Præsulibus demandentur, quorum si Ecclesiastici essent incapaces, tunc neminem è nobilitate ad Sacrum Ordinem aspiraturum, nullum Præfulem aliquo loco ac nomine futurum, imo Ecclesiam, quæ solis plebeis & plebeio more viventibus sic consisteret, in omnium opprobrium & contemptum ituram. Hæc & similia nullius momenti attulit. Sed hæc sententia commune omnium Præfulem applausu fuit accepta, etiam eorum qui residentiam de jure divino esse putabant: adeo potentes sunt in hominibus affectus, inquit Petrus Suavis, ad judicium, ne contradictiones possit discernere, corrumpendum. Omnia quæ supra diximus de Præsentia & Nonresidentibus huc afferti possunt; videat Lector. Tantum addam Cajetani sententiam de Episcopo Legato. Quocirca cum officium Episcopi præcipue circa spiritualia versetur, & spirituale est magis necessarium Ecclesiæ quam temporale, non licet Episcopus propter temporale negotium alterius personæ vel Ecclesiæ privaret Ecclesiam suam spirituali pastu, ad quem personæ suæ præsentia tenetur. Sed è contra optime faceret, si in temporalibus damnum sustineret suæ Ecclesiæ, ut alteri in spiritualibus subveniret. Similiter cum unum sit magis bonum necessarium quam aliud, puta negotium fidei vel pacis, quam ministratio sacramentorum, & hujusmodi; laudabiliter Episcopus pro negotio fidei vel pacis in aliena moratur Ecclesia. Et hac ratione Episcopi licite sunt Legati ad pacem inter reges Christianos componendam. Si enim cujusquam, inquit Ambrosius, officium pacem facere, Sacerdotis maxime officium est. Quod autem Legati eant promiscue ad temporalia negotia, abusio est. Scriptum est enim, nemo militans Deo, &c. Quod Episcopi Legati eant promiscue ad temporalia negotia, damnat Cajetanus; nec tamen omnino probandum est ut propter negotium pacis mittantur, ac si oratores Cæsarei ad pacem impetrandam argumentis destituti essent; nec propter negotium fidei magis aptus est Episcopus quam Presbyter. Neuter autem Legati pompam & magnificentiam ostentare debet, sed Oratoris simplicis, & Legati divini per-

Pet. Suavis
Hist. Conc.
Trid. l. 8 p.
812. edit.
Francof.

P. 549.

P. 550.

2. 2. Quæst.
185. Art. 5.

personam gerere. Quod de Episcopo ob munera sæcularia Non Residente dicitur, idem etiam de Residente occupato iisdem muneribus dici potest, quia Episcopus ad utramque simul tenetur; ad residentiam, & opus, ut objicienti respondet ibidem Cajetanus. Albertus Duimius Episcopus Vegliensis in Concilio Tridentino, multum immoratus est in illo Christi dicto, Bonus Pastor ante oves vadit, proprias oves vocat nominatim, currit per desertum ut unam perditam quærat, vitam pro ipsis ponit: quæ accipienda censet de omnibus iis, quos Christus pastores instituit, id est, de omnibus iis, qui habent curam animarum; Episcopis maxime, sicut D. Paulus dixit & scripsit. Quod si quis se minime reputabit Christi decreto ad hæc officia obligatum, aut semetipsum deprehendet Regnorum & Rerum publicarum negotiis utiliore, abjiciendum Pastoris munus, & secularibus tantum negotiis invigilandum: opus esse bene magnum uno officio recte fungi, duobus contrariis sane impossibile.

*Pet. Suavis
in Hist. Concil. Trid. Lib.
7. p. 723. edit.
Francofurt.
De Censuris
Disput. 51.
Sect. 3. Num.
19.*

Præponit difficultatem practicam Suarez. Videmus in Curiis Principum & Regum Clericos esse ordinarios Judices causarum civilium, & huic muneri esse deputatos, nec propterea censerī irregulares, vel ad usum ordinum, vel ad promotionem ad superiores, etiam durante tali munere: & tamen ministerium illud non minus implicat negotiis sæcularibus, quàm officium Advocati & similia. Nul- am potest excogitare solutionem in qua acquiescat, nisi istam. Nihilominus, inquit, usu receptum est, siue ex concessione Pontificum, siue quia consuetudo ita interpretata est ipsa jura, ut Clerici absque nota irregularitatis, vel alterius impedimenti canonici, possint esse Consilarii Regum in hujusmodi judicii seu tribunalibus; in quibus de convenienti regni gubernatione & providentia, vel ad summum de causis civilibus agitur. Aut enim hoc ministerium non est judicatum adeo repugnans Officio Clericali, præsertim quando Clericus curam animarum aut aliam specialem obligationem ratione beneficii non habet, vel certè propter commune bonum regni aliquid de rigore juris in hoc parte remissum est: ideoque hoc non est extendendum, sed quoad fieri possit limitandum. Sed concessio Pontificum jus Divinum violare non potest; nec contra illud præscribere consuetudo ostentorum annorum. Et cum Canones ipsi in hunc sensum torqueri non possunt, pravam esse oportet interpretationem, quæ à consuetudine & Pontificum concessione deducitur. Fatendum erat ingenuè contra ipsos Canones hac in re peccatum esse. Quod de communi bono regni obtenditur, quam frivolum sit, jam vidimus in Cajetano & Vegliensi. Commune istud quod dicitur Bonum Regni, fingitur ad detrimentum Ecclesiæ. Non sunt Ministri Euangelii, quales Persarum Magi aut Galilæorum Druides. Si senserit se aptiorem ad Regni & Reipublicæ negotia administranda, nec sit ullus aptior inter sæculares ex ordine Equestri aut Nobilium, imo ex infimo ordine, ut dixit supra Latimerus, tunc abdicet se ministerio, ut Episcopatum ejus accipiat alius magis idoneus. Nam nisi penitus collapsio utriusque & Reipublicæ & Ecclesiæ statu, adeo ut nec in Ecclesia ad sacrum ministerium, nec in Republica ad rerum sæcularium administrationem ullus sit aptior, ferenda non sunt animalia mixtumque genus prolesque biformis. Sed contrà cernimus in florentissimis regnis, in quibus unus ex mille inter Sæculares magis aptus est ad sæcularia administrandum, quàm Episcopus, tamen rudes & ineptos Episcopos ad maxima Regni munia evehi non absque gravissimo præjudicio in Sæculares. Dicit præterea Suarez, judicatum fuisse non adeo repugnans officio Clericali; & quare, quæso, ita judicatum, nisi quod compedibus aureis, ut supra dixi, non autem ferreis implicari voluerunt? Sic dicit Bellarminus, quod Potestas Ecclesiastica & Politica non sunt contrariæ, sed utraque bona, utraque laudabilis, & una alteri servit, ergo non pugnant inter se; imò magis diversa sunt pax & bellum, quàm bona temporalia & spiritualia, tamen unus & idem Rex simul præest Senatui & Exerci-

Exercitui, togatis & armatis. Datur Pro syllogismus, non pugnare inter se: nam res coordinate sunt in societate humana, sed negatur consequens, ergo simul in eodem homine esse posse utrumque Principatum sive administrationem illius. Non enim id solum videri opus est, ne inter se pugnent; verum etiam ut idem subiectum sit utriusque capax, atque ferendo par, ut Deo probetur vocatio, ut expediat publico. Neminem ordinariè à Deo vocatum ad Sacerdotium & ad Principatus temporalis administrationem ordinariè vocari concedimus 2. Tim. 2. negamus publico expedire, sive administrationem spiritualem, sive temporalem respexeris. Pacis & belli genus unum & finis communis est, licet modus differens: administrationi vero temporali & spirituali non item. Respondeat etiam Tilenus. Elenchus παρὰ τὸ ἐπὶ μὲν. Non pugnant inter se, non sunt contrariæ quotquot sunt artes ac disciplinæ aut legitimæ vocationes. Num propterea unus idemque homo par omnibus? puta, ut simul sit agricola & nauta, & medicus & Episcopus & miles & Rex & agas &c. Exclamemus hic cum Apostolo, Ad hæc quis idoneus? 2. Cor. 2. 16. Item. Ineptum consequens; quasi res terrenæ sive temporales & spirituales non magis inter se differant quàm toga & arma. Interim si ne id quidem fieri solet, aut aptè commodèque fieri potest, ut unus idemque, sive Senator sive Tribunus aut miles, simul sit togatus & sagatus sive armatus; quanto minus aptum & appositum, ut unus idemque Episcopus, & materiale tractet gladium & spirituale? id est armis à militia sua toto genere diversis utatur 2. Cor. 10. 4. Objici præterea potest; Quid si quis Ecclesiasticus sit Dominio Princeps, puta si dominium ad ipsum directè pervenerit, ortu, donatione, & similibus modis, & ad hæredes transferit non successores Ecclesiasticos, & è converso Princeps Dominio fiat Ecclesiasticus dono & vocatione Dei? Respondet Junius, oportere utrumque Politicæ administrationi renuntiare. Statuo simpliciter, duas illas procuraciones vel administrationes non esse conjungendas ab homine, qui ad utramvis liber est. Sic statuit Christus Matth. 20. sic docet ratio 2. Cor. 2. Ad hæc quis idoneus? Deus zelotes est: cujus qui administer est, si principatum politicum in se receperit, nec gravitatem suæ administrationis, nec vim divinæ zelotypiæ censendus est cognoscere. Sic qui est dominio Princeps, si dono & vocatione Dei Ecclesiasticus fieret, politicæ procuracioni & administrationi renuntiare debet. Nam eadem est via Athenis Thebas, quæ Thebis Athenas. Renuntiarunt quidam & dominio & procuracioni, & claustris se abdidit. Absurdum esset, si quis gestaret gladium ad vindictam, & simul Sacerdotio fungeretur in templo, sicut Malabarum Reges in India Orientali, qui simul & Reges sunt & Sacerdotes atque Brachmanes. Multo magis debet Ecclesiasticus ad quem dominium indirectè pervenit, nempe respectu Ecclesiæ, renuntiare procuracioni politicæ. Et talia Dominia non debent donari Ecclesiæ; multo minus administrari ab Ecclesiasticis dominiorum illorum Principatus. Quod de Principatu summo dicimus, idem de inferioribus administrationibus sentiendum est. Sed an non quatenus cives Regni & membra Reipublicæ possunt interesse Comitibus Ordinum, Ordinemque unum constituere, siquidem lex fundamentalis est ut Ecclesiastici constituent Tertium Ordinem? Respondeo, non possunt; nam eadem ratione quatenus cives possent omnia subire munia quorum capaces sunt cives, atque se implicare quibuscumque negotiis sæcularibus, ut supra dictum. Sic fierent Ecclesiastici Cancellarii, Secretarii, Custodes Sigilli, Præfecti Limitanei, Vicomites, Capitanei &c. Parliamentum est Suprema Curia, in qua leges feruntur, & judicatur cum de civilibus tum de criminalibus; potestas autem utraque & aliena est à munere ministri Evangelii. Deinde quatenus cives, repræsentantur in Comitibus per alios cives regni, ut legatos civitatum & comitatum; non debet Ecclesia duplici modo repræsentari in Comitibus regni, uno quatenus Ecclesia & communitas fidelium, alio quatenus com-

Junius de
Pont. l. 5.
ca. 9. Not. 7.
8.

Ibidem Not.
10. 11.

De Pontif.
l. 5. Ca. 9.
Not. 1.

munitas Civium. Nam priori modo universa fidelium totius regni communitas coagmentativè in unum congregata non potest nec debet ferre leges aut judicare de civilibus & criminalibus, multo minus repræsentativè per legatos suos. Nam licet eadem sit cum republica materialiter, & eadem sint utriusque membra; tamen quatenus est formaliter Ecclesia, est communitas spiritualis. Quatenus autem formaliter est communitas sæcularis seu temporalis, repræsentatur, ut dixi, per Sæculares, Legatos nempe Civitatum & Comitatum. Si universa fidelium communitas quatenus est communitas spiritualis non potest se immiscere negotiis sæcularibus, multo minus Clerici seu Ecclesiasticorum natio, qui sibi solis Ecclesiæ nomen vendicant ut eo nomine corpus per se constituent. Sed certè corpus illud multo magis amovendum est à Potestate Sæculari. Et quota quæso civium pars illi, ut separatim per se ordinem constituent quatenus cives? Sed audiamus Gentilem in Examine Concilii Tridentini. *Hujus Ordinis Hierarchici constitutio, (magnum præ se ferens splendoris fucum) privilegiorumque ab ipsis coarctatorum cumulus ingens effecerunt, ut tandem Ecclesiastici à Nobilitate & Popularibus distincti sint, statusque publici Ordinem Ecclesiasticum origine ultimum & ordine primum obtinuerint. Antea enim unusquisque eorum natalitio suo ordini iungebatur, Nobiles nempe Sacerdotes Nobilium ordini, & Populares Populæ: neque unquam à suis gregibus separabantur, quinimo hoc vinculo arctissime colligabantur. Ast ubi separatim ab aliis Ordinem obtinuerunt, & innumerabili Privilegiorum congerie (quam hodie multi Mare Magnum vocitant) partim à quorundam Principum indulgentia, partim vero maxime à Romani Pontificis profusa liberalitate sese munierunt, cæpit prisca illa, quæ inter Pastores & greges intercedebat unio, paulatim frigescere & obliterari. Præterea falsum est, lege fundamentali Episcopos & Abbates (nam hi sunt Domini Parlamentarii) constituere Ordinem Tertium, corpus regni non esse integrum absque isto Ordine, leges ferri absque eorum sententiis non posse. Willerus in Synopsi Papismi ait, nondum elapsos annos 400. à quibus dignitas ista à Regibus Angliæ collata Episcopis ut fierent Barones & Domini Parlamentarii. Author Abstracti pag. 216. sentit Henricum 2. concessisse hanc dignitatem Episcopis ut sint Domini Parlamentarii, & sedeant in Camera Stellata, quod colligit ex verbis Matthæi Paris. Archiepiscopi, Episcopi, & universæ personæ regni, qui de Rege tenent in capite, habeant possessiones de Rege sicut Baroniam, & inde respondeant Fusiliariis & Ministris Regis, & sequantur & faciant omnes consuetudines regias: & sicut ceteri Barones debent interesse judiciis Curie Regis cum Baronibus, quousque perveniat ad diminutionem membrorum, vel mortem. Non dicitur ibi, Inspeimus, nempe libertates & privilegia eis concessa à majoribus nostris, ut fieri solet in confirmationibus & repetitionibus antiquarum libertatum. Sed quia potest quis respondere, ibidem, antenumeratas libertates in genere, dici, Facta est recognitio sive recordatio cujusdam partis consuetudinum & libertatum antecessorum suorum, Regis videlicet Henrici avi sui & aliorum, quæ observari debeant in regno & ab omnibus teneri propter dissensiones & discordias sæpe emergentes inter Clerum & Fusiliarios Domini Regis & Magnatum Regni, Henricum alterum hujus Henrici 2. avum hanc dignitatem eis concessisse potius existimandum est. Facta autem est ista Recognitio apud Clarendonam anno 1164. Februarii 8. Sed ascendant ad ipsum Guillelmum Normanniæ Ducem, si velint, quingentorum circiter annorum dignitas erit. Assertor Politicæ Ecclesiasticæ pluribus exemplis probat, leges latas absque Prælatorum assensu & autoritate, imò & absque præsentia, quandoque etiam excluso Clero, ut in Statutis Edwardi Primi dicitur; Habito Rex cum Baronibus Parlamento & Clero excluso statutum est. Si Prælati interesse non debuerunt, cum ad statuta de diminutione membrorum, aut morte perveniretur; quid opus erat eorum præsentia aut suffragiis, cum leges*

Lib. 4. Sess.
23. Sess. 2.

Contr. 5.
Quest. 3.
Pag. 242.

Edit. Tig.
anni 1589.
pag. 97.

Pag. 96.

Pag. 167. &
Sess. 2.

leges ferendæ de possessionibus, &c. Multo magis desideratur eorum sententia, cum de capite quàm cum de bonis & fortunis agitur, quia bonis & fortunis vita charior est. Denique quomodo quæso repræsentant illi Ecclesiam, cum non sunt Legati Ecclesiarum, sicut alii sunt Civitatum & Comitatum, exceptis Nobilibus. Sed quid si Baroniarum ratione & quatenus Barones habent jus suffragii in Comitibus? Certe si Episcopi essent quales olim fuerunt, si de primitiis & decimis viverent, si Feuda & Baronias non possiderent, à dextera Principis in majoribus Comitibus non sederent. Non pietate ulla in Ecclesiam moti igitur hanc dignitatem & potestatem Prælati concedunt Principes, nec propter Christum. Nam Christus pauper & inops nullum ibi inveniret locum. Imò ut Hilarius ait ad Constantium, efficiunt Episcopos ne sint Episcopi. Et servum illud pecus Episcopi in Comitibus primi ferunt suffragia ad imponendum onera subditis. Væ illi regno, ut ait Tyndallus, ubi illi sunt à Consilio vel Regis vel Ordinum regni. Superest una quæstiuncula. Quandoquidem ferunt sententiam deliberativam, non decisivam, quid prohibet quin possint interesse Comitibus? Falsum est, ferre sententiam deliberativam solummodo: nam numerantur, non ponderantur ipsorum sententiæ, sicut aliorum qui habent jus suffragii; & jus suffragii quod habent Ordines non est deliberativum tantum, sed etiam decisivum: & licet Principi, quo jure nescio, concedatur suffragium negativum, non tamen potest absque eorum suffragiis statutum aliquod sceptro tangere. Parliamentum, ut ait Smithius, est suprema Curia, & membra sunt Judices. In superiori Senatu in medio super laeneis saccis sedent Judices regni, Magister Rotulorum & Secretarius: nullum tamen ferunt suffragium, sed adsunt solummodo ut consulti de jure respondeant, si difficultas aliqua orta fuerit, ait idem Smithius in Republica Anglicana. Non sic intersunt Episcopi, ut de jure divino consulti respondeant; sed numerantur eorum sententiæ. Imò si controversia aliqua aut difficultas orta fuerit in re religionis, consultitur convocatio Cleri; quæ semper celebratur Comitiorum tempore: hic & non alius, si ullus, est locus Episcoporum. In hoc cœtu repræsentatur Ordo Ecclesiasticus, licet more Pontificio non libera electione. Suntne peritiores juris divini & humani Præsules Anglicani equitando à Basilica Pauli ad Westmonasterium, quam Clerus Pedestris Domus Convocationis? Quid opus est duplici Episcoporum consultatione ac consensu, & in superiori Senatu, & in convocatione Cleri? Non sumus adeo rigidi, ut nullum locum demus Ecclesiasticis Comitiorum tempore. Si opus sit Theologorum consilio in re dubia & casu aliquo, ut dicunt, conscientiæ, advocentur, ut ex verbo Dei respondeant. Episcopis, qui sæpius indocti sunt, consilium istud non alligamus. Debet etiam Ecclesia Legatos suos mittere fidos & probos, qui postulata Ecclesiæ exhibeant Ordinibus, & curent ne quid Ecclesia detrimenti capiat, & nihil præterea sibi arrogent. Hic fuit mos Ecclesiæ Scoticanæ, Comitiorum tempore celebrare Concilium Nationale, ubi delecti Legati plures aut pauciores prout opus erat. Imo ipsa Synodus observabat, si quid tentaretur in jura & libertates Ecclesiæ. Non tamen Synodus aut Synodi Legati in legibus ferendis aut judiciis exercendis suffragia tulerunt: imo nec Legati semper interfuerunt dum ferrentur sententiæ, nec si aderant suffragia ferebant. Episcopi autem quasi Legati nati invita Ecclesia Ecclesiam repræsentare se dicunt, & Procuratores Dei & Ecclesiæ se jactitant, cum tamen sæpius sint proditores libertatum & Patriæ & Ecclesiæ, ut Creatori suo, qui donat ipsos Episcopatus, & quando libitum fuerit auferre potest, placeant.

Minister Evangelii propter simplicitatem Ministerii non debet dignitates sæculares amplecti: propter ejus dignitatem non debet se ad negotia terræ demittere

& judicia ista minima, ut Paulus vocat: propter ejus gravitatem non potest. *Intentus esto lectioni, exhortationi, doctrinae* Hæc meditare, in his esto: intentus esto tibi ipse & doctrinae, & permane in istis 1 Tim. 4. 13. 15. 16. *in sa tempestivè, & intempestivè* 2 Tim. 4. 2. Psalterium semper haberet in manibus. Ignis altaris continuo ardet, quem continuò fovere debet. Et propter decorum; *Absurdum namque est, si promiscuis actibus rerum turbentur officia & alii creditum alius subtrahat.* Cod. de Testamentis Leg. Consulta Divalia. In Ecclesia indecorum ut unum membrum fungatur officio plurium. Sic & in Republica. Non est dubitandum, quin Navicularii non debent Decuriones creari: quia utrunque officium gerere non possunt.

Jurisdictio Ordinaria Lege tributa in Diœcesi propria, estque vel Jurisdictionis exercendæ Nervus, vel Jurisdictio ipsa. Jurisdictionis exercendæ Nervus, ut censuræ Ecclesiasticæ, eæque sunt, vel quæ & Laicis & Ecclesiasticis possunt infligi, vel peculiaris in Ecclesiasticos. Quæ Laicis & Ecclesiasticis possunt infligi, ut Interdictio Divinorum, Monitio, Suspendio, vel ab ingressu Ecclesiæ, vel perceptione Sacramentorum, Excommunicatio, Anathematismus contra Hæreticum pertinacem. Peculiares in Ecclesiasticos; ut Sequestratio fructuum Ecclesiæ, Suspendio ab Officio, ab Officio & Beneficio, Deprivatio, Depositio, eaque vel verbalis per sententiam, vel realis, quæ Degradatio dicitur. Quorum nempe Censurarum Una, videlicet Excommunicatio, infligitur pro Contumacia sola, vel non se sistendo in judicio, vel non parendo mandatis Ecclesiasticis. Reliqua tam pro Contumacia quam pro actualibus Delictis.

De Polit.
pag. 315.

Monitio, inquit Mucketus, omnes fere Censuras Ecclesiasticas præcedit, & illarum vi nemo censetur Ethnicus & publicanus, nisi prius Ecclesiam non audierit sub Excommunicationis comminatione præcipientem. Excommunicatio Canonistis est duplex; Minor & Major. Minor est suspendio ab ingressu Ecclesiæ aut à sola Sacramentorum susceptione, quam Cyprianus vocat abstensionem: & propter contumaciam & alia delicta adhibetur, sed præcipue propter contumaciam in non comparendo in Curia Ecclesiasticis, aut non parendo illarum mandatis, quæ quandoque in rebus infimis potest esse summa; ait Mucketus. Suspendio ab ingressu Ecclesiæ privat precum publicarum & prædicationis verbi beneficio, ideoque non ad ædificationem sed destructionem introducta est. Hanc esse hujus suspensionis efficaciam, patet ex 5. Quæst. 2. Can. Præsenti. Ad conciones audiendas admittendi sunt omnes excommunicati, etiam excommunicatione majori. Nam verbi prædicationis est ordinarium Spiritus Sancti instrumentum, quo & convertuntur infideles, & lapsi ad vitæ emendationem & obedientiam revocantur. Non probanda est graduum distinctio, quos vetus Ecclesia in admittendis lapsis ad sacram Coenam servavit. Quinque loca poenæ obire oportebat, antequam ad sacram communionem pervenirent: quorum primus & ab altari remotissimus extra portas Ecclesiæ constitutus erat, qui *πρόκlausος* dicebatur,

pag. 416.

datur, quia qui in hoc loco consistebant non mittebantur ingredi in Ecclesiam, sed pro foribus flebant, & orationes fidelium postulabant, non solum à fidelibus sed etiam Catechumenis separati tres ut plurimum annos. Proximus gradus sive locus dicebatur ἀνάσσις, intra portas erat, unde audire verbum Dei cum Catechumenis poterant, sed non fas fuit iis, ut Competentibus, Ecclesiæ precibus interesse. Tertius locus qui ἐπίστωσις dictus, quasi dicas humiliatio, quo præcum participes non tamen admissi ad Cœnam sed unà cum Catechumenis exhibent. Quartus locus σύσσις dictus, ubi stabant unà cum fidelibus, sed Eucharistiæ participes nondum erant. Quintus πύθσις jus communicandi, cum jam Pœnitentiam absolvisset & solum expectabant tempus reconciliationis & participationis Eucharistiæ. D. Fildus ait, Excommunicationem Minorem excludere solum à Sacramentis, & dici Excommunicationem quando peccator est contumax nec vult subicere se Disciplinæ Ecclesiæ; sed si se submiserit, esse actum disciplinæ pœnitentialis, quam præscribit Ecclesia resipiscenibus. Excommunicatio Major est, inquit Mucketus, quæ peccator non solum à perceptione sacramentorum vel ingressu Ecclesiæ, sed toto fidelium consortio excluditur. Privatur precum publicarum beneficio, sacramentorum participatione, & privato fidelium consortio ac communione politica. Infertur Excommunicatio, vel à jure, vel ab homine, ait Canisius in Summa Juris Canonici. A jure, cum quis ipso facto absque judicis ministerio excommunicationi subditur, quæ & idcirco latæ sententiæ Excommunicatio nominatur. Quando Excommunicatio fertur ab homine ferendo legem stabilem ac permanentem obligantem sub pœna excommunicationis, quam ipso facto incurrant transgressores, dicitur fieri ab ipso Jure. Quando fertur ab homine proferendo sententiam, aut præcipiendo aliquid in singulari actione vel negotio, in quo non stabilitur jus aut statutum permanens sed transitorium mandatum, dicitur per antonomasiam ferri ab homine. Hæc mihi diviso in ea parte videtur jamdiu intolerabilis, in qua ponitur aliqua Excommunicatio sive à jure sive ab homine, in quam quis propter aliquod factum ex seipso incurrat, & non sit ipse nominatim per particularem actum ligatus excommunicatus. Video in hac Excommunicatione juris & ipso facto seu latæ sententiæ magnum Papatus arcanum latere, cui rudes & imperiti Canonistæ seu potius Decretistæ spiritum & robur addere sunt conati. Excommunicationem tamen hanc ipso facto latæ sententiæ nullam penitus esse nec in animam operari, mihi stat indubitatum. Dicit absurdissimum esse ut quis se excommunicaret, etiam ubi pœna juris est notissima, & factum similiter sit notorium, quod anticipata Excommunicatione puniri videatur, in quo casu adhuc necessitatem declaratoriæ requirunt Canonistæ. Sed tales declaratoriæ semper sunt falsæ & nullæ, quia hic nunquam fuit ligatus, & excommunicatio requirat speciale ligamentum. Hæc enim sunt vincula, quæ sine ligante, & sine præsentia ejus qui ligandus sit, non ligant. Quando ferebatur talis excommunicatio, tunc erat ligans & vinculum, sed ligandus nemo aderat: quando vero affuit ligandus, tum ligans non aderat; vinculum fortasse aderat, quod tamen sine ligante nemo potest constringere. Nisi igitur quando iste commisit factum, cui annexa erat juris Excommunicatio latæ sententiæ, tunc specialiter & nominatim excommunicetur, profecto Excommunicatio illa juris latæ sententiæ nihil penitus nocebit. Item. Excommunicare etenim est actu aliquem ligare, non potentia: non enim ligatur qui potest aut debet ligari, sed qui reipsa ligatur. Quomodo autem reipsa ligatur qui liganti est ignotus? Quod igitur Excommunicationis censura ita imponeretur per legem seu constitutionem, ut statim per transgressionem legis contrahatur ante sententiam judicis tam condemnatoriam quàm declaratoriam, damnat Spalatensis, & merito: nam si lex aut constitutio per se Excommunicationem infligeret, obligaretur ipse reus ad ejus executionem, quia non

intervenit ibi persona alia, à qua possit executioni mandari; & præterea nemo puniendus, nisi auditus aut contumax, ut juxta levitatem vel gravitatem delicti puniatur. Excommunicatio latae sententiæ non solum à jure sed ab homine, ut fertur in generali sub conditione peccati committendi; si quis commiserit tale peccatum excommunicatus sit ipso facto, ubi eadem rationes quæ in antedictis militant. Nullam igitur vim habent verba illa, ipso jure, vel facto, ante sententiam condemnatoriam, nec statim posito delicto inducunt effectum Excommunicationis. Isto tamen modo ferendi sententiam Excommunicationis crepant Constitutiones Anglicanæ: ut in Constitutionibus anni 1604. Regii in Ecclesiam Anglicanam Primatus impugnatores excommunicandi ipso facto, nec nisi per Archiepiscopum restituendi, Can. 2. *Quicumque in posterum affirmabit, Liturgiæ formam in Ecclesia Anglicana legibus stabilitam, & in Libro Precum Publicarum ac administrationis Sacramentorum comprehensam, corruptum superstitiosum aut illicitum esse Dei cultum, vel quicquam in se continere, quod Scripturarum Canonis sit contrarium, excommunicetur ipso facto, non nisi per Episcopum Diocesenum vel Archiepiscopum restituendus.* Can. 4. *Quicumque in posterum affirmabit, Ecclesiæ Anglicanæ ritus ac ceremonias legibus constitutos, impias Antichristianas aut superstitiosas esse, vel denique ejus generis, ut homines pii ac religiosi, quamvis legitima autoritate jussi, non possunt integra conscientia eas approbare aut observare, vel etiam (prout occasio tulerit) eisdem subscribere, excommunicetur ipso facto.* Can. 6. *Quicumque in posterum affirmabit, Ecclesiæ Anglicanæ sub Regia Majestate regimen & disciplinam per Archiepiscopos, Episcopos, Decanos, Archidiaconos, & reliquos ad ejusdem gubernaculum constitutos, Antichristianum esse ac Divino verbo contrarium, excommunicetur ipso facto.* Can. 7. *Quicumque in posterum affirmabit aut docebit, formam & ritum Episcopos Presbyteros & Diaconos ordinandi & inaugurandi quicquam in se continere, quod pugnet cum Verbo Divino, illosque omnes quotquot ad eum modum Episcopi Presbyteri & Diaconi ordinantur, non esse rite ordinatos, neque vel à seipsis vel ab aliis pro Episcopis Presbyteris aut Diaconis habendos, priusquam ad sacra illa officia aliam Ordinationem fuerint adepti, excommunicetur ipso facto.* Can. 8. Sic quotquot apud ipsos viri boni sunt purioris Cultus & Disciplinæ vindices, assertores, & defensores, sunt excommunicati ipso facto, more Pontificio. Sic imaginariis istis vinculis & terriculamentis Ordini suo reverentiam & obedientiam comparare se posse putant Episcopi. In Excommunicatione deinde consideranda est Persona Excommunicantis ceu Minister Excommunicationis. Mucketus sic; Hujus minoris Excommunicationis sententiam pro contumacia in non comparendo in judiciis Ecclesiasticis aliquis eruditus Presbyter (quamvis enim solus Episcopus ordinaria, delegata tamen potestate, ut in Supplemento ad Tertiam Partem rectè observavit Aquinas, Presbyter excommunicare potest) ab Episcopo auctoritate sufficienti munitus denuntiat, idque ex præscripto judicis, quem vocamus Episcopi Cancellarium, qui per Ecclesiæ nostræ constitutiones eum ad hanc Censuram ferendam tenetur accersere & sibi associare. Item; Secundum Ecclesiæ nostræ Canones quotiescunque Major Excommunicatio in immediatam pœnam cujusvis notoriæ hæreseos, schismatis, simoniæ, perjurii, usuræ, incestus, aut gravioris alicujus criminis, venerit infligenda, per Episcopum in propria persona pronuntiatur, unà cum ejusmodi frequentia & assistentia quæ ad majorem rei auctoritatem conciliandam conducere videbitur. Quod ait, in propria persona Episcopum pronuntiare sententiam Excommunicationis Majoris in pœnam hæreseos aut alicujus gravioris criminis, potest interdum fieri, sed non semper fit: & cur graviora à levioribus distinguit crimina? Tria damnamus in Ministro Excommunicationis, quod Episcopus sibi ut ordinariam excommunicandi potestatem arroget, quod singulari auctoritate eam exerceat, quod laicis eam dele-

De Politia
Ecclesiæ
Anglicanæ
Ca. 5. pag.
316.

Pag. 317.
318.

deleger. Excommunicationis Ministrum ordinarium esse quemvis Presbyterum, & ordinaria, non delegata, potestate excommunicare posse, Capite superiori probavimus. Singulari potestate eam exercere notum est. Quod de assistentia refert Muckerus, non de assistentia judicum aliorum intelligendum est. Nam ipse Episcopus est solus & unicus iudex. Cancellarius & si qui alii adsunt, nullum habent suffragium decisivum: sed sunt mera mancipia Episcopi, cui adhærent ut umbra corpori. Non adest hic Ecclesiasticus Senatus, seu Presbyterium verus, nec Capitulum, quod recentius. Si causas ut vocant instantiæ & lites civiles ad iudices civiles ablegaret, & causas quas vocant officii tractaret solummodo, non opus esset illi Cancellarii aut Jurisconsulti consilio. In causis officii peritiores sunt Presbyteri quam Cancellarii. Singulatam Episcopi potestatem in excommunicando Capite etiam superiori refutavimus. Delegant etiam aliis excommunicandi potestatem. Sed si solis Episcopis excommunicare liceat, non potest transferre in alium etiam Presbyterum hanc potestatem. Nam potestas clavium est potestas spiritualis. Apud Anglos tamen juris civilis Doctores, quales sunt Cancellarii & Officiales, ne in sacris quidem Ordinibus constituti hanc potestatem usurpant. Respondet Bilsonus; Nequaquam sibi Clavium potestatem Apostolis eorumque successoribus peculiari jure traditam assumunt, sed pœnam ob contumaciam infligunt, qua omnes illæ animadversiones continentur quæ legibus in eos sancitæ sunt qui Claves Ecclesiæ temere contemnunt, quocunque nomine appellantur; sive suspensio sit, sive condemnatio, aut excommunicatio, nihil refert, dummodo ne potestatem hanc divino, sed humano, sibi jure vendicent. Quamquam si sententia Canonis nullum non ejusmodi contemptum excommunicationis vinculo involvat, nihil cause est quin iudices civiles delinquentem in pœnam Canonis incidisse declarent. Nihil enim aliud est, quam si eum præfractè obstinatum adeoque excommunicationis reum decreto Canonis esse pronunciarent. Hæc sunt folia ficulnea, quibus Ecclesiæ suæ nuditatem tegere studet Bilsonus. Pœna ista est pœna spiritualis, qua reus privatur precum publicarum beneficio, sacramentorum perceptione, & fidelium consortio, quæ infligitur potestate clavium, qua ejicitur peccator extra Ecclesiam, & exponitur Satanæ. De Excommunicatione Canonis seu latæ sententiæ, quod imaginaria & nulla sit, ante ostendimus. Sed nec singuli Canones continent latam sententiam Excommunicationis. Et non solum declaratoriam, sed etiam condemnatoriam Excommunicationis sententiam, & hanc quidem sapius quam illam, ferunt. Sic se res habet. Sub Papatu potestas excommunicandi delegari potuit cuivis Clerico, etiam extra Ordines sacros constituto. Necessaria erat tantum prima tonsura, per quam quis constituebatur in Clericorum ordine. Laico autem non delegata fuit ista potestas. Et dicuntur Laici non solum illiterati, sed etiam literati dum tamen primam tonsuram non acceperint, ait Linvodium. De cætero vero cavendum à fraternitate vestra est, inquit Gregorius, Lib. 7. Epist. 66. ne secularibus viris, atque non sub regula nostra degentibus, res Ecclesiasticæ committantur, sed probatis de vestro officio Clericis. Extant verba apud Gratianum, Dist. 89. Capit. Judicatum. Concilium Hispal. 2. c. 9. Indecorum est vicarium Episcopi Laicum esse & seculares in Ecclesia judicare. Hæc potestas delegandi excommunicationem cuivis Clerico retinetur apud Anglos, nisi quod absurdius quàm Pontificii hanc potestatem delegarunt Cancellariis & Officialibus, qui jam non in Clericorum ordine, nedum ullo ordine sacro, constituti sunt, nec primam tonsuram accipiunt, ut in Clericorum ordine constituentur. Atque ita deterius se res habet in Ecclesia Anglicana quàm Romana seu Papana, nec tam bene inter se conveniunt, quæ ex Babylone transumpserunt. Author Abstracti refert, etiam alios laicos qui non erant Juris Civili Doctores excommunicasse, ut Bedellum,

De Guber.
Eccles. Cap.
14. p. 369.

Provincial.
Lindewod. l.
3. Tit. de Clericis Conjugatis Cap.
Cum ex eo.

dellum, Chippindalum, Glasierum, Talentinum, & alios, quorum quidam erant Diaconi, & proinde in sacro Ordine constituti, alii tamen non erant Diaconi. Non tamen Diaconis concedimus Excommunicandi potestatem delegatam. Aliud effugium quærunt, & dicunt, Cancellarios, Officiales, Commissarios decernere Excommunicationem, sed teneri accersere & sibi associare eruditum aliquem Presbyterum ab Episcopo autoritate sufficienti munitum qui sententiam excommunicationis denuntiet. Siccine novo commento illuderent Ecclesiis? Verum quidem est, inter articulos pro Clero, qui per Archiepiscopum, Episcopos, & reliquum Clerum Cantuariensis Provinciæ in Synodo Anno 1585. approbati, haberi verba ista. *Denique quod unusquisque Vicarius Generalis, officialis, seu Commissarius, qui Ordines Ecclesiasticos non susceperit, eruditum aliquem Presbyterum sibi accerset & associabit, qui sufficienti autoritate vel ab ipso in jurisdictione sua, vel ab Archidiacono Presbytero existente in jurisdictione sua munitus, idque ex præscripto ipsius judicis tunc præsentis, Excommunicationis sententiam pro contumacia denunciabit.* Vides hic sufficere, si Vicarius Generalis, Officialis aut Commissarius, Ecclesiasticos Ordines susceperint, ut puta, si sunt Diaconi, tunc non est accersendus Presbyter. Vides etiam obiter, Archidiaconum, si sit etiam Presbyter, posse Presbyterum munire potestate denunciandi sententiam. Sed ad rem ipsam accedamus: Cancellarius, Officialis aut Commissarius, etsi nullos Ordines susceperunt, decernere tamen Excommunicationem possunt: ex præscripto judicis, Cancellarii, nempe, ut supra dixit Mucketus, Officialis aut Commissarii, denuntiat sententiam Presbyter. Cancellarius est Judex item Officialis seu Commissarius, non autem Presbyter ille, quem tenetur accersere, & qui denunciat. Ille citat reum, cognoscit, judicat, & decernit, & format sententiam; Presbyter est tantum Minister vel potius Carnifex, qui verba ex scriptis recitat. Illustre exemplum habemus in Assertionem Politicæ Christianæ ut sequitur. *Johannes Hone Legum Doctor, Officialis venerabilis Domini Archidiaconi Surr. omnibus & singulis Rectoribus &c. salutem Cum nos rite & legitime procedentes omnes & singulos quorum nomina &c. in non comparando coram nobis, &c. seu saltem in non satisfaciendo mandatis nostris, &c. pronuntiaverimus contumaces, ipsosque &c. excommunicandos fore decreverimus. Cumque discretus vir Magister Roul. Allen Presbyter, eosdem omnes & singulos subscriptos, ex officio nostro excommunicaverit in scriptis, justitia id exigente; vobis igitur committimus, &c. quatenus eos omnes &c. sicut præfertur ex officio nostro mero excommunicatos fuisse, & esse, &c. palam denuntietis, &c. Datum sub Sigillo Officialitatis nostræ 19. die Decembris Domini 1587. Miser ille Curio Roulandus Alanus ex scripturis protulit verba sententiæ, sed excommunicati sunt tamen ex officio & decreto judicis, nempe Doctoris Hone Officialis, qui etiam Rectoribus & Parochis committit, ut denuntient excommunicatos fuisse. Tria hic sunt distinguenda, decretum Doctoris Hone Officialis, Presbyter proferens sententiam, & denuntiatio sententiæ per Rectores & Parochos. Nam post sententiâ illatam mittunt ad Parochos excommunicatorum nomina, ut cunctis convenientibus innotescat qui fuerant excommunicati, & sic excommunicatis ubique occludatur aditus Ecclesiasticus, & hoc propriè denuntiatio sententiæ dicitur. Quod ad primum, decretum nempe, non competit Officiali aut Cancellario Laico, & probatur ex constitutione Henrici Chichele Archiepiscopi Cantuariensis. *Cum ex eo quod Clerici conjugati, bigami, necnon laici jurisdictionem Ecclesiasticam exercere ac de criminibus & excessibus ad forum & coërcitionem Ecclesiæ pertinentibus; interdum suo interdum sub alieni nominis umbra seu velamine, investigare & inquirere, eaque punire & corrigere, ac excommunicationum literas & suspensionum decernere præsumunt, ac negotiorum correctionum hujusmodi scribere & registrarum ac registrarum eorundem custodes existunt, non modicum**

Pag. 388.

Lind. Pro-
vin. l. 3.
Titul. de
Cleric. Con-
jugatis Cap.
Cum eo

patia

patiat^{ur} Ecclesia scandalum, ac Ecclesiastica vilescat auctoritas & censura. Nos igitur hujusmodi scandalis occurrere, & Ecclesiæ honestati & decori providere volentes. Lindvodus in Glossa in verbum decernere; Non dicit excommunicare vel suspendere; & forsan legislator ex certa scientia sic scripsit, ut innueret quod personis prædictis etiam decernendo non licet se intromittere de rebus spiritualibus. Extra. de Judiciis, Cap. Decernimus. Ubi etiam prohibetur, ne Prælati laicis talia committant. Quod ad secundum, Presbyterum nempe proferentem verba; sciendum est, in ferenda Excommunicationis censura, quod primum sententia scribitur, deinde ex scriptis profertur. Non est autem necessarium ut ipse iudex proferat verba legendo perscriptum. *Quare probabile est, inquit Suarez, necessarium non esse ut iudex Ecclesiasticus per seipsum proferat censuram, quia & consuetudine magis receptum esse videtur, & ad finem intentum in illo Cap. 1. hoc non est necessarium. Nec verba ejus in omni proprietate sumpta id continent: dicitur enim iudex proferre, sive per se sive per ministrum proferat: alias oporteret etiam per seipsum talem sententiam scribere, quod nemo dicit: & hoc certius est in Episcopis, quos etiam dicti auctores excipiunt propter ipsius dignitatem.* Quod igitur Cancellarius vel Officialis in nullo ordine sacro constitutus Presbyterum auctoritate ab Episcopo munitum accersit, ut verba ex scriptis legat, fucus est ad fallendum simplices, vel potius illudendum Ecclesiis. Quod ad tertium attinet, nempe denuntiationem; oportet Parochum excommunicati, qui non accersitus & ordinis antecedentis ferendam sententiam & in ferenda sententia ignarus est, parœcianos suos certiores facere, N. excommunicatum esse. Et Roulandus Alanus curio triobolaris, eruditus scilicet Presbyter, profert ex scriptis sententiam Excommunicationis in Parœcianos aliorum Parochorum. Officialis & Curatus associati ut bos & asinus arant in agro Dominico. Nam Presbyter ille, quem associat sibi Cancellarius, est plerumque omnium infimus & imperitissimus, ut refert Author Defensionis Petitionis, p. 175. Sciendum præterea, non Episcopum modò, sed etiam Decanos Canonicos & Præbendarios in omnibus prope Angliæ Ecclesiis Cathedralibus & Collegiatis habere exemptas quasdam parœcias, in quibus omnes censuras spirituales ferunt vel per se vel per vicarios suos; imò, quod majus est, in regione Septentrionali integros Decanatus exemptos esse à jurisdictione Episcopali, in quibus Diaconi eorumve Vicarii non solum Testamenta probare, administrationem bonorum concedere possunt, sed etiam de criminibus Ecclesiasticis cognoscere, & censuras spirituales ferre, ut refert Assertor Politicæ Christianæ. *pag. 419.* Falsum est igitur, quod supra dixit Mucketus, Episcopum solum ordinaria, 420. Presbyterum delegata tantum, potestate excommunicare posse. Nam dicti omnes Decani & Canonici sunt tantum Presbyteri. Et ordinaria potestate excommunicare in Ecclesia Papana Pontificis Legatum à latere, Vicarium Episcopi, Vicarium electum à Capitulo sede vacante, dicit Suarez. *Denique omnes, qui ex aliquo ordinario munere & statuto Ecclesiæ hanc jurisdictionem habent, dici possunt illam ut ordinariam habere, ut Cardinales in propriis Ecclesiis in quibus suos Titulos habent, item Superiores Religionum. Denique multi sunt in Ecclesia Abbates, Archidiaconi, & Archipresbyteri, quibus quoad hanc partem Episcopalis jurisdictio communicata est, qui proinde illam ut ordinariam habebant.* Si Episcopus solus habet excommunicandi ordinariam potestatem, curendam Archidiaconis & Decanis seu Archipresbyteris permittunt Episcopi Anglicani? An Pontificis Romani exemptio, aut temporis præscriptio, contra jus divinum valere debent? Nullum, ut dicunt, *tempus currit Regi, nullum tempus currit Republicæ. Similiter; Nullum tempus currit Ecclesiæ. Nullum tempus currit Domino.* Videmus igitur morem veterem, qui fuit sub Papatu, retentum in Ecclesia

*De Censuris
Disp. 3.
Sect. 13.*

*De Censuris
Disp. 2.
Sect. 2.*

clesia Anglicana. Interim Presbyteri Parochi hac potestate, tum ordinaria tum delegata, privati ubique; & in eorum greges dominantur alieni. In Articulis pro Clero, in Capite de Excessibus circa Excommunicationem reformandis, habentur hæc verba. Nihilominus ut Excommunicatio, quæ autoritatis ac disciplinæ Ecclesiasticæ quasi nervus quidam ac vinculum habenda est, ad pristinum suum decus ac dignitatem reducat, Cautum est; ut quotiescunque censura ista in immediatam pœnam cuiusvis notoriæ hæreseos, schismatis, simoniæ, perjurii, usuræ, incestus, adulterii, seu gravioris alicujus criminis, venerit infligenda, sententia ipsa vel per Archiepiscopum, Episcopum, Decanum, Archidiaconum, vel Præbendarium (modo sacris Ordinibus & Ecclesiastica jurisdictione præditus fuerit) in propria persona pronunciabitur, unâ cum ejusmodi frequentia & assistentia quæ ad majorem autoritatem conciliandam conducere videbitur. Falsum est ergo, quod supra dixit Mucketus, Episcopum solum pronunciare sententiam Excommunicationis, quando censura ista infligenda est in immediatam pœnam gravioris criminis. Nam Præbendarii in sacris Ordinibus constituti, aut Ecclesiastica jurisdictione præditi, sicut ubique fere sunt, idem præstare possunt. Præterea hic sola pronuntiatio sententiæ reservatur, quam judicem ipsum proferre non est necesse. Sic de gravioribus criminibus, ut adulterio, incestu, &c. Cancellarius Episcopi judicare & censuram decernere nihilominus potest, etiamsi non sit in sacris Ordinibus constitutus. Eadem cautio adhibetur in Constitutionibus anni 1597. & iisdem verbis. Audiamus censuram Brightmani.

In Apocal.
Cap. 3. fol.
§9. in 8.

Quis est hic pristinus usus pronuntiandi sententiam per eos quorum nomina, dempto solo Episcopo, ne audita quidem erant in Ecclesia, quamdiu verum decus & dignitas Excommunicationis mansit? Quare nullus locus relinquitur Pastori cujusque cætus, cujus olim erat sententiam pronunciare? forsitan hujus nihil refert, quid sit suis ovibus, vel fieri potest ut minus sit idoneus, nec satis judicio & sapientia præditus. Revera nonnihil valere potuit hic metus jam olim: at nunc non debuit, cum eo tu nos liberaſti primo capite Constitutionum tuarum. Non est enim dubitandum, quin ille qui Præsentatione; Certificatorio, & reliquis instructus fuerit, quibus ibidem eum informasti, satis superque idoneus sit ad quamlibet partem sui muneris: vel si serio tecum agendum sit, quid impedit quo minus Pastor adhibito aliorum consilio, diligentique disquisitione facta, non tam pronuntiet sententiam, quam vel Episcopus vel Præbendarius vel quivis alius? At inquires, volumus hanc rem agi communi consilio, sed unius tantum stare arbitrio. Hæcne mens est tuæ reformationis, atque tamen audeas, pristini usus, decoris, & dignitatis meminisse? Christus jussit dicere Ecclesiæ. An unus aliquis hujus vicem sustinebit? Unus quidem ordinis gratia olim pronuntiabat sententiam, sed res judicata fuit, non ejus unius, sed totius Concilii arbitrio. Neque Paulus incestuosum excommunicari voluit, nisi congregatis & consentientibus fratribus 1. Cor. 5. 1. Atque sic Ecclesia per aliquot sæcula post, ut liquet ex Origene, Tertulliano, Cypriano, & alius. Idcirco mirarer te de pristina dignitate tam audacter polliceri, nisi cæcos scirem hominum ora non timere. Sed quid si hæc tua quam præfers emendatio viam etiam aperiat graviorum criminum impunitati? Commissarius, quamdiu ejus intererat, bis saltem quotannis æditus virtute juramenti compellebat, ut sceleratos deferret: nunc quorsum id agat nihil forsitan est, cum associatus sibi Presbyter sententiam in hujusmodi denuntiare non possit, Nec sane sperandum est, ut æditui sponte ad Episcopos, Archidiaconos, Præbendarios advolent, quos nesciunt ubi loci inveniunt vel longius forte absint, nec iter sine sumptu fieri potest; cum præsentibus, idque alienis sumptibus, vix sacramento possunt adigi, ut reos indicent. Hæc cogitasse te oportuit, nec adhibuisse remedium pejus ipso morbo. Habes hic luculentam Brightmanni censuram in Constitutionem istam. Sed videtur in posteriori parte non omnia examinasse. Scripserat ista forte post nuper editam Constitutionem, cum nondum perspecta fallacia

cia. Nam nihil prorsus video in illa Constitutione reservatum Episcopo, Decano, Archidiacono, aut Præbendario, præter sententiæ pronuntiationem. Possunt iidem, qui ante, iudices citare, iudicare, decernere; & Suarez ait non esse necessarium ut ipse iudex legendo ex scriptis verba sententiæ proferat. Excommunicant in Ecclesia Anglicana ob res leviculas valoris 12. forte denariorum, aut non persoluta feoda, ut vocant, sive salaria juris Ecclesiastici ministris debita, ut refert author Petitionis. Crimina & delicta, non debita pecuniaria, sunt materia sive objectum Excommunicationis. In Concilio Aurelianensi Quinto sic statutum; Nullus Sacerdotum quenkum recte fidei hominem pro parvis & levibus causis à communione suspendat, præter eas culpas quibus antiqui Patres ab Ecclesia arceri iusserunt committentes. Idem habetur in Wormatiensi c. 13. & merito, quum tot damna & incommoda Excommunicationem sequantur. In Ecclesia Anglicana, his excommunicationum vinculis constricti non possunt esse in Curis sive Civilibus sive Ecclesiasticis Actores aut testes: & si ultra 40 dies obstinati persistant, per Rescriptum Regium ex Cancellaria Curia manans, illud Episcopo postulante, carceri à Comitatus in quo degunt Vicecomite mandantur, donec Episcopo dederint sufficientem cautionem pignoratitiam, fidejussoriam, aut juratoriam, se ejus mandatis & decretis obtemperaturos. An permittendum cuivis igitur Officiali excommunicare ob non persoluta quæ debentur feoda Curie ministris, aut debita quæ ipsi decreverint actori solvenda. Monitio autem Excommunicationem antecedens persæpe non est Canonica. Apparitor, etsi non convenierit citandum domi, significat uxori aut famulis: si non dicto die comparuerit; ob contumaciam excommunicatur, sicut refert Defensor Petitionis pag. 181. Ut excommunicantur ob causas leves, sic etiam eadem facilitate absolvuntur, nempe persolutis feodis ministris curiæ aut debitis actori. Non excommunicantur neque absolvuntur præsentæ cœtu Ecclesiæ, sed in Curia Officialis aut Cancellarii. Ideo in Articulis pro Clero sic statutum. Volumus etiam, ut sicut constitutum est ejusdem Excommunicationem per ministrum Ecclesiæ denuntiari: ita ipse iudex de Absolutione ipsius Rei, post satisfactionem suam peractam, eundem ministrum certiorum faciat, qui eandem absolutionem populo publice denuntiat. Ac interim quod bene licebit dicto ministro Reum à sacris arcere & repellere, tanquam in Ecclesiam minime recipiendum, donec ejusmodi Certificatorium ab ipso Iudice exhibuerit. Vides sententiam ferri in Consistorio Episcopi per Episcopum aut ejus Cancellarium, in Consistorio Archidiaconi per Archidiaconum aut ejus Officialem; Parocho autem relinqui putram excommunicationis & absolutionis denuntiationem, quam nostri intimatio-nem vocant. Notandum etiam, quod verba, quibus fertur sententia, concipiuntur lingua Latina. Anathematismus, inquit Mucketus, tantum in pertinacem hereticum exeritur, quo iste tanquam publicus Dei hostis rejectus, maledictus, execratus, eterno judicio & damnationi devovetur. Anathema enim, ut notat Hieronymus in Cap. Primum ad Galatas, nomen est execrationis & maledictionis. Suarez Tomo Quinto in 3 Partem Summæ Aquinatis ait, Anathema substantialiter non differre ab Excommunicatione Majori, atque adeo omnem Excommunicationem quoad essentiam esse quoddam anathema, accipi autem interdum ut diversa, secundum aliquam accidentalem solennitatem vel gravitatem; quia excommunicari quis dicitur, quoties talis censura in eum fertur: anathematizari autem (præsertim cum sit ab homine) addere videtur publicam denuntiationem, cum quibusdam exterioribus signis ac ceremoniis terrorem & damnationem majorem indicantibus. Quando verò in excommunicationibus à jure latis adjungitur verbum illud, judicatur major gravitas delicti, & præsertim judicari solet peccatum hæresis aut schismatis, vel aliud æquivalens. Et proinde distinctionem esse tantum accidentariam in gravitate delicti, & in ceremoniis & in publica pro-

Mucketus de
Politia Eccl.
Angl. Cap.
5. pag. 318.

Pag. 318;

Disp. 8;
Sect. 2;

mulgatione. Non tamen potest se expedire difficultatibus quæ oriuntur ex decretis.

Caus. 3. Qu. 4. Cap. Engeltrudam. Engeltrudam uxorem Bosonis noveris non solum Excommunicatione quæ à fraterna societate separat, sed etiam Anathemate quod ab ipso Christi corpore quod est Ecclesia recedit, crebro percussam esse, inquit Johannes 8. scribens cuidam Episcopo. Excommunicatio Minor non separabat à fraterna societate; erat igitur in eam prius lata sententia Excommunicationis Majoris, sed crescentibus pertinacia & flagitiis Anathemate percussa ut acriori & maxima, quæ in Ecclesia est, poena. In Concilio Meldensi

Caus. 11. Qu. 2. Ca. Nemo. Cap. 56. statutum, ut Nemo Episcoporum quemlibet sine certa & manifesta peccati causa communione privet Ecclesiastica. Sub Anathemate autem sine conscientia Archiepiscopi aut Coepiscoporum nullum præsumat ponere, nisi unde Canonica docet auctoritas: quia anathema est æternæ mortis damnatio & non nisi pro mortali debet imponi crimine, & illi qui aliter non potuerit corrigi. Sylverius Papa de Guilifario, vel ut alii legunt Bellifario. Ego tamen propterea non dimisi nec dimitto officium meum: sed cum Episcopis, quos congregare potui, eos qui talia erga me egerunt anathematizavi, & unâ cum

Caus. 23. Qu. 24. Ca. Guilifarius. illis Apostolica & Synodali auctoritate statui, nullum unquam realiter decipiendum, sicut deceptus sum; & si aliquis deinceps ullum unquam Episcoporum totaliter deceperit, Anathema Maranatha feret in conspectu Dei & sanctorum Angelorum. Ex his Decretis colligi posse videtur, Anathema quoddam fuisse reipsa distinctum à Majori Excommunicatione, & non solennitate tantum aut accidentaliter diversum. Habuit Ecclesia Judæorum Tres Gradus Excommunicationis, Niddui, Cherem, & Schamatha. Niddui vox sumpta à verbo quod in eo sensu Esaias usurpat Cap. 66. 5. ut Drusus interpretatur, Quæstionum Lib. 1. Quæst. 9. significat propriè separationem. Qui excommunicatus erat per Niddui, dicebatur Menuddeh; qui excommunicabant eum Menaddim vocabantur. In Templo Salomonis erat (inquit Drusus in Joh. 9. 22.) Porta Lugentium & Separatorum, per quam lugentes & separati ingressi in Templum. Si labrum superius velaverant, sciebant fuisse lugentes, si non fuerat velatum, separatos seu coetu motos. Templum ingredi licebat, non item Synagogam, ut conjicit Drusus in Johan. 9. 22. Nam destructo templo lugentes & sponsi intrarunt Synagogas, secundum R. Juda. Separatorum autem nulla apud eum mentio. Separatis ingredientibus Templum dicebant: *Qui habitat in hac sede in dat cordi tuo ut audias verba sociorum tuorum.* Qui sic excommunicatus absque resipiscencia obiit, lapidabant urnam ejus. Hæc species Excommunicationis non multum dissimilis Excommunicationi Minori. Cherem, cum vox propriè sumitur, nam quandoque omnes excommunicationis species significabat, erat secunda species Excommunicationis, qua, qui priori specie non revocati, exterminati sunt ex Israele & pro incircumcisis habiti, cui respondet Excommunicatio Major & exponere Satanæ. Tertia dicitur Schammatha, vel eodem sensu Maranatha, id est Dominus venit, Maran Dominus, & atha venit, sic Schem, id est Nomen, pro nomine tetragrammato per antonomasiam, id est Domino, usurpatur. Hæc fuit ultima devotio & execratio, qua Domini judicio & adventui permittebatur is, qui tentatis omnibus remediis & officiis, deploratæ spei se peccatorem ostendit. Beza Presbyter venerabilis in 1. Cor. 16. 22. distribuit Excommunicationem in duas species, Nidui & Cherem id est Anathema, & Anathema in Simplex & Maranatha. Nam res Deo devotæ, quæ etsi redimi non poterant, tamen non peribant, sed Sacerdotibus cedebant, ut Num. 18. 14. Cherem nomine indigebantur. Cum Apostolus ait, Anathema Maranatha, conjungit genus Anathema cum specie una Maranatha. Ista specie Anathematis parcissimè & rarò utendum dicunt Theologi. Sed nescio an unquam utendum, nisi extra ordinem revelatum fuerit isto anathemate percutiendum peccasse in Spiritum Sanctum. Chrysostomus

tertiam speciem Anathematis nomine videtur intellexisse in Tractatu quo continetur non esse Anathemate utendum in Ecclesia Christiana. Ab excommunicatis Excommunicatione etiam Majore ædificandis, & ad frugem revocandis, non abstinere Ecclesia, sed ab Anathemate Maranatha percusso abstinere. Sylverii Papæ Anathematis Maranatha vibratio in Guilisarium erat Sacerdotis rabidi inane terculamentum.

Interdictum sequitur, quo universitas seu communitas (homo enim, inquit noster *Mucketus Lindvodus, proprie excommunicatur, & proprie locus interdictus*) ob publicum aliquod *de Polit. Ecles. Angl. p. 318.* delictum divinis officiis, sepultura, administratione & perceptione sacramentorum prohibetur. Suarez abstrahit propriam definitionem interdicti & à loco & personis, ab usu & activo & passivo, quia interdictum in genere ab hoc etiam præscindit, & interdum utroque modo, interdum altero, ferri potest, & definit in hunc modum. Interdictum est *Censura Ecclesiastica prohibens usum quarundam rerum divinarum, & fidelibus communem, quatenus talis est. Dictum, quatenus talis est, ut separaretur hæc Censura ab Excommunicatione.* Nam Excommunicatio privat quidem usum talium rerum sacrarum, non tamen quatenus est usus rei sacræ, sed quatenus est communicatio cum aliis fidelibus. Interdictum vero formaliter privat usu talis rei sacræ per se ac independentem à communicatione cum aliis. Excommunicatio privat non solum communicatione in divinis sed etiam humanis: interdictum vero solum privat usu rerum sacrarum, nec privat usu omnium rerum sacrarum, sed quarundam. Deinde dividitur interdictum in locale & personale. Locale directe fertur ad locum, quia in eo directe fieri divina officia interdicuntur. Hoc interdictum dicitur locale, quia prohibitio ejus proxime versatur circa locum, & intra illum continetur; tamen illam prohibitionem ad homines dirigi, qui in eo loco prohibentur divina audire, facere, aut recipere, quamvis non prohibeantur simpliciter seu extra talem locum. Atque hæc censura semper est pœna alicujus vel aliquorum hominum, proprie quidem illius ob cujus culpam interdictum ponitur, latè vero & quasi per communicationem etiam illorum quibus talis locus interdictus. Non ergo dicitur interdictum locale, quia non sit pœna & gravamen personarum: sed quia directe cadit in locum, & per illum in personas redundat. Interdictum personale immediate dirigitur ad personam, eique interdicat certum quendam usum divinarum rerum; differtque à precedenti, quod non terminatur ad certum locum. Nam si persona interdicta est simpliciter, prohibita est ne alicubi talibus officiis divinis uti valeat. Interdictum quod simul locale & personale est, Interdictum Complexum vocant. Interdictam quod Deambulatorium dicitur, est locale vel certe plura localia successivè continet, prout talis persona successivè mutat loca, & includit etiam personale vel formaliter vel virtute, ferturque hoc modo, Ubiunque Petrus fuerit, ille locus interdictus sit. Utrumque interdictum & locale & personale dividunt in generale & speciale. Generale locale est quod in aliquem locum quasi generalem & plura partialia loca complectentem dirigitur. Speciale, quo specialis locus, nimirum hæc vel illa Ecclesia, interdicatur. Speciale personale est quoties in singularem personam fertur, sive illa sit una sive plures, & sive certa sive incerta. Generale respicit aliquod corpus politicum collectivum plurium personarum, & personas singulas solum prout sunt partes talis communitatis. Omnes interdicti effectus ad tria capita revocantur, quæ sunt, privatio activa & passiva sacramentorum quorundam, privatio activa & passiva divinarum officiorum, privatio Ecclesiastica Sepulturæ. Non tamen interdicti tempore omnia sacramenta & divina officia interdicta sunt, sed permittitur Baptismus, Confirmatio, Pœnitentia, Eucharistia, sed duo posteriora duntaxat morientibus, item Missæ aliorumque divinarum officiorum celebratio, dummodo submissa voce, januis clausis, & campanis non pulsatis dicantur: 23. p. 357.

*De Censuris
Disp. 32. §. 2.*

*Canisius in
Summa Juris
Canonici
Lib. 3. Titul.*

cantur, præterquam in Festivitatibus Natalis Domini, Paschæ, Pentecostes, & Assumptionis D. Virginis, quibus divinatorum officiorum celebratio etiam pulsatis campanis, apertis januis, altaque voce admittitur, sicut latius constitutione Bonifacii 8. continetur. Interdictum personale, inquit Spalatensis, pars quædam est poenalis excommunicationis. Interdictum locale & generale, prout nunc propria esse censura asseritur & usurpatur, novum est & prisce Ecclesiæ inauditum. Subtile sane, sed tamen parum pium, ne dicam impium, inventum hoc prodit post millesimum jam à Christo annum, cui primam manum licet imperfectam admovit ille Hildebrandus, qui longe major Fove fuit fulminum jaculator. Successores Hildebrandi pro exemplari arripuisse notat interdictum ejusdem Abbatis nomine Odelrici, atque interdictum, quale nunc est, integrum & completum perperisse. Quodnam Evangelium, quæ Scriptura docet devianti à recta via homini per generalem divini cultus subtractionem esse succurrendum? Plebs tota fidelis alicujus magnæ Civitatis aut Provinciæ aut Regni, vel ipsa in aliqua re peccavit graviter vel nihil. Si ipsa peccavit, Sacerdotum est pro illa orare, illam docere, arguere, increpare, obsecrare, expiare, 2 Tim. 4. 2. Sed certè rarè admodum invenimus interdictum fuisse populum pro ipsius populi delicto: & quando delictum est universale, censuræ locum non habent. Si autem populus erit innocens, sed propter peccatum Principis populo ipsi divina omnia externa publica auferuntur, & tamen in judicio divino filius non portabit iniquitatem patris. Et infra. An vero pro privato homine excommunicato ferri solitum fuit interdictum? Quæro, vel plebs ei consentit in delicto, pro quo quis excommunicatus est, nec vult se ab eo separare, vel contra. Si consentit, non expellet neque tenetur ei vim adhibere; patietur etiam interdictum: si non consentit, illa non habet potestatem quenquam expellendi; & satis ei est, cum illo non communicare. Ecclesia tamen potest semper recurrere ad auxilium brachii sæcularis, & sic reus expelletur. Sed quorsum hæc expulsionès? quorsum turbæ? postquam Ecclesia excommunicavit, nihil aliud quod agat in illum habet, ut est communissimum omnium Sanctorum dictum. Si autem interdictum adhuc superesset, tunc excommunicatio non esset ultima pœna Ecclesiastica. Non ergo legitima est, sed spuria hæc censura, ac penitus abominanda, quam Ecclesia pro sua non agnoscit. Restat igitur ut propter Principes interdictum hoc fuerit excogitatum. Cum viderent Pontifices excommunicatis Principibus populum nihilominus adhærere, & Principes Excommunicationem floccipendere; experiri volebant an Odelrici inventum Principum Excommunicationibus vim addere posset: ideo populum cœlesti pabulo, divino cultu, & rebus sacris privarunt, ut populum in Principem concitarent, ut ait Spalatensis. Si interdictum justum in se esset, cum tamen multò plura & certiora mala producat, quàm bona, quæ vix illa unquam etiam levissima consequuntur, inde adhuc iniquius redditur & abominabilius. Si præterea ex injusta causa feratur, quod jam ut plurimum contingit, erit profecto interdictum maximè abominandum. Lindvodius ait, interdictum habere similitudinem cum excommunicatione minore, quæ à sacramentis tantùm separat, non à communionem fidelium. Unde, inquit, cum Excommunicatio Minor ab aula recesserit, Interdictum videtur quodammodo in ejus locum mutato nomine surrexisse.

Interdictum excipit, inquit Mucketus, corporalis pœnitentia, sic dicta, quia non solum interiori, sed etiam exteriori homine luenda, quæ publicæ in Ecclesia primum pœnitentiæ, quam Cyprianus Epistol. 10. Exomologesi vocat, est quam simillima. De ritibus solennis Pœnitentiæ in Ecclesia Anglicana sic habet. Eique, nempe reo qui compurgatores comparare non potuit, & ad tempus excommunicatur, per Excommunicationem humiliato (ut Ecclesiæ satisfiat & palam constet illum resipuisse) infligitur publica pœnitentia, quæ cum magis fuerit solennis his ritibus peragitur. Die aliquo Dominico, initio matutinarum precum, pœnitentiam acturus capite & pedibus nudus, limbo

De Republ.
Eccles. Lib. 5
Cap. 9.
Num. 38.

Num. 39.

Num. 41.

Provincial.
l. 2. Tit. de
Iurejurando
Cap. Evenit
verb. inter-
dicti.

De Politia
Eccles. An-
glic. 4. Cap. 6
pag. 228.

velamine candido à collo ad crura demisso indutus, albamque virgam manibus gestans, stat mœrens & lachrymabundus in porticu Ecclesiæ, illamque intrantium ardentes apud Deum, ut sibi agnoscat, preces humillime petit; & cum hoc modo paululum in porticu subfiterit, ipsam Ecclesiam ingessurus, se humi prosternit, terramque deosculatur, & inde elevatus recta adit templi meditullium, ubi in loco eminentiori, unde à tota congregatione possit conspici, & è regione Ministri sacra celebrantis erectus stans admonetur, quam tremendum scelus commiserit, quàm Deo exosum & Ecclesiæ scandalosum, quoddam offenso Deo nullo alio modo satisfiat, quàm per cruentum Christi sacrificium sibi viva fide applicandum, nec Ecclesiæ, quam per humilissimam peccati sui agnitionem, sinceram testificationem suæ pœnitentiæ, doloris, angoris pro illo perpetrato, non modo verbis & voce, sed lachrymis quàm potest uberrime fufis; sanctè promittendo tanquam in Dei & Angelorum conspectu, se, divina gratia auxiliante, per jugem Dei invocationem, verbi Divini meditationem, assidua pietatis & sanctimonie opera, contra mundi tentationes, carnis illecebras, & Satanae insidias diligentius in posterum vigilaturum. Et hæc pœnitens cum perfecit magna cum adstantium commiseratione, illique minister peccatorum remissionem annuntiaverit, ipse totam congregationem per viscera Jesu Christi suppliciter & obnixè rogat, ut sibi gravissimum scandalum quo illam affecit condonare, in suam sanctam communionem illum recipere, pro vero Ecclesiæ membro reputare, & in horum testimonium unà cum eo Dominicam Orationem alta voce recensere, ex Christiana sua charitate dignentur. In Scriptis Anglicanis plura non reperio de forma & ritibus solennis Pœnitentiæ. Nec quæ jam retulit Mucketus de lachrymis pœnitentis, de admonitione ministri pia & gravi, aliter quàm perfunctoriè ut pleraque alia geri arbitror. Quæ de pedibus nudis, alba virga, deoscultatione terræ, confusa Orationis Dominicæ recitatione refert, non modo superstitiosa, sed ridicula & absurda sunt. Linteam etiam velamen candidum à collo ad crura dimissum non probo. Corporales pœnitentiæ & opera pœnalia quæ vocarunt Veteres Satisfactiones, quomodo degenerarunt in Satisfactiones pro peccatis, omnibus notum est. Ipsa prima institutio harum satisfactionum non erat per se laudabilis. Nam nec Deo satisfit, nec Ecclesiæ satisfieri debet Operibus Pœnalibus, aut Pœnitentiis hisce corporalibus. Spiritualibus mediis uti debet Ecclesia, comminationibus legis, separatione à sacra communione, publica redargutione, & similibus; & ad domandum contumaciam, si aliter corrigi nequeat peccator, à fidelium consortio excludendus est, nec antè recipiendus quam satisfecerit Ecclesiæ, non operibus pœnalibus aut corporalibus his pœnitentiis quas injungunt reis, & quas subire & obire solent etiam pro forma hypocritæ absque interna & vera resipiscencia, sed persuadendo Ecclesiæ, quoad humanitus fieri potest, se seriò resipiscere, & quidem publicè pro publicis criminibus. Persuadebit autem efficacius naturalibus signis resipiscentiæ testimoniis, quàm injunctis, quas vocant, Pœnitentiis. Nam vera resipiscencia interna facile & sponte prorumpet in naturalia signa, dejectum vultum, lachrymas, pectoris tusionem, corporis humiliatorem, ingenuam confessionem, importunam fidelium & totius cœtus obtestationem, ut scandalum condonare, & una secum à Deo ipsi veniam deprecari, & in gremium suum recipere velint. Mutos stare pœnitentes ad tempus præscriptum loco publico non probo. Hæc & similia signa naturalia postulat publica resipiscencia, non tamen in omnibus omnia. Nam non omnibus datur lachrymas effundere. Et cum sic instantè instantius instantissimè, ut dicunt, reconciliationem petierit, & jam satis explorata sit Ecclesiæ ipsius resipiscencia, recipiendus est, nec observanda superstitiosè sunt tempora præscripta, sed contrahenda aut protractanda prout constiterit de seria illius resipiscencia, & semper rejiciendus donec Eccle-

Cap. 34.

Cap. 35.

Li. 3. Contr.

Parmen.

Epif. Cap. 2.

In Apoca-

lyps. Cap. 3.

fol. 69. in 8.

Decretal.

l. 5. Tit. 37.

Cap. Licet.

Ecclesiæ judicio satisfecerit, (alias satisfactiones non agnosco,) id est, donec Ecclesiæ satis persuasum fuerit eum serio resipiscere. Nam ut dicitur in Synodo Cabilonensi sub Carolo; *Non est pensanda Pœnitentia quantitate temporis, sed ardore mentis.* Item; *Multi, quod sine dolore dicendum non est, in pœnitentia non tam peccati remissionem quàm temporis constituti expectant expletionem.* Tempus quidem maxime oportunum edendi publicæ resipiscentiæ indicia est, dum sit conventus fidelium totius Ecclesiæ. Locus debet esse certus, & paulo eminentior, saltem talis, ut inde ab omnibus & audiri & conspici possit. Consistorialem Exomologesin, quæ publicam ex Ecclesia proscrit, & ubi jam scandalum per Ecclesiam aliquam latius propagatum est, miror, si qui sunt, qui tueri velint. *Quando ita cujusque crimen notum est omnibus, & omnibus execrabile apparet, ut vel nullos prorsus, vel non tales habeat defensores per quos possit schisma contingere, non dormiat severitas discipline;* inquit Augustinus. Sed redeamus ad Anglicana. Solennis Pœnitentiæ Anglicanæ ineptias supra vidimus; sed an sæpius ita ineptiunt? Ne quis forte putet rigidiores esse Præfules Anglicanos, sciendum est, rariora esse apud eos exempla publicæ Pœnitentiæ licet grassentur scandala. Apud eos commutatio Pœnitentiæ tollit fere omnem publicam pœnitentiam. *Anglicanæ Ecclesiæ Canones statuerunt, inquit Mucketus, si crimen non fuerit notorium & publicum, solennem pœnitentiam posse commutari in multam pecuniariam, in levamen pauperum ejusdem parœciæ, vel in alios pios usus erogandam, modo constitit eam esse ad reum reformandum saniozem & tutiorem rationem.* Habetur quidem Canon in Articulis pro Clero anni 1584. & in Capitulis seu Constitutionibus anni 1597. cujus Titulus *De moderanda solennis pœnitentiæ Commutatione*, ubi hæc eadem fere verba, de quo sic Brightmannus; *Prætereo Commutationem Pœnitentiæ, sæda officiorum & apparitorum excessus, de quibus tollendis potius quam moderandis agi debuisset, & Registra.* Sed quando est crimen notorium & publicum? Parkerus supra pag. 200. dixit Canonistarum interpretamento nullos pro notoriis habendos, nisi qui antea in fô Cathedralis Ecclesiæ condemnati sunt. Utrum sit notorium publicum delictum, necne, ipsi in Consistoriis judicant. Utrum verò commutanda sit pœnitentia in multam pecuniariam, oportet prius consuli Episcopum. *Ne qua posthac solennis pœnitentiæ commutatio nisi rarioribus gravioribusque de causis, atque adeo cum ipso Episcopo constitit eam esse ad reum reconciliandum & reformandum saniozem & tutiorem.* Quicumque vero absque Episcopi Diœcesani notitia pœnitentiam commutaverit, aut pecuniariam ratione commutationis hujusmodi solutam, in alios usus quàm supra est expressum, nempe relevamen pauperum ejusdem parœciæ vel alios pios usus, converterit, vel aliter præsentem hanc constitutionem violaverit: is ab executione officii per eundem Diœcesanum per integros tres menses suspendetur. Capitulum istud habetur in Constitutionibus anni 1597. Sic Episcopum videmus judicare de gravitate causæ, ob quam commutanda sit pœnitentia corporalis in pecuniariam; & Cancellarios & Officiales, an delictum sit notorium necne, & publicum. Pœnam pecuniariam non debent infligere viri Ecclesiastici. Nam pœna civilis est. Alexander III. Cantuariensi Archiepiscopo sic scribit. *Accepimus quod Archidiaconi Coventrens. Episcopus pro corrigendis excessibus & criminibus puniendis, à Clericis Laicis pœnam pecuniariam exigunt, & pro annua pecunie exactione personas quandoque suspendunt, Ecclesias interdunt, à vicariis denarios, ut eos in Ecclesiis cantare permittant, exigere non formident, & alia agunt, quæ Canonum obviunt institutis, & de radice cupiditatis & avaritiæ prodire videntur.* Ecclesia non habet fîcum, & propterea Episcopo non licet nummarias pœnas suis loculis quasi fîscis addicere, quum fîcum non habeat; nec purè & simpliciter reis multas irrogare, nullo adjecto usu vel causa pia in quam

quam talis pecunia infumatur, nam tunc sibi Episcopus aut Officialis multatiani pecuniam adjudicare videbitur. Gregorius IX. statuit contra linguam in blasphemiam se relaxantem publicè contra Deum, vel aliquem sanctorum suorum, & maxime Beatam Virginem, ut per temporalem potestatem blasphemus si dives fuerit quadraginta solidorum, alioquin triginta sive viginti, & si ad id non sufficit, quinque solidorum usualis monetae poena mulctetur. Ubi agnoscit Gregorius IX. ad temporalem potestatem pertinere, purè simpliciterque multam pecunariam irrogare. Sicut purè & simpliciter irrogare non potest; ita nec multam dicere debet iudex Ecclesiasticus: etiamsi in pium quendam usum iudicans destinavit. Nam pius ille usus non mutat naturam poenae: manet nihilominus natura sua poena civilis. Sed dices, hic non infligitur poena pecuniaria à iudice, sed eligitur à reo, qui corporalem poenitentiam hac poena pecuniaria redimit. Unde in Articulis Cleri discernitur, inquirunt; Si Prælati imponat poenam pecunariam alicui peccato & petat illam, Regia prohibitio habet locum. Verumtamen, si Prælati imponant poenas corporales, & illi sic puniendi velint huiusmodi poenas per pecuniam redimere; non habet locum regia prohibitio, si coram Prælati pecunia exigatur. Sed licet directè non infligitur poena pecuniaria, tamen indirectè infligitur, cum tam graves poenitentiae injunguntur, ut cogantur redimere suas poenitentias. Ideo statutum fuit à Johanne Stratfort Cantuariensi Archiepiscopo; In commutationibus etiam poenitentiarum corporaliū pro pecunia, quas absque magna & urgente causa fieri prohibemus, locorum Ordinarii taliter moderentur, quod delinquentibus poenitentias corporales graves & publicas non imponant adeo excessivas ut causativè & per obliquum cogantur redimere suas poenitentias pecuniaria gravi summa. Urgentem causam ibi dicit Lindvodus esse, cum persona est nobilis, vel talis cujus opinio exinde multum laderetur & generaret grave Ecclesiae scandalum, pro quo vitando quandoque mittitur veritas iustitiae. Si crimen fuerit publicum & notorium, ipsi non audent asserere commutandam solennem poenitentiam cum multa pecuniaria. Nam sic divites & nobiles publicam & solennem poenitentiam quovis pretio redimerent, & sic pergerent in perpetrandis flagitiis, & recidivo continuando. Et illa pecunia à iudicibus Ecclesiasticis, licet in sacros usus erogata; non esset poena, sed merces scorti in domum Dei non introducenda. Nam licet non datur Voti aut Eleemosynae nomine; cum tamen redimitur liberè poena scortationis, emitur scortum & datur merces scorti, Deut. 23. Si crimen non fuerit notorium & publicum, nullus est locus publicae & solenni poenitentiae. Non est enim secundum regulas charitatis reus adigendus ad Publicam Exomologesin propter delictum quod non est notorium & publicum. Ex ipse Mucketus ait; Quandoque enim fit, ut Cyrillus Lib. 3. in Levit. p. 10. & prudenter monet, ut ubi servari suum peccatum secretum viderit ille qui peccat, servabit & ipse emendationis pudorem. Si vero viderit peccatum suum per exomologesin proclamari, & sese (pravo suo iudicio) defamari, illico ad impudentiam convertetur. Unde & Johannes Peccham Cantuariensis statuit olim in hunc modum; Præterea cum juxta sacros Canones peccata graviora, ut incestus & similia quæ quasi vulgatissima suo scandalo totam commovent civitatem, sunt solenni poenitentia castiganda: quorundam tamen negligentia agente &c. Si crimen non sit notorium & publicum, debet reum Senatus Ecclesiasticus, non Cancellarii aut Officiales, ad seriam resipiscentiam hortari, non imponendo opera poenalia & corporis afflictiva quæ postea cogantur redimere pecunia, sed mediis illis salutaribus, de quibus supra diximus. Nam quorsum quæso Opera Poenalia commutarentur cum poena pecuniaria? an ut adduceretur reus ad veram resipiscentiam & dolorem secundum Deum poena pecuniaria, qui non potuit operibus poenalibus & poenitentiis privatis? Verum est quod dixit

Mucket. de
Polit. p. 318.

Lindwood
in Provinci-
al. l. 5. Tit.
de Pœnis
Cap. Quoni-
am rem.

De Polit.
pag. 318.

Gentiletus in Examine Sess. 22. p. 213. De Republ Eccl Lib 5 Cap. 7. Num. 86.

faciendū Petrus Marcutius in Concilio Tridentino, ab Episcopis Ecclesiasticam Censuram in censum & aurisodinas conversam, dum homines leuissimis de causis a sacra communione expellunt, ut postea ab eisdem a solutionis pretium extorqueant. Er Spalatensis; Claves regni cælorum in claves arcarum & scriniorum commutauimus. Refert Barrous in Defectione pag. 232. penes Episcopum aut ejus Commissarium esse Censuras Ecclesiasticas; & exerceri non ob contumaciam errori aut delicto conjunctam, sed ob contemptum, aut non comparendo in Curiis Ecclesiasticis, aut non parendo illarum mandatis, utpote in diebus Festis, aut Cruce in Baptismo &c. Nec, inquit, alia novi ego delicta de quibus inquirunt præter adulterium & fornicationem. Si non pro equæ Magistri Commissarii solea ferrea nummos expenderit, fieri potest quod oporteat reum publicam agere pœnitentiam in linteo candido coram omnibus paræciæ Sodomitæ, interim dum Rector legit librum Precum aut Homiliam. Sed si surge serit verbum in aurem Commissarii, & dixerit se purgationem Canonicam sustinere velle; tum oportet, ut comparet sibi compurgatores sui similes, qui super librum Magistri Commissarii jurent se credere, ut sunt corrupta conscientia, insontem illum esse. Quo facto, & persolutis feodis seu impensis Curie, licet tota vita adeo egregius fuisset scortior ut nihil supra, & sæpius detectus ac deprehensus in ipso crimine, nulla tamen fides adhibenda probationibus, ob juramenta quæ sodales Sodomitæ præstiterunt: & hæc dicitur ipse Purgatio. Me pudet, & horret animus vel cogitare ea, quæ illi postulant ad probationem adulterii, absque quibus omnis intentata querimonia aut accusatio eluditur. Sic sancti illi patres Episcopi adulterium vel risus vel rei pecuniariæ materiam efficiunt, perjurio aut risu expiantes. Quorum autoritate rei ejici & respicientes rursus ad Exomologesin publicam admitti Ecclesiæque reconciliari debeant, ex iis quæ Capite superiori dicta sunt de Potestate Jurisdictionis manifestum est. Nam si Presbyter excommunicare potest, reconciliare etiam potest. Reconciliationem pœnitentium aduersarii fatentur reservatam Episcopo, ob honorem sacerdotii tantum, non ob legis necessitatem. Bellarminus dicit, Pœnitentiam publicam solennem à solo Episcopo indici, & ab eodem pacem reddi pœnitentibus. Presbyteris tamen id licere in absentia Episcopi & urgente necessitate. At pœnitentiam non solennem, inquit, Presbyteri quoque injungere poterant & pœnitentes reconciliare. Descripsit supra Mucketus Pœnitentiam Publicam Solennem. Sed an aliam habent, quæ simpliciter & proprie publica dicitur quæ à solenni distincta? Puto nullam. Sed proprie dicitur Publica illa, quæ fit in facie Ecclesiæ sine solemnitate, de qua dicitur 50. Distinct. Ca. In Capite, scilicet, cum injungitur peregrinatio per mundum cum baculo & pera benedictis. Et hanc potest imponere quilibet Sacerdos suo Parochiano secundum Raymundum. Unde multo fortius potest hoc facere Pœnitentarius Episcopi generalis secundum Glossam Wil. super Raymundum, nisi consuetudo sit contraria, inquit Lindvodijs. Ex Tertulliano Capite superiori audiuimus probatos quosque Seniores prædesse, judicasse, castigasse, & omnes censuras exercuisse.

Provincial l. 5. Titul. de Penitent. 215 Cap. Præterea.

De Politia p. 319. Ibidem.

Postrema Ecclesiastica pœna Laicis & Clericis communis, est denegatio Christianæ sepulture in locis sacratis, inquit Mucketus Omnes autem excommunicati, peruri, felonie crimine strangulati, insipientes facinorosi, heretici, apostatæ, mortem sibi asciscunt (nisi de extraordinaria illorum pœnitentia certior factus fuerit Episcopus, qui tum licentiam concedit eos in locis sacratis inhumandi) hoc ultimo pietatis officio orbantur. Diximus supra, locum Sepulture esse solummodo locum civilem, non sacrum; & quandoquid in jam non habent familie loca hæreditaria separata à loco communis sepulture, iniquum est ut ob singularia quorundam cadavera oporteat loca religiosa multiplicare, vel porius in pura ut Jurisconsulti loquuntur & injuriis exposita exponere. Quando mixti erant cum Ethnicis Christiani, & distincta habebant.

bant cœmiteria, locum habere potuit sepultura in Christiano cœmiterio denegata. Sed cum jam cives omnes sint Christiani, nec distincta habeant cœmiteria, aliud quatenus cives, aliud quatenus Christiani, nec sit locus religiosus ullus nisi per Pontificis consecrationem, ut ait Mynsingerus, secundum Jus Pontificium, sed manet purus; excludere cives communi cœmiterio & omni omnino loco religioso & sacrato, est exponere cadaver in locum arationi, fossioni, inhabitationi, & id genus aliis sepulchri violationibus obnoxium. Sed illud alias omnes absurditates superat, quod excommunicatos absolunt etiam post obitum, ut participes fiant Christianæ sepulturæ, sicut refert Franciscus Iohnsonus in Dissertatione cum Henrico Jacobo pag. 65. & alii.

Sequuntur Ecclesiasticæ Censuræ in Ecclesiasticos peculiares. Harum prima fuit De Tolis. *Sequestratio à jure Civili (ut videre est in Digestis & Codice) in jus Canonicum derivata; quæ est fructuum Ecclesiæ ad tempus apud alium depositio, ad jus alicujus tuendum, aut onus declinandum, vel ejus qui fructuum Dominus est contumaciam castigandam; quam si quis post legitimam ejus publicationem in locis ubi facienda est violaverit, juxta antiquos Ecclesiæ Anglicanæ Canones Majorem Excommunicationem ipso facto incurrit, inquit Mucketus. Canonem intelligit Johannis Stradfort Archiepiscopi Cantuariensis; Præsentis statuum deliberatione Concilii, quod in Provincia nostra violatores Sequestrorum per Episcopos aut Vicarios suos Generales ipsorumve Officiales Principales ex causis justis & veris, in bonis Ecclesiasticis aut aliis in casibus à jure permissis interpositorum, post & contra publicationem debitè factam in locis in quibus bona sic sequestrata consistunt, Majoris Excommunicationis sententiam ipso facto incurrant. Si tamen à Sequestro fuerit appellatum, & appellatione legitime prosecuta, ea pendente possessores bonorum sequestratorum & alii liberè & impunitantur eisdem. Fuit autem Johannes Stradford Episcopus Cantuariensis anno 1333. Lindvodus interpretatur Constitutionem istam de Sequestratione quæ sit judicis potestate, non autem ex partium conventionione. Sed cum judicia ipsa sint de causis civilibus, Sequestrationis pœna quæ inde oritur est pœna civilis, & proinde aliena à judicio Ecclesiastico.*

Proxima Censura est Suspendio, qua, monitione præcedente in scripto & causa expressa, personæ Ecclesiasticæ interdicitur exercitium sui Officii vel Beneficii vel utriusque simul, Mucketus in toto vel in parte, ad certum tempus vel in perpetuum. Tertia Censura est Deprivatio, de Politia qua Ecclesiastica persona ob grave aliquod crimen ab Ecclesiastico beneficio amovetur. pag. 320. Ultima est Depositio pœna in primæva Ecclesia usitata. Et hæc secundum jus Canonicum vim adhuc in Ecclesia Anglicana obtinens est, vel verbalis per judicis sententiam, vel realis quæ fit degradatione, cum scilicet personæ Ecclesiasticæ propter heresim vestes & insignia ordinis sui per Episcopos detrahuntur in præsentia civilis Magistratus, cui post degradationem coercendus relinquitur. Quotiescunque Suspendio imponitur solum ut delictum puniatur, & non ut à contumacia recedatur, non habet rationem censuræ, sed solius pœnæ, ait Suarez. Suspendio quæ est censura non habet absolutam durationem, sed tantum durante contumacia. Suspensionem autem vindictivam dividunt in Temporalem & aliquomodo Perpetuam. Temporalis dicitur, quæ ad certum & limitatum tempus fertur, ut cum dicitur in lege vel sententia, Sit per annum vel duos menses suspensus. Perpetua vero aliquo modo dicitur, quæ pro delicto commissio sine ulla temporis limitatione fertur, vel indefinite suspendendo, nullo adjuncto signo expresse significante perpetuitatem, vel addendo illud. Sed illa prior, nempe Suspendio Perpetua, negativè vel indefinita potest retinere nomen suspensionis, ait Suarez; posterior vero, quæ positivè & simpliciter perpetua, magis dicenda videtur depositio. Sic aliquam dicunt esse Suspensionem ab Officio, aliam à Beneficio; aliquam esse suspensionem ab Ordine & non

à Jurisdictione, aliam à Jurisdictione & non ab Ordine, aliam ab utroque. Mira certe ista varietas Suspensionum. Suspenditur quis ab una parte Officii & non ab alia. Suspenditur quis à Beneficio, cum tamen non suspenditur ab Officio. Nam Beneficium datur propter Officium, & accessorium debet sequi principale. Sic Deprivatio à Beneficio sequi debet Depositionem ab Officio. Depositionem faciunt aliam verbalem, aliam realem quæ Degradatio dicitur. Depositio verbalis est duplex, quædam est quæ absolute & per se fit sine ordine ab aliud, alia quæ fit in ordine ad degradationem realem. *At tollendas verborum equivocationes vocamus priorem depositionem absolutam, aliam respectivam, seu illam tantum depositionem, hanc depositionem verbalem; alia vero aut non vocetur depositio sed degradatio, aut dicatur depositio realis seu actualis. Quando ergo depositio dicitur nihil aliud esse, quam quædam suspensio positivè perpetuà & irremissibilis, intelligendum id est de depositione absoluta. Depositus absolute non potest sine nova sententia degradari. Una depositio est pœna in qua sistitur, alia est quasi via ad degradationem. Ad illam quæ ordinatur ad degradationem requiritur specialis solennitas, quæ ad aliam absolutam depositionem necessaria non est. Depositio quæ ad degradationem ordinatur, nunquam imponitur ipso jure, neque incurritur ipso facto; quia requirit solennitatem, quæ non potest nisi mediante hominis sententia adhiberi. At depositio absoluta interdum imponitur ipso jure. Unde licet aliquis ipso jure depositus sit, ad realem degradationem non proceditur, donec ab homine sit depositus verbaliter cum solennitate. Comparatur depositio quæ ordinatur ad degradationem & degradatio, sicut sententia & sententiæ executio. Nam per verbalem depositionem profertur sententia, per degradationem mandatur executioni quoad aliquas actiones vel effectus, qui per ipsammet sententiam absque hominis actione perfici non possunt. Pro hisdem criminibus imponuntur, quia unam integram pœnam complent, sicut sententia & executio idem crimen respiciunt. Degradatio differt à depositione qualibet in solennitate. Nam licet illam specialem solennitatem non requirat, quam ejus verbalis depositio; aliam tamen propriam postulat. Specialis solennitas degradationis ejusmodi est secundum Suarezium. Degradandus indutis sacris vestibus & portans instrumenta sacra, id est, vasa aut librum sive quæ pertinent ad illum ordinem à quo degradatur, ab Episcopi præsentiam adducatur, & ab eo publicè illis exuatur, ac tandem radatur, vel tondeatur caput illius cum aliqua forma & terrore verborum, quæ effectum hujus degradationis declarant. Per quam ceremoniam, quoad privationem ordinis aut beneficiorum nihil de novo fit. Nam per prolationem sententiæ depositionis erat jam factum, sed illud ipsum quasi solenniter promulgatur, & representatur ad majorem ignominiam & terrorem, & ut persona illa veluti disponatur ad ultimum effectum, quem addit hæc pœna ultra depositionem verbalem. Degradatio privat privilegio clericali & privilegio fori, non item depositio. Veteri Ecclesiæ consuetudine cum Ecclesiastico cuivis ad statum secularem erat redeundum, ne Ecclesiæ ministerio designati secularia tractare conspicerentur, Episcopi gradum Ecclesiasticum demebant (unde degradationis nomen) ad exemplum militiæ armatæ, quæ ad tuendam professionis ejus dignitatem non permittebat militi munus castrense deserere, aut judici civili subiaci nisi prius exautorato & ordine militari privato, cingulo scilicet & armis militaris privilegii insignibus ei detractis. Juxta præsentem consuetudinem Degradationis usus est tantum, cum quis statim tradendus est brachio sæculari, à quo pœna mortis mulctetur. Ad eam verò modo solenni perficiendam tot circumstantiis requisitis, factum rei difficultate ut rarissime ed sit perventum. Imo ad augendam ordinis Clericalis reverentiam valere plurimum putatur, quod Jdex ne justo quidem jussio Clerici sanguinem fundere poterat nisi multa solennitatum serie præcedente. Sed cum Degradatio non auferat caracte-*

rem

Suarez de
Censuris
Disp. 30.
Sect. 1.

De Censur
Disp. 30.
Sect. 2.

Petri Suarez
Hist. Conc.
Trident. l. 4.
p. 375. edit
Francof.

Pag. 375.

rem quem dicunt ordinis magis quam depositio, quicquid porro agitur est mera ceremonia. Et tales adhuc ineptias, ut vides, retinent Angli; acsi depositio absoluta non sufficeret, si ulla depositione opus esset, ut quis tradatur brachio sæculari morte mulctandus; & acsi Judex ne iusto quidem iudicio Clerici sanguinem fundere poterit nisi depositione & solenni degradatione præcedente. Depositionis potestatem sibi soli arrogat Episcopus Anglicanus, quod vetitum fuit Canonibus apud Veteres. Vide pag. 193. In Constitutionibus anni 1604. habetur hic Canon.

Quotiescunque in Curia aliqua Ecclesiastica ad quemlibet hujus Provinciæ Episcopum spectante contra ministrum accusatio instituetur; Cancellarius, Commissarius, Officialis, vel quivis alius Ecclesiasticam jurisdictionem obtinens, (cujus intererit,) causam omnem per processus aliasque vias & modos adversus eum expedit, ejusque in non comparendo contumaciam primo suspensionis, eandem vero continuatam excommunicationis pœna ulciscetur. Sin autem debitè comparens legitimo juris processui se submiserit, tunc ubi causæ maturitas sententiam postularit, si forte delicti meritum vel deprivationem vel depositionem à sacris Ordinibus ex decreto juris exigat; nullam ejusmodi sententiam per quamlibet personam pronuntiari volumus præterquam per Episcopum, adhibitis ipsius Cancellario & Decano, si commode id fieri potest, & aliquot Præbendariis, si prope Ecclesiam Cathedralē dicta Curia teneatur, vel Archidiacono, modo ejus facultas detur, aliisque duobus ad minus gravibus ministris ac eisdem concionatoribus per Episcopum advocandis, quando Curiam aliis in locis haberi contigerit. Non est penes Decanum vel Præbendarios suffragium decisivum in tali sententia, imo nec requiruntur ut consultores, sed ad quandam actus solennitatem vel potius ad fallendum simpliciores, ac si ibi esset iudicum Senatus: eorum præsentia requiritur, idque tantum si commode fieri poterit, non autem cooperatio in pronuntianda sententia. Non sunt igitur veri iudices assessores. Præterea Episcopus solus sententiam solummodo pronunciat, iudicat Cancellarius, Officialis, aut Commissarius, & causam omnem per processus aliasque vias & modos adversus ministrum expedit, donec causæ maturitas sententiam postularit. Minister, qui juris processui se submittit, stat interim capite aperto coram Cancellario, Officiali, aut Commissario. Si quis omiserit Crucem in Baptismo, geniculationem in coena, superpelliceum aut simile quid, non evadet impunè. Sed ebrios, scortatores, adulteros, non residentes, &c. nulloquam in his Curiis damnatos invenies.

Est & alia Pœna, sed temporalis, nempe Carceris, Clericorum propria. Existat apud Lindvodium Statutum Bonifacii Archiepiscopi Cantuariensis de Carcere Episcopi. Item statuimus, quod quilibet Episcopus habeat in suo Episcopatu unum *Provincial. Lib. 5. Tit. de Pœnis Cap. Item statuimus.* vel duos carceres ad Clericos flagitiosos deprehensos in crimine vel convictos juxta censuram Canonice detinendos. Et si Clericus aliquis adeo malitiosus & incorrigibilis fuerit, & consuetus ad flagitia committenda, pro quibus etiam si laicus esset secundum leges sæculi ultimum debet pati supplicium, talis Clericus perpetuo carceri adjudicetur. Secundum dioeceseos amplitudinem statutum, ut Episcopus haberet unum aut duos carceres ad detinendos clericos flagitiosos. In causa hæreseos licebat etiam iudici Ecclesiastico laicum in carcerem conjicere, ait Lindvodius: Habent adhuc Episcopi carceres suos. Hinc forte ortum, quod in foro Assisarum damnatus aliquis furti prima vice admittitur ad Clericatum. Et in hunc finem ad forum Assisarum mittit Episcopus iudicem sub sigillo autoritate munitum, ut de Clericatu iudicer. Exhibet damnato psalterium, ut pauca verba legat. Rogatus à iudice in foro Assisarum Commissarius Episcopi, *Legit ut Clericus?* si responderit, *legit*, traditur Episcopi Commissario, ut committatur carceri Episcopi custodiendus ad *Pag. 106.* inquisitionem aliam Clericorum, ut refert Smithius in Republica Anglicana.

*De sacra
Politia Lib.
2. p. 243.*

*Hierarch.
Lib. 5. Cap.
2.*

*De Repub.
Lib. 5. Cap.
2. Num. 42.*

*Eugenius II. Papa instituisse carceres fertur custodiaque primus ad Clericorum delicta co-
henda, ait Choppinus. Fuit autem Eugenius Pontifex circa annum 8:4. Reper-
tum est igitur istud statutum primum in cauda Draconis. Non est enim ista pœ-
na spiritualis, sed purè temporalis, quæ non concessa est à Christo ministris Eu-
angelii. Dicit Whirgiftus Cantuariensis, posse eodem jure Episcopum conjicere
in carcerem, quo Petrus Ananiam & Sapphiram morte multavit Sic Pighius
contra Marfilium Patavinum. Sed non accepit, inquis, coactivam potestatem à
Christo in præceptionum suarum transgressores. Credo, negaret hoc tibi Ana-
nias cum uxore Sapphira, qui ob fraudatam exiguam partem pretii sui agri diven-
diti, quod ad pedes Apostolorum deposuerant, ad incutiendum terrorem cæteris, vi-
ta multati sunt, & in se experti authoritatis Petri coactivam aut punitivam efficaciam.
Sed Cartwrightus replicat, istud fecisse Petrum non ordinaria potestate concessa
Ecclesiæ, sed extraordinaria, nempe vi illius potestatis quam Paulus *divinus* vocat,
1. Cor. 12., quam etiam civilis Magistratus non habet: nec erat peccatum
manifestum, sed occultum, dissimulatio Ananix & Sapphiræ, de quo judicare
non poterat civilis Magistratus. Cum Paulus ait, quid vultis in virga veniam ad
vos 1. Cor. 4. 21. non aliquam ordinariam forensam temporalem punitivam, sed extra-
ordinariam in signis ac miraculosis punctionibus interpretatur Chrysostomus, & exem-
plum Petri Act. 5. 10. & Pauli Act. 13. 11 adducit. Vide Spalatensem. Ha-
bent Episcopi etiam quatenus Commissarii Regii in celsa commissione, Elenar-
chæ, aut simili Jurisdictione civili delegata, potestatem conjiciendi in Carceres
Regios & communes.*

Jurisdictionis ipsa, quæ est vel Voluntaria vel Contentiosa

*Voluntaria est, ad quam exercendam Episcopus à nullo pro suo interesse aut publica
vindicta a se cogitur. Contentiosa est, ad lites inter Actorem & Reum dirimendas instituta.*

*Mocketus
p. 310.*

**Voluntaria stabilitur, vel Statuto, vel Jure municipali; vel
Jure municipali, & confirmatur Ecclesiastico, vel Jure Ec-
clesiastico. & confirmatur Jure Municipali.**

**Statuto, ut 1. Facultatem ad tempus aliquod concedere ve-
scendi carnibus diebus alioqui vetitis. 2. Ut quis approba-
tus possit facere Medicinam vel Chirurgiam in illa diœcesi,
aut pueros erudire. 3. Unire & consolidare Ecclesias mino-
res juxta statutum in ea parte editum. 4. Assistere Civilibus
Judicibus in exequendis aliquot statutis causas Ecclesiasti-
cas concernentibus. 5. Decimas & subsidia Principi ab Ec-
clesiasticis cogere, idque vel Pignoribus captis, vel per
Censuras Ecclesiasticas.**

Nulla hinc opus explicatione: nec in refutatione multum laborandum est. De
primo, quod superstitiosum, dictum est supra pag. 64. Ut quis approbatus possit
exercere Medicinam aut Chirurgiam ad Ecclesiasticam jurisdictionem non attinet.
Non uni sive Episcopo sive loci Ordinario committenda est Pædagogorum sive Lu-
dimagistrorum examinatio & approbatio. Condiderunt Canonem Episcopi de Pæ-
dago-

Ludimagistris, quo sibi & suæ Hierarchiæ cavent. *Nemo sive in scho-*
la aliqua publica sive in privatis ædibus pueros docebit aut eruat, nisi qui ab Episcopo
Diocelano vel loci Ordinario licentiam ejusdem manu & sigillo roboratam obtinuerit; &
sub finem, & denique qui primo & tertio articulis (supra memoratis) integris ac secun-
di duobus prioribus membris subscripserit, nempe articulo de Primatu Regio, de Li-
bro Articulorum religionis composito anno 1562. & de Libro Publicæ Litur-
giæ & Libro ordinandi Episcopos, Presbyteros, & Diaconos. Canone 79. inter
Ludimagistrorum officia referunt die festivo discipulos suos ad Ecclesiâ adduce-
re, Catechismum vel ampliorem vel breviorẽ publicâ authoritate hætenus edi-
tum Latine aut Anglicè pro capto puerorum pueros edocere. Si quis privatus
officio ministerii fuerit, quod ritibus Anglicanis conformare se nolit, non potest
pueros erudire, Chirurgiam aut Medicinam exercere, absque facultate concessa ab
Episcopo. Sic aditus omnes occludunt, unde periculum metuunt Refert author
Petitionis ad Reginam, facultatem istam non concedi Ludimagistris, absque
pretio. Cum tamen Alexander III. Episcopo Wintoniensi aliud præceperat. Pro-
hibeas, ne in Paræciatua pro licentia docendi exigatur aliquid aut etiam promittatur. Si
quid vero postea solum fuerit vel promissum, remitti promissum facias & restitui ap-
pellatione cessante solum, sciens quod scriptum est: Gratis accepistis, gratis date. Chas-
sanæus in hunc Titulum ait, hunc Titulum esse partem tituli de Simonia. Hi
enim prope ad Simonie crimen accedunt, qui avara cupiditate ab his aliquid extorquent,
qui ad scientiarum, bonarumque disciplinarum cognitionem aditum patefaciunt & mu-
nium, quos decet potius præmiis & muneribus ad docendum invitari. De Ecclesiarum
unione diximus pag. 23. Judices Civiles non cognoscunt de causis merè Ecclesia-
sticis nisi civiliter, non modo Ecclesiastico; & proinde Episcopi assistentia non o-
pus est: & cur Episcopus magis quam ex ordine Presbyterorum delectus aliquis
alius? Quod ad ultimum; & res ipsa est ab Episcopi munere aliena, & modus
exigendi decimas & subsidia pignoribus captis. Per Censuras Ecclesiasticas exige-
re, est censuris abuti. Huc etiam refert Mucketus quod exigunt quandoque à non-
nullis Juramentum Regni Primatus, & Juramentum Fidelitatis intra dioceses suas Epi-
scopales. Item; quod ex speciali aliqua causa iudices civiles reddunt certiores de Pontifi-
ciis qui abjurata sua superstitione accedunt ad nostra sacra, aut obstinati iis penitus se
subducunt. Quomodo contra fiat, testatur indies auctus Pontificiorum numerus.

Can. 77.
Ann. 1604.

Pag. 61.
Decret. Lib.
Tit. 6.

Jure Municipali, ut 1. Ad Rescriptum Regium certiores face-
 re civiles Judices de legitimis vel illegitimis Natalibus. 2.
 Item certificare de legitimis Nuptiis. 3. Regium Rescrip-
 tum requirere de Hæretico pertinaci, antea condemnato,
 comburendo. 4. Item requirere Rescriptum Regium pro
 Carceri mandando corpore illius, qui ultra 40 dies obsti-
 nato animo Excommunicatus persistit.

Primum & secundum habent ex eo, quod judicant de Causis Matrimonialibus,
 de quo postea Tertium pars est legis illius quam tulit Henricus IV. *Per nunquam*
Ecclesiasticas hujus regni leges nemo hæreticæ tractatus, quæ crimen est læsæ majestatis
contra divinum Numen, convinci poterit, nisi ab Archiepiscopo & universis eadem pro-
vinciæ Clero, & inde abjuratus, & postea de integro convictus & condemnatus à Clero
ejus-

ejusdem provincie in Synodo Generali. Sed Statutum 2. Henr. IV. Cap. 15. authorita-
 tem Episcopo Diæceseos hereticos condemnandi tribuit. Quodque ante statutum illud
 hereticus sæculari brachio ad concremandum committi non poterat, donec semel abjuraf-
 set & in eandem vel aliam hæresin relapsus fuisset. Sic Vir Illustris D. Edwardus
 Cocus in Relationum Parte Quinta. Episcopus citabat, examinabat, judicabat,
 damnabat; Magistratus ut carnifex exquebatur: imo Episcopus Rescriptum Re-
 gium requirebat ad comburendum antea condemnatum. Et quomodo quæso hoc
 agere poterat absque periculo irregularitatis? Perniciose se decipiunt qui existimant
 eos tantum homicidas esse qui manibus hominem occidunt, & non potius eos, per quorum con-
 silium & fraudem & exhortationem homines extinguuntur. Nam Judæi Dominum nequa-
 quam propriis manibus occiderunt sicut scriptum est, Nobis non licet interficere quenquam.
 Sed tamen illis mors Domini imputatur, dicentes, crucifige, crucifige eum. Suarez
 multum sudat, ut Inquisitores tradentes reos mortis & de crimine convictos bra-
 chio sæculari ab omni Irregularitatis periculo eximat, sed frustra. Primus omnium
 Thomas Arundell in Wiclevianos vicicomburio secut, ut refert Godwinus in Com-
 mentario de Præsulibus Angliæ. Fuit ille Episcopus Cantuariensis ejusdem Hen-
 rici IV. contemporaneus. Quod ad ultimum attinet: hic ordo servatur. Si ex-
 communicatus perstiterit obstinatus 40 dies, desertur nomen ejus ad Cancellaria-
 riam per Episcopum. Lindvodius ait, quod ad rogatum inferiorum Prælatorum Rex
 non consuevit scribere pro captione excommunicatorum. Unde si aliquis excommunicatus
 fuerit ab inferiori Episcopo, ut puta Decano vel Archidiacono, invocatio regie majestatis
 fieri debet per Episcopum. Nam inferiores Episcopis non possunt invocare brachium sæcu-
 lare, sed Episcopi exequentur eorum sententias: quod si Episcopi hoc facere noluerint, com-
 pelli possunt per Archiepiscopum. Cosinus tamen ait in Apologia ordinis proceden-
 di in Curiis Ecclesiasticis, alios hanc authoritatem in quibusdam casibus habere,
 nempe Cancellarium Oxoniensem, Custodem Spiritualitatis sedis vacantis, Officialem &
 Vicarium generalem Episcopi, ipso in remotis agente. Oportet expressè dicatur Ex-
 communicatum fuisse excommunicatione majori, & quidem nominatim, non au-
 tem indefinite aut generaliter. Nec semper necesse est exprimi causam Excom-
 municationis, nisi in 10 criminibus quorum mentio 5. Elizab. Cap. 23. at in
 aliis criminibus Ecclesiasticis aut in causis Testamentariis, Matrimonialibus, de
 Decimis &c. sat est, si dicatur, propter suam manifestam contumaciam, vel propter
 suam manifestam contumaciam in non parendo certis mandatis licitis sibi factis, vel propter
 manifestas offensas suas. Deinde obtinetur Rescriptum Regium ex Cancellariæ Cu-
 ria, De excommunicato capiendo. Cum obtinuit Episcopus suum Significavit, si ne-
 gligentior fuerit Vicecomes, per Breve ad eandem Cancellariæ Curiam citandus
 est. Cum significaverit Episcopus Cancellariæ Excommunicationem, non potest
 deinceps excommunicatus esse actor aut testis in ullis Curiis civilibus aut Ecclesia-
 sticis. Captus & in carcerem conjectus non inde liberabitur, nisi prius præstita
 cautione pignoratitia, fidejussoria, aut juratoria, de parendo mandatis Ecclesiæ in
 forma juris, & de satisfaciendo tam de contemptu quam de injuria Ecclesiæ illata. Præ-
 stita cautione absolvitur excommunicatus, & mandat Episcopus Vicecomiti, ut
 liberet e carcerem. Si ab Excommunicationis sententia appellaverat, eique adhæ-
 reat, è carcere etiam liberabitur. Habent, ut vides, vilissima illa Officialium,
 Cancellariorum, Commissariorum decreta, & sententiæ latæ pro rebus etiam vi-
 lissimis auxilium brachii sæcularis. In quodam veteri Rescripto Regio de excom-
 municato capiendo habentur hæc verba, quod potestas Regia sacrosanctæ Ecclesiæ in
 suis querelis deesse non debet. In alio; Fura & libertates Ecclesiasticas illæsa volentes
 in omnibus observari. Ubi originalis causa Excommunicationis est delictum vio-
 lans

Fol. 23.

33 Q. 3.
c. 23.Decensuris
Disp. 47.
Sect. 2.Provin. Lib.
5. Tit. de
Senten. Ex-
com. Cap.
Præterea
verb. Præla-
torum.Part. 1.
pag. 8.

Ibid. pag. 8.

ians jura & libertates Ecclesiæ damno aut allata injuria, fateor implorari potest auxilium brachii sæcularis & reus cogi ad refarciendum damnum & civilem satisfactionem, vel etiam si jam excommunicatus inturbare vellet sacra, aut violare jura & libertates Ecclesiæ. Sed ubi ex delicto vel contumacia non damnum aut injuria inferitur in jura & libertates Ecclesiæ, sed solummodo scandalum oritur, nescio an ullus implorato brachii sæcularis auxilio cogendus sit ad satisfactionem quam vocant Pœnitentialem. Nam ut Ecclesia in se non habet vim coactivam, sic nec per obliquum uti debet ad extorquendum coactas & proinde fictas Exomologeseis. Hæc salvo aliorum judicio dicta à me accipiat lector, & donec meliora edoctus fuero. Dicit Cosinus, hoc Rescriptum Regium de Excommunicato capiendo & carceri committendo esse peculiarem Ecclesiæ Anglicanæ libertatem, non communem, quod sciat, aliis Ecclesiis. Ad caput istud de jure Municipali refert Mucketus, ad Rescriptum Regium certiores facere Judices Civiles non modo de legitimis ac illegitimis nuptiis & natalibus, sed etiam de excommunicatis & in aliis causis Ecclesiasticis, quorum aliquando in Curii Civilibus est incidens cognitio, ratione temporalium causarum quarum sunt appendices. Quædam Regis Brevia à Civilibus ejus Curii manantia pro beneficiis legitime præsentato restituendis, personis Ecclesiasticis nullum habentibus sæculare feudum judicio civili quandoque sistendis exequi.

Ibid. pag. 8.

Jure Municipali, & confirmatur Ecclesiastico, ut 1. Defunctorum Testamenta probari & insinuari facere. 2. Ab intestato decedentium bona proximo agnato vel cognato administranda concedere. 3. Bona caduca (cum nullus hæreditatem adire velit) tuto custodienda & colligenda mandare. 4. Rationes administrationis hujusmodi reddi facere, easque vel approbare vel rejicere, prout jus postulaverit.

Eadem habet Mucketus; tertium sic, Bona caduca (cum nullus hæreditatem adire velit) mandant tuto custodienda & colligenda, donec secundum juris præscriptum distribuantur. Causæ testamentariæ sunt natura sua civiles, abusivè tantum dicuntur Ecclesiasticæ, & proinde abusivè referuntur ad jurisdictionem ordinariam Episcoporum, cum ne delegata quidem jurisdictione res testamentarias tractare debeant. De Jurisdictione Civili in genere supra diximus, & de Causis Testamentariis in specie, pag. 53. 54.

Jure Ecclesiastico, & confirmatur jure Municipali, ut 1. Conferre Beneficia ad præsentationem aliorum. 2. Institutos inducendos mandare. 3. Beneficiorum vacantium fructus sub tuto sequestro ad usum proximi successoris colligendos & custodiendos mandare. 4. Congruam portionem Vicario assignare. 5. Literas dimissorias vel testimoniales concedere. 6. Quolibet triennio Diœcesin visitare & inquirere.

Inter Beneficii Collationem & ad illud Institutionem, hoc tantum discrimen qui-

Mucketus

de Polit.

R r

dam pag. 321.

314. CAP. V. DE EPISCOPORUM IN ECCLESIA ANGLICANA

Ibidem. dam Canonum periti statuerunt; ut hæc sit concessio Ecclesiastici beneficii limitata, nempe Clerico à patrono nominato & oblato: illa libera, Clerico cui ipse Episcopus voluerit. De collatione, institutione, inductione, alio loco plura dicturi sumus. Porro ejusdem juris Ecclesiastici vi, admittunt resignationes beneficiorum, quorum vacantium fructus sub tuto sequestro ad usum proximi successoris colligendos & custodiendos mandant; sed verba 3. membri sunt magis generalia. Assertor Politix Christianæ refert, Episcopum, eo nomine quo sibi vendicat quod sit custos Ecclesiarum, vacante Ecclesia, statim mittere literas sequestrationis ad sequestrandum fructus in usum proximi incumbentis, quem pro cura adhibita ad conservandum fructus in ipsius usum oportet solvere 12 plus minus asses pro literis sequestrationis, & tantundem pro literis quas dicunt Relaxationis, priusquam realem possessionem obtinere poterit, & præterea 3 aut 4 denarios Apparitori in singula miliaria. Unde fit injuria Patrono, qui Statuto 25. Edw. III. est Dominus & advocatus beneficii, & promde quamdiu vacat, penes eum custodia & possessio illius esse debet. Quartum, ut alia omnia, sibi soli vendicat Episcopus. De portione ipsa definienda sic statuit Stephanus Cantuariensis in Concilio Cantuariensi. Statuimus ut Vicario perpetuo ad minus redditus quinque marcarum assignetur, qui scilicet pro quinque marcis solet dari ad firmam, nisi forte in illis partibus Walliæ sit in quibus propter tenuitatem Ecclesiarum, minori stipendio Vicarii sunt contenti. Provideat quoque Diæcesanus Episcopus, pensata Ecclesiæ facultate, utrum Vicarius onera Ecclesiastica subire debeat aut Persona, the Rector, the Parson, an ad ea simul debeat conferre; utrique proviso tamen quod Archidiaconus loci sive ab illis aut altero eorum debeat procurari una tantum procuracione sit contentus. In definienda igitur portione congrua Vicario, pensanda sunt onera & facultates Ecclesiæ. Hæc summa, nempe quinque marcarum, quoad habentes curam animarum, etiam licet solum fuerint Vicarii temporales videlicet Presbyteri sub rectoribus vel Vicarii Parochiales, limitata fuit ad sex marcas: demum vero sub Simone Sudbury Archiepiscopo Cantuariensi extensa fuit, etiam quoad tales Vicarios temporales, ad octo marcas, vel alias ad quatuor marcas cum ciboriis, sicut de prædictis patet & legitur infra de Celebrat. Miss. c. Effrenata. Unde si in Vicariis temporalibus considerata temporum qualitate hæc summa à quinque marcis ad octo marcas sit augmentata, & nihilominus tali salario ipsi Sacerdotes non contentantur in pluribus locis his diebus, nisi decem ad minus marcas pro salario acceperint: multo magis igitur apparet quod ista summa, si quinque marcarum, non erit hodie sufficiens tali Vicario perpetuo de quo hic loquitur, maxime attentis & consideratis oneribus ei, si quæ sunt, incumbentibus ratione residentis, ut puta hospitalitatis &c. Tertium igitur quod pensandum est in definienda portione congrua, est Temporis circumstantia. Vicarios autem perpetuos habent Monachi vel Canonici, qui Titulis vel Præbendis annexas habent Parochiales Ecclesias: & his Vicariis assignari debet pars reddituum aut proventuum, nonine portionis congruentis sive *plures annuorum & i. e. annuorum*. De quinto sic Mucketus; Literas Dimissorias seu Testimoniales concedunt initiandis in sacris Ordinibus, vel jam initiatis, ad animarum curam admittendis ab alterius Diæcesis Episcopo. Si Ministri & Curati ex una Diæcesi in alteram transferint, nequaquam ad curam ullam exercendam admittentur, nisi Episcopi ejus Diæceseos unde advenierint, vel loci Ordinarii, literis testimonialibus de ipsorum honesta conversatione, sufficientia, conformitate ad Ecclesiasticas regni Anglicani leges, (jam rem acu tetigit) muniti acceperint. Hic Canon imitatur Canonem 12. qui dicitur Apostolorum, Non recipiendus si, apud alium sine, commendatitiis literis fuerit receptus. Huic enim Cononi Harmenopolus in Eptome Sac. Canon. Tit. 3. hoc Scholion subjecit. Commendatitiæ sic dictæ, quia continent testimonium sive commendationem de vitæ honestate & moribus ordinandorum. Hæ tamen literæ dicuntur alias Formatæ, de quarum forma habetur 73. Distinct. per totum; & hæc non possunt concedere inferiores Episcopi.

Provinc.
Lindewode
de Officio
Vicarii Cap.
Statuimus.

Lindewode
ibidem, Cap.
Quoniam.

Chassanæus
in Paratitl.
in Decretal.
Tit. de Offi-
cio Vicarii
Pag. 321.

Provinc.
Tit. de Cle-
ric. Pereri.
Cap. Cuius
quanta.

pis, nisi hoc habeant de consuetudine sive privilegio: & hoc æstimo verum quoad ordines suscipiendos: secus quo ad recipiendum hujusmodi Clericum ad divina in ordinibus susceptis, dum tamen ipse qui has literas commendatitias concedit notus sit & persona credibilis. Nam non solus Episcopus, sed quicumque bonus Prælati tales literas commendatitias concedere potest. Dimissoriæ dicuntur, per quas aliquis dimittitur à jurisdictione sive potestate Prælati sui; & dicuntur quandoque Licentiales, quoniam videlicet licentia datur ad aliquid faciendum, ut puta ordines ab alieno Episcopo suscipiendos. Has literas ad ordines non potest concedere Prælati non exemptus inferior Episcopo, nisi sibi hoc competere de consuetudine præscripta. Chassanæus ait, constitutum pridem Clericos qui de suis civitatibus quacunque de causa proficiscuntur Episcoporum literis debere muniri, neque alias recipi posse ab extraneis Episcopis. Hæ literæ Græcis dictæ *ῥεῖσματι οὐραίνᾳ*, quia conciliant animum ejus ad quem scribuntur. Latinis commendatitiæ, item formatæ, & dimissoriæ. Has tamen à commendatitiis aliqua ratione dicit separare Cujacium. Ordinem ipsum probamus; sed quod ab Episcopo pendeat, & illius stet cadatve arbitrio, damnamus: qua autem fide dignæ sint eorum Litteræ Dimissoriales, norunt Ecclesiæ Anglicanæ. De membro sexto statim videbimus. Addit Mucketus; Dant licentiam collocandi sedes in Ecclesia, diruendæ veteris fabricæ Ecclesiæ & novæ extruendæ, exhumandi cadaver & aliò transferendi: assignant Rectori Ecclesiæ, morbo ita impedito ut muneri suo superesse non possit, coadjutorem ad explendum ejus officium. Solus omnia.

*In Titulum
de Clericis
Peregrinis.*

*De Polit.
pag. 321.*

Pars præcipua Voluntariæ Jurisdictionis est, quolibet triennio Diœcesin visitare, & inquirere per Oeconomos, aut per testes Synodales, de Excessibus & Defectibus, vel ipsius Ministri, vel Oeconomorum ipsorum, vel reliquorum Parochianorum.

Ipsius Ministri, quatenus minister, aut quilibet alius. Quatenus minister, vel respectu publicæ suæ functionis, idque vel committendo quod non oportuit, vel omittendo quod debuit; vel respectu vitæ privatæ, quia plurima tolerantur in laicis quæ Ministros dedecent.

Oeconomorum ipsorum, idque secundum eorum munus, vel in Ecclesia sive templo, vel extra.

Reliquorum Parochianorum, vel quatenus erga peculiarem habentes aliquam functionem, vel quatenus erga alios quoslibet Christianos delinquentes.

Quatenus erga peculiarem habentes aliquam functionem, ut Medicos, Chirugos, Ludimagistros, Obstetrices, idque si exerceant vel non probati, vel administrent Sortilegium aut aliquid Superstitiosum, Hospitalium custodes, ubi ex ipsorum foundatione vel ipse Episcopus visitator statuitur aut nullus alius omnino.

Quatenus erga alios quoslibet Christianos delinquentes, in causis vel contra Pietatem, Justitiam, aut Sobrietatem.

Contra Pietatem, qualis est Blasphemia in ipsum Deum Contumeliosi, aut Jurantis, per Nomen Dei temerè, veluti non in judicio, justitia, veritate, per alia quam per nomen ipsius, idque vel per Creaturas, Idola, aut fictitia quævis; aut Blasphemia in Sacram Scripturam, idque vel authoritatem ejus minuendo, vel profanè eam usurpando: Idololatria, Superstitio, Sortilegium, modò hujusmodi sit, quod legibus civilibus regni vel non omnino coerceatur, vel ipsarum legum dispositione Ecclesiasticis censuris etiam subjicitur: Læsis fidei coram Ecclesiastico judice, privato alicui voluntarie præstitæ; Hæresis, Error contra Articulos religionis editos in Nationali Synodo habita 1562. & Regia authoritate confirmatos; Schisma, Conventicula illicita, Absentia à Divinis in propria Parochia celebratis diebus Dominicis, Festis, ubi legitimum non subest impedimentum, Absentia illegitima à Sacræ Cœnæ perceptione, quæ ter quotannis ad minimum percipienda præcipitur.

Contra Justitiam, qualis est circa causam aliquam Ecclesiasticam calumnia, contumelia, convitium, Simoniacus ambitus vel in consequendo sacro Ordine sive gradu aut Beneficio, Usura ultra ratam 10. in centenis per annum, Temeraria administratio bonorum defuncti, subornatio Perjurii, Falsum circa aliquem actum Ecclesiasticum commissum, Contemptus erga Ministrum, Derentio Legatorum ad usum vel pauperum vel quemlibet alium pium destinatum, aut bonorum debitorum ad publicos usus Ecclesiæ, Administrationis rationem non referre, Dilapidationes Ecclesiasticorum Bonorum, ædificiorum:

Contra Sobrietatem, qualis est Incontinentia quævis. Eaque est, vel Incestus cum consanguinea aut affini intra quartum gradum exclusivè, sive juxta juris civilis computationem, vel Adulterum, tam secundum jus civile cum aliena uxor violatur, quam Canonicum ubi maritus etiam cum soluta mœchatur, vel Stuprum cum vidua corrumpitur, vel Fornicatio,

cum.

cum solutus solutam violat, Spurci Sermones, Sollicitatio alienæ Pudicitæ, Ebrietas, Matrimonium clandestinum, vel ratione Consensus Parentum vel Tutorum non adhibiti, aut loci privati, aut Testium ultra duos non adhibitorum, aut Trinundinæ Denunciationis, sive Bannorum editionis non adhibitæ per tres dies utiles, videlicet Dominicales vel Festos alios.

Addam ex Mucketo plura capita de quibus inquitur, alia etiam pleniora & pleniora ex eodem dabo. Exploratio de excessibus & defectibus Ministrorum verbi est, an jugiter & sincere Evangelium concionentur, religiose & reverenter administrent Sacramenta, dixisset superstitiose, juventutem & rudiores plebem in Catechismo instruant, quod rarum nisi præparando ad Confirmationem Episcopalem, ægrotantes sedulo visitent, more quem infra videbimus, vitam piè & sobriè instituant, scilicet, vestimentis gravitati suæ consentaneis induantur, & reliqua faciant ab Ecclesiæ Canonibus præscripta, de quibus suis locis videmus. De delictis Oeconomorum, utrum invigilent, ut omnes Parochiani Ecclesias suas diebus Dominicis debitè frequentent, ædes sacræ a sordibus ab æditu seu ostiariis mundè conserventur, pecuniarum à se in Ecclesiæ usum expensarum rationem fideliter reddant, in mores hominum inquireant & scandalosos Ordinario bis in anno denuntient, ac alia sua munera sincere peragant. De delictis Ludimagistrorum, an suos discipulos Catechismum publica autoritate hunc in finem Latine & Anglicè impressum edoceant, ad Ecclesiam sacro quolibet & festivo die adducant, curent ut ibi se quietè & modeste gerant, quid ex concione quoties haberi contigerit didicerint, prælegant suis discipulis aliam grammaticam quam quæ publica autoritate fuerit approbata. Posterior inquisitio de erratis quorumlibet Christianorum est. Et primò, an delinquant in pietatem per blasphemiam, quæ est in ipsum Deum & sacram scripturam vel Dei sanctos convitium aut maledictum, temeraria juramenta, &c. idololatriam concedentem creaturæ honorem debitum Creatori, superstitionem tribuentem certis rebus & verborum aut gestuum observationibus effectus qui neque rationibus physicis aut politicis neque Dei verbo nituntur: an per sortilegium, divinationes, incantationes, veneficia legibus regni civilibus non coercita; Sepulchrorum in sacratis locis exhumationes, aut ipsorum sepulchrorum violationes; perjurium sive lesionem fidei coram iudice Ecclesiastico, vel privato alicui in causis Ecclesiasticis præstitæ: an per hæresin, &c. schismata aut conventicula illicita ad schismata tendentia, absentiam, &c. an per contemptum baptismi, quem Miscreancie appellamus, dilationem baptismi in articulo mortis, contemptum Confirmationis Episcopalis; sacrilegium quando non est feloniam, negligentiam (si patres aut matres familias sint) in non mittendis liberis & famulis suis diebus Dominicis & festis, ut à Ministris in Catechismo erudiantur donec eundem perdidicerint; contemptum & desidiarum, si liberi & famuli à patribus & matribus familias missi ad Ecclesiam ut illic Catechizentur, tempore constituto non compareant: an per incuriam in non subserviendo clara voce ministro Confessionem, Orationem Dominicam, & symbolum (corpore tunc erecto) recitanti, in non subsuciendo responsa quæ in Libro communium Precum præcipiuntur, non inclinando genus quando confessio, litania, & reliquæ preces recitantur, nomen Domini Jesu quoties inter divina incidit non congrua & humili reverentia excipiendo; in capite quando divina celebrantur contegendo, nisi ex infirmitatis causa contegatur pileolo aut rica; an per immodestos gestus in templo, obambulationes, pulsationes campanarum, risum, garrutum, quemvis strepitum tempore divini cultus eum quoquo modo perturbantem;

tem; demum quasunque in aliis rebus tunc temporis occupationes quam in verbo diligenter audiendo; & precibus devote effundendis: an per venditionem eduliorum à cauponibus & tabernariis, & quorumvis ab illis receptionem in suas cauponas & tabernas; otiosas ambulationes in cœmeteriis & porticibus Ecclesiarum quando sacra fiunt; temerariam & otiosam ratiocinationem de scripturis & rebus sacris; prophanationem dierum sacrarum & Dominicarum in publicis nudinis & mercatibus celebrandis, servilibus & manualibus operibus faciendis, officinis venditioni & emptioni destinatis aperiendis: an per convitia aut contumelias in regimen Ecclesiasticum, Liturgiam, ritus sacros, formam ordinandi in Ecclesia Anglicana; communem vitæ usum & consuetudinem cum excommunicatis dum in vivis sunt, & præsentiam in cohonestanda eorum cum mortui fuerint sepultura. Denique an per prophanationem rerum divinis usibus dicatarum, ut sacri calicis, suggesti, patinæ, mensæ Eucharisticæ, Baptisterii, & in particulari per prophanationem Templi aut Cœmeterii, quæ fit pugnis, rixis, lictorum violentiis, (quas vulgo dicimus Arrests,) ludis scenicis, spectaculis, conviviis, tritutiis, lustrationibus militum, mercium venditionibus, & aliis negotiis secularibus. Secundò inquisitio fit, an delinquant in justitiam per calumniam seu mendacem infamationem, fœnerationem, contumeliam quæ malum culpæ, convitium quo malum pœnæ alieni objicitur in causa aliqua Ecclesiastica; an per Simoniacum ambitum, & in eo intercessum ad sacrum ordinem vel beneficium consequendum, temerariam administrationem bonorum defuncti, perjurium in spiritualibus causis & curiis Ecclesiasticis, subornationem perjurii in eisdem, crimen falsi circa aliquem actum Ecclesiasticum (ut in literis, ut loquuntur, testimonialibus, & sacrarum Ordinationum & Institutionum instrumentis) commissum; an per contemptum erga verbi Ministrum, violentas manus ei injiciendo, quibusque calumniis, contumeliis, & convitiis eum impetendo, fœtum dissidiorum inter maritum & uxorem, patrem & filium aut quosvis alios, detentionem legatorum ad usum pauperum, vel quemlibet alium pium usum destinatum; aut detentionem bonorum ad publicos usus Ecclesiæ destinatum, dilapidationem Ecclesiasticorum Bonorum & ædificiorum, defectum utensilium in Ecclesia, ut librorum sacrarum, baptisterii, mensæ sacræ, tapetis sericæ vel alterius materiæ decoræ pro ea contegenda, cistæ ad eleemosynarum custodiam, pulpiti &c. denique an per defectum commodi nitoris & ornatus in his omnibus quæ Parochianorum expensis sunt comparanda. Tertiò queritur, an delinquant in sobrietatem, per incestum cum consanguinea vel affini intra gradus Levit. 17. prohibitos, adulterium &c. spurcos sermones, cantilenas, rithmos à muscis vel aliis recitados, lenocinium & sollicitationem alienæ pudicitie, ebrietatem; an per matrimonium initum ante ætatem Ecclesiæ Canonibus constitutam, nempe quando mas est infra annum 14. femina 12. & priusquam contrahentes rudimenta religionis didicerint, matrimonium clandestinum vel ratione consensus parentum aut Tutorum non adhibiti, testium ultra duos non adhibitorum, trinundinæ denunciationis non adhibiti per tres dies Dominicales vel festos, temporis & loci si non in Parochiali Ecclesia in conspectu congregationis inter horas octavam & duodecimam solennizetur. Possent & plura enumerari, quæ habentur in Articulis, de quibus inquirebatur in Diocesi Glocestrensi & Bristolienfi anno 1594. Londinenfi anno 1589. & anno 1601. Wintonienfi anno 1603. Sciendum est primum, non omnia Delicta Canonica supra enumerata esse aut in Articulis illis. Sunt multo plura, quæ ad jurisdictionem Ecclesiasticam spectant, ut furtum, homicidium, Sodomia, polygamia, &c. Nam licet de iis iudicet Magistratus, nihil prohibet Ecclesiam etiam suo fungi officio, præsertim cessante aut remittente Magistratu. Nam quandiu magistratus non procedit ad pœnam mortis, exilii, relegationis, aut similem pœnam, quæ impediatur ne coram Senatu Ecclesiastico compareat, debet reus Censuris Ecclesiasticis castigari, & ad

ad veram resipiscentiam, si fieri possit, revocari. Idem delictum potest esse utriusque fori, Civilis nempe & Ecclesiastici, objectum; nec tamen unum detrahet jurisdictioni alterius. Etsi fur in foro civili cogatur ad restituendum quadruplum, non tamen absque explorata resipiscentia admittendus ad Sacramentorum perceptionem, sed ejiciendus donec resipuerit, ne Ecclesia fiat spelunca furum & latronum. Distinctio delictorum in Ecclesiastica & Laica efficit etiam, ut negligentiores sint Magistratus in castigandis quibusdam criminibus, quæ Lege Divina capitalia esse debebant, ut adulterii, incantationum &c. Enumerantur hic quædam delicta, de quibus raro aut nunquam formantur Articuli ad Oeconomorum informationem: & ostenditur in supra dictis potius, quod sint hæc omnia Ecclesiæ jurisdictioni subjecta, quam quod de iis omnibus inquirant in visitationibus suis Episcopi. Plures aut pauciores pro ipsorum arbitrio formantur Articuli de delictis, quæ ab Oeconomis & Testibus Synodalibus detegenda sunt & denuncianda, prout patet ex collatione Articulorum in Visitatione Diocesis Glocestrensis, Londinenfis, Wintonienfis, quorum supra memini. Articulos formant plerisque de delictis contra Canones de Conformitate, ut detegant & denuntient si Minister celebraverit sacram Coenam absque genuflexione, baptizaverit absque signo Crucis, mutet aut omitat quid in Libro Precum publicarum, dum celebrat Divina, num recitaret Litaniam diebus Mercurii & Veneris, num inter Liturgiæ publicæ celebrationem Superpelliciiis utatur, num diebus Dominicis tempore Divinorum festos, vigiliis, dies carnispriviales, in sequentem septimanam incidentes populo denunciarent, num excommunicatos aut absolutos in ipsorum Curiis denunciarent, num in publicis precibus memoret omnes Titulos Principis, num admiserit ad sacram Coenam Excommunicatum immerito in ipsorum Curiis, num precetur pro Archiepiscopis & Episcopis, num Rogationum diebus peragraverit limites Paroeciæ & cantaverit Psalmos 103. & 104. cum Suffragiis, Litaniam, & Homilia, præscriptis in hunc usum, de quibus omnibus & plerisque aliis videbimus infra in Officio Presbyterorum & Diaconorum. Item si ex populo aliquis diebus Dominicis, relicta paroecia ubi est mutus & miser Curio, profectus fuerit in aliam paroeciam auditurus concionatorem, si non subservierit clara voce ministro Confessionem, Orationem Dominicam, & Symbolum (corpore tunc erecto) recitanti, non subiiciendo responsa quæ in Libro communium Precum præcipiuntur, si non inclinaret genua quando Confessio, Litaniam, & reliquæ preces recensentur, si nomen Domini Jesu, quoties inter divina inciderit, non congrua & humili reverentia exceperit, si dies festos operibus manualibus & servilibus aut apertis tabernis prophanaret, an prophanaret cœmeterium, an convivia aut contumelias effuderit in regimen Ecclesiasticum, Liturgiam, ritus sacros, formam ordinandi in Ecclesia Anglicana, an ineat societatem cum excommunicatis ipsorum Curiis, an non communicaret geniculans. Denique in quacunque re se læsos fore existimant, aut Hierarchiæ suæ dignitatem imminui, de ea diligenter inquiri volunt. Adulterii, & incestus, aut scortationis, & similium delictorum reos etiam, fateor, detegendos curant, & quidem serio, non tamen sincerè, nempe ut citentur, & res clam transigatur adhibita quandoque pro forma Purgatione Canonica, aut Commutata Pœnitentia; nam ad publicam & solennem Pœnitentiam raro adiguntur. Quod ad Blasphemiam in Deum, in Scripturam, prophanationem Sabbathi, Simoniam, & alia multa, dicis causa tantum supra enumerata sunt. *Graviora peccata vel omnino non castigantur, ut blasphemia, Admonitio usura, ebrietas, &c. vel leviusculè, ut puta lodice lanea aut linteo velamine, ut adulterium, scortatio: & quæ non sunt vera delicta, ut si quis non fuerit conformis ritibus Pontificiis,*

tificiis, si non comparuerit ad sibi Cancellarii, Officialis, & id genus hominum, qui nullam habent citandi auctoritatem, severius coercentur, non solum excommunicatione, suspensione, deprivatione, atque aliis spiritualibus quæ dicunt coercionibus, sed etiam exilio, carcere, opprobriis, distictis, &c. Ubi magis grassatur Simonia? ubi magis execrandæ blasphemix in Deum? ubi major prophanatio Scripturarum, quàm etiam in concionibus publicis Formalistarum, præsertim in Aula? Et Episcopis cordi aut curæ est scilicet sanctificatio diei Dominicæ, qui cum in strictiorem illius observationem, uterque Senatus Parliamenti superior & inferior consensisset 27. Elizabethæ, reluctatum est à nullis magis quàm Episcopis, qui etiam authores fuerunt, ne Regina legem de ea re ferret. Possem addere & recentiora de eadem re exempla. Si singula quæ supra enumerata sunt percurrerem, videret lector, non aliter hîc recenseri delicta, quam apud Canonistas & Summistas pontificios, ubi plenior est enumeratio, ad ostentationem nempe, & fucum. Duo sunt genera delictorum quæ non negligunt, nempe quæ Hierachiam lædunt aut reliquias Papatus violant, vel quæ lucrum sibi & Curis suis afferunt. Sed cum hæc Constitutio, inquit Lindvadius, nihil lucri temporalis importare valeat in bursis Prælatorum, pauci sunt vel nulli qui eam exequantur, cum tamen & communiter Prælati circa observantiam illarum constitutionum multum invident, quarum prætextu pænæ aliquæ pecuniariæ à subditis levare possunt, prout aliàs notatur in constitutione Othonis, &c. In indice sic habet; *Verbis vigilare non curant Prælati quamplures, ut observentur statuta nullam utilitatem burſalem inducentia.* De Genevensium disciplina contrà testimonium præbet Bodinus in *Methodo Histor.* Quorum illud, inquit, laudabile est, si quid uspiam gentium, quodque rempublicam efficit, si non opibus & imperii magnitudine, certe virtute ac pietate florentem: illa nempe Pontificum censura, qua nihil majus aut divinius cogitari potuit ad coercendos hominum cupiditates, & ea vitia quæ legibus humanis & judiciis emendari nullo modo possunt. Hæc tamen coercitio in Christi normam dirigitur, latenter primùm & amice, deinde paulò acerbius, tunc nisi pareas sequitur interdictio sacrorum gravis & efficacis, interdictionem animadversio Magistratus. Ita fit ut quæ legibus nusquam vindicantur, illic sine vi ac tumultu coerceantur. Igitur nulla meretricia, nullæ ebrietates, nullæ saltationes, nulli mendici, nulli otiosi in illa civitate reperiuntur.

Hactenus vidimus capita, de quibus juxta Canones suos Visitatores Episcopi in triennialibus Dioeceseon suarum visitationibus instituunt explorationem; jam videndum quo ordine progrediuntur, ut illa si fuerint contra Canones perpetrata detegant, aut quibus mediis exquirunt. Primum Episcopus per sua scripta significat omnibus verbis Ministris, Oeconomis, Testibus Synodalibus trium vel quatuor Decanatum (tota enim Diæcesis plures Decanatus complectens adeo ampla est ut omnes omnium Decanatum Ministri, Oeconomi, Synodales Testes commodè uno loco & simul interesse nequeant) ut statuto die & hora in aliqua primaria horum Decanatum Ecclesia compareant. Cum autem tempore & loco indictis Episcopus cum suo Cancellario seu Vicario & Archidiacono suo assistentibus ac reliqui ad comparandum moniti convenerint; post effusas apud Deum preces, & concionem ab ipso Episcopo aut exercitato aliquo Theologo habitam, qualis Formalista ille qui in visitatione quadam Dunelmensis Dioeceseos dixerat, Papam esse legitimum Petri successorem, &c. de mutui Pastoris in gregem & gregis in Pastorem officiis, omnes coram Episcopo in eminentiori Ecclesiæ parte sedenti se sistunt. Tum Episcopus brevi commemorat Oeconomis & Testibus Synodalibus, quoniam sint præcipui defectus, & quæ crimina quibus detegendis debent sedulè & fideliter operam suam navare, quam arctum sit coram Deo conscientix vinculum solenne illud juramentum, quo sacro codice manu apprehenso & ore deosculato sanctè spondent se, tanquam Deum continuò præ oculis habentes, absque odio, favore, spe, metu, omni-

Affector Politiæ Ecclesiast. verè Christianæ
p. 187.

Provin. l. 3.
Tit. de Vita
& Honestat.
Cleric. Cap.
Ut clericali
verbis vigi-
lauer.

Muckert. de
Pol. p. 325.

omnique pravo affectu, cum ardenti zelo ad promovendum pietatem, (dixisset ad expellendam sitim Curiae) & impietatem extirpandam, (dixisset sinceritatem & puritatem religionis exterminandam,) omnes infra suas paræcias delictorum supra enumeratorum, non nisi in articulis ipsis oblati digestorum, aut facti evidentiâ, vel probabilibus indiciis, aut vehementi suspitione, aut publica fama, reos Ordinario suo detesturos & denunciaturus. Juratos habent Corycæos ad exploratores Oeconomos & testes Synodales, ut duo illa delictorum genera de quibus supra dixi per eos exquirant, sæpissimè tamen perjuros, ut fateatur ipse Mucketus cum ait Presbyteros ab Eu-
 charistiæ perceptione repellere debere, donec resipuerint, Oeconomos & testes Synodales in criminibus Ordinario retegendis nefariè perjuros. Ordinariorum appellations comprehenduntur non modo Episcopi, sed etiam alii inferiores Prælati, seu quilibet habens jurisdictionem ordinariam. Pergo. Deinde alloquitur verbi Ministros ut cum Oeconomis & testibus Synodalibus in criminibus retegendis operas suas velint communicare, & sibi in suo officio præstando, præ timore potentium aut incuria, fuerint remissiores, ipsi illa deferant castiganda. Poscit opem & subsidiariam operam Ministri ad denuncianda, sed non ad castiganda, delicta; imo præcipua denunciationum cura incumbit Oeconomis & testibus Synodalibus, non Ministro qui, sicut illi, non adstringitur juramenti vinculo: imo sæpius Oeconomi ipsius Ministri delicta contra impios & impuros ipsorum canones & ritus denunciant. Hortatur præterea & monet Ministros ut officio suo fideliter fungantur, ignaros instruendo, immeritos redarguendo, hortando segnes, reducendo errantes, confirmando infirmos, consolando affictos &c. Cum tamen eorum plerique ad hæc munera tam apti sint quam bos ad volandum; miseri Curiones qui vix intelligunt quæ legunt ex præscripta liturgia. Atque his, ita summa, affectata, & vix quidem affectata, cum pietate & gravitate, peractis, & certo die præstituto, quo verbi Ministri, Oeconomi, Testes Synodales, suas delictorum detectiones Episcopo vel ejus Vicario monentur deferre; solvitur hic sacer (quia auri sacra fames) confessus. Postquam autem tempore designato delinquentium nomina & habitationes secundum juris formulas Episcopo delata fuerint, illos accersit, & quorum erratorum accusantur judicat. Quæ si agnoscantur & leviora sunt, delinquentes ab eo animo sedato (qui nunquam commotus) & ex charitates, in seipsum magis quam errantem, affectu tantum increpantur, redarguuntur, admonentur, quasi per ludum & jocum, ut resipiscant & in posterum fiant cautiore, si non castiores: sin graviora sint, prout ipsi eorumque Cancellarii gravitatem pensant, nec agnoscantur, exigit ab accusatis, si fide digni & verisimile est eos non pejuraturos, si non transegerint cum Episcopo aut Cancellario, ut suam innocentiam præstituto juramento testentur. Quod si interposito juramento quidpiam asserere vel negare recusaverint, & ad hoc faciendum trinis vicibus solenniter rogati perveraces persisterint, sua taciturnitate tanquam propria confessione, rei pronunciantur. Et tamen si juramento obstricti intentatum sibi crimen repulerint, tamen non dimittuntur insontes, priusquam sustinuerint canonicam sui purgationem. Purgatio Canonica introducta est ad abolendam purgationem vulgarem. Purgatio vulgaris dicta, quæ fiebat per duellum, per candens ferrum & judicium aquæ frigidæ vel ferventis, quæ quia passim recepta erat, vulgaris dicta est. Canonice purgationis ordinem sic describit Mucketus. Episcopus seu ejus Vicarius imperat reo ab Oeconomis denunciato, ut ad purgandum se à crimine sibi objecto die statuto ad Judicii locum redeat & secum afferat compurgatores quatuor, sex, vel octo, secundum judicis arbitrium pro loci distantia & delicti aut personæ qualitate eorum numerum æstimantis, spectatæ probitatis viros sibi vicinos, suamque vitam exploratam habentes, qui illum ab hoc delicto immunem esse juramento suo confirment. Interea Episcopus Ministro Parochiæ, cujus reus est incola, præcipit, ut per sex ad minimum dies ante tempus pur-

P. 344

De Politia
pag. 327.

gationi destinatum, hoc suum mandatum publicè in Ecclesiis, dum sacra celebrantur, notum faciat omnibus suis parochianis; indicans ut tum compurgatorium, tam rei nomina, diemque purgationis: ut si aliqui sint contra hanc exceptiones prolaturi, illas Episcopo ejusve Vicario, tempore constituto, exhibeant. Tandem cum compurgatores una cum reo comparuerint, & us Oeconomiorem deletiones cum singulis illarum circumstantiis clarè fuerint patefactæ, & reus forti animo & constanti juramentum veritatis præstiterit se non commississe crimen sibi intentatum, compurgatores etiam juramentum credulitatis apposuerunt, quod conscientia sua persuasissimum habeant, eum verum jurasse, subinde habetur insons. Verum si reus nullos compurgatores queat comparare, aut duntaxat legitimis exceptionibus expositus; sententia judicis reus decernitur: & ad tempus, si crimen ejus fuerit publicum totamque Ecclesia offenderit, excommunicatur; eique per excommunicationem humiliato (ut Ecclesiæ satisfiat & palam constet illum resipuisse) infligitur publica penitentia, quæ cum magis fuerit sollemnis h's ritibus peragitur. Vide supra ritus sollemnis poenitentiae. Obtinuit olim, ut ait Ivo Episcopus Carnotensis Epist. 206. ut fieret Purgatio Canonica ejus tantum juramento, qui pravæ alicujus suspicionis macula laboraret. Postea illud in usu cœpit esse, ut & compurgatores adhiberentur, qui jurati testimonium dicerent de innocentia rei & exceptiones ejus adfirmarent. Id fieri dicitur adsumpta manu tertia, quarta, vel septima, ordinis sui, id est, ut qui ad purgationem cum reo admittuntur, ejusdem gradus sint, ordinis, & conditionis. Manus vero mentio fit κατὰ ἑξῆς, quia, tactis sacrosanctis Evangelis, quasi manu juratur. Quando reus Purgationem Canonicam sustinere velit, quales sibi comparet compurgatores vidimus supra in Barroi testimonio. Sed de Purgatione Canonica dicendi occasio recurret prope finem Capituli.

Chassan. Pa-
rat. in De-
cret. l. 5.
Tit. 34.

Episcopi Anglicani non visitant singulas Ecclesias particulares seu parœcias: sed ut supra dixit Muckerus, convocatis trium aut quatuor Decanatum Oeconomis, testibus Synodalibus, & Ministris, generali in delicta inquisitione ununtur, & quidem singulis tantum trienniis. At Episcopi Gallicani visitant singulas quotannis. Præcipuum hoc Episcopalis officii munus est, vultum pecoris sui agnoscere, & super greges suos considerare. Quotannis itaque singulas, & sibi subditas & alias etiam exemptas, quarum visitatio facultate sibi à sacris Canonibus concessa, eorum curæ incumbit, Ecclesias Episcopi visitant. Quæ anno perfici non poterit, in sequentem visitatio prorogatur. Sic decretum in Concilio Tholosano anno 1590. In Burdegalensi anno 1582. decretum, Quod si eam totam propter ejus latitudinem peragrarè non possint, saltem majorem ejus partem lustrare curent, ita tamen ut biennio compleatur. Idem Decretum in Concilio Rhem. anno 1583. In Concil. Trident. Sess. 24. c. 3. de reform. ut quotannis visitent & intra biennium suæ diœceseos visitationem absolvant. Præterea Episcopi licet opima habeant beneficia, & amplos redditus, quibus sustinere possunt onera sui muneris, tamen visitationibus annexum habent salarium quoddam, quod procurationem vocant; quia scilicet, Nemo tenetur beneficium facere de proprio vel propriis stipendius militare. Sic milites isti mercenarii stipendio pliusquam liberali conductu non militabunt, nisi numerato pro singulis fere militiæ actibus stipendio. Primum quidem institutum est, ut visitatori ejusque comitibus annonæ, cibaria & pabulum jumentorum præberentur ab Ecclesia quam visitabat procurationis nomine die illo quo visitabat; & canonibus cautum est ne graviore essent oneri Ecclesiis eas obeundo. Grave nimis esse dignoscitur, quod quidam Prælatorum ita in procurationibus graves existant, ut interdum Ecclesiastica ornamenta subditi exponere compellantur, & longi temporis victum brevis hora consumat. Quocirca statui-mus, quod Archiepiscopi parœcias visitantes, pro diversitate provinciarum & facultati-bus Ecclesiarum, 40 vel 50 electionum numerum, Episcopi autem 20 vel 30, Cardinales 25

Decret. Lib.
3. Tit. 39.
Cap. Cum
Apost.

nunquam excedant; Archidiaconi vero 5 vel 7, Decani constituti sub Episcopis duobus equis contenti existant. Nec cum canibus venatoriis & avibus procedant, sed ita procedant, ut non quæ sua sunt, sed quæ Jesu Christi querere videantur. Nec sumptuosas epulas querant, sed cum gratiarum actione recipiant, quod honestè & competenter illis fuerit ministratum. Sic decretum in Concilio Lateranensi. In Concilio Tholosano anno 1590. decretum in hunc modum. Episcopi in visitatione sint modesto equitatu famulatuque contenti. Qui plures quam qui pro dignitate Episcopi sufficiunt equos hominesve secum duxerint, eos illi propriis sumptibus alant. Duo tantum mensæ fercula etiam jubeant apponi. Inferiorum visitatorum comitatum, pro temporum, locorum, personarumque ratione definiant. Postea plerisque locis cibariorum & annonæ vice data pecunia procurationis nomine. Felix recordationis Gregorius Papa X. prædecessor noster, inquit Bonifacius VIII. prohibuit in Concilio Lugdunensi, ne aliqui ob procurationem sibi ratione visitationis debitam exigere pecuniam præsumerent, vel etiam recipere à volente. Verum quoniam rerum experientia vos instruxit ex tam personis visitantibus quam locis Ecclesiis visitatis multa incommodorum dispendia provenire; concedimus ut Patriarchæ, Archiepiscopi, Episcopi, & alii quibus ex officio competit visitare, à volentibus Ecclesiarum & locorum visitatorum Rectoribus seu Personis, pecuniam licitè recipere valeant pro sumptibus moderatis faciendis in victualibus, diebus quibus visitationes personaliter exercebunt: adjacentes quod non liceat visitanti, nisi unam procurationem recipere una die, sive unum locum visitaverit sive plura, etiamsi locus quilibet visitatus ab illo sufficeret ad procurationem integram persolvendam, cum eidem sufficere debeat, ut temporalia metat à locis personaliter visitatis pro diebus quibus eis spiritualia subministrat. Ratio autem, inquit Lindvodius, quare visitans plures Ecclesias uno die non recipiet nisi unam procurationem est, quia visitatio est principale, procuratio accessorium, ideo visitationi unius diei non debet accedere procuratio plurium, nec convenit, quod accessorium sit majus suo principali. Episcopi Anglicani plures imò circiter quadraginta Ecclesias visitant uno die, uno loco, & tamen non unius, sed omnium & singularum procurationes exigunt. In Anglia communis usus habet, inquit Lindvodius, ut nomine procurationis Archidiaconus recipiat in pecunia 7 solidos & 6 denarios, hoc est pro seipso, & equo suo 28 denarios, & pro quolibet alia evectione cum suo sessore 12 denarios; ubi vero consuetudo summam procurationis non limitat, recurrendum est ad ea quæ habentur in Extravaganti Benedicti quæ incipit Vas electionis. Piacesius in Praxi Episcopali ait, quod munera qualiacunque, & quomodocunque illa offerantur, recipere non potest, ne quidem comestibilia, ut secum asportet. Neque Cancellarius, Auditor, vel Notarius Episcopi recipere quicquam potest à visitatis pro scripturae processus visitationis. Neque tenentur visitati præstare vesturas equorum neque ferraturas pro equis visitatoris. Procurationem tamen sive alimenta illius diei quo visitat pro ipso & suo comitatu visitati providere obligentur. Non epulæ autem sumptuosæ, sed victus frugaliter pro temporis necessitate quo visitatio expeditur, & non amplius dari debet. Et non nisi pro moderato comitatu qui viginti vel triginta evectiones excedere non debet. Et quidem hic numerus comitatus in locis abundantibus redditibus sustineri posset; aliæ autem Ecclesiæ pauperes quæ tanto numero sustentando sufficere non possent, ultra suas vires gravari non debent, Cap. Illud te 10. quæst. 3. sed si una non sufficiat ad sustentationem due vel tres vel etiam plures unam procurationem componunt, Cap. Procurationes, De censibus. Liberum est etiam visitatis, si velint, pecunia redimere procurationem: Visitator tenetur recipere in ea specie quæ oblata, Cap. Felix de Censibus.

Visitationum utilitatem & necessitatem pene incredibilem cum Zeppero agnoscimus, & gradus illos qui Synodorum vel conventuum gradibus respondent; domesticas per Consistorium ejusve Deputatos visitatores; Consistorii per Classeo-

Bachellus
pag. 864.

Decret. Lib.
3 Tit. 20.
Cap. 3.

Provine.
Lib. 3. Tit.
de Censib.
Cap. Quamvis
verb.

Canoness.

Part. 2. Cap.
3. p. 255.

256.

De Tolit. l.
3. Cap. 12.

rumve Deputatos; Classium per Synodum particularem seu Provincialem ejusve Deputatos; Synodi particularis per Nationalem ejusve Deputatos: modo ne pauci Deputati ultra inquisitionem excessuum & defectuum procedant ad correctionem & censuras, sed renuntient deputantibus. Nam illud esset emittere temporarios quosdam Episcopos. Sed in Ecclesia Anglicana nulla talis conventuum subordinatio, & proinde nec quæ ei respondeat visitationum. Archiepiscopi, Episcopi, Archidiaconi hanc omnem potestatem sibi vendicant. Non visitant singulas Ecclesias, prout secundum veteres Canones debent, nisi necessitatis coegerit duas tresve aut plures una vel duo die visitare, sed 40. uno die uno loco per Oeconomos & testes Synodales. Non singulis annis, sed singulis trienniis, non ut inquirant tantum & referant ad Senatum Ecclesiasticum, sed ut ipsi corrigant per se aut suos Officiales: nec tam ut corrigant quam ut variis artibus nummos corrodant; proinde, ut audio, apud Anglos usurpatur istud, disterium in visitantem; venit Episcopus ad comparandum sibi aurum. *Quis mihi det ut viacum Ecclesiam Dei sicut in diebus antiquis, quando Apostoli laxabant retia in capturam, non auri, sed animarum; dicit alicubi Bernardus de Considerat. ad Eugenium. Denique non est necesse ut per se visitent, possunt per alios. Ut quod quidam ait, A bove majori disce arare minor. Minores non tantum Episcopi sed & Archidiaconi, eorumque male Officiosi (absit verbo invidia, nam de malis loquor, quæ plurima turba est, non de bonis quorum utinam major esset multitudo,) eorum inquam Officiales & Vicarii plerunque, dum Dioceses & Paræcias obequant, non tam facinorosos & criminum reos pœnis & correctionibus à vitiis deterrent, quo sine peregrinationes hujusmodi olim fuerunt jure Canonico ordinatæ, quam pecunia præsentis & numerata titulo procuratoris, ne dicam fictitiæ jurisdictionis, emungunt, & exsugunt tum clericos tum laicos, inquit Espencæus in Epist. ad Titum. Visitantium retia declinare non possunt Ludimagistri. Oportet omnes singulis visitationibus ostendere facultatem concessam erudiendi pueros; & licet nihil inerit vitii, oportet novo salario redimere inspicimus illud seu approbamus.*

Macket.
p. 322.

Hæ sunt publicæ & magis generales per totam Diocesin inquisitiones, sunt & Episcopales in Ecclesia Anglicana Visitaciones Cathedralium Ecclesiarum & Hospitalium, quæ sunt tanquam privatæ, inquit Macketus. De Ecclesiarum Cathedralium Visitacione licet nihil legimus, facile tamen conjici potest, eundem servari ordinem qui apud Pontificios; Inquirunt apud Pontificios, an quilibet officium suæ præbendæ annexum exerceat? num Prælati & Canonici ad pulsus campanæ soleant congregari? num in admissione ad possessionem Canonicatum Præbendarum vel Distributionum accipiant deductiones aliquas ex fructibus, solutiones, donativa, seu jucundos ingressus, vel si quo alio nomine vocentur? professionem fidei num exigant à recipiendis? num distributiones quotidianæ sint sufficientes, an ita tennes ut verisimiliter negligantur? an juxta præscriptum juris dividantur, & similia? vide Piacesium: & his similia Anglicani, de quibus infra videbimus. Hospitalium, & Curiarum Visitatio etiam similis est. Sed ne Visitator subditis exhibere medicamenta salutis se velle præ se ferens, præbeat mortis exempla; prius familiam suam reformare, mores suos & domesticorum ad præscripta puriorum Canonum componere debet. Nam ipsius familia est quasi in speculo posita ut sit magistra publicæ disciplinæ. Legant Præsules Anglicani Caput Primum de Reformatione Sess. 25 Concil. Trident. *Optandum.*

Sequitur Episcoporum Contentiosa circa causas Ecclesiasticas Jurisdictio, ubi judicium redditur in invitum. Non enim sponte compareret Reus, nec libenter expectat judicis sententiam, ideo dicitur Reus pars fugiens. Sunt autem Causæ, vel Civiles, vel Criminales.

Con-

Contentiosa Jurisdictio, in qua considerantur, vel Personæ, vel Res judicatæ, vel Judicia ipsa.

Personæ in judicio versantes; **Judex**, isque vel **Ordinarius** ipse, vel **Surrogatus** ipsius; aut **Partes**, **Actor** & **Reus**: hi- que litigant, vel per seipso, vel aliorum, **Consilium**, ut **Advocatorum**, **Operam**, ut **Procuratorum**.

Res Judicatæ, exque sunt vel **Publici**, vel **Privati** interesse.

Publici, vel **Interesse**, vel **Vindictæ**; **Interesse**, ut pro contributione ad **Reparationes**, in **Ecclesiæ fabricam**, aut **Cœmeterii maceriam**, infumendas; vel acquisitionem aliqujus rei, quæ desideratur in **Ecclesia**. **Vindictæ**, pro delicto, vel contumelia, **Ecclesiasticis** puniendis.

Robertus Winchelfsee statuit, ut **Parœciani** suis sumptibus compararent *legen. Lindwode* *dam*, *antiphonarium*, *graduale*, *psalterium*, *troperium*, *librum sequentiarum*, *Ordina. Provinc.* *le*, *missale*, *manuale*, *calcem* &c. Item repararent *clausuram cœmeterii*, & *navim* *Tit de Edific.* *Ecclesiæ tam interius quam exterius*, tam in imaginibus quam fenestris vitreis, item *li-* *cand. Eccles.* *bros* & *vestimenta*, quando opus erat *reparatione*. Sic in Constitutionibus anni 1604. statutum, ut **Ecclesiarum** & **Capellarum** omnium **Oeconomi** & **Inquisitores** sumptibus **Parochianorum** compararent **Librum Publicarum Precum**, **Biblia** amplissimi voluminis, **Homiliarum** **Libros** publica auctoritate approbatos; ut **Baptisterium** ex lapide in loco antiquitus usitato statuatur; ut **Mensæ** in usum sacre **Cœnæ** conserventur, & subinde reficiantur, & tempore divini cultus operiantur **Tape-** **te** ex **Serico**, sive ex alia quæ per loci **Ordinarium** decora & congrua judicabitur materia; ut **Decalogus** pingatur in orientali parte **Ecclesiæ**; ut **Ecclesiæ** **sartæ** **testæ** conserventur. **Ecclesiæ** **fabricam** reficiendam, **sarta testæ** conservanda, **necessaria** & **commoda utensilia** comparanda probamus: sed ubi quarta **Bonorum Ecclesiasticorum** pars, quæ fabricis reficiendis destinata erat, primum & **navi** & **câncello**, jam ne quidem **câncello** reficiendo plerisque in locis reservata? *Hæc reparatio*, nempe **Cancelli**, *de jure communi* pertinet ad eum, qui recepit *quar. De Officiò* *tam illam*, quæ ab antiquo assignata erat *fabricæ Ecclesiæ*, 12. q. 2. quatuor; & sic *de ju. Archidia-* *re communi* pertinet ad **Rectorem**, qui habet ipsam quartam, non autem *parochiano*, 10. *con. c. Ar-* *q. 3. c. unio*: consuetudo tamen transfert onus *reparationis*, saltem *navis Ecclesiæ*, in *Pa-* *chidia-* *rochianos*, & similiter **cancelli** quandoque, sicut satis constat in civitate **Londinensi** in multis **Ecclesiis**; & hanc consuetudinem servare debent compelli **Parochiani**. **Secundo** *con-* *cludit*, quod in casu *distæ* consuetudinis **Parochiani** debent contribuere ad **fabricam** *secun-* *dum* *portionem* *terræ* quam possident & *numerum* *animalium* quæ tenent & *nutriunt* *in-* *tra* *Parochiam*, inquit **Lindvodius**. Sed unde orta consuetudo, nisi ab **Ecclesiasti-** **corum** & præsertim **Episcoporum** inextinguibili avaritia, ad **luxum** & **splendorem** omnia bona **Ecclesiæ** absorbentium, & **populum** novis oneribus prementium?

Privati Interesse, versaturque in **Causis**, vel **Mâtrimonii**, vel

Successionis in bona, vel Ecclesiasticorum Jurium.

Matrimonii, vel per Actionem, Directam, aut Contrariam; Directam, estque Matrimoni. 1. Conciliandi, veluti quando agitur, ut juxta contractum celebretur & consummetur matrimonium, post celebrationem præstentur obsequia mutua conjugalia: Contrariam, veluti quando intendimus actionem jactitationis matrimonii contra eum, qui falso jactitat contractum matrimonialem intercessisse in præjudicium nostrum. 2. Supportandi, veluti quando post nuptias agitur pro pecunia in dotem cum sponfa promissa. 3. Dissolvendi, ob 1. Præcontractum alterutrius cum altero matrimonialem. 2. Frigiditatem perpetuam & incurabilem. 3. Consanguinitatem, vel affinitatem, vel per concubitum licitum vel illicitum. 4. Adulterium, cum quis violat thorum alienum aut suum. 5. Nimiā sævitiam, in quo casu fit à thoro & mensa, non à vinculo, separatio.

De Politia
Eccles. Angl.
pag. 331.

Ad Actionem Directam refert Mucketus jus, quo petitur ut post celebrationem, quando alter conjugum alteri vi vel dolo aufertur, ut restituatur, & humanus tractetur, & ei præstentur obsequia conjugalia. Ad Matrimonium supportandum, quando post nuptias agitur de legitimis vel illegitimis natalibus &c. Ad matrimonium dissolvendum quoad præsuppositum vinculum; ob defectum consensus, ex metu, ex ætate infra 14 annis & 12 femine annos, vel ex personæ ignorantia; ob præcontractum alterutrius cum altero matrimonium; ob frigiditatem perpetuam & incurabilem, consanguinitatem vel affinitatem contractam per concubitum licitum aut illicitum. Ultimo ad Matrimonium separandum secundum thorum & mensam, vel propter adulterium, vel propter nimiam sævitiam: & in separatione ex hac posteriori causa peracta, agitur ad comparandum alimentis sumptus, quibus uxor, in quam sævitum est, se sustentet. Contractus Mixtus est, partim Divinus, partim Politicus, qui non, ut alii contractus, sola contrahentium voluntate, sed imprimis Dei ipsius interventu & autoritate sancitur, & proinde non est locus dissolutioni ex sola contrahentium voluntate, sicut in aliis contractibus. Cum igitur sit partim Divinus, causæ etiam matrimoniales ex parte ad forum Ecclesiasticum pertinent. Nam in conciliando matrimonio cavendum ne contrahatur inter gradus prohibitos jure Divino, alioqui incestuosus pollueretur Ecclesia. Licet igitur cessaret Magistratus aut etiam permetteret matrimonia intra gradus prohibitos jure Divino, non debet connivere Ecclesia, aut ferre in suo cœtu talia membra. Fungantur judices Ecclesiastici officio suo; ejiciant ex Ecclesia quos non possunt ex Republica. Quod de conciliando & contrahendo matrimonio, idem de dissolvendo dicimus. Nam absque legitima causa in verbo præscripta non sunt approbanda Divortia. Sed quorsum hoc ad Officiales, Promotores, Procuratores, totam denique illam porcorum collusionem quæ Ecclesiam Dei jam pridem devastat? quorsum hoc ad illa non Ecclesiæ tantummodo Christianæ, verum etiam universi mundi, dedecora? Quatenus autem hic contractus ad societatem humanam spectat, Civilis est. Sed rursus quum contractus iste, ut paulo ante dixi, vel maxime ad societ-

societatem humanam pertineat, plurimæque merè civilia in controversiis conjugali-
bus in- Beza ibi-
cidunt, ut quæ ad jus dotum, ad donationes mutuas, & plurima ejusmodi spectent; at-
que adeo plurimum inter sit reipublicæ rite aut minus rite ex verbo Dei conjunctos aut po-
stea separatos, auctoritate quoque magistratus divinarum etiam legum custodis vindicisque
cognosci: jure certe suo non tantum prophani, verum etiam Christiani & religiosi, Principes
leges de conjugii posuerunt passim extantes & ex eis civiliter judicant. Apud Anglos
eadem jurisdictio in causis matrimonialibus, quæ apud Pontificios, confusa & mix-
ta, partim Civilis, partim Ecclesiastica. Cofinus de rebus datis vel promissis ob
causam matrimonii affirmat, quod ad Ecclesiasticam jurisdictionem spectant. Ci-
tat Bractonem idipsum asserentem. Sic de rebus datis vel promissis ob causam matri-
monii principaliter: & sic de rebus quæ accidunt matrimonio, ut si pecunia promissa fue-
rit ob causam matrimonii; quia ejusdem juris id est jurisdictionis esse debet accessorium cu-
jus est principale. Ac si jurisdictio de causa principali nullo modo spectaret ad Ec-
clesiasticum Magistratum; aut separari non possint accessorium & principale. His
exceptis conditionibus, nempe Monogamia, intolubilitate, & erga proprium san-
guinem cognationisque gradum aliquem reverentia, jam contractus matrimonii, ut
contractus est & sane humanus corporeus & totus in genere rerum temporalium, civilis
est, & civili omnino subiectus potestati: ac promde in multis aliis conditionibus & cir-
cumstantiis per ipsam civilem potestatem est regulabilis, ait Spalatensis. Ex matrimo-
niis bonorum & hæreditatum, imo etiam regnorum, dominia & successiones pen-
dent. Excludendæ igitur Magistratus à causa principali, & solis Officialibus
Episcoporum vilissimis mancipiis committenda? Quæcunque igitur sive Pontificii,
sive Episcopales Canones civiliter de conjugii, ut & de rebus fere omnibus, statuerunt, ea
Christianorum omnium Principum munus est, vel suo nomine edere, si justa sunt, vel ut
ab illegitimis legislatoribus sancita abolere: nedum ut ubi instaurata est pura religio, ullo
modo ferri tam turpis, tam manifesta, tam denique intolerabilis ætæque debeat, quam
Episcoporum ambitio extorsit, avaritia eorundem confirmavit, utraque aboleri jam non
sinit. Præterea judicant Officiales secundum jus Canonicum; ex eoque Divortium,
etiam ob adulterium, non esse cum solutione vinculi, sed separatione quoad tho-
rum & mensam, statuunt, unde sequitur separatos non posse contrahere novum
matrimonium. In & de republica Iudaica loquebatur Christus, in qua tam viri quam
fœminæ adulterium morte expiatur, & sic conjux innocens ab illo conjugio penitus li-
ber erat. Cum ergo, ait Spalatensis, quantum ex parte levis mortua sit adultera, etiam
si ex misericordia vivat; vir tamen ejus ita liber est, ac si factò ipso mortua illa esset.
Quæstio proposita erat de Repudio, etiam ubi nulla suberat pœna mortis, quo
tamen & dimittens & dimissa liberi erant ad nova matrimonia; Christus tantum
causam improbat omnem excepta fornicationis, libertatem illam non tollit. Qui
de matrimonialibus causis justum tractatum & plenam dissertationem desiderat, a-
deat Beza Tractatum de Polygamia, Repudiis & Divortiis, & responsum ad Ne-
ocomensium literas Epistola 10. ubi tractatæ quæstio, an propter Leporam fieri pos-
sit divortium. Non enim datur impræsentiarum immorari in singulis. Tantum ad-
dam pauca ex Assertionem Politicæ Christianæ. Totius controversiæ cardo vertitur præ-
cipue in eo; num contractus conceptus fuerat per verba de futuro, cum juramento, an
absque juramento. Multum sudant revolvendo & replicando ingentia volumina ad pro-
bandum vel confutandum, accipio & accipiam. Quandoque amittant de literis & ac-
centibus. Quantus labor in discutiendis locutionum formulis; si quis dixerit, te volo, te
accipiam, mihi perplacet te accipere, nullam nisi te volo, si unquam duxero uxorem te
ducam, & non directe responderit, te accipio in uxorem? Et utcumque in scripturis de-
terminatum sit, & jure civili de consensu parentum; in Ecclesiasticis tamen Curis obti-
net

Apologia
Part. 1. p.
26.

De Rep l. 5.
C. 11. Num.
1.

Beza de Re-
pudiis ibid.

Lib. 16
Num. 10.

Pag. 109. &
C. 109.

net jus Papale Canonicum, quo definitur consensus parentum esse tantum de honestate, non de necessitate; & quod matrimonia debent esse libera, & non pendere ex alieno arbitrio. Quod si matrimonium non contrahendum absque consensu parentum nec celebrandum absque legitima promulgatione, non obstante sola facultate concessa; verisimile est multorum hereditates ob legitimorum aut illegitimorum natalium controversiam ex jure Canonico definiendam non diu, ut nunc plerumque fit, incertas fore. Non tot & tam durabiles lites orirentur inter posteros unius de jure hereditatis & patrimonii: nec multi ex ordine equestri & Generosi lugerent quasi furto surreptas filias, neptes, pupillas. Nec foret possibile, ut ulla impetraret quatuor aut quinque diversas facultates nubendi quatuor aut quinque maritis: nec in Ecclesiastica Curia concederetur facultas indefinita, relicto loco puro & vacuo quo quodlibet nomen inscribi possit, qua potest impetrans matrimonium contrahere cum nupta aut sorore: nec post solemniter celebratum matrimonium, & cohabitationem quatuor aut sex annorum, orto dissidio aut fastidio, prætextu alicujus præcontractus probandi per testes suppositos nullum decerneretur: nec cuivis, post matrimonium solenni more celebratum & ratione divortii ob allegatum præcontractum rursus dissolutum, & contractum cum eo matrimonium pro quo sententia præcontractus lata est, idque coactè per censuras Ecclesiasticas permittente eodem Consistorio, liceret post divortium 10 aut 12 annorum priorem quam habuit uxorem repetere jam etiam nuptam, quæque posset ostendere libellum testimonialem divortii ex eodem Consistorio multos ante annos emanantem. Quibus indiciiis & argumentis adulterium evinci volunt, absque quibus opera perditur, horret animus vel cogitare, ait Barrous. Possent hîc multa alia referri, sed quid opus est, cum à Pontificiis Consistoriis Anglicana quis discere potest? nam qui illa nôrit & ista noverit.

Detestatio.
p. 233.

Successionis in Bona defuncti, Testamento condito, vel ab intestato demortui. Defuncti Testamento condito; Universalis, veluti quando agitur ad probandum vel improbandum Testamentum exhibitum; Particularis, veluti cum agitur ad Legatum aliquod consequendum. Ab Intestato demortui, idque vel proprie, cum nullum conditur Testamentum; vel per viam intestati, cum nullus est qui onus executionis testamenti in se suscipere velit. Agiturque, vel ad consequendam administrationem, vel contra temerarium administratorem. Ad consequendam administrationem, vel simpliciter, vel cum voluntate ultima annexa, ut compleatur, vel cum tutela & ad usum Minoris. Contra temerarium administratorem, qui nulla munitus autoritate sese defuncti bonis immiscet.

De Causis Testamentariis egimus supra pag. 53. 54. vide etiam pag. 286. Causas omnes Testamentarias esse propriè Civiles, non negant adversarii.

Ecclesiasticorum jurium, qualia sunt; Decimæ prædiales persona-

sonales, Mixtæ; Oblationes debitæ pro consuetudine, vel Qualibet anni Quarta, in Baptismis, Matrimoniorum Benedictionibus, in Gratiarum actione à Puerperio, Sepulturis; Mortuaria; Impensæ ob dilapidationes ædificiorum Ecclesiasticorum per prædecessorem factas; Pensiones indemnitis; Procurationes visitationis plerumque præstandæ; Synodalia; Salaria quædam debita ex causis judicialibus, vel judici, vel advocato, vel procuratori, vel scribæ; Extrajudicialibus, ut Curatis, Ædituis.

Denique, ait Mucketus, jura beneficii vel acquirendi, cum præsentatum Ordinarius absque De Politia legitima causa rejicere videtur; vel retinendi contra Ordinarium aliumve quemlibet, qui Eccles. An. beneficio ejusve possessione absque legitima causa nos spoliatos volunt; vel recuperandi contra Ordinarium, qui minus julte nos spoliasset beneficio ejusve fructibus videtur, & contra quemlibet alium qui in nostrum beneficium intrusit se propria autoritate aut præten- gl. p. 332.
Ordinarii admissione. Decimæ personales solvuntur ratione personæ, puta ex lucro negotiationis, venationis, militiæ, vel alterius muneris sive artificij: prædiales ex proventibus prædiorum, veluti ex frugibus, fœno, vino, fructibus arborum, ex obventionibus molendinorum, locatarum ædium, & similium. Nam hæc om- Lib. 2. Tit. 26.
nia ex præscripto sacrorum Canonum Decimarum functioni subjecta sunt, ait Canisius in Summa Juris Canonici. Sunt qui his tertium genus decimarum interjiciunt quas mixtas appellant, id est partim prædiales, partim personales; quales sunt, quæ ex fructibus pecorum, aliorumque animalium, veluti ex fœtu, lana, lacte, colliguntur. Sed commodius hæc revocantur, inquit, ad prædiales decimas, ubi animalia in prædiis pascuntur; at si domi porrecto passu, ad personales referuntur; nisi forte utrinque æque pascerentur, qua specie mixtum genus constituerent. Jus naturæ docet, non obligandum esse os bovi trituran- ti: & æquum est, ut qui serunt spiritualia metant temporalia & carnalia. Quis enim militat suis stipendiis? Ex puro discursu rationis De Clericis seu puro jure naturali non sequitur tamen obligatio solvendi decimas. Ratio na- Cap. 25.
turalis distat, ut iis qui pro populo laborant populus alimenta præbeat: unde enim deducimus deberi Regibus tributa, & militibus stipendia, & judicibus aliisque ministris publicis salaria; inde etiam deducere possumus deberi Sacerdotibus Decimas vel aliquid earum loco, ait Bellarminus. Decimas, ait, vel aliquid illarum loco. Ergo decimæ non sunt determinata materia stipendij Ministrorum de jure naturæ. Præterea determinatio quantitatis multò minusest de jure naturæ. Et materia & materiæ determinatio erat imperata à Domino in Lege Veteri. Ante Legem Scriptam nullum legimus præceptum de solvendis Decimis, Lex autem de decimis non fuit ante tempora Moysi; nec ratio distat, ut sacerdoti dentur decem partes, sed ut detur quantum satis est ad ejus sustentationem, inquit Bellarminus. Modus offerendi ex voto, Gen. 28. Tom. 1. de Virtute & ostendit, non fuisse ex obligatione, sed ex devotione & spontanea promissione, Statu Religionis.
ait Suarez. Ex gratitudine, reverentia, gratiarum actione, non ex obligatione ait Abrahamum dedisse decimas Melchisedeco. Erat igitur præceptum de Decimis non divinum morale; nam sic etiam obligasset ante legem: nec divinum ceremoniale; nam quid mysterij quæso aut significationis latet in denario numero? Si esset divinum ceremoniale, omnino cessisset; nec renovari potuisset per legem humanam. Reliquum igitur est, quod fuerit divinum judiciale quoad determinationem

Ibidemp. 73

nem decimæ partis, Unde in rigore & proprietate sermonis Decimarum solutio non potest dici proprie Cereemonia. Nam sustentatio ministrorum non est cereemonia, ut per se patet, inquit Suarez. Determinatio quantitatis nullam omnino cereemoniam continet, sed instituta est ad constituendam & servandam æquitatem & proportionem inter partes populi, inter tribum Leviticam & alias tribus. Erat igitur præceptum in lege veteri de Decimis divinum positum, non divinum morale: & proinde non obligat Ecclesiam Christianam, id est, ex vi illius præcepti, quod populo Israëlítico datum, non tenentur Christiani dare Decimas Pastoribus. In Novo Testamento nullum de Decimis extat præceptum, & proinde nec jure divino Novi Testamenti obligantur vel ad materiam vel ad determinationem materiæ, sed ad legis æquitatem, nempe congruam sustentationem. Sequitur igitur, quod præceptum istud sit de jure Ecclesiastico vel Politico ad exemplum tantummodo & similitudinem juris Divini positivi in Lege Veteri. Quod ad jus Ecclesiasticum; nego Ecclesiam posse determinare vel materiam vel quantitatem materiæ. Obligantur quidem dare temporalia qui accipiunt spiritualia; non tamen debet Ecclesia præscribere singulis & singulorum posteris & materiam & quantitatem materiæ, sive sextam sive decimam sive duodecimam partem. Hæc determinatio est actus Civilis potestatis si de præcepto loquimur. Voluntariam unius aut communi consensu plurium vel omnium determinationem agnosco, & dedicationem bonorum sive mobilium sive immobilium, sed non absque multiplici cautione, nempe ne posterius aut res publica gravius detrimentum patiantur ob donationes nimium profusas, aut inde superstitiosus aliquis cultus foveatur. Cum quidam civis Carthagenensis *ἀρετῆς* donasset Ecclesiæ omnia quæ habuit bona, reservato, durante vita, usufructu; & postea liberis præter spem à deo donatus esset, reddidit Episcopus, nempe Aurelius, nec opinanti ea quæ donaverat, ait Author ille sermonum de tempore apud Augustinum. Tot artibus emunxit Ecclesiasticorum natio sub Papatu populum argento, & bona traxit in suum Korban, ut dementes & stulti putarent se liberos debita & in parentes & liberos charitate, dum modo facultates suas donarent Ecclesiæ. Merito igitur Imperatores populi donationibus limites constituerunt, ut patet Cod. Lib. 1. Tit. 5. Leg. 16. & ex statuto quod vocant *manus mortuæ*. Sed non absque gravissimo scelere tamen Magistratus Ministros, scholas, pauperes, privabit congrua & competenti sustentatione, quam vel fideles dicarunt in eum usum, aut ipsorum majores ratam habuerunt: quod tamen fit in quibusdam Ecclesiis Reformatis, ubi Pastor, præsertim ruralis, vix alere familiam suam possit. Sed missa faciamus ista omnia, & de eo quod præcipuum hic caput est, nempe de foro caufarum agamus. Certum est, non posse Parochum sua autoritate per vim decimas accipere, etiamsi subditus injustè detineat, vel solutionem differat, ait Suarez; & Parochum non posse Parochiano negare Sacramenta donec decimas solverit: quia hoc esset propria autoritate illum cogere, & bonis suis, vel possessione & usu eorum, privare. Item quia illa coactio vel esset per jurisdictionem forensem & coactivam seu punitivam in foro externo, quam non habet Parochus; vel esset per facultatem quasi intrinsicam non dandi Sacramentum indignis, & hac non uti potest Parochus, nisi quando est publicum & indubitabile delictum: hinc autem peccatum non est publicum, quia non est per sententiam declaratum, nec est ita indubitabile, ut sit publicum evidentia facti, quia potest quis jus aliquod prætereendere. Ergo per publicam potestatem cogendi sunt solvere Decimas, qui detinent aut non solvunt. Sed adhuc manet dubium, in quo foro: non in Ecclesiastico; nam Ecclesia non potest autoritate sua determinare quantitatem bonorum solvendam: Ergo nec in foro

Ad Fratres
in Eremo
Serm. 52.

foro suo recuperare; nam quæ civili authoritate imperantur ejusdem auxilio recuperantur. Præterea imperari possunt Decimæ magistratus authoritate, etiam Hæreticis & Excommunicatis, aliisque qui extra Ecclesiam sunt, de quibus tamen in foro suo non judicatur Ecclesia. Controvertitur inter Leguleios Anglicanos, teste *Art. p. 8.* Cosino in Apologia, de tempore quo cœperint causæ de Decimis à foro sæculari ad Ecclesiasticum transferri. Sed de tempore non litigabimus, siquidem de re ipsa constiterit, nempe ab initio non fuisse has causas fori Ecclesiastici. Bella scilicet essent litigia in Presbyterio Ecclesiæ de Decimis latis, de proventibus boscorum, pannagis silvarum & cæterarum arborum si vendantur, vivariorum, piscariorum fluviorum, stagnorum, arborum, pecorum, columbarum, seminum, fructuum, & bestiarum guarenarum, aucupitii hortorum, curtilagiorum, lana, lini, vini & grani, *Lindwode.* turbarum in locis quibus fabricantur & fodiuntur, cignorum, caponum, aucarum & Provincial. anatium, ovorum, thenitii agrorum, apum mellis & cere, molendinorum, venationum, *Tit. de Decim. artificiorum, & negotiationum, nec non equorum, vitulorum, pullorum equorum secundum. Cap.* dum eorum valorem, & omnium proventuum rerum, scilicet quas producit terra. *Sanctæ.*

Hæc enim omnia enumerat Robertus Winchelsea Episcopus Cantuariensis in sua Constitutione. Quot hæc oriuntur lites? Ut quot oboli solvendi pro sex agnis aut infra, quomodo dividendæ sunt Decimæ quando oves alibi hyeme alibi æstate pascuntur, de pascuis communibus & non communibus, de sylva cædua, de arboribus thenitii id est crescentibus circa agros eosque claudentibus, quot denarios valeat vitulus, quot pullus equinus, ut ex denariorum numero pars decima abstrahatur, & innumera alia de quibus ligatur in Curiis Ecclesiasticis. Nam Curia illæ vendicant sibi locum Presbyteriorum. Si igitur lites istæ non conveniunt Presbyteriis, certe nec Curiis illis quæ ipsorum locum & authoritatem sibi arrogat. Statutum 32 Henr. VIII. quod Rectores & Curiones quinque Paroeciarum Roystoni eorumque successores possint recuperare Decimas in Curia Cancellariæ. Suntne illarum paroeciarum Decimæ magis temporalia bona quàm aliarum omnium paroeciarum? vel an non similiter Decimæ aliarum paroeciarum in Curiis sæcularibus recuperandæ sunt? Cum sextuplicem Ecclesiasticam potestatem esse contendit Cameracensis, Sextam esse ait potestatem exigendi necessaria vitæ ab iis quibus ministrantur spiritualia. Responder Spalatenensis: Sexta vero ne- *De Rep. l. 5.* que est potestas neque Ecclesiastica potestas; inquam non est, quia Concionator nullam ha- *c. 1. Nu. 10.* bet vim coactivam, ut compellat laicos sibi alimenta necessaria ministrare, neque talem potestatem Christus unquam concessit Apostolis. Quando enim dixit, Dignus est operarius mercede sua, jus naturæ explicavit, æquum esse, ac omnino justum, ut qui spiritualia populis impertit, ab iis accipiat corporalia ad vitæ sustentationem necessaria. Igitur neque potestas talis potestas est, multo minùs Ecclesiastica. Nam si Ministri rerum spiritualium pro alimentis suis habent aliquam actionem, eam coram Principe rerum temporalium trahant, & ad potestatem recurrunt temporalem. Quod ad oblationes attinet; earum natura est, ut spontaneæ sint & voluntariæ: præterea superflua sunt ubi ex Decimis aut aliunde Ministri Ecclesiæ commodam habeant sustentationem. Nam, ut ait Suarez, nullus justè cogitur ut duplicatam mercedem solvat pro eadem opera; sed Parochiani illi solvendo Decimas dant stipendium & sustentationem Ministris, non tantum sufficientem sed etiam ordinariè abundantem; ergo titulo sustentationis non possunt justè obligari ad novas oblationes. Unde eo in casu, qui recipit Decimarum fructus, tenetur sufficienter Ecclesiæ & Ministris ejus providere; & Prælati tenentur sollicitè curare, ut ita fiat, & ne pauperes ac fideles nimium graventur. Denique quid sibi vult oblatio ad altare, præsertim festo ascensionis Christi? & cur magis in puerperiis, matrimoniorum benedictionibus, & exequiis, & baptismis, quam in aliis actibus &

*Affertio Te-
litica p. 99.*

*De Virtute
& Statu
Religion.
tom. 1. pag.
63.*

officiis ministerii exercendis, nisi vel ut ritus Judaicos stabiliant, aut fucatæ Simonix reatum incurrant? Hæ oblationes sunt potius operum & actuum pretia, quam stipendium sustentationis, quicquid dicis causa de salario seu stipendio dixerint. Anno 1119. habito Rhenus Gallie Concilio ex omnibus Christiani orbis provinciis à Calixto II. Pontifice præsentè inter alia sancitum est, ut refert *Audericus Vitalis Anglus S. Ebrulfi Lexoviorum Cenobita*, in *Historico suorum temporum Codice autographo*: Ne in baptis-
 matis sacri & sepulturæ acceptione & infirmorum visitatione vel unctione ullum pretium exigant; ut refert *Renatus Choppinus Libro Secundo de Sacra Politia p. 339. Statutum de Mortuariis editum per Robertum Winchelfee* sic interpretatus est *Simon Langham Archiepiscopus Cantuariensis*; Ut videlicet si decedens tria vel plura cu-
 juscunque generis in bonis suis habuerit animalia, optimo cui de jure fuerit debitum reser-
 vato, Ecclesiæ suæ à qua sacramenta recepit dum viveret sine dolo fraude seu contradic-
 tione qualibet pro recompensatione subtractionis decimarum personalium necnon & oblationum, secundum melius animal reservetur post obitum pro salute animæ suæ Ecclesiæ suæ hujusmodi liberandum. Quod si duo tantum in bonis decedentis existerint animalia, de man-
 suetudine Ecclesiæ exactio quælibet nomine mortuarii remittatur. Sic ergo, inquit *Lindvodius*, ad effectum quod debeat mortuarium sufficit quod sint tria animalia unus & ejusdem generis, puta tres equi vel tres vaccæ, vel etiam quod sint duo ejusdem generis, ut duo equi & tertium alterius generis, ut una vacca. Et idem erit, si tria illa animalia fuerint
 trium diversorum generum viz. unus equus, unus bos, & una ovis. Et in illa verba pro salute animæ suæ; quæ, inquit, consistit in peccati remissione, quod non remittitur nisi subtractum restituatur, de subtractione ex negligentia vel ignorantia intelli-
 gendum statutum, non de voluntaria. Hæc sunt Mortuaria illa, de quorum jure agi potest in Curiis Ecclesiasticis, quorum institutum & usum vide-
 tis; quæ autem lites & controversiæ possunt agitari in causis mortuاريorum ex eadem constitutione declarativa Simonis Langham colligi potest. De Syno-

De Consue-
 tudine Cap.
 Statutum.

dalibus sic *Duarenus*. Postquam redditus Ecclesiæ, qui antiquitus erant communes, & Ministerii ab Episcopo, sed una cum Presbyterio, distribuabantur, divisi sunt, & singulis mini-
 Lib. 7. Cap. 5.
 steriis attributi; Episcopis singulis vestigal quoddam ab inferioribus Ecclesiis pendì cæptum est. Hujusmodi intrinsecus illud est quod in Synodo à singulis curionibus & inferiorum Eccle-
 siarum gubernatoribus exigunt. Nam duos solidos singuli Episcopo dare jubentur, 10 quæst. 3. cap. Illud: diciturque hoc jus vulgo Cathedraliticum, quod Cathedrali id est honori Epi-
 scopali debeatur. Dicit *Fildus*, Ministros inferiores Episcopo nunc procuraciones tantummodò solvere. *Choppinus* etiam dicit, istud vestigal Francicis moribus non pensitari, nisi vel indotatæ Ecclesiæ præfectis, vel aliis ex continuæ possessionis usu honorarium hoc Episcopale corrogantibus. Ob id *Ninervensium Præsule*
 nuper 25 asses æris deposcere à Parocho in specie Cathedralitice erogationis, hic Senatam appellavit Abusus nomine. Tales enim indictiones nummarias intendebat Curio à patria consuetudine pendere, ac ita demum probandas, si ex prisco regionis ritu ab Hierarcha perciperentur. Cathedraliticum quandoque Synodaticum appellatur, ait ibidem *Choppinus*, & citat Cap. Olim, titul. de Censibus Lib. 3. Decretal. De Procuracionibus supra diximus, ubi de visitatione Dicoeseos egimus. Hoc autem munus ideo procuratio vocatur, quia Ecclesias Episcopi procurant, id est curant, id est, alunt ac timentur: sicut pueri dicuntur procurari à nutricibus, & equus à Domino apud *Plautum* & alios auctores Latinos, qui proprie ac emendatè locuti sunt, inquit *Duarenus*. Sed quàm verè ista de Episcopis dici possint, testatur Ecclesiæ. Salaria, quæ Feoda vocant, habent quam plurima, ut refert *Affertor Politicæ*; Feoda pro excommunicatio-
 ne, absolutione, institutione, inductione, potestate concionandi, facultate cele-
 brandi matrimonium absque trinundina bannorum, ut vocant, denunciatione,

De Eccl. l. 5.
 Cap. Ult.
 Chop. de Sa-
 cra Politia
 Lib. 2. Cap.
 Tit. 7.

De Sacris
 Ministeriis
 Lib. 7. Cap.
 5.

Pag. 73. 79.

commutatione poenitentiae, relaxatione sequestrationis &c. Johannis Stratford Cantuariensis Constitutio talis habetur apud Lindvodium; *Sæva & miserabilis cupiditas ad- Lindwode*
 inveniunt, ut pro literis institutionum Clericorum ad beneficia Ecclesiastica admissorum, & de censibus
 literis ordinum pro scripturarum labore ac sigillis fiant multotiens exactiones immensae, id *Cap. Sæva*
 reprobante Canone, dicente quod sicut non decet Episcopum manus impositionem vendere,
 ita nec Ministrum calaman venditare. Archidiaconorum quoque & suorum Officialium,
 necnon & aliorum clerici, scilicet scribentes in ipsorum officiis, inquit Lindvo-
 dius, certificatorias literas inquisitionum, quae nempe praecedere debent admissiones
 ad beneficia, super beneficiis vacantibus factas tradere renunt, nisi prius excessivam nimis
 summam pecuniae habeant pro scriptura. Nos igitur hunc abusum abolere volentes, prae-
 sentis deliberatione Concilii duximus ordinandum; quod pro scriptura literarum inquisitio-
 num, institutionum, vel collationum, & commissionum ad ducendum, vel certificatoriis,
 ipsarum nempe inductionum, in beneficiis ultra 12 denarios, pro literis vero cujuslibet
 sacri ordinis ultra sex denarios dicti clerici per se vel per alios non recipiant quovis modo.
 In cæteris, nempe quae remuneratione digna essent ultra scripturam, ut puta con-
 ceptione literarum hujusmodi & aliis ipsorum laboribus, inquit Lindvodium, Ordinarii
 suis teneantur ministris stipendia constituere: pro sigillatione vero literarum hujusmodi,
 aut mariscalis, i. e. qui regunt aulas Episcoporum & interiora, inquit Lindvodium,
 pro introitu seu famitoribus, hostiariis, vel barbitonsoribus (quorum officium est ordi-
 nandorum coronas aptare ut in conspectu sui ordinarii deferant tonsuram congruentem,
 ait Lindvodium) Episcoporum, à Clericis minoribus vel majoribus ordinibus decoratis nihil
 omnino exigi volumus vel persolvi. Cautum quidem in Constitutionibus anni 1597.
 quod neque alia neque majora feoda ab Episcopo, Ordinario, Archidiacono, vel eorum
 ministris deinceps ulla de causa percipiantur, quam ea quae ineunte hoc regnum regia nunc
 Majestate percipi solebant: quodque tabula quaedam singulorum hujusmodi feodorum sum-
 mas continens in quolibet consistorio ante festum sancti Johannis Baptiste proximè ventu-
 rum figatur, cujus exemplar manu ipsius Ordinarii subsignatum intra tempus praedictum ad
 Archiepiscopum transmittetur. Item decretum, ut citra ultimum diem mensis Maji pro-
 xime sequentem Episcopus quilibet, vel, sede aliqua Episcopali vacante, custos spirituali-
 tatis ibidem, curet tabulam manu jus dicentis ejusque Registrarii subscriptam publicè fi-
 gi, vel in loco quolibet, ubi jus ab illo dicitur, vel alias publicè in ejusdem jurisdictio-
 nis archivo, ita ut quovis ejusdem tabulae inspiciendae facultatem habeat; Quae quidem ta-
 bula in se continebit separatas summas singulorum feodorum, quae tam à judicè quam à
 singulis aliis officariis ac ministris ejusdem Curiae frequentius ac usitatus ab initio regni
 dictae Serenissimae Reginae usque ad 18 majestatis suae annum percipi consueverunt. Re-
 fert tamen Defensor Petitionis, aucta mirum in modum esse salaria pro senten- *Pag. 213.*
 tia judicis absque ulla pauperum habita ratione: pro testamentorum probatione *214.*
 duplum exigitur supra summam statuti: pro apochis Executores 10 aut 20 forte
 post annis coguntur solvere quidam quadraginta quidam quinquaginta solidos. Ini-
 tio regni Elizabethae pro literis institutionum summa feodi una libra; jam qua-
 tuor aut quinque librae Anglicanae: & plerisque locis eadem summa feodi pro li-
 teris Ordinum. Archidiaconi quandoque in visitationibus suis exigunt pro Libel-
 lo Articulorum 12 aut 16 quandoque 24 denarios, qui tamen vix tribus aestiman-
 dus denariis. Denique, inquit, non citò nec facile enumerari possunt excessus Cu-
 riarum Ecclesiasticarum post annum illum 1597. Nec mirum, nam poena cujusque
 Ordinarii ac Ministri majora feoda, quam quae in hujusmodi tabulis respectivè exprimen-
 tur, percipientis, suspensio erit per sex menses ab executione officii sui per Ordinarium
 suum instigenda, vel Ordinario negligente aut id facere omitente, per Archiepiscopum,
 qui alium delinquentis loco interim deputabit, ut habetur in Constitutione anni 1597.

Rigidi scilicet censores in Officiarios & Ministros suos sunt Ordinarii. De Beneficio acquirendo, retinendo, & recuperando, agitur etiam in Curia Ecclesiastica. Atque hæc de materia litium in foro Ecclesiastico; sequuntur.

Judicia ipsa, in quibus considerantur, in Jus Vocatio, litis Contestatio, Causæ Cognitio, Sententia, Quæ post sententiam sunt.

In Jus Vocatio; Monitione facta præsentem in judicio per judicem; Citationem, eaque, vel Personaliter, vel viis & modis facta, idque vel denuntiatione vel affixione ad locum solitæ habitationis; Denuntiatione, vel uxori citati, vel publice in Ecclesia parochiali.

Litis Contestatio, quæ fit; Generaliter & minus propriè, licet magis usitatè, cum narrata prout narrantur negantur esse vera, ideoque petita prout petuntur fieri non debere asseritur; Particulariter & propriè, quando tandem certum aliquid in quo status totius causæ vertitur ab uno affirmatur, ab alio negatur, unde nascitur status controversiæ, vel facti vel juris.

Causæ cognitio, quæ emergit; partim ex probatione per Testes, Instrumenta, authentica vel privata, Authentica originalia aut transcripta, Indicia, hæcque sunt vel levia vel probabilia vel violenta; partim ex Exceptione contra testium personas aut dicta; partim ex horum reprobatione per alios vel majoris numeri vel fidei; partim ex Advocatorum disceptatione de tota causa.

Sententia, vel; Interlocutoria quarum alia in meris terminis interlocutoriæ remanet, alia habet vim definitivæ; Definitiva, vel Absolutoria vel Condemnatoria, vel partim Absolutoria partim Condemnatoria.

Quæ post sententiam sunt, vel ejusdem Executio, vel ab eadem Appellatio. Ejusdem Executio, vel de re ipsa principali de qua controvertebatur, vel de expensis. Ab eadem appellatio ad superiorem, quæ fit vel propriè & dicitur simpliciter Appellatio, vel minus propriè, & fit vel per viam querelæ extraordinariæ ad Principem, vel per remissionem totius causæ, vel ad ipsum Principem vel ad ejus delegatos.

Processum in causis civilibus dijudicandis, qualis hic ponitur, non damnamus, tantum si tria ista observarentur: nempe; si non in Ecclesiastico sed Civili foro causæ Civiles, disceptarentur; si spiritualibus censuris non abuterentur in castigandis non comparentibus, mandatis curiæ non parentibus, etiam ubi causæ sunt mere Civiles; si denique lites non nimium protraherentur. De Primo sic Spalatensis. *Quod vero nunc Ecclesia in suis Reſtoribus tota pene facta terrena, posthabitis sanctis antiquis Canonibus spirituale regimen derigentibus, ad temporalia deflexit, & ex strepitoso sæculi foro ad se terrenas attraxit tricas, legibusque mere terrenis sua implevit volumina.* Item; *Cur quæſo fuſtius Imperator in quadam lege C. De Episc. & Cleric. l. 41. absurdum eſſe aſſerit, imo etiam opprobrium, si Ecclesiastici peritos se velint ostendere disceptationum eſſe forenſium, niſi quia ſciebat valde indecens eſſe, ut Clerici quæ ad forum ſpectant agitent, aut profiteantur?* Improbatur igitur, ac merito, in Ecclesiasticis studium Legum Civilium. Si enim ſolis rebus divinis debent eſſe intenti, verè absurdum & opprobriofum eſt, ut humana jura ſciant, quibus temporalia agitantur, quæ à professione Ecclesiastica tota ſpirituali, & omnis jurisdiſtinctionis veræ experte, ſunt remotiſſima. Cum absurdum ſit, ſi Ecclesiastici peritos se velint ostendere disceptationum forenſium, diſceptationes ipſæ forenſes ab Ecclesia debent etiam eſſe remotiſſimæ. Nam nullas alias diſceptationes aut cauſas tractari voluit Chriſtus in foro Ecclesiastico niſi eas de quibus judicare poſſint Ecclesiastici. Non juſſit Chriſtus Juris Cæſarei Doctores conſtitui in Ecclesia ad diſcutiendas cauſas Civiles, aut Menochii, Farinachii, Mascardi, aliorumque Jurisperitorum Deciſiones de præſumptionibus, probationibus, & exceptionibus examinandis aſſerri: ſed cauſas Civiles earumque deciſiones judicibus ſæcularibus reliquit. Nihil jam dicam quomodo non modò divina ſed & humana jura pervertunt, Cæſareum nimirum & Canonicum, Officiales qui ſunt harum cauſarum judices; de quibus Capite Sequenti agemus. De ſecundo ſupra diximus, ubi de Cenſuris egimus. Excommunicant pro rebus leviffimis, & re pecuniaria, 12 fortè denariis. De tertio inter alios querimoniam edidit Defenſor Petitionis in Conſutatione Oxoniienſium. Nunc inquit, *Judex, Regiſtrarius; Pag. 219. Advocatus, Procurator, conſpirarunt ad protelandum lites quæſus cauſa, & ut ait propheta, Mich. 7. 3. contorquent ærumnam.*

Atque hæc de Cauſis Ecclesiasticis, quas appellant Civiles; Criminales ſequuntur. Crimina & delicta, de quibus judicatur, enumerata ſunt ſuperius in tabula viſitationis, & in eandem obſervationibus. De cauſis Criminalibus judicium variè inſtituitur ordinaria Episcoporum authoritate, per viam Accuſationis, Denunciationis, Inquiſitionis. Per viam Accuſationis; quando quis ſuſcipit ſe crimen contra accuſatum probaturum, & in hunc finem teſtes producit à judice citandos & examinandos. Per viam Denunciationis; cum Oeconomi qualibet trienniali Episcopi viſitatione, & per binas vices annuatim judici Ecclesiastico delicta detegunt, ſed probationis onus minime ſubeunt. Per viam ſpecialis Inquiſitionis; contra certam perſonam Episcopus vel alius judex Ecclesiasticus ex officio ſuo inquiri in ejus delictum, vel interrogando vicinos Rei de ejus crimine & delicto, eorumque teſtimonia contra eum aſſumendo, vel ſciſcitando ipſum reum de ſuo delicto, ut illud in judicio detegatur, & detectum Cenſuris Ecclesiasticis caſtigetur. Ipſum reum interpoſito ad veritatem declarandam Juramento de ſuo delicto ſciſcitatur. Hæc omnia habet Muckerus. Dixi per viam ſpecialis Inquiſitionis, *Linamode* quia inquiſitio triplex eſt. *Alia dicitur generaliffima, quæ ſit mero judicis officio in Tit. de Con-* generali vel provinciali Concilio. *Alia eſt generalis, quæ ſit de ſtatu Eccleſiæ, civitatis, ſituationib. caſtri vel loci, præſertim dum Prelatus viſitat: hoc etiam ſit mero judicis officio, & quandoque* Cap. Exterior. verb. aliquo impetrante. *Generalis ſit tribus modis; prima quoad perſonas & quoad delicta v.g. inquiriſ.*

De Repub.
l. 5. c. 2.
Num. 23.
Num. 26.

De Polit. Eccl.
cl. Anglic.

rit Ordinarius, si sit in loco suæ jurisdictionis aliquis Clericus, vel Laicus, qui sit vitiosus, aut malæ conversationis. Secundo modo est generalis quoad personas, sed quoad delictum singularis, ut puta si inquiratur, an aliquis sit infra jurisdictionem ipsius inquirentis qui commisit tale certum crimen. Tertio modo est generalis quoad delicta, sed specialis quoad personas, videlicet quando inquiritur contra certam personam crimine non expresso. Specialis igitur Inquisitio erit singularis, quoad certam personam & certum delictum. Inquisitio igitur visitationis est generalis, Inquisitio judicis in Consistorio est specialis. Illa est ad istam præparatoria. Absoluto visitationis processu, si accusatus factetur delictum, puniendus est, non pœna ordinaria, sed arbitraria: hæc enim est propria pœna judicii inquisitionis. Tanto magis, quod visitatio fit potius per modum fori pœnitentialis quàm contentiosi, nec in ea præcise puniendi finis intendendus est sed corrigendi & salutaris pœnitentiæ injungendæ. Quod si accusatus in negatione persistat, & fuit depositum contra ipsum de fama & credulitate tantum, nec adsit modus quo probari possit facti veritas, adsit tamen infamatio seu scandalum, & non levis præsumptio; injungenda est Canonica purgatio: quod si in purgatione defecerit, pro confesso haberi debet. Si autem negat accusatus, & fuit depositum de certitudine facti, & gravis sit orta infamia vel scandalum, seu agatur de præjudicio tertii; reservandus est ad judicium ordinarium, & contra illum per modum accusationis ab Advocato fisci Episcopalis procedi debet. Et tum demum deveniri potest ad inquisitionem specialem, in qua & jurare testes, & non nisi legitimi admitti debent. Nam tunc potest, si velit, accusatus excipere contra testes, potest petere probationum copias, & omnibus defensionum remediis uti, pœna etiam ordinaria & à jure statuta hoc casu puniri debet delinquens. Hæc Piacensis in Praxi Episcopali. An idem ordo servatur in Ecclesia Anglicana, nondum mihi constat. Sed redeamus. Accusatio ut strictè sumitur & propriè *ἑκδίκησις* dicitur, est criminis delatio apud judicem publicæ vindictæ causa, interveniente legitima inscriptione. Hujus formula hæc extat apud Paulum J.C. Ego Lucius Titius profiteor me Mæviam Lege Julia de Adulteriis ream deferre, quod cum Cajo Seio in illo loco N. itali dono N. mense illo N. Consulibus illis N.N. adulterium commiserit, cujus professionis causa subscribo, vel alius meo nomine, quia literas nescio. Inscriptio instituta ad injiciendum accusatori terrorem ne temere calumniatur. Denunciatio autem triplex est. Alia Civilis, alia Canonica, alia Evangelica. Civilis est, quæ à jure Civili introducta est, ait Canisius, veluti quæ fit per ministrum publicum ad hoc constitutum, ut delicta admissa renunciaret Magistratui, eorumque actores prodatur, in quos deinde inquisitio fiat: & hæc in Curiis Ecclesiasticis est, quæ fit judici per Oeconomos. Alii publicam judicalem Denunciationem vocant, Anglicè *presentment*. Canonica Denunciatio, inquit Canisius, è SS. Canonibus prodita est contra Prælatos Ecclesiarum & Monasteriorum, quos subditi Clerici vel Monachi delinquentes, simulationi non acquieverint, deferre possunt ad Superiorem suum; cum eorum intersit habere bonum Prælatum. Denunciatio verò Evangelica inducta est ex lege Evangelica, in qua hic ordo servaretur, ut delinquens primum privatim corripiatur, deinde si correptioni non paruerit, iterum moneatur, adhibito uno vel duobus testibus, demum si contumax persistiterit, denunciatur Ecclesiæ Mat. 18. Civilem seu publicam judicalem Denunciationem non habent Ecclesiæ Reformatæ, quæ habent in singulis Parœciis Consistoria. Nam quid opus est juratis Oeconomis ad denunciandum delicta, ubi Pastores & Seniores sunt vigiles iidem & censores morum? Exclusis igitur Senioribus instituti sunt isti Oeconomi ad denunciandum delicta, non de delictis judicandum, Ecclesiæ Apostolicæ, aut, quæ post sequuta est, primitivæ, nunquam noti. Dicit Mucketus, probationis onus eos non subire, quia præsumuntur quicquid in hac re faciunt, non odii & malevolentia, sed

fidei suæ liberandæ causa facere : notum tamen est & perjurii & malevolentiaæ sæpissime reos esse. Perjurii, non detegendo prout metuunt aut favent ; & malevolentiaæ, calumniando in vindictam.

Ad specialem Inquisitionem non debet descendere iudex , nisi prius crimen fuerit, ut dicunt, notorium, aut criminis perpetrati fama, indicia, ex quibus fama statim est sequutura, aliave legitima ejus retegendi media per clamorifam insinuationem id est frequentes hominum fide dignorum sermones, ad ejus aures delata præcesserint, ut agnoscit Mucketus; ne temere in aliquem cum periculo existimationis suæ grassetur, ait Canisius. *Quare reus contra inquirentem judicem rellè prius excipit de publica delicti fama, quod ea non respersus sit : Si enim hanc exceptionem omiserit reus, sustinebitur contra eum inquisitio, tanquam huic exceptioni ipse tacite renuntiaverit.* Sed cum ad comprobendam famam duos tantum requirant testes; quis non videt, quam facile iudex malevolus duos testes sibi comparare possit, ut sic aditum aperiat speciali inquisitioni? Ex officio non modo mercenario, id est ad instantiam alicujus, sed etiam mero, permoventur iudices Ecclesiastici in Ecclesiis Reformatis. Sed quod reus juramentum cogitur interponere ad veritatem enarrandam, ut fit in Ecclesiis Anglicanis, non probamus. Respondent id fieri tantum, quando delicti fama, manifesta iudicia, & reliqua illud detegendi media duobus testibus fuerint comprobata. Audiamus Censuram D. Francisci Baconi, qui post creatus Angliæ Cancellarius. *Est & tertium quid non tam in jurisdictione ipsa quam in modo procedendi, quod reformatione indiget ; eoque magis, quod contrarium sit legibus & consuetudinibus regni, quæ etsi hunc ordinem procedendi non regunt, tamen ad dirigendum consuli possunt : estque juramentum ex officio, quo quis cogitur accusare semetipsum, & quod majus est, juramentum indicitur, ubi nullæ accusationes declarantur. Per Leges Angliæ nemo tenetur seipsum accusare. In causis summis læsæ majestatis. quæstio fit ad detektionem per tormenta, non ad indicium. In capitalibus causis, nullus delinquentis responsio præstato juramento postulatur ; imo nec permittitur. In criminalibus non capitalibus, quæ in Camera Stellata, aut causis conscientiaæ seu æqui & boni, quæ in Cancellaria tractantur, juramentum partis requiritur. Sed quomodo ? ubi est accusatio, id est, ut nos dicimus, libellus querimonie seu denunciationis (à quo desistere non potest denunciator, & extra cujus cancellos examinari non potest reus) Curia exhibitus, & reo per processum editus. Sed quemvis examinare præstato prius juramento, ex insinuatione solus fama, aut accusationibus secretis & nondum editis, utcumque à jure civili speciem aliquam habere videatur, ex diametro tamen ita opponitur sensui juris communis, ut merito aliquam admittere possit limitationem. Vides hinc tyrannidem quam exercent in Curia suis Anglicani, præsertim quando conjiciunt viros pios impegisse in Canones de Hierarchia & Ritibus suis. In speciali inquisitione reo edendi sunt articuli de quibus inquirendum est ; item nomina & dicta testium, necnon exceptiones & replicationes illi permittendæ, ait Canisius. Cum nec propria confessione, nec testibus, nec facti ipsius evidentia de crimine convinci possit, si oneratus fuerit forte ex invidia aut odio suspitione aliqua, indicunt illi Purgationem Canonicam, & nondum editis articulis de quibus inquirendum, cogunt præstare Juramentum.*

P. 334.

Summa juris
Can. l. 4.
tit. 19.

Ibid.

CAPUT VI.

De Vicariis generalibus, Officialibus, & Archidiaconis.

Hactenus de Episcopis, qui ut ordinarii iudices, minus amplam habentes administrationem judicalem lege constitutam, eam sub Principe exercent nomine proprio. Sequuntur, qui alieno.

Nomine alieno, ut Episcoporum Surrogati, videlicet Vicarius generalis ad universitatem causarum jurisdictionis voluntariæ; Officialis principalis ad universitatem causarum contentiosæ jurisdictionis; Commissarius ad certas causas, & intra aliquam partem Diceceseos.

Minus amplam habentes administrationem judicalem lege minime introductam, sed vel Regali compositione, vel privilegio, vel præscriptione temporis, ut exemptarum jurisdictionum nonnulli; item Archidiaconi, quorum Officium lege constitutum est, ut Inquirant de Ecclesiarum factis tectis, suppellectile &c. & de excessibus Ecclesiasticis mulctandis, Referant ad Ordinarium graviora quæque, Inducant in beneficia, Jurisdictio, ut præscriperint: exercetur autem vel per seipsos vel per Officiales.

De Deputatione Jurisdictionis Episcopalis ad iudices surrogatos habes supra censuram Cancellarii Baconi pag. 230. 231. 232.

Vicarius generalis constituitur ad universitatem causarum jurisdictionis voluntariæ: & proinde visitare potest vice Episcopi, & alia omnia expedire, quæ spectant ad jurisdictionem voluntariam, cujus capita enumerata habes Capite superiori. Dicit Fildus, Vicarios generales potuisse omnia fere agere ad jurisdictionem spectantia, quæ ipsi Episcopi potuerunt; & citat testem Lindvodium. Habet quidem Lindvodius in Constitutionem Johannis Stratford Archiepiscopi Cantuariensis, Titulo de Sequestrationibus Cap. Frequens, hæc verba; *Horum, nempe Vicariorum generalium, potestas differt ab Officialium principalium potestate. Nam Officiales dicuntur quibus causarum cognitio generaliter per habentes jurisdictionem Ecclesiasticam committitur: & in tales transfunditur cognitio causarum totius Diæceseos, non tamen inquisitio nec correctio sive punitio criminum, ut legitur in c. licet de Officio Vicarii l. 6. nec possint aliquos amovere à beneficiis, nec conferre beneficia nisi specialiter fuerint talia eis commissa. Sed Vicarii generales omnia prædicta facere possunt virtute officii, excepta collatione beneficiorum, ut patet de Officio Vicarii c. ult. l. 6. In Articulis pro Clero editis anno 1584. statuitur, quod unusquisque Vicarius generalis, Officialis seu Commissarius, qui ordines Ecclesiasticos non susceperit, eruditum aliquem Presbyterum sibi accerset & associabit qui sufficienti authoritate, vel ab ipso Episcopo in jurisdictione sua*

sua, vel Archidiacono (Presbytero existente) in jurisdictione sua, munitus, isque ex præscripto ipsius judicis tunc præsentis excommunicationis sententiam pro contumacia denunciabit. His verbis vides Vicarium Generalem posse excommunicare, & si ordines sacros susceperit posse per se denunciare sententiam, si non, per Presbyterum auctoritate munitum, quod reipsa idem est, ut supra observavimus. Et licet ex generali commissione Vicarius generalis aut Officialis Episcopi beneficia conferre non possunt; possunt tamen, si beneficiorum collatio ipsis specialiter sit commissæ, ut habetur in 6. Decretal. Titul. de Officio Vicarii Cap. Cum in generali. Et Canisius ait. Quæ autem concernunt jurisdictionem rerum spiritualium, veluti sunt inquirere, punire, corrigere excessus subditorum, conferre beneficia & officia Ecclesiastica vel adimere, aliæque hujusmodi ea rectè alteri committuntur, sed speciali mandato, quem licet vocare Vicarium in spiritualibus

*Summa Fa-
ris Canonici
l. 1. Tit. 22.*

Officialis principalis Episcopi dicitur in Ecclesia Anglicana Cancellarius, & Officialis foraneus dicitur Commissarius. Sic enim distinguit Cowellus in Interprete. Officialis, inquit, in jure Canonico sumitur pro eo cui Episcopus generaliter committit spiritualis jurisdictionis provinciam. Et hoc sensu unus est in quaque Diœcesi Officialis principalis, quem statuta & leges hujus regni Cancellarium vocant, Anno 32. Henr. VIII. c. 15. Cæteri, si sunt plures alii, jure Canonico Officiales foranei appellantur, gloss. in Clement. 2. de rescriptis; sed apud nos Commissarii, ut in statuto Henr. VIII. quandoque Commissarii foranei. Discrimen istud legere putes apud Lindvodum Tit. de Sequstrationibus Cap. 1. Sed vox hæc Officialis in statutis nostris & jure communi significat eum quem surrogat Archidiaconus in exercitum jurisdictionis, ut liquet ex dicto Statuto & aliis locis pluribus. Commissarii vox titulus est Ecclesiasticæ jurisdictionis (saltem quousque commissio permittit) in partibus Diœceseos à primaria civitate tam longe distitis, ut Cancellarius subditos ad principale consistorium Episcopi citare non posset absque magna eis molestia. Ille Commissarius à Canonistis dicitur Commissarius vel Officialis foraneus, Lindw. de Accusat. c. 1. verb. mandat. Archiepsc. in glossa, & in hunc usum institutus est, ut suppleat vices Episcopi in jurisdictione & officio in remotis Diœceseos partibus, vel in paræcijs Episcopo peculiaribus, & ab Archidiaconi jurisdictione exemptis. Nam ubi sunt Archidiaconi, qui præscriptione aut compositione habent in Archidiaconatu suo jurisdictionem, ut plerisque locis habent, ibi Commissarii opera est supervacanea, & plerumque divexat & obturbat populum, ob lucrum potius quam delinquentium mores corrigere conatur. Proinde Episcopus ab Archidiacono quotannis præstationis nummos accipiens pro exteriori jurisdictione, ut vulgo dicitur, onerando ipsius circuitum Commissario, non modo injuria afficit Archidiaconum, sed etiam & multo magis tenuiores ex plebe, ut communis praxis docet, magno ipsorum malo. Episcopi Cancellarii & Commissarii, & Archidiaconi Officiales, à Canonistis communi appellatione Officialium indigitantur, sed distinguuntur in Officiales principales, Officiales foraneos, & Officiales Archidiaconi. In legibus & statutis Angliæ Officialis principalis dicitur Cancellarius (quorum unus erat Gulielmus Lindvodius Glossator in Provinciales Constitutiones); Officialis foraneus, Commissarius; Officialis Archidiaconi, simplici appellatione Officialis. Non adeo vetusta est Cancellarii dicto sensu appellatio ac Officialis, ut observat Fildus de Ecclesia Lib. 5. p. 153, de qua voce vide Onuphrium in Interpretatione Vocum Ecclesiasticarum, voce Cancellarius.

Archidiaconi habent in ditione sibi subdita jurisdictionem. Singule propemodum Diœceses præsertim quæ majores in Archidiaconatus, quibus Archidiaconi Episcoporum oculi invigilant, quartam, sæpe quarta minus aut magis amplam diœcesis, partem complectentes. Minores enim aliquot unum tantum habent Archidiaconatum, ut Cantuariensis, Rossensis, Wigorniensis, Glosscestrensis, Bristolensis & aliæ. Officium Archidiaconorum (qui post

Provinc.

Tit. de Offi-

cio Archi-

diaconi Cap.

Ut Arch.

De Ecclef.

Lib. 5. c. 29.

Can. 35. vi-

de Gratia-

num 10. Qu.

1. Ca. Epi-

scopum.

post Episcopum potiorum locum obtinet) est inquirere in visitationibus suis de Ecclesiarum factis rebus, suppellectile & utensilibus Ecclesiæ, & de excessibus Ecclesiasticis mulcandis, & referre ad Episcopum graviora quæque. *Visitationem per modum scrutationis simplicis tanquam Vicarius Episcopi habet Archidiaconus de jure communi*, (inquit Lindvodius,) *sed in tali scrutatione ut nomine suo correctiones faciat, præterquam in levioribus, nisi consuetudo hoc sibi tribuat, minus non habet.* Ex privilegio & consuetudine præscripta tamen possunt corrigere etiam graviora; Initio Archidiaconi missi solummodo ab Episcopo ad visitandum & referendum, non ad ferendum sententiam in ullius causa, aut ut correctioni ac reformationi ullius rei se immiscerent: sed postea progressu temporis autoritate muniti sunt ad judicandum & corrigendum ac reformandum leviora. Unde in Concilio Lateranensi sub Alexandro III. statutum, *Ne Archidiaconus ferat sententiam in aliquem.* At in Concilio Rhotomagensi (apud Foverum 2. Class. Sess. 2. ex Burchard. Lib. 1. Cap. 90.) constitutum, ut Archidiaconi & Archipresbyteri sint præcursores Episcopi, & corrigant ac reforment, quæ sunt leviora & minoris momenti. Inde evenit, quod Archidiaconi quorum opera multum usus est, & qui Episcopum in visitationibus ut plurimum comitabantur, & leviora delicta corrigebant, tandem etiam gravioribus coercendis se immiscebant: & postea præscriptionis titulo graviorum delictorum correctionem sibi vendicarunt. Atque ita Diaconi saltem primarii, scilicet Archidiaconi (quibus initio non licebat sedere coram Presbytero, nisi jubente,) ratione demandatæ illis ab Episcopo operæ, tandem non modo Presbyteris vulgaribus, sed etiam ipsis Archipresbyteris majores evaserunt. Idcirco ab omnibus conceditur Archidiaconos nullam jurisdictionis autoritatem & potestatem habere vi gradus aut ordinis sui, sed solummodo præscriptione, nec majorem, quam ut præscripserant; cui tamen præscriptioni æquitas inesse videtur, quia existimatur Episcopum consensisse eorum exercitio in iis regiminis partibus, quas præscriptione sibi asserere possint; ait Fildus Hierarchicus. Concilio Toletano Quarto, quod celebratum fuit sub Honorio, decretum erat in hunc modum. *Episcopum per cunctas Dioceses parochiasque suas per singulos annos ire oportet, ut exquirat quo unaquæque Basilica in reparatione sui indigeat. Quod si ipse aut languore detentus, aut aliis occupationibus implicatus, id explere nequit, Presbyteros probabiles aut Diaconos mittat, qui in redditus Basilicarum & reparationes, & vitam ministrantium inquirent.* Episcopus autem, ait Fildus, misit plerumque Diaconos, præsertim Archidiaconos, qui erant inter Diaconos primarii, & tanquam ministri Ecclesiæ & Episcopo magis vacabant quam Presbyteri, expectantes mandata, & ad expediendum negotia parati. Habes hic lector ortum & progressum autoritatis Archidiaconi. Sed quod ait Fildus existimari nihil hic absurdi esse, quia videtur Episcopum consensisse, quatenus præscripserint; an quid absurdius? Sic consuetudine præscripta tueri potest suam jurisdictionem omnimodam Pontifex Romanus; sic turpitudine omnium fere errorum ac abusuum in Ecclesia Papana velari potest. Consuetudo, quæ apud quosdam obrepserat, impedire non debet quo minus veritas prævaleat & vincat. Nam consuetudo sine veritate vetustas erroris est, ait Cyprianus in Epistola ad Pompejum contra Epistolam Stephani; vide locum in Gratiani Decreto Dist. 8. Cap. 8. Ubi etiam Nicolaus Papa habet hæc verba Cap. 4. *Mala consuetudo, quæ non minus quam perniciofa corruptela vitanda est, nisi citius radicitus evellatur, in privilegiorum jus ab improbis assumitur: & incipiunt prævaricationes & variæ præsumptiones celerrimè non compressæ pro legibus venerari, & privilegiorum more perpetuè celebrari.* Et Augustinus l. 3. de Baptismo contra Donatistas Cap. 6. *Nemo consuetudinem rationi & veritati præponat: quia consuetudinem ratio & veritas semper excludit.* Audiamus Hieronymum invehentem contra Diaconorum supercilium Epistola ad Euagrium. *Sed dicis, quomodo Romæ ad testimonium Dia-*

mi Presbyter ordinatur? Quid mihi profers unius urbis consuetudinem? Quid paucitatem, de qua ortum est supercilium, in leges Ecclesie vindicas? Omne quod rurum est plus appetitur. Pulegium apud Indos pipere pretiosius est. Diaconos paucitas honorabiles, Presbyteros turba contemptibiles facit. Cæterum, etiam in Ecclesia Romæ Presbyteri sedent & stant Diaconi; licet paulatim increbrescentibus vitiiis inter Presbyteros absente Episcopo sedere Diaconum viderim, & in domesticis benedictionibus benedictionem coram Presbyteris dare. Discant qui hoc faciunt, non se rectè facere, & audiant Apostolos; Non est dignum, ut relinquentes verbum Dei ministremus mensis. Sciant quare Diaconi constituti sunt; legant Acta Apostolorum; recordentur conditionis sue. Et eadem Epistola. Nam cum Apostolus perspicue doceat eosdem esse Presbyteros quos Episcopos; quid patitur mensarum & viduarum minister, ut supra eos se tumidus efferat, ad quorum preces Christi corpus sanguisque conficitur? Autor Quæstionum Veteris & Novi Testamenti, quæ extant apud Augustinum Tomo Quarto Quæst. 101. habet similia. Quidam qui nomen habet Falcidii, duce stultitia & civitatis Romanæ iactantia, Levitas Sacerdotibus, & Diaconos Presbyteris coequare contendit, non dicam præferre, quia stultius est & forte incredibile videtur, & nos non emendatores sed calumniatores habeamur. Qua igitur lege, quave consuetudine, quonam exemplo hoc aggredi audeat, nullum scire arbitror, ut istos, quibus confessus in Ecclesia datus est, minime iis coæquet, qui propter quod antistites Dei sunt in domo Dei & in honore Christi cum dignitate consistunt. Quæ audacia est Presbyteris ministros ipsorum pares facere? Quæ temeritatis præsumptio Sacerdotibus bajulos tabernaculi & omnium vasorum ejus & lignorum consciores & portatores aque conferre. Et infra. Sed quia Romanæ Ecclesie ministri sunt, idcirco honorabiliores putantur, quam apud cæteras Ecclesias, propter magnificentiam urbis Romanæ, quæ caput esse videtur omnium civitatum. Si itaque sic est hoc, debeat & Sacerdotibus suis vindicare; quia si ii qui inferiores sunt crescunt propter magnificentiam civitatis, quanto magis qui potiores sublimandi sunt? Quicquid enim Officialibus præstatur, argumentum fit potestati, sicut honor servi ad laudem proficit Domini. Et prope finem. Et iterum quo insentur, & putent sibi multum deberi à nobis. Perducuntur enim, inquit, qui ordinandi sunt, ut dum lateri illorum septi sunt honore digni videantur. Fateor facti eorum esse, sed quasi officialis. Ab Episcopo enim mittitur, ut obsequium præbeat ordinando. Tota quæstio illa infumitur in isto argumento; Quomodo contra Levitas Romanos disceptandum sit, qui contendunt Levitas Sacerdotibus & Diaconos Presbyteris coequare. Videmus ubi cœperit Archidiaconorum autoritas vel potius supercilium & insolentia, Babylone occidentali, unde omne malum, & quousque provecti sunt. Presbyteris in Ecclesia Anglicana non pares sed multis gradibus superiores sunt, & ut refert Cartwrightus, dedignantur pastores probatissimos Ecclesie agnoscere sibi æquales. Archiepiscopi Reverendissimi, Episcopi Reverendi, Archidiaconi *Repl. p. 73* *Venerabilis* elogio cohonestantur; Presbyterorum turba nullo ornatur honoris cognomento. Archidiaconi per totam fere Angliam vi folius præscriptionis seu consuetudinis sub Papatu præscriptæ in Archidiaconatu suo jurisdictionem exercent, visitant, scedulas detectionum, quas Anglice *Bills of Presentments* vocant, accipiunt, consistoria habent, ubi vel per se vel per officiales quos surrogant, jurisdictionem exercent in Ministros aut Laicos. Quàm gravis & molesta subditis fuerat utriusque, Episcopi simul & Archidiaconi, jurisdictio in visitationibus, & in Curiis Ecclesiasticis, patet ex Canone 121. Constitutionum anni 1604. In partibus iis, ubi Episcopus & Archidiaconus sive ex præscriptione, sive ex compositione, ad diversa unius & ejusdem anni tempora visitationes suas obire consueverunt; ne Majestatis sue subditi in pluribus Curiis Ecclesiasticis super uno & eodem crimine, (non sine gravi ipsorum molestia) postulentur: statuimus & ordinamus ut quilibet Archidiaconus vel ejus Officialis infra

unum mensem, post peractam eo anno visitationem & presentationes acceptas, Episcopus vel ejus Cancellarium sub sua manu & sigillo instruat ac informet de omnibus, & delictis eorum omnium qui in visitatione sua fuerint detecti & presentati; quo is super ulla causa aut crimine ad Archidiaconum prius delato aliquem convenire deinceps abstineat. Pari ratione decernimus, ut Cancellarius infra idem tempus post finitam Episcopi visitationem & detectiones receptas, eorum fontium nomina & delicta, quos in proxima ipsius visitatione presentari contigerit, sua subscriptione & sigillo verificata, ad Archidiaconum vel ejus Officialem in prædictum finem transmittat. Quod si dicti Officarii vel se invicem (sicut præfertur) instituere aut informare omiserint, vel post factam ejusmodi informationem, personas aut culpas in aliena visitatione detectas & presentatas attigerint; tunc eorum quilibet sic delinquens ab omni jurisdictionis suæ exercitio per Episcopum Diocesanum eatenus suspendetur, donec expensas omnes per hanc molestiam susceptas persone gravatæ restituerit. Puto tamen subditos hoc gravi onere non esse levatos. Utcunque est, hac transfectione prædam inter se dividunt Archidiaconus & Episcopus, Cancellarius & Officialis Archidiaconi. Et nota quod Archidiaconus, etiamsi non sub sit causa, potest semel in anno visitare: sed si sub sit causa sæpius visitandi, potest etiam sæpius in anno visitare. Nec obstat Extra c. c. 1. ubi dicit quod debet visitare de trienio in triennium; quia hoc debet intelligi sic, scilicet de triennio in triennium visitet de necessitate, sed quolibet anno potest visitare si velit, inquit Lindvodius. De procuratione visitationis, tum Episcopi tum Archidiaconi, supra diximus. In Constitutione quæ adscribitur Johann. Stratford sic statutum. Sacro approbante Concilio statuimus, ut hi qui admissos ad beneficia Ecclesiastica ad mandata superioris tenentur inducere, pro inductione hujusmodi facienda sumptibus contententur moderatis; videlicet si Archidiaconus inducat, 40 denariis, si suus Officialis, duorum solidorum perceptione, pro singulis suis & suorum expensis pro dieta penitus sit contentus. De 40 denariis, ait Linvodius; Quæ summa sufficere videtur pro quatuor personis & totidem equis cum uno summario. Ad objectionem ex titulo de Censibus Cap. Cum Apostolus, ubi conceditur Archidiacono visitanti accipere procuracionem pro 7. equis, respondet, alternativè ibi dici 7 vel quinque. Unde considerato minori numero bene sufficet hæc summa, maxime cum in inductione facienda non oporteat Archidiaconum tot equitaturis stipari, sicut in sua visitatione, ubi opus est ut plures habeat ministros, videlicet Officialem suum & Registrarium, præter alios suos familiares & servientes pro tunc sibi & suis necessarios, quos tamen secum habere omnes non oportet in hoc actu, nempe inductionis. Vide quò equestre genus Archidiaconorum erectum est supra pedestre Presbyterorum, quibus præsentibus non licebat olim sedere Diaconos. Ad fucandum istum fastum & Archidiaconorum autoritatem & eminentiam supra Presbyteros, dicit Fildus, Canonibus Ecclesiæ Anglicanæ cautum esse, ne quis Archidiaconi officio fungatur nisi qui Presbyteri Ordinem suscepit. Esto; non tamen officio Archidiaconi funguntur quatenus Presbyteri, sed quatenus Archidiaconorum locum occupantes, & quam consuetudine præscripta acquisiverunt jurisdictionem eandem eodemque nomine exercentes. Quis docuit conferre utrumque munus in unam eandemque personam? cum diserte sejunxerint Apostoli istas duas functiones Presbyteri & Diaconi Act. 6. ut Presbyteri possint vacare sermoni & doctrinæ. Præterea unde habet Presbyter unus magis quàm alius jurisdictionem in plures Presbyteros eorumque greges? Denique falsum est, omnes Archidiaconos Anglicanos esse etiam Presbyteros. Nam quid sibi volunt verba illa, Archidiacono Presbytero existente, vel non existente, in Articulis Clerici anni 1584. & in Constitutionibus anni 1597.

De Officialibus Episcoporum principalibus & foraneis, & Archidiaconorum, qui simpliciter Anglis Officiales dicuntur, pauca dicenda sunt. Hi sunt iudices illi

Tit. de Institutionib.
Item quia.

Lib. 5. Cap.
29.

illi furrogati, qui Episcoporum & Archidiaconorum nomine jurisdictionem exercent in eorum Consistoriis, & sunt plerique Doctores Juris Civilis in nullo sacro ordine constituti, ut supra ostendi. Choppinus de Sacra Politia Lib. 2. p. 240. refert, oportere Officiales Episcoporum & Archiepiscoporum Ecclesiæ Gallicanæ gradum aliquem suscepisse & in ordine Presbyteratus constitutos esse. *Les Officiaux des Evêques & Archevêques doivent estre gradez & constituez en ordre de prestre, & ne peuvent tenir de l'Evêque le seau à ferme ne autre chose. Par L'Art 45. de l'Edit de Blois, Can. Omnis Oppressus 2. quest. 6. parlant de Clericorum causis sacerdotali tantum judicio disceptandis.* Anglicani licet non sint in ordine Presbyteratus constituti, non secus tamen de causis Ecclesiasticis judicant quam si ipsi Episcopi & Archidiaconi interessent consistorio & judicarent. *Officiales nempe Episcopi habent idem auditorium cum Episcopo, de Appell. c. Romana in princ. l. 6. Nec ab eis appellatur ad Episcopos, sed ad eos ad quos appellaretur ab ipsis Episcopis, ut ibi patet.* Non tamen sic est in aliis qui non sunt Officiales principales, quales sunt Officiales foranei, etiam ad universitatem causarum in certa parte Diœceseos deputati, & idem, si duo sint deputati equaliter, tamen unus eorum residet in loco principaliore, nam ille censetur Officialis principalis, inquit Lindvodius. Dixit supra Lindvodius, in Officiales principales transfundi cognitionem causarum totius Diœceseos, non tamen inquisitionem, nec correctionem criminum: & dicto Capite ait, horum Officium maximè consistit in causarum cognitione, quæ per commissionem eis etiam generaliter factam in eos virtute ipsius officii transfunduntur. Cessat tamen eorum potestas in criminum correctione, excessuum punitione, & à beneficiis vel administrationibus amotione: nec etiam conferre possunt beneficia absque speciali commissione. De sui sæculi consuetudine scribit Lindvodius. Sed quanta sit nostro sæculo ipsorum autoritas, patebit ex sequentibus. In Constitutionibus anni 1571. habetur hic Canon. Nullus horum, nec Cancellarius, nec Officialis, in cognitione causarum procedet usque ad ferendam sententiam Excommunicationis, nisi tantum in causis instantiarum. In correctionis negotiis alia quidem facient omnia, quæ de jure possunt & solent fieri: Excommunicationis autem sententiam deferent tantum ad Episcopum: eamque aut ipse per se pronuntiabit, aut gravi alicui viro in sacro Ministerio constituto pronuntiandam committet. Hic vides Cancellarios, Officiales, & Commissarios, judicare de causis non modo instantiarum, sed etiam correctionis. Ibidem. Cancellarii, Officiales, Commissarii omnem adhibebunt diligentiam, ut ceteri omnes qui ipsorum jurisdictioni subjiciuntur, officium faciant. Imprimis verò, ut Rectores, Vicarii, & Ministri Ecclesiarum studiosè versentur in sacris literis, & sibi libros ordine & professioni suæ congruentes comparent; ut quicumque ad Magisterium Artium non accesserit, emat sibi duos libros Novi Testamenti, alterum Latine translatus, alterum Anglicè; ut illorum quisque memoriter ediscat ea pensæ Scripturarum, quæ illi vel ab Ecclesiastico judice Ordinario, vel ab alio, cujus fidem & industriam Episcopus eligere maluerit, fuerint impositæ; ut observet ordines & ritus descriptos in Libro publicarum Precum, tam in legendis sacris scripturis, & precibus dicendis, quàm etiam in administratione sacramentorum, ut neve detrahant aliquid, neve addant, neve de materia neve de forma; ut honestè se gerant, & in gravi vestitu in libello admonitionum proposito, in the book of Advertisements, modeste & decenter ambulent &c. Item; Videbunt etiam, ne Rector, Vicarius, aut Parochus uspiam interserviat vel in Capella vel in Oratorio, aut publicas preces dicat in cujusquam privatis ædibus, nisi Episcopus autographo suo, & manus suæ subscriptione, ejus rei potestatem fecerit. In Canonibus anni 1604. statutum, ut delicta Cancellariis Commissariis & Officialibus detegantur. Canone 112. statutum; Ut quotiescunque in Curia aliqua Ecclesiastica ad quemlibet provinciæ Episcopum spectante, contra Ministrum accusatio in-

De Sequestri.
Cap. Fre-
quens v.
Officialis!

stitue-

stituetur; Cancellarius, Commissarius, Officialis, vel quivis alius Ecclesiasticam jurisdictionem obtinens (cujus intererit) causam omnem per processus aliasque vias & modos adversus eum expediet, ejusque in non comparando contumaciam primò suspensionis, eandem vero continuatam excommunicationis pœna ulciscetur. Sin autem debite comparens legitimo juris processui se submiserit, tunc, ubi causæ maturitas sententiam postularit, si forte delicti meritum vel deprivationem à sacris Ordinibus ex decreto juris exigat, nullam ejusmodi sententiam pronunciari volumus, præterquam per Episcopum adhibitis &c. Vide reliqua supra. Vides Commissarium, Officiale, vel Cancellarium, posse Suspensionis, deinde Excommunicationis sententia Ministri contumaciam in non comparando ulcisci; & si comparuerit, & juris processui se submiserit, causam maturare usque ad sententiam, quam etiam pronunciare nulla religio vetat, si licet excommunicare. Sed pronuntiatio sententiæ reservata Episcopo & ejus Cancellario, Decano, & aliquot Præbendariis, fallacia est ut supra ostendimus pag. 297. Merito igitur Cartwrightus de hac servitute queritur. *Perspicere potest lector, inquit, quam indignis modis Ecclesiam traßent Archiepiscopi, Episcopi, & Archidiaconi, quibus non sufficit per se tyrannidem in eam exercere & quæ sibi non competunt privata auctoritate sua sibi arrogare, sed etiam in servitutem redegerunt sub ipsorum servos & servorum servos, intelligo Cancellarios, Commissarios, &c. Illud etiam quod Cancellarius vel Officialis non constitutus in sacris Ordinibus, nempe nec Presbyter nec Diaconus, adjungeret sibi Presbyterum qui pronunciet sententiam Excommunicationis, quàm ridiculum sit ostendimus etiam supra pag. 297. Præterea dicit Cartwrightus, Excommunicationes & Absolutiones in eorum Curiis non esse gratuitas: sed à ministris Curia, quotquot inciderint in ipsorum manus, argento emungi, qui hoc quæstu uberrimo cum omni splendore & festivitate vitam transigunt: imo & absolvere unum pro alio. Curia Commissarii, inquit Admonitores in Admonitione ad Comitiam anno 1570. quid aliud est quàm fetida lacuna? In hac Curia unus solus excommunicat, unus solus sedet iudex, & qui pro arbitrio quam tulit sententiam revocare potest etiam invocato jam nomine Dei, & quidem pro pecunia, quod dicitur commutatio pœnitentiæ. In hac Curia excommunicabitur quis ob non solutos duos denarios, vel si non comparuerit citatus. Hæc Curia expilat paracias, cruciat pauperes Sacerdotulos, Oeconomos onerat manifestis perjuriis, adulterium & fornicationem castigat ridiculis censuris, remittit absque satisfactione Ecclesiæ præstita, & id genus mille abominationes perpetrat, ubi Judices, Advocati, Procuratores plerique sunt Pontificii. Quod ad Scribas & Notarios, sunt avidi helluones. Quod si forte viderint scriptum istud, exacerbarentur ut vespæ, & pungerent ut Crabrones. Tres eorum sufficerent ut ad mortem quemvis fodirent, quippe quod sunt Commissarii celsæ Commissionis. Item; qui sunt eorum Cancellarii, nisi suspecti Papatus? De nemine audio qui non sit dorodocus. Qui eorum Apparitores, nisi vilissimi? Quid Canonistæ, nisi suspecti Pontifici? Apud quos magis polent existimatione quam Episcopos? ut sint eorum præcipui adjutores & commissarii celsæ Commissionis, ut una cum iis fratres obtorqueant, si sunt viri pii, & Pontificios libertate donent, vel levius castigent. Quomodo traßantur causæ in eorum Curiis? nomine pro arbitrio Regine pecuniæ? Quanto oneri sunt Clero? Quantam summam corradunt quotannis, cui aliqui parci potest? Non est minutulum quid quod sustentat eorum Curias. Item; Offenderet castas aures audire obscœna litigia in eorum Curiis. Apparitores, imo Registrarii ipsi, Archidiaconus, & Magister Cancellarius, sæpe sibi temperare nequeunt, quin oporteat in risum solvi. Vides, ubi comparere possunt focios vel commilitones in celsa commissione Episcopi ad exercendam tyrannidem in Ecclesiam, ex ipsorum Curiis Officiales, Cancellarios, Commissarios, servum pecus. Quod hic dicitur de Cancellariis & Officialibus suspectæ fidei, Episcopi postea in Canonibus provincialibus*

2 Repl Part.

2 p. 69.

Ibidem.

bus simulabant se emendaturos. Sed quid boni hic expectandum ab iis, qui ipsi eodem morbo laborant. Et quid miri si munera capient? cum quidam Cancellarii & Officiales pendant 20. quidam 30. quidam 50. libras. Registrarii quidam 100. quidam 200. Quomodo igitur caveri potest, ne extorqueant ab aliis, & iniquis & non ferendis exactionibus resarciant redditus? inquit Defensor petitionis contra Oxonienses. Qui charè emit charius vendit. In decretalium Libro Quinto habetur Titulus; Ne Prælati vices suas vel Ecclesias sub annuo censu concedant. Cap. 1. Sic. Alex. III. in Concil. Lateran. Præterea quoniam in quibusdam partibus sub pretio statuntur, qui Decani vocantur, & pro certa pecuniæ quantitate Episcopalem jurisdictionem exercent: Præsententi decreto statuimus, ut qui de cætero hoc præsumpserit, officio suo privetur: & Episcopus conferendi hoc officium potestatem amittat. Et in glossa ibidem dicitur; Si Episcopus committat vices suas alicui, potest & debet constituere salarium de camera sua, cum ille ad hoc non teneatur. Cap. 2. ejusdem Tituli. Quoniam in quibusdam partibus Decani quidam vel Archipresbyteri ad agendas vices Episcoporum seu Archidiaconorum & terminandas causas Ecclesiasticas sub annuo pretio statuntur, quod ad sacerdotum gravamen & subversionem judiciorum non est dubium redundare, id ulterius fieri prohibemus. Quæ his Capitibus de Decanis ruralibus jurisdictionem spirituales habentibus dicuntur, de Cancellariis & Officialibus etiam dici possunt. Idem Titulus habetur etiam apud Lindvodium Provinc. Lib. 5. ubi extat constitutio Stephani Cantuariensis, ut Archidiaconatus vel Decanatus vel aliquod officium quod in spiritualibus mere consistit nulli detur ad firmam. Choppinus etiam, ut supra vidimus, refert non oportere Officialibus ab Episcopo sigillum locari in firmam vel annum censum. Dicit Suarez, posse summum Pontificem vendere Clericatum Camera & Auditoratum Camera, quæ sunt munia constituta ad Ecclesiasticam jurisdictionem exercendam vice Pontificis. Nam quia emolumentum temporale magnum erat, partem ejus sibi reservavit, eamque simul à principio redimi voluit, & ita sine Simonia, aut venditione jurisdictionis spiritualis illud emolumentum exigit in prædictis officiis conferendis. Inferiores vero Prælati non habent tantam potestatem, & ideo non extenditur hæc licentia. De Potestate Pontificis Romani non nunc disceptandum est; sed eandem potestatem negat inferioribus Prælatibus. Vices suas aliis concedere Episcopis non licet, si modo jure divino claves & jurisdictionem fori exterioris iis committuntur. At vices sub annuo censu addicere & quasi auctionariæ foedæ pactionis speciem præ se fert, quam Canones non probant. Sed Redeamus. Muckerus Cancellarios Ecdicorum, quorum mentio Canone 2 Concilii Chalcedonensis, munus administrare asserit. Item Cancellarios, inquit, utriusque juris prælati Episcopi in audiendo Ecclesiasticis causis contentiosæ jurisdictionis præcipue sunt ad-jumento: easu modo officio antiquitus fungebantur Ecdidici seu Episcoporum Ecdici. Dicitur Canone nudi loci inter Oeconomos & Paramonarios, vel ut alii, sibi vere dictionarios. Paramonarii autem erant de genere eorum qui res Ecclesiasticas administrabant, ut est etiam hæc sententia in Titulo Codicis de Episcopis & Clericis. Gentianus Herverus & alii interpretes reddunt Canone illo Defensores. Erant Ecdici alii Politici alii Ecclesiastici. Ecdici dicti civitatum defensores, item eorum, quorum munus erat judicio experiri contra eos, qui aurum vel argentum vel pecuniam Reipublicæ debebant. Ecdici Ciceroni Epist. ad Familiares l. 13. Ep. 56. videntur dicti illi, quibus à civitatis cura mandata erat, de his quæ deberent, cum privatis transigendi. Quænam igitur similitudo inter Ecdicorum Politicorum & Cancellariorum officia? In Synodo Carthaginensi Can. 37. videtur Ecdicorum munus fuisse, pauperes adversus ditiorum & potentiorum tyrannidem defendere. Quia autem nonnulli, ut verisimile est

Pag. 213.

Tom. 1. de
Virtute &
statu Relig.
Tom. 1. de
Simonia.
Cap. 23.

Ab Anglis
accepi, apud
Anglos eun-
dem esse Vi-
cariam ge-
neralem in
spiritualibus
& Cancel-
larium Dic-
ceseos, quod
de quibus-
dam Dicce-
dam Dicce-
sibus vere di-
tamen de
omnibus, ut
videtur,
quia Cano-
nes Angli-
cani distin-
guunt Can-
cellarios à
Vicariis.

In eo ibi ha-
est

lucinat
quod verba
Novel 15.
Ecdicis Ec-
clesiasticis
accommo-
dat.

est, Episcopi, cum de pauperibus & afflictiis dicerent, non exaudiebantur; statuerunt Pa-
tres ut Imperatores admonerentur, ut cum Episcoporum electione ab eis darentur iudicio.
Defensores pro reprimenda divitum tyrannide: ut sic cesset assidua Ecclesiarum perturba-
tio qua ab eis afficiuntur, qui ad eas accedunt, quod à potentioribus injuria affecti sunt; ait
Balsomo ibidem. Ibidem Zonaras; Episcopi non tantum populos ipsorum curæ commissos
docere, sed eorum quoque patrocinium, si iniuste leduntur, suscipere, ac illos pro viribus tueri
debent. Quoniam. verò aliqui pollentes opibus Episcoporum quoque auctoritatem contem-
nebant, possulant ab Imperatore hujus Synodi Patres doctores tuos cedere, ut Defensores aliqui
constituantur, qui simul cum Episcopo potentiorum tyrannidem reprimant, ne pauperum op-
pressionibus, hoc est gravibus injuriis quæ ipsis inferuntur, assidue Ecclesia perturbetur, hoc est
ob pauperes ad ipsam confugientes, atque ob ea sibi opem implorantes, assiduis perturbationibus
implicetur. Vides Ecdicorum seu Ecclesiæcdicorum (non autem Episcoporum Ecdici
dicti sunt apud Veteres, quod memini) munus, quorum auxilium adhibitum, quia
despectui habita Episcoporum autoritas. An quis Cancellarii dicto audiens erit,
qui Episcopum spreverit? Quod autem imponit Zonaras Episcopo patrocinium
populi, ex Episcopo facit ἀποτροπήσις, si præter fines vocationis velit suscipere
causarum civilium cognitionem & iudicium. Nec id volunt verba Canonis,
sed tantum defensorem pauperum Ecclesiæ opem implorantium μετὰ τῆς τῶν ἐπι-
σκοπῶν προνοίας ἐπιτελεῖν, cum Episcoporum providentia seu provisione deligi. Horum
Ecdicorum primus dicebatur πρωτεύων, qui in Ecclesia Constantinopolitana
ampliores habebat potestatem, ut & alii Ecdici, quam in aliis. Sed quis fastum
& dignitatem & officiorum sedis illius cum ipsa Babylone de prærogativa certan-
tis, cujus Patriarcha Antichristi præcursor, non fastidiret? πρωτεύων idem ut
arbitror, qui Onuphrio Primicerius Defensorum in Ecclesia Romana. Gregorius,
ut auctor est Johannes Diaconus, remotis à suo cubiculo secularibus, Clericos sibi pru-
dentissimos consiliarios, familiaresque delegit. Nemo laicorum quodlibet palatii minis-
terium, vel Ecclesiasticum patrimonium procurabat, sed omnia Ecclesiastici juris mu-
nia Ecclesiastici viri subibant: ob quod nonnulli procerum se sub obtentu religionis
confurare cæperunt. Proceres igitur antè erant Primicerii Defensorum. Esto;
aucta fuerit Ecdicorum potestas post Chalcedonensem & Carthaginensem Syn-
odos, & causis merè Ecclesiasticis immiscuerint, sive in Constantinopolitana
sive in Romana sive in utraque Ecclesia; non tamen erunt Cancellarii Ecdicorum
illorum Chalcedonensis & Carthaginensis Synodi successores. Sed undecunque ori-
ginem traxerint, à Satana investiti sunt ad excludendum Presbyterorum Senatum.
Si verus, quod evincere non possunt, quid inde? nonne & Satanas verus veterator est?
Ne quis fortè putet plus nimio investum esse in Officiales, audiat Petrum Ble-
sensensem in Epistola ad amicum quandam, qua eum hortatus est, ut desinat esse
Episcopi Officialis. Quia te affectuosissime diligo, inquit, in visceribus. Jesu Chri-
sti, proposui te salutaribus monitis adhortari, ut de Ur Chaldaeorum, & de medio Baby-
lonis tempestivus exeat, & ministerium damnatissima villicationis omittas. Scio quia cupi-
ditas subvertit cor tuum, ut fieres Officialis Episcopi. Credo huiusmodi Officiales non ab
officio nomine, sed ab officio verbo mutuasce vocabulum. Tota Officialis intentio est,
ut ad opus Episcopi suæ jurisdictioni commissas miseris oves, quasi vice illius, tondeat,
emungat, excoriet. Isti enim sunt Episcoporum sanguisugæ, evomentes aliorum sangui-
nem quem hiberunt. Quod aggregant per oppressionem pauperum, Episcopis quidem ad
delicias cedit, Officialibus ad tormentum. Episcopus quasi longa manu bona aliena di-
ripit, & notam criminis à se removens, suis Officialibus culpæ & infamiae discrimen im-
pingit. Ideo quasi sub umbra Episcopi, & obtentu justitiæ palliatæ subditos opprimunt,
Ecclesias gravant, redditus alienos violenter invadunt, oculos habent ad munera, pupillæ
& vi.

Interpretat.
vocum Ec-
clesiæ.

Epist. 25.

& vidue non intendunt. Hanc administrationem, quam tibi damnabiliter usurpasti, patientius ferrem, nisi sacrarum literarum scientia præmineres. Causæ & judicia quibus te imprudenter, ne dicam impudenter, immisces, potius consuetudinario & sæculari jure deciduntur. Virum literatum & Ecclesiasticum non sic decebat sæcularibus negotiis implicari. Apostolus ad Corinthios scribens dicit; sæcularia negotia si habueritis, eos qui contemptibiles sunt inter vos, constituite ad judicandum. Officium Officialium, quorum te numero aggregasti, hodie est jura confundere, suscitare lites, transactiones rescindere, innectere dilationes, suppressere veritatem, fovere mendacium, quæstum sequi, æquitatem vendere, iniurare exactionibus, versutis concinnare. Isti sunt qui hospites suos gravant superflua evectioe & multitudine clientelæ: quærunt delicatos & superfluos cibos, cum scriptum sit Luc. 10. 7. comedentes & bibentes quæ apud illos sunt. De alieno enim prodigi, de proprio sunt avari, verborum insidiatores, & aucupes syllabarum, tendunt laqueos & pediculis in capturam pecuniæ, jura interpretantur ad libitum, & ea pro voluntate sua nunc abdicant, nunc admittunt; bene dicta depravant, prudentem allegata pervertunt, rumpunt fœdera, nutriunt similtates, fornicationes dissimulant, matrimonia distrabunt, adulteria fovent. Calvinus Officialem à pietate non alienum admonet Epist. 248. ut munere illo se abdicet. Quam difficile sit purum atque integrum Deo obsequium præstare, quisque pro se experitur. Tua vero peculiaris ratio, qui injuste illius & sacrilege dominationis satelles esse cogeris, ac minister. Discipline quidem præesse honorificum est: sed vide quam strenuè in purgandis flagitiis labores, quæ pueris quoque ipsis nota sunt. Tuum est, ut de ebrietate aliisque vitis taceam, scortandi licentiam in Clero cohibere: nunc tecum reputa, quam in hac crassa, quæ omnibus nota est, obscænitare tolerabilis si tua dissimulatio. Atque ut severissimus sis in hac parte, nempe hoc erit operæ tuæ pretium, ut idolis maneat integer cultus, ut sua sacrilegia exerceant vestri sacerdotes. Præcipuam enim jurisdictionis tuæ partem in hoc sitam esse non negabis, ut salva sit & intacta Papatus religio quam scis innumeris corruptelis scætere. Sic Officiales Anglicani satellites sunt Episcoporum, Archiepiscoporum, & Archidiaconorum, eorumque præcipua jurisdictionis pars in hoc sita est, ut salva & intacta sit Hierarchia & Liturgia Anglicana, id est Papatus Anglicani religio. Et infra; Ut dicam uno verbo, etiamsi re ipsa Christo tuum obsequium offerre coneris, titulus ipse Antichristi vexilliferum esse docet. Ad tam exitiale fœdumque exemplum res ipsa accedit: quia si furtim nescio quid boni admisces, nunquam tamen è trîunali surgis quin multa officia præstiteris impiæ dominationi cui mancipatus es. Reliqua jurisdictio in causis civilibus consumitur, ubi utcumque summam æquitatem colere studeas, fines tamen à Domino præfixos everris, dum sub fallaci regiminis prætextu alienam provinciam usurpas. Et Institut. l. 4. Cap. 11. Sect. 6. Fuit igitur facinus nimis improbum, quod unus homo, nempe Episcopus, translata ad se communi potestate, & tyrannicæ libidini patefecit aditum, & Ecclesiæ quod suum erat eripuit, & confessum à Spiritu Christi ordinatum suppressit & abdicavit Sect. 7. Verum (ut aliud malum semper ex alio nascitur) Episcopi veluti rem sua cura indignam fastidientes ad alios ablegarunt. Inde creati Officiales, qui locum illum sustinerent, nondum dico quale genus hominum, hoc tantum dico nihil differre à prophanis iudicibus. Et tamen spirituales jurisdictionem adhuc vocant, ubi nonnisi de rebus terrenis litigatur. Ut nihil sit illud mali; forum litigiosum qua fronte vocare audent judicium Ecclesiæ? At illic sunt monitiones, est excommunicatio. Scilicet ita cum Deo luditur, debet pauperculus aliquis pecuniam, citatur; si compareret, damnatur &c. Quid opus est multis? De hoc vocabulo Officialis dicit Wil. in Clement. Et si principalis de Rescrip. quod hic dicitur ab officio, cis, quod idem est quod nocere, quia tales ut plurimum nocent maxime subdatis quibus præsumunt.

Procuratorum in Curiis Ecclesiasticis clamores importunos ipsis etiam Judicibus

Lindwode
Tit. de Sequestrat. v.
Officiales.

bus & Advocatis molestos, & Registrariorum ac Apparitorum, qui sunt Curiarum canes venatici, excessus quid memorem? Ex foeda illa colluvie Cancellariorum, Commissariorum, Officialium, Registrariorum, Procuratorum, Advocatorum, Apparitorum, ecquid boni sperare possumus?

Curiae istae Ecclesiasticorum Senatum jura invaserunt, & causarum civilium simul & Ecclesiasticarum Babylonicum Chaos in forum suum invexerunt. Denique si de causarum Ecclesiasticarum disceptatione quaeritur, ac praesertim de correctionis disciplina; ubi quaeso in Papatu invenias Presbyterorum collegium? ubi legitima judiciorum forma, quibus erudiantur indocti & peccatores ad resipiscentiam adducant? ubi Dei verbum? ubi veteres Synodi & Canones ad convincendos haereticos? Penes quos est excommunicandi potestas, & quibus de causis? quae absolutionum & satisfactionum Ecclesiasticarum formula? quaerit Venerabilis Beza in Antithesi Papatus & Christianismi. Haec omnia pungent etiam Ecclesiam Anglicanam.

Sunt & quidam Decani ac Praebendarii, qui jurisdictionem exercent, sicut supra dictum est. Praeterea in singulis fere Diocesisbus Episcopalibus sunt Ecclesiasticae jurisdictiones exemptae, ait Mucketus, aut ab Archidiaconatibus & Diocesi Episcopali, aut à Diocesi Episcopali & Provincia Archiepiscopali, vel denique à Provincia Archiepiscopali & Regiae Majestati, ratione Appellationum, immediate sunt subditae.

De Politia
pag. 294.

C A P U T VII.

De Suffraganeis & Decanis ruralibus.

Hactenus de Personis habentibus administrationem minus amplam, eamque Judicialem; sequuntur habentes.

Minime Judicialem. Iique sunt, vel Ecclesiastici, vel Laici; Ecclesiastici, Diaconus, & Minister. Iique functionem habent, vel Absque Titulo perpetuo, ut Curati, vel Cum Titulo; iique habent praeter communem, peculiarem functionem, vel minime peculiarem.

Praeter communem, Peculiarem Functionem, vel per totam aliquam Diocesin, ut Episcopi Titulares, qui olim Chorepiscopi, nunc Episcopi Suffraganei vocantur; veniuntque considerandi secundum locum quem tenent, in Republica proximum post Barones, vel in Ecclesia, utpote qui Episcopi sunt vocatione & ordine, sed carent jurisdictione, Coadjutores aliorum Episcoporum quorum vice nonnumquam ordinant Ministros & Diaconos, Dedicant Ecclesias, Confirmant pueros ante informatos Rudimentis Christianismi, in Diocesi ipsis attributa.

In:

In parte aliqua Dioeceseos, ut Archipresbyteri, quos Decanos Rurales vocant, atque nunc plerumque adhibentur, ad convocandum suam classem, ad significandum iis nonnihil ab Ordinario ut sit per literas, ad inducendum in beneficia vice Archidiaconi remotius agentis.

Dicitur hinc, Suffraganeos Episcoporum olim Chorepiscopos fuisse dictos, sed Mucketus Decanos Rurales potius Chorepiscopis successisse existimat. *Decani ru-* *De Poliz. p. 339.*
rales, inquit, veteris Ecclesie Chorepiscopis & Archipresbyteris Regionariis haud ab-
similes, ab Episcopis qui illos adhibent, plerumque adhibentur ad convocandum Clerum, ad
significandum Presbyteris & Diaconis infra suos Decanatus nonnihil ut sit per literas,
ad inducendum in beneficia vice Archidiaconi remotius agentis. Chorepiscopi ini-
 tio Episcopis Urbanis potestate pares, eorumque rivalet, eandem omnino ju-
 risdictionem exercebant quam Episcopi Urbani; postea diminuta est eorum pote-
 stas retento tamen nomine. Sed & Episcopi in Chorepiscopi titulo vocem ode-
 runt Episcopi, quia metuebant ne forte antiqua jura repeterent: & ablato Chore-
 piscopi nomine, Archipresbyteros rurales, tandem Decanos rurales appellarunt,
 & in gradum Archidiaconatu inferiorem detruserunt, *Vel etiam dici potest, inquit* *Introductio in praxin & theor. bene- p. 422.*
Bleyntianus, hoc fuisse factum, nempe ut Archipresbyteri Archidiaconis cedant mo-
etiam subsint, ne propter subrogationem in locum Chorepiscoporum superbirent Archi-
presbyteri, & idem sibi, quod antea Chorepiscopi, arrogarent, si immediatè Episcopis
supponerentur. Et jure quidem vendicare sibi possunt Archipresbyteri ratione
 ordinis sui, quod Archidiaconi non possunt. Nam Episcopus & Presbyter jure
 Divino sunt ejusdem ordinis & gradus, non autem Episcopus & Diaconus. Vi-
 des igitur ex odio & metu Episcoporum non modo violatum jus Divinum, sed
 etiam turbatum ordinem veteris Ecclesie, effectumque ut Archipresbyteri ordine
 majores dignitate tamen minores essent Archidiaconis. Cum dico, Decanos suc-
 cessisse Chorepiscopis, non intelligo, in omnem eorum potestatem, sed tantum
 in eorum locum & ditionem. Inde est quod ait Schultingius in Anacrysi Hierar-
 chie. *In sublato Chorepiscopi vicem successit quidem ex parte Archipresbyter ruralis* *L. 16. p. 150.*
vel Decanus Christianitatis ad quem Gregorius IX. Cap. Dudum, de privilegiis rescripsit.
 Nam quod ad potestatem, Episcopus, exuto omni potestate Chorepiscopo, eam
 omnem sibi vendicavit, eamque communicavit Cancellariis, Commisariis, Su-
 fraganeis, Vicariis generalibus, partem aliquam reliquit Decanis ruralibus, sed
 minime judicalem nisi consuetudine præscripta eandem recuperarint. Sed ad Su-
 fraganeos nostros redeamus, quibus committunt vices suas in conferendis Ordini-
 bus. Quod Episcopo maxime proprium clamitant, nempe Presbyterorum & Dia-
 conorum Ordinationem aliis tamen, titulo tantum tenus Episcopis, communicant,
 nempe Suffraganeis suis. Episcopi posterioribus hisce & corruptioribus sæculis,
 ut otio diffuerent, vel civilibus & publicis reipublice negotiis vacare possint;
 Suffraganeis ea quæ sunt ordinis, Cancellariis ea quæ sunt jurisdictionis commise-
 runt. Nihil quod Episcopale exercebant ipsi, ne implicarentur boni milites ne-
 gotiis Ecclesie & rebus spiritualibus. Episcopus Guadicensis in Concilio Triden-
 tino inductus est in Episcoporum titularium ordinationem. *Affirmabat eorum or-*
inationem esse Curie Romanæ inventum, etiam, hoc ipso verbo usus, figmentum huma-
nium: ejus apud antiquos nullum cerni vestigium: Nam si Episcopus olim Episcopatu exutus
esset aut Episcopatum renunciasset, id sic acceptum quasi non amplius esset Episcopus, si-

Petri Suavis cut cui uxor deest non est amplius maritus. Itaque legi apud antiquissimos Doctores Cano-
Histor. Conc. nistas, invalidas esse ordinationes habitus ab eo qui Episcopatum renunciavit. Simonius &
Trident. l. 8. ineptias quibus causam dant istiusmodi Episcopi, aliasque discipline corruptelas, nihil esse
pag. 803. præ hoc abusu concedendi nomen Episcopi iis qui verè non sunt, & institutionem Christi
De Ecclef. & Apostoli immutandi. Fildus ex Melchior Cano hæc habet de Suffraganeis. Tales
l. 5. pag. 158. Episcopi Melchior Canus differens de Conciliis, & personis quibus Concilia consistunt, ait

tantum abesse, quod habeant locum ullum aut suffragium in Conciliis, ut nec habeant nec
 habere debeant locum ullum in Ecclesia. Episcopos, de quibus illic sermo est, vocat annulares
 Episcopos, forte quod Episcopi qui completè sunt Episcopi habeant & baculum & annu-
 lum, cum ad jurisdictionem suam, tum matrimonium cum Ecclesia significandum, isti
 annulum solummodo haberent. Si Episcopus potest uni communicare titulum & ordi-
 nem Episcopi, & sic potestatem ordinandi Presbyteros & Diaconos, potest &
 pluribus, omnibus Decanis sive Cathedralibus sive ruralibus omnem veterem Cho-
 repiscoporum jurisdictionem restituere. Imo si vult Episcopus, & Canones non prohi-
 berent, potest suos Parochos plenè Episcopos facere, & ordinare ut omnes sui ordinis actus
 plene possint explere: & simul ac in solidum cum ipso Ecclesiam gubernare, inquit Spa-
 latensis. Maledicant Juri Canonico Parochi quod omnem ademerit ipsis jurisdic-
 tionem fori exterioris, & potestatem ordinationis absque ulla spe restitutionis.

De Repub. l. De Suffraganeis dicit Fildus, quicquid obtendant, esse tantum Presbyteros, de
2. Cap. 9. Ecclef. l. 3. Cap. 59. In Constitutionibus anni 1604. Can. 35 habentur hæc verba.
Num. 15. Quod si quis Episcopus vel Suffraganeus in sacros ordines quempiam sine prædictis qualita-
 tibus aut iusto, ut supra, examine cooptarit, per Provinciæ suæ Archiepiscopum ea de
 re certiores factum (assidente uno alio Episcopo) ab omni ordinis conferendi potestate in
 integrum biennium secludatur. Hic vides Suffraganeum posse cooptare in sacros ordi-
 nes. Et Can. 60. Cumque in triennali visitatione mos sanctissimi istius operis, nempe
 Confirmationis, peragendi in Ecclesia per multas ætates obtinuerit; volumus & ordi-
 namus, ut quilibet Episcopus vel ejus Suffraganeus in consueta visitatione sua morem &
 ritum illum in propria persona diligenter observet. Hic vides Suffraganeum posse Con-
 firmationis solennitatem celebrare. De suffraganeis vide plura pag. 23. 24. de dif-
 ferentiâ inter Episcopos Suffraganeos Archiepiscoporum & Episcopos titulares
 Episcoporum Suffraganeos, pag. 45. 46. & de Chorepiscopis pag. 147. 148.

De Sacris
Minist. l. 1.
Cap. 8.

Decani Rurales antè dicti Archipresbyteri vicani seu rurales. Sunt autem,
 Archipresbyterorum duo genera, inquit Duarenus, quorum Urbani quidam dicuntur,
 qui in urbe & majore Ecclesia officio suo funguntur. Cum enim Episcopus propter absen-
 tiam fortè vel occupationes suas (ab officio, puto, alienas) non possit omnia Episcopi
 munia vel solus vel unà cum Presbyteris obire, sed curas suas cum eis partiri necesse habe-
 at: utilius visum est, ex Presbyteris unum cæteris præponere, qui ea quæ ad Presbytero-
 rum officium pertinent, partim ipse exequatur, partim aliis facienda præscribat; quam
 omnibus simul Presbyteris id committere; ne contentio aliqua inter ipsos ex communione
 administrationis oriretur. Itaque Archipresbyter Urbanus eam potestatem habet in ma-
 jore Ecclesia, quam quivis Presbyter in Ecclesia sibi assignata habere dicitur. Sed & cæ-
 teris quoque ejusdem Ecclesiæ Presbyteris, qui Cardinales id est primarii & præcipui di-
 cuntur ad differentiam eorum qui in inferioribus Ecclesiis sunt constituti, haud dubie
 præest. Archipresbyteri Vicani nullam in urbe potestatem, nullum ministerium habent, sed in
 majoribus celebrioribusque pagis constituuntur. Ac singulis præter Ecclesiæ propriæ curationem,
 certarum Ecclesiarum, certorumque Presbyterorum, qui per minores titulos habitant, in-
 spectio, observatioque committitur. De Decani appellatione hæc habet Scaliger in
 Opusculis. De scholis militiarum hoc cerè scias; quod in artificibus erat collegium, id in
 militibus fuisse scholam. Schola autem erat propriè corpus militum quod ad caput certum
 refere-

pag. 393.

referebatur. Itaque in centuria militum erant decem decuriae, quae olim tabernacula dicebantur. Unaquaeque decuria, quae ex decem militibus constabat, referebatur ad suum caput, quem Decanum vocabant, aliter autem caput scholae. Hodie ejus vestigia existunt in Collegiis Ecclesiasticis seu, ut vocant, Canonicis. Nam decimum collegii vocant alii Decanum, alii Caput Scholae. Itaque in tota provincia Narbonensi ac meliori parte Italiae Decanum vocant Capishol, hoc est, Caput Scholae. Decani rurales exiguum habent veterum Chorepiscoporum potestatem, nempe convocandi Presbyteros suae classis, & significandi nonnihil à Ordinario per literas. Presbyteri classis sunt qui initio constituerunt Presbyterium Chorepiscopi. Non enim existimandum est Chorepiscopum, dum etiam Episcopo par erat, omnia gubernasse absque Presbyterio singulari aliqua potestate: nondum enim Poliepiscopi illam Monarchiam sibi arrogarunt. Sed invalescente paulatim Episcopi urbani autoritate sensim decrevit Chorepiscoporum potestas, donec tandem devenerint ad Decanorum ruralium, ut vides, infima subsellia. Non numeratur hic, ut vides, inter Personas judiciale administrationem, sed inter minime judiciale habentes. In quolibet Decanatu continentur 9. 10. aut 12. Paroeciae. Decanatus quibus praeficiuntur rurales Decani antiquis Archipresbyteris non multum dissimiles, & comprehendentes aliquando decem paroecias, quas Concilium Chalcedonense Rurales & Regionales vocat, inquit Mucketus. Assessor Politiae Christianae p. 268. refert quemque Archidiaconatum dividi in Decanatus, & Rectorem vel Vicarium antiquissimae Ecclesiae, quae dicitur Matrix Ecclesia Decanatus, esse praefidem cum conveniunt, nisi communi Ministrorum consensu alius eligatur. De Archipresbyteris ruralibus habetur Decretum. Decret, Gregorii IX. ex Synodo habita Ravennae l. 1. Tit. 25. Ut singulae plebes Archipresbyterum habeant, qui non solum imperiti vulgi sollicitudinem gerat, sed etiam Presbyterorum qui per minores titulos habitant vitam juxta circumspeditionem custodiant, qua quisque industria divinum opus exerceat, Episcopo enunciet. Nec contendat Episcopus non egeret plebem Archipresbytero, quasi ipse tam gubernare valeat; quia etsi valde idoneus sit, decet tamen ut sua onera partiat, ut sicut ipse matri Ecclesiae praest, ita Archipresbyteri praesint plebibus, ut in nullo titubet Ecclesiastica sollicitudo; cuncta tamen referant ad Episcopum, nec aliquid contra ejus decretum ordinare praesumant. Refert Fildus, Archipresbyteros rurales electos fuisse à Clero, & Episcopum ratam habuisse electionem, nec potuisse Episcopum gradu submovere Archipresbyterum absque consensu Cleri. Ut Episcopus nec Abbatem nec Archipresbyterum sine omnium suorum Compresbyterorum & Abbatum consilio de loco suo praesumat ejicere; neque per praemium alium ordinaré, nisi facto consilio tam Abbatum quam Presbyterorum suorum. Concil. Turon. Conc. Antioch. 2. Can. 6. Admonebant delinquentes, Si quis ex secularibus institutionem aut commonitionem Archipresbyteri sui, contumacia faciente, audire distulerit, tandiu à limitibus sanctae Ecclesiae habeatur extraneus, quandiu tam salubrem institutionem adimplere studuerit. Praeterea, ait Fildus, bis singulis annis visitabant Ecclesias sibi subiectas; & si quid reformatione, confirmatione, aut reparatione indigebat, ut id fieret, curabant, & citat Synodum Augustanam. Decani ruralis officium erat in causis Ecclesiasticis citationes ei transmissas nempe ab Episcopo aut ejus Surrogato, exequi, cujus sigillum verbi Decanum in talibus est authenticum, inquit Lindvodius Titulo de Judiciis, in Constitutionem Johannis Pecham Cantuariensis. Constitutionis verba sunt ista. Statuimus, ut nulli tradatur certificatorium, vel alias concedatur sub sigillo alicujus Decani ruralis signatum, nisi prius in aliquo die solenni intra Missarum solennia in Ecclesia, ubi citatus foverit laetamine, ut citatus sufficientes habeat inducias, ut die & loco sibi praefixis competenter valeat comparere. Hic deciditur, inquit Lindvodius, quomodo Decani rurales pecunia corrumpti

Verb. Recite-
tur.

rupti sigillabant multotiens falsa certificatoria, & aliis malis circa ea usi sunt in præjudici-
um multorum. Certificatorium, inquit ibidem, erat litera responsiva directâ iudici super
mandato quod ab eo emanavit ad aliquem citandum. Statuitur, ut certificatorium pu-
blicè recitetur. Non enim intelligas quod citatio debeat sic fieri, sed solum citationis recita-
tio; ut per hoc constare possit, quod deponens apponens sigillum non est in dolo vel frau-
de sigillando forsan fictum vel falsum certificatorium. In fine illius Constitutionis ha-
bentur hæc verba. Et hoc jurent Decani rurales se facturos in Episcopali Synodo omni
anno. Lindvodus ibidem in Glossa. De his nominatim & specialiter istud ordinatur,
quia per eos potius quàm per alios qui habent sigilla authentica multe fiebant fraudes.
In illa verba, Omni anno. Hoc ideo dicit fortassis, quia quolibet anno mutantur Deca-
ni, & fiunt novi; aliàs postquam semel jurati essent non oporteret huiusmodi juramen-
tum requiri, nisi subesset causa suspicionis. Quarto, ait Fildus, habebant stata Ca-
pitula quatuor singulis annis, & extra ordinem sæpius pro re nata, & anno tran-
facto ab inductione in beneficia Parochi tenebantur præstare juramentum Decano,
& sic admissi ad confidendum in Capitulo, & tenebantur interesse annuis Capitu-
lulis, aliisque data occasione habendis, & oneris partem subire. Juramentum ad-
mittendorum in Capitulum non erat simplex, sed cum limitatione ista, *Salvis juri-*

De Constitut.
Cap. Quia in
contin. verb.
Capitulis
ruralibus.

bus Capituli, & citat Synod. Trevir. de Decanis Christianitatis: non tamen fuisse
illud ubique receptum arbitror. Lindvodus de Capitulis ruralibus sic scribit.
Quandoque vero Capitulum ponitur pro collectione plurium, & non communiter viven-
tium, sed ob tractatus communes inter se habendos ad aliquem locum confluentium. Exem-
plum patet in Capitulis generalibus Monachorum & Regularium: secundum quem mo-
dum collectio Rectorum, Vicariorum, & aliorum prout Ecclesiasticorum, ob huiusmo-
di tractatus communes inter se habendos dicitur etiam Capitulum. Et quia ut communiter
huiusmodi Capitula celebrantur in locis minus insignibus videlicet in rure constitutis, hinc
est quod Capitula ruralia dicantur, ut hic apparet: & hæc Capitula quandoque appellantur
Conventus in constitutione Othonis. Et horum Capitulorum quædam tenentur de tribus
hebdomadis in tres; quædam semel in quartis anni, & hæc dicuntur Capitula principa-
lia propter maiorem confluentiam Cleri. Hæc Capitula erant quasi vestigia seu reli-
quæ Presbyteriorum Chorepiscopalium. Hæc Capitula habent Ecclesiæ Refor-
mate in Belgio quæ Classes vocant, & de tribus in tres hebdomadas habent, &
Ecclesiæ Scoticæ, quæ Presbyteria vocant (nam Parœciana Consistoria alio
nomine nempe Sessiones appellant) & quæque singulis hebdomadis in unum coe-
unt, quorum potestas, antea Synodis Provincialibus tantum subordinata & Con-
cilio Nationali, jam enervata est Episcoporum potentia, vi, & tyrannide, omnia
jura & libertates Ecclesiæ nostræ conculcantium. In Capitulis illis Archipresby-
teri seu Decani rurales, ait Fildus, statuta Synodorum Episcopaliū & Provin-
cialium recitabant, exclusis laicis, si spectarent ad Clerum, qui alioqui interesse
poterant, dum promulgarentur constitutiones utrisque communes. Sic quidem
constitutio Johannis Peccham lata est de promulganda constitutione contra con-
cubinarios exclusis laicis. Statuitur ut Episcopi constitutionem prædictam faciant in
quatuor anni principalibus Capitulis ruralibus per se, vel eorum Officiales, vel scilicet per
Decanos rurales, vel gerentes eorum vices distinde & aperte eorum toto Capitulo, exclu-
sus laicis, recitari. Et cur quæso non simpliciter per se, sed vel per alios, nempe
Officiales suos aut Decanos rurales? Per se, inquit Lindvodus, si forsan præsentis
sint; aliàs autem sufficet, ut per suas literas fieri præcipiant vel per nuntium, præsertim
cum non doceat statum Pontificis in singulis Capitulis huiusmodi personaliter interesse.
Vides factum! Capitula ruralia etiam principalia non dignantur vel præsentia sua
decorare Episcopi. Deinde, ait Fildus, non solum promulgarunt statuta in Ca-
pitulis

Verb. Per se.

pitulis suis, sed etiam eorundem executionem procurabant: inquirebant, in Ecclesias vacantes, qua occasione & cuius culpa vacarent; si quis ingessit se in ministerium; in investituras eorum qui recens ministerii munus inierunt; & qua autoritate surrogari aliorum vices supplerent; præterea admonituri erant quos visitatione aliave informatione reprehensibiles deprehenderant, quod si ne sic quidem lucrifacere possent, Laicos suspendebant à sacramentorum perceptione, & Clericos à functionis exercitio. Si tamen adhuc pertinaces pergerent, detulerunt Episcopo, si res ipsa non posset moram ferre, vel sequenti Synodo Episcopali denuntiarunt. Hæc postrema de admonitione, suspensione, denuntiatione, confirmat citatis Statutis Synodalibus Episcopi Hildesemensis. Extant Statuta Cap. 2. ubi etiam habentur hæc verba. *Considerantes quod Archipresbyteri rurales pro eo constituuntur, ut Clericorum honestatem & confratrum utilitatem procurent, excessus eorum referant, mandata nostri Vicarii & Officialium nostrorum debite exequentur, & singula quæ à superioribus mandantur, ad notitiam confratrum suorum deducant, quæ tamen ab Archipresbyteratibus suis absentes nequeant adimplere: statumus, &c.* Quantulacunque Archipresbyterorum potestas vel fuit vel adhuc remanet quibuldam locis, exigua est præ illa quam initio habebant Chorepiscopi, hodieque sunt tantum servi Episcoporum. In Anglia hæc sunt Decanorum ruralium egregia scilicet munia, ut convocent Classem, quod tamen raro aut nunquam fit, ac significant Presbyteris & Diaconis infra suos Decanatus nonnihil ut fit per literas, & inducant quempiam in beneficia vice Archidiaconi remotius agentis. Sunt quidem quidam rurales Decani in regione Septentrionali, ut in Comitatu Eboracensi, Lancastrensi, Richmondensi, Cestrensi, &c. qui non modo testamentorum probationes, administrationumque potestatem habent, sed etiam cognitionem Ecclesiasticorum delictorum cum potestate censurarum, ut refert Assertor Politicæ Christianæ. Sed isti Decani rurales exempti sunt à jurisdictione Episcopi, & Decanatum habent per modum tituli, ac quasi Episcopalem jurisdictionem exercent. Ne quis forte putet rurales Decanatus Classicorum Presbyteriorum umbras & veterum reliquias seu vestigia unius Angliæ solum fuisse, sciat etiam ubique ferè adhuc apud Pontificios haberi. Extat Titulus in Libro 2. Decretalium de Archipresbyteris, ubi quæ habentur Cap. Ultimo de Ruralibus ex Synodo Ravennæ habita supra videas. Et Statutis Synodalibus Episcopi Hildesemensis ista statuta de Archipresbyteris colligit Scultingius in Anacrisi. 1. *Ut bis Synodos, Capitula, sive ut illi vocant Classés celebrent.* Lib. 1. p. 27. 2. *Ut cogant omnes ad ostendendos suos titulos & investituras.* 3. *Ut resideat personaliter.* 4. *Est hic mentio Camerarii, quem ignorant Calvinistæ. Is est perpetuò assistens Archipresbytero, tanquam Consiliarius ab eodem proximus.* 5. *Archipresbyteri de scandalosis excessibus, quales hic octo species numerantur, Archidiaconum vel Episcopum faciet certiore.* 6. *Archipresbyter non potest suum officium exercere, nisi sit à Vicario in spiritualibus, vel ipso Archiepiscopo confirmatus.* 7. *In Confirmatione Furamentum præstabit.* Et ad interrogationem 106. Synodi Middelburgensis, ubi dicitur, *Classici congregationes non in uno loco semper servabuntur, sed circulariter & orbiculariter per vices,* Lib. 11. p. 165. quoad possibile est. Respondet. Contrarium observatur in Capitulis ruralibus, hoc est Classicis conventibus nostris, quæ semper in templo uno loco servantur, licet Benedictinorum Capitula, (unde illi proculdubio hoc hausserunt) sint orbicularia, nunc in hac nunc in alia Abbatia. Sed perinde est, sive orbicularia sint, sive fixa. Nam de loco statuere possunt, prout commodum viderint. In Confutatione Synodi Nationalis Belgicæ, Germanicæ, Gallicæ, Ardic. 25. Adeo frequentes conventus Classicos non improbarem, si non essent contra Antiquitatem. Canones enim ordinarunt id bis in anno tantum fieri oportere, toties scilicet quoties servantur Concilia Diocesana. Sed supra

Lib. II. p.
120.

Lib. 5.

ostendimus ex Lindvodio, sub ipso Papatu frequentiores fuisse conventus classicos. Ipse Scultingius alibi cum dixisset, *Observa fervorem sectæ in frequentibus classicis conventibus annuatim instituendis*, subjicit; *Non improbant Canones antiqui frequentes conventus Classicos & Synodos particulares, quoniam sic facilius extirpantur & citius vitia singulis annis*. Præsidem Classis Decanum foraneum seu Christianitatis ibidem vocat, sed mutabilem non vult Lib. 13. p. 9. Nos contra mutabilem, non perpetuum, Præsidem volumus, propter tyrannidis periculum, & ne murerur in Classicum Episcopum. Bochellus in Decretis Ecclesiæ Gallicanæ habet etiam Titulum de Decanis Ruralibus seu Vicariis Foraneis, ubi ex Synodo Aquisgranensi 1585. affert ista. Ut Episcopus in urbe etiam externum gregem facilius quasi præsens inveniendi & curare possit, delegat aliquot probatos sacerdotes, qui literarum scientia, morumque integritate & rerum agendarum usu præstantiores sint; quibus singulis imposito Vicarii foranei nomine tribuat certas regiones Diocesis suæ, octo vel decem parochiales Ecclesias continentes, constituto tamen vicariatu in aliquo loco insigniori & frequentiori: illis tamen eam facultatem tribuere poterit Episcopus, quam ipse, & pro illorum conditione, & pro locorum temporumque ratione, tribuendam censuerit. Hi autem Vicarii regionis sibi per Episcopum commissæ Presbyteros cujuscunque conditionis, curam animarum habentes semel singulis mensibus modò in unam modò in aliam ejus regionis Parochialem Ecclesiam congregent; idque in orbem eodem ordine semper faciant. Eisdem autem Vicarii libellum de casibus conscientie Apostolicæ sedi & Episcopis reservatis Metropolitani cura edendum reliquis sacerdotibus legent, & aliquot capita tum harum constitutionum, tum earum quæ in Synodis Diocesanis sunt, simulque aliquid ex probata aliqua summa de casibus conscientie explicabunt. Præcipuè autem de Presbyterorum vita & moribus quærant & quales se in pastoralis præbeant cura; & an eorum culpa in Ecclesia Divinus cultus desideretur; an re ipsa præstentur ea quæ Episcopi vel alii eorum nomine in Ecclesiarum necessitatem earumque reparationem impendi jusserint; an libros habeant, quos præsertim ex Synodi decreto habere debent, &c. Hi autem Vicarii voluntate Episcopi ab officio amoveri semper possint, ac si male id administrarint pœnas dent ejusdem Episcopi judicio. Ex Concilio Rhemenfi, 1583. In Synodis Decani rurales reddant rationem eorum quæ in suis Calendis & visitationibus egerint, & compererint. Sunt & plura alia eodem titulo decreta de Decanis ruralibus Ecclesiæ Gallicanæ quæ lubens omitto, quia satis est ostendisse Classium seu Presbyteriorum classicorum umbram adhuc manere sub Papatu, eorumque originem pervertitam esse: & quamvis apud Pontificios sub Episcopis servitute serviunt, tamen frequentius in unum coeunt, quam apud Anglos; ubi nescio an unquam habeant Capitula ista ruralia. Manent nomina Decanatum & fines seu limites, sed conventus, ut audio, nullos celebrant: per se singuli. Ipsorum Decanorum servilia quæ sint munia, supra vidimus.

CAPUT VIII.

De Ecclesiis & Decanis Cathedralibus

Hactenus de iis qui, præter communem, peculiarem habent functionem: sequuntur, qui.

Minime

Minime Peculiarem; iique collocantur, vel in Cathedrali Ecclesia, vel Parochiali.

In Cathedrali aliqua aut Collegiata Ecclesia, cujus sunt vel membra, vel minime membra; Membra, quorum præcipuum Decanus. In Ecclesiæ antiquæ foundationibus aliæ etiam dignitates, ut Subdecanus, Cancellarius, Præcentor, Thesaurarius Ecclesiæ. In omnibus Canonici sive Præbendarii, quorum in antiquioribus Ecclesiis alii sunt; Residentiarii majores, qui omnia cum Decano administrant & regunt in illa Ecclesia, habentque sedile in Choro, jus suffragii in Capitulo; Non Residentiarii, habentque sedile in Choro, sed non suffragium in Capitulo.

Minime membra; atque inserviunt, Administrationi publicæ Liturgiæ & Sacramentorum, ut Subcanonici, sive Vicarii Chorales, vel Assistendo celebrantibus, ut Epistolæ, Evangelii Lector.

Mucketus sic. Nam in hisce Ecclesiis plura sunt membra. 1. Lectores Epistolæ & Evangelii. 2. Pueri & viri Symphoniaci, qui Regis injunctionibus tenentur hymnos in Dei Omnipotentis laudes cantare ius modulationibus, ut ipse hymnorum sententiæ unâ intelligantur; non tamen observatur injectio ista, sicut nec pleræque aliæ. 3. Sunt Subcanonici seu Vicarii Chorales, Matutinis & Vespertinis Precibus publicè in Choro quolibet die celebrandis, frequenti Eucharistiæ administrationi servientes, & per Canones, ne ignavi in otio vitam ducant, studio scripturarum incumbentes. 4. Sunt Canonici seu Præbendarii, quorum in antiquioribus Ecclesiis aliqui sunt Non-Residentiarii, sedes habentes in Choro, sed non suffragium in Capitulo, & secundam Ecclesiarum suarum consuetudines statim vicibus concionantes; alii Residentiarii, qui tum sedent in Choro, tum ferunt suffragium in Capitulo, ac quibus toto necessariæ suæ Residentiæ tempore incumbit, ut sint Hospitalales & non modo in Cathedrali Ecclesia cujus sunt Canonici, sed in aliis etiam Ecclesiis ejusdem Diæceseos, unde ipsi vel ipsorum Ecclesiæ aliquod vestigal seu annuos redditus percipiunt, Evangelium diligenter annunciant. Postremo in Cathedralibus Ecclesiis antiquæ foundationis sunt Officiarii, ut Thesaurarius, Præcentor, Cancellarius, Subdecanus, quorum varia sunt juxta diversarum Ecclesiarum statuta munera. Et his omnibus præest Decanus, qui 90 dies ad minimum singulis annis in Ecclesia Collegiata residere, per totum hoc tempus verbum divinum sedulò prædicare, hospitalitatem exercere, festis solennibus (si ad hoc peragendum præsens non fuerit Episcopus) decenti capâ amictus sacram cœnam administrare, Canonibus obstringitur. Wicleffus Capite, De speciebus Ministrorum, hæc habet; In istis autem est major deceptio, cum Antichristus habeat sub specie Cleri procuratores duodecim contra Ecclesiam Christi machinantes, cuiusmodi communiter ponuntur Papæ, & Cardinales, Patriarchæ, Archipræsules, Episcopi, Archiepiscopi, Archidiaconi, Officiales, Decani, Monachi, & Canonici bifurcati, Psendofratre introducti jam ultimo & Quæstores. Omnes autem isti duodecim, & specialiter Prælati Cæsarei, & fratres infundabiliter introducti, sunt manifesti discipuli Antichristi, quia

De Polit.
Eccl. Angl.
p. 336.

Dial. l. 4.
Cap. 26.

De Sacris
Minist. Lib.
I. Cap. I.

Tag. 386.

in Lib. 3.

T. 258.

Titul. de
Concessione
Præbendæ.
Cap. Esu-
rientis,
verb. Præ-
bendas.
De Sacris
Ministriis
Lib. 5. Cap
A

libertatem Christi tollunt, & onerant sanctam Ecclesiam, & impediunt ne currat lex Evangelii sicut olim. Canonici dicti sunt à Canone sive regula, quia communem quandam vitam regulam institutumque observabant. Nam Ecclesiarum Ministrum antiquitus certis se votis obstringebant, ferè non aliter ac Monachi, nec eorum vitæ ratio à Monachorum instituto multum discrepabat, inquit Duarenus. Sed posteaquam horum sodalium nonnulla iis vinculis soluta liberataque sunt, factum est ut ceteri, ab imperitiis qui vim Græci verbi parum assequebantur, non simpliciter Canonici, sed Canonici Regulares vulgo dicebantur, quasi diversa esset utriusque vocis significatio. Quod si qui à Canone dictos potius esse contendat, id est pensione sive annona, quæ ipsis distribuebatur, veluti pro stipendio & mercede, equidem non repugno. Canonicam enim ordinariamque ac certam pensionem tantum accipiebant fortè, qui ad id Collegium admittebantur: ceteris Ecclesiæ Ministris sive Clericis pro cuiusque merito aliquid erogari solebat ex oblationibus incertis, quæ fiebant in Ecclesia. Nam ea fere est ejus verbi significatio apud Veteres. Fabricius Bley-nianus tamen in Introductione in Theoriam & Praxin Beneficiorum aliam ponit denominationem. Quemadmodum enim in scholis Pythagoreorum, qui primas in ad-judicando partes, longeque ratas, maxime rationi adscribebant, *ἁρμονικὸν* hoc est Harmoni-*cè* dicebantur, ut refert & interpretatur Cælius Rhodiginus in lib. 5. Antiquar. c. 11. Sic & in Ecclesia, qui in album Clericorum primi ordinis & gradus adscripti sunt, Ca-nonici appellari solent, fortè quia canonicum id est certum & regulatum locum inter ali-os Clericos obtinent, cum Clerici secundi aut inferioris ordinis, quales Affisios & Matri-cularios ostendimus, sedes certas & proprias in choro non habeant. Nam quod in quibus-dam proditum est, Canonicos & Canonicatus dici à Canone sive stata annona, quam quo-tannis prioris ordinis Clerici percipiunt, nec Eoget. in Tractatu de Personis Ecclesiasticis, nec nobis etiam arridet. Canonici, qui præbendas habebant, à præbendis dicti Præ-bendarii. Præbendarum nomine veniunt generaliter omnia beneficia Ecclesiastica. Ita verò dicuntur, quod Clericis assignatæ sint ad vitæ subsidium, quasi eis alimenta præbeant: eaque ratione Cassiodoro Lib. 3. Varia. Epist. 42. & Lib. 5. Epist. 39. viaticum exerci-tus vel annona sive *στέρνις*, cuiquam à Principe muneris loco data Præbendarum vocabu-la venit & significatur; inquit Alexander Chassanæus in Pàratitlis in Decretales. Præbendæ vocabulum hoc titulo, ut & toto fere hoc jure, restrictius est quodammodo, & significat tantum beneficium quod quis habet tanquam Canonicus Sæcularis vel Regularis in Ecclesia Cathedrali, vel ea quæ conventum Clericorum aut Monachorum habet, unde & Canonici Præbendarii dicti in Can. Sanctorum Dist. 10. Alii sunt Canonici, qui in Ecclesia quidem instituti sunt, nondum tamen Præbendam sunt assequuti, sed proximè vacaturam expectant. Canonicos, qui non sunt Præbendarii, sed proximè vacatu-ram expectant, ad effectum & in herbis Canonicos vocant, ait Bley-nianus. Præben-da differt à Canonica, inquit Linduodius. Nam Canonica est jus spirituale, quod aliquis assequitur in Ecclesia per receptionem in fratrem, & assignationem stalli in Choro & loci in Capitulo. Præbenda verò est jus spirituale recipiendi certos proventus pro meritis in Ec-clesia competens percipienti ex divino officio cui insistit: & nascitur ex Canonica tanquam filia à matre. Et sic nota, quod Præbenda est nomen juris, quia non constituitur tantum ex possessionibus, sed ex jure Canonice cui annectitur, quæ sine redditu non potest constitui, quia sic non esset quod Præbendario præberetur. Duarenus Canonicorum Beneficia seu Præbendas duabus fere rebus constare ait. Nam in quibus Ecclesiis est præbendarum distinctio certa prædia & possessiones obtinent singuli, quas sic in potestate sua habent, ut redditum ab alio quopiam accipere eis necesse non sit. Fructus autem hujusmodi sibi acqui-runt, si præsentem sunt in civitate, quamvis in templo quotidie non psallant, aut psallenti-bus non assistent. Præter eas possessiones, qui psallunt in Templo, aut sacris cantionibus intersunt, quamvis plerumque in collegium Canonicorum cooptati non sint, hi in singulos dies

Dies atque adeo horas stipem recipere solent, ac veluti quasdam sportulas, quibus à manu vulgo nomen inditum est, quod tantum præsenti in manum tradantur. Sunt qui distributiones quotidianas appellant non ineptè. Ego à Latinis Diaria propriè vocari scio. Et infra; Videtur autem hoc erogationis genus ideo excogitatum esse, ut cum à Beneficiariis vulgè contemneretur psallendi aut sacris assistendi munus, quasi proprium ipsorum non esset, spe hujus dianomes & mercedis illecti id munus amplecterentur. Nam is tantum, qui sacris intersunt, hæc sportulæ distribuuntur, non alius, nisi fortè eos excuset valetudo. Ad consequenda hæc diaria præsentiā ait non sufficere, nisi sacris cantionibus precationibusque quis assistat. Excogitatas igitur quotidianas distributiones existimat, ne Canonici cæterique Ecclesiæ Beneficarii, quibus ex distribuuntur si intersunt, munus psallendi deferrent, ut spe quæsus id faciant ad quod efficiendum ideo cogi possit non videntur, quia secundum veterem institutionem fortassis alia fuit eorum in Ecclesia functio. Et supra dixit; Per multa esse ad eorum munus pertinentia, quibus exequendis Ecclesiæ non minus imo vero magis prodesse possunt. Hoc enim psallendi munus, quamvis negligendum non sit, tamen olim inferiorum tantummodo Clericorum fuit, nec inter præcipua ac magis Ecclesiæ necessaria habitum fuit. Unde fit (inquit) ut quod in compensationem Ministerii illius antiquioris & præcipui datur Canonico, tametsi forte in singulas hebdomadas, menses, aut dies distribui soleat, tamen appellatione Diariorum minime hic continueatur. Nam interdum Canonici nullam certam possessionem ministerio suo assignatam habent, sed à divore aliquo frumentum aut vinum statò tempore ipsis distribuuntur. Sed & panes quoque dantur eisdem illis non omnino dissimiles, quia juris civilis authoribus panes civiles dicuntur. Eaque cibaria licet cantionibus sacris non assistentes capiunt. Petrus Suavis in Historia Concilii Tridentini refert, Canonicos quatuor modis percepisse redditus assignatos Ecclesiæ Cathedrali aut Collegiatæ. Vel enim omnes una solum mensa sumptu communi instar Monachorum regularium alebat, vel sua cuique separatim portio præbebatur, Præbenda inde denominata, vel post præstitum à singulis Ecclesiæ debitum ministerium dimensum suum in annona aut pecunia numerata capere consueverunt. Disciplina ea vivendi in commune exiguo tempore viguit, plerisque divisionem vel in præbendis vel in quotidianas distributiones singulis faciendas flagitantibus, cum aliis, qui vel ob invaletudinem, vel ob exercitium aliquod spirituale sacris officiis interesse non possent, excusari cupientibus. Neque erat difficile aliquid causari cur sacris non intervenirent, unde in re divina parum frequentes, Præbendæ tamen fructum perciperent. Ubi vero non nisi opere peracto sua cuique mensura tribuebatur, non adeo proclive erat excusationem obtinere, adeoque disciplina sanctior & in frequentandis officiis divinis assiduitas in secundo genere quam in primo diligentius culta; factumque inde ut viri pii ex eo tempore Ecclesiis quidpiam donantes aut legantes, id in quotidianas distributiones conferri præciperent; experimentisque comprobatum, quo majores essent distributiones, hoc Canonicos ad Ecclesias ita se frequentius. Præcipuum Canonico ministerium erat canere hymnos, & Psalmos, & celebrare laudes Dei certis Horis à Canone definitis, quæ Canonice inde dictæ, ut vult idem Author. Cumque segniores essent in obeundis divinis officiis, ad eorum socordiam discutiendam ratio percommoda visa est Tridentinis ut Præbendarum pars aliqua in distributiones converteretur. In Dunelmensis Episcopatus Ecclesia Cathedrali, non percipiunt distributiones, the dividendes, nisi Divinis Officiis Canonici suis vicibus interfuerint. Quem morem observent in aliis & singulis, nondum didici. Non fuisse præcipuum munus veteris Presbyterii & Senatus Ecclesiastici munus psallendi, ut ait Duarenus, facile concedimus; sed Canonicos in aliis permultis prodesse posse Ecclesiæ negamus. Nam Presbyteri civitatis nondum divisa massa integra in plures Ecclesias particulares attendebant gregi promiscuè, post divisam massam singuli parœciis; & communi consilio unà omnes

Lib. 6 pag.
5: 5. edit.
Francfurt.

regebant: Canonici autem Presbyteri ministrant in Basilica Cathedrali, quam dicunt Episcopi non esse particulare ullius Parœciæ distinctæ ædificium, sed commune totius Dioeceseos. Templum commune, quale fuit Hierosolymitanum, Ecclesiis Christianis frequentandum non præcepit Dominus. Illius loci ob typum & Dei præsentiam cultus erat proprius & peculiaris, in quo communicabat totius Israelis populus, quem alibi celebrare nefas erat; ideo locus erat communis peculiaris cultus, quem undique frequentabat. Prædicatio verbi, Sacramentorum ministratio, aliæquæ Liturgiæ publicæ partes, sunt omnibus Ecclesiis & Parœciis communes. Culum aliquem Cathedrali alicui Ecclesiæ peculiarem præter ordinarium & commune, num Christus aut Apostoli instituerunt? Si dixerint, Præbendarios plerosque habere etiam Ecclesias Parœcianas, & curam animarum in aliis locis extra Cathedrali Ecclesiam; illud etiam ut impium damnamus. Nam si Præbendarii, qui habent parœcias 20 aut 30 millaria Anglicana, ut complures habent, à Cathedrali Basilica distantes, in quem finem relicto grege & spata sua quam uacti ornare debent, Præbendarum prætextu civitatem adeunt, quibus nullum in Cathedrali Basilica ministerium necessarium est? Non injuria igitur invehitur vir eruditus & insignis ille Episcopomastyx Thomas Cartwrightus in Præbendarios, quod neglectis Parœciis, ubi ipsorum cura est necessaria, latitent ignavi & desides in Cathedralium Ecclesiarum latibulis, & ex aliarum Ecclesiarum spoliis genialiter visitant, & cutem curant (hæc eorum hospitalitas;) Ecclesias Cathedralis latibula & speluncas Lurconum & Longurionum, Præbendas pingues buceas seu offas vocat, quas præstaret Academiis erigendis & sustentandis assignare in illis locis. Imo hac umbra ministerii fraudantur quædam civitates, ubi sitæ Ecclesiæ Cathedralis, debita animarum cura. Cantuariæ, ubi sedes Archiepiscopi, sunt 12 aut 13 Parœciæ, non tamen 4 probati Concionatores; quibusdam locis nullus. Si dixerint, Præbendariorum saltem in Capitulo operam esse utilem & necessariam; responderem non, quatenus sunt Canonici seu Præbendarii & ministri Ecclesiæ Cathedralis, (nam sic nullum habent certum gregem,) exclusisquæ parœciarum singularum Pastoribus. Quatenus autem sunt particularium parœciarum Pastores, adhibendi quidem essent ad commune Ecclesiæ regimen, sed non soli. Nam ut diximus Capite IV. jus divinum non distinguit inter Canonicos, & Non-Canonicos, Cardinales Presbyteros, & non Cardinales, imo nec Ecclesia multis annorum Centuriis post Apostolorum tempora. Sed quid si in Capitulo ipsi Canonici seu Præbendarii non sint Ecclesiarum Dioeceseos communis regiminis consortio cum Episcopo præditi? In distrahendis forte Ecclesiæ bonis absque Capituli consensu nihil potest agere Episcopus; nec opus erit in hunc finem Conventu Capitulari, sat illis si Capitulares separatim præbuerint consensum. Jurisdictionem voluntariam & contentiosam Vicariis, Cancellariis, Commissariis, commiserunt, Archidiaconis eorumque Officialibus permiserunt. Jam vero, inquit Muckerus, Episcopus hunc Decanum, & aliquos ex Canonicis & Officialis recensitis, in Presbyteris & Diaconis ordinandis, & à beneficio vel officio removendis, in colloquiis cum inquietis & turbulentis schismaticis ad eos in ovile reducendos & sedandos, in præfractis hereticis juridicè condemnandis ac anathematizandis, in sententia Excommunicationis solemniori adversus facinorosos & infames peccatores denuncianda, & in aliis Ecclesiæ publicis & maximi momenti negotiis transigendis sibi associat. Associat quot & quos libitum ipsi fuerit, ut eorum præsentia singularitatem potestatis suæ monarchicæ obumbret. Duo trefve ex illo numero una cum Episcopo non constituunt consessum judicium. Nam nullam habent potestatem suffragii decisi. Judicat solus Episcopus. In ordinationibus etiam adsunt, non ob consecra-

tionem.

1. Repl. pag.
163. 164.
165.

Affertor.
Politie p.
151.

De Politia
p. 336. 337.

tionem quam volunt esse unius Episcopi, sed ad assistentiam solummodo, ut dicunt. Ad colloquia cum schismaticis fortè opus est Episcopo illuminatorum Doctorum auxilio, quia ipsi huic certamini impares. Ob operam istam navatam in colloquiis cum Schismaticis seu ipsorum dialecto Puritanis, & alia officia ad suffulciendam eorum tetram dominationem præstita isti affectu egregiam laudem & spolia ampla referunt. Sed si Capitulum refert imaginem veteris Presbyterii & Senatus Ecclesiastici; cur non ordinariè exercetur jurisdictio in & cum Capitulo? Capitulum habent ad electionem imaginariam illius quem Princeps nominaverit eligendum Episcopum, aut ad consensum præbendum alienationi bonorum Ecclesiæ; præterea nihil: nisi forte ad prospiciendum, ut in choro tempore cultus ritè & competenter omnia instituta observentur, ut utantur capis, capitiis, superpelliceis, rochetis, &c. Sed pergamus. Canonici omnes non sunt necessarii Presbyteri, sed alii Presbyteri, alii Diaconi. In Concilio Tridentino decretum, ut dimidia saltem pars Presbyteri sint, ceteri vero Diaconi aut Subdiaconi; ubi vero consue-
Seff. 24. de rudo laudabilior obtinet ut plures vel omnes sint Presbyteri, omnino observetur. Canonici-
Refor. Ca. 12 eorum quidam habent simplicem Canonicatum, alii præter Canonicatum etiam Dignitatem. Sic distinguit inter Dignitatem & Personatum Chassanæus. Forte hos Paratitl. in-
modo possunt invicem ita distingui, ut Personatus sit quædam dignitas in choro, quæ licet Lib. 3. Decr. non habeat jurisdictionem distinctam adjunctam, tamen aliquibus prærogativis utitur, & Tit. 5.
ceteros Canonicos præcedit, qualis Primiceriatus, & aliæ ejusmodi. Dignitas vero ea est, quæ administrationem, notionem, aut animarum curam habet, vel cui extra chororum munus aliquod vel officium incumbit. Igitur Dignitas omnis & Personatus est indistincte: ut non æque Personatus Dignitas est, sed per κατάχρησιν tantum propter ministerium chori, & honorem primi confessus, quem Canonici inferiores debent Personatum habenti. Primicerii, ait Joachimus Stephani in Institutionibus Juris Canonici, in Ecclesia tales dicuntur, qui curam specialem habent, ut Diaconi & alii in sacris Ordinibus constituti lectiones atque officia Ecclesiastica absque ulla negligentia ritè administrent. Et cum ad eosdem cura psallendi in Ecclesia secundum modos & tonos pro diversitate dierum & festorum spectabat, Cantores dicebantur, & habebant sub se ad psalmodiam & cantionem Præcantores, Succentores, & Concantores. Canisius autem in Summa Juris Canonici sic; Ad Primicerii (qui & Cantor sive Præcantor dicitur) curam pertinet; ut in docendo præstet Diaconis, & aliis Ecclesiæ ministris, lectionesque distribuatur Diaconis ad nocturna Clericorum officia. Thesaurarium sic describit Joachimus Stephani; Sacrista est custos Lib. 1. Cap. 8
sacrorum vasorum, vestimentorum & ornamentorum Ecclesiæ, quem Thesaurarium olim vocarunt, ad quem spectat Basilicarum reparatio & omnium reddituum Ecclesiæ cura, & Thesauri collectio & conservatio. Quod officium Thesaurarii tandem officio Sacristæ conjunctum est. Canisius sic. Sacristæ, qui & Thesaurarius dicitur, incumbit custodia sacro- Lib. 1. Tit.
rum vasorum, vestimentorum, Ecclesiasticorum sive totius Thesauri Ecclesiastici, necnon 21.
eorum, quæ ad luminaria pertinent. Scholasticus, ait Joachimus Stephani, in numero Lib. 1. Cap. 8:
Canoniorum is dicitur, qui magister, gubernator, & præfectus est Scholarum, disciplinas & literas proficitur & jurisdictionis legem in scholam exercet. Unde & in aliquibus Capitulis Cancellarius dicitur, videlicet, si in ea urbe, in qua est Capitulum, etiam Academia extat. Habent enim Collegia Cathedralia Scholas, quibus sub assignatione Præbendarum Magistrum seu Præceptorem qui à Scholastico eligitur præficiunt. Et ne hic Magister pro munere docendi aliquid exigit; Capitulo injungitur, ut subsidii vitæ ei sufficienter provideat. Sed cum post Synodum Basileensem uti & Ferrariensem, in Germania Academiæ à Principibus Germaniæ aperte, ex decreto harum Synodorum jus-Cancellariatus ad Episcopos Diocesium in terris Ecclesiæ & Imperii translatus est. Et infra; His præterea Episcopis Diocesium in terris Ecclesiæ & Imperii vel eorum Cathedralis, singulari indulgentia Impera-

Imperatorum & Pontificis Romani, jus Regale concessum est, ut in Candidatos literarum scrutinio vel examine probatos dignitates graduum, puta, Doctorum, Licentiariorum, Magistrorum, Baccalaureorum, &c. conferrent. Unde & Decanus Facultatum in Academiis licentiam, jus, vel facultatem creandi Doctores, Licentiatos, Magistros, Baccalaureos, &c. ab his Episcopis vel eorum Cathedralis petere necessum est. Bochellus ex Synodo Turonensi 1583. habet Decretum istud. Scholastici & Cancellarii tam Cathedralium quam Collegiarum Ecclesiarum cum lecturos aut decantaturos in his Ecclesiis matutinarum lectiones, Evangelia, & Epistolas docere teneantur, quo puncta & accentus cantando debite observent. Mucketus ait, Subdecani, Theaurarii, Cancellarii, varia esse munera juxta diversarum Ecclesiarum statuta. Dignitatem non habet Episcopus Dominus, ait Joachimus Stephani, quia est apex dignitatum, ut Princeps apex est magistratuum, sed alii majorum ordinum Ecclesiarum Clerici qui Episcopi fratres dicuntur, ut Archidiaconi, Præpositi, Decani seu Archipresbyteri, Primicerii & Cantores, Scholasticus seu Cancellarius, Sacrista, Oeconomi, Apocrisarii, & alii qui beneficia dignitatum habent. Decanus 90. dies tantum residere tenetur in Ecclesia Cathedrali aut Collegiata, idque conjunctim vel divisim prædicationi incumbere & hospitalitatem exercere; nisi aliis gravibus & urgentibus causis, iisque per Episcopum Diocesani approbandis dectentus fuerit, vel legitima aliqua ratione aliter dispensatus Can. 42. Constitut. ann. 1604. Sic postico fallunt lectorem candidi Canonum Conditores. Festis solemnibus in Cathedrali Ecclesia si præsens non fuerit Episcopus tenetur administrare sacram Coenam decente Capa amictus, per Canonem 24 earundem Constitutionum. Cum petit Basilicam, deducitur præeunte uno qui gestat sceptrum seu virgam argenteam ad sedem præcipuam ubi pulvinar sericum heteromallum. Calvinus Institut. Lib. 4. Cap. 5. Sect. 10. in Canonicos, Decanos, Capellanos, Præpositos, invehens, & quicumque otiosis sacerdotiis aluntur, ait; Quale enim Ecclesiæ ministerium præstare quicunt? Nam verbi prædicationem, curam disciplinæ, & sacramentorum administrationem tanquam onera nimis molesta à se depulerunt. Quid ergo habent reliquum quo se veros esse Presbyteros jactent? Cantum scilicet & ceremoniarum pompam. Item. Qui in Canonicos degenerarunt Presbyteri esse debuerant, ut fuerant olim, qui Ecclesiam cum Episcopo in commune regerent, & veluti collegæ ejus essent in munere Pastoralis. Dignitates illæ Capitulares quas vocant nihil prorsus spectant ad veram Ecclesiæ gubernationem. Omnes ergo ejusmodi Ordines, quibuscumque titulis insigniantur novitum, quum sint certe nec Dei institutione nec antiqua Ecclesiæ observatione suffulti, locum nullum habere debent in descriptione regiminis spiritualis quod ore Domini ipsius consecratum Ecclesia recipit &c. Decretalium Libro Quinto Tit. 5. cavetur ut in singulis Ecclesiis quæ Capitulum habent, Theologo Præbenda assignetur qui præcat viam Canonicis ad sanctissimæ Philosophiæ aditus perscrutandos, ait Chassanæus. Et in Concilio Tridentino Sessione 5. Decreto 1. de Reformatione, sancitum, ut in unaquaque Ecclesia Cathedrali Præbenda una assignaretur Theologiæ Doctori seu Lectori qui Sacram Scripturam doceat. Sed Gentiletus ait super Præbendis Theologalibus melius prospectum Constitutione Regia Aurelianiensi Art. 8. quæ præcipit. Ut ab unaquaque Ecclesia Cathedrali aut Collegiata Præbenda constituatur, qua Doctor Theologiæ destinetur, qui diebus Dominicis & Festis solemnibus verbum Dei prædicet, & ternas singulis hebdomadis lectiones Theologicas prælegat, quibus Canonici intersint, præbenda quisque sua, ni faciant, carituri. At nondum in animum induxerant huic Constitutioni parere, tum quod pluribus aliis impedimentis distraherentur, tum quia, ne ridiculi habeantur metuent, si denuo pridem dissieta scholarum auditoria redire cogerentur. Decretum etiam ut claustra Monachorum Lectores Theologiæ haberent Lectores isti, forte non tam instituti in Concilio Lateranensi quam restituti, erant illi qui propriè Docto-

Paratitl. in
Lib. 5. Tit.
6.

Doctores dicendi, & quos Vincentius Lirinensis Tractatores vocat in Communitorio Cap. 40. Indiscriminatim ponit Doctores, Tractatores, Magistros, Prophetas. Ceterum, quos Apostolus ad Ephesos scribens quinto loco ponit Doctores, hos Vincentius toto hoc opere suo Magistros vocat, quemadmodum & D. Hieronymus in Commentariis hujus Epistolæ hunc locum enarrans, ait Costerius in Annotationibus. In Ecclesia Constantinopolitana erat unus Doctor, ὁ τῆς εὐαγγελίας qui Evangelistas, alius ὁ τῆς Ἀποστόλης qui Apostolum, & tertius ὁ τῆς ψαλμῶν qui psalmos interpretabatur; erat etiam quartus dictus διευκρινεὺς, ut observavit Meursius in Glossario, voce διδάσκαλος. Sunt & extra Ecclesias Cathedrales in aliis locis Concionatores stipendarii & qui Lectores dicuntur, *Lecturers*, in Canonibus Anglicanis, quia istud prælegendi munus exercent. Inter membra Cathedralis Ecclesiæ numerant Subcanonicos seu Vicarios Chorales. Canon. 42. Constitutionum anni 1603. videntur distinguere his verbis: *At ut minores Canonici, Vicarii Chorales, aliique Ecclesiæ suæ Ministri, ad sacrarum literarum studium compellantur, & eorum unusquisque Novum Testamentum non solum sermone vernaculo, sed & Latino, penes se habeat.* An Vicarii Chorales sint illi, qui aliis dicuntur *Affisi*, nescio. Sed *Affisi* sic dicti quasi *Bleyiani* *introducunt* *affidui*: forte propter assiduitatem, quam majorem propemodum quam ipsi Canonici divini cultui exhibere tenentur, ex quo pro supplendis ipsorum Canonicorum defectibus adsciti, de Beneficiis & Ecclesiasticorum proventuum participes effecti videntur. Unde faceret Johannes An- *pag. 273.* *dreas* ipsos *Affisos* quasi *asinos*, quod totum fere divini cultus onus, appellat, refert *Pa-* *normitanus* *Lector* Epistolæ & Evangelii, *the Epistles and Gospellers*, distinguuntur, ac si diversa essent munia legere Epistolam & Evangelium. Epistolæ lectio sumitur non solum ex Apostolorum Epistolis, sed etiam ex Veteri Testamento; & tan en Epistola dicitur. Lectio Epistolæ præcedit lectionem Evangelii. Epistola namque designat *Rationale* *Officium* quod Johannes ante Christum exercuit, qui prævit ante faciem Domini parare *Lib. 4. Cap.* *unus eius*, inquit Durandus. Gerit quoque Epistola figuram Legis & Prophetiæ, quæ *16. Num. 3.* *Christi adventum præcæsternunt*; sicut ipsa Evangelium præcedit. Dicitur quoque Epistola in loco inferiori, Evangelium in superiori & supposito panno. Sedentes audiunt Epistolam, sed Evangelium stantes in sacrificio Missæ, ac si majori veneratione dignum esset Evangelium quam Epistola, quæ idem docet Evangelium. In Anglia etiam ritu superstizioso stantes audiunt Evangelium, sedentes Epistolam. Ritus istum fertur Anastasium Papam introduxisse. Officium legendi non est per se distinctum in Ecclesia officium. Christus ipse legit, deinde interpretatus est. Legere igitur & interpretari Scripturam non sunt officia ita distincta quin uni & eidem competere possint. Poterat Presbyter, Diaconus, Subdiaconus, Scripturas legere. Quot officia tot fere ordines; saltem ad numerum septenarium excogitarunt Veteres sæculis posterioribus, & ad certum ministerium sacrificio Missæ exhibendum retulerunt: & quæ erant tyronum rudimenta ac præparationes seminarii ad ministerium Presbyteri, commutarunt in functiones Ordinum, ut Ostiiorum, Lectorum, Acolythorum.

Pueri & viri Symphoniaci postremis tabulis numerantur inter laica Cathedralis Ecclesiæ membra. Muckerus Cantores sacros ait recenseret Conc. Laodic. Can. 22. 23. inter eos qui sint Ecclesiastici Ordinis. Sed variè accipi nomen Ordinis apud Scriptores Ecclesiasticos agnoscit ipse Bellarminus. Et ideo inquit Cornelius Papa *De Cleric.* *in Epistola ad Fabianum*, apud Eusebium *Lib. 6. Hist. Cap. 33.* nullam facit mentionem *Cap. 11.* Cantorum vel laborantium vel aliorum quos alii numerant, quia nimirum illi nec habent propriam ordinationem, nec referuntur distincta ratione ad sacrificium: & in Concilio Carthaginiensi. Quarto additur ultimo loco Psalmista seu Cantor; sed ibidem Concilium *monet*, Psalmistam non ordinari ab Episcopo, sed etiam sine licentia Episcopi sola iussione

Presbyteri posse officium canendi suscipere. In Concilio Carthag. IV. c. 10. hæc habentur verba; Psalmista id est Cantor potest absque scientia Episcopi sola iussione Presbyteri officium cantandi suscipere, dicente sibi Presbytero, vide ut quod ore cantas corde credas, & quod corde credis operibus comprobas. Nec puto ministerium istud canendi in choro apud Anglos numerari inter Ordines, licet Mucketus locum illum allegarit. Imo Psalmistatus eo inferior erat prima tonsurâ, quod prima tonsura, licet ordo non esset, cum ordinibus tamen in eo conveniebat, quod per specialem ritum & per se à solo Episcopo conferebatur; officium autem Psallendi poterat committi à Presbytero per solam electionem seu mandatum. Sed tamen hic peccatur, quòd ministerium illud & officium canendi restringatur ad personas selectas, & aliquo modo sacras, & peculiari cura ad id deputatas, quod commune esse debet omnibus fidelibus. Albertus 4. Dist. 24. Art. 20. asserit, officium istud laudandi Deum esse officium totius communitalis, & totius corporis Ecclesiæ, totumque fidelium cœtum posse esse chorum, & respondere præcinentibus in laudem Dei. Basiliius Epist. 63. populus domum precationis petit, & facta ad Deum confessione tandem ab oratione surgentes ad psalmodiam instituuntur. Tertullianus ex Epistola Plinii ad Trajanum refert de Christianis, præter obstinationem non sacrificandi nihil aliud se de sacris eorum comperisse quàm cœtus antelucanos ad canendum Christo & Deo, & ad confederandam disciplinam; homicidium, adulterium, fraudem, perfidiam, & cætera scelera prohibentes. Ad Cantum fideles hortatur Apostolus Ephes. 5. & Coloss. 3. ut in Psalmis, & Hymnis, & Canticis spiritualibus se exercent. Baronius Annali Tom. 1. Ann. 60. n. 28. dicit populum olim promiscuè cum Clericis in Ecclesia cantasse. Ut autem omnia ordine & decenter fiant, aliquem constitui posse Præcentorem non negamus, sicut jam in choro cantorum præsidet unus Præcentor vulgò appellatus; penes quem est auspicatus melodix quod Græci ἰνδοκύριος vocant. Quid impedit eundem ordinem servari in communi cœtu fidelium, nempe ut præeat Præcentor aliquis? Primum igitur quod in cantu damnatus est restrictio istius ministerii ad certam classem; Clericorum nempe aliorumque Psaltarum selectotum. Secundum est cantus Symphonicus in Ecclesiis Cathedralibus. Cantus Ecclesiæ primitivæ non erat varius & dissonus ex quatuor vocum symponia & concursu, sed simplex. Deinde inveltus est à Gregorio Quinto circa annum Domini 735. is cantus qui Musicalis dicitur, ubi sunt cantores & pueri symphoniaci, qui certè mera est corruptela cantus Ecclesiastici, & qui nihil habet pietatis, sed totus ad aurium delectationem comparatus. Augustinus se accusans ait; Cum mihi accidit, ut me amplius cantus quam res quæ canitur moveat, pœnaliter me peccare confiteor, & tunc mallem non audire cantantem. Et Bernardus; Sæpe ad sacrum mysterium vocem meam fregi ut dulcius canerem, magis delectabar in vocis modulatione quam in cordis compunctione. Hieronymus in locum illum Ephes. 5. 19. sic commentatur. Audiant hi quibus in Ecclesia psallendi est officium, Deo non voce sed corde cantandum; nec in tragædarium morem guttur & fauces medicamine leniendæ sunt ut in Ecclesia theatrales moduli audiuntur & cantica. Concil. Constant. 6. in Trullo Can. 75. sic habet. Eos qui in Ecclesiis ad psallendum accedunt volumus, nec inordinatis vociferationibus βοῶν ἀτάκτοις, & naturam ad clamorem urgere, nec aliquid eorum quæ Ecclesiæ non conveniunt & apta non sunt asciscere, sed cum magna attentione & compunctione psalmodiis Deo, qui est occultorum inspector, offerre. Cantus Symphonicus ad aurium potius oblectamentum quam animæ devotionem excitandam inservit. Præter istud periculum est & aliud incommodum, quòd plerumque non intelligitur quod canitur, contra præceptum Pauli 1 Cor. 14. & sic non in re & materia sed in cantu oblectat se & psallens & auditor. Observatur ut laude dignum in Athanasio, quod in Ecclesia Alexandrina Psalmi;

*Apologet.
c. 2.*

*Danci Isa.
eoge Part 4.
Cap. 26. Lib.
4.*

*Confess. Lib.
10. Cap. 33
Meditar.
Cap. 11.*

Psalmistam vel psalmi lectorem tam modico vocis flexu sonare iussit ut pronuncianti vicinior videtur quam canenti, sicut testatur Augustinus loco supra citato. In Extravagantibus Communibus, titulo de Vita & Honestate Clericorum, videtur commendari simplex cantus, & tantum per modum exceptionis addi, Ut interdum, præcipuè diebus festis sive solenniibus liceat proferre supra cantum simplicem Ecclesiasticum aliquas consonantias, quæ melodiam sapiunt. Author Pet- Pag. 69.
tionis ad Regiam refert injunctionibus Elizabethæ præcipi cantum simplicem, sobrium, & distinctum, pronuntiationi potius quam cantui similiorem, sed curiositatem Cathedralium Ecclesiarum hanc simplicitatem spernere. Tertium, quod damnamus, est Cantus Alternatus, cum in Horis Canonicis Psalmi alternatim per singulos versus à psallentibus dicantur, quæ alternatio Antiphona vocatur. Habet & alias significationes Antiphona. Hic vero sumitur pro illa reciprocatione alternatim canentium, quatenus alternatim per versus reciprocè à duobus choris canitur. Socrates refert, Ignatium hunc cantum instituisse Antiochiæ, nempe ut per ὁμῶς ἀντιφώνως populus caneret, & Ignatio oblatam visionem Angelorum Lib. 6. c. 3.
Sanctam Trinitatem hymnis alterna vice decantatis collaudantium, & formam canendi in ea visione expressam Ecclesiæ Antiochenæ tradidisse. Nugæ. Theodoritus contra de Flaviano & Diodoro sic refert. *Hi primi, in duas partes divisis cæteribus* Hist. Lib. 2.
psalmos accinentium, instituerunt alternis Davidicam melodiam decantare; quod Antio- c. 24.
chie fieri captum pervagatum usquequaque est. Theodoritum sequuntur Siebertus & alii complures. Pamelius in Tractatum Cypriani de Oratione Dominica refert Not. 6.
institutum istud ad Flavianum & Diodorum, & nititur autoritate Sieberti. Quisquis est author, ipsam institutum non est laudabile, quia non intelligitur plerunque materia, & qui canere debet & voce & corde, corde canit non ore ut debet; siquidem in hunc finem institutus cantus ut voce & cantu proferamus laudes Dei.

Quantum, quod damnamus, est Cantus Organicus seu ad Organa, & ipse Organorum strepitus. Instrumenta inanimata, sive ea sint ψαλτήρια sive ὑποψαλμοί, quicunque in Ecclesiam revocant, Synagogam prius sepultam hac in parte refodiunt. Nam Syntag.
ad Leviticum cultum ista pertinuisse nos asserimus, freti loco, 2. Chron. 29. 25. neque Part. I Disp.
vero Davidis exemplo niti possunt, qui Nathanis, id est Prophetæ, præcepto illud imitari 49. Thef. 47.
non jubentur. Et institutum hoc alienum ab Ecclesia non modo Veteres adfirmant, qui ejusmodi crepitacula pueros magis decere ajunt, quam viros, quos par est τὰ ἑνὶ κατὰ-
γὰρ, Justinus *Quæst.* 107. verum etiam Scholastici, qui apertè hoc vocant Judaizare, Thom. 2. 2. q. 91. art. 2.
Thom. 2. 2. q. 91. art. 2. Cajetanus ibidem. Sic Tilenus adversarius noster olim in Syntagmate. Aquinas loco citato ait; Neque fistula ad disciplinam est adducenda, ne- 2. 2. Quæst.
que aliud aliquod artificiale organum, puta, cithara, & si quid tale alterum est; sed quæ- 91. Art. 2.
cunque faciunt auditores bonos. Hujusmodi enim musica instrumenta magis animum mo- ad 4.
vent ad delectationem, quàm per ea formatur interius bona dispositio. In Veteri autem Testamento usus erat talium instrumentorum, tum quia populus erat magis durus & carnalis, unde erat per hujusmodi instrumenta provocandus, sicut & per promissiones terrenas; tum etiam quia hujusmodi instrumenta corporalia aliquid figurabant. Ex quo loco patet, falsum esse tempore Vitaliani Pontificis circa annum Domini 606. Organorum usum in Ecclesia coepisse, ut Platina, vel Ludovici Pii, id est post annum 820. ut Almoius Lib. 4. de Gestis Francorum, refert. Cajetanus in hunc locum Aquinatis sic observat; Nota, quod tempore Divi Thomæ Ecclesia non utebatur organis. In cujus signum adhuc Romana Ecclesia coram summo Pontifice non utitur. Du- De Ritibus
randus etiam testatur, in Capella Summi Pontificis non exstare, & refert Navar- l. 1. Cap. 13.
rum semel atque iterum scripssisse superstite Thoma Aquinate usum organorum

- L. 3. c. 18. nondum receptum fuisse. Polydorus Virgilius de Inventione Rerum ait, incertum esse authorem; Multa insuper novissimis temporibus instrumenta Musica inventa sunt, quorum auctores jam in oblivionem venerunt, ex quibus propter suavitatem concentus omni admiratione & laude digna sunt illa quæ Organa vocant., valde quidem ab illis dissimilia quæ David Judæorum Rex fecerat, quibus Levitæ sacros hymnos accinerunt. Laude digna sint, si respicias oblectationem, sed non ita, si Christiani cultus puritatem & sinceritatem. Operosum illud machinamentum, quod Antonomasticè vocant Organon, Vitaliani Papæ inventum ac donum illis arrideat, qui magnæ meretrici supparsitari, quàm Christianæ simplicitatē studere malunt: non absimiles Ethnicis, quos Lactantius ad templa ventitare ait, non tam religionis gratia quàm ut viderent quod oblectet Lib. 2. c. 7. & quibus publicorum conventuum finis non est *παῖδια* sed *παῖδα*, dixit olim Tilenus. Non solum Organa illa musica-confragosa, quæ, ut ait Zepperus, varium vocum garritum efficiunt, & templa lituis, tubis, & fistulis, personare faciunt, sed nulla omnino instrumenta musica, superstitè Thoma Aquinate in Ecclesiam invec̃ta, ex ipsius dictis colligitur. Author Quæstionum apud Justinum omnia in genere instrumenta musica ex Ecclesia explodit, canere cum instrumentis & crotalis; Itaque ex templis explosus est, & sublatus usus instrumentorum ejus generis, aliorumque quæ pueris digna sunt, relictusque est & retentus cantus omnino. Ad locum Justinus respondet Bellarminus; Nos verò fatemur usum instrumentorum musicorum non ita convenire perfectis & imperfectis, & ideo in Ecclesia serò admitti cœpisse Justinus dicit, usum instrumentorum concessum Judæis propter imperfectionem ipsorum & ideo locum non habere ejusmodi instrumenta in Ecclesia Christiana, ut locum illum interpretatur ipse Bellarminus. Nihil est igitur quod respondet. Nam non sunt comparandæ inter se particulares personæ rudiores in Ecclesia Christiana cum rudioribus in Ecclesia Judaica, sed utriusque Ecclesiæ status inter se. Status Ecclesiæ Judaicæ erat imperfectior, Christianæ perfectior. Præterea, an nulli erant in Ecclesia Christiana imperfecti ante Aquinatis tempora? Aquinatis argumentum sumitur à statu totius Ecclesiæ Christianæ collatæ cum Judaica. Dicit præterea Thomas, instrumenta hujusmodi corporalia aliquid figurasse. Willetus in 2. Samuel. Cap. 6. Quæst. 9 ait, Orientales, ut sunt affectibus ferventiores, sic & musica magis affici quàm Septentrionales. Perpendenda præterea temporum conditio, qua sub pædagogia legis omnia erant typis & umbris plena, & hac Musica instrumentali representabantur cantiones illæ spirituales de quibus Apostolus, Ephes. 5. 13. & in Synopsi similiter ait, harmonicam musicam instrumentorum Judaicorum fuisse typum spiritualis harmoniæ & gaudii in cordibus, secundum illud Apostoli, Ephes. 5. 19. Zepperus de Lege Mosaica, Lib. 4. ait; Instrumentalis musica in sacris & cultu divino populi Judaici, ad ceremonialia Mosaica pertinuit, quæ nunc abolita sunt. Et paulo post de Organis invec̃tis in Ecclesiam Christianam ait; Utut sit, contra præceptum & regulam D. Pauli factum est, qui 1. Cor. 14. 19. 26. vult, ut in conventibus Ecclesiasticis ad ædificationem omnia fiant, utque alii intelligent & informantur. Quo quidem nomine linguas etiam in Ecclesia ibidem rejicit, nedum confragosa illa organa musica, quæ varium vocum garritum efficiunt, & templa lituis, tubis, & fistulis personare, imo perboare & remugire faciunt. Andreas Chraftovius Polonus in Praxi de Ceremoniis & Canone missæ. Vulgo enim fit, ut aures hominum assuetæ concentibus auditum verbi Dei fastidiant: & ea quæ debet Ecclesia ore in testimonium fidei ædificationis causa dicere vel cantare, mutis & irrationalibus organis committantur, ut sunt psalmodorum Symbolique Nicæni, & aliarum rerum decantationes. Ore enim fit confessio ad salutem, non tubis vel tympanis, quo fit ut ordinis Melchisedeciano alii magis obesse quàm prodesse:

prodesse instrumenta Musicorum doceant. Ordini enim Aaronico aptiora esse, vel ipsum tempus, quo ceperunt in sacro officio adhiberi, movet Christianos. Nam etiam Bellarminus fatetur ortum esse usum illorum tempore Vitaliani Papæ. Sed nullam rationem affert, cur aureo Apostolorum sæculo & Constantini Magni ætate non fuerint adhibita. Si enim post annum 660. vel 820. adhiberi ceperunt; quomodo credemus vim non fuisse passam naturam humanam, quæ tandem ad Dei laudes facultatem hanc suam non admovent? Ex omnibus enim viribus Apostolos Christum dilexisse credimus. Et Thesi 42. At ætas superior & religiosior infirmos etiam habuit, non tamen propter eos organa adhibuit. Utrum autem promoveant vel tedium minuant, nescio. Magistros enim Musicorum rarissime pios vident omnes, & longitudine sua interdum choro vocali esse molesta ista instrumenta. Ut ut res est, ajo Bellarminum rationem Petri Martyris distinctione ceremoniarum non posse expugnare. Sicut enim cruentarum victimarum oblatio erat Judæis & gentibus communis, nihilominus tamen sanguine crucis sublata est tanquam ordini Melchisedeciano contraria; ita & usus istorum instrumentorum ceremoniis Judaicis conveniens est, quamvis gentes quoque in solennitate Deorum suorum (ut fecit Nebuchodonosor in dedicatione suæ statuæ) Musicis utebantur instrumentis. Sicut enim oblationes, ita musica instrumenta interpreti-
 tius spirituales sensum demonstrant, quod vel unius Augustini Psalmorum enarratio studio-
 sis declarabit. Sed quamvis concederetur, non fuisse Musicam instrumentalem in Veteri Testamento præfigurativam gaudii piorum & cantionum spiritualium in Ecclesia Christiana. Quæcunque res futuras præfiguraverunt, ea post complementum in Christo usurpare est impium. Quæ illius Ecclesiæ fuerunt propria vel singularia eadem nunc usurpare est ridiculum. Distinguit Junius signa lege imperata. Eorum quæ lege
 imperata sunt, alia ad rei futuræ præfigurationem pertinerunt, alia singulare illius Ecclesiæ habuerunt significationem. Calvinus existimat, non aptiora esse Cultui Divino in Ecclesia Christiana instrumenta Musica, quam suffitum, luminaria, aliasque umbras legis Mosaicæ. Paræus; In Ecclesia excitandus est animus ad Deum & læ-
 titiam spiritualem, non tibiis, tubis, tympanis, quod veteri duræ cervicis & stupida-
 mentis populo Deus olim indulsit: sed sacris concionibus, psalmodis, & hymnis. Aquinas; Ecclesia non assumit instrumenta musica, sicut citharas & Psalteria, in divinas laudes, ne videatur Judaizare. De Davidis instituto ex præcepto Domini & prophetarum ejus, videat lector insignem illum locum, 2. Chron. 29. 25. ibi videmus, ordinatam fuisse musicam instrumentalem ex præscripto Domini ad cultum Domus Jehovah quæ fuit theatrum ceremoniarum legalium, non autem fuisse communem cuivis Synagogæ. Hæc instrumentalis musica si apta cultui divino in Ecclesia Christiana, cur denegatur singulis Parœciis, & conceditur tantum Cathedralibus Ecclesiis, & Sacellis Regiis? Si sumptuosum sit organon, sufficit tibia utricularis aut cithara. An Christus instituit cultum peculiarem & proprium Cathedralibus aut Collegiatis Ecclesiis, aliisve locis insignioribus, quem negavitaliis, sicut factum sub Veteri Testamento? Quis igitur non videt hic *κακοζήλιαν* apertissimam. Schultingius in Anacrisi Hierarchiæ, etiam foeminas in Anglia tangere refert. In Anglia quidem cantatur, & quidem suavissime adhibitis etiam instrumentis Musicis, quæ etiam foeminae interdum in Ecclesia tangunt, non secus ac viri. In Ecclesiis Reformatis non habent Organa locum aut statum ullum in Cultu Divino. Unde, inquit Zepperus, in quibusdam Ecclesiis Reformatis Organa illa Musica retinentur, non autem nisi omnibus cultus divini partibus peractis & dimisso cætu Ecclesiastico saic. 4. c. 9. pulsantur, ad finem pollicum propter illos, qui ex hoc sono & numeris oblationem
 quandam querunt, quibusque huic instrumentali Musicæ interesse libet. Quintum quod damnamus, est quod canunt non canenda, ut Symbolum, & in sepultura Antiphonas quasdam, versus scilicet desumptos ex Evangelio secundum Johannem,

Synopsis
Tapif. p. 945

Si 2. Qu. 91.

Art. 2. ad 3.

Cap. 11. Job. 19. 1. Tim. 6. & similia in aliis Liturgiæ partibus. Ideo frequens illa admonitio in Liturgia Anglicana & Libro Ordinationum, *dicatur aut canatur, decantetur aut recitetur*, nempe hæc vel illa Litania aut Antiphona aut aliud quid. Nam alta vociferatio cum modulatione sub lata cantûs significatione comprehenditur, & cantus dicitur in Divinis Officiis. Cum species Odorum seu Cationum spiritualium sint Psalmi & Hymni, illi canunt ea quæ nec Psalmi nec Hymni compositionem aut formam habent. In Divinis Officiis apud Pontificios hoc carpit Willetus, quod nempe canant non canenda, ut Lectiones Scripturæ & Preces, quæ cani non debent. *Non decet orantem canere*, ait Hieronymus, Præfat. Lib. 2. in Habacuk. Sextum quod damnamus est, quod tempus hoc exercitio teritur, aliisque decerpitur magis necessariis & nobilioribus; *Nobilior modus est provocandi homines ad devotionem per doctrinam & prædicationem quam per cantum*, ait Aquinas.

Atque hæc de Ecclesiis Cathedralibus, ubi capæ, organa, altaria, aliæque ceremoniæ, & res sacræ, ut in publico theatro pompam suam obijciunt omnium oculis. Collegiata Ecclesiæ habent suos etiam Canonicos & Præbendarios, quorum caput plerunque Præpositus dicitur.

CAPUT IX.

De Rebus Adiaphoris & Ceremoniis.

Paucas Propositiones de Ritibus & Adiaphoris in genere hoc Capite posuimus, quia sequenti Ceremoniæ quam plurimæ occurrent examinandæ.

Actus Humanus dicitur Indifferens, qui nullam habet Bonitatem vel Malitiam Moralem, id est, qui nulla lege naturali aut Divina imperatur aut vetatur.

Est Adiaphoria quædam in rebus Physicis, ut Receptionis, quam habet materia respectu formarum, Communitatis, quam habent superiora respectu inferiorum, Identitatis, quam habent ea quæ sunt eadem eo modo quo sunt eadem, ut habet Castanæus in Synopsi; sed hæc non sunt hujus loci. Nec etiam omnis actio humanarum Adiaphoria. Potest enim aliquis actus fieri successivè bonus vel malus, & actus ex genere suo bonus fieri malus, si desit vel una circumstantiarum debitarum; ut actus dandi eleemosynam potest ordinari ab operante in finem malum, ostentationem. Disputant etiam Pontificii de Indifferentia inter meritum & demeritum vitæ æternæ, quæ inter se opponunt sicut bonum & malum in moribus. Sed nos de pura puta Adiaphoria, quæ nullam præsupponit bonitatem aliam aut malitiam moralem, agimus. Dixi bonitatem aut malitiam moralem, quia omnis actus humanus habet suam bonitatem naturalem. In actione, humana bonitas quadruplex considerari potest. Una quidem secundum genus, prout scilicet est actio, quia quantum habet de actione & entitate tantum habet de bonitate. Alia vero secundum speciem, quæ accipitur secundum objectum conveniens. Tertia secundum circumstantias, quasi secundum accidentia quædam. Quarta autem secundum finem, quasi secundum habitudinem ad bonitatis causam. In actionibus etiam malis moraliter est suae entitas

entitas & bonitas naturalis, cujus autor Deus, quæ in bonis substernitur bonitati morali. Dixi nullam bonitatem vel malitiam moralem, quia si ulla ex parte actus humanus includit rationem boni vel mali, non jam est indifferens. Oportet igitur actum indifferenter tenere locum præcisè medium inter bonum & malum. Inde Adiaphora vocantur media τὰ μέσα, τὰ ἐν μέσῳ κείμενα, ἀδιάφορα, quia discrimine boni vel mali carent. Adiaphora non sunt media per participationem, ut rubedo inter album & nigrum, sed per negationem utriusque extremi, conformitatis & difformitatis ad rectam rationem seu legem. Nec solum requiritur negatio conformitatis seu difformitatis ad legem seu rectam rationem, sed etiam majoris propensionis in unam quàm in aliam partem. Tertium quod constituit hujus medii formale, est non repugnantia ad utrumque extremum. Lapis non est coecus nec videns. Habes ibi medium negationis, sed cum repugnantia ad utrumque extremum. Actus homicidii in bove cornupeta nullam habet conformitatem aut difformitatem ad rectam rationem, non tamen dicitur actus indifferens, quia ibi est repugnantia ad utrumque extremum, nam bos est animal irrationale. Adiaphora igitur sunt dubia, indistincta, & utroque vergentia, sed non magis vergentia in unum quàm alterum extremum. Dixi nulla lege, divina aut naturali, imperari aut vetari actum indifferenter, quia potest actus esse indifferens secundum legem naturalem, ut edere carnem suillam, qui tamen vetabatur lege divina positiva in Veteri Testamento. Divinam Legem voco illam revelatam in verbo, quæ exemplum est perfectum exemplaris legis æternæ quæ adumbratur in natura & Scriptura.

Actuum secundum suam speciem Indifferentium nullus à deliberativa ratione procedens est in individuo seu actu exercito Indifferens, sed pro circumstantiarum & finis ratione est moraliter bonus vel malus.

Consideratur Actus Moralis, vel secundum rationem quam sortitur ex objecto absque circumstantiis, vel secundum rationem quam sortitur ex objecto cum omnibus circumstantiis, finis, loci, temporis, &c. Prior respectu secundæ est generalis vel universalis, quam vocant considerationem actus secundum speciem, quia ab objecto sumitur specificatio cujuscunque actus. Nam sicut res naturalis habet speciem ex forma sua, ita actio ab objecto, sicut & motus à termino. Secunda consideratio respectu primæ est particularis vel singularis, quæ dicitur à Theologis consideratio actus secundum individuum & actualem existentiam, quæ est cujuslibet rei secundum esse singulare, & cum omnibus circumstantiis suis. Posse dari actum indifferenter secundum speciem suam, id est qui ratione objecti sui nihil includit rectæ rationi conforme aut difforme, satis patet. Nam ratio, neque affirmando quod levanda sit festuca de terra, neque levandam esse negando, magis recta est, quatenus actus ille consideratur præcisè secundum rationem quam sortitur ex objecto. Ubi ratio est æquè indifferens quoad veritatem & falsitatem in affirmando & negando, actus est etiam indifferens quoad malitiam vel bonitatem in prosequendo & fugiendo. Nam rectitudo rationis consistit in conformitate ad legem naturalem vel divinam. Atque hoc est argumentum Durandi. Cum dicitur actus esse indifferens secundum speciem, hic non est sensus, quod de ratione specifica illius actus sit, quod sit indifferens. Nam sic actus omnes individui sub illa specie essent etiam indifferentes, quia ea quæ sunt de ratione speciei conveniunt omni individuo sub illa specie. Illo sensu nullus est actus indifferens ex specie sua. Omne enim objectum actus humani potest ordinari

dinari ad malum vel bonum per finem vel circumstantiam. Sed hic est sensus, quod de ratione specifica cujusdam actus non est, quod sit differenter vel determinatè bonus vel malus, sed utrunque potest illi per aliud convenire. Sic multi sunt actus secundum suam speciem indifferentes, cum tamen nulli sub illis actus individiui à deliberativa ratione procedentes sint indifferentes. Nullum esse actum humanum indifferentem, qui non possit in individuo fieri bonus vel malus, nemo negabit. Actu & re ipsa nullum esse actum humanum in individuo à deliberativa ratione procedentem qui sit indifferens, tuentur Thomistæ, eorumque argumenta mihi videntur firmissima. Bellarminus, cum actiones humanas divisisset, in naturales quales sunt ambulare, sedere, colere agros, gerere bella, & hujusmodi alia, morales, quibus actiones omnes virtutum & vitiolorum continentur, ut eleemosynam dare, furari, fornicari, & hujusmodi, & divinas ac supernaturales, quæ propriè ad salutem æternam consequendam pertinent, ut credere, sperare, diligere, orare & sacrificare, &c. subjungit; *Et quævis actiones primi generis, quas naturales diximus, & a quibusdam civiles etiam denominantur, in particulari, sive ut Theologi loquuntur in individuo, necessariè sunt bonæ & malæ moraliter juxta doctrinam Sancti Thomæ, (quam nos ut probabiliorē sequimur) tamen ex genere suo indifferentes, id est (ut ipse Thomas interpretatur) secundum speciem.* Actus individuius in existentia sua semper habet aliquam circumstantiam per quam trahitur ad bonum vel malum. Circumstantiæ dicuntur conditiones, quæ sunt extra substantiam actus humani, & tamen aliquo modo actum attingunt, ut cum pensatur, quis fecit, quid, propter quid, circa quid, quibus auxiliis, quo loco, quo tempore, quo modo. Modus, qui est circumstantia, est qualitas actus, ut quod aliquis percutit fortiter vel remisse, non autem bene vel malè agere; circa quid, est conditio adjuncta objecto seu causæ materiali, sicut in objecto non dicitur circumstantia furti quod sit alienum, (hoc enim pertinet ad substantiam furti) sed quod sit magnum vel parvum; quid, attingit actum ex parte effectus, ut quod aliquis perfundens aliquem aqua abluit & ablundo noceat frigore vel calore, abluere non est circumstantia, sed sanare vel nocere; propter quid, notat finem adjunctum, extraneum & remotum. Nam in aliqua actione considerari potest duplex finis; proximus, quem immediatè respicit operatio, & est ipsum objectum actus; remotus, est in quem objectum ordinatur ab agente. Prior appellari solet finis operis, posterior finis operantis. Priorem finem respicit operatio ex sua natura, posteriorem vero ex libera voluntate operantis ordinantis actionem ad eum finem. Quod si operans intendat illum eundem finem ad quem opus sua natura ordinatur, tunc finis iste dicitur finis operis & operantis. Si quis aliquem interfecerit, ut auferat ejus pecuniam, homicidium erit finis proximus hujus actus, & furtum remotus. Hujus finis remoti & extranei circumstantia inter circumstantias est præcipua, quia non tantum habet rationem circumstantiæ respectu actus, sed etiam principii & causæ suæ bonitatis. Circumstantiæ etiam aliæ non solum augent bonitatem & malitiam actuum moralium, sed etiam dant novam speciem, ut locus sacer mutat furtum in sacrilegium. Hisce præmissis, sequitur probanda ipsa Thesis, nempe nullum actum humanum à deliberativa ratione procedentem esse in exercitio seu individuo indifferentem. Ratio deliberativa quando agit dirigit actum ad aliquem finem. At debet semper ordinare ad bonum finem & cum debitis circumstantiis. *Dico autem vobis, quod de omni verbo otioso, quod loquuti fuerint homines reddent rationem in die judicii, Mat. 12.* Verbum est otiosum, quando profertur sine debito fine. *Otiosum verbum est, quod utilitate reſtitutionis, aut ratione justæ necessitatis, aut præ utilitatis caret;* ait Gregorius. Inde argumentatur Thomas. Si non caret ratione justæ necessitatis,

De Gratia
& Lib. Ar
bitr. l. 4.
Cap. 1.

Aquinas
2. 2. Q. 18.
Art.

L. 7. Moral.
c. 25.

cessitatis, aut piae utilitatis, est bonum. Eadem est ratio de omni alio actu otioso. Omnis actus qui debito fine caret est otiosus, & proinde de eo reddituri sumus rationem, quia malus. Et qui tuentur sententiam Thomae, hoc etiam argumento utuntur. Sicut agentia naturalia determinantur suis inclinationibus ad omnes actus suos convenientes propriis naturis; ita agentia libera habent à suo auctore præceptum tendendi suis actibus liberis in finem convenientem naturæ rationali, bonum nempe rationis, quod est bonum morale. Objiciunt contra sentientes locum Hieronymi Epistola quadam ad Augustinum. *Bonum est continentia, malum est luxuria, inter utrumque est indifferens, ambulare, dirigere alvi stercore, capitis naribus purgamenta projicere, sputis phlegmata jacere: hoc nec bonum nec malum est; si enim feceris siue non feceris, nec iustitiam habebis nec injustitiam.* Respondent quidam, actus hos communiter fieri absque deliberatione solo impulsu naturæ. Alii actus hos deservire indigentiae naturæ, & tales solummodo concedunt esse in individuo indifferentes, Sed rectius alii sic respondent; si deliberatè sunt actus illi, vel sunt ad succurrendum indigentiae naturæ, aut alium utilem finem, vel otiosè. Si prius, habent suam bonitatem moralem. Nam quod quis agit ordinatè ad sustentationem vel quietem sui corporis, ad bonum virtutis ordinatur in eo qui corpus sic ordinat in bonum virtutis. Sed spuerè deliberatè & tamen otiosè non ob utilem finem, est actus otiosus & proinde non indifferens. Quod quis spuat aliud cogitans, non procedit ex deliberata ratione, & de eo statim dicemus. Nec dixit Hieronymus, actus illos esse omnino indifferentes: sed indifferentes secundum speciem. Ideo alibi ait; *Indifferentia nec bona nec mala sunt, sed velut in medietullio posita usu & eventu bona vel mala sunt.* Item; *Indifferentia sunt nec bona nec mala, & pro utentium qualitate variantur.* In thesi dixi, actum à deliberativa ratione procedentem, quia Scholastici excipiunt actus ex imaginatione procedentes, ut cum quis movet manum, pedem, baculum, aliis intentus, vel fricat barbam; sed tum dicunt actiones illas hominis quidem dici, sed non humanas propriè, cum non sint hominis quatenus est homo. Illas autem propriè humanas dici, quarum homo est dominus: esse autem dominum suarum actionum per rationem & voluntatem. At responderetur, imperio rationis & voluntatis subesse motus istos locales membrorum exteriorum, quos prævenire debebat ratio. Concedunt, rationem debere actum prævenire, quando materia est peccatum mortale; sed quando actuum objecta secundum se non sunt peccata, ut fricare barbam, levare festucam, movere pedem aut manum, dicunt nos non peccare, etiamsi negligentiores simus in præveniendo: quia circa hos actus ratio nullo modo tenetur esse pervigil nisi in casu alicujus adjuncti, & proinde esse extra genus moris, indifferentes ad bonum & malum. Sed certè si ratio tenetur esse pervigil, ne transgrediatur labia nostra verbum otiosum, quia de eo rationem reddituri sumus in die judicii; vigilare etiam debet ne prodeat actus aliquis otiosus. Rigidum jus legis divinæ minuere mihi videntur qui ista negant. In multis labimur omnes, ut obstruatur omne os. Accipientes quippe mandatum, & sentientes defectum, clamabimus in cælum & miserebitur nostri Deus. Sed fat est im-
*Contra Jo-
vinian. l. 2.
c. 29.
In Isaiam
Cap. 15.*
*Bernard. in
Serm. 50.*

ruptio cujullibet circumſtantie debita, maxime finis, eſt aberratio à regula. Uſus rerum indifferentium determinandus eſt regulis ſobrietatis, charitatis, & pietatis. Sobrietas poſtulat, ut ſobrie utamur. Nam libertas Chriſtiana non eſt effrænis licentia: non debet eſſe occaſio carni Galat. 5. 13. non malitiæ velamen 1 Pet. 5. 2. 16. Charitas exigit ut uſu rerum indifferentium proximum non lædamus aut offendamus, ſed abſtineamus ab omni ſpecie mali ad vitandum ſcandalum, ne ruat exemplo noſtro proximus in peccatum. Pietas poſcit, ut omnia referamus ad Dei gloriam. *Sive editis ſive bibitis ſive quid facitis, omnia in Dei gloriam facite.* 1 Cor. 10. 31. Qui nec explicite, id eſt actu, de Dei gloria fine ultimo cogitans operatur, nec implicite id eſt de aliquo fine bono in particulari, unde ſequitur gloria Dei, etiamſi de ea actu non cogitet, nullo modo nec explicite nec implicite refert omnia ad Dei gloriam. Et tamen vel explicite vel implicite omnia referre oportet ſecundum præceptum illud Pauli, ut agnoſcit Bellarminus.

De Gratia
Liber. Arbit.
l. 5. c. 10.

Rebus & Ritibus Sacris ſeu Ceremoniis Cultus Divini à Deo præſcriptis res aut ritus ſacros Iudaicos aut ab hominibus inſtitutos addere, non eſt Adiaphoron, ſive ad ſignificationem, ſive ad operationem.

Junius de
Politia Mo-
ſis Cap. 7.

De Cleric.
Cap. 13.
Not. 2 De
Sacram. Lit.
2. Cap. 29.

L. 2. de Votis
Cap. 4.

Dixi, rebus aut ritibus ſacris ſeu ceremoniis, quia in jure politico ſui ſunt imperati & ſolennes ritus, ceremoniæ verò propriè non niſi ſacræ obſervationes in cultu divino appellantur: & obſervationes ordinis & decori propter eutaxiam non dicuntur propriè ceremoniæ aut ritus ſacri; nam eutaxiæ leges ſunt communes civilibus & ſacris. Ex natura eſt & communi jure, quod ſint Oſtiarii vel Æditui in Eccleſia; non tamen eſt officium æditui Ordo ſacer Cleri, ſed officium commune ad reſ humanas æque ac ſacras pertinens. Officium, inquam, commune eſt in ſacris & prophetanis rebus. Ceremonia propriè & ſimpliciter dicitur Bellarmino actio externa, quæ non aliunde eſt bona & laudabilis, niſi quia ſit ad Deum colendum, ut ſacrificium, genuflexio, & ſimilia. Sacrificium, genuflexio, & ſimiles actus exteriores non ſunt actus alterius virtutis ullius; in ordine tamen ad voluntatem religioſam habent ſuam honeſtatem ſufficientem, in qua fundari poſſit ceremonia ſive ritus ſacer, & accommodari poſſint ad ſignificandum cultum divinum. Quilibet actus exterior de ſe indifferens non habet iſtam proportionem ad ſignificationem cultus divini, ut deambulare, agitare tauros, & ſimiles. Votum de agitandis tauris in honorem Dei non eſt validum; quia etſi actus ille ſit indifferens, nihil in ſe habet utilitatis aut convenientiæ, ut ad Dei cultum quicquam conferre poſſit. Ideo ait Suarez; Dico igitur (eſſeque generaliter obſervandum) ut actus indifferens fiat honeſtus ex ſine honeſto, non ſatis eſſe quod ex libertate aut falſa apprehenſione operantis in eum finem referatur; ſed oportere ut talis relatio prudenter fiat, & cum proportionem ac fundamento alicujus convenientiæ inter tale medium & talem finem, id eſt quod ſit utile ad illum vel proximè vel inventu aliorum mediorum: quia aliàs eſt imprudens relatio talis medi ad talem finem, & potius videtur in verbis aut falſa apprehenſione quàm in re ipſa exiſtere. Actus igitur agitandi tauros nullam accipit honeſtatem ex relatione ad honorem Dei, ut poſſit dici ritus ſacer, aut ceremonia in cultu divino. Actuum de ſe indifferentium alii determinari poſſunt à privato quolibet, quia natura ipſa docet genu flectere, manus elevare & oculos, pectus tundere, & alia ſigna cultus interioris. Sed nos jam diſſerimus de determinatione actuum & accommodatione ad cultum divinum, ex mero inſtituto: & dicimus Deum ſolum hos actus ſacros & religioſos ſeu ceremonias determinare & præſcribere jure poſſe. Dixi, rebus aut ritibus

ritibus sacris à Deo præscriptis, quia Deus non modo ritus sed etiam res sacras instituit. Res Sacræ aliæ sunt ortu ipso sacræ, ut Scriptura Sacra, aliæ instituto, ut Templum Hierosolymitanum, vestes, & vasa sacra, sic Sacramenta in Novo Testamento. Nam ex instituto divino aqua, panis, vinum, fiunt res sacræ. Tempia, altaria, vestes, imagines, cerei accensi, vasa sacra Pontificiorum, non sunt ex instituto Divino res sacræ, sed humano commento, & proinde non sunt inter res sacras numeranda. Tempia sunt tantum ædificia, quæ deserviunt eidem usui Ecclesiæ, cui publica ædificia deserviunt in Republica, ut supra ostendimus, & ut simile in officio æditui de quo jam dictum arguit; sic vasa. Imagines autem, cerei accensi, altaria, & similia sunt supersticiosorum & malefactorum figmenta hominum. Ex rebus & ritibus sacris constituitur materia alicujus cultus particularis, ut administrationis sacramenti, prædicationis verbi, cantus psalmorum, oblationis precum, gratiarum actionis &c. Ex particularibus seu partialibus constituuntur officia divina. Nam quandoque omnes concurrunt, quandoque plures, quandoque pauciores in Liturgia publica. Dixi, *sive Judaicos sive ab hominibus institutos*, quia Judaici erant olim à Deo instituti, non ab hominibus: sed tamen antiquata jam lege Mosaica non sunt amplius usurpandæ res aut ritus sacri Judaici, qui erant ex instituto divino, non ipso ortu, sacri. Dixi denique, *sive ad effectus spirituales sive ad significationem*, quia ceremoniæ ratione finis seu effectus aliæ instituuntur ad effectus spirituales, ut ad dæmones coercendos, aut peccatum veniale remittendum &c. quam vim spiritualement tribuunt Exorcismis suis, aquæ benedictæ, signo crucis &c. vel ad significationem, ut vestis alba neophytorum, lumina cereorum, superpelliceum &c. Actus ordinis & decori non sunt propriè ceremoniæ, ut supra dictum.

Quod res aut ritus sacros addere non liceat ritibus & rebus sacris à Deo præscriptis, probatur. Neque addite ad verbum illud quod ego præcipio vobis, nequè detrahite de eo, ut servetis præcepta Jehovæ Dei vestri quæ ego præcipio vobis Deut. 4. *Basilii Ser. Infidelitatis argumentum fuerit, & signum superbiæ certissimum, si quis eorum quæ scrip- de Fidei Com. ta sunt aliquid velit rejicere, aut eorum quæ non scripta introducere.* Cyprianus Episcopus ad Pompejum; Unde est, inquit, ista traditio? Utrum de Dominica & Evangelica autoritate descendens, an de Apostolorum mandatis atque Epistolis veniens? Ea enim facienda esse, quæ scripta sunt, testatur Deus, & proponit ad Josue, dicens, non recedet liber legis hujus ex ore tuo &c. Si igitur aut in Evangelio præcipitur, aut in Apostolorum Epistolis & Actibus continetur, observetur etiam hæc sancta traditio, Cyprianus non unam, sed omnes traditiones damnat, quæ non possunt ex Scripturis Evangelicis & Apostolicis confirmari. Dogmatica & Ethica in Scriptura expresse contineri, aut ex eadem jussu consequentia deduci, dicit aliquis, non autem Ritualia. Si per Ritualia intelligant Ceremonialia, seu Ritus sacros cultus divini; falsum. Bellarminus, dividens traditiones ratione materiæ in traditiones de Fide & Moribus; Traditio ad mores pertinet, inquit, quod signum crucis in fronte pin- De Verbo gendum sit, quoddam certis diebus jejunia sunt servanda, aut festa celebranda &c. Ver- Dei non scri- bum Dei respectu finis, ad quem à Deo ordinatur, perfectum exactum & absolu- pto Cap. 2. tum est, ait Hookernus. At ordinatur in istum finem, ut instruat nos in omnibus De Politeia Lib. 3 p. 144. quæ ad fidem vel bonos mores, maxime autem quæ ad cultum Dei, pertinent. Scriptura de cultu Divino tractat ex proposito, & ut instruat quo modo colendus sit Deus; si ergo non plenè tractat, imperfecta est, & scopum non attingit. Sub Evangelio habemus legem nostram ceremonialem determinantem legem moralem quoad cultum, sicut sub lege Mosaica Judæi. Ad hanc Legem pertinent Sacramenta & eorum ritus omnes, quarum institutio referri non potest ad jus naturæ;

sed ad voluntariam Christi determinationem. Legi ceremoniali Judæorum non licebat hominibus addere aut detrahere quicquam. Unamquamque rem quam ego præcipio vobis eam observantes facite: ne addite ei neque detrahite ex eo Deut. 12. 32. Loquitur ibi de Cultu Dominus. Non minus perfecta est Lex Ceremonialis sub Lege Nova, quam sub Lege Veteri. Ergo nec ei addere aut detrahere licet.

Vis hujus consequentiæ patet primum ex eo, quod non minus nunc quam tunc rationem humanam coerceri certis septis, & quasi cancellis circumscribi, opus sit, ne in rebus divinis lasciviat, aut in superstitionibus delabatur. Deinde ex eo, quod Apostolus & Pontifex professionis nostræ Jesus Christus fidelis fuit ei qui ipsum constituit, ut & Moses fidelis fuit in tota domo ipsius. Et Moses quidem fidus fuit in tota domo ipsius, ut famulus, at Christus ut filius domui suæ præest. Heb. 3. 2. 5. 6. Moses exactè describit omnes ritus cultus divini, & in extruendo tabernaculo rerum minutissimarum materiam & formam conformavit ad exemplar quod ministratum illi in monte, scutulas, annulos, veſtes, forcipes, trullas. Concedit ipse Bellarminus, omnia quæ ad cultum Dei pertinebant, in speciali determinata fuisse in Lege Veteri, sed negat eandem esse rationem Testamenti Veteris & Novi. Quia Lex Testamenti Veteris dabatur uni tantum populo, &

De Pontifice
Lib. 4. Cap.
17.

ad certum tempus, nimirum usque ad Christi adventum, potuit facile determinare omnia, ut etiam fecit. Nam in speciali præscribit omnia, quæ tam ad cultum Dei, quam ad judicia & forenses contentiones pertinent. Et ideo non esse mirum si prohiberet addi alias leges. At Lex Evangelica datur toti mundo, id est diversissimarum nationum populis, & duratura est usque ad finem mundi. Et idcirco non poterat tam facile determinare omnia in speciali, ut non essent adhuc necessariae aliæ Leges tam Civiles quam Ecclesiasticæ. Ideo, inquit, Deus melius esse judicavit, si in Evangelio, quod est commune omnibus, traderet communissimas leges de sacramentis atque articulis fidei, & alia magis specialia pro locorum & temporum diversitate relinqueret instituenda per Apostolos eorumque successores. Sic etiam respondent Hierarchici; Hookerus, leges Mosaicæ Judaicæ

De Politia
Eccl. Lib. 3.
p. 154.

tantum gentem concernere, & ideo comparisonem nullam inferri posse tam exactæ politæ pro omnibus Ecclesiis Christianis, quæ multæ imo pene innumeræ sunt. Quod ad legem judicalem, nullam habemus nisi Ecclesiasticam de regimine & disciplina Ecclesiæ; judicalem forenses & politicam non tulit Legislator noster, quia temporale regnum sibi non acquirebat, nec rempublicam. Ecclesiasticam instituit, sed de cultu externo in Ecclesia præcepta dedit, ritus & ceremonias præscripsit. Non poterat, inquit Bellarminus, tam facile determinare omnia in speciali in Novo Testamento. Respondeat Junius; Quid? tu mihi Bellarmini potentiam Dei circumscribes numero personarum locorum & temporum? tam profecto in illa potuit quàm in hac Deus æque potentia atque essentia infinitus & immutabilis. Marcionitarum, non Christianorum, sententia illa est. Ritus sacri omnes sunt universales aut particulares; universales, ut pingere crucem in fronte; particulares, ut jejunium sabbathi quod in Ecclesia Romana & quibusdam aliis, sed non ubique, observabatur. Universales nonne facile potuit Dominus determinare? Homines potuerunt, & Deum etiam non facile potuisse si quis dixerit, impius est. Particulares vel non pendent à circumstantiis loci temporis & personarum, vel pendent, Si non pendent, tum fieri possunt universales. Si fieri possunt universales, tum etiam facile determinare potuit Deus, & de iis legem ferre. Jejunii observatio est universalis, & à Deo etiam præcepta in genere. Præscriptum tempus est etiam ritus universalis, sed institutus ab hominibus, quem facile Deus etiam præscribere poterat, si placuisset illi talis ritus. Jejunium sabbathi erat tempore Augustini ritus particularis Ecclesiæ Romanæ & aliarum quarundam. Sed ritus ille particularis non pendeat à circumstan-

De Pontif.
l. 4. c. 17.
Not. 12.

tiis illarum Ecclesiarum. Facile poterat ubique observari, & Deus etiam facillime potuit determinare ut jejunium Sabbathi esset universale, si præscriptum quodvis tempus ipsi utile visum esset. Si pendent à circumstantiis locorum, temporum, personarum, potuit tamen Deus potentia & sapientia infinitus determinare. Sed primum nulli sunt ejusmodi ritus particulares, qui pendent à circumstantiis locorum, temporum, & personarum, nisi ritus ordinis & decori, si ritus dicendi sunt; at ritus sacri nulli particulares fuerunt in Ecclesia, qui pendeabant à circumstantiis. Detur instantia. Præterea etsi daretur, non tamen approbat ejusmodi ritus sacros Dominus, qui ne universales quidem ab hominibus institutos probat. Si particularibus Ecclesiis liceret universalibus ritibus sacris alios superaddere particulares, quanta esset varietas vel esse poterat cultus externi in Ecclesia. Universales ritus instituit Dominus, plures potuit, pauciores voluit, sed propter novæ legis suavitatem & libertatem multiplicare noluit. *Levi jugo suo nos subdidit, & Augustinus sarcinæ levi, unde sacramentis numero paucissimis, observatione facillimis, significatione Ep. 118. c. 1. præstantissimis, societatem novi populi colligavit. Imo nec sacramenta instituisset, nisi quid singulare haberent præter alios ritus. Alia Bellarmini & Hierarchicorum responsio est; Cum Moses præcipit non esse addendum ad id quod Lex præscribit, De Pontif. hoc debere intelligi de additione corrumpente, non autem perficiente opus præceptum. Ut Lib. 4. cap. cum Lex dicit, solum sacrifices oves & boves & aves mundas, si quis vellet sacrificare 17. etiam canes & sues & homines, ille addet, & corrumpet præceptum. Distinctionem istam illustrat similitudine Libro Secundo de Effectu Sacramentorum. Idem vide. Cap. 32. mus in monetarum corruptione. Illic enim dicuntur falsarii, qui vel ipsas monetas corrumpunt, addendo stannum argento, aut minuendo ipsum argentum, vel qui monetas à se easas obrudunt pro moneta principis. Nihil autem horum invenient in ceremoniis Ecclesiæ. Eadem & distinctione & illustratione utitur Mortonus. Nulla habent illi arma, nisi quæ ministrantur à Pontificiis in controversiis cum Orthodoxis quos illi Puritanos vocant. At additio perficiens etiam prohibetur, quia arguit imperfectiorem in præcipiente. Nam quod perficitur imperfectum est. Scriptura sacra est De Pontif. perfecta dicimus, eoque nec contra ipsam nec præter ipsam lex addi aut minui in Eccl. 4. c. 17. clesia potest. Imo si quæ insuper adduntur, ex facto sunt contrariæ verbo Dei, quod sibi addi aut minui vetat; inquit Junius. Sic Tilenus; Petitur principium, quin & hoc. Nota 11. ipso contraria est quælibet nova lex, quod divina additur; quandoquidem ista sibi quicquam addi vetat. Si nullum aliud esset vitium in ritu illo, sat est quod additur ad opus præceptum. Ipse Bellarminus damnat additionem rei homogeneæ ad opus præceptum, ut cum Deus jubet comedi in Paschate unum agnum à singulis familiis, si aliqua familia duos agnos comediisset; multò magis igitur damnanda rei heterogeneæ additio. Legistatores ipsi non jactabant se novum quicquam tradere, sed Calvinus in tantum addere cavendi formulas, quæ media essent adminicula ad servandum Dei legem. Mat. 15. 2. Deus prohibet ne addant ad præcepta ipsius ut custodiant ea; illi dicunt se addere ut custodiant & melius observent, ac si ritus instituti ab hominibus præservare possint præcepta Dei, & efficere ut melius observentur, cum contra videamus pluris fieri mandata hominum, quàm præcepta Dei. Alia additio est ad numerum præceptorum, & hanc non esse prohibitam contendunt Pontificii, & adversarii nostri. Nam Judæos addidisse ad numerum præceptorum ceremonialium, probat Bellarminus, exemplo festi Purim. Sic Hookerus & Mortonus. Respondet Tilenus; Festum hoc aut ex Mordochæi aut ex Regis præcepto, aut communi populi consensu institutum fuit. Si primum, auctoritate Prophetica id factum, eadem videlicet qua Li. 1. 4. c. 17. ber ille scriptus. Si secundum, politicum est mandatum, non Ecclesiasticum, & à pro- Not. 5. batione quæstionis alienum. Si postremum, non modo alienum sed etiam adversum est.*

- sequeretur non Monarchicum sed Democraticum esse regimen.* Adducunt etiam Festum Dedicationis institutum à Machabæis. Sed exemplum istud non imitandum aut omnino probandum. Nam de authoritate legitima quæritur. Ad utrumque tamen respondet Sutlivius; *Ostendere etiam debet illas fuisse leges Sacerdotum, & non Prophetarum qui hæc ex Dei mandato insituerunt.* De Prophetis autem Whitakerus. *Si Prophetas dicat mandasse aliquid novi, fuerunt illi æquales Mosi, & æqualem potestatem habuerunt.* Nam Prophetæ, qui postea suis temporibus exorti sunt Spiritus Sancti organa fuerunt, & ex ore Domini sunt locuti. Sed de utroque Festo plura dicturi sumus Capite Sequenti, ubi de dierum festorum observatione tractabitur. Mortonus, ut probet additiones ad præcepta, affert factum Salomonis 1. Reg. 8. & ait Salomonem erexisse in Templo aliud altare æneum, cum vidisset altare Domini non capere omnia holocausta. Sed rectius Bellarminus, à quo istud argumentum mutuatus est, ait tantum sanctificasse alium locum in templo, & ibi obtulisse holocausta; inde quidem colligit, in eo non peccatum fuisse, quod Achaz altare novum in templo erexerit, sed quod altare erexerit ad similitudinem altaris idoli Damasceni, nec quod Manasses aras extruxerit in templo, sed quod extruxerit eas militiæ cœli. Respondet Junius. *Non sequitur ex dispari.* Nam factum est extra ordinem, & occasione singulari, ex necessitate præsentis, cui per analogiam communis juris prospectum est, forte etiam particulari revelatione. At illi nihil fecerunt, nisi execrando pruritu Idololatriæ. Tilepius; *Ab exemplo & facto extraordinario nihil legitime concluditur pro potestate Pontificis ordinaria; qui neque Rex est neque Propheta, qualis fuit Salomo Canonicorum librorum scriptor, cujus notæ non sunt Epistolæ Decretales.* Et cum dixisset Bellarminus, Deum Salomonis factum nec imperasse nec approbavisse, nisi potius approbasse dicendus sit, cum sequenti Capite Salomoni per quietem apparuerit, eumque laudaverit, ac multa bona illi promiserit. Hunc, inquit, rectius, colligeret Bellarminus præcessisse peculiarem inspirationem de loci illius in templo sanctificatione: non enim laudat Deus *ἱερατεῖαν*. Whitakerus; *Respondeo Salomonem quidem consecrassè medium atrii, ut ibi etiam sacrificia offerrentur, quia non satis amplum erat prius atrium propter sacrificiorum multitudinem. Sed primo Salomon non extruxit novum altare, non id legitur, sed tantum ipsum atrium ad eam rem consecravit, id est pavementum atrii, ut Lyranus interpretatur. Secundò quicquid Salomon fecit, id Dei authoritate & Spiritus Sancti nutu fecit.* Sutlivius; *Deinde Achaz & Manasses non tantum reprehenduntur, quod idolis immolassent, sed quod novi generis altaria extruxissent in templo Dei: quòd autem Salomon secundum altare in atrio extruxit, ex revelatione proculdubio divina fecit.* Si unquam raptus Spiritu Salomon, in illa dedicatione templi raptus erat, ut bene observatum in Replica contra Mortonum, & colligi potest ex historia 1. Reg. 8. & 2. Chron. 6. & 7. Præterea sacrificarunt sacrificium boum vices bis mille & pecudum centies vices mille, quum dedicarent domum Dei Rex & totus populus; altare æreum, quod fecerat, non poterat capere holocausta munera & adipēs; consecravit internam partem seu interius atrium nempe sacerdotum. Necessitas cogebat supplere, quod deficiebat. Sacrificia erant magis necessaria, quàm altaria. Altare enim erat propter sacrificium, non autem sacrificium propter altare. Noluit igitur ille deesse sacrificio, etsi deerat altare sacrificio. Nec dicitur erexisse aliud altare, sed sanctificasse interius atrium in hunc præsentem usum, non enim suffecisset etiam aliud altare, & potius pavementum quam altare consecravit, ne altare altari adderet. *Quia verò æneum altare, quamvis amplum esset, non erat omnium sacrificiorum capax, dicitur Salomon consecrassè medium atrii hoc est pavementum quod erat juxta victimarum altare, ut etiam ibi sacrificia offerrentur.* Dicitur autem Salomon consecrassè, non quod ipse atrium

De Pontif.
l. 4. Ca. 6.
p. 440.
De Pontif.
Quæst. 7.
Cap. 3.
Sect. 2.

De Pontif.
Lib. 4. Ca.
19.

Ibidem.
Nota 2.

Ibid. Nota
2.

Not. 3.

De Pontif.
Qu. 7. c. 3.
Sect. 7.

De Pontifice
l. 4. c. 6. pag.
247.

Pet. Martyr
in 1. Reg. 8.
64.

atrium ingressus fuerit, sed quod afflatu divino sacerdotibus mandavit illum consecrari. Et quid si erexerit altare necessitate sacrificii urgente? non tamen erat stabile & perpetuum, sed quale terreum illud quod ante extructum tabernaculum fuit, & quod facile dirui poterat. Quomodo igitur inde excudent ceremonias suas stabiles? sine quibus integer tamen stare potest Dei cultus. Qui fecit altare æreum ex præscripto divino, quidni etiam poterat Deo inspirante, aut per Urim & Thummim consulto, ut solebat fieri in re dubia, aut casu emergente, altare temporarium erigere? Sed cur diceret consecrasse atrium interius in hunc finem, si altare tantum consecrasset? Danæus; Nam & pars illa atrii *Contro. 3.* erat jam non ex hominum, sed ex Dei instituto sancta, Exod. 27. & 40. (utpote in qua *l. 4. c. 19.* erat altare holocaustorum,) & sacrificiis recipiendis destinata, (nam in eadem parte versabantur sacerdotes sacrificantes,) verum per totam illam atrii medii & sacerdotalis partem & pavementum sacrificavit & cremavit. Altare quod ad Jordanem extruxerunt Gaditæ & Rubenitæ Jos. 22. objicit Mortonus. Altare illud nullum habebat sta- *Defen. p. 66.* tum in cultu divino. Non extruxerunt, ut in eo offerrent holocaustum cum munere, sive ut pararent in eo sacrificia eucharistica, sed ut esset testimonium juris sui quod habebant commune cum aliis, ne dicerent in posterum filiis ipsorum; Non *In Josue.* est vobis portio in Jehova. Satis ergo superque (inquit Calvinus) à noxa se eximunt *Cap. 22.* filii Ruben Gad & Manasse, dum protestantur non alium fore usum altaris, quam ut vin- *Ver. 26.* culum sit fraternæ conjunctionis, & justam rationem adferunt: quia periculum erat, ne longo temporis progressu decem tribus alias excluderent tanquam alienas, quod non eandem terram incolerent. Nam quia regio trans Jardenem non fuerat initio comprehensa in sædere, poterat diversa ratio habitationis movere licentiam distans. Posteris itaque suis tempestivè consulunt, ut altari quasi publicis tabulis jus suum tueri queant, ut ita alii alios mutuo agnoscant, & communiter serviant uno Deo. Argumentum, quo probetur aditiones prohibitas in Veteri Testamento, sumi etiam potest è locis Novi Testamenti, ubi damnantur traditiones Phariseorum à majoribus acceptæ quas *diversas* vocabant. De quibus extat constitutio Justiniani Novell. 146. in hæc verba. *Quæ deuterofis quasi secundaria traditio ab ipsis dicitur, in universum interdicimus, ut quæ sacris libris comprehensa non sit, neque desuper tradita per Prophetas, sed excerpta quædam virorum contineat, qui terrena duntaxat loquuntur, nec quicquam divini in se habeant numinis. Reprehenduntur autem non solum dogmata de fide, sed etiam ceremoniæ inutiles & superstitiosæ, cujusmodi erant lotiones, Marc. 7. Nam Pharisei & omnes Judei nisi pugno, id est, manu in pugni formam composita, tum sic elata primum & deinde demissa, ut interpretatur Scaliger, laverint manus, non edunt, tenentes traditiones Seniorum: & à foro venientes, nisi loti fuerint, non edunt. Et alia multa sunt quæ acceperunt, nempe lotiones poculorum & sextariorum, & aramentorum, & lefforum. Sed frustra colunt Deum, docentes doctrinas quæ sunt mandata hominum, respondit Christus Phariseis interrogantibus, cur discipuli illotis manibus ederent. Et tamen istæ *παράδοσις τῶν πρεσβυτέρων* in admirationem rapiabant vulgus imperitum. Videntur igitur (inquit Hieronymus) observationes Judaicæ *Epist. ad Al-* apud imperitos & vilem plebeculam imaginem habere rationis humanæque sapientiæ, unde *Galasiam Qu.* & doctores eorum σοφοὶ hoc est sapientes vocantur, & si quando certis diebus traditiones suas exponunt discipulis suis, solent dicere οἱ σοφοὶ διδασκῶσι, id est, sapientes docent tra- *10.* ditiones.*

Quod ad ordinis & decori constitutiones, Judæos non aliter ac Christianos potuisse statuere non negamus: & quo plures erant ritus & ceremoniæ, eo plures poscebant de ordine & decore constitutiones. Inde Synagogarum erectio, statâ tempora, & horæ precationum, aliaque multa. Ineptè igitur arguitur à Synagoga;

*Fun. &
Trem. in
Act. 13. 15.*

gogorum constitutione ad probandum additionem ceremoniarum ad legem ceremoniarum. Nam Synagoga non erat typus & figura, ut templum. Necesse fuit singulis sabbathis vacare lectioni & interpretationi Legis & Prophetarum. Non poterant Judæi singulis Sabbathis convenire in locum, ubi erat Tabernaculum vel Templum. Oportebat igitur ædificari Synagogas in variis locis, ut commodè convenire possent. Morem recitandi Legem in Synagogis diebus Sabbathi introductum ab ipso Mose tradunt, & deinde post reditum à Captivitate ab Ezra in usum revocatum & ampliatum adjuncta Prophetarum lectione. Ad ordinem item, non ad ceremonias, spectat, quod Legem dividunt in Sectiones totidem (quas vocant Parashoth) quot sunt in anno Sabbathi, quo ita singulis annis tota Lex perlegatur, finiaturque in festo Tabernaculorum, rursumque sequenti Sabbatho repetatur. Item quod ex Prophetis capita quedam, quæ appellant Haphtaroth, lectionibus legis tum numero tum doctrinæ consensu quatenus fieri potest correspondentia, selecta constitutaque sunt quæ simul legantur eo ordine quo descripta sunt ad finem Bibliorum Venetiis excusorum. Ad ordinem pertinet Horarum Precationis determinatio, Tertiæ, Sextæ, Nonæ. Nec necesse est, ut tertiæ seu matutinæ precationis tempus referant ad Abrahamum, Sextæ quæ dicta Precatio Muneris seu Precatio Meridiana ad Isaaci, Nonæ seu Precationis Vespertinæ ad Jahakobi institutum. Hæc enim instituta sunt in potestate Ecclesiæ, servato ordine & decoro. Possum plura percurrere, sed hisce paucis differentiam possumus dignoscere inter ea quæ fuerunt typica & sacra, & ea quæ erant ordinis & decori gratia tantummodo instituta. Si ergo non licebat homini addere ceremoniis seu ritibus sacris cultus divini sub Lege; nec sub Evangelio licebit. Nam Christus legislator est Mose dignior & ampliori gloria præditus. Moses ut famulus in domo Dei fidelis, Christus ut filius super domum constitutus; Moses administer & promulgator eorum quæ à Deo accepit referenda, at principatus impositus humeri Christi, Ha. 9. 6.

*De Politia
Mosis Cap. 8.*

Epist. 19.

Ibidem.

Dixi, non licitum restituere ritus Judaicos. Nota est omnibus Augustini distinctio in tria tempora. Unum ante passionem Christi, in quo legalia neque erant mortua neque mortifera: aliud post plene promulgatum Evangelium, quo mortua sunt & mortifera; tertium medium à passione Christi ad plenam Evangelii promulgationem, quo mortua erant nec ullam obligandi vim habebant, non tamen fuerunt mortifera Judæis conversis, dummodo non sentirent necessaria ad salutem, ac si sine iis justificari non possint. Ceremonias Judæorum dividunt Scholastici in sacrificia, sacramenta, & sacra, & observantias. Sacra appellant instrumenta illa deservientia cultui divino sacrificii, ut templum, vasa, tabernaculum; Observantias appellant observationes in cibis, vestimentis & aliis hujusmodi, quibus in singulari conversatione distinguebantur ab idololatriis. De Ceremoniarum Legalium abrogatione habemus passim testimonia, Coloss. 2. 17. Galat. 5. 3. & alibi. Quis enim Ceremonias illas in hoc tempore velit teneri mordicus aut reintegrari, quas Deus instituerat olim ut res futuras adumbrarent, consummata jam veritate, aut quas ordini & modo illius reipublicæ contemperaverat, sublata jam republica per voluntatem judiciumque ipsius? Atque ad hæc duo ceremoniarum omnes pertinebant: aut ad significandum veritatem præcipuè futuram, aut ad cultum instituendum secundum eam rationem, qua Deus sese colendum patefecerat, & circumscripserat cultoribus suis in illa Republica & Ecclesia sua. His ergo sublatiis Ceremoniis sublatis confirmamus; inquit Fr. Junius. Augustinus ait, ceremonias Judæorum & perniciosas & mortiferas esse Christianis, & quicumque eas observaverit sive ex Judæis sive ex gentibus, non solum veraciter sed etiam simulatè, eum in barathrum Diaboli devolutum. Item; Ac proinde quisquis nunc Christianorum, quamvis sit ex Judæis, similiter celebraverit, tanquam sopitos cineres

cineres eruens non erit pius deductor vel bajulus corporis, sed impius sepulture violator.
 In eundem fere sensum Calvinus; Nunc cum satis constat, tales ceremonias nec vela
esse nec sepulchra, quibus tegitur Christus, sed fætida potius stercora, quibus obruta est
fincera fides & religio; qui promiscuè faciunt liberum earum usum, longè plus Papæ arro-
gant quàm Legi suæ Deus concedit. Cum lex revocatur quasi privativè, tantum aufe-
 rendo solummodo imperium & obligationem, dicitur mortua; cum quasi contra-
 riè, prohibendo usum ejus etiam materialiter, id est prohibendo opus illud quod
 ante præcipiebatur, vel præcipiendo quod prohibebatur, dicitur mortifera.
 Non solum igitur non obligant ceremoniæ legales, sed etiam nocent, si ser-
 vantur, & propterea gravissimè peccant Romanenses & qui Romanensium imi-
 tatores, quod Judaicos ritus sinuarius more imitentur, & legis ceremonia-
 lis speciem Ecclesiis Christianis repræsentent. Fœlix Papa sic defendit unctio-
 nes, altaria, vestes sacras, dedicationum ritus, &c. Si enim Judei, qui umbræ
legis deserviebant, hæc faciebant; multo magis nos, inquit, quibus veritas patefacta est.
 Sic argumentatur etiam Gregorius Papa. Quod autem octo diebus Encenia sunt cele-
brandæ, in libro Regum perlecta dedicatione Templi reperietis. Quod Pontificius cultus
 Judaico affinis sit, & quàm simillimus, negari non potest; sed duo obtrident.
 Primò, non esse prorsus eandem materiam rerum, nec eadem mente & in eun-
 dem finem servari. Non debere mirum videri, si nostræ ceremoniæ habent aliquam simi-
litudinem cum Judaicis. Nam erant illæ figuræ rerum nostrarum, ut 1. Cor. 10. legimus;
 ait Bellarminus. Falsum. Erant umbræ spiritualium mysteriorum, non novarum
 ceremoniarum. Quod si typi & figuræ fuissent ceremoniarum in Novo Testamento,
 oporteret exactè & plenè respondere typo, adeo ut nulla sit ceremonia Judaica
 quæ non haberet antitypon & correspondentem ceremoniam in Ecclesia Christia-
 na. Et vero ut fuerit hoc discrimen, quod tu in illis invenisti, ut in vestris cera sit il-
 lorum oleum, & illorum suffimentum sit & thus vestrum, etiamsi thus illorum quoque suf-
 fimento admisceretur, etiam sine suffimento incensum conficeret, verum ut hoc maximè
 inter illos discrimen largiamur, vestri tamen ritus ipso genere Judaici sunt, quia umbræ
 sunt, quales Judaici exstiterunt. Atque sanè probabile est inventores eorum à Mose ipsos
 accessivisse, quemadmodum patroni ex Mose ipsos stabilivnt. Nam maximè speciosus fu-
 erit, quo vel Durandus Episcopus vel alii eos adumbrarunt, hic est, Deum eos in lege
 Mosaica edixisse, ait Rainoldus. Item; Non tamen id discriminis inter vos & Judæos
 affert Innocentius, ut vestra sacra unctio ex oleo & balsamo confecta sit, quum illorum
 ex oleo fuerit & myrrha aliisque aromatis. Non erat nescius hujus aut illius, quæ ad-
 miscerentur cathartici, in materia discrepantiam, non liberaturam Ecclesiam vestram à
 Judaizandi consuetudine in genere cathartici, hoc est ritus quo sacerdotes & altaria con-
 secratis. Nihil certe magis, quam si canem immolaretis, deindeque diceretis, non in eo
 vos Judæos imitari, quum illi non canes, sed oves & boves immolarent. Confugiunt à
 similitudine symboli ad intentionem & finem diversum. Licet aliqua similitudo
 sit in externo symbolo, tamen absolutè maximum est discrimen, ait Bellarminus;
 quia finis diversus: non prænunciant Christum venturum sed partim sunt in memo-
 riam rerum futurarum, partim ad significandam gloriam futuram. Sic etiam Hie-
 rarchici dicunt non esse damnandos omnes ritus Judaicos, si alia mente & in alium
 finem usurpentur. Ceremoniarum legalium usus triplex. Formalis, materialis,
 & mixtus seu medius, id est partim materialis, partim formalis. Formalis usus
 est, si legalia observentur spiritu Judaico, id est vel ponendo in iis spem salutis,
 vel ut præfigurantia Messiam venturum. Hunc usum dānant. Materialis usus
 est, si res illæ in usum assumuntur sine spiritu legis tanquam durantis, aut sine in-
 tentione cultus; ut si quis ad curandam valetudinem tondeatur vel abstineat aliquo

Gratian.
Decret.

De Consecr.
Dist. 1 Cap. 2
Cap. Solen-
nitates.

De Eff. & Sa-
cramentorum.
Cap. 32.

Collat. cum
Harto Cap.
8. Sect. 4.

cibo. Mixtus seu medius usus est, si fiant ex intentione cultus in genere, & tanquam religiosa ceremoniæ in generali ratione religionis. Et si usus iste sit materialis respectu legis, est formalis tamen ratione intentionis cultus: & hic usus nempe medius & mixtus partim materialis partim formalis est illicitus. Circumcisionis usus materialis est licitus, sicut si quis circumcideretur propter sanitatem, quo exemplo utitur Aquinas. Sed circumcisionis usus apud Æthiopes est partim materialis partim formalis. Cajetanus extenuat hunc usum, quia, inquit, servant hunc ritum non spiritu legali, sed solum ex quadam intentione imitandi Christum, & sic materialiter utuntur, addita extrinseca honestate. Sed ab aliis refutatur in hunc modum. Qui circumciditur ob Christi imitationem, vel respicit Christum ut suscipientem circumcisionem tanquam sacramentum quoddam à Deo institutum, & sic incidit in superstitionem Judaicam; vel respicit Christum solum ut affectum tali vulnere seu cicatrice, quod non est verisimile, & esset etiam vana superstitio, quia conformitas in sola illa materiali læsione non cedit in honorem Christi; aut denique respicit conformitatem in passione illius doloris, quod etiam non est probabile, quia in infantia non est sensus talis conformitatis, nec adultis licet manus aut pedes perforare, ut in illo dolore & passione Christo conformentur, essetque etiam vana superstitio. Circumcisionem Mosaicam observandam arbitrantur Æthiopes, & Europæos reprehendunt, qui circumcisionem non admittunt. Nam, ut refert Fra. Alvarezius in Historia Æthiopica, exemplo Christi utuntur suscipientis circumcisionem tanquam sacramentum, sicut Ebionæi & Cerinthiani Hæretici; Urgent exemplum Christi, inquit Epiphanius, Christus circumcisis est octavo die, ergo & nos circumcidendi sumus. Sed audiamus Rainoldum in Colloquio cum Har-
to. Quod autem ad discrimen illud, quo Papa unctionem vestram aliud efficere & figurare, aliud illorum; primum quidem non minora in illorum altaribus quam in vestris efficit, quantum ego percipio. Deinde in illorum Sacerdotibus Spiritus Sancti dona figurabat, quod etiam in vestris facere is affirmat. Postremo, ut habuerit sive effectum aliud sive sensum alium apud vos quam apud illos, ut quodammodo habet, sive eum qui instituit, sive causam quare instituit, respiciamus: poterat tamen ceremonia nihilominus esse Judaica. Nam (spero equidem) non ibi inficiis quin Iudaismi rea foret Ecclesia vestra, si agnum offerret in holocaustum, etsi faceretur id, quo non Christum venturum, ut Iudæi, sed Christum venisse & per passionem suam cum ipsum ingressum esse, tum alios quoque induxisse in gloriam suam significet. Synodus Sexta in Trullo celebrata damnat usum Agni ad repræsentandum Christum inter imagines τὰς ἐν παλαιῇ τύπῃ καὶ τὰς σκιὰς ὡς τῆς ἀληθείας σύμβολα τε καὶ προχαράγματα, &c. Antiquas ergo figuras & umbras ut veritatis signa & Characteres Ecclesiæ traditos amplectentes gratiam & veritatem præponamus, Non solum in sacramentis, sacrificiis, & sacris, sed ne in Observantiis quidem Judaizandum, licet diversa mente, docet Apostolus, Galat. 2. Petrus saltem gentes coëgit Iudaizare quum ejus exemplo & auctoritate inducitur Iudaicum ritum in delectu ciborum approbarent. Atqui neque illi eo sensu approbant quo Iudæis indicebatur. Ipsi enim indicebatur ut sanctimoniam eam designaret ad eamque ipsos deduceret, quam Christus per gratiam fidelibus erat allaturus. Neque vero latuit Petrum, hoc revera præstitisse Christum, eamque figuram etiam universum Mosaicæ legis jugum sustulisse: quod quoque gentes edocuit. Quare etiamsi Ecclesia vestra rursus Iudaicos sensu alio retineat quam quo ipsos Iudæis Deus indixit, sicut affirmat Innocentius, ut illi medeatur ulceri: hoc tamen Petri exemplum ostendit rem ipsam Iudaicam esse, vosque Iudaizare qui observatis. Augustinus de Doctrina Christiana Lib. 3. Quod ad eos quos Deus invenit sub signis inutilibus; non solum servilem operationem sub talibus signis, sed ipsa etiam signa frustravit, removitque omnia. Et alibi; Mibique de animo meo crede, quod coram Deo

2.2. Quæst.
Art. 4.
In 3. Par.
Quæst. 37.

Vide Rainol.
de Apo.
cryph. Tom.
2. p. 907.

Hæres. 30.

Cap. 8. Sect.
4.

Can. 82.

Rainold.
ibid.

Cap. 8.

Epist. 19

Deo loquens jure charitatis exposco, nunquam visum mihi fuisse etiam nunc Christianos ex Judæis factos sacramenta illa vetera quolibet affectu celebrare & quovis animo debere ab eis ullo modo coli. Et ne quis putet illum loqui solum de Sacramentis propriè dictis, non autem largè, ante dixit; Ipsum verò Paulum non ad hoc id egisse, quod vel Timotheum circumcidit, vel Cenchreis votum persolvit, vel Hierosolymis à Jacobo admonitus cum iis qui voverant legitima illa celebranda suscepit, ut putare videretur per ea sacramenta etiam Christianam salutem dari, sed ne illa, quæ prioribus ut congruebat temporibus, in umbris rerum futurarum Deus fieri jusserat, tanquam Idololatriam Gentilium detestari crederetur. Emulatores Legis jactitaverant per doctrinam Christi, velut sacrilega nec Deo mandante conscripta damnari, quæ per Mosem patribus fuerunt monstrata. Ideo inquit Augustinus; Cujus falsæ criminationis invidiam congruentius devitare non posset, quàm ut ipse ea celebraret, quæ damnare tanquam sacrilega putabatur, &c. Propter auctoritatem divinam, & sacramentorum illorum propheticam sanctitatem, ut loquitur Augustinus, ad tempus non erant mortifera, sed tantum mortua legalia, & cum honore sepelienda. Verumtamen sicut defunctorum corpora necessariorum officiis deducenda erant quodammodo ad sepulturam, nec simulatè sed religiosè; non autem deferenda continuò, vel inimicorum obreptationibus tanquam canum morsibus projicienda: proinde nunc quisquis Christianorum, quamvis sit ex Judæis, similiter ea celebrare voluerit, tanquam sopitos cineres eruens, &c. Sentit igitur Augustinus, contra quàm de eo suspicabatur Hieronymus, tantum ad tempus legalia observata & observari potuisse: nunc verò ne quidem à Judæis fidelibus quovis animo, quolibet affectu, ullo modo celebranda aut colenda. Sicut quoddam discrimen in materia vel fine non efficit legitimam differentiam; sic nec in forma ritus vel actionis. Pascha celebratum in Ægypto, Exod. 12. singularibus in illam horam ceremoniis instructum erat, nempe ut comederent lumbis succinctis, cum festinatione, cum baculo in manu, cum calcementis ad pedes; & tamen non erat diversum Pascha, quod celebratum in terra Canaan. Purificatio post partum, sacræ vestes, oleum, luminaria, altaria, dies festi, velamen inter chorum & altare in quadragesima, arcula & sacramentum, unctiones, benedictiones paschalis agni, agnorum cereorum, aqua exorcizata, sunt Judaizantis Romanæ Ecclesiæ ceremoniæ, etsi non omnino eadem Romanis & Judæis; sed diversitas quædam sit quandoque in materiâ, quandoque in modo, quandoque in fine, ut supra probatum est. In Concilio Nicæno decretum, Pascha uno & eodem die ab omnibus celebrandum, non autem 14. luna, ut solebant Quartodecimani, sive esset Dominica, sive non, sed Dominica proxima Lunæ Decimæquartæ post æquinoctium vernalium. Rationem reddit Constantinus in literis ad Ecclesias de habita Nicææ Synodo. At primum indignum planè videbatur, ut ritum & consuetudines imitantes Judæorum (qui quoniam suas ipsorum manus

Eusebius De Vita Constant. Lib. 3. Cap. 17.

immuni scelere polluerunt meritò, ut scelestos decet, cæco animarum errore tenentur irretiti) istud festum sanctissimum ageremus. Et infra; Nihil nobis commune cum Judæorum turba omnium odiosa maximè. Aliam enim viam insistamus quam à Servatore didicimus. Proponitur namque nostræ religioni cursus quidam & legitimus & decorus: hunc igitur consentientibus animis mordicus tenentes, fratres honoratissimi, ab illa detestabili Judæorum opinione nos ipsos removeamus. Est enim revera absurdissimum, ut illi insolenter se jactent, nos absque ipsorum disciplinæ subsidio istas res nullo modo posse observare. Et infra; Proinde quid est cur istos imitemur quos constat gravi erroris morbo laborare? Bellarminus fatetur; Primos Christianos propter recentem memoriam sacerdotii Aaronici De Cultu abstinuisse non solum à vocabulo Templi, sed etiam Sacerdotii, ne viderentur adhuc durare Judæicæ ceremoniæ. Itaque Apostoli in suis Epistolis pro Sacerdotibus Episcopos & Presbyteros, pro Templis Ecclesias dicunt, & similiter loquuntur Justinus, Ignatius,

Can. 29.

& ceteri antiquissimi Patres. Qui à nominibus, multò magis à rebus & ritibus Judæorum abstinuisse credendum est: & utinam sopitos cineres non eruissent, qui primos illos Christianos sequuti sunt. Dicit etiam, Ecclesias Christianorum us plurimum ad Orientem conversas fuisse, quia Judæi orant ad occidentem. Sed de Judæis id non verum, nisi κατὰ τὴν. Nam Judæi Romæ ortum respiciebant. Concilio Laodiceno decretum; *Quod non oportet ἰσδαΐζαν Judaizare & in Sabbatho otiosi.* Zonaras; Proinde Sabbatho otiosi, tanquam repitito à Judæis more, fidelibus haud permissum, quique Iudaicis ritibus adhaerescunt us anathema apud Christum Canon indicit. Item. Septuagesimus Apostolorum Sanctorum Canon, neque jejunia cum Judæis exercere, nec festos dies agere, nec quæ in ipsorum celebratibus Xenia mittuntur accipere, fideles finit, nempe azyma, aut tale quid, ut dicitur in illo Canone. In quem sic Balsamon. Ne dixeris autem eos Judaizare, tanquam idem cum Judæis sentiant: omnino enim non depositioni vel segregationi solum subjiçientur, sed etiam absolutæ & omni ex parte perfectæ excommunicationi, ut jubet Canon. Laod. Synodi; sed dic hos quidem rectè sentire, & orthodoxos esse, sed Ecclesiasticarum traditionum contemptores & ἀδιαφόρους ζῶντας & indiscriminatum viventes. Zonaras. Nam tametsi non sentiat quod illis multis tamen occasionem scandalì præbet in seque ipsum suspitionem ὡς τὰς ἰσδαΐκας τιμὰς τελετὰς quasi Iudaicos habeat in honore ac pretio ritus. Denique diligenter vitat Ecclesia in hujusmodi ceremoniis & observantiis, ait Suarez, omne consortium & apparentem similitudinem cum Iudæis vel aliis infidelibus, ut colligitur ex Augustini dicta Epistola 119. & Epiphaniî Lib. 3. contra Hæreses in fine. Non præstitit quod debebat Ecclesia, agnoscit tamen, ut vides, debere Ecclesiam vitare omne consortium & omnem etiam apparentem similitudinem in ipsis ceremoniis & observantiis cum Judæis. Atque hæc de ritibus Iudaicis, quos non solum Romanenses, sed etiam Anglicani Romanizantes imitantur & tuentur.

Epist. 119.
Cap. 19.

Non solum sacros ritus Iudaicos eorumve vel apparentem similitudinem vitare debemus, sed etiam cavere, ne alios substituamus, quàm quos Dominus nobis in Novo Testamento determinavit. Augustinus de cumulatis sua tempore ceremoniis habet hæc verba; Etiam si non intelligatur, quomodo contra fidem sunt, tamen quoniam onerant religionem & servilibus oneribus premunt, quam Christus voluit paucissimis & manifestis celebrationum Sacramentis liberam esse, propterea faciunt ut tolerabilior sit conditio Iudæorum, qui etiam si tempus libertatis non agnoverunt, legalibus tamen sarcinis subjiçiebantur, non humanis præsumptionibus. Deterior erit status Ecclesiæ Christianæ quàm Iudaicæ, si subjiçienda sit humanis præsumptionibus, cum illa Dei institutis solummodo subjiçienda erat. Omnia erant illis perscripta in sacris tabulis quæ ad ceremonias sacras spectabant. Jansenius asserit; *Quod uni Judæorum populo per Moysen diligenter satis præscripta essent quæcunque ad religionem pertinerent, & iustitiam inter homines servandam.* Non sustulit jugum suum, ut aliud imposerent homines.

Concord. Eu
ang. c. 120.

De Pontif

3. 7. 6. 3. f. 6.

Veteres ceremonias sublatas esse, non modo quia figuræ fuerant, sed & quod multæ & molestæ nimium fuerunt, & Deus voluit quodammodo gratiam mittere cum novo populo, eumque sibi singulari beneficio devincire, cum cum his ceremoniis liberaverit. At si his sublatis ceremoniis tam multæ aliæ novæ introductæ fuerint, tum nullum erit hac in re Christi beneficium; dicit Whitakerus. Galat. 5. 1. Apostolus ait, *State in libertate qua nos Christus liberavit, & nolite iterum servitutis jugo implicari.* Patientius ferendum esset divinum quàm humanum jugum. Christus Math. 19. 9. alludens ad verba, Isaia 29. 13. 14. damnat omnem cultum ab hominibus inventum. Apostolus Coloss. 2. damnat omnes *θελοθεσκείας* id est cultus voluntarios & fictitios, quos homines sibiipsis comminiscuntur, vel ab aliis accipiunt, etsi videantur habere rationem sapientiæ & submissionis animi. Argumentatur loco illo Aposto-

lus,

lus, ut observat Th. Beza à Comparatis. Abrogatis enim illis ipsi ritibus quibus olim Deus ipse mundum erudiit; quæ est impudentia humanas superstitiones inculcare? Sic Verf. 18. *Nemo præcipiat vobis jam partum palmarium* *Θέλων ὡς ταπεινὸς* *υποφροσύνη, καὶ θρησκείας*, id est, *ἐβελδοτυπεινὸς φρων καὶ ἐβελδοθεῖσκον*. *Θέλων* absolute ponitur, *ElenchoTri* tanquam nomen *ἐβελδοτήης*. Non solum cultum Angelorum, sed etiam ritus illos non comedendi, gustandi, attingendi, *ἐβελδοθησκείαν* vocat. Utitur etiam Apostolus ver- 17. *δοξολογίῃς* verf. 20. etsi de ritibus agat & traditionibus in delectu & pollutionibus ciborum. Sic Act. 16. decreta Apostolorum de abstinencia à sanguine & suffocato vocantur dogmata. Damnatur *ἐβελδοθησκεία* omnis in genere in secundo præcepto Decalogi. Nam ibi damnatur omnis superstitio: superstitionis autem species sunt Idololatria, quæ defert cultum cui non debet, & *ἐβελδοθησκεία*, quæ Deo sed aliter quam debet. Imaginis nomine synecdochicè omnem alium cultum à nobis excogitatum inhibet, sicut in aliis præceptis synecdochicè comprehenduntur alia plura quàm quæ exprimuntur. Et quid aliud leges de sacrificiis, sacramentis, & sacris ritibus, quàm determinationes cultus externi, quem præcipit Deus hoc præcepto: & contra prohibemur negativo præcepto ex nostro cerebro determinare, quibus sacramentis aut sacris ritibus utendum sit in externo cultu privato seu publico; ac si dixisset Deus, non facies tibi sculptile &c. id est non determinabis tu pro tuo arbitrio quomodo sum colendus, sed quo modo ego determinavero, eodem coles. Lex ceremonialis Judaica erat determinatio moralis legis quoad cultum externum. Et quæ contrà fiebant, ut cultus in excelsis, ignis alienus, & similia, erant hujus præcepti violationes. Qui sculpsit sibi ritum quem habeat ut sacrum in cultu divino, violat præceptum; etsi non ad literam sculpat sibi statuam cui se incurvet. Dicunt Hierarchici, se non urgere ritus sacros & ceremonias ut necessaria ad cultum Dei. Si intelligant necessarios ad esse cultus, ac si absque iis non posset consistere cultus divinus, nec eo modo urgere se dicunt Pontificii. Fatemur enim omnes Catholici, inquit Bellarminus, *ceremonias Ecclesiasticas non esse De Effectu præcipuum cultum, nec ab iis pendere essentiam & efficaciam sacramentorum, nec habere vim justificandi ut habent sacramenta, proinde inferiora esse sacramentis*. Si necessarios intelligant perpetuos & immutabiles, nec id asserunt Pontificii. Suarez negat, inferiores Pastores mutare posse universales ritus, & qui perpetuo fuerunt in Ecclesia: mutari tamen posse non negat. Summus autem Pontifex de plenitudine potestatis suæ posset hujusmodi ritus mutare: quia ejus potestas non est inferior, sed eadem cum illa ex qua hujusmodi ritus originem duxerunt. Nunquam tamen id facit aut faciet sine magna necessitate vel utilitate, præsertim in his observantiis quæ antiquissimæ sunt in Ecclesia. Atque eadem proportionem judicandum est de privatis ceremoniis particularium Episcopatum. Nam illæ etiam possunt ab Episcopis mutari, si expedire censuerint, quando propria summi Pontificis auctoritate non sunt confirmatæ, propter eandem rationem. Posse privatos Episcopos in suis Diocesium nonnullos ritus & ceremonias instituire, quæ non sunt contra universalem Ecclesiæ legem aut traditionem, eosdemque mutare, universales autem ab Ecclesia universali seu summo Pontifice mutari posse, asserit. In sacramento requiritur, ut sit ceremonia religionis stata & solennis; nam sacramenta tam diu durare debent, quandiu durat ipsa religio. Sed in omnibus aliis ceremoniis id non requiritur. Cum celebraretur Pascha in Ægypto, observarunt ceremonias quasdam, quæ non observabantur in terra Canaan, sed illa una hora cum mox egressuri erant ex Ægypto; & tamen erant ritus sacri; & si observassent Deo non imperante, sed ultrò, fuisset cultus voluntarius. Nec igitur necessitas, nec perpetuitas, requiruntur ad constituendum ritum sacrum. Adstringunt Pontificii ritibus suis opinionem meriti, necessariæ obedientiæ, quibus-

quibusdam efficacæ, omnibus sanctitatis, & cultus. Sed non sunt ista omnia necessaria ad constitutionem ritus sacri; sat est, si quis sponte & absque ulla necessitate, aut opinione efficacæ aut meriti, assumit actum aliquem in usum sacrum, derque ei statum in cultu divino. Cum dico statum, non intelligo stabilitatem nam de stato statu ante dixi non esse necessarium ad constitutionem ceremoniæ, sed accomodationem & usum actus alicujus in cultu divino sive privato sive publico ad finem sacrum & religiosum. Necessitatem non requiri ad definitionem ceremoniæ in genere patet ex ipso *εὐλοβητικίας* nomine. Significat enim voluntarium cultum, quem quis sponte sibi sculpsit & comminiscitur. Potest quidem voluntarius cultus sensim vergere in necessarium, *ἐκασταμὸς* in *ἀνάγκην*, quando quis affingit necessitatem, & in *ὀνόματα ἀνθρώπων*, ut cum Superiores aliis eisdem ritus observandos imperant. Hasidæi initio, præter ea quæ Lege tenebantur facere, etiam sponte quædam impendia faciebant in templum & sacrificia. Horum propago Pharisæi non modo voluntarios sumptus sed etiam voluntarios cultus in præcepta & canones redegerunt, non solum ut darent decimas anethi &c. sed etiam ut lavarent sæpius &c. Hinc *παράδοσις προσευτῶν* & *ὀνόματα ἀνθρώπων*. Sed istæ accessiones etsi augeant malitiam pravi cultus; ad cultum tamen sufficit, quod addit voluntatis electio & affectus colendi Deum hoc vel illo ritu. Superstitionis nomen huic voluntario cultui optimè convenit. Isidorus alias etymologias rejiciens istam amplectitur. Superstitionem dictam à *superstatuo vel superstituo, eo quod sit superflua aut super statuta observatio*. Quando igitur quis intendens cultum Dei, rebus aut ritibus in eum finem utitur non comprehensis in ejus statutis, superstituit. Futilis est illa distinctio in hac controversia, Superstitionem esse non quicquid præceptum non est, sed quicquid contra præceptum est. Nam superinstituere non est solum contra instituere, sed etiam præter instituere. Idem est hic cultus sine lege & cultus contra legem. Non est aliud Evangelium præter illud quod evangelizavit Paulus. Sic nec alius cultus præter illum quem præscripsit Deus. In colendo vero Deo cultus superstitiosus est perniciosus vel superflus. Perniciosus, cum utimur signo mendaci & falso, ut si in cultu Dei uteremur circumcissione aliisque ritibus Judaicis, quia jam falsam significationem habent ex vi primævæ suæ institutionis. Sic qui inter Pontificios ementitias reliquias venditant. Nam Deus non colendus mendaciis. Iis enim non honoratur, sed irridetur. Superflua superstitio est, quæ offert Deo pro cultu id quod lege impositum non est. Perniciosus cultus est mendax, & falsus dicitur cultus ob duplicem falsitatem, cum in dicendo seu significando, tum in essendo, quia omnis cultus superstitiosus in essendo falsus est. Superflus est in essendo falsus, sed non in significando. Quia etsi significetur res vera, tamen est cultus inanis ob alium defectum. Superstitionem, quæ dicitur esse superflui cultus, subdividunt in turpem & levem seu vanum cultum. Turpem, quando quis intendit colere Deum iis actibus, qui aliàs pravi & turpes sunt, etsi non sunt mendacia; ut immolatio hominis in sacrificio turpitudinem & malitiam involvit in ipsamet actione colendi. Superflus cultus rem etiam in se indifferentem adhibet ad cultum divinum, Deoque exhibet acsi Deo grata foret, quam à manibus cultoris nunquam requisivit. Superstitio non tantum addit actibus veri cultus sed etiam detrahit, ut cum Pontificii ministrant sacram Cœnam sub uina, non sub utraque, specie. Tam enim superstitiosum est ministrare in solo pane, quam addere ultra panem & vinum aliam materiam. Nec obstat, quod talis cultus sit per modum privationis, quia illamet privatio exigitur ut pars ritus. Imo ad superfluum cultum hoc genus etiam referunt, etiam si ritus ille sit quasi privativus, quia ille

Lib. 8. Ety
mol. Cap. 3

ille etiam superfluous est & reddit totum cultum vanum & inutilem, adde & turpem. Nam mutilatio sacramenti est contra particulare præceptum, *Hoc facite*. Dico igitur, distinctionem istam, præter & contra Scripturam, nullius esse momenti. Nam si sit præter, est etiam contra. Quod est contra generale præceptum, est contra particularia. At de tota lege Ceremoniali exstat generale præceptum ut supra dictum; *Ne addas neque diminuas*. Addere ergo vel detrahere est contra istud generale præceptum, ergo contra omnia particularia præcepta. Sed redeamus. Ad cultum aut ceremoniam igitur non exigitur necessitas, aut perpetuitas, sed libera voluntatis electio & voluntas colendi illo ritu sacro seu ceremonia, ut ostendit ipsa vox *εὐλοβρησκέας*, aut *εὐλοπερισσοδρησκέας*, quo verbo superfluum Pharisæorum cultum iugulat Epiphanius. Quod ad efficaciam Spiritualem, eam non pag. 475. tribuunt omnibus suis ceremoniis & rebus sacris ipsi Pontificii. Quod ad Sancti-
tatem, negant Hierarchici se suis ritibus affingere ullam sanctitatem inherentem, *saub Exer.* aut infusam. Negant etiam Pontificii sanctitatem intrinsecam rebus inanimatis, p. 65. sed extrinsecam & relativam tantum tribuunt, & *honorificè tractantur*, ait Suarez, *In 3. Part.* propter sanctitatem quam habent ex eo quod cultu divino dedicatæ sint: non sunt capaces *Tom. 3. Disp.* res inanimatæ, inquit, propriæ excellentiæ, aut intrinsecæ sanctitatis, sed tantum per 31. Sect. 8. quandam denominationem seu relationem extrinsecam sunt capaces honoris. Respectivam propterea, non absolutam, venerationem rebus sacris suis tribuunt. Vasques; *Res De Adorat.* inanima secundum se sancta non est, sed ex ordine ad aliam cui primo sanctitas convenit, *Lib. 2. Disp.* sancta nuncupatur. Bellarminus ait, Imagines esse sanctas propter duo, primò prop- 6. Cap. 2. ter significationem & repræsentationem rei sanctæ, secundo propter Ecclesiæ institutionem; Nam quemadmodum calices & vestes & ipsi homines eo ipso sunt sacri, *De Imagi-* quod dicantur cultui & separantur à profano usu &c. Hanc sanctitatem extrinsecam *nib. Cap. 1. 9.* tribuunt rebus & ritibus suis Hierarchici. Imo inseparabilis est ista proprietas ab omni ceremonia religionis seu ritu sacro, nempe opinio vel existimatio sanctitatis. Nam cultoris existimatione semper sacer est, quamdiu eo modo utitur. Fundatur autem sanctitas in significatione, repræsentatione, sanctificatione, aliave spirituali efficacia, vel immediatè offertur Deo in cultum adorationis, ut thus adolendo. Si utitur absque ulla relatione sacra, non colit, sed ludit. Dicunt præterea Ceremoniarum Patroni, divini cultus partes alias esse essentielles, alias accidentarias; essentialibus non addendum, accidentariis addi posse. Hæc ipsissima est Pontificiorum distinctio. Nomine ceremoniæ, primum in genere definiunt, significari *Suarez. in 3. Partem.* posse omnem cultum Dei externum, qui certo ac definito ritu fit ob majorem reverentiam Dei; & sic sub ceremoniæ voce comprehendunt sacramenta, sacrificium Missæ, sacra, id est, deputata ad sacrificium peragendum aut sacramenta ministranda, ut sunt vasa sacra, vestes, templa, & similia, & observantias, id est actiones quibus cultores Dei utuntur, ut eis sese ad cultum Dei disponant, ut usus signi crucis, &c. Quas in sacramentis & sacrificio Missæ actiones vel circumstantias religiosas observant præter eas quæ sunt de essentia seu substantia sacrificii aut sacramenti, ut verbi gratia in Baptismo Unctio, Exorcismus, & alia hujusmodi, vocant Sacramentalia, seu ceremonias sacramentales. Distingunt variis modis, vel juxta septem Circumstantias actuum moralium, ut sunt circumstantia loci, temporis, personæ, modi, & similia, vel prout in diversis Categoriis collocari possunt; ut unctio fiat oleo olivarum, & vinum misceatur aqua naturali, in Categoria Substantiæ; ut misceatur aqua modica, vel Baptismus fit trina immersione, in Categoria Quantitatis; quòd panis sit azymus, vestis hujus vel illius coloris, in Categoria qualitatis. Quasdam revocant ad Relationem, quia solum propter deputationem quandam aut extrinsecam benedictionem censentur sacra.

ut oleum benedictum & alia hujusmodi. Item quædam consistunt in Temporis vel Loci determinatione, ut templa & dies festivi. Aliæ ad Vestitum sacrum pertinent; aliæ revocantur ad Sicum, ut genuflectio. Aliæ in actione & passione consistunt, ut gestus signa, & similia: quinimo omnia alia, quæ numerata sunt, in tantum ad ceremonias seu sacramentalia pertinent, in quantum in usu alicujus actionis sacræ observanda sunt. Omnibus his ceremoniis commune est cum sacramentis & sacrificio, quodd ad divinum cultum ordinantur, & quod sint actus externi virtutis moralis quæ religio dicitur; quia religio versatur circa eos ut materiam suam & objectum quod, Deus autem est objectum cui. Sed differre dicunt, quia sacrificium, inquit, continet ipsum supremum Dei cultum, quo Dei excellentiam per alicujus rei oblatae immutationem profiteamur; sacramenta verò ordinantur ad sanctificationem fidelium, quam significant & conferunt, ut ajunt, præfertim in Lege Nova. Sacramentalia autem ordinantur ad cultum Dei medio sacrificio vel sacramento aliquo; & quædam propinquiùs, quædam remotiùs respiciunt Sacramenta, ut altare propinquiùs quàm templum, & calix quam altare. Estque hæc illis propria ratio ceremoniæ sacramentalis, quod sit quasi circumstantia sacramenti, & à substantia ejus distincta, sitque veluti accidens ejus. Usus sacramentalium ceremoniarum ad cultum Dei secundariò saltem pertinere dicunt, & ideo pertinere dicuntur ad cultum secundarium, inquit Suarez, non solum, quia continent cultum externum, sed etiam quia in ipsomet externo cultu sunt veluti accidentia aliarum actionum nobiliorum, scilicet sacrificii & sacramentorum. Bellarminus etiam negat, eos sentire præcipuum Dei cultum in his ceremoniis consistere. *Fateamur enim omnes Catholici ceremonias Ecclesiasticas non esse præcipuum cultum nec ab iis pendere essentiam & efficaciam sacramentorum, &c.* Aquinas ait, quæ pertinent ad solennitatem sacramenti non esse de necessitate sacramenti, sed ad bene esse. Vides, eodem modo distinguere Formalistas, quo Pontificii. Ad hæc quatuor capita revocat Aquinas ceremonias omnes Legis Veteris, sacrificia, sacramenta, sacra, & observantias. Sacrificia & Sacramenta Veteris Legis vocant Pontificii cultus partes fundamentales & substantiales, sacra & Observantias secundarias & accidentarias. At inde argumentati sumus suprà, cum ceremoniæ illæ quasi magis accidentariæ sunt à Deo institutæ & definitæ, iisque non licebat addere aut detrudere. Sic nec in Nova Lege licet hominibus instituere aut definire has ceremonias quas secundarias & accidentarias vocant. Nam quod ait Suarez, in Veteri Lege, quia erat lex servitutis, magis consistens in exterioribus oneribus, quàm in interiori gratiæ spiritu, plurimæ ceremoniæ fuerunt divina institutione traditæ ac præceptæ: at verò Lex Nova est lex gratiæ & spiritus, & ideo solum in ea tradidit Christus, quæ ad gratiam obtinendam sunt necessaria media, vel utilia instrumenta, reliqua verò Ecclesiæ disponenda commisit: supra confutavimus in comparatione Moysi & Christi: & præterea dicimus, quia Christus tradidit ea, quæ sunt ad gratiam obtinendam necessaria media & utilia instrumenta, nihil reliquum esse, nisi ut in iis mediis utendis servetur ordo & decorum, & ut media necessaria ac instrumenta illa utilia ordinentur ad eum finem ad quem à Deo instituta sunt, nempe ædificationem. Deinde non quæritur, an ceremoniæ, de quibus controvertitur, sint partes essentielles sacramenti vel sacrificii, vel alicujus alterius primarii cultus; sed an sint partes cultus, id est an sint ceremoniæ seu ritus sacri quibus colitur Deus. Nam sunt ceremoniæ etiam à Deo imperatæ in ipso sacramento, quæ tamen essentielles partes non sunt sacramenti; verbi gratia, fractio panis in Eucharistia est ceremonia à Christo imperata, & proinde pars cultus divini, non tamen est essentialis ratione sacramenti. Nam partes essentielles sunt materia, ritus & elementa, forma, verbum,

3. p. Qu. 66.
Art. 10. ad
4.

§. 1. 3.

verbum. Sublata una istarum tollitur essentia, & non est sacramentum. Fractio panis est pars integrans unius partis essentialis, nempe materiæ. At sublata qualibet parte integrante non statim tollitur essentia. Amputata manu aut brachio homo manet homo, constans partibus essentialibus corpore & anima, sed mancus; quia manus & brachium sunt tantum partes integrantes materiæ, id est corporis. Sic Cœna absque fractione post benedictionem est cœna, sed manca ritu, & rei sunt coram Deo qui mancans celebrant cœnam, non minus quam lege civili qui alicujus brachium aut manum amputaverit. Sunt quidem partes quædam integrantes materiam, quibus sublatis destruitur totum compositum ex materia & forma, ut amputato capite destruitur homo, propter dependentiam essentiæ à parte illà integrante. Sic sublatis benedictione, distributione, manducatione, & haustu, ritibus integrantibus materiam, tollitur sacramentum. Dicent forte, Sacra & Observantias in Veteri Lege fuisse partes cultus divini, quia à Deo imperati; fractionem similiter & similes ritus in Nova Lege. Manet tamen differentia inter partes substantiales & accidentarias, non obstante Dei institutione, ut illi distinguunt. Sic si quis jam offerenda sacrificia præciperet, & templa in eum finem erigi, aliosque ritus præscriberet & observationes sacras ordine ad sacrificium; alias cultus illius partes constitueret substantiales & fundamentales, alias quasi accidentarias. Hæc est unica differentia, quod autoritas divina in utroque genere distinguit legitimum cultum, ejusque partes, res, & ritus omnes, ab illegitimo. Alioquin quod ad materiam, formam, & finem, homo Simia similia fingit omnia, iisque partibus & ritibus secundariis & primariis colit Deum, sicut veri cultores Israelitæ Deum ritibus & primariis & secundariis coluerunt, tantum non legitimo cultu colunt. Autoritas Dei sola potest facere legitimam & necessariam partem cultus, sive sit substantialis sive accidentalis pars alicujus cultus particularis, sacrificii, aut sacramenti. Denique non quæritur, an ceremoniæ sint essentielles partes alicujus alterius cultus, sed an per se spectatæ non habeant etiam essentiam cultus. Nam si non habent, quomodo dicuntur ulla ratione cultus, aut iis coli Deus? Si ritu aliquo sacro colitur Deus, habet cultus essentiam, licet non sit essentialis pars totius particularis, sacrificii nempe aut sacramenti. Sic colebatur Deus in veteri lege sacris & observantiis. Sic & ritibus ac observantiis imperatis ab homine vel ultrò susceptis colitur opinione colentium, licet frustra colunt ne mandatis hominum, ait Dominus: & voluntarius cultus est cultus, licet sit superfluous, vel ob turpitudinem, vel ob levitatem, vel etiam, ubi non apparet levitas aut vanitas judicio carnis, sed rationem habet sapientiæ, ut ait Apostolus. Cum igitur eodem modo & in eundem finem instituit ritum sacrum homo quo Deus, nempe ut significet vel mysterium aliquod aut officium nostrum, aut ad sanctificandum, aut operandum, & alioqui per se laudabilis non sit, vel ad ordinem vel decorum; nonne apponit limen suum limini meo, & postem suum ad postem meum, ait Dominus Ezechiel. 43. 8. Et si sit res vel actus ordinis aut decori, si ultra hunc usum superaddat significandi, sanctificandi, operandi virtutem, adhuc apponit limen suum limini Dei, & elevat rem vel actum illum supra naturam suam ad ceremoniæ sacræ naturam. *Cultus sui solus legislator est Deus: quæ hominibus permittit, ea non sunt cultus, sed ad cultum.* Origines; Nemo, qui oculis animæ cernit, alio modo Deum colit, *Janinus cont. 5. l. 2. c. 16.* quàm sicut ipse docuit.

Dixi in thesi, ad operationem sive significationem, quia ceremoniis quibusdam tribuunt Pontificii vim & efficaciam ad effectus spirituales, ut aquæ lustrali, & crucis signo, &c. ad delendum peccata venialia, ad fugandos dæmones, & curandos

dos morbos. Quam vim tribuunt aquæ benedictæ notum est, & unde eam vim habeat, nempe ex precibus & impetratione Ecclesiæ, abutentes loco Apostoli, 1 Timoth. 4. dicunt; *Omnis creatura: Dei bona est & nihil abijciendum quod cum gratiarum actione percipitur. Sanctificatur enim per verbum Dei & orationem.* Sed locus ille nihil juvat. Sanctificatur creatura per verbum Dei, cum ex verbo agnoscimus Deum creaturas suas instituisse ad usum nostrum; per preces & gratiarum actionem, cum gratias pro donis illis agimus, & rogamus, ut creaturarum usum efficiat nobis utilem & salutarem. In modo & sine peccant Pontificii. In modo, cum signo crucis benedicendi & sanctificandi vim tribuunt, ac si per illud signum rebus creatis aut benedictis virtus cœlestis infunderetur. In fine, cum ad usus divinitus non institutos sanctificant. Sanctificamus panem ad usum communem in victu communi, & mysticum in sacramento, quia ad utrumque Deus instituit. Candelarum lumen instituit Deus ad expellendas tenebras; illi sanctificant ad effectus supernaturales, ad fugandos Dæmones. Deest hic verbum fidei, quia deest institutum Dei. Sed in his ritibus non immoramur, quia hos effectus supernaturales, delendi peccata, fugandi Dæmones, & curandi morbos, non agnoscunt adversarii Formalistæ. Vim tamen sacramentalem tribuunt impositioni manuum confirmatoriæ & consecratoriæ, ut supra probatum; quod non facerent ipsi Pontificii, nisi sentirent esse ritum altioris ordinis, quam sunt hujus generis ceremoniæ, & verum sacramentum. Nam licet his ritibus & rebus benedictis tribuant vim ad effectus supernaturales, non tamen sacramentalem, quam Deum solum posse dicunt. De Efficacia & Virtute, quam tribuunt Formalistæ signo crucis, dicemus suo loco.

Ceremonias significantes nullas instituit Christus, nisi sacramentales, quibus addere alias, sive in celebratione sacramenti, sive extra in ulla alia liturgiæ parte, ut in prædicatione verbi, psalmorum cantu, precibus publicis &c. non licet. Nam, ut supra dictum, legi ceremoniali Novi Testamenti non addendum magis, quam legi ceremoniali in Veteri Testamento. Imò cum Christus ipse sacramenta non instituisse, nisi etiam ut essent signa exhibitiva & sigilla, indicat nullas esse ceremonias symbolicas ex instituto humano addendas. Quæcunque per signa visibilia doceri voluit, verbo & signis ac ritibus sacramentalibus circumscripsit & determinavit. Aquinas; *etsi idem potest per diversa signa significari; determinare tamen, quo signo sit utendum, pertinet ad significantem. Deus autem est, qui nobis significat spiritualia per res sensibiles in sacramentis & per verba similitudinaria in Scripturis.* Christi solius est signare sua bona. Si liceret hominibus addere ritus symbolicos, liceret etiam res symbolicas, ut lac & mel aquæ in Baptismo, pani & vino in Eucharistia, si iis non tribuatur præcipuum officium sacramenti, sed tantum significandi. Sic olim in Baptismo delibatio lactis & mellis seu vini erat in usu (ut testatur Tertullianus Lib. 1. contra Marcionem, & Hieronymus in Dialogo contra Luciferianos) in signum novæ infantie in Christo. Alludebant, ut infantes, ad locum Petri, *quasi modo geniti infantes lac concupiscite.* Et tamen jam non est in usu apud ipsos Pontificios. Pudet eos imitari morem Patrum, etsi significatio sit petita è Scripturis. Concilio Antisiodorensi decretum, ne quis offerret mulsum in altari; at cur ab omni usu sacro etiam significandi separarunt, & solum panem, & vinum aqua mistum, quod Apostolicum venditant, admittunt? Sic argumentantur Bracaren-
3. Part. 2.
60. Art. 5.
ad. 1.
Bellar. de
Baptis. c. 27.
Bracar. 3.
Cap. 1.
que,
les. *Aut enim Evangelista; Accepit Jesus panem & calicem &c. Cesset ergo lac in sacrificio offerri, quia evidens exemplum Evangelicæ veritatis illud offerri non fuit.* Argumentantur negativè ab institutis contra addenda omnia. Et licet de oblatione loquantur, tamen etiam de significatione valebit argumentum. Nam ad utrum-

que, illorum iudicio, instituit elementa Christus; & cur à Baptismo amoverunt, ubi significandi tantum officium habebant? Si licet res rebus addere in significationis usum, possemus habere mensam bene instructam rebus varia significantibus, pane, vino, agno, lactucis, &c. & parietes imaginibus columbarum, ovium, avium, serpentum, &c. & allegoriæ omnes atque similitudines, quæ habentur in Scripturis possent pingi in parietibus: & non modo in pingendo sed etiam agendo repræsentari, ut ad salis allegoriam exprimendam adhibeatur gustus salis, lampades, incensum, vestis alba Neophytorum &c. nam hæc omnia habent suas similitudines in Scripturis. Balsamon in Can. 82. Synodi 6. in Trullo. *Si autem hæc ita se habent, eos male facere arbitror, qui in Ecclesia columbas emittunt pro Spiritus Sancti adventu: & qui pro illa stella, quæ novo modo apparuerat & erat admirabilis, cereos accendunt: & qui arcam salutarem Domini & Dei & Servatoris nostri Iesæ Christi generationem thoro strato. exprimunt, & quæ sunt supra rationem & mentis cognitionem, ἀνεργαστοὶς ἐκινδύνουσι διαγερᾶτορες* humanis studiis describunt. Quod si res symbolicas rebus addere non licet, certè nec ritus. Nam quæ ratio imparitatis? Cum secundo præcepto prohibemur facere nobis sculptilia, prohibemur, ut dixi supra, exsculpere ex cerebro nostro ritum aliquem sacrum in cultu divino; at ritus significans & symbolicus, propter analogiam quam habet cum re significata, proximè accedit ad imaginis & sculptilis repræsentationem. Si Christus non instituisse sacramenta; num Ecclesia poterat etiam symbola instituere ad significationis usum? Non omnino. Imo non dubitat iudicio & doctrina vir præstantissimus Parkerus asserere, sacramenta imaginum nomine damnata in Secundo Decalogo

*De Cruce
Par. 1. pag.
62.*

Præterea dissimilitudo inter Judaicam & Christianam Ecclesiam hunc modum docendi, memoriam excitandi, & affectus afficiendi, ostendit alium magis spirituales commendatum fuisse Ecclesiæ Christianæ quàm Judaicæ. Judæorum status erat puerilis, ideo hac pædagogia & puerilibus hisce rudimentis opus habebant. Sunt peræque rudes in Ecclesia Christiana acolim inter Judæos. Est; At clarior lux Evangelii affulget rudioribus in Ecclesia Christiana, quàm in Veteri Testamento. Ibi velatum, hic revelatum. Semper adoratus Deus in spiritu & veritate, sed in hoc differunt novi cultores à veteribus, quod sub Mose spiritualis Dei adoratio multis ceremoniis adumbrata & quodammodo implicita erat, quibus abolitis nunc simplicius

*Calvin. In-
stit. l. 4 c. 10.*

*De Doctrin.
Christ. l. 3.*

Cap. 8.

D. Cult.

Sanct. c. 7.

Contr. l. 3.

c. 7. Not. 14.

Cap. 5. Not.

20.

Cap. 7.
Not. 12.

Epist. 8.

Examen
Part. 2.
De Ritibus
Sacram.
l. 3. c. 17.
7. 19.

De Cruce
Part. 1. p. 98.

fide per Spiritum? Ecclesiam vides præsentem; cur significas? Christum cernis & sentis in te, in tuo corpore operantem; quid significatione opus? Inane, ridiculum, mendax, impium est, rerum divinarum præsentissimarum signa in Ecclesia ab homine imperari, quæ solus Deus & Dominus Jesus Christus informare in ea potest, velut domo sua & corpore suo. Bellarminus ait, eos rectè ad supernaturales effectus efficiendos & significandos uti aqua, oleo, aliisque rebus benedictione consecratis. Negat utrumque Junius. Quia efficere supernaturales effectus opus est solius Dei: est autem ejusdem uti rebus ad supernaturales effectus, cujus & efficere. Quod si ad usum instituire non potest quisquam, profectò neque ad significationem homo legitime potest adhibere, nisi humano & arrogante instituto, ne in privato quidem; quanto minus in Ecclesia Dei, & publica administratione ipsius. Non potest esse benedictio aut consecratio Ecclesiastica sine verbo institutionis & oratione fidei. Hic nullum comparet institutionis verbum: oratio autem fidei non potest ibi esse, ubi nec Dei instituentis mandatum, nec promissio est. Venerabilis Beza Epistola ad Grindallum Episcopum Londinensem. Dende illud quoque considerare oportuit, non esse idcirco abolitas legales ceremonias, ut alia servitus superinduceretur; neque enim hoc fuisset jugum legis tollere sed mutare: sed idcirco potius, ut Christum exhibitum nudum jam & in clara luce versantem, nullisque figuris aut umbris rursus obscuratum omnes intuerentur. Item. Et ut semel dicam, quicquid à Judæis, quicquid à Paganis in ritus Christianos est translatum, præter Christi institutionem, & certum Apostolorum exemplum; itemque ritus omnes symbolicos semel ex Ecclesia Christiana, in quam nullo unquam jure invehi potuerunt, profligari oportere, nec iis manentibus suam Ecclesiæ nativam pulchritudinem restitui posse, existimo. Chemnitius. Quod verò prætenditur per illos ritus ab hominibus additos multa pie & utiliter significari, moneri, & doceri: ad illud, responderi potest; figuras proprias esse Veteri Testamento; quæ vero in Novo Testamento Christus moneri & doceri voluit, non umbris, sed luce verbi tradi & proponi voluit. Et de verbi, non autem de figurarum ab hominibus inventarum, efficacia habemus promissionem. Quos verò ritus verbo adhiberi voluit, eos ipse instituit. Danæus. Blasphemum est sentire & docere rem ullam externam in Ecclesia Dei esse rerum spiritualium Christianis signum aut sacramentum posse, nisi fuerit expressè à Deo in eum finem instituta. Parkerus beneficium, quo fruitur Ecclesia Christiana per ceremoniarum figurantium seu symbolicarum abrogationem, illustrat comparisonem similium elegantissima. Obscuriori per hieroglyphica scriptioni apud Ægyptios successit planior per literas Alphabeticas. Sic Orientalibus magnum erat beneficium, quod Imperator abrogaverat obscuriorem leges per Notas licet compendiosam scribendi formam, & introduxerat faciliorem. Sic Philosophicis Scholis, quod Aristoteles Platoniorum & Pythagoricorum docendi modum per numeros & figuras alio planiori exclusiverit. Quòd Diodorus Tarsensis, allegoricas Scripturæ interpretationes spernens, simpliciorum & literalem protulerit. Hæ allegoricæ interpretationes, quibus nimium additi Patres procliviores fortè ad symbolicos ritus instituendos vel amplectendos reddiderunt. Symbolicis ritibus inter alia hoc inerat virii, quod muta essent signa & ænigmata. Christus non instituisse ipsa sacramenta ad nudam significationem, si non etiam ad exhibitionem, nec instituit ut muta signa, sed addidit verbum ad elementa & ritus. Illi contra & signa rerum spiritualium coruscante jam luce Evangelii invehere ausi sunt, & adhuc retinent Judaizantes aut Paganizantes Christiani, & quidem muta. Hicne aptus est docendi modus, docere per signa, cum ipsa signa explicatione opus habeant? Et in quem finem addenda explicatio signorum humanitùs institutorum. Operæ pretium ne fecerit, inquit Replicator ad Mortonum, qui doceret populum pro concione, quod superpelliceum, quid capa significet? Ite & docere omnes gentes, quid significant facræ vestes, &c.

Obi.

Objiciunt ceremoniarum Patroni signum elevationis manuum, genuflexionis, & similia. At cum signa sint duplicia, voluntaria sive data, & naturalia sive nata quæ non pendent ex nova institutione, sed natura sua significant, ut fumus ignem, aurora orientem Solem, odor rem odoratam. Non jam agimus de signis, non natis, sed datis. Respicere in cœlum, tollere manus, flectere genua, tundere pectus, dum oramus, natura ipsa docet, ut notum est, & fatetur Bellarminus. *De Effic. Sa^c* Ut in signis vocalibus, sic in signis realibus se habet. Nam voces aliæ sunt naturales & eædem apud omnes gentes, ut plorare, suspirare, ridere. Aliæ sunt arbitrarie, & variantur, prout pro arbitrio hominum & variarum gentium imponuntur. Sic in signis realibus, quædam sunt homini naturalia, quibus interiores animi affectus quasi expromit aliis, ut in cultu divino animi submissionem, dolorem, divinæ excellentiæ recognitionem, exprimit, quæ natura omnes mortales docuit: alia sunt ex instituto. Sed ea quæ sunt ex instituto varia sunt. Alia enim nullam habent cum re significata similitudinem aut analogiam, sed solummodo pendent ex instituto, ut hedera respectu vini vendibilis, pulsus campanæ respectu concionis habendæ. Alia habent similitudinem vel analogiam, sed indeterminatam & confusam, donec determinentur ab aliquo ad actum significandum aliquid; qualia signa sunt sacramenta, & symbolice ceremoniæ, sic imagines, quæ neminem in particulari significant, nisi determinentur addito alio signo. Quædam tamen habent cum re significata similitudinem, ut sine ulla institutione naturaliter significant, ut vestigium in arena impressum signum est pedis; addit Bellarminus imagines quasdam, ut Christi. Nos signa representantia res sacras per similitudinem vel analogiam ex determinatione humana damnamus. Signa, quæ communi consuetudine aut consensu usurpantur ab hominibus ordinis causa, nemo damnat; cuiusmodi sunt pulsus campanæ respectu concionis habendæ; nummus ille plumbeus qui datur communicaturis, ut discernantur ab indignis & ignotis, &c. Sed non sunt istæ ceremoniæ sacræ.

Mortonus, Ceremoniarum advocatus, mysticam significationem ceremoniarum distinguit in sacramentalem & moralem: sacramentalem, qua significatur gratia à Deo nobis collata; moralem, qua officia nostra spiritalia & obedientia Deo debita significantur. Ceremoniæ nostræ, inquit, sunt signa moralia; superpelliceum est signum sanctitatis vitæ; frontis consignatio cum signo crucis est signum constantiæ in fide Christiana; genuflexio in perficienda Eucharistia signum humilitatis. Signum sacramenti, inquit, duplex est, ad modum signi, & ad modum sigilli. Mystica illa signa, inquit, quæ vocamus sacramentalia, differunt à mysticis moralibus, tum quatenus significatione representant speciali, tum quatenus obsignant applicando & confirmando foedus gratiæ. Moralia autem non representant collationem gratiæ à Deo nobis datæ, solummodo nota faciunt officia moralia alicujus virtutis quæ Deo debemus. Primum observandum, confundere Advocatum naturalia signa cum institutis ab hominibus. Nam genuflexionem agnoscimus esse signum submissionis, sed naturale, proinde solummodo exigi à nobis rectam ejus accommodationem & ordinatam. In percipienda Eucharistia genua non esse flectenda, & proinde non rite accommodatum signum esse, suo loco probabimus. Deinde malè dividit ceremoniarum significationem mysticam, in sacramentalem & moralem, quod ante eum neminem fecisse arbitror. Nam ceremonia sacramentalis, quæ à sacramento distinguitur, definitur à Suarezio, exterior actio religiosa, aut circumstantia seu conditio ad reverentiam & convenientiorem modum ministrandi sacramentum seu offerendi sacrificium. Et

*Tom. 3.
Disp. 84.
Sect. 1.*

quia ceremoniæ sacramentorum ejusdem fere rationis sunt cum nonnullis aliis ritibus, qui extra sacramenta fiunt & observantur, ideo nomen Sacramentalis latius frequenter usurpari, & doctrinam de his ceremoniis sacramentorum magna ex parte posse ad alias extendi. Sacramentales dividunt variè, ratione ritus exterioris, aut ratione finis. Quæ specialiter propter significationem institutæ, earum significatio duplex, moralis & mystica. Sic distinguit Suarez. Signum morale nihil aliud est, quàm esse id quo exterius indicamus bonum interioris animi motum & affectum, cujus generis sunt signa exteriora interioris reverentiæ & affectus, ut genuflexio, capitis inclinatio, manuum elevatio. Osculum significat, quandoque reverentiam, ut cum sacerdos osculatur sacras vestes & altare, quandoque amorem vel benevolentiam, ut in osculo pacis, & sic osculum datur in Missa sub duplici significatione morali. Alia significatio harum ceremoniarum est mystica; cujus generis sunt actiones illæ omnes quas sacerdos in ipsa consecratione ad imitationem Christi facit, ut accipiendo panem, benedicendo &c. & aliæ etiam extra essentiam sacramenti, ut manuum lotio post primam oblationem, ut cum brachia extendit sacerdos post consecrationem in representationem crucifixionis Christi, divisio hostiæ in tres partes, mistio particulæ panis, quem putant esse jam corpus domini, cum sanguine, usus signi crucis ad commemorandam Christi passionem & modum ejus, & in Missis solennioribus thurificatio, &c. Inter hæc signa vides, extra illas actiones quibus sacerdos imitatur Christum in consecratione, esse alias ceremonias, quarum mystica significatio mysterium aliquod salutis repræsentat, ut in frequenti usu signi crucis, mitione particulæ panis, divisione hostiæ in tres partes &c. Lotio manuum post oblationem priorem ante sacrificium fit in symbolum, oportere nos à peccatis omnibus mundari: accenduntur autem luminaria tempore sacrificii, tum ut sub typo luminis corporalis ostendatur lux illa spiritualis, tum ut Christus ignem charitatis accendere & nutrire in nobis dignetur. Vides igitur, non omnia sacramentalia, extra ritus quos instituit Christus, significare officia nostra, sed quædam repræsentare nobis alia mysteria salutis, eodemque modo quo res & ritus instituti à Christo, id est, symbolicè. Nam quod non obsignent & sint sigilla, ut res & ritus Christi, nemo dubitat, & ipsi Pontificii eandem vim non tribuunt sacramentalibus quæ sacramento, ut supra dictum. Gratis igitur affertur huc à Mortonio distinctio inter significationem ad modum signi & sigilli. Quod ait, ceremonias additas significare officium nostrum erga Deum, non autem Dei beneficia erga nos, sicut ritus sacramenti; innuere videtur sacramenti ipsius ritus non indicare officium nostrum. At Replicator istum sensum refellit argumento à natura fœderis sumpto, cujus signum & sigillum est sacramentum; ex parte enim nostra protestamur in fœderis confirmatione officium nostrum, & ex etymologia ac notione vocis sacramenti, quatenus sacrum juramentum, & Eucharistiæ, quæ gratiarum actionem significat, & annunciatione mortis Christi in Eucharistia. Bellarminus non negat hunc usum sacramentorum.

De Sacram. Nam etiamsi hanc utilitatem cum aliis habeant sacramenta, ut admoncant homines bonorum operum, & virtutum, (nam certe negari non potest, quin immersio in Baptismo & immersio admoncant mortis, qua mori debemus peccato, & resurrectionis, qua resurgere debemus ad novam vitam, cujus rei meminit etiam Apostolus 1 Cor. 6. & Eucharistia admonet pacis & amicitie, quæ inter nos esse debet; Sumus enim unum corpus, qui de uno pane participamus 1 Cor. 10.) tamen non est iste solus nec præcipuus sacramentorum usus. Et alibi; Tertio vocat, nempe Nazianzenus, Baptismum sigillum vel obsignationem fidei, quia Baptismus est publica approbatio vel testificatio fidei ejus qui baptizatur.

Cap. 17.

Hoc officium sacramentorum & verbi usurpant signa ab hominibus instituta, ut signum

signum crucis in fronte & superpelliceum usurpant officium Baptismi & Eucharistiæ. Nam Baptismo & Eucharistia eadem profiteamur, nempe constantem fidei professionem & sanctitatem vitæ, iisque de his officiis monemur. Præterea falsum est, eos sacramentalia retinere in hunc solum usum. Nam signum crucis semper repræsentat Christi passionem & crucifixionem, estque hæc primaria ejus significatio; cum autem pingitur in fronte baptizati, habet officium illud secundarium significandi constantiam in fide. Habet etiam alia officia & virtutes in Anglicana Ecclesia, de quibus suo loco. Vestium ratio mystica est, non tantum significatio moralis, ait Suarez, quatenus sunt virtutum insignia, quibus tanquam scripturis utentes admonentur, quid debeant appetere, quid vitare, sed etiam mystica interdum, ut alba vestis significat illam qua Christum illudit Herodes. In Ecclesiis Cathedralibus Anglicanis administratur Coena ab Episcopo si adfuerit, vel Decano gloriosa capa amictus. Non solum distinguuntur vestes significatione sacra à communibus, sed etiam relatione ad unam divini cultus partem magis quam ad aliam. Non in qualibet administratione Cœnæ licet cuivis sacerdoti Anglicano uti capa, nec superpelliceo semper utitur in exercitio muneris sui; nam qui concionatur & sacra non ministrat præscripta in Liturgia, non tenetur induere superpelliceum. Sed de cruce & vestibus sacris plura suo loco dicemus Capite Sequenti. Denique largiamur, in hunc usum solummodo eos habere sacramentales aliasve similes ceremonias, tum non damnabit, puto, Pontificios superstitionis ob alias id genus ceremonias omnes. At Ecclesia Anglicana vestes alias repudiavit, quæ moralem solum habent significationem; cur non igitur alias omnes ceremonias moralia significantes? Utcunque est, meritò utrique damnandi. Nam non magis mores quam alia mysteria fidei per signa docendi sumus, nisi signa illa quæ Christus instituit, quæ, ut sæpius dixi, non tam instituit ad docendum & significandum ipsa salutis mysteria, quia satis perspicuè Christus crucifixus coram omnium oculis in ipsa prædicatione Evangelii, quam ad obsignandum fœdus gratiæ, idque non absque addito verbo. An non æquè necesse est doceri mysteria salutis per signa ac per mores? Reddat Mortonus rationem differentię. Imo illa potius quam ista, si ulla, quia magis mystica. Sed nulla, quia, ut supra pluribus argumentis & testimoniis confirmavimus, pædagogica illa per signa docendi forma puerili Judæorum statui, non adulto Christianorum, conveniebat: & confundunt dissimilitudinem inter utrumque populum, qui eundem modum retinent in Ecclesia Christiana, ut bene monet Calvinus in opere illo nunquam satis laudato Institutionum. Populus Dei non solummodo hoc modo sed etiam ad hæc utraque erudiebatur, nempe & mysteria salutis beneficiaque per Christum comparanda, & mores officiaque pietatis, quæ etiam tunc sub lege debebant Domino. Percurre sacramenta, sacrificia, sacra, & observationes omnes Judaicas, & facillimè deprehendes. Si quis igitur, ut nos doceret officium nostrum sinceritatis, per panem azymum docere vellet; nonne umbra Judaica adumbraret quod verbi prædicatione clariùs docere potest, & de qua ipsa actio sacra per se monet? *Experientia*, De Sacram^{to} inquit Bellarminus, docet facilius intelligi, si quid verbo dicatur, quam si nutu significetur. Quid autem sunt sacramenta, si cum verbis comparentur, nisi nutus quidam? Pari ratione experientia docet magis persuadere verba, quam muta signa, modo non sint miracula. Si ad elementa & ritus sacramenti non accessisset verbum, aliquid diceret, sed contra muta signa multum dicit. Superpelliceum & capa sunt muta signa. Crucis signum quædam tacet & nutu tantum significat, alia loquitur apud Anglos. Sed non decet imagines loqui in Ecclesia. Quid loquitur, videbimus suo loco. Quàm efficax sit hic docendi modus, testantur sanctorum Sacerdotum constantia

Tom. 3. Disp.
82. sect. 2.

Lib. 4. Cap.
10. f. 14.

De Sacram^{to}
l. 1. Cap. 14.

stantia & cruce signatorum mores, quod observat oculatus testis Replic. contra Morton. Objiciunt Ceremoniarum Patroni impositionem manuum, Osculum pacis, Agapas, & Velamen illud de quo Apostolus, 1. Cor. 11. Quod ad impositionem manuum; dicimus non fuisse ceremoniam repræsentantem rem aliquam significatam, vel gratiam, vel mysterium fidei, vel mores, sed tantum ritum indicantem rem vel personam, dum orabant, benedicebant, aut inaugurabant; ut in impositione manuum ordinatoria seu consecratoria suprâ ostendi fuisse solummodò gestum orantis, seu benedictis, indicantem personam, pro qua petebant gratiam, vel cui benedicebant, non autem signum repræsentans gratiam ipsam quam petebant. In usu fuit sub lege, & ante legem, quod tempus utrumque fuit præfigurativum: non tamen fuit iste ritus figura, nec signum rememorativum alicujus rei præteritæ, nec præfigurativum alicujus rei futuræ, nec adumbrans rem aliquam præsentem invisibilem aut spiritualem, sed indicativum seu demonstrativum personæ aut rei externæ. Insulsè igitur argumentum ducunt à signis externis res alias externas indicantibus, ad probandum signa rerum invisibilium & spirituum nunc esse licita. De manuum extensione quæ fit super oblata in Missa, dum recitatur illa oratio, *Hanc igitur oblationem servitutis nostræ, &c.* nihil dictum in particulari apud authores vel veteres vel recentiores. Unde non videntur intellexisse continere aliquam significationem mysticam, sed solum gravem quandam & reverentem demonstrationem sacrificii correspondentem illi signo demonstrativo. Hanc igitur, inquit Suarez. De suo affingit significationes huic gestui, ut & impositioni manuum affectæ sunt, sed impositæ manus etiam victimis, ubi evanescunt affectæ illæ significationes. Nihil aliud impositio manuum continet, nisi demonstrationem rei vel personæ, quam offerimus, cui benedicimus, pro qua oramus. De impositione manuum plura vide supra Capite Quarto. Quod ad Agapas attinet; controversitur, num præcesserint sacram Synaxin, an adjectæ fuerint quasi appendix; item, unde ortæ. Nam quidam putant Christianos hac in re Judæos, qui sacrificia sua epulis finiebant, & Gentiles, qui in idoleis convivia plerunque luxuriosa agitabant imitatos, sed alio titulo sobrias & frugales ἀγάπας sacris peractis celebrasse, quibus divites promiscuè & pauperes accumbabant, sed cito investum abusum, & propterea Apostolum apertè veruisse commellationes in Ecclesia quocunque furo pingantur. Non vult igitur sive Judaico sive Gentilitio ritu epulas prophanas sacris misceri; inquit Pareus. Qui etiam ex collatione Justini & Tertulliani colligit earum usum in Græcia, Africa, & apud Orientales tantum obtinuisse, non autem apud Orientales; quod probabile est. In Concilio Laodiceno Can. 28. vetitæ: quæ constitutio instaurata in Trullana Synodo Can. 74. adjecta pœna. Hoc ipsum, inquit Durantus, longe ante vetuerat S. Paulus 1. ad L. 21. C. 26. Corinth. 11. Nunquid non habetis domos ad manducandum & bibendum, aut Ecclesiam Dei contemnitis; postea, Si quis esuriet domi manducet. Sic Suarez. Disput. 81. Sect. 8. Hinc etiam convivia seu agapæ in Ecclesia prohibentur à Paulo 1. Cor. 11. quod postea multa Ecclesiastica decreta confirmarunt, 6. Synod. Can. 74. Concil. Antisiodorens. c. 2. Africanum. c. 27. Carthag. c. 45. Aquisgran. 1. c. 59. & 80. c. Nullus c. Non oportet. Dist. 42. Qualiscunque fuerit origo earum, & finis maximè laudabilis, nempe exercendæ charitatis ergò; hæc Cœna communis erat, non mystica. Hæc Cœna à mysteriis toto genere fuit diversa, & postea templis est ejecta, ac tandem penitus sublata; inquit Casaubonus. Non ergo habebant statum in cultu divino, etsi agitabantur in Ecclesiasteriis. Balsamon in Canonem 74. Trullanæ Synodi; Statuit Canon, ne aliqui in Ecclesia conviventur. Hoc enim vocat ἀγάπην ἢ ὡς Κοινωνίαν ἀγάπης, ἢ δι' ἀγάπην γινόμενον, vel quod sit dilectionis efficiens, vel quod fiat propter dilec-

Tom. 3. Disp
84. f. 1.

In 1. Cor.
11. 22.

De Ritib.

L. 21. C. 26.

Num. 8.

tionem. Non alio modo ergo erant signa charitatis, quàm causa efficiens vel finis seu effectum alicujus rei est ejus signum: sic quodvis effectum causæ suæ signum est. Nulla est hic mystica significandi ratio, magis quàm misericordiæ in dante elemosynam. Quod ad Osculum attinet; ejus usus erat frequens apud Orientales, tum Ethnicos tum Israelitas. Obviam sibi invicem occurrentes sese invicem salutabant osculo in signum amicitiae, teste Xenophonte Lib. 1. Pædiæ Cyri, & Herodoto in Clio, sic 2. Reg. 20. 9. Non fuit igitur signum appropriatum, ut sic loquar, sacris conventibus, sed in morum civilitate usurpatum in signum amicitiae, ut apud nos dexteras jungere. *Magis verò solenne fuit primis Christianis, ut tum aliàs (nota, tum aliàs) tum præsertim in sacris conventibus ante sacram synaxin sese osculo, sive amico amplexu, salutarent, dicentes, Pax tecum; erat hoc communicaturis reconciliationis ac injuriæ omnis remissæ puræque charitatis symbolum.* Sic Cornelius à Lapide in locum illum Pauli, *Salutate alii alios osculo sancto.* 2. Cor. 13. 22. sancto id est pudico, & ab animo charitatis sanctæ pleno proficiscente, ut quod erat in morum civilitate vel impudicum vel simulatum sæpius, omni vitia & fraude careret. Nihil aliud vult Apostolus, nisi ut mutuam charitatem ostendant. Erat etiam subjectionis & reverentiæ signum apud Orientales, ut patet ex historia Josephi. Sed sive amoris & benevolentiae, sive adorationis & reverentiæ signum sit, signum morale est interioris motus & affectus animi, ut supra dixit Suarez, ideo annumeravit genuflexioni, elevationi manuum, capitis inclinationi, tusioni pectoris. Non est autem mystica hujus ceremoniæ significatio. Nam cum mystica quandoque etiam quid ad mores pertinens significat, ut lotio manuum, de qua supra dixi, & mystica moralis dicitur, hujus significatio purè moralis absque mystico ullo significandi modo, & proinde signum indicans, non symbolicè repræsentans rem significatam. Nos ceremonias mysticas omnes, sive mores, sive mysteria fidei significantes damnamus. Et quod ad illud signum morale & naturale osculi, propter abusum sublatum est. Mansit ejus vestigium in osculo tabellæ pacis. In talibus signis quæ facile in abusum verti possent, fundare mysteria Spiritus Sanctus noluit, & mystica signa nisi stata mala voluit. Jungere dexteras, & amplexus, sunt ejusdem generis signa moralia. Sic avertere faciem est signum odii aut animi malevoli. *Quisquam ne tibi invitus communicat? quisquam ne ad te extensa manu vertit faciem?* inquit Hieronymus ad Theophil. Alexandrin. Sic cedere honoratori & dignitate superiori, in sacro conventu, ut observat Replicator ad Mortonum, est signum reverentiæ. Quod ad Velamen; de quo Apostolus 1. Cor. 14. attinet; quidam sentiunt Apostolum hunc morem Corinthiorum reprehendere, quod mulieres velamine deposito, capite nudo, bacchantium ritu orabant & prophetabant: viri contra promisso capillitio, vel capite velato, quasi in Lycæo Philosophantes, vel in idoleio sacrificantes ad orandum & prophetandum in cœtus prodibant, Gentilium ritu, apud quos Pythiæ ecstatiæ nudatis capitibus passisque capillis oracula fundebant: contra sacerdotes sacra ut plurimum mitris, calyptis, coronis, vittis, capita præcingebant. Sic Pareus in locum illum. Sequi se dicit Veterum receptam sententiam, nempe Apostolum loqui de mulieribus spiritu precum & prophetiæ ira quandoque afflatis, ut publicè in preces & oracula edenda impetu quodam divino prorumperent, & Apostoli præceptum imperantis mulieri silentium in publico Ecclesiæ cœtu intelligendum de ordinario modo, excipi dona extraordinaria. Ex hac interpretatione loci sequitur, nihil aliud Apostolum reprehendere quàm modum quem servabant in orando & prophetando, nempe quod velamine posito & crinibus passis Pythiarum aut Sybillarum Ethnicarum ritu prophetarent, & sic peccarent contra decorum, & præterea quia tali ritu divina & diabolica oracula pari modo edi & haberi videban-

debanur. Si cui non arridet ista interpretatio Parei de dono prophetandi extraordinario, & deformitate in modo ad imitationem Ethnicorum, quam tamen confirmat autoritate Chrysostomi, aliam accipiat. Prophetare hic est canere. Nam etiam Prophetæ cymbalis, ut Levitæ olim in templo instrumentis musicis personantes, in Testamento Veteri dissi sunt prophetare, ut observat in eundem locum Junius. Sic Cornelius à Lapide. Nota tamen mulier orans aut prophetans. Prophetans hic non sumitur propriè ut idem sit, quodd prophetiam proloquens aut explicans, sed impropriè, idemque est, quod sacris hymnis & Psalmis Deum laudans, eosque decantans. Nam loquitur hic Paulus de publico conventu, ubi non permittit mulieri loqui, nec docere, sed bene canere, cum scilicet totus cœtus canit. Sic propheta pro cantore capitur, 1. Paral. 25. v. 1. 1. Reg. 10. v. 10. Sic Saul dicitur fuisse inter Prophetas, id est, inter cantores Dei laudes canentes. Sic filii prophetarum in libris Regum dicuntur ii, qui Dei laudibus & cultui serviebant. Coacta certè mihi videtur eorum interpretatio, qui prophetare accipiunt passivè, ac si dixisset Apostolus, Mulier prophetans, id est, prophetiam audiens. Nam nusquam alibi sumitur passivè; cur hinc igitur vis infertur significationi vocis? At dices, mulieres non magis orasse, quam prophetias interpretatas fuisse, licet canere solitas non abnuendum sit. At ut voce accinentes dicuntur canere, sic etiam orantem Ministrum mente & animo consequentes orare dicuntur; prophetiam verò aut concionem audiens nunquam prophetare aut concionari dicitur. Populum tempore precum orare, tempore interpretationis aut prædicationis prædicare, nemo dixerit. Qui orat mente, canit voce, rectè orare aut canere dicitur, & est agens in actu illo, qui tantum audit concionantem est patiens quod actum illum. *Ἀραγία* quam carpit Apostolus hæc fuit, quod in Conventibus Ecclesiasticis mulieres, cum ventum erat ad preces & cantum, deposito velamine & crinibus passis, Pythiarum aut Sybillarum Ethnicarum instar orabant & canebant, quia eo ritu solebant canere & oracula sua fundere Pythiæ & Sybillæ; & viri Sacerdotes imitantes velabant faciem suam, dum orarent aut psallerent. Nam dum explicarentur prophetiæ, tantum auditores erant, sed dum orarent & canerent jam sentiebant se omnes Pythias & Sacerdotes esse, quia similibusungebantur officiis in Christiano cœtu, quibus Pythiæ & Sacerdotes in sacris Gentilium. Contra istam deformitatem disputat Apostolus, & probat Mulieres non debere, dum orant aut canunt, deponere velamen, quo utebantur in publico extra cœtum secundum morem gentis, & quo suam conditionem inferiorem profitebantur, & sic exuere pudorem omnem, ac si inter sacra liceret signa illa inferioritatem suam indicantia, nulla habita decori ratione, rejicere. Confirmat decorum esse institutum civile de velamine, argumento à natura ducto. *Anne natura quidem ipsa hoc vos docet, quod viro quidem comatum esse dedecori sit, mulieri contra comatam esse decori? Nam coma pro velamine data est ei 1. Cor. 11. 13. 14. 15.* Sic etiam Beza; *Coma mulieris non est propriè velamen, sed indicat mulieris caput velamine indigere. Natura enim viro breviores capillos, etiamsi quis sinat excrescere; mulieri prolixiores, & capiti obvolvendo idoneos tribuit, in 1. Cor. 11. 15.* Per naturale velamen probat decorum artificialis velaminis quo utebantur mulieres. Sic etiam viri peccabant, quodd non servarent decorum illud, dum orarent & canerent, quod in civili conversatione servabant in signum suæ superioritatis. Nam viri incedebant absque velamine; cur igitur, dum orarent aut canerent, velamen induerent, sicut mulieres solebant etiam extra conventus sacros? De velo loquitur Apostolus quo utebatur mulier, non utebatur vir in publico. Nam nudo capite absque omni tegumento incesse virum sub dio quis credit? absque velamine satis constet. Aut dum Prophetæ interpretarentur, an credibile est Corinthios audiisse prophetantes nudo capite? Imo videmus in

Veteri Testamento Sacerdotes, dum ministrarent, ministrasse capite tiaris operto. Exod. 28. 40. Ezech. 44. 18. & notum est pileum libertatis signum fuisse apud Veteres. Velamen igitur mulieris tantum prohibet, dum orat aut canit vir. Deus Deut. 22. 5. in genere sic præcipit; *Ne eslo instrumentum virile super faminam, neque induito vir vestem faminæ. Nam abominationi est Jehovah Deo tuo quisquis facit ista.* Præceptum istud est honestatis, non in ceremonia, non in jure civili sive politico, sed natura ipsa fundatæ. Ex quo fit, ut hoc præceptum, quod fundamento naturali est, juris perpetui esse statuamus; est enim plane analogum præcepto illi, quod Paulus adfert 1. Cor. 11. de capillamento: ut enim ostendat viri esse ut capillo breviori sit, femine ut comam alat, ideo naturam ipsam appellat testem, quæ cum nihil (ut Philosophi loquuntur) frustra fecerit, proferò nec viro breviores crines, nec femine longiores frustra dedisse putanda est. Natura igitur ducit ad constituendum discrimen in habitu & vestitu inter virum & mulierem, accommodatum discrimini quod Deus in natura posuit. Determinatio variatur secundum variarum gentium morem. Ubicunque mos naturæ consentaneus est, ut fuit in velaminis distinctione, sicut probat Apostolus, servatur decorum, quod inter sacra non est violandum. In Belgio alius mos est, non velo sed calyptris utuntur mulieres, quas Heucas vocant. Si igitur mulieres Belgicæ inter sacra, cum ventum esset ad preces, & cantum psalmodiarum, exuerent se calyptris, quibus utuntur in publico incedentes, an non decorum violarent, & furere potius quam orare aut canere viderentur? Admittamus jam tertiam interpretationem, & passivè accipiat verbum prophetantes, & sit sensus, dum precibus aut prophetiæ & Scripturarum interpretationi intersunt, tamen de velo, non de quovis capitis tegumento capitis, loquitur. Nam, ut dixi, non est verisimile viros nudo capite durante liturgia intentos sacris fuisse. Vult solummodò Apostolus, ne decorum illud quod secundum morem ipsi naturæ consentaneum extra coetum servabant, statim ut se ad sacra in conventu Ecclesiastico accinxerint, violarent, ac si inter sacra decorum civile & quidem in naturæ principiis fundatum non esset servandum, sive deposito velo, sive etiam passis crinibus id violarent mulieres, aut assumpto, cum aliàs extra coetum Ecclesiasticum non utebantur, viri. Est igitur signum istud artificiale in natura fundatum, à gentibus præsertim orientalibus determinatum, cui apud alias gentes respondebat aliud analogum: non autem Mysticam signum aut ab Ecclesia institutum. Ineptè ergo argumentantur à signis moralibus artificialibus ad decorum in communi conversatione servandum institutis & naturæ consentaneis, ad mysticam morum, aut mysteriorum fidei significationem in Ecclesiam, ubi coruscat lux Evangelii, introducendam. Sunt, qui etiam luxum & molliem in viris, impudentiam in mulieribus Corinthiacis reprehendi ab Apostolo volunt, quod viri comam alebant, quod apud antiquos aut molliciei aut ferociæ argumentum habebatur. Molliciei nomine Cicero Gabinium insectatur, ut cincinnatum ganeonem, & calamistratum saltatorem: Pisonem, quod madenti esset coma, composito capillo, & fronte notata calamistri vestigiis. Ad ferociam alluditur Jobi 5. 5. Psal. 68. 22. *Quamobrem cum comæ nutritæ argumentum essent, aut molliciei, aut ferociæ, ob eam causam Paulus modestiam Christianis requirens singularem, jubet, ne comam nutrant more cincinnatorum aut feroculorum militum, sed ut tonderent.* Vide Raynoldum de Libris Apocryphis. Mulieres Corinthiacæ cultui Veneris addictissimæ, adeo ut quotidie mille puellas in honorem Veneris ad ipsius templum lenocinio exponerent, ut habet Cornelius à Lapide in hunc locum, & hinc forte impudentiores; & in Christianorum coetus ex vitio gentis aliquid indecori irreperat. Utcunque est, de indecoro agit Apostolus. Sed tamen secunda sententia mihi maximè ar-

Colloq. Cap.
8. Sect. 4.

Art. 35.

ridet, propter ea quæ dixi de velo & capite nudo dum orarent aut prophetarent, & activa significatione vocis prophetans; alioquin simpliciter & absolutè reprehendisset impudentiæ & mollitiei signa etiam extra tempus Liturgiæ sacræ. Non dixisset, *Mulier orans aut prophetans*, sed simpliciter *Mulier*. More igitur ethnico orantes aut prophetantes non servabant decorum illud quod extra cœtus sacros servabant. Multa dici hîc possunt de velo ejusque usu apud varias gentes, sed sat est attigisse ea quæ objectionem pro significantibus ceremoniis in Ecclesia refellant. Imponunt velamen faciei Christi gloriosoque Euangelii ministerio, qui mysticos ritus urgent. Nomen, inquit Raynoldus, constat, *Judaicas umbras*, hoc est, obscura lineamenta Christi (tanquam picturæ cuiusdamquæ ille adventu suo abolevit, quippe qui imago ipsa eorum & corpus sit) iterum penicillo religionis vestræ pictorum deduci? Confessio Wittembergica; Nec licet restituere veteres ceremonias legis, neque novas comminisci ad adumbrandam veritatem jam expositam & in lucem prolatam per Euangelium, ut interdum candelas accendere ad significandum lucem Euangelii. Eadem ratio militat contra omnes alias ceremonias mysticæ significationis.

Et si liceret rebus & ritibus in Novo Testamento institutis addere res & ritus sacros institutos ab hominibus, non tamen licet mutari aut retinere res aut ritus sacros Idololatrarum, sive Ethnicorum, sive Pontificiorum, sive ab ipsis excogitatis fuerint, sive ab aliis, sed ab illis superstitione polluti, etsi in se fuerint res adiaphora, modo non sit necessarius earum usus.

2. Qu.
102. Art. 6.
ed 6.

Ep. 15.

Vitandam esse omnem conformitatem cum Idololatrâ, docemur præceptis datis populo Israelitico. Levit. 19. sic præfatur Dominus, sancti estote quia ego sanctus sum, deinde vers. 19. ait; *Ne signo jumentorum tuorum coire duo genera, in agro tuo ne serito duo seminum genera, & vestimento duorum generum ne obtegito te.* Voluit Dominus, inquit Aquinas, ut populus ejus distingueretur ab aliis populis: non solum signo Circumcisionis, quod erat in carne, sed etiam certa habitus distinctione. Et ideo prohibitum fuit eis, ne induerentur vestimento ex lana & lino contexta, & ne mulier indueretur veste virili, aut è converso; propter duo, primo quidem ad vitandum idololatriæ cultum. Hujusmodi enim variis vestibus ex diversis contextis Gentiles in cultu Deorum suorum utebantur, & etiam in cultu Martis mulieres utebantur armis virorum, in cultu autem Veneris è converso viri utebantur vestibus mulierum. Et vers. 27. ejusdem Capituli præcipit, ne circumcidant aut circumtondeant capillum aut barbam, Arabum & Ethnicorum more. De Arabum more testatur Herodotus in Thalia. Dicunt Arabes tonderi sui capillamenti comam, ut ipse Dionysius id est Bacchus tonsus est: tondentur autem in subrotundam formam circumradentes tempora. Vide amputatos latere, qui habitant in deserto Jerem. 9. 26. & 49. 32. Becanus in analogia Veteris & Novi Testamenti. Ægyptii & alii Gentiles putabant suos Deos figura rotunda utpote omnium capacissima & perfectissima præ cæteris delectari. Idooque in illorum gratiam capita sua in rotundum attondebant. Immo etiam templa rotunda Diis suis edificabant, ut Numa Pompilius Vestæ, Augustus Cæsar omnibus universim Diis, alii alius speciatim. Igitur Judæi ne similes essent Gentilibus prohibiti sunt sectari hanc superstitionem. Sic Levit. 21. 5. in luctu pro mortuis præcipit; *Ne capillos evellendo calvitium capiti suo inducunto, neque latus barbæ suæ radunto, neque in carne sua casuram incidunto.* Sic Deut. 14. 1. Horum rituum variorum apud Ægyptios, Arabas, Syros, Cenananeos, fuerant observationes, ut ex Herodoto & Diodoro constat; inquit Junius in Levit. 21. 5. & ratio redditur, vers. 6. ut ipsi Deo sancti sint, & res Dei

Dei sanctè procurent. Ezek. 44. præcipit, ut sacerdotes nec prorsus radant, nec prorsus alant cæsariem: & Bellarminus fatetur, Sacerdotibus Judæorum prohibitam De Monach. rasuram, non quod in se mala sit, sed ne viderentur similes sacerdotibus gentilium, in Cap. 40. quorum vicinia habitabant, qui toto capite raso idolis sacrificabant, ut ex Epistola Jerem. apparet. Item; Solum ergo propter viciniam Idololatrarum prohibebantur Sacerdotes Judæorum radi, quæ fortè causa erat, cur Optati, Hieronymi, & Ambrosii tempore, Christiani sacerdotes non raderentur, sed tonderentur. Nam adhuc ipsorum tempore erant Sacerdotes Isidis, qui caput radebant, ut Ambrosius Epist. 36. & Hieronym. in Cap. 44. Ezechielis testantur. Posteaquam autem illa causa cessavit, nihil absurdi faciunt, qui ad aliquid sacrum significandum caput radunt. Ubi Junius; Et si in rem utramvis Christianus non obligatur, quia est libera, tamen ratio illius rei permanet, ne vel signo aut specie quidem communicare nos cum superstitione pietati adversa operetere. Sic Deut. 16. 22. Ne conferto tibi lucum ullis arboribus secundum altare Jehovæ Dei tui. Sic enim faciebant idololatræ, Exod. 34. 13. Sic 2. Chron. 13. 9. Fecistis vobis sacerdotes, ut populi reliquarum religionum. Sic Deut. 12. 30. præcipit Dominus; Cave tibi ne sequendo eas illaqueeris, postquam perditæ fuerint à facie tua, & ne exquiras de Diis earum dicendo, quomodo coluerunt istæ Deos suos, ut sic faciam ego quoque: ne facito sic Jehovæ Deo tuo. Nam quicquid abominationi est Jehovæ, quicquid odit, fecerunt Diis suis, cum etiam filios suos & filias suas comburant igne offerentes Diis suis. Unamquamque rem, quam ego præcipio vobis, eam observantes facite, ne addito ei neque detrabito ex eo. Omnem cultum Idololatrarum cultui similem vetat. Impietatum Achazi non minima erat, quodd cum vidisset altare quod erat Damasci, miserat ad Uriam sacerdotem similitudinem illius altaris, & structuram ejus secundum totum artificium ejus, ut simile extrueret. 2. Reg. 16. 11. Pelischtæi accipientes Arcam Jehovæ imposuerunt eam plastro, ut deportetur ad Israelitas. Imposuerunt similiter Israelitæ Arcam Dei plastro novo, cum deportanda esset Jebusum. Perimitur Huzza in itinere, quia non secundum ritum suum, sed idololatrarum, id fecerunt. Quia principio vos non fecistis hæc, irrupit Jehova Deus noster in nos quum non requiremus eum ritè, ait David Levitis, 1. Chron. 15. 13. Aquinas, ait, quod adoratio ad occidentem introducta fuit in lege ad excludendam idolatriam, nam omnes Gentiles in reverentiam Solis adorabant ad orientem, & probat ex Ezech. 8. Quid omnes ritus legis ceremonialis nisi septum intergerini parietis quo dirimebantur Judæi à Gentilibus? Æquitatem hujus legis viderunt Christiani veteres. Nobis quibus Sabbata extranea sunt, & Neomenia, & feriæ aliquando à Deo dilectæ, Tertull. de Saturnalia & Januariæ & Brumæ & Matronales frequentantur, munera commeant, c. 14. Idololatriæ strenæ consonant, lusus, convivia constrepunt. O melior fides nationum in sectam suam quæ nullam solennitatem Christianorum sibi vendicat, non Dominicum diem, non Pentecosten! etiamsi nossent, nobiscum non communicassent, timerent enim ne Christiani viderentur. Nos ne Ethnici pronunciemur, non veremur? In Libro de Oratione, cum reprehendisset quosdam, qui non nisi ablutis manibus orationem obirent, addit; Sed quoniam unum aliquod attigimus vacuæ observationis, non pigebit cætera quoque denotare, quibus merito vanitas exprobranda est, siquidem sine ullius aut Dominici aut Apostolici præcepti auctoritate sunt. Ut est quorundam positus penults orationem facere. Sic enim adeunt ad idola nationes. Et infra; Quod assignata oratione mos est assidendi quibusdam, &c. Quam morem hic impugnet, non perinde constat, inquit Pamelius, propter verba illa, assignata seu transacta oratione, & illa, cum adorassem & sedissem. Sed qualiscunque fuerit mos, vacuis observationibus annumerat, & à more gentilium contra ritum istum sic argumentatur. Porro eum perinde faciant nationes adoratis sigillaribus suis residendo, vel propterea in nobis reprehendi meretur, quod apud idola sua celebratur.

- Can. 73. Concilio 2. Bracar. decretum, ne observationes agerent Calendarum, vel lauro aut viriditate arborum domos cingerent; addita ratione ista, quia omnis ista observatio Paganismi est. Concilio Toletano. 4. In temporibus verò reliquis 1. Calendis Ianuarii, quæ propter errorem Gentilium aguntur, omnino Alleluia non decantabitur. Melchιάdes Papa constituit; Ut die Dominico & quinta feria jejunium nullus fidelium ageret, quia eos dies Pagani quasi sacrum jejunium celebrant. Vide Caranzam in Summa Conciliorum, pag. 40. Veteres hujus legis æquitatem extenderunt, & non solum cum Ethnicis, sed etiam cum Hæreticis omnem conformitatis speciem vitandam judicabant. Cum constituissent Manichæi diem Dominicum diem jejuni, Christianis itidem non faciendum judicabat Augustinus. Die Dominico jejunare scandalum est magnum, maxime postquam innotuit hæresis Manicheorum, qui suis auditoribus ipsum constituerunt ad jejunandum tanquam legitimum diem. Ex Concilio Martini Papæ; Part. 1. Diff. Si quis Presbyter propter publicam pœnitentiam à sacerdote acceptam absque aliqua necessitate die Dominica pro quadam religione jejunaverit, sicut Manichei, anathema sit. 30. Cap. 17. Concil. Toletanum 4. Cap. 5. Propter vitandum autem schismatis scandalum vel Hæretici dogmatis usum singulam teneamus Baptismi mersionem, ne videantur apud nos, qui tertio mergunt, hæreticorum approbare assertionem, dum sequuntur & morem. Concilio Can. 32. Bracarenfi primo decretum, ut Quicumque in Clero cibo carnum non utuntur, pro amputanda suspitione Priscillianæ hæresis, vel olera cotta cum carnibus tamen prægustare cogantur. Bellarminus dicit, Epiphanium in fine Librorum contra omnes Hæreses recensuisse ceremonias Ecclesiæ, ut indicaret quasdam veluti notas quibus Ecclesia ab omnibus sectis discernitur. Suarez etiam dicit, diligenter vitare Ecclesiam in hujusmodi ceremoniis & observantiis omne consortium & apparentem similitudinem cum Judæis vel aliis infidelibus, ut colligitur ex Augustino Epist. 119. & Epiph. Lib. 3. cont. Hæreses in fine. Ut in militia tesserarum militarium communio parit arægium & confusionem, sic inter Ecclesiam orthodoxam & hæreticam communio rituum. Præterea præcipit Deus, ut Israelitæ destruerent loca illa in excelsis montibus & singulis collibus & sub quaque arbore virenti, ubi gentes coluerant Deos, ut diruerent altaria, confringerent statuas, lucos comburerent igne, sculptiles Deos earum succiderent, & efficerent ut periret memoria eorum, Deut. 12. 23. ne audiretur nomen Deorum alienorum in ore eorum Exod. 23. 13. quod observarunt pii Psal. 164. Hosch. 2. 17. Jehoshuæ 23. Vide reformationem Joschiæ 2 Reg. 23. abolevit omnia instrumenta idololatriæ & idolothyta. Æquitatem hujus præcepti viderunt veteres Christiani. Tertullianus in Libro de Idololatria, idololatriæ affines facit idolorum fabricatores, etsi non colant, & artifices etiam, qui templum, aram, ædiculam, eis extruxerit, si bracteam expresserit, aut insignia, aut domum ejus fabricaverit, item ludimagistros aliosque, quos literarum professores vocat, quibus necesse est Deos nationum prædicare, nomina, genealogias, fabulas, ornamenta honorifica quæque eorum enunciare, tum solennia festaque eorundem observare. Nam, Si fidelis, inquit, literas doceat insertas idolorum prædicatione, sine dubio dum docet, commendat, dum tradit affirmat, dum commemorat, testimonium dicit. Deos ipsos hoc nomine obsignat, cum lex prohibeat, ut diximus, Deos pronuciari, & nomen hoc in vano collocari. Unde infert; Nulla igitur ars, nulla professio, nulla negotiatio, quæ quid aut instruendis aut formandis idolis administret, carere poterit titulo idololatriæ, nisi si aliud omnino interpretemur idololatriam, quam famularum idolorum colendorum. Item; Sed omnem adlatum ejus vice pestis etiam de longinquo devitemus, non in his tantum, quæ præsumimus, sed in universa serie humane superstitionis, sive Deis suis, sive defunctis, sive Regibus mancipatæ, ut ad eosdem spiritus immundos pertinentis, modo per sacrificia & sacerdotia, modo per spectacula & hoc genus

genus, modo per festos dies. Propterea non debere aut communicare, sive habitu, sive victu, sive quo alio genere latitæ in festis & solennitatibus eorum. Plures jam inveniunt Ethnicorum fores sine lucernis & laureis, quàm Christianorum. De ista quoque specie quid videtur? Si idoli honor est; sine dubio idoli honor idololatria est. Item. Si templis renunciasti, ne feceris templum januam tuam. In Libro de Corona Militis; Propterea Apostolus inclamat, fugite idololatriam, omnem utique & totam. Recogita sylvam, & quantæ latitant spinæ. Nihil dandum idolo, sic nec sumendum ab idolo. Si in idolo recumbere alienum est à fide, quid in idoli habitu videri? Quæ communio Christi & Belie? & ideo fugite, longum enim divorcium mandat ab idololatria, in nullo proximè agendum. Sic Augustinus. Omnis honor idoli cum apertissima destructione subvertatur. In re perspicua quid opus est multis? Assumamus tantum: At Pontificii doctrina hæretica omnes qui unquam fuerunt hæreticos superant, & idololatria ac superstitione ipsos Ethnicos, panis crustulum adorantes, quorum caput Antichristus ille insignis, qui Romam Babylonem, fornicationum & adulteriorum matrem, incolit, ex qua monentur fugere quotquot se salvos volunt.

*Epist. ad
Publi. col.
154.*

Replicant adversarii, se non eadem mente uti ritibus quibus Pontificii. Suprà distinximus, & distinctio est ipsius Suarezii, usum ceremoniarum Judaicarum fuisse: materialem, formalem, medium seu mixtum; & non formalem solum sed mixtum partim materialem partem formalem damnari. Sic usus signi crucis materialis, quomodo eo sæpius utitur artifex in opere suo, aut superpelliciei ad tergendas patinas, aut si liber etiam tegendam nuditatem pauperum, non damnamus, sed in cultu divino, quia Ministri Antichristi Sacerdotes Baalis eodem utuntur. Præterea ad eundem tamen finem, non alium quàm illi, referunt utrumque, & superpelliceum & crucis signum cum consignant baptizatum. Quod verò ajunt, se non intendere imitationem Romanensium, nihil est. Imitantur tamen, cum ritum eundem, eodem modo, in eadem divini cultus parte observant. Quid imitationem definiemus, si ista imitationem non constituent? Pontificii imitantur Judæos & Ethnicos, eorumque cultus ex Judaismi & Paganismi ritibus conflatur, non tamen Ethnicos aut Judæos imitari se profitentur. *Licet in externo symbolo sit aliqua similitudo inter nostros ritus & ritus Gentilium & Iudæorum, absolutè tamen maximum esse discrimen. Nam à fine & intentione sumunt externæ actiones speciem suam.* Ritus Gentilium fiebant ad cultum Dæmoniorum: nostri sunt ad colendum verum Deum, inquit Bellarminus. At ritus, quibus gentes coluerunt Deos suos, etiamsi ipsi exhibeantur, sunt illi abominationi. Sic ritus Romanensium complures referebantur ad idolum illud panis transubstantiati in sacrificio Missæ, inter quos numerant etiam sacras vestes. Alii etiam ad sacrum usum sed superstitionis usurpati absque illa relatione proxima in ipso actu ministerii sacrificii, ut Crucis signum in Baptismo vel Confirmatione. Ejusmodi ritus omnes in cultu suo respuit Dominus. Imitatio in opere præcepto prohibetur, non solummodo eadem intentio quoad omnia. Si Israelitæ circumcidissent comam, aut barbam rasisent, & non animo imitandi Ethnicos se id fecisse, protestari fuissent; reos tamen violati præcepti fuisset, negaturum neminem puto. Et ipsum etiam imitandi propositum arguit, quod dicant Formalistæ se retinere quosdam ritus Pontificiorum, ut eos lucrificare possent & reducere in rectam viam. Ergo imitari intendunt, licet revera istum lucrificandi finem solum prætendant. Deus in dirigendis suis prudentissimus aliam præscripsit rationem, longe diversam, ut nempe ab omni gentium superstitione & idololatria essent quantum fieri posset remotissimi. Nam species conformitatis, aut reservatæ reliquiæ superstitionis & idololatriæ illaqueant pios & confirmant in sua superstitione & idololatria. Gloriarentur Iudæi, ut supra dixit;

*De Effect.
Sacram.
Cap. 32.*

August.
Ep. II.

De Verb.
Domin.
Ser. 6.

Serm. 7. de
Nativ.
Dom.

De Idolola
tria Cap. 14.

Cap. 9. pag.
471. 472.

De Rebus

Ecl. Ca. 24.

dixit Constantinus, si viderint religionem nostram non posse subsistere absque illorum ritibus. Et Hieronymus ait, Iudaicas ceremonias in Ecclesia Christiana retentas non efficere Iudæos Christianos, sed Christianos Iudæos. Augustinus secundum regulam illam à Legislatore prudentissimo datam populo suo sic consulit. Si quæritis, unde vincantur Pagani, unde illuminentur, unde ad salutem vocentur. Deserite omnes solennitates ipsorum. Deserite nugæ eorum. Etsi non consentiant veritati nostræ, saltem pudeat paucitatis suæ. Christiani orabant conversi ad orientem, sive ne viderentur Judaizare, sive etiam ut conjicit Scaliger Elench. Trihæref. Cap. 20. quia Christus à Prophetis vocatus est ἀνατολή Luc. 1. 78. ut recte verterunt Septuaginta Jerem. 23. 5. Zach. 3. 8. 6. 12. ubi Hebraicè est *tesmach*. Tamen Leo Papa contra incurvandi orientem versus morem sic scribit; Abstinentum est, ab ipsa hujusmodi specie officii, quam cum in nostris invenit, qui deorum cultum reliquit, nonne hanc secum partem opinionis vetustæ tanquam probabilem retentabit, quam Christianis & impiis viderit esse communem? Quia eundem morem servabant Ethnici, licet ab Ethnicis, si illæ veræ causæ supra dictæ, non sumpserunt; consultum tamen non putat eo uti, ne confirmetur in sua superstitione. Tertullianus objicientibus, Sed idem, nempe Apostolus, alibi jubet, omnibus placere curemus, quemadmodum ego inquit omnibus per omnia placeo: Respondet, Nimirum Saturnalia & Kalendas Januarias celebrans hominibus placebat, an modesta & patientia, an gravitate? Proinde, cum dicit, Omnia omnibus factus sum, ut omnes lucrificiam, numquid Idololatriæ Idololatra? numquid Ethnicis Ethnicus? nunquid sæcularibus sæcularis? Non eadem tunc temporis ratio rituum Judaicorum, qui, quia imperati à Domino, erant cum honore sepeliendi, & Ethnorum seu Idololatrarum, qui semper erant Deo execrationi. Sic jam Antichristi ceremoniis conformitatem non debemus. Quæ communio Christo cum Antichristo? Hierosolymis cum Babylone? Pontificiorum numerus indies auctus in Anglia per se arguit imprudentiæ commentum istud lucrificiendi quod prætexunt, & solummodo prætexunt, ut statim ostendemus. Si verò diligimus, inquit Bucerus, Deum & Hospitorem nostrum Jesum Christum ex toto corde, tota anima, & cunctis viribus, à quo lex pendet omnis; si ut ex hac dilectione consequi necesse est, illud immensæ & inmutabilis charitatis ejus beneficium, quod se & in mortem pro nobis, & in alimoniam nobis vitæ æternæ grati amplectimur, & ut par est, suscipimus & adoramus; nihil sanè ad extremam reliqui facimus detestationem & severissimam profligationem omnis ejus impietatis atque abominationis, quam Satan per Antichristos suos invexit contra hæc sanctissima mysteria; nihilque prorsus apud nos loci invenient vel retinebunt eæ res omnes, verba, & gestus, in quibus vel appareat esse aliquid tantis impietatibus affine, aut ad ulla rapiantur (quanquam improbè & absque ulla data causa) harum suarum impietatum commendationem & picturam, nisi id existat ex iis rebus, verbis aut signis, quæ Dominus noster commendavit. Hæc Bucerus ad Anglos in Censura Liturgiæ Anglicanæ. Dixi, sive ab Antichristo, sive ab alio excogitatos, sed ab Antichristo pollutos vel magis pollutos, & usurpatos. Sunt quidam ritus ab Antichristo adulto instituti & inventi in Ecclesiam, ut genuflexio in actu participationis Eucharistiæ, quæ mille annis ignota fuit Ecclesiæ; aliæ antè introductæ, ut crucis signum. Dicam Formalistæ, eos non ab Antichristo, à Pontificis, à Romana Ecclesia; sed à Patribus, seu à Primitiva Ecclesia, ritus suos accepisse. Respondeo primo, non omnes ritus Anglicanos à Patribus descendisse. Nam eorum geniculatio in sacra Coena, ut dixi, nunquam nata fuit Patribus, aut Ecclesiæ ante Transubstantiationis monstrum natum & jam adultum, ut suo loco Capite Sequenti videbimus. Et de Vestibus Walafridus Strabo, tradit, per incrementa auctas esse. Vestes etiam Sacer-

temporibus communi indumento vestiti, Missas agebant, sicut & hactenus quidam Orientalium facere prohibentur. Et sic pergit enarrando, quomodo Stephanus, Sylvester, aliique Pontifices hanc vel illam vestem introduxerint. Sed sint vestes adeo vetustæ, ac signum crucis quod Tertulliani ævo fuit in usu, & similiter omnes aliæ ceremoniæ Anglicanæ; non tamen à Patribus, sed ab Ecclesia Romana immediate acceperunt. Antichristus enim eos ritus & ceremonias omnes conservavit, quæ alioquin fortè periissent, & in defuetudinem abiissent, nisi ille coluisset, auxisset, & lucem Evangelii, qua earundem vanitas & superstitio discernenda, suppressisset. Præterea, Antichristianismum ipsi Patres introduxerunt. Apostolorum ætate peragebatur mysterium iniquitatis. Natus Patrum ævo & ab iis educatus. Sublatis Apostolis nullum sæculum, imo nullus fere annus aut dies fuit, in quo non additum est aliquid ad Antichristianismum & Apostasiam, donec tandem ad αὐτὸν & ἀπο- Pontif. Qu. 5 καλὸν Χριστὶ ventum sit. Natus tum fuit Antichristus, sed vagientem in cunis & mysterio involutum non observarunt. Liber Apocalypseo liber signatus septem sigillis intus & foris, quæ nemo poterat solvere, inquit Pererius in Apocalypf. Cap. 5. & hoc commune est Prophetiis, ut obscuræ sint donec impleantur. Putarunt Patres, oriundum è tribu Dan & regnaturum tribus annis cum dimidio, cum tamen ipsi in sinu suo foverent catulum. Præterea veteres Ecclesiæ Christianæ Pastores plus æquo se voluerunt tum Judæis tum Ethnicis accommodare: quod existimarent eos ad Evangelium citius allectum in quibusdam ceremoniis, usque apud utrosque familiaribus, quàm si ad hæreserent puræ simplicitati à Christo institutæ, & in ejus verbo comprehensæ. Unde multæ ceremoniæ in Ecclesiam irrepserunt. At experientia declaravit Deum non benedixisse huic consilio: tandem enim homines omisso spiritali Dei cultu exteriora prorsus amplexi sunt. Tilenus in Syntagmate de Patribus eadem scribit. Cæterum multi magnum operæ pretium facere sibi visi sunt, dum Ethnicos ritus tanquam hostium manubias in Ecclesiam transferunt: quod humanæ & carnalis prudentiæ consilium Pontificii non solum reprehensione & culpa vacare putant, sed etiam laudibus ornare sustinent, Baron. an. 57. scilicet. 108. & 601. S. 22. &c. Quidni etiam Aaron ex Ægypto aureo vitulum constantis factum probaverint, quod tam gnauiter æmulantur? Idem dicit Patres, in Pæneticis & demogoricis, hyperbolis & Rhetorum pigmentis luisse, in agonisticis & eristicis tam impotenter & incautè nonnunquam efferverescere, ut dum quidvis undeunde ad causæ suæ præsidium rapiunt, nimioque impetu ad prosternendum adversarium rapiuntur, ipsofmet in contrarii erroris foveam aliquando ruisse præcipites. Sed & in ipsis exegeticis scriptis frequentes hallucinationes ex linguarum corruptione, & incommoda ac vitiosa Bibliorum versione, qua plerique usi, potissimum obortæ cernuntur: cujusmodi vitii cum vetus Psalmorum translatio maxime scateat, frustra est professus, quisquis genuinum eorum sensum per expositionum tubulos derivari potuisse putat ab iis, qui ex tam turbido & cænofo rivo hauserunt. Rursus tam in demogoricis quàm in exegeticis plerosque nodos in scirpo quærentes immodicè indulgisse allegoricis, anagogicis, & tropologicis, quas vocant, expositionibus, fastidita simplicitate textus & sensu historico. Doctrinam Theologicam flosculis Rhetorum & tam variorum pigmentorum mirothecii propemodum obtinuisse, ut non faciliè à quoris erui & ad ædificationem transferri posset; dogmata etiam ex Philosophorum scholis præsertim ex Platonis Academia, nonnulla etiam ex Zenonis porticu introduxisse & civitate donasse. Qua fronte igitur audet Viram illam clarissimum pie, & fœlicis memorix Th. Bezam contumelia afficere ob literam suam censuram de Patribus, eorumque Conciliis? Si optemus etiam temporis a suis Eos scoporum arbitrio, futilitas, ignorantia, ac multorum etiam apertissima ac deserta sententia improbitas, ut Satanam planè cæcis eorum præfuisse, vel ipsi cæci facillimè perper-

Whitak. de
Pontif. Qu. 5
Pag. 694.

Sadeel con-
tra Monachos Burde-
galens. Art.
13. pag. 98.
in 8.

Par. 2.
Disp. 6.
Thes. 33.

26.

Thes. 28.

29.

30.

31.

ad Lect.
inter notas
in anones
Synod Dor-

ciant: quemadmodum, inquit, absque rubore vociferatur Beza. Quid ais? absque rubore vociferatur. Perfricuiſti frontem? Probat duobus locis Nazianzeni, & probare dicit temporum historiam. Non omnibus, sed multis desperatissimæ improbitatis notam inurit. Et in Conciliis majori parte, quæ sæpius vincit saniores, horum futilitate, illorum ignorantia, aliorum improbitate, fretus Satanas Antichristi regnum & mysterium iniquitatis promovebat. Nonne ignorationem linguarum & futilitatem Patrum in exegeticis, affectuum impotentiam in agonisticis, κακοζηλίαν Paganismi in ritibus, errores, imprudentiam, strophas, pigmenta ad ædificationem non iuvantia ipse olim agnovisti, & in disputatione de Conciliis, gravissimas calamitates Ecclesiæ importatas fuisse ab iis qui speciosis Episcoporum ac Doctorem titulis sese venditarunt? Episcoporum ambitionem, contentiones ob προεδρίαν, Athanasii aliorumque sanioris iudicii damnationem in Conciliis, tumultus, & excitatam persecutionis procellam in pios, Veterum monumenta & historiæ non dissimulant, etiam ætate illa florentissima quartæ centuriæ. Sub Ethnicis etiam Imperatoribus ambitionis morbo laborabant Episcopi, ut ex testimoniis Origenis, Eusebii, Irenæi, constat, quorum quædam suprà Capite Secundo & Quarto attulimus. Concilium ipsum Nicænum omnium celeberrimum volebat legem novam in Ecclesiam introducere, ait Socrates, ut qui essent sacris initiati, cum uxoribus, quas duxerant cum laici, non dormirent: nisi unus restitisset Paphnutius doctrinam dæmoniorum introduxisset, & gradus Hierarchiæ stabilivit, quibus ascenderet Antichristus in folium suum. Non potuisset ascendere in tantum fastigium, nisi per Conciliorum Canones & auctoritatem primus Patriarcha constitutus esset. Et Satanam in filio perditionis formando & educando segniorem fuisse credemus? Salmeron Iesuita ait, Doctores juniores perspicaciores fuisse veteribus. Dominicus Bannes in 2. 2. Summæ Aquinatis hæc habet Quæst. 1. Art. 7. Conclusionem Secundam; Non est necesse, ut quanto remotior fuerit Ecclesia à tempore Apostolorum, tanto sit in illa minus perfecta cognitio mysteriorum fidei. Hæc conclusio probatur, quia post Apostolorum tempora non statim fuerunt in Ecclesia viri doctissimi, in rebus fidei intelligendis & explicandis dexteritatem habentes. Et Conclusionem Tertia asserit, succedentibus sæculis quædam uberius & subtilius à posterioribus Ecclesiæ Doctorebus pertractari, quàm fuerant à prioribus definita. Quælibet ætas suam mensuram habet, ut bene observat Parkerus, & ætarum insuper antecedentium mensura fruitur, & ipsorum Pontificiorum testimoniis, Andradii, Bonderiani &c. probat Deum plura ætati nostræ revelasse, plura ad veritatem eruendam media largitum esse, omnia hoc sæculo renovata, literaturam quasi denuo renatam. Linguarum cognitione politiore & cultiore hujus & superioris sæculi doctores omnium superiorum doctores antecellere, quis negabit? Non jam habemus tam turbidos & cœnolos vitiosarum translationum rivos, quàm Veteres. Quàm in ritibus & ceremoniis prudentes fuerunt Patres, vel ex unius Baptismini ritibus judicare possumus, gestu salis, exsufflatione, unctione chris-matis, cereo accenso, veste candida, delibatione lactis & mellis seu vini. Missam facio Augustini & Innocenti sententiam, quæ (ex falsa expositione Joh. 6. 63. Nisi manducaveritis &c.) sexcentos circiter annos viguit in Ecclesia, Eucharistiam etiam infantibus necessariam, ait Maldonatus in Joh. 6. 53. Vide Mortonum in Apologia 1. Part. Cap. 23. Pudet ipsos Pontificios hujus ritus dandi Eucharistiam infantibus, eosque confirmandi. Qui se imitari Patres dicunt, profitentur se eodem morbo laborare imprudentiæ quo illi κακοζηλίαι Judaismi & Paganismi, eorumque hallucinationes & ineptias venerari. Sed an imitantur isti Patres, qui regimen Ecclesiæ Hierarchicum quale fuit 200, abhinc annos sub Papatu, Patribus nunquam notum, nempe

Lib. 2.
Cap. 8.

Comment. in
Roman. 5.
Disp. 41.
Tom. 2. Qu.
1. Art. 7.

De Politia
Escl. Lib. 2.

per.

per Episcopos, secluso Presbyterorum Senatu, & per eorum Cancellarios, Archidiaconos, Officiales, retinent? Qui regimen Ecclesiæ, geniculationem in Cœna, aliaque ipsius Antichristi adulti excrementa, ab Ecclesia Romana, etiam omnes alias suas ceremonias, quas retinent, acceperunt? Antichristus erat futurus, ut ait Lutherus, Rex potens pompis & ceremoniis. Pro Domino ceremoniarum se gessit, cum Veterum ceremonias alias rejecit, alias retinuit, alias adjecit. Dicant mihi Anglicani, num retinuissent easdem Veterum ceremonias quas Romanenses, si Pontifex Romanus illas repudiasset, aut abiissent in desuetudinem sæculis superioribus. Atque hæc de ceremoniis, quæ etiam à Patribus ortæ, per se vitiosæ erant. Dico præterea, abstinendum nobis esse etiam ab iis ritibus, qui patribus Adiaphori, ab Antichristo postea superstitione, cultus, meriti, necessitatis, opinione inquinati, modò non sint usus necessarii. Habet istud principium Theologicum Zanchius in 4. Præceptum; Quod etiam adiaphora abusu & superstitione polluta sunt tollenda & exterminanda ex Ecclesiis. Et Epistola ad Reginam Elizabetham; Neque enim honestum est, ut quæ in Dei contumeliam usurpata diu fuerunt, si res sunt per se adiaphoræ, ea in Ecclesia, cum discrimine etiam salutis priorum, retineantur. Probatque exemplo Ezechix. Serpens æneus, qui institutus fuerat à Deo, & quidem ad salutem Israelitarum, per primum Regem Ezechiam, quia illo contra Dei verbum abutebantur Israelitæ, sublatus est; & ab hoc factu summè laudatur Ezechias, quod illum scilicet serpentem redegerit in cineres, eosque in profluentem, ne ullum unquam extaret ejus vestigium, projici jussit. Quanto magis res & ritus Adiaphori ab hominibus instituti, cum vergant in superstitionem vel alios abusus? Agapæ initio, ut sentiunt quidam, in conventus Christianorum introductæ charitatis exercendæ ergò. Utilis iste finis, & tamen sublata sunt, ac ut suprà vidimus, cum anathemate eas revehere in Ecclesias prohibitum. Omnium maximè res adiaphoræ, cum sunt idolothyræ Antichristi, omittendæ sunt, quia ab idolothyris cavendum est. Eleganter Parkerus, virginem ducere oportuisse sacerdotem Domini, & animal offerre quod nunquam jugum tulit; sic virgineos ritus velle Dominum, qui ab Antichristo nunquam inquinati, nec sub illius jugo unquam ararunt. Non dicit Ezechias, restituam serpentem æneum ad pristinum usum, ut sit monumentum Israelitis, auferam abusus, & providebo ne in posterum populo sit scandalum; sed simpliciter sustulit, & in pulverem comminuit. Nulla igitur injuria afficimus Patres, cum res eorum adiaphoras abusu & superstitione postea pollutas rejicimus, magis quàm Mosem Ezechias. Si igitur ulla ceremoniarum de quibus inter nos & Formalistas seu Conformitanos controversatur, fuisset primo instituto adiaphora; tamen quia ab Antichristo polluta superstitione & abusu, rejiciendam existimamus. Sed nullas novimus ejusmodi ceremonias quas nobis obtrudunt, quin ab initio superstitionis suæ maculam habuerunt, tum cum à Patribus institutæ. Non magis licebat Patribus primitivæ post Apostolos Ecclesiæ, quàm Patribus Ecclesiæ hujus sæculi, ceremonias symbolicas instituere, & alias ineptias in Ecclesiam invehere. Tilenus Patrum appellatione *ὑπερτιμὰς* sumpta Pastores omnes quocunque sæculo vixerint cohonestari posse non negat. Autoritate pares sunt; an dono linguarum & interpretationis Scripturarum inferiores sunt hujus sæculi Patres? *Syntagm. Part. 2.* Si canalis aquam ducens qui copiose prius & largiter profluebat subito deficiat, nonne ad fontem pergatur, ut illic defectionis ratio cognoscatur? inquit Cyprianus. Quod & nunc facerem oportet Dei sacerdotes præcepta divina servantes, ut si in aliquo mutaverit & vacillaverit veritas ad originem Dominicam & Evangelicam & Apostolicam traditionem revertamur, & inde surgat actus nostri ratio unde & ordo & origo surrexit. Et ad Cecilianum; Religioni nostræ congruit, & timori & officio Sacerdotii nostri, custodire

Epist. Lib. 1.
pag. 431.

De Cruce
Part. 1.
p. 76.

Syntagm.
Part. 2.
Disp. Thes. 3.
Ad Pompe-
ium contra
Epistolam
Stephani,

Lib. 2.

Epist. 3.
tradi-

traditur à Dominice veritatem: & quod prius videtur apud quosdam erratum, Domino monente corrigere, ut cum claritate sua & maiestate cœlesti venerit, inveniat nos tenere quod monuit, observare quod docuit, facere quod fecit. Vides Cyprianum recipere se ad Sacram Scripturam & defugere auctoritatem Veterum, cœsi inter Veteres ipse vir primarius & Apostolorum sæculo aureo successerit centuria annorum tertia.

Dixi, modò non sit earum rerum usus necessarius; quia si usus sit necessarius licitè iis uti possumus. Quid? inquit Formalistæ, nulla re utendum, quam abusu & superstitione polluit Antichristus? Ergo etiam ipsa sacramenta auferenda, nam ea etiam polluit. Tempia alia extruenda, quàm quæ sub Papatu erant sacrificio Missæ aliisque superstitionibus polluta. Pontifices Romani sine bonis legibus, quod politicum & externum ordinem attinet, non potuissent firmare suam tyrannidem, inquit Saravia. Respondeo; Divina instituta non sunt Antichristi sed Ecclesiæ. Antichristus est possessor malæ fidei, ut fur gemmæ furto ablata. Quæ sunt Divina, non accipimus ab Antichristo, sed vendicamus, cuiusmodi sunt sacramenta. Excepit suprâ Bucerus res, verba, aut signa, quæ Dominus noster commendavit. Hæc enim, ut nulla nobis vitare potest hominum perversitas, ita nec propter illorum abusum intermittere debemus. Sunt adulterata & vitata Verbum & Sacramenta à Pontificiis, nos tamen non ab illis vitiatam veritatem, sed ex ipsis fontibus puram haurimus. Quod ait Saravia, non potuisse Romanum Pontificem sine bonis legibus firmare suam tyrannidem; quod politicum & externum ordinem attinet, verum: sed verum etiam quod idem subjungit; *Inter latrones non potest retineri societas, nisi, natura quas docuit, societatis conservandæ leges observentur. Antichristus πορνὸς ὢν & filius lucis prudentior ex ipsis naturæ & divinarum institutionum fontibus hausit multa non modo utilia sed prosus societati humanæ necessaria.* Nos ex iisdem fontibus Scripturæ, & naturæ principii, institutiones ordinis & decori haurimus, non ab Antichristo accipimus magis quàm à latronibus leges boni ordinis. Communia sunt nobis naturæ principia, non illorum propria. Nos de ceremoniis & ritibus sacris, non natura ducente aut Scriptura docente institutis, sed ex mero hominis placito & arbitrio proficiscentibus agimus. Coronariis, ut vocat Tertullianus, objicientibus, *Sed cur major exigitur ratio Christianarum observationum, cum illas etiam natura defendit, quæ prima omnium disciplina est.* Responder, naturam ipsam præscribere Coronam ex floribus capiti non convenire. Applicatio firma sit necne, non nunc disquiremus, sed cum putasset se probasse, infert:

Defens. c. 2.
Sect. 28.

Censura c. 9.

Sect. 28.
Sect. 31.

De Corona
Militis
Cap. 5.

Cap. 6.

Cap. 8.

Quæres igitur Dei legem habens communem istam in publico mundi, in naturalibus tabulis, ad quas & Apostolus solet provocare, ut cum in velamine fœminæ; Nec natura vos, inquit, docet? Ut cum ad Romanos; Natura facere dicens Nationes ea quæ sunt legis, & legem naturalem suggerit & naturam legalem. Objicientibus, Mercurium literas enarravisse necessarias & commercii rebus & nostris erga Deum studiis, primum medelas Esculapium exploravisse, Minervam navem primam molitam: *Si unuscujusque suppellectilis & singulorum vasculorum aliquem ex Diis sæculi autorem nominaris, agnoscam necesse est, & recumbentem in lectulo Christum, & cum pelvem discipulorum pedibus offert, & cum aquam ex urceo ingerit, & cum linteo circumstringitur propria Osiroidis veste.* Hujusmodi quæstioni sic ubique respondeo, admittens quidem utensilium communionem, sed provocans eam ad rationalium & irrationalium distinctionem, quia passivitas fallit obumbrans corruptelam conditionis, qua subiecta est vanitati. Dicimus enim ea demum & nostris & superiorum usibus, & Dei rebus, & ipsi Christo competisse, quæ meras utilitates, & certa subsidia, & honesta solatia necessariis necessitatibus vitæ humanæ procurent: ut à Deo inspirata credantur, propiore prospectore, & instructore, & oblectatore, si fortè hominis sui. Quæ verò hunc ordinem exceßerint, ea non conveniunt usibus.

usibus nostris, nec Dei rebus, nec in conversationibus Christi recognosci est. Sic ad illud quod de Templis obijciunt, respondemus eaeffe, ut Tertullianus loquitur, instrumenta exhibitionis humanæ, meras utilitates, certa subsidia & honesta solatia necessitates vitæ humanæ procurantia. Nam templis utimur non ut rebus sacris aut consecratis, sicut fuit templum Hierosolymitanum, & sicut iis utuntur Pontificii propter ordinem quem habent ad corpus Christi in sacrificio Missæ, reliquias & imagines sanctorum, sed ad subsidium vitæ humanæ utile & necessarium, nempe ut propulserint injurias cœli & aeris, dum colimus Deum, & hic usus civilis est. Idcirco Pontificii existimant nostro usu pollui & prophanari templa, eaque non converterent ad usum cultus sui idololatrici absque reconciliationis, ut vocant, ritibus. Deus jussit populum suum diruere fana, delubra, & ædes sacras in excelsis, quia unicū volebat templum sacrum, in quo illi sacrificandum esset. Ne igitur illi templo derogarent, alia dirui voluit. At nunc nullum templum ex Dei instituto sanctum est; & quod institutione humana consecratum, non amplius ut consecrato & sancto utimur. Liberum enim existimamus, Deum colere sive in templis sive extra templa, uti templis, vel commutare cum prætoris aliisve publicis ædificiis. Templa quatenus sunt ædificia non sunt inventa Antichristi, sed eodem naturæ lumine extructa, quo alia ædificia tum publica tum privata. Quæstio nostra est de rebus aut ritibus sacris, num licet addere rebus aut ritibus sacris à Deo institutis. Templis autem utimur, non ut rebus sacris aut sacrum quid significantibus, sicut sacerdos superpelliceo. Parkerus revocat ad 4. capita res omnes idololatrarum, quarum vitium & abusus purgari possit. Primæ Classis sunt, res idololatrarum non idololatricæ, quarum Lege Mosaica per aquam aut ignem purgatarum usus erat licitus, Num 31. 23. ut vestimenta leprosi non leprosa aqua abluenda, Levit. 14. 8. Secundæ Classis sunt res idololatrarum idololatricæ, sed quæ statum non habent in cultu idololatrico, ut fons aquæ unde aqua hauritur ad ministerium idoli, Sol in firmamento, quem adorarunt Ethnici. Nam alia ratio Solis, alia imaginis aut symboli, sive sit ignis Persarum, sive humana effigies, colossus, aut aliud quid simile. Tertiæ Classis sunt, quæ habuerunt in cultu idololatrico statum, tamen quia à Deo inspirata sunt, & eorum usus, licet non eundem, licitum esse & durabilem. Inspirata à Deo secundum Tertullianum dicit ea, quæ procurant meras utilitates, certa subsidia, honesta solatia necessitatibus humanæ vitæ. Quartæ Classis sunt Dei instituta, cujusmodi sunt sacramenta quæ ita vitare nulla perversitas hominum potest, quin eisdem uti teneamur. Revocari tamen possunt ad Dei aut naturæ instituta & dona. Nec superpelliceum, nec crucis signum, ad ullam istarum classium revocari possunt.

Ex dictis igitur sequitur, ritus Pontificios non adglutinandos aut assuendos ritibus a Deo ipso institutis, etsi ab ipsis non primum excogitati, sed prima institutione adiaphori fuerunt, ab ipsis vero superstitione & abusu polluti. Nam si primo instituto adiaphori, liberi sunt; si liberi, cur ultrò jugum trahimus cum idololatriis? Si usus earum rerum necessarius ad vitæ humanæ subsidium, ut à Deo inspiratas, aut natura ducente & necessitate vitæ humanæ cogente, accipimus. Sed ad cultum divinum nihil necessarium potest excogitari ab hominibus, nec ab Antichristo unquam excogitatum est. Quæ in hunc usum inspirata à Deo sunt, nobis tradita sunt scriptis per Spiritus Sancti amanuenses. *Quale igitur habendum est apud homines veri Dei, quod à Candidatis Diaboli introductum, & ipsis à primordio dictum est, quodque iam tunc idololatriæ initiabatur ab idolis, & id idolis adhuc vitis?* Hujus generis est geniculatio in Eucharistia. Pudetne Formalistas clamitare religionem absque ceremoniis nudam & incultam, & ritibus, quibus etiam Pontificii utuntur.

*Tertul. de
Coron. Mi-
lit. Cap. 7.*

*Præfatio in
Doctrin. de
Sacramen-
talibus.*

tur, ornandam? Primo somniant quid turpe & deforme in religione, quæ in se pura est & immaculata, sua puritate & splendore Adamo in integritatis statu similior quàm Adamo peccatori, quæ vestimentis non eger, sed obvelatur & obsecratur potius vestibus ceremoniarum ab hominibus institutarum. O bone Jesu! inquit Thomas Waldensis, nunquid videbantur redarguendi discipuli, quibus mandaveras adducere tibi asinum & pullum, quia superaddebant jussis tuis decentem sessionis ornatum, imponentes super eos vestimenta sua, & te ipsum desuper sedere fecerunt? Quid ais, asine? Religionem virginem pulchram asino aut pullo asinæ assimilas? Si hac similitudine ludere liceat, rectiùs Hermannus Hamelmannus eam accomodat.

*De Tradit.
Part. 1. l. 4.
Col. 373.*

Christus non opus habet ista externa sapientia in suis sacramentis. Venit pauper sedens in asina ad filiam Sion, in quo adventu noluit aliquam exornationem, ergo non vult quoque illam in suis sacramentis. Junius expendi petit ab iis qui simplicitatem mysteriorum Christi circumvestiendam putant humanis traditionibus quas repudiat Christus,

*Eccles. L. 3.
Cap. 5.*

primùm, qua auctoritate quoque exemplo adducti, id sentiant. Deinde in quem finem, Si ut honestiora sint omnia; quid simplicitate Christi honestiùs? quid honestate simplicius? Cultus divinus est similis mari vitreo coram throno quod pellucidum est, non corpus opacum aut ceremoniis velatum. Præterea cur ornamenta meretricis Babylonica anus fronte rugosæ conquirunt ad ornandam sponfam Christi, etiam si ornamentis ullis opus esset? Quid sibi obsecro voluit Deus, inquit Zanchius, quum

*Epist. ad Re-
ginam Eli-
zab.*

vetuit ne araretur bove & asino, & cavit, ne idem ager diversa sereretur semente, & ne quispiam vestiretur veste ex lana & lino contexta? Res est Deo odiosa & execrabilis, si idem ager Domini colatur ab Episcopis impius simul & pius; si in eadem Ecclesia cum doctrina Evangelii, doctrina etiam Papistica doceatur; si denique sacramenta, ceremoniæ, & ritus ex Apostolicis & Papisticis conflati usurpentur, & iis ceu veste ex lana & lino confecta Ecclesia vestitur. In eo deceptus Zanchius, si senserit Episcopos ullos posse esse pios, qui Ecclesia invita Episcopatum invadunt, aut Anglicanos illos ceremoniarum Pontificiarum hostes esse, qui præcipui sint actores in persecutione ob ceremonias, & Episcopatus sui auctoritate, pii scilicet Episcopi, Ecclesiam opprimunt. Sed quod ait, ceremoniis ex Apostolicis & Papisticis conflatis, ceu veste ex lana & lino confecta, non vestiendam Ecclesiam, rectè monet. De Ornatu Mystico & sacro jam agimus, nam de ordine & decore civili suo loco dicemus.

Etsi liceret res & ritus sacros Pontificiorum addere rebus & ritibus sacris Divino jure institutis, non tamen expedit; quia ad vitandum scandalum abstinendum est ab omni specie mali

Intendere ruinam spiritualem proximi aut dispositionem ad ruinam quovis dicto aut facto, vel per semalo, vel quod speciem habet mali, peccatum esse & formaliter scandalum, nemo negabit. Nam intendere ruinam spiritualem proximi Diabolicum est. Sed de ista formalitate metaphysica solum non loquitur Scriptura, cum monet vitandum scandalum, his verbis, Væ iis per quos scandala veniunt. Tribus modis possumus offendiculum coram proximo. Primò, cum directè intendimus illum finem, nempe ut impingat vel ruat in errorem aut peccatum. Secundò, cum inducimus consilio nostro aut opera ad actum malum, non peccati ipsius sed nostræ libidinis causa. Tertiò, cum incuria & negligentia nostra committitur dicto aut facto peccatum, vel actus mali speciem habens coram proximo. Primo modo scandalum committitur, & ex genere operis & ex intentione perversi finis. Secundo & tertio

tertio, ex conditione operis, non intentione operantis. Ad conditionem operis, ut sit inductivum ad peccandum, non est necesse ut sit per se malum. Sat est, si habeat speciem mali. *Scandalum activum semper est peccatum in eo qui scandalizat, vel qua ipsum opus quod facit est peccatum, vel etiam, si habeat speciem peccati, dimittendum est semper propter proximi charitatem, ex qua unusquisque tenetur saluti proximi providere; & sic qui non dimittit, contra charitatem agit; inquit Aquinas. Item; Dicitur aut factum alterius potest esse dupliciter alteri causa peccandi, uno modo per se, alio modo per accidens. Per se quidem, quando aliquis malo suo verbo vel facto intendit alium ad peccandum inducere, vel etiam si ipse hoc non intendat, & ipsum factum est tale, quod de sui ratione habet, quod sit inductivum ad peccandum, puta cum aliquis publice facit peccatum vel quod habet similitudinem peccati. Et tunc ille, qui huiusmodi actum facit, proprie dat occasionem ruinæ, unde vocatur scandalum activum. Per accidens autem, aliquod verbum vel factum unius est alteri causa peccandi, quando etiam præter intentionem operantis, & præter conditionem operis, aliquis male dispositus ex huiusmodi opere inducitur ad peccandum, puta cum aliquis invidet bonis aliorum. Rectè ergo Scholastici definierunt Scandalum, dictum aut factum minus rectum præbens occasionem ruinæ. Nam quando dictum aut factum non est per se malum, si tamen mali speciem habet, est minus rectum, quia inordinatè fit. Nam si ordinatè quid fieret, non induceret ad peccandum. Species mali inducit ad peccandum. Ergo dictum aut factum speciem mali habens, etsi non haberet aliam moralem malitiam per se, est minus rectum, & scandali malitiam habet. Nam prima differentia actus moralis est bonum & malum. Ergo illud, quò per se primo actus efficitur malus, qui aliàs esset bonus nisi fieret cum illa conditione objecti, necesse est, quod sit specificans & determinans actum ad speciem, etiamsi non sit talis conditio per se intenta, ut v. g. si quis comedat carnes, quando sibi licitum esset comedere, nisi proximus scandalizetur, tunc talis comestio collocatur in specie scandali, quoniam non aliunde habet malitiam; inquit Dominicus Bannes. His præmissis dico, quod ad vitandum scandalum pusillorum seu infirmorum, vitanda omnis species conformitatis cum Synagoga Antichristi, omniaque ejus idolothya, etiamsi aliàs per se licita essent. Nam si spiritualia bona minus necessaria; sunt ad tempus occultanda aut differenda; multo magis adiaphora conspurcata & vitata ab Antichristo. Si de veritate scandalum sumitur, utilis nasci permittitur scandalum; quàm quoddam veritas relinquatur, ut ait Gregorius. Sed dimittendum est propter scandalum omne quod potest prætermitti salva triplici veritate, scilicet vitæ, justitiæ, & doctrinæ, ut ait Hieronymus. Gloss. Ordinar. in Mat. 15. super illud, Audito hoc verbo scandalizati sunt. Sic si bona temporalia sunt prætermittenda propter scandalum, ut comedere carnes, multo magis sunt adiaphora inquinata ab Antichristo, quorum usus non est necessarius in culto Divino. Apostolus noluit suo jure uti metendo temporalia, cum seminaffet spiritualia Corinthiis, cum videret sic interrumpi posse Evangelium. Signum crucis, superpelliceum, geniculationem &c. quis dixerit habere usum necessarium in cultu Divino, aut temporalibus bonis necessariis humanæ vitæ subsidiis comparanda, multò minus spiritualibus bonis, quæ sæpe ad tempus prætermittenda ad vitandum scandalum infirmorum? Episcopi tamen Anglicani & Scotici, Pastores stipendiis, eorumque greges spiritualibus bonis privare malunt, quàm ceremonias illas, vel excogitatas ab Antichristo, vel magis pollutas, (nam semper aliquo modo pollutæ) omitti. Gravia sunt monita Apostoli de vitando scandalo, quæ illi susque deque habent. Hic potius adhibite iudicium, ut ne fratri proponatis πρὸς κομῆν ἢ σκάνδαλον, quidpiam ad quod impingat aut offendat, Rom. 14. 13. Monet ibi, ut tum à graviore, tum à leviori offendiculo caveamus, sive omnino impediatur, sive retrahatur, sive retardetur & remoretur fratrem in via salutis. Si prop-*

2. 2. Qu. 43. Art. 2.

Art. 1.

In 2. 2. Qu. 43.

Homil. in Ezechiel 9

ter escam frater tuus tristitia afficitur, non jam secundum charitatem ambulas. Ne esca tua illum perditio, pro quo Christus mortuus, v. 15. Ne cibi causa destrue opus Dei: omnia quidem munda, sed malum est homini tñ δια προσκόμματος ἰσθιότης qui edens impingit, v. 20. Bonum est non edere carnes, neque bibere vinum, μηδὲ ἐν ᾧ ὁ ἀδελφὸς ἢ προσκόπτει, ἢ scandalizet, ἢ ἀσθενῇ, neque quicquam facere in quo frater tuus impingit vel offenditur vel infirmus est, v. 21. Videte ne quomodo potestas illa vestra offendiculo sit iis qui infirmi sunt 1. Cor. 8. 9. Si esca offendiculo est fratri meo, non edam carnes in æternum, ne sim offendiculo fratri 1. Cor. 8. 13. Nemo quod suum est quærat, sed quisque quod alterius est, 1. Cor. 10. 24. Infirmi fratres erant vel Judæi vel Gentiles conversi. Judæi infirmi, de quibus Apostolus Epistola ad Romanos, putabant discrimen ciborum lege Mosaica imperatum etiam in Christianismo retinendum. Hortatur firmiores fide, ut fraternè eos suscipiant, amanter instituunt, patienter tolerant, ne sua libertate utantur cum offendiculo infirmiorum, eos tristitia afficiendo. Nam ne reprehenderentur quasi Judaizantes propter abstinentiam, edebant fluctuante conscientia cibos quos putabant veritos lege Dei, unde tristitia & dolor; vel firmiores fide averfabantur ut prophanos & gulæ deditos. Hoc utroque modo tristitia afficiunt fratres suos Episcopi. Nam multos inducunt, & cogunt, ut, reclamante conscientia, induant superpellicem, & consignent signo crucis, unde cruciatus in eorum conscientiis. Nam ut ait Apostolus, qui vero ambigit, si ederit, condemnatus est, quoniam non edit ex fide, Rom. 14. 13. id est, lædit conscientiam, & peccati ac damnationis reatum incurrit. Alios, qui nec induci nec cogi possunt ad edendum, i induendum, aut genticulandum &c. inducunt tamen suo exemplo & præcepto, ut sentiant eos prophanos, & nullo religionis sensu affici, sed sua quærere Opus Dei, id est fidem infirmam multorum, destruunt, quantum in se est: & qui videbantur fratres jam recesserunt à nobis ad Pontificiorum castra. Si in usu ciborum lege Dei veritorum prudentiam & charitatem requirat infirmioribus fidelibus; quanto magis requirimus nos in idolothytiis Antichristi, quæ Deus nunquam imperavit, sed contra omnia idolothyta & idololatriæ instrumenta tolli & exterminari ex Ecclesia voluit. Corinthii firmiores fide libertate sua in esu idolothytorum, id est carnis immolatæ idolis, infirmiores fide induxerunt, ut conscientias suas infirmas polluerent, dubitantes rectene an secus facerent, edentes ad exemplum firmiorum, & infideles in sua idololatria confirmarunt. Sed Apostolus ait, si esca facit, ut offendat frater meus, non vescar carnibus in æternum. Apostolus dixit, Bonum est non edere carnes nec bibere vinum, neque quicquam facere, in quo frater impingat vel ruat. Episcopi & Formalistæ contra, Bonum est edere carnes & bibere vinum, curemus cutem, pereant Puritani, ruat vel impingat populus in Judaïsmum cum Judæis Romanensibus, in Paganismum cum Corinthiis infirmioribus, id est in Papismum ex Judaïsimo & Paganismo conflatum. Non sum ego custos fratris mei. Hæc negant verbis, sed facta clamant. Dicunt primum, esse scandalum acceptum, non datum; passivum, non activum. At respondemus, etiam scandalum passivum quandoque è medio tollendum, nempe si res ipsa non sit necessaria, etsi alioqui laudabilis. Serpens æneus erat monumentum à Mose pio instituto erectum, & tamen Ezechias contrivit & in pulverem comminuit, quia monumentum non necessarium, & jam populus nulla data occasione impingebat. Amiculus Gidhonis fuit tantum monumentum pærtæ victoriæ, abusi sunt tamen eo Israelitæ ad cultum Idololatriæ post mortem Gidhonis, fuitque familiæ ejus in tendiculum. Jud. 8. 27. Præstitisset, oriente abusu & scandalo passivo omnino sustulisse. Parkerus illustrat ista eleganti similitudine. Qui vitis nutriendis parcit & favet ne contrisset peccantium voluntatem, non tam

tam est misericors, quàm qui non vult cultrum puero rapere, ne audiat plorantem, & non timet ne vulneratum doleat vel extinctum. Extant verba in Decreto Gratiani. Simile habetur 22. Qu. 2. 14. de eo, qui gladium sibi commendatum ab aliquo non reddit petenti, si petierit cum factus fuerit furiosus, ne se vel alium interimat. Principium est à natura inditum homini, Neminem lædendum esse. Hinc elicitur conclusio generalis, nihil committendum esse quo quisquam lædi possit. Hinc rursus particularis determinatio legis judicialis Deut. 22. *Quum ædificabis domum novam, tum facies loricationem ad testum tuum, ut reatum sanguinis non imponas domui tue.* Testa Syrarum ædium erant ambulatoria. Opus igitur in ambitu repagulis seu loricatione, ne quis caderet. Ex eodem principio orta alia lex Ex. 21. 33. *quum retexerit quis foveam, aut quum foderit quis foveam, deinde non operuerit illam, ac ceciderit illuc bos aut asinus, Dominus foveæ rependito.* Idem sentiendum de periculo animæ, & proinde in lege ceremoniali similia præcepta servanda sunt. Si id quod mali speciem non habebat, ut Serpens æneus, sublatum tamen fuit, propter scandalum passivum; quanto magis quod mali speciem habet? Quia tunc non est solummodo passivum in impingente, sed etiam activum in præbente occasionem ruinæ vel dispositionis ad ruinam. Idolothyta omnia habere speciem mali, & apta esse ad inducendum in peccatum infirmum, constat ex 1. Cor. 8. & 10. Nam quæ ratio est carnis immolatiæ, eadem est aliarum rerum consecratarum. At crucis signum, superpelliceum, geniculatio in Coena, sunt idolothyta Antichristi. Dicunt, se non intendere ruinam infirmiorum. Illud profitebitur nullus nisi Diabolus. Scandalum est in conditione operis, si non in intentione operantis. Qui committit adulterium non intendit spirituales ruinam illius, quicum committit adulterium, sed tantum ut libidini suæ satisfaciatur, & tamen facto suo præbet occasionem ruinæ. Et dixi suprâ, quod non solum cum quis sciens prudens quid facit ex quo prævidet scandalum oriturum, sed etiam, cum incuria & negligentia id facit quod ex se aptum est ad inducendum ad peccatum, committit scandalum. Sed Episcopi non temere & ex incuria ac negligentia hic scandalum committunt, sed deliberatè & per multos jam annos, admonentibus fratribus & Pastoribus, & plangentibus, tum voce tum scriptis. Si igitur sola incuria Reverendi aut lata culpa Patres cultrum permittunt filiorum manibus, culpandi tamen sunt propter latam culpam. Doceantur, inquit, infirmiores, & de recto usu instruantur. In his spiritualibus bonis, quæ non sunt de necessitate salutis, distinguit Aquinas, quia scandalum quod ex eis oritur, quandoque ex malitia procedit, cum scilicet aliqui volunt impedire hujusmodi spiritualia bona, scandala concitando; & hoc est scandalum 2. 2. Qu. 43. Phariseorum qui de doctrina Christi scandalizabantur, quod esse contemnendum Dominus Art. 7. docet Mat. 13. Quandoque verò scandalum procedit ex infirmitate vel ignorantia & hujusmodi est scandalum pusillorum, propter quod sunt spiritualia bona vel occultanda vel etiam interdum differenda, ubi periculum non imminet, quousque reddita ratione hujusmodi scandalum cesset. Si jam post redditam rationem hujusmodi scandalum duret, jam videtur ex malitia esse, & sic propter ipsum non sunt hujusmodi spiritualia opera dimittenda. Ex hoc loco Formalistæ habent effugium suum ad conservanda pseudoadiaphora, sed frustra. Nam illorum idolothyta non sunt bona spiritualia, ut actus docendi seu prædicandi Evangelium, qui interdum occultandus aut differendus, ne sanctum detur canibus, ut movet Christus Matth. 7: sed, ut ipsi profitentur, (verum ut simpliciores fallant, nam majori habent in pretio,) adiaphora & conspurcata superstitione & idololatria. Talia non dicit occultanda aut differenda ob scandalum pusillorum, donec reddita ratione cesset scandalum. Secundo, dicit occultanda aut dissimulanda, donec pusilli reddita ratione instructi scandalum non accipiant: at non illi occultant ad tempus nec diff-

runt usum idolothylorum, donec reddita ratione cesser scandalum pusillorum. Sed eadem opera urgent & usum ceremoniarum & informationem pusillorum. Prius sub pœna deprivationis, excommunicationis, carceris &c. & via præcepti; posterius frigidè & via consilii tantum, non sub pœna carceris, deprivationis &c. Interim pusilli cadunt in foveam. Dominus foveæ rependit pro bove & asino, qui cecidit in foveam; & illi non rependunt pro animabus, quas sanguine suo redemit Christus? Vasques ad testimonia quædam Patrum sic respondet pro imaginibus. Si absolut illi loquuntur, intelligendi sunt illicitam existimasse Dei picturam & imaginem non ex se sed ratione periculi imperitæ multitudinis, quo cessante (ut admonet Concil. Tridentinum) diligenti sollicitudine, & doctrina Pastorum, manifestum est eas imagines jure damnari non posse. Ecclesiæ tamen Reformatæ consilium istud inconsultum spernentes, ipsas imagines sustulerunt; ut & Anglicana initio reformationis, reddita hac ratione in Homilia de Idololatria tunc edita. Non ubique prædicatur verbum, & ubi prædicatur, non tam efficax est remedium, quàm si ipsa idololatriæ monumenta amoveantur. Sed nunc alia mens etiam de imaginibus. Serenus Massiliensis Episcopus, cum videret populum adorare imagines, exemplo regis Ezechix eas confregit. Gregorius Magnus superstitiosus Pontifex factum reprehendit. Convocandi, inquit, tibi sunt dispersi Ecclesiæ filii, iisque Scripturæ Sacræ testimoniis ostendendum, quia omne manufactum adorare non liceat &c. Imprudens consilium, ut probavit eventus. Si Episcopi fuissent Ezechix à consiliis, non confregisset Serpentem æneum, cum nolint comburi superpelli-
De Adorat.
l. 2. Disp. 3.
Cap. 4.
Lib. 9. Ep. 9.
Beza Ep. 8.
De Cruce
Part. 1.
pag. 43.
Consult. Art.
21.
Cap. 10.
 ceum vel capam. Obsecro, si quis sit in bivio lapis ad aliquem usum collocatus, ad quem tamen omnes, nisi attentissimi, non sine vitæ periculo corruant; utrum satius est lapidem illum semel tollere de via, vel potius illo relicto, prætereuntes assidue monere in quam partem convertere se debeant, ut offendiculum vident? Quid si enim vel pigri vel non satis attentii sint monitores, vel frustra plerosque moncant? Refert Parkerus, pluribus locis nullas haberi conciones, aliis negligi istas admonitiones, aliis afferri pravas interpretationes, partim ut gratificenter aulæ & Episcopis, partim ut fratrum afflictiones graviores efficiant; & citat dictum Cassandri; sed utinam illi, à quibus hæc informatio accipienda esset, non ipsi harum superstitionum auctores essent. Bucerus in Censura Liturgiæ Anglicanæ, Capite de Veste candida & Chrismate. Pridem autem effectum vidimus per Antichristos Romanenses, & innatam omnibus hominibus impietatem, qui sacras colendi Dei ceremonias in varios & nefarios semper convertunt ludos, ut ista hodie signa apud minimè paucos magis retinendæ & augendæ superstitioni ac ludis, quàm pietati serviant atque religioni. Horum autem malorum amputandæ sunt, non retinendæ occasiones. Et si dicamus usum istorum signorum salutarem posse restitui per doctrinam: videmus doctrinam aliis deesse, aliis ed usque non prodesse. Sublata itaque hæc signa malim quàm retenta. Apostolus aliam nos inire rationem vult, quàm offendiculum simul ponere coram fratre infirmo & disceptare. Eum verò, qui fide infirmus est, assumite, non tamen ad certamina disceptationum. Rom. 14. 1. Instituendi prius ante factum, quàm instituenda disceptatio post factum. Quatenam, quæso, illud docendi genus? Ceremoniæ significantes docent; & docere tamen opus est, quid doceant. Vix potest Pastor pusillos adducere ad cognitionem earum rerum quæ sunt necessariæ ad salutem; & nugis instruet? Qualesnam sunt istæ ceremoniæ, quibus opus prædicatione verbi ad majorem cautelam? Denique pusilli moventur magis factis quàm verbis, & putant monitiones illas & informationes esse protestationem facto contrariam. Esto; sit in docendo Minister diligentissimus, non tamen auditores omnes semper attentissimi ad singula quæ dicuntur. Vulgus externa signa semper habet in conspectu; iisque delectatur, quamvis non

non intelligat. *Videmus siquidem vulgus delectari actionibus scenicis, & multis uti signis, quorum tamen significationem plerique non intelligunt, paucissimi considerant; inquit Bucerus. Si viderent actiones scenicas Missæ Anglicani rudiores & pusilli, vix discernere ab Anglicana Cœnæ celebratione; non prorsus absimilem, saltem & æque laudabilem, judicarent Missæ celebrationem, si lingua vulgari ministraretur. Præterea non ait Aquinas, data ratione cessare scandalum pusillorum, & tunc peccare ex malitia. Sed tantum videtur cessare scandalum.* *Nota circa quartam conclusionem posse contingere, ut pusilli non sint capaces rationis redditæ, & tunc quamvis reddita sit illis ratio, cessandum est tamen ab hujusmodi spiritualibus non necessariis.* *Et ratio est. Quia tunc non ex pualitia sua scandalizantur, sed ex ignorantia vel infirmitate. Et propterea D. Thomas in conclusione usus est verbo opinativo, dicens jam videtur ex malitia esse; inquit Dominicus Bannes. At, inquiunt, Ministri sunt dociles, illis non indulgendum, & data ratione cessat scandalum activum, illi autem peccant ex malitia; idcirco eorum scandalum esse passivum & acceptum, non à nobis datum. Ego quidem mihi persuadeo, si haberent æquos judices disceptatione superiores fore, quantum ex polemicis eorum & Antagonistarum scriptis colligere possum. Sed sint inferiores; infirmitatem tamen in doctiores cadere posse neminem negaturum puto, & superiorum temporum historia de dimicationibus inter doctores Ecclesiæ ob ceremonias idipsum probat. Parati sunt etiam coram Deo testari, se non posse acquiescere in Formalistarum foliis ficulneis. Præterea non est bonum spirituale ex quo oritur scandalum. Non ideo data ratione cessat scandalum infirmorum, aut mutatur in scandalum Phariseorum. Nam illi ex rectè factis sumebant occasionem impingendi & animo malitioso in ipsam veritatem. Cum scandalum fratribus datum negare non possunt; prætexunt cavendum, ne Pontificiis scandalum præbeamus, quod tenemur officio charitatis lucrifacere etiam hostes Ecclesiæ. Paulus factus est omnia omnibus, &c. Respondemus, primò, non eandem habendam esse rationem fratrum & hostium. Apostolus hortatur Corinthios, ut habeant rationem præcipuè fratrum infirmiorum. Secundò, non sunt invitandi ad Ecclesiam orthodoxam similitudine ceremoniarum seu communione rituum, ut pluribus præceptis & exemplis probavimus thesi superiori. Non est Paulus factus Ethnicus Ethnicis, Idololatri Idololatra, ut supra dixit Tertullianus, sed ex legibus, id est Gentilibus, quasi exlex, id est, quasi non obligatus lege ceremoniali Mosaica in dierum aut ciborum discrimine, & omnibus omnia, infirmis tum Judæis tum Gentilibus quasi infirmus, firmis quasi firmus, & sic omnibus omnia, ut aliquos servaret, non mentiendo, sed compatiendo, non simulantis astu, sed compatiensis affectu, ut ait Augustinus, Epist. 9. & 19. Num Deo prudentiores sumus, qui etiam visu & amictu discerni voluit populum suum ab omnibus aliis? Non repetam quæ suprâ dixi contra communionem rituum & conformitatem cum Idololatri; sat est monuisse peccari hac ratione contra Præceptum illud divinum de vitanda conformitate. Præterea si ullius momenti esset ista ratio, etiam Turcis conformes esse debemus, atque ita Turcopapismum introducere in Ecclesiam. Tertiò, consilium carnis istud inconsumptum est. Contraria contrariis curantur; inquit Parkerus. Hoc non est salvare ægrotantem, cum languente consumi, curare valitudinariam febrem mentiendo, ut ait Augustinus, Epist. 19. Quartò, retorqueri potest ista ratio in Formalistas, qui conformitate sua ponunt offendiculum coram Pontificiis. Placent quidem Pontificiis, sed non ædificant. Gloriantur & gesticunt animo, cum vident trophæa damnatæ suæ sectæ erigi in Ecclesiis nostris, quod non dissimulant. Apertè profitentur, se spem concipere redituros nos ad Ecclesiam Catholicoromanam.*

manam. Nihil illi concedent nobis vel in doctrina vel in ceremoniis. Tenacissimi sunt usque ad minimum quadrantem. Si vel obolum concefferimus, ex eo arguunt nostram approbationem cultus aut doctrinæ suæ. Sanderus confirmat usum imaginum exemplo Crucis Anglicanæ. Hardingus Liturgiam Ecclesiæ Romanæ usu crucis, superpellicei. &c. apud Anglos. Parsonus Librum Communionum Precum seu Liturgiæ, Mistale translatus vocat. Guilielmus Rainoldus probat necessitatem Baptismi per usum privati baptismi. Rhemistæ absolutionem suam, auricularem confessionem, sacramentum poenitentiae, confirmant absolutionis ægrotantium modo præscripto in Liturgia. Hæc & plura habet Parkerus in Libro de Cruce. Cum idololatræ rapiunt usum idolothytorum ad approbationem idololatriæ & superstitionis suæ, eorum usus est illicitus, quia ex ipsorum confessione patet obfirmatos esse in damnata sua superstitione & idololatria. Debemus potius inducere ad dubitandum de cultu dololatriæ, si omnino abstergere non possumus, quàm specie similis cultus confirmare. Præterea, coram omnibus Pontificiis ponitur offendiculum etiam hostibus pertinacissimis, de quibus dubium non est nostra conformitate confirmari. Nec aliter fieri potest, cum conformitas est publica. Audivimus, quid verbis prætexant, jam audiamus quid facta clamant. Quærit Parkerus, num sint inter Formalistas, qui reditum ad Papismum moliantur, sicut inter Israelitas erant Ægyptii qui suadebant reditum in Ægyptum. Nullo subtiliori commento, quàm ceremoniarum conformitate, nec lenius licet lentiùs potest vulgus sub jugum Antichristi reduci. Nam idolothyta sunt nervi religionis idololatriæ, & cuniculi per quos ceremoniarum Magistri possunt irrepere, & Ecclesias subvertere. De scandalo dato Pontificiis judicare possumus ex impunitate & augeſcente eorum numero, & viribus. Sint alii, qui etiam si non spiritu Ægyptiaco & dolo moliantur reditum ad Papismum, at incuriæ, & latæ culpæ reatum tamen incurrunt, qui, modò Episcopatibus & opimis beneficiis gaudeant, securi in utramque aurem dormiunt. Imò Parkerus sinistro proposito urgere ceremonias ex ipsorum factis colligit, & spiritu Demetrii prætexere bonum publicum, intendere commodum privatum, clamitando, *Nulla ceremonia, Nullus Episcopus*, & persequendo quemque gallum gallinaceum cantu ipsis arcto somno oppressis molestum. Nam hoc illis certum *τεκμήριον* est, non posse æquo animo ferre, quod ipsi otio & divitiis distuant, pompa splendeant, dominantur in Ecclesiam, Pluralistas, Nonresidentes foveant, &c. qui ceremonias Papatus etiam reliquias averſantur. Islebius Chrisma & oleum accerrimè defendit, ut ipse unctior discederet; sic illi, ut pinguiores traditiones tueantur, alias etiam urgent tanquam sepimentum quo pinguiores circumſepiunt. Nam si bonum publicum intenderent, ipsi uterentur Alba, Capa, Casula, Baculo pastorali, secundum præscriptum Libri Precum editi regnante Edwardo. Nam nulla alia lege tenentur ad ceremonias Ministri, quàm quæ Librum illum sanxit. Sed illi exleges, ac si omni religione soluti, rigidum jus legis tamen religionis obtentu à Ministris exigunt. Qui edit Idolothyrum in privato convivio coram fratre infirmo, inordinatè & non secundam charitatem ambulabat. Quid igitur sentiendum de iis qui in Ecclesias seu publicos conventus idolothytorum usum vi invehunt? Illius scandalum erat privatum, istorum publicum, & lapidem ponunt in via in quem multi impingant. Quot Pontificii obfirmantur? quot sunt apud eos qui impingentes claudicant inter Deum & Baalem? quot professores tepidi nec frigidi nec fervidi? (adeo ut Brighmannus Ecclesiam Anglicanam etiam horum respectu sub typo Laodiceæ olim depictam existimet,) quot sunt qui ad Atheismum deflexerunt? Primi Reformatores non potuerunt omnia una hora & momento repurgare, quia nondum illuxerat Evangelium omni-

De Cruce

Part. 2. p. 55

omnibus locis, & prius instruendus erat populus, & errores ex animo evellendi; quàm vi avellendus ab externis illis ceremoniis, quas Formalistæ dicunt non per se impias esse. Deinde, illud quoque observandum videtur, tolerari quidem multa propter infirmos posse, quæ tamen semel sublata instaurari minime debeant, quoniam hoc non esset infirmitatem tollere sed potius aliqua ex parte sublatam restituere, & quasi fugientem revocare: quo fit, minimè mirer nonnullos hic sese difficiliore in quibusdam restituendis præbere, quam initio fortasse fuissent quum de illis abrogandis ageretur. His & illud addo, infirmitatem frustra in regno prætexi, in quo tot jam annos & prædicatum & receptum, & tot excellentissimorum martyrum sanguine confirmatum Evangelium fuerit. Hæc Vir Venerabilis Th. Beza in Epistola ad Grindallum Londinensem *Epist. 2.* scripsit anno 1566. & tamen adhuc infirmitatem prætexunt. Præterea, toleratio illa sola tolerabilis est, quæ est in initio reformationis & ad tempus dum multitudo tota fere carnalis, & juncta cum diligenti informatione infirmorum, ut spontè deserere inolitos errores possint. At illi contra invitas Ecclesias, ubi desierat idolothytorum usus, cogunt recipere; qui sunt magis spirituales & alios docendo abstrahunt à fœcibus illis & reliquiis Papatus persequantur, quos omnibus humanitatis officiis prosequi & currentes instigare debebant. Et non suos solum Sacellanos aliosque sibi addictos instigant, ut earum usum tueantur, sed etiam fratres suos Episcopos Scoticanos, qui gnaviter dant operam, ut in Ecclesiam Scoticanam reducantur, quarum nec vola nec vestigium manserat à primo Reformationis anno 1560. percutiunt Pastores, gregibus terrorem injiciunt, minas jactantes & pericula denuntiantes. Sic fratrum infirmitati, quam prætexunt, consulunt: sed vix iis per quos veniunt scandala. Sic erga conservos se gerunt; sed beatum servum Dominus, quum venerit, præficiet supra omnia quæ sibi suppetunt, & servus nequam, qui dixit in corde suo, tardat Dominus adventum, (ut ore etiam Laws Episcopus Glasguensis) cœperitque cædere servos & ancillas & edere & bibere & inebriari, cædetur multis plagis, Luc. 12. 45 46 47. 48.

Stat igitur firma thesis nostra, non expedire res & ritus sacros Pontificiorum; id est eorum idolothyta addere rebus & ritibus sacris jure divino institutis, ne ponamus offendiculum coram fratribus, eos tristitia afficiendo aut retardando in via salutis, aut ad ruinam inducendo seu disponendo; nec coram hostibus, eos obfirmando in errore. Nam licet præcepta juris naturalis negativa, ut non occidendum, non sunt violenda ob vitandum scandalum, affirmativa tamen, quia obligant semper quidem sed non ad semper, sed quando & quomodo oportet, sunt demittenda quandoque, quia tunc forte non oportet, ut ingredi ædes mulieris constituta in extremis ad dandum eleemosynam, si scandalum inde oreretur, dimittenda potiùs eleemosyna. Sic bona omnia spiritualia non necessaria ad salutem possunt ad tempus occultari ad vitandum scandalum pusillorum, & Apostolus dicit se ab iis rebus potiùs velle abstinere quas Deus creavit & usu ad quem eas in creatione instituit, quàm fratrem inducere ad impingendum: quantò magis ab idolothytis, quæ Deus nec creavit, & ab usu quem nunquam instituit, imò nec probavit unquam, abstinendum est? potiùs quàm tristitia afficiatur, aut impingat frater meus, aut cæcus idololatra errans extra semitam obfirmetur. Nam qui ponit lapidem offendiculi ante cæcum reus etiam est, Levit. 19. 14.

Etsi liceret Ceremoniis sacris a Deo institutis addere alias, sive à nobis ipsis; sive à Patribus, sive Pontificiis, aut aliis, excogitatas: non tamen debent esse vana aut ludicra, non nimium multiplicanda, earumque nec perpetuitas, nec uniformitas, nec observatio extra casum scandali aut contemptus, necessaria.

De Sacram
Lib. 1. Cap.
30.
De Pontif.
Lib. 4. Cap
18.

Tom. 3.
Disp. 15.
Sect. 3.
De Effectu
Sacram. ca.
29.

Epist. 86.

Hæc theſis nititur hypotheſi. Dato enim & non conſeſſo, licitum eſſe ceremonias ab hominibus inſtitutas addere à Deo præſcriptis, non tamen ineptas, &c. In iſta igitur theſi confirmanda non immorabimur. Vanas & ludicras ceremonias condemnant ipſi Pontificii in genere, licet in ſpecie actiones ſcenicæ, geſtus hiſtrionicos, & ceremonias ineptas & ridiculas complures habeant. Sic Formaliſtæ idipſum concedunt in genere, licet in ſpecie & particulari factum ſit proteſtationi contrarium. Nam digito pingere lineas in aëre vel ſuper frontem baptizati, eſt geſtus hiſtrionicus, & candida veſtis eſt ſcenica, de quibus ſuis locis Capite Sequenti dicemus. Non etiam nimum multiplicandas concedunt adverſarii, ſic etiam Pontificii. Bellarminus concedit, ceremonias Eccleſiaſticas non eſſe *nimis multiplicandas, ita ut ſua multitudine obruant quodammodo religionem, cui ſervire debent.* Et leges abſolutè impoſitas omnibus Chriſtianis dicit eſſe tantum quatuor, nimirum de ſervandis Feſtis, de ſervandis Jejuniis, de Confeſſione ſingulis annis facienda, & de Sacra Communione in Paſchate habenda; cæteras tantum conditionales, particulares, vel non leges, ſed pias admonitiones vel inſtitutiones. Formaliſtæ, etiamſi non habeant tot numero ceremonias, quot Pontificii, plures tamen inſtituere vel reſtituere ſe poſſe non negant. Et certè quo iure unum ritum myſticæ ſignificationis admittunt, plures imo omnes Pontificios ritus ejuſdem generis amplecti poſſint. Eadem enim eſt ratio omnium aliorum ejuſdem generis, quæ unius. Nam de numero litigare non debent cum Pontificiis, cum determinatio numeri ſit in ipſorum poteſtate, & quantum fieri poteſt dicunt ſe debere Pontificiis ſeſe conformare. Reſtituant igitur chriſma, oleum, ſputum, cruces ſignificantes in miſſa, cereos accenſos, veſtes alias miſſales, imagines ut ſint ſigna commonitoria ſicut ſignum crucis, & multa alia. Illi Romanæ Eccleſiæ in numero non ſunt conformes, & nos in ipſa ritus natura conformes eſſe volunt, id eſt addere ritus ſignificantes ritibus à Deo inſtitutis, quod gravius eſt, quàm in numero rituum ſignificantium conformari. Nam ſi natura ipſius ritus non probanda ſit, ne vel in una conformandum eſt. Ceremoniarum perpetuitatem non eſſe neceſſariam concedunt Pontificii, ut ſupra oſtendi in teſtimonio Suarezii, & probatur etiam temporum hiſtoria. Nam nonnulli ritus, qui per univerſum ſerè orbem olim obſervabantur, paulatim abrogati ſunt, ut præguſtatio lactis & mellis poſt Baptiſinum ad infantie ſignificationem, item non geniculando ſed ſtando orare die dominico & per omnem Pentecoſten, id eſt quinquaginta dies inter Paſcha & Pentecoſten, Euchariftia data infantibus. Priores duo ſolùm ſignificantes, & ſignificationis ratio perpetua, tamen ipſi ritus abrogati ſunt. Uniformitatem in ritibus non eſſe neceſſariam, concedunt etiam Pontificii. Suarez fatetur, particulares ritus etiam hac ætate in uſu eſſe in variis regionibus, & privatos Episcopos poſſe in ſuis Dioceſibus particulares ritus inſtituere. Bellarminus etiam dividit Ceremonias in Univerſales & Particulares. Cuique Eccleſiæ ſuis ritibus frui licebat, nec una alterius conſuetudini cedere cogeatur. Si ergo una fides univerſæ quæ ubique dilatatur Eccleſiæ tanquam intus in membris, etiamſi ipſa fidei unitas quibusdam diverſis obſervationibus celebratur, quibus nullo modo quod in fide verum eſt impeditur. Omnis enim pulchritudo filiæ regis intrinſecus: illæ autem obſervationes, quæ variæ celebrantur, in ejus veſte intelligantur. Unde ibi dicitur, in ſimbriis aureis circumamicta varietate. Sed ea quoque veſtis ita diverſis celebrationibus varietur, ut non adverſis contentioniſ diſſiperetur; inquit Auguſtinus. Sic nos contendimus, non debere Episcopos Eccleſiis omnibus uniformitatem rituum præſcribere, dato ſed non conſeſſo (quod ſæpius repetendum) ritus ſymbolicos poſſe addi ceremoniis à Deo inſtitutis. Auguſtinus loco ſuprà

suprà dicto loquitur de ritu Ordinis tantum, non de ipsius ritus natura, nempe de Jejunio Sabbathi, de quo contentio orta tempore Augustini. Romani Petrum asserere instituisse Jejunium Sabbati, Orientales Jacobum & alios Apostolos vetuisse; *intermina illis est ista contentio, inquit Augustinus, generans lites non finiens questiones.* Ego dixissem neutris credendum, & varietatem istam argumentum esse nullum omnino præscriptum Jejunio diem ab Apostolis. Sed hoc posito, quod Jejunii stata debent esse tempora & dies, dico contentionem fuisse de lana caprina, de actu ordinis, non de ritu ipso. Nam si de ritu ipso, nempe de præscribendo & statuendo diem jejuni, non moverem litem, de die contenderem, Epist. 118; omnino litigiosus essem. Sic quod ait alibi Augustinus amplector. *Alia verò quæ per loca terrarum regionesque variantur, sicut est quod alii jejunant sabbatho, alii vero non, alii quotidie communicant corpori & sanguini Dominico, alii certis diebus accipiunt, alibi tantum Dominico, & si quid aliud hujusmodi animadverti potest, totum hoc genus rerum liberas habet observationes: nec disciplina ulla est in his melior gravi prudentique Christiano, quàm ut eo modo agat, quo agere viderit Ecclesiam, ad quamcumque forte devenit.* Nam ista varietas est in ordine duntaxat, non in ipsis ritibus, quorum quidam sunt instituto divino, alii humano. Ut in divinorum observatione circumstantia temporis est libera, ut quo die, & quoties singulis annis vel mensibus celebranda sit Eucharistia; sic in humanorum, concessio quod sint liciti, circumstantia temporis etiam libera est, servatis regulis generalibus ordinis & decori. Ritus ipsum, nempe statum tempus jejunandi, non attigit Augustinus, sumpsit pro confesso inolitum errorem, quia ritus ille, ut plures alii jam invalescebant magno numero in Ecclesia & viam præparabant Papismo. Sed demus exemplum in ritu significante. Bellarminus dicit, lotionem pedum post baptismum non fuisse ritum universalem, servatum Mediolani, non Romæ, & colligit ex Augustini Epist. 118. & Ambrosio de Sacramentis Lib. 3. Cap. 1. Ceremonia illa, lavandi pedes Neophytorum mox à Baptismo erat Ecclesiarum quarundam particularis, non obligabat alias. Quin expedit diversitatem ceremoniarum in Ecclesiis videri, ait Zepperus, ut libertas Christiana rectius intelligatur. Si quis dixerit universales tamen obligare, negatur. Nam quæ universales, initio particulares erant. *Mihi quidem certe videtur, inquit Socrates, sicut aliæ res multæ in locis quibusque ex more quodam introductæ fuerunt: ita festum Paschatis ex quadam consuetudine apud singulos populos observationem privatam habuisse, propterea quod nemo ex Apostolis legem de eo, ut dixi cuiquam edidit.* Dicit res multas in locis quibusque ex more introductas. Quod apud singulos populos ex more initium cepit, una hora aut momento totum orbem non occupavit. Præterea non quia universales, ideo perpetui esse debent ritus. Nam etiam universales ritus abrogatos esse fatentur. Abrogati autem sunt non uno anno, sed paulatim & plurium annorum curriculo: quod fieri non poterat, nisi in particularibus quibusdam provinciis coepissent primum obsolescere. Quid igitur impedit, quò minùs eadem permittatur libertas Ecclesiis hujus sæculi? ut desuetudine paulatim evanescant. Libertatem istam habent Ecclesiæ particulares in ritus universales, etiam licitos; multò magis si judicaverint absque legitima autoritate introductos. Denique ritus ii sunt universales dicendi, non qui sunt communes nobis & Romanensibus, nam quamdiu inter nos & illos non convenit de doctrina, & fundamentalibus, in ritualibus conformitas non est utilis, nedum necessaria, imò valde periculosa & vetita, ut supra probavi. Veræ Ecclesiæ sunt sorores, non falsa & vera. Meretrix illa Babylonica non est soror nostra, sed aliæ Ecclesiæ Reformatæ quæ nobiscum consentiunt in doctrina. Puderet igitur Formalistas uniformitatem cum Ecclesia Romana urgere, quæ non est

De Effectibus
Sacram.
c. 29.

De Politia
Lib. 5. Cap.
21.

Whitak. de
Pontif. 7.
Cap. 2. p.
822.

est vera Ecclesia, & cum aliis Ecclesiis Reformatis conformitatem renuere. Dico igitur, non esse jam ritus illos universales, sed abrogatos à pluribus Ecclesiis; & amplius abrogandos speramus, prout Spiritu oris Christi consumetur filius perditionis. Dixi, *observationem extra casum scandali & contemptus non esse necessariam*. Nam si sint res per se mediæ earum observatio libera est, nisi aliunde accedat adiunctum aliquid quod peccatum inducat. Decretum de sanguine & suffocato Apostoli vocarunt necessarium, non simpliciter, sed *κατὰ τὴν*, nempe respectu Judæorum, quos offendeabant Gentiles; ut facilius coalescerent in unum uterque populus, & in communi convictu non averfarentur Judæi Gentiles, hæc pauca quæ continentur decreto illo Act. 13. imposuerunt Gentibus de lege Mosaica ceremoniali, præterea nihil, nec ut obligarent conscientias, ac si non liceret vesci sanguine & suffocato etiam extra casum scandali & contemptus. *Non simplex hæc necessitas fuit, sed accidentalis aut hypothetica respectu aliorum. Necessaria hæc fuerunt propter quosdam, id est, infirmos, non absolute: ergo libera harum rerum observatio fuit, modo caverent, ne alios offenderent. Non ergo per se aut propter se sed propter scandalum necessaria fuerunt. Necesse fuit gentibus ab his abstinere, si periculum scandali vitare velent.* Datum hoc præceptum ad tempus tantum, donec confirmati essent Judæi. Si jam servaretur decretum illud, ut quibusdam locis diu servatum, non sine superstitione id fieret. Non iusserunt abstinere ab his ut immundis, sicut lege Mosaica præceptum fuit; ergo propter scandalum tantum. Non committitur igitur duplex peccatum in ceremoniis sacris ab homine institutis, unum in re ipsa aliud in contemptu, sed in contemptu solum, quia tenemur lege generali parere licitis superiorum mandatis; sed lege particulari non teneor in conscientia, nam est res per se mediæ; de his enim loquimur. Si enim sit res præcepta aut prohibita à Deo, tunc obligatur conscientia respectu rei ipsius etiam in occulto & extra casum scandali & contemptus: quia tunc præceptum humanum continet quid divinum, & autoritas divina obligat interiorem hominem in conscientia metu poenæ. Affingunt Pontificii etiam meriti opinionem. Sed illud illis commune est etiam aliis bonis operibus. Quod ad cultus opinionem, dixi supra Thesi Tertia, me non posse capere, quomodo quis fingere possit ceremoniam sacram, quin simul affingat opinionem cultus. Nam si affinxerit spiritualem vim aut operationem aut significationem mysticam alicui rei aut ritui, & usurpaverit in eum finem, dum colit Deum eo ritu, ut aliis ritibus à Deo institutis eandem naturam idemque officium habentibus; colit, licet cultus ille sit superstitiosus & Deo ingratus. Doctorem quendam in Comitibus Oxoniensibus anno 1605. versus sequentes evulgasse refert Parkerus.

De Cruce
p. 1. p. 89.

*In Domini cultu, si quid medium esse videtur,
Quod populi dubio stat, cadit arbitrio:
Hoc sacrosancta parens Ecclesia si modo sanxit,
Inque sacris cultum hunc si velit esse ratum:
Non erit hic cultus medius, cogetur ad illum
Quisque: necessarius hic quoque cultus erit.*

Ex rebus mediis cultum & quidem necessarium posse Ecclesiam constituere, dixit Doctor ille. Neutrum quidem jure potest, utrumque falsò, ut supra probavimus. Opinio itaque cultus est inseparabilis à ceremoniis mysticis & rebus consecratis. Ab actibus ordinis & decori separari potest, vel superstitiosè superaddi, quod faciunt Pontificii.

Sicut

Sicut rebus & ritibus sacris à Deo institutis addere non licet alias res aut ritus sacros, sic nec detrahere aut ritum instituere qui detrahatur.

Qui ministrant sub Una, & non sub Utraque Specie Panis & Vini, detrahunt rebus à Deo institutis. Sic qui absque Distributione communicantium. Nam verba illa Christi, *Dividite inter vos*, cum porrexit poculum, continent præceptum. Debent igitur communicantes non singuli è manu Ministri accipere poculum, sed inter se dividere. Qui ritus excludit ritum istum imperatum à Domino, & inducit alium, nempe ut accipiant singuli è manu Ministri, non est licitus. Non est igitur quilibet gestus in sacra Cœna aut Situs corporis indifferens. Quod ad genus flexionem, non modo detrahit, sed etiam idololatriæ reatum addit. De Distributione communicantium dicemus suo loco Capite Sequenti. Regula ipsa generalis est de omni detractione. Nam duobus modis detrahimus, omissione simplici, vel exclusionem quæ necessariò sequitur ritus cujusdam additionem.

Cum igitur nec addere nec detrahere liceat rebus & ritibus sacris à Deo institutis, sequitur Ecclesia potestati permissam duntaxat rerum & rituum sacrorum a Deo institutorum administrationem & procuracionem, dirigendam generalibus quibusdam Canonibus à Deo in natura & Scriptura datis, ut omnia fiant ordine & decenter, atque ita res & ritus sacri administrentur ut adificent.

Theses quarta, quinta, sexta, erant solùm hypotheticæ, dando, non concedendo, quod liceret addere res & ritus sacros divinitus institutis; tamen non licitum diximus addere Idololatrarum ritus, & si liceret non tamen expedire, quia vitandum scandalum: & si liceret addere vel à nobis vel à Patribus vel idololatræ exco-gitatos, tamen non multiplicandos, non vanos aut ludicros, nec necessariam vel perpetuitatem, vel uniformitatem, vel observationem extra casum scandali aut contemptus. Sed cum nullos omnino addere liceat, nec institutis detrachere, ut dictum thesi tertia & septima; sequitur, rerum & ceremoniarum sacrarum à Deo institutarum procuracionem & administrationem solummodo Ecclesiæ relictam esse, cujus officium est curare ut omnia illa à Deo instituta, res & ritus, fiant, ordine & decenter fiant, & ad ædificationem fiant. Omnis *utazia* est præter naturam: ordo contrà, etiam politicus in rebus politicis, res pulchra est & amabilis. Finis ordinis & decori in rerum & ceremoniarum administratione est ædificatio Ecclesiæ, & singulorum in Ecclesia, in fide & pietate. Omnia fiant ad ædificationem, inquit Apostolus, 1. Cor. 14. 26. cantica, linguarum donum, Scripturæ interpretatio, revelatio, omnia denique Dei dona ordinaria & extraordinaria ejusque instituta. Res & ritus Dei propriè ædificant animam. Actus ordinis & decori dirigunt res & ritus divinos ad finem suum. Confusio contrà impedit ne assequantur suum finem. Si quis igitur lingua exotica concionaretur aut miscens exoticam cum vernacula administraret rem divinam, non ædificaret. Finis iste, nempe ædificationis, est Cynosura quæ dirigere debet Ecclesiasticos in Constitutionibus Ecclesiastico-politicis. Ad cultum divinum necessaria sunt instrumenta quædam, ut ædificia publica, vasa, poculum, patina, mensa, &c. Instrumenta ista cultus divini non sunt res sacræ, ut olim fuerunt in templo Hierosolymitano. Christus cum instituit sacram Cœnam, non consecravimus patinam, calicem, mensam, cœnaculi

parietes. In instrumentis igitur cultus divini nihil aliud spectamus, quàm materi-
am & formam materialem seu physicam, ut sint aptata ad talem usum, & de-
corum civile seu ornatum honestum. Formam quam Suarez vocat quasi spiritua-
lem, id est consecrationem, nullam agnoscimus. Nec calicem ex contactu vini,
aut patinam ex contactu panis in Eucharistia consecrari existimamus. Neutram
consecrationem, inquam, agnoscimus, vel per unctionem Chrismatis, vel per
contactum panis & vini. Non enim instituta sunt elementa in hunc finem, ut
sanctificent res inanimatas. De materia & forma vasorum physica non sumus an-
xii, sitne poculum argenteum an stanneum an aureum, sitne patina quadrata vel
orbicularis &c. Hæc enim omnia sunt observationis liberæ, pro locorum varie-
tate. Ut consecrationem non agnoscimus, sic nec sacram aut mysticam significa-
tionem, ut Pontificii qui Corporale purum lineum esse volunt, ut significet
Christum syndone involutum. Nos hic decorum & ornatum civilem tantum respi-
cimus. Ceremonias proinde illas mysticas, quæ versantur circa vasa aut alia in-
strumenta, ludicras censemus, ut quòd mappa illa, qua altare totum cooperi-
tur, exui non debeat, nisi feria quinta hebdomadæ quam sanctam vocant, ob
specialem significationem Christi nudati à vestimentis suis. Decorum in instrumen-
tis opponitur sordibus & luxui. Nam ut non debent esse sordida sed munda, sic nec ni-
mium pretiosa. Aurum enim sacramenta non quærunt. Et ordo opponitur ineptæ eo-
rundem dispositioni & collocationi, qua fiunt ineptiora ad usum cultus divini. Ordo
rerum & rituum ipsorum opponitur confusio[n]i & ataxiæ. Est quidam ordo divinus,
qui non permittitur arbitrio hominis; ut in Eucharistia, benedictio, fractio, di-
stributio, manducatio, quo ordine præcederet una aliam. Est & ordo quidam
quem vocant dispositivum, quem ipsa rei natura docet, ut precatiuncula conci-
pienda ante interpretationem verbi ad animæ præparationem. Alius ordo est liber
& ex placito; ut quo ordine canendi Psalmi, aut legenda Scriptura Sacra in
publico conventu. Decorum in rebus & ritibus ipsis divinitus institutis dispensan-
dis opponitur levitati in gestu, pronuntiatione, cantu, item confusio[n]i & per-
turbationi ordinis. Nam ex ordine etiam oritur decorum, & contrà ex confusio-
ne indecorum. Contra ordinem & proinde etiam contra decorum peccatur, cum
duæ actiones sacræ, uno & eodem momento celebrantur in uno eodemque conven-
tu; ut si in ipso actu celebrationis Eucharistiæ populus cantet aut lector legat. Sic
solent sacrificuli Missas suas simul in angulis templi demurmurare & celebrare. Est
hic *ἀταξία*, & similis illi quam carpit Apostolus in Corinthiaca Ecclesia & *ἀκα-
ταστασία* vocat. Prophetæ duo aut tres loquantur, &c. Non enim est incomp[osi]t[us] status
author Deus. Ad ordinem pertinent tempora conventuum, vices concionandi, psal-
lendi, precandi, sacramenta ministrandi, item numerus & ordo lectionum, pre-
cum, &c. Nam ex isto principio & Canone universali, *Omnia fiant ordine & de-
center*, necitur conclusio; Ergo statuenda sunt certa tempora cultui divino. Dein-
de accedit determinatio pro circumstantiarum varietate varia ex prudentum ju-
dicio. Principium & conclusio sunt ipsius juris naturalis: particularis deter-
minatio est ex prudentum judicio. Hinc duo sequuntur; primum, actus ordinis
& decori non esse propriæ ceremonias sacras, ut diximus thesi tertia, sed actus
politicos communes tum civilibus tum sacris actionibus, tam sacris Veteris Te-
stamenti quàm Novi. *Quæ autem sunt ceremonialia ordinis*, inquit Junius in Libro de
Politia Mo[ysi], puta conventus haberi certo loco & tempore, hæc non tam ceremonialia
quàm politicæ sunt: & quia instituta politica juris communis sunt immutabilia ut ante osten-
dimus, propterea hæc à nobis non tanquam ceremonialia, sed tanquam politica Ecclesiæ, id
est, ad justum ordinem honestatemque ipsius pertinentia, quæ duo Paulus præcipit diligen-
tissime,

rissime, 1. Cor. 14. 40. *curantur religione summa. Sin ad ordinem juris particularis spectant, quod jus particulare ad Christianos reipsa minime pertinet, &c.* Sunt igitur ista Politica Ecclesiæ potius quàm Ceremonialia dicenda. Hookerus ceremoniarum patronus, ait; Omnem ceremoniam esse vanam quæ non sit significans; Ceremonias significatione vacuas esse otiosos hominum delirantium gestus. Si nullus actus Ceremoniæ appellatiōe dignus sit, qui non sit significans; sequitur eos qui sunt ordinis & decori non esse proprie ceremonias. Sed extendatur usus vocabuli si lubet, nam de nominibus non litigabimus, si cum restrictione dicantur ceremoniæ ordinis & decori. Pontificii etiam ceremoniis ordinis & decori addiderunt mysticas significationes, ut corporali, sicut dictum, item ipsi patinæ & calici, ut calix sepulchrum, patina lapidem sepulchro superimpositum significet. Non tamen vasis propter affectas ipsorum significationes abstinendum, quia sunt instrumenta necessaria Cultus Divini. Colligo secundo, determinatiōnes conclusionum elicitarum ex communi illo principio & canone universali, non esse easdem apud omnes, nec omni tempore, quia non semper eadem circumstantiarum ratio. In hisce politicis Ecclesiæ, quæ sunt mutabilia pro fluxa & mutabili conditione circumstantiarum, nec perpetuitas, nec uniformitas aut exigenda aut expectanda. De his ritibus, nempe Ecclesiastico-politicis, afferunt exempla Socrates & Augustinus locis supra citatis. Hi sunt innumerabiles secundum innumerabiles determinatiōnes ordinis & decori in variis locis. Cum Romam venio, jejuno Sabbatho; cum hic sum, non jejuno, ait Ambrosius, consulenti eum hac de re Augustino, quia cœperat perturbari & fluctuare mater ipsius. Et rectè, nam si August. concedenda essent stata tempora jejunii, determinatio diei esset libera. Sic in Paschate observando de Dei determinatiōne contendebant. Jejuniorum ratio ante Pascha aliter ab aliis observata est, ait Socrates. Nam Romæ tres septimanas ante Pascha, Sabbato & Dominico exceptis, simul jejunant; qui in Illyria & tota Græcia quique Alexandriæ habitant ante sex septimanas jejunia quæ ante Pascha fiunt ordiuntur; alii, præter horum consuetudinem, septem septimanas jejunant. Sic in Synaxi celebranda variæ erant consuetudines. Nam quamquam omnes ubique in orbe terrarum Ecclesiæ singulis septimanis vertentibus die Sabbathi mysteria celebrant; Alexandrini tamen & Romani ex antiqua traditione istud facere renuunt. Et si consuetudo erat universalis, tamen non sunt conformes Alexandrina & Romana Ecclesia; & Traditionem antiquam prætexunt quæ nihil aliud erat quàm antiqua constitutiō Ecclesiastico-Politica ipsis peculiaris de die quo celebraturi erant Synaxin. Apud omnes religionum & sectarum formas nusquam reperire poteris duas, quæ in precandi more inter se consentiant, ait ibidem Socrates. Publicarum precum, hoc est Divini Officii, (sic enim eo nomine Divinum Officium indigitant & Librum Liturgiæ seu Officii Divini Angli inscribunt Librum Communium Precum) exercitia & partes erant preces, psalmodia, lectio, concio, sacramentorum celebratiō. In particulari tamen quot & qui Psalmi hymnique recitandi aut canendi, quæ pars Sacre Scripturæ legi debeat, quid orare, quid petere debeamus, &c. Nunquam Ecclesia una universa plene consensit; sed unaquæque Ecclesia aut saltem Provincia proprium sibi officium composuit & ordinavit; inquit Spalatensis. Hispaniæ Isidori Breviarium & Missale diu sunt secuta, & id quod Mozarabæ vocatum fuit; Mediolanensis Ecclesia Ambrosianum Officium detinet adhuc in Matrīce; Monachi Benedictini proprium sequuntur Breviarium & Missale; Dominicani suum. Sic in Anglia Divinum Officium celebrant secundum usum Sarum. Quanta digladiatio orta est propter Officium Gregorianum & Ambrosianum, Gallicanum, Mozarabicum, utrum cederent Gregoriano, necne. Quandoquidem convenerat de præscripta formula verborum, & de rebus

De Polit.
 l. 5. Sect. 65.
 c. 341.

August.
 Epist. 118.

Hist. l. 5.
 Cap. 21.

De Repub.
 Eccles. l. 7.
 c. 12. Num.

Epist. 118.

ac de ritibus ipsis etiam superstitiosis & ludicris, ridiculum erat dimicare & contendere de hac vel illa verborum formula, de brevitate aut prolixitate hujus aut illius precatiunculae, de ordine legendi & similibus, quae erant tantum politicae consuetudinis suarum Ecclesiarum; sic percolabant culices & deglutiebant camelos. Anglicanum verò Officium nobis obtrudendum peccat & in materia & forma, & praescribit conceptis verbis formulas precum, litaniarum, collectarum, &c. de quibus differemus Capite Sequenti. De Ecclesiastico-politico-ortæ dissensiones ob quorundam contentiosam timiditatem & superstitiosam timiditatem, ut ait Augustinus; *Tantum quia subest qualiscunque ratiocinatio cogitantis, aut quia in sua patria sic ipse consuevit, aut quia ibi vidit ubi peregrinationem suam quo remotiorem à suis eo doctiorem putat.* Nonne litigiosus esset, qui hebdomadariae concioni interesse renueret in aliis locis, quia in sua Ecclesia non habent eundem ordinem, forte inveterato plurium seculorum more. Non aliud fuit scrupulus & superstitiosa timiditas matris Augustini, quae non de praescribendo tempore jejunii, sed de ipso die dubitabat. Ecclesiastico-politica non sunt cultus, sed ad cultum, ut supra dixit Junius. Quia tamen ad cultum ordinantur, & in ipso cultu usurpantur, ad Ecclesiae, non Magistratus Politici, arbitrium constituenda sunt & determinanda. David distribuit Levitas in certas classes, quod erat Ecclesiastico-Politicum, sed Propheta fuit, & ex aliorum prophetarum consilio id fecit.

CAPUT X.

De Vocatione & Functione Presbyterorum Ecclesiae Anglicanae.

Hactenus de Ecclesiasticis in Ecclesia Cathedrali; sequuntur. Ecclesiastici in Parochiali Ecclesia, Minister & Diaconus. Quos Ecclesiae Reformatae *Ministros*, Angli vulgò *Priests* vocant. Deduci quidem videtur nomen *Priest* à Presbyter, Gallicè *Prestre*, & contractè *Preist*. Cum tamen depravatum sit à Pontificiis Anglis ad significandum Sacrificulum seu Sacerdotem Missalem, eademque voce Sacerdotes Veteris Testamenti designant, vel excogitanda fuit alia vox qua *ιερεύς*, i. sacerdos exprimeretur, ut *sacrificer*, vel nomen Anglicanum *Elder*, quod propriè voci Presbyter respondet, (si tantopere illis non arrideat Ministri vocabulum) aut Pastoris, aut aliud simile substituendum erat loco illius nominis *Preist*. Siquidem patria lingua per *Priests* Sacrificos intelligunt, qui Apostolorum sermone dicuntur *ιερείς*, neque unquam Apostoli hoc nomen *ιερείς* Ecclesiae Christianae Pastoribus attribuerunt. Si responderint, se non esse Dominos verborum nec posse verba aliis imperare; negamus id magis difficile fuisse illis, quàm aliis Ecclesiis Reformatis. Sed Episcopi in ordinationibus, collationibus, canonibus, usurpant vocabulum *Preist*, quod patria lingua Sacerdotem aut Sacrificum significat, & discrimen vocum in versionibus, concionibus, interpretibus & concionatoribus imperare scilicet non possunt, qui omnia omnibus imperant. Fatetur Bellarminus; *Primos Christianos propter recentem memoriam Sacerdotii Aaronici abstulisse non solum à vocabulo Templi sed etiam Sacerdotii, ne viderentur adhuc durare Judaicae ceremoniae.* Itaque Apostoli in suis *Επιστολῇς* pro Sacerdotibus *Επισκοπὸν* & *Πρεσβυτέρον*, pro Templis Ecclesias dicunt, & similiter loquuntur. *Justinus*.

De Cult. Sar.
3. Cap. 4.

Igna-

Ignatius, & ceteri antiquissimi Patres. Multò magis abstinendum nobis est à vocabulis illis propter tam recentem memoriam, & adhuc vigentem usum Sacerdotii Missalis.

Minister, in quo considerantur Externa Vocatio, vel Publica Ministri Functio.

Externa Vocatio, vel ad Ordinem, vel ad Beneficium sive Locum Ministerii.

Vides, aliam esse Vocationem ad Ordinem, aliam ad Beneficium seu Ministerii Locum. Externa vero bipertita est, inquit Mucketus, cum sit vel ad ipsum sacrum Eccles. Angl. ministerium, vel certum locum quo ministerium exerceatur. Atque hæc duæ vocationes Cap. 10. externæ, licet ad plurimum conjunguntur secundum Primævæ & Ecclesiæ Anglicanæ p. 339. Canones, quibus certum est neminem sine certo titulo & designato muneris sui exercendi loco ordinandum; tamen quandoque, sicut olim in Primævæ, sic hodie in Anglicana Ecclesia, aliqui vocantur ad ministerium certo ministerii sui loco minimè destinati, ut Socii Collegiorum, & ante quinquennium Artium Magistri propriis sumptibus degentes in Aca- demis. Authores Admonitionis ad Parliamentum referunt una vice Episcopos quosdam emisisse 60. 80. 100. quibus ordines contulerant, tanquam famulos absque heris. Item, & cum creati fuerint, vel in Collegio suo delitescere possunt & ignavi vitam transigere; vel cum Bullis Episcopalibus ubique & passim errare, ac circumcellionum instar in aliorum Paroeciis concionari, prout libitum illis fuerit; vel amicitia, nummis, aut assentatione comparare sibi beneficia ubicunque captare possunt; vel denique, si istis omnibus frustrati fuerint, mendicorum instar oberrare & in multas ineptias incidere, vel, ut plerique fecerunt, schedulam affigere ad Pauli, vel in Regio Peristilio, (quod Bursam vulgus, R. Elizabetha Excambium Regium dixit) aliisve locis publicis, quibus sibi procurant probos certe quosdam heros qui ipsos in obsequiis habeant. Sic studia sua & laborem deferunt quibusvis & quovis fere pretio. Sed de Vocatione ad Beneficia dicemus suo loco. Apostoli non ordinarunt Presbyteros vagos, sed κατ' ἐκκλησίας & κατὰ πόλιν, Act. 14. 23. Tit. 1. 5. Concilio Chalcedonenſi Can. 6. decretum; Neminem ἀπολειμμένως id est absolute ordinari, nec Presbyterum nec Diaconum, nec omnino aliquem eorum, qui sunt in Ordine Ecclesiastico, nisi εἰδικῶς, (Balsamo & Zonaras ἰδικῶς) specialiter in Ecclesia civitatis vel pagi aut Martyrio aut Monasterio is qui ordines suscepit ἐπικηγύλοιο designetur, vel ut alii, prædicetur, alii, pronuncietur, τὰς δὲ ἀπολύτως χειροτονούμενους eos autem qui absolute ordinantur, decrevit sancta Synodus irritam esse ejusmodi manuum impositionem, & nusquam posse operari, ad ejus qui ordinavit injuriam. Zonaras in hunc Canonem sic commentatur; Sacerdotem aut Diaconum creari, aut alium quemvis hominem ita Clero adscribi, ut facultas ei libera sacra faciendi, sacrasve functiones, quibus locis collibuerit, exercendi relinquatur, hic Canon vetat. Sed eos omnes Ecclesiæ cuiuspiam urbanæ aut oppidanæ, aut dicato Martyribus templo, vel monasterio nominatim addictos, ita demum ordinibus insigniri jubet. Quin ut hoc tempore singularum urbium singuli Episcopi renunciantur, sic quicumque olim ordinibus insignitus esset certæ cujusdam Ecclesiæ Sacerdos, Diaconus, Clericusve (quamvis hæc postea tota ratio sit neglecta) nuncupabatur. Vidimus Conc. De Sacr. Mi- Chalc. opponi ἰδικῶς & ἀπολειμμένως seu ἀπολύτως. Posteriores verd Constitutiones Pon- nist. l. 1. c. 16. tificum huic juri derogaverunt, quibus constitutum est, ut irrita non sit ordinatio, sed is qui ordinat ordinatum, si egens sit, interim alere cogatur dum certus ei titulus affig-

natus fuerit, c. Cum secundum. De Præbendis & C. Episcopus. Quæ constitutiones confusionem incredibilem & dedecus attulerunt Ecclesiæ; inquit Duarenus. Dicit Mucketus, ut plurimum conjungi utramque vocationem; sequitur igitur non semper, quod tamen semper factum in Ecclesia Apostolica, & semper fieri decrevit Concilium Chalcedonense, alioquin ἀναγον irritam esse τῶν τοιαύτων κατεπορίων ejusmodi manuum impositionem. Et quomodo quæso ut plurimum conjungunt? docet; quia nempe Canonibus cautum, ut nemo ordinetur sine certo titulo & designato muneris sui exercendi loco. Intelligit haud dubiò Canonem Primum Constitutionum anni 1574. in quem vide Censuram Brightmanni in Apoc. 3. vel xxxi. Constitutionum anni 1603. cujus hæc verba. Multis jam olim Patrum decretis cautum est, ne quem liceret Diaconum vel Presbyterum ordinari, nisi quem constaret certum aliquem & designatum muneris sui exercendi locum per id tempus obtinere; quorum nos auctoritatem secuti statuimus & ordinamus, ne quis deinceps in sacros ordines admittatur, nisi qui eodem tempore præsentationem sui ipsius ad promotionem aliquam Ecclesiasticam infra Diœcesin illius Episcopi à quo manuum impositionem petit, tunc vacantem exhibuerit; vel verum & indubitatum certificarum attulerit sive de Ecclesia aliqua infra Diœcesin seu jurisdictionem dicti Episcopi, cujus cura fungi possit, sive de loco Diaconi vel Presbyteri in Cathedrali aut Collegiata Ecclesia aliqua infra eandem Diœcesin vacante, in quo functionem suam exerceat; vel nisi fidem fecerit se actu Socium aut jura Socii obtinere, vel designatum esse Conductum sive Capellanum in aliquo Collegio Cantabrigienfi aut Oxoniensi, vel etiam ad Magistri gradum ante quinquennium proventum, suis ibidem sumptibus vivere; vel nisi ab Episcopo ipsum ordinante in Beneficium, sive ad exercendum aliquam Curam tunc etiam vacantem, brevi possit se admittendus. Si quis vero Episcopus in sacros ordines quenuquam asceverit, qui prædictorum aliquo titulo non sit præatus, tunc omnia illi necessaria eatenus subministrabit, donec eidem de aliqua Ecclesia prospexerit. Qui si facere recusaverit, per Archiepiscopum, uno præterea Episcopo assidente, ab Ordinatione Presbyterorum & Diaconorum per integrum annum suspendetur. Deest hic clausula (quam irritantem vocant) nempe irritam esse ejusmodi ordinationem ad dedecus Episcopi qui ordinavit, ut in Concilio Chalcedonensi decretum, & postea in Placentino sub Urbano II. vide Distinct. 70. Hic tantum suspendendus Episcopus ordinans per integrum annum ab ordinatione Presbyterorum & Diaconorum si rigidior voluerit Archiepiscopus esse in Episcopum, quod ob delicta etiam graviora non est metuendum. Sed sic lubet illis illudere Ecclesiis talibus functionibus. Deinde quid tituli nomine intelligunt? an certum gregem aut parœciam? Nihil minus: sed cum Pontificiis ordinis omnis & decori juratis hostibus Titulum interpretantur Reditum seu Possessionem, depravata interpretatione everentes sensum Canonis. Vetus interpres forte legit νόμον pro κλῆρον, unde prava interpretatio possessionis pro pago, ut conjicit Duarenus. In Synodo Chalcedonensi sancitum est, ne absolutæ fierent ordinationes, hoc est, quin locus simul assignetur ordinatis, ubi munus suum exerceant. Hoc decretum duplici nomine utilissimum est, ne onerentur Ecclesiæ supervacuo sumptu, & in homines otiosos expendatur quod erogari pauperibus debet. Deinde ut ii, qui ordinantur, cogitent se non ad honorem promoveri, sed munus sibi mandari ad quod obeundem solenni testificatione obligentur. At Romanenses Magistri (qui nihil in religione curandum putant præter ventrem) primò titulum interpretantur, reditum quæ ad alimoniam sufficiat, sive ex patrimonio sit sive ex sacerdotio. Itaque quum Diaconum vel Presbyterum ordinant, nihil solliciti ubi debeant ministrare, ordinem illis conferunt, si modo satis divites sint ad se alendos. Verum quis hominum hoc recipiat, ut titulus quem requirit Concilii decretum sit annuus proventus ad alimoniam? Sic Titulum hoc Canone interpretantur & intelligunt non solum Ecclesiam vacantem,

Calvinus
Instit. l. 4
cap. 5.
Sect. 4.

cantem, sed etiam locum Diaconi aut Presbyteri in Ecclesia Cathedrali vel Collegiata, aut Socii, aut Conductitii five Capellani in Collegio aliquo Cantabrigiensi aut Oxoniensi, aut si quis ad Magisterii gradum provectus ante quinquennium ibidem suis sumptibus viveret, aut si brevi postea ab Episcopo ordinante ad beneficium aut curam aliquam exercendam sit admittendus. *Hoc certum; post Ecclesiam primitus fundatam constitutamque, assignatis cuique cætui ministeriis necessariis, aureis illis temporibus neminem ad sacros ordines admissum, qui non peculiari ministerio destinatus. Verum pia hæc institutio mox corrupta aliis, quod exemptionibus essent muniti, aut ob alios aspectus humanos; Episcopis verò, ut numerosum haberent Clerum, nemini petenti sacros ordines denegantibus. Itaque in Concilio Chalcedonensi id genus Ordinationis prohibitum, quod tunc temporis vocabant absolutum aut solutum, (ita enim proprie sonat vox græca,) decretumque ut nemo nisi ad munus peculiare ordinaretur, atque ut liberæ solutæque ordinationes nullæ essent ac irritæ: idque multis deinceps Canonum posteriorum sanctionibus fuit confirmatum, ut jam pro regula generali reciperetur in Ecclesia, neminem sine titulo posse ordinari. Jam antiquis illis bonisque temporibus Tituli appellatione denotabatur munus aut ministerium obeundum. Ubi vero corruptele invalere, Tituli nomine cæpit intelligi redditus unde victus comparatur; adeoque quod sancitum erat, ut in Clero nemo esset otiosus, mutavit in illud ut nemo esset egenus, ne quis labore suo victum sibi parare cogeretur. Ita Canonum sensu hac interpretatione obvelato Alexander III. in Lateranensi suo sanxit: Ne quis ordinaretur sine titulo, ex quo tantum posset capere, quantum ad vitam alendum esset necessarium; addita exceptione à regula, nisi de suo aut hereditate paterna abunde illi suppetere. Quibus artibus exceptionem illam deluserint, & sic nihilominus creverit inopum Sacerdotum numerus, ostendit Petrus Suavis. Cum de Ordinatione ad Titulum dissertaretur in Concilio Tridentino, hæc sententia multos habuit suffragatores, videlicet ut mos ille jam receptus neminem ordinandi sine titulo, aut beneficii Ecclesiastici, aut Patrimonii ad victum idonei, porro obtineat, ne sacerdotes cum summa sacri Ordinis contumelia mendicantes deprehendantur. Tum ut ad prævortendum fraudibus statuatur omnem Episcopos adhibeat diligentiam, ne parimonibus, ad quod Clericus ordinatus fuit, alienetur. Hæc unica, ut videmus, cura tum Romanensium tum Anglorum, ne nimirum Clerici in Ordinibus Majoribus constituti præ egestate adigantur ad vilia exercenda officia, vel ut dicitur in Glossa in Dist. 70. ne dicatur in plateis, mendicat infelix Clericus. Quod in Canone Anglicano dicitur; Si quis vero Episcopus in sacros ordines quenkumq; asciverit qui prædictorum titulorum aliquo non sit præditus, tunc omnia illi necessaria eatenus subministrabit, donec eidem de aliqua Ecclesia prospexerit, non est recens Ecclesiæ Anglicanæ decretum. Jam vero quia recentiores Canones Episcopos damnabant eorum alimonia, quos sine idoneo titulo ordinassent, quo sic reprimerent nimiam eorum facilitatem, etiam cautio excogitata est qua eluderent pœnam. Nam qui ordinatur nominato qualicumque titulo, promittit eo se fore contentum. Eo pacto ab alimentorum actione depellitur. Ita-
 ceo mille fraudes quæ hic sunt, ut quum alii inanes sacerdotiorum titulos mentiuntur, ut
 etc. Authores Admonitionis ad Parliamentum referunt, si observatum fuisset istud
 Decretum 3. aut 4. Episcopi aluissent singuli magis numerosam familiam, quam unquam
 ullus Magnatum in hoc regno. Hic opus esset Literis, quas vocant, Justitiæ. Nam
 Codicilli seu Rescripta Pontificis summi dicuntur Justitiæ ad futura beneficia,
 quibus jubetur Episcopo conferre beneficium Clerico quem ordinavit, quia justum
 est eum alere quem pauperem ordinavit. Canones quibus damnati Episcopi alimonia
 eorum quos sine titulo ordinassent, vide Decretalium Lib. 3. Titulo de
 Præbendis & Dignitatibus Cap. Non licet, & Cap. Episcopus, & Cap. Cum secundum
 Apostolum, & Lib. 1. Titul. de Ætate & Qualitate & Ordine præficiendo-
 rum*

Petri Suavis
 Hist. Concil.
 Trident. Lib.
 6. p. 550.
 edit. Franc.

Calvin. In-
 stitut. Lib. 4.
 Cap. 5.
 Sect. 4.

Decretal.
Lib. 3. Tit.
3. Cap.
Siquis.
Petri Sua-
vis Hist.
Conc. Tri-
dent. l. 8.
p. 803. edit.
Francof.

rum Cap. *Accepimus.* & Sexto Decretalium Titulo de Præbendis Cap. *Si Episcopus.* Adeo rigidi erant hac in re Canones etiam recentiores, ut cautum fuerit; Si quis ordinaverit seu ad ordinem præsentaverit aliquem, promissionem vel juramentum ab illo recipiens, quod super provisione sua non inquietet eundem; ordinator à collatione, præsentator vero ab executione Ordinum per triennium, & ordinatus ab ordine sic suscepto, donec dispensationem super hoc per sedem Apostolicam obtinere meruerint, noverunt se suspensos. Glossa ibidem; Pactum tale sive juramentum turpe est, ideo nullam obligationem inducit. Episcopus Guadicensis in Concilio Tridentino invehitur in Episcopos titulares, At enim, dicebat ille Episcopus, esse dignitati Episcopali annexum tanquam rem essentialem, habere locum & Diocesim. Episcopum & Ecclesiam relativa esse, sicuti maritus & uxor, quorum unum sine altero esse non potest. Adeoque naturam contradictionis non pati, ut ulla causa creandi Episcopos titulares dicatur legitima. At idem est Episcopus, qui Presbyter, Apostolorum idiomate. Ergo, non ordinandus Presbyter, nisi simul habeat certum coetum & gregem, unde meritò dici possit Episcopus. In ordine autem Romana fit mentio talis pronuntiationis Episcopi nomine per Archidiaconum factæ. De Titulo S. Stephani eligimus Petrum ad Lectorem ad eundem Titulum. Glossa in Dist. 70. Si ne Lector quidem admissus absque titulo, quanto minus debet Presbyter.

Externa Vocatio ad Ordinem sive Gradum, cerniturque in Rebus ordinationem Præcedentibus vel in Ordinatione re ipsa.

In rebus Ordinationem Præcedentibus, quales sunt.

1. Publica per Episcopum facta Denuntiatio diei Ordinationum in locis celebrioribus Diœceseos.
2. Literæ Testimoniales ad Episcopum ordinantem a viris probatæ fidei & religionis, tam de ordinandi Conversatione quàm Natalibus, veluti quod non est spurius aut servus.
3. Examinatio Ordinandi, vel Educationis, utrum in Schola triviali an Academia, vel Profectus in Literis humanioribus & Theologia. In quo considerantur vel Profectus ipse; idque vel per Episcopum ipsum dispiciendus, vel per Archidiaconum, vel aliquem ejus vice assumptum; vel ipse Gradus Scholasticus initus.

In Ordinatione ipsa, constatque in Precibus pro ordinando, Cohoordinationibus ad eum, Manum Impositione.

Part. 2. voce
Ordo.

Episcopus appropinquante die Ordinationum affigit Edictum valvis Ecclesiæ Cathedralis & aliis locis celebrioribus, quo monet ordinandos, ut sistant se ad locum designatum & diem dictum celebrandis ordinationibus. Zerola in Praxi Episcopali. Undecimò, quæ praxi utendum, quando Episcopus voluerit agere ordines generales, quæ solum sex temporibus anni fieri possunt, nempe. Quatuor temporibus, scilicet, & sabbatho sancto: dico quod per mensem ante ordines debet ponere edictum ad valvas Ecclesiæ Cathedralis vel alibi, ubi ei magis convenire videbitur, quo vocentur omnes ordinandi, & tunc accipiant commissionem ab Ordinario directam Parocho pro capienda informatione, postea feria quarta ante ordinationem omnes præsentari debent coram Episcopo

pe &c. Nam primum examen instituitur in parochia ordinandi, per Parochum vel alium cui illam provinciam commiserit Episcopus, & reductum in Scripturam occlusum remittendum ab Episcopo, ut refert Piacensis in Praxi Episcopali. Apud Anglos non observatur ordo iste, aut primum istud examen. Lampridius de Alexandro Severo refert, quod Ubi aliquos voluisset vel Rectores provinciis dare, vel Præpositos facere, vel Procuratores, id est, Rationales ordinare, nomina eorum proponebat; hortans populum, ut si quis quid haberet criminis, probaret manifestis rationibus, si non probasset subiret pœnam capitis. Dicebaturque grave esse, cum id Christiani & Judæi facerent in ordinandis Sacerdotibus, non fieri in Provinciarum Rectoribus, quibus & fortune hominum committerentur & capita. Umbram moris veteris videmus durare apud Pontificios & Anglos, sed tantum umbram. Nam ætate Severi non extenderant Episcopi jurisdictionem per integram Diœcesin. Nec nunc eorum nomina proponuntur, ut tunc factum innuit Severus: & quamvis proponerentur, non sunt Diœcesi noti, ut tunc fuerunt Ecclesiæ unius civitatis aut oppidi, & plerumque ex illius Ecclesiæ Clero satis noto eligendi, aut aliunde, ut satis noti, erant postulandi. Bulla sua Episcopali denunciât Episcopus appropinquare diem ordinationum, qua quasi classicum canit ad congregandum exercitum, qui postea impositis ejus manibus statim involet in Ecclesias & invadant invitas, ut appositè dixit egregius ille Episcopomastyx Thomas Cartwrightus. An disertè etiam per edictum moneantur omnes in Diœcesi, ut denuncient, si quæ noverint, ordinandorum delicta, dubitat; sed largiendo quod etiam illud fiat, tamen seriò & candidè in hoc negotio Episcopos non agere his rationibus docet. Nam ut præteream illud, inquit, quod Episcopus solebat adire Ecclesiam illam cui præponendus erat Pastor, nempe dilatatæ jam finibus ditionis, aut Ecclesia una majore divisa in plures particulares, non autem Ecclesiæ accesserunt ad Episcopum; & ut incommodum etiam illud mittam, quomodo Ecclesiæ totius Diœceseos diversorū sufficere possint uno in loco, præsertim in villa, ubi sæpius Episcopus confert ordines; & illud etiam, quod schedula quæ affigitur valvis Ecclesiæ, exaratur lingua latina, unde fit ut accingere se nequeant tubæ sonitum non discernentes: ut inquam hæc omnia mittam, quid interest Ecclesiis adesse examini idoneorum ad Ministerium quæ jam habent curæ incumbentem? Nam conferunt ordines Episcopi tam vacantibus quam non vacantibus Ecclesiis. Et quid agerent ibi Ecclesiæ vacantes, cum incertæ sint, an ullum illa ordinatione an alia quadam præcedente creatum naturæ sint, in illa Diœcesi an in alia. Sed sint certæ, quod tamen non potest fieri, ex illo numero unum se accepturas, & vacaverint forte quatuor aut quinque, vel oportet inquirere in vitam & mores 40. 50. imò quandoque 100. ordinandorum, quod impossibile, aut decipi facile possunt. Nam Patronus & Episcopus astringi nolunt iis in quos illæ inquisierint, sed seligunt ex integro numero, quem libitum fuerit. Et licet creandorum numerus vacantium Ecclesiarum numero major non esset, cum tamen non versati fuerint in ea Diœceseos parte, ubi sitæ sunt vacantes Ecclesiæ; quomodo objicient in eos quos antè nunquam viderant, aut de quibus nihil unquam audierunt? Si inesset candor ille, quem simulant Episcopi, primum scirent quinam illi sunt qui in Ministerium initiari desiderant, deinde denunciarent Ecclesiis, ut ante diem certum præstituendum in hos aut illos ambientes inquirant.

Literæ Testimoniales de Conversatione ordinandi cujusmodi fuerant, referunt Authores Admonitionis ad Parliamentum; nempe si comparasset sibi ordinandus literas commendatitias alicujus ex Nobilium aut Equestri ordine, ex infima plebe quivis, doctus an indoctus parum intererat, promovebatur. In Constitutionibus anni 1597. statutum, ut cooprandus in sacros ordines, de vita sua laudabili & morum integritate literis testimoniales sub sigillo vel alicujus Collegii Cantabrigiæ aut Oxoniensis,

sis, ubi antea moram fecerat, vel alicujus Jussituri ad Pacem Domine Regine conservandam assignari, unà cum subscriptione & testimoniis aliorum proborum & fide dignorum hominum ejusdem Parœciæ, ubi per tres annos ante proximè elapsus commoratus est, exhibeat. Et Can. 34. Constitutionum anni 1603. Nullus Episcopus in sacros ordines quemquam de cætero cooptabit, qui non ex sua ipsius Diœcesi fuerit: nisi vel ex nostratum Academicarum altera procerit &c, at ulterius de vita sua laudabili & morum integritate literas exhibuerit, sub sigillo alicujus Collegi Cantabrigiæ aut Oxoniensis, ubi antea moram fecerit, vel certè trium aut quatuor gravium Ministrorum unà cum subscriptione & testimonio aliorum probabilium & fide dignorum hominum, quibus ejusdem vitæ & mores per proximum triennium fuerant explorati. Academicarum, si essent Academicæ quales esse debent, Testimonia non essent contemnenda, nec eorum fides labefactanda: sed legenti scripta Anglicana occurrunt non leves de eis querimoniæ. Quod ad trium aut quatuor gravium Ministrorum literas testimoniales, novimus quoniam sunt illi tantæ gravitatis elogio ornati, discretus v. r. Rollandus Alanus, & alii Curiones misselli, testes graves & religiosi scilicet, ipso forte ordinando nequiores; & viri illi compertæ fidei, forte illius sodales & contortes & eorundem delictorum participes. Hæc ita se habere clamant scripta piorum, & vox populi. Et si cum testibus hisce ἀντιπροσώπων alios quis componeret, faciliè eorum fidem elevaret. De Natalibus extat decretum Alexandri III. Consultationi tuæ taliter respondemus; Quoddam neque spurios neque servos ordinare debes: & si memor es, in consecratione tibi dictum, vide ne quemlibet servilis conditionis ad ordines promovere præsumas. Glossa ibidem. Spurius est, cui pater est vulgus, & sic non potest ostendere patrem, vel si ostendit, verecundum ostendit, quem habere non licet. De Illegitimis Natalibus vide pag. 66. 67. Servos non ordinandos ante plenam manumissionem, jure quidem decrevit concilium Toleranum, ut habetur eodem Titulo, & ratio redditur in Canonibus vulgò dictis Apostolorum, Can. 82. ὅτι τὸ τοῦτον ἀνατροπὴν τῶν δίκων ἐγχεῖται familias evertit, subductis nimirum Domino ministeriis alioquin necessariis. Fortassis enim servus ille procurator esse possit domus & negotiorum Domini sui, vel tabernæ Dominicæ præpositus, vel cujus fidei sunt creditæ pecuniæ ad negotiationem: propterea Domino suo molesta foret ejus ordinatio. Quod si servus sacro dignus existimetur, Episcopum cum Domino de eo negotio communicare oportet: hic autem si consenserit, ille ordinetur. Magnus etenim Paulus Onesimum Philemonis servum, cujus ministerium judicabat utile Philemoni, sine Domini voluntate non decrevit retinere, sed ipsum remisit ad Philemonem. Hæc Zonaras in illum Canonem. Non licebat servis olim militare invito aut repugnante Domino. Et licet servus propriè dicatur, qui jure gentium contra naturam subicitur dominio alterius; nec servitus hujus generis jam ullibi in Europa locum habeat: tamen æquitas & ratio, quæ est anima legis, in aliis etiam servis valet, qui mancipati sunt publicis aut privatis servitiis. Non enim hic tam spectanda vilis conditio servi, nam in Christo non est differentia inter servum & liberum, quàm quod distraheretur à cura sacri muneris, vel damnum pateretur Dominus.

Decretal.
Lib. 1. Tit.
18.

Praxi Epif.
cap. p. 1.
c. 1. Num. 49

Instante ordinationis die, examinatur ordinandus per Archidiaconum. Dicit Piacensis, licet de jure spectet hoc examen ad Archidiaconum, posse tamen Episcopum aliis viris eruditis hoc examen demandare, vel ipsemet examini præsidere: raro tamen examini isti ante diem ordinationis præsidet ipse Episcopus, quamvis rigoroſe examen hoc institui debet, ut ait Piacensis. Non examinatur de iis in quibus periculum animæ vertitur, integritate vitæ & doctrinæ. Cum eligitur Episcopus, eligitur industria personæ, fides, peritia. Non debet igitur demandare examen istud aliis; multo minus ferre, ut Archidiaconus Presbytero ordine & gradu inferior

ferior examinet Presbyterum, quia Papali quadam consuetudine hoc munus sibi arrogat. Si dixerit quis, Archidiaconum esse etiam Presbyterum: id de omnibus Archidiaconis affirmari non potest. Præterea non quatenus Presbyter, sed quatenus Archidiaconus, eo munere fungitur: & Archidiaconus Presbyter monstrum est in Ecclesia. Imo cur in ullum Presbyterum rejiceret hoc onus Episcopus, siquidem in eligendo Episcopo eligitur, ut diximus, industria & fides personæ? Author Abstracti refert, quandoque Archidiaconum examinare in una regni regione, Episcopum in alia conferre ordines. Sed ad ipsum examen veniamus. De Conversatione fides adhibenda, inquit, Literis Testimonialibus. Quemlibet præsumere debemus dignum quem nescimus indignum, dicunt Canonistæ. Timotheus tamen aliis & amplioribus elogiis ornatus à fratribus, cum assumeret eum sibi comitem Apostolus. Doctrina, quia est quid extrinsecum & accidentale homini, idcirco non præsumitur homini inesse nisi industria & diligentia acquiratur. Hic Actuali, ut dicunt & agnoscunt, Examine opus est. In Constitutionibus anni 1571. habentur hæc verba; *Archidiaconi & illorum Substituti, quos Officiales appellant, in visitationibus suis vocabunt Clerum ad rationem quantum quisque promoverit in studio Scripturarum: & quicumque ex illo ordine Magisterium artium in Academiis nostris attigerint, illis proponent partem aliquam Novi Testamenti memoriter ediscendam, eosque in proxima Synodo ad repetitionem adigent, & contumaces & negligentes Episcopo indicabunt. Primum creantur Ductores gregis, deinde sunt. Qualitates adesse debent eo tempore quo dispositio sumit effectum. In opulione, vigile, milite, magistratu, & aliis, id observandum nemo negat. Cleri nomine Presbyteros intelligi ostendunt verba sequentia; Peracta visitatione Archidiaconus significabit Episcopo, quos invenerit in quoque Decanatu ea doctrina & judicio prædicos, ut digni sint qui pro concione doceant populum, & præfint alius: ex illis Episcopus potest delectum facere quos velit esse Decanos Rurales. Constitutionibus anni 1597. & Canone 34. Constitutionum anni 1603. videntur majorem peritiam exigere in ordinandis. Nullus in sacros ordines quemquam de cætero cooptabit, qui non ex sua ipsius Diocesi fuerit, nisi vel ex altera nostratum Academicarum prodierit; vel nisi Literas (quas vocant) Dimissorias attulerit ab Episcopo de cujus jurisdictione existit: & si Diaconus fieri expetit 23. sin Presbyter 24. ætatis suæ annum jam compleverit, ac etiam in altera dictarum Academicarum Gradum aliquem Scholasticum susceperit, vel saltem nisi rationem fidei suæ juxta Articulus religionis in Synodo Episcoporum & Chri anni 1562. probatos, latino sermone reddere possit & eandem Scripturæ testimoniis corroborare. Non exigit Canon iste, ut nulli cooptentur in Sacros Ordines, nisi qui prodierint ex Academiis, sed si sunt Diocesani vel alienæ Dioceseos subditi, & habent literas dimissorias, modò possint rationem fidei reddere, ut dictum, latino sermone, non rejiciendi. Præterea Gradus Scholasticus in Literis Humanioribus sufficit, non autem requiritur necessariò in Theologia. Præterea observandum, nihil hic requiri in Presbytero magis quàm in Diacono. De cooptandis non in ordinem Presbyteratus in specie, sed in sacros Ordines in genere, statuit Canon ille, & verba utrisque accommodari possunt. Deinde nihil hic de dono concionandi statuitur. Annon quia existimant, donum concionandi non esse Presbytero necessarium & essentialè? sicut & Pontificii. Tertio, nec illud observatur, quod consecrati etiam post Canonem illum conditum debeant reddere rationem fidei suæ juxta Articulus illos sermone latino, & corroborare testimoniis Scripturæ, quod tamen esset facillimum. Respondet Masonus Hierarchicus in Libello de Autoritate Ecclesiæ in condendis Canonibus, esse vitium non legis sed transgressorum legis. Nonne ipsimet conditores Canonum sunt eorundem violatores, & quis contra hincere aude? Quid*

In Apoc.

Cap. 3. p.

68. in Osta.

uo.

juvant leges æquissimæ, ubi dominantur Domini, dixissem, tyranni legum administri & executores. Nullus candor in condendo Canone, sed tantum fallacia ad gignendam spem Reformationis in animis piorum. Recole igitur mecum novissimas tuas Constitutiones, inquit Brightmannus, quæ solent esse sapientissimæ, tractatas in Synodo Londinensi & editas anno 1597. quam medicinam Ecclesiæ laboranti facis? Primum decernis ut homines idonei ad sacros ordines & beneficia, ut vocant, Ecclesiastica admittantur. Equidem titulus recreabat multos, & uti tandem oculis complures te iudicabant. Hoc hominum genus Ecclesiam jam diu male habuit. Spes erat remedi, quando tu morbum videres & agnosceres. Ex malis enim moribus nascuntur bonæ leges. Sed quàm tu sapienter occurristi huic malo & expectationem bonorum explevisi, tecum ipse perpendas, deinde sententiam feras. Nosti sancitum esse statuto regni, Neminem admittendum ad sacros ordines, nisi qui natus sit 24. annos ad minimum, atque prius attulerit Diocesano testimonium hominum, quos cognitos habet Episcopus. esse sanæ religionis, tum de proba sua vita tum de profertenda doctrina Ecclesiæ nostræ: nec non potuerit rationem fidei suæ reddere latina sermone, vel saltem præcipuo quodam concionandi dono fuerit præditus. Hoc jam diu constituto, nihilominus laboravit Ecclesia nova turba hominum indignissimorum. Quibus ergo cautionibus imbecillitatem legis sublevasti? Solent enim prudentes & oculati viri perspecta legum infirmitate strictioribus sanctionibus in illam partem adjuvare, qua vident hominum audaciam perrumpere. Et eodem Capite habet auream illam & verissimam sententiam; Nihil proficimus nostris legibus, ubi Christi leges non servantur. Quorsum leges, si Episcopi exleges sunt? Quorsum leges, ubi prima lex, nempe delegitimo regimine, quod commendatur nobis in scripturis, non primas tenet, sed prorsus exulat? Nec præcipit Canon, ut repellatur ordinandus, & irrita fiat ordinatio etiam post impositas manus, si compertum fuerit non fuisse idoneum. Nec in ordinantem gravior statuitur pœna. Canone sequenti sic decreverunt. Quod si quis Episcopus vel Suffraganeus in sacros ordines quempiam sine prædictis qualitatibus aut iusto (ut supra) examine cooptarit, per provinciam suam Archiepiscopum, ea de re certiore factum, (assidente uno alio Episcopo) ab omni ordine conferendi potestate in integrum biennium secludetur. Gravis scilicet animadversio. Nam si Episcopus suspenderet ad biennium integrum à conferendis ordinibus habet Suffraganeum qui & ad ejus nutum conferet. Si Suffraganeus, ipse Episcopus conferet. Deinde quis ille, qui audet adire palatium Archiepiscopi, eumque segniorum excitare ad judicandum de Episcopo? Sic imponunt Ecclesiis impostores illi: interim patitur Ecclesia & retinet Ordinem consecratus, nam character est indelebilis. Obiter vides lector, licet Archiepiscopi unà cum Episcopis conjurati sint contra libertates Ecclesiæ, quid tamen possit de jure Anglicano Archiepiscopus, nempe solus suspendere Episcopum ab officio. Nam Episcopus qui assidet non est iudex, sed assidet solummodo. Habent Episcopi, inquit Calvinus, suos Vicarios qui ante ordinationem de doctrina inquirant. Sed quid? an legere suas Missas possint, an vulgare aliquod nomen, quod in lectione occurret, declinare, an conjungere verbum, an vocis unius significationem noverint. Nec enim est necesse, ut unius versiculi sensum reddere sciant. Neque tamen è Sacerdotio repelluntur, qui in his quoque puerilibus elementis deficiunt, modo aliquam pecuniæ vel gratiæ commendationem attulerint. Si Liturgiam Anglicanam quis legere queat articulatè, omnibus necessariis Miniistri Anglicani munis fungi potest. At si non perfectam omnibusque numeris absolutam rerum cognitionem in omnibus necessariam dicimus, mediocre tamen desideramus, utque talis sit ad Ordinem Presbyteratus promovendus, quales vulgo homines eruditos appellare solemus; ait Duarenus.

De Sac.

Minist. l. 4

c. 2.

De Loco & Tempore Ordinationum extat Canon in Constitutionibus anni 1603.

U

Ut nulli in posterum Presbyteri aut Diaconi ordinentur nisi in diebus Dominicis, immedie sequentibus Fejunia Quatuor Temporum, vulgo Septimanas Cinerum, Anglicè the Ember weekes, ad Preces & Fejunia, idque hunc in usum antiquitus institutas, atque in Ecclesia Anglicana hodiè continuatas. Quod utique fieri volumus in Ecclesia Cathedrali vel Parochiali, ubi Episcopus commoratur, ac tempore Divinorum, assistente non solum Archidiacono, sed & Decano, & duobus ad minus Præbendariis, aut (illis legitime detentis) quatuor aliis gravioribus personis, quæ Magistri artium ad minimum extiterint & propriis concionatoribus legitime approbatæ. Assistentes isti non habent potestatem ordinationis, sed eam singularem vendicat sibi Episcopus. Soli Episcopi his verbis, Accipite Spiritum Sanctum, &c. Presbyteros creant, (inquit Mucketus) licet undè cum us Decani, Cathedralium Ecclesiarum Præbendarii, & Archidiaconi, ad tam sacrosanctam & publicam actionem communibus votis promovendum, manus quoque imponant. Non datum Presbyteris etiam Decanis aut Præbendariis dicere ordinando, Accipe Spiritum Sanctum &c. Quomodo distinguunt inter impositionem manuum Episcopi & Assistentium, vide suprâ pag. 166. Ordinationes non essent celebrandæ in Ecclesia Cathedrali vel Parochiali, ubi commoratur Episcopus, sed in Ecclesia Parochiali, cui præponendus Presbyter, si non consecrarentur ἀπολειδύμενος contra Canonem Concilii Chalcedonenfis & Apostolicæ Ecclesiæ morem. Præterea, licet in Ecclesia Cathedrali aut Parochiali, ubi commoratur, confert ordines statis temporibus, extra hæc tempora solennia contulerunt ordines quandoque Episcopi pro re nata in sacellis suis. Ordinationes absque Titulo introduxerunt quoque stata ordinationum tempora. Nam quamdiu ordinatio erat ad certum titulum seu gregem, non erant stata tempora. Nam non poterant omnes uno tempore diversis parœciis, & diversis locis præfici. Non igitur erat traditio Apostolica, ut asserit Leo Serm. 3. ac 4. de Jejunio Septimi Mensis. Stata tempora definiuntur, Decretalium Lib. 1. Tit. 11. Cap. 3. quatuor tempora, sabbatum sanctum, sabbatum ante Dominicam de Passione, adde & ex Capite Primo, sabbatum post Pentecosten. Consuetudo, ait Glossa in 75. Distinct. Cap. Quod à Patribus, tamen habet quod tantum circa horam nonam sabbathi sunt ordinationes. Si die Dominico non jejunandum, & tamen die Dominico celebrandæ ordinationes Presbyterorum & Diaconorum apud Anglos; quomodo celebrant ordinationes cum jejunio? Si dixerint, continuato jejunio usque ad prandium, ante prandium celebrari ordinationes; an non tamen ex parte dies Dominicus erit dies jejunii? quia vetitum ante celebratas ordines comedere. Fulco Rhemistis hæc Jejunia Quatuor Temporum autoritate illius loci, Act. 13. 3. confirmantibus respondet; Fejunia vestra Septimanas Cinerum nihil aliud sunt, quam ludificatio veteris Disciplinæ Ecclesiasticæ. Nam observatis dies illos ex necessitate, quamvis nulli sint in Diœcesi ordines suscepturi, & quandoque Episcopi vestri conferunt ordines absque præparatione jejunii. Sic puto, Episcopos Anglicanos singulos singulis Septimanis Cinerum non celebrare ordinationes, & extra hæc tempora celebrasse jam diximus absque ullo jejunio.

In conferendis Ordinibus hunc morem observant. Ad Presbyteratus gradum per Diaconatum ascendere oportet, servatis debitis temporum interstitiis. Potest tamen Archiepiscopus concedere facultatem, ut præparatus ad sacros Ordines queat ordinem Diaconatus & Presbyteratus simul & tempore non statuto suscipere. De ascensione ista per gradus, temporum interstitiis, & dispensatione vide pag. 81. 82.

Can. 35. Constitutionum anni 1603. sic decretum; Episcopus, priusquam cœlibet

ordinando manus imponet, diligenti eum examine excutiet & explorabit, præsentibus iisdem Ministris quos velit in impositione manuum sibi assistere. Quid si Episcopus legitime impeditus prædicto examini vacare nequeat, illud tamen à præfatis Ministris sollicite fieri procurabit. Provisio semper, ut qui Episcopo in dicta examinatione, & manuum impositione adesse debeant, de ipsius Cathedrali Ecclesia existant, (siquidem eorum facultas dubitur,) alioqui tres ad minus idonei concionatores ab eadem Diocesi adfiscantur. Episcopus Anglicanus etiam Jejunii Quatuor Temporum seu Septimanis Cinerum legitimas fingere potest causas, quibus impeditus non potest ordinandorum examini vacare; semper occupatus alienis negotiis & secularibus, nunquam potest curare spiritualia & sua. Sed perinde est, sive Episcopus sive Cathedrales Presbyteri examinaverint. Canonem & amissim examinis habemus Can. 34. cujus partes suprâ vidimus. Præscribatur accuratior modus examinandi, nihil tamen inde commodi percipiet Ecclesia, quamdiu ejusmodi habet examinatores, Episcopum vel Decanum & Præbendarios tres aut duos Episcopo ipso nihilo probiores, ut paulo antè diximus.

Forma siue ritus ordinandi Presbyteros hæc est. Post exhortationem, qua moventur de officio suo qui Ecclesiasticum Ministerium susceperunt, sequitur statim S. Cœnæ administratio; Epistola prælegitur ex Act. 20. a versu 17. ad 36. vel si forte contingat eodem die & Diaconos & Presbyteros ordinari, totum Cap. 3. 1. ad Timoth. Postea legitur etiam pars Evangelii extrema, secundum Matth. à vers. 18. ad finem, vel Joh. 10. à vers. 1. ad 37. vel Joh. 20. à vers. 19. ad 14. Evangelio lecto recitatur vel decantatur hymnus, *Veni Creator spiritus, Mentis tuorum visita, &c.* quem habes in Pontificali Romani fol. 19. Hymno finito Archidiaconus eos omnes, qui Presbyteratum illo die sunt suscepturi præsentabit Episcopo hisce verbis usus; Reverende Pater in Christo, præsentotibi personas hic adstantes, ut ad ordinem Presbyterii admittantur. Hic vero adhibeantur interrogationes & responsiones, quæ suprà præmittuntur in Ordinatione Diaconorum. Tuncque Episcopus ad populum conversus dicit; Dilecti fratres, hi sunt illi, quos annuente Deo statuimus hodie in sacrum Presbyterii Ministerium cooptare. Nihil enim invenimus post examinationem debitam obflare, quominus censeamus eos aptos & idoneos ad illud munus obeundum, adeoque legitime vocatos esse. Si quis autem vestrum in eorum quovis gravius ullum crimen vel impedimentum cognoscit, cujus causa ad sacrum istud Ministerium non debeat recipi, ne gravetur id ex templo in Dei nomine patefacere. Quomodo his dictis illudunt Ecclesiæ, paulo antè diximus. Si gravius aliquod crimen vel impedimentum obiectum fuerit in aliquem, abstinebit ab eius ordinatione Episcopus, donec reus à tali criminationi se liberum esse probaverit. Sunt ordinandi absolute & sine titulo, quis igitur anxius erit, ut res habeant, etsi gravissima siue facti siue juris infamia laboraverint? Hic nos tamen arguit consecratos fuisse olim Presbyteros præsentis grege suo. In Pontificali Romano, postquam Archidiaconus adduxit ordinandos ad Episcopum, Pontifex seu Episcopus Legendo annunciat Clero & populo juxta statutum Carthaginensis Concilii sedens cum mitra & dicens. Quoniam, dilectissimi fratres, Reftori navis & navigio deferendis eadem est securitatis ratio vel communis timoris, par eorum debet esse sententia quorum causa communis existit. Neque enim fuit frustra à Patribus institutum, ut de electione illorum, qui ad regimen altaris adhibendi sunt, consulatur etiam populus, quia de vita & conversatione præsentandi, quod nonnunquam ignoratur à pluribus, scitur à paucis, & necesse est ut facilius ei quis obedientiam exhibeat ordinato, cui assensum præbuerit ordinando. Horum siquidem Diaconorum in Presbyteros (auxiliante Domino) ordinandorum conversatio, quantum mihi videtur, probata, & Deo placita existit, & digna ut arbitror Ecclesiastici honoris augmento. Sed ne unum fortasse vel paucos aut decipiat attentio vel fal-

lat affectio, sententia est expetenda multorum, &c. Posthæc Episcopus eos qui digni fuerint reperti commendans precibus universi cœtus unâ cum Clericis & Plebe præsentente Litaniam recitabit (quæ habetur in Libro Precum Publicarum, & incipit, Pater de cœlis Deus; &c.) cum hac præcatione. Omnipotens Deus largitor bonorum omnium, qui per Sanctum tuum Spiritum diversos Ministrorum ordines, in Ecclesia tua, &c. Hic singulis ordinandis juramentum de suprema Regis potestate, sicut præscribitur in ordinatione Diaconorum, proponet Episcopus. Juramentum fidelitatis suscipitur hac verborum formula; Ego A. B. verè & sincerè agnosco, profiteor, testificor, & declaro in conscientia mea coram Deo & mundo, quod supremus Dominus noster Rex Jacobus est legitimus & verus Rex hujus regni, & omnium aliorum Majestatis suæ Dominiorum & terrarum. Et quod Papa, nec per seipsum, nec per ullam aliam auctoritatem Ecclesiæ vel sedis Romane, vel per ulla media cum quibuscunque aliis aliquam potestatem, nec auctoritatem habeat Regem designandi, vel alicui Principi extraneo ipsum damnificare, aut terras suas invadere auctoritatem concedendi, vel ullos subditorum suorum ab eorum suæ Majestatis obedientia & subjectione exonerandi, aut ullis eorum licentiam dare arma contra ipsum gerendi, tumultus seminandi, aut aliquam violentiam, aut damnum Majestatis suæ personæ, Statui, vel Regimini, vel aliquibus sui subditis infra sua Dominia offerendi. Item, juro ex corde, quod non obstante aliquâ declaratione, vel sententia Excommunicationis aut Deprivationis factâ vel concessâ, aut fienda vel concedenda per Papam vel successores suos, vel per quamcunque auctoritatem derivatam vel derivari præsumam ab illo seu à sua sede contra dictum Regem, heredes, aut successores suos, vel quacunque absolutione dictorum subditorum ab eorum obedientia; fidelitatem tamen & veram obedientiam suæ majestati, heredibus, & successoribus suis præstabo, Ipsumque & ipsos totis meis viribus contra omnes conspirationes & attentata quæcunque, quæ contra personam illius vel illorum, eorumque coronam & dignitatem, ratione vel colore alicujus sententiæ vel declarationis, aut aliâs facta fuerint, defendam: omnemque operam impendam revelare & manifestum facere suæ Majestati, heredibus & successoribus suis, omnes proditio- nes & proditorias conspirationes, quæ contra illum aut aliquos illorum ad notitiam vel auditum meum pervenerint. Præterea, juro, quod ex corde abhorreo, detestor & abjuro tanquam impiam & hereticam, hanc damnabilem doctrinam & propositionem; Quod Principes per Papam excommunicati vel deprivati possint per suos subditos vel alios aliquos quoscunque deponi aut occidi. Et ulterius credo, & in conscientia mea resolvor, quod nec Papa nec alius quicumque potestatem habet me ab hoc juramento aut aliqua ejus parte absolvendi: quod juramentum agnosco recta ac plena auctoritate esse mihi legitimè ministratum, omnibusque indulgentiis ac dispensationibus in contrarium renuncio. Hæcque omnia planè ac sincere agnosco & juro juxta expressa verba per me hic prolata, & juxta planum ac communem sensum & intellectum eorundem verborum absque ulla æquivocatione, ut mentali evasione, vel secreta reservatione quacunque. Hancque recognitionem & agnitionem facio cordialiter, voluntariè, & verè, in vera fide Christiani viri: Sic me Deus adjuvet. Hoc juramentum quod habes lector ex versione latina Mucketi in Libello de Forma consecrandi Archiepiscopos & Episcopos & ordinandi Presbyteros & Diaconos in Ecclesia Anglicana, hic obiter insertum, ut videat lector discrimen inter Juramentum Primatus de quo Capite Primo pag. 3. & Juramentum Fidelitatis. Habet deinde oratiunculam ad ordinandos Episcopus, qua obtestatur, ut ferri cogitent de onere officii sui, utpote qui appellentur in S. literis Legati. Excubitores, Pastores ac Dispensatores Domini, ad docendum, præmonendum, pascendum, & curandum familiam Domini; ut quotquot fidei suæ committuntur oves, vel in postea committentur, nunquam cessent ad veram Dei cognitionem perducere, & in unitate fidei conjungere ac fovere, ut erroribus explosis sana doc-

trina erudiantur. Admonet, ne scandalum vel occasionem scandali aliis præbeant; quanto studio, in sacris literis perlegendis & perdiscendis, versari oporteat. Hæc summa illius Oratiunculæ, quæ extat in libello Ordinationum. Sed hic satis mirari nequeo, qua fronte ita alloquantur ordinandos, quorum plerosque satis norunt non magis aptos ad docendum, exhortandum, convincendum, quam bos est ad volandum, qui supra Liturgiam aut nihil aut certè parum sapiunt. Nisi quoddam dicis causa, veteres, absque ulla virtute, simiarum instar, admonitiones & exhortationes adhibeant. Deinde percontatur quædam Episcopus 8. vel 9. Quæstionibus, quarum Tertia est; *Nunquid fidem & assiduam navabis operam in doctrinæ, sacramentorum, atque disciplinæ Christianæ dispensatione juxta præceptum Domini & receptum morem hujus regni, gregemque tuæ fidei commendatum docebis eadem omni studio observare?* R. Ita faciam Domino auxiliante. Quomodo navarent operam in doctrinæ dispensatione, qui docendi donum non habent? vel an doctrinæ dispensationem volunt illam Evangeliorum & Epistolarum ordinatam lectionem decantandam aut recitandam more Pontificio? Cum potestas disciplinæ omnibus Presbyteris erepta sit, quid intelligunt Disciplinæ nomine, quæ diversa est à Doctrina & Sacramentis, aut quomodo eam dispensant Presbyteri? an denunciationem publicam sententiæ excommunicationis latæ in consistorio Episcopi per Cancellarium aut Officiale? vel an Disciplinam illam Pœnitentialem, quam Confessarii injungunt confitentibus, intelligunt? vel an absque ullo sensu, verba quibus utebantur Veteres, cum disciplina erat penes Presbyteros, dicis causa usurpant? Quæstio postrema est; *Nunquid Ordinario tuo aliisque præcipuis Ecclesiæ Ministris, quorum jurisdictioni subesse te contigerit, obedientiam cum debita reverentia præstabis, libenti animo salutaribus eorum monitis obtemperans, piisque censuris acquiescens.* Resp. Hoc quoque faciam Domino auxiliante. In re maximè seria sibi tamen semper consulunt. In Pontificali Romano, genuflexus ponit manus suas junctas inter manus Pontificis dicentis; *promittis mihi & successoribus meis reverentiam & obedientiam?* & ille respondet, *promitto.* Deinde optat illis dona ad hæc officia præstanda. Post hæc rogabitur universa congregatio, ut velint tacitis suis precibus & votis ardentibus istud negotium ejusque successum Deo commendare. Cujus rei gratia pauxillum temporis spatium, prout visum erit expedire, silentio transigatur. Deinde precatur gratias agens, quod Christus in cælum ascendens, Apostolos, Prophetas, Evangelistas, Doctores, & Pastores, in hunc modum (Anglicanumnè?) emisit, & orat, ut concedat ipsis animorum gratitudinem pro tanto beneficio obedientia sua declarare. Hac finita prece Episcopus & Presbyteri præsentibus manus suas imponant singulorum qui ordinantur capitibus separatim. Quibus in genua submissis procumbentibus, Episcopus hæc verba pronuntiabit; *Accipito Spiritum Sanctum: Cujus remiseras peccata erunt ei remissa, & cujus ligaveris peccata, erunt ei ligata. Tu vero fidelem aze dispensatorem Verbi Dei & Sacramentorum: in nomine Patris & Filii & Spiritus Sancti. Episcopus item singulis eorum in manum tradens S. Scripturæ codicem, sic dicit; Habeto tu auctoritatem prædicandi verbum Dei & administrandi Sacramenta in illa Ecclesia, quæ tibi fuerit commendata. Qua auctoritate dicit, Accipito Spiritum Sanctum, eadem etiam potest imitari Christum imperantem mari turbido, ut sit tranquillum. Si dixerint istud in Christo fuisse miraculosum; sic & illud. Ideo in Imperativo modo dixit, Accipite Spiritum Sanctum, ut qui potestatem habuit conferendi dona Spiritus Sancti: non orabat, ut aliàs solebat, cum humanitatis suæ signa & testimonia edere volebat. Si verba, etiam signum externum insufflationis, usurpare possunt. Facto simul & verbo significavit spirituale donum, quod Apostolis contulit. Apostoli ipsi non isto modo creabant Presbyteros: & licet hoc privilegium illis concessum, ut impositis manibus*

nibus conferrent Spiritus Sancti dona, tamen orantes, non præcipientes aut imperantes, ordinarunt Presbyteros. *Servamus, inquit, exemplum Domini.* At *Instit. l. 4. c. 19. f. 29.* multa egit Dominus, quæ nobis exemplum esse noluit. Dixit Dominus Discipulis; Accipite Spiritum Sanctum. Dixit & Lazaro; Lazare, veni foras. Dixit Paralytico; Surge & ambula. Cur non eadem dicunt omnibus mortuis & Paralyticis? Divinæ suæ virtutis specimen edidit, quàm insufflando in Apostolos, Spiritus Sancti gratia illos replevit. Hoc ipsum si conantur efficere, Deum æmulantur, & tantum non ad certamen provocant: sed longissimè absunt ab effectu, nec aliud inepto isto gestu quàm Christum illudunt. Sunt quidem adeo effrontes, ut asserere ausint conferri à se Spiritum Sanctum, sed quàm id verum sit docet experientia, quæ clamat ex equis fieri asinos, ex fatuis phreneticos, quicunque in Sacerdotes consecrantur. Hæc Calvinus. Et ceremoniam insufflationis dam-nans, quando quidem à Christo in singulare miraculi symbolum usurpata est, innuit miraculum in verbis illis, Accipite Spiritum Sanctum. Cum Episcopus ait, Age fidelem dispensatorem verbi Dei; serione loquitur, an ludit & illudit? An potest Curio Liturgicus dispensare verbum Dei, qui nihil aliud potest, nisi legere Epistolas, Euangelia, Collectas, Preces præscriptas statutis temporibus, prout dirigit Liber Liturgiæ publicæ? vel an illa dispensatio verbi, ut dividitur in Lectiones in libro illo & legitur, est *ἐκδοτικὴ*? Similiter cum tradit codicem Sacræ Scripturæ in manus ait, habeto authoritatem prædicandi verbum Dei. Sed quid si non habeat quidam concionandi, sicut eo carent plerique Presbyteri Anglicani? Deinde, quid si non concesserit Episcopus potestatem illam? Nam nemo tenetur concionari apud Anglos vi ordinis Presbyterialis, sed oportet etiam post impossitas manus & fortè pluribus post annis hanc facultatem impetrare ab Episcopo. Sicut in Pontificali Romano habetur, Episcopus cum instituit & admonet Presbyteros ordinandos ait, Sacerdotem etenim oportet offerre, benedicere, præesse, *Fol. 17.* prædicare, & baptizare. Item; Sub eodem quoque mysterio & eadem figura in Novo Testamento Dominus 72 elegit, atque binos ante se in prædicationem misit. Item; *Folio 17.* Sit doctrina vestra spiritalis medicina populo Dei: sit odor vitæ vestræ, delectamentum Ecclesiæ Christi, ut prædicatione atque exemplo *ἀδίσκῃ* domum id est familiam Dei. Et cum imponit casulam, ait; Tu Domine super hos famulos tuos, quos Pres- *Fol. 19.* byterii honore dedicamus, munus tuæ benedictionis infunde, ut gravitate ætuum & censura vivendi probent se esse Seniores, his instituti disciplinis quas Tito & Timotheo Paulus exposuit (& citantur 1 Timoth. 3. ad Titum 1.) ut in lege tua die & nocte omnique tempore meditantes, quod legerint credant, quod crediderint doceant, quod docuerint imitentur. Non tamen sunt omnes Presbyteri apud Pontificios Concionatores, nisi quibus ea potestas concessa fuerit; sic apud Anglos. Hortationes & admonitiones istæ sunt fragmenta veterum illarum quæ adhuc reliquæ sunt in Pontificalibus suis, quas non histrionum more qui non sine arte histrioniam agunt, sed Simiarum instar absque ullo delectu aut recta applicatione more suo Liturgico recitant. Cum tradit Codicem Sacræ Scripturæ, traderet potius in manus ordinandi Librum Precum Publicarum seu publicæ Liturgiæ. Et sicut apud Pontificios Presbyteri non concionantes absolvere possunt in foro pœnitentiæ, remittere vel retinere peccata; sic omnibus Presbyteris Anglicanis, sive prædicare sive non prædicare possint, in ordinatione data potestas remittendi & retinendi peccata. Præterea, cum ait, Habeto tu auctoritatem prædicandi verbum Dei & administrandi sacramenta in illa Ecclesia, quæ tibi fuerit commendata; hoc etiam modo illudit, quasi certum esset commendandam fore ordinando Ecclesiam, cum à Patrono & Episcopo tota res pendeat, & si deerit qui conducat, nemini operam suam locare potest. Hoc peracto Symbolum fidei decantetur per cœtum, (& quidem absque ritmo

Fol. 21.

Part. 1.

Ca. 1.

ut arbitror,) & per cœtum utrum intelligendus omnium spectantium, an ordinandorum tantum, nescio. In Pontificali, Pontifex accepta in tra vertit se ad ordinaros, qui ante altare coram ipso stantes simul profitentur fidem quam prædicaturi sunt, dicentes, Credo in Deum Patrem &c. Decantato Symbolo, statim se ad S. Communionem accingunt, quam omnes qui Ordines susceperunt pariiter suscipiant in eodem permanentes loco, ubi manuum impositionem acceperunt, donec S. Cœna fuerit peracta. Piacsius in Praxi Episcopali ait, Ordines non conferendos nisi in Missa, Majores videlicet, nam minores possunt etiam absque Missa conferri. Audivimus, statim post primam exhortationem sequi S. Cœnæ administrationem, jam post ordinem collatum sequi Communionem & Eucharistiæ perceptionem. Priore actione nonne refertur Missa, posteriore Communio? Deinde annon est prophanatio sacramenti, sic dividere sacram Cœnæ celebrationem, & inter consecrationem & elementorum dispensationem aliud agere, imo aliud sacramentum, ut ipsi opinantur, celebrare; nam Ordinatio illis sacramentum est? Sic unius sacramenti celebrationem dividunt, duorum conjungunt vel potius miscent & confundunt, ac si unum sacramentum aliud sanctificaret, vel sanctius reddere non posset nisi dividendo unum & inferendo alterum. Utrum verò alii quàm ordinandi percipiant etiam Eucharistiam nescio, sed ex hoc loco videtur posse colligi quòd non; atque hæc alia etiam sacræ Cœnæ prophanatio. Tunc autem post uli mam Collectam, immediate ante benedictionem sequitur ista precatio, Misericors Pater &c. Ubi habemus hæc verba. Quo verbum tuum illorum voce prædicatum semper vim suam & efficaciam obtineat, nec ullo tempore inutile auditoribus vel infructuosum reperiat. Vides denuò, prædicationem verbi expectandam ab omnibus ordinatis, sed quam ridiculè, jam diximus. Si Diaconatus & Presbyterii Ordines eodem die conferantur, tum omnia in S. Cœnæ celebratione eodem modo peragantur, quo præscribitur in ordinatione Presbyterorum, nisi quod loco Epistolæ legatur. Cap. 3. 1. ad Timoth. Post Epistolam vero statim ordinentur Diaconi, & Litaniam semel decantare aut recitare sufficiat. Sunt & alia plura, quæ non habentur in Libello Ordinationum, ut paramenta, locus ordinationis, & similia de quibus nihil reperio apud Scriptores Anglicanos.

Epist. 12.

De Vocatione ad Ministerium in Ecclesia Anglicana videamus quid sentiat Th. Beza Epistola ad quosdam Ecclesiarum Anglicanarum fratres. Quæritur, an probare possimus istam araxiam in Ministerii vocatione, quòd videlicet absque legitimo suffragio Presbyterii, & ulla assignata paræcia, levissimo examine vitæ & morum turba ordinandorum in album referatur, quibus postea pro Episcopi arbitrio potestas fiat verbis Dei ad certum tempus annunciandi vel recitandæ Liturgiæ, imò non annunciandi omnino, nisi permittente Episcopo, si non excipiantur per canonem Respondet; Certe quod ad nos attinet, nolumus Ministerii functionem hac ratione ne oblatam quidem recipere, nedum petere. Si rescivisset alia omnia quæ requiruntur in vocatione tum ad ordinem tum ad gradum, quid respondisset?

Inter Ordinationis Effectus numerat Piacsius, quòd ordinato dari debent literæ Præf. Episc. testimoniales Ordinationis suæ ab Episcopo Ordinate & sine literis non crederetur ipsi. Part. 1. Nec sufficeret habere litteras sacerdotii, sed omnium Ordinum haberi debent: posset enim Ca. 1. præsumi fuisse per saltum promotus Canone 137. Constitutionum anni 1603. habetur hic Canon. Cum non minima sit visitationis causa & effectus, ut Episcopus, Archidiaconus, aut alius visitans, de statu, sufficientia, & facultatibus Cleri, & aliorum visitandorum, perfectiorem aliquam notitiam consequantur; æquum duximus, ut quilibet Rector, Vicarius, Curatus, Ludimagister, & alius quicumque Licentiatus, literas Ordinum, Institutionis, & Inductionis, itemque Dispensationes, Licentias & Facultates suas quasque, in visitatione prima illius Episcopi, vel in proxima post ejus admissio-

nem exhibeat per dictum visitantem approbandas, aut (si justa fuerit causa) rejiciendas, & si approbatae fuerint, per Registrarium (uti moris est) consignandas; quodque feoda in visitationibus (intuitu praemissorum) consueta solvi, semel duntaxat tempore alicujus Episcopi integra persolvantur, in reliquis vero ejusdem visitationibus, quamdiu in ea sede permanferit, dictorum feodorum dimidium tantum exigatur. Gregorius Synodo Generali praesidens sic statuit; Sicut non debet Episcopus manum quam imponit, ita nec Minister (i. e. Archidiaconus qui examinat promovendos,) vel Notarius in ordinatione ejus vocem vel calamus vendere. Pro ordinatione igitur vel usu palli, seu chartis atque pastillis, eum qui ordinatur omnino aliquid dare prohibemus. Idem prohibetur Causa 1 Qu. 2. Cap. Sicut Episcopum. Assertor Politiae Christianae ait negari non posse; Praeter feoda seu salaria illa quae ipsi Episcopo ejusve Registrario aut Scribae pro expediendis literis dantur; Episcopi etiam Secretarium, Silentiarium, Cubicularium, Promum condum, panarii Custodem, Atriensem, aliosque ex ejus famulatio exigere & accipere feoda, quosdam majora, quosdam minora, prius quam misero ministrallo permissum fuerit praetergredi Atrienfis domunculam cum capsula qua continentur literae Ordinum. Petrus Suavis, differens qua occasione Simonia in collationem sacrorum ordinum ac beneficiorum irrepserrat, ait; Postquam temporale, quod in communi asservabatur & possidebatur, ceptum est dividi, & redditus certus appellatione Beneficii Titulis applicari, cum hucusque distincta non esset ordinatio à collatione tituli, ac proinde beneficii titulo annexi, sed una darentur & acciperentur: tunc primum visum est ordinatoribus, propter emolumenta quae ordinatis inde proveniunt, propter spirituale temporale aliquid dari, cujus intuitu in remunerationem temporale quiddam sumi posset. Cum vero propositum erat beneficium impetrare, is sese ad voluntatem dantis accommodare necesse habebat. Inde ait sequutam negotiationem apertam in orientali praesertim Ecclesia. In occidentali item, bonis licet frementibus, eadem alibi magis alibi minus obtinuit usque ad annum salutis millesimum, quo tempore, facta inter ordinationem & collationem beneficii distinctione, ordinatio cepit gratuitò, sed in collatione pretium exigi manifestius. Ex eo crevit semper abusus variis impostis denominationibus, utpote annatarum, minorum servitiorum, scripturae, figilli, & istiusmodi tegumentorum, quibus coopertus grassatur per Ecclesiam exigua spe ejus aliquando tollendi, quoad Christus ipse alia vice nummulariorum menses evertat, & flagello nundinatores istos è templo ejiciat. Verum ordinationi quae à collatione beneficii separatae gratis administrabatur, non diuturnum id fuit gaudium. Episcopi enim spreta ea tanquam abjecta & infructuosa, ad alterum solum, unde emolumentum percipiebant, erant attenti. Unde, à veris Episcopis in solo temporali administrando occupatis relicta pededentim ordinationum administratione, instituti Episcopi titulares, qui ministeria Episcoporum Ecclesiastica obirent. His, quod redditus nullos possiderent, necessum erat è functionibus quas obibant sibi victum parare: Iique vicissim, quos ad ordines admittebant, his aliquid conferre cogebantur, primum eleemosynae nomine sive oblationis, dein honoratiore titulo donationis, ac denique ne cum debitum esset omitteretur imposto nomine mercedis, non quae Episcopo ordinanti, sed famulis ejus, aut tabellioni, aut aliis inter ordinandum ministrantibus cederet. De hoc igitur abusu articulus institutus, altero illo qui in collatione beneficii usu venire solet relicto tanquam deplorato, neque alio remedio quam extremo sanabili. De Articulo isto quàm variae fuerint sententiae in Concilio Tridentino legat ibi lector. De Mercede Notarii debita nonnihil dictum, aliis officium illud Ecclesiasticum, aliis mere saeculare esse consentibus, adeoque quod iis penditur non invidendum. Antonius Augustinus Episcopus Herdensis, rerum antiquarum diligens observator, affirmabat in Ecclesia Veteri Ministros in conspectu totius populi ordinari solitos, ut diplomate aut literis testimonialibus opus non esset: tum uni titulo sive beneficio addictos Diaecesin non mutasse, sed si forte negotii causa aliquid proficiscendum esset, ab Episcopo Literam impe-

trasse, que tum Formata dicebatur. Testimonialium literarum usum, ex quo populus ordinationibus intervenire desit, & Clerici vagari ac discurrere ceperunt, ad supplendam populi præsentiam introductum. Itaque munus illud pro sæculari ducendum, sed quod in materia spiritali versetur, cum moderatione exercendum, & Mercedem quidem Notariis concedendam videri, sed certis limitibus circumscriptam ac moderatam.

Externa Vocatio ad Beneficium, sive locum Ministerii certum, idque vel Rectoriam vel Vicariam.

In quorum utraque considerata veniunt, Nominatio, Examinatio, Admissio.

Nominatio, sive cum jus præsentandi est in alio quàm in Nominante, ut quandoque fit, sive cum jus & nominandi & præsentandi spectat ad eum.

Examinatio Donorum suorum, vel Conditionis ad hujusmodi beneficium Capacis, vel Incapacis, per Episcopum.

Admissio, ad Titulum ipsum; cum Episcopus instituit ad præsentationem alterius, dicitur Institutio; cum Episcopus ipse instituens habet Jus Patronatus, dicitur Collatio: vel ad possessionem per inductionem, aut ipsius Archidiaconi propria opera factam, aut sui surrogati.

Cum jam susceperint ordinem Presbyteratus, & ordinati sint quasi *in nubibus*, nulli certo gregi addicti, priusquam ad certum Ministerii locum seu beneficium admitti possint Patroni alicujus & Episcopi gratiam mereri oportet. Ambitum horum Simoniacum graphicè depinxit Brightmannus, vide supra pag. 69. ne cogar reperere. Patronus, & Episcopus, ut venatores prædam, libertates Ecclesiæ inter se diviserunt, & liberam Ministrorum electionem sustulerunt. Inventa est nefanda illa beneficiorum divisio in Collativa & Electiva. Electiva vocant; ad quæ per electionem imaginariam quis vocatur, cujusmodi sunt Episcopatus, aliaque beneficia majora, ac si ad minora etiam non vocandus esset quis per electionem: de Electione vide supra, p. 5. 6. 7. 8. 238. 244. Jus Patroni Honorificum, quo ei conceditur locus honorificus in Ecclesia; Utile, quo ei subvenire debet Ecclesia majori cura quàm aliis pauperibus, si ad egestatem reductus fuerit; & Onerosum, quo licetè potest defendere suam Ecclesiam, ne bona ejus dilapidentur; ex natura rei seu ex naturali gratitudine videbantur consequi pro beneficio quod Patronus Ecclesiæ contulit. Sed quod Ecclesiastici voluerunt etiam concedere illis jus præsentandi ad beneficia, prætextu alliciendi alios ad hæc opera pietatis, quis saniori judicio præditus probare potest? Sic enim avari liberam electionem Ministrorum vendiderunt, vel Episcopi reservata sibi collatione prodiderunt. Chassanæus illud jus conniventibus oculis potius admisisse, quàm induxisse existimat Ecclesiam, & probat Cap. 3. Tit. 38. Lib. 3. Decretalium. Temporibus Justiniani primum invaluisse putat, propter Canonem Pelagii, qui sub Justiniano floruit, & extat Cap. Abbatem 18. q. 2. Justinianus ipse Nov. 57. Cap. Ult. & N. 123. Cap. 18. nominatim cavet, ei qui Ecclesiam extruxit & alimentâ Clericis in

ea ministrantibus constituit licere Clericos Episcopo præsentare ejus judicio probandos & instituendos. Præsentare vocat dicto Capite 18. ἐπιτίθεν, καὶ ἀπομαρτυρεῖν, Paratit. unde & jus Patronatus dicitur passim jus Nominationis. Eadem fere ratione olim obtinuit, ut qui certamina ad civitatis vel municipii decus instituere, sibi hæredibusque suis possent illud jus excipere, ut ludis præessent tanquam Agonothetæ. Electio Ministrorum non est ludus aut jocus, sed res magni momenti, & in qua vertitur periculum animæ. Qui templum extruere, dotem assignare, & expensas Clericis ministrare non vult, nisi ea lege, ut potestatem in eam Ecclesiam ipsi acquirat, Simoniacum & impium ego dixerim, non pium & religiosum. Glossa in Cap. Piæ mentis 16. Quæst. 7. ait, quod olim tamen nihil juris habebant Patroni præ aliis, ut 10. De Simonia. Quæst. 1. c. Noverunt. Suarez negat in Decretis illis denegari hoc jus Patrono, Cap. 28. sed solum tale jus in bona Ecclesiæ, ut illa usurpare aut administrare præsumat. Utcunque est, de jure divino jus istud ortum non est. In ipsis Ecclesiæ nascentibus exordiis non prodit jus ejusmodi ullum ei competiisse, qui vel construxisset Ecclesiam, vel dotem ei assignasset. Id tantum licuit, ut quam vellet legem & conditionem sumptibus diceret, in Decretal. ut constitutum est l. 15. τὰς τῆς C. de Sac. Eccles. Quod vero Gelasius Papa, qui sub Lib. 3. Tit. Zenone & Anastasio floruit, cavet de processionis aditu in Can. Piæ mentis, & Can. 38. Frigentius 16. Qu. 7. id nullam prærogativam neque jus ædificanti tribuit: sed quod omnibus Christianis licuit, in dedicatione ipsius Ecclesiæ processionem adire, cum ad cultum religionis adducebatur, qua de re est Can. præcepta, & Can. certam de consecrat. Dist. 1. Centurio synagogam suis sumptibus extruendam curaverat, Luc. 7. 5. nihil tamen juris inde in eligendis Synagogæ Præfectis sibi, aut hæredibus suis, arrogavit. Absurdum est, Patronum, qui unus est & unum Ecclesiæ membrum, totius multitudinis potestatem sibi vendicare: sed adhuc absurdius, transferri jus illud electionis in hæredes per successionem aut alios per donationem aut permutationem, quibus non eadem plerumque electionis cura quæ primis Patronis, & qui sæpius nec illius Ecclesiæ membra sunt, cujus jura invadunt. Bilsonus ait in villis colonos, qui agris colendis vacabant non habuisse tantas opes, ut templis suis sumptibus extruere, nec tantam facultatem, ut de fructu & proventu agrorum Domini partem aliquam Ministris tribuere possent. Adeo ut in viculis ac pagis rusticis aut templis non omnino ædificari, & Clericos rebus ad victum necessariis destitui, nat. Eccles. aut Dominos cujusque ad eam largitatem honore & prærogativa nominandi Rectores Eccles. 15. p. 440. electus suis necesse erat provocari. Subjicite, inquit, animus vestris memoriam & imaginem hujus insulæ sæpius victorum armis expugnatae, cum nemo liberum quod ajunt tenebant, aut ad vitæ terminum sibi haberet; sed omnes, excepto Domino, in servitutem addicerentur: qui tum Rectorem eligere poterat nisi loci Dominus, qui solus libertatem retinebat? Sed respondemus primùm, non hac esca pelliciendos fuisse Dominos villarum, nec in initio pellectos fuisse; sed pio & religioso affectu ductos rem suam Deo dicasse, ejusque proprietatem resignasse. Et quamvis Dominus sit ejus soli in quo basilicam ædificat, aut earum rerum quas Ecclesiæ constitutio donat; tamen post dedicationem is locus cæve res Deo dicata in ejus dominio non manent. Si res ipsæ quæ sunt merè temporales eximuntur post dedicationem illius dominio; multo magis Ecclesiæ libertates & animæ colonorum, quæ nunquam erant sub ipsius Dominio. Agricola non minus sunt membra Ecclesiæ quàm ipse Dominus villæ, & in Christo non est servus & liber, sed omnes sunt liberi. Si ab hac libertate nempe electionis excludendi sint, ab ipsa etiàm Ecclesia excludi possint, eo nomine, quòd coloni sint agricolæ aut servi. Præterea non negat Bilsonus, extructis templis & stipendiis sacrae militiæ assignatis, alios liberam clientelam concessisse, alios servilem conditionem retinuisse: sed negat propterea derogandum

Respons. ad
Bonam fi-
dem. bran-
dip. 50.

Rom. 6. in
Levit.

Sess. 24. Cap.
18. de Refor.

a. Repl. 1.
Part p. 110.
Pag. 83.

P. 236. 239.

prioribus ipsorum privilegiis. At quod ab initio non valuit, tractu temporis con-
valescere non potest. Servitus etiam propriè dicta jure gentium introducta nulli-
bi ferè in Europa jam locum habet. Denique jus Patronatus habent, qui tamen
villarum vel Parœciarum nequaquam Domini sunt. Nos credimus, inquit Sopin-
gius, non cum primis Evangelii exordis, neque statim in Ecclesia post prostratum Pa-
ganismum emerisse, neque etiam apud Græcos & Latinos, cum res Ecclesiæ ibi adhuc
essent puriores; sed forsan in Latina Ecclesia demum post Augustini tempora ortum videri.
Quod vel inde patet, quod hæc vocabula Patronus, Patronatus, Advocatus, Præsenta-
tio, Guardias habere, & reliqua, sunt latina nova & barbarismum sapiant, ideoque ver-
gente sæculo in Ecclesia Latina primum nata, aut tunc maxima ex parte aucta, propa-
gata, & certis legibus roborata. Beza de Resurrectione Homil. 13. Annon etiam cui-
libet notum est, pro electionibus Christianis fuisse in Ecclesiam intrusos Patronatus, Indul-
tus, Collationes, Resignationes, Permutationes, Devoluta, tam apertè tam directè & ex
diametro repugnantia omnia Ecclesiæ veteri, & antiquis puris Canonibus, quàm tenebræ
luci sunt contrariæ? Vide etiam supra pag. 5. Si quis dixerit Patronum non quem-
libet debere nominare, sed sacro munere dignum, ab Episcopo examinandum,
quem rejicere potest Episcopus, si compertum fuerit non esse satis idoneum. At
tollitur tamen libera electio dignioris. Is eligendus est ex omni populo, qui præstantior
est ex omni populo, qui doctior, qui sanctior, qui in omni virtute eminentior, ut ait
Origines. Perfectam digni Pastoris ideam nobis depinxit Sacra Scriptura; ad per-
fectam ideam respicere debent eligentes, ac eò digniorem eligere quo propiùs ad
eam perfectionem accesserit.

In Concilio Tridentino decretum, ut vacante Ecclesia Parochiali Episcopus
eligat, vel concursu proposito invitet, qui se velint subicere examini examinato-
rum deputationum in Synodo Diœcesana. Examinatores autem singulis annis in Diœ-
cesana Synodo ab Episcopo vel ejus Vicario ad minus sex proponantur, qui Synodo satis-
faciant & ab ea probentur, advenienteque vacatione, aut eisdem aut alios tres quos ma-
luerit ex prædictis illis sex eligat. Et infra; peracto deinde examine renunciatur qui-
cunque ab his idonei judicati fuerint, ætate, moribus, doctrina, prudentia, & aliis re-
bus ad vacantem Ecclesiam gubernandam opportunis, ex hisque Episcopus eum eligat, quem
cæteris magis idoneum judicaverit. Cum jus Patronatus est Ecclesiasticum vel Cle-
ricale, decrevit Synodus examen promovendorum fieri per concursum plurium,
& digniorem eligendum. Sed injure patronatus Laicorum hujusmodi examen per
concursum non urgebant, Laicis Patronis vel nimium indulgentes, vel de re ipsa
desperantes. Sed apud Anglos nullum habent ejusmodi examen per concursum,
sive Ecclesiastici, sive Laici sint Patroni. Sufficit, si præsentatus habeat quæ
sunt necessaria ad Liturgicum Ministerium. Sed quid opus nova examinatione
promovendi ad beneficium? an non examinatus, cum suscepit ordinem Pres-
byteratus? vel an admittunt ad ordinem Presbyteratus, quos ad certum locum
Ministerii seu Beneficii non admittunt absque novo examine? Patrono præsen-
tante aliquem, cui contulit Episcopus ordines, non potest rejicere Episcopus,
nisi culpam simul in se transferat. Sed cujusmodi, quæso, est examen illud pro-
movendi ad beneficium seu certum Ministerii locum? Multi ajunt, inquit Cart-
wrightus, pro disculo fructuum aurei furculi eos locare & venum exponere hortu-
los Domini. Qui donum non habet in mente, si tamen habet in manu, non opus illi
alia clave, quæ referet valvas Ecclesiæ, & aditum sibi patefaciat ad beneficium. Nonne,
inquit Assertor Politicæ Christianæ, commendarunt nobis Episcopi eos, qui discernere
non norunt inter apem & feritorem, inter Articulos Fidei & Orationem Dominicam,
cujus rei Rector Haskamensis nunc Capellanus in Diœcesi Wintoniensi proferri potest testis
omni

omni exceptione maior. Rector iste, rogante Episcopum quodam ex Ordine Equestri, inter-
rogatus quanam esset prima petitiō Orationis Dominicæ, sublatis in cælum oculis & me-
diabundus tandem respondit, Credo. n. Deum patrem. Es licet impetrare tunc temporis
non potuit institutionem, postea tamen pro. urante ejusdem Episcopi Cancellario, in idem
beneficium institutus est, eoque in hunc usque diem fruitur absque ulla molestia, quamvis
vix legere queat Anglicana ad captum populi. Po. um etiam & plures alios nominare in ea
Diœcesi commorantes qui beneficia possident &c. Cartwrightus etiam malum istud grassari 2 Repl. r.
testatus, ait; Certò scio, omnes quæ extant Historias Ecclesiasticas non posse tot nobis Part. p. 537.
producere Ministros eo munere indignos ubique per Ecclesiis totius orbis electos tempori- 148.
bus Apostolorum, quot paucis his annis agminatim prodierunt quasi ex equo Troiano è
palatius paucorum illorum Episcoporum, qui sunt in Angliâ. Si quis contra lustres
oculis Galliam, tum pacis tum persecutionis tempore, & deinde vertat se ad Ec-
clesias Sabaudias, & in quibusdam Germaniæ civitatibus, redeat deinceps ad vi-
cinos Scotos, & conferat inter se generatim Ministros electos ab Ecclesiis, cum ma-
ximo eorum numero quos creaverunt Episcopi (si non sit nimis philantus, aut pertinax
protugnator causæ quam defendendam suscepit,) coeatur fateri tantam esse inter utro-
que differentiam, quanta est inter aurum & æs cyprum aliudve metallum reprobum.
Author Calvino-Turcismi ex scriptis ministrorum flagitantium reformationem
excerpsit quæ sequuntur. Ad commendationem, inquirunt, al cuius viri nobilis Mi- Calvino-
nistri statim sunt, sine discrimine docti & indocti, fungi & fatui, de extremis populi Turcism. l. 1.
ut fecit Jeroboam, 3. Reg. 17 31. Ad contumeliam Evangelii unico salu deferuntur ab c. 15
officina in Ecclesiam, mutantes derepente tunicam servi in tunicam Ministri; quum aliter Admon. ad
vivere non possunt, ad Ministerium tanquam ad ultimum perfugium & extremam ancho- Parl.
ram decurrentes. Id proximè requiro, annon illi vel nobiles vel mercatores, quibus ju- Cartw.
re patronatus est beneficia Ecclesiastica conferendi potestas, ea plerumque circumcidunt, Repl. 1.
agros quos possunt auferunt, magnam fructuum partem avertunt, & Simoniaci deinceps pag. 26.
pactionibus quod restat addicunt ei, quem minimo pretio possunt conducere, ut Ministri per-
sonam gerat. Nec hoc salvo pudore inficiari potes, quum publicis libris testatum sit, ipsos
Episcopos, qui contra hanc nefariam largitionem maximè debeant invigilare, eadem ta-
men non minus esse infames quam reliquos. Nam & hanc quoque tum Laicorum tum
Episcoporum rapacitatem, tum alii tum Commistri vestri publicis libris toti Parlamento,
utque adeo toti mundo exposuerunt. Certè diligens quidam & doctus historicus qui ad po-
steritatem transmisit mores & Rei, ublicæ & Ecclesiæ vestræ, postquam conquestus est, quod illi
quos penes ea quam dixi in beneficiis conferendis authoritas, illa tribuunt suis pistoribus,
coquis, & agasonibus in longi & laboriosi servitu compensationem, adscribit; Hæc vera
est causa, quod textores circumforanei, Chirothecarii, evaserunt Ministri, quia n. mirum
viri doctiores recusarunt ejusmodi nundinationes. Sartor autem vel chirothecarius præclare
secum agi putat, si octo vel decem librarum incremento statum suum emendare potest, li-
benterque Patrono reliquum quod Parocho jure debetur cedit, modo ipse de tali hac pen-
sione possit esse certus. De Episcopis vero Ministri, & permulti, testantur quod illi Epi- Admonit. 2.
scopi maximum studium in eo ponuat, quemadmodum Clerum subiectum deprædentur & ad parvam, ex-
haustiant, quemadmodum beneficia Ecclesiastica elocent, vel agros vel domum Parochi pag. 23.
alienent, ad satis magnam pecuniæ summam suis cistis inferendam, vel ob munera uxori-
bus suis, aut liberis, aut officariis, aut famulis persolvenda, quorum tamen portio ad
ipsos reveniat. Brightmannus in Censura Canonum 1597. Quid quæso hæc omnino
conducunt, ut quis rationeus admittatur? Quid ut deinceps ordinentur Ministri vel doctio- In Apoc.
res vel probiores? An Sancto Spiritu clamante per Paulum, quis idoneus est ad hæc, tu ap 3. fol.
hominem obrudes cum præsentatione, cum certificatorio, cum literis Dimissorialibus, vel 68. in 8.
qui initiatus fuit die Dominico & similibus nugis. Sed non exagrabu rem vehementius,
tantum.

tantum appello tuam conscientiam, utrum aliquid hac in re prospexeris, qui casurum parietem tam inepto testorio obduxisti. Patroni presentatio, Episcopi collatio aut institutio, Archidiaconi inductio; multas pariunt lites & actiones; inquit Assertor Politicæ pag. 258. 259. quandoque inter Patronum & Episcopum; quandoque inter Clericos duos. quos presentarunt duo Patroni; quandoque inter Clericum presentatum & Episcopum, Clerico Episcopum per duplicem querelam ad iudicium coram Archiepiscopo aut iudicibus in Curia Audientiæ citandum curante ob denegatam institutionem; quandoque inter Clericum institutum & Archidiaconum Episcopi mandatum de inducendo non exequentem, forte quia nondum vacat Ecclesiæ; item inter presentatum & actu incumbentem: unde oriuntur sæpius turbæ, violatio pacis Regiæ, & illicita conventicula pro ineunda aut conservanda possessione. Archidiaconus inducit seu mittit in possessionem beneficii non modò per se, sed etiam per alium, ut ait Lindvodius, & statuit Johannes Stratford Cantuariensis in Provinciali Constitutione, Item quia. Si Archidiaconus inducat, 40. denarius; si suus Officialis, duorum solidorum perceptione pro singulis suis, & suorum expensis pro dicta penitus sit contentus. Sed de feodis istis & sub feodorum prætextu exploitatione & deprædatione satis supra diximus.

Lib. 3. Tit.
de Constit.
tionibus.

Abstract.
p. 40.

Ex supra dictis vidimus, quomodo vocentur ad Ministerium Presbyteri Anglicani; ad ordinem ipsum Presbyteratus absolutè & absque titulo; ad beneficium seu certum ministerii locum, per presentationem, institutionem, collationem, inductionem, non autem per electionem vel consensum Ecclesiæ cui præponuntur, aut Presbyterii examen. *Negari non potest*, inquit Assertor Politicæ Christianæ, *quadragessimus* quemque in quadragesima quaque Paroecia non posse affirmare se unquam vel vidisse vel audivisse Ministrum designatum per Ordinarium, priusquam viderit vel audiverit Ostiarium seu Clericum Parochialem gradum cum clavibus accelerantem ad Ecclesiam & pulsatas campanas, ad Rectoris vel Vicarii inductionem seu realem possessionem. Rectorem Angli vocant *Person*, Rectoriam *Personage*, Beneficium quod consistit in iure percipiendi decimas majores, Vicariam minores. Rectoris & Vicarii appellationes tribuuntur tum Presbyteris tum Diaconis. A diversa beneficii nomenclatura dicitur Presbyter, Rector, vel Vicarius; sic Diaconus Rector vel Vicarius. Curatus autem Anglis est Presbyter vel Diaconus stipendiarius absque titulo perpetuo beneficii. Non habent singulæ Paroeciæ & Rectoriam & Vicariam. Sunt enim quædam, quas Appropriatas vocant, quarum redditus percipiunt Episcopi, Decani, Præbendarii in Ecclesiis Cathedralibus & Collegiatis, Patroni; in quibus vix habet stipendiarius unde se aut familiam suam alere possit, licet statuto 15. Richard. II. c. 6. cautum fuerit, ut in Ecclesiis appropriatis tantum decerperetur, quantum & pauperibus paroeciæ sustentandis sufficeret, & congrua portio assignanda esset Ministro, quam Canonica institutionis & inductionis forma possideret, sicut alii Rectorias suas: quod tamen non observatur ab ipsis Episcopis, ut refert Assertor Politicæ Christianæ p. 130. 146. Episcoporum pompa, luxus, & famulitium numerosum, non potest sustentari absque ruina multarum Paroeciarum. Illi sunt apri vastantes vineam Domini. Nam etsi sint alii qui habent Ecclesias appropriatas, quamdiu tamen Episcopi, Decani, Præbendarii, de rapina sua nihil remittunt, non est expectanda reformatio in Laicis. Episcopi erant hujus sceleris primi authores, eorumque consensu Abbatis, Monialibus & Monachis appropriatæ sunt illæ paroeciæ quas jam possident Laici. Ex paroeciis 9284. in Anglia, 3845. fuerunt Appropriatæ, ut numerat Camdenius Britannici editione ultima. Appropriationes qui impropriationes vocant, rectius loquuntur.

Priusquam ulterius progressi fuerimus, lubet ordinationum celebrationi subijcere

Cano-

Canonem de Subscriptionem qui extat inter Constitutiones anni 1603. Nemo ad Sacros Ordines vel Ecclesiasticum aliquod Beneficium per institutionem aut collationem, vel ad Concionatorem, Praelectoris, aut Catechistæ munus exercendum sive in alterutra Academia, sive in Cathedrali vel Collegiata aliqua Ecclesia, sive in urbe aut oppido mercatorio, sive in Parochiali Ecclesia vel Capella, vel alio denique hujus regni loco deinceps admittetur, nisi prius vel ab Archiepiscopo vel Episcopo ejus Diœceseos, in qua est victurus, vel ab altera Academicarum, licentiam & facultatem earundem subscriptionibus & sigillis munitam intraverit, tribusque sequentibus articulis (modo & forma à nobis præfixis) subscripserit. 1. Quod Majestas Regia secundum Deum unicuique est & supremus Gubernator hujus Regni, omniumque aliorum ipsius dominiorum ac territoriorum, tam in omnibus spiritualibus sive Ecclesiasticis rebus & causis, quàm in Secularibus; & quod nullus extraneus Princeps vel persona, nec ullus Prælati, Status, aut Dominatus, habet aut habere debet ullam jurisdictionem, potestatem, superioritatem, præminentiam, vel auctoritatem Ecclesiasticam sive spirituales intra Majestatis suæ dicta regna, dominia, & territoria. 2. Quod Liber Publicæ Liturgiæ & Presbyteros & Diaconos ordinandi & consecrandi nihil in se contineat quod verbo Dei sit contrarium, quodque eodem taliter uti liceat; & quod ipse in publicis precibus & sacramentis administrandis, illam prorsus formam, quæ in dicto Libro præscribitur, & non aliam, sit observaturus. 3. Quod Librum de Articulis Religionis, in quos consensus est ab Archiepiscopis & Episcopis utriusque provinciae, ac reliquo omni Clero in Synodo Londinensi anno 1562. emisso comprobatur; & quod omnes ac singulos Articulos in eodem contentos (qui 39. citra ratificationem numerantur) verbo Dei consentaneos esse agnoscat. Hisce tribus Articulis, qui volent subscribere, ad vitandam omnem ambiguitatem, hac verborum formula (nomine & cognomine suo expressis) in subscribendo utitur: Ego N. N. tribus his præfixis Articulis, omnibusque in eisdem contentis libens & ex animo subscribo. Quod si quis Episcopus aliquem ordinaverit, admiserit, vel facultate aut licentia, ut superius dictum est, ulla donaverit, nisi prius sub modo & forma præfixis subscripserit; is à collatione Ordinum, & licentiarum ad concionandum per anni spatium submovebitur. Academiæ verò, si quid hac in parte deliquerint, juris ultioni, & Regiæ censuræ relinquimus. Et per Can. 37. Ordinatis Diœcesin mutantibus subscriptio coram Episcopo Diœcesano iteranda. Si quis concionandi, legendi, prælegendi, vel catechizandi legitima aliqui potestate præditus, ut supra, in ullam Diœcesin ibidem commemoraturus venerit; is ad hujusmodi munera exercendi, vel ad sacramenta celebranda, aut quantilibet Ecclesiasticam functionem illic obeundam nullatenus admittetur, (à quocunque tandem dictam potestatem acceperit) nisi prius coram Episcopo ejusdem Diœceseos, in qua munus præfatorum aliquo fungi debeat, in supra dictos Articulos per manus suæ subscriptionem consenserit. Per Can. 38. Ordinati post subscriptionem prævaricantes à Ministerio removendi. Si quis Minister, postquam præfatis Articulis subscripserit, Liturgiæ formula vel ritibus & Ceremoniis quibuscunque in Libro Precum Publicarum indictis uti deinceps omiserit, suspensionis pœna coerceatur; ac nisi post mensem se emendaverit, ac submiserit, excommunicetur: quod si per alium adhuc mensem in contumacia permanserit, à Ministerio sacro amoveatur. Subscriptio scriptis subjecta in jure subscribentis arguit consensum & approbationem. Qui subscribit igitur, approbat Primatum seu Papatum Anglicanum, gradus Hierarchiæ, formam consecrationis Episcoporum & ordinis Presbyterorum & Diaconorum præscriptam in Libello Ordinandi & Consecrandi, & ritus omnes ac ceremonias Liturgiæ publicæ; quodque in his libris nihil continetur quod sit verbo Dei contrarium, confitetur; nam subscriptio est professionis seu confessionis species quædam, & quidem authentica. Obligat se præterea subscriptione ad observandum in publicis precibus & sacramentis for-

Epist. 12.

nam in libro Liturgiæ præscriptam & non aliam. Th. Beza consulit Anglis, ut potius deferant Ecclesias. *Sin verò Ministris non tantum ut ista tolerent præcipitur, sed etiam ut ea tanquam recta vel chirographo comprobent, vel suo silentio foveant; quid aliud suadere possimus, quam ut de sua innocentia testati & omnia remedia in timore Domini experti, manifestæ violentiæ cedant?* Sunt qui prætexunt, se subscriptione sua solummodo obedientiam & usum ceremoniarum spondere. At contra, ut pater ex articulo secundo, approbat omnia quæ continentur in Libro Ordinandi & Consecrandi, & libro publicæ Liturgiæ, ut recta: & ni id faciat, dolo malo utitur. Prætexunt alii, Episcopos concedere quibusdam interpretationes, limitationes, exceptiones, sed frustra: nam non habent potestatem Episcopi supra commune Statutum, ut concedant exceptiones, interpretationes, limitationes, quæ destruant ipsius Statuti sensum, id est ut glossa destruat textum. Præterea tenues vaneſcit in auras glossa vel interpretatio, litera scripta manet. Pilatus Christum condemnavit præmissa specie quadam protestationis, sed protestatio fuit contraria facto. Nulla in re manifestius exerunt tyrannidem suam Episcopi, quam in subscriptione exigenda. Hic obstruitur omnis aditus viris bonis, qui in Domini vinea operari desiderant, & coguntur Galeno aut Justiniano operam suam locare. Et qui annos plures in eadem Domini vinea utilem navarunt operam, subscriptionem renuentes gradu suo submoventur, officio & beneficio privantur, cum uxoribus & liberis omnibus injuriis & miseriis exponuntur. Suspendunt cytharas suas ad salices Babylonis, crucem & superpelliceum. At, inquires, licet subscriptio non sit tolerabilis, quia iudicii & mentis approbationem secum trahit; conformitas tamen in ipso facto non est culpanda. Vir clarissimus Theod. Beza etsi subscriptionem detestatur, tamen ait posse & debere etiam multa tolerari, quæ rectè non præcipiuntur; Itaque primum respondemus, etsi nostro quidem iudicio non rectè revehantur in Ecclesiam, tamen quum non sint ex earum rerum genere quæ per se impiæ sunt, non videri nobis illas tanti momenti, ut propterea vel Pastoribus deferendum potius sit Ministerium, quam ut vestes illas assument, vel gregibus omittendum publicum pabulum, potius quam ita vestitos Pastores audiant. At salva Viro Venerabili reverentia liceat mihi dicere quod sentio. Non video cohærere consilium cum rationibus allatis contra rem ipsam, nempe vestes sacerdotales. Concedimus, inquit, esse res medias, si per se considerentur. Sed quis illas ita considerabit? Nam qui Papistæ sunt, quicquid lex civilis prætexat, sane hac ratione in sua superstitione inveterata confirmantur. Qui cæperunt superstitiones eousque detestari, ut etiam illarum vestigia cæperint execrari, quantopere offenduntur? Qui melius sunt instituti, quem fructum inde percipient? Anne verò tanti est ista distinctio, ut propterea tam multorum conscientias perturbari oporteat, repetita videlicet ab ipsis manifestis & iuratis sanæ doctrinæ hostibus istius distinctionis ratione? Quid quid ex his, qui Ecclesiastici vocantur, non minima pars dicitur adhuc Papismum in pectore gestare? an isti verò in melius proficient restituto hoc habitu? an non potius, quasi instaurandi mox ipsius Papismi spe, cristas erigent? Ubi tot scandala orirentur ex usu habitus, non consultum videtur ejus usum consulere. Præterea Vir Clarissimus eo loco politicum duntaxat finem & usum vestium contemplatur. Petebatur enim ab eo, utrum in pileis & vestibus tum in communi usu tum in Ministerii functione distinctionem probet. Etsi civilem & publicum ordinem minimè putat improbandum, tamen non quamvis distinctionem approbandam; Quid si enim jubeantur Ministri perinde ut moriones ac histriones vestiri? Omnium verò minimè probat distinctionem istam sumptam ab hostibus, per habitum non modo Papistis ipsis plerisque ridiculum sed etiam superstitione pollutum. De Politico igitur Ordine & usu vestium, tum in communi usu tum in Ministerii functione, tantum differit eo loco,

& hoc intuitu dixit non deferendas Ecclesias: ac, ut dixi, consilium istud vix conciliari potest cum ipsius rationibus. Sed vestes quibus utuntur in functione Ministerii non sunt institutæ ad distinctionem; quid enim opus distinctione per habitum concionanti aut sacramenta ministranti? annon ipsa actio sacra distinguit Ministrum in exercitio publico sui muneris ab aliis? vestes istæ sunt vestes sacrae & symbolicae, & superpelliceum, ut supra dixit Mortonus Capite Præcedenti, significat puritatem seu sanctitatem vitæ; & ut relationem habebat olim ad sacrificium Missæ, sic adhuc apud Anglos non semper eo utitur Minister Anglicanus in exercitio publico muneris sui: cum ministrat sacramenta, aut decantat, vel recitat præscriptas preces, &c. induit sacram vestem, non autem necessariò cum concionatur. Ritus autem omnes symbolicos damnavit Vir ille Clarissimus anno superiore ante scriptam Epistolam istam. *Itemque ritus omnes symbolicos semel ex Ecclesia Christiana, in quam nullo unquam jure invehì potuerunt, profligari oportere; nec eis manentibus suam Ecclesiæ nativam pulchritudinem restituì posse, existimo.* Pileos & vestes ergo vocat res per se medias distinctionis solius intuitu, non autem respectu symbolicæ significationis, quam habent sacrae vestes in Ministerii functione, quod obliti sunt exprimere qui Virum Venerabilem consulerunt, ut pater ex statu quæstionis quem format ex illorum verbis. Nam de distinctione solum agit. De Crucis autem Consignatione ait; *Denique cum maximè abominandæ superstitioni & omnium horribilissimæ illi hyperdulæ Crucis primùm aditum patefecerit; multo minus velim illam inter adiaphora numerare, quàm Æneum illum Serpentem Ezechias.* Imagines aut ritus symbolicos in Ecclesiam invehere non est res per se adiaphora. Largiamur in thesi consilium esse salubre, nempe ob res per se medias non deferendas Ecclesias; cum ventum fuerit ad hypothefin, & ceremonias, de quibus inter nos & tyrannos illos, omnesque Formalistas controversitur, sentiet lector ingenuus non esse res per se medias. Interim consulo, ut Episcopi, qui tyrannidem suam Viri Venerabilis verbis obvelare student, observent quid moneat Epistola ad Grindallum Episcopum Londinensem. *Denique illud dicere non verebor, equitate tua fretus. Si peccant qui, potius quàm res illas sibi contra conscientiam obtrudant, cedere Ecclesiis malunt: multo majore reatu coram Deo & ipsius Angelis teneri, si qui greges Pastoribus privari, & desertis à pastoribus Ecclesiis horrendæ dissipationis fundamenta jaci potius sustineant, quàm Ministros alioquin inculpato hoc potius quàm illo habitu vestitos cernere, & nullam potius alicubi famelicis cœnam præberi, quàm genuflexionem omitti.* Sed redeamus ad cætera. Vult D. Beza, ut interim ista non foveant silentio, sed coram R. M. & apud Episcopos suas conscientias modesta & gravi obtestatione liberent, apertè apud greges suos inculcent quæ ad tollendum hoc offendiculum pertinent, & in istorum etiam abusuum emendationem, prout occasionem obtulerit Dominus, incumbant. At ista non audent omnes, nec qui audent vel offendiculum tollent vel emendationem procurabunt. Testis plurimum annorum experientia. Nam sunt qui factò conformes declamitant contra abusum ipsum quem se tolerare dicunt, sed offendiculum non tollunt. Factum doctrina efficacius, ut ostendi Capite Superiori, & protestatio contraria factò ridicula est. Tollerare non est agere, sed pati. Non autem patitur tantum qui agit etiamsi coactus agat, sed est mixta actio partim voluntaria partim coacta: coacta respectu externi, sed voluntaria respectu interni principii seu voluntatis & liberæ electionis. Ex duobus malis minus eligendum, si sint mala pœnæ. Sed ubi duo mala, unum pœnæ alterum culpæ; eligendum malum pœnæ. Non faciendum est malum ut eveniat bonum. Actor est approbator, tolerator etiam si lubet, quia non solum in aliis tolerat sed etiam in se, & sic non nudus tolerator, sed

Epist. 3.

Epist. 2.

Epist. 1.

etiam actor est. Cives qui in civitate sua tolerant lupanaria, non tamen si ipsi leonocinium exercerent tolerare amplius dicendi sunt. Tolerare est tantum non punire, in aliis non tollere. Qui non punit quæ tollere non potest, tolerare & quidem prudenter potest, si non cessaverit ab omni studio emendandi & sensim corrigendi, ut tandem tollere possit. At conformitas in ipso facto est quid majus quàm simplex toleratio, & in malo nunquam tolerabilis. Sed ponamus conformitatem esse in re per se media; tamen in re etiam per se media, propter scandalum pusillorum, hostium in malo obfirmationem, insidias eorum qui subversionem Ecclesiæ meditantur & machinantur, aliave incommoda, non est conformitas in facto toleranda. Apostolus non solum tolerabat Judæos infirmiores, sed etiam Judæis Judæus factus in facto conformis, ut infirmiores Judæos lucrifaceret, quod lege mortua sed nondum mortifera licebat: sed contra, hic conformitas urgetur in facto, ubi offendiculum ponitur coram fratribus, & facto nostro obfirmantur etiam jurati hostes in idololatria non absque magno periculo & malo ab utrisque & pusillis relabentibus & obstinatis hostibus metuendo. De ista conformitate in facto videat lector quæ supra diximus Capite Nono. Mercenarius fugit & deserit gregem, vel ob lucrum, vel imminente periculo: at illi conjiciuntur in calamitates & miseras multas, qui tentatis omnibus mediis non possunt diutius salva conscientia fungi suo munere. Necessitatis vel utilitatis causa posse Episcoporum mutationes fieri, ait Anterus Papa. *Non enim transit de civitate in civitatem, nec transfertur de minori ad majorem, qui hoc non ambitu nec propria voluptate facit, sed aut vi à propria sede pulsus, aut necessitate coactus, aut utilitate loci aut populi non superbe sed humiliter ab aliis translatus & inthronizatus est.* Præsumit Canon locum non mutari, cum animus non sit mutatus; sicut virgo censetur, cum non sit animus corruptus, licet corpus sit corruptum. *Quis sana mente putaverit se perdere pudicitiam, si forte in apprehensa & oppressa carne sua exerceatur & expleatur libido non sua?* ait Augustinus. Extant verba in Gratiani Decreto 32. Quæst. 5. Cap. itane. *Ubi glossa. Argumentum, quod non debet dici quis perpétrasse quod nolens fecit vel passus fuit: nec debent imputari, quæ per coactionem absolutam fiunt.* At quæ coactio magis violenta quàm per cruciatus conscientiæ? Separantur à grege nolentes corpore, cui animo adherent, ut columba quæ dilectionem non amittit, sed temper gemit. Imò refert Parkerus, non solum argumentis, lachrymis, precibus usos, ut in stationibus suis manerent; sed tam firmiter adhæsisse quosdam, ut non nisi vi manifesta avulsi fuerint à gregibus suis. Et quamvis à grege separati sunt, Ministerium ad quod separati fuerunt non deserunt, sed quocunque vocarit Dominus, ubi salva conscientia Evangelium prædicare possunt, vocantem sequi parati sunt. Gregem interim à quo avulsi sunt exemplo suo in veritate; cui tam illustre testimonium præbent, confirmant, nec solum gregem suum, sed & alias Ecclesias particulares. Athanasius constantia sua confirmavit non solum Alexandrinam quam deferere coactus, sed alias penè omnes totius orbis Ecclesias. Cedendo cadit, stabilitur patiando veritas. Si non opposuissent se viri docti & pii jam annos sexaginta, qualemnam habuissemus hodie in Angliâ Ecclesiæ faciem, rerum periti divinare possunt. Sed ad Subscriptionem redeamus. Latiùs quidem patet, quàm Conformitas. Nam Conformitas exigit obedientiam in iis duntaxat, quæ ad cujusque functionem peculiarem pertinent, præter communem illam omnium membrorum Ecclesiæ. Subscriptio verò approbationem omnium, quæ & ipse & Episcopi & alii in suis functionibus faciunt secundum præscriptum Libelli Ordinandi & Publicæ Liturgiæ, & inde gravior est carnificina conscientiæ. Non tamen sequitur, simplicem in facto conformitatem esse tolerationem, aut nul-

7. Qu. 1. 38.

De Civit.
Deil. 1. c. 18.

De Cruce 1.
Part. p. 188.

nullum malum, quia è duobus malis culpæ est minus malum. Petrus Martyr Epistola ad Amicum quendam in Anglia fatetur se errasse, cum consulisset. potius uti vestibus sacris quàm pati jacturam Ministerii, quia ex eo videbat præ- *Loc. Com.* sensingruere periculum, & spem fortassis aliquam fore, quemadmodum altaria in fine p. & imagines ablatae sunt, ita etiam illas species Missæ auferendas, si Episcopi in 1127. id incumberent. Attamen, inquit, quia scandala ejus generis vidi prorsus vitanda, propterea in sententiam ejus (nempe Bullengeri qui censuit illis non utendum, ne malo exemplo res quæ scandalo est confirmetur, ut ibidem refert,) facile cessi. Et infra. Tu vero id video ne adversus conscientiam quicquam facias. Et infra. Ad extremum ego te id scire velim, quæstiones hujus generis nobis quoque duras esse, ideo consilium non tam facile dari potest. Ego cum essem Oxonii vestibus illis albis in Choro nunquam uti volui, quamvis essem Canonicus. Mei facti ratio mihi constabat. Quare tibi quoque consulo ut in arena consilium capias. Novi exemplum meum non debere tibi justam esse confirmationem. Quod verò me movit & adhuc movet, & te fortasse movere poterit; nempe id non faciendum, quod ea confirmet quæ conscientia mea non probat. Non est facile judicare, quænam sint res per se mediæ; & quando discernuntur, tamen propter scandala oritura censet potius à concionandi munere cessandum. De scandalis orituris judicare possunt omnes rerum periti & prudentes secundum regulas Sacræ Scripturæ & experientiam sæculorum præcedentium: sed omnium optimè ii, quorum res agitur, qui sunt in campo aut arena consultare possunt, quia de Ecclesiarum suarum statu melius judicare possunt quàm exteri. Rectè propterea monuit amicum, ut in arena consilium caperet.

Vocationi Ministrorum ad Ordinem vel Beneficium subjiciam sequentia; quorum sit usus, nescio, nisi sit forte lucrum aut commodum. Quolibet anno, ut re- *De Polit. p.* fert Muckerus, ad Festum Sancti Michaelis Archangeli, vel intra sex hebdomadas idem 343. Festum subsequentes, unusquisque Episcopus tenetur numerum, nomina, gradus, & qualitates eorum omnium quos in Sacros Ordines vel ad aliqua Beneficia promoverit ad Archiepiscopum transmutare.

Hactenus de Externa Ministri Vocatione ad Ordinem vel Beneficium, sive locum Ministerii certum; sequitur.

Publica Ministri Functio, vel in Concionando, vel in reliqua Administratione.

In Concionando, aut facultate sibi in ea parte post Episcopi approbationem concessa, proprio gregi, vel foris ad populum seu clerum; aut minimè impetrata ad id facultate, veluti si Magister Artium, aut gradus superioris, proprio gregi concionetur absque facultate.

Si Presbyteratus Ordini essentiale & necessarium esset Munus Concionandi, non opus esset ulla insuper facultate ad concionandum magis quàm ad sacramenta administranda. Qui vocatur ad Beneficium seu certum Ministerii locum, potest omnia Liturgica obire munia, legendo, recitando, aut decantando lectiones & psalmos, & celebrando sacras sacramentorum actiones, non imperata facultate, licet non sit Magister Artium: concionari autem non potest, nisi facultate sibi ea in parte post Episcopi approbationem concessa. Indè ne argui potest eos existi-

mare, non esse necessarium munus Ministri prædicare verbum? Cur admittunt ad Ordinem Presbyteratus, qui non habent donum concionandi? si habent donum, qui audent talentum quod dedit Dominus in terram defodere? Si in vocatione ad Ordinem seu gradum Ministerii negligentiores fuerint; qui audent in secunda illa vocatione ad Beneficium seu Ministerii certum locum quempiam approbare, qui ad munus illud non sit idoneus? vel si sit idoneus, quid opus alia insuper facultate speciali, si non sit Magister Artium aut gradus superioris, ac si dona Dei alligata essent Academiis, aut contrà Philosophiæ Baccalaureus statim præditus esset dono concionandi, aut Doctoris Theologiæ eadem essent quæ Pastoris dona? Sed cum ipsi Magistri Artium, aut ad superiorem gradum provecti, hanc facultatem habeant ex privilegio, non vi ordinis Presbyterialis; patet quod concionandi munus non est præcipua Ministri Anglicani & inaxime necessaria functionis pars, sed accidentaria, & dependens à privilegio, vel speciali facultate impetrata ab Episcopo. Præterea Diaconi etiam habent concionandi potestatem facultate impetrata ab Episcopo. Sic enim in Libello Ordinationum ait Episcopus. *Diaconi munus in eo præsertim consistet, ut præsto sit Presbytero, dum sacris administrandis incumbit in Ecclesia sibi assignata &c.* Item; *Si Scripturas atque Homilias populo perlegere, Juniores in articulis fidei erudire, infantes baptizare, necnon verum Dei prædicare, dummodo ab ipso Episcopo censeatur idoneus, qui ad id muneris admittatur, &c.* Hæcne tu libenter & alacriter præstabis? R. Præstabo Deo auxiliante. Dounamus etiam fatetur communem esse utrique, Presbytero & Diacono, potestatem. *Potestas ordinis Presbyteri, inquit, præter Divinæ Liturgiæ administrationem, & potestatem ministrandi sacramentum Baptismi, & prædicandi, communem iis & Diaconis, (qui ad ea auctoritate muniti fuerint per Episcopum,) est potestas ministrandi sacramentum Cœnam, & auctoritas remittendi & retinendi peccata hominum.* Quibus verbis, vides lector, quantula sit differentia inter Presbyterum & Diaconum Anglicanum. Si quis prædicare interpretatus fuerit legere aut recitare secundum illud Durandi, *Lector prædicat id est legit sive recitat populis, qui sequantur, Psalmista verò canit;* sciat eo sensu non posse hic accipi. Nam ad simplicem recitationem, qualis est Lectoris, non opus est Presbytero aut Diacono singulari quodam dono, nec facultatem impetrare ab Episcopo. Præterea distinguuntur in Libello Ordinandi, ut vides, Scripturas & Homilias perlegere, & verbum Dei prædicare. Dounamus etiam munus illud prædicandi, quod habent Presbyteri, tribuit Diaconis. De prædicatione igitur concionatoria, intelligenda sunt verba, & ita intellexerunt Veteres, cum inter Ordinandum tam serio hortarentur Presbyteros ad prædicandum verbum Dei. Non opus fuisset tam gravi exhortatione, si prædicare nihil aliud esset, quam recitare aut legere. Canonibus anni 1603. multæ habentur Constitutiones de Ministris Concionatoribus & non Concionatoribus. Can. 45. *Singuli Beneficiati in Beneficiis suis residentes, dummodo sint legitima auctoritate ad concionandum admissi, per singulos dies Dominicos (justo impedimento cessante) in Ecclesiis aut Capellis suis, vel vicinarum aliqua Ministro concionatore destituta, (ubi maxime facultas datur) concionem ad populum habeant unam; in qua sobriè & sincerè verbum veritatis dividunt in Dei gloriam & salutarem populi edificationem.* Beneficiatus tenetur hoc Canone unam tantum habere concionem singulis diebus Dominicis, idque tantum justo impedimento cessante. Occurret autem impedimentum, quoties libitum fuerit ipsis causas fingere. Canone 46. *Omnis Beneficiatus ad concionandum non admissus concionem singulis mensibus unam ad minus in Ecclesia sibi credita per concionatorem legitime approbatum haberi procurabit; si tamen Beneficii valor Ordinarii iudicio id ferre possit videbitur.* Boves arant & asini pascuntur. Habemus igitur conciones alias menstruas, alias hebdomada-

rias;

Defens. Lib.
3. ca. 4. pa.
105.

Rationale
Lib. 2. c. 5.

rias; nec menstruas, si Ordinarii iudicio valor Beneficii id ferre non videbitur. Cum deficit Concio, sufficiet Homilia per Beneficiatum aut Curatum suum recitanda. Can. 47. *Quilibet Beneficiatus, cui (propter necessitatem officii aliàs incumbentis) dispensatio de non residendo in Beneficio suo per huius regni leges est indulta, per Curatum, qui Concionator sit idoneus & sufficienti auctoritate approbatus, Curæ suæ prospiciet, modò Beneficii valor non repugnet.* Beneficiatus ergò Concionator operam vicariam potest adhibere Curati Concionatoris, propter necessitatem officii aliàs incumbentis; quod tamen officium vel non est necessarium, imò nec utile Ecclesiæ, vel si necessarium, eo alius fungi debet. Can. 48. *Ministri, nisi ex Episcopi vel Ordinarii approbatione, pro Curatis non sunt admittendi.* Can. 49. *Ministris ad concionandum non admittis glossæ & paraphrases in publica Scripturarum lectione interdictæ, & Homilias tantum legere permittum.* Can. 50. *Minister, Oeconomi, alique Ecclesiæ Officarii neminem patientur in suis Ecclesiis aut Capellis concionari nisi qui licentiis suis ad prædicandum exhibitis iusta auctoritate in eam partem muniti comperientur.* Can. 51. *Advenæ Concionatores, nisi authentico testimonio commendati, ad concionandum in Ecclesiis Cathedralibus non admittendi.* Can. 52. *Concionatorum advenarum in singulis Dioeceseos Ecclesiis nomina in librum referenda. Oeconomi Ecclesiarum, eorumque Assistentes, librum quendam comparabunt, in quo unusquisque Concionator qui ad ipsorum Ecclesiam aliunde accesserit nomen suum inscribet, adjecto etiam die in quo concionem ibidem habuerit ac Episcopi nomine à quo concionandæ potestatem acceperit.* Can. 54. *Si quis per Archiepiscopum, aut Episcopum ullum, vel alterutram Academiam in præteritum ad concionandum admissus, quovis deinceps tempore recusaverit legibus, institutis, & ritibus Ecclesiasticis infra regnum Anglicanum stabilitis seipsum conformem reddere, eundem per Episcopum Dioecesanum vel loci Ordinarium quam primum admoneri volumus, ut eorundem usus & debitæ observationi se submittat. Quod si tali admonitione præmissa infra mensem se minimè reformarit, ejusdem facultatem siue licentiam ad concionandum eo ipso irritam esse, & pro nullo habendam esse decernimus.* Omnes isti Canones de facultatibus & licentiis indicant, verbi prædicationem non esse præcipuam & necessariam muneris Presbyterii partem: posse concedi quibus concedendum vult Episcopus; & quibus concessa est ejusmodi facultas, posse eadem mulctari. *Sed cum Christus Presbyteros suos prædicare jussit, quis prohibere potest?* inquit Wiclefus in Expositione Conclusionum exhibitarum Episcopis, apud Foxum in Aëis & Monumentis Martyrum. Assertor Politicæ Christianæ refert. Populi qui pascuntur ad populum qui non pascitur eam esse rationem, quæ digiti ad ulnam, aut manipuli ad plenam aream. Author Petitionis ad Reginam refert; *Ubi* pag. 52. Episcopi unum actum ad docendum, viginti prorsus inepti creant Ministros. Zecchius De Rep. Eccl. Tit. ait, munus prædicandi competere Curatis de jure & ex officio suo ordinario, & est communis sententia tam Canonistarum quàm Theologorum, & tam de ipsis quàm de Episcopis De Concionatoribus. probatur evidenti ratione. Primum, quia ii omnes sunt Pastores; Curati quidem in foro interiori, Episcopi etiam in exteriori. At Pastoris est non solum vigilare super gregem, sed multò magis est pascere, ut ait Propheta Thren. 4. *Parvuli petierunt panem, nec erat qui frangeret iis.* Hinc Apostolus, prædica verbum, argue, increpa &c. Secunda ratio, quia nemo potest prædicare nisi mittatur; sic ii qui mittuntur prædicare tenentur: at Pastores sunt qui mittuntur jure quodam ordinario, tanquam ordinarii quidam missi, qui etiam ordinarii prædicare debent; ordinario autem jure mittuntur omnes hoc ipso, quòd eliguntur ad prælaturas, aut ad curam animarum. Hinc est quòd ii tanquam legitimi & idonei Prædicare debent, & non opus est alia licentia. Sic in Concil. Tholos. ann. 1590. Episcopi proprium est docere; id quoad ejus facultas negotiaque ferent, frequentius præstare conabitur. Sin minus, probos saltem eruditosque viros ad id muneris seligat,

Bochelli De-
creta Eccl.
Gallic. pag.
1335.

Lindw.
Tit. de Hæ-
reticis.

ſeligat, nullumque in ſua Diœceſi ſine expreſſa ipſius licentia concionari ſinat, niſi id ei ex proprio munere, utpote parochiam obtinenti, eamque in concedenda cautionem adhibeat, ut neminem niſi etate jam maturum Subdiaconatusque ſaltem ordinem conſequutum admittat. Thomas de Arundellis Cantuarienſis in Conſtitut. Reverendiſſimæ Synodo. *Qui verò per locorum Diœceſanos ſe miſſos fore prætendunt, ipſius Diœceſani litteras ſub ſigillo ſuo magno (nam ſigillum armorum ſive ſignetum non faceret fidem, ait Lindvodi- us) ad hoc ſibi conſcripto ſimiliter oſtendat. Curatum vero perpetuum miſſum intelligimus à jure ad locum & populum curæ ſuæ. Perpetuum, ait Lindvodi- us, qualis eſt Episcopus in ſua Diœceſi, Rector & Vicarius in ſua parochia, & quilibet alius perpetuò incumbens ad Beneficium cui incumbit cura animarum. Nicolai Papæ ad Michaelẽ Imperato- rem verba Paſtoribus omnibus accomodari poſſunt. Diſpenſatio eſt nobis cœleſtis ſemi- nis injuncta. Væ ſi non ſparſerimus, væ ſi taceremus. Quod cum electionis eas formidet & clamet, quanto magis cuilibet exiguo metuendum eſt.*

Can. 55. habemus Precationis Formulam, quam concionaturi imitantur. Omnes Concionatores & Miniſtri in aditu cujuſque ſuæ Concionis, Lecturæ, & Homiliæ, popu- lum hortabuntur ut ſecum in precibus concurrant in hunc aut ſimilem modum idque (quan- tum licet) ſumma brevitatẽ. Precamini pro Chriſti ſancta Eccleſia Catholica, id eſt, pro univerſo cœtu populi Chriſtiani per orbem terrarum diſfuſi ac diſſeminati, ſpecialiter vero pro Eccleſiis Angliæ, Scotiæ, & Hiberniæ; & in his præcipuè pro Excellentiſſima Regia Majeſtate, Clementiſſimo Domino noſtro Jacobo Dei gratia Angliæ, Scotiæ, Franciæ, & Hiberniæ Rege, Fidei Deſenſore, & ſuper omnes perſonas in omnibus cauſis tam Ec- cleſiaſticis quàm civilibus infra regna & dominia ſua ſupremo Gubernatori. Precamini etiam pro Miniſtris divini verbi & ſacramentorum, tam Archiepiſcopis & Episcopis, quam cæteris Paſtoribus & Curatis. Precamini etiam pro Honoratiſſimis Regiæ Majeſtatis Conſiliariis ac Proceribus, & Magiſtratibus hujus regni univerſis; ut hi omnes & ſinguli in ſua quiſque vocatione ad Dei gloriam populi- que ædificationem & rectam adminiſtratio- nem officiis ſuis diligenter & fideliter perſequantur, memores reddendæ olim rationis cum ad Chriſti tribunal ſiſtentur judicandi. Precamini etiam pro populo & plebe hujus regni univerſa, ut in vera fide, & ſancto timore Dei, in humili erga Regem obedientia, & fraterna in ſe invicem charitate, vitam inſtituant. Poſtremò gratias & laudes Deo red- damus pro illis omnibus, qui in fide Chriſti ex hac vita exceſſerunt, humiliter Deo ſuppli- cantes, ut per illius gratiam vitam noſtram ad pium eorum exemplar dirigentes, ut ita tandem hac mortali vita deſuncti reſurgamus cum illis in die Jeſu Chriſti ad cœleſtem glo- riam & vitam æternam; ſemper cum Oratione Dominica concludentes. Non precantur, ſed jubent precari, & exhortationem oportet concludere recitando Orationem Dominicam.

Quibus conceditur concionandi facultas, vel raro concionantur, vel ſi concio- nantur, tot tamen Canonibus, Injunctionibus. Admonitionibus, Articulis, tan- quam cancellis, circumſcribuntur, ut omne Dei conſilium liberè annunciare non liceat impunè. Si quis *παρανομία* qua debet utatur, Schiſmaticus habebitur, & li- centiâ concionandi mulſtabitur, etiamſi ſit Magiſter Artium, vel in carcerem conjicietur, vel gradu ſubmovebitur. Nam in Eccleſia Anglicana hæc duo con- ſiſtere ſimul poſſunt, ut nempe quis, qui concionatus eſt plures annos, poſſit mulſtari licentiâ concionandi, non tamen de gradu Pæſbyteri ſeu Miniſtri dejici. Concionatores probatiſſimi deturbantur & ejiciuntur, qui plures animas Chriſto lucriferunt: & qui omnino inepti ſunt ad concionandum aut qui concionando vel gloriam vel quæſtum & quæ ſua ſunt quærent, non quæ Chriſti, aut ſalutem ani- marum; aut oratorum inſtar prophana blandiloquentia aut facetiis auditores ſuos paſcunt, eloquia Dei non loquentes, ſoventur. Cum jaſtabundus dixiſſet Mortuo-
nus

mus Cestrensis quibusdam Ministris; non est inter vos Puritanos unus qui convertit tot animas quot D. Whitus; Respondit ipse Whitus, (aderat enim,) cum eram Puritanus multos converti, plures tamen Middlesejus Ratsdellensis. Pius tamen senex, ut audio, multatus fuit concionandi licentia.

In reliqua Administratione ad Præscriptum; vel Injunctionum Regiarum, modo legibus Regni non repugnent; vel Liturgiæ publica autoritate editæ.

Injunctiones Regiæ hîc intelligendæ sunt eæ quæ sunt editæ anno 1. Elizab. Additur, *modo legibus regni non repugnant*; quia forte illorum moribus repugnant. Nam Art. 6. prohibentur Ecclesiastici ludere aleis aut chartulis; Episcoporum tamen Capellani eorumque æcclesiæ, chartas instruere norunt optimè, iisque & aleis se exercent. Articuli. 11. Non residentes, quorum annuus reditus excedit 40. librarum summam, tenentur quadragesimam partem distribuere pauperibus parœciæ; quod tamen non observatur. Art. 12. Rectores, Vicarii &c. quorum reditus annuus excedit 100 libras, pro singulis centenis erogarent tres libras sex solidos 8 denarios in pauperes alumnos Academiarum aut Scholarum trivialium. Si curassent Episcopi istud præstari, singulis annis mille alumni inopia sublevari potuissent. Sed in Decanos, Doctores, & Capellanos suos, rigidiores esse nolunt viri boni; legum scilicet observantissimi. Art. 20. Diebus festis vacandum concionibus audiendis, precibus privatis & publicis, dissidiis reconciliandis, Sacramentorum participationi, pauperum visitationi; Episcopi tamen eorumque Sacerdotes Comediis, Sphæromachia seu globulis &c. vacant. Art. 22. Omnes picturæ superstitionis in vitreis fenestris aut parietibus, sive in Ecclesiasteriis sive in privatis ædibus, abolendæ. Multæ tamen fenestræ ejusmodi picturas habent, nec è conclavibus Episcoporum eliminantur. Art. 49. Cantus Ecclesiasticus debet esse simplex, tanquam pronunciantis potius quam canentis; Curiositas tamen Ecclesiarum Cathedralium hanc simplicitatem fastidit. Art. 50. Subditorum nulli aliis Hæreticorum, Schismaticorum, Puritanorum, agnomina imponant. Hoc tamen solenne Episcopis eorumque æcclesiis & creaturis. Art. 52. Aperienda sunt capita & inclinanda genua cum profertur nomen *Jesus* in concionibus, lectionibus &c. Art. Episcopi eorumque Capellani illud observant solum cum legitur Euangelium, ac si Euangelium reliqua Scriptura sanctius esse: præsertim vero negligunt cum viriliter & gnaviter jurant *per Jesum*. Art. 59. Potest quis ab Ecclesiæ suæ Parœciæ precibus publicis abesse, si modo interea aliam illius civitatis vel oppidi Ecclesiam petierit, ubi habetur concio. Episcopi tamen eorumque Officiales animadvertunt in eos qui ita fecerint, nisi marcam aut feodum aliud ejusmodi dederint. Hæc omnia observavit ex Injunctionibus Regiis Author Petitionis ad Regiam. Observat etiam idem Author, nec legis Regni tam observantes esse, quam jactitant. Statutis regni ii habentur Ministri, qui apud exterarum Ecclesiarum inaugurationi sunt, modo subscripserint Articulis fidei & doctrinæ 13. Eliz. c. 12. Episcopi tamen pro Laicis habuerunt qui in Reformatis Ecclesiis ad Ministerium vocati sunt, cum tamen Sacerdotes Pontificios satis idoneos ad Ministerium judicaverint. Lex exigit Subscriptionem solummodo Articulorum de doctrina fidei & Sacramentorum 13. Elizab. c. 12. Episcopi tamen Homiliarum, ordinandi & conferendi Libros, item publicæ Liturgiæ, approbati subscriptione volunt. Statuto 23. Elizabeth. Cap. 1. Ordinarii eorumve Ministri à ludimagistris pro facultate docen-

docendi nihil peterent. Archiepiscopi tamen, Episcopi, Cancellarii, aut Officiales, prout quisque admiserit ludimagistrum, 7. vel 12. solidos extorquent. Imo, nec Canones à seipsis conditos observant, ut ostendit idem Author.

Pag. 70.

Ad Præscriptum Liturgiæ Publica autoritate editæ, & concernit, vel Episcopum, vel Ecclesiam, vel Ministrum ipsum.

Episcopum nimirum, in ratione Confirmationis Puerorum. Ecclesiam, vel in Ritibus aliquot, ut in genuflexione, vel in Responsionibus quibusdam.

Ministram ipsum. Qua in parte consideranda veniunt, ipsius Libri substantia, ut illic est videre, vel Directoria quædam, quæ continentur in Calendario aut Rubricis.

In Calendario, ad dirigendum Ministram, vel in rebus spectantibus Ministram ipsum vel Parochiam. Ministram ipsum, vel in lectione Psalmorum aliquot quolibet die mensis cujusque, vel reliquorum Bibliorum, partim ex Canonicis partim ex Apocryphis, intra annum: Parochiam etiam totam, de diebus Carnisprivialibus aut Festis observandis.

In Rubricis, inservientibus ad modum administrationis, vel quarundam Liturgiæ Partium, vel Sacramentorum.

Quarundam Liturgiæ Partium, in rebus respicientibus, vel Omnes vel Quosdam. Omnes qui sunt illius congregationis, ut in publicis Precibus, vel ordinariis vel peculiaribus alicui Tempori vel Occasioni, aut in Lectionibus Homiliarum sacrarum. Quosdam, ut circa Matrimonii celebrationem, Gratiarum actionem à puerperio, Infirmiorum visitationem & consolationem, Sepulturas defunctorum.

Sacramentorum, Baptismi, Sacræ Cœnæ, vel publicè in Ecclesia, vel Privatis in Ædibus urgentibus de causis, ministrandorum.

De Politia
Eccles. pag.
343. 344.

Mucketus adhuc plenius describit Presbyteri Anglicani functionem his verbis. *Fam Presbyterorum, postquam ita Episcopi institutione ad Rectoriæ vel Vicariæ titulum, deinde Archidiaconi inductione ad alterutrum possessionem admissi fuerint, hæc eorum munera sunt & officia. Verbum sincere prædicare (si Episcopi autoritate ad concionandum fuerint approbati) per singulos dies Dominicos in Ecclesiis suis, vel vicinarum aliqua Ministro concionatore destituta; legere omni die Dominico (si ad concionandum non fuerint*

runt.

vint approbati) Homilias publica auctoritate præscriptas, cum in ipsorum Ecclesiis deficiet concio, quæ ut singulis mensibus habeatur per concionatorem legitime approbatum tenentur procurare; administrare sacramentum Baptismi, in quo pueros Cænæ Dominicæ incapaces pro susceptoribus admittere, & quem si infans sit infirmus aut in mortis periculo differre prohibentur; administrare sacramentum Eucharistiæ, & ab ejus perceptione extraneos, in genua non inclinatos, manifestè infames aliquo scelere & in eo impenitentes viventes, cum proximis suis malitiose contentiosos, Oeconomos & Tesles Synodales in criminibus Ordinario detegendis nefarie perjuros, Schismaticos Anglicanæ Ecclesiæ aperte calumniantes, repellere, donec resipuerint; Liturgiam ad Rubricarum in ea præscriptum diebus sacris, & in eadem Litaniarum diebus Mercurii & Veneris, distinctè & cum debita reverentia recitare; diebus Dominicis & Festis ante preces vespertinas, ad semihoræ spatium vel amplius, juventutem & rudiorē plebem examinare, & instruere in Catechismo, qui in Libro Communium Precum extat; diebus Dominicis tempore divinorum Festos, Vigiliis, Dies Carnispriviales in sequentem septimanam incidentes populo denunciare; matrimonium celebrare; gratias agere à puerperio; ægrotantes sedulo visitare & consolari; defunctos sepelire; in his fere omnibus peragendis congruo superpelliceo, & capitiis si gradum aliquem in Academia susceperint, indui; baptizatorum, nubentium, sepultorum registrum conservare; Pontificios nostris sacris interesse recusantes, & alios sententiâ Excommunicationis ob insignem contumaciam vel graviora scelera obstrictos, singulis sex mensibus sequentibus die aliquo Dominico tempore divinorum pro excommunicatis denunciare; Denique omnes Pontificios cujuscunque sexus vel ætatis ultra tredecim annos, qui sacramenti participes esse, vel nostris publicis precibus interesse, renuerint (observato inter eos discrimine) in suis parochiis ut inquilinos vel hospites commorantes, eorumque vera nomina, vel quæ aliàs pro tempore usurpant exquirere, in scriptum referre, illudque ante Festum Nativitatis suis Ordinariis fideliter exhibere. Et ultra hæc omnia, Presbyteri docti & magis exercitati frequentius habent conciones funebres, baptismales, nuptiales, conciones in Episcoporum visitationibus, & consecrationibus, Diaconorum & Presbyterorum ordinationibus, inferiorum Magistratuum electionibus, coram Regis Judicibus & Justitiariis pro tribunali sessuris, ad celebrandum diem quo Rex regnum suum auspicatus, inauguratus, seu coronatus est, ad commemorandum liberationem Regis aut Regni à publicis & gravissimis periculis grassante peste & fame, in schismaticorum & hæreticorum libris publicè comburendis, ad insignes schismaticos cum in eos Episcopi solennem sententiam, ut loquuntur, condemnatoriam sint laturi redarguendos & refutandos, aut quando aliæ istiusmodi occasiones obveniant: quas ideo percensemus, ut qui in Academiis sacro Ministerio se consecrant, quàm grave sit onus præsentiant, & ad illud obeundum accedant undique paratiores. Grave scilicet onus Presbyteris doctis & concionatoribus, concionari semel die Dominico, vel in sua vel ob lucrum in aliena parœcia, propter lucrum etiam habere conciones funebres, nuptiales, baptismales, in alienis parœciis ubi non sunt Presbyteri concionatores, si rogati fuerint & invitati à divite aut Nobili, aut si unus ex multis quandoque concionetur in visitationibus, consecrationibus, ordinationibus vice Episcopi aut Archidiaconi & pro tuenda eorum dignitate & potestate: nam singuli non exercentur in omnibus præmissis. Gravissimum, facile ctedo, illud de redarguendis & refutandis, quos hic vocat insignes Schismaticos. Nam intelligit, opinor, fratres nostros, quos illi Puritanos, vel quos Brownistas vocant. Non repetam, quæ suprâ sæpius, Presbyteros alios omnino ineptos ad concionandum; alios habere donum, sed pendere usum & exercitium ab Episcopo; alios habere facultatem, seu ut vocant licentiam Episcopi, sed vel Non-residentes & pluralistas esse, vel in Cathedralibus & collegiatis Ecclesiis latitare. Sunt & alii, qui si non sint Non-residentes loco, sunt Non-residentes

officio. Quàm sincerè Euangelium prædicant multi qui concionantur, cum de libero arbitrio, de justificatione, de Christi descensu ad inferos, de Antichristo, de successore Petri, & alia Papismi dogmata & Lutheranismi pro concione tradunt? Pontificiorum nomina Ordinariis exhibere tenentur legibus; sed quàm fideliter eo munere Presbyteri, aut Ordinarii suo, fungantur, lippis & tonsoribus notum. Quàm diligenter instruunt rudiores in Catechismo diebus Dominicis & Festis, qui nihil minus curant? De denunciandis Excommunicatis, pag. 296. De repellendis manifestè Infamibus à sacra Cœna diximus, pag. 200. De cæteris dicemus suis locis. Notanda hic est distinctio Presbyterorum in concionatores & non concionatores. Non distinguuntur ulla parte essentiali muneris Presbyterialis. Alioquin essent duo Presbyterorum Ordines, præter illum gubernantium, quos Seniores appellamus. Præterea in nulla re distinguuntur, quæ non sit communis Presbyteris, & Diaconis Concionatoribus. Nam Diaconis etiam hanc concionandi facultatem concedere potest Episcopus. Habet Presbyter in muneris exercitio præscripta alia, quibus circumscribitur, præter Regiarum Injunctionum, & Liturgiæ præscripta, nempe Libelli Admonitionum Episcopaliū, Articulorum pro Clero, & Canonum seu Constitutionum Synodicarum. Sed de præscripto Liturgiæ jam agemus.

Libri publicæ Liturgiæ Ecclesiæ Anglicanæ partes sunt tres, Preces communes, forma ministrandi Sacramenta, & Ritualia in matrimonii celebratione, visitatione infirmorum, sepultura, & similibus: & proinde inscribitur in editione Gallicana, *Liturgia, seu liber precum publicarum, Administrationis sacramentorum, aliorumque rituum, & ceremoniarum in Ecclesia Anglicana*. Et rectè quidem nomen Liturgiæ tribuitur non Cœnæ solummodò celebrationi, sed etiam aliis exercitiis Cultus Publici. Nam *λεειτουργία* est obire ministeria circa res sacras, per quæ Deus à Christianis colitur, ut orare, scripturas recitare aut interpretari, concionari, sacramenta administrare, psallere. Ab hac notione, inquit Casaubonus, *διετέ sunt λεειτουργίας descriptiones quædam ordinis servandi in sacris celebrandis. Latini vocant Ordinem agendi, vel officium, Græci aliquando ἀκολουθίαν*. De hujus vocis notione stricta, laxa, communi, propria, videat ibidem lector. Qui Librum publicæ Liturgiæ in Ecclesia Anglicana Missale translatum vocant, aut è Missali excerptum dicunt, minus propriè loqui mihi videntur. Nam Liber iste Anglicanus conflatur ex tribus Pontificiorum libris Liturgicis, Breviario, Missali, & Rituali. Pars prima, nempe precum publicarum ex Breviario; Ordo administrandi sacramenta, celebrandi matrimonium, visitandi infirmos, & sepulturæ, ex Rituali desumuntur; Ordo consecrandi in Cœna, Evangelia, Epistolæ, Collectæ quædam, ex Missali: nam ante Collectas, hic est Titulus, *Collectæ, Epistolæ, ac Evangelia ad sacram communionem, sive in cœna Domini, dicenda per totum annum*. Et de forma benedicendi & consecrandi dicemus suo loco. Ex tribus his igitur sed contractis, nempe Breviario, Missali, & Rituali, conflatur Liber Publicæ Liturgiæ. Forma Consecrandi Archiepiscopos & Episcopos & Ordinandi Presbyteros & Diaconos in Ecclesia Anglicana ex alio libro, nempe Pontificali Romano, desumitur. Habent Ecclesiæ Reformatæ etiam suum ordinem in celebrandis sacris, sed à Romana, ut decet, longè diversum.

Omnibus his Publicæ Liturgiæ partibus illud commune est, quod Ministri arbitrio nihil permittitur, non preces concipere prout afflaverit Spiritus, non exhortari prout secundum donorum mensuram potest, sed conceptis formulis & præscriptis verbis orare, exhortari, admonere, docere. Nam hæc omnia præscribuntur in administrandis sacramentis, & precibus; adeo ut non liceat Presbytero Anglica-

glicano, licet Angelorum linguis loqui posset, in Cœna celebranda aliis verbis exhortari, excitare affectus, aut docendo illuminare & instruere quàm verbis præscriptis; & sic in aliis Publicæ Liturgiæ partibus. Habemus quidem nos etiam in Ecclesia nostra Agendas, & ordinem in sacris celebrandis servandum; sed nemo alligatur precibus aut exhortationibus Liturgiæ nostræ: proponuntur tantum ut paradigmata, quibus precum aut exhortationum materia & forma quoad substantialia indicantur, non ut eisdem verbis adstringantur Ministri. Totos ego tredecim annos, quibus functus sum Ministerio, sive in sacramentis, sive in aliis sacris celebrandis, exhortationibus aut precibus quæ extant in Agenda nostra, nunquam usus sum. Sic etiam alii complures; & omnibus etiam liberum est idem facere. Et puerile est, ut mihi videtur, aliter facere. Qui orant, exhortantur, aut admonent absque præscriptis verbis, rectius mihi facere videntur, & efficacius movere auditores quàm qui præscriptis verbis tanquam glebæ ascripti orant aut exhortantur. Nihil ego puto à quovis præscriptum tam exactè, quin addi aliquid possit, aut perfectius reddi à quovis qui Ministerio dignus, ad docendum vel movendum affectus. Nam facile est addere inventis, & præscriptis. Et licet fortè nihil exactius dari posset, tamen languet oratio, ubi non est verborum varietas, nec prorumpunt affectus interiores orantis aut exhortantis liberè in verba. Nam ut afficiat auditores oportet ipsum affici. Non autem afficitur ut debet, qui semper eisdem verbis orat aut exhortatur. Deum omnibus viribus animæ colendum esse, nemo negabit. Pii Dei cultores in Veteri & Novo Testamento variis formis & modis orandi usi sunt, & Propheta Regius non solum res diversas sed etiam rem eandem pluribus verborum formulis petiit à Domino, ut patet ex Psal. 119. Qui orat secundum verborum præscriptum, habere potest generalem orandi affectum & intencionem ante prolata verba, particularem de petenda re particulari non habet, nisi fortè teneat memoria verba præscripta, & sint orantis affectui accommodata; quod accidentarium est. Est autem per se præstantior orationis vocalis modus quando vox formatur, & verba quasi determinantur per affectum interiorum præcedentem & naturali quasi impetu prorumpentem & redundantem in exteriora. Cum Minister orat, si absque præscripta verborum forma, affectus Ministri orantis præcedunt verba prolata: sed respectu auditorum verba prolata præcedunt affectum, eumque gignunt & movent, verum vehementius quàm si oret secundum præscriptum verborum. Nam tunc non afficitur quantum debet & potest ipse, qui aliorum, quantum debet aut potest, affectus movere debet. Et puto ego, auditores alias flammulas in animis sentire, cum præit Minister verbis determinatis à præcedente, quàm cum sequente affectu; præsertim ubi aliquandiu assueti sunt auditores verbis præscriptis. Nec tamen adeo rigidus sum, ut rudioribus privatim oraturis hæc adminicula, nempe præscriptas verborum formulas, omnino denegem; si simul doceantur sic memoriæ insigere, ut possint affectui accommodare, & sic affectus verba præcedere posset, & ipsi ad perfectiora tendere nec in rudimentaria ista forma hære. Sunt qui tota vita adeo rudes sunt, ut extra præscriptas suas formulas vix possint decem verba proferre; non ab-similes iis qui apud Pontificios nihil possunt abstracti à formulis illis, quæ habentur in Officio Beatæ Mariæ, aut à Rosario. Addo quod etiam adultioribus non denegarem Libros Precum, partim ut videant quid imitentur in piis sanctorum precibus, partim ut materialiter verba legendo præbeatur materia meditationis, & moveantur affectus, si se segniores & torpescere sentiant, cum sint oraturi. Nam aliud est legere materialiter vel studii gratia vel præparationis causa, aliud formaliter & cum affectu orare. Præterea in domesticis precibus etiam non negarem

posse patremfamilias precari secundum præscriptum, si non habet donum concipiendi verba. Nam licet in conclavi verbis exprimere animi affectus pro arbitrio potest, quia Dominus cor intuetur & affectus; tamen publicè coram tota familia idem absque indecoro non potest. Præstat autem præscriptas in familia habere, quàm nullas. Sed nollem eum in isto orandi modo hære, ut ante dixi de aliis privatis. In Ecclesia ubi orat Minister, qui debet habere donum concipiendi verba tum in precibus tum in exhortationibus æquè ac in docendo & interpretando Scripturas, sentio debere uti dono illo, idque exfucitare, & alios ad idem donum colendum excitare. Non mihi placet, dicam ingenuè quod sentio, quòd Minister adstringat se verbis præscriptis in publicis precibus, aut exhortationibus seu admonitionibus in sacris celebrandis, etiamsi à viris doctis & piis conceptæ sint, præsertim recitando è libro; nam attentio ad verba recitanda è libro & magis impediunt affectuum impetus & correspondentes gestus corporis exteriores, quàm si quis memoriæ ita infixarit ut affectuum accommodata sint eumque quasi sequantur. De re ista tamen litem nemini moveo: nec propterea à sacris hoc modo celebratis, si non aliæ accesserint corruptelæ quæ secessionem merentur, abstinendum judico. Sed in Ecclesia Anglicana non permittitur ista libertas. Adstringuntur sub poena præscriptis verbis; nec licet impunè aliquid omittere, etiamsi ad sacrorum substantiam aut sacramentorum essentiam non sit necessarium, ut patet ex Canone 38. Constitutionum anni 1603. *Si quis Minister, postquam præfatis Articulis subscripserit, Liturgiæ formula vel ritibus & ceremoniis quibuscunque in libro precum publicarum indictis, uti deinceps omiserit; suspensionis poena coerceatur: ac nisi post mensem se emendaverit ac submiserit, excommunicetur; quod si per alium adhuc mensem in contumacia permanserit, à Ministerio sacro amoveatur.* Sic Pius Quintus Pontifex Romanus statuit de Breviario ipsius jussu edito; *Statuentes Breviarum ipsum nullo unquam tempore vel totum vel ex parte mutandum, vel ei aliquid addendum vel omnino detrahendum esse &c.* Præscriptas verborum formulas in Liturgia Ecclesias Apostolorum sæculo habuisse ex Sacra Scriptura colligi non potest, præter verba determinata à Christo in Baptismo & Sacra Cœna; sed potius contrarium, orasse ut præsentì actioni & circumstantiis loci, temporis, personarum conveniebat. Missas sen Liturgias quæ tribuntur Petro, Jacobo, Matthæo, Andreæ, Marco, Clementi, Dionysio Areopagitæ, aliisque Christi discipulis, supposititias esse, scriptores nostri pluribus indiciis evicerunt. Liturgia, quam Paulus tradidit Corinthiis prout eam accepit à Domino, supposititias illas falsitatis arguit. An nullas, inquires, probabo Liturgias? Absit. Nam Liturgiæ publicæ partes & exercitia sunt precari, psallere, Scripturas legere, & interpretari ac tractare, sacramenta administrare; quæ qui sublata vellet, Dei cultum sublatum cupit. Præterea probamus præscriptum ordinem harum partium tum per se tum inter se, ut omnia fiant ordine & decentè in Ecclesia, & ut partes illæ finem suum ad quem instituit eas Dominus facilius assequantur, nempe ædificationem Ecclesiæ. Tertio probamus etiam illa orationum & admonitionum exemplaria quæ habentur in Liturgiis nostris, dummodo tradantur ut exemplaria, non ut præscripta quibus præcepto adstringendus Minister; & rectius facere censeo, qui non hæret in formulis verborum, ubi non determinavit Scriptura, quàm qui ne *γὲρ* quidem addere vult, etiamsi liberum illi sit & nullo obligetur præcepto ad conceptas verborum formulas.

In Anglicana igitur Liturgia primum quod damnamus est, præscripta in omnibus Liturgiæ partibus præcepta & imperata non leviori quàm suspensionis, excommunicationis, depositionis, & deprivationis poena.

Secundum quod damnamus in Liturgia est, quòd verbi prædicatio quæ debet esse

esse quasi anima Liturgiæ habetur tanquam accessorium quid ad totam Liturgiam & accidentarium, quæ vel adesse vel abesse potest, & tamen integra semper suis partibus & omnibus numeris absoluta constare potest Liturgia. Imò nec plerisque locis magis aptus est Sacerdos Anglicanus ad concionandum, quàm asinus ad lyram; & tamen omnia Liturgiæ Ministeria, sive Breviarii seu Officii horarii, sive Missalis & Ritualis obire potest, Sacramenta administrare, Nuptiis benedicere, Mortuos sepelire, peccata remittere & retinere &c. Ministrorum & Ministeriorum sacræ Liturgiæ alia erat ratio Apostolorum sæculo. Oportet Episcopum, qui idem ac Presbyter, esse διδάσκων, ait Apostolus. Quod ad Ministeria; non habebant illi officia horaria, id est precum & laudum, nec cœnæ celebrationem, absque doctrina & interpretatione Scripturarum. *Perdurabant in doctrina Apostolorum & communicatione & fractione panis & precibus* Act. 2. 42. Lyranus; *Tum quia quotidie communicabant, tum quia omnes cibos sicut & cetera communia habebant.* Syrus interpres; *Et perseverabant in doctrina Apostolorum & communicabant in oratione & fractione Eucharistiæ.* Et Act. 13. 1. *λειτεργούντων δὲ αὐτῶν τῷ κυρίῳ.* Oecumenius ibi, *τί ἐστὶν λειτεργούντων; τὰ ἐν τῇ κηρύξει*, id est prædicantibus seu concionantibus Sic Chrysostomus in eundem locum. Cajetanus, *Non explicatur species Ministerii; sed ex eo quod dixerat, prophetæ & doctores, insinuat quod ministrabant Domino docendo & prophetando.* Et dicit Paulus, *se ἰεργούν τῷ κυρίῳ.* Atque hic mos fuit in Judæorum Synagogis, post lectionem Legis & Prophetarum interpretari Scriptura & exhortari. Luc. 4. 18. Act. 15. 21. Act. 13. 14. unde Synagogæ dictæ sunt domus expositionis. Si quis est in vobis sermo exhortationis, id est Midrash, Act. 13. 14. Cajetanus in Nehemiam c. 8. Juxta Hebræum habetur, *declaratio cum appositione intellectus.* Et est sensus, quod legerunt in libro declarato cum appositione intellectus, hoc est, quod non solum legebatur distinctè proferendum cum debitis punctis; sed etiam, ubi opus erat, declarando sensum & veram sententiam, verumque intellectum sententiarum apponendo. Hoc enim faciebat Esdras. Et intellexerunt cum legeretur. Frustrum doctrinæ significatur. Hic mos observabatur etiam in publicis Christianorum conventibus, nempe Scripturas legere & deinde interpretari ac concionari. Nam argumentum funebat Pastor concionaturus ex Scriptura jam perlecta, ut patet ex his verbis, quæ apud Patres pluribus post Apostolorum ætatem sæculis sæpius habentur, *Audivistis filii librum libri Job. Audivimus fratres, cum Evangelium legeretur, Dominum dicentem. Multa sunt quæ in istis paucis verbis Domini requiruntur. Liber lectus est quo prophetatur. Pulebrè dum legimus hodie Evangelium, Spiritus Sanctus nobis obtulit lectionem. Audivistis lectionem Evangelii, & similia.* Non debet Pastor abesse à cœtu fidelium cum conveniunt ad officia divina; & quandoquidem in omnibus officiis habetur lectio Scripturæ, non debet Pastor quem adesse oportet omittere interpretationem. Utar verbis Bellarmini, licet in alium *De Verbo* finem quàm ille. Itaque quemadmodum non licet sic argumentari, *Matres dant infan-* Dei l. 2. *tibus panem dissectum in particulas vel etiam præmansum, possent igitur dare etiam inte-* c. 16, *grum & solidum, nam est idem panis. Ita non licet argumentari, Ministratur populis ver-* *bum Dei explicatum à concionatore, igitur ministrari etiam debet sine explicatione & vul-* *gari lingua scriptum.* Non sufficit igitur, quod Angli in Divinis Officiis legunt Scripturas lingua vulgari; sed etiam debet Minister talis esse, qui possit & velit etiam dissecare. Sed proh dolor! parvuli esuriunt, & non est plerisque locis qui frangat panem aut frangere possit esurientibus. Sacerdos in sanctuarium Domini ingredi, ex eoque egredi, non debet absque tintinnabulorum sonitu, id est verbis interpretatione, aut sermone exhortationis. Non urgeo justam concionis, qualem nunc habemus diebus Dominicis, mensuram, in singulis Officiis Divinis, etiam

hora-

horariis, seu precum matutinarum & vespertinarum. Sed quodcumque & ubique habentur divina officia, sive horaria seu precum & laudum ut vocant, sive sacramentaria; unà cum lectionibus Scripturæ conjungi debet aliqualis interpretatio, & pro ratione actionis præsentis doctrina. Sed Liturgia Anglicana etiam ipso die Dominico non solum hac parte manca est, sed etiam ordinariis concionibus non cedit. Oportet prius officium diei illius celebrari, & tædio affici populum qui auditurus est concionem, si ulla habenda erit. Fateor breviora esse illorum Breviarium, Missale, Rituale, quàm Pontificiorum. Tantus fuit numerus

Ut dicitur
in Præfatio
ne præfixa
Libro Li-
turgiæ.

De Verbo
Dei l. 2.
c. 15.

Ibid. Not.
45.

De Rep. Ec-
clesiæ l. 7.
Cap. 12.
Num 96.

Num. 94.

Gratian.
Dist. 92.
Ca. 2.

Titul. de Of-
ficio & Vi-
ta Cleric.
Ca. 12.

tanta varietas regularum, ut loquebantur Pice; tot mutationes in Officio Ecclesiastico, ut revolutio libri ad inveniendum quid legeretur, plus negotii & difficultatis faceretur, quàm lectio ejus quod fuerat inventum. Horum & similium incommodorum consideratione Officium Ecclesiasticum juxta Sanctorum Patrum consilium ad primam institutionem revocamus. Liturgia Ecclesiæ Anglicanæ, si credere fas sit, revocata est ad primam institutionem. Sed à quibus instituta fuerat, ostendissent. Ordo Romanus Divinorum Officiorum idem est nunc quoad substantiam, qui fuit ab initio Ecclesiæ, inquit Bellarminus, Isidorus enim Lib. 1. de Officiis Ecclesiasticis Cap. 15. affirmat à B. Petro cœpisse hunc ordinem divinorum officiorum quo utitur Ecclesia Romana. Respondeat Tilenus; A Petro cœpisse? quidni à Japeto? Sed de Liturgiis falsò dictis Apostolicis supra dictum. Sic Paulus Tertius de Breviario Romano à Cardinale Quignono restituto ait in Diplomate Editionis; Nuper consultis atque adhibitis doctis & prudentibus viris aliqua addendo, atque immutando, prout commodius duxit, summa cura atque diligentia recognovit: atque ad veterum sanctorum Patrum Conciliorumque instituta ac meliorem præcandi ritum, & normam faciliorem breviorumque redegit; ut Clerici ejus libri ordine ac brevitate ad legendas Deo quotidianas preces magis alliciantur; vide Spalatensem. Sic semper prætexunt omnes qui Breviaria reformant, se revocare ad primam institutionem. Bene est. Brevius est jam Breviarium & Missale Anglicanum quàm olim fuit; at brevius tamen optandum, cum locus dandus concioni; & omittendum potius, quàm ut pariat tædium aut fastidium in auditoribus audituris verbi prædicationem. Romana Curia, quia Curiales aliis occupati negotiis, Romanæ Ecclesiæ Longiarium mutavit in Breviarium, ait Spalatensis, id est Horas sibi Canonicas breviores præpararunt. Itaque aliud Officium olim fuit Ecclesiæ Romanæ, aliud Capellæ Papæ. Si levioribus negotiis, ut ibi ait, occupati quàm quæ Christi Ministros deceant, in Capella sua breviores sibi horas præpararunt; multò magis sunt vel contrahendæ si quid detrahunt ædificationi quàm ex verbi prædicatione percipere possunt auditores, aut omnino omittendæ potius quàm amittenda occasio audiendi prædicationem Euangelii, quæ habet conjunctas secum alias etiam Liturgiæ partes, preces & psalmorum cantum. Apostolus dicit, se missum non ad baptizandum, sed ad prædicandum; multò minùs igitur ad cantandum Lectiones & Psalmos. Apostoli Diaconos instituerunt, ut ipsi vacare possent orationi & doctrinæ, memores mandati Christi *Ite & prædicate*. Gregorius Magnus Decreto constituit in Concilio ab ipso habito, ne Diaconi officium cantandi usurparent, quos ad prædicationis officium & eleemosynarum studium vacare congruebat. In Concilio Colonienſi decretum in hunc modum. *Fam & illud non rectè fit in quibusdam Ecclesiis, ut ob cantorum & organorum concentum omittantur aut decurtentur ea quæ sunt præcipua: Cujus generis sunt recitatio verborum Prophetico- rum aut Apostolicorum, quam Epistolam vocamus, Symbolum fidei, præfatio, quæ & gratiarum actio, & precatio Dominica.* Certè multò minus omittenda aut decurtanda est prædicationis verbi propter lectionum, Psalmorum, & Collectarum, præscriptum numerum. In regulis de Ceremoniis quæ habentur in Libro Liturgiæ edito regnan-

re Edwardo Sexto habentur hæc verba, propter concionem ad populum, vel aliam ju- *Bucetus in*
Scriptis
Anglicanis
pag. 455.
 stam causam Minister poterit suo arbitratu omittere Litaniam, Gloria in excelsis, Credo, & Exhortationem ad communionem. At nunc non ea est permissa libertas. Oportet recitare divinum officium, & quidem perfectè, etiam si omittendam vel contrahendam viderint prædicationem verbi. Omnia perfectè planè & distinctè recitare vel cantare oportet, non transcurrendo seu syncopando aut detruncando, ut dicitur in Synodo Lingon. ann. 1404. Canone 14. Constitutionum anni 1603. sic statuerunt Reverendi Patres; Liturgia publica distinctè & debita cum reverentia legatur vel canetur in illis diebus, & eorum vigiliis, qui in libro precum publicarum sacri ac festivi designantur, horisque eorundem congruis & usitatè, atque in eo potissimum Ecclesiæ cujusque loco, qui Episcopo Diocæsano vel loci Ordinario ratione vel amplitudinis vel angustiae commodissimus, & ad populi ædificationem maximè opportunus videbitur. Singuli etiam Ministri studiosè observabunt instituta, ritus, & ceremonias omnes, quæ in dicto libro præscribuntur, tam in sacris Scripturis legendis ac precibus recitandis, quàm in administrandis Sacramentis, absque ulla sive materiæ sive formæ additione aut diminutione, respectu vel concionis vel alterius causæ cujuscunque. Et Can. 26. In omnibus utriusque Academiæ Collegiis & Aulis per integram Liturgiam, & sacra Cænæ administrationem, debite & absque omni aut omissione aut innovatione observari volumus ordinem, formam ac ceremonias omnes, prout in dicto Publicæ Liturgiæ Libro præscriptæ inveniuntur. Liturgica Officia non sunt ullibi omittenda; Concio tamen etiam die Dominico omitti potest. Si quis die Dominico petierit aliam parœciam, ubi habetur concio; habetur plus nimio religiosus, & præcisus Puritanus. Author Petitionis ad Reginam refert oportere parœciam absentiam à Divino Officio in sua parœcia singulis vicibus redimere pecunia. Illud jam obtinet apud Anglos, preces & laudes in divinis officiis præferendas esse concionibus seu prædicationi verbi, ut apud Pontificios. Inde est quod Episcopi, Pluralistæ, & Non-residentes munus illud negligant, vel incuriam & negligentiam hoc velamine tegant, ut refert Parkerus de Cruce Lib. 2. pag. 192. Imo non pudet quosdam asserere, verbi prædicationem non esse partem cultus divini, ut Howsonum Sermon. in Psalm. 118. pag. 78. & Can. 19. constitutionum anni 1603. distinctè ponuntur ista duo, *tempore divini cultus aut concionis*. Liturgiæ vox tribuitur, ut supra diximus, prædicationi Evangelii, & Apostolus dicit se *ἡγερῆν τὸ εὐαγγέλιον*; & sacramentorum administratio ab ipsis enumeratur inter partes Liturgiæ, item lectio Scripturarum, imo & Homiliarum. Apostolus præfert Prophetiam aliis omnibus donis spiritualibus, 1. Cor. 14. ubi de orandi ordine etiam loquitur & psallendi. Prophetia & per se ædificat, & alias Liturgiæ partes ad ædificationem dirigit; estque totius Liturgiæ quasi anima & vita. Lectio Scripturæ exhibet panem integrum, enarratio & interpretatio dissectum & præmansum. Et cum Apostolus designat præcipuum Pastoris munus, ait; Presbyteri duplici honore sunt digni, maximè qui laborant in sermone & doctrina. Domini institutum, praxis Apostolorum & prioris Ecclesiæ, illud munus ut primarium nobis commendarunt. Multa hic congerere possem ad probandum prædicationem esse præcipuum munus Episcoporum seu Presbyterorum, sed de hisce supra dictum. Meminerint interim illi duplicis Væ. *Væ mihi nisi Evangelizavero. Væ eis qui faciunt opus Domini negligenter*. Denique talis est totius Liturgiæ Anglicanæ ordinatio, ut *λειτεργῶν* Presbyter possit omnia illius sacra celebrare, licet nunquam concionetur, imo nec concionari posset si vellet. Potest autem leviori labore omnia ministrare quàm Sacerdos Romanensis, quia breviora sunt Breviarium, Missale, & Rituale, quàm apud Pontificios. Regulas quas Picam vocant, Rubricas, Collectas, Lectiones habet pauciores &

7. 47.
1. Replie.
p. 104.

Lib. 2. Cap.
17.

pag. 238.

breviores; & proinde non tanta illi difficultas & molestia in revolvendo & quærendo locum indicatum in Calendario aut Rubricis generalibus, quanta Romanensi Sacerdotulo, ut jure exprobant Authores Administrationis ad Parliamentum, & Cartwrightus cum ait pueros decennes posse omnia ea munia peragere, quæ exigit Liber Publicæ Liturgiæ. Sacerdos Romanensis Latina, illi lingua duntaxat vulgari celebrant. Sacerdotes, Canonici & Præbendarii adstringuntur septem Horis Canonicis, nocturnis vigiliis, frequenti Missarum celebrationi. Anglicanorum Sacerdotum munus non est tam operosum ac Romanense vel Turcicum, quod probaturus Reginaldus Anglo Rhemenfis in Calvino-Turcismo ex secunda Replica Cartwr. sic refert; *Ideoquæ postquam diebus Dominicis Orationes quasdam & Psalmos coram populo recitaverint (conciones enim quas dixi rariores sunt & à paucioribus Ministris adhibentur, nec ad eas quisquam Minister ordinaria Principis lege nisi quater in anno adstringitur, & licet nec semel toto anno concionetur levè tamen pecuniæ multa legis transgressionem potest redimere, unde & alicubi in oppidis prope ipsas Academiis suis, ubi probabile est redundare concionatores, totis quatuor annis nec ulla talis concio audita est, &c.) in reliquam totam hebdomadam præclarè se officio defunctos existimant: & à Psalmis, à Concionibus, ab Orationibus, à Sacrificiis pro sua populi salute offerendis sive veris sive metaphoricis liberi sunt & soluti.* Sunt quidem obligati precibus matutinis & vespertinis recitandis vel privatim vel publicè, ut infra ostendemus: sed quantulum illud ad Sacerdotis Romanensis exercitia, & quàm negligentes sint in penso illo persolvendo? Sed statutum est, ut legat Homiliam diebus Dominicis, seu in officio horario, seu in celebratione sacræ Cœnæ. Sed & istud Ministerium puer obire potest. Non est illud Dei verbum ritè secare, homiliam legere. Debet Minister ipse esse *didaxilos*, & doctrinam applicare pro personarum & temporis ratione; quod non fit nec fieri potest, dum leguntur præscripta verba perscriptæ ab aliis Homiliæ. Deest hic ars agricolæ ad subigendum & colendum agrum, calor nutricis lac digerentis & concoquentis ut fiat dulce parvulis, sicut eleganter allusit Parkerus. Deest hic latens illa energia vivæ vocis quæ prorumpit ex impetu interiorum affectuum concionatoris & intimis quasi visceribus amantis Pastoris. Pastoris, Patris, Dispensatoris, Agricolæ, aliæque nomenclaturæ metaphoricæ, quæ Ministris in sermone & doctrina laborantibus tribuuntur in Scripturis, dona quæ requiruntur, monita quæ dantur, pascere, pascere, pascere, insta tempestive intempestive, attende lectioni, exuscita quod est in te donum, & ratio reddenda Domino de cura gregis, monent quomodo prædicandum sit verbum Dei. Sed vel non habent plerique donum, quod exuscitent, vel non exuscitant, vel non annunciant omnia Dei consilia. Legere Homilias non est donum quod ascendens in altum Christus dedit hominibus, cum daret Pastores & Doctores. Qua ratione Homilias, etiam pios quosvis tractatus in Ecclesia legendos imperare possunt. Hæc umbra contenti plerique desident domi, & non frequentant conciones in aliis locis. *Sed quid dicendum de Vicario W. inquit Assertor Politicæ, qui die quodam festo cum homiliam ad populum vel habere nequibat vel legere volebat, ad paræcios deterrendos Dei judicii & ad resipiscentiam permovendos legit publicè fictas fabulas è libello inscripto, Mira novæ Calabriæ prædicta per M. Johannem Doletæ. Illud etiam observandum in Libro Liturgiæ indicatum, ut post symbolum, ubi non habetur Concio, legatur Homilia vel hætenus edita, vel posthæc publica autoritate edenda.* De futuris contingentibus non est determinata veritas. Nemini certò constat Homilias edendas saniores doctrinam allaturas. Et si ex re præsentì divinare liceat, non nisi impuriore expectandæ sunt. Nam, ut refert Examinator quidam Liturgiæ, multa Papismi & Lutheranismi dog-

dogmata tum in aula tum in civitate pro concione traduntur, ob quæ nulla lis moveretur concionantibus, sicut iis qui de reformatione vel hîscere cœperint. Et tamen subscriptione approbandæ sunt etiam antequam editæ fuerint.

Tertio observandum est, in Liturgia Anglicana quasdam esse partes populi in quibusdam responsionibus & ritibus, ut genuflexione, capitis inclinatione, &c. Quandoque comprecatur unâ cum Sacerdote populus, quandoque tacente Sacerdote responderet, quandoque unus omnium vice responderet. In matutinis v. g. *Generalis confessio ab universa congregatione dicenda genibus flexis: Absolutio per solum Ministrum pronuncianda; Populus respondebit Amen.* Symbolum Apostolorum dicitur, *Ministro & populo stantibus. A Ministro & tota Ecclesia dicatur alta voce, Pater noster qui es in cælis, &c.* In Cœnæ celebratione; *Recitabit Sacerdos clarè decem præcepta, & universus populus post singula mandata, genibus flexis, misericordiam Dei implorabit pro violatione illorum.* *Generalis confessio, nempe omnipotens Deus Pater, &c. fiat nomine eorum qui communicaturi sunt, vel per eorum aliquem, vel per unum ex Ministris, aut per ipsum Sacerdotem, omnibus submisit genua flectentibus.* Nota obiter verba illa, vel per unum ex Ministris aut per ipsum Sacerdotem. Ministros hîc intelligunt opinor Diaconos, aut quos vulgò Clericos vocant, qui solent respondere vice populi. *Minister dicet Orationem Dominicam, & populus recitabit post illum singulas petitiones.* Quandoque, ut in Litania, Minister narrat quid petendum, & populus orat. Quandoque populus responderet solum per *Amen*. Sed unus vice populi sæpius responderet, quarum responsionum exempla sunt in Liturgia Anglicana passim obvia. Hic mos ortus est ex prava interpretatione verborum Apostoli, 1. Cor. 14. *ἡ ἀναπληρῶν τὸν τόπον τῆς ἰδιότητος*, ac si intelligeret Apostolus aliquem qui vice populi responderet: sed istam interpretationem rejicit ipse Bellarminus. *Hæc verba, in-De Verbo quit, non significant, secundum usum linguæ Græcæ, eum qui gerit vices idiotæ, sed qui De Lib.2. adimplet locum idiotæ, id est, qui sedet in locis idiotarum, qui occupat locum idiotarum, Cap. 16. qui est ex idiotis, & idiota, ut exponunt Chrysostomus & Theophylactus hoc loco. Nam non solum prophani auctores, sed etiam sacri non utuntur nomine illo τὸν ὅτι pro vice, sed adverbio ἀντὶ.* Non igitur, Bellarmino ipso iudice, sunt verba intelligenda de idiota officio, id est idiota qui responderet pro idiotis. Chrysostomus in hunc locum, *ἰδιώτην δὲ λαϊκὸν λέγει*, Idiotam autem Laicum vocat. Comprecari unâ cum Ministro non absque confusione & indecoro fieri palàm est. Si Minister est os Dei ad populum, & in precibus, confessionibus, aliisque rebus, & ut ait Apostolus *ἡ ψυχὴ πρὸς τὸν θεὸν* os populi spiritu & mente orantis, confitentis, &c. quid voce comprecari opus est, aut post precantem reperere? Et si in aliis precibus assensum testentur in fine per *Amen*; cur in hisce non eandem servant formam? Si comprecati vel reperere non debent in illis, nec in his; si in his, & in illis. Nam eadem est & par ratio. Præterea arbitrantur rudiores has preces & orationes, quas ipsi ore proferunt, magis ad se pertinere quàm alias, aut sanctiores esse majorisve efficacis. Genuflexionis ritum in quibusdam precibus imperare, non in aliis, superstitiosum, aut in ullis omnino precibus hypocriticum gestum inducit. Naturalia hæc signa interiorum animi motuum & affectuum libera esse debent, non præscripta; & quo liberiora eo sunt decentiora. Si statueretur ut orantes omnes elevent oculos aut pectus tunderent, instruerentur quomodo hypocritas agerent, aut ut in signis exterioribus devotionis vim & virtutem collocarent. Genuflexio, manuum vel oculorum elevatio, & pectoris tussio, sunt ritus & signa ejusdem generis. Veneratio alia est negativa, alia positiva. Negativa præcepta, quibus prohibentur actiones minus decentes inter orandum aut alias in sacris celebrandis probanda sunt: non autem de signis his naturalibus positiva, quia vel superstitionem

vel hypocritis nutriunt. Cum legitur Euangelium, stantes audiunt: cum alia habentur lectiones ex Veteri Testamento vel Epistolis Apostolicis, sedentes audire illis scelus non est; ac si majoris esset autoritatis pars illa Scripturæ, quam cæteræ omnes, aut non essent dictata ejusdem Spiritus. Audito nomine *Jesus* aperiunt capita, inclinant genua, & pavementum pedibus scalpendo tantum efficiunt strepitum, ut aliquandiu nequeat quis auribus percipere verba à Lectore aut Concionatore prolata, abutentes verbis Apostoli Phil. 2. 9. 10. *ac donavit ei nomen quod est supra omne nomen, ut ad nomen Jesu omne genu se flecteret caelestium ac terrestrium & subteraneorum.* Quæ verba nihil aliud significant, quam Christi imperio & potestati subjici creaturas omnes ubicunque fuerint. Nam *Nomen* in Scripturis quandoque dignitatem, potestatem, autoritatem, imperium, famam & celebritatem, quandoque ipsam rem nominatam significat, ut invocare nomen Domini idem est ac invocare Deum ipsum. Sic Act. 4. 12. *Non est aliud nomen quod datum sit inter homines per quod oporteat nos salvari,* id est, non est alius vel alia vis & autoritas. Hæc significata etiam quoad Christum indicant hæc locutiones, *Baptizari in nomen Christi,* Act. 2. 38. *Per fidem in nomine ipsius Act. 5. 16. Per nomen Jesu adflare istum sanum.* Act. 4. 10. *Ne loquerentur in nomine Jesu,* Act. 5. 40, *Et quicquid feceritis in nomine Jesu id facite,* id est, invocato ejus nomine, vel ad ejus gloriam, Coloss. 3. 17. Hæ phrasæ & periphraes Hebræis familiares sunt. Non ergo nominationem seu titulum istum *Jesus* intelligit hoc loco Apostolus, sed ipsum Jesum, vel ejus dignitatem, potestatem, imperium, cui subjiciuntur omnes creaturæ, etiam quæ invitæ se submittunt. Genuflectere per ἀνθρωπον ἀδυναμίαν tribuitur etiam creaturis quæ non habent genua materialia quæ inclinent, ut spiritibus, qui etiam inviti coguntur agnoscere illius dignitatem & potestatem. Dicunt, se non colere ipsum nomen Jesu, syllabas aut sonum vocis, sed rem repræsentatam audito hujus vocis sono. At cur audito magis quàm visui totidem literis & syllabis in scriptis objecto? Cur magis audito hujus vocis sono in templo quàm extra templum? Nam Apostolus non distinguit. Ipsi tamen distinguunt, quùm absque ullo scrupulo in familiari sermone jurant per nomen *Jesus*. Cur magis ad nomen *Jesus* quàm audito *Servatoris* quod idem, aut *Christi*, *Messie*, *Redemptoris*, *Mediatoris*, aut ipsius *Dei* vel *Jehovæ* quod Judæis ᾧ ᾑσάντες? Cur magis ad titulos Filii, quàm Patris aut Spiritus Sancti? Inæqualitatemne Personarum Sacrosanctæ Trinitatis hac sua ἰδελοθετησίαν vel coadoratione innuere volunt? Atque hæc de Liturgia Anglicana in genere dicta sunt; ad partes veniamus.

Prima pars Libri Liturgiæ Anglicanæ responderet Breviario Romano, quo continetur Officium Horarium, seu Precum Matutinarum & Vespertinarum. In Breviario Romano habent Septem Horas Canonicas; Angli tantum duas, Matutinarum & Vespertinarum nempe Precum. Officium habent, sicut Pontificii, Ordinarium & Proprium de tempore. Nam habent proprias lectiones diebus Dominicis & aliis solennioribus. Officii Horarii partes sunt sententiæ brevès Sacræ Scripturæ, confessio, absolutio, pietas, Psalmi & Cantica, lectiones ex Scriptura & libris Apocryphis, Collectæ, aliæque orationes & preces. Ordo in Precibus Matutinis & Vespertinis servandus hic est. In principio Matutinarum & Vespertinarum Precum Administrator sacrorum clara & aperta voce pronuntiabit unam & Sacræ Scripturæ sententiis, quæ consequuntur: post quam subjiciet orationem, seu admonitionem, quæ sententiis est appositæ. Deinde habetur generalis confessio ab universa congregatione dicenda genibus flexis. Deinde Absolutio per Ministrum solum pronuntiandi: Cui populus respondebit, Amen. Tunc Minister ordietur alta voce Orationem Dominicam. An aliquando submissiori voce, & in quem finem? Deinde sequuntur tres versiculi

culi cum eorum Responsoriis. Domine Labia &c. Deus in adiutorium &c. Gloria Patri &c. & concludunt cum Amen & Hallelujah. Tunc canitur Psalmus 95. *Venite exultemus.* Deinde sequuntur Psalmi ordine in tabula descripto, nisi diei assignentur proprii Psalmi: & ad finem uniuscujusque Psalmi per totum annum, sequetur Gloria Patri, nec non in fine hymnorum, Benedictus, Benedicite, Magnificat, & Nunc dimittis. Post Psalmos duæ lectiones distinctæ & clara voce pronuncientur, ut à populo audiantur; prior ex veteri, posterior ex Novo Testamento, ut in Calendario proponuntur, nisi diei assignatæ fuerint propriæ lectiones. Minister lectionem pronuncians eo modo versa facie stabit, quo commodius audiri possit. Et ut facilius intelligatur, in his locis ubi Musica figuralis cani solet, Lectiones, Epistolæ, & Evangelia simpliciter & naturali tono in modum perpetuæ dictionis distinctè legantur. Sic Mucketus. Anglicana editio sic habet. Et ut facilius intelligat populus in locis illis ubi canere solent, ibi canent lectiones tono simplici instar distinctè legentium. Similiter Epistolam & Evangelium. Post primam lectionem sequetur per totum annum Canticum, Te Deum laudamus &c. Aut Hymnus, Benedicite, Dan. 3. Deinde sequetur secundæ lectio, qua finita canatur hymnus Zachariæ, Benedictus &c. Luc. 1. aut Psalmus 100. Jubilate. Deinde dicatur Ministro & populo stantibus, Credo in Deum Patrem &c. Post hæc sequuntur per totum annum ad Matutinas & Vespertinas hæc preces, omnium genibus religiose flexis; primum salutio illa, Dominus vobiscum, & responsio, Cum spiritu tuo: Deinde Litanie istæ isto ordine, Kyrie eleeson, Christe eleeson, Kyrie eleeson. Deinde à Ministro & tota Ecclesia dicatur alta voce, Pater noster, &c. Minister erigens se dicet, Ostende nobis &c. ad singula commata, dividunt inter se suffragia Minister & Respondentes. Has preces sequuntur quotidie tres Collectæ. Prima de die, ea scilicet quæ assignatur dicenda ad Communionem eo die. Altera pro pace. Tertia pro gratiâ Dei, perseverantia in fide & vera doctrina. Posteriores autem duæ nunquam mutantur, sed per integrum annum dicuntur ad Matutinas & Vespertinas. In Festis Natalis Domini, Epiphaniæ, Martiæ, Paschatis, Ascensionis, Pentecostes, Trinitatis, Johannis Baptiste, S. Jacobi, S. Bartholomei, S. Matthæi, Simonis & Judæ, & S. Andree, ad Matutinas statim post Benedictus canetur Symbolum Athanasii. Sequitur Ordo Vesperarum per totum annum. Sacerdos sive Minister dicet, Pater noster &c. Deinde sequuntur Versiculi & Responsoria, ut in Matutinis. Postea canantur Psalmi præmonstrati in tabula, nisi Festum fuerit quod proprios habet Psalmos. Hos sequitur prima lectio ex Veteri Testamento, nisi fuerint propriæ lectiones Festi. Deinde canitur, Magnificat, &c. Luc. 1. Psal. 93. Cantate Domino. Lectio secunda ex Novo Testamento. Postquam finitam canatur Canticum Simeonis vel Psalmus 67. Deus misereatur nostri &c. His finitis, adduntur Symbolum cum aliis suffragiis supra ad matutinas præscripta cum tribus Collectis, quarum Prima sit de die, Secunda pro pace, Tertia pro Dei adiutorio adversus omnia pericula. Secunda & tertia dicuntur ad Vesperas per totum annum. In Rubricis Generalibus habetur Directorium istud. Sciendum est etiam, Collectam, Epistolam, Evangelium Dominicæ diei repeti per totam Septimanam, nisi inciderit Festum, quod proprium habet officium. Deinde sequitur Litania & Supplicationes cantandæ diebus Dominicis, feriis quartis & sextis, atque aliis temporibus cum ordinatum fuerit. Ubi singuli versus repetuntur, vel ad singula fere verba respondetur, octies, libera nos Domine, vices, Te rogamus audi nos. Adjiciuntur & aliæ Orationes Ordinariæ & Extraordinariæ, pro pluvia tempore necessitatis, pro aëris serenitate, tempore famis, belli, pestis, gratiarum actiones pro pluvia, serenitate aëris, annonæ copia, pace & victoria.

In ordine isto Precum Matutinarum & Vespertinarum reprehensione digna sunt.

1. Quod Ministerium dum precatur adstringitur præscriptis verborum Formulis,

de quo supra dictum. 2. Quòd oporteat quasdam preces alta voce proferre, ac non omnes. Hanc formam observant Pontificii in Missa ob mysteria. Et quæ alia hujus varietatis ratio reddi potest? Nam si verba ipsa sint sancta & pia, & omnium nomine dicuntur, cur non omnium auribus percipienda? Suntne quædam religionis mysteria occultanda tanquam sacra Cereris? Sed esto: etiam illa quæ submissiori voce proferantur, auribus hauriant, si velint, omnes auditores; cur hæc submissa, illa voce altiori & clariori pronuncianda? 3. Quòd in quibusdam precibus indicitur, ut genibus flexis precentur: cur non idem imperatur in omnibus aliis? aut cur in his, non illis? dixissem cur in ullis? Nam hæc signa naturalia affectuum & motuum animæ interiorum, ut dixi, non sunt extorquenda imperio externo; sed ex actu imperato, qui actum elicited voluntatis præsequitur, promovere debent. In Libro Liturgiæ edito regnante Edwardo. VI. habentur regulæ quædam de Ceremoniis, quarum una est. *Quantum ad Genuflexionem & consignationem signo Crucis, elevationem manuum, tensionem pectoris, & similes gestus; liberum erit cuique suam sequi sententiam.* Vide Ordinationem Ministerii Ecclesiastici in Anglia, in Scriptis Anglicanis Bucerii. Et si hinc confundantur signa mystica cum naturalibus, consignatio crucis cum genuflexione, pectoris tensione, manuum elevatione; tamen prudenter permiserunt liberum usum signorum naturalium. De Genucultatione in Coena alia ratio est; duplici nomine eam ibi damnamus, tum quia naturale signum interioris affectus & reverentiæ extorquetur imperio, tum quia rectæ celebrationis violationem secum trahit & idololatriam, ut suo loco dicemus. Cum Regius propheta Ps. 95. 6. ait, *venite incurvemus nos & procumbamus, flectamus genua coram Jehova qui fecit nos*, hortatur & invitat, non imperat. Si præceptum ullum traditum esset de genuflexione precationum tempore, peccasset Iehosaphat & populus Judææ 2. Chro. 20. 5. 6. 13. qui stantes orabant, & publicanus, Luc. 18. 11. Veteres Judæi, ut observat Drusius, orabant stantes, non de geniculis, ut nunc: unde statim, unum ex 7 hominibus orationis, & dictum illud R. Judæ, *Sine stationibus non subsisteret mundus.* Secundo Samuelis. 7. 18. dicitur, quòd *ingressus Rex David confedit coram Jehova.* Dico itaque, genuflexionis ritum, & alia signa naturalia interiorum animi motuum & affectuum debere esse libera, & quo liberiora eo gratiora; quia cum sint adumbrationes passionum & motuum interiorum, gratiam quandam accipiunt & decorum à passionibus & affectibus internis, qui in exteriora membra quasi impetus faciunt, in iisque quasi typum suum imprimunt. Sed cum vi præcepti quis trahitur, ut exprimat quod non imprimit affectus motusve animi interior, non est cultus Deo gratus qui populum suum vult esse voluntarium Psal. 110. 4. Quòd populus quandoque comprecatur cum Ministro, quandoque repetit, quandoque respondet, & inter se dividunt orationem Minister & respondentes ad singula fere membra & versus, de quo supra dictum. 5. Quòd tot vicibus repetant unam eandemque orationem, supplicationem, aut gratiarum actionem, ut in Litanía, *Libera nos Domine*, octies, *te rogamus audi nos*, vicies. Lincolnienfes referunt, in uno eodemque conventu octies quandoque recitari Orationem Dominicam, & versiculum *Gloria Patri* 12. vicibus, quod fit cum alia plura concurrunt Divina Officia cum Horario. Christus instituens Apostolos, quo modo orarent, tradidit in Oratione Dominica exemplar Mat. 6. quo exemplari indicat quomodo vitanda sic *πολυλογία* in concipiendis precibus & inanis repetitio verborum seu *βασιολογία*. Cum illa ipsa Oratio in uno eodemque conventu toties repetitur; ac si nulla pars Liturgiæ, nullum Officium absque illa sanctificari possit: non solum eodem exemplari abutimur ad Bartologiam, sed etiam ad superstitionem. Sic toties inculcare, *Kyrie eleeson, Libera nos Domine, Te rogamus audi*

Pag. 455.

In Matth. 6.

Epitome
p. 95.

nos, non modò in uno eodemque Officio, sed in una eademque Orationis Formula, ut in Litanìa, est illud ipsum ἡ βασιλική, quod usurpabant in suis Litaniiis Ethnici. 6. Quod breves Precatiunculas, quas Collectas vocant & quatuor aut quinque lineis seu versiculis absolunt, triplicant, ac non potius continuata oratione precantur. Finita una collecta cessant, & post modicum intervallum inchoant aliam, qua etiam finita post modicum itidem intervallum tertiam. Nulla alia intervenit actio, cujus occasione intermittant aut abrumpant actionem precandi, & tamen abrumpunt, & servatis suis Pausis denuò incipiunt. Num πολυλογία vitare student in brevitate Collectarum? At in earundem multiplicatione brevitate prolixitate compensant. Ridicula est ista precandi forma, & inepta. Est & illud observandum in Collectis, quod habet ab Erasmo Cassander, nem-
*In Operib.
p. 305.*
pa non solum, vagum, sed certo ambitu & descriptione incisorum atque membrorum definitum compositionis genus: Periodum quamque ut plurimum constare duobus membris, quorum utrumque in duo commata seu incisa dividatur, & inter duo membra intercedat comma, sive membrum solitarium. Sed inanis & ista observantia in formandis Precum Formulis. Æquè inanis etiam illa, quam dicit servasse auctores in numeris extrema periodorum & membrorum certis dimensionibus temporum terminantibus. Collectas vocatas dicit Cassander, omnes illas orationes, quæ ab Episcopo vel Presbytero non modo in celebratione Sacræ Communionis, sed in quavis Synaxi etiam Matutina & Vespertina super populo vel cætu aliquo collecto recitabantur. Alii dicitur Collecta, quia paucissimis verbis colligit quicquid à Deo postulandum est. Alii alias afferunt nominis rationes. Vide Bellarm. 7. Quod feriis quartis & sextis magis quàm secundis tertiis quintis, Litanìa & Supplicationes cantandæ. Sed de Litanìa statim plura dicemus. 8. Quod non præcipiant, ut Minister seu Sacerdos dum orat eo modo versa facie stet quo commodius audire possit populus. Habetur Rubrica ut stet versa facie ad populum quo commodius audire possit, dum pronunciat lectionem. Cur non etiam semper dum precatur? Aversa facie, ut refert Cartwrightus, & obverso tergo precatur in Cancellis ac si secretum haberet ad Deum alloquium, quod nefas populo audire, & quandoque tam longè abscedit à populo quàm potest, non impediente remotissimo cancelli pariete, ac si inter illum & populum esset quoddam diffidium. Multi interim discernere nequeunt utrum maledixerit an benedixerit; Anglicè an Latine loquutus sit. Refricat memoriam Levitici Sacerdotii, in quo subduxit se Pontifex è conspectu populi in sanctum sanctorum, ubi cum Deo colloquium habeat. Ritus Judaicos pertinaciter retinere quàm populi ædificationi studere malunt. Quod ad materiam Orationum, de commodis & incommodis hujus vitæ valde solliciti sunt, etiam ubi nulla necessitas; ut in Litanìa à fulgure, à tempestate, plaga & pestilentia, fame, bello, morte subitanea, seditione, conspiratione, liberari postulant, ubi & quando nihil ejusmodi metuitur. Si enumeranda sint omnia hujus vitæ incommoda, nullus erit finis. Expunxerunt tamen è Litanìa sua suffragium quod extabat in Libro Liturgiæ regnante Edwardo Sexto. *A tyrannide Episcopi Romani libera nos Domine.* Quid sibi vult istud suffragium seu Supplicatio in eadem Litanìa? *In tempore tribulationis & prosperitatis nostræ, in hora mortis & die judicii libera nos Domine.* In tempore prosperitatis liberari postulant. Item illud; *A fornicatione & aliis omnibus peccatis mortalibus libera nos Domine.* Collecta 12. Dominicæ post Dominicam Trinitatis habet hæc verba, ut dimittas quæ conscientia metuit, & adjicias quæ oratio postulare non audet. Quam affinitatem aut congruitatem habent pleræque Collectæ assignatæ certis temporibus cum diebus quibus assignantur?

De Psalmis, Canticis, & Hymnis observanda sunt, 1. Psalmi quos canunt non
pan-

panguntur carmine metrico, ut canantur in officiis, sicut in Ecclesiis reformatis. Habent quidem Ecclesiæ particulares pleræque ubi habetur concio seu prædicatio verbi eundem quem nostræ morem in cantu Psalmorum, sed in officio Precum Matutinarum & Vespertinarum, administratione Cœnæ aliisque præscriptæ Liturgiæ Ministeriis, canunt Psalmos soluta oratione secundum morem Romanensium. Et cantum hunc esse Gregorianum non dubito, cum in duro illo certamine cum Ambrosiano, à quo multum, & Mozarabico Officio ac Missali, à quo parum discrepabat Officium & Missale Gregorianum, triumphum egerit Gregorianum. Et præterea Augustinus Monachus à Gregorio missus in Angliam ritus Romanos introduxit. Canunt alternatim in Cathedralibus, Collegiatis, aliisque Ecclesiis celebrioribus. Canere autem nemo tenetur nisi quibus hoc specialiter commendatur, alii omnes liberi sunt, ut assistant si velint. Hymnos Breviarii Romani non retinent; quia, ut opinor, hymni translati amittunt eam venustatem quam habent metrici & rhythmi Latine, non autem quia non exstant in Sacra Scriptura. Nam Canticum, *Te Deum laudamus*, quod non habetur inter Cantica Scripturæ, retinent; & quidem ampliori dignantur prærogativa, quam Psalmos aut alia Cantica. Oportet enim istud Canticum frequenter cantari inter primam & secundam lectionem, cum tamen Psalmi & alia Cantica suis tantum vicibus in mensis curriculo assignatis decantentur. *Compositum fuit*, inquit Bellarminus, *Deo inspirante à sanctis Patribus Ambrosio & Augustino, qui statim à Baptismo ejusdem Augustini toto populo obstupesciente canticum illud alternatim cecinerunt. Fabulæ Dacii.* Hoc habent commune cum aliis Scripturæ Sacræ partibus Psalmi & Cantica, quod lectioni, meditationi, enarrationi, seu interpretationi, inserviant: hoc singulare quod canenda. Sed dum & quatenus canuntur, non sunt preces. Nam canere propriè non est orare. *Cantus Psalmorum, etsi vaticiniis, doctrina, & doctrinæ habet preces permixtas non raras, propriè tamen ad prædicationem laudum Dei spectat;* inquit Casaubonus. Et carpit Baronium, quod ista duo malè confunderet, prædicationem laudum Dei, & modum concipiendi preces quoties piorum aliquis opem atque auxilium Dei aut delictorum veniam vult impetrare. Qui ordinariam precandi formulam in ordinario Psalmorum cantu statuunt, Orare & Canere confundunt. Imo absque cantu non sunt tamen semper preces; & cum preces continent, tamen non semper congruunt circumstantiis loci & temporis, si in ordinario officio suo ordine & in hunc usum constituentur. De cantu symphonico, alternato, & instrumentis musicis, vide quæ supra diximus Capite Nono.

Lib. 2. c. 16.

Exercit.
p. 325.

Quod ad Lectiones attinet, observanda sunt ista. 1. *Vetus Testamentum, tam in matutinis quàm vespertis, primis lectionibus destinatur, quibusdam tantum Libris & Capitibus exceptis quæ omittuntur propterea quod ad ædificationem minus ac reliqua conferre videantur.* Cur omittenda? an non omnis Scriptura divinitus inspirata, & utilis ad doctrinam, redargutionem, correctionem, institutionem? An Apocrypha magis ad ædificationem conferent quàm Canonica? Dixit Deus, *de fructu omnis arboris hujus horti liberè comedes: ex qualibet Scripturæ parte*, inquit Irenæus. Et tamen omisissis his Capitibus & Libris legunt Apocrypha scripta, etiam diebus Festis: & Prælati, quamvis rarius concionentur, tamen non rarò textum deligunt ex Apocryphis. De librorum Apocryphorum Veteris Testamenti autoritate nil opus est ut multa dicam: Cum satis constet, Judæos nunquam habuisse pro Canonicis; & multas absurditates, fabulas & ineptias continere. Licet daretur nihil continere quod ineptum aut absurdum, tamen non sunt tubæ à Deo sanctificatæ, quibus clangerent Sacerdotes Domini. Purior Ecclesia non alia legit quam

Prophe-

Prophetarum & Apostolorum monumenta. In Concilio Laodiceno decretum *Quod non oportet idιωτικῶς ψαλμοὺς* privatos Psalmos dici in Ecclesia nec Libros non Canonicos, sed solos Canonicos Veteris & Novi Testamenti. Non vult Concilium legi in Ecclesia, nedum annumerari Libris Canonicis. Apocrypha scripta apud Anglos leguntur, canuntur, enarrantur ut Canonica. In libro Liturgiæ, in Rubricis generalibus, & Rubrica ante *Te Deum Laudamus*, communi elogio *Sacræ Scripturæ* cum Canonicis ornantur. Unde ortus error ille qui invaluit sæculis superioribus, quod hi libri essent Canonici, eorumque autoritas irrefragabilis, nisi ex eo quòd in Ecclesia legerentur? Quia hic honos illis delatus est præ aliis Scriptis Apocryphis, ut in Ecclesia legerentur; dicti sunt in initio Ecclesiastici, non Canonici. Nam Ecclesiastici titulus non erat proprius & particularis unius libri ut nunc, sed communis. Sciendum tamen est, inquit Ruffinus, quòd & alii libri, qui non Ca. *Exposit. in nonici, sed Ecclesiastici à majoribus appellati sunt; ut est Sapientia Salomonis & alia Sa- Symbolum.* pientia quæ dicitur filii Syrach, qui liber apud Latinos hoc ipso generali vocabulo Ecclesiasticus appellatur, quo vocabulo non Auctor libelli sed Scripturæ qualitas cognominata est. Eiusdem ordinis est libellus Tobie & Judith & Machabæorum Libri. In Novo verò Testamento libellus qui dicitur Pastoralis sive Hermetis, qui appellatur Duæ Viæ vel Judicium Petri, quos omnes legi quidem in Ecclesiis voluerunt, non tamen proferri ad auctoritatem ex his fidei confirmandam. Cæteras verò Scripturas Apocryphas nominarunt, quas in Ecclesiis legi noluerunt. Sixtus Senensis, quos Veteres Ecclesiasticos, Deute- *Bibliothec. rocanonicos seu Secundi Ordinis Canonicos appellat; non quòd jam non par sit sanct. Lib. i.* eorum & Protocanonicorum autoritas, sed quia statim initio nascentis Ecclesiæ p. 1. non fuerunt omnium Patrum consensu indubitatae fidei. De ortu & progressu hujus autoritatis & dignitatis sic scribit. Quos olim præci Ecclesiæ Patres tanquam *Pag. 2.* Apocryphos & non Canonicos habuerunt, eosque apud solos Catechumenos nondum Canonice lectionis capaces, ut in Synopsi testatur Athanasius, primùm legi permiserunt; deinde procedente tempore, ut Ruffinus in Symbolo scribit, apud omnes fideles recitari concesserunt, non ad dogmatum confirmationem, sed ad solam populi instructionem, & quia publicè in Ecclesia legerentur, Ecclesiasticos nuncuparunt: demum verò inter Scripturas irrefragabilis autoritatis assumi voluerunt. Vides, quando & quo prætextu legi cœperunt in Ecclesia, nempe ad populi informationem. Nonne Scriptura Sacra quoad lectionem sufficit, ut ad confirmationem fidei, sic etiam ad morum informationem? Omnis enim scriptura divinitus inspirata utilis est ad correctionem, redargutionem, institutionem, consolationem, ut reddat virum Dei perfectum. Si ut illustrent Sacram Scripturam legendos dixerint; meminerint, si quid obscurum & difficile intellectu in Sacra Scriptura, Christum ascendisse in altum ut dona daret hominibus interpretandi & explicandi quæ sunt difficiliora & obscuriora. Secundo, si legendo illustranda est in locis obscurioribus Scriptura; an non una pars Scripturæ melius illustrabit aliam quàm scripta Apocrypha & certior dabit interpretationem & morum informationem? An illi ita legunt Apocrypha, ut ad aptent locis Scripturæ difficilioribus? Annon eodem ordine legunt, quo Canonica absque correspondentibus ad Canonicam Scripturam locis? An tantum otii ad legenda Apocrypha, cum Canonica vix possent anno uno aut biennio perlegi? Præstat legere unum Librum Canonicum centies quàm semel omnia scripta Apocrypha. Divina scripta non possunt satis inculcari & frequenti lectione memoriæ infigi; & interim tempus terendum legendo scripta Apocrypha? Si quid difficile & obscurum in Apocryphis, an etiam explicandum? Certè si legendum, etiam interpretatio adhibenda. Nam nihil legendum in Ecclesia, quod non etiam, si opus fuerit, enarrandum & explicandum. Sunt in Scriptura Sacra multa intellectu

Apol. 2.

difficilia; & iis neglectis ac omisſis quæ ſcrutari nos jubet Dominus, Apocryphis explicandis dabimus operam? Ipſi Judæi, quorum res agebatur in ſcriptis Apocryphis, non dignati ſunt ea dignitate ut in Synagogis ſuis legerent; & nos dignabimur? *Voces* (ſic vocantur ſcripta Veteris Teſtamenti Aët 13. 27.) *Prophetarum leguntur per omne ſabbathum*. Voces Prophetarum ſolum legebant, non aliorum. Sic in Chriſtianorum conventibus, ut refert Juſtinus, legebantur ſolùm τὰ ἀπομνημονεύματα τῶν Ἀποστόλων ἢ τὰ συγγράμματα τῶν προφητῶν, commentaria Apoſtolorum & ſcripta Prophetarum. Præterea videmus, conſilio inconſulto introductum morem legendi ſcripta Apocrypha in Eccleſias. Nam ut videmus, parem cum Canonicis Scripturis authoritatem ſibi vendicarunt, cum in morum informatione tum in dogmatum fidei confirmatione, tum in Divinis Officiis, dum legunt, canunt, interpretantur. Imò oportet Canonica Scripta cedere Apocryphis diebus Feſtis. Apud Anglos ut apud Pontificios lectiones ordinariæ & feriales ex Canonicis ſcriptis omittendæ ſunt quibusdam diebus Feſtis, ut lectiones ex Apocryphis recitentur. Si nihil aliud reprehensione dignum eſſet in lectionum ex Apocryphis recitatione, præter dicta incommoda inde orta, nempe pernicioſum errorem de Canonica eorum Authoritate & pari cum Canonicis conſortio, & quod tantum temporis detrahitur lectioni & interpretationi Sacræ Scripturæ quantum iis legendis & enarrandis impenditur; ex Eccleſiis exterminanda eſt eorum lectio & interpretatio. Sed præterea habent permixta multa fabuloſa, inepta, abſurda, & erronea, ex ipſæ lectiones quas ex Apocryphis delegerunt & Divinis Officiis assignarunt Angli. Inſpiciat lector & conferat hæc loca Tob. 5. 12. Tob. 6. 7. & 7. 3. 8. 9. & 8. 2. 3. & 11. 8. 12. 14. & 12. 12. 15. Judith. 9. 2. 10. 13. & 10. 3. 4. Sap. 3. 18. & 44. 3. Eccleſiaſtic. 1. 15. & 12. 5. & 15. 15. & 24. 11. & 48. 13. Hiſtor. Suſan. ſeu 13. Daniel. (nam ſic inſcribunt) verſ. 5. 28. 45. 64. 65. Meritò Hieronymus monuit Lætiam; *Multa admixta vitioſa, & grandis eſſe bruden-tia in auro lutum quærere*. Non puduit tamen Bancroftum Londinenſem afferre in Colloquio Hamptonienſi, Hieronymi exceptiones contra libros Apocryphos fuiſſe Judæorum cavillationes; & Wintonienſem, fuiſſe *Canonicos ad mores informandos*. Nec ſatis circumſpectè loqui mihi videntur, qui proximam iis poſt Canonicas ſcripturas authoritatem deferunt. Nam quæ cum Canonicis in omnibus conveniunt, majoris æſtimanda ſunt quàm *ψευδεπίγραφα* fabulis, ineptiis, & erroribus reſperſa. Non hîc prætereundum quod refert Bellarminus Libro ſecundo de Verbo Dei, c. 15. *Audivi à quodam fide digno, inquit, cum in Anglia à Miniſtro Calviniſta in templo legeretur lingua vulgari Capitulum 25. Eccleſiaſticæ, ubi multa dicuntur de malitia mulierum, ſurrexiſſe ſæminam quandam & dixiſſe, Iſtud eſt verbûm Dei? imò potius Diaboli eſt*. Miniſter iſte Calviniſta proculdubio fuit Liturgicus aliquis Curio, qui ſecundum Calendarii Directorium legebat 24. Auguſti Capitulum 25. Eccleſiaſticæ. *Novum Teſtamentum alteri lectioni inſervit in Matutinis & Veſperis, & ſingulis annis ter perlegetur unâ cum Episto-lis & Evangelis, excepta Apocalypſi, ex qua lectiones aliquot depromptæ Feſtis quibusdam propriis deſignantur*. Et cur non ſumuntur lectiones ex Apocalypſi ad Officium Ordinarium, ſed reſervantur diebus Feſtis? Quid ſibi vult illud, *Novum Teſtamentum alteri lectioni inſervit, unâ cum Episto-lis & Evangelis*? Ergo unum idemque Capitulum ex Evangelio erit diverſa ratione Lectio vel Evangelium, ex Episto-lis Lectio vel Episto-la. 2. De propriis Psalmis & Lectionibus habetur Rubrica generalis; *In feſtis mobilibus, immobilibus, & Dominicis, quæ proprios habent psalmos & lectiones, omittentur Psalmi & lectiones nominatæ in Calendario*. At contra Spalatenſis. *Nunquam feriale officium mihi videtur deferendum aut non niſi in maximis anni ſolemnitatibus*. Poſeſt enim in feriali officio addi lectio martyriorum & ſaceratum :

De Republ.
Eccleſ. l. 7.
Cap. 12.
Num. 95.

erarum pro ratione diei historiarum. Non magis interrompendæ lectiones ordinariæ quàm psalterium; nam eadem est ratio. 3. Quod cantentur lectiones, seu Sacra Scriptura, dum legitur; & sic canunt quæ non sunt canenda, ac cantando Scripturam Sacram sic se Deum colere existimant. Observavi abusus in legenda Scriptura Sacra apud Anglos. In recto usu, ut non probo lectionem absque interpretatione; ita nec alterum extremum, conciones absque lectione. Nam legere solum quatuor aut quinque versus quando concionandum, non sufficit ad munus istud ritè obeundum. Ecclesia Judaica legit ordine & perlegit totam Scripturam intra definitum tempore spatium: sic Ecclesia Christiana in publicis conventibus diebus Dominicis, quando habebant publicos conventus, ut refert Justinus. Ecclesia non solum custos est & depositaria sed etiam testis; & præconis officio fungitur dum legendo publici juris facit & promulgat, & interpretis; dum enarrat. Nec abs re est quod eadem vox *Kara* significet & legere & promulgare seu proclamare Isa. 29. 12. & 61. 12. Zachar. 7. 7. & Act. 15. 21. Nam lectio Evangelii ejusque ut promulgatio & proclamatio pars prædicationis est. Lectionem Scripturæ commendat nobis Scriptura Deut. 31. 11. 12. 13. Nehem. 8. 3. Ephes. 3. 4. Coloss. 4. 16. 1. Theff. 5. 27. & 1. Tim. 4. 13. Nam de publica lectione interpretantur nonnulli locum illum; quam interpretationem confirmant antecedentia, *Interim dum venio*, & sequentia, *exhortationi & doctrinæ*, & praxis Ecclesiæ. Judaicarum historiarum libri traditi sunt ab Apostolis legendi in Ecclesiis, ait Origines Hom. 15. in Josua. Quod ad mensuram & quantitatem Sectionum aut Capitulorum attinet, non ad præcisum anni spacium dividenda ut apud Judæos, quia jam auctior est Canon Sacræ Scripturæ, sed pro arbitrio Ecclesiæ, ut in Primitiva Ecclesia. Nam ut refert Justinus. *Solis qui dicitur die omnium qui vel in oppidis vel ruri degunt in eundem locum conventus sunt. Et commentaria Apostolorum aut scripta Prophetarum, quoad tempus fert, leguntur.* Sive biennio, sive triennio, absolvatur lectio Sacræ Scripturæ, perinde est; modo non perfunctoriè fiat, cum convocatur cœtustantum, sed seriò & post convocatum jam cœtum fidelium. Non est datum omnibus legere: & quibus datum est sunt negligentiores. Expedit tamen ut omnes discant ex ipsa Scriptura Sacra, & ex ipsis fontibus affatim bibant, ut de doctrina tradita per concionantem certiores reddantur, ut probare possent spiritus, & memoria retinere quæ dicta sunt. Dixi, & forte idem non sentiunt alii: unusquisque fruatur judicio suo. Interim ordinem Anglicanum neminem puto probaturum. Absque conventu ordinario & publico totius Ecclesiæ soli legunt & canunt Scripturas Curati alique qui ad Horarium pensum persolvendum obligati sunt, etiam nullus ex populo advenerit, cum tamen propter populum præcipuè institutus sit ordo legendi Scripturas; pergunt in matutinis & vespertinis legendo & canendo paucis fortuitò advenientibus & forte nullis, sed sibi solis, & die Dominico in publico conventu legunt & canunt illius diei lectiones. Sic fraudantur beneficio lectionum aliarum totius fere Scripturæ. Non obligatur nec obligari debet populus interesse ordinariæ recitationi lectionum in matutino & vespertino officio per hebdomadam. Ordinaria igitur lectio reservanda est publicis conventibus, saltem suum legendi ordinem & perlegendi habere debent, si propter populum hic ordo institutus. Ideo Judæi singulis Sabbathis legebant.

De Loco Officii Horarii celebrandi habemus Rubricam istam; *Matutinæ preces & Vespertinæ celebrabuntur in locis Ecclesiarum, Capellarum, & Chorum consuetis, nisi aliter illius loci Ordinario visum fuerit.* Chorus etiam manebit eadem forma qua superiorum temporum fuit. Sic Can. 14. Constitutionum anni 1603 decretum in hunc modum; *Liturgia publica distinctè & debita cum reverentia legetur vel canetur in illis*

diebus & eorum vigiliis, qui in Libro Precum Publicarum Sacri ac Festivi designantur, horisque eorundem congruis & usitatis, atque in eo potissimum Ecclesiæ cujusque loci, qui Episcopo Diœcesano) vel loci Ordinario (ratione vel amplitudinis vel angustiae commodissimus, ac ad populi ædificationem maximè opportunus videbitur. Non est unus idemque locus Ministerii in legendis Scripturis, ac Precibus recitandis, & in administrandis Sacramentis, ut refert Cartwrightus. Preces matutinæ & vespertinæ celebrandæ in locis consuetis, nisi aliter loci Ordinario visum fuerit, ut vult Rubrica: Baptismus celebratur prope ostium: Matrimonium in medio Ecclesiæ vel Navi, ut vocant. Locus consuetus precum Matutinarum & Vespertinarum est in Cancellis. Sic migrat è loco in locum Curio Liturgicus non absque mysterio. Et licet in potestate Ordinarii situm sit locum commodum designare ad ædificationem populi maximè opportunum, non tamen recedunt à more veteri. Nam post editam Rubricam illam refert Cartwrightus, Sacerdotulum averfa facie quandoque precari, & à populo abscedere ad remotissimum Cancelli parietem, ac si arcanum quid Deo effari vellet. Præterea ait Cartwrightus; *Mihi certò persuasum est decimam quamque Ecclesiam in Anglia non habere integrum Officium Divinum eo in loco celebratum, ubi totius Ecclesiæ cætus auribus verba percipere posset. De Choro sic Bucerus in Censura in Librum Sacrorum Ecclesiæ Anglicanæ. Ut enim Chorus sit tam procul sejunctus à reliquo templo, & in eo tantum sacra repræsententur, quæ tamen ad omnem pertinent Populum Clerumque, hoc Antichristianum est. Chori tanta à reliquo populo sejunctio ed servit, ut Ministri, qualescunque fide sint & vita, ipso tamen ordine & loco habeantur quasi Deo propinquiore quàm Laici, & qui possint his placare Deum vi exteriorum operum, quæ faciunt sibi propria, cum sunt totius populi Christi. Quodd. verò in Choro tantum sacra illa communia peraguntur, quia confirmatur eo superstitio illa perniciosissima, qua gratus Deo cultus putatur legere, recitare, atque audire Scripturas & Preces, sine mente, sine intellectu fidei. Hi ergo tam alieni ab instituto Christi ritus, ut quibus intoleranda sit Deo contumelia, debent quamprimum & severissimè corrigi: alioqui totum regnum se læsæ Divinæ Majestatis obstringit; in perpaucis enim Ecclesiis non adhuc notata labes hæret. Audivimus ex Cartwrighto, non in decima quaque Ecclesia populum audire integrum Officium, qui post Buceri tempora floruit. Addit Bucerus. Ex formis antiquissimorum templorum atque scriptis S. Patrum satis cognoscitur fuisse stationem Cleri apud veteres in mediis templis, quæ fere rotunda erant; ex eoque loco sic sacra divina populis esse exhibita, ut exaudiri plane possent quæ recitabantur, & intelligi ab omnibus qui erant præsentibus. Abusus quem notavimus redoler inolitum errorem; Divinorum Officiorum finis præcipuus non est instructio vel consolatio populi, sed cultus Dei; & quæ populum scire oportet ex Divinis Officiis à Pastoribus explicantur. Ac si fines subordinati inter se pugnarent, & non simul Deus coli & Dei populus ædificari debeat. Objicit Bellarminus morem Levitici Sacerdotii. Hinc Levit. 16. Deus præcipiebat, ut dum Sacerdos sanctuarium ingressus pro se & pro populo oraret, populus foris maneret; ita ut non solum non intelligeret, sed nec videret sacerdotem: quod etiam factum esse tempore Zachariæ legimus Luc. 1. & tamen quis dubitare potest, quin illa oratio populo prodesset? Oratio Ecclesiæ, inquit, non fit populo, sed Deo pro populo. Itaque non est opus, ut populus intelligat, ut ei proficiat; sed satis est si intelligat Deus. Ex hoc errore ortum etiam, quodd. sacra celebrarunt Lingua non vulgari sed Latina. Fructus orationis pro aliis etiam absentibus, ratione acceptionis à Domino & exauditionis, potest pervenire etiam ad absentes: sed in præsentibus audientibus & comprecantibus requirit Apostolus etiam fructum ædificationis, nam tunc ipsi orant unà cum Ministro. Oratio Ecclesiæ est quæ fit à populo Dei. Si qua non fit à populo Dei, non est oratio Ecclesiæ, etsi in Ecclesia fit. Tota Ecclesia reipsa orat, quamvis*

Bell. de Verbo
Dei l. 2. c. 16.

Janius Ibid.
Not. 13. 17.
18.

quamvis unus in ea sermonem habeat, quia Christus omnes in se & secum effecit Sacerdotes coram Deo & Patre. Quod ad Sacerdotis ingressum in Sanctuarium; erat modus à Deo imperatus ob typum. Signis externis instruebatur populus dum Sacerdos erat in sanctuario. Verisimile etiam est, ut conjicit Cartwrightus, alios sacerdotes alia cum populo exercitia interim habuisse. Alia est ratio sub Evangelio, ubi non sunt ejusmodi typi, & omnia oportet fieri ad ædificationem; adeo ut si quis haberet donum extraordinarium linguarum non debeat jam loqui in Ecclesia absque interprete.

Qui obligantur ad preces matutinas & vespertinas, jam videndum. In Præfatione præfixa Libro Publicæ Liturgiæ habentur hæc verba; *Omnes item Ministri & Diaconi preces matutinas & vespertinas singulis diebus publicè vel privatim perlegere obstringentur, nisi aut prædicando, aut studio Theologiæ incumbendo, aut aliqua alia gravi causa impediuntur. Parochi similiter qui in Ecclesiis Parochialibus aut Sacellis ministrant, domi existentes & nulla legitima causa impediti in Ecclesia Parochiali, vel Sacello ubi ministrant, easdem preces perlegent: & aliquantisper antequàm incipiunt campanam pulsabunt, ut ab aliis necessariis occupationibus liberi ad verbum Dei audiendum & comprehendendum convocentur.* Omnes Ministri & Diaconi, Anglicè *all Priests and Deacons*, tenentur vesp. publicè vel privatim perlegere preces vespertinas & matutinas singulis diebus. Quid? an non saltem privatim licebit alias preces concipere? Licet; sed præscriptas omittere non debet. Latet hic magnum proculdubio mysterium. Pontificij definiunt orationem publicam esse illam, quæ fit nomine publico, & non tantum privato, id est, quæ fit à Sacerdote nomine Ecclesiæ, seu quæ fit ab Ecclesia per Ministros suos ut tales sunt; privatam, quam unusquisque sua auctoritate, & ut privata persona offert. Priorem publicam esse, etiam si intra cubiculum clauso ostio solitariè & submissa voce fiat: Posteriores privatam, etiam si in templo vel plateis fiat. Si quis recitaverit horas Canonicas ab Ecclesia institutas, sed id faciat tantum ut privata persona & devotione propria, erit oratio privata & non publica. Oportet igitur ut oratio sit publica, ut qui orat sit persona publica, Minister deputatus ab Ecclesia ad orandum nomine suo, & modo à se præscripto, & hac intentione ut expleat munus suum. Ecclesiam dicunt non permittere, ut oratio quæ ad Deum suo nomine fundenda est, aliter fiat, quàm modo ab ipsa præscripto. Potest quidem Minister deputatus ab Ecclesia orare verbis pro arbitrio conceptis & pro Ecclesia objectivè, ut privatus aliquis qui dicit Orationem Dominicam. Nam tum & pro se & pro aliis orat, ideo dicit *Pater noster*, non autem *Pater mi*, quia singuli debemus pro omnibus orare. Sed subjectivè, Ministerialiter, & representativè oportet personam publicam orare præscriptis ab Ecclesia verbis. Hic jam habes mysterium hujus ritus. Cum Ministri & Diaconi obstringuntur ad perlegendum preces matutinas & vespertinas vel publicè vel privatim, orant repræsentativè pro Ecclesia, & oratio est publica, etiam cum privatim orant in cubiculo: sic si Parochus (nam omnes Ministri non sunt Parochi, quamvis in ordine Presbyteratus constituti) cum vacat, pulsata campana, perlegeret in Ecclesia Parochiali aut Sacello preces, etiam si nullus venerit. Et sane pauci aut nulli plerunque adsunt. Ipse solus representat Ecclesiam; & si non adfuerit qui respondendo subserviat, tamen vel in Ecclesia vel in cubiculo sibi responderet nomine Ecclesiæ. Ex eodem errore, nempe quòd Divinorum Officiorum finis non est instructio vel consolatio populi sed cultus Dei, ortus mos iste. Debere Ministrum etiam privatim orare pro grege & universa Ecclesia objectivè nullus dubitat: sed orationes seu preces præscriptas ab Ecclesia esse orationes seu preces Ecclesiæ, id est offerri nomine Ecclesiæ, ac si ipsa Ecclesia eo munere in actu illo

De Ritib. 1.
c. 23. f. 6.

quem repræsentativum vocant fungeretur, etiam si à Ministro proferantur, ridiculum est. Nam actus orandi seu prædicandi personalis est, nec unquam Ecclesia orare dicitur, nisi cum actu orat. Vide suprâ, quid dixerit Iunius. *Ecclesia est populus Dei; Oratio Ecclesiæ est, quæ fit à populo Dei. Si qua non fit à populo Dei, non est oratio Ecclesiæ, etsi in Ecclesia fit.* Additum in Rubrica; nisi prædicando, aut studio Theologiæ incumbendo aut aliqua alia gravi causa impediatur. Studium Theologiæ hic intelligitur non privatum, sed publicum in Academia aut Scholis. Durantus enumerans causas, ex quibus à Precum Canoniarum recitatione Clerici vel Beneficarii excusentur: Primam ponit morbum gravem. 2. Impedimentum naturale, ut si quid repente & subito accidat, quod prætermitti non possit sine peccato vel scandalo. 3. Summi Pontificis dispensationem. 4. deficiat Breviarium, nec teneat memoria Preces Canonicas, nemo enim ad impossibile obligatur. *Quinta causa à quibusdam additur, cum quis optimis disciplinis atque artibus studet, constituto Vicario qui beneficio deserviat. At hæc causa communi calculo improbat. Maledictum studium, (inquit Gloss. Pragmat. in Cap. Qualiter horæ sunt dicendæ,) propter quod prætermittitur Divinum Officium. Itaque juris Divini vel humani studiosi, etsi vicarium habeant in Ecclesia sua, ad preces Canonicas obligantur.* Et merito, si tanta sit utilitas & necessitas jugis sacrificii Precum Canoniarum, quantam illi prædicant; & illi ad recitandas preces illas repræsentativas deputati sint. Canonem rigidum de persolvendo Horarum Canoniarum penso vide Dist. 92. Cap. ult. Præterea ad Ministerium estne quis vocandus, aut Presbyteri gradu seu ordine dignus, quem oportet incumbere studio Theologiæ in Academicis? Ductorem gregis & doctorem populi constituunt, quem tamen longè abesse à grege Discipulum oporteat. Illud hic non prætereundum, non numerari Episcopum inter eos qui obligantur ad persolvendum istud pensum, vel publicè in choro vel privatim in cubiculo. Decet Episcopum ante alios omnes publicè & in choro recitare preces repræsentativas. Nam Episcopus est caput totius Dioeceseos. In comitijs ordinum regni sedet inter procures etiam invita & nolente Ecclesia; quare? quia repræsentat Dioecesin: alioquin non haberet ibi locum Ecclesia. Quando in Synodis Provincialibus condunt Canones, repræsentant Ecclesias suas etiam nolentes. Ubique cum de dignitate, lucro, aut jurisdictione agitur, repræsentationes usurpant: sed in Precibus repræsentativis vacare non possunt. In Constitutionibus anni 1603. habemus Canonem istum; *Omnis Minister in Beneficio Curato constitutus, licet prædicationi potissimum vacet, & Curatum sub se retineat, qui reliqua Ecclesiæ Officia ipsius vice exequatur; similiter etiam quilibet Concionator stipendiarius, qui prælegendi, catechisandi, aut concionandi munus in aliqua Ecclesia vel Capella exercet: Liturgiam publicè recitabit duobus ad minus cujusque anni diebus Dominicis, ad horas tum matutini tum vespertini temporis consuetas & usitatas, atque in ea Ecclesia in qua Beneficiatus est, vel Prætoris, of a Lecturer, Catechistæ, aut Concionatoris munere fungitur. Hic vides non solum Beneficiarios, sed omnes omnino Concionatores stipendiarios obstringi ad recitandas & cantandas publicè preces matutinas & vespertinas, etiam si sit in parœcia Curatus qui hoc munere fungitur; ut sic facto suo conformitatem & illius ordinis precum approbationem ostendat. Sed ad privatam recitationem singulis diebus obstringuntur omnes Ministri & Diaconi, ut dictum, licet negligentius à plerisque observetur.*

Can. 56.

Can. 15.

De Litaniam habemus hunc Canonem; *Litania à Rectoribus, Vicariis, Ministris, sive Curatis, in Cathedralibus, Collegiatis, & Parochialibus Ecclesiis ac Capellis omnibus, earumque loco aliquo conveniente, pro arbitratu Episcopi Dioecetani vel loci Ordinarii, recitabitur vel canetur in illis temporibus, & sub ea forma quæ in Libro Publicæ Liturgiæ præstuntur, ac (ut restrictius loquamur) singulis diebus Mercurii & Veneris (eti-*
amfi

amfi non fuerint festivi) Minister ad horas divinas precibus consuetas in Ecclesia aut Cappella præstod erit; & populo per sonitum campanæ convocato Litaniam in dicto libro præscriptam recitabit: cui singuli patres-familias, qui præsertim infra dimidium milliare ab Ecclesia habitant, vel ipsi debebunt interesse, vel unum saltem de familia sua mittere idoneum qui Ministro inter precandum assistat. Cur magis diebus Mercurii & Veneris obligantur, quàm aliis temporibus, & ad Litaniam magis quàm alias Preces, & propinquiores unus è familia magis quàm remotiores? Si ut assistant Ministro inter precandum; annon aliis etiam diebus obstringendi, quando non recitatur Litaniam? Sed ad officium feriale neminem invitum à vocatione sua legitima abstrahendum sentio, nisi extraordinarium jejunii aut gratiarum actionis Sabbathum indictum fuerit. Permiserit enim Deus homini sex dies ad opera vocationis. Sed præcipuum quod hîc reprehendo est, quòd ordinaria illa Litaniam & ferialis diebus illis feria quarta & sexta recitanda est, ac si essent dies jejunii; cum tamen reipsa non jejunent, nec ad Litaniam convocatur totus populus, sicut in jejunio fieri debet, si feris res ageretur. Litaniam vox vult Serarius in Litaneuticis, precationem & quidem seriam cordatamque significat. Unde apud Homerum οἱ λιτανεύοντες ejus quem precantur genua amplectuntur, in pulvere ac sordibus volutantur. Posset igitur, ejus judicio, ista vox quamlibet Ecclesiæ precem, cum ea nunquam non feris & ardentem instituiatur, denotare. Usu tamen & consuetudine receptum est, ut unum tantummodo certum genus, in quo precandi ardor & contentio inest, significet. Litaniam, inquit Cassander, Ecclesiastica phrasi vocatur publica rogatio ad Dei Liturg. p. misericordiam implorandam instituta. Litaniarum usus erat in initio extraordinarius, 242. & urgente aliqua calamitate belli, pestis, terræmotus, &c. & quidem plerumque cum processione. Theodosius Senior præliaturus cum Eugenio circumibat cum L. 2. c. 33. Sacerdotibus orationum loca, & jacebat in cilicio prostratus ante martyrum thecas, ut refert Rufinus. Theodosius Junior, si Nicephoro credendum Libro. 14. pro serenitate & clementia aeris, habitu privato unà cum coetu totius Ecclesiæ, supplicantes processere, & statim mutato aëre turbido serenitas reddita. Sic eodem Theodosio imperante, cum civitas Constantinopolis gravi & diuturno terræmotu concuteretur, indictæ sunt Litaniam & Supplicationes, ut refert idem Nicephorus ibidem Cap. 46. Platina Mamercum Viennensem Episcopum in pretio fuisse tempore Leonis Primi referens ait; Primus enim Mamercus, ut ajunt, supplicationes, In Leo 1. quas Græci Litanias vocant, instituit, ob frequentes terræ motus, qui tum maxime Gallias vexabant. Litaniarum ordinem & formam mutuati sunt Veteres ab Ethnicis. Nam illi habebant Litanias sive supplicationes circa aras & statuas. Ideo Exercit. p. Dionysius Halicarnass. dicere solet, λιτανίας ποιεῖσθαι πρὸς ἰδίοις θεῶν καὶ εἰσβολαῖς, quod 327. observavit Casaubonus. Polybius verò eleganter id vocat μαγγανεύειν πρὸς τὰς θεάς, quasi dicas lenocinium & blanditias indecoras adhibere, ut Deos flectas. Non dissimile apud alios scriptores καταδυσωπείν τὰς θεάς, quo elegantissimo verbo id plane significat profani auctores, quod hîc dicit Dominus de Gentibus, ipsas τῇ πολυλογίᾳ δοῦναι εἰσακωθῆναι, existimare se copia verborum, quasi agmine facto, ut loquitur Tertullianus, quod petunt à Diis fore impetraturos. Multiloquium insigne fuisse in precibus illis, quas in urbis periculo concipiunt apud Æschylum Thebanæ mulierculæ, lectori indicat. Quòd etiam omnes fere Sanctos nominatim invocent Pontificii post invocatam Trinitatem, à Gentibus ortum: Nam in summa rerum ignorantia, quem potissimum Deum aut Dea- Pag. 327. rum orarent, nesciebant: omnes igitur præcabantur, vel certè plurimos, quod illic mulierculæ studiosissime faciunt. Huc refer illa Servii ad Primum Georgicorum. Post specialem invocationem transit ad generalitatem, ne quod numen prætereat: more Pontificum, per quos ritu veteri in omnibus sacris post speciales Deos, quos ad ipsum sacrum quod fiebat necesse

necesse erat invocari, generaliter Omnia Numina invocabantur. Adde, quod Pagani erederunt, suos Deos coarctatis elogiis & congestis capi titulis. Sic Pontificii in Litaniiis suis compellant sigillatim Sanctos. Sancta Maria, ora pro nobis, Sancte Michael & omnes Angeli, orate pro nobis &c. Angli sublata Sanctorum compellatione & invocatione incipiunt ab invocatione omnium Personarum Trinitatis, & sigillatim compellando, quod non faciunt in Collectis. Deinde congerunt elogia & titulos; Sancta beata & gloriosa Trinitas, Tres Personae & unus Deus, miserere nobis, Fili Dei rogamus audi nos, Agnus Dei da nobis pacem, Christe audi nos: Kyrie eleeson, Christe eleeson, Kyrie eleeson. Per mysterium sanctae Incarnationis, Nativitatis, Circumcisionis, Baptismi, Jejunii & Tentationis tuae, libera nos Domine: per agonem & sanguineum sudorem, per crucem & passionem, per pretiosam mortem & sepulturam, per gloriosam Resurrectionem & Ascensionem tuam in caelum, & adventum Spiritus Sancti, libera nos Domine. Ad particularia postulata descendunt, & ad singula supplicationes habent vel rogationes, (istud vocabulum magis aptum iudicio Cassandri, quia Supplicationis nomen ex Gentilitate remansit, erant autem supplicationes feriae indictae, quibus sacrificia fiebant ex bonis damnatorum & supplicio affectorum) nempe Libera nos Domine, aut Te rogamus audi nos. Rogant autem, ut à fulgure, & tempestate, à plaga & pestilentia, fame, bello, latrocinio, &c. liberentur. Litanias seu rogationes veterum & supplicationes extraordinarias, grassante malo aut ingruente tempestatis, belli, famis, &c. indictas pro re nata in variis regionibus congefserunt in unum fasciculum Pontificii, & ordinarias fecerunt, vel in Ecclesia recitandas, vel extra Ecclesiam cum Processione. Hinc Ordinariae Litaniae, annales seu annuae, & hebdomadariae. Annuae recurrunt singulis annis. Habent Angli etiam utriusque generis Litanias, nempe singulis annis cum Processione, & singulis hebdomadis in Ecclesia Litaniam ex pluribus extraordinariis, ut dixi, constatam. Quid absurdius quam ex supplicationibus extraordinariis Veterum prementem aut imminente malo compositis, ordinarias absque ulla necessitate, aut sensu mali, efficere? Cur non etiam inferunt in Litaniam suam supplicationem istam, A lue inguinaria libera nos Domine? Nam Gregorius Turonensis Lib. 4. Hist. Cap. 5. refert, S. Gallum, cum lues illa quae inguinaria vocabatur Aretalensem Provinciam vexaret, instituisse rogationes, ut media quadragesima psallendo ad Basilicam B. Iuliani Martyris venirent. Cur non inferunt suffragium istud seu supplicationem, ab obsidione libera nos Domine. Nam in tali casu habuerunt quidam supplicationes. Cum enim Childebertus & Clotharius Caesaraugustanam civitatem obsiderent, cives induti ciliciis, abstinentes à cibis & poculis, mulieres quoque amictu nigris pallis, caesarie ac superposito cinere cum tunica S. Vincentii, muros civitatis psallendo circumibant, ut refert Gregorius Turonensis Lib. 3. Cap. 29. Cur non inferunt in ordinariam Litaniam suam & istam supplicationem, Ab ira Regis libera nos Domine? Nam Antiocheni, quod Deus Theodosium pertinaciter ipsis offensum leniret, publicis peragebant supplicationes, carmina quaedam luctuosa & ad commiserationem movendam composita numerofo cantu continentes, ut refert Nicephorus Lib. 12. Cap. 43. Haec & similia exempla & testimonia habet Durantus Libro 2. de Ritibus. Ut istae Supplicationes imperatae malo urgente, sic & aliae tempore pestis, belli, famis, fulguris, & tempestatis, seditionis, latrocinii. Et ut ridiculum esset & ineptum, ordinariè publicas peragere supplicationes de liberatione à Rege infenso, à lue inguinaria, ab urbis obsidione, ubi non imminet ista mala; sic à fulgure, tempestate, seditione, peste, fame, bello, cum aër serenus, pacata in regno omnia, annonae copia, pax, & nulli grassantur morbi epidemici. Si denique ex supplicationibus extraordinariis ordinariæ fieri debeant; cur non & ex extraordinariis gratiarum actionibus ordinariæ pro liberatione à fulgure, tempestate

pestate &c. Superstruunt ineptias suas sicut Pontificii petitioni ultimæ Orationis Dominicæ quam habent etiam in Litanis; *Sed libera nos à malo*. A malo, id est, à fulgure, seditione &c. Quod de Diabolo dicitur, ad hujus vitæ incommoda torquent imperitè, verba enim sunt ἀπὸ τοῦ πονηροῦ, à malo vel pravo, id est Diabolo, ut innuit articulus; Nam πονηρὸς potius de persona quàm de re dicitur, & Articulus masculinus adjunctus omnem dubitationem tollit, interprete ipso Iohan. 2. 10. & lat. in Mat. Tertulliano, qui malignum interpretatur in libro de Fuga. Et sensus petitionis est, ne nos inducas in tenationem, sed libera nos à tentatore Satana. Nam Mat. 4. 3. dictus est ὁ πειρᾶζων. Græci Patres omnes, Bellarmino fatente, per malum intelligunt De Bonis Diabolum, ut Nyssen, Cyrillus, Chrysostomus, Euthymius, & Theophylactus. Movet autem eos articulus additus ad nomen: sic enim legunt ἀπὸ τοῦ πονηροῦ. Eandem sententiam sequuntur ex Latinis Ambrosius, Chrysologus, Cassianus. Annon Græci Patres sunt optimi interpretes linguæ Græcæ? Et quæ citat testimonia Scripturæ Bellarminus, ut probet etiam cum articulo de re non de persona dici secundum ipsius interpretationem, de malo culpæ, non de malo pœnæ aut calamitate aliqua intelligenda sunt. Sed prior locus Rom. 12. 9. ἀποστυγόντες τὸ πονηρὸν, abhorrentes à malo, de malo culpæ intelligendus, ut ostendit vel ipsa antithesis, adherentes bono; alter locus Matth. 5. 37. de Satana intelligendus, qui κατ' ἐξοχὴν dictus ὁ πονηρὸς, quia in omni scelere exercitatus est, & ad alios in scelera inducendum semper comparatus. Ex prava verborum interpretatione instituta est formula illa cujus meminit Bellarminus in Sacrificio Altaris post verba illa, libera nos à malo, subiecta, quasi explicationis gratia; Libera nos quæsumus Domine ab omnibus malis, præteritis, præsentibus & futuris, ut ope misericordiæ tuæ adjuti, & à peccatis, finis semper liberi, & ab omni perturbatione securi. Sed non est hujus loci sensus, ut jam probavimus. Imo à malo pœnæ in genere & universaliter ut liberemur, postulare non licet. Esset absque promissione & proinde sine fide oratio. Non promisit Deus se nos in hac vita exempturum omni malo. A malo presente vel urgente liberationem petere licet, quia præcepit ut in die tribulationis implorenus ipsius opem: & cum exceptione, si expediat ad Dei gloriam & nostram salutem. Et comprehenduntur postulata de temporalibus commodis & incommodis hujus vitæ petitione quinta, ubi necessaria semper petere licet. In hac petitione comprehenduntur spiritualia, sicut & in præcedenti. Non regreditur Dominus à spiritualibus ad temporalia nec unâ petitione & spiritualia & temporalia complectitur, sed spiritualia tantum & in eundem finem tendentia. Præterea non dicit, Et libera nos à malo, sed utitur particula adversativa ἀλλὰ, quæ indicat secundum membrum ad idem referri ad quod prius, priorisque quasi explicationem esse, non autem diversam petitionem. Semper opportunum est & licitum, petere ut liberemur ab illo malo: quia ille malus seu improbus semper insidiatur nobis, & proinde semper versamur in præsentis periculo. Concludo igitur, Litaniam illam, quam feria quarta & sexta recitare oportet & cui assistere tenetur delectus parœcianorum cœtus, esse in re seria rem ludicram, battologicam orandi formam, Ethnicæ simillimam, non in fide fundatam.

Dierum Fæstorum Officium Horarium habet suas lectiones proprias, collectas, &c. Sequitur igitur, ut de Dierum observatione pauca dicamus. Presbyteri officium est, diebus Dominicis tempore Dierum fæstos, vigiliis, dies carnispriviales, in Muclet. Pag. sequentem septimanam incidentes, populo denunciare. Catalogus Dierum Sanctorum, 744. ut habetur in Libro Liturgiæ, hic est. Hi sunt observandi ut dies sancti, & nulli alii. Omnes dies Domini per annum, dies Fæsti Circumcisionis Domini nostri Jesu Christi, Epiphaniæ, Purificationis Beatæ Virginis, Matthiæ Apostoli, Annunciationis Beatæ

Virginis, S. Marci Evangelistæ, Sancti Philippi & Iacobi Apostolorum, Ascensionis Domini nostri Jesu Christi, Natiuitatis S. Iohannis Baptistæ, S. Petri Apostoli, S. Iacobi Apostoli, S. Bartholomæi Apostoli, S. Matthæi Apostoli, Sancti Michaelis Archangeli, Sancti Lucæ Evangelistæ, Sancti Simonis & Iudæ Apostolorum, Omnium Sanctorum, S. Andree Apostoli, S. Thomæ Apostoli, Natiuitatis Domini, S. Stephani Martyris, S. Iohannis Evangelistæ, Sanctorum Innocentium, dies Lunæ & Mariæ in Septimana Paschali, dies Lunæ & Martis in Septimana Pentecostes. Apud Anglos die S. Georgii Processionem habent magnificam, qui sunt ex Ordine Equestri cum variis instrumentis Musicis; habet etiam Sanctus iste Capellanus Palatinum ejusdem ordinis, quem in dextro pollice annulum aureum gestare oportet, ut refert Barous in Detectione. Præterea habent Vigiliam, Rogationes, Septuagesimam, Quadragesimam, Septimanam Cinerum, Feriam quartam & sextam, aliosque dies solenniores; Calumo-

Pag. 82.

De Festis Lib. papistæ Angli, inquit Gretserus, ut in aliis quæ ad ritus ac ceremonias pertinent longè liberaliores sunt, quàm Puritani in Gallia, Germania, Belgio; ita & in Festis retinendis longè largiores esse voluerunt. Imò plures habent Dies Sanctos Angli quàm Iudæis, inquit Cartwrightus, determinavit Dominus in Lege Veteri. In Festorum observatione primò observandum apud Anglos seruari Sanctorum & Angelorum dies Festos.

Repl. 1. pag. 121.

Paranes. Cap. 16.

Cæterum longè tetrius est virus illud, inquit Tilenus, quo nonnulli ex vestris Ecclesiam Anglicanam perfundere & conspurcare ausi sunt; quasi ea ob retentas quasdam Apostolorum & Angelorum nomina præferentes Festivitates, dies illos creaturis, non Creatori, consecratos statuatur. Atque hic omnia amarulentissimæ calumniæ vela panduntur, ut Angli tanquam manifestarii idololatricæ in auctoritate deprehensi, apud omnes Reformationis consecratos traducantur. Est quidem insignita hæc injuria, ac oppidò puerilis xanachia. Si creaturæ alicujus nomenclatura idololatricam reddit Festi diei celebrationem, quasi creaturæ illi, cujus nomen præfert, sit dicatus: quid obstat quò minus Moses aut etiam Deus ipse populo Israelitico idololatriæ fuerit auctor? Ejus jussu celebrati dies Azymorum, Tabernaculorum, Primitiarum. Ejusdem nominis erant Encania, dies Purim sive sortium, à Mardocheo instituti, Esliberæ editio confirmati. Nemo tamen hætenus ita insanavit ut panibus, tabernaculis, frugibus, aut sortibus, dies illos dicatos fuisse putarit. Excutiat Liturgia Anglicana precesque per illos dies recitari solitæ, vel ad Genevensis disciplinæ libellam appendantur; nulla nostrorum Antistitum idololatria sed magna quorundam demagogorum vestrorum sycophantia deprehendetur. Videbis lector cœcum viri impudentis furorem & in ignotos impetum. Nullus ex nostris scripsit ante editam Tileni Paranesin ad Scotos de Festis Sanctorum. Scripsit contra Parasynagma Perthense & Quinque Articulos ibi receptos lingua vulgari unus, & inter alia contra observationem dierum Festorum Christo consecratorum, quia de iis solum lis agitabatur & controversia. Nam simulabant Adversarii, de Festis Sanctorum se non esse sollicitos. Et ut facilius pertraherent alios incautos ad Dominicorum Festorum approbationem, sparserunt rumorem, Regiam Majestatem dixisse se non hili facere festum, *he nor she Saint*, ullius Sancti maris aut Sanctæ foeminæ, nec plures obtrudendos dies Festos Christi. Non tamen adhibebant fidem viri boni, nec adhuc adhibent. Nam Anglicanas quisquillas omnes & justam conformitatem moliantur. Hac feta Festorum Christi introducturos tanquam filum etiam Sanctorum dies Festos, certi sumus. Propè finem indicat scriptor ille; Ecclesiam Anglicanam observare certo numero dies Festos Sanctorum. De horum Festorum observatione apud Anglos aut alios præterea nihil loquutus. Librum illum vel legit, vel ut alius illi legeret curavit, Tilenus; quod ex indubitatis indiciis mihi satis constat. Et tamen, inquit, hic omnia amarulentissimæ calumniæ vela panduntur, ut Angli tanquam manifestarii idololatricæ traducantur. Insignita est hæc injuria

injuria & puerilis κακότης &c. At vides lector, cæca maledicendi libidine abreptum debacchari, ubi nondum data occasio, virum impudentem. Sed Tilenum antehac mendacem & cæco furore percitum jam forte non vanum fuisse vatem confirmabo. Admonitores Angli in admonitione ad Parliamentum, inter alia, & inde confirmant sua monita de abrogandis Sanctorum Festis non contemnenda, quod à Sanctis nomenclaturam accipiunt. Responder Whitgiftus, non denominari diem à Sancto, alia ratione, quàm quod Scripturæ quæ eo die leguntur in Ecclesia respiciant Sanctum illum, & contineant illius vocationem, prædicationem, persecutionem, martyrium, aut similia. Replicat Cartwrightus primò, istud non intelligere populum. Nam non solum inveterata consuetudo ex Papatu, sed etiam ipsa diei appellatio & nomenclatura ad aliam eos ducit interpretationem. Nam sicut de Festis Trinitatis & Christi, audita appellatione diei Trinitatis, diei Nativitatis Christi &c. statim mente concipiunt & interpretantur dies illos institutos in honorem Trinitatis & Christi: sic cum dies aliquis vocatur dies Pauli, aut dies Virginis Mariæ, non alio modo interpretabuntur, quàm dies illos institutos esse in honorem Pauli vel Virginis Mariæ, nisi aliud doceantur; sed remedium illud docendi, non tam latè patere quàm morbum, & si instruerentur, tamen nomina non abrogata dedocere. Responder Whitgiftus, retineri nomina diei Lunæ, Solis, Saturni; neminem tamen interpretari dies illos institutos in honorem Solis, Lunæ, Saturni. Replicat denuò Cartwrightus, istarum rerum usum in Ecclesiasticis non tam liberum esse ac in Civilibus. Secundo, non educatum sub Paganismo populum, aut in adoratione Solis & Lunæ, sicut sub Papismo, nec inter ejusmodi Idololatrias vivere, nec intelligere, paucis exceptis, dies illos unquam sacratos Soli & Lunæ. Quòd si ita educati & edocti fuissent, abroganda fuisse etiam nomina illa. Nam exemplo Davidis, Psal. 16. abstinendum existimant pii ab ipsis nominibus idolorum, quantum fieri potest & vulgaris usus loquendi finit, nisi cum detestatione nomina eorum labiis suis usurpando. Rectè quidem: nam necessitas plerumque cogit nos usurpare illa nomina, quia ad captum vulgi loquendum cum vulgo. Inde est quod Act. 17. 19. dicitur, *duxerunt eum in Arcopagum, & Act. 28. De Idololat. 11. cui insigne erat Castor & Pollux. Deos Nationum nominari Lex prohibet, non utique ne nomina eorum pronunciemus, quæ nobis ut dicamus conversatio extorquet, inquit Tertullianus. Nam id plerumque dicendum est; In templo Æsculapii illum habes, & vicè Ifidis habito, & Sacerdos Jovis factus est, & multa alia in hunc modum, quando & hominibus hoc genus nomina inducuntur. Neque enim Saturnum honoro, si ita vocavero eum nomine suo, tam non honoro quàm Marcum si vocavero Marcum. Item; Nam & Scriptura Deos nominat, sed adjicit, suos & nationum. Sed consuetudinis vitium est dicere, me Hercule, me Dius Fidius, accedente ignorantia quorundam, qui ignorant jusjurandum esse per Herculem. Augustinus in Psal. 93. *Dies Mercurii, sic dicitur à Paganis, & à multis Christianis, sed nolumus ut dicant, & utinam corrigantur; melius de ore Christiano ritus loquendi Ecclesiasticus procedit. Sed si quem forte consuetudo; &c.* Cum in civili usu retinentur nomina Idolorum, abrogato cultu ipso, πρὸς διόκλησιν tantum, etsi præstaret etiam ipsa nomina abrogari, tamen cogente necessitate cum vulgo loquendum. Hoc casu nuda nomenclatura non ducitur populus ad interpretandum Deum illum aut Sanctum coli à quo res denominatur. Sic ubi abrogatur cultus Sanctorum, audita templi appellatione ad διόκλησιν retenta, nempe cum dicimus Templum Petri, Basilica Pauli, &c. non ducimur ad interpretandum, illic Petrum vel Paulum coli. Sed ubi colitur memoria Sanctorum, sicut apud Anglos, facile per nomenclaturam ducitur populus ad interpretandum, illic coli Sanctos. Bellarminus à testimoniis Veterum Tempia vel Ecclesias à Sanctorum nominibus nuncupata testantibus probat & in-*

fert Sanctorum cultum apud Veteres: & populus non idem colliget ex dierum nomenclatura? Non idem periculum in Festis Tabernaculorum, Azymorum, &c: Nam non à personis sumuntur istæ nomenclaturæ religioſe antea cultis, ut dies Festi Sanctorum, nec a rebus antè cultu idololatrico adoratis. Sed non usurpantur in Liturgia Anglicana istæ dierum appellationes, ut distinguantur ab aliis diebus mensis ad usum civilem, sicut cum dicimus Forum Trajani, Forum Appii, Platea Catulliana, Martiana, Regillia, quod tamen esset nec utile nec necessarium, possunt enim communi distinctionis forma uti; sed quia diebus illis memoria ipsorum colenda est. Sed pergo; dicit Tilenus, si excutatur Liturgia Anglicana precesque per illos dies recitari solitæ, nulla idololatria deprehendetur. Sic argumentari videtur Tilenus; Non invocant Sanctos illos in precibus: Ergo non sunt idololatricæ. Non sequitur. Nam possunt coli aliis modis, quam invocatione. Nam si dies ipse sit in eorum honorem sacratus, & Liturgia etiam purissima prædicandis eorum laudibus actisque commemorandis die illo solenni accomodetur & canatur; coluntur ipsi Sancti, cultu religioso. At Angli hoc modo Sanctorum dies Festos observant. Sanctorum laudes prædicant in Liturgia præscripta & præconione cum celebritate diei Festi, & cessatione ab omni opere servili. At diceres non in Cultum sed in Memoriam Martyrum Dies istos observare, Deum autem colere in Sanctis aut propter Sanctos. Non possunt ista duo, celebrare diem in memoriam & celebrare in cultum, separari: Nam si finis celebrationis sit memoria Sanctorum, finis etiam est honor Sanctorum: At honor sanctorum celebris & cum solennitate diei Festi, qui Deo soli debetur, est cultus religiosus. Addunt Pontificii alium etiam cultum nempe invocationis, sed cultus ille non proprius Festo, sed adventitius est, & crassior eorum idololatria. Est conjunctus honor & cultus Dei etiam apud Pontificios. Festa Sanctorum Deo dicari, ait Bellarminus, sed in memoriam Sanctorum, quemadmodum templa sacrantur Deo in memoriam Sanctorum, & honorem Dierum Festorum immediate & terminative pertinere etiam ad Sanctos, sed talem honorem esse Cultum Dulce, non Latriæ. Et alibi Aliter dicitur Missa S. Petri, aliter Basilica S. Petri. Nam Missa non offertur ullo modo S. Petro, nec primario nec secundario; at Basilica verè edificatur S. Petro, si non primario, saltem secundario. Item Sacras ædes verè extrui Martyribus, & non solum Deo in eorum memoriam. Eadem est ratio de Festis sanctorum. Nonne tuentur se Patrum autoritate advertarii, qui dies Festos Sanctorum colunt. At Patres, quos citant, dicunt dies Festos in memoriam & honorem Sanctorum institutos. Vide Bellarminum de Cultu Sanctorum, & Centuriatores Cent. 4. Col. 450. Festivitates Apostolorum & in honorem Martyrum antiqui Patres in veræ rationis mysterio celebrari sanxerunt; inquit Isidorus. Whitgiftus Hieronymi testimonio se tuetur ubi dicit, & pro varietate regionum diversa in honorem Martyrum tempora sunt constituta. Si constituta sunt in honorem Martyrum, ergo non soli Deo sacrantur. In utriusque & Dei & Sancti honorem instituitur dies Festus à Sanctis denominatus. Inò contra Bellarminum sic argumentatur Hospinianus. Propter quod unumquodque est tale, illud est magis tale; sed propter Sanctos & eorum honorem cultumque instituunt ferias Deo; si minus, cur non sufficiunt illis solius diei Festa? Ergo magis propter sanctos quàm propter Deum. Tilenus Hospinianum sequutus, in Syntagmate eodem modo respondet. Cum Pontificii ajunt, dies illos Deo à Ecclesia Romana dicari propter Sanctos sive in Sanctorum memoriam, ob eorum crimen non diluunt, sed eius atrocitatem augent. Nam si propter Sanctos instituitur hic cultus, maior eorum quàm Dei ratio habetur, si verum est, illud pervertitum; Propter quod unumquodque est tale, illud est magis tale. Willegus in Synopsi inde probat, Sancto potius quàm Deo dicari Templum Petri vel Pauli,

De Cult.
Sanct. Cap.
16

Ibid. Cap. 4

Cap. 16. De
Divinis
Offic. l. 1.
Cap. 34

In 4. Præ-
cept. Disp.
44. Theol. 33

Pauli; quia a Sancto, non a Deo, nomenclaturam sumit. Ut Cæsar Marci Bibuli colligæ nomen, & Castor Pollucis cum ad utrumque extructum fuisset Templum, suppressit, ut diceretur Castoris tantum, non Castoris & Pollucis templum; sic cum & Deo & Sancto dicatus sit dies, de injuria expostulare potest, quod a Sancto non a Deo vel utroque appellationem sumpserit, quod a stella sol obscuretur. Sed si Hospinianus & eum sequutus Tilenus rectè responderint, nulla injuria. Nam etsi eo die colitur Deus, tamen celebratio diei instituta est propter Sanctum non propter Deum. Sed five primariò five secundariò propter Sancti honorem instituta diei celebritas, est cultus religiosus. *Dona à Deo in Martyres autve Syntagma sanctos collata, neque obliuione sunt sepelenda, neque etiam iis modis recolenda & præ. Dis 44. dicanda quibus auctoris gloria obscuretur aut maiestas minuatur; dixit in Syntagma-Christ. 34.* te suo Tilenus. Mariæ Magdalænæ factum Christus prædixit recolendum ubicunque prædicandum fuerit Euangelium, tamen non diem festum instituit in eum finem. Et Apostolus, Heb. 12. 7. hortatur, ut memores sint ducum suorum, & eorum fidem imitentur, non autem ut ferias colant in eorum memoriam. Dies sacrandi in Novo Testamento soli Deo, sicut Sabbatha in Veteri Testamento. Mandatum Domini, *erit sabbatum Domino Deo tuo.* Bullingerus in Rom. 14. refert, Ecclesiam Tigurinam observasse Festa Sanctorum, & id facere liberum fuisse Ecclesiis; sed recentiore, puro, editione retractavit illam sententiam. Et Ecclesia Tigurina cum pluribus aliis Festa Sanctorum damnavit in Confess. Cap. 24. Non habent igitur quod in eo testimonio glorientur adversarii. Vide Epist. Calvini. Musculus in 4. Præceptum, nullo pretextu defendi posse asserit. Hooperus eorum *in 4. Præcep.* primam institutionem licet vetustam damnat. Cartwrightus inurit noxam præsumptionis Veteribus illis primis institutoribus, quod ea tentarunt quæ non audebant Ecclesiæ populi veteris sub lege quæ Prophetas, nec Apostolorum sæculo quæ Apostolos duces habuerunt. Nam nec Ecclesia Israelitica, Mosi, Danieli, Davidi; nec Apostolorum ætate Stephano, Iacobo, aliisve Martyribus, aut aliis viris piis, post beatam consummationem dies sacrarunt in eorum memoriam. *Non stat. Exere. 1. tum simul cum nascente Ecclesia, sed aliquanto tempore post initium cæbit, ut ait Casau. Pag. 123.* bonus, mos celebrandi Natales Sanctorum. Sic vocabant dies Passionis vel Martyrii. Hujus mali origo erat Ethnicorum imitatio, vel quia similibus observationibus in Paganismo assueri erant, vel quia religionem Christianam facilius admissam iri sperabant, si rejectis Ethnicorum solennitatibus novas instituerent. *Anniversaria Syntag. Par. Veterum ad præcipuam Martyrum memorem, sicuti Ethnica imitatione, teste Cyrillo l. 6. 1. Disp. 44. contra Julianum, Gre'o 9. Nyss. Oratione de Vita S. Gregorii Thaumaturgi, Theodo. E. Thes. 35.* uangel. Verit. Lib. 8. de Martyr. in Ecclesiam inuestæ fuerunt; ita paulatim labente disciplina in immanem illam idolomaniam, fœdissimæ nundinationis, quam hodie cernimus, lernam degenerarunt; inquit Tilenus Orthodoxus. Nihil verius: nam intercessionem & invocationem Sanctorum, cultum reliquiarum, peregrinationes, aliosque errores invexerunt. Si origo Ethnica imitatio, & eventus immanis idolomania; tum non toleranda anniversaria Sanctorum festa, etiamsi nullum in se continerent reliqiotum sanctorum cultum. Nam etiam Adiaphora non necessaria & tam horrenda idolomania polluta sunt abroganda, ut Capite Superiori probavimus. Gregorius sensit, Festa Paganorum sensim in Christiana esse commutanda, & quedam ad eorum *Lib. 9. Epist. similitudinem facienda, ut facilius fidei Christiane accederent* Rhennus in Tertullianum de Corona Militis de colendis Natalitiis more Ethnicorum hæc habet. *Hoc in Tertul. tamen Ethnicum aliquando Ecclesia toleravit, Concilium Nicenum & sequentia aperte e Corona damnant.* O, ut autem erat multa Christiani indulgere, quæ plerumque jam senes cum ad nostram religionem convertebantur difficulter relinquentes quibus per omnem vitam assue-

Lib. 1. Ep. 5. verant; *secus est hodie.* Non solum plebei & simplices, sed etiam Magistri in Israele hunc Ethnicum morem servarunt. Ambrosius ad Felicem Episcopum Comensem; *Natalem*, inquit, *tuum prosequamur nostris orationibus, & tu nostri in tuis votis non obliviscaris.* Ubi videntur Natalium memoriam apud quasdam, sed privatim, solennes & festivae fuisse. Festum privatum diei natalis, quod unusquisque die natali aniversario celebrabat, vocabant γενέθλια. Diem Natalem defuncti quem celebrabant amici & familiares γενέθλια vocabant, licet improprie sumatur vox pro viventis die Natali Math. 14. & Marc. 6. Sic ut conservarent memorias Martyrum, dies passionis & Martyrii pro natali die celebrarunt. Conquerenti Vigilantio, superstitionem Ethnicam à Paganorum Diis ad Martyres translatam, respondet Hieronymus; *Et quia quondam colebamus idola, nunc Deum colere non debemus, ne simili eum videamur cum idolis honore venerari? Illud fiebat idolis, & idcirco detestandum est; hoc fit martyribus, & idcirco recipiendum est.* Loquitur ibi de Cereis, sed responsio est generalis. Aperte profitetur, cultum idolorum translatum ad Martyres. Possem hic digredi in latum campum de imitatione Ethnica, sed sufficiant quæ hîc & Capite Superiori dicta sunt.

Contra Vigilant. c. 3.

Festa non sine prosopolepsia distribuunt inter Sanctos. Simoni & Iudæ conjunctim unum diem assignant, Philippo & Iacobo alium; cum aliis Apostolis singulis singulos, & Petro duos: ac si uno die celebrari non possit memoria & acta ac laudes prædicari omnium Apostolorum, vel unius Apostoli, aut Mariæ. De Andrea, Bartholomæo, Simone, Matthia, & pluribus aliis, quid certi referre possunt nisi vocationem ad Apostolatum & quæ sunt communia illis cum aliis Apostolis, de quibus ex Sacra Scriptura constat? In collecta diei S. Andree dicunt, *qui dedisti beato Andree Apostolo tuo, ut acerbam & ignominiosam crucis mortem duceret sibi pro magna gloria.* Unde illud illis constat, Andreæ supplicium crucis pertulisse? Cur non etiam legunt lectiones illas de vita Andree quæ habentur in Breviario Romano, ubi narratur cruci affixum, in eaque biduum pendentem nunquam intermisisse Christi fidem prædicare? Habent Pontificii de omnibus aliquid quod memorent sive verum sive falsum. Angli nihil nisi communia illa, & tamen sigillatim observant eorum Festa. Si antiquitatem & primam institutionem horum Festorum indagare quis velit, vel nihil certi, vel universalem observationem recentiores fuisse reperiet. Quando item institutum festum Barnabæ Apostoli? Nam sic appellatur in Calendario & in Collecta diei. Festum Purificationis Mariæ institutum dicit Casaubonus anno demum Iustiniani decimoquinto. Res magni momenti purificatio Mariæ, ob quam institui oporteret diem Festum; Commune hoc festum dicunt Christo & Mariæ, sed à Purificatione, non à Præsentatione Christi nomenclaturam accepit. Erat antiquitus Romæ consuetudo, ut circa principium Februarii urbem lustrarent eam ambiendo cum suis processionibus, gestantes singuli candelas ardentes in manibus suis, quem morem adhuc retinent Pontificii, & vocatur dies ille Candelaria à Candelis in eo gestatis. Et Beda hanc ceremoniam ardentium cereorum, quos Christiani die Purificationis circumferunt à Februalibus Romanorum sacris originem traxisse. Ita, inquit, pertinaci Paganismo mutatione subventum est cum rei in totum sublatio potius irritasset. Quasi verò jam circa annum 600 irritasset, cum Romæ nulli fere Ethnici essent, vel Christianos jam conversos offendisset. De antiquitate Festi Innocentium ejusque auctoritate, utrum sit festum Præcepti an tantum Devotionis, controvertitur. In Collecta diei dicunt Angli, *cujus hodierna die preconium Innocentes martyres non loquendo sed moriendo confessi sunt.* Unde illis constat illa die trucidatos infantes, cum de die Epiphaniarum & Magorum adventu controversetur? Deinde quomodo Martyres appellare possunt Infantes bimulos & minores, qui

Rainoldus de Libris Apocryph. Præleff. 222.

De Ration. Tempor. Lib. 1. Cap. 12.

qui occasione Christi nati non pro Christo nato ejusve præconio deleti sunt, nec adhuc capaces erant ullius cognitionis? Rhemistæ fatentur, fieri potuisse ut inter eos fuerint etiam Ethnicorum liberi. Celebre est dictum Augusti de Herode; Malim esse Herodis porcus quàm filius. An Herodis etiam filius inter protomartyres numerabitur? Si Innocentes Martyres, Stephanus non erat Protomartyr. Origenis Homiliæ in diversos, ut notatur à Doctis, inter suppositia scripta, vel quæ Origenis, interpolatæ à Ruffino Scriptore latino Festum Michaelis Archangeli celebrant inense Septembri. Duo olim Festa Angelorum; unum mense Majo quod Michaeli sacratum ob ipsius apparitionem in monte Gargano, ut fabulantur; aliud mense Septembri, quod celebratum in memoriam omnium Angelorum quamvis denominetur ex dedicatione templi Michaelis Archangeli. Apparitio facta, ut nugantur, ætate Gelasii Primi; templum dedicatum sub Bonifacio Secundo. Festum Maji non fuit sub Præcepto, sicut festum Septembris. Ideo in Dist. 3 de Consec. Cap. 1 & in Decretalib. Titul. de Feriis Cap. Ultimo, festum Dedicationis Angelorum numeratur, nulla alterius mentio: & proinde ex devotione, non obligatione, servatur inter ipsos Pontificios. Alterum mense Sept. celebratum; quod sub Præcepto servant Angli. Non est necesse ut repetam, quæ de cultu Sanctorum per diem dedicationem dicta sunt. Hæc omnia de Angelorum Festis dici possunt, & ἀγγελοθεοσκείαν probant, quam damnat Apostolus Col. 2 Deinde quomodo probant Michaellem, quem ex Apocalypsf. 12 colligunt Pontificii esse patronum Ecclesiæ, Angelum esse; Nam Michael ille est Christus. Sic Augustinus Homil. 9. in Apocalypsin; Michaellem intellige Christum. Origenes etiam Hom. 6. in Iosuaam non alium Principem cœlestis militiæ quàm Christum asserit. Danielis 10. etiam Michaëlis nomine Christus intelligendus, cui soli competit titulus Principis Ecclesiæ; cum Angeli sunt conservi nostri. Et nomen ipsum indicat, Christum intelligi. Nam nomen sonat, qui Deo forti similis. Qui de singulis Sanctorum Festis plura desiderat, legat Hospinianum. Hactenus de Festis Sanctorum, quæ sunt iis propria: sunt & quædam communia illis & Festis Christo sacratiss; ut generale illud, an ulli omnino dies sint sacrandi præter Dominicum.

Dies Christo sacratiss non sunt omnes antiquitate pares. Festum Circumcisionis videtur esse satis recens. Nam non solum Veteres Patres non meminerunt ejus festi, verum etiam Isidorus, Micrologus, Amalarius, Rabanus, Walafridus Strabo, qui describunt Officia omnium Festorum. Meminerunt quidem Officii Diei Octavæ Natalis Domini, sed non sub nomine Circumcisionis; inquit Bellarminus. Leo in Sermonibus de Epiphania significat, festum illud proximè post Nativitatem Domini celebratum fuisse. Octavæ ratio sufficiens videbatur ad solennitatem quoad Officium, sed non ad observantiam Festi, nisi cum die Dominico vel alio peculiari jungeretur mysterio. Adjunxerunt mysterium Circumcisionis, ut peculiaris Festi ratio ministraretur. Qui ante hos quingentos annos festos anni totius descripserunt, circumcisionis non meminerunt; inquit Casaubonus. Quod ad Festum Epiphaniarum, prima nascentis Ecclesiæ tempora si respicias, solennitatis huius nullum vestigium invenires. Hoc Festum vulgo Festum Trium Regum vocant, quia primitus institutum credunt ad recolendam memoriam adventus Magorum, sed Epiphaniæ appellatione refellitur ista opinio. Nam Græci ἐπιφάνια appellunt apparitionem numinis, quoquo tandem modo Deus aliquis suæ præsentis signum dedisse crederetur; & in memoriam apparitionum huiusmodi dies festos sæpe instituerunt, quos è re dixerunt τὰ ἐπιφάνια. Ad hoc exemplum in Veteri Ecclesia Græca solennitas illius diei τὰ ἐπιφάνια est dicta, non quo Magi advenierant, sed quo Filius Dei assumpta carne è B. Virgine natus mortalibus conspiciendum sese præbuit. Nam ipsa natiuitas dicitur illis ἐπιφάνια, & diem quo adventum Christi in terris

De Cultu
Sanct. Cap.
15.

Exercit. pag.
177.

Exer. p. 185.

185. & 186.
& 187.

terras

terras & ἐπιφανίους celebrabant dixerunt τα ἐπιφάνια, non genere feminino, ut imperiti
 linguae Graecae putarunt. Is dies erat sextus Ianuarii, in quem diem plurimae Ecclesiae
 olim Natalem Domini retulerunt. Idem dies non solum Epiphania sed etiam Theophania est
 dictus. At postea ceperunt celebrare Natalem Domini die 25. Decembris. Ab
 illo tempore remansit quidem appellatio Epiphaniarum diei sextae Ianuarii, sed causa ap-
 pellationis aliter quam ante reddi cepit. Nam qui dies prius colebatur ut natalis Christi,
 postea cultus est ut Baptismum ejusdem representans & Magorum adventum. Atque ita
 desinit fieri commemoratio nativitatis Christi die Epiphaniarum. Quod mihi vi-
 detur satis absurdum, quoniam ut probavimus ἐπιφάνια vox tam in Scripturis
 quam apud Patres adventum Domini vel priorem vel posteriorem semper significat, Ba-
 ptisma verò aut Magorum adventum nunquam. In ea absurditate tamen haerent Angli, qui
 à Romana Ecclesia sem ipsam Festum cum nomine Epiphaniae acceperunt. In
 hujus diei collecta dicunt, Deus qui unigenitum Filium stella duce revelasti. Quae ver-
 ba indicant, aliam appellationis rationem sequutos fuisse Latinos, dicta esse Epiphania
 quoniam stella ἐπιφάνες apparitione sua Christum designavit; sed hoc longè peti-
 tum dicit Casaubonus. Romani scriptores vel ignari verae causae appellationis Epiphaniarum,
 vel certo consilio, ut veteri instituti memoriam abolerent, alias rationes excogitarunt.
 Præterea cum in Sextum Diem Januarii retulerunt Græci & Nativitatem & Baptis-
 mum Christi, per hanc mutationem separata est solennitas Baptismi à solennitate Nativitatis
 contra opinionem, quæ diu olim in Ecclesia obtinuit, Christum qua die natus fuerat, ea-
 dem trigésimo anno vertente fuisse baptizatum, quod ex verbis Lucæ colligebant 3. 23.
 Lectiones propriæ hujus diei ex Euangelio in Liturgia Anglicana duæ sunt Luc. 3.
 ad v. 23. Johann. 2. ad ver. 12. Nam solennitatis hujus diei tres causas assigna-
 runt Latini scriptores, Magorum adventum, Christi Baptisma, primum in Cana
 Miraculum; quæ tria eodem die sed diversis annis putabant facta. Sic Liturgia
 Anglicana divellit diem Baptismi à die Nativitatis, contra opinionem illam quæ
 olim obtinuit. Sed cum de die Nativitatis non constat, imo certius sit non fuisse
 Christum natum 25 Decembris, de die Purificationis constare non potest, aut de
 die Baptismatis Christi, (si dies nativitatis & baptismatis idem,) aut de die adven-
 tus Magorum. Hic plures solennitatis causæ in unum diem coacervantur, quan-
 do Sanctus aliquis, de quo nihil habent singulare & certum quod dicant, habeat
 suum proprium festum.

Diem Nativitatis Christi certum designant 25 Decembris, cum de die certo
 nulli mortalium constare potest, etsi daretur quod dicunt Zachariam patrem Io-
 hannis Baptistæ fuisse summum Pontificem, quia dicitur obtulisse suffitum, quod
 summus Pontifex solebat facere semel singulis annis in sancto sanctorum decimo die
 mensis septimi id est mense Septembri Nam diem nativitatis Christi à die conceptionis
 & nativitatis Johannis Baptistæ numerant. Sed de die Conceptionis Johannis Bap-
 tistæ constare non potest. Implevit Zacharias septem dies Ministerii sui, deinde
 abiit domum; μετὰ δὲ ταύτας τὰς ἡμέρας, post dies istos concepit Elisabet uxor ejus. Nul-
 la hic certa dies, quam velle indagare otio est abundare; proderet tanquam certo inven-
 tam, seriam historiam in fabulas mutare; inquit Casaubonus in Exercitationibus p. 122.
 Mense sexto post conceptionem Johannis Baptistæ mittitur Gabriel Angelus ad
 Mariam Luc. 36. Hic etiam menses sex completos numerant, cum dicat Euange-
 lista tantum, hic mensis est sextus ipsi quæ vocabatur sterilis; ex quibus verbis non po-
 test colligi intervenisse sex menses solidos inter diem conceptionis Christi & Io-
 hannis Baptistæ, ut volebant Veteres, sed potius ineunte mense sexto elapsos tan-
 tum quinque menses. Sed certum est, Zachariam non fuisse summum Pontificem.
 Nam quod ad suffitum attinet, erat quotidianus, non solennis ille, qui die Expi-
 ationis

tionis fiebat à solo Pontifice maximo in sanctum sanctorum ingrediente, quod decepit Ambrosium, Augustinum, & alios Patres, præsertim Latinos. Nam erat Sacerdos ex classe seu Ephemeria Abiæ. Posteritatem Aaronis in 24 familias distinxit Rex David. Illæ familiæ operabantur Divinis in templo vice sua septem dies, nempe à matutino sacrificio Sabbati ad matutinum sacrificium sequentis Sabbati. Exhibant ex Ministerio ante matutinum suffitum in instauratione panum propositionis. Sic dies functionis unius Ephemerix erant septem, omnium 24 familiarum 168. Orbem Hieraticum appellat Iosephus Scaliger. Unaquæque Ephemeria post 161 dies redibat ad functionem suam. Rex David ita familias distinxit, ut ejus prærogativa esset, cujus prima fors exiit. Iojaribi prima fors exiit; classis Abiæ fuit octava. 1. Paral. 24. 7. Populares unius Ephemerix functiones suas partiebantur in septimana Ministerii sui. Alius enim incensum sortiebatur, alius concinnationem lampadum & lychnorum, alius lignorum constructionem super altari, & sic de aliis, ut extat 1 Chron. 23. 28. 29. 30. 31. Sic videmus Zachariam patrem Iohannis Baptistæ popularem Ephemerix Abiæ Incensi curam sortitum fuisse. Itaque præter Zachariam nemo poterat incensum offerre. In Libro Liturgiæ Iudaicarum sic legitur; *Dicit illis Præfatus, ingredimini, & sortiebantur quis immolaret, quis spargeret, quis cinere levaret altare interius. Dicit, ingredimini, nempe in templum; ibi enim sortiebantur. Et de Suffitu ibidem scriptum extat; Neoterici ad suffitum ingredimini & sortimini; sortiebantur, & eum contingebat fors, cui fors competebat.* Hæc omnia habet Vir Illustris memoriæ Iosephus Scaliger in Appendice ad Libros de Emendatione Temporum. Ipsiæ Lucæ verba ἐπλήθους αἱ ἡμερæ τῆς λειτουργίας αὐτοῦ, non unum diem Expiationis acsi fuisset summus Pontifex, sed plures dies Liturgiæ seu publici ministerij ipsius indicant. Et verba illa, κατὰ τὸ ἐὶς τῆς ἱερατικῆς ἑλάξης τῆς θυμιάσεως secundum ritum functionis Sacerdotalis sortitus est munus suffitus facienda, demonstrant non fuisse summum Pontificem. Nam summius Pontifex nonungebatur sacerdotio in ordine alicujus classis, nec sortitò illi obvenit Ministerium offerendi suffitum in sancto sanctorum in die Expiationis. Nam absque ulla sortitione hoc illi soli competebat. Non erat igitur iste suffitus quem obrulit Zacharias solennis ille, sed quotidianus. Patet igitur imperitè definitum, diem 25. Decembris fuisse diem Nativitatis Christi, & quod in eo hallucinati sunt qui putabant Zachariam fuisse summum Pontificem. Argumenta de summo Pontificatu Zachariæ, de incenso decimæ Tisri, de decremento vel incremento dierum, ex quibus collectum die 25 Decembris Christum natum fuisse, & decima Tisri conceptum, omnia sunt ab Ecclesia Occidentis; inquit Scaliger in Canonibus Isagogicis. Chrysostomus in Homilia de Die Natali, dicit nuper ab Occidentis partibus transmissum ad Orientis Ecclesias, fere autem decennium antequam Homiliam illam haberet ad populum. Epiphanius etiam ostendit, sese ignorasse Occidentis Ecclesiam paulo antequam opus suum in Hæreses componeret Natalem Domini in 25 Decembris statuisse. Omnes enim Ecclesiæ tam Orientis quam Ægypti die Epiphaniarum & Natalem Christi & Baptismum ejus unà celebrabant. Unde colligit, supposititios esse Canones Clementis, & qui Apostolorum nomine circumferuntur, qui illorum meminerunt, quia in illis Natalia Domini 25 Decembris celebrari præcipitur. Eodem indicio sese pro lunt alij scriptores supposititii Græcè ab impostoribus conscripti, se non scripsisse ante tempora Epiphanij & Chrysostomi. Vetustiore qui ejus meminerit Ambrosio habemus neminem; ait ibidem Scaliger. Non debent igitur celebrari Natalia Christi 25. die Decembris, etsi celebranda essent cum solennitate diei Festi. Nam confirmatur ea temporis circumstantia vetus error de Pontificatu Zachariæ, & erronea Scripturæ interpretatio.

Canon. Isa-
gogic.

Scalig. in
Append. ad
Lib. de
Emendat.

Exercit. p.
123.

Exercit. p.
123.

In Liturgia Anglicana igitur quando in collecta diei Natalis Christi dicunt, *hodie-
naque die de pura virgine nasceretur*, num vera & certa prædicant? Eandem col-
lectam recitant usque ad Octavam Nativitatis seu Festum circumcisionis. An sin-
gulis illis diebus natus est? Videmus erroris fontem, nempe quod Zachariæ Euan-
gelismum & statim conceptionem Iohannis in 24 Septembris statuerunt Veteres in
Ecclesia Occidentali. Iosephus Scaliger inviolatam revolutionem orbi Hieratici
probat ex Iudæorum Ritualibus. Nunquam in Ministerio alia aliam antevertebat,
aut Liturgiæ tempus præripiebat, sed singulæ ordine sibi succedebant. Ordinem
statutum 1. Chron. 24. 7. ad sua tempora constantissimum durasse, testari Iose-
phum. Legem horrendi carminis ex Iudæorum Ritualibus istam affert; *Omnis sive
sacerdos sive Levita, qui sese immiscuerit functioni alterius, capite luat*. Existimabant
nefas, ephemeriam in locum alienum succedere. Ephemeriam Iojarib inivisse mu-
nus suum 22 Novembris demonstrat. Inde colligit Ephemeriam Abiæ Ministerium
suum inivisse die 21 Iulij, impletos dies Ministerii die 28 Iulij. Et quia quinque
menses integros occultavit se Elizabeth, & sexto ineunte Gabriel Angelus missus ad Ma-
riam, hæc omnia inciderint circiter finem Decembris: quo tempore post Euanzelismum
Gabrielis Maria cognatam suam inviserit, cui mensis imbat sextus, quæ vulgo hætenus
ut sterilis digito notabatur. Quare Natalis Christi competere circiter finem Septembris
diebus *σκηνοπηγίας* cyclo lunæ 18. æstibus anni, quando & in tabernaculis sub dio, &
pastoribus quoque *ἀγγελῶν* anni tempus finit. Casaubonus; Scaligeri sententiam mirificè
confirmat consuetudo Ecclesiæ Alexandrinæ, quæ nativitatem Iohannis Baptistæ primis
temporibus solennitatis illius introductæ celebravit die Aprilis 23. Confirmant alii, hoc
anni tempore natum Christum, argumentis sumptis à Mysterijs quibûsdam, quod
circa hoc tempus erat initium novi anni, & in mense Septembri celebrarentur plu-
res dies solennes, quod diebus *σκηνοπηγίας* Christus *ἐσκήνωσε* Joh. 1. 14. commoratus
est inter nos, & hoc mense arca introducta in templum, 1 Reg. 8. 1. 6. Ut ad
tempus anni designandum quo natus est Christus certiora quæ jam dicta sunt, de
Die tamen nulli mortalium constat. Non statim post Apostolorum tempora insti-
tutum hoc festum. Nam quia non statim simul cum nascente Ecclesia, sed a quanto tem-
pore post, initium habuit mos celebrandi Natales Sanctorum, nemo pius mirari debet, in
tantis primorum temporum persecutionibus memoriam rerum præteritarum ita exactè ser-
vari non potuisse, quin varix opiniones super eadem re persæpe existerent. Hoc adeo ve-
rum est, ut etiam de nativitate & passione Domini varix admodum sententiæ in Ecclesia
olim extiterint; quibusdam natum prodentibus sexto Ianuarii, quibusdam decimo Aprilis,
aliis 19. Maij, nonnullis mense Septembri, plerisque 25 Decembris; inquit Casaubonus.
Imo potius credendum, Divina Providentia celatum hunc diem, sicut Deus ab-
scudit corpus Moïsi ne eo abuterentur Israelitæ ad idololatriam. Constat, Ve-
teres ex Gentilitate in Ecclesiam invexisse Natalium celebrationem; pudebat Mar-
tyrum Natales publicè celebrare, sua etiam *γενέθλια* privatim, & *γενέθλια* Christi
non colere. Ideo scrutantes diem nativitatis Christi, suas conjecturas sequuti sunt.
Clementis Constitutiones, Sermo de Nativitate Christi qui extat inter opera Cy-
priani, & aliorum quæ citat Bellarminus pro huius Festi Antiquitate scripta sup-
posititia sunt. Cum de die Nativitatis Christi constare illis non poterat, nec de aliis
ab eadem pendentibus, ut die Annunciationis, quem etiam festum Incarnatio-
nis, de die Conceptionis vel Nativitatis Iohannis Baptistæ, de die Circumcisio-
nis, de die Purificationis, quem etiam festum Præsentationis vocant.

Festum Transfigurationis in Calendario præfixo Liturgiæ Libro refertur ad
diem 6 Augusti, sed in Catalogo Festorum non video, nec in propriis Collectis;
fortè non observatur ut dies festivus, nec in Ecclesia Romana ante Calixti III. tem-
pora

pora celebratum fuit, ut refert Platina in ejus Vita. Antè forte incipit quoad Officium Chori & solennitatem Missæ; Sed quia non observatur ut dies festivus apud Anglos, quantum ex Libro Liturgiæ discere possum, de eo plura non dicam.

Paschatis Festum omnium antiquissimum, non tamen Apostolicum. Nam neque *Histor. l. 5.* Servator, neque Apostoli istud observandum lege aliqua præceperunt; ait Socrates. Item; c. 22. Mihi quidem certè videtur, sicut res aliæ multæ in locis quibusque ex more quodam introductione fuerunt; ita festum Paschatis ex quadam consuetudine apud singulos populos observationem privatam habuisse, propterea quòd nemo ex Apostolis legem de eo edidit. Et quod ex consuetudine potius quàm ex lege, ab antiquis temporibus observari ceptum sit, rerum eventa perspicè declarant. Plerique namque in Asia Minore antiquitus Decimo Quarto die Mensis nulla ratione diei Sabbati habita observarunt. Quod dum faciebant, cum aliis qui aliam rationem in eodem Festo agendo sequebantur usque eo nequaquam dissenserunt, quoad Victor Episcopus Romanus supra modum iracundia inflammatus, omnes in Asia qui erant *ἑτεροεξιστηνηταί* appellati id est qui decimo quarto die mensis pascha celebrabant excommunicaverunt. Dicit, Festum Paschatis ex quadam consuetudine apud singulos populos privatam primum observationem habuisse, & ex more ut alia multa fuisse introductum, non lege Apostolica fuisse constitutum. Et initio non fuisse de die litigatum, licèt postea altercatio gravis orta sit: ut meritò dictum sit in Præfatione ante Harmoniam Confessionum in editione Anglicana, illam controversiam de Die festi Paschatis agitatam inter veteres 200. fere annos, jam diu à nobis derisui habitam. Whitakerus, Magnam quidem de hac re olim fuisse *De Scripturæ* contentionem, sed sine causa; ut mirum sit de re tantilla & pene nullius momenti tantas *Quest. 6. c. 9.* & tam graves fuisse dissensiones. Suum quique morem ut aliis commendarent, Apostolorum praxin allegabant. Qui quartodecimo die mensis Pascha celebrant, eum morem observandi à Iohanne Apostolo ipsi traditum dicunt: qui autem Roman & alias partes Occidentis incolunt, Petrum & Paulum Apostolos consuetudinem quam illi tenent. ipsis reliquisse affirmant. Verum nemo istorum omnium de his rebus scriptis proditum proferre potest. Et quòd ex consuetudine potius in singulis locis quàm ex ulla alia causa cepta sit festi Paschatis celebratio, hinc facio conjecturam. Apud Eusebium habetur Epistola *Histor. l. 5.* Polycratis Episcopi Ephesini ad Victorem Papam, ubi asserit Polycrates, Philippum Apostolum, & Iohannem, Polycarpum, Melitonem, & plures alios quartadecima luna Pascha celebrasse. Sed supposititia est ista Epistola Polycratis. *c. 22.* Insurgit Tilenus; De die quo Pascha esset celebrandum nimis acriter rixatos constat Orientales cum Occidentalibus: nec displicet quod ex Socratis historia objicere consuevis; puta Apostolos non eadem cura ac religione definiisse hæc ritualia, qua definierunt dogmata. At ferendum non est, quod quæ Eusebius de Polycarpi super hac re Epistolis narrat, infruniti zelotæ mendacii insimulant, & quasi totidem Alexandri essent, nodos quibus solvendi impares sunt audacter secant, quodque propter contentiones de re exortas rem ipsam abolendam esse sciunt, venerandosque antiquitatis canos projecto semel pudore protervè conspiciunt. Socrates non modo non eadem cura definiisse ait Apostolos hæc ritualia qua alia dogmata, sed etiam nullam omnino legem de Paschate edidisse, & quòd ex consuetudine potius in singulis locis quàm ex ulla alia causa cepta sit festi Paschatis celebratio. Et ex ea varietate in observando die, eam quam nos conjecturam facit, nempe non institutum fuisse ab Apostolis; & qui Apostolicam traditionem pro more suo venditabant, tamen iis fidem non adhibet. Verum nemo istorum omnium, inquit, testimonium de his rebus scriptis proditum proferre potest. Et tamen citat Librum Quintum Ecclesiasticæ Historiæ Eusebii. Vel interpolatus est post Socratis tempora Eusebius, vel non genuinam censuit Epistolam illam Polycratis.

Part. 2. Disp.
16. Thef. 14

cratis Quàm religiosus cultor & acer vindex videri vult honoris Patribus deferendi Tilenus, qui in Syntagmate suo eorum authoritatem vellicavit? An quid detrahit eorum honori, qui scripta supposititia ab adulterinis discernit? Nonne prudentiæ iudicio germana Patrum scripta ab adulterinis internoscenda desiderabat ipse olim in Syntagmate suo? Quid igitur sibi vult infruniti hominis audax impudentia, qui eam libertatem nobis non permittit? Sed ad examen Criticum veniamus. Legit aut legere potuit in Parasyntagmate illo lingua vulgari conscripto censuram Iosephi Scaligeri in Epistolam illam Polycratis, quæ extat apud Eusebium.

Elench. Tri.
heres. Cap.
25:

Quod vero ait, nempe Serarius, ab usdem viris scriptum Iacobum τὸ πέταλον gestasse in fronte quale summus pontifex Exod. 37. 36 ἐστὶ σφαῖρα μνημονικός. Hoc enim de Iohanne Apostolo, non de Iacobo, ab eodem Eusebio relatum ex Epistola Polycarpi Christi martyris. Dixisset, opinor, Polycratis ad Victorem. Neutrum concedit, nempe sive de Iacobo sive de Iohanne, qui sciverit nullum Christi Apostolum Sacerdotem fuisse, & nulli præterquam summo Sacerdoti πέταλον gestare licuisse. Et tamen vetustissimus & Iohannis discipulus & sanctissimus Episcopus & Martyr Christi fuit qui hæc scribit. Quin impij & novatores vocabimur, qui non credent. Polycrates dicit, Iohannem gestasse τὸ πέταλον, quod Hieronymus in Libro de Viris Illustribus interpretatur Laminam, Scaliger negat vel Iacobum, ut vult Epiphanius, vel Iohannem gestasse laminam in fronte, aut quod ei liceret, ut refert Epiphanius, ingredi in sancta sanctorum.

Euseb. Hist.
l. 5. c. 22.

Habes unam fabulam ex Epistola Polycratis. Adhuc inquit, & Iohannes qui ad pedus Domini recubuit ὃς ἐγενήθη κερὶς τὸ πέταλον πεφορκώς, & sacerdos fuit & laminam gestavit. Hunc ait celebrasse Pascha decimaquarta luna, & quidem secundum Evangelium, si credere fas est. Præterea ait, Philippus unus ex duodecim Apostolis qui obdormivit Hierapoli, & duæ ejus filie quæ in virginitate consenuerunt, & alia ejus filia quæ in gratia spiritus Sancti conversata requievit Ephesi. Philippum Evangelistam cum Philippo Apostolo confundit, ut & eum sequutus Eusebius l. 3 c. 28. ubi eadem denuo extat Polycratis Epistola. Dico igitur, vetustissimum hujus traditionis monumentum, nempe Apostolos observasse Pascha, esse fabulosum, si non supposititium. Sed ad traditionem ipsam veniamus. Estne verisimile, Iohannem Apostolum resurrectionis festum celebrasse luna 14. mensis primi, quo die immolabant Iudæi agnum ad vesperam? Absurdum est uno anno bis Pascha facere & alio nunquam.

De Cultis
Sanct. Cap.
12.

De Templo
l. 5. c. 3.

Atqui hoc occidebat illis, qui Pascha 14 die agebant; inquit Bellarminus. Et Iohannes Apostolus in absurditatem illam lapsus est? Si dixerint, ut accommodaret se Iudæis conversis in initio, hoc fecisse, tamen nihil juvabit. Dies Paschæ non erat dies festus, ut dies Azymorum, ut à vespera usque ad vesperam celebraretur, sed ejus tantum finis, hoc est vespera, quam in hac disputatione posteriorem sæpe appellavimus, quia azno immolando dicatus erat & Pascha vocatur; inquit Ribera. Quod si Scripturæ verba observemus, inveniemus diem Azymorum, solennem & festum, & solennitatem vocari, diem vero decimumquartum solennem non dici, nec festum nec solennitatem, quoniam simpliciter non erat solennis sed secundum extremam partem. Et probat ex collatione locorum Iohan. 12. Lev. 23. Num. 9. & 28. Deut. 16. Et quia Azyma inceperunt ab ipsa vespera Paschatis, & continuo sequuntur dies Azymorum, vesperam illam cum sequentibus diebus unam solennitatem conficere. Observandum etiam, inquit, in aliis diebus festis mentionem vespere non fieri nisi in Pascha, quoniam totus dies profectus erat; ejus tantum extremum sacrum erat, quia tunc agnus immolabatur. Quare Pascha non duas vespers habebat, ut festi dies, sed eam quæ diem decimum quartum clauderat. Si 14. luna non erat dies festus Iudæis; quomodo accommodavit se Iudæis conversis in observanda 14 luna? Sunt, qui probare conantur ex 1. Cor. 5. 7. 8. Quia in more positum erat apud Veteres, ut Pœnitentes post trium, septem, de-

cem.

cem aut plurium annorum pœnitentiam non reconciliarentur solenni ceremonia, nisi feria quinta ante Pascha, quæ dicitur Cœna Domini. Imponebatur Pœnitentia publica feria 4. ante primam Dominicam Quadragesimæ; reconciliabant & communicabant feria quinta. Cujus adhuc vestigium apud Pontificios. *Ad sunt* cerro *Beza Anti-*
die ante Pascha in Ecclesia Cathedrali quam appellant, quos vocant Pœnitentes, Paupe-
thesi Pap.
res, & obscuri homines, velata facie ne cognosci possint: præit illis Pœnitentiarius sacrifi-
& Christi.
cus suam tristitiam plerumque & vultu & ventre satis declarans, & septem illos Psalmos
Cap. 7.
Pœnitentiales demurmurans: sequuntur illi tristi facie & genibus nitescentes à valvis Eccle-
fie ad magnum altare. Ibi recitatur execranda Litania, in qua tot sunt pene blasphemie
in filium Dei quot insunt syllabæ. Habeitur concinnula ad omnes stabilandos veræ pœni-
tentie abusus; tandem celebratur sacrum in quo offeratur Christus. Potest quidem fie-
ri, ut verba illa Apostoli respicientes Veteres hunc morem & ritum in reconci-
liandis pœnitentibus instituerint; sed Apostolum loqui de anniversario Paschate
non sequitur. Augustinus contra Epist. Parmen. l. 3. c. 21. ut in hunc locum ob-
servat Fulco, interpretatur Patcha istud esse perpetuum, & quod durat durante
vita. Sic etiam ipsi Pontificii interpretantur. Quasi dicat, perenne habemus pascha,
unus continuusque sit nobis dies festus Paschæ, ut Christo agno Paschali ejusque beneficiis &
donis quotidie vescamur, & festivè epulemur spiritualiter fide, spe, charitate, aut
etiam realiter in venerabili Sacramento, idque in Azymis, id est, cum Azymis,
sinceritatis & veritatis. Item. Hinc etiam Ecclesia hunc locum Apostoli pro Epistola le-
git in sollemnitate Paschæ, quando omnes communicare, & de hoc agno Paschali mandu-
care præcipit, cum in Primitiva Ecclesia de eodem fideles quotidie manducarent, ut hic
hortatur Apostolus. Si quotidie manducabant verum agnum paschalem in Euchari-
stia, non restringendus est locus Apostoli ad communionem anniversarii Patchatis.
Sed nec de sacramentali manducatione etiam frequenti tantum intelligendus hic
locus, sed de omnibus conventibus Ecclesiæ, & singulis Ecclesiæ membris, & de
moralis observatione. Moraliter Chrysostomus: pu autum dicit, non quia Pascha est aut Pen-
tecoste, sed quia omne tempus epularionis est Christianis ob collatorum beneficiorum excel-
lentiam. Hinc S. Sylvester omnes dies vocavit ferias, ut dicamus feria prima, secunda,
tertia, quia omni die Christiani à peccato feriari debent, & Deo vacare, & festum agere
spirituale. Hinc & Clemens Alexandrinus, l. 7. Stomat. Universa, inquit, vita viri
justi est quidam celebris ac sanctus dies. Non igitur de Paschate anniversario loquitur
hic Apostolus, sed de festo moraliter agitando spirituali lætitia, puritate, & in-
tegritate vitæ. Neque enim de Sacra Cœna hic agitur, sed de cultu morali seu vita Chri-
stiana quæ fermento veteri vacare, h. e. pura & sancta esse debet. Iuhet, inquam, Apo-
stolus expurgare fermentum, non Physicum sed Morale, non panis sed vitæ & vitiorum,
non ex arte sed ex corde. Adde etiam ex corpore & cœtu Ecclesiæ, sed non prop-
ter Cœnam Paschalem magis quam quotidianam & sæpius repetitam. Nam non
est sanctior alijs Communio in Paschate anniversario. Sed ex Ecclesiæ cœtu sem-
per expurgandum vetus fermentum scelerum, vult Apostolus. Præterea alludit A-
pостолus, non ad uivam vesperam qua immolabatur agnus, sed ad totos septem
dies Azymorum: ut sicut Iudeis macerato agno non licebat habere domi feimen-
tum, sed ab eo abstinere septem dies; sic qui sacrificii Christi semel in cruce
peracti participes sunt, totam vitam in integritate & sinceritate transigere debeant:
& vult singulos esse panes azymos ut tota Ecclesia sit pura & nova massa. Sensus
ergo est, inquit Cornelius à Lapide, Christus pro nobis quasi Pascha immolatus nos rede-
mit, nobisque inivit sollemnitatem Azymorum. Itaque post hoc Pascha, post Christi im-
molationem & redemptionem, agamus festum hoc Azymorum spirituale, ut simus Azymi
& puri, ac consequenter vescamur Azymis, id est, fruamur puritate vitæ per septimanam
nostræ.

nostræ vitæ, id est, per totum ejus decursum (Septem enim diebus revolutis omne nostrum tempus decurrit unde septenarius universitatis est symbolum) eoque memoriam redemptionis Christi agni Paschalis nostri puris & dignis moribus sacrificiis & laudibus celebremus. Denique non de reconciliatione pœnitentium hic agit Apostolus, sed de tollendo potius incestuoso, & purganda Ecclesia. De reconciliatione agit Apostolus Epistola Posteriore ad Corinthios. Nec probari potest, hunc morem fuisse Apostolicarum Ecclesiarum differendi tempus reconciliationis ad feriam quintam ante Pascha, etiam post præscriptum tempus pœnitentiæ completum. Imo contra charitatis legem peccatur, si non receptus fuerit in gremium Ecclesiæ, & particeps fiat sacramentorum quæ sunt pignora reconciliationis, si testatus fuerit secundum præscripta illi onera feriam respicientiam. Hactenus de priori Scripturæ loco, quem nec Bellarminus nec Gretserius, ut suum Pascha anniversarium defendant, allegare ausi sunt. Deducunt etiam Paschatis solennitatem adversarii ex Psal. 118. 24. Hac ipsa die effectus Jehova, exultemus & lætemur in ea; vel ut alii reddunt, hic est dies quem Jehova fecit, exultemus, Quia Christus est lapis quem reprobarunt ædificantes & factus caput anguli; quod factum dicunt die Dominico, cum resurrexit Christus. Ergo exultemus & lætemur in ea. Sed non loquitur Propheta de die definito naturali aut artificiali; sed diem sumit pro tempore indefinite & cum latitudine, ut loquuntur, plures dies complectente. Ut, sicut in Davide lapide typico, quem spreverunt structores, id est est proceres in populo, evenit, is factus est caput anguli, in quo tanquam fundamento coaluerunt Iuda & Israel, quod non uno die effectum est; sic Christus quem reprobarunt structores, sacerdotes & seniores, factus sit lapis angularis, in quo totius Ecclesiæ Iudæorum & Gentium ædificium coagmentatum crescit, quod uno die peractum non est. Nunc est tempus acceptum, nunc dies salutis, & hodie si vocem ejus audiveritis. Non præcessit, dies autem appropinquavit. Hæ & similes phrasas ostendunt, vocem diei non esse restringendam ad diem naturalem aut artificialem. Præterea si in Davide typico lapide restringenda vox Diei ad definitum diem, ad diem coronationis seu inaugurationis referenda esset. At dies ascensionis, cum ascendit ad cœlos Christus & sedit ad dexterum Patris, dicendus est potius inaugurationis dies quam Resurrectionis. Si ad diem resurrectionis restringendus esset, ad diem Dominicum singulis hebdomadis recurrentem restringi debet, non ad unicum Paschalem. Nulla enim ratio est, cur solennior sit Dominica Paschalis propter revolutionem Solis anniversariam, quam hebdomadicam, nisi duplicem Dominicæ Paschalis dedicationem vel Christum vel Apostolos instituissæ fingendum sit, unam communem & ordinariam ad cultum ordinarium, aliam solenniorem ad festum. Imperatores titulo de Feriis diei Dominicæ observationem suis legibus munientes post enumeratas alias festivitates subdunt; Et dies Solis, quos Dominicos rûe dixere majores, qui repetito in se calculo revolvuntur, parem necesse est habere reverentiam, &c. Sed, ut dixi, vim inferunt in Psal. 117. verbis Prophætæ, qui ad definitum diem naturalem vel artificialem referunt. Extendunt alij, ut Rickerius, inquit Lorinus, post Augustinum, plerosque alios, & Hieronymum alibi, nempe in Isa. 52. diem hanc ad totum tempus novæ legi in qua omnia secunda & læta. Cyrillus Alexandrinus interpretatur diem hanc qua Christus illuxit sol justitiæ, intellectualis lucifer cordibus credentium exoriens. Hactenus examinavimus vetustissima monumenta historiæ scriptis cognata; & quæ allata sunt ex Scripturis Sacris, ut Paschatis festum anniversarium probent esse Apostolicæ observationis, perpendimus. De Temporibus Baptismi restrictis ad festum Paschatis & Pentecostes dicemus suo loco; fatetur Hookerus non ita factum ab initio, & proinde mores postea inveci, de restringendo sive Baptismum sive reconciliationem Pœnitentium

rium ad certa tempora, non probant Apostolos observasse dies illos. Si dies ipse Paschatis non sit festus & solennior aliis diebus Dominicis, multo minus biduum illud annexum ad maiorem solennitatem & celebritatem festi.

Festum Ascensionis quando cœperit observari, incertum est. Sermones qui circumferuntur nomine Cypriani de Christi Nativitate Passione & Resurrectione supposititios esse agnoscit ipse Bellarminus. Clementis Romani Constitutiones non esse scripta genuina, observarunt alij. Verisimile igitur est, quod conjicit Hospinianus, apud vetustiores auctores non fieri peculiarem mentionem Festi Ascensionis, quia quinquaginta dies post Pascha erant dies lætitiæ, licet non dies cessationis, & eo numero comprehensus erat dies Pentecostes. Feria quinta septimanæ penultimæ ante Pentecosten completur dies quadragesimus à die resurrectionis, sed unde illis constat exclusivè an inclusivè numerandus sit.

Pentecosten Epiphanius elicit ex locis Scripturæ 1 Cor. 16. Act. 20. Hic non audet fidenter adstipulari ipse Bellarminus. Et quamvis non sit omnino certum, an loquantur hæ Scripturæ de Pentecoste Iudæorum, an Christianorum; tamen Epiphanius exponit de Pentecoste Christianorum. Francolinus, Tunc temporis non erant celebres Christianorum festivitates, cum Evangelium non esset adhuc plene promulgatum. Non necesse erat, ut Pentecosten Christianorum ageret Hierosolymis Apostolus, si Christiani observassent more suo Pentecosten. Pentecoste eorum habet biduum annexum sicut Pascha; qua sublata tollitur & accessorium.

Festum Trinitatis celebratur in Octava Pentecostes seu prima Dominica post Pentecosten. Agnoscit ipse Bellarminus, hoc festum esse recentius. Nam Alex. III. ponit, suo tempore fuisse quidem in usu apud quasdam Ecclesias, non tamen Romanæ. Micrologus reprehendit eos, qui hoc festum celebrant, & præfationem de Trinitate monet omnibus diebus Dominicis cantari solitam, neque propriam fuisse festi Trinitatis. Verba Decretalis Alex. III. de Festo Trinitatis sunt ista; festivitas sanctæ Trinitatis secundum consuetudines diversarum regionum à quibusdam consuevit in octavis Pentecostes, ab aliis in Dominica prima ante adventum Domini celebrari. Ecclesia siquidem Romana in usu non habet quod in aliquo tempore huiusmodi celebraret specialiter festivitatem: cum singulis diebus, Gloria Patri & Filio & Spiritui Sancto, & cetera similia dicantur ad laudem pertinentia Trinitatis.

De Festis Ecclesiæ Anglicanæ in particulari diximus quantum sufficit. Nam non vacat omnia & quoad minutissima quæque persequi. Observanda sunt quoad numerum festorum ista duo; primum, non longè inferiores esse ipsis Pontificiis quoad festa generalia, ad quæ obligantur Pontificii. Nam etsi habeant festa particularia in Provinciis & Diocesisibus, & generalia etiam quædam ex consuetudine vel devotione, tamen quoad Festa sub præcepto generalia non multum superant Anglos. Secundo, Sabbata habent plura quàm Judæis Deus imperaverat. Nam etsi dies Azymorum, & Festi Tabernaculorum erant dies solennes respectu quorundam rituum & sacrificiorum; primus & ultimus duntaxat erant Sabbata seu dies cessationis ab omni opere servili. Sic præter Sabbatum ordinarium, habebant 7; primum & septimum azymorum, primum & octavum festi Tabernaculorum, festum Tubarum, diem Expiationis, & Pentecosten. Dies inter 1 & 7 in festo Azymorum, & 1 & 8 festi Tabernaculorum erant profesti, & in eis operari fas erat. In illis autem solennibus, 8 aut 7 dies obeuntur, semper primus & ultimus eorum dierum est festus, ut in solenni σκηνοπηγας, de quo loquimur. Intermedius opus sit. Itaque illi dies vocantur Chol, id est prophani, profesti. Quod si sabbatum in illos intermedios dies inciderit, dicitur shabbath bechol, σάββατον ἐν τῷ παντὶ ἱερῆς, Quod Johannes Evangelista vocat μετὰ τὴν ἱερὰν, Judæis dicitur Chol mogned. Epistolæ & Evangelia

*De Scriptori-
bus Ecclesia-
sticis. p. 93.*

*De Cult.
Sanct. Cap.
13.
Francolinus
de Horis Ca-
nonicis. Cap.
84.*

*De Cult.
Sanct. c. 15.
Decretal. l.
Titul. de Fe-
riis Cap.
Quoniam.*

*Scaliger de
Emendat.
Temporum
assig. p. 523.*

assignantur diebus festis, quia solebant diebus festis celebrare Missam sub Papatu. Nam ad nulla alia sub præcepto obligantur opera sanctificationis, nisi ad audiendum Missam; non ad Officia Horaria, aut privatos orationes, aut meditationes. Ad ista hortabantur, sed non obligabant. Inde est, opinor, quod in Libro Liturgiæ Anglicanæ ante Collectas, Epistolas, & Evangelia habetur ista Rubrica, *Epistolæ, ac Evangelia, ad sacram communionem sive in Cœna Domini dicenda per totum annum*. Nam etsi non celebrent Cœnam singulis festis, sub Papatu tamen Missam celebrare solebant.

Diem Dominicum agnoscimus, & ut Divinum, non humanum, institutum accipimus. Praxis Christi & Apostolorum & Ecclesiarum Apostolicarum hunc diem nobis commendarunt Joh. 20. 16. & 26. Act. 2. 1. & 20. 7. 1 Cor. 16. 1, Revelat. 1. 10, Dixi Christi, quia Christus die Dominica resurgens apparuit sæpius, nec legimus post diem resurrectionis apparuisse iterum ante octavum diem. Sabbatum ab Apostolis in diem Dominicum versum dicit Bellarminus. *Quidni etiam a Christo?* respondet Junius. *Qui conventus Apostolorum, discipulorum & Ecclesiæ suæ, consecravit eo die præsentia sua plurimum*. Et Sabbatum in diem Dominicum mutatum dicit, non traditione humana sed Christi ipsius observatione atque instituto, qui & die ipsa resurrectionis & octavo quoque die usque dum in cælos ascendit, apparuit discipulis, & in conventum eorum venit: idemque constante Apostolorum & discipulorum observatione factum est, & Ecclesiæ Christi, cui ex instituto & exemplo ipsius Apostoli tradiderunt diei Dominici observationem. Et paulo post. *Quamobrem cum dies Dominicus Christo factus, exemplo, institutoque Apostolorum, & Ecclesiæ veteris observatione constantissima, & Scriptura teste fuerit observatus & subditus in locum sabbathi Judæici: incepte faciunt, qui observationem diei Dominici ex traditione, non ex Scriptura sacra, in Ecclesia perdurare asserunt, ut hominum traditiones his adminiculis, si Deo placet, statuantur*. In Præcepto de observatione Sabbati consideranda sunt jus naturale, jus positivum, jus ceremoniale. Jus naturale suadet & dicat, tempus dicandum cultui divino; positivum determinat diem vel horam; ceremoniale addit ritus, ceremonias, & significationes. Naturale obligat omnes gentes; quod earum solennitates & statuta tempora ac feriæ sacræ ostendunt. Positiva etiam determinatio ipsius diei, nempe quod unus ex septem in circulo hebdomadico sit sanctificandus, obligat omnes gentes. Nam etsi jus naturale non doceat septimum magis quam decimum aut nonum diem dicandum esse cultui divino, ut diversitas determinationis apud varias gentes ostendit; tamen positiva diei ipsius determinatio obligat omnes, quia hæc determinatio ab ipso Deo posita est & imperata ante legem & ante lapsum Adami. Adamus autem repræsentabat totum genus humanum. Ad posteros Adami devenit non per lumen naturale, sed per traditionem. Deficiente paulatim universo fere orbe in errores & Idololatriam, non mirum est extinctam & oblivioni traditam traditionem istam. Vestigia tamen quædam hujus instituti inanebant præsertim in Oriente. Eusebius de Præparat. refert; *septimum diem non Hebræos tantum sed omnes fere tam Philosophos quam Poëtis sacratiorem esse cognovisse*. Scaliger de Emendatione temporum, *Primum omnium ex diebus dicitur Septimana, res omnibus quidem Orientis populis ab ultima usque antiquitate usitata, nobis autem Europæis vix tandem post Christianismum recepta*. In Oriente, ubi datum præceptum & propagatum erat in initio genus humanum, Systema dierum septem constituerunt: quod proculdubio ab observatione Sabbati manavit, licet postea 7 illis diebus Planetarum nomina imposuerint. Deus ipse cessavit die septimo ab opere creationis, & Adamum ejusque posteros suo exemplo tum docuit cessandum ab operibus suis, & non cessando solum sed etiam operibus sanctificationis sacravit

De Cult.
Sanct. Cap.
11.
Prælect. in
Gen. Cap. 2
Ver. 2.

L. 13. c. 7.

Pag. 9.

vit diem illum, ut observat Pareus in Genesin Cap. 2. nempe sanctis operibus vacando, & Adamum docendo cultum suum; & proinde eo ipso die incepit sanctificatio diei septimi, nec per anticipationem dicta sunt, quæ habentur Gen. 2. 2. Ut determinatio unius diei in systemate Hebdomadico obligabat omnes gentes, non vi juris naturalis, sed positivi Divini; sic etiam ante Christi resurrectionem ad septimum à creatione diem non modo Judæi sed & Gentes obligabantur vi ejusdem positivæ determinationis. Non reliquit arbitrio hominum aut prudentiæ humanæ istam determinationem, vel quia prævidit negligendum cultum suum, vel quia ipse sapientia infinitus optimè poterat servata proportionem definire quantum temporis vindicandum sit à cura *tot. hietitum* & tribuendum cultui Divino. Hæc cum ita se habeant, nempe quod determinatio Diei Septimi fuit non modo Ceremonialis id est figurativa, sed etiam Positiva Divina ante latam Legem Ceremonialem, non potuit abrogari nisi Divina autoritate. Sive Christus ipse, sive Apostoli, non ut ordinarii Pastores aut autoritate communi sed ut extraordinarii Ecclesiæ Architecti instinctu Spiritus Sancti, mutarunt diem Dominicum, perinde est. Nam utrovis modo mutatio erit ex instituto Divino. Sed ordinaria potestate quæ adhuc durat in Ecclesia id tentasse Apostolos, non est credendum. Alia Sabbata, quæ erant anniversaria & purè ceremonialia, abrogata erant, & adveniente corpore ut umbræ evanuerunt. At dies iste Septimus erat à Deo positus ante umbras legis; & quod postea factum fuerit etiam umbra, illud erat accessorium ad primum institutum. Concludo igitur, diem Dominicum esse institutum Divinum, & proinde immutabilem, nec ordinaria Ecclesiæ potestate transferri jam posse in alium septimanæ diem, nedum legem ipsam de die uno septimanæ cultui divino dicendo tolli. Prærogativas, quibus nobilitatus hic dies, multas numerant. *Eo die Christus surrexit, Spiritus Sanctus descendit in Apostolos, lux creata est. Dies Dominica refert nobis memoriam Natalis Christi, & Resurrectionis ejusdem, & adventus Spiritus Sancti, nam Christus die Dominica natus est; inquit Bellarminus. Leo Epist. 79. c. 1. ait quod dies Dominicæ Resurrectionis tantis divinarum dispensationum mysteriis est consecrata, ut quicquid est à Domino insignius constitutum, in hujus diei dignitate sit gestum. In hac mundus sumpsit exordium, in hac per resurrectionem Christi & mors interitum & vita accepta initium. Eodem die Christum Circumcisum & Baptizatum, & stellam Magis refulsisse, aliaque miracula edita referunt, sed hæc incerta sunt. Utcunque est, non oritur immutabilitas diei ex prærogativis istis, sed fundatur in autoritate instituentis. Nam omnes hæ prærogativæ non efficiunt diem sacrum, nedum immutabiliter sanctum. Si determinatio talis diei, seu mutatio Sabbati in Dominicam esset ex institutione ordinaria & humana, posset abrogari aut prorogari etiam autoritate humana: sed mutationem Sabbati in alium diem aut determinationem talis diei mutari posse negamus ex humano instituto. Quia, ut ait Alexander III. tam Veteris quam Novi Testamenti pagina 7 diem ad humanam quietem specialiter deputavit. De ipsius diei observatione eandem habemus regulam, quam jus naturale postulat in tempore sacratio Cultui Divino. Nam licet non tam rigida esse debeat cessatio Sabbati Christianorum, quam fuit Judæorum, quibus hoc die ignem accendere fas non erat, aut ea parare quæ ad vescendum erant necessaria, quia requies & cessatio Sabbati erat non modo medium ad sanctificationem & cultum diei ut finem, sed etiam significans ceremonia, & figuram figurato exactè respondere oportet; tamen ut diem sacratum observare debemus. Nam jus naturale, quod docet certum tempus dicandum cultui divino; docet etiam ab omnibus aliis operibus cessandum eo tempore quod determinatum est, ut possit quis vacare cultui divino. Determinatio juris naturalis non tollit ipsum jus*

De Cultis Sanct. Cap.

Gratia Dist.

75. Cap.

Quod die.

Titulo de Feriis Cap. 3.

Naturale. Nec simul consistere possunt ista duo, tempus determinatum esse sanctificatum seu segregatum ad pia exercitia cultus Divini, & interim tamen possibile etiam prophanari negotiis secularibus.

Excepto die Dominico, nullum alium agnoscimus sacrum aut sanctum. De Stativis & Ordinariis loquor. Nam de repentinis feriis, ut extraordinario jejunii aut gratiarum actionis die, determinari non poterat ante oblatam occasionem & ut loquuntur, rem natam. Non alios à prima Reformatione observavit dies Ecclesia Scoticana, quam diem Dominicum, & repentinas istas ferias. Non ignoramus, Ecclesias alias Reformatas alios etiam observare dies festos, alias plures, alias pauciores, sed nullas rite Reformatas dies Festos Sanctis dicatos observare, quod faciunt Angli, novimus. Nam Tigurina quæ initio, ut supra dixi, retinuit dies Festos Sanctorum aliquot, postea rejecit. Nostra Ecclesia, inquit Bullingerus,

*Epist. 129.
inter Episto-
las Calvini.*

ante annos ni fallor 12 plura habuit festa; sed abrogatis his solum retinuit diem Dominicam & Festa Christi, Nativitatis videlicet, Circumcisionis, & Ascensionis D. Adjecit & Missionem Sp. S. superioribus propter celebrationem Cænæ. Abrogavit autem Festa alia, quod vicini interpretarentur nos ferias agere Divis. Ergo, ut palam profiteremur nos non colere Divos cultu soli Deo debito, omnia in universum abrogavimus. Gretserus monet lectorem; Claudium Taurinensem, ut in aliis plerisque ita in abolitione omnium dierum, qui sanctis festi erant, Calvinistis prævisse. De eo enim ita scribit Dungalus Lib. ad Ludovic. Pium Imperat. In Litanis & in cæteris Ecclesiæ Officiis nullum sanctorum vult memorare aut nominare, vel eorum anniversaria celebrare festa; sed velut vanam observationem, & inutilem consuetudinem, despiciens omnia permittit, ne quasi per eorum intercessionem aliquid à Deo postulare videatur. Vides, Claudium Taurinensem hos dies Festos Sanctorum, quos retinet in hunc diem Ecclesia Anglicana, ex Ecclesia exterminandos censuisse. Nec vanus fuit Claudii Taurinensis metus. Nam ex commemoratione in Divinis Officiis, & anniversaria solennitate postea addita, sequuta est primum Sanctorum compellatio Rhetorica, deinde aperta invocatio, ut narrat Fildus. Audio, inquit Spalatensis, Ecclesiam Anglicanam ita suam Liturgiam reformasse, ut tamen & præmittat Epistolæ & Evangelii lectionem, dieique Orationem, quæ dicitur Collecta, & Symboli Constantinopolitani recitationem, & vel communem vel specialem præfationem, & hymnum, Gloria in excelsis Deo. Suumque adhibet Canonem cum precibus, & verbis illis Christi, Hoc est Corpus meum, & Hic est calix &c. nihil ferme nisi in verbis à Canone nostro discrepantem. Sanctorum tamen abstulerit commemorationem. Ego sanè non video, cur illa fugienda sit commemoratio. Nam in nostro Canone Sancti non invocantur, si invocatio Sanctorum scrupulo carere non videatur. Commemorationem illam in Divinis Officiis, quam Dionysius vocat ἀνάμνησιν τῶν ἁγίων

*De Festis
p. 50.*

*De Eccles.
l. 3. p. 109.
Spalat.
de Republ.
Lib. 7. Cap.
12. Num.
103.*

ἁγίων sacrorum codicum promulgationem, compellationem primum Rhetoricam, deinde invocationem introduxisse, docet Fildus, & testatur eventus; & proinde merito sublata commemoratio ipsa. Sed querere debuit Spalatensis, cur sublata Sanctorum commemoratione in Canone Missæ retinuerint anniversariam cum solennitate commemorationem non modo nominum, sed etiam actorum, & dies Festos Sanctis dicatos. De Festis Christo dicatis, utcunque se habet praxis in aliis Ecclesiis Reformatis; certum est nullas Ecclesias Reformatas existimare nos in eo peccasse, quod non alios dies sacros aut festos retineamus quam diem Dominicum. Præterea nemini consultum videri arbitror, post 60. annorum exilium in Ecclesiam ullam quasi postliminio revocandos, & sub eorum jugum invitam Ecclesiam esse redigendam. Tertio quod etiam ubi in aliis Ecclesiis Reformatis retinentur, non deerant tamen Viri Docti qui testati fuerint sibi non omnino probari ullum diem præter Dominicum. Excipio semper Ferias repentinas ut supra dixi. In Synodo

*Hierarc. Ec-
cles. Cap. 3*

Dordra-

Dordracena ann. 1574. conditus iste Canon, ut habet Gretserus. *Quod ad dies festos attinet, excepto die Dominico, quibus à labore manuali solet abstineri, & conventus in templis celebrari solent, conclusum est, solum diem Dominicum servandum esse. Recepta tamen est consuetudo de Nativitate Christi. Et in Synodo Belgica anno 1578. Opandum foret nostros sex dies laborare, & diem solum Dominicum non laborare: ut habet Schuldingius Lib. 9. Anacrisicos. Lutherus in Libro ad Nobilitatem Germanicam dicit consultum esse, ut omnia festa abolerentur, solo Dominico die retento. Et in Libro de Bonis Operibus ann. 1520. Utinam, inquit, apud Christianos nullum esset Festum, nisi dies Dominicus. Calvinus Epist. 128. refert, in Ecclesia Genevensi auctoribus Farellis & Vireto ante ipsius in eam urbem ingressum abrogatos fuisse omnes dies Festos præter Dominicum, eandemque rationem sequutam novam Bernarium provinciam. Intelligit, ut videtur, Episcopatum Lausanensem, quem per ea tempora occupaverant Bernatenses. Surrexit N. nec minus tumultuosus pro diebus festis, quam olim Victor Romanus pro suo Paschate pugnavit. Ex quo autem fuimus expulsi, nempe Calvinus, Farellus, Viretus, quatuor dies festi cum aliis quibusdam ritibus constituti sunt. Tandem tamen plebiscito rursus abrogatos. Nec verò hæc sola fuit Ecclesia, quæ nullis, præterquam diei septimæ, feriis retinuerit. Argentorati enim olim institutum erat. In Synodo Nationali habita in Scotia anno 1590. Britanniarum Rex Jacobus VI. se felicem prædicavit, quod natus esset ad regnandum in ea patria, ubi vigeret in summa puritate Cultus Divinus, in Ecclesia totius terrarum orbis purgatissima, multo puriore Ecclesia Anglicana, (nam quid, inquit, illorum Liturgia nisi Missa Anglicæ ineptius recitata?) sinceriore etiam ipsa Genevensi. Nam illi observant Pascha & Pentecosten: qua auctoritate id faciant, ipsi viderint. Jam tamen obtrudit Ecclesiæ Scoticæ eosdem & plures alios dies festos aliosque ritus Romanensium qui adhuc reliqui sunt in Anglia, & in Ecclesiam purgatissimam sordes Anglicanæ invehendas curat.*

Ne videamur aliorum iudicio niti, ac absque ratione ulla insanire, subjiciam rationes quasdam contra dierum Festorum observationem. Sed primum dispiciendum est, quid sit Festum. Nam dies Dominicus proprie non est dies Festus. Festum à Theologis latius quandoque sumitur, & extenditur ad ipsa jejunii stata tempora, ut cum dicunt Festum Expiationis, cum tamen proprie loquendo dies Expiationis non erat proprie dies festus. Nam licet Hebraicum Moyses comprehendat omnia stata tempora, siue jejunii, siue festivitatis, siue ad usum moralem, siue mysticum, & verborum penuria reddant quandoque festum; tamen festum proprie est dies festivitatis & hilaritatis. Festum proprie loquendo, inquit Piscator, est *In Gal. 4. 9.* publica & solennis ceremonia à Deo mandata, ut certo anni tempore cum singulari letitia obeatur ad gratias agendum Deo pro certo aliquo beneficio in populum suum collato. *10. 11.* Sicut ex inductione exemplorum, puta festi Paschæ, Pentecostes, & Tabernaculorum, colligere promtum est. Atqui tale mandatum in Novo Testamento nullum habemus. Hookerus, Hierarchicus & ceremoniarum Anglicanarum Advocatus & Atlas, scribit tria esse dici festi elementa; Laudes cum alacri mentis hilaritate memoratas, gaudium erum- *Polit. Lib. 6.* pens in liberis charitatis plusquam ordinaria exercitia, & sequestrationem ab omni oc- *Secl. 7.* cupatione ordinaria seu quotidiana. Ex his patet, diem Sabbathi non fuisse, nec ἀναλόγως ei respondentem diem Dominicum esse proprie, dies festos. Nam die festo non fas erat jejunare. Non enim cum festivitate diei festi convenit jejunium & luctus. Ideo Nehem. 8. 10. in Festo Tabernaculorum, cum flet populus, dum audirent verba Legis dixit eis Nehemia: Ne lugere neque flere: abire, comedite pingua & bibite dulcia, ac mittite portiones cuiusque nihil est paratum. Nam sanctus est hic dies Domino nostro; & ne dolore afficiamini, quum gaudium Iehovæ sit robori vobis,

id est, ut interpretatur Iunius; *Ista Dei beneficentia exhilarare vos & confirmare debet, quum vobis terram promissam, urbem, templum, cultum, doctrinamque, restituerit.* Sic Exod. 12. 14. de Paschate dicitur, *quamobrem erit dies iste vobis in monumentum, ut celebretis ipsum diem festum Iehove*, וַחֲתוּם אֶתוֹ חֹן לִיְיָוִה / id est, diem cum festiuitate celebrabitis. Sic Num. 29. 25. de Festo Tabernaculorum eadem habentur verba. חַגִּיגָה significat circumnagi, saltare, tripudiare, & inde per metonymiam, inquit Schindlerus, festum diem agere vel quasi dicas festiuiare, quia festis diebus lætitiā suā choreis & saltationibus declarabant & adhuc declarant Iudæi: unde etiam חַג non modo diem festum sed diem lætū in genere significat, quod edunt, bibunt, & saltant homines. Tres solennitates, quibus apparebant omnes mares coram Domino, vocarunt חַגִּיגָה. Deut. 10. 11. præcipitur ut festis anniversariis lætentur coram Domino. *Et lætaberis coram Iehova Deo tuo, v. 14. lætaberis autem celebrando festum, v. 15. erisque tantummodo lætus.* Inde etiam est, quod in Synodo Laodicensi vetitum fuit in Quadragesima nuptias vel quælibet natalitia Martyrum celebrare, quod adhuc observant in Ecclesia Mediolanensi, ut refert Glossa in 33. Quæst. 4. Cap. Non licet. Iohan. 19. 31. *Erat enim magnus ille dies Sabbati.* In hæc verba sic commentatur Casaubonus; *Parenthesis ab Evangelista adjecta valet ad indicandum eximium cultum ejus Sabbati præter communem religionem dierum septimorum.* Propterea dicit Iohannes fuisse illum diem magnum. *Judeis bonus dicitur dies festiuitate aliqua solennis, ut primus & postremus Azymorum, item primus & ultimus festi Tabernaculorum, & id genus alii.* Et infra; *Sabbatum igitur, de quo Iohannes loquitur, propterea dies magnus ab illo dicitur, quia in eundem fuerat feria Paschatis translata.* Idem; *Auctor Megillath Thanith Capite 11. quod est de mense Schebat, ut res diversæ sed quæ magnam affinitatem habent, commemorat, barbe sabbateth Parasceus siue Cænas Puras sabbatorum, & barbe ion tob Parasceus dierum honorum, id est, magnarum solennitatum.* Hic etiam Sabbatum distinguitur à Die Bono, id est, die solennis lætitiæ & festiuitatis. Buxtorfius in Abbreviaturis; *Ion tob, dies bonus, id est, festiuius, seriatius extra sabbatum.* Drusius in Novum Testamentum; *unde intelligentiam habet, fecit diem bonum ac lætū fratribus suis sacerdotibus, id est lauto convivio eos excepit.* Sic vocantur etiam dies nuptiarum. Ex his pater, diem festiuitatis fuisse diem bonum, id est lætū ac hilarem, quo convivia agitabant, & quo nulla luctus vel jejunii signa apparebant. Nullibi invenies nomen Chag, quod tripudiare & saltare significat, tributum Sabbato Hebdomadico, sed tantum Feriis festivalibus. Sabbato jejunare licebat Iudæis, ut pater ex his locis.

*Lib. de Vita Hora sexta, quæ Sabbatis nostros ad prandium vocare solet, supervenit; inquit Iosephus. Sabbata Iudæorum à Mose in omne ævum jejuniis dicata, ait Iustinus; Ne Iudæus quidem, mi Tiberi, tam libenter Sabbati jejunium servat, quàm ego hodie servavi; Suetonius in Octavio. Hæc tria testimonia habet Hookerus, & contendit probabile esse Sabbato Iudæos jejunasse. Forte ad horam sextam, quæ nobis duodecima, ordinariè jejunabant in sabbato; vel si prorogarunt ad vespæram, id fecerunt absque ullo instituto Divino, sicut & alia Jejunia stata ipsi instituerunt. Moses quidem veruit ignem accendere aut cibos coquere; non tamen antè coctos edere. Hæc tamen omnia ostendunt licitum fuisse in Sabbato Hebdomadico jejunare, quod Sabbato anniversario seu die bono Festi non licebat. Sabbato non jejunassent Iudæi, si fuisset propriè Festum seu feriā festiuitatis. In Canonibus qui Apostolorum nomine circumferuntur constitutum, ut Clericus qui die Dominico vel Sabbato jejunaverit deponatur, Laicus segregetur. Balsamon in Scholiis, *Sabbato non jejunamus* ἡμεῖς οὐκ ἐστὶν ἡμέρα ἵερὰ, *ne Iudæos imitari videamur.* Magnum Sabbatum, quod ibi excipitur, est Sabbatum quo corpus Christi in sepulchro jacebat. Sed Augustinus Epist. 118. Cap. 1. refert*

Exercit. p.
479.

p. 477. 478.

Pag. 81.
Pars aliter.
pag. 135.

Lib. de Vita
sua.
Justin. l. 36.

Can. 66.

refert variam fuisse consuetudinem; alios jejunasse die Sabbati, alios vero non jejunasse. Hæc igitur prima differentia inter diem Sabbati & feriam festivalem seu Festum propriè dictum. Secunda est, quod dies Sabbati non poterat prorogari aut transferri in alium diem; feriæ tamen festivales si immediatè præcederent Sabbatum poterant transferri in Sabbatum hebdomadicum. Hoc enim vitabant quantum poterant Iudæi, ne duo Sabbata continua observarentur. Nam & in Hebræico *Kalendario*, & in *Thalmudicis*, & Rabbiorum scriptis instituti hujus causa redditur *Exercit. p. 482.* his verbis: Non facimus, inquit, duo Sabbata continua propter olera & propter mortuos; quoniam mortuorum cadavera in illis calidioribus locis per autumnales calores servari non poterant, neque cibi in plures dies parari præsertim ex oleribus; inquit *Casaubonus*. Sic etiam *Scaliger* in *Libro de Emendatione Temporum*. Cum hoc instituerunt veteres Iudæi, instituerunt autem ante tempora Seleucidarum, unius Tisri rationem habuerunt, qui fere totus solennitatibus exceptus est. Deinde duo sabbata continua incommoda erant in tractu Hierosolymitano propter cibos, quos cōstos biduum continuum asservare tempore autumni ferventissimo in iis regionibus periculosum erat. Item corpora mortuorum asservari non possunt citra putredinis & corruptionis periculum. Itaque propter Tisri hoc institutum. Alioquin aliàs duo Sabbata continua reperiuntur. Anniversaria Festa erant pars legis Ceremonialis; Sabbatum inscriptum digito Dei in lapideis tabulis Decalogi & legis Moralis à Deo ita fixum, ut refigere non possent, sicut dies ceremoniales, quos in illud transferre aut retrahere poterant. Tertia differentia inter Sabbatum & Festa: quod illud institutum præcipuè ob cultum Dei in genere, non ad commemorationem beneficii alicujus, aut particularis mysterii commemorationem. Et proinde Festorum à Deo institutorum usus erat solummodo commemorationis beneficii aut mysterii gratia; sabbati autem observatio imperata fuit præcipue ob communem religionis cultum. Propterea Sabbatum ubique & domi in civitatibus suis observarunt; Festa autem tria anniversaria, quæ *Regalim* vocabant, Hierosolymis observabant. Sabbati cultus ceremonialis in templo erat duplicatio quotidiani sacrificii & cultus; Festis autem præscripta erant peculiaria sacrificia, & peculiare ceremoniæ, iisque adstringebantur, adeo ut nefas esset eundem cultum ceremoniale extra festum proprium & destinatum celebrare. Unde dictum illud Hebræorum *עבר זמן עבר קרבן* / *transit tempus, transit oblatio*. Habebant immundi Pascha suum succidaneum & fiebat interdum translatio feriarum, sed simul cum tempore & feria translatus cultus ceremonialis. Sabbatum erat antiquitus & præstantius omnibus aliis Festis Dei digito tabulis inscriptum. Cum omnia festa celebrentur, vel in memoriam beneficii præteriti, vel ad significandum aliquid *De Cult. Sanct. Cap. 11.* futurum, Sabbatum in utroque excellebat, ait *Bellarminus*. Nam quantum ad præteritum, colebatur in memoriam primi & communissimi beneficii ad est creationis mundi. Quantum autem ad futurum, figura erat beneficiorum Dei, ad quæ omnia alia revocanda sunt, nempe ut ibi interpretatur, quietis Christi in sepulchro, quietis mentis humanæ ab operibus servilibus peccatorum, quietis sanctarum animarum post mortem in sinu Abrahæ, quam distinguit more suo à quiete gloriosa & beatitudine sanctorum in coelis. Sed hujus loci non est ista discutere. Quod ad diem Dominicum, in quem Sabbatum translatum est, & mutatum à Christo Sabbati Domino, & cui analogicè respondet; non est propriè Festum, seu feria festivalis, & impropriè loquuntur Theologi, cum diem Festum vocant. Nam die Dominico, æque licitum est Christianis jejunare, ac fuit Iudæis Sabbato, quod sæpissimè in Ecclesia nostra Scoticana factum. Nihil nos movet vetus illa consuetudo non jejunandi die Dominico. Eadem illius origo, quæ & alterius ritus de geniculis non adorandi die Dominico. Die Dominico jejunare nefas ducimus, & de geniculis adorare; inquit *Tertullianus*,
Q99 3

tullianus. Sed ritus iste posterior quingentos fere jam annos cessavit in Ecclesia; nec nefas ducunt de geniculis jam adorare die Dominico ipsi Pontificii. Canone 66. Constitutionum Apostolicarum veritum, jejunare die Dominico vel Sabbato. Sed audiamus Balsamonem. *Excipe autem, inquit, mihi divinos. Patres, qui propter exercitationem nonnunquam jejunant etiam his diebus. Hi enim non condemnabuntur.* Cur excipiendi, si nefas esset jure divino die Dominico jejunare, aut si dies Dominicus esset dies festus? Et in eundem Canone Zonaras ait; *Nisi per dies certos jejunet aliquis, per decem verbi gratia, vel octo, pietatis atque religionis studio, illisque determinatis jejunii diebus incidant & Sabbata & Dominici dies.* Quod & multi sanctorum Patrum fecisse comperiuntur, ad quadragesimum usque diem jejunantes. Melchias Papa idem de die Dominico & feria quinta præceptum edidit. *Jejunium dominici diei, inquit, & feriæ quintæ nemo celebrare debet, ut inter jejunium Christianorum & Gentium veraciter credentium & infidelium atque hereticorum vera & non falsa discretio habeatur.* Cum Paulus Troade sermonem ad noctem usque continuaret, priusquam cibum sumeret, supersticiosus iste ritus non jejunandi die dominico nondum invecus erat, nec de hujusmodi ineptiis somniabant Apostoli. Præterea die Dominico non celebramus particulariter memoriam resurrectionis Domini, aut alicujus particularis mysterii religionis, sed exercemur generaliter & indefinitè in omnibus religionis mysteriis percipiendis & recolendis, atque omnibus pietatis & cultus Divini officiis peragendis, tum publicè tum privatim. Et, ut Iudæi in Sabbato non habebant selectas Scripturæ partes quas legerent, sed ordine legebant Mosen & Prophetas; sic nos die Dominico non habemus proprias collectas, proprias Lectiones, & ut vocant, Euangelia & Epistolas, aut proprias commemorationes, sicut diebus festis hujus vel illius Sancti, hujus vel illius mysterii religionis, cum propriis sectionibus & collectis, epistolis & Evangeliiis. His præmissis, jam patet quis status controversiæ, nempe, an præter diem Dominicum alios liceat observare dies qui Festi dicuntur, id est; qui tribus his elementis constituuntur; nempe commemoratione particularis beneficii aut mysterii religionis, seu laudibus personæ alicujus particularis; cessatione ab operibus & occupationibus prophanis seu communibus; & festivitate ac hilaritate ejusque indicis, ut conviviis, aliisve hilaritatis, liberalitatis, & beneficentiæ extraordinariæ signis, & contra abstinendo à mœroris & luctus aut jejunii signis aut exercitiis.

Primum argumentum contra observationem Festorum petitur è verbis Quarti Præcepti in Decalogo; *Sex die us operaberis* Hæc verba continent vel præceptum vel permissionem. Si præceptum operandi sex diebus, ergo nullus potest cessationem ab omni opere imperare: si permissionem, ergo, nullus potest hanc libertatem populo eripere & simpliciter cessationem ab omni opere imperare, vel etiam ob Cultum Divinum. Sed audiamus quid contrà Tilenus. *Hoc testimonio, nempe Calvinii Institut. Lib. 2. Cap. 8. Sect. 32. jugulatur utraque zelotarum Exceptio. 1. Quod solus Dei sit instituere dies festos. 2. Quod cum Quarto Præcepto sex dierum labor vel imperetur vel permutatur, nefas sit, vel quod imperat Deus vetare, vel quod permittit Ecclesiæ eripere. At quemadmodum imperium illo Præcepto significari Calvinus, cuius vos nunquam defugietis auctoritatem, pernegat; ita permissionem Dei principibus suum circa res medias jus imminuere, nec Calvinus nec quisquam sobrius dixerit. Num enim ob permissum hominibus dominium in volucres cæli, in pisces maris, & bestias agri, impie fuerint Principum leges, quibus aucupii, piscationis, & venationis, libertatem subditis aliis indulgent, aliis adimunt? Nonne in Genevensi quoque Ecclesia præter diem Dominicum statis diebus habentur conciones & preces publicæ, quibus à consuetis operis plebs advocetur & modò antemeridianis modò pomeridianis horis feriat? Non dixit Auctor*

Para-

Parasynagmatis, verba illa continere Præceptum; sed iudicio quorundam Interpretum imperari assiduam in vocatione nostra diligentiam. Itaque non displicet mihi ^{Zanchius in} *sententia eorum qui sentiunt his verbis, sex diebus operaberis, contineri Præceptum 4. Præceptum de otioso otio vitando, ut quisque pro sustentanda vita tum sua tum proximi sui operetur tum.* aliquid manibus suis. Itaque videtur hic Deus populo suo instituisse vitam activam & contemplativam, quam vocant, tempusque totum illi præscripsisse ad utrumque vitæ genus. Loquor autem de operibus externi & ceremonialis cultus. Nam ad internum cultum quod attinet atque opera charitatis, oportet quotidie &c. inquit Zanchius. Hoc dato, non video quomodo possint iidem Interpretes concedere alios dies Festos præter diem Dominicum. Sed dato, quod verba illa non contineant præceptum, sed permissionem, dixit Auctor ille non posse libertatem istam eripi quam dedit Deus. Non propterea ademini Principi potestatem omnem condendi ferias, aut Ecclesiæ statuta tempora concionum & precum, aut extraordinarias jejunii vel gratiarum actionis ferias. Nam de primo genere dixit, posse Magistratum imperare cessationem ab opere œconomico & privato, propter armilustrium, aliave publica regni negotia & commoda communia. Sed illud non erat imperare simpliciter ferias, nedum dies festos, sed *κατὰ τὸ* tantum. Nam abstinere ab operibus privatis & œconomicis, ut vacare possint publicis & politicis. Quodque membrum a suo opere privato cessans in alio exercetur opere, quod ad totius corporis præservationem tendit. Et, ut est natura feriæ, sic strictius vel mollius avocantur ab opere privato vel tantum cessat strepitus litium & iudiciorum. Sed Principi non licet imperare cuivis simpliciter, & absque ordine ad bonum commune & publicum, ut ferietur, ne vel cerdoni feram tractet. Hic obiter notandum, quomodo Willerus applicet legem illam Codicis Lib. 3. Tit. 12. l. 4. *Principis est ferias condere.* Si solius Imperatoris or- ^{Synops. p. 438.} bis terrarum domini sit, inquit, ferias civiles condere, in Ecclesia feriæ sacræ solius Christi Domini & Regis Ecclesiæ institutioni inniti debent. Notandum etiam in Titulo illo de Feriis, ferias quas lex dicit esse solius Principis condere, esse eas quæ ob res prosperè gestas indicuntur & repentinæ dicuntur. Gratiarum actiones extraordinarias non negamus. Quod ad secundum genus, Statas nempe Horas concionum & precum extra diem Dominicum, non damnamus. Habemus & in nostra Ecclesia hæc statuta tempora, sed tamen neminem cogendum ad feriacionem ab omni opere, ut concioni & precibus vacare possent, sentio. Qui possunt commodè, & quando possunt, hortandi sunt & monendi ut intersint; sed si libet dare operam negotiis sæcularibus, non est libertas illa, quam concessit Deus ad mitigandam quam irrogavit poenam, *in sudore vultus tui comedes &c.* adimenda. Dies Septimanæ sex inter duo Sabbata interjecti dicuntur Hebræis *Chol hashabbath*, ut supra vidimus dies interjectos inter primum & ultimum solennitatis Azymorum & Tabernaculorum dictos *Chol mogned*, id est dies profestos solennitatis. Sic dies sex septimanæ dicuntur *Chol hashabbath*, id est dies profesti Sabbati seu Septimanæ. Nam à Sabbato denominatur tota septimana Sabbatum, ut cum dixit Phariseus, jejuno bis in Sabbato; & dies particulares, una vel prima Sabbati, secunda Sabbati, tertia Sabbati. τὸ μεταξὺ σαββάτων est *Chol hashabbath*, quas *ἐντὺν ἡμέραις* vocat Plutarchus in *Quæstionibus Romanis*. Quare legimus apud Lucam in *Actis* Cap. 13. *Gentes orabant eum, ut eis τὸ μεταξὺ σαββάτων* reliquis septimanæ diebus eadem sibi exponerentur, perinde ac in Sabbato, quo solo *Ἰудæι* in *Synagogas* & *Προσευχὰς* conveniunt. Quomodo dici possunt sex dies *Chol hashabbath*, si mutari potest dies septimanæ in Sabbathum, aut totum illud intervallum dici *Chol hashabbath*, tempus profestum seu prophanum Sabbati vel Septimanæ, si parte dies alicujus potest constitui Sabbathum Statum & Ordinarium. Eadem est potestas indicendi integrum diem.

Scaliger de
Emendar.
Tempor. Lib. 6. vel pag. 524.

diem, & mutandi *ἡμέρας ἑσπερας* in *ἀσπερας*, quæ constituendi dies intercisos, partim nefastos partim profestos, ex parte Sabbatum sacrum, ex parte diem prophanum. Et neminem arbitror dicturum posse Ecclesiam aliud Sabbatum Hebdomadariū constituere præter Dominicum. Si quis dixerit, non esse parem rationem diei & partis diei; fateor, si charitatis regulas respicias, quia gravius est onus, si integer dies imperetur: tamen respectu potestatis eadem est & par ratio. Possunt abuti potestate sua qui jus illud sibi vendicant, de quo abusu jam non differo: sed si abusi fuerint, manet tamen salva jurisdictione potestatis, & sic dies integer observandus esset, si imperare diem statum septimanæ statutibus æquum videretur. Quod ad tertium genus, nempe repentinas Ferias Jejunii & Gratiarum actionis extraordinarias, de quibus in Præcepto determinari non poterat, quia novum natæ occasiones, orta occasione indici & determinari posse & debere dicimus. *Indicite*, Heb. sanctificate, jejunium, proclamate diem interdicti, Heb. *gnatsarah*, Joel 1. 14. dies interdicti dicitur, quo omni opere servili interdicebatur. Sic Dies Octavus Festi Tabernaculorum dicitur dies interdicti, die *Octavo* convocatio sancta esto vobis, quo offerretis igne absumenda *Jehovæ*, dies interdicti est, nullum opus servile facite. Lev. 23. 36. Sic vocatur ultimus dies Paschatis Deut. 16. 8. *Gnatsareth* nullum festum vocari potest, inquit Scaliger, nisi ex τῷ πῶς τῇ, est enim clausula alicujus cultus aut sollemnis festi, in quo habet *συναγωγῆς*. Tria ait esse *gnatsareth* id est clausulas festorum in anno, Octavam Scenopægiæ, septimum diem sollemnem Azymorum, Quinquagesimum diem seu *πενήκωπα τῆς πεντήκωστῆς*. *Gnatsareth* quæque est *παραυγῆς*, quæ extra ordinem indicitur Joel 1. 14. & clausula 7. dierum, quos extra ordinem Encenii templi sacravit Salomo vocatur *gnatsareth* 2 Reg. 10. 20. Sed 2 Reg. 10. 20 hæc habentur verba; Et dixit Jehu, sanctificate diem interdicti *Bahali*, quem proclamaverunt. Videtur velle Scaliger, hos dies dictos *gnatsareth*, quasi festorum clausulas, quia *gnatsar* claudere significat; sed cum aliis etiam feriis sacris tribuatur, dies jejunii potest dici *gnatsareth* aut *gnatsarah*, quia clauduntur quasi manus, vel cohibentur ab opere, & detinetur populus in exercitiis divini cultus. Nam hæc omnia significat *gnatsar*, claudere, cohibere, detinere. Vult igitur Propheta, in extrordinario jejunio ob ingruens aliquod malum feriari omnes, sicut in clausulis festorum solennium solebant. Id ipsum naturale dictamen rationis docet, ingruente aut imminente magno malo subducendas manus ab opere præsentis, easque levare ad Deum, & deprecari veniam delictorum, ipsiusque gratiam implorare. Analogicè eodem naturæ jure docemur parta aut oblata insigni ab insigni malo liberatione, ab aliis negotiis sæcularibus cessare, ut gratias agamus Deo; In die quoque lætiæ vestræ, & in solennitatibus vestris & principiis mensium vestrorum similiter clangetis tubis illis &c. In die lætiæ vestræ, id est, ut interpretatur Junius, si quando vos Deus lætitia publica extra ordinem affecerit, cujus lætiæ nomine par sit Ecclesiam publicas ei gratias agere. Cum igitur dicimus, libertatem operandi sex diebus à Deo concessam non esse populo eripiendam; nec politicas ferias, sive sint tantum feriæ in ordine ad strepitum judiciorum tempore messis aut vindemiæ, sive sint feriæ in ordine ad cessationem ob opus politicum & commodum publicum, nec statas horas precum & concionum *bechol hashabbath* dummodo libera sit earum obligatio, nec lætiæ aut jejunii dies extraordinarios, & pro re nata indictos tollimus. Excipimus etiam quos ipse excepit, nempe dies festos anniversarios, quos ipse statuit. Nam qui permisit Dominus sex dierum usum, sibi reservavit potestatem suam, qua jugum populo suo imponere poterat. Et certe dies Festi anniversarii, quibus tenebantur mares apparere coram Domino erant pars non minima jugi illius quo premebantur Judæi. Æquitatem dictam

Canones Ista.
rog. p. 218.

dictam viderunt ipsi Canonistæ. Nam Part. 3 Decret. Distinct. 3 Cap. 1. habentur hæc verba ; *et ille festivitates quas singuli Episcopi in suis Episcopatibus cum populo collaudaverint. Et in Decretalibus, Titulo de Feriis Cap. Conquestus. Cæterisque solennitatibus, quas singuli Episcopi in suis Diocæsesibus cum clero et populo duxerint solemniter venerandas.* His verbis videmus, non debere Episcopos in Diocæsesibus suis diem festum particularem imperare sine consensu cleri & populi. Verbum *collaudaverint*, requirit consensum expressum. Æquitas postulat, ut cum hujusmodi præcepta non sint necessaria ad salutem, ut ipsi fatentur, & aliàs possit inde gravari populus dum à lucro & labore cohibetur, sine suo consensu non cogendus sit. Quod de unius Dioceseos Episcopo dictum, ad omnes unius nationis Episcopos in Concilio Congregatos, adde & Clerum, extendi potest, nempe non posse imperare feriam prætextu cultus divini, nisi consenserit & collaudaverit populus, magis quàm imperare possunt decerpendam particulam è bonis temporalibus ad usum præsertim non necessarium. Quàm iniqua igitur tyrannis ista, qua dierum Festorum observatio vi obtruditur invito populo & Ecclesiis nostris, cum sit ex earum rerum genere, quæ præjudicium afferunt & damnum, & non necessariae sunt. Si daretur unumquemque Christianum posse se voto obligare ad sanctificandum diem aut observandum tempus festivum, aut etiam majorem populi partem; non tamen sequeretur posse Synodos Episcoporum & Cleri legem illam imponere. Nam quodcumque est materia voti, non est materia legis; potest enim quis Deo promittere actus interiores. Præterea votum non est lex nec actus jurisdictionis: quapropter etiam si votum sit majoris partis populi, obligaret tantum volentes & consentientes; quia votum obligat non in vi legis sed tantum in vi promissionis. Imo etiam si totus populus voveret, obligarentur tantum vi promissionis singuli, non vi legis. Et proinde non sequeretur, populum consentientem posse vovere illud; ergo Episcopos & Clerum posse de eo legem imponere, & actum jurisdictionis circa illud in populum non consentientem exercere. Sed ne voto quidem obligare se potest ad diem sanctificandum, aut festum observandum. Quia non licet diem ullum sanctificare, etiam privatim. Nam sacrare diem est segregare ab omnibus exercitiis prophanis ad religiosa exercitia, aut præterea in specie ad commemorationem alicujus beneficii aut mysterii, aut etiam sacram significationem imponere; ut Augustinus distinguit inter diem Natalis & diem Resurrectionis, quod prior in memoriam, posterior etiam in sacramentum institutus sit. Nam destinare tempus ad exercitia religionis, adeo ut non liceat eo tempore exercere negotia secularia, est sanctum efficere, non natura (nam hoc non profitentur ipsi Pontificii, nec natura sanctior est dies à Deo ipso sanctificatus, alioquin Sabbatum non potuisset mutari in diem Dominicum,) sed usu; quod non potest vel Ecclesia vel privatus quilibet, ubi non munivit autoritate sua Dominus sanctificationem, ut in jejuniis aut gratiarum actione extraordinaria. Nam aliud est, cum privatus quis statuit horam, aut etiam diem, privato exercitio cultus divini cum hac libertate, ut avocante legitima vocationis suæ exercendæ occasione, possit exercitium illud in aliam horam aut etiam diem differre, aut dum hora illa aut die dat operam privato cultui, sentit se non adstrictum, quin illa horâ prætermissa aut die aliam eligere potuisset; aliud ita statuere & cultui divino vacare, ut non liceat illi ea hora aut die quicquid agere quod non sanctum & religiosum. Hoc enim esset sanctificare seu sanctum usu efficere. Prius illud privato manet liberum, & utitur tempore tanquam non utens; cum vero potestas superior illi imponit observationem, tollitur libertas, quam habuit si privato instituto designasset horam aut diem illum ad exercitia religionis privata. Non ergo sequitur; Privatus potest priori modo designare ordinis causa horam aut

diem, quem sentit sibi commodissimum ad privata exercitia, & semper cum libertate ea prætermittit aliam eligendi: Ergo Superior potestas potest illi imponere legem, quam violare non erit illi liberum; vel quod idem, statuere illi horam & diem cum publicis tum privatis exercitiis, quem prætermittere, aliumque eligere, illi liberum non erit. Si dixerint posse imperare diem aut horam ad publici cultus conservationem, quia prospicere debent Superiores, ne pereat cultus divinus, vel curare, ut magis magisque vigeat; respondeo primum, non solum publicum cultum imperant, sed etiam extra convocationes sanctas cessationem ab omni opere. Deinde dico, Deum ipsum prospexisse cultui suo, & quantum existimabat necessitatibus humanis decerpendum ad cultum suum designasse & sanctificasse, reliquum totius systematis septimanæ permisisse usui nostro; ut cultus prætextu nemo amplius libertatem nostram eripere jure posset, ac si de Dei cultu ille magis sollicitus esset quam Deus ipse. Et plerumque qui hoc prætextu tyrannidem suam palliant, nihil minus curant; & diem quem Dominus ipse sanctificavit, & ipsi violant, & edictis suis libertatem prophanandi permittunt: sanctificata prophanant & prophanata sanctificant. Nam idem Dominus, qui diem unum sanctificavit, alios prophanavit, id est, pro sanctis ipse non habet nec habiturus est, nisi casu aliquo à se determinato, nempe jejuniis aut lætitiis extraordinariis ob rationes supra dictas, aut cum ipse sanctificat in usum ceremonialem alicujus festi. Et proinde posterius illud, nempe diem unum aut etiam horam temporis profestis seu prophanis sanctificare non potest seu sanctum efficere privatus aliquis aut Ecclesia, id est ita segregare aut cultui divino dicare, ut non liceat quandiu durat institutio sive in perpetuum sive in annum, sive mensem, &c. (nam perpetuitas, ut dixi Capite Nono non est necessaria ad constituendam rem aut ritum sacrum,) exerceri occupationibus aut negotiis sæcularibus œconomicis & politicis. Catechismus Hollandicus explicatus à Kuchlino Titulo de Festis. *Præterea in Festis non quies externa, ut dictum est in superioribus, sed Sabbathi Sanctificatio requiritur. Hanc autem Sanctificationem solus Dei esse nemo negaverit sanus. Sacrilegium apertum esset, ea hominibus tribui, quæ solus ordinationis divinæ sunt. Ecclesie igitur auctoritati nullus locus in tali Festorum ordinatione. Zanchius in 4 Præceptum. Est autem proprium Dei aliquem vel aliquid ex aliarum rerum prophanarum numero sibi eligere, sibi consecrare, eoque sibi sanctificare, sicut etiam solus est justificare. Et quomodo sanctificavit Sabbatum, interpretatur verbis sequentibus. Cum igitur ait Moses Deum sanctificasse Sabbatum, sensus est, Deum septimum illum diem ab initio mundi à numero aliorum segregasse, sibi, ut in eo ipse prior quiesceret ab operibus suis quæ fecerat, & deinde etiam homines à prophanis tum naturæ nostræ tum huius mundi operibus cessarent, solique cultui divino vacarent, consecrasse. Et infra. Ex quibus constat, dies appellari sanctos, non à causa formali, hoc est non ideo quod aliqua sancta qualitate seu sanctitate donati sint, magis quam alii: non sic dies, qui non sunt realis sanctitatis capaces, sed à fine sic vocantur, id est ideo appellantur sancti, quia ad res sanctas, ad usus sanctos, ad exercitia sancta ordinati sunt, seu quia ad sanctum sanctorum pertinent, & ad ejus cultum. Item; Non igitur permittit suo populo Deus, ut diem ac tempus, quo debeat convenire ad colendum Deum sibi deligat aut instituat; sed vult, ut diem ac tempus à se jam inde ab initio mundi benedictum & sanctificatum suo cultui, ipse etiam Deum colendo sanctificet. Dei igitur sanctificatio est segregatio diei à numero aliorum, ejusque ad divinum cultum dedicatio: hominis sanctificatio est diei à Deo consecrati celebratio & observatio. Institutio est Dei, observatio est hominis. Musculus in 4 Præceptum dicit; si quis sanctificare tentaverit quod non sanctificavit Deus, quod Dei solius est sibi vindicat. Quamobrem dies superat diem, & omnis lux diei per annum à sole data?*

Respon-

Responderetur : *Cognitione Domini disparata sunt, qui mutavit tempora & ferias. Nam ex his alios exaltavit & sanctificavit, alios ex illis reposuit in dierum, nempe profestorum, numero. Ecclesiastic. 33. 7. 8. 9. 10. Videmus itaque, Deum sex dies homini ad hujus vitæ negotia permisisse, ac pro prophanis seu profestis concessisse, quorum aliquem eodem modo sanctificare, ut ipse diem septimum sanctificavit, id est, ad sacrum usum segregare ab aliis, nemo potest. Non est necesse, ut distinguant inter sanctum natura & sanctum usu. Nam nullus dies est natura sanctus, & dicimus etiam ad usum sanctum non esse segregandos, etiamsi usus sit cultus communis non mysticus & particularis, ut in die festo. Objicitur contrà in hunc modum. Potest privatus segregare ex bonis suis, & dicare Ecclesiæ, ut bona mobilia vel immobilia; ergo etiam & ex diebus quos illi permisit Deus ad operandum omne opus suum. Et si privatus potest, totus cœtus etiam potest, vel qui jurisdictionem habent in cœtum. A consensu populi ad potestatem imponendi legem populo non sequi, supra probavimus. Posse privatum dicare partem bonorum suorum Ecclesiæ, non negatur. Sed tempus non est inter privata bona numerandum, nec etiam pecuniaria alicujus cœtus. Sed est ejus generis rerum, quæ naturali jure communes sunt, cujusmodi sunt aër, aqua profluens, mare, littora maris, quorum commoditas & usus æqualis & communis est omnibus. Propterea non tam liberum est cedere de communi usu temporis, quàm de privato alicujus rei privata, propter mutua inter homines commercia. Si enim quisque pro arbitrio suo dicaret seu abdicaret usum temporis, nullus posset servari ordo in mutuis commerciis; sic si quælibet Ecclesia particularis seligeret pro arbitrio, hæc illum, illa alium diem, cessarent etiam commercia. Deus igitur diem unum segregavit, & sibi sanctificavit qui nullius esset; *Quod enim divini juris est, id nullius in bonis Instit. lib. 2. est,* ait Iustinianus. Alios dies juris publici & communis fecit Dominus, ob mutua commercia, ad commoditatem vitæ humanæ. Anniversaria quædam Festa imperavit præterea populo suo ob usum ceremonialem, sed erant etiam illa universalis, seu nationalia, & propterea non impediabant mutua commercia. Præterea privatus, vel particularis quæque Ecclesia, aut etiam plures tenentur exigente publico reipublicæ aut regni commodo semper parati esse ad ea munia seu ministeria peragenda & onera subeunda, quæ ipsis præscribentur. Vides differre tempus à bonis privatis cujuscunque, nec eandem potestatem esse privati aut particularis cœtus, quæ totius reipublicæ & regni. Sed detur parem esse rationem. Non tamen idem est, dicare etiam privata bona, & sanctificare. Ergo etiam nec diem seu particulam dici. Nam sanctificare seu sanctum efficere est eximere rem aliquam ab omni usu prophano, adeo ut non liceat ea re uti in finem aliquem etiam honestissimum extra cultum divinum. Sic nullam rem vel privatum Ecclesiæ membrum vel tota Ecclesia sanctificare potest. Verbi gratia, nullus locus ita dedicatur nec ædificium cultui divino, quin extra tempus publici cultui possit applicari ad usum aliquem honestum civilem, seu opus civile in eo peragi, ut dictum Cap. 5. cum de Templorum Dedicatione differeremus; & præterea potest liberè, etiamsi dedicatum sit, omitti omne exercitium cultus divini in eo loco. Nam non adstringit se Ecclesia ad commune ædificium seu Ecclesiasterium. Potest eo nunquam uti. Potest eo non uti, & potest etiam quandoque uti ad opus civile, imo & potest etiam omnino convertere ad usum prophanum, aliudque commodius sibi comparare. Nam ad propulsandas cœli & aëris injurias comparata sunt ædificia ista, quæ improprie & abusive sacras ædes vocant, eorumque usus civilis est. Non enim existimandum est, quicquid agit Ecclesia ad promovendum cultum Dei, esse sacrum & sanctum. Sed quia consistit Ecclesia ex hominibus, hoc commune est illi cum aliis*

aliis hominum conventibus politicis, quod iisdem eger adminiculis & instrumentis ad actiones suas publicas, quibus alii conventus politici. Vfus proinde templi aut loci est tantum politicus & civilis, non obstante dedicatione. Nam dedicatio communis est etiam aliis locis. Potest enim quis segregare ex fundo suo locum, & dicare usui publico totius civitatis, vel ædificare prætorium & donare communitati civium, sic theatra, stadia, & si quæ alia sunt, quæ universitatis sunt non singulorum. Templum Hierosolymitanum erat ædes sacra, quod non ad propulsandum cœli & aëris injurias tantum, quod commune illi cum Synagogis aliisque ædificiis publicis, extructum, sed etiam in alium usum prophanum convertere aut prætermittere divini cultus in eo exercitium nefas erat. A circumstantia loci veniamus ad instrumenta cultus divini, ut utensilia templi, pulpitum, scamna, exedras, campanas, &c. Hæc omnia etsi dedicaverit quis, non tamen sunt sacra aut sancta: inserviunt tantum necessitatibus humanis & commoditati Ministrorum & aliorum membrorum Ecclesiæ. Alia utensilia sunt necessaria ad sacramentorum administrationem, ut calix, patina, mensa, &c. Nec ista sunt sacra, etsi in hunc usum dedificentur. Nam potest mensa eadem adhiberi ad agapas & convivia communia, quæ ad sacram cœnam; sic poculum & patina. Non sunt igitur sacra aut sancta. Et si quis diceret, hic est sacra patina, ibi sacer calix, illie sancta mensa; dicerem illum mentem jam versari in Templo Hierosolymitano, aut Idolio quodam Ethnico aut Papistico, & secundum illorum usum verba usurpare. Præterea aliud est deputare, aliud dedicare, aliud sanctificare. Dedicare est dominium alicujus rei abdicare & resignare. Sic privatus dedicat Ecclesiæ fundum, ædificium, utensilia, id est, abdicat dominium rei privatae, & transfert in Ecclesiam ejus proprietatem & possessionem. Ecclesia accipit, & utitur re dedicata, ut domina non ut serva, ut libera non ut ancilla, id est, utitur ea re, sed liberè, nempe vel eadem re vel ejus vice alia quam designare libet, & potest ea re dedicata nunquam uti, sed deputare alium atque alium locum, aliud aliudve utensile & instrumentum. Nam ratio quæ movet Ecclesiam frequentare locum à Patrono seu privato dicatum Ecclesiæ, non est dedicatio, sed commoditas. Potest enim liberè designare modò hunc modò illum locum, hunc aut illum collem, antrum, hortum, pratum. Frequentat igitur locum illum dedicatum, non vi dedicationis alicujus, sed tantum vi designationis; designat locum illum, ut commodissimum, ad conventus suos. Est præterea ædificium inter Bona Ecclesiæ immobilia, quæ non potest transferre pro arbitrio in hunc vel illum locum. Immobilitas rei non tollit naturam simplicis designationis. Alia Utensilia pro arbitrio adhibet ad Ministeria cultus Divini, ut libitum fuerit. Tempus inter privati alicujus aut totius Ecclesiæ cœtus bona numerare si quis vellet, inter bona mobilia, non immobilia, numerandum esset. Fingat quis inter Bona Immobilia collocari posse, tamen sola immobilitas non tolleretur, ut dixi, naturam deputationis seu simplicis designationis. Si vero ipsa Ecclesia rem sibi dicatam, vel aliam communem, dedicare vellet, verbi gratia, ædificium aliquod Deo, id est abdicare vel resignare dominium illius loci vel ædificii Deo; nullo usui id faceret, vel ut cultui Divino duntaxat inserviat? Si prius, esset ridicula dedicatio, nam quid opus Deo ædificiis? Si ad cultum divinum, non posset jam Ecclesia exercere in illo loco opus aliquod prophanum, etiam honestissimum, quia Deus est dominus illius ædificii, ut jam supponitur. Imò nec licebit negligere cultum Divinum in loco illo, etiamsi alias extra locum illum aut ædificium liceat etiam Deum colere, si ea lege dedicat & transfert dominium loci & ædificii illius, ut in eo cultus divini exercitia celebret; quod quid aliud est quàm se loco adstringere ut servam, & sanctificare quod solus Deus sanctifi-

care.

care potest? Si vero in suo dominio retineat, potest indifferenter uti ad sacra & prophana. De Ecclesiæ Utensilibus eadem est ratio. Dico igitur, aliud esse liberè designare aut deputare diem aut particulam diei, aliud dedicare, aliud sanctificare. Deputat Ecclesia vel designat diem profestum ejusve particulam ad conciones hebdomadarias, non tamen dedicat. Potest enim ea ipsa temporis particula, ut prophana, sicuti est, uti, eamve negligere, aliamve eligere pro arbitrio, & designare. Si dixerint ejusmodi esse dies suos festos, optarem illis frontem verecundam. Nonne apertè profitentur dedicationem dierum? Nonne eosdem dies dedicatos sanctificandos dicunt sanctis convocationibus, & extra convocationum publicæ exercitia congruenti ferri ab omni opere honesto, ne prophanetur tempus illud consecratum Deo? Nam si non in hunc finem, in quem alium, quæso? Nonne etiam in Liturgia sua & Canonibus, dies sanctos & sacros vocant? Nonne Hookerus Hierarchicorum Advocatus pro ceremoniis dicit *annos esse sola sanctitatis*? Sanctos calices, patinas, mensas, mappas, urceolos, pulpita, sedilia, scamna non dicimus, qui orthodoxè loquimur. Certè nec dies sanctos diceremus, nisi quos instituto suo segregavit & sanctificari jussit Dominus. Potest igitur privatus deputare vel designare tempus aut temporis particulam ad ordinaria pietatis exercitia, aut extraordinaria jejunii aut gratiarum actionis. Sed dedicare, id est ejus dominium & usum resignare & abdicare non potest, ut bona privata. Nam Ecclesiæ non resignat, & proinde Ecclesia non fit domina illius. Cum solo Deo est illi immediatè negotium. Quid Deo cum die aut particula diei nisi ob cultum? Si ea lege dedicat, ut exerceat se in cultu Divino, illud erit sanctificare, nec potest eo die aut temporis particula operari, nam transit jam in dominium Dei, cultoris opinione & intentione, & sic se servum & diem sanctum fecit. Quod si Ecclesia id non potest, nec privatus quivis potest. Si dixerint posse Ecclesiam mutare diem festum in alium, nihil juvat. Nam durante dedicatione est sanctus. Dies septimus seu Sabbati erat abrogandus, tamen durante dedicatione & vi institutionis erat dies sanctus. Atque hæc de Die Festo, quatenus in genere sanctus est & dedicatus cultui Divino; quatenus est memorialis aut mysticus, aliis machinis oppugnabimus.

2 Argumentum sumitur ab Ecclesiæ Judaicæ probatis Festis. Nulla habuit Festa Anniversaria aut Menstrua præter Dominicum diem, & probata, quæ non ipsius Dei auctoritate munita erant. *Atque etiam Sabbata mea dedi ipsis, ut essent signum inter me & ipsos, ut sciretur me Iehovam Sanctificare ipsos, Ezechiel. 20. 12. Sic Exod. 31. 13. Verumtamen Sabbata mea servatote, nam signum est inter me & vos per generationes vestras, ad cognoscendum me Iehovam esse, qui sanctifico vos, id est, ut signo illo profiteamini & coram mundo testatum faciatis, Deum esse qui vos sanctificat, vosque illi populum sanctum esse. Ut signum sit, sicut ait Lyranus, quod sitis Ribera de mibi peculiaris populus, meo cultui specialiter applicatus, & ego vester Deus. Aut aper- Templo l. 5. tius, hac quiete & hoc cultu Sabbati restabimini vos populum esse à me sanctificatum, id Cap. 1. est, mibi dicatum, cum in honorem meum diem septimum præter aliarum gentium consuetudinem custodiat. Unde & ab Ethnico Poëta est; Cultaque Iudæo septima sacra viro. Ovid. l. 1. de De Sabbato hebdomadico in specie idem repetit Dominus v. 17. Inter me & filios Arte Aman- Israelis signum est in perpetuum. Omnia Sabbata, non hebdomadicum solum, à Deo data, & in signum sanctificationis, Dei sanctificantis & populi sanctificati. Sed à Bellarmino clypeum mutantur adversarii. Nam Festum Purim, inquit, non erat institutum à Deo. Respondeo, dies Purim nunquam dici in Scriptura Festum Purim, nec ea nomenclatura appellari, qua dies festi à Deo instituti. Non dicitur conditum tempus eorum *mogned*, (etiamsi *mogned* quandoque latius pateat, & sig-*

nificet non solennitates Festorum, sed etiam quodvis conditum tempus,) sed *termin* tempus determinatum vel conditum, nec etiam dicuntur Sabbata. Sed dices, quieverunt tamen 14. & 15. die. Quieverunt, verum, ab inimicis suis; qui erant Susis quieverunt die 15. qui in reliquis Provinciis quieverunt ab inimicis suis die 14. nam qui habitabant Susis erant pauciores numero, nec poterant hostes suos conficere die uno. Ideo etsi interfecerant viros quingentos die 13. nondum tamen quiescebant ab inimicis suis, & proinde die 14. interfecerunt 300 viros, tum quieverunt ab inimicis suis die decimoquinto, quia jam nulli supererant. Et contextus verborum hanc interpretationem nobis præbet, & disertis verbis dicitur Esth. 9. 16. *ut resistentes pro vita sua quiescerent ab inimicis suis*, & vers. 22. *pro ratione dierum quibus quieverunt ab inimicis suis*. Instituit Mordecai, ut quotannis celebrarent eos dies convivii & lætitiæ pro ratione dierum quibus quieverunt ab inimicis suis. Vides quomodo ipse Mordecai interpretatur illorum *quiescere* primis illis diebus Purim, nempe quiescendo ab inimicis suis. De Quietē in posterum observanda nihil instituitur. Non igitur ullis fidiculis extorqueri potest eos cessasse ab omni opere servili etiam in ipso initio, vel in posterum cessationem imperatam fuisse. Præterea, utitur hic Spiritus Sanctus alia voce ad exprimendum istud *quiescere* quàm *sabbath*, quæ vox est ulitata ad significandam vacationem seu cessationem ab opere die festo. Nam hic alia voce nempe *Nachu*, *quieverunt*, utitur, cujus radix *Nuach*. Non frustra abstinet Spiritus Sanctus à vocibus festorum solennibus; ut doceat non hic institui diem festum propriè dictum, id est, sacrum & cum cessatione ab omni opere, aut cultu peculiari in Templo aut Synagogis, etsi statutum erat servandū etiam postquam reduces futuri essent in in patriam. Nihil igitur statuitur nisi ut celebrarent dies illos lætitiæ ac convivio ac hilaris, tum missu portionum alterius ad alterum, tum donis erga gentes v. 19. 22. Sic Capite 9. dicitur, quod *in unaquaque provincia & in unaquaque civitate, in quemcunque locum edictum Regis, & jus illius perveniebat, lætitiæ & gaudium erat Jehudeis, convivium & hilaria*: an propterea dies sanctus aut festum propriè dictum, de quo præcipuè jam agitur controversia. Ne vel feriam simplicem ex hoc loco evincere possunt adversarii, nedum diem Festum tribus illis elementis, de quibus dictum supra, constitutum. Non igitur temere scripsit Hospinianus, cum dixit; *In festo Phurim operari prohibitum non est*, liberum enim erat illis operari quantum convivia & hilaria agitando non impediabantur: vocantur dies convivii & lætitiæ, & Jehudæi Pagani dicuntur celebrasse diem 14. mensis Adaris lætitiæ convivio ac hilaris, Heb. *die bono vel jucundo*. Elias Levita Germanus Thesbyte, (ut habet Drusus in Annotationibus in librum Ester;) *Diem bonum appellant statas ferias, & Festa solennia, quæ Regalim dicuntur: item d'em lætum, quo convivia agitant, etiamsi dies festus ille non sit*. Cum igitur dies isti non numerentur inter Festa solennia, quæ Regalim dicuntur, dicuntur dies boni communiter, quia dies læti & jocundi, ut dies nuptiales alique conviviales dicti sunt, sicut supra observatum fuit. Videmus itaque dies Purim fuisse tantum dies civiles seu politicos lætitiæ & convivii, documenta jejuniū & clamoris sui, ut dicitur Esth. 9. 31. vel ut dicitur v. 22. quia mœror eorum in lætitiā, & luctus in hilaria conversa sunt. A cæde civium vim parantium desidentes epulis & hilaritatibus sese dederunt, læti propter insperatam conversionem extremi periculi in summam tranquillitatem. *Suntque hæc ipsorum Bacchanalia*, inquit Gregorius Tholosanus in Syntagma Juris. Fateor, postea habuisse Judæos in Synagogis Liturgiam peculiarem diebus illis, sed non erat ulla Liturgia à Mordecajo instituta qui dies illos quotannis celebrandos instituit, & propterea *quiescy Machabæi* dicuntur 2 Machab. Cap. Ult. v. 37. Et ridiculi ritus

De Origine
Festorum lu-
daicorum.

In Esth. 8.

Lib. 2. c. 16

tus Liturgiæ dierum illorum non à sobriis sed ab ebbriis potius institutam ostendunt. *Schindlerus in voce Phur.*
Sunt 14. & 15. mensis Adar nobis 27. & 28. Februarii, quibus Judæi legunt Historiam Esther; quoties mentio fit Hamani, pugnis & malleis pulsant scamna in synagogis, ac si caput Hamani ferirent. Sed detur cessasse etiam ab opere omni non solum primis illis lætitiæ diebus, (quod non negamus posse fieri die extraordinario gratiarum actionis,) sed etiam poitea, & dies illos piis religionis exercitiis sanctificatos: tamen ab autoritate Mordecai non sequitur, Episcopos ordinaria sua potestate idem posse facere. Nam Propheta habetur & Author libri Esther. Plerique Latinorum tradunt volumen hoc à Mardocheo Hebraicè conscriptum, qui us etiam favere *Lib. 1. p. 20.*
videntur verba illa Noni Capitis 20. 23. & cuncta gesta quæ Epistolæ id est libri hujus volumine continentur. Scripsit autem Mardocheus omnia, quæ habentur à principio libri usque ad ea verba, quæ in principio Decimi Capitis ponuntur; inquit Sixtus Senensis in Bibliotheca Sancta. Fuit præterea Mardocheus unus è 120 qui constituerunt Synagogam Magnam, inter quos erant Propheta, Zacharias, Daniel, Ezra, Malachias &c. H Canonem constituerunt ut communis opinio est, inquit Drusus, & *Part. altera*
dicti sunt Senes posteriores, quorum ultimus Simeon Justus, qui Alexandro Ma- *Annot. in*
cedoni Hierosolymam hostiliter adeunti obviam Sacerdotali habitu prodiit. De *Novum*
authoritate hujus Concilii vide Buxtorffii Commentarium Masorethicum Cap. 10. *Test. p. 27.*
in Historico. Qualiscunque igitur natura dierum Purim, vigeant adhuc in Ecclesia Judaica dona extraordinaria Spiritus Sancti, quibus instructi multa instituere poterant, quæ non sunt in imitationem trahenda. Sed manet firmum, quod supra probavimus, fuisse tantum dies lætitiæ communi dierum bonorum ut nuptialium aut similibus more celebratos in initio, & secundum institutum Mardochei. Nota obiter, non absque consensu populi institutos hos dies lætitiæ, ut essent anniversarii. Quæ adferuntur ceremonialia, ea non ex autoritate præcepta sunt, sed consensu instituta. Hoc autem ipsa verba Historiæ Sacræ indicant manifestè; suscepunt Judæi *Contr. 3. Lib. 1.*
super se &c. Nam de cætero, qui postea addiderunt fecerunt malè; inquit Junius. *4. c. 17. Not. 5.*
Cartwrightus etiam observat, instituisse & recepisse Jehudæos in se & in semen suum, & omnes qui essent se adjuncturi eis, dies istos memoratos & celebres fore in unaquaque ætate, & memoriam eorum non perituram à semine ipsorum, quod non audeo statuere ulla Ecclesia de ullo die Festo, non ipsa Romana Ecclesia quæ sibi vendicat autoritatem pro arbitrio instituendi dies festos. Singulare aliquid igitur in isto exemplo est, quod non imitandum. Objiciunt præterea Festum Dedicationis institutum à Juda Machabæo 1 Mac. 4. quod festum, etsi novum, & additum veteribus, Dominus quoque præsentia sua honoravit, ut patet Joan. 10. inquit Bellarminus & adversarii nostri. Non Festum propriè honoravit Christus, sed cætum *Ibid. Not. 6.*
priorum convenientium festo; nam omnes ejusmodi occasiones seminandi Evangelii sui observabat, & capiebat Christus; inquit Junius. Sed nec illud patet ex textu, Christum honorasse cætum convenientium præsentia sua. Facta sunt autem Encænæ Hierosolymis, & hyems erat. Et ambulabat Jesus in Templo in Porticu Salomonis. Cinxerunt igitur eum Judæi, & dixerunt ei, quousque &c. Notantur circumstantiæ loci & temporis, quibus quæstio illa de Messia proposita, & quid inde eveniret; statim discessit. Nos vero enavigamus Philippis post dies Azymorum, inquit Lucas Act 20. 6. Non sequitur, Apostolum ejusve comites servasse dies Azymorum Philippis. Sic Act. 27. 9. Multo jam tempore peracto, & quum jam esset periculosa navigatio, quod jam etiam jejuniū præterisset, admonebat eos Paulus. Judaicum intelligit jejuniū, quod observabant Judæi in die Expiationis mense septimo ad occasum vergiliarum, quod tempus minus idoneum navigantibus, ut observavit in eum locum Th. Beza. Non colligendum est, Apostolum observasse jejuniū illud;
tantum

tantum designatur tempus, ex more Judaici populi, periculosa navigationis Pauli & aliorum vectorum. Sic hic designatur locus & tempus, quod acta sunt quæ postea narrantur ad finem Capitis. Non venit de industria Christus ad observandum Festum Dedicationis. Hierosolymis fuit in Festo Tabernaculorum Joh. 7.

Scalig. de
Emendat.
Tempor. Lib.
6. pag. 524.

Mansit Hierosolymis post solenne σκηνωσις, ejus temporis acta continentur Capitibus Johannis à Septimo ad finem Decimi. Interea incurrunt Encenia, qui cultus observatur 25. Casleu, ejus mensis Neomenia contigit 23. Novembris, & proinde Encenia 17. Decembris, feria quarta. Ex Christi igitur præsentia in Porticu Solomonis non potest colligi, Christum honorasse Festum. Quod ad ipsum Festum attinet; notandum primò, non absque consensu & autoritate ipsius Ecclesiæ factos fuisse anniversarios dies dedicationis. Statuit Iehuda cum fratribus suis, & tota Ecclesia Israelis, ut agerentur dies instaurationis altaris temporibus suis quotannis diebus octo incipientibus à 25. mensis Cisleui cum lætitia & gaudio, 1. Machab. 4. 59. Hoc sufficeret contra eos qui tyrannidem exercent in Ecclesiam. Secundo, ipsa Templi dedicatio fuit ex Legis analogia. Negat Bellarminus, Deum instituisse hanc ceremoniam. Falsum, locus est præcepti de tabernaculo Exod. 40. & complementum Levit. 8. Hoc exemplum Schelomo, Ezras, Machabei sequuti sunt, juris legalis analogia. Quod jus si non extitisset, tamen dicendum foret, fecisse eos, ut Prophetas, revelatione extraordinaria atque singulari, quæ in exemplum trahi non potest. Omnino certa est legalis analogia, inquit Iunius. Si revelatione extraordinaria & singulari, ut Prophetæ, dedicarunt Templum post prophanationem, eadem potestate & Festum Dedicationis anniversarium instituere poterunt, & Ecclesiam ad consensum

De Cultu
Sanct. Cap.
5. Not. 4.

De Pontific.
l. 4. c. 6.
pag. 440.

inducere. Sutclivus; Ostendere etiam debet, nempe Bellarminus, illas fuisse leges Sacerdotum, nempe de Festo Purim & Festo Anniversario Dedicationis, & non Prophetarum, qui hoc ex mandato Dei instituerunt. Habemus hic formalistam Advocatum contra Formalistas, nec opus alia responsione. Tamen non desunt alii, qui anniversarium istud festum non fuisse legitime institutum dicant. Cartwrightus contra Rhemistas in Ioh. 10. non probandum esse factum Iudæ Machabæi asserit. Cum post primam Dedicationem templi sub Solomone, 1. Reg. 8. & secundam post Captivitatem, 1. Ezr. 6. nulla erat vel unius diei memoria cum solennitate Festi, patet celebrationem hujus festi cum solennitate 8. dierum, non eo Spiritu auctore, qui Salomonem & reduces captivos dirigebat, institutum fuisse à Iudæ Machabæo Festum, amplificante majori magnificentia quam illi celebritatem Festi. Præterea, quod illi Templum ædificantes, & omnia utensilia suppeditantes, anniversariam memoriam non instituerunt, cum ille tantum propter Altare & alia quædam instaurata annuam tamen memoriam & celebritatem festi 8 dierum introduxerit. Si nec Ezechias post Templum ab Achazo prophanatum, nec Iosias post Manassis & Amonis pollutionem, Zorobabel, Ezra, Nechemia post reædificatum, anniversariam celebritatem Enceniorum instituerint; Iudæ Machabæi institutum autoritate destitutum non probat probatum fuisse Festum Dedicationis anniversarium. Constat, hoc sæculo multas corruptelas in Ecclesiam inundasse, & mandata ac traditiones præsertim Phariseorum, qui volebant haberi Sapientes Israelis. Ut recurrentibus annis in perpetuum ab ipso Iudæ Machabæo & suæ ætatis Sapientibus ostiduum celebraretur institutum fuisse, scribitur in Talmud, inquit Iunius. Institutionis causam ex loco ibi citato refert istam. Cum ingressi sunt in Templum, & non invenerunt Oleum mundum in sanctuario, excepta Lenticula quadam in qua non plus erat olei quàm quod sufficeret ad lucernas templi accendendas uno tantum die, ex quo oleo accenderunt ordine lucernas, quæ durarunt octo dies, donec contudissent olivas, & mundum oleum expressissent. Et hanc ob causam

In Johan.
Cap. 10.

sati statuerunt Sapientes illius sæculi, ut recurrentibus annis octo illi dies, quorum principium est à 25 Kisleu, essent dies letitiæ & laudum, accenderentque in eis lucernas vespere in portis domorum singuli singulis noctibus durante illo ostidio ad hujus miraculi declarationem. Et hi sunt dies qui vocantur dedicationis, prohibitumque est in eis lamentari & jejunare, ut die Sortium quo renovatur memoria irriti consilii Haman & liberationis Israelitarum sub Assuero. Et lucernarum accensio in illo ostidio res est præcepta disertis Legislatorum verbis, sicut lectio voluminis Esther præcepta est. Sapientes Israel sunt Pharisei. Nam Sapientes & Pharisei synonyma sunt. Scriptor Historiæ Judaicæ; Sapientes Israel sunt Pharisei, qui exponebant Legem. Sic Drusus in Annotationibus in Marc. 2. 18. Et in Marc. 12. 10. ait; *Ædificantes, i. e. Scribæ & Pharisei, qui Sapientes Judæorum, & ædificantes, id est Boni, vocabantur, propterea quod ædificabant super fundamentum Legis.* Sed super fundamentum ædificabant fœnum & stipulam. Quàm ridicula fuerunt Festa à Sapientibus Israelis instituta, cum ex levissima quaque occasione ea instituerint, ut cum ritum aliquem aut consuetudinem veterem seu ministerium in Templo aut Synagoga coronarunt celebritate festi. Ex more illo ligna afferendi in domum Dei temporibus conductis de anno in annum ad accendendum super altare, Nehem. 10. 35. instituerunt Festum dictum Xylophoria. Habebant & alias observationes statas, ut Tekuphoth. Qui plura desiderat, adeat Calendarium Judaicum. Videmus igitur à quibus introducta anniversaria Encæniorum celebritas, & quibus temporibus, nempe sæculo corruptiore, quo traditiones & mandata hominum invalescebant, & confusio erat regiminis Ecclesiastici & Politici. Nam ut dicitur in eodem loco à Junio citato, prævaluerunt Macchabæi Sacerdotes magni, & constituerunt Regem ex Sacerdotibus illis. Denique ad omnia Judæorum Festa instituta post latam Legem responderetur, vel à Deo instituta fuerunt per Prophetas, vel postquam deserunt Prophetæ à Sapientibus Israelis, id est Phariseis, quorum insipientia non est nobis imitanda. In primo Machabæorum dicitur, quod nullus tunc erat Propheta in Israele. Sed prius tamen illud, nempe festum Purim, non erat propriè Festum, ut dixi; & posterius istud Dedicationis fuit commentum Pharisæicum.

3 Argumentum petitur à natura Festorum Judaicorum. Eorum Festa Anniversaria erant Legis Ceremonialis pars, quorum observatio alligabatur maximè Templo ceremoniarum Judaicarum theatro; oportebat singulis solennitatibus, quas Regalim vocabant, ascendere ad templum omnes mares & comparere coram Domino. Nam *mensura festa seu Neomeniæ in singulorum mensium capite seu Calendis celebrabantur certis sacrificiis, sine tamen quiete aut cessatione ab operibus externis*, Num. 28. v. 11. Psal. 8. Ezech. 46. 36. Hodie tamen, hoc die in Synagogis convenitur, preces dicunt, lunam consecrant, & quodammodo festum diem habent; ait Buxtorfius in Abbreviatoris. Sed numerentur Neomeniæ inter dies Intercisos aut etiam omnino Festos, erant omnes dies præter Sabbatum dies ceremoniales. Sabbatum etsi ceremoniale, ex parte præcipua tamen, nempe positiva determinatione Dei ante legem, non erat ceremoniale. Dies alios anniversarios Ceremoniales dicimus, quia anniversaria eorum revolutio observata cum solennitate Festi & peculiari cultu sacrificiorum aliorumque rituum ob usum mysticum. Noluit Dominus cultum communem, quem Moralem voco ut distinguatur à Mystico, pendere ab annua revoluzione diei, ob magnum intervallum temporis quo interim negligeretur ejus cultus; memoriales tamen & mysticos dies ad usum ceremonialem anniversarios instituit. Mortonus Episcopus Cestrensis dicit, omnia Judæorum Festa fuisse naturæ ceremonialis. Festa naturæ ceremonialis damnat Apostolus Galat. 4. 9. 10. *quomodo convertitis vos retrorsum ad infirma & egena elementa quibus ad superiora regressi servite*

Zepperus de
Polit. Mos.
Lib. 4. Cap. 9.
P. 157.

Defens. Cest.
rem. p. 64.

servare vultis? Dies observatis & menses & præstituta tempora & annos Vocat Festa Judæorum elementa, quia data Judæis quasi prima religionis & pietatis rudimenta; & egena ac infirma elementa, quia etsi ante Christi adventum erat utilis illa pædagogia & jam post adventum Christi nullius sunt usus. Dixerat ante, versu 3. cum essent infantes, fuisse sub elementis mundi, id est, quibus erudiebatur mundus, vel homines in mundo. At dices, damnare in Galatis Apostolum Judaicorum dierum observationem. Verum, & Judaicorum dierum observationem, & Judaicam eorundem observationem, sed simul quorumvis dierum Judaicam aut quasi Judaicam observationem. Observabant Galatæ fortè eosdem dies, menses, annos, quos Iudæi, forte alios. Non observabant eosdem dies quos Iudæi sacrificiorum & oblationum cultu, alioquin negassent Christum venisse in carne aut immolatum pro nobis fuisse, sed ut dies memoriales præteritorum beneficiorum, aut præsentia in Christo beneficia & mysteria adumbrantes; sicut qui eundem Paschatis diem postea observarunt quem Iudæi, sed alio spiritu & diversa ratione: & verisimile est Galatas mutata tantum non sublata significatione dierum Judaicorum, ut fecerunt Veteres, observasse eosdem dies, quos Iudæi. Nec solum damnat Apostolus, quod existimarent se astrictos vi legis Judaicæ, sed simpliciter quod observent dies, menses, & annos. Et non Judaicos tantum seu eosdem numero quos Iudæi, sed in genere quod observarent dies & menses & annos. Nam si alios dies & menses & annos observassent & non eosdem numero quos Iudæi, tamen in genere similis fuisset observatio. Nam ut Festa illa anniversaria quæ instituit Dominus fuerunt elementa & rudimenta, quibus erudiebat populum suum Dominus; sic si alios dies in eundem usum instituisset, fuissent etiam elementa. Sic si alios homines instituunt in usum similem. Observationem dierum, annorum, mensium, sub Lege dicit fuisse elementarem institutionem, & introductoriā illam institutionem non convenire Ecclesiæ Christianæ. Nam instruebantur per dies in mysteriis religionis: non colebant solum Deum diebus illis, sed per dies illos ut per elementa religionis instruebantur. Servamus diem Dominicum, eo die Deum colimus, eo die instruitur populus, sed non per eum diem. Non erat hic finis institutionis Sabbati nostri, ut infra dicemus. Non rem diei, ut sacrificia, oblationes, & similia, vocat Apostolus hîc Elementa, etsi Elementa etiam non modò erant egena & mortua sed etiam mortifera, (nam sic non observabant dies Galatæ,) sed dies ipsos menses & annos quos observabant eorumve observationem. Audiamus quid dicat Tilenus. Tilenus; *Neque in adulta Novi Testamenti Ecclesia tam firma & robusta sunt omnia ejus membra, ut non semper longè maxima pars ex lactentibus adhuc constans, paulatim de his mysteriis sit erudienda per partesque ac gradus indies provehenda: ne sacra doctrina æqueo profusa, minime que dicere vult ad rudiorum caput attemperata, respuatur potius quàm adhibatur.* Sunt in Ecclesia Novi Testamenti lactentes, & ut Christus dixit Petro, agni, qui pascendi sunt lacte. Sed quodnam istud lac sincerum, docet Apostolus Heb. 6. principia & elementa doctrinæ catecheticiæ; non tamen sequitur per elementa dierum instruendos lactentes, & œconomiam. Legis cum Novi Testamenti œconomia confundendam. Apostolus dicit; Veteres sub Lege, etiam instructissimos, fuisse ut infantes sub tutoribus & curatoribus, jam vero omnes Christianos etiam lactentes liberatos esse ab illa pædagogia, & expirasse administrationem Tutorum. Comparat statum cum statu, corpus Ecclesiæ Novi Testamenti cum corpore Ecclesiæ Veteris Testamenti, & hac ratione minimus in regno cœlorum, id est sub Euangelio, est majorrennis; cum contra illi maximi erant minorennes. Tota denique Legis Œconomia, veluti rudis quedam erat disciplina, rudibus conveniens, quum nondum pleno cornu effu-

Præf. c. 16.

in Gal. 4. 3

*fus esset Spiritus Sanctus, si corpus ipsum Ecclesiæ spectes; ait Beza. Aliud est instrue-
 re catecheticè per doctrinam & principia religionis, aliud per dierum, annorum,
 mensium observationem, & Ecclesiam Christianam reducere ad Alphabetum Iu-
 daicum. Tilenus; Sed hoc quoque liquet, dies festos aliter olim à Judæis ac post à Pa-
 panis fuisse celebratos, aliter hodiè celebrari ab Anglis. Libera sunt apud hos, & per
 leges licita non pauca, quæ apud Pontificios piacula, apud Iudæos etiam capitalia erant.
 Non igitur servile est hoc jugum onusque δουλοκρατία, quale fuit olim sub cultu Levitico:
 præterea numerus longè minor quàm apud utrosque. Numerus non minor quàm apud
 Iudæos, ut patet ex collatione Festorum Iudaicorum cum Anglicanis. Nam cum
 sunt duplicis generis festa, nonnulla vocantur & Chori & Fori, quibus totis vel saltem
 antemeridiano tempore ab omni opere externo servili cessatur. Alia sunt solus Chori; quæ
 in Templo dumtaxat Divinis Officiis celebrantur. Angli habent plura festa Chori & Fori
 anniversaria, quàm Iudæi Sabbata anniversaria, nec multo minor numerus gene-
 ralium Festorum sub præcepto quàm apud Pontificios. Jugum gravius Iudæorum,
 non efficit, ne nullum sit jugum impositum Christianis. Rigidior fuit observatio
 ipsius Sabbati hebdomadatii apud Iudæos, quàm aliorum Sabbatorum; & tamen
 aliorum Sabbatorum observatio erat jugum. Jugum erat, sive res laboriosa &
 molesta, ascendere ter quorannis Hierosolyma. Sed de jugo isto non loquitur
 Apostolus. Nam non ascendebant Galatæ aut Colossenses Hierosolyma ad obser-
 vandum dies, menses, & annos. Sed de observatione loquitur, qua dies illos cessa-
 tione ab opere, & exercitiis Christianæ religionis coluerunt. Nec minor est liber-
 tas apud Pontificios quàm apud Anglos. Nam modò cessent ab opere servili, &
 audiant unam Missam, nihil aliud urgent Pontificii. Hoc idem faciunt Angli.
 Non est liberum illis operari die festo, quando est & festum chori & fori, ut re-
 stantur carceres in quos conjecti plerique sunt; plerique pauperiores ob opus servile
 summa urgente necessitate brevi spatio peractum citati ad Curias, & coacti multam gra-
 viorem pendere; ut refert Defensor Petitionis, ac si piaculum esset prophanare di-
 em opere servili. Non magis libera igitur observatio externa apud Anglos quàm
 apud Pontificios. Dicunt, irrogari pœnam propter contemptum Legis vel Cano-
 nis, non obligari conscientiam, & proinde majorem esse libertatem interiorem.
 Respondeo, verum, non obligari conscientiam, nec posse obligari nisi volentem
 & consentientem. Nam solus Deus major est conscientia. Sed ut privatus diem de-
 dicans obligat se, & conscientiam suam ad observandum diem quem dedicavit, & ne
 prophanet ullo opere servili, alioquin frustra dedicaret & cum Deo luderet: sic qui pu-
 blica autoritate diem dedicant, obligant se & conscientias suas ad diem illum obser-
 vandum, & curandum ne prophanetur operibus servilibus, alioquin frustra etiam de-
 dicarent ad usum sanctum, & Deo illuderent. Cum igitur intentio Legis vel Canonis sit
 sanctificatio & observatio temporis dedicati publica autoritate, præsumitur priva-
 tus quisque in observatione idem intendere quod Legislatores & conditores Cano-
 nis; & ita interpretantur ac interpretari necesse est Legislatores ejus observatio-
 nem, etsi re ipsa fortè aliud sentiat privatus, & metu tantùm multæ manus co-
 hibeat. Irrogatur pœna non solum ob contemptum, quia non vult privatus ag-
 noscere talem Legem vel Canonem, (nam in casu contemptus carcere castigantur,
) sed etiam ob simplicem transgressionem, ut dixi, quando qui prophanavit
 paratus est subiicere se constitutioni, irrogant etiam tenuioribus è plebe multam.
 Et quid si in contemptores solummodo animadverterent; nonne puniuntur, quia
 nolunt agnoscere diem dedicatum sibi sanctificandum, non prophanandum, aut ul-
 lo opere servili pollendum? Violat quis diem Dominicum ex infirmitate, alius
 ex contemptu. Infigatur huic pœna carceris, illi irrogetur multa; & quare?*

*Gretserus de
 Festis, pag. 1.*

Pag. 79.

Nonne quia sentiunt tempus illud sacrum & à Christo ipso & Apostolis dictum Deo non polluendum opere servili? Sic in die quem homines dedicant, jus naturæ dicat non prophanandum ullo opere servili, & puniendum utrumque, & transgressorum simplicem, & contemptorem. Nam obligatio conscientiae oritur ex re ipsa, etsi differentia sit inter auctoritatem Dei instituentis & hominum instituentium aut dedicantium: iusta quidem obligatio ex Dei instituentis auctoritate, quia ille solus habet potestatem dedicandi, ut supra diximus; erronea ex hominum dedicantium auctoritate, cum tamen auctoritatem eam non habent, sed fingunt, vel temere eam sibi vendicant. Præterea privatus non modo interpretativè dicendus est observare diem secundum intentionem legis; sed etiam, ubi nullus mulctæ metus, conscientia se obligari sentiunt plerique ad observandum dies istos, & revera sanctos existimant & non prophanandos, imo vix minis & censuris ad opera sua mechanica & agriculturæ adigi possunt die Festo Nativitatis Christi &c. Quid igitur sentiant, si publica auctoritate dedicatos viderint, vel ut olim dedicatos & sanctificatos approbari & agnosci, & transgressores castigari? Nonne inducuntur alii, ut sentiant se obligari in conscientia ad observandos dies festos? In Anglia ubi æquè rigide animadvertitur in prophanationem dierum Festorum ac diei Dominicæ, aut severius, quot sunt qui sentiunt se obligari in conscientia, & quibus sublata omni poenæ formidine tamen non persuadebis ut operentur die Festo? Absurdissimum mihi videtur etiam, quod in aliis Ecclesiis Reformatis tam rigidi sunt in diebus Festis à prophanatione per opera servilia vindicandis, cum diem Dominicum, quem dedicarunt & sanctificarunt Christus & Apostoli, impunè prophanari permittant, & quòd magis libera sit hujus quàm illorum observatio. Et libertas in observandis diebus Festis magis in verbis quàm in re consistit; ut merito objicit Gretserus. Hoc solenne in omnibus constitutionibus humanis, quod Divinis eas vel æquarint vel prætulerint homines, quia sua commenta & ingenii sui foetus sunt. Sed redeamus. Dico, Apostolum damnare Iudaicam dierum observationem. Iudaicam voco, non ratione sacrificiorum & oblationum, (nam sic non observabant Galatæ aut Colossenses, ut dixi,) sic enim non tam Iudaizasse, quam reipsa Iudæi fuisse dicendi fuissent; sed quòd, cultu Christianæ religionis externo, eodem modo celebrarent quo Iudæi Iudaico. Nam ut illi dies Festos suos celebrarunt cum proprio & peculiari cultu, cessatione ab operibus servilibus, & festivitate, procul faceffentes omnia mœroris, luctus, & jejunia signa; sic qui observant inter Christianos dies festos, celebrant cum cultu proprio & officio diei, cessatione ab omni opere servili, & festivitate, & jejunia iis diebus convenire non existimant. Præterea non solum in modo celebrandi, sed etiam in fine imitantur Iudæos, observando dies ut Festa memorialia beneficiorum spiritualium, vel in significationem futurorum. Quod ad modum; respondent, Iudæos habuisse quædam Festis suis Essentialia, quæ nostri non habent in suis Festis. Nostra Festa possunt quotidie observari quoad essentialia festi. Nam potest Christianus quotidie habere Pascha, & diem Pontecoslem, & Dominicum, si nimirum quotidie audiat sacrum, communicet corpori Domini, recogitet divina mysteria, & omittis operibus servilibus totus Deo vacet. Imò talis esse debet vita Clericorum & Religiosorum, propter quos omnes dies dicuntur Feriæ. Hoc autem Iudæi habere non possunt. Non enim eis licet quotidie immolare agnum Paschalem. Sic Bellarminus, & qui inter adversarios ab eo similem responsionem mutuati sunt. Sed sciant primum, non per omnia similia esse Iudæorum & Christianorum Festa; deinde Essentialia Festi potuisse haberi quovis die, nempe recogitando divina mysteria, & cessando ab operibus servilibus, etiam inter Iudæos. Nam non erat prohibitum recolere aliis diebus memoriam

*De Cultu
Sanct. Cap
30.*

memoriam transitus Angeli cum percuteret omnes primogenitos Ægyptiorum &c. sed solennitas illius commemorationis erat adstricta diei, & destinatus ei peculiaris cultus, nempe immolatio agni paschalis, & sic de Festo Tabernaculorum aliisque Festis. Ita apud Christianos, licet quovis die liceat recolere beneficia nobis parta per Christum, & mysteria redemptionis; tamen solennis commemoratio, & præscriptum officium propriis Collectis, Epistolis, Evangeliiis, Lectionibus, Concionibus, aliisque ritibus consistens, alligatur certo diei quotannis recurrenti, ut apud Iudæos. Sacrificia eadem erant quæ diebus festis & aliis offerebantur & immolabantur, nam boves, agnos, hædos, immolabant etiam extra dies festos; sed hoc numero & his ritibus seu præscripto modo non ita. Sic etiam si quoad substantiam eadem commemorantur aliis diebus extra festa, tamen hoc modo præscripto, Collectarum, Evangeliorum, Epistolarum, Lectionum, & FERIA festivi, non commemorantur extra dies suos festos. Objicienti Hospiniano, Hieronymi iudicio Christianum posse quolibet die sibi condere & celebrare Pascha, respondet Gretserus; posse, sed *privata devotione ac pietate, non solenni illa ac publica que diebus ad hoc proprio institutis in cætu fidelium visitur.* Sic adversariis extra die festos præscriptos celebrare cum solennitate Commemorationem Resurrectionis Christi media hyeme, aut Nativitatis circa finem Septembris, etiam si certius sit tunc natum fuisse Christum, absurdum & ridiculum videretur, aut ter in anno, etiam diebus Dominicis etsi per se sunt dies cessationis, eandem commemorationem solennem cum officio proprio celebrare. In modo igitur convenit inter Iudæos & Festorum observatores; quid si etiam in fine, nempe generali ratione religionis, ut ad celebrandum memoriam beneficiorum, vel in significationem futurorum, futurorum inquam, non respectu Christi venturi, nam sic non Christiani sed Iudæi essent, sed respectu eorum quæ adhuc implenda restant, ut dies Dominicus non solum est memoria Resurrectionis, sed etiam vitam beatam præfiguratur, inquit Augustinus l. 22. de Civitate Dei Cap. 30? *Augustinus Epist. 119. ostendit, hoc interesse inter diem Natalis & diem Resurrectionis, quod ille celebratur solum ob memoriam, & ideo semper ipsa 25 die Decembris; at iste celebratur & ob memoriam & sacramentum, & ideo variatur.* Ob sacramentum, id est sacram significationem, nempe vitæ beatæ post resurrectionem. Sed diem Dominicum institutum ob sacramentum aut significationem vitæ beatæ negamus, & proinde non esse festum Resurrectionis seu Pascha ob sacramentum instituendum dicimus. Nam licet Heb. 4. distinguuntur tres Sabbatismi, sabbatismus & requies diei veteris sabbati, requies in terra Canaan, requies & sabbatismus Christi & piorum in cælis; tamen non dicitur, requiem die Dominico aut Sabbatismum Christianum præfigurasse requiem nostram in cælis, sed duas illas præterisse, & tertiam in cælis restare in quam non sunt ingressuri increduli. Potest quidem aliquis cogitando de requie diei Dominicæ arripere occasionem meditandi de requiè tum spiritali à peccato, tum cœlesti quæ adhuc futura est; sed non est propterea typus destinatus à Deo & ad hanc significationem institutus, ut bene observat Willetus, sed tantum factus seu fictus à meditante, qui à qualibet re de spiritualibus & cœlestibus piarum meditationum materiam sibi subministrat. Non est igitur dies Dominicus dies mysticus ob significationem rei præsentis aut futuræ, & proinde non erat solennis ille dies Dominicus, nempe Paschalis, ob sacramentum instituendus. Quod igitur in hunc finem observatur sive dies Dominicus sive Dominica Paschalis, est Iudaica observatio. De Symbol. Ritib. vide Cap. 9 Theol. 3. Sed dies festi Iudæorum observabantur etiam in memoriam præteritorum beneficiorum, & hæc etiam ratione abrogati sunt. Nam nullatenus dies illos observare Iudæis con-

De Verb. A
post. Serm. 15

Homil. de
Semente.

Parænes.
Cap. 16.

versis licebat post plene promulgatum Euangelium, etsi in initio ob quorundam infirmitatem illud, ut plura alia, toleratum sit. At dies Dominicus, inquit, institutus est in memoriam Resurrectionis Christi. Respondeo primum, negando in hunc finem particulariter institutum fuisse diem Dominicum. Ex nullo Scripturæ loco id colligi potest, nec ab ipsa Diei nomenclatura. Non enim necesse est, ut dicatur dies Dominicus, quia eo die Dominus resurrexit, aut in memoriam Resurrectionis Domini. Fluctuat Augustinus inter duas interpretationes, cum ait, *Dom n'cus hic dies id irco dicitur, quia eo die Dominus resurrexit, vel ut ipso nomine doceret illum Domino consecratum esse debere.* Fatetur, posteriori sensu posse fieri, diem illum dictum fuisse diem Dominicum. Et priori sensu cur magis diceretur Dominicus quia eo die resurrexit, quam dies passionis quia eo die passus est? Aliam igitur rationem nomenclaturæ dari oportet. Khenanus in Tertullianum de Corona Militis observat, magis familiare fuisse Christianis in Primitiva Ecclesia *Domini* quam *Christi* nomen, cum de Christo loquerentur. Inde Sacra Coena dicta Coena Dominica, *δείπνον κυριακόν*, & Oratio Dominica. Idem igitur est dicere, diem Domini, & diem Christi; ac si sensus esset, Christum vel Dominum hunc diem instituisse, sicut Oratio Dominica sic appellatur, quia eam dictavit Christus, aut Coena Dominica, quia Christus vel Dominus eam instituit, & dies 14 Purim *ה'י"ד מן מלכות מלכות*. Vel dicitur dies Dominicus, quia propter Dominum vel Christum ejusque cultum præcipue institutus fuit, sicut & Coena Dominica, quia in commemorationem passionis & mortis Christi instituta est. Unde Athanasius ait; *In sabbatho convinimus, ut Dominum Sabbathi Jesum adoremus.* Dicitur igitur dies Dominicus, vel Domini seu Christi dies, quia eo die Christus colitur & in Christo gloriosa Trinitas, non commemorando solum Christi resurrectionem, sed etiam mortem, passionem, incarnationem, aliaque ejus beneficia, & omnino Deum in Christo colendo tum publice tum privatim. Tilenus, præterita hac responsione, aliam quam obiter tantum attulit author Parafynagmatis oppugnat, nempe Christi resurrectionem alia Christi acta salutaria comprehendere & redemptionis opus absolutum declarasse, analogicèque respondere beneficio creationis, & quasi novæ creationis initium fuisse; & proinde non parum aut eandem esse rationem nativitatis, circumcisionis, & passionis, quæ resurrectionis. Est autem frigida, inquit Tilenus, ac diluta vestrorum Magistrorum ratiuncula, cum arguantur diem Dominicum resurrectionis Christi memoriæ dictum, cum primigeniæ creationi respondeat *ἀναλόγως*, omnia redemptionis beneficia complecti. Nam neque veteris creationis beneficium, cujus memoria singulis Sabbathis celebrabatur, aliorum festorum, aut beneficiorum celebrationem exclusit olim: neque in adulta Novi Testamenti Ecclesia tam firma & robusta sunt omnia ejus membra, ut non semper longè maxima pars ex latentibus adhuc constans, &c. ut supra. Hæc ratio allata fuit tantum contra consequentiam, dato non concessio antecedente, nempe institutum fuisse in memoriam resurrectionis, & non sequi, probatum primo ab autoritate Christi & Apostolorum, Christus aut Apostoli eum diem instituerunt in memoriam resurrectionis, ergo homines ordinaria potestate possunt alios dies instituere in memoriam Nativitatis, Passionis, Circumcisionis, &c. Non sequitur ab Extraordinaria potestate ad Ordinariam. Præterit etiam hanc responsionem Tilenus. Præterea non diluit dilutam ratiunculam, quam oppugnandam suscepit. Nam beneficium creationis dicit non exclusisse aliorum festorum celebrationem, ergo nec resurrectionis beneficium aliorum aliis diebus Festis celebrationem debere excludere. Uno tantum respectu contulit Autor ille beneficium creationis & resurrectionis, quod jam cœperat nova creatio; sed præterea dixit comprehendere

dere alia Christi acta & beneficia, quod non facit beneficium creationis. Imperatores post partam victoriam celebrant triumphum. Dies resurrectionis erat dies partæ victoriæ; dies nativitatis, circumcitionis, passionis, erant dies humiliatio-
nis & prælii. Resurrectio præsupponit nativitatem & mortem, non autem hæc illam. Descripturus Petrus Apostolatus munus, Act. 1. 22. *Oportet ex iis, &c. unum fieri nostrum testem resurrectionis eius*, cum tamen testis erat futurus omnium, quæ fecerat & docuerat Jesus. Testes igitur resurrectionis dicti Apostoli, non quia de sola resurrectione testati, sed quia Resurrectio est præcipuus articulus Evangelii quod promulgaturi erant, & implicite ac virtute Nativitatem, Passio-
nem, & Mortem complectitur. Sed redeamus ad antecedens argumenti. Negamus in memoriam resurrectionis Christi institutum diem Dominicum; quia si in memoriam resurrectionis Christi institutus fuisset, sequeretur die Dominico concionandum de resurrectione, & Collectas proprias de resurrectione, Lectiones, Evangelia, Epistolas, Cantica, & Psalmos, recitanda & decantanda singulis diebus Dominicis, sicut die nativitatis de nativitate, & passionis de passione, &c. Præterit & istam ratiunculam Tilenus, forte quia sensit non tam frigidam & dilutam, quam illam quam modò tractavimus. Sed dicent, Sabbatum institutum in memoriam creationis, non tamen peculiarem fuisse creationem materiam, & proprium ac unicum subiectum officii divini, meditationum seu concionum. Hoc etiam datum prius & non concessum negamus, nempe Sabbatum in initio institutum in memoriam creationis. Non ignoro esse tritam opinionem, sed probationem desidero. In Quarto præcepto Decalogi ratio cessationis & sanctificationis petitur ab exemplo Dei. Cessavit Deus formaliter ab opere creationis, & suo exemplo vult nos cessare; sanctificavit etiam formaliter Sabbatum docendo Adamum, ut supra dixit Pareus. Cessavit & sanctificavit formaliter & exemplariter, & sanctificavit efficienter, id est instituit sanctificandum, & quia multum move-
mur exemplis proponit exemplum suum. In deserto etiam non pluit eo die Manna è cælo. Referunt etiam fuisse fluvium quendam in Judæa qui Sabbato inter-
mittebat cursum suum, cui nomen *Sabbaton*, de quo vide Divus in Observa-
tion. l. 2. c. 10. Causam vero finalem institutionis unicam vel præcipuam fuisse memoriam creationis non dicitur, sed ut eo die vacarent cultui divino homines sanctificatum. Potuisse eo die recolere memoriam creationis non negatur, & diem illum potuisse revocare in memoriam opus creationis; sed in hunc unicum finem peculiariter destinatum nego. Sic Christus die resurrectionis ingressus est in requiem suam ab operibus suis quibus se exercuit in statu humilitatis, quemadmodum olim Deus in creatione quievit ab operibus creationis ubi perfecta fuerunt; Nam qui ingressus est in requiem ipse requievit & iose ab operibus suis, quemadmodum a suis Deus, Heb. 4. 11. (sic explicat hunc locum Junius in Parallelis) & præsentia sua in conventibus discipulorum post resurrectionem eum diem sanctificavit. Sic utroque modo, & cessando ab operibus suis & formaliter sanctificando, exemplum præbuit quo doceret quomodo sanctificandus dies ille, quem etiam efficienter sanctificavit, id est à nobis sanctificandum instituit, quod verò in memoriam resurrectionis instituerit, nihil dicitur. Quod si ad vulgatam opinionem de institu-
tione Sabbati in memoriam creationis accederem, de die Dominico in memori-
am resurrectionis instituto tamen ne, quod quidem habemus. Diximus supra pluri-
bus prærogativis nobilitatum hunc diem, non tamen in earum commemorationem particulariter institutus fuit. Est autem advertendum, inquit Suarez, nec ad hanc De Reli-
gione determinationem talis diei faciendam hæc omnes prærogativæ considerari poterint, nihilo-
minus per se ac directe non referri vel institui hunc diem ad peculiarem commemorationem.

nem illorum operum Dei, sed ad Deum ipsum propter Deum ipsum seu propter se colendum & propter suam excellentiam & maiestatem. Nam ut sæpe diximus, naturalis ratio hoc modo principaliter dicitur Divinum cultum, & quoniam sola ratio certum tempus ad hunc cultum non determinat, per positivam legem fieri determinationem oportuit, & ita in lege veteri facta est in die Sabbathi, cui Dominica dies successit. Ergo solennitas & requies ab operibus terrenis, quæ in hoc die indicitur, ad ipsam Divinitatem colendam ordinatur, etiam si ad hanc determinationem pro tali die faciendam circumstantiæ illius diei & opera, quæ in eo Deus fecit, fuerunt considerata. Et confirmat specialiter dictatum Trinitati non ad peculiarem commemorationem operum diei, hoc argumento. Graevæ auctores referunt, olim præfationem Trinitatis in omnibus Dominicis fuisse decantatam, quia Dominici dies Sanctissimæ Trinitati dicati erant. Ita Micrologus de Eccles. Observat. c. 60. Et sumi potest ex Cap. Invenimus. de Consec. Dist. 1. Ubi Pelagius II. inter præfationes quas longa retro vetustas in Romana Ecclesia servavit, ponit præfationem Sanctissimæ Trinitatis; cum tamen Ecclesia Romana speciale Festum Trinitatis non servaret, ut dicit Alexand. III. in Cap. 2. de Fer. Ergo verisimile est, præfationem illam dictam fuisse in diebus Dominicis, ut Micrologus dicit. Item in eisdem diebus in ordinario tempore non impedito, consuevit dici in matutino octavum responsorium de Trinitate. Et in eisdem Dominicis maxime observari præcipitur, ut Symbolum fidei, quo Trinitatem profitemur, in Missa dici non omittatur. Sic ergo dicimus, diem Dominicum in Dei ac Trinitatis cultum esse singulariter ordinatum. Festum Trinitatis recentius esse fatetur Bellarminus, præsertim in Romana Ecclesia, etsi antè inceperat in particularibus Provinciis & Ecclesiis. Non erat ulla Dominica particulariter dicta Dominica Trinitatis, sed omnes Dominicæ erant Dominicæ Trinitatis, id est, dicatæ ad colendum Deum Trium & Unum; quod quid aliud est, quàm quod supra diximus, ad colendum Christum Dominum nostrum, vel in Christo Deum Trium & Unum? nam absque Mediatore Christo nullus Deo gratus cultus. Etsi in Symbolo vel Præfatione fiebat olim in Ecclesia commemoratio Trinitatis; tamen toto Officio & concionibus diebus Dominicis habitis non unicum Trinitatis mysterium celebrabatur, sed omnia religionis mysteria promiscuè recolantur, in cultum vero Trinitatis seu Dei Trini & unius seu Christi, in quo Deus colitur, referebantur. Et Præfationes & Responsoria, in quibus fiebant commemorationes Trinitatis in veteri Ecclesia, non erant introducta nisi post introductam Liturgiam præscriptam. In Festo Trinitatis, quod dixi recentius, expressè commemoratio & explicatio fit mysterii Trinitatis in toto Officio & Concionibus. Cum antea Dominicæ omnes dicatæ essent non ad recolendum particulariter mysterium Trinitatis, sed ad colendam Trinitatem in Christo; Festum hoc excogitatum ad recolendum particulariter mysterium Trinitatis, quod Alexander III. irridet, cuius verba vide supra 487. Objicienti Tilinanno Helhusio, Nicephorum referre l. 17. c. 31. diem festum dictatum fuisse Justiniano Imperatori, respondet Bellarminus; Nicephorum non dicere institutum fuisse diem festum Justiniano, sed solum quotannis Episcopum quendam Constantinopolitanum solitum celebrare ejus memoriam. Id quod non cogit intelligere de aliquo die festo, sed solum de laudatione Justiniani quam ille Episcopus admiscebat concioni suæ, propterea quod Justinianus multa pia opera & Ecclesie utilissima fecisset. Addo præterea; quidquid illud fuerit, siue festus dies siue simplex laudatio, fuisse unius privati Episcopi factum quod non immerito reprehendi posset, præsertim cum ejus successores mox omiserint ejusmodi celebritatem. Vides, simplicem commemorationem non constituere diem festum. Commemoratio igitur Trinitatis in Symbolo, Præfatione, aut Responsorio, non constituit diem Dominicum festum Trinitatis; & ante has præfationes, responsoria, & symbolum,

lum, dies Dominicus observabatur, & diem Dominicum posse adhuc observari nulla expressa Trinitatis mentione non negabunt, puto, adversarii, cum tamen Trinitati seu Deo trino & uni dicatus sit, quia in ejus cultum insumitur. Suarez eodem Capite ait; *Quoniam in ipsius Dei cultum, ut Deus est, præcipue videtur in lege gratiæ Dominica dies ab Ecclesiæ exordio instituta, & tanquam præcipua festivitas observari præcepta, cum postea temporis decursu speciale festum Trinitatis adjunctum est &c.* Sic de Sabbato veteri dicendum, non directè & per se institutum ad peculiarem commemorationem creationis, ut etiam de die Sabbati asserit Suarez, sed ad Deum colendum, *etiamsi ad determinationem pro tali die faciendam circumstantiæ illius diei & opera, quæ in eo Deus fecit, fuerunt considerata.* Et si largiremur, quod ait Tilenus, memoriam beneficii creationis celebratam singulis Sabbatis, quod nunquam probabit, tamen si non alio modo quàm per commemorationem creationis in aliqua parte Officii, non sequeretur fuisse festum Creationis, magis quàm diem Dominicum festum Trinitatis, sed utrumque dedicatum Deo generaliter non modo peculiari, illud ut Creatori in prima institutione, istud ut redemptori. Nam festum memoriale non habet nudum & simplicem commemorationem alicujus beneficii vel mysterii in parte aliqua Liturgiæ, sed in omnibus Liturgiæ partibus, collectis, lectionibus, concionibus, ejus memoria recolitur, & in hunc finem feria festivalis instituitur. Pascha est propriè festum memoriale resurrectionis, quia resurrectio est præcipua materia, cujus memoria eo die celebratur in concionibus, collectis, Epistolis, Euangelis, & Dominica Paschalis directè, per se, particulariter, ad hanc peculiarem commemorationem recolendam, & cum festivitate celebrandam more Judaico instituitur; quod singulis diebus Dominicis non fit, nec fieri potest. Non sunt igitur dies Dominici festa resurrectionis. Nam iis & jejuna licet & alia myteria religionis & beneficia recollere. Denique, etsi daretur Sabbatum in memoriam creationis, diem Dominicum in memoriam resurrectionis, aliis septimanæ diebus prælatos, cum determinare volebat Dominus quis dies inter septem totius systematis dicendus esset cultui divino, tamen nisi directè & per se instituta fuerint ad eorum commemorationem, explicationem, celebrationem, non possent dici festa memorialia creationis, & resurrectionis; & proinde nihil juvarent festa memorialia Paschatis, Pentecostes, Nativitatis &c. Dies Dominicus igitur est dies Domini seu Christi, institutus non ad reficandam memoriam Resurrectionis Christi duntaxat, sed etiam Passionis, Nativitatis, Circumcisionis, Mortis, omnium beneficiorum, & ad Dei cultum, seu generaliter ad Deum in Christo colendum omnibus modis, quibus ipse cultum suum nobis præscripsit & imperavit; & proinde est dies moraliter in cultu divino celebrandus, & non mysticè per modum festi memorialis. Alexander III. existimabat festum Trinitatis imprudenter institutum, & superfluum, cum singulis diebus Dominicis haberetur in aliqua parte officii Divini commemoratio Trinitatis: at hæc ratio militabit etiam contra Festum nativitatis, passionis, resurrectionis, ascensionis, quia singulis vel plerisque diebus Dominicis fit commemoratio eorum beneficiorum & mysteriorum, vel in precibus, vel in concionibus, vel in symbolo, vel in sacramentis ministrandis, in privatis etiam piorum exercitiis. Sed, inquit Tilenus, *Nativitatis, Circumcisionis, Paschatis, Ascensionis, Pentecostes, & alius quibusdam diebus anniversarius, præ. Parænes. cipuorum redemptionis per Christum nobis partæ beneficiorum memoriam recolendam judicavit Cap. 16.* Ecclesia Anglicana, idque non suo tantum sed totius Antiquitatis judicio freta, evidentissimæque insuper ratione mota: ut videlicet plebi excussio, quo ea plerumque torpet, vetterno, beneficiorum illorum sensus, ipsaque adeo historia, efficacius inculcaretur, aliisque infingeretur. *Quotidie istud esse faciendum oggerunt vestri. Ità est planè. Interim*

tamen fidi pastoris est, cogitare, non modo quid fieri debeat, verum etiam quid fieri possit, quid humani ingenii præsertim in rudi plebecula capiat feratque imbecillitas. Est præterea rerum, à Christo in terris πολιτισμαίον gestarum, tanta magnitudo ac dignitas, ut omnia simul & semel, uno eodemque die vel conventu, tradi & explicari non possunt. Sunt quidem illa in Apostolorum, quæ vocant, Symbolo comprehensa, & in compendium missa, quotidieque tam à Pastoribus publicè, quàm à pueris privatim recitantur: at non modo veteres, sed vos quoque nobiscum catecheticas institutiones non modo utiliter, sed necessario quoque cum symbolo illo conjungi iudicatis, eo quod neglectis istis exercitamentis ac fundamentis nullus vel perexiguus ex concionibus capiatur fructus. Num igitur integrum Calvini Catechismum quotidie totum apud plebem exponitis? Si in capita vel segmenta tributum aptius & utilius tradi existimetis: nolite deinceps nobis gregi nostro singulari cura & stud. o meditanda proponentibus importunè obstreperè. Non dicimus, quotidie simul & semel omnes res à Christo gestas tradi & explicari debere vel posse, sed eorum beneficiorum, quorum memoria recolitur diebus festis, commemorationem fieri singulis diebus Dominicis in Officio Divino, & proinde non magis opus festo Nativitatis, Passionis, aut Resurrectionis, quàm Alexander a. sensit opus fuisse festo Trinitatis. Dicimus præterea, Catechismum vel totius Theologiæ systema in capita & segmenta distribui & ordine diebus Dominicis aliisque tractari posse, adde etiam si vis designatis diebus: sed aliud est ordine diebus Dominicis explicare capita Catechismi vel articulos religionis, aut designatis etiam diebus hunc vel illum articulum, quod tamen nullibi fit, aliud dedicare diem Dominicum in memoriam alicujus beneficii, redemptionis, aut mysterii, & diem illum solenniùs celebrare, quàm alios dies Dominicos, aut diem alium profectum in hunc finem sanctificare, & ut festivum celebrare. Catecheticè instituendi rudiores & lactentes, ut supra dictum, quod faciunt nostri diligentius quàm Festorum observatores, qui nihil minus quàm catechetica institutionem curant, sed non more Judaico per festa memorialia, quæ erant elementa & rudimenta convenientia statui veteris populi. Si tantum institutio rudiorum in Catechesi spectaretur, cur non celebrant diem festum pro singulis articulis Symboli, ut remissione peccatorum, spe resurrectionis & vitæ æternæ, pro singulis præceptis Decalogi, pro singulis Orationis Dominicæ petitionibus, pro fide & respicientia ab operibus mortuis &c. Nugatur itaque cum nihil aliud, quàm Catechetica institutionem rudiorum, diebus illis imperari dicat. Nam cum institutio per memorialia festa, quod Judaicum, obtruditur, non tam institutio rudiorum (nam etiam exercitationibus obtruduntur) quàm Festorum memorialium observatio in honorem mysteriorum imperatur. Institui potest rude vulgus absque Festorum observatione, & beneficium istud comparari absque incommodis & periculis plerisque, quæ occurrunt in dierum festorum observatione. Nihil est igitur quod vulgò decantatur, refricandam esse memoriam beneficiorum redemptionis, ne tradantur oblivioni. Quàm solliciti sunt de memoria beneficiorum Christi, qui Ecclesiam tamen Christi sponsam opprimunt, fidos pastores percutiunt, & greges dissipant. Recolenda est memoria non modò eorum mysteriorum, quorum illi memoriam celebrant diebus festis, verum etiam omnium; sed non per festa memorialia. Quoties prædicatur Evangelium, ministrantur Sacramenta, legimus Sacram Scripturam, oramus, meditamur, recolimus mysteria religionis, & beneficia nobis per Christum parata. Nulla alia signa aut instrumenta memorialia mysteriorum religionis dedit nobis Dominus, quàm verbum & sacramenta. Quoties ministratur Baptismus, repræsentatur nobis resurrectio & mors Christi; quò die Sacra Coena, eo die passio Domini annuntiatur, & Apostolus ait in Evangelio crucifixum fuisse Christum

coram

coram Galatis. Cum concluderent Rhemistæ, non diligi Mariam à Protestantibus, quia non celebrant festum Assumptionis. Quasi verò, responderet Fulco, adstricti essemus ad dilectionem exprimendam observando diem festivum, vel non essent alia media conservandi memoriam ejus, quàm per dies sanctos. Et cum ex verbis Mariæ Luc. 1. 48. *Ecce ex hoc tempore beatam me prædicabunt omnes ætates*, colligerent aliis festis Mariæ addendum etiam illud Assumptionis, responderet; si non aliud medium beatam prædicandi Mariam, quàm celebrando Festum aliquod novum Domine nostræ, ut loquuntur, *tum frustrata erat effectus & eventus prophetia ejus per multas annorum centurias*, Nam ait *ἀπὸ τῆς ὥρας* ab hoc tempore beatam me prædicabunt, cum non nisi post multas annorum centurias instituta fuerint Festa Mariæ aut Magdalene, & tamen ubicunque prædicatum Evangelium, & statim ac coepit prædicari, conservabatur memoria foelicitatis Mariæ, & illius quod fecerit Magdalena, Mat. 26. 12. *Amen dico vobis, ubicunque prædicatum fuerit hoc Evangelium in toto mundo etiam quòd hæc fecit dicetur ad memoriam ipsius*, dixit Christus Math. 26. 13. Videmus, quomodo rerum gestarum à Christo memoria conservanda sit. Non modo Spiritus Sancti amanuenses literis consignarunt ea quæ fecit & docuit Christus, sed etiam per orbem terrarum viva voce promulgarunt. Hic prætextus recolendi memoriam mysteriorum redemptionis aut beneficiorum Christi aditum patefecit superstitioni & idololatriæ. Hinc crucis imago & signum, aliæque imagines. Iudæorum populo qui erat sub Legis prædagogia tradidit Deus signa & typos ad erudiendum intellectum, instrumenta musica ad affectus commovendos, & alia ad memoriam juvandam. Sed nos non literalem per signa externa, sed spiritualem legis memoriam in mente retinere debemus, ait Hieronymus ad Celanthiam. Bilsonus in Libro de obedientia pa. 349. objicientibus omnia media esse bona, quæ de memoria mortis Christi nos commonefaciunt, responderet, nisi sint superflua & periculosa; duo nobis commendavit Dominus, verbum & mysteria sacra in quibus superflui aut periculi nihil est. Valeant igitur festa memorialia, & omnes dies mystici, sive sint mystici respectu memoriæ, sive significationis rei præsentis aut futuræ, & retineamus diem Dominicum non ad usum mysticum, id est, vel ut festum memoriale resurrectionis vel præfigurativum vitæ beatæ, sed ad usum moralem id est ad colendum Deum quovis cultu ab ipso imperato, prout feret occasio, aut ordo & politia cujusque Ecclesiæ. Rectè Willetus in Synopsi; *Non jam amplius habemus*, inquit, *Sabbatum ut mysticum, sed ut morale*. At, inquiunt, pro insigni liberatione ab aliquo insigni malo temporali recolimus memoriam quorannis, ut 5. Novembris pro libertatione à conjuratione pulveraria. Respondeo, non celebratur memoria beneficii eo die cum cessatione ab omni opere servili; Secundò signa lætitiæ eo die indicantia, ut pyra accensæ, indicant diem potius politicum esse quàm Ecclesiæ proprium. *Ignis ascendi solet*, inquit Bellarminus, *ad lætitiæ significandam etiam in rebus prophanis*. Notæ sunt *De Reliquiæ pyrae*, inquit Scaliger, *quæ vigilia & die natalis Iohannis hodie accenduntur vestigia Cap. 4. præscæ gentilitatis*. Mei Aquitani latino verbo nonnihil detorto *Fagas*, id est, *faces sive De Emendat. lampadas vocant*, ut etiam vocabantur tempore Chrysostomi. *Eæ hodieque in Africa à Tempor. Lib. Mahammedanis eodem tempore accenduntur, eumque morem à Christianis relictum testis* 7. p. 713. *Iohan. Leo in sua Africa. Sed ejusmodi πυράδες vetat Canon 65 in Trullo. Ubi in Scholiis Balsamonis habemus, in Neomeniis ante suas officinas & ædes solitos incendere rogos & supra eos salire, existimantes ea quæ prius illis obtrixissent mala comburi, foreque ut in alia bona inciderent. Pyrae aut faces accensæ non sunt signa lætitiæ Ecclesiastica & sacra, sed civilia*. Willetus comparat hunc diem cum die Purim; dispar est autoritas instituendi dies illos quæ tunc urgebat in Ecclesia, & quæ

jam solum ordinaria est: & de perpetuitate illius consuetudinis supra dictum, ubi nihil aliud quàm dies politicos fuisse probavimus. Kuchlinus in Catechis. Holland. *Ad unicum illud Mordochæi exemplum & Estheræ festum sortium celebrare mandantium, respondemus. 1. Magistratum hic politicum quid spectasse manifestè textus indicat. 2. Tempora Veteris Test. à Novi Testamenti temporibus distinguenda sunt. In Veteri Testamento multi multa fecerunt, vel instinctu singulari, vel nullo præjudicio reliquis facto.* Tilenus ipse concedit, si Mardochæus author, Prophetica autoritate id factum, eadem videlicet qua Liber ille scriptus, vide supra pag. 373. 374. Beneficia temporalia vel in Ecclesiam vel in rempublicam collata sunt. Si in rempublicam, tunc politica habent media, & instrumenta conservandi memoriam beneficii. Si in Ecclesiam, nunquam negavimus præter repentinas ferias & gratiarum actiones extraordinarias pro re nata, posse inculcari eorum memoriam, & commemorari, cum datur inter concionandum occasio confirmandi retractorum temporum experientia doctrinam de divina providentia, & protectione Ecclesiæ gratiosa, sicut fit in aliis doctrinæ articulis. Sed de conceptivis feriis & ad gratiarum actionem extra ordinem indictis statas & ordinarias efficere, cum beneficium cujus recolitur memoria sit temporale, non decet, ut mihi videtur, Ecclesiam Christianam. Si beneficium commune sit utrique & Reipublicæ & Ecclesiæ, & materialiter eadem sint utriusque membra, cum tamen formaliter distinguuntur, in his etiam modis & mediis reficandi memoriam alicujus beneficii differre debent. Et detur, dies Purim fuisse & festa *Chori & Fori*, ut vocant, cum instituti primò fuerant, tamen scimus temporalium promissionum spe lætatum populum Iudæorum. Nunc vero sub Novo Testamento omnia sunt angustiora & magis abstracta à temporalibus. Sed cum dies Purim non essent dies sacri, ut supra probatum, & feriæ, sed dies politici quibus lætitiæ conviviis, & donis mittendis ad alios indicabant, quo modo nos dies celebrare sub Novo Testamento non docemur, & extraordinaria auctoritate instituti fuerint, nihil juvant vel festa memorialia mystica beneficiorum Christi anniversaria vel annuam memoriam beneficiorum temporalium. Quod si celebrarentur ea reverentia, quam postulat eorum dedicatio, tæderet eos dierum memorialium. Sed nihil nisi otium, luxum, comestationes, & enormitates alias pariunt, & pro his re ipsa litigant.

Quarta ratio sumitur ab autoritate Christi & Apostolorum, tum negativè tum affirmativè. Negativè sic; Nec Christus nec Apostoli alios dies sacros, sive festos, sive alios, instituerunt præter diem Dominicum. Diem Dominicum non tam instituerunt, quàm determinationem talis diei, quæ erat tantum positiva, mutarunt propter adherentes umbras, quæ accesserunt post primam institutionem, Sabbati manente substantia, nempe determinatione diei ad exercitia cultus divini quælibet quæ Deo probata. Nam in hunc usum institutum fuisse Sabbatum, & ante latam legem ceremonialem supra probavimus, quod confirmari etiam potest his verbis Apostoli, Heb. 4. *Quamvis operibus à jacto mundi fundamento factis.* Probat, Davidem Psal. 94. non loqui de requie Sabbati, sive diei Sabbati, quia in illam jam pridem inducti erant homines, scilicet ab initio, cum Deus operibus suæ creationis perfectis sanctificavit diem Sabbati, jussitque homines die illo quiescere, & suam requiem imitari. Inde colligit Cornelius à Lapide, Sabbati cultum & requiem in usu fuisse apud homines ante legem Moysi ab origine mundi, alioqui vim non habere argumentum Pauli. Beza in Apoc. 1. 10. *Ut appareat 4. Præceptum de septimo quoque die sanctificando, quod ad Sabbati quidem diem & ritus legales fuisse ceremonialis, quod ad cultum autem Dei attinet, esse legis moralis immotæ, & in hac vita perpetuæ, præscriptum, & fletisse quidem illum Sabbati diem à creatione mundi ad Domini resurrectionem.*

nem, quæ quum sit alterius spiritualis mundi velut altera creatio (ut loquuntur Prophetæ) tunc Spiritu Sancto istud Apostolis proculdubio distante, pro prioris sæculi Sabbato sive septimo die assumptus fuit novi hujus mundi primus. Cum igitur ante latam ceremoniam legem & umbras dierum institutum fuerit, non omnino evanescere oportebat, ut alios dies merè ceremoniales, sed tantum mutari positivam ejus determinationem, & transferri omnem gloriam Sabbati in diem Dominicum, ut loquitur Augustinus Sermon. 251. de Tempore; dies alios nempe merè mysticos & ceremoniales non mutarunt in dies alios mysticos & ceremoniales, festa Judæorum anniversaria in anniversaria Christianorum festa, umbras futurorum in umbras rerum præsentium, aut futurarum. Nec negligentia aut incuria id factum; nam de dierum observatione sæpius tractat Apostolus, tamen festorum celebritatem nullibi tradit; dixisset, hos vel illos dies observabitis, non illos legales seu ceremoniales, & hoc modo, non illo; sed ne *quod* quidem Apostolus de ullo die mystico, aut etiam moralis usus, præter primam Sabbati, quam Johannes vocat diem Dominicum, id est diem Christi. Nec satis distinctè designasset Johannes diem quo raptus in spiritu, si fuissent alii tum dies Christo dicati. Dixisset enim, raptus fui in die passionis, vel nativitatis, vel resurrectionis Christi, non autem raptus fui in spiritu die Christi, vel die Dominico quod idem, si plures fuissent dies Christi, aut alii à die Dominico. Qui per antonomasiam sic tunc dictum volunt, sicut hodie, debent probare alios fuisse tunc dies dicatos in honorem Christi, sicut postea & jam dicati sunt. Sed ab ista nomenclatura diei vim argumenti non petimus, sed, ut dixi, Scripturæ autoritate negativa. Non instituerunt Christus aut Apostoli dies festos, cum tamen de mutanda unius, & abroganda aliorum observatione sæpius agerent, & proinde oblata erat occasio aliquid statuendi de diebus Festis more Christiano observandis. Augustinus Epistol. 118. dicit, festa passionis Domini, resurrectionis, & ascensionis, & alia quæ in Ecclesia celebrantur, sine dubitatione vel à generalibus Conciliis vel ab Apostolis instituta. Sed neutrum necessarium. Nam ante ulla Concilia Generalia, id est ante Concilium Nicænum, multa universaliter observabantur, quæ tamen non ab Apostolis instituta, sed in particularibus Ecclesiis primum orta, in alias sunt sensim & paulatim introducta, & tandem progressu temporis facta sunt universalia, ut ex Socrate supra probavimus, & vetustissima de his Festis monumenta aut suppositia aut Apostolorum sæculo nondum nata ostendimus. Vide plura de regula Augustini supra. Affirmativè sic argumentamur. Apostoli non modo non instituerunt, observandos alios dies, sed etiam aliorum observationem damnarunt. Observantur autem dies, non solum cum instituuntur in memoriam mysterii alicujus, aut significacionem, de quo dictum in tertio argumento, sed etiam cum aliis diebus sanctioribus aut sacratiores æstimantur, vel ratione alicujus veteris consuetudinis jam abrogatæ, vel ratione mysterii eo die peracti. Sic æstimabant diem præ die, qui dies à Deo olim institutos etiam si antiquatos tamen adhuc observandos, eumque honorem eis deferendum præ aliis, existimabant, quam æstimationem & dierum discretionem ad tempus tolerarunt Apostoli, quia cum honore sepelienda erat Synagoga. Alio modo æstimant diem præ die, & observandos sentiunt, vel cum festivitate, vel cum jejunio, quia eo die sacrum aliquod mysterium peractum est. Sic die Passionis Christi jejunandum, die Resurrectionis lætandum & festum celebrandum, opinantur. Hookerus ait, opera Dei miranda dies in quibus facta sunt supra alios evexisse. Sic Bellarminus, *Christus nascens consecravit locum, id est præsepe, moriens consecravit crucem, resurgens consecravit tumulum unde exivit, cur non etiam consecravit tempus, id est, dies quibus natus vel passus vel redditus nobis fuit de vieta morte, cur*

*præ cæteris locus sanctus ille vocatur, ubi Dominus resurrexit? & præ cæteris sancta non erit dies illa in qua resurrexit? Atque ita eorum opinione dies à die ut stella à stellâ differt. Sed non opus aut actio diem vel locum consecrat, sed institutio. Nam per verbum fidei & preces consecrantur res creatæ. De dierum Festorum institutione nihil in verbo Dei habemus, sicut de die Dominico. At dicent Festorum observatores, se non observare dies ut sacrationes aliis, aut æstimare diem præ die, sed tantum ordinis & politiæ causa ac disciplinæ, ut Ecclesia habeat stata tempora ad cultum Dei externum celebrandum & conservandum, & tuentur se testimonio Hieronymi in Epist. ad Galat. Cap. 4. Si dies observare non licet, & menses, & tempora, & annos, nos quoque simile crimen incurrimus, quænam Sabbathi observantes, & Parasceuen, & diem Dominicam, & Jejunium Quadragesimæ, & Paschæ festivitatem, & Pentecostes letitiam, & pro varietate regionum diversa in honorem Martyrum tempora constituta. Respondet, non eadem Christianos observare tempora quæ Judæi, sed alia, quod parum ad rem, inquit Pareus Gal. 4. Pergit Hieronymus; Et ne inordinata Congregatio populi fidem minueret in Christo, propterea d'es aliqui constituti sunt, ut in unum omnes pariter conveniremus, non quo celebrior sit dies illa qua convenimus, sed quia quacunque die conveniendum sit ex conspectu mutuo major letitia oriatur. Hoc probabilius, inquit Pareus. Sed nullam ego probabilem rationem aut prætextum video. Nam si diem Dominicum non haberemus, tunc alios dies statos designare oporteret, ne inordinata congregatio populi fidem minueret in Christo, nec tamen dedicandi dies sancti, aut festa memorialia propterea instituenda, aut observandi dies ratione alicujus mysterii in iis peracti. Confundit Hieronymus diem Dominicum cum diebus Festis, ac si omnium eadem esset origo & obligatio, quo posito necesse erat dicere dies aliquos observandos, ne inordinata congregatione populi fidem minueret in Christo. Sed quanta fuisset tum varietas tum negligentia in diebus determinandis, si Diem Dominicum non instituisset divina autoritas? Nam, cum jus Naturale, quod Divinum etiam appellatur, nullos certos dies definiat, omnino oportuit Divina autoritate diem aliquem determinari; alioquin si liberum fuisset cujus sibi dies constituere, inde cyclopica anarchia & confusio. Sed diei Dominicæ nec eadem origo nec natura, quæ Festorum anniversariorum. Dies Dominicus erat determinatus à Christo, aut saltem Apostolis potestate extraordinaria instructis, & Spiritus inspiratione, & substitutus in locum Sabbati, quod à Deo ipso institutum, & in id usque tempus duraverat, dies autem Festos nullos instituerunt. Diem Dominicum ex hominum dominio exemerunt, quod ordinaria Ecclesiæ autoritate fieri non potest, & non ratione alicujus mysterii eo die peracti observandum præceperunt, sed ratione ordinis & politiæ, ut obligarentur Christiani autoritate non humana & ordinaria sed Divina & extraordinaria ad convocationes sanctas seu, ut Hieronymus loquitur, ad congregationes ordinatas, ne minueretur fides in Christo, & præterea ad privata religionis ac pietatis exercitia extra convocationes sanctas, seu congregationes ordinatas. Potest quæque Ecclesia designare alias etiam horas extra diem Dominicum *bechol hashabbath* ad congregationes populi, sed libera est populi obligatio ad convocationes illas; præterea non dedicantur in memoriam alicujus mysterii, nec observantur ut sanctiores aliis, aut æstimando dies illos celebrioribus aliis ratione mysterii alicujus iis diebus peracti. Nam si quis privatus ad privata exercitia unam horam præ alia eligeret ratione alicujus mysterii ea hora peracti, utpote quia hac hora Christus crucifixus, illa resurrexit, tertio effusa sunt dona Spiritus Sancti, ut faciunt Pontificii Horis suis Canonicis, æstimaret horam præ hora & celebriorem existimaret ratione mysterii ea hora peracti. Diximus supra posse privatum*

desig-

designare Horam ordinis causa ad privata pietatis exercitia, non tamen potest dedicare & sanctam constituere, nunc dicimus nec unam præ alia ratione mysterii æstimare. Nihil ergo hic lucratur, qui dicunt privatum posse Horam dici dedicare piis exercitiis, ergo Ecclesia potest idem facere. Et si potest Horam dedicare, potest etiam Diem. Nam negatur posse horam dedicare, & sacrare, ordinis causa ad colendum Deum privatim; negatur etiam horam mysticam id est in memoriam vel ratione mysterii ea hora peracti celebrare privatim posse. Nec potest similiter ulla Ecclesia sacrare Horam politicæ causa ad congregationem populi ad cultum divinum in genere, aut mysticam horam celebrare. Horæ precum & concionum diebus profestis septimanæ, quibus conveniunt liberè qui volunt, sunt designatæ, non sacratæ horæ nec mysticæ. Qui horam igitur sacrare aut mystico more celebrare non possunt, nec diem possunt. Dies Festi, non ut politicæ & ordinis causa designati, sed ut sancti sacri & mystici observantur, & sic à Patribus, quos citant & quos se imitari dicunt, vocantur. Et rectè Bellarminus; *Certum est, hos dies, nempe Natalis, Pentecostes, Passionis, Resurrectionis, Ascensionis, non servari ratione ordinis & politicæ, sed ratione significationis. Nam in primis, si solum ratione ordinis servarentur, temere constituti fuissent. Quis enim est iste ordo, ut inter diem Passionis & Resurrectionis non sit nisi unus dies medius? inter Resurrectionis & Ascensionis sint quadraginta? inter Ascensionis & Pentecostes sint decem? inter Pentecostes & Natale sint plus quàm sex menses? Deinde si solum ratione ordinis celebrantur Festa, cur sequimur Lunam in Festis mobilibus invenientis? item cur habent ista nomina, Pascha, Ascensio &c. si nihil sacrum significant? denique Patres disertè docent, Festa ista celebrari ad significanda mysteria redemptionis, & ea externo ritu representanda. Si ratione ordinis & politicæ tantum observarentur, una esset ratio celebritatis omnium. At Nazianzenus Pascha dicit esse Festum festorum, celebritatem celebritatum; Chrysostomus diem natalem Christi, Festum maximum & festorum metropolin vocat. Si ratione ordinis & politicæ tantum, cur non eadem libertas permixta die Festo quæ diebus septimanæ profestis, quando habentur conciones? Si ratione ordinis & politicæ, cur dies duos aut tres anniversarios Nativitati aut Resurrectioni commemorandæ dedicant quædam Ecclesiæ, aliæ plures celebrant, omnes tamen pauciores quàm diversa religionis mysteria aut articuli postulant? Si ratione ordinis & politicæ, cur sequuntur Lunam in Paschate observando, & diem mensis in Natali, & cur non etiam Natale die Dominico observant, sicut Pascha? Nam Romana Ecclesia, cujus morem in die mensis sequuntur, arbitratur die Dominico natum fuisse Christum. Nam Christus die Dominica natus est, ut patet, inquit Bellarminus, quia illo anno currebat litera dominicalis B. ut omnes Mathematici docent, & potest ostendi retrocedendo in Cyclo Literarum Dominicalium. Judæi Sabbatum ordinarium observando annum civilem seu politicum sequebantur, Paschate annum sacrum, & Lunæ die 14 ad vesperam celebrarunt. Si ratione ordinis & politicæ, cur die Dominico annum civilem, in Paschate & Pentecoste annum sacrum & primum anni sacri mensem sequimur, sic dies observantes & menses & annos? Si autem quærat, inquit Bonaventura, quare Ecclesia magis accipit Festa sua secundum Solem, quàm secundum Lunam exceptis duobus. Hoc ad præsens sufficit, quod quia Synagoga in tenebris noctis ambulat, & minuenda erat, ideo a luminari, quod nocti præest, & quod minuitur in consummatione, accipiebant suarum solemnitatum distributionem, quia verò Ecclesia jam ambulat in lumine, sicut dicitur Apocalypf. 12. ideo menses computat & dies solennes magis secundum motum Solis quàm Lunæ, exceptis solo Paschate, & per consequens Pentecoste. Paschalis enim sollemnitas celebratur non solum ut commemorationem resurrectionis præteritæ, sed etiam in præfigurationem*

De Cultu
Sancti. c. 10.

Cap. 12.

Dist. 1. 2.

Dist. 14.

Num. 48.

tionem resurrectionis futurae; & in hoc Ecclesia est quodammodo conformis Synagogæ, unde festivitatem illa observat à Luna, non Judaizando, sed potius illam futuram solennitatem quam expectat, secundum quod sibi competit, præsignificando. Bellæ rationes, sed nova refutatione non dignæ. Vides hic, profiteri dies mysticos, & Ecclesiam in solennitatibus Paschatis & Pentecostes esse quodammodo conformem Synagogæ. Non ratione ordinis & politię igitur observantur dies anniversarii, ne inordinata congregatio populi fidem minueret in Christo, nam esset inordinata politia, ut videmus; sed ut dies sacri & mystici, & festa memorialia, & aliis diebus anni celebriores, & intuitu mysteriorum iis diebus peractorum quibus quotannis recolendis destinati sunt. Diem Dominicum præ aliis diebus æstimamus non ratione mysterii illius eo die peracti, aut significationis rei futuræ, sed tantum ratione institutionis, quia divina autoritate, & politię ac ordinis causa positiva determinatione Christi aut Apostolorum segregatus fuit ab aliis septimanæ diebus, ut suppleret vices Sabbati vereris, id est, ad conservandum Dei cultum externum, tum publicum, ne inordinata congregatio populi fidem minueret in Christo, tum privatum, ut obligarentur omnes ad vacandum meditationibus & piis exercitiis stato quodam die, & in hunc finem, ne vel in vilia mancipia potestatem haberent domini, ut abstrahant à cultu Dei tum publico tum privato, nedum ut ipsi prophanandi libertatem sibi arrogarent. Discrimen dierum ceremoniale & mysticum damnatur, non politicum, sive à Deo positum ad quod obligamur sive ab Ecclesia in profectis septimanæ diebus quorum obligatio est libera.

5. Ratio. Si intendisset Deus, ut varia Christianæ religionis mysteria variis & diversis anniversariis Festis celebrarentur, non celasset diem Nativitatis, Circumcisionis, Transfigurationis, Epiphaniarum, Præsentationis in Templo, Baptismi &c. ut opus diei in die suo celebraretur. Si opera diei dies ad maiorem præ aliis dignitatem eveissent & consecrassent, dies illos certos, non alios consecrassent dies putativos. Diem incertum pro certo observant; nec est quod inde arguant, se libere observare dies, nam incertos ut certos ad hæc usque tempora observarunt. Et deprehenso jam errore à Viris Doctis tamen eundem mysticum diem incertum observant, quem inolito errore decepti antea observabant, etiamsi foveat errorem summi Pontificatus Zachariæ, & ne vel in Dominicum diem, cuius ratio moralis & certa, transferre volunt, etiamsi eadem traditione acceperunt die Dominico Natum, & proinde Circumciscum, & consequenter secundum veterum opinionem Baptizatum. Non hæc dico, quod probem solenniores Dominicas, ut Trinitatis, Nativitatis, Resurrectionis &c. aut magna Sabbata, qualia habebant Iudæi, sed ut ostendam quàm pertinaciter hæreant in fæce religionis superioribus sæculis depravatæ. De diebus certis judicare possumus ex incertis. Nam si dies Nativitatis, Circumcisionis &c. celavit, & abscondit ut corpus Moysi, ne colerentur aut observarentur, indicat non se voluisse dies certos resurrectionis, ascensionis, effusionis donorum Spiritus, peculiari hac ratione & modo celebrari.

6. Ratio communis diebus Festis cum aliis rebus Adiaphoris. Nam ut dictum Capite Nono Adiaphora superstitione & abusu inquinata ex Ecclesia exterminanda sunt & abolenda; quod principium Theologicum habet Zanchius in 4 Præceptum, ubi de dierum observatione disserit. *Tenenda enim est hæc regula; quæ in abusu venerunt, & superstitionibus contaminata fuerunt, si necessaria sunt in cultu divino ea penitus tolli à nobis ex Ecclesia nec debent nec possunt. Itaque abusibus tantum & superstitionibus repurganda sunt, veluti est Baptismus Cænaque Dominica, & publicæ Preces, & alia nonnulla. Si vero sunt Adiaphora, tolli ea prorsus possunt, & sæpe etiam debent*

debent, sicut fecit Ezechias. In hoc secundo genere sunt præter alia multa etiam dies Festi, præsertim qui diei Dominico additi sunt. Non malè igitur fecerunt, qui omnia præter diem Dominicum abolerunt. Quæ subjicit, cum principio posito non cohærent. Constat, Festa non modo superioribus sæculis, sed etiam hodie contaminari, non solum superstitione, sed etiam prophanitate, ac si Baccho, non Domino, vel utrique dicata essent. Et qui sanctificant piis exercitiis, ab opinione cultus liberi non sunt. Nam qui rem aliquam Deo sacrat, & ut sacrata aut sancta utitur, ea re colit Deum. Nam quomodo fingi potest aliquid Deo dedicari ut sacrum & neutiquam prophanandum, & non simul hoc modo Deum coli? Fingant sibi aliam intentionem, tamen cum exterius re ut sacra utuntur, & non prophananda, facto protestantur quod mente negant. Si Sanctis dicare dies sit sanctorum cultus, certè & Christo sacrare erit etiam Cultus Voluntarius & ἰθελουρητικὸς. Vorstius in Antibellarmino dicit, observationem Dierum esse cultum, etsi non necessarium. Sic necessitatem & perpetuitatem à ceremoniis sacris separari posse, diximus supra Cap. 9. De Waldensibus testatur Æneas Sylvius, quod senserint, *Histor. Bern. Cap. 35* Nullo die ab opere cessandum, nisi quæ nunc Dominica appellatur. Nec nos pœnitet in eadem manere sententia. Non aliud evenit diei Dominicæ, quam Libris Scripturæ Canonice. Legunt Apocryphos libros in Ecclesia, ac si satis superque Canonicos inculcassent eosque probè tenerent omnes; sic, ac si diem Dominicum rigidè observassent, nec sufficeret explicandis religionis mysteriis, quibusdam, forte duobus aut tribus, explicandis alios Apocryphos supererogando addiderunt. Sed dices concionandum potius, quàm ut populus in æstu ad solem desideat. Dico contrà, abstrahendum populum tum ab otio tum à superstitione abstinendo à peculiari illo cultu diei assignato, vel ab omni cultu externo. Non fovetur superstitio, dum sanctificatur Festum religioso cultu. Sanctificatur efficienter instituendo & dedicando, sed non sanctificatur formaliter nisi piis Divini cultus exercitiis. Non est autem curanda prophanitas per sanctificationem formalem; nam sic curatur, non prophanitas populi, sed prophanatio diei per populum, & confirmatur superstitio, cum diem festum prophanare liceat, quia re ipsa & Dei æstimatione profestus est, sanctificare tamen quod non sanctificavit Dominus, non liceat.

Habent & stata Jejuniarum Tempora. Festa nonnulla habent Vigiliarum Jejunia, alia non habent. Idèò in Calendario præfixo Liturgiæ Anglicanæ die præcedente quædam Festa habes annotatum, *Hic jejunandum*, ut coram Festo Purificationis, Nativitatis Iohannis Baptistæ, Petri Apost. &c. Circumcisionis, Epiphaniarum, Philippi & Iacobi &c. non habent eam prærogativam. Dicit Bellarminus, in profestis magnorum dierum consueverat Ecclesia vigilare & jejunare. Cæterum quoniam paulatim occasione nocturnarum vigiliarum abusus quidam irrepere cæperant, vel potius flagitia non rarè committi, placuit Ecclesiæ nocturnos conventus & viglias propriè dictas intermittere, ac solum in iisdem diebus celebrare jejunia. Cassander in Scholiis ad Hymnum Gregorii, Primo dierum omnium, &c. ait; In maioribus tamen Festis, ut est *Opera Class. p. 178.* Natalis Dominicus, populus totam noctem pervigilabat. Unde vigiliarum nomen d'atum est, quod tamen ob certas causas, quamvis Apostolicæ traditionis haberetur, mutatum est, & Jejuniarum tantum, nomine Vigiliarum servato, retentum. In defensione Libelli de Officio Pii Viri dicit Vigilias in Jejunia commutatas. Tertio loco sunt, inquit, quæ olim Ecclesiæ initio turdè & castè observabantur, sed postea multitudo & licentia populi crescente in abusum venerant, ut erant celebrioribus temporibus nocturnæ in Ecclesiis Vigiliæ, ex quibus hoc religiosissimè tenebatur, ne nocte Pæschæ ante noctis medium populus dimisteretur. Verum hæ nocturnæ Vigiliæ in populo obsoletæ à solis fere Mo-

nachis utcumque retentæ & majorum prudentia in Jejunia sunt commutata, quæ ideo jejunia dispensationis vocantur, sic ut ipsi jejuniorum hujusmodi dies, ipsarum Vigiliarum, unde commutata sunt, hodieque nomen obtineant. Quid dispensatione opus, ubi nulla erat obligatio? Non enim adstringebatur populus vigilare nocte, sive ante dies festos, sive aliis noctibus, nec erat mos ille traditio Apostolica. Nulla ejus vestigia habemus in Sacra Scriptura, ubi de conventibus fidelium sæpius agitur, nisi quando premente persecutione noctu conveniebant; quod jam cessante causa non est imitandum. Dicit Propheta, se surrexisse media nocte ad confitendum Domino, & oculos ejus prævenisse diluculum, & Christus etiam dicitur penoctasse in oratione. Paulus & Silas in carcere media nocte laudarunt Deum. Hæc fecerunt, non ex obligatione ad vigilandum, sed vel jam vigilantes, vel ut urgebat prævens occasio. Non erant illis nocturnæ Vigiliæ statæ precum & laudum tempora, nec de iis præcepta Ecclesiæ tradiderunt, sicut vult Hymnus quidam his verbis; *Mentes manusque tollimus, Propheta sicut noctibus, nobis gerendum præcipit, Paulusque gestis censuit.* Propheta ait; *Septies in die laudem dixi tibi*, Psal. 119. & *Benedicam Domino omni tempore*, Psal. 33. an propterea obligatur quisque septies in die laudes dicere, aut totus Ecclesiæ cœtus ad officium laudum & precum septies in die convenire? Si qui obligantur exemplo Davidis, Reges obligarentur. Zelum habebant veteres, sed hic absque scientia, nec deerant qui hanc κακοζήλιαν reprehenderant & nocturnas vigiliæ, nedum vanas sed & in Deum, qui noctem ad somnum Ritib. l. 3. c. & quietem fecerit, injurias affirmabant, quos illi Nyctages appellabant, ut habet Isidorus. 4. n. 6. Acriter & acerbius, ut ait Fildus de Ecclesi. Lib. 3. Cap. 9. quàm decet virum modestum, eo nomine persequitur Vigilantium Hieronymus, quem propterea Dormitantium vocat; *Exortus est subito Vigilantius, seu potius Dormitantius, qui immundo spiritu pugnat contra Christi spiritum, & damnandus dicit esse Vigiliæ.* Sed permutato nomine Vigilantium appellari meritò poterat Hieronymus, qui Vigiliæ defendebat, nec humanæ naturæ fragilitatem perpendens, nec abusus qui jam ante irrepserant, ut patet ex Concilio Elibertino Can. 33. *Placuit prohiberi, ne fœminæ in cimiterio pervigilent, eò quod sæpe sub obtentu orationis scelera latentèr committant.* Et sane si quis Hieronymum legerit, inveniet Vigilantium argumentis, Hieronymum verò convitiis & calumniis uti, ait Whitakerus de Ecclesia Qu. 5. c. 7. Commutatio igitur vigiliarum in jejunia dispensationum nullo Sacræ Scripturæ fundamento nititur. Ecclesia Catholica, inquit Bellarminus, in profestis magnarum celebratarum Jejunia instituit ut animi paratiores sint ad vacandum rebus divinis. Cur non id fit in omnibus? Vides majorem præparationem ad dies Festos, quàm ad diem Dominiicum, quem Dominus ipse nobis commendavit. Nam Jejunium Sabbati alio nomine introductum, quàm ut esset Parasceue diei Dominici, nempe in memoriam humilitatis Domini qui die Sabbati jacuit mortuus & clausus in sepulchro, nec fuit hic ritus ætate Augustini universalis, & Can. Apost. damnatus. Morem hunc mutuati sunt non à Judæis, sed Eihnicis. Nam etsi Judæi die antecedente festum habebant Parasceuen propter diei magni apparatus, non tamen jejunabant. Quid quod ne illud quidem facile probatu, Judæos in suis Parasceus jejunasse; imò constat non jejunasse, aut certe non in omnibus. Ne longe abeam, in Parasceue Paschatis Agnus Paschalis edebatur, inquit Casaubonus. Ex Ethnicorum vero ritibus hæc habent. Sic dicit Arrianus in dissertationibus Epicteti, eum, qui suscepturus erat mysteria, accessisse πρὸς νηστείαν id est postquam observasset leges castimonie propriis illis mysteriis quibus initiari volebat. Pars autem castimonie, sive ut Veteres loquebantur, castus illius, erat posita in ciborum delectu. Patres Latini Græcum vocabulum παρασκευῆ, quod festi præparationem significat, verterunt aliquando Cæna Pura. In Ritibus Pa-

ganorum Cæna Pura appellabatur cæna illis apponi solita, qui in castro erant, quod Græci dicunt *ἑσπέρην* vel *ἑσπέρην*. Erant autem pro diversitate sacrorum ritus diversi, & multiplex ciborum observatio. Undecunque ritum istum jejunandi die festum antecedente mutuati sunt; qui Vigiliis in Jejunia dispensationis commutarunt, vel una cum vigiliis jejunia observabant, imprudenter ne dicam insipienter fecerunt. Nam quæ ratio jejunandi die antecedente, ut paratior sit ad vacandum rebus divinis die festo, cum die ipso festo non jejunarent, quo tamen die potius jejunandum erat cum jam vacarent rebus divinis. Nam jejunium cum actione ob quam indicitur aut suscipitur conjungendum est, ut inter ipsa divini cultus exercitia promptiores reddat, non autem separandum. Hodie jejunant ad domandam carnis ferociam, ut ajunt; cras quod à carne detraxerant reddunt, & eandem ferociorem quam prius efficiunt.

Jejunium 4 Temporum in Septimanis Cinerum à Calisto institutum, ut refert Platina. Calistus Pontifex in tanta rerum perturbatione tamque sceclerat s Impp. nequa- Platina in quam ab instituto suo discedens constituit, ut ter in anno jejunaretur die Sabbathi, præ- Calisto. fertim frumenti, vini, & olei gratia, secundum Prophetiam, videlicet quarto mense, septimo & decimo, inchoando annum Hebræorum more. Verum postea mutata sententia id in 4 anni Tempora transtulit, in Vernale scilicet, Æstivale, Autumnale, & Hyem-ale, quibus temporibus deinceps ratio sacrorum ordinum habita est, cum antea id quidem tantummodo Decembri mense feri consuevisset. Ordinationes Ministrorum non sunt adstringendæ statim temporibus, ut dixi supra, pag 429. ubi vide etiam plura de Jejunio Quatuor Temporum. Bellarminus ordinationes Decembri mense institutas & jejunium colligit ex Act. 27. sed erat jejunium illud non Christianorum sed Judæorum, quo designabatur tempus periculosa navigationis Pauli & vectorum, ut in eum locum observavit Th. Beza, & agnoscit Baronius in an. 58. nu. 168. Sic Act. 20. mentio fit Pentecostes, non tamen erat Pentecoste illa Christianorum, sed Judæorum. Præcipua causa institutionis juniorum quatuor temporum fuit, inquit Bellarminus, ne Christiani Judæis, apud quos solenne fuit jejunium quater in anno Zach. 8. remissiores viderentur. Sed non licet Christianis ritus Iudaicos imitari, ut ait Chemnitius, & Origenes Hom. 9 in Levit. Qui ergo observat jejunia ascendat ter in anno in Hierusalem. Præter pravam æmulationem in ritibus Iudaicis à Deo imperatis considerandum est, occasione calamitatum, quarum memoria & miseria adhuc durabat, observata fuisse illa jejunia Ierem. 52. 4. 6. 7. & sublata causa cessasse, quod prædixit Propheta Zach. 8. Præterea reprehensione vacare non videtur, quod hæc stata jejunia instituerint, ut videtur colligi posse ex Zach. 7. 5. & Chemnitius dicit à Deo per Prophetam reprehensa fuisse, quod non ex præscripto Domini, sed ex suo cerebro instituissent.

Jejunium Tridui ante Ascensionem, quod Jejunium Rogationum vocant, unà cum Litanis instituisse ajunt Mamertum Viennæ Episcopum. In Anglia Sacerdotes lustrant agros, & Litanias, Psalmos, aliasque Orationes in campis recitant diebus Rogationum, ut refert Barrous. A Litanis, id est supplicationibus seu rogationibus, dicti sunt dies isti Rogationes. Litanix aliæ sunt dictæ majores, aliæ minores. Majores appellatæ illæ, quæ tribus diebus ante Ascensionem, Minores quæ die Sancti Marci, dicuntur. Has majores observant Angli, & quidem in agris cum processione. Nam sequitur Sacerdotem Litanias & Evangelia recitantem caterva promiscua plebeiorum, & ex fœce vulgi. An minores etiam, nescio. Habent igitur, ut supra dixi, Litanias annuas & hebdomadicas. Mos iste derivatus ab Ethnicis, qui sua habebant Sacrificia Ambarvalia. Ambarvalis vide Rosin. hostia est, quæ rei divinæ causa circum arva ducunt ab iis qui pro frugibus faciunt, ut anteq Lib. 4. descri- Cap. 17.

describit Sextus Pompeius; *Ab ambiendis arvis hostiæ nomen acquisitum est. Hoc sacrificium ita peragebatur. Victimæ, suæ scilicet, ovem, & taurum, unde Suovetaurilia id sacrificium appellatur, maturis fructibus ter circum arva ducebant, omnesque postclamantes sequebantur: ex quibus unus querna corona ornatus cum solenni saltatione compositum carmine Cereri decantabat laudes, ac postquam vino & lacte libassent, antequam fruges meterent, porcam Cereri immolabant.* Jejunium Rogationum videtur non tam præcepti quam consilii fuisse, cum satis constet inter Pascha & Pentecosten ex antiquissima consuetudine nulla jejunia imperari; ait Bellarminus.

Bel. de Bon.
Operib. in
part. l. 2. c. 21

Jejunium Quadragesimale, seu Paschale etiam observant. Severiora Quadragesimæ exercitia, quæ defuncti, restitui optant, ut patet ex Præfatione ante comminationem in peccatores, cum precibus quibusdam utendis diversis anni temporibus. Post matutinas preces populo convocato per Campanæ pulsationem, & in Ecclesiam conveniente, Litaniam Anglicana juxta morem assuetum dicenda erit, qua finita Minister suggestum ascendet, ac sic dicit; *Frater, in primitiva Ecclesia pia erat disciplina, ut in initio Quadragesimæ tales personæ qui peccatores erant manifesti ad publicam penitentiam essent coacti, & in mundo hoc correpti, quo eorum animæ fierent salvæ in die Domini, & ut eorum exemplo alii admoniti magis extimescerent peccare.* In cujus loco (donec eadem disciplina restitui posset, quod maxime est optandum,) visum est, ut hoc tempore coram vobis legerentur generales maledictionis Dei sententiæ adversus impenitentes peccatores collectæ ex 27. Capite Deuter. aliisque Scripturæ locis, & ut vos ad singulam quamque sententiam respondeatis. Sic transtulit Anglicana Muckerus. Ubi obiter observa, oportere Sacerdotem mutare locum, in loco inferiore Litaniam recitare, & ea finita suggestum ascendere, & maledictiones legis generales legere, quas singulas esse debitas his vitiis quæ nominatim recensentur, affirmat populus. Ista loci mutatio videtur inde orta, quod præceperat Dominus, ut ederent benedictiones in monte Gerizzimorum, & maledictiones in monte Hebalis Deut. 11. 29. Cum piam disciplinam publicæ Poenitentia in initio Quadragesimæ restitui optant, præstentur opera pœnalia satisfactionum se optare restitui, & ritus quos observabant veteres in poenitentibus admittendis & reconciliandis. Imponebatur Poenitentia publica feria quarta ante primam Dominicam Quadragesimæ quæ dicitur, In capite Iejunii. Poenæ Poenitentium multiplices erant & variæ, ut abstinere à participatione divinarum mysteriorum, non promoveri ad Ordines, abstinere à Nuptiis, ad militiam sæcularem non accedere, unctione infirmorum carere, singulis diebus jejuniorum ad Ecclesiam venire, mortuos sepelire, diebus Dominicis & tempore Paschali cum fideles stantes orarent genua flectere ad orandum, non ire ad balnea aut convivia, jejuniis, orationi, sacco & cineri incubantes assidue operam dare. Hæ erant poenitentium poenæ, ut recenset Bellarminus de Poenitentia Lib. 1. Cap. 22. Habitum certum quo distinguebantur à cæteris ait fuisse pullam vestem, cilicium, caput detonsum, exceptis foeminis; Et *quævis tempus poenitendi aliis longius aliis brevius præscriberetur, ut trium, septem, decem, aut plurimum annorum, tamen singulis annis in 5 feria majoris hebdomadæ omnes reconciliabantur.* Hæcne disciplina illa, quam restitui optant. Nam hæc Veterum disciplina, ut ibidem probat Bellarminus. Poenitentia publica imponebatur feria 4 ante primam Dominicam Quadragesimæ. Habemus adhuc vestigium hujus ritus, inquit Bellarminus, in consecratione & aspersione, quæ eo die feri solebat. Hoc die habent collectam istam Angli, *Omnipotens eterne Deus, qui nihil odisti eorum quæ fecisti, & remittis peccata omnibus poenitentibus: crea in nobis cor contritum, ut dignè peccata nostra desicemus & agnoscamus iniquitates nostras, & à te Deo omnis misericordiæ perfectum peccatorum remissionem consequamur. Per Dominum nostrum Iesum Christum. Amen.* Vides,

des, illos se jam seriò accingere ad deslenda peccata, quod toto anno facere debebant, vel peccata toto anno ante commissâ hoc exercitio se expiâuros esse putant. Secunda ratio institutæ Quadragesimæ est, ut ad sacram Communionem, quam in Paschate nullus omittet, per jejunium quadragesimale præparentur, ad faginam spiritualem per jejunium corporis. In quem finem constituerunt Episcopi Anglicani in Synodo 1603, ut *Parochiani singuli quotannis ad minimum, nominatim verò in festo P. schatis, sicut in libro publicæ Liturgiæ jubentur, possint sacramentum illud, nempe Cœnam Dominicam, percipere.* Nonne quia ad Communionem Paschalem præparentur per Iejunium quadragesimale, & non aliis temporibus? Innocentius III. decrevit in Concilio Lateranensi in hunc modum. *Omnis utriusque sexus fidelis, postquàm ad annos discretionis pervenerit, omnia sua solus peccata semel in anno fideliter confiteatur proprio sacerdoti, & injunctam sibi pœnitentiam propriis viribus studeat adimplere, suscipiens reverenter ad minus in Pascha Eucharistiæ sacramentum, nisi forte de proprii Sacerdotis consilio ob aliquam rationabilem causam ad tempus ab hujusmodi perceptione duxerit abstinendum, alioquin & vivens ab ingressu Ecclesiæ arceatur, & moriens Christiana careat sepultura.* Nota, ait glossa, quod quilibet fidelis semel in anno Pœnitentiam accipere debet & Communionem. Hanc constitutionem alia constitutione Provinciali corroboravit Simon Sudbury Cantuariensis, quæ extat in Provinciali Lindvodii Titulo de Pœnitentiis & Remissionibus. Duo mala ex isto more orta sunt; primum quod sacratior habetur Cœna Domini in Paschate quàm aliis temporibus, 2. quòd propterea negligentior fit populus aliàs in percipienda Eucharistia, cum in primitiva Ecclesia singulis diebus communicarent. *Accipe quotidie, quod tibi quotidie profit; qui non meretur quotidie accipere non meretur post annum accipere,* ait Ambrosius. Tertiò, institutum dicunt, ut Christum eo modo quo possumus imitemur. Imitamur autem per hoc jejunium, cum passionem Christi quàm hoc tempore ipse pro nobis pertulit, tum etiam illud ipsum jejunium quod nostri causa suscipere dignatus est. Non imitandus est Christus in doloribus quos pertulit pro nobis. Nam non pertulit, ut præberet exemplum patijendi vel affligendi, sed ut satisfaceret iustitiæ Dei. Passio Christi est imitanda cum vocamur ad crucem, non autem vana superstitione. Alioquin potest & debet quisque perforare manus & pedes, ut Christi vulnera imitetur eique conformis fiat. Christi jejunium non fuit propriè jejunium, nam non esuriebat ante diem quadragesimum; & proinde non erat Christi abstinencia exercitium temperantiæ, sed opus divinum & miraculosum quo legislatorem novi Testamenti se ostendere volebat Christus, sicut Moses qui legem à Deo latam tradidit populo veteri, & Elias qui instauravit, suam vocationem simili jejunio sancitam habuerunt. Nec Moses, nec Elias, neque Christus jejunium 40 dierum ipsi iterarunt, vel in veteri vel in nova lege imitandum præceperunt. Chrysostomus; *Non enim dicit Christus, jejunium suum esse imitandum, quamvis quadraginta illos dies posset proponere, sed discite à me quia mitis sum & humilis corde.* Imò verò contra omne quod apponitur vobis, &c. Augustinus; *Non ergo, quia Christus statim post Baptisma jejunavit tanquam regulam observationis tradidisse credendus est, sed planè illo exemplo docuit jejunandum esse, quando fortè acriore iustamine cum tentatione confugitur.* Si Christum imitari satagunt, cur non jejunant à sexta die Januarii usque ad 14 Februarii? Nam tunc censent Christum jejunasse, & sequitur ex eo quod putant 6 die Januarii baptizatum fuisse Christum. Sed jejunium 40 dierum ante Pascha nec Christum nec Apostolos instituisse patet ex varietate in observando dierum numero. Socrates; *Iejuniorum rationem, quæ ante Pascha sunt, aliter ab aliis observatam esse facile est reperire.* Nam c. 21. *qui sunt Romæ tres septimanas ante Pascha, Sabbato & Dominico exceptis, simul jejuant,*

Decret. Tit. de Pœnitent. & Remiss. Cap. Omnis.

De Sacram. l. 5. c. 4.

Homil. 47. in Matthæ.

Præfat. in Psal. 30.

Hist. l. 5. Nam c. 21.

nant, qui autem in Illyrio & tota Græcia, quique Alexandria habitant, ante sex septimanas jejunia quæ ante Pascha sunt, ordiuntur, illudque tempus *Quadragesimam* Vocant. Alii præter horum consuetudinem 7 septimanas ante illud jejunium initium jejunandi facientes, quoniam quindecim dies solum quibusdam intervallis interpositis jejunent, nihilominus tamen tempus illud *Quadragesimam* vocant. Irenæus apud Eusebium Hist. l. 5. Cap. 23. Non enim de die tantum disceptatio est, sed & de ipsa specie jejunii. Si quidem alii unum sibi diem jejunandum esse putant, alii duos, alii plures, alii quadraginta, horis diurnas & nocturnas computantes diem suum statuunt. Non loquitur Irenæus de varietate continuandi jejunium sine omni cibo in Quadragesima, id est an tempore Quadragesimæ cibus sumendus esset semel, aut semel post bidduum aut triduum &c. ut vult Bellarminus, (non est enim verisimile ultra bidduum aliquos continuasse jejunium,) sed de determinato tempore Paschalis jejunii, nempe quòd varium erat & liberum. Ignatu Epistolæ imò & Telephori, in quibus mentio Quadragesimæ, hoc quoque inter cetera probat aut nothas esse, aut saltem post Irenæi tempora interpolatas, quod eas ignoravit Irenæus. De Clemente & Apostolorum Canonibus rectè pronuntiavit Gelasius apud Gratianum Dist. 15 & 16. quæ scripta etiam Augustini oculos fuerant, ut colligitur ex ejus Epist. 86 ad Casul. inquit Tilenus: & totidem pene verbis Iunius, Cont. i. l. 4. Cap. 9. unde ille istam thesin, ut multa alia passim ex ejus operibus, transcripsit. Varietas ista dierum antepaschalis jejunii arguit, ne vel unum diem jejunii ab Apostolis institutum aut præscriptum. Alia etiam varietas nempe in ciborum delectu id ipsum arguit. Quinetiam non de numero dierum solum discrepant, verumetiam de abstinentia à cibis variam sequuntur rationem. Nam alii omnino ab omni animantium genere abstinent, alii inter animantia pisces solum comedunt, alii cum piscibus volucres etiam manducant, easque ex aqua (ut est apud Moysen) nasci asserunt. Alii à fructibus duris integumentis involutis & ab ovis temperant, alii arido pane solo vescuntur, alii ne illo quidem. Sunt qui cum ad horam nonam jejunarint, variis ciborum generibus utuntur. Alia ratione apud alias gentes jejunatur: cujus rei sunt causæ propè infinitæ. Ac quoniam nemo de ea præceptum literarum monumentis proditum potest ostendere, perspicuum est liberam potestatem in eadem cujusque menti & arbitrio permisisse, ut quisque nec metu nec necessitate inductus quod bonum sit ageret, inquit Socrates. Quos ritus observent tempore Quadragesimali in Ecclesia Anglicana, nondum didici, nisi quod Lincolnenses referunt singulis feriis hebdomadæ, quàm Sanctam vocant, id est illius qui diem Pascharis immediatè antecedit, haberi singulis diebus præscriptum Officium, proprias Collectas, Epistolas, Evangelia, & quòd die passionis seu Parasceves habent tres Collectas. Dies iste ratione mysterii in eo peracti æstimatur præ aliis diebus, & peperit jejunium ferix sextæ. Sed æstimationem diei præ die, vel hoc intuitu, non probasse Apostolos patet ex Rom. 14. In Collecta Dominicæ quartæ Quadragesimæ habent hæc verba, Concede quæsumus omnipotens Deus, ut qui ex merito nostræ pravitatis affligimur, Anglicè, worthily Punished, tuæ gratiæ consolatione respiremus. Quid aliud sibi volunt ista verba, quàm jejunium quadragesimale suscipi ut opus poenale & satisfactorium pro peccatis & negligentis toto anno commissis, quo Deum placare nituntur? ut ait Bellarminus. Non enim affliguntur aliqua calamitate aut poena à Deo infligta in Quadragesima. Imo in Collecta Dominicæ 2 Quadragesimæ sic orant; Deus qui conspicias omni nos virtute destitui, interiùs exteriusque custodi ut ab omnibus adversitatibus muniamur in corpore, & à pravis cogitationibus mundemur in mente. Habent ante Dominicam Passionis septem celebres Dominicas, quarum prima dicitur Septuagesima, secunda Sexagesima, tertia Quinquagesima, quarta prima Quadragesimæ, quinta secunda Quadragesimæ, sexta tertia Quadragesimæ, septima quarta Qua-

Syntag.
Part. 2.
Disp. 53.
Num. 39.

Hist. l. 5.
Cap. 21.

Epitom. 90
91.

Quadragesimæ. In Dominica Septuagesimæ, quia commemoratur captivitas, legitur in Officio ex initio Geneseos peccatum primum hominis, & omittuntur omnia cantica læta; ait Bellarminus. Sic & illi ex eodem Geneseos Capite propriam lectionem habent, & intermittunt ab eo die ad Pascha cantica lætitiæ & hallelujah. Habent etiam in Quadragesima frequentiores & celebriores conciones.

Stata Jejunii Tempora habent Annua ut quadragesimæ, Menstrua ut jejunium quatuor temporum, & Hebdomadica ut jejunium sextæ feriæ & Sabbati; sic jejunii etiam ratione observantes dies & annos & menses. Jejunium probamus, tum publicum urgente aliqua calamitate indictum, aut in gravi aliquo Ecclesiæ negotio ut in Pastorum ordinatione, & privatum etiam ad carnis ferociam domandam & terendam superbiam, quando fortè acriore luctamine cum tentatione configitur, ut modo dixit Augustinus. Non tamen debent publica jejunia aut privata esse stata & ordinaria. Populo suo Deus unicum tantum jejunii diem statum imperavit, qui festo Expiationis adjugebatur, quod typicum erat & legale. Nam publica quæ usurpantur ob calamitatem, vel quæ ob alia graviora Ecclesiæ negotia indicuntur jejunia, iis peractis & cessante causa, cessare debent. Nam absque causa impellente, calamitatis aut necessitatis boni alicujus sensu, ludicra & frigida erunt jejunia. Sic etiam privatis jejunii stata tempora præscribere, ac si tentationis horas & dies dignoscere possent periti isti animarum medici, æquè ridiculum est. Egregiè verò Bellarminus ideo semel duntaxat Christum jejunasse conjectat, *Syntag. Par. quia non nisi semel fuerit tentatus, nobis vero singulis annis jejunandum esse, quia singulis annis pugnandum est. Scilicet, inquit Tilenus, stat. anni vices servat in Agonibus Th. 35. 1. Disp. 53.* istis Tentator, sicut Apollo Pythius: ac propterea Ecclesia Romana etiam Bacchanalia eodem mense celebrat quo veteres Romani olim agitantur *Quirinalia*, id est stultorum feriæ. Non idem omnibus tempus luctæ cum tentatore & concupiscentiis carnis. Non aliud propterea jejunium statum nobis imperavit Christus aut Apostoli quàm morale & perpetuum, nempe parsimoniam & temperantiam. Naturale autem, id est abstinentiam ab cibo & potu stato tempore non imperarunt, sed in genere tantum cum oblata esset occasio causa impellens jejunii. Ego in Evangelicis & Apostolicis literis totoque instrumento, quod appellatur testamentum novum, animo id revolvens, video præceptum esse jejunium. Quibus autem diebus oporteat, & quibus non oporteat, præcepto Domini vel Apostolorum non video desinitum; ait Augustinus, Epist. 68. ad Casulanum. Socrates modo dixit; Perspicuum potestatem ea in re cujusque menti & arbitrio permisisse, ut quisque nec metu nec necessitate indultus quod bonum sit ageret. Origines Hom. 10. in Levit. Est certe libertas Christiana per omne tempus jejunandi, non observantiæ superstitione sed virtute continentiae. De Montano refert Eusebius Lib. 5. c. 18. quod leges de juniis præscripserit; Hic ille, inquit, *ὁ νομοθετῶν* *νομοθετῶν*. Deinde in forma observandum, non mereri nomen jejunii canonicum eorum jejunium. Nam dies jejunii sunt illis tantum dies carnispriviales, ut vocant, & si morem Pontificiorum observant, tum solvunt jejunium hora sexta ab exortu solis, & tamen non pudet in Collecta Deo mentiri, cum dicunt, *ex merito peccatorum nostræ afflictimur*. Non minuunt, sed mutant delicias esculentorum. Abstinentiam à carne indicunt, cum tamen piscibus benè conditis, vino & opiparis cupidis variisque lautitiis non interdiciunt, quod facerent si seriò agere vellent & non cum Deo illudere. Sed oportebat in ciborum delectu, Manichæorum, Eucratitarum, aliorumque Hæreticorum qui orti sunt in Ecclesia primitiva, doctrinam dæmoniacam aliquo modo quamvis alio sed magis specioso titulo ad novissima hæc tempora conservari. Non jam natura caro immunda, sed diebus veritis tantum polluta per præceptum Ecclesiæ. De Ciborum Delectu multi multa scripserunt, proinde

proinde missum facio. De facultate vescendi carne concessa per dispensationem Archiepiscopi & Episcopi vide supra p. 64.

Hactenus de Breviario Anglicano, sequitur secunda pars libri Liturgiæ, *Ordo administrandi Cœnam Dominicam sive sacram communionem*, quam voco Missale Anglicanum, non solum quia Missæ nomen sacræ Cœnæ tribuitur apud veteres, sed etiam quia quadam ex parte representat etiam sacrificium Missæ. Post Officium Matutinum celebrant Cœnam, de concione parum solliciti. Perinde est, sive habita fuerit concio necne, vel an sit aliquis qui concionem habere posset. Nam Curatus ipse forte nihil supra præscriptam Liturgiam sapit. Imò à Ministris non concionatoribus sacramenta efficaciter administrari definierunt Can. 57. Constitutionum anni 1603. Cum multi à falsis doctoribus in errorem induciti, liberos suos nisi per Ministrum concionatorem nolint baptizari eodemque respectu ad sacram Cœnam nisi per talem administratam recusent accedere, ac si illorum sacramentorum virtus & efficacia à Ministris in concionando facultate penderet, cum tamen integra tum Baptismi, tum sacræ Cœnæ doctrina, quæ ad sacramentorum eorundem administrationem desideratur, in libro publicæ Liturgiæ tamplendæ & integrè sit expressa, ut eidem nihil addi possit quod solidum sit & necessarium; omnibus tali errore deceptis, mandamus & præcipimus, ut proterviam hanc ipsorum pertinaciam de cætero deponant, ac Ecclesiæ institutis hac in parte obsequantur, cum quoad eorundem sacramentorum efficaciam nihil intersit utrum à Ministro non concionatore an secus administrantur. Quod si qui deinceps hac in re deliquerint, parochiæque suæ Ecclesiæ eo intuitu declinantes, in alienis, vel sacram Cœnam susceperint, vel liberos suos baptizari fecerint, neque mandato hoc nostro admoniti ab errore suo & illicita hac ratione distiterint; ad loci Ordinarium per Ministrum, Oeconomos, & Inquisitores, vel Assistentes Parochiæ suæ deferantur, talibus censuris Ecclesiasticis per eum castigandi, quales adeo obstinatae perverciæ meritò debentur: id est, si contumaces permanserint, primò suspensionis, si ultra mensem deinceps perseverarint, excommunicationis pœna coerceantur. Pari ratione, si quis Rector, Vicarius, vel Curatus post præsentium Canonum promulgationem, quamlibet personam, quæ non sit de sua Ecclesia vel Parochia, ad sacræ Cœnæ communionem recipere, vel ex talium liberis aliquem baptizare præsumpserit (eosdem hac ratione in errore suo confirmans) is suspensionis pœna eo ipso obstrictum se intelligat, à qua nunquam absolvetur, priusquam sanctè promiserit se hac in parte de cætero nullatenus offensurum. Minister non est de essentia sacramenti, quatenus materia & forma constare definitur vel elemento & verbo; sed quatenus est actio sacra Minister est de essentia sacramenti. Nam à Christo constitutus est ad hoc officium. Minister autem jure dici non potest qui non diduxerit & habet facultatem concionandi. O miserum gregem cui Pastor idolum, & cæco tamen Pastori sub poenis tam gravibus & tam arctis vinculis adstringitur, & quasi mancipatur! Cum Cœna Dominica celebrabitur, mensa mundo panno lineo operta stabit in medio vel templi vel chori ubi Matutinæ vel Vespertinæ preces dicendæ sunt, ad cuius Mensæ Septentrionalem partem Minister stans orabit Precationem Dominicam. Canon 82. Constitutionum anni 1603. statutum, Ut eadem mensæ convenienter & decorè conserventur, & subinde reficiantur, & tempore divini cultus operiantur tapete ex serico, sive ex alia materia, quæ per loci Ordinarium, sicubi de ea quæstio oriarur, congrua & decora iudicabitur. Ipso autem administrationis tempore panno lineo mundo, (prout tali mensæ convenit,) vestiantur: suoque loco certo consistant, nisi cum sacramentum erit administrandum, quo quidem tempore in Ecclesia vel cancello ejusdem ita constituentur, ut tum Minister inter precandum & administrandum commodius possit à communicantibus exaudiri, tum communicantes etiam convenientius & majore numero à Ministro sacramentum percipere. Quid sibi vult ista curiositas ornandi, collocandi, conservandi, imo & reficiendi mensam?

mensam? nonne licebit novam parare potius quàm veterem subinde reficere? Et de operimento unde oriri potest ulla quæstio, cum extra usum necessarium in celebratione, & decorum civile quod tunc servandum, nihil refert operiatur necne; multo minùs, an tapete ex serico vel alia materia? Ipsa elementa extra usum quid sunt, nisi communis panis & commune vinum? Vel de loco, ubi consistat, cur solliciti, cum quovis loco vel angulo extra tempus administrationis collocari possit? Vel dum administratur sacramentum, cur in Cancellò Ecclesiæ constituenda, cum non sit locus commodissimus respectu totius cœtus, etsi fortè satis commodus respectu paucorum communicantium? Hæccine omnia redolent superstitionem illam venerationem in Papatu exhibitam vasis sacris? Non est ista mensa sacra, propterea quod sustineat calicem & patinam. Hæc enim vasa & instrumenta communia sunt, ut supra diximus; sacris & communibus conviviis, sacrae cœnæ & agapis. Mensa materialis cœnæ Paschalis erat communis, neque eam consecravit Christus, cum Cœnam sacram instituturus & administraturus erat. Celebraturum oportet stare ad mensæ partem septentrionalem, & recitare precationem Dominicam. Cur magis ad Septentrionalem partem quàm Australem aut Orientalem? *Tunc recitabit Sacerdos clarè, distinctè, decem præcepta, & universus populus post singula mandata genibus flexis misericordiam Dei implorabit pro violatione illorum.* De populo respondente, & eadem sæpius repetente, diximus supra pag. 459. Cum lex Decalogi in monte Sinai data cum fulgure & tonitru, non tamen ad singula mandata incurravit se populus. *Tunc per Ministrum, Sacerdotem, the Priest, stantem ad sacram mensam legatur Collecta sive Oratio diei assignata,* (non tam Cœnæ quam diei propria, quia & ipsa Cœna, ut olim Missa, stans temporibus alias habet atque alias Collectas, Epistolas, & Evangelia, quæ præfiguntur huic Liturgiæ parti & huc referenda sunt) *unà cum altera Collectarum sequentium pro felicis statu Regis.* Collectas Collectis addunt absque alia intercedente actione, interveniente tantum pausa, ut supra observavimus in Officio Horario. *Post has Collectas Sacerdos, seu quis alius Minister ad id deputatus, legat Epistolam loco ad id assignato, & sic incipiat; Epistola Sancti N. Apostoli scripta ad N. Capite. N. Epistola finita legatur Evangelium. Evangelium N. scriptum capite N. Epistolæ & Evangelia sunt lectiones ex Evangeliiis Epistolis & Prophetis, seu potius fragmenta, non integra capita; & varia sunt pro ratione diei cui assignantur.* Nam pro dierum varietate varia habent in Cœnæ administratione Evangelia & Epistolas, sicut in Missa sub Papatu, alia die Nativitatis, Ascensionis, Circumcisionis, quàm aliis diebus; nam Missa præcipuè sanctificat diem. Et licet Angli in singulis Ecclesiis non administrent Cœnam diebus Festis, tamen Collectas, aliaque propria Missæ diei legunt & canunt, & umbram sine corpore habent. Epistola legenda à Sacerdote vel alio Ministro ad id deputato. Minister deputatus non est Presbyter, sed alius quis ad hoc officium deputatus. *Solis Subdiaconis inter inferiores gra-* *Durant. de*
us Romana auctoritas concedit, ut sacris vestibus induti Epistolam legant ad Missam; adeo *Ritib. l. 2. c. 18.*
ut potius Sacerdos ipse Epistolam legere debeat quàm pari ut inferiores Subdiaconis id exequantur; ut habet ex Micrologo & Bernone Durantus. Evangelii lectio inter Diaconorum officia numeratur; Epistola per Subdiaconum aut in Minoribus Ordinibus constitutum, si necesse, legi poterit. Differentiam inter Evangelium & Epistolam observant etiam Angli, præsertim in Ecclesiis Cathedralibus, aut alibi ubi Diaconos habent, & sedentes Epistolam, stantes Evangelium audiunt, de quibus ritibus supra diximus. *Post Evangelium sequitur Symbolum, nempe Constantinopolita-* *De Miss. l. 2.*
litatum, cujus canendi in Missa usus antiquior est apud Orientales quàm Occiden- *c. 16.*
tales, ut ait Bellarminus. Post Symbolum sequatur Concio, sive legatur una Homilia-

rum jam editarum, aut in postero publica autoritate edendarum. Qualesnam editurae sunt, conicere possunt sagaciores qui iudicio pollent, & quod tendunt vel flecti possunt. Hic vides perinde esse, siue habeant Concione[m] siue Homiliam. *Finita Homilia aut Sermonem ad populum, Pastor indicabit Festos, aut Jeunos dies, si qui fuerint, sequenti septimana. Imprimisque hortabitur ut pauperum meminerint, & eorum inopiam sublevent.* Deinde cantentur vel recitentur una vel plures ex sententiis sequentibus, pro necessario ut ipsi videbitur. Sententiæ illæ omnes huc tendunt, ut liberales sint in pauperes. *fieri debeant Interea ædiles, seu alii quibus illud munus assignabitur, colligent oblatam à populo Eleemosynam, anglicè, the devotion of the people (sic appellatur illa eleemosyna,) & in cistam ad pauperum usum reponent: Singuli, every man and woman, item consuetas oblationes, & decimas suo tempore Pastori persolvent.* In editione Anglicana anni 1607. de Decimis nihil habetur, sed de Oblationibus diebus oblationum consuetis persolvendis. Post hæc Minister dicit, *Oremus pro statu universalis Ecclesiæ hic militantis.* In oratione ista dicit, *petimus ut clementer accipias hæc munera, atque has preces nostras, quas offerimus Divine majestati tuæ.* In margine ad hæc verba sic monentur; Si nulla largiatur eleemosyna omittitur (hæc munera atque.) Nam si nullus largietur eleemosynam, non potest dicere hæc munera. In Justini Apologia 2. videmus, panem & vinum per populum oblata Episcopo, seu allata, (nam utitur verbo *προσφεραται*.) non autem oblata Deo per Episcopum. Hujusmodi oblationem panis vini & aquæ fieri vidi Episcopo in Ecclesia nostra Vratislaviensi, quando rem divinam publicitus fecit; ait Langus Justini interpres. Vide Mornæum Lib. 1. c. 5. de Missa. Quod supererat cessit in sustentationem pauperum. Ut oblationes illæ abundare cœperunt, pars earum in Ministrorum Ecclesiæ alimenta impensa fuit, ut observat eodem capite, unde avaritiæ fenestra patuit, per quam & ceteri abusus cateroatim irrepserunt. Cum oratione Sacerdotis cœperant Deo consecrari oblationes per Episcopum aut Presbyterum more Judaico, aperta est fenestra superstitioni & execrando Missæ sacrificio. Cum itaque & Ministrorum & pauperum sustentationi aliter prospectum sit, eundem morem retinere est imitatio ridicula, & Deo offerre in precibus populi eleemosynam absurdum; non est enim eleemosyna propriè dictum sacrificium, vel alimentum Ministrorum, aut oblatio Deo facta, & exhibita, etsi propter Deum pauperibus aut Ministris destinentur, (nam ea ratione etiam Decimæ erunt sacrificium aut oblatio propriè dicta aut quævis Eleemosyna) sed metaphoricè. Sacerdos dum panem offert & aquam vino miscet & calicem etiam offert, quasdam orationes & deprecationes profert, quibus & oblationem suam & totius populi ad Deum dirigit, & ab eo postulat, ut ei placita sit, & ut dignis mentibus offeratur, inquit Suarez; & has orationes & benedictiones sacras dicit esse veluti quasdam præparationes oblationis sacrificialis. Præparatoriæ oblationi similis est Anglicana. Dum oblationes suscipiebat Sacerdos, nihil olim canebatur. Quod autem tempore hujus oblationis aliquid canatur, non constat semper fuisse observatum, nec à quo primum institutum sit. Alii enim Adriano, alii Gregorio, alii Cælestino id tribuunt, ait ibidem Suarez. Offertorium quod inter offerendum cantatur, quamvis à prioris populi, id est Judaici, consuetudine in usum Christianorum venisse dicatur, tamen quod specialiter addiderit officiis nostris apertè non legimus, inquit Walafridus Strabo, sicut & de Antiphona, quæ ad Communionem dicitur, possumus fateri: cum verè credamus prioribus temporibus Patres sanctos silentio obtulisse vel communicasse, quod etiam hactenus in Sabbato sancto Paschæ observamus. Unde infert vir verè nobilis Mornæus, priscos illos Episcopos & sacerdotes non dixisse, offero, sacrifico, offerimus, sacrificamus; sed cum populus obtulisset, Antistitem panem & vinum in usum sacræ Cœnæ accepisse, institutionem Christi recitasse, mox ejus exemplo Sacramenta distri-

Quod si juxta exemplum Apostolicæ institutionis fieri debeant Collectæ fidelium in usus pauperum, vel pro refectione Ecclesiarum; oportet hoc fieri tempore opportuno & loco, non inter Missarum sollemnia, ait Bernoldus. Vide Casandr. Li-turg. Cap. 27.

In 3. Part.
Tom. 3 Disp.
33. Sect. 1.

Cap. 22.

Lib. 1. Cap. 3

distribuisse. Honorius in Gemma Animæ ait, quod cum Ecclesia numero quidem au-
 gebatur sed sanitate minuebatur, quia populo non communicante non erat necesse panem Cap. 58.
 tam magnum fieri, statutum est eum in modum denarii formari, & ut populus pro obla-
 tione farinæ denarios offerret, pro quibus Dominum traditum cognosceret. Qui tamen De-
 narii in usum pauperum qui membra sunt Christi cederent, vel in aliquid quod ad hoc sa-
 crificium pertinet. Vides quid significant Denarii in pauperum usum erogati. Tunc
 sequetur hæc exhortatio certis temporibus quando Presbyter, Anglicè the Curat, vide-
 bit populum negligenter accedere ad sacram Communionem. At satis novit qui sunt ac-
 cessuri, nam ut in Rubrica Prima hujus Tituli statuitur; Quotquot cupiunt fieri
 participes sacræ Communionis indicabunt nomina sua Pastori, Anglicè the Curat, pridie
 aut manè, priusquam inchoentur Matutina, vel immediatè post principium Matutinarum
 precum. In primitiva Ecclesia frequentius communicabant; cum zelus iste defer-
 vesceret, hortati sunt Ministri eos qui aderant, ut accederent ad mensam: & di-
 cis causa exhortationem similem retinent Angli, cum tamen, ut dixi, ante admi-
 nistrationem quotquot cupiunt fieri participes sacræ Communionis indicant
 nomina sua Curato. Quàm importuni tamen volunt videri in exhortatione? Quo-
 quot adestis invito, obsecro per Christum, per beatam spem adventus ejus & felicitatem
 æternam, non detrectetis accedere; nostis quàm grave sit atque molestum jam parasse
 splendidum convivium, mensam apparatu magnifico instruxisse, atque dum nihil aliud su-
 perest quàm ut accumbatur, convivis nulla justa legitimaque causa renuntiare se non ac-
 cessuros &c. Qui convivium patrisfamilias recusarunt, quod villam emissent, &c. Est
 quidem contumelia repulsam dare invitanti; sed ea longè sit major, dum adstat, & in-
 terim cum aliis non discumbitur, nec editur neque bibitur: hoc porro est ludibrio habere
 mysteria Christi. Dicitur cunctis, Accipite & edite, Accipite & bibite ex hoc omnes:
 Hoc facite in mei commemorationem. Quo ore? quo fronte? quo animo hæc audietis?
 Quid erit aliud negligere, contemnere, ac irridere Testamentum Christi, nisi hoc fuerit?
 Quare potius abite, atque sanctis date locum. Sed abeundo, quæso, vobiscum reputate
 maturè ac graviter, undenam discedatis; nempe à Deo, à Christo, à fratribus, & epulo
 summæ charitatis? Quo ore? qua fronte? quo animo audetis vos ludibrio habere
 mysteria Christi, & ludere tam manifestè in re seria. Nam nemini ministrabitis,
 nisi qui nomen indicaverit pridie aut mane. Non jam tempus examinandi, ap-
 probandi, rejiciendi, dignos vel indignos; an promiscuè omnes invitatis? Quo-
 rum igitur tot monita, hortationes, exhortationes? Videat lector suprâ in Or-
 dinatione Presbyterorum similem histrioniam. Aliquando etiam dicitur hoc pro arbi-
 tratu Presbyteri, Anglicè, the Curat, Dilectissimi &c. Prope finem hujus exhorta-
 tionis habentur hæc verba. Et propterea quod non est fas quemquam accedere ad hæc
 mysteria, nisi solida fiducia misericordiæ divinæ, & sedata & tranquilla conscientia eo
 incitatum; idcirco si quisquam è vobis sit, qui superioribus rationibus non possit pacare
 conscientiam suam, verum eget ampliore consolatione, tum me petat vel alium aliquem
 consultum & eruditum Ministrum verbi divini, & nudet vulnus, ut possit recipere spiri-
 tuale consilium, admonitionem, & solatium, ut conscientia levetur onus, & ut Ministe-
 rio verbi divini consequatur fomentum & beneficium absolutionis ad pacificationem consci-
 entia, & amotionem omnis scrupuli & hæsitationis. Hic auricularem Confessionem
 sibi vel aliis Sacerdotibus fieri aliquatenus postulant Curati, & absolutionem pro-
 mittunt, qui verbum Dei prædicare nesciunt. A Medico indocto libera nos Do-
 mine. Sed quorsum ista monet in ipsa actione? An jam tempus opportunum con-
 fitendi & absolvendi? Obiter observandum Can. 113. statutum, quod si quis pec-
 cata sua occulta alicui Ministro privatim confiteatur, ne alicui retegat, nisi sit ex
 eo genere criminum quorum occultatio ex legibus hujus regni sit capitalis; qui contra fece-
 rit

rit eo ipso irregularis esto. Pœna Irregularitatis castigandus qui Sigillum Confessionis violaverit. Tunc Minister, Anglicè the Priest, recitabit hanc exhortationem, *Dilecti in Domino &c.* Qua finita, deinde Minister, the Priest, alloquetur communicaturos his verbis; *Vos quos verè & serio &c.* accedite proprius, ut percipiat is hoc salutare Sacramentum ad vestram consolationem, confitemini humiliter peccata vestra Deo & Ecclesiæ hic congregatæ in nomine ipsius, suppliciter, Anglicè meekly, genua flectentes. Tunc fiat hæc generalis confessio nomine eorum qui communicaturi sunt, vel per eorum aliquem, vel per unum ex Ministris, aut per ipsum Sacerdotem, omnibus submissè genua flectentibus; *Omnipotens Deus &c.* Tunc eriget se Sacerdos, aut Episcopus si adsit, & conversus, nota, conversus nam quandoque avertit quandoque convertit se ad populum, sic loquitur. Paucis verbis orat, ut condonet iis Deus omnia peccata. Sic Minister, the Priest, etiam dicit, nempe duas aut tres sententias Scripturæ, *venite, qui laboratis &c.* & similes. Quo finito Minister, the Priest, procedendo dicit; *Sursum corda.* Responsio, *Habemus ad Dominum.* Minister, *Gratias agamus Domino Deo nostro.* Responsio, *dignum & iustum est.* Minister, *Verè dignum & iustum est, quodque jure debemus, nos tibi semper & ubique gratias agere Domine, sancte Pater omnipotens & æterne Deus.* Sequetur propria præfatio, si quæ sit assignata, nempe diei, alioqui statim subjungetur; *Ideo cum Angelis, & Archangelis cumque omni militia cælestis exercitus hymnum glorioso tuo nomini canimus, te sine fine laudantes, ac dicentes; Sanctus, Sanctus, Sanctus, Dominus, Deus, Sabaoth, Pleni sunt cæli & terra gloria tua, Osanna in excelsis.* Præfatio appellatur, inquit Bellarminus, quia est præparatio & excitatio populi ad illam actionem in qua propriè consistit Sacrificium. Finita præfatione, inquit, dicitur Canticum, *Sanctus, Sanctus &c.* quod quidem partim desumptum est ex Hymno Angelorum Isa. 6. partim ex Cantico Hebræorum quod Christo cecinerunt in die palmarum. Expectant statim realem corporis Christi præsentiam. Tunc Sacerdos apud Dominicam mensam, Anglicè, Gods Board, rectius the Lords Table, nomine eorum qui communicare volunt, sic orabit genibus flexis. Orat, ut edentes carnem Christi sic edant, ut corpora peccatis inquinata munda fiant perceptione sacratissimi corporis sui, & bibentium animæ laventur in pretioso sanguine suo. Tunc Minister erigens se dicit, *O Deus omnipotens pater &c.* Exaudi nos quæsumus, misericors pater, & concede ut nos sumentes has tuas creaturas panis & vini juxta sacrosanctam institutionem Filii tui Servatoris nostri Jesu Christi in memoriam ejus mortis & passionis participes simus sanctissimi corporis & sanguinis ejus. Qui eadem nocte, qua tradebatur, accepit panem, & gratias agens fregit, ac dedit discipulis suis, dicens, *Accipite, comedite, hoc est corpus meum, quod pro vobis datur, hoc facite in meam commemorationem.* Simili modo postquam cœnatum est accepit calicem &c. Hic verba institutionis recitantur Deo, nam recitantur in Oratione, & continuata Oratione Deo dicuntur sicut in Canone Missæ, audiente quidem sed non audienti communicantium numero, non ut ab instructe per verbum institutionis quod est verbum fidei, sed ut Deo aliquid oblaturus. Horrenda est ista prophanatio verborum institutionis. Utrum verò, dum Deum alloquitur & recitat verba institutionis, accipit panem & poculum in manus, ut in Canone Missæ præscribitur, ex Liturgia Anglicana non satis liquet, nisi quod innuere videantur verba ista, *has tuas creaturas, vel in manus sumere vel manibus extensis demonstrare.* Tunc Minister ipse primò recipiet Eucharistiam sub utraque specie, proximo loco tradet idem reliquis Ministris, si qui adsint, ut præcipuum Ministrum adjuvent. Crederem potius, quia distincti erant sub Papatu Sacerdotes communicantes à Laicis. Nam communio Laica Sacerdotibus ignominia & pœnæ loco erat. Et quid opus tot adjutoribus, quot sunt Ministri in Ecclesiis Cathedralibus, cum forte 4. tantum communicantes? Rituale Romanum hunc ordi-

Bel. de Miss.
l. 2. c. 17.

nem

hanc præcipit his verbis. *Postea ad communicandum accedit incipiens ab iis, qui sunt ad partem Epistolæ; sed primò si Sacerdotibus vel aliis ex Clero data est communio iis ad gradus altaris genuflexis tribuatur, vel si commodè fieri potest intra sepimentum altaris sint à Laicis distincti, Sacerdotes verò tum soli communicent.* Hic præcipitur, ut statim post consecrationem Curatus ipse primo recipiat Eucharistiam. Sic Canone 21 Constitutionum anni 1603. *Provisio semper, ut Minister quilibet sacram illam Cœnam administraturus ipse semper primus, nota, semper, communicet.* Quid aliud sibi volunt Rubrica & Constitutio ista, quàm repræsentationem Sacrificii Missæ? Nam sacrificandi actionem in Missa præcedere oportet sacramenti distributionem, oblationem sacrificalem ut vocat Suarez, & sacrificium ac immolationem ante epulum Eucharisticum. Alioquin permetteretur ut adiaphoron, sive primus sive postremus communicet. Christus panem non sumpsit primus. Nam gratias egit, fregit, dedit, antequam ipse sumeret, ut ipsa verborum series indicat. Non dicunt Euangelistæ, *gratias egit, fregit, manducavit, dedit* &c. Præcipitur in Rubrica, ut consecrans sub utraque specie sumat. Hoc postulant & Pontificii, ut sub utraque specie integrum conficiat sacrificium & celebret sacramentum: sed ut sub utraque specie tradat aliis etiam Ministris qui adsunt, hic non præcipitur. De Communicantibus, ut illi communicent, vel ut illis tradatur Cœna sub utraque specie, non solliciti, ideo non repetunt verba, *sub utraque specie*. Imo fallor, si hoc necessarium illis videtur, sed ex gratia concessum aliis. Nam nedum Laici, *De Ritib. sed & Clerici, imò Sacerdotes ipsi non conscientibus communicant tantum sub una specie*, inquit Durantus. Propterea Mucketus noluit hæc verba Anglicana, *And next deliver it to other Ministers, reddere proxime loco tradet eam, vel eandem, nempe Eucharistiam, sed proximo loco tradet idem reliquis Ministris, ubi manifestus solœcismus, & idem intelligit corpus, non sanguinem, quia hunc vult esse verborum sensum. Per idem non intelligit Ministrum. Nam non habetur in Anglicana phrasi, ubi habetur ille, he, & deerit vox id.* Præterea ubi in Anglicano habetur in verbis præcedentibus *communio*, non reddidit *communione* ut in titulo, sed *Eucharistiam*, quam vocem corpori frequentius tribuunt Pontificii. Vel qui Mucketi operam conduxerunt ad transferendum Liturgiam, hunc sensum verborum à Liturgiæ reformatoribus acceperunt, & data occasione istud arcanum mysterium aperiunt, vel hunc errorem sacrilegum ipsi apud se alunt. In libro Liturgiæ edito regnante Edwardo, Rubrica ista concipitur his verbis. *Tunc surget Sacerdos populo adhuc genuflectente, & communicabit ipse primo sub utraque specie: & deinde Ministri, ut possint cum juvare in communicando populo. Deinde Minister tradet Eucharistiam populo in manus genibus flexis, & cum exhibet panem dicet; Corpus Domini nostri Iesu Christi quod pro te traditum est, conservet corpus tuum & animam tuam in vitam æternam. Et accipe & ede hoc in memoriam quod Christus mortuus sit pro te, fide illum ede in corde tuo cum gratiarum actione.* In Rituali Romano, Sacerdos unicuique porrigens sacramentum, & faciens cum eo signum crucis super pixidem simul dicit; *Corpus Domini nostri Iesu Christi custodiat animam tuam in vitam æternam Amen.* Signum Crucis non habet hinc vim consecrandi, nam præterit Consecratio in Missa: tamen omittunt Angli. Sed non sibi constant, cum in Baptismo retinent, ubi majorem habet efficaciam & virtutem, sicut suo loco videbimus. Curatus Romanensis orat, ut corpus Domini custodiat animam. Anglicanus, & corpus & animam. Verbum promissionis, quo usus Christus, dum porrigunt sacramentum, neuter usurpat. Effet illud illis absurdum. Nam illa verba, *Hoc est corpus meum*, sunt illis verba consecrationis, quæ nunc porrigentes sacramentum proferre nolunt, ut fecit Christus, quia sic denuo, ut ipsi opinantur, consecrarent, cum prius in oratione ad

Deum consecrassent his verbis. De mutato numero plurali in singularem, cum dicunt, *Accipe, ede, pro Accipite, edite, & mutata enunciativa forma in precatiuncula formam, dicemus statim, cum de genuflexione disserturi sumus. Minister cum exhibet poculum, dicit, Sanguis Domini nostri Iesu Christi, qui pro te effusus, conservet corpus tuum & animam tuam in vitam aeternam. Et bibe hoc in memoriam Christi sanguinem pro te effusum esse. Hic etiam verbum promissionis in precatiunculam mutatur, & Minister ipse tradit singulis poculum in manus, sicut prius panem, de quo ritu statim dicemus. Tunc Minister dicit Orationem Dominicam. Et populus recitabit post illum singulas petitiones. De frequenti Orationis Dominicæ repetitione, & singularum petitionum vide supra, pag. 462. 463. Deinde dicitur Oratio sequens, O Domine cælestis Pater &c. vel ista Oratio, Omnipotens æternæ Deus, &c. Deinde dicatur aut canatur, Gloria in excelsis, &c. Postremo Sacerdos, vel Episcopus si adsit, dimittet eos hac benedictione; Pax Dei quæ superat, &c. In libro Liturgiæ prope finem hujus tituli, De ordine administrandi sacram cœnam, habentur Rubricæ quædam generales, quarum una est ita. Sequuntur Collectæ dicendæ post Offertorium, quando non adsunt communicantes, quolibet tali Die una, quoties occasio datur, post collectas Matutinarum & Vespertinarum precum vel Litanîæ, quæ etiam dici possunt pro arbitrio Ministri. Canunt vel recitant Offertorium, etiamsi nulli adsit qui offerat. Nam nulli offerre debent secundum ritum veterum, nisi qui communicaturi sunt. Si nulli adsunt communicantes, nihil offertur; & tamen hic dicitur post Offertorium. Et ista; Diebus festis, si non adsint Communicantes, dicentur tamen omnia quæ præscripta sunt usque ad finem Homiliæ, addendo orationem illam generalem pro universali statu totius militantis Ecclesiæ, atque unam aut alteram è Collectis præcedentibus, ut occasio erit. Hic habemus Missam siccam. Nam licet non celebrent singulis festis sacram Cœnam, Collectas Missæ diei Festi recitant, & umbram sine corpore habent, ut supra dictum. In libro Liturgiæ ante Titulum de Cœna habetur ejusmodi titulus, Collectæ, Epistolæ, & Evangelia ad sacram communionem sive in Cœna Domini dicenda per totum annum; & dicunt etiamsi non celebretur Cœna. Missa sicca, inquit Durandus, dicitur, quoniam, si Sacerdos non potest consecrare, quia forte jam celebravit, vel ob aliam causam, potest accepta stola Epistolam & Evangelium legere & dicere Orationem Dominicam, & dare benedictionem; quinimo si ex devotione non superstitione velit totum Officium Missæ sine Sacrificio dicere, accipiat omnes vestes sacerdotales, & Missam suo ordine celebret usque ad finem Offerendæ, dimittens secreta quæ ad sacrificium pertinent. Præfationem verò dicere potest, licet in eadem videantur Angeli invocari ad consecrationem corporis & sanguinis Christi: de Canone vero nihil dicat sed Orationem Dominicam non præmittat, & quæ ibi sequuntur sub silentio dicenda non dicat: calicem vel hostiam non habeat: nec de his quæ super calicem seu Eucharistiam dicuntur aliquid dicat vel faciat. Potest etiam dicere, Pax Domini sit semper &c. & exinde Missæ officium suo ordine peragat. Melius est tamen alia omitttere. Hic vides Missam Siccam Romanensium esse solum paulò locupletiores Anglicana. Rubricam istam de Missa Sicca illustrabit Rubrica in Libro Edward VI. Diebus Mercurii & Veneris Litanîa Anglicana canatur vel dicatur omnibus locis sicut à Serenissimo Rege est præscriptum. Cum autem non adsunt communicantes, tamen diebus dictis post Litaniam Sacerdos indutus Alba aut Linea cum Cappa recitabit ea quæ in Cœna Domini recitari solent usque dum perveniat Offertorium. Tunc enim post unam aut alteram Collectam dimittit populum cum Benedictione consueta. Nusquam celebretur Cœna Domini, vel Missa ut vocatur, sine communicantibus. Bucerus dicit hoc esse quoddam Cœnæ Dominicæ simulachrum, à perversitate Romanensium Antichristianorum mutuatum, valere ad confirmandum superstitionis impiam Missæ fiduciam,*

Rational.
Lib 4. Cap. 1
Num. 23.

& refert quasdam nobiles foeminas palam ausas petere Memorias dum deessent communicantes, & repertos Sacrificulos quales celebrarent Memorias in gratiam superstitiosorum hominum etiam eodem tempore & templo quo Cœna ipsa exhibita à Ministris ordinariis. Et quam possit habere rationem, inquit, ex verbo Dei cœ-
 teras preces, Psalmos, & divinas lectiones, quarum rerum omnium per se eadem est dig-
 nitas, eadem divina vis, dicere Ministros aut communibus vestibus, aut sola indutos sim-
 plici alba illa linea, atque aliis in locis quàm ad mensam Domini: istam autem dimidia-
 tam Missam dicere vestibus omnino Missalibus & ad Domini mensam? Defugienda est igitur
 hoc abusu tollenda species mali, præscindendaque offendiculi occasio in Missam ad-
 huc superstitiosis: & agendum quod fidem Christi certo ædificet, non vel ex parte simu-
 landum quod gerere non est propositum. Missam Siccam alii inter Pontificios etiam
 Nauticam seu Navalem vocant, quia in mari & fluctibus celebrari solet, quibus
 locis propter motum & agitationem fluctuum Missæ sacrificium non celebrandum
 censent. Sequitur ista Rubrica; *Ac ipsa quidem Cœna Domini nunquam celebrabitur
 nisi justus sit hominum numerus, qui cum Ministro, the Priest, communicent, prout ipsi
 videbitur. Quod si non sint plures in parœcia, quàm viginti maturæ ad communican-
 dum discretiones: & agendum quod communio erit, nisi quatuor vel minimum tres cum Mini-
 stro, the Priest, communicent.* In Ecclesiis verò Cathedralibus & Collegiatis, in
 quibus plures existunt Ministri, Priests, ac Diaconi, omnes singulo die Dominico ad
 minimum Cœnam cum Ministro, nisi legitima excusatio intercedat, participabunt.
 Vides hîc quàm propè accedant ad privatam Missam. Etsi enim nolunt Sa-
 cerdotem solum sibi celebrare, & Eucharistiam percipere, justum tamen nu-
 merum communicantium definiunt tres communicantes præter Ministrum, &
 quidem in loco publicorum conventuum, & contra præceptum Apostoli qui 1.
 Cor. 11. vult, ut alii alios expectent, ut omnium una sit communio, & ne sepa-
 ratim Eucharistiam celebrent. Itaque fratres mei cum convenitis ad vescendum, alius
 alium expectate. Quæque factio propriam Cœnam præoccupabat alios in cœtum ve-
 nientes prevertendo v. 21. quod non erat Cœnam Domini, sed suam Cœnam edere.
 Nam Dominus omnibus suis discipulis eam dispensavit. At invicem expectandum di-
 cit Apostolus, ut omnium oblatio simul celebretur, ut & omnibus Ministraretur; inquit
 Ambrosius in locum illum. Præterea 1 Cor. 10. 17. Panis Fractionem unitatis
 & mutue charitatis symbolum esse ait. Quoniam unus est panis, unum corpus nos
 illi multi sumus, nam omnes ex uno illo pane participamus. Id est, inquit Pareus, Cur
 panem frangimus hoc est panem unum dividimus in multas partes, quas singuli accipimus
 & manducamus? Ad significandum, quod sicut particule multe sunt unus panis, de quo
 omnes participamus, sic multi nos sumus unum corpus h. e. virtute hujus sacramenti coa-
 lescimus in unum corpus invicem, & cum Christo. Et proinde sensus erit, quoniam
 unus panis est nempe quem frangimus & in multas partes dividimus, sic multi effici-
 mur unum corpus, quia omnes de uno illo pane fracto & distributo manducamus. Quod
 enim frangitur unum fuit, & unum facit eos qui illud participant. Unus panis erat
 mole & massa, inquit, in veteri Ecclesia, quando ex oblatione farris unus panis Eucha-
 ristie consecratus frangebatur in unitatis symbolum, qui mos diu obtinuit. Eadem unitas
 representabatur per multa grana ex quibus unus panis, & multas uvas ex quibus
 vinum conficitur. Cum igitur Eucharistie perceptio sit non modo sigillum promif-
 sionum Dei; sed etiam professio, non modo conjunctionis nostræ cum Deo, verum
 etiam fraternæ dilectionis & coalitionis in unum corpus: qui separatim ab aliis
 Eucharistiam percipiunt, profiteri eo ipso se nullam habere cum cœteris commu-
 nionem seu societatem colligit Cartwrightus. Si dixerint Formalistæ, se optare

Censuræ Li-
 turg. Cap. 31

Repl. i. pag.
 116.

ut omnes communicent & hortari in hunc finem in Exhortatione post Offertorium cum jam incipit Missa fidelium; respondeo primò, ludicram esse illam exhortationem, & dicis tantum causa recitari, ut supra ostendimus. Præterea non sat est optare & hortari, sed isti tres aut quatuor monendi sunt, ut expectent diem ordinarium quo celebranda Cœna in publico Ecclesiæ cœtu. Et quàmvis hæc tempora zelo & charitate defervescente non tam frequentes ferant Cœnæ celebrationes quam in Primitiva Ecclesia; tamen sæpius celebranda & statis temporibus omnes adigendi sunt ad Eucharistiam percipiendam, qui non censuris Ecclesiasticis ob crimina & scandala arcendi. Ex sola negligentia, vel contemptu, vel superstitioso metu, ut abstineant non sunt ferendi. *Qui enim ea sunt voluntque perseverare animi impuritate, & nolunt (nam possunt quicunque volunt) Christi communionem ad salutem suam promovendam percipere, hi in iudicium condemnationis & Evangelium audiunt & cum Ecclesia Christi precantur.* Nam, ut D. Chrysostomus verè scripsit, *Qui indignus sit horum sacramentorum perceptione, is etiam indignus est qui precibus Ecclesiæ intersit mensæque Domini adstet, imò indigni omnes huiusmodi quos Domini terra sustineat, sustentet, tegat cœlum.* Qui enim in ullo peccato perseverant scientes, hi Flum Dei conculcant pedibus, & habent sanguinem Testamenti prophanium, inquit Bucerus. Nec minus graviter verbis sequentibus. Et quid isti nauseantes librum vitæ æternæ homines sua à sacra cœna abstinentia aliud significant, cum velint haberi Christiani, quàm plus Christi exhiberi in hoc sacro atque Evangelio & Baptismate, aut saltem requiri plus dignitatis, hoc est fidei & Sanctimonie, ad recipiendam Christi Servatoris communionem per sacramentum Eucharistiæ quàm ad recipiendam eam communionem per Evangelium & Baptisma? Nec est quod isti de reverentia sacramenti prætexant, & sua indignitate. Nemo enim indignus Domini sui mensa habetur, quàm qui retinet peccandi voluntatem, ea vero nunquam non deponenda est. Et nura sanè sacramenti reverentia, qua contemnitur, & salvifica in eo oblata filii Dei communicatio repudiatur. Et infra, *Quam ergo tandem ob rem ista amatur communicatio Christi ex mensa ejus ab ejus communicatione quæ percipitur verbo & precibus sejuncta, cum planè constet hanc sacrorum Christi distractionem isti ferri acceptam Antichristo?* Ab Apostolis enim per omnia Ecclesiæ memorabilia tempora, mensa Domini præsentis ei omnes pariter communicabant, ita ut Dominus hoc suum memorabile instituit: quique id facere neglexissent excommunicabantur, ut legitur in Act. Apost. 9. Intelligit Canones qui vulgo Apostolorum nomine circumferuntur, ubi Canone 10 sic statuitur. Omnes fideles qui conveniunt in solennibus sacris ad Ecclesiam, Scripturas Apostolorum & Evangelium audiant. *Qui autem non perseveraverint in oratione usque dum Missa peragitur, nec sanctam communionem percipiunt, velut inquietudines Ecclesiæ moventes convenit communionem privari.* Sic Anacletus Epist. 1. Peracta consecratione omnes communicent, qui noluerint Ecclesiasticis carere liminibus. Sic enim & Apostoli statuerunt, & sancta Romana tenet Ecclesia. Item ex Concilio Martini Bracarensis Cap. 83. habetur decretum in Gratiano huiusmodi. Si quis intrat in Ecclesiam Dei, & sacras Scripturas audit, & pro luxuria sua se avertit à communione Sacramenti, & in observandis mysteriis declinat constitutam regulam discipline, illum talem projiciendum de Ecclesia Catholica esse decernimus, donec pœnitentiam agat, & ostendat fructum pœnitentiæ suæ, ut possit communionem percepta indulgentiam promereri. Ambrosius ait; *Qui semper pecco, semper debeo habere medicinam.* Hilarius; Si non sunt tanta peccata ut excommunicetur quis, non se debet à medicina corporis & sanguinis Domini separare. Ex his patet, vel pro superstitioso qui inani metu detinetur habendum, vel pro prophano, qui peccandi propositum profitetur, qui à sacra Cœna abstinet: at neutrum ferendum. Nam quid possit omnino homini in Christum baptizato obflare, quo minus oblata Christi accipiat gratus & hoc sacramento communionem, cum ex ea mensa Domini

Censura in
Ordinat.
Ministerii
Eccl. p. 450.

De consecr.
Dist. 2 c. 18.

Ibid c. 14.
Cap. 15.

admi-

administratur, quàm quod nolit in Christo vivere & habere ipsum viventem in se, repudietque ita Baptisma suum, in quo hanc communionem primam recepit, fœdusque salutis omne ei renuntiet? inquit Bucerus, & lectorem remittit ad Chrysostomi Homiliam 3. ad Ephesios. Contrà qui se indignum sentit & fide infirmum, eo ipso dignior est. *Qui non meretur quotidie accipere, non meretur post annum accipere, ait Ambrosius.* Et, qui vulnus habet, medicinam requirit. Cum ita se res habeat, audiamus quid consulit Bucerus. Atque quos publica doctrina & hortatu huc non poterunt permovere, ut eos privata admonitione & obtestatione ed adducant ut desinant tandem cibum vitæ æternæ tam impie ad æternam ipsorum perniciem fastidire. Qui vero nec sic permoveri se sustineant, ut & S. Cœnæ, quotiescunque ea festis diebus publice celebratur, adsint, nisi iustis negotiis impendantur, cumque adfuerint salvificam Christi communionem è mensa ejus non accipiant, hi certè debent excommunicari, ut qui Baptisma abneget suum, & fœdus æternæ salutis Domino & Ecclesiæ palam irritum habeant, Ecclesiæque eos ab hac sua perniciæ revocantem audire obstinatè recusent. Præcipua negligentia causa est quod opus censent præparatione per opera pœnitentiæ, sicut in ante Paschali Jejunio, vel quod Paschatis Cœnam celebriorem & sacrationem aliis existimant propter Quadragesimalem præparationem; & propterea ad tempus illud præcipuè differunt, quia præparationem ad tempus antepaschale differunt. Et si ad tria tempora obligantur per Canonem 21 & Rubricam, tamen nominatim ad percipiendum illud Sacramentum in festo Paschatis adstringuntur. Rubrica sic præcipit. Atque hic observa unumquemque è paræcia ter ad minimum singulis annis communicare oportere, nominatim verò ad Pascha, ac sacramenta cæterosque ritus juxta hujus libri formam percipere. Tolle Quadragesimale jejunium & Paschatis sollemniorum Missam, deinde constituentur non tria tantum sed sex vel duodecim stata tempora celebrandæ sacræ Cœnæ, experientur totum Ecclesiæ cœtum toties frequentaturum locum publicum & percepturum sacram Cœnam. Si qui negligentiores sint aut contemnunt, vel ejicere vel pœnis & censuris in ordinem cogere possunt. Et qua ratione ad tria tempore Rubrica vel Canone obligant, eadem & ad duodecim, si consultum ipsis videbitur, obligare possunt. Et hoc velle videntur Canone 22 Constitutionum anni 1603. Cum Laicorum quisque ad sacræ Cœnæ communionem ter quotannis obligetur, multique nihilo secius vix semel communicent, Ministris omnibus præceptum volumus, ut quotiescunque sacramentum illud celebrare voluerint, Parochiani suis sollemniter in Ecclesia inter preces matutinas idque præcedente die Dominico, quo melius veniant præparati, id denunciare non omittant: quas utique monitiones parochiani vicissim suscipere, ac eisdem parare sub periculo & pœna legis tenebuntur. Si sub pœna obstringere possint ad Tria Tempora, possunt & ad plura. Dico igitur, tollendum & temporum sollemnium & præparationum discrimen, quo sublato communicantium numerosos cœtus habebunt etiam absque obligatione ad pœnam. Rubrica autem supra dicta non tam propter communicantes quàm propter Missam ipsam trium ad minimum numerum desiderat. Non enim dissimilis est decreto quod extat in Gratiano. Hoc quoque statutum est, ut nullus Presbyterorum Missarum sollemnium celebrare præsumat, nisi duobus præsentibus sibi respondeantibus, ipse tertius habeatur; quia cum pluraliter ab eo dicitur, Dominus vobiscum, & illud in secretis, Orate pro me, aptissimè convenit, ut ipsis respondeatur salutationi. Obiter notandum quod in dicta Rubrica additur; Unusquisque porro ad Pascha computum cum suo Rectore, Vicario, Ministro, Anglicè or Curate, ejusque vel eorum deputatis annuatim instituet, eisdemque omnia Ecclesiastica debita eo tempore solita numerari persolvet. Et in alia Rubrica sic edicitur; Si vero quicquam panis vel vini superfuerit, Minister, the Curate, ad suos usus capiet. Nihil hîc cedit pauperibus, devorat reliquias Curio, etsi de

L. 5. de Sacr.
Cap. 4.
Censura
pag. 461.

De Consecr.
Dist. 1. Cap.
61.

ipsius alimento & sustentatione aliunde prospectum sit. *Panis autem ac vinum in communionem præparatum per Ministrum, atque ædituos, by the Curat and Churchwardens, Parœciæ sumptibus parabuntur, ipsaque Parœcia ejusmodi pecuniarum summis reliquisque impensis, quæ domatim hætenus singulis diebus Dominicus pro eisdem erogant, liberabitur.* Si sumptibus parœciæ parabuntur panis & vinum per Curionem & ædituos, quid retinent Offertorium & Oblationes, cum hunc in finem præcipuè obtulerint vel potius attulerint veteres panem & vinum & disponebant in mensa, unde sumpsit partem Minister, consecravit & distribuit communicantibus? Si quod præcipuum in oblationibus abrogatum, vel alio modo & tempore comparatur quàm per oblationem, cur in aliis oblationes retinent? Refert Liturgiæ Examiner, ad Westmonasterium cœnam ministrari rotundis placentulis, & conjicit Prælatos pedetentim superstitionem provecturos. Hostiæ rotundæ non modò nihil faciunt ad ædificationem, sed etiam grave offendiculum præbent infirmis, dum detinentur in errore inveterata de corpufculo Christi in hostia latente, & obfirmantur Pontificii. Sacramentalis analogia spiritualis nutritionis obscuratur.

*Parvus de
Symbol. Lib.
II. Cap. 6.*

Nam propriè loquendo panis non sunt, sed tenues lamellæ seu minutæ viscosæ ex farina & aqua, ferro calente compressæ nutritioni inutiles, difficiles concoctu, ut fatentur Medici. Ideo pharmacopœi non panes sed Nebulas appellant, ventriculum instar glutini cujusdam turgere facientes, ut apparet ex fumigatis, quæ lentore etiam collam superant, ita ut pro cera hispanica ad literas obfigandas à multis usurpentur. Panis etiam sacramentalis talis esse debet, ut vi sua nutritia possit repræsentare nobis spiritualem nutritionem per Christi corpus. Impediunt etiam vel potius omnino tollunt ritum Fractionis à Christo institutum, nec ad distributionem satis commodæ sunt. Notum est enim quanta curâ subtiles illas & pluma leviores placentulas in patellis gestare oporteat. Sollicitè cavendum est, ne qua frangatur, ne qua excidat, ne duæ pro una fortè arripiantur, aut halitu Ministri diffentur, atque diffugiant, cujusmodi non raro contingere ipsimet non ignorant. Gregorii ætate primum cœpit immutari panis Eucharisticus in Placentas rotundas in sacrificio Missæ, quas Coronas Oblationum vocabant, ut ibidem probat; sed hæ Coronæ Oblationum majores erant, & frangi ac distribui commodè poterant. Bernoldus Presbyter, expositor Ordinis Romani uti creditur, qui vixit circa annum 1089. ait, ante suam ætatem Oblatas ex pugillo similis ad speciem Coronæ confectas fuisse, & Tortam panis vocat. De Nummulariis autem Hostiis paulò ante ipsius ætatem introductis, & nondum ubique receptis, sic scribit; Si nihil omnino debet fieri intra vel extra templum Domini absque mensura & ratione, videntur Oblatarum minutæ ad Christum & Ecclesiam nihil pertinere, quia sunt absque mensura atque ratione. Cassander in Liturgicis, Bernoldi sententiam de Hostiis Nummulariis his verbis explicat, Plura ab eodem auctore alioqui prudenti pio & Ecclesiasticarum traditionum studiosissimo in eam sententiam dicuntur, qui indignissimè tulisse videtur ætate sua in quibusdam Ecclesiis Oblatas panis, quæ prisca Ecclesiæ consuetudine ad usum sacrificii ad mensam Domini à populo fideli offerebantur, ad imaginem nummorum & ad tenuissimam quandam & levissimam formam à veri panis specie alienam fuisse redactas. Quare per contemptum minutias Nummulariarum Oblatarum appellat, imaginariam & umbratilem levitatem illis tribuit, & indignas esse panis vocabulo pro sua tenuitate, ac propter eas officium atque religionem Ecclesiastici Officii multum per omnem modum confundi asserit, pluribusque & acerbioribus dictis eas infestatur. Cum Transubstantiationis commento simul excogitata est ista Hostiarum Nummularium forma, ut populo faciliùs persuaderent post consecrationem non remanere panem, sed esse Christi corpus sub specie panis, cum tam subtilem & minutam formam & umbram ac spectrum panis potius quàm verum panem viderent & in ore liquefcere senti-

*Liturgicis
Cap. 27. p.
61.*

rent.

rent absque manducatione. Propter execrandam idololatriam cui inserviunt, & confusionem quam efficiunt in administratione Cœnæ, præcipuè ἀποκλασίαν excludendo, abrogendæ sunt, non autem revehendæ in Ecclesiis Reformatas. Forma Panis de se est indifferens, nam perinde est sive sit quadrata sive rotunda, sive globosa & sphærica sive plana placentæ forma sive oblonga, modo frangi & distribui commodè possit. Sed forma quæ fractionem & distributionem excludit, & analogiam significationis obscurat, non est indifferens. Panis Fermentatus etiam multo aprior est quàm azymus ad sustinendam sacramentalem analogiam. *Nutritio quidem potest etiam infermentatus panis, sed concoctu difficilior est; fermentatus autem nutritioni & digestionem est accommodatissimus, fatente Galeno, inquit Paræus, & panem fermentatum magis separare Dominicam Cœnam à Iudaismo quàm infermentatum dicit, & panes azymos cum ipso Festo azymorum per Christum sublato.* Apparetque panes infermentatos Iudæorum, quibus vesci septem integris diebus tenebantur, non fuisse delicias aut cupedias, sed cibum insuavem ac miserum Ægyptiacæ miserie symbolum atque *μνηστικόν*. Christus panem Azymum usurpavit in Cœna, non propter mysterium aut significationem, sed propter temporis circumstantiam. Nam instituit post esum agni Paschalis, quo tempore non licebat habere panem fermentatum. Necessitate igitur adactus pane azymo celebravit; quod si extra festum azymorum instituisset, proculdubio pane fermentato celebrasset. Instituit autem ea nocte qua traditus est, ob varias, quas vocant, congruentias. Hostiæ igitur infermentatæ non magis pertinent ad sacramentum Cœnæ Dominicæ, quàm aliæ ceremoniæ Paschatis Iudæorum, cum festinatione fugam ex Ægypto significantes. Pergo. Canone 24 Constitutionum anni 1603 statutum in hunc modum; *Per Cathedralis omnes & Collegiatis Ecclesiis, sacram Cœnam in Festis solennibus administrari volumus, nonnunquam per Episcopum (siquidem præsens extiterit,) nonnunquam vero per Decanum, quandoque etiam per Canonicum vel Præbendarium, (Ministram ibidem maximè eminentem,) eundemque decente capa amictum ac adjutum ab Evangelij & Epistolæ lectoribus (juxta Admonitiones in Septimo Elizabethæ promulgatas,) idque iis horis, & cum illa prorsus limitatione, quæ in Libro Publicæ Liturgiæ præfinitur.* Et sequenti Canone; *In Cathedralibus & Collegiatis Ecclesiis cessante Cœna Dominica satis erit tempore Divinorum Superpelliceis duntaxat uti: nisi quod Ecclesiarum Collegiatarum Decani, Magistri ac Præfetti, itemque Canonici & Præbendarii, (dummodo Graduati,) cum Superpelliceis Caputia gradibus suis respectivè congrua inter rem divinam gerere tenebuntur.* Sed de Vestibus Sacris dicemus ad finem hujus Capituli, quia omnibus Liturgiæ Officiis communes sunt. De Variis Gesticulationibus, quibus utuntur, modo avertendo modo convertendo se ad populum, modo genua flectendo & statim erigendo se ad aliam orationem recitandam, deque orationum duplicatione, repetitione, responsionibus, &c. diximus supra in Officio Horario. De Organis & Musica Instrumentali, & Cantu Alternato, usurpatis in eorum Missa aliisque Officiis diximus Capite Octavo. Si quis videret Cœnam administratam in Cathedralibus Ecclesiis, altaria, capas, superpellicea, genuflexiones, adorationem, oblationes, & alia de quibus supra dictum, & musicam instrumentalem & vocalem audiret, diceret ovum ovo non esse similis quàm Romanensi Missam Anglicanam.

De Gesticulatione in percipiendâ Eucharistia dissertaturus, præmittam ob majorem perspicuitatem, quæ habet magnus ille Josephus Scaliger in Libro VI. de Emendatione Temporum, de translatis ritibus clausulæ Cœnæ Paschalis ad Cœnam Dominicam. Per *δοκτεριῶς* (id est contubernia quæ *συμπόσια* & *πρωαί* dicuntur Marc. Cap. 6.) epulis Paschalibus discumbebant & operam dabant. Duplici Cœ-

na fungebantur in ritu Agni Paschalis. Quin etiam solennia maxima, ut Pascha, Pentecoste, Scenopegia, florentibus opibus Judæorum ac templo stante, semper Duarum Cœnarum commissione transigebantur. In priori hostiis immolatis vesciebantur. Hoc erat sacrificium illius diei. In altera quædam caneantur ἐξιλαστικά καὶ ευχαριστικά, & vocabatur δείπνον ἀπολυτικόν cœna dimissoria, quæ erant veluti secundæ mensæ apud Gentiles. Nam apud illos mensis secundis libabatur, ac portio in calice circumferebatur, & vinum mensis secundis libamentis Deorum impendebatur. Sic Hebræi, quos simiarum instar imitati Gentiles, epulis sacrificii functi, secundis mensis gratias Deo agebant & portionem circumferebant. Secundæ mensæ aliorum solennium variis bellariis instruebantur, easque aut Græco verbo ἐπικύριον aut patrio *Kinuah* vocabant. In Paschali autem epulo convivæ interdicebantur omni genere bellariorum. In locum enim bellariorum afferebatur in tryblion acetarium ex intybis & lactucis agrestibus, quorum quia tristis succus & amarus, propterea ex aceto ac aliis nescio quibus embamma conficiebatur, in quod azyma & amara illa olera intingebantur: vocabatur *charoseth*. Id hodie conficitur ad spissitudinem illius embammatis, quod nonnulli mustaceam, Galli Mustardam vocant. Erat enim satura olerum amarorum, quæ aliis ejusmodi spissabatur. Primum offam azymam in illud intingebat Paterfamilias quam devorabat, deinde sub gaufape aut mappa aliam tortam azymam servatam in tot frustra frangebatur, quot in contubernio sive φερίῳ convivatores erant. Frustrum erat magnitudine olivæ, quod singulatim & ordine omnibus porrigebatur. Paterfamilias offam in tryblion intinctam devoraturus carmen benedictionis præmittebat; *Benedictus es Domine, Deus noster, Rex sæculi, qui sanctificasti nos mandatis tuis, & præceptum dedisti super esu panis Azymi*. Hoc carmine functus paterfamilias, & primus omnium azymis operatus, cum τὸ κλάσμα αὐτῶν azymi contubernalibus aut domesticis distribueret, hoc carmine, stante templo, sacrum prosequabatur; *Isle est panis ærumnæ, quem comederunt majores nostri in terra Ægypti. Quisquis esurit accedat & Pascharizet, cuicumque opus est, accedat, & Pascharizet*. His peractis poculum delibatum tradebat proximo, ille secundo, secundus tertio, donec per totam φερίαν circumferretur portio. Carmen autem quo poculum prosequabatur hujusmodi erat; *Benedictus es Domine Deus noster Rex sæculi, qui creasti fructum vitis*. Poculum autem illud vocabatur *Kos hillel*, ποτηριον ὑμνήσεως. Poculum autem hymneseos ideo vocabatur, quod hymno post portionem decantato abibant. Hymnus enim ille erat τὸ ἀπολυτικὸν τῆς δεύρας. Nam Canon Paschalis disertè interdicebat post poculum laudationis aliquid cibi aut potus sumere; *interdicitur aliquid comedere post poculum hymni*. Ut Cœna duplex, ita & lotio, una quotidiana non solum Judæis sed & Gentibus usitata. Quia enim in lectis discumbentes epulabantur, propterea prius depositis soleis lavabant, ne scilicet pulverosis pedibus strata inquinarent. Judæi superstitioniores non pedes tantum, sed & totum corpus intingebant. Puriores verò à superstitione pro universali illa βασιλείᾳ contenti erant ποδοπλυντήριον, hoc est pedilavio. In ritu autem Paschali aliam habebant lotionem post esum agni, de qua Canon; *Opus est secunda lotione tingi intybis*. De duplici lotione aliisque ritibus noctis Paschalis ex Judæorum rituali habet ista; *Quam diversa hæc nox à cæteris noctibus, quæd in aliis noctibus semel tantum lavamus; in hac autem bis. Quæd in reliquis noctibus comedimus sive fermentum sive azymum; in hac autem omnino Azyma. Quæd in reliquis noctibus vescimur oleribus omne genus; in hac autem intybis. Quæd in omnibus noctibus tam edentes quàm bibentes vel sedemus vel discumbimus; in hac autem omnes discumbimus*. In ultimo Paschate, quod celebravit Christus, lotio iterata fuit, primum ex consuetudine quotidiana, ut discumberent & agnum commederent.

Deinde

Deinde δέσνυς γενομένης ex ritu Paschatis. Petrus itaque non quod iterum lavare necesse sit miratur, ut qui sciret in prima Azymorum hoc solere fieri, & lotionem iterari, sed quod discipulus à Magistro, famulus à Domino, homuncio à vero Deo διακονεῖται. Fuit etiam duplex Cœna incontinenti, cum duæ lotiones utramque præeant; una ordinaria, in qua Agnus quoque comeditur; altera, in qua fractio panis azymi & intinctio azymi in tryblio embammatis, Joh. 13. 36. & denique post poculum hymnus cantatur ex ritu Paschali. Hactenus Scaliger. Lotis igitur pedibus discubuerunt, agnum cum panibus azymis comederunt, hac cœna perfecta surrexerunt, ut alia oblatione ad secundas mensas sese compararent. Christus more inusitato pedes discipulorum lavit, qui illius pedes lavare potius debebant, ut humilitatem eis hoc humilitatis suæ exemplo jam decessurus commendaret. Rursum discumbunt in lectis, herbis amaris vescuntur. Christus, caput hujus contubernii, offam in embamma intingit, dedit Judæ, qui statim exiit. Aliam tortam azymam ad cœnæ clausulam reservatam accipit Christus, benedixit, sed aliis verbis quàm Paterfamilias solebat; benedixit autem & sanctificavit, ut esset corporis sui symbolum & pignus. Quibus verbis sanctificavit & benedixit non exprimitur. Fregit & dedit, non singulis, sed proximis, & dixit porrigens, non verba illa solennia quæ usurpabat paterfamilias, *Iste est panis miserie, &c.* sed accipite, edite, hoc est corpus meum, &c. Panem miserie sacramentum fecit panis vivifici. Similiter accepit poculum, gratias egit, & benedixit, non illa solenni verborum formula quam usurpabat paterfamilias dum poculum hymni in manus sumeret, sed mutatis verbis ad præsens institutum sanctificavit ut fieret symbolum sanguinis sui. Poculum tradidit proximo, ille secundo, secundus tertio, donec per totam φεαπρια circumferretur, & dum porrigit dixit, *bibite ex eo omnes.* Hoc est enim sanguis meus Novi Fœderis &c. His omnibus absolutis hymnum cecinerunt. Et hic proculdubio hymnus ille, inquit Mornæus, qui in Azymorum solenni ritu cœnam claudere solitus; Psalmus, si ritualibus Judæorum fides, 114. & 115. vel si Burgenf, à 113. ad 119. omnes. Sed an Christus & Apostoli hos Psalmos cecinerint, incertum, cum pleraque alia mutaverit Christus in Cœnæ clausula. Hunc solennem Hymnum magnum Hallelujah vocant Judæi.

De Missa
l. 2. c. 19.

Gestus seu situs corporis in percipienda Eucharistia non est indifferens, ut volunt quidam, qui perinde esse censent, sive sedendo sive stando sive transeundo, sive genua flectendo, quis percipiat. Transeundo aut inambulando Eucharistiam percipere confundit ordinem institutum à Christo, & ritus quosdam institutionis excludit. Genua flectere non modo excludit ritus institutionis, sed etiam præceptum secundum de vitanda idololatria multis modis violat. Stando circum mensam percipere Eucharistiam de ritibus & forma institutionis nihil detrahit, non tamen est situs convenientissimus, quia non ordinarius convivarum gestus, & propterea obscurat dignitatem illam ad quam nos evexit, & familiaritatem ad quam vocavit Dominus. Sedendo percipere convenientissimum, quia sic nec ritus institutionis violantur, nec superstitionis aut idololatriæ periculum secum trahit situs iste, dignitatem & familiaritatem ad quam vocati sumus meliùs exprimit, & exemplo ipsius Christi & Apostolorum in prima institutione, & Apostolicarum post Ecclesiarum, nobis commendatur. Christus & Apostoli in prima Cœna non stantes aut transeuntes, sed accubentes, perceperunt elementa. Sunt inter nostros, qui fatentur Christum & Apostolos accubuisse, dum vescerentur Cœna Paschali, at non dum celebraretur sacra Cœna Novi Testamenti; quia, inquiunt illi, cum solenne fuerit Christo dum oraret aut gratias ageret, genua flectere, credendum est Christum & Apostolos, dum gratias ageret & benediceret, genicularos, nec

postea mutasse gestum illum ante peractam Cœnam. At Euangelistæ dicunt, *edentibus illis*, nempe discipulis de Cœna secunda postquam rursus discubuissent. Si edentibus illis, etiam discumbentibus illis. Unde quod dicit Matthæus, *cœnantibus autem eis accepit Iesus panem & benedixit, & quod Marcus ait, & manducantibus illis accepit Iesus panem & benedicens fregit, idem est, ac si dixisset recumbentibus illis*; inquit Baronius. Sed Matthæus & Marcus, inquit, interpretandus est per Lucam Euangelistam, & Paulum, Luc. 22. 19, 1 Cor. 11. 24. *Similiter postquam cœnavit &c.* Respondeo illud dici de poculo, non de pane. *Similiter*, id est, ut sumpsit panem & gratias egit, sic etiam, postquam cœnavit, sumpsit poculum & gratias egit, &c. Edentibus illis sumpsit panem, sed intercedente actionis parte prima inter Cœnam Paschalem & Poculum jure dicere potuerunt Lucas & Paulus, *Similiter postquam cœnavit &c.* Nec necesse erat ut Bellarminus eorum sententiam amplecteretur, qui ex his verbis colligunt Christum instituisse sacramentum sub specie panis in ipsa Cœna Paschali, & non nisi multis interjectis sumpsisse poculum; cum contrâ credendum potius sit per modum unius signi tantum mysterium instituisse, & nulla alia interjecisse. Nam per verba illa, *edentibus illis, aut cœnantibus illis*, nihil aliud significatur, quàm dum adhuc comederent, & nondum desierant, non autem quod postea pergerent comedere de Cœna Paschali ante benedictionem poculi. Frustra igitur hinc colligit Cœnam sub unica specie, nempe panis, propriè loquendo fuisse institutam. Detur etiam dixisse Euangelistas de pane, Christum postquam cœnasset eum sumpsisse, gratias egisse; tamen non sequeretur non edentibus illis sumpsisse. Quamvis autem totum sacramentum post Cœnam institutum fuerit, in ipsius tamen Cœnæ sine institutum est cum adhuc discumberent & manducarent. Nam manducarunt cibos alios, quousque ad institutionem cœlestis cibi ventum est. Ideoque Matthæus & Marcus ajunt, *Manducantibus ipsis effectum esse hoc sacramentum. Adhuc enim manducabant, cum Dominus accepit panem, benedixit, & fregit.* Quod de Christo genua flectente, dum oraret aut gratias ageret, afferunt, si semper ita fecisse intelligant, falsum. Cum paterfamilias in clausula Cœnæ Paschalis erat benedicturus, non surrexerunt ille & reliqui convivæ, ut genua flecterent. Brevior erat solennis verborum formula, & citius absoluta quàm ut potuissent commodè surgere & in genua rursus procumbere. Eundem morem servasse Christum credibile est, & probatur certum esse ex eo, quod nunquam benedicentes ulli creaturæ procubuerit Judæi in genua. Qui benedicit major est eo cui benedicit, quatenus nempe benedicit. Ideo cum benedicerent sacerdotes populo, levarunt, cum certæ personæ, imponebant manus, non procubuerunt ante populum vel certam illam personam cui benedicebant; sic, cum rebus aliis inanimatis, ut cibis, benedicebant sive communibus sive sacris, non procubuerunt in genua. Christus cum Emaunte sederet ad mensam benedixit Luc. 24. 30. *Et factum est, quum discubuisset cum eis sumpto pane benedixit: quem locum quidam interpretantur etiam de sacra cœna.* Sic Matth. 14. 13. *Et jussa turba per herbas discumbere, acceptis quinque illis panibus, ac duobus piscibus, suspiciens in cœlum benedixit.* Discumbentibus illis benedixit quinque panibus, & tantum levavit oculos. Oculorum elevatio fuit quidem Christo familiaris, ut hîc vides & Marc. 6. & 7. Luc. 9. Joh. 6. 11. & 17. Ambrosius in Cœna etiam oculos ad cœlum sustulisse dicit, præterea nihil. Dico igitur contrâ, nunquam Christum aut Judæos aut Apostolos dum benedicerent ulli creaturæ procubuisse in genua, partim ad vitandam omnem idololatriæ speciem, partim, ut dixi, ut superioritatem seu majoritatem, ut ita dicam, benedicentis in hoc actu ostenderent. Ineptè & absque ullo Scripturæ exemplo facere mihi videtur, qui elementis panis & vini in sacra Cœna benedicturus procumbit

in genua. Præterea nec illud verum, Christum extra benedictiones hæc semper in genua procubuisse dum oraret: Joh. 17. tantum levasse oculos dicitur, & excitaturus Lazarum Joh. 11, etsi opus editurus extraordinarium & miraculosum. Quod si & istud etiam daremus, dum benediceret Christus, illum & Apostolos genua flexisse, non tamen sequeretur gestum illum continuasse. Nam poculum circumferebatur à primo ad proximum, & sic deinceps. At cum isto ritu non convenire geniculationem gestum adorantis, ipsi fatentur. Præterea, si mutasset situm corporis in Coena Paschali, nempe accumbendi mensæ, in genuflexionem in Coena Evangelica, non id celassent Euangelistæ. Nam cum alia omnia, quæ mutata, enarrant, rem tanti momenti, nempe mutationem gestus ordinarii & communis in gestum adorationis & aliûs naturæ non omisissent. Nam si mutasset, instituit. In quem enim finem alioqui mutasset, nisi ut ostenderet in Evangelica Coena adorandum, non discumbendum ut in coena paschali, Si instituit, tunc peccassent & adhuc peccarent omnes Ecclesiæ geniculationem in percipienda Eucharistia non usurpantes, quod ipsi Formalistæ non audent asserere. Denique, cum Christus porrigeret panem, dixit, hoc est corpus meum; non concepit precationiculum, cujus prætextu geniculationem suam palliare student Adversarii. Nec stetit Christum & Apostolos patet, quia gestum illum aut corporis situm non ferebant lecti tricliniæ, in quibus discumbebant mensæ accumbentes in coena Paschali. Nam oportebat, mutato situ in Coena Evangelica, vel stare super lectos, vel inter lectos & mensam. Priori modo nimis remoti fuissent à mensa, posteriore non ferebat lectorum triclinarium dispositio & collocatio circa mensam. Si tantum intervallum fuisset inter mensam & lectos tricliniæ, tum in coena Paschali discumbentes in lectis non potuissent commodè percipere quæ disponebantur in mensa. Non stetit in Coena Paschali fatentur, quia Euangelistæ dicunt disertè eos accubuisse. Fuit istæ assertiones confutatione non sunt dignæ, si non Episcopus Rossensis, & post eum duo inter nostrates Doctorculi, contra unanimum interpretum cum veterum tum recentiorum consensum audaci impudentia incertum asserere non dubitarent. Cum igitur nec genua flexisse, nec stetit in Coena Evangelica constet, sequitur accubuisse. Testimonia accumulare vel veterum vel recentium auctorum, esset otio in re tam manifesta abuti. Sufficiat versus iste; *Rex sedet in Coena turba cinctus duodena. Se tenet in manibus. Se cibat ipse cibus. Turcremata vocat versum antiquorum; vide etiam Aquinatem 3 Quæst. 81, Art. 1.* Sed audiamus quid contrà Tilenus. *At enim vero piaculum est à Christi exemplo discedere, quem in hoc epulo non solum non flexisse genua, sed etiam in lecto accubuisse docet historia sacra.* Cur igitur vos veterem illam in lectis triclinariis cubandi consuetudinem in sessionem versam tam æquo fertis animo? Reperitur quidem vocabulum *Fashab*, quod propriè est sedere, etiam accumbendi significatione, ut Ezech. 23. 41. ubi mulier *παταλῶσα* in lecto sedere dicitur. Christum vero decubuisse & vos urgetis, & Johannis in Christi sinu recumbentis situs, & vocabula *ἀνακλίνω*, *ἀνακλινειν*, *ἀνακλινειν*, ab Evangelistis usurpata manifestè evincunt. Cur cætera primæ illius Cænæ adjuncta insuper habetis, neglectis temporis, quod vespertinum, loci, qui privata domus, panis, qui azymus erat, circumstantiis? Cur Privatam Cenam prius non sumitis, eaque peracta in secundis demum mensis sacram hanc celebratis? Cur pedilavium diserto Christi mandato subnixum omittitis? Ioh. 13. 14. Neque vero negari potest inter sacramentales ritus olim usurpatum fuisse τὸ ποδὶν πλῆν; antiquatum tandem postquam consideravit Ecclesiæ antistites, Christum regionis ac temporis illius ratione habita nihil aliud præter promptum alacremque ad quævis mutuæ charitatis & ædificationis officia præstanda animum hac synecdoche designasse; quomodo & Paulus Diaconissarum sedulitatem & diligentiam hoc quasi documento explorandam esse docet,

De Summa
Eccl. l. 1.
c. 39.

1 Tim. 5 10. Nimum verd in re tam seria ridicularii sunt, qui in sessionis ritu expressam nostræ cum Christo societatis & unionis imaginem cerni nugantur. Quasi vero aut in hoc corporis situ, non nisi ad corporis nostri in vulgari cibi sumptione quietem & refectiorem apto, sita sit unio merè spiritualis ac planè *μυστηριώδης*, aut Iudas quoque quem mensa sua dignatum Christus eodem cum reliquis modo accumbere passus est, unionis illius fuerit particeps, aut Christus jam ad dextram Patris sedens in supremo exaltationis gradu, non minus hodie præsens sit corpore, quoties Eucharistiam celebramus, quàm fuit in illo postremi agonis vestibulo, infimoque suæ *κρίσεως* gradu: denique sessio non minus ad sacramentales ritus pertineat, quàm ipsa symbolorum consecratio, panis fractio, distributio, sumptio, & manducatio: quod si qui asserunt eadem illi *διανοίας ἀπώστη* etiam lectos tricliniarios mensamque, sacramenti partes integrantes esse deinceps affirmant. Nihil hîc novi affert Tilenus, & confutavit ista omnia Author Parasynagmatis, sed dissimulat Tilenus. Dixit author ille, Christum & Apostolos discubuisse ex more & consuetudine gentis, quem in convivii frequentur usurpabant, maxime in Cœna Paschali, ut patet ex verbis quæ supra videmus discripta è Rituali Iudæorum, & collocatam fuisse mensam in coenaculi vel aulae medio, ut ministri à tergo stare possent & ministrare convivis qui dicti sunt propterea *stare à pedibus*, ut probat ex Seneca & Suetonio Petrus Ciacconius in Tractatu de Triclinio, & quandoque lectos Tricliniarios tam altos fuisse præsertim divitum ut oporteret per gradus ascendere. Inde colligit ineptiisse Roffensem, qui dixit peccatricem Luc. 7. 38. quæ dicitur stare ad pedes Christi retro, & rigare pedes ejus, & capillis capitis sui extergere, fuisse in illo ministerio in genua provolutam, & stare ibi significare in genua procumbere. Secundo dixit, ridiculum esse imitari sumiarum instar situm corporis, qui usurpabatur ex more gentis nec ordinariè quidem sed in lautioribus epulis; sat esse, si more gentis nostræ sedeamus. Nam sunt tantum nationales hæ differentiæ, sedere erectum vel inclinatum in cubitum. Et ut non adstringimur vino rubro aut Iudaico magis quàm albo aut Gallicano, sic non modo & formæ in situ corporis. Qui stat erectus vel qui in parietem inclinatus, uterque stare dicitur; sic qui erectus vel in cubitum inclinatus sedet, utrumque sedere dicitur: & tam exiguum esse differentiam dixerat author ille inter utrumque corporis situm, ut non modo Anglicana versio indifferenter utrumque *sedendi* verbo exprimat, sed etiam ipsa Scriptura, ut Ezechiel 23. 41. *Hic situs neque planè jacentis est, neque planè sedentis*, idcirco Hebræi hoc dixerunt, *Sedere in lectis* Ezechiel 23. 41. de muliere delicata & peccatrice, *Sedet in lecto magnifico, & mensa instructa est ante ipsum, & in superiore loco Moysi de fratribus Iosephi: Onkelos* verbum Hebraicum, quod sedere significat, expressit verbo *aschad*, quod Syris est *accumbere*; inquit Casaubonus. Vides verbum *jashab* etiam de iis dici, qui in lectis tricliniariis decumbunt, sic Genes. 43. 33. sedent fratres Iosephi in convivio quod ipse illis exhibet, cum tamen Iosephus eandem fratrum Iosephi historiam commemorans *κατάκλιον* illis attribuit. Non sequitur igitur, imitandum exemplum Christi sedendo, Ergo eodem modo sedendum. Nam ex regionis consuetudine sic faciebant. Rabbi Schelomo modum accumbendi Iudæorum indicat, explicans vocem *jattu* his verbis. *Vox jattu accipienda est notione Mesiba accubitus: quia omnis accubatio ad epulas fit cum inclinatione: accumbens enim inimitur sinistræ suæ. Sunt qui à Romanis, alii qui à Persis hunc morem convivandi transiisse ad Iudæos censent, sed ex 1 Sam. 9. 22. Proverb. 7. 14, 16. Cantic. 1. 12. patet antiquissimis temporibus coepisse. Et videtur primos homines, ut conjicit Casaubonus, humi jacuisse cubito sinistro innixos primis sæculis, quia probabile non est illo rudi sæculo, mensis, scamnis, sedilibus, cathedris nondum inventis, sedisse more nostro. Postea lecti sunt moventi,*

Exercit. 61. pag. 490.

Casaub. ib.

inventa, mensæ, scamna, cathedræ, & totum instrumentum domus ad usus hujus vite necessarium. Tum etiam sedendi ratio hodierna est inventa, & hominibus industriis à voluptate alienis facile probata; atque passim recepta, consuetudine jacendi in morem sedendi vertente. Hic mos observatus à Judæis præsertim in Paschate, ut supra dictum. Hinc patet, quare Dominus & ἀναγὰς μεγάλη ἐξαράμενος velit sibi parari Pascha. Intel-
 ligit enim cœnaculum magnum lectis stratum quos Hebræi Mesibboth, sicut ipsos discumbentes Mesibbin, vocant: Vox Mesab Cantic. 1. 12. accubitus significat circulearem propriè, ait Buxtorfius in Lexico: in orbem enim antiquitus sedebant. Hunc morem hodie non observant ipsi Judæi, sed sedent more nostro. Cum igitur accubitus iste sit genus quoddam sedendi, & non planè jacentis, sed partim jacentis partim sedentis situs, ut supra dixit Casaubonus, imitatio non ultra genus ipsum ad modum nationalem extendenda est, sed sufficit illum servare qui analogicè illi respondebat, & quem aliàs Judæi ipsi usurpabant. Hæ voces ἀναπίπτειν, ἀνακλίνειν, & ἀνακλινειν, quandoque usurpantur ab Evangelistis ad hunc situm exprimendum, sed impropiè, judicio Athenæi. Nam primam de animo propriè dici vult Athenæus, 1. 1. c. 18 & idem significare quod contristari & parvi facere; secundam de statuis; tertiam pro κατακλινισθαι poni Matth. 8. 11. vult Theod. Beza. Præterea, ut in forma panis & forma fractionis Judaicum morem observare necesse non est, sic nec in situs forma vel positura corporis, modo genere idem sit, analogicèque ex more gentis ei respondeat. Denique Apostolicæ, quæ postea sequuntur sunt, Ecclesiæ hunc morem accumbendi non observant, sed communem sedendi. Nam cum à lectorum convivium sive discubitoriorum numero antiquitus domos ap-
 pellabant δίκον τρίκλινον, πικτάκλινον, δικάκλινον, εκατοτάκλινον, & Plutarchus divites illos τεταυίσθαι hoc est luxuriari seu ineptire dixerit Sympos. 5. qui domos τρικοντακλίνους id est triginta lectorum & ampliores ædificant; non est credibile Ecclesiam Corinthiacam aliasve Ecclesias Apostolorum ætate in lectis discubitoriis accubuisse vel ad sacram Eucharistiam percipiendam vel ad agapas. Præterea non erant commodi in conventibus Christianorum, ubi cœtus erant numerosiores quàm qui requirebantur ad unum contubernium in cœnaculo ad cœnam Paschalem, nec tam commodè poterant auribus percipere verba conjoñantis. Quod ad cætera illius primæ cœnæ adjuncta, tempus vespertinum, locum, panem azymum, pedilavium, &c. Respondeo, non esse eandem horum & gestus seu situs corporis rationem. Nam lotio pedum peracta fuit antè secundam cœnam cœnæ Paschalis quæ duplex erat, antequam comederent acetarium, ut patet ex superioribus, cum de cœna Evangelica nihil fuerat institutum ante secundam illius cœnæ clausulam; & propterea non significabat præparationem ad Eucharistiæ perceptionem, sed eo signo Christus humilitatem & charitatem eos docebat jam migraturus, nec ritum sed rem ipsam illis commendavit. Nam hoc mandatum præcepit humilitatem
 & charitatem, ut exponunt Chrysostomus & Cyrillus, non autem ipsam materiale[m] lo-
 tionem pedum, ut patet ex praxi Ecclesiæ: nunquam enim putarunt se habere speciale
 mandatum de lotionem pedum, ait Bellarminus. Ideo mirum non est, non usurpatam
 in Ecclesia Romana, cum in Mediolanensi servabatur tempore Ambrosii ut sacra
 ceremonia, sed ridicula imitatione. De stulta æmulatione hujus ceremoniæ sic
 Lutherus in Genes. 43. Fuit pulcherrima consuetudo, nempe lavandi pedes, in populo
 Judaico, hodie verd exolevit, & mansit tantum ceremonia in Ecclesia Papistica, quam
 solenniter observant Reges, Episcopi, & Abbates, in die Cœnæ Domini, cum succincti lintheo
 lavant pedes duodecim pauperum, & postea cœnantibus ministrant. Ita enim voluerunt
 imitari exemplum Christi, ut superbirent & gloriarentur in illo opere, interea verd occi-
 dunt Christianos, & persequuntur verbum. Præterea ait; Principes aliqui & Papistæ to-

Scalig. de E-
 mend. Temp.
 1. 6. p. 534.

De Effect.
 Sacram.
 c. 25.

to anno non lavant pedes pauperibus; cum lavant certo tempore, eliguntur homines prius loti. Dixit supra Scaliger *ποδωμντες* usurpatum fuisse non solum in hac Cœna Paschali, cum Christus institutus erat sacram Cœnam, sed etiam aliis Cœnis Paschalibus, nunc autem nihil singulare fuisse, nisi quod Christus discipulorum pedes laverit, qui illius lavare potius debebant. Lotionis pedum fratrum peregrinorum in populo Judaico, & illius cujus mentio 1. Tim. 5. 10. alia ratio, ut notum est. Non erat ceremonia, sed reipsa opus charitatis præstitum à servis vel famulis & à Diaconissis peregrè advenientibus. Videmus igitur non esse parem rationem sessionis quæ lotionis pedum. Quæ Christus hujus Ministerii occasione egit similiter non sunt imitanda, nec habent eandem rationem quam postura corporis, ut quod Christus exiit se pallio, & discubiturus rursus induit, ut regerit in auctorem Parasyngmatis Doctorculus quidam. Nam τὰ ἱμάτια, id est pallium posuit, quia habitum servi assumpsit, ut ministraret discipulis lavando ipsis pedes. *Servorum erat sine pallio aut alia veste exteriori tunicatos & cinctos vel etiam linteo succinctos ministrare.* Ingenui, qui servilia munera erant obituri, servilem illum habitum assumpserunt. Pallium & omnis exterior vestis, quæ brachia includit, inepta est ad ministeria quæ liberum brachiorum motum requirunt: ideo etiam Christus ponit. Cum occasione Pedilavii tantum exteriorem vestem seu pallium posuisset; quidni absoluto hoc ministerio mensæ accubiturus rursus indueret? Præterea nondum ventum erat ad institutionem Cœnæ, non igitur propter Cœnam Evangelicam magis quam propter Paschalem hoc fecit. Veniamus ad circumstantias, & alia adjuncta primæ illius Cœnæ tempore institutionis. Dixit author Paraf. cum transiit Christus à clausula Cœnæ Paschalis ad institutionem Cœnæ Evangelicæ quædam mutasse, quædam retinuisse, cætera necessitate quadam legis & præcepti impediante mutare non potuisse. Inter duas vespervas agnus Paschalis comedendus; Vespera mutari non poterat in tempus matutinum absque miraculo, nec fas erat propter ritum Paschatis. Pane azymo celebravit, non fermentato, quia durante festo nefas erat habere fermentatum panem, & legem Dei de azymis violare noluit Christus. In cœnaculo seu privata domo, etiam Paschatis occasione, non poterant omnes uno loco comedere. Ideo qui erant peregrini cœnacula conduxerunt. Cœnacula autem meritorea quæ locabant ii, qui cœnaculariam exercebant, olim in superiori ædificii parte extructa fuerunt. Qui omnium tenuissimi erant, cœnacula regulis proxima conducebant. Inde Juvenalis. *Ultimus ardebit quem tegula sola tueretur. A pluvia molles ubi ponunt ova columbæ.* Futile est igitur quod contra sessionem regerunt, quod Christus non mutaverit cœnaculum superius in locum aliquem inferiorem. Circumstantiæ loci & temporis communes sunt omnibus actionibus humanis, & eas determinatas servavit Christus, quas necessitas legis vel occasio præsens cogeat. Cum in cœnaculo & privata domo occasione tantum Paschatis celebravit cœnam, nugatur qui quærit cur magis in superiore cœnaculo quam in inferiore, cum in neutro, nisi ex temporis hujus circumstantia necesse erat illi cœnam instituere. Quod etiam in tam parvo cœtu, factum eadem occasione. Nam tot adesse oportebat, qui agno comedendo sufficerent. *Sciendum est prodente Iosepho Lib. 6. Cap. 31. de Bello Judaico, agitata fuisse hæc convivia in privatis ædibus xara φεαγελος i. e. per contubernia non pauciorum quam decem virorum, interdum etiam vicinum, inquit Theod. Beza in Math. 26. 20. Fulco in hunc locum ait verisimile alios præter 12 Apostolos adfuisse, quia vix poterant viri 13 comedere solidum agnum anniculum, & non negari alios adfuisse, sed ullum ex duodecim Apostolis abfuisse. Sed sat est, quod non plures convivæ, quos Hebræi filios societatis vocabant, requirebantur, quàm qui justum contubernium constituerent, & ea occasione*

sione in tam parvo cœtu. Nam totus populus in contubernia ista divisus erat, nec à suis contuberniis & societatis filiis avocandi erant. Sed accubendi situs in genuflexionem facile mutari poterat. Non enim speciali lege Paschatis adstrictus erat ad accubitum, nec ad standi situm. Nam dubitant Barradius, Suarez, & Jansenius, num imperatum fuerit Israelitis ut comederent agnum stantes, & nullam circumstantiam earum quæ præscribuntur Exod. 12. id cogere dicunt. Nam etsi baculos in manibus tenere ibi adstringebantur, non tamen sequitur propterea steterisse. Sed quia recepta est altera sententia, respondetur non imperatum fuisse, nisi prima illa vespere in Ægypto observandum. Cum in lege præcipiatur, ut in pro-^{De Emen-} cinctu & stantes atque calceati agnum immolarent; Christus tamen cum discipulis discum-^{dat. Temp.} bens in trichinio isopachæ Pascha immolavit. Non videntur Israelitæ in procinctu Pascha^{l. 6. pag. 534.} ullum comedis-^{se}, præter primum illud quod ex Ægypto migrantes comederunt. Procinctus enim significabat necessitatem properandi, & imminentis hostis periculum. At deinceps nullo hoste imminente securi, non autem stantes sed sedentes, Pascha semper comederunt, cuius securitatis manifesta hodie extant in Rituali Judæorum argumenta; inquit Iosephus Scaliger. Sciendum est, inquit Tremellius in Matth. 26. ibi, nempe Exod. 12. præcipi, quæ ratione exiuri ex Ægypto prima illa vice comedant Pascha, paulò antequam exeant ex Ægypto & iter ingrediantur, quia ita exigebat illius temporis necessitas. Sed in lege deinde ubi præcipitur, ut ceremonia illa agni Paschalis quotannis renovetur, ea non adduntur. Quapropter omnes Hebr. doctores, tum antiqui tum recentes, summo consensu dicunt, mandatum illud de aspergendis sanguine postibus, de induendis calceis, accingendis lumbis, atque sumendis baculis, & cum festinatione agno comedendo, non se extendisse ad generationes sequenturas, sed tantum fuisse illius noctis quæ egressuri erant ex Ægypto. Imo antiquissima fuit apud eos traditio (quod in Talmud Tractatu de Paschate commemoratur) ut manducaturi Pascha in signum libertatis adeptæ discumberent. Si nec ad discumbendum adstringebatur Christus ulla speciali lege Paschatis. Cum igitur absque ulla violatione Divini instituti mutare potuit accubitus in alium corporis situm, & tamen noluit, eo ipso docuit retinendum illum situm eive analogicè respondentem more gentis, ut communem epulis & convivii sacris Veteris & Novi Testamenti. Et proculdubio ex analogia juris communis & consuetudinis in aliis epulis sacris intellexerunt Judæi post primam illam vesperam non amplius standum, sed more aliis epulis sacris communi sedendum vel discumbendum, & propterea Christus eundem situm retinuit in epulo Eucharistico Novi Testamenti. Unde vides, non sequi pari ratione concionantem debere imitari Christum sedendo quia sedit Christus dum doceret. Nam in eo non imitandum ostendit ipse Christus, qui modò stetit ut Luc. 6. modò sedit ut Mat. 5. prout ferebat opportunitas loci vel temporis, & Apostoli stabant exhortantes Act. 13. & qui prophetabat 1 Cor. 14. 20. Et dum starent exhortantes aut prophetantes Apostoli aut Prophetæ, sedebant auditores. Audientes sedere, prophetantes stare, significat dicendo, Quod si alii sedenti, inquit Cajetanus 1 Cor. 14. 30. Et Act. 20. 9. sedebat quidam adolescens nomine Eutychus in fenestra, dum dissereret Paulus. Et nos hic in conviviarum æquè ac ipsius Christi accubitu imitationis exemplar propositum nobis dicimus. Præterea instituit Christus actionem ritualement, ubi exhibetur symbolum & signum sensibile objectum oculis discipulorum. Coram objecto quovis sensibili non licet liberè & indifferenter quemvis situm corporis usurpare. Præterea hinc habetur nova institutio ritualis actionis. In primis institutionibus sacrarum ceremoniarum solet idea perfecta rituum omnium & actionum describi ut exemplar imitandum; & quis Christo accuratius depingere potuit verbis, actionibus, gestu aut situ corporis, quid imitandum? Censeo igitur quæcunque

Christus vel mutavit transiens à clausula Cœnæ Paschalis ad institutionem Cœnæ Euangelicæ, vel retinuit, si mutari facile potuissent, nulla vel naturali necessitate vel divinæ legis instituto impediente, imitanda esse. Quamvis enim nec in miraculosis operibus, nec actionibus naturalibus, ut edendi, bibendi, &c; Christum imitari teneamur, tamen in memorialibus & ritualibus imitari debemus, præsertim iis quæ instituens observavit Christus. Cum igitur Christus & Apostoli, dum Christus institueret Cœnam, accumbentes, & proinde quodammodo sedentes, ut supra dictum, de sacra cœna participarunt, nos eundem corporis situm more gentis nostræ in hac sacra Cœna observare debemus. Exemplar primæ institutionis imitatur Ecclesiæ Apostolicæ. Cum enim sacra cœna cum Agapis in quibusdam Ecclesiis conjuncta fuerit, & communis mensa utriusque, non est verisimile in Agapis sedisse, in sacra Cœna sterisse, multò minus in genua procubuisse. Conjunctas fuisse. dicit Casaubonus, cum ait, *Paulus totam illam Corinthiorum actionem quæ sacro & communi convivio constabat à potiori parte vocat Cœnam Dominicam.* Augustinus non modo conjunctam, sed Agapis permixtam fuisse, putat sacram Cœnam, teste Baronio, *Corinthios autem inter cœnandum miscentes sacra communibus, quod correxit Paulus, Eucharistiam sumere consuevisse Augustinus Epist. 118 ad Iannarium affirmat.* Et Num. 136. ait, *scriptum à Philone, convivium sacris videtur admixtum.* Philo autem de Essenis loquitur, non de Christianis; sed sive Esseni sive Christiani fuerint illi de quibus scribit Lib. de Vita Contemplativa, discumbebant super *σκάδας* stœreas. Locum Philonis illustrat Iosephus Scaliger alio Cassiani Monachi Collat.

Elencho Tri-1 Cap. ult. Is ipsis, quibus insidebamur, Psisthus admones incubare, embrimus pariter capiti nostro cervicalium vice suppositis, quæ crassioribus papyris in longos gracilesque fasciculos coaptatis, sesquipedali intervallo moliter nexa nunc quidem humillimum sedile ad scabelli vicem fratribus in Synaxi confidentibus &c. Si Tales Corinthiorum Agapæ quales fuerint Essenorum, non modo conjunctæ erant, sed confusæ sacra Cœna & Agapæ, & in utriusque sedebant vel discumbebant. Correxisset hanc confusionem Apostolum ait Augustinus, non autem situm corporis. Hæc ejus verba; Non debent fratres mensis suis ista miscere, sicut faciebant quos Apostolus arguit & emendat. Paulus factiones & contentiones reprehendit. Quæque factio aliam prævertebat, ut in Agapis sic & in Cœna, quia conjunctæ erant. Ideo, inquit Bilsonus, separatæ Agapæ & separatam Cœnam secum traxerunt, quæ ministrabatur iis dum sederent ad mensas. immediate vel ante vel post agapas, & censet potius post convivium celebratam sacram Cœnam exemplo primæ cœnæ. Sedisse in sacra Cœna, innuere etiam alibi videtur Apostolus reprehendens eos qui in idolothytiis vescabantur. Dicit eos accubuisse in idoleio id est in æde idolorum, 1 Cor. 8. 10. & 1 Cor. 10. 21. ait eos non posse hoc facere. Non potestis mensæ Domini participes esse & mensæ dæmoniorum. Potuerunt quidem naturali modo & facultate locomotiva accumbere & mensis dæmoniorum & mensæ Domini, sed moraliter & rectè utrumque facere non poterant. Possumus enim quod de jure possumus. Nam qui accumbit mensæ in idoleio proficitur consortium cum idolo, & se approbare sacrificium participando de epulo post sacrificium. Qui extra idoleion vescabatur idolothytiis, si coram infirmo, præbebat offendiculum, qui in idoleio alio etiam modo peccabat, ut jam dixi. Hac collatione inter participationem utriusque mensæ videtur, inquam, Apostolus innuere mensæ Domini participes fuisse sedendo, sicut dæmoniorum accumbendo. Si Ecclesiæ Apostolicæ hoc situ corporis usæ sunt in sacra Cœna, vel eum commendavit nobis Christus eam instituens; cur non meminit illius Apostolus, inquit, 1 Cor. 11. quando recitat institutionem? Respondeo, & alia etiam omisisse, ut illud quod habent Evangelistæ, & dedit discipulis suis.

Exer. 16. pa.
511.

Tom. 1. An-
nal. 57.
Num. 130.

Elencho Tri-
keresi. c. 26.

De Obedient.
pag. 460.

suis , quod brevitatis causa & ut notorium & perspicuum tacet Apostolus. Sic contra ubi Evangelistæ habent , quod pro vobis traditus , Apostolus habet , quod pro vobis frangitur. Apostolus repetit ea tantum quæ ipse Christus Cœnam instituens egerat aut dixerat , non autem alia , quæ erant communia utrique Cœnæ Paschali & Evangelicæ , ut fuit accubitus , quæ non à Christo instituente & celebrante sed ab Evangelistis recensentur & Christus ex re præsentī præsupponit. Sic Paulus de sessione nihil eo loco memorat , quia præsupponit prius ad mensas sedisse , ut patet ex aliis locis supra dictis. Nec in hoc peccarunt Corinthii , sed quòd separatis mensis de sacra Cœna participabant. Præterea nihil de legitimo Ministro Sacramenti dicit , quia præsupponit. Sed , inquit , Apostoli etiam observarunt alia adjuncta primæ Cœnæ , ut tempus Vespertinum. Nam Centuriatores dicunt , Apostolos celebrasse noctu. Respondeo , non id absolutè dicunt , sed tantum videtur. Chrysostomus Homil. 7 in 1 Cor. 11. contrà asserit manè celebrasse. Verior est sententia media eorum , qui dicunt pro re nata vel vespere vel mane celebrasse. Neque Apostoli ad tempus vespertinum sese adstrinxerunt , sed pro occasione Cœnam administrarunt , aliàs diurno tempore , ut legere est , Act. 2. 46. aliàs intempesta nocte , ut Act. 1 Cor. 11. 20. quo factò sitis ostenderunt tempus Cœnæ esse indifferens. Si quando celebrarunt vespere aut noctu , ut Act. 20. quem tamen locum aliter alii interpretantur , non ob imitationem id factum , sed occasione urgente aut persecutione cogente. Ibi Apostolus discessurus protenderat sermonem ad mediam noctem & propterea ministrata est Cœna noctu. Quando ejusmodi occasiones urgent , nos idem facere noctu & privatis in locis non prohibemur. Qui autem tempus Vespertinum imitandum existimabant , non observabant quòd ex circumstantia temporis & occasione Paschatis tantum noctu instituerit Christus. Error iste occupavit Ægyptios. At Ægyptii , inquit Socrates , qui Alexandrinis similes sunt , & illi qui Thebaidem incolunt , Sabbato synaxim exequentur illi quidem : sed non , ut mos fert Christianorum , mysteriis participant. Nam ubi epulati sunt , & variis cibariis se saturarunt , sub vesperam oblatione facta , mysteriis communicant. Hinc tamen colligi potest , sedentes communicasse mysteriis. Nam qui tempore vespertino , & non nisi post vulgarem coenam , Coenam sacram celebrarunt , in situ corporis etiam imitatos fuisse non dubium est & quidem singulis Sabbathis. Sed die anniversario , qui dicitur Coena Domini , etiam aliis locis sedisse communicantes mysteriis , & eodem modo celebrasse , quo in prima Coena , patet ex vestigio ejus moris qui adhuc manet in Monasteriis Benedictinorum. Unde nimirum ritus ille ad nos dimanavit , quo vel hodie in Cathedralibus Ecclesiis , & Monasteriis Benedictinorum in die Cœnæ Domini ante Parasceven Cœna Errorum Domini palam & splendidiùs celebratur. Nam Evangelium Iohannis à Diacono publicè præ- circa Cœnam legitur , & dulcissima illa colloquia Christi , quæ abiturus cum discipulis habuit , recitatur : interim ordine dispositis mensis convivæ assident , panem azymum fragentes , & calicem invicem propinantes & in totum veteris Cœnæ vestigium præferentes ; inquit Bullingerus. Hunc morem observasse videntur olim omnes fideles hoc die anniversario. Nam Concil. Carth. 3 Can. 31. decretum ; Ne sacramenta altaris nisi à jejunis hominibus celebrentur , excepto uno die anniversario , quo Cœna Domini celebratur. Sic in Tertia Parte. Decreti habemus decretum Soteris Papæ ejusmodi. In Cœna Domini à quibusdam perceptio Eucharistiæ negligitur : quæ quoniam in eadem die ab omnibus fidelibus , (exceptis us quibus pro gravibus criminibus inhibuitur est) percipienda sit , Ecclesiasticus usus demonstrat. Glossa ibi. Sic olim : modo sic non est , sed Monachi faciunt. Quem morem Monachi nunc servant in die Cœnæ , eundem omnes servasse videntur. Notanda sunt verba Concilii Carthaginensis , excepto die anniversario , quo Cœna Domini celebratur. Aliis diebus Eucharistiam percipiebant , sed hoc non erat

Coenam celebrare. Hoc die anniversario Coenam celebrabant, id est eodem modo, quo Christus Coenam instituit, illi celebrarunt, & primæ Coenæ formam repræsentarunt. Cum igitur datur Eucharistia singulis genibus flexis, hoc non est celebrare Coenam. At Christus Coenam instituens celebrare Coenam iussit. Qui Coenæ formam mutant & ordinem, dant quidem Eucharistiam, sed non servant mandatum. Chrysostomus etiam Homil. 27 in 1 Cor. 11. absque ulla mentione diei hujus anniversarii ait, *et hoc facis, cum ad Christi mensam discumbis in die illa, quæ carnem ejus lingua attingere dignatus es.* Waldenses, in Apologia contra binas literas Doctoris Augustini, sedisse in primitiva Ecclesia asserunt his verbis. Ex isto manifestum est, quod primitiva Ecclesia hanc faciem habuit, & illam confessa est, & non fecit reverentiam huic sacramento, quia illo tempore exemplo Christi sedentes statim acceperunt, & nihil retinuerunt, nec extra eorum extulerunt, & hæc institutio diu stetit, sicut Chronica gestorum testantur. Mornæus Libro 4. de Eucharistia hæc habet. *Mitto sacram Coenam olim convivii instar, in quo discumbebatur, celebratam, cujus etiamnum in Benedictinorum mandato vestigium.* Nec dubito verba illa quæ habentur in Liturgia Anglicana in Exhortatione post Offertorium, *est quidem contumelia repulsam dare invitanti, sed ea longè sit major, dum agitur, & interim cum aliis non discumbitur, nec editur neque bibitur, & illa, nostis quàm grave sit atque molestum, jam parasse splendidum convivium, mensam apparatus magnifico instruxisse, atque dum nil aliud superest, quàm ut accumbatur, convivis nulla iusta legitima &c.* etsi jam dicis causa recitantur ab Anglicis, tamen olim serib dicta, & cum hæc verba haberet Minister ad populum, solitos accumbere mensæ. Sed sufficeret nobis idea primæ Coenæ, & praxis Ecclesiarum Apostolicarum seu ævo Apostolorum. Nam ubi non dari potest specialis ratio quæ moveret Christum aut Ecclesias illas primævas, ad aliquid instituendum aut observandum, quæ temporibus his non conveniret, ibi imitandi sunt. Acta enim Apostolorum in politia Ecclesiæ sunt exemplar politiæ Ecclesiasticæ. Christus ita instituit hoc sacramentum, inquit Lutherus, ut in eo mensæ nobis assidendum sit. Sed mutata sunt omnia, & in locum d'una um institutionum successerunt m. nes hominum constitutiones. Atque hæc de adjunctis primæ Coenæ, quod non eadem ratio accubitus, quæ aliorum adjunctorum. Christus cum mutare potuerit in genuflexionem tamen noluit, sed renuit. Retinuit autem Christus & retinuerunt Ecclesiæ Apostolicæ, ut situm epulo Eucharistico convenientissimum & aptissimum, atque ita non tam instituerunt quàm retinuerunt, ut situm usitatum in omnibus epulis sacrificiis. Israelitæ post sacrificia habuerunt sua convivia religiosa & sacra in loco sacro, quibus accumbebant qui obtulerant sacrificia, quem morem imitari sunt idololatræ & ethnici. Ut in festo aurei vituli Israelitæ obtulerunt holocausta, & applicarunt eucharisteria, seditque populus ad edendum & bibendum, deinde surrexerunt ad ludendum Ex. 32. 6. Illud quidem constat vel ex ea historia quam refert Herodotus in Chio de Cleobi & Bitone, veteres intra ipsum quoque templum solitos fuisse solennia sacrificiorum convivia agitare, quod apparet ex Aristophane in Pluto. Imo solennes epulas solebant à sacrificiis auspiciari, inquit Beza in 1 Cor. 8. 10. quo loco testatur Apostolus mensis Dæmoniorum eos accubuisse. Post sacrificium peractum transferebantur ex altari ad mensam carnes immolatiæ, ut ex iis comederent, qui eas obtulerant. De improbis foeneratoribus scribit Amos, Cap. 2. 8. super vestimenta in pignus accepta discumbunt juxta quodvis altare. Paraphrastes Ionathan, ut notat Rabbi Schelomo, per vestimenta denotari putavit isto loco lectos, nempe trichinæ, quos in edibus Deorum, & iudæis sibi parabant, ut in iis epularentur, & comederent idolothyta de quibus Paulus 1. Cor. 10. Sic Aeneid 8. sacrificium Evander & Aeneas clauferunt convivio. Vescitur Aeneas simul & Trojana juvenus Perpetui tergo bovis, & lustralibus

Vide Lydii
Waldensia
Tom. 1 Apol
pag. 43.

Cap. 7.

Vide apud
Muscul. Loc.
Com. de
Cæna.

bus extis. Partes etiam seu *peridas* secum domum asportabant, ut domesticis distribuerent & ad amicos mitterent. Sic in Novo Testamento, post sacrificium Christi in cruce peractum, habemus illius sacrificii epulum in sacramento Eucharistiæ, & mentiam cui & nos accumbere debemus. Retinuerunt Christus & Apostoli eundem situm corporis, quem Israelitæ in suis Epulis sacris, in novo epulo, quod non minus lætum est & gratulatorium quàm illorum. Non dicimus in hoc corporis situ sitam esse unionem merè spiritualein, ut nobis affingit Tilenus. Imo nec unionis hujus signum esse dicimus. Societatis & familiaritatis, qua nos dignatus est Dominus, signum esse quid prohibet? ut in omnibus epulis, ad quæ invitant nos Principes & Magnates, cum eadem dignantur mensa, testantur amicitiam, charitatem, societatem, familiaritatem, dignitatem quam nobiscum communicare volunt, quod signum est ex more omnium gentium receptum, & quasi naturale. Hujus imaginem in Veteri Testamento habemus. Dum enim ex victimis convivia intruere offerentes sacrificia volebat Deus, & coram se eadem agitare in Tabernaculo vel Templo, Deut. 12. non obscurè testabatur, quòd communibus secum epulis dignatus sit. Nam cum semper inter eos qui communi mensa uterentur, *summa fuerit necessitudo*, inquit Stuckius, Deus ad suam cum populo illo familiaritatem, *Antiquitat. Convivial. consuetudinemque arctissimam respiciendam*, sibi ab illo carnes, sanguinem, fruges in al- *l. 1. p. 122.* tari atque mensa offerri voluit, non quòd his indigeret, sed ut ostenderet se quæsi communem cum illo, opulo habere mensam, esse illius convivam perpetuum, atque ita familiariter cum ipsis habitare, & illorum consuetudine atque officiis delectari. Vicissim se illis benignè velle facere, à quibus tam piè atque amanter ad communem mensam invitetur. Hinc et mensa sive altare, in qua dapes illæ Deo offerebantur, Domini mensa, & ipsæ dapes Domini panis atque cibus à Malachia appellantur, Malach. 1. 7. 12. Altare erat quasi mensa Domini, & coram Domino eisdem epulis vescabantur in mensa sua offerentes. In Novo Testamento Christus communem mensam instituit qua eandem societatem atque familiaritatem designaret, & melius repræsentaret quàm in Veteri Testamento. Nam in Novo Testamento sunt omnia clariora quàm in Veteri. Non jam separata est mensa Domini à mensa populi sui. Sed una & eadem est & dicitur mensa Domini, cum in veteri Ecclesia exteriori specie erat tantum quasi eadem. Non aliam habet jam mensam populus quàm Domini mensam. Sunt qui huic corporis posituræ alias attribuunt significationes, ut quietem mentis, ceremoniarum legis cessationem, quam non probamus. Alii Cœnam sacramentalem Cœnæ cœlestis figuram faciunt. Et in nostra cœna typus est futuræ cœnæ, ac mensæ Domini de qua Luc. 22. 29. ait Musculus in Matth. 26. Probabile mihi videtur Eucharistiam nostram dici figuram cœlestis convivii in gloria, ait Spalatensis in Appendice ad Nazianzenum, l. 5. c. 6. de Repub. Eccles. Aquinas ait, esse non modo signum rememorativum passionis præteritæ, demonstrativum præsentis beneficii, sed etiam prognosticum id est præfigurativum futuræ gloriæ. Johannes Alasco in Liturgia Peregrinarum Ecclesiarum Londinensium regnante Edward. VI. edita dicit, sacram Cœnam esse futuræ gloriæ præfigurativam, & hac ratione præter alias urget restitui hunc sedendi morem in sacra Cœna. Verum quidem est, alludere Christum ad Cœnam Eucharisticam, Luc. 22. 29. cum dixit, Ego paciscor vobis, prout passus est mihi pater meus, regnum, ut edatis & bibatis in mensa mea in regno meo, & sedetis super thronos, &c. Et metaphoricè describere piorum felicitatem in coelis per accubitum in conviviiis, cum dicit, Multos ab Oriente & Occidente venturos & accubituros cum Abrahamo & Isaac & Iacobo in regno celorum. Et parabolicè idem depingere in persona Lazari recubentis in sinu Abrahami, Luc. 16. Alludit ad accubationem epularem amicorum in conviviiis. In lectis ita accumbebant, ut

De Rep. l. 5.
c. 6.
Part. 3. Quæ.
60 Art. 3.

quæ

Rainold.
Censura de
Libris Apo-
cryphis Præ-
lect. 79.

qui primus accumbens eret reclinatus superiori parte corporis in sinistram cubitum (quemadmodum etiam omnes accumbebant) ad caput lecti resideret, capite leviter erecto, & pulvis suffulto, ut pedes suos porrigeret pone tergum secundi; qui vero secundus accumbebat, is obvertebat occiput suum ad sinum & umbilicum primi, pedes autem post tergum tertii; ita tertius & quartus. Unde qui secundus accubuerat, accumbebat quasi in sinu primi, quomodo tertius in sinu secundi, & sic deinceps, quomodo legimus unum de discipulis recubuisse in sinu Christi, Ioh. 16. quoniam Christus accumbens in superiori parte lecti habuit Iohannem proximum, qui proinde dicitur recubuisse in sinu Christi. Retinebant enim in illo convivio epularem amicorum accubationem. Iam hinc petita est metaphora sinus Abrahamæ, quemadmodum docere possunt verba Christi, Mat. 8. 11 ubi dicit accubitu- ros cum Abrahamo, &c. Accubitu- ros ab hac metaphora convivii, accubitu- ros cum Abrahamo, ita ut paulo plus exprimat in sinu Abrahamæ, quam illud tantum accubitu- ros, nempe ita quasi charos futuros Abrahamo, ut omnes quasi proximi ei & in sinu accumbe- rent. Ex his Scripturæ locis colligunt, Cœnam Dominicam esse cœlestis convivii præfigurativam: & Iohannes Alasco ait se dubitare, nam afficiatur gloria Christi, & æterna sua foelicitate, qui sessionem symbolum illius æternæ foelicitatis, quod commendavit nobis ad ineffabilem fidelium consolationem, ex Ecclesiis eliminatam vellet. Habemus quidem imaginem & representationem cœlestis illius convivii, & æternæ foelicitatis, & in situ sedendi, requiei nostræ & refrigerii in cœlis; non tamen auderem asserere esse earum rerum futurarum typos destinatos, etsi ad ea alluserit Christus. Sed rei præsentis, spiritualis convivii quod agit in- terius in anima cum fidelibus Christum, Apocalyps. 3. 30. quod est cœlestis convi- vii pignus & prægustatio, demonstrativum signum est, & hac ratione accubitus aut sessio signum dici potest illius societatis, familiaritatis, communionis, & dig- nitatis, quibus anima interius fruitur, dum externa symbola percipiuntur. Nam hoc indicat hic situs quasi naturaliter & inter omnes gentes. Sed signum unionis esse, nullus inter nostros unquam asseruit. Unio significatur per manducationem & potationem. Christus est & conviva & convivium. Quatenus conviva, accu- bitu vel sedendo profitemur dignitatem illam & communionem seu societatem cum Christo, ad quam nos vocavit. Quatenus convivium & dapes nobis propositæ, edimus & bibimus, ut testemur nos carne ejus & sanguine pasci, nosque illi uni- ri. Unio à communionem distinguenda est, & utriusque signa distinguuntur. Quod de Iuda igitur infert Tilenus, quia mensæ accumbebat, fuisse ex nostra sententia unionis illius participem, non sequitur; primum quia in hoc situ non dicimus si- tam esse unionem cum Christo. Deinde quia non omnes qui sunt participes exte- riorum rituum aut symbolorum, sunt etiam rerum significatarum compotes. De- nique quod ad unionis signum, quod in manducatione, potatione, nutritionem scum dicimus, ne illius quidem particeps erat Iudas. Statim enim post intinctam offam in tryblio embammatis exiit ante institutam Cœnam. Nec panem Domini, nec panem Dominum comedit. Dico igitur, nos hunc situm corporis observare, non solum quia aptissimus ad quietem corporis, sed etiam propter decorum quod in convivio isto symbolico servandum, & repræsentationem illius societatis & com- munionis, qua nos dignatus est Christus, & qua interim interius spiritaliter frui- tur & sese oblectat anima. Iohannes Alasco dicit sessionem non solum nobis com- mendari in celebratione Cœnæ per Christi exemplum, per significationem myste- rii, nempe requiei nostræ in Christo, & præfigurationem gloriæ futuræ, sed etiam præcipi his verbis, *Hoc facite*, quia hæc verba complectuntur omnia quæ dixerit aut fecerit. Hæc sunt ipsius verba reddita gallicè (nam nondum mihi contigit vi- dere editionem Latinam) quæ sequuntur. *Ensemble nostre session en l'usage de la Cene*

du Seigneur, ne nous est pas seulement recommandée par l'exemple du Seigneur Christ, & par la signification de son mystère, qui est de nostre repos en Christ, ou par l'imitation figurative de nostre gloire future au royaume de Dieu par la session à ce banquet. Mais aussi il semble, qu'à peu près il nous soit commandé par les paroles du Seigneur disant, *Faites cecy*. Car on ne peut nyer, que par ce commandement, tout ce que le Seigneur Christ a enseigné & fait, ne soit compris. Et puis qu'il n'y a point de faute, que Christ n'ait institué sa Cene, ses Apostres estans à table: on ne peut aussi nyer, ceste session avoir une partie de l'action en la mesme institution de la Cene, & par ainsy ne pouvoir estre separée de ce commandement (*Faites cecy*.) Et objicientibus, eadem ratione observanda tempus vespertinum, privatum coenaculum, &c. respondet tempus & locum fuisse tantum circumstantias accidentarias actionis, non partes, ut est Sessio. Car *Folio 86;* le temps & le lieu ne sont point l'action mesme, pour pouvoir estre compris aux parol de ce commandement *Faites cecy*, comme la session: laquelle on ne peut nyer, qu'elle ne soit partie de l'action mystique observée du Seigneur. Doctorculi nostri replicassent, *sedere esse in categoria νεκτας, non ποτιν*. At situs voluntarius præexigit actionem, qua quis componit partes corporis ad talem positionem, puta genuflexionem aut sessionem, estque illius terminus. Præterea ait, per circumstantias loci & temporis non violari institutionem, sicut Sessionem abrogando. Tandem concludit retinendam, quoad fieri potest, Sessionem. *Toutes ces objections doncques n'empeschent Folio 87;* point, que la session publique ne doive estre (quand on la peut faire) en l'action de la Cene du Seigneur. Premièrement à cause de l'exemple de Christ & des Apostres, qu'il vaut mieux suivre que l'abolir. Puis à reason du pleine mystère d'un tres grande consolation de nostre paix, & repos eja acquis en Christ par sa mort. Et puis à cause de la figure de nostre gloire celeste à venir figurée en ceste session. Finalement pour l'amour du commandement du Seigneur Christ (*faites cecy*) duquel on ne doit aucunement exclure la session, quand on la peut retenir. Diximus supra, quomodo olim aliter darent Eucharistiam, aliter celebrarent Coenam, & ad Coenæ celebrationem sessionem usurpabant, cujus adhuc vestigium manet apud Benedictinos. At Christus his verbis *Hoc facite coenam celebrare jussit*, non simpliciter Sacramentum conficere & Eucharistiam dare: & propterea ob Coenæ representationem dicta est postea Coena Domini. Miror itaque in Synodo Cracoviensi anno 1573. decretum fuisse contra Sessionem his verbis; *Conclusum est ut secundum morem primitivæ Ecclesia libertati vide Consen* Christianæ inter nos ceremoniæ permittantur, monitis tamen fratribus si qui Sessione in sa- *sum Polonia* cra Coena utuntur, ut eam ceremoniam Arrianabaptistis propriam relinquunt. Sic in Vlo- in Syntag- *dislaviensi Synodo Generali anno Domini 1583. Conclus. Synodica 6. Quod attinet mate Con-* ad ceremonias Coenæ Domini; sententia jam olim in Sandomiriensi Synodo agitata, & *sessionum* conclusio in generali Cracoviensi atque Petricoviensi Synodo facta ac repetita, in hoc etiam Wlodislaviensi Synodi consensu approbata est, nempe ne in usu sit sessio ad mensam Domini in ullius hujus nostri consensus Ecclesiis Poloniæ, Lituaniæ &c. Nam hæc ceremonia licet cum cæteris libera, Ecclesiis Christianis & cæteribus Evangelicis non est usitata, tantumque infidelibus Arrianis cum Domino pari solo sese collocantibus propria: dicunt irrepsisse in Ecclesias illorum malo auspicio Arrianorum, & hortantur fratres, ut Sessionem commutent in ceremonias in Ecclesiis Evangelicis per Europam consuetas. Miror, inquam, potuisse eos latere in ritè Reformatis Ecclesiis tum Belgicis tum Scotticanis Sessionem usurpatam, ante annum 1583. quo habita Synodus illa Jam annos 63. à prima Reformatione hunc situm corporis observavit Ecclesia Scotticana, ubi nullus in hunc usque diem Arrianismum professus est, nullus vel ob levissimam Arrianismi suspicionem citatus aut accusatus coram Ecclesiasticis Synodis aut Consistoriis. Miror etiam magis, quod nobilis & eruditi illius Poloni Johannis

nis Alasco scripta, qui scripsit de Ordine Ministerii Ecclesiastici ante annum 1556: Poloni non legerint, & de more observato in Ecclesiis per eundem restauratis nihil audiverint. Falsum est igitur, quod asserunt nullibi in Europa tunc usurpata fuisse Sessionem, & futile, quod ajunt sedentes pari folio cum Christo se collocare, nisi forte intelligant Arrianos secundum principia doctrinæ suæ se pari folio collocare cum Christo Divinitatem Christi impugnantes, quem sensum ipsorum verba habere videntur. Nam alioquin damnarent Apostolos & Ecclesias Apostolicas. Ipsi Benedictini non sentiunt se pari folio collocari cum Christo, cum die anniversario Cœnæ Domini sacram Cœnam celebrant. Nec Mephiboseth Davidi, nec David, dum privatus, Sauli sese pares sentiebant, nec inferiores Magnatibus & Principibus, cum dignantur eos communi mensa; nec collocavit Christus solum suum in mensa Dominica, sed familiariter se præbet ut convivam, & amanter ut convivium. Mixtæ erant Synodi Consensus Poloniæ. Alii in Synodo amplectebantur Augustanam, alii Helveticam, alii Bohemicam Confessionem. Non mirum est igitur consensisse in situ Confessionibus illis respectivè conveniente, & earum Ecclesiis antea usitato; sed quod major pars consenserit (nam non omnes approbasse videntur, ut verba illa indicant, *rogamus et hortamur fratres &c.*) sessionem abrogandam ut ceremoniam nullibi consuetam in Europa in Ecclesiis Euangelicis, ex ignorantia facti processit. De jure non tam crasse definiunt, nam fatentur Sessionem liberam esse. Sed in Libro de Disciplina edito apud nos anno 1560. approbatur, ut huic sacræ actioni aptissima, & exemplo Christi nobis commendata. Johannes Alasco non modo commendatam exemplo Christi & Apostolorum, & ob significationes utilem, sed etiam præcepto imperatam asserit, cum dixerat Christus; *Hoc facite*. Pergamus. Quod ait Tilenus, secundum nostram doctrinam Sessionem non minus ad Sacramentales ritus pertinere, quàm ipsam symbolorum consecrationem, panis fractionem, distributionem, sumptionem, manducationem; respondeo; si qui forte sentiunt (nam omnium sententias viritum non rogamus) sessionem esse aptissimam positionem membrorum ad quietem corporis, & præterea nihil, illi sacramentalem ritum non existimant situm esse in hoc situ corporis. Sed qui significationem illam, quam apud omnes gentes habet, etiam in hac sacra Cœna retinere existimant, nempe communionis, societatis, atque familiaritatis, qua dignatus est nos Dominus, (ut ego quidem existimo, & quomodo communis illa & quasi naturalis significatio negari possit, non video,) tamen non eandem rationem esse dicunt hujus ritus, & consecrationis, fractionis, sumptionis, manducationis. Nam etiam eorum rituum, quos hic opponit sessioni, non tamen est par necessitas. Fractio est ritus, & ceremonia mystica, non tamen tantæ necessitatis, ut sine ea non posset consistere sacramentum; quia est pars tantum integrans, non essentialis. Ut partes hominis essentielles sunt anima & corpus; integrantes caput, brachia, manus. Sic cœnæ partes essentielles sunt ritus, & signa, & promissio ritibus ac signis annexa. Fractio est tantum pars integrans. Et cum partes integrantes sint duplices, à quibusdam pendet essentia quarum una sublata destruitur totum, ut præciso capite aut evulso corde destruitur homo. Sic in Cœna sublati symboli, pane, vino, & ritibus benedictionis, distributionis, manducationis, hauftionis, quorum uno deficiente deficit sacramentum. At sunt aliæ partes integrantes, quæ ejusmodi dependentiam non habent, quarum una deficiente manet essentia, ut in homine oculi, aures, nares, brachia, manus, pedes: sic in Cœna fractio, inquit Pareus in 1. Cor. 11. Non omnia quæ dixit aut fecit Christus sunt caput, cor, cœnæ dominicæ, sed alia sunt ut oculi, alia ut aures, alia ut brachia, alia ut digitus. Ut tamen homo non absque

absque injuria vel minimo digito privandus ne deformis & mancus fiat; sic nec Coenam sacram vel minimo digito mancam probare demus. *Aliud est sacramentum, aliud legitimus usus sacramenti. Potest illud esse integrum sine isto,* inquit ibidem Pareus Controvers. 2. Et quandoquidem in hanc comparisonem cum oculis, auribus, digitis, aliisque secundi generis partibus incidimus, ut fractionem sessioni præferendam concedimus, sic separatam poculi & panis benedictionem secundum exemplum Christi sessione longe inferiorem esse non dubitamus. Conjuncta enim utriusque benedictio nihil de benedictione minuit, alios ritus institutionis non excludit, non confundit, sicut sessio commutata in genuflexionis aut transeundi gestum, sed salva manent omnia & integra. Imò dubito, an separationem vel conjunctionem ritum diceremus. Nam nullum usum hujus separationis video, aut quid in eo latere possit mysterii. Videtur hic fuisse mos diebus festivis in omnibus conviviiis apud Judæos, ut refert Struckius, ut non modo in initio paterfamilias, quem Baal Habaiith id est *ὁ οὐκ ἐκ πατρὸς* dominum familiæ vocant, primum benedicat pani, deinceps poculum vino repletum dextra manu apprehendat & consecret, benedictionis formula dicta primus vinum degustet, mox aliis mensæ decumbentibus degustandum porrigat. Finito etiam convivio gratias agunt. *Habent præterea Antiquitatem Indæ plures adhuc benedictiones, quibus in festivis conviviiis utuntur, cum inter edendum tum Convivialium aliquid apponitur. Cum enim melius vinum apponitur, dicunt, Benedictus sis tu Domine Deus noster, qui bonus es, & benignè facis omnibus; & hanc benedictionem appellant, Bircath tob vehanmetib, id est benedictio Benigni & Benefactoris. Cum aromata apponuntur, dicunt, Benedictus sis Domine Deus noster, Rex mundi, creator arborum aromaticarum. Hanc benedictionem vocant Bircath hammugmar, Benedictio consummati scilicet convivii, quia ultimò apponi solebant aromata atque odoramenta. Cum suave odoramentum aliquod apponitur, dicunt Benedictus sis tu Domine Deus noster, qui creas species aromaticas. Hanc benedictionem nuncupant, Bircath Hamuscak, id est benedictio deliciarum vel rei appetitæ. Cum fructus arborum apponuntur, dicunt, Benedictus sis Domine Deus noster qui creas fructus arborum. Cum apponuntur opsonia, dicunt, Benedictus sis Domine Deus noster, qui creas genera ciborum. Hanc benedictionem vocant Bircath hapharphereth, id est benedictio opsonii. Ex is omnibus apparet, veteres illos Judæos nullos cibos absque benedictione & gratiarum actione sumere fuisse solitos. Huc nimirum & Apostolus respexit, 1 Tim 4. Nempe si lauriores sint, nam super carnibus, piscibus, ovibus, oleribus, caseo & pimento nullam benedictionem recitant, de quo tale Rabbimorum præceptum extat, Res quæ propter convivium in convivium offeruntur non egent benedictione, ut caro, pisces, olera, caseus, pulmentum. Videmus, separatas vel peculiares benedictiones fuisse morem Judæorum in conviviiis, & nullam esse differentiam realem inter communem & peculiares benedictiones, magis quam inter illorum morem frangendi panem tunc usitatum, & nostrum. Sed redeamus ad Sessionem: etsi non æquiparemus consecrationi vel manducationi, aut etiam fractioni, tamen non temere ab ea recedendum existimo, cum tantæ sit utilitatis ratione significationis. Sollicitè cavemus, ne panis sit ex alio frumento quàm tritico, etiam ubi difficulter comparari potest, cum non constat fueritne triticeus quem consecravit Dominus; & accubitus, de quo satis constat, omittimus, imò fratres vi ab eo depellimus? Aliud consulunt Poloni, de quibus supra in Synodo Petricoviensi 1578. Sed quia vulgus ac homines simpliciores mutatione rituum offenderentur, & ad ceremonias suæ consuetudini dissimiles omnino adduci non possent, ac si cogerentur, eo forsan res deveniret, ut disciplina Ecclesiastica in eos extendenda esset, qua quidem propter externos ritus homines pios ferire, neque est Domini voluntas, neque prioris Ecclesiæ mos. Monendus est lector nos Sessionem existimare retinendam in*

ipso actu perceptionis Eucharistiæ. Nam tum actu agimus convivarum partes; in orationibus & gratiarum actionibus posse coetum fidelium in genua procumbere non negamus, quia in precibus etiam extra Eucharistiam id agere licet. Adstandi mensæ morem, ejusmodi quem in primo Paschate dicuntur servasse Israelitæ, præferendum censemus mori eorum qui transeuntes vel adstantes singuli separatim è manu Ministri accipiunt elementa. Quia priori modo nihil mutatur nisi unicus ille situs sessionis, at posteriori violatur ordo institutionis, ut statim docebimus; tamen Sessionem priori præferimus, quia obscurius repræsentat dignitatem illam & societatem qua nos dignatus est Christus quam accubitus. Christi Cœna non fuit stataria aut inambulans, sed discubitoria; cui analogicè responderet nostra sedentaria. Sed metuo præterea, ne obliquè carpent Christum, Apostolos, & fideles primitivæ Ecclesiæ, ac si non cum ea qua debebat reverentia Eucharistiam percepissent. Nam etiam ubi scamna & sedilia ad manum habere possunt, venerationem prætexunt, ac si sedentes aut discumbentes omnes officio suo antehac nunquam rite defuncti fuissent. Si cui ista de significatione Sessionis vel de præcepto non perplaceant, fruatur judicio suo, modò concesserit rem liberam esse, & convenientissimam propter decorum hujus convivii; reprehendi non posse, nec commutari promiscuè in quamlibet aliam positionem partium corporis, aut quemlibet gestum, ut transeundi aut genuflectendi. Nam præter illum standi circa mensam, in nullum alium commutari jure posse existimamus, etiamsi Sessio nullo præcepto munita, aut significatione ornata esset, minimè omnium vero in genuflexionem. Largiamur itaque in sequentibus, utrumque liberum, sedere vel stare circa mensam, non tamen licebit genua flectere ob rationes quæ sequuntur.

Primum argumentum contra Genuflexionem in percipienda Eucharistia ducimus ab exemplo Christi, Apostolorum, & fidelium in primitiva Ecclesia. In prima Cœna, nec Christus, nec Apostoli procuberunt in genua, sed accubentes mensæ

*Vide Casaub.
Exerc. p. 540
Atheneus
Lib. 4.*

perceperunt elementa. Nec vel benedictionis seu gratiarum actionis tempore mutarunt accubitus in genuflexionem; quod tamen tam faciliè facere potuerunt ac Naucratis, qui quoties ad festi Apollinis Comæi aut Vestæ solennes epulas conveniebant, postquam in tricliniis discubuissent, solebant surgere in genua, dum sacrorum Minister preces patrias recitabat. Etsi mutassent, tamen in ipsa perceptione elementorum eum corporis situm non servarunt, ut supra probavimus. In dubiis animæ insistendum est in via tutiore. Cum in gestu latere possit periculum, nonne tutius imitari exemplum Christi & Apostolorum, quàm aliorum qui errare judicio vel affectibus abripi à recto tramite possunt? Qui vero, ut à Deo manda-

Instit. l. 4. c. 27. §. 35.

tum est, sine adoratione accipiunt, securi sunt se à mandato Dei non desistere, qua securitate nihil melius est quum quid operis instituimus. Habent Apostolorum exemplum, quos non legimus prostratos adorasse, sed ut erant discumbentes accepisse & manducasse. Habent Apostolicæ Ecclesiæ usum, ubi fideles non in adoratione sed in fractione panis communicasse à Luca narratur. Habent Apostolicam doctrinam, qua Paulus Corinthiorum Ecclesiam instituit, professus se à Domino accepisse quod tradebat; inquit Calvinus. Et nosne religiosuli Christo & Apostolis religiosiores videri volumus? Christum in prima Cœna fuit non solum institutor quo Dominus sed etiam Minister. Non modò instituit & docuit quomodo celebranda & administranda, sed ipse celebravit & administravit, & tamen non procubuerunt aut surrexerunt in genua, cum traderet panem vel poculum. Et jam tradit nobis hominuncio Domini servus, & tamen genuflectere oportet? Si dixerint Christum in statu humilitatis non fuisse adoratum, contrarium evincitur his locis: Magi adorant in præsepi Matth. 2. leprosus Matth. 8. Discipuli, Matth. 14. Syrophœnissa Matth. 15. cæcus sanatus, Ioan. 9. Di-

cit Bellarminus, quod non poterant semper postrati cum Christo agere & præsertim in Cœna, quando recumbere cum eo illis necesse erat. Itaque certis vicibus illum proni adorabant, aliàs autem mente & animo venerabantur agnoscetes verum Dei Filium. Verum, non semper potuisse prosterni, nec necesse erat. Nam cum actionibus vitæ humanæ naturalibus & civilibus fungebatur, & hoc modo cum eis conversaretur & convesceretur, non potuerunt, nec necesse erat, ut semper adorarent postrati: sed Bellarminus ipse ait; Ubique Christus adorari potest & debet, quando cum eo tractare debemus, non enim convenit illi adoratio, quia in cœlo est vel in alio loco, sed quia Deus est, & probat iisdem Scripturæ testimoniis, quæ modò attulimus. At jam tractant cum eo de re maximi momenti, & in actione sacratissima & mystica. Hac igitur vice, si unquam ulla, proni adoravissent. Ait necesse fuisse illis cum eo recumbere in Cœna. Quænam quæso illa necessitas, quæ adorationem externam prohiberet? Nullum obstat impedimentum naturale. Potuerunt tam facile in genua surgere quàm Naucratis in precum recitatione. Obstat igitur decorum convivii, & ordo quem in posterum volebat Dominus servari in celebranda Cœna. Tilenus idem ~~proposuit~~ querit quod Bellarminus; At enimvero inquit rigidi magistri, fœda est hypocrisis & manifeste adulationis speciem habet in hac Liturgia, cultu & reverentia superare velle ipsos Apostolos, qui cum Domino accumbentes ne præsentem quidem isto supplicium gestu sunt venerati. Nos verò jam retudimus hoc telum, (falsum,) haud metuentum est qui consideravit ex familiari consuetudine primisque tyrocinii rudimentis discipulorum cum Domino in servi forma incedente conversantium & de Divina ejus majestate non magis cogitantium, quàm deinde à mortuis excitatum crediderunt, perperam peti absolutam normam ac canonem reverentiæ ac cultus quo illum jam supra omnes cœlos evectum, nec amplius secundum carnem noscendum, à nobis affici par est; adeo ut necesse non habemus formam accubitus à Christo usurpatam imitari. Et nos ista jam retudimus confutando Bellarminum. Præterea, post Christi resurrectionem & ascensionem non prostrati aut genua flectentes adorant. Et Veteres & Pontificii variè interpretantur locum Luc. 24. Quidam Emaute discipulis ministrasse Eucharistiam sentiunt; sic etiam Melancthon. Secundum eorum interpretationem discumbentibus ministrasse sequitur, ut disertè ibi dicitur. Sed quia alii tum Patres, tum Pontificii, tum nostri, contrariam tuentur sententiam, quæ mihi etiam probabilius videtur, mitto. Post ascensionem Christi, cum jam exaltatus ad summum gradum Christus & glorificatus, non tamen adorant Christum procumbentes in genua in percipienda Eucharistia. Mensam circumdant assidendo vel adstando (non enim jam ponimus inter has duas situs species differentiam; utram eligant,) non autem adgeniculendo. Mensæ communes erant, ut supra diximus, Agapis & sacra Cœnæ. Sed hoc ni-
De Cœna
 mirum Harchium & alios nonnullos malè habet (inquit Theod. Beza) quod in nostris Domini con-
tra dogmata
 Ecclesis stantes, nec positis ad terram genibus, alicubi etiam sedentes, & rursus alibi, ut in Anglia ad mensam discumbentes symbola ex Pastorum & Diaconorum manu accipia-
Fidoci Har-
 mus. Imo etiam non desunt, qui Pastores vellet in illis, si non origine, at certè usu, verè
chii pag. 18.
 Baaliticis vestibus apparere. Scilicet quum ipse adstans ad mensam Dominus verè adorandus quæ Deus, & quæ Deus & homo simul cœnam instituebat, surrexerunt Discipuli sin-
Vol. 3.
 guli ut in genua procumbentes panem illum & vinum illud ex manu ipsius acciperent. Et ignorabant scilicet ipsi Apostoli quo ritu deinceps celebranda mysteria Ecclesis traderent. Agapas quidem certè constat vix ac ne vix quidem genflexionem admisisse. Vides Agapas non admisisse genflexionem in sacra Cœna, nam conjunctæ erant, ut supra diximus. Sed ut obiter perstringam eos, qui transeuntes vel adstantes Ministro symbola è manu ejus accipiunt, notandum etiam hunc morem Agapas vix à ne vix quidem admisisse. Nulla enim major difficultas aut majus impedimentum genflexio-

nis quàm hujus ritus. Nam qui potest adstare ministro, æquè facile potest adgeniculari. Præterea ex ipso Diaconorum officio mensis ministrantium colligere possumus, diu post Apostolorum tempora symbola percipientes non in genua incubuisse. Cum panem & vinum in disco & calice per mensas circumferebant, & ex iis communicantes sumerent panem & vinum, aliisque porrigent & propinarent, nemo dixerit tunc geniculatos, cum ne postea quidem Iustini ætate verba illa protulerit Diaconus inter distribuendum. Iustinus ait, διδασιν ἐκάστῳ τῶν παρόντων μεταλαβεῖν ἀπὸ τοῦ εὐχαριστέοντος ἄρτος καὶ οἴνου καὶ ὕδατος, dant, id est porrigendo discos & calices offerunt vel concedunt, unicuique præsentium partem capere de pane. Super quo gratiæ sunt actæ, & vino & aqua. Non dicit eos in manum dedisse. Sed licet hoc dixerit Iustinus, non tamen protulerunt inter distribuendum verba Diaconi, ut postea cum diceret inter dispensandum Diaconus, *Sanguis Christi, calix vite*, aut simile quid, cum porrigeret poculum. Si verba inter distribuendum non protulit, num verisimile est accipientes è manu ejus in genua procubuisse? Multo minus credendum est superiori sæculo id fecisse, cum non aliter Diaconi dispensabant, quàm circumferendo calices & patinas per mensas, ut in Agapis. Atque hic videtur ortus & progressus; sublati Agapis, vel ubi non erant Agapæ, circumtulisse primum calices & patinas, & unicuique permisisse, ut de pane & vino partem caperent. Tandem Ministrum dedisse singulis panem, non Diaconum ut prius, & Diaconum calicem, & tunc Diaconum usurpasse verba inter dispensandum, quod neutiquam ejus officio conveniebat. Et inde orta est ista Diaconi functio, quæ hodierno die differt à Presbyteri officio sola consecratione Eucharistiæ & potestate remittendi & retinendi peccata. Nam prædicare non minus potest quàm Presbyter, si permiserit Episcopus, quo non permittente nec Presbyter concionari potest. Diaconi ergo fuerunt olim, ut ait Stuckius, *Domuici & sacrosancti illius epuli quasi dapiferi atque pocillatores*. Sed progressi paulum ultra aureum Apostolorum sæculum redeamus. Nam de posterioribus sæculis infra dicemus. Dico igitur, etiam post exaltatum Christum non procubuisse in genua in actu participationis symbolorum. Secundo, non minus adorandum fuisse Christum in statu humilitatis quàm exaltationis hac vice, cum tractarent cum eo de re maximi momenti. Tertiò, non tam à præsentia Christi instituentis & ministrantis argumentum ducimus, quàm à Christo ipso exhibito in symbolis. Non minus exhibitus fuit Apostolis quàm nobis, & exhibitus ut crucifixus & fractus & humiliatus, ut nobis; tamen prætextu tanti beneficii adorationis gestum nempe genuflexionem non usurparunt. Dicunt geniculatores, non ratione præsentis corporalis se de geniculis adorare. Perinde est igitur, siue Christus aderat siue aberat, siue humiliatus siue exaltatus fuerit, cum Apostoli Coenæ symbola participabant. Debebant in actu sumptionis, manducationis, potationis, adorare alia ratione, si hos monitores habuissent; nempe ob Christum, non instituentem & ministrantem, sed ipsis exhibitum ut escam & potum spirituale unà cum symbolis, in genua surrexissent, & si tunc non satis memores officii sui postea id fecissent. Diximus supra, Apostolos sacram Coenam celebrantes non mutasse verba Christi in precatiunculam; & proinde si inter dispensandum dixerint, hoc est corpus meum, non geniculatos fuisse symbola participantes. Hac igitur institutione formati cæperunt Apostoli sacrosanctum frequentare mysterium propter causam quam Christus expresserat, & formam servantes in verbis, & materiam tenentes in rebus, sicut Apostolus Corinthiis potestatur dicens, *Ego accepi à Domino quod & tradidi vobis &c.* inquit Durandus.

*Antiquit.
Conviviali
um l. 2 c. 21.
f. 222.*

*Rationale
Lib. 4. Cap. 1*

2 Argumentum contra Genuflexionem in actu percipiendi Eucharistiam ducimus à Nomenclaturis quas huic Sacramento tribuit Sacra Scriptura. Vocatur *Mensa Domini*

Domini, & Cæna Domini. Geniculatio non convenit mensæ aut cœnæ, vel, jungantur, mensæ conviviali. Nunquam auditum, convivas e mensa conviviali dapes porrectas geniculando accepisse, cum vel Reges & Principes subditos suos hoc honore dignati sunt. Cum David post prostratum Goliathum die novilunii cum Saule accumberet, non geniculando manducasse & bibisse sequitur. Nec geniculantes Mephiboseth vel Chimham filius Berzillai participes erant mensæ Davidis. Apud Romanos servi exæquato cum Dominis jure convivati sunt in Saturnalibus, imo Domini servis ministrarunt. Ordinariè non admittebant ad mensam, nisi cum manumittebant ita ut mensæ communicatio esset manumissionis signum. Hinc Tertullianus, *Atqui & vestis albæ honore & annuli aurei nitore, & patroni nomine & tribu mensæque honorantur.* Mensarum usus varius est & multiplex, ut scribarum, œconomorum, negotiatorum, artificum & opificum, nummulariorum, foeneratorum, ad scribendum, ad rationes excepti & expensi publicas privatasque computandas, ad monetam permutandam, mercaturam negotiationemve exercendam, aliave opera efficienda, sed nos de mensa conviviali agimus. Prioribus illis non solent adgeniculari, multò minùs convivialibus mensis. Convivialium mensarum usus est, non modo ut sustentet dapes, sed etiam ut accumbant convivæ, assideant, vel adstant, si lubet, mensæ, quod tamen postremum in conviviis nunquam, nisi à festinantibus aliàs seu extra convivium, usurpatum. Ex mensis scamna non facimus, cum sedendi situm urgemus, ut quidam regerunt, sed assidendi super scamna aut sedilia, vel accumbendi vel adstanti situm requirere mensam convivalem dicimus; & non in hunc usum duntaxat excogitatas, ut super eam disponantur dapes, & convivis geniculantibus dapes è mensa porrigantur. Nam sic sufficeret in abaco collocare dapes & porrigere convivis. Sic in sacra cœna, si hic sit usus mensæ solum, ut sustentet elementa, quæ inde porrigenda sunt à Ministro cuique singillatim geniculanti, aut ei adstanti seu transeunti, sufficeret abacus vel humile scamnum, & longitudo & latitudo mensæ altaris sufficeret, quam oportet esse tantæ longitudinis & latitudinis, ait Suarez, ut capere possit pedem calicis & hostiam, seu patinam, ut possint post consecrationem supra illam collocari. Non autem oportet scrupulose in hoc laborare, ut calix & patina seu hostia quoad omnes partes suas super lapidem constitui possint; satis enim est, ut quoad majorem partem supra illum collocari valeant, dummodo firma sint, & sine periculo cadendi, quæ omnia sunt assumpta ex communi Doctorum sententia in 4. Dist. Quid proclivius quàm à brevioribus istis mensis, quæ conviviales mensæ dici jure non possunt, transitum ad altaria facere? Mensam requirimus & mensæ convivialis usum, nempe ut accommodent se mensæ communicantes assidendo vel accumbendo, vel si volunt etiam adstando, quod jam largiendo dicimus, ut invicem sibi porrigant panem & poculum, quod fieri debere statim docebimus. In humanis mensæ & salis communicatio amoris causa est & signum, inquit Chrysostomus in 1. Cor. 11, quanto magis id erit in communione mensæ & panis Domini? Communicabant autem non singillatim adeundo & participando, sed simul mensæ accumbendo vel assidendo. Atque huc facit præclara illa Ben Syræ Rabbi sententia, Mensa parata sive posita contentio tollitur, qua significatur mensæ communionem sive convivium sæpe tolli contentiones, rixas, inimicitias, & gratiam reconciliari. Ejus rei exemplum vulgò profertur à Iudæis de Jisbosetho filio Saulis, in cujus ædibus cum exarsisset altercatio, servus ejus adornato convivio eam diremit. Plutarchus Lib. 2. Sympof. Problemate ultimo ait, non edendi & potandi, sed simul edendi potius ac computandi gratia nos invicem ad convivium vocamus, & antiquam illam cuique cibi potusque portionem in convivio tribuendi consuetudinem improbat, quod ἀκοινωνητον quiddam & ἀνελεύθερον, id est à communitate alienum atque illiberale esse videatur. Et Lib. 7. Sympof. in præfatione, dicit

*Libr. de Re-
sur. Carnis.*

*In 3. Part.
Aquin. Tom.
3. Dis. 81.
Sect. 5.*

*Struckius An-
tiquit. Con-
vivial. l. 1.
fol. 8.*

Ovid. Fast.
s.

cit Romanos festivi cujusdam hominis dictum semper fere in ore habuisse, qui cum solus aliquando coenasset, eo die se non coenasse sed edisse tantum dixit. Sic coenam vult dictam Plutarchus esse quasi κοινὴ id est communem ἀπο τῆς κοινίας id est à communione, cujus nimirum sit conciliatrix & interpret, & quod communione atque amicitia tanquam condimento semper indigeat. Hinc est quod Ethnici convivium & mensam res quodammodo sacras esse existimabant. *Ante focos olim jamnis confidere longis Mos erat, & mensæ credere adesse Deos.* Scythæ habuerunt iurjurandum solenne per convictum seu convivendi convivandive consuetudinem. Cum itaque hoc sacramentum dicitur Mensa & Coena Domini, mensæ usus & coenæ species servanda est. Mensæ autem usus est non solum ut super eam symbola collocentur, sed etiam ut convivæ accumbant, assideant vel adstent, tum ut participent, tum ut aliis tradent. Coenæ etiam species idipsum requirit. *Mitto sacramentum olim convivii instar in quo discumbebatur celebratum,* ait Mornæus. Si olim, cur non nunc etiam eodem modo instar convivii celebranda? At, inquit, mensa Mosais, quæ sustinebat 12 panes & mensa propositionis dicta, non admittebat accumbentes vel adstantes. Verum, quia erat tantum typica mensa illa Panaria, & adumbrabat Christum, qui est panis vitæ, vel verbum & doctrinam. Unde Chrysostomus prædicationem Evangelii vocat appositionem mensæ spiritualis, ut habet Casaubonus Exerc. Pag. 527. vel mensa Ecclesiæ, panis Christi symbolum erat. Diximus mensarum usum multiplicem & varium esse etiam in prophanis. Sed nos à mensæ convivialis usu usurpato in sacra Coena argumentum ducimus. Altare etiam dicitur mensa Domini, quia quæ in altari consumebantur, erant quasi Domini solius. At in Novo Testamento communis est, ut supra dictum, mensa Domini & populi; & non dicitur Domini, quia Dominus solus possidet mensam illam, sed quia Dominus eam instituit. In Ecclesia primitiva appellatio Domini familiaris fuit Christianis, cum de Christo loquerentur, ut observat Rhenanus in Tertullianum de Corona Militis. Mensa Domini igitur & mensa Christi idem significant. Et mensa Christi dicitur, non quod Christus eam sibi soli reservavit, sed quia ipse eam mensam nobis instruxit, & convivam offert & convivium. At inquit, cum Coena Domini vocatur mensa Domini, intelligitur ipsa Eucharistia & symbola, non materialis mensa. Falsum, nam utrunque intelligitur. Apud auctores prophanos mensa quandoque significat ipsa cibaria, unde primæ & secundæ mensæ dicuntur primi & secundi cibi, sed tum metonymica & impropria locutione, semper mensa materialis connotatur. Cum ait Apostolus, 1 Cor. 10. 18, *Qui edunt victimas sunt consortes altaris,* Altaris appellatione intelligit carnes in altari oblatas, tamen altare ibi intelligitur. Sic cum vers. 21. ait, *non potestis poculum Domini bibere,* intelligit vinum in poculo, sed poculum materiale simul intelligitur adhibitum in Coena. Sic cum ait, non posse esse participes mensæ Domini, & mensæ demoniorum, intelligit symbola Sacræ Coenæ & convivium idolothytorum. Sed quia locutio est impropria & metonymica, quod proprium etiam intelligitur cujus ratione dicuntur mensæ, nempe habuisse in convivii idolothytorum materiale mensam cui in idoleis accumbabant, & in Coena Domini similiter mensam materiale cui assidebant. Unde ex hoc ipso versu colligit Th. Beza, ignota fuisse Apostolicis Ecclesiis altaria. Ethnicos habuisse in idoleis mensam cui accumbabant, ait idem 1 Cor. 8. 10. Cum igitur metonymicè à materiali mensa denominetur hoc sacrum epulum, mensæ usus & gestum convenientem urgemus. Adgeniculatio nunquam fuit situs convenientem & aptum ad quietem corporis convivæ, nec esse potest usurpatus; ideo nunquam usurpatus ab ipsis barbaris. *Genuflexio quæ est nota adorationis potest esse actus pœnitentiæ, propter pœnalitatem*

rem quam habet adjunctam, inquit Suarez. At convivarum situs non debet habere adjunctam pœnalitatem, sed debet esse aptus & commodus ad quietem corporis. Si dixerint se adgeniculari, non quia aptissimus vel convenientissimus situs, sed ob adorationem; tunc longius adhuc recedunt ab usu mensæ, & mensam in aram transformant. Mensa convivialis in actu convivandi convivantis situm congruum exigit, alienum repudiat. Ne quis fortè putet, propterea nos existimare mensam materialem rem sacram aut symbolum sacramentale; cum nec calicem propter contactum vini, nec patinam propter contactum panis res sacras æstimamus, multo minus mensam materialem, quæ calicem & patinam sustentat, inter res sacras numeramus. Sunt hæc tantum instrumenta & vasa necessaria, communia sacris & civilibus epulis, ut supra sæpius monui; tamen ut poculum necessarium ad vinum, sic mensa non modo ad sustentanda elementa, sed etiam ad convivarum accubationem seu sessionem ut convivii speciem & cœnæ sacræ formam servare possint. Sitne quadrata an rotunda, humilis an sublimis, brevis an perpetua, latior an angustior, non litigabimus, modo talis sit formæ, ut communicantes instar convivarum sedentes vel discumbentes Cœnam celebrare possint. Nec de materia mensæ litem movebimus. Terra est communis mensa, & suppeditat nobis aream ad sustentandum cibaria, & sedes ad accumbendum. Mensa Turcarum ex corio fit, explicatur & contrahitur ut marsupium, discumbunt non cubito innitentes, sed decussatim pedibus inter se complicatis more sartorum. Si ad Christianismum conversi eodem more cœnam celebrarent, ritè celebrarent. Sive humi sedeant cubitis innitentes, sive coxim, sive porrectis tibiis, aut *ἑκατά* positis & implicitis, ut Turcæ, sive mensis artificialibus, humilibus, vel altioribus assideant secundum morem gentis suæ communicantes, non laboramus, quia omnes licèt vario modo convivii speciem retinent & cœnæ formam observant. Imo deficiente vino aliud genus liquoris analogum Norvegis concessisse Papam, quia non potest ibi diu conservari vinum, refert Volateranus. Sic ubi panis triticeus non potest comparari, possunt celebrare cum pane ex alio frumento. Nam si sit panis nutritius, rite celebratur. Gregorius Episcopus Theopolitanus, ut refert Euagrius, immaculato Christi corpore eis, nempe militibus, distributo (erat enim sacrosancta illa *Histor. Lib. 6. dies, quæ sanctæ Domini Passioni proxima est*) cum omnes, qui circiter duo millia erant, *Cap. 12. toris in herba ad eam rem confectis accumbentes Cœna exceperit, postmodum domum rediit.* Non habebant ad manum mensas artificiales, tamen naturalis mensæ usu speciem & formam convivii observarunt. Nota obiter, accubuisse milites, & toros in herba ad eam rem confectos, & diem hunc fuisse diem proximum passioni Domini, & proinde diem illum anniversarium qui dicitur Cœna Domini, quo die ritè Cœnam celebrare solebant veteres. Nam dies ille est proximus diei passionis. Quid opus erat toros ad accubationem conficere, si non hoc die secundum morem, non à Monachis solum ut nunc, sed ab omnibus fidelibus, tunc Cœna celebrata fuisset instar convivii & eodem modo quo prima Cœna? Potuerunt enim vel stare vel geniculari, nisi diei illius solennitas prohibuisset. De mensæ igitur materia vel figura non sumus solliciti, modo servetur decorum civile gentis aut regionis in qua vivitur, quantum fieri potest, sed de usu mensæ. Talem volumus mensam super qua sic collocentur symbola, ut communicantes convivarum instar cœnam celebrare possunt. Si aërem condensare & in hunc usum vertere possunt, nobis perinde erit. Ut igitur Pareus Fractionem panis probat esse ritum sacramentalem, quia inde denominatur Eucharistia; *A quo ritu, inquit, totam Eucharistiam donominaverat Ecclesia Apostolica, is proculdubio est sacramentalis & necessarius.* Sic nos usum mensæ convivialis dicimus esse necessarium ad legitimam administrationem,

tionem, quia à mensa & coena denominatur Cœna Domini, & Mensa Domini in Sacra Scriptura, & ab Ecclesia Apostolica. Patres diu retinuerunt nomen Mensæ, & Eucharistiam vocarunt sacram mensam, cœlestem mensam, mysticam mensam, terribilem mensam, rationalem mensam, spiritualem mensam; sed usum mensæ, unde primum denominationem illam sumpsit, non diu retinuerunt, nisi die illo anniversario, qui dictus Cœna Domini, aut etiam Sabbatis ut apud Ægyptios. *Quàm non longè ab Apostolorum ætate Cœna Domini tacta rubigine fuerit: sed humanæ confidentiæ procacitas est, quæ se continere nequit quàm semper in Dei mysteriis ludat & lasciviat*, inquit Calvinus. Imitati sunt, nempe Veteres, propius Iudaicum sacrificandi morem quàm aut ordinaverat Christus, aut Evangelii ratio ferebat. Sed replicant adversarii, si denominatio vim aliquam habet, vespere aut nocturnum celebrandum hoc epulum quia appellatur Cœnæ. Gregorius Magnus hanc rationem reddit appellationis; *Hoc convivium Dei non prandium sed Cœna vocatur, quia post prandium cœna refertur; post cœnam verò convivium nullum refertur, & quia æternum Dei convivium nobis in extremum præparabitur, rectum fuit ut hoc non prandium sed cœna vocaretur*. Chrysostomus existimat dictam Cœnam Dominicam à Paulo 1 Cor. 11. ut remitteret illos jam inde ad illam vespere, in qua Dominus tremenda mysteria tradidit. Sed Casaubonus aliam reddit, quæ verior est. Fortasse etiam eius appellationis hæc quoque ratio redditur non malè, quod δειπνον majus est aliquid quam ἀριστον & sacris epulis convenientius. Nam veteres Græci & Latini prandebant parce, & ut plurimum soli cum suis; invitationes ad Cœnam fiebant. Cœna Domini privata epule non sunt naturæ suæ, sed publica quædam omnium fidelium invitatio, Et probat Plutarchi testimonio qui Lib. 8. Problemate 6. ait Cœnam Romanis dictam ob κοινωνίας communionem. Veteres enim Romanos solos modicè prandere solitos, cœnare verò unà cum amicis. Photius observat, Paulum quando dixit ἕκαστος τὸ ἴδιον δειπνον προλαμβάνει, usurpasse δειπνον pro ἀριστον, κατὰ τὴν τότε συνήθειαν, hoc ut videtur significans, priscis temporibus omnia convivia fuisse appellata δειπνα, etiam quæ non fierent in fine diei. Et infra; Sane, quum in multis Paganicis sacris epule agitentur, δειπνα illa nominari invenimus, non ἀριστα. Sic in Oschophorus Atheniensium inter alia ministeria fuerunt mulieres, quæ δειπνοφόροι dicebantur. Vide etiam Concilium Ancyranum, ubi δειπνα vocantur convivia idolothytorum. Δειπνον, ut & ejus compositum σύνδειπνον, generatim pro quovis convivio sive epulo accipitur, inquit Stuckius, quocumque tempore illud celebratur, & apud Homerum quidem non est definiti temporis, ut ex multis locis constat. Lucas Cap. 14. mysterium regni coelorum seu convocationem gentium ad regnum cœleste depingit convivii magni similitudine, quod δειπνον appellat: Matthæus Cap. 22. idem convivium ἀριστον, id est, prandium, vocat. Propterea quod hæc duo vocabula, inquit Stuckius, ut supra ex Athenæo probavimus, sæpenumero apud auctores confunduntur, & unum pro altero sumitur. Et Capite Nono ait; Magis proprium vocabulum, quod semper pro vespertino epulo usurpatur, est δειπνον sive δείπνον. Ubi etiam observat Latinum quoque Cœnæ vocabulum olim teste Festo pro Cœna usurpatum. Cœna porro (quæ sæpe generatim pro quovis convivio accipitur) dicta est, teste Plutarcho, quasi κοινή ἐπὶ τῆς κοινωνίας hoc est communis à communionem, quod nimirum ut Athenæus quoque testis est, Romani in prandio quidem soli atque seorsim, unde etiam ποσιδάριος Græcis fuerint dicti, in cœna autem cum amicis accumbentes edere consueverunt. Vides dictam δειπνον non δείπνον, & Cœnæ vocabulum latinum, quo vox Græca vocum penuria exprimitur, communionem requirere, & latius etiam accipi. Hoc sacrum convivium igitur δειπνον dicitur, & propter hanc communionem conviviarum etiam cœna dicitur, & quia lautius est convivium. Manet itaque firmum quod diximus, retinenda ea à quibus hoc sacrum convivium denominationes seu nomenclaturas

Instit. l. 4.
Cap. 17. f. 43
Cap. 18. f.
11.

Hom. 26. in
Evangelia.

Exerc. pag.
811.

Pag. 512.

Antiq. Con-
vivial. l. 1.
6. 8.

turas sumpsit, mensam & *δίσκον*, eorumque usum & speciem, & proinde sitam convenientem mensæ conviviali. At, inquiunt, est convivium spirituale, & proinde alius situs, quàm qui in prophanis conviviis usurpatur, tam sacro convivio convenit; respondeo esse non purè spirituale, sed mysticum & symbolicum, ubi exhibentur signa sensibilia, & proinde exterius repræsentandam speciem illius convivii spiritualis, quod interius agitant animæ fidelium cum Christo, qui ingreditur in animas & cœnat cum eis & illæ cum Christo, ut dicitur Apoc. 3. quomodo Christus, Apostoli, Apostolicæ Ecclesiæ, & Veteres præsertim anniversario Cœnæ Domini celebrarunt. Denique prædicatio Euangelii est convivium spirituale, & spirituales mensam appellat Chrysostomus, tamen propter externum Ministerium & modum hujus convivii agitando non flectimus genua. Sed de isto argumento plura dicemus suo loco. Oleum & operam perdunt, qui hoc convivium à prophanis in multis differre ostendunt. Novimus enim, multa licere in conviviis prophanis, quæ hîc non sunt licita. Formam tamen & speciem convivii retinendam dicimus, quam tollit geniculatio, & ritus celebrandi quos Dominus author & institutor convivii præscripsit; non satietatem corporis aliosve mores & ritus conviviorum cuiusque gentis in sacram coenam introducere volumus.

3 Argumentum contra Geneflexionem in percipienda Eucharistia sumitur ab aliis ritibus, quos instituit Christus, qui genuflexione tolluntur & excluduntur. Qui ritus unum aut plures ritus à Christo institutos excludit, non est legitimus. Nam ritus institutionis præcepto generali *Hoc facite* comprehenduntur. At genuflexio in percipienda Eucharistia ritus à Christo institutos excludit. Excludenda igitur à participatione symbolorum. Fractionis ritus est ritus imperatus, ut pluribus argumentis probat Pareus. Lib. 2. de Symbolis Eucharistiæ. Verum quidem est, geniculationem non excludere necessariò fractionem. Potest enim Minister panem frangere, priusquam distribuerit partes fractas geniculantibus. Refert tamen Pareus, Lutheranos veram Fractionem sacramentalem non retinere. *Argumentum De Symbolo nonnum, quod Lutherani quoque fractionem habeant, ridiculum est, & prophanum effu- Euchar. p. 2*
gium. Quasi verò sit fractio sacramentalis à Christo instituta, cum vel cocus, vel Phar- 166.
macopæus, vel ædituus, ex lamina ferrea minutias nebularum scalp pro excidit & rotundat. Et in 1 Epistolam ad Corinthios ait, neminem non intelligere, orbiculos scalp pro circinare eisdemque distribuere, non esse illud frangere quod Christus in Cœna sacra instituit. *Fractio sacramentalis exemplo Christi in usu sacramenti à Ministro In 1. Cor. 11.*
Ecclesiæ personam Christu sustinente fieri debet. At orbiculorum sculptura fit ad furnum, Controvers.
vel domi à Coquo, vel Apothecario, vel Ædituo. Hostiæ nummularæ fractionem ex- 2.
 cludunt apud Lutheranos. In Liturgia Anglicana nulla mentio fractionis sacramentalis. Unde colligo, non esse illis ritum sacramentalem, nec ea uri, nisi forte in quibusdam locis, qui puriorem politiam restituere optant, hunc etiam ritum restituerint. Hoc certum, impune posse omnes omittere, etiamsi non ubique obriner rotundarum placentularum usus. Hanc conjicio causam. Triformem illam fractionem, quam habent Pontificii, non habent illi, ut pater ex Libro Liturgiæ. Cum tradunt geniculanti, non proferunt verbum promissionis, *Hoc est corpus meum.* Prolata erant verba illa in oratione, antequam ipse sacerdos sumeret Eucharistiam, & postquam ipse sumpserit jam intempestivum putant frangere ob mysticam significationem corporis Christi pro nobis fracti. Nam Christus ante distributionem fregit. Sic verbum promissionis transponendo, ut alia inter distribuendum geniculantibus usurpent, ritum illum necessarium in Liturgia sua omiserunt. Alius Fractionis usus, ut per partes distribui inter plures possit, in quo etiam usu mysticam membrorum unionem & dilectionis vinculum significari ostendit Apostolus 1. Cor. 10.

*Epist. ad
Paulinum.*

17. A Fractionis ritu Eucharistiam denominatam fractionem panis, ait Pareus. Syrus interpres, Act. 2. 24. & 20. 7. fractionem panis interpretatur Eucharistiam. Cum illud quod est in Domini mensa benedicitur & sanctificatur, & ad distribuendum comminuitur, ait Augustinus. Vides etiam ob distributionem fractum panem post benedictionem seu sanctificationem. Secundo cum singulis geniculantibus porriguntur elementa, mutantur verba institutionis. Christus dixit in plurali numero, *Accipite, edite*, non in singulari, *accipe tu, ede tu, bibe tu*. Fennerus in Doctrina de Sacramentis, ait; *Hanc loquutionem (nempe numero plurali) aptissimam esse ad denotandam Ecclesie in hoc opere communionem & societatem, Christo per Ministrum omnes concivis quasi uno communis amoris & dilectionis indicio hortante, ut sint hilares, & una eandem escam spirituales fide manducent.* Si dixerint, Ministrum debere singulis applicare promissiones Evangelii. Verum; sed an propterea singulis tradendo symbola & sigilla? id est, annon potest fieri applicatio, nisi mutando ordinem celebrandi quem instituit Christus? Cum concionatur, applicat promissiones Evangelij, non tamen dicit singulis, *Tu vel ille*. Applicant singuli credentes. Nam applicatio non est unius Ministri, sed etiam credentium fide apprehendentium promissiones indefinitè enuntiatas. Languet etiam meditatio accipientium symbola, cum singulis sigillatim verba illa dicuntur, *Accipe tu, ede tu, &c.* Nam suspendunt meditationem suam alii, dum ventum fuerit ad ipsos particulariter, atque ita torpent; cum contra si pluribus simul in plurali diceretur, *Accipite, edite*, statim & simul cum ceteris meditationibus excitarentur. Mutant etiam verbum promissionis in precatiunculam, *Corpus Domini custodiat, &c.* Habent hæc verba, verum, in Canone Missæ suæ, sed proferunt non populo, sed Deo quasi aliquid oblaturi, ac si piaculum esset distribuere geniculantibus, priusquam protulerint illa verba, & panem & vinum iis consecrarint. Doctorculus quidam apud nos dicit Christum dixisse primùm, *Accipite, edite, hoc est corpus meum, &c.* Deinde, cum distribueret, dixisse singulis, *accipe tu, ede tu, &c.* & alioquin, inquit, daret seu distribueret, priusquam esset sacramentum. Intelligit priusquam prolata fuissent verba illa, *Hoc est corpus meum*. Est istud Pontificiorum quorundam delirium, qui ut consecrationis vim verbis illis, *Hoc est corpus meum*, alligarent, fingunt Christum bis dixisse, *Hoc est corpus meum*. Sed hoc commentum repudiat Suarez. Ubi nulla, inquit, ratio cogit, non oportet ordinem textus mutare, præsertim cum ab Evangelistis & Paulo tanta consensione observatus sit. Itaque postquam Christus accepit & benedixit panem, illum in partes sufficientes distribuit & in patina accommodatè posuit, ac porrexit discipulis suis, dicens verba consecrationis, quibus finitis singuli partem suam acceperunt. Evangelistæ uno consensu narrant, Christum accepisse, benedixisse, fregisse, dedisse, & dum daret seu porrigeret dixisse, *Hoc est corpus meum*. Eundem ordinem in re tenuisse credendum est, quem Evangelistæ servant in narratione: non autem confugiendum ad deliria & figmenta cujuscvis Doctorculi ad stabiliendam aut tuendam consecrationem Pontificiam. Christus inter distribuendum non dixit singulis, *Hoc est corpus meum*, multo minùs precatiunculam Gregorianam, aut quid simile. Si singulis elementa in manus tradidisset, oportebat singulis repetere quædam verba. Non enim mutum dedisse singulis elementa ipsi affirmabunt. Sed puderet ipsos Pontificios ejusmodi tueri assertiones. Christus igitur cum non aliam verborum formulam concepit inter distribuendum, quam quæ concipitur forma enunciativa, formam enunciativam in precandi formulam mutare non debemus. Nam forma enunciativa verbum promissionis concipitur. Non tribuimus vim magicam consecrandi his verbis ut Pontificii, nec Deo proferenda in oratione, ut faciunt etiam Angli, dicimus, nec damnamus recitationem verborum institutionis ante inchoatam gratiarum actionem

*In 3. Part.
Disput. 58.
Sect. 2.*

onem seu benedictionem , sed suo loco , nempe inter distribuendum proferendum verbum promissionis desideramus , cum Sigilla promissionis accipiunt fideles , etiam si millies recitarentur ante inchoatam benedictionem verba institutionis . Non sat est recitative verba institutionis & quasi in cumulo proferre , & ab actione separare , sed singulos ritus singulis verbis in ipsa actione & celebratione accommodare & applicare debemus , ut fecit Christus , præcipue autem istud verbum promissionis , cum ejus sigilla porriguntur . Modò enunciatiua forma proferatur , sicut fecit Christus , & promissionis forma seruetur , licet aliqua mutatio fieret in verbis , nullam movebimus litein . Si quis inter distribuendum diceret , *Hic panis est signum & sigillum corporis* , vel *hoc est sigillum corporis* , non sumus tam superstitiosi conceptarum formularum cultores , ut vim omnem amittere verbum promissionis putemus , aut religionem esse in numerato tenere verba . Sed formam enunciativam in precationunculam Gregorii Magni tempore usurpatam , *Corpus Domini Iesu Christi custodiat animam tuam ad vitam æternam* , aut aliam similem , mutare , vel omnino omittere , & alia verba usurpare , ac si hoc loco nempe inter distribuendum quævis potius alia quàm verba ipsius Christi dulcissima & consolationis plena essent proferenda , & qua forma aut formula protulit Christus , ego certè non probō . Si dixerint se protulisse ante inchoatam benedictionem , recitando verba institutionis , præstitisset potius non recitasse , quàm nunc omittere . Angli dicent , se protulisse in oratione & benedictione , sed ineptè & absurdè verbum promissionis quod inter distribuendum populo annunciandum , in benedictione Deo proferunt . Iste ordo duplicem peperit actionem , unam Sacrificii offerendi , aliam dandi Eucharistiam . Si inter distribuendum usurpentur verba Christi , sicut ipse Christus usurpavit dicendo , *Hoc est corpus meum* , nunquam introductum fuisset execrandum Missæ Sacrificium . Sed cum hæc verba simul cum benedictione seu gratiarum actione conjungerentur & Deo proferrentur , ac si hæc esset verborum series , *Accipit panem , benedixit dicens , Hoc est corpus meum , fregit , dedit discipulis* , & alia inter distribuendum substituerentur quàm quæ Christus usurpavit , ac si alia verba inter distribuendum locutus fuisset ad Apostolos , & hæc verba iterare esset denuò consecrare , prior pars actionis transit in Sacrificium Missæ , posterior in Communionem seu administrationem Sacramenti Eucharistiæ , vel duplex consideratio sacrificii nempe & sacramenti excogitata est . Dicimus igitur hæc verba , *Hoc est corpus meum* , restituenda in suum locum , id est proferenda esse post benedictionem & fractionem inter distribuendum , ut obstruatur rima ista per quam omnes Missæ abominationes ingressæ sunt , & inter alias ista Geniculatio , etsi non statim cum ista verborum transpositione , & ut actio non Sacrificii , sed Cœnæ , celebretur ritibus & verbis Christi . In administrando Baptismo servamus eandem verborum formulam , & in Eucharistia administranda invertimus omnia , ac si majori licentia ludere & lascivire liceret in his mysteriis quàm in illis . Tertio , Geniculatio in percipienda Eucharistia tollit illam distributionem symbolorum , quam communicantibus imperavit Christus . Cum Christus dixit , *Accipite , edite* , innuitur non tradidisse singulis in manus symbola panis & vini . Nec obstat verbum *edite* , nam non sequitur immediatè & singulis tradidisse in manus . *Imperavit eis* , nempe discipulis , *ut facerent discumbere omnes* , nempe quinque millia virorum , *συνάδεια συμπέδεια* , per convivia super vridi gramine . *Discubuerunt* igitur sigillatim per arbeolas , partim centeni , partim quinquageni . Et acceptis quinque illis panibus ac duobus illis piscibus , quum suspexisset in cælum benedixit ac fregit panes , deditque discipulis suis , ut illis apponerent , & duos pisces partitus est omnibus , Marc. 6. 41 . Non tamen vel Christus vel discipuli dederunt immediatè & sigillatim quinque millibus virorum , sed apposuerunt

eis panes. Cum igitur Matthæus ait, *dedi discipulis panes*, discipuli verò turbæ, non sequitur Christum dedisse singulis panes, aut discipulos sigillatim quinque millibus; nam Marcus ait tantum apposuisse eis, id est, posuisse coram eis. Si igitur verbum *dedi* per se positum id non cogit, multò minus, cum dans ait accipientibus in plurali numero, *Accipite, edite, bibite*, non in singulari & sigillatim cuique, *Accipe tu, ede tu*. Cuique & sigillatim si dedisset, non dixisset, *Accipite, edite, bibite*. Non est verisimile, inquit Cajetanus, quod singulorum ori imponendo singulis partes porrexit, vel manu sua ad manus eorum, sed exhibuit & obtulit particulas scilicet panis in patina, à singulis particulam propriis manibus accipiendam. Cederim ego, quod sicut unum calicem communem omnibus tradidit, ita in una patina panem in duodecim buccellis fractum manibus propriis accipiendum tradiderit, & quod Ecclesia usum hunc patinarum Apostolica traditione accepit. Ita quod sicut calicem unus discipulus dedit alii, ita patinam cum pane sancto propinquiores Iesu remotioribus successivè porrexerunt. Sic Suarez; Ut est probabiliter opinio, & verba ipsa indicant, non applicuit ipse propria manu panem consecratum ad ora Apostolorum, sed obtulit tantum catinum, & ipsi propriis manibus sumpserunt; quod in calice est evidentius, accipe te & dividite inter vos. Fuit ergo per proprias Apostolorum manus ab uno in alium delatus. Hæc ingenua & liberalis confessio concedit poculum ab uno ad alium delatum, & non è Christi manu, sed ex patina panem sumptum. Th. Beza sentit, etiam, panem distribuisse & invicem porrexisse. Præterea, inquit, si Christus, singulis panem illum in os ingerere voluisset, certè pro accubitus ratione, aut ipsi Christo aut discipulis paulo remotius discumbentibus surgendum è mensa sigillatim fuisset, etiam si in medio illorum Christus discubuisse dicamus, sicut assio illa representari à pictoribus consuevit. Nihil autem tale à Evangelistis narratur, imo sicut initio convivii poculum vicino præbitum iussit Christus ut postea alii alius traderent: ita probabile est panem à Christo fractum & traditum, eos ex discipulis qui remotius disumbabant ex vicinorum manu accepisse. Probabile est, inquit Piscator, Dominum panem confregisse in duas partes, earumque alteram dedisse illi qui proximus ipsi accubebat ad dextram, alteram vero illi qui ad sinistram, ut isti deinceps proximè accumbentibus porrigerent, donec singuli particulam sibi decerpissent, qualem quidem processum observatum fuisse in poculo, ita scilicet ut illud dederit alteri ex proximè accumbentibus, ac tum deinceps singuli ordine alii alius *κατὰ κυκλωσιν* istud porrexerint, & alii ab aliis acceperint, colligitur ex verbis, *Bibite ex eo omnes*, item ex verbis apud Marcum, & biberunt ex eo omnes. Nec non ex verbis apud Lucam, de poculo convivii Paschalis, *accipite hoc, & dividite inter vos*. Num in utroque poculo hanc processum observatum esse, probabile est. In Lucam Cap. 22 corrigit istam sententiam de poculo convivii Paschalis, ut statim videbimus, de uno tantum poculo nempe Eucharistico loquutos Evangelistas. Fossanus in Matth. 26. Credibile est Dominum panem fractum in duas partes dedisse in manus proximè assidentium ad dextram & sinistram, ut sibi mutuo porrigerent, donec singuli particulam sibi decerpissent. Non enim tunc Christus ex mensa surrexisset vel Apostolorum aliquis dicitur, & Luc. 22. Christus accito poculo cum gratias egisset, dixit, *Accipite hoc & partimini vobis ipsis*. Non solum ex verbis illis, *Accipite, edite, bibite*, colligimus non sigillatim cuique dedisse symbola Christum, sed etiam ex præcepto Christi cum traderet poculum dicentis, *dividite inter vos*, Luc. 22. 17. At non de poculo Eucharistico, respondent, sed Paschali, ista dicuntur. Nam de poculo Eucharistico agitur vers. 20. Respondeo, utrobique agitur de eodem poculo, & quod de poculo Eucharistico dicitur hoc præceptum patet ex protestatione, quæ subjungitur versiculo sequenti, *dico autem vobis me non bibiturum ex fructu vitis, usquequo regnum Dei veniat*. At hanc eandem protestationem de poculo Eucharistico habent alii Evangelistæ Matthæus & Marcus Matth. 26.

29. Marc. 14. 25. qui tamen de poculo Paschali nihil loquuntur. Si dixerint, Christum bis protestatum, primum de poculo Paschali, deinde de Eucharistico, tam facile rejicitur quàm asseritur quod dicunt, quia est nuda assertio absque ulla probatione. Præterea sic sibi contradiceret Christus. Nam si de poculo Paschali protestatus sit, se non amplius bibiturum ex fructu vitis usquequo regnum Dei venerit, non bibisset postea de poculo Eucharistico. Non bibit, inquit, de poculo Eucharistico. At contra, dicunt Evangelistæ Matthæus & Marcus, postquam porrexit poculum Eucharisticum protestatum se non amplius ex fructu vitis bibiturum usque ad diem illum quum ipsum bibiturus esset novum in regno cœlorum. Ergo jam biberat. Bellarminus, ut in Transubstantiationis aut Realis Præsentia figmentum declinet ictum, quia dicitur fructus vitis etiam post consecrationem, negat protestationem Matthæi & Marci referendam esse ad poculum Eucharisticum. At de nullo alio quàm Eucharistico poculo loquitur versu præcedente, & ex his ipsis locis colligunt ipsi Pontificii, Vinum esse elementum sacramentale in Eucharistia. Gabriel Biel ex hoc ipso Lucæ loco id probat. *Est autem materia consecra-* In Canonem
tionis vinum de uva vitis expressum. Ratio principalis est institutio Christi, qui in vino Missæ Lect.
vitis hoc sacramentum instituit. Unde Luc. 22. Accepto calice dixit, dico vobis, non 35.
bibam de generatione vitis donec regnum Dei veniat, Mar. 14. Jam non bibam de geni-
mine vitis usque in diem illum cum illud bibam novum in regno Dei. Unde infert, quod
nec vinum pomorum aut artificiale sit apta materia consecrationis, quia non est vi-
num vitis, nec est simpliciter vinum, sed æquivocè & secundum quid: nec in uva vinum
non expressum, quia liquor ille in uva magis habet rationem comestibilis quàm potabilis,
nec agrestiam, quia nondum habet vini speciem, sed est in via ad vini generationem, nec
acetum quia non est ejusdem speciei cum vino, sed est vinum corruptum. Unde fit redi-
tus de aceto in vinum. Chrysostomus; Ipse quoque bibit ex eo, ne auditis illis verbis di- Homil. 82. in
cerent, Quid? ergo sanguinem bibimus & carnem comedimus? & perturbarentur. Mi- Matibæ.
ror itaque, Musculum dubitare, num Christus manducavit panem, & biberit vi-
num Eucharisticum, cum ipse fateatur vinum fuisse in poculo Eucharistico, cum
Dominus protestaretur. Existimo, inquit, neminem esse qui neget vinum in poculo fu- Loc. Comm.
isse, cum dixerit Dominus Matth. 26. Luc. 22. haud bibiturum se amplius. Hieronymus De Cœna.
ait, quodd Christus erat & conviva & convivium, comedens & qui comeditur. Hymni Ad Hedibi-
duo veteres manducasse panem canunt; Se tenet in manibus, Se cibati ipse cibus. Se am-
nascens dedit socium, Convescens in edulum. Aquinas; Christus ea quæ ab aliis observan- Part. 3. Quæ.
da instituit, ipse primus observavit, unde ipse prius baptizari voluit quàm alius Baptis- 7. art. 1.
mus imponeret. Non opus erat ut baptizaretur propter se, baptizatus tamen prop-
ter exemplum. Manducavit & bibit in Cœna Eucharistica, ut præberet nobis
exemplum, & ostenderet se non modo convivium esse, sed etiam convivam. Con-
stat igitur protestationem Christi referendam non ad poculum Paschale sed Eucha-
risticum, vel ad ultimum illud Paschale poculum quod in Eucharisticum transla-
tum est, quod idem, nempe poculum Hymni. Canon Paschalis disertè interdicebat Scaliger de
post poculum laudationis aliquid cibi aut potus sumere. Interdicitur aliquid comedere post Emendat.
poculum hymni. Huc alludit protestatio Christi, non amplius bibam &c. Alludit ad Ter. p. Lib. 6.
morem, quo nefas erat post illud poculum ἀπολυτικὸν quicquam cibi in posterum diem ca- Bez. Annot.
pere. Christus mortem suam prædicens protestatur se non illa nocte solum sed om- in Marc. 14.
nino non amplius bibiturum vinum, donec biberit novum in regno cœlorum. Mat- 25.
thæus & Marcus de poculo Eucharistico loquuti, tantum semel protestationem sub-
jiciunt. Lucas ut protestationem non bibendi jungeret cum protestatione non eden-
di ampliùs de Paschate, anticipavit institutionem Eucharistiæ quæ immediate
sequitur protestationem, ubi mentionem poculi denuò fieri oportebat. Anticipa-
tionis

tionis & inversi ordinis hoc iudicium est, quod cum de poculo Eucharistico quatuor ista memorent alii Evangelistæ, 1. gratiarum actionem, 2. distributionem & præceptum ut ex eo biberent, 3. assertionem quod esset ipsius sanguis, 4. protestationem, quod non amplius bibiturus &c. assertio solum ponitur vers. 20. quia tria reliqua jam dicta erant vers. 17. nec opus erat repetere. Similis inversio ordinis observatur eodem Capite, ubi post institutionis & celebratæ Cœnæ narrationem Christus ait, *Ecce manus ejus qui me prodit mecum est in mensa.* Cum tamen Judas ante institutam Cœnam Eucharisticam egressus fuerat. *Quod post calicem datum traditorem commemorat, prætermissa recapitulare videtur,* inquit Zacharias Chrysopolitanus. Anticipationem de poculo observavit Augustinus l. 3. de Consensu Evangelistarum Cap. 1. ubi dicit, Lucam non narrasse historiam suo ordine sed per anticipationem narrasse id quod suo loco Matthæus & Marcus narrarunt, ut fatetur Bellarminus, sed dicit Augustinum non satis expendisse hunc locum. Dicit, sed non probat. Respondendum potius, inquit Jesuita Barradius, *Christum unum tantum calicem discipulis propinasse sanguinis sui: Lucam verò de illo uno atque eodem calice locutum, quæ sententia est Divi Augustini l. 3. de Consensu Evangelist. Cap. 1. Euthymii Matth. 26. & Iansenii.* Probat, quia Lucas prioris calicis traditioni eadem verba subjicit, quæ Matthæus & Marcus scribunt dictata Christo, cum calicem veri sanguinis sui tradidit, scilicet, non bibam à modo de hoc gemmine vitis &c. Ergo idem erat calix sanguinis. Præterea Lucas nullam fecit mentionem esus Agni aut Azymi panis. Neque dicit, accepto agno, vel accepto pane gratias egit &c. quorsum igitur de solo calice hoc dixit, cum in Cœna potus sit inferior & posterior cibo? Sanè propterea de solo calice loquutus est, dixitque, Christum illo accepto egisse gratias, quia calix ille ad agni Cœnam non pertinebat, sed calix sanguinis erat. Usus autem est præoccupatione, ut Augustinus docet: præoccupationis verò sive anticipationis causa fuit, ut protestationem non bibendi conjungeret cum protestatione non manducandi. Bibisse autem sanguinem probabiliter etiam colligitur, inquit Suarez, ex sequentibus verbis ejusdem Lucæ, Non bibam de generatione vitis, donec regnum Dei veniat. Nam licet à Luca hæc verba referantur ante consecrationem, videtur tamen id factum esse per anticipationem; nam & Matthæus & Marcus post consecrationem illa referunt, & ita intellexit Augustinus, lib. 3. de Consens. Evangel. c. 1. & Chrysost. Homil. 83. in Matth. A Patribus & Pontificiis veniamus ad Neotericos nostros; Ordinis inversio aliqua, inquit Piscator, quatenus pars actionis circa vinum narratur, v. 17. & 18. ante actionem circa panem. Nam verba illa de poculo Cœnæ Dominicæ intelligenda esse liquet ex Marco, qui verba illa, dico me non bibiturus, &c. verbis de poculo Cœnæ Dominicæ pronuntiatis continenter subjungit. Tam manifestum est & perspicuum, esse hoc loco inversionem ordinis, ut Theod. Beza non Evangelistam anticipationem aut præoccupationem, sed scribam transponentem versus, hunc ordinem versuum, quem habemus, nobis dedisse conjiciat. *Quod si quis hic esset conjecturæ locus, dicerem transpositos fuisse versiculos, & 16. versiculo annexendos qui nunc 19. & 20. habentur, quibus subjiciantur quos nunc 17. & 16. numeramus.* Sic enim omnia prorsus inter se, & cum Matthæo & Marco pulchrè consenserint: & in Apocalypsi duæ fortasse non ineptè similes transpositiones observavimus. Theobaldus Meuschius in defensione Harmoniæ Generalis approbat conjecturam Theod. Bezae, & ait, incuria transcribentium transpositos vers. 17. & 18. & ex vers. 20. assumptos. Accedit, inquit, quod Matthæus ac Marcus illud, Amen dico vobis quod non bibam de fructu vitis, in institutione sacri calicis habent. Verosimile est igitur & probe necessarium, hos versiculos ex sacra Cœnæ institutione huc esse à scribis trajectos. Christum verò non bis juxta quorundam sententiam distribuisse calicem, semel in celebratione veteris Paschatis pro more Hebræorum, & rursum

Harm
Euang. l. 4
c. 150.

De Eub. l.
c. 11.

Lib 3. Cap. 1

In 3. Part.
Tom. 3. Diss.
75. Sect. 5.

In Luc. 22.

Annot. in
Luc. 22. 17

Harmon.
Euang. Cap.
4.

in sacrae Coenae institutione, sed semel tantum post Cenam juxta Lucae testimonium, inde concludi potest, quod Iudaei panem & poculum soliti sunt distribuere prorsus in fine Paschatis, quibus distributis, quicquam porro gustare ea vespere nefas erat. Prorsus igitur statuendum est, Christum observasse veterem ritum in distribuendo pane & calice, sed in planè novum & excellentiorem usum convertisse. Augustinum igitur sequor, ex quo apparet in Ecclesia jam olim receptum fuisse sic ista cum aliorum Evangelistarum narratione conciliare, ut semel tantum dicatur Christus poculum unum & idem, nempe sacramentale, discipulis præbuisse. Et paulo post; Et operæpretium est in his advertere ὁμοῦ καὶ τοῦτο Lucae continuunt. Cum enim initium sermonis Paschatis interrupisset, & sacrae Coenae institutionem inseruisset, ea absoluta non redit ad initium sermonis unde digressus erat, sed rerrors regressitur incipiendo ab ultimis, & sic pergendo ad priora, donec eo in sermone perveniat, unde primò digressus erat. Sed hæc melius conspiciuntur in subiecto diagrammate.

Ordo Lucae.

1 Prædictio mortis, v. 16. & 16.	5 Institutio coenæ, v. 17. 21.	4 Querela Christi. v. 21.	3 Contentio discipulo- rum, & in- formatio- v 23. 28.	2 Promissio fi- gurata occa- sione conten- tionis, v. 28. 29. 30.
---	---	------------------------------------	--	--

Si cui non arridet conjectura de transpositione, inversionem tamen ordinis & anticipationem ob rationes jam dictas concedere oportet, præsertim cum alia similis inversio habeatur eodem loco. Præceptum igitur, *Dividite inter vos*, referendum est ad poculum Eucharisticum. Sic Mornæus de Eucharist. l. 1. 12. Calvinus Institut. l. 3. c. 17. f. 43. Bilsonus de Obedientia pag. 495. Willetus in Synopf. de Eucharist. Quæst. 4. p. 545. Iuellus de Privata Missa Divis. 8. hoc præceptum ad poculum Eucharisticum referunt. Ut poculum; sic etiam panem divisum fuisse & distributum, eumque porrexisse sibi invicem, credere suadent analogi utriusque symboli ritus, & quæ suprâ dicta sunt de pane porrecto. Sed detur poculum invicem porrigendum, non panem; hoc unum excludet Genucationem. Non enim bene convenirent ista duo, ut Minister poculum tantum proximo porrigat, & ut panem sigillatim distribuendi causa obambulet circum mensam vel mensas. Si non genuculationum dum dividitur poculum, nec cum dividitur panis; nisi panem senserint majori cultu dignum, quam vinum. Qui de geniculis adorant, invicem sibi poculum porrigere nequeunt, nisi genucationem adorationis gestum huic etiam actioni communicent, quod absurdum esse non negabunt Adversarii. At, inquiunt, verba illa, *Dividite inter vos*, vel *Partimini vobis ipsis*, non hoc postulant, ut invicem sibi porrigant; sed sufficit, si omnes biberint ex poculo, & postquam hauserit quisque partem suam reponat in mensa, vel in manu Ministri, ut alii accipiant, vel ut ille det aliis. Sensus igitur erit, videte ne quis ebibat totum vinum quod est in poculo. Sed prius illud nunquam fuit usurpatum in ulla convivii specie, nempe ut bibentes ex eodem poculo non porrigerent invicem aut traderent in manus proximi, sed reponerent in mensa, ut proximus, si velit, accipiat, nec ullum usum habet, nisi forte superstitionis ridiculae acsi prophanum quid esset è manu proximi sumere poculum. Posterius est contra Christi præceptum, imperantis ut ipsi sibi

sibi partiantur, & contra morem & ritum usitatum in clausula Paschatis, in qua poculum circumferebant invicem sibi porrigentes, à qua clausula Coenæ Christus sacra Coenæ ritus transtulit. Si panem proximis ad dextram & sinistram accumbentibus tantum tradidit, & illi aliis ut volunt Beza, Piscator, Tindallus, & alii, multo magis credendum poculum etiam aliis tradidisse. Apostoli in sacra Coena quemvis fidelium coetum repræsentabant, ut fatentur. Non pendet virtus aut efficacia Sacramenti à morali dignitate vel Ministri consecrantis vel proximi dispensantis. Et qui Ministrum Christi personam gerere dicunt, nihil inde lucrantur, cum Christus ipse non dederit poculum sigillatim, & singulis, nec singuli reposerunt in manum Christi priusquam traderetur proximo. Tertullianus ait, quod non de aliorum quam præsentium manu Eucharistiam sumimus. In Apologetico Cap. 39. ait, quod præsentibus probati quique Seniores. E Seniorior igitur manu sumebant Eucharistiam in Africa. At non sic ab initio. Iustinus ait, Diaconos unicuique præsentium obtulisse, ut partem caperent de pane super quo gratiæ actæ sunt, & vino & aqua. Obrulerunt nempe in patina & poculis. Quo sensu Clemens Alexandrinus ait; *Etiā Eucharistiam cum quidam, ut mos est, dividerint, permittunt unicuique ex populo ejus partem sumere.* Sed detur utrumque symbolum Diaconos fidelibus in manus tradidisse, non in vasis obtulisse vel apposuisse; non tamen tunc sentiebant nefas esse ex aliorum quam Ministri manu accipere elementa. Si antehac à manu solius Ministri acceperant, non detulissent Iustini ætate hoc officium Diaconis. Imò in Liturgia, quæ ascribitur Iacobo, Diaconorum officium est circumferre discos & calices. Diaconi primo utrumque elementum ministrarunt, ut refert Iustinus. Postea Sacerdos panem, Diaconus calicem dispensavit. Cyprianus Lib. de Lapsis; *Solemnibus adimpletis, Diaconus calicem offerre presentibus cepit.* Unde Laurentius Diaconus & martyr dixit Sixto; *Experire utrum idoneum ministrum elegeris, ubi commisit Dominici Sanguinis dispensationem.* Rationes hujus differentię, quas affert Thomas 3. Part. 1. q. 82. Art. 3. sunt ridiculę, ut quod sanguis Christi continetur in vase, unde non oportet quod tangatur à dispensante, sicut tangitur corpus Christi nempe à sacerdote. Nam de dispensatione, non de tactu, jam quæstio est, & hac ratione sequeretur antea Diaconos circumtulisse patinam, & permisisse ut fideles caperent elementum panis. Sed differentia inde orta videtur, ut ait ibidem Suarez, quod quando Sacerdos coepit singulis & sigillatim ministrare, ipse præcedens tradidit illis panem, & subsequutus Diaconus ministravit calicem. Sed introducta Communionem sub una Specie panis, cessavit dispensatio poculi per Diaconum. Videmus, non statim irrepisse superstitiosum morem accipiendi elementa à manu Ministri. Quod ad alterum illum morem reponendi in mensa, ubi assidebant aliis qui percepturi erant Eucharistiam, de eo ante nostram ætatem somniasse credo neminem; & eandem superstitionem redolet, ac si à manu proximi accipere nefas esset. Nam nulla alia potest reddi ratio peregrini istius ritus, & à primæ Coenæ forma, & à more gentis in omni cycloposita, ubi idem poculum dividunt, recedentis. Dicimus itaque Christum præcipiendo, ut Apostoli poculum sibi ipsis partiantur, voluisse fideles in sacra Coena invicem sibi poculum porrigere. Hac forma celebrare Coenam Benedictinos, refert Bullingerus. Sed, utcumque illi celebrant, Apostolos hoc modo partitos poculum, nempe tradendo aliis ut solebant poculum hymni, non est dubium. Si quis usum hujus ritus quærat, præterquam quod dictas de sacramentalibus symbolis opiniones superstitiosas ex animis hominum evellit, amicitię & charitatis mutuęque benevolentię signum est. Habebant Græci diem solennem, quem *Philotesium* appellabant, quo calicem primum à pocillatore sumebant, & parum ex eo præbidentes, quod magnæ amicitię erat symbo-

De Coron.
Militis.
Apol. 2.

Stromatum
Lib. 1.

Symbolum, illum deinde cui volebant porrigere solebant, atque hoc quidem illis erat *πρωτόειον*. Hefychius indicat, inquit Stuckius, hanc philathesiam adhiberi post cœnam, cum in signum amicitiae ex eodem poculo de eodem vino bibunt omnes. Sumitur *φιλοτησία* cum pro ipsa propinatione seu invitatione ad bibendum, quæ amicitiae & benevolentiae ergo fit, tum pro die festo & solenni quo illa olim celebrabatur, tum pro poculo quo hujusmodi fit salutatio, hinc *κρατήρ* quoque *φιλοτήσιος* dictus est. Philotesia, inquit, est *phiale* quæ in comportionibus datur. In iis enim amicitiae ergo humaniter se mutuo excipientes vini calicem sibi invicem porrigebant, quem philotesiam appellabant, metonymicas nimirum, quia symbolum erat amoris & amicitiae: quo nomine verissimè quis illud sacrosanctæ Domini Cœnæ poculum insignierit. At *κρατήρ φιλοτήσιος* in manum tradebatur. Unionis cum Christo signum situm est in manducatione, potatione, nutritione; communionis signum, in eo quòd ejus mensæ accumbentes ipsum convivam habemus; communionis inter nos, quòd ex eodem pane & vino partes capimus; amicitiae & mutuae benevolentiae signum in eo præterea, quòd eadem mensæ accumbentes invicem aliis craterem Philotesium porrigimus. In Ecclesia veteri ante mysteria solebant se mutuo Osculo salutare. Habebant etiam Agapas cum Cœnis conjunctas, quæ à mysteriis toto genere diversæ erant, & de quarum origine controversitur, ut supra dixi Cap. 9. nec ubique earum usus obtinebat. Uterque mos abrogatus est: nihil enim de iis Dominus sacram Cœnam instituens statuit. Sed de isto signo speciale præceptum tradidit dicens, *Partimini vobis ipsis*; cum reliquos ritus omnes generali tantum mandato. *Hoc facite*, complexus fuerit. Bibere ex eodem poculo non tam bene exprimit hanc mutuam amicitiam ac benevolentiam, sicut cum porrigimus aliis, ut jure crater philotesius dici possit. Denique geniculando Eucharistiam accipere è manu Ministri *ἀρχιεπίσκοποι* introduxit in cultum divinum. Nam dum geniculantes percipiunt symbola, & illi unà cum Ministro celebrant unam actionem, reliquus cœtus canit Psalmos, aut attendunt lectioni Scripturarum; & proinde est Cœna privata, non publica, licet in loco publico, quam interim celebrant geniculantes. Non recens est, fateor, hic mos canendi Psalmos, dum distribuuntur Elementa. Nam Augustinus ætate sua testatur Psalmos cecinisse inter offerendum & distribuendum. Inter hæc Hilarius vir tribunitus Laicus Catholicus, nescio unde adversus Dei Ministros, ut fieri assolet, irritatus, morem qui tunc esse apud Carthaginem cæperat, ut hymni ad altare dicerentur de Psalmorum libro, sive ante oblationem, sive cum distribuere populo quod fuisset oblatum, maledica reprehensione ubicunque poterat lacerebat, asserens fieri non oportere. Huic respondi jubentibus fratribus. Quo spiritu morem istum reprehenderit Hilarius, aut quibus argumentis defenderit Augustinus, nescio; sed meritò reprehendisse, & pio zelo, Hilarium, judico. Tam manifesta est hic *ἀταξία*, ut nullis argumentis defendi queat. In uno eodemque cœtu pars una parte vel angulo templi exercet se in uno cultus genere, nempe distribuendi & percipiendi symbola; & interim dum Minister alloquitur geniculantes inter distribuendum, loquitur in reliquo cœtu lector, & legit Scripturas Sacras, aut canunt Psalmos, & exercent se in alio genere cultus, & nesciunt quid rerum geritur inter Ministrum & geniculantes, nisi quantum oculis intuentes conjicere possint. Nunquam probavit Deus, ut in uno eodemque momento duæ simul divini cultus partes administrarentur. In quem finem jussit Apostolus convenire *ἐπὶ τὸ αὐτὸ* ad celebrandam Cœnam, si cum convenerint in unum locum, tamen in uno eodemque loco separatas habeant mensas, vel in angulo aut per se fiant participes Eucharistiæ? Si Baptismus administraretur in una templi parte, & reliquus cœtus in alia interim caneret Psalmos aut legeret Scripturas, absurditatem istam facile agnoscerent. Hæc ataxia in Cœnæ administratione

Antiquit.
Convivial.
Lib. 3. Cap.
10.

Retrahit.
Lib. 2. Cap.
11.

tionem inde irrepfit, quod figillatim datur cuique in manum Euchariftia, & quia taderet reliquum cœtum toties eadem verba repetita, quoties dat fymbola Minifter, audire, lectionem & cantum Pfalorum excogitarunt ad levandam fastidium, & fic duæ fimul voces diverfis auribus infonant. Quod fi menfis perpetuis accumberent, ut apud nos in more pofitum eft, & in loco templi parentiffimo, tum non taderet vel participaturos, vel qui hætenus participarunt, eadem verba rariùs repetita audire, & dum alloquitur Minifter inter distribuendum alios accumbentes forte 60 vel 100 una vice filere, & cum furgentibus à menfis & aliis fuccedentibus fimul canere, aut lectioni hiftoriæ Paſſionis attendere. Nam interim dum alloquitur inter distribuendum accumbentes, alii percipiunt fructum, dum fui officii & præſentis beneficii admonentur. Nam apud nos Minifter finita concione recitat verba institutionis, habet exhortatiunculam & admonitionem, deinde benedicit, finita benedictione feu gratiarum actione, ait, Dominus noſter ea nocte qua prodiſus eſt accepit panem & gratias egit, ſicut nos jam egimus, & fregit, ſicut & ego jam frango, & dedit diſcipulis ſuis dicens, (tum tradit proximis à dextra & ſiniſtra,) hoc eſt corpus meum &c. nihil addit verbis Chriſti, nihil mutat, nihil diminuit; tum proximi frangunt majoris fragmenti ſeu partis particulam, & reliquum tradunt proximè aſſidentibus, quandiu reſtat fragmenti pars reliqua; tum qui miniſtrant menſis, ubi deficit unum fragmentum, patinam offerunt, unde alius ſimile ſimiliter fragmentum ſeu *κλάσμα* majus ſumit, & frangens tradit proximo, & fic deinceps. Similiter poculum tradit proximis Minifter prolatis verbis Chriſti, nihil addendo, miſcendo, mutando, minuendo, & illi tradunt proximè aſſidentibus in manus, & ubi defecerit vinum, denuo implent qui miniſtrant &c. Simulac utrumque ſymbolum tradiderit proximè aſſidentibus prolatis tantùm verbis Chriſti, dum tradunt alii aliis proximè aſſidentibus panem & poculum, Minifter quandiu actus manducandi & bibendi durat, alloquitur accumbentes, inculcat memoriam beneficiorum quæ nobis parta ſunt per Chriſti mortem & paſſionem, hortatur ut fide & mente aſcendant ad cœlos cœlorum, ut perpendant quid ſignificent illa ſymbola, & quæ ſit analogia inter ſigna & reſignatas, ut jam ſeriò inſtituant vitæ emendationem, ut fœdus cum Domino renovent. Hæc & id genus alia audiente univerſo totius Eccleſiæ cœtu ingerit mentibus participantium, & aliorum etiam qui participarunt, atque ita omnes hîc fructum percipiunt, etiam qui jam actu non percipiunt ſymbola. Dum ſurgunt illi à menſis, & ſuccedunt in eorum locum alii, & ſilet Minifter, ſurgentes à menſa, accedentes ad menſam, & univerſus totius Eccleſiæ cœtus, ſimul canunt, vel legit Lector hiftoriam Paſſionis. Sed dum Minifter loquitur, & dum accumbentes invicem tradunt ſymbola, non legitur hiftoria Paſſionis aut canuntur Pfalms, nec expedit. Nam non ſunt ſingula quæ leguntur aut canuntur in ipſo actu manducationis & potationis apta meditationis præſentis materia. Sed Minifter dum loquitur, aptat verba actioni, & ſoliloquia animæ juvat, & torpeſcentes piarum ſententiarum ejaculationibus excitat. Si univerſus Eccleſiæ cœtus poſſet una vice & ſimul accumbere menſis, eſſet jucundius & commodius; ut ſic omnes ſimul manducent, bibant, meditentur, canant, audiant alloquenrem Miniſtrum. Sed ubi illud non poſſeſt fieri, tamen quàm propè poſſunt accedere ad unam communem menſam & actionem adniti debent omnes, nempe tot menſis accumbendo quot commodè capere poſſeſt amplitudo vel anguſtia loci, & ut interim cum accumbentibus animo & ſpiritu præſentes ſint alii, quæ alloquitur ad eos ſervus Dei audiant. Auguſtinus hoc ipſo loco dicit hunc morem canendi Pfalms, cum diſtribueretur populo, tum cœpiſſe in Eccleſia Carthaginenſi. Non ergo ubique vel ab initio mos iſte obtinuit.

Offer-

Offertorium, inquit Walafridus Strabo, quod inter offerendum cantatur, quamvis à Cap. 22. prioris populi consuetudine in usum Christianorum venisse dicatur, tamen quis specialiter addiderit Officiis nostris aperte non legimus; sicut et de Antiphona, quæ ad Communionem legitur, possumus fateri, cum verè credamus priscis temporibus Patres sanctos silentio obtulisse vel communicasse, quod etiam hactenus in Sabbato sancto Paschæ observamus. Credit Walafridus, silentio olim fideles communicasse, non autem Psalmos cecinisse cum communicarent aut symbola distribuerentur. Silentio proculdubio communicasse credit, quia non erat actio illa interturbanda alia actione, sed mentes communicantium meditabantur quæ erant præsentī actioni propria. Sed tædio cœperunt affici alii spectatores, quia singuli è manibus Ministri & Diaconi elementa accipere solebant; inde Psalmorum cantus inter distribuendum excogitatus. Sed non sic ab initio. Et credimus, primis temporibus, cum simul omnes, vel quoad poterant, mensis accumberent, post tradita elementa à Ministro proximè assidentibus, vel silentio eos communicasse meditantes de re præsentī, vel potius Ministrum sententiis jaculatoriis ad rem præsentem aptatis communicantium mentes inter meditandum exsuscitasse. Hac forma celebrarunt nostri sacram Coenam jam annos sexaginta: & testor, si unquam aliàs, in hac actione potissimum, nempe dum alloqueretur accumbentes Minister post tradita symbola, raptos fuisse spiritu pios omnes, tum accumbentes suis vicibus, tum qui accubitori erant, aut à mensis surrexerant; & contra ubi singulis ministrantur elementa sigillatim, sive stantibus, sive geniculantibus, sive à reliquo cœtu separatis, friget tota actio, & frigent ipsi communicantes. Vidimus quantam ataxiam invexit ista Geniculation in percipienda Eucharistia, mutando verba institutionis, pluralem numerum in singularem, enunciativam verborum formam & verbum promissionis in precativam, verbum promissionis transponendo & ante distributionem cum benedictione conjungendo, eique vim consecrandi alligando, ritum illum porrigendi panem & poculum & accipiendi è manibus fidelium excludendo, & duas actiones cultus divini in uno eodemque cœtu uno eodemque momento conjungendo vel potius confundendo. Istorum pleraque non Geniculationis folius sunt propria, sed etiam cujusque corporis situs, quo è manu solius Ministri accipit symbola qui Eucharistiæ particeps factus est. De industria Ecclesiæ nullius Reformatæ morem carpo, sed cum Geniculationis vitia & incommoda deregendi onus incumbit, nihil dissimulandum erat quod in hoc genere veritatem propugnantibus nobis & scrupulantibus Scripturas occurrere potuit, paratis interim rectiora docentibus cedere. Et vicissim petimus, ut monita nostra æqui bonique consulant omnes boni, nec contemnant. *Sed vide, frater charissime*, inquit Cyprianus, *si quis de antecessoribus De Consc. nostris vel ignoranter vel simpliciter non hoc servavit & tenuit quod nos Dominus & ex. Dist. c. 3. Cyprianus: exemplo & magisterio suo docuit, potest simplicitati ejus de indulgentia Domini venia concedi, nobis verò non poterit ignosci qui nunc à Domino admoniti & instructi sumus. Verba extant in decreto Gratiani. Et de hoc quoque ad collegas nostros literas dirigimus, ait idem Cyprianus, ut ubique lex Evangelica & traditio Dominica servetur, & ab eo quod Christus & docuit & fecit non recedatur. Quæ ultra jam contemnere, & in errore pristino perseverare; quid aliud est quàm incurrere in objurgationem Domini? Item; Religioni nostræ congruit & timori & officio sacerdotu nostri custodire traditionis Dominicæ veritatem, & quod prius videtur apud quosdam erratum Domino monente corrigere; ut cum claritate sua & majestate cælesti venerit, inveniatur nos tenere quod monuit, observare quod docuit, facere quod fecit. Item; Quod si nec minuta de mandatis Dominicis licet solvere, quanto magis tam magna, tam grandia, tam ad ipsum Dominicæ Passionis & nostræ redemptionis sacramentum pertinentia infringere fas non est? Cyprianus,*

licet media annorum centuria tertia & prope Apostolorum tempora vixerat, tamen ad primam originem, legem Evangelicam & traditionem Dominicam, errantes revocat; & ad Pomp. contra Epist. Stephani monet, ut in aliquo si nutaverit & vacillaverit veritus ad originem Dominicam & Evangelicam & Apostolicam traditionem revertamur; inde surgat actus nostri ratio, unde & ordo & origo surrexit: & si aqua veritatis, quæ pura è fonte profluebat, vitio interrupti aut bibuli canalibus vel plane defecerit, vel putidas sordes contraxerit, reficiendum ac confirmandum, ut eadem integritate ac ubertate repræsentetur qua de fonte proficiscitur. *Indignus est Domino*, inquit Am-

In 1 Cor. 11.

brosius, qui aliter mysterium celebrat quàm ab eo traditum est. Non enim potest devotus esse, qui aliter præsumit quàm datum est ab auctore. Tossanus Orat, de Cœna Domini; Principium erroris circa Cœnam Domini nec minima superstitionis occasio proculdubio fuit, immutatio ceremoniarum à Christo institutarum, & accumulatio illarum quas humana et hebreothesia successu temporis excogitavit. Cum fractione panis Lutherani dixissent sacram Cœnam assimilari prophano symposio & rusticorum comestationi; respondet Pareus, non argumentum, sed virulentam blasphemiam esse, ac si Eucharistiam in prophanum symposium convertisset Christus. Aut nescivit scilicet quomodo Cœnam suam à comestatione rusticorum discerneret? Quando pie mentes observant institutionem Christi, non dubitant, sed certo sciunt, fidem & obedientiam suam placere Deo. Tunc verò necesse est eos dubitare, quando institutionem Christi non observant, sed violant aut mutant. Item; Observatio ordinis divinitus sanciti & mandati neutiquam potest dici non necessaria, sed est prorsus necessaria, quàm chara nobis est salus nostra. Neque est innovatio, sed mandatum vetus & obligatio vetus. Si novum nobis videtur, pudeat nos ignorantie nostræ & diurnæ prævaricationis.

De Symbol.

Euch l 1. c. 3

p. 136. p.

116.

Cap. 7.

4 Argumentum. Ritus sacri ab Antichristo instituti sunt rejiciendi, maxime ii qui ad actum crassissimæ idololatriæ usurpati sunt, tum ob decorum, tum ob scandalum & periculum. At Geniculatio in percipienda Eucharistia ab Antichristo instituta, & ad Idololatriæ crassissimæ actum nempe ἀπολατρείας usurpata est. Etsi per se res adiaphora esset geniculatio in percipienda Eucharistia, aut à Patribus piè instituta, tamen cum postea ab Antichristo inquinata superstitione & foedissima quæ unquam fuit idololatria contaminata, quandoquidem non est res necessaria, ex Ecclesia abolenda est ut aperta Idolomania. Non placuit, inquit Theod. Beza, vel sedentibus vel stantibus vel accedentibus panem in manum porrigi, ut olim fiebat, sed attolli panem quasi venerandum. Postea adhibita est genuflexio, & buccellam in os ingerere maluerunt reverentiæ nimirum causa. Atqui hoc primum fuisse horrendæ illius idololatriæ initium, quæ ne nunc quidem aboleri potest, quis tandem non videt? Quæ cum ita se habeant, & honorum istorum præposterè sacris nostris habitum tristissimus eventus satis superque doceat; quanto satius fuerit in simplici Christi institutione acquiescere, quàm præpostero zelo quicquam istorum comminisci? mihi quidem omnium optimè facere videntur, qui ista, quamvis non per se impia, (id est dato non concesso quod per se non sunt impia, nam impiam Geniculationem ob institutionem violatam docuimus, & idololatricam esse statim docebimus,) tamen ut minimè necessaria & parum quidem utilia, etiamsi quis illis (nempe altaribus, rotundis panibus, genuflexione causa reverentiæ, operoso cantu,) recte utatur, (quod tamen fieri non potest, nam inter alia dicit rotundos panes singulis porrigi cœpisse, & ritum à Domino institutum fuisse abrogatam) plurimum autem noxia, ut tristissima Ecclesiarum facies ostendit, non minus sedulo quàm apertas idolomanias abolent. De rebus Adiaphoris à Patribus ad pium usum institutis & usurpatis, sed postea superstitione & idololatria contaminatis, vide plura Capite Nonno. Ritus ab Antichristo institutos multo majus rejiciendos, eodem Capite probavimus. Petrus Martyr, in Epistola ad Dominos Polonos

Beza Epist 8.

Polonos Euangelium profitentes, & Ecclesiarum Ministros, in hunc modum consulit; Itaque satagite, fratres, domum Dei ab Antichristis contaminatam & prope funditus eversam instaurare, atque edificando id quæso diligenter curate, ut præsens falsasque opiniones radicitus extirpetis: quod ideo moneo, quod nonnullos interdum viderim, qui mala folia flores fructusque superstitionum solum abraferint, radicibus tamen pepercerunt, quæ tamen postea maximo cum damno vineæ Domini repullularunt. Avertantur sub ipsis initis mala semina & putres radices. Nam si à principio negligentur (scio quod loquor) postea multò difficilius tolluntur; idque providendum est ut in sacramentis & præcipuè in Eucharistia quàm sincerissimè fiat. Ibi sunt, ibi, mihi crede, idololatriæ pestifera semina, quæ porro nisi sublata fuerint, nunquam Ecclesia Christi puro sinceroque cultu erit ornata. Et infra; In ritu verò administrandorum sacramentorum, is amplectendus est qui fuerit quàm simplicissimus atque à Papisticis nugis atque ceremoniis maximè remotus, & ad puritatem, qua Christus cum Apostolis usus est, plurimum accesserit. Si verò, inquit Bucerus, diligimus Deum & Hospitorem nostrum Iesum Christum ex tota anima, &c. nihil sane ad extremam reliqui facimus detestationem & severissimam profligationem omnis ejus impietatis atque abominationis, quam Satan per Antichristos suos iniecit contra hæc sanctissima mysteria, nihilque prorsus apud nos loci invenient vel retinebunt eæ res omnes, verba, & gestus, in quibus vel appareat esse aliquid tantis impietatibus affine, &c. vide supra pag. 542. Pareus contra hostias nummulares hoc ipso argumento utitur. Prima causa est, inquit, quia hostiæ nummulares neque à Christo, neque ab Apostolis, neque à veteri Ecclesia, neque à Patribus orthodoxis, sed à Papa Romano, postquam jam in Antichristum degeneraverat, originem trahunt, à quo tanquam ipsissimo Antichristo Evangelicæ etiam in rebus adiaphoris quàm longissimè sejunctas esse convenit. Secunda, quia in honorem idoli Mayzim primum introductæ sunt, ut horribilem Missæ idololatriam & transubstantiationem confirmarent, cui confirmandæ etiamnum in Papatu servantur. Sic nos Genuflexionem in percipienda Eucharistia ab initio superstitionis suæ maculam habuisse, ab Antichristo, non à Christo, Apostolis, aut veteri Ecclesia, originem traxisse dicimus, & in honorem idoli Mayzim primum introductam, ut horribilem Missæ idololatriam, Transubstantiationem, & carnalem præsentiam confirmaret, cui confirmandæ etiamnum in Papatu servit in ipso actu idololatriæ & adorationis transubstantiati panis, & esse quasi vitalem ceremoniam artolatriæ. Dicit quidem Theod. Beza, adorationem in percipienda Eucharistia artolatriæ occasionem aperuisse. In ipsa panis sumptione, inquit, adoratio apud mentem, quàm sit periculosa, utpote quæ artolatriæ occasionem aperuerit, unde tandem homines ad metousiam præcipitavit Satan, res ipsa demonstrat. Sed adorationis nomine geniculationem intelligit, non assentior. Nam constat carnalis præsentia errorum & transubstantiationis monstrum ante genuflexionem introducta fuisse. Non possunt adversarii vel unum scriptorem proferre ante annum millesimum, imo ante Honorii tempora, qui testetur genuflexionem in percipienda Eucharistia usurpatam fuisse. Non movet nos rigidum Gnosticorum supercilium, inquit Tilenus, ut nostram cum prisca Ecclesia *συνητάς* tueri desinamus. Ejus consuetudinem tum alii, tum in primis Origenes, & Cyrillus in *Myrtagog.* commemorant: ac frustra sunt vestri, imo & secum pugnant ipsi, cum ajunt Origenem, non de synaxi, sed de eâ quæ quovis loco ac tempore Christo exhibenda est reverentia agere, ac Catecheses illas nomen Cyrilli falso præferre. Verum, si quod vos vultis Origenes sibi voluit, sequetur & ubique etiam extra Sacram Synaxin, quotiescunque aliqua de Christo vel in sermone mentio vel animo cogitatio incidit, in genua esse procumbendum, quod vosmetipsi ridiculum & absurdum judicatis. Cyrilli Catecheses nimis levi de causa in suspensionem *οὐδεὶς* vocantur: puta quod in indice Græcorum librorum, quos Respub. Angustiana emit à quodam Corecyæo, tribu-

Pag. 1112.

De Symbol.
Eucharist.
l. 1. c. 13.

Quest. 243.

Cap. 22.

antur

antur cuidam Johanni Hierosolymitano. Aliter judicat Casaubonus; sui que judicii adspulatores laudat Hieronymum, Theodoretum, Phorium, Damascenum, alios, adversus Baronium, pag. 660. In Homilia 5. in Diversa Loca Evangelii quæ tribuitur Origeni habentur quidem hæc verba; Quando sanctum cibum, illudque incorruptum accipis poculum, quando vitæ pane & poculo frueris, manducas & bibis corpus & sanguinem Domini, tunc Dominus sub testum tuum ingreditur. Et tu ergo humilians temetipsum, imitare hunc Centurionem, & dicito: Domine non sum dignus ut intres sub testum meum. Respondit Author Parasynagmatis, eadem verba velle personatum illum Origenem proferri cum Pastor ingreditur in alicujus ædes, quod observat Bilsonus in Libro de Obedientia, pag. 549. Præterea non esse genuinum opus Origenis, fatentur ipsi Pontificii. Dicit Possevinus, falso tribui Origeni has homilias, in titulo Dionys. Areopagita. Bellarminus ait, quod Homilie in diversa loca Evangelii sine dubio non sunt omnes Origenis. Sed dissimulat Tilenus, & præterit ista ac si non legisset. Denique hîc nihil habetur de Geniculatione, de qua jam controversitur. Quod ad Cyrilli Catecheses, respondet author ille fuisse etiam supposititias, & in hunc finem citavit Molinæum Libro de Eucharistia, idipsum sentientem. Adde Spalatensem; Cyrillum Hierosolymitanum Catecheses scripsisse indubitatum esse asserit Bellarminus, non tamen omnes eas quæ nunc Cyrilli nomine circumferuntur, veras Cyrilli Hierosolymitani Catecheses esse, indubitata consentiunt: & mihi sane valde sunt suspectæ. Nam & longè posteriora tempora olent. Ordo enim ille Liturgiæ, quem Cyrillus hic noster Cateches. Quinta Mystagog. (ex qua testimonium pro genuflexione affert Bellarminus,) refert, totus est in Liturgia, quæ fide tamen nutare dicitur, Jacobi fratris Domini, primi Hierosolymorum Episcopi. In ea vero Liturgia nihil habetur de lotionis manuum, nihil de oculo, nihil de illis verbis, (Habemus ad Dominum, Gratiis agamus Domino Deo nostro) quæ videntur ex nostra Latina Missa desumpta. At lotionis manuum, & horum verborum ante Missæ nostræ præfationem, nulla extat memoria antiqua. Certum igitur est, vel supposititias esse, vel interpolatas. Hardingi ætate non extabant nisi in scriptis. Veteres Epistolarum Ignatii mentionem faciunt, non tamen sequitur nos genuinas Ignatii epistolas habere; sic nec Cyrilli Catecheses non esse interpolatas, si apud Veteres de iis mentio facta sit. Præterea non ait personatus Cyrillus, flecte genu, aut cade pronus, sed accede pronus; quod quis facit non genua flectendo, sed accedendo & inclinando superiorem corporis partem seu truncum. Nam qui incumbit in genua, non accedit. Cum de adoratione loquuntur Patres, vel spirituale Christi adorationem & mentalem intelligunt, vel si quando de symbolis externis, ut unus Theodoretus, adorationem largè sumunt pro reverenti & decenti symbolorum usu ac tractatione. Sic interpretatur Theodoretum Bilsonus Lib. de Obedientia pag. 534. & pag. 557. ait Adorationem & Græcis scriptoribus & Scripturis Sacris, cum tribuitur mortalibus aut creaturis, significare solummodo reverentem usum, & citat locum ex Gratiano de Consecration. Dist. 3. Sect. Venerabiles in glossa. In hoc sensu possumus quamlibet rem sacram adorare. Ethnici hujus reverentiæ ratione Christianis adorationem Bacchi & Cereris affixerunt, quia in sacris mysteriis symbola panis & vini acceperunt cum gravitate & reverentia, & hymnis, precibus, aliisque exercitiis religionis sacram actionem celebrarunt; non tamen inde sequitur Christianos in genua procubuisse coram pane & poculo, magisquàm adorasse solem aut nubes, aut caput asini coluisse, vel infanticidii reos fuisse, sicut calumniati sunt Ethnici. A Cerere & Libero Paganorum diis longè absumus, inquit Augustinus, quamvis panis & calicis sacramentum nostro ritu amplectimur. Sed de geniculis adorasse cum symbola acciperent è manibus Ministri vel Diaconi, ante annum Milleimum nullus Veterum retulit. Imo ante Honorii III. tempora ostendant, si possunt, genuinum

De Script.
Ecclesiast.
pag. 84.

De Rep. Ec-
clesi. l. 5. Cap.
*. Num. 69.

Contra Fan-
sum,

num alicujus scriptoris testimonium. Nec instituit Honorius iste, ut genua flecterent in percipienda Eucharistia vel in elevatione Hostiæ in Missa. *Sacerdos vero quilibet frequenter doceat plebem suam, inquit, ut cum in celebratione Missarum elevatur hostia salutaris se reverenter inclinet.* Non ait, in genua procumbat, sed tantum se reverenter inclinet, nempe caput vel truncum corporis parum inclinando. Quod si idem tunc factum, cum perciperent Eucharistiam, dixerint; id verisimile esse non negabo. Sed illud erat venerationis quam adhuc imaginibus exhibent signum, non adorationis. In genua non procubuisse dum elevaretur hostia, patet ex verbis sequentibus. *Idem faciens cum eam defert Presbyter ad infirmum.* Id est reverenter se inclinent cum præterit eos Presbyter deferens hostiam ad infirmum. Non autem voluit, ut procumberent in genua in plateis cum præteriret. De geniculis non adorasse veteres, dum fumerent symbola Eucharistiæ, vel illud arguit, quod die Dominico solebant hanc sacram actionem celebrare, quem propterea Chrysostomus Homilia 5. de Resurrect. vocat *diem panis*. At die Dominico stabant orantes, & toto temporis intervallo inter Pascha & Pentecosten etiam extra diem Dominicum. Si stabant inter orandum, non est probabile, de geniculis adorasse cum perciperent Eucharistiam; sed potius contrarium, nempe stetisse. Nam si in genua procumbendum, inter orandum id fieri potissimum debet. Stantes, non genua flectentes, orasse patet ex Canone 20. Concilii Nicæni, Hilarii Præfatione in Psalmos, Ambrosii Serm. 62. Augustini Epistola 119 c. 14. aliisque Patribus & Conciliis. Ex quo intelligimus, inquit Bellarminus, nondum esse 500. annos ex quo ritus hic cessavit. Sed audiamus quid respondet Tilenus. *Sic porro excipitis: Cum vetus traditio vetuerit genua flectere diebus Dominicis, totoque Pentecostes tempore, quo tamen minime intermissus fuit usus Cænæ Dominicæ, satis constat neminem eam de geniculis accepisse. Rectè sanè. Veram eadem traditio, quæ certis diebus genua flectere prohibuit, non sedere sed stare jussit orantes, unde preces Stationes appellatas fuisse observant eruditi: quem morem sublatum esse cum ne vobis quidem doleat, cur displicet ex antiquitate retentum in Anglia mos, eodem corporis gestu ac schemate, quo oramus, etiam Eucharistiam sumendi? Certe Paulum Jerosolyma proficiscentem paulo ante festum Pentecosten, non stantem, sed flexis genibus orasse legimus Act. 20. 30. Sic Doctorculi nostri respondent, Veteres judicasse eundem corpus situm convenientissimum in percipienda Eucharistia, quem precationibus aptissimum existimabant; nos igitur eorum exemplo, cum jam genuflexionem judicat Ecclesia aptissimum gestum orantis, Eucharistiam percipientes eundem situm corporis observare debere. Sed replicari potest facillimè. Non judicarunt Veteres convenientissimum stare inter orandum. Nam tunc extra diem Dominicum non orassent genibus flexis. Author Quæstionum quæ extant apud Justinum, ait quòd *Genuum inclinatio in precatione magis peccatores Deo commendat, quam si stantes orent.* Non steterunt igitur quia gestus aptissimus inter orandum, sed significationis ergò, ut significarent gaudium suum propter resurrectionem Christi, de quo tamen ritu non somniarunt Apostoli, ut patet ex loco illo Act. 20. Nam ibi genibus flexis oravit Paulus inter Pascha & Pentecosten. In ritibus significantibus & ceremoniis symbolicis non esse imitandos Patres, supra Capite Nono probavimus. Et in hoc ipso ritu non imitantur Veteres ipsi Pontificii. Nam Bellarminus testatur, annis ab hinc prope quingentis defuisse hunc morem, & Cassander in Defensione Libelli de Officio Pii Viri ait, illius consuetudinis nullum nunc in Ecclesia vestigium esse reliquum. Sed missa significatione, ad ritum ipsum redeamus. Dicimus præterea, stare non esse orantis proprium, sed communem gestum confitenti fidem, seu symbolum recitanti, aut audienti verbum vel lectum vel prædicatum. Sed geniculatio est adorantis gestus. Non sequitur igitur*

*Decretal. l. 3
Tit. de
Celebr. Miss.
Cap. Sanc.*

*De Cult.
Sanct. Cap.
11.*

Quæst. 115.

*Opera pag.
855.*

tur ex eo, quod stabant tum orantes, tum Eucharistiam percipientes; ergo nunc de geniculis excipienda Symbola, quia nunc de geniculis inter orandum adoramus. Nam non solum erat situs ille communis oranti & aliis, sed etiam iste liber est, non imperatus, ut fuit ille. Nam de geniculis oramus liberè, non quòd obligati simus ullo præcepto, sicut ad geniculationem in percipienda Eucharistia vi adigere nos conantur. Sed pergunt nostri Doctorculi, & dicunt fieri potuisse quod extra precum tempus die Dominico genua flexerint cum fierent symbolorum participes vel extra diem Dominicum; nam extra diem Dominicum hanc sacram actionem quibusdam locis celebrarunt Veteres. Incumbit illis onus probandi, qui nobis oberudunt ritum istum: nos tamen illis morem geremus, & probabimus extra actum orandi in genua non incubuisse. Diximus potius inter orandum quàm aliàs flectenda genua; & si non tunc geniculati, non geniculatos in aliis actionibus sacris. Si significationis ergò non geniculati sunt inter precandum, perderetur omnis fructus & utilitas illius significationis, si statim in alia actione in genua procubuissent. Ubi quæso retinuissent hoc signum gaudii & lætitiæ magis quàm in convivio Cœnæ Eucharisticæ & actu ipso convivendi. Præterea Tertullianus non de orante, sed de adorante in genere loquitur, die Dominico, inquit, *jejunare nefas ducimus, & de geniculis adorare*, non ait orare sed adorare. Concilio sexto in Trullo celebrato Can. 90. decretum in hunc modum. *Post vespertinum sacerdotum ad altare Sabbatho ingressum, ex consuetudine quæ servatur, nemo genua flectat usque ad sequentem vesperam in die Dominico, in qua post ingressum in vespertino seu completorio genua rursus flectentes Domino preces sic offerimus.* Zonaras in Scholiis in eundem Canonem. Medio illo tempore nullo modo in genua procumbendum esse denuntiat. Nam eo quidem elapso, licet genu flexo precentes haud peccabimus. Hieronymus adversus Luciferianos loquitur in genere de adoratione. Addunt alii inter orandum vel tempore precum, quia aliàs extra diem Dominicum de geniculis adorare tempore

De Corona.
Milit.

Decret. l. 2.
Tit. 9. de Fe-
riis Cap.
Quoniam.

Euseb. Hist.
l. 7. Cap. 8.

precationum nefas non erat. Alexandri III. Decreto excipiuntur tantum consecrans & consecrandus in ordinationibus. *Diebus Dominicis & aliis præcipuis Festivitatibus inter Pascha & Pentecosten genuum flexio nequaquam debet fieri: nisi aliquis ex devotione id velit facere in secreto. In consecrationibus autem Episcoporum, & Clericorum ordinationibus, consecrans & consecratus tantum genua flectere possunt, secundum quod consecrationis modus requirit.* Vides excipi consecrantem & consecratum in Ordinationibus, non autem consecrantem aut percipientem Symbola. Exceptio firmat regulam in casibus non exceptis, Alexander III. vixit circa annum 1159. Aliis diebus extra diem Dominicum Synaxin quibusdam locis habuisse concedimus, sed de geniculatione in actu participationis symbolorum nihil legimus. Nec est verisimile, alium corporis situm usurpasse quàm quem usurpabant die Dominico. Ægyptios in Sabbato Synaxin celebrasse & post cibum, supra ostendimus, & sedisse potius quàm stetisse, non autem geniculatos fuisse. Verba Dionysii Alexandrini ad Xystum Romanum Episcopum non restringuntur ad ullum diem. De quodam qui se ab Hæreticis baptizatum dolebat, sic refert. *Cum enim & gratiarum actionem in Ecclesia audivisset, & ad illam unà cum aliis Amen succinxisset, mensæ adstitisset, manus ad suscipiendum sanctum cibum extendisset, illum etiam accepisset, & prolixo jam tempore corporis & sanguinis Domini nostri Iesu Christi particeps fuisset, non sum ausus eum denud Baptismate initiare.* Non modo, indicat adstitisse mensæ, sed etiam innuere videtur unà cum aliis adstitisse, & extendendo manum ad symbola è mensa non è manu Ministri accepisse. Ait prolixo jam tempore hæc fecisse. Si geniculatio fuisset, situs ordinarius, & die Dominico solum interdicta ob solennitatem & ritus diei, ordinarii non extraordinarii situs mentionem fecisset. In Homilia de Encaniis, quæ Chrysostomi nomine circumfertur, habentur hæc verba. *Stemus*

tremen-

trementes, timidi, dimissis oculis, renata autem anima gementes, sine voce jubilantes corde. Annon vides eos, qui sensibili, corruptibili, temporali, & terreno Regi assistunt, quam sint immobiles, non loquentes, non oculos huc & illuc mittentes? De accubitu supra attulimus ipsius Chrysostomi testimonium. Tertullianus iis, qui putabant sumpta Eucharistia se solvisse jejunium, ait. Ergo devotum Deo obsequium Eucharistia resolvit, an magis Deo obligat? Nonne solennior erit statio, si & ad aram Dei steteris? Nonne accepto corpore Domini & reservato, utrumque saluum est, & participatio sacrificii & executio officii, id est, jejunii, inquit Mornæus Resp. ad Burdegal. p. 65. Stationis nomine jejunium intelligit, vide Baronium Ann. 262. Num. 65. Non jejunarunt die Dominico. Intelligit igitur, aliis diebus stetisse ad mensam quam Aram Dei vocat, & Eucharistiam accepisse, non tamen propterea devotum Deo obsequium jejunii Eucharistiam sumptam solvisse. Stetisse Veteres, non geniculatos, patet ex more qui adhuc durat in Ecclesiis Orientalibus. *Quare Orientales Ecclesie adorationem sacramenti admiserunt nusquam, non quæ Patriarchæ Constantinopolitano obsequuntur, non quæ Antiocheno. Et in Abyssinis etiam ipsis hodie stantes sacramenta participant, nec eo minus reverenter.* Apud Cassandrum in Liturgicis Cap. 9. extat. Ordo celebrandæ Liturgiæ in regno Preste Iohannis ex opere Lusitanico, & postea Italico Francisci A'vares, ubi habentur hæc verba. Eodem modo datur communio illis, qui stant juxta alteram cortinam. Postea secularibus, qui stant juxta portam principalem, tam viris, quam mulieribus. Dum datur communio, aut aliud quippiam officii fit, omnes stant erecti. Sedisse etiam quibusdam locis & temporibus Veteres, supra probavimus. Et ubicunque vespere Coenam celebrarunt, in aliis etiam ritibus multo magis primæ Coenæ formam observasse credimus, quem morem servarunt primitus non solum die qui vocatur Coena Domini, sed etiam aliis, & quidem frequentius, ut patet ex Epistola Cypriani ad Cæcilium, ubi Pamelius Num. 48. sic annotat. Hinc colligitur bis in die solere quosdam offerre, semel mane & semel vespere. Quod adhuc suo tempore in usu fuisse quibusdam in die Coenæ Domini testis est Augustinus dicta Epistola, nempe 118. Imo durasse videtur ea consuetudo ad tempora usque Honorii III. per quem sublata est ea. Te referente de celebratione Missar. Et etiam aliis diebus id liberum fuisse tradit Walafridus Strabo dicti Libri Cap. 21. De Coena ibiloquitur Cyprianus, perstringit enim nonnullos delicatulos qui saporem vini redolere nolentes Coenis matutinis abstinerunt & vespertinas tantum frequentabant. Sed geniculatos fuisse, dum symbola acciperent ante Honorium III. id est annum 1216 quæ testetur neminem proferre possunt. Cum Alexander III. sæculo superiore neminem nisi consecrantem & consecratum genua flectere die Dominico permittat, ne vel inter orandum; certum est symbola Eucharistiæ percipientem non flexisse genua. Ex dictis colligimus ab Antichristo adulto & in tenebris Papatus densissimis introductam Geniculationem ad panis in Christi corpus commutati honorem, & constabiliendum Transubstantiationis commentum. *Querit ille, nempe Calvinus, inquit Tilenus, Institut. l. 4. c. 10. v. 30. siue humana traditio geniculatio quam repudiare vel negligere cuius liceat; respondetque sic esse humanam ut sit divina.* Geniculationem agnoscimus esse signum humiliationis & adorationis, quod natura ipsa nos docet, & in orationibus probamus, licet non necessario & ab invitis extorquendum sit, quod hypocritas potius quam pios cultores efficeret. Quid opus erat igitur Tileni congerere exempla quorundam sanctorum qui genua inter orandum flexerunt, cum à nemine inter nostros negetur? Potest quidem quandoque accidere, ut inter orandum non possit quis legitime genua flectere, ut statim docebimus. Sed controversia nostra est de Geniculatione in actu participationis symbolorum. Dixitne Calvinus, hanc esse juris, partim divini, partim humani? Cur non congef-

Mornæus de
Miss. Lib. 4.
Cap. 7.

Lib. 2. Ep. 3.

fit hujus geniculationis exempla Tilenus? *Quorsum ergo*, ait Tilenus, *nova hæc vos incessit religio*, ut *vereamini ne post debellatum Pontificiæ idolomaniæ excetram populus tot jam annos puriore doctrina imbutus*, ob non minus laudatum quàm antiquum hunc γουκλίσιας ritum in sædissimum illius Lerne barathrum revolvatur? Longè justior est metus, ne perfractis superstitioni zeli clathris, contemptui & prophane licentiæ habenas laxet populus, & dum sacrorum symbolorum venerationem refugit, ne Christum quidem adoret. Qui contesserationis cum Pontificiis speciem vitandam clāmitatis, longè periculosiorem cum Socinianis syncretismum non animadvertitis. Ists solenne est assidere mensæ Eucharistiæ; genua flectere obstatu renuunt, ne cultum Deo debitum Christo, quem Deum esse negant, exhibere videantur. Nec laudatum nec antiquum hujus γουκλίσιας ritum probavit Tilenus; nos ab Antichristo invecstum docuimus. Dixit Tilenus Cap. 16 Paræneseos, ubi de dierum Festorum observatione disserit, in adulta Novi Testamenti Ecclesia tam firma ac robusta non esse omnia ejus membra, ut non semper longè maxima pars ex lactentibus adhuc constet, quæ per partes & gradus indies sit provehenda & paulatim de mysteriis religionis erudienda; & fidi Pastoris esse cogitare non modo quid fieri debeat, verumetiam quid fieri possit, quid humani ingenii præsertim in rudi plebecula capiat feratque imbecillitas; jam ait non verendum, ne populus tot annos puriore doctrina imbutus ad idolomaniam Pontificiam revolvatur. Geniculationi in percipienda Eucharistia est idolothyton Antichristi, & in cultu crustuli panis statum habet solennem. Cum igitur idem ritus eodem momento, eadem forma, in eodem actu usurpatur, quo apud Pontificios, adeo ut externa specie ne hilum quidem differant; si restitueremus, offendiculum poneremus coram infirmis fratribus & facto nostro induceremus ad idolomaniam illam debilitatam, sed nondum prorsus debellatam & radicibus evulsam ex omnium animis; nec id sperandum, donec debellatus fuerit Antichristus & deturbatus è folio suo quod in templo Dei possidet, & debellata fuerit pravitas cordis humani & naturalis proclivitas ad idololatriam & superstitionem. Experientia trium annorum in nostra Ecclesia, plurium in Anglicana, quàm periculosa sit ista contesserationis seu conformitatis species cum Pontificiis, edocti sumus. Nosne Lynceos oculos habemus quibus ingenii humani figmenta, & superstitionis semina ac radices quæ in intimis cordis latebris delitescent, perspicere possumus? Deum, coram quo omnia sunt nuda & aperta, ducem & monitorem sequamur qui hanc normam præscripsit populo suo, nempe vitandum omnem conformitatem cum idololatriis, ne illaquearentur, neve illum colerent, sicut illi colunt Deos suos. De conformitate cum Idololatriis in ritibus sacris, ejusque scandalo & periculo videat lector quæ dicta sunt Capite Nono. Periculum conformitatis in hoc ipso ritu subesse judicarunt Theologi Reformatarum Ecclesiarum eruditissimi: Cum autem videamus, inquit Bucerus, quàm potentibus & pestiferis præstigiis Satan per suos Romanenses Antichristos, ut omnem Christi Servatoris nobis sensum & adorationem eripiat, panem nobis pro Christo adorando tot jam sæculis obtruserit; debemus quæcunque isti artolatriæ videntur favere, ad eandem in simpliciorum hominum cordibus retinendam ab Antichristis adhiberi, quàm possumus longe & purè ab Ecclesiis profigare. Pestifera idololatriæ semina in hoc sacramento, nisi penitus averruncentur, repullulascunt, ait Petrus Martyr in Epistola ad Polonos. Scio quid loquor, inquit. Innuit Apostasiam Ecclesiæ Anglicanæ temporibus Marianis. Nam scripsit Epistolam illam anno 1556. & post fugam suam ex Angliâ. Theod. Beza in ipsa panis sumptione quàm periculosa sit adoratio monet Quæst. 243. Hooperus in Ionam situm & gestum corporis in actu participationis symbolorum ab omni idololatriæ specie, suspicione, ad eamve propensione, liberum esse debere ait; & propterea optat, ut geniculatio interdicatur. In Harmonia

Censura
Cap. 4.

In Jonam.
Serm. 6.

monia Synodorum Belgicarum habemus Cap. 13. ista verba ; *Liberum est stando, sedendo, vel eundo Cœnam celebrare ; non autem geniculando ob ἀγρολατρείας periculum.* Ait Tilenus longe periculosiorem cum Socinianis syncretismum nos non animadvertere. Et p. 49. monet, ne *Papæ superstitionis odio in impium & Epicureum prolubamus contemptum.* Imitatio Christi, & Apostolorum, & Ecclesiarum Apostolicarum, non est syncretismus cum Socinianis. Hunc morem jam annos 60 observavimus, & ne vel unus apud nos vel Socinianus, vel Anabaptista, vel Arrianus, vel Arrianabaptista notus, vel levisima Socinianismi, Arrianismi, aut Anabaptismi suspitione notatus. At Arminianos plerosque non modo ritu sed re quoque & doctrina Socinianis conformes esse satis constat. Nec adhuc constat quæ monstræ hæreseon alit Tilenus, & alii illius sectæ duces & Antesignani. Monet cavendum, ne perfractis supersticiosi zeli clathris contemptu & prophanæ licentiæ habenas laxet populus. Metuit, ubi nullus metus. Nunquam peperit situs quo nos utimur prophanitati licentiam aut contemptum. Sedentes servamus modestiam, gravitatem, silentium, attentionem, decorum. Qui à sessione metuit, multò magis ab accubitu metueret, quo Christus & Apostoli in prima Cœna usi sunt. Athenæus veterum modestiam in festivitatis describens, refert eos κομῖως καὶ σωφρόνως, id est, decorè & temperanter celebrasse. Unde neque accumbere moris apud Antiquos, sed sedentes epulabantur. Et tamen accumbentes Christus & Apostoli primam Cœnam celebrarunt. At ait Tilenus ; *Si nefas vobis quicquam cum Pontificijs habere commune, nemo vestrum deinceps sive publicè in Cœtu Ecclesiæ, sive domi suæ in conclavi orans, genibus incumbat.* Non sunt ista confutatione digna, & ideo leviter perfringo. De geniculatione inter precandum habemus exempla Christi & Apostolorum. Habemus & alia multa communia cum Pontificijs, Scripturam sacram, Symbolum fidei, & Sacramenta, quæ non rejicienda, quia ea inquinavit Antichristus. *Hæc enim, ut nobis nulla potest impiorum vitare perversitas, ita nec propter illorum abusum intermittere debemus, ut rectè monet Bucerus.* Genuflexionem inter orandum commendat nobis & Scriptura & natura. At geniculatio in percipienda Eucharistia est Antichristi institutum, & idolomania execrandæ in eo ipso actu etiamnum in Papatu servit. Non sunt igitur debellatæ ut vocas idolomania trophæa rursus erigenda, aut excetræ illius excrementa cum magno sponse Christi dedecore & Ecclesiæ periculo & detrimento recipienda. Paulò acriore scalpro pertunderetur vomica ista, inquit Tilenus, quandoquidem hic nonnulli supra modum paratragediant lymphatico terrore omnia complentes, ac reviviscentis in Scotia Papatus hæc quasi signa attolli, brevique omnia in antiquum Chaos reditura μάλα παθητικῶς vociferantes : quorum intemperies, si nulla sanabilis est parænesi, vereor, ne tandem excita illa, quæ καμπεύειν à Poeta dicitur, Erynnis obliptas cervices rigidisque poplites non amplius flectere studeat, sed frangere incipiat. Antichristis commenta sunt Papatus signa, & trophæa, & eriguntur ubicunque restituuntur. Si non acriori scalpro pertunderetur vomica ista, quam calamo gregarii istius Theologastri, nunquam sanaretur. Nulla hoc Capite argumenta attulit pro geniculatione in actu percipiendi Eucharistiam, quæ non refellent apud nos mulierculæ. Non jocos. Reddantur omnia lingua vulgari quæ hoc capite pro Geniculatione dicta sunt, & concedatur libertas refutandi, ego mulierem deligam, quæ Doctorum judicio palmam referet. Impetrabis. Fac, sodes, periculum : nihil nisi convitia & verborum ampullas habes Thraso, de quibus suo loco.

5 Argumentum. Geniculatio in actu participationis symbolorum non solum est periculosa ob speciem conformitatis cum idolomania Pontificia & ad eam induciva, sed etiam per se idololatrica est. Probat. Genua flectere ob reverentiam

sacramenti seu symbolorum est idololatria. At in hoc actu genua flectunt ob reverentiam symbolorum. Pontificii de geniculis adorant ratione Transsubstantiationis, Lutherani ratione Consubstantiationis, non tamen omnes: utrique ratione Corporalis Præsentia. Anglicani Formalistæ, quantum ex Hookeri, Roffensis, Suttoni, scriptis colligere possumus, nolunt nos anxie inquirere in modum Præsentia. Hookerus dicit meditandum potius, quid sit quod accepimus, quam disceptandum de modo. Roffensis laudat Veterum sobrietatem, qui anxie scrutati non sunt, utrum *con, sub, in, an trans*, præsens sit corpus. Sic cuique liberum relinquunt iudicium suum de modo præsentia, & proinde incertum quo animo & qua intentione de geniculis adorent, Pontifica, Lutherana, an utraque promiscuè, vel an neutra. Sed admittatur sana verborum interpretatio, & orthodoxa sit omnium Formalistarum sententia de præsentia Christi in sacra Cœna; tamen alio genere cultus inferiore & minus crasso, idololatræ tamen, peccant, quia ob symbolorum reverentiam genibus incumbunt. Dicunt, se tamen non dirigere adorationem ad symbola, sed ad Christum, licet coram symbolis adorationem illam exhibent Christo. Quod si verum esset, non tamen ab idololatriæ reatu liberi essent. Est hæc adoratio eadem cum illa quam Durandus, Holcor, Picus Mirandulanus, Alphonsus, Petrus Cluniacensis, & alii Pontificii Imaginibus concedunt. Dicunt illi, honorem se non terminare in imaginem, sed solum per illam & in illa se honorare exemplar, ut refert Bellarminus de Sanctorum Imaginibus Cap. 20. qui phrasin *per illam* & *in illa* cum phrasi *coram illa* eandem esse interpretatur Cap. 21. & Suarez in 3. Partem Thomæ Tom. 1. Disp. 54. Sect. 3. *Ajunt enim*, inquit Suarez, *non aliter neque alia ratione adorari imagines, nisi quia coram eis & circa illas exhibentur externa signa honoris, ut genuflexio, deosculatio, inclinatio vel apertio capitis, & similia; affectus tamen interior, (ajunt) quatenus est affectus honorandi seu exhibendi signum reverentia seu servitutis, nullo modo dirigitur ad imaginem, sed solum ad prototypum, tanquam ad unicam adorationis objectum. Potest illustrari ista sententia similitudine quam habet Bellarminus Cap. 20. Legatus Regis, inquit, aliquando honoratur ut Legatus, & tunc ipse propriè honoratur licet propter alium honoretur, propriè autem in ipso Rex tunc honoratur. Id clarius apparet, quando unus pro alio accipit possessionem aliquam: vel cum funus celebratur absente corpore circa statuam, & fiunt erga statuam omnia quæ circa corpus fierent. Dicunt Formalistæ, symbola non esse objectum quod adorationis, vel objectum per illud, aut in illo, sicut illi Pontificii faciunt Imagines, sed objectum à quo significativè, id est quo viso corda nostra excitantur ad spiritualem contemplationem Dei vel Christi ad quem orationem dirigimus, sicut audito verbo. Sic Mortonus in Defens. Ceremoniarum pag. 285. & dicit, adorationem relativam Pontificiorum illorum esse aliquatenus *inhæsiwè in objecto*, vel *adhæsiwè per objectum*, suam autem & aliorum Formalistarum *abstractivè ab objecto*. Sed illud aliquatenus nihil est, & non minus abstractè adorant Pontificii illi imagines, quàm ipsi symbola. (Nam adhuc ponimus non alio modo eos adorare.) Idcirco debuit *objecto* quod adorationis opponere objectum adorationis *coram quo*. Nam *in illud* & *per illud*, & *coram illo*, eadem sunt ex illorum sententia. At objectum *coram quo*, & objectum à quo significativè illis eadem sunt. Nam illorum sententia imagines non sunt adorationis objectum formale, quia adoratio non fit ratione imaginis sed prototypi, nec est etiam materiale objectum. Picus Mirandul. & Durandus dicunt, adorari solum, quia ad præsentiam Imaginum adorantur prototypa, quæ per imagines ad memoriam revocantur. Sed hoc revera nihil aliud est, inquit Suarez, quàm dicere imagines esse occasiones, vel signa excitantia hominem ad adorandum Prototypa. Item; Si tantum in earum præsentia adorantur prototypa,*

totypa, tunc imagines non deferunt, nisi ut occasiones vel signa excitantia memoriam.
 Non inhæsiuere in objecto vel adhæsiue per objectum adorant exemplar seu prototy-
 pon alio modo, quam quòd materialiter coram objecto memoriam excitante ad-
 rant prototypon. Nulla est igitur differentia inter adorationem relativam illorum
 Pontificiorum & Formalistarum, cum sacramentum vocant objectum à quo signi-
 ficativè: nam imagines in quarum præsentia adorabant erant tantum objectum à
 quo significativè & repræsentativè. Petrus Martyr ad locum Nazianzen. in Orat.
 de Obitu Gorgoniæ, Objecto 38. respondet super altare quidem colli Christum,
 sed colli in symbolo, sicut in symbolo significatur. Respondet Bellarminus. Si co-
 litur in symbolo, vel est ipse revera in eo vel non est. Si est, errant Sacramentarii, qui l. 2. c. 18.
 id negant. Si non est, ergo licet saltem coram symbolis procumbere, & ibi Christum licet
 absentem adorare. Ergo licet Eucharistiam & imagines Christi venerari, neque est idola-
 latria, ut ipsi passim clamant. Mortonus, ut Petri Martyris sententiam explicet,
 adducit alium Locum ex 4. Class. Locor. Communium Cap. 10. ubi dicit adora-
 tionem consistere in invocatione, confessione, quæ duplex est & cordis & oris, atque in
 gratiarum actione. Ea autem debentur & Deo & Christo, ubicunque se nobis declarant. Pag. 863.
 Hoc autem fit modo triplici. Primum verbo interno, cum subit animos nostros vi divini
 Spiritus aliqua vehemens cogitatio de Deo & Christo, tunc adoratio consequitur, quia
 vel fatemur, vel invocamus, aut gratias agimus. Declarant quandoque ista nobis
 per externa verba, cum Sanctas Scripturas ipsi legimus, aut sacras audimus conciones;
 tunc sæpenumero incitamus ad invocandum, vel ad alia quæ spectent ad cultus rationem.
 Demum se declarat Deus externis signis, ut in monte Sina, Esaie sub forma Regis
 in solo suo confidentis, in Arca Fæderis, aut in sacramentis, & ibi quoque adoratio im-
 penditur. Sed quemadmodum Augustinus admonebat, sistendum non esse gradum in car-
 ne, sed accedendum ad divinitatem; ita hic ego moneo, adorando cum percipimus Eucha-
 ristiam, non esse consistendum in symbolis, sed orandum in spiritu & veritate Christum se-
 dentem in cælis ad dextram patris. Quod quia simpliciores non intelligunt propter con-
 firmatum & roboratum errorem Transubstantiationis, ideo existimari non esse inutile,
 si ab adoratione externa, puta à prostratione vel genuflexione, temperaremus quoad isti doce-
 rentur. Adoratio interna potest absque periculo adhiberi, neque externa sua natura esset
 mala. Multi enim piè genu flectunt & adorant illis verbis Evangelii auditis, Et verbum
 caro factum est: nec tamen ipsa verba dicenda sunt adorari, verum significata. Quod
 idem hic fieri quid prohibet, modo non adorentur symbola, sed quod per illa significatur?
 Verum hoc tempore ob prædictam causam fortassis adoratio externa non est opportuna, nisi
 frequens de his rebus esset in concionibus mentio. Integrum hunc locum transcripsit
 Mortonus, in eoque gloriantur Formalistæ, ac si esset oraculum quoddam. Inde
 colligit Mortonus, Petrum Martyrem nihil aliud voluisse, cum respondet ad lo-
 cum Nazianzeni, quàm significativam relationem à signo ad rem significatam. Nam Pag. 283.
 geniculans, dum Eucharistiam percipit, debet ea visa abstrahere cogitationes suas ab ob-
 jecto sensibili, & elevando ad cælos tum cor tum oculos adorare, id est, invocare, confi-
 teri, gratias agere Deo & Christo. Significativam relationem à signo ad rem signifi-
 catam quis negat? Sed an adoratio relativa ad rem significatam coram re signifi-
 icante dirigenda, non sit eadem cum adoratione illa Pontificiorum illorum modò
 dictorum, Durandi nimirum Pici Mirandi &c. quæritur. Prorsus eadem. Nam
 & illi abstrahunt internam adorationem ab objecta imagine quæ memoriam ex-
 citat, & coram qua adorant prototypon per imaginem ad memoriam revocatum.
 Petrus Martyr scripsit, quæ supra dicta sunt, cum esset Professor Oxoniensis,
 quando in Anglia receptus erat mos ille ad placandum Pontificios, & postea
 cum scripsit contra Gardinerum & incumberet illi onus propugnandi ea quæ scrip-
 serat;

ferat, aliquo fuco Geniculationem oblinire oportebat. Ex geniculatione probat contra Gardinerum, non sequi carnalem & localem præsentiam corporis Christi.

Contr. Card.
Edit. Basil.
1581. col.
160.

Quemadmodum, inquit, cum auditur illud in symbolo, Et verum caro factum est, aut oratio aliqua consimilis, permulti Christum adorant, cum tamen corpus ejus præsens non habent; Quare cum percipiuntur sacramenta andunturque promissiones ad ea spectantes, si Dominum adoremus, non propterea illius realem corporalemque præsentiam testamur.

Et Col. 366. Quare si adoratio ea, quæ ab Antichristi marcipis contra verbum Dei impenditur peditur & imaginibus, non ad signa refertur, sed ad res significatas; cur non potest idem fieri in sacramentis, etiamsi in illis non adsit realiter & corporaliter caro Christi? Item; qua fronte hic nobis objicient absentiam corporalem magis hic impedire adorationem, quam in statua aut cruce. Et Col. 381. Si regem in suis insignibus, in literis, in nunciis, in sigillis, veneramur, quamvis eum sciamus in illis non esse inclusum; quid obstat, quominus fideles venerari possunt Christum in recto sacramentorum usu, etsi ille contineatur in cælis? Verum est, non sequi necessario corporalem præsentiam carnis Christi ex geniculatione in percipienda Eucharistia; possunt enim ista duo separari, exterior geniculatio, & opinio corporalis præsentia carnis Christi, quod ad Gardineri argumentum pro corporali præsentia refellendum sufficit. Sed in usu sacramentorum, id est, in ipso actu percipiendi Eucharistiam geniculandum, eo-

que modo adorandum Christum corpore absentem, ante nostram ætatem nemo unquam sensit. Nisi existimassent superioribus sæculis carnem Christi corporaliter præsentem in Coena, nunquam incubuissent in genua. Corporalis Præsentia & Transubstantiationis monstrum geniculationem peperunt, quod non ignorabat Petrus Martyr. Ista autem adoratio, inquit (nempe Eucharistia) propter vestram transubstantiationem & realem præsentiam inuenta est in Ecclesiis. Quare non tantum eam, verum etiam ejus radicem & matrem penitus oportuit prostrare. Ideo genicularionem istam nunquam concoquere potuit. Nam etiam cum ejus nuditatem tegere cogitur, ingenuè fatetur propter ejusdem opinionis de corporali præsentia carnis Christi vel confirmationem vel renovationem periculosam esse. Quamvis, inquit, ut quod mihi videtur dicam, ad evitanda superstitionum pericula nolum hoc tempore adorationis externæ signa in Eucharistia perceptione adhiberi, ut non ad symbola panis & vini sed ad ipsum Christum in cælis regnantem dirigerentur. Tamen videmus quomodo nullam ponit differentiam inter modum adorationis coram imagine, & coram symbolis. Argumenta, quibus tuetur, sunt potius folia ficulnea quibus tegit ejus foeditatem. Dicit, imagines esse inventa humana, symbola autem Christi instituta, Col. 381. At debuit probare, instituta fuisse in hunc finem, ut coram eis Christum absentem adoremus geniculando. Sacramenta instituta fuerunt à Christo, ut essent signa & sigilla promissionum, sed non ad statum accommodatum ad adorationem: nam alioqui sequeretur, coram omnibus rebus procumbendum quas instituit Christus. Illi adorantur ad præsepe. Nos monemur, ut eundem Christum adoremus in perceptione sacramenti, idque mente saltem sublata in cælum. Nam ut prostrato corpore aut genuflexione eo tempore adoremus, verbo Dei non monemur. Imo Christus Eucharistiam Apostolis unâ secum sedentibus aut discumbentibus exhibuit, inquit P. Martyr. Nominè imaginis comprehenditur synecdochicè quicquid homo in hunc usum instituit, nempe ut coram eo cultum Deo exhibeat, etiamsi à Deo ad alios usus institutum, aut à Deo creatum, ut Sol, Luna, & omnis exercitus cælorum. Statim audito nomine Iesu caput aperimus, inquit, & in Italia cum in Evangelio legitur, Et verbum caro factum est, cunque ex symbolo recitatur, Et homo factus est, omnes adstantes procumbunt. At cum Christus in ijs verbis pura sinceraque fide adoretur, an in illis credimus realiter & corporaliter esse Christum? Non credimus, in verbis illis esse corporaliter

Col. 321.

Col. 160.

Col. 385.

Col. 381.

Chri-

Christum, sed prolatis verbis illis inclinandum caput, aut in genua procumbendum non esse, magis quàm prolatis illis, & crucifixus est, aut resurrexit, aut intercedit pro nobis, & mille aliis; & cur magis cum recitantur aut canuntur verba illa in Officio quàm dum concionator eadem pro concione profert? Pars sanctitas omnium verborum Sacrae Scripturae, significatio varia. Alia comminationes, alia admonitiones, alia beneficiorum commemorationes continent. Auditis comminationibus non prosternimur corpore, nec commemoratis beneficiis aliis. Si singula verba, vel in officio dum legitur Sacra Scriptura vel canitur, aut dum concionator citat aut interpretatur quæ memoriam alicujus beneficii refricant, eamque excitant, excitarent etiam ad adorationem externam; quas gesticulationes haberemus in sacris conventibus? & si quisque, prout movetur, aut afficitur, affectus suos signis externis exprimeret; quantam varietatem gestuum eodem momento haberemus, surgentibus his, sedentibus illis, geniculantibus aliis, aliis capita aut crura inclinantibus? Attentio hîc requiritur discipuli, non gestus adorantis, ut statim docebimus. De nomine *Iesus* dictum supra, pag. 459. 460. Præterea, non est par ratio verborum & symbolorum. Verba tenues vanescunt in auras. Symbola permanent & visui objecta sunt. *Vocem verborum vos audivistis, ac similitudinem nullam vos animadvertistis præter vocem*, Deut. 4. 12. Deus in nulla similitudine apparere voluit populo, ne ea abuterentur ad idololatriam, etsi vocem formaret qua locutus est ad populum. *Quemadmodum cives & procures Imperatorem* Col. 1028, *ipsum venerantur in purpura, aut in diplomate, quem tamen satis sciunt in rebus illis præsentem non contineri; ita nos in Eucharistia adoramus corpus & sanguinem Domini, quæ tamen scimus in ea realiter & substantialiter non adesse*, ait P. Martyr. Item; *Non creditis Imperatorem præsentem esse in suo diplomate: Ergo illum non potestis venerari sedentem in throno. Et supra. Regem in suis insignibus, in literis, in nunciis, in sigillis veneramur, quamvis eum sciamus in illis non esse inclusum*. Respondeo, satis firma sunt ista contra corporalem præsentiam, sed geniculationem nostram nihil juvant. Nam à veneratione politica ad adorationem religiosam non sequitur. Venerantur absentem Imperatorem in diplomate, in literis, in nunciis, in sigillis, in insignibus, in purpura; non tamen adorant etiam politicè & civiliter genibus flexis absentem Imperatorem aut regem, in sigillis, nunciis, diplomate, literis, insignibus, aut purpura. In Anglia, ubi mores Persici & Orientales obtinent, coram cathedra honoris vel purpura de geniculis adorant etiam absentem Regem, ut audio, sed non in diplomate & sigillis, literis & nunciis, in quibus absentem quibusdam signis venerantur. Indigent Imperatores & Reges his subsidiis & mediis ad tuendam dignitatem suam, ne vilescat exilis eorum Majestas, partim propter infirmitatem humanæ naturæ, quam communem habent cum aliis ex fœce vulgi, nam sunt ejusdem carnis & sanguinis participes, plerumque ob vitia & scelera personæ quorum ratione Cathedra aut vilis pannus dignior esset veneratione quàm illi. Præterea, ut ait Augustinus, *Multa de cultu divino usurpata sunt, quæ honoribus deferuntur humanis, sive humilitate nimia sive adulatione pestifera*. Symbola Eucharistiæ, si propriè loquamur, non sunt purpura honoris seu status, ut vocant, per quam ad Christum deferenda adoratio. Nec purpura ipsius personæ regis sub qua latet caro Christi, ut Pontificii fingunt de speciebus panis. Ideo, ait Suarez, *Primo & Tom. 3. Disp. 65. Sect. 1. per se adoratur Christus, qui est unicum suppositum hujus sacramenti ad quod per se tendit adoratio*. Coadorantur autem species tanquam Christo conjunctæ, & cum illo unum componentes. Quando adoratur persona Imperatoris, coadoratur thronus vel purpura ejus. Dicit species esse veluti thronum in quo Christus continetur, seu quasi vestimentum quo tegi voluit. Sed Christus non latet vel sub substantia panis, ut volunt

Lutherani, nec sub speciebus, ut volunt Pontificii. Sicut non coaderantur vel substantia vel species, ut purpura personæ, vel thronus regis, quia loco non conjunguntur cum carne Christi, sic etiam non ut purpura honoris. Nam Christus non instituit ut corpore suo absente, ab eoque & loco & supposito separatis elementis sacramentalibus, coram eis adorationem deferant corpori suo. Mediata venerationis signa habent Principes ob causas supra dictas: sed omnem adorationem religiosam, quæ Deo deferenda, Deus vult immediatam esse. Sunt quidem symbola sacramentalia sigilla promissionum divinarum, & ideo reverenter & decenter tractanda; non tamen vel adoranda, vel coram iis adorandus Christus, sicut qui funus celebrant circa statuam absente corpore, nec sic civili adoratione de geniculis adorant subditi, cum accipiunt diploma vel sigilla diplomatis regii, etsi honorem quandam exhibent. Honorat omnis qui adorat, non autem adorat omnis qui honorat. A veneratione igitur politica ad adorationem religiosam non sequitur. Adorandum dixit supra Petrus Martyr Deum vel Christum ubicunque se nobis declarant. Declarant autem tribus modis. Primum verbo interno, cum subit animos nostros vi divini Spiritus aliqua vehemens cogitatio de Deo & Christo, tunc adoratio consequitur, quia vel fatemur vel invocamus vel gratias agimus. Si adorationem externam intelligit, non fuit ista simpliciter & absolute concedenda. Nam potest gratiarum actio vel invocatio mentalis esse licita, cum adoratio externa non sit licita. *Itane ubi legitima est adoratio, cuiquam mortalium illegitima potest videri geniculatio?* inquit Tilenus. *An metuendum ne immodicus Christo honos exhibeatur?* Non est metuendum, ne immodicus Christo honos exhibeatur, sed ne honos Deo aut Christo proprius communicetur creaturæ vel re vel specie. Si socios Danielis sistere coram statua aurea jussisset Nebuchadnetzar, num prostravissent se aut in genua procubissent, licet animos eorum subiisset vehemens cogitatio de Deo, quam in tam gravi tentatione subitum fuisse non dubitamus. Orassent mente & spiritu, & invocassent Deum auxilium gratiæ divinæ implorando, non tamen genibus flexis coram imagine. Obstabat hic impedimentum, dices; nam interpretari fuissent servi Imperatoris eos adorasse statuam. At illud est quod volumus, non ubicunque licita adoratio legitimam esse geniculationem. Sed ad alia exempla accedamus. Nehemias orabat mente & spiritu dum staret coram Rege, proculdubio quia tum subiit mentem vehemens cogitatio de Deo. Sed an rectè fecisset, si coram Rege in genua procubivisset? Obstabat & hic dices impedimentum. Verum, & mille impedimenta ob stare possunt. Non ergo ubicunque legitima est interna adoratio, ut ait Tilenus, legitima est geniculatio, vel quandoque subit animum vehemens de Deo aut Christo cogitatio, aut aggreditur gravis tentatio. Hic in sacramentalium symbolorum participatione obstant etiam impedimenta, ut statim docebimus. Deinde ait P. Martyr; *Declarant quandoque se nobis per verba externa, cum Sanctas Scripturas ipsi legimus, aut sacras audimus conciones, tunc sepe numero incitamus ad invocandum, vel ad alia quæ spectant ad cultus rationem.* Verum; incitamus ad invocandum & adorandum: sed in ipso actu audiendi vel legendi, geniculandum vel Deum invocandum non sequitur. Genuflexio est signum externum adorationis internæ, dum vel mente vel voce etiam invocamus & gratias agimus. Nam geniculando excipere verba ex ore lectoris aut concionatoris prolata ratione sanctitatis esset idololatria. Invocare aut gratias agere voce non concederent ipsi Formalistæ. Mente tamen, dices, invocare possunt vel gratias agere. Ergo & geniculari. Nego posse invocare & gratias agere quendam audit. Oratio vel gratiarum actio animum attentum & ab omni alio cultus divini exercitio liberum exigit. Officium similiter auditoris est

audire

audire & verba reponere in thesaurum cordis. Non potest quis uno eodemque momento attentus esse prout debet ad verba concionatoris vel lectoris, & ad verba mentalia seu conceptus mentis suæ, orationemque coram Deo instruere. Id est simul audire loquentem Deum & alloqui Deum alloquentem. Nam Deus alloquitur nos in verbo suo sive lecto sive prædicato, & nos alloquimur Deum orando aut gratias agendo. Si quis Principem aut ejus nuncium aut Legatum sic suppliciter rogaret dum alloquitur eum Princeps vel Legatus Principis, insaniire vel illudere videretur. Præterea fingatur possibile, utrumque simul eodemque momento præstare posse, non tamen est interna invocatio vel gratiarum actio tunc signis externis adorantis significanda coram hominibus. Optimè distinguit Perkinsus, in Tractatu de Idololatria, Orationem in publicam, privatam, & secretam. Publica est, quæ loco publico à persona publica autoritate munita concipitur. Privata à privato, in loco privato, cum privatis signis & gestibus. Secreta est, quæ in mentis recessu concipitur & in secreto cordis conclavi Deo offertur. Hujus orationis signa sunt suppressenda. Sic Nehemias orabat coram Assuero, Nehem. 2. 4. Supplex oravit Deum cœli nempe tacitè in secreto cordis sui, cum dixisset illi Rex, quid illud est super quo requiris? Non procubuit in genua aut orantis signa alia expressit. Sic Channa loquebatur cum animo suo, tantum labia ejus movebantur, vox autem ejus non audiebatur, 1. Sam. 1. 13. Unde colligit, errare eos, qui putant Templum esse locum aptissimum orationis secretæ aut privatæ. Si igitur daretur, posse secretas orationes simul consistere cum attentione & officio auditoris, non tamen sequeretur secretam & purè mentalem orationem apertis signis & in propatulo præferri geniculando manifestandam. Sed contra prohibet Christus, & Phariseos damnat quod amarent in compitis & quadriuiis stantes precari, ut spectentur ab hominibus & gloriosam sanctitatis prædicationem consequerentur. *Demum se declarat, inquit, aliquando Christus & Deus, externis signis, ut in monte Sina, Esau sub forma Regis in solio suo confidentis, in Arca fœderis, aut in Sacramentis, & ibi quoque adoratio impenditur.* Sed non est par ratio istorum. Nam in monte Sinai declaravit se Deus per signa præsentis suæ. Sic in rubro ardente præfens erat Deus, & è medio ejus inclamavit Mosem. Apparitionem numinis Græci *ἐπιφάνεια* vocant, quoquo tandem modo Deus aliquis præsentis suæ signum dedisse crederetur, inquit Casaubonus. In sacramentis Deus se non manifestat hominibus per apparitiones & visiones. Ideo ait Augustinus, *honorem De Trinit. tanquam religiosa habere possunt, stuporem tanquam mira non possunt.* Cum manifestat 1. 3. c. 10. præsentiam suam extraordinariam per indicia & signa miraculosa, adorandus est & interiori & exteriori adoratione. Sed in sacramentis non eo modo se declarat, nempe per signa præsentis, sed per signa voluntatis suæ. Sic Arca erat symbolum præsentis divinæ, & propterea vocatur facies Domini, ut Esa. 1. 12. *Cum venietis ad visendum faciem meam.* Sic accipit Drusus, Psal. 22. 30. *Coram facie tua genua flectent,* & metonymicè etiam Deus, ut 1. Sam. 4. 7. *venit Deus in Castra,* id est Arca, & Psal. 24. & Dominus exercituum, Rex gloriæ, Dominus potens bello. Cherubini extendentes alias super operculum propitiatorium quasi sedem facientes repræsentabant Jehovah insidentem Arce. Inde Deus insidens quasi Cherubinis dicitur habere templi pavementum quasi scabellum pedum ejus; unde dicebantur adorare ad scabellum pedum ejus, cum adorarent versus templum ratione illius præsentis divinæ in Arca, & promissionis Dei promittentis se auditurum invocantes ex loco illo. Sed prædixit Jeremias, *futurum ut non dicant amplius, Arca fœderis Jehovah,* Jer. 3. 11. *Kuchlini.* Sublata & prohibita post ascensionem omni adoratione ceremoniali sive corpore sive ani. *Disp Theol. ma ad certum locum in terris directâ, sicut dicit, Hora venit cum neque, &c. Joh. 4. pag. 597.*

Ibid.

Col. 735.

De Euchar.
l. 4. cap. 23.

23. ac proinde nec in poculo Cœnæ nec in Altari, nec in manu Ministri. Per synecdochen enim tollit circumstantiam omnem loci certi, ad quem in terris dirigitur adoratio Dei, quod ostendit antithesis manifestè, sed in spiritu & veritate. Corpus Christi Arca foederis adumbrabatur, & sicut ad locum in quocunque erat Arca foederis, non propter locum, sed propter Arcam in eo loco præsentem converti oportebat, sic nunc converti nos oportet ad locum illum ubi præsens est Corpus Christi, quia in Christo habitat omnis plenitudo Deitatis corporaliter, & massam naturæ humanæ in unionem hypostaseos suæ sumpsit. Trahit enim natura hæc creata, finita, circumscripta adorationem hujus personæ ad omnem locum, in quo ipsam subsistere substantia sua certo constat. Nam hic est Dominus & Deus tuus Iesus Christus. Hunc adora, ubicunque se corpore suo vel sensu vel verbo præsentem testatur. At testatur verbo, corpus suum esse in cœlis, & nunquam patefacit præsentiam suam in sacramento per apparitionem aliquam ullave indicia externa. In Veteri Testamento nec Manna demissum de cœlo, panem Angelorum, vel geniculantes collegerunt, vel manducarunt, nec Agnum Paschalem, etsi erant signa sacramentalia. Alio igitur modo declaravit se in Arca foederis, alio in Sacramentis etiam Veteris Testamenti. Sic etiam in Novo Testamento declarat non præsentiam in Sacramento, sed voluntatem ut in verbo, nempe se offerre fidelibus carnem & sanguinem Christi, si fidem habeant. Nam sacramentum est verbum visibile. Symbola illa quæ adduntur ad verbum Dei, interim dum celebrantur mysteria, non dubito plurimum facere ad certitudinem. Sunt enim obsignationes promissionum; tamen illa Christum magis præsentem nobis constituere quàm verba aut promissiones, pernego, inquit idem P. Martyr contra Gardinerum, col. 735. Et Col. 396. Non enim credimus corpus Domini latere in pane, aut in ejus speciebus, nisi forte ut res significata dici potest latere in signo, magna mysteria latere in sermone aut libro, nimirum per significationem. Ad hunc modum non negamus corpus & sanguinem Christi latere in pane & vino. Si Deus non dat indicia præsentix suæ in symbolis, nec Corpus Christi præsens lateat in pane & vino, vel, ut ait col. 407. illis quasi quibusdam involucris tegitur, sed ut res significata in signo, quod etiam non proprie dici potest, ideo addit nisi forte, non est eadem ratio Arcæ & signorum apparitionis, ac Sacramentalium ratio. Tanta est distantia inter signum & rem significatam quanta inter cœlum & terram. Coniunguntur non situ naturali, sed *σχέσις* & relatione. Præterea si coram symbolis geniculandum, quia sunt objectum à quo significativè, sequeretur in elevatione hostiæ procumbendum in genua. Nam tunc est objectum à quo significativè, nam est consecrata, & jam celebrantur mysteria. Significationis fructus melius percipitur, inquit Bellarminus, videndo Eucharistiam in mensa, quàm eam manducando. Nam dum manducatur, continuò perit significatio. Refert quidem Cartwrightus, plurimos post consecrationem pectus tundere, etsi eninùs & remoti à mensa sedeant in aliquo angulo templi, nec video quid impediatur, si adorandus Christus adoratione externa, cum repræsentatur in symbolis caro & sanguis ejus. Denique si adorandus Deus aut Christus externa adoratione, quando se declarat, tum etiam coram sole, luna, stellis, & abjectissima quavis creatura, geniculandum esset. Nam per opera creationis declarat se Deus, & non sunt inventa humana. Negamus itaque procumbendum coram symbolis, quia sunt objectum à quo significativè & memoriam excitant ad cogitandum de Deo, & sic per illa honorem deferendum ad rem significatam. Adorationem tamen internam recto sensu concedimus. Dixit, ut supra ostendimus P. Martyr; Nos monemur, ut eundem Christum adoremus in perceptione sacramenti, idque mente saltem sublata in cœlum. Nam ut prostrato corpore aut genuflexo adoremus eo tempore, verbo Dei non monemur. Imo

Christi-

Christus Apostolis secum sedentibus &c. Adorandum sublata mente in cœlum, non negamus. Sic col. 390. Cumque patres ibi adhibuerunt adorationem, externa elementa non colebant, sed ad Christum ipsum regnantem & assidentem in cœlo ad dextram Patris mentem fidemque transmittentibus. Sic nos mentem fidemque ad cœlum transmittendam agnoscimus. Et col. 408. Nam etiam cum verba Dei, quæ auribus nostris haurienda sunt, & animis ac mentibus excutienda, prudenter admoneri solemus à concionatoribus, ut mentem altius attollamus, non sono aut compositioni verborum attendamus, sed ad significata, hoc est ad magnifica consilia atque opera Dei nostras cogitationes referamus. Sic & in his mysteriis admonendi sunt homines, ut se altius & sublimius attollant: sed adoratio interna sic sumitur in sensu communi. Nam colimus fide, spe, & charitate, ait Augustinus. At ob actus fidei aut charitatis vel spei mentem elevantium non geniculamur, sed cum adorat anima inter invocandum & orandum, non tamen semper, ut supra dictum, propter externa, quæ occurrunt, impedimenta. At dicunt Formalistæ, in actu percipiendi Eucharistiam orat & gratias agit anima interius. Nam meditatur de Christi morte; meditates de Christi morte non possumus non recordari vitæ per mortem Christi partæ; tanti beneficii memoriam recolere non possumus, quin simul refricetur memoria miseriæ nostræ; meditatio de miseria ministrat materiam orationis, ut per mortem Christi vitam adipiscamur, & memoria beneficii gratiarum actioni occasionem ministrat, & materiam suppeditat. Tota vis hujus argumenti pendet à memoria passionis & mortis Christi, & innititur huic propositioni tanquam fundamento. Quandocunque reminiscor mortis Christi, debeo vel possum licitè geniculari; probatur, quia non possum recordari mortis Christi quin simul beneficii & miseriæ, & proinde debeo orare aut gratias agere. At variis modis possumus recordari beneficii quo Christus redemptor sua morte nos affecti, inquit Becanus. Primò ex perceptione sacramenti Eucharistiæ, quod in eum finem à Christo institutum est. Secundo ex lectione Evangelii, in quo mors & passio ejus describitur. Tertiò ex aspectu imaginis, quæ ipsum aut passionem ejus representet. Si visa imagine Crucifixi recordatus fuero passionis Christi, & beneficii per eam parti, an memoriæ actum obruere teneor? si non, tunc etiam orare & gratias agere licet, & proinde geniculari, ut vult arguator iste. Si dixerint non parem esse rationem imaginis & symbolorum sacramentalium, respondi supra; primò non ergo veram esse majorem propositionem. Deinde non necesse est, ut sit par ratio; sufficeret quod imaginum usus historicus & memorialis sit licitus, ut jam Formalistæ profitentur. Si usus imaginum historicus & memorialis sit legitimus, tum licebit coram imagine crucifixi geniculari, quia orare licebit. Nam coram omni signo memoriali licito procumbere licebit. Symbola sunt legitima signa, quia à Deo instituta; imago crucifixi, quia à Deo permessa, ut jam supponitur ex adversariorum sententia. Nulla ratio reddi potest differentię, nisi quod Deus instituens signa sacramentalia simul instituisset ut coram eis procumberemus, simulac intuitu fuerimus & recordati passionis & mortis Christi. At hoc falsum est. Non instituit ad statum adorationis, ut supra dictum. Si dixerint illa esse sacra symbola: Imagines non item. Ut mittam, imaginem hoc ipso quod assumitur ad hunc usum esse etiam sacram, tamen sequitur ob sanctitatem ipsorum symbolorum procumbendum in genua coram symbolis; quod quid aliud est quàm de geniculis adorare ob reverentiam ipsorum symbolorum? quod est idololatricum. Sed largiamur Formalistas usum historicum & memorialem imaginem aversari, tamen in statu accomodato ad adorationem symbola sunt imaginum nomine vestita in secundo decalogi præcepto. Præterea, ait Becanus, ex lectione Evangelii refricatur memoria passionis Christi. Sic in Evangelii prædicatione crucifigi-

*De Commu-
nitione sub U-
traque Spe-
cie Cap. 12.*

tur Christus coram oculis nostris, ut ait Apostolus ad Galatas. Lectio & prædicatio Evangelii sunt media à Deo instituta; & dum legitur historia passionis Christi, vel prædicatione Evangelii crucifigitur, etsi recordamur beneficii redemptionis & miseræ nostræ, non tamen invocamus, vel gratias agimus, aut geniculamur. Falsum itaque est, quotiescunque recordamur beneficii redemptionis aut miseræ nostræ, debere nos orare & gratias agere in anima interiùs. Falsum quoque, posse nos geniculari, quoties orationes secretas concipit anima interiùs, quia idolatria aut hypocrisis vitanda, aut alia obstant impedimenta. Falsissimum quoque, ab invitis geniculationem adorantis signum esse extorquendam. Secretæ orationis signa sunt reprimenda, ne erumpant & spectentur ab hominibus. Tyranni contrà volunt signa in propatulo conspici. Dixi ne quidem orandum, dum audimus verbum Dei lectum aut prædicatum, aut in actu percipiendi symbola Eucharistiæ. Quid, inquit, an non cum fame spirituali & siti ardenti attendendum ad verbum & sacramenta? Maximè: sed sitis & desiderium cordis non est oratio. Nam

De adorat. lib. 1. Cap. 2. *quamvis opus orationis supponat affectum religiosum in voluntate erga Deum, desiderium nempe obtinendi ab ipso aliquid ex apprehensione propriæ indigentiae & divinæ liberalitatis potentis remedium asferre, ille tamen, ut manet in voluntate, nondum dicitur oratio, quousque opere intellectus loquentis cum Deo exprimitur; atque hoc propriè est à Deo petere, nempe desiderium aliquid ab eo obtinendi tanquam à superiore ei manifestare, ait Vazquez.* At licetne, dum audimus legentem aut concionantem aut percipimus symbola, opere intellectus loqui cum Deo, & explicare desideria animæ? Imo licet, præsertim cum imbecillitatem fidei sentimus, dicere Deo interiùs, credo Domine sed succurre incredulitati meæ; si quid solatii percipitur, etiam gratias agere, sed non sunt orationes istæ & gratiarum actiones continuæ, & ut Psalmista ait, instructæ, Psal. 5.4. *Jehova mane auditurus es vocem meam, mane disserterurus sum*, Hebr. instructurus nempe orationem, coram te, & speculaturus. Dicit se ordine dispositurum orationem coram Deo. Oratio mentalis duplex est. Alia est continua, durabilis, permanens, & ex instituto, ut cum ad orandum assignatur pars horæ aut temporis notabilis, cessando ab omnibus aliis actionibus externis, & motionibus sensibilibus objectorum, solis interioribus actibus vacando, & cum Deo loquendo per intellectum, omnia nostra desideria explicando, & petendo quæ desideramus. Alia oratio discreta dici potest, quia interruptitur, & transitoria & jaculatoria, quando mens ad momentum subtrahitur in ipsismet actionibus & occupationibus externis, ad Deum ascendit, & petitiones quàm citissimè ejaculantur. Transitoria seu jaculatoria oratio mentalis cum quacunque actione & occupatione misceri potest. Nulla occupatio potest esse tam vehemens & continua, quin permittat hujusmodi mentis recessus vel fugas ad petendum auxilium divinum, aut ad referendum in Deum id quod agitur, sive occupatio sit sacra sive civilis, & ut ait Chrysostomus Homil. 79, ad Populum, *etiam in medio strepitu & clamore hominum*. Sic non modo concioni attendentes, aut symbola sacramentalia percipientes, sed etiam in quotidianis epulis, cum manducamus & bibimus, potest quisque absque impedimento attentionis aut actionis externæ se ad momentum subtrahere. Sic arator dum arat, faber ferrarius dum ad incudem sudat. In omni denique actione externa sacra aut civili, & in omni loco, ad mensam, in fluvio, in arboris cacumine, potest mens per breves & jaculatorias orationes, & actus momentaneos se subtrahere. Non tamen propter breves & transitorias orationes geniculandum, non modò quia secretæ orationis signa sunt reprimenda, sed etiam, quia mens subtraheretur ab attentione ad actionem externam, sive sacram sive civilem. Si quando intermittere actionem ex-

ternam permittitur, & lubet geniculari, si non aliud externum prohibeat impedimentum externum, ut supra dictum, jam non erit amplius oratio jaculatoria, & momentanea, quæ non impedit actionem externam, sed erit durabilis, & continua, licet non prolixa, ratione notabilis partis temporis. Iſtas orationes jaculatorias in percipienda Eucharistia probamus, ſicut etiam inter audiendum conciones; ſed durabilem, continuam, perfeverantem orationem, quæ ſola & non niſi debito loco & tempore geniculatione exterius manifeſtanda eſt, vel inter concionandum, vel dum ſymbola percipiuntur, non concedimus. Oratio mentalis diuturna & aliquantulum durabilis requirit permanentem attentionem, & proinde ſubtraheret mentem ab attentione ad externam actionem cui ex mandato Dei vacare debemus. Dum concionatur legatus Dei, debeo attentus eſſe ad verba, & Deum alloquentem per nuncium ſuum audire, verba auribus haurire, & rem mente percipere. Sic dum percipiuntur ſymbola, debeo & ad Chriſtum alloquentem in verbo promiſſionis, & dicentem, hoc eſt corpus meum, & ad ſigna & ritus externos attendere, eorum ſignificationem & analogiam perpendere, edere, bibere, & analogicè in mente eoſdem actus exercere qui ritibus externis analogicè reſpondent, fide apprehendendo carnem & ſanguinem Chriſti, & fide manducando, & bibendo, applicando Chriſtum, ejuſque beneficia, & nos illi uniendo, eamque unionem & conjunctionem hoc modo confirmando. Actus elicitus fidei eſt animæ actus præcipuus, qui jam debet eſſe in opere; aliorum virtutum actus requiruntur, prout imperata fuerit earum cooperatio. Sed dum auribus, oculis, manibus, dentibus exterius, auribus, oculis, manibus, dentibus fidei interiorius occupamur, orationem continuam & durabilem abſque mentis divagatione ab opere præcepto & imperato inſtruere non poſſumus. Habemus ſimile, quo iſta illuſtrentur in hoc ipſo ſacramento. Quærunť Scholaſtici, num Chriſtus protulerit verba quinque conſecrationis, antequam traderet diſcipulis elementa panis & vini. Suarez ait prius conſecraſſe quàm daret panem. *Licet enim, ut reſſè dixit Thomas, ſimul potuerit dare, & verba conſecrationis proferre, id tamen verum eſt, morali non metaphyſica concomitantia, quia ſcilicet ſimul cepit porrigere & quaſi offerre panem & verba proferre; ſecundum phyſicam autem durationem verius eſt prius abſoluſſe verba conſecrationis, quàm panem vel vinum diſcipulis dederit. Nec verdè timendum eſt, quod objicit Soto, ne videlicet multitudine actionum Chriſtus impediretur. Nam perfectiſſima attentio poterat ſimul has actiones omnes exercere.* Dubitant, num Chriſtus potuit ſimul & uno actu & dare panem diſcipulis & offerre Deo, animo ad utrumque attento. Quidam non potuiſſe aſſerunt; alii potuiſſe Chriſtum, quia habuit attentionem perfectiſſimam. Sed de non ente hîc litigant, quòd ad actum attinet. Nam non obtulit Deo corpus ſuum ſub ſpeciebus panis, dum porrigeret diſcipulis ſuis; ſed obtulit panem ut ſymbolum corpòris ſui diſcipulis, hoc eſt dedit: & proinde non erat hîc in porrigendo panem multiplex actio; & quod fingitur de perfectiſſima attentione *κρiſτφύρετον* eſt, nec extra Chriſtum locum habet in hominibus, & Chriſtum hîc ſecundum phyſicam durationem duas actiones ſucceſſivè peregiſſe, ait Suarez. Patet itaque non ſimul orare nos poſſe, & aliam actionem internam ſimul peragere, præſertim cum ſimul celebratur actio externa variisque actibus & ritibus pluribus conſtans. Cum Chriſtus panem ſumpſit in manus, erat geſtus orantis, nempe demonſtrantis rem cui benediſturus erat; ſic cum imponebantur manus in ordinationibus aut ægrotis ſanandis. Nam in benediſtionibus & conſecrationibus ſigna demonſtrativa rei vel perſonæ benediſcendæ aut conſecrandæ, ſive imponendo manus, ſive extendendo ſuper rem, ſive in manus ſumendo, ut ſolebant panem & poculum Iudæi, erant orantis geſtus, ut ſupra diximus, ubi de impoſitione manuum egimus. At manducare, bibere, panem

*In 3. Part.
Tom. 3. Diſp.
53. Sect. 2.*

panem vel poculum ori admoveere, non sunt gestus orantis. Quod de oratione diximus, de gratiarum actione similiter affirmandum est. Gratiarum actiones, ut petitiones, aliæ sunt durabiles & continuæ, aliæ jaculatoriæ. Has, non illas, permittit actus percipiendi Eucharistiam, id est, accipiendi, manducandi, bibendi. At, inquiunt, à gratiarum actione appellatur hoc sacramentum Eucharistia. Verum; sed à Patribus, non à Sacra Scriptura. Præterea à gratiarum actione quæ concipitur initio celebrationis denominatur tota actio Eucharistia. *Eulogia*

Exerc. p. 517

Et Eucharistia utraque vox à parte una totam Domini actionem denotat, inquit Casaubonus. Et à Patribus panis ipsa Eucharistia dicitur, quod non propriè dici potest, sed potius, ut loquitur Justinus, *ἀπὸ τοῦ εὐχαριστήσις* dicendus est, id est panis super quo gratiæ actæ sunt. Accipiendi symbola, manducandi, bibendi, non potest dici gratiarum actio. At, inquiunt, imperatur omnibus annunciare mortem Domini. Sed non omnes qui participant, annunciant verbis, sed facto, dum percipiunt Eucharistiam, manducant, & bibunt. Ergo dicitur hoc sacramentum Eucharistia non solum ratione gratiarum actionis, qua inchoatur & clauditur sacra hæc actio, sed etiam actionis intermediæ, Ministri & populi. Respondeo ad Iesuiticum istud argumentum. Nam sic Rhemistæ interpretantur verba 1 Cor. 11. 26. hac commemoratione mortis Domini nihil aliud intelligi quàm repræsentationem in facto per hujus sacræ Cœnæ actiones externas. Sic Bellarminus dicit, quòd *sacrificium est quædam oratio, ut sic dicam, realis, non verbalis*. Fulco respondet, etiam Patrum iudicio non actione & facto solum repræsentandam, sed etiam verbis commemorandam passionem & mortem Domini, & proinde cum doctrina & concione celebrandam, etsi proluxa concio non sit semper necessaria, sed brevis & succincta explanatio institutionis & usus sacramenti sufficeret. Sic Willetus de Sacramentis Quæst. 1. Pezelius in Refutat. Catechismi Jesuitarum, ait annunciare mortem Domini non esse similitudine facti repræsentare, sed inculcare memoriam Christi & beneficiorum ejus, eorumque usum & fructum explicare. Alludit Dominus ad annunciationem vel commemorationem quæ fiebat in Paschate Exod. 13. 18, *cujus versiculi prima vox est vehiggadtha & annuntiabis*. Et

*De Miss.
l. 2. c. 4.*

P. 421.

Exerc. p. 320.

voci respondet apud Paulum in explicatione ἀντίτυπος Sacramenti καταγγίλlete annunciate, 1 Cor. 11. 26. inquit Casaubonus. Ab hoc præcepto Dei originem videntur habuisse *Agadoth* Judæorum. Erant autem *Agadoth* homiliarum genus quibus Scripturarum mysteria explicabantur, derivata voce à radice *Nagad*, indicavit, explicuit. Commemoratio itaque verbalis imperatur à Christo & præstat à Ministro in hac sacra actione, & à populo consentiente attendente & approbante. Sed non est ista commemoratio verbalis propriè gratiarum actio, sed prædicatio mortis & passionis Christi & beneficii redemptionis, multo minus commemoratio illa realis, quæ ex repræsentatione facti in symbolorum usu oritur. Utraque refertur ad honorem Christi, non tamen vel hæc vel illa est propriè gratiarum actio. Nam,

*1. Rhetor.
Cap. 5.*

ut ait Aristoteles, *Honoris partes sunt sacra, memorationses, decantationes carminum, aut solutæ orationis ad laudem recitatio, præmia, delubra, primi confessus, sepulchra, publici ritus, inclinari, loco cedere &c.* Non omnes honoris partes una gratiarum actionis specie comprehenduntur, sic nec cultus divini partes. Cyrillus ait, ad

*Contra Jul.
Lib. 4.*

cultum divinum pertinere, *sacrificia, festivitates, hymnos, gratiarum actiones, adorationem, preces, confessiones, celebritates*. Præterea, si in verbali commemoratione non geniculandum, multo minus in repræsentationis facto. Restat igitur, ut gratiarum actiones mentales in actu percipiendi symbola non aliæ sint quam jaculatoriæ. Sed replicat Tilenus; *In qualibet precum ejaculatione cuilibet semper & ubilibet in genua precipiendum esse nemo putat nisi fanaticus. At in Synaxi, in*

Eccle-

Ecclesiastici cætus Liturgia; ubi coram Rege Regum ac Domino Dominantium se sistunt subditi, æternæque supplicia meriti codicillos veniales ac restitutionem in integrum supplicibus precibus efflagitant; si inæstimabilis beneficii diploma sacrosancto sigillo munitum singuli καθ' ἑαυτοὺς accipientes procumbant, & corpore ad demississimam animi significationem composito, tum indignitatem suam tum immensam redemptoris bonitatem ac φιλανθρωπίαν profiteantur ac testentur: tam illi, apud æquos pietatis æstimatores ab omni hypocrisis & adulationis specie aberunt quàm vos à reverentia & obsequio Deo Deique vicariis principibus præstando abestis. Convitiis virulentis ad suum locum reservatis, videamus quid ponderis inest his verbis. Concedit fanaticus iste, non semper & ubilibet in genua procidendum in precum ejaculatione, at in Synaxi ubi coram Rege Regum se sistunt & supplicibus precibus codicillos veniales efflagitant, & inæstimabilis beneficii diploma sacrosancto sigillo munitum accipiunt, procumbere debent & profiteri indignitatem suam & immensam redemptoris bonitatem. Si in Synaxis parte aliqua quæ ejaculationes tantùm permittit procidendum sentit, fanaticus est. Nam, si actio quantumvis sacra, cui miscentur ejaculationes, non sit actio adorationis, non est procumbendum in genua. Nam genuflexio est signum adorationis. Verbi prædicatio non est adorationis actus, nec ejus correlatum verborum perceptio & mente & auribus. Proinde in genua incumbere non debent, etiamsi frequentes habeant ejaculationes, quæ citius transeunt quàm possit componi corpus ad situm genuflexionis, & de attentione mentis ad actionem nihil subtrahunt, sicut facerent genuflexiones. Si in una parte Liturgiæ sacræ id non fieret, cur in alia quæ est ejusdem naturæ? Nam nec actus Ministri distribuentis elementa & recitantis verbum promissionis, nec accipientium symbola, manducantium, bibentium sunt actus adorationis nec gestus orantium. Sistunt se coram Rege Regum codicillos veniales flagitantes cum consentit peccata, quod faciunt inchoantes Liturgiam, etiam quando non celebratur Cœna; & quia sunt in actu adorationis, signis adorationi convenientibus, etiam exterius, adorant. At dum diploma legitur vel explanatur idque audiunt auditores, non sunt hi actus adorationis. Sed dices, hic diploma datur singulis καθ' ἑαυτοὺς; Ergo singuli debent accipere genibus flexis. Negatur sequi. Nam accipitur etiam diploma καθ' ἑαυτοὺς, dum prædicatur verbum, & per claves regni cœlorum aperiuntur fores, remittuntur peccata poenitentibus, & καθ' ἑαυτοὺς sibi quisque fidelium accipit diploma oblatum, & applicat promissiones Euangelii. At hic, dices, accipit diploma sigillo munitum quisque καθ' ἑαυτοὺς. Verum, sed sigillum non est diploma: dignius aut præstantius. Si diploma quisque καθ' ἑαυτοὺς non accipit geniculando, nec cum sigillo debet. Nam nec in honorem & reverentiam sigilli geniculandum, quia terminaretur adoratio in sigillum, nec coram sigillo adorandus Deus aut Christus, etsi adoratio deferatur ad Deum vel Christum & sigillum non sit objectum quod adorationis. Nam venerationes politicæ non sunt norma & regula adorationis religiosæ, ut supra dictum. Adorationem religiosam vult immediatam, & nullum intercedere vicarium objectum. Præterea ut sacramenta sunt sigilla promissionum, sic sunt symbola spiritualis refectionis, quæ nobis in hoc sacramento offertur. In ipso convivendi actu non supplicum sed convivarum partes agere nos voluit Christus, & profiteri non indignitatem & miseriam damnati ad supplicium, sed dignitatis & honoris convivæ. Non in omni actu liturgiæ sacræ repræsentamus gestum supplicum, sed modo supplicum, modo auditorum, modo convivarum. Christus & Apostoli & Apostolicæ Ecclesiæ hoc modo celebrant, qui non ignorarunt quas partes agerent in hoc actu & repræsentarent; Christum talem instituit formam & ordinem celebrandi hanc Cœnam, ut non modo non exigat

in actu convivandi hanc geniculationem, sed excludat. Non enim potest geniculationis consistere cum iis ritibus quibus celebrata fuit prima Cœna. Si Minister enunciativa verborum forma dicat porrigens proximis panem, *hoc est corpus meum*, & poculum &c. & dividerint inter se mensæ accumbentes, non possunt geniculari adorationis ergò. Geniculandum ob commoditatem situs nemo etiam inter barbaros dixerit. Habent & aliam similitudinem Formalistæ priori similem. Si quis accepturus esset donum à Principe, coram populo civilis reverentiæ & adorationis notas & signa exhiberet, nisi rusticus agrestis & officii sui ignarus esset. Respondeo, si è manu ipsius Principis acciperet, civilis reverentiæ & honoris signa ni exhiberet, rusticus habeatur. Deinde varii sunt gradus honoris civilis, & varia signa. Non ubique nec semper de geniculis accipiunt dona è manu Principis. Si Princeps invitaret subditum ad convivium, an de geniculis adoraret Principem etiam in ipso actu convivandi? Terriò, symbola sunt tantum signa & pignora doni illius quo donat nos Dominus, non ipsum donum. Symbola accipiunt omnes accumbentes, non donum. Ratione illius actus qui est communis & visibilis, non illius qui est internus in occulto cordis & peculiaris, componendum est corpus. Quarto non, minus in verbo quàm in sacra Cœna hoc donum accipiunt fideles. At dices, non καὶ ἔκαστον, ut in Cœna. Imo non nisi καὶ ἔκαστον, ut in Cœna. At inquires, non alloquitur unumquemque singulariter in verbo, sicut unicuique dat καὶ ἔκαστον symbola in Cœna. Sed, quero ego, quis instituit, ut traderet unicuique καὶ ἔκαστον in Cœna? Est ille mos vester & institutum humanum, non Domini, & ataxiam invehit in administrationem Cœnæ. Christus dixit, *Accipite, edite, bibite, dividite inter vos; non accipe tu, ede tu*, &c. Præterea, etsi instituisset dare unicuique καὶ ἔκαστον, symbolum tantum daret Minister, Deus donum; nec semper in ipso actu percipiendi symbola, percipiunt fructum fideles. Denique redolent ista omnia realem Præsentiam corporis Christi, ac si tum primum aut tunc solum acciperemus Corpus Christi. Symbola Christum nobis præsentem magis constituere quàm verba, aut promissiones, constanter pernegat P. Martyr; vide supra. Non inchoatur nostra unio per hæc sacra mysteria, sed confirmatur & conservatur, inquit Juellus contra Hardingum, *Licet in mysterio possit intelligi, tamen verius corpus Christi & sanguis ejus sermo scripturarum est*, ait Hieronymus. Idem; Porro quia caro Domini verus est cibus, & sanguis ejus verus est potus, juxta Anagogen hoc solum habemus in præsentī sæculo bonum, si vescamur carne ejus cruoreque potemur, non solum in mysterio, sed etiam in Scripturarum lectione. Verus enim cibus & potus, qui ex verbo Dei sumitur, Sacra Scriptura est. Hoc quod modo loquimur, inquit Origenes, sunt carnes Christi. Est & mensa lectionum Dominicarum, in qua spiritali doctrinæ cibo alimur; inquit Hilarius. Eadem beneficia obsignabantur Sacramentis Veteris Testamenti. Quicunque, ait Augustinus, in Manna intellexerunt Christum eundem quem nos spirituales cibum manducaverunt. Pergunt adhuc Formalistæ, & quærunt. Cur aperto capite sedemus in actu percipiendi Eucharistiam, si non liceat etiam geniculari? Respondeo, ne in civilibus quidem paria esse honoris & adorationis signa. Honoramus etiam æquales & inferiores capite aperto; *Honorat omnis qui adoratur, non adoratur omnis qui honoratur*, inquit Augustinus. Honorem & reverentiam non negamus, nec venerationis signa. In Canone 18. Constitutionum anni 1603. sic statuerunt Episcopi Anglicani; *Nullus in Ecclesia vel Capella inter rem divinam caput suum operiet, nisi ex causa infirmitatis, quo casu pileolo aut rica, Angl. Night-ca por Coife, utendum.* Dum recitatur Liturgia, nolunt capite aperto quenkam interesse. Sic & hic distinguimus nos inter hanc actionem & verbi prædicationem, quia nihil hîc humanum,

Art. 1. p.
136. in Ps
In Ps. 17.

In Eccl.
Cap. 3.

Origenes in
Numer.
Hom. 16.
Hil. in Psal.
127.
De Util. Pœ.
nitent. Cap. 1.

num, sed divina omnia. Verba ipsius Christi sonant aut sonare debent, & elementa quæ tractamus manibus sunt ex ejus instituto sacra symbola. *Quemadmodum enim verba, quæ locutus est Christus, eadem sunt quæ sacerdotes nunc pronunciant, ita & oblatio eadem est, eademque baptismi ratio est, adeo omnia in fide consistunt; inquit Chrysostomus. Idem; Et vox illa quidem semel dicta est, sed per omnes mensis Ecclesiæ usque ad hodiernum diem, & usque ad ejus adventum præstat sacrificio firmitatem. Veneratio ab adoratione distinguenda est. Adorationis signa cum nulla actione sacra consistere possunt quæ non sunt adorationis actio. Actus percipiendi symbola aut audiendi verba Scripturæ non sunt actus adorationis. Nullius igitur momenti est quod objiciunt ex Psal. 95. cum comparemus coram Domino flectenda esse genua. *Venite, incurvemus nos & procumbamus, flectamus genua coram Iehova qui fecit nos, ait Popheta. Hortatur ut veniant pii ad templum, & coram Domino vel facie Domini, ut dicit vers. 2. qui infidebat arcæ, incurvent se & genua flectant. An sequitur in omni actu liturgico genua flexisse? Hortatur ad gratiarum actionem, ut patet ex vers. 2. In Canone Parafynagmatis nostri pro Geniculatione ex hoc loco elicitur argumentum tale. A Deo ipso imperatum nobis, ut cum accedimus ad colendum eum, to worship him, procumbamus & flectamus genua coram Domino qui fecit nos. Lingua nostra vulgari est homonymia in voce worship. Nam hac voce in lingua nostra redduntur λατρεύω Phil. 3. 3. & Ἀκτ. 24. 14. & hoc sensu respondet Hebraicæ voci gnabâd, Exod. 3. 12. Deut. 10. 12. 2. Sam. 15. 8. Et σέβωμεν Ἀκτ. 18. 7. 13. cui respondet Hebræum Iare, Isa. 29. 13. Et θρησκύω Col. 2. 18. 23. Et προσκύνω Math. 2. 2. Revel. 11. 16. Revel. 13. 4. cui vox Hebraica hifstacharah respondet quæ propriè incurvare se aut posternere significat. Sic lata significatione θρησκείαν & cultum in genere significat, stricta & angusta significatione προσκύνησιν. Priori sensu omnes sacre actiones sunt partes cultus divini, sacramentorum administratio, verbi prædicatio, Psalmorum cantus, preces &c. posteriori tantum cultus adorationis. Non imperat sed hortatur & invitat Propheta ad cultum adorationis, cujus signa externa erant incurvare, in genua procumbere. Non sequitur igitur, in qualibet parte liturgiæ & cultus Divini procumbendum indifferenter in genua. Nobilis est ista pars Liturgiæ symbolorum distributio, participatio, & usus; non tamen est cultus adorationis. Nullane hîc igitur, dices, humilitas mentis requiritur? Maxime. Sed differunt humilitas & oratio. Nam humilitas moderatur affectum honoris, adoratio reddit alteri debitum honorem ratione dignitatis vel excellentiæ. Virtus humilitatis moderatur affectum propriæ excellentiæ & dignitatis & intra suos limites continet, ne ulterius procedat, ne displiceat Deo inferiorem esse & sub illius potestate & imperio esse. Adoratio præterea etiam honorem debitum defert. Humilitati opponitur superbia. Humilitas semper & præcipuè in cultu Divino requiritur, non in adoratione solum, sed etiam in omnibus aliis partibus, ubi tamen cultus adorationis non celebratur. Sed, inquiunt, quid magis prohibet inclinare genua coram pane in mensa aut manu Ministri, quam coram arbore, cathedra, scamno, aut pane communi in mensa disposito? Respondeo, non posse nos inclinare genua, dum oramus, quin objiciatur nobis aliquid visibile & sensibile; sed id fit fortuito & casu elegantibus nobis locum commodum & aptum ad corporis quietem, ne inter orandum mens distrahatur incommoda corporis compositione, non ex proposito vel præcepto. Coram cibo communi appposito in mensa oramus quidem, sed non flectimus genua, nisi quando fortuito id aliquis fecerit, quia oratio illa est benedictio cibi ad usum nostrum. Nunquam solebat benedicens, ut qui major re cui benedicatur, coram re benedicta genua flectere. Et si quis benedicens cibo genua flecteret, tamen non esset cibus objectum vel terminati-**

nativum vel vicarium adorationis, sed subjectum benedictionis recipienda & impetranda à Deo. Nullus unquam panem communem sanctificatum post consecrationem mensæ accipiens & manducans unquam adoravit genibus flexis. At panem consecratum in sacra Coena accipiunt & manducant de geniculis adorantes. Nulla hîc ratio differentiae, nisi quod ille communis, hic vel ipsum corpus Domini, ut opinantur Pontificii, vel quia sanctus Panis, ut volunt Formalistæ. Nam damus id solum sentire. Panis est objectum *quod*, sanctitas est ratio adorationis seu objectum *quo*, sicut in Rege persona Regis honoratur per se ut *quæ*, Regis dignitas per se, *quæ*. Honoratur autem panis ratione hujus sanctitatis & sacrae significationis geniculatione, quæ est nota adorationis soli Deo propriæ, quam recusavit Angelus. Isto indicio dignoscere possumus panem consecratum ante manducationem esse objectum adorationis terminativum, non vicarium tantum, vel ut illi prætexunt, objectum à quo *significative*, quia etiam manducantes adorant de geniculis, cum jam non amplius sit objectum *coram quo*. Quis unquam objectum *coram quo* vel à quo *significative*, sibi inter adorandum primum proposuit, deinde manducavit vel immutavit, aliove modo statim consumpsit? Hucusque dedimus, non terminari adorationem in objectum, sed præcindi & abstrahi ab objecto; tamen ostendimus ejusdem esse generis cum adoratione, quam Durandus, Holcot, Picus Mirandulanus, & plures alii, Imaginibus concedunt, nempe esse vicarium objectum adorationis. Sed certè crassior illa idololatria, quæ adoratio terminatur in imagine, hîc etiam reperitur. Pontificiorum pars maxima docet Imagines venerandas per se & propriè, ut in se considerantur, & non solum, ut vicem gerunt exemplaris, quia in imagine verè inest aliquid sacrum, nimirum similitudo ad rem sacram & dedicatio seu consecratio ad cultum divinum. Adoratio ista est etiam relativa & respectiva. Priori modo transit honor imaginis immediatè & formaliter ad exemplar. In hac adoratione honor terminatur in ipsam imaginem, & transit ad exemplar mediatè, & quasi consequenter. Nam qui honorat imaginem alicujus, honorat propter eum cujus imago est, & proinde honor imagini verè exhibitus redundat in prototypum; ut qui facit eleemosynam pauperi, Christo fecisse dicitur, licet immediatè eleemosyna tendat in pauperem, qui eleemosynam facit pauperi propter Christum facit, & Christum honorat in paupere. Sic explicat hanc speciem adorationis Bellarminus. Cum adoratur quis propter intrinsicam excellentiam, quæ est in aliqua persona, ad quam res talis aliquam habitudinem habet vel conjunctionem, dicitur adoratio respectiva. Priori modo adorabilis est tantum res intellectualis, quia sola illa est capax honoris & excellentiæ propter se honorabilis seu adorabilis, ut virtutis, sanctitatis, domini &c. Posteriori modo adorabiles sunt res inferioris ordinis, quia cum non propter se sed propter alicujus rei dignitatem & excellentiam colantur, honor illis exhibitus non in illis subsistit, sed in ipsas personas propter quas adorantur, redundat. Sic Suarez definit & distinguit adorationem absolutam & respectivam. De priori modo respectivæ adorationis diximus, jam de posteriori agamus. Colligamus eos deferre adorationem symbolis, ex eo quod symbola accipientes, tractantes, manducantes, & bibentes, de geniculis adorant. Non id faciunt ratione brevis illius præcatiunculæ, quam habet Minister cum porrigit symbola dicens, *Corpus Domini nostri Iesu Christi custodiat &c.* Nam quàm primum accedunt ad mensam, forte decem aut 16. simul, priusquam sigillatim dederit cuique symbola Minister, procumbunt, & citius absolvitur præcatiuncula quam potest accipere symbola & ad os deferre, & tamen durat geniculatio dum manducat & bibit. Est & illud signum, quodd non ratione illius præcatiunculæ, quia in aliis precibus & orationi-

Bell. de Imag.
Sanct. Cap.
21.

tionibus Liturgiæ, ubi genuflexionem præscribunt non tamen severius animadvertitur in eos, qui genuflexionem omiserint, sicut in eos qui in hoc actu non inclinati fuerint in genua. Quantumvis reverenter componat quis corpus & gestum corporis, si non geniculatus fuerit, & sacra Cœna secludetur, & variis modis castigabitur, & tandem excommunicationis gladio ferietur, & in ipsum Ministerium etiam, si non geniculantibus ministraverit secundum Canonem 27 Constitutionum anni 1603. *Ministri cum Cœnam Domini ministrant, neminem scienter ejusdem facient participem qui in genua non fuerit inclinatus, sub pena suspensionis.* Nec ulla in hoc Canone mentio precatiunculae, sed tantum participationis sacrae Cœnæ. Sic Canone 23. ubi Cœnæ usus frequenter Academicis indictus, volumus, inquit, *ut unoquoque anno quater ad minimum ejusdem, nempe sacrae Cœnæ, sint participes, idque in genua reverenter, ut par est, inclinati.* Nec in Canonibus suis hac ratione imperant, aut imperatam dicit Mortonus. Etsi hac ratione indicerent, esset tantum fallacia. Nam non precatiunculae tempore tantum genua flectunt. Est & illud signum, quod non ratione illius precatiunculae, quia in Canone Parasynagmatis nostri quem consciis & consulis Episcopis ex Anglia accepimus, non indicitur ista precatiuncula, & potest Minister liberè uti inter distribuendum eadem verborum forma qua Christus, dicens *hoc est corpus meum*, ut & plerosque Formalistas dixisse arbitror. Denique mutatio formæ enunciativæ verborum promissionis in precatiunculam est institutum humanum. Nec asserent, puto, Formalistæ, vel necessarium vel melius omittere formam enunciativam quam usurpavit Christus & uti precatiuncula, nisi Christum aptissimam formam nou usurpasse dixerint; & tamen geniculationem urgent. Deinde non ratione mentalis orationis aut gratiarum actionis, in actu illo de geniculis adorant. Nam non possunt continua & durabilis oratio aut gratiarum actio cum alia actione etiam interna simul consistere, nedum externa simul & interna absque distractione, & cum debita attentione, cum utraque actio suam attentionem exigit. Quod ad ejaculationes momentaneas, eæ miscentur & misceri debent omnibus actionibus externis, & misceri possunt absque mentis subtractione ab actione vel interna vel externa, ut supra dictum; sed non mutatur nec mutari potest aut debet compositio aut positura corporis propter istas ejaculationes. Nec in Canone Parasynagmatis nostri ulla mentalis invocationis aut gratiarum actionis mentio, sed tantum meditationis & elevationis cordis. Sed meditatio non est invocatio aut gratiarum actio, nec quævis elevatio cordis. Nam quid est meditatio nisi *studiosa mentis actio, occultæ veritatis notitiam ductu propriæ rationis investigans*? ut definit Bernardus in Scala Claustralium, & Augustinus de Spiritu & Anima Cap. 32. *Meditatio est occultæ rationis studiosa investigatio.* Meditatio practica ordinatur ad excitandum vel accendendum affectum, veritates considerando, illarum rationes perpendendo, novas inquirendo, ad mores & actiones applicando, quandoque ad invocationem præparando, à qua separari potest temporis intervallo. Nam in meditatione post discursus rationis tandem concluditur, quid desiderandum, timendum, petendum, quomodo de se, de Deo, de honore, divitiis, fama, gloria, rebus æternis aut caducis, cogitare debeat. Inquisitio est sicut motus, scientia est velut terminus. Scientia ista ordinatur quandoque ad excitandum & præparandum affectum ad orationem propriè dictam seu invocationem. *Meditatio parit scientiam, scientia compunctionem, compunctio devotionem, devotio perficit orationem*, inquit Augustinus Libro de Spirit. & Litera. Oratio omnis cum meditatione aliqua conjungitur & miscetur, sed non omnis meditatio cum oratione. Nam meditatio aliqua vel simplex consideratio objecti præcedere debet, ut desiderium excitetur à quo prodit ora-

tio; sed non contrā omnis meditatio cum oratione. Quævis elevatio mentis similiter non est invocatio aut gratiarum actio. Nam etsi oratio præsertim mentalis definiatur, ascensio mentis ad Deum; non tamen omnis ascensio mentis ad Deum est oratio propriè dicta. Nam aliis etiam actibus mentis versamur circa Deum, & mente sublata in cælum per fidem in actu participationis sacræ Coenæ opus esse concedimus. Sed ejusmodi meditationes, & mentis elevationes non sunt orationes propriè dictæ seu invocationes quibus alloquitur Deum anima, (jaculatoriæ petitiones misceri frequenter & obiter possunt,) & proinde geniculationis situm ut signo & nota non sunt manifestandæ. Quis meditationis aut elevationis mentis, quæ ab invocatione & gratiarum actione aut peccatorum confessione separatur, signum externum geniculationem dixerat? Sed ne hoc quidem colligi potest è verbis Canonis meditationem & mentis elevationem in actione ista necessariam, sed gestum seu situm corporis humillimum in meditatione & elevatione cordis esse huic tam divinæ & sacræ actioni nempe perceptioni carnis & sanguinis Christi aptissimum & decentissimum, id est gestum seu situm corporis humillimum, quo in meditatione & elevatione cordis utimur, in hac tam sacra actione usurpare debemus. Nec in ullo Canone aut Constitutione Anglicana reperio ratione invocationis mentalis aut gratiarum actionis hanc geniculationem indicatam, sed solum ratione ipsius actus participandi. Nam etsi quis invocaverit aut gratias egerit mentaliter, sed sensibus exterioribus & corporis organis, & actibus fidei solum interiorius occupetur circa objectum externum & internum, tamen rite participabit omnium judicio. Nam gratiarum actionem & invocationem vel confessionem mentalem ipsi Formalistæ non dicent, arbitror, necessariam in ipso actu. Si non sint necessariæ in ipso actu, ut actu exerceantur, non illarum ratione indicitur geniculatio. Nam actus contingentis & non necessarij ex præcepto signum constans statui non debet, nec statuere solent prudentes. Effet præterea ineptum & ridiculum imperare alicui privato geniculationem ob mentis orationem secretam coram Ecclesiæ coetu. Nunquam Ecclesiæ geniculationem indixit ob secretam cujusvis privati orationem coram coetu Ecclesiæ, sed simul vocalem exegit. Ex dictis patet, non ratione precatiunculæ vocalis, nec ratione mentalis orationis geniculari Formalistas, sed respectu actus percipiendi seu participandi, accipiendo, manducando, & bibendo. Et si dicerent ratione utriusque, profiterentur primùm se cum Deo ludere & non seriò agere, orando & interim in aliam actionem & mente & sensibus & membris corporis incumbendo & vacando, quæ suam attentionem requirit. Deinde sequeretur etiam, actum istum alterum ejusdem geniculationis participem esse. Nam si utriusque & orationis & actus percipiendi causa fiat, tum actus percipiendi ejus notæ externæ honoris & reverentiæ particeps est. Et proinde perinde erit, sive ratione unius actus percipiendi, an simul etiam orandi, seu utriusque indicatur, i. e. sive actus participandi sit causa totalis an partialis genuflexionis. Sed neminem unquam tam absurdè sensisse judico, ut putarit orandum dum alia actione externa occuparetur & distraheretur; non sub ipso Papatu. Et si in hoc actu id sensissent, tamen sibi constabant. Nam opiniabantur panem & vinum fuisse carnem & sanguinem Christi, & Christum ipsum localiter in symbolis existere, & actiones suas occupari circa eundem Dominum Christum quem realiter in manu, ore, & stomacho habebant. Sicut si quis Christum in carne versantem inter orandum, & ad pedes provolutus, apprehendisset & amplexus fuisset, quia actio externa circa eundem peracta fuisset ad quem dirigebatur oratio. Sic Jacob luctans cum Angelo petit ut benedicat ei priusquam discefferit. Nec sentio ego Formalistas has duas actiones uno eodemque momento, orationis-

nempe

nampe seu invocationis & gratiarum actionis, & percipiendi Eucharistiam, conjugere vel potius confundere velle, nisi cum Pontificiis existimarent corpus Christi corporaliter existere in symbolis, etsi de modo existentiae utrum per Transubstantiationem an Consubstantiationem, in, sub, cum, an trans, nondum definierunt, nec nos anxie inquirere volunt. Si dixerint non utriusque ratione, sed actus percipiendi causa solum in genua se procumbere, ne inepti videantur vel illusores in cultu divino, nec aliud prostentur, ut supra probavimus; tum sequitur actum percipiendi solum, hac honoris & adorationis nota & signo honorari. At actus percipiendi signo geniculationis honoratur, vel quia in illo actu occupantur circa corpus Domini realiter in symbolis existens, vel quia fide apprehenditur velut in symbolis significatur & exhibetur. Si ratione priore, tunc eorum ut Pontificiorum *αρεολατρία* eadem. Non secunda, nam sequeretur ubicunque & quodocunque manducamus carnem & sanguinem Christi, fide apprehendimus, manducamus & bibimus, praesertim in cultu divino, nos debere reverenter inclinari in genua & adorare, idque sub eadem poena qua indicitur in Eucharistia. At in promissionibus Evangelii offertur, & nos fide apprehendimus edimus & bibimus carnem & sanguinem Christi. *Primum hoc mihi monendus es lector*, (ait Petrus Martyr contra Gardinerum,) *ne putes ex omni parte doctrinae, cum ei habetur fides, sumi corpus Christi; Col. 539.* dum enim aut recitantur comminationes de gehenna, aut provocamur ad misericordiam, aut narrantur impiorum hominum res gestae, aut orbis creatio commemoratur, nec nostra communio cum Christo, nec Christi nobiscum, proponitur, nec corpus Domini nostra causa ad mortem traditum describitur, cum tamen ex illa quoque parte Scripturarum lectores & auditores plurimum aedificentur. Atque ita istae quoque partes aliquo modo dici possunt panis & cibus animorum, quemadmodum Chrysostomus ait, *quamvis proprie appellari non possint corpus Christi. Et hoc illud est supra monui, corpus Christi minus late patere quam Sacras Scripturas.* Pars illa Scripturarum, qua proponitur communio nostra cum Christo, vel corpus Domini nostra causa ad mortem traditum describitur, dici potest corpus Christi. Quodocunque in promissionibus Evangelii offertur Christus cum omnibus beneficiis suis, debemus fide apprehendere Christum, ejus sanguinem & carnem bibere. Petrus Martyr asserit Part. 1. contra Gardinerum ad Solutionem 32 Objecti, sermonem de Eucharistia non institui Capite Sexto Evangelii secundum Johannem. Sic Gabriel Biel, Nicolaus Cusanus, Cajetanus, Tapperus, Hesselius, Jansenius, & alii Pontificii, ut fatetur Bellarminus de Eucharistia Lib. 1. Cap. 5. Augustinus Tract. 25. in Johan. ait; *Ut quid paras dentem & ventrem? crede & manducaſti.* Et Tract. 26. *Credere in eum hoc est manducare carnem ejus.* Et Bellarminus ait, dicta haec esse ab Augustino de fide incarnationis. Augustinus etiam de Doctrina Christiana l. 3. c. 16. dicit illa verba, *nisi manducaveritis carnem Filii hominis, nihil aliud significare, nisi passioni Domini communicandum, & mente suaviter cogitandum Christi carnem pro nobis crucifixam.* Sed in re perspicua non immorabor. Cum igitur in promissionibus Evangelii offertur nobis caro & sanguis Christi, & praedicatione Evangelii crucifigitur & exponitur nobis, nos fide apprehendere debemus, manducare & bibere. At cum sic offertur caro & sanguis Christi in promissionibus & praedicatione Evangelii, in genua non est procumbendum, nec illud urgent Formalistae. Sequitur igitur, illos geniculari ob participationem & manducationem non simpliciter fidei sed sacramentalem, & proinde vel coadorant tantum species sicut Pontificii, & adorant corpus Christi sub speciebus latens, sicut coadoratur purpura cum persona Regis, vel ipsa symbola venerantur hac adorationis nota, id est adorant. Nam geniculatio est adorationis Deo soli debitae nota & signum in Sacra Scriptura.

turâ. Et propterea adoratio in symbola terminatur, in iis hæret & sistitur. Nam etsi propter aliud, rem ipsam significatam ejusque excellentiam, honoratur, id fit consequenter & per redundantiam, per se tamen & ob suam sanctitatem extrinsecam qua ad sacram usum dedicantur, sicut qui dat eleemosynam pauperi propter Christum, & proinde utrovis modo committitur idololatria. Nam adorationem nullam vult Dominus creaturæ communicari, etiamsi honor resultat in ipsum Dominum ex adoratione creaturæ. Non respectivam vel mediatam, sed absolutam vult adorationem Dominus. Facessant ambages, cum occasio hujus instituti satis arguit ob reverentiam sacramenti indictam fuisse genuflexionem. In prima Reformatione Liturgiæ Anglicanæ regnante Edwardo VI. Genuflexio in actu percipiendi Eucharistiam erat res libera; liquet ex Regulis de Ceremoniis in Ordinatione Ministerii Ecclesiastici in Anglia apud Bucerum in scriptis Anglicanis. *Episcopus in celebratione Cœnæ & administratione sacramentorum induat Lineam aut Albam, & Cap-pam vel Casulam, & habeat baculum pastoralem. Quantum ad genuflexionem, & con-signationem signo crucis, elevationem manuum, tunctionem pectoris, & similes gestus, liberum erit cuique suam sequi sententiam.* Gardinerus, Bonnerus, & alii, ut conflarent odium in Liturgiam, inter alia exprobrarunt, non debita veneratione & reverentia celebrari sacram Cœnam. Pontificii multa minitantes in articulis suis petierunt, ut major reverentia deferretur sacramento. Ex adversa parte alii abrepti zelo editis libellis famosis Sacramentum Altaris vocarunt *the sacrament of the halter*, id est, Sacramentum Capistri; alii Rotundum Robertum *round Robin*, al-ludentes ad rotundam placentulam seu hostiam; alii Johannem in Pixide, *Jack of the box*. Ne ista concertatio in nervum erumperet, ad demulcendum Pontificios Ridleyus in Concione habita ad ædium Pauli eo usque provectus est, ut plura non desiderarent Pontificii, & in secunda Reformatione Liturgiæ indicta Genuflexio, addita hac ratione, *ne prophanetur sacramentum*. Partim turbas metuebant, partim hallucinati sunt, (nam in diluculo Reformationis omnia non poterant viri illi alioquin magni discernere,) quod non perspicerent Genuflexionem in honorem & reverentiam sacramenti esse idololatriam, licet inferiorem illa crassa Pontificiorum ἀπολατρία. Rossensis, qui quinto ab hinc anno scripsit Tractatum de Genuflexione in sacro Cœna, ait, geniculandum ob venerationem divinatorum mysteriorum. Magna, inquit, & tremenda mysteria magna humilitate mentis & humiliatione corporis accipienda sunt. Notum est Patres sacramenta appellasse τειλωτικὰ μυστήρια, φεικτὰ μυστήρια. Et ut tremenda viderentur, ritus occultabant à Catechumenis & Paganis. Illud verò cujusmodi est, quodd cum hoc sit religionis Christianæ proprium, ut clam nihil agat, (Satanicum enim est lucem fugere,) plerique tamen ex vetustissimis illis Christianorum sacra non aliter quàm Cereris mysteria quædam occultanda censuerant, adeo ut ne Catechumenos quidem ad spectandum admiserunt, & totam illam actionem in qua quicquid paucis & simplicibus figurabatur verbo suo clarè & ea lingua que ob omnibus intelligeretur explicato palam prædicari & promulgari voluit ac præcepit Dominus, sicut & ipsemet fastitavit, in ἀποφύκτα quædam & ne ipsis quidem mystis plerumque intellecta sacra transformarint. Honorem tanquam religiosa habere possunt, stuporem tanquam mira non possunt, ait Augustinus. In Canone Parasynagmatis nostri censuerunt sacram Cœnam celebrandam cum Genuflexione, ad debitam æstimationem tam divini mysterii. Et quia in Canone dicitur, *mysterii, non mysteriorum*, putant hoc pacto se effugium invenisse. Ipsi tamen per mysteria nos fieri participes carnis & sanguinis Christi scripserunt. Sed Patres Eucharistiam vocant mysterium. Dicitur etiam antonomastice τὸ μυστήριον, aut numero multitudinis τὰ μυστήρια, inquit Casaubonus. Si dixerint, mysterii nomine intelligi par-

Pag. 455.

Pag. 124.

Beza Epist.
3.Exercit. p.
550.

participationem carnis & sanguinis Christi, quia illius mentio in verbis narrativis, ut loquuntur, Canonis; tunc ubicunque accipimus & manducamus carnem Christi, debita æstimatione tam divini mysterii debemus in genua procumbere, ut cum offertur in prædicatione & promissionibus Euangelii. Nam tunc etiam ob reverentiam Dei præsentis in cœtu piorum tempore publici cultus, & debitam æstimationem tam divini mysterii, & memoriam unionis adeo mysticæ, (nam his tribus rationibus in Canone nostro innituntur,) ingenua incumbendum esset. Basiliius de publico cœtu ait, in Psal. 18. *Assistunt verba describentes Angeli, adest & Dominus affectus intrantium considerans.* Origenes ait, quod *Christiani omni die carnes agni comedunt, id est carnes verbi Dei quotidie sumunt.* Item; *Bibere dicimur sanguinem, non solum sacramentorum ritu, sed & cum sermones ejus recipimus in quibus vita consistit, sicut ipse dicit, Verba quæ ego loquor Spiritus & vita sunt.* Dicite mihi, inquit Augustinus, quid vobis plus esse videtur, verbum Dei an corpus Christi? Si vultis respondere, hoc utique dicere debetis, quod non sit minus verbum Dei, quàm corpus Christi, &c. Quia non minus reus erit, qui verbum Dei negligenter audiverit, quàm ille qui corpus Christi in terra cadere sua negligentia permiserit. Item; Christum prædicari per linguam, per epistolam, per sacramentum corporis & sanguinis ejus. Sacramentum est verbum mutum & visibile; verbum est quasi sacramentum loquens, sacramentum auribus exhibitum. Verbo Euangelii tanquam femine incorruptibili regeneramur & unimur cum Christo. Tilenus in Syntagmate; Verbo Dei annunciato & fide percepto verè regeneramur, verè Christo inserimur, verè illud virtutem & potentiam Dei ad salutem omni credenti experimur, atque hoc pacto in communionem omnium quæ Filius Dei nobis peperit, quæque per verbum illud significantur, beneficiorum societatem admittimur. Ita etiam visibile & palpabile illud verbum, puta sacramentum, eundem planè usum nobis præstat, duplici sicut verbum natura & essentia præditum. Cum igitur non in verbo sed in sacramento geniculationem nobis obtrudunt, mysterii voce sacramentum intelligunt, sicut Veteres, (qui tamen in actu percipiendi Eucharistiam geniculati non sunt,) & proinde adorationem honorariam de geniculis deferri symbolis sequitur, ac si non satis debita æstimatione seu veneratione acciperentur & manducarentur nisi de geniculis. Vox mysterium in Sacra Scriptura significat quandoque totam doctrinam Christianam; & Apostoli vocantur dispensatores mysteriorum Dei, nempe verbi & sacramentorum & totius doctrinæ Christianæ. Aliquando capita quædam doctrinæ Christianæ peculiariter ita vocantur, ut 1. Cor. 15. 51. Ephes. 5. 32. 1. Tim. 3. 16. Sed Ecclesia jam inde à principio ferè non solum in commune omnia religionis arcana nominavit mysteria & sacramenta, sed peculiariter doctrinæ illi quam de Signis Augustinus & Lombardus appellant, Græci *συμβολικὴ θεολογία*, eas dictiones accomodavit. Sacramenta enim *μυστήρια* nuncuparunt, rerum invisibilium signa visibilia quæ Deus ipse in Ecclesia sua instituit. Non igitur respectu actus illius participationem carnis & sanguinis Christi simpliciter, sed respectu mysticæ participationis in symbolo genua flectunt; cum tamen percipiunt rem ipsam cum symbolis tantum fideles, impii & hypocritæ symbola tantum accipiunt, & adorant omnes. Nec tunc primum datur nobis caro & sanguis Christi; sed cum efficaciter vocati & justificati, tunc dicitur dari & offerri nobis: quia quoties promissiones Euangelii explicantur, passio & mors Christi describitur, vel repræsentatur in verbo & Sacramentis; toties invitamur ad actum fidei, qua primum apprehendimus Christum ejusque carnem manducavimus & de sanguine hausimus, eliciendum, exercendum, & iterandum ad habitum fidei confirmandum. Illorum verba & phrasæ redolent carnalem præsentiam corporis Christi in symbolis, acsi daretur in symbolis latens localiter corpus Christi. Sed

In Genes.
Hom. 10.

In Num.
Hom. 17
In l. 50. Ho-
miliarum.
Hom. 26.
Tom. 10.

De Trinit.
l. 3. c. 4.

De Sacram.
Natura
Thes. 30.

Casaub.
Exer. pag.
553.

Loc. Com.
pag. IIII.
Defens. Ce-
remonia. p.
270.

quandoquidem illud non apertè profitentur, Geniculationem tamen evicimus indictam ob venerationem sacramenti, ne prophanaretur. Crebrò habent in ore dictum, quod sequitur, Formalistæ; Non possumus satis reverenter accipere Sacramentum. Non negat Mortonus Episcopus Cestrensis, sed respondet; primò, num censeris non posse sacramenta prophanari? Prophanari possunt nomen Dei, veritas, & res sacræ omnes. Nullus nostrum contrarium asserit. Cavendam dicimus prophanationem, & venerationem symbolis ut rebus sacris deferimus, reverenter & decenter accipiendo, tractando, deferendo ad os, manducando & bibendo. Sed an prophanantur, nisi etiam procumbamus in genua. Si indignè accipimus, manducamus, & bibimus, quia non geniculamur; tum prophanarunt Veteres qui stando, Ecclesiæ Apostolicæ quæ sedendo, Christus & Apostoli qui accumbendo celebrarunt. *Non contemnantur sacramenta, ut inania & vana signa; rursumque non illis plus tribuant homines, quam ipsorum ferat institutio.* Pergit Mortonus, & ait; *Ecclesia nostra judicavit aptissimum, ut nos externa reverentia in modo percipiendi Eucharistiam testaremur debitam æstimationem ejusmodi rituum, qui ad tam sacrum usum consecrati sunt, cujusmodi est communio corporis & sanguinis Christi.* His verbis habemus Glossam perspicuam in Canonem Parasynagmatis nostri. Vide ne apertè & disertis verbis fateri, Ecclesiam Anglicanam indixisse genuflexionem in actu percipiendi Eucharistiam ob debitam venerationem rituum sacrorum, & proinde symbolorum? nam & symbola ad eundem usum consecrata sunt, & ritus sunt actiones circa symbola. Nam ritualis actio per se nulla esset veneratione digna, multò minus adoratione de geniculis. Perinde est igitur, cum dicitur, ne prophanetur sacramentum, utrum symbola, an actiones circa symbola, idest ritus, intelligas. Nam actiones absque symbolis ne cogitatione quidem separari, aut sacramentum fingi possunt corporis & sanguinis Christi. Sed ipsius Mortoni verba, quæ præcedunt, indicant symbola ipsa simul intelligi, quia ait indictam geniculationem ad obstruendum os adversariis, qui symbola vocarunt *prophana elementa, panem pistoris, vinum œnopolæ.* Sed remedium morbo nocentius, si morbus dicenda adversariorum malitia, & scandalum acceptum non datum. Non est committendum peccatum ob salutem fratrum infirmiorum, etsi omittenda quandoque quædam bona non necessaria sunt ad tempus, multo minus ad demulcendum hostes. Sic Huttonus ait, eos geniculari ad statuendum discrimen inter panem communem & vinum, & sacramentalia; quibus majorem deferimus reverentiam, quia sunt amplius quid quàm communis panis & vinum commune; & ut alii sigilla majori veneratione digna sentiant. In genua inclinari ad testandum æstimationem seu venerationem debitam symbolis aut ritibus symbolicis, est communicare creaturæ signum proprium adorationis religiosæ soli Deo debitæ, & proinde idololatria. Si quis dixerit non existimare omnes geniculantes se committere peccatum idololatriæ, quia non eo animo de geniculis accipiunt symbola; respondeo, possunt isti Romam proficisci, & è manibus ipsius Antichristi accipere corpus Domini sub speciebus, quia secreta animi intentione aliud intendunt quàm Pontificii, ut volunt isti Nicodemitæ. Sed sciant, interpretativè coram Deo & hominibus se haberi idololatrias. Nam in quavis Ecclesia, qui parer Canoni, secundum mentem & sensum Canonis de facto & obedientia ejus judicandum est, & de privata intentione per publicam. Ismenias, inclinans se coram rege Persarum ut levaret de terra annulum quem de industria è manibus excidere passus est, adorasse regem censebatur, licet hic alia ratio inclinationis facile prætexi poterat. Sanè si de privata intentione judicare liceat, non dubito plerosque nulla habita ratione vel Dei vel sacramenti in genua procumbere, ut morem gerant Principi, & adora-

adorare illo situ nec Deum nec Sacramentum, sed Regem. Athei, & sceleratissimi quique ad hoc officium præstandum sunt primi & promptissimi, sequuntur Laodiceii. Sed non sic cum Deo ludendum. Non debet quis in cultu religionis in genua procumbere, nisi ob adorationem, & ob adorationem non ullius creaturæ quantumvis sacræ, ejusve honorem & venerationem, sed solius Dei. Nec potest legitimus usus hujus geniculationis excogitari ab ullâ Ecclesia. Nam vel ob commoditatem situs corporis instituerent, quod barbaræ gentes non facerent aut qui sensu communi non destituuntur, vel ob adorationem eamque civilem aut religiosam. Civilis hæc in cultu divino locum non habet. Oportet ergo ob religiosam. Religiosa vel defertur ad Deum vel ad symbola. Non ad Deum, nisi cum Deo ludere liceat, & lascivire in cultu divino; quia adorans de geniculis Deum, non debeo alia actione externa vel interna occupari & exerceri, ut supra dictum. At hæc, in ipso actu percipiendi Eucharistiam, adorationem de geniculis imperare, esset duas actiones simul indicare. Oportet ergo adorationem ratione illius actus percipiendi Eucharistiam imperari, ut cum debita reverentia & veneratione accipiatur. At genuflexio est adorationis Dei signum & exterior nota, de religiosa loquor non de civili. Ergo, actus percipiendi symbola non est celebrandus cum isto signo, vel actus percipiendi rem signatam magis in symbolo quam in verbo. Nam utrovis modo, fieret ratione symbolorum & rituum circa symbola. Nec negant Formalistæ, vides, hac ratione se de geniculis adorare, nec negare possunt, nisi velint in absurditatem illam incidere de adoratione Dei conjuncta cum alia actione, & profiteri se Deum irridere. In usu rerum tum temporalium tum spiritualium distinguenda sunt, & suis vicibus & ordine servanda, ista tria, præparatio ad usum & sanctificatio; ipse usus; & post usum & perceptum fructum gratiarum actio. Sic præparamur ad usum cibi communis mensam consecrando & ad usum communem sanctificando; deinde utimur; post usum gratias agimus. Sic ad verbi prædicationem præparamur per preces & orationem: deinde utimur attentè auscultando & mente percipiendo. Sic ad Coenam sacram præparatur totus coetus per preces; deinde utimur, prout instituit Christus; post usum gratias agimus. In ipso usu singulos orare aut gratias agere, nisi per mentales ejaculationes, quæ immisceri & debent & possunt omnibus nostris actionibus, est absurda atrox, confusio Babylonica, & à Babylone primum orta. Imo plus quam Babylonica. Nam illi censebant, dum erant in usu, se Deum & Dominum ipsum in dente & ventre habuisse dum de geniculis adorabant. Jam divulsa exteriori adorationis nota ab objecto ad quod in initio referebatur, in eodem actu adhuc retinetur, & simul adoratio de geniculis & externa actio percipiendi symbola conjunguntur, mutato objecto; & proinde absurdius, nisi ad vitandam istam absurditatem disertis verbis faterentur se de geniculis adorare, ne sacramentum prophanaretur, vel ob venerationem & æstimationem debitam ritibus & symbolis sacramentalibus, quia consecrati sunt ad usum sacrum, quod est idololatrium.

Sequitur tertia pars Liturgiæ Anglicanæ, quam Rituale Anglicanum vocare possumus. Quæ de Eucharistiæ distributione dicta sunt, huc etiam referri possunt & debent, sed in Coena habemus præterea Missæ repræsentationem & formam, ideo Missale vocavimus. In Rituali Anglicano post Coenæ administrandæ ordinem sequitur, *Ordo Baptismi servandus in Ecclesia*; ubi agitur primum de Baptismo Publico, deinde de Privato. In Rubrica sic statuitur. *Cum die Dominico, aut aliquo festo, infantes fuerint baptizandi, parentes eorum vel præcedenti vespere vel mane ante initium matutinarum precum Ministrum, the Curate, ejus rei admonebunt, & deinde Susceptores, the Godfathers and godmothers, unâ cum populo & infantibus ad*

Baptisterium, the font, parati sint, statim à finita posteriori lectione vel matutinarum, vel si commodius Ministro videbitur, vespertinarum precum. Publicum Baptismum diebus Dominicis reliquisque Festis administrandum volunt, ut Veterum consuetudinem quàm propè possunt imitentur, sicut ajunt his verbis Rubricæ; *Ex vetustis scriptoribus apparet, sacramentum Baptismi apud veteres duobus tantum anni temporibus, Paschatis scilicet & Pentecostes, vulgo ministrari solitum; quibus quidem temporibus publicè celebrabatur in præsentia totius Ecclesiæ. Hanc consuetudinem jam quidem exoletam, quamvis propter multas causas non posset commodè restitui, visum est tamen quàm proximè poterimus sequi. Laudabilenè fuerat Baptismi administrationem publicam restringere ad duo solennia tempora Paschatis aut Pentecostes, aut solius Paschatis, ut in Thessalia teste Socrate? Aliam præterea consuetudinem in Thessalia esse cognovi, nimirum ut diebus festi Paschatis duntaxat baptizent. Ob quam causam omnes, paucis admodum exceptis, absque Baptismate moriuntur. Nullos fuisse statos dies Baptismi Apostolorum ætate, ait Cassander. Nam initio cum Apostoli jussu*

Hist. l. 5.
Cap. 22.

Expositio de mandatoque Christi provincias obirent, & Ecclesias ex gentibus ad Evangelii communio-
Auctor. Con- nem accitis passim constituerent, adulti Apostolorum doctrinæ consentientes nullo temporum
Aut. Bapt. aut locorum delectu statim post fidei professionem ab Apostolis vel Apostolorum discipulis
Infantes. Baptismi sacramento in Ecclesiam Christi cooptabantur, quanquam eo tempore infantes quoque, præsertim ægros, per Baptismum Christi consecrandos oblatos fuisse credendum est. Postea verò per urbes & provincias Christiana plebe augeſcente, singulis locis certi Episcopi & inspectores ac curatores fidelis populi attributi sunt. Quare per omnes fere Ecclesias summo consensu receptum est, ut statis tantum diebus, hoc est, instante nocte Dominicæ Resurrectionis, & sacre Pentecostes, solennibus ritibus, in Ecclesia tantum civitatis ab Episcopo & Presbyteris Baptismus administraretur, ut qui per annum ex Paganis vel Judæis prædicatione & exhortatione præfectorum vel priorum hominum adducti Christo nomen dare statuerant, sub illud tempus in civitatem venientes præceptis hujus religionis voce Catechistarum ad hoc institutorum imbuerentur, quæ institutio Catechismus dicebatur, id quod certis quoque diebus fiebat, qui Scrutiniorum dies vocabantur. His statis diebus ad suscipiendum Baptismum confluebat magna multitudo adutorum. Offerebantur etiam pueri & infantes. Sed nulla hîc ratio, cur adstringi debuerat duobus tantum anniversariis diebus Paschatis & Pentecostes administratio Baptismi, aut cur in civitate potius quàm in suis Ecclesiis particularibus baptizarentur, aut quòd infantium baptismus unà cum adutorum Baptismo iis statis diebus alligaretur. Sed cum Ecclesia jam incrementum non capiat ex infidelibus, & cessat ratio, licet levissima, illius instituti; in quem finem ad hunc morem accedere conantur? Cum jam vero Christiana religio totus provincias & nationes completeretur, jamque omnes Christi fidem profiterentur, soli fere infantes à parentibus fidelibus ad Baptismum afferri caperent, quapropter observatio illa statutorum dierum necessaria visa non est; eaque obsolescente, paulatim in omnibus nationibus Christiani nominis consuetudo quocunque tempore baptizandi tantummodo infantes, quam nunc in Ecclesia usitatam videmus, obtinuit, nisi quod Æthiopes in hunc usque diem Baptismi officio Sabbatum vel Dominicum diem assignant. Nonnullæ autem Ecclesiæ abud Græcos & Siculos Epiphaniarum diem huic sacre actioni dedicabant, ait ibidem Cassander. Quod in Rubrica Baptismum quovis die Dominico celebrari permittitur, probo. Nam dies Dominicus Veteribus, teste Chrysostomo, dictus dies panis & dies lucis, quia eo die in Ecclesiis sacramenta administrabantur. Nam dies panis dicebatur, quod in eo administratio esset Cænæ: dies lucis, quod Baptismi administratio in eo observaretur.

Junius in
Gen. Cap. 2.

Nam Baptismum veteres *ἡμερομηνία* appellarunt, diemque baptismi diem *ἡμερομηνία* id est luminarium, & baptizati *ἡμερομηνία* dicebantur. Quòd ad Baptisterium attinet; idem

quod de aliis sacramentorum vasis mensa calice & patina iudicamus. Sunt ista necessaria ut vasa & instrumenta ad usum symbolorum sacramentalium; sed non sunt ex hoc usu sacratoria aliis locis aut vasis Baptisteria aut Fontes lapidei. In Concilio Meldensi, seu Illerdensi, decretum; *Ut omnis Presbyter qui fontem lapideum habere nequiverit, vas conveniens ad hoc solummodo Baptizandi officium habeat, quod extra Ecclesiam non deportetur.* Quod vas conveniens in hunc usum permiserint, bene est, sed quod extra Ecclesiam deportari vetuerint, superstitiosum. Baptisteria ipsa olim extra Ecclesiam. *Ex Nazianzeno Orat. 40. Paulino Epist. 12. ad Se-In 3. Pars. verum & aliis antiquis Secretis, colligere licet olim hunc Baptismi locum ab Ecclesia se-* Tom. 3.
paratum fuisse, inquit Suarez. Sic etiam Durantus, Antiquitus unum tantum per sin- De Risib. l.
gulas urbes Fontem sive locum quem Baptisterium appellabant, prope maiorem Civi- 1. c. 19.
tatis Basilicam majores nostri condiderunt, quod ad hæc usque tempora observatum
Pisis, Florentiæ, Bononiæ, Parmæ, & aliis plerisque Italiæ urbibus intueri li-
cet, in quo uno tingebantur juvenes, senes, divites, & pauperes. Et infra; Bap-
tisteria moris erat extra Basilicas exstruere. Et infra; Post hæc, Baptisteria in
Ecclesiis fieri cæperant prope πύλαιον, id est templi vestibulum. Et sic in Angli-
canis Ecclesiis prope ostium habent Fontem lapideum, ad quem accedere oportet
Curatum baptizaturum infantem; nec caret significatione ritus iste, nempe
significans ingressum in Ecclesiam. Et Fontem hunc sacrum existimant, aliqui
frustra mutare locum Curio. Nam facilius & commodius potest ex vase mundo
aquam sumere absque ulla loci mutatione. Sed ut pro mensis introducta sunt Alta-
ria lapidea & fixa, sic pro vasis Fons lapideus in Baptisterium, (nam Baptiste-
rium utrumque significat & fontem & locum ubi Fons ille situs erat,) & Fontem
hunc Sacrum vocarunt, & Regenerationis Sacrarium. Sed de Locis Vasis & In-
strumentis divini cultus sæpius diximus, ex usu sacra non esse, sed posse ad alios
usus liberè converti. In Liturgia, quæ exstat in Scriptis Anglicanis Bucer, sta-
re jubentur Susceptores cum Infantibus ante ostium, ubi preces quædam concipi-
untur & alia quædam peraguntur, priusquam ingressi fuerint ad Baptisterium.
Tertio hic observandum, tempore Officii Horarii finita posteriori Lectione vel
matutinarum vel vespertinarum precum ministrandum Baptismum, nulla concio-
nis habita ratione. Cumque, ait Bucerus, nec ad matutinas preces soleat Ecclesia
coire, præstaret sane Baptisma administrari statim à sacra concione, cum frequentissima
adhuc est Ecclesia, priusquam S. Cænæ administratio incipiatur, & ut veteres Ecclesiæ
solebant, & hodie nonnullæ morem retinent.

Cum Susceptores unà cum populo & infantibus ad Baptisterium parati adsunt, Minister interrogabit, utrum infantes baptizati sunt, necne? Quod si respondeat, non esse baptizatos, tunc monet, ut Deum invocent, ut baptizati aqua & Spiritu Sancto recipiantur in sanctam Ecclesiam, & ejusdem viva & vera membra efficiantur, quia Christus dixit, neminem ingredi posse in regnum Dei, nisi renatus fuerit ex aqua & Spiritu Sancto. Tunc dicit Minister, Oremus. In precatuncula ait, & per baptismum dilecti filii tui Iesu Christi ad mysticam ablationem peccatorum Jordanis fluvium & reliquas omnes aquas sanctificasti. Non Christi Baptismus, sed institutio sanctificat aquas in hunc usum. Servit hæc loquendi forma superstitiosæ opinionum, quasi aquis vis quædam sanctificandi sit baptismati impressa, ut semper ad magicarum rerum mutationes tradendas homines propendent: quod Transsubstantionis commentum, &c. pag. 579.
 Adhæc, ut Baptisma nobis sit sacramentum peccata abluendi, id meruit nobis Dominus, non tantum certe suo Baptismate in Jordane, sed &, ac multo amplius, Baptismate Crucis. Denique peccatorum ablutio, quanquam ad eam conferendam baptismate aqua adhibeatur; tamen non aquæ hoc, sed Christi Domini opus est. Deinde iterum orat nul-

Epist. 8.

la intercedente alia actione inter hanc & priorem precatiunculam. In hac precatiuncula ait, ut accedentes ad sacrum Baptisma tuum per spiritualem regenerationem peccatorum remissionem consequentur. Remissionem peccatorum seu non imputationem non consequimur per spiritualem regenerationem. Pro accedentes Bucerus voluit substitui aaducti. Tunc dicit Minister, the Priest, Audite verba Evangelii scripti per dnum Marcum Capite Decimo, nempe vers. 13. 14. 15. 16. Perlecto Evangelio hac brevi exhortatione utetur Minister super verbis Evangelii. Finita ista exhortatiuncula 10 aut 12 versiculorum, orat rursus paucis. Tunc Minister hac oratione ad Susceptores utetur, ubi ait; Itaque cum hac promissione Christus se obstrinxerit, infantes etiam istos per vos vades & fidejussores suos polliceri renunciaturos se diabolo & omnibus operibus ejus, constanter fidem habituros in sancto Dei verbo, obedienterque ejus mandata observaturos. Tunc Minister, the Priest, ut sequitur, Susceptores interrogabit; Renunciasne diabolo & omnibus operibus ejus, inani pompæ, &c. Responsum; Illis ego omnibus renuntio. Minister; Credisne in Deum Patrem omnipotentem? &c. & percurrit Articulos fidei; Responsum; Omnia hæc firmiter credo. Minister; Cupisne in hanc fidem baptizari? Responsum. Cupio. Eadem habent interrogata ad infantes, vel Susceptores infantium nomine, quæ in Veteri Ecclesia habebant ad adultos Catechumenos; quod quàm ineptum & ridiculum sit audiamus Virum Clarissimum Th. Bezam. Sed longè major fuit succedentium Episcoporum negligentia, qui quod eorum causa institutum erat qui adulta ætate à Paganismo ad Christianismum post Catechismum transibant, ad Christianorum infantes postea transulerant. Hoc an sit factum, si quis ambigat, consideret obsecro Baptismi formulam qualis ab ultima usque vetustate accepta apud Papistas nunc etiam servatur, eo tantum excepto, quod paucula de suo adjecerunt, & peregrinam linguam, quæ tum erat in Occidente & Meridie vulgaris, retinuerunt. Ibi enim qui baptizandi sunt, non tantum fidei rationem reddere sed etiam accedere jubentur, quod etsi postea nonnulli (inter quos est Augustinus) aliqua interpretatione excusare sunt conati, qui dixerint Sponsores ipsorum infantium nomine compelli, & respondere; tamen quis non videt infirmum hoc esse commentum, ut quod per abusum, qui ex adultorum Baptismo in infantium Baptismum irrepserat, obtinuerat, aliquo colore regeretur? Quæso enim, si non nisi præunte præsentis fidei sponsione administrari debet baptismus, (nisi enim id statuatur, cur, obsecro, baptizandus infans de fide sua compellatur?) quorsum properatur baptismus, ac non potius cum Catabaptistis, quod absit, baptismum eoque differimus, dum baptizandus fidem suam profiteri possit? Neque vero dubito, quin hac Episcoporum negligentia, quos oportuit infantium ab adultorum baptismo, quod ad externas ceremonias attingit, Baptismum diutius differrent, & id quidem non rectè. Et Epist. 12. Puerorum autem baptizandorum interrogationem non dubitamus ex eo invasisse Ecclesiam, quod Episcoporum negligentia retenta sit eadem in Baptismo infantum formula quæ in adultis Catechumenis usurpabatur, id quod etiam ex aliis multis quæ in Baptismo Papistico adhuc exigent, perspicere licet. Itaque sicut Chrisma & Exorcismus, quantumvis vetusta, optimo jure abolita sunt, cuperemus quoque istam non modo supervacuum sed etiam ineptam interrogationem omitti, quamvis illam in Epistola quadam Augustinus ipse aliqua interpretatione tueatur. Hunc Catechismum Infantium irriserunt quidam & merito, cum infantes nec possunt in fide instrui, nec diabolo renunciare. Dionysius de Hierarch. Eccles. Cap. ult. ait quosdam irrisisse mysteria Baptismi, quod qui infantes offerunt pro eis abrenunciant, & fidei sacramenta profitentur; responder, Non quod, ut illi ridentes dicunt, alium pro alio divinis sacris initiet. Non enim hoc ait. Ego pro puero abrenuntio aut promitto, sed puer abrenunciat & profitetur, id est, profiteor &c. Si dixerint infantes polliceri per vades & fidejussores suos se diabolo renunciaturos, &c. nec id fieri potest. Non potest quis pro fide aliena fidem jubere, aut certo affirmare parvulos rata habitu-

bituros quæ eorum nomine sponder. In Liturgia prima interrogabant ipsos infantes N. puer abrenunciatus &c. & responderunt Patrini, sed eodem res recidit. Rationem in se nullam habet, ut roges eum, qui quid dicas non intelligit, & alius respondeat pro eo, quod ille perinde percipit, idque facias de rebus maximis, & quæ à propria cuiusque fide per omnia pendunt; uti sane est renunciare Satanæ & studio ejus & credere in Deum. Solebant Marcionitæ, cum moreretur aliquis ex Catechumenis eorum, sub lectulo mortui aliquem abscondere, tumque mortuum interrogare, num velit baptizari. Illo vero nihil dicente, ut mortuo, respondebat ejus vice qui latebat sub lecto se velle, tum baptizabant hanc hominem pro mortuo, ut refert Chrysostomus in 1 Cor. 15. Quantum differt ab hac Marcionatarum amentia infantium nostrorum Catechismus, quo rogantur infantes & respondent eorum vice Susceptores. Vivunt quidem infantes, sed tantundem intelligunt tam de interrogatio. Bucer. pag. 430. nibus, quæ sunt ad eos per Ministros, quam de responsis quæ dantur pro eis à compatribus & 430. commatribus. Et hæc præpostera agendratio non parum dedit occasionis permultis, ut edictius ad Anabaptistarum sectam inclinarent, vel quod ad paedobaptismum attinet, inquit Bucerus. Sed quàm longè recesserunt ab ista amentia, quod jam rogantur Susceptores hac forma verborum, Abrenunciatus, credis, &c. Nam tantundem intelligunt de interrogationibus quæ ad compadres fiunt, quam de responsis, & eorum vice Pag. 481. tum rogantur tum respondent Susceptores. Optarim igitur omnes illas hujus Catechismi, nescio cur ita vocati, interrogationes fieri ad ipsos compadres & commatres ad hunc vel similem modum. Vultis vos pro vestra parte dare fidelem operam, ut hic infans, cum edoleverit, discat religionis nostræ Catechismum, eoque percepto renunciet Satanæ, & credere profiteatur in Deum Patrem & Filium &c. Sed illi veterem & ridiculam illam formam retinent, licet infantes ipsos nomine non compellent, sed Susceptores eadem forma interrogant, ut infantium vicem representantes, Non de sua opera & officio rogantur, sed de fide infantium, abrenunciatione Satanæ &c. Rectè quidem Bucerus monuit, mutandam formam interrogandi, si simul ad parentes interrogata dirigenda monuisset. Quod ad obligationem qua Susceptores se obstringunt ad instituendos infantes, à responsione illa diversa est. Nam tunc non infantium sed suo nomine responderent, & symbolum recitarent non infantium nomine sed suo, ut testenter se veram fidem profiteri in qua instituturos se pollicentur infantes. Sed Susceptores infantium nomine respondent, ideo manus suas imponunt capiti baptizandi, & nomine ejus symbolum profitentur, & in Papatu orationem Dominicam etiam recitant. Qui baptizabantur statim temporibus Paschatis & Pentecostes, distinguit Cassander in tres ordines ratione graduum ætatis. Erant primo adulti, qui, quod ætatem haberent, ipsi pro se respondebant. Erant Expof. de & pueri ea ætate, ut ipsi quoque per se acceptam Catechismi doctrinam, hoc est Orationem Antor. Con- Dominicam & Symbolum, reddere possent, qui tamen Patrinatorum quos vocant seu Suscep- Juet. Baptiz- torum præsidio aliquo opus habebant. Quare cum ad confessionem faciendam consisterent, pedem suum Susceptoris pedi imponebant. Erant tertio loco infantes & parvuli, qui à Susceptoribus dextro brachio gestabantur, & per ora gestantium solennem illam Satanæ abrenunciationem & fidei professionem edebant. Vides Susceptores non nomine suo sed infantium respondisse. Liberi fidelium comprehenduntur in foedere, inde fit ut participes etiam sint sigilli foederis. Foedus autem ictum est cum parentibus, qui Fidem ex sua parte profitentur; & Deus proficitur se esse Deum parentum & seminis eorum. Fidei suæ professionem suo nomine edendo testantur parentes se esse in foedere; & hac ratione, non ratione fidei infantium, infantibus ut semini suo sigillum foederis petunt. Unde etiam sequitur, parentes ipsos hanc fidei professionem debere edere, non alios; quia parentibus & eorum semini promissit Dominus se fore Deum, & infantes non sunt patrinatorum semen aut liberi.

Epist. 149.

Cap. 26.

Præterea incumbit parentibus cura & onus instituendi liberos jure naturali & obligatione divina. Susceptores seu patrini nulla obligatione nisi voluntaria obstricti defunctoriè promittunt institutionem in fide & piam educationem infantium. Stipulamur ab iis qui offerunt, ut adulti erudiant in ea fide in qua baptizantur; si nemo fidejubeat, prophanari Baptismum certum est. Si vero promittant fidejussores, quod non est in eorum potestate, palam luditur Deus; præsertim, si hoc notum sit, non serio sed defunctoriè tantum promitti. Nam si astutè fallunt, culpa vacuum est Minister. Cæterum minime dubitamus, non alios esse idoneos sponsores, nisi penes quos sit præstandi facultas, hoc est qui infantem habituri sunt in sua potestate, vel qui patris aut matris rogatu fidem suam Ecclesiæ obligant, inquit Calvinus. Cum igitur Susceptores, qui de fonte baptizatos suscipiunt, eos non habeant in potestate sua; quomodo possunt obligare fidem suam Ecclesiæ, & recipere in se educationem baptizatorum? Et quamvis parentum rogatu quis obligaret fidem suam Ecclesiæ, nisi renunciarent parentes juri suo & patriæ potestati, (cui jure Divino vel naturali non possunt,) frustra promitteret. Susceptores, id est qui baptizatum de fonte susceperunt, Dionysius vocat ἀναδόχους, Justinus Quæst. 56. offerentes, Tertullianus de Baptismo Cap. 18. Sponsores, Augustinus Serm. 116. 163. & 215. Fidejussores. Epist. 23. ad Bonifac. Fidei Datores, vel ut Durantus & alii, Fidei Doctores, quia Symbolum & Orationem Dominicam, atque ita fidem, filios quos de fonte susceperunt docere jubentur. In Synodo Moguntina Can. 47. vocantur Compadres spirituales, & filiolos suos catholicè instruere jubentur. Higinus Papa Can. in Catechif. de Consec. Dist. 4. appellat Patrinos. Propterea hi patrini vocantur, quia dum regenerandos ad vitam novam offerunt quodammodo adjuutores sunt ipsius regenerationis novæ; ait Durantus. Ministerium istud suscipiendi è fonte baptizatum, elogium Patris non meretur, nedum Patris Spiritualis. Ex hac igitur occasione, nempe baptizandi infantes, inventum est, ait Walafridus Strabo, ut patrini vel matrinæ adhibeantur, suscepturi parvulos de lavacro, & pro eis respondeant omnia quæ ipsi per ætatis infirmitatem confiteri non possunt. Paterque debet spiritualis pater vel mater, ei quem de fonte regenerationis suscepit, cum ad intelligibilem pervenerit ætatem, insinuare confessionem quam pro eo fecit, ut qui aliena confessione, sicut paralyticus fide portantium, meruit à peccatorum solvi languore, studeat saluti præstitæ vivere non indigne, & sua impleat executione quod illorum confessus est ore, si non vult salvatione carere quam illorum meruit fide. Non autem pater debet vel mater de fonte suam suscipere sobolem, ut sit discretio inter spiritualem generationem atque carnalem. Sic Canone Anglicano 29. statutum; Parentes liberorum suorum Baptismati interesse non impelluntur: neque etiam eisdem permittetur pro propriis infantibus ad sacrum fontem Susceptorum loco respondere. Præterea nulli Susceptori aut Susceptrici licitum erit aliis verbis in respondendo uti, quam quæ in Libro Publicæ Liturgiæ hanc in partem sunt præscripta. Vides errorem ex quo orta sit patrinorum institutio, ex eo nempe quod putarent eum qui de sacro fonte levaret infantem suscipiens illum de manu sacerdotis esse Patrem Spiritualem, & nefas existimabant eundem esse Patrem Carnalem & Spiritualem. Cum igitur tam putrido fundamento inuitatur eorum institutio, ad utrumque errorem corrigendum Parentes in suum locum restituendi sunt. Illi fidei professionem edere debent, quia fides est conditio foederis ex parte parentum. Illi soli præstare possunt & debent quod sanctè promittunt de educatione & institutione in fide; quia soli habent liberos in potestate sua. Si nossent Susceptores, inquit Elias Cretæ Metropolitanus in Responsis ad Dionysium Monachum de Diversis ejus interrogat. Lib. 3. juris Oriental. quæ à magno Dionysio definita sunt, & quatenus curam & sollicitudinem habere debent ejus qui per spirituale lavacrum regeneratur, & ab illis suscipitur, vix quidem ad suscep-

ceptorum munus prodirent etiam ardentius accersiti seu invitati. Cum itaque Susceptores alii præter parentes hanc curam suscipientes negligentiores sint, & pro joco & ludo habeatur istud officium Sponsorum; paternitas spuria, germanam officio suo submovens, non est ferenda in Ecclesia. Non est in rebus seriis cum Deo ludendum aut periclitanda fides promissionum solemnium coram Deo & Ecclesia. Eliguntur indigni & inepti qui rudimenta fidei in qua promittunt se educaturos filios suos spirituales ignorant, vel quibus gratificentur amicos vel vicinos. Recte quidem Bucerus interrogationum formulas mutandas monuit, si simul ad parentes dirigendas consuluisset, quibus præcipue hoc onus educationis incumbit. Quæ de Patrinis dicta sunt, multò magis contra Matrinas valent. De Impedimentis Matrimonii ortis ex imaginaria ista cognatione spirituali nihil jam dicam; cum Anglicana duntaxat examinare instituerim. Quæri potest, an saltem adhiberi possunt, ut testes Baptismi. Respondeo, hoc quidem levius esse & tolerabile, sed tamen supervacaneum, si ordine & decenter omnia gererentur in Ecclesia. Nam quid opus est testibus particularibus, cum nonnisi præsentem totius Ecclesiæ cœtu administrari debeat Baptismus, & si forte oblivioni traderent fere omnes qui sunt membra Ecclesiæ, tamen ordo Ecclesiæ postulat ut quæ geruntur tanta sollemnitate, Presbyterii autoritate & cura consignentur tabulis Ecclesiasticis, sicut & literis & monumentis baptizatorum nomina mandata fuisse memorat Cyrillus Carthaginiensis. Nec debent, si rite omnia peragerentur ut decet, nisi Ecclesiæ cœtu ejusque Presbyterio præsentem infantes publicè baptizari.

Post interrogata Minister petitiones quasdam recitat, & singulis suum Amen subjicit. Deinde habet precatiunculam brevem, ubi habentur ista verba, *Concede ut omnes servi tui in hac aqua baptizandi accipiant plenitudinem gratiæ tuæ*, quæ verba usurpabant 2 Edw. cum singulis mensibus aquam in fonte mutarent. Tunc, id est finita precatiuncula, Minister infantem in manus accipiens nomen interrogabit, & ipsum nomine compellans, in aquam cautè & circumspèctè immerget, dicens, N. Ego te baptizo in nomine Patris, & Filii, & Spiritus Sancti. Amen. Quod si infans infirmus sit, satis fuerit aquam illi leviter infudisse, dicens ut supra. Immersione an aspersione conferatur Baptismus, per se adiaphoron concedimus. Sed infantes præsertim in regionibus ubi aer inclementior immergi non expedit. In Liturgia, quæ extat in Scriptis Anglicanis Bucer, sic celebratur hic actus. Tunc Sacerdos accipiet puerum manibus, & postulato ipsius nomine ter merget eum in aqua. Primò tingatur dextro latere, deinde sinistro: Tertiò tingatur versa facie pueri ad fontem, ita tamen ut proinde fiat cum his verbis. N. Ego te baptizo. Si fuerit autem puer imbecillis sat erit infundere super ipsum aquam. Patrimi autem imponent manus puero, & sacerdos induet eum veste lineæ, dicens, &c. De Veste Linea nihil jam indicitur in Liturgia Anglicana. Trinam an unam merfionem observent nec ne, nescio. Vetustissima est Trinæ Merfionis ceremonia, ad significandum Tres Personas Trinitatis. Sed cum Ariani abuterentur ad significandum tres naturas, Gregorius statuit ut in Hispania una uterentur merfione. Pro regionum varietate una vel trina est hodie merfio in Papatu. In initio una tantum fuit merfio. Trina merfio in signum Trium Personarum est ceremonia significans, à Spiritu Sancto non instituta in Scriptura sacra. Deinde, nempe postquam baptizaverit, facto crucis signo in fronte infantis, dicit, Nos recepimus, Angl. we receive, recipimus, hunc infantem in cœtum gregis Christi, & illum notamus signo crucis, in testimonium quod ipsum posthac non pudebit confiteri fidem in Christum crucifixum & sub ejus signo contra peccatum, mundum, & Satanam, viriliter pugnare, fidelemque ejus ministrum & militem ad vitæ finem usque permanere. Amen. De Signo Crucis statim dissertabitur. Tunc Minister, the Priest, dicit; Cum

H h h h

jam,

jam, Charissimi, isti infantes renati sint & insiti in corpus Ecclesiæ Christi, gratias agamus Deo pro istis beneficiis, & unanimi consensu Deum omnipotentem comprecemur, ut secundum hoc initium in universa reliqua vita dirigantur. Tunc dicitur, Pater noster qui es in cælis, &c. addit precationem pro baptizato. Denique Susceptoribus convocatis Minister hanc admonitionem addet. Quoniam infantes isti, &c. Admonet, ut meminerint officii sui esse diligenter curare, ut quàm primum per ætatem poterunt, instituantur, quàm solenne votum, quàm sanctam professionem per ipsos fecerint, &c. Mandabit etiam Minister, ut pueri ad Episcopum adducantur confirmandi, quàm primum ediderint Articulos fidei, Orationem Dominicam, & præcepta Decalogi, & in Catechismo eum in finem promulgato plenius aliquantum instituantur; prout in eodem præscriptum est. De Catechismo ceremoniali & Confirmatione supra diximus.

P. 455.

Quod ad Consignationem Frontis baptizati per signum crucis, sciendum est, in Liturgia Anglicana, quæ extat in Scriptis Anglicanis Bucer, præceptum ut ante Baptismum & ingressum in Ecclesiam consignarent, dum starent ante ostium, & primam partem actionis celebrarent. Hic petat Sacerdos de nomine pueri, quo indicato Patrinis, imprimat signum fronti & pectori pueri, dicens, N. puer, recipe signum sanctæ crucis tam in fronte quàm in pectore in testimonium, quod non pudeas confiteri fidem in Christum crucifixum & viriliter pugnes sub ipsius vexillo contra peccatum, mundum, & diabolum, & perseveres fidelis miles & servus usque ad finem vitæ. Amen. Verba ista non probat Bucer, non quod illa sanctum in se votum non contineant, sed quod jubentur dici ad infantem, qui ea non intelligit. Nihil tale docet Scriptura, & scenica omnia ac ludicra debent ab his mysteriis abesse procul cum omni superstitione & specie magicæ applicationis. Optarim itaque ea verba mutari in formam precis ejusmodi. Da huic, O Deus, infanti sigmento tuo, sic meritum ac vim excipere crucis Filii Dei ut ejus ipsum nunquam pudeat, semperque crucifigatur mundo, & ei mundus, depugnetque strenuè sub hoc signo contra peccatum, mundum, & Satanam, atque perseveret fidelis in justitia atque obsequio usque ad finem vitæ suæ. Signum ipsum tamen non indecens nec inutile existimat, si adhibeatur, modo purè intellectum & religiose excipiat, nulla nec superstitione adjuncta nec elementi servitute, aut vulgari consuetudine. Frigida est & diluta ista censura, nec satis expendisse videtur hujus signi usum vel potius abusum. Nec mirum, non enim potuit omnia discernere in diluculo Reformationis. In Liturgia Anglicana postea reformata præcipitur, ut statim post immersionem vel aspersionem consignetur signo crucis in fronte, cum alia verborum formula, nempe, Nos recipimus, &c. De quo censuram venerabilis Presbyteri Theod. Bezæ audiamus, Crucis verò consignatio, etsi vetustissima est, tamen quid utilitatis afferat, sanè non video, & quamvis mirificè & prorsus ὑπερβολικῶς à Chrysostomo præsertim quasi quædam religionis summa commendatur, tamen quum neque autoritate verbi Dei, neque ullo Apostolorum exemplo (ἀποστολὰν enim illa nihil moror) nitatur, id est, quum omni Dei verbo destituatur, nec sanè etiam ad decorum ullo modo pertineat. Denique cum maximè abominandæ superstitioni, & omnium horribilissimæ illi hyperdulie crucis aditum primum patefecerit, multò minus velim illam inter ἀδιάρθεα numerare, quàm æneum illum serpentem Ezechias: cujus quidem sanctissimi regis hac potissimum in re, evertendis crucis & crucifixorum idolis, exemplum imitari Christianos omnes principes sanè oportuit. Quatuor dicit contra Crucis Consignationem. Primo nihil utilitatis adfert. 2. Omni Dei verbo destituitur. 3. Ad decorum nullo modo pertinet. 4. Aditum primum patefecit horribilissimæ hyperdulie Crucis. Unde inferit, etsi vetustissima sit, abolendam. Dei verbo destitui, Christi vel Apostolorum exemplo aut instituto, palam est. In Canone 30. Constitutionem anni 1603 de signo Crucis in Baptismo,

ut.

Epist. 8.

ut legitima ejus ceremoniæ ratio omnibus constare possit, regulas & observationes quasdam omnibus Ecclesiæ Anglicanæ membris commendant. Primo observandum volunt, quod etiam Iudæi & Ethnici Apostolos reliquosque Christianos iriderent, quod eum prædicarent, in eumque crederent, qui Crucis morte esset affectus, tantum abesse, ut vel Apostoli vel reliqui Christiani crucis opprobrio se ipsos passi sint à professione sua deterri, ut in eadem exultandi potius & gloriantur animos inde sumerent. Imo Spiritus Sanctus per Apostolorum ora ipsum crucis nomen Iudæis utique inusum usque adeo honoravit, ut non modo Christum ipsum crucifixum sub eodem comprehenderet, sed & mortis ac passionis Christi vires, effectus, ac merita una cum solatiis, fructibus, ac promissis universis quæ nos ex eisdem aut percipimus aut in futurum expectamus. Secundo, honor ac dignitas crucis nomini acquisita etiam ex signo crucis vel ipsa Apostolorum ætate (neque enim contrarium ostendi potest) existimationem peperit honorificam, adeo ut Christiani haud multo post in cunctis actionibus suis eodem uti cæperint, eo ipso palam & aperte testatum facientes (etiam ad stuporem Judæorum) se minime sibi pudori ducere, quod illum agnoscerent pro Domino & Salvatore suo, qui crucis mortem pro ipsis pertulisset Sic argumentantur. Spiritus Sanctus per Apostolorum ora nomen Crucis honoravit. Honor & dignitas crucis nomini acquisita etiam signo Crucis existimationem peperit honorificam vel ipsa Apostolorum ætate. Crucis nomine metonymicòs Apostolus exprimit genus mortis ignominiosæ quam in cruce oppetiit, & hujus mortis ignominiosæ merita fructus & beneficia. Supplicium crucis erat atrox, ignominiosum, & Dei ipsius ore maledictum Deut. 21. 23. Gal. 3. 13. quod subire oportebat Christum, ut nos à maledictione legis liberaret. Ideo non solum passionem & mortem Christi simpliciter prædicat, sed mortem crucis in specie, quam Crucem vocat figuratè, ut diximus. Num sequitur, dignitatem ullam acquisitam nomini crucis propter significationem? Ex significatione propria quænam, quæso, dignitas accrescit voci? Mors significat idem propriè, & passio, quod crux figuratè; num præterea ullus honor acquiritur nomini mortis aut passionis, quia mortuus aut passus Christus? Nobilis aliquis suspensus in patibulo, non patibulo honorem, sed ignominiam acquirit. Christus ignominiam pertulit & dolores in cruce, quatenus crux est & per se; quod devicta morte & instrumentis mortis triumphavit, non crux tribuendum. Crux, clavi, lancea, mortis instrumenta & aculei sunt despicienda & contemnenda, ut hostium tela & arma post partam victoriam & celebratum triumphum. Deinde non sequitur à nomine seu locutione figurata ad ipsum signum. Nam vocum & verborum significatio est necessaria ad exprimendos animi conceptus & res quas significant. Signa realia & repræsentationes rerum per res, actiones, aut gestus, mutorum sunt adminicula qui aliis modis sensa animi exprimere non possunt. Non sequitur igitur, voce Crucis significat Apostolus genus supplicii quod pro nobis passus est Christus, exaggerationis ergò ut atrocitatem supplicii evidentius exprimeret: Ergo & Crucis figuram ad eundem finem, nempe genus supplicii exprimendum, in aere digito pingendam vel super frontem, multo minus honorificè æstimandam, cum ne ipsam vocem propter significationem veneremur. Quod dicunt, Apostolorum ætate honorificam fuisse existimationem hujus signi, tam faciliè rejicitur quàm asseritur. Ubi perunt contrarium ostendi, janua traditionibus ἀνέφους aperiunt. Sufficit ab autoritate Sacræ Scripturæ argumentari negativè. Nec institutum nec exemplum ullum habemus Apostolorum, aliorumve Christianorum ævo Apostolico, nec statim post Apostolorum tempora. Tertullianus quidem suo sæculo usurpatum hunc ritum refert in Libro de Corona Militis, cum ait; *Ad omnem progressum atque promotum, ad omnem aditum & exitum, ad vestitum, & calceatum, ad lavacra, ad mensas, ad*

Cap. 3..

Catech. 13.
De Verb.
Domin. Ser.
3.

lumina, ad cubicula, ad sedilia, quacunque conversatio nos exercet, frontem crucis signaculo terimus. Et Lib. 2. ad Uxorem; Latebisse tu, cum lectulum, cum corpusculum tuum signas. In Lib. de Coron. Militis, numerat inter observationes inveteratas, sed ut alia ejusdem farinae de quibus constat ab Apostolis tradita non fuisse; ut prægustatio lactis & mellis in baptismo, abstinere per integram hebdomadam ab omni lavacro post Baptismum, trina immersio, die Dominico non jejunare, nec de gemiculis adorare, Eucharistiam & victus tempore & cœtibus antelucanis non nisi de præsidentium manu sumere. Mos iste usurpatus tum cum superstitiones aliæ complures in Ecclesiam irreperant, ut patet ex enumeratis illis traditionibus quarum quædam apud ipsos Pontificios cessarunt. Qui Patrum naves occultare cupiunt, dicunt veteres Christianos hoc externo Crucis signo sese consignasse, ut publicè testarentur coram Ethnicis se Christianos esse, nec probum ducere crucem Christi, Judæis scandalum, gentibus stultitiam. Hanc quidem rationem affert postea Cyrillus Hierosolymitanus; non pudeat nos Crucifixum confiteri, sed in fronte confidentes signaculum crucis digitis imprimamus. Et Augustinus, In fronte illam figat, ubi sedes pudoris est, ibi omnino, ibi in quo membro erubescitur, ibi figatur, unde non erubescitur. Sed Tertullianus nec unicam nec præcipuam hanc causam usurpationis hujus moris reddit. Nam ait, ad omnem progressum atque promotum, ad lumina, ad cubicula, ad sedilia, frontem sese terere signaculo crucis, & proinde sive aderant infideles sive non aderant, & in propatulo & in occulto. Nonne etiam lectulos signabant? Affictam potius postea hanc rationem existimo, non tam ipsius signi quam frontis signati respectu. In hunc finem potius adhibuissent signum permanens in materia aliqua in fronte gestando, sicut Judæi Phylacteria, quam signum transiens, si hæc fuisset ratio. Sed zelo absque scientia, etiam si hæc vera causa, abreptos non dubito. Nam non adstringimur ad profitendum fidem Christianam semper & ubique coram hostibus fidei & infidelibus. Sæpius occultanda veritas & ad tempus ejus professio intermittenda, ne coram canibus & porcis projiciamus margaritas, aut veritatem ludibrio, nosmetipsos periculo exponamus. Multo minus professionis notas externas & insignia à nobis ficta ostentare coram infidelibus nondum edoctis mysteria religionis Christianæ debemus. Nam hoc pacto vel irritabant infideles, & in rabiem verterunt, vel majori ludibrio Christianam religionem exposuerunt, & offendiculum coram infidelibus posuerunt, qui propterea Christianos crucis religiosos appellabant, ut refert Tertullianus, quia hoc signum religiosè in omnibus fere actionibus usurpabant. Erat scandalum datum. Nam in re non necessaria neque instituta a Deo occasionem impingendi præbuerunt. Si usurpationis hujus ritus hæc vera causa, sequeretur inventum fuisse studio contendendi cum Ethnicis qui crucem Christi exprobarunt Christianis. Fulco ait, partim studio contendendi cum Ethnicis, partim æmulationis & certandi cum Hæreticis usurpasse hunc ritum. In Annotationibus in Luc. 24. Valentinum hæreticum primum auctorem colligit ex Irenæo l. 1. c. 1. Valentinus Æonem crucis sine figura fuisse dicit usque ad Christi adventum & vim purgativam habere. Sed sive studio contendendi cum Ethnicis, sive æmulandi, sive ut signum memoriale passionis primum usurparint, in ipsis incunabulis superstitione multiplici inquinatus fuit, ut patet ex verbis Tertulliani. Ideo quæ sequuntur in Canone Anglicano ultro concedimus, nempe; Hoc Crucis signum non modo ipsi, idque cum ostentatione quadam solebant adhibere, quoties Judæis passim occurrerunt, sed & liberos suos cum Baptismatis aqua abluerentur eadem signari faciebant, ut eos per crucis symbolum illius servitio dedicarent, ejus in Baptismo collata in ipsos beneficia crucis nomine essent representata. Tertulliani & Cypriani ævo baptizati ungebantur. Oleum simplex vel mixtum seu Chrisma cum Crucis signo

imprimebatur, unde unctio ista post Baptismum dicta signatio, & consignatio. Hinc est, quod ait Tertullianus; *Caro ungitur, ut animo consecratur; caro signatur, ut anima muniatur.* Sic Cyprianus, *Ungi necesse est baptizatum, & Epistola ad Iubajanum de Hereticis Baptizandis, ait opus esse ut qui in Ecclesia baptizantur, signaculo Dominico consummentur.* De Novato dictum; *quod reliqua consequutus non est post morbum quæ juxta Ecclesiæ Canonem consequi debebat, ob signationem videlicet ab Episcopo collatam: Quum autem illa potius non sit, quomodo Spiritum sanctum est consequutus.* Cornelius Novatum in lecto baptizatum, cum in gravem morbum incidisset, putat non accepisse Spiritum Sanctum, quia post Baptismum non obsignatus. *Sequitur, inquit Ambrosius, spirituale signaculum, quia post fontem superest ut perfectio fiat, quando ad invocationem sacerdotis Spiritus Sanctus infunditur.* Unctio Chrismatis Baptismo haud aliter ferè atque calix sanguinis Domini corporis Dominici sacramento conjungebatur. Et quemadmodum baptizati Chrismate ab Episcopo confirmari, ita quoque qui corporis Dominici sacramentum acceperant, ab Episcopo, Presbytero, vel Diacono calice sanguinis Domini confirmari dicebantur. Confirmatio Chrismatis auctarium quoddam sacri Baptismatis habita fuit. Confirmatio Chrismatis, quæ per Episcopum fiebat post Baptismum, (nam baptizati omnes in civitate temporibus statim Paschatis & Pentecostes,) contempta aut neglecta saluti officere credebatur. Non statim neque immediatè post immersionem aut baptismum adhibebatur, sed aliquot ceremoniis interjectis, ut putat Cassander. Honorius Augustodunensis octavo demum die baptizatos mitras deposuisse, & ab Episcopo in fronte consignari consuevisse refert. Tantum temporis intervallum interjectum in initio non videtur, ut supra observavimus Capite 5. Cum crescente fidelium numero Episcopus Præses, amplificata dignitate, prolataditione, & aucta potestate, non poterat omnes baptizatos in civitate confirmare, quia nec omnes ad civitatem confluere poterant, nec potuit ille ad singulos baptizatos in pagis & villis excurrere ad confirmandum Chrismate, statutum dicunt à Sylvestro Pontifice, ut in omni Baptismo Presbyteri statim in vertice inungerent & signarent, ne forte absque unctione omni Chrismatis morerentur, priusquam adveniret Episcopus qui in fronte signaret. In Alexandria tamen & Aegypto consignabat Presbyter, non expectato Episcopi adventu. Ista Confirmatio quæ Tertulliani & Cypriani ætate conjungebatur cum Baptismo ejusque quasi auctarium erat, adeo necessaria habebatur, ut qui eam non consecutus esset, Spiritum Sanctum nondum accepisse sentient non absque summa injuria in Baptismum. Cum igitur exemplo Patrum tuentur Anglicani Consignationem post Baptismum; sciant primum, consignationem illam non fuisse absque unctione, & parem fuisse utriusque vetustatem & necessitatem. Si igitur unum recipiunt, restituant & alterum. Imo restituant etiam albas vestes, prægustationem lactis & mellis, & similia. Secundo, non sic fuisse ab initio. Nam Justinus describens Ritus Baptismi, ut proficitur & pollicetur, accuratissimè, neutrius meminit, nec unctionis nec Signationis post Baptismum. Tertio, non sunt imitandi Vereres in tam manifesta & aperta injuria in sacramentum Baptismi à Christo institutum, Crucem oleosam cum aqua Baptismi in eodem folio collocantes. Chrisma adjectum, quod eo tanquam visibili Signo Spiritus Sanctus designaretur. Quia non descenderant linguæ igneæ in baptizatos, & dona visibili aliquo signo, ut tempore Apostolorum; excogitarunt Chrisma quo tanquam visibili signo designabant Spiritum Sanctum descendentem in baptizatos. Quod quam ridiculum, & ineptum, ne quid gravius dicam, fœdus est qui judicare nescit. Chrisma autem, ut dixi, non imprimebatur absque signo Crucis. Omnia Chrismata sacerdotalis Ministerii figura crucis perficiuntur. Hæc autem unctio præcipuè crucis signum exigebat, & antonomastice Consignatio dicitur.

Quarto, istud Baptismi auctarium, quod Tertulliani & Cypriani ætate conjunctum erat cum Baptismo tum adutorum tum infantium, postea sub Papatu ab eodem avulsum & peculiare sacramentum Confirmationis constitutum est, & Chrismata simul cum Consignatione frontis externum ejus symbolum constituerunt. Nam in Confirmatione hac verborum formula utuntur, *consigno te signo crucis, & confirmo te Chrismate salutis, in nomine Patris & Filii & Spiritus Sancti*. Angli hæc duo divellunt. Signum Crucis in Baptismi auctario retinent & proinde veterem Confirmationem, & aliam nihilominus Confirmationem habent à Baptismo avulsam, interjecto septennio aut decennio vel majori intervallo temporis; & sic duas habent Confirmationes, quod hucusque non auditum in Ecclesia. In Confirmatione solum dicunt Episcopi manus imponentes; *Defende Domine hunc puerum cælesti gratia, tuus ut semper maneat, quotidieque magis tuo Sancto Spiritu augeatur, donec ad æternum regnum perveniat. Amen*. Reliqua in Baptismi auctario habent. Nos recipimus hunc infantem in cætum gregis Christi, & illum notamus signo crucis in testimonium, quod ipsum posthac non pudebit confiteri fidem in Christum crucifixum, & sub ejus signo contra peccatum mundum & Satanam viriliter pugnare, &c. Quæ verba (exceptis prioribus, Nos recipimus hunc infantem in cætum gregis Christi, de quibus infra) ad Confirmationem referenda sunt, si sibi constarent, ut patet ex Rubricis & Precatiunculis Confirmationis in Libro Liturgiæ, ubi in Confirmatione per impositionem manuum & orationem vires & defensionem accipere se dicunt contra insultus peccati, mundi, & diaboli, & armari ad pugnam spiritualem, quod in Baptismi auctario profitentur. Et hæc omnia referunt ad Confirmationem Pontificii, sicut à Baptismo eam avulserunt. In Baptismo autem Presbyter non consignat vel inungit Chrismate frontem, nec cum tali verborum formula aut sensu de constantia in professione fidei aut pugna spirituali. Sed postquam baptizavit, statim intingit pollicem in sacro Chrismate, & ungit infantem in summitate capitis in modum crucis, dicens, *Deus omnipotens Pater Domini nostri Iesu Christi, qui te regeneravit ex aqua & Spiritu Sancto, quique dedit tibi remissionem peccatorum, hic inungit, ipse lumat te Chrismate salutis in eodem Christo Iesu Domino nostro in vitam æternam. R. Amen*. Sylvestrum dicunt instituisse, ut Presbyter baptizatum illiniret Chrismate in vertice, ne si inexpectata mors accideret, baptizati absente Episcopo sine hac saltem ceremoniali unctione vita fungeretur. Illa Unctio quæ fit postea ab Episcopo ab ista Ceremoniali differt, inquit Durantus, *qua ad alium effectum est instituta, neque baptismi aut alterius ullius sacramenti est ceremonia, sed ipsa Confirmationis Essentia*. Vides; Præsules Anglicanos nec veterem Tertulliani & Cypriani ævo formam confirmandi servare, nec recentiorum Pontificiorum, sed veterem dividere, vel potius ex una duplicem Confirmationem constituere, unam ut Baptismi complementum & auctarium retinere, alteram à Baptismo disjungere interjecto plurium annorum intervallo. Quintò, expendenda & illa verba Canonis Anglicani, *ut eos per crucis symbolum illius servitio dedicarent, cujus in Baptismo collata in ipsos beneficia crucis nomine essent representata*. Non in hunc modum loquuti Veteres illi de signo Crucis post Baptismum. Nam sentiebant dedicatos, priusquam ventum ad Consignationem crucis Chrismalis in fronte. Ad Confirmationem prius baptizati, & dedicati, ut dictum, hoc signo externo utebantur. Hic tamen vides, ut disertis verbis profitentur infantes per Crucis symbolum dedicari servitio Christi. Mortonus humanam dedicationem ait esse duplicem, unam declarativam per modum protestationis, aliam consecrativam per consecrationem. Si quis voto vel promissione Oratorum aut Capellam à communi usu segregaret ad cultum divinum, eique assignaret, dicitur Dedicatio per Protestationem. Deinde propter solennioris appropriationem ad cultum divinum requiritur consecratio Episcopalis, ut per preces alioq;

Ritual.

Rem. p. 22.

De Ritib.

Lib. 1. c. 19.

aliosque ritus religiosos locus ille publicè dedicetur eidem cultui, & hæc dicitur Dedicatio per Consecrationem. Sic ait infantem dedicari Deo per consecrationem in baptismo gratiæ sacramento secundum verba formalia institutionis. Sed dedicatio quæ fit per signum crucis, non fit per ullam propriam consecrationem Deo, vel tesseram gratiæ à Deo acceptæ per ejusmodi signum; sed tantummodo declarativum testimonium officii quod postea baptizatus præstare debet per constantem & visibilem professionem Christianæ fidei: & tantum differt quantum sacramentalis stipulatio cum Deo, & moralis repræsentatio aut protestatio coram hominibus. Respondeo, dedicationem loci quam ille vocat *per protestationem* præcedere Judaicam illam Episcopi consecrationem vel simplicem benedictionem. *Ecclesia potest esse sufficienter dedicata divinis officiis*, ait Suarez, *etiamsi benedicta non sit*, multò magis etiamsi non sit consecrata Chrismate. Per solam deputationem extrinsecam potest ad Ministeria Sacra & celebrationem cultus divini destinari, & à prophanis usibus segregari absque Chrismate consecrationis, aqua benedicta, aut precibus consecratoriis. Protectio à dæmone, impetratio præsentis divini ad audiendas preces etiam privatas in illo loco deputato magis quàm in alio non dedicato, & similia quorum causa dedicationem consecrativam adhibent, sunt superstitioforum figmenta. Sed admittamus utramque dedicationem locorum, declarativam & consecrativam. Declarativa fit per Dominum declarantem verbis vel consignatis tabulis alienationem seu resignationem loci in usum cultus divini. Recipit Ecclesia & consecrat locum Deo ejusque cultui. Declarativa hîc præcedit, non sequitur, consecrativam dedicationem. Parentes afferunt liberos suos ad baptismum, & declarant se eos segregare ab infidelium numero ad cultum religionis Christianæ, nec velle eos ad cultum alium abducere, petunt igitur, recipiant, & dedificent per preces & ritus sacramentales Baptismi, quibus recipiuntur membra Ecclesiæ & initiantur in sacram militiam seu in numerum militum cooptantur, id est, petunt dedicationem consecrativam. In Rituali Romano Sacerdos quærit à Susceptoribus seu Patrinis stantibus ante ostium, *quid petis?* respondet, *Fidem*. Deinde post Exorcismum & ritus alios celebratos, *Sacerdos imponit extremam partem solæ super infantem & introducit eum in Ecclesiam dicens, N. ingredi in templum Dei ut habeas partem cum Christo in vitam æternam. Amen. Cum fuerint Ecclesiam ingressi Sacerdos procedens ad fontem cum susceptoribus conjunctim clara voce dicit, Credo in Deum, &c.* Et sic progreditur ad Baptismum. Sic in Liturgia quæ extat in Scriptis Anglicanis Bucer, stant ante ostium, dum precibus quibusdam aliisque ritibus absolutis recipit infantem, *Tunc Sacerdos apprehensa dextera pueri unius, quem alii sequuntur, ingrediatur in Ecclesiam & accedat ad Baptisterium dicens.* Deinde progreditur in Baptismum. Hîc videmus dedicationem declarativam parentum, additis quibusdam frivolis ritibus recipientis, & dedicationem consecrativam per Baptismum. Post Dedicationem Consecrativam præposterè, inepte, & imperitè, instituitur alia Dedicatio Declarativa. Nec in ulla quæ unquam extitit Liturgia post Baptismum habentur ista aut similia verba; *Nos recipimus hunc infantem in cætum gregis Christi*. Nam protestatio ista seu professio post baptismum in protestatione baptismi ipsius comprehenditur; nec post istam dedicationem, per modum protestationis quæ sequitur baptismum, sequeretur alia dedicatio consecrativa. Præterea in utroque stipulatio fit Deo coram Ecclesia. Dedicatur militiæ sacræ & servitio Imperatoris summi coram Ecclesia. Promittit Deo idque profitetur coram Ecclesia, se pugnaturum contra mundum, &c. Præterea Baptismus est dedicatio non modo consecrativa sed etiam declarativa per modum potestationis. Nam hoc symbolo non modo initiamur & consecramur, sed etiam protestamur seu publicè testamur, nos

De Relig.
Tom. 1. pag.
261.

Pag. 17. 18.

Pag. 456.

esse

esse membra Ecclesiæ, militiæ Christi nomen dare. Denique quis instituit signum crucis ut sit tessera militum Christi. Solius Imperatoris est præscribere & determinare qua tessera distinguendi sunt ipsius milites. Vivo Imperatore nemo alius signum militare potest aut debet determinare. Miles vicissim non aliud sibi eligit, sed hoc signum suscipiens obstringit se duci jurejurando præstato se non diserturum eum in prælio, nec sacramentum abjecturum, id est tesseram. Verba igitur Canonis, *& symbolo honorifico per quod infans illius obsequio qui crucis mortem subiit in perpetuum devotus esset & mancipatus*, confirmanda fuissent autoritate aliqua Scripturæ. Nonne detrahitur Baptismi symbolo officium suum, & tribuitur symbolo ab hominibus instituto? Baptismus introducit in Ecclesiam, & mancipat baptizatum obsequio Christi, & propterea dicitur sacramentum quasi sacrum juramentum. U-

*De Sacram.
l. 1. Cap. 21.* surpat igitur officium sacramenti, cum introducendi officium arrogat. *Etiamsi sacramenta vetera, inquit Bellarminus, non efficiebant gratiam justificantem, tamen efficiebant legalem munditiam & introducebant in populum Dei. At nemo potest determinare aliquid ad legalem munditiam efficiendam aut ad introducendum in certam rempublicam, nisi qui author est illius legis & Reipublicæ. At author Legis & Reipublicæ Christianæ non determinavit signum Crucis ad introducendum aliquem in Rempublicam Christianam, nec in ullum alium usum. Quæ enim Scriptura salutifera crucis signaculo fideles docuit insigniri?* ut dicitur in Decreto Gratiani Part. 1. Dist. 11. c. 5. Sed fortè dicent, se hoc symbolo non introducere baptizatum in Ecclesiam, sed receptum esse in gregem, postquam baptismum susceperit, crucis signo nondum superveniente, & proinde non potestate aliqua quæ signo crucis affingitur, ut explicant sententiam suam in Canone 30. Verum est verba illa, *Nos recipimus hunc infantem in cætum gregis Christi*, præcedere verba illa, *& illum notamus signo crucis*, sed prænotatur in fronte signo crucis ante prolata illa verba posteriora, imo dum recitantur verba institutionis vulgò signant, quod non negat Mortonus, licet ineptè hoc facere & imperitè dicat. Tamen si quis post prolata verba institutionis signaret, dum ait *Nos recepimus* &c. nec ineptè nec imperitè facturum diceret, sicut plerique faciunt. Si non hoc symbolo recipitur infans, cum dicit *Recipimus*, cur ait *recipimus* post Baptismum, & non potius *recepimus*? Sicut Mucketus in Latina editione, ut à Reformatis Ecclesiis & Pontificiis occultaret istud mysterium, reddidit Anglicana verba *we receive, nos recipimus*, in præterito tempore *nos recepimus*. Sed pergamus ad alterum officium consignationis crucis, nempe dedicandi & mancipandi obsequio & sacre militiæ Christi cujus mors hoc symbolo repræsentatur, his verbis, *notamus illum signo crucis in testimonium*, vel signum seu symbolum, token, quod ipsum posthac non pudebit confiteri, &c. id est hunc infantem recipientes in cætum gregis Christi notavimus signo crucis, ut vidistis spectatores, in signum seu testimonium, quod non pudebit ipsum confiteri fidem & pugnare adversus &c. id est hoc signo dedicamus & mancipamus obsequio & militiæ Christi, imo hoc symbolo certiores reddimus quod non pudebit &c. confiteri & pugnare, & permanere fidelem militem ad finem usque vitæ. Et hunc esse verborum sensum probat Parkerus ex verbis Epistolæ quæ legitur Dominica 22. post Trinitatem sumpta ex Phil.

*De Cruce
Part. 1. p. 34* 1. 6. *Persuasum habens per ipsum, fore ut qui inceptit in vobis opus bonum perficiat usque ad diem Jesu Christi, & ex simili in Confirmatione. Nam in Confirmatione per impositionem manuum & orationem vires & defensionem accipiunt contra omnes insultus mundi & diaboli, ut dicitur in Rubrica ante Catechismum. Minorem virtutem tribuere signo Crucis, quod Hookerus sacrum signum & Canon Anglicanus honorificum symbolum appellat, quàm impositioni manuum in Confirmatione non est verisimile. Imo crux ista nihil aliud est quàm symbolum confirmationis à Chrismate separatum, quod in Baptismi clausula & complemento adhibebant Veteres illi quorum*
autho,

auctoritate ceremoniam istam tuentur; frontis signationem dicit Bellarminus esse
 manus impositionem. *Bis enim Episcopus manus confirmandis imponit, ut ex Pon-* De Confir-
tificali Romano intelligi potest, semel cum super eos manus extendit atque orat, & matione
rursum cum signat in fronte atque ungit. Ipsa enim unctio & signatio cum manu fiat, Cap. 2.
manus impositio rectissime dicitur. Et Patres qui hoc in loco dicunt per impositionem
manus dari Spiritum Sanctum, iidem alio loco dicunt dari per unctionem Chrismatis, & Cap. 5.
aliquando utrumque simul conjungunt. Tertullianus, Libro de Resurrectione Carnis
tractans hunc ritum, dicit carnem ungi, signari, & manus impositione obumbrari,
tamen in libro de Præscript. solum exprimit signari in fronte. Utcunque, hoc certum,
 unctionem Chrismatis in fronte baptizati factam cum figura Crucis, & Bellarmi-
 nus dicit unctionem Chrismatis ad Crucis figuram in fronte jam esse materiam
 proximam Sacramenti Confirmationis. Et causam reddit ex Augustino, cur in
 fronte accipitur hoc sacramentum; quia frons est locus pudoris. Datur autem hoc De Confir-
 signaculum, ut non erubescamus Dominum confiteri, etiam coram persecutoribus. Eu- matione
 sebius de Episcopo quodam sic refert; Qui Episcopus eum Baptismi sacramento illu- Cap. 8.
 minavit, postea verò sigillo Domini tanquam perfecta & tuta ejus animi custodia ob- Hist. l. 3.
 signavit. Ubi aperte loquitur, inquit Bellarminus, de sacramento Confirmationis, Cap. 17.
 quod est Sigillum Dominicum in fronte impressum, & custodiam præbens per gratiam Cap. 3:
 quam confert Nazianzenus Oratione in Sanctum Lavacrum ait; At si tu per Bap-
 tismum te ipsum obfirmaveris, ac præclarissimo & firmissimo auxilio tibi in futurum
 caveris, animum scilicet & corpus unctioe & Spiritu consignans, quemadmodum olim
 Israel nocturno illo primigenosque tuente cruore: quid tibi accidet? Ex his patet,
 consignationem Crucis Baptismo conjunctam, quam imitari te dicunt Angli, fuisse
 confirmatoriam & certificatoriam. Quod si vel aliam Confirmationem præter
 istam, sicut nunc habent Angli, veteres illos Cypriani & Tertulliani ævo habuisse
 probare possunt Formalistæ, aut Consignationem frontis aliam post Baptismum
 seu cum Baptismo conjunctam quam istam confirmatoriam, aut post avulsum istud
 auctarium à Baptismo, interjecto plurius annorum intervallo, ut in Papatu, re-
 tentam nihilominus frontis consignationem, præsertim in hunc usum, nempe in
 testimonium vel symbolum constantiæ in fide & pugna spirituali, aliquid dicerent.
 Fateantur igitur, etsi more Pontificiorum habeant Confirmationem avulsam à Bap-
 tismo, retinere se nihilominus, vel potius restituisse, sed ineptè, absurdè, impe-
 ritè post avulsionem, veterum illam Confirmationem, cum utramque nulla un-
 quam Ecclesia ab initio, postquam inuenta est ista consignatio, celebravit. Sequi-
 tur igitur ex dictis consignationem Crucis in fronte Baptizati esse Sacramentum,
 signum certiorum reddens baptizatum de Spiritu Sancti gratia animam roborante
 contra impetum diaboli, præsertim tempore persecutionis, ad constanter profiten-
 dum fidem. Et ideo verba illa, in testimonium quod ipsum posthac non pudebit ipsum con-
 fiteri &c. indicant effectum hujus Sacramenti, nempe fore ut posthac non pude-
 bit confiteri, & pugnare, & permanere militem, &c. non autem simpliciter of-
 ficiu, nempe quod non debeat erubescere etsi hoc quoque includitur in effectu.
 Et verba illa, in token, reddi possunt, & hinc reddi debent, ut ex circumstantiis &
 quæ modo ostendimus colligitur, in argumentum, pignus, indicium, ἀσφάλεια,
 baptizatum constanter professurum fidem, & præliaturum. Nihil hic deest de Sa-
 cramenti definitione. Si Confirmatio Anglicana sit Sacramentum, quod putome
 supra evicisse, certè & ista consignatio erit sacramentum, de gratia Spiritus San-
 cti, ejusque virtute & assistentia infallibili certiorum reddens baptizatum. Et pro-
 inde falsum, quod supra dixit Mortonus, esse dedicationem declarativam tantum
 per protestationem, vel testimonium declarativum professionis. Esto; profiteatur
 hic

hic baptizatus aut ejus vice alius, se praeliatorum, & permansurum militem fidelem Christo, & ipsum dicare sese militiae Christi: sed dedicatur consecrative etiam per Ministrum externum symbolum conferentem & tesseram Sacramentalem gratiae Spiritus animam custodientis & munientis, ut Tertullianus & Nazianzenus loquuntur, & roborantis. Non dedicat se active solum, per protestationem declarando & promittendo se praeliatorum; sed etiam passive dedicatur per consecrationem. Consecratur autem signo Crucis, absque Chrismate quidem quo usi Vereres, tamen eodem modo. Eadem tribuunt Cruci simplici, quae Cruci oleosae seu Chismali, manuumve impositioni post Baptismum tribuerunt illi. Eamque, si lubet, reducere jam diu eliminatam quasi postliminio possunt. Nam sunt genelliparae Crucis consignatio post Baptismum & Chisma, & par utriusque vetustas. Hoc opus, hic labor est, eruisse mysterium hujus ceremoniae, ejusque nuditatem retexisse, quam vult tot glossis involuunt. Nulla itaque hic nova confutatione opus est. Quae contra Confirmationis Sacramentum dicta sunt, & pro Baptismi dignitate & sine, hic similiter pro Baptismo contra Crucem istam consecratoriam & confirmatoriam militare possunt. Non hic praetermittendum, quod Hookerus signi Crucis virtutes laudibus efferens ait; nullum esse medium efficacius ad custodiendum ab eo quod aeternam meretur ignominiam: & frontis signationem devotionem interiore accendere, & excitare operando in imaginationem & per phantasmata; quam vult tamen usum ejus esse vulgarem & frequentem, ne vilescat hoc sacrum signum. At hac ratione sequitur, non esse frequenter geniculandum in precibus ne vilescat geniculatio; nec oculos in coelum levandos; nullum denique sacrum ritum saepius celebrandum. Praeterea damnavit Veterum morem, qui ad omnem processum atque promotum, ad omnem aditum & exitum, ad vestitum & calceatum, mensas, lavacra, sedilia, cubicula, signabant se signo Crucis. *Crebro signaculo Crucis munias frontem tuam; inquit Hieronymus Epistola ad Demetriadem. Ad omnem incesum manus pingat Domini Crucem; inquit idem Epist. ad Eustochium.* Praeterea hoc pacto major honos & existimatio acquireretur signo Crucis. Sed quaero primum, cur non saltem inter sacra ministeria & tempore cultus divini saepius hunc ritum usurpant? In sacra Coena, si non in ipsa consecratione panis per quinque verba, cur non post consecrationem Cruces pingunt sicut in Missa solent Pontificii super oblata & ante & post consecrationem, vel circa ipsum sacerdotem? Imo cur in Confirmatione non signant signo Crucis, ubi maxime usurpari hic ritus, si ullibi, debet, cum jam *pueri eam aetatem attigerint, qua tum per suam carnis infirmitatem, tum per varios hujus mundi & diaboli insultus, in maximo periculo constituuntur ne in gravissima peccata prolabantur?* ut ipsi dicunt in Rubricis Confirmationis. Forte, quia hoc factum in clausula Baptismi, cum frontem notarunt signo Crucis, & piaculum esset iterare. Denique, quomodo signum Crucis operatur in imaginationem, & per imaginationem in mentem & affectus, cum mens praecurrat ipsum signum? Non enim quis pingeret Crucem, nisi prius ejus figuram haberet pictam in phantasmate. Crux materialis, quae ex improvviso nobis occurrit, praevnit forte actum memoriae, eumque excitat, vel appensa frontis imaginationis fedi, ut ait ille, non autem signum Crucis a nobis ipsis pictum in aere aut fronte. Revehant igitur Cruces materiales potius quam signa Crucis. Sed nulla nobis memorialia signa sunt tuta & sine periculo praeter Verbum & Sacramenta, ut dictum Capite Nono, praesertim materialia. Mira est operatio signi Crucis pictae aut impressae in fronte, si etiam infantes excitat ad devotionem. Alioqui in quem finem hanc virtutem hujus signi nobis commendat Hookerus? qui ejus usum vulgarem non vult, nec adultis permittat crebro pingere aut imprime-

De Polit.
Eccl. l. 5.
f. 65.

re, quibus majori auxilio opus est contra tentationes & insultus Satanæ & carnis si tam efficax sit remedium contra tentationes, quam infantibus. Nam ad infantum consignationem tuendam hoc puerili argumento utitur. Largiamur, eos non tribuere Consignationi frontis post Baptismum officium proprium Sacramenti, obsignandi nempe baptizatis promissionem præsentia divina & auxilii ad finem vitæ; tamen officium significandi quod habent Sacramenta commune cum aliis signis, habet etiam istud signum. At nulla signa invehenda in Ecclesiam præter ea quæ Dominus instituit. Dominus autem sola Sacramenta instituit, nec ea instituisse, si non alius fuisset eorum usus quàm significatio, nempe obsignatio promissionum, ut sæpius monuimus Capite Nono, ubi de ritibus significantibus & ceremoniis symbolicis egimus, præsertim ubi idem significatur per signa vel ritus à Deo institutos. Canon Anglicanus signum Crucis appellat tesseram & signum meritum Christi. Sed aqua Baptismi est tessera meritum Christi, & quidem sacramentalis, obsignans nobis eorum applicationem, & proinde præstantius & magis honorificum symbolum quàm signum Crucis, quod de cælo non est sed ex hominibus. Præterea non est nudum symbolum, sed imago. *Crux etiam sola refert ipsum Christum crucifixum*, inquit Bellarminus. Si Crux materialis sit imago, signum Crucis transiens erit etiam imago. *Si in ipsa Cruce imago Christi depicta seu affixa sit, non est dubium quin adorari possit cultu latræ, vel potius coadorari simul cum ipso Christo. Denique etiam si nulla alia hominis figura, sed tantum Crucis in illa appareat, eodem modo & respectu adorari potest. Quia hujusmodi Crux etiam per se sola repræsentat non solum aliam crucem, sed etiam Christum ipsum per modum crucis extensum*; ait Suarez. Non adoratur imago Crucis propter materiam, quia argentea aut aurea, sed propter figuram. Et rationem differentia inter Crucem & clavos ac lanceam hanc ponit Suarez, quod sola crux est figura Christi; & ideo imago crucis, quæ etiam est imago Christi, adorabilis est, non verò imago clavi aut lanceæ. Figuram Crucis repræsentare dicit personam per similitudinem, Christum nempe extensum super crucem, non autem clavos & lanceam. Dicit tamen; *si hac interdum depingantur ad passionem Christi repræsentandam, veneratione digna esse posse, quia habent sacrum usum, & rationem imaginis sacræ. Quando autem hoc modo repræsentant, ex circumstantiis & modo imaginis colligendum est.* Si clavi & lanceæ latiore sensu dici possunt imagines, Crux hoc saltem sensu dici posset, etiam si non repræsentaret Christum crucifixum per similitudinem. Secundo Decalogi præcepto interdiciuntur non solum Imagines personam repræsentantes per similitudinem, sed imagines rerum ad personas peculiari aliqua ratione spectantium. Israelitæ cum aureum vitulum adorarunt, non putabant aureum vitulum Deum repræsentare per similitudinem, nec ipsi Ægyptii. Ægyptii canes & vitulos adorabant, non quod Deos forma & figura canibus aut vitulis similes existimabant, sed quia eorum stemmata & insignia erant dum erant in vivis. Ægyptii bovem erigentes in monumentum beneficii a Joseph collati in ipsos, si bovem adorassent, bos fuisset imago Josephi, non stricta significatione repræsentans figuram corporis, (nam stricta significatione repræsentabat per similitudinem tantum bovem agriculturæ instrumentum,) metonymicè repræsentaret ipsum Josephum, cujus erat monumentum, & tamen esset imago vetita secundo Decalogi præcepto. Nam perinde erit, si similitudinem ipsius personæ, si rei personæ adoraveris. Crucem Christi rem Christi dicunt, & sanctificatam ex contactu corporis Christi. Cum igitur Crux materialis sit imago quædam personæ, saltem rei personæ, signum Crucis erit etiam imago Christi. Signum Crucis dicit Suarez *esse venerabile & adoratione dignum. Sæp. 2.* *Habet enim usum & significationem sacram, nec refert quod in materia seu actione*

De Imag.
Cap. 30.

In 3 Par-
tem Aqu.
Tom. 1.
Disp. 56.
f. 2.

transeunti constituitur, quia sola diversitas materiae, quando figura & significatio est eadem, adorationem non impedit. Certum est, signum Crucis peperisse primum cruces materiales; deinde imaginem Crucifixi. Primum simplici crucis signo utebantur, deinde cruce materiali. Tertio affixerunt imaginem crucifixi; easque adorarunt. Quam foeda & horrenda idololatria inde secuta, vel ex his paucis patebit. In Pontificali Romano Part. 2. de Benedictione novae Crucis, Pontifex, id est Episcopus, flexis ante Crucem genibus ipsam devotè adorat & osculatur, nempe postquam imposuit thus in thuribulum, asperxit crucem aqua benedicta, & eam incensavit, ut ibi dicitur. Quid est devotè adorare & osculari nisi religiosè colere? Nam Cruces lignae aut lapideae non sunt concives nostri, nec in mundana nec in coelesti republica. Non igitur capaces civilis adorationis. Incensandi nomine intelligit Pontificale incensum adolere. Bellarminus de Eccles. Triumphan- te l. 1. c. 13. ait; *Suaves odores etiam cruci offerimus in Ecclesia.* In Breviario Romano, etsi reformato in Parte Hyemali, ad 3 Maji in Festo Inventionis sanctae Crucis habentur haec verba; *O Crux ave spes unica in hoc paschali tempore, Auge piis justitiam, Reisque dona veniam.* Petunt à Cruce veniam & augmentum justitiae. Ex hoc Hymno collegit Thomas Aquinas Imaginem Crucis adorandam Latria. Et in Antiphona ibidem dicitur; *O Crux splendidior cunctis astris, mundo celebris, hominibus multum amabilis, sanctior universis, quae sola fuisti digna portare mundi talentum, dulce lignum, dulces clavos, dulcia ferens pondera, salva praesentem catervam in tuis hodie laudibus congregatam.* In Breviario Veteri secundum usum statum die Inventionis sanctae Crucis ita invocatur; *Ara Crucis, Lampas lucis. Vera salus hominum, nobis primum fiat patronum Quem tulisti Dominum.* Sequuntur & ista; *Salve lignum vitae, dignum Ferre mundi pretium: Confer isti Plebi Christi Crucis beneficium.* Vides orationem dirigi ad Crucem, quandoque ut ad impetrandam per eam, quandoque ut per ipsam praestandam petendo, non solum gratiam, augmentum justitiae & veniam reis, sed etiam salutem, id est gloriam. Solebant Pontificii superioribus annis, ut bene observat Rainoldus, distinguere inter Mediatorem Intercessionis & Salvationis. Sed utrumque Cruci, ut vides, tribuerunt. Sic Feria Sexta Majoris Hebdomadae seu die Parasceves à summo Pontifice ad infimum caudatarium omnes Crucem adorant & osculantur, ut refert Magister Ceremoniarum l. 2. Cum igitur latria eadem exhibeatur à Pontificiis imagini Crucis & Christi, quae ipsi Christo, ut patet ex effectibus propriis Latriae, invocando, & thus adolendo; quam horribilis idolomania tandem invecita sit ex hujus signi usu, satis liquet: Christus in imagine conclusus, in idolum transformatus, & gloria ejus imagini communicata. De Cruce aërea, eam esse adorandam dixit supra Suarez. Sic etiam Vasquez; *Non solum Crux illa, in qua Christus mortuus est, sed quaecunque Crucis figura, vel in materia permanentiter sculpta aut depicta, vel in aëre aut digitis expressa, & exosculanda & adoranda est.* Passim habes lector apud scriptores nostros exempla & testimonia Idololatriae Adorationis Crucis & Imaginis Crucifixi. Ideo plura de isto abusu dicere non opus est. Aliis etiam modis in foedam & execrandam superstitionem abiit ipsum signum Crucis. Vim ei tribuerunt ad effectus mirabiles. Bellarminus dicit, signum crucis operari mirabilia, ut signum divinitus institutum. Terret & fugat daemones, pellit morbos & omnia mala, sanctificat ea quibus imprimitur. Ex instituto Dei & ex opere operato valet signum Crucis contra diabolum. Nam Judaei & Pagani sine ulla fide in Christum, solum intendentes facere quod Christiani faciunt; fugarunt daemones signo Crucis. Morbos pellit & cetera mala ex opere operantis, ut signum fidei & fiduciae, vel ut invocatio meritorum Christi signo

De Lib.
Apocryph.
Praelect.
241.

De Adorat.
l. 3. Disp. 2.
Cap. 2.

signo expressa. Nam etiam nutibus orare nos dicit. Sanctificat ea quibus impigitur, oleum, ramos, candelas, & eadam ratione, nempe quia benedicentes commendamus Deo res illas per merita Christi. Quod explicite petimus precibus, idem implicite petimus per signum Crucis. Imo negari nec debet nec potest, inquit, quin etiam aliqua sanctitas accedit rebus, cum signantur Cruce; sanctitas nimirum in relatione consistens, qualis est crucis, clavorum, vestiumque, aliarumque rerum quæ tetigerunt Christum & Sanctos, & qualis est eorum qui tangunt Reliquias Sanctorum. Nam sanctificantur aliquo modo qui tangunt Reliquias. Hæc Bellarminus de Eccles. Triump. l. 2. c. Ultimo. In *Missali Romano à Pio 5 reformato* c. de Benedictionibus aquæ, ceræ, aliarumque rerum, ubicunque occurrit vocabulum Benedictionis, collocant Crucem rubram: neque hoc faciunt tanquam ceremoniam adhibentes, sed quod vim putent sanctificationis ab ea cruce pendere, quod tacite in aliis locis observant, ubi adscribitur nota Crucis: adscribitur autem semper, ubi occurrit vocabulum Benedictionis, quod occurrit ubicunque de Benedictionibus creaturarum differunt. Aliquando autem expresse significat se hoc velle, per signum illud Crucis sanctificari creaturas, & virtutem illis cælestem infundi. Exempli gratia in benedictione candelarum rogant Deum, ut benedicat creaturæ ceræ supplicantibus ipsis, deinde adjungunt, ut benedictionem cælestem infundat ei per sanctam Crucem: tertio verò loco postulant, ut cera talem signaculo crucis sanctæ fortitudinem & benedictionem accipiat, ut quibuscunque locis accensa sive apposta fuerit, discedat Diabolus. Verbo Dei & precibus sanctificantur creaturæ ad usum à Deo institutum, non autem Crucis signaculo, sive cum oratione, sive sine oratione. Anglicani Præfules dicto Canone de signo Crucis agnoscunt abusum signi Crucis. Fatendum est, inquit, Crucis signum decursu temporis in Ecclesia Romana graves abusus pertulisse, præsertim postquam eam Papismi labes & corruptela semel pervaserat. At, inquit, rei abusus legitimus ejus usus nequaquam tollit. Verum, si ea re uti necessarium sit. At signo Crucis uti vel ante vel post Baptismum, vel in ulla actione sacra aut religiosa, non est necesse, nec à Deo institutum. Quorum usus non est necessarius nec divinitus institutus, & absque vel levissimo cultus divini detrimento tolli potest, nec absque periculo & metu eorundem abusu retineri aut restitui, abolendus est. At hujus signi usus (ponamus jam adiaphoron fuisse in initio) non fuit à Deo institutus, absque levissimo cultus divini detrimento tolli potest, semper iisdem corruptelis obnoxius est. Multò magis igitur abolendus, quam Serpens Jæneus quem in pulverem comminuit & sustulit Ezechias etsi à Deo institutum in monumentum salutis. Nihil est igitur quod dicunt, se signo uti quomodo usi sunt Patres, non ut Pontificii. Nam primo Patres ipsi eo usi non sunt legitimo modo. Augustinus Tract. 118. in Johan. ad finem; Quid est, inquit, quod omnes noverunt, signum Christi, nisi Crux Christi? quod signum nisi adhibeatur; sive frontibus credentium; sive ipsi aquæ qua regenerantur; sive oleo quo Chrismate inunguntur; sive sacrificio quo aluntur, nihil eorum rite perficitur. De usu signi Crucis in Baptismo, ait Cyprianus, nos signaculo Dominico consummari. Etsi commodè & legitimè usi essent Patres; tamen propter adorationis & operationis, qui post adnati sunt, abusus, non est amplius ferendus: quandoquidem nec à Deo institutus sit signi hujus usus religiosus, nec jacturam aliquam pateretur cultus divinus etiam si tolleretur, ut supra dixi, & pluribus ostendi Capite Nono de Adiaphoris non necessariis superstitione vel idololatria contaminatis. Jam enim ponimus, per se usum hujus signi religiosum esse adiaphoron, quod negavimus ob rationes supra dictas. Præterea falsum, eos rectius uti consignatione Crucis post Baptismum quam Pontificii. In Ecclesia Anglicana, inquit, congruis omnibus ac idoneis cau-

Rainold.
Censur. de
Lib. Apo-
cryph. Pra-
lect. 181.

Can. 30.
telis

telis & exceptionibus contra Papisticam superstitionem atque errorem munitus semper fuit, prout in ejusmodi casibus fieri consuevit. Et probant duobus argumentis. Primo enim Ecclesia Anglicana jam inde à Papismo abolito semper sensit & docuit, & hodie etiam sentit & docet, signum Crucis in Baptismo adhibitum de ipsius Sacramenti substantia laudquaquam existere. Nam ut primum Minister infantem immergens in aquam, vel ejusdem faciei aquam inspergens, hæc verba recitaverit, Baptizo te nomine Patris, & Filii, & Spiritus Sancti, infans continuo plenum & perfectum Baptismi sacramentum consequitur: adeo ut signum Crucis post adhibitum ad Baptismi virtutem aut perfectionem nihil adjiciat, nec idem omisum de ejus efficacia aut substantia quicquam detrahatur. Sic imponunt simplicioribus, ac si Papisticum nihil redolerent; cum nec Pontificii ipsi sentiant, Unctionem ceremoniam cum signo Crucis in vertice statim post baptismum (Consignatione frontis non uruntur) esse necessariam ad efficaciam Baptismi. Unctio Chrismatis in vertice introducta videtur, ait Bellarminus, quia non semper est Episcopus qui possit continuo dare sacramentum Confirmationis. Ideo enim interim ungitur, non quidem in fronte sed in vertice, Chrismate ab Episcopo consecrato. Cum igitur signum Crucis post Baptismum sit tantum sacramentale, & sacramentalia non sentiunt esse necessaria ad sacramentorum esse, sed esse tantum de solennitate, sequitur non existimare suam Consignationem esse necessariam ad essentiam Baptismi, Fatentur enim omnes Catholici, ceremonias Ecclesiasticas non esse præcipuum cultum; nec ab iis pendere essentiam & efficaciam sacramentorum; ait Bellarminus Lib. de Effectu Sacrament, Cap. 30. Nec Veteres suam Consignationem ideo necessariam post Baptismum existimabant, quod Baptismus non esset sine eo integer quoad essentiam & efficaciam; tamen ea baptizatum ipsum confirmari & consummari putabant: baptizatum omnia consequutum sentiebant quæ ad baptismum requirebantur, non tamen plenum Christianismum, vel adhuc aliquid deesse ad confirmandum & consummandum illud quod per Baptismum adeptus erat. Sic Pontificii Confirmationem quàm Baptismo avulserunt existimant necessariam, non ad salutem baptizati vel efficaciam & substantiam baptismi. Nam sentiunt posse absque Confirmationis Sacramento salutem nos frui, etsi sentiunt officere salutem quoad gradum gloriæ. Nihil hic igitur diciris, quod non dicent Pontificii. Facitis vèro multo minus. Nam vestra Consignatio Crucis habet vim Sacramenti Confirmationis Pontificiæ, ut supra probatum, & proinde est Sacramentum, non Sacramentale: & idcirco magis necessaria baptizato etsi non baptismo, quàm Pontificiorum Consignatio in vertice. Nam Sacramentum est magis necessarium quàm Sacramentale seu ceremonia sacramentalis. Imo ad ipsum Baptismum necessariam nonne existimant ex populo ii qui renunt Patriorum officium in Baptismo ubi non ministrabitur cum signo Crucis? qui infantes deferunt, ubi Baptismus cum signo Crucis ministrabitur, relicta Paroecia sua, ubi desierat usus illius ritus. Refert præterea Parkerus, infantes quosdam fuisse rebaptizatos, quia prius baptizati absque confirmatione Crucis. Horrendum auditu. Nec veteres ob defectum Consignationis vel in fronte vel in vertice Baptismum unquam iterarunt; vel Pontificii ob defectum consignationis ceremonialis in vertice, vel confirmationis seu consignationis in fronte. Novatus in lecto baptizatus, non rebaptizatus cum convaluit, quia statim post Baptismum consignationem istam nondum acceperat. Sed hoc in Novato damnat Cornelius, quod post morbum ob signationem illam consecutus non est. Supplebant quæ deerant, non iterabant ipsum Baptismum. Secundo, inquirunt, palam est in Libro publicæ Liturgiæ, infantem postquam suscepit Baptismum (Crucis utique signo nondum superveniente) in Christi gregem ac Ecclesiam, tanquam perfectum ejus mem-

membrum receptum esse; ipsas adeo Baptismi virtute, non autem potestate aliqua quæ signo Crucis affingitur. At nec aliud sentiunt Pontificii de sua Consignatione in vertice, imo nec de Confirmatione, quæ fungitur officio veteris consignationis in fronte. Alter effectus nempe Confirmationis, inquit Bellarminus, est character quo adscribimur in Christi militiam, sicut per Baptismum in Christi familiam. Per Baptismum receptus in familiam, jam recipitur post baptismum in cœtum seu gregem militantium, mancipatur obsequio Christi, & per Crucis symbolum dedicatur illius servitio, cuius in Baptismo collata in ipsos beneficia Crucis nomine sunt representata, ut dicitur in Canone Anglicano. Consignatione Anglicana adscribuntur post Baptismum in militiam, sicut in Confirmatione apud Pontificios. Consignatio Pontificiorum post Baptismum non habet istud officium, nempe adscribendi in militiam, ut patet ex verbo annexo Consignationi Anglicanæ & oratione quæ recitatur statim post Baptismum, cum baptizatum inungit in vertice Sacerdos & signat cruce. Oratione illa nihil habetur de militia spirituali. Verbo annexo Consignationi Anglicanæ in militiam adscribuntur, & Crucis symbolum accipiunt in signum, & ἀσφάλισμα constantiæ in professione fidei & pugna spirituali, quod officium est confirmationis. Aquinas Part. 3. Qu. 75. Art. 9. Signantur confirmandi Chrismate signo Crucis in fronte, ut in manifesto ostendant se Christianos esse, & ne uomen Christi ob timorem vel erubescuntiam prætermittant. Concil. Florentinum; Ideo in fronte ubi verecundiæ sedes est, confirmandus inungitur, ne Christi nomen confiteri erubescat & præcipuè crucem ejus, propter quod crucis signo signatur. Hoc idem verbum cum signo Crucis habent Angli. Videmus itaque non munisse congruis cautelis contra superstitionem Papisticam, sed absurdius uti ista Consignatione frontis quàm illi verticis. Puderet Pontificios duas Confirmationes retinere. Conjicio, Præsules Anglicanos assignasse huic consignationi crucis officium istud adscribendi in militiam Christi, & obsiguandi gratiam roborantem in hunc usum, ne si decederent absque Confirmatione Episcopali, confirmationis beneficio destituerentur baptizati: sicut Pontificii verticis unctionem per Presbyterum instituerunt, ne fortè omnis unctio chrismatis deesset, si decederet baptizatus ante Episcopi adventum; nisi quod unctionem illam sentiunt esse ceremoniam, non parem cum sacramento Confirmationis, sicut Angli consignationem crucis. Si utramque unctionem Pontificii officio eandem statuerent, tum Angli essent Pontificiis solummodo pares. Sed absurditate superant, ut dixi, ipsos Pontificios. Esto; non abutereutur signo crucis, tamen cum res adiaphora (ut jam ponimus) non necessaria, tot sæculis superstitione contaminata, abusui & corruptelis iisdem obnoxia sit, quæ jam olim adnata sunt & adhuc vigent in regno Antichristi; retineri non potest absque periculo & magno scandalo. Pontificii obfirmantur in Crucis adoratione & usu. Sanderus Imaginum usum probat legitimum per Crucis usum apud Anglos, de Cult. Imag. c. 13. Qua fronte possumus damnare eorum consignationem frequentem, quaudiu eandem in Baptismo retinemus? Qui abusus irrepperunt ex usu huius signi in Baptismo, refert Parkerus, qui tractatum de Cruce edidit crucem crucis. Refert, multos renuere officium susceptoris ubi non ministratur Baptismus cum signo Crucis; iter suscipere ad alias paroecias ubi ritus ille usurpatur; quosdam rebaptizatos ob illius defectum; susceprores inclinare genu dum consignatur frons baptizati ad fontem, & suam etiam frontem sæpius interim configurare, & spectatores eminus manum osculari & corpus inclinare dum pingit Crucem Sacerdos; disertis verbis prædicare Christianismum nondum esse adeptum qui non fuit Cruce signatus in Baptismo; parentes quosdam liberos suos non signatos cruce in Baptismo præterire dum testantur morituri.

De Cruce
Part. 1.
p. 83. 84.
2 Part.
pag. 76.

rituri. Præterea in funere Rubras Cruces super pectus mortui consuere, & Albas Cruces supra feretrum, in vestibulis ædium, aut in superliminari januæ collocare, & emicare ex sinu & circa pectora multorum. Non mirum, populum delabi ad veterem superstitionem, cum in Baptismo signum Crucis tam honorificè usurpetur pro symbolo dedicationis & consecrationis infantium & adscriptionis in sacram militiam. Si quis hîc nihilominus retinendum dixerit, & erudiendum populum; sciat quod nulla necessitas retinendi. In quem finem igitur docebit legitimum usum hujus signi, quod nunquam à Deo institutum? cum vix ac ne vix quidem ea quæ Deus instituit eorumque rectum usum & principia religionis Christianæ sæpius inculcata rude vulgus capit; plerisque locis non est qui frangat esurienti panem; plerisque sic erudiunt, ut utilitatem hujus signi laudibus efferveres superstitionem foveant. Jam annos 60 usi sunt isto signo. Num docuerunt legitimum usum hujus ceremoniæ? vel an satis efficax remedium contra hunc morbum experti sunt? Nonne quæ supra retulit Parkerus vanitatem hujus effugii ostendunt? Nonne Hookerus magister ceremoniarum ait, Crucis signum esse sacrum signum; signum filii hominis; consecrare semen nostrum Deo; esse efficax remedium contra tentationes carnis aut diaboli? Cum in Liturgia & Canone nihil nisi superstitionem loquitur signum crucis, quomodo potest populus rectum ejus usum doceri. Sed de prætextu docendi rectum usum vide plura Capite Nono. Nunquam erat usus religiosus hujus signi legitimus. In quem finem igitur remedium abusus per doctrinam prætexunt? Simulant, se superstitionis usum non probare. Sic Pontificii superstitionem muliercularum in usu Crucis damnabunt. Valentinus Hæreticus genuit hunc ritum, Montanus aluit, Orthodoxi æmulationis studio, ne hæreticis pietate in Christum & notis externis Christianæ professionis inferiores viderentur, amplexi sunt. Tertullianus inter orthodoxos primus, qui ejus efficaciam & utilitatem scriptis prædicavit. In Libro de Corona Militis ait, Christianos hoc per traditionem observasse, nempe ut frontem Crucis signaculo tererent. Sed *perperam illam interpretaris, si per nomen traditionis Apostolicam traditionem eum significasse putas. Quamcunque enim non scriptam consuetudinem fideles observarent, illam, quoniam ab aliquo tradita fuit à quo usus ejusdem manavit, per traditionem ipse invectam affirmat. Quod quidem tum de Judaicis ritibus affirmat, qui Apostolorum tempora antecesserunt, ut feminis eorum velamen capitis solenne fuisse: tum etiam de Christianis qui subsequuti sunt, nec tamen sunt Apostolici, ut ter mergitari qui baptizantur, & lacte melleque pasci. Quinetiam (quod planè ipsum Apostolos istic non intellexisse arguit) omni fidei (ejus judicio) liceat ejusmodi ritus constituere, modo constituerint ratione; neque autorem respiciamus oportet, sed auctoritatem; & traditionem colamus, quocunque traditore censeatur. Eodem Libro de Corona Militis, de Velamine dicit; Si legem nusquam reperio, sequitur ut traditio consuetudini morem hunc debeat, habiturum quandoque Apostoli auctoritatem ex interpretatione rationis. Quod ratione putabant suffultum, si consuetudine roboratum, Apostolicam auctoritatem habere dicebant. Præterea traditiones vel veteres observationes vocat, quæ tamen non erant universales, ut Eucharistiam sumere de Præsidentium manu. Nam Justinus ait, Diaconos obtulisse fidelibus elementa. Consuetudines Africanas igitur vocat traditiones Tertullianus. Hieronymus Epist. ad Luc. Unaquæque provincia præcepta majorum leges Apostolicas vocat. Justinus Martyr & Clemens Alexandrinus hujus ritus non meminerunt. In Sacra Scriptura Crucis nomine efficacia mortis Christi, ejusve prædicatio aut ob promulgationem professionemve afflictio significatur; signum ipsum vel lignum crucis nobis nunquam commendatur, magis quàm patibulum, sica, gladius, securis, quibus sublati è medio Martyres.*

Polis. l. 5.
Sect. 65.

Rainoldus
Colloquio
cum Harto
Cap. 8.
Sect. 4.
p. 343.

Priva-

Privatus Baptismus sequitur, eorum qui necessitate urgente in privatis aedibus baptizantur per Ministrum Parochiae, vel per alium legitimum ministrum cujus operâ pro ratione temporis uti licebit. Ecclesiarum Pastores & ministri subinde populum admonebunt, ne Baptismum infantium longius differant quàm in diem Dominicam, aut Festum proximè sequentem natales infantium, nisi gravis admodum causa per Ministrum approbata coegerit. Commonefaciant etiam, ut sine gravi & necessaria causa domi intra privatos parietes infantes non baptizent. Cum autem magna illos & dura necessitas urgebit, hunc in modum facient. Primum legitimus minister, & qui praesentes fuerint, Dei gratiam & auxilium invocabunt, dicens Orationem Dominicam, si temporis angustia permiserit. Oratio Dominica est generalis; aliam precationem praescripsissent ratione materiae & sensus magis appositam & Baptismi administrationi aptiorem. Deinde vero unus nomine ipsum compellens, vel in aquam immerget, vel aqua perfundet dicens, Ego te baptizo &c. Quis iste unus? In Anglicanis habentur haec verba; Et compellato ab uno eorum qui praesentes fuerint infante, legitimus minister vel in aqua immerget vel aqua perfundet. In Rituali Romano, Legitimus quidem Baptismi Minister est Parochus, vel alius Sacerdos à Parocho vel ab Ordinario loci delegatus: sed quoties infans aut adultus versatur in vitæ periculo, potest sine solennitate à quocunque baptizari in qualibet lingua, sive Clerico, sive Laico, etiam Excommunicato, sive fidei sive infidei, sive Catholico sive Haeretico, sive viro sive femina, servata tamen forma & intentione Ecclesiae. Hoc vult Mucketus, unum praesentium etsi non sit Parochus aut Sacerdos immergere infantem in aquam. In Libro qui extat inter Scripta Anglicana Bucerii, habentur haec verba. Primò qui adfuerint dicant Orationem Dominicam, si tempus ferat. Tunc unus imponent nomen infanti, & merget in aquam, vel infusa aut inpersa super eum aqua, dicat: Ego te Baptizo. Sed de Ministro Baptismi seorsim dicemus. Sequenti Rubrica habemus ista verba. Ne dubitent autem, quin puer hunc in modum legitime & plenè baptizatus sit: nec debet postea in Ecclesia Baptismus repeti. Quod si tamen infans ad hanc rationem baptizatus vixerit, vehementer expedit, ut in Ecclesiam adducatur, quo Minister experiatur & probet, num legitime domi baptizatus. Quod si illi, qui infantem sistent, respondebunt jam baptizatum esse; ulterius interrogabit. Per quem sit baptizatus? Qui praesentes fuerint, cum baptizaretur? Utrum Dei gratiam & auxilium in illa angustia invocaverint? Quo liquore illum baptizarent? Quibus verbis baptizatus sit? Utrum credant infantem legitime baptizatum? In libro Bucerii his verbis concipiuntur interrogationes 2. 3. & 4. Utrum invocarent Deum dicta Dominica prece? Quae fuerit materia? Quae forma Baptismi? In editione Anglicana Liturgiae anni 1607. de Invocatione nihil habetur, & post 2 interrogatum habentur ista verba; Et quia evenisse potest quod quædam quæ essentialia sunt huic sacramento omissa sunt, præ metu aut festinatione in ejusmodi extremitate, ulterius quæro. Et quærit, qua materia & quibus verbis baptizatus fuerit, & num credant plenè & legitime baptizatum? Haec sunt essentialia de quibus quærit. Videmus, quomodo Sacramentum indignis modis administrari permittunt, & prophanari; quod tanto metu, tanta festinatione administrari oporteat, ut tamen accidere possit, quod nullum sit sacramentum, quia deest quid essentialia. Sic etsi animi proposito & intentione statuunt ministrare sacramentum, evenire tamen potest ut nullum conficiant. Hoccine non est Sacramentum contemptui & prophanationi exponere? Quod si minister ex responsionibus adferentium infantem intelligit omnia rite & legitime facta, Baptismus non repetet, sed assumet illum in gregem & populum Christianum, dicens, Ego vos certiores facio, quod rectè præstitistis vestrum officium hac in re, justumque ordinem retinivistis in Baptismo

Pag. 64

*kujus infantis, qui natus in originali peccato, & sub ira divina, nunc est per lavacrum regenerationis in Baptismo in numerum filiorum Dei relatus, & haeres factus vitæ æternæ, &c. Legitur Evangelium Marc. 10. ut supra in Baptismate Publico. Sequetur etiam hortatiuncula superius præscripta, donec perventum fuerit ad posteriorem sententiam. Postea Minister cum susceptoribus recitant Orationem Dominicam. Deinde minister quod sit nomen infantis interrogabit? quod cum susceptores pronuntiaverint, Minister addet; Tunc istius infantis nomine renuncias Diabolo, &c. & respondet Susceptor seu Patrinus. Deinde orat pro infante; addatur admonitio ad susceptores, ut supra in publico baptismo. Quod si, ut aliquando contingit, infantem adferentes incertas responsiones fecerint, affirmaverintque se nescire, quid in tanta mentis consternatione cogitarint, fecerint, dixerint; tum minister ad rationem publici baptismi superius præscriptam omnia peraget, nisi quod in immergendo infante sic inquiet. Quod si antea non sis baptizatus, N. ego baptizo te in nomine Patris, & Filii, & Spiritus Sancti. Amen. In Anglicana editione anni 1607. sic habent verba; Quod si ex incertis responsionibus ad quæsitâ Sacerdotis colligi non possit infantem baptizatum aqua in nomine Patris, & Filii, & Spiritus Sancti, quæ sunt partes essentielles Baptismi; tunc sacerdos ad rationem, &c. De legitimo Ministro hic altum silentium. Nam sive Sacerdos, Diaconus, aut Laicus Baptizaverit, si ve mas si ve foemina, modò aqua baptizaverit in nomine Patris, & Filii, & Spiritus Sancti, perinde erit. Validus erit Baptismus, nec à laico aut foemina baptizatum baptizabunt. Etiam si *γυναικοεπισμὸν* disertis verbis non præcipiunt in casu necessitatis, ratum tamen habent; permittunt, etsi non imperant, ut patet ex verbis supra dictis. In Colloquio Hamptoniensi dixit Archiepiscopus Cantuariensis, non probari apud eos Baptismus ministratum à Laico vel Muliere, sed inquiri in eos in Episcoporum visitationibus, & censuris castigari. Fieri potest, Curione aut Parocho non expectato, quando commodè in ejus adventum differre possunt, si usurpaverint illud ministerium, increpatione aliqua levi levius corripiantur; ratum tamen habent ipsum Baptismus. Sed cum festinatione opus, tunc nec reprehensioni locus erit. In Rituali Romano habetur ista Rubrica. *Sed si adsit Sacerdos, Diacono præferatur, Diaconus Subdiacono, Clericus Laico, & Vir Foemina, nisi pudoris gratia deceat foeminam potius quàm virum baptizare infantem non omnino editum, vel nisi foemina melius sciret formam & modum baptizandi. Quapropter curare debet Parochus, ut fideles præsertim obstetrices rectum baptizandi ritum probè teneant & servant. Pater aut mater propriam prolem baptizare non debet, præterquam in mortis articulo, quando alius non reperitur qui baptizet, neque tunc ullam contrahunt cognitionem quæ matrimonii usum impediat. Sic, si verum quod dixit Archiepiscopus, corripuntur Laici aut Mulieres tantùm ob violatum ordinem, non præmonito prius Sacerdote. In hunc finem Ministri Baptismus in articulo necessitatis differre vetiti Canone 69 Constitutionum Anni 1603. Si quis Minister de infirmitate aut mortis periculo infanti cuilibet intra suam Parochiam nondum baptizato imminente debitè & citra fraudem commonesactus, & ad locum ubi dictus infans existet ejus baptizandi causâ rogatus accedere, vel planè recusaverit, vel per contumaciam aut latam negligentiam tempus ita produxerit, ut cum tempestivè posset dictum locum adiisse, & infantem præfatum baptizasse, is tamen ejusdem culpa expers baptismi moriatur, dictus minister trimestri suspensioni subjacebit, neque absolutionis gratiam consequetur, antequàm coram loci Ordinario culpam præteritam agnoscat, pro cætero polliceatur se in hoc genere scienter nequaquam peccaturum. Provisio semper, ut in illis parochiis in quibus Curatus aut Substitutus extiterit, præfatus substitutio non ad ipsum Rectorem aut Vicarium, sed ad dictum Curatum vel Substitutum**

tutum illic præsentem extendatur. Quod ad formulam illam verborum conditionalem, quod si antea non sis baptizatus, N. Ego te baptizo, habent ut pleraque alia à Pontificiis. De quibus dubium est, an baptizati fuerint, baptizantur his verbis præmissis, Si baptizatus es non te baptizo, sed si nondum es, ego te baptizo. In Rituali Romano habetur hæc Rubrica. Cum Baptismum iterare nullo modo liceat; si quis sub conditione sit baptizandus, ea conditio explicanda est hoc modo: Si non es baptizatus, Ego te baptizo in nomine Patris &c. Hac tamen conditionalis forma non passim aut leviter uti licet, sed prudenter & ubi re diligenter peruestigata probabilis subest dubitatio, infantem non fuisse baptizatum. Quibus casibus sub conditione baptizandi infantes, ibidem indicatur. Si infans caput emiserit & periculum mortis immineat, baptizetur in capite; nec postea si vivus evaserit, iterum baptizandus. At si aliud membrum emiserit quod vitalem indicet motum, in illo, si periculum impendat, baptizetur: & tunc si natus vixerit, erit sub conditione baptizandus, eo modo quo supra dictum est; Si non es baptizatus, ego te baptizo &c. Infantes expositi & inventi, si re diligenter investigata de eorum Baptismo non constet, sub conditione baptizentur. Sacerdos Anglicanus sub conditione baptizat, si incertæ sint responsiones susceptorum ad ipsius interrogata. Sed quærerem ego, quid si antè baptizatus, prout illi legitimum æstimant Baptismum, nonnè jam re-baptizatus erit? Quod si ante baptizatus, ego te non baptizo. An non baptizas, cum sacramentum Baptismi celebras? vel an scenica est actio illa qua immergis vel aspergis infantem dicens, Ego te baptizo? Siccine ludis in sacris Ecclesiæ? Est Baptismus, non est Baptismus. Dubium hîc nascitur facti ex dubio juris. Si enim non haberent ratum Baptismum ministratum in privatis ædibus per laicum, matrem, aut foeminam, sed irritum & nullum pronunciarent, quia jus baptizandi non habent; tum de facto satis constaret non fuisse baptizatum, nec opus esset ulterius inquirere, siue dubium sit negativum & nulla appareant judicia, siue positivum & appareant aliqua indicia sed non sufficientia. Nam in neutro acquiescendum esset, sed ministrandus rite Baptismus. Nec tamen erit Baptismi iteratio, quia prior ille Baptismus nullus erat & irritus. Eorum qui in Ecclesia participes facti sunt Cœnæ alia ratio est. Quidam Sacerdos credens se baptizatum & in fide baptismi persistens obiit, postea compertum est quod non fuerat baptizatus; quæsit Episcopus Cremonensis à Papa Innocentio Tertio, utrum Ecclesia debeat eum habere pro baptizato, ita ut possit pro eo orare; respondit. Presbyterum quem sine unda Baptismatis extremum diem clausisse significasti, quia in sanctæ matris Ecclesiæ fide, & Christiani nominis confessione perseveravit, ab originali peccato solutum & cœlestis patriæ gaudium esse adeptum, asserimus incunctanter. Ubi glossa; Nota quod per fidem quam quis habet de Baptismo, licet non sit baptizatus, sed in fide illa decessit, salvatur.

Baptismus non est administrandus nisi in publico totius Ecclesiæ coetu, siue coetus ille congregatus fuerit in loco publico, siue premente aliqua necessitate in privatis ædibus aut aliis locis privatis. Nam coetus Ecclesiæ particularis non alligatur Templis, Basilicis, aut Oratoriis. Ubiunque Ecclesia in unum coire potest, ibi Sacramenta administrari debent, non extra coetum in angulo aut privatis ædibus. Nam sacramenta sunt actiones sacræ quibus foederati non modo symbola externa gratiæ percipiunt, sed etiam inter se mutuæ charitatis vinculo & quasi fraternæ societatis confederatione conjunguntur, ait Tilenus. Habemus invisibilem & spiritualem communionem cum universa Ecclesia. Eandem profitemur fidem, eundem cultum. Non tamen communionem habemus in iisdem numero exercitiis. Quod immediate cum Ecclesia universali commune obtinere non possumus, me-

Decretal.
l. 3. Tit. 43.
Cap. 2.

Synag.
mat. p. 2.
Disp. 55.
Thes. 6.

diatè per nostram unionem cum cœtu quovis visibili particularis alicujus Ecclesiæ assequimur, nempe communionem omnium bonorum & sacrorum Ecclesiæ. Qui hunc ordinem violant, istam unionem mediatam non profitentur. Violant autem qui separatim à reliquo Ecclesiæ cœtu sacramenta celebrant, cum particularis quisque cœtus tam exiguus sit aut esse debeat, ut facilimè ei adunari possint, & cum iis unam eandemque actionem celebrare; atque ita profiteri unionem cum Ecclesia universali eo ordine quem Dominus instituit. Particularis quisque cœtus habet claves sacramentorum. Claves sacramentorum traditæ sunt Ecclesiæ, ut ait Chrysostomus l. 3. de Sacerdotio, etiamsi dispensatio mysteriorum eorumve administratio commissa sit Pastoribus. Cum minister igitur administrat, non tamen solus habet omnem potestatem, ut separatim & quibuslibet ministret pro arbitrio, sed Ecclesiæ approbationem, consensum, & præsentiam accedere oportet. Ubi duo aut tres convenerint in nomine Christi, pollicitus est Christus se fore in medio eorum, Matt. 18. 20. *Ne amplissimus quidem cœtus illustriorem promissionem jactare potest*; inquit Tilenus in Parænesi. Verum est, Christum esse præsentem, ubi duo vel tres fuerint congregati in nomine ipsius, non tamen sequitur quemlibet cœtum adeo exiguum constituere Ecclesiam visibilem præditam potestate ministrandi Sacramenta & exercendi jurisdictionem Ecclesiasticam. Nam sic duo constituerent Ecclesiam; & ritè celebrarent Missam Privatam Sacerdotes Pontificii. Nam ait, *Ubi duo aut tres*, &c. Multo minus sequitur, duos aut tres, qui hactenus sunt membra alicujus cœtus, separatim posse Sacramenta celebrare. Non convenirent illi in nomine Christi. Christus tantum indicat exiguum numerum cœtus fidelium alicujus Ecclesiæ particularis non obstat, quin præsentia sua eos dignetur; non quod præcisè duo aut tres constituerent Ecclesiam, præsertim ubi aliis aggregari commodè possunt. Nam si possibile esset vel commodum, ut totus orbis Christianus in unum gregem consociari posset, non deberet esse nisi unus cœtus visibilis omnium fidelium in Ecclesia Militante. Præterea, etsi præcisè verba de binario aut ternario interpretanda essent, à minori ad majus argumentaretur Christus. Nam si in medio duorum aut trium congregatorum in nomine ipsius ad exercitia privata præfens fuerit, multo magis erit in cœtu majore totius Ecclesiæ ad publica coactæ. Baptismus est sacramentum initiationis & introductionis in Ecclesiam. Imprimis autem observandum est, inquit Calvinus, cum istud sacramentum complectatur sacram & solennem introductionem in Ecclesiam Dei, sitque testimonium cœlestis nostri municipatus in quem adscribuntur illi, quos Dominus adoptat sibi; fas non esse administrare Baptismum nisi in cœtu fidelium. Non quidem ut templum requiratur, sed ut ubivis numerus aliquis fidelium conveniat qui Ecclesiæ corpus efficiat, & qui baptizat pro pastore agnoscatur. Bucerus in Censura Liturgiæ Anglicanæ a concione baptizandos infantes consulit hoc argumento. *Natura enim docente solent homines eos quos in honestum collegium suscipere decreverunt atque societatem, ut in Academicis & multis aliis longè minoris momenti societatibus hominum fieri videmus, id facere, cum collegæ frequentiores convenerint: ut ita quasi ab omnibus illi in collegam recipiantur, & singuli officia collegarum eis deferant, adeaque se ita publicè invicem adstringant.* In Libro Liturgiæ Anglicanæ in Rubricis publici Baptismi consuetudinem jampridem exoletam ministrandi Baptismum duobus tantum temporibus, Pascharis scilicet & Pentecostes, imitandam, quoad possunt, indicant. *Quamobrem admonendus est populus commodissimum esse, ut Baptismus Dominicis tantum & reliquis Festis diebus administratur, cum maxima populi frequentia confluerit, tum ut congregatio præfens recens baptizatos testetur recipi in numerum Ecclesiæ Christi, tum ut omnes qui adsuerint ex infantium initiatione proprie*

Epist. 185.

Cap. 9.

Chel. de Baptismo mit. de local. congreg. ubi
 de ministris qui Baptizant. Item. Baptizant in
 nomine & initiatione a baptizato mit. Christ. Chel.

professionis in Baptismo factæ admoneantur. Adde & tertium, nempe quia cœtus Ecclesiæ particularis est corpus cuius baptizandus esse debet membrum, & jus suum habet in recipiendo in gremium suum. Sicut non nisi convocato Ecclesiæ cœtu & congregato in nomine Domini, resacandum est membrum à reliquo corpore; sic nec nisi convocato in nomine Domini recipiendum & uniendum corpori. *Qui clamitant publicum nostri in Ecclesiam ingressus testimonium esse Baptismi, ideoque publice administrandum, non cogitarunt eandem fuisse rationem Circumcisionis, quæ licet extra templum facta, non propterea erat irrita; ait Tulenus.* Sat esset, si non extra cœtum particularem cuius erat membrum circumcisi fuerint, sive in Templo, sive in Synagoga, aut Prosencha, sive in privatis ædibus. Sed alia Circumcisionis ratio, ut infra ostendemus. Præterea Circumcisionis nota carni impressa per se testabatur de Circumcisione, cujusmodi notam visibilem non reliquit Baptismus in baptizatis; ideo extrinseco testimonio opus est. Respondet, Paganos nonnullos fuisse recutitos. Non fuit ergo semper indubitatum gratiosi fœderis signum aut sigillum, amputatum præputium. Respondeo. Qui non erat ex semine Abrahami, cum quo initum fœdus, non poterat iis esse signum fœderis. Sic nec esset Baptismus Infidelibus aut Paganis, etsi eum usurparent. Sed contra qui ex populo Dei erant secundum carnem, si hanc notam Circumcisionis in carne impressam habebant, iis signum fœderis erat; & quia aspectabile & permanens, Baptismo magis opus est externo testimonio Ecclesiæ quàm Circumcisioni. *At, inquit, iniquissimum certe foret, si nemo deinceps nobis γνήσιος habendus esset Christianus, nisi qui Baptismi sui testes αὐτόπτας magno numero queat producere.* Haberi potest γνήσιος Christianus, etiamsi non constat baptizatum fuisse, multò magis etiamsi testes magno numero producere nequeat. Imo Innocentius 3. Papa Presbyterum illum qui diem extremum sine unda Baptismatis clausit, quia in Ecclesiæ fide & Christi nominis confessione perseveravit, cælestis patriæ gaudium adeptum esse non dubitavit. Non sequitur, administrari debere ullo casu Baptismum extra cœtum Ecclesiæ, modo possint testes aliquos αὐτόπτας producere; partim quia publicum Ecclesiæ testimonium irrefragabile est, & majori autoritate præditum, quàm privatorum, quorum testimonia plerumque sunt obnoxiiè dicta, nec satis compertæ fidei, quos si de forma, materia, ministro & ritibus privati Baptismi perconteris, nihil fere certi elicies, vel cui fidem tutò adhibeas; partim quia Ecclesia non modo testium officio fungitur, testando infantem vel adultum fuisse baptizatum, sed etiam matris recipientis in sinum. *At quod publici juris est, inquit Tulenus, publicum negotium esse non desinit, ne in civilibus quidem rebus, etiamsi in privatis ædibus geratur.* Non à privatis ædibus sed à privato cœtu arcemus negotium istud publicum. Publicus autem cœtus est, vel corpus ipsum Ecclesiæ coagmentativè, vel Presbyterii repræsentativè. In Civilibus publica negotia publicè tractantur, vel in civium conventu, vel coram iis qui corpus politicum repræsentant, prout actionis natura secundum leges & mores civitatis postulat. Baptismi administratio secundum leges Ecclesiæ in publico ipsius Ecclesiæ conspectu celebrari solet, (sicut Ordinatio, Excommunicatio, Pœnitentium Reconciliatio, conversorum ad fidem Confessio,) non in Consistorio, etsi sit cœtus repræsentativus Ecclesiæ. Obstetrices aliæque mulierculæ non constituunt publicum Ecclesiæ cœtum, vel coagmentativè vel repræsentativè, etiamsi adsit minister. Sed in coagmentativo, non in repræsentativo, Ecclesiæ cœtu actionem istam celebrandam ipsius actionis dignitas postulat. Ecclesiæ praxis Consistorialem seu Presbyterialem illam nunquam existimavit. Non sequitur, ut vult ex nostris principiis sequi Ti-

lenus, religiosiores nos esse Paulo & Sila, quibus nec nocturnum tempus interpestivum nec sordidus carcer locus parum honorificus ad sacri lavacri administrationem videbatur Act. 16. 33. aut fidelibus, qui ardentibus persecutionum incendiis in cryptis & hypogæis noctu convenerunt. Nec à loci nec à temporis ratione Sacramentorum dignitatem pendere dicimus, & noctu & in cryptis & locis sordidis, sive persecutione sive alia occasione premente, rite celebrari Sacramenta concedimus. Nec à Ministro nec à suscipiente sacramentum Baptismi, nec ab ipso Ecclesiæ coetu recipiente, pender dignitas Sacramenti; tamen digna celebratio sacramenti & legitima administratio pender à ministrante, percipiente, & recipiente, eorumque præsentia & officio respectivè, ut loquuntur, hanc actionem celebrantium. Minister auctoritate à sponso & sponsa munitus ministrat; qui baptizatur, suscipit; Ecclesia recipit, approbat, & precibus ac benedictionibus assistit. Baptizati commentariensis & Lydia eorumque domestici extra publicum Ecclesiæ coetum, quia nondum constitutus erat coetus publicus, cui adjungerentur, aut Ecclesia constituta. Multa potuerunt Apostoli quæ imitari non possunt Ordinarii Ecclesiæ Ministri, & multa sunt in Ecclesia nascente ejusque constitutione, quæ in Ecclesia constituta non sunt imitanda aut ferenda. Circumcisionis etiam in Veteri Testamento alia ratio quàm Baptismi in Novo; licebat in privatis ædibus, circumcidere, licet quandoque conventu publico celebrabatur. Præstituit præterea diem certum Circumcisioni Deus; Baptismo nullum, nec eandem necessitatem. Sacramenta sunt non tantum symbola gratiæ nobis exhibitæ, sed etiam notæ externæ professionis nostræ, & ut Aquinas loquitur, protestationes fidei nostræ coram mundo. Publicè igitur in visibili coetu Ecclesiæ, ubi coram mundo publicè profitemur fidem nostram, debent celebrari. Præterea propter ipsorum Sacramentorum vindicationem à neglectu, contemptu, & Hæreticorum depravata, laicorum, quos vocant, aut muliercularum, aut ipsorum ministrorum præpropere & indigna, administratione, in publico Ecclesiæ coetu sunt celebranda. Privata Baptismi administratio efficit plerosque publicam negligere aut contemnere ut rem nullius momenti, vel non magnæ utilitatis. Ministrat occasionem prophanandi: nam præter aquam & determinata verba elemento annexa, absque vel concione vel explicatione institutionis aut usus, absque ullis precibus, permittunt ministrare Baptismum. Verbo fidei & precibus ac gratiarum actione sanctificandæ sunt creaturæ ad tam sacrum usum. Imo fatentur, in materia & determinata verborum formula turpiter errare posse ministrantes præ nimia mentis consternatione, & incertos reddi quid cogitarint, fecerint, dixerint. Inde etiam excuderunt Baptismum incertum & conditionalem. Nam & incerti sunt num rite baptizaverint, & alium Baptismum æquè incertum celebrant, dicentes, *Quod si antea non sis baptizatus, Ego te Baptizo*. Ergo si antea baptizatus, non baptizat. Nam hac lege solum baptizat, & sic dum baptizat non baptizat, nec seridè & certo animi proposito aut intentione baptizare audet. Hac etiam occasione Hæretici clam irreperere & baptizare possunt infantes fidelium: & constat in Anglia plerosque infantes baptizare sacerdotes Missaticos in privatis ædibus, cum obstetrices aliive laici in sese officii illius ac ministerii culpam suscipiunt. Ansam etiam arripere possunt ipsi Ministri clam depravandi legitimam Baptismi administrationem, & quoslibet ritus usurpandi. Cum igitur sacramentum Baptismi ratione suscipientis sit nota professionis & protestatio fidei coram mundo, & ratione ministrantis à ministro legitimè vocato ministrari debeat, ratione Ecclesiæ tum testantis de Baptismo tum recipientis confederatum in suam fraternitatem illius præsentiam desiderat, & ratione administrationis, prophanatione, contemptu, & depravatione vindicanda sit, in publico

Part. 3.

Qu. 7.

Art. 5.

publico Ecclesiæ conventu celebrari debet. Nec rationem ullam obtendere possunt adversarii, cur spretis his legibus in privato quolibet coetu administrari permittunt, ratumque habent; nisi Pontificiorum erroneam illam à necessitate Baptismi ad salutem ductam. Necessitatem Baptismi ad salutem tueri videntur Formalistarum principes. In Rubrica ante Catechismi Confirmationis hæc habent verba; *Ne quisquam verò putet, ex dilatione Confirmationis quicquam detrimenti filiis suis accessurum, sed apud animum constituat, ex Dei verbo clarum & perspicuum esse infantes baptizatos omnia habere ad salutem necessaria, certoque certius salutem consequi*: Anglicè, and are undoubtedly saved, & absque omni dubio salutem consequutos. De Baptizato non dubitant: de non Baptizato igitur dubitant. Cantuariensis Episcopus Whigifus in Colloquio Hamptoniensi hæc effatus est; *Si infans moritur baptizatus, est indicium certissimum salutem consequutum esse; cum contra, conditio infantum sine Baptismo morientium incerta sit*. Christus Johannis 3. 5. per aquam non Baptismum fluminis, sed fluminis intelligit. Nam post Aquam ἐκχυτῖκας addit vocem Spiritus qui cum aqua sæpius confertur Joh. 4. 14. & 7. 37. Ezech. 47. 2. Heb. 10. 23. Et ver. 6. & 8. non amplius Aquæ sed Spiritus meminit. Uno & eodem gradu necessitatis ponit Aquam & Spiritum Sanctum, at ipsi Pontificii non eundem necessitatis gradum affirmare audent. Nulla hic Verbi mentio, an propterea absque Verbo ministrari potest Baptismus. Præterea sequeretur, omnes non baptizatos damnari, si de externo Baptismo intelligenda essent verba: & sic everteretur libera Dei electio & foedus Dei initum cum parentibus & semine, & myriades martyrum qui pro Christo mortem oppetierunt, gehennæ adjudicarentur. Ambrosius in Orat. Funebri ad Sorores Valentiniani Imperatoris, qui obiit in expeditione belli ante Baptismum; *Celeritate temporis, non voluntate, eo munere est fraudatus. Qui accepit Spiritum tuum, an non ad gratiam tuam?* Infantes non afferimus ad baptismum, ut per eum accipiant remissionem peccatorum, sed quia promissione foederis inducimur ad credendum, quod antè ut electis Dei remissa sint eis peccata, ideo Baptismum ut sigillum remissionis petimus. *Vide etiam, inquit Bernardus, ne fortè hoc Salvator cum diceret, qui crediderit & baptizatus fuerit, salvus erit; cautè & vigilanter non repetierit, qui baptizatus non fuerit, sed tantum qui non crediderit, condemnabitur, nimirum innuens solam inter- dum fidem sufficere ad salutem, & sine ipsa nihil*. Non licebat circumcidere mares ante diem octavum, num propterea omnes qui obierunt ante diem octavum exclusi sunt è regno coelorum? infantes qui ab Herode deleti sunt Matt. 2. puer Davidis 1 Sam. 12. & alii. Non audet id asserere ipse Bellarminus l. 1. de Baptif. c. 6. Prop. 1. Et ex causa differri etiam potuit Circumcisio ultra diem 8. ut in deserto factum. Qui non circumciderit se, id est circumcidendum non curaverit, excinderetur ille homo è populis suis Gen. 17. 14. De contemptoribus loquitur Dominus, qui circumcidi carnem suam in sese aut suis certa malitia negligerent, non de infantibus qui nesciunt dextram à sinistris discernere, ut patet ex ratione addita, *foedus meum irritum fecit*, quod non nisi de voluntariè peccantibus dicitur. Vide ibi Junium. Ipsi Pontificii concedunt, conversionem & Martyrium posse supplere defectum Baptismi, quod non posset fieri, si Aqua Baptismi ad salutem absolute necessaria esset. Veteres qui Baptismi celebrationem statim temporibus Pascharis & Pentecostes alligarunt, Baptismum non sentiebant necessarium ad salutem. Nam hujus consuetudinis occasione multi mortui sunt sine Baptismo, ut testatur Socrates l. 5. c. 21. Certum est, Veteres plerosque Baptismum distulisse ad ætatem paulo provectiorem. Ipse Constantinus Imperator, *ut ei in mentem Lib. 4. venit extremus ejus vitæ dies, existimaretque hoc tempus opportunum esse ad delenda* c. 61.

Epist. 77.

da illa errata, quæ quoniam mortalis erat, admiserat, crederetque arcanorum mysteriorum efficacia & salutaris lavacri initiatione mentem expiari, se baptizari voluit, ut refert Eusebius in Vita Constantini. Dissulit baptismum ad vitæ terminum ultimum, superstitione quidem, tamen non existimabat damnatos omnes qui absque Baptismo morerentur. Nam expositus erat periculis multis, ut alii mortales, quæ ex improvise eripere animam potuissent. Cur igitur dissulisset, si absolute necessarium sensisset? Idem dici potest de Clinicis adultis, qui in lecto decumbentes, & non nisi morti vicini baptizati sunt, etsi autè Baptismum suscipere potuissent. Catechumenorum aditus ad Baptismum tot scrutiniiis & ritibus cruciarunt, ut sæpius sine Baptismo mortui fuerint. Iste error de absoluta Baptismi Necessitate alias absurditates multas peperit. Necessitatis præpostero & supersticioso prætextu induciti sunt, ut infantes quibus unum membrum promineret ex utero materno baptizandum censerent. Renasci non posse, Augustinus ait, qui natus nondum est. Innocentius puerum, simul ac in lucem editus est, baptizandum putavit. Præposterus iste necessitatis prætextus introduxit etiam Baptismum privatum per personas privatas, etiam mulieres; cum ad legitimam administrationem sacramenti Minister legitimus necessariò requiratur. Etsi enim Minister non sit de Essentia Sacramenti, ut constat elemento & verbo; est tamen de essentia administrationis Baptismi, id est ratus non esse debet Baptismus ille quem non administravit Minister legitimus. *Baptismum à mere privatis aut etiam, quod indignius est, à mulieribus administratum nullo loco neque numero habemus*, ait ipse Tilenus in Syntagmate. Nam si ne terrena quidem respublica ratum habet, quod privatus quispiam, nullis ab ea mandatis instructus licet auctoritatem ementitus, gesserit; quanto minus Christo & Ecclesiæ hæc ordinis divini corruptela probari poterit? Frustra in Necessitatis quam vocant Casu huic ἀταξία & ἀπειθεία quæritur latebra. Neque enim ulla ejusmodi necessitas incidere potest, quæ legem ab ipso Christo latam evertere nos cogat; nam huic parere summa est necessitas. Neque dissimulatione fovendus est hic error, sed docendi potius homines, non ab externo Baptismo aquæ quam minister aspergit, sed ab interno Spiritus Baptismo, quem Christus, ubi visum, etiam absque externo, largitur, pendere salutem: & Sacramenti non privationem sed contemptum exitiosum esse. Non aliis Sacramentorum administrationem commisit Christus, quam iis quibus commendata est verbi prædicatio. Quibus diplomatis interpretatio, iis & sigilli dispensatio demandata est. Baptista ait se missum ad baptizandum Joh. 1. 33. Baptizandi officium & prædicandi conjunxit mandato suo Christus Mat. 28. In Concilio Carth. 4. sic decretum; *Mulier baptizare non præsumat*. Epiphanius l. 3. Hæres. 79. contra Colyridianos, Baptismum Mulierum Hæresim vocat. Clemens in Constitutionibus Apostolicis ait esse præter legem & impium, quod baptizent Mulieres. *Quod si hæcenus mulieribus docendi munus non commisimus; quomodo munere sacerdotali fungi præter naturam eisdem quispiam permittet? Hic enim est error gentilium Deum negantium Deis fœminis sacerdotes fœminas eligere: at non est hoc à Christo constitutum. Quod si à mulieribus baptizari oporteret, profecto Christus à matre sua baptizatus esset, & non à Johanne; aut cum nos ad baptizandum misit, misisset quidem mulieres nobiscum ad hoc.* Nec jussit nec per Scripturam tradidit, utpote qui nosset ἡ τὴν ἀκολούθῃαν τῆς φύσεως ἡ τὴν ἐν πρὸς πείαν τῶ πρῶτον μάλος, naturæ convenientiam & rei decorum. Eadem rationes militantes contra omnes privatos vel quos Laicos vocant. Ideo Capite sequenti ait; Immo neque laico permittimus facere aliquod opus Sacerdotale, ut sacrificium, aut Baptismum, aut impositionem manus, aut benedictionem sive magnam sive parvam. Nemo enim sibi sumit honorem, sed qui vocatus à Domino. Imo nec Clericis permittit protestatem baptizandi. De Ministro Circumcisionis, sicut Baptismi, nulla extat lex, mandatum nullum.

Part. 2.
Disp. 7.

Lib. 3. c. 9.

nullum. Probabile est, ait Bucanus, ex Johannis Circumcisione & Abrahami exemplo, singulas familias per se eam administrasse convocatis vicinis. Administrabatur domi apud parentes, quod Circumcisio non posset sine acerbissimo infantis cruciatu fieri, ut vulneri absque mora remedium adhiberetur, Loc. 46. Zepperus de Sacramentis, pag. 251. Non legimus speciale circumcidendi mandatum olim Sacerdotibus in Veteri Testamento datum fuisse, quemadmodam Novi Testamenti Ministri Ecclesiæ baptizandi mandatum habent. Barradius in Evangelia Tom. 1. l. 9. Cap. 2. Nec igitur peculiarem locum nec peculiarem Ministrum Circumcisio, nisi forte chirurgum, postulabat. Sic Suarez in 3. Part. Tom. Disp. 29. f. 2. Hodie indifferenter circumcidit Mohel, id est, circumcisor, in ædibus vel in Synagoga. Cum igitur de Ministro Circumcisionis sicut de Baptismi Ministro non extet certa lex aut institutio, non sequitur alios quàm Ministros Evangelii posse baptizare, quia alii quādoque quàm sacerdotes circumciderunt.

In Libro Liturgiæ Anglicanæ post Baptismum sequitur Confirmatio, in qua Catechismus ad pueros instituendos continetur. Visum est neminem ad Confirmationem admittendum, nisi qui materna lingua Fidei Articulos, Orationem Dominicam, Decalogi Præcepta, expedire poterit & memoriter pronunciare, & ad reliquas item Quæstiones brevis illius Catechismi respondere, quas Episcopus, vel pro illius arbitrio alius quicumque, proposuerit. Hac autem ratio plurimis de causis commodissima videtur. Primum, quia cum pueri ad maturiorem ætatem pervenerint & didicerint, quæ & quanta Susceptores ipsorum nomine in Baptismo promiserint; ipsi proprio ore, proprio consensu, publicè in conspectu Ecclesiæ eadem agnoscant & confirment, profiteanturque se Divina gratia adjuvante conaturos ea omnia fideliter observare, quibus jam suis verbis, sua confessione, assenserint. Secundò, quoniam Confirmatio illis adhibetur, qui jam baptisati sunt, ut per impositionem manuum & orationem vires & defensionem accipiant contra omnes insultus peccati, mundi, & Diaboli; commodissimè administratur, cum pueri eam ætatem attigerint, qua tum per suam carnis infirmitatem, tum per varios, hujus mundi & diaboli insultus, in maximo periculo constituuntur, ne in gravissima peccata prolabantur. Tertiò, quod non alienum sit à consuetudine Primitivæ Ecclesiæ, qua susceptum erat, ut Confirmatio adhiberetur illis, qui ad maturiorem ætatem pervenissent, ut ipsi jam in religione Christiana instituti suam ipsorum fidem publicè profiterentur, & promitterent se divina voluntati & mandatis ejus obtemperaturos. Ne quisquam verò putet, ex dilatione Confirmationis quicquam detrimenti filiiis suis accessurum, sed apud animum constituat ex Dei verbo clarum & perspicuum esse, infantes baptizatos omnia habere ad salutem necessaria, certoque certius salutem consequi. Quamprimum pueri materna lingua memoriter teneant Articulos Fidei, Orationem Dominicam, & Præcepta Decalogi, poteruntque respondere ad quæstiones ipsius Catechismi, vel ab Episcopo, vel ab alio quovis pro illius arbitrio, propositas; tum ut testem habeant Confirmationis suæ, per aliquem Susceptorem ad Episcopum confirmandi adducentur. Episcopus autem hoc modo confirmabit. Episcopus. Auxilium nostrum in nomine Domini. Responsum. Qui fecit cælum & terram. Episcopus. Sic nomen Domini benedictum. Responsum. Ab hoc præsentis tempore in omne usque ævum. Episcopus. Domine exaudi, quæsumus, orationem nostram. Responsum. Et clamor noster ad te perveniat. Episcopus. Oremus. Omnipotens æternæ Deus, qui hos servos tuos per aquam & Spiritum Sanctum regenerare dignatus es, omniaque iis peccata condonare, confirma eos, &c. Vide supra pag. 263. Tunc Episcopus manum in singulorum capita imponens, sic dicit; Defende, Domine, hunc puerum cælesti gratia, tuus ut semper maneat, quotidieque magis tuo Sancto Spirituaugeatur, donec ad æternum regnum perveniat. Amen. Episcopus addet. Oremus. Omnipotens æternæ Deus, qui & voluntatem nobis & facultatem addis ad ea faciendâ quæ bona sunt, & tua majestati grata, supplices tibi preces fundimus pro his pueris, super quos ad exemplum sanctorum Apostolorum tuorum manus imposuimus, ut certiores eos hoc signo

redderemus tua in ipsos benigna voluntatis; paterna tuamano, quasumus, semper eos protegat, & defendat Spiritus Sanctus eos perpetuo, & sic in scientiam & obedientiam verbi tui inducat, ut tandem vitam aeternam consequantur. Per Dominum nostrum Jesum Christum, qui tecum vivit & regnat verus Deus in omne ævum. Amen. Episcopus tandem benedicit pueris. Cujusque Parochia Minister, vel alius quisquam ab eo designatus, Dominicis & Festis diebus paulo ante vespertinas preces publicè in templo pueros eò missos pro temporis ratione diligenter instituet & examinabit in aliqua parte istius Catechismi, prout ipsi commodum & oportunum videbitur. Parentes simul & Domini curabunt, ut filii & servi nondum in Catechismo instituti tempore constituto ad templum veniant, obedienter audieturi, & etiam ministris obtemperaturi, donec in hoc Libro præscripta memoriter didicerint. Sacerdotes ipsi plerisque locis non intelligunt Catechismum illum brevem. Doctor *Worship* pro concione ad ædem Pauli asseruit, mille esse in Anglia Sacerdotes qui distinguere nescirent inter ovis & navis; quæ verba expunxit Episcopus vel ejus Sacellanus cum typis mandaretur concio illa. Sed qui intelligunt, negligunt, & nihil minùs quam Catecheticam institutionem curant. Quoties Episcopus indicaverit pueros aliquo opportuno in loco ad Confirmationem coram se adducendos; tum cujusque Parochia Administer omnium puerorum in sua Parochia nomina, qui Articulus Fidei, Orationem Dominicam, ac Decalogi Præcepta, recitare possunt, aut ipse afferet, aut per scripta ad Episcopum mittet: tum etiam significabit, quot eorum sint, qui ceteris quæstionibus hoc Catechismo descriptis accommodatè possunt respondere. Nemo autem ad sacramentam Communionem prius admittatur, quàm & Catechismum didicerit & confirmatus fuerit. De Confirmatione Anglicana vide Dissertationem quæ habetur supra à pag. 255. ad 270. & quæ dicta sunt de Signo Crucis post Baptismum.

Post Confirmationem Episcopalem puerorum sequitur in Libro Liturgiæ, Forma solemnizandi Matrimonium. Primum, Banna edenda sive promulganda sunt tribus diebus Dominicis vel Festivis, divinorum officiorum tempore, populo præsentè, juxta antiquum morem. Quod si persona matrimonio conjuganda in diversis degant Parochiis, Banna promulgari in singulis debent. Nec præsumat Minister unius Parochia sacram Matrimonii ceremoniam seu solemnizationem peragere, nisi ab alterius Parochia Ministro certior factus fuerit in scriptis de Bannis tribus vicibus promulgatis. Canone 62. Constitutionum anni 1603. sub pœna suspensionis ad triennium prohibentur Matrimonium celebrare, nisi Banna matrimonialia per tres dies Dominicos fuerint denunciata publicè in Ecclesiis Parochialibus aut Capellis, ubi contrahentes commorantur, & tempore divinorum: additur exceptio, absque facultate seu licentia ab aliquo eorum, qui in hisce Constitutionibus designantur, indulta & concessa. Designantur autem Canone 101. quem vide supra Capite 3. pag. 64. 65. Si facultatem seu indulgentiam impetnaverint, prohibentur tamen Ministri Matrimonium celebrare, nisi Tempore Precum publicarum intra horas 8 & 12 duntaxat, in Ecclesiis vel Capellis, ubi parium altera commoratur. Præterea etiam trina Bannorum indictio præcesserit, nec ulla proinde dispensatio requiratur, priusquam parentes aut gubernatores contrahentium, si atatis suæ annum non compleverint, consensum suum, vel personaliter, vel per testimonium luculentum, dicto Ministro significarint, non celebrabit. Sed vide supra cap. 5. Redeamus ad Librum Liturgiæ. Constituto Nuptiarum die, in Navem Ecclesia sive frequentiore cœtum convenient qui sunt connubio copulandi, cum amicis & vicinis. Ac ibidem tum Minister, the Priest, incipiet sic. Convenimus in hunc locum, dilectissimi, coram Deo atque in conspectu Ecclesia ejus, ut hunc virum mulieremque hanc sacro sociemus Conjugio: quod vivendi genus honorabile primum ab ipso Deo in Paradiso, dum adhuc homo in Innocentia persisteret, institutum est, mysticam illam inter Christum & ejus Ecclesiam nobis præfigurans unionem, &c. Monet deinde: Si quisquam sis, qui

*A Sheep
and a Ship.*

justam

justam causam proferre poterit cur legitime isti conjungi nequeant, aut jam palam denunciet, aut in futurum reticeat perpetuo. Atque personas conjungendas Matrimonio alloquens Minister dicet; mando, præcipioque vobis &c. Mandat, siquod noverint impedimentum, ut illud modò confiteantur. Quo nuptiorum die, si quisquam allegabit & denunciabit impedimentum quodcunque, quo minus isti nequeant ex Dei lege, ejus regni statuti, matrimonio conjungi; & seipsum unà cum fidejussoribus idoneis obligare velit personis sic copulandis, vel sufficientem cautionem deponat, ad satisfaciendum plenè pro omnibus sumptibus quos personæ copulandæ sunt factura, se causam probaturum: tum solennizatio proroganda est in illud tempus dum rei veritas planè constet. Si nullum impedimentum denunciatur, tum Minister virum alloquetur; N. vis habere hanc mulierem in sponsam, ut cum illa in sacro Conjugii statu juxta Dei ordinationem simul vivas? vis eam diligere, consolari, honorare, & tam infirmam quam sanam conservare, atque repudiatis aliis omnibus illi soli adherere quàm diu vita utriusque vestrùm duraverit? Respondebit vir; Volo. Tunc Minister mulierem alloquetur; N. vis habere hunc virum in sponsum, ut in sacro Conjugii statu juxta Dei ordinationem simul vivas &c. Respondebit mulier; Volo. Tunc dicet Minister. Quis hanc mulierem tradit ut huic nubat viro. Tum Minister mulierem de manu parentis vel amicorum acceptans, admonet virum, ut dextram mulieris prehendam, & sic uterque alteri mutuam fidem præstabit, viro sic dicente. Ego N. accipio te N. in uxorem mihi, ut te ab hoc tempore in futurum præ aliis, melioribus sive deterioribus, ditioribus sive pauperioribus, habeam, teneam, diligam, & foveam, tam sanam quàm infirmam, donec mors nos disjuxerit, juxta Dei decretum; atque in ejus rei confirmationem, fidem meam astringo. Tunc manus dissolvent, & mulier rursus viri dextram apprehendens dicet; Ego N. accipio te N. mihi in maritum, ut ab hoc tempore in futurum, &c. His rebus sic gestis conjunctas manus relaxabunt; & maritus anulum uxori dandum libro imponet unà cum pecuniis Ministro ac sibi serviendi debitis, with the accustomed duties to the Priest and Clerk. Et Minister acceptum anulum tradet marito, ut eo digitum annularem sinistræ manus uxoris exoruet, & vir à Ministro instructus dicet; Ego te hoc annulo mihi spondeo, te corpore meo honoro, with my body I thee worship, & bonorum meorum omnium participem facio. In nomine Patris & Filii & Spiritus Sancti. Amen. Liber Bucer si habet; Tunc vir det mulieri anulum, & alia munera, aurum & argentum, & ponet super librum, quem Sacerdos manu tenet; ac Presbyter accepto annulo tradet viro, ut imponat quarto digito mulieris, dicens: Cum hoc annulo te mihi despondeo, hoc aurum & argentum tibi dono, cum meo corpore te honoro, & omnibus fortunæ bonis te amplifico, in nomine Patris &c. Postquam anulum vir reliquerit in annulari digito, videlicet quarto sinistræ manus mulieris, dicet Minister; Oremus. Æterne Deus, Creator, Conservatorque totius generis humani, omnisque gratiæ spiritualis largitor & autor vitæ æternæ, mitte desuper benedictionem tuam super hos famulos tuos, hunc virum atque hanc mulierem, quos in tuo nomine benedicimus, ut sicut Isaac & Rebecca summa fide inter se vivebant, sic isti duo firmiter persolvant custodiantque votum ac fœdus inter se initum, (cujus est annuli hæc datio acceptioque argumentum & arrha,) & ut in mutuo amore & pacis vinculo perseverent, atque reliquam vitam universam ad legum tuarum normam dirigant. Per Jesum Christum Dominum nostrum. Amen. His dictis Minister, the Priest, eorum dextras junget dicendo; Quos Deus conjunxit homo ne separet. Ad populum vero Minister sic; Quandoquidem N. & N. in sacrum consenserint Conjugium, idque coram Deo atque hac Ecclesia sunt contestati, cumque ad ejus rei confirmationem mutuo sibi fidem sponderint, datoque & accepto annulo, atque dextris conjungendis idem palam declará-

rint, idcirco eos maritum uxoremque esse pronuntio. In nomine Patris & Filii & Spiritus Sancti. Amen. Insuper addet hanc benedictionem Minister; Deus Pater, Deus Filius, Deus Spiritus Sanctus vos benedicat, tueatur, & protegat: misericors Dominus suo vos favore benigne respiciat, atque omni vos benedictione spiritali & gratia repleat, ut in hac presenti vita sic mutuo diligatis, quo in futuro sæculo vita fruamini æterna. His ad huncmodum finitis, Ministri vel Clerici Dominicam mensam versus procedentes sequentem Psalmum vel dicent vel cantabunt, nempe Psal. 128. vel 67. Liber Bucerii sic habet. Tunc ingrediantur chorum, Ministris aut Clericis canentibus Psalmum. Et adhuc chorum ingredi apparet. Finito Psalmo & genuflectentibus viro & muliere ante mensam Dominicam, Minister etiam ad eandem stans, & eos respiciens dicit; Kyrie eleeson. Responsum, Christe eleeson. Minister, Kyrie eleeson. Pater noster qui es in cælis &c. & ne nos inducas in tentationem. Responsum. Sed libera nos à malo. Minister. Domine saluum fac servum tuum & ancillam tuam. Responsum. Qui sperant in te. Minister. Mitte eis Domine auxilium de sancto. Responsum. Et eos semper protege. M. Eslo eis turris fortitudinis. R. A facie inimici. M. Domine exaudi preces nostras. R. Et clamor noster ad te perveniat. M. Deus Abraham, Deus Isaac &c. Orat ut, sicut super Abrahamum & Saram ad eos mirificè consolandos benedictionem miserit, ita mittere dignetur benedictionem suam super hos famulos &c. & statim aliam habet precationunculam; Misericors Domine ac Cælestis Pater, cujus munere gratioso genus humanum propagatur; prosequere quæsumus hos famulos tuos benedictione tua, ut & liberorum procreatione fiant fecundi, & sancta dilectione & honestate vitam prorogent, donec filios filiorum videant in tertiam & quartam generationem ad laudem & gloriam tuam. Amen. Sed istam precationunculam omittit, si mulier parere desierit. Deinde tertiam habet, ubi ait, decrevisti ut de viro ad imaginem & similitudinem tuam creato mulier sumeret vivendi principium; atque eos copulando statuisti nunquam licere separare, quos tu matrimonii lege unum fecisti: Deus, qui tam excellenti mysterio conjugalem copulam consecrasti, ut in ea spirituale conjugium & unionem Christi & Ecclesiæ significares & representares, respice propitius supra hos famulos, ut non solum hic vir juxta verbum tuum uxorem diligat, sicut Christus Ecclesiam suam qui seipsum pro ea tradidit, amando atque fovendo ut suam ipsius carnem, verum etiam hæc viro suo sit amans ut Rachel, sapiens ut Rebecca, fidelis & obediens ut Sara &c. Tunc dicit Minister, Omnipotens Deus &c. His verbis iterum benedicit. Incipiet postea communio & post lectum Evangelium Concio sequetur, in qua, de more quoties nuptiæ erunt celebrandæ, mariti & uxoris officia debita explicabuntur juxta Sacras Scripturas. Quod si non sit qui concionetur, ipse Minister populum alloquetur his verbis. Quicumque &c. Legit versus aliquot Ephes. 5. Coll. 3. 1 Petr. 3. 1 Pet. 5. Ephes. 3. Qui sacro conjugio copulantur, eodem nuptiarum die debent sacram Synaxim recipere.

Indictio Nuptiarum (quam Banna vocant, & derivant quidam à voce $\pi\alpha\nu$, quia omnibus innotescit, vel quia integram & perfectam denunciationem, primam, secundam, tertiam, significat, mutato π in β) laudabilis est. Hunc morem observant & Pontificii, nam illi in Pronao statim post Offertorium Banna promulgant. Sed ut apud illos, sic apud Anglos faciliè potest impetrari Dispensatio, seu remissio denunciationum, & ex Canone ordinis & eutaxiæ causa condito quæstum faciunt uberimum. Vide supra pag. 64. 65. Quod ad locum celebrandi; nullum censumus alio sanctiorem, quin in eo rite celebrari possit, & proinde non minus ritè in Choro vel Pronao quam in Navi. Imo in prætorio vel quovis loco publico in hunc usum destinato ritè celebrari potest. In portis civitatum celebratum legimus contractum matrimonialem Ruth. 4. Judæi hodie in privatis ædibus

aut cubiculo celebrant. Cœtum etiam frequentiore probamus, non tamen cœtum publicum totius Ecclesiæ particularis necessario adesse debere existimamus; & apud nos sæpius solent celebrare Matrimonia extra sacra & publicum conventum totius Ecclesiæ. Nam non est actio ista merè Ecclesiastica, quæ desideret præsentiam totius cœtus particularis illius Ecclesiæ cujus personæ contrahentes sunt mentibra, sicut administratio Sacramentorum. Est contractus civilis, sed Divinus etiam, quia intervenit Dei autoritas, id est institutum quo statuit vinculum hujus contractus non temerè dissolvendum aut violandum: non tamen sequitur, non nisi Ecclesiæ interveni celebrandum; nisi velimus quæcunque Deus instituit, etiam si non ad usum sacrum, in Ecclesia celebranda. Non excludimus præsentiam totius Ecclesiæ, imo nec infidelium, aut quorumvis qui adesse cupiunt, sicut in portis civitatum omnibus accessum patuisse non dubium est: sed necessariam esse ejus præsentiam negarem. Sufficere existimo si frequentior sit cœtus in loco publico, modò non relinquatur cujusvis arbitrio hunc numerum definire. Tempus, locum, cœtum, legibus definiri oportet, propter incommoda & pericula quæ ex clandestinis matrimoniis emergere possunt. Ministri benedictionem tamen non spernimus. Non est de essentia contractus præsentia & benedictio Ministri. Decrevit quidem Concilium Tridentinum, nulla & irrita fore matrimonia quæ contrahuntur sine Parœci aut alterius Sacerdotis de ipsius Parœci seu Ordinarii licentia, & duorum vel trium testium præsentia; cum tamen Ministros hujus Sacramenti dicunt Pontificii esse ipsos contrahentes, non Parœcos aut Sacerdotes. Cum Sacramentum istud constare possit materia, forma, efficiente, & fine, absque præsentia & benedictione Sacerdotis; quomodò irrita decernere possunt, ubi desunt ista duo? Ministri tamen præsentiam & benedictionem probo, non quod celebrationem istam actum propriè Ecclesiasticum existimem; sed quia civilibus etiam actibus benedictionis ergò interesse potest, ut in Regum Inauguratione. Possè Ministrum benedicere in Regum inauguratione, neminem dubitare arbitror. Si igitur Minister benedixerit, sive in loco illo ubi solet convenire Ecclesia, sive alio quovis loco publica autoritate indicto, nihil præter officium faceret. Sed ista damnamus; primò, quòd Matrimonium Sacramentum constituent, & in modum sacramenti celebrant. Sacramentum esse dicunt disertis verbis in Homilia de Juramento, ubi Baptismum & Matrimonium Sacramenta esse dicunt. Et in Liturgia sæpius inculcant sacram significationem Unionis Christi cum Ecclesia; & dicunt Deum consecrasse copulam conjugalem tam excellenti mysterio, ut in ea spirituale conjugium & unionem Christi & Ecclesiæ significaret & representaret, alludentes ad locum Apostoli, Ephes. 5: 32. & mysterii vocem, quam Vetus Interpres vertit Sacramentum, non ad conjunctionem Christi cum Ecclesia, ut facit Apostolus, sed ad conjunctionem uxoris & mariti referentes. Præterea separationem quoad thorum & mensam post divortium propter adulterium concedunt, non tamen separationem quoad vinculum. Pontificii hac ratione præcipuè matrimonium dicunt indissolubile, nempe quia est Sacramentum. *Quod unus uni indissolubili vinculo ita jungatur, ut quovis occurrente De Mā- incommodo, etiam amissa spe prolis, seungi nequeant, sine magno mysterio esse nequit, trim.* inquit Bellarminus. Item, *illa omnimoda insolubilitas in unis nuptiis non potest refer- Cap. 2. ri in causam primariam & certissimam, nisi in signum conjunctionis Christi cum Ecclesia, in quam causam perpetuò Augustinus eam insolubilitatem refert.* Item: *Cur Cap. 4. igitur matrimonium sit omninò insolubile, illa est potissima causa, quia significat Divina institutione insolubilem conjunctionem Christi & Ecclesiæ.* Insolubilitas Matrimonii quoad vinculum igitur arguit matrimonium esse Anglis Sacramentum, & ideo verba illa in Liturgia usurpant, *quandiu vita utriusque vestrū duraveris, & do-*

Cap. 2.

nec mors nos disjunxerit. Probat etiam Aquinas, Matrimonium esse Sacramentum, à signo & conjecturis, ut etiam nos supra fecimus, inquit Bellarminus: *est enim signum hujus rei, quod matrimonium sacerdotali benedictione ornatur, & quod ad Ecclesiæ Ministros pertineat causas matrimoniales judicare.* At hæc signa & conjecturas habent etiam Angli. Conjunctionem matrimonialem imaginem quandam esse conjunctionis Christi cum Ecclesia eamque repræsentate concedimus: non tamen propterea sequitur esse Sacramentum, magis quàm conjunctionem palmitum cum vite, aut capitis cum corpore. Nullum hic elementum, nec verbum promissionis, & communis est ille contractus membris Ecclesiæ Veteris & Novi Testamenti, Ethnicis & Christianis, & in ipso innocentie statu conjunctio Adami & Evæ erat imago conjunctionis Christi & Ecclesiæ per naturæ conformitatem & charitatem ac animorum unionem. Quomodo igitur Sacramentum esse potest Novi Testamenti? Sed de spurio isto Sacramento videat lector quæ passim habent scriptores nostri. Quod ad ritus celebrationis attinet; si celebraretur Matrimonium non ut Sacramentum aut actio proprie Ecclesiastica, sed ut contractus civilis, rituum usurpationem liberiolem non negarem. Sed quod in Ecclesiæ coetu publico & inter sacra his ritibus celebraretur matrimonium ut res sacra, non probarem. Ut quod annulum maritus uxori dandum libro imponit unà cum pecuniis Ministro ac sibi servienti debitis, & Minister annulum acceptum tradet marito, ut eo digitum annularem sinistrae manus uxoris exornet, dicens, *Ego te hoc annulo spondeo, &c.* & Minister inter orandum narrabit Deo quod annuli traditio & acceptio sit arrha & argumentum initi inter eos foederis. Quid ineptius? In Rituali Romano, Parochus accipit annulum & arras de manu sponsi, & benedicit. Benedictio annuli. *Benedic X domine annulum hunc quem nos in tuo nomine benedicimus X ut quæ eum gestaverit fidelitatem integram suo sponso teneat, in pace & voluntate tua permaneat, atque in mutua charitate semper vivat. Per Christum Dominum. Resp. Amen.* Iterum orat ut Dominus mittat benedictionem super hunc annulum, ut quæ hoc fidelitatis signo insignita incesse, in virtute celestis defensionis ad æternam vitam sibi proficiat. *Per Christum. Resp. Amen.* Benedictio Dei Patris X omnipotentis, & Filii, & Spiritus X Sancti descendat, & maneat super hunc annulum. & has arras. *Resp. Amen.* Postea aspergit annulum, & arras, & sponso, & assistentes, aqua benedicta in modum Crucis. Tum accipiat annulum, & dicat, *Benedic Domine hunc annulum, ut ejus figura pudicitiam custodiat.* Et sponsus acceptum annulum de manu sacerdotis imponit in digito annulari sinistrae manus sponsæ. Sacerdote dicente. *In nomine Patris, & Filii & Spiritus Sancti.* Liturgia Anglicana vult, annulum imponi libro prius quàm accipiat eum sacerdos, & sacerdotem tradere deinde marito, ut imponat eum digito sponsæ. In quem finem ista fiunt, divinare nequeo, nisi ut sic sanctificetur & benedicatur aliquo ritu annulus, priusquam tradiderit eum sponsæ. Ritus iste annuli è sponsalibus in matrimonii contractum irrepsit. Arrhæ nomine in sponsalibus datum fuisse annulum refert Plinius. *Qui obligationem,* inquit, *aureos acceperant annulos, in publico tantum utebantur eis; intra domos verò ferreis.* Quo argumento etiam nunc sponsæ annulus ferreus mittitur, *isque sint Gemma.* Et communem sponsonibus omnibus arrham fuisse annulos ostendit, ex eo quod annulo omnia signarentur, ut intacta essent, & vindicarentur à rapina. Promissionis, & reconciliationis arrhabonem fuisse & eversionis ad dignitatem, pater ex Thamaris, & Josephi historia, & filii prodigi parabola, Gen. 38. & 41. & Luc. 16. Annulus igitur fidei arrhabonem habebat, & in sponsalibus fitem faciebat promissionis nuptiarum: & ea disponfata præsumebatur, quæ annulum in digito deferrebat. Mulier, quæ virum desponsarum prosequetur,

Lib. 33.
c. 1.

tur, ad probationem exhibebat testes, quod adversarius ejus eam desponsationis annulo publicè subarrhasset. Vide Decretalium, l. 2. tit. 27. cap. *Tenor literarum.* Ex Libro Precum Iudaicarum hæc habet Drusius; *Qui despondet mulierem, adducit testes & desponsat coram eis pecunia aut re aliquo equivalente, etiam obolo quem dat ei coram illis, & dicit; Esto mihi desponsata hac re secundum legem Moysi & Israel. Quod si non adfuerint testes, desponsatio ejus nulla est, etiam si ambo confessi fuerint. Quod si desponsaverit eam socio suo, seu alteri, dicit, Esto desponsata N. annulo hoc secundum legem Moysi & Israel.* Interdum consensus exprimitur per verba de futuro, (& tunc dicuntur Sponsalia seu Matrimonium contrahendum,) hac vel simili verborum forma; Promitto quod accipiam te in uxorem. Interdum per verba de præsentī (& tunc dicitur Matrimonium Contractum) hac vel simili verborum forma; Accipio te in uxorem, vel volo te in uxorem, Sponsalia per verba de futuro dicta fiducia sunt altero ex 3. modis, s. per simplicem promissionem, ut promitto quod accipiam te in maritum, & similia. Secundo per juramenti fidei interpositionem, ut iuro vel fidem meam promitto, quod accipiam te in maritum. Tertio per subarrhationem, ut cum datur pecunia vel annulus vel alia res per legalitatem matrimonii contrahendi; ut definitum in Synodo Lingon. Videmus igitur, annuli traditionem usurpatam fuisse, & quidem civiliter in sponsalibus. Cur autem insignita annulo sponsa in quarto à pollice digito, quem medicinalem vocant, hanc rationem reddunt; quia in eo est vena quædam sanguinis ad cor usque perveniens, vel, ut Gregorius Tholosanus ait; *Ex communi consensu annulum in digito qui minimo vicinus est, quem etiam medicinalem vocant, manu præcipuè sinistra gestatum, quod nervus quidam de corde natus prorsum pergit usque ad digitum manus sinistræ minimo proximum, & illic definit implicatus cæteris ejusdem digiti nervis: & ideo visum Veteribus, ut ille digitus annulo tanquam corona circumdaretur.* Hunc ritum Bucerus in Censura probat quidem his verbis; *Subjicitur alius ritus, ut annulum, & si quod aliud signum desponsationis sponsus velit dare sponsæ, sive aurum sive argentum, ut ista sponsus prius ponat in librum sacrarum, & inde minister sponso illa reddat, quo ipse ea sponsæ tradat, præscriptis in libro verbis. Et hic admodum commodus ritus esse videtur, si modò quid ista omnia significant populo subinde explicetur. Ut quod annulus & cætera dona, quibus sponsus sponsam ornare vult, prius in librum sacrarum deponuntur, & à ministro sponso rursus traduntur tribuenda ab eo sponsæ, significare oportere nos nostra omnia priusquam illis utamur, offerre Deo cujus sunt, & consecrare; & illa tanquam ex ipsius manu accipere ad illius gloriam usurpanda. Ita annuli insertionem in proximum minimo digitum manus sinistræ, in quo digito ajunt nervum quendam prodeuntem de corde finiri, cæterisque nervis ejus digiti implicari, significare cor sponsæ debere semper sponso esse devinctum vinculo amoris perpetuo, ut annuli nullus finis est. Sic reliqua munera omnium facultatum atque totius vitæ communicationem. In hoc Bucerī testimonio gloriantur Formalistæ, cum tamen multa alia non emendent quæ Bucerus in sua Censura reformari volebat. Sed audiamus quid replicet Cartwrightus, Quandoque bonus dormitat Homerus. Nam primum, ostendi non licere nova signa aut sacramenta instituere. Præterea periculosum esse, præsertim hic ubi confirmatur falsa & Papistica opinio Sacramenti. Et tertio, tam ineptas fingere allegorias deponendæ pecuniæ, rotunditatis annuli, & mysterii quarti digiti (liceat mihi, salva ejus reverentia, dicere) valde ridiculum. Et quarto, quod vult Minister ejusmodi nugæ pro concione explicare, non sapit eraditionem & judicium M. Bucerī. Quam facile est ritibus ineptissimis bellas affingere allegorias? Si hunc ritum concederemus, nullum ritum symbolicum quantumvis ridiculum Romanensium repudiare.*

Præterea in
Novum
Test. Cap.
1.

Bochelli
Decres.
p. 416;

Syntag.
Lib. 8.
Cap. 7.

Censura
Cap. 20.

1. Repl.
Whitgift.
p. 159.

diare jure possemus. De ritibus symbolicis diximus supra Cap. de Adiaphorís. Hunc ritum civiliter in Sponsalibus usurpatum non damnamus; nec in ipso foedere nuptiali damnamus, si foedera nuptialia civili modo celebrarentur, nempe ut sponsus imponat annulum digito sponsæ, aut sponsi socius, ut apud Judæos observatum. Nam Ministri, quatenus Minister, officium istud non est, sed potest quisvis aliuseum ritum administrare. Sed ut imponat Libro Sacrorum, & deinde tradat sponso, sive Minister sive alius etiam, in sponsalibus superstitionis esse quis non videt, & excogitatum ut suppleret vicem benedictionis Papisticæ, ac si contractu libri sanctificaretur annulus? Annulum ejusve ritus introducere in Ecclesiam, & ex eo sacrum symbolum constituere, ex ritibus circa eum ritus sacros, ut hîc fit, non est ferendum. Ecclesia consideratur duobus modis, vel ut coetus sacer fidelium, vel ut communis civium. Posteriori modo si consideretur, annuli traditio usurpari potest, (non tamen cum impositione super Librum Sacrorum,) ubi congregantur ut cives, ut in pratorio, aut foro, aut portis civitatum. Sed in Ecclesiam, ut est coetus sacer fidelium in unum coeuntium ad Deum colendum, ejusque cultum celebrandum, nulli ritus symbolici à Deo non instituti sunt introducendi. Minister benedicere, orare, hortari, admonere, potest. Quatenus civis & socius sponsi aut paranympus, potest multa facere extra conventum publicum Ecclesiæ, quæ non facit ex officio quatenus Minister. Hoc respectu potest annulo sponsam desponsare, non tamen sanctificando, vel Crucis benedictione, vel deponendo super Librum Sacrorum, aut Deo in oratione explicando quid significet istud symbolum ejusque ritus. Sed celebrant matrimonium ut sacramentum in coetu sacro & inter sacra, & annulus ejusque ritus sunt hujus spurii Sacramenti Sacramentalia. Habet annuli ritus annexum verbum, quod interpretari nequeunt ipsi formalistæ. *Ego te hoc annulo tibi spondeo, te corpore meo honoro.* Quid sibi volunt illa verba, *te corpore meo honoro*, definire non potest Hookerus, sed varios sensus excogitavit. Anglicanâ, *with my body I thee worship* possunt reddi, *corpore meo te colo vel adoro.* Nam vox, *worship*, vulgò significat adorare vel colere, præsertim in sacris. Nolunt tamen ista verba expungere & planiora substituere, quæ facilè intelligerent rudiores; sed ridiculam istam verborum formulam retinent. Et quamvis substituerent *honorandi* vocem, alludentes ad locum Petri 1 Epist. 3. 7. tamen ista verborum formulâ, *te corpore meo honoro*, ineptia esset & ridicula. Nam Apostolus loquitur de cura, & sollicitudine mentis, protectione, tutela & debita æstimatione, sicut vocabulum Honoris, Hebræorum phrasi, largiùs sumitur. Sed honorare corpore quomodo dici debeat maritus sponsam, magis quàm sponsa maritum, non capio. Nam jus habet uterque in corpus alterius reciprocum. Sed an iste *συνὸς λόγος*, qui in sacris usurpandus, sicut usurpant illi, videant pudentiores. Præterea ait Vir à Sacerdote instructus, vel potius Sacerdotem benedicientem subsequens; *Ego te hoc annulo tibi spondeo* &c. *In nomine Patris & Filii & Spiritus Sancti.* Nam duplex est Sacerdotalis Benedictio in Matrimonio, inquit Bellarminus, *Una, quæ datur in contractu de præsentî, cum Sacerdos dicit, Ego vos conjungo in nomine Patris, & Filii, & Spiritus Sancti, & hæc fere in domo privata dari solet; altera est Benedictio, quæ datur in Templo tempore Missæ, cum adjunctis variis precibus.* Si illa verborum formula, *Ego vos*, &c. sit Benedictio, & ista, *Ego te spondeo hoc annulo* &c. in nomine Patris & Filii & Spiritus Sancti: An non igitur annuli traditio seu impositio benedicitur. Et sic duobus modis sanctificatur annulus, antè per impositionem super librum, & iterum cum imponitur digito sponsæ. BoHELLUS ex Synodo Turonensi. 1583. habet istam for-

De Matrimonioca. 3.

formam. Postea dicat Paroecus; *Fufatis uterque Deo, & promittitis invicem hanc fidem perpetuò servare? Uterque respondeat; Furo & promitto. Hoc factò dicat Sacerdos. Ego* Pag. 417.
vos in matrimonium conjungo, in nomine Patris, & Filii, & Spiritus Sancti. Per hanc autem formulam annuli benedicti in digito mulieris apponi soliti usum in omnibus fere Diocesis observari solitum, aliosque ritus ab Ecclesia receptos, reprobare non intendimus. Vides in Gallia Romanenses in annuli benedictione eadem formula verborum uti, quam Bellarmirus Benedictionem appellat. Cum Missa celebrant hoc sacramentum. Incipit Communio, & post lectum Evangelium concio sequitur, in qua mariti & uxoris officia debita explicantur. Si non sit qui concionetur, ipse Sacerdos recitat quædam fragmenta ex Epistolis. Sed possunt conducere Concionatorem, si Paroecus non sit satis aptus. Nam venales sunt apud eos Conciones Baptismales, Nuptiales, Funebres, præsertim ubi Paroecus ipse donum non habet. Post enarrata officia debita percipiunt Eucharistiam qui connubio juncti sunt. Sic inter Missæ solennia enarrantur debita officia. Coena non administratur in publico Ecclesiæ conventu, nec ab omnibus percipitur, sed in modum Missæ oblatæ pro Conjugatis celebratur. Cum annulo super Librum Sacrorum deponitur pecunia Sacerdoti ejusque Ministro debita. Non habent tempus magis opportunum pendendi debita, quàm inter ipsa sacra. Sacra dico, nam sacramentum celebrare se existimant. Sed Oblationum nomine cohonestatur ista pecunia. Ideo super Librum Sacrorum deponi arbitror. De Oblationibus sæpius supra diximus. Ex Synodalibus Rhemenfis & Trecentis Ecclesiæ habet Bochellus Decretum istud. Prohibemus sub pœna Excommunicationis Sacerdotibus, sàm Curatis quàm Capellanis, ne aliquid petant vel exigant ante benedictionem nuptialem pro matrimonio celebrando; gratis tamen oblatum recipi potest, & post matrimonium celebratum exigi, secundum laudabilem Ecclesiæ consuetudinem pro labore, quæ consuetudo a jure minime improbat. F. Odo Parisiensis Epist. in Synod. Prohibetur districtè sub pœna suspensionis, ne ullus Sacerdos aut Capellanus aliquid exigat ante benedictionem nuptialem, sive pro testimonio ferendo, sive pro matrimonio celebrando, occasione ferculorum quæ debentur pro nuptiis: celebrato autem matrimonio recipiat fercula, & exigat, si necesse fuerit, sicut consuetum est. Nos nec tempus, nempe inter sacra, nec modum, nempe vel oblationis vel pretii pro re sacra, propter Simonix speciem, probamus. Nam Sacramentum esse illorum opinione pluribus indiciis ostendimus; cum tamen non sit ista actio propriè Ecclesiastica, id est Ecclesiæ peculiaris, sed ritè coram Magistratu celebrari possit, ut hîc in Hollandia. Habent & tempora feriata, quibus nuptias celebrare non licebit. Inter impedimenta matrimonium contrahendum impediencia, sed non dirimentia contractum, numerant Pontificii Tempus Feriatum; sic etiam Angli. Solennizatio, inquit Lindvodius, non debet fieri, nisi post Banna canonicè edita, & non potest fieri à Dominica Prima Adventus usque ad Octavam Epiphaniæ exclusivè, & à Septuagesima usque ad Primam Dominicam post Pascha inclusivè, & à Primâ Die Rogationum usque ad Septimum Diem festi Pentecostes inclusivè, licèt quoad vinculum his diebus contrahi possit. Hæc tempora feriata adhuc observant Angli, cum tamen Pontificii in Concilio Tridentino, tantum ab adventu Domini nostri Jesu Christi usque in diem Epiphaniæ, & à feria quarta Cinerum usque in Octavam Paschatis inclusivè, solennium nuptiarum prohibitiones observari præceperint: in aliis vero temporibus nuptias solenniter celebrari permittant Sess. 24. Cap. 10. Quocunque tempore potest matrimonium contrahi coram Parocho; sed nuptiarum solennitates, convivium, tractatio ad domum, & carnalis copula certis temporibus prohibentur. Sic explicant Cardinales interpretes Concilii. At cum conjugium semper fuerit honorabile inter omnes, etiam in statu innocentix, nullum tempus tam sacrum quod ejus celebratione polluitur. Bene-

Pag. 440.

Provinc.
 l. 4. Tit. de
 Cland.
 Despons.
 Cap. Quia
 verb. So-
 lennizat.

dictio nuptialis est etiam ritus sacer. Et si ob carnalem copulam à solennitate abstinendum, eadem ratione abstinere conjugati tertiam fere anni partem. Præterea si facultate & gratia Canonis ab Episcopo concessa celebrari possit matrimonium his temporibus vetitis, absque gratia & facultate illa non erit impurius celebratio. Tantæne virtutis & efficaciz sunt Dispensationes, ut quod alioqui pollueret sacra tempora, jam non amplius polluet? Vel an vis ista inest nummis quibus redimitur facultas illa? Quovis igitur anni tempore contrahi possunt & celebrari matrimonia, nisi in luctu publico vel privato. De Remissionibus Denunciationum, vide supra pag. 64. 65. & Causis Matrimonialibus circa finem Capituli V. De Precatiuncularum concatenatione, Responsorius &c. diximus in genere in Officio Horario.

Sequitur in libro Liturgiæ, Ordo Visitationis Infirmorum. *Ingrediens Sacerdos domum infirmi dicat; Pax huic domus & omnibus habitantibus in ea. Tunc accedens ad ægrotum genibus flexis dicat; Ne reminiscaris Domine iniquitates nostras, vel peccata parentum nostrorum. Parce nobis Domine, parce populo tuo, quem redemisti pretiosissimo sanguine; ne in æternum irascaris nobis, Kyrie eleeson, Christe eleeson, Kyrie eleeson, Pater noster qui es in cœlis &c. Min. Et ne nos inducas in tentationem. Resp. Sed libera nos à malo. M Domine saluum fac servum tuum R. Qui suam fiduciam in te collocat. M Mitte ei auxilium de sanctuario tuo R. Et eum perpetuo potenter defende. M. nihil prævaleat inimicus in eum. R. Et filius iniquitatis non noceat ei. M. Esso ei Dominus turris fortitudinis. R. A facie inimici ejus M. Domine exaudi orationem nostram. R. Et clamor noster ad te perveniat. Oremus. Recitat duas Precatiunculas. Deinde utatur autem Minister ista ad ægrotum exhortatione. Hoc scias charissime frater, &c. Perlecta Exhortatione præscripta; Sacerdos recitabit Articulus Symboli, quemadmodum fit in Baptismate. Tunc examinabit illum Sacerdos, cum sit in charitate cum omnibus hominibus, exhortans illum, ut ex toto corde condonet illis à quibus injuria affectus fuerit. Et si aliquos ipse offenderit aut injuria affecerit, precetur ut sibi condonent, & pro sua facultate illis satisfaciatur. Et si antè non condiderit Testamentum, tunc condat, & dicat quæ ei debeatur, & vicissim quæ debeat, propter quietem posteritatis & amicorum. Sape autem in concionibus divites & potentes moneat de condendo Testamento, dum valent. Hæc verba superius repetita ante enunciari possunt, quàm Minister precationem ordiatur, prout sibi visum fuerit. Hic ne omittatur, quin Minister agat cum infirmo de Eleemosyna danda pauperibus. Si ægrotus sentit suam conscientiam gravatam esse aliqua in re, de illa Sacerdoti privatim confiteatur, & finita confessione, Minister utetur hac forma Absolutionis; Dominus noster Jesus Christus qui dedit potestatem Ecclesiæ absolvendi à peccatis verè penitentes & credentes in eum, ipse ex infinita misericordia indulgeat tibi peccata tua Ego verò autoritate ipsius mihi concessa absolvo te ab omnibus peccatis in nomine Patris, & Filii, & Spiritus Sancti, Amen Deinde Minister recitabit subsequentem collectam, dicens; O misericordissime Domine &c. Tunc oret Minister hunc Psalmum, nempe 71. Antiphona. Salvator mundi salva nos. Qui per crucem & pretiosum sanguinem redemisti nos, adjuva nos, te rogamus ô Deus. Collecta. Omnipotens Deus.*

Canone 67. Constitutionum anni 1603 Ministro concionatori permittitur aliis verbis consolari ægrotantes quàm verbis præscriptis in Liturgiâ. Ministro non concionatori non permittitur, nisi forma in Libro publicæ Liturgiæ concepta. Miserrimus ille Curio, qui nec concionandi nec ægrotum consolandi, nisi verbis, præscriptis, donum habet. Rituale Romanum in Rubricis de Visitatione & Cura Infirmorum monet, ut Parochus accedat ad ægrotum ita paratus ut in promptu habeat.

habeat argumenta ad persuadendum apta, ac præsertim Sanctorum exempla, quæ plurimum valent, quibus cum in Domino consoletur, excitet, ac recreet. Horteturque, ut omnem spem suam in Deo ponat, peccatorum suorum pœniteat, divinam misericordiam imploret, & infirmitatis pœnas tanquam paternam Dei visitationem patienter ferat. & ad salutem suam provenisse credat ut vitam moresque suos melius instituat. Si hæc faceret Parochus Anglicanus, ægrotantes efficacius moveret, quàm recitando præscripta quædam verba. Sed ipsam formam præscriptam videamus. Ingreditur, accedit ad ægrotum, & priusquam alloquutus fuerit vel intellexerit, vigiletnè, an dormiat, procumbit in genua, & dictis Antiphona, *Ne reminiscaris* &c. & parva Litaniam, Oratione Dominica, Precatiunculis & Exhortatione &c. de bonis magis sollicitus quàm de solamine animæ, monet ut condat Testamentum. Non est Sacerdotis officium istud curare. Confessionem privatam ægrotantis audit, & absolvit, etiamsi nec concionari queat, nec conscientiam gravatam aliquo peccato erigere. Et absolvit more Pontificio, non ut Minister declarando & pronunciando peccata esse remissa, sed ut iudex per definitivam sententiam, dicens; *Ego te absolvo ob omnibus peccatis.* Quod ad formam & ordinem Precatorium, diximus supra in Officio Horario. Frigida & jejuna consolatio est hæc formularum recitatio.

In Liturgia Anglicana visitationi infirmorum subjicitur *Communio Infirmorum.* Cum omnes mortales subiecti sint infinitis periculis, infirmitatibus, & ærumnis, & semper incerti sint quando ex hac vita erit emigrandum; ideo ut semper sint parati, & in expectatione mortis, quodocunque Deus voluerit: Pastor subinde, sed præsertim pestis tempore, admoneat Parochianos, ut frequenter communificent Sacramento corporis & sanguinis Domini. Sic enim cavebitur, ne cum subito fuerint correpti morbo, solliciti sint pro sacra Communione. Bucerus hanc Rubricam sic corrigendam iudicat. Pro eo, quod in prima de hoc ritu præceptione ponitur, (*ministros debere* *populum diligenter adhortari, ut mensa Domini frequenter communicet, maxime pestilentie tempore*) poni optarim, ut communicare mensa Domini omnes velint omni die Dominico. Frequenter communicare cum volunt, non simul totum cœtum invitant & hortantur, sed singulos ut sæpius percipiant Eucharistiam, etsi quatuor tantum aut sex unà celebrent. Pergo. Verum, si infirmus non poterit venire ad Ecclesiam, & petit sibi dari Sacramentum in Domo sua, significabit tum demum postridie, aut primo mane, Parocho, quot cum ipso unà velint communicare. Nactusque idoneum in ægrotantis domo locum, in quo reverenter administrare queat, ac præsentè sufficienti hominum numero, qui cum ægro sacram communionem (omnibus adhæc necessariis) participare possint, ibidem Administer sacrosanctam Communionem celebrabit. Oremus. Omnipotens æternæ Deus, &c. miserearis huic servo tuo infirmo, & præsta ut patienter hanc infirmitatem ferat, &c. Epistola Heb. 12. fili mi ne neglexeris, &c. Evangelium Johan. 5. Amen. Amen, dico vobis, qui sermonem meum audit, &c. Minister. Dominus vobiscum. Resp. Et cum spiritu tuo. Minister. Sursum corda, &c. usque ad finem, ut supra dictum est. Cum venit ad distributionem Sacramenti corporis & sanguinis Christi; Sacerdos primò communiceat, deinde alii cum ægroto, qui sese ad hoc præpararunt. Verum si quis, quod periculossimè ægrotet, vel quod Ministrum suo tempore non admonuerit, vel quod iusto communicantium numero egeat, vel propter aliud quodcunque legitimum impedimentum, Sacramentum corporis & sanguinis Christi non percipiat: tum cum Minister ita instituet, ut si vere de peccatis resipiscat, & Jesum Christum in cruce pro eo mortem pertulisse, & propter ejus redemptionem suum sanguinem fuisse firmiter credat, beneficiorum ex eo acceptorum recolens, immortalesque gratias agens, eum corpus & sanguinem Servatoris Christi

Censuræ
Cap. 22.

(quantumvis ore sacramentum non percipiat) ad suæ animæ salutem utilissimè manducare & bibere. Si eodem tempore visitatur, & recepturus sit sacram Communionem ægrotus, licebit Sacerdoti (quo citius officium utrunque absolvat) visitationis finem facere, cum ventum fuerit ad Psalmum. In te Domine speravi. Atque mox inchoare officium sacræ communionis. Pestis, sudoris, vel similibus valetudinis & morborum infestis temporibus, cum nemo Parochianorum aut vicinorum propter contagionis metum ad communicandum unà in ædibus ægroti adduci possunt, Minister (si æger id enixè petat) cum eo solo communicare poterit.

Privatam Coenæ administrationem in una Rubrica non admittunt, quando deest iustus communicantium numerus; & tamen Rubrica ultima, Pestis, sudoris, vel similibus valetudinis & morborum infestis temporibus, permittunt Ministrum solum cum solo ægrotto celebrare Coenam. Quomodo ista consistant, non video. Quantum differt à Missa Privata, cum Minister & ægrotus soli celebrant? Observandum etiam & illud, cum nemo parochianorum aut vicinorum infestis temporibus propter contagionis metum ad communicandum unà in ædibus ægroti adduci possunt; Minister tamen, ac si ab omni contagionis metu aut periculo liber esset, cum ægrotto sacram hanc actionem celebrabit. Præterea quem iustum definiunt communicantium numerum? Tres aut quatuor iustum conficiunt numerum, etiam in loco publico, ut patet ex Rubricis in ordine administrandi coenam. Si in Templo vel Ecclesiasterio tres aut quatuor iustum conficiunt numerum communicantium, eundem numerum in privatis ædibus proculdubio probabunt. At si locus publicus coenam publicam non efficit extra publicum Ecclesiæ conventum, certe nec ædes privatæ efficient. Multis modis Missam dici posse Privatam ait Bellarminus, nempe; vel ratione loci cum celebratur in privato oratorio, aut facello, aut loco privato; vel ratione temporis, cum diebus profestis celebratur; vel ratione finis, cum pro aliquo negotio particulari aut homine celebratur; aut à paucitate eorum qui interfunt: ut dicatur Publica, quæ sit coram populo, qualis est Missa, quæ dici solet Parochialis vel Conventualis, quæ non celebratur nisi populus adsit, Privata autem ad quam non expectatur populus, sed pro arbitrio Sacerdotis habetur, sive multi adsint sive pauci. Quintò, quæ celebratur in eodem Templo, sed non ad summum Altare, ubi celebratur Missa Solennis. Ultimò, in qua solus Sacerdos communicat. Nos illas Privatas censemus, quæ non sunt parochiales vel conventuales: et si conventuales fuerint seu parochiales, non sunt privatæ dicendæ vel temporis vel loci ratione. Missas omnes conventuales esse debere, id est in publico Ecclesiæ conventu celebrari, supra probavimus. Alius alium expectate, ait Apostolus I Cor. 11. Convenire vult in unum & unà celebrare sacram coenam. Nam Coena est non modò sigillum promissionum, sed etiam symbolum conjunctionis nostræ cum Ecclesia. Communionem habemus cum Ecclesia universa spiritualiter per fidem, sed in exercitiis religionis & cultus divini unionem profiteamur mediâ per communionem sacramentalem cum visibili aliqua & particulari Ecclesia. Qui separatas mensas à publico conventu habere volunt, ab ista professione discedunt. Non modo unà celebrarunt, sed etiam ex uno & eodem numero pane manducarunt & eodem poculo biberunt in Ecclesia primitiva, ad quem morem alludere videtur Apostolus I Cor. 10. 17. Caterum in primitiva Ecclesia, omnes qui celebrationi Missarum intererant, singulis diebus communicare solebant, eo quòd Apostoli omnes de calice biberunt, Domino dicente; Bibite ex hoc omnes. Offerebant enim magnum panem, & omnibus sufficientem, quod adhuc Græci servare dicuntur; inquit Durandus. Honorius in Gemma Animæ Cap. 58. refert, olim Sacerdotes de singulis familiis farinam accepisse & ex farina collatitia panem

De Miss.
L. 2. Cap. 9.

Rational.
Lib. 4.
Cap. 53.
Num. 3.

panem magnum confecisse, quod adhuc, inquit, *Græci servant*. De Abyssinis refert Franciscus Alvares, quod in Ecclesiis libum faciunt magnum aut parvum pro multitudine gentis, quia omnes communicant; & pro magnitudine faciunt crassum dimidio digito aut integro, aut etiam crassiorum magno digito. Infundunt vinum calici factum ex uvis pressis magna quantitate. Vide Cassandrum in Liturgicis. Dionysius in Hierarchia Ecclesiæ. Cap. 5. Ignatius Epist. ad Philadelph. Anselmus in I Cor. 10. unius panis meminerunt. Nec frangebatur iste panis, priusquam benedixerat Minister, & in hunc usum habebant cultum quem sacram lanceam appellabant, ut observat Iuellus, Artic. 11. Musculus in locis communibus ait, quod pulchre tamen ad significandum unius & ejusdem sanguinis mysterium, unde ex æquo potant fideles omnes, unius poculi usus facit. Sed cur magis unum poculum, quam unum panem nobis commendaret, non capio. Utrum panis debeat massa & unitate numerica sive physica per partium continuationem unus esse; an morali conjunctione multarum partium, sicut plura fercula dicuntur unum convivium: non contendimus. Sed quomodo in celebranda Cœna unitatis & communionis mysterium representarunt in primitiva Ecclesiâ, ostendimus, cum non modò sacramentalem communionem coluerint ἐν τῷ αὐτῷ convenientes ad celebrandam cœnam: sed etiam de panē & poculo numero uno omnes percipiebant. Tres aut quatuor separatim à reliquo cœtu celebrantes, sive in loco publico sive in privatis ædibus cum ægroto, sacramentalem illam communionem cum reliquo cœtu neutro modo profitentur, nec in unum convenientes, nec de eodem numero pane participant. At, ait Tilenus, cum ægrotus in postremo agonis sui actu constitutus, diraque antè actæ vitæ peccatorum imagine conterritus; maxime opus habet, quo uno ignita mali illius jacula extinguantur, fidei scuto: quis dubitabit, obsecro, omnia admovenda esse præsidia & adminicula, quibus quassatus calamus sustentari, fumans ellychnium ali, adfusoque oleo flammam concipere, in illaque corporis animique caligine ac vertigine luculentius splendere queat. Omnia adminicula sunt admovenda quæ unicuique admovenda docet Scriptura, absque violatō ordine publico. Quæ publicè instituit Dominus celebranda, non sunt administranda unicuique in loco privato. Verbi applicatio & privata exhortatiunculæ sunt media & instrumenta efficacia & potentia ad solamen & salutem cujusvis in agone mortis constituti. At inquit, interim qui in carne vivunt, quod pluribus offertur sensibus firmitus utique apprehendunt, quàm quòd solo auditu percipitur; neque enim Dei promissio sed infirma hominis fides hisce tibicinibus fulcitur, & signorum ac symbolorum usum, de quo nullus dubitat, nobis commendat. Sed de legitimo usu signorum quaeritur. Usum publicum, non privatum, nobis commendavit Scriptura. Præterea ex usu publico fructum percipimus, non solum eo ipso momento quo symbola accipimus, sed singulis postea momentis per omnem vitam in gravissimis tentationibus, quibus concutiuntur quandoque fideles. An tunc ministranda est iis Eucharistia extra publicum conventum? vel, quod majus, an propterea prævertendum tempus celebrationis Cœnæ sacræ in cœtu publico? Effet ne illud gratiam alligare externis signis? Cum quis in agonis actu extremo constitutus de remissione peccatorum dubitat, refricatur ei memoria Baptismi, non denuò baptizatur. Baptismi semel suscepti fructus utilis est usque ad extremum halitum. Sic Eucharistiæ perceptæ in publico conventu fructus una cum actu transeunte celebrationis non transit, sed permanet & vim suam exerit, quando non sumus in ipso actu percipiendi. Judæi moribundi Agnum non manducarunt publicum ordinem violantes. Agnus, quem in Paschate comederunt, morientium fidem sustentabat, ut signum & symbolum, & venturi Messæ typus. Hic autem violatur or-

do publicus & legitimus usus Sacramenti, cum tollitur sacramentalis illa communio totius coetus. At dices, colunt illi tres aut quatuor vel fortè plures communionem sacramentalem cum reliquo coetu, quia idem est Sacramentum. At sic coleret communionem sacramentalem quæque parœcia cum omnibus per orbem terrarum Ecclesijs particularibus, quia eadem est materia & res significata, & conveniunt in specie signa. At non est illa communio sacramentalis, quod in specie idem sit sacramentum, sed in individuo, ut argumentatur Apostolus. Qui unum eundemque numero panem comederunt, saltem uno eodemque loco & tempore, communionem sacramentalem colebant, non illi qui in locis diversis, magis quàm qui Pascha in diversis coenaculis celebrarunt, de uno eodemque agno Participarunt. De illis qui uno in loco & unà celebrarunt, dicit Apostolus, quod coalescunt in unum corpus. Multi unum corpus constituunt, qui de uno pane fracto & distributo manducant. Coetum Ecclesiæ corpus vocat, & corpus effici dicit per sacramentalem communionem. Qui ergo separatim sacramentum celebrant, per sacramentalem communionem sese corpus reliquo Ecclesiæ coetu separatim constituunt, publicum ordinem Ecclesiæ, & Sacramenti mysteria & usum violant. Præterea, ut de privato Baptismo diximus, sacramentum Coenæ superflitioni, neglectui, contemptui, depravationi sic exponitur. Nam spe Coenæ domesticæ & privaræ negligitur publica; unde conventus infrequentiores, dum celebratur coena in locis publicis. Gratiam alligant externis signis carnales, & præpostera fiducia ac operis operati errore salutem à symbolis externis suspendunt, existimantes periclitari animam, si sine isto viatico è corpore migraverit. Hæretici clam administrantes corrumpere possunt multis modis legitimam ejus administrationem. At, inquit

Tilenus, incommoda quæ in Ecclesijs evayrias adducunt, fidi Ecclesiæ Antistites nullo negotio amolientur, neque enim sine fontica causa Eucharistiam in privatis ædibus celebrari patientur, aut sanis ac bene valentibus domi eam percipiendi spem vel potestatem facient. Et Pontificiorum errorem de alligata signis salute, atque, ut Barbari loquuntur, de opere operato, recta plebis institutione, & Catechesi pridem profligatum, tam postico quàm foribus excludent. Istud κρησπύρον de remedio doctrinæ nihil juvabit, ut sæpius monuimus Capite de Adiaphoris, & ubi de signo Crucis egimus. Non sunt ubique concionatores qui erudiant plebem, sed miserrimi sacerdotes, & cœci Curiones plerisque locis; & ubi sunt concionatores, vel non concionantur, vel adulterant verbum & hujus viatici utilitatem ipsi prædicant, vel negligentiores sunt, vel nihil promovent. Præterea quid opus remedio, ubi curari potest ipse morbus absque ullo incommodo? Nam nulla hic necessitas vel præcepti divini vel medii ad salutem. Qui enixè petit Eucharistiam vicinus morti, laborat graviore morbo animæ quàm corporis, & per doctrinam & institutionem curandus ille morbus, non fovendus. Quandiu prætexit non posse pacari conscientiam annunciatione promissionum Evangelii nisi symbola perceperit, indicium est metuere se absque symbolo fraudatum iri re aliqua, viatico scilicet animæ. Curanda est ista diffidentia, vel imperitia, vel superstitio; ne spe inani & falsa lactatus nimjum symbolis adhærendo vero viatico fraudetur. Sacramentum, ait ipse Tilenus in Syntagmate, est actio publica à publicis Ministris in Ecclesia publicè obeunda. Nullaque necessitas, vel idonea causa adferri potest, cur actio sacra & publica transeat in privatam; quia Dei ordinatio nobis summa lex, suprema necessitas, cui potius parendum quam populari ignorantie & infirmitati indulgendum. Quid sibi volunt appellationes Coenæ, συνάγεω, Liturgiæ, nisi solum ritè celebrari Sacramentum istud, cum in publico conventu in unum coacto administratur? Coenam Romanis

*Paranef.
Cap. 13.*

*Part. 2.
Disp. 60.
Thes. 17.*

manis dictam ob κοινωνίαν communionem docet Plutarchus. *Συνάγειν est cogere cœtum ad aliquid agendum, vel congregare amicos ad convivium. Unde est in Septimo Athenæi ἀπὸ συμβολῶν συνάγειν de symbolis convivari. Σίναξις idem prorsus est ac συναγωγή. Nam & synaxis & synagoga ab eodem verbo deducuntur.* Cœnam synaxin appellarunt veteres, quia in synaxi seu synagoga id est congregatione vel conventu Ecclesiæ celebrabatur, etsi Dionysius alias more suo affingit rationes. Liturgiæ vox quodvis publicum ministerium significabat, & λειτουργὸς publicum ministrum, unde quidam λειτουργὸς scribunt, quasi ὁ τὰ λήϊτα ἔργα ἔχων λήϊτα dicebantur δημοσίαι id est publica. Liturgiæ vox cum ministerium significat & ordinem in sacris celebrandis, obtinuit tamen, ut Liturgia peculiariter diceretur sacræ Cœnæ administratio. Appellationes istas cum cœnæ imposuissent Veteres, agnoscetes actionem hanc esse publicam, & in publico conventu administrandam, etsi irreperante & invalescente superstitione legitimam administrandi formam statim corrumperunt, & in Judaicum sacrificandi morem commutarunt, non tamen extra conventum publicum celebrant apud ægrotos. Probat Tilenus per Canoniem Concilii Nicæni, morem hunc fuisse vetustum dandi Eucharistiam ægrotantibus, aut in extremo mortis agone constitutis. De lapsis & pœnitentibus, ita decreverunt Patres Nicæni, non de omnibus ægrotis. Ruffinus sic habet, *de his qui vita excedunt pœnitentibus, decernimus vacuum nullum debere dimitti.* Eucharistiam dari permittunt lapsis, in quos etiam resipiscentes plus æquo rigidiores fuerunt. Qui rigiditatem Patrum disciplinam in lapsos & pœnitentes agnoscunt, agnoscant etiam in ista indulgentia errare quoque potuisse. Sed quibuscunque ægrotis datam fuisse Eucharistiam, etiam ante Concilium Nicænum, non invitus concedam. Iustini ætate ad Clinicos & ægrotos delata per Diaconos eo tempore quo celebrabatur in publico cœtu. Postea etiam extra tempus celebrationis, & tandem cum pompa lucis & campanæ. Sed apud ægrotos in privatis ædibus extra publicum conventum administratam Cœnam apud Veteres nusquam, puto, reperies, nec ullibi ante superioris seculi tempora. Si imitandi sunt Patres in uno, imitemur in altero. At quanta superstitio ex illo Veterum more nata est? Eucharistiam ex hac vita migrantibus ad caelestem patriam necessarium existimabant subsidium & viaticum. In Papatu sine hoc viatico nullum patere aditum ægrotanti ad regnum coelorum existimant, aut saltem pessimè cum iis agi, & salutem periclitari; & contrà immediatè adire cœlum angelis stipatum, qui sacro viatico corporis Christi iter illud formidolosum ingressus fuerit. Ex prava interpretatione verborum Johannis 6. Veteres collegerunt, Eucharistiam dandam non modò adultis, sed etiam infantibus, & infantibus necessariam sensit ipse Augustinus. Unde mos ille obtinuit statim post Baptismum infantibus Eucharistiam in os ingerere. Nec recens est istud institutum sed vetus. Cyprianus de Lapsis, Augustinus l. 3. de Trinitate Cap. 10. & Epist. 23. illius ritus meminerunt, & duravit mos iste dandi infantibus Eucharistiam annos 600, ut patet ex Capitulis Caroli magni & Ludovici Pii Cap. 161. *Ut Presbyter semper Eucharistiam habeat paratam, ut quando quis infirmaverit, aut parvulus infirmus fuerit, statim eum communicet, ne sine communione moriatur.* Cypriani & Tertulliani ævo Eucharistiam domum detulerunt. *Dimissus*, inquit Cyprianus, *& adhuc gerens secum, ut assolet, Eucharistiam.* Tertullianus Lib. 2. ad Uxorem. *Non sciet maritus quid secreto ante omnem cibum guset, & si sciverit, culis Nuxi panem illum esse non credet qui dicitur.* Hic tamen mos postea antiquatus est. In 6. Concilio Cæsaraugustano anathema fertur in eos, qui secum Eucharistiam deferunt & in Ecclesia non consumunt. Cum igitur Tilenus Veterum fuisse morem dandi

Casaub.
Exercit.
p 537-338.

De Specta-
culis Nuxi.

Casaub.
Exercit.
p. 578.

Part. 2.
Disp. 61.
Thes. 38.
39.

Epist. 361.

dandi Eucharistiam in articulo mortis constitutis, non novitium aut Pontificium fuisse, ex Canone Concilii Nicæni colligit, innuere videtur ista duo; primum nihil Pontificium esse quod non nuperum & novitium, cum ab Apostolorum ævo cœperit mysterium iniquitatis; deinde laudabiles fuisse quosunque Veterum mores, tamen cum pudeat ipsos Pontificios nuditatis Patum, & ritus eorum antiquarint, in quosdam anathema denunciarint. *Exstiterunt olim qui è loco Johannis 6. & altero ejusdem cap. 3: 5. ad literum acceptis necessitatem quandam Baptismi & Eucharistiæ defenderent ita præcisam, ut damnari omnes necessario crederent, quineque Baptismi neque Cœnæ facti fuissent participes. Itaque mortuos baptizabant, & symbola Eucharistiæ panem & vinum in os illis indebant.* Utraque consuetudo damnata fuit in Concilio Carthag. III. Can. 6. Cum tam turpiter errarint Veteres circa Sacramenta, non sunt à nobis imitandi. *Illa infirmorum levamenta extra ordinem olim adhibita infirmitatem publicam totius Ecclesiæ magis foverunt & auxerunt, quàm privatam ægotantium sanarunt. Intolerabilis verò hæc erat prophanatio, quæ olim mortuis sacra symbola, non sine Dei & Ecclesiæ ludibrio ingerebantur, quæ hujus mysterii prophanatio frequentibus synodorum Canonibus tandem est sublata, quemodmodum & mos ille infantibus Eucharistiam instillandi jure est abolitus;* dixit olim in Syntagmate suo Tilenus. Concedunt ipsi Formalistæ in Libro Liturgiæ, instituendum esse ægotum, corpus & sanguinem Christi ad salutem se manducare & bibere, si verè de peccatis respiscat & firmiter credat Christum pro eo mortem pertulisse, quamvis ore Sacramentum non percipiat: & volunt ut æquo animo ferat, quod non administratur illi Eucharistia, quia impedimentum justum obstat. Impedimentum justum dicunt, quòd Ministrum tempestivè non præmonuerit, quòd gravissimè laboret, quòd desit justus communicantium numerus. At justus communicantium numerus in Ecclesia visibili & constituta nullus est extra ipsam particularem Ecclesiam. Nam communio Sacramentalis est nota Ecclesiæ visibilis, quam notam privati cœtus in eadem Ecclesia usurpare non debent. Duodecim imò 200 extra publicum conventum non magis constituent justum numerum communicantium, quam tres aut quatuor. Et qua ratione instituendi sunt ægroti se edere carnem & bibere sanguinem Christi, etiamsi sacramentum ore non percipiant, quia non adsunt tres aut quatuor qui unà communicent; eadem debent institui se edere carnem & bibere sanguinem Christi, etiamsi sacramentum ore non perceperint cum jam non datur occasio & commoditas publici conventus, ubi celebrari debeat. A sanctuario arcendis Iudæis promittit Deus se fore sanctuarium Ezech. 11: 16. Si necessarium fuisset morientibus viaticum Eucharistia, Apostolus Jacob. 5. illius meminisset. Præterea frustra hic cautiones & leges quasdam præscribunt. Nam *hic difficillimum est cavere, ne alios superstitio, alios ambitio, & vana ostentatio ad petendum sollicitet,* ait Calvinus. Præcepit Deus ne extra locum, quem designaturus esset, carnem immolatam comederent, ne forte ipsa sacrificia contemnerentur. Quod quibusdam legibus concedunt quidam privatam cœnæ administrationem, non probo. Nam nullæ leges aut cautelæ efficient rem ipsam legitimam, cum semper dissolvitur communio sacramentalis totius Ecclesiæ particularis per communionem sacramentalem cœtus privati in eadem Ecclesia. Cum fateantur Rhemistæ in Joh. 6. eos edere carnem, bibere sanguinem Christi, qui voto & desiderio adjungunt se iis, qui actu percipiunt Eucharistiæ sacramentum; & Baptismi ac Eucharistiæ antè sæpius perceptæ fructus nobis semper utilis sit; & actualis Eucharistiæ perceptio in privato cœtu etiam frequentiori publicum ordinem violet & sacramentalem communionem Ecclesiæ cujusque visibilis notam; superstitionem, contemptum, neglectum pariat: non est administranda in privato cœtu Cœna Dominica.

Sequi-

Sequitur Sepultura. Sacerdos procedet obviam feretro ad ingressum Cæmeterii, & dicat, aut ministri & clerici qui cum eo sunt canant, euntes vel ad templum vel ad sepulchrum, has antiphonas Job. 11. Ego sum resurrectio &c. Job 19. scio quod redemptor &c. 1 Tim. 6. nihil intulimus &c. Cum ventum est ad sepulchrum, dum cadaver paratur imponendum, dicatur aut canatur Job. 14. homo natus &c. Antiphona. Media vita in morte sumus, quem quærimus adiutorem nisi te Domine? qui pro peccatis nostris iuste irasceris. Sancte Deus, Sancte fortis, Sancte & misericors Salvator, amaræ morti ne tradas nos &c. Dum cadaver terra injecta operitur, Sacerdos dicat; Cum Deo visum sit ex immensa sua misericordia animam charissimi fratris nostri nunc defuncti ad se suscipere, corpus suum sepulchro committendum curamus, terram terræ, cinerem cineribus, pulverem pulveribus, cum certa & constanti spe resurrectionis ad vitam æternam. Per Dominum nostrum Jesum Christum, qui transformabit corpus humilitatis nostræ configuratum corpori claritatis suæ, juxta potentiam operationis suæ, qua potest sibi subicere omnia. Tum recitatur Antiphona; Audivi vocem de cælo dicentem, scribe, &c. Apoc. Deinde legatur lectio, 1 Cor. 15. Finita Epistola Minister dicet, Kyrie eleeson. Kyrie eleeson. Crefte eleeson. Pater noster qui es in cælis. &c. Minister. Et ne nos inducas in tentationem. Resp. Sed libera nos à malo. Amen. Min. Oremus. Omnipotens Deus, apud quem vivunt spiritus illorum qui hinc decesserunt in Domino, & quicum animæ electorum postquam exuerunt onus hujus carnis lætitia & fœlicitate fruuntur, gratias agimus tibi immensas, propterea quod expedire voluisti N. fratrem nostrum ex ærumnis hujus mundi impii, precantes ut placeat infinitæ tuæ bonitati brevi explere numerum electorum tuorum, & maturare gloriam regni tui, ut nos unâ cum fratre nostro, & omnibus aliis vita defunctis in vera fide & confessione nominis tui, consequamur perfectam absolutionem & beatitudinem tum corporis tum animæ in tua perpetua & sempiterna gloria. Amen. Collecta. Misericors Deus Pater, &c.

Canone 67. Constitutionum anni 1603. indicitur, ut cum aliquis ex morbo decumbens in periculo mortis videretur constitutus, Minister eundem visitet, nisi exploratum sit vel probabiliter suspectum morbum esse contagiosum; & tamen in Libro Liturgiæ, etiam pœstis, sudoris, aut similibus morborum infestis temporibus, Minister tenetur solus cum solo celebrare Sacramentum, si id enixè petierit ægrotus. Morte verò jam ingruente, aliqua campana pulsabitur, neque Minister supremo officio suo hac in parte dierit. Cum autem expiraverit, si utique expirare eum contingat, campana per breve tantummodo spacium utrinque pulsabitur; quod idem tam ante quam post sepulturam observandum decernimus. In Liturgia Anglicana deest Ordo commendationis animæ, qui habetur in Rituali Romano pag. 141. & seqq. In Canone isto non præcipiunt sed consulunt, ne supremo suo officio hac in parte desit Minister; nec quid dicet, præscribitur. Addendum erat, si officio suo defungi queat. Rituali Romano de pulsanda campana habetur Rubrica in ordine commendationis animæ. Tunc, ubi viget pia consuetudo, pulsetur campana Parochialis Ecclesiæ aliquibus ictibus ad significandum fidelibus in urbe vel loco, aut extra in suburbanis existentibus, instantem mortem expirantis ægroti, ut pro eo Deum rogare possint. Egressa anima de corpore statim dicatur hoc responsum; Subvenite Sancti Dei &c. Interim detur campanæ signum transitus defuncti pro loci consuetudine, ut audientes pro ejus anima Deum præcentur. In Canone Anglicano statuunt, ut morte ingruente pulsetur ictibus ab uno latere, cum autem expiraverit, utrinque. Pulsata campana incerti sunt qui sonitum audiunt cujus animam Deo commendare debent, sitne frater & fidelis, an excommunicatus vel infidelis. Nam non nisi permittente Parrocho pulsari, vix credo. Quod etiam postquam expiravit utrinque pulsatur per

breve spatium campana, in quem finem fiat nescio, si non in eundem quem respiciunt Pontificii, nempe ut suffragiis suis animam à corpore egressam juvent. Sic cum tam ante quàm post sepulturam pulsatur, cum deducitur mortuus cum cantu antiphonarum ad templum vel sepulchrum. Nam si vel orandum vel canendum, vel lectiones recitandæ, habent templum in quo hoc officium celebrare possunt, postquam defuncti sunt officio suo erga defunctum. Cum in oratione post corporis inhumationem dicit Sacerdos, *Precantes ut nos unâ cum fratre nostro, & omnibus aliis vita defunctis in vera fide & confessione nominis tui, consequamur perfectam absolutionem & beatitudinem tam corporis quam animæ*; nonne orat pro fratre mortuo? Antiphonarum cantu & precum recitatione, dum comitantur funus; nonne error ille orandi pro mortuis confirmatur? Parochus primus injicit terram in sepulchrum super cadaver, & quædam verba profert. Estne Ministri munus sepelire mortuos? Non licebat sacerdotibus in Veteri Testamento interesse funeri, ne polluerentur Levit. 21. quod jam licere fateamur Ministro; tamen inde colligimus non fuisse partem muneris sacerdotalis hymnos aut preces fundere in funere mortui, vel concionem funebrem habere. Nec Sacerdotes, nec Levitæ, nec Prophetæ eo munere in mortuorum exequiis functi sunt. Orationes funebres Nazianzeni & aliorum ab Atheniensium more videntur derivatæ. Qui mos in republica magis tolerabilis erat, ubi Oratores mortui laudes prædicabant, quàm in Ecclesia. Cum in omni funere non haberentur, patet in Ecclesiam introduci non posse absque invidiosa prosopolepsia. Ditiores hoc officio cohonestabuntur, neglectis pauperibus. Nam ad singulas funerationes non potest concionari. Etsi alias ratione dignitatis personarum alios aliis anteponere ei liceret, in ministerio tamen fungendo nihil faceret cum pauperum contumelia. Incumbit illi quidem ex officio solari viduas & orphanos, qui tunc temporis maximè egent consolatione. Conciones funebres in Anglia venales sunt, ut olim in Papatu Missæ. Imo Pontificii dicunt majoris constare Conciones Funebres quàm Missas. Nam cum 4 denariis Missam, concionem non absque 4 florenis comparare possunt: nulli tamen harum concionum magis avidi sunt quam Pontificii, quia Missæ vicem supplere putant. Mercenarius Concionator ad prædicandum potius mortui laudes, quàm Dei verbum conductus, iniquissimum foeneratorem, scortatorem egregium, Dei expertem in mundo, qui ne vel unam forte concionem unquam audiverat, sanctorum albo inscribet, & toga lugubri aut ampliori mercede pro meriti ratione donabitur. Merito igitur in Synodo generali convocata Middelburgi anno 1581 Canone 48. decretum, *Funebres Conciones è medio tollendas nec iterum instituendas*, ut habet Schulringius in Anacrisi Hierarch. Lib. 9. p. 5. Et Synodi Provincialis Ecclesiarum Hollandiæ & Zelandiæ Dordraci celebratæ anno 1574. Can. 47. *Funebres conciones introductæ, commode & utiliter è medio tollentur; ubi non sunt injunctæ omittentur; ad evitanda pericula superstitionum quæ inde emanant. Ex eadem causa compulsionum campanarum tempore sepulturæ defunctorum omnino debent tolli.* Nec solum conciones istæ funebres venales, sed etiam Parochi officium in deducendo funere, canendo, legendo, &c. De Crucibus super feretrum & cadaver, Agapis erogatis & Eleemosyna, & aliis ritibus vulgo usurpatis, nihil dicam. Quod etiam excommunicatos fideles, qui ritus Anglicanos Papatus reliquias amplecti nolunt, post obitum absolvi oporteat, priusquam ad communem sepulturæ locum admissi fuerint, supra diximus.

Sequitur Gratiarum actio pro Mulieribus post Partum. *Accedet mulier in Ecclesiam, ibique in loco convenienti genua flectet juxta eum locum, in quo mensa Domini collocata est. & Minister mulieri propè adstans hæc verba dicet, vel similia, sicuti ipsa*

ipsa occasio postulabit; Quandoquidem omnipotenti Deo ex sua bonitate visum sit, tibi salvam liberationem dedisse, inque magno partus periculo præservasse, maximas propere gratias Deo ages & orabis. Deinde hunc Psalmum dicit Minister, nempe Psal. 121. Levavi oculos meos, &c. Kyrie eleeson, Christe eleeson, Kyrie eleeson. Pater noster qui es in cælis &c. Et ne nos inducas in tentationem. Responsum. Sed libera nos à malo. Minister. Salvam fac Domine hanc famulam tuam. R. Quæ sperat in te. M. Esto illi turris fortitudinis. R. A facie inimici ejus. M. Domine exaudi preces nostras, R. Et clamor noster ad te perveniat. M. Oremus. Omnipotens Deus, qui liberaſti mulierem hanc famulam tuam à magna pœna, & in partus periculo, concede, quæsumus misericordissime pater, ut ipsa tuo auxilio & fideliter vivat, & ambulet in sua vocatione, secundum voluntatem tuam in hoc præſenti vita, ac etiam particeps fiat æternæ gloriæ in vita futura. Per Jesum Christum Dominum nostrum. Amen. Mulier, quæ venit ad gratias agendas, solitas oblationes offerre debet; & si celebrata fuerit communio, convenit, ut ipsa sanctam quoque communionem recipiat.

Hæc pars in Libro Liturgiæ 2. Edw. inscribitur *Purificatio Puerperarum*. Vulgo dicitur, *the Churching of women*. In Ecclesia Orientali, ubi foeminae quadragesimo à partu die infantem in templum deferunt, vocant ἐκκλησιάζειν. Ritus iste introductus ad imitationem Purificationis Judaicæ, ut patet tum ex nomine tum ex ritu ipso. Nam quæ ratio reddi potest, cur pro ista liberatione, quæ est ordinaria, gratiæ magis agenda sint in Ecclesia, & Liturgia peculiaris præscribatur, quàm pro liberatione à naufragio, incendio, aliisve periculis extraordinariis, aut pro liberatione mulierem magis quam virorum, si non id fieret κακοζήλῃα Judaica? Refert Author Petitionis ad Reginam, Episcopos quasdam mulieres castigasse, quia hunc ritum omiserunt. Quandoque purificantur domi, ut refert Examiner Libri Liturgiæ, & sic vel arrogantia earum morem gerit Parochus, vel in superstitione obfirmat, dum completo mense se purificari volunt, etiamsi nondum valetudinem recuperarint. Nec unquam ante præfinitum tempus egreditur puerpera, etiamsi ipsa obstetrice validior sit & robustior. Cum prodit in publicum, obvelatur tota fere facies, ac si puderet eam commisisse quid impudicum. Cum pervenerit ad Ecclesiam, genua flectit juxta eum locum in quo mensa Domini collocata est. Liber Bucer, qui erat Edwardi, sic monet; *Genuflectat mulier ante ingressum Chori*. In Rituali Romano habentur hæc Rubricæ. *Si quæ puerpera post partum, juxta piam ac laudabilem consuetudinem, ad Ecclesiam venire voluerit pro incolumitate sua Deo gratias actura, petituraque à sacerdote benedictionem; ipse superpelliceo & stola alba indutus, cum ministro aspergillum deferente, ad fores Ecclesiæ accedat, ubi illam foris ad limina genuflectentem & candelam accensam in manu tenentem aqua benedicta aspergat, deinde dicat, &c. Deinde porrigens ad manum mulieris extremam partem stolæ, eam introducit in Ecclesiam, dicens, Ingredere in templum Dei, &c. Et ipsa ingressa genuflectit coram altari, & orat gratias agens de beneficiis sibi collatis, & sacerdos dicit, Kyrie eleeson, Christe eleeson, Kyrie eleeson, Pater noster, &c. Sic hic genuflectere oportet juxta mensam, ac si locus ille esset aliis sacratior, proculdubio quia altaris vicem supplet, imo mensa ut altari utuntur in celebratione Cœnæ, sicut supra ostendimus. Certior redditur quod interdum eam sol non percuriet, aut luna noctu. Nec tam gratias agit, quàm petit. Petit autem pro ea Sacerdos auxilium, ut fideliter vivat & ambulet in vocatione sua, ac si ex puerperio immunda esset, nec quid aggredi auderet absque ista purificatione. Parochus Romanensis dimittit cum ista benedictione. Pax & benedictio Dei omnipotentis, Patris,*

N n n n 2

& Fi-

Pag. 62.

Pag. 147.

& Filii, & Spiritus Sancti, descendat super te, & maneat semper. Amen. Peracta Precatiuncula offert oblationes. Liber Bucerii sic habet; *Mulier offeret Parocho vestem lineam, qua puer in baptismo fuit indutus juxta morem haftenus observatum.* An hunc morem nunc observent, nescio. Oblationes tamen offerunt, ut in eo quoque eo propius accedant ad purificationem Judaicam. *Quum autem impleti fuerint dies purgationis ejus à filio aut à filia, afferto agnum anniculum in holocaustum & pullum columbae, aut turturem in peccatum, ad portam tentorii convertus sacerdoti. Qui offerens illum coram Jehova expiationem faciet pro ea, sic purgata erit à profluvio sanguinis sui.* Hæc esto lex puerperæ à mare aut à fæmina, Levit. 12. 6. 7. De Judaizante Ecclesia in Ritibus diximus Capite Nono. De Privata Coena jam sæpius dictum.

Sequitur *Comminatio in Peccatores, cum precibus quibusdam utendis diversis anni temporibus.* Post matutinas preces populo convocato per campanæ pulsationem, & in Ecclesiam conveniente, *Litania Anglicana juxta morem assuetum dicenda erit: qua finita, Minister suggestum ascendet, ac dicat; Fratres, in Primitiva Ecclesia pia erat disciplina, ut in initio Quadragesimæ tales personæ, qui peccatores erant manifesti ad publicam penitentiam essent coacti, & in hoc mundo correpti, quo eorum animæ fierent salvæ in die Domini, & ut eorum exemplo alii admoniti magis extimescerent peccare.* In cujus loco (donec eadem disciplina iterum restitui possit, quod maxime est optandum,) visum est, &c. In Libro Bucerii hujus partis hic titulus, *Die cinerum ceremoniæ.* De cujus diei ritibus vide supra. Vice hujus publicæ Poenitentiae, leguntur *Comminationes & Execrationes in impenitentes ex Deut. 27. & aliis scripturæ locis.* Vide Censuram supra.

Haftenus de Vocatione & functione Presbyteri Anglicani, ejusque partibus. Subjicit Mucketus.

In his fere omnibus peragendis congruo Superpelliceo & Caputiis, si gradum aliquem in Academia susceperunt, indui.

In his fere omnibus, nempe in Precibus matutinis & versperinis, administranda Coena & Baptismo, celebrando Matrimonio, defunctos sepeliendo, puerperas purificando. Canone 17. Constitutionum anni 1603. sic decretum. *In omnibus utriusque Academiæ Collegiis & Aulis, Præsfecti ac Socii, cæterique Scholares ac studiosi in Ecclesiis & Capellis suis per singulos dies Dominicos & Festivis, eorumque Vigiliis tempore Divinorum superpelliceis (juxta Ecclesiæ Anglicanæ mores ac instituta) utentur: quotquot verò gradum aliquem susceperint, caputia, hoods, suò cujusque gradui competentia superpelliceis suis superinduent.* Canone 24; Coenam administrantibus in Ecclesiis Cathedralibus in Festis solennibus, sive sit Episcopus, sive Decanus, sive Præbendarius, vel Canonicus, Capæ usus imperatur. Canone 25; Superpelliceorum & Epomidum, Anglicè Hoods, usus, Coena administrata, in Ecclesiis Cathedralibus indicitur. *Cathedralibus & Collegiatis Ecclesiis, cessante Coena Dominica, satis erit tempore Divinorum Superpelliceis duntaxat uti: nisi quod Ecclesiarum Decani, Ministri & Præsfecti, itemque Canonici, ac Præbendarii (dummodo graduati,) cum Superpelliceis Caputia gradibus suis respectivè congrua inter rem divinam gerere tenebuntur.* Canone 58. sic constitutum. *Minister quilibet, dum vel publicas preces recitat, vel sacramenta administrat, aliosve Ecclesiæ ritus peragit, decense & congruo Superpelliceo, eoque manicato induetur, quod communibus Parochianorum impensis comparabitur. Si qua autem controversia super ejusdem materia vel competente decentia oriatur, Ordinarii discretio eandem terminabit.* Quotquot ve-

ad ex Ministris gradum aliquem in Academia susceperint, ii inter sacra peragenda Superpelliceis suis adjicient & Caputia singulorum gradibus convenientia, quorum tamen usu Ministris minimè graduatis, sub pœna suspensionis, interdiximus: Nihilominus & huic Ministrorum classi (loco Caputiorum) Liripipia, tippetis, permittimus, ex nigro (modo ne serico) suis Superpelliceis injiciendo. Canone 74 statutum, ut Prælati & Clerici certa & præscripta forma habitus uterentur in omnibus locis & conventibus tam intra quàm extra Ecclesiam, qua a populo discerni possint ac inter-nosci, ut ea ratione honorem & existimationem specialibus omnipotentis Dei nuntiis & ministris debitam consequantur. Statuimus & ordinamus, ut omnes Archiepiscopi & Episcopi consuetum Ordinum suorum habitum non intermittant. Similiterque, ut omnes Decani, Collegiorum Præsfecti, Archidiaconi, & Præbendarii Cathedralis & Collegiate cujusque Ecclesiæ (modò in sacris Ordinibus constituti) Doctores in Theologia, Jure Civili, & Medicina, Baccalaurei in Theologia, Magistri Artium, & Baccalaurei in Jure Civili (si quidem Ecclesiasticum aliquod beneficium obtinent) togis cum collaribus erectis, manicisque ad manum contractioribus, vel laxioribus (prout in Academicis usitatum est) unà cum Caputiis, vel Liripipiis ex serico, & pileis quadratis de more utantur: ut & alii omnes Ministri ad idem munus admissi, vel admit-tendi, prædicto vestitus genere (exceptis tantum Liripipiis) consuetim induantur. Pa-ri ratione ulterius decernimus, ut Ecclesiastici omnes superiùs nominati in itinere usi-tatius generant palliatum manicis (quæ vulgo Presbyterorum pallia appellantur) sine fimbriis, limbis, fibulis oblongis, aut scissuris, without gards, welts, long buttons or cuts. Nullus item in quocunque ordine Ecclesiastico positus, pileolo ullo lineo ac-cepto, any coife or wrought night-cap, utetur, sed simplice tantum ex nigro serico, tramo serico, satten, aut holo serico, velvet. Et infra; Cæterum, in privatis ipsorum domiciliis ac Musæis, decentis cujuslibet & scholastici vestitus usum (modo ne scissu-ris aut puncturis variegati, cut or pinckt) dictis personis Ecclesiasticis permittimus, proviso, uti ne in publicum nisi promissis vestibus, cassocks, induti prodeant, nec tibia-lia gerant colorata, light coloured stockins. Tenuioribus verò sive Beneficiatis sive Curatis, qui talarium togarum sumptibus non sufficiunt, liberum erit togis uti cur-tioribus ad formam prædictam comparatis. De Vestitu communi Clericorum simi-lia statuerunt olim Stephanus, Peccham, & Stratfordus Cantuarienses Archie-piscopi. Stephanus; ut tam Archidiaconi quàm Decani, & omnes alii in Personatibus Provincia- & Dignitatibus constituti, item ut omnes Decani rurales & Presbyteri decenter incedant in le Lind- habitu Clericali, & cappis clausis utantur. Idem quoque observent Officiales ipsorum Ar- mod. Li. 3. chidiaconorum, cum fuerint in consistorio. Peccham; ut quilibet Clericus constitutus in Tit. de Vit. sacris Ordinibus vestem exterio-rem gerat dissimilem militari vel laicali, utpote antèrius & Et Honest. posterius non birrazam vel saltem ex forma militari vel laicali congrua honestate dissimilem. Cler. Stratford; ne incedant publice Clerici veste superiore brevi aut stricta notabiliter, aut cum longis & latis excessive manicis cubitos circumquaque non regentibus. Similia habentur etiam Decretalium Libro 3. Tit. de Vita & Honestate Clericorum. Apostolus Ministrum vult esse κόσμος compositum in vestitu 1 Tim. 3. 2. non autem ab aliis omnibus habitu secerni. Nam idem præcipit mulieribus, nempe ut amictu honesto cum verecundia & modestia ornentur, non cincinnis vel auro vel magari-tis vel pretioso vestitu 1 Tim. 2. 9. Nec affectatæ sordes, nec exquisitæ munditiæ con-veniant Christiano, ut ait Hieronymus. Vestes pullas æque devota, ait idem, ac candidas. Ornatus ut sordes pari modo fugienda sunt: quia alterum delicias, alterum gloriam re-derolez. Parsimoniam cum veste humili non reprobamus, sicut etiam ornatum præter corporis diligentiam infucatum laudamus; dixerunt Gangrenses in Concilio suo. In-fucatum vocant non pretiosè fucatum. Hic peccant ipsi Episcopi præ aliis, Deca- ni,

Ad En-
stock. de
Custod.
Virg.
Ad Nepot.

ni, Archidiaconi, alique in dignitatibus constituti. Nam Episcopus vilem supellectilem & mensam ac victum pauperem habere debet, & dignitatis suæ auctoritatem fide & vitæ meritis quærere, secundum Canonem 4 Concilii Carthag. *Clericus nec vestibus nec calceamentis decorem quærat*, Can. 45. ibidem. Quærunt tamen illi decorem & auctoritatem his externis mediis. Canones prohibentes vel colorem vel formam levitatis indicia probamus, non tamen formam præscribentes particulariter. Lindvodius ait, *quod licet certi colores & forma prohibeantur Clericis, tamen non habent certum habitum eis deputatum nec in colore nec in forma, & ideo possunt qualicunque veste utique statui congruenti, dummodo eis non sit expresse prohibita.* Distinctionem levitatis & gravitatis agnoscimus, sed in forma & figura aliam præterea distinctionem, in qua non gravitatem, sed merum discrimen statuunt, constituere Canone aliquo; Episcopos otio nimio abundare arguit. Quis enim usus esset hujus discriminis in vestitu? An, ut in Canone Anglicano dicitur, *ut Prælati & Clerici tam in externo honore quàm interna reverentia propter ministerii sui dignitatem haberentur; ut certa & præscripta forma utentes in omnibus locis & conventibus tam intra quàm extra Ecclesiam discerni possent ac internosci; ut ea ratione honorem & existimationem specialibus omnipotentis Dei nunciis & ministris debitam consequerentur.* Capitiis & Liripipiis, erectis collaribus, manicis contractioribus, pileis quadratis &c. scilicet, conciliatur honor & existimatio Dei nunciis & ministris. *Omnia opera sua faciunt ut spectentur ab hominibus, dilatant enim Phylacteria sua & producunt fimbrias palliorum suorum, amantque primos accubitus in cenis, & primos confessus in conventibus & in foris salutationes, & vocari ab hominibus Rabbi, Rabbi, Matth. 23. 5. 6. 7.* Nam nescio in quem alium finem internosci cupiunt in omnibus conventibus, nisi propter salutationes, primos accubitus & confessus. Apostoli non discernebantur ab aliis vel fidelibus vel infidelibus vestitu. Quod referunt de Johannis Petalo, ostendimus esse meram fabulam. Præterea si verum, fuit singulare in Johanne. Non sequitur, omnes Apostolos vestitu ab aliis separatos fuisse, sicut nec eo quod referunt Jacobum Apostolum fratrem Domini nunquam induisse laneam vestem, sed sola syndone lineæ usum. Sed de communi, non de sacerdotali, habitu loqui Clementem, monet Junius, quia sacerdos ortu erat, ut refert Clemens, & sacerdotibus templum ingressuris vestes lineæ imperatæ sunt. Apostolus cum Poenulam reliquit Troade, num pallium Presbyteri induit accincturus se ad iter? 2 Timoth. 4. 13. Ex quo loco Th. Beza redarguit pictorum inscitiam, *quibus usitatum est, cum laxis vestibus ac plane togatos Apostolos ineptissimè pingere, quos dubium non est vel penulatos potius vel, qui fuit veterum Christianorum habitus, palliatos, aut Judæorum more longioribus sed succinctis vestibus oberrasse.* Apostoli idiomate & dialecto potius noti quòd Galilæi, quàm certo habitu quod Apostoli. In Veteri Testamento non fuit præscripta Sacerdotibus & Levitis certa forma aut figura vestitus extra sacra. Peniculamentum in oris vestimentorum erat ipsis commune cum aliis Israelitis, Num. 15. 38. Prophetas extra ordinem excitatos extraordinario quoque amictu usos testatur Zacharias, Cap. 13. *Ita erit die illo, ut erubescant illi Prophetae quisque à visione sua, quum prophetaverit, neque induent togam villosam ut mentiantur, Zach. 13. 4.* Elias vir pilosus, id est villosa veste amictus, & cingulo pelliceo accinctus dicitur, 2 Reg. 1. 8. Togam villosam injecit Elizæo, cum vocatus & assumptus fuit in numerum Prophetarum, 1. Reg. 19. 19. Sic Johannes Baptista extra ordinem excitatus ad prædicandum resipiscientiam & remissionem peccatorum extraordinario quoque amictu vocationem suam indicabat. Cujus exemplo si qui certam amictus formam præscribi Ministris Evangelii volunt, victus quoque leges imponant. Nec facile

Prov. l. 3.
Tit. 1. c. 1.
verb. Habitu Cler.

Cont. 5. l. 2.
Cap. 40.

facile concederem, Prophetas Veteris Testamenti toga villosa semper indutos fuisse, sed tantum cum prophetarent. Nam Zacharias ait, erubescant prophetae illi quisque à visione sua cum prophetaverit, neque induent togam villosam, ut mentiantur. Cum signis externis conversione & respicientia opus esse monere volebant, cujus signum externum erat cilicium aut toga vilis, quandoque alia signa usurpare volebat Dominus præter illud vulgare, quibus miseriam & calamitatem venturam quodammodo repræsentarent. *Abi & solve istud cilicium*, id est togam villosam, *a lumbis tuis, & calceamentum tuum extrahere de pede tuo, qui fecit ita incedens nudus & discalceatus*, ait Dominus Jes. 20. Schaul à Schemuele quæsit ubinam esset Domus Videntis, cui respondit Schemuel, ego sum Videns, 1 Sam. 9. Si fuisset ordinarius vestitus prophetae toga villosa, facile ex vestitu potuisset dignoscere Schemuelem fuisse Videntem seu Prophetam. Sed detur, ordinariè usos fuisse Prophetas toga villosa; erat tamen ut dixi habitus extraordinarius, quem sic describit Junius. *Erat autem in vetere illa Addereth Sebar, id est, toga sive abolla major, eaque villosa atque impexa & rudis, plurimum coloris nativi, id est, coloris fuscæ, quoniam his vestibus nullo studio aut accuratione opus est. Neglectæ sunt & neglectum præ se ferunt, nec Dominum suum in cura purgandi aut eluendi occupant. Hunc colorem Carthusiani ante annos 560. in usum revocarunt.* Si Episcopi Prophetarum exemplo extraordinario vestitum præscriptum Clero indicare volunt, induant ipsi togam villosam aut cilicium, velles horridas & asperas, ad demonstrandum mundi contemptum. Sic majorem consequentur honorem & reverentiam quàm liripipiis ex serico, aut tunicis ex holoserico, etsi hic quoque à sanctitatis simulatione metuendum esset. Nam Monachorum vestibus sepeliri salutare habetur in Papatu. Sed redeamus. Pastores in Primitiva Ecclesia ab aliis Christianis præscripta amictus forma non secernebantur. Pallium, de quo Tertullianus loquitur, non erat pallium Presbyteri, sed commune Presbyteris cum aliis Christianis. Christiani conversi, posita Toga, quæ Romanorum erat indumentum, assumpserunt Pallium Græcorum & Philosophorum habitum frugalitatis gratia, tanquam vestem simpliciore & simplicitati religionis Christianæ respondentem; unde vulgari convitio Græci dicti; & ab injectione pallii, quod tunicæ superimponebant, *Imponentes*, & quoties Christianus aliquis prodisset, statim illud è trivio audiebat, *ὑποκρίτης ἐπιθέτης*, ad impostoris nomen allusione facta, ut observat Rhenanus. Justinus & Hermes Philosophi ad Christianismum conversi pallium vestem philosophicam retinuerunt. Epitogia, liripipia, pilei quadrati, bardocuculli, & id genus aliæ vestes, non ante excogitata quàm Antichristus Clerum eximere tentavit à jurisdictione & potestare Principum, ut suum stabiliret in quolibet regno regnum, & nationem à natione distinctam, quam peculiari forma vestitus ab aliis subditis secernendam è re sua fore sentiebat. Si discrimen ullum in forma vestitus admittendum esset ob honorem Cleri, tamen non esset illud probandum quod Antichristi jurata mancipia à plebe discriminat. Nam sic dum secernitur à plebe Clerus, cum Clero Romano confunditur; quod tam absurdum est & inordinatum, ac si in castris confunderentur tessere militares. Histrionicus præterea est iste habitus & ridiculus, distinguens signis quæ nulli usui inserviunt, nec ad ornatum, nec ad commoditatem. Pendet a scapulis caput, sicut quandoque morionibus, nec commodum utenti nec decorum. Renuit Bucer uti pileo quadrato. Cum quævisissent ab eo quid impediret, quia, inquit, caput mihi natura rotundum formavit. Sic refert Pilkingtonus Epistola ad Comitem Leycestrensem. Eodem fere modo argumentatur Tertullianus contra Coronam Militaris. *Tam contra naturam est, inquit, florem capite sectari quàm cibum aure, quàm s. forura*

Cont. 5 l. 2.
c. 40. n. 1.

De Coron.
Mil. Cap.

Epist. 12.

Epist. pag.
1088.

sonum nare. Omne quod contra naturam est monstri meretur notam; penes nos verò etiam elogium sacrilegii in Deum naturæ dominum & auctorem. Rogerus Anglicanæ Ecclesiæ Protomartyr pileum tenuit, nisi manicæ sacrificuli calicem apponerent, ut discrimen servaretur inter eum & sacrificulos. Scommate isto indicare voluit non modo discrimen servandum inter ministros Christi & Antichristi, sed etiam pileum non decere Ministrum. Philpotus maluit secludi à nationali conventu Cleri, quem domum convocationis vocant, quàm interesse cum pileo & liripipio. Hæc habet Foxus in Actis & Monumentis Martyrum. Hoc igitur volumus, etsi concederemus utile fore discrimen inter Ministrorum aliorumque fidelium habitum, tamen nec assumendum habitum cleri Romani, nec alium quemvis histrionicum. Si ob commodum reipublicæ utile aut necessarium esset discrimen inter Ministros & alios cives, eo casu non improbandum, concedo; sed hac lege, ut non quamlibet pro arbitrio suo præscribat formam magistratus. *Quid si enim jubeantur Ministri perinde ut moriones ac histriones vestiri? Annon manifestum esset ludibrium Ecclesiastici muneris?* ait Beza. Quid si habitum sacerdotalem plerisque etiam Papistis ridiculum in communi usu præscriberet Magistratus? Christus ludibrio exponeretur in servis suis, sicut in persona propria, cum ab Herode ad Pilatum missus; & contumelia in ipsum redundaret Evangelium, quo nihil illis charius esse debet. Sentio igitur, etiam dicto casu, non absque vel libera electione vel consensu hoc jugum Ministris Evangelii imponendum esse, cum ad discrimen eo casu servandum in genere parati sunt. Qui alios instituere & monere jubentur, ignari sunt scilicet quomodo ipsi decorum servant in vestitu 1 Tim. 2. 9. 1 Pet. 3. 3. Est præterea in hoc discrimine non modo conformitas cum habitu Cleri Romanensis sed etiam eadem quæ apud illos confusio. Nam non modo Episcopis & Presbyteris, sed etiam aliis in dignitatibus constitutis, Doctoribus Juris civilis & medicinæ, Baccalaureis in jure civili & Magistris artium, si Ecclesiasticum aliquod beneficium obtinent, eadem habitus forma præscribitur. Sic honor externus, & reverentia, quam prætexunt debitam Dei nunciis & ministris, communicatur Doctoribus & Baccalaureis juris civilis, & beneficio non officio honor defertur. Quid Episcopis cum Medicorum aut Doctorum juris civilis præscripta vestitus forma. Sed transeamus ad alterum usum vestium, nempe in sacris. Superpellicei seu vestis lineæ usus in sacris distinctionis gratia non indicitur. Quid enim opus distinctione in sacris, ubi ipsa actio Ministrum sacra administrantem distinguit à reliquo coetu? Non ornatus aut gravitatis causa: nam tunc etiam extra sacra eo uti deberent. Etsi usus albarum seu candidarum vestium apud Veteres frequens fuerit & fere vulgaris, hoc tamen sæculo comædum in theatro, histrionem aut morionem, non virum gravem deceret. Sequitur ergo ob ceremoniam aliquam ejus usum nobis commendari & obtrudi. Imo profitentur ob significationem. Significat autem sanctitatem & puritatem, quæ in ministro, præsertim dum ministrat sacra, requiritur. Est igitur vestis symbolica. Sicut color albus est naturalis, purus, sincerus, lucidus, ita & sinceritatem repræsentandam & significandam adhibetur, & hæc est analogia signi & rei significatæ. At ceremonias aut res symbolicas in Ecclesia Christiana instigare, & signis à Deo institutis addere, nobis non permissum, probavimus Capite Nono de Adiaphoris. Ministri, inquit, P. Martyr, sunt angeli & nuntii Dei. Angeli semper fere albis apparere vestibus. Ergo qui hæc defendunt prætexere poterunt honestam justamque significationem à Scripturis non alienam. Intelligit Angelicam puritatem & sanctitatem. Sed albæ vestes quibus apparuerunt Angeli, responder Cartwrightus, significabant puritatem naturæ Angelicæ quæ reipsa Angelis inerat, & proinde non erat falsum signum, vel potius eorum

eorum gloriam, vel utramque. Si ullius ponderis esset ista ratio, Ministri potius debent uti alis, quia alati describuntur. Nam alis repræsentabatur velocitas ad præstandum quæ à Deo imperata forent. Ratione officii & ministerii, non puritatis naturæ, assimilantur Angelis Ministri Dei nuntii. Sed huic argumento non fudit ipse P. Martyr. Quid alii prætexere possunt qui Superpellicei usum defendunt, potius indicat quàm seriò argumentatur. Idem Martyr, qui affectu præpostero erga Hooperum ductus consuluit potius cedere quàm deferere ministerium, mutavit sententiam. Christus sacram Cœnam celebrans nullas nisi communes habuit vestes, quod agnoscunt ipsi Pontificii. *Planè etsi Christus Cœna sacramentum instituens non aliis quàm propriis vestibus usus sit, Ecclesia tamen variis rationibus Sacerdotes ac Ministros ad offerendum & sacrificandum ordinatos non sine ornamentis mysticis ad hoc officium sanctitatis sacris operari consuevit:* inquit Durandus. Suarez etiam absque vestimentorum apparatu Cœnam celebrasse fatetur. Vestes sacerdotales non esse Apostolicas, asserit Walafridus Strabo. *Primis temporibus, inquit, communi indumento vestiti Missas agebant, sicut & hæcenus quidam Orientalium facere perhibentur;* De candida veste primus loquitur Hieronymus, cujus ætate rituum multitudine oppressam Ecclesiam conqueritur Augustinus. *Quæ sunt, inquit, inimicitia contra Deum, si tunicam habuero mundiorè? Si Episcopus, Presbyter, Diaconus, & reliquus ordo Ecclesiasticus in administratione sacrificiorum candida veste processerint?* Nullæ inimicitia, si tantum mundicies spectetur. Sed *Lib. 13. Comment. in Cap. 44. Ezech. ait; Per qua discimus, non quotidianis & quibuslibet pro usu vitæ communis pollutis vestibus nos ingredi debere in sancta sanctorum, sed munda conscientia & mundis vestibus tenere Domini sacramenta.* Probat exemplo Veteris Testamenti, communibus vestibus non utendum in ministerio, ac si pollutæ essent; quod quid aliud est quàm Judaïsmum in Ecclesiam invehere? *Deinde institutum fuit, ait Ivo Carnotensis, auctore S. Hieronymo in Cap. 44. Ezechiel; ne cum pollutis pro usu vitæ communis vestibus sacra consuevantur, ut discant Ecclesiastici, cum munda conscientia & virtutum vestibus adornati, Domini sacramenta tractare.* Ante Hieronymum candidæ vestis meminit nullus auctor probatus. Erat quidem albæ vestis apud veteres usus frequens. Salomon ait; *Quovis tempore vestimenta tua sint candida.* Diebus festis & in conviviis coloris albi usus obtinebat tum apud Judæos tum apud Romanos. Philo de Vita Theoretica testatur, Judæos olim dierum festorum convivia λευχειμονῆτας, hoc est, albatos seu candidatos, agitare fuisse solitos. In manumissionibus apud Romanos servi candidati ad coenam Domini sui admittebantur. Honorum & Magistratuum petitores candida toga induebantur. In sacris quoque vestimenta sacerdotalia erant alba & pura, id est nullo colore infecta, aut sordibus polluta. *Procedunt castris, puraque in veste sacerdos,* ait Virgilius. Romanorum & togam albam & tunicam & calceos & omnem vestem cottidianam docet Lipsius Elect. l. 1 c. 13. & togas vulgo fuisse coloris albi, non candidi. Albus color natus lanæ est, candidus propriè splendens ille qui est ab arte. Ideo Polybius togam Petitorum λαμπρὴν maluit dictam quàm λευκὴν. Nam Petitores non contenti insito lanæ colore, cretæ quoddam genus addebant, ut splenderet vestis. Propter has togas albas fullonum apud veteres creberrimus usus, qui maculas scilicet & sordes à toga eluebant, & addito furfure ac creta iterum candidam faciebant. Quandiu alba toga in usu communi, discrimen nullum fuit inter cives à colore vestis, nisi quod divites, munduli, & elegantes, semper in toga sua à fullone nivea, vulgus togis magis pallentibus & sordidioribus vestiebatur, diebus tamen festis togas recentes & usu nondum sordidas induebant. Viri nobiles & illustres rei facti per dies iudicii sumebant hanc togam

De Ritib
Lib. 2. c. 9.
Num. 3.
In 3 Part.
Tom. 3.
Disp. 28,
f. 2.

Hieronym.
l. 1, ad-
vers. Pe-
lag.

Epist. 124.

sordidam posita nivea, ut miserabiliores essent in veste plebeia. Hæc Stuckius, ex Lipsio. Non desit usus albarum & candidarum vestium ætate Hieronymi, ut patet ex Epistola ad Marcellam de ægrotatione Blestillæ, ubi de Christianis agens qui propter vestitum viliorẽ à Paganis, nonnunquam etiam à Pseudo Christianis, riderentur. *Nos, qui serica veste non utimur, Monachi judicamur: quia ebrii non sumus, nec cacinno ora dissolvimus, continententes vocamur: si tunica non canduerit, statim illud è trivio, Impostor & Græcus est.* Ubi patet adhuc durasse usum albarum vestium etiam in communi usu; & Christianos tunicis candidis indutos rigidiores quorum tunica sordidior licet alba, non tamen candescebat, irrisisse. Candidas tamen vestes retinuerunt in Baptizatis. Nam baptizati in Vigilia Paschatis incedeant veste candida induti per octo dies, atque octavo demum die vestem albam deponebant. Unde & in Coenæ Dominicæ administratione colligit Stuckius album vestitum antiquitus adhibitum ex eodem Hieronymi loco, Lib. contra Pelagium. *Verisimile est, cum eos qui sacrosancti illius epuli communione fruebantur, tum ejus Sacerdotes atque Diaconos albas vestes gestasse.* Non solum Presbyteros & Diaconos, sed etiam alios fideles in Coenæ celebratione albis vestibus usos opinatur. Et conjectura valde probabilis est, partim quia assueti erant in Paganismo diebus festis aut lætitiæ togas recentes sumere usu non sordidas, partim quia Hieronymus ait; *Quæ inimicitia contra Deum, si tunicam habuero mundiorẽ.* Mundior erat & candidior cotidiana veste licet alba sed eodem sordidiore. Nam in publicis conventibus sordes non erant affectandæ, maxime ab iis qui publicè in conspectu totius coetusungebantur ministerio suo, ut Presbyteri & Diaconi, aut sacris initiabantur ut Baptizati. Istam munditiem majorem civilis decori & honestatis causa usurpatam, ad mysticas & morales significationes postea detorserunt. Ut candida vestis apud Romanos insigne erat maumissionis, in Baptismo liberationis è servitute peccati & Satanæ ad serviendum Deo in vitæ puritate & sanctitate signum interpretati sunt. & mundiorẽ Presbyterorum & Diaconorum vestium in sacris quàm extra sacra, munditiæ mentis symbolum. Obsolescente paulatim communi albarum vestium & succedente nigrarum usu, mansit nihilominus in sacris earum usus. Chrysostomi ætate nigrarum vestium usus communis crebrior erat, apud Episcopos præsertim & sacerdotes: nondum tamen omnino desierat Sisinnius cuidam ex Arsacii necessariis sciscitanti, cur veste Episcopo insueta uteretur, nempe alba, respondit; Tu prius dic mihi, ubi sit scriptum, Episcopum debere nigra veste uti. Ex quibus patet, nondum exolevisse usum vestium albarum. Alioquin pro ostento habitus fuisset Sisinnius. Merito tamen reprehensus Sisinnius, quod iis uteretur, cum alii ejusdem ordinis & functionis Episcopi nigris vestibus uterentur. Imo cum maximo in pretio esset earum usus, rigidi & graves non amabant eximium illum candorem in vestibus. Cato in toga ne laxitatem nec nimium candorem desiderabat, unde unus apud Horatium; *Exiguæque toga simulat tesquore Catonem.* Conjectio itaque, idem accidisse albis vestibus, quod linguæ latinæ, cujus usus olim vulgaris adhuc manet in sacris. Sed sive afficta solum significatione manserint, sive introductæ fuerint ad significandum mysteria religionis aut officia pietatis, vel Judæorum imitatione, vel æmulatione cum Ethnicis, superstitionis maculam inde acceperunt. Nec ob materiam, nec colorem, nec formam artificialem, litẽ moveremus, modo decens esset habitus; sed usum mysticum significandi, & commonefaciendi de officio nostro sanctitate & puritate mentis in sacris administrandis, probare nullo modo possumus. Nec, cur magis à ministrante quàm percipiente sacra assumendæ sunt, capio; aut cur à baptizatis magis quàm eucharistiam accipientibus, vel à baptizatis aut communicantibus magis quàm aliis orantibus

Antiquit.
Concordi,
fol. 239.

Socrat. l. 6.
c. 22.

ubus

ribus, aut psallentibus, aut concionanti auscultantibus. Nam in omnibus aliis requiritur ista mentis mundities & puritas in sacris, æquæ ac in Presbyteris & Diaconis aut Baptizatis. Videmus itaque quomodo albæ vestes, quæ apud Ethnicos & Judæos erant lætitiæ indicia, sicut nigræ aut pullæ luctus, adhibitæ sunt à Veteribus ad symbolicam puritatis & sanctitatis significationem. Quando verò alba vestis coeperit esse linea, non constat. Nam candidæ vestes apud veteres Romanos erant laneæ, non lineæ. Herodotus testatur Sacerdotes Ægyptiorum vestibus lineis indutos. Plinius l. 19. *vestes lineas sacerdotibus Ægyptiis gratissimas esse eo genere lini, quod Gosspon & Xylon vocant, unde Xyliua dicta sunt quibus nulla sunt candore mollicieque præferenda.* Hieronymus in Ezech. 44. *Vestibus lineis utuntur Ægyptii Sacerdotes non solum intrinsecus sed & extrinsecus.* Hinc dicti à poëta turba linegera. Durandus hanc rationem reddit hujus ritus. Inde est quod porius lineis vestibus utuntur, quia sicut linum multo labore ad candorem perducitur, sic necesse est per multas tribulationes ad regni gloriam pervenire. Videtur lineam vestem elegisse, quia ad candorem lucidiorem perducì possit quàm lanea. Superpelliceum sic describit Durandus. *Est & alia quædam vestis linea quæ superpelliceum dicitur, quo quibuslibet servitiis altaris & sacrorum vacantes super vestes communes uti debent.* Superpelliceum autem primo, propter sui candorem, munditiam seu puritatem castitatis designat. Juxta illud, omni tempore vestimenta, id est opera, tua sint candida & munda: propter nomen verò suum carnis mortificationem figurat. Secundo dictum est superpelliceum, eo quod antiquitus super tunicas pelliceas de pellibus mortuorum animalium factas induebantur, quod adhuc in quibusdam Ecclesiis observatur, representantes, quod Adam post peccatum talibus vestitus est pelliciis. Tertio denotat innocentiam: & ideo ante omnes alias vestes sacras sæpe induitur, quia divino cultui deputati innocentia vitæ cunctis virtutum actibus superpollere debent. Quarto propter sui lætitudinem congruè charitatem designat. Unde super prophetas & communes vestes induitur, ad notandum quod charitas operis multitudinem peccatorum. Quinto propter sui formam, quia in modum Crucis formatur, passionem Domini figurat; quodque illud gerentes crucifigi debent cum vitiis & concupiscentiis. Fiunt autem superpellicea in quibusdam locis de Chrismalibus lineis quæ ponantur super infantulos baptizatos. Videmus usum & multiplicem significationem Superpellicei. Walterus Cantuariensis in Constitutione Provinciali sic statuit. Principimus etiam ut qui altari ministrat superpelliceo induatur: Ubi Linduodius. Altari ministrat, videlicet Presbytero celebranti assistens; & idem in tempore missæ ministrans, vel potest intelligi de sacerdote quovis tempore accedente ad altare, ut aliquid faciat vel disponat circa corpus Christi, ut videlicet illo tempore sit indutus superpelliceo. Et juxta communem intellectum dic superpellicio, i. veste linea ad talem usum præparata. De qua tamen veste non memini me legisse in toto corpore Juris Canonici vel Civilis, nec etiam in Sacra Scriptura; sit tamen de eo mentio infra Titulo de Ecclesiis Edificandis Cap. Ut parochiani. Et potest significari per tunicam lineam, qua induebantur filii Aaronis in veteri lege De qua legitur Exod. 28, ad finem. Sed æstimo, quod propriè superpelliceum est indumentum de pellibus confectum; sed in nostro communi usu intelligitur, ut prius dixi. Capite citato, Ut parochiani, sic distinguit à Rocheto. Superpelliceum habet manicas pendulas, sed Rochetum est sine manicis, & ordinatur pro clerico ministraturo sacerdoti, vel forsan ad opus ipsius sacerdos in baptizando pueros, ne per manicas ipsius brachia impediuntur. Non modo ad Missæ sacrificium sed etiam ad alia Officia quæ erant præparationes vel appendices Missæ, adhibebatur. Ordo ad faciendam aquam benedictam. Die Dominica Sacerdos celebraturus Missam vel alius ad id deputatus alba vel superpelliceo indutus cum stola circa collum primò dicit &c. Unde Latimerus, cum in degradationis solennitate detraheretur ei superpelliceum, dixit; Non possum jam amplius parare aquam

O o o o 2

bene-

Ration l. 3.
Cap. 1.

Num. 15.

Ration l. 3.
Cap. 1.
Num. 10.Provinc. de
Offic. Ar.
chid. Cap.
Sint Eccle-
siarum.Missale Ro-
ma. p. 96.

Missal.
Rom. p.
§ 01.

Cap. 10.

Buceri
Scripta
Angl.
p. 455.

benedictam. Vestes sacerdotales omnes sacras existimant Pontificii, & vim habere muniendi sacerdotes à tentationibus malignorum spirituum, ut pater ex benedictione sacerdotalium indumentorum. Orant, ut Deus, qui per Moysen famulum suum pontificalia & sacerdotalia seu levitica vestimenta ad decorem & honorem nominis sui decrevit, hæc indumenta sacerdotalia, desuper irrigante gratia sua ingenti benedictione purificare, benedicere, & consecrare dignetur, ut divinis cultibus & sacris mysteriis apta & benedicta existant. *His quoque sacris vestibus Pontifices & Sacerdotes seu Levita tui induti ab omnibus impulsione seu tentationibus malignorum spirituum muniti & defensi esse mereantur; tuisque mysteriis aptè & condignè servire & inharere, atque in his tibi placitè & devotè perseverare, tribue.* Cum igitur præter usum symbolicum aliis insuper modis polluta fuerint in Papatu, ex Ecclesia ejiciendæ sunt. Polluetur scilicet scutorum sculpsilium argenti tui, & amictum fuscus ex auro tuo: separabis ea, ut laborantem ex mensibus, apage dices unicuique eorum, *Jes. 30. 22.* In constitutionibus anni 1571. sic statuerunt Episcopi Anglicani. Nullus nec Decanus, nec Archidiaconus, nec Residentarius, nec Praepositus, nec Custos, nec Praefectus alicujus Collegii, aut Ecclesia Cathedralis, nec Praeses, nec Rector, nec quisquam ex illo ordine, quocunque nomine censeatur, utetur posthac amictu illo, quem appellant Grajum Amictum, aut alia veste simili superstitione contaminata. Hac ratione nec capa nec superpelliceo uti debent, cum superstitione contaminata fuisse negare non possunt. Etiam si concederemus symbolicum usum vestium in sacris esse rem adiaphoram, tamen propter alios abusus & scandala, non sunt vel retinendæ vel revehendæ in Ecclesiam. Nam adiaphora quorum usus non est necessarius, polluta superstitione, ex Ecclesia eliminanda sunt, ut supra probavimus Capite Nono. Sacra vestes referebantur præcipue ad honorem sacrificii Missæ & corporis Christi in sacramento Eucharistiæ. Dum prædicatur verbum, nec Pontificii nec Angli urgent usum sacrarum vestium, ac si nulla virtutum insignia gerere debeant sanctitatis & puritatis dum tractant mysteria Sacra Scripturæ. Fuit idolothyrion igitur in Papatu superpelliceum, sicut aliæ vestes sacrae. Etsi, quod sit res munda, converti possit ad usum aliquem communem, ut ad discos & calices tergendum, aut pauperum nuditatem tegendum, ad eundam tamen aut similem usum in sacris nostris adhiberi non potest. *Ceterum substantia munda ut Dei res, & hac sua conditione communes usui: sed ipsius usus administratio interest. Nam & ego mihi gallinaceum mactio non minus quam Æsculapio Socrates: & si me odor alicujus loci offenderit Arabia aliquid incendo, sed non eodem ritu, nec eodem habitu, nec eodem apparatu, quo agitur apud idola. Si enim verbo mudo conditio polluetur, ut Apostolus docet: Si quis autem dixerit, hoc idolothyrion est, non contigeris: multo magis cum habitu & ritu & apparatu idolothyrionum contaminatur, inquit Tertullianus de Corona Militis. Item; Si in idolio recumbere alienum est à fide, quid in idoli habitu videri?* Anglicani Formalistæ eodem habitu utuntur in iisdem sacris, & eodem tempore, quo Pontificii. Sic obfirmantur Pontificii in cultu idoli sui, & coram fratribus offendiculum ponitur. Referunt Cartwrightus & Ministri Lincolnenses in sua Apologia, multos existimare superpelliceum esse rem adeo sacram, ut renuant accipere sacramentum à Ministro non utente superpelliceo. Capa Cathedralibus Ecclesiis peculiaris, & in Cœnæ administratione usurpata, præter significationis symbolicæ & appropriationis ad cœnam abusus, habet etiam pompæ inanis & theatricæ speciem. Tota est ex holoserico, & fulget auro. *Episcopus in celebratione cœnæ & administratione sacramentorum induat lineam aut albam & cappam, vel casulam, & habeat baculum pastorale.* Sic præscribitur in Libro Edwardi; & formam istam præscriptam observare tenentur Episcopi per Rubricam in Initio Liturg. Eliz. 1. Cap. 2. Non tamen utuntur omnibus his indumentis sed pro arbitrio, cum tamen.

tamen in Ministros ob omissionem superpellicei non minus sæviunt, quàm si facinus aliquod commississent non nisi exauctoratione & deprivatione expiandum. Contra vestium sacerdotalium usum, abusus, scandala, & mala ex eorum usu nascentia, scripserunt Cartwrightus & alii; ego tamen Zanchii potius verbis quàm aut meis aut aliorum quæ reliqua sunt subijciam, etsi eadem habentur in Cartwrighto, quia inter Zanchium & Episcopos Anglicanos major intercessit familiaritas. Quæ sequuntur videtur scripsisse hortatu alicujus Episcopi Anglicani, cum Regina volebat albam casulam, & alia indumenta pontificalia & sacerdotalia imponere Episcopis & Sacerdotibus, quæ forte usu exolescebant. Non quod sentiam ullo conscientiæ sensu Episcoporum ullum ea odisse, sed ne exponerentur ipsi ludibrio, si novo isto ornatu qui jam fere exoleverat, prodissent in conspectum populi. Nam non tam rigidi fuissent ἐργασίῳ in alios inferiores sacerdotes ob vestem lineam, si religionis & cultus divini decoro & simplicitati consultum voluissent, quod observat Parkerus in Libro de Cruce, Part. I. pag. 151. Sed Zanchii argumenta militant contra omnes vestes sacerdotales, & in specie contra vestem lineam, quæ argumenta etiam valida sunt contra alias ceremonias Papatus reliquias in Ecclesia Anglicana; ideo coronidis vice ad finem hujus Capituli de Ceremoniali Functione Presbyteri Anglicani apposui. Habentur verba in Epist. ad Elizabeth. Regi, scripta ann. 1571.

Quod si res ita se habeat, non video quomodo possit tua S. M. bona conscientia vestes de quibus quæstio est, & alia id genus Papisticam adhuc superstitionem redolentia, & semel ab Ecclesiis profligata, iterum piorum Episcoporum conscientiis proponere, ut illos suo cogat mandato ea recipere. Principio enim hoc pugnat cum prima & principe Regii officii parte. Si enim curandum est imprimis Magistratui, ut purus putus conservetur Dei cultus, & si ob hanc causam ableganda sunt omnia quæ hunc cultum aliquo modo vel per se vel ex accidente violare possunt; eoque omnia ad regulam verbi Dei & ad priorem atque Apostolicam, ideoque puriorem & simpliciorum, religionis formam, pro virili revocanda sunt. Denique si ut Apostolus præcipit, abstinentum est non solum ab omni malo, verum etiam ab omni specie mali; quorsum, obsecro, Serenissima & Piissima Regina, ea in Ecclesiam Dei ex mandato Regio inducere, quæ cum puritate cultus Apostolici pugnant; quæ superstitionem Papisticam redolent; quæ neque ad ædificationem piorum, neque ad ordinem aut ad ornatum, nisi meretricium faciunt; quæ denique nullam Ecclesiæ utilitatem adferre, sed contra multa ei mala dare possunt? Certum est ista de vestibus lege pios quosque omnes offensum iri, impios autem gavisuros in sinu & plura inde speraturos: medios verò, h. e. eos qui recens ab impietate ad pietatem conversi sunt, sed nondum bene firmati, periclitaturos: & si ex humano judicio aliquid dicendum sit, magis ad veterem superstitionem, ad quàm naturam ferimur, respecturos, quàm in veram religionem oculos fixuros ac firmaturos. Ac proinde istud decretum ad pietatem omnino nihil, ad impietatem verò fortassis multum, profuturum. Etsi enim vestes istæ per se, hoc est sua natura, malæ non sunt, aut immundæ, tamen propter præcedentem eumque recentem abusum immunditiæ prorsus non carent. Certè negari non potest, quin saltem occasiones sint aperturæ multorum malorum, & gravissimarum superstitionum. Sunt autem etiam occasiones malorum vitandæ. Quorsum igitur illa Ecclesiæ obrudere, è quibus utilitatis nihil sperari potest, damni autem plurimum? hoc est enim tentare Deum. Meminerit Sereniss. M. T. non sine causa scriptum fuisse; Qui tangit picem inquinabitur ab ea. Neque temere Apostolum iussisse, ut expurgemus vetus fermentum, quòd modicum fermenti totam massam corrumpat. Neque stultè improbari Judæos ab Osea, quòd surculum (superstitionum) ex Israele transtulerint in hortum suum, hoc

est in veram Ecclesiam. Nihil planè, piissima Regina, nobis negotii esse debet cum Papistis, ad religionem quod attinet, nisi in iis quæ communia habent cum Apostolis. Cur, obsecro, improbantur in Scripturis Reges aliquot, tametsi aliqui pii, quod fama in montibus, ante ædificatum templum à sanctis Patribus extructa, in quibus celi solitus erat Jehovah, non sustulerint? nimirum quod ædificato jam & ordinato templo, nolebat Deus ulla alicujus alius sacelli vestigia extare. Ergo patefacto etiam regno Christi locum habere amplius non debuerunt ceremoniæ & vestes Aaronicæ. Proinde meritis curarunt Apostoli eas post Christi ascensionem tollendas, ut ne ullæ quidem superessent reliquæ. Si verò illi pie sustulerunt, impiè igitur Papistæ illas revocarunt. Utrum autem melius sit sequi Apostolorum piam simplicitatem, an verò Papistarum impiam pompam, quis est qui nesciat? Gravius malum fuerit, credat S. M. T. ista talium vestrum Papistarum revocatio, quàm primo fronte fortassis oculatissimis etiam hominibus videri queat. Videor enim videre & audire Monachos è suggestis vociferantes, & suos in sua impia religione T. S. M. exemplo confirmantes & dicentes; Quid? quod ipsa quoque Regina Angliæ doctissima & prudentissima paulatim incipit ad sanctæ Romanæ Ecclesiæ redire religionem, resumptis jam sanctissimis & sacratissimis Clericorum vestibus? Sperandum est fore, ut reliqua etiam omnia sanctæ R. E. dogmata, ritus, sacramenta, tandem aliquando postliminio revocet. Has & similes voces proculdubio, prudentissima Regina, Monachi & Jesuitæ è suggestis usurpabunt. Nullam enim occasionem præmittunt suas confirmandi superstitiones. Quid igitur aliud est hæc vestes putidas, & alia Papistica Ecclesiæ rudera in Ecclesiam Christi revocare in hoc tempore, quam occasionem, eamque optimam, Papistis se & suos in suis superstitionibus confirmandi dare? Et verò etiam ad hanc rem, quasi opem ferre? Audiamus autem Prophetam, quid ad Josaphatum Regem Juda opem Achabo præbentem, dixerit. Tu impio auxilium ferre, & diligere eos (audes) qui Dominum oderunt? Ob hanc rem super te indignatio à Domino. Quid item aliud fuerit hæc res quàm infirmos à studio puræ religionis revocare, & ut retrò in Egyptum respiciant ac redeant, tacite movere? Facilis enim est ad impietatem relapsus infirmis hominibus; quippe qui ad superstitiones nostræ nature sumus propensi. Tollen-dæ igitur sunt occasiones ad impietatem relabendi: tantum abest, ut dari debeant. Quid sibi, obsecro, voluit Deus, quum vetuit ne araretur in bove & asino; & carvit, ne idem ager diversa fereretur semente, & ne quisquam vestiretur veste ex lana & lino contexta? Res est Deo odiosa & execrabilis, si idem ager Domini colatur ab Episcopis impiis simul & piis; si in eadem Ecclesia cum doctrina Evangelii doctrina etiam Papistica doceatur; si denique sacramenta, ceremoniæ, & ritus ex Apostolicis & Papisticis conflati, usurpentur; & ex iis ceu veste ex lana & lino confecta, Ecclesia vestiatur. Quæ enim convenientia lucis ad tenebras? Detestanda igitur nobis etiam esse debet talis, hoc est, turpis & impia mixtio. Ac proinde quæ Dei non sunt, sed eorum qui cultum Dei contaminarunt, prorsus abjicienda; id quod & Dominus fieri iussit, quum mandavit, ut eorum qui suaserunt, ut post Deos alienos iremus, omnia funditus perderentur & vestimenta totaque supellex igni cremaretur, idque in medio foro: nempe in abominationem talium seductorum, & ut sint anathema Domino. Quis autem ignorat, inter supellectilem seductoris Romani istas etiam vestes contineri? „Nec, adderebit, inquit, de illo anathemate quicquam in manu tua, ut avertatur Dominus ab ira furoris sui, multiplicetque te, sicut juravit patribus tuis, &c. Quid igitur inducere vestes has Antichristi supellectilem in Ecclesiam Christi aliud est, quàm Deum ad iracundiam provocare, & ejus furorem adversus nos accendere? Certum est, si quis verus sit amicus Christi eum nunquam curaturum, ut ornamenta Antichristi in ædibus suis habeantur; nedum ferat in templo Christi. Quis enim sui ho-

stis

his insignia in suis ædibus, præsertim verò in locis honoratioribus, ferat? At si quid
 Deus destructum & abolitum velit: qui sumus nos, qui illud denudò audeamus ædifica-
 re? Deus autem post Christi mortem vestimenta omnia Aaronica atque Levitica abo-
 lita voluit; & nostro tempore, Evangelii splendore fugatas velle se omnes, tum im-
 pias tum vanas Papisticas ceremonias, pompas, imposturas, fucos, satis apertè ubique
 declaravit: quòd hæc nihil ad pietatem accendendam, multum autem ad restringendam,
 valeant. Neque certè videre possum, quò tandem istæ spectent vestes, nisi reipsa (ut
 jam ad alterum caput veniam) ad pulchram istius Anglicanæ Ecclesiæ ex Evangelio
 reformatæ faciem, imò totum corpus, dedecorandum ac dehonestandum: non secus atque
 si pudica ac honesta alicujus Regis filia, vestimentis quibus scortum aliquod sanosum
 & insigne solum erat ornari, induatur; & ita induta, in medium prodire jubea-
 tur. Quis verò hoc probet, aut tolerandum esse censeat? Ergo etiamsi nullo alio,
 hoc saltem nomine, obtrudenda non sunt Ecclesiæ Christi, id genus vestes; quòd me-
 retrix Romana, iis, ut sua natura minime malis, ad malum tamen, & ad suas tegendas
 scortationes, vel potius ad alliciendos homines ad scortandum, abusa est, & adhuc
 abutitur. Sunt enim pompæ istæ omnes & ceremoniæ Papisticæ nihil aliud quàm fuc-
 meretricii ad hoc excogitati, ut homines ad spiritualem scortationem alliciantur. An-
 non igitur turpe est hos habere in Ecclesia Christi? Si serpens æneus, qui institutus fue-
 rat à Deo, & quidem ad salutem Israelitarum, per pium regem Ezechiam, quia illo
 contra verbum Dei abutebantur Israelitæ, sublatus est; & ab hoc facto summe
 laudatur Ezechias, quòd illum scilicet serpentem redegerit in cineres, eosque in pro-
 fluentem, ne ullum inquam ejus extaret vestigium, projici jussit: quanto magis istæ
 impuræ vestes prostigandæ sunt ex Ecclesia Dei, quibus Apostoli nunquam usi sunt,
 usa est autem meretrix Romana in cultu idololatrico & ad homines seducendos? Neque
 enim honestum est, ut quæ in Dei contumeliam usurpata diu fuerint, si res sint
 per se ædiæopai, ea in Ecclesia, cum discrimine etiam salutis piorum, retineantur.
 Multò vero minus istud vestium genus, quod nihil aliud est, quàm inventum ho-
 minum vel Satana potius, ad simplicium seductionem excogitatum. Nemo nostrum
 est qui nesciat, quanta laude dignæ sint illæ Respublicæ, quæ legibus cavent ne cives
 exoticas induant vestes, neve eas in Rempub. inducant, quòd corruptela sint bono-
 rum honestorumque morum, adeoque ipsarum Rerump. Quomodo igitur laudari
 unquam poterit istud quòd tuæ M. proponitur consilium, nempe ut vestes
 Reip. Christianæ tempore Apostolorum & Apostolicorum virorum incognitæ
 in Ecclesiam Christi introducantur? Si verò exoticum vestiendi genus in republica bene
 instituta non toleratur; quanto minus idololatricæ & gentilitiæ vestes in Ecclesia,
 ubi Deus in spiritu & veritate colendus est, & ubi paucas easque simplicissimas cere-
 monias esse vult, ferendæ sunt? Si item lege cavet Deus, ne virilibus vestimentis
 induatur mulier, neque vicissim cum muliebribus vir, quòd utrumque sit per se turpe
 atque inhonestum, & pugnant cum natura; cur igitur pii Episcopi & servi Christi
 vestibus impiorum sacrificarum, & Antichristi mancipiorum vestiantur vel potius de-
 honestentur, ac deformentur? Cur non potius ab illis, sicut diversæ sumus religionis,
 sic etiam externis symbolis veluti sunt vestes, in officiis saltem ad Dei cultum per-
 tinentibus obeundis, discernamur? Voluit hoc certe Deus & exegit à suo populo, ut
 ipso quoque diverso vestiendi genere à prophanis gentibus discernetur; atque ita se
 nihil velle habere cum gentibus commune, hoc etiam publico symbolo protestaretur.
 Quidni enim idem & nos faciamus? An non sumus populus Dei? An non manet
 æquitas ejusdem præcepti? Ac si honestum ab honore dicitur; qualis honor, quæso,
 fuerit Ecclesiæ Christi, quòd Episcopos in administratione Evangelii & Sacramento-
 rum habeat larvis Papisticis indutos & personatos, ita ut risui potius omnibus sint futuri,
 quàm

quàm in aliqua apud populum veneratione? Qualis & tua S. M. apud veras Ecclesias resque fideles laus, quòd tales nugae in suam Ecclesiam revocari permittat? Non est igitur res honesta, ut ad tales larvas suscipiendas sancti cogantur Episcopi. Neque enim revera res est honore & laude digna; neque nomen virtutis meretur. Quis enim, si tua S. Majestas mandaret, ut omnes Angli posito arito & illo quidem gravissimo & honestissimo vestitu, Turcicas induant tunicas, aut habitu, ut vocant, stratiotico, vestiantur; Quis, inquam, edictum hoc ut honestum approbaret? Multo cerò minus laudari potest, si pii Episcopi jubeantur posito vel saltem alterato honesto & verusio quem etiam Apostoli usurparunt vestitu, communi, sc. sed gravi & honesto, ridiculas & execrabiles impiorum sacrificorum vestes induere. Quòd verò ad tertiam officii Regii partem attinet, nihil isto consilio ad turbandum publicam Ecclesia pacem accommodatius. Omnis enim novitas praesertim in religione, vel per se, si mala sit, bonam turbat pacem, vel si bona, occasionem dat ex accidenti committendis inter se hominibus, malis nimirum cum bonis. Sed sicut in rebus per se bonis, ut in reformandis ad voluntatem Dei Ecclesiis contemnenda est pacis illius impia h. e. mundi turbatio: (Christus enim non venit suo Evangelio ut talem servet pacem, sed potius ut tollat & gladium mittat) ita certè rebus adiaphoris urgendis, turbare pacem Ecclesiarum, & bonos cum impiis, aut etiam bonos inter sese committere, usque adeo iniquum est, ut defendi nullo modo possit: ut non immeritò Victorem Episcopum Romanum hoc nomine reprehenderit Irenaeus, sicut antea dictum est. Est enim necesse, ut tunc Ecclesia scindatur in partes; quo quid detrimentosius? Exempla quae passim occurrunt in Historiis Ecclesiasticis, satis aperit & dilucide, quod dico, confirmant. Quot & quanta, obsecro, turba in Primitiva Ecclesia, inter eos qui praeter Evangelium ipsam quoque urgebant circumcisionem & legem, & inter illos qui eas merito respiciebant, excitata fuerunt? Quanta porro mala hac dissensio dedisset Ecclesia Christi, nisi Apostoli maturè occurrissent, Synodo Hierosolymis coacta, & causà apertis Scripturarum testimoniis & firmis rationibus legitime cognita atque discussa? Si tua S. M. sicut debet & esse & videri vult Apostolica, imitetur in hac parte Apostolos, neque aut imponet ipsi jugum hoc cervicibus discipulorum Christi, aut etiam ab aliis imponi permittat. Quòd si videat Episcopos de hac re inter se dissidere, cogat Synodum, & curet controversiam Scripturis disceptandam & cognoscendam, ac tum demum quod perpericulis testimoniis & rationibus non infirmis fuerit demonstratum, illud etiam omnibus servandum proponat, & ut servetur, edicto mandet, atque ita ex Ecclesia tollat dissidium. Est enim omnino tua S. M. curandum, ut nihil in religione immutetur aut innovetur nisi ex verbo Dei. Hac ratione vera Ecclesiarum pax atque concordia & unitas conservabitur. Contrà verò si fiat; quid aliud id fuerit, quàm unitatem tollere & Christianam pacem turbare? Neque illud mihi videtur silentio praetereundum, quòd ista rei novitate non solum publica in isto regno pax turbabitur, verum etiam alibi extra regnum multis occasio dabitur novas in Ecclesia excitandi rixas: idque non sine magno pietatis detrimento, & cursu Evangelici retardatione. Nemo enim hominum nescit, pleraque omnes Ecclesias, quae propter Evangelium a Romano Pontifice defecerunt, non solum talibus vestibus carere, verum etiam illas abominari. Neque tamen etiam alias deesse, quamquam priorum respectu perpaucas, quae vestes illas in Papatu repertas adhuc retineant, quemadmodum & alia nonnulla mordicus retinent: idque propterea, quod de principio Reformatores illorum Ecclesiarum, viri alioqui magni, & servi Dei fidelissimi, non ausi fuerint (nam neque illud expedire judicarunt) omnia Papistica penitus tollere. Verum, ut fit, sua cuique placent. Sua autem voco, non tam quae quisque excogitavit, quàm etiam quae sibi quisque ab aliis inventa deligit, accipit, retinet, persequitur. Si verò accedunt aliorum quoque exempla, magis ac magis in iis obfirmantur; nec solum obfirmantur, verum etiam ut reliquos omnes in suam pertrahant sententiam, omnem dant operam, & vocibus ac scriptis imò manibus & pedibus nullum non movent lapidem. Quid igitur

igitur futurum sit, si tua S. M. quod ei à nescio quibus suadetur, de recipiendis vestibus, & aliis Papisticis nugis consilium illud admiserit, facile videmus. Exemplo enim tuæ S. M. excitati nonnulli homines male feriatî scribent & spargent per totam Germaniam libellos de his rebus quas adiaphoras vocant; nimirum licere easmittere, imò quò minùs Papistæ à nobis alienentur, atque ita propriùs ad concordiam accedatur, omnino esse admittendas. Quasi verò Papistæ, etiam si nos omnia ea admittentus concordie causa, correcturi unquam sint doctrinam, & falsa impiæque dogmata, apertas abominabilesque superstitiones & idolomanias è suis Ecclesiis profligaturi vel ulla ratione deposituri. Non deerunt igitur, qui talibus libellis, si spargantur, respondeant. Ita ex Anglicano isto igne novum quoque in Germaniam & in Gallia fiet incendium, cui suffundent frigidam Papistæ. Egregium verò beneficium: Quis igitur jam non videat istud consilium non aliò spectare quàm ad omnium Ecclesiarum perturbationem? Ad summam, verissimum & certissimum longaque experientia probatissimum est, aureum illud docti cujusdam viri dictum; Res adiaphoras, hoc est quæstionem de rebus adiaporis, esse τὸ χροῖον τῆς ἐπίδος μῆλον. Atque hæc de publicæ pacis perturbatione satis. Quid verò de privatorum fidelium conscientiis dicam? eas isto desuper induendis lineis vestibus mandato supra modum turbari, res ipsa docet. Conquerentur enim vehementer; ita ut eorum querulæ voces ac gemitus in Germaniam usque penetrent & audiantur. Quàm grave autem sit, ideoque ingratum, flagitium, piorum conscientias turbare, docet Scriptura Sancta; partim cum jubet ne contristemus Spiritum Sanctum, neve ut pusillos scandalizemus; partim cum graves minatur pœnas iis qui hæc non verentur facere; partim etiam cum exempla sanctorum proponit, atque Pauli, qui sic loquitur. „Si esca, inquit, scandalizat fratrem meum, non manducabo carnes in æternum; ut non scandalizem fratrem meum. Regulam enim iis verbis suo exemplo tradit generalem ex doctrina Christi desumptam, nempe nullam rem adiaphoram esse admittendam, nedum aliis urgendam, multò verò minus edicto mandandam, si in ea admittenda, urgenda, mandanda, animi bonorum & conscientie fidelium offendantur. Res enim pretiosissima est & Deo carissima, tenella Deique timens conscientia. Quomodo igitur probari potest consilium de lege vestium sacerdotalium in ministerio utendum per Regium mandatum edicenda? Nam (ut multa in pauca contraham) si sunt hujusmodi vestes fidelibus proponendæ, aut proponendæ sunt ut adiaphoræ, aut ut necessariae. Si hoc, impiè nos facimus, quòd quæ Christus voluit esse libera, nos ea faciamus necessaria. Si illud, relinquendæ igitur sunt liberæ Ecclesiis. Jubendo autem & cogendo, ex liberis facimus necessarias, atque ita in idem facinus delabimur. Deinde aut sunt à Deo per Moysen institutæ; aut sunt per Christum, Deum sc. in carne manifestatum traditæ; aut per Spiritum sanctum in Apostolis agentem & loquentem ordinatæ; aut sunt ab hominibus vel piis vel impiis. Quæ à Deo per Moysen institutæ fuerunt Ceremoniæ, & Leviticæ vestes, illæ omnes ex voluntate Dei finem habere debuerunt post Christi mortem; ut passim in Scripturis, præsertim in Epistolis Pauli ad Colloss. & ad Hebræos liquidd apparet. Quare revocari non possunt sine transgressione voluntatis Divinæ. A Christo fuisse traditas dici non potest, cum nullum de hac re exstet verbum, sed contrà potius non semel omnium Mosaicarum ceremoniarum finem venisse, disertè docuit. Idem de Apostolis dico & ajo. Reliquum igitur est, ut dicantur esse ab hominibus. Si piis; aut ad ædificationem, aut ad ordinem, aut ad decorum fuerunt ab illis institutæ. At nunc, neque ad ædificationem faciunt, hoc est ad promovendam pietatem, sed contrà potius ad ejus spectant eversionem, ut antè visum est. Neque ad ordinem ullum bonum, sed potius ad ἀτάξiam. Sic enim confunduntur pii cum impiis Episcopi, cum tamen etiam vestimentis ut alteri ab alteris discernantur, æquum sit. Nec denique faciunt ad decorum sponsæ Christi,

quemadmodum paulò ante à nobis demonstratum fuit. Non sunt igitur nobis admittenda. Quæ verò ab hominibus Spiritu Dei destitutis inventa sunt, ea nihil ad nos. Denique Apostoli iis vestimentis usi non sunt. Nullum enim authenticum habemus testimonium. Est autem Ecclesia, sicut in doctrina, sic etiam in ceremoniis, & in vestimentis, ad illius Ecclesiæ Apostolica regulam informanda. Quorsum igitur hæ vestes in Ecclesiâ? Cujusnam auctoritate probari possunt? Quæ utilitas, quisve salutaris usus ex iis accedere potest populo Christiano? A nobis verò contra demonstratum est; iis pietatem labefactari; purum Dei cultum violari; Papisticam superstitionem paulatim revocari; pios offendi; impios in suis impietatibus confirmari; imbecilles in fide in discrimen salutis conjici; occasiones multorum malorum dari; Monachos & alios Papisticos concionatores ad suos in superstitione confirmandos juvari; iram Dei adversum nos provocari; quæ Deus destructa vult; ea à nobis reedificari; totam Ecclesiæ faciem commaculari & dedecorari; contra honestas leges de non induendis exoticis vestimentis turpiter peccari; atque ita totam Ecclesiæ dehonefari. Ad hæc publicam Ecclesiæ, imo multarum Ecclesiarum, pacem turbare; Episcopos inter se committere; piorum conscientias gravari; & animos bonorum offendi; Spiritum in illis sanctum contristari; denique pomum epidos ceu in mensam deorum projici

CAPUT XI.

De Diaconorum Vocatione & Functione.

Ecclésiastici in Parochiali Ecclesiâ, ut dicitur in Tabulis Hierarchiæ, sunt Minister & Diaconus. Hactenus de Ministro sive Presbytero; sequitur

Diaconus, in quo considerantur similiter Externa Vocatio & Functio. Externa Vocatio ad gradum sive ordinem, idque prorsus ut in Ministro, nisi in quibusdam; ad Beneficium prorsus ut in Ministro. Functio, prospicere pauperibus, Ministro assistere in Cæna celebranda, Benedicere nupturiis, Sepulturæ defunctos mandare, Baptizare, & Concionari si ad id vocetur.

Formam ordinandi Diaconos istam habent. Primum die statuto per Episcopum jam adventante fiat exhortatio pia munus & officium exponens eorum, qui ministerium quodvis Ecclesiasticum suscepturi sunt; quamque necessaria sint in Ecclesiâ Christiana hujusmodi ministeria, luculenter ostendatur: nec non quo in pretio haberi debeat vocatio apud populum Christianum. Exhortatione peracta Archidiaconus, vel qui vicem ipsius gerit, eos, qui ad Episcopum veniunt admittendi, præsentabit, hujusmodi verba præfatus. Reverende Pater in Christo, præsentio tibi personas hic adstantes ut admittantur ad munus Diaconatus. Episcopus excipiens ait. Vos verò summopere caveatis, personas istas jam nobis præsentatas tam doctrina quàm probitate morum dignas esse & habiles, qui munus suum exercent ad gloriam Dei & edificationem Ecclesiæ. Archidiaconus respondet. Ego quidem tales eos comperto tum ex aliorum de illis judicio, tum ex meo ipsius examine. Tum Episcopus ita po-

pulum alloquetur. Fratres, si quis vestrum sciat impedimentum, vel quodvis crimen enormius in istis personis, qua nunc ad officium Diaconatus presentantur, quo minus ad ipsum admitti debeant; jam prodeat in Dei nomine & impedimentum illud sive crimen, quodcumque tandem fuerit, ostendat. Quod si crimen aliquod, vel impedimentum fuerit obiectum eorum alicui, abstinebit Episcopus ab ejus ordinatione, donec reus à tali criminatione se liberum esse probaverit. Posthac Episcopus eos, qui digni fuerint reperti, commendans precibus universi cœtus, unâ cum Clericis & plebe presente Litaniam cum precationibus sequentibus recitabit. Precatio. Omnipotens Deus, qui divina tua providentia diversos Ministrorum ordines in Ecclesia tua constituisti, & sanctos Apostolos tuos inspirasti divinitus, quo tempore illi S. Stephanum Protomartyrem unâ cum aliis ad istud Diaconatus munus eligebant; dignere, quasumus, vicissim istos famulos tuos, qui nunc ad similem administrationem vocantur, misericordia tua visitu clementer intueri: ita instrue illos sacrosancta veritatis tue doctrina, ita morum innocentia & vitæ integritate adorna, ut & verbo & exemplo in hoc suo munere fidelem tibi prestare possint operam, ad nominis tui gloriam & incrementum Ecclesia, propter meritum Jesu Christi Salvatoris nostri, qui vivit & regnat tecum unâ cum Spiritu sancto & nunc & in æterna sæcula, Amen. Hic sequuntur precationes, qua sunt propria diei in celebratione S. Cœna. Epistola verò legatur ex priore ad Timoth. Cap. 3. à Versu Octavo ad finem Capituli, vel ex Act. Cap. 6. à Vers. 2. ad 8. Ante lectionem autem Evangelii Episcopus in cathedra sedens curabit juramentum de suprema Regis potestate contra jurisdictionem & auctoritatem quorumcunque potestatum & principum externorum, singulis, qui ordinandi sunt, administrari, atque suscipi hac verborum formula. Ego A. B. palam testor, &c. His peractis singulos ordine suo percontatur. Num credat, se interno Spiritus Sancti instinctu vocatum esse ad istud munus suscipiendum. Num persuasum habeat, se juxta voluntatem Domini & legitimam regni Angliæ constitutionem vocatum, & similia. Sed hæc interrogata præcipue sunt notanda. Episcop. An omnes S. Scriptura Libros Canonicos tam Veteris quam Novi Testamenti firma fide amplecteris? Resp. Amplector. Episcop. Num statuis in ea qua tibi mandata fuerit Ecclesia diligenter illas ad populum ibi congregatum perlegere? Resp. Statuo. Episcop. Diaconi munus in eo præsertim consistet, ut præsto sit Presbytero, dum sacris administrandis incumbit in Ecclesia sibi assignata, suamque præstet operam in celebratione S. Cœna ad distributionem Sacramenti. Item S. Scripturas atque Homilias populo perlegere, Junioriores in articulis fidei erudire, infantes baptizare, necnon verbum Dei predicare, dummodo ab Episcopo censeatur idoneus qui ad id muneris admittatur. Spectat insuper ad ejus officium, si quidem talis cura erit etiam necessaria, inquirere de conditione egrotantium, pauperum, & infirmorum in sua parochia degentium, ut eorum cognomina, domicilia, inopiaque innotescat Pastori, qui sua ad gregem religiosa cohortatione curabit piorum animos excitare ad necessaria vitæ subsidia aliasque elemosynas in illorum sustentationem subministrandas. Hæcne tu libenter & alacriter præstabis? Resp. Præstabo Deo auxiliante. Episc. Anne omni studio & diligentia curabis sic tuam ipsius & familia tua vitam ad normam doctrina Christiana dirigere, ut quantum in vobis fuerit, salutaria ovis Christi exempla vosmetipsos præbeatis? R. Ita faciam Deo juvante. Episc. Nunquid Ordinario tuo, aliisque præcipuis Ecclesiæ Ministris, obedienciam cum reverentia præstabis, piis eorum monitis libenti animo obtemperans? Resp. Conabor hoc facere adjuvante Domino. Tunc Episcopus manibus singulorum capitibus separatim impositis hæc verba pronunciet; Potestatem habeto Diaconatus officium administrandi in illa Ecclesia qua tibi fuerit commendata: In nomine Patris & Filii & Spiritus Sancti, Amen. Hoc facto tradet Episcopus singulis in manus N. Testamenti codicem, hujusmodi utens verbis. Habeto quoque potestatem Evangelium in Ecclesia Dei legendi, nec non predicandi, si quando more legitimo ad id muneris admittaris. Sequatur statim Evangelii, quod ejus diei proprium fuerit, lectio per eum præstanda quem

Episcopus designaverit. Mox ad sacram Cœnam se accingat Episcopus, omnibus qui ordinantur manentibus Cœnamque S. unâ, cum eo percipientibus. Sacra Cœna peracta post collectam ultimam, & immediatè ante benedictionem, ista quæ sequitur precatio adhibeatur. Omnipotens Deus, &c. eaque fide ac integritate in hoc inferiori munere sese gerant, ut digni aliquando reperiantur, qui ad graviora in Ecclesia tua ministeria suscipienda vocentur, &c. Hic demum oportet Diaconum intelligere, permanendum ei esse in suo recens suscepto munere, ad minimum per integrum anni spatium, nisi fortè ob causas non leves aliter visum fuerit Ordinario suo. Ita enim in rebus ad Ecclesiasticam disciplinam spectantibus promptior & peritior evadet. Si verè fidelis repertus fuerit in munere suo fungendo, poterit postmodum in Ordinem Presbyteri cooptari à suâ Diœceseos Episcopo.

Multa hîc sunt communia cum forma ordinandi Presbyteros, ut Archidiaconi examen, & præsentatio ordinandi, & quòd Episcopus à populo quærit num sciant impedimentum aliquo aut crîmen gravius in præsentatis quominus ad officium Diaconatus admitti debeant, qui forte neminem eorum unquam ante viderât, quòd Juramentum Primatus & fidelitatis exigit, quòd manibus singulorum separatim manus imponit, quòd codicem Novi Testamenti in manus tradit, quòd sacra Cœna adionem claudit. De quibus vide supra. Cum imponit manus, ait, Potestatem habeto Diaconatus officium administrandi in illa Ecclesia quæ tibi fuerit commendata. Ordinatur igitur absque titulo incertus adhuc in qua Ecclesia ministraturus est. Et quamvis in tabulis Ecclesiasticis in Parochiali Ecclesia dicantur Minister & Diaconus, tamen non habent Diaconos in Ecclesiis Parochialibus, sed tantum in Cathedralibus, ut referunt Authores Admonitionis ad Parliamentum, nec negat Whitgiftus p. 690. Imo non pudet asserere Diaconorum civitatis ministerium non tam operosum fuisse, quin omnibus Ecclesiis civitatis adunatis, (Diœcesin intelligit,) ministrare potuerint. Quodnam quæso eorum ministerium? cantare Evangelium, dum Episcopus aut ejus vice alius Cœnam celebrat, homilias legere, infantibus baptizare, nuptiis benedicere, sepulturæ defunctos mandare, necnon verbum Dei prædicare, dummodo ab Episcopo censeatur idoneus qui ad id munus admittatur? Præcipuam muneris sui partem, nempe eleemosynas colligere & distribuere pauperibus, negligit. De ægrotantium conditione, pauperum & infirmorum, inquirere monetur, & referre ad Pastorem parochiæ. Sed quomodo possunt inquirere de ægrotantium & infirmorum in sua parochia conditione, qui in nulla ministrant Parochia, sed in Ecclesia Cathedrali quæ nullius parochiæ est, sed communis totius Diœceseos Basilica? Baptizare possunt non minus quàm Presbyteri, & prædicare verbum etiam, si Episcopus idoneum senserit absque alia vocatione ad gradum Presbyteratus aut ministerii. Denique quid potest Presbyter quod non potest facere Diaconus? Nam Presbyter non potest concionari, nisi vel privilegio vel speciali aliqua facultate concessa ab Episcopo. Duo tantum excipit Dounamus, in quibus differt à Diacono Presbyter; consecrare Eucharistiam; & retinere ac remittere peccata, seu absolvere, nempe in foro Pœnitentiæ. Nam publicam pœnitentium reconciliationem Diaconis concedit Bellarminus. *Diaconorum, inquit, baptizare, prædicare, reconciliare publicos pœnitentes, Eucharistiam deferre, ac præbere laicis, ac breviter omnia facere, quæ Episcopi & Presbyteri faciunt; excepta consecratione corporis Domini & ordinatione Clericorum, & aliis officiis quæ requirunt potestatem ordinis.* Probant Formalistæ, Diaconi officium esse baptizare; quia Philippus unus è 7 Diaconis Ecclesiæ Hierosolymitanæ baptizavit Samaritanos. At non erat tunc Diaconus Ecclesiæ Hierosolymitanæ, sed Evangelista, & sic diserte dicitur Act. 21. Prædicare Diaconos possi. ejusdem Philippi

& Ste-

Defens. l. 3.

Cap. 4.

Señ. 24.

De Cleri-

sis Cap. 23.

& Stephani exemplis probant, sicut Pontificii. Sed Tileni verbis potius quàm Junij à quo ipsa fere verba accepit, respondeo. *Exempla Stephani & Philippi, ex Syntagm. quibus illum prædicasse, istum baptizasse, Act. 7. & 8. volunt adversarii, nihil Part. 2. huc pertinent. Nam aliud est Apologetica oratione ad populum uti, aut causam dicere Diss. 21. apud Judices, quod facit Stephanus, aliud ordinario verbi Ministerio fungi. Philip. Theol. 24. pus vero ex Diacono Evangelista factus est, vel extra ordinem à Deo per Angelum vocatus, quod innuere videtur singularis illa revelatio, Act. 26. vel priusquam Hierosolymis discederet, ab Apostolis ad hunc ministerii gradum proventus est. Disputavit & contulit in Synagoga secundum morem Act. 6. 9. Non erat illud prædicare in Ecclesia. Et Act. 7. forensi more se defendit, & præclaram confessionem edidit, sicut post Protomartyrem multi martyres fecerunt vel in iudicum confessu vel in corona populi. Imo Doctores & Prophetas vel Evangelistas fuisse ante quàm creati Diaconi, ait Saravia, Inferioris ordinis doctoribus, prophetis, & Evangelistis plus erat otii, (nempe quàm Apostolis?) quorum tunc temporis magis partes erant audiendi quàm docendi: tamen & docuisse suo modo ex Stephano & Philippo constat. Quod si verum, sequeretur Stephanum & Philippum baptizasse aut prædicasse quatenus doctores aut Evangelistæ, non quatenus Diaconi; & Doctorem aut Evangelistam posse Diaconi, non autem Diaconum peragere posse opus Evangelistæ aut Doctores. Sed falso asseritur, fuisse simul Diaconos & Doctores vel Evangelistas. Num derelicto sermone Dei debebant vacare mensis, cum Apostoli donis superiores doctoribus & Evangelistis dereliquerint mensas ut possent vacare sermoni & doctrinæ? Vel in tam ampla messe operarios ullos desides fuisse, aut otio abundasse, cum Saravia somniabimus? Quæ Spiritus Sanctus in Apostolorum personis sejunxit, homo ne conjungat in ordinariis Ministris. Si extraordinarii, dum simul & in una civitate omnes ministerio fungerentur, æquum non existimabant, à sermonis & doctrinæ cura distrahi propter pauperum curam; ordinarii duo aut tres (aut forte unus) utrique muneri pares erunt? Apostolus Rom. 12. 8. dum cuique in corpore membro officium suum tribuit, Diacono officium distribuendi elemosynas bona fide & sine personarum respectu assignat. *Qui distribuit, cum simplicitate.* Alios constituit Deus Apostolos, alios Prophetas, alios Doctores, alios Opitulatores nempe Diaconos, alios Gubernatores, nempe Seniores, 1 Cor. 12. 28. non eosdem Apostolos & Opitulatores, vel Opitulatores & Doctores. In Episcopo seu Presbytero exigit Apostolus, ut sit διδασκάλος, non item in Diacono, sed tantum ut teneat mysterium fidei in munda conscientia, quod cum in omnibus Christianis requiritur, maximè tamen in iis, qui ad publicam administrationem in Ecclesia vocati sunt. *Cum Ecclesiæ corpus præluere oporteat omnibus, etiam qui foris sunt, in his pietatis Christianæ charitatisque documentis; meritò viros idoneo testimonio ornatos plenos fide, & Spiritu Sancto, & sapientia, eligi & adhiberi voluit ad publicam hanc in Ecclesia sua procuracionem Act. 6. 3. ut certiore cum notitia, majore judicio, & autoritate graviore ἀντὶ προσωποληψίας Diaconorum collegio oblationes sanctorum dispensentur; inquit Junius. Ideo Act. 6. jubent Apostoli ut deligant 7 viros Spiritu Sancto plenos. Nam oportet esse inculpata & integræ vitæ, graves & honestos, non vino aut turpi lucro deditos, ne in suspensionem malæ obitæ administrationis incurrant, & prudentes qui querimonias pauperum expendere, ægrotantium, advenarum, incolarum, victorum, captivorum, miseras & egestatem atque inopiam discernere, & prout cuique competit, & ex ærario suppetit, sublevare. Non est igitur colligendum, sublimius quoddam officium esse Diaconorum cura pauperum, propterea quod Apostoli jubent deligere viros Spiritu Sancto plenos & prudentes; partim quia tunc tempo-**

Defens.
Cap. 7.
Sect. 2.

Eccles. l. 2.
Cap. 4.

- ris Ecclesia sanctorum virorum copia abundabat, partim quia quæstura & oeconomia seu dispensatio ærarii Ecclesiastici non nisi probatis & fide dignis committenda sunt, viris prudentibus & probis qui prudenter & cum simplicitate distribuunt. Nec etiam mirum, adhibitam impositionem manuum. Nam non est ritus simplex impositionis manuum Sacramentum, ut supra probavimus, sed gestus orantibus & benedicientibus valde familiaris, tum in Vetere tum in Novo Testamento, præsertim in negotiis publicis. Diaconatum esse Sacramentum, fatetur Bellarminus, non esse certum ex fide. Durandus in 4 Dist. 24. q. 2. & Cajetanus negant, ut concedit Bellarminus, & valde probabile esse fatetur Victoria de Sacramenti. q. 226.
- De Sacr. Ord. Cap. 6. *Consentit & Aquinas q. 37. Art. 1. ad 2. in addit. dum rationem sacramenti totam collocat in solo Sacerdotio; in aliis vero non nisi per attributionem ad illud per quandam participationem: quod non est habere in se formaliter rationem sacramenti, quanquam sibi contrarius idem ibid. Art. 2. postea etiam in inferioribus ordinibus agnoscat rationem sacramenti; inquit Spalatenfis. Urgent manuum impositionem, inquit, sed illa significat orationem super hominem, ad hoc ut Deus ipsis assisteret gratia sua in bene adimplendo munere, quod ipsis injungebatur. Obijciunt inamissibilitatem & characterem, sed negatur & inamissibilitas & character. Nos verò, præterquam quod etiam sacerdotium fecimus amissibile, ostendere possumus Diaconi ordinationem esse meram officii injunctionem & liberam deputationem. Est simplex officium Ecclesiasticum ab Apostolis datum. Quoties ergo quis removetur à tali officio, ne in eo amplius se exerceat totum amittit, sive privetur ob demerita, sive promoveatur ad Presbyteratum; cum in officio Diaconatus nihil amplius negotii habeat, non est amplius Diaconus. Ad tempus & ad nutum ordinatum fuisse Diaconum quendam Sebastianum, probat ex Epistolo Vigilii Epist. 5. Tom. 1. Part. 2. Vigilius dicit se illum Diaconum ad tempus fecisse. Facere vero Diaconum aliud est, & aliud diaconi officium facere. Quibus, quæso, verbis potuit significantius explicare se etiam pincernam aliquem ad tempus facere, donec alius pincerna venerit.*
- De Rep. l. 9. c. 4. Num. 46. *Primam Diaconorum institutionem, non dubitat, fuisse ad hoc tantum, ut solas mensas communes curarent ac temporalium rerum gererent administrationem. Postea verò invaluisse in Ecclesia, ut Diaconi occasione præparandæ mensæ communis, & accipiendarum oblationum populi, ac præsertim panis in Eucharistiam consecrandi, etiam sacræ mensæ altarique inservirent. Iustinus Martyr Apol. 2 ad calcem. Ac paulatim Episcopis ita disponentibus, ad alia ministeria accedere sunt permissi. Ut jam meritò duplex Diaconorum genus possumus in Ecclesia distinguere, alterum primæ institutionis ad curam mensarum communium & pecuniarum ac elemosynarum: alterum verò altaris variisque rerum sacrarum ministeriis ab ipsa Ecclesia deputatum. Primum sane quod est proprium & verum Diaconorum genus jam diu in Ecclesia cessavit, ex quo pecuniarum & reddituum tota massa ad Episcopos & Beneficiarios solos transit, alterum verò vix ad speciem aliqua tamen adhuc servat vestigia. Ab Apostolis œconomos constitutos existimat, ut bonorum temporalium curam gererent, & quæ pro communi fidelium victu conferebantur, colligerent & dividerent, ac mensis ministrarent, & solis mensis quoad cibaria materialia præfectos fuisse Diaconos.*
- Num. 47. *Miraturur Baronium contendere eos curam habuisse utriusque mensæ, communis & sacræ, & in fractione utriusque panis & communis & sacri ponere diaconorum curam pro ministerio quotidiano, ut ita eòs faciat ministros altaris. Sed Th Beza concedit utrumque, & easdem fuisse mensas, Agaparum & Cœnæ. Quod enim dicuntur mensarum ministerio vocasse, declarat expressius, quo spectarit illa colligendarum & distribuendarum σιτολογίων & ποσιτολογίων cura, ex quibus agapæ instruebantur: ita ut totius etiam ordinis in toto illo sanctissimo confessu conservandi sollicitudo istis*

istis fuerit imposta : sicut sub lege Sacerdotibus Levita in tota sacrificiorum administratione subserviebant, quibuscum meritò propterea isti Diaconi à veteribus scriptoribus comparantur. Istæ autem Agapæ, sicut manifestè liquet Act. 20. 7. partim in sumendo communi cibo 1 Cor. 11. 20. & qui imprimis in Cœnæ Domini celebratione, partim in sacris deinceps sermonibus erant positæ, 1 Cor. 14. 26. quod copiosè inter cæteros Justinus Apologetico posteriore & Tertullianus declarant. Ex his verò apparet, quantam adhiberi curam ad his Diaconis oportuerit, ut ordine exactissimo cuncta in illis cætibus gererentur, qua de re passim in Synodis Canonibus sacris præcipitur. Exolescentibus autem illis convivii mansit eadem Diaconorum curam Liturgiis, quod attinet ad Sacramentorum administrationem verbi prædicationi & publicis precibus adjunctam. Nulla hic confusio functionum aut usurpatio muneris alieni. Nam cum in celebratione Cœnæ ipsi Pastores non ministrarunt circumferendo patinas & pocula, alios ministrare oportebat. Quos vero ministrasse existimabimus si non Diaconos, qui mensis convivii communis tempore ministrabant ? Quantumque verò sacris altaribus appropinquet, & rebus sacris sacrisque exercitiis immisceatur, id tamen totum Diaconi ut meri Presbyterorum & Episcoporum Ministri peragunt ; ait Spalatensis. Cum concessum Diaconis ministerium altaris seu mensæ sacræ, dicit fuisse tantum Presbyterorum & Episcoporum meros ministros ; quid ergo periculi si prima institutione erant etiam mensæ sacræ ministri ? Nam sic nihil attingebant quod Presbytero proprium erat & peculiare. Res & subministravisse quæ ad sacramenta fuerunt opus de arario Ecclesiæ, cui præfecti erant, & administrationi eorum operam commodavisse agnoscimus ; inquit Junius. Duæ partes muneris Diaconatus, una procuratio collectarum quæ erogandæ erant in usus Ecclesiæ & pauperum, & in hac Levitis non erant comparandi. Nam non erat istud Levitarum munus. Alia via lex Dei prospexerat rebus pauperum & afflictorum, per spicilegia, racemationes, decimas tritericas, insativos fructus &c. ut bene observat Fr. Junius. Quatenus ministrabant etiam mensæ sacræ, dum Presbyteri seu Pastores celebrarent, Levitis assimilari possunt qui sacerdotibus sacrificantibus ministrabant, non tamen in omnibus Levitici muneris partibus cum Levitis comparandi. Quod ad pauperum curam attinet, Clemens in Constitutionibus Apostolicis hæc officia Diaconis tribuit, si aliquem inopia premi viderit, admonito Episcopo, illi suppeditare, omnes invisere qui visitatione opus habent, & de oppressis referre Episcopo, nihil cuiquam dare nisi ex Episcopi sententia, Lib. 2. Cap. 23. 35. Lib. 3. Cap. 19. Et Epist. 1. ad Iacobum fratrem Domini, ut ægrotos perquirant, visitent, & necessaria eis subministrent. Constitutionum Lib. 8. Cap. Ult. tamen non permittit baptizare. Nam nec Diacono fas est offerre sacrificium vel baptizare aut benedictionem parvam aut magnam facere. Origenes Tract. 15. in Mat. Diaconi autem qui non bene tractant Ecclesiasticarum pecuniarum mensas, sed semper de eis fraudant, & ipsas quas dispensant, non secundum iustitiam dispensant & divites fiunt de rebus pauperum, ipsi sunt nummularii, pecuniarum mensas habentes, quas Christus evertit. Quoniam autem mensis Ecclesiasticarum pecuniarum Diaconi præsent, docent nos in actibus suis Apostoli &c. Sed hæc pars muneris cessavit, & pars altera nempe ministerii in sacris mirum in modum aucta est. Nam cum primum in Cœna non aliter ac in communi Agapæ convivio ministrarunt, nempe circumferendo in vasis symbola & collocando in mensis coram accumbentibus vel adstantibus, postea ceperunt ipsi porrigere symbola fidelibus & verba usurpare. Ut tradendo calicem dicebat, Sanguis Christi, calix vitæ, ut refert personatus Clemens Constitut. Apost. 1. 3. c. 20. Et quod añ Cap. 34. ipse dat populo non veluti sacerdos, sed veluti ministrans sacerdoti, nihil est.

Num. 56.

Cont. 5. l. 7.
c. 13. Not.
13.

Ibid. Cap.
14 Not. 13.

De Gradibus
Cap. 7.
Sect. 8.

Nam

Nam sacerdotis officium est, etsi non cuique porrigere & dare symbola, tamen verba fœderis & promissionum Evangelii proferre. Pedetentim in Presbyterorum munia irruerunt, unde supercilium & arrogantia de qua Hieronymus Epist. 85. ad Euagrium, & Auctor Quæstionum Veter. & Novi Test. Quæst. 101. *Cur enim toties nimia arrogantia arguuntur, & à Conciliis & Patribus, ut vidimus, increpantur, nisi quia invidia & emulatione erga Presbyteros ducti in eorum libenter munera irrumpebant? Nonne eo audacia interdum sunt progressi, ut etiam offerre (quod est nunc Missas in Ecclesia Catholica celebrare) non sint veriti? testes sunt Patres Concilii Primi Arelatensis, qui lato Canone audaciam hanc represserunt. Sic enim statuunt Canone 15. de Diaconis, quos cognovimus multis locis offerre, placuit minime fieri debere. Hæc Spalatensis. Mirum igitur non est, si baptizandi etiam ministerium sibi arrogarint, adiutantibus Episcopis, qui Diaconos provehebant, ut Presbyterorum gradum deprimerent, & suum eveherent, vide supra pag. 340. 341. 349. Non tamen statim prædicare iis permixtum. In Concil. Vafens. 2. Can. 2 præcipitur; ut Diaconus, quando non est Presbyter qui prædicet verbum, Homilias sanctorum Patrum loco Concionis recitet. Hoc etiam pro ædificatione omnium Ecclesiarum & pro utilitate totius populi nobis placuit, ut non solum in civitatibus, sed etiam in omnibus parochiis verbum faciendi daremus Presbyteris potestatem, ita ut si Presbyter, aliqua infirmitate prohibente, per seipsum non potuerit prædicare, sanctorum Patrum Homilie à Diaconis recitentur. Si enim digni sunt Diaconi quæ Christus in Evangelio loquutus est legere; quare indigni judicentur sanctorum Patrum expositiones publice recitare? Unde apparet, initio tantum legisse Homilias Diaconum, absente aut ægotante Presbytero, non autem concionatum fuisse. Progressu temporis adeo immutata fuerunt munera Diaconorum, ut ne vultum quidem primæ institutionis præ se ferrent. Unde in Synodo Trullana sub Iustiniانو, cum Diaconos suo sæculo diversos ab iis qui Act. 6. instituti cernerent; duplex Diaconorum genus finxerunt. Nos Apostolico dicto mentem Patrum adaptantes invenimus, sermonem ipsis esse non de viris qui ministrant mysteriis, sed de ministerio quod in usu mensarum attribebatur. Sed quomodo Diaconos prædicare & baptizare permittent, nisi abutendo exemplis Stephani & Philippi qui erant ex numero illorum 7 Diaconorum? Videmus itaque Diaconum irrupisse in munia Presbyteri, & omnia invadere voluisse, etiam Cœnæ celebrationem, nisi repressa fuisset ipsius arrogantia. Sed cur Baptismi, non Cœnæ, administratio ei permitteretur; nulla satis idonea ratio reddi potest. Divellunt sacramenta quæ conjunxit Christus & prædicationi verbi adjunxit, unumque altero ignobilius reddunt, cum Baptismum administrare possit Diaconus, non sacram Cœnam. Qui non sunt apti ad docendum cæci curiones; ministrare possint Cœnam? & Diaconi, quibus concedetur facultas concionandi, non possint Cœnam administrare? Quid absurdius? Cum prædicandi & baptizandi officia Presbyteris propria Diaconis concessa sint, non mirum alia inferiora etiam permixta esse, ut mandandi sepulturæ defunctorum corpora, nupturis benedicendi, juniores erudiendi. Lectoris officium commune Presbytero, Diacono, aliisque ad id muneris vocatis. Utrum Diaconatus sit gradus ad Presbyteratum, vide supra pag. 81. 82. de Archidiaconis pag. 340. &c. de Vocatione Diaconi ad Beneficium vide in Vocatione Presbyteri ad Beneficium, cum eadem prorsus sit.*

CAPUT XII.

De Laicis Administratoribus in Ecclesia Anglicana.

Hactenus de Personis Ecclesiasticis administrationem minime judicalem habentibus; sequuntur

Laici habentes nonnullam Administrationem, eamque vel in Ecclesia Cathedrali vel Parochiali. In Cathedrali sive Collegiata, iique sunt vel Externi vel Interni. Externi, qui versantur circa; publicos illius Ecclesiæ Reditus, ut Receptores, Ballivi, Auditores ratiociniorum; Fundos, ut Supervisores, Decempedatores; Jura incorporalia, ut Curiarum & Libertatum Seneschalli. Interni circa Divinum cultum occupati, ut viri & pueri Symphoniaci. Inferioribus ministeriis intenti, ut Custodes Fabricæ Templi, Sacrarum, Bibliothecæ, *ῥαβδῶχοι* sive Virgiferi, Campanarum Pulsatores, & reliqui Inferiores ministri.

In Parochiali habentes solam ministerialem magisque servilem Administrationem, ut Aeditui & Campanarum Pulsatores: aut Ampliori Administratione præditi, ut Collectores pro pauperibus juxta statutum, Synodales testes, quos *Sydemmen* vocant, qui in inquisitionibus morum & visitationibus adjunguntur Oeconomis, Oeconomi sive Gardiani Ecclesiæ, quorum munus est pro eo anno, Foris seu Extra Ecclesiam, vel in Ecclesia. Foris seu Extra Ecclesiam, Reditus Ecclesiæ cogere, custodire, si detinentur lege experiri, rationes referre, contributiones pro operibus publicis fiendas denunciare, inordinatè viventes inquirere, monere scandalosos, Ordinario præsentare, Ordinarii mandata exequi & renunciare. In Ecclesia; tempore Divinorum, Collectiones pro pauperibus extraneis peragere, Absentes observare & multam exigere, Silentio & decoro prospicere; Extra tempus divinorum, facta testæ tueri, Navem templi, Maceriam cœmitterii, Ornamenta & supellectilem reliquam publicis parœciæ sumptibus, Unà cum Ministro Indicem Ecclesiasticum Baptismorum, Nuptiarum, & Sepulturarum

Q q q q

custo-

custodire, Prospicere ne quis absque facultate legitima sese ingerat ad concionandum, Comparare necessaria, ut libros, ornamenta, suppellectilem Ecclesiasticam, panem & vinum in S. Cœna.

Conf. 89.

Mucket.
de Polit.
p. 346.

Missâ onerosa illa turba Ecclesiæ Cathedralis, ædituis & campanarum pulsatoribus Ecclesiæ Parochialis, veniamus ad Oeconomos seu Gardianos, quos Angli *Churchwardens* vocant, & Testes Synodales. Ecclesiarum Oeconomi sive Inquisitores consensu Ministrum & Parœcianorum eliguntur; Testes Synodales per Ministrum & Oeconomos. Oeconomorum & assistentium annua electio in Paschali hebdomada celebratur. Oeconomi in officio suo ultra annum, nisi de integro ad modum prædictum electi, non permanebunt. Omnesque Oeconomi ad dicti anni terminum, vel saltem infra ejusdem termini mensem unum, pecunia tum accepta tum expensa sive in reparationes sive in alios quoscunque Ecclesiæ usus veram & particularem rationem Ministro & Parochianis reddent: quin etiam officio suo abeuntes Parochiani cedent quicquid pecunie aut alterius rei cujuscunque ad Ecclesiam sive Parochiam jure pertinentis in ipsorum manibus residuum supererit, ut per eos in succedentium Oeconomorum custodiam per billam indeniata transferatur. Horum officium quodnam sit, vides in tabulis. Maceriam cœmeterii, navem templi, ejusque ornamenta & reliquam suppellectilem, ut libros, eucharisticam mensam, calicem, patinam, eleemosynarum cistam, publicis parochia sumptibus sarta tecta & decora tuentur; parant etiam panem & vinum in sacram cœnam, tempore divinorum collectionem peragunt pro pauperibus extraneis, & contributiones operibus publicis insumendas denunciant. Præterea more Ecclesiasticorum Visitatorum (quorum meminit Gregorius Magnus, l. 3. Epist. 2.) inquirunt nequiter viventes eosque admonent, magis scandalosos Episcopo qualibet triennali visitatione, & bis annuatim necessario, deferunt; in quibus occupationibus Testes quoque Synodales iis diligenter opitulantur, ait Mucketus. Canone 116. Constitutionum anni 1603. sic decretum. Nullius parochia Oeconomi vel Inquisitores sive Assistentes accusationes aut detectiones suas cogentur judici cuiquam Ecclesiastico præsentare sapius quàm singulis annis semel, in iis utrique locis, ubi non consueverunt pluries exhiberi, aut bis in Diœcesi vel loco quocunque (nisi in Episcopi visitatione) pro quibus Parochia cujusque præsentationibus Registrarius cujuslibet Curia, in qua exhibenda sunt, supra quatuor denarios in uno anno non recipiet, sub pœna mensuræ suspensionis à munere sui exercitio pro singulis ejusmodi delictis. Vides oportere Oeconomos, eorumque assistentes Testes Synodales, pro præsentationibus parochiæ seu detectionum schedulis salarium dare Registrario, cum potius accipere debeant. Nam crimina detegendo subministrant Curia Harpyis occasionem & materiam quæstus & lucri uberimam. Etsi binis tantum vicibus singulis annis, excepta triennali visitatione Episcopi, teneantur exhibere detectiones; possunt tamèn quoties & quando videbitur extra tempus vel tempora præstituta delinquentes deferre & accusare: sed cautum est dicto Canone, ut pro spontaneis hisce præsentationibus nullum feodum aut salarium sub pœna prædicta recipiatur. Ut nihil rapaces Curialium manus subterfugiat, sic decreverunt, Can. 119. Quo melius illis incommodis occurratur, quæ ex detectionum schedulis sive billis (quas vocant) propter & festinanter confectis (in ipsis videlicet diebus Visitatorum & Synodorum) hætenus constat evenisse; statutum est & decretum, ut quilibet Cancellarius, Archidiaconus, Commissarius, Officialis, alique jus dicentes Ecclesiasticum, ad tempus Oeconomorum juramento præstando consuetum, itemque Archiepiscopus & Episcopi omnes quoties visitationes suas indicant, parochiarum omnium Oeconomis & inquisitoribus sive assistentibus aut eorum aliquibus tradant.

tradant aut tradi curent libros *Articulorum*, de quibus eosdem velint *detectiones* suas anno insequente ad statuta tempora exhibendas instituere; in quo item libro apponetur forma juramenti quo statim ante singulas ejusmodi presentationes sunt orandi: ut spatium sufficienti dato ad examinandam & perpendendam tum juramenti sui qualitatem, tum etiam articulorum, quibus ipsorum *detectiones* nitenti debeant, deliberatè & cum fide easdem domi suæ formare possint, ad conscientias suas jurisjurandi religione jam obstrictas, uti probos & pios decet, liberandas. Omittunt tamen sæpius Oeconomis *detectionem* criminum, partim præ metu à potentioribus, partim præ incuria aut favore erga fontes seu reos, unde nefarie perjuri fiunt. Prospiciunt, ne quis absque facultate legitima sese ingerat ad concionandum. Sed facultas nulla conceditur nisi formalistæ. Prospiciunt, ut omnes Parochiani intersint tempore Divinorum, id est dum recitatur aut cantatur Liturgia. Non licebit alias frequentare Ecclesias ubi habetur concio, nisi denariis aliquot libertatem istam redemerint. Deferunt Prælatorum Curiis non geniculantes in sacra Coena, non adducunt pueros ad suscipiendum sacramentum Confirmationis Episcopalis, puerperas purificationis ritus ommittentes, dies festos non observantes, Ministros non orantes in publicis precibus pro Episcoporum Ordine, admittentes ad sacram Coenam viros pios ab eorum Officialibus iustitiæ causa excommunicatos, cruce in baptismo pueros non consignantes, & si quæ alia sunt delicta contra Canones Prælatorum commissa. De Oeconomis vide plura, pag. 321. Oeconomis, Testibus Synodalibus, & Collectoribus in Ecclesia Parœciana, rudera quædam functionum Diaconorum & Seniorum relicta vel potius imposita sunt, excluso interim è parœciis vero Diaconatu, & confessu Seniorum: extra Ecclesiam verò inserviunt ut mancipia ad suffulciendam Episcoporum tyrannidem. De Diaconis diximus. De Senioribus hic etiam loco tam opportuno pauca dicenda sunt. Scripsit nervose in accurata sua dissertatione contra Dounamum Gerfomus Bucerus de Seniorum institutione divina; ego tantum paucis perstringam, quæ in Parænesi contrà scripsit Tilenus, vel potius Saravia, aut Bilsonus. Nam nihil affert ille novi, sicut peritus scriba faceret, nec unquam asferre solet, sed vetera omnia.

Presbyterorum duplex genus in Ecclesiis Apostolicis fuisse, colligunt nostri ex loco Apostoli, 1 Tim. 5. 17. Quibus argumentis hunc sensum eripere nobis conatur? Primò ait, nulli unquam Scriptori Ecclesiastico aut Scripturarum interpreti peregrini hujus & absconi interpretamenti suspicionem in mentem venisse; circiter mille & quingentos annos in Heracliti puteo demersum latuisse, Calvinoque demum ac Bezæ patuisse. Respondeo; Patres omnes literis interpretamenta sua non mandasse, pleraque ipsorum scripta temporum injuria periisse, aut interpolata esse, & Seniorum usum obsolevisse, priusquam in hunc locum Commentarios scripserint. Ad morem sui temporis & præsentem Ecclesiæ consuetudinem, hunc locum exponentes respexerunt. Sic mutata fuit Diaconorum primæva institutio ut Patres in Synodo Trullana negarint 7 illos ad ministrandum menseselectos fuisse Diaconos. Secundò, quid si ante Calvinum & Bezam nullus Veterum ita interpretatus sit? Nonne Calvinus aut Beza alique viri docti nostro & superiori sæculo scrutantes Scripturas eruere potuerunt sensum qui antehac latebat, sicut in multis aliis Scripturæ locis fecerunt. Concedunt ipsi pontificii, succedentibus sæculis quædam uberius & subtilius à posterioribus Ecclesiæ Doctoribus pertractata, quàm fuerant à prioribus definita. *Quamlibet ætatem antiquitati semper detulisse, sed istud asserimus*, inquit Salmeron Jesuita, *Doctores juniores perspicaciores fuisse.* Ex hoc loco (nempe Rom. 5. in quo omnes peccaverunt) *Sancti omnes una voce*

Parænes.
Cap. 11.

In Rom. 5.
Dissert. 5.

- Canus Loc. Theolog. l. 7. c. 1. Num. 1. Comment. in Joh. 6. § 3.* *asseverarunt B. Virginem in Peccato Originali conceptam fuisse, Chrysostomus, Eusebius, &c. quamvis nullus autor contraverit, infirmum est tamen ex omnium Patrum consensu argumentum, & contraria sententia potius probabiliter & piè defenditur, inquit Canus. Missam facio Augustini & Innocentii sententiam, quæ ex falsa expositione Joh. 6. (nisi manducaveritis) sexcentos circiter annos viguit in Ecclesia, eucharistiam etiam infantibus esse necessariam; res jam ab ecclesia & multorum usu explicata est, neque Protestantes in hoc à nobis dissentiunt; inquit Maldonatus. Andradius ait, Deum multa revelasse his sæculis quæ latuerunt Patres.*
- Defens. Trid. Conc. l. 2.* *Tertiò, ipsi formalistæ alias hujus loci interpretationes comminiscuntur, ut genuinæ nebulas offundant, quas nullus Patrum literis unquam consignavit. Ut cum Presbyterorum nomine Diaconos comprehendunt. Presbyteri in duplici crimine erant, ait Bilsonus, alii namque in verbo laborabant, alii pauperum curam gerebant. Utrique duplici honore, si muneri suo non deessent, digni erant, præcipuè verò qui in verbo & doctrina laborabant. Interpretationem istam elegit Mucketus in Lib. de Polit. p. 346. At nullus Veterum ita interpretatus est locum istum. Facile etiam refellitur. Nam Diaconi nullibi vel Presbyteri appellantur, vel $\pi\rho\tau\epsilon\rho\varsigma$ dicuntur: imò à $\pi\rho\tau\epsilon\rho\varsigma$ distinguuntur Rom. 12. Sic alias etiam interpretationes affinxerunt, de quibus non somniarunt Patres. Si nec Pontificios nec Formalistas veterum interpretationes moveant, nosne iis adstringimur? Nihil autem movere nos debet, inquit Sopingius, quòd veteres qui in hunc locum scripserunt, non ita interpretati fuerint. Quam multa enim sunt in hac sic liquidò deffusa Evangelii luce ad mentem genuinam Sacrosanctæ Scripturæ à nostris Doctorebus prodita & restituta, de quibus nihil veteribus constitit? Etne procul abeam, an non plerique Patres unius uxoris virum interpretantur, qui mortua una uxore nullam superinduxerit? quemadmodum Diaconissas intelligunt unius viri uxores, quæ secundo matrimonio non fuerunt copulatæ Sed, ut supra dictum, non potest constare nobis de unanimi consensu Patrum in interpretatione hujus loci. Nam perpaucorum extant scripta præsertim in hunc locum commentantium, & quæ extant pleraque sunt supposititia aut interpolata. Calvini & Beza interpretationem hujus loci genuinam esse vel ex eo parer, quod nulla alia quàm commenti sunt vel Veteres vel Formalistæ huic loco conveniat. Whitgiftus Cantuariensis in Defens. contra primam Replicam Cartwrighti, dicit, Ministrorum alios prædicasse, alios solum sacramenta ministrasse. Omnes erant duplici honore digni, sed maximè qui laborabant in sermone & doctrina. Sed in 2. Replica respondet Cartwrightus, omnes Ministros seu Pastores fuisse aptos ad docendum & confutandum. Quod autem Apostolus ait, qui laborant in sermone & doctrina, absque ulla sacramentorum mentione, id fieri quia synecdochicè per partem præcipuam muneris Ministri omnes, brevitatis causa, designare voluit. Nam qui laborat in sermone & doctrina, ministrat etiam sacramenta. Duo enim ista conjunxit Dominus, prædicationem verbi & administrationem sacramentorum. Ministros Apostolicos finxit Whitgiftus ad imaginem Sacerdotum Anglicanorum, quorum maxima pars nequit laborare in sermone & doctrina. Hanc interpretationem nullius Patris autoritate confirmant. Bridgegius Defens. pag. 868. ait, per Presbyteros non laborantes intelligi posse rectores quosdam, aut magistratus minores, electos ad componendum controversias seu lites civiles. Et ista interpretatio nulli Veterum cognita. Lirigantes pro arbitrio consenserunt in arbitros. Non erant ulli magistratus constituti in Ecclesia qui judicarent de litibus civilibus. Vult ad τὰ βιωτικὰ κριτήρια eligὲς τὸς ἐκκλησιαστικὸς. Multa verba facit Beza ut probet judices. 1 Cor. 6. non fuisse ex Pres-*
- 2 Part. pag. 31.*
- pag. 81.*

Presbyterorum Ecclesiasticorum numero: quod quidem ego ipse facile concesserim. Nulli enim unquam hujusmodi constituti sunt; inquit Sutlivius in Disputatione de Presbyterio. Tertia est Sutlivii, qui verba illa, maxime qui laborant in verbo & doctrina. Pag. 75.

αα, superioribus addita ait ἐξηγητικῶς, ut qui sint illi qui bene præsunt doceat, nempe plurimum laborantes in verbo & doctrina, non autem distinguere laborantes in verbo à Presbyteris præsidentibus. Sic verba reddi vult; *Bene præsidentes Presbyteri duplici honore digni habeantur, maxime laborantes in verbo & doctrina, non autem ut Vetus Interpres & nonnulli nuper interpretati sunt, Maxime qui laborant in verbo & doctrina.* Μάλιστα hoc loco aptius significare plurimum & multum, quàm præcipuè & præsertim. At tunc Apostolus dixisset οἱ μάλιστα κοπιῶντες, vel simpliciter μάλιστα κοπιῶντες, ἢ μάλιστα οἱ κοπιῶντες. In hac eadem Epistola ait Apostolus Cap. 4. 10. *Deus est conservator omnium hominum, maxime (verò) fidelium.* Deest hic particula adversativa δὲ post μάλιστα, & tamen distinguit fideles ab aliis omnibus. Non enim est iste sensus. Deus est conservator omnium hominum plurimum fidelium. Sic Tit. 1. 10. *Sunt enim multi subditi nescii & vaniloqui & mentium subductores, μάλιστα οἱ ἐκ περιτομῆς, maxime qui sunt ex circumcisione.* Ubi vox μάλιστα mentium seductores ex circumcisione ab aliis seductoribus distinguit. Deest etiam particula adversativa δὲ. Hic similiter, etiamsi non exprimitur particula δὲ, distinguit Presbyteros laborantes in verbo & doctrina à non laborantibus & tamen bene præsidentibus. Distinguit operantes, non explicat conditionem operis. Si conditionem operis explicare voluisset Apostolus, usus fuisset voce πολλὰ ut Rom. 6. 12. vel πλείωτερον, ut 1 Cor. 15. 10. Quarta interpretatio est Kingi Episcopi Londinensis in Concione in Cantic. 8. p. 40. posse hunc locum intelligi de Episcopis senio & annis confectis, qui non possunt laborare in verbo & doctrina. Sed quomodo possunt dici Episcopi ætate & senio confecti καλῶς προϊστάμενοι; & si bene præesse possent, cur inferiores essent aliis verbo & doctrina laborantibus. Quinam quæso sunt illi qui laborare omnino non possunt in sermone & doctrina, & tamen laudabiliter gubernare? Præterea loquitur Apostolus non de Episcopis Hierarchicis, sed de Presbyteris quibus illi præter laborem in verbo & doctrina eique annexis nihil permittunt. Quinta est etiam Kingi, Apostolum velle, non sufficere quod Minister bene vivat & integritate vitæ præluceat, sed etiam oportere ut verbo & doctrina pascat. Sed Apostolus non existimat Ministros duplici honore dignos propter vitæ integritatem, nisi etiam laborarint in verbo & doctrina. Nam 1 Thessal. 5. 12. 13. rogat Thessalonicenses, ut agnoscant eos qui laborant inter eos & præsunt iis in Domino, & eos supra modum charos ducant propter opus. Si propter opus ipsorum digni sunt duplici honore, non debetur eis honorarium propter vitæ probitatem. Si ob vitæ probitatem, tum omnibus qui moribus prælucent aliis debetur honorarium. Sed probi & pii præeunt exemplo, non tamen præsunt aliis; ducunt exemplo, non regunt auctoritate. Istam interpretationem, etsi olim Dounamo arrisit, jam non esse tutam existimat, Defens. l. 1. c. 4. p. 93. Sexta est Bilsoni, Presbyterorum nomine DeGubern. Diaconos comprehendendi. Presbyteros alios fuisse dicit qui laborabant in verbo, p. 179. alios qui pauperum curam gerebant. At, ut jam diximus, Diaconi nunquam Presbyteri appellantur, aut καλῶς προϊστάμενοι dicuntur: imo distinguuntur a προϊσταμένοις Rom. 12. 8. Septima est ejusdem Bilsoni, qui καλῶς προεστῶτες Pag. 183. ad eos Pastores & Doctores referri posse dicit, qui in quaque Ecclesia resederunt, quæ.

idcirco proprie dicuntur προϊστασθαι, curam scilicet & inspectionem fidelium habere, velut ejus rei gratia loco affixi: κοπιῶντες autem ad eos, qui Ecclesias invivendi confirmandique causa huc illuc commearunt. Verum quidem est, verbum κοπιᾶν tribui Apostolo. 1 Cor. 15. qui multas peragravit regiones, sed non propterea lassitudinem corporis Apostoli in peragrando denotat. Fœminæ dicuntur vehementius laborare in Domino Rom. 16. 6. 12 non ob regiones longè latèque decursas, ut vult Biffonus. Unde enim constat, Mariam & Persida peragrasse regiones propagandi Euangelii causa, vel Apostolos circumduxisse fœminas, nec sorores nec uxores, in hunc finem? Loquitur Apostolus tantum de piis fœminis, quæ conversæ operam ibi navabant in convertendis aliis, præsertim fœminis, quæ ad mulierculas (quod viris pudor erat) secretius penetrarunt, ut ipse ait, easque non privatim solum Euangelii sensu imbuerunt sed ad audiendum Apostolum aliorumque doctorum sermonem foras etiam eduxerunt. Si ob privatam operam fœminæ dicuntur κοπιᾶν, multo magis Presbyteri dicendi sunt ob publicam simul & privatam. Euangelistæ peragrarunt regiones, non tamen ullibi dicuntur κοπιᾶν, ut distinguantur ab aliis Pastoribus hoc vocabulo: quomodo ergo erit peragrantibus regiones Euangelistis peculiare? Preterea si Pastores & Doctores, qui in quaque Ecclesia resederunt proprie dicuntur προϊστασθαι, curam scilicet & inspectionem fidelium habere, veluti ejus rei gratia loco affixi, ut ait Biffonus, quomodo comprehenduntur Euangelistæ sub iis qui dicuntur καλῶς προϊστασθαι. Relatio, quæ est inter προῆστῶτας vel προϊσταμένους, de ordinariis Presbyteris certo gregi præfictis loqui Apostolum ostendit, non de Euangelistis qui nulli certo gregi præerant. Quem laborem duplici honore dignum judicat, ostendit ex materia dignitate, nempe qui insumitur in sermone & doctrina. Denique Apostolus, 1 Theff. 5. 12. 13. τὸς προϊσταμένους & τὸς κοπιῶντας eisdem facit, non dividit προῆστῶτας in κοπιῶντας καὶ μὴ κοπιῶντας. Sic hic iidem sunt καλῶς προῆστῶτες & κοπιῶντες, discrimen est tantum in materia circa quam versatur quorundam προῆστῶτων labor, nempe quod quidam laborant in verbo & doctrina. Illi ita interpretantur, ac si Apostolus dixisset, Presbyteri duplici honore digni sunt, maxime verò Euangelistæ. Octava interpretatio ejusdem Biffoni. Cum in omni verbi Ministro hæc tria requirantur, inquit, vitæ probitas, gubernandi solertia, & doctrinæ integritas, laudantur quidem priora duo, primas tamen docendi labor in his jure sibi vendicat. Itaque non duplex hic Presbyterorum ordo, sed duæ pastoralis officii partes notantur. Et infra. Cur novum aut inauditum cuiquam videatur, si Ministros verbi non κοπιῶντας solum, hoc est gnavos & sedulos ad docendum, sed καλῶς προῆστῶτας ad gubernandum inspicendumque pervigiles esse debere contendimus, quum Apostolus utrumque in Pastoribus iis, quos volumus, conjungat, 1 Theff. 5. 12. 13. Rogamus vos fratres, inquit, τὸς κοπιῶντας ἐν ὑμῖν καὶ προῆστῶμένους ὑμῶν ἐν κυρίῳ. Iam agnoscit, τὸ κοπιᾶν convenire Pastoribus ordinariis & fixis, & probat iisdem tribui προϊστασθαι & κοπιᾶν. Non igitur distinguit inter ordinarios seu certo gregi ascriptos, & extra ordinem huc illuc missos; & proinde interpretationem priorem refellit, ubi τὸ κοπιᾶν ad corporis laborem & lassitudinem ob peragratas regiones retulit. Sed nec ista interpretatio coherere potest. Nam hic erit sensus, Presbyteri seu Pastores qui bene præsunt, nempe vitæ probitate & gubernandi solertia, sunt digni duplici honore, maxime verò ii qui laborant in sermone & doctrina.

Sequeretur, Pastores seu Ministros bene posse præesse, etiamsi non laborarint in sermone & doctrina, & duplici honore dignos, quod absurdum. Sed dato duplici Presbyterorum ordine, tum optimè quadrabit sensus. Presbyteri seu Seniores, qui bene præsumt vitæ probitate & gubernandi solertia, duplici honore digni sunt, maxime ii qui non solum vitæ probitate & gubernandi solertia, sed etiam laborando in sermone & doctrina præsumt. Nona est ejusdem Bilsoni, *ducta* Pag 181.
 à τῷ ῥήματι καὶ τῷ ῥήματι, quod majore cum conatu & contentione aliquid eniti significat. Tum verò sensus est, Presbyteri qui præsumt bene, duplici honore digni sunt, maxime qui in verbo laborant & defudant. Et hanc esse germanam verbi καὶ τῷ ῥήματι significationem, cum à corporis labore ad animi contentionem traducitur. Πρῶτον simpliciter laborare, καὶ τῷ ῥήματι laboribus frangere & lassare se significat. Qui laborat igitur, honorario quidem dignus est, dignior autem multo qui se laboribus frangendum & defatigandum dederit. Ita Paulus; Pastores sive Presbyteri, qui parem muneri suo operam reddunt, duplici honore digni sunt; præcipuè verò ii, qui nullam non laboris contentionem & molestiam, quo Christi fidem & doctrinam promoveant, libenter suscipiunt. Saravia. Neque enim illud, Maxime qui laborant in verbo & doctrina, aliud quicquam significat, quàm quod superius dixit, qui bene præsumt. Est etiam hæc particula exegetica superioris, ut bene præesse sit laborare in verbo & doctrina. Et opponit sedulos & ignavos otiosos & ignavis, qui nullo honore digni sunt; aut comparat laborantes inter se, quorum alii magis, alii minus laborant. Septimam & nonam Bilsoni interpretationem conjungit Tileus. Quid ergo? inquit, nullumne discrimen inter Presbyteros locus ille Pauli innuit? Imo distinguit etiam eos Paransius Cap. 10.
 qui bene præsumt. Nam & inter hos alii aliis sunt potiores. & præsumt melius, non solum πρῶτον, id est simpliciter laborantes, sed etiam καὶ τῷ ῥήματι, id est, difficili & ærumnoso labore sese propemodum conficientes, cujusmodi laborem semper fere Apostolus hoc verbo declarat. Horum in numero erant, qui pluribus atque inter se longius diffitis Ecclesiis obeuntis ac pascendis destinati, non sine maximis molestiis ultro citroque commebant, & hostium Evangelii insidiis adpetiti gravissimis sæpe periculis sua capita obiectabant; quietiore aliis domi apud suos ministerio fungentibus, qui licet minime obtorpescerent seduloque munus suum obirent, non tamen iisdem quibus illi ludibriis ac periculis erant opportuni, aut stipendiis digni. Ista interpretatio, quam elegit Tileus, Patribus per quindenas annorum centurias incognita, Bilsono demum patuit. De Evangelistis ultro citroque commutantibus diximus in interpretatione septima. Si hi soli dicendi sunt καὶ τῷ ῥήματι in sermone & doctrina, tum qui domi gregem pascunt, etiamsi se propemodum confecerint, non dicendi erunt καὶ τῷ ῥήματι in sermone & doctrina. Sed nona ista interpretatio concedit, etiam convenire posse iis qui affixi sunt certo gregi, quod innuere etiam videtur Tileus. Sed nec istos distinguit Apostolus ab aliis laborantibus in sermone & doctrina. Nam omnibus προποσταμένους tribuit τὸ καὶ τῷ ῥήματι 1 Thess. 5. 12. 13. ut fatetur Bilsonus. Si Paulo scribenti ad Timotheum propositum fuisset gravioribus doctrinæ partes à levioribus discernere, non quidem eo verbo quod de omnibus doctrinæ ministris passim prædicat, usus fuisset; sed quod ipse difficillimis conatibus in maximisque defatigationibus significandis adhibere solet, ut observat Gersomus Bucerus in Dissertatione sua pag. 150. Hoc vult; cum Apostolus laborum, qui in Ecclesiæ Ministerio subeundi, gradus seu species aliquot enumerans τὸν ῥάβδον τῷ μόχθῳ infirmiorē statuerit, 2 Cor. 11. 27. & alibi etiam extremum laboris conatum assignet huic, inferiorem illi, 2 Timoth. 3. 8. 1 Thess.

2. 9. & κόπος laborem significat cum summa quidem cura & sollicitudine conjunctum, μόχθος verò laborem quo quis fatigatur pressus mole & difficultate : si intentiorem à remissiori opera distinguere voluit, τὸ μόχθῃν potius quàm τὸ κοπιᾶν dicturum fuisse. Nam τὸ κοπιᾶν nihil aliud emphaticè significat, quàm labores, curam, sollicitudinem, & diligentiam quam in omnibus Pastoribus, qui bene præsumt, exigit natura illius muneris. Nemo bene præesse potest aut regere absque cura & labore. Episcopus est præclarum opus. Apostolus 1 Cor. 3. 8. dicit, unumquemque Ministrum accepturum mercedem κατὰ τὸν ἴδιον κόπον secundum suum laborem. Charitas Christianorum communis habet suum κόπον 1 Thess. 1. 3. Heb. 6. 10. sic officium Pastoris & officium Senioris gubernantis & regentis. Qui præest, ait Apostolus, ἐν σπουδῇ cum diligentia. Nam καλῶς προϊστάς est προϊστάμενος ἐν σπουδῇ, Rom. 12. 8. Est igitur προϊστασθαι καλῶς, προϊστασθαι ἐν σπουδῇ, quod idem est ac ἐν κόπῳ, sedulo & sedulo invigilare inspectioni & regimini. Ac si dixisset Apostolus, Presbyteri προϊστάμενοι καὶ κοπιῶντες, vel in prostaſia laborantes, sunt duplici honore digni, maximè verò κοπιῶντες, id est laborantes in sermone & doctrina.

Ad Bonam
Fidem Si-
brandi
p. 263.

Si hic fuisset sensus quem fingit Satavia, hoc verborum ordine usus esset Apostolus; Qui bene præsumt Presbyteri duplici honore digni habentur, maximè qui graviores curas sustinent. Vel omittenda fuissent illa verba, *in sermone & doctrina*, vel subjicienda verbo, *bene præesse*, ut observat Th. Beza; nec refellere potest Saravia, de Gradib. Cap. 13. Sect. 2. Tantùm responderet, Oecumenium aut Chrysostomum hoc non animadvertisse. Rectè etiam Sopingius. *Hæc vox non distinguit labores aut onera eorundem Presbyterorum comparatè inter se, ita ut unus magis minusve altero dicatur laborare in uno eodemque Presbyteratus munere. Sicut debuiſſet dicere; Qui bene præsumt & ποιῶντες laborant aut ministrant in sermone & doctrina Presbyteri, duplici honore digni sunt, maxime qui in prostaſia ipsa & doctrina κοπιῶντες i. se defatigant.* Si luculentiora stipendia deberentur iis qui labore se conficiunt, quàm qui simpliciter bene laborant, æmulationes & rixæ nascerentur innumeræ. Archimede aliquo prudenti opus esset in quaque Paræcia qui Geometrica proportionem divideret bona Ecclesiæ, & cuique assignaret salarium κατὰ τὸν ἴδιον κόπον. Hoc voluisse Apostolum sequitur, si in hac voce positum sit discrimen inter Presbyteros Pastores, & quo quis diligentius muneri incumbit majori dignus sit honore. Nona interpretatio non atridebit Episcopis. Nam illi non conficiunt se laborando in sermone & doctrina, imo nec gubernandi cura & labore. Curam & laborem, opus & onus rejiciunt in alios, opes & honorem captantes. Sed detur, conficere se cura & labore regiminis; nisi etiam labore in doctrina & sermone se conficiant, non debetur iis præ aliis duplex honorarium. Nam in doctrina & sermone laborantes præcipuè dignos duplici honore judicat Apostolus. Decima interpretatio est Dounami, qui etsi non negligendam dicit ἔμφασιν vocis κοπιᾶν, (negligunt Episcopi,) tamen non in ea voce positum discrimen inter Presbyteros concedit, sed in verbis sequentibus, in sermone & doctrina. Non notant duas Seniorum species, inquit, sed duo Ministrorum seu Pastorum officia; unum generale, bene præesse; alterum speciale, laborare in sermone & doctrina. Bene præesse, inquit, est, interprete Hieronymo, implere officium suum, vel ut exponit Syrus interpres bene se gerere in statione sua, vel ut alibi Scriptura loquitur, egredi atque ingredi coram populo Dei, quemadmodum decet ipsos,

ipfos, & istud intelligendum est simul de privata eorum conversatione bonis operibus præeundo, simul de publica eorum administratione. Unde, inquit, comparationem instituit Apostolus inter officia Ministrorum, seu Ministros ratione officiorum, axiomate relatæ quantitatis, in hunc modum; omnes Presbyteri qui officio suo in genere defunguntur duplici honore digni sunt, præsertim qui laborant vel labores sustinent in verbi prædicatione, quoniam hæc pars muneris est primaria. At non dicit Apostolus, Presbyteri qui bene præsunt duplici honore digni sunt, maxime *quia* laborant in sermone & doctrina, sed maxime qui laborant in sermone & doctrina. Si priori modo locutus fuisset, tum Presbyteros docentes solum designasset, & duplici honore dignos monuisset ob administrationem suam, præsertim ob labores quos sustinent in verbi prædicatione. Sed distinguit personas ratione distincti muneris. Omnes Presbyteri duplici honore digni sunt qui bene præsunt, potissimum ii qui præter commune *προστατίας* officium habent etiam singulare, laborantes in sermone & doctrina. Si de Ministris seu Presbyteris docentibus loqueretur Apostolus, & in bene præesse includeret *laborare in sermone & doctrina*, tum dignior honore duplici esset qui in una parte officii laborat quàm qui in omnibus. Nam qui non in omnibus laborat, non implet officium suum, non bene se gerit in statione sua, nec *καλῶς προϊστασθαι* dicendus est. Non igitur comparat partem unam muneris pastoralis primariam cum toto aut aliis partibus. Melvinus noster respondet Dounamo, in codice quodam manuscripto in hunc modum. *Heus tu Rhetorcle. Num totum minus aliqua sui parte? Num totum officium ex omni parte naviter & præclare fungi, est majore dignum honore quàm fungi parte aliqua? Et quum sit honoris tribuendi majoris & minoris contentio; utrum majus honorarium operario debetur propter inchoatum & effectum in parte, quàm propter consummatum & perfectum omnibus partibus officium? Si tu prudentia tua artificiosa duplicem hic judicii logici κρύβην animadvertisses, defectum puta & inversionem, melius totum hunc locum construxisses hoc modo; Presbyteri qui bene præsunt digni sunt duplici honore; Qui laborant in sermone & doctrina maxime digni sunt duplici honore. Non secus ac si scriptum esset; Quicumque bene præsunt duplici honore digni sunt, tum ii maxime duplici honore digni sunt qui laborant in verbo & doctrina. Sunt enim duo axiomata simplicia generalia affirmata; nisi maius unum axioma compositum esse & copulatum. Cum omnes Presbyteri qui bene præsunt sunt duplici honore digni, tum maxime digni sunt honore, qui laborant &c. Atque ita responsum ad quæstionem qua quæris, nonne *μάλιστα* non minus res quàm personas, respectus quàm subiecta distinguit? Iam enim ostendimus ex tua ipsius Logica tam res quàm respectus, tam subiecta quàm functiones hic distinguì. Neque id particulæ hujus *μάλιστα* aut significatione magis quàm tota oratione & orationis perpetuitate. Whittakerus in Prælectionibus suis, ut refert in Refutatione Concionis Dounami Sheer-vodius, sic locum istum interpretatus illustravit. Illis verbis, inquit, disertè distinguit Apostolus inter Episcopos & Inspectores Ecclesiæ. Si omnes duplici honore digni qui bene præsunt, maxime ii qui laborant in sermone & doctrina, perspicuum est fuisse aliquos qui non laborarunt. Nam si omnes fuissent tales, sensus esset absurdus: sed *μάλιστα* ponit discrimen. Si dicerem omnes Academici qui bene student sunt duplici honore digni, maxime ii qui laborant in studio Theologiæ; vel innuo non omnes incumbere studio Theologiæ, vel insulse loquor. Quamobrem fateor, illum esse sensum maxime genuinum quo Pastores & Doctores discernuntur ab aliis qui solum gubernabant Rom. 12. 8. de quibus in Ambrosio legimus in 1 Tim. 5. Idem contra Duræum. Ita Lib. 9.*

non verbi aut sacramentorum administrationi, operam darent? In margine citat hunc locum. Cum nulla ex dictis decem interpretationibus ex verbis Apostoli colligi possit, & nostra interpretatio sit plana & aperta, non coacta, meritò ex hoc loco colligimus duplex Presbyterorum genus sive duos ordines; & collegerunt doctissimi hujus sæculi interpretes, quorum testimonia aliquot, nisi passim lectori obvia occurrerent, produxissem. Cum tam apertam & planam interpretationem aliis modis convellere non possint; maximo, quod inde sequetur, incommodo nos premere conantur. Cum honoris appellatione stipendia contineantur, sequitur, inquit Tilenus, & alios Presbyteros non laborantes in verbo & doctrina duplici honore stipendioque dignos, cum tamen ex Domini præcepto nulla sint constituenda ex ærario stipendia, nisi iis qui Evangelium annunciant, 1 Cor. 9. 14. Ignorat Tilenus, in Ecclesia Anglicana Diaconos admitti ad beneficia ut in Papatu. Omnis minister & operarius, etiam pulsator campanæ, est dignus mercede sua. Honoris nomine non tantum alimenti honor intelligitur, sed etiam reverentiæ, ut ait Ambrosius: alique interpretes, per duplicem honorem intelligunt exteriorem reverentiam & sustentationem. Chrysostomus honoris nomine subsidium sustentationis intelligit, & duplicem dici vult respectu viduarum, quarum respectu duplici id est duplo majori alimonia sustentandi. Sed per duplicem nihil aliud intelligit Apostolus quàm multiplicem, ut Jerem. 17. 18, Esa. 40. 2. Concedimus honoris nomine intelligi posse honorarium quoddam quod propter opus ipsorum eis debetur, non tamen constituit ullam partem essentiali muneris Presbyteratus. Apostolus ipse, ne Ecclesiæ oneri esset aut scandalo, nullos sumptus à Corinthiis accipere voluit. Num propterea non erat Apostolus? Etsi igitur non accipiunt in Reformatis Ecclesiis stipendia Seniores, non sequitur tamen non esse illos Seniores in Ecclesia Apostolica institutos. Si quæseris, an debeatur eis subsidium sustentationis: Respondeo, honorarium debetur, & præmium quoddam propter opus ipsorum, nam operarius est dignus mercede sua; plenum etiam & integrum sustentationis subsidium, si vel quis dono gubernationis præditus præ aliis ad istud munus provectus fuerit, quia necessariam ejus administrationem Ecclesia judicat, & non habeat unde se & familiam sustentare posset, vel si quis ad inopiam postea redactus fuerit. De perpetuis potissimum loquor, non de temporariis, quibus honorarium durante administratione debetur; non tamen subsidium integrum sustentationis, si ad egestatem redacti fuerint, debetur ex justitia hoc est propter opus ipsorum, sed cum non futuri in opere, ex charitate. Perpetuis debetur honorarium ex justitia & propter opus ipsorum; in casu necessitatis, id est inopiæ vel egestatis, etiam integrum & plenum sustentationis subsidium debetur ex justitia propter opus ipsorum. Non sunt submovendi gradu suo, simul ac ad pauperiem & egestatem devenerint. Cum Apostolus dicit, maximè qui laborant in sermone & doctrina digni sunt duplici honore, innuit non laborantes in verbo & doctrina non tam dignos duplicata mercede: imo speciale cum sequitur, derogat generali, ac si dixisset Apostolus; Presbyteri duplici honore digni sunt, saltem qui laborant in sermone & doctrina. Nam illi sunt boves triturantes, quibus ad Evangelium ἀπαριστεύοις victum aliunde quàm ex Evangelio sibi comparare non liceat. Sed hæc infelicitas horum temporum, quod non ubique sunt perpetui, licet in plerisque apud nos Ecclesiis sunt: & ubi perpetui sunt, bona & opes Ecclesiæ non in publicum ærarium Ecclesiæ colliguntur, sed ab Aulicis, Magistratibus, aliisque ordinis inferioris, diripiuntur. Posse Seniores, præsertim temporarios, de jure suo remittere in tanta ærarii publici angustia, & honorarium suum condonare quis dubitat? *Sape enim*, ut ait Gersomus Bucerus, *quæ debentur, prudenti aliqua consi-*

Differet.

pag. 170.

derant

deratione, ac benevolæ affectu condonantur. Patitur Ecclesia, ut qui Presbyteri creantur, non perpetuo onus hoc sustineant. Ipsos igitur vicissim-stipendium, quod alioqui munus eorum merebatur, Ecclesiæ condonare nihil absurditatis habet. Si urgente necessitate aliqua graviore abrogaretur stipendium, quod olim functioni alicui forensi legimus Magistratus decrevisset, ipsa tamen functio maneret: indene jure concludi posset hanc aut per se nullo præmio dignam esse, aut ne suo quidem nomine conferri posse? Cum indigentioribus Presbyteris stipendium persolvitur, non tamen egestatis sed functionis nomine & ex justitia confertur. Nam, ut ibidem ait, in hujusmodi casu non patitur Ecclesia sibi stipendium condonari, quoniam tales Presbyteri adeo tenui facultate sunt, ut operas suas nisi cum rerum suarum graviore dispendio commodare Ecclesiæ non possint. Sic in negotiis civilibus, qui generosiori mente sunt non facile sibi à pauperulo creditas pecunias vel locatas operas condonari sustinent. Soppingius respondet, nomine quidem honoris intelligi etiam posse subsidia victus, aut τὰ βιωτικά, quæ tunc istis Presbyteris largiter suppeditabantur; sed dico non pertinere ista ad necessariò constituendam Presbyteratus essentiam. Quàm multi enim tunc inter omnes Presbyteros adeoque ipsos Diaconos fuerunt, qui non ex communi ærario Ecclesiæ alebantur, sed ex suo tantum vivebant? Ipse Apostolus Corinthi suis semanibus toleravit, ne Ecclesiæ isti esset oneri aut scandalo. Non igitur causa quod Presbyteros nostros ideo rejiciant, quod jam non ex publico uti Pastores & Doctores aulantur. Sic enim & Diaconorum nostrorum ordinem reprobare ipsis promptum fuerit. Tilenus ne quidem Diaconis concederet stipendium, qui negat constitutum, ex ærario constituenda esse stipendia, nisi iis qui Euangelium annunciant. In Synagmate tamen habet hanc thesin. Presbyterorum & Diaconorum functiones certum est Veteris Ecclesiæ temporibus fuisse perpetuas, nec sine aliquo Ecclesiarum nævo tunc esse temporarias. Cæterum, quia non modo quid fieri debeat, sed etiam quid obtineri possit, spectandum; & hisce temporibus, nec spiritualium charismatum, nec terrenorum commodorum tanta in omnibus Ecclesiis est copia, ut Presbyteri & Diaconi inde sustentari ac perpetuo nexu Ecclesiis obstringi queant; cumque præciui ævi zelus, quo Presbyteri exemplo Pauli, Act. 20. 34. 1 Cor. 4. 12. 1 Thess. 3. 8. manuum suarum labore victum quæritantes, Ecclesiarum tenuitatem sublevabant, pridem refringerit: tolerandum, non simpliciter culpandum est, quod mutatum & emendatum cupiunt omnes boni. Vult, & Presbyteros & Diaconos ex bonis Ecclesiæ sustentatos fuisse, quod ego certè non assererem. Nam locus Apostoli nihil nisi honorarium, non integram sustentationem, ex commodis Ecclesiæ adjudicat, ut mihi videtur, Presbyteris non laborantibus in sermone & doctrina. Hactenus locum hunc Apostoli 1 Tim. 5. 17. vindicavimus ab interpretamentis adversariorum. Non est tamen unicus iste locus fundus & fundamentum Presbyteriorum illorum, in quibus Seniores verbi Divini Ministris adjunctos collocamus, ut vult Tilenus. Si concederem Tileno, Apostolum hic nihil innuere de Senioribus Regentibus, nec unquam in Scriptura Presbyteros appellatos; tamen ex aliis locis evincitur præter Ministros fuisse alios qui regimini Ecclesiæ invigilarunt, quos Paulus ἐπιστάτους & κηρύττας appellat Rom. 12. 8. 1 Cor. 12. 28. At inquit Tilenus; Quæ ex aliis Scripturæ locis ut Rom. 12. 8. 1 Cor. 12. 28. testimonia adducere consueveris, tam sunt aliena à Laicis illis Presbyteris, ut ne tum quidem, cum institutum illud vobiscum probarem, ullis fidiculis hinc aliquid exprimi posse existimaverim. Nam præterquam quod qui testimoniis illis utuntur, functiones Ecclesiæ ordinarias ac perpetuas cum extraordinariis donis ac facultatibus Spiritus Sancti plerumque permiscunt; hoc quoque certum est, charismata hæc non solum viris merè laicis, nulloque etiam ex vestra sententia in Ecclesia munere fungentibus, sed quandoque etiam

Resp. ad
Bonam Fi-
dem Si-
bran. p.
268:

am fœminis obtigisse, idque ex vaticinio Joëlis, quod Petrus repetit, Act. 2. 17. Non postremum inter ea dona locum obtinet Prophetia: acceperunt tamen illud quatuor filie Philippi, Act. 21. 9. Et Paulus inter prophetantes commemorat mulieres, 1 Cor. 11. 5. Quid propriè fuerint illæ ἀντιλήψεις, κτεγήσεις, δυνάμεις, etsi nemo fortassis hodie penitus intelligat; nemo tamen, nisi qui peponem cordis loco habet, vestros Presbyteros vocabulis illis designari existimaverit, tantisper dum eos qui ab episcopi tabernis ad illam προσασίαν ascendunt, neque extraordinario dono, quod Amos ex pecuario propheta factus accepit, neque ordinario quod legitimis Presbyteris dari Apostolus, 1 Tim. 4. 14. ornatos conspiciet. Dixit modò Tilenus, Presbyteros in primitiva Ecclesia, ubi charismatum spiritualium copia, fuisse perpetuos. At unde Presbyteros gubernantes charismatum participes fuisse probabit? si non ex loco illò Apostoli, 1 Cor. 12. 18. Nam si charisma gubernandi non datum alicui, propter alia charismata ad munus illud gubernandi promovendus non erat, nedum ut in eo perennaret. Quomodo igitur nunc dissimulat, cum institutum istud nobiscum probaret, se existimasse ex his locis colligi posse in Ecclesia primitiva fuisse quosdam Rectores Ecclesiæ præter Ministros laborantes in verbo & doctrina. Charismata extra ordinem collata fuisse aliis quàm ordinariis Ministris concedimus, & donum prophetiæ extraordinarium etiam fœminis quandoque collatum. De Mulieribus tamen prophetantibus aut orantibus, 1 Cor. 11. vide supra pag. 393. &c. Sed quomodo, quæso, functiones ordinarias & perpetuas cum donis temporariis & facultatibus Spiritus sancti extraordinariis permiscet plerumque, qui his testimoniis utuntur? ostendere debuit Tilenus. Loco illò 1 Cor. 12. enumerare Apostolum functiones tum ordinarias tum extraordinarias, negari non potest, Apostolos, Prophetas, Doctores, virtutum operatores, curatores per donum sanationis, opitulatores, gubernatores. Annon hic quædam sunt ordinariæ functiones, quædam extraordinariæ? Nam per virtutes, opulationes, gubernationes, intelligit ipsos administratores, & abstracta pro concretis posuit, ut ordo & series verborum ostendit. *Constituit Deus in Ecclesia alios, primùm Apostolos, secundo Prophetas, tertio Doctores, deinde potestates, deinde dona sanationum, opulationes, gubernationes.* Distinguenda sunt ista tria, χαρίσματα, id est dona ipsa, διακονίας, id est ministeria seu administrationes, quibus donorum usus ministratur, & ἐνεργήματα id est operationes & effecta donorum & functionum seu administrationum illarum. Discrimina sunt donorum, ministeriorum, operationum. Sed unus Deus operatur diversos effectus per hæc diversa dona & ministeria. Nam ministeria hæc diversa habent diversitatem donorum diversitati munerum ἀνάλογον. Qui Doctoris διακονίαν habet, sermonem scientiæ donum ἀνάλογον habere debet. Sic Rom. 12. 6. ait, ἔχοντες δὲ χαρίσματα κατὰ τὴν δοθεῖσαν ἡμῖν διάφορα, habentes autem diversa dona pro gratia quæ nobis data est. Hic munus ipsum χάρις vocat, quod 1 Cor. 12. διακονίαν administrationem seu ministerium appellat. Nam eodem Capite Rom. 12. vers 3. Apostolatium χάριν sibi δοθεῖσαν vocat, & Cap. 1. 5. gratiam & Apostolatium κατ' ἐπεξήγησιν, gratiam id est Apostolatium, vel per figuram ἐν δὲ δι' αὐτῶν, gratiam Apostolatus. Charismata diversa erant diversis administrationibus analoga. Falsum igitur est, tres distinctos Ministeriorum gradus tantum numerare, Apostolos, Prophetas, Doctores, deinde subijcere dona Spiritus Sancti, Apostolis, Prophetis & Doctoribus communia. Nam dona quæ subijciuntur, ut sanationis, operationis virtutum, linguarum, aliis conferebantur

præter Apostolos, Prophetas, & Doctores. Si aliis conferbantur, ergo ob munera & ministeria iis analogâ. Nam hæc charismata, quæ Scholastici vocant gratias gratis datas, data ad utilitatem aliorum. Utitur Apostolus similitudine corporis humani. In membris corporis facultates aliquæ cuique parti inserviunt ad propriam utilitatem; aliæ sunt, quibus membra influunt in alia ad eorum utilitatem: ita in corpore Ecclesiæ quædam dona dantur ad singulorum sanctificationem, alia ad utilitatem totius Ecclesiæ. Dona sanctificationis in quovis membro Ecclesiæ debent etiam in aliorum utilitatem redundare, & è converso charismatum ad aliorum utilitatem collatorum usum recipiens debet suam quoque utilitatem procurare. Sed secundum proprios & intrinsecos fines distinguuntur, & publicum usum in Ecclesia. Charismata igitur data ob ministeria seu administrationes. Si Deus hæc charismata aliis contulit quàm Apostolis, Prophetis, aut Doctoribus, sequetur ministeria seu munera iis analogâ non esse deneganda. Siquis dixerit, verum, charismata habere munera analogâ, sed Apostolos, Prophetas & Doctores habuisse illa plura charismata, & proinde analogâ eis munera; respondeo, verum, Apostolos polluisse præ aliis charismatum copiam, & post eos Evangelistas, Prophetas dono prophetandi, Doctores docendi; Doctores tamen omnes habuisse plura charismata quàm quæ erant functioni suæ analogâ, ut donum linguarum, operationem virtutum &c. & similia, negamus. Habebant ordinaria, aut saltem habere debebant omnes, extraordinaria verò tantum ii quibus peculiariter ea contulit Dominus in illis Ecclesiæ primordiis. Sed aliis præter Apostolos collata fuisse charismata, & ministeriis analogis functos esse, patet ex his verbis. *Num omnes Apostoli? num omnes doctores? Num omnes sunt potestates? Num omnes habent donum sanationum? num omnes linguis loquuntur? num omnes interpretantur?* Ac si dixisset, non omnes. *Qui enim habebat donum sanandi curabat solum, qui autem operationes virtutum etiam puerabat,* inquit Chrysostomus. Item *hic sciebat,* inquit, *quid ipse diceret, sed alteri interpretari non poterat: alius hæc utraque possidebat, vel horum alterum.* Alios tamen præter Apostolos, Prophetas, & Doctores, habuisse sua peculiaria charismata ob peculiaria ministeria indicat. Et iterum vers. 28. *Alios constituit Deus in Ecclesia, primum Apostolos, secundò Prophetas, tertio Doctores, deinde potestates, deinde dona sanationum, opitulationes, gubernationes,* &c. Vox *ἐκείνα* deinde nonne distinguit inferiores administrationes à superioribus Apostolorum, Prophetarum, Doctorum? Dona si quis plura haberet, & in uno tantum antecelleret, à dono præstantiore ministerium fortius est in Ecclesia, & inde denominatus Propheta, doctor, opitulator, gubernator. Gubernationem esse cuique Ecclesiæ necessariam administrationem, nullus negabit. Cum igitur gubernationes numerentur inter dona & charismata, gubernatoris munus, cui analogum est donum gubernationis, aliis ministeriis annumerandum est. Et si quis habet donum gubernationis, eoque præpollet aliis; etiamsi non habet sermonem scientiæ aut sapientiæ, donum docendi aut exhortandi, quo dignus censeatur munere Doctoris aut Pastoris: tamen ad peculiarem illam administrationem Ecclesiæ suo ordine & gradu utilem & necessariam idoneus est. Imo utilior est ista administratio multis quæ ibi enumerantur administrationibus, quippe quæ temporariæ erant & ad confirmationem fidei conferebant. Sed donum gubernationis datur absolute ad utilitatem Ecclesiæ, & ejusdem usus perpetuò necessarius est in Ecclesia. Charismata quidem quæ erant usus perpetui in Ecclesia conferebantur in primordiis Ecclesiæ ad promovendam Evangelii prædicationem & Ecclesiæ propagationem, pluribus, & majori mensura, & multis etiam modo extraordinario. Nam multos etiam ad Doctorum aut Pastorum functiones, quæ sunt ordinariæ & perpetuæ, collatis extra ordinem donis vocatos fuisse.

non dubium. Omnibus tamen ad ea munera vocatis non sunt collata extra ordinem dona, & Paulus accuratum examen promovendorum ad gradum Episcopatus præferibit. Sic Gubernationis donum modo extraordinario quibufdam collatum in tanta charismatum copia verissimile est. Non tamen arcebantur qui ordinariis mediis hoc donum acceperant, magis quàm qui ab Episcopatu non arcebantur, quia extra ordinem non sunt collata illis dona analoga. Gubernatores ergo non magis extraordinariis Ministris hic annumerandi sunt, quàm Doctores: etsi simul, ut & Doctores & Opitulatores, cum extraordinariis recensentur. Αἱ ἀπλήφεις, id est, opitulationes, sunt ordinariæ Diaconorum administrationes. Chrysostomus dicit, Opitulationes esse eos qui imbecillioribus amplectendis operam impendebant, vicemque æconomorum in Ecclesia præstabant. Cornelius a Lapide: Opitulationes, id est qui aliis opitulantur, exercentque circa ægros, pauperes, miseros, peregrinos, & hospites, opera misericordiæ. Græce ἀπλήφεις susceptiones, hoc est, ut alii legunt, subsidia, subventiones. Hæc Diaconorum administratio est in Ecclesia. Nam de privata cuiusvis Christiani ex dono charitatis opitulantis non loquitur. Num omnes Apostoli? num omnes Prophetæ? num omnes Doctores? Pergo; Num omnes Opitulatores? Et quandoquidem hic Gubernationes cum Opitulatores conjunguntur, adhuc pergo; Num omnes Gubernatores? Nam hoc vult Apostolus, hæc charismata eorumque ministeria non omnibus sed certis personis collata. Si Opitulatores sunt Diaconi Ecclesiæ & ordinarii Ministri; qui conjunguntur Gubernatores, qua ratione extraordinariis annumerandi sunt? Gubernatores Ambrosius in hunc locum interpretatur, eos qui spiritualibus retinaculis erant hominibus documento. Si de privata admonitione fraterna loquitur, hoc est omnium fidelium commune officium. At Apostolus hic loquitur de dono seu charismate quod non omnibus datum. Si de publica Doctorum vel Pastorum, confunderet, non explicaret. Nam hic separatim Gubernationis donum seu ministerium recensetur à Doctoris vel Pastoris administratione & dono, quod quis habet qui tamen non est Pastor vel Doctor. Alter locus Rom. 12. 8. hunc illustat, iudice ipso Bellarmino. Quæritur, inquit, num gratiæ gratis datæ sint tantum novem, ut colligi videtur ex Cap. 12. prioris ad Corinthios. Respondeo esse multo plures. Neque enim Apostolus eo loco omnes enumeravit, sed tantum aliquas exempli loco posuit. Id patet ex Cap. 12. Epist. ad Rom. ubi loquens idem Apostolus de eadem re, adjungit ad prophetiam gratiam docendi & exhortandi, item gratiam gubernandi, gratiam ministrandi, gratiam dispensandi, quorum donorum meminit idem Apostolus, 1. Cor. 12. ubi ait, Nunquid omnes Apostoli? Nunquid omnes Prophetæ? Nunquid omnes Virtutes? Etsi hoc loco 1. Cor. 12. temporarias simul & perpetuas administrationes enumerat, tamen Rom. 12. perpetuas tantum Ecclesiæ functiones recenset. De usu donorum privato non loquitur Apostolus versibus 6. 7. 8. sed de publico, ut patet ex ipsis verbis. Quis enim dixerit, prophetiam & diaconiam esse privatas functiones aut donorum administrationes? Quis præter Bilsonum non videt, inquit Melvinus noster, Apostolus eleganti & divino artificio veræ logicæ, dona & munera in abstracto, ut ajunt, primum generatim dividere in Prophetiam & Diaconiam: deinde personas his donis & muneribus præditas quasi in concreto speciatim subdividere, εἴτε ὁ διδόνων, εἴτε ὁ παρὰ λαῶν, &c. mutata constructione & forma orationis, ut duo prophetantium genera recognoscas. Tum variato loquendi modo, ὁ μεταδίδως, ὁ περὶ ἑστῆμεν, ut sub communi Diaconia, quam Prophetiæ opposuerat, specie differentes Diaconos propriè dictos, & præfectos sive Presbyteros gubernatores facile agnoscas à Prophetis subalterno genere divisos. Hortatus erat Apostolus, ne plus scirent quam oporteat, sed

Hem 32.
in 1. Co-
rinth.

De Gratia
& Lib.
Arb Lib. 1.
c. 10.

sed

sed ad sobrietatem; ut contineant se intra mensuram doni quod acceperunt & limites Ministerii aut officii quod eis commissum: ne quis arrogaret donum, quod non accepit, aut ingereret se in officium quod ei non commendatum. Deus summi cuique admensus est donum & officium. Porro hæc charismata & dona in sequentibus enumerat Apostolus, ac primò quidem illa propria, quæ Ecclesiasticas res & personas concernunt: hæc enim ante omnia rectè ordinanda sunt. Deinde vers. 9. recenset illa dona quæ omnibus Christianis etiam laicis & plebeis sunt communia. Incipit ergo ab Ecclesiasticis, & dicit, sive prophetiam, &c. inquit Cornelius à Lapide in Commentariis in hunc locum. Et infra; Multi hæc generatim accipiunt de quavis prophetia & ministerio, verum tamen magis genuinè dicemus Apostolum enumerare hic Charismatum & Functionum Ecclesiasticarum genera. Sunt enim duo. Unum est Prophetia, secundum est Diaconia sive Ministerium. Prophetiæ nomini intelligit Paulus doctrinam, & ea quæ ad docendi munus pertinent. Diaconiæ vero nomine intelligit alia externa munia, quæ à se abdicarunt & in Diaconos rejecerunt Apostoli. Et infra; Vides hic Apostolum Ecclesiasticas Functiones stabiles & perpetuas in duo divisisse, scilicet in doctrinam sive prædicationem verbi Dei, quæ hic Prophetia vocatur, & in Diaconiam. Agnoscit ingenuè Jesuita Lovanienfis cum Tolero & aliis, hic agi de publicis functionibus, etsi in eo hallucinetur quòd Diaconiam hoc loco strictè pro Diaconorum functione accipiat; ut patet ex subdivisione. Nam Diaconia subdividitur in tres species. Prophetas hic ait dividi in Doctores & Exhortatores. Doctores existimat Apostolos & Episcopos: Exhortatorem, quem Paulus Ephes. 4. 11. vocat Pastorem, eum scilicet, qui ex officio doctrinam cum exhortatione, monitione, adeoque cum sacramentorum administratione conjungit, ut jam faciunt Parochi. At Episcopi etiam exhortantur & administrant sacramenta, & sunt soli κατ' ἐξουσίαν dicendi Pastores, si credendum Hierarchicis, cum Romanensibus, tum Anglicanis. Doctores igitur alii sunt & distincti à Pastoribus. Enumeratis speciebus & functionibus Prophetiæ, inquit, enumerat functiones Diaconiæ sive Ministerii, easque tres cum suis charismatibus seu donationibus differentibus: prima est, qui tribuit, qui habet functionem & officium distribuendi elemosinas, uti olim habebant Diaconi. Per eum qui præest cum diligentia, intelligit, eum qui in temporalibus præerat aliis Diaconis, quem postea vocarunt Archidiaconum. Sed incognitum erat illis temporibus Archidiaconorum officium. De προισταμένους igitur aliis quàm Archidiaconis aut Diaconis, de quibus in priori membro loquutus est, accipi verba oportet. Nam distincta ministeria & functiones enumerat Apostolus. Non sunt igitur confundenda, & ipse ait quod hæc Præidentia secunda species Diaconiæ quam Paulus, Cor. 12. 28. Gubernationem vocat. Tertiam speciem pertinere dicit ad hospitalarios, & olim ad viduas illas de quibus dixit Apostolus, 1. Tim. Diaconiam dividit in tres Diaconatus species, quibus verba Apostoli accommodat, ac si Apostolus de Diaconatu propriè dicto in prima divisione loquutus fuisset. Sed diaconiæ variè accipitur, quandoque pro quavis administratione Ecclesiastica, ut 1 Cor. 12. 4. ubi prophetiam etiam latitudine significationis suæ complectitur, unde ministerium Apostolorum, Rom. 11. 13. 1 Tim. 1. 12. Evangelistarum, 2 Tim. 4. 5. Pastorum & Doctorum, Col. 4. 17. Diaconiæ nomine indignantur. Strictius, ut hic, pro omnibus administrationibus quæ Prophetiam adjuvantem non habebant: strictissimè pro Diaconatu vulgò sic dicto. Videmus itaque in Ecclesia ministerium τῶν προισταμένων distinctum esse à Doctoris vel Pastoris munere, sicut distinctum est Diaconorum propriè dictorum munus, quod occupatur in inspectione & censura morum citra
verbi

verbi ministerium, quorum proffasia relationem habet ad gregem seu Ecclesiæ corpus, cuius ipsi sunt membra. Verisimile quoque est, cum peculiari aliqua appellatione designandi erant qui regimini præerant, dictos προισταμένους aut προῆστώτας id est, Antistites sive Præpositos Ecclesiæ. Nam Presbyterorum nomenclatura erat illis cum Pastoribus communis. Ex his tribus locis Rom. 12. 8. 1 Corin. 12. 28. 1 Timoth. 5. 17. colligimus fuisse Præpositos seu Antistites alios, præter Pastores & Doctores, qui in quaque Ecclesia Pastori seu Pastoribus adjuncti onus gubernationis sustinebant, cui impares erant soli Pastores in sermone & doctrina laborantes, si probè officio suo defungi vellent. Quærit Tilenus, num etiam Act. 20. 28. Tit. 1. 7. comprehendantur sub communi Presbyterorum nomine. Quid si dixerimus non comprehendendi, an propterea excludendi ex Ecclesia quia his locis exclusi? Valet argumentum ab autoritate Scripturæ negativè, sed non à particularibus Scripturæ locis. Sat est, si aliis Scripturæ locis nobis commendentur, & his locis non sint exauctorati Seniores isti. Si dixerimus comprehendendi; tum, inquit, sequetur eos debere pascere, exhortari per sanam doctrinam, & contradicentes convincere. At Presbyteri nostri non sunt διδακτικοὶ neque ἐλεγκτικοί. Respondeo, notum quod pascere non modo cibum præbere sed etiam regere significat. Suo quoque ordine, gradu, & mensura διδακτικῶς & ἐλεγκτικῶς esse debere, ut possint & exhortari & refellere, dicimus. Nam horum donorum usu quandoque eis opus est. Habemus Seniores his donis ornatos, qui hanc ipsius Tileni Parænesin, examinare & confutare possunt. In id nitimur, ut ubique his donis præditi eligantur. Si non sit tanta donorum mensura & copia in quaque Ecclesia particulari, ut in ea constitui possit horum Seniorum consensus; an propterea ex aliis omnibus Ecclesiis exterminandi, ubi amplior donorum copia & mensura? Sed ut pro concione doceant, exhortentur, refellant, ad Seniorum munus non pertinet. Sic enim duo ordines Presbyterorum confunderentur. Apostoli, Pastores, & Seniores sunt apti ad docendum, sed diverso modo & secundum gratiam ministerii seu functionis suæ; Apostoli ut doceant ut Apostoli, Evangelistæ ut Evangelistæ, Pastores ut ordinarii Pastores: sic Doctores ut Doctores, & Seniores ut Seniores, id est, ut in ea docendum ea quæ ad ipsorum munus pertinent. Concedit Th. Beza, illo loco Tit. 1. 9. describere dona Pastorum & Doctorum, non omnium qui munere funguntur in Ecclesia. Suo tamen modo referri posse ad Presbyteros Gubernatores, quos jubet oppidatim constitui. Nam in his etiam requiritur donum exhortandi & convincendi, *quantum quidem istud ad Ecclesiasticas Censuras rectè unâ cum Pastoribus exercendas attinet. Nam in hoc etiam munere nescit nemo, non tantum in moribus peccantes sed etiam vel maximè in doctrina errantes increpari, redargui, & ad resipiscentiam adduci oportere.* Pastor etsi sit aptus ad docendum, non tamen ut doceat uti Apostolus. Sic nec Seniores, ut Pastores. Misit Jehoshaphatus Principes seu præfectos suos & Sacerdotes & Levitas ad docendum per civitates Jehudæ, qui docuerunt in Jehuda, habentes secum librum Legis Jehovæ, & obiverunt omnes civitates Jehudæ docentes populum, 2 Chron. 17. 7. 9. Præfecti, Sacerdotes, & Levitæ erant omnes διδακτικοί. Non tamen eodem modo docebant Præfecti quo Sacerdotes & Levitæ, interpretando Scripturas, sed generaliter commonefaciendo de iis quæ erant reformanda & in pristinam puritatem restituenda, vel publicis Edictis, vel in Judicium confessu, aut ut Oratores Regii, capita reformationis & rationes aliquas in corona populi proponendo, non ipsum Legis librum exponendo. Sed accipiantur Apostoli verba de pascendi exhortandi & convincendi modo Pastoribus proprio, non tamen excludentur iis locis Presbyteri

Guber-

Gubernantes. Non enim sequitur, si omnia, quæ ibi de Presbyteris dicuntur, non convenient Senioribus nostris, Presbyterorum nomine propterea non comprehendendi. De tribu Levitica in genere dicitur, quod *docent judicia tua Iakobum & legem tuam Israellem, apponunt suffitum ad faciem, &c. Deut. 33. 10.* non sequitur, Levitas apposuisse suffitum. Hoc erat Sacerdotibus peculiare: docere populum tamen erat & Sacerdotibus & Levitis commune. Sic 2 Chron. 29. vers 4. 5. 11. Jechizkia *jussit convenire Sacerdotes & Levitas, & congregavit eos in plateam orientalem. Et dixit eis, auscultate mihi d. Levitæ, &c.* Et vers. 11. *filii mei nunc ne erretis; vos enim elegit Jehova ut stantes coram ipso ministretis ipsi, & ut sitis ipsi ministrantes & adolentes.* An sequitur omnes Levitas adolevisse, quia in exhortatione sua, communi & Sacerdotibus & Levitis, non distinguit inter Levitarum & Sacerdotum munia. Sic Act. 20. non sequitur ex exhortatione communi, omnes Presbyteros fuisse Pastores verbo pascentes. Præterea capita exhortationis tantum retulit Lucas. Sic Deut. 10. 8. *Tempore illo separavit Jehova tribum Leviticam ad portandum Arcam Fœderis Jehovæ, ad standum coram Jehova ut ministraret ipsi, & ad benedicendum in nomine ipsius.* In his tamen benedictionibus & ministeriis erant quædam Sacerdotibus peculiariora, Num. 6. 23. Deut. 31. 9. Bilsanus dicit, Presbyterorum nomine comprehendendi Diaconos Act. 14. 23. & 15. 23. quia non est verisimile Ecclesias reliquisse nudas aut vacuas, aut procurationem pauperum neglexisse Paulum & Barnabam. Et Act. 15. 23. Presbyterorum ordine recenseretur. Si Diaconi Presbyterorum nomine comprehenduntur, eodem jure & rectius nos Seniores sub Presbyteris comprehendendi asserimus. Similiter respondetur ad illud, quod ait Tilenus, nullum locum esse Presbyteris nostris in Presbyterio cuius meminit Paulus, 1 Timoth. 4. 14. quia Laicis Senioribus *χειροθεσίας* jus communicandum non censemus. Et ut nemo munus hoc suscipere potest absque manuum impositione, neminem laicum eas cuique imponere fas & jura sinunt. Neminem absque impositione manuum munus hoc posse suscipere, falsum. Multi apud nos Ministri sunt legitimi, quibus nunquam impositæ manūs. Habita fuit impositio manuum apud nos à prima reformatione res adiaphora, sicut olim ipse Tilenus, vide pag. 175. Qui Episcopatus invaserunt, hunc ritum urgent ut necessarium, quia hæc unica pene differentia inter Episcopum & Presbyterum, ut ait Bilsanus. Falsum etiam, non posse Seniores Laicos manus imponere ordinandis. Fas & jura non sinunt, ait. Quo jure excluduntur? Sunt, inquis, Laici. An Laici quia ex populo delecti? sic Episcopi, Presbyteri, Diaconi, erunt Laici; quia omnes ex populo delecti sunt, vel deligi possunt. An quia tractant laica in ministerio suo? Hoc falsum. Nam tractant negotia Jehovæ, & Ecclesiæ. Si Diaconos in Clericorum numerum referunt tui Formalistæ, qui mensarum & viduarum ministri tantum sunt; quanto magis nos Seniores ex plebe delectos & ordine legitimo vocatos in Administrorum Ecclesiasticorum numero recensebimus? Quod ad Cleri vocem, eo sensu non agnoscimus. Seniorum administratio est sacra, & numeratur inter administrationes seu Diaconias illas, quas in Ecclesia constituit Deus. Sed quid si Laici etiam, ut vocas, id est fideles & privati in Ecclesia manus imponere possunt. In dedicandis Levitis nitebantur filii Israel manibus suis super Levitas ipsos Numer. 8. 10. Familiaris fuit Hebræis iste ritus in inaugurationibus, quem usurparunt etiam Apostoli ex more, non mutarunt in sacramentum. Vide plura de hoc ritu supra pag. 158. & seqq. ubi probavimus fuisse simplicem gestum orantis Hebræis familiarem, signum indicans personam, non significans aut exhibens gratiam: & proinde non fuisse sacramentum. Præterea, distinguunt Formalistæ inter Impositionem Manuum Presbyteri docentis & Episcopi, & dicunt,

cunt, quod tamèn falsum, Episcopo competere impositionem manuum consecrationis & creationis ergo, Presbyteros imponere manus tantum ad consensum significandum. *In Presbyteris impositio manuum est bene precantium signum, quod est in Episcopo ordinantis*, inquit Saravia, vide supra, pag. 166. Rectius nos, signum impositionis manuum commune esse Presbyteris docentibus & gubernantibus; & consensus significandi gratia posse Seniores etiam manus imponere, si necessarium videbitur: precibus verò dedicare & consecrare esse solius Ministri. Illi volunt Episcopum proferre benedictionem unà cum impositione manuum, non Presbyterum etiam si simul imponat manus ad significandum consensum & assistentiam in precibus. Ego Pastori seu Presbytero docenti illam tantum impositionem manuum reservatam concedo, quæ conjuncta est cum precibus & benedictione. In signum tamen consensus & assistentiæ possunt imponere manus etiam Presbyteri Gubernantes. Non imponunt, quia non est necessarium. Nec imponunt simul omnes unius Classis Sympresbyteri, sed plures aut pauciores aliorum nomine. Potest etiam unus nomine omnium. Denique, etsi daremus esse Sacramentum, & hujus sacramenti ministros esse Pastores Presbyteros, non tamen excluduntur à Presbyterio, 1 Tim. 4. 14. quia iis non convenit impositio manuum. Nam impositio manuum dici potest impositio manuum Presbyterii, etsi non omnes & singuli ex Presbyterio habent potestatem imponendi manus. Sufficit quod pars præcipua Presbyterii hanc potestatem habeat. Sicut Tribus Levi dicitur apponere suffitum, cum tamen solis Sacerdotibus id permissum fuerit. Nihil ex his tribus locis Act. 20. Tit. 1. 7. 1 Tim. 4. 14. elicere potest Tilenus contra functionem Presbyterorum Gubernantium, nec ullo interpretamento à tribus locis adductis, 1 Tim. 5. 17. Rom. 12. 7. 1 Cor. 2. pro eorum prosterasia nos depellere. Autor Commentariorum qui inscribuntur nomine Ambrosii, asserit hunc Ordinem Presbyterorum seu Seniorum ab Apostolis institutum fuisse, & Senatus Ecclesiastici partem alteram constituuisse, sed postea interiisse. *Nam apud omnes utique gentes honorabilis est senectus. Unde & Synagoga & postea Ecclesia Seniores habuit, sine quorum consilio nihil gerebatur in Ecclesia: quod qua negligentia obsoleverit nescio; nisi forte doctorum desidrà, aut magis superbià, dum soli volunt aliquid videri.* Interpretationes duas hujus loci afferunt Adversarii. Saraviam sequitur Tilenus, & dicit his verbis ætate non officio Seniores designari. *Hos olim ab Episcopis & Presbyteris propriè dictis, sicubi de rebus majoris momenti incidisset deliberatio, in consilium adhiberi solitos, nec inficiamur, nec ut idem porro fiat repugnamus. At qui hoc pacto consuluntur, quamvis subacta rerum usu prudentia, eruditione, nec non sacrarum literarum peritia, quæ in privato quandoque major quàm in aliquo Episcopo, egregiè sunt instructi, non propterea Laici esse desinant, aut veri nominis Presbyteri fiunt.* Disserit ibi, verum, Ambrosius de Senioribus ætate; sed arrepta occasione ex nomine Seniorum progreditur ad disserendum de munere eorum qui ex ætate Senioribus plerunque deligebantur ad consultationes Presbyterii, & Seniores erant officio. Dixit supra hoc Capite Tilenus, Seniores nostros esse similes Mercuriis, quos ajunt Passonem quendam statuarium sculpisse, qui nihil Mercurio simile, neque intus neque foris haberent; eos ad Ecclesiasticæ navis clavum gubernatores collocatos, & nobis esse eos qui ab Apostolo *κρυπτῶν* indignantur, quibus vix inter remiges in transiris aut etiam in sentina locus erat; ab opificum tabernis ad illam prosterasiam ascendere, neque extraordinario dono, quod Amos ex pecuario Propheta factus accepit, neque ordinario quod legitimis Presbyteris dari docet Apostolus, 1 Tim. 4. 14. ornatos. Si qui eliguntur dono gubernationis non ornati, non probamus, sed dessemus vel temporis injuriam vel loci abusum, ubicunque tales reperiuntur.

periuntur. Quando inepti eliguntur; vel eligentium peccato fit, vel paræciarum limites constituendum. Retinentur iidem limites plerisque locis, qui sub Papatu determinati; unde in tam angustis limitibus & coetu infrequentiore non mirum esse tantam penuriam virorum ad gubernationem idoneorum. Nos de Ecclesiis, ut colligi & constitui debeant, & de Ordine ipso Seniorum qui in Ecclesia bene constituta retinendus esset, agimus. Ubique admitendum est, ut maximè idonei promoveantur. Ad Pastoris munus ascendunt etiam indigni & inepti: non tamen sequitur nullos eligendos ad munus Pastorale, etiam dignos; aut Ordinem ipsum Pastoralem abolendum. Unde verò ascendunt à stiva vel opificum tabernis, modò donis præpolleant aliis, sive ad Pastorum sive Seniorum gubernatorum munera, parum refert. *Non quibus vestibus sed quibus Spiritus Sancti donis splendean, qui ad sacras functiones adhibentur, querere nos jubet Apostolus. Nec veterem illam veteram Ecclesiam puduit à piscatoribus & tabernaculorum confectoribus doceri, ac etiam eum opus fuit increpari.* Drusus in Act. 18. observat, Sapientes & Rabbinos plerosque artificum aliquod exercuisse, ne gravarent alios. R. Josue coriarius erat, R. Nahum librarius aut scriba, R. Meir scriba, R. Jochanan calcearius aut futor, R. Juda pistor. Non erat in occupationibus illis immundities aliqua, quæ propharet officium aut munus Pastoris aut Doctoris. Multo minus igitur polluitur Gubernatoris munus, qui quæ propriè sacerdotalia non tractat, sed tantum quæ ad externum Ecclesiæ regimen pertinent. Sciat tamen Tilenus, multos esse apud nos Seniores Gubernantes, Tileni natalibus non inferiores, superiores etiam non paucos. Nec solemus nisi cum primis honestos & in coetu maxime venerabiles deligere, non semper diuissimos aut nobiliores, quia vel onus istud detractant vel inferioribus donis inferiores sunt: aliquin cæteris paribus semper præferimus. Sed jam non repugnat Tilenus, quin Episcopi & Presbyteri possint in consilium adhibere viros subacta rerum usuprudentia, eruditione, nec non sacrarum literarum peritia instructos. Fatetur etiam, quandoque majorem sacrarum literarum peritiam in privato quàm in aliquo Episcopo reperiri. Ut sit major vel sacrarum literarum peritia aut prudentia privati quàm Presbyteri, qui in consilium est adhibendus, non esse necessarium concedet Tilenus. Sit minor vel sacrarum literarum peritia vel prudentia in gubernando, non tamen contemnenda sunt aliorum consilia. Nam plura vident oculi quàm oculus, & Pastor solus sustinere non potest onus gubernationis. Non repugnat, ut viri prudentes adhibeantur Pastori in consilium. Sed liberum relinquit arbitrio Episcopi aut Presbyteri propriè, ut ait, dicti, utrum adhibeat necne in consilium alios ex grege. *At ne quis Seniores istos tantum quoties Pastoribus libuisset, et in gravibus duntaxat causis aliquibus accersitos, admissos fuisse existimet, nihil, inquit Author ille, sine horum consilio agebatur, ut observat Theodor. Beza. Ne quis denique istud consuetudine quadam non divinitus factum crederet, facile postea & nullo magno cum Ecclesiæ detrimento sensim concidisse; non dubitat, eos quorum id culpa accidisset, duorum gravissimorum in Ecclesia criminum accusare, desidiæ vel potius superbiæ. Nihil respondet Saravia, ludit tantum ineptiis cum voce nihil. Nam Cap. 1. sensum hujus vocis, nihil, vir eruditus sic explicat; Sic enim in Presbyterio partim ex Pastoribus, partim ex his Presbyteris composito, præsent Pastores; ut tamen neque hi absque illis, neque illi absque istis quicquam in morum censura & reliquo Ecclesiastico communi utrisque regimine decernant, sed communi parique dicendi sententiam jure tota hæc res administratur: hoc propterea toto confesso Presbyterii nomine sortito, quod in hac communi functione Pastores Presbyteris & Presbyteri Pastoribus (alioqui in iis quæ Pastorum ac etiam Doctorum muneris propria sunt, non primis tantum sed etiam gradu superioribus,*

Beza de
Grad.
Cap. 11.

De Gradib.
Cap. 13.

ribus,) exaquantur. Cur non accusas Episcopos & Presbyteros Formalistas, Tile-
lene, desidia & ignavia, qui vel non adhibent in Consilium, vel adhibere dedig-
nantur Seniores prudentia instructos? Num sat erit dicere, & ut porro fiat equidem
non repugno. Hæc mens Ambrosii? qui nihil absque eorum consilio geri debere
existimat, sicut olim & in Synagoga & in Ecclesia factum est. Præterea necessa-
rium & divinitus institutum auxilium Seniorum gubernantium, non modò ut Pasto-
rem consilio juvarent, sed etiam ut ejusdem regiminis consortio præditi reprime-
rent ejus superbiam aut tyrannidem. Nam frustra adhibebit in consilium quòs vel
repudiare vel amplecti pro arbitrio posset. Talesne Seniores habuit Synagoga,
deinde Ecclesia Christiana, quos Pastor ut princeps vel monarcha vocaret ad con-
silium vel non vocaret pro arbitrio; vel cum vocaverit, consilia eorum & suffra-
gia ut consultiva non ut decisiva accipere aut rejicere posset? Cum in qualibet
Ecclesia particulari non requiratur necessariò numerosus Presbyterorum, ut vocat,
propriè distorum cœtus; & tamen in qualibet Ecclesia particulari jam constituta
requiritur regimen externi, ut vocant, fori, & disciplinæ exercitium: sequitur,
absque auxilio consensu & consilio Seniorum nec Pastorem unum ut Papam parœ-
cianum debere omnia pro arbitrio suo regere. Imo etiam si numerosus esset Pres-
byterorum docentium cœtus in quaque Ecclesia particulari, non debent soli Pasto-
res regimen sibi solis vindicare aut ad se pertrahere. Si præter Pastores & Doc-
tores ad Concilia Nationalia admittendi Ecclesiarum Legati donis & vocatione
instructi; poriori jure ad Senatum particularis Ecclesiæ admittendi sunt. Si consi-
lium Seniorum necessarium in qualibet Ecclesia; tum sequitur officio Seniores ad-
hibendos in consilium, sine quorum consilio nihil gerendum. An Pastor pro ar-
bitrio suo consuleret promiscuè hos vel illos quos sibi deliger pro re nata? Qui
sic deligit consiliarios, consilio non regitur nec dirigitur nisi volens. Oporteret
igitur hos fuisse officio Seniores, sine quorum consilio nihil gerebant Doctores Ec-
clesiæ, ut vult Ambrosius. Si de ætate tantum Senioribus, non officio & voca-
tione, accipienda essent verba Ambrosii, hic esset sensus, Unde & Synagoga, &
postea Ecclesia Seniores ætate habuit, sine quorum consilio &c. Habuit Synagoga,
habuit Ecclesia Seniores ætate. An ulla ætas in qua non habet seniores ætate?
Sed Ambrosius ait, habuisse & Synagoga & Ecclesia Seniores, sine quorum
consilio nihil gerebant Doctores. Nam Seniores opponuntur Doctoribus. Et quid
hoc aliud, quàm Synagoga primùm, deinde Ecclesiam habuisse ordinem Senio-
rum, sine quorum consilio nihil gerebatur. Nam quod ad Seniores ætate; illos
semper habet. Ambrosius loquitur de iis Senioribus quos habuit, jam non
habet, sed desidia aut superbia doctorum conciderunt. Et cum hunc morem
fluxisse à Synagoga refert, Seniores officio, non ætate, (etsi seniores ætate
præ aliis ad hoc officium delecti,) intelligit. Nam alioquin quid singulare in Sy-
nagoga habuisse ætate Seniores. Synagoga Seniores, inquit Tilenus, populi judi-
ces & Magistratus erant divino instituto, non tamen in omnibus, in quibus divinus
seu facultas ad gerendum magistratum idonea, protinus capeffendi magistratus erat
ἐξουσία seu potestas. Sic & in Ecclesia Seniores seu Presbyteri, alii sunt institutione
divina, in quibus divinus & ἐξουσία publicè docendi: alii ætate, eruditione, & ex-
perientia, qui cum opus est, consuli possunt; Ecclesiam gubernare, ejusque claves quæ
publici sunt muneris tractare non possunt. Absque legitima vocatione neminem,
licet donis instructum, Seniore ex officio agnoscimus. Sunt Seniores nostri om-
nes legitime vocati, & proinde post vocationem suam non amplius privati aut indi-
cetæ, (ut laicos vocas) sed Ecclesiæ Præpositi & Antistites. Cum Seniores offi-
cio habuerit Synagoga, de Senioribus ætate, iis prætermisiss, loquutum esse Am-
bro-

brosum, non est vel verisimile, nisi quis dixerit prætermisissis officio Senioribus consultos fuisse Seniores ætate. Nec verisimile, præter Seniores officio, qui etiam ut plurimum ætate erant Seniores, consultos fuisse etiam alios ætate solum Seniores, nec hujus moris ulla exempla proferunt. Quod dicunt Seniores Synagogæ, id est populi Israelitici, fuisse magistratus; non nocet. Sæpe est, si officio, non ætate solum, etiam si magistratus fuerint, habuerit Synagoga, id est respublica Israelitica; ut officio, non ætate solum, Seniores habuisse Ecclesiam Christianam ex Ambrosio intelligamus. Nam, si cum Senioribus qui erant magistratus in populo veteri, comparat Ambrosius Seniores quos habuit Ecclesiæ Christiana; comparat Seniores officio cum Senioribus officio etsi non simile officium fuerint, sed illud Politicum, istud Ecclesiasticum. Huc respexit Baronius. *Quemadmodum, inquit, apud Judæos etiam Apostolorum temporibus pristina illa consuetudo vigeat, ut Seniores unâ cum Principibus Sacerdotum in Concilio convenirent, ac sententiam rogati dicerent, quod multis in locis Evangelistæ testantur: sic etiam ab Apostolis primis illis temporibus esse servatum constat, ut Seniores ad Concilium admitterentur.* Sed cum præter ordinem politicum Seniorum, qui unâ cum Sacerdotibus & Levitis constituiebant Synedria Politica; erant & in Synagogis Seniores, qui non erant Doctores, & tamen gubernabant Synagogas, nec absque eorum autoritate & consensu ejectus quis è Synagoga: ad Seniores Synagogæ cujusque particularis, potius quam Synedrii cujusvis Politici, respexisse Ambrosium inde colligitur, quod de particularibus Ecclesiis loquitur. Nam Ecclesia Christiana ante ætatem hujus auctoris non habuit Concilia Generalia, in quibus erant Seniores isti, nec Consistorium Generale, quale nunc Papa habet pro tota Ecclesia, multo minus quibus interfuerunt Seniores officio Politico, id est Magistratus Christiani. Nam Author iste, Ambrosio Mediolanensi & vetustior & doctior, est idem qui Author Quæstionum ex Veteri & Novo Testamento, ut supra ostendimus, p. 167. & proinde testimonium quod citat Tilenus ex Ambrosio Mediolanensi contra Laicos judicantes in causa fidei de Episcopo, nec ab Authore illo scriptum est, nec nostris Senioribus nocet, sed Imperatoribus, qui posthabito legitimo Ecclesiæ Concilio & Ordine, de Episcopis in causa fidei judicare volebant. In Synagogis singulis fuisse, præter Doctores, quosdam Seniores ex reliquo coetu delectos, testatur Hieronymus ad Algasia Quæst. Decima. *Præpositos habent Synagogis sapientissimos quosque.* Plures fuisse Synagogæ Præfectos seu Archisynagogos patet ex Act. 13. 15. ubi Syrus interpretes vertit Seniores Synagogæ, & Marc. 5. 22. Ubi Theod. Beza. *Hinc autem apparet non temere convenisse cætus singulis sabbatis, sed certos homines solitos fuisse multitudinem moderari in singulis synagogis ubi Moses explicabatur à Doctoribus qui Pharisei aut Scribæ dicuntur, Mat. 23. 2. Hi sunt igitur qui Archisynagogi dicuntur, qui particularium etiam Ecclesiarum negotia administrabant, & propterea censentur Ecclesiæ nomine, Matth. 18. 17.* Hunc ordinem hodie habent in Synagogis Judæi, nempe Seniorum qui non docent sed judicant solummodo, quinque in quaque Synagoga hic Amstelodami. Saraviæ Glossema in locum Ambrosii, quod denuò nobis reponit Tilenus, rejicit Dounamus. Sic enim ille interpretatur locum istum. Unde & Synagoga habuit Seniores, nempe Sacerdotum, & postea Ecclesia Christiana similes habuit, sine quorum consilio nihil gerebatur. Ista interpretatio etiam facile refellitur. Nam dicit Ambrosius, Ecclesiam habuisse Seniores; quod idem ac si dixisset, jam non habet. Respondet Dounamus, habuisse ætate Ambrosii, & adhuc habere Seniores, nempe Presbyteros docentes, vel Presbyterorum Seniores, sed non adhibitos in consilium ut antea. At relativum quod refertur ad integrum membrum antecedens. Quod, nempe

pe habere Seniores, sine quorum consilio nihil gerebatur, qua negligentia obsoleverit, nescio. Et ordinem ipsum & usum istorum Seniorum obsolevisse vult ante suam ætatem Author iste. Præterea, nondum obsoleverat consilium & auxilium Presbyterorum seu Seniorum docentium, in regimine, Ambrosii Mediolanensis, nedum istius Authoris, ætate. Fatur Saravia, habuisse Ambrosium Presbyteros, qui cum eo Ecclesiam Mediolanensem regebant, Tractat. de Grad. Cap. 12. & Cod. Cap. Defens. Sect. 1. *Sed luce clarius est, Ambrosium non esse locutum de Presbyteris suis, quos in consilium adhibere potuit, & nihil sine eorum agere sententia, si voluit.* Ibidem; Ordinatione Presbyteros Ambrosius habebat, nec causam habuit conquerendi illos contemni aut præteriri, nisi ipse de seipso conqueri voluisset. Hieronymus in Esa. Cap. 3. Habemus & in Ecclesia Senatum nostrum cœtum Presbyterorum. Non igitur conqueritur Ambrosius, Senatum Presbyterorum Episcopo assistentium, aut ejus usum obsolevisse. Tertiò, opponit Ambrosius iste Senioribus Doctores, & ait Doctorum desidia aut potius superbia neglectum Seniorum consilium & assistentiam, atque ita obsolevisse Ordinem ipsum seu genus illud Seniorum. At Presbyteri Pastores seu Ministri Doctoribus non erant opponendi, cum ipsi sint Doctores. Illi διδακτικοί esse debent, & ut ait Chrysostomus in 1 Tim. 3. acceperunt sicut Episcopi τὴν διδασκαλίαν καὶ προσασίαν τῆς ἐκκλησίας, μὴν τῇ χειροτονίᾳ διαφέρειν Presbyteri officium erat ὁμιλεῖν homilias habere Concil. Ancy. c. 1. Replicat Dounamus; Cum Doctorum, id est eorum qui docti aut doctores sunt, titulus communis fuerit utrisque Episcopis ac Presbyteris, atque ita hoc loco capiendus sit: non tamen sequi; Seniorum nomine alios quàm Ministros seu Pastores Presbyteros intelligi, sed hunc esse sensum; Seniorum, id est Presbyterorum docentium seu Pastorum, assistentiam obsolevisse, vel desidia Doctorum id est Presbyterorum ipsorum, qui propriæ commoditatis causa rerum ad gubernationem pertinentium à se decisionem removebant, aut alioquin superbia doctorum, id est Episcoporum, qui omnia in se receperunt, ut soli aliquid videri possent. Sed non opponit doctos Seniores indoctoribus Senioribus. Nam sic opponeret doctos Presbyteros indoctis & tamen prudentibus, sine quorum consilio nihil gerebatur; nec Doctores tum Episcopos cum Seniores simul doctoribus Senioribus. Si Seniores Doctorum nomine comprehendisset Ambrosius iste, non communi nomine, sed distincta appellatione designasset, quorum Doctorum desidia, quorum superbia neglectum fuerit Seniorum consilium, & dixisset nisi forte Seniorum desidia aut magis Episcoporum superbia. Sed ait, neglectos Seniores Doctorum desidia aut magis superbia. Non aliorum desidia quàm quorum superbia obsolevisse ait; sed utrum desidia an magis superbia, dubitat. Eisdem Doctoribus tribuit vel desidiam vel superbiam, & disjunctiva particula aut disjungit culpas, non personas. Cur tu desidiam doctis, superbiam doctoribus tuis tribuis? inquit Melvinus noster. An quia Curiones, quantumvis docti, plerunque sunt desides: Episcopi interim fastu turgescunt & superbia efferuntur? At Ambrosius non dicit eorundem Doctorum. Esto; Vocem illum non exprimit, sed tantundem reipsa dicit, quum iisdem desidiam aut superbiam, non his superbiam illis desidiam, quamque cum disjunctione tribuit. Disjunctio est consequentis, non antecedentis, non ὑποκειμένη sed κατηγορούμενη. Præterea, sicut supra dictum est, habebat Episcopus Senatum Seniorum Doctorum, quos in consilium adhibebat, ætate etiam Ambrosii Mediolanensis; Seniores igitur intelligit Author ille, qui non erant Doctores, qui tamen ut in Synagoga sic etiam in Ecclesia honorificè olim habiti, suo consilio & prudentia Pastoribus adjunctiores & rationes Ecclesiasticas gubernabant. Quamdiu
ante

ante Authoris hujus ætatem obsoleverit Ordo istorum Seniorum, eorumque usus, non refert, & incertum est. Tertulliani tamen ævo adhuc in pretio fuisse apparet. *Ibidem*, inquit, nempe in cætibz & congregationibus Christianorum (nam dixerat antea, Coitum in cætum & Congregationem ut ad Deum &c.) etiam exhortationes, castigationes, & censura divina. Nam & Judicatur magno cum pondere, ut apud certos de Dei conspectu: summumque futuri judicii præjudicium est, si quis ita deliquerit, ut à communicatione orationis & conventus & omnis sancti commercii relegatur. Præsident probati quique Seniores, honorum istam non pretio sed testimonio adepti. Non præsidebant plures Seniores prophetantes seu docentes in quolibet Christianorum cœtu. Genevenses non fuisse primos, qui hunc ordinem post longum exilium revocarunt in Ecclesiam anno 1537. quo primum excogitatum à Calvino, Farello, & Vireto, vel 1541. quo stabilitum asserit Dounamus, Def. l. 1. c. 4. patet ex testimonio Martini Bucer, quod in Dissertatione sua pag. 77. habet Gerosomus Bucerus. Titulus libri, *Scripta duo adversaria Latomi &c.* Hæc sunt verba. Illa certe ratio optima est, quam observant Fratres Picardi, qui fidei suæ confessionem nuper Regi Ferdinando oblatam anno 1535. ediderunt, cum præfatione D. Lutheri, qui soli prope in orbe cum puritate doctrinæ, vigorem etiam disciplinæ Christi apud se retinuerunt, quam laudem ut iis tribuamus, & Dominum qui sic in illis operatur celebremus, res ipsa nos cogit, etiamsi fratres illi à præposterè doctis nonnullis contemnantur. Ratio vero, quam in hac re observant, hæc est. Præter Ministros verbi & Sacramentorum habent certum collegium virorum prudentia & gravitate spiritus præcellentium, qui munus obeunt monendi ac corrigendi fratres peccantes, componendi dissidentes, & in causis eorum judicandi. Excommunicationis tamen sententiam, non nisi causa delata ad totam Ecclesiam & communibus sententiis judicata, ferunt, idque per supremum Ecclesiæ Curatorem. De hujusmodi Senioribus scripsit & Divus Ambrosius in Epistol. 1. ad Tim. Cap. 5. Unde & Synagoga &c. Hic vides Ecclesias Bohemicas, quæ puriorem Doctrinam amplexæ sunt, quasque communitatem Fratrum Bohemorum appellarunt, habuisse Seniores gubernantes & judicantes præter Ministros verbi & Sacramentorum, ante Reformationem Ecclesiæ Genevensis, nec ut Ordinem nuper institutum cum Ferdinando Regi obtulerunt Confessionem fidei, sed ut veterem morem. Doctores præstantissimi hujus & superioris sæculi ex supra dictis Scripturæ locis & Ambrosii testimonio collegerunt, hoc Presbyterorum genus fuisse in Ecclesia primitiva, quorum testimonia passim occurrunt Lectori, & proinde mitto. Qua ratione defendimus contra Pontificios Concilium Generale, quod universam Ecclesiam repræsentat, non esse constituendum ex Presbyteris doctoribus & Episcopis solummodo, sed ex omni genere & ordine hominum (nam soli Sacerdotes aut Clerici non constituunt corpus Ecclesiæ universæ,) eadem & in particulari quaque Ecclesia Concilium seu Consistorium ex solis Sacerdotibus constitui non debet. Cum Christus Mat. 18. fratrem offensum offendentem Ecclesiæ deferre jubet; num Ecclesiæ nomine unum Pastorem vel Episcopum intellexit? At hoc non paritur vocis Ecclesiæ significatio, quæ semper multitudinem seu cœtum minorem aut majorem significat, nunquam unum. Nec Cœtum Sacerdotum tantum significat. Nam sic nullibi in Scriptura usurpatur. Nec in quaque Ecclesia Sacerdotum cœtum constituendum Christus aut Apostoli instituerunt, & tamen in quaque Ecclesia cœtum aliquem constitui oportebat judicum & gubernatorum, qui censuræ morum invigilarent. Non enim omnes sunt Gubernatores, magis quam Doctores aut Pastores. Quod ad verba Christi atinet, Dic Ecclesiæ, omnino manifestum est, inquit Musculus, non intelligenda esse de Catholica, sed unaquaque particulari Ecclesia, præsertim ad morem Synagogæ

Cap. de Eccles. Autorit.

instituta, in qua judicabatur inter fratrem & fratrem, qua de re aliàs monui. Et hic mos in Primitiva quoque servabatur Ecclesia. Nam ibi delecti erant probati Seniores, qui ut Tertullianus loquitur judicabant magno cum pondere. Vox gnedab coetum Seniorum, non civium tantum significat. Bertramus ait, Abenhezram Tentire nomine universi coetus Num. 27. 21. intelligi 70 Seniores, & disertius id exprimere R. Schelomonem. Sic certe nomen gnedab, id est coetus, de Septuaginta Senioribus, vel de Chiliarchis, Centurionibus &c. accipiendum videtur, Numer. 15. 24. &c. ut locum illum concilium cum Levit. 4. 13. ait ipse Bertramus. Ut Gnedab utrumque significat, & integrum corpus civium, & Concilium Seniorum seu convenium praefectorum; sic & vox Ecclesiae, cui responder, vide plura pag. 144. Concludimus itaque, duplicem ordinem Presbyterorum in Ecclesia Primitiva fuisse, docentium & gubernantium; hunc alterum defidia vel magis superbia Doctorum obsolevisse: sed jure restitutum ad pristinum decus & dignitatem in Ecclesiis Reformatis, ubi sunt Ecclesiae bene constitutae; & quamvis non tanta sit charismatum copia, quanta in primordiis nascentis Ecclesiae, non tamen propterea Ordinem ipsum abolendum. Nam ea ratione & Presbyteros Pastores abolere possunt, quia vel non extra ordinem vel tanta donorum mensura locupletati sunt, sicut plerique in primitiva Ecclesia. Non pari donorum mensura omnia secula dignatur Dominus. Nostrium tamen saeculum foelicius est superioribus omnibus, unico illo aureo Apostolorum saeculo excepto, ut Pastorum sic & Seniorum idoneorum copia. Imo Seniores plerique in Reformatis Ecclesiis, non modo prudentia & gubernationis dono, sed etiam sacrarum literarum peritia, Curionibus plerisque sive Papiisticis sive Anglicanis, quibus olim Campianus dixit nihil esse putidius, superiores sunt. Sacerdotalia Senioribus nostris tamen non permittimus, vel verbum praedicare, vel sacramenta administrare, vel excommunicationis sententiam ferre, aut in ordinatione benedictionis seu consecrationis verba proferre: sed tantum regimen externum Ecclesiae; quod cum ex parte democraticum sit, & non tamen prophanum aut saeculare propterea sit, (nam grex non consideratur ut populus regni aut reipublicae, sed ut coetus sacer fidelium evocatus ex mundo, & sponsa Christi) multò minus ex parte Aristocratica Seniorum, seu optimatum Ecclesiae particularis, prophanari censendum est. Diaconis tamen suis, qui sunt tantum mensarum & pauperum ministri, sacerdotalia permittunt Hierarchici, potestatem praedicandi & baptizandi, & Archidiaconis excommunicandi; & nos Seniores prudentia & gubernationis dono instructos à communi proflasia & regimine externo Ecclesiae particularis excludemus, qui ne quidem à communi omnium Ecclesiarum concilio excludendi sunt? Recipe, Tilene, collyrium tuum, quo curare voluisti caecitatem nostram, & Medice cura teipsum, si forte caecus sis, sed ego te graviore malo quàm caecitatis laborare judico.

CAPUT XIII.

De Possessionibus.

Hactenus de Personis; sequuntur

Possessiones, publicae, aut privatae. Publicae; vel Ufu tantum, non dominio, aut fructu, ut Cœmiterium; vel Ufu
& Do-

& Dominio , & sunt; vel res Mobiles , ut libri , vestes , ornamenta , reliqua supellex Ecclesiæ; aut Immobiles: exque Civiles , ut prædia urbana , rustica alicui parochiæ spectantia; Ecclesiasticæ , ut navis , campanile Ecclesiæ.

Privatæ , Civiles seu Ecclesiasticæ. Civiles , rerum Corporalium , aut Incorporalium. Rerum Corporalium , vel prædia urbana , ut domicilia ; vel rustica , aquæ , sylvæ , fundi : Aquæ , fontanæ , perennis fluvii , palustres , lacustres : Sylvæ , nemorosæ sive saltus & ceduæ ; Fundi , hique sunt Arva , Agri : Agri , pascua , peculiaria vel compascua prata : Atque hæc omnia , vel reservata peculiari domini cultori , vel locata colonis sub annua pensione. Rerum Incorporalium , qualia sunt jura circa res Ecclesiasticas , ut jus Patronatus , Nominationis ; Civiles , ut Curia Baronis , Letæ , & Hundredi ; Emporium , idque vel forum Mercatorium , vel Nundinæ celebriores ; Immunitates , Libertates ; Privilegia alia , quæ barbarè Franchefias vocant.

Ecclesiasticæ , quas abusive , qui sunt à ratiociniis , vocant Spirituales ; suntque , aut Beneficia , Præsentativa aut Appropriata , & quæ ad ea spectant , viz. Cancellus Chori Ecclesiastici , publici usus privati Dominii , Prædia urbana , rustica quæ vulgus Glebam Ecclesiæ vocat , Decimæ , Oblationes , Obventiones cujusvis generis , Pensiones pro indemnitate vel hujusmodi causa pendi solitæ , Procurationes ratione visitationis , Synodalia ratione Synodi debita , Sportulæ minutæ quæ Feoda vocant , quæ ratione quorundam actuum Ecclesiasticorum per tempus immemoriabile solitæ sunt præstari.

De Possessionibus in genere supra dictum , & in specie de Utensilibus & Partibus Ecclesiæ , decimis , oblationibus , feodis , procurationibus , & Synodalibus. Hundredum Smithius in Rep. Angl. ait esse Comitatus partem decimam , vicesimam , aut tricesimam , & sic dictam quod olim 100. oppida & castra suo ambitu complecteretur , vel quod Regi milites conscripturo ad castra 100 milites mittere tenebantur : Letam , à demetendo vel invehendo fruges in domini horreum. Pag. 86.

CAPUT XIV.

De Constitutionibus.

Hactenus de Personis & Possessionibus; sequuntur

Constitutiones circa utrasque, Scriptæ vel Non-scriptæ. Scriptæ, ut Statuta Parliamentaria, Provinciales in Synodis latæ, & Canones ante hac lati, prout fuerunt usitati 25. Henr. Octavi modò non repugnent legibus, statutis, consuetudinibus regni, nec præjudicent aut minuant Prærogativam Regiam. Non Scriptæ, ut Consuetudines, sive Particulares sive Generales. Hæque postea in scriptum vel minimè redactæ.

Controvertitur apud Anglos, quænam sunt Constitutiones Ecclesiæ Anglicanæ. Quidam sentiunt, abrogatum jus Canonicum, nisi quantum statutis Parliamentariis ratum habetur. Formalistæ contrà tuentur omnia Juris Canonici decreta quæ antea sub Papatu erant in Curiis Ecclesiasticis, Constitutiones provinciales & nationales, modo non repugnent statutis & juri municipali aut nuperis Constitutionibus aut Prærogativæ Regiæ, vim adhuc habere in Ecclesia Anglicana, nec antiquata esse. In Ecclesia Anglicana Archiepiscopi ad nutum Regium Nationales aut Provinciales Synodos indicunt, ait Mucketus, sed nec unquam absque particulari nutu Regis. Non habent Stata Concilia vel Nationalia vel Provincialia. Vocantur, ut ait Mucketus, ad Synodos Nationales & Provinciales solum Episcopi, Decani, Archidiaconi, & duo demum Presbyteri ex singulis Diocesis, totidemque ex Cathedralibus Ecclesiis, in his Capitulorum, in illis communibus Parochorum suffragiis electi: à quibus, cum de religionis dogmatibus, vel sacris Canonibus, fuerit maturè deliberatum & definitum, Regia Authoritate censentur rata; imo nonnunquam, quo hæc placita Synodica arctius conscringant immorigeros, post Regiam illorum Confirmationem, à suprema Parliamenti Curia, tanquam regni leges promulgantur. Synodos Provinciales rarò habent. Ab anno 1597. unam tantum Synodum Provinciale celebrarunt, anno nempe 1603. regni Jacobi primo, quam piorum flagellum meritò dixeris & Pandoram illam ex cujus pixide innumera illa quæ sunt subsequuta mala in Anglicanam Ecclesiam inundarunt, inquit Parkerus. Synodum Nationalem, quam Domum Convocationis vocant, habent tantum tempore Comitionum seu Parliamenti. Sic nulla Stata habent Concilia vel Nationalia vel Provincialia. Synodi Episcopales seu Diocesane Concilii nomine non sunt dignæ. Nam in hisce conventiculis unus tantum judex est: Presbyteri potestatem judicandi non habent, sed solus Episcopus aut Archidiaconus & Officialis. In Provincialibus sunt quidem plures judices, nempe Episcopi; Presbyteri Cyprarum interim loco sunt: sic revera Synodi Hierarchicæ Episcoporum tantum Synodi sunt. Nam cum aliter Presbyteros in Synodum non admittunt, quàm quomodo in domum congregationis admittunt, actum de libertate est. Nam Presbyteros in Domo Congregationis Angli-

Mucket. de
Polit. pag.
350.

De Politia.
l. 3. c. 26.

Cap. 25.
pag. 363.
Cap. 28.
pag. 379.
pag. 380.

cana

canas, locum tantum vacuum occupare, ut nudum consensum obedientiæ præstent ad ea quæ à Superiori Domo Episcoporum decernuntur, patebit suo loco fusius. Quod ad Electionem legatorum per Parochos Dioeceseos attinet; sciendum, non convenire in unum Parochos Dioeceseos, ut eligant Legatos suos. Cum indicta fuit Synodus Provincialis anno 1603 in Dioecesi Salisburiensi, ubi tum eram, inquit Parkerus, non in unum locum ad eligendos Delegatos Clerus convocatus est; sed in diversis, ut divisione, si quæ existeret, oppositio imbecillior fieret, imo, ut quævis oppositio præcideretur, altero conventu ab altero præjudicato. Atque his conventibus hoc tantum proponebatur, utrum placeret (quod domino Episcopo visum) electionem Delegatorum duobus viris committere: cui illi, ut bonas Episcopi creaturas decuit, responderunt, Amen. Atque ita domum discessum est. Atque ita eliguntur Legati ad Synodum, qui præiudicio occupati in Episcoporum sententiam jurare parati sunt. Quid igitur miri, si aberraverit prædicta Synodus Anglicana; Anhelabat enim ad Hierarchiam stabiliendam, flagrabat odio reformationis: id unum spectabat, ut Helena sua in tuto collocata, debellaretur natio Puritanorum, qui adversam reformationem affectabant. A fide dignis accepi, non fuisse in Synodo illa quatuor, qui non fuerint vel Pluralistæ, vel Non-residentes. An Reformationis Canones à tali conventu expectandi erant? Sed quid si Parochi Dioeceseos, quorum pars maxima aut ignarum aut ignavum pecus, viros pios & eruditos eligeret? quid efficient duo Legati ex ampla Dioecesi? cum non solum Episcopi; sed etiam Decani, Archidiaconi, & duo Presbyteri Ecclesiæ Cathedralis Capituli suffragiis delecti, numero major pars, vincent saniozem. Præterea exulat è Synodis libertas loquendi, ex eo quod Presbyteri Episcopis obnoxii sunt, sic ut nisi cum periculo obfistere eis aut refragari nequeant. Nam si refragati fuerint, extra Synodum quæret Episcopus causas vindictæ, quas faciliè inveniet in omissione alicujus ritus Papislici. Dicit Muckerus, mature eos deliberare. Sed notum est, Canones formari Lambethæ, priusquam in Synodo ventilentur: notum est quam parva aut nulla ex Scripturis indagatio veritatis in ipsa Synodo instituatur: notum est, de Synodo Anglicana dici non posse, quod de Antiochena refert Eusebius, in singulis conventibus disputationes fiebant, & collationes per Presbyteros & Episcopos in unum locum congregatos: imo ut cum Episcopis disputent Presbyteri, pro summa arrogantia habetur. Petulans Presbyter haberetur, qui cum Episcopo disputare veller. Videamus an melius sese res habeant in Synodo Nationali, quam Domum Convocationis vocant. Episcopi in Domo Convocationis Anglicanæ Domum seorsim Superiorem habent, Presbyteris interim ad Domum quandam Inferiorem detrusis. Apostoli Act. 15 separatim à Presbyteris locum in Concilio non habebant. Cum Presbyteris in Domo Convocationis seu Synodi Nationalis sedere dedignantur Episcopi. Et si inferiori domui Clericorum permittitur suum prolocutorem eligere; Archiepiscopus tamen suam auctoritatem retinet: sicut rex in Parlamento, tametsi domus inferior suum prolocutorem habeat; inquit Whitgiftus. Ne simus longiores, vocem negativam in Synodis tribuit Filidus Archiepiscopo & Episcopis, sicut & Rex in Parlamento vocem negativam habet. Libertati præjudicatur, primo quod cautum sit, ut nemo in domo convocationis nisi latino sermone loquatur, unde fit ut Laici (& Laici Synodis interesse debent) loquendi nulla potestas concedatur. Præjudicatur secundo huic libertati per ἀποβλέψαι ut mitissime loquamur domus superioris Episcoporum. Fatetur Bridgeus, domum superiorem Episcopos incolere ut deliberent de iis, quæ domui inferiori proponenda sunt; ita ut nihil nisi quod est præmansum ab Episcopis ad Presbyterorum Concilium deveniat. De oppressa libertate supra dictum. In Conciliis vel Nationalibus vel Provincialibus, Laicis quos vocant, quantumvis doctis, non est locus. Habes lector

ex Muckero & Parkero conditiones Synodorum Anglicanarum; tum nationalium tum provincialium; quis convocat, quæ personæ constituent, quis præses, qualis & quorum electio, quæ loquendi & suffragiorum libertas, de quibus vide polemica nostrorum scripta, præsertim Junii & Whitakeri. Nos Capite Primo Secundo & Tertio hæc paucis perstrinximus: & jam non vacat novam instituere diatribem. Crevit enim opus præter expectationem. De ordine quo celebratur Concilium Provinciale, vide Pontificale Romanum fol. 185. Eundem fere ordinem fervare Præsulos Anglicanos, non dubito; sed in Anglorum scriptis ea de re nihil reperi, & proinde mitto.

CAPUT XV.

Tilani Convicia & Calumniæ, &c.

Tilenum conviciatorem egregium arguent convicia & calumniæ, quibus scater libellus ille famosus, Paræneticon illius Collyrium. Hæc pauca excerpti, ut ex ungue leonem percipias. Cap. 1. *Cum in illo Genevensis Disciplina valedudinario nimis diu versatus sum. Qui credula simplicitate antea nefas putaram quicquam eorum, quæ ex illis adytis promanassent, ad calculos vocare.* Cap. 4. *adhibitis etiam in consilium doctissimorum virorum, qui in Britannia hoc argumentum tractarunt, scriptus; quæ Genevensis Disciplina fascino capitis attingere religio est.* Cap. 5. *Cæterum quod mihi à Genevensibus magistris persuaso visum, id vobis, quoque in eodem ludo edoctis & eductis videri, non miror.* Cap. 6. *Ex Genevensis aliqujus Phæbi tripode ac cortina promeudum est oraculum.* Cap. 7. *Primus Beza, qui tabernaculi illius, quod unum suspicitis, Bezaliel merito suo apud vos audit.* Cap. 10. *Indidem refellitur, quod nupera & musææ illius disciplinæ Patroni comminiscuntur.* Cap. 12. *Non movet nos rigidum Gnosticonum supercilium. Non solum indecorus, iniquiunt turbones vestri demagogi, sed maxime periculosus est. Verum enimvero quia nullum auribus vestris jucundum est acroama, nisi quod à Genevensibus magistris pronuntiatur. Hic nonnulli supra modum paratragediant lymphatico terrore omnia complentes, ac reviviscentis in Scotia Papatus hæc quasi signa attolli, brevique omnia in antiquum chaos reditura μάλα παρθενικῶς vociferantes: quorum intemperies si nulla sanabilis est Paræuesi. vereor ne tandem excitata illa quæ καυτερίζων & Poeta dicitur Eryunis, opstipas cervices rigidisque poplites non amplius flectere studeat, sed frangere incipiat.* Cap. 15. *Prima mali labes ac πρώτον εἶδος Catbarorum, est Episcoporum κατὰίερος.* Cap. 16. *Ac ferendum non est, quod quæ Eusebius habet de Polycarpi super hac re Epistolis infruitti zelotæ mendacii insimulant. Vel ad Genevensis disciplinæ libellam appendantur, nulla nostrorum antistitum idololatRIA, sed magna quorundam Demagogorum vestrorum sycophantia deprehendetur. Non dissimulandus est hic desultorius zelotarum Andabatismus.* Cap. 17. *Habetis fratres Scoti mutata à me sententiæ rationes, violatque à turbulentis ingeniis Ecclesiastici regiminis vindicias. In Episcoporum comitatam, & (quas piorum Principum munificentia contulit) opes ac dignitates, popularibus & tribunitiis concionibus invaduntur, &c. Verum atra quæ vos agitat bilis quietem poscit, quæ si vehementiore motu ac discursatione incurset exitium adferet. Excutite tandem insanum hunc zelum quo fiderata peccata divina humaneque monita respuunt. Nolite tumultuum, adversus Regem impuberem & adhuc in cunis vagientem olim à patribus vestris excitatum.*

torum, memoriam renovare. Hi sunt & his similes flosculi, vel hæc potius excrementa Paræneseos, quæ inverecundæ frontis nebulonem olent. Hæc acrimonia & mordacitas Collyrii illius, quo Scotorum scotomata perfanare vult novus & rudis Empiricus. *Sicubi id oculos pupugit,* inquit, *cogitate Tobiam non nisi illitis felis acrimonia & mordacitate visum recipisse.* Sic solent Collyriorum virtutes prædicare impostores & circumforanei. Melle prius quàm felle secundum regulam Evangelicam tentanda fuit curatio: nec nisi post unam aut duas paræneses, in fratres, in ignotos, in viros pios & doctos, in eos qui nec te nec ullum Silesium ulla unquam ante editam tuam petulantem Parænesim vel specie injuriæ affecerunt, debaccharus fuisses. Sed intellexisti Iacobum Regem Britannia esse hostem infestissimum omnibus purioris disciplinæ & religionis assertoribus; nihilque illi magis gratum fore, quàm de plurimum adamatis illi Papatus reliquiis, quas in Scotia restituendas curat, aliquid blaterare, & viros bonos allatrare: atque hoc pacto nidum pullis Pelagii discipulis Arminii in Britannia comparare. Nec ignorare debebas Scotos, quorum cæcitatibus sanandæ te medicum offers, nec amicum Sæstarii, nec satis tutam Theologastri manum medicam agnituros fuisse. Recens adhuc memoria turbarum, quas excitarunt turbones vestri in Hollandia, qui innovare studebant omnia: & tu nostros vocas demagogos, qui populum hortantur, ne facile circumferantur quovis vento, ne reliquias Papatus, è Scotia penitus profligatas, rursus amplectantur? Imo habetis inter vestros demagogos, ministros sicarios. Cum Catharis nihil habemus commune. Illi Episcopos suos habuerunt, nos non probamus. Illi secundas nuptias damnabant, & lapsis denegarunt poenitentiam. Nos neutrum. Illi vita puriores aliis sese profitebantur. Nos puritatem cultus divini & religionis retinere cupimus, cum Paulo tamen peccatorum primos nosmetipsos agnoscimus. Genevenses magistros Calvinum & Bezam (hos nominas & iugillas sæpius) viros incomparabiles æternaque memoria dignos æstimamus. Nec nova esse, quæ tu nupera vel mustea vocas, sed vetustissima probavimus, quæ illi non ut primi auctores excogitarunt, sed ut veritatis indices errantibus monstrarunt. Ede, si potes, opus aliquod vel cum Calvinii Institutionibus vel Bezæ Annotationibus majoribus comparandum. Extra semitam tritam nihil laude dignum efficere potes. Qui Clarissimi viri Francisci Junii opera diligenter perlegerit, perspiciet Syntagma tuum, etsi trita materia, ex ejus operibus confarcinatum, & desumpta sæpissime ipsa verba & phrasæ (hæc mea censura cum primum in lucem prodit,) & Annotationes tuas in Bellarminum ex ejus animadversionibus. Nec audes nec potes progredi, quia prævides Junium & Whitakerum vel alios primæ classis Theologos ad finem usque operis te manum non perducturos. In Annotationibus tuis in Canones Synodi Dordracenæ nihil dictum, quod non dictum centies, dicunt ipsi Arminiani. In ista controversia nihil dicis, quod non dictum prius &c. vel à tuo Saravia, vel ab Anglis quorum scripta tu te consuluisse fateris; quæ nostris attingere religio non est, ut tu dicis. Attingunt, & legunt diligentius, confutarunt etiam quidam melius, quàm unquam potuit Tilenus. Et si libertas permitteretur typographis excudendi, bibliopolis vendendi, plura prosterent venalia nostrorum scripta. Uno verbo dicam, Tilene, nihil es, nisi Logothædalus, seu cymbalum tinniens. Annos infumis & desudas exornando, quæ ab aliis tractata sunt accuratius, verbis ampullosis, & emittis in lucem paucas pagellas verborum sonitu tinnientes, nihil ponderis à te habentes, quæ si reddantur lingua vulgari, nec pondus, quantum est a Tileno, nec tinnitum haberent. Has ingentes virtutes hæc quoque vitia comitantur. Mira est Thrafonis jactabundi ostentatio. *Nebula,* inquit *Cap. II. in quibus picta vestrorum argumentorum phenomena, vel*

potius idola, quæ falsis vos ludunt imaginibus, nobis sunt difflandæ, ne liquidi Solis adspectum vobis porro intercipient. Atque ut inveteratam de pulmone vobis revellam opinionem &c. Magis mira Gnathonis adulatio. At quæ, inquit in peroratione, beata pace fruente, omnibusque copiis circumfluentes sub religiosi & munifici Principis umbra suaviter quiescunt, qualis universæ jam Britannia eximio Dei munere concessus Rex Jacobus, omnium quos Sol adspicit, atque à multis retri sæculis adspexit, Regum religiosissimus, sapientissimus; omnibus denique tum naturæ tum gratiæ confertis inter se atque exaggeratis dotibus ornatus. Accepisti, puto, mercenarium istud præconium ab Episcopo, aut Decano aliquo, aliave creatura Regia. Non ex animo sed spe commodi has laudes tribuis. In Epistola Dedicatoria præfixa notis & animadversionibus in Canones Synodi Nordracenæ habes hæc verba. *Molestias terra marique in aditu Majestatis tuæ exhaustas; injuriam in reditu à littoralibus harpyis publicanorum titulo vectorum sarcinas non tam explorantibus, quam expilantibus mihi factam; Catharorum post reditum sannas ac scommata ob profusos minimeque refusus itineris tuo jussu suscepti sumptus, non minore Majestatis tuæ dedecore, quam nominis mei ludibrio in me jacta &c. totum denique hoc commodorum & incommodorum quibus generosa veritatis professio mihi redimenda fuit, syrma in lucro deputabitur, si &c.* Videmus, quid cauda blandiente prius captabas. Foris & publicè avidus Gnatho, domi tamen miserum in modum parcus audis. Domi prophanus conjicis in servos & ancillas maledicta, & impias execrationes: non mirum si conviciator bonos probis publicè proscindas. Ais patres nostros excitasse tumultum contra Regem in cunis vagientem; calumniator impudens. Patres nostri diademate coronarunt vagientem in cunis & tutati sunt, cum inter dextram & sinistram discernere nesciverat, contra adversam factionem quæ à matre stabat; & videt orbis, quid rependit filius.

F I N I S.

Pro supplici Euangelicorum Ministrorum in Anglia

Ad Serenissimum Regem

Contra Larvatam geminæ Academix Gorgonem

Apologia, sive

ANTI-TAMI-CAMI-CATEGORIA.

Authore A. Melvino.

1604.

Insolens, audax, facinus nefandum,
Scilicet, poscit ratio ut decori,
Poscit ex omni officio ut sibi mens
Conscia recti,

De sacri casta ratione cultus;
De sacrosancti officii decore,
Supplicem ritu vereri libellum

Porgere Regi,
Simplici mente atque animo integello;
Spiritu recto, & studiis modestis,
Numinis sancti veniam, & benigni
Regis honorem

Rite præsantem: Scelus expiandum
Scilicet tauro, & ovium suumque
Millibus centum, voluisse nudo
Tangere verbo

Præsulum fastus, monuisse ritus
Impios, deridiculos, ineptos,
Lege, ceu labes maculasque, lecta ex
Gente fugandos;

Fusque jurandum ingemuisse iura
Exigi contra omnia, tum misellis
Mentibus tristem laqueum inspicere
Fasque nefasque.

Turbida illi crucis in lavacro
Signa consignem? Magico rotatu
Verba devolvam? sacra vox sacratâ im-
Murmureti unda

Strigis in morem? Rationis usu ad-
Favor infantem vacuum? canoras
Ingeram nugas minus audienti
Dicta puello?

Parvulo impostis manibus sacrabo
Gratia fœdus? Digitone sponsa
Annulus sponsi impositus sacrabis
Connubiale

Fœdus aterna bonitatis? Unda
Num saluari mulier sacerdos
Tinget in vitam, Sephoramque reddet
Lustrica mater?

Pilei quadrum capiti rotundo
Rite quadrabit? pharium Camillo
Supparum Christi, & decus Antichristi
Pontificale?

Pastor examen gregis exigendum
Curet invitus celebrare Cœnam
Promptus arcanam, memorando Jესu
Vulnera dira?

Cantibus certent Berecynthia æra
Musicum fractis, roboentve rauco
Templa mugitu? Illecebris supremi ab
Rector Olympi

Captus humanis; libitumque nobis
Scilicet, Regi id Superum adlubescet:
Somniumque agri cerebri profanum est
Dictio sacra?

Hand

Haud secus lustris lupa Vaticani
Romuli facem bibit & bibendum
Porrigit poclo populisque & ipsis
Regibus aureo.

Non ita aeterni Wittakerus acer
Luminis vindex, patriaque lumen
Dixit aut sensit: neque celsa summi
Penna Renoldi,

Certa sublimes aperire calles,
Sueta caelestes iterare cursus,
Lata misceri niveis beata
Civibus aula.

Nec Tami aut Cami accola saniore
Mente, qui coelum sapit infrequenti
Hermathenao, & celebri Lycæo
Culta juvenus;

Cujus affulget genio Jovæ lux:
Cui nitens Sol justitia renidet:
Quem jubar Christi radiantis alto
Spectat Olympo.

Bucerum laudem? an memorabo magnum
Martyrem? gemmas geminas renati
Aurei sæcli, duo dira sacri
Fulgmina belli:

Alterum Camus liquido recurso,
Alterum Tamus trepidante lymphe
Audiit, multum stupuitque magno
Ore sonantem.

Anne mulcentem Rhodanum & Lemannum
Prædicem Bezae, viridi in senectæ?
Oclies cujus trepidavit atas
Claudere denos

Solis anfractus, reditusque, & ultra
Quinque procurrens spatiosa in annos
Longius florem viridantis avi
Prorogat & ver.

Oris erumpit scatebra perenni
Annis exundans, gravidique rores,
Gratia secunda animos apertis
Auribus implent.

Major hic omni invidia, & superstes
Millibus mille & Sadeele & omnium

Maximo Calvino, aliisque veri
Testibus æquis;

Voce olorina liquidas ad undas
Nunc canit laudes Genitoris almi
Carmen & nato canit eliquante
Numinis aurâ,

Sensa de castu sacra puriore,
Dicta de cultu potiore sancta,
Arma quæ in castris jugulent severi
Tramitis hostes.

Cana cantanti juga ninguidarum
Alpium applaudunt, resonantque valles:
JURA concentu nemorum sonoro,
Et pater Ister

Consonant longè: pater & bicornis
Rhenus assensum ingeminat: Garumna,
Sequana, atque Arar, Liger, Insularum &
Undipotentium

Magna pars intenta Britannicarum
Voce conspirat liquidâ: solumque
Et salum cœli amuli pracinentis
More modoque,

Concinunt Bezae numeris modisque
Et polo plaudunt: referuntque leges
Lege quas sanxit pius ardor & Rex
Scotobritannus.

Sicut edictum in tabulis abenis
Servat aeternum pia cura Regis
Qui mare & terras variisque mundum
Temperat horis;

Cujus aequalis soboles parenti
Gentis electa pater atque custos:
Par & ambobus veniens utrinque
Spiritus almus:

Quippe tres unus Deus, unus Actus,
Una natura, est tribus una virtus,
Una majestas, Deitas & una,
Gloria & una,

Una vis immensa, perennis una
Vita, lux una & sapientia una,
Una mens, una & ratio, una vox &
Una voluntas

*Lenis, indulgens, facilis, benigna
Dura & inclemens rigida & severa,
Semper aeterna, omnipotens & aqua
Semper & alma.*

*Lucidum cuius speculum est reflectens,
Aureum vultus jubar & verendum,
Virginis proles sata cælo, & alti in-
Terpres Olympi.*

*Qui Patris mentemque animumque sancti
Filius pandit face noctilucâ
Sive doctrina documenta, seu com-
pendia vitæ,*

*Publica, priva, sacra secreta Regni
Regis ad nutum referens; domusque
Ad voluntatem Domini instituta
Singula librans,*

*„ Luce quam Phœbus melior refundit,
„ Lege quam legum tulit ipse lator,
„ Cujus exacti officii suprema est
Norma voluntas.*

*„ Caca mens humana, hominum voluntas
Prava, & affectus rabidi: indigetque
Luce mens, normâ officii voluntas,
Lege libido.*

*Quisquis hanc surda negat aure, & orba
Mente dat ferri rapidis procellis,
Ter quater caudex, stolidusque & omni ex
Parte misellus.*

*Quisquis hanc prona bibit aure, quâ se
Fundit ubertim liquidas sub auras*

*Ille ter prudens, sapiensque & omni ex
Parte beatus.*

*Ergo vos Camiproceres, Tamique,
Quos viâ flexit male suadus error
Denuo rectum duce Rege Regum in-
Sistite callem.*

*Vos metus tangit si hominum nec ullus,
At Deum sancti memorem & nefandi
Vindicem sperate, & amana solis
Tartara Diris,*

*Quæ manent fontes animas, trucesque
Prasulum fastus; malè quos perurit
Pervigil zelus vigilam, & gregis cus-
Todia pernox,*

*Veste bis tincta Tyrio superbos
Murice, & pastos dape pinguiore
Regiâ quondam, aut Saliari inunctâ ab-
Domine Cæna.*

*Qualis Ursini Damasique fastus
Turgidus, luxuque ferox, feroque
Ambitu pugnax sacram & adem & urbem
Cade nefanda*

*Civium incestavit; & ominosum
Traxit exemplum veniens in ævum
Prasulum quod nobilium indecorus
Provocat ordo.*

*Quid fames auri sacra? quid Cupido
Ambitus diri fera non propagat
Posteris culpa? malâ damna quantâ
Plurima fundit?*

HIERONYMI PHILADELPHI

D E

REGIMINE SCOTICANÆ ECCLESIAE

EPISTOLA.

Cum Ejusdem

VINDICIIS

Contra Calumnias Joh. Spotswodi Fani Andreae
Pseudo-Archi-Episcopi.

Autore Anonymo.

1295 / 2006 787 / 2001

61125 / 2006 787 / 2001

A J O T 2 1 9 7

2 1 1 0 1 4 1 7

2006 787 / 2001

2006 787 / 2001

D E

REGIMINE SCOTICANÆ ECCLESIAE
EPISTOLA.

Fratribus charissimis, Ecclesiarum Reformatarum Pastoribus fidis,

Hieronymus Philadelphus Salutem in Domino.

HONORATISSIMI ET CHARISSIMI,



uando nobis persuasum est, de vestro sincero in nos amore, & res nostras cognoscendi studio, quæ fuerit, quæ sit nostra de Episcopatu sententia: quamvis multi sunt, qui melius possent, tamen mihi visum est breviter exponere, quàm maligni & insidiosi de nobis rumores spargantur; quasi sponte cesserimus Disciplinâ benè apud nos constitutâ.

Quamvis Ecclesia nostra post primam Reformationem quatuor agnoscat Ministrorum genera, Pastorum, Doctorum, Presbyterorum, & Diaconorum: tamen Doctores alios nondum habuit; quàm qui in Scholis. Per reliquos tres ordines, juvantibus ex Nobilitate & Plebe quos Deus ad causam suam addebat, Prælati aliis repugnantibus aliis non juvantibus, Reformatio religionis hæcenus processit.

Ecclesiæ nostræ semper fuit sententia, omnem rem Ecclesiasticam ab his Ministris solis pro suo cuiusque munere gerendam esse, ut quibus solis Deus rem hanc demandet; quod patet ex Libello de Disciplina nostra Magni in Scotia Senatus auctoritate edito anno 1560. & auctiore in Actis Publicis Nationalis Synodi inserto anno 1581.

Quod ad Ecclesiarum administrationem attinet, sive unius, sive plurium, sive omnium; semper visum nobis est Conventus Liberos esse necessarios, nullius unius arbitrio, sive auctoritatem sibi arrogantis, sive supra socios sapientis, rem tantam committendam esse.

Unde Ecclesia nostra Quatuor genera Conventuum probavit. Unum Totius de rebus totius: alterum Provinciale de rebus provincialibus: tertium Presbyteriale vicinarum Ecclesiarum rem suam per suos Ministros singulis Hebdomadis curantium, in quo bini per vices Divinum Verbum interpretabantur: quartum Singularum Parochiarum, per Pastorem & suos Presbyteros inter suos subnascentia mala castigantium, Ut ab inferioribus tamen ad superiores libera semper esset provocatio.

Generalis Conventus consistebat ex Commissionariis, (quos vocabant) à Rege, à Presbyteriis, à Civitatibus, à Provinciis, & Academiis, prout res profcebat, missis. Provincialis ex Pastoribus, & Commissionariis Provinciarum. Presbyterialis ex Pastoribus & Commissionariis suæ ditionis. Parochialis ex suo Pastore, & Presbyteris. Ut patet ex secundo de disciplina libello.

V v v v 3

Horum

Horum Conventuum anima fuit concordia, & sententiarum fraterna conspiratio ab omni dominatione & divisione abhorrens. Unde Prælatorum usurpatio, ut ordini & unitati contraria semper damnata est.

Nihilominus à tribus generibus Episcoporum Ecclesia nostra tentata est, quorum tamen nullum unquam probavit ulla Synodus Nationalis, nec ut à Deo constitutum agnoscebat.

Primum genus paucorum fuit Episcoporum, qui ejerato Papismo se ad causam reformationis adjugebant. His concessum ut fruerentur redditibus, ea lege, ut Pastores in suis Dioccesibus alerent.

Secundum fuit eorum, qui aulicâ gratiâ in Episcopi nomen, & titulum, & partem fructuum surrogabantur; reliquum tenerent Aulicî, quorum gratiâ nitebantur.

Tertium fuit quorundam Pastorum, quibus datum fuit in publicis regni comitiis Ecclesiæ nomine suffragium, qui nunc desertis gregibus & Civilem & Ecclesiasticam potestatem usurpant.

Primum genus, initio Reformationis, hac occasione toleratum fuit. Idoneorum Pastorum inopiâ & com meatuum unde viverent, atque aliis impedimentis quæ obstabant, factum, ne singulis Ecclesiis singuli darentur Pastores. Tam periculosis temporibus, & in tanta literatorum penuria, multæ Ecclesiæ vacabant, multæ à disciplina infirmiores erant. Unde Ecclesia, ut his malis succurreret, statuit ex selectissimis Pastoribus duodecim eligi, quibus daretur in designatis sibi provinciis ad tempus potestas, sacrâ administrandi, auctorandi & exauctorandi Pastores. Hos Superintendentes appellabant, & in sumptum majori stipendio instruebant.

Superintendentes isti non exercebant singularem potestatem, quamvis magna fuit Pastorum penuria: sed ordinarios conventus adhibebant, aut extra ordinem socios aliquot à conventibus designatos, quò res esset sanctior; ut in primo de Disciplina Libello, & Actis Synodorum cautum. Ubi Ecclesiæ erant rectè constitutæ, rem suam ipsæ curabant. Superintendentes isti generali Concilio factorum & decretorum rationem quotannis semel, aut sæpius, reddebant.

Quamvis res Ecclesiæ, ut illa ferebant tempora; duodecim istos poscebat Superintendentes: tamen adveniente etiam Ecclesia, nunquam potuit sumptus nisi in quinque suppeditari.

Ergo ut negotium, quod ad tempus Superintendentibus dabatur, tamen procederet; post in Generali Concilio decretum, ut Commissionarii quos vocant, seu Visitatores Provinciarum emitterentur pari cum Superintendentibus potestate.

Idoneorum Pastorum, & com meatuum inopiâ item factum, ut paucos, quos dixi, Episcopos in Commissionariorum numerum adscribere non renueret Ecclesia. Unde patet non Episcopalem, sed temporariam, & à Synodo delegatam potestatem primi generis Episcopos exercuisse.

Horum quidam in Collegium Civilium Judicum adscribebantur: quidam læsæ majestatis insinulabantur. Omnes datum sibi officium negligebant, ut illorum opera plus detrimenti, quam emolumenti, attulerit.

Secundum genus Episcoporum Nobilibus, qui redditus Ecclesiasticos captabant, submittebatur. Hi duabus artibus in bona Ecclesiæ invadebant. Prima, ut quatuor parocciis unus sufficeret paucis nummis conductus missellus Pastorculus: secunda, ut ex Ministris quidam Episcopi nomen induerent; redditus particulam perciperent; reliquum Aulicis, quorum gratia nitebantur, cederet.

Hæc Lethæ Anno 1571. Januarii Duodecimo in conventu quorundam Ecclesiasticorum,

ſtaſticorum, & Politicorum ſerebantur: ſed in Generali Synodo Anno ſequenti Perthæ contra, communi omnium ſuffragio, Poſteſtatio facta eſt. Deinde decretum Anno 1573. in Generali Concilio, ne Epiſcopi iſti ab aula ſubornati alio jure, quàm Superintendentes, uterentur. Neque diuturnum fuit; nam in Conventu Generali Edinburgi Anno 1575. diſputatum, an Superintendentes, & novum iſtud genus Epiſcoporum, onerian honori eſſent. Multæ enim erant de licentia, de negligentia, & ignorantia Epiſcoporum querelæ.

Tandem in Conventu ibidem Anno 1576. 24. Aprilis, decretum eſt, nomen Epiſcopi nihil aliud eſſe quam Paſtoris, eius miniſterium unius gregis quem docere & regere debeat: itaque Epiſcopi Titulares ſeriam gregis ſui curam ſuſciperent, vanos ſaſtus deponerent.

Quia adhuc infirma fuit Eccleſiæ conditio, multis adhuc parœciis vacuis, aliis nondum adverſus omnia mala ſatis munitis; Concilium Generale cogeſatur Legaſtorum, quos Commiſſionarios vocant, poteſtatem retinere. Ideoque quorſdam, quos prius Superintendentes & Epiſcopos vocabant, adſcripſit. Unde apparet, iſtos Epiſcopos Eccleſiarum Paſtoribus æquatos eſſe; tum eadem utriſque demandata eſſet auctoritas, utriſque anguſtiores regiones darentur.

Non licuit iſtis, jam Delegatis, ſolis ſuam poteſtatem exercere, niſi cum Provincialibus Conventibus, aut ſociis à conventu datis, aut fratribus ad prophetandum, aggregatis. Iique Synodis Provincialibus obnoxii, eratque eorum poteſtas in diem, & in arbitrio Generalis Synodi.

Secundus de diſciplina Libellus, poſt multos doctiſſimorum virorum privatos & publicos congreſſus, poſt varia & noſtrorum & exterorum Theologorum conſilia, & diſputationes publicas ſæpius in Comitiiis Eccleſiæ repetitas, tandem Anno 1587. unanimi omnium conſenſu comprobatus eſt. In eo tota Regiminis Eccleſiaſtici ratio, & Eccleſiaſticorum Conventuum jura deſcribuntur, Hierarchia Epiſcoporum & Archiepiſcoporum dampnatur. In Nationali Concilio ad Taodunum anno 1580. 13. Julii decretum eſt, Epiſcoporum poteſtatem in Presbyteros ex Scripturis nullam eſſe; commentum eſſe humanum, magno Eccleſiæ malo receptum, ex Eccleſia eliminandum; & mandatum, ut huic decreto ſe ſubſciant Epiſcopi Titulares dicti, ſub poena Excommunicationis.

Iterum Glaſguæ Anno 1581. 24. April. idem Libellus Actis Publicis inferſus eſt; ibidemque decreto prioris Synodi, Epiſcoporum uſurpationem tam in ſecularibus quàm in ſpiritualibus damnatam fuiſſe, declaratur.

Ad hanc Synodum Rex exemplar miſit, quo Presbyteria Parœciatum adunatarum per totum regnum, locis quàm maxime oportunis, conſtituantur; quod quidem brevi uſurpatum fuit. Addita fuit à Rege Formula ſeu Confefſio Fidei, quam Rex & ſubditi omnium ordinum Regis juffu, chirographo conſignarunt, ſanctè jurantes, ſe doctrinam, & diſciplinam in Eccleſia Scoticana tunc temporis receptam, omni ope ſua ad extremum halitum propugnaturus. Hanc Fidei Formulam, & Mandatum Regium probavit Synodus. Subſcriptionem iterum imperavit Sanctior Senatus Anno 1589.

Anno 1587. 20. Junii, ad Edinburgum decreto Synodi Nationalis, prohibiti Rectores Academiæ, vel diſcipulos admittere ætatis maturioris, vel ad gradus promovere, niſi prius Formulæ Fidei, toties quoties promoventur, ſubſcripſerint.

Anno 1590. 4. Auguſti; Commiſſionariorum, quos dixi diſignatarum quarundam regionum Viſitatores ſeu Inſpectores, poteſtas abrogata eſt; eorumque munus Presbyteriis tanquam jus ſuum conſeſſum eſt.

Anno

Anno 1592. publica auctoritate Parliamenti jus Ecclesiæ ratum est: Conventibus Nationalibus, Provincialibus, Presbyteriis Classicis, & Parochialibus confirmata auctoritas: & Presbyteriis Classicis jus conferendi Beneficia permissum est. Statutum istud, ut donum verè Regium, à Rege ad Synodum Generalem anno sequenti missum, & inter Archiva Ecclesiæ relatum.

Anno 1595. & 1596. renovatum est sanctum & solenne foedus, in quo pacti sunt omnium ordinum homines cum Domino, se à religione & disciplina staturos, & contraria omnia pro viribus propulsaturos, ut patet ex Actis Synodorum, & Presbyteriorum. Tum quidem bene currebamus.

Tertium genus Episcoporum Diabolus hanc felicitatem nobis invidens, nova arte, & hac quam dicam occasione, supposuit.

Cum Ecclesia jam diu gravi & iniquo animo injurias hominum secularium tulisset, qui usurpatis Prælatorum titulis, in publicis regni Comitibus pro Ecclesia, contra Ecclesiam suffragii jure utebantur; sæpius petivit, ut illa potestate privarentur, sæpiusque in aliud tempus remedium rejectum est.

Consilio Regis delecti sunt in Synodo ad Taodunum Anno 1597. 16. Maji, quidam Ministri, quibus commissa potestas Pastores quibusdam civitatibus præficiendi, & cura excogitandi certam & innotam Stipendiorum rationem. Hi vulgo Commissionarii vel Legati Synodi Generalis dicti sunt.

In Parlamento Edinburgi habito Anno 1597, hi Commissionarii petiverunt, sine speciali tamen à Synodo data potestate, ut Ecclesiæ, tanquam Tertio Ordini, in Comitibus jus suum redderetur.

Id concessum hac lege est, ut quibus Ministris veterum Prælatorum beneficia conferrentur, suffragii jure uterentur. Datum Regi, ut de illorum potestate in spiritualibus cum generali Ecclesiæ conventu ageret, salva tamen recepta Ecclesiæ Disciplinâ, Actis Comitiorum regni, Conventibus Ecclesiasticis concessa.

Ad hoc ergo negotium dictus Dies Nationalis Synodi anticipatus est, conventumque Taoduni 13. Martii Anno 1597. In hæc capita, per contentionem potius, quam concors & unanime suffragium, plurimi convenerunt. Primo, ut Ministri jure suffragii Tertii Ordinis in Comitibus regni fungerentur. Secundo, ut tot eorum, quot in Ecclesia Papistica Episcoporum, Abbatum, & Priorum erant tituli, ad id munus designarentur. Tertio ut horum delectus à Rege & Ecclesia fieret.

Hinc anno 1600. ad Montem Rosarum à Generali Concilio in reliquo conventum. Quarto, ut Ecclesia sex in unumquemque locum nominaret; Rex ex his unum, si nihil offenderet, deligeret; sin offenderet, novus delectus fieret, ex quibus Rex unum sine exceptione adsumeret. Quinto, jus nominandi fore penes Nationale Concilium, sed adhibito Provincialis Synodi aut Presbyterii consilio. Sexto, ut, salvo Scholarum & Ecclesiarum jure, reliquum cujusque beneficii ei Rex impertaret.

Additæ sunt cautiones, ne quid in hoc munere peccaretur. 1. Ne quid in Comitibus regni, Ecclesiæ nomine sine ejus auctoritate ageret, sub poena depositionis. 2. Factorum & dictorum Synodo Generali rationem redderet, judicio obtemperaret, censuram æquo animo ferret, sub poena perfidiæ & excommunicationis. 3. Acquisceret ea parte beneficii, quam Rex assignaret, sine damno Ecclesiarum jam constitutarum, aut vacuarum, idque in ejus donatione expresse caveatur. 4. Ne quid dilapidaret, aut sine conscientia & consensu Regis & Ecclesiæ elocaret, aut in eum finem aliis assensum præberet; in quod interdicto cavebit. 5. Ecclesiam suam, cujus Pastor erit; sedulo curaret, Presbyterio suo, & Conventibus

Præ-

Provincialibus, quod ad Pastoris munus attinet, non minùs quàm reliqui socii & fratres obnoxius esset. 6. In Beneficiorum collatione, visitatione, & omni jure Ecclesiastico, ne quidquam supra Collegas usurparet, nisi à Collegis ad id munus deputaretur, idque sub poena depositionis. Si quid fecerit repugnantibus Synodis, aut Presbyterio, ipso facto irritum erit. 7. In Conventibus Generalibus, Provincialibus, & Presbyterialibus, se ut collegam gereret, & censuram æquo animo ferret. 8. Ut in hæc omnia capita priùs juraret quàm admittatur, suoque chirographo rata haberet. 9. Ut depositus à Pastoris officio auctoritate Synodi Generalis, Provincialis, aut Presbyterii, simul suffragii jure depriveretur. 10. Liceret Ecclesiæ ex re nata alias, quas liberet, cautiones addere.

De nomine consensus; ut Commissionarius vel Legatus cum jure suffragii in Comitibus vocaretur, si Comitibus regni Regis auctoritate adduci, ut admittant, possint: sin minus, Generalis Ecclesiæ Conventus de alio Nomine deliberaret.

Hic Commissionarius annuatim legatione hac coram conventu Ecclesiæ se exueret, & eorum arbitrio continuaretur aut mutaretur, consentiente Rege, aut Regis Legato, modo interfit.

Istorum Legatorum nemo, nisi à Presbyterio suo deputetur, suffragii jus in Conventibus Provincialibus aut Nationalibus usurparet.

Ambitus crimen satis causæ sit, ut deponatur. De jure suffragii inter Regem & Ecclesiam conventum esse, Ministri suis gregibus promulgent; nemo prorsus quidquam obloquatur.

Hoc ideo decretum, quòd sincerior pars Ecclesiæ ab hoc suffragii jure dissentiret: vel quod alienum à Pastoris officio judicaret, vel quod viderent ad jam damnatum Episcopatum reditum aperire. At contra, alii spe prædæ Collegas ad consentiendum hortabantur: se vindicatuos Ecclesiam ex inopia & contemptu, antiquam libertatem recuperatuos præ se ferebant: & eo perpulerunt, ut paucis tantum suffragiis, etiam Rege adnitente, vincerent.

Concesso hoc jure suffragii, quod omnino Civile est, nihilominus Ecclesia nostra plura Ministrorum genera, quàm quatuor, de quibus supra, non agnovit.

Qui prædam captabant, spreis conditionibus, quas modo dixi, se in jus suffragii ingesserunt, & simul in Episcoporum Veterum reditus irreperunt.

Non contenti hoc jure Civili, potestatem in reliquos symmystas coeperunt ambire, quod priùs profitebantur se non facturos.

In Conventu Limnuchi habito 12. Decemb. Anno 1606. specie extinguendi incendium quod exoriebatur, muniendi Presbyteria & Synodos Provinciales, occupandi istorum usurpationem, & constituendi Papistarum delatores ad Sanctiorem Senatum; commenti sunt, ut in singulis Presbyteriis præsideret quisque rerum peritissimus & ad moderandum aptissimus, quem ipsi ibi designarent: designaretur autem in suo Presbyterio, cui in Comitibus regni datum jus suffragii. Fuerat vero prius hic Præses semestris, & delectus ad arbitrium Presbyterii. Sed illorum commentum postea compertum est, aditum potius ad id quod volebant aperuisse, quàm usurpationem occupasse.

Ut adducerent fratres ibi convocatos ut hanc speciem probarent, professi sunt non fuisse consilium suum in fratres ullam potestatem aut usurpare aut exercere; neque sese in ullam auctoritatem ingerere, nisi quam à Presbyteriis, & Conciliis Provincialibus & Nationalibus, acciperent. Quod si quis eorum aliud facere deprehenderetur, se submitteret Censuræ Ecclesiæ, non secus ac quivis alius Symmysta.

His artibus & aliis insidiis adductus Conventus, ut fidem haberent, & tamen

X x x

valdè

valdè metuens malum aliquod subesse; his legibus admiserunt, quos dicimus, Præsides. 1. Nihil facturos, nisi de Consilio & consensu Collegarum. 2. Servaturos Acta Generalis Synodi, & cautiones Commissionarii præscriptas. 3. Non aliam auctoritatem usurpaturos, quam qui prius hoc munere fungebantur. 4. Illis absentibus, licere Presbyteriis & Synodis eligere, quos velint, Præsides. 5. Sede vacante, eligendum Præsidem Presbyterii à Synodo Provinciali & Commissionariis Regis, si forte aderint. 6. Si forte quis istorum inter Conventus Provinciales moriatur, licere Presbyterio in demortui locum, usque ad sequentem Synodum aliquem substituere. 7. Præsidem Presbyterii obnoxium fore Provincialis Synodi censuræ; ut si negligentior deprehendatur, aut in Collegas usurpare, officio suo deprivetur. 8. Synodi Provincialis Præsidem in potestate fore Generalis Synodi, ut si quid remittat, aut usurpet, eodem modo deprivetur. 9. Omnes Presbyteriorum & Provincialium Synodorum præsides, ut membra Generalibus Conciliis adfuturos, & rationem administrationis reddituros. 10. Præter Præsidem; & Scribam, licere Presbyterio duos aut tres Legatos ad Concilium mittere, secundum acta & consuetudinem Ecclesiæ. 11. Presbyteriales, Parochiales, Provinciales, & Nationales Conventus, quod ad cætera, antiquum jus retenturos. 12. Præsidem Generalis Synodi more solito communi suffragio eligendum. 13. Si qua in provincia nullus sit cum jure suffragii Commissionarius, aut ibidem Præsides Presbyterii, ex Præsilibus Presbyteriorum Præsidem Synodi Provincialis electum iri, consentiente Regis Commissionario, si forte adsit.

Hæ cautiones factæ sunt in fraudem antiquæ libertatis; Non licere jam amplius Presbyteris aut Synodis Provincialibus castigare suos Præsides; Electionem, prius liberam; jam obnoxiam esse quorundam Commissionariorum consensui; Præsidem & Scribam necessario ut Legatos suos ad Nacionale Concilium à Presbyterio agnoscendos. Atque hæc omnia contrà quàm cautum est in Parlamento Edinburgi habito Anno 1597.

Hos Præsides tamen Presbyteria non admiserunt, nisi coacti libellis proscriptionem minantibus. Neque enim agnoverunt Conventum illum pro legitimo: quia contra Ecclesiæ ordinem, & receptam consuetudinem, convenerunt. Synodi autem Provinciales nulla vi cogi potuerunt, ut impositos sibi Præsides agnoscerent. Non solum, quòd conventum illum pro illegitimo haberent; sed etiam quòd decreti partem illam supposititiam esse arguerent. Idque testati sunt coram Synodis, qui ibi convenerant. Fuerunt & alia ficta; Præsides Provincialium Synodorum & Presbyteriorum interesse debere Conciliis Generalibus, ut membra constituenta; Commissionarium, qui cum jure suffragii, Præsidem designandum Presbyterio; & quæ ubique miscentur de Præside Synodi Provincialis: nam de his altum silentium erat. Ego tamen omnia prius retuli, sicut ipsi exhibuerunt, ut etiam ficta in eos retorqueantur, secundum illud, *ex ore tuo te judico*.

Hac, quantum volebant, non successit; alià igitur aggressi sunt viâ. Armati potestate Celsioris, quam vocant, Commissionis, ut Ministros officio exuant, excommunicationem decernant, multas imponant, pro arbitrio incarcerationent, id est, ut facilius omnes opprimant.

Curarunt quosdam Ministros à Conventibus Ecclesiæ arcendos: & acquisita sibi potestate, reliquis terrorem injecerunt. Atque ita in Conventu Glasgæ habito Anno 1610. terrore, insidiis, aliisque artibus nimis notis, potestatem infirmandi & destituendi Pastores, excommunicandi, visitandi, præsidentendi in Synodis suis Diocesanis, similibusque, sibi solis reddiderunt obnoxiam, tamen protinus violarunt. Hic etiam Conventus contra ordinem & receptam consuetudinem convocatus est & nullus habetur.

Pauld

Paulò post quidam eorum, in Angliam profecti, in novam potestatem consecrati sunt, nescio, nedum consentiente aut mandante, illo ipso Conventu: rever- si alios consecrarunt: consecrati vero omnes, desertis gregibus, novo modo coeperunt imperare: quod promiserunt Presbyteriis & Synodis obsequium, in tetram Dominationem commutarunt: Presbyteria & Synodos potestate exuerunt: sese ab Ecclesiastica censura exemerunt: percutiunt Pastores, & dissipant greges. Atque hæc omnia contra Decreta Ecclesiæ, Acta Comitiorum regni, Confessionem fidei, fidem datam cum admissi fuerunt ad Ministerium, sanctum & solenne fœdus, de quo supra, ipsorum protestationes cautiones & leges, quas ipsi ut justas agnoverunt, quas indies tanquam legibus soluti violent.

Ex his orta non tantum fraternæ unitatis divisio, regiminis Ecclesiastici confusio, sed etiam consilia & conatus in Sacramentorum ministracione multa mutandi, Festorum observationem & similia invehendi. Cum hætenus de rebus Ecclesiæ gravi in Synodis & maturo consilio deliberaretur; jam temerè sine consilio ad nutum paucorum nova invehuntur, & graviora prorsus negliguntur.

Ex his, quæ diximus, facile videre est, nullum istorum Episcoporum genus ab Ecclesia nostra laudatum; contrà à nobis non semel damnatum esse: tertium vero genus dolo magis quàm consilio surrepisse: auctoritatem, quam vi usurpant, viexercere: sinceriores partem, quæ minima non est, adhuc occlamare: reliquos inuitos, nec sine murmure, succumbere.

Date veniam brevitati: quod si forte brevitatem peperit, à vobis moniti, prout Deus dederit, obscura in apertam lucem proferemus, & dubia solvemus: si quid libet præterea scire, quærite, & intelligetis, non deerimus vobis. Cavete ab hominibus. Probate spiritus. Deum oramus Opt. Max. ut his temporibus vos; vos item orate ut nos, corroboret & contra hæc mala virtute sui spiritus muniat.

V. Observantiss.

HIERONYMUS PHILADELPHUS.

S P O T S V O D I

Episcopi Παγορμασία

A Spot, quod Scoticè est labes, & *Wood*, quod est sylva.

A Labe & sylva Spotsvodus Episcopus ortus,
Præfert ingenii trista fata sui.

Furtum sylva tegit, labes pulchra omnia sædat;

Nil furto & sædo nequius esse potest.

Ergo pedum fractum perjura fraude resarcis.

Et Christi Sponsam perfide labe notas?

Quosque bibis fumos, avida quod fauce Lyeum,

In sacros cætus impius ore vomis?

N. N.

X x x x 2

EPI-

EPISTOLÆ PHILADELPHI V I N D I C I Æ

Contra calumnias *Johannis Spotsvodi* Fani *Andræ*
Pseudo-archiepiscopi.

Authore Anonymo.

Candido Lectori Salutem in Christo.

Cum Legati undique accerferentur ad Synodum Dordrecht celebratam Anno 1618. & à nobis nulli mitterentur, incussit suspicio, id de consilio Episcoporum fieri; ut per absentiam nostram exemplo nostro ad suum ordinem alius Ecclesiis commendandum uterentur. Hunc malo ut occurreret Philadelphus, qua est pietate & prudentia, Epistolam scripsit, ut eos, qui illuc convenirent, doceret, qui fuisset status Ecclesiæ nostræ, & quibus artibus apud nos oppressa libertas Evangelica; ne videremur tanto flagitio teneri, & sponte Disciplina verè Christiana cessisse. Ad hæc Misadelphus, Johannes Spotsvodus Fani Andræ Pseudo-Archi-Episcopus, in Libello quem inscripsit Refutationem Libelli de Regimine Ecclesiæ Scoticanæ, ita respondet, ut quod narratur fugiat, & diversam instituat historiam neque ad rem neque veram. Philadelphus ex Libris de Disciplina & Actorum Synodaliū Tabulis authenticis sua fideliter depromit, & plurium annorum praxi confirmat. Misadelphus verò causam cum causa vel testimonia cum testimoniis nusquam componit, nec Philadelphus hypothesebus alias opponit; sed à statu controversiæ de Ministrorum & Conventuum generibus ut scopulo divertens, ad convitia & calumnias delabitur, & tumultuum aulicorum originem & culpam in Ecclesiam, Conventus Ecclesiasticos, aut viros pios de Ecclesiâ optime meritos transfert. Debacchatur in zelum populi; in fidem & constantiam servorum Dei; in optimè stabilitum & feliciter administratum Ecclesiæ ordinem; & Reformatæ religionis venustatem & dignitatem atro felle conspurcat. Nec patribus nostris, nec patriæ, nec vivis nec mortuis Reformatæ religionis assertoribus primis parcat. Quæ de Conjuratione Ruthuennana refert, de Andrea Melvino, Davide Blackio, Roberto Mongomerio, Ecclesiâ Lucherana, Tumultu Edinburgeno, Hispano quodam, & id genus aliis; quàm vera sunt, suis locis videbimus. Sed qualiacunque sunt, contra Philadelphus Epistolam nihil faciunt. Ecclesiam nostram probasse Episcoporum regimen, aut legitimo ordine fuisse restitutum, aut etiamnum probare, non probant. Qui calumniis nos incescit, is est qui etiam de gradu dejicit, victu exuit, exilio à gregibus & familiis mulctat: ad summam crudelitatem nihil reliqui facit, nisi quod miseram vitam, ut miseriam sentiamus, relinquit. Neque hanc patitur persecutionem dici, quod tamen genus persecutionis ut quavis morte miserius Julianus in Christianis exercuisse dicitur. Quin lenitatem vocat, minaturque ad severitatem descendere, ut malo docti discamus sapere. Si suæ scholæ fieret discipulus, sentiretque, quam laudat, lenitatem, aliud sentiret & diceret. Cum plebs indignitate rei talis exclamat, flagitium esse innoxios homines ob nullum facinus ab aqua &

igne;

igne, desertis liberis & uxoribus, excludi; excusant ille & alii Coëpiscopi se nolle factum, si auderent libenter velle parcere: sed eam Regis esse voluntatem, parendum illi esse necessariò. Nulla hic tamen esset necessitas, si tenui sorte contenti paritatem colere cum fratribus vellent. Nihil illis satis est, nisi opibus cum Principibus æquentur; honore, non tantum æqualibus, sed longè melioribus præluceant. Nam, si virtutem respicias, quis Johannem Spotwoodum cum non paucis, qui tenui sorte contenti nihil altius petunt, vel ingenio, vel doctrina, vel moribus comparet, quæ præcipua Ministrorum laus, quos ille, qua nunc est superbia, pro misellis Ministrellis præ se contemnit? Dedicavit Principi Carolo Libellum istum de rebus Ecclesiæ Scoticanæ Latinum, & Græcis quasi stellis distinctum, quem omnes scimus Græcè nescire, Latine vix scire, nedum posse tam Latine scribere. Sed non est mirum, mentitis (Medici cujusdam ut audio) pennis niti mendaciorum consarcinatum. Ad singula, quæ contra nos adfert, respondeo, id est, quod præter causam, pro causa, contra conscientiam dicitur, siue falsum siue alienum sit. Tu vale, lege sedulo, pende serio & judica sincere.

EPISTOLÆ PHILADELPHI

VINDICIÆ.

Phœladiar, inquit Misadelphus, ab insigni ejus mendacio. Ait enim, Quatuor Ecclesiam nostram post Primam Reformationem Quatuor solum Ministeriorum Ordines agnovisse, Pastorum videlicet, Doctorum, Presbyterorum, (Laicos intelligit,) Diaconorum. Quum in ipsa renascentis Ecclesiæ infantia creati fuerint Superintendentes, quos vocant, cum amplissima potestate Ministros ordinandi, castigandi, exauctorandi varie, pro delicti qualitate. Philadelphus refert, initio Reformationis selectos fuisse quosdam Ministros, quibus data in designatis sibi provinciis ad tempus potestas sacra administrandi; auctorandi & exauctorandi Pastores, & hos Superintendentes vocatos fuisse. Vides, non ignorasse Philadelphum in ipsa renascentis Ecclesiæ infantia creatos fuisse Superintendentes, cum potestate auctorandi exauctorandi; nec præteruisse, sed bona fide retulisse. Cum igitur asserit, Ecclesiam nostram post primam Reformationem quatuor Ministeriorum genera agnovisse, de perpetuis & ordinariis functionibus loquitur. Nam cum dicit, Superintendentibus ad tempus datam potestatem in designatis sibi provinciis auctorandi, &c. satis discretè distinguit inter temporariam Superintendentium & perpetuas functiones Pastorum, Doctorum, Seniorum, & Diaconorum; inter administrationem ab Ecclesia institutam, & functionem Divina autoritate ordinatam. Nam & Evangelistarum munus temporarium erat, autoritate tamen divina & vocatione extraordinaria munitum. Superintendentes quid aliud quàm Ministri ampliori præ aliis potestate aliorum cessione voluntaria instructi? Episcopi functionem suam esse stabilem & perpetuam jactitant, institutione Divina ab Apostolorum temporibus per continuam successionem ad eos derivatam, non voluntaria Presbyterorum cessione collatam; & jure Divino differre Episcopum à Presbytero potestate ordinationis & jurisdictionis. De Superintendentibus non ita senserunt Religionis Reformatæ instauratores. Nam in Libro de Disciplina edito anno 1560. anno primo publicæ & universalis Reformationis.

formationis Capite de Superintendentibus habentur hæc verba. *Æquum duximus enarrare rationes, quibus adducti sumus ad constituendum his temporibus discrimen inter Contionatores, & quot Superintendentibus opus esse judicamus.* Ne forte Nobiles aliique Senatores, quorum Concilio exhibitus Liber ille, suspicarentur illos in ipso limine Reformationis publicæ resiliisse ad ea doctrina, quam aliquot ante annos in privatis ædibus aut locis ex eorum ore exceperant; de Superintendentium electione, administratione, sustentatione, depositione dicturi, pauca præfatur, & præsentem rerum statum suadere discrimen aliquod constituendum, & Superintendentes instituendos, ostendunt. *Si enim, inquit, Ministri eximii donis à Deo locupletati particularibus quibusdam Ecclesiis omnes addicerentur, regni pars maxima concionum beneficio destitueretur; quo non solum obmurmurandi materia subministrabitur, sed etiam multorum salus periclitabitur.* Cum messis esset magna, operarii pauci, pauci qui docerent, multi qui docendi; visum est quibusdam Ministris negotium dare, obeundi regiones seu provincias illis assignatas, Euangelium prædicandi & Ecclesias constituendi, quibus non licebat per Librum de Disciplina ultra diem vicesimum aliquo in loco hære, nec ad sedem regionis primariam reversis ibi consistere ultra tres aut quatuor menses; sed denuo provinciam suam obire oportebat, & tribus vicibus singulis septimanis conciones habere. Hæcine annon satis arguunt Superintendentium munus non fuisse illorum judicio ordinariam vel perpetuam functionem, aut Divino jure illis peculiarem, acsi divino jure liceret Superintendentibus quædam facere que Presbyteris attingere nefas; sicut nunc Episcopi sibi vendicant ordinem distinctum ab ordine Presbyteri, cumque jure Divino institutum? Nonne Johannes Cnoxius, qui in numerum illum cooptari constanter renuit, Jacobum Lowsonum successorem sibi designatum auctoravit. Misadelpus id genus officii pro Ministerio, eosque pro Ministris habitos colligit ex eo, *quod in Ministrorum ordinem antè cooptati ad hoc ἀγορασία munus solennibus auspiciis destinabantur, destinati eligebantur, electi functionem inibant.* Non sequitur habuisse eos pro ordinariis aut perpetuis Ministris, vel à Deo institutis. Nam etiam humanitus institutos & ad tempus, solennibus auspiciis destinare ad hoc opus potuerunt. Cum Paulus & Barnabas Antiochia Syriæ emissi ad opus, ad quod vocati sunt à Spiritu Sancto, cum precibus & impositione manuum commendati sunt gratiæ Dei; non tamen ad novum aliquod munus aut ministerium vocati sunt. Nihil vi hujus impositionis manuum potuerunt efficere, quod non prius potuerunt. Non mirum igitur, si Superintendentes in Ministrorum ordinem antè cooptati, ad Superintendents munus evecti, nonnisi præeunte electione, & publicis precibus, inirent functionem suam. Nam ardua, quam suscepturi erant, provincia. Nulla tamen hic impositio manuum, ut videre est in ordine & forma electionis Superintendents, præfixa Psalteriis nostris, ubi Johannes Cnoxius concionem habuit, preces concepit, & quæstiones proposuit, manus non imposuit, cum auctoraretur in hoc munus Johannes Spotsvodus Minister Ecclesiæ Calderanæ Pater istius Spotsvodi. Non ibant ad Papam aut Episcopos Anglos, quod novi nostri Episcopi fecerunt, ut dignitatem Episcopalem ab Apostolis scilicet derivatam & continuatam induerent. Nec alia forma aliisve ritibus inaugurati sunt quam Ministri, eademque forma præscripta fuit in Liturgicis præfixis Psalteriis nostris. Illud enim caput inscribitur, *forma Superintendents aliisve cujuslibet Ministri eligendi.* Dic mihi, Misadelphe, num fenserint Superintendentem vi hujus muneris potuisse quid efficere, quod vi ordinis sui non potuit Presbyter? Num manus imponere ordinandis, quod ut maximè proprium sibi vendicant Episcopi, aut quod idem, consecrare precibus seu sacrare Deo & inaugurare ordinandum?

At

At contrarium sensisse jam docuimus. Si nihil proprium ratione alicujus ordinis diversi aut distincti, non diversum ordinem agnoscebant; etsi eminenter, quia sic temporis injuria cogebat ut illi judicabant, potestate ea quæ Pastoribus communis est præ aliis instruxerunt. Ipsa institutionis causa seu occasio, de qua jam dictum, arguit non habuisse eos Superintendentes pro Quinto genere aut ordine Ministrorum quos Deus constituit in Ecclesia.

Episcopos tum sedentes, inquit, Pontificiis erroribus addictos intutum videbatur jus Ecclesiasticum exercere; eatenus tamen honor est habitus, ut licet ab illa muneris sui parte arcerentur (ne quid religio detrimenti caperet,) indulti redditus, & sententiæ dictio in Ordinum Conventu vita durante permessa. Nullum jus unquam in Ecclesia habuisse istos censuerunt, nedum eatenus honorem illis habendum, ut redditus indulgerent, & sententiæ dictionem in Ordinum conventu permitterent. Nam ista in Ecclesiæ manu non fuerunt; tantum abest, ut illis indulgeret. Neque civilis illos status libenter tulit. Nam cum anno 1561 Legatus Gallus à conventu Ordinum petiisset, ut Episcopis sui redditus redderentur, responsum est; fures & ventres otiosos, qui non dignarentur pascere, indignos esse pastu. Si Episcopos Pontificiis erroribus addictos jus Ecclesiasticum exercere non permiserunt, solum quia intutum videbatur, & ne quid religio detrimenti caperet; cur Episcopis orthodoxis hanc libertatem denegarunt? *Quorū autem, inquit, à puriori cultu non abhorrebant, eis jus utendi fruendi Episcopatum fructibus, & privilegiis omnibus; Jurisdictio etiam, quam antè usurpabant, quatenus religionis incolumitas pateretur, continuata.* De fructibus jam dixi, non fuisse in manu Ecclesiæ. Jurisdictio autem continuata est, ut dicam. Alexander Gordonius Gallovidianus, & alio nomine Atheniensis Episcopus, à Nationali Synodo V. anno 1562. petivit, ut sibi liceret suis Gallovidianis superintendere. Id ille, si continuata prior jurisdictio fuisset, frustra petivisset. Sed ne id non sit satis argumenti; repulsam tulit, quod non fuisset ordine, quem Senatus decreverat, electus. Unde perspicuum est, priorem ejus vocationem Ecclesiæ nostræ nullam fuisse. Quin & ipse factus est, petivitque multa ambitione eadem Synodo, ut de eo cum Roberto Pontano Ministro Caledoniensi ordine statuto delectus fieret. Sed cum Cnoxius, qui eò cum Pontano profectus est, subsensit, eum omnes Nobiles, & eos quorum intererat ambivisse, ut ratio sui haberetur: delectum in aliud tempus rejicit, Pontanum apud tutorem Maxwallii reliquit, ut de facultate sua exemplum darèt. Cuique ad suffragia ventum est, nulla habita ratione prioris juris Episcopus iterum repulsus est. Certum est ergo hinc, si quid in rebus humanis certi est, horum vocationem priorem, etsi ad nos transirent, nunquam esse habitam pro legitima. Denique si legitimam censuissent Episcoporum vocationem aut functionem, alios surrogassent Episcopis erroribus Pontificiis addictis. Sed cum profiteantur se non nisi invitos & coactos rerum statu præsentente discrimen inter Pastores constituere, testantur se Episcopos pro ordinariis & perpetuo necessariis Ministris non habuisse, nec Superintendentes animo surrogandi Episcopis Pontificiis constituisse. Ex his liquidum est, quàm vera sint quæ sequuntur. *Unde perspicuum cuius esse potest, inquit, vindices fidei Præsulum functionem necessariam & utilem judicasse, tantum abest, ut calculo suo condemnarint; cum & Præsules, qui se orthodoxis adjungebant, tolerarent, & contumacibus & obstinatis alios cum potestate Episcopali surrogaverint.* Utrunque falsum. Nam eo fine Superintendentes non creaverunt, ut eos obstinatis & contumacibus Episcopis surrogarent. Verum ideo instituti Superintendentes, ut dispicerent & crearent operarios in messem Domini, & ipsi quia magna erat operariorum inopia operarentur, non uno in loco, sed passim per provinciam sibi assigna-

Episcoporum Primi Generis Jurisdictio non continuata.
Pag. 3.

Pag. 4.

Pag. 4 & 5.

assignatam. Nam cum omnia Papisticis tenebris involverentur, populusque ubique mirifico audiendi & discendi studio flagraret, durum videbatur, paucos quos habuit Pastores paucis Ecclesiis dare. Itaque conventui visum est, (nam etiam tum conventus agebant,) aliquot idoneos viros eligere, quibus daretur munus, relicta Ecclesia cui precipuè addicti, aliquot mensibus ad iter oportunis annuatim regiones obeundi, idoneos ad docendum dispiciendi, & quibus respondebatur Ecclesiis illos proponendi. Præsules, qui se Orthodoxis adjungebant, tolerarunt; sed jurisdictionem Episcopalem continuari non permiserunt. Philadelphus, ut probet Ecclesiam nostram quatuor solum genuina Ministrorum genera agnovisse, testes citat Libros de Disciplina. Misadelphus dicit, manifestè fucum facere Lectori. *Vult enim, inquit, utrumque eundem videri quum dissimilimi sunt, ut ex utriusque collatione in præcipuis articulis cuius apparebit.* Enimvero hic Episcopus fucum sibi facit, ut nec quid dicat videat, nec ad rem loquatur. Neque enim, quia duos citavit, vult unum videri: neque quod duo aut unus sunt, quidquam facit ad id quod de Ministrorum ordinibus Auctor dixerat. Nec fucum fecisset, etiam si eundem auctorem dixisset. Nam mutatis mutandis, quæ de Superintendentibus habentur & Lectoribus in priore libro, functiones perpetuæ Pastorum, Doctorum, Seniorum, Diaconorum, & Conventuum Ecclesiasticorum ordo & jurisdictionis distinctius explicantur in posteriore. Pergit Misadelphus & Librum Priorem à Senatu rejectum probat. *Quod autem ait libellum primum Senatusconsulto comprobatum, malè ei cum Cnoxio convenit: is enim Historiæ suæ Lib. 3. fol. 502. auctor est à Senatu rejectum, & nonnullis illius ordinis, Devotæ mentis somnia, cum convitio nuncupatum.* Non dixit Philadelphus, librum primum Senatusconsulto comprobatum, sed Senatus auctoritate editum. Ex præfatione liquet Senatus jussu compositum. Et cum exhibitus, licet à nonnullis qui Disciplinæ jugum ferre non poterant, vel quod bona Ecclesiæ, quæ invaserunt, ut restituerentur ægre ferebant, rejectus sit; tandem tamen 17. Januarii Senatusconsulto, quod extat ad finem libri unà cum nominibus subscribentium numero 27. comprobatus est. Si nulla disciplinæ forma publicum consensum illis temporibus meruit, præter eam quæ unà cum Confessione fidei Psalteriis nostris præfigitur, ut vult Misadelphus; cur tantopere satagit, ut Superintendentibus successisse probet Episcopos, qui nunc rerum potiuntur? Nam de electionis forma ibi agitur & officio in genere: de potestate Ministros ordinandi, castigandi, exauctorandi, in specie nihil dicitur.

Quatuor
Conventu-
um Genera
in Ecclesia
nostra.
Pag. 6. 7.

Hinc, inquit Misadelphus, ad gubernationem Ecclesiasticam descendens, quatuor nobis sacrorum cætuum genera enumerat. Nationale, Provinciale, Presbyteriale, & Parochiale, quæ Ecclesiam nostram ab initio celebrasse innuere videtur; licet Presbyteriale, cui præ cæteris mirum quantum addicti sint Puritani, Ecclesiæ nostræ prope 26 annos à restituto cultu divini non agnoverunt. Ad verba Auctoris solenni sibi arte addit ab initio, sine quo auctoris verba nihil habent, quod mendacium videatur innuere, ut ipsius verbis utar. Hic te candide lector appello; à Deone an Diabolo hanc artem didicerit Episcopus? Nam verba auctoris neque priora neque hæc tantam exclamationem merentur. Nam verissimum est, quod Auctor dicit nostram Ecclesiam totius rei Ecclesiasticæ curam Conventibus semper tribuisse, neque ulli uni tantam fidem habuisse. In numero Conventuum, an semper ab initio quatuor, non versatur cardo quæstionis: ut hæc nihil aliud quam calumnia sit præter scopum. Quod autem dicæ mirum esse, quantum Presbyteriis nostris [Classica non Parœciana intelligit] præ cæteris conventibus addicti sunt, mira fingit. Nam qui statum nostrum compertum habent, sciunt nos primas Generali Conventui, secundas Provinciali, & tertias tantum Presbyteriis tribuere; ut ab his ad illos

illos fit provocatio. Presbyteria tamen, quia erant conventus ordinarii singulis septimanis celebrari sine quibus Canones Synodales fuissent inutiles; eorum conservatio nobis imprimis chara fuit. Sed ne mendacia ejus persequar; vides sine ejus additionibus Auctoris verba esse utrobique vera, & cum ejus additionibus non esse falsa, ut intelligas quàm sordide sapiat, qui, quod reprehèdat, fingit, nec quod fingit caret mendacio. Quod dicit Presbyteria, Classes alii vocant, Ecclesiam nostram prope 26 annosa restituto cultu divino non agnovisse, quàm verum sit, suo loco videbitis. Synodos fuisse fatetur, sed quos *Superintendentes pro arbitrio regerant*; quod sine fronte affirmat. Nam Synodus IV anno 1562. decrevit, illos omnesque alios Ecclesiæ Ministros Synodo obnoxios fore: jussitque Ecclesiis edici, ut si quid accusationis haberent, deferrent, Act. 3. Item VI Synodus Act. 5. decrevit, ut affecti injuria ad Provinciale Synodum & Superintendentem provocarent, & ab illis, si non satisfaceret, ad Generalem & in ejus sententia acquiescerent. Consistoria itidem in singulis Parœciis ex Senioribus, Diaconis, & Ecclesiarum Pastoribus, consistentia habuisse ab initio agnoscit, sed qui omnes *Superintendentis dicto audientes erant, sine cujus mandato nihil ullius momenti ab iis gerebatur*. Dico audientes si intelligat monitis & consiliis auscultantes, non negabimus; si pro imperio gessisse omnia vult Superintendentes in Consistoriis reformatarum & constitutarum Ecclesiarum, & pro arbitrio decrevisse quid faciendum, ut nunc volunt Episcopi, nunquam probabit. Presbyteria, (nempe Classica) non negat ad illam formam primum designata, ut constarent ex Pastoribus & Commissionariis seu Legatis particularium Ecclesiarum suæ ditionis, sed negat unquam fuisse ejusmodi Conventus in Scotia nostra, sed quia *periculum erat, ne tot Laicorum vocibus Pastorum suffragia obruerentur, res primum, inquit, hæere, deinde improbari, demum in usu esse omnino desit*. Quando aut qua occasione Seniorum usus in Classibus obsoleverit, non narrat Philadelphus. Non Pastorum æmulatione aut metu, ut iste fingit, Classibus abstinuisset Seniores, à fide dignis audiui, sed sua desidia & negligentia.

Sed nequeo, inquit, *impudentem hominis de horum Conventuum concordia jactantiam admirari: quum infrequentissimis eorum comitiis contentiones, dissidia, & ἀταξία regnasse nemo non norit, ut in proverbium res abierit*. Hic Nemo, qui non novit nostrorum Conventuum dissidia, adhuc non est notus. Et proverbium hoc in quod res abiit, ante hunc Episcopum suus Nemo audivit. Dignus hic Nemo, qui tam apertè calumniatur, primi calumniatoris & numine & nomine. At testem Hispanum citat, qui in Conventu Nationali quem fortè vidit, cum nihil quod dicebatur intellexit, macello patrio comparavit. Dignus sane macello, & Hispanus ille, & hic Episcopus. Ille, qui de re non intellecta tam temere pronunciavit: hic qui tam vano testimonio, quod vanitatis suæ est certius quàm ejus quod probet signum, rem tantam putet labefactum iri. *Quod solenne, ait, fuisset tumultuari, clamare, & de loco pugnare*, (de verborum pugna loquitur,) adeo nunquam visum fuit, ut quod verbo ille asserit, verbo ego negem. Acrius est ad calumniandum odium, quàm ad defendendum studium. De loco quorsum pugnant, qui nulli erat honori, nulli dedecori? Equidem in Conventu Nationali vidi sæpius qui ex infimis subsellis sententiam diceret gravissimam, & totum Senatum secum traxisse. *Quod solenne fuisse tumultuari, & clamare, dicit, ut Garganum mugire nemus credidisses, aut mare Tuscum; falsissimum*. Statim ut Conventum est, post preces & concionem, Præses, quem nos vulgo Moderatorem vocamus, exiens in delectum inituri nomina aliquot proponit. Latis suffragiis electus est novus Moderator. Hoc munus erat, ut sine ejus venia nemo loqueretur, importunis os

obstrueret; cum deliberatur, sententias exploraret; si quis non rogatus haberet quod moneret, ut petenti veniam concederet; si quid in dubium vocaretur, duos per suffragia, qui disputarent, deligeret; deinde si quisquam haberet quod amplius objiceret, ut evocaret, & addere juberet; post disputationem, ut, utrum sit satisfactum an ampliandum, rogaret. Ex quibus liquet, quàm minimè licuerit tumultuari & clamare. Quod clamasse ait, forte ex eo calumniandi speciem arripit, quod quandoque consensum suum una quasi voce testati sint. Clamorem vocet; acclamatio tamen vel occlamatio unanimis & concordia signum est. Ne vel uno exemplo demonstrare potuit convitiator iste contentionem animorum. Sed discordia hujus luculentum in Classe seu Presbyterio ad Fanum Andreae exemplum citat. Andream Melvinum cum paucis Robertum Valesium, reliquum Collegium Patricium Wemium, Lucheranae Ecclesiae Pastorem designasse; Hancque controversiam eò exarsisse, ut fratrum unitatem dissolveret, alteraque pars Cuprum secederet. Quae fabula ipsa se refutat; cum non pauci sed major pars cum Melvino in Fano haerent, Cuprumque summum ejus amici secesserint. Et revera de hac re percunctatus comperi Episcopum nihil aliud quàm contumeliam vomere. Presbyterium, cum de delectu istorum non conveniret, utroque praeterito communi consensu tertium delegisse. Quod ad controversiam attinet; non raro fit, ut de donis hominum diversae diversorum sint sententiae. Illud certum est, nullum munus intercessisse, quod hos aut illos huc aut illuc impelleret: Episcopos autem nostros, nunc non ita probare spiritus, sed eorum qui gratia aut pecunia primi sunt, primam habere rationem. Quod autem Presbyterium divisum fuerit, duas comperio causas, quarum neutra haec est quam iste fingit. Prima quod numerus vicibus serò redeuntibus socordiam aluit: secunda, quod propter viarum incommoditatem & longinquitatem nimis iustae saepe absentiae excusationes texebantur. Pergit rabula. *Nec meliorem, inquit, animorum consensum in reliquis totius regni Presbyteriis fuisse, testari possunt qui studia partium, artes, ambitus, jurgia in designandis Moderatoribus Synodorum & Presbyteriorum praesentes oculis viderunt.* Hoc munus adeo non erat lucro aut honori, ut vitarent potius quàm captarent homines. Praesides in Synodis Generalibus erant annui, in Provincialibus & Classibus semestres. Ubi non philarchiae locus, nulla *φιλονικία*. Sed, ut hoc Caput concludam, verissimum est quod Auctor dicit, horum conventuum animam fuisse concordiam & sententiarum fraternam conspirationem ab omni dominatione & divisione abhorrentem. Quanquam auctor non hanc concordiam dixit animam nostrorum conventuum fuisse, sed unam omnium de doctrina & disciplina sententiam, quae ante haec generis ventrisque mancipia ita una fuit, ut nemo unus in tota Ecclesia Scoticana aliud quàm publicae decretum fuit sentiret.

*Superintenden-
tium operam Inuti-
lem esse non
dixit Philadelphus.
Pag. 14.*

Pag. 15.

Auctor distinctè dicit inopia comiteatuum factum, in Ecclesia quosdam Episcopos primi generis in Commissariorum, quos vulgo Commissionarios vocamus, numerum fuisse cooptatos; illosque partim laesae majestatis insimulatos, partim judicum civilium munus suscepisse, omnes officium deseruisse: ut illorum opera Ecclesiae plus detrimenti, quàm emolumenti attulerit. Haec verba ita diserta, ut nemo aliò quam ad Episcopos illos, de quibus disertè loquitur, traheret. Hic suo more corumpit, & pro illorum opera, omnium opera, supponit; ut ad Superintendentes, de quibus quinta sectione supra Auctor loquebatur, extenderet, & in illorum laudes, à quibus suum ordinem derivare nititur, excurreret. *Intra paucissimos annos ab inchoata Reformatione adeo omnes Papismi fibras evulsi, ut vix reliquus esset qui se Romanensem profiteretur.* Providè sanè masculino genere loquitur. Nam constat, Reginam ad ultimum spiritum eam professionem tenuisse. Sed quis cre-
dat

dat vix reliquum tum in Scotia fuisse qui Regina gratiam captaret, qui hos homines videt in Regis gratiam dicere & facere omnia? *Sed miraculi instar videtur*, Pag. 14.
 inquit, *quàm brevi per totam Scotiam Evangelii lucem diffuderint.* Quibus verbis reliquorum Symmyltarum laudem Superintendentibus vendicât, ut legentibus spem injiciat suum Episcopatum, quem ad eos refert, fore non minus fecundum. Sed neque Superintendens istum Episcopatum tenuit, neque tota hæc laus Superintendentium fuit. Nam in hoc negotio nemo nescit majorem Cnoxii quàm omnium Superintendentium laudem fuisse, qui tamen in Superintendentis munus nomen dare nunquam voluit. Nec hic omnia, quanquam omnium primus. Erant alii non pauci, quorum opera neque exigua neque inutilis in hac messe apparuit: ut omnes videant, quo hic animo ad quinque viros, neque eos omnes optimos, hanc laudem trahat.

Constat, inquit, *cum de provinciis perlustrandis orta esset consultatio, Superintendentes & Commissionarios in eas regiones immissos, in quibus Episcopi cultui Pontificis Romani mordicus adhærebant. Ditionibus autem suis administrandis, quia Præsules orthodoxi sufficere videbantur, nomina in album visitatorum relata.* Duo hic sine auctore afferuntur. Superintendentes &c. Papisticis tantum Episcopis submissos esse: & Orthodoxos visos ad suas ditiones administrandas sufficere. Quorum neutrum verum est. Actum est, ilicet, Episcopo periisti. Sed, ut lector videat, quàm parva fides istis sit, qui de victoria non de vero certant: cum de provinciis perlustrandis prima orta est consultatio, constat duodecim Superintendentes designatos esse, id est uno pauciores quàm erant olim Episcopi; ut aut omnes tum Episcopos præter unum oporteat in antiquo luto hæsisse, aut provinciis etiam eorum, qui lucem amplexabantur, designatos esse Superintendentes. Orthodoxos autem non visos suis ditionibus administrandis sufficere, probat quod de Alexandro Gordonio dixi, cui negatum est in sua Diocesi superintendere. Neque is Episcoporum illius generis erat ultimus; quippe qui non rard concionabatur, & non indoctus habebatur. At cum propter inopiam stipendiõrum nunquam possent plures quàm quinque Superintendentes expleri, cognitumque esset experientia non necessariam esse eorum operam; inita illa ratio, qua minore semper & incommodo idem officium præstaretur. Synodo V. anno 1561. selecti sunt ex Ministris, qui ad eam operam videbantur maximè idonei, qui pari potestate cum Superintendentibus regiones obirent, Ecclesias restaurarent, Ministros dispicerent & inaugurarent. Hi Commissarii, quibus hæc cura commissa, vulgo Commissionarii vocabantur, singulisque Synodis ratione diligentia suæ reddita officium deponebant, & aut ipsi rursus nova potestate restituebantur, aut alii instituebantur. In hunc numerum cooptrati sunt aliquot Episcopi, eorum qui ad causam Reformationis accedebant, eisdem legibus. Unde perspicuum est, non permissum fuisse illis antiquam jurisdictionem, quod hic sine fronte non semel affirmat, exercere.

Dixerat Philadelphus, paucorum illorum Episcoporum primi generis quosdam in Collegium civilium Judicum cooptratos, quosdam læsæ majestatis insimulatos, omnes officium neglexisse. Primum non negat, sed ab Episcopi officio neutiquam alienum esse asserit. *Ministros etiam plerisque novimus*, inquit, *id munus non sine Ecclesie consensu & magno pauperum fratrum commodo obivisse*, dicit, non probat. Jurisdictionem Civilem in Ministris Evangelii Ecclesia nostra nunquam probavit. Pater istius Synodi auctor fuit Synodo, ut Canonem conderent jurisdictionem civilem Ministris interdicentem. Quod Christus negat esse officii sui, id isti neutiquam ab officio suo alienum putant. Si salutem animarum, quibus custodes sunt apposti, curarent; si judicium Dei minantis se ab illis peccata civita-

Episcopi
primigeni
ris juris-
dictionem
non exer-
cuerunt
privilegio
Episcopa-
tus.

Gordonius
Episcopus
primigeni-
ris Perduel-
lionis dam-
natus.
Pag. 19.

Pag. 20.

tis repetiturum non flocci facerent: unus gregis curam putarent esse nimiam; nedum ut, cum omnes gregis totius provinciæ demandari sibi volunt, civile iudicium, quasi leve sit quod portant onus, superaddant. Sed nihil ab Episcopi officio alienum, modò pingue lucrum inde paretur; non cloacas purgare. Nam isti ed videntur omnia collimare sua studia. Sed *de læsa maiestatis*, inquit, *crimine, quæ asserit non capio, nisi forte Gordonium Candidæ Casæ Episcopum intelligat, quem preces pro Regina matris salute concipere cum agrè ferret adversa factio, facile erat perduellionis insimulatus* (insimulatus scilicet ac si nefas esset damnare,) *cujus pietatem in Principem boni potius laudassent, nec homini de illa causa litem movendam iudicassent.* Ut hic hominis ingenuitatem & sinceritatem spectetis. Fuit gens nostra divisabello nimis iusto. Altera factio Regis, qui nunc est, pueritiam tuebatur: altera pro Marre stabat, à qua illi ob facinus nimis notum defecerant. Bellum erat utrinque satis atrox. Ad Reginae factionem ex omnibus, quod sciam, Ecclesiasticis, solus hic Gordonius se adjunxit. Illis sacra administrabat, & non solum pro Regina matre (quam hic solam facit causam cur maiestatis deprehenderetur) preces concepit; sed adversam factionem ad bellum animabat, iustum esse, pium esse, & necessarium dicens: eum qui Regis avum per summum nefas captum crudelissimè occidit, pro concione laudavit, & præter aliam viræ foeditatem multa hostilia contra regiam maiestatem designavit. Hoc quod dico lippis & tonsoribus ita notum est, ut ipse hic ejus patronus, quamvis egregiè videas impudentem, non ausit negare: ita iniquè agit, ut scelus quod in ejus crimine fuit tacitus prætereat; quod excusando mitigari possit, pro scelere damnatum esse asserat: pietatem ejus in Regina laudandam dicat, impietatem in Regem tum puerum ejusque avum ignoscendam.

Ad Superintendentes
semper provocatum
fuisse falsum. Pag.
21.

Quia videri vult suum ordinem à Superintendentibus derivari; ne perfidiæ reus agatur, quod ad gradum ab Ecclesia nostra damnatum redierit, illis nititur omnem, quam ipse arrogat, potestatem vindicare. Pastores ordinare & confirmare, conventus moderari, præfractos sacris arcere, à Ministerio ad tempus aut in perpetuum summovere; partes sunt, inquit, jurisdictionis Ecclesiasticæ, quas Superintendentes non adscitis Ministris exercuisse extra controversiam est. In quibus verbis falsa veris ita miscet, ut vix distinguas; vera ita ambigüe narrat, ut si quid reprehendas, habeat quod excuset; ita falsa asseverat, ut more mentitium credat asseverando se posse fidem facere. Pastores ordinare & confirmare, præfractos sacris prohibere, à Ministerio indignos submovere, illis à Conventu datum fuisse verum est: ex officio ordinario potuisse, falsum est: non adhibitis aliis Ministris hæc exercuisse, est falsissimum. Synodo IV Ann. 1562. Superintendens jubetur in Examine Ministri adhibere proximam Ecclesiam Reformata, aliosque quos haberet opportunos viros doctos, Act. 2. Item Synodo V eodem Anno Act. 4. permittitur Superintendenti in Synodo Provinciali cum consensu Synodi ab Ecclesia alia ad aliam Ministrum transferre. Synodo IX Anno 1564. Act. 1. decernitur, si qua quæstio inciderit, quæ præsentem manum poscat, ut statim in Conventu disceptetur. Sin moram patitur, ad Superintendentem, cuius interest, referatur: isque ut adhibitis Ministris opportunis rem disceptet; rationesque hinc inde perscriptas Generali Synodo sequenti adhibeat, ut cogoscantur. Longum esset singula persequi. Hæc satis demonstrant, qua fide Episcopus asseveret extra controversiam esse, Superintendentem ista officia non adscitis Ministris exercuisse. Quod autem ait, Conventus moderari, ad eorum munus spectasse, de Generalibus Conventibus adeo non est verum, ut nisi delecti suffragiis nunquam istud munus obierint, & illis præsentibus Ministri sæpius moderarentur. De Conventibus Provincialibus

bus nihil comperti habeo, an ex officio istud munus ad eos spectarit, quia indicendi facultas illis concessa fuit. Hoc certum, non habuisse potestatem suffragii negativi Superintendentem in Synodo Provinciali, aut Judicis unici & singularis sicut nunc sibi vendicat Episcopus in Synodo Dioecesana. Nec propriè dicenda sunt Concilia Synodi Dioecesanae, quia ibi Episcopus est unicus & solus iudex adversariorum iudicio. Presbyteri solum assistunt ut Consilarii; imo sistant se ut examinandi, & subjiciunt se inquisitioni Episcopi. In Synodis Provincialibus quæ Dioecesanis respondent, (nam Provinciale Synodum nos vocamus unius tantum Vicecomitatus aut duorum Conventum, non plurium Diocesum unius Archiepiscopi imperio subditarum) omnium sententiæ numerabantur, & vim suffragii decisivi habebant, non minus quàm Superintendentes. Ad vindicandum illis instituendi & transferendi Ministros potestatem citat Synodum Edinburgi habitam 8. Calend. Januarii 1562. in qua non tantum omittit consensum Ministrorum vicinorum, quos decretum illud jubet eos sibi conjungere ut sententiam suam ratam facerent, sed disertis verbis ait, extra controversiam esse Superintendentes non adscitis Ministris illud jus exercuisse. Iterum ad vindicandum illis jus Provocationis Synodum citat Edinb. 7. Cal. Julii Anno 1563. quam invenio Perthi non Edinburgi habitam, quam statuisse dicit Provocationem à Ministris & suis Presbyteriis ad Superintendentes; cum non simpliciter ad Superintendentes provocandum esse statuitur, sed ad Superintendentem & Provinciale Synodum: & ab his rursus ad Generalem Conventum, & in ejus sententia acquiescendum. Ad hoc etiam probandum, in Actis ait testatum esse, Edinburgenam Ecclesiam ad Superintendentem Lothianum provocasse sæpius: cujus nullum testimonium reperio, neque illi sine teste credo, cum constet Cnoxium ejus Ecclesiæ Ministrum multo majore fuisse auctoritate quàm illum Superintendentem istius Episcopi Patrem aut quemvis alium. Hinc ex alia Synodo eodem anno 8. Cal. Januarii ait, Superintendentibus datum esse, ut Poenas etiam Ecclesiasticas præscriberent, in qua Synodo nihil ea de re reperio. Duo tantum ea habet Acta, alterum de visitatione Aegrotorum, alterum de sepultura Mortuorum. At in ea quam deinde citat Edinburg. 3. Cal. Julii Ann. 1562. decretum video, ex sententia Superintendentis excommunicandos esse Presbyteros seu Seniores, qui moniti non ferunt Pastori suo in corrigendis populi moribus fidelem operam. At ibidem Act. 3. decretum est, ut omnes Superintendentes, Ministri, Seniores, & Diaconi, Generalibus Synodi Censuris teneantur. In ea quæ in Decemb. Anno 1565. habebatur, datum est Superintendenti, ut auctorem cædis ad statum diem & locum citer: sed sequitur continuò, si in oppido Reformato cædes facta sit, citandi munus ad Ecclesiæ Senatui pertinere, neque Superintendenti licere sine ejus auctoritate quicquam statuere. Præter has, alias duas pro Provocatione ad Superintendentes & Synodos citat, quæ nihilò magis pro illis faciunt. Nam in illis, ut in his, Synodis supra eos sua servatur auctoritas. Et quis credat, has à Synodis accepisse potestatem supra Synodos? Cum illud ubique ratum sit, majorem esse eum qui alterum auctoritate donat, quàm eum qui accipit. Superintendentes diligentia in visitationibus, & suæ administrationis rationes Synodo Nationali quotannis reddidisse fatetur. *Sed meminisse oportet, inquit, ad hanc Synodum nulli Ministro accessum tunc permisum, nisi quem Superintendentes ipsi rebus ibi disceptandis & dijudicandis idoneum censuissent. Atque ita rationem reddidisse, non vulgo Ministrorum, sed Superintendentibus reliquarum ditionum & Primoribus Pastorum, quos ipsi istiusmodi cætibz adhibebant.* Quid homini credas, qui quod dicat nihil pensi facit? Paulo ante in margine pro Superintendentis auctoritate citavit Synodum, quæ Anno 1568. Edinburg. in Julio habebatur. Ea id quod asserit planè refutat. Antea cuicumque

Pag. 22.

Pag. 22. 23.

licuit conventibus interesse, suffragia rogabantur. Hoc quia visum fuit confusus, huic Synodo placuit de jure suffragii statuere. Decrevit ergo, ne cui liceret suffragium ferre, nisi Superintendentibus, Commissionariis, quibus eadem potestas cum illis delegata fuit, & Legatis Provinciarum, Ecclesiarum, & Academiarum. Et quod hunc refutat, Legatorum Provincialium delectum à Nobilibus & Ministris ejus Provinciæ in Synodo Provinciali fore, Legatorum Ecclesiarum ab Ecclesiis suis & civitatibus à quibus deliguntur; ut mirer qua fronte iste audeat affirmare ex Synodo id quod Synodus plane negat. Tantum est discrimen inter Superintendentes illos, & qui nunc dominantur Episcopos, quantum inter Gigantes & pumilioes. Differunt; Primum Provinciarum amplitudine. Unus Episcopus Andrea-nus aut Glasguensis duorum Superintendentium Provincias occupat. 2. Electione; Episcopi imaginaria forma electionis sunt eligendi à Decano & Capitulo, non secundum Canonem ullum Ecclesiæ nostræ, sed statutum nuperum Ordinum in Comitibus. Ecclesia Primaria Provinciæ habuit facultatem delectum faciendi eorum qui in Superintendentis munus auctorandi erant. 3. Examine; Ministri Provinciæ probaturi erant delectos, num ad Superintendentis munus idonei essent: quod renuunt Episcopi. 4. Ordinatione; Superintendentibus non opus erat consecratione per Metropolitanos & trium Episcoporum *χειροθεσίαν*, ut supra dictum. 5. Potestate Ordinationis. Non Superintendentes solum, sed etiam alii Ministri ordinem Ministerii conferre poterant. Nunc Episcopi hanc potestatem sibi solis vendicant. 6. Potestate Jurisdictionis. Superintendentes singulari potestate Ministros ex uno in alium locum transferre aut exauctorare non poterant; Episcopi hanc Monarchiam usurpant. Reformatæ Ecclesiæ inconsultis Superintendentibus excommunicationis gladio ferire poterant contumaces, ut patet ex tractatu de Excommunicatione qui præfigitur Psalteriis nostris: Episcopis inconsultis, vel non assentientibus, jam non permissum Presbyterio Classico vel sceleratissimum quemvis Excommunicationis gladio abscindere. 7. Graduum subordinatione. Non erant Superintendentes alii generales, alii Provinciales, Superiores aut inferiores, sed omnes pari consortio præditi honoris & potestatis. Jam habemus duos Archiepiscopos, non solum Presbyteris sed etiam Episcopis simpliciter sic dictis superiores. 8. Subjectione. Superintendentes conventui generali subjecti erant, & secundum normam Libri de Disciplina, Ecclesiæ Primariæ & Ministris Provinciæ. Johannes Sportsvodius istius pater, cum inauguraretur, professus est publicè se Ecclesiæ obtemperaturum, etiam huic Ecclesiæ, inquit, à qua ad hoc munus vocatus sum; & admonitiones tam publicas quàm privatas æquo animo accepturum; & nisi pareret, merito ex Ecclesia expuendum. Episcopi Censuris Ecclesiæ suæ Diocesanae ejusve Ministris in unum convocatis subijci absurdum esse, aperta fronte profitentur. Stata Concilia Nationalia, quibus subjectionem initio simulabant, Edictis Regis & illorum Consiliiis primum, deinde lege lata in Comitibus Ordinum, Rege & Regiis adniventibus, sublata sunt. Itaque Conventus Generales ordinarios jam nullos habemus, qui in ordinem istos tyrannos cogant. Cum celebrant extra ordinem Conventum totius Ecclesiæ, Archiepiscopi sibi prostratiam arrogant, & illi unà cum Suffraganeis suis tyrannico more dominantur. 9. Superintendentes cum munere suo Ecclesiastico civile non conjungebant: imo istius Sportsvodi pater Pastoribus rerum civilium administrationem non competere palam professus est in Conventu Generali. Ille illius filius & sacra & civilia tractat. 10. Superintendentes singulis septimanis sæpius concionati sunt, non uno in loco hærentes, sed provinciam suam obeuntes. Episcopi in Aula aut Senatu Regio aliis negotiis implicantur, vel domi oriantur. Sunt qui annorum quinque spatio non ter viderint Diocesim suam. 11. Superintendentibus data administratio quædam ad tempus,

tempus, Ecclesia nascente, cum Classes in Pastorum penuria constitui non poterant; & ad prædicandum potius quàm regendum instituti sunt, quia operarii pauci ut supra dictum. Episcopi, Ecclesia ejusque Politeia constituta, regimen invaserunt. 12. Superintendentes sæpius, coram Conventu Generali abdicare se volebant eo munere temporario, quod certum signum est non judicasse Ecclesiam nostram fuisse ordinem peculiarem Ministerii à Deo institutum. Episcopi per consecrationem accipiunt ordinem quendam, quo se abdicare non possunt. Denique Superintendentes nonnisi Ecclesiæ consensu inaugurati sunt. Illi invita Ecclesia in Ecclesiam dominationem occuparunt.

Commissarii Provinciarum, quos vulgo Commissionarios vocabant, mittebantur quò non erant Superintendentes, cum eadem potestate ordinandi & confirmandi Pastores, à sacris arcendi & à Ministerio summovendi, si quis indignus suo munere reperiebatur. Quod autem ideo negat parem cum Superintendentibus habuisse potestatem, quia horum munus fuit temporarium, illorum autem cum vita durabat: differentia illa est temporis, non potestatis. Sed operæ prætium hic est fallendi studium spectare; cum quod de Commissariis affirmat, de Superintendentibus non audet negare, ita proponit, ac si de his esset verum, de illis non item. Verba liber adscribere, ut quibus liber fortasse non est ad manum, (nam nescio qua conscientia non patitur publicè venire,) sinceritatem Episcopi videant. *Illorum*, inquit, *munus temporarium, nec ultra Synodum proximam durabat, acta etiam non prius confirmabantur, quàm conventui probassent. Superintendentium longe impar ratio, solennia functionis initia auspicia, potestas perpetua, nec viventibus nisi gravioris culpæ compertis abrogata. Solennia illa auspicia non alia fuerunt, quàm cujuslibet Ministri, idque testatur Libellus quem ipse citat pag. libri sui 3. cum Psalteriis nostris conjunctus. Sed quis hic audaciam hominis non notet, qui hoc ita narret, ac si neget Superintendentibus reddendam fuisse rationem Conventui; quod tamen superiori pagina concefferat. Superintendentes etiam hoc munere temporario sæpe se abdicare volebant; quod non fecissent, si judicassent munus illud fuisse ordinarium & ab Deo institutum.*

Hactenus de Episcopis primi generis, qui numero tres aut quatuor, quibus verus iurisdicção non continuata, sed Commissariorum permessa potestas, eisdemque legibus definita. In Libro de Disciplina fundos & redditus Episcoporum, Decanorum, Archidiaconorum, Cathedralium Ecclesiarum, & quas Collegiatas vocant, in Scholarum & Superintendentium sustentationem converti petiverunt. Anno 1566. Helveticam Confessionem, in qua Episcopatus pro humano commento habetur, chirographis suis comprobarunt. Th. Beza, cum intellexisset ex Epistola Johannis Cnoxi profligatum in Scotia Pseudoepiscopatum, rescripsit his verbis. *Sed & istud, mi Cnoxe, te ceterosque fratres meminisse velim, quod jam oculis pene ipsis observatur; sicut Episcopi Papatum pepererunt, ita Pseudoepiscopos Papatus reliquias Epicureismum terris invehituros. Hanc pestem caveant qui salvam Ecclesiam cupiunt; & quum illam in Scotia in tempore profligaris, ne quæso illam unquam admittas, quantumvis &c.* Hæc scripsit anno 1571. Inter alia significaverat illi Cnoxus profligatum fuisse Pseudoepiscopatum. Hoc ipso tamen anno Proceres quidam qui Episcopatus aliaque beneficia minora invaserant, de jure suo dubitantes, Episcopos invexerunt qui titulo beneficii gauderent & ampliori stipendio, ipsis tamen reliquum intercipiendi jus concederent vel permetterent, quod in minoribus etiam sacerdotiis ut fieret contendebant. Ergo Mortonus Marrio, qui tum vices Regis pueruli gerebat, auctor fuit, ut per Dunensem Comarchum Augustiæ Superintendentem virum nobilem Synodum convocaret Letham. Qui eò convenerant Sep-

Commissa-
riorum &
Superin-
tenden-
tium po-
testas.

Pag. 23.

Episcopo-
rum secun-
di generis
ortus &
occasus.

Ep. 77.

sem

tem viris aut ex illis Quatuor quibuscumque ut cum Prorege & Nobilibus; quot illi liberet adhibere, de summa rei Ecclesiasticæ consultarent, potestatem delegarunt. Hi consenserunt, ut in veteres titulos Ministri ex selectissimis surrogarentur. Hac auctoritate Mortonus Johannem Duglassium capularem senem in Episcopatum Fani Andreæ subvexit. Post duos menses Synodus Generalis ad Fanum Reguli habita quibusdam legatis dedit munus examinandi acta illius Conventus, an cum sacris literis constarent. Eorum sententiā in archivis non exstat: tantum constat ejus fidem etiam tum fuisse suspectam. Ac anno sequenti 8. id. August. Perthi vetera sacerdotiorum nomina ut parum Christiana explosa sunt. Deinde anno 1573. 8. etiam id. Aug. Jacobus Patronus Caledonius Episcopus accusatus est, & Alexander Gordonius Candidæ Casæ Episcopus damnatus est. Et paulo post prid. non. Mart. Act. 1. Edinburg. decretum est, ut Episcopus Synodo obnoxius esset, nec ampliori potestate quàm Superintendentis uteretur: & Act. 4. nec sacerdotia nisi de consilio trium Ministrorum conferret. Hinc anno 1574. 7. id. August. decretum est Act. 3. Episcopos, Superintendentes & Commissionarios, si quid aut in officio aut doctrina aut moribus notaretur, neque admonitionibus corrigerentur, auctoritate Nationalis Synodi exauctoratum iri. Deinde eodem anno Non. Mart. cautum Act. 3. Ne quis admitteretur Episcopus, nisi prius à Conventu probaretur, ne Aula quemlibet obruderet. In sequenti Synodo Edinburg. Anno 1575. 8. id. August. de Episcopis, Superintendentibus & Commissionariis, varæ querelæ. Cum decretum esset, ut de iis cognosceretur, Johannes Duræus Minister Edinburgensis protestatus est, ne illa cognitio fraudi esset iis quæ ipse multique fratres contra illorum officium haberent objicienda. Unde datum Joanni Cragio, Jacobo Lowsono, & Andreæ Melvino ex altera parte; Georgio Hajo, Joanni Rovio, & Davidi Lindesio, contra ut disceptarent & cognoscerent, an ex sacris literis ulla esset Episcopi qualem supra *συμπροσβυτίης* arrogans auctoritas. Hi, re candidè agitata, respondent, adversante Aula quæ eo tempore pro Episcopis stetit, non esse tutum hanc Camarinam movere. Verum tamen quamvis ex Scripturis non reperirent aliud Episcopi officium, quàm ut doceret & cum Senioribus suis Ecclesiam suam curaret: illa tempora poscere, ut quibusdam ex eo numero selectis viris detur negotium inspiciendi Ecclesias, instituendi Ministros, & rebelles castigandi de consilio proximorum fratrum regionis, quantum Synodus illis præscriberet. Hæc sententiā pro tempore probata, sed tamen ut Commissarii seu Commissionarii annuatim regiones mutarent, ne insolecerent & supra Collegas suos sape-rept. Deinde sequenti Synodo ex hoc decreto statutum, ut singuli Episcopi Ecclesias deligerent quas curarent. Divisæque sunt Provinciæ quas Commissionarii inspicerent, præscriptæque leges inspiciendi. Nihilominus divisa gente in quatuor partes, ex singulis electi sunt quinque viri præcipui, qui convenirent, hi Glas-cux, hi Andreapoli, hi Aberdoniæ, & de politia cogitarent, deinde in communem sententias prid. Cal. August. conferrent, & referrent ad Synodum Generalem. Singulis postea Synodis delecti sunt qui disputarent & quarerent. Tandem anno 1578. liber secundus de politia Ecclesiæ à Synodo Generali comprobatus est. Inter alia inventum est ex sacris literis, Pastoris supra Pastorem nullam esse auctoritatem nisi solius Christi; eum solum esse *ἀρχιποιεῖν*; hanc usurpationem esse Antichristianam, ortam quidem antè, & scalam fuisse per quam monstrum illud hominis in Christi cathedram invasit. Itaque concessa denuo omnibus libera disputatione Taoduni anno 1580. universa Synodus una voce decrevit, *Auctoritatem illam esse illegitimam*. Mandavitque, ut qui tenerent ex antiquo & Antichristia-

no instituto, jam novo hoc ad Scripturæ normam decreto confestim deponerent, neque verbum aut Sacramenta attingerent sub pœna excommunicationis, nisi nova à Synodo accepta autoritate. Hæc per singulos conventus profecutus sum, ut lector videat qua fide Episcopus noster Philadelphum qui hæc breviter attigit libri sui pag. 8. per admirationem dubitat *impudentiane an ignorantie taxet*, qui *incomperta pro comperto tanta asseveratione affirmet.*

Misadelpus Lethensis Colloquii anno 1571. aliam fingit occasionem. *Quia certissima impendebat ruina, nisi concionatoribus de victu & stipendio esset prospectum, in id summo studio incubuerunt*, nempe vindices fidei. Igitur anno 1578 frequentissimo conventu ad quem præter legatos civitatum major pars Procerum & Baronum convenerat, de tota alimentorum ratione in hanc sententiam itum est. Ut reditus omnes Ecclesiæ restituerentur, decimæ imprimis à quibuscunque præter fas & jus post vindicatam religionem occupatæ. Huic sententiæ quotquot aderant, Proceres, Barones, & Legati Civitatum liberè subscripserunt, sanctè polliciti id proximis regni Comitibus lege lata sancitum iri. Sed quum negotium lentè procederet, & Ministri patrimonium Ecclesiæ reddi, solidamque stipendiorum rationem inire pertinacius postularent; consultum tandem visum est ut Ordinis Ecclesiastici primores longo rerum usu & experientia eruditi, rem cum Consiliariis Regiis communicarent, & de patrimonio Ecclesiæ ejusque politia, quod in rem videretur, statuerent. Annus 1568. duos Conventus de more habuit; alterum Calend. Jul. Præside Joanne Willotho modò ex Anglia reverso. In eo petitio ad Proregem defertur, ut sumptus publicus ex duabus Sacerdotiorum partibus, quæ Papistis possessoribus à Regina relinquebantur, demeretur, tertia Ministris concessa in eorum usus, pauperumque, & scholarum, integra cederet. Alterum in 8. Cal. Januar. indictum, sed propter pestem tum sævientem, paucitatemque eorum qui convenerunt, in 5 Cal. Mart. rejectum; in quo petitum etiam à Prorege, ut qui plura sacerdotia tenerent, reliqua præter unum dimittere cogerentur; ut Huntlæi vis, qui dejectis Quæstoribus Ecclesiæ suos submisit, obviam iretur; ut caveretur ne sacerdotia aut venderentur aut minuerentur; ut Ecclesiasticum & Civile jus dirimeretur; & ut de adultero, an ad nuptias admittatur, tandem statuatur. Penes Synodum non erat decernere restituendas decimas; petitiones deferre potuit. Ex auctore fabulæ scire velim, in quo Conventu hoc consultum visum est; ut quia non procederet quòd anno 1568. decretum dicit, Primores Ecclesiastici Letham ad Consiliarios Regis se aggregarent, & de summa rei Ecclesiasticæ statuerent. Nomine in Conventu Lethensi delecti sunt, qui cum Consiliariis Regis consultarent, Proceres, Barones, Legati Civitatum, & Ministri, qui anno 1568 convenerunt, & de vindicandis decimis aliisque rebus Ecclesiæ præter jus & fas occupatis consenserunt, hujus Synodi Lethensis auctores non fuerunt. Qui reditus & decimas præter fas & jus occuparunt, cum perspicerent alios Proceres, Barones, & Ministros agrè ferre, nec se justo titulo Ecclesiæ bona possidere, excogitarunt hanc artem, ut Ministri Episcoporum Abbatum, Priorum, Decanorum, Archidiaconorum, Rectorum, &c. nomina & titulos induerent, beneficii particulam perciperent, reliquum ipsis cederet, titularibus illis, ut dictum, jure suo illis cedentibus vel permittentibus; induerentur autem his titulis Ministri, clientes gentiles aut propinqui sui. Mortonius inter Proceres istos præcipuus, & in Aula primarius, Marrio Proregi auctor fuit, ut per gentilem suum Anguliæ superintendentem curaret Conventus speciem quandam celebrari. Missis literis ad alios Superintendentes & Commissarios Provinciarum, accitisque paucis aliis Ministris, convenerunt Lethæ 12. Januarii anno 1571. Nam factio quæ stabat à Regina occupabat tunc temporis Edinburgum. Hic conventus

Ficta Occasio Colloquii Lethensis.

Pag. 251

rus septem delegavit, qui omnes vel eorum quatuor saltem, cum Consiliariis Regis communicarent. Cnoxius interim Fani Andreæ morabatur, quia præsidio adversæ factionis tenebatur Edinburgum. Cum de ordine convocandi, & forma celebrandi conventum, dubitarent ipsi, decreverunt hunc Conventum pro Synodo generali habendum.

*Acta Collo-
quii Le-
thensis.
Pag. 27.*

Acta Colloquii Lethensis anno 1571. ad hæc capita redigit, *Post satis longam disceptationem*, inquit, *ab universis est decretum, ut Episcoporum sedes, morte aut quavis alia occasione vacantes, Pastores virtute & eruditione præstantes per ordinariam Decanorum & Capitulorum electionem creati occuparent: ut Abbates & Priores à Rege ad ejusmodi beneficia destinati ab Episcopis seu Superintendentibus prius examinarentur, & si negotiis Ecclesiasticis in Ordinum conventu procurandis idonei invenirentur, ab eis collationes, ut vocant, reciperent: ut Ministri, qui Regiam in rebus Ecclesiasticis auctoritatem sacramento approbassent, post legitimum ab Episcopo Diæceseos examen, minoribus beneficiis pro modo census potirentur: multaque alia in publicum commodum salubriter statuta, de educatione juventutis, de Præbendis, & Capellanciis conferendis, quæ omnia Rege puero rata haberentur: nec ultra nisi aliter videretur.* Ab universis decretum, inquit. Non ab ipso conventu, sed à Delegatis & Consiliariis in Colloquio decreta sunt ista. Hæc attigit Philadelphus, cum dixit: *Hæc Lethæ anno 1571. Januarii 12. in conventu quorundam Ecclesiasticorum & Politicorum serebantur.* Hisce decretis, inquit, *ad sequentem Synodum perlatis, morosuli quidam qui Abbatum, Priorum, Decanorum, & Archidiaconorum nomina concoquere non poterant, protestati sunt se iis articulis assentiendo Papisticos titulos & ordines non agnoscere.* Contra ipsos articulos omnibus unum idemque sentientibus nulla facta protestatio. Morosuli quidam, inquit, nomina concoquere non potuerunt, ac si pauci non multi aut omnes his nominibus offenderentur. Delegerunt quosdam qui examinerent Articulos ipsos, & ad Synodum sequentem referrent quid deprehendissent. Adversante Aula non facile erat primo momento rescindere Acta illius Colloquii. Illud tamen observandum in Colloquio Lethensi in hoc conventum fuisse, ut Episcopi in causis Ecclesiasticis non haberent ampliorem potestatem quàm Superintendentes, & ut illi in iisdem causis subicerentur Synodis Generalibus. Synodo 1572. Civilem etiam Jurisdictionem interdixerunt omnibus munere Ecclesiastico fungentibus. Statuerunt etiam, ne Superintendentes transgrederentur limites definitos in Libro de Disciplina Capitulo de Officio Superintendentium. Et quia Episcopi isti Titulares ampliorem potestatem arrogabant, denuo decretum anno 1573. ut intra limites potestatis Superintendentium se continerent.

*Odiurn
Spotsuodi
in Mortonium.*

De Tertiis Sacerdotiorum Ministris à Regina concessis Aulici, qui tum gratia pollebant, Reginx auctores erant, ut eo nomine quia Ecclesia de victu molestius appellabat, convocatis Ecclesiasticis eorum voluntate ea specie adimeret. Harum maximam partem Regina in usus suos intervertit. Unde petitio, de qua paulo ante, ut Prorex publicos illos sumptus (nam etiam ejecta Regina eadem rapacitas manebat) ex duabus Papistis relictis sumeret. Sed miror quia fronte dicat, Mortonium has Terrias Ecclesiæ ademisse, quas Ecclesiam constar nondum totas tenuisse. Verisimile est, Crichtonio odio, ad quod maternum genus refert, in Duglassios æstare. Quod ad Mortonium attinet, vir fuit inter Scotos imprimis nobilis, prudentia nulli secundus, pietate non infimus. Nam etsi Episcopis semper favebat, & illum ordinem contra Ecclesiam summa ope promovebat, (quam ingratus iste operam illi acceptam imprimis debet,) tamen ut verum fatear in religione asserenda non ultimam, ad ulciscendam Regis patris cædem, ad tuendam

alii

filiū infantiam primam, operam navavit. Erat enim patris amicitinus, filii cognatus, inter studiosos studiosissimus. Is in Regis impubertate præsuit Reipublicæ summa cum laude. Omnia mala compescuit: ut cum optimis Regibus ejus Præfectura comparari potuerit. Tantum (quod moriens fatebatur) potentia sua usus ad Disciplinam reprimendam est, & Ecclesiam nostram ad Anglicam conformandam; quod Deum summis precibus rogavit sibi ut ignosceret.

Historiam de Secunda Politia orditur ab Andrea Melvino. Ut lectorem de hoc homine obitur moneam, fuit ille Richardi Melvini à Baldovia in Angusia ex novem filiis minimus. Patre in acie ad Musselburgum cæso scholas secutus est. Postquam rudimenta rure posuit, in Collegio Mariano ad Fanum Reguli cursum Philosophicum cum magna laude explevit. Hunc Parisios profectus aliquot annos præceptoribus Turnebo, Mercero, P. Ramo, usus, privatis studiis sese dedit. Pictavi tres annos Philosophiam deinde docuit, & summos Juris Doctores secutus Jurisprudentiam interim captavit. Unde Genevam profectus quinque illic annis humaniores literas professus; Hebraica, Chaldaea, Syriaca, ex Cornelio Bertramo privato studio didicit. Postea cum summa Theodori Bezae laude in patriam rediit, non minus literis quàm vera pietate imbutus. Redeunti Prorex (is tunc erat Mortonius) spe illius nomine isti ordini, cui supra modum studuit, gratiam conciliandi, Episcopatum, cujus Sportvodus nunc gloria diffuit, obtulit. At ille sive odio Antichristianæ pompæ, sive studio pietatis infimæ, Collegium Glasguense præposuit. Sordebat enim præ gloria Dei mundanus iste, qui insanas mentes capit, splendor. Quo animo si Episcopi nostri fuissent, nunquam ad hæc tempora ventum esset, quibus nec illi suam magnificentiam, nec Ecclesia insolentiam fert. Is (inquit) *disciplinæ Genevensis studio, institutis imbutus* (in cujus vitam si posset dicere, alia nota quam literarum laude descripsisset) *cui diu adsueverat, non animadverso aliter sub Rege, aliter sub multorum Principatu esse vivendum; ut ad illius Ecclesiæ ideam nostra quàm proximè conformaretur (tanquam ea demum vera esset Ecclesiæ regeneratio) omnes nervos intendit &c.* Si Melvinus quinque annorum consuetudine ita Genevensis disciplinæ studio captus est: an non mirum est, Johannem Sportvodum à Disciplina Scotica, cui plus quàm decem annos adsueverat, tam leviter defecisse? Discrimen in ingeniis, non in disciplina, fuit. Neque verum est quod Episcopus asserit, aliter sub Rege, aliter sub Republica formandam esse Ecclesiam. Ubique per orbem terrarum unam & eandem Politicæ formam Ecclesiis commendarunt Apostoli. Quod dicit ad ideam Genevensis Ecclesiæ nostram disciplinam formatam, imperitiam suam prodit. Et illi & nos unum exemplar intuemur, monstratum nobis in monte Sacræ Scripturæ. Neque in eorum ditiuncula tot possunt esse Conventuum genera, Parœciana, Presbyterialia, Provincialia, & Nationalia, quot nos singulis annis celebravimus. Dicit, Melvinum *Episcopis & Superintendentibus de statu controversiam fecisse*, ac si vel primus vel solus Melvinus litem movisset, cum Episcopis controversiam fecissent in Synodo ante reditum Melvini, & Superintendentium ipsorum potestatem intra suos cancellos conclusissent, sensim aggressuri alia data occasione opportuna. Jacobus Lowsonus Edinburgenus Minister primus litem movit de officio ipso & munere, an ferendum esset in Ecclesia. Cumque, inquit, *Ministris æqualitatem vendicaret, qui in eam sententiam pedibus irent duo hominum genera invenit; Laicorum unum, quod ad proprietatem & dominium Bonorum Ecclesiasticorum, quæ mala fide possidebant, acquirendum, expeditam hanc viam, & tutissimum sacrilegiis suis asylum fore prævidebant. Alterum Ministrorum, qui ambitione præcipientes & gloriæ famelici rejecto Seniorum iugo ad effrenam licentiam quidvis pro libidine patrandi totis animis aspirabant.* Proceres

A. Melvinus Episcopis secundæ generis primus litem non movit,

Pag. 31.

Pag. 32.

& Laici qui mala fide possidebant Bona Ecclesiæ, & sub umbra Titularium Episcoporum, Diaconorum, Rectorum &c. securi latitare volebant, per Politiam Reformatam videbant sublatis illis Titulis auferendam quoque umbram illam possessionis mala fidei. Nam ut videre est in Secundo Libro de Politia, Bona Ecclesiæ & titularibus illis & aliis malæ fidei possessoribus adimenda esse docent, & restituenda Pastoribus, pauperibus, scholis, & fabricis templorum, aliisque piis usibus; & hi præcipuè adversati sunt. Ministros gloriæ famelicos rejecto Seniorum jugo ad effroenem licentiam quidvis pro libidine patrandi aspirasse, calumnia est nequissimi nebulonis. Multæ erant de Episcoporum moribus & negligentia querelæ, quæ maturarunt Reformationem. De vitiis & moribus Episcoporum corrigendis, eorumque arrogatione coercenda, jam non diutius laborandum censuerunt viri boni; securem itaque ad radicem posuerunt, & anfunctio ipsa in Ecclesia ulla lege ferenda, disceptari coëptum est.

Mortonii
conviven-
tia vires
non collegit
Disciplina
nostra.

pag. 33.

Quod Disciplinam nostram vires collegisse dicit Mortonii conniventia, qui *initio Ministros verbo compescere potuit injecta mentione Colloqui Lethensis, quo convenerat, ut in statu receptæ religionis nil immutaretur, dum Rex per ætatem rebus gerendis non sufficeret, falsissimum est.* Certum enim est, Mortonium, nec dubito quin frigidam suffundentibus Episcopis Anglicanis, disciplinam, quoad potuit, repressisse, & auctoribus ejus crucem minatum esse. Neque Lethensis Colloquii ea erat auctoritas, ut reprimeret. Nam Colloquium Lethense aulica auctoritate, & consilio Mortonii nitebatur: ut apud Ecclesiam nostram, nisi Nationali Conventus probaretur, nullius fuisse auctoritatis nemo nesciat.

Mortonium
Eccle-
siasticorum
convitiis
laceratum
se Magi-
stratu ab-
dicasse,
calumniam.

pag. 34.

Dicit, Mortonium anno 1576. tandem male celatum animum expromere cupientem, cum Archiepiscopis Fani Andreæ & Glaugæ, ne Synodorum decretis starent, interdixisset, in odium eorum qui disciplinæ innovationi studebant incidisse, & hos publicè vitia ejus insectando exitium ei maturavisse, & novis indies nascentibus turbis regni administratione se abdicare coactum. O acerbum Mortonii odium! Debit hoc extinguere, nisi quod nullis isti officiis vincuntur, Episcoporum studium. Nam certum est, illum non tantum postquam factus est Prorex, sed & multo ante omnes nervos huc intendisse, ut Conventuum Nationalium auctoritatem occulto conatu labefactaret. Rogatus enim sua præsentia Synodum cohonestare, semper aliquid excusavit; nunquam ea specie honoris dignatus est. Auctor fuit Marrio, cum is præfuit Reipublicæ sua auctoritate & gratia per Durensem Comarchum Augustæ Superintendentem gentilem suum Letham Conventum indicendi, & Episcoporum auctoritatem revocandi. Hic fuit Conventus ille, de quo noster gloriatur, & à quo suam usurpationem probat: & tamen Mortonium, qui hoc subsidium submisit, convitiis proscindit. De hac auctoritate Mortonius Johanem Duglassium Episcopum ad Fanum fecit anno 1571. statim à Colloquio Lethensi. Quid istis immoror? nunquam erat, cum non faceret, quo in eorum odium, qui disciplinæ studebant, incurreret: ut mirum sit hunc affirmare ab interdicens Episcopis, ut decretis Synodorum starent, illum in eorum odium incurrisse: ut non prius, vel non cum adhuc privatus esset, *ejus vitia, avaritiam, & tyrannidem, & luxum, insectarentur.* Hoc ego ausim affirmare, hanc hujus calumniam utrinque esse falsam. Neque illum illa convitia fuisse dignum ut audiret, neque illos ut facerent. Mortonium quod ætinet, nemo Regum nedum Proregum majore cum laude reipublicam administravit. Septem annis, quibus præfuit, hæc gens tanta pace, tanta omnium rerum copia fruebatur, quanta unquam. Nec domi tantum facinorosos repressit, pacem etiam cum vicinis ita coluit, ut ejus immatura mors illis non minus dolori fuerit. Avarum, credo, vocat, si quid

verè

In convitiis respicit; quod multis potius quam morte facinora repressit: ad luxum quod attinet, nemo magis sobrius; ad tyrannidem, nemo in ejus imperio, nisi manifesti sceleris convictus, capite aut jugulo luit. Si Ministrorum convitiis peritum imperio se abdicasse vult innuere, calumniatur. Nam quamvis disciplinæ sciebant cum esse adversarium, tamen quia Regis pueritiam contra rebelles fortissime semper defendit, Papismum constantissime oppugnavit, nemo fuit illis charior, nullius nomen sanctius.

Prorege (inquit, is erat Mortonius) *summo Magistratu exuto Ministri altiora jam* *Episcopi* *meditantes, & spei pleni, Episcopis tum sedentibus denunciant gregis unius curam ca-* *gregis u-* *passant, & ditionum curam mittant. Quorum Rex gnarus literis per Johannem Dun-* *nus curam* *cansonum ad Synodum datis (quarum exemplum in Actorum Libris extat) de republica* *capessere* *agi præfatus, monet à rebus innovandis abstineant, &c. Hoc ita dictum est, ac si Mi-* *quando* *nistri de Mortonii casu lætarentur, etiam ac si Episcopi unius gregis curam capess-* *jussi.* *fere non jussi, prius quam Mortonius se magistratu abdicasset. Ann. 1575. E-* *Pag. 34.* *piscopi jussi unius gregis seu parocciæ curam suscipere, quo anno præter particu-* *laris gregis curam commissa est iis, ut aliis Ministris, visitatio provinciae alicujus* *non amplæ, & iisdem legibus, nempe ut nihil faciant absque Synodo Provinciali* *vel 6 aliis Ministris à Synodo delectis, vel ubi res moram non pateretur, fratri-* *bis ad prophetandum aggregatis è locis vicinis ad locum aliquem primarium, qui* *Classes etiam tum constituebant, sed rudius, nondam tanta instructas auctoritate* *qua brevi post instructæ sunt. Synodo III. Generali anno 1577. Sess. 13. omnia* *capita politiæ comprobata sunt excepto capite de Diaconatu, in quo tamen maxi-* *ma pars conventus consenserat, & in dissentientium gratiam plenior de eo capite* *statuta disceptatio. Mortonius post Synodum illam magistratu se abdicavit exeun-* *te anno 1577. Si Rex de Republica agi in Synodo ratus monuerit, ut iste dicit;* *tamen verum edoctus aliud sensit. Anno 1578. Legatis Ecclesiæ, qui capita disci-* *plinæ, in quæ convenerat, post celebratum jejunium à Synodo indictum exhibue-* *runt, benignè respondit, pollicitusque est, se consiliis Ecclesiæ ad gloriam Dei* *spectantibus non tantum adfuturum, sed etiam præfuturum vel, ut ipsius verbis* *utar, procuratorem fore, effecitque, ut institueretur colloquium inter Consiliarios* *& Ministros Delegatos Ecclesiæ de capitibus Politiæ, cujus Colloquii Acta inserta* *in Libro Actorum Synodali. Sed anno 1584. hora tenebrarum, duo folia di-* *lacerata & in ignem conjecta, ne extarent capita consensus. Ann. 1579. literas* *ad Synodum mense Julio dedit per Johannem Duncansonum, hortatusque est, ut* *de capitibus disciplinæ, in quæ nondum conventum esset inter Consiliarios & De-* *legatos Ecclesiæ, amplius consultaretur, & erga Parliamentum, quod brevi futu-* *rum erat, uno animo consentiretur, ut illa auctoritate confirmaretur. Neque li-* *tem ullam cum Ecclesia contestatus est, priusquam Levinus Robertum Mongome-* *rium in Episcopatum Glasguensem invitis obrusit, anno tertio postquam Rex has* *ad Conventum literas dedit. Quibus hortatibus (inquit) eorum impetus adeo non elan-* *guet, ut bilem in aulam ejusque Præfetti se vomerent. Aubignium præcipuè, qui postea* *Dux Levinæ declaratus est. Hortatus quos dicit ex Literis Regis ad Synodum* *Edinb. Non. Julii ann. 1579. intelligi vult; Aubignius non appulit ante Septembrem* *sequentem: ut si credas huic, Ecclesiam credas in Aubignium bilem expulisse, prius-* *quam Scotiam attigerat. Proceres verum præferunt Aulici obnixi sunt omni stu-* *dio & consiliis, quibus poterant, ne politia publica Parliamenti auctoritate sanc-* *retur. Ex Epistola An. Melvini ad Th. Bezam scripta ad Id. Novembr. 1579.* *quis esset tunc rerum Ecclesiæ nostræ status, colligere potest lector. Annos jam* *quingue bellum acre cum Pseudoepiscopatu, reluctandis Nobilium plerisque, gerere,* *& disci-*

& disciplina severitatem urgere non desistimus : Regiæ majestati & tribus regi Ordinibus , & antea sæpe & nunc in his Comitibus Disciplinae formam in acta referendam & publica auctoritate confirmandam obtulimus. Regis animum in nos propensum , Proceres plerosque iniquos habemus. Sublato enim Pseudoepiscopatu , regni statum convelli , constitutis Presbyteriis Regiam majestatem imminui , bonis Ecclesiasticis in usum legitimum restitutis Regis aerarium exhauriri , causantur : quod Episcopi cum Abbatibus & Prioribus Tertium in Comitibus Ordinem constituent : quod omnis jurisdictio tam Ecclesiastica quàm Civilis ad unum Regem Regisque Senatum pertineat : quod res Ecclesiasticae ex eorum sententia fisco adjudicari debeant. Quod sic loquantur aut sentiant , in causa multis ignorantia est ; aliis , flagitiosa vita & seclerati mores : plerisque Ecclesiastica Bona quæ adhuc supersunt rapiendi cupiditas , quæ jam rapuerunt amittendi metus. Quid quod Excommunicationis sententiam non prius legitimam fore dicunt , quam à Senatu Regio causa cognita approbetur. Sibi enim malè consilii reformidant Presbyterii sententiam , non tam metu judicii divini , quàm terrore civilium pœnarum , quæ legibus nostris & moribus sententiam comitantur. Denique dum Θεῖναι τῆς σαρκὸς in consilium potius quàm patefactam Dei voluntatem adhibent , unius Episcopi vel Inspectoris Ecclesiarum perpetui & nutu & nomine res omnes geri cupiunt ; de communi συνπαροβούλευσιν sententia nihil volunt administrari. Utinam Dominus Ecclesiæ suæ misertus averruncet hæc mala.

Levinii
consilia.

P. 35. 36.

Dicit , Aubignium propter virtutes non vulgares bonis omnibus charum & in flagrantissima apud Regem gratia fuisse. Quod æmuli acerbè ferentes , pessimis vulgo sparsis rumoribus , eum perniciem rectæ religioni machinari , apud Ministros invidia onerarunt : Qui è cathedris declamando Regis ab eo fidem sollicitari , Ecclesiam cuniculis subruì , Papane superstitionis cultum promoveri , plebi infestum reddiderunt. Rex ut iis satisfaceret sollicitus , advocatis in consilium Ministrorum principibus , statuit , ut ex eorum numero selecti Levinium in fide sincera erudirent : simul in integritatis suæ testimonium Confessionem fidei fieri curavit , cui ipse cum familia & subditi honesto loco nati subscripserunt. Hæc est celebris illa Confessio , cujus Sectarius non semel meminit , quamque Cathari nostri identidem objiciunt , quo Regem , Regni-que Ordines , perjurii & perfidiæ reos peragant. Amatus Stuartus Aubignius Regis propinquus è Gallia in Scotiam missus , Guisianorum consiliis probè instructus , regni administrationem Regi gratulaturus , & in religionis qua fieri posset immutationem , quod biennio post adventum experti sumus , simulabat primum se jam in sincera fide eruditum , & ex nostris esse , & confessionem fidei sacramento & chirographo suo obsignavit. Sed perniciem Mortonii interim moliebatur , quem quia charus Ecclesiæ ob merita , quæ supra commemoravimus , opprimere se non posse perspexit , nisi simulata professione religionis & officiorum in Ecclesiam. Extincto autem Mortonio & expulso Angusio , illius exuviis , hujus spoliis ornatus , & duplici Prælatura Glasguensi pleno jure & Aberbrothensi donatus , Leviniaque primum Comes , deinde Dux factus , magnus tandem Scotiæ Camerarius , turbas Ecclesiæ dedit & viris bonis , quem iste bonis omnibus charum fuisse dicit.

Confessione
Fidei regi-
men Epif-
copale ef-
fuit.

Pag. 53.

Confessionem fidei neminem alligasse Presbyteriorum regimini , sic probat. Confessionem illam Joannes Cragius Regius Concionator scripsit & edidit anno 1580. Cui omnes concepta sacramenti formula , se doctrinam & instituta Ecclesiæ Scotticane servaturos , & contraria pro virili oppugnaturus subscriberent. Sed in ea Confessione non alia inquit Disciplina intelligenda venit , quàm tum publicè recepta. Episcoporum nimirum & Superintendentium gubernatio. Cum eorum munus , nullis Ecclesiæ sanctionibus damnatum fuerit ante annum 1581. nec Presbyteria ante

annum

annum 1586. stabilita : ut in eam Confessionem jurasse neminem Presbyteriorum regimini alliget. Superintendentium & Episcoporum apud Ecclesiam nostram nunquam fuit eadem ratio. Superintendentes Ecclesia initio sua sponte delegit , & rebus curandis substituit, Episcopos illos tres aut quatuor , qui ad causam religionis accedebant, quod in bonis essent , cum sumptus non suppetere Superintendentibus in eorum dioeceses designandis & ipsi se obtruserunt, in Commissariorum album , ut supra dictum, conscripti sunt. Episcopi Titulares, quos Aula post colloquium Lethense subornavit, Episcopi nomine re Superintendentes in annum 1576. deinde multiplicatis provinciis præter curam peculiaris gregis commissa iis visitatio non totius Dioeceseos sed assignata sibi provincia sicut aliis Ministris, iisdemque legibus, id est primum Superintendentes ex conniventia, deinde Visitatores erant ex delegata à Synodo potestate , sed Pastores unius gregis. Nam nondum plene constitutis Presbyteriis Classicis, visum est necessarium hoc Visitorum genus constituere. Nec solum ante designatam politiam , Canone deinde ipso Libro Politicæ damnata fuit eorum jurisdictio & functio , sed etiam post comprobata à Conventu Generali Politiam , anno 1578. denuo decretum ut unius Ecclesiæ particularis curam suscipiant , civilem jurisditionem ne exerceant, in Comitibus Ordinum Ecclesiæ nomine suffragia ne ferant, Dominorum temporalium titulis abstineant, in Presbyteria imperium ne arrogant , Episcopatum reditus soli ne percipiant luxui & pompæ suæ indulgentes Scholis Ecclesiis & Pastoribus neglectis , ne ampliorem provinciam visitandam vendicent quam eorum curæ committenda erit à Synodo. Tandem eodem anno 1580. quando in illam Confessionem Fidei juratum, Conventus Nationalis ad Taodunum 4. id. Jul. Episcopi auctoritatem, quo sensu Episcopus vulgo accipitur, ex Scripturis nullam esse decrevit. Itaque plenis suffragiis nemine contradicente iussit eos qui hoc officium tenerent , continuò deponere, neque rem Ecclesiasticam, nisi de novo ad id munus restituti, dignarentur attingere ; idque sub poena Excommunicationis. Confessio Fidei sacramento & chirographis obsignata fuit post Synodum istam eodem anno mense Martio. Nam initium anni apud nos tunc coepit die 23. Martii. Recepta ergo erat Disciplina nostra. Presbyteria seu Classes, etsi nondum per universum regnum constituta & stabilita, tamen de Ecclesiis in unam Classem consociandis & Classium regionibus definiendis & dividendis consultabatur ante obsignatam juramento Confessionem fidei , & anno 1579. statutum, ut Coetus fratrum ad prophetandum aggregatus ex locis vicinis Presbyteriorum constituendorum vices suppleret. Secunda ratio sequitur, qua probat Confessionem illam non alligare Presbyteriorum regimini. Jam ut illis largiar (inquit) quod nunquam tamen evincet, disciplinam postea receptam tum stabilitam fuisse tum hæc Confessio primum prodiit ; quotusquisque non novit disciplinam omnem rem esse mutationi obnoxiam ? Equidem non novi, neque credam. Christum, qui Dei sapientia fuit, Rempublicam suam, quæ omnium est perfectissima, arbitrio stultorum hominum reliquisse agitandam, ut hodiè & heri, prout illis libet, sit alia atque alia, quod ne Solon quidem aut Lycurgus, aliisque quisquam Legislator pateretur. Quisquis igitur, inquit, in Disciplinam Ecclesiæ jurat, id non aliter facere intelligendus est, quam si nihil in ea ab Ecclesia innovetur. At, inquam, ideo juratur, ne quid innovetur. Rem illustrat exemplo à Senatusconsultis, & Plebiscitis, in quæ non datur fides, si forte mutantur. Atqui, inquam, ratio non est eadem. Quæ populus cum suo capite sciscit, potest eadem auctoritate rescindere. At nostrum caput absolutam habet potestatem. Quod ille scivit, non licet nobis rescindere. Duplex est disciplina, altera universalis & perpetua, altera particularis & mutabilis. Universalis est quæ ubique est una, utpo-

Pag. 39.

re quam ipse Christus iussit. Hanc non magis licet Ecclesiæ mutare, quam mutare licet ipsam Scripturam. Disciplinam tunc recepiam verè Christianam & Apostolicam agnoverunt, Episcoporum Antichristianam; & ideo istam ejurarunt, & in illam jurarunt, non quia merum institutum Ecclesiæ, sed quia institutum Christi, ut conventibus regeretur Ecclesia, non singulari, Papæ, Episcopi, aut Archiepiscopi alicujus autoritate. Particularis est, quæ pro loco & tempore & re nata potest esse alia atque alia, ut quo die celebranda Cœna, quibus horis conveniendum ad sacra celebranda, &c. Hæc & hujus generis similia sunt in arbitrio Ecclesiæ, & pro re nata mutari possunt. *Si his (inquit) responsionibus nondum Sectariis nostris* (ita eos vocat, qui antiquum obtinent, & horum sectam abominantur) *satisfactum est: addo Episcopos nunc sedentes & magnam partem Ministrorum suscriptiones illas inficiari.* Quinam isti? Nam Johannem Spotvodum, & Jacobum Laium, nostros Archiepiscopos ipse vidi Trenenti subscribere anno 1604. & audiivi jurare se, quod fecerunt Ecclesiæ causa facere, (nam tum nova hæc consilia agitabantur,) & si quando voti forent compotes, Ecclesiæ quicquid impetrarunt restitutos. Sed quis huic, qui pro ludo facit prejerare, vel jurato credat, fuisse tum in Scotia Ministros, qui quod ipse Rex & totus populus juravit non jurarunt? quis credat, quenquam, qui rem sacram administrabat, id quod Synodus 43. anno 1581. unanimi suffragio pro rato habuit, ausum fuisse calculo suo non probare? Sed nimis velim scire, ubi isti fuerunt anno 1590. prid. Non. August. quando moderante Patricio Gallovidio qui nunc defecit ad Episcopos Act. 2. decretum fuit, ut per Presbyteria singula omnes qui rem sacram tractabant, in omnia capita disciplinæ ante sequentem Synodum subscriberent. Decretum fuit Edinb. anno 1587. ne Rectores gymnasiorum discipulos maturioris ætatis in disciplinam reciperent, aut quenquam in gradus literarios admitterent, nisi in formulam fidei juratos. *Sed si in Gymnasiis religiose observatum & discipulos in juramentum adactos probasset, aliquid, inquit, certe pro causa diceret.* Ubi ex illo libenter scire primum velim, utrum sit Christianum de fide Gymnasiarcharum dubitare. Si quis dubitat, testimonium perhibebunt chirographa eorum qui laurea Magisterii donati sunt ab anno 1587. ad annum 1606. Quære ab ipsis Ministris, qui gradum illum consecuti sunt, num negare audeant. Aliud igitur effugium quærit. *Quid, inquit, quoties ea confessio alicui obtruditur, sub formulis fidei id fieri assolet, nec illi quicquam aliud sub eo nomine intelligunt; disciplinam porro dogma fidei ad salutem necessarium, non opinor, vocabunt.* Fidei vocabulum, cum ita loquimur, quis nescit religionem significare: & politiam ac disciplinam religionis partem esse. In Confessione illa seu formula fidei Disciplina distinguitur à Doctrina, & in obedientia utrique debita se perduratos sanctè jurant. Quia nodum istum solvere non potest, ut Alexander quidam gladio fecat. *Sed, inquit, se à sacramento semel nuncupato sine perfidiæ macula recedere non posse: quibus responsum volumus, si aliter scrupulus ille eximi non potest, in Ecclesias bonis avibus facessant ubi illis ita vivere liberum sit, cum in unius privati gratiam, Ecclesiæ ritè constitutæ unitatem dissolvi, & pacem turbari, non sit ferendum.* Lupus queritur de turbato fonte, & agnum ut reum dilaniat. Sic piratæ occupata nave vectores, tyranni occupato regno fidos subditos tum proceres cum plebeios facessere jubent. Nos, in Politiam Ecclesiæ nostræ rectè constitutæ jurati, unitatem servavimus. Isti unitatem dissolverunt. Ad gubernaculum sedent invita Ecclesia, oblucentes jam pro' privatis haberi, & quia ipsi perfidiæ rei, totam Ecclesiam, eodem reatu teneri cupiunt.

Pag. 40.

Pag. 40.

Pag. 41.

A Rege

Quia Ministri cum Rege egerunt, ut Disciplinam decreto publico sanciret, inde colli-

colligit everſam fuiſſe ab ea quæ Fidei Confefſione continebatur. *Eſſe*, inquit, *comproba-*
Rex, *ejusque familia omnis confefſionem illam appoſitis chirographis conſignafſent*; ita Presby-
juſta tamen adhuc dubitandi cauſa Miniſtris videbatur. Igitur cum Rege ſedulo agunt, teriorum
ut libellus de Diſciplina, quam novam ad ideam Platonice reipublice affinſerant, conſtitutio-
auſtoritate publica ſanciretur; quæ ſi eadem fuiſſet cum illa quæ confefſione fidei Pag. 41.
continebatur, quid opus fuiſſet nova ſanctione? aut qua fronte id Rex facere recu-
ſaſſet, quod haud ita pridem fide data approbaſſet? Nam in omnibus Synodis, quæ
Glaſcuenſem exceperunt, legere eſt, Regem cum Miniſtris egiſſe, ut ab ejusmodi in-
ceptis deſiſterent, & quos ipſe daret Episcopos eligerent. Nec prætereundum de an-
no aut circiter, quo illa Confefſio primum evulgata eſt, Regem per internuntium teſti-
ficatum, quæ ab illis jactarentur ſibi diſplicere, & remedium in tempore adhibitu-
rum. Non dubitarunt de Diſciplina, quin in eam juratum ſit quæ erat tum re-
cepta, non autem in eam quæ exploſa erat & ante conſignatam illam Confefſio-
nem ab anno 1575, ſed de conſtantia cum jurantium tum poſteriorum dubitare li-
cebat; conſultum propterea illis viſum Politiam publico Decreto ſanciri. Quod
ad Presbyteria ſeu Claſſes in ſpecie attinet; conſtat hanc partem fuiſſe politiæ de-
ſignatæ, conſultatumque quomodo Regnum totum in Regiones & Claſſes diſtri-
buendum etiam ante obſignatam Confefſionem fidei. Certum eſt, Regem 1581.
& ſtatim poſt obſignatam ſacramento & chirographis Confefſionem fidei, dediſſe
Guil. Cuningamio Capringtono mandata ad Concilium Glaſcuenſe in hæc verba.
Dabis iis meas ad eos literas, facieſque ut intelligant, me feciſſe quodaſ ex Sena-
tu meo cum Legatis illorum, quos Toaduno miſerant, ſæpius de capitibus propoſitis
deliberare. Videri illis Tertiarum rationes, de quibus in primo articulo petunt, non
eſſe ad Miniſtros alendos tutiſſimas. Ita enim eſſe his 20 annis ultimis attritas, ut
neque illis neque mihi quicquam certi poſſit conſci. Videri itaque neceſſarium, ut alia
ineatur ratio, quæ & in præſens certior, & in futurum conſtantior ſit. Quod ut
commodius fiat, auſtoritate & conſilio eorum Senatorum quos ego dedi, & Mini-
ſtrorum quos Synodus legaverat, perſcriptam eſſe formulam Presbyteriorum ex vici-
nis Eccleſiis, in qua latiores Eccleſiæ dividuntur, & minores cum aliis conjunguntur,
ut Paſtores facilius ali, populus facilius convenire poſſit. Præterea me ſtatuiſſe lite-
ras ad Nobiles, & præcipuos in ſingulis Presbyteriis dare, quibus jubeam convenire &
conſultare de præſenti negotio, & me certiorum facere quid habeant conſilii. Et cum
his & aliis mandatis formulam Presbyteriorum miſiſſe, quam dixit Conſiliarios &
Miniſtros ſcripſiſſe; Synodumque delegaſſe qui de tota re cognoscerent. Si in E-
piſcoporum aut Superintendentium regimen juratus eſſet; cur ſtatim poſt con-
ſignatam Confefſionem fidei, formulam 50 Claſſium ſeu Presbyteriorum locis to-
tius regni maxime opportunis conſtituendorum miſiſſet. Quod in Synodis, quæ
Glaſcuenſem anno 1581. exceperunt, ais Regem cum Miniſtris egiſſe ut ab ejus-
modi inceptis deſiſterent, & quos ipſe daret Episcopos eligerent; mutatum ſimpli-
citer non negamus. Sed cur mutatus, tu videris? & quando nos infra docebimus.
Memineris etiam poſtea ad ſe rediſſe anno 1586. & denuo anno 1589. Confes-
ſionem fidei chirographo conſignafſe.

His omnibus (inquit) *ſectarius, quia cauſæ jugulum petere videbantur, omiſſis*, Episcopis
refert poſt publicas diſputationes, privata colloquia, conſultationes cum tranſmarinis abrogata
Theologis habitas, nemine è Miniſtris repugnante, ſecundum de Diſciplina Libellum auſtoritas
omnium ſententiis comprobatur. Et tu iſta negare non audes, deliberationem & unanimi
diſputationem de politiâ aliquot annos tenuiſſe, tum in Conventu publico tum in Miniſtro-
Colloquiis Conventus authoritate conſtitutis, & rem ſæpius incudi redditam: con- rum con-
ſultos etiam fuiſſe Theologos tranſmarinos, teſtatur viri Venerabilis Th. Beza ſenſu.
Pag 42.

Tractatus de Triplici Episcopatu, quem scripsit cum Dominus Glamisus regni Cancellarius hac de re eum consulisset an. 1576. Si Auctor Epistolæ omiserit quæ jugulum causæ petunt, judicet lector. Aulam adversantem, & Procures qui loculis suis ex Bonis Ecclesiæ aliquid corradere volebant, uno verbo perstrinxit. Nec brevi Epistola plenam historiam complecti potuit. Sententiam Ecclesiæ nostræ de Episcopatu fideliter retulit. Libro Secundo de Disciplina (inquit) contradixerunt Ecclesiæ nostræ Antesignani, Dunensis Comarchus Angusæ Superintendens, Johannes Spotswodus Lothianæ & Mercie Superintendens, (is erat ipsius pater,) Johannes Winramus Fisæ Superintendens, Georgius Hajus plagæ Septentrionalis Commissionarius, Alex. Arbuthnotus Præfectus Gymnasii Abredonensis, Rob. Pontanus Synodi Glasguensis quæ habita est contra Episcopos Præses, David Lindesius, Andreas Poluarius, Tho. Smetonus. Hos viros pro egregiis agnoscimus sed quibus Ecclesia nostra, sive prudentiam, sive eruditionem, sive vitam spectes, multos habuit pares, non paucos qui signum anteferrent. Quod autem asserat hos disciplinæ adversarios, equidem nescio quid habuerit animi. Certò scio ex Actis Ecclesiæ, maximam istorum partem huic negotio maximam navasse operam. In prima opera inter eos qui Synodo 33 anno 1576. ad formam Politicæ designandum delecti sunt, invenio ex his novem quos iste vir bonus dicit adversarios, quinque ex præcipuis, Comarchum Dunensem, Johannem Winranum, Alexandrum Arbuthnotum, Robertum Pontanum, & Davidem Lindesium: ut mireris datam fuisse instituendi curam adversariis ejus quod curabatur. Quod ad ipsius patrem attinet, nescio quid illi credam, qui de aliis tam manifestè mentitur. Hoc ramen scio, ab Ecclesia, non ab Episcopo, Superintendendi accepisse officium, Ecclesiæ jurasse obsequium, peccati si quid admisisset Ecclesiæ permisisse judicium, legemque ipso auctore latam Synod. 27. anno 1572. Act. 4. ne qui sacra tractant civilia attingant. Quam filius, ut auctoritatem filii cognoscas, verbo uno refutat, Libelli sui pag. 19. sub finem. *Civilium judicium munus* (inquit) *ab Episcopi officio neutiqum alienum est.* Quod autem narrat, se à viris fide dignis accepisse, Dunensem gravibus minis increpasse Melvinum; equidem neque illi neque viris illis fidem habeo. Vanæ etiam sine viribus minæ fuissent. De Smetono testimonium perhibuit Melvinus Epistola ad Johannem Rowum Ecclesiasten Perthensem anno 1578. *Huius noster veteranus ut nosti & strenuus Christi miles, & Smetonus acerrimus bonæ causæ propugnatur.* Quid multis opus est? cum ipsius Canonis verba testentur, unanimi consensu omnium explosum fuisse Episcopatum: quod cum diffiteri nequeat, fingit invitos cessisse in aliorum sententiam: *licet tandem*, inquit, *ne frustra contraniti viderentur, in imperitæ multitudinis sententiam concesserint.* Quo quid turpius dici potuit in viros, ut ipse ait, pios, doctos, & Ecclesiæ nostræ antesignanos ab impio nebulone & asino indocto?

Pag. 45.

Tumultus
Montgo-
meriani
origo &
exitus.

Mala ex Ecclesiæ consiliis sequuta demonstraturus orditur à tumultu ob Archiepiscopatum Glasguensem. Robertum Montgomerium Ministrum Sterlinensem Dux Levinæ Regi commendatum ad Archiepiscopatum evexerat, pactus ut titulo & pensione annua mille librarum contentus reliquis Episcopatus emolumentis cederet. *Ministri* (inquit) *hac ut rebantur injuria commoti diem ei ad Fanum Reguli dicunt, ibi Sacerdotio multandum, & pœnis Ecclesiasticis non leviter puniendum.* Rex quæ sciret duntaxat crimini dari, quod contra Acta Conventuum Episcopi titulum suscepisset, (neque enim de dilapidatis beneficii redditibus agi,) Joanni Gramo (qui postea in Collegium Judicum adscriptus est) in mandatis dat, *litē inhibeat, ni pareat Conventum dirimat.* Ita quæstione dilata verius quàm omissa. *Ministri cum diutius iram suppressere non possent, nullo ordine, nulla juris formula observata, ei sacris in-*

zardā-

serdiunt: qua contumelia Rex accensus excommunicationem irritam pronunciat & hominem in Diocesim, (impedientibus quamvis non paucis Æeræ & Glasgæ) cum imperio mittit. Hæc ille. Hunc egregium virum Robertum Montgomerium, hominem prope dixerim fungum, Levinius Regis graria Episcopum Glasguensem facit. Ecclesia honorem & hominem juxta damnat. Duræus & Balcanquellius Ministri Edinburgenses ob libertatem in Levinium accusantur, & purgantur ab Ecclesia. Montgomerius, ut se ad Conventum sistat, citatur. Rex pro eo intercedit. Ignoscitur, modo ab Episcopatu discedat, & ad suam Ecclesiam se recipiat. Reprehenditur quindecim errorum. De ejus erroribus Rex consulitur. Permittit, ut qua Minister est, accusetur. Levinius rursus ejus causam suscipit. Presbyterium Glasguense sub proscriptionis pœna jubetur illum Episcopum recipere. Templum cum armatorum multitudine ingreditur Cal. Mart. 8. Davidem Wemium ex suggesto per tumultum rapit. Synodus Lothiana hominem citat. A feciali jubentur desistere. A ministracione sacra suspenditur. In Conventu generali ad Fanum Regulæ Presbyterium Glasguense petit, ut suspensio pro rata habeatur. Montgomerius intimatum sibi fuisse negat. Conventus tamen re cognita invenit intimatum, & decernit legitimo ordine suspensum. Interea supplicum libellorum Magister verbis Regis vetat quicquam contra Episcopum decernere. Conventus Civilia responderet nihil ad se attingere; alioqui nihil nisi ex conscientia acturos. Dum ergo pergunt, & de re tota cognoscunt, Burnus quidam fecialis pro sua auctoritate vetat. Hic Conventus re iterum cognita per Thomam Macgillum monet, decretum esse, se posse salvo Regis imperio de causa tota cognoscere: itaque die crastino se in judicium sistat. Ipse se subduxit. Guilielmum Montgerium procuratorem supposuit. Damnant vitæ impuræ, doctrinæ corruptæ, suspensionis contemptæ, fidei violatæ, mendacii manifesti, disciplinæ infractæ, convitiolorum in Collegas pro concione, proscriptionis conventui interminatæ. Hic supplicum libellorum Magister orat, ne decernatur priusquam Rex fiat certior. Unde Conventus literas supplices ad Regem dat. Mittuntur, qui Regem de re tota doceant: deinde post meridiem decernunt, & jure Ecclesiastico privant, statutumque ut excommunicetur; sed sententiam in tertium diem differunt. Eo die Londæus Comarchius & Lindesii hæres gravibus argumentis eò impellunt, ut Conventum se submittat. Hic crimen fatetur, pœnitentiam profitetur, obtestationibus totum Conventum, Thomam Smetonum gravissimè qui gravissimè oppugnaverat, commovet, ut amplecterentur & præterita condonarent. Nihilominus gnari inconstantiæ hominis Presbyterium Glasguense monent, ut sedulò servarent, ne quod jus Episcopi usurperet. Si faxit, jubent contemptus & perfidiæ damnare, Edinburgense Presbyterium docere. Eique dant potestatem excommunicandi. Deinde decernuntur ad Regem Legati cum gravi querela, de violato jure Ecclesiastico. Non multo post Montgomerius ad vomitum redit. Levinium sectatur. Presbyterium Glasguense ex Decreto Synodi de flagitio cognoscit. Præfectus urbis cum multitudine civium Moderatorem Presbyterii corripit, carcere publico claudit. Scholares summa vi defendunt, non sine sanguine. Nihilominus Presbyterium pergit. Fit decretum. Edinburgense Presbyterium excommunicat. Per suggesta publicè denunciatur excommunicatus. Regius Senatus sententiam irritam pronunciat. Ministri Edinburgensi factum reprehendunt. Jubentur se in Senatu Regio sistere primo Edinburgi, deinde Dalkerthi, ubi non sine periculo Duræus famulorum Levinii manus evasit. Jubentur Edinburgo decedere; & nisi faxint, Præfectus jubetur expellere. Presbyterium Glasguense Præfectum & Prætores de vi accusant. Rex eos ad judicium suum Andrepolin citat. Conventus eò quosdam, qui pro iis

orent, legat. Rex pridie Non. Jul. securitatem promittit, modo Conventus h-
te contra præfectum & prætores velit cedere. Illi in diem dictum sententiam
suspendunt, data tamen facultate quibusdam delectis fratribus, si opus fuerit, fe-
rendi sententiam. Deinde Supplicationem ad Regem decernunt. Officii sui mo-
nent; eum esse Caput Reipublicæ, Ecclesiæ non caput sed membrum, & ut pri-
mum ejus filium debere primam ejus curam gerere: nunc contrà decreta ejus re-
scindere, servos vim illi inferre, Ministros de suggesto detrahare. Denique jam
Papam agere, & utrumque gladium invadere. Qui ad hanc Supplicationem ex-
ponendam missi erant, Perthum veniunt: proponunt. Jacobus Stuartus Araniæ
Comiti primum tutor datus, deinde Comes ipse factus, tum Cancellarius Regni,
horum malorum fomes, surgit, minatur, clamat, an quis audeat huic supplica-
tioni subscribere. Andreas Melvinus respondit, nos audemus; & simul pennam è
manu Scribæ corripit, Collegas hortatur: sequitur Dumenis Comarchus, quem
hic rabula dixit Melvinum odio prosequi, Thomas Smetonus, Robertus Pontan-
us, David Lindesius, quos hic dixit adversatos esse, Andreas Hajus, Petrus
Blackburnus, Thomas Buchananus, & Patricius Gallovidius. Anglici perspecta
hominum audacia rati habere occultum subsidium, sine responso tamen dimitunt.
Habes rei summam, quàm brevissimè possum: jam judica de Ecclesiæ consiliis &
de tumultus Montgomeriani origine.

*Conjuratio
Ruthueni-
ana non or-
ta ab Ec-
clesiæ con-
siliis.*

Pag. 49.

Post paucos dies Aulica factione Levinius & Aranius opprimuntur. Hujus
etiam mali, si malum, originem in Ecclesiæ consilia transfert *Sequitur est &
aliud, inquit, malum. Nobilitate enim in factiones divisa, & rebellibus, ut fieri
solet, obtentu Ecclesiæ consilia velantibus, è Ministris iquidam imminuta majestatis
rei in liberas custodias deputantur. Id illis persecutionem interpretari placuit. Interea
frangere non aliud sonabant, quàm vexari Ecclesiam, Aulam à fide deficere, vete-
res ceremonias restitui: tandem circa mensem Augusti conjuratione Nobilitatis, Rex
Ruthueni detentus est, Duci Levinia aula interdictum, Jacobus Stuartus Araniæ
Comes in carcerem coniectus, & è regis plurimi capti, non pauci graviter vulnera-
ti. Conjurationem hanc Nobilitatis, Ministri libellis editis & coacta ad Septem-
brem Synodo concordēs approbarunt, vetueruntque sub anathematis pœna, ne aliter
quàm Ecclesiæ & publicæ libertatis assertores appellarentur. Deus bone! in quàm
paucis verbis quot peccata! Ministri rei majestatis, quod rebelles suis consiliis Ec-
clesiam prætenderent. Videri vult à Ministrorum consiliis Conjurationem Ru-
thuenianam ortam fuisse. Delegati ab Ecclesiæ Comitiis aliquot Ministri cum
supplici libello querelarum pleno, ut supra dictum, Pertham, item ad Regem,
cum Glasguensi & Collegio & Presbyterio fere universo vicesima nona vice vocato
ob causam Mongomerianam convenerunt. Nihil æqui impetratum. Post illorum
discessum inter Gourium & Levinium exorta est de dignitate sive jurgium sive con-
tentio. Gourius adhibiris in consilium amicis, Marrio, Glamisio, Oliphanto,
Lochlevino, Clesio, Bodio, Bannatino, & aliis, 23 Augusti in Strathernensi
Præfectura sit Regi Edinburgum proficicenti obvius in armis, eumque secum do-
mum suam non reluctantem deducit, summotoque satellitio Regio custodiam Re-
gis sibi suisque vendicat. Jacobus Stuartus Aranius ad ejus rei famam accurrens,
fratre Guilielmo vulnerato cum aliis nonnullis, ipse in Duplini arcem custodien-
dus includitur. Levinius in exilium relegatus non multo post Lutetiæ Parisiorum
sive ægritudine animi sive morbi violentia contabuit & fatis concessit. Factionis
principes Abbatem Passletensem ad Conventum Edinburgum mittunt, ut suo cal-
culo factum probent. Illi quod magno malo Ecclesia & Respublica liberata esset,
Deo gratias habent. Cæterum de auctoribus nihil posse statuere, Deum tantum
rogare.*

rogare, ut boni causa bene egerint. Tamen ad Regem delegant, qui ejus sententiam sciscitarentur. Ille respondet, se Dei beneficium agnoscere, magno se & rempublicam malo liberatos esse. Unde Conventus etiam factum probavit. Fuerat illa factio pars sanior, quæ non in regem, sed pro Rege adhuc incauto & imprudente, & pro patriæ libertate contra factionem adversam, vel potius duos Aulicos rempublicam & Ecclesiam opprimentes, conspiravit. Qualescunque fuerint plerique eorum non multum laborabo, sed respondebo verbis Joannis Duræi tunc Ministri Edinburgensis. Quemadmodum cæcus ille cujus oculos aperuit Christus Joh. 9. Phariseis ita ratiocinantibus, *nos hunc hominem scimus peccatorem*, respondit, an peccator sit nescio, unum scio, me quum fuerim cæcus, nunc videre: sic qualis quisque eorum fuerit nescio, sed misere vexatam & tantum non penitus oppressam Ecclesiam eorum ope liberatam & ereptam scio. *At Ministri*, inquit, *reliqua prosperè cessura rati nobiliorum opera, quorum causam enixissime juverant, disciplinam suam comprobatum iri sperabant: sed illi causæ iniquitatem secum reputantes, Ministrorum desiderio Regis gratiam præferre satius duxerunt.* Modò dixit Nobiles illos fuisse factiones & rebelles. Si factiosi & rebelles, non nocet nobis, si causam nostram iniquam judicassent. Sed nos de æquitate causæ nostræ tam iniquos fuisse judices non judicamus. *Vere proximo*, inquit, *Rex per occasionem libertate recuperata conjuratorum nonnullos in partes regni Septentrionales, alios in Hi-* Pag. 51.
berniam, circumjectasque insulas, & pleraque continentis loca, relegavit. Reliquo hoc anno res in Ecclesia satis tranquille fuere. Subjuxit se Rex clam à factione ista Nobilium ad factionem adversam, & venit Andreapolin mense Junio 1583. Revocatur Aranius, excitantur novæ turbæ.

Anno, inquit, 1584. Andreas Melvinus habita concione ad Fanum Reguli multum in præsentem rerum statum invehens, addidit, Nobilium esse & reliquorum regni *Melvinæ accusatio,*
Ordinum vitia & abusus Aulæ corrigere, productis in medium superiorum temporum apologia,
exemplis, & in his Jacobi tertii Regis abavi: quamobrem à Concilio in jus ad causam dicendam vocatus, & quod Judicium auctoritatem defugeret, & immodestius se Pag. 51.
gereret, in custodiam Blackness proficisci jussus, noctu itinere commutato Bervicum profugit. De Melvino audeo affirmare nulla assentatione, (nam audio paulo ante fati cessisse,) melius Regi ab infantia voluisse, quam assentatores istos, qui quicquid ait ajunt; & si rursus negat, negant id quoque. De Ordinum potestate, quæ quidem amplissima est, nihil jam dicam, nec de ea differebat Melvinus in Concione, cujus verba detulit adversarius. Sed ut videat lector, quanta invidia hi Episcopi æstuent, ita res habuit. Melvinus inter Jejuniū ad Fanum Reguli pro concione dixerat, *Danielem exemplum avi Nabuchadnazeris nepoti Baltazari proposuisse. Indeque nunciorum Dei esse, Principi & populo ætatis suæ majorum exempla, sicubi res poscit, ob oculos ponere.* At nostra ætate rem eò devenisse, ut si quis velit proponere Aulæ, quid mali ad Jacobum Tertium ex assentatorum consuetudine devenierit, ut Rex sibi ab hoc genere pecudum caveat: dictum iri, illum monitorem à textu aberrare, & fortasse Majestatis accusatum iri. Hæc inimicus quidam ad Regem detulit. Unde ex improvviso citatur; in judicio se sistit: acriter, constanter, non, ut adversarius fugit, immodestè, se defendit. Judex 22 testes adhibet, qui aulici non multum Melvino nocebant. Ergo postquam jurasset adversarius, & capita accusationis exhibuisset, conscientia tactus obnixè Regem rogavit, ut unum verbum narrationis mutare liceret. Id erat, in quo caput accusationis vertebatur. Pro Melvino testimonium dixit Academia & Civitas. Hic cum non satis causæ Aula reperisset, de provocatione à Rege accusat. Provocaverat enim Melvinus ad Ecclesiam, ut si ea damnaſset, nullam causam diceret quin omnes corporis cruciatus.

ciatus subiret. Ecclesia & Academia utraque pro jure suo per Legatos postulaverunt, ut causæ ad jus suum spectantis esset dictio. Neutra audita est. Melvinus sub octavam vespertinam ad arcem damnatur. Cras ante septimam ab Aranio mutatus carcer. A faciali jubetur intra 24. horas Blacknessum, qui fuit in Aranii potestate, se recipere. Ille monitus ab amicis caput suum peti, mutata veste duabus horis post per mediam plateam medio die Bervicum proficiscitur, non de nocte, quod Episcopus inter alia fingit. Hoc verum esse, ipsa Episcopi narratio probat. Nam si verum fuisset, illum Nobiles in Regem armasse, cur tantum carcere damnatus fuit? cur aliud crimen quæsitum, quod judicum auctoritatem defugerat? Et quod jugulum causæ petit, cur si tanto scelere teneretur, jubetur solus sine custode in carcerem proficisci. Oportet insignem hunc esse Oratorem, qui quod verbo dixit, verbo refutat: aut egregium ejus esse odium, qui criminibus more rixantium mulierum studet potius adversarium onerare, quam quid veri sit prodere.

Pastorum
Edinbur-
gensium
fuga.

Pag. 52.

Non adeo multo post, inquit, arx Sterlinensis à Ruthueniana conjurationis sociis capta est: incertum quo consilio, cæterum quicquid fuit, fortuna discussit. Gourius enim comprehensus, & conjurationis conscii in Angliam fugere sunt coacti, quo etiam paulo post Pastores Edinburgeni se receperunt, conscripta discessus apologia, & fugam suam in aulæ rabiem & tyrannidem conferentes. Hæc sic dicta videri vult, ac si Pastores Edinburgeni cum Ruthuenianis consilia versassent de occupanda arce Sterlinensi. Post captam arcem, propter aulæ rabiem solùm vertere coacti sunt, & apologiam conscripserunt, qua rationes gregi suo reddunt cur ad tempus se subduxissent, ne omnino eos deseruisse viderentur. Pro capta arce Sterlinensi, aut communicatis consiliis cum Ruthuenianis, nulla illis opus erat Apologia, nec illius culpæ insinulari erant.

Comitiis
anno 1584.
Episcopis
collata ju-
risdictio,
sed successus
irrito.

Pag. 53.

Æstate proxima Regem dicit (quod verum) publico Ordinum Decreto Præsulibus potestatem in inferiores Ministros restituisse, Cœtus & Conventus Ecclesiasticos edictis inhibuisse, sed successu ut in rebus perturbatis irritum. Nobilibus enim ab exilio ad Cal. Novembris anni 1585 revocatis & post humillimas preces in primum gratiæ locum receptis: Ministri ex fuga in Angliam superstites, secus factorum condonatione non contenti, suam disciplinam inducto priori Decreto stabiliri vehementer urgebant. Quod cum à Nobilibus destituti impetrare non possent, ad veros mores reversi, in Aulam plenius invehuntur. Cum Nobilium alii extincti, alii relegati aut proscripti essent, celebrarunt Comitia statim post reditum P. Adamsoni ex Anglia, sine publica indictione, & dimissa prius quam fere intellexerint quorum intererat, qui & in quem finem convenissent. Hoc illud Parliamentum, cujus decreto dicit Præsulibus restitutam potestatem in Ministros, & Conventus Ecclesiasticos edictis inhibitos. Addam, ampliorem potestatem in his Comitiis collatam Episcopis, quam vel in Colloquio Lethensi concessa, vel ipsi unquam arrogare ausi sunt, & quidem non consulta, nedum consentiente, Ecclesia. Cum Edicta Parliamenti illius evulgarentur, Robertus Pontanus & Gualterus Balcanquellus purioris Evangelii Ministri intercesserunt publicè, idque fratrum omnium & Ecclesiæ nomine. Quam ob rem & liberam reprehensionem tyrannidis Aulæ se clam subdlexerint Lowsonus & Balcanquellus, & in Angliam se receperunt. Ex Actis Parliamenti sequuntæ sunt graviore turbæ. Adamsonum & Mongomerium pro Episcopis legitimè vocatis habere, iis obedientiam polliceri, & præstare, ea chirographis suis obsequare vel duriora pati, oportebat. Mongomerius quis & quantas nobis turbas dedit, supra diximus; majores tamen Patricius Adamsonus aut rectius Constantus, (Patricii Constanti filius,) qui quandoque Constantii no-

men

men assumpsit, postquam scholis egressus est, incipiente Ecclesia Ecclesiæ nomen dedit, deinde cum avido animo fructus ille non satiffaceret, ad Jurisprudentiam se contulit. In hunc finem proficiscitur in Galliam. Reversus, cum ex causis forensibus quod voraginem animi expleret non percepisset, relicto foro ad suggestum rediit. Opera Andreæ Haji, quem hominis miserebat, Passetensis Minister creatur. Cum neque hac ossa gulam expleret, ad Aulam provocavit, ut Episcopatum aliquem (nam tum Aulici quærebant quos minimo ad illud nomen conducere) interciperet: plus enim ex illo cadavere quàm ex tenui sacerdotio corradi posse percipiebat. Hic mortuo Joanne Douglassio factus, quod multo ante spe capravit, Fani Episcopus, id est Titulo Beneficii & particula Redituum donatus anno 1575. Nam de Officio, an ullis legibus diutius ferendum in Ecclesia, coeptum est tunc acrius disceptari. Ille simulabat, sicut decrevisset Ecclesia de Episcopatu, se obtemperaturum: clam tamen Ecclesiæ consilia & conatus, quoad potuit, subrebat. Anno 1582. correptus morbo à veneficis salutem petiit. Non dum plenè recuperata valetudine, post unius fere anni latebras & languorem in publicum prodiit, concionemque habuit coram Rege & novorum consiliorum authoribus Andreapoli anno sequenti, (cum eo se recepisset Rex, postquam subduxisset se à factione altera Nobilium,) in qua graviter invecus est in Ordinem Ecclesiasticum & Synodorum Constitutiones. Sibi malè conscius multorum criminum, Ecclesiam ut hostem illi infestissimum vel clam vel apertè oppugnabat. Simulat se profecturum ad aquas Spadanæ valetudinis causa, in Angliam tamen substitit, & pro Legato se gessit, ubi cum Episcopis Anglicanis & Bancrofto præcipuè consilia contra Ecclesiam nostram contulit. Ad Theologos externos literis datis affinxit nobis theses odiosas, ut Ecclesiæ nostræ odium crearet. Ante dictum Nobiles quidam in Angliam se recipere coacti, ut nemine obloquente Respublica & Ecclesia facilius opprimerentur. Nam statim à reditu celebrantur Comitia. Episcopi, in odium Ministrorum & Ecclesiæ constituti. Synodorum & Presbyteriorum jus abrogatum. Post Comitia, jurisdictionis quæ Presbyterorum erat jure Episcopis Parliamentariis collato, Academici præsertim Glasguenses Andreapolin traducti, ut apud Adamsonum captivi in arce custodirentur, Ministri Regia auctoritate compulsi aut subscribere Episcopali tyrannidi aut in carceres aut exilia abire. Multorum Ministrorum tunc se prodidit imbecillitas, instauratæ Ecclesiasticæ tyrannidi homonymos subscribentium, adjecta limitatione ambigua vel potius futile; nempe *secundum verbum Dei*; quæ tamen multis errandi occasionem præbuit, ac si Edicto Regio, salva conscientia, cum hac exceptione parere potuissent. Cum subdicere se spiritali jurisdictioni Episcoporum secundum verbum Dei nihil aliud sit, quàm agnoscere Episcopos habuisse jurisdictionem spiritualem, sed non parendum esse iis si quid imperaverint quod cum Dei verbo non est consentaneum. Sic Synodis & Conventibus Ecclesiasticis, Principibus aliisque inferioris ordinis Magistratibus obedientiam, & non alia lege, polliceri, & præstare debemus. Quis his temporibus rerum nostrarum status fuerit, ex A. Melvini literis ad Theologos externos discat lector. *Ita visum fuit Domino*, inquit, *servorum suorum laboribus ex præscripto verbi sui susceptis benedicere, & tanta tamque incredibile felicitate Scoticanas Ecclesias pro singulari sua beneficentia hactenus cumulare. Verum interea, probo dolor! dum tanta & tam rara erga nos gratia & benignitati, non ea qua par est animorum gratitudine & officiorum sedulitate respondemus; ecce stupendo quidem sed justo Dei judicio Satan quendam non ex nobis licet inter nos verbi ministerio fungentem ita excæcat ambitione & avaritia, ut oblitus, ut ait ille, Decorisque sui sociumque salutis, cælum terræ miscere.*

Et omnia turbare pergat nec intermitat. Nam cum deserto grege Et clam Ecclesia in Au-
 lam irrepisset; cum Pseudoepiscopatum, quem antea semper oppugnabat, non solum rursus
 ab inferis emergentem pressis artibus invasisset, sed etiam dominatum à se antea pro con-
 cione Et in magna Synodi frequentia sapius abjuratum Et variis syngraphis Et subscriptioni-
 bus resignatum sibi resumpsisset; cum se juratis Ecclesia Et religionis hostibus in vilissimam
 servitutem mancipatum in turpissima causa conjunxisset; cum in rebus dubiis Et desperata
 valetudine non sagas modo de re summa consulisset, sed etiam contra vim morbi venefica-
 rum opem Et auxilium supplex impiorasset; cum alia multa, quæ nec tempus finit, Et pu-
 dor vetat scribere, (una etiam atque altera post anni fere integri pertinax silentium habita
 concione turbulenta) perpetrasset; necnon cum Machiavelli Aulicis Et Papa emissariis domi
 in optimi cujusque Et fortissimi viri caput truculenta consilia versasset, quorum omnium cau-
 sa interdicto jam illi munere docendi, dum Censuras metu Ecclesiasticas, liberam legatio-
 nem in externas regiones specie quidem valetudinis curanda, ut res ipsa docet Ecclesia vexan-
 da causa, à Regia maiestate impetrat. Dabitis, (ut speramus) Reverendi Patres Et Fra-
 tres in Domino, nobis hanc veniam ut in Dei Et Ecclesia causa Et c. Londini igitur pro Le-
 gato se gerens cum Legatis Regum Gallia Et Hispania clandestina frequens consilia tractavit;
 cum vicinis Episcopis (nam in vicinia subsistit, nec ulterius progredi secum proposuerat)
 eos sermones habuit, quibus optimos quosque cives ut seditiosos Et perduelles traduceret, iis
 consiliis se totum dedit quorum vi nunc coguntur doctissimi quique Et fidelissimi in utroque
 regno Pastores aut silere prorsus Et abire ministerio, aut fuga Et exilio vita sua consulere,
 aut squalorem carceris Et pedorem experiri, aut denique, quod unum superest, Episcopa-
 tus ambitiosa tyrannidi Et rituum plurimorum impietati contra officium Et conscientiam
 subscribere. Hinc illa ad vos Et fratres Tigurinos Archiepiscopales littera, quibus mirus ille
 quidvis simulandi Et dissimulandi artifex Et nos fictis criminibus onerat, Et Ecclesiarum
 nostrarum politiam variis gravatam calumniis in questionem vocat. Quamvis Et ille mi-
 nime omnium ignoret, Et nos nobis probe conscii sumus, nos in id unum sedulo incubuisse,
 ut nostra disciplina ex Dei verbo quoad ejus fieri potuit à nobis peteretur. Hoc vobis persua-
 sum volumus, ἐνταῦθα Ecclesiasticam quam Adamsonus est ausus primum ex insidiis pe-
 tere, deinde palam oppugnare, tandem etiam ut Pontificiam tyrannidem, ut confusionis ma-
 trem, ut faciem seditionis improbe calumniari, perfide execrari, Et malitiose exhorrescere,
 jam inde à profligato Papismo in nostras Ecclesias ex Dei verbo petitam Et mox cunctis om-
 nium (nempe in Conventu Generali) suffragiis comprobata, Et ad nonnullam paulatim
 pro nostro capiti Et modulo perfectionis mediocritatem Dei beneficio tandem perductam, Et
 tertio abhinc anno Regis ipsius Et singulorum ex quoque ordine civium singulatim Et oris
 professione Et manus subscriptione Et jurisjurandi religione approbatam, obsignatam, sanc-
 tam fuisse. Et paulo post. Auctor est Regia maiestati, Et quibus nunc obsessus tenetur
 (sed volens) Papanis Et Epicureis Guisiorum Et Regina matris clientibus, ut habito Ordini
 regni conventu Presbyteria funditus evertant, tyrannidem Pseudoepiscopalem resti-
 tuant, Regi merum in res Divinas imperium Et absolutam, ut vocant, potestatem decernant.
 Excommunicationis sententiam legitimè à Presbyteris latam sua autoritate irritam
 pronuncient. Denique omnem Ecclesiasticam jurisdictionem Et secundum Regem Ecclesie re-
 genda potestatem Pseudoepiscopis, aut jure excommunicatis aut palam flagitiosis permittant.
 Inter quos facile principatum obtinet ac dominatur horum omnium consiliorum Et scelerum
 Architectus Et administrator P. A. Fani Andrea Pseudoarchiepiscopus, qui perpetua hac Et
 Pontificali dictatura fretus, mirum quàm impotenter in Pastores grassetur Et pios omnes.
 Nam Et articulos ab se conferruminatos, vel potius decori Ecclesiastici latus ex sacribus
 docti Pontificii in vicinia fundo nimis tenaciter adhuc hærentibus nuper haustas propinat, bi-
 bendas Ecclesiarum Ministris Et Regio autoritate subscribendas obtrudit. Non diu duravit
 tempestas ista; & irritò successu restitutam Episcopis potestatem fatetur Misadel-
 phus.

phus. Dicit Nobiles revocatos. Quis hos Nobiles ab exilio revocavit? Araniusne, qui illis advenientibus fuga sibi salutem quaesivit? An Rex, qui totus ab Aranii consilio pendebar? Humillimis precibus pristinum locum gratiae recuperasse, sagitta est ex eadem pharetra. Nobiles isti vi & armis inimicis à Rege partim re-
jectis, partim captis, professi se ut Regis salutem tuerentur, dignitatem restitue-
rent, venisse, à Rege recipiuntur. Ad Ministros quod attinet, nihil in se admise-
rant quod condonari sibi postulerent: neque illis quicquam condonatum. Ob li-
bertatem Ecclesiae exulabant: reversi eandem libertatem propugnabant. Qui nihil
peccat, nihil opus habet venia. Non eos gerebant animos, quos qui gratiam cap-
tant gerunt; ut quodvis in se potius admittant flagitium, quam ut gratia, quam
veniantur, excident.

Quaecunque speciem habent convitii, undique corradit ingratus filius, in matrem
Ecclesiam ut evomat. *Ministri Edinburgenses* (inquit) *pro Regis Matre, de cujus* *Ministri*
vita consilia in Anglia agitabantur, noluerunt preces ad Deum concipere, plus quam *Edinbur-*
barbara inhumanitate, quod ne pagano quidem negari debuit. In quibus verbis in-
vidiam, quae nusquam non apparet, se totam prodit. Quid enim dici aut fingi po-
tuit narrando improbius, quam quod boni est suppressere, quod mali, ad invidiam
proclamare? Erat enim illa Mulier bonis omnibus formidini. Papistae, ut eam
ad gubernaculum admovent, Reginae Anglorum lectissimae foeminae nullas non
tendebant insidias. Neque ipsa habebatur ab his consiliis aliena. De salute hujus,
in vitam illius, consilia in Anglia agitabantur. Hic imperatum est Ministris E-
dinburgensis, ut pro salute ejus pro concione Deum publice appellarent. Respon-
sum est, se pro salute animae precaturos; sed mortem, si rea, non posse depreca-
ri. Eam enim potius debere Deo gratiam, quod intelligerent se, Ecclesiam, ip-
sumque Regem ea morte magno periculo liberatum iri. Neminem enim, ne si
pater quidem suus in publica peccet, debere privatam gratiam publico studio prae-
ponere. Jam spectate hoc horum Ministrorum inhumanum factum; quamque in-
genue Episcopus agat, qui, si quid esset culpa, quorundam factum in publicam
conscientiam vertit.

Hoc anno (nempe 1586) *tabula* (inquit) *Presbyteriorum* (cujus *Seclarius* pag. 11. *Tabula*
meminit) *ab Alexandro Hajo Scriniorum Magistro, qui situm regionum & Ecclesias* *Presbyte-*
quae commodè uniri poterant pernorat, confecta est, & in Conventu Ecclesiastico *rriorum ex-*
exhibita. Qua de re differens Adversarius, bis in eadem linea impegit. Primum
enim ait anno 1581. confectam, ut Presbyteriis suis majorem antiquitatem, annorum
nimirum sex, conciliet. Deinde cum vult à Rege ad Conventum missam; cum in Actis
sit, Patronos perferendae pro Conventu Legationis electos, inter alia flagitasse ut
designationem illam Presbyteriorum ratam haberet. Sed id à Rege aliter obtineri non
potuisse, quam ut illos Conventus Praesules in suis ditionibus moderarentur: tan-
demque post longam disceptationem convenisse, ut Episcopi Presbyteriis ubique prae-
essent, ita tamen ut in Fano Reguli Robertus Willickius Episcopi vice fungeretur,
aliter Melvino satisfieri non potuit. Dixi supra, ante Mongomeriana tempora Re-
gem per virum nobilem Guilielmum Cuningamium Dominum Caprintonium, de
consilio Senatus sui & quorundam Ministrorum ad id selectorum, Formulam mi-
sisse Presbyteriorum instituendorum. Id iste negat, & ait à Philadelpho confic-
tum, ut majorem antiquitatem Presbyteriis (nempe Classicis) conciliet. Sex an-
norum antiquitas non est tanti, ut quisquam turpe facinus tam exigui momenti
causa in se suscipiat. Scire debuit anno 1580. Conventum Generalem Taoduni
celebratam petitionem ad Alexandrum Hajum decrevisse; ut dignarerur cum Du-
nensi Comarcho, Roberto Pontano, Davide Lindesio, Jacobo Lowsono, Joanne

Cragio, Joanne Duncanfono, de Formula Presbyteriorum consultare. Ubi vides, tres eorum, quos hic negat, huic rei fuisse, iterum suam operam hic impendisse, & de Presbyteriis constituendis ut parte Politicæ præcipua ante editam Confessionem Fidei conventum fuisse, & de ipsa Formula consultasse. Viri nobiles, Lundæus, & Prior Pétinwemiæ, delegati erant à Rege, ut Synodum istam præsentia sua ipsius nomine cohonestarent, & in omnibus consilio juvarent. Hæc illa Synodus, in qua particulari Canone profligatus Episcopatus. Diagramma Presbyteriorum per totum regnum constituendorum misit Rex anno 1581. per Dominum Caprintonium ad Conventum Generalem Glasceæ agitatum, quod in tabulis Ecclesiæ authenticis insertum est, & delegati quidam sunt qui gratias agerent Regi. Per eundem Caprintonium & Ministros Aulae ad eundem conventum misit Confessionem Fidei; unaque petiit, ut curarent per Ministros in singulis parochiis chirographis civium cujuscvis ordinis obsignandam. Non in Episcoporum igitur, sed Presbyteriorum jurisdictionem, juratum se proficitur, cum simul Confessionem Fidei & Diagramma Presbyteriorum miserit. Æstate sequente literas misit ad Nobiles per universum regnum, quibus mandabat ut suo nomine Ministris assisterent Presbyteria singulis locis constituendo secundum Diagramma descriptum à Consiliario suo, qui ei tum erat à Commentariis: quod absque ulla cunctatione optata alacritate & magna cum celeritate effectum est. Quin & ante petitionem Synodi anno 1580. ad Alexandrum Hajum decretam, Coetum fratrum prophetantium jubetur interim Presbyterii partes agere, dum universalis fieret definitio limitum, & parocciarum cujusque Classis seu Presbyterii. Presbyterio Glasceensi quàm molestus Mongomerius anno 1582. Andreapolitano Adamsonus anno 1583. Et anno 1584. Presbyteria jure suo exuta sunt in Comitibus, sed anno sequenti restituta. Qua igitur fronte audet asserere Presbyteriis nostris antiquitatem majorem nos conciliare, quam sinit verum? Negabit iste solem meridie lucere, qui negat quod non solum testantur Tabulæ authenticæ Ecclesiæ nostræ, sed etiam subditi omnes qui adhuc superstites. Cur non patitur libellum tot mendaciis & calumniis à capite ad calcem scatentem publicè venale apud nos proflare, judicet lector. Anno 1586. 12. Cal. Febr. ad Sanctæ Crucis in Colloquio inter Regios & Ministros quosdam; quatenus nomen & officium Episcopi tolerari possit, deliberatum est. Conventum est hujusmodi in Scripturis haberi officium, sed ut unius gregis curam gerat. Itaque dandum esse illi unum gregem; addendum esse delectorum fratrum Senatum; de eorum consilio quæ facit rata habenda; si quid secus audeat, exauctorandum esse; examen de doctrina & vita penes Conventum fore; si deprehenditur, à Rege deligendum, à Conventu probandum esse, qui succedat; potestatem ejus fore ordinis, non jurisdictionis; licere dare huic præter suum gregem inspectionem Ecclesiarum; si major ditio quàm pro viribus, addendos esse Commissionarios cum pari potestate; non fore Commissionariis in ejus ditione, aut illi in eorum, jus; probanda esse his Presbyteria, Presbyteriis singulis Ecclesiis; si deligendus in aliquo Presbyterio Minister, ed proficiscendum Episcopo cum suo Senatu, ut communi consensu delectus fieret. Hæc cum ad Synodum Generalem Edinb. 6. id. Maji deferrentur, de probatione Episcopi dissensum est. Probandum enim fore, ut alii Ministri probantur, à Presbyterio. Regis Legati nihil audiunt, nisi omnia probentur. Rex consulitur. Tandem conventum est, ut Episcoporum & Commissionariorum probatio à Generali Conventu fieret. His Episcopis & Commissionariis datum fuit, ut in Presbyteriis in quibus suus grex esset, ad tempus, donec de reliquo statueretur, præsiderent. Qui subscripserunt Ministri, sui nominis infamiam veriti zelum in causa Dei remittere coeperunt,

prærendentes Regis pertinaciam, de summo rigore aliquid remittendum contendunt, quibus cessit pars ea quæ se tam turpi macula non inquinaverat. Sed anno sequente redintegrata animorum concordia, ad communem causam promovendam conventum est. Sed nec iste Episcopus, quem his legibus Synodus ista admisit, erat re & Officio, sed nomini & titulo Episcopus, cum Prostasia quadam Ordinis quæ non diu duravit. Hæc ille sic narrat, acsi Episcopi isti cum plena potestate forent, qualem ipse nunc usurpat. Næ ille, si his sepius clauderetur, brevi caula excluderetur. Quod de Willichio ad Fanum additur, id Regia voluntate factum est: quia Episcopus vixdum excommunicatione liberatus esset, multaque lis illi cum Presbyterio fuisset. Quod dicit id de voluntate Melvini factum, nihil potuit in Regiam dignitatem fingi turpius. Nam ut Regi decoro est rectis consiliis duci, turpe est voluntati cujusquam nisi cum ratione obtemperare. Cæterum ut quod reliquis Episcopis concessum fuit, huic negaretur, nulla prorsus suberat ratio. Multa hujusmodi homo sapiens in Regem qui assentatur, peccat, si esset consilii mei ejus ineptias extra oleas persequi.

Hic Rex (inquit) *primum ad Ministrorum studia suam voluntatem accommodavit, Adams- nus non*
ratus mansuetudine & lenitate provocatos officio in posterum non defuturos. Sed scitum
est, nimia lenitate improborum audaciam crescere, & peccantium impunitate sceleribus
novis aditum patefieri, nec inquieta ingenia cedendo sed domando flecti. Illi enim
statim Archiepiscopo Fani Andrea, ut se Presbyteriorum judicio subjeceret, denunciant,
gravi indicto ni pareat; quam comminationem cum ille pro solita constantia sprevisset,
absentem & inauditum diris sunt prosequuti, licet sequenti Conventu (Nationalem
intelligit,) in Ecclesiæ gremium receptus, & prior sententia velut vana omnium sen-
tentiis damnata sit. Quid in Regiam dignitatem dici potuit foedius aut indignius
ad subditorum suorum improba studia voluntatem suam accommodasse? & impro-
borum audaciæ & peccantium sceleribus frænos nimia lenitate & impunitate lax-
asse? Sed hæc est assentatorum divinitus imprudentia; ut cum maximè captant,
maximè offendant. De improbitate nebulonis, qui Ecclesiam sanctissimam, in qua
natus, educatus, & honestatus Ministerii dignitate fuit, cujus aliquando pars fuit,
cui fidem dedit, cui fidem & animam debet, tam indignis convitiis lacerat; quid
dicam? De Episcopo P. Adamsono quod addit, malè temporibus illi est divisum.
Nam Episcopus ille in Conventu Provinciali prid. id. Aprilis de multis foedissimis
flagitiis excommunicatus fuit. Synodus, qua in ista conventum, 6. id. Mart. post
Edinb. habebatur, ut nulla ratione post intendi illi periculum possit: neque à Re-
gis lenitate principium capere, quod antea factum fuit. Excommunicatus fuit
Episcopus Synodo quam jam dixi, Provinciali ad Fanum Reguli In Synodo Na-
tionali ad 6. id Maj. Edinburgi Rex usus est summa ope, ut sententiam revoca-
rent. Remoti, qui sententiam tulerant, protestantur, nisi capita litis ritè exami-
nentur, se pro nihilo decretum habituros: tamen decernunt non esse consultissimum
litem examinare, pro non lata statuere, modo in sequentes articulos juret, se nun-
quam appetivisse Prioritatem in Collegas Ministros, eamque à sacris literis esse dif-
sentaneam: se non arrogasse in ultima Synodo ut moderaretur, vel si fecerit, ag-
noscat errorem suum: se in posterum nihil arrogaturum supra id de quo in ulti-
mo Colloquio convenerat: probationem vitæ & doctrinæ permittere Synodo Ge-
nerali sine ulla aut fraude aut tergiversatione. In hæc ille juravit; quam verè,
paulo post apparuit. Itaque sit decretum ob varietatem sententiarum, ne quis cui-
quam quidquam exprobraret. Hinc judicet lector, quàm verè Episcopus scribat
illum in gremium Ecclesiæ receptum esse, & priorem sententiam ut vanam omni-
um suffragiis damnatam fuisse. Quod ait, absentem & inauditum fuisse excom-

municatum, calumnia est. Cum congregata Synodus Fifensis, ille inter alios interfuit: neque tantum interfuit, sed contendit suum esse præfesse. Verum cum vidit se non tantum de ea spe deici, sed litem sibi intendi, graviter commotus egressus est: sua quam arrogabat auctoritate quosdam ex numero diris devovit. Ad Regem appellavit, & per nuntios, quanta potuit celeritate, de periculo suo certior fecit. Rex intercessit apud Synodum Generalem, ut dictum. Quis nisi Episcopus dicat, absentem & inauditum damnatum esse, qui præsens neque adefse neque causam dicere voluit?

Fundi Ecclesiastici patrimonio Regio annectuntur.

Pag. 59

Hoc ipso anno 1587 consultatum inter Aulicos dicit de Fundis Ecclesiasticis patrimonio Regio (quod superiorum temporum injuria vehementer imminutum prætexebatur) annectendis, & dicit rem causa deserta summa Ecclesiasticorum perfidia in Comitibus transactam, & decreto Ordinum, Actis intervenientibus insinuatam. *Nam Episcopi, inquit, durissima quæque à fratribus passi non aliud perfugium habebant, quam ut Aulicorum libidini se dederent; & Ministri Præsulum exitio inhabitantes, vindictæ cupidi, & in futurum improvidi passi sunt sibi ab illis impostoribus os oblini, qui jactare non dubitarunt se Episcopis ἀλγὴν καὶ καίαν inflixisse. Patrimonio omni Ecclesiæ abjudicato, via ad decimas patebat, iisque haud ita multo ablati, subditi prope omnes hæreditaria transactione rei, quæ ante quodammodo erat temporaria, oppressi, nunc miserrima servitute consistantur. Ad Regem autem ex illa ostentata spe non adeo multum rei perveniebat. Nam statim à transactione, omnia Aulicis qui gratia florebant donata; nitentibus pro se invicem singulis, quo malum communius, remedium difficilior foret. Dolet Episcopus, Fundos Ecclesiasticos patrimonio Regio annexos, quia redimendi erant Episcopatus magno pretio à Nobilibus quibus donati sunt. Si ulla hæc perfidia Ecclesiasticorum, Episcopis suis, qui Titulo Beneficii gaudebant, ascribenda est. Penes Ministros non erat Aulicorum rapacitatem cohibere; nec si potuissent, fundos Ecclesiasticos Episcopis assignassent, sed Ministris, pauperibus, scholis. Non hic prætereunda est insignis istorum nebulonum perfidia. Cum in Conventu Ecclesiæ dolo obtinuissent, ut tot Ministri in Comitibus haberent jus suffragii, quod sub Papatu Ecclesiastici, Abbates, Priores, Episcopi, id est numero quinquaginta, deinde etiam ut veterum beneficiorum titulo gauderent, & titulos assumerent, quia non alia lege assenserunt Ordines; in Comitibus anno 1606 de 16 aut 17 Prælaturis in Dominia, ut vocant, Temporalia mutandis in gratiam quorundam Nobilium assenserunt, ne illis Episcopatus invadentibus, & jus suffragii ambientibus obssisterent, sed ut ad Tertium Ordinem regni admitterent. Sic foeda pactione inter eos & Nobiles facta admissi ad jus suffragii in comitiis & dignitates & prærogativas & privilegia Episcoporum veterum, spretis legibus quas præscripserat Ecclesia, & proinde duplicis perfidie rei sunt. Verum à quibusdam, inquit, quasi non satis turbassent, in proximis Synodis agitatum, ut Personatum, Vicariatuum, & aliorum Beneficiorum proventus in commune collatos, Ministri ex æquo partirentur, & ut titulis Curionum, Vicariorum, Canonicorum, Præbendariorum, & cæteris id genus velut Papanam superstitionem redolentibus, nec inter purioris fidei cultores tolerandis, omnes deinceps abstinerent. Quid hic reprehensione dignum, Episcopo? Bona Ecclesiæ non dividenda tanta inæqualitate ut apud Romanenses, & secundum leges decretales juris Canonici, sed prout judicaverit Ecclesia varia officiorum onera poscere. Quod si æquum sit; quid Ministris Evangelii cum Rectorum, Vicariorum, Præbendariorum, &c. nomenclaturis, quas Ministri à beneficiorum varia natura fortiuntur.*

Pag. 61.

P. Adamsoni Pali-

Inter hæc, inquit, Patricius Adamsonus Fani Andrea Archiepiscopus nullum non contumeliarum genus à discipulis gymnasii novi perpeffus, in securitatem posteri temporis.

poris, amicos & clientes donis & largitionibus obligando (à quibus tamen postea denotia & obitus. *Constitutus est*) ad eas rei familiaris angustias decidit, ut opem ab inimicis implorare co-geretur: qui occasione lati palinodiam ei per vim expressam, sed innumeris à se locis interpolatam, typis publicarunt. Ita egestate & miseria confectus decessit vir doctissima & virtute nemine sui temporis inferior. De doctrina illi nihil detrahimus, fuit enim non indoctus, neque exiguo ingenio præditus: verum de virtute, non eadem facilitate concessero; nisi neque in verbis fidem, neque in vita modum servare, virtutem dicas. Quis virtutem ejus laudet, quem ipse fateris non virtute niti, sed donis & largitione amicos in securitatem posteritatis parare? Quem nemo in Scotia nescit in Conventu Generali, ubi ructare turpe esset, gremium suum, totaque subsellia frustis esculentis vinum redolentibus implevisse? Qui cum Bancrofto Anglo Episcopo contra sanctissimam Ecclesiam consilia contulit? Qui Regi suavit suum esse ex antiquo more Ecclesiæ leges dare; & ideo Episcopos daret, qui in sua potestate forent? Hæc ego de mortuo libentius tacerem, nisi istius importuna laus cogeret verum vindicare. In morbum relapsus, cum de salute desperaret, ad Synodum Fisenfem, quæ olim excommunicavit, ad Fanum congregatam, petitionem tulit, ut se Ecclesiæ restitueret: torqueri se conscientia factorum: nec quidquam in votis magis habere, quàm ut in gremio Ecclesiæ supremum diem clauderet. Vides, quàm vana fuit sententia Excommunicationis, quam ratam habuit ipsius conscientia? Hanc illi confessionem bonus noster Episcopus, contra plures testes, quorum quidam Ministri, quidam Nobiles, quidam Jurisperiti, quidam cives, omnes spectatæ fidei, expressam esse contendit. Si nihil in toto hoc libello falsi asseruit, facile patior, ut ejus fidei potior ratio habeatur. Reliquis etiam (inquit) Episcopis è medio discedere & domi metu & ignominia, aut quod operam suam inutilem Ecclesiæ cernorent, (quæ nunquam utilis fuit,) latitare coactis, Presbyteriani quatuor circiter annos omnia uni & ad arbitrium gerebant. Hoc ita dictum est, ac si ante hoc quadriennium Episcopi omnia soli possent. At nostri eorum operam nunquam probabant. Qui ad causam Reformationis principio se adjunxerunt, volebant illi quidem antiquo jure uti in sua quæque dicecesi; sed quid responsi tulerint, dictum est. Post hos Ministri quidam rei suæ quàm Christi studiosiores mortuorum exuvias aulica fraude induerunt, & Ecclesiæ negotium facefferunt. Si certamina cum Mongomerio & Adamsono persequeretur, nihil aliud quàm mentitis promissis & perjurio nequissimorum hominum lectorem fari-garem.

Anno, inquit, 1592. cum magna pars Nobilitatis secus de religione sentire & cum Hispano conspirasse diceretur, & Bothuelius è custodia elapsus tragædias passim excitaret; Rex ut sibi interim Ecclesiam obnoxiam haberet, Ministrorum placitis acquiescere in animum induxit. Itaque hoc anno Presbyteria & Synodos Ordinum edicto confirmavit. Cum diceretur, inquit, magna pars nobilitatis cum Hispano conspirasse; ac si dictum, non factum, fuisset. Vides ut Nobilium in Rempublicanæ & Ecclesiæ conjuratorum crimen tegere conatur; quod ut sit manifestius, rem ut gesta erat, breviter narrabo. Georgius Kerus, viri Nobilis Neubotelli hujus nefariæ conjurationis non conscius frater, ad litus Occidentale aliquot dies navem præstolabatur. Ex ejus verbis conjectum est negotium Papisticum agere. Cum navis jam solveret cum idoneo commeatu, Minister Basletensis conscendit; scrinia illius aperit; literas offendit, partim Latinas, partim Gallicas, omnes nominibus & sigillis Comitum Angusii, Huntlæi, & Arralii, aliorumque minoris gentis, communitas. Itaque Edinburgum tractus, & in quæstionem à sanctiore Senatu vocatus, nihil voluit profiteri. Angusius, qui tum forte in urbe fuit, in custodiam datus, non multo

post evasit. Rex literis, alteris à Senatu, alteris à Ministris, Edinburgum repente accersitur. Eo multi mortales undique confluerunt. Petunt ut de captis cognitio fieret, & eorum bona publicarentur. Rex Barones graviter incessit, quod ad Ministrorum monitus sine sua auctoritate convenissent. Illi respondent, se monitos a Senatu illo absente venisse. Cæterum in tanto periculo religionis & reipublicæ non esse expectandam auctoritatem. Rex periculum fassus, promisit de eorum consilio daturum operam, ne quid ad salutem publicam omitteretur. In quæstione ex Georgio Kero & Fentrio, qui tum etiam captus fuerat, compertum est; inter Guiliel. Crichtonium, qui in Hispania fuit, & Jacobum Gordonium Huntlæi patrum in Scotia, pactum fuisse, ut syngrapha ad fidem negotiationis suæ quàm plurima posset ad se mitteret: ille ab Hispano classem triginta millium impetraret, ad Fanum Cuthberti aut ostium Glottæ sub finem Veris anni 1592. appulsuram. Horum quinque millia cum Scoticis copiis conjuncti Scotiam reformarent: reliqui cum equitatu Scotico Angliam invaderent. Aditentibus viris bonis, vix tamen impetrare potuerunt, ut pro tanto scelere luerent. Proscripti tandem sunt, & eorum patrimonium fisco Regio adjudicata; sed non candidè hæc sunt, nam eorum propinquis & affinibus reddita, qui erant conjuratorum quasi Oeconomi. Ubi ait, Regem acquiescisse Ministrorum placitis ut Ecclesiam sibi obnoxiam haberet, cum pars Nobilitatis cum Hispano conspiravisse diceretur, & Bothuelius tragoedias excitaret, imprudens indicat, Regem Ministris fidisse, nec ullos magis fidos sensitse aut amaniores, si eorum animos sua culpa non alienasset. Hoc (nempe edictum Ordinum de Synodis & Presbyteriis) inquit, est illud Palladium, in quo factum Presbyteriorum continebatur, quod Sæctarius *Εκκλησιαν* *δῶρον* appellat, & de quo nonnullos tam insulcè gloriantes videmus, ut exosculari, & in sinu gestare, & secundum Canonicas Scripturas summam ei auctoritatem deferre non vererentur. Scilicet edictis Ordinum secundum Sacras Scripturas summam auctoritatem detulerunt Ministri. Spotswoode, nos Concilii Generalis Canonibus majorem auctoritatem tribuimus quàm Ordinum decretis. Si Ecclesia in suo Conventus hos probaverit ut consensaneos Canonicis Scripturis, majoris est apud nos ponderis, quàm si Ordines Regni probaverint. Beneficium tamen agnoscimus, si Ordines publica sanctione confirmaverint judicium & decreta Ecclesiæ.

P. 63.

Ecclesiam
lites omnes
ad suum
tribunal
revocasse.
Calumniam.
Pag. 63.

Hoc successu Ministrorum (inquit) eo crevit insolentia, ut non contenti sua functiones omnes *ὅν*, *ὅν*, *ὅν* reos omnes ad suum tribunal revocare niterentur, Concilii publici placita rescindere, Ordinum decretis, quæ ad stomachum non facerent, intercedere, populum omnem contra hostem in armis paratum esse jubere: nihil denique erat quod istos tam severos censores effugeret. In peccatis hominum in Deum, quæ poliicis suppliciis afficiuntur, si magistratus pro suo jure poenam remittit, quis neget Ecclesiam tamen posse jure suo ad poenitentiam flectere? Quis dicet eos, qui ista faciunt, *ὅν*, *ὅν*, *ὅν* reos omnes ad tribunal suum vocare, præter Episcopum, qui quid dicat, nihil pensi facit? Exempli causa Huntlæus Comitem Moravium noctu incensis ædibus per summam immanitatem occidit. Hujus facinoris supplicium Rex per aulicam gratiam Huntlæo, conjurationis etiam, ut dictum, reo, condonavit. Ecclesia Huntlæum tamen sub poena dirorum jussit Ecclesiæ satisfacere. Hocce ne erat litem ipsam ad suum tribunal vocare? Aliud tribunal est, quod de cæde & supplicio cædis cognoscit, aliud quod de poenitentia & scandalo statuit. Quod ait jussisse populum, ut in armis essent contra communem hostem, intelligit opinor, Comites qui cum Hispano conspirarunt. Quod hortati sunt. (nam jubere aut imperare non poterant) cum in tanto periculo constitutæ essent & Resp. & Ecclesia illis vitio vitendum non est; nec nisi prius regem hortati alios adhortati sunt.

* At-

* Atque tunc primum, inquit, creati sunt Ecclesiæ Consules, qui in omnes occasiones Edinburgi residentes Synodos indicerent, & Ministros pro re nata convocarent. Hi Regem de Papanorum Comitum, (ita tum eos vocabant) causa cogniturum, partim minacibus libellis, nomine Nationalis Synodi quam ideo promulgarent, exhibitis; partim fidelibus omnibus & quotquot religionem salvam esse velint, ad diem Comitibus Limnuchi dictum, & causam disceptandam adesse jussis: eò perpulerunt, ut tum vulgatum veritus judicium differret, ac postea, quod unicum rebus pacandis remedium videbatur, exilium remitteret. Rem, ut gesta erat, narrabo. Jejunium instituitur. Papani Comites excommunicantur. Non multo post se Regi Jedburgum proficiscenti ad Falam (is vicus decem millibus distat Edinburgo) objiciunt. Postea amicos & clientes Taodunum convenire jubent: futuram de se Perthi quæstionem. Missi sunt quidam Jedburgum, qui Regem monerent, ut daret illis diem quæstionis, parare enim vim, ut judicium in suas leges ferant. Barones monent Perthianos, ne portis suis conjuratos recipiant. Illi consilio parent, usque dum Regiis literis jubentur admittere. Hinc omnes, quicunque religionem salvam vellent, ad vim propulsandam se comparant. Rex conjuratos jubet cum paucis se in judicio sistere. Sinceri idem faciunt. Edinburgo Limnuchum mittunt Legatos cum mandatis & Petitione ad Regem. Metellanus Cancellarius, priusquam eo ventum est rem composuerat. Datum conjuratis edicto Regis, ut liberè per civitates negotientur, usque dum de iis cognoscatur. Duodecimo Novembris Edinburgi conveniunt. Ex petitionibus, quæ Limnuchum mittebantur, ad Conventum refertur. Conjurati per suos advocatos leges & conditiones proponunt. Rex Orationem habet, quantum reipublicæ inter sit Comites restitui, aliter posse aliunde accersere auxilium, non sine summæ rei summo periculo. Decernitur *amnistia* non sine bonorum maxima offensione. Nam qui ad suffragium vocabantur, plerique omnes præjudicio erant occupati. Erat ea tempestate in Scotia ab Anglia Legatus Bollius, vir non minore pietate quàm prudentia. Is suam Dominam certiore facit. Illa Dominum Souchium mittit, ut Regem de severiore sententia appelleret. Neque enim æquum esse, ut perfidi in Deum & patriam tanti sceleris impunitatem ferant. Hujus opera prior sententia, quod conjurati non essent usi ulla venia, edicto publico revocatur. Facillimè potuit paucos conjuratos opprimere, omnibus qui patriam vel Ecclesiam salvam cupiebant adhortantibus, & opem pollicentibus. Quid ergo perpulisset, ut exilium aut graviores pœnas remitteret?

Nec hic furor stetit, (inquit,) sed Regem & serenissimam Angliæ Reginam, cum Dav. Blasqua Rex arctissimam amicitiam colebat, convitiis proscindunt. E quorum numero kii Accus. David Blackius concionator ad Fanum Reguli, majestatis postulatus, scripto sua & fasio- Consulum quos dixi manu obsegnato ad Synodum provocavit, cui soli jus esset, quæ pro concione dicerentur, examinare, quæstis hinc inde argumentis contendebat. Rex pro eo ac debuit rem indignè ferens, Cætus & Conventus omnes lege non sancitos, publica præconis voce inhibuit, Consulibus Ecclesiæ Edinburgo excedere imperavit, qui tergiversando & moras subinde nectendo faces plebis animis ira tumentibus subdiderunt, ut concursu ad Prætorium factò facinus illud tandem ad 16 Calend. Januarii (nunquam sine Catharorum infamia nominandum) designatum sit. Hoc illi solenne est, afficto uni crimine omnes alios onerare. Air enim, e quorum numero erat David Blackius. Erat hic Blackius & vitæ & sinceri animi laude omni memoria dignus. Delectus ad Fanum Andreæ Minister ita Ecclesiam illam administravit, ut in tanto populo (sunt enim plures quam 3000 qui Sacram Cœnam percipiunt) nemo mendicus conspiceretur, nemo Sabbatum auderet violare. Nunc autem Episcopo.

Rex favet
Comitibus
conjuratis
in Remp. &
Ecclesiam.

Pag. 64.

Pag. 65.

piscopo & pluribus Ministris insipientibus ego, qui hæc scribo, ante duos annos plures vidi tempore concionis ipso Dominico die in glacie ludere quàm in utroque templo sacris operam dabant. Ipse Episcopus hoc die ludit, nec matutinæ concionis tempore, si in itinere transiens per oppidum aliquod, dignatur è curru descendere, ut audiat concionem; festinandum illi ad diversorium aliquod. De mendicis nescio, nisi quod sciam hospitium, quod ille exercendis & docendis pauperibus struxit, nunc vacuum stare. Huic messi Diabolus invidens lætissimam segetem in herba decussit. Dixerat Blackius pro concione nescio quid, nec quando, sed multò antè, quod ejus inimicus Retorfortis etiam Minister, qui præter Blackii odium, quo plurimis illi officiis obstrictus tamen flagrabat, quæsit causam qua Aulam captaret, homo impuri & inquieti ingenii in contumeliam Regum rapuit. Blackius adeo ejus criminis reus erat, ut non recusaret se coram Senatu sistere. At reliqui Collegæ, qui tum forte Edinburgi vigilabant, ne Ecclesiæ auctoritas imminueretur, suaserunt ad suos judices provocare; nam eo tempore summa fuit Ecclesiæ concordia & auctoritas, ut Aulici ab ea, tamen Regia gratia miterentur, timerent. Nam qui omnia sua libidine meriebantur, ab hac vigilantia metuentes, nihil libentius quàm Ecclesiæ calumnias audiebant, ut ejus auctoritatem minuerent. Itaque Retorforti sedulam operam navant. Blackium ad invidiam agitant. Clamant, indignum esse istos obscuros homunciones Regis judicium declinare. Tandem in suam auctoritatem intentum Regem eo perpulerunt, ut litem contestaretur. Deputati à Conventu Generali Ecclesiæ (quos hic Consules Ecclesiæ vocat) ad prospiciendum, ne quid Ecclesia detrementi caperet, in perniciem Ecclesiæ mala adhuc machinantibus conjuratis quorum quidam clam remearunt in patriam, quod Davidi Blackio assisterent, & ne conjurati postliminio restituerent, obsisterent, Edinburgo excedere jussi. Et ne alii obloquerentur, in Davide Blackio exemplum severitatis edere statuerunt.

Tumultus
16. Cal.
Januæ.
1596.

Quod Consules Ecclesiæ ait jussos urbe excedere tergiversando & moras necitando faces plebis animis subdidisse, ut concursu ad Prætorium facto facinus illud 16. Cal. Januarii anno 1596. designatum sit; falsum est. Deputatorum nemo aderat, nisi qui Pastores urbani ex illo numero fuerint. Cum Deputati Generalis Synodi Edinburgo excedere jussi essent, conjurati Comites rediissent in patriam, Ministrorum monita & consilia eluderentur, & versa rabies in eos ac optimos cives, quæ in conjuratos ferri debuit: eo die quo cives quodam edicto Regio jussi indicta causa Edinburgo excedere, Gualterus Balcanquellus urbanorum Pastorum unus, vir summa integritate & constantia, eo die concionem habuit. Explicata Ecclesiæ injuria Nobiles qui forte aderant & cives ad consilium invitat: convenitur, consultatur: Legati ad Regem decernuntur. Interea Rex in Prætorium urbis ascendit: legati eunt, redeunt, durum referunt responsum. Ad constantiam professionis invicem se hortantur, & levatis manibus promittunt. Interim pro foribus templi, ubi conveniebatur, nescio quis, sed subornatus ab Aulicis ut creditur qui in Octoviros odio flagrabant, tumultum excitat. Populus ratus Pontificios ex insidiis adorturos, saltem aliquid contra Pastores suos agi (nam is metus aliquot dies ante tenuerat) ad arma temere convolat. Deprehenso errore domum quisque suam repetivit. Qui si quid in animo habuissent mali, dici non potest quanta mali faciendi fuit copia. Nam cives intra civitatem quid non potuerunt efficere? Deductus Rex ad Palatium per Magistratus post sedatum tumultum. Quin Rex postea deligenti habita quæstione per ejusdem periculi socios, quos metus movit nihil non rimari, nihil deprehendit sceleris, nihil affine sceleri. Civitas etiam 6. id. Maj. de læsa majestate citata, cum se Pertlii, quo citabantur, stitissent

Præ-

Prætorum duo, tribunus plebis, quæstor, ex Senatoribus quatuor, & ex collegiorum præfectis totidem, cum scriba publico ejusque vicario; quia prætorum unus absuit, quem Johannes Lindeus inter octoviros primarius hujus fabulæ choragus clam subornaverat; non læsæ majestatis, quæ nulla fuit, sed judicii non obiti damnata est. Habes lector horrendum illud scelus sine infamiâ Catharorum nunquam nominandum; quod si cui fuit infame, Johanni Spotsvodo fuit maxime, qui arma clamavit, armatus prodiit, & ut audio, ad arma Dominum Tarfichium evocavit. Si scelus; non Ecclesiæ, sed unius civitatis fuisset. Sed nullum fuit.

Vidimus (inquit) nihil non à Catharis tentatum, ut veteri regimine subverso ad Fructus rerum gubernaculum turba incondita, & multorum capitum bellua admoveretur: vi- Discipline dimus nefariorum conatum condignos exitus, dissipatos Ecclesiæ census quos multo- nostra novum sæculorum pietas Deo consecravit, seditiones, factiones, tumultus, & apertam seditiones in Principem rebellionem. Oportet Lynceos habere oculos hunc Episcopum, qui & rebellio. non ita pridem minus quovis bubone medio die vidit. Nunc autem per montes Pag. 67: videt, quod nunquam factum est. Dic sodes, nostrarum factionum, tumultuum, & rebellionum quinam auctores? ubi, quando, contra quem inita? An non pudet Episcopum, quem, quamvis Romanensis esset, deceret gravitatis saltem umbra, fingere, more rixantis anus, quod omnes sciunt esse falsum? Nam exempla quæ hæcenus attulit totidem calumniæ & nebulonis nebulae sunt, quas diffavimus. Census Ecclesiasticos dissipasse Ministros quorum nunquam erant compotes, qui affirmet, nisi qui fidem in propatulo habet? Ipsi dissipatores perfidi, qui in Conventu Ordinum fundis & decimis tot Prælaturarum, ut modo dixi, Nobilibus quibusdam foeda pactione cesserunt, quo solo nomine Excommunicationis censura ejecti fuissent ex Ecclesia, si non libertas Conventuum nostrorum, præsertim Synodi Generalis, autoritate Regia, sed vi erepta nobis fuisset. Nec dubium Pag. 67: (inquit) nisi tempestive obviam itum esset, quin ad Regem regno exuendum, magistratus omnes tollendos, & meram ἀναρχίαν res spectasset. Eò enim dementiae phantastici venerant, ut instum esse Regibus omnibus in Christum odium, eosque Deo creatori, non Christo redemptori, imperium acceptum debere, non obscure prædicarent. Quis præter te autemet esse verum, quod tu sine dubio asseris. Annon erubuisse cum hæc scriberes? Annon timuisti, ne omnes, qui legerent, plus odii quàm veri in verbis tuis olfacerent? An vel de Rege regno exuendo, vel de Magistratibus tollendis, unquam consilia versarunt? Vagientem in cunis Regem deferere, certis periculis & exitio exponere potuissent; adultum etiam, meo judicio, opprimere, si eò eorum spectassent consilia. Iis quos Catharos vocas, si ullis mortalium, devinctus beneficio Jacobus Rex Britannia. Hæc (inquit in margine) erat discipu- Pag. 67: lorum Collegii Novi theologia, qui tum diligentius libellum Buchananæ de Jure Regni, quàm Calvinæ Institutiones, lectitabant. Neminem Novi Theologi elogio apud nos dignum, qui non diligentius legerit Calvinæ Institutiones quàm Spotsvodus, quem puto vix intelligere, si legeret. An consensescere debet Theologus apud Calvinæ Institutiones, & non plura sapere. Quidni legerent Theologi Scoti Dialogum Scoti eruditi de Jure Regni apud Scotos. Si quis non obscure prædicaverit instum esse omnibus Regibus in Christum odium, non longè aberravit. Nam hoc odium omnibus hominibus natura instum est, Regibus maximè, qui Regem Regum lubentes non sinunt in regnis suis dominari. Sed ille dominatur in medio inimicorum. Habet etiam suos inter Reges Dominus, sed valde paucos, unum forte ex centenis, si ex effectis judicare liceat.

Dicit, Philadelphum dissimulare veram causam institutionis Tertiæ Generis Episcoporum. Haud invitus, inquit, illi largiar, Diabolum in hoc negotio operam rum tertii suam.

generis ori-
go.

*suam contulisse, sed ut ab illorum partibus steterit. Neque enim tumultus ille ad 16. Cal. Januarii alterius quàm Diaboli opus esse potuit. Si haud invitus concedis, quod sanè verum, Diabolum in dissidio Ecclesiæ nostræ non ignavas contulisse operas, non est satis firma ratio, ut convincas à partibus nostris stetisse. Non enim ille inanem mali navat operam. Tumultus ille sine noxa fuit; cujus summa facultas fuit, si periculum illis, quos tu videri vis, populus ille intentasset. At vobis sedulam navavit operam; & Ecclesiam optimè constitutam, per fraudem & fallaciam, & mendacia consilia, quæ diaboli artes propriæ, destruxit. Quis enim audebat in principio profiteri vos ad eam, quam nunc usurpatis, *νεοσάβην* niri? Ecquid oblitus es, quibus protestationibus tu & Collega tuus Laws, alter Archiepiscopus, conventu ad Trenentum fidem vestram venditastis? Vos nihil aliud studuisse, quàm ut Ecclesiæ suos Census restitueretis. Quos simul ac voti compotes essetis, cœlum testati estis, vos ad Conventionis arbitrium Ecclesiæ reddituros. Cujus, dic fodes, artis fuit aliud verbis proloqui, aliud mente agitare? Sed tunc fortasse sincerè jurastis. Sit, quandoquidem id fieri potest. An alius artis fuit fidem mutare? Si fraudis & mendacii magister à vestris partibus fuit, agnosce haud invitus diabolum à vestris partibus stetisse, quod nemo non agnosceret, qui artes quibus ad hunc Papatum connixi estis, inspexerit. *Diabolus, inquis, non nostræ felicitati invidens, sed effrænem superbiam palmario facinore coronare, & indelebilem ignominia notam frontibus inurere cupiens, homines ad exitium præcipitantes in nefandam proditionem impulit* Si quem illo die diabolus in proditionem impulit, Johannem Spotsvodum impulit, qui causam per perfidiam deseruit, quam illo die armatus asseruit. Dic, si vel micam habes sani judicii reliquam, utrum verissimilius effrœni superbia ferri, qui paritatem cum vicinis colit, an cui nihil satis est, nisi Clero Domini dominetur. Sed ut videas quàm manifestè invideas; nulla in his verbis vox est, quæ invidiam non spirer, ut lippis & tonforibus suboleat. Nam quis non vider, cujus spiritus sint effrœnis superbia, palmarium facinus, indelebilis ignominia, exitium hominis, nefanda proditio? cum in eo cui objicis, neque superbiam, neque facinus, neque ignominiam, neque proditionem, neque exitium offendas; nisi sit exitium vestræ tyrannidis mala ferre. *Verum Deus, inquit, Reipublicæ & Ecclesiæ misertus, Regi per illud flagitium (sic vocat panicum quem diximus populi terrorem) occasionem suggessit ordinem, ubi confusio regnabat, stabilienti.* Non data occasio, sed arrepta, promovendi negotium quod moliebantur. Aulicæ & aulæ mancipia nos inquietos esse & superbos discitabant, Regi præcipere, & absolutam ejus auctoritatem in ordinem cogere; domandam esse hanc insolentiam. Non est consilium historiam prosequi, quod sine Aulicorum Gnathonum summa infamia non possum. Tantum quia tu falsis criminibus eò provocas, dicam, quod si per te liceret libentius tacerem, quodnam fuerit Ministrorum sceius quo aulam offenderunt. Comites Papani clam exilio redeuntes per suos amicos & venales aulicos cum Rege, qui favore nimio in eos etiam non incitatus propendebat, de postliminio agunt. Re intellecta convenerunt ad Cuprum Legati Ecclesiæ cum non paucis Nobilibus, qui religionem salvam esse volebant. Hi ex suo numero ad Regem Falcolandiam quosdam delegant. Jacobum Melvinum jubent verba facere. Ille exordiens dixerat, in hoc imminente periculo Legatos Ecclesiæ ad Cuprum convenisse; quam vocem excipiens Rex, qua, inquit, fiducia id ausi estis? Hic Andreas Melvinus summa cum auctoritate respondit. Publicè, inquit, Rex nos parcimus tibi; ac nunc nacti solum, (solo enim in conclavi Regis res agebatur,) ne causam Christi nostri nos prodamus, fac, memineris duos esse in Scotia Reges, alterum Ecclesiæ, alterum Reipublicæ imperium.*

Pag. 69.

Pag. 70.

Jure

Jure tuo tibi cedimus, & quatenus nos ejus membra sumus, omne tibi obsequium debemus. Ecclesiæ Caput non es. Tu nobis vitam æternam, quàm in hac vita etiam captamus, neque dare neque eripere potes. Dabis ergo nobis veniam, ut Christi nomine conveniamus, & Ecclesiæ ejus, cujus tu primus filius es, prospiciamus. Quando tu infans in cunis vagiebas, hæc tibi prospexit; nunc tu inimicis ejus, qui tum erant etiam tibi inimici, veniam das, ut nobis omnibus perniciem moliantur. Quibus verbis Rex mitigatus negavit se de eorum reditu intellexisse. Ordines concessisse illis Senatam, ut quid vellent proponerent: nihil tamen remissum iri, priusquam Ecclesiæ & Reipublicæ, quas læserant, satisfaciant. Solum iterum vertent, & inde si quid velint, petant. Nihilominus domi subsistunt. Per conjuges & amicos Ecclesiam sollicitant. Henrica Huntlæi uxor Synodo provinciali Moraviæ nomine mariti obtulit, facturum periculum judicii; Jesuitas & Papistas à se segregatum; cum quibuslibet, quos Synodus designaret, de controversis capitibus consulturum; Ministrum in suam familiam ordinarium sumpturum; disciplinæ opem laturum; & Ecclesiis vacuis Ministros suo sumptu daturum. Tamen veriti, ne lateret anguis in herba, (nam Rex sanctè negavit se de eorum reditu quicquam comperti habuisse,) ne aut suis opibus furtivam laniam molirentur, aut cum externo milite constituissent; Deputati, quos Consules vocat Ecclesiæ, qui jussi erant videre, quid consilii hostes caperent, singulos Pastores monent, ne dies aut noctes Deum interpellare cessent, suos ad idem officium hortentur, communeque periculum, ut stimulos addant, proponant. Deinde Conventus Lothianæ de numero suo quatuor ad Regem delegat, qui querantur. 1. De gratia conjuratis Falcolandiæ & Fermeloduni data. 2. Huntlæi conjugem cum Rege & Regina tam esse familiarem, ut ad Baptismum filiæ accersatur. 3. Decretum esse, Livingstoniæ excommunicationi ob Papismum vicinæ instituendam dari. 4. Regum vulgo in Ministros & eorum dogmata inter sermones invehere. Quibus Rex respondit, inter se & Ministros non conventurum, priusquam de finibus regnorum statuatur. Videri enim sibi non esse Ministrorum pro concione de se aut consiliis suis dicere, nisi prius doceatur quid sunt dicturi; non debere Conventum Nationalem nisi sua auctoritate convocari; nullum ejus decretum debere esse ratum, priusquam suo calculo confirmetur; non licere Ecclesiæ judicare, nisi de quibus rebus nulla lex est civitatis. Hæc dum hinc inde irritatis utrinque animis disputantur, de Davide Blackio intervenit quæstio. Ecclesiæ, ne Rex ad suum tribunal judicium de doctrina traheret, jussit ei judicium illud declinare. Hinc acerbissima lis, quæ dum agitur, 24 cives edicto Regio erant à civitate exigendi, indicta causa, quorum quibusdam eo ipso die, quo tumultus obortus, edictum, ut urbe excederent. Convenitur ad Templum, mittunt Legatos ad Regem, concursus civium ex panico quodam terrore, ut dixi, oritur. Quam occasionem nacti Aulici & Aulæ mancipia, flagitium esse Regem à suis subditis sic pro ludo haberi; meruisse civitatem, ut ruina sua incendium exstingueret; Ministrorum contumaciam libero Regi non esse ferendam. Horum convitiis habes hac ipsa pagina, cui respondeo, exemplum luculentissimum. Sic hoc principium, sed progressus miserimæ hujus calamitatis fuit.

Disciplinam (inquit) antiquam, & ab Apostolorum usque temporibus in Ecclesia receptam gubernationem reducere statuit. Idque non minando, sed monendo, non jubendo pro imperio, sed rationibus suadendo, nec confestim & momento, sed pedetentim & per intervalla, ne res agi videretur. Hoc ultimum est verissimum. Si suboluisent omnes quod agebatur, tam facile Pelion Ossæ imposuissetis: adeo apud nos odiosa fuit antiqua illa tua disciplina, dominatio in pastores & greges, bis

Quibus artibus & qua occasione introductus Episcopatus. Pag. 71.

ejurata, non ab Apostolis sed ab orco repetita. Imperio aut minis non opus; si pederentim reducere antiquam tuam disciplinam statuit, & ita ut ne res agi videretur. Sed falsum est minitatum non fuisse. Fundamentum jecistis in jure suffragii in Comitibus quod Ministris oblatum à Rege fuit. At quibus quæso rationibus fratribus persuasistis? simulando, vos illorum inopiam sublevaturos; Jesuitas prohibuit; Papistas, quibus tamen eodem tempore manus dedistis, domituros; præstare, quando de stipendio litigarent, fratres habere judices, quàm alienos, quos non magis ipsorum misereret quàm jumentorum quibus ad agri culturam utuntur. Hæ erant vestræ rationes, quibus homines incautos ad vestram rem agenda adduxistis. Sed altius repetam exordium consiliorum vestrorum. Rex Comitibus exulibus, qui cum Hispano conspiraverant, studebat veniam dare, Ecclesia excommunicationis censura perculit, & Regem sui quoque officii monet, & contra studet, ne veniam daret tanti facinoris reis, nec tutum esse vel Ecclesiæ vel Reipublicæ. Lis indies gliscebatur. Regem aulici, qui vel propinquitate ad Comites spectabant, vel pretio conducebantur, assidue stimulant. Indignum esse Regem à suis subditis, infimi ordinis præcipuè, duci. Illos contra communis metus agitabat; clam rediisse, occultam spem alere, aut à suis per insidias, aut ab alienis per vim. Hic Rex gravissimam iram concepit, non licere sibi in suo regno quod libuit. Octoviris, mortuo Metellano exeunte anno 1595, Rex eo tempore summam auctoritatem detulerat, quorum præcipui Comitibus favebant, & de remittenda poena laborabant. Ut Ministrorum litem à Comitibus amolirentur, consulunt Regi ut litem aliquam moveat Ministris. Citatur Blackius, ut dictum. De illorum etiam consilio problemata 55 formantur, quibus universa disciplina in dubium vocanda. De Episcopis tamen restituendis nullum verbum. Scriptæ sunt literæ initio Decembris, quibus Ordines convocandi ad Politicum Conventum & Ministri ad Ecclesiasticum, utrumque habendum mense Februario Perthæ. Inter venit tumultus Edinburgi 17. Decemb. Non igitur tumultus ille occasio aut principium reducendi antiquam Spotswoodi disciplinam, Episcopalem dominationem; sed Regis, Pontificiorum, & Politicorum quorundam favor propensus in Comites Papanos, quos, nisi turbas darent Ecclesiæ, videbant se vix potuisse pristinae dignitati restituere. Nec facile se id effecturos, quamdiu tanta animorum conspiratio inter Ministros. Ex Octoviris quidam consuluit dividendam esse vim: sumptibus ne parceret, mercede opportunissimos conduceret; non posse, qua erant apud populum gratia, nisi suis viribus superari. Itaque laudis aut pretio avaros dispiceret, qui gratia & auctoritate inter eos pollerent, & factionem traherent. De hoc consilio Rex Patricium Gallovidium & Jacobum Nicolsonum primum adoritur, qui Blackio primi erant authores Regis judicium deelinandi: alter etiam formulam concepit. Erat hic Gallovidius regius minister, homo tumidus, majoris ostentationis quàm eruditionis. Is propter locum quem tenebat, & gloriam quam jactabat, non paucos secum traxit. Nicolsonus propter opinionem prudentiæ (erat enim vir magni ingenii, & literis non inculcus) multos flexit. Neuter fratribus Episcopatum reducendum tamen suadebat, nam sic paucis persuasissent, sed alia quæ speciem commodi & utilitatis videbantur habere. Synodus, ut dixi, indicta & quæstiones seu problemata in Synodo examinanda antè typis evulgantur. Conveniunt Ministri undique, ex borealibus maximè, rerum nostrarum imperiti, utpote ab aula & rebus agendis remotissimi. Hos Patricius Moravius inter Gnathones aulicos facile primus, ut Regi gratum faceret, acciverat. Illos videre erat pridie conventus ad Regem ejus opera gregatim ingredi & egredi. Hi ad osculum manus admitti. Viri discreti & mansueti ingenii, non morosi & rigidi, ut

Austra-

Anstrales. Hæc laudes. Spolia quodque ampla referent, stipendia opima. Cras convenitur. Prima quæstio, an legitimus esset conventus. Ea biduo agitata est, tamen die tertio, cum Nicolsonus ad Regem accitus vespere præcedente, & cum eo Rex sermones habuisset ad mediam usque noctem, ille unâ cum Borealibus approbarunt conventum ut legitimum; sequuti sunt alii. Ex quæstionibus, quas dixi, paucas selegit Rex, quæ in colloquio primum quorundam à conventu illo delectorum, agitatæ, in publico deinde conventu eorum conclusiones probaræ: sed die tertio, aut quarto, ut diximus, cum de conventu illo disceptatum esset, an esset pro generali Ecclesiæ Conventu habendus, obnitentibus sanioribus & prudentioribus, decernunt esse Synodum Generalem licet Extraordinariam, mutant conclusiones prius probatas, addunt, demunt, obluantibus & contra protestantibus viris bonis, aliis Rege interminante perterritis, aut pertractis ad assensum verbis blandioribus. Cum prius responsum fuisset ad 2. quæstionem, leges & statuta non perstringenda, modo leges hæcenus latæ contra jura & libertates Ecclesiæ antiquatæ declarentur, & in posterum leges ad Ecclesiam & religionem spectantes non ferantur inconsulta & non assentiente Ecclesia; jam decernunt, non perstringenda, nisi prius consultis Presbyterio aut Synodis res delata fuerit ad Regiam Majestatem. Atque ita assenserunt, ut nec leges hæcenus latæ antiquatæ declarentur, nec ut opus sit consilio aut consensu Ecclesiæ ante legem de rebus Ecclesiasticis latam; sed post latam legem volunt Regem consuli. Decretum etiam, ne pro concione quemquam Pastores nominatim aut oblique perstringant. Sed quod narrat Sportsvodus, est falsum. *Synodo coacti, inquit, primum omnium convenit licere cuivis dubia de externo regimine proponere, modo id modestis studiis, suis locis & temporibus fieret, & animo ædificandi, non tentandi; quod ideò moneo, quia erant à Catharis, qui dicerent disciplinam extra omnem judiciorum aleam positam ejusdem esse cum articulis fidei naturæ. In præjudicium igitur causæ, ut successus postea comprobavit, dilucide argumentis demonstratum est, disciplinam rem non esse ἀκίνητον, sed temporum mutationibus obnoxiam.* Num quis dixerit, disciplinam esse ejusdem cum articulis fidei naturæ, non alium habemus testem quàm Sportsvodum, cui hoc crederem, si toto hoc libello nihil illi non crederem. Fidei & Politicæ diversa est natura, ut credendorum & agendorum. Utriusque tamen autoritas nititur verbo Dei; & in hoc conveniunt, suntque ejusdem naturæ. Nam verbum Dei non solum credenda sed etiam agenda proponit, non cuivis privato duntaxat, sed etiam Ecclesiæ. Decem præcepta Decalogi non sunt ejusdem naturæ cum articulis fidei, & tamen ἀκίνητα sunt non minus quàm articuli fidei. Ecclesiæ politicam à prudentissimo legislatore præscriptam Ecclesiæ Christianæ mutare nefas esse ipsi Pontificii præsententur, licet in hypothesi errent. At Episcopi aliique apud nos Formalistæ, ut perfidiam suam velamine aliquo honesto obtegant, disciplinam mutabilem esse asserunt, & tamen sui obliti rursus clamitant, Episcoporum ordinem divino jure institutum, & Ecclesiæ commendatum esse ad finem usque sæculi servandum. In hac Synodo non quærebatur de disciplinæ mutabilitate, ut vult Sportsvodus. Nam quæstio hæc erat; Liceatne Principi aut cuivis Pastori dubia movere, ut edoceantur de quovis externæ disciplinæ articulo, qui non sit essentialis, & de quo nihil expresse habetur in Sacra Scriptura vel affirmative vel negative (hæc erant ipsa verba) modo decenter id fiat, loco & tempore debito, animo ædificandi, & non tentandi. Vides essentialia à circumstantiis & accidentariis distingui in ipsa quæstione. Responsum in Colloquio, & probatum in Conventu; Non expedit ea de re decretum aliquod condere, ne curiosis & turbulenti ingenii hominibus litigandi occasio præbeatur; modò huic periculo occurratur, fas esse Regi-

per se aut legatos suos proponere in Synodo generali, de quo dubitat, vel quod reformandum censuerit *in specie externi ordinis*, quandoquidem *substantia externa administrationis Ecclesiasticæ* (hæc erant ipsa verba) *est planissime tradita in Scripturis*, & jus sit pariter Synodo Generali in iis quæ ipsius celsitudo constituenda curaret in conventu aut concilio quovis posthac ab ipso convocando. Cum artibus aulicis corrupta esset pars magna, & coepisset deflectere, tum mutata sunt in hanc formam verba; Licet Majestati suæ per se aut legatos suos, aut Pastoribus, in Synodo generali proponere quæ edoceri cupiunt aut reformari in rebus regiminis externi mutabilibus pro circumstantiarum ratione, modo id fiat debito loco & tempore, animo ædificandi & non tentandi. Non regimen externum mutabile esse concessit etiam corrupta Synodus, nec ipsa quæstio de ea re dubium movit, sed res quasdam in externo regimine mutabiles esse pro circumstantiarum ratione, de quibus dubia movere Regi & Pastoribus licere definiunt, sed rejectis limitationibus, quæ prius adjectæ erant. Per hanc rîmam ad essentialia ipsa externi regiminis impetendum, & extruendum Episcopatum, aditum sibi patefecerunt. Pergit convitiator impudens. *In eo conventu cautum* (inquit) *ut neminem nisi post maturam deliberationem diris devoverent, quo telo temere vulgo abutebantur*. Non nescit homo maledicus, se nihil aliud quàm turpiter fingere. Novit in tractatu de Excommunicatione cum Psalteriis nostris conjuncto statutum esse, ut primo privatim, deinde publicè reus ter moneatur, & preces ter pro eo publicè concipiantur. Si de Excommunicatione, quam summariam vocabant, dicit, non potest nescius esse, nostram Ecclesiam eam sententiam non habuisse ratam, nisi in horrendis exemplis publici flagitii, cujusmodi erat immanis illa cædes ad Dunibrissellam ab Huntlæo perpetrata, idque factum esse ad terrorem impiorum, à quorum mentibus nullum scelus, à quorum manibus nullum facinus abhorrebat. Ab hac Synodo datum Presbyteriis Abredoniæ & Moraviæ secundum articulos à Synodo datos explorare Huntlæi submissionem & pœnitentiam, & ad proximè sequentem Synodum referre. In una eademque Synodo & conjuratis reconciliatio & Episcopatui restitutio præstruuntur. Non adfuit Præses præcedentis Synodi, qui verbo & precibus auspicaretur secundum morem. Non electus Præses novus, sed David Lindesius ab Aula subornatus officium istud arrogat; nec ea re multum laborabant viri boni, cum non existimarent Conventum illum pro Synodo Generali habitum iri, quod tamen tertio aut quarto die jam corruptis plerisque decretum erat. Nullæ hic in Conventu publico disceptationes de iis quæ decreta erant, sed statim ad suffragia ventum est, simul ac recitata ea forma quam in clandestinis suis consiliis conceperant Rex & Ministri Aulæ mancipia qui Episcopatus spem aiebant. Aliis minis territis, aliis blandioribus verbis & prolixis pollicitis attractis, quo volunt circumagunt omnia. *Hac Synodo*, inquit, *Cathari experiendo didicerunt, quàm iniquum sit cum Regibus certamen, & verissimum esse illud Taciti, Rebellionem in Principes conatu irritum imperia semper promovere*. Oportet sine modo esse odium, quod sine modo erumpit in convitia. Quibus armis, viribus, consiliis, unquam tentarunt rebellionem Ministri Ecclesiæ Scoticanæ, aut professores disciplinæ nostræ additissimi? Dic sodes. Edinburgenos, qui omnium additissimi, testatus est Rex esse sibi fidissimos etiam post tumultum illum, quem supra modum & veritatem toties exaggeras, quia aliunde non habes ex quo occasionis calumniandi speciem arripas. Ante illum etiam tumultum agitabantur consilia in aula, tum de restituendis postliminio conjuratis, tum de disciplina Ecclesiæ mutanda, ejusque autoritate minuenda, vel potius per Episcopalem tyrannidem opprimenda. Hac Synodo experiendo didicimus in Ecclesiæ etiam optimè constitutæ gremio latitare posse sordidè avaros,

avaros, vel ambitione tumidos Pastores, qui oblata lucri aut dignitatum opportunitate exorientur lupi graves ex insidiis, qui ut prædam nansciscantur nec gregi nec confervis parcent. *Malum tamen, inquit, quod ipsa salus, si volet, sanare non poterat, subodorati rem omnibus modis impedire non cessarunt. Legatis enim Presbyteriorum in mandatis dederant, ne ullam partem disciplinæ innovari aut in questionem vocari paterentur, quos Synodus, protestantibus rejectis, qui suffragia rogarentur, indignos existimavit. Dixisset, à quo factio illa mancipiorum aulæ se jam separaverat, & per fas & nefas consilia sua clandestina ad finem, quem sibi proposuerant, perducere animum suum obstinaverat. Si subodorati essent vestram perfidiam, initiis malorum diligentius occurrissent. Sed ante hunc conventum magna semper animorum concordia; nec de fide vestra dubitarunt nostri. Quid eos censes qui tanto malo obviam ire volebant? Si malos; quis tibi credat malos, qui pro viribus malo resistebant? Si bonos; quid te & collegas tuos putabimus, qui invitis bonis tam atrox & insanabile malum Ecclesiæ optimè constitutæ intulistis? Oportet egregios vos esse mali artifices, qui tantam in vobis mali habetis, ut malum quod intulistis non poterit sanari. Sed rectè habet, tam malam vestram operam in evertenda disciplina tam bene constituta agnoscitis; nisi quod vereor inconstantiam vestram, qui quod verbo asseritis, verbo negetis, quod juratis, nil pignus præjere. Hæc illa Synodus, quæ vobis ad tyrannidem viam stravit.*

Hæc spe incisa, inquit, subsidia omnia in conventum proximum qui Taodunum in Cal. Majas indictus erat, comparant. Quo die oppetente, justis pene agminibus convolarunt, ut multitudinis specie inimicos territarent, & suffragiorum numero, si res in disceptationem veniret, omnia ad nutum circumagerent. Quis hoc illis vitio vertat? Quis nou laudi? Cum viderent disciplinam optimè stabilitam, partim occultis artibus, partim aperta vi peti, indigni essent Christo, qui non summis viribus connterentur. Sed egregium te esse Oratorem oportet, qui causæ quam agis imprudens prævaricaris. Negas enim passim fuisse multos vobis adversos; hic fateris justis pene agminibus convolasse, ut multitudinis specie inimicos territarent. Verum est Catonis illud; Conveniet nulli qui secum dissidet ipsi. Venerant enim, inquis, à plerisque Presbyteriis supra duodenos, cum ab adversa parte bini, aut ut plurimum terni venissent. Duodenos Legatos vel unum Presbyterium ex nostris misisse, tibi toties mentienti non credam. Plures quàm more solito misisse, non invitus concedam: sed plures quàm 4. aut 5. nullum, quod sciam, Presbyterium Legatos misit. Fraude detecta, inquit, Synodus de trium Legatorum numero cavit, quo ne majorem cuiquam Presbyterio mittere liceret. Ut fraudi vestræ occurrerent, si possent, cum vidissent vos locum constituisse commodum & opportunum Borealibus, quorum numero frequentiore, ut in Pertheni Conventu, partem saniozem obruere statuistis. A metu vestro profectum, quod cautum sit de Trium Legatorum suffragiis, quod tamen ipsi post violastis, cum factio vestra crevisset.

Acta etiam, inquit, prioris conventus, addita explicatione, qua scrupulosis satisfieret, confirmata, simul ad tranquillitatem publicam & Regis animum, quem Ecclesiasticorum intempestiva dicendi libertas non raro offendeat, placandum, viri prudentia & ætate graves nominati, qui concionatores de statu publico, & regni administratione temere ac liberius, quàm oporteret, locutos, suspensionis aut exauctorationis pœna coercerent, Pastores Edinburgensæ Ecclesiæ præficerent, stipendiorum solidam & immotam rationem excogitarent, & negotia Ecclesiastica in regni Comitibus procurarent. Verum est, eam fuisse Ministrorum nostrorum libertatem, ut, si monendo nihil proficerent, nullius ordinis peccatis parcerent. Verum Regem imperivisse intempestiva oratione, falsissimum est. Cum ille eò propendebat, ut Comitibus

Pag. 73.

Synodus
ad Taodunum
num. 1597.

Pag. 74.

Pag. 75.

Acta Synod.
di Taodunum
nensis.

Pag. 76.

tibus Papanis postliminium concederet, cum privatis consiliis non possent de periculo religionis persuadere, verum est omnes qui salvam religionem vellent præsentis mali monuisse. Quod si Rex in malam partem accepit, videat ex Ezechiele, cujus culpa factum sit. Nemo nisi aulicus Gnatho, qui, si diris laceffentem cœlum audiret non audet reprehendere, hanc operam servorum Dei dicit esse in-tempestivam. Clamabat sanguis Comitum Moravii ab Huntlaeo & conjurato in Ecclesiam & Rempublicam hoste fusus, & poscebat vindictam; & obmutescerent vigiles? In hoc conventu duo erant Aulicis agenda: unum ut Comites conjurati diris solverentur: alterum ut Conventus Perthenensis pro legitimo haberetur, & ejus acta rata habeantur. Pro conjuratis dictum est, omnia facturos, subscripturos, juraturos, diruta templa restauraturos, Ministros admissuros qui se & familiam suam doceant & instituant, quæ omnia adhuc eadem fide sunt facturi. Pro Perthenensi Conventu dictum, Regem esse syncerissimum, summam esse ejus in Ecclesiam voluntatem. Et hæc dicta ne res agi videatur, ut utar ipsius Spotswodi verbis. Cum antehac pro re nata deputati essent quidam à Synodo, qui gravamina & petitiones Ecclesiæ Regi, Senatui Regio, aut Ordinibus in Comitibus offerrent, aut prospicerent ne quid detrimenti Ecclesiæ caperet à Pontificiis, in hac Synodo Taodunensi mense Majo 1597. delecti sunt 14 Commissarii Synodi Generalis dicti, qui omnes, vel ex numero integro septem, cum Rege Consilia conferrent, & certam stipendiorum rationem excogitarent, ne Ministri à munere suo abstraherentur, ut quibusdam Ecclesiis Edinburg. Taodunanz, & Andreapolitanæ Ministros præficerent, ut gravamina Ecclesiæ aut alicujus membri particularis Regiæ Majestati exhiberent. Hæc videbantur habere speciem utilitatis, nec adhuc perspicere poterant omnes boni, quo tenderent eorum consilia: & qui cum tenuioribus stipendiis consistebantur Ministri proniores erant ad fidem iis adhibendum, illos nihil moliri in libertates & jura Ecclesiæ. Sed quod Ministros civitatibus quibusdam præficere erat penes Regem & 7. aut paulo plures Commissarios, viderunt sagaciores huc tendere, ut à civitatibus præcipuis viros bonos arcerent, ne, qua futuri essent apud civitates autoritate & gratia, ipsorum conatibus obsisterent. Isti Commissarii cum viderent se ad aulam sæpius vocatos, cum Rege consilia de summis Ecclesiæ negotiis agitare, & hoc honore præ aliis ornatos, alios despiciere cœperunt, quæ in mandatis data erant excedere, & Presbyteriis inconsultis & invitatis quædam agere. Rex regebat paucos illos Commissarios, illi illius autoritate freti sensim invadebant jura Synodorum & Presbyteriorum.

*Quibus
Legibus ex
consensu
Ordinum
Ecclesiasti-
ci ad jus
suffragii in
Comitiis
regni ad-
mittuntur.*

Commissarii seu Deputati Synodi Generalis præcedentis in Conventu Ordinum 1597. mens. Decemb. petunt jus suffragii restitui Ecclesiæ velut Tertiæ Ordini. Cum Ecclesiæ jam diu & iniquo animo injurias hominum sæcularium tulisset, ut ait Philadelphus, qui usurpatis Prælatorum titulis in publicis regni Comitibus pro Ecclesiæ contra Ecclesiam jure suffragii uterentur, sæpius petiverunt Ministri ut potestate illa privarentur, sed remedium in aliud tempus rejectum est: non postularunt, ut Ministri sederent in Comitibus cum jure suffragii in Comitibus, sed ut illi qui possidebant Prælaturas & Beneficia majora eoque nomine arrogarunt sibi veterum Prælatorum jus in Comitibus, eoque in Ecclesiæ incommodum utebantur, amoverentur, ut possint alios substituere, qui eorum curam & patrocinium in Comitibus suscipiant, saltem ne illi Ecclesiæ nomine abutantur, & pro Ecclesiæ jus suffragii ferrent, quibus ab Ecclesiæ nunquam fuit vel delegata vel permissa potestas, & Ecclesiam ludibrio haberent ejus patrimonium injustitia detinentes. Commissarii præcedentis Synodi, qui Episcopatus captabant, communicatis cum Rege consiliis, hoc verus gravamen, quod diu sopitum jacuit, Ordinibus in futuris Comitibus exhi-

exhibere statuunt, & potere ut non solum illi amoverentur, qui id juris occuparunt, aut in genere ut Ecclesiæ jus suum restitueretur, quo possit quos vellet deligere Legatos ad Comitia, sed ut Ecclesiasticis velut Tertio ordini jus restitueretur. Nulla alia, si non hac seta filum Episcopalis jurisdictionis introduci posse vident. Largiamur ante hæc petiisse ut ipsi Ministri haberent jus hujus suffragii, non tamen datum illis in mandatis ut peterent, nec inconsulta Synodo de re tanti momenti cum Ordinibus egissent. Petunt tamen, & adnitente Rege in Comitibus impetratum est, & statutum, ut Ministri, quos majestas Regia titulo & beneficiis veterum Prælatorum ornaturus esset, ad jus suffragii in Comitibus admitterentur: quod ad eorum officium in spirituali politia & regimine Ecclesiæ, permittendum iudicio Regis & Synodi generalis, salvo tamen jure jurisdictionis & disciplinæ hæcenus stabilitæ per statuta Parliamentaria, & per eadem permixtæ Synodis Generalibus, Provincialibus, Presbyteriis, & Ecclesiarum Consistoriis. Annuerunt eo facilius petitioni Commissariorum, quod desperarent unquam Ministros veterum Prælatorum titulos, Episcoporum, Abbatum, Priorum, ob beneficia vel suffragii jus resumpturos.

In Synodo Taodunensi; quæ Comitibus Ordinum sequuta, mense Martio, multum sudarunt Rex & Ministri Episcopatus captantes, suadendo Ministris, ut amplectantur beneficium oblatum. Biduum transactum est à matutino tempore ad noctem intempestam accersendo & deducendo unum aut alium Ministrum ad Regem. Andr. Melvinum, & Johannem Ihonstonum, Professores Theologiæ, urbe excedere sub poena proscriptionis cogit, priusquam actionem ullam inchoarent. Concionem habuit Patricius Gallovidius planè Gnathonicam. In hoc Conventu maxima altercatio, & major animorum contentio, quàm unquam antehac in ulla Synodo, adnitentibus Rege, Episcopaturientibus Ministris, & quos in suam sententiam pertraxerant, ut Commissariorum factum probaretur. Miserandum præbuit spectantibus Rex noster spectaculum, bonis omnibus desendum qui Synodos nostras ante viderant, cujus rationem uno die redditurus. Interminabatur, ubi blandis verbis allicere non potuit. Multispe amplioris stipendii lactari, qui cum magna rerum penuria conflabantur, sponte cesserant in eorum sententiam. Obnixi sunt viri boni, & sagaciores, quoad poterant. Vincunt tamen Regii numero, 10 suffragiorum, sed annumeratis quibusdam privatis, qui nullo fungebantur Ministerio, nec delegati erant ab ulla Ecclesia. Probatur Commissariorum factum in eo quod postulassent jus suffragii Ecclesiasticis in regni Comitibus restituendum. Obtestatus erat Rex se non statuere Episcopos vel Papanos vel Anglicanos introducere, sed solummodo studere ut prudentiores ex Ministris à Synodo Generali delecti in Senatu & Comitibus suffragii jus habeant, quo negotiis suis præsentent, non autem ad fores starent cum libellis supplicibus. Sagaciores tamen subodorati sunt, quid moliebantur, & obluati sunt, ut dixi, quamvis sapius Rex eis inter sermones interminatus fuerit. Cum ad rem ipsam ventum est, & de jure juris suffragii in Comitibus suffragia ferenda essent, renuit Johannes Davidsonus vir pius & veteranus Christi miles suffragium ferre, sed protestatus & suo & aliorum omnium Ministrorum Ecclesiæ Scoticanæ qui protestationem ejus obsignaturi erant nomine, se non agnoscere Synodum illam, nec duas præcedentes Perthesensem & Taodunensem priorem esse liberas, & proinde decreta Synodorum illarum nullius auctoritatis esse, & libertatem Ministerii sui se conservare velle: Discedentem sequuti plures alii, qui eandem protestationem chirographis suis obsignarunt. Pergunt tamen: & decreta sunt ista tria. 1. Jus, fas esse, Ministri habeant jus suffragii in Comitibus. 2. Ex eorum numero tot haberent suffragia, quot erant

D d d d

olim

Synodus
Taodunensis
Ses Secunda
da

Pag. 77.

olim Episcopi, Abbates, Priores, h. e. circiter quinquaginta. 3. Ut electio sit mixta, partim Regis partim Synodi. De cæteris consultandum primum in Synodis Provincialibus, quæ omnes uno die celebrandæ erant, (hoc factum ne resciscerent quid in aliis Synodis actum,) ut deligerent singulæ tres, ut tres ex singulis Synodis delecti convenirent, quando à Rege moniti, & decernerent, si conventum inter eos non fuerit, determinationem totius quæstionis de jure suffragii ejusque circumstantiis referendam ad Synodum Generalem. Delecti à Synodis conveniunt Falcolandia exeunte Julio anno 1598. ubi Rege assentiente positæ leges Ministris Parliamentariis, quæ intra limites contineant, ne imperium aut Jurisdictionem in fratres arrogarent. Dicit Episcopus, cum in hoc conventu magnis animorum contentionebus certatum esset, num jus, fas esset Pastores suffragium in publico Ordinum conventu ferre, & de causis civilibus in foro cognoscere, nec satis liqueret; ampliatum esse, remque in proximum conventum, qui ad montem Rosarum indictus erat, rejectam. Quod de animorum contentionebus dicit, nimis verum. Sed animi eorum contendebant ad Episcopatus, beneficia aut ampliora stipendia, dominationem in fratres, aut licentiam & effœnem libertatem sub dominantibus in viros pios Episcopis. Contendebant animi bonorum pro Ecclesiæ libertate, politiæ optimè stabilitæ & purioris Evangelii conservatione. Nam licet hæc non moliri strenue protestati sunt illi, fidem tamen non habuerunt qui erant prudentiores; tot indiciis consilia sua prodiderunt. Num Pastores de causis civilibus in foro cognoscere jus, fas esset, non ibi disceptatum; nec unquam in ulla Synodo in hunc usque diem fas esse decretum est, licet Episcopus iste unum pedem fixit in foro civili, alterum in Ecclesiastico. De jure Suffragii in Comitibus in hoc ipso conventu decretum, sed animorum contentione quam diximus; nec rejecta res in conventum proximum, sed solum quæ supererant disceptanda. In hoc Conventu Tadunensi delecti 20 Commissarii seu Deputati Synodi Generalis, qui omnes, saltem novem ex numero, cum Rege porro consultarent de constituenda certa stipendiorum ratione, in civitatibus Ministris Ecclesiis, si quando vacarent, præficerent, de ministris Regem offendentibus cognoscerent & judicaret. Rex autem faciliè causas fingere potuit eorum consiliis adjutus. Atque ita optimum quemque vel gradu submovere, vel civitate extrudere, & ad rusticanam Ecclesiam transferre, ut pessimi quique celebriores Ecclesias occuparent. Delecti sunt autem fere iidem qui in priori Synodo, Jacobus Nicolsonus, Georgius Gladstonus, David Lindesius, Alex. Lindesius, Andreas Cnoxius, Galbinus Hammlitonus, Alexander Douglassius, qui omnes Episcopatus beneficio & titulo postea ornati sunt. Hos & hujusmodi voluit Rex deligi, inquit, alioqui curate vosmetipsi res vestras, & prospicite vobis stipendia; nam hic prætextus præcipuus hujus delectus. Regii interrim suggerebant aliis; nihil certi unquam de stipendiis statueretur, nisi delegeritis Regi dilectos & gratiosos. Erant quidam boni malis permixti, sed non vocati nisi quando illis utile videbatur. Nam ex delectis Rex novem seligere, & ad consilia vocare solebat, præteritis aliis vel non præmonitis.

Colloquium ad S.
Crucis
mense Novembri
1599.

Post Conventum ad Falcolandiam, ubi delecti à Synodis de legibus & conditionibus juris suffragii consularunt; de consilio Commissariorum Synodi Generalis, quos Episcopaturus dixi, ad ædem Sanctæ Crucis undique Rex convocaverat, qui doctrina & ingenio pollebant, ut de jure suffragii disputarent. Indictum Colloquium specie occupandi tumultus in Synodo Generali, revera ut tentarent quid haberent argumenti, ne in conventu publico argumentorum vi à persequendis consiliis suis depellerentur. Qui contra censebant, negabant se esse paratos, aut sibi esse integrum auctoritatem conventus post paucos dies futuri occupare. Rex con-

tra instabat se pro nebulone habiturum, qui ut factionem traheret; argumenta in conventum taceret. Hic illi necessariò coguntur experiri. Prius protestari hanc velitationem libertati conventus non præjudicaturam. De decreto Taodunensi & ipso jure suffragii disceptatum. Argumenta fuere prope eadem, quibus postea in Synodo nitebantur. Arguunt viam ad saltum Episcopalem sterni, quem nostra Ecclesia ut nulla auctoritate scripturæ fundatum damnavit. Responsum est per sacras execrationes, se nihil minus conari, quàm aut Papistici aut Anglicani Episcopatus jugum eorum cervicibus imponere. Quod quàm verum sit, hæc tempora demonstrant.

2. Non esse eorum qui nomen dederunt sacræ militiæ, vitæ hujus negotiis implicari. Hoc munus sacros milites hujus vitæ negotiis implicaturum. Responsum, locum Apostoli non prohibere necessaria munia hujus vitæ, ut rem familiarem non current sacri milites. Replicatum est, aliam esse rationem eorum quæ nobis incumbunt necessariò: aliam eorum quibus nos non necessario implicamur. Oeconomica, si non infideli deterior Minister; necessaria & licita; non item politica.

3. Quod Ministros à sua vocatione avocat, verbo Dei Ministris esse veritum; hoc est hujusmodi. Responsum, non a suo munere advocatum iri, quin illis temporibus potius prædicaturos: quod responsum neque illis erat in animo, neque ad rem. Replicatum, non deesse quo in loco Parlamentum habebitur, qui prædicarent, neque hoc erat munus ad quod Rex eos vocavit; & si forte unus aut duo habituri essent concionem tempore Comitiorum, non tamen erit opportuna occasio quinquaginta concionatoribus. Nam tot suffragia initio Ministris concessa illi venditabant.

4. Quibus mandatum est tempestivè & intempestivè officium suum facere, iis non vacare ad aliud munus. Responsum, in suo munere occupatum iri. Replicatum, suffragium in Parlamento ferre ad Pastoris munus non pertinere.

5. Quod munus est gravius quàm ut quisquam ei sit par, non pati alium munus adjungi: At pastoris munus est ejusmodi. Responsum, non adjungi aliud munus. Replicatum, ut prius.

6. Comissionem munerum, quæ Deus vult distingui, esse illicitam. Responsum, non commisceri, sed conjungi hæc munera. Replicatum, Commisceri, si conjungantur in eodem subjecto. Christum conjungenda interdixisse, *Vos autem non sic*.

7. Veritum esse Ministris Ecclesiæ ἀλλοτριεπισκοπῆν. At præter suum munus dare operam rebus civilibus esse ἀλλοτριεπισκοπῆν. Responsum, spiritualement & civilem rem non differre subjecto, sed modo & ratione. Replicatum, & quia differunt ratione & modo, differre etiam debere subjecto; & in alieno objecto occupari, esse ἀλλοτριεπισκοπῆν. Item, exemplum Christi qui neque familiam inter fratres herciscere voluit, neque adulteram damnare. Longum esset singula argumenta ex sacris scripturis prompta, & testimonia veterum allata repetere. Deinde disceptatum de legibus & conditionibus in quas ad Falcolandiam conventum inter delegatos Synodorum Provincialium. Multa dicta sunt contra perpetuitatem hujus muneris. Nam si perpetuum, omnes alias leges & cancellos quibus concluduntur facile perrupturos; Ecclesiæ auctoritatem despecturos, & Principi, à quo redditus & honores habent, quàm Ecclesiæ additiores fore; & si litem contra eos intentaverit Ecclesia, regia auctoritate fretos nihilominus beneficia illa majora Episcopatum & Abbatiarum retenturos, & vindictam in Ecclesiam exercituros; Generalem Conventum fore servile episcoporum capitulum, non liberum Concilium; alios etiam ordines, excepto Nobilibus, Barones, & civitates, eligere legatos suos ad singula comitia, non esse perpetuos, non deteriorem esse debere Ecclesiæ quàm Baronum aut Civitatum conditionem; Senio, valetudine, aut deficientibus donis posse fieri ineptos ad procuranda Ecclesiæ negotia &c.

De nomine cum quæsitum, respondit A. M. ἄλλοτριῶν ἐπίσκοπον dicendum, nam si Episcopos dixerimus, officium etiam & potestatem ambituros aut invasuros. Alii Dominorum titulo non ornandos, tum quia Christus interdixit, tum quia titulis tumescens ægrè ferent æqualitatem colere cum fratribus. Hæc & multa alia a nostris contra jus suffragii, vel hoc concessio, contra conditiones perpetuitatis, & titulos dicta sunt. Cum fundamentum ipsum revellere non possent, nempe ipsum jus suffragii, quod positum in synodo Taodunensi, dant operam, ut cancellis concludantur qui cum jure suffragii sederent in Comitibus, ne jurisdictionem in Ecclesiam arrogant. In hoc colloquio major permessa libertas, quam in synodis, quia nulla erant ferenda suffragia, aut condenda decreta. Cum nihil promovisse se vidissent, dimittitur conventus.

Βασιλικὸν δῶρον
exaratum
an. 1597.
1598.

Tales
sunt Jo-
hannes
Spotswod-
us, An-
dreas Lam-
bius, Patri-
cius Linde-
sius, Alex-
der Dou-
glassius,
Cnoxius,
Insulanus,
& alii.
Synodus ad
montem
Rosarum
anno 1600.
mense
Martio.
Pag. 78.

Pag. 71.

Non multo ante hæc Rex exaraverat opusculum illud quod inscripsit Βασιλικὸν δῶρον ubi hæc habet verba. *Una est contra hanc pestem cautio, si è ministerio viros doctos & pios, * quorum in hoc regno Deo sit gratia magnus est numerus, ad Episcopatus aliosque in Ecclesia honores selegeris, pudenda illa Annexationis lege, nisi mea opera antiquatam inveneris, abrogata; ita sublati fundamentis, non modo imaginariam illam paritatem evertes, quæ cum legitima administratione Ecclesiæ aut Reipublicæ pace, aut Monarchiæ bene institutæ legibus, nunquam conveniat: sed etiam in regni comitiis antiquum illum Trium Ordinum honorem restitues, id quod aliter fieri non potest. Ego tibi hac in re, si Deus dederit, viam præmuniam, tu quod reliquum erit, iisdem vestigiis persequere.* Hæc scribebat anno 1597, 1598, & dum ista scriberet egregie dissimulabant ullum Episcopatum sive Romanensem sive Anglicanum introductum iri.

Cunctis, inquit, ad locum & tempus conditum, cum amanuensium turba qui dicenda exciperent, coeuntibus, causa inter Pastores, qui judicii acumine maxime pollebant, multum exagitata, argumentisque hinc inde deductis, & æqua judicii lance pensitatis, concordibus omnium suffragiis, pronunciatum est, licere Pastoribus in Ordinum congressu sententiam de republica dicere, nec Pastoris & Judicis civilis munus esse ἀσύνετα; quamvis non negaverim nonnullos prævisa disciplinæ, quam improbissimo labore ædificarant, ruina, huic sententiæ identidem occlamasse. Sed jure an injuria, ipsi viderint. Ita verba inter se pugnant, ut nescias, quid primò refutes. Dicit concordibus omnium suffragiis pronunciatum esse, & statim fatetur nonnullos occlamasse, ac si pauci occlamaissent. Tertio fatetur, occlamantes prævidisse ruinam disciplinæ nostræ. At sæpius obtestati sunt se nihil moliri in detrimentum nedum ruinam disciplinæ, sed Ministros ab inopia & contemptu vindicatos cupere. Si præviderunt nonnulli, ut ais, ruinam disciplinæ; fateris quoque vos etiam tum egregiè dissimulasse, nequiter imposuisse credulis & simplicioribus, & ad disciplinæ nostræ subversionem consilia & actiones vestras collimasse. Egregium oportet te esse Oratorem, qui tuo te ipse jugulas gladio. Siego dixissem vos his artibus usos, fortè negares. Nunc quid contra tuum ipsius testimonium dicas, quaero. Supra dixisti, Regem ad Disciplinam ordinandam totum conversum, antiquam gubernationem reducere statuisse, nec confestim & momento, sed pedetentim & per intervalla, ne res agi videretur; nunc fateris nonnullos prævidisse, quod vos non agi sæpius asseveravistis. Dicis pronunciatum esse, licere Pastoribus in Ordinum congressu sententiam de Republica dicere, nec Pastoris & Judicis Civilis munus esse ἀσύνετα. De priori decretum post magnam animorum contentionem in Taodunensi conventu; ubi annumerata suffragia eorum quibus nullum jus, cum numero alioquin vincere non potuissetis. Posterius more tuo addis: Neque enim hoc in
quæstio-

quæstionem venerat. Sed quia ipse eò nuper, ut audio, adspirabas, ut Cancellarius esses, quod munus hominem jurisperitum totum occuparet, & quia nunc sedes in foro civilium causarum, hoc etiam vis in eo conventu concessum esse. De Comitibus Ordinum solum, non quovis foro causarum civilium, disceptatum fuit, etsi fortiori ratione contra forensium cognitionem & jurisdictionem ordinariam militabant nostra argumenta. Iisdem fere argumentis, responsionibus, & replicationibus, quibus in Colloquio ad S. Crucis, certatum est. Argumentis invictis ita concussa res fuit, ut adversa factio ad suam gratiam & Regis auctoritatem fugeret: singulos ambirent, (neque enim, quod debuit fieri, à disputatione ad suffragia descensum est,) prentarent, monerent, quantam rem isti importuni homines perderent; Regem decrevisse Ecclesiam antiquo splendori restituere; istos ejus voluntatem alienare. Interea Aulici singulos ad Regem adducebant summo mane & noctu. Ille voluntatem suam in Ecclesiam prædicare; quid invitis Proceribus in Parlamento effecerit; quàm studeat Ecclesiam antiquæ dignitati, quam à majoribus suis acceperat, restituere; nunc licere illis beatis fieri, ne semper more mendicantium à Senatu foris petant, nunc licere habere intus, qui causam suam agant; postea serò ac nequicquam velle, cum neque illis neque sibi foret integrum. His machinis, non quod iste asserit, *argumentis hinc inde deductis, & æqua judicii lance pensatis*, expugnatum est. Nam adversa factio nullis argumentis ex sacris literis nitebatur. Tantum in decreto Taodunensi acquiescebant, quod dicebant hoc fundamento insistere, quod Evangelium politiam non destruat. Responsum est, verum esse, si politia cum Evangelio non pugnat. Constare cum Evangelio vel Ethnicam vel Turcicam Politiam posse, modo non sit illi contraria; hanc autem cum Evangelio ex diametro pugnare, ut nullo modo in Republica Christiana tolerari debeat: Fullo-nem prudenter renuisse cum Carbonario sub uno recto in uno eodemque domicilio habitare; heterogenea esse objecta Civilis & Ecclesiastici muneris. Cum ventum esset ad suffragia, recitatæ primum conditiones, de quibus convenerat inter delegatos ad Falcolandiam. Conditiones autem erant istæ. 1. Ne is, qui ad jus suffragii emitteretur, quid proponat aut prober, quod ad Ecclesiam spectat, nisi de consilio Ecclesiæ. 2. Ut Synodo Generali actorum suorum rationem reddat, sequæ censuræ ejus submittat. 3. Ut vivat contentus ea parte sacerdotii, quam Rex ei assignabit, sine Ecclesiarum aut scholarum damno. 4. Ut nullam partem reddituum, in quos surrogetur, aut dilapidet, aut minuat. 5. Ut gregem suum, cujus Pastor designatur, sedulo curet, sequæ Presbyterii sui censuræ submittat. 6. Ne Sacerdotia conferat, aut jurisdictionem usurpet in fratres, sub poena exauctorationis. 7. Ut in Presbyteriis & aliis conventibus nihil supra reliquos collegas arroget. 8. Ut cum initiatur, juret se fideliter omnes præscriptas leges servaturum, easque subscribat. 9. Ut si aut à Presbyterio suo aut à Synodo exauctoretur, simul etiam jus suffragii amittat. 10. His legibus alias addere liberum sit Synodo Generali. 11. De nomine conventum, ut diceretur Legatus hujus aut illius loci, si Ordinibus persuaderi poterit ut in ea nomenclatura acquiescant, alioquin definiatur à Synodo Generali. Quod ad tempus, utrum ad vitam seu culpam, an ad tempus eo munere fungeretur, de eo non convenisse, sed reservatum Synodi Generalis determinationi. Conditiones hæ omnes à Synodo concordibus omnium suffragiis in Generali hoc Conventu probatæ sunt, quas in Philadelphi Epistola habes lector, eadem verborum forma qua conceptæ sunt. Additum præterea, judicatum apprimè utile esse, ut & hæ conditiones & aliæ in quas conventum erit in Synodo, inserantur in decretum Ordinum, quo ratum habituri erant jus suffragii Ecclesiæ concessum, ut pars illius necessaria & ad ejus substantiam pertinentes. In quaslibet leges & regulas assentiunt, modo

ipsum jus suffragii non denuo convellatur, & sit perpetuum. Nam freti perpetuitate juris suffragii apud sese statuerunt omnium legum & conditionum repagula perrumpere. Cum ergo ventum est ad suffragia de duratione, hinc adnuntiat summis viribus, ut sit perpetuum, ad vitam vel culpam. Decretum, ut singulis annis reddat rationem obitæ legationis, & submittat Synodo continuandam aut in alium transferendam pro arbitrio Regis & Synodi, ut Synodus assentiente Regia Majestate è re Ecclesiæ fore judicaverit. Vicerunt illi partem saniorum numero duorum aut trium suffragiorum. Nec mirum; locus enim, ubi celebrata Synodus, de industria ulterius quàm prius ad Borealem regionem indicatus, ubi Borealiū Ministrorum; quos in suas partes maxima ex parte antè pertraxerant, & quibus maximè fidebant, vim magnam haberent. Artibus etiam, quas supra dixi, & sollicitationibus usi sunt. A. Melvinus in diversorio suo se continere à Rege jussus. Sunt qui etiam in ferendis suffragiis pro *annuatim*, responderunt lingua nostra vernacula, *Aray with him*, hoc est, *apage sit*, quod illi acceperunt, & numerarunt, ac si dictum *annuatim*. Multi qui assenserant, nimia simplicitate & credulitate fidem illis adhibentes, obtestationibus decepti, & conditionibus supra dictis satis cautum esse putantes, nihilque metuendum, cesserunt, qui nunquam alioqui cessissent, si prævidissent, quæ sagaciores subodorati sunt. Decretum etiam ne qui jus haberet suffragii in Comitibus, habeat jus suffragii in Conventu Generali Ecclesiæ, nisi delectus fuerit Legatus à Presbyterio suo. Item, ut crimen ambitus satis causæ sit ut depriveretur. *Non dicent opinor*, inquit, *in his congressibus, quibus Rex præsedet se minis & terroribus inducitos contra animi sententiam pronunciaisse. Nemini enim libertas, aut sua modeste proponendi, aut ad ea quæ obijcerentur respondendi negata, nihil ab invitis expressum, nihil præcipitatum, &c.* Quis, qui micam habet cerebri reliquam, affirmaret in Conventibus, quibus Rex alteri parti studens, alteram oppugnans, præsedet, nihil minis aut terroribus esse effectum? Nemo nescit, si nihil aliud quàm adsit Rex ita affectus, multos non audere libere sententiam dicere. Constat ejusmodi fuisse in Synodis complures, qui quidem incusandi, quod majestatis reverentia, quam tu nos sine ulla verecundia violasse nusquam non clamas, leutius Christi causam susceperunt, dum *πλεον καίριον*, ut utar tuis verbis, accepisset. Nemo nescit, eos qui Regem sequebantur, habitos esse homines bonos, æquos, sapientes, & doctos etiam, quamvis magnam partem erant totius Ecclesiæ indoctissimi: qui contra senserunt, pro cerebrosis, factiosis, futilibus, damnatos esse, quamvis revera erant multi optimi, plurimi doctissimi, omnes constantissimi, quos neque gloriæ spes, neque opum cupido, neque Regis gratia, neque Aulicorum contemptus poterat flectere.

Pag 73.

Conditio-
nes senten-
tiam dictu-
ro in regni
Comitiis
imposita ab
Episcopis
violata.

Conditiones quod attinet, inquit, *quas sædè violatas clamat, in nonnullas utpote æquas & justas facile assensum: aliæ pro tempore magis, quo contentiosis omnis rixandi ansa præriperetur, quàm animo in perpetuum observandi acceptæ.* Imprudentatur homo malè sanus, cujus prudentem in æternum puderet. Neque enim fœdus quidquam in vita contingere potest, quàm quod Ethnici damnarunt, *lingua juravi, mentem injuratum gero.* Quid inter homines sincerum, quid sanctum esse potest sublata fide, quæ sola humanæ societatis vinculum est? Quomodo autem fides constet, cum in fide concipienda aliud dicas, aliud sentias? Quid credas, lector, clam homini palam perfidiam profitenti? Hæc ipsius verba sunt, nos non affingimus. Per conventus legitimos Ecclesia nostra iugebatur. His adeo odiosum fuit Episcopi nomen, ut id nemo auderet profiteri. Hi homines, ut jus suffragii in Comitibus publicis à Synodo impetrarent, non sibi ipsis, sed eligendis ad hoc

hoc munus, in leges quasdam, ne ad Episcopatum niterentur, fidem dederunt. Nam sanctè negarunt, se ullum Episcopatum sive Romanensem sive Anglicanum invehere, aut disciplinam stabilitam cuniculis subruere. Nunc non pudet profiteri, pro tempore magis quo contentiosis rixandi ansa præriperetur, quàm animo perpetuò observandi esse acceptas. *Pagina præcedente dixit. Quod si adversarius* Pag. 79.
ipse affuit, meminisse potest, postquam de jure potestatis constitit, & de ea legibus arctanda, & numero eorum qui Ecclesiam in regni Comitibus referrent ageretur, quantus fuerit animorum consensus & conspiratio? Jam profitetur, sese nonnullas accepisse non ex animo, sed ut contentiosis omnis rixandi occasio præriperetur. Ubi conspiratio animorum, si aliud lingua dicitur, aliud animo statuitur? Quod ad numerum suffragiorum, & jus ipsum, de eo disceptatum in Synodo Taodunensi, nec in hoc conventu ad Montem Rosarum ullam rationem ullius momenti asferre potuistis, nisi decretum Taodunense. Nonnullas conditiones acceptas ait magis quo contentiosis omnis rixandi ansa præriperetur, quàm animo in perpetuum observandi, *præsertim, inquit, quum & illud certum esset, Synodum quæ dedisset posse pro arbitrio remittere.* Spes quam certam de futuris Synodis concepit perfidiam hominis prodit. Nam de libera Synodo non poterat hoc sperare. Oportuit itaque, quod postea factum est, aut de fallendo, aut reprimendo Synodorum libertatem, etiam tum cogitasse. Vides lector, quales fuerint istæ Synodi, quas hic speravit suos pro arbitrio posse versare: quasque pro arbitrio post adventum Regis in Angliam ad hunc diem versant: ut agnoscas ejus vanam jactantiam, p. 87. *Acta Conventuum, inquit, Comitiorum decreta, nunc nostro Ordini suffragantur; quæque olim contra nos faciebant (ut est omnium rerum vicissitudo) nunc à nobis stant.* Contra statuerunt post longam deliberationem argumentis ex Sacris Literis promptis, homines nulla spe hujus vitæ ducti: illorum decreta abrogarunt per tumultum & animorum contentionem veriusquàm consilium & deliberationem, quod ipse fatetur pag. 77. v. 15. homines ad gloriam & opes, per ambitionem sine Scripturis, sine Deo, sine fide connitentes. Sed conditiones foedè violatas infra demonstrabimus prius quàm ulla Synodo remissæ fuerint. Primum violastis conditiones, deinde Synodos curastis interdicens, donec potentia & dignitatibus auditi in Synodos ipsas dominari possitis. Nec in Synodis etiam vestris adhuc de conditionibus sanctæ legibus illis remittendis expressè unquam disceptatum est. *Nec dubitabatur, in-* Pag. 80.
quit, viros ad eum honorem provectos morum integritate & vitæ sanctimoniam malevolis os obstructuros, & ita se gesturos, ut boni laudare, improbi magis indignari, quàm queri possint. Vides lector, qua spe isti Ecclesiasticam rem immutarunt, ut ad honores proveherentur. Qua autem morum & vitæ sanctimonia os hominibus obstruunt? In luxum & libidinem antiquos Ecclesiæ reditus (nam integros nunc tenent) consumunt. Agros, ut filios militari honore ornent, mercantur: neque Scholas neque Ecclesias alunt: Ministros de Ecclesia optimè meritos, & vitæ laudæ & doctrinæ sinceritate probos, per summam bonorum offensionem à Ministerio vi & autoritate regia submovent, vel ad extremas oras cum familiis relegant, ad ritus Romanenses apud nos à prima luce Evangelii explosos redire cogunt: perfidiam pro ludo habent; & gravi infamia ob mores & vitia apud omnes etiam prophanos laborant. Hac vitæ sanctimonia, hac morum integritate, bonorum laudem captant, improborum querelas compefcunt, os invidis obstruunt.

Rem nihilominus pendente (inquit) & diu agitatam & prolatam, maleficio- rum temeritas commodum ante diem impulit. Nam post felicem Regis in Angliam Abredon- adventum, quin Synodum Abredoniæ celebrarent, inhiberi non potuerunt. Spestate mensis anno- 1605.
quæso hominis ingenuitatem. Dicam rem, ut gesta erat, bona fide; vos cogno- scite.

scite. Concessum erat Conventui Ecclesiæ Nationali in publicis regni Comitibus anno 1592. ut liceret ei sequenti Conventui locum & tempus designare. Unde de hac autoritate Conventus ad Edinburgum anno 1602. Rege consentiente, sequentem ad Abredoniam indixit anno 1604. mense Julio celebrandum. Hunc in alium post illum diem Rex distulit, spe, ut conjectum, frustrandi diem, ne liceret nisi de ejus auctoritate convenire. Hoc metu, ne libertatem conveniendi amitterent, sincerior pars Ministrorum decrevit ultimò indictum diem 2. aut 5. Julii 1605. obire, quia Rex prorogaverat in diem incertum; ex quo foret, ut nefas esset per leges Conventum celebrare, si non Rex indixerit. Nam per leges non licebat convenire, nisi ad diem indictum à Synodo Generali, vel, pro re nata, à Rege. Si irrita igitur fieret indictio Synodi præcedentis per prorogationem in diem incertum, amitterent jus suum & libertatem indicendi, eamque potestatem sibi soli Rex vindicaret. Rex autem nunquam indicturus, nisi de consilio eorum, quos jam ab anno 1600. Episcopatibus donaverat, vel qui captabant. Qui cum jus suffragii in Comitibus anno 1600. 1602. & 1604. arrogassent, & malè obiiissent munus illud, non servatis legibus quas iustas agnoverant in Conventu ad Montem Rosarum, ne Conventui Generali rationem redderent violatarum legum & conditionum, dant operam ne ulla celebretur Synodus, cui rationem reddant, nisi quando Rex & ipsi sibi opportunum censuerint. De hoc consilio Rex distulit diem dictum in alium, & tandem in nullum. Quandiu distulit diem indictum à Synodo in alium, æquo animo ferebant. Si jam ultimò indictum non obierint, vident sincereiores actum esse de libertate indicendi Synodos, & proinde de politia Ecclesiæ, & reprimenda Episcoporum usurpatione. Convenerunt itaque 2 Julii 1605. ad Abredoniam octodecim Legati Presbyteriorum, à regionibus circumvicinis. Erant in itinere alii, sed diem quintum obituri, non secundum. Nam Laurestonus Regis in his causis vicarius, & Commissarii Synodi Generalis literis ad Presbyteria datis, non eundem dixerunt diem: sed Borealibus 2 Julii, Australibus quintum, proculdubio ut qui convenirent 2 die desisterent à Synodo celebranda, cum nemo ex Australibus adventurus videretur. Sed scribæ errore & vitio, non suo consilio & de industria, hoc factum obtendebant illi, quod non est verisimile. Iis, qui convenerunt die 2 Julii, Laurestonus exhibuit literas à Senatu Regis datas, quibus postulat, respondeant. Illi, Præsidem primo eligendum, respondent. Sponte secessit Laurestonus, ne videretur probasse electionem, si forte post inter eos & ipsum non conveniret. Eligunt eum quem Laurestonus ante egressum volebat Coetus illius Prolocutorem Johannem Forbesium, & scribam Johannem Sharpium. Legunt literas à Senatu datas. Duo postulant his literis, ut dimittatur Conventus, & ne alium indicerent diem, dum res Regi innotesceret. Quod ad primum; respondent, paratos dimittere conventum: quod ad secundum; modò Laurestonus Regis Commissarius seu Procurator in alium diem indicendum consentiret, sibi satisfieri, si renuerit, conservandam esse libertatem indicendi. Accersitur Laurestonus, rogatur, num vellet alium dicere diem. Ille renuit. Denuo secessit. Illi, cum viderent liberam indicationem Conventuum Generalium sancitam Ordinum decreto in Parlamento frustrandam, diem dicunt futuro conventui ad Abredoniam feriam secundam ultimæ septimanæ Septembris, & literas ad Presbyteria mittendas decernunt, quæ de loco & tempore conditis moneant. Cum dimissuri erant Conventum, nulla alia decreta condere meditates, (quod frustra facerent, cum tanta esset raritas Legatorum, etsi nihil aliud impedivisset,) ingreditur Laurestonus, protestatur se non agnoscere Conventum illum esse legitimam Synodum Generalem. Illi rationes refutant, & contra protestati sunt. Laurestonus per apparitorem regium

gium sub poena perduellionis edici curavit, ut conventum dimitterent, dereliquerent. Dimittunt. Hæc est illa maleficatorum temeritas, quam rem pendentem & diu agitatam & prolatam ante diem commodum impulsisse dicit. Hæc illa Synodus, quam edicto inhiberi non potuisse dicit. Sed vides lector, quid egerint ante edictum, & quantum peccarint. Non minus Regi & Episcopis exosum erat liberum Generale Concilium, quam Pontifici Romano Oecumenicum. Supplicibus & iteratis votis Rex superioribus annis interpellatus fuit, ut Conventum Generalemitteret celebrari secundum morem & leges regni: sed nihilominus prorogatur, tandem post varias ludificationes prorogatur in incertum diem, ut jure devoluto sit in unius Regis potestate. Si jam dies dictus frustraretur, & alius non indiceretur, vident amitti libertatem indicendi; hanc salvam ut tueantur, alium diem dicunt, & præterea nihil, sperantes temporis tractu deum meliora daturum. *Quæ licet*, inquit, *ob summam infrequentiam. Ministris non plus decem co-* Pag. 810
unitibus, nullo operæ pretio factæ soluta sit, dum tamen in eo obstinatè perstant, nihil à se nisi jure & ordine in conventu legitimo actum, in crimen majestatis sponte incidere, ac non multo post Limnuchi damnatis aqua & igni interdictum. Convennerant 18. qui advenerant die quinto rata etiam habuerunt quæ illi egerant, venissent ad diem secundum nisi fraude vestra factum fuisset ne id fieret. Aeris & coeli & soli fluminumque injuria prohibitos plures alios fuisse videtur. Quod nihil operæ pretii factum, prudenter ab illis factum, cum tanta esset legatorum infrequentia: Diem ab illis dictum tamen, si permissum fuisset obire, aliquid aliquo operæ pretio dignum effecissent, libertatem indictionis conservassent, quam vos sublatam summa vi curastis. Laurestonus, inspirante spiritu mendaci, refert se publico præconio inter horas vespertinas 7 & 8 edictum promulgandum curasse die conventum præcedente; quod etsi verum, tamen non debito tempore factum secundum leges Regni. Citati ad diem 24 Octob. ut coram Senatu regio seditiosi conventus damnentur, audiant conventum esse illegitimum, & plestantur pro conventu ejusque approbatione. Comparent, libello supplici petunt ut iudicium permittatur sequenti Synodo Generali. Ostentata erat paulo ante mense septembri spes Synodi. Nam indicta erat publico præconio Synodus habenda Taoduni sequenti Julio. Sed eventus docuit, non ingenuè factum, verum ad gravioris criminis specie Ministros citatos gravandum. Petunt, inquam, ut permittatur iudicio Synodi: Synodos enim de Synodis suis judicare debere, haberent ratas necne, quod prius factum in Synodo Taodunensi, quæ ratam habuit Perthensem, idque eo magis, quod in indictione Synodi majestas Regia indicat se expectare reformationem quarundam enormitatum in Conventu illo: sed laterem lavant. Cum vident, si Senatus iudicio permiserint, adnitente Rege & Regiis certò damnatum iri Conventum suum, & hoc fine ut frustretur dies ab iis dictus, & libertas indicendi legibus regni concessa Synodo Generali, declinant iudicium Senatus regii. Senatores tamen iudicium sibi vendicant, urgent ut respondeant libello accusationis. Illi, prius protestati se non recedere à declinatorio, respondent, & objecta diluunt; Ecclesiam habere ex instituto Christi potestatem celebrandi Conventus suos, statutum Parliamento esse solum quid accessorium, & civilem approbationem esse tantum Christiani principis officium subjectionem suam Christo & Ecclesiæ debitam restantis. Ordinum decreto conveniendi semel singulis annis sancitam facultatem: locum & tempus fuisse circumstantias ipsius actionis conveniendi, non ipsam actionem: nec eo decreto simpliciter alligatam loci & temporis indictionem consensui Regis aut Legati seu Vicarii Regii, sed ne iis inconsultis, si adfuerint, indicerent: Regem non potuisse, Legatum seu Vicarium interesse renuisse; clausu-

provisionis, ut loquuntur, non privativam aut derogatoriam, hac aut simili verborum formula adjecta, *alioquin pro nulla aut irrita habeatur Synodus*, sed cumulativam potius esse, ac ea innui Regem per se aut Legatum suum Synodo assistere debere; non autem hunc esse sensum, si Rex noller assentire loci & temporis indictioni, non habendam pro Synodo legitima: venisse Laurestonum non ad assistendum & Regia auctoritate muniendum, sed ad impugnandum omnem legitimum Ecclesiæ conventum quamvis frequentissimum; noluisse ullum diem statuere; nec se quid præter indictionem Synodi futuræ decrevisse, idque ob gravissimas causas. Hæc & alia multa à sex Ministris qui citati dicta erant. Et quamvis nullius momenti essent ista omnia, non tamen rebellionis aut contemptus reos esse ob violatum edictum Regium publico præconio promulgatum die Synodum præcedente. Nam factum non fuisse contendunt, nec convincere potuit Laurestonus. Addo ego, qui hæc scribo; qua auctoritate Rex suo edicto privato potuit prohibere quod publica Regis ipsius & Ordinum auctoritate & consensu stabilium & sancitum, præsertim cum eo res tenderet, ut potestas indicendi Ecclesiæ eriperetur? Quod ad infrequentiam legatorum; respondent, quod alia Presbyteria non miserint Legatos sua vel negligentia aut culpa vel coeli injuria factum; addo ego credulitate vel abjecta omnis remedii spe, quorundam etiam perfidia, ubi majorem numerum ad causam suam pertraxerant Episcopaturientes: item conventum ad Fanum Andree anno 1596 quamvis rariorem congregatum die indicto à Synodo præcedenti diem dictum prorogasse, ad conservandum libertatem indictionis & ob infrequentiam nulla alia decreta condidisse, non tamen accusatos seditionis, aut violatæ legis: ipsa regui Comitria simili ratione prorogata quandoque fuisse. Cum de facto ipso primario & originali abundè respondissent, nec viderent Regii, qui Senatum circum agebant, quomodo opprimerent libertatem nostram, ex secundo & orto quodam facto, nempe Declinatorio Libello, ansam arripiunt accusandi majestatis, quod declinavissent judicium Senatus regii. Dant operam regii, ante diem dictum accusationi, per consiliarios quosdam, ut suadeant eis submissionem causæ & recedere à declinatorio. Rogant illi, ut dies judicii differatur, donec consuluerint Synodos, quæ jam brevi erant celebrandæ, Presbyteria sua à quibus missi erant Legati ad conventum. Negatur. Illi igitur, in his summis angustiis positi, perspicientes ab una parte intentatum crimen majestatis, ab alia parte perditam & amissam summam Ecclesiæ libertatem jus indicendi Synodos Generales; tandem de consilio aliorum Ministrorum, qui Limnuchum ad examen illud venerant, statuunt judicio experiri. Defenduntur per Advocatos suos Thomam Hopum, qui nunc in foro regnat, & Thomam Graium pium senem, qui nuper factis cessit. Advocatus Regius hunc formavit syllogismum; Quisquis in quavis causa declinaverit Regis & Senatus judicium, reus est majestatis. At rei, &c. Respondent, majorem non esse absolutè veram. Fas esse in civilibus & criminalibus declinare judices incompetentes, & litem traducere ad forum competens, nec novi quid jam tentatum. Nam prius anno 1596. Ministros declinasse; nulla lege definitum esse crimen læsæ majestatis declinare judicem incompetentem. Non idem Rex & Privatum ejus Concilium, nec eadem Concilii Privati & Regis auctoritas? Num quicquid potest Rex, id Privatum ejus Concilium potest? Quoties vel ipso Rege præsentè à Privato Concilio ad suos judices fit advocatio, qui judices non minus regia auctoritate sedent & judicant, & per eos Rex ipse judicia sua exercet, idque in causis tam pecuniariis quàm capitalibus? Cum ab uno legitimo tribunali ad aliud in hoc regno legitime fit transitus, auctoritas regia non imminuitur, sed confirmatur, quæ auctoritas in omnibus valet & dominatur, ex
legum

Iegum præscripto, judiciis. Nisi quis velit Privatum sive secretum Concilium posse jure suo contra leges causas ipsius cognitioni legibus non permissas, sed aliis iudicibus tribuas, sibi vindicare, & de iis pro arbitrato suo statuere. Circumscripta sunt in hoc regno judicia suis finibus & causis definita atque distincta, imo personis etiam disclusa. Doctrinam, sacramenta, disciplinam, excipi decreto Ordinum anno 1592. paratos esse Regis & Synodi iudicio se submittere. Hæc & alia plura pro reis dicta sunt. Refertur causa ad quindecim de more patriæ Juratos, qui secundum allegata & probata definiant; plurium suffragiis damnantur. Plerique qui damnaverant erant gentiles & propinqui Comitis Dumbarenfis, qui ab aula missus ad procurandum istud negotium. Eo procliviores erant ad damnandum, quod clam illis suggestum, morte non plectendos Ministros. Damnati majestatis ad terrorem, ne qui auderent in posterum pertinacius libertates Ecclesiæ asserere, & vindicare, aut Episcopaturientium consiliis & conatibus remoram aut impedimentum objicere. Atque ita erepta est Ecclesiæ libertas indicendi Synodos Generales, quam ab anno 1560. habuerant, & quæ 1592. anno decreto Ordinum sancita erat. Nulla posthæc Synodus expectanda nisi quàm Rex de consilio Episcoporum indixerit. Ille non indicturus, nisi prius viderint factionem suam crevisse ad majorem numerum, aut se dignitatibus & honoribus auctos, temporis tractu corroboratos etiam bonis terrori esse & formidini. Damnati ostentatione misericordiæ exilio plectuntur.

Neque hic (inquit) vecordia finis, extorres à suæ partis popularibus velut marty- Pag. 81.
res pro concione laudati, & Deo publicè precibus commendati. Vecordia fuerit istis Oïto Mini-
Episcopis, Ecclesiam suam jus tueri. Nam his laudibus suos adversarios adorna- stri in au-
bant. Stulti, vecordes, insani, temerarii, imprudentes passim audiebant; quod lam evoca-
non eadem lance qua isti honores & opes oblatas pendebant. Non sunt ista pio- ti.
rum nova convitia. Sed quis credat, qui nostram Ecclesiam novit, homines vi-
vos pro martyribus laudasse, quæ ne mortuos quidem laudari passa est? De preci-
bis quod queritur, mirarer hominis stuporem, nisi scirem istos præ studio insanire.
Qui de Ministrorum Edinburgensium inhumanitate & impietate exclamat pag. 54.
sui Libelli, quod pro Regis matre preces ad Deum concipere recusarunt, nunc
oblitus sui, pro vecordibus damnat, qui extorres sine spe sine re Deo precibus
commendarent. Quod impiis & Paganis negandum non censuit, hic omnibus
Christianis pro libertate Evangelii patria extorribus non patitur dari. Id vero Rex,
inquit, nequaquam tolerandum existimans, factionis capita in aulam evocavit, ibique Pag. 82.
per aliquot dies auditos, & capite minutorum causam defendendo, sibiipsum crimen im-
putantes, partim in Anglia detinuit, partim domum remissos, paræciæ suæ finibus
egredi vetuit. Qui si stultitiæ debitas pœnas luissent, & reliqui hodie modestius vi-
verent, & nos calumniarum fugissemus molestias: nec ad hæc tempora perventum esset,
quibus nec Ecclesia Ministrorum turbas, nec Ministri remedia pati possent. Sed longe
errat mea sententia. Quandiu supererit ullus in Scotia, non deerit qui istorum
nefarias artes prædicet: si omnes tollent, diræ infernales manes nostros expiabunt.
Menſe Majo anno 1606. literis regiis ad aulam evocantur Andreas Melvinus, Ja-
cobus Melvinus, Jacobus Balfurius, Johannes Carmichael, Robertus Waleſius,
Guilielmus Watſonus, qui omnes jam fatis ceſſerunt, Guilielmus Scotus, & A-
damus Coltus, qui adhuc superſtites magna cum laude munere ſuo funguntur. Hos
dicit iſte factionis capita in aulam evocatos, capite minutorum cauſam defendiſſe,
sibi ipſi crimen imputaſſe. Præſtantioreſ viros non habuit Eccleſia noſtra. Evo-
cantur ad aulam. Dies dictus 15. Septembris: literis à Rege datis cauſa exprimitur,
ut cum iis conſilia conferret de iis quæ eſſent è re Eccleſiæ & ad pacem ſpecta-
rent.

rent. De extorribus Deo precibus commendatis nulla mentio. Incessit tamen suspicio, aliquid monstri Regem & Regios alere. Egerunt cum Comite Dumbarenfi, ut liceret domi manere, sed frustra. Imò, inquit, nunquam foelicius iter suscepistis: Episcopi ægrè ferunt, invident, metuunt, ne inter Regem & vos conveniat, nec nisi nuper intellexerunt vos evocandos: de consilio quorundam qui bono Ecclesiæ consulunt Regem vos evocasse &c. Sed ficta omnia. Vident necessarium proficiscendum. Veniunt ad aulam 20. Septemb. Die 22. in duo capita contraxit Rex omnia, de quibus cum iis acturus erat, de Conventu Abredonenfi & Ministrorum illius conventus causa, & de Mediis quibus Synodus Generalis celebrari possit absque animorum contentione. Perunt spatium temporis ad meditando responsum, quia in literis de capitibus illis non præmoniti. Deinde quæsit, de Legatis à Presbyteriis missis ad Synodum Abredonensem post acceptas à Commissariis literas, de commendatis Deo precibus Ministris Majestatis damnatis, quibus respondit Jacobus Melvinus. Redit deinde Rex ad duo capita, & concessum illis tempus meditando responsum. Die dicto respondent, non suum esse judicare de Abredonenfi Conventu. Rem non esse integram. Senatui vendicasse sibi judicium; si Ministrorum etiam judicium desiderat, indictam esse autoritate majestatis suæ Synodum Taodunensem; non suum esse præjudicio suo Synodum prævertere: nec sibi saluum fore jus suffragii in Synodo, si sententiam suam ibi tulerint: neque indicta causa vel probare vel damnare absentes posse. Jacobus Melvinus præterea respondit, si vult Majestas vestra me dicere, quid judicem in foro conscientiae, nisi de injuriis iis illatis, de quibus expostularunt, & quas Ordinibus in Comitibus proximis exhibendas dederant, cognoscatur, non adducar ego ad damnandum. Tandem A. Melvinus, etsi renuisset prius judicis partes priusquam dimitteretur, profitetur, non peccasse celebrando Conventum, & injurias illis illatas ad Limnuchum eo explicante, secessit Rex. Cum illi ab aula egressi, edictum eis ne reverterentur in Scotiam absque Regis venia; denuo 29. Septembr. ad aulam vocati sistunt se coram Consiliariis Scoticanis, qui ibi tum aderant. Rogantur sigillatim. Et primus Jacobus Melvinus. 1. Num Ministros in carcere detentos Deo precibus commendasset. 2. Num probasset Conventum Abredonensem, & declinatorium libellum Ministrorum. 3. Ubi Epistola ejus missa ad Synodum Fisenfem. Respondit, se liberum esse subditum, nullo legitimo libello citatum, nulla lege teneri ad sese accusandum; jam esse extra patriam, domi de eo judicium instituunt, ibi responsum, præsertim cum de rebus domi gestis contra illum agerent. Andreas respondit, ignorasse quid agerent, à majoribus suis degenerantes, qui sanguine & patrimonio suo Euangelium charius ducebant, nescire quàm iniquæ causæ patrocinentur. Secundo Octobris proponuntur à Consiliariis Scoticanis qui in aula erant tres Articuli quibus respondendum iis erat. 1. Num peccarint commendando Ministros Deo in precibus. 2. Num agnoscant Regem vi prærogativæ regis posse convocare, prorogare, aut interdicere Synodos. 3. Num fas sit Regi aut Senatui regio judicare de cujusvis subditi culpa. Respondent scriptis 4. Novemb. quæ dantur Nicolsono, qui tum in Aula & Episcopatu Caledonio donatus erat, ut per eum Regi exhibeantur. Ad 1. Si nullam videre culpam: si quis rectius docuerit, se culpam agnituros. Ad 2. de ea re definitum per leges regni, & constitutiones Ecclesiæ: si quid dubii sit reliquum, definiatur in Synodo Generali. Ad 3. ex parte civile esse. Quod ad res spirituales & causas merè Ecclesiasticas, jurisdictionem Ecclesiæ, quatenus & quantum differat à civili; de iis omnibus definitum per leges regni, constitutiones & praxim Ecclesiæ, declarationem Regis ad Limnuchum anno 1585. &c. His responsionibus amoliri pruden-

ter studebant laqueos quos nectebant adversarii, cum viderent se à patria evocatos, & vexatos quæstionibus, cum significasset Rex accersitos ad conferenda consilia de pace Ecclesiæ. Tandem gravamina sua offerunt Regi, quibus sopitis censent sedarum iri diffidium & turbas in Ecclesia. 1. Quod jam 4 annos nullam datum fuit illis celebrare Synodum, etsi res Ecclesiæ maximè id poscerent. Cum omnes omnium ordinum homines de libertatibus suis & privilegiis conservandis solliciti essent, non debere sese esse negligentiores. 2. Ministros in carcere aservatos (erant tunc temporis 14.) à gregibus & familiis prohibitos, præsertim grassante peste. 3. Qui vendicant sibi jus suffragii nomine Ecclesiæ, nec ineundo nec obeundo eo munere servasse leges præscriptas in Conventu ad Montem Rosarum: nec insertas decreto Ordinum, cum ad Pertham exhibitæ in eum finem essent, sed rejectas. 4. Quod Commissarii Synodi Generalis non tempestivè præmonuerant Presbyteria de ipsius mandato de proroganda Synodo Abredonensi. 5. Laureltonum nequitè egisse cum Conventu illo, qua occasione ad contestationem pro libertate Ecclesiæ tuenda adducti sunt. 5. Quod injuriæ illis variis modis illatæ. 6. Quod tam diu detineantur ipsi extra patriam à gregibus & familiis abstracti. Sed surdis canitur. Dum hæc ad aulam geruntur, 6. Ministris majestatis damnatis patria excedere mense Novemb. edictum. Mense Decembri indictus Conventus ad Limnuchum, ubi damnati erant Ministri, proculdubio ad refrigerandam memoriam facti, & incutiendum terrorem iis qui conventuri erant. Qui ad aulam evocati, detinentur in Anglia, dum conventum istum celebrassent: nec cunctis postea permissum redire in patriam. A. Melvinus turri Londinensi commissus. Jacobus Melvinus primum Novum castrum, deinde Bervicum relegatus, ubi obiit. Aliis permixtus reditus, sed relegati, vel ad suas paroccias, vel ad alia loca. Unde videas, quibus artibus Episcopi ad damnatum tyrannidis fastum redierint.

Rex, inquit, *ubi nullam perturbationum finem videt, sed una sopita, instar Hydræ caput, novas jugiter pullulare, ut molesto & diuturno operi tandem aliquando coronidem imponeret, Episcopis imperat, provincias suscipiant, & suæ ditionis Ministros in officio contineant. Quibus se submissè excusantibus, quod Decretis Ordinum à Præsulatum fructibus percipiendis excluderentur, & de causâ equitate velut re controversi juris adhuc multi ambigerent, quibus modis omnibus satisfactum saltem ex parte cupiebant, Rex in Comitibus regni anno 1606, decreta quæ obstabant, lege lata abrogavit.* In spiritualement jurisdictionem à Ministris assensum anno 1610 in Synodo Glasguensi. Miscet & confundit narrationem Episcopus, ut tenebras offundat. Comitibus regni anno 1606. prius celebrata quàm ad aulam venissent, quos dicit capita factionum. Si Rex Episcopis imperaverit Provincias suscipere, & suæ ditionis Ministros in officio continere, antè Comitibus anni 1606. sequitur arrogasse sibi absolutam potestatem constituendi Episcopos in Ecclesia. Antè Comitibus, illa ubi designata illis provincia aut ditio, aut in Ministros jurisdictione? Nam quos ornaverant titulo & beneficio Episcopatus, & propterea vulgo dicti Episcopi habentes jus suffragii in Comitibus regni, nulla iis data in Ministros Diocesanos, à qua denominatus erat titulus, potestas aut jurisdictione. Ais submissè vosmetipsos excusasse, quod à fructibus Præsulatum excluderemini & de causâ equitate multi velut re controversi juris adhuc ambigerent. Quid si fructus percepissetis Præsulatus, an propterea Ministri ditionis fuissent sub vestro imperio? Num omnes, qui Præsulatum fructus percipiunt, habent jurisdictionem spiritualement in Diocesi? Nobiles & alii qui aut hæc fructus Episcopatum percipiunt, non tamen habebant potestatem jurisdictionis Ecclesiasticæ in Diocesi. In Comitibus

regni ann. 1606. verum, ratas habuisse Ordines Regis, quas dicunt, Præsentationes ad Episcopatus, & restitutam Ministris, quos Episcopatibus Rex ornaverat, dignitates, libertates, præminentias omnes, quibus à Reformata religione ante eos ulli gaudebant Episcopi, ad jus suffragii in Comitibus admissos. A Reformatione autem Episcopi amplissima potestate instructi, nec minori quàm sub Papatu, ut anno 1584. Sed non sine fœda pactione & summa perfidia hæc acta sunt. Nam Nobiles quidam, qui Abbatis & Prioratus possidebant, consenserunt admittendis Episcopis ad jus suffragii & dignitatem Tertiæ Ordinis, hac lege, quod hi consentirent in ipsorum gratiam quas possidebant Prælaturis in perpetuum feudum eis addicendis. Assenserunt qui Episcopatibus donati erant, & hoc nomine duplicis perfidiæ rei. Primum quod abjudicaverint Bona Ecclesiæ inconsulta Ecclesia. 2. Quod Ecclesiam tot suffragii in Comitibus regni privaverint, quot erant Prælaturæ in feuda seu dominia temporalia eorum consensu mutata, nempe 16 aut 17. Cum initio illi ostentassent, quàm utile foret Ecclesiam habere jus Suffragii in Comitibus, & à Conventu Ecclesiæ non sine summa contentione id extorsissent, & de numero definitum esset, quod quinquaginta Ministri cum jure suffragii in Comitibus sederent, illi totidem suffragiis Ecclesiam frustrarunt, cum jus suffragii in Comitibus nulla alia lege Ministris ab Ordinibus concessum, nisi veterum Prælaturarum titulis & beneficiis ornati essent. Ministri Synodorum Legati petierunt à Dominis, quos vocant Articulorum, qui articulos in acta referendos discutiunt, ut conditiones, in quas conventum erat in Generali Ecclesiæ Conventu ad Montem Rosarum, inferantur decreto Ordinum de jure Suffragii. Responsum, nolle sic eis imperatum fuisse, nec velle aliis conditionibus aut legibus admittere, quam quibus centesimo abhinc anno. Episcopi ipsi sprete conditionibus, quas in Conventu iustas agnoverunt, & Ministrorum, qui aderant, consilio, jus Suffragii invaserunt. Et sic tertio perfidiæ damnandi sunt. Ministri, cum non aliud restaret remedium, protestati sunt scriptis, & prolixè, contra jus Suffragii Ministris concessum in Comitibus, & violatas leges à Conventu Generali præscriptas. Sed rejecta protestatio. Tanta iniquitate omnia gerebantur. Hanc protestationem chirographis suis obfignarunt multi, & inter alios tres qui post paucos annos Episcopatus induerunt, Adamus Bannatinus, Guilielmus Cowperus, Johannes Abrenethius. Guilielmus Cowperus, olim bonæ causæ propugnator acerrimus, in his ipsis Comitibus concionem habuit coram Ordinibus (nam erat Minister civitatis ubi tum celebrabantur Comitibus) omnibus bonis probatam. In Ministros Prælaturam & Tertiæ Ordinis dignitatem ambientes liberè invehit. Cum equos conscenderent, ut in processione Ordinum inter Nobiles, Dominos, & Comites, cum pompa equitareut, dixit adstantibus; Spectate superbiam istorum arrogantium Prælatorum. Ille tamen non minus superbus inter arrogantes Prælatos postea in simili pompa suam arrogantiam prodidit; vir ingenii mobilis, & facundior quàm doctus.

Conventus ad Linnuchum anno 1606. Dum relegantur alii, alii exilio aut carcere plectuntur, aut ad aulam evocati in Angliam detinentur, & præsentationes ad Beneficia Ordines ratas habuissent, ad Presbyteria mittuntur à Rege literæ, quibus Linnuchum de consilio Episcoporum evocantur, quorum nomina erant literis expressa, homines quos facillimo momento ad quidlibet impelli posse judicabant. Causa evocandi prætexebatur, ut de Papis providerent, (nam hic finis, ut alia occultarent, semper prætendebatur) & tumultus in Ecclesia sopirentur. Ceterum de Conventu Generali in literis tacebatur, ne eo confluerent Legati à Presbyteriis, quorum præsentiam amoliebantur. Id adeo in occulto fuit, ut Gallovidius prioris Conventus Moderator recusaret, quod ex officio debuisset, si Conventum Generalem indictum agnovissent Presby-

byteria,) à concione auspicari; quia cum de Conventu non esset monitus, se ad hoc munus non parasset. Itaque Jacobus Laws beneficio & titulotenus Episcopus hac vice functus est. Finita concione Gallovidius de Regis voluntate in delectum Moderatoris quatuor proposuit. Eligitur Nicolsonus, tum titulo & beneficio tenus Episcopus Caledonius. Cum rogarentur Ministri suffragia, responderunt se à Presbyteriis suis non habere auctoritatem. Itaque jubentur suam quisque ut privati sententiam dicere. Cum quidam, animo protestandi non esse legitimam, rogarent, ecquid vellent Synodum esse Nationalem? Responsum, nihil esse aliud quam Privatum Concilium Ministrorum à Rege indictum, ut de quibusdam capitibus consultaretur. Nihilominus cum Adamus Bannatinus, nunc ipse Episcopus Dumblanensis, cum aliis de protestatione consultarent, citantur ab Episcopis in Senatum Sanctiorem, quorum non pauci aderant. Monentur desistere: nihil ipsos moliri contra Ecclesiæ libertates, ajunt Episcopi, si quid tentatum fuerit, se omnium primos protestaturos. Deinde inquiritur primum, quid contra Papistas ex decreto superioris Synodi sit actum. Nam id sedulo prætexebatur, ut reliqua viderentur sinceriora. Cumque responderetur, propter immunitatem Huntæo concessam rem adhuc esse integram, Huntæus anno 1597 reluctanter viris bonis reconciliatus Ecclesiæ, jam redierat ad vomitum, vel potius prodidit nihil sincere in reconciliatione priori gestum. Fit decretum (prætextu reprimendi Pontificios quorum numerus jam crescere cœperat post conjuratorum reconciliationem, & jacta Episcopatus fundamenta,) ut singula Presbyteria quendam ex suis ad Sanctius Concilium delegarent, eique Quæstor publicus centum libras in sumptus annuatim solveret. Hinc de perpetuis Presbyteriorum seu Classium Moderatoribus proponitur. In causa enim hoc esse, quod negorium de Papistis negligetur, quod Moderatores exeuntes non putarent esse officii sui; ineuntes, rem integram nolent attingere. Cum responsum, hoc non esse Moderatoris, sed Presbyterii officium: nihilominus res urgetur, & tandem decernitur, ut qui paulo ante nominati erant Legati ad Sanctiorem Senatum contra Pontificios, Moderatores sint, centumque illis libris in sumptum fruerentur. Atque ita Classium Moderatores perpetuos constituunt, & sibi duplici beneficio devinciunt, perpetuitatis officii quæ ambitiosis valde arridebat, & annuo centum librarum. Constituunt autem plerisque Moderatores Presbyteriorum Ministros qui erant in eo ipso Conventu, & in Presbyteriis suis Episcopos. Hic primus gradus potestatis in Ecclesia supra Collegas, perpetua Prostatia in Presbyteriis quorum ipsi erant membra, quam etiam in Synodis Provincialibus hujus Canonis verbis adulteratis arrogare statim cœperunt. Jam vide lector, an spuriam rectè dicat Philadelphus hanc Synodum, ad quam non mittebantur Legati à Presbyteriis delecti, sed evocabantur à Rege nominati; in qua, qui suffragia ferebant, se cum jure suffragii missos esse negabant; quam, qui præerant, Conventum Generalem Ecclesiæ Scoticanæ repræsentativum dum ageretur profiteri non audebant, cum rogati, ecquid vellent Synodum esse Nationalem; contra quam, cum quidam protestaturi, ad Senatum citantur. Cujus decretum de Moderatoribus Presbyteria non prius admiserint, quam literis poenam perduellionis minantibus coacti essent. Quod autem adulterina & supposititia quædam fuisse queritur Philadelphus, tu judica. Concessum in eo fuit de perpetuis seu constantibus, quos vocabant, Presbyteriorum Moderatoribus, non tamen Synodorum Provincialium. Cum post ad Dalkerthum conveniret Provincia Lothiana, cœptumque esset Moderatorem eligere; Legati Regis mandata sua cum decreto Limnuchenside perpetuo Præside proponunt. Hic omnes qui adfuerant in Conventu illo, negabant esse rogatum, nedum concessum, ut Præsides Synodi vel Provincialis vel Nationalis esset

Pag. 84.

esset perpetuus. Item cum Fisenles ad Disertum (id nomen est oppidi) convenissent, Regii idem decretum urgent, ut Georgius Gladstonus titulo & beneficio Fanni Andreæ ornatus moderaretur. At illi cum suffragia rogarentur, Regio apparitore adstante, & sub poena perduellionis edicante, constanter omnes, exceptis tribus, clamabant esse fictum, seseque proscriptionis mala toleraturos potius quàm concessuros. Hic cum Legati Regii instarent, Episcopus ipse perspecta eorum constantia, metu excommunicationis hortatus est eos ne pergerent; se Regi satisfacturum. Unde videas, an sine causa de fide istorum queramus: an illi satis defendant arguendo nobis esse solenne inculcare, criminari, & quæ contra se faciunt, fastuose rejicere. *Licet*, inquit, *Præses fato sanctus innocentiam tueri nequeat, at qui acta in publicas tabulas redegit, cujusque vita omnis non minus disjuncta à vanitate & perfidia, quàm illorum cum fide & officio conjuncta, crimen falsi adhuc in vivis facile diluet.* Quod Præsidis fidem appeller, equidem nescio. Tantum scio, sic illum poenituisse eorum quæ fecerat, ut frustra amici solarentur. Audivi dicere, iisdem argumentis niti Papam & Episcopum. Non multos post annos factus beneficio tenus Episcopus, & paulo ante Conventum illum. Tandem, nec multo post Conventum illum, morbo correptum sera incescit poenitentia. Exclamat se in matris Ecclesiæ lanienam consensisse: cumque juberetur ab amicis Medicos accersere, respondit, solum Regem posse vulneri suo mederi, demeret mitram quam capiti imposuit. Unde David Lindesius, qui sororem uxoris habebat conjugem, tum Pastor Taodunensis, nunc Episcopus & ipse Brechinensis, auritus (quod audio) testis cecinit.

Solatur frustra conjux, solantur amici,

Et medicum accersi sedulò quisque jubet.

Sed dare solamen nemo, dare nemo salutem,

Te præter poterit Rex Jacobe mihi.

Quæ corpus gravat atque animam tantum excime mitra

Huic caput: hujus onus me premit & perimit.

Pag. 84.

Atque hæc obiter de illo, ut alii exemplum inspiciant, Lindesius maximè quæ hæc scripsit. Miræ sunt hujus vitæ illecebræ, facileque fallunt, nisi pectora Deus penitus obtineat. Quod ad Scribam Heuricum Philippum, si ille conscius fuit, non est ejus vita ita à vanitate & perfidia disjuncta, ut potior habeatur quàm totius Synodi & Legatorum qui adfuerant. Ille erat Nicolsoni hyperaspites in Synodo Angustiana multis retro annis, eumque delegit Scribam. Quisquis hujus criminis reus sit, hoc certum, cum obtruderentur Synodis & Presbyteriis Præsides isti perpetui statim à conventu Linnuchenfi, & quidem sub poena perduellionis, non concessam decreti inspectionem aut apographum ante medium annum, cum ab aula remissum. Tu videris ubi auctum, mutatum, aut interlitum. *Non dicam*, inquit, *quod tamen si dicam nunquam infirmabunt, pleraque ab iis Synodorum Acta mutata, aucta, deleta, interlita, pleraque ad causam fulciendam supposita.* Vulgo solent, qui crimine aliquo tenentur, accusatorem suum ejusdem criminis accusare. Hic bonus Orator, spe nos non posse convitiis sua refutare, oggannit, quod nemo qui vel micam haber cerebri reliquam credat. Quando aut quis nostrum tale facinus ausus est? Nihil opus erat fingere, cum tota Ecclesia, nemine dissente, quod decretum erat comprobaret; & fateris omnia fuisse vobis adversa. Cum separaveritis vosmetipsos à fratribus, & Scribas & Acta in vestra potestate habeatis, nos non affirmabimus, quod non modo testibus sed etiam aliis indiciis probare possumus?

possumus? Sed quid ego facio? homini quidlibet effutienti negationem facti probo? quam omnes fatentur esse infinitam. Conditio, quam nobis proponit, est, ac si quis Andreæ quidam his verbis objiciat. *Non dicam, quod tamen si dicam nunquam ille infirmabit, Andream inter vias Londinum conduxisse scortum, eique anulum dedisse: Georgium post paucos dies secutum, eundem anulum ab eadem meretrice nescio quo pretio redemisse, & in aula non sine Andreæ infamia in ejus ludibrium ostendisse.* Hic ipsum Spotfvodum quanquam iniquissimum judicem appello, an æquum sit, Andream cogi, ut infirmet quod Georgius sine teste, sine argumento affirmat. Si non censer æquum, probat eadem lance, qualem nobis conditionem offert. Nam nos hoc factum ita negamus, ut si omnium Episcoporum cerebra in omniscientis Papæ crania coquant, nunquam idoneis argumentis efficiant, ut nos huic sceleri affines esse videamur. Post Conventum Limnuchensem quædam Classes perduellionis poenæ metu coactæ admiserunt Præsides Limnuchenses, certis legibus, nempe usque ad Conventum Generalem, vel usque dum ipsis visum fuerit mutare, & ad hanc legem chirographo & juramento obstrinxerunt; aliæ simpliciter renuunt. Ex decreto Limnuchensi de Præsilibus orta denua alia persequutio. Quidam perduellionis damnati, alii relegati, alii carceri demandati. Conventum, quem dum celebraretur non audebant profiteri Synodum Generalem, statim ac dimissus, celebrem fuisse Synodum venditant, ejusque auctoritate ementita, Regiaque auctoritate munita, & sese Præsides Synodis & Presbyteriis obtrudunt Episcopaturientes, & aliis Presbyteriis alios Præsides quos mercede conducebant, & spe amplioris beneficii lætabant, ut à suis partibus starent. Delegerant quos judicabant facillimè aut lucri aut honoris esca capi posse. Delecti erant etiam quidam ex optimis, ad fucum, sed pauci, qui non interfuerunt Conventui.

In Synodo Glasguae habita, inquit, anno 1610 in spiritualem jurisdictionem ab omnibus Ministris assensum, tribus solum ex centum circiter quadraginta, qui illuc convenerant, refragentibus. Ex omnibus Synodis, quas Scoria vidit, nulla corruptior hac Glasguensi. Eò accersebantur ex Presbyteriis Moderatores, quos in Conventu ad Limnuchum selegerant, & centum libris in annum conducebant, cum binis Ministris quos ipsi literis tanquam à Rege evocabant. Non mittebantur à Presbyteriis, quod integra Ecclesia fieri solebat, viri ad cognoscendas causas aptissimi. Concilio cum Regia auctoritate præfuit Georgius Humius Comes Dumbarensis. Is eò traxit regios satellites, qui, post Regis in Anglia discessum, ut rebelles adlitteres comprehenderent, & carcere clauderent, conscribebantur. Hi coronam ultimam clauderant, ut si quis liberam vocem emitteret, ad nutum Dumbarensis in custodiam clauderent. Horum terrore ex occidente aliquot Ministri, qui provocationem meditabantur, à consilio discedere cogebantur. Ferebat idem Dumbarensis argenti quod satis videbatur ad suffragiorum majorem partem conducendam, ne quid subesset non provisi periculi. Re audita post finem Synodi Johannes Lauderus ad Saltum Cokburni Minister ad Dumbarenses venit, ut est homo ad rem quàm famam avidior: questusque suum iter fuisse inter longissima, victum tenuissimum, & suffragium ad summam rei non minus commodum: audire, aliorum habitam esse rationem, petere ne solus negligatur. Comes respondis serò venisse, se putare nihil esse reliqui, vocatoque eo qui distribuebat, rogavit, num quid esset reliquum. Cumque is respondit non restare supra 17 asses Anglicos; Hei mihi, inquit Comes, hoc nihil est. Imo, inquit Lauderus, erit aliquid in sumptum. Atque ita fidem, quam non potuit quanti voluit, quanti potuit vendidit. Qui suffragiis ferendis responderant, *non liquet*, nihil acceperant; quia, qui non est mecum est contra me, dixerat uni Laus tum Orcadum Episcopus. Aliis promissum annuum aut auctius stipendium, aliis primus qui vacaret Episcoparus.

F f f f f

Hic

Synodus
Glasguensis
ann.
1610.
mensa
Junio.
p. 83.

Hic causam prodidit Couperus, & prævaricati sunt plures alii. Si in hoc Conventu tres tantum in antiqua fide manebant, mirum est potius tot fuisse in illo grege honestos viros, quam tam paucos corruptioni obviam ivisse. Quamquam nec id credo. Sciendum præterea viam sibi antea stravisse Episcopos ad occupanda suffragia Synodi. Sedebant cum jure suffragii in Comitibus regni Domini Parlamentarii, & Regi à Consiliis in Senatu Regio; erant beneficiorum complurium patrōni, ratione Beneficii majoris seu Episcopatus quo ornati erant à Rege; constituti etiam stipendiorum modiperatores, ut Ministros alios auctiore stipendio ad sese pertraherent, alios minutiore, si flectere non possent, frangant. Tandem hoc ipso anno 1610 mense Februario publico præconio promulgatur delegata illis à Rege potestas & jurisdictio in omnibus offendiculis sive in doctrina sive in moribus in omnes subditos cujuscunque Ordinis sive Ministros sive Nobiles sive ex plebe infimos. Constituuntur Regio Diplomate absque ullo vel Ordinum vel Ecclesiæ consensu Regis Commissarii in jurisditione Ecclesiastica. Armantur virtute hujus diplomatis potestate exauctorandi Ministros, suspensionis censuram irrogandi, excommunicationem decernendi, & ad ferendam sententiam aut latam denunciandam quemvis Ministrum cogendi; item potestate mulctandi, in carcerem conjiciendi, & persequendi contumaces poena perduellionis. Quam ab Ecclesia nec vi nec fraude hactenus surripere potuerunt jurisditionem Ecclesiasticam, à Rege primum accipiunt, ut statim in Conventu aliquo extorqueant, si dolos versando surripere non possint. Cum isti terribiles Domini duplicis gladii vindicta armati, & aliis etiam rationibus beneficio vel injuria potentes essent; quis in hac turba ab ipsis tota fere delecta, satellitio regio obfessa prætextu officii alicujus honesti, obstrepere audebat? Certus enim erat quisque fraudi sibi fore libertatem sententiæ. Dictum ac factum, causam aliquam inveniet Episcopus Commissarius Regius & stipendiorum modiperator, quamobrem aut stipendium vel minuat vel auferat, vel carceri demandet, aut Ministerio exuat. Sed cum fere omnes munere vel à manu vel à lingua corrupti essent, quis obloqueretur? Verum, largitionibus obtendisse sumptus itineris; sed notum est Presbyteriorum sumptibus instructos fuisse antehac Legatos, nec itineris rationem hic habitam in iis qui non pro iis sententias dixissent, nec servatam proportionem inter iter & sumptus, & disertis verbis exprobratum nonnullis, indignos fuisse mercede qui nullum præstiterunt officium. In hoc Conventu vel potius Conciliabulo Episcopis potestas ordinationis & jurisditionis obnoxia reddita est. Nulla Ordinatio in posterum rata, nisi actum Ordinationis consummaverit Episcopus; nullus Minister exauctorandus, nullus vel sceleratissimus excommunicandus, non probante aut verante Episcopo. Omnium Presbyteriorum Episcopi Præsides essent, si adfuerint; iis absentibus, quos ipsi Vicarios constituent. Synodorum etiam Provincialium ipsi Præsides. Dioeceses visitarent. Cum dico Episcopis hæc concessa, non intelligo Episcopos officio. Nam nulli erant tunc officio Episcopi, sed vulgo sic vocabantur qui titulo beneficii & jure suffragii in Comitibus gaudebant. Sensus ergo; qui titulo beneficii & jure suffragii gaudent, iis inconsultis vel non probantibus, &c. Nec quæ hic conceduntur iis qui Episcopatus beneficio gaudebant, faciunt eos ordine à Presbyteris differre. Non enim negarunt, qui illuc convenerant, Synodos & Presbyteria conventus Presbyterorum hæc omnia potuisse obire munia, quamvis obnoxiam eis reddiderunt potestatem tum ordinationis tum jurisditionis non absque æterna perjurii infamia; sed negativam tantum quandam potestatem eis sese tribuisse censuerunt & conjunctam cum Conventu Ministrorum, id est, Presbyterio seu Classe, ut ipsi intellexerant. Nam Presbyterii vocem ne nominari quidam fas erat, ne Regem scilicet offenderent, quem dicebant non posse vocem illam patienter & æquo animo audire. Sed

quid

quid hic monstri alebant, ut promiscuè quemvis cœtum Ministrorum loci, ubi quis Ordines suscepturus aut exauctorandus, & quantumvis exiguo munero deligerent, qui Presbyteriis reliqua quæ permissa sunt munia obirent, quem tamen ordinem non observant. De consecrandis Episcopis, ac si jam agnita in Conciliabulo illo fuisset potestas ordinis & jurisdictionis propria Episcopi & quæ non competit Presbytero, altum erat silentium. Johannes Spotsvodus tamen & Andreas Lambius, alter titulo tenus tum Glasguensis, alter Brechinensis Episcopus, ex grege Episcopaturientium omnium viriosissimi, statim à Synodo profecti in Angliam, & non multo post sequutus Galbinus Hamiltonus Gallovidianus. Hi tres consecrati mense Novembri anno 1610 ab Abboto inconsulta & nesciente Ecclesia nostra. Reversi alios Episcopos consecraverunt, consecrati se pro Episcopis officio gerunt, non ut Procuratores Conciliabuli Glasguensis ex voluntaria sed perfida illius cessione, sed ut ordine sacro Ministerii à Presbyteriorum distincto gaudentes, & per successionem ad eos derivato. Ex his nova persecutio orta. Bancroftus, qui inter Anglicanos Præsules maximam huic operi navavit operam, miserè & maximis cum cruciatibus statim mortuus est. Dumbarensis, qui Regis Vicarius seu Procurator erat in conciliabulo Glasguensis, non multo post etiam fatis cessit, cujus hæredes hodie in Scotia non possident vestigium pedis.

Conventus Generales ab anno 1610 celebraverunt Tres; quorum duo priores sternebant viam ad tertium, nempe Perthesensem celebratum anno 1618. in quo quinque ritus Anglicanos amplectuntur, geniculationem in percipienda Eucharistia, observationem quorundam dierum Festorum, Confirmationem puerorum Episcopalem, privatam Baptismi, & privatam Coenæ administrationem. Jo. Spotsvodus tunc Fani Audreæ Pseudoarchiepiscopus Præsidis officium sibi arrogat, nec cedere voluit, etsi quidam petissent, ut secundum morem eligeretur Præses. Nam primis quindecim annis à Reformatione, cum Superintendentes & Episcopos primi & secundi generis haberet Ecclesia nostra, rarò nec nisi præeunte electione moderati sunt Conventus Generales. Non præcessit legitima præmonitio; sed cum fererentur sermones, Regem adeo excanduisse in Synodum præcedentem, ut nulla jam post hæc expectanda sit Synodus nationalis, ex improvviso tamen indicitur ut incautos & securos opprimerent nostros. Ob defectum legitimæ præmonitionis non aderant omnes quorum intererat. De Ministris qui cum jure suffragii in Comitibus regni federent cautum ad Montem Rosarum, ne in Conventu Generali jus suffragii haberent, nisi à Classibus seu Presbyteriis suis legatione instructi essent. Omnes tamen Episcopi spreta hac lege non modo suffragia tulerunt, sed etiam circumagebant pro arbitrato suo totum Conventum. Ministri purioris cultus & veritatis assertores concionibus, oratiunculis, convitiis, & minis, oppugnati sunt. In fraudem Suffragiorum in publico Conventu, in privato colloquio dixerunt sententias, reluctantibus nostris qui prejudicium non ferendum esse testabantur. Non temperabimus nobis à viginti prejudiciis, ut morem Regi geramus, respondit Spotsvodus. Petierunt nostri, ut à scribis exciperentur scriptis argumenta. Renuunt. Offerunt articulos quosdam expendendos, prius quàm se ad suffragia ferenda præciperent. Non permittit perlegi Spotsvodus. Ferunt suffragia Barones literis Regiis evocati, Episcopi, cives, & Ministri vel legitima legatione non instructi vel supra justum legatorum numerum emissi. Multorum suffragia vel emendicata vel interminationibus publicis aut privatis expressa. Vel annuis opimis corrupti vel spe stipendii lautioris lactati, vel deficiente plena & libera disputatione hallucinabantur, vel Episcoporum promissis circumducti. Si solum vultis, inquit, in decretum consentire ut Regis animum demulceatis, remittere executionem: de praxi non laborabit. Habes lector plenius describas nullitates hujus Conventus in Para-

*Conventus
Perthesis
Anno
1618.*

synagmate Perthenſi. Ex hujus Pſeudo-ſynodi decreto orta alia, quæ adhuc durat, perſecutio.

*Concilii
priora &
poſteriora
conferuntur.*

Pag. 85.

Eat nunc Episcopuſ, & quærat, quid in Synodiſ illorum reprehendimus: non quod à Rege indiſtæ, non infrequentiam; ſed liberam electionem Legatorum præteritam aut repreſſam, libertatem ſuffragiî ereptam, juſ ſuffragiî conſeſſum iis qui nulla legatione inſtructi erant, ſententiaſ emendicataſ aut emptas largitionibuſ aut ſpe annui vel aliûſ præmiî, perſidaſ proteſtationeſ ad fallendum, decreta mutata, aucta, interpolata, optimorum quorum in Synodiſ amoliebantur præſentiaſ perſecutionem, & quæ alia ſuprà numeravimus ſcelera. Denique nulliſ hiſtoriaſ hujus aut ſuperiorum temporum hiſtoriaſ replicantiſ occurrent nequiora conciliabula. *Conciliabula & congreſſuſ ſuoſ, ſeditionum, tumultuum, factionum fomiteſ, incentiva rebellionum, licet in celum laudibuſ eſſerant, contra tamen auctoriſtatem Principiſ coactos, quod unicum cauſæ ſatiſ eſt ad improbandum, ipſi non diſſidentur.* Dicit coacta contra auctoriſtatem Principiſ, cum ne vel unum ſic coactum oſtendere poſſit; non Synodum Abredonenſem, quæ auctoriſtatem Principiſ legitima, ſeu lege, nitetur, nec contra privatum edictum, quod iniquum, coacta eſt, ſed anteverterat. Conciliabula vocat conventuſ in quibuſ præter Miniſtroſ ipſe Rex aut ejuſ legati, & proceres aliquot gentiſ non raro interfuerant. Hæc tumultuum, ſeditionum, & factionum fomiteſ dicit, quæ à Rege ſemper ſteterant, cujuſ acta & decreta omnia ſi excutiantur, nihil quiſ reperiet, quod tumultum, aut ſeditionem ſapiat. Nec dubium quin calumniator iſte, ſi quæ ejuſmodi extarent in archiviſ Eccleſiæ noſtræ, in apertum protuliſſet. Tumultuſ & factioneſ in conventuſ noſtroſ, ipſi opes & honoreſ captanteſ, & Regiſ conſiliis ſtudenteſ primi excitavunt, & aluerunt donec pro arbitratu ſuo indicere, membra conſtituere, circumagere, & verfare pro arbitratu ſuo Synodoſ poſſent. Hinc illa vana, quam dixi, jactatio. *At pace veſtra mihi dixiſſe liceat, inquit, Acta Conventuum, Comitiorum decreta, nunc noſtro Ordini ſuffragantur, quæque olim contra noſ faciebant, nunc à nobiſ ſtant.* Conciliabula veſtra, neque libera neque legitimo ordine vel coacta vel celebrata, non agnoſcimus. Si adhuc permitteretur liberum & legitimum Concilium, nihil certiuſ quàm dejectum iri Episcopatuſ veſtrum, & voſ Excommunicationiſ cenſura ejiciendos ex Eccleſia; nec audetiſ ſubjicere, quam vi & dolo occupatiſ juriſdictionem & poteſtatem ſeu potiuſ tyrannidem judicio Synodi, quod ob pacem Eccleſiæ facere debetiſ ſi ulluſ pietatiſ aut charitatiſ ſenſuſ vobiſ reliquuſ eſſet. Sed quum in Synodiſ voſ præſidere, judicare, jubere, vetare, pro arbitratu veſtro poteſtiſ, non mirum conventuum decreta ordini veſtro ſuffragari. Regia auctoriſtate freti & poteſtate qua voſ inſtruxit, invita & renitente Eccleſia Eccleſiaſm opprimitiſ.

*Episcopuſ
multipliciſ
perfidiaſ rei.*

Pag. 86.

Sed, ut hæc Sectariſ noſtriſ condonemus, inquit, quantam illam putabimus vel mentiendi licentiaſ vel maledicendi libidinem, qua in noſtrum Ordinem, qui hodie ad clavum Eccleſiæ ſedemuſ, liberè graſſantur? quos contra decreta Eccleſiæ, Acta Comitiorum regni, confeſſionem fidei, fidem datam cum Miniſterio niremuſ, ſoleune ſœdus renovatum, proteſtationeſ, cautioneſ, & legeſ à nobiſ approbatas, omnia in Eccleſia adminiſtrari ajunt. Noſ hæc revera dicimuſ, neque veſtra facta noſ ſinunt mentiri. Hæc omnia voſ violaffe probavimuſ, & perſidoſ, quamviſ vobiſ perſidia honori & lucro ſit, aſſerimuſ & affirmamuſ. Conciliabula veſtra non agnoſcimus, nec ſœdaſ in Comitiiſ pactioneſ. Conditioneſ & legeſ de jure ſuffragiî in Comitiiſ ipſe fateriſ voſ violaffe, ſed non ingenuè in eaſ aſſenſiſſe. Proteſtatiſ ſæpiuſ, nullum Episcopatuſ voſ invehere, aut quid in diſciplinæ detrimentum moliri. *Nec aliud, inquit, in Miniſterii ſolemnibuſ ſpopondimuſ, quàm obedienciaſ, viſæ ſanctimoniam, verbi prædicationem, ſacramentorum adminiſtrationem & diſciplinam.*

STRATA:

juram: à quibus, Deo gratia, nondum discessimus, nisi hoc est discedere, rejectis turbulentorum consiliis sese ad Christianæ Ecclesiæ politiam accomodasse. Hæc ab eo ita dicta sunt, ac si cuicumque obediat, ubicumque prædicer & sacramenta administret, quamcunque disciplinam curet, fidem solvat. Sed quis hoc illi credat, Ecclesiam, quæ omnes Antichristi fibras evulsit, Johanni Sportsvodo ita fidem condonasse, ut liceret vel Papæ esse? Dicat Johannes Sportsvodus, in quam disciplinam fidem dederit, cui obedientiam sponderit. Sed jam Episcopus est liberatus fide, & quod libet licet. De turbulentis consiliis jam sæpius tibi respondimus. Si verum liberet loqui, tu nosti omnia Ecclesiæ nostræ consilia ad pacem publicam & Ecclesiæ spectasse. Non est opus, quoties tibi libet ogganguire, idem convitium refellere. Cæterum de Christiana politia ad quam dicis te accomodasse, tantum dicis, non probas. In aliam juratus, invita etiam & reluctantē Ecclesia, eam non vel vi vel dolo cum sodalibus tuis evertisses? Fœdus illud renovatum, inquit, quo tantopere sibi placent, iniquum, temerarium, ab hominibus cerebrosis in Reip. & Regis perniciem, & Dei ludibrium, excogitatum semper existimavimus, quod illis Dominus ignominia & infœlici conatuum omnium exitu compensavit. Insignior perfidia animipudentia sit Sportsvodi, nescio. Renovatum sanctum & solenne fœdus initio anni 1506. quod pacti sunt cum Domino omnes qui aderant in Conventu Generali. Non negat factum: tantum clamat iniquum, temerarium &c. in quo se perjurum allegat. Nam & ipse cum reliquis in fœdus juravit. Quidam (hi erant ex Presbyterio Hadingtonensi) commonefaciant in more fuisse populo Dei, cum metus aliunde ingrueret (nam tum metuebatur à Comitum & pāpanorum consiliis & auxiliis) ad Deum confugere, se probare, & agnitis peccatis per preces & jejunium iram Dei placare. Itaque suum esse consilium, ut ab hoc Conventu pii hujus moris imitatio inciperet. Assensum est ab omnibus. Leguntur, publicè, quæ in Ministros præcipuè, tum etiam in populum subrepsent mala. Constituitur unus qui pro concione proponeret, & populum ad confessionem peccatorum provocaret. Post jejunium & sedulam confessionem indicitur Fœderis cum Deo renovatio, ut incipiant omnes de integro ad Deum cum animi sinceritate redire, ut hoc per Conventus Provinciales ad Presbyteria, à Presbyteriis ad singulas Ecclesias, ab Ecclesiis ad singula illarum membra perveniret. Hoc fuit fœdus, quod Episcopus in perniciem Regis & Reip. & ludibrium Dei excogitatum esse a cerebrosis hominibus clamat. Quod autem tam intrepidè affirmat, se semper ita existimasse; aut nunc horrendum mentitur, aut tunc horrendum perjuravit. Quod ait, Dominum ignominia & infœlici conatuum omnium exitu compensavisse; intelligit, turbas quæ hyeme sequente ab aula excitatæ sunt, & tumultum Edinburg. 16 Cal. Januarii. Sed nihil ista ad fœdus, quod renovatum in Conventu Generali anno ineunte, nec de his rebus consultatum in renovando fœdere. Cœpit Dominus probare Ecclesiam, & explorare eo ipso anno quo renovatum fœdus, num forent constantes. Hoccine est compensare ignominia & infœlici exitu sanctum fœdus, an potius detegere istorum hypocrisim & perfidiam, ad perpetuam ipsorum ignominiam.

A dominatione & tyrannide, inquit, tantum absumus, ut nescio an non nimia lenitatis sumus accusandi qui homines omni honore indignos aliquo in numero habemus. O tempora, o mores! Johannes Sportsvodus, qui vix latine novit, qui reliquas literas vix à limine salutavit, qui fidem cum aula mutavit, qui infamia gravi multorum viriorum laborat, qui nunquam in pretio apud nos fuit, doctos, qui pro fide quam dederunt dura omnia constanter ferunt, nullo honore dignos, nullo numero habendos censet! Sed vah lenitatem hominum, qui imperio premunt, ministerrent, bonis exiunt, ad oras extremas relegant, aut patria extrudunt, qui viros in quorum neque vita neque moribus neque ingenio quidquam desideres, nihil præter

*Episcoporum tyrannia.
Pag. 88.*

miseram vitam, ut misérias sentiant & lugeant, reliquunt, se lenitatis incusant, quod vitæ, credo, parcut. *Asperius nihil est humili cum surgit in altum.* Imò beneficia prædicare non pudet. Beneficia nos nulla agnoscimus, nisi beneficia latro- num dicit qui beneficium censent maleficio abstinuissè; quod si facerent, quam- quam non est, nos pro beneficio non exiguo acciperemus.

Greges de-
seruerunt
Episcopi.

Pag. 89.

Nec greges, inquit, deferere aut animus hætenus aut studium fuit. Proh impu- dentiam! qui greges quibus dati sunt Pastores & Ministri, hos multos retro annos non respexerant, & Dioecesanos greges, ad quos non legitimè vocati, invaserunt, credas non deseruisse greges? *Sed quod adversarios, inquit, malè urit, præfecturæ nostræ limites non augustiis unius parœciæ continentur.* Hinc illæ lachrymæ. Quis qui Christum amat, lachrymas non effunderet, cum videat, qui in messem Christi nomen dederunt, parœciam in qua mille duo aut tria millia animarum augustam putare, Dioecesi in qua multæ sunt parœciæ, quas vix de nomine novit, am- bire? *Opellam, inquit, nostram magis utilem & necessariam experiretur Ecclesia, nisi qui inutilem criminantur nos aliò avocarent.* Opellam rectè vocat, nam si ope- ram dixisset, multi in Diocesi Andreana dicerent se Johannem Sportsvodum nun- quam vidisse in opere. Quidam eos qui forte aderant, si quod agebat non suc- cederet, semper accusabat. Talis Johannes Sportsvodus, qui quod non facit bene, eos accusat qui ejus malè facta non probant.

Superin-
tendentes
& Episcopi
differunt.

Pag. 92.

Non aliud, inquit, Episcoporum genus sumus, quàm qui ab incunabilis Christia- næ religionis Ecclesiæ Scoticanæ præfuerunt. Si versasset historiam nostram, illinc vidisset à Coelestino Pontifice missum in Scotiam Palladium, & tempore Dongar- di Regis 452 annis post Christum Episcopos instituisse. Ecclesiam autem nostram antè per Monachos majore cum fructu & minore fastu sterisse. *Nec potestatem, inquit, vendicamus ullam quàm ab initio Superintendentes, si per adversarios licuisset, non vendicassent.* Si verum dicit, longe sefellerunt Ecclesiam Superintendentes; perjurus fuit ipsius pater, qui in auspicio illius muneris fidem dedit se Ecclesiæ ob- temperaturum, ei ipsi Ecclesiæ à qua se illud munus agnovit accepisse. Discrimen inter Superintendentes & Episcopos nostros supra ostendimus. Qualiscunque erat Superintendentium potestas, eam non nisi consentiente & vocante Ecclesia acce- perunt, & simul cum Episcopatu eliminari cœpit anno 1575. atque in hoc opere operam non minimam navarunt ipsi Superintendentes.

Episcopi
murmura
nostra flocc-
ei faciunt.

Quæ pars
sincerior.
Pag. 90.

Murmura, inquit, & susurros Catharorum, de quibus sub epilogo, non moramur, minas flocci facimus. Non nescimus, vos querelas nostras flocci facere. Atque hæc est fortitudinis vestræ prima laus, misérias hominū, quorum opera in messe Do- mini fuit multò quam vestra utilior, non pili æstimare. Quod ad minas attinet; Divinas non metuitis, humanas scitis penes nos non esse. Itaque facile est con- temnere, à quo securi quod libet agatis.

Pars sunt, inquit, maxima an minima, parum ad summam interesse arbitror, sin- cerior & incorruptior neutiquam erunt, nisi forte omnes totius orbis Ecclesiæ ante ho- rum natalem exorbitaverint. En invictum Papistarum argumentum quo libellum suum famosum claudit. *Ubi hæc vestra jam olim sapientia? ubi ante Lutherum hoc vestrum Evangelium?* Nonne sincerior pars illa quæ verbo Dei quàm Ecclesiæ consuetudini aut decretis nititur? Omnes totius orbis Ecclesias, ante ætatem nos- tram exorbitavisse & Papatum in Ecclesia grassatum esse, neminem cui affulsit lux Evangelii puto negaturum. Et Episcopatus vester Papano viribus par, si non mul- tò superior, est.

In Epilogo profitetur se eis, qui per ætatem non poterant rem ut gesta est sci- re, hanc historiam scripssisse. Id credes illi, quisquis es, candide lector? Nam qui ea ætate sunt, ut scire possent, nemo quisquam, ne eorum quidem qui ei favent, credit.

F I N I S.

INDEX BREVIS

Rerum præcipuarum in hoc libro tractatarum.

A.

A bredonensis Synodus Anni 1605. 767.
 Accubitus Christi & Apostolorum in prima Coena. Vid. Sessio.
 Actiones humanæ in actu exercito omnes vel bonæ vel malæ 367. &c.
 Adamsonus non excommunicatus absens & inauditus 747. Ejus Palinodia & Obitus 749.
 Additio Rituum Judaicorum & Humanorum ad Cultum Dei interdicta 370. &c.
 Adiaphoræ Actiones 366. &c. In actu exercito nullæ sunt 367. Pro talibus non debent haberi Ritus Judaici & Humani in Dei Cultu 370. &c.
 Admissio Ministrorum ad Titulum & Beneficium 436. 440.
 Adoratio Christi in Coena qualis sit admittenda 582 &c.
 Adorationis Objectum in Coena apud Geniculantes prolixè inquiritur 582. &c.
 Adoratio Externa non semper licita, ubi Interna 586.
 Aegrorum Visitatio secundum Liturgiam Anglicanam 642. 643. Communio 643. &c.
 Aërius ejusque de Episcopis & Presbyteris sententia 203.
 Agadoth Judæorum 592.
 Albigenes, eorumque sententia de Episcopis & Presbyteris 205.
 Angeli Ecclesiarum septem late declarantur 97. &c.
 Anglicanorum Episcoporum dignitas & Potestas. 222. &c. Vid. Episcopi.
 Annatæ Regi tributæ 4.
 Annuli ritus apud Anglos in Matrimonio 638. &c.
 Anti-Christiani Ritus non retinendi in Cultu Divino 400. &c.
 Antiphona 163.
 Anti-Tami-Cami-Categoria Melvini 703.
 Apocryphorum Lectio Liturgica apud Anglos 464. 465. &c.

Apostoli an à LXX Discipulis distincti ut Episcopi à Presbyteris 132. &c. Ab Episcopis distinguendi 105. &c. 134. &c.
 Appellationis Jus Archi-Episcopale 45. &c. Ecclesiasticæ Modus 10.
 Archi-Diaconi apud Anglos, eorumque officia 338. &c.
 Archi-Episcoporum in Anglia Ordinatio 37. Varia Dignitas 38. 39. Eorum ut Metropolitanorum Jura in Confirmatione & Consecratione Episcoporum 40. 41. 42. In Synodis Provincialibus Convocandis & moderandis 43. 44. Eorum Jura in Appellationibus 45. &c. In visitanda Provincia 49. &c. Eorum ut Primatum sive Patriarcharum Jura 51. Jura Civilia circa Testamenta & Hæreditates 53. Titulus Clementiæ 54. &c. Præcedentia supra omnes Duces regni 57.
 Archi-Episcopi Cantuariensis Jura Ecclesiastica peculiaria 51. 52. Et Civilia 61. &c.
 Archi-Presbyteri 350. &c.
 Ascensionis Festum 487.
 Assensus Regius ad Electionem Episcopi 17. 244.
 Assisi 361.
 Autoritas Regis. Vid. Regis.

B.

Bannæ ante Nuptias 64. 634. 636.
 Baptismi Anglicana Liturgia examinatur 603. &c. Tempora statuta apud Veteres improbantur 604. Interrogationes ad ipsos Infantès ludicræ 606. 607.
 Baptismus Privatus Anglorum describitur & redarguitur 625. &c. Administrandus est in Publico Cœtu 627. &c.
 Baptisteria tractantur 605.
 Barnabas Apostolus 116.
 βασιλικὸν Δῶρον 764.
 βαπτολογία 462.
 Beneficia duo, Curata & Non-Curata, retinendi jus potest dare Archi-Episcopus Cantuariensis 78. &c.

Bene-

Beneficia Electiva & Collativa 436.
Beneficiorum Ecclesiasticorum Dependētia à Rege 22. &c.
Blackii, Dav. Accusatio 751.
Breviarium Romanum, ejusque Horæ 460. &c.

C.

Cancellarius Episcopi 339.
Canones Ecclesiasticos de Ritibus facere Regi apud Anglos tribuitur 10. Id jus inquiritur 11. Eorum Executio varia Regi adscripta 13. &c. Et Relaxatio 22.
Campanæ pullatio in morte & post mortem apud Anglos 649. 650.
Canonici apud Anglos 356. &c.
Cantus Ecclesiasticus apud Anglos 362. Organicus improbat 363. &c.
Cantus Liturgiæ Angl. vitia 463. 464.
Cantuariensis Archi-Episcopus inaugurat Regem in Coronatione 61. Ejus Jura Specialia Ecclesiastica 51. 52. Et Civilia 61. &c.
Caputii usus apud Presbyteros 652.
Carceris pœna Ecclesiastica apud Anglos 309. 310.
Carnium Esus ab Archi-Episcopo Cantuariensi permittitur 64.
Κατανομιήν 276.
Cathedrales Ecclesiæ & Decani apud Anglos 355. &c.
Censuræ Ecclesiæ Episcopis tributæ in Anglia 292. &c. Peculiares in Ecclesiasticos 367. &c.
Ceremoniæ. Vid. Ritus.
Χειροθεσία declaratur 174. &c.
Χειροτονία notio 242.
Chorales Vicarii 361.
Chor-Episcopi qui & quales 214.
Christma Pontificium in Unctione Confirmatoria 256.
Chrismatis Unctio in Baptismo 613.
Circumcisionis Christi Festum 479. 480.
Civilis Potestas Episcoporum Angliæ 271. &c. Eadem prolixè improbat 274. &c.
Clementiæ Titulus datus Archi-Episcopis 54. &c.
Cœmiteriorum Consecratio per Episcopos Angliæ 251. &c.

Coenæ Administratio Secundum Liturgiā Anglicanam 528. &c.
Coenam Christus non geniculans, sed accumbens habuit cum discipulis 541. 542. Ea optime habetur à Sedentibus 542. Non tantum secundum Christi, sed & Apostolicæ & Veteris Ecclesiæ totius Exemplum 548. &c. Non habenda à Geniculantibus. Vid. Genuflexio.
Coenæ nomen Sessionem exigit 559. &c.
Coena Domini in Monasteriis Benedictinorum 549.
Collectæ Precatiuncularum improbantur 463.
Colloquium Lethense. Vid. Lethense.
Colloquium ad S. Crucis 1599. 762.
Comitia Scotiana 1606. 773.
Comitibus Conjuratis in Remp. & Ecclesiam favet Jacobus Rex in Scotia 751.
Commendæ Concessio Archi-Episcopo Cantuariensi tributa 71. &c.
Commissarii Regis, eorumque Potestas amplissima 14--21.
Comutatio Pœnitentiæ pecuniaria 304. 305.
Concilium. Vid. Synodus.
Concilia Provincialia Episcoporum 215.
Concionandi munus quo pacto Presbyteris & Diaconis apud Anglos tribuitur 446. &c. Et circumscribitur 448.
Conditiones sententiam dicturo in regni Comitibus impostæ ab Episcopis violatæ in Scotia 766.
Confessione Fidei apud Scotos Regimen Episcopale egeratur 734.
Confirmatio Episcopalis Puerorum in Anglia tractatur 255. &c. Episcopis solis vendicatur 265. &c.
Confirmatio Anglica describitur & redarguitur 633. &c.
Confirmationis Pontificiæ Sacramentum 256. &c.
Conformitas in Ministris ordinandis desiderata 444.
Conjuratio Ruthueniana non orta ab Ecclesiæ Consiliis 740.
Consecratio Episcoporum Angliæ 244. &c. Ecclesiarum & Cœmiteriorum per Episcopos 248. &c.
Consignatio frontis in Baptismo 610. &c.

Con-

Constitutiones Ecclesiasticæ circa Personas & Possessiones 698. &c.
Contentiosa Jurisdictio Episcoporum Angliæ 325.
Conventus Ecclesiastici Ordinum Decreto Confirmati apud Scotos A. 1592. 749.
Conventuum Ecclesiasticorum Genera quatuor apud Scotos 720. Eorum Concordia 721.
Κοινωνία quid notet 677. &c.
Crucis Consignatio apud Anglos 443.
Crucis Consignatio in fronte Baptizati 610. &c.
Crucis apud Veteres formatae rationes 612.
Crucis signi Virtutes inaniter jactatae 618.
Et Prætextus varii 619. &c.

D.

Decani Rurales apud Anglos 348. &c. Cathedralis 355. &c.
Decimæ Regi tributæ 4.
Dedicatio Ecclesiarum & Cœmiteriorum per Episcopos Angliæ 248. &c.
Dedicationis Templi Festum 503. &c.
Dedicatio Baptizatorum per Crucis signum 615.
Degradatio Ecclesiasticorum apud Anglos 308. 309.
Depositio Ecclesiasticorum apud Anglos 308. &c.
Desertio gregum ab Episcopis Scotiæ 782.
Diaconatus & Presbyteratus Ordinis simul suscipiendi jus potest dare Archi-Episcopus Cantuariensis 81.
Diaconorum apud Anglos Ordinatio descripta 666. &c. Et Functio 668. &c.
Diaconorum Ordinatio Episcopis Angl. tributa 247.
Diei Dominicæ Origo Divina 488. &c.
Diei alicujus Sanctificatio ab ipso Deo fieri debet 497. &c.
Dierum præter Dominicam observatio a Christo & Apostolis interdicta 517. &c.
Dies Festi. Vid. Festi.
Dies Sanctus non nisi Dominicus 490.
Differentia Presbyterorum ab Episcopis confutatur 149. &c.
Dignitates Civiles etiam Episcopis in Anglia tributæ 271. &c.

Dioceseon Extensio vel Contractio Regia 24. &c.
Dioceseon Episcopaliū Origo & Amplitudo 213. &c. Antiqua Angustia 215.
Disciplina Scoticana non peperit seditiones & rebelliones 753.
Discrimen Presbyterorum ab Episcopis varie Confutatur 149. &c.
Dispensandi potestas Archi-Episcopo Cantuariensi tributa 82. 83.
Dominatio Discipulis interdicta 144. 145. Ministris Ecclesiæ interdicta 276. &c.
Dominus Titulus Archi-Episcopo datus 54. &c.
Et Episcopo, cum ejus ratione, quæ examinatur 234. &c.
Dominicus Dies Panis & Lucis olim dictus 604. Ejus Divina Origo 488. &c. Solus Sacer & Sanctus est Stativus & Ordinarius 490. Non est proprie Festus 291. An institutus in Memoriam Resurrectionis Christi 510. &c.
Donationes Civiles Episcopis factæ 283. &c. Δωρον βασιλικόν. 764.
Duo Beneficia, Curata & Non-Curata, retinendi jus potest dare Archi-Episcopus Cantuariensis 78. &c.

E.

Eboracensis Archi-Episcopi Præcedentia 61.
Ecclesiæ Scoticanæ Regimen historice narratum 709. &c.
Ejusque Narrationis Defensio adversus Spotsvodum 717. &c.
Ecclesiæ vox in Scriptura non extenditur ad Nationem, Provinciam aut Diocesin 206. &c. Multitudinem notat 144.
Ecclesiæ Cathedrales apud Anglos 355. &c.
Ecclesiarum Dedicatio per Episcopos Angliæ 248. &c.
Ecclesiarum Angeli 97. &c.
Ecclesiasticæ Leges à Rege faciendæ 10. 11.
Ecclesiastica Beneficia quo modo à Rege pendeant 22. &c.
Ecclesiastica Jura Episcoporum Angliæ 292. &c.
Ecclesiasticos judicare, iisque judicia interdicare, Regis est 10.

G g g g

Eccle

I N D E X B R E V I S.

- Ecclesiastici in Parochiali Ecclesia** 420.
Ecclesiastici quibus legibus ad jus suffragii apud Scotos in Comitibus Regni admissi 760.
Edinburgensium Pastorum Fuga 742. Quo sensu pro Regina orare abnuerint 745.
Eirenarchæ etiam Episcopi Angliæ 271. &c.
Electiorem Episcopi Rex concedit 6. Eandemque factam approbat 6. 8.
Electio Episcoporum Angliæ improbata 238. &c.
Encaniorum Festum 503. &c.
Episcopatus Triplex, Divinus, Læticus, & Satanicus 83. &c.
Episcoporum Electio à Rege in Anglia concedenda 6. Et Nominatio 7. Et Confirmatio 8.
Episcoporum Paritas asseritur, eorumque Gradus successive introducti rejiciuntur 27. &c.
Episcoporum Confirmatio & Consecratio per Archi-Episcopum 40. 41.
Episcopi Principis Potestas, Ordinationis & Jurisdictionis, supra Presbyteros proponitur 86. Argumentum pro ejus institutione Apostolica primum ex Usu Trium Priorum Seculorum refutatur 86. 89. Alterum perinde, quod petitur ex Usu ipsius Ætatis Apostolicæ irreprehensibile 89. &c. Tertium quoque, quod petitur ex Ordinatione Apostolica Episcoporum majorum Presbyteris 102. &c. Argumentum etiam pro ejus Institutione Dominica in Apostolis & LXX Discipulis enervatur 132. &c. Item pro ejus Institutione Divina ex Discrimine Pontificis & Sacerdotum Veterum 139. &c. Argumenta in Contrarium plurima urgentur & vindicantur 143. &c.
Episcoporum Discrimen à Presbyteris refutatur 149. &c.
Episcoporum & Presbyterorum nomina eadem 150. &c. Et Potestas eadem 152. &c. Ex Hieronymo asserta 185. &c.
Episcopi non Successerunt Apostolis in Potestate supra Presbyteros 190. Eorum Successiva Elatio supra Presbyteros 191.
Episcoporum Angliæ Potestas Extensiva 206. &c. Concilia Provincialia 215. &c. Visitatio 317. &c.
Episcoporum Angliæ Dignitas & Potestas 222. &c. Distinctio à Superintendentibus 223. &c. Ejus derivatio à Rege ut Capite 226. Ejus Exercitium singulare 228. Deputatio aliorum ad illud 230. Extensio latior 233.
Episcopi Angliæ Viginti quatuor, habent Titulum Dominorum & Præcedentiam 234. &c. Eorum Nominatio & Electio improbata 238. &c. Consecratio 241. &c. Functio in Ordinandis Diaconis & Ministris 247. &c. In Ecclesiis & Cœmeteriis dedicandis 248. &c. In Pueris Confirmandis 255. &c. In rebus Civilibus 270. &c. In Censuris Ecclesiasticis 292. &c. In Jurisdictione Voluntaria multiplice 310. &c. Et Contentiosa 325. &c.
Episcopi Præsidium perpetuum Periculosum 221.
Episcoporum à Superintendentibus Distinctio 781.
Episcoporum apud Scotos Jurisdictio tempore Reformationis non est continuata 719.
Episcopi privilegio Episcopatus Jurisdictionem apud Scotos non exercuerunt 723.
Episcoporum secundi generis Ortus & Occasus apud Scotos 727. Eis primus litem non movit Melvinus 731.
Episcopi gregis unius curam quando apud Scotos capefere jussi 733.
Episcoporum autoritas apud Scotos unanimi Ministrorum consensu abrogata 737.
Episcopis collata Jurisdictio à Comitibus A. 1584. Successu irrita 742.
Episcoporum tertii generis origo apud Scotos 754.
Episcopi Scotici quibus artibus & qua occasione introducti 755. Multiplicis Perfidie rei 780. Tyrannidis 781. Et Desertionis gregum 782.
Epistolæ lectio 361.
Ethnicorum Ritus non retinendi in Cultu Dei 396. &c.
Euangelistæ an dicendi Timotheus & Titus 113. &c.
Euangelii Lectio 361.
Examen Ordinandorum Ministrorum varium 425. &c. 438.
Exclusio Presbyterorum à Regimine Ecclesiæ quando & quo modo introducta 197. &c.

Excom.

I N D E X B R E V I S.

Excommunicatio Episcopalis apud Anglos
294. &c.

Excommunicationis Gradus apud Judæos
300.

Extensiva Potestas Episcopi 206. &c.

F.

Facultatum variarum Jus Archi-Episcopo
Cantuariensi competens 63. &c.

Familiaritas in Coena per sessionem exprimi-
tur 551. &c.

Festi dies apud Anglos 473. &c. Distributio eorum inter Sanctos cum Protopolep-
fia 478.

Festi dies Christo Sacratī 479. A Reforma-
tis quibusdam admissi reprehenduntur 491.
&c. Ob permissionem seu mandatum sex
dies operandi 494. &c. Ob Festa Judæo-
rum omnia a Deo instituta 501. &c. Ob
Festorum naturam Ceremonialem 505. &c.
Ob Christi & Apostolorum autoritatem,
non mandantium, sed interdicientium 516.
&c. Ob dies ipsarum rerum gestarum in-
cognitos 520. Denique & propter abusum
Papisticum 520. 521.

Festum Circumcisionis Christi 479. &c. Nativitatis ejus 480. &c. Transfigurationis 412. Paschatis 483. Ascensionis, Pentecostes, & Trinitatis 487.

Festum quid proprie sit 491. Hoc nomine non debet appellari proprie vel Sabbathum, vel Dies Dominicus 492. &c.

Filii Successionem Immediatam concedere
potest Archi-Episcopus Cantuariensis 73.

Forma Templorum Anglicorum Judaica 254.
255.

Forma Ordinationis Ministrorum apud Anglos
430. &c.

Functio Presbyterorum Anglicanorum 445.
In Concionando 446. &c.

Fundi Ecclesiastici patrimonio Regio annec-
tuntur 748.

Funebres Conciones Anglorum 650.

G.

Generales Vicarii Episcoporum Anglic.
338. &c.

Geniculatio in Coenæ usu prolixè inquitur
539. &c.

Gentilium Ritus, licet in se Adiaphori, non
retinendi in Cultu Dei 396. &c.

Genuflexio in Cœnæ Sacræ usu refutatur per Exemplum Christi, Apostolorum, & Primitivæ Ecclesiæ 556. Per nomenclaturam item Mensæ & Cœnæ Domini § 9. &c. Per Fractionem panis & Distributionem, cum Alloquio Plurali accipiendi, & edendi, & dividendi poculum inter se 563. &c. Per Usus ejus Anti Christianum & Idolatricum, unde indecora illa, scandalosa, & periculosa 574. Quod etiam, quomodo docque excusetur, vel per se Idolotrica sit § 81. &c. Sublatis omnibus Prætextibus & Argumentis contrarium 582. &c.

Gestus Corporis in Cœna. Vid. Situs.

Glasguensis Synodus A. 1610. 777.

Gordonius Episcopus Perduellionis damna-
tus 723.

Gradus Episcoporum varii rejiciuntur 28. &c.

Gratiam Canonum facere quomodo compe-
tat Archi-Episcopo Cantuariensi 63 &c.

Gubernator supremus Ecclesiæ in Angliâ Rex 2.

H.

Habitus Clericorum 653. &c.

1 Hieronymi sententiā, de Episcoporum & Presbyterorum Paritate prima monstrata & ab Exceptionibus vindicata 185. &c.

Homagii Jusjurandum recipit Rex ab Episcopis 9.

Honor Presbyteris debitus 682. &c.

Honoris & Adorationis signa distincta 594.

Horarium Officium Precum Matutinarum &
Vespertinarum 460. 461. Locus 467. 468.

Personæ ad illud obligatæ 469. 470.

Humani Ritus ad Cultum Dei neutiquam ad-
dendi 370. &c.

I.

aculatoria Oratio cum aliis Actionibus Sacris merito jungenda 591.

dololatrarum Ritus, licet in se Adiaphori,
non retinendi in Cultu Dei 396. &c.

Jejunii Dies Extraordinarii probantur 496.

G g g g g 2

Jejunii

I N D E X B R E V I S.

Jejunii Stata Tempora apud Pontificios & Anglos 521. &c. Vigiliarum 522. Quatuor Temporum & Rogationum 523. Quadragesimale 524. &c.
 Imaginum Veneratio qualis à Pontificiis urgeatur 596 &c.
 Impositio Manuum declaratur 174. &c. 255. &c.
 Inauguratio Regis per Cantuariensem Archiepiscopum 61.
 Indifferentes Actiones. Vid. Adiaphoræ.
 Intensiva Potestas Episcoporum 86. &c.
 Inrenio Geniculantium in Coena tractatur 602. 603.
 Interdicti Anglicani descriptio 301. 302.
 Interrogationes Infantum baptizandorum ludicræ 606. 607.
 Irregularitas varia, ejusque Abolitio per Archiepiscopum Canuariensem 65. &c.
 Judaicorum Rituum restitutio illicita 376.
 Judices fuisse Presbyteros cum Episcopo in Antiqua Ecclesia probatur 191. &c.
 Judicia Episcoporum Anglicorum eorumque Modus & Actus 334. &c.
 Judicium in Civilibus quale Episcopis olim Concessum 283 &c.
 Jura Ecclesiastica Episcoporum Angliæ 329. &c.
 Jurisdictionis Potestas Presbyteris cum Episcopis Communis est 179. &c.
 Jurisdictio Episcoporum apud Anglos Voluntaria eaque varia 310. &c. Et Contentiosa 325. &c.
 Jusjurandum Homagii Regi ab Episcopis præstandum 9.

L.

Labor Sex dierum obstat Festis Christianorum 494. &c.
 Laici Administratores in Ecclesia Anglicana 673 &c.
 Lectiones Liturgicæ apud Anglos quibus nominibus culpandæ 464. &c.
 Lectores Epistolæ & Evangelii 361.
 Leges Ecclesiasticæ. Vid. Canones.
 Lethensis Colloquii Occasio ficta 729. Acta. 730.
 Levini Consilia apud Scotos 734.

Limnuchi Conventus A. 1606. 774.
 Litanæ Canon apud Anglos 471. &c.
 Litanæ apud Papistas varix 472.
 Lites omnes ad suum tribunal non vocavit Ecclesia Scoticana 750.
 Liturgia Publica regula administrationis Presbyterorum 450. &c. Ejus partes tres 452. Alligatio ad eam absoluta damnatur 453. 454. Sicuti & hoc, quod Verbi prædicatio tantum habetur pro aliquo Accessorio minus necessario 455. 456. &c. Partes populi in illa 459. Pars prima ejus respondens Breviario Romano 460. &c. Pars altera respondens Missali Romano 528. &c. Pars tertia, respondens Rituali 603. &c.
 Lucæ ordo in narranda Coenæ institutione transpositus 568. 569.
 Luxus Episcoporum improbatur 236. 237.

M.

Manuum Impositio declaratur 174. &c. 255. &c.
 Matrimonii Celebratio absque trinundina Denunciatione permixta ab Archiepiscopo Cantuariensi 64. 65.
 Matrimonii Causæ ad Episcopos quomodo spectent 326. &c.
 Matrimonii Solemnizandi Forma apud Anglos traditur & examinatur 634. &c.
 Matutinarum Precum Officium 460. &c.
 Meditatio ab Invocatione Distinguenda 597.
 Melvini Anti-Tami-Cami Categoria 703. Accusatio, Apologia, & Fuga 741.
 Mensæ Domini appellatio Sessionem in Coenæ usupostulat 559. &c.
 Metropolitana Archiepiscoporum Jura 40. 41. &c.
 My Lord Titulus quibus tributus 54. 55.
 Ministrorum Vocatio Gemina, ad Ordinem & Beneficium 421. &c.
 Functio varia 445. &c. In Concionando 446. &c. Et in reliqua Administratione 449.
 Ministrorum quatuor genera apud Scotos ab initio Reformationis 717.
 Missæ Papisticæ Collatio Cum Coenæ Anglicanæ Liturgia 528. &c.

Mis.

I N D E X B R E V I S.

Missæ Papistarum Sicca 534. &c.
 Monarchia an optima Forma Regiminis, &
 in Ecclesiâ adhibenda 142.
 Montgomeriani Tumultus Origo & Exitus
 738. &c.
 Mortonius Conniventia male accusatur, eum-
 que per convicia Ecclesiasticorum se Magi-
 stratu non abdicasse, ostenditur 732.
 Musica Instrumentalis ab Ecclesiis arcenda 363.
 &c.

N.

Nativitatis Christi dies incertus 480. &c.
 Festum. ibid.
 Necessarii Ritus, licet polluti ab Anti Chri-
 sto sint, retineri debent 404. &c.
 Nominatio Regia ad Episcopatum 6. 7.
 Nominationis Ecclesiasticæ jus 437. &c.
 Non-Residentiam concedit Archi-Episcopus
 Cantuariensis 73. &c.
 Notariorum designatio per Archi-Episcopum
 Cantuariensem 64.

O.

Officiales Episcopi Principales & Foranei
 apud Anglos 338. 339. &c.
 Officium Horarium Precum Matutinarum &
 Vespertinarum 460. 461. &c. Ejus Lo-
 cus 468. 469. Personæ obligatæ 469. 470.
 Operatio Ceremoniis tributa apud Pontificios
 385.
 Oratio publica, privata, & secreta 587. Con-
 tinuata, & jaculatoria 590.
 Ordinatio Archi-Episcopi in Angliâ 37.
 Ordinatio Diaconorum Episcopis Angl. tri-
 buta 247.
 Ordinationis Potestas Presbyteris vere Com-
 munitis est cum Episcopis 158. &c.
 Ordinationis Ministrorum apud Anglos An-
 tecedentia 424. &c. Ejus futuræ signifi-
 catio per Edictum & Examen 424. &c. Lo-
 cus & Tempus 429. Ordo & Forma 430.
 &c. Effectus 434. &c.
 Ordinem Diaconatus & Presbyteratus simul &
 tempore extraordinario suscipiendi Jus potest
 dare Archi-Episcopus Cantuar. 81.

Ordinis & Decori Constitutiones in Ecclesiâ
 non improbandæ 375.
 Organa in Ecclesiis damnantur 363. &c.
 Ornatus Templorum Anglicanus 243. &c.

P.

Papistarum Ritus non retinendi in Cultu
 Dei 396. &c. Eos retinere non expe-
 dit, sed Scandalum præbet 406. &c.
 Paritas Episcoporum asseritur 27. &c.
 Paritas Presbyterorum. Vide Presbyteri.
 Paraciarum Distinctio & subiectio sub unum
 Episcopum 208. &c.
 Paschalis Cœnæ veteris Ritus 539. &c.
 Paschatis Festum antiquissimum apud Chri-
 stianos 483. &c.
 Patronatus Jus supremum Regi tributum 5.
 Patronatus Jus honorificum, utile, & ono-
 rosum 436.
 Pentecostes Festum 487.
 Perfidia multiplex Episcoporum Scoticano-
 rum 780.
 Perthenensis Conventus A. 1618. 779.
 Pœnitentia Anglicana Corporalis 302. &c.
 Ejus Commutatio pecuniaria 304. 305.
 Politica potestas Episcoporum Angl. Impro-
 batur 274. &c.
 Πολιτοια in Precum officio reprehensa 462.
 Pompa Episcoporum improbata 236.
 Pontifex an retulerit olim Episcopos 139. &c.
 Possessiones Ecclesiæ, publicæ & privatæ,
 variæ 696. 697. Constitutiones de iis &
 personis 698. &c.
 Potestas Regis Ecclesiastica. Vid. Regis.
 Potestas Commissariorum Regiorum 14. 21.
 Potestas eadem Presbyteris & Episcopis tri-
 buta 151. &c. Etiam illa Ordinationis
 158. &c. Et Jurisdictionis 179. &c. Ex
 Hieronymo monstrata 185. &c.
 Potestas Episcopi Intensiva 86. &c. Exten-
 siva 206. &c.
 Precedentia Archi-Episcoporum supra omnes
 Duces Regni 57. &c. Cantuariensis præ
 omnibus Regni Officiariis 61. Episco-
 porum Angliæ supra Barones 234. &c.
 Prædicatio verbi apud Anglos præ Liturgia
 vilis est 455. &c.

Præsentia Dei declarata qualis exigit exte-
nam Adorationem 587. &c.
Præsentationis Ecclesiasticæ Jus 437.
Præsides Episcopi primum post Apostolorum
decessum 191. &c.
Præsidium perpetuum in Ecclesia periculofum
221.
Precum Matur. & Vespert. Officium 460.
&c. Earum Defectus Culpabiles varii 462.
Precum Dies Extraordinarii probantur. 496.
Presbyteratus & Diaconatus simul suscipien-
di Jus dare potest Archi-Episcopus Can-
tuariensis 81.
Presbyterorum Paritas Potestatis cum Episco-
pis varie impugnata & defensa 86. &c.
Eadem asserta argumento primo, ex nus-
quam in Scripturis reperto Episcopo alio
143. Secundo, ex verbo Christi, *dic Ec-
clesiæ* 143. 144. Tertio, ex interdicto
Christi ad Discipulos 144. 145. Quarto,
ex contraria praxi Ecclesiarum Apostolica-
rum 146. 147. Quinto, ex non exercita
Potestate Ordinationis & Jurisdictionis ab
ipsis Apostolis solis 148. 149. Sexto de-
nique ex nulla Differentia Graduum inter
eos, quod varie & late urgetur 149. &c.
Presbyterorum Discrimen ab Episcopis Se-
cundum Scripturas nullum esse, late proba-
tur 149. &c. Eorum Nomina eadem 150.
&c. Et Potestas eadem 152. &c.
Presbyterorum Depressio Successiva infra Epi-
scopos 191. &c.
Presbyterorum Anglic. Vocatio & Functio.
Vid. Ministrorum.
Presbyteri Regentes confirmantur ex 1 Tim.
v. 17. 675. &c. Ex Rom. xii. 8. &
1 Cor. xii. 28. 683. &c. Horum Usus &
Necessitas 692. &c.
Presbyteriorum Constitutio apud Scotos à Re-
ge probata 737.
Presbyteriorum Tabula exhibita Conventui
Scot. ante annum 1586. 745.
Primates Anglicani 51.
Primatus Regis. Vid. Regis.
Princeps Episcopus. Vid. Princeps.
Principatuum Donatio Episcopis facta 283.
Privata Communio Cœnæ, etiam in agris,
improbata 644. &c.
Privatus Baptismus. Vid. Baptismus.

Προσταδου quid notat 677.

Profanatio Sacramenti non metuenda ex omi-
sa Geniculatione 600. &c.
Provincialia Concilia Episcoporum 215.
Puerorum Confirmatio. Vid. Confirmatio.
Puerperarum Purificatio apud Anglos per Gra-
tiarum actionem 651.
Purim Dies declarantur 501. &c.

Q.

Quadragesimale Jejunium 524.

Quatuor Genera Conventuum Ecclesiasti-
corum apud Scotos 720.

Quatuor Genera Ministrorum apud Scotos ab
initio Reformationis 717.

Quatuor Temporum Jejunium 523.

R.

Reditus Vacantium Episcopatum Regi tri-
buti 5.

Reformatio Ecclesiæ Regia 13. &c.

Regiæ Jus 5. 6.

Regiæ Injunctiones regulæ Administrationis
Presbyterorum 449.

Regi Commissarii, eorumque Potestas 14-21.

Regis Primatus Ecclesiasticus 1. Potestas &
Autoritas descripta 2. 3. Expressa nomine
Capitis 2. Et Papæ 4. Particulariter de-
scripta 4. &c. Origo potestatis Episcopa-
lis 226.

Regis Inauguratio per Cantuariensem Archi-
episcopum 61.

Regis Assensus in Electione Episcoporum. 17.
244. Nominatio & Concessio Electionis
238. &c.

Regimen quando & quo modo Presbyteris
ablatum 197. &c.

Regimen Ecclesiæ Scoticanæ. Vid. Scotica-
næ.

Residentiam remittit Archi-Episcopus Cantu-
ar. Sed male. 73. &c.

Rituale Anglicanum examinatur 603. &c.

Ritus Judaicos aut Humanos in Cultu Dei
addere non licet 370. &c. Alios pro Do-
minicis substituere illicitum 380. &c. Ido-
lolatrarum, licet in se Adiaphoros non licet
retinere

retinere 396. &c. Papisticos retinere non expedit, sed Scandalum præbet 406. &c.
Ritus Ecclesiæ Veteri præ Nova competunt 387.
Ritus Iudicri & nimis multi non admittendi 413. &c.
Ritus à Deo instituti non minuendi, nec tollendi 417. Sed tantum ordine & decenter dirigendi 417. &c.
Ritus Ordinationis Ministrorum apud Anglos 430. &c.
Rituum humanorum nec Perpetuitas, nec Uniformitas, nec Observatio extra casum scandali aut contemptus, necessaria 413. &c.
Rogationum Jejunium 523.
Rosarum Montis Synodus A. 1600. 764.
Rurales Decani apud Anglos 348. &c.
Ruthueniana Conjuratio non orta ab Ecclesiæ Consiliis 740.

S.

Sabbathi mandatum Juris, tum Naturalis, tum Positivi, tum Ceremonialis 488. &c.
Sabbathum non fuit proprie Festum 492. &c.
Sacerdotes an expresserint olim Presbyteros 139. &c.
Sanctificatio Temporis & Dies ab ipso Deo fieri debet. 497. &c.
Sanctus Dies non nisi Dominicus hodie 490. 491.
Scandalum per Ritus Pontificios atque aliter dandum non est 406. &c.
Scoticana Ecclesiæ Regimen post Reformationem breviter narratum 709. &c. Et defensum contra Spotsvodum 717. &c.
Scotiana Comitia A. 1606. 773.
Scotici Ministri Octo in Aulam evocati 771.
Septuaginta Discipulorum distinctio ab Apostolis cum illa Presbyterorum & Episcoporum conveniat 132. &c.
Sepulturæ loca per Episcopos Angliæ dedicata 248. &c.
Sepulturæ in locis sacris Denegatio apud Anglos 306.
Sepulturæ mortuorum Ordo Liturgicus 649.
Sequestratio Fructuum inter Ecclesiasticas Censuras Anglorum 307.
Sessio Christi in Cœnæ prima institutione

asseritur, tanquam à nobis imitanda 542. &c.
Sessio in Cœna signum Sanctæ familiaritatis 551. &c. Male à Polonis improbata 553. Quo sensu necessaria 554. &c.
Sex Dierum Labor obstat Festis Christianorum 494. &c.
Sicca Missa Papistarum 534. &c.
Signa Rituum qualia apud Christianos locum reperiant 389.
Significatio Ceremoniarum Sacramentalis & Moralis exponitur 389. &c.
Significativi Ritus præter Sacramenta à Domino non instituti 386.
Similitudo cum Idololatris vitanda prorsus 396. &c.
Simoniacus Ambitus, ejusque Abolitio per Archi-Episcopum Cantuar. 69. &c.
Situs Corporis in Cœna non est Indifferens, sed decentissimus Sessio 541. &c.
Spotsvodi Odium in Mortonum 730.
Stellatæ Cameræ Assessores etiam Episcopî 273. &c.
Subscriptio à Ministris Ordinandis exacta 441. &c.
Successionem Filii immediatam concedit Archi-Episcopus Cantuar. 73.
Suffraganei apud Anglos 348.
Suffragii Jus in Comitibus Regni Scot. quibus legibus ex consensu Ordd. Ecclesiasticis tributum sit 760.
Superintendentium Opera apud Scotos olim 722. Ad eos non semper provocatum 724. Eorum Potestas 727. Distinctio ab Episcopis 782.
Superintendentium in Germania Distinctio ab Episcopis Angliæ 223. &c.
Superpellicum Presbyterorum 652. &c.
Susceptores in Confirmatione Anglicana 565.
Susceptores antiqui, eorumque nomina varia 608.
Suspensio ab Officio & Beneficio 307.
Symphoniaci Cathedralis Ecclesiæ 361.
Synodi Convocatio quo pacto Regi Competat 11. 12. Et Tractatio atque Autoritas statutorum ejus. 13. Convocatio & moderatio per Archi-Episcopum 43. 44.
Synodus ad Montem Rosarum A. 1600. 764.
Synodorum priorum & posteriorum in Scotia collatio. 780.

I N D E X B R E V I S.

T.

Taedunensis Synodus, ejusque Acta 759.
 Secunda 761.
 Templorum Consecratio apud Anglos 248.
 &c. Ornatus & Forma 253. 254.
 Tempus Ordinationis Ministrorum 429.
 Testamentariæ Causæ ad Episcopos quomodo
 apud Anglos referantur 328.
 Testimonium ab Ordinandis desideratum 425.
 426.
 Tileni Convicia & Calumniæ 700.
 Timothei Episcopatus inquiritur 107. &c.
 Transfigurationis Christi Festum 482.
 Translatio Episcoporum Regi tributa 24.
 Trinitatis Festum 487.
 Triplex Episcopatus, Divinus, Humanus,
 & Saranicus 83. &c.
 Tumultus Montgomeriani Origo & Exitus
 738. Alter A. 1590. 752.
 Tyrannis Episcoporum Scoticanorum 781.

V.

Venatio propriis Canibus Archi-Episcopo
 Cantuariensi Competit 62.
 Veneratio Signorum in Eucharistia distinguen-
 da ab Adoratione 585. &c. Non infert
 Genuflexionem 602.

Vespertinarum Precum officium 460. &c.
 Vestes Sacræ Ministrorum Anglicanorum 443.
 653. &c.
 Vicarii Generales Episcoporum apud Anglos
 338. &c. Chorales 361.
 Vigiliarum Jejunium 521. &c.
 Violatio Conditionum ab Episcopis in Sco-
 tia 766.
 Visitatio Ecclesiastica Regum 13. &c. Ar-
 chi-Episcoporum 49. &c. Episcoporum
 317.
 Visitatio Ægrorum Secundum Liturgiam An-
 glic. 642
 Unctio Pontificia in Confirmationis Sacra-
 mento 256. &c.
 Unctio Chrismatismatis in Baptismo 613. &c.
 Vocatio Ministrorum ad Ordinem & Bene-
 ficium 421. &c. Posterior latius exponitur
 436. &c.


W.


Waldenses, eorumque Sententia de Episco-
 pis & Presbyteris 205.

Z.

Zanchii verba de Vestitis Clericorum pro-
 lixa 661. &c.

F I N I S.





18

Sc

